



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

BCU - Lausanne



1094801187

2760

HISTORIAE FRANCORVM SCRIPTORES,

AB HVGONE ET ROBERTO REGG.
VSQVE AD PHILIPPI AVGVSTI TEMPORA.

Quorum plurimi nunc primùm ex variis Codicibus MSS. in lucem
prodeunt: alij verò auctiores & emendatiores.

*CVM EPISTOLIS REGVM, PONTIFICVM, DVCVM,
Abbatum, & aliis veteribus rerum Francicarum monumentis.*

Opera ac studio Filij post Patrem FRANCISCI DVCHESNE, in suprema
Parisiensium Curia Patroni, & Geographi Regij.

TOMVS IV.

E33z



LVTETIÆ PARISIORVM,
Sumptibus SEBASTIANI CRAMOISY, Typographi Regij, viâ Iacobzâ.

M. DC. XLI.

CVM PRIVILEGIO REGIS CHRISTIANISSIMI.

MEMORANDUM



P E T R O
S E G V I E R
M E R I T I S S I M O
F R A N C I Æ
C A N C E L L A R I O .



*Q*UODVOMODO sistam co-
ram Te (CANCELLARIO-
RVM MAXIME,) siue si-
stam ut filius patris, qui
dum viueret Tuus omninò fuit; siue
sistam ut priuatus homo, qui publicæ
particeps acclamationis Regio Te or-
natum stemmate suspicit: CANCEL-
LARIA enim DIGNITAS qua fulges,
non tam Regiæ fuit argumentum be-

nevolentia, quàm Tuæ merces propriæ
virtutis: *EQUITIS* autem *ORDO* non
tam virtutis Tuæ signum, iam sub-
limi remuneratæ gradu, quàm verus
veræ Regis effectus amicitia.

SIVE, inquam, (*TOGATORVM E-*
MINENTISSIME) *Historicum* hoc o-
pus Tibi offeram ut paternum, si-
ue ut meum *CELSITVDINI TVÆ* con-
secrem, sanè fateri cogor, nullum
ex retroactis sæculorum omnium tem-
poribus *DIGNIOREM* Gallia fuisse
CANCELLARIVM. Quid enim loquar
de primis qui Sigilla Regum nostro-
rum feliciter custodierunt? Quid *STE-*
PHANVM DE GARLANDA memorem,
qui regnante *LYDOVICO VI. CAN-*
CELLARIAM DIGNITATEM ad tam
altum honoris ac gloriæ culmen eue-

xerat, ut à quibusdam ætatis suæ Scri-
ptoribus in hoc volumine comprehen-
sis, secundus à Rege nominaretur?
Quid denique STEPHANI successores
recenseam? qui cuncti alternatim ma-
gis ac magis EMINENTEM illam am-
plificauere DIGNITATEM; si constet
certissimè Te his omnibus ultimum
ordine, sed meritis primum, DIGNITA-
TEM TVAM in perfecto constituisse gra-
du: sed qua fronte, quòve temera-
rio ausu hoc in angusto loco, rudique
epistola, de tam EMINENTI loquor
DIGNITATE? cùm verum sit dicere,
CANCELLARIÆ DIGNITATIS iam in
Te existentis, laudibus adimpleri posse
volumina: Et siquidem spero de illa
pro meis viribus Libellum conscribere,
in quo seriem GALLICORVM omnium

*CANCELLARIORVM, ac elogia compre-
bendam, modò fauerit TUA CELSI-
TVDO, mihique nomen arrogare per-
miserit*

Addictissimi Tui
FRANCISCI DV CHESNE.



INDEX EORVM

QVÆ IN TOMO IV.

HISTORIÆ FRANCICÆ CONTINENTVR.

LABRI Rodulphi Cluniacensis Monachi historiarum sui temporis Libri quinque; ab electione potissimum Hugonis Capeti in Regem ad annum vsque MXLVI. Opus cum vetustissimo exemplari *M S.* quod est in Bibliotheca Thuanæ accuratè collatum. pag. 1.

HEL GALDI siue Helgaudi Floriacensis monachi Epitome vitæ Roberti regis: ex alterius monachi scriptis. 59.

Epitaphium Hugonis Magni, Roberti Regis filij, quod fecit Girardus Aurelianensis: ex antiquo *M S.* Cod. viri cla. *Alexandri Petauij Senatoris Paris.* 79.

Aquitanicæ Historiæ fragmentum: ex peractusta Scheda, ex qua est pars illius fragmenti quod habetur Tomo 2. à pagina 632. ad 635. 80.

Historiæ Francicæ fragmentum à Roberto ad mortem Philippi I. Regis: ex veteri exemplari Floriacensi, ex quo sunt et alia Tomo 2. à pagina 630. vsque ad 633. 85.

Chronici veteris excerptum ab anno Christi DCCCLXXXVI. vsque ad annum MCIX.: ex codice *M S.* Bibliothecæ Thuanæ nunc primum editum. 96.

Fragmenta diuersorum Scriptorum de gestis Hugonis Capeti, Roberti, Henrici, & Philippi I. Regum; de pietate Hugonis Ducis, postea Regis Francorum: ex libro IV. miraculorum sancti Richarij, quorum scriptor eiusdem Hugonis tempore vixit: quorum miraculorum Codex *M S.* est in Bibliothecæ *Alexandri Petauij Senatoris Parisiensis.* 99.

Historia depositionis Arnulphi Remensis Archiepiscopi, ob ipsius à fidelitate Regum Hugonis & Roberti defectum: ex Synodo habita Darocortori Remorum sub iisdem regibus. 101.

HUGONIS Regis Epistola ad Ioannem Papam. 107.

Item Epistola eiusdem Regis ad eundem Papam. 113.

Vita Domni Burchardi venerabilis Comitum, qui sub Regibus Hugone Capeto, & eius filio Roberto floruit: Authore Odone monacho Fossatensi, qui eam scripsit anno incarnati Verbi MLVIII. ex editione *Iacobi Brolij Monachi S. Germani de Pratis in supplemento Antiquitatum Parisiensis.* 115.

Pars vitæ S. Abbonis Floriacensis Abbatis & Martyris, in qua res aliquot Hugonis & Roberti Regum exponuntur: Auctore *Aimoino Floria-*

I N D E X

- cenſi monacho, qui eam petente Herueo Clerico, Sancti Pontificis Martini Theſaurario, conſcripſit.* 125.
- Excerpta hiſtorica de geſtis ſub Hugone & Roberto Regibus: *ex libro III. miraculorum S. Benedicti Abbatis, quem compoſuit Aimoinus Floriacenſis Monachus, anno M. V.* 135.
- Fragmentum Chronici fratris Hugonis monachi Floriacenſis ab anno Chriſti DCCCC LXXXVII, uſque ad annum M. XXXIV. *ex Codice MS. Bibliotheca regia.* 142.
- Fragmenta alia de Roberto Rege Hugonis Capeti filio: *ex Textu inuentionis corporis Beati Iudoci MS.* 144.
- De Henrico I. Rege filio Roberti, fragmentum hiſtoriæ *MS. Auctoris incerti, quæ extat in Bibliotheca viri clariffimi Alexandri Petauij, Senatoris Pariſienſis.* 148.
- De detectione corporum ſanctorum Dionyſij, Ruſtici & Eleutherij, quæ iuſſu Henrici primi Regis facta eſt, anno M. L. ad confutandam Germanorum vanam de ſancti Dionyſij corpore aſſertionem: *ex codice MS. Bibliotheca Thuana.* 157.
- De rege Philippo I. Henrici I. filio. ordo qualiter Philippus I. in regem conſecratus eſt: *ex MS. Codice Domini Petauij Senatoris Pariſ.* 161.
- Epitaphium Philippi I. Francorum regis: *ex vetere libro MS. Domini Alexandri Petauij Senatoris Pariſienſis.* 167.
- Epitaphium aliud regis Philippi: *ex alio eiufdem Domini Petauij Codice. ib.*
- Epistolæ Hiſtoricæ Summorum Pontificum, Epiſcoporum, Ducum, Comitum, & aliorum quæ ad res Francicas pertinent, à Roberto rege uſque ad Ludouicum VI. cognomento Groſſum. 169.
- Fulberti Epiſcopi Carnotenſis Epistolæ Hiſtoricæ: *cum veteri exemplari MS. quod in Bibliotheca viri clariffimi, Alexandri Petauij Senatoris Pariſienſis adſeruatur, diligenter collatæ, & variis in locis emendatæ.* 172.
- Epistolæ Stephani X. Nicolai II. & Alexandri II. Pontificum Romanorum, ad Geruaſium Remenſem Archiepiſcopum. 198.
- GREGORII VII. Papæ Epistolæ Hiſtoricæ. 207.
- YVONIS Epiſcopi Carnotenſis Epistolæ Hiſtoricæ. 217.
- HILDEBERTI Epiſcopi Cœnomanenſis Epistolæ Hiſtoricæ. 248.
- BALDRICI Andegauenſis Abbatis Burgulienſis Carmina Hiſtorica: *ex veteri Codice MS. qui extat in Bibliotheca viri clariffimi Alexandri Petauij Senatoris Pariſienſis, nunc primum edita.* 251.
- Vita Ludouici VI. regis Philippi filij qui Groſſus dictus, Auctore Sugerio Abbate beati Areopagitæ Dionyſij: *ab infinitis mendis quibus in editione Germanica ſcatebat repurgata: collatione duorum Codd. MSS. quorum vnus fuit Antonij Loyselij celebriſ in Curia Aduocati, alter ipſius ſancti Dionyſij Monasterij.* 281.
- Veterum Scriptorum fragmenta de rebus Ludouici Groſſi Regis: *ex libro MS. de Sanctis & eorum pignoribus, quem Guibertus Abbas beatæ Mariæ de Nouigento, ſcripſit ad Odonem S. Symphoriani Abbatem ante annum M. C. XXIV.* 322.
- Versus de Ludouico VI. Rege cognomine Groſſo. 327.
- Hugonis de Cleriis militis Andegauenſis, Fulconis Comitſ ad Ludo-

uicum VI. Regem Legati commentarius : de Maioratu & Senefcalcia Franciæ, Andegauorum olim Comitibus hereditaria : *ex editione doctissimi viri Iacobi Sirmondi Societatis IESV, in calce Notarum ad Epistolas Goffridi Abbatis Vindocinensis.* 328.

SVGERII Abbatis sancti Dionysij liber de rebus in administratione sua gestis; in quo multa ad Historiam Ludouici Grossi & Ludouici iunioris pertinentia annotantur : *ex Codice M S. Monasterij sancti Dionysij, nunc primum in lucem editus.* 331.

SVGERII Abbatis sancti Dionysij libellus alter de consecratione Ecclesiæ à se ædificatæ, & translatione corporum sancti Dionysij ac Sociorum eius facta, anno MCXL. *ex vetusto Codice M S. qui est in Bibliotheca viri clarissimi Alexandri Petauij Senatoris Parisiensis.* 336.

Chronicon Morigniacensis Monasterij ab anno Christi MCVIII. vsque ad annum MCXLVII. quo Rex Ludouicus VII. in terram Sanctam profectus est, auctoribus Teulfo, & aliis eiusdem loci monachis : *ex Bibliotheca viri clarissimi Alexandri Petauij Senatoris Parisiensis.* 359.

Gesta Ludouici VII. regis filij Ludouici Grossi : *ex editione Francofordiensi, quæ cum M S. Codice Monasterij sancti Dionysij, comparata & variis in locis correctæ est.* 390.

Historia gloriosi regis Ludouici, filij Ludouici Grossi, ab anno Christi MCXXXVII. ad annum vsque MCXLV. *ex M S. exemplari quod est in Bibliotheca clarissimi viri Ioannis Baptiste Hautein, Regij dum viueret in Castello Parisiensis Consiliarij.* 412.

Veterum Scriptorum fragmenta de rebus Ludouici VII. Regis cognomento iunioris : *ex libro IV. vitæ beati Bernardi Clareuallensis Abbatis, auctore Gaufrido Monacho Clareuallensi, eiusdem beati Bernardi Notario.* 410.

Fragmenta alia : *ex Historia M S. Vizeliacensis Monasterij, quam Hugo Pictavinus Notarius Guillelmi Abbatis Vizeliacensis scribere aggressus est, anno MCLVI. & sub ipso Guillelmo absoluit anno MCLXVII.* 424.

Fragmentum ex libro III. Chronicorum Anonymi Scriptoris : *quorum exemplar recentiore manu exaratum est, in Bibliotheca Monasterij sancti Victoris Parisiensis.* 443.

Epitaphium Ludouici VII. regis. 444.

Epitaphium aliud eiusdem regis. *ibid.*

Epistolæ Historicæ, quæ ad res Ludouici Grossi & filij eius Ludouici iunioris Regum illustrandas pertinent. *ex Codice M S. Epistolarum Petri, Prioris sancti Ioannis Evangelistæ Senonensis, qui est penes eruditissimum virum Iacobum Sirmondum.* 445.

S. Bernardi Abbatis Clareuallensis Epistolæ Historicæ. 448.

Petri venerabilis Abbatis Cluniacensis Epistolæ Historicæ. 458.

Epistola Petri Abbatis Cellensis. 462.

Petri Blefensis Bathonienfis in Anglia Archidiaconi Epistolæ tres. *ibid.*

Ioannis Saresberienfis Episcopi Carnotensis Epistolæ Historicæ : *cum M S. Codice Bibliothecæ Regiæ collatæ & variis in locis emendatæ.* 453.

Traimundi monachi Clareuallensis Epistolæ Historicæ, quas nomine Ludouici VII. Regis, Petri & Henrici Abbatum Clareuall. ac aliorum conscripsit : *ex duobus Codd. MSS. quorum unus communicatus est à pio & do-*

INDEX SCRIPT.

Abbo viro Nicolao Camuzat Ecclesie Trecentis Canonico: alter à Claudio de la Fons, celebri apud Augustam Veromanduorum Aduocato. 477.

Epistolæ Sugerij Abbatis sancti Dionysij ad Eugenium III. Papam, Regem Ludouicum VII. & alios Franciæ Maiores: ipsorumque ad eundem dum regnum administraret de grauioribus negotiis conscriptæ: ex *M S. exemplari clariss. virorum Puteanorum fratrum, nunc primum in lucem editæ.* 491.

Abbatis Clareuallensis ad Papam Eugenium, de laude domini Sugerij Abbatis Epistola. 493.

SUGERII Abbatis S. Dionysij constitutiones & testamentum. 546.

Epistolarum volumen, quas Pontifices Romani, Imperatores, Reges, Cardinales, Episcopi, Abbates, Duces, Comites, ac alij Orbis Christiani illustres viri, ad Ludouicum VII. Franciæ Regem, & alios, de rebus præcipuè statum Regni Francorum concernentibus, scripserunt: ex *veteri Codice M S. viri clarissimi Alexandri Petauj Senatoris Parisiensis, nunc primum in lucem editum.* 557.

Epistolæ aliæ Historiæ: ex *Codice veteri M S. qui est in Bibliotheca Canonorum Regularium cænobijs S. Victoris Parisiensis.* 762.

Gestorum Dei per Francos Scriptores quatuor: quorum duo iam editis auctiores, alij nunc primum in lucem prodeunt. 770.

Ad Petri Tudebodi Sacerdotis Siuracensis Historiam de Hierosolymitano itinere Joannis Besly Pictonis Prefatio. 773.

Petri Tudebodi Sacerdotis Siuracensis historia de Hierosolymitano itinere: ex *Codice membraneo viri clarissimi Ioannis Besly Pictonis in Prætura Fontiniaci Comitalis Consiliarij, & Patroni Regij.* 777.

Fulcherij Carnotensis historia Hierosolymitana ab anno MXC V. ad annum vsque MCXXVII. ex *vetusto Codice M S. Cænobijs sancti Quintini de Monte prope Peronam.* 816.

Historia gestorum viæ nostri temporis Hierosolymitanæ, cuius libri tres priores à Fulcone quondam, reliqui à Domino Gilone Parisiensi editi sunt. ex *M S. exemplari eruditissimi viri Iacobi Sirmondi Societatis IESV, Regià Confessionibus.* 890.

GLABRI



GLABRI RODVLPHI CLVNIACENSIS MONACHI HISTORIARVM SVI TEMPORIS LIBRI QVINQVE,

B Ab electione potissimum HVGONIS CAPETI in Regem,
ad annum vsque M XLVI.

*Opus cum vetusto Exemplari M S. quod est in Bibliotheca Thuanæ,
accuratè collatum.*

CLARORVM VIRORVM ILLVSTRISSIMO
ODILONI CLVNIENSIS COENOBII PATRI
GLABER RODVLPHVVS.



C VSTISSIMA studiosorum Fratrum querimonia; in-
terdumque propria sapius permotus, cur diebus nostri
temporis non quispiam existeret; qui futurus post nos
multiplicia hæc quæ videntur fieri tam in Ecclesiis Dei,
quàm in plebibus, minimè abdenda qualicumque stili
pernotatione mandaret: præsertim cum, Salvatore te-
ste, usque in ultimam extremi diei horam sancto Spi-
ritu cooperante ipse facturus sit in mundo nova cum
Patre. Et quoniam in spatio ferè ducentorum anno-
rum nemo ista appetens extitit, id est, post Bedam Britannia Presbyterum, seu
Italia Paulum, qui historialiter quippiam posteris misisset scriptum. Quorum
uterque Historiam propriæ gentis, vel patriæ condidit. Dum videlicet constet
tam in Orbe Romano, quàm in transmarinis seu barbaris Proninciis perplura
deuenisse, quæ si memoriæ commendarentur proficua nimium hominibus forent,
atque ad commodandum quibusque cautela studium potissimum iuarent. Non
secius ergo quæ dicuntur, quin solito multiplicius circa millesimum humanati
Christi Saluatoris contigerunt annum. Et iccirco prout valeo vestra præceptio-
ni ac fraternæ voluntati obedio, primitus duntaxat ostensurus, quanquam sa-
lus annorum à mundi origine pernotata secundum Hebræorum historias à Se-
ptuaginta Interpretum translatione discrepet: Illud tamen certissimè commen-
damus, quòd annus incarnati Verbi millesimus secundus ipse sit regni HENRICI
Hist. Franc. Tom. IV.

A

*Saxonum Regis primus. Isdem quoque annus Domini millesimus fuit regni A
ROBERTI Francorum Regis tertius decimus. Isti igitur duo in nostro ci-
tra-marino Orbe tunc Christianissimi atque præmaximi habebantur. Quo-
rum primus, videlicet Heinricus, Romanum postmodum sumpsit Imperium.
Iccirco verò illorum memoriale seriei temporum stabiliuimus. Præterea quoniam
de quatuor mundani Orbis partium euentibus relaturi sumus, dignum videtur
ut cordi est, qui utique Religiosis loquimur, ut vim diuinæ & abstractæ qua-
ternitatis, eiusque conformem conuenientiam, Domino præcunte suscepto Operi
inseramus.*



INCIPIVNT CAPITVLA LIBRI PRIMI.

- I. *De diuina quaternitate.*
- II. *De Rodulpho Rege.*
- III. *De Lothario Rege.*
- IV. *Qui postmodum Roma Imperatores extiterint.*
- V. *De Paganorum plagis.*

LIBER PRIMVS.

De diuina quaternitate.

CAP. I.



VLTIPLICIBVS figuris formisque Deus conditor vniuerso-
rum distinguens ea quæ fecit, ut per ea quæ vident oculi, vel in-
telligit animus, subleuaret hominem eruditum ad simplicem
Deitatis intuitum. In his ergo perscrutandis pernoscendisque
primitus claruere Patres Græcorum catholici mediocriter philo-
sophi. Cum enim in plurimis exercitatos haberent sensus perin-
de in quarundam quaternitatum speculatione, per quam præsens mundus infi-
mus mundusque futurus datur intelligi supernus. Quaternitates verò earum, quæ
in sese reflexus, dum à nobis dispertiri immobiliter cœperint, mentes simul atque
intellectus se speculantium alacriores reddent. Quatuor igitur sunt Euangelia,
quæ constituunt in nostris mentibus supernum mundum. Tot enim constant ele-
menta, quæ perficiunt istum infimum. Quatuor quoque virtutes, quæ ceterarum
gerunt principatum, nōsque per admirationem sui ad ceteras informant. Pari
etiam ratione quatuor sensus existunt corporis præter tactum, qui subtilioribus fa-
mulatur ceteris. Quod est ergo æter igneum elementum in mundo sensibili, idem
est prudentia in intellectuali. Sursum namque sese erigens, anhelansque deside-
ranter esse circa Deum. Illud quoque quod ær in mundo corporali, idipsum for-
titudo in intellectuali, qui cuncta viuientia vegetans, & in quemcunque actum
promouentia roborat. Simili quippe modo quod gerit aqua in mundo corporali,
idem temperantia in intellectuali. Nutrix quippe est bonorum, efferensque co-
piam virtutum, ac seruans fidem per diuini amoris desiderium. Conformem quo-
que terra gerit speciem mundi infimi, iustitiæ speciei in intellectuali. Scilicet sub-
sistens, atque immobilis collocatio rectæ distributionis. Dignoscitur namque
per omnia similis Euangeliorum complexio spiritalis. Euangelium itaque Mat-
thæi terræ mysticam continet figuram, quoniam Christi hominis ceteris apertius
demonstrat carnis substantiam. Illud autem secundum Marcum temperantiæ,
quæ aquæ speciem gerit, cum ex Ioannis baptismo penitentiam temperanter
indicit. Illud quoque iuxta Lucam ærisque & fortitudinis præfert similitudinem,
quoniam spatiatim diffusum, plurimisque est historiis roboratum. Illud verò se-
cundum Ioannem ignifici ætheris prudentiæ, quodque ceteris constat sublimius,

A formam signanter exprimit, dum simplicem Dei notitiam & fidem insinuans introducit. Quibus etiam speculatiuis connexionibus, elementorum scilicet, ac virtutum, Euangeliorumque, ille conuenienter sociatur, videlicet homo, cuius hæc inuisa concessa sunt obsequio. Namque illius vitæ substantiam Græci philosophi *μικροκοσμος*, id est, paruum mundum dixerunt. Visus quippe & auditus, qui intellectum & rationem ministrant, superiori conueniunt ætheri, quod constat subtilius in elementis, quodque quantum ceteris sublimius, eo honestius ac lucidius. Subsequitur verò olfactus, qui aeris & fortitudinis significantiam, forte exprimit. Gustus namque satis conuenienter aquæ & temperantiæ parem portendit significantiam. Tactus ergo, qui omnium constat infimus, ceterisque solidius ac stabilius, terræ ac iustitiæ congruentissime præfert indicium. Ab his igitur eidentissimis complexibus rerum patenter & pulcherrime silenterque prædicatur Deus, quoniam dum stabili motu in sese vicissim vna portendit alteram, suum principale primordium prædicando, à quo processerunt, expectant, ut in illo iterum quiescant. Constat etiam iuxta prædictæ stipulationis conditum mente cauta intueri fluvium, qui manat ex Eden Orientis, partiturque in nominatissimos quatuor amnes. Horum igitur primus, id est Phison, qui oris apertio dicitur, prudentiam signat, quæ semper est in optimis diffusa & utilis. Per inertiam quippe paradisos sublatus est homini: necesse habet, ut præeunte prudentia repetatur. Secundus Geon, qui terræ hiatus intelligitur, temperantiam signat, nutricem vtiq; castitatis, quæ scilicet frondes salubriter extirpat viciorum. Tertius quoque Tigris, quem incolunt Assyrij, qui interpretantur dirigentes. Per hunc nihilominus signatur fortitudo, quæ scilicet reiectis præuaricatoriis viciis, dirigens homines per Dei auxilium ad æterni regni gaudia. Quartus verò Euphrates, cuius etiam nomen abundantiam sonat, patenter iustitiam designat, quæ pascit ac reficit omnem animam illam desideranter amantem. Cum igitur significantia horum fluminum gerat in se species prædictarum virtutum, pariterque figuram quatuor Euangeliorum, non minus easdem virtutes figuraliter gerunt tempora mundani huius seculi diuisa per quadrum. A mundi namque initio vsque ad ultionem diluuij, in his duntaxat, qui ex simplicis naturæ amando suum cognouerunt creatorem, bonitate prudentia viguit, ut in Abel, Enoch, Noe, vel in ceteris, qui mentis ratione pollentes vtilia quæ agerent, intellexerunt. Ab Abraham verò, & in reliquis Patriarchis, qui signis & visionibus fructi sunt, ut in Isaac, Iacob, Ioseph, & in ceteris, temperantia conformata probatur, qui scilicet inter aduersa & prospera proprium super omnia dilexerunt auctorem. A Moyse quoque & in reliquis Prophetis, viris videlicet robustissimis, legalium præceptorum institutionibus fultis, fortitudo sancitur, dum laboriosa si quidem legis præcepta sollicitè ab eis exercitata monstrantur. Ab aduentu denique incarnati Verbi ac deinceps omne seculum iustitia implet regitque, circumdat veluti ceterarum finis ac fundamentum, sicut dixit suo Baptista

C Veritas: *Decet, inquit, nos implere omnem iustitiam.*

DICTVRI igitur ab anno DCCCC. incarnati creatis ac viuificantis omnia Verbi ad nos vsque, qui claruere viri in Romano videlicet Orbe insignes catholicæ fidei, cultoresque iustitiæ, prout certa relatione comperimus, vel visuri superfuimus; seu etiam qui rerum euentusque vel plura contigerunt memoranda tam in sacris Ecclesiis, quàm in vtroque populo primitus ad illud totius quondam Orbis Imperium principale, scilicet Romanum, conuertimus stilum. Cum ergo omnipotentis Christi virtus vtiq; terrarum Principes ad suum incuruasset imperium, tantò minus viguit terror Cæsarum, quantò iura illorum veraciùs comprobantur, plus extitisse ex timore ferocitatis, quàm ex amore piæ humanitatis. Sic denique tota paulatim illorum stirps à præfato Imperio dispertita atque euacuata, ut maius indigeret sui dominio vrbs Romana, eiusque populus, quàm ut olim consueuerat promere leges & iura externis patriis ac ciuibus. Cæperuntque plures ex gentibus, quas prius subdiderat, crebris illam infestationibus vexare, illius nomen etiam Imperij præripiendo vsurpare nonnulli ex circumiectarum Prouinciæ Regibus. Tunc perinde valentiores & præmaximi Reges gentis Francorum Christianitatis iustitia pollebant, armorumque industria ac militari robore ceteris excellebant. Quorum videlicet ditioni triumphaliter per plures

annos applicatum est totum Imperij culmen. Inter quos etiam excellentissime micuerunt; CAROLVS scilicet, qui dictus est Magnus, necnon & LVDOVICVS cognomento Pius. Hi denique prudenti consilio & virtute quosque in giro belliones ita proprio subiugauere dominio, vt quasi vna domus famularetur suis Imperatoribus Orbis Romanus: potiusque Respublica de paterno gratularetur prouectu, quam tuta pompaticè extolleretur Imperatorum metu. Sed quia horum gesta non disposuimus, seu genealogiam, historiali more narrare: ad quem tamen finem regnandi vel imperandi illorum genus deuenerit, breuiter curauimus ihtimare. Perdurauere igitur Reges ex eorum prosapia Imperatores tam in Italia quam in Gallis, vsque ad vltimum Regem CAROLVM HEBERTVM cognominatum. Is denique habebat vnum inter regni sui Primates quendam Heribertum, cuius ex sacro fonte filium susceperat, qui tamen ei calliditate sua certissime suspectus esse potuisset, si non excogitatae fraudis simultas intervenisset. Cum enim decreuisset idem Heribertus prædictum Regem decipere, fingens cuiusdam deliberandi occasionem negocij, qualiter illum, vt postmodum fecit, demulcendo in vnum castrorum suorum introduceret, ac vinculatum carceri manciparet: tandem vero à quibusdam suggestum est Regi, vt cautissime se ageret, ne Heriberti inuolueretur fraudibus. Dúmque ille ex hoc, quod audierat, credulus, cautelam sibi de Heriberto adhibere decreuisset, contigit vna die nimis expeditè eundem Heribertum cum suo filio in Regis Palatium deuenire. Surgens itaque Rex ei osculum porrexit. Ille verò toto se humilians corpore, osculum Regis suscepit. Deinde cum eius filium osculatus fuisset, stansque iuuenis quamuis conscius fraudis, nouus tamen calliditatis, Regi minime semet supplicaret: pater cernens, qui propter adstabat, valenter alapam collo iuuenis intulit. Seniores, inquiens, & Regem erecto corpore osculaturum non debere suscipere quandoque scito. Quod intuens Rex, cunctique qui aderant, abhinc deceptionis fraudisque aduersus Regem Heribertum expertem crediderunt. Videns quoque Regem contra se placatum, nihilo minus rogabat attentius, vt ad se veniens negocium deliberaturus, quod dudum poposcerat. Statim verò Rex promisit se, quod vellent, iturum. Designato igitur die venit Rex vbi Heribertus rogauerat, tenuem etiam ducens exercitum amicitiae gratia. Qui nimum pomposè die primo ab eo susceptus. In secundo autem quasi ex iussu Regis præcepit idem Heribertus, vt vniuersi, qui cum Rege venerant, ad propria redirent, veluti ipse cum suis obsequio Regis sufficeret. Illi quoque audito Heriberto recesserunt, ignorantes quòd Regem in vinculis reliquissent. Tenuit enim Heribertus vinctum prædictum Regem vsque in diem mortis suæ. Genuerat præterea idem Rex filium nomine LVDOVICVM, adhuc tamen puerum, qui vt cognouit quod de patre factum fuerat, arripiens fugam Oceanum transiit, ibique vsque ad annos viriles deguit.

De Rodulpho Rege.

C A P. II.

ERAT igitur tunc temporis RODVLPHVS Richardi Ducis Burgundiae filius, aptus videlicet corpore, & intellectu idoneus. Qui etiam uxorem duxerat, Emmam nomine, sensu scilicet atque aspectu insignem, sororem videlicet Magni Hugonis, cuius si quidem militari industria Regnum Francorum dirigebatur. Is quoque Hugo cernens Regnum Rege destitutum, ac sciens Regis instaurationem suo pendere arbitrio, misit ad sororem consulens illam, quem potissimum ad regale eligeret culmen, se videlicet suum fratrem, an potius maritum prædictum, scilicet Rodulphum. Illa igitur prudenter, vt fuerat consulta, respondit magis se velle Regis mariti genu osculari, quam fratris. Audiens autem Hugo gratanter annuit, Regni quoque solum Rodulpho habere concessit. Qui Rodulphus carens omni prole, solus sui generis Regni culmine potitus obiit. Fuit enim hic Hugo filius Roberti Parisiorum Comitis, qui videlicet Robertus breui in tempore Rex constitutus, & ab exercitu Saxonum est interfectus. Cuius genus iccirco adnotare distulimus, quia valde inante reperitur obscurum.

A

De Lothario Rege.

CAP. III.

INTEREA totius Regni Primates elegerunt LVDOVICVM filium videlicet prædicti Regis Caroli, vnguentes eum super se Regem hæreditario iure regnaturum. Iam enim prædictus Heribertus morte crudeli obierat. Nam cum diuino excruciatu languore ad vitæ exitum propinquaret, atque à suis tam de salute animæ, quàm de suæ domus dispositione interrogaretur, omnino nihil aliud respondabat, nisi hoc solummodo verbum, Duodecim fuimus, qui traditionem Caroli iurando consensimus. Hocque plurimum repetens expirauit. Præterea Ludovicus ex Gerberga vxore quondam Gisleberti Ducis genuit filium, nomine **LOTHARIVM**. Qui confirmatus in Regno, vt erat agilis corpore, & validus, sensuque integer, tentauit redintegrare Regnum, vt olim fuerat. Nam partem ipsius Regni superiorem, quæ etiam Lotharij-regnum cognominatur, Otto Rex Saxonum, immò Imperator Romanorum, ad suum, id est Saxonum, inclinauerat Regnum. Ipsum denique Ottonem, scilicet secundum, filium primi ac maximi videlicet Ottonis, conatus est quondam capere positum in Palatio Aquisgranis. Sed quoniam eidem Ottoni clam prænunciatum à quibusdam est, noctuque cum vxore vix fugæ præsidium petens obtinuit. Tunc denique Otto congregato exercitu sexaginta millia & eo amplius militum Franciam ingressus, venit vsque Parisius, ibique triduo commoratus cœpit redire in Saxoniam, rursusque quoque Lotharius ex omni Francia atque Burgundia militari manu in vnum coacta, persecutus est Ottonis exercitum vsque in fluuium Mosam, multosque ex ipsis fugientibus in eodem flumine contigit interire. Dehinc verò vterque cessauit, Lothario minus explente quod cupiit. **Hic** denique genuit filium nomine LVDOVICVM. Quem iam aduultum iuuenem, vt post se regnaret, Regem constituit. Cui etiam adduxit ab Aquitanis partibus vxorem, quæ cernens videlicet iuuenem patre minus fore industrium, vt erat ingenio callida, elegit agere diuortium, monuitque illum fide: vt simul de qua aduenerat redirent, Prouinciam scilicet iure hereditario sibi subdituram. Ille quoque non intelligens mulieris astutiam, vt monitus fuerat ire parauit. Ad quam dum venissent, relinquens eum mulier, suis adhæsit. Cùmque patri nunciatum fuisset, prosequens filium ad se reduxit. Qui simul deinceps degentes, post aliquot annos absque vlla liberorum ope vterque obiit. In his igitur duobus Regale seu Imperiale illorum genus regnandi finem accepit.

B

Qui postmodum Roma Imperatores extiterint.

CAP. IV.

C

PRÆSCRIPTORVM igitur Regum genere exinanito, sumpserunt Imperium Romanorum Reges Saxonum. Quorum scilicet primus Otto Henrici Saxonum Regis filius, cuius etiam sororem nomine Haduicem duxit vxorem Hugo Dux Francorum, cognomento Magnus. Is denique Otto in gloria & vigore Imperij non dispar illorum, qui ante se Imperium rexerant, necnon & in Ecclesiarum atque eleemosynarum expensis valde liberalis extitit. Huius quoque Imperij tempore egressi audacter Sarraceni ab Africanis partibus occupauere tutiora Alpium montium loca, ibique aliquandiu morantes vastando regionem, in gyro diuerso raptu tempus expleuerunt. Contigit ergo eodem tempore, vt beatus pater Maiolus ab Italia rediens in artificibus Alpium eosdem Sarracenos obuiaret. Qui arripientes, abduxerunt illum cum suis omnibus ad remotiora montis, ipso tamen Patre grauitè in manu vulnerato, dum in ea excepiisset ultro ictum iaculi super vnum de suis venientis. Dispertitis quoque inter se omnibus, quæ illius fuerant, interrogauerunt eum, si tantæ ei essent in patria facultates rerum, quibus videlicet se suosque valeret redimere de manibus illorum. Tunc vir Dei, vt erat totius affabilitatis dignitate præcipuus, respondit se in hoc mundo nihil proprium possidere, nec peculiaris rei se fieri possessorem velle: sua tamen ditio non negans plures teneri, qui amplorum fundorum & pecuniarum domini haberentur. Quibus auditis ipsimet hortabantur illum, vt vnum è suis mitteret, qui suarumque redemptionis pretium illis deferret. Insuper pecuniarum pondus atque numerum ei determinantes, indixerunt. Fuit enim mille librarum argenti, vt videlicet singulis libra vna in partem proueniret. Misit quoque vir sanctus per vnum

Tom. IV.

A iij

de suis, ad Monasterium scilicet, cui præerat, Cluniacense, perparuam Episto- A
 „ lam ita se habentem: Dominis & Fratribus Cluniacensibus Frater Maiolus mi-
 „ ser & caprus. Torrentes Belial circumdederunt me, præoccupauerunt me laquei
 „ mortis. Nunc verò si placet pro me & his, qui mecum sunt capti, redemptionem
 mittite. Quæ ut delata est, videlicet prædicti Monasterij Fratribus, extitit illis
 pro vita incomparabilis mœror ac luctus, necnon & totius patriæ pertristis nun-
 cius. Distractis quoque ab eisdem Fratribus, quæque in omni eiusdem Monasterij
 ornamentorum erant suppellectili, præstitutum pij Patris quantotius coadunauere
 precium. Sed vir sanctus secularis, dum interim à Sarracenis captus teneretur,
 cuius meriti esset latere non potuit. Nam cum ei hora prandij obtulissent cibos,
 quibus vescerentur, carnes videlicet panemque admodum asperum, & dicerent,
 „ Comede, respondit: Ego verò, si esuriero, domini est me pascere. ex his tamen
 „ non comedam, quia non mihi in usu fuerunt. Cernens enim vnus illorum viri Dei
 reuerentiam, pietate ductus, exuens brachia, simulque abluens, & clipeum, su-
 per quem etiam in conspectu venerabilis Maioli satis mundissime panem confecit.
 Quem etiam citissime decoquens, ei reuerentissime detulit. Ipse quoque susci-
 piens illum, atque ex more oratione præmissa ex eodem reficiens, Domino gratias
 egit. Alius quoque Sarracenorum eorundem cultro deplanans ligni hastulam,
 posuit incunctanter pedem super viri Dei codicem: Bibliam videlicet, quam
 ex more secum semper ferre consueuerat. Dùmque vir sanctus intuens ingemuif- B
 fer, aliqui minus feroces ex ipsis perspicientes suum increpauerunt comparem, di-
 centes, non debere magnos Prophetas sic pro nihilo duci, ut illorum dicta pedi
 substerneret. Si quidem Sarraceni Hebræorum, quin potius Christianorum Pro-
 phetas legunt: dicentes etiam completum iam esse in quodam suorum, quem illi
 Mahomed nuncupant, quicquid de vniuersorum Domino Christo sacri Vates præ-
 dixere. Sed ad errorem illorum comprobandum, etiam ipsorum genealogiam pe-
 nes se habent, ad similitudinem videlicet Euangelij Matthæi, qui scilicet ab Abra-
 ham narrat genealogiæ catalogum vsque ad Christum per Isaac successionem de-
 scendens. In cuius videlicet semine vniuersorum promissa atque prædicta est be-
 nedictio. Illorum, inquiens, Ismaël genuit Nabaioth, atque deinceps vsque in
 erroneum illorum descendens figmentum: quod scilicet tantum est à veritate alie-
 num, quantum à sacra & catholica auctoritate extraneum. Præterea, ut beati Ma-
 joli sanctitas claresceret, is qui eius volumen pede calcauerat, eodem die pro qua-
 uis occasione reuera iudicio Dei ceteri furiosè irruentes in eum, eundem ei trun-
 cauerunt pedem. Plures verò iam ex ipsis erga eum cœperunt mitiores ac reueren-
 tiores existeret. Tandem verò quidam de Fratribus illuc expeditiùs remeantes, da-
 ta eisdem Sarracenis præsignata pecunia, Patrem cum viris tantum, qui cum eo
 capti fuerant, in patriam reduxerunt. Ipsi denique Sarraceni paulo post, in loco, C
 qui Fraxinetus dicitur, circumacti ab exercitu V Villermi Arelatensis Ducis, om-
 nesque in breui perierunt, ut ne vnus quidem rediret in patriam. Ipso igitur in
 tempore mortuus est prædictus Otto Imperator, suscepitque filius eius, secundus
 videlicet Otto, idem Imperium, quod satis strenuè dum adiuueret rexit. Eodem
 ergo imperante, venerabilis Pontifex Adalbertus ex prouincia, quæ lingua Scla-
 uorum vocatur Bethem, in ciuitate Braga regens Ecclesiam sancti Martyris Vitif-
 clodi, egressus ad gentem Bruscorum, ut eis verbum salutis prædicaret, dùmque
 apud eosdem plurimam egisset prædicationem, multique ex eis conuerterentur ad
 fidem Christi, prædixit suis, quoniam in eadem regione martyrij coronam esset ac-
 cepturus: ac ne pauerent, eis pariter indicauit, quia præter eum ibidem nemo ex
 eis erat perimendus. Contigit enim ut die quadam præcipiente eodem Episcopo
 quædam profana arbor sita iuxta fluuium, cui etiam supersticiosè immolabat vni-
 uersum vulgus, videlicet excisa conuelleretur. Constructoque ac sacrato in eo-
 dem loco altare, Missarum solemnia per se Episcopus ex plebe parauit. Qui dum
 in ipsis sacramentis peragendis esset constitutus, ictibus iaculorum ab impiis per-
 fossus, tamdémque sacrum solemne peractum, simulque præsentis vitæ imposuit
 terminum. Denique discipuli eius accepto corpore sui domini illud secum feren-
 tes, in propriam sunt reuersi patriam. Cuius etiam meritis vsque in præsens lar-
 giuntur hominibus plurima beneficia. Sequenti quoque, post multa nobiliter
 gesta, Rémque publicam decenter dispositam, tempore, obiit Otto, relinquens

- A** filium Ottonem videlicet tertium, adolescentem tamen ferè duodecim annorum. Qui ut erat iuenculus, acer tamen viribus & ingenio, suscepit iure paterno regimen Imperij. Contigit igitur Imperij illius initio, ut Sedes Apostolica vrbis Romæ proposito, viduaretur Pontifice. Ipse verò ilicò Imperiali vsus præcepto, quendam sui consanguineum, cuiusdam Ducis filium illò delegit, atque ex more in Sede Apostolica sublimari mandauit. Quod utique dum sine mora peractum fuisset, pergrandis calamitatis occasio extitit. Erat enim quidam Crescentius Romanorum ciuis præpotens, qui ut illorum mos est, quantum onerosior pecuniæ, tantum pronior seruiens auaritiæ. Hic autem non planè, ut rei probauit euentus, parsi fauebat Ottonis. Nam ipsum Pontificem, quem ut diximus ordinari Otto iusserat, idem Crescentius omni destitutum honore à Sede expulit, alterumque procaciter in eius loco subrogauit. Sed mox ut Otto hoc factum comperit, ira accensus, cum permaximo exercitu Romam properauit. Quod cum cognouisset Crescentius, illum scilicet vrbi propinquare, conscendens cum suis turrim, quæ sita est extra ciuitatem trans Tiberim, ob altitudinem sui Inter-cælos vocatam, vallauit eam, defensurus pro vita. Tandem cum peruenisset Imperator ad urbem, primitus iussit comprehendere illum malè securum Pontificem, videlicet Crescentij arrogantia constitutum. Comprehensumque præcepit eius manus quasi sacrilegas amputari, deinde verò aures abscindi, atque oculos expelli *. Post hæc denique comperiens * f. euellit Crescentium, ut diximus, turre vallatum, quæ scilicet paulo post illum crudeli erat redditura neci, præcepit eandem circumdari densa obsidione sui exercitus, ne videlicet Crescentio quoquo modo locus daretur confugij. Interea iubente Imperatore construuntur in gyro machinæ ex lignis celsarum abietum nimium artificiosè compositæ. Cernens quoque Crescentius nullam posse euadendi viam reperire, licet tardius poenitudinis adinuenit consilium, non tamen ei præstitit miserendi aditum. Quadam igitur die, quibusdam de Imperatoris exercitu consentientibus, egrediens latenter Crescentius, de turre scilicet, birro indutus, & operato capite, veniensque improuisus corruit ad Imperatoris pedes, oransque se ab Imperatoris pietate vitæ seruari. Quem cum respexisset Imperator, conuersus ad suos, ut erat amaro animo, dixit: Cur, inquires, Romanorum Principem, Imperatorum decretorem, datorumque legum, atque ordinatorem Pontificum, intrare sinistis magalia Saxonum? Nunc quoque reducite eum ad thronum suæ sublimitatis, donec eius honori condignam videlicet præparemus susceptionem. Qui suscipientes illum, scilicet ut iussum fuerat, illæsum reduxerunt ad turris introitum. Ingressusque nunciauit secum pariter reclusis, quoniam solummodò tantum contingeret illis viuere, quandiu ipsa turris tueri valeret ab hostium captione, nec ullam prorsus salutem debere ultra sperare. At Imperatoris exercitus à foris vrgendo impellens machinas, paulatimque euntes, applicatæ sunt turri. Sicque pugnae inito certamine, dumque alij desuper contententes intrare, alij prorupere ad hostium turris, illudque concidentem euellunt, sursumque certatim gradientes, ad turris superiora perueniunt. Respiciens quoque Crescentius, cernit se teneri ab his, quos putabat pugnando longius arceri posse. Capto namque ipso, ac grauiter vulnerato, ceterisque, qui cum illo inuenti fuerant, trucidatis, miserunt ad Imperatorem, quid de eo præciperet. Qui ait, Per superiora, inquit, propugnacula illum deiicite apertè, ne dicant Romani suum Principem nos furatos fuisse. Quem, ut iussum fuerat, proiicientes, deinde post terga bouum religatum per paludes viarum plurimum deuoluentes, ad vltimum verò in conspectu ciuitatis in trabe excelsa pendere dimiserunt. His denique ita gestis, accersiens Imperator Gerbertum videlicet Rauennæ Archiepiscopum, constituit illum principalem Romanorum Pontificem. Isque Gerbertus è Galliis oriundus extitit, minorum etiam gerens profapiam, sed tamen ingenio acerrimus, artiumque liberalium studiis plenissimè instructus. Proinde Remorum etiam à Rege Francorum Hugone fuerat constitutus Pontifex. Sed quoniam, ut diximus, valde erat acer ac prouidus, intelligens Arnulphum eiusdem vrbis Archiepiscopum, quo viuente ordinatus fuerat ex consensu eiusdem Regis, niti in pristinam reformari sedem, cautè iter arripiens ad prædictum deuenit Ottonem. Qui satis honorificè ab eodem susceptus: quem etiam statim Rauennæ, inde verò, ut diximus, Romanæ vrbis sublimauit Pontificem.

CONTIGIT igitur ipso in tempore, vt idem Imperator suggerente tam ipso A Pontifice, quàm aliis quibusque zelum profectus religionis domus Dei gerentibus, quòsque in beati Pauli Ecclesia nomine tenus Monachos, ceterum prauè degentes, inde expellere deberet: ac alterius instituti, quos videlicet Canonicos dicimus, in eodem loco seruituros, vt ei suggestum fuerat, substituturus esset. Cùmque hoc appeteret implere decretum, apparuit ei noctu per visum beatissimus Apostolus Paulus, atque eundem Imperatorem huiusmodi monere curauit. Si verè, „ inquit, zelus diuinæ seruitutis optimi operis te adurit, vide ne huius propositi „ institutum præsumas in Monachis immutare expellendis. Non enim omnino ex- „ pedit cuiusque Ecclesiastici Ordinis quamuis ex parte deprauati, proprium vni- „ quam abiici seu immutari propositum. In eo namque vnusquisque iudicandus est Ordine, in quo se primitus Deo vouit seruire. Reemendari tamen licet corrupto etique in eadem propriæ vocationis sorte. Taliter quippe monitus Imperator, re- tulit suis quæ audierat ab Apostolo, curamque agens qualiter eorundem institutum, scilicet Monachorum, quiuisset ad melius informare, non expellere à loco, vel immutare. Interea minus idôneo vsus consilio, prædicti Crescentij Ioannis in suam vxorem assumens; quam etiam paulo post, vt inconsultè acceperat, diortium agens dimisit. Tandem quoque nitens remeare ad Saxoniam, morte superueniente in Italia obiit. Cernens quoque exercitus, quem secum duxerat, se suo domino destitutum, coegerunt se pariter in vnum agmen, ne ab iis quos in Italia B presserant, trucidarentur, imposito ante se in equo defuncti Imperatoris corpore. Sicque in patriam tuti peruenientes, in Monasterio beatæ semper virginis Mariæ Aquisgranis decenter sepelierunt. Suscepit igitur post Ottonem, videlicet tertium, regnum Saxonum illius consanguineus Henricus, qui etiam non regni sui Imperator factus est Romanorum. Sed interim libet ex parte commemorare, quibus vicissim cladibus præscriptorum Regum temporibus tam externis, quàm intestinis consequenter sit flagellatus Orbis Romanus. Constat igitur ab anterioribus illud principale totius Orbis Imperium fuisse diuisum, scilicet vt quemadmodum vniuersæ Latinitatis Roma gerere deberet Principatum: ita Constantino- polis tam Græcorum speciale caput in transmarinis Orientis partibus, quàm ceterorum. Sed dum semel in sese nouit dispertiri, postmodum paulatim pars vtraque vsitatus didicit minui: videlicet, donec contingeret illud admodum coartari præliis, vt foret breuius, & istud appeteret moderari extraneus. Et quoniam magis contingebat tyrannide imperare, quàm vel liberali pietate, vel originali propagine; idcirco par erat alium contumaciam, cum sibi subditis, crebris infestationum plagis atterere.

De Paganorum plagis. CAP. V.

DENIQUE circa nongentesimum Verbi incarnati annum egressus ab Hispania Rex Sarracenorum Algalif, veniensque cum exercitu maximo in Italiam, C scilicet traditurus humanas res cum suis in prædam, cum gladio atque incendio demolendas. Qui cum venisset, depopulans totam regionem vsque Beneuentum progressus est. Ex aliquibus tantum ciuitatibus Italiæ primates collecto agmine, nisi sunt aduersus prædictum Algalif inire pugnam. Sed cum se cernerent exercitu nimium impares, vt sæpius mos est, istis modernis Italicis fugæ potius, quàm bellum, petiere præsidium. Interea reuersi cum suo Principe ad Africam, Sarraceni ab illo tempore non destiterunt impugnare regionem Italiæ, quamuis plurimis fuissent præliis laceßiti tam ab Imperatoribus, quàm à patriæ Ducibus, ac Marchionibus, vsque ad Altmuzor illorum Principem, & prædictum Henricum Romanorum Imperatorem. Præscripto igitur tempore non minor clades in Galliarum populis, Normannorum infestatione, extitit hostium. Qui videlicet Normanni nomen inde sumpserunt, quoniam raptus amore primitus egressi ex Aquilonaribus partibus audacter Occidentalem petiere plagam. Siquidem lingua illorum propria *Nort* Aquilo dicitur, *Mint* quoque populus appellatur. Inde verò Normanni, quasi Aquilonaris populus denominatur. Hi denique in primo egressu diutius circa mare Oceanum degentes, breuib. contenti stipendiis, quousque in gentem coaluere non modicam. Postmodum verò telluris ampla & pelagi hostili manu peruagantes, aliquas vrbes ac Prouincias in propriam rede gere sortem. In

A processu quoque temporis ortus est vir quidam in pago Trecaſſino ex infimo ruſticorum genere, Aſtingus nomine, in vico videlicet, qui Tranquillus dicitur, tribus à ciuitate diſtans milliariis. Qui iuuenis valens robore corporis, peruerſæ tamen indolis, ſuperbiendo abiiciens fortunam pauperum parentum, elegit exul fore dominandi victus cupidine. Denique clam egrediens ad prædictam Normannorum gentem, illis tantummodo primitus adhæſit, qui aſſiduo raptui ſeruietes, victum ceteris miniſtrabant, quos etiam illi communiter *Flotam* vocant. Illoque aliquandiu huic nequam mori inſeruiente, cœpit peſſimis commilitonibus tanto exiſtere diligentior, quanto efficiebatur flagitioſior. Paulatimque robuſtior ceteris viribus ac rebus effectus, omnes pariter illum conſtituere terra marique Principem. Conſtitutus autem huiusmodi ampliore crudelitate aſſumpta, parui pendens præteritorum ſæuitiam, cœpit ſuum in longinquas gladium dilatare Prouincias. Poſtmodum etiam cum vniuerſa pene, cui præerat, gente, conſcendens ad ſuperiores Galliarum partes, quamuis peſtifer parens natium malè quærens reuiſere ſolum. Qui cùm veniſſet, gladio & igne vltra omnem hoſtium cladem vniuerſa demoliens, nemine repugnante, diutiùs conſumpſit. Tunc quoque domus Eccleſiarum per Gallias vniuerſæ, præter quas municipia ciuitatum vel caſtrorum ſeruarunt, omnimodis dehoneſtatæ atque igne ſuccenſæ ſunt. Vniuerſis ſiquidem peragratis Galliis, opimæque diuerſarum rerum potitus ſpolia, ad propria reduxit exercitum. Sicque deinceps tam ab ipſo

B Aſtingo, quàm ab eius ſucceſſoribus, illius videlicet gentis Principibus, in ſpatio fere centum annorum huiusmodi clades illata eſt longe latèq; populis Galliarum. Hæc quoque, quæ retulimus, per interualla deſunctorum Regum ſeu Imperatorum tam in Italia quàm in Galliis, priuſquam reſtaurarentur, ſæpiùs contigerunt. Sed cùm interea prædictæ gentis exercitus more ſolito ad Gallias procedere decreuiſſet, occurrit illis iam longiùs à ſolo proprio remotis venerabilis Burgundiæ Dux Richardus, pater ſcilicet Regis Rodulphi, vt ſuprà commemorauimus. Initoque cum eis prælio, tanta cæde eoſdem proſtrauit, vt perpauci ex eis fuga lapſi, ad propria vix remearent. Et licet poſthæc plures inſulas ac Prouincias mari contiguas iidem ſcilicet Normanni depopulaueſint, in partes tamen Francorum Regum forte regendas non deinceps, niſi ab eiſdem Regibus euocati, conſcenderunt. Quin etiam paulo poſt viciffim ſcilicet Franci, necnon & Burgundionum plerique, cum prædictis Normannis Catholicæ fidei iam effectis cultoribus, pacificè iunxere connubia, atque vnius Regis Regnum pari conſenſu decreuere dici & eſſe. Indèque orti Duces excellentiſſimi, Guillermus videlicet, atque poſt ipſum quique denominati, paterno ſeu auito iure Richardi. Illorum quippe Ducaminis Principatus fuit metropolis ciuitas Rotomagorum. Cùm igitur prædicti Duces vltra ceteros vigerint militiæ armis, tum perinde præ ceteris gratia communis pacis ac virtute liberalitatis. Nam omnis Prouincia, quæ illorum

C ditioni ſubiici contigerat, ac ſi vnius conſanguinitatis domus vel familia inuiolatæ fidei concors degebat. Nempe furi ac prædoni apud illos comparabatur, quicumque hominum in aliquo negotio plus iuſto, vel falſum quippiam venundandum mentiens ſubtrahebat alteri. Egenorum quoque & pauperum, omniumque peregrinorum, tanquam parentes filiorum, curam gerebant aſſiduam. Dona etiam ampliſſima ſacris Eccleſiis penè in toto Orbe mittebant; ita vt etiam ab Oriente, ſcilicet monte denominatiſſimo Sina, per ſingulos annos Monachi Rotomagum venientes, qui à prædictis Principibus plurima redeuntes auri & argenti ſuis deferrent xenia. Hieroſolymam verò ad ſepulchrum Saluatoris centum auri libras ſecundus miſit Richardus, ac quòſque cupientes illuc deuotè peragrarè donis iuuabat immenſis. Præterea in ſucceſſibus prædictorum temporum, exigentibus culpis peccantium hominum, orta eſt diſcordia duorum Regum, Francorum videlicet ac Saxonum. Quæ ſcilicet diutiùs exardeſcens, occulto Dei iudicio ruruſ terribile flagellum ingruit populis Galliarum. Denique Hungarorum Princeps cum omni ipſius gentis militari exercitu, huius diſcordiæ mali occasione, ſines Galliarum irrumpens, ſemel ac bis omnem miſerabiliter depopulans regionem, vtrumque etiam genus hominum captans, tum rebus humanis abducens, nemine obſtante, diripuit. Quæ denique clades tamdiu deſæruit, quouſque Deo propitiante, vtriuſque regni Principes, Francorum videlicet ac

Saxonum, vnius fidei ac consanguinitatis vinculo neſterentur. Euacuato ſiqui- A
dem priorum Regum genere, ſedatiſque iurgiis, cœpit Orbis nouorum Regum
pace ſubamica reſſoreſcere, Chriſtiſque regnum per fontem ſacri baptiſmatiſ cir-
cumquaque tyrannos ſibi ſubiugare. Ipſa denique Hungarorum gens poſt tot pa-
trata flagitia, poſt tot flagella gentibus illata, cum ſuo Rege ad Catholicam fidem
conuerſa, quæ prius conſueuerat crudeliter rapere aliena, libens impertitur pro
Chriſto propria, à quibus etiam iamdudum diripiendo captiuabantur, vñdecum-
que in miſerrima mancipia diſtrahendi qui reperiabantur Chriſtiani, ab eiſdem
quoque ſouentur nunc ceu fratres vel liberi. Illud nihilominus nimium conde-
cens ac perhonestum videtur, atque ad pacis tutelam optimum decretum, ſcilicet,
vt ne quiſquam audacter Romani Imperij ſceptrum præproperus geſtare Princeps
appetat, ſeu Imperator dici aut eſſe valeat, niſi quem Papa Sedis Romanæ mo-
rum probitate delegerit aptum Reipub. eiſque commiſerit inſigne Imperiale.
Cum videlicet olim vbique terrarum quilibet Tyranni ſeſe præcaciſſe impellen-
tes ſæpiſſimè ſint Imperatores creati. Atque eò minus apti Reipub. quo conſtat
eos tyrannide, quàm pietatiſ auctoritate proceſſiſſe. Anno igitur Dominicæ in-
carnationiſ ſeptingenteſimo * decimo, licet inſigne illud Imperiale diuerſiſ ſpe-
ciebus prius figuratum fuiſſet, à venerabili tamen Papa Benedicte Sedis Apoſtoli-
cæ fieri iuſſum eſt admodum intellectuſ ſpecie idem inſigne. Præcepit fabricari B
quaſi aureum pomum, atque circundari per quadrum precioſiſſimis quibuſque
gemmiſ, ac deſuper auream crucem inferi. Erat autem inſtar ſpeciei huius mun-
danæ molis, quæ videlicet in quadam rotunditate circumſiſtere perhibetur, vt dum
ſiquidem illud reſpiceret Princeps terreni Imperij, foret ei documentum, non
aliter debere imperare vel militare in mundo, quàm vt dignus haberetur viuifi-
cæ cruciſ tueri vexillo. In ipſo etiam diuerſarum gemmarum decoramine, videli-
cet Imperij culmen plurimarum virtutum ſpeciebus exornari oportere. Cum-
que poſtmodum prædictus Papa Imperatori videlicet Henrico huius rei gratia
Romam venienti obuiam cum maxima virorum & ſacrorum ordinum multitu-
dine proceſſiſſet ex more, eiſque huiuſmodi inſigne ſcilicet Imperij in conſpe-
ctu totius Romanæ plebiſ tradidiſſet: ſuſcipiens illud hilariter, circumſpecto-
„ que eo, vt erat vir ſagaciſſimus, dixit; Optime Pater, inquiring ad Papam, iſtud
„ facere decreuiſti noſtræ portendendo innuens Monarchiæ, qualiter ſeſe mode-
„ rari debuerat, cautiùſ perdociuiſti. Deinde manu gerens illud auri pomum, ſub-
„ iunxit; Nulliſ, inquit, meliùſ hoc præſens donum poſſidere ac cernere con-
gruit, quàm illiſ, qui pompis mundi calcatiſ, crucem expeditiùſ ſequuntur Sal-
uatoriſ. Qui protinuſ miſit illud ad Cluniacenſe Monafterium Galliarum, quod
etiam tunc temporis habebatur religioſiſſimum ceterorum, cui & alia dona plu-
rima contulerat ornamentorum. Sed & illud nimirum etiam perpendendum,
quoniam cum iſta quæ retuliſ, videlicet de conuerſionibuſ perfidarum ad fidem
Chriſti gentium extrinſecus in Aquilonariſ atque Occidentalibuſ Orbis parti- C
buſ ſæpe fieri contigerit, nuſquam talia in Orientalibuſ atque Meridianiſ eiuf-
dem Orbis plagis contingit audiri. Cuiuſ denique veraciſſimi præſagij index fuit
conſtitutio illa cruciſ Dominicæ, dum in ea Saluator penderet, in loco Caluariæ.
Nam cum retro illiuſ verticem ſuſpēſi tum fuiſſet, cruduſ nimium populis Oriens,
tunc etiam in eiſ oculorum conſpectu lumine fidei repleturuſ conſtitit Occidens.
Sic quoque omnipotentem ipſiuſ dexteram ad miſericordiæ opuſ extenſam, ſacri
verbi fide mitiſ ſuſcepit Septentrio, eiſque læuam gentibuſ barbarorum tumultu-
oſiſ fortitur Meridieſ. Sed licet huiuſ ſacri breuiter meminereſ portenti,
noſtræ tamen, id eſt Catholicæ, manet inuiolabile ſubſidium fidei, quoniam in om-
ni loco & gente abſque exceptione, quicumque ſacro regeneratuſ fonte, credens
omnipotentem Patrem eiſque Filium Ieſum Chriſtum pariter, & in Spiritum
ſanctum, vnum ſolūque verum Deum, ſi quid boni egerit ex fide, Deo acceptum
fore, atque omnem, qui ſic permanſerit, perenni vita beatè viuere. Hoc quippe
ſoli Deo noſſe competit, cur humanuſ genuſ maiuſ ſeu minuſ propriæ ſalutiſ ca-
pax efficitur in diuerſiſ partibuſ Orbis. Sed idcirco iſta retuliſ, quoniam vſque
in fineſ prædictarum Orbis binarum partiuſ, videlicet Septentrionaliſ & Occi-
dentaliſ, Chriſti Domini deueniens Euangelium illarum populis locauit optimuſ
in ſacræ fidei fundamentum. Cum videlicet è diuerſo minuſ reliquas duas, ſcilicet

- A** Orientalem atque Meridianam penetrauerit, ac illarum populos cautiùs in proprii erroris feritate irretitos sciuerit. Sed ne boni conditoris proinde dispensationi contumeliosa à quoquam inferatur in hac parte calumnia, cautiùs nihilominus prospiciendus est facer Scripturarum canon. In quo videlicet canone omnis proculdubio forma inuenitur expressa mundani seculi: ut scilicet ipsius auctoris bonitas, pariterque iustitia probabiliter demonstrantur, videlicet in his qui salui fiunt, & in his qui pereunt. Nam sicut primus hominum pater, propriæ salutis arbiter, à totius boni auctore primitus fuerat constitutus, ita ab eodem Redemptore vniuersis pro capto spontanea generaliter oblata est salus. Sed tamen occulta illius dispensatio, cui semper & simul totum, quicquid esset haberet, præsto fuit, ac cui nihil defuit, ostendit spaciatur per incrementa temporum sese omnipotentem solum bonum atque veracem, tam per opera pietatis, quàm per ultionem vindictæ iustæ retributionis. Non enim principalis bonitas aliquando vacat à pietatis opere; quin immò semper aggregat plerosque ex massa filiorum præuaricatoris in sinum filij suæ Deitatis. Dùmque id quotidie in mundo agitur, quid aliud quàm Omnipotentis bonitas, etiam immobiliter mobilis, & mobiliter immobilis, operari monstratur? Atque idcirco quantò præsentis seculi terminus imminet propiùs, tantò ista fieri, quæ dicuntur, contigerit frequentius. Suspiciendum etiam quomodo paulatim ab ipso humani generis exordio ipsius Auctoris sit manifestata cognitio. Primus igitur hominum Adam etiam cum omni suo genere Deum conditorem suum prædicat, dum per transgressionis præcepti illius culpam priuatus paradisi gaudiis, multatusque exilio, sese miserum clamat lugendo. Sed accepto diffusius per vniuersum Orbem terræ incremento, nisi proprii auctoris bonitatis prouidentia misericordiæ reduxisset ad sinum, totum penitus idem genus humanum in sui erroris atque cecitatis præcipitium iam olim irreuocabili ter fuisset dmersum. Idcirco ab exordio sui diuina boni conditoris dispensatione prolata sunt ei prodigiosa rerum miracula, ac portentuosæ elementorum signa, necnon & sagacissimorum virorum, tam spem quàm formidolositatem inculcatura diuinitus oracula. Ac velut idem conditor per sex dierum interualla cuncta mundanæ rerum machinæ proferendo perficiens opera, hisque editis requieuit, die septima videlicet: ita per sex millia annorum spatia operatus est, pro eruditione hominum exhibendo illis frequentia signanter ostenta. Scilicet ut non præteritis seculis quodquam dimissum est vacans ab his signis tempus miraculorum æternum Deum prædicantibus, usquequo illud maximum rerum Principium apparens homine vestitus in mundo. Sexta duntaxat ætate præsentis seculi, atque ut putatur, quod sit finis in septima huius mundanæ molis diuersorum laborum, ut ab illo proculdubio, vnde cœpit quicquid esse habuit exordium, in eodem competentissimum propriæ quietis inueniat finem.
- C**

EXPLICIT LIBER I.

INCIPIVNT CAPITVLA LIBRI SECVNDI.

- I. De electione Hugonis in Regem.
- II. De ceto mari, & Occidentalium bellis.
- III. De Conano Duce Brittonum, & Fulcone Andeganorum.
- IV. De Monasterio Lucacensi.
- V. De portento Aureliane urbis mirabili.
- VI. De Pralationibus turpis lucri arreptis.
- VII. De incendiis & mortibus nobilium.
- VIII. De Henrici Ducis morte, & vastatione Burgundia.
- IX. De fame valida, & infestatione Sarracenorum.
- X. De inundatione lapidum.
- XI. De Lentardo insaniante heretico.
- XII. De haresi in Italia reperta.

LIBER SECVNDVS.

De Electione HVGONIS in Regem. CAP. I.

HUGO CA-
PITVS.



* Imò Hu-
gonis M.
uxor fuit
soror Ot-
tonis I.

ROBERTVS

987.

SCIT quispiam igitur peragrans quamlibet vastissimam orbis mundani plagam, seu spatiosum temigando æquor penetrans, sæpius altitudini montium, aut proceritati arborum scilicet respectans, dirigit aciem oculorum, ut videlicet illorum à longe reperta agnitione, absque errore, quo disposuerat, valeat peruenire: Ita quoque erga nos fore contingit, qui utique, dum cupimus præterita ostendere futuris, obtutus nostri sermonis pariterque animi frequenter in relatione porrigimus magnatorum virorum personis, quibus videlicet fiat ipsa relatio clarior, & appareat certior. Igitur finito, ut diximus, tam regnandi, quam imperandi apud Italiam & Gallias, magnorum Regum genere, videlicet Ludouici, necnon & Caroli, ac sui generis ceterorum Regum, protinus in vnus consanguinitatis viros vtriusque Regni contigit deuenire Monarchiam. Nam qualiter primus ac secundus, necnon & tertius Otto, sint potiti Romanorum Imperio, scilicet vsque ad Henrici Imperium, superius nos iam digessisse meminimus. Nunc quoque restat, ut quemadmodum ab hinc Francorum sit Regnum dispositum, referamus. Mortuis igitur Lothario ac Ludouico Regibus, totius Franciæ Regni dispositio incubuit HVGONI Parisiensis Ducis filio, videlicet illius Magni Hugonis suprà memorati, cuius etiam frater erat nobilissimus Burgundiæ Dux Henricus. Qui simul cum totius Regni Primatibus conuenientes, prædictum Hugonem in Regem vngi fecerunt. Erant ergo, ut iam commemorauimus, affinitate consanguinitatis Regibus Saxonum vniti, à primo scilicet Ottone, qui natus est ex Hugonis Magni forore *. Suscepto igitur Hugo regimine Regni Francorum, non multo post plerosque suorum, quos etiam prius in vniuersis habuerat subditos, persensit contumaces. Tamen ut erat corpore & mente viuus, cunctos sibi rebellantes paulatim compescuit. Habebat enim filium admodum prudentem, nomine ROBERTVM, artium, etiam literarum studiis plurimum eruditum. Cùmque se cognouisset iam aliquantulum viribus defici, congregatis in Aureliana vrbe regia quibúsque Francorum ac Burgundionum Regni Primoribus, eundem Robertum, filium videlicet suum, anno scilicet tertiodécimo ante millesimum incarnati Saluatoris, adhuc se superstiti, Regem constituit. Post aliquot verò annos idem etiam Rex Hugo in pace, Regno disposito, feliciter obiit. Erat namque Robertus Rex tunc iuuenis, ut diximus, prudens atque eruditus, dulcisque eloquio ac pietate insignis. Sed diuina providente clementia, huiusmodi virum ad catholicæ plebis regimen omnium Dominus illo præcipue in tempore dignatus est destinare. Nam diebus regni ipsius, elementorum etiam signis præeuntibus,

non

A non modicæ clades incubuere Christi Ecclesiæ: quibus nisi idem Rex sapienter, ROBERTVS.
Deo seiuuante, restitisset, sauiendo multipliciter in longinquum processissent.

De cetu maris, & Occidentalium bellis. CAP. II.

A NNO igitur quarto de superscripto millesimo, visa est cetus miræ magnitudinis descendisse per mare, in loco qui Bernouallis nuncupatur. Egrediens scilicet à Septentrionali plaga in Occidentalem. Apparuit quoque mense Nouembrio manè prima diei aurora, ad instar insulæ, ac transeundo perdurans vsque in horam diei tertiam, maximum etiam stuporem admirationemque se cernentibus contulit. Sed & ne alicui fortè sit dubium quod narratur, quamuis à multis visum fuit, tamen huic simile monstrum à plerisque inuenitur descriptum. Denique legitur in gestis egregij Confessoris Bendani, Orientalium videlicet Anglorum, quoniam idem vir Dei scilicet Bendanus cum pluribus Monachis per marinas insulas per aliquod temporis spatium heremiticam transgisset vitam, hanc vel huic similem quondam obuiam haberet belluam. Nam cum remigando quasque in mari constitutas circumiret insulas, superueniente noctis crepusculo, cernens procul velut maritimam insulam, ad quam etiam diuertens cum omnibus qui secum erant, superuenientem duntaxat exacturus noctem. Cumque ibi ventum fuisset, exeuntes de scaphis, conscendentisque turgentem belluæ dorsum, vnius tantummodo ibidem hospitio noctis potituri. Cumque post breuem cœnam ceteri Fratres fessa indulsissent membra quieti, solus vir Domini Bendanus peruigil custos Dominici ouilis, ac magis assiduus, quàm frequens psalmicen, explorabat cautiùs vim ventorum, & siderum cursus. Qui dum hoc attentius per noctis conuicinium ageret, repentè intellexit, quoniam illud promontorium, ad quod scilicet hospitaturi diuerterant, ad Orientalem illos eucheret plagam. Luce quoque alterius diei reddita, solertissimus vir conuocans collegas videlicet suos, qui aderant, blandè exhortans ac consolans eos, inquit: Vniuersorum conditori & gubernatori Deo, Fratres benignissimi, indefessas referamus gratias, qui sua nobis in his marinis fluctibus prouidentia præparauit vehiculum non egens humano remigio. Quibus à viro Dei socij auditis, mentis stupore adacti, diuinæ protinus sese prouidentie committentes, ac viri sancti innitentes prudentie, cœperunt securiores euentum præstolari rei fortuitæ. Huiusmodi ergo per spacia plurimorum dierum nisi euectione, semper tamen semet conspiciebant ad solis ortum tendere. Tandem verò peruentum est ad insulam ceterarum speciosissimam, atque omni amœnitate gratiosissimam. Illius quoque arborum habitudo, atque animi dissimilitudinem gerit vniuersorum. Egressus quoque vir secularis accedens ad eam, reperit etiam ibi Monachorum, vel potius Anachoritarum collectas miras ac multiplices, quorum scilicet vita & conuersatio vniuersorum mortalium studio sanctior atque nobilior enitebat. **C** A quibus etiam magna eum eharitate suscepti pluribus diebus ibidem commanentes, de multis quæ ad veram pertinent diligenter salutem instructi, postmodum & ad natium reuertentes solum, vniuersa quæ compererant patriæ redditi narrauerunt. Præterea viso, vt dicere cœpimus, Oceani portento, exorsus est bellicus tumultus in vniuersa Occidentali Orbis plaga, videlicet tam in regionibus Galliarum, quàm in transmarinis Oceani insulis, Anglorum videlicet atque Brittonum, necnon & Scotorum. Siquidem vt plerumque solet contingere, propter delicta infimi populi versi in dissensionem illorum Reges ac ceteri Principes, statimque exardescantes in subiectæ plebis depopulationem scilicet, vsque dum perducuntur ad suum sanguinis effusionem. Quod videlicet tandiu patratum est in prædictis insulis, quousque vnus Regum earundem vt solus potiretur regiminis ceterarum. Denique mortuo Rege Adalrado, in regno scilicet illorum, qui Danimarches cognominantur, qui etiam duxerat uxorem sororem Ricardi Rotomagorum Ducis, inuasit Regnum illius Rex videlicet Canuc Occidentalium Anglorum, qui etiam post crebra bellorum molimina, ac patriæ depopulationes, pactum cum Ricardo stabiliens, eisque germanam Adalradi videlicet uxorem in matrimonium ducens, vtriusque Regni tenuit Monarchiam. Post hæc quoque idem Canuc cum plurimo exercitu egressus, vt subiugaret gentem Scotorum, quorum videlicet Rex Melculo vocabatur, viribus & armis

Tom. IV.

B

ROBERTVS.

validus, & quod potissimum erat, fide atque opere Christianissimus. Vt autem cognouit, quoniam Canuc audacter illius quæreret inuadere Regnum, congregans omnem suæ gentis exercitum, potenter ei, ne valeret, restitit. Ac diu multumque talibus procaciter Canuc inseruiens iurgiis, ad postremum tantum prædicti Ricardi Rotomagorum Ducis, eiusque sororis persuasionibus, pro Dei amore omni prorsus deposita feritate, mitis effectus, in pace deguit. Insuper & Scotorum Regem amicitiae gratia diligens, illiusque filium de sacro baptismatis fonte excepit. Cœpit ergo ex illo fieri, ut si qua hostilis necessitas Rotomagorum Duci incumberet, à transmarinis insulis in suum auxilium exercitum sumeret copiosum. Sicque diu-nius gens Normannorum scilicet ac prædictarum populi insularum tuti pace fidissima, ut ipsi potius formidine suæ potentiae plerisque exterarum Prouinciarum terrentur populos, quam ipsi ab aliis terrentur. Nec mirum quippe, quoniam à quibus bonorum extirpatrix Dei timore expulsa fuerat discordia, in eisdem pace præuia Christi nobile Regnum felix obtinuit tripudium.

De Conano Duce Brittonum, & Fulcone Andegauorum. CAP. III.

PRÆSCRIPTORVM igitur dierum tempore nihilominus in infimis Galliarum partibus intestinorum bellorum defœuit tumultus. Narrant siquidem plerique disputantes de mundani Orbis positione, quodd situs regionis Galliae quadra dimetiatur locatione. Licet ergo à Rifeis montibus vsque Hispaniarum terminos, in læuo habens Oceanum mare, in dextro verò passim iuga Alpium, propria excedat longitudine mensuram rationis quadriformæ. Cuius etiam inferius finitimum ac perinde vilissimum cornu Galliae nuncupatur. Est enim illius metropolis ciuitas Redonum. Inhabatur quoque diutius à gente Brittonum, quorum solæ diuitiæ primitus fuere libertas fisci publici, & lactis copia. Qui omni prorsus vrbantate vacui, suntque illis mores inculti, ac leuis ira, & stulta garrulitas. Horum scilicet Brittonum aliquando Princeps extitit quidam Conanus nomine, qui etiam accepta in matrimonio Fulconis Andegauorum Comitissæ sorore, ac demum insolentior ceteris suæ gentis Principibus cœpit existere. Nam more regio imposito sibi diademate in sui anguli popello, plurimam inconsultè exercuit tyrannidem. Postmodum verò inter ipsum Conanum & prædictum Fulconem, Andegauorum videlicet Comitem, exortum est indissolubile iurgium. ita ut crebris suorum inuicem depopulationibus ac sanguineis effusionibus laceßiti, ad vltimum quoque quantum ciuile, tamen inluctabile inirent comminus prælium. Cum igitur diu multumque vicissim sibi mala quæ poterant irrogassent, ab utroque decretum est, ut in loco, qui Concretus dicitur, quisque illorum cum suo exercitu die constituto aduenientes, prælij certamen inirent. Sed Brittonum exercitus excogitata fraudis decipula, partem Fulconis exercitus nequiter prostrauerunt. In prædicto denique loco, scilicet vbi certamen ineundum fuerat, clam præuenientes populi Brittonum, ibi numium astutè profundum atque perlongum fodere vallum, ramisque arborum densatim superinsertis, imposita videlicet hostibus muscipula, recesserunt. Die igitur constituto iuxta condictum, dum illuc vterque cum suo exercitu adueniret, atque acies vtraque iam in procinctu videretur, informata gens Brittonum callida fraudisque propriæ conscia, simulans se velle arripere fugam, scilicet ut audius demergeret hostem in latentem muscipulam. Quod cernens Fulconis exercitus, cupiens expedite super eos irruere, corruit pars ex eis non modica in foueam, videlicet Brittonum astu patratam. Illic autem Brittones conuersi, qui prius fugam simulauerant, inhiantèrque super Fulconis exercitum irruentes, asperrima quam plures ex eis cæde prostrauerunt. ipsum etiam Fulconem pulsum de equo in terram lorica tum deiecerunt. Qui exurgens nimio accensus furore, dictis releuans exacuensque suorum animos, ac velut turbo vehementissimus per densas fegetes impellentes, omnem exercitum Brittonum crudeli nimium cæde mactauerunt. Delectoque penè vniuerso exercitu Brittonum, ipsum etiam Conanum illorum Principem truncatum dextera viuum capientes Fulconi reddiderunt. Qui postea victor, reuersus ad propria, non illi postmodum quispiam Brittonum molestus extitit.

A

De Monasterio Lucacense.

CAP. IV.

DE eodem igitur Fulcone perplura dici potuissent ipsius gestorum, quæ scilicet fastidium vitantes siluimus. Vnum tamē restat memorabile, quod in præfentiarum relaturi sumus. Cū enim circumquaque in diuersis præliorum euentibus, plurimum humanum fudisset sanguinem, metu gehennæ territus, sepulchrum Saluatoris Hierosolymorum adiit. Indēque vt erat audacissimus, admodum exultanter rediens, aliquantulum ad tempus à propria feritate est lenior redditus. Tunc ergo mente cōcepit, vt in optimo fundorum proprii iuris loco Ecclesiam construeret, ibidēque Monachorum cœtum coadunaret: qui videlicet die noctūque pro illius animæ redemptione interuenirent: Qui etiam (vt semper curiosè agebat) cœpit quosque percunctari religiosos, in quorum potissimum memoria Sanctorum eandem Ecclesiam fundare deberet, qui videlicet pro eius remedio animæ omnipotentem Dominum orarent: Cui inter ceteris à propria etiam vxore, quæ valde sano pollebat consilio, suggestum est, vt in honore ac memoria illarum cœlestium Virtutum, quas Cherubin & Seraphin sublimiores sacra testatur auctoritas, votum quod vouerat expleret. Qui libentissimè annuens, ædificauit Ecclesiam admodum pulcherrimam, in pago scilicet Turonico, milliario interposito à Lucacense castro.

B Expleto denique quantocius Basilicæ opere, protinus misit ad Hugonem Turonorum Archipræsulem, in cuius scilicet constituta erat Diocesi, vt illam sacraturus, quemadmodum decreuerat, adueniret. Qui venire distulit, dicens, se minimè posse illius votum dicendo Domino committere, qui videlicet matri Ecclesiæ Sedis sibi commissæ prædia & mancipia surripuerat non pauca. Hōcque potiùs illi videbatur competere, vt primitus, si quid iniuste diripuerat, alicui restitueret, sicque deinceps iusto Iudici Deo propria, quæ vouerat, offerre deberet. Cūque igitur ista Fulconi à suis perlata fuissent, diutina feritate resumpta, nimium indignè ferens Episcopi responsa: insuper comminatus illum valde, ac sublimius inde quod valuit adegit consilium. Mox denique copiosa argenti & auri assumpta pecunia, Romam pergens, ac Ioanni Papæ causam suæ protectionis exposuit. Ac deinde poscens quod ab illo optauerat, plurima ei munerum dona obtulit. Qui protinus misit cum eodem Fulcone ad prædictam Basilicam sacrandam vnum ex illis, quos in beati Petri Apostolorum Principis Ecclesia Cardinales vocant, nomine Petrum, cui etiam præcepit veluti Romani Pontificis auctoritate assumpta, quicquid agendum Fulconi videbatur, intrepidus expleret. Quod vtrique audientes Galliarum quique Præsules, præsumptionem sacrilegam cognouerunt ex cæca cupiditate processisse, dum videlicet vnus rapiens, alter raptum suscipiens, recens in Romana Ecclesia scisma creauissent.

C Vniuersi etiam pariter detestantes, quoniam nimium indecens videbatur, vt is, qui Apostolicam regebat Sedem, Apostolicum primitus ac canonicum transgrediebatur tenorem. Cū insuper multiplici sit antiquitus auctoritate roboratum, vt non quispiam Episcoporum in alterius Diocesi istud præsumat exercere, nisi Præsule, cuius fuerit, compellente seu permittente. Igitur die quadam mensis Maij congregata est innumerabilis populi multitudo ad dedicationem scilicet prædictæ Ecclesiæ. Ex quibus multo etiam plures illuc Fulconis terror, ob suæ elationis pompam, conuenire compulit. Episcopi tantum, qui eius ditione premebantur, coacti interfuere. Cœpta igitur die constituto satis pompaticè huiusmodi dedicatione, atque peracta, Missarumque ex more solemnibus celebratis, postmodum quique ad propria rediere. Denique imminente ipsius diei hora nona, cū flabris lenibus serenum vndique consisteret cœlum, repente superuenit à plaga australi vehementissimus turbo, ipsam impellens Ecclesiam, ac replens eam turbido aëre, diu multumque concutiens. Deinde verò solutis laquearibus, vniuersæ eiusdem Ecclesiæ trabes, simulque tota teges, per pignam templi eiusdem Occidentalem in terram corruentes, euersum ierunt. Quod cū multi per regionem factum comperissent, nulli venit in dubium, quoniam insolens præsumptionis audacia irritum constituisset votum. Simulque præsentibus ac futuris quibusque, ne huic simile agerent, euident indicium fuit. Licet namque Pontifex Romanæ Ecclesiæ ob dignitatem Apostolicæ Sedis ceteris in Orbe constitutis reuerentior habeatur, non tamen ei licet transgredi in aliquo canonici moderaminis tenorem.

Tom. IV.

B ij

Sicut enim vnusquisque orthodoxæ Ecclesiæ Pontifex, ac sponsus propriæ Sedis, A vniformiter speciem gerit Saluatoris, ita generaliter nulli conuenit quippiam in alterius procaciter patrare Episcopi Diocesi.

De portento Aureliana vrbs mirabili.

CAP. V.

ANNO igitur incarnati Verbi octingentesimo octogesimo octauo contigit in vrbe Aureliana Galliarum admodum memorabile atque formidolosum portētum. Constat ergo in eadem vrbe Monasterium in honorem Apostolorum Principis antiquitus constitutum, in quo primitus Collegium Sanctimonialium virginum omnipotenti Deo deseruisse dignoscitur. Quod etiam exinde cognomento Puellare dicitur. In cuius deniq; Monasterij medio defixum stabat crucis vexillum, præferens ipsius Saluatoris, pro salute humana mortem patientis, imaginem. A cuius scilicet imaginis oculis per aliquod dierum spatium continuè multis cernentibus, riuus emanauit lachrymarum. Ad quod nimirum terribile spectaculum inspicendum multitudo maxima conuenit hominum. Plerique tamen cū illud cerne-
rent, admodum animaduertentes quoddam esse diuinitatis præsagium, videlicet illius vrbs superuenturæ calamitatis. Quemadmodum enim idem per se Saluator præsciens imminere vrbs detrimentum Hierosolymitanæ, fleuisse illam perhibetur: sic denique & hanc videlicet Aurelianam paulo post imminentem cladem pas-
suram per expressam suæ imaginis figuram fleuisse comprobatur. Contigit ergo post paululum in eadem ciuitate inauditæ rei, id ipsum, vt putatur, portendens euentus. Deniq; cū vnà noctium custodes videlicet maioris Ecclesiæ, videlicet Episcopij, ex more exsurrexissent, atque ipsius Ecclesiæ portas quibusque ad matutinales laudes properantibus aperuissent, subito lupo affuit, Ecclesiāq; ingressus, ac funem signi ore arripens, agitantq; illud, insonuit. Cernentes nimirum qui aderant, mentis stupore concussi, tandem clamore emisso, ac si inermes, nisu quo valere, illum exturbantes, ab Ecclesia expulerunt. Sequenti verò anno tota illius ciuitatis humana habitatio cum domibus Ecclesiarum terribiliter igne cremata est. Vnde etiam nulli venit in dubium, quoniam vnus cladis euentum vtriusq; rei præcessisset portentum. Erat igitur tunc temporis prædictæ ciuitatis Pontifex venerabilis Arnulfus, qui videlicet genere & doctrina sapientiæ pernobilis, ac paternorum fundorum redditibus locupletissimus, cernens excidium scilicet propriæ Sedis, desolationemque sibi commissæ plebis, potiore vsus consilio, magnum colligens apparatus, cœpit domum maioris Ecclesiæ, quæ olim dicata fuerat in Crucis Christi honore, iugiter à fundamentis reedificare. Qui dum acerrimè cœpto operi cum suis omnibus intenderet, vt scilicet quantocius honestissimè consummaret, nimium euidenter præstitum est illi diuinitus iuuamen. Contigit igitur quadam die, dum cæmentarij fundamenta Basilicæ locaturi, soliditatem perscrutarentur ipsius telluris, vt reperirent copiosa auri pondera, quæ scilicet ad totius, quamuis magnæ, Basilicæ fabri-
cam reformandam certissimè crederentur sufficere. Suscipientes ergo qui fortuito casu inuenerant aurum, ex integro Episcopo detulerunt. Ipse verò omnipotenti Deo pro collato sibi munere gratias agens, ac suscipiens illud, custodibus operis tradidit, totūque fideliter in opus eiusdem Ecclesiæ expendi iussit. Fertur namque quod etiam illud aurum solertia beati Euertij antiqui eiusdem Sedis Præfulis ibidem huius restaurationis gratia fuisset reconditum. Iccirco permaximè, quoniam dum isdem vir sanctus quondam potiore quam fuerat primitus, eandem informaret Ecclesiam, contigit illi huiusmodi munus diuinitus sibi reseruatum inibi reperire. Sicque præterea factum est, vt & domus Ecclesiæ, videlicet Sedis Pontificalis, priore elegantior reformaretur: Ipsaque suadente Pontifice ceterarum, quæ in eadem ciuitate deperierant, Basilicarum Sanctorum quorumcumq; meritis dicatarum ædes anterioribus potiores constituerentur, atque diuinorum operum cultus in eisdem excellentior haberetur præ omnibus. Ipsaq; vrbs paulò post re-
ferta domorum ædificijs, plebs tandem illius mitigata à flagitiis Domini pietate subuenta, tantòque citius conualuit, quantò sagacius propriam calamitatem excepit ob correptionis ultionem. Fuit namque prædicta ciuitas antiquitus, vt est in præsentiarum, Regum Fræcorum principalis Sedes regia, scilicet pro sui pulchritudine ac populari frequentia, necnon & telluris vbertate, perspicuiq; irrigatione fluminis.

A Ex Ligere quippe sibi congruo etiam flumine agnomen habet inditum, diciturque *Aureliana*, quasi ore *Ligeriana*: eo videlicet quod in ore eiusdem fluminis ripa sit constituta. Non ut quidam minus cauti existimant, ab Aureliano Augusto, quasi eam ipse ædificauerit, sic vocatam: quin potius ab amne, ut diximus, quod rectius veriusque illi congruit.

ROBERTVS.

De Prælationibus turpis lucri arreptis. CAP. VI.

S A C R O igitur præmonente eloquio, luce clarius compertum habetur, quoniam in processu nouissimorum dierum frigescente in hominibus charitate, ac superabundante iniquitate, instabant periculosa animarum tempora. Nam & multiplicibus antiquorum Patrum intimatur assertionibus, quod crassante avaritia præteritarum iura vel Ordines Religionum ex eo vnde consurgere debuere ad incrementum profectum, exinde sumpserunt corruptionis defectum. Illudque aliquibus versum est in animarum detrimentum, quod quibusdam eo legitime utentibus fuit emolumentum. Siquidem, ut diximus, turpis lucri avaritia imperante, suffocatur sæpissime censura iustitiæ. Cum enim in diuersarum gentium ac Prouinciarum cultibus istud habeatur probabile, euidentius tamen in Israëliticæ plebis Levitis & Sacerdotibus. Qui scilicet quanto dudum ceteris opulentiores, eo amplius plerique illorum superba cupiditate insolentiores. ideo etiam ad vltimum omnibus effecti deteriores. Sed multum distant legis veteris instituta multiplicibus figurarum ænigmatibus vestita à nouæ gratiæ perspicuis ac spiritualibus sacramentorum donis. Ibi namque munera solummodo conferebantur terrenarum hostiarum: in his ipse Deus accipitur in præmium. Ibiq; nihilominus totum promerebatur quisque ex seruitutis actione: hic verò quisque dignus habetur duntaxat ex sincera optimæ conscientiæ voluntate. Atque ideo ista præmissimus, quoniam iamdudum muneribus ineptis excæcatis pene vniuersis Principibus defæuit hæc pestis, longe latèque in Ecclesiarum quibusque Prælati toto terrarum Orbe diffusi. Denique omnipotentis Christi Domini gratuitum ac venerabile donum ad propriæ damnationis cumulum conuerterunt in avaritiæ lucrum. Ideoque huiusmodi videlicet Prælati tanto minus ad diuinum peragendum opus inueniuntur idonei, quanto constat, quia non ad illud accesserunt per aditum principalis hostij. Et licet aduersus talium personarum procacitatem multipliciter clamet sacrarum Scripturarum canon, nunc tamen solito multiplicius comperitur fieri in diuersis Ecclesiarum ordinibus. Nam ipsi Reges, qui sacræ Religionis idonearum decretores personarum esse debuerant, munerum largitione corrupti, potiorè quempiam ad regimen Ecclesiarum vel animarum diiudicant, illum videlicet, à quo ampliora munera suscipere sperant. Atque ideo permaximè quique procaces ac turgore superbiæ inflati, sese vltro cuique Prælationi ingerunt, minus formidantes incurere lapsum neglectæ pastoralis curæ, quoniam tota solummodo illorum pendet fiducia ex loculis collectæ pecuniæ, non ex perceptæ donis sapientiæ. Tantoque amplius adepto regimine student avaritiæ, quanto constat propriam ex illa ambitionem implese. Ac velut idolo sibi pro Deo constituto illi seruiunt, per quam scilicet informati, ad tale nomen absque merito vel opere proruperunt. Fitque minus cautis deceptorum imitandi forma, ac perinde vicissim contumax inuidentia. Quippe quoniam quicquid in talibus aliter æmulando colligit, videtur alteri inuidendo sibi subripi: atque ut inuidorum semper mos est, alienis felicitatibus indefinenter appetunt torqueri. Hinc etiam procedunt litigiorum tumultus assidui, oriunturque frequentia scandala, ac diuersorum transgrediendo conuellitur tenor ordinum. Sic etiam contigit, ut dum irreligiositas grassatur in Clero, procacitatis & incontinentiæ appetitus suecrescat in populo. Deinde verò mendaciorum circumuentioniæ, fraudes, atque homicidia, vniuersos penè in interitum subripiendo pertrahunt. Et quoniam Catholicæ fidei oculum, videlicet Ecclesiæ Prælatos, pessimæ cæcitatæ caligo obrepit, ideo plebs illius propriæ salutis viam ignorans in suæ perditionis ruinam decidit. Iure etiam contigit, ut ipsi scilicet Prælati ab eisde, quos subiectos habere debuerunt, affligantur, atque contumaces sentiant illos, quos utique suo exemplo à iustitiæ itinere fecerunt deuios. Nec mirum præterea si in aliquibus angustiis constituti, minus dum clamant exaudiuntur, quoniam ipsi sibi per avaritiæ cumulum claufere misericordiæ

ROBERTVS. hostium, cùm certissimum nihilominus habeatur pro huiusmodi vicissitudine flagitij sæpissimè imminere communem cladem populis & animantibus cunctis, nec non etiam plurimam pestem frugibus videlicet ex intemperie aëris. Sic quippe fieri contigit, vt hi scilicet, qui omnipotentis Dei gregi sibi commissio ferre debuerant saluationis adminiculum, opponerent eidem consueti beneficij obstaculum. Quandoque enim defuit religiositas Pontificum, ac marcessit districtio regularis Abbatum, simulque monasterialis disciplinæ vigor tepescit, ac per illorum exempla cetera plebs mandatorum Dei præuaricatrix existit: quid aliud quàm totum simul humanum genus rursus in antiquum præcipitij chaos suæ perditionis spontanea voluntate illabatur? Ex eiusmodi rei proculdubio euentu, dudum ille antiquus Leviathan fiduciam cōceperat, quòd inundatio Iordanis fluuij os illaberetur illius: vt videlicet baptizatorum multitudo per auariciæ appetitum viam veritatis deferens, demergeretur in interitum. Et quia, vt ex auctoritate Apostolica completum dinoscitur, frigescente scilicet charitate, ac superabundante iniquitate, in hominibus vtique semet plus iusto amantibus, solito crebrius ista, quæ retulimus, circa millesimum & post nati Saluatoris Domini annum vniuersis mundi partibus contigerunt.

De incendiis & mortibus nobilium. CAP. VII.

SEPTIMO igitur de supradicto millesimo anno Veseuus mons, qui & Vulcani Solla dicitur, solito multipliciore hiato euomens igne permixtam sulphureo grandium saxorum multitudinem, qui vsque in tertium rotabantur miliarium. Sicque suo alatu putido circa se inhabitabilem cœpit facere Prouinciam. Sed neque hoc puto silentio præterire, cur istud in sola Africana contingat regione. Primum denique ob telluris vacuitatem ex nimio ardore Solis: & quoniam illuc incumbit deuexum ab Oriente Oceanum mare, immensos vndarum erigendo in sese recolligit vortices, quibus videlicet percussus reconditur aër telluris in gremio. Deinde verò, cum igniflua vaporazione, quò valet, eructuat ad supera. Si quidem aër sicut ex ordinali constitutione penetrat supera, sic ex eiusdem ambigua natura, humoris scilicet atque caloris, sæpius exagitatus exprimit in aridis ignem, aut in humidis glaciem. Contigit interea penè vniuersas Italiæ & Galliæ ciuitates ignium incendiis deuastari, ipsamque urbem Romanam ex parte maxima igne cremari. Quod dum fieret, beati Petri Ecclesiæ tigna idem ignis arripuit, cœpitque sub æreo tabulatu consumendo lambere ligna. Quod cernens vniuersa hominum multitudo quæ aderat, nullam omnino compescendæ cladis artem reperiens, conuersi vnanimis voce clamantes terribili, ad ipsius Apostolorum Principis currere confessionem: eum imprecantes, si non peruigil propriæ foret ad præsens defensor Ecclesiæ, multos in Orbe terrarum à suæ fidei professione decedere. Statim verò vorax flamma abietinas deferens trabes disparuit. Per idem tempus obierunt in Italia & in Galliis, qui præcipui erant Pontifices & Duces, necnon & Comites. Primitus quoque Papa Ioannes, deinde Hugo Marchionum optimus. Post hæc verò per Italiam quique nobiliores. In Galliis namque Odo & Heribertus, quorum prius Turonorum Carnotique, sequens verò Meldorum atque Trecurum Comes extitit. Tunc temporis etiam Dux Rotomagorum Ricardus obiit, qui Monasterium ædificauerat nimium locuples, in loco qui dicitur Fiscampus, in quo etiam sepultus quiescit. Viellermus quoque Pictauorum Dux sub eodem tempore vitam finiuit. Pontifices item in Galliis quique religiosiores à seculo excefferunt, Manasses videlicet vir sanctitate plenus Trecurum Episcopus, & Gislebertus * Parisiorum, necnon & Geboinus Catalonorum, cum aliis pluribus. Inter quos etiam bonæ memoriæ sanctus videlicet Maiolus apud Siluiniacum Cœnobium vitæ præsentis terminum consecutus. Cuius scilicet vitæ honestatem preciosus etiam commendat transitus. Nam ad illius famam sanctitatis confluxere ex vniuerso Romano orbe viri & mulieres vtrorumque ordinum plurimi, exinde referentes diuersarum infirmitatum gratiam sanitatis. Desæuiebat eodem tempore clades pessima in hominibus, ignis scilicet occultus, qui quodcumque membrorum arripuisset, exurendo truncabat à corpore. Plerosque etiam in spacio vnus noctis huius ignis consumpsit exustio. Sed cùm in plurimis Sanctorum memoriis huius tre-

* *al. Engelbertus.*

A mendæ pestis sint inuenta remedia, maximus tantum concursus factus est ad trium sanctorum Confessorum Ecclesias, Martini scilicet Turonorum, atque Odolrici Baioariorum, necnon & istius venerabilis patris Maioli. optatæque salutis inuenta sunt beneficia.

De Henrici Ducis morte, & vastatione Burgundia.

CAP. VIII.

I G I T V R anno tertio de supradicto millesimo moritur in Burgundia Dux Hen- 1003.
ricus apud castrum Pulliacum super Ararim fluuium, sepulturæque Autisioderi apud eximium Confessorem Germanum traditur Octobrio mense. Sequentem vero mense Decembrio vespere Sabbati ante diem Dominicæ Natiuitatis apparuit in aëre portentum mirabile, species videlicet seu moles ipsa immensi draconis à Septentrionali plaga egrediens cum nimia coruscatione petebat Austrum. Quod prodigium pene homines vniuersos, qui videre infra Gallias, terruit. Sequenti denique anno ascendit R O T B E R T V S Rex in Burgundiam cum magno exercitu pugnatorum, ducens etiam secum Ricardum Rotomagorum Comitem cum triginta millibus Normannorum, quoniam Burgundiones ei fuere rebelles, nolentes eum suscipere in ciuitatibus & castris, quæ fuerant Ducis Henrici, eius videlicet auunculi: quin potius sibi in proprias diuisere partes. Deueniens quoque Rex primitus cum omni exercitu ciuitatem Autisioderum, eam obsidione circumdedit. Qui diu ibi crebris assultibus fatigatus residens, non aduersus eam præualluit, quæ fertur nunquam fraude vel hoste fuisse decepta. Relicta namque ciuitate, Rex cum vniuerso bellico apparatu conuertit se ad castrum beati Præsulis Germani expugnandum, quod munito aggere præpollens hæret ciuitati. Vallauerat enim illud Landrici Comitis exercitus, necnon eiusdem loci familiares viri, hostium siquidem metuentes sacri gregis diremptionem. Occurrit interea furenti Regi Odilo venerabilis Abbas Cluniacensis Monasterij, cupiens interuenire partes utrasque: siquidem ut Regi exhiberetur honorificentia, solidaretur concordia Principum, pax patriæ firmaretur. Qui minus posse fieri cernens quod decreuerat, hortabatur Fratres octo tantummodo, qui ad Confessoris custodiam relictæ fuerant (nam cæteros cum suo Abbate Hilderico nomine iussio Regis inde exire compulerat) ut orationi instarent assidue, si fortè Domini pietas eos, pariterque locum, à tanta obsidione dignaretur eripere. Sexto igitur obsidionis illucescente, nimio Rex arreptus furore, indutus lorica simul & galea, omnemque exercitum dictis exacuens, habens etiam secum Hugonem eiusdem vrbs Pontificem, solum ex omni Burgundia parti Regis fauentem. Eidem namque Regi in procinctu iam constituto occurrit supradictus Abbas Odilo, illum increpans, eiusque Primates redarguens, cur aduersus tantum Dei Pontificem, scilicet Germanum, hostili manu insurrexissent: cui specialiter, ut in gestis illius inuenitur, vsui fuit Dei auxilio & bella compescere plurima, & Regum ferocitati resistere. Cuius verbis minus auditum præbentes, quod tendebant peruenerunt, cingentésque supradictum castrum in coronæ modum, certatim illud expugnaturi prælium inierunt. Alternis quoque partibus diu multumque decertantibus, domus suæ parti Dei subito affuit præsens auxilium. Nam eiusdem castri vniuersa capacitas ita repleta est in hora prælij teterrima nebula, ut nemini hostium aforis peruius foret iaculandi aditus, cum ab intro repugnantibus cernerent se graui cæde prosterni. Sicque cum suorum maximè Normannorum concisione, dimiserunt castrum incolume. quos licet tardè pœnituit aduersus magni meriti locum arma sumpsisse. Cōtiguit etiam ut hora, qua Regis exercitus aduersus locum sacrum certamen inire cœpisset, vir religiosus Gislebertus eiusdem loci Monachus, super altare beatæ Mariæ semper virginis, quod decentius ceteris in vertice eiusdem constat Ecclesiæ, quemadmodum hora diei tertia quotidie consueuerat, Missarum sacramenta celebrare inciperet. Quod scilicet factum satis cœlitus præstitæ congruit victoriæ. Sequenti igitur die, egrediens Rex indè processit igne cremando res hominum, præter ciuitates, & castra tutissima, vsque in superiores Burgundiæ partes. Qui Franciam rediens, post hæc tamen licet tardius ad se reuersis Burgundionibus, prosperè vniuersam obtinuit regionem.

B iiij

EODEM autem tempore facta est fames prazualida quinquennio in vniuerso Romano Orbe, siquidem vt nulla audiretur non inops regio, & indigens pane. Multique exhausti inedia de populo perierunt: Tunc etiam per plura loca terrarum, non solum immundorum animalium, & reptilium, verum etiam virorum ac mulierum, infantiumque carnes compulit fames horrida sumere in cibum, nulla vel parentum obstante necessitudine. Nam eo vsque deuenerat huius sœuitia famis, vt iam adulti filij consumerent matres, ipsæque in paruulos, remota pietate materna, idem exercerent. Subsequente namque tempore, gens Sarracenorum cum Rege suo Almuzor nomine, egressa est ab Africanis partibus, occupans pene vniuersam Hispaniæ regionem vsque in Australes Galliarum fines: plurimasque Christianorum dedere strages. Sed licet impar exercitu, sapius tamen iniit cum eis prælia VVillermus Dux Nauariæ cognomento Sanctus. Tunc etiam ob exercitus raritatem compulsi sunt regionis illius Monachi sumere arma bellica. Cæsæ denique grauiter vtræque partes, tandem concessa Christianis victoria post grande suorum dispendium, qui superfuere Sarracenorum ad Africam fecere confugium. Sed & in illis diutinis conflictibus præliorum constat Christianorum Religiosos plures occubuisse, qui potius ob fraternæ charitatis amorem cupiebant decertare, quàm propter aliquam gloriam laudis pompaticæ. Erat quippe eo tempore frater quispiam VVlferius nomine, dulcis admodum moribus, ex conuersatione in Monasterio Reomagense, quod est situm in pago Tarnoderense, cui etiam apparuit die quadam Dominica visio satis credulitati commoda. Nam dum per expletionem matutinalium laudum in supradicto oraturus quieuisset Monasterio, ceteris Fratribus inde aliquantulum ad pausam redeuntibus, subito repletus est totius eiusdem Ecclesiæ ambitus viris scilicet vestibis albis indutis, ac purpureis stolis insignitis, quorum etiam continentia grauitas plurimum de ipsis instituebat eos cernentem. Qui verò eos præcedebat crucem manu gestans, Episcopum se esse multarum dicebat plebium, ibique die ipso sacra Missarum celebrare se oportere perhibebat. Referebat etiam tam ipse quàm ceteri, se illius noctis cum Fratribus eiusdem Monasterij matutinales interfuisse solemnes. Asserebant insuper optimæ laudis officium, quod audierant, illi dici congruere. Erat autem Dominica dies octaua Pentecostes, in qua propter gaudij expletionem Resurrectionis Dominicæ, eiusdemque Ascensionis, & aduentus Spiritus sancti, in plerisque diuersarum regionum locis mos est psallere Responsoria, verbis valde honestissimis composita, ac suauis sonoritate referta, & vt mens valet humana, Deificæ Trinitati condigna. Cœpit interea, qui præerat Episcopus, super altare sancti Mauritij Martyris Missarum solemnia eiusdem Trinitatis Antiphonam intonans celebrare. Interim verò percunctatus est supradictus Frater, qui, aut unde essent, pro quauē causa illuc deuenissent. Cui satis leniter tale dederunt responsum: Professionem, inquirunt, Christianitatis gestamus, sed ob tutelam patriæ, Catholicæque plebis defensionem, gladius nos in bello Sarracenorum separauit ab humanorum corporum habitatione. Idcirco nos omnes pariter diuina vocatio nunc transfert in sortem beatorum. Sed ideo per hanc Prouinciā nobis contingit habere transitum, quoniam plures ex hac regione infra breue temporis spacium nostro sunt addendi collegio. Præterea is, qui Missarum explebat officium, finita oratione Dominica, pacem omnibus dans, misit vnum qui ipsi Fratri pacis osculum daret. Qui cum fecisset, innuit etiam ei, vt illum sequeretur. His ita conspectis, cum vellet eos sequi, disparuerunt. Intellexit quoque idem Frater, se in breui spacio exiturum à seculo. quod etiam sic contigit fieri. Nam mense quinto, id est Decembrio, postquam hæc quæ diximus viderat, sui Abbatis imperio perrexit Autisiodorum gratia medicandi aliquorum in Monasterio beati Confessoris Christi Germani infirmantium Fratrum. Erat enim medicinæ artis studiis instructus. Qui veniens illuc, cœpit commonere illos Fratres, pro quorum causa aduenerat, vt quàm citius, quæ pro salute illorum agenda erant, exercere curarent. Cognouerat enim exitum suum proximum fore. Cui dum responderent, Quieti indulge iam hodie pro fatigatione itineris, vt dies crastina te valentiorē inueniat,

A At ipse ait: Si hodie, quantum superest, non expleuero, prout valeo, iam die crastina noueritis me ex his nihil acturum. Qui ludere illum existimantes, ut erat semper alacri mente placidus, quod monuerat omiserunt. Die autem altera illucescente, praeuentus acri dolore, accessit prout poterat ad altare beatæ Mariæ semper Virginis, sacra Missarum celebraturus. Quibus peractis, recessit ad domum infirmorum Fratrum, iamque nimium dolentes artus composuit lecto. Cui, ut talibus fieri solet, cœperunt palpebræ somnum quærere inter angustias. Repentè verò astitit ei Virgo splendida, coruscans immenso fulgore, interrogansque illum, quam mentis dubietatem haberet. Quam cum ipse intuitus fuisset, adiecit: Si de itinere meo, non necesse est enim ut pauca, quoniam ego tibi custos extitero. Ex qua visione securior effectus, ad se venire mandans loci Præpositum nomine Achardum, eruditissimum valde virum, qui postea eiusdem Monasterij Abbas extitit, narrauit ei non solum præsentem, sed etiam præteritam visionem ex ordine. Qui dixit ei, Confortare, Frater, in Domino. Sed quoniam ea vidisti, quæ raro humano visui conceduntur, necesse habes persolvere vniuersæ carnis debitum: ut in eorum, quos vidisti, possis admisceri consortium. Conuocatisque ceteris Fratribus, secundum morem ei visitationem fecerunt. Tertia namque die peracta, incipiente nocte migravit à corpore. Quem dum cuncti Fratres ex more ablucere, ac pannis componere pararent, signaque Monasterij vniuersa pulsarent, quidam laicus, sed religiosus, iuxta commanens, ignorans obitum Fratris, æstimansque ob nunciandos Matutinos signa pulsari, exsurrexit ut solebat pergere ad Ecclesiam. Qui cum venisset ad pontem quendam ligneum, qui ferè in medio erat itinere, audierunt plures ex vicinis voces quasdam ex latere Monasterij proclamantes huiusmodi: Extrahe, extrahe, & educ ad nos illum quantociùs. Quibus etiam vocibus tale responsum est redditum; Hunc interim non queo, alium tamen educam si potero. Statim verò ille, qui ad Ecclesiam pergebat, cernit ante se super pontem quasi vnum vicinorum suorum, reuera ergo diabolum contra se venientem; de quo etiam dubitare non posset. Quin etiam nomine proprio illum vocans, monuit ut prouidè transiret. Illico autem malignus spiritus turrigera specie in altum se erigens, cupiensque decipere hominem, eius fallacem pompam visibus sequentem. Quam tamen dum aspiceret, eius pes lapsus grauiter in ponte corruit. Qui citissimè se erigens, muniensque se signo crucis, cognita maligni diaboli fraude, regressus domum cautior est redditus. paulo post nempe & ipse in pace obiit.

De inundantia lapidum.

CAP. X.

PER idem tempus contigit in Burgundia apud castrum Ianniacum valde mirum & memorabile præsagium in domo cuiusdam nobilis, nomine Arlebaudi. Nam per triennium ferè continuè per vniuersam illius domum indicibiliter, vel ab aère, siue à tabulatu, distillauere magni atque parui lapides, ita ut acervos circa domum ex ipsis eiectis lapidibus vsque nunc in promptu est videre. Sed cum die noctuque per domum vbique pluerent, neminem tamen suo ictu lædebant, sed neque vas aliquod infrangebant. Multi enim ibi limites, quos alij *bonnas* nominant, suorum recognouere agrorum. Simul etiam de viis, & domibus, ac diuersis ædificiis & prope & longe constitutis illuc delati reperi sunt lapides. Quod etiam futuræ pestis illius domus familiæ fuisse indicium rei probauit euentus. Nam extiterat vir supra dictus cum vxore sua de generosis admodum parentibus. Idcirco increuerant eius filii ac nepotibus paternorum fundorum cum circumiectis vicinis non parua litigia. Contigit ergo non longo post spatio temporis, ut villam quandam Allanto cognomine, sitam in pago Senonico, quæ etiam ex rectorum Monasterij sanctæ Columbæ virginis largitione iuri illorum peruenerat. Sed milites Autisfordi commanentes ipsam eis diripiendo abstulerant, ipsi tamen toto nisu illam sibi redintegrari pararent. Cum verò iam plures de hac altercarum annos fuisset, vno vindemiarum die bellum inierunt in eadem villa partes vtræque. in quo etiam bello multi ex ambabus partibus sunt interempti. Ex supra dicta quoque domo inter filios & nepotes vndecim ceciderunt. In processu namque temporis imminente iurgio, crescentibusque discordiis, perdurauere cædes innumeræ illius familiæ, illorumque homicidia hostium, vsque in tricesimum & eo amplius annum.

EXSTITIT circa finem millesimi anni homo plebeius in Galliis, apud vicum Virtutis vocabulo, in pago Catalonico, Leutardus nomine: qui, vt finis rei probauit, Sathanæ legatus credi potuit. Cuius etiam vesaniæ peruicacia hoc exordium habuit. Morabatur enim aliquando solus in agro quippiam ruralis operis peracturus. Qui ex labore somno depressus, visum est ei, vt grande examen apum in eius corpus per secreta ingrederetur naturæ, quod etiam per illius os nimio cum strepitu erumpens crebris illum punctiõibus agitabat, ac diu multum agitato stimulis loqui ei videbantur, & multa hominum impossibilia præcipere vt faceret. Tandem fatigatus exurgens venit domum, dimittensque vxorem, quasi ex præcepto Euangelico fecit diuortium. Egressus autem velut oraturus, intrans Ecclesiam, arripiensque crucem & Saluatoris imaginem contriuit. Quod cernentes quique territi pauore, credentes illum, vt erat, insanum fore. Quibus etiam ipse persuasit, sicut sunt rustici mente labiles, vniuersa hæc patrare ex mirabili Dei reuelatione. Affluebat igitur nimium sermonibus vtilitate & veritate vacuis, doctõrque cupiens apparere, dedocebat magistrum doctrinæ. Nam decimas dare dicebat esse omnimodis superfluum & inane. Et sicut hæreses ceteræ, vt cautiùs decipiant, Scripturis se diuinis, quibus etiam contrariæ sunt, palliant: ita & iste dicebat Prophetas ex parte narrasse vtilia, ex parte non credenda. Cuius etiam fama, quasi alicuius mente sani ac religiosi, in breui ad se traxit partem non modicam vulgi. Quod comperiens vir eruditissimus Gebuinus senex Episcopus, in cuius scilicet erat dicecesi, accersiri illum ad se iussit. Quem cum interrogasset de vniuersis, quæ dixisse vel fecisse compererat, cœpit venenum suæ nequitie occultare, cupiensque quod non didicerat de Scripturis sacris testimonia sibi assumere. Audiens verò sagacissimus Episcopus, non esse conuenientia, immò non magis turpia, quàm damnabilia, ostendens hominem insanientem hæreticum factum, reuocauit ab infania populum ex parte deceptum, Catholicæ plenius restituit fidei. At ille cernens se deuietum, atque ambitione vulgi destitutum, semet puteo periturus immerfit.

IPso quoque tempore non impar apud Rauennam exortum est malum. Quidam igitur Vilgardus dictus, studio artis Grammaticæ magis assiduus, quàm frequens, sicut Italis mos semper fuit artes negligere ceteras, illam sectari. Is enim cum ex scientia suæ artis cœpisset inflatus superbia stultior apparere, quadam nocte assumpsere dæmones Poëtarum species Virgilij, & Horatij, atque Iuuenalis, apparentesque illi fallaces retulerunt grates, quoniam suorum dicta voluminum chariùs amplectens exerceret, seque illorum posteritatis felicem esse præconem, promiserunt ei insuper suæ gloriæ postmodum fore participem. Hisque dæmonum fallaciis deprauatus, cœpit multa turgidè docere fidei sacræ contraria, dictaque Poëtarum per omnia credenda esse asserebat. Ad vltimum verò hæreticus est repertus, atque à Pontifice ipsius vrbis Petro damnatus. Plures etiam per Italiam tempore huius pestiferi dogmatis reperti, quique ipsi aut gladiis, aut incendiis perierunt. Ex Sardinia quoque insula, quæ his plurimùm abundare solet, ipso tempore aliqui egressi, partem populi in Hispania corrumpentes, & ipsi à viris Catholicis exterminati sunt. Quod præsagium Ioannis Prophetiæ congruit: quia dixit Sathanam soluendum, & expletis mille annis, de quibus in tertio iam Libello prolixius tractabimus.

EXPLICIT LIBER II.

LIBER TERTIVS.

NUNC igitur quoniam de priorum gestis aliqua retulimus, ab illo & infra, ut spondimus, anno videlicet millesimo nati cuncta viuificantis Verbi, tertij sumamus incitamen huius Operis Libelli. Eo autem, ut diximus, imminente priuatus est penè Orbis vniersus personis & religiosis & nobilibus. Claruere tamen ab eodem anno tam in Italia, quàm in Gallis, vtrorumque ordinum viri, quorum vita & operatio quærent posteris imitabilia informare exempla. Regnantibus quoque duobus Christianissimis Regibus, Henrico scilicet Saxonum Rege, & Roberto Francorum, etsi ab exteris nationibus illorum quæuerunt patria, creberrimè tamen præliis fatigata sunt intestinis. Sicut enim aliquando perfidis honor exhibetur ex timore, ita bonis infertur pro sua reuerentia timor. Nam cum ab omni Romanorum populo, intercedente Papa Benedicto, viro sanctissimo, Henricus adscisceretur in Imperium Longobardorum, gens consueta fraude dissenfit, sibi que Regem Arduinum quendam vnguentes instituerunt. Sed licet diu multumque renitentes, postea tamen cum cade suorum maxima Imperialibus semet subdidere præceptis. Qui veniens Papiam, ab eisdem Longobardis miri operis Palatium sibi construi fecit. Potitòque decenter Imperio, accepit in Regno suo coniugem, filiam scilicet Sigefredi Saxonum Ducis. Ex qua etiam cernens non posse suscipere liberos, non eam propter hoc dimisit: sed omne patrimonium, quod liberis debebatur, Christi Ecclesie contulit. Edificauit quoque Monasterium in Saxonia loco, qui dicitur Bauoberch, id est, Bauonis mons. Lingua enim Theutonica Berch mons appellatur. Quod etiam Monasterium donis innumerabilibus locupletatum à Pontifice Romano, supradicto scilicet Benedicto, in honore Apostolorum Principis dedicari fecit: atque eiusdem Pontificis vsus consilio, eandem Ecclesiam in Episcopalem sublimauit Sedem: constitutòque in ea Episcopo, amplissimorum fundorum redditibus esse fecit locupletem.

INCIPIVNT CAPITVLA LIBRI TERTII.

- I. De Stephano Rege Vngrorum, & bellis Beneuentanorum.
- II. De Roberto Rege Francorum.
- III. De stella Comete, qua apparens plurima portendit.
- IV. De inuolutione Ecclesiarum in toto Orbe.
- V. De Monasteriis readificatis bene à Villermo Abbate, vel institutis.
- VI. De Sanctorum pignoribus ubique reuelatis.
- VII. De euersione templi Hierosolymorum, & cade Iudaorum.
- VIII. De herese apud Aurelianos reperta.
- IX. De filiis Regis eiusdem.

De Stephano Rege Vngrorum, & bellis Beneuentanorum. CAP. I.

IPso igitur tempore Vngrorum gens, quæ erat circa Danubium, cum suo Rege ad fidem Christi conuersa est. Quorum Regi Stephano ex baptismo vocato, decentèrque Christianissimo, dedit memoratus Imperator Henricus germanam in uxorem. Tunc temporis cœperunt penè vniersi, qui de Italia & Gal-

ROBERTVS.

liis ad sepulchrum Domini Hierosolymis ire cupiebant, consuetum iter, quod erat **A**
per fretum maris, omittere, atque per huius regionis patriam transitum habere.
Ille verò tutissimam omnibus constituit viam. excipiebat ut fratres quoscunque
videbat, dabatque illis immensa mōnēra. Cuius rei gratia prouocata innumerabi-
lis multitudo tam nobilium, quàm vulgi populi, Hierosolymam abierunt. Tunc
etiam Imperator Basilius sancti Imperij Constantinopolitani præcepit cuidam Sa-
trapæ suo, illi qui cognominatur Cataponti, eo scilicet quod iuxta mare inhabi-
tet, ut à transmarinis ciuitatibus, quæ Romano debentur Imperio, veniens tribu-
ta exigeret. Qui libenter annuens, misit Græcorum classem ad res Italicas subla-
turas. Hoc verò peremptatum est per duorum annorum spacium. non parua etiam
pars subiugata est à Græcis Beneuentanæ Prouinciæ. Contigit autem ipso in tem-
pore, ut quidam Normannorum audacissimus, nomine Rodulphus, qui etiam Co-
miti Richardo displicuerat, cuius iram metuens, cum omnibus, quæ secum duce-
re potuit, Romam pergeret, causamque propriam summo Pontifici exponeret
Benedicto. Qui cernens eum pugnae militari elegantissimum, cœpit ei querelam
exponere de Græcorum inuasionē Romani Imperij, seque multum dolere, quo-
niam minimè talis in suis existeret, qui repelleret viros exteræ nationis. Quibus
auditis, spondit se idem Rodulphus aduersus transmarinos præliaturum, si ali-
quod ei auxilium præberent vel illi, quibus maior incumbebat genuinæ necessitu-
do patriæ. Tunc verò prædictus Papa misit illum cum suis ad Beneuentanos Pri-
mates, ut eum pacificè exciperent, semperque præliaturi præ se haberent, illius- **B**
que iussioni vnanimis obedirent. Egressusque ad Beneuentanos, qui eum ut Pa-
pa iusserat susceperunt. Illico autem illos ex Græcorum officio, qui vectigalia in
populo exigebant, inuadens Rodulphus, diripuit quæque illorum, ac trucidauit.
His itaque auditis, illorum socij, qui iam plures ciuitates & castella propriæ sub-
iugauerant ditioni, coacto in vnum suorum exercitu inierunt prælium aduersus
Rodulphum, & eos qui eius fauebant parti. In quo scilicet prælio pars Græcorum
occubuit maxima, insuper & castra aliqua dimisere vacua. quæ subsequutus Ro-
dulphi exercitus victor obtinuit. Visa igitur Græci suorum cæde, miserunt Con-
stantinopolim, ut auxiliaretur eis quantocius ab his, qui eos miserant. Statimque
reformantes classem, multò plures quàm prius præliatores miserunt. Interea cum
auditum esset vbique, quoniam paucis Normannorum concessa fuisset de super-
bientibus Græcis victoria, innumerabilis multitudo etiam cum vxoribus & liberis
prosecuta est à patria, de qua egressus fuerat Rodulphus: non solum permittente,
sed etiam compellente ut irent, Richardo illorum Comite. Egrescentes autem sa-
tis audacter venerunt ad loca Alpium, qui & Mons Iouis dicitur, vbi etiam in an-
gustissimis semitis præpotentes regionis illius constituerant, imperante cupidita-
te, seras & custodes ad pretia transmeantium exigenda. At illi Normannorum
exercitus confractis feris, cæsisque custodibus, per vim transitum fecerunt. Egressi-
que non paruum Rodulpho contulerunt auxilium. Sicque pars vtrique resumptis **C**
viribus secundo inierunt prælium, in quo vtrorumque exercitus grauitè cæsus.
Normannorum tamen exercitui victoria prouenit. Post paululum verò terno com-
misso prælio, in sese pars vtraque fessa cohibuit. Perspiciensque Rodulphus suos
defecisse, virosque illius patriæ minus belli aptos, cum paucis perrexit ad Impera-
torem Henricum, expositurus ei huius rei negotium. Qui benignè illum susci-
piens, diuersis muneribus ditauit: quoniam rumor, quem de illo audierat, cer-
nendi contulerat desiderium. Protinus Imperator congregans exercitum copio-
sum, ob tuendam Rempub. ire disposuit. Tandem verò Græci putantes à patria
fugisse Rodulphum, profilierunt ad castra, quæ ipse victor ab eis abstulerat. sed
nequicquam. Nam & veterem Troadem ciuitatem festinanter cinxere muris, re-
plentes eam copiosè viris & mulieribus. Interea Imperator pergens ad regionem
Beneuentanam, expugnauit ac subdidit vniuersas ciuitates & castra, quæ Græci
surripuerant, eius Imperio. Ad supradictam autem cum venisset Troadem, re-
bellantes qui intus erant, diu multumque ei restiterunt. Nam sperabant ut sibi
futuræ æstati, sicut Græci promiserant fore, Basilius succurreret. Insuper adij-
cientes in tantum Henricum humiliari, ut pedes Basilij territus pauore suscipere.
At ille circumdans ciuitatem sui exercitus obsidione, instruxit machinas, ut eam
per vim caperet. Illique deinceps noctu egressi, ruerunt secum faces pice perlitas,
igneque

A ignéque succensas machinas à foris cremauerunt. Quod cernens Imperator, accensus ira potiores fecit reinstrui machinas, crudóque circumdari corio: vigilantique custodia iussit illas tueri. Exacto igitur iam tertio obsidionis mense, alternisque cædibus vtrique nimium fessi (nam & exercitum Imperatoris dissenterica clades oppidò vexauerat) tandem obfessi meliore vti consilio, inuenerunt viam euadendi discriminis. Quadam autem die accipientes solitarium quendam, indurum monachali habitu, quibus etiam Italia plurimum abundat, dederunt ei crucem gestare, miseruntque post illum omnes ciuitatis pueros minoris ætatis. sicque exclamando, *Kyrie eleison*, deuenit ad Imperatoris tentorium. Quod audiens Imperator, iussit interrogari quid sibi vellent. Cùmque responsum fuisset, quòd misereri à se afflictæ ciuitati implorarent, respondit: Optimè nouit ipse, qui agnitor est cordium, inquit, quoniam magis quàm ego horum paruulorum patres illorum sunt homicidæ. Illachrymansque iussit, vt salui in ciuitatem redirent. Fecerunt autem vt iusserat Imperator. Altera quoque die iterum primo mane processerunt à ciuitate vt priùs clamantes, *Kyrie eleison*, vsque dum sonoritas vocum illorum aures pulsaret Imperatoris. Qui statim egressus tentorio, respiciensque pupillorum turbam, pietate permotus, vterat vir sapientissimus, voce Dominica vsus, ait; *Misereor super turbam*. Nam antè iam dixerat, quoniam si ei contingeret capere ciuitatem, quicquid masculini sexus inueniretur in ea, suspenderetur patibulis: reliqua verò igne cremari, ipsiusque ciuitatis mœnia ad solum pertrahi.

B Præterea mandauit Imperator illis, qui in ciuitate ceteris præerant, vt si indulgeri sibi ab eo vellent, iramque eius placare, ipsimet subuerterent partem murorum ciuitatis, quæ contra suas machinas rebellis stare videbatur. Qui audientes, certatim impleuerunt quod eis mandatum fuerat. Post hæc quoque præcepit Imperator eos pacificè ad se egredi, murumque ciuitatis ab eisdem reedificari. Acceptisque pacis obsidibus ab vniuersis regionis illius Prouincialibus, reuersus est Saxoniam. Normanni quippe cum suo Duce Rodulfo, reuersi in suam patriam, gratariter recepti à proprio Principe Richardo. Sequenti denique anno mense Iulio obiit Henricus Imperator apud Saxoniam, sepultusque est honorificè in Monasterio Bauoberch, quod ipse, vt dictum est, in honore Apostolorum Principis ædificauerat.

De ROBERTO Rege Francorum. CAP. II.

IN præscripto igitur tempore disponente Francorum regnum ROBERTO Rege, plurimas ei intulere sui contumeliæ insolentias, illi maximè quos aut ex mediocri, aut ex infimo genere tam ipse, quàm vterque Hugo ei, scilicet pater atque auus, fecerunt maximis honoribus sublimes. Inter quos fuit Odo rebellionum maximus, qui fuit filius Tebaldi Carnotensis cognomento Fallacis, ceterique quamplures inferioris potentie, qui exinde extiterunt, ei rebelles, vnde esse debuerant humiliores.

C Quorum non dispar fuit secundus Odo, filius scilicet prioris Odonis, qui quantò potentior, tantò fraudulentiore ceteris. Nam cùm obiisset Stephanus Comes Trecorum & Meldorum, Heriberti filius, ipsius Regis consobrinus, absque liberis, apparuit idem Odo contra Regis voluntatem vniuersa quæque latifundia in Regis videlicet dominium iure cessura. Fuit etiam iuge litigium & bella frequentia inter ipsum Odonem & Fulconem Andegauorum Comitem, quoniam vterque tumidus superbiâ, iccirco & pacis refuga. Necnon etiam Villermus Henrici Ducis priuignus, ac Alberti Longobardorum Ducis filius, eidem Regi aliquândo rebellis extitit, fauente ei Landrico Neuernis Comite, qui eius filiam vxorem duxerat; & Brunone Lingonensi Episcopo, cuius habebat in matrimonio sororem, ex qua suscepit filios & filias, de quibus priùs natam Landricus, reliquas vterque Villermus, scilicet Pictauiensis & Arelatensis, duxere vxores. Vnusque filiorum eius Rainaldus nomine duxit filiam Richardi Rotomagensis Ducis Adeledam nomine vxorem. Qui licet aduena puer etiam furtim sublatus à Longobardorum patria, matrique non mediocriter astute per quendam Monachum redditus in Burgundia, in tantum conualuit, vt in diuitiis & in militia non inueniretur secundus in patria. Sed huic plurimum aduersatus restitit Hugo filius Lamberti Cabillonensis Comitis, viri honestissimi. qui inter cetera quæ gessit optima, Monasterium etiam construxit in

ROBERTVS. pago Augustidunense, quod dicitur Paredo, in honore sanctæ Mariæ, sanctique A
 Ioannis Baptistæ; in quo etiam sepultus honorificè quiescit. Fuit enim idem Hu-
 go Episcopus Autisiodori, regensque Comitatum patris ex imperio Regis, quo-
 niam præter eum pater non habuit sobolem sexus masculini. Idcirco hostibus Re-
 gis contrarius, quoniam Regi fidissimus parebat in omnibus. Accepit autem su-
 pradictus Rex illius cognatam nomine & animo CONSTANTIAM, inclitam
 Reginam, filiam videlicet VVillelmi prioris Aquitanix Ducis: ex qua etiam susce-
 pit filios quatuor, & filias duas. Exitit tamen aliquando quidam Hugo dictus Bel-
 uacensis, qui inter ipsum Regem eiusque coniugem nequam semen odiis sparge-
 bat, suique gratia præmij Reginam ei fecerat odiosam. Tantam denique insuper
 gratiam à Rege consecutus fuerat, ut Comes Palatij haberetur. Factumque est, ut
 die quadam Rex in silua venatum iret, idemque Hugo, ut semper solebat, cum il-
 lo. Veneruntque missi à Fulcone Andegauorum Comite, auunculo scilicet eius-
 dem Reginæ, fortissimi milites duodecim, qui supradictum Hugonem ante Re-
 gem trucidauerunt. Ipse verò Rex, licet aliquanto tempore tali facto tristis effe-
 ctus, postea tamen ut decebat, concors Reginæ fuit. Hic itaque Rex, ut sapientissi-
 mus Dei cultor, semper fuit humilium amator, superborumque ut valuit osor. Si
 qua enim Pontificalis Sedes in suo Regno proprio viduaretur Præsule, cura erat
 maxima ut utilis Pastor, licet genere infimus, restitueretur Ecclesiæ potius, quam
 nobilitatis eligeretur persona secularis pompæ. Qua de causa etiam Primates Re-
 gni sensit plurimum contumaces, qui despectis humilibus, sui similes eligebant su-
 perbos. Fuit enim ei pax cum Regibus in gyro Regni sui positis, maxime cum su-
 pradicto Imperatore Henrico. Nam cum aliquando ad inuicem colloquendum
 super Mosam fluvium, qui limes est vtriusque Regni, conuenissent, pluresque ex
 ambabus partibus musitarent indecens esse, ut quis illorum, tantorum scilicet Re-
 gum, semet humilians, quasi in alterius transfret auxilium. hoc etiam fore potissi-
 mum, ut in fluminis medio nauibus portarentur simul locuturi. Sed viri eruditissimi
 illud vterque in mente habens, *Quanto magnus es, humilia te in omnibus*. Primo nam-
 que mane surgens Imperator, transit cum paucis ad Regem Francorum, nimioque
 amplexu semet deosculantes, sacramentisque Missarum decenter ab Episcopis in
 conspectu illorum celebratis, prandere vtrisque simul congruit. Expleto quoque
 prandio, obtulit Robertus Rex immensa munera auri atque argenti & pretiosarum
 gemmarum Henrico, centum insuper equos honestissime phaleratos, super vnum
 quemque lorica & galea, mandans insuper tantum illorum amicitiam minuere,
 quantum contingeret ex omnibus illi relinquere. At Henricus cernens amici libe-
 ralitatem, suscepit ex illis tantum librum Euangelij, auro & lapidibus pretiosis in-
 sertum, ac philaterium simile factum, continens dentem sancti Vincentij Leuitæ
 & Martyris. Vxor verò illius pares auri tantum naues accepit. Cetera autem egre-
 diens in gratia dimisit. Sequenti igitur die iterum Rex Robertus cum Episcopis ad
 Imperatoris tentoria transiens, qui cum satis sublime suscipiens. expletoque simul
 prandio, centum libras ei ex auro puro obtulit, Rex quoque pares tantum naues
 auri ex illo sumpsit. Firmatoque vterque pacto amicitiae, rediere ad propria. Ab
 aliis quoque Regibus satis gratificè fuit semper habitus, Adalrado scilicet Rege
 Anglorum, & Rodulpho Rege Austrasiorum, necnon & Sancio Rege Nauarriæ
 Hispaniarum. mittebantque ei munera, & petebant ab eo auxilia.

De stella Comete, qua apparens plurima portendit. CAP. III.

APPARUIT igitur præfati Regis tempore in Occidentalis aëris parte stella
 quæ vocatur Cometa, Septembrio mense, incipiente nocte, perdurans spatio
 trium mensium. Quæ scilicet nimia claritate fulgens, maximam aëris partem sibi
 illustrando vendicabat, usque dum circa galli cantum occumberet. Sed vtrum no-
 uiter à Deo stella mittatur, seu ab eodem ob gratiam portenti alicuius stellæ lumen
 multiplicius augeatur, ipsi soli scire competit, qui cetera indicibiliter sua sapientia
 disponit. Illud tamen habetur probatissimum, quoniam quotiens huiusmodi ho-
 minibus ostenditur fieri in mundo, paulò post quoddam mirum atque terribile pa-
 tenter innuitur. Denique contigit in proximum Ecclesiam beati Michaëlis Ar-
 changeli cremari incendio, quæ scilicet constituta in quodam promontorio littoris

A Oceani maris, toto Orbe nunc vsq; habetur venerabilis. Nam & inibi certissimum conspicitur, videlicet ex incremento atque decremento lunari eundo ac redeundo processu mirabili in gyro eius promontorij reuma scilicet Oceani. Cuius etiam maris excrementum *malinas* vocant, decrementum quoque *ledones* nuncupant. Atque ob hoc maximè prædictus locus à plurimis terrarum populis sæpius frequentatur. Est etiam non longe à prædicto promontorio fluuiolus cognomento Arduus, qui post hæc paululum excrefcens per aliquod temporis spatium intransmeabilis effectus, atque ad prædictam Ecclesiam ire volentibus viam plurimùm impediens, aliquantisper eiusdem itineris obstaculum fuit. Postmodum verò in sese rediens profundissimè littus suo cursu sulcatum reliquit. His ita gestis, contigit, vt venerabilis Abo Pater Monasterij S. Benedicti Floriacensis cognominati, gratia propagandæ Religionis Monasticæ in Prouinciam transiret Meridianorum Vuasconum. Cùmque illuc deueniens in quodam moraretur Cœnobio, ibique more solito ea quæ Dei sunt sedulò exerceret, nimio à cunctis venerabatur affectu. Accidit igitur die quadam, vt in attrio eiusdem Cœnobij exardescantibus quorundam litigioforum irarum stimulis, nimium acer oriretur tumultus. Dùmque vir reuerentissimus, prædictus videlicet Abo, comperiens ad eundem tumultum sedandum pugillares gerens in manibus tabellas cum stillo, processisset, vnus è vulgo afflatus spiritu diabolico irruens in eum, eiusque latus lancea perforans, Christi martyrem fecit. Qui etiam, vt fertur, paulò post arreptus à dæmone, miserabiliter vitam finiuit. Corpus verò prædicti Patris tam sui, quàm ceteri, quique fideles eiusdem Prouinciæ honorificè ibi sepelierunt. Vbi etiam ad laudem sui nominis perplura postmodum Dominus largitus est hominibus beneficia. Tunc igitur temporis in Italia, atque in Galliis, plerique Episcoporum nonnulla inter se diuersis quæstionibus habuere Synodorum conciliabula. Nam de ieiuniis, quæ plerique fidelium, scilicet inter Ascensionem Saluatoris & Pentecosten obseruant, ita decreuerunt, vt ne per imperium Sacerdotum fierent, excepto Sabbato Pentecosten, & à quibus fieri vellent, ne prohiberentur fieri. Simulque incidit quæstio, cur Monachi per tres vel quatuor Dominicas dies ante diem Natiuitatis Dominicæ, seu Quadragesimalis obseruationis tempore, Hymnum, scilicet *Te Deum laudamus*, decantarent contra morem Romanæ Ecclesiæ. Qua videlicet quæstione aggressi tam Abbates, quàm Monachi, responderunt. Se pro nulla re illud agere, nisi ex beati Benedicti nominatissimi, atque excellentissimi Patris præceptione. Cuius etiam actus simulque dicta à summo Romanorum Pontifice, videlicet Gregorio, haberentur descripta, ac laudabiliter roborata. His denique compertis, Episcopi, vsus Monachorum authentico ex more vigit. Necnon etiam de die Annunciationis Dominicæ, qui celebratur octauo Kalendarum Aprilium, si fortè quolibet alio tempore præter Quadragesimam excoli congruentius potuisset, ab eisdem Pontificibus non parua illata est quæstio. Ferebatur enim à quibusdam, eandem videlicet Annunciationem Dominicam more Hispanorum quintodecimo Kalendarum Ianuariarum die irreprehensibiliter posse celebrare. Nam cùm ego postmodum in Monasterio Cluniacensi cum ceteris Fratribus degerem, conuenerunt illuc ab Hispaniis, quam plures honestæ conuersationis iamdudum more viuentes propriæ regionis Monachi. Propinquante verò die Natiuitatis Dominicæ, petierunt prædicti Monachi venerabilem Odilonem eiusdem loci Abbatem, vt more suorum liceret eis celebrare Annunciationem. Quod cùm fecissent, segregati à ceteris, visum est nocte eadem duobus senioribus loci, quòd vnus de Hispanis fuscina focaria arriperet desuper altare puerum, mitteretque illum in farraginem prunis plenam, ita clamantem; Pater, Pater, quod tu dedisti, isti auferunt. Quid plura? apud nos antiqua consuetudo, vti decebat, præualuit.

De innouatione Ecclesiarum in toto Orbe. CAP. IV.

IGITUR infra supradictum millesimum tertio iam fere imminente anno, contigit in vniuerso penè terrarum Orbe, præcipuè tamen in Italia, & in Galliis, innouari Ecclesiarum Basilicas, licet pleræque decenter locatæ minimè indiguissent. Emulabatur tamen quæque gens Christicolarum aduersus alteram decentiore frui. Erat enim instar ac si mundus ipse excutiendo semet, reiecta vetustate, passim

ROBERTVS.

candidam Ecclesiarum vestem indueret. Tunc denique Episcopali Sedium Ecclesias penè vniuersas, ac cetera quæque diuersorum Sanctorum Monasteria, seu minora villarum Oratoria, in meliora quique permutauere fideles. Eo quoque tempore inter cetera beati Martini Turonis Monasterium emicuit, à venerabili scilicet viro Heriueo eiusdem loci Archiclaue euersum, atque antè ipsius obitum mirifico opere reedificatum. De cuius etiam vita & conuersatione, qualis à pueritia vsque ad præsentis vitæ terminum extitit, si quis referre quiuisset, pleniter incomparabilem huius temporis ostenderet virum hominibus. Duxit enim ex nobilibus Francorum, mente nobilior ipse, prosapiam, & vt lilium vel rosa de spinis, de ferocioribus secundum sanguinem patriæ fuit. Qui vt generosioribus mos est nobiliter educatus; dehinc verò scholis artium liberalium applicatus. Sed intelligens ex his plerosque plus fore contumaces, quàm diuinæ obedientiæ subditos, sufficere sibi credidit, si exinde salutem animæ reportaret. Relictis autem pompaticæ scientiæ studiis, ad quoddam Monasterium clam ingrediens, Monachum se fieri satis deuotè postulauit. Sed quoniam, vt diximus, clari erat generis, idcirco parentum minas pertimescentes nullo modo acquievere fieri quod poposcerat Fratres eiusdem Monasterij. In hoc tamen illum seruantes ei fidem dederunt, vt si vis non obstarèt, parentum scilicet ipsius, libentissimè quod petebat explerent. Tandem inibi commorans, qualis postmodum futurus esset dans sanctitatis indicium, vniuersisque ibi degentibus imitabile præbuit exemplum. Comperiens verò pater eius quod fecerat, furore arreptus venit ad prædictum Monasterium, filium exinde abstrahiturus, reuera potioribus lucris inferuentem. Satisque verbis redargutum, vim ei faciens, duxit illum inde secum vsque in Regis Curiam, ipsumque Regem obsecrans, vt eius animum ab hac intentione bonorum sponsonibus reuocaret. Quem cernens Rex videlicet Robertus, vt erat pius ac religiosus, dulcius illum exhortans, qualiter bonum propositum mente integra conseruare satageret, atque in præsens beati Martini Ecclesiæ Archiclauum esse præcepit. cupiens illum postmodum ceteris imitabilem constituere Pontificem. Id denique multotiens peremptum est. sed ipso renuente, effectu caruit. Suscepta quippe ac si coactus Ecclesiæ cura, vestique alba tectus, interdum more Canonico mentem tamen & vitam pleniter possedit Monachicam. Nam semper ad nudum tectus cilicio inrefragabili macerans corpus, ieiunio sibi parcissimus, largus pauperibus, vigiliis & orationibus instabat assiduus. Præterea vir Deo plenus, mente concepit, vt Ecclesiam, cui custos adscitus fuerat, amplioris altiorisque totius operis corpore sublimaret. Sancto itaque Spiritu se docente, designauit latomis incomparabilis iactare fundamentum operis, quod ipse vt optauerat ad perfectum duxit. Expleto itaque opere, accersitisque plurimarum urbium Episcopis, opus prædictum Deo consecrari studuit. Ipsoque die sanctum Dei Confessorem Martinum intrò sicut decebat reposuit. Venerabatur enim eo die præteritæ dedicatio Basilicæ, quarto videlicet Nonarum mensis Iulij. Fertur etiam, quoniam idem vir Domini Heriueus ante aliquot dies præfatæ translationis Dominum rogauisset, vt ad ostensionem dilectionis sponsæ suæ Ecclesiæ per beatum Martinum, vt olim fecerat, quodcunque miraculum dignaretur demonstrare. Cui in oratione prostrato apparuit idem Confessor blando vsus alloquio, ita inquit: Hoc quod petis, fili dilectissime, scito te potiora posse apud Dominum impetrare. sed tempori huic sufficere debent exhibita dudum miracula, quoniam contiguum instat prius exsparsi seminis collecturæ messis. Sola enim animarum erigens medela exoranda est vniuersis. Pro his enim Domini misericordiam obsecrare minimè omitto. Namque pro his noveris me apud Dominum præcipuè interuenire, qui illi assiduè in præsentis seruiunt Ecclesia. Quidam enim illorum plus iusto præsentis seculi implicati negotiis, armis insuper militaribus famulantes, quibus trucidati in prælio deciderunt. De quibus nolo te lateat, quoniam vix apud Christi clementiam obtinui, vt erepti de ministris tenebrarum locis refrigerij ac lucis sistere mererentur. Ceterum tu delectabile Domino votum, vt cœperas, exple. Superueniente igitur designato die, congregatisque Episcopis, & Abbatibus, cum innumera multitudo fidelium utrorumque sexuum & ordinum, priusquàm inciperent sacra fieri, vir reuerendissimus Heriueus sanctioribus qui conuenerant Sacerdotibus hoc, quod ei reuelatum fuerat, manifestare curauit. Peracta verò ex more sacratione, omnibus utensilibus

A ritè compositis, cœpit idem vir artioris vitæ macerationibus sese conterere, atque solitarius in exigua penes Ecclesiam Cellula Psalmis & orationibus vacans degere. Qui cùm post hæc anno quarto cognouisset se in breui migraturum à seculo, iamque ægrotare cœpisset, ac plures ad eum visitandi gratia concurrerent, simulque præstolantes in eius discessu aliquod fieri miraculum videre, utpote qui tanti meriti præsciebant virum. Ipse verò mente sagaci prædixit illis, ac monuit, ut alia curarent. signum, quod & minimè essent visuri, ne expectarent. Pro se potius obsecrabat, ut piissimum Dominum attentius orarent. Iam siquidem propinquans sui exitus horam, erectis in cœlum manibus & oculis creberrimè dicebat: Domine miserere, Domine miserere. Sicque inter hæc verba vltimum efflauit spiritum. Sepultusque est in eadem Ecclesia, in eo scilicet loco, ubi primitus beatus Martinus sepultus quieuerat.

De Monasteriis readificatis bene à VVillermo Abbate, vel institutis. CAP. V.

C LARVIT eo in tempore in prædicta domorum Dei melioratione venerabilis Abbas VVillermus, à beato siquidem Maiolo primitus Ecclesiæ sancti Martyris Benigni Pater constitutus. Quam videlicet Ecclesiam illicò tam mira locatione permutauit, ut huiuscemodi alter difficile queat inueniri. Regulari etiam distinctione non minus effloruit, atque incomparabilis huius Ordinis suo tempore propagator extitit. Sed quantum pro hac re diligebatur à religiosis & piis, tantò magis detrahebatur insidiabaturque à fraudulentis & impiis. Fuit enim ex Italia ortus, nobilem ducens à parentibus prosapiam: nobilior tamen illustrem per assecutam scientiam. Nam in eodem territorio, scilicet in fundo, qui ei parentum iure debebatur, prius vocato Vulpian, cōstruxit Monasterium totius gratiæ abundantissimum: postea ab ipso mutato nomine Frutuarense cognominatum. Quod cùm multigenis locupletasset beneficiis, constituit ibi Monachorum Patrem, per omnia se imitatem, nomine Ioannem. Erat enim prædictus VVillermus acer ingenio, & insignis prudentia. idcirco summum in Palatiis Regum ac ceterorum Principum obtinebat locum. Quodcunque denique Monasterium proprio viduabatur Pastore, statim compellebatur tam à Regibus, vel Comitibus, quàm à Pontificibus, ut meliorandi gratia illud ad regendum susciperet. quoniam vltra cetera diuitiis & sanctitate ipsius patrocínio assumpta cernebantur excellere Monasteria. Ipse quoque firma testabatur assertione, quia si huius institutionis tenor quocumque loco à Monachis custodiretur, nullam omnino indigentiam cuiuscunque rei paterentur. Quod etiam euidentissimè declaratum est in locis sibi commissis. Fertur siquidem eadem institutio, vsusque huius consuetudinis, ex sancti Patris Benedicti Monasteriis vel Regula exordium habuisse, atque per beatum Maurum, ipsius videlicet discipulum, ad nostrum, id est, Gallicanum territorium delatam fuisse. Extrat etiam veridica relatio, quoniam post beati Mauri obitum, succedenti tempore hostium infestationibus expulsi Monachi à Monasterio cognomento Glannofolio, quod ipse construxerat, sicut in eius gestis habetur, in Andegauenſe territorio, venientesque ad Monasterium sancti Sauini Confessoris Pictauiensis, tulerunt secum rotam, quam valuere supellectilem, ibique per aliquod spatium temporis ea quæ didicerant operam dedere. Rursusque illo frigescente eiusdem districtioſis tenore apud Monasterium sancti Martini Augustidunensis suscepta dignoscitur aliquotiens viguisse. Deinde verò quasi tertia transmigratione in superiore Burgundia locatum Balmenſe occupauit Monasterium. Ad vltimum quoque prædicta videlicet institutio iam penè defessa, auctore Deo elegit sibi sapientiæ sedem, vires collectura, ac fructificatura germine multiplici, in Monasterio scilicet cognomento Clunijaco. Quod etiam ex situ eiusdem loci ad cliu, atque humili, tale sortitum est nomen: vel etiam, quod aptius illi congruit, à cluendo dictum, quoniam cluere, crescere dicimus. Insigne quippe incrementum diuersorum donorum à sui principio in dies locus idem obtinuit. Construxit igitur prædictum Cœnobium primitus Pater Monachorum supradicti Balmenſis Monasterij Berno vocatus, iubente VVillermo piissimo Aquitanorum Duce, in pago Matifconense, super Graonam fluuiolum. Quod etiam Cœnobium in primo non ampliùs quàm quindecim terræ colonias dicitur in dotem accepisse; Fratres tamen duodecim numero inibi memo-

ROSSARYS. rantur conuenisse. Ex quorum veluti optimo semine multiplicata stirps Domini **A** exercituum innumerabilis magnam Orbis plagam cognoscitur repleffe. Qui quoniam his, quæ Dei sunt, videlicet iustitiæ & pietatis, operibus incessanter adhæserunt, idcirco bonis omnibus repleti meruerunt. insuperque futuris imitabile reliquerunt exemplum. Nam post præfatum Bernonem suscepit regiminis curam sapientissimus Abbas Odo, vir per omnia religiosissimus, qui fuerat sancti Martini Turonis Ecclesiæ Præpositus, moribus & conuersatione sanctitatis valdè ornatus. Hic enim in tantum huius instituti propagator extitit, vt à Beneuentana Prouincia quæque habebantur in Italia, & in Galliis, vsque Oceanum mare potiora Monasteria, illius ditioni gratularentur esse subiecta. Post cuius obitum successit Heimardus vir simplex in ipsius locum. Qui licet non adeò famosissimus, regularis tamen obseruantia non impar custos. Post hunc quoque sanctus ac venerabilis eligitur Maiolus, cuius superius memoriam fecimus, qui etiam successorem sibi Monachorum Patrem præuidit Odilonem. Hic etenim quintus à primo Bernone Abbas extitit prædicti Clunienfis Cœnobij. Ex quo videlicet Cœnobio per diuersas Prouincias Fratres sæpius petiti, atque Monachorum Patres ordinati, plurimum Domino acquisiuere lucrum. Hic tamen Pater, scilicet V Villermus, de quo in præsentiarum sermo exordium habuit, præ omnibus exinde præcedentibus præscriptæ institutionis laboriosior ac spermologius fructificatior est repertus.

B

De Sanctorum pignoribus ubique reuelatis. CAP. VI.

1008. **C**ANDIDATO vt diximus in nouatis Ecclesiarum Basilicis vniuerso mundo, subsequenti tempore, id est anno octauo infra prædictum millesimum humani Saluatoris annum, reuelata sunt diuersorum argumentorum indiciis, quorum diu latuerant, plurimorum Sanctorum pignora. Nam veluti quoddam resurrectionis decoramen præstolantes Dei nutu fidelium obtutibus patuere, quorum etiam mentibus plurimum intulere solamen. Hæc enim reuelatio primitus in Senonica Galliarum vrbe, apud Ecclesiam beati martyris Stephani dignoscitur cœpisse. Cui etiam præerat Archipræsul Leotericus, à quo scilicet admiranda relatu reperta sunt ibi antiquorum sacrorum insignia. Quippe inter cetera perplura, quæ latebant, dicitur virgæ Moyfi inuenisse partem. Ad cuius rei famam conuenerunt quique fideles, non solum ex Gallicanis Prouinciis, verum etiam ex vniuersa penè Italia, ac de transmarinis regionibus, simulque ægrotantes non pauci Sanctorum interuentu exinde redierunt incolumes. Sed, vt sæpissimè contigit, quoniam unde humana vtilitas sumit exordium, cupiditatis vitio impellente, exinde solet incurrere casum. Nam prædicta vrbs conuentu populorum, vt diximus, gratia pietatis effecta opulentissima, conceperunt illius habitatores nimiam pro tanto beneficio insolentiam. Siquidem mortuo ipsius ciuitatis Comite Frotmundo nomine, viro æquè simplicissimo, suscepit eius filius Principatum satis nequam, res ciuiles **C** dispositurus. Nimium quippe flagitiosus effectus, Ecclesiæ insuper decus, nifu quo valebat, fœdare tentabat. Iudæorum quoque in tantum præuaricatorias diligebat consuetudines, vt se Regem ipsorum suo prænomine (Rainardus quippe dicebatur) suis omnibus imperaret. Cum enim in ceteris mendacissimus, etiam Christianæ fidei insidiosus habebatur detractor. Atque idè pauperum indicia absque vlla promulgabat pietate, penitus humanitate remota. Nam rei, quam dicturus sum, tot testes extiterunt, quanti in eadem ciuitate eo tempore viuebant homines. Comprehensus aliquando flagitiosus quidam furtum faciens, ductusque ad eum vt eius audientia, quid de eo faciendum esset, assignaretur. Qui statim omni miseratione remota suspendi in patibulo illum adiudicauit. At ipse qui deprehensus fuerat lachrymabiliter prædictum Rainardum rogare cœpit, vt ei ad præsens vitam indulgeret, promittensque se deinceps non latrocinaturum. Sed nequicquam. Crudelior quippe fiebat sacramentis etiam se obstringens, non vltra victurum obsecrantem se miserum. Qui videns mihiimè posse prolatam de se immutare sententiam, hoc solummodò impetrauit, vt prædicto fieret confessus suorum facinorum Episcopo: sibi que protinus morituro, quod huius ministerio concessum est, clementer remitteret. Quod vt obtinuit, illico à nequam ministris compellitur suspensum iri. Eductusque ad constitutum locum hæc verba sæpius

A iterabat: Domine Iesu, qui in hac die pependisti in cruce pro salute hominum, indulge mihi. Erat enim ille dierum sextus, qui idcirco fidelibus vniuersis reuerentior habetur. Esto. vincitur, eleuatur, artatōque suspenditur gutture. Cunctisque ab hac funesta, vt putabant, executione recedentibus, pendens vclur exanimis mansit in diem alterum. Tunc nutu diuino ruptis ligaminibus suscepit terra solum hominem, pariter & viuum, qui cogebatur subire necem sibi sublatas per aëris vacua. Qui egressus ciuitatem, stupidum vniuersis præbuit spectaculum. Sed heu! proh dolor! ad pristina reuersus flagitiosus euasit. Cui rei simile fertur contigisse in Trecassina ciuitate non longo ante tempore. Nam dum quidam fures boues præ se minantes, à dominis bouum insequi se intellexissent, commiserunt eosdem boues viro cuidam seni & innocenti, quasi victus necessaria quæsituri, re vera fugæ præsidium petentes euasuri. Quod cum fecissent, statim deprehensus est senex cum bobus; trahitur, ceditur, ac reorum more vincitur. Ductusque ad Principem ciuitatis, Comitem videlicet Heribertum, vult causam discutere. Non auditur. quin potius quasi cruda senectute reus necis, suspendio ab eodem Comite adiudicatur. Quodque etiam absque vlla dilatione peractum est. Sed mox vt suspendium pertulit, mirum in modum iuuenca magni & perualidi corporis, erecto corpore cornua suspensi plantis supposuit, sicque per triduum sine dolore viuum sustinuit. Expletōque triduo, audiuit is qui pendebar, viatores iuxta prætereuntes fermocinari ad inuicem. Qui exclamans voce qua potuit, ad deponendum se quantocius venire rogabat. Illi verò audientes dæmonica fieri illusionē credebant. Proclamante quoque ipso attentius, seque viuere affirmante, occurrerunt viri, soluentes illum deposuerunt. Qui perductus ad ciuitatem, dum percunctaretur, quomodo tandem in paribulo pendens sese habuisset, aiebat: Dum essem, inquiens, « iunior, accepta iam coniuge, excepi cum ipsa oblatum mihi à quodam de sacro « fonte filiolum. cui etiam consensimus dare ex nostra parua facultatula, quem so- « lum de matre susceperamus liberali gratia vitulum vnum. Vt enim pridem sum di- « missus celsa de trabe pendere, visa est mihi grandior vniuersis occurrisse. extensio- « que corpore atque erecta ceruice leniter meis submisit cornua plantis, ac me hu- « iusmodi, quandiu pependi, sustinuit. Hoc verò illo, qui seruatus à morte fuerat, « referente, ad illius exemplum data est postmodum in giro filiolis fontis sacræ fidei vitulorum innumera multitudo. Præterea Rainardo, vt diximus, iudaizante, quin potius insaniente, suatum est Regi, qui videlicet illum frequenter ob suam improbitatem redarguerat, vt scilicet tantæ ciuitatis Principatum regio subiugaret dominio, ne siquidem diutius vires pessimi incrementi sumeret scandalum sacræ fidei. Quâ ratione Rex compulsus, misit exercitum, qui prædictum Rainardum à ciuitate pellerent, sibi que illam tuendam seruarent. Venientes verò qui missi fuerant à Rege, ceperunt urbem cum nimia depopulatione. partem etiam eius non modicam incendio cremare. Superauit siquidem magnitudinem prioris gaudij promerentibus flagitiis enormitas calamitatis.

De euerfione templi Hierosolymorum, & cæde Iudeorum. CAP. VII.

EO quoque tempore, id est anno nono post præfatum millesimum, Ecclesia, 1009. quæ apud Hierosolymam sepulchrum continebat Domini ac Saluatoris nostri, euerfa est funditus iussu Principis Babylonis. Cuius videlicet euerfionis occasio tale quod dicturi sumus cognoscitur exordium habuisse. Cum enim de toto terrarum Orbe ob insigne Dominicum memoriale plurima fidelium multitudo Hierosolymam visitaturi pergerent, rursus cœpit inuidus diabolus per assuetam sibi Iudeorum gentem veræ fidei cultoribus venenum suæ nequitiae propinate. Erat igitur huius generis apud Aurelianensem Galliarum regiam urbem non modica multitudo, qui ceteris suæ gentis tumidiores & inuidi, atque audaciores sunt reperi. Hi denique nequam consilio inito corruerunt quendam data pecunia, videlicet girouagum, sub peregrino habitu, nomine Robertum, fugitiuum utique seruum beatæ Mariæ Melerensis Cœnobij. Quem accipientes cautè miserunt ad Principem Babylonis cum Hebræis caracteribus, scriptis epistolis, pictaciolis ferri baculo insertis, ne quo casu potuissent ab eo diuelli. Qui egressus detulit literas prædicto Principi refertas dolo & nequitia; & quoniam, nisi celerius domum

ROBERTVS.

Christianorum venerabilem subuerteret, sciret se in proximum Christianis Regnum illius occupantibus omni penitus dignitate carere. His verò Princeps auditis, protinus furore arreptus, misit Hierosolymam de suis, qui prædictum funditus subuerterent templum. Qui venientes fecerunt ut eis fuerat imperatum. Ipsum quoque concavum sepulchri tumulum ferri tuditibus quassare tentantes, minimè valuerunt. Tunc etiam beati Martyris Georgij Ecclesiam in Ramulo pariter subuerterunt, cuius olim virtus Sarracenorum nimium gentem terruerat. Fertur enim crebrò illuc eos ingredi cupientes raptum cæcitatem pertulisse. Euerso igitur, ut diximus, templo, post paululum manifestè claruit, quoniam Iudæorum nequitia tantum nefas sit parratum. Utque diuulgatum est per Orbem vniuersum, communi omnium Christianorum consensu decretum est, ut omnes Iudæi ab illorum terris vel ciuitatibus funditus pellerentur. Sicque vniuersi odio habiti, expulsi de ciuitatibus, alij gladiis trucidati, alij fluminibus necati, diuersisque mortium generibus interempti, nonnulli etiam sese diuersa cæde interemerunt. Ita scilicet; ut digna de eis ultione peracta, vix pauci illorum in Orbe reperirentur Romano. Tunc quoque decretum est ab Episcopis atque interdictum, ut nullus Christianorum illis se in quocumque sociaret negotio. Si qui tamen de illis ad baptismi gratiam conuerti voluissent, omnemque Iudaicam respuere consuetudinem vel morem, illos tantum suscipere decreuerunt. Quod & fecerunt plurimi illorum magis amore præsentis vitæ coacti metu mortis, quam vitæ sempiternæ gaudiis. Nam quicumque illorum sese tales mentiendi fieri poposcerant, paulò post ad morem pristinum sunt impudenter reuersi. Præterea his ita gestis, prædictus literarum baiulus ad natium malè securus repedauit solum. Cœpit itaque sedulò perquirere, si fortè quempiam gentis suæ fraudis consciū reperiret. Inuentis verò perpauis in ciuitate Aurelianorum pauidè admodum degentibus, rursus cœpit illorum familiaritè uti consortio. Accidit igitur, ut quidam peregrinus eius in transmarino socius itinere, atque certissimè illius itineris conscius negotij, illuc deueniret, rursusque illum Iudæorum amicitijs nimis hædere cerneret, palàm vniuersis indicare curauit, quanti mali gerulus ille esset homuncio, ex cuius rei causa Iudæorum potiretur opibus. Qui ilicò comprehensus, acrisque agitatus verberibus, propriæ dilationi confitetur crimen. Moxque à ministris Regis in conspectu totius plebis extra ciuitatem igni est traditus atque consumptus. Iudæi tamen profugi ac vagabundi, qui in locis abditis delitescerent prædictæ superfuerant cladi, post quinquennium euerfionis templi cœperunt in vrbibus apparere perpauis. Et quoniam oportet, quamuis ad illorum confusionem, ut ex illis aliqui in futurum supersint, vel ad confirmandum proprium nefas, seu ad testimonium fusi sanguinis Christi: idcirco verò credimus Christianorum animositatem diuina dispensante providentia in eis ad tempus mansueuisse. Eodem nihilominus anno diuina propitiante clementia, cœpit mater ipsius Principis videlicet Ammirati Babylonis, mulier Christianissima nomine Maria, reædificare Christi templum iussu eius filij euersum, politis & quadris lapidibus. Nam & vir ipsius quasi alter Nicodemus, pater huius scilicet, de quo præsens est sermo habitus, occultè Christianus dicitur fuisse. Tunc quoque de vniuerso terrarum Orbe incredibilis hominum multitudo exultanter Hierosolymam pergentes, domui Dei restaurandæ plurima detulerunt munera.

De hærese apud Aurelianos reperta.

CAP. VIII.

1017.

TERTIO de vicesimo infra iam dictum millesimum anno reperta est apud præfatam Aurelianensem urbem cruda nimium atque insolens hæresis, quæ scilicet diutius occultè germinata, in perditionis segetem malè pullulans, plures in suæ cæcitatæ præcipitauit laqueum. Fertur namque à muliere quadam ex Italia procedente, hæc insanissima hæresis in Galliis habuisse exordium, quæ ut erat diabolo plena, seducebat quoscumque volebat, non solum idiotas & simplices, verum etiam plerosque, qui videbantur doctiores in Clericorum ordine. Quæ scilicet veniens ciuitatem Aurelianensem, dum moraretur ibi per aliquod spacium temporis, veneno suæ nequitie plures infecit. Quod etiam seminarium nequam in pluriore hi qui susceperant toto conamine spargere nitebantur. Fuerunt nempe huius peruersi dogmatis Hæresiarches duo, heu! pro dolor! qui in ciuitate pu-

A tabantur genere ac scientia valentiores in Clero, quorum vnus Heribertus, alter Lisoius dicebatur. Hi denique quandiu res latuit, tam apud Regem, quàm apud Palatij Proceres summam obtinuerant amicitiam. Nempe idcirco faciliùs quosque decipere potuerunt, quorum mentes amor fidei vniuersalis minùs adstrinxerat. Qui non solùm in prædicta vrbe, sed etiam in vicinis vrbibus malignum dogma spargere tentabant, dum quendam sanæ mentis in Rotomagorum ciuitate Presbyterum cupientes suæ consortem facere vesaniæ, missis Legatis qui ei omne secretum huius peruersi dogmatis explanantes, docerent. Dicebant nempe fore in proximum, in illorum scilicet dogma cadere populum vniuersum. Quibus compertis, Presbyter sollicitè perrexerat ad Christianissimum Comitem eiusdem ciuitatis Richardum, exposuit ei omnem rei, vt compererat, ordinem. Qui videlicet Comes protinus misit celeriter ad Regem, palam ei faciens clandestinam in Regno proprio Christi ouium pestem. Vt autem cognouit Rex, scilicet Robertus, vt erat doctissimus ac Christianissimus, tristis ac mœrens nimium effectus, quoniam & ruinam patriæ re vera & animarum metuebat interitum: idcirco quantocius Aurelianus properans, conuocatis plurimis Episcopis & Abbatibus, ac religiosis quibusque laicis, acerrimè cœpit perscrutari, qui essent auctores huius peruersi dogmatis, vel qui parti illorum iam decepti consentirent. Facta igitur perscrutatione inter Clericos, quomodo vnusquisque sentiret, & crederet ea, quæ fides Catholica per doctrinam Apostolicam incommutabiliter seruat & prædicat, illi duo, videlicet Lisoius & Heribertus, statim se aliter sentire non negantes, quales diu latuerant, manifestauerunt. Deinde verò plures post illos se parti istorum profitebantur hære, nec vlla ratione se posse affirmabant ab illorum segregare consortio. Quibus compertis, tam Rex quàm Pontifices tristiores effecti interrogauerunt illos secretiùs, vtpote viros hætenus in omni morum probitate perutilissimos, quorum vnus Lisoius in Monasterio sanctæ Crucis Clericorum charissimus habebatur: alter idem Heribertus sancti Petri Ecclesiæ, cognomento Puellaris, capitale Scholæ tenebat dominium. Qui dum interrogati fuissent, à quo vel vnde eis ista præsumptio accidisset, huiusmodi dederunt responsum: Hoc enim diu est quòd sectam, quam vos iam tardè agnoscitis, amplectimur, sed tam vos quàm ceteros cuiuscunque legis vel ordinis in eam cadere expectauimus. quod etiam adhuc fore credimus. His dictis, continuò palam exposuerunt omnium antiquarum stultissimam ac miserrimam, nempe sui deceptricem, hæresim. Cuius videlicet ratiocinatio tantò minus erat idoneis sermonibus obnixa, quantò constat esse illi ter veritati contrariam. Dicebant ergo deliramenta esse, quicquid in veteri ac nouo Canone certis signis ac prodigiis veteribusque testatoribus de trina vnâque Deitate beata confirmat auctoritas. Cælum pariter ac terram, vt conspiciuntur, absque auctore initij semper extitisse asseriebant. Et cum vniuersarum hæresum insanientes, canum more latrantes deterrima, in hoc tantum Epicureis erant hæreticis similes: quoniam voluptatum flagitiis credebant, non recompensari vltionis vindictam. Omne Christianorum opus, pietatis duntaxat & iustitiæ, quod æstimatur premium remunerationis æternæ, laborem superfluum iudicabant esse. Interea his aliisque quamplurimis insaniis impudenter ab eisdem prolatis, defuere fideles atque idonei testes veritatis, qui illis sufficienter se vellent tam veritati quàm propriæ acquiescere saluti, respondere de suis cæcis atque erroneis assertionibus valerent.

C SED & nos quoque secundum exiguitatem nostri intellectus, his, quos prænotauimus, illorum erroribus vel per pauca respondere decreuimus. Primitus tamen fideles hortamur vniuersos, vt interim mentes illorum præsagium serenet Apostoli, qui præuidens in futuram huiusmodi cautelam intulit. *Oportet, inquit, hæreses esse, vt ij qui ex fide sunt probentur.* In hoc igitur permaximè istorum insipientia deprehenditur, atque ipsi omni scientia ac sapientia vacui pernoscentur, cum negent creaturarum, auctorem vniuersarum, scilicet Deum. Quoniam manifestum est, quòd omne, quantæcunque sit molis vel magnitudinis, si cuiusque superatur magnitudine, à maximo omnium cognoscitur processisse. Pari quoque ratione sciendum est, tam de re corporea quàm incorporea. Sciendum etiam, quoniam quæcunque res siue corporalis siue incorporalis, per quodlibet accidens, vel motionem, vel cuiuslibet alternitate sit diuersa ab immobili rerum præceptore, constat eam processisse per ipsum, & si fortè quieuerit finem expetere. Cum enim totius con-

ditor creaturæ propria essentia sit immobilis, propria essentia bonus, simulque ve- A
 rax, sua omnipotentia naturarum modos distribuens, ordinansque ineffabiliter:
 non extat præter eum, vbi quietem expetant, nisi vnde processerant redeant. Ma-
 nifestumque est nihil in vniuersis factori deperisse, nisi illud, quod procaciter ab
 illo constitutæ transcendit ordinem naturæ. Et idcirco omnis res tantò melius ve-
 riùsque est, quod illam constat esse, quantò solidius firmiùsque in propriæ naturæ
 ordine consistit. Sicque fit, vt vniuersa quæ illius dispositioni incommutabiliter
 obediunt, continuè seruiendo auctorem prædicent. Si qua verò res procaciter ab
 eo deuiando in deterius cecidit, ceteris iure manentibus documentum præbuit. In
 prædictis videlicet creaturis quoddam medium continet genus hominum, potius
 scilicet cunctis animantibus, atque inferius cœlestibus spiritibus. Quod vtique ge-
 nus, vt diximus, velut medium superiorum inferiorumque, si cui parti plus adhæse-
 rit, illi efficitur conformis. Ideoque tantò infimis potius atque melius efficitur,
 quantò supernorum spirituum naturam imitatur. Soli etiam homini datum est, præ
 ceteris animantibus fore sese beatius, quoniam quidem & illum duntaxat, si ca-
 ruerit omnibus fieri deuenire miserius. Quem videlicet conditionis ordinem cau-
 tē ab initio prouidens omnipotentis bonitas Conditoris, cernensque sapius eun-
 dem videlicet hominem deferendo supera, inuolui nimium infimis, fecit proinde
 plura identidem pro tempore ad eruditionem illius gratia erectionis prodigia. Hu-
 ius quoque rei testis vel documentum extat omnis diuinarum liber vel pagina lite- B
 rarum. Quæ scilicet literæ ipsius Omnipotentis magisterio repertæ, cum eius spe-
 cialiter multimoda gerant testimonia, mentem etiam, seu intellectum hominis in
 eisdem eruditi ad cognitionis respectum sui erigunt conditoris. Denique dum ei-
 dem homini depositæ ostendunt super quæ sit constitutus, aut sub quibus positus,
 inexplebile ingerunt ei desiderium: quoniam tantum ei incipiunt displicere vni-
 uersa quæ adsunt, quantum incalescit ad amorem illorum quæ desunt. fitque tan-
 tō melior atque pulchrior, quantò his per amorem hæserit vicinior. Atque in quan-
 tum melior, in tantum illi, qui summè bonus extat, creatori similior. Et idcirco
 patenter datur intelligi, quoniam quisquis hominum huius amoris vacuus fuerit
 desiderio, omni proculdubio fiet pecude miserior ac deterior. Quippe qui solus
 præ cunctis animantibus æternitatis potuit consequi beatitudinem, nullum præ-
 ter eum corporale animal proprii erroris vel flagitij æternam sentiet vindictam. Sed
 & si cuius hominis animus sui conditoris cognitionem desiderat, expedit vt pri-
 mum studeat, qualiter sese vt præualuerit intelligat. Quoniam sicut non contem-
 nenda testatur auctoritas, quod in ea parte præcipuè gerit homo speciem condito-
 ris, qua valet præ ceteris animantibus dono atque virtute rationis. Sed & sicut ra-
 tionis bonum custodiunt sui moderamen & auctoris dilectio, id est vera humilitas
 & perfecta charitas, ita illius adnullant vtilitatem nequam concupiscentia & furor.
 Hisque non repugnando efficitur homo bestiis similis, illis inseruiendo conforma-
 tur ad speciem vel imaginem conditoris. vt videlicet per humilitatem sese quid sit C
 intelligat, per dilectionem verò in boni conditoris similitudinem transeat. Ob id
 etiam constituuntur ei solummodo ab hominibus preces & donaria, vt vel illis do-
 num rationis seruet integrum, seu quod minus est aut deprauatum conditoris bo-
 nitas augeat & reformet. Simul etiam laus & benedictio exhibentur eidem condi-
 tori, vt fiant hominibus sana mente ac ratione vigentibus illius testimonium co-
 gnitionis. & quantò plus cuique contigerit in conditoris cognitionem proficere,
 tantò magis reperiet idem homo se ipsum per eandem cognitionem & plus & me-
 lius effectum esse. Nec isdem poterit in aliquo conditoris sui opere existere bla-
 sphemus, qui illius cognitione omnimodis melior quàm extiterat fuerit effectus.
 Atque ideo manifestum est, quoniam quicumque illius operationis blasphemus
 extitit, eius cognitionis alienus fuit. Vnde etiam certissimè comprobatur, quo-
 niam sicut ad summum bonum deducit omnem hominem creatoris cognitio, sic
 demergit ad extremum malorum illius ignoratio. Nam plures illius beneficiis per
 insipientiam ingrati, ac misericordiz operibus illudentes, atque increduli, pecu-
 dibus deteriores effecti, qui etiam in suæ cæcitatis caliginē perpetuò sunt demersi.
 Et quod plerisque contigit, factum in suæ salutis maximum remedium, exinde sibi
 alij adquisiere præcunte culpa æternum detrimentum. Hoc perspicacissimè & per-
 maximè claret in omnipotentis Patris singulari gratia, sponte de cœlo hominibus

A ab eo in mundo missa per suæ Maiestatis atque Deitatis coæternum Filium, videlicet Iesum Christum. Qui scilicet cum Patre æquæ origo omnis vitæ & veritatis atque bonitatis exhibuit se planè credentibus. Quibûsque à seculis incognitum, occultis ænigmatibus inuolutum, de se etiam testimonium perhibentium scripturarum, adimpebile documentum. In quo etiam veracibus verbis & prodigiis se ipsum, & suum Patrem, atque eorum Spiritum in tribus discretè certissimis personis vnum idem esse, id est vnius æternitatis & potentia, vniûsque voluntatis atque operationis; & quod idipsum totum est, vniûs bonitatis, & per omnia coæqualis essentia. Ex quo scilicet, & per quem, & in quo sunt omnia, quæ verè esse habent, plenum semper & æquale subsistens, ante omnia temporum curricula rerum principium. Cuius etiam tota plenitudo per omnia, & finis omnium. Sed cum ipse Omnipotens in quodam creaturarum medio, videlicet in homine, suam expressisset imaginem, illumque proprio dimisisset arbitrio, insuperque omnia mundi optima illius ditioni subdidisset, neglecto ptopriæ constitutionis modamine, ac plus quippiam vel aliud quàm auctoris voluntas illum decreuerat, sese existimans fore, continuò tantò deterior est effectus, quantò præsumptior. Ad cuius potioris etiam reformationem idem conditor personam filij suæ Deitatis misit in mundum, sui præformatam sumere imaginem. Quæ scilicet quantò vtilior ac decentior, tantò subtilior ac mirabilior. Quam etiam plerique hominum non valentes, seu minus volentes credere, vel amare, vt sic tandem in illa suæ salutis sufficientiam potuissent intellectam reperire: potiûsque diuersis impliciti erroribus tantò extiterunt veritatis rebelles, quantò probantur illius cognitionis expertes. De quorum proculdubio sorte sunt vniuersæ hæreses, vel quorumcunque errorum sectæ in toto terrarum orbe. Quibus scilicet omnibus, nisi conuersi sequantur Iesum gesta plenitudine, melius fuerat non fuisse. At quorum mens plena fide, amando & credendo illi obediuit, tantò meliores ex eo effecti, quantò perfectiùs adhæserunt illi, qui est initium & perfectio totius boni. Ex his nempe constat tota Sanctorum laudabilis summa, quorum venerabilis memoria vniuersa seculorum ornat tempora. Quibus etiam datum est cum vniuersorum creatore perenne & feliciter esse, & viuere, illiûsque semper agnitionis visione beatiore fore. Nos igitur tandem credimus, vt sponderamus, his paucis illorum damnatorum insaniz sufficienter respondisse. Præterea cum à pluribus omni sagacitate laboratum fuisset, qualiter deposita mentis perfidia, veram & vniuersalem reciperent fidem, atque illi omnimodis se facere denegarent, dictum est eis, quoniam nisi celerius ad sanam fidei mentem redeant, Regis iussu & vniuersæ plebis consensu igne essent protinus crematuri. At illi malè in sua confisi vefania, vel pertimescere se iactantes, seque euasuros ab igne illæsos promittentes, quin potiùs ad meliora sibi suadentibus, spernendo illudebant. Cernens quoque Rex & vniuersi qui aderant, minus posse illos reuocari ab insania, iussit accendere non longe à ciuitate ignem permaximum, vt vel eo fortè territi à sua malignitate desinerent. Ad quem cum ducerentur, rabida adaçti dementia, se omnimodis hoc velle proclamabant, ac sese vltro ad ignem trahentibus inferebant. Quibus ad vltimum numero **XIIII** igni traditis, cum iam cœpissent acriùs aduri, cœperunt voce qua poterant ex eodem igne clamare, se pessimè deceptos arte diabolica nuper de vniuersorum Deo ac Domino malè sensisse, & ob hanc ab eisdem illatam ei blasphemiam illos temporalis atque æternæ vltione torqueri. His verò plures è circumstantibus auditis, humanitatis pietate permoti accedentes, vt vel semiuuios ab igne eriperent, minimè valuerunt, quoniam vindice flamma consumente illos, continuò in puluerem sunt redacti. Si qui verò postmodum huius peruersitatis sectatores fuerunt reperti, simili vltionis vindicta vbique fuerunt perdit. Præterea venerabilis Catholicæ fidei cultus, extirpata insanientium pessimorum vefania, vbique terrarum clarior emicuit.

De filiis Regis eiusdem.

CAP. IX.

SVSCÉPIT igitur præfatus Rex de superscripta coniuge sua filios quatuor, sprouidûsque de Regni successu, elegit regnare post se illorum primogenitum **HVGONEM** nomine, puerum adhuc, clarissimæ indolis illustrem. Cùmque de

ROBERTVS.

ipſius ſacrando ſublimio Primates Regni ſagaciores conſuluiſſet, tale ei dedere
 reſponſum: Sine puerum, Rex, ſi placet, crescendo procedere in viriles annos,
 ne veluti de te geſtum eſt tanti Regni pondus infirmæ committas ætati. Erat autem
 idem puer fermè decennis. Qui minimè illorum acquieſcens dictis, matre præci-
 pue inſtigante, regio in Compendio adſcitis regni Primoribus coronam, vt decre-
 uerat, ex more à Pontificibus fecit puero imponi. In proceſſu quoque temporis
 cùm adoleuiſſet, cernens ſe nil dominij rei peculiaris præter victum & veſtitum ex
 Regno, vnde coronatus fuerat, poſſe mandare, cœpit corde triftari, atque apud
 patrem, vt ei quippiam dominij largiretur, conqueri. Quod eius mater compe-
 riens, vt erat auariſſima, maritique magiſtra, fieri renitens, inſuper conuitiis ac ma-
 ledictis iuuenem laceſſebat. Et ſicut quidam ait; *Nouus ingenium mulierum, cùm ve-
 lût, ipſa nolit: at ſi nolit, cupiet ultro.* Nam quæ priùs, ne faſtu Regni careret aliquo,
 ingruente mariti infortunio, contra omnium ſola decretum ſublimauit puerum,
 poſtea toto mentis niſu, ac ſi hoſtem alienigenam turpabat illum verbis & operibus.
 Ille verò cernens ſe non poſſe diutiùs talia æquanimiter tolerare, iunctis ſecum ali-
 quibus ſuæ ætatis iuuenibus, cœpit infeſtari ac diripere ad libitum res genitorum.
 Tamen paulò poſt Dei nutu in ſe reuerſus, ad genitores rediens, humili eos ſatis-
 factione beneuolos erga ſe reddidit. Tunc demum ab eiſdem largitur illi, vt opti-
 mum decebat filium, ius vbique ac poteſtas Regni. Sed qualis & quantus poſtmo-
 dum extitit, præſenti ſtilo nequit explicari. Quàm humilis ac dulcis eloquio, patri
 ac matri ſeruis obedientior, pauperum largus dator, Monachorum & Clericorum
 conſolator, necnon apud patrem cunctorum rogantum fideliffimus interuentor,
 quàm affluenter in cunctis optimis melior, quis valet exequi relator? Huiuſmodi
 enim fama vbique Prouinciarum percitus peroptabatur à multis, præcipue ab Ita-
 licis, vt ſibi imperaret, in Imperium ſublimari. Nam & ex cognomento proau-
 Magnus Hugo dicebatur à cunctis. Dum igitur incomparabili mentis ſimul ac cor-
 poris decore floreret, exigentibus maiorum flagitiis, repente illum mors inuida
 mundo ſubripuit. Sed quale iuſtitium contigit vniuerſis, nullo ſermone valet ex-
 primi. De cuius etiam funere ſubſequentes Iambicos rogatus à Fratribus ce-
 cini.

*Plafmator parce mæſtis mundialibus,
 Succurrat fletus intimis doloribus:
 Paſcat mærentes ſingultuum gemitus,
 Humanum decus dum rapit interitus.
 Annis florebat mundo iuuenilibus,
 Ter denis minus excreuerat duobus,
 Regnorum lumen HUGO, Regum maximus.
 Quem nox funeſta inuidit hominibus.
 Non alter noſtro talis emicat auro,
 Regnis ſpectatus, adſcitus Imperio.
 Bellorum tanto decoretur triumpho,
 Vigore pari valeat corporeo.
 Quo gens Francorum vigeat letabunda,
 Fideique pace tota ſimul Gallia.
 Omnis quem prona poſcebat Italia,
 Caſar vt iura promeret Regalia.
 Sed te non noſtra; iuuenum pulcherrime,
 Heu! proh dolor! tempora mernere.
 Quibus inundant malorum miſeria,
 Vires bonorum corruunt aſſidue.
 Tu dolor matris, calamitâſque patris,
 Crudele nimis monimentum germanis:
 Mæror communis cunctis in Palatiis,
 Inſtitiumque popularum ultimis.
 Leone preſſo, Virgo Solem ceperat,
 Tua cùm dirus membra pallor occupat.
 Denis diebus ſorte fit lux ſeptima,
 Te patri fama perdidiffe nunciat.*

Iam

A

*Iam seculorum cerne rector optime
Gentem Francorum qui regas iustissime,
Hostemque sanum valeas repellere,
Pactum quietis illi da perpetua.*

ROBERTVS.

Qui in eadem qua primitus coronatus fuerat Ecclesia, beati Martyris Cornelij videlicet, regio in Compendio est sepultus. Post cuius obitum coepit iterum idem Rex tractare, quis potissimum ex residuis filius post se regnare deberet. Constituerat autem secundum Burgundiae Ducem HENRICVM nomine post Hugonem natum, ipsumque decreuit pro fratre in Regnum sublimare. Sed rursus mater muliebri animositate agitata, tam à patre quam à ceteris, qui parti illius fauebant, dissentit, dicens: Tercium ad regni moderamen praestantior fore filium, qui & ROBERTI patris nomine censebatur. Hoc quippe inter fratres seminum discordiae fuit. Coadunatis denique Rex metropolitani Remis Regni Primatibus, stabilivit Regni coronae Henricum, quem delegerat. Tunc demum post aliquod temporis spacium, illi duo fratres firmato amicitiae foedere, praecipue ob insolentiam matris coepere vi invadere vicos & castella sui patris, ac circumcirca diripere quae poterant bonorum illius. Nam ille, quem Regem fecerat, Drogas illi castrum sub-

ripuit: alter verò in Burgundiae partibus Auallonem atque Belnensem *. Pro quibus Rex graui turbatus amore, colligens exercitum ascendit Burgundiam. bellum

* ad Belle sem.

B plus quam ciuile patitur. Interea cum super his venerabilem patrem VVillelmum consulisset, apud Diuionensi castro, quid agere deberet: oransque, vt erat vir totius mansuetudinis & pietatis, qualiter tam pro se quam pro illis Dominum oraret, tale responsum ab eodem suscepit: Meminisse te, o Rex, conuenit iniuriarum opprobriorumque patri ac matri à te illatorum in tua iuuentute, quoniam talia tibi iusto iudice Deo permittente, à filiis ingeruntur, qualia tu ipse genitoribus ingessisti. Haec audiens Rex, patientissime tulit: seque vltro culpabilem clamans, non negauit. Deinde post obsidionem ac depopulationem vtriusque Prouinciae, ad pacem redeuntes, paulisper quieuerunt. Anno quoque sequenti mense Iulio Robertus Rex apud castrum Meledunense diem clausit extremum. delatumque est corpus eius ad Ecclesiam sancti Dionysij Martyris, ac in eadem sepultum. Tunc rursus oritur inter matrem & filios rediuiua discordiae crudelitas, ac praeteritarum irarum fræna laxant inueterata odia. Diu multumque vastando res proprias, debacchatum est, donec Fulco Andegauorum Comes, cognatus * scilicet ipsorum, matrem redarguens: Cur bestialem vesaniam erga filios exerceret, vtrumque parentem in pacem reduceret. Sequenti verò anno eodem mense, atque in eodem castro, quo Rex obierat, & ipsa obiit, indeque portata est ad sancti Dionysij Basilicam, ac iuxta Regem sepulta. HENRICVS nempe Rex paternis rebus potitus,

* ad. atun- culus.

HENRICVS I.

C vt Leotericus Senonum Archipræsul obiret. Ille verò vnum de suæ gætis nobilibus consecrari mandauit, atque in eius loco subrogari. Sed Odo rerum ditissimus, licet fide pauper, alterum è contra delegerat, ne ius regium hac in parte foret integrum. Nam qui viuenti patri Roberto multa tam vi quam calliditate subripuerat, arte simili filiis facere cupiebat. Cum enim primitus ciuitates, Trecorum videlicet ac Meldorum, cum multiplicibus castris, illi præripuisset; post mortem eius coniugi & filiis illius Senonicam subripuit urbem, quam etiam tunc aduersus illos infamis possessor vallauerat. Quod cernens Henricus, acra animi ferocitate tamdiu illum insecutus est debellando, quousque genua flectens ei se subderet, eiusque ditioni obediens pareret. Erat enim isdem Odo natus ex filia Chuonradi Regis Austrasiorum Berta nomine, licet à patris sui proauis obscuræ duxisset genus lineæ. Et quoniam Regi Rodulfo, auunculo scilicet eius, non erat proles vlla, quæ foret Regni hæres, præsumpsit ipso viuentem, vi potius quam amore, Regni habenas præripere. cõferens insuper multa donaria, vt ei assensum præberet Primores patriæ. Sed nequicquam. Domini est enim Regnum, & cuicumque voluerit, dabit illud. Est etiam Prouerbum, Secundum fidem hominis erit amicus illius. Gens enim præcipue Regni eiusdem assertionem fidei floccipendit, & foedus pro nihilo ducit. Exiit igitur post mortem Henrici Imperatoris, qui fuit nepos Regis Rodulfi, Chuonradus de quo in subsequen-
tibus narrabimus, habens in coniugio neptem præfati Rodulfi. ob hoc

Tom. IV.

D

HENRICVS
f.* In uno
Cod. addita
sunt sequen-
tia in margi-
ne, sed recen-
sione manu.

maximè valenter resistens contradicebat Odoni. Quorum etiam lis acerrima Regni vtriusque maximam fecit depopulationem. Ad vltimum denique cum iam in conspectu Dei excederet mensura tanti mali, collecto vndecumque exercitu permaximo, conscendit Odo in Tullensem pagum, quem iam sæpius depopulauerat, ibique oppugnans cepit Barrense castrum, cum magna tamen diremptionis euerfione totius Prouinciæ. Cumque in eodem castro locatis militibus ad custodiam fermè quingentis, vtramque ipse quantocius ad propria repedaret, vtpote qui curis agitabatur innumeris. Præstolabantur itaque illum Legati ex Italia directi, deferentes ei arram Principatus, vt agebant, totius Italiæ regionis. Contempserant enim suum Principem, prædictum videlicet Chuonradum Mediolanenses, coniuratione facta aduersus eum, iunctis sibi quos poterant ex ciuitatibus in circuitu. Existimabant quoque eundem Odonem posse percipere Regnum Austrasiorum, atque ad eos transire, vt illis gereret Principatum. Sed sicut ait Manufortis insignis præcentor bellorum Domini: *Discessistis, inquiens, dum alleuarentur, ita contigit.* Nam subito Gocilo Dux totius primæ Rhetici regionis cis Renum cum exercitu nimio in eum irruens, omnem Odonis exercitum in fugam vertit. licet ex vtraque parte plurima multitudo moriens corruerit. Tunc denique & ipse Odo miserrimè interiit; cuius lacerum cadauer Rogerius Catalanorum Præful, habens secum virum venerabilem Abbatem Richardum, à cæde suscipiens vxori reddidit. [* Narrant etiam plerique, quod corpus eius diu multumque quaesitum inueniri non potuit, donec vxor eius veniens tali interfignio inuenit. Habebat enim verrucam inter genitalia & anum.] Quod sic inuentum accipiens, direxit illud Taronis, ibique sepultum est iuxta patrem suum in atrio sancti Martini superioris Conobij. Er quidem finis Odonis talis extitit. Quem idcirco huic seriei intertexere volumus, qualiter in præsentiarum cognosceretur rerum creator iustissimus potèter explere, quod olim Thesmoforo suo Moyfi promissit. *Ego, inquiens Dominus, qui iudico peccata patrum in filiis in tertiam & quartam generationem.* Tercius namque hic Odo, de quo à nobis sermo superior est habitus, nepos fuit illius Tebaldi Carnoti Comitis, cui cognomen Tricator fuit. Hic nempe quondam iunctus Arnulfo Flandrensi Comiti, expectes per Legatos V. Vilelimum Rothomagorum Ducem velut ad familiare colloquium pacis, promittens se ex parte Regis Francorum seu Hugonis Magni, qui fuerat filius Roberti Regis, quem Otto Dux Saxonum, postea verò Imperator Romanorum, Sueffionis interfecit, ei vtilia esse dicturum. At ille quoque vt erat vir innocens, licet potentissimus, vbi illi constituerat, per fluuium Sequanæ euectus nauigio, velociter illi affuit. Qui dum simul conuenientes, irruunt in amplexus, vnus simplicitate re vera, ceteri dolo illecti, simulate pædis atque amicitia misuere colloquia. Post finem verò insimulatorum verborum cæpto recessu, iam longiusculè progrediente V. Vilelmo, reuocauit eum Tebaldu quasi secretiora adhuc ei loquens crediturus, seu cariùs valedicturus. At ille remum dextra accipiens, prohibuit vt nemo suorum exiens eum sequeretur: exiliuit ad ripam. Tebaldu quoque illum appropinquans, quasi aliquid locuturus, ilico exerta, quam ad hoc rulerat sub pallio, spata, vno ictu à corpore caput decussit. Quod cernentes qui cum V. Vilelmo venerant, remigando fugam arripiunt. nunciauere Rothomagensibus vt contigerat. Erat enim V. Vilelmo filius ex concubina Richardus nomine, tamen adhuc adolescens. Quem accipientes sui statuerunt pro patre Principem Regni. Tebaldu nempe patrato scelere concitus perrexit ad Heribertum Trecorum Comitem, petens ab eo sororem ipsius dari sibi in coniugium, vxorē scilicet prædicti V. Vilelmi quem interfecerat. At ille statim promissit dari, vocans eam ad colloquium sui, quæ nondum genuerat prolem, quasi consolaturus ex damno mariti, tradidit illam Tebaldo, detestabile satis in coniugium. Ex qua genuit Odonem, patrem videlicet istius, cuius finem terribilissimum supra diximus. Illud etiam commemorari in calce tertij Libelli placuit, qualiter vindex diuina potestas totius boni moderatrix, insolentia humani generis vel vltix in præsentiarum extiterit. Olim igitur circa millesimum incarnati Verbi annum, cum Rex ROBERTVS accepisset sibi Reginam CONSTANTIAM à partibus Aquitanie in coniugium, cœperunt confluere gratia eiusdem Regina in Franciam atque Burgundiam, ab Aruernia & Aquitania homines omni leuitate vanissimi, moribus & veste distorti, armis & equorum phaleris incompofiti, à medio capitis nudati, histriionum more barbati, caligis & ocreis turpissimi, fidei & pacis fœdere

A omnino vacui. Quorum itaque nefanda exemplaria, heu! proh dolor! tota gens Francorum nuper omnium honestissima, ac Burgundionum sitibunda rapuit, donec omnis foret nequitiae & turpitudinis illorum conformis. Si quilibet verò religiosus ac Deum timens talia gerentes compescere tentauisset, ab eisdem infamia notabatur. Sed vir integerrimae fidei ac constantiae pater, videlicet VVillelmus, quem iam supra commemorauimus, reiecto pudore, sumptaque spiritali inuentione, Regem pariter ac Reginam, cur talia in suo Regno permetterent fieri, acerrimè increpauit. quippe quod ceterorū honestissimum honore & religiositate diutius claruerat Regnorum. Ceteros quoque inferioris gradus seu ordinis ita redarguens comminabatur, ut plerique monitionibus illius coerciti, relicta superstitiosa vanitate, in pristinum se reformarent usum. Asserebat igitur idem Abbas, hæc omnia molimina calteria esse sathanæ. Ac si quis hominum talibus insigniis calteriat ex hoc seculo migrasset, difficulter à diaboli vinculis posse eripi. In pluribus tamen nequam usus conualuit, cuius etiam detestans elogium paucis Heroicis pernotauit:

*Anno post Dominum terris de Virgine natum
Milleuo, grauibz homines erroribus acti,
Dum cupimus rerum species intendere plures,
Præteritisque placet studiis componere mores,
Obiectat sese nouitas incanta periculis.
Ecce priora sibi ridens, & tempora nostri
Ludicra, quaque probus sociant, tumque vsibus aptant
Turpia nec horrent, animis & seria calcant.
Quæ iustos vexere viros, honesta refutant.
Corpore peruerso creat hæc nunc vita tyrannos,
Trunca veste viros, sine fœdere patis ineptos.
Consilio muliebri gemit Respublica laxa.
Fraus, raptus, quodcumque nefas dominantur in Orbe.
Nullus honor, Sanctis, nulla est reuerentia sacris.
Hinc gladius, pestisque fames, populantur ubique.
Nec tamen impietas hominum correctæ pepercit.
Ac nisi magna Dei pietas protenderet iram,
Infernus hos terricrepe consumeret ore.
Hoc habet infelix peccandi consuetudo,
Quod plus quis peccat minus hic peccare pauescat,
Quisque minus peccat, magis hic peccare timefcet.*

EXPLICIT LIBER III.

LIBER QVARTVS.

B **O**ST multiplicia prodigiorum signa, quæ tam ante quàm post: circa tamen annum Christi Domini millesimum in Orbe terrarum contingere, plures fuisse constat sagaci mente viros industrios, qui non his minora propinquante eiusdem Dominica passionis anno millesimo fore prædixere. quod vtrique euidentissimè contigit. Mortuo quoque, ut iam diximus, Henrico piissimo Imperatore, cui scilicet nulla proles extitit, qui in Regnum post illum succederet, nonnulli sese inferre tentantes de Primatibus, qui tamen potius ut Regni corona fulgerent, quàm profectum reipublice moderamenque iustitiæ exercerent. Præcunctis ergo quidam Chounradus, quem superius taxauimus, audax animo, & viribus ingens, sed fide non multum firmus. Cum enim diu multumque de constituendo Regni Principe, ac præcipuè inter Præsules, tractatum fuisset, visum est eis ipsum Chounradum debere eligere, nisi quòd unum intererat, propter quod Henricus etiam illum valde exosum ha-

Tom. IV.

D ij

HENRICVS
L

buerat. Habebat enim coniugem, quæ illi erat affinis, quam etiam primitus quidam A cognatus ipsius duxerat. Præterea innotuerunt ei Pontifices, quid potissimum vellet, aut tale coniugium, quod manifestissime sacra auctoritati nimium repugnabat, tenere: seu eo dimisso coronam Imperij sumere. Qui protinus dimittendum promisit talis incesti coniugium, seque parere diligentissime illorum dictis, & obedire consiliis. Deinde verò mittunt ad Papam Romanum, ut eis in hoc quod decreuerant consentiret. Qui statim libentissime annuit, mandans insuper, ut quantocius suscepto Germania sceptro Romam pergeret, suscepturus totius Italia coronam. Interea indeptus Regni insula Chounradus Italiam perrexerat, secumque ducens uxorem, quam, ut diximus, illicito ceperat matrimonio. Cui protinus in descensu Alpium, quem Curiam Gallorum licet corruptè vocant, in oppido Cumis occurrit cum summo apparatu Papa Romanus, ut antè sponderat. Fuere tunc quidam de Marchionibus Italia, qui minus ei assensum præbuerunt. Sic enim illis facere mos est, ut iam supra taxauimus in mortibus Imperatorum. Nam & Papienses, ceterorum superbissimi, Palatium Regis in sua ciuitate operoso sumptu constructum destruxerant usque ad solum. Ille verò ut comperit, ferociter irruit, Iporeiam primitus ciuitatem capiens, deinde ceteras cum castris vniuersis propria subiiciens B ditioni. Sicque Romam deueniens, coronam ex more sumpsit Imperij. Cui dum Episcopi suggererent, ut auctoritate Romani Pontificis, qualiter illis promiserat, repudium illiciti faceret coniugij, grauiter accipiens, dixit: se Imperatorem creatum nullo modo debere uxore viduari. ac sicut ineptè ceperat, tenuit.

CAPITVLA LIBRI QVARTI.

- I. De vniuersalitate Ecclesie à Constantinopolitanis iniuste requisita.
- II. De hæresi in Italia inuenta.
- III. Quod peccatis hominum exigentibus, Domino permittente, à nequam spiritibus aliquando fiant miracula.
- IV. De fame validissima, qua contigit in Orbe terrarum.
- V. De pace & abundantia anni millesimi à passione Domini.
- VI. De confluentia populi totius Orbis, quæ ad Sepulchrum Domini Hierosolymis facta est.
- VII. De præliis Sarracenorum aduersus Christianos in Africa partibus.
- VIII. De Leuticorum prælio aduersus Christianos in partibus Aquilonis.
- IX. De signo quod in Sole apparuit.

De vniuersalitate Ecclesie à Constantinopolitanis iniuste requisita.

CAP. I.

1024. CIRCA annum igitur Domini millesimum vicesimum quartum, Constantinopolitanus Præful cum suo Principe Basilio, aliique nonnulli Græcorum consilium iniere, quatinus cum consensu Romani Pontificis liceret Ecclesiam Constantinopolitanam in suo Orbe, sicuti Roma in Vniuerso vniuersalem dici & haberi. Qui statim miserunt qui deferrent multa ac diuersa donorum xenia Romam, tam Pontifici quàm ceteris quos suæ parti fauere conspicerent. Vbi conuenientes, exposuerunt apud Pontificem suæ professionis querelam. Sed quid non pertentat cæcus amor habendi? estque proverbium, Aureo pugillo murum frangere ferreum. Ac licet pro tempore philargyria mundi regina queat appellari, in Romanis tamen inexplebile cubile locauit. Mox namque ut videre Græcorum sibi deferre fulgidas opes, versum est cor illorum ad fraudulentæ diuerticula, pertentantes an fortè clanculò concedere quauerant quod petebatur. Sed nequaquam. Non enim potest falli summa Veritas, quæ sponddit, Porta inferi non praualebunt

A *aduersus eam.* Dum ergo adhuc leni sub murmure huiusce machinatores in con-
clauisese putarent talia tractauisse, velox fama de ipsis per vniuersam Italiam de-
currit. Sed qualis tunc tumultus, quàm vehemens commotio per cunctos extitit,
qui audierunt, dici non valet. Præcipue tamen vir prudentissimus, pater videlicet
V Villelmus, de quo iam diximus, ad Romanum Pontificem de hac re misit episto-
lam corpore breuem, sed materiâ ingentem, ac sermone pungentem, talia conti-
nentem: Gratia Dei & reuerentia beati Apostolorum Principis Petri Sedium in
Orbe terrarum excellentissimo, indepto Papæ Ioanni * V Villelmus crucis Christi
seruus, sedem iudicij cum Apostolis, & regni coronam. Magistri Gentium dictis
instruimur, seniore non increpandum. Idem tamen aliàs dicit, *Factus sum inspi-*
ciens, vos me coëgistis. Idcirco igitur filiationis diligentia hortamur communem
vestram paternitatem, qualiter in vno imitemini cogitationes hominum, proui-
dentem Dominum Salvatorem, vt dicatis ad aliquem vobis vnanimem, quemad-
modum ipse Petro, *Quid dicunt homines de me?* Si verò responsum illius ex fide
fuerit, animaduertite qualiter sonuerit. Si autem clarè, custodire ne obfuscetur.
Si verò obscure, lux mundi oranda est, qualiter ita fulgeatis, vt vniuersis in gre-
mio Ecclesiæ constitutis ad viam mandatorum Dei gradiendam lumen præbeat. Sed
est fama rei, quæ nuper erga nos accidit, de qua quis audiens non scandaliza-
tur, nouerit se longè ab amore superni disparari. Quoniam licet potestas Romani
Imperij, quæ olim in Orbe terrarum Monarches vixit, nunc per diuersa terra-
B rum innumeris regatur sceptris: ligandi soluendique in terra & in cælo potestas,
dono inuiolabili incumbit Magisterio Petri. Atque ista idcirco diximus, vt ani-
maduertatis, non aliter Græcis quàm cenodoxia huiusce quam audiuius, apud
vos requirere impetrauisse. De cetero quoque optamus, vt vniuersalem decet
Antistitem, vos acrius in correctione ac disciplina sanctæ & Apostolicæ Ecclesiæ
vigere, æternæque ac feliciter valere. Erat quippe Ioannes * iste cognomento
Romanus, frater illius Benedicti *, cui in Episcopatum successerat largitione pe-
cuniarum, repente ex laicali ordine neophitus constitutus est Præsul. Sed insolentia
Romanorum huiusmodi adinuenit palliatæ suæ insolentis ridiculum, scilicet vt
quemcumque pro suo libitu in præsentiarum ad Pontificatus officium delegerint,
mutato nomine, quod illi prius fuerat, aliquo magnorum Pontificum nomine il-
lum appellari decernunt. Re vera quem si non meritum rei, saltem nomen extol-
lat. Præterea Constantinopolitani ad propria remeantes, confutata illorum vindi-
que tumida præsumptio conquieuit.

De hæresi in Italia inuenta.

CAP. II.

CASTRUM igitur erat per idem tempus in gente Longobardorum, quod vt erat
vocabatur, Mons videlicet fortis, plenum etiam ex nobilioribus eiusdem gen-
C tis. Hos nempe cunctos ita maculauerat hæretica prauitas, vt ante erat illis crudeli
morte finiri, quàm ab illa quoquomodo possent ad saluberrimam Christi Domini
fidem reuocari. Colebant enim idola more Paganorum, ac cum Iudeis inepta sacri-
ficia litare nitebantur. Sæpissimè deniq; tam Mainfredus Marchionum prudentissi-
mus, quàm frater eius Alricus Astensis vrbis Præsul, in cuius scilicet Diocesi locatum
habebatur prædictum castrum, ceteriq; Marchiones ac Præsules circumcirca creber-
rimos illis assultus intulerunt. capientes ex eis nonnullos, quos dum non quiuissent
reuocare ab infania, igne cremauere. Contigit ergo in vicino haberi aliud castrum
nostræ Religionis & fidei, in quo quidam miles aliquando ægrotans ad extremum pe-
ne deuenerat. Ad quem utiq; visitandum ex hæreticorum castello illorum præcipua,
iuxta morem, veniens mulier, re vera potius vt euidentior fieret secta eiusdè nequi-
tiz, protinus vt egrediens domum, in qua æger decubabat, intraret, repente prospici-
ens is qui languebat, vidit intrare cum eadem muliere ad se innumerabilem exer-
citurum in nigerrimis vestibus faciebúsque tetricis. Qua verò ingressa, postquàm lan-
guētis frontē, ac pulsum pectoris, & cetera, vt vsus habet, manu perlustrauisset, pro-
nuntiarētque illum conualiturum in proximū, domo egressa est, totaq; simul familia
cum illa solum reliquere infirmum. Statim quoque affuit illi nigrorū, quem viderat,
globus, cui ita, qui videbatur illorum princeps, insit: Agnoscis me, inquit, Hugo?
Hoc enim erat illius ægri vocabulū. cumque ille respōdēs diceret, Tu quis es? dixit ei:

Tom. IV.

D iij

HENRICVS
I.

Potentissimus potentum, ac ditissimus diuitum. Ego qui occurro tibi, si me tantum credideris facere posse, ut te à morte, quæ præsens imminet, eripiam, longoque viuas tempore. Et ut certissime credas quod spondeo, noueris meo auxilio, meaque industria Chounradum hoc tempore Imperatorem esse creatum. Tu quippe benè nosti, quod nullus Imperatorum ita velociter omnem Germaniam atque Italiam, sicuti iste, suæ subiugauit ditioni. Noui, inquiens æger, & mirum diu mihi cum ceteris fuit. Deinde verò primæ fraudis auctor adiecit: Nonne etiam in transmarinis partibus regnum Græcorum post Basilium Michaëli mihi obediendi tradidi? Idcirco crede mihi, & faciam tibi multò maiora quàm sperare queas, teque ipsum sanitati restituam. Erat quippe fama tunc temporis, quod idem Michaëli Cubicularius fuisset Basilij, clamque illi venenum in potu ad necem dedisset. Cuius proculdubio Imperij post mortem eius sumpsit coronam. Cuius etiam, ut par erat, regimen Imperij non satis vtile fuit. Interea memoratus Hugo in sese reuersus, dextra signum venerabilis crucis exprimere tentans, dixit: Ego verò Iesum Dei filium testor, quem adoro, credo & confiteor, non alium te omnino credidero, nisi ut fuisti & es, fallacem diabolum. Tunc dæmon continuò hanc vocem edidit: Quæso ne brachium contra me erigas. Sicque continuò omnis ille globus, ut fumus euauit. At ille exclamans voce qua potuit, occurrunt quippe domestici, narrat illis ex ordine quæ vidit, quæ audiuit. Quibus dictis, ipso die ante Solis occasum obiit. Nulli denique dubium, quoniam ista & sibi & nobis vidit.

Quod peccatis hominum exigentibus, Domino permittente, à nequam spiritibus aliquando fiant miracula. C A P. I I I.

DI VINA igitur auctoritas per Moysen Iudæis prolata, taliter illos monuit, dicens: Si fuerit, inquit, Propheta inter vos, loquens in nomine alicuius deorum Gentium, quæ prædixerit quispiam futurum, & fortuito euenerit, non credatis ei, quoniam tentat vos Dominus Deus vester, ut sciat si diligatis eum, an non. Habemus ergo in præsentiarum in re dissimili non dispar exemplum. Fuit enim in præscripto tempore homo plebeijs mangonum callidissimus, ignoti tamen nominis & patriæ, quoniam pro diuersitatibus locorum quærens latebram ne agnosceretur, fraudulenter imponebat sibi vocabula, vel de qua foret Prouincia. Effodiebat quoque è tumulis clanculè ossa euellens à cineribus nuperrimè defunctorum hominum, sicque imposita in diuersis apophoretis, venditabat apud plurimos pro sanctorum Martyrum seu Confessorum reliquijs. Hic verò post innumeras huiusce illusiones in Galliis patratas, perfugà venit ad loca Alpium, vbi perpæpè brutæ gentes inhabitant, habentes in arduis plurima domicilia. Ibi nempe se Stephanum nuncupauit, qui aliàs Petrus, aliàs Ioannes dictus fuerat. Illic ergo more solito noctu colligens à loco abiectissimo ignoti ossa hominis, quæ posuit in cassella & feretro, dicebat sibi angelica ostensione reuelatum fuisse, quem fingeat esse sanctum Martyrem nomine Iustum. Mox quoque vulgus, ut se in talibus habere solet, ignauum quicquid rusticanæ plebis fuit totum ad hanc famam confluit. pœniter insuper si non est sibi morbus, quo curari deposcat. Tunc ducit debiles, confert munuscula, peruigil tenet excubias, præstolans repentina fore miracula, quæ, ut diximus, aliquoties permittuntur fieri à malignis spiritibus tentatoriè, peccatis hominum præcedentibus. quod tunc proculdubio euidentissime claruit. Multimodè quippe membrorum reformationes ibidem visæ sunt extitisse, ac insignia pendere oscillorum multiformia, nec tamen Moriannæ, vel Vtzeticiæ, seu Gratinonæ vrbiũ Præfules, in quorum Diocesis talia profanabantur, diligentiam huius inquirendæ rei adhibuere. Quin potius conciliabula statuentes, in aliquibus nihil aliud nisi inepti lucri quæsitum à plebe, simul & fauorem fallaciæ exigebant. Interea Mainfredus Marchionum ditissimus huiusmodi famam comperiens, misit è suis, qui vi rapientes illud quod colebatur simulachrum, sibi deferrent, quem æstimabant Martyrem venerandum. Imperat idem Marchio constituere Monasterium in Seutiz castro, quod est antiquissimum inter Alpes, in honore Dei omnipotentis, eiusdemque genitricis Mariæ semper Virginis. in quo etiam post expletionem operis illum cum alijs quamplurimis Sanctorum pignoribus locare decreuerat. Post paululum quoque completo Ecclesiæ opere, statutoque dedicationis die, accersitis Episcopis in

A giro degentibus, cum quibus etiam sꝑenominatus Abbas VVilhelmus, nonnulli- HARRIGVS I.
 que Abbates affuerunt. Erat autem tunc prædictus ibi mango iam dicto Marchio-
 ni percharissimus effectus, quippe quoniam spondebat se multò preciosa San-
 ctorum pignora in proximo reuelaturum, quorum scilicet gesta & nomina, atque
 passionum certamina, vt cetera, fallaciter confingebat. Qui cum à doctioribus qui-
 busque interrogaretur, qualiter talia pernosceret, minus verisimilia blatterans per-
 sonabat. Nam & egomet cum sꝑius nominato Abbate illuc deueniens intereram.
 Aiebat namque: Apparet, inquit, mihi noctu Angelus, narratque ac docet.
 quæcunque me velle scire nouerit, & tam diu apud me manet, vsque dum ego re-
 cedere compello. Cum verò ad hæc respondentes sciscitarem, an vigil seu in-
 somnis hoc cerneret, subiunxit: Per singulas penè noctes eripit me Angelus è le-
 ctulo, vxore mea ignorante. qui post multa colloquia salutans me atque deoscu-
 lans recedit. Nos quoque expoliatum calliditatibus intelligentes mendacium, co-
 gnouimus virum non angelicum, quin potius fraudis ac malignitatis ministrum.
 Præterea Pontifices ritè peragentes, ob quam venerant, Ecclesiæ consecrationem
 intromiserunt cum ceteris reliquiarum pignoribus ossa illius prophani astu adin-
 uenta: non tamen sine magna vtriusque plebis exultatione, quæ innumerabilis il-
 licò conuenerat. Contigit ergo ista fieri die xvi. Kalendarum Nouembrium. Id-
 circo nempe, quoniam fautores huius erroris asseriebant esse eadem Iusti Martyris
 ossa, qui eo die Beluaco Galliarum passus vrbe: cuius etiam caput Autisiodoro, vbi
 natus & nutritus fuerat, relatum est & habetur. Sed ego, qui rei nouitatem noue-
 ram, friuolum quod dicebatur asserbam. Elegantiores tamen virorum personæ
 cognoscentes figmenta fallaciæ, fidem dabant assertioni quam protuleram. Nocte
 denique infecuta, visa sunt à quibusdam Monachorum seu aliorum Religiosorum
 monstruosa in eadem Ecclesia phantasmata: atque à locello, quo inclusa habeban-
 tur ossa, formas nigrorum Æthiopum exisse, necnon ab Ecclesia recessisse. Et li-
 cèt plures sanæ mentis detestabile figmentum abominandum clamarent, vulgus
 tantum rusticanæ plebis mangonem corruptum iniusti nomen pro Iusto venerans,
 olim in suo permansit errore. Nos autem idcirco ista retulimus, vt à multiformis
 dæmonum seu humanorum errorum, qui in Orbe passim abundant, præcipuè in
 fontibus seu arboribus ab ægris incautè veneratis, caueatur.

De fame validissima, quæ contigit in Orbe terrarum. CAP IV.

IMMINENTE igitur anno incarnati Christi millesimo tricesimo tertio, qui est 1033.
 à passione eiusdem Saluatoris millesimus, obiit viti in Orbe Romano famosis-
 simi, sacræque Religionis signiferi, Benedictus videlicet Papa vniuersalis, ac Rex
 Francorum, vt iam diximus, Robertus. Fulbertus quoque Carnoti Præsulum in-
 comparabilis, vir sapientissimus, necnon prænominatus Pater Monachorum, fun-
 datorque Cœnobiorum eximius VVilhelmus. de quo etiam perplura forent dicen-
 da vitiis, nisi quoddam in libello, quem de vita & virtutibus illius edidimus, prolata
 dudum fuisse noscuntur. Vnum restat tamen, quod noui ibidem minimè contine-
 ri. Migravit enim prædictus Pater à seculo ad beatorum requiem in Neustriæ par-
 tibus, in Fiscannense videlicet Monasterio supra mare Oceanum constituto, quod
 à Rothomagense vrbe quadraginta fere milliaribus distat: sepultusque est, vt tan-
 tum condecabat virum, in loco optimo eiusdem Ecclesiæ. Post aliquot verò dies
 contigit vt puerulus fermè decennis valida confectus ægritudine ad sepulchrum
 illius gratia recuperandæ sanitatis duceretur, ibique à parentibus dimissus decuba-
 bat solus. Qui subito respiciens, vidit super idem sepulchrum insidentem auiculam
 formam columbæ præferentem. quam diu intuens obdormiuit. Dehinc leni ex-
 pletus somno, euigilans ita se reperit incolumem, ac si nihil ægritudinis perensiss-
 set. Suscipiunt itaque læti parentes suum. fit omnibus commune gaudium. Se-
 quenti itaque tempore cœpit in vniuerso Orbe terrarum fames conualescere, ac
 interitus penè vniuersi humani generis imminere. Nam temperies aëris sic intem-
 pestiua est effecta, vt nullius sationis proueniret tempus congruum, nec messioni
 præcipuè ob inundantiam aquarum foret opportunum. Videbantur enim inter se-
 ipsa elementa pugnam discordiæ agere, cum proculdubio vindictam exercerent
 humanæ insolentiæ. Assiduis enim imbribus ita compluta erat vniuersa tellus, vt

HENRICVS
I.

in spatio trium annorum nulli reperirentur sulci viles seminibus? Tempore quoque messis herbarum agrestes, atque infelix lolium, totam oppruebant superficiem agrorum. Modius quoque sementis ubi magis proficiebat, reddebat in messe sextarium, ipseque sextarius vix referebat pugillum. Coeperat enim primitus hæc sterilitas ultionis in partibus Orientis: depopulando Græciam, deuenit in Italiam. Dehinc infusa per Gallias, transit ad vniuersos Anglorum populos. Tunc vero constricta tota gens indigentia victus, maiores ac mediocres fame pallebant cum pauperibus. Cessit enim raptus potentum vniuersali inopia. Si quid ergo victus venundatus reperiebatur, arbitrio vendentis pro libitu erat excedere, seu accipere pretium. Nam in plerisque locis fuit modij pretium sexaginta solidorum: alias quoque sextarius solidorum quindecim. Interea post esum bestiarum & volucrum, urgente fame acerrima, coepere homines præripere in cibum morticina quæque ac dictu horrenda. Quidam verò fecere confugium euadendæ mortis ad radices sylvarum, herbasque fluuiorum, sed nequicquam. Non ergo aufugium iræ ultionis Dei, nisi ad semetipsum. Horret denique referre quæ tunc generi humano corruptiones acciderunt. Heu! proh dolor! quod olim rarè audiri contigerit, tunc rabida in edies compulit vorari ab hominibus humanas carnes. Arripiebantur autem viantes à se præualentibus, membratimque diuidebantur, igneque decocti vorabantur. Multi quoque de loco ad locum famem fugiendo pergentes hospitibus recepti, nocturne iugulati, quibus suscepti sunt, in cibum fuerunt. Plerique verò poma ostenso vel ouo pueris, ad remota circumuentos trucidatosque deuorauerunt. Corpora defunctorum in locis plurimis ab humo euulsa, nihilominus fami subuenerunt. Quæ denique rabiei insanies in tantum excreuit, vt tutius moraretur solidarium absque raptore genus pecudum quàm hominum. Nam veluti iam in vsum deuenire deberet carnes humanas comedi, quidam decoctas detulit venundandas in forum Trenorchij, ac si fuissent alicuius pecudis. Qui deprehensus, crimen flagitij non negauit. deinde artatus loris, igne crematus est. Carnem autem illam humo absconditam alter effodiens, noctu comedit. Pari modo & ille igne combustus est. Est nempe Ecclesia à ciuitate Matisconense tribus fere millibus distans, in sylua Castanedi sita, sine plebe solitaria, sancto Ioanni dicata. Iuxta quam locauerat quidam feralis homo tugurium, qui ibidem multitudinem transfuentium vel ad se diuertentium trucidans, in nefandissimum sumpsit edulium. Contigit siquidem vna dierum, vt vir quidam cum muliere illuc diuertens ad hospitium, paululum conquieuit. Dehinc cum duceret oculos per angulos tugurij, prospexit detruncata capita virorum, atque mulierum, & infantium. Qui protinus palluit, egredi cupiens, sed pestifer ille possessor tugurij renitens, vi manere compellebat. Sed ille pertimescens mortis decipulam, præualuit, concitatusque ad ciuitatem cum vxore perrexit. Ad quam veniens, quod compererat Ottoni Comiti, ceterisque ciuibus indicauit. Qui protinus mittentes viros quamplurimos, qui rei veritatem inquirerent, pergentesque velocius, repperunt illum crudelissimum in suo tugurio cum quadraginta octo capitibus trucidatorum, quorum carnes ore belluino vorauerat. Quem deducentes ad ciuitatem, in quodam horreo religatum ad stipitem, vt ipsi postmodum conspeximus, igne combusserunt. Tunc etiam peremptum est in eisdem partibus, quod nusquam comperimus quempiam fecisse. Effodiebant enim plerique albam humum argillæ similem, permiscientes quantum erat farinæ, vel cantabro: exinde panes conficiebant, vt vel sic in ediz mortis succurrerent. In hoc conficiendo spes tantum erat euadendi, sed profectus inanis. Tenebat ergo pallor & macilentia ora cunctorum, cutisque distensa inflatione in plurioribus apparebat, ipsæque voces humanæ perexiles effectæ, garritus morientium auium imitabantur. Tunc nihilominus è cadaueribus mortuorum passim præ multitudine sepultura carentibus, lupi adescati, post longum tempus prædam cepere ex hominibus. Et quoniam, vt diximus, sepeliri singulatim ob multitudinem non quibant, constructa in quibusdam locis à Deum timentibus, quæ vulgo dicuntur carnaria, in quibus quingenti, & eo amplius, seu quantum capere poterant, permixtim absque ordine proiecta sunt seminuda, vel absque tegminibus, defunctorum corpora. Triuia quoque & agrorum succisua pro cimiteriis habebantur. Si qui verò auditu compererant quod melius haberent, si ad alia transirent arua, per plures in itinere deficientes moriebantur. Desceuit

- A** enim in Orbe terrarum, peccatis hominum exigentibus, prædictæ pestilentia clades in spatium trium annorum. Tunc in expensis egenorum distracta sunt Ecclesiarum ornamenta, dispersitque thesauri, qui ob hoc in Decretis Patrum inveniuntur ibidem primitus fuisse repositi. Sed quantum supererat vindictæ iustæ ultionis, excessit nimietas egenorum in plerisque locis thesauros Ecclesiarum. Nam & ipsi famelici nimia affectu inedia, si contigisset eos repleti cibo, distenti inflatione protinus moriebantur. Alij autem cibos manibus contrectantes, ori tentantes imponere. sed conquiniscendo deficiebant, non valentes explere quod cupiebant. Quantus enim dolor tunc, quanta mœstitia, qui singultus, qui planctus, quæ lachrymæ à talia cernentibus datæ sunt, præcipuè à viris Ecclesiasticæ religionis, Episcopis videlicet, atque Abbatibus, Monachis & Sanctimonialibus, simulque omnibus in commune vtriusque sexus & ordinis Deum metuentibus, non valet stylus quispiam explicare characteribus. Æstimabatur enim ordo temporum & elementorum præterita ab initio moderans secula in chaos decidisse perpetuum, atque humani generis interitum. Illud præterea stupore nimio permirabilissimum, quoniam in tam clandestina diuinæ ultionis calamitate rarissimè reperiebantur, qui pro talibus contrito corde, & humiliato corpore ut expediebat, leuarent corda cum manibus ad Dominum, sibi que subueniendum interpellarent. Tunc nempe Esaiianum illud elogium nostro impletum est tempore quod dixit, *Populus non est conuersus ad percussentem se.* Erat enim in hominibus quædam duritia cordis cum hebetudine mentis, & quoniam ille summus iudex & auctor totius bonitatis daret velle rogare se, qui nouit quando debeat misereri.

De pace & abundantia anni millesimi à passione Domini. CAP. V.

- A** NNO à passione Domini millesimo memoratæ cladis penurias subsequente, sedatis nimborum imbribus respectu diuinæ bonitatis & misericordiæ, cœpit læta facies cœli clarescere, congruisque æthereis flare, placidaque serenitate magnanimitatem Conditoris ostendere: telluris quoque tota superficies amicabiliter virens frugum abundantiam funditus inopiam expellendo portendere. Tunc ergo primitus cœpere in Aquitanie partibus ab Episcopis & Abbatibus, ceterisque viris sacre religionis deuotis ex vniuersa plebe, coadunari Conciliorum conuentus. Ad quos etiam multa delata sunt corpora Sanctorum, atque innumerabiles sanctarum apophoretæ reliquiarum. Dehinc per Arelatensem Prouinciam, atque Lugdunensem, sicque per vniuersam Burgundiam, vsque in vltimas Franciæ partes, per vniuersos Episcopatus indictum est, qualiter certis in locis à Præsulibus Magnatisque totius patriæ de reformanda pace & sacre fidei institutione celebrarentur Concilia. Quod etiam tota multitudo vniuersæ plebis audiens, lætanter adiere maximi, mediocres, ac minimi: parati cuncti obedire quicquid præceptum fuisset à Pastoribus Ecclesiæ. non minus videlicet, quàm si vox emissæ de cœlo hominibus in terra loqueretur. Tetrebat enim vniuersos clades præteriti temporis, instabatque metus ne adipiscerentur opulentiam futuræ vbertatis. Erat quippe descriptio capitum digesta, qua continebantur tam illa quæ fieri prohibebantur, quàm ea quæ deuota sponcione omnipotenti Domino offerre decreuerant. In quibus potissimum erat de inuiolabili pace conseruanda, ut scilicet viri vtriusque conditionis, cuiuscunque antea fuissent rei obnoxij, absque formidine procederent armis vacui. Prædo namque aut inuasor alterius facultatis legum distractione arctatus, vel donis facultatum, seu pœnis corporis acerrimè multaretur. Locis nihilominus sacris omnium Ecclesiarum honor & reuerentia talis exhiberetur, ut si quis ad ea cuiuscunque culpæ obnoxius confugium faceret, illæsus euaderet, nisi solummodo ille qui pactum prædictæ pacis violasset. hic tamen captus ab altare, præstatutam vindictam lueret. Clericis similiter omnibus, Monachis, & Sanctimonialibus, ut si quis cum eis per regionem pergeret, nullam vim ab aliquo pateretur. Plurima autem in eisdem Conciliis constituta sunt, quæ per longum duximus referre. Illud sanè memorandum, quod omnibus in commune placuit, qualiter omnibus hebdomadibus sanctione perpetua, sexta die abstineretur à vino, & carnibus septima: nisi fortè grauis infirmitas compelleret, aut celeberrima solemnitas interueniret. Si verò effectio aliqua intercederet, ut hic tenor paululum laxaretur: tres proinde

HENRICVS
I.

pauperes victu sustentarentur. Tunc innumeræ sanitates patratæ sunt infirmantium in eisdem conuentibus Sanctorum. Sed & ne cui friuolum videretur in multis disrupta cutis, discissaque caro crurium & brachiorum nuper curuorum, erigendo in statum pristinum plurimus sanguis effundebatur. Quod vtiq; in ceteris, quæ dubitare poterant, fidem præstabat. Quibus vniuersi tanto ardore accensi, vt per manus Episcoporum baculum ad cælum eleuarent, ipsique palmis extensis ad Deum, Pax, pax, pax, vnanimiter clamarent. vt esset videlicet signum perpetui pacti de hoc, quod spoponderant inter se & Deum. In hac tamen ratione, vt euoluto quinquennio confirmandæ pacis gratia idipsum ab vniuersis in Orbe fieret mirum in modum. Eodem denique anno tanta copia abundantia frumenti & vini, ceterarumque frugum extitit, quanta in subsequente quinquennio contigisse sperari non potuit. Aliquis enim victus humanus, præter carnes seu deliciofa pulmentaria, nullius erat pretij. Erat autem instar illius antiqui Mosæici magni Iubelei. Sequenti verò anno tertio & quarto non minus prouenit. Sed heu! proh dolor! humana denique stirps immemor beneficiorum Dei, ab initio prona ad malum, veluti canis ad vomitum, vel sus lota in cœni volutabrum, irritum in multis fecero propriæ sponsonis pactum. Et sicut scriptum est, *Impinguatus & dilatus recalcitrauit*. Nam ipsi Primates vtriusque ordinis in auaritiâ versi, cœperunt exercere plurimas, vt olim fecerant, vel etiam eo amplius, rapinas cupiditatis. Deinde mediocres ac minores exemplo maiorum ad immania sunt flagitia deuoluti. Quis enim vnquam antea tantos incestus, tanta adulteria, tantas consanguinitatis illicitas permixtiones, tot concubinarum ludibria, tot malorum æmulationes audiuerat? Insuper ad cumulum tantij mali, cum non essent in populo, vel rari, qui ceteros corrigentes talia redarguerent, impletum est Prophetæ vaticinium, quod ait, *Et eris sicut populus sic Sacerdos*. Præsertim cum tunc in seculari potestate, tum etiam in Ecclesiastica Religione, totius regiminis personæ constiterant in puerili ætate. Propter peccata enim populi contigit tunc illud Salomonicum, quod ait; *Va tibi terra!* Nam & ipse vniuersalis Papa Romanus, nepos scilicet duorum, Benedicti atque Ioannis, qui ei præcesserant, puer fermè decennis, intercedente thesaurorum pecunia electus extitit à Romanis. A quibus exinde frequenter eiectus, ac inhonestè receptus, nulla potestate viguit. Et vt iam superius taxauimus ceteros tunc temporis Ecclesiarum Prælatos, aurum potius vel argentum exaltabat quàm meritum. Proh pudor! de his euidentissimè Scriptura ait, immò os ipsius Dei, *Principes extiterunt, & non cognoui*.

De confluentia populi totius Orbis, quæ ad sepulchrum Domini Hierosolymis facta est.

CAP. VI.

PER idem tempus ex vniuerso Orbe tam innumerabilis multitudo cœpit confluere ad sepulchrum Saluatoris Hierosolymis, quantam nullus hominum prius sperare poterat. Primitus enim ordo inferioris plebis: deinde verò mediocres; posthæc permaximi quique Reges, & Comites, ac Præsules. Ad vltimum verò, quod nunquam contigerat, mulieres multæ nobiles cum pauperioribus illuc perrexere. Pluribus enim erat mentis desiderium mori, priusquam ad propria reuerterentur. Contigit enim, vt quidam à Burgundiæ partibus ex Augustidunense territorio Lethbaldus nomine cum ceteris illuc pergens deueniret. Qui prospectis locis omnium sacerrimis, cum ad illum locum montis Oliueti deuenisse contigit, ex quo Saluator ad cœlos ascendens tot cernentibus idoneis testibus, venturus inde iudicare viuos & mortuos, est repromissus, proiciens se in crucis modum, toto prostratus corpore cum lachrymis inenarrabile mentis iubilo exultauit in Domino. Reerigens se identidem palmis ad cælum extensis, nisu quo poterat corpus librabat in altum, ac in voce huiusmodi aperiebat mentis desiderium. Aiebat namque, Domine Iesu, qui propter nos de sede maiestatis tuæ ad terras descendere dignatus es, vt genus humanum saluares; quique ex hoc loco, quem oculis intueor, carne vestitus remeasti ad cœlos vnde veneras: obsecro tuam omnipotentissimam bonitatem, vt si hoc anno est mea anima ex hoc corpore migratura, non hinc recedam, sed in conspectu loci tuæ ascensionis fieri contingat. Credo enim,

A quoniam sicut te secutus sum corpore, qualiter ad hunc deuenirem locum: sic anima mea illæsa & gaudens post te sit ingressura ad paradysum. His peroratis, reuersus est cum sociis ad hospitium. Erat autem iam hora prandij. Ceteris verò discumbentibus, conuersus ipse ad lectulum vultu alacris, ac veluti graui sopore paululum requieturus, illico namque obdormiscens, ignoratur quid viderit, protinus dormiens exclamauit: Gloria tibi Deus, gloria tibi Deus. Socij quoque hæc audientes, monebant illum vt surgens comederet. Qui noluit, sed vertens se in latus aliud, dixit se pati aliquid incommodi. Recubansque vsque ad vespertum, conuocatis sui itineris sociis viuificæ Eucharistiæ requirens accepit, viaticum, illisque dulciter salutaris emisit spiritum. Iste proculdubio liber à vanitate, ob quam multi proficiscuntur, vt solummodo mirabiles habeantur, de Hierosolymitano itinere in nomine Domini Iesu fideliter petiuit patrem, quod & accepit. Cuius socij reuertentes, nobis ea quæ diximus retulerunt positis tunc apud Basile Monasterium. Eodem quippe tempore Odolricus Aurelianorum Præsul illuc pergens, quid viderit, nobisque narrauerit, non prætermittendum videtur miraculum. Die igitur magni illius Sabbati, quo ignis mirabili Dei potentia veniens ab vniuerso populo præstolatur, ibi cum ceteris idem Præsul adstabat. Iamque dies ipsa in vespertum transiens repente penes horam, quas perabatur ignis affuturus, vnus Sarracenorum scurra impudentissimus, ex plurima illorum multitudine, quæ annuatim semper vna cum Christianis adesse solet, exclamauit, vt Christianis mos est, cum primum videtur, *Asos, Kyrie, eleison*, cauellanter cachinnum emisit, extensaque manu arripuit cerceum de manu cuiusdam Christiani aufugere tentans. Qui illico arreptus à demonio, turpiter nimium vexari cepit. Quem prosequens Christianus, cerceum abstulit. Ille verò tortus acerrimè, protinus inter Sarracenorum manus expirauit. Quod factum omnibus in commune terrorem immisit. Christicolis tamen gaudium & exultationem præbuit. Statim verò, vt assolet, Dei virtute erumpens ignis ex vna lampadarum, quæ septem ibidem pendere cernuntur, cursim eructuando ceteras inflammavit. Quam etiam cum suo oleo præfatus Episcopus emens auri libra à Iordano, qui tunc præerat Patriarcha, secum detulit: atque in sede propria reponens, plurima infirmis contulit beneficia. Detulit etiam Roberto Regi partem prægrandem venerabilis Crucis Domini Saluatoris missam à Constantino Imperatore Græcorum cum multitudine palliorum olofericorum, cui isdem Rex miserat per eundem Episcopum spatam capulum habentem aureum, thesamque auream cum gemmis pretiosissimis. Tunc etiam inter ceteros Robertus Normannorum Dux cum ingenti multitudine suæ gentis Hierosolymam proficiscens, detulit secum plurima auri & argenti donaria, erogandi gratia. Qui dum rediret, apud Niceam obiit urbem, ibidemque sepultus quieuit. De quo maximum apud suos idcirco extitit iustitium, quoniam non fuerat ei proles matrimonio aliqua ad regimen suscipiendum Prouinciæ, quamlibet sororem Anglorum Regis Canuc manifestum est duxisse vxorem, quam odiendo diuortium fecerat. Ex concubina tamen filium genuerat, VVillelmi nomen atavi ei imponens. Cui antequam proficisceretur, vniuersos sui Ducaminis Principes militaribus adstrinxit sacramentis, qualiter illum in Principem pro se, si non rediret, eligerent. Quod etiam statim ex consensu Regis Francorum HENRICI vnanimiter postmodum firmauerunt. Fuit enim vsui à primo aduentu ipsius gentis in Gallias, vt superius pernotauimus, ex huiusmodi concubinarum commixtione illorum Principes extitisse. Sed & hoc ne supra modum putetur abominabile, libet comparisonem de filiis concubinarum Iacob inducere, qui ob hoc non caruere paterna dignitate inter ceteros fratres constituti Patriarchæ. Et longo post inferiore tempore singularis Monarchiæ, magnus Imperij protochristicola Constantinus ex concubina Helena legitur genitus fuisse. Præterea dum quidam de sollicitioribus, qui eo tempore habebantur, consulti à pluribus fuissent, quid tantus populorum concursus ad Hierosolymam designaret olim seculi inauditus præteriti. Responsum est à quibusdam satis cautè, non aliud portendere, quam aduentum illius perditici Antichristi, qui circa finem seculi istius diuina testante auctoritate præstolatur affuturus. Tunc & gentibus vniuersis via Orientis plagæ, vnde venturus est, patefacta, obuiam illi cunctæ nationes incunctanter sint processuræ. Reuera vt illud Dominicum adimpleatur prælagium, *Quoniam tunc in tentationem incident, si fieri potest, etiam electi.* Huius

hic meta verbi. Ceterum non negamus deuotum laborem fidelium exinde præmium seu mercedem percipere à iusto Iudice.

De præliis Sarracenorum aduersus Christianos in Africa partibus. CAP. VII.

SVa iisdem verò temporibus confurgens rediuiua Sarracenorum in Africæ partibus aduersus Christianorum populum perfidia, persequendo eos terra marique quosquos repetire poterant, quosdam excoriabant viuos, alios trucidabant. Et cum iam diu multumque inter utrosque debaccharum plurima cæde fuisset; pluresque strages ab utrisque partibus datæ, contigit ut ex deliberatione partis utriusque in comminus illorum acies pugnaturæ deuenirent. Illi præsumentes confidebant in fabida feritate immensæ suæ multitudinis, victores sese fore existimabant. Nostri verò licet admodum pauci numero, Dei omnipotentis auxilium inuocantes per interuentum genitricis ipsius Mariæ, sanctique Apostolorum Principis Petri, omniumque Sanctorum, sperabant de illis fiducialiter obtinere triumphum. Præcipue quoque in voto, quod in ipsius procinctu belli vouentes sese obstrinxerant, ut si videlicet manus Domini valida gentem illam perfidissimam in manus illorum concluderet, potito de illis triumpho, quicquid auri argentique seu ceteræ suppellectilis ex eisdem capere contigisset, totum omnino ad locum Cluniaci, Apostolorum Principi Petro destinarent. Nam olim namque, ut superius pernotauimus, plures ipsius gentis veri religiosi in eodem Cœnobio sacri instituti habitum suscipientes, totam gentem ad amorem eiusdem loci conscuerant. Sed quid plura inuito pugna certamine, diu multumque congressum est. Christiani tamen omnino inlæsi victores apparebant. Ad vltimum quoque tantus horrois tremor inuasit Sarracenorum exercitum, ut veluti pugna obliui, fugam arripere tentantes, quamuis nequicquam, propriis irretiti iaculis, immò virtute Dei stupentes hæserunt. Christianorum verò quantus erat cuneus diuino fortificatus auxilio, tanta eosdem cæde prostrauit, ut ex innumerabili multitudine illorum vix pauci euaderent. Morget nempe Princeps illorum, qui quasi Moyse ita confusè nominatur, illo prælio dicitur defuisse. Collectisque spoliis, confecerunt ex eisdem plurima argenti talentorum pondera, memores voti quod Deo sponderant. Est namque mos Sarracenorum ad prælia euntium, ut sese phaleris argenti vel auri plurimum perornent. Quod tunc etiam deuotioni nostrorum præstitit augmentum, qui protinus miserunt quicquid exinde prouenit, ut vouerant, ad Cluniense Monasterium. Ex quibus venerabilis eiusdem loci Abbas Odilo Ciborium super altare sancti Petri perhonestissimum fieri præcepit. Cetera verò liberali dispensatione famosissimè, ut decebat, erogari indigentibus vsque ad assem mandauit. Sarracenorum nihilominus tumultuatio ad præsens conquassata quieuit.

De Leuticorum prælio aduersus Christianos in partibus Aquilonis. CAP. VIII. C

GERMANIA igitur, quæ à Rheno flumine sursum versus ad Aquilonarem Orbis plagam tendens sumit exordium, gentibus incolitur quamplurimis, ferocissimis tamen atque promiscuis. Inter quas vna ceteris crudelior, commanens in vltima parte secundæ Retiæ. Nam prima Retia, licet à Reno utraque dicantur, in parte eiusdem Reni coniacet Occidentali. Quæ scilicet corruptè Regnum Lotharij vulgò nuncupatur. In altera, ut diximus, gens Leuticorum barbara omni crudelitate ferocior. cuius vocabulum à luto deriuatur. Est enim omnis illorum habitatio circa mare Aquilonare, in paludibus sordentibus, & idcirco Leutici quasi Lutei vocantur. Hi quoque anno à passione Domini millesimo de suis egressi latibulis, vicinas sibi Prouincias Saxonum ac barbarorum nimium crudeliter deuastantes, res Christianorum ad solum vsque deleuerunt. viros ac mulieres trucidantes exterminabant. Aduersus quos Imperator Chounradus cum exercitu permaximo egrediens, multoties plures ex illis cæde prostrauit. non tamen sine damno suorum. Ob quam rem totius Ecclesiæ clerus ac plebs Regni sui semet affligentes, Dominum rogauerunt, ut vltionis vindictam de tanta barbarorum visania illi concederet, ut ad sui nominis honorem Christianis foret ex illis victoria. Dehinc verò irruens super eos, maximam illorum partem contriuit. Ceteri fugæ præsidium arripientes

Aripientes ad loca suarum paludum inaccessibilia nimium perterriti euaserunt. De qua victoria idem Imperator accepta confidentia, rursus collecto exercitu Italiam pergens, ad ipsam urbem Romam progrediens, vniuersos rebelliones, qui contra eum insurgere tentauerant, anno integro ibidem degens, proterendo compescuit. Pactum etiam securitatis & amicitiae, veluti Henricus cum patre illius egerat, cum Rege Francorum **HENRICO** filio Roberti statuit. Cui etiam leonem pergrandem amicitiae gratia misit. Qui post modum uxorem nomine Mathildem moribus egregiam de Regno eius, ex Germaniae nobilioribus accepit.

De signo quod in Sole apparuit. C A P. I X.

ANNO igitur eodem die Dominicæ passionis millesimo, die tertio Kalendarum Iuliarum, sexta feria, Luna vicesima octaua, facta est eclypsis seu deliquium Solis ab hora eiusdem diei sexta vsque in octauam, nimium terribilis. Nam Sol ipse factus est saphyrini coloris, gerens in superiori parte speciem Lunæ à sua reilluminatione quartæ. Intuitus hominum in alterutrum velut mortuorum pallor conspiciebatur. Res verò quæcunque sub aëre crocei coloris esse cernebantur. Tunc corda humani generis stupor ac pauor tenuit immensus. Quoniam illud in-
Btuentes intelligebant portendere quiddam fore superuenturæ cladis humano generi triste. Nam eadem die, natale videlicet Apostolorum, in Ecclesia beati Petri quidam de Principibus Romanorum conspirantes in Papam Romanum, cupientes illum interimere. Sed minimè valentes, à Sede tamen propria expulerunt. Sed, ut præmisimus, tam pro hac re, quàm pro aliis insolenter patratis, Imperator illuc profisciscens propriæ sedi restituit. Necnon & alia passim in Orbe cum in Ecclesiasticis, tum etiam in rebus secularibus multa contra ius fasque patrata contigerunt. Instinctu nempe rapidæ cupiditatis, penè nullius tuta fides in altero, quæ est fundamentum & columen totius boni, reperiebatur. Et vtevidentius foret, quòd peccata terræ cælos pulsarent, sicut Propheta clamat, propter creberrimas populi iniquitates, *Sanguis*, inquit, *sanguinem tetigit*. Nam postmodum penè in vniuersis mortalium ordinibus insolentia pullulante, ac vigore iustæ seueritatis tenorisque tepescente, ut illud Apostolicum nostræ genti rectissimè potuisset improbari elogium, quod ait, *Auditur inter vos nefas, quod nec inter gentes*. Nam impudentissima auaritia humana pectora inuadente, periclitabatur fides in cunctis. Exinde procedebant rapinæ & incestus, litigia cæcarum cupiditatum, furta & adulteria immanissima. Proh pudor! horrore erat cuique referre de se quod sentiebat. Nemo tamen propter hoc à nefario malitiæ vsu sese corripiebat. Iterum quoque post annos quatuor facta est eclypsis Solis vndecimo die Kalendarum Septembrium, 1037.
Cferia quarta, hora sexta, atque ut semper fit Luna vicesima octaua. Eodem nihilominus anno Chuonradus, cuius superius mentionem fecimus, apud Saxoniam Romanorum obiit Imperator. Cuius filius Henricus nomine, quem ipse viuens pro se Regem constituerat, imperauit. V Vilhelmus etiam Pictauorum Comes multis pecuniis liber à captione, qua filius Fulconis Gozfredus cognomento Martellus illum in prælio capiens, spatio trium annorum tenuerat, ad propria remeans ipso in anno finem vitæ habuit. Hugo quoque Autisiodorensis Episcopus vir nominatissimus viuendi finem fecit. Similiter Rainaldus Comes eiusdem ciuitatis, Landrici Comititis filius, qui filiam Roberti Regis duxerat uxorem, ipse quidem audax, à quodam milite generis infimi audacter interemptus est. Is quoque pertimescens ob audaciam, sicuti contigit, præproperè sibi funus imminere, dum adhuc viueret, Abbatiam in honore Domini Saluatoris constructam Monasterio beati Germani ex integro perpetualiter possidendam restituit, quo etiam sepultus quiescit. Præterea Fulco Andegauorum Comes, de quo superius quædam retulimus, ter Hierosolymam iam perrexerat, veniensque Metensem urbem ibidem obiit. Cuius corpus Lucacense ad Monasterium, quod ipse construxerat, delatum est, atque in eodem sepultum honorificè.

EXPLICIT LIBER IV.

Tom. IV.

E

LIBER QVINTVS.

SVMMA CAPITVM LIBRI QVINTI.

- I. *Varia quaestiones.*
- II. *De bello mirè gesto.*
- III. *De tertia eclypsi Solis.*
- IV. *De diffensione Lugdunensis Praesulatus.*
- V. *De extirpatione Simoniaci.*

Varia quaestiones. CAP. I.

ERAT diuersarum permutationibus, ac variorum casuum euentibus attonitæ aures, mentesque obtusæ seu hebetatæ vniuersorum tunc temporis penè mortalium, tum etiam infestationibus sinistrorum spirituum. Aliquibus tamen reuelationum vtilium phantasie manifestatæ fuisse creberrimè ferebantur. Cuidam namque Monacho vna nocturno visum est, hora qua matutinale agitur est signum, affuisse sibi quendam teterrimum, qui eidem plura persuadendo inferebat huiusmodi colloquium: Cur, inquit, vos Monachi tot labores, tot vigilias, atque ieiunia, necnon afflictiones & psalmodias, plurisque alias humiliationes exercetis extra communem aliorum hominum usum? Nonne innumerabiles secularium homines usque ad vitæ terminum in diuersis flagitiis perseuerantes, eandem tamen percepturi quam vos expectatis requiem? Sufficeret enim dies vnus, vel hora, ad promerenda præmia æternæ beatitudinis vestræ iustitiæ. Namque tu ipse, miror qua de causa tam sollicitus mox ut audis signum velociter exurgis à lecto, rumpisque dulcem somni quietem, quum posses quieti indulgere vel usque ad tertium signum. Est etiam quod tibi pandam secretum valde memorabile, licet nostræ sit parti dispendium, vestræ quoque salutare remedium. Nam constat omnibus annis, die qua Christus resurgens ex mortuis vitam reparauit humani generis, ab eodem vniuersa spoliari tartara, & suos quoque reduci ad supera. Pro qua re nihil vobis pertimescendum. Quicquid libuerit voluptatum, carnis, ac desideriorum securi agere potestis. Hæc nempe & alia perplura, sicuti erat fallacissimus dæmon, eidem Monacho illudens friuola retulit, adeoque illum illexit, ut communi fratrum sinaxi matutinali defuerit. Illud sane, quod de Dominica resurrectione seductorie confinxit, verba sacri redarguunt Euangelij, quæ dicunt; *Multa corpora sanctorum, qui dormierant, surrexerunt.* Non inquit omnia, sed multa. Et ita reuera proficitur fides Catholica. Licet enim aliquoties vera Omnipotentis præscientia disponente, fallacissimi omnino dæmones minus irrita præhærent, tamen quantum ex illorum deliberatione fit, perfunctoria ac seductoria constant. Vel etiam si contingerit ex parte quæ præfagantur ab eisdem fieri, non planè salutis humanæ sunt profutura, nisi fortè diuina fiat prouidentia ob correctionis solertiam. Huiusmodi igitur mihi nuperrimè multoties Deo propitiante palam est contigisse. Nam dum aliquando in beati Martyris Leodegarii Monasterio, quod Cappellis cognominatur, positus degerem, nocte quadam ante matutinalem synaxin astitit mihi ex parte pedum lectuli forma homunculi teterrimæ speciei. Erat enim quantum à me dignosci potuit, statura mediocris, collo gracili, facie macilenta, oculis nigerimis, fronte rugosa & contracta, depressis naribus, os exprotractum, labellis tumentibus, mento subtracto ac perangusto, barba caprina, aures hirtas & præacutas, capillis stantibus & incompotis, dentibus caninis, occipiti acuto, pectore tumido, dorso gibbato, clunibus agitantibus, vestibus sordidis, conatu æstuans, ac toto corpore præceps. Arripienti summatem strati in quo cubabam, totum terribiliter concussit lectulum, ac deinde inquit: Non tu in hoc loco ultra manebis. At ego territus, euigilansque sicuti repente fieri contingit, aspexi talem quem præscripsi. Ipse verò

- A** infrendens identidem aiebat : Non hic ultra manebis. Illico denique à lectulo exiens, cucurri in Monasterium, atque ante altare sanctissimi Patris Benedicti prostratus, ac nimium pauefactus, diutinè decubui. Cœpique acerrimè ad memoriam reducere quicquid ab ineunte ætate offensionum, grauiumque peccaminum procaciter seu negligenter commiseram. Tum præcipuè, quoniam penè nulla pœnitudinis satisfactio ob amorem seu timorem Diuinitatis à me exinde successerat. Ita quoque miser & confusus iacens, non habebam quid potissimum dicerem, nisi tantum, *Domine Iesu qui venisti peccatores saluos facere, secundum magnam misericordiam tuam miserere mei*. Interea confiteri non erubesco, me non solum in peccatis parentum meorum genitum, verum fuisse moribus importunum, & actibus intolerabilem plusquam narrari queat extitisse. Vi etiam cuiusdam Monachi, mei scilicet auunculi, abstractus à peruerfissima, quam præ cæteris agebam, secularis vitæ vanitate, cum essem ferme duodenis, atque Monachili indutus habitu; heu! proh dolor! quoniam veste solummodo, non mente mutatus. Quæcunque enim à Patribus vel spiritualibus Fratribus modesta & sancta charitatiuè mihi suggererentur, truculenti animi inflatione turgidum scutum cordis gerens, dictante superbia, ne salubria me contingerent, opponebam. Dehinc senioribus non obediens, coequalibus molestus, iunioribus onerosus. Atque vt verè fatear, vniuersis mei præsentia grauedo erat, leuamen absentia. Præterea his & huiusmodi prædicti loci fratres instigati, expulerunt me à contubernio suæ habitationis. ramen scientes non
- B** defore mihi locum quempiam commanendi tantum ob litteratoriam notionem. Hoc etiam persæpè expertum fuerat. Post hoc igitur in Monasterio sancti Benigni Diuionensis Martyris locatus, non dispar, immò idem mihi visus est in Dormitorio Fratrum. Incipiente aurora diei currens exiit à domo latrinarum, taliter inclamando, Meus Baccalaureus vbi est, meus Baccalaureus vbi est? Sequenti quoque die, eadem fere hora, aufugiens abiit exindè quidam Frater iuuenis, mente leuissimus, Theodoricus nomine: reiectoque habitu, per aliquod temporis spacium seculariter vixit. Qui postmodum corde compunctus, ad propositum sacri Ordinis rediit. Tertio quoque, cum apud Cœnobium beatæ semperque Virginis Mariæ cognomento Meleredense demorarer, vna noctium dum matutinum pulsaretur signum, & ego labore quodam fessus non vt debueram, mox vt auditum fuerat, exsurrexissem, mecumque aliqui remansissent, quos videlicet praua consuetudo illexerat, ceteris ad Ecclesiam concurrentibus. Egrediens autem post Fratrum vestigia anhelus ascendit gradum præsignatus dæmon, ad dorsum manibus reductis, hærensque parieti bis terque repetebat dicens: Ego sum, ego sum, qui sto cum illis qui remanent. Qua voce excitus caput eleuans, vidi recognoscens, quem bis dudum iam videram. Post diem verò tertium, vnus ex illis Fratribus, qui, vt diximus, clamculè cubitare soliti fuerant, procaciter à Monasterio egressus, præfato dæmone instigante, sex dies extra Monasterium cum secularibus tumultuosè mansit. Septima ramen die, correptus recipitur. Profectò vt beatus Gregorius testatur, quibusdam hîc apparent ad suum detrimentum, aliquibus verò ad emendationis emolumentum. Quod mihi contingat ad salutem orari ac prouenire opto per Dominum Iesum Redemptorem nostrum. Illud nempè attentius est memoriæ commendandum, quoniam dum manifestissima prodigia in corpore adhuc constitutis, siue per bonos, seu per sinistros spiritus ostententur, non illos diutiùs in hac carne victuros, quibus huiusmodi videre contigerit. Huius quoque assertionis experimenta multa comperimus, ex quibus etiam nonnulla memoriæ commendari placuit: vt quotiens euenerint, cautelam inferant potiùs quàm deceptionem. Apud castrum Tarnodorense erat quidam Presbyter religiosè degens, Fretterius nomine, tempore quo Bruno Lingonum Præfatum tenebar. Hic verò vna dierum Dominica iam vesperscente, cum cœnaturus esset, exiuit paululum se releuandi gratia ad fenestras domus suæ. Prospiciensque vidit à Septentrionali parte egredi acies equitum, velut in prælium innumeræ multitudinis pergentes ad Occidentem. Quas cum diu multumque intuitus fuisset, æstuans vocare quempiam è suis ad testimonium tanti ostentus. Dum autem cœpit clamare vt occurreretur, rarefciendo protinus disparuerunt. Ipse quoque tanto animi terrore perculsus, vt vix à lachrymis se continere posset, dehinc cœpit infirmari. eodémque anno, vt optimè vixerat, obiit. Portento denique subtractus quod vidit, illi qui persensere

testes fuerunt. Nam sequenti anno filius Regis Roberti Henricus, qui post illum regnavit, ad idem castrum ira permotus veniens cum ingenti exercitu, multa ibidem hominum cædes ab utraque parte patrata est. De hoc profecto constat, quoniam ea quæ viderat, & sibi prospexit, & aliis, licet dissimiliter, mirifice tamen apud Autisiodorum in Ecclesia beati Germani contigisse meminimus. Erat ibidem Frater Gerardus nomine, cui mos erat post solemnes matutinales in Oratorio remorari. Huic contigit quodam mane ut inter orationes obdormisceret. Qui protinus graui somno depressus, velut exanimis delatus est foras Monasterij. sed qualiter, aut à quibus, huc usque nescitur. Qui expergefactus reperit se in claustro extra Monasterium eiectionem, admirans indicibiliter quod factum de sese cernebat. Simili quippe modo contigit cuidam Presbytero in eodem Monasterio pernoctanti, dum in subterioribus criptis, ubi multa Sanctorum requiescunt corpora, obdormiret, circa galli cantum reperit semet asportatum post Chorum Monachorum. Namque de eadem Ecclesia certa relatio constat, quoniam si contingerit noctu luminare extinguere, quousque reaccendatur, custodes eiusdem Ecclesiæ nullam quietem posse consequi. Præterea fuit quidam Frater, qui solitus erat ad altare sanctæ Mariæ, quod excellentissime constat, frequenter orare, ac gemitus & compunctionis lachrymas fundere. Vnum igitur ei erat, quod penè vniuersis accidit, inter oratum frequenter spueret, ac de lumbe saluam emittere. Contigit verò aliquando, ut somno oppressus obdormiret. Apparuit ei stans iuxta altare quidam candidis indumentis circumdatus, præferens in manibus pannum candidissimum, atque in huiusmodi erumpebat verba: Cur me, inquiens, sputis propriis verberando illinis? Nam ego, ut cernis, suscipio munus tuarum orationum, deferens illud ad conspectum misericordissimi Iudicis. Qua visione correptus Frater ille, & sese continuit, & ceteros, ut se in quantum valerent in sacris locis continerent, ammonere curauit. Et licet hoc natura dictante proueniat, tamen in plerisque locis gentium omnimodis abstinetur in Ecclesia ab screationum sputis, nisi fortè suscepta, delatura exinde foras in quibusdam receptaculis. & præcipue apud Græcos, ubi semper tenor Ecclesiasticus cautissime viguit. Clarere igitur locum prædictum diutine meritis beati Germani, ac ceterorum Sanctorum ibidem quiescentium, signis & prodigiis tam in donis sanitatum, quam in ultionum vindictis ad se pertinentia diripientium manifestum est. Si qui nempe de Primatibus patriæ huiusce loci rerum inuasores seu diremptores increuerunt, Deus exinde ultor, ipsorum genus cum suis rebus in opprobrium & pœnæ ad nihilum redigere consuevit. Huius enim testimonium inter cetera nostræ assertionis euidens extat ultio generis cuiusdam Bauonis, necnon & filij eius Aluualonis, creberrimæque confusio Silliniaci sacrilegissimi castri. Præterea egomet quondam rogatus à conseruis & Fratribus nostris eiusdem loci, ut altariorum titulos, qui à Scholasticis viris compositi olim fuerant, sed vetustate, ut penè cuncta, fatifcente minimè comparebant, reformarem. Quod ut competens erat, libenti animo quomodo valebam adimplere studui. Sed priusquam ad cœpti operis calcem opus perducere, ex nimia corporis statione, ut reor, nocte quadam in strato conquiniscens ita contractus sum membris omnibus hysterica passione, ut non erigere memet, neque in latus aliud vertere ullo modo valerem. Post triduum verò infecuta nocte nimis detento angustis, apparuit mihi vir canitiæ venerandus, qui me in somnis per brachium erigens aiebat: Exple quantocius quod cœpisti; dolere ultra ne pæueas. Illico verò expergefactus memet admirans, excutientiæque à lectulo, cucurri ad altare victoriosorum Martyrum, Victoris videlicet, Apollinarisque ac Georgij, quoniam illorum Oratorium contiguum erat Domui infirmorum. Ibique vniuersorum Deo humillimas grates referens, alacrer matutinales expleui solemnes. Die verò infecuta toto integerrimè valens corpore, eorundem Martyrum nominibus propriis ibidem composui titulum. Ecclesiæ denique maioris erant altaria numero viginti duo, quibus, ut decens erat, titulis synopi de versibus hexametris conuenienter digestis, Sanctorumque epitaphiis reparatis; religiosorum etiam virorum quorundam tumulos itidem perornare curavi. Quod sanæ mentis hominibus admodum placabile fuit. Sed ut Pater Odilo sæpius plangere solitus fuerat, ita contigit: Heu! prohi dolor, inquiens, quoniam nostrum inuidentiæ licet in ceteris grassetur hominibus, tamen in finibus aliquorum Monachaliter viuere professis cubile sibi locauit. Nam

A quidam à sui Monasterij Fratribus exorsus discedens, venit ad nostros. A quibus, vt mos illorum semper fuit, deuotè susceptus est. Is autem veneno inuidiæ infecit Abbatem cum aliquibus Monachis, compellens in tantum aduersum me odium, vt præscriptos altiorum titulos destruerent vniuersos. Sed protinus Domino ultore affuit illius vindex, qui incentor extiterat fraternæ discordiæ. Multatus enim illico damnabili oculorum cæcitate, offendens pedibus irrecuperabiliter vsque in finem vitæ suæ. Cuius denique rei euentus tam vicinis quàm longè positus non minimam præbuit admirationem. Contigit ibidem ipso in tempore, vt aliqui è Fratribus subinde migrarent ab hac luce. Quorum vnus nomine V Valterius, cognomento, vt erat statura, Pusillus, ac natura simplicissimus, incipiente nocte magni Sabbati Resurrectionis Dominicæ, qua ipse obiit. Apparuit enim in horâ sui exitus innumerabilibus viris ac mulieribus columnâ lucis ignea, à culmine Monasterij ad cælum vsque pertingens. Quibus nempe non dubitum fuit misericordissimi Dei actum largitione, qui animam Fratris istius suæ gloriosæ resurrectionis voluit participem fore, ac viuientibus viam innocentiae demonstrare.

QUÆRI solet à nonnullis, cur tempore nouæ Legis vel gratiæ, non manifestè, sicut antiquitus, fiunt visiones diuinitus, ac rerum miracula? Quibus paucis respondendum est ex ipsius diuinæ Scripturæ testimoniis, si tamen cor illorum capax fuerit sancti Spiritus donorum. Libet quoq; vt Deuteronomium euidenter primitus exhibeat testimonium. Postquam enim populus Hebræorum pastus quadraginta annorum cœleste manna, Iordanem transiens, in terram venit Chanaan, cessauit cælum pluere illud. nec vltra vsi sunt tali cibo filij Israël. Quid igitur in hoc facto nobis innuit, quibus penè omnia in figura contingunt, nisi quod transito nostro Iordane, id est Christi baptismo, non vltra præfagiorum cœlitus signa debere inquire? Sed potius nobis debet panis viuus ille sufficere, quo qui vescetur, viuet in æternum possessurus terram viuientium. Rursus verò ex præcepto Domini constitutum est à Moysc, vt quæque vasa ex præda hostium illi populo prouenirent: lignea, aqua expiarentur, quæ ænea, igne. Simili quoque modo figuraliter exprimit, quoniam vasa iudem homines, qui ex præda hostis antiqui in partem cesserunt Saluatoris, aqua baptismatis atque igne martyrij purificandi essent. Non minus etiam virgeus ille serpens, qui Moyse pauorem incussit, ita vt fugeret illum, & rursus accipiens illum caudatenus, effectus est virga. typicè in hoc facto perspicendus est. Signatur per serpentem ex virga factum Deitatis potentia ex sanctæ Mariæ Virginis carne induta. Per Moysen enim Iudaicus populus, qui cernens Dominum Iesum verum Deum & hominem, fugit ab eo incredulus: sed recipiet illum circa finem seculi, quod exprimitur per caudam serpentis. Ille quoque transitus maris Rubri, in quo illud mare diuisum vel exsiccatum est: deinde gentes ex præcepto Domini gladio extirpatæ, euidenter signant Regnum Israëlitiæ gentis temporaliter subsistens marcescendo adnullari. In initio quippe nouæ gratiæ, vel regni Christi, stans Dominus Iesus atque ambulans super fluctus maris, ac Petro, quem Ecclesiæ suæ præfecerat, secum ambulare concessit: fidelibus vniuersis innuitur, nisi quod subactis gentibus vniuersis, & non funditus perditis vel extirpatis, ex eisdem stabilietur Christi regnum per secula mansurum. Est enim frequens attestatio diuini sermonis, quod videlicet mare figuram gerat præsentis seculi.

SÆPÊ igitur, dum aliquis rem permaximam verbis elucidare cupit, in sese deficiens minuit, vt Scriptura dicit, *Qui est scrutator maiestatis, opprimitur à gloria.* Sed cur ista præmisimus, breuiter intimabimus. Constat enim mysterium Eucharistiæ paucissimis perspicuum, dum sit penè mortalibus vniuersis incognitum, sicuti cetera quæ fide constant, & intuitum oculorum non exposcunt. Illud præcipue commonendum, quod corporis & sanguinis Domini Iesu Christi viuificans confectio existimetur nullatenus in sese pati dispendium, aut casu aliquo incurrere periculum. Si quando autem videtur conlabi, seu deperire per negligentiam sibi transantium, restat eisdem, si non alacriter poenituerint, damnationis iudicium. Ac cum Dominus dixerit, *Qui manducat meam carnem, & bibit meum sanguinem, habet vitam æternam, & ego resuscitabo eum;* nullo modo putare debemus, vt quodquam animal præter hominem carnis resurrectionem percipiat, sed nec nisi fidelis etiam Eucharistiam percipit ad salutem. Denique extitit quidam in nostro tempore in Clericali habitu, dum iure culparetur quodam crimine, contigit

HENRICVS
I.

vt fumeret audacter iudicio examinationis donum Eucharistiæ, calicis videlicet sanguinis Christi. Cui protinus per medium vmbilici egredi visa est pars candidissima quam sumpserat eiusdem sacrificij, dans procul dubio euidens indicium reatus se indignè percipientis. Illico verò confitens quod prius negauerat, dignè pœnituit. In Cabillonensi quoque pago, ob imminentem cladem, vidimus qui videret ex pane sacrato veram carnem effectam. Apud Diuonem castrum eodem tempore, dum à quodam deferretur cuidam ægrotanti, casu excedere manu ferentis. Qui attentè quærens, reperire minimè potuit. Post annum verò euolutum, repertum est iuxta viam publicam, vbi sub diuo ceciderat, ita candidum, atque incontaminatum, ac si hora eadem cecidisset. Lugduni denique in Monasterio Barbarense, dum quidam, vt credi debet, inconuenienter bustulam vel pixidem, in qua seruabatur, vt mos est, adtractare vellet, è manibus illius sese eripiens, longius in aère stetit.

DE Crismale etiam, quod à quibusdam Corporalis appellatur, plurimum expertum est præstare remedia, si fides exigentium non fuerit dubia. Nam contra incendia sæpius eleuatum, aut extinguendo compescuit, aut retrorsum pepulit; seu in partem alteram retorfit. Membra quippe ægrotum dolentia multotiens sana restituit, febricitantibus nihilominus impositum salutem contulit. Apud Monasterium Reomense, tempore venerabilis VVilhelmi Abbatis contigit, vt incendium circumiacentia Monasterij depopularetur. Arripientes autem eiusdem loci Fratres Crismale conto impositum, eleuauerunt illud contra incendij flammæ dirè flagrantæ. Statim verò, idem ignis in sese retorquens, minimè ampliùs quàm inuaserat, arripere valuit. Panis tamen ille Dominicus, aura flante, à contulo elapsus, plus minus duobus milliariis auolauit vsque ad villam, cui Tualgas vocabulum est. ibique super domum cuiusdam veniens sedit. Quo profectus, ad Monasterium dignanter est delatus. Contigerat enim in ipso anno, die Paschæ, in Ecclesia, quæ Monasterio adiacet beati Pauli nomine dicata, vt calix viuifici sanguinis de Sacerdotis manibus in terram laberetur. Sed vt prædictus Pater comperit, vt erat vir solertis ingenij, tribus è suis Monachis huius delicti culpam pœnitere præcepit. videlicet pertimescens ne culpa insipientis Presbyteri suos inuolueretur illo ad vindictam ultionis. Quod etiam fecisset, si non obstitisset prouidentia sagacis viri, vt rei probauit euentus. Atque idcirco ista præmisimus, vt intimaremus fidenter credere, quoniam sicubi casus huius sacri ac viuifici doni negligenter euenerit, ultionis cladem diuinitus imminere ac subsequi. Quemadmodum versa vice quolibet in loco condignè illud tractari contigerit, abundare commodis vniuersis. Sed & illius magnifici mysterij celebratio, quantum profit animabus defunctorum fidelium, cum in multis sit probatissimum, libet tamen è diuersis præsentialiter producere ad medium vnum. In remotioribus Africæ partibus erat quidam Anachorita, de quo ferebatur quòd spatium viginti annorum tenebat illum omnino segregatum à conspectu vllius hominis. Viuebat enim labore manuum, & radicibus herbarum. Contigit vt homuncio quidam genere Teiphalus, vnus ex illis circuitoribus regionum, qui nunquam saturantur experientia & nouitatibus locorum, illuc pergens deueniret. Qui famam illius Anachoritæ comperiens, aggressus solitudinem ardore Solis peruitæ regionis, diu multumque illum inquirens, si fortè reperiret. Tandem ille prior solitarius se inquirentem aspiciens, vocauit eum vt ad se veniret. Qui veniens ad illum, interrogare eundem cœpit; Quis, aut vnde esset, seu cuius rei gratia illuc deuenisset. Qui protinus respondit; ipsius desiderio conspiciendi accensus illuc deuenisse, nihilque præter eum aliud quærere. Deinde vir ille Theologus subsecutus ait: Noui te, inquit, à partibus Galliarum huc deuenisse. Sed quæso, dic mihi, si Cœnobium Maioris * Monasterij, quod in eisdem partibus habetur, aliquando vidisti. At ille dixit: Vidi, inquit, & optimè cognitum est mihi. Tunc dixit ei: Scito, ait, præ cunctis Romani Orbis illud valere præcipuè in liberatione ne animarum à dæmonica dominatione. Tanta enim viget in eo viuifici sacrificij frequens immolatio, vt nulla pene dies pertransseat, in qua non de potestate malignorum dæmonum tale commercium animas eripiat. Erat siquidem, vt ipsi perspeximus, mos illius Cœnobij, à prima diei aurora vsq; in horam prandij, propter Fratrum copiam, continua Missarum celebratio. Quæ videlicet tam dignè purèque ac reuerenter fiebat, vt magis angelica, quàm humana exhibitio putabatur.

* al. Clu-
niense.

A **ANNO** igitur millesimo quadagesimo primo Incarnationis Dominicæ extitit terminus Paschalis duodecimo Kalendarum Aprilium, & ipse dies vndecimo: Atque iccirco adnotare placuit, quoniam nec communis vnquam fit temperior, nec embolismus septimo Kalendarum Maiarum diem aliquando excedit. Sed inter ipsos triginta quinque dies legitime dies facerrimus Paschæ coarctatur. Obiit quoque eodem anno Chuonradus Imperator. Cui successit in Regnum Henricus filius ipsius iam ab eodem patre constitutus Rex. Contigit verò ipso in tempore, inspirante diuina gratia, primitus in partibus Aquitanicis, deinde paulatim per vniuersum Galliarum territorium, firmari pactum propter timorem Dei pariter & amorem. Taliter vt nemo mortalium à feriæ quartæ vespere vsque ad secundam feriam incipiente luce, ausu temerario præsumeret quippiam alicui hominum per vim auferre, neque vltionis vindictam à quocumque inimigo exigere, neque etiam à fideiussore vadimonium sumere. Quod si ab aliquo fieri contigisset contra hoc decretum publicum, aut de vita componeret, aut à Christianorum consortio expulsus patriâ pelleretur. Hoc insuper placuit vniuersis, veluti vulgo dicitur, vt *Treuga Domini* vocaretur. Quæ videlicet non solum humanis sulca præsidii, verum etiam multotiens diuinis suffragata terroribus. Nam plerique vesani audaci temeritate præscriptum pactum non timere transgredi, in quibus protinus aut diuina vindex ira, seu humanus gladius ultor extitit. Et hoc passim tam frequenter contigit, vt præ sui multitudine singulatim non queant adnotari. & hoc satis iustè. Nam sicut dies Dominicus propter Dominicam resurrectionem venerabilis habetur, & Octauus cognominatur, ita quintus, sextus, & septimus, ob Dominicæ cœnæ & eiusdem passionis reuerentiam, debent ab iniquis actionibus esse feriati. Contigit enim, vt dum penè, sicut iam diximus, per totas Gallias hoc statutum firmiter custodiretur, Neustriæ gens illud suscipere recusaret. Erat enim huius rei occasio dissidium superbissimi litigij, quod ortum fuerat inter Henricum Regem filium Roberti, & filios supradicti Odonis, qui vicissim incendiis bella miscentes intestina, sibimet damna inferentes non modicâ, plurimas suorum strages dederunt. Deinde quoque occulto Dei iudicio cœpit desuare in ipsorum plebibus diuina ultio. Consumpsit enim quidam mortifer ardor multos tam de magnatibus, quàm de mediocribus atque infimis populi: quosdam verò truncatis membrorum partibus seruauit ad futurorum exemplum. Tunc etiam penè gens totius Orbis sustinuit penuriam pro raritate vini & tritici.

EODEM verò anno, id est, quinto post quadagesimum atque millesimum Dominicæ Incarnationis annum, antedictus Henricus filius Chuonradi Rex Saxonum iam in re, Romanorum verò Imperator in spe, duxit uxorem filiam VVilhelmi Piætaurum Ducis, nomine Agnetem, quam etiam desponsauit in ciuitate Chrysopolitana, quæ vulgo Vesuntio vocatur. Illuc denique ob amoris ac beneuolentiæ gratiam vtriusque conuenit maxima Nobilium multitudo, Episcoporum verò numero viginti octo. Prouenerat enim in deditionem prædicti Regis Regnum Austrasiorum, quod illi à progenitoribus competebar. Simul etiam genti Hunorum proprio moderamine Regem Abbonem nomine instituerat. Vnanimiter enim vniuersi Marchiones ac Comites tam ex Italia quàm ex Germania, longè latèque eiusdem Regis dominium semet super exercere gratanter expetebant. Et non immerito. Erat enim affabilitate gratissimus, ac liberalitate perspicuus, atque humilitatis gratia præditus. Nec cuiuspiam extollentiæ nutu notabatur indeptus. Atque idcirco vniuersis circumcirca existerat amabilis. Ipso itidem anno prædicta gens Vngarorum eius Imperio rebellis extitit. Quam ille hostiliter aggressus, potenter deuicit, sibique tributariam subiugauit. Tamen, proh pudor! vnum in eo erat nimium reprehensibile, quod incontinentia carnis luxuriæ infamabatur. Illud enim vitium plus ceteris in genere humano rerum ordinem turbat.

SEQUENTI igitur anno, id est, quadagesimo sexto post millesimum, facta est per loca magna vini fertilitas & leguminum. Post hæc verò sexto Idus Nouembrij mensis, Luna quartadecima, nulla currente Epacta, concurrente septimo, facta est eclypsis Lunæ hominibus valde tremenda. Nam octaua hora noctis inter Solem & ipsam Lunam siue patratum à Deo ostensum, seu inuerrente sphaera alterius sideris qualiter euenerit, manet notum scientiæ conditoris. Ipsa quoque Luna.

HENRICVS
I.

primitus penè facta est tota sicut teter sanguis, paululum euadendo vsque ad auro-
ram superuenientis diei. Eodem nihilominus mense apud castrum sancti Florenti-
ni, quod est super Armentionem fluuium, circa medium cuiusdam diei cecidit de
cœlo quod Græcè dicitur selas, vel casma, seu palmetie, dum fulgor ætherei splen-
doris insolito ad terras emittitur. insulsum enim vulgus perhibet stellam de cœlo
cadere. Tunc ergo prædicto mense Nouembrio perductæ sunt in quibusdam locis
Galliarum præter solitum ad maturitatem segetes primæ sationis Augusti mensis
collectæ mense Octobrio. quod non sine magna admiratione contigit fieri.

De bello mirè gesto. CAP. II.

SVb eodem quoque tempore fuerat orta grandis discordia vsque ad effusionem
multi sanguinis, inter HENRICVM Francorum Regem Roberti filium, &
filios supra taxati Odonis, Tebaldum videlicet, atque Stephanum: Contigit enim
post multas strages cladis vtrarumque partium, vt idem Rex ablato ab eisdem do-
minio Turonicæ vrbs daret illud Gozfredo cognomento Tudiri, filio scilicet Ful-
conis iam dicti Andegauorum Comitis. Qui collecto magno exercitu, ipsam ciui-
tatem anno vno & eo amplius obsidione circumdedit. Aduersus quem tandem
hostili manu pergentes dimicaturi, re vera vt afflictæ indigentique alimoniis suc-
currerent vrbi, ambo prædicti filij Odonis. Quod Gozfredus comperiens, experi-
uit auxilium beati Martini, promisit se humiliter emendaturum, quicquid in ipsius
sancti Confessoris, ceterorumque Sanctorum possessionibus raptu abstraxerat. In-
dèque accepto vexillo imponens illud propriæ hastæ, cum exercitu equitum pe-
ditumque multorum obuiam perrexit aduersum se dimicaturis. Dùmque venirent
vtræque partes in comminus, tantus terror inuasit exercitum duorum fratrum, ac
si vincti ligaminibus omnes pariter imbelles extiterunt. Stephanus autem arrepta
fuga, cum aliquibus militibus euasit. Theobaldus verò ex cetera multitudine to-
tius exercitus captus ad Turonensem ciuitatem deducitur, ipsamque Gozfredo
reddidit: atque cum suis omnibus huc illucque dispersis, in captione remansit.
Nulli dubium est, beato Martino auxiliante, qui illum piè inuocauerat, suorum
inimicorum victorem extitisse. Referebant enim aliqui ex acie fugientes, quòd
tota phalanx militum Gozfredi in ipso procinctu belli, tam equites quàm pedites
candidissimis indumentis videbantur adoperti. Nam ex rapina pauperum eiusdem
Confessoris ferebant supplementum suis filij Odonis. Præbuit enim vniuersis au-
dientibus formidolosum stuporem, quòd mille septingenti & eo amplius viri armis
instructi absque sanguinis effusione in prælio capti sunt.

De tertia eclypsi Solis. CAP. III.

IN præscripto quoque mense Nouembrio decimo Kalendarum Decembrium
hora tertia eiusdem diei facta est nostro in tempore tertia eclypsis Solis, Luna
duntaxat vicesima octaua, quoniam neque Solis aliquando eclypsis nisi in vicesima
octaua Luna, nec Lunæ nisi in quartadecima Luna proueniet. Dicitur enim ecli-
psis defectus siue defectio, non quòd sibimet res, sed nobis impedita potius defi-
ciat. Iphis quoque diebus, referente VVidone Remorum Archipræsule, didici-
mus quòd visa sit à suis stella Bosphorus, quæ & Lucifer Vespere, sursum atque
deorsum agitari quasi comminans terrigenas idemtitabat. Huiusmodi quippe
ostentis cœlitus emissis terruerunt quamplurimos suæ prauitates, vt ad correctio-
nis viam pœnitendo redirent. Tunc inter ceteras rerum inopias vini tanta raritas
extitit, vt viginti quatuor solidorum foret pretium vnus modij.

De dissensione Lugdunensis Præsulatus. CAP. IV.

FVIT igitur in suprà taxatis diebus dissensio permaxima post mortem Burchar-
di Archipræsulis Lugdunensis, de Præsulatu ipsius sedis, quam plures non ius-
tis appetebant meritis, sed instinctu superbæ elationis. Primus omnium prædicti
Burchardi nepos, eiusdem æquiucocus, supra modum superbissimus, relicta sede
propria Augustanæ ciuitatis procaciter Lugdunensem arripuit. Qui post multas

A perpetratas nequitias captus à militibus Imperatoris perpetuò est condemnatus exilio. Post ipsum verò quidam Comes Girardum suum filium puerulum quendam arroganter ibidem sola præsumptione auctore substituit, & ipse post modicum non vt Pastor ouium, sed veluti mercenarius in fugam versus delituit. Quæ omnia dum perlata fuissent Romano Pontifici, suggestum est ei à viris fidelibus, vt sua auctoritate Patrem Odilonem Cluniensis Monasterij Abbatem ibidem eligeret consecrari Pontificem. Sic enim totius Cleri ac plebis optans acclamabat deuotio. Qui protinus mittens eidem Patri pallium simul & anulum, imperauit eundem prædictæ ciuitati fore Archiepiscopum. Sed vir religiosus suæ humilitatis attendens propositum, omnimodis renuit fieri. Pallium & anulum suscipiens, illi qui Deo dignus existeret reseruauit futuro Pontifici eiusdem Sedis. Habetur enim antiquitus ipsa Lugdunensis ciuitas index veri luminis maximæ partis Galliæ, quoniam præcones primitus Christianæ fidei à sancto Policarpo discipulo Ioannis Apostoli missi deuenientes vniuersam illustrauerunt regionem. Contigit enim postmodum, vt superius diximus, vt Henricus Rex recepto Regno Austrasiorum, dum comperisset huius dissensionis cladem condoluit, perquirens quid exinde agere deberet. Cui, dum apud Vefoncionem deuenisset, suggestum est tam ab Episcopis quàm ab omni plebe, vt virum æquè tali ministerio dignum, Odolricum scilicet Lingonensis Ecclesiæ Archidiaconum, Lugduni constitueret Pontificem. **B** Qui protinus vt suggestum fuerat, speciosissimis adornatum indumentis ad præfatam illum destinauit Sedem. Illico nempe restituta est totius Prouinciæ requies, & pax diu optata cum gaudio. Postmodum verò gens Hungrorum iam secundò prædicto Regi rebellis existens, aduersus eundem præliari disposuit. Contra quam egressus, licet impar numero, confidens tamen in Dei auxilio, conflagere cum ipsis non timuit. Non enim erant in exercitu ipsius plusquam sex millia virorum, cum in Hungrorum phalangibus æstimarentur ducenta millia armatorum. Erant etiam cum Rege quamplures Episcopi, cum Clericis multis, qui pietatis gratia inermes cum eo in certamen introierunt. In eoque certamine tanta caligo ac tenebræ occupauerunt Hungrorum partem, vt vix iuxta se positum quis illorum posset agnoscere. Exercitus quoque Regis videbatur clarissimo Sole circum & infra perlustratus. Qui fortiter dimicans innumerabili cæde prostrauit aduersarios, fugauitque, cum de suis perpauci corruissent. Capta verò præda hostium, ac Regno, vt primitus coeperat, ordinato, triumphans Rex deuenit ad propria. Contigit ergo tunc temporis vt Abbas cuiusdam Monasterij honestæ possessionis eidem Imperatori equum valde optimum præsentaret, quatenus sibi ac loco sibi commisso ipsius liberalitatis amicitiam conciliaret. Fuerat denique idem equus ignorante Abbate, cuidam militi clam sublatu, sibi que precio venundatus. At Imperator gratanter illum suscipiens, suimet euectioni mancipauit. **C** Quodam igitur die eidem equo insidens, iter agebat, obuiam fuit ei miles, cui præfatus equus furtim ablatus fuerat. Qui prudenter aggrediens Imperatorem, in huiusmodi prorupit verba: Tu, inquit, ô Rex, qui censuram debes tenere totius iustitiæ, equum modò fraudulenter abstractum cerneris possidere. Cui illicò Rex tale pertulit responsum: Si tuus, inquit, est equus, vt ais, accipe illum cum sessore, & educ tecum quò melius optas, & habeas vtrumque quousque persolutionem furti suscipias. Miles quoque existimans sibi illudi, hærebat stupens. Enimvero Rex compulit eum, vt manu iniecta duceret vtrumque in suum dominium. Aspicientes verò qui circumstabant, ingenti admiratione stupuerunt. Quæ grates, inquit Rex, referendæ sunt illi viro, qui me tam subdolè in hanc impulit captionem? Qui dum ab vniuersis horribiliter detestaretur, ait Rex, Adducite illum, vt secundum illusionem, quam in me gessit, in eo vindicetur. Dúmque præfatus Abbas accersitus fuisset, ait ei: Depone baculum regiminis pastoralis, quem credis largitione mortalis hominis debere gestari. Quem cum à se proiecisset, suscipiens illum Rex: imposuit dexteræ imaginis Saluatoris: Vade, inquit Abbati, & suscipe illum de manu omnipotentis Regis, nec sis vltra pro eo debitor alicuius mortalis: sed liberè vtere eo, vt decet culmen tanti nominis. At ipse gaudenter illum suscipiens, plurimis de tali facto alacritatem contulit, ac dehinc omni cum libertate vixit.

DIGNOSCENS igitur idem HENRICVS per vniuersam Galliam atque Germaniam simoniacæ philargyriæ grassari cupiditatem, coadunari fecit ex omni imperio suo tam Archipræsules quàm ceteros Pontifices, & tale eis intulit colloquium: Lugens vobis incipio loqui, qui vice Christi in Ecclesia constituti estis, quam ipse sibi desponsauit, ac precio sui sanguinis redemit. Sicut enim ipse gratuita bonitate de sinu Dei Patris per Virginem ad nos natus est redimendos, ita suis præcepit, mittens eos in Orbem vniuersum, Apostolis; *Gratis accepistis, gratis date*. Vos enim auaritia & cupiditate corrupti, qui dum conferre deberetis, in huiusmodi transgressionis dando & accipiendo * canonem; maledicti estis. Nam & pater meus, de cuius animæ periculo valde pertimesco, damnabilem auariciam in vita nimis exercuit. Idcirco quicunque vestrorum huiusce * sese norunt contaminatos, oportet vt à sacro ministerio secundum dispositionem canonicam arceantur. Patet ergo manifestissimè, quoniam propter hanc offensam venerunt super filios hominum diuersæ clades, fames videlicet, atque mortalitas, necnon & gladius. Omnes quippe gradus Ecclesiastici à maximo Pontifice vsque ad Hostiarum opprimuntur per suæ damnationis precium, ac iuxta vocem Dominicam in cunctis grassatur spiritale latrocinium. His denique ab Imperatore acerrimè pro-
Blaris, stupefacti Pontifices, quid illi responderent non habebant. Pertimescebant enim carere ob hanc culpam propriis Episcopatum Sedibus. Et quoniam non solum in Gallicanis Episcopis hæc pessima pullulauerat nequitia, verum etiam multò ampliùs totam occupauerat Italiam. (Omnia quippe ministeria Ecclesiastica ita eo tempore habebantur venalia; quasi in foro secularia mercimonia.) Cernentes quoque Episcopi graui sese inuectione irretitos, misericordiæ operam implorabant. At ipse Princeps misericordiâ motus, tale consolationis protulit verbum: Ite, inquit, & quod illicitè accepistis, benè disponere satagite, ac pro anima patris mei, qui hac noxa reus vobiscum tenetur, attentius intercedere mentote: quatenus ei indulgentiam huius facinoris à Deo possitis acquirere. Tum proposuit edictum omni Imperio suo, vt nullus gradus Clericorum, vel ministerium Ecclesiasticum precio aliquo acquireretur. Ac si quis dare aut accipere præsumeret, omni honore destitutus, anathemate multaretur. Spondit insuper promissum huiusmodi, dicens: Sicut enim mihi Dominus coronam Imperij sola miseratione sua gratis dedit; ita & ego, quod ad religionem ipsius pertinet, gratis impendam. Volo, si placet, vt & vos similiter faciatis.

IN P S O quoque in tempore Romana Sedes, quæ vniuersali iure habetur in Orbe terrarum, præfato morbo pestifero per viginti quinque annorum spacia miserimè laborauerat. Fuerat enim eidem Sedi ordinatus quidam puer circiter annorum XII. contra ius fasque. Quem scilicet sola pecunia auri & argenti plus com-
Cmendauit, quàm ætas aut sanctitas. Et quoniam infœlicem habuit introitum, infœliciores persensit exitum. Horrendum quippe referre, turpitudine illius conuersationis & vitæ. Tunc verò cum consensu totius Romani populi, atque ex præcepto Imperatoris eiectus * est à Sede, & in loco eius subrogatus est vir religiosissimus ac sanctitati perspicuus Gregorius natione Romanus. Cuius videlicet bona fama quicquid prior fœdauerat in melius reformauit.

* ad remo-
tus.

F I N I S.



HELGALDI SIVE HELGAVDI

FLORIACENSIS MONACHI

EPITOMA VITÆ ROBERTI REGIS,

Ex alterius Monachi scriptis.

VIR Domini sanctissimus Anianus inter cetera, qua à Deo possedit in hoc seculo, praeipuos & non segnes ad regendum suum sanctum Dei locum habuit Patres. Ex quibus unus benignissimè effloruit LEODEBODVS nomine, sanctitate, scientia, diuitiis pollens & gloria. Hic autem fuit temporibus CHLOTHARII Francorum Regis, patris DAGOBERTI senioris, & eius in diebus Monasterij sancti Aniani Pater est electus. Sanè mortuo Chlothario & eius filio Dagoberto, Chlodoueus inclitus ei successit in Regno, iustitiæ & pietatis amictus ornamento. Ad quem accedens memoratus Abbas, factò & dicto impetrauit vicum Floriacum Monachorum vsibus præparandum, dans pro eo agellum Attinicum, cum cunctis sibi adiacentibus, super Axonam fluuium situm. Vnde memor fui, de his testamentum condidit, regia auctoritate munivit, & eum in archiuo Monasterij sancti Petri, quod ipse postea adificauit, custodiri fecit. In quo heredes fecit Floriaci fisci Fratres Floriacenses ex toto, sicut & à Rege eum emerat corde deuoto. Vbi quæ & quanta regia potestati Iesu Christi, & domni Petri, & sancti Aniani, & Francorum Regis Chlodouei submisserit, subiecta declarat Epistola.

C EXPLICIT PROOEMIUM.

INCIPIT TESTAMENTVM LEODEBODI ABBATIS.

IN nomine Patris & Filij & Spiritus sancti. Anno secundo regnante domno nostro Chlodoueo gloriosissimo Rege sub die v. Kal. Iulij, virtute & firmissimo robore adquiritur, vt agrestæ & doctæ menti testificatio suffragetur. Et quoniam ita est, Dei protegente dextera, ego LEODEBODVS ista conscribo, ac si indignus & peccator Abba. Dum me diuina pietas Basilicæ domni Aniani, vbi ipse domnus in corpore requiescit, Abbatiz sublimatum honore eiusdem loci custodem esse instituit, congruum duxi, & deuotione plenissima mihi consensit voluntas, vt de re proprietatis meæ tam in ipsa Basilica, quàm & Basilicæ domnæ Mariæ, quam Ioannes Floriacus à nouo quondam construxit, vbi venerabilis vir Fulcaldus Abba custos præesse dignoscitur, seu & in agro Floriaco, quem cum glorioso atque præcelso domno Chlodoueo Rege, & gloriosa domna vxore eius Balilde Regina visus sum de rebus meis propriis commutasse: vbi pro salute Regia vel cuncto populo exorandum, Monasterium in honore sancti Petri ædificare delibero, vbi iamdictus vir

Dei, sanctus videlicet Præful Anianus condignè iacet tumulatus: in quo Monachi iuxta Regulam sanctissimi Benedicti & domni Columbani consistere debeant, singulariter de facultate proprietatis meæ Christo præfule conferre delibero. A

Do no igitur ante dictæ Basilicæ domni Aniani, vel Monachis ibidem deferuentibus, ubi ad præsens diuinitate propitia funguntur officio, & de iure meo in ius antedictæ Basilicæ à diē præsentī transfundo portiones terrulæ infra agrum Nogrometen-
 se sitas in territorio Biturico, nuncupatas Litmaro & Mariniaco, quas de Auiana & Prosperiana fœminis per instrumenta chartarum visus sum recepisse; cum domibus, ædificiis, mancipiis, qui à me liberati non fuerint, vineis, syluis, campis, pratis, pascuis, cum omni iure & beneficio suo, vel omnigeno pecude ibidem residente, sicut à me possessum est. Similiter portionem meam quæ est infra agrum Litt-
 dum in Secalonia, quam de Agana fœmina dato pretio per venditionis titulum visus sum comparasse, cum domibus, ædificiis, mancipiis, præter quos ingenuos relaxauero, vineis, syluis, campis, pratis, pascuis, omnique beneficio suo, sicut à me possessum est. Itémque & portionem meam quæ est ad Vétulam casam, quam de Abbone & filio suo Fraterno, dato pretio per venditionis titulum comparauī, & quæ per Epistolas donationis ad me peruenit; cum mansis, vineis, campis, pratis, syluis, pascuis, omnique genere pecudum & beneficio suo, sicut à me possessum est. Simili modo & portionem meam, quæ est in villa Frietoni in Secalonia, sicut à me possessa est, cum mansis, accolabus, syluis, pratis, campis, pascuis in integ- B
 rum, cum termino, vel omnigeno pecude ibidem residente. Simulque terras vel prata, quæ ab Albuna in pago Stampensi visus sum comparasse, sicut à me possessum est in integrum. Pari modo vasa dono argentea anacleta pensantia libras viii. & vncias duas. Sandalia i i. ad Missas, & oralia ad mensam vna cum cappis & omni apparatu, & vela i i. acupicta. Ista omnia vt in potestate & dominatione ipsius Monasterij & Monachorum ibidem Deo seruientium perenniter maneant, integra deuotione instituo. Simulque & quod in pago Biturico cognominante Mõnte, qui est iuxta Carbrias vico, portionem terrulæ, quam de Domolo & vxore sua Ingara, vel de pluribus hominibus visus sum comparasse, dono: vel quodcunque ibidem per donationis epistolam aut quolibet contractu ad me peruenit. Seu & quod in Bria, quæ est super fluuium Flironte, habeo, quæ de pluribus hominibus visus sum comparasse, & ad ipsum montem subiungitur, cum domibus, ædificiis, mancipiis, qui à me liberati non fuerint, vineis, syluis, campis, pratis, pascuis, cum omni iure & termino earum, omnique genere pecudum, sicut à me possessum est, dono. Idémque & villam Camberon, quæ est iuxta terminum Clariacense vel Vcello vico, quam de hæredibus Mummoli dato pretio per venditionis titulum visus sum comparasse; cum domibus, ædificiis, mancipiis, qui à me liberati non fuerint, vineis, syluis, campis, pratis, pascuis, omnique genere pecudum, cum omni iure & beneficio vel termino ad se pertinente, sicut à me possessum est, dono sancto Petro Floriacensi. Idémque & in Rausedone villa, quæ est in pago Magdu- C
 nense, quam de hæredibus VVagini dato pretio comparauī, suprascripta pars ante dictæ Basilicæ domni Petri Floriacensis perpetuo iure atque proprietario, vt possideat integra voluntate decerno. Idémque antedictæ Basilicæ domnæ Mariæ portionem meam, quæ est iuxta Columnæ vicum, quartam partem ex ipso agro Colommenfi, cum mansis, accolabus, campis cultis & incultis, cum omni genere pecudum in integrum, sicut à me possessum est, delego perpetualiter possidendum. Idémque in Simpliciacense, quod est in Secalonia, quod de homine quodam Are-
 gisilo nomine, vel de aliis, dato pretio per venditionis titulum visus sum comparasse, portionem ipsam cum mansis, syluis, pratis, campis, pascuis, vel omni genere pecudum, & beneficio suo sicut à me possessum est, Basilicæ domnæ Mariæ tribuo, & vt in perpetuum possideat plenissima voluntate exopto. Pari modo & ad memoratum Monasterium, quod in honorem domni Petri, sicut prædictum est, in agro Floriaco ædificare delibero, ubi Monachi regulariter consistere debeant, dono à præsentī fiscum Floriacum, cum domibus, ædificiis, mancipiis; præter quos iugo seruitutis non relaxauero, syluis, campis, pratis, pascuis, vineis, aquis, aquarumve decursibus, cum adiunctis & adiacentibus suis, omnique genere pecudum, cum omni iure & termino suo, sicut actō tempore ad fiscum fuit possessum, vel ad nos peruenit. Idémque in potestate Melliaco quod per venditionis titulum
visus

A visus sum comparasse, cum domibus; ædificiis; mancipiis, qui à me liberati non fuerint, cum campis cultis & incultis, seu officina molendini, quod in Malua in ipso territorio esse videtur, in integrum cum termino suo & omni genere pecudum sicut à me possessum est concedo. Seu & quod de hæredibus Pauloni negotiatoris quondam visus sum comparasse, areas scilicet in oppido ciuitatis Aurelianensium, cum domibus desuper positis, accolabus ibidem residentibus, vel vineas ad oppidum ipsius ciuitatis pertinentes, seu & locella villarum cognominata Curun, Canauarias, Simpliciaci, & Caliace ultra fluuium Ligeris, quod dato pretio antea facto tempore visus sum comparasse. Vnde & in iudicio ante virum Apostolicum dominum Audoënum Episcopum, & illustrem virum Chrannulfum optimatem, vel reliquos Abbates conuenit, vt ex omnibus tam in terris quàm in mancipiis, seu & vineis, medietatem exinde pars Basilicæ domnæ Mariæ retineret; & aliam medietatem in meo iure in integro deberem recipere. Quam medietatem eorum iudicio visus sum recepisse. Ipsam enim in integrum ad memoratum Monasterium S. Petri Floriaco constructum delego perpetualiter possidendam. Simulq; & Asinarias villam, quæ est in valle, quæ de ratione illustris viri Trodœui per commutationis epistolas, quârum textus earum declarat, ad me peruenit, dum ego è contra portionem illam quæ est in Suncanto, vel V Varentias, quod de Machilde femina quondam dato pretio per venditionis titulum comparaui: & hoc ad vicem memorati Trodœui dedisse visus fui in ipsa villa Asinarias; pars memorati Monasterij domni Petri, quod est Floriaco constructum, in integrum absque cuiuslibet impedimento, cum omni iure & termino, sicut à me possessum est, omnèque genus pecudum ibidem residens, recipiat possidendum. Areas verò infra muros Aurelianis, quas de Chonulfo Clerico dato pretio per venditionis titulum visus sum comparasse, vbi Leobastus accola commanere videtur, ad prædictum Monasterium domni Petri, vel Monachis ibidem degentibus integra voluntate dare decerno. Similiter & caballos x x x. bonos, greges equinos v. cum emissariis eorum; bouum greges xx. vaccarum v. armentorum x. Argentum quod ad ipsum Monasterium domni Petri, vel Monachis ibidem deseruientibus dono, per huius texti vigorem inferendum putavi. Hoc est bacchoaicha pura sigillata transmarina pensantia pondo libras x. quorum vnus habet in medio crutem auream. Dono & scutellam, quæ habet in medio effigiem capitis hominis simili modo auream. Idemq; & scutellas ii. minores Massilienses deauratas, quæ habet in medio cruces niellatas. Quæ species argenti in iure & dominatione memorati Monasterij domni Petri perenniter permaneant volo. De vestimentis verò quæ in paupertate mea habere videor, præter id quod superius Basilicæ domni Aniani delegavi, reliquum quod superfuerit, pars domni Petri Floriacensis recipiat ad possidendum. Spero autem non futurum, nec quolibet modo fieri posse credo, vt aliquis de hæredibus meis, aut quælibet persona, contra præsentem venire tenter epistolam. Quod si fecerit, & factum meum irrumpere conatus fuerit, in primis iram cœlestis incurrat Trinitatis, & insuper partibus Basilicæ domni Aniani, & Basilicæ domnæ Mariæ, vel Monasterio sancti Petri, quod est constructum Floriaco, duplum quod ad ipsas Basilicas dedi, iuxta quod res ipsæ meliorata fuerint, ipsis Abbatibus vel Monachis ibidem deseruientibus reformet, & fisci iuribus auri libras iii. argenti pondo xx. teneatur obnoxius. Quam donationem, vt firmior habeatur, gestis municipalibus alligare decreui, & duas epistolas vno tenore conscriptas feci de re superius nominata: vna quæ in archiuo domni resideat Aniani, aliam verò pars Monasterij domni Petri per futura tempora reseruandam recipiat. qualiter Monachi ibidem Deo seruientes, id quod eis per ipsam dedi deferre valeant. Et præsens nihilominus à me facta donatio, firma omni tempore & inuiolata permaneat, stipulatione in omnibus comprehensa. Actum Aurelianis publicè. Addi verò conuenit quod superius intimare debueramus, vt quicquid præfato Monasterio domni Petri Floriacensis, quod nos à nouo construximus, delegauimus, & à timoratis viris delegatum fuerit in posterum, quicquid Abbas, qui ibidem præfuerit, exinde voluerit facere, pro vsu, aut vtilitate Monasterij ipsius, vel lucro animæ, aut Fratrum necessitate, liberam habeat potestatem, absque detrimento & impedimento sæpe dicti Monasterij.

Leodebodus peccator Abbas, epistola à me facta.

Audoënus peccator Episcopus, rogante venerabili viro Leodebodo Abbate hanc epistolam relegi & subscripsi.

ROBERTVS.

LEODEGARIVS ac si indignus Episcopus, rogante Leodebodo Abbate, hanc deuotionis eius epistolam firmaui in Christi nomine. A

Beccelenus Abba.

Ado Abba.

Salomon Abba.

Leotindus Abba.

Burgulfus Presbyter.

Higecius Diaconus & Vicedominus.

Martinus Diaconus.

Boso Diaconus.

Agneramnus, Dagobertus.

Mummolenus, Vapingus.

Sigirigus, Framelindus.

Aurbertus, Salomon siue Boso.

Pappolus, Sifobaldus siue Saxo.

Amnegifilus testis.

Manasses, Authacarius.

Nonno, Hildulfus.

Grimoldus, Segonius.

ANNO Incarnationis Dominicæ DCXXXII. data in mense Iunio, anno II. domni Chlodouei Francorum Regis filij Dagoberti senioris, sanctorum Dionysij sociorumque eius loci mirifici constructoris.

Hic autem præcipuus Abba Leodebodus quantum locum Floriacensem dilexerit, in quibusdam suis factis agnosci valet. Nam in Camberon & Rosdon villis à se S. Petro datis, hanc ipse consuetudinem tenuit, & Fratribus Floriacensibus tenendam reliquit, ut quilibet Ecclesias, in quarum parrochiis ipsæ villæ sunt, possideret, media pars decimæ agrorum & vinearum in quibusdam locis ipsarum villarum, in aliquibus verò tota ad dominium perueniret Fratrum. Qui videlicet usus hætenus seruatur. Quodque magis eum diuitem fuisse declarat, non est omittendum, emisse videlicet illum hereditatem Thomæ cuiusdam Parisiaci ciuis obrizi auri mille & sexcentis solidis. Testatur hoc Charta memorati venditoris ad ipsum domnum Leodebodem facta, in nostris archiuis recondita, licet vetustate consumpta. Cuius hereditatis in territorio Aurelianorum sitæ media pars ab eo huic sacro collata est loco, alia medietate Monasterio sanctæ Mariæ remanente, quod quidam Ioannes, ut supra scriptum est, à fundamentis construxerat, cuiusque idem Dei famulus Leodebobus Abba extitit, habens sub se Fulchaldum nobilem virum. Quartam quoque partem de Suncanto, atque villam VVarentiaras à Machilde femina CCC. probatis auri solidis, Rosdon ab Auderanno CCC. eiusdem metalli emit solidis. Ipse verò usque ad XVIII. annum memorati Regis Chlodouei perdurans, postmodum laudabilis vitæ cursum sancto fine conclusit. Reperiuntur autem ab Incarnatione Domini non plures quàm DCXX. præterisse anni, donec à domno Leodebodo fabrica huius sacri cœpta est Cœnobij, auxiliante Domino nostro Iesu Christo, qui viuit & regnat. B

Explicit Testamentum Leodebodi Abbatis Monasterij sancti Aniani, quod factum est sub Chlodoueo Rege Francorum filio Dagoberti senioris.

Fiat. Fiat.

INCIPIT EPITOMA VITÆ REGIS

ROBERTI PII.

Editio P.
Pithœi e-
mendata ad
fidem vete-
ris Cod.
MS. qui ex-
tat in Bibl.
viri Cl. A-
lex. Pera-
tij Senat.
Parisi.



COELESTIS Imperij dignitas, cui spiritus superbie aequalis voluit esse potestas, elegit in hoc seculo Principes, qui regerent huius seculi sceptrum potentes. Et sicut sancta Ecclesia, quæ est mater nostra, obtinuit sibi ad regendum populum Dei Pontifices, Abbates, & ceteros sacri Ordinis ministros: ita & in hoc mundo elegit Imperatores, Reges, & Principes ad vindictam malefactorum, & ad reprimendam proteruiam iniquorum, ut laudaretur Deus in secula seculorum. Et quia à patribus Monasterij domni Aniani sermo sumpsit exordium, necessarium est & utile, ut vnus adhuc præcipuus pater sumatur pro omnibus, ut habeat de eo leuamen omnis mundus, quia eum bonum elegit Christi Domini pietas, & constituit super familiam suam diuina maiestas. Ad quid ista protulerimus, dicamus.

A OMNIPOTENTIA igitur omnipotentis Dei volente, & beato Aniano auxiliante, memoriam domni & venerandi Leodebodi Abbatis Monasterij sapediti sancti Aniani fecimus, per testamentum quod de suis rebus propriis sancto Petro Aurelianensi, Domna Maria, & sancto Petro Floriacensi, contulit: nunc huic scripto addere curauimus, quod in omnes terras sonus exiens pietatis & bonitatis ROBERTI suauissimi & piissimi Regis Francorum filij Hugonis Regis, hunc Sanctum in quantum potuit exornauit, dilexit, & excoluit. Quo concedente, Vitam huius excellentissimi Regis adoriri cupimus, presentibus & futuris imitabilem. Nam hic languentes animæ perspiciunt quid charitatis, humilitatis, & misericordiae valeant opera, sine quibus nullus ad regna poterit peruenire caelestia. In quibus ita enituit, ut post sanctissimum Regem Prophetamque Dauid nullus ei æquaretur: præcipuè in sancta humilitate, quæ semper Deo proxima, amatores suos corpore simul Deo coniungit & spiritu. Initio autem descriptionis omnem vultus illius habitudinem corporisue elegantiam, prout ipsi perspeximus, propalamus: adiuvante Domino nostro Iesu Christo, qui ubi vult, & quomodo, & cui vult, inolita bonitate adspirat.

B

EXPLICIT PRÆFATIO.

INCIPIT VITA.

IN tempore quo respexit Deus super filios hominum, ut videret, si esset intelligens aut requirens Deum, fuit Rex Francorum ROBERTVS origine natus nobilissima, patre illustri Hugone, matre Adhelaide vocitata, quæ adeo benè laudata tanti filij digna extitit prærogatiua. Eius inclita progenies, sicuti ipse suis sanctis & humilissimis assererebat verbis, ab Ausoniarum partibus descenderat. Probis hic actibus decoratus, crescebat quotidie meritorum lumine, qui erat insignitus totius scientiæ perfectione. Huius igitur statura corporis eminens, cæsaries admodum plana & benè ducta, oculi humiles, nares porrectæ & patulæ, os suaue & dulce ad dandum sanctæ pacis osculum, barba satis honesta, humeri eius in altum porrecti. Corona capiti imposita, decernebat eum auis & atavis stirpe processisse regia. Sedens equo regio, mirabile dictu, penè iungebant pedum digiti calcaneo, & hoc erat videntibus in seculo promiraculo. Erat in eo iugis & frequens ad Deum oratio, genuum flexio innumerabilis erat pro certo, & ut verbis Aurelij Victorini loquar, ad humanæ conuersationis exemplum, per laboris genera vniuersa, vir prouectus ad summa. Sistens in consistorio, clientem se esse libentissimè fatebatur. Nunquam iniuria accepta ad vliscendum ductus. Amabat simplicitatem; communi se affatu & conuiuio & incessu præbebat. Eloquentiæ tantum incumbens, ut nullus laberetur dies, quin legeret Psalterium, & exoraret cum sancto Dauide Deum altissimum. Extitit mitis, gratus, ciuilis animi & lepidi, magis beneficus quàm blandus.

C FUIT idem Rex sapientissimus literarum, cuius prudentissimo cordi erant insita à Deo data perfectæ scientiæ dona. Nam à piissima matre Scolæ Remensi traditus, domno Girberto ad erudiendum est datus, qui eum sufficienter liberalibus instrueret disciplinis, ut in omnibus Deo omnipotenti complaceret virtutibus almis. Factumque est. Is quippe Girbertus pro maximo suæ sapientiæ merito, qua toto radiabat in mundo, donatiuo Regis Hugonis munere, Pontificium adeptus Remense, non multis annis illud adornauit splendidè, in his quæ forent necessaria Ecclesiæ sanctæ. Eo namque derelicto, Rauennatum factus est Rector ab Ottone III. De quo ad Apostolatam Petri Apostoli sanctissimi festinus conscendens, multa in eo virtutum operatus est insignia; & præcipuè in eleemosyna sancta, quam fortiter tenuit, dum fideliter vixit. Inter cetera de se lætus & hilaris ita in R. litera luit:

Scandit ab R. Girbertus in R. post Papa viget R.

Tom. IV.

F ij

ROBERTVS.

Hoc aperte demonstrans, quod hi tres Episcopatus honores, quos professione regularis vite Patris Benedicti Monachus factus suscepit, rexit, & tenuit, huius R. litterarum signo in capite sunt declarati. In addiscendis vero artibus hic vir Dei humillimus dominum Ingonem collegam habuit, quem Abbatia S. Martini Masciacensis remuneratum, post Abbatia S. Germani Parisiacensis inclitum seculo reddidit, ut decebat tantum virum. Quantum autem in eo harum virtutum incrementa viguerint, nos breuitati studentes paucis adnotare curauimus.

QVODAM tempore Palatio Compendij, hic vir misericordiae, vir pietatis, positus; vnum quiddam ibi in vno operatus est, quod omni seculo paruit, & cunctis pro ipsa pietate & misericordia imitabile reliquit. Sanctum Pascha illo in loco Rex amabilis celebraturus in die coenae Domini, à duodecim iniquae conspirationis ducibus mors ei iuramento promittitur, vita abstrahitur, honor regius tollitur. Capi eos & adduci ante se iubet Rex mitissimus. Percontatus eos, mandat seruari domo Karoli Calui, regalibus dapibus opulenter refici, & in die sanctae Resurrectionis perceptione corporis & sanguinis Domini nostri Iesu Christi insigniter praemuniri. Secunda autem Sabbati, proferuntur in medium, iudicantur, damnantur, & super eos tot sententiae, quot homines. Audiuit ista Princeps Dei, pius & prudens, sciens & intelligens, & ipsos propter benignum Iesum absoluit: dicens, non debere damnari, qui fuerant praemuniti cibo potuque coelesti. Sed ne amplius talia in aliquo gererent, suis sanctis imperat verbis, & sic eos in laesos ad sua regredi iussit. In latrociniiis vero pauperum Clericorum & laicorum sibi inlatis, ad plenè erat consentiens, quae pro certo erant in auro vel argento & pretiosissimis ornamentis. Volentibus ea inuestigare, minas dabat virtute, iurans Domini fidem, ne perderent quae asportauerant. Stampis castro Regina Constantia Palatium construxerat nobile, simul cum oratorio. Quo delectatus Rex ad prandendum cum suis assedit, impleri domum sanctis pauperibus iussit. Inter quos ad pedes eius vnus se collocans, ab eo sub mensa satiatus est. Qui non obliuiosus factus, ornamentum, quod erat in sex vinciis auri dependens à genibus, & quod nos lingua rustica labellos vocamus, ipso conspiciente, cultello diripit, quantocius discessurus. Liberata vacuatur domus à pauperum caterua, imperat longè à se expelli, qui iam satiati fuerant carniū esu simul & poculo. Cumq; surgerent à mensa, aspicit Regina Dominum suum fraudatum gloria. Et turbata contra sanctum Dei non constantia protulit verba: Heu, Senior bone! quis inimicorum Dei vos aureo vestitu deturpauit honesto? Me, inquit, aliquis non deturpauit, sed illi qui abstulit necessarium magis quam nobis, volente Deo, proficiet. Sedatis his vocibus, collocat se in oratorio Rex Dei dono, laetificans se de suo perduto, & de suae coniugis dicto, adstantibus ibi domno Guillelmo Diuionensium Abbate, simul & Odone Comite, & non minimis Francorum primoribus. Quaedam adhuc de eius non minima pietate narranda sunt. Praesuli * cuidam de Domino non benè sentienti, & quaerenti pro quibusdam causis probationem in corpore Domini nostri Iesu Christi, indignè tulit Rex amator bonitatis, & scripsit ei in his verbis: Cum sit tibi nomen scientiae, & non luceat in te lumen sapientiae, miror quare ratione quaesieris pro tuis iniquissimis imperiis, & pro infestato odio, quod erga Dei seruos habes, examinationem in corpore & sanguine Domini: & cum hoc sit quod à dante sacerdote dicitur, *Corpus Domini nostri Iesu Christi sit tibi salus animae & corporis*, cur tu temerario ore & polluto dicas: *Si dignus es accipe*, cum sit nullus qui habeatur dignus? Cur diuinitati attribuis ærumnas corporis, & infirmum doloris humani diuinæ connectis naturæ? Iurans Domini fidem Princeps Dei, Priuaberis, inquit, honore Pontificis, nisi ab his resipueris, & damnaberis cum his qui dixerunt Domino: *Recede à nobis*, & non communicabis his quibus dicitur: *Appropinquate Deo, & appropinquabit vobis*. His verbis Praesul non benè doctus à Rege pio & bono sapienter instructus, quieuit, obmutuit, & siluit à dogmate peruerso, quod erat contrarium omni bono, & iam crescebat in seculo.

* Leotherico Senon. Archiepiscopo.

IN sinu matris Ecclesiae collocatus iste Dei seruus, factus est Dominici corporis & sanguinis, vasorumque eius custos fortissimus. Ad vnguem ita perordinans cuncta, quasi videretur Deus suscipi non ut in alterius, sed in propria sanctae maiestatis gloria. Haec eius deuotio, haec erat fortis prouisio, ut corde mundo & vestitu candido Deus immolaretur pro totius mundi piaculo. Hoc seruitutis obsequio delectabatur terris, positus iam in caelis. Iocundabatur in sanctorum pignoribus à se

A auro & argento benè ornatis vestibus albis, sacerdotalibus indumentis, crucibus pretiosis, calicibus auro bono fabricatis, thuribulis electum thymiama proferentibus, vasis argenteis ad emundationem manuum sacerdotis, qui stabat illa hora fundens preces ad Deum pro totius populi delictis. Et quid? Vas vinarium ex argento factum, quod cantara dicitur, à suo quodam Clerico fuerat furatum, quod eum omnimodis tristem reddidit. Non sic autem ut turbaretur Clericus, qui postea fuit illi pretiosus. Examinationem furti minitans Rex fieri, volens nolens Clericus, mali patrator operis, quæsiuit, redemit, & suo illud loco restituit. In hoc Rex Dei amicus alludens Clerico dicebat: Melius esse in domo propria apportare quàm exportare, ne efficeretur similis Iudæ, qui fur erat, & loculos habens ea quæ mittebantur exportabat. Habuit enim postea hunc suæ vtilitati proximum, & sui boni consilij dignum. Sciebat hic piissimus Dei virtute sua & aliena curare vulnera, secundum Patris Benedicti mandata, non detegere & publicare. Huius igitur peccata pro tali facto sua Deus deleat quæsumus clementia, ut Sanctis omnibus intercedentibus, possideat iustorum gaudia repromissa.

B PER GRATVM mihi est & hoc auribus intimare fidelium, quod est omnino narratu dignissimum. Prouocabit nos Deum amantes in hoc liberalis istius serenissimi Regis memoria, & eius operatio digna, cum cordibus fidelium & infidelium tinnierit tuba, non illa quæ ex æramento, sed quæ procedit de cœlesti thesauro, & aperientis os suum dicit: *Conclude elemosynam in sinu pauperis, & ipsa pro te exorabit.* Hæc de tali viro cogitantes, occurrunt nobis plura cogitatione, auditu, & sermone, quæ non possunt adscribi præ multitudinem, quia illa solus Deus agnouit sua forti prudentia & scientia, ingenio & arte, quæ non potest comprehendi miserabilis hominis virtute. Et quia à nobis diligitur mundus, delectamur in huius excellentissimi Regis operibus. In quibus, ut credimus, laudatur Deus Rex gloriosus, cuius Regni hæres erit perpetuus, qui fuit mentis & corporis integra bonitate conspicuus. Quia eius iucunda & delectabili vita adhuc frueretur mundus, credat orbis vniuersus, si voluisset Dei filius pro peccatoribus occisus.

ALIQVANDO proficiscente eo ad Ecclesiam, & prostrato in oratione eoram Deo, quiddam verecundiz in ornamentis pellium, à sancto collo dependentium, sustinuit Rex mitis & corde humilis. Fundente eo preces ad Deum, adstat è proximo Rapaton latro, non ille fortissimus princeps latronum, qui tenet lectione principatum in libro Regum. Nam medietatem finalium chlamidis Regis auferens, hæc ab eo suscepit mansuetissima & omni melle dulciora mandata: Recede ab hinc, recede; sufficiat tibi quod abstulisti, quia & alteri necessarium erit quod reliquum est. Confusus latro abscessit ad imperium sancti viri, qui periclitantibus & pauperibus hoc consentiebat ex more pro Dei amore: ut haberet eos apud Deum intercessores, quos sciebat iam esse factos Dei ciues.

C SED ES regalis Pisciacus dicta, supra Sequanam posita, Francorum Regibus satis est oportuna. In ea Monasteria tria ab antiquis viris didicimus facta: vnum in honorem sanctæ Mariæ, aliud sancti Ioannis, tertium sancti Martini Confessoris. E quibus vnum in honore sanctæ Mariæ matris Domini Rex bonus assumens, & à nouo ædificans, illud in ornamentis & Clericis, auro & argento satis honorabile reddidit. Quo laudandi Deum nunquam finem habuit. Porro orationibus ibi adherens Deo, cum ad locum repausationis sui humillimi corporis reuerteretur, post assuetos in oratione lachrymarum imbres fusos, inuenit ibi suam lanceam à coniuge gloriosâ benè argento paratam. Hanc considerans aspicit à foris si quempiam reperiret, argentum hoc cui necessarium foret. Inuenientemque quendam pauperimum, interrogat cautè si haberet aliquid ferramenti, quo posset auferri argentum. Pauperi inscio ad quid ita requireret, ait Dei famulus, ut perquirat quantocius. Inter hæc orationi vacabat. Adueniens is qui missus fuerat, ferramentum offert tali operi satis congruum. Obserantur ostia domus, & Rex cum paupere argentum à lancea auferens, pauperculo dat benè faciens, & suis ipse sanctis manibus ei in sacculum mitens, dat in mandatis, sicut mos erat, ut sibi in redeundo prospiceret, ne vxor eius cum videre posset. Obaudiuit præceptis Regis necessitas pauperis. Peractis his, aduenit Regina, mirans quod factum fuerit de lancea, quæ sic erat destructa, de qua sperabat Dominum suum forti lætificari gloria. Ad hæc Domini fidem iurans Rex ioco, huius se non esse facti conscium, inter eos amicabilis est exorta contentio, qui-

bus eleemosynæ largitio profuit, & proderit faciente Deo mortuis seculo, viuenti- A
bus Deo. Quædam adhuc de eius non minima pietate narranda sunt.

CLERICVS quidam pauperulus de Regno Lotharij exiens, ad hunc, de quo loquimur, seruum Dei veniens, est receptus. Is nempe Clericus Oggerius dicebatur. Qui cum nimia bonitate suscipiens, suo sanctorum Collegio sociauit Clericorum, & cum sufficienter in his quæ debuit adornauit, sperans secum habitaturum non paucis diebus & annis. Verùm in his quæ præuidere noluit, inuentus est. Nam super eum dicta Dauid Prophetæ meritò dicta sunt: *Verba oris eius iniquitas & dolus: Noluit intelligere, ut bene ageret. Iniquitatem meditatus est in cubili suo. Astitit omni via non bona, malitiam autem non audiuit.* Splendebat quippe in eo species Iudæ traditoris Domini, qui oculos habens, ea quæ mittebantur exportabat. Nam quodam tempore aduersperascente hora diei, cœna cum suis sumpta, incumbentibus iam noctis tenebris, dum ad complenda, & quæ sunt Deo reddenda cogitaret, ad domum Dei de more processit, præeuntibus ante se Clericis cum ceroferrariis non minimi ponderis. Quibus positis, significauit Rex humilis, ne accederent ad excelsa. Stat Rex in angulo, & corde tacito Deo suo reddit vota iucundo. Meditans ergo in conspectu Domini, aspicit iam dictum Oggérium ad altare accedere, cereum ad terram deponere, candelabrum sinu contegere. Turbantur Clerici, qui huius latrocinij debuerant esse custodes. Inquirunt Dominum Regem de furto, quibus se respondit nescire vlllo modo. Peruenit hoc ad aures Constantiæ Reginæ eius coniugis, de qua quidam ad nomen eius lusit dicens:

Constans & fortis, quæ non Constantia ludit.

Hæc accensa furore iurat per animam VVilhelmi sui genitoris, custodibus mala se irrogaturam fore, luminibus priuari, & malis aliis deturpari, ni reddant quod ablatum fuerat de thesauro sancti & iusti. Hoc ubi audiuit, in quo erat requies pietatis, eum qui erat latrunculus aduocans, ita ad eum locutus est: Amice Oggeri, „ abi hinc iam, ne te consumat inconstans Constantia vxor mea. Sufficiunt enim „ quæ habes, donec intres in terram natiuitatis tuæ. Sit Dominus tecum vbicun- „ que perrexeris. Vbi hoc audiuit furti dominus, cadens ad pedes piissimi Regis volutabatur clamans: Succurre mihi Domine, succurre. Ipse verò volens cum eripere, dicebat: Transi, transi, noli hîc permanere. dans ei & alia cum his quæ ab- „ portauerat, ne deficeret in via. Post aliquot dies idem Dei famulus credens illum iam posse suum attigisse solum, conuersus ad suos lepide & iucundissimè dixit: „ O bone Theudo (hic enim ei erat familiaris) vt quid tantum laboras in quærendo „ candelabro, cum Deus omnipotens illud suo attribuerit pauperulo? Scias etenim „ tu & tui, quòd illi plus quàm nobis necessarium fuerat, cum Deus nobis peccatori- „ bus omnia quæ sunt in terris attribuerit, vt subueniamus pauperibus, orphanis, vi- „ duis, & omni populo Dei.

PALATIVM; insigne, quod est Parisius, suo construxerant iussu officiales eius. Quod volens præsentia sui die sancto Paschæ nobilitari, more regali iussit mensam C parari. Cumque aquam ad abluendas manus præstò haberet, adest cæcus quidam inter pauperum multitudinem coram eo assistentium, qui illius erant memoriale continuum, qui vt illi aquam iactaret in faciem, humillimam effert precem. At ille continuò, velut pro loco ducens pauperis precem, dum primùm in manibus accepit aquam, illius proiecit in faciem. Qui mox, videntibus cunctis Optimatibus qui adstabant, cum resperione aquæ amissa oculorum cæcitate, congratulantibus cunctis in Domino, lætior inter conuiuas discubuit prandio. Fuitque discumbentibus tota die huiusce rei confabulatio ad laudem omnipotentis Dei: quorum verba fortè fuissent vana & otiosa, nisi tanto lumine forent illustrati illo die. Nec immeritò sanè potest existimari, quòd Palatium illud frequenti regio conuentu sit honorandum, quod diuina virtus tali decorauit miraculo, & populi sacrauit iubilo, dum vesci voluit ibi deuotissimus Rex die primo.

VIGORE iustitiæ vicens idem Rex serenissimus, studebat non continuari os suum mendacio, sed veritatem corde & ore proferre, Domini Dei fidem iurans assidue. Vnde nimirum suos, à quibus sacramentum recipiebat, volens iustificari, quemadmodum seipsum, fecerat vnum phylacterium olocristallinum, in gyro auro puro adornatum, absque alicuius Sancti pignorum inclusione: super quod iurabant sui Primates, hac pia fraude, nescij. Aliud quoque iussit parari argento, in quo

A posuit ouum cuiusdam auis quæ vocatur Grippis, super quod minùs pòtentes & rusticos iurare præcipiebat. O quàm benè & congruè huic sancto viro concordant illius sancti dicta Prophetæ dicentis: *Habitabit in tabernaculum Altissimi, qui loquitur veritatem in corde suo: qui non egit dolum in lingua, nec fecit proximo suo malum, & opprobrium non accepit aduersum proximum suum.* Cui vtique bono illum adhæsisse tota cordis intentione certissimum est, vt mereretur esse in superna hereditate beatorum coheres.

QVANTA verò humilitatis virtus in eo fuerit, paucis edicendum est verbis. Colloquium cum Episcopis sui Regni habens Rex humilis, inter colloquium vnumquemque aspiciens, vidit quendam eorum mole carnis grauatum, pedes suos dependere ab alto. Pietate ductus, à longè quærens subpedaneum reperit vnum. Quod manibus Deo & hominibus charus apprehendens, illud tanto Pontifici offerre non recusauit, & sub pedibus eius ponere non est dedignatus. Erat autem hic Episcopus Lingonensis Lambertus nomine dictus, scientiâ, religione, & bonitate pollens. In magna etenim ex hoc admiratione pro tali facto omnes Episcopi & Principes habuere sæpè fatum R O T B E R T V M humillimum & inclytum Regem.

Is quippe Rex Deo dilectus R O T B E R T V S semper meminit sanctæ legis, quia memor fuit operis Dei in omnibus viis suis. Sciebat etenim scriptum; *Scientia, virtus; custos virtutis, humilitas sancta.* Et illud beati Papæ Gregorij; *Qui sine humilitate virtutes congregat, quasi in ventum puluerem portat.* Legerat quid dixerit quidam ex Patribus; *Omnis labor sine humilitate vanus est: humilitatis signum dat regnum cælorum.* Nos ergo oremus omnipotentem Deum, vt hic electus, qui deposito omni tumore superbæ coniunctus est Christo Deo sanctæ humilitatis virtute, ita illi iungatur in seculo venturo, vt in iudicio à sinistra parte disjunctus, non inueniat in eo Iesus Christus, quod damnet in pœna, sed quod pietate multiplici prouehat ad coronam, quam promisit diligentibus se ad gloriam. Hic etenim vir Dei tantus ac talis, quod amauit, quod cupiit, quod credidit, Deus est Rex regum, Dominus dominorum, spes vtique certa fidelium.

I A C T A N T I A M superbæ mentis à se reiciens Rex humilis, & cum multiplici pietate nominandus R O T B E R T V S, studebat illi semper placere virtutibus bonis, qui habitat in excelsis. Deuitans sublimes, suscipiebat quos poterat humiles, qui certis temporibus veras verò Deo redderent laudes. Suscepit in hoc & exemplum ab Ambrosio Mediolanensium ciuitatis venerabili Episcopo, qui binos Ecclesiæ suæ, cui præsidebat, Clericos pro incessu superbo grauibus tradidit lamentis, donec calcato tumore superbæ addiscerent humilitate pergere, qui erant correcti virga sacerdotalis disciplinæ. Idem namque beatus Pontifex, in tractatu de diluvio & arca Noë, habitus hoc modo arrogantium curauit edicere, scilicet quales describit Esaias Iudææ filias oculorum micantes nutibus, & alta se ceruice iactantes. Sunt enim huiusmodi erigentes supercilia, inflato corde, elato pectore, ceruice resupina, qui solum quidem pedum præstringant vestigiis: toto autem se librant corpore, & inani suspendunt texamine. In priora gressu prodeunt, in posteriora verticem reclinantes, cælum spectant: terram autem fastidiunt, tanquam ceruicis dolore suffixi, vt eam inclinare non possint. Hos igitur deleuit Deus de libro vitæ, dicens; *Omnis qui se exultat, humiliabitur.* Nec inter merita Sanctorum commentis * facit adhærere cœlestibus. Hæc idcirco diximus, vt cognoscant * ad com- omnes, quis in tanto Francorum Imperatore mundi fuerit despectus, qui humili- meritis. rate sancta cælorum possedit regna.

H V I V S igitur inclyti Regis auus Hugo, pro pietate, bonitate, fortitudine Magnus dictus, Monasterium S. Maglorij Confessoris Christi in ciuitate Parisius simul cum filio construens nobiliter, Monachos sub Regula Patris Benedicti viuere paratos ibi collocat, & in auro vel argento locum ipsum dicat, & ceteris ornamentis, pro salute sua & filij ac futuræ posteritatis. Mater quoque eius supradicta Adhelaidis, admiranda satis in sancta deuotione Regina, fecit Monasterium sancti Frambaldi in ciuitate Siluaneensi, vbi x i i. ad seruendum Domino Clericos misit, & de quibus viuerent abundè subministravit. Construxit & Monasterium in territorio Parisiensi, villa quæ dicitur Argentollus, vbi numerum ancillarum Dei non minimum sub norma sancti Benedicti viuere paratas adunauit, ad laudem & gloriam bonorum omnium inspiratoris, & sub honore sanctæ Dei genitricis &

perpetuæ Virginis Mariæ omnipotenti Domino dedicari & consecrari voluit. Fecit nihilominus sancto Pontifici Martino casulam auro operatam optimo, inter scapulas maiestatem veri Pontificis continentem, Cherubim quoque ac Seraphim colla dominatori omnium submittentia. In pectore verò agnum Dei, nostræ redemptionis hostiam; quatuor è regione præfigens animalia, Dominum gloriæ adorantia. Fecit & eidem beato Confessori cappam vnam intextam auro, duas verò ex argento. Speciali autem suo post Dominum amicorum amico, beato videlicet Dionysio, casulam miro itidem opere factam contulit. Cui & aliud, ut tantam decebat feminam, ornamentum contexit, quod vocatur Orbis terrarum, illi Caroli Calui dissimillimum. Sperabat enim se Deo fidelis Regina partem habituram cum eo, cui promiserat Deus sermone non casso, impetraturum pro quibuscunque petisset. Etenim illius vniuersa progenies famulam se tanti Martyris in omni opere proclamabat, reddens Domino suo quæ sunt serui, debitz seruitutis obsequio. Erant siquidem huic generationi speciales amici, sancta videlicet Maria, & Pater & dux Monachorum sanctus Benedictus, sanctus quoque Martinus, sanctus necne Anianus, atque victoriosi Martyres Christi Cornelius & Cyprianus: optatissimus verò gloriosus Martyr Dionysius, ac inelyta virgo beata Genouefa. Fertur autem dixisse moriens bonus Pater:

» O optime fili, per sanctam & indiuiduam Trinitatem te obtestor, ne quando animus subripiat adquiescere consiliis adulantium, vel muneribus donisque venenatis te ad vota sua maligna adducere cupientium; ex his Abbatiis, quæ tibi post Deum perpetualiter delego. Neve animi leuitate ductus quolibet modo distrahas, diripias, aut ira excitante dissipis. Specialiter verò tibi inculco, nullo pacto ducem omnium, Patrem dico Benedictum, à te patiaris diuelli, illum apud communem iudicem salutis aditum, tranquillitatis portum, postque carnis obitum securitatis asylum.

Quæ autem hæc ancilla Dei, mater prudentissimi Regis ROBERTI, opera bona fecerit, paucis adnotare libet. Ipse iuuenis laborabat forti infirmitate corporis, de qua erat patri & matri in timore periculum. Pro quo fecit in seniori Ecclesia Aurelianensis ciuitatis, quam sanctus Euurtius per Dei dexteram fundauit, & more Ecclesiastico benedixit, in sanctæ & viuificæ Crucis honore imaginem Domini & Saluatoris nostri Iesu Christi pendentis in Cruce, ex auro puro: ut liberaretur à mortis periculo, quem Deus omnipotens iam apud se decreuerat regnaturum in mundo. Nam & eius virtute liberatus est. Dederat autem & pater pro filio vnico sanctæ Crucis loco vrceum argenteum pensantem lx. libras, qui vsque ad hæc nostra tempora permansit in domo Dei sancta. Crescens quippe ætate, & vir factus virtute, totam terram sanctæ Crucis, quam Fulco Episcopus pro adiutorio sui Hugoni potentissimo Beluacensi dederat: hic vir Dei, qui laude & verbo omnipotenti complacebat Deo, mæsto factus animo, per secula celebrando salutiferæ Crucis loco suo reddidit dono. Hunc denique locum, Aurelianensem scilicet Sedem, specialius semper dilexit, quia in ea natus adoleuit, & post regeneratus ex aqua & Spiritu Sancto, ibi assumptionis suæ in Regem solemnem utique percepit benedictionem. Domnus etiam Theodericus eiusdem ciuitatis Episcopus, cuius vox laudem Domini dignè & laudabiliter eructabat, volens haberi memoriam sui nominis in Monasterio sanctæ Crucis, iubet vas fieri ex centum solidis auri optimi, in quo consecraretur sanguis Domini nostri Iesu Christi. Iunxerat se tanto Pontifici Rex mente humili, qui superno tactus amore, fecit in ipso sancto calice patinam, ad conficiendum in ea corpus Redemptoris mundi, ut esset ei Crucis signaculum in auxilium, & sancta passio, vera animæ carnisque redemptio. Nihilominus & domnum Odolricum Episcopum in sacerdotali vestimento sic honorauit, ut adstans in sacrificio Domini, circumtectus ex omni parte auro & purpura, videretur. Vrceolum ex onichino factum, quod comparauerat Rex ditissimus pretio lx. librarum, iterum ipsi sanctæ Crucis loco contulit simul cum alio argenteo & manipulo. Dedit etiam & pallia tria pretiosa in ornatu Ecclesiæ, pro sua suorumque filiorum salute, & alia multa, quæ non possunt literâ notari, nec numero comprehendi. Sanctorum enim corpora Martyrum pretiosorum Sauiniani & Potentiani, qui passi sunt acerrimè in Senonensi vrbe, auro, argento, gemmis ita vestiti, ut in his delectaretur omnis mundus, quos in terris Rex honorificauerat laude

A dignis. Præterea Patri Benedicto & suis, cui semper totis adhæserat præcordiis, pro sua in tota mundi latitudine admirabili vita, piscatoriam Ligeritti fluminis benignissimus adtribuit, scripto firmavit, & ex his nil aliud quam intercessionis illius quæsiuit suffragia. Sed & Præceptum de immunitate Floriaci loci, seu de his quæ Monasterij competunt vtilitatibus, auctoritate regia firmavit, & sigillo suo vt bonus & sapiens insigniuit. In ornamentis quippe Ecclesiasticis Patrem Benedictum honorans, quo eo amore dilexerit, manifestissimè aperuit. Nam altare sanctæ Dei genitricis Mariæ pallio pretiosissimo post ignem, qui fuit immensa nostri sancti loci calamitas, cooperuit: & thymiamatherio vsquequaque satis mirabili, auro & gemmis benè eleuato in sublimi, hunc Sanctum deuotissimè nobilitauit. Erat enim & hoc ad plenè conueniens thymiamatherium thuribulo aureo à Gauzlinò Abbate mirabilium factore patrato, cuius opus splendescit præ omnibus, quæ vidimus ipsi, qui hæc scribimus, in Floriaco loco. Monasterium S. Cassiani Confessoris summi in Hedua ciuitate, quæ & Augustidunus, nimia dirutum vetustate à nouo ædificauit, & in eo Dei ministros collocans, Abbatiam sicut prius construxit, præbens sumptus his qui ibidem Deo deseruirent. Hoc ei studium, hæc eius semper fuit in opere Dei voluntas.

B **PALATIO** Compendij damnum accidit Regi in furto nobili. Instabat tunc dies Pentecostes, quo Spiritus sanctus replens animas mundat fidelium corda, vt placeant Patri & Filio, quibus æqualis Spiritus sancti portio. Volens illo die pater Rex gloriosus filium suum statuere in Regem nomine **HVGONEM**, strenuissimæ nobilitatis iuuenem, pro immensa patris & filij bonitate, quæ erat diuulgata toto terrarum Orbe, ad faciendum eum festinabat omnis mundus, quia delectabatur in talibus. Fuit enim hic bonus iuuenis excellentissimæ probitatis, omnes complectens, omnes diligens, nullum despiciens, dilectus à cunctis & semper amatus. Die autem primo perfecta benedictione mirabili, pater lætus factus de filio, exultabat gaudio immenso. Ammonitio patris eo die talis facta est in filio bono: Vide fili, semper sis memor Dei, qui te hodie participem sui fecit regni, vt æquitatis & iustitiz in semitis delecteris. Quod quæso adtribuat mihi Deus vt videam, & tibi vt facias iuxta eius voluntatem, quæ omnibus desiderantibus eam semper adest. Inter hæc festiua solemnia quidam Clericorum vesano corde meditatus peruersa, accelerat perficere ea. Speciem cerui ex argento mero facti vir Dei habens in thesauris suis, eo delectabatur solemnibus festis. Acceperat hoc munus à Duce Normannorum Richardo ad vsus humanos, quod benignus ore, benignus corde, benigno non distulit conferre Deo. Erat huic ornamento adiunctus cyphus corneus, quo deferabatur vinum ad celebrandum sacrificium. Hæc aspiciens quidam pestifer & nequam Clericus, arripit, caligis recondit, huc illucque vadens non inuenit cui ea venditione contribueret, vel quomodo illam speciem cerui destruere posset. Credendum est cunctis ea pij Regis seruata meritis, qui toto corde erat Deo fidelis.

C Nam tertia Sabbati in oratorio Turris Caroli colloquens cum quodam familiaritate perfecta sibi coniuncto, ecce fur veniens ante altare se collocat, preces inutiles spargit, & longa protrahens suspiria, facit tergio altaris prolixo operit, simul cum cypho. & sic verecundus abiit, nesciens miser quorum oculi super eum erant defixi. Cessans Rex à colloquio, vadit ad altare pede leui, cum amico vero, & sua accipiens reddit lætus ministro: interminans socio, ne dum adiuueret, nomen eius, seculo innotesceret, & tanto viro verecundiam faceret.

VERVM quia opponit se nostræ narrationi quorundam peruersæ mentis intentio, qui omne bonum quod ipsi nequeunt assequi aliis inuidere, & malignitatis calcaneo prout possunt premere non erubescunt, quique si quid excessus humanitus admissum est, eo cuncta boni operis succedentia germina canino dente oblatrant suffocari, hunc sanctissimum virum lacerare non pertimescentes: Non, inquiunt, hæc quæ prolata sunt bona de eo opera ad salutem illius prouenient animæ, quoniam non exhorruit facinus copulationis illicitæ, dum commatrem & sibi consanguinitatis vinculo nexam duxit vxorem. Quorum irrationabilitatem placeat euidenti sanctæ Scripturæ indicio conuincere. Sed ne fortè loquendi proclament aditum sibi intercludi, dent nobis aliquem sine prolapsione delicti. Quis verò castum se habere cor gloriabitur? cum nec vnus diei infans mundus esse Scripturæ testimonio comprobetur? Siquidem ob inertiam desipientium compriment

dam hæc dixerim, non vt viri vltro pœnitentis culpam occultem. Sicut enim sanctus A
 Dauid lege prohibitus, Bersabee contra fas concupiuit & rapuit: ita & iste
 contra sacræ fidei iura agens, præfatam mulierem nefariè sibi copulauit vxorem.
 Illi non solum satis fuit in mulierem peccasse: sed molita viri innoxij nece, incur-
 rit duplex peccatum. Huic profectò magis libuit Deum offendisse, quàm à mulie-
 re duplici sibi lege prohibita thorum seruare immaculatum. Sed vtriusque pec-
 cati vulnus, verus humani generis benigna dispositione sanauit medicus. Illum per
 Nathan Prophetam suum, dum pauperis viri vnus ouiculæ, & diuitis ouium abun-
 dantis multitudine paradigma obiecta, se reum agnoscens dixit peccasse: istum
 æquè per dominum & venerabilem Abbonem Floriacensium à Deo prælectum
 Abbatem, nunc Christi fauente gratia miraculis coruscum, spreta mortis formi-
 dine durè increpatum priuatim & publicè. Cuius sancti viri increpatio tam diu
 perstitit, donec Rex mitissimus reatum suum agnosceret, & quam malè sibi copu-
 lauerat mulierem prorsus dereliqueret, & peccati maculam grata Deo satisfa-
 ctione dilueret. Vterque igitur Rex Deo acceptus, vtpote ab illo coronatus. Quos
 nudos peperit natura mundo, sancta dispositione sui gloriosos habere voluit & in-
 clytos seculo. Et quia, vt ait Scriptura, permittit Deus fieri quod non vult, per-
 misit benigna dispensatio sic eos occumbere peccato, vt se humanitate æquales
 subiectis recognoscerent, & reliquum vitæ tempus vigiliis & orationibus inhæren-
 do transfigerent, varias corporum passiones sustinerent, vt adimpleretur in eis sa-
 cræ Scripturæ testimonium, quæ ait; *Corripit Deus quem diligit, flagellat autem om-* B
nem filium quem recipit. Vterque peccauit, quod solent Reges. sed à Deo visitati
 pœnituerunt, fleuerunt, ingemuerunt, quod non solent Reges. Siquidem exem-
 plo beati Dauid, domnus iste noster ROBERTVS confessus est culpam, obse-
 crauit indulgentiam, deplorauit ærumnam, ieiunauit, orauit, & confessionis suæ
 testimonium in perpetua secula vulgato dolore transmisit. Quod non erubescunt
 facere priuari, Rex non erubuit confiteri. Qui tenentur legibus, audent suum ne-
 gare peccatum, dedignantur rogare indulgentiam, quam petebat qui nullis legi-
 bus tenebatur humanis. Quod peccauit conditionis est, quod supplicauit corre-
 ctionis. Lapsus communis, sed confessio specialis. Culpam itaque incidisse natu-
 ræ est, diluisse virtutis. Ob hoc nimirum ista facere non despexit, quia sciebat
 Deum pusillis & magnis fore timendum, & potentem quemque diuina admoneri
 Scriptura; *Quanto magnus es, humilia te in omnibus, & coram Deo inuenies gratiam.*
 His igitur Rex humilis legibus absolutus, suæ tamen reus fuit conscientia. Qui-
 bus vinculis se edomare desiderans, diuinum sibi precatur auxilium, vt ab omni cri-
 minis labe mundetur. Et re vera cùm mitis & corde mansuetus egregia semper ha-
 buerit sanctus Rex suæ mansuerudinis & pietatis insignia, ita vt aduersariis suis fre-
 quenter ignouerit, atque ab eorum nece abstinendum putauerit, non est mirum,
 quod tam grauius doleat noxium sibi obrepisse peccatum. Et ideo à peccatis mor-
 talibus liberari se postulauit: laudauit Dominum Deum suum, iustitiam Domini C
 prædicauit, & exultauit eius linguâ iustitia de cœlo prospicientis, quæ processit de
 vtero intactæ Virginis.

VNUM verò quiddam memoriæ dignum à patre huius inclyti Regis & à Deo
 electi patratum, huic lectioni inferere dignum duxi. In eo namque Sacerdotes ve-
 ridici, Abbates & Monachi sanctæ normæ non nescij, exemplar virtutum, quod
 non solum imitari, sed etiam admirari valeant, inuenient. Ante omnia autem pie-
 tatis & misericordiæ omni laude extollenda insignia. Quodam namque tempore
 sanctum diem Paschæ in ciuitate Parisius solemniter celebrans, secunda Sabbati
 ad domum suam apud Sanctum Dionysium lætus regressus est, ibique solemnes
 exegit dies. Tertia autem Sabbati adueniente hora, qua laudibus laudaretur per
 omnia secula Deus, surgit à lecto, & ad Ecclesiam ire disponit. Aspiciens ergo vi-
 det duos ex aduerso iacentes in angulo, operi insistentes nefario. Horum fragilita-
 ti condolens, ornamentum pellium, quod erat pretiosissimum, tollit à collo, & su-
 per peccatores proiicit corde benigno. Quo factò, Ecclesiam Sanctorum omnipo-
 tentem Deum rogaturus intrauit, vbi pro ipsis peccatoribus ne perirent orauit.
 Prolongata verò oratione, & sperans iam abiisse mortuos peccatores, qui pœni-
 tentiâ viuerent Deo, euocat sui corporis custodem, & vt aliud sibi eiusdem gene-
 ris deferat ornamentum humillimis verbis imperat: mandans hoc minis imperiali-

A bus, vt neque coniugi glorioſæ, neq; alicui iſtud vnquam manifeſtaretur. O quàm perfectus, qui ſic ſuo peccatores protexit veſtimento! quàm ſanctus Sacerdos, quàm pius Abbas; religioſusque Monachus, quàm rectiſſima virtutis & perfectionis norma, cui inniti poteſt iuſtitia concupiſcens ſemitas! Tali quippe mandat Monachorum pater & dux conſiteri peccata, qui ſciret ſua & aliena curare vulnera, non autem detegere & publicare. O ſœlix participatione Dei pietas & miſericordia, quæ ſic floruerunt in tanto & tali viro! quas & ipſe ROBERTVS noſter quæſi hereditario iure à patre relictas poſſedit.

INGO ſummæ ingenuitatis vir & bonitatis, Abbas ſancti Germani Pariſius ciuitate conſtituti Monafterij, ad hunc Dei famulum pro ſua & Fratrum vtilitate Aurelianis duos boni teſtimonij direxit Fratres. Qui ab eo viſi pacis honorati ſunt osculo, vt ei mos erat: interrogatique ſunt benigniſſimè, qua cauſa ad eum properaſſent. Vocabantur autem propriis nominibus Herbertus vnus, alter verò Gauzfredus, haud infimi ordinis monaſtici viri. Quibus pio de more imperat, vt poſt matutinos Hymnos ſua præſentia adſiſterent, & de quibus vellent audientiam haberent. Quibus iuſſa obſeruantibus, contigit vt in ipſa Eccleſia, in qua conſederant, his cernentibus candelæ extingueretur. Quæ extinctæ, religioſum virum Theudonem Clericum proximum ſuum à lecto euocat, candelamque porrigens, ad requirendum lumen quantociùs dirigit. Interea deuotiſſimus Rex Pſalmis & orationibus vacans, dum qui miſſus fuerat reuertitur, videt virum Domini candelam ardentem tenere in manibus, qui tenebat charitatem in moribus. Quod admirans, & Deum hymniſonis vocibus laudare cupiens, omnimodis illum prohibet, vt à iactantia ſuperbæ mentis ex toto ſe liberans, Dei in omnibus conlaudans virtutem, diceret cum Dauid: *Ego ſum vermis, & non homo, opprobrium hominum, & abiectio plebis.* Et iterum: *Humiliatus ſum vſquequaque Domine, vinifica me ſecundum verbum tuum.*

LEGIMVS in diuinis voluminibus, quòd *Seruire Deo regnare eſt.* Quod pro certo cognouit qui admonuit, dicens: *Seruite Domino in timore.* Quod vtique iſte noſter; de quo loquimur, vir beatus adimpleuit pro poſſe & velle. Et ſicut Moſes Dei famulus precibus humillimis, manibus extenſis proſtrauit Amalech: ita & hic verus Dei amicus, ſuis deuictis hoſtibus virtute ſancti Spiritus, ſemper Deum habuit adiutorem, qui eſt ſalus omnium. Reſplendebat quippe in eo animi dulcedo, qua omnem ſibi conciliabat hominem. Erat ei ſapientia ſalutaris, qua delectabatur cum ſuis. Docebat quosdam in lectionibus, alios in Hymnis & laudibus, & ad talia ſemper exhortans, omne ſecundum Apoſtolum omnibus fiebat, vt cunctos lucrifaceret. Ceterùm quod Pontifices ipſi Abbatesque facere pigritabant, quorum eſt errantes corrigere, & bonos quoſque exemplo ſuo ad meliora prouocare, ipſe verus Dei amicus audebat: de cuius cordis theſauro procedebat vox exultationis & ſalutis, qua delectari gaudebat cum omnibus Sanctis, ſecundum Apoſtolum carnem ſuam crucifigendo cum vitiis & concupiſcentiis mundi huius, delectabile ſemper diuinitati ſeipſum præparans templum. Ad diuinum officium primus, ad laudandam Deum ſedulus. Quocunque illi erat eundem præparabatur vehiculum, quod deportaret diuini miniſterij tentorium. Quo in terram fixo, deponebantur ibi ſancta, vt quia ſecundum Pſalmiſtam, *Domini eſt terra & plenitudo eius, Orbis terrarum & vniuerſi qui habitant in eo,* proderet ſe deuotum famulum, quouis in loco Deo deuotas perſoluere laudes. Erant enim fixa & benè plantata in corde manſuetiſſimi & Deum benè amantiſ Regis, beatiſſimi Antonij verba: *Ieſum Chriſtam ſemper deſiderate, quia in omni ſede terrarum conſtituta ſunt regna cælorum.* Sanctas noctes, hoc eſt Natiuitatis Domini, ſancti Paſchæ, & Pentecoſten, ſic totas ducebat inſomnes vſque ad ſummum manè, vt nec ſedens vel ſtans ſomnum caperet, donec quam expectabat & deſiderabat ſalutiferam corporis & ſanguinis Domini noſtri Ieſu Chriſti perceptionem perciperet. Probata de eo reſ iſta, & in omni ſeculo manifeſtata. Solemnitate verò Natiuitatis ſancti Ioannis Baptiſtæ, hanc quam in Natiuitate Domini tenebat conſuetudinem, vt poſt laudationem Domini, quæ eſt in hymno, *Te Deum laudamus,* Miſſa celebraretur deuotè, quæ ſanctis eſt libris prænotata, in primo mane. Hoc ſancta conſtituit auctoritas Gregorij Magni & aliorum in Miſſa. Amalarij verò iterum doctrina, quam aſſumpſit ex dictis ſanctorum Patrum.

ROBERTVS.

QV I S autem ei mos fuerit dandæ eleemosynæ in sui Regni sedibus, non prætermittimus. In Parisius ciuitate, Syluanectis, Aurelianis, Diuione, Autissiodoro, Aualone, Miliduno, Stampis, in vnaquaque harum sede trecentis; vel quod est verius mille pauperibus dabatur panis & vini abundantia, & hoc specialius ipso quo ad Deum transiit anno, qui est Incarnationis Dominicæ millesimus tricesimus secundus. Præter hæc, quod ibat quotidie in sancta Quadragesima c. aut c.c. iubebat pauperibus dari panis, piscium, & vini cibaria. In die autem Cœnæ Domini, non videntibus incredibile, videntibus verò & seruientibus in tali negotio satis admirabile, cum non minus quàm trecenti ipsa die sua prouidentia congregati, de eius sancta manu flexo poplite in terram, vnusquisque legumen, piscem, panem, denarium vnum sumebat in manibus. Et hoc hora diei tertia. Hora itidem sexta. Itidem centum Clericis pauperibus præbendam panis, piscis, & vini concedebat: duodecim vnumquemque eorum honorans denariis, corde & ore Dauidicos semper decantans Psalmos. Post mensam verò præparans se ad Dei seruitium Rex humilis ponebat vestimenta sua, indutus ad carnem cilicio, adiunctoque Clericorum Collegio centum sexaginta & eo amplius numero, ad exemplum Domini, eorum pedes lauans, capillis capitis sui tergebat, & ad mandatum Domini singulos eorum duobus solidis remunerans, Clero præsentem, & Diacono adstantem, qui lectionem legeret secundum Ioannem in Cœna Domini dictam & factam. Talibus factis occupabat se Rex meritis gloriosus, loca Sanctorum perlustrando toto die sancto Parasceue, & crucem Domini adorando vsque in vigilia sanctæ Resurrectionis, in qua assumebat statim sacrificium laudis, quæ non defuit ab eius ore, in omnibus seculis. His & huiusmodi virtutum meritis, bonorumque operum exhibitionibus gloriosus, & toto orbe prædicandus ROBERTVS Rex se mirabilem mundo præbuit, cunctis posteris imitabilem dereliquit.

Hic autem post Deum specialis gloria Regum, pro sacrato sanctorum Apostolorum numero, quos semper amabat corde benigno, & quorum solemnes festiuitates votiuo præueniebat ieiunio, ad horum exemplum duodecim pauperes secum ducebat, quos specialius diligebat. Quibus ipse erat vera requies, post labores. Nam his sanctis pauperibus comparans fortissimos asinorum pullos, ante se vbicunque pergebat lætantes, Deum laudantes, & animam suam benedicentes dirigebat. In his nempe & aliis innumerabilibus pauperibus recreandis nunquam habuit nolle, sed semper velle. Morituris his fortis erat prouisio, ne quis minueretur de numero, eratque eis viuorum successio, & apud Deum tanti Regis oblatio. Hoc studium, hæc eius semper fuit bona voluntas, cui semper adhæserat, participatione summi boni; vera bonitas, in qua clarissimus versificator his versibus est delectatus:

Maior cura boni est Fratrum releuare labores;

Et fieri optatum tristibus auxilium.

Pascere ieiunos, nudos vestire, ligatos

Soluere, discordes conciliare sibi.

Et quæcunque homines miseri solatia quarunt,

Hæc ut possibile est promere corde pio.

Vt rectè verè cupidus, verèque benignus

Quæ mala sunt fugiat, quæ bona sunt faciat.

Hæc omnia in tanto viro fuisse omnis cognouit mundus, quia cum semper dilexit Deus.

PRÆTEREA construxit à nouo in vrbe Aureliana Monasterium sancti Aniani singularis sui apud Deum aduocati. Qui quàm pium sanctæ deuotionis amorem erga eundem habuerit, nullus edicere valet, quia illum suum semper post Deum adiutorem, protectorem, & defensorem habere voluit, ad quoscunque potuisset pergere gressus. Nam vno die à quodam suo speciali amicorum amico interpellatus, ut quid talem ac tantum Pontificem, & non alios sic Sanctos suis sanctis laudibus extolleret, respondisse humillima & piissima voce fertur: Quis est Anianus? Anianus, Anianus pro certo est vera nostrorum consolatio, laborantium fortitudo, Regum protectio, Principum defensio, Pontificum exultatio, Clericorum, Monachorum, orphanorum, & viduarum egregia & inenarrabilis subleuatio. Et illudens ad circumstantes pueros, ait: Num & iste, de quo loquimur, Anianus

nus

A nus à pœnis virgarum vobis pueris non est frequens, vera, & probata liberatio?

ARDENS tanti Pontificis honore hic redolens flos, & decus Ecclesiæ sanctæ, & gratia, Dei desiderio eum in altiori volens constituere loco, domum Domini super eum in melius construere cœpit, & Deo cooperante & sancto Aniano auxilia præbente, ad finem vsque perduxit. Habet namque ipsa domus in longitudine tenfas quadraginta duas, in latitudine duodecim, in alto decem, fenestras centum viginti tres. Fecit & Altaria in ipso Monasterio ad laudem Sanctorum numero nouemdecim, quorum memoriam hic adnotare curauimus. Principale in honorem Apostoli Petri, cui supradictus Rex adsociavit Coapostolum Paulum in benedictione, cum non antea ibi nisi solius sancti Petri esset veneratio. Ad caput S. Aniani vnum. Ad pedes aliud. Aliud in honore S. Benedicti. Cetera sunt in honore eorum, quorum nomina sunt adscripta, sancti videlicet Euurtij, sancti Laurentij, S. Georgij, omniumque Sanctorum, item S. Martini, S. Mauritij, S. Stephani, S. Antonij, S. Vincentij, sanctæ Mariæ, sancti Ioannis, sancti Saluatoris, S. Mamerti, S. Nicolai, & S. Michaelis. Caput autem ipsius Monasterij fecit miro opere, in similitudinem Monasterij sanctæ Mariæ matris Domini & Sanctorum Agricolæ & Vitalis in Claromonte constituti. Læticiam ipsius S. Aniani à fronte auro bono & optimo, & lapidibus pretiosis, & argento mero præoccupauit. Tabulam ad Altare S. Petri, in cuius honore extat locus, auro bono totam cooperuit, de qua

B Cōstantia nobilis Regina eius coniux gloriosa post mortem viri sui sanctissimi Deo & sancto attribuit Aniano, summam scilicet librarum septem ipsius metalli in meliorandis à se Monasterij facti tectis: quibus ab imis ad superiora apertis, cœlum melius cerneretur quàm terra. Extitit in ea quantitas auri quindecim librarum probati. Quod reliquum fuit, in quibus debuit distribuit, quia erat ei sollicitudo Ecclesiarum Dei, iuxta vtile Senioris sui velle. Post quæ omnia cupidus sanctæ benedictionis Rex **ROBERTVS** gloriosus, suæ ordinationis, benedictionis, & assumptionis in Regem anno tricesimo sexto, iussione imperatoria euocauit Archiepiscopos Gauzlinum Bituricensem & Abbatem Floriacensem, Leothericum Senonensem, necnon & Arnulphum Turonensem. Quorum præsentiam subsequuntur Præfules, Odolricus Aurelianensis, Theodoricus Carnotensis, Bernerius Meldensis, Guarinus Beluacensis, & Rodulfus Syluaneſensis. Non defuit etiam præsentia domini & venerabilis Odilonis Cluniacensis Abbatis, & aliorum bonorum virorum non minimi meriti, cum quibus semper desiderabat colloqui. Ab his pro certo & aliis Dei Ministris leuatur illud nobile corpus amici Dei Aniani sanctissimi de sepulchro, cum corporibus Sanctorum Euspicij, Monitoris & Flosculi Confessorum, Baudelij & Scubilij Martyrum, & Agiæ matris S. Lupi Confessoris: & ab ipso glorioso Rege & aliis, quos iam prænotauit litera, qui pro tali negotio aduenerant, custoditur, laudatur, & decantatur in Hymnis & laudibus in Ecclesia S. Martini, quoadusq; præpararentur vtilia & necessaria sanctæ benedictioni. Præparatis ergo omnibus, ab ipsis sanctis Sacerdotibus locum ipsum benedici & consecrari solemniter fecit, anno Dominicæ Incarnationis millesimo vicesimo nono, Indictione duode-

1029.

EXPLETA benedictione solemnī, & omnibus, quæ ad dedicationem sancti Templi pertinebāt, vadit iam cum reuerentia nominandus pater patriæ **ROBERTVS** ante Altare sanctissimi Petri, & dilecti domni Aniani, in conspectu omnium populorum, & exuens se vestimento purpureo, quod lingua rustica dicitur rocus, utroque genu fixo in terram, toto de corde ad Deum supplicem fudit precem, in his verbis: Gratias, inquit, ago tibi bone Deus, quia ad effectum meam voluntatem hodie meritis S. Aniani perduxisti, lætificans animam meam de corporibus Sanctorum, cum eo hodierna die triumphantium. Da ergo Domine, per hos Sanctos tuos, viuis delictorum indulgentiam, defunctis omnibus vitam & requiem sempiternam. Tempora nostra prospice, regnum tuum, quod tua pietate, misericordia, bonitate nobis datum est, rege, dispone, custodi ad laudem & gloriam nominis tui, S. Aniani

Tom. IV.

G

ROBERTVS. virtute mirabili, patris patriæ ab inimicis mirabiliter liberatæ. Peracta oratione, **A** ad sua quisque lætus regreditur, & de suis donariis ipso die locus insigniter nobilitatur, in quatuor scilicet palliis pretiosissimis, & vrceo argenteo, & capella, quam post obitum suum Deo omnipotenti, & sanctissimo Confessori delegauit Aniano. Capella autem huius piissimi, prudentissimi, potentissimi Regis **ROBERTI** talis fuit: Cappæ octodecim bonæ, optimæ, & benè paratæ. Libri Euangeliorum aurei duo, argentei duo, & alij duo parui, cum Missali vno transmarino, benè parato ebore & argento. Philacteria aurea duodecim. Altare vnum auro & argento mirabiliter paratum, continens in medio petram laudabilem, quæ dicitur onichinus. Cruces aureæ tres. Maior ex his continet in se libras auri puri septem. Signa quinque. Vnum ex his satis mirabile, in quo duo millenaria metalli, & sexcentæ libræ fuerunt, cui imprimi iussit signum baptismi, de oleo & chrismate facti, sicut ordo deposcit Ecclesiasticus, & vt vocaretur **ROBERTVS** attribueret Spiritus sanctus. Dedit etiam & huic Sancto Ecclesias duas, Sentiliacum & Rutinagum, cum villis, & omnibus quæ ad ipsas pertinent, quas Præcepto Regali firmavit, & corroborari iussit. Promeruit autem & à domno Theoderico venerabili Aurelianorum Episcopo Altaria ipsarum Ecclesiarum cum Pontificali Priuilegio de ipsis à se facto, quod sancto contulit Aniano, & Regi inclyto, qui eum in voce exultationis semper dilexerat, de corde bono.

CASTRVM Crispiacus dictum à VValtero potenti nobiliter constructum Suef- **B** sionico in territorio, Abbatiam sancti Arnulfi à se factam nobilis nobilem, & per secula reddidit illustrem. Nostra enim ætate ibi Abbatem quendam Lezcelinum nomine constituit, boni testimonij virum, professione regularis vitæ Monachum, quotannis venientem ad hunc Dei virum. Suscipiebatur ab eo vt Dei seruus, & colloquium habentes de cœlestibus, post in redeundo honorabatur ab eo honorabilibus muneribus quàm splendide, quæ erant iuncta cœlestibus perfectæ charitatis virtute. Quodam autem tempore sanctæ Quadragesimæ Pisciaci ad Regem de more properans, temporales simul & spirituales sumpserunt cibos. Auita se posthæc coniungentes bonitate, offert Regi charitatem Dei Abbas bonus, pro releuatione corporis eius humillimi, vt haberet leuamen ciborum, qui precibus pulsans ostia cœlorum fieret consors Sanctorum. Hoc renuens vir pietatis, & incumbens se terris, omnimodis orabat, ne vi eum opprimeret, quia talibus obediens nullum adhuc Deo ieiunij votum obtulisset. Abba hoc audiens, taciturnitatis vincula suscepit, & meditans corde, quod esset perfectus virtute, pro ieiunij eius obseruatione, suscepit eum in multimodam & non numerosam Missarum celebrationem, vt attribueret ei Deus in his firmam deuotionem. His lætus Rex donis à sancto viro perceptis, Deo gratias egit, & sanctum celebrauit continuè ieiunium, expectans Dei & Domini nostri Iesu Christi Resurrectionem. Erat & hoc amanti bonorum in religione pro suarum emundatione culparum, quod à sancto Septuagesimo usque in Pascha, nullā vsus culcita, frequenter eum suscipiebat ad iacendum fortissima **C** terra, tendentem indefinenter ad æthera. Prosit tamen pro his & aliis animæ eius subscripta & brevis oratio: Priorum actuum eius maculas Deus tergat, obliuioni perpetuæ tradat, partem ei in Resurrectione prima concedat, qui est Resurrectio mortuorum Iesus Christus viuens & regnans in secula seculorum.

COR DI meo quid dulcius, quid iucundius potest iungi, quàm vt præceptorem, adiutorem meum in omnibus Dei operibus collaudem? Redeo, redeo, & sicut solebam in diebus, quibus nos simul respiciebamus, eius mihi amabilem & desiderantissimam recipio bonitatem. Delector etiam in illa, & experior quid utilitatis mihi illa fuerit. In illa vt meæ est recordationis nil accipio, nil sentio, quàm vt bonus filius de patre bono, amicus de amico, dilectus de dilecto. Erubesco tamen valde in huius admirabilis viri operum bonorū narratione, cum in eo semper floruerint quæ sunt fixa summis cœlorum, pro lucratiōe animarum & corporum. Quempiam videns desudare in Dei opere, hunc exhortabatur voce, clanculo alleuās munere, cuius erat donum promissis pauperrimū, dato per maximum. In fundo Monasterij Floriacensis loci, paterna imitabilis Abbatis mei Gauzlini iussione, Ecclesiam cœpi ædificare, modicā quidem, sed festiuam: ad quam occurrebat populus amore, quorū erat sacrāda condigna benedictione. Licet esset imperfecta, quamuis lignea, tamen promouit se Rex vir cœlestium desideriorū à Vitriaco castro, desiderans eam

A videre aspectu sanctissimo. Fuerat iam iussu domni & amabilis Odolrici Pontificis à venerabili Bituricensium Archiepiscopo Gauzolino benedicta, dante eo in circuitu plenissime terram ipsi Ecclesie perutilem. Intrans in ea Rex & orans, pallium quatuor librarum super altare posuit; quod quia in honore sanctorum Dionysij, Rustici, & Eleutherij, consecratum fuit, proculdubio eius cordi ita insedit, ut suis piis aspicientibus oculis, post ad eum Parisius me veniente, de reliquiis ipsorum Martyrum, almi scilicet Dionysij, Rustici, & Eleutherij, splendide exornaret, intercessionibus ditaret. Protectionis eorum dona hæc sunt: De casula sancti Dionysij, dalmatica sancti Rustici, casula sancti Eleutherij, de vestimentis eorum sanguine aspersis, de carni eorum puluere, & funiculo triplici quo fuit adstrictus Dionysius Martyr Domini pretiosus. His & aliis Sanctorum pignoribus, à Rege amante Deum nobiliter insignitus est locus. Susceptæ sunt autem ipsæ Sanctorum supra dictorum pretiosissimæ reliquæ in Floriaco Monasterio à domno Gauzolino Abbate in dando & accipiendo satis honorabili viro, die Kalendarum Octobrium, quo celebris agitur in omnibus seculis sanctorum Germani, Remigij, atque Vedasti solemnitas Confessorum. Sanè peccatis existentibus ipsa Ecclesia post ignibus adusta, iterum à me misero auxiliatrice manu Domini operante, sanctæ Mariæ matris Domini, Patris quoque Benedicti, & eorundem Sanctorum adiuuantibus meritis, quæ erat lignea, facta est lapidea, quam magnæ bonitatis gloriosus Episcopus Odolricus sua, non alterius, ut prius, manu Domino Deo & suis

B Sanctis dedicari & consecrari voluit. Fecit ut decebat talem virum. Quippe qui sic me protexit amore, omni quo aduixit tempore, operante Dei virtute, ut in his quæcunque volui nunquam eius habuerim nolle, sed semper quod est honestum & utile. Hereditatem sanctorum Sacerdotum, quam semper hic Sacerdos inclytus honore Pontificatus consequi desiderabat, hanc quæsumus ei tribuere dignetur Pontifex summus Deus & Dominus noster Iesus Christus. Huius peccata destruat, collocet in cœlestibus, iungat cœlorum ciuibus Redemptor & conditor, & sanctarum animarum mitissimus liberator. Intrans hanc Ecclesiam præ oculis habent subscriptos versiculos, memoriam sancti Dionysij & factoris loci retinentes, quos binis partibus diuisos agnoscunt Altaria, quorum sunt honore sacrata. Ad sinistram partem Altaris sancti Dionysij hi sunt:

*Ista Dionysius penetrantes limina sanctus,
Auxilio sancto consociet Domino.
Quem quicumque petis Dominum deprecante tonantem,
Quatenus Helgaudum seruet amore suum.
Cuius amor Christo sic sic venerabile Templum
Construxit Domino atque Dionysio.*

Item ad dexteram:

*Est domus ista Deo sine fine dicata superno,
Helgaudi studio consilioque boni.
Hinc Paradisiaci pulsatur ianua regni:
Hinc pia plebs Domino coniubilat superno.
Intrans pariter Christus conseruet Iesus.
Dicite cuncti voce fidei omne per æuum, Sic fiat: amen, amen, amen.*

C

H V R V S certè temporibus, cuius adiuuante Deo facta describimus, fuit in Monasterio Floriacensi loco celebri, splendidus mundo Gauzlinus Abbas merito, Sanctis Deo coniunctus operibus, pollens scientia spiritali simul & humana. Inerant eius cordi Abonis magistri prolati sanctæ Scripturæ flores boni, de quibus honestissime imbutus ita eructabat omnibus, ut possent delectari in cœlestibus. In sanctis eleemosynis ita largissimus, ut ipse positus in fortissimis frigoribus à se vestes pellium abiiciens, pauperes Christi indueret, ut à remuneratore bonorum præmium perciperet, de quo audiret: *Nudus fui, & vos operuistis me. Quod uni ex minimis meis fecistis, mihi fecistis: Venite benedicti patris mei, percipite regnum, quod vobis paratum est ab origine mundi.* Hunc perfectus Rex ita suis affixit obtutibus, ut eum præ ceteris diligens suis eum specialiter deuinceret consiliis, quæ ab eo probè probata, semper ea habuit honesta, nunquam tamen iniusta. In honoribus seculi eum honorans attribuit illi honores non minimos, Abbatiam S. Benedicti, quæ est caput totius Ordinis Monastici, & Episcopatum Bituricensem sancti Prothomari-

ROBERTVS.

tyris Stephani, principatum tenentis totius Aquitaniz, qui fuit & est honor & decus Franciz. In quibus quæ peccauit vera charitas & eleemosyna, quæ in eum flouruerunt virtute magna, perpetuæ tradent obliuioni, actione felicitis boni quod habuit participatione summi boni. In diebus quippe Septuagesimæ residens Rex illustri Parisius ciuitate, misit ad eum Abbas humilis ex more, pro sacratissimi loci vtilitate. Qui missi erant his propriis appellabantur nominibus: Albericus vnus Sacerdotij gloria decoratus, largifluxæ charitatis vir. Cui adiunctus Dei dono & excellentissimi patris Gauzlini imperio, frater de nomine dictus HELGAVDVS, quem iste Princeps Dei affectu diligebat paterno. Tertium secum habentes in obsequio fraternitatis laborantem Hilembertum nomine, conuersione dignum factum Monachum. Dies autem sanctæ Quadragesimæ Pisciaco celebraturus, iter accelerat nobiscum proficiscentibus eius præceptis imperialibus, in quo erat rationem redditurus, de quibus eum adieramus. Cùm ecce venientes ad portum Sequanzæ, qui dicitur Caroli-venna, hoc est piscatoria, quæ erat difficultate transmeabilis, iussione eius sancta soli nauiculam intrauimus, ipso aspiciente & considerante quis finis nos assumeret, quos ad se venire alacres & incolumes expectabat. Affuit nobis miseris huius intercessione Regis, qui laudatur, benedicatur & adoratur vbique Deus. Nauigantibus nobis, & equos nostros iuxta lintrem frænis trahentibus, contigit vnum sonipedem indomitum, & nunquam talia id actum, in medijs fluctibus duos in naui anteriores posuisse pedes: cuius forti rabie naui periclitabatur, trahens nos iam in profundum. Inclamans Rex post Deum altissimum cum suis, & virtutes cœlorum, dat voces immensas ad cœlum nostro pro periculo. Pronuntiat grandi voce fræna relinquere, & equos longè à naui arceri. Ad cuius amabilem vocem laxatis frænis vt iusserat, & equi pedibus de naui eiectis, cœpimus ad littus euehi. Ipse quoque sanctum Dionysium, sanctumque Benedictum, & omnes Sanctos Dei in adiutorium nostrum prouocabat, lachrymis perfusus oculis. cuius precem audiuit is qui est in secula benedictus Deus. Factum est vt voluit, & deducta naui ad terram, suscepit nos per Dei gratiam incolumes, qui eramus simul cum eo mirabilem Deum laudantes. Ex quo facto habuit nos Deus omnipotens omni tempore laudatores. Mansimus autem cum ipso Dei viro illo in loco triduo, delectati dulci eius colloquio, sicut & aspectu iucundo. Cuius quæsumus sanctissimam animam suo collocet in regno, qui eam redemit sanguine pretioso.

ADHVTC in maiori quàm ingressi sumus loco placet ponere pedem, ad eius gloriosum festinantes transitum in describendo, quem laudibus veracissimis & non falsis, apertis & non fictis, Domino nostro audebimus ecommendare, sancti Spiritus virtute: vt mereatur euadere diem ultionis extremæ, insignitus signaculo Trinitatis sanctæ. Sed quia adhuc quædam de eius mira operatione, quæ sunt veræ humilitati sociata, non scripsimus, & quæ multis profunt & proderunt ad salutem: restat vt his manifestatis, non teneat nos otiosos eius sanctissimus obitus, qui dono Dei extitit laudabilis & gloriosus. Habens desiderium mori seculo, & viuere Christo Deo, Rex strenuissimus eum, cui est omne quod est, & cui attribuimus omne quod scribimus, desiderans videre, voluit terris habere socium, quem non potest capere cœlum. Proficiscente eo quadam Quadragesima ad Sanctos, Dei seruitio sibi coniunctos, adit, orat, honorat, aures eorum precibus humillimis & salutaribus pulsatur, vt cum ipsis & Sanctis omnibus inueniri posset in Dei laudibus dignus. Laborabat in hoc carnis & spiritus fortitudine, vt euinceret Dei virtute. Intrans fines Bituricum suscipit eum sanctus Prothomartyr Stephanus, cum sancto Maiolo meritis præcipuo, sancta Maria, cum celebri Iuliano, Martyre summo, iterum ipsa piissima Virginum virgo Maria, cum sancto Egidio Confessore magno. Inclytus verò Saturninus, cum forti Vincentio, dignus Antoninus cum Fidi Martyre. Sanctus Domini Giraldus ipsum iam reuertentem ad propria sancto iterum reddit incolumem Stephano glorioso, cum quo terris lætatur deducens diem Palmarum, properat Aurelianis, ibi in Pascha percepturus auctorem nostræ salutis. Quo itinere, multa ab eo fuerunt dona Sanctis data, à pauperibus verò eius manus nunquam fuit vacua. Nam ipsa terra multos habens infirmos, & præcipuè leprosos, hos vir Dei non abhorruit, quia in Scripturis sanctis legit Dominum Christum multoties in speciem leproforum hospitio susceptum. Ad hos auida mente properans & intrans, manu propria dabat denariorum summam, & ore proprio figens eorum manibus oscula,

A in omnibus Deum collaudabat, memor verborum Domini dicentis: *Memento, quia pulvis es, & in pulverem reuerteris.* Ceteris autem mittebat deuotè, pro Dei omnipotentis amore, qui operatur magna ubi est. Tantam quippe gratiam in mendendis corporibus perfectò viro contulit diuina virtus, vt sua piissima manu infirmis locum tangens vulneris, & illis imprimens signum sanctæ Crucis, omnem auferret ab eis dolorem infirmitatis. Charitatis integræ non immemor seruus Dei considerabat pretiosa Martyrij Monachi facta, qui proprio leprosum adstringens vestimento, illumque suo leuans humero, dum ei seruitutis officia dare voluit, repente ad æthera rediit, & ei ascendens dixit Christus, qui in specie leprosi fuerat susceptus: Martyri, tu me non erubuisti super terram, ego te non erubescam super cælos. Habeat hic, de quo loquimur, præstante Deo, partem cum sancto Martyrio, qui istis & aliis bonis operibus festinabat se sociari Christo Deo.

B IN ædificationibus verò Ecclesiarum Dei, hic temporali simul & spiritali oleo inunctus Rex sanctæ benedictionis dono, suam potentiam & voluntatem adimplere desiderans, & ad æternæ beatitudinis palmam consequendam anhelans, inter alia cogitare cœpit, & post cogitata ad effectum perducere, Sancti Dei, cuius sublimitatis, cuius meriti, quæue essent honorandi & extollendi laude, de quibus nulla ei cunctis temporibus loquendi laudandive fuit satietas. Enimuero apparebit in his quæ subter sunt adnexa, descripta, & superioribus iuncta, quia omnia semper fuerunt ei curæ, scilicet quæ sunt pudica, quæ sunt casta, quæ sunt sancta, & quæ habet virgo verè mater Ecclesia sancta. Attamen nunquam fuit illi Deus obliuiosus. In ipsa autem ciuitate Aurelianis ædificauit Monasterium in honore sancti Aniani, vt diximus, item aliud in honore sanctæ Mariæ matris Domini nostri Iesu Christi, & S. Hilarij Confessoris summi. Sanctæ itidem Mariæ genitricis Dei cognomento Fabricatæ. Fecit inibi & Monasterium sancti Vincentij Martyris Christi. Monasterium S. Pauli Apostoli in Cantogilo villa. Monasterium S. Medardi in Vitriaco castro. Monasterium S. Leodegarij in sylua Aquilina. Monasterium sanctæ Mariæ in Miliduno castro cum alia Ecclesia. Monasterium S. Petri & S. Reguli in ciuitate Syluaneensi. Monasterium sanctæ Mariæ in Stampensi castro. Item in ipso castro Ecclesiam vnā, in Palatio. In ciuitate Parisius Ecclesiam in honore S. Nicolai Pontificis in Palatio. Monasterium S. Germani Autissiodorensis. S. Michaëlis Ecclesiam in sylua cognominata Bieria. Item Monasterium S. Germani Parisiacensis, cum Ecclesia S. Vincentij in sylua cognominata Ledia. In villa quæ dicitur Gomedus, Ecclesiam in honore S. Aniani. Item in villa Faïda, Ecclesiam in honore S. Aniani. Monasterium sanctæ Mariæ in Pisciaco. Monasterium S. Cassiani in Augustiduno. Pro his omnibus, & aliis innumerabilibus, quæ per Domini virtutem operatus est, bonis, oremus singuli, oremus omnes, & dicamus:

C **D**EVS, qui inter sanctissimos Reges famulum tuum **ROBERTVM** regali fecisti dignitate vigere, præsta quæsumus, vt quorum vicem ad horam gerebat in terris, intercedente gloriosa Dei genitrice Maria, cum omnibus Sanctis, eorum quoque perpetuo consortio lætetur in cælis. Per eundem Dominum nostrum.

ANTE suum sanè sanctissimum obitum, qui tertio decimo Kalendis Augusti extitit, die passionis Apostolorum sanctorum Petri & Pauli, Sol ad similitudinem quartæ Lunæ subtractis radiis fuscatus apparuit in toto mundo, hora diei sexta pallescens super homines. Quorum visus ita obnubilauit, vt nullus alium recognosceret, donec quoddam recognoscendi transiret spatium. Quid autem portenderit, in proximo patuit, cum nil nobis miserius aluit, quàm de sua morte dolorem intolerabilem reliquerit. A die enim S. Petri ad sui sanctissimi transitus diem, xx. & vnus dies supputantur. In quibus diebus sancta Dauid canens, meditabatur legem Domini die ac nocte, vt proculdubio ei concordari queat illud, quod de sanctissimo Patre Benedicto specialiter dictum est:

*Psalmicen assiduus nunquam dabat otia plectro,
Sacra canens obiit Psalmicen assiduus.*

Cognouerat autem hic miles beatus, tunc Dei seruis pacem esse liberam, quietem tranquillam, quando de huius mundi turbinibus abstracti ad sedem & securitatem æterni portus intrarent, & absorpti morte ad immortalitatem venirent. Festinabat enim supra nominatis virtutibus de præsentis tristitia ad lætitiā venire perennem. Dicebat, illi perfectum esse gaudium, qui elaboraret vt videre posset Christum

Tom. IV.

G iiij

ROBERTVS.

Deum. Exire ipse de hoc seculo paratus, Dominum Iesum suæ salutis atque vtilitatis magistrum semper inuocabat. Ad videndam Regis æterni insuperabilem potentiam, Angelos, Archangelos, & omnes Dei Sanctos, in auxilium suum venire, voce, signis, indefinenter orabat, muniens se semper in fronte & oculis, naribus & labiis, gutture & auribus per signum sanctæ Crucis, memoriâ Dominicæ Incarnationis, Natiuitatis, Passionis, Resurrectionis & Ascensionis, & gratiæ Spiritus sancti. Habuit hoc ex more in vita, cui nunquam defuit voluntate aqua benedicta. His verò aliisque refertus bonis virtutibus, sexagenarius, ut credimus, opperiebat mortem intrepidus. Et inualecente validæ febris languore, petiit viaticum salutare & salubre viuifici corporis & sanguinis Domini nostri Iesu Christi. Sumpto eo, & paruo interuallo facto, ad Regem regum & Dominum dominorum demigrans: felix feliciter felicia promeruit regna. Obdormiuit autem, ut diximus, in Domino decimo tertio Kal. Augusti, luceſcente aurora diei tertiæ Sabbati, Mili-duno castro: & Parisius deportatus apud S. Dionysium iuxta patrem suum sepelitur ante altare sanctæ Trinitatis. Fuerat ibi ingens luctus, intolerabilis dolor, dum Monachorum ingemiscens turba, pro absentia tanti Patris, Clericorum innumerabilis multitudo ærumnas suas ab ipso Sancto piè releuatas dolens, viduarum & orphanorum infinitus numerus beneficia ab eo percepta deplorans, dabat voces ad cælum immensas. Vna pro certo omnium vox: Rex magne, Deus bone, ut quid nos interficis, cum nobis Patrem bonum abstrahis, & tibi adiungis? Pugnīs enim pectora percutientes ibant & reuertebantur ad Sancti tumulum, repententes iam dicti sermonis versiculum. adiicientes, ut miseretur ei Deus in bonum, precibus omnium Sanctorum in seculum sempiternum. In cuius morte, heu! proh dolor! ingeminatis vocibus adclamatum est. **R O T B E R T O** imperante & regente, securi viximus, neminem timuimus. Patri pio, Patri Senatus, Patri omnium bonorum, felix anima & salus, felix ad superna ascensus, felix cum Christo Rege regum per secula cohabitatio. Huius igitur mirabilis Regis portio in cœlesti regno fuit Dominus Deus. Etenim narranda est. Fastigio regni erectus in sublimi, hic humillimus vir Dei abiecit à se iactantiam inhonestæ mentis, quæ sunt honorum sublimia, mundi gloriam, & in cœlis suum collocans thesaurum. propter hoc huius portio factus est Deus. Magnus apud Deum eius thesaurus, egregius sanctarum diuitiarum cumulus, cubile requietionis sanctæ perpetuum, cuius est Deus propitiatio, qui fuit totius mundi liberatio. Inter alia vnum quiddam doloris nobis hoc adfert, quod talis ac tantus vir sine titulo ornati lapidis, sine nomine, sine literis iacet, cuius in toto terrarum Orbe gloria & memoria in benedictione est. Proinde omni seculo profuit & proderit huius serenissimi Regis ratio, cui indefinenter adhæsit Ecclesiasticus & sibi semper amabilis Monasticus Ordo. Hunc Christus Deus bonum omnibus dederat Patrem. Attamen libet annotare paucis in fine huius Operis innumeratam huius mirabilis bonitatem Regis. Ser-mocinans quis cum eo, non est lætificatus gaudio magno? Pacem quis desiderans, in eius conspectu non abhorruit iram? Vultus sui præsentiam aspiciens, quis non est oblitus dolos? Orationibus eius quis Monachorum non habuit requiem, & non est amatus, dilectus, & veneratus? Eius sanctissima admonitione, quis Clericorum non fuit amator castimonie? Ipsius amabilia verba, quibus non fuerunt medicamina? Aspectus eius quibus non profuit insipientibus ut virga? Oculos eius humiles quis aspiciens, non est meditatus cœlestia? Pauper & esuriens quis non satiatus ab eius recessit mensa? Mortuus suo termino non eius vestitus est vestimento? Hebes quis non est ab eo factus sapiens? Viduæ & pauperes ad exemplum bonæ Dorcadis non ab eo datas ostenderunt vestes? Omnis miserorum multitudo, non eum patrem & nutricium inclamauit? Incidens quis in peccatum, non huius sanctæ consolationis habuit auxilium? Dormitans quis præ tædio, non est euigilatus à somno? Laudans quis Deum, hunc non habuit in exemplum? Eleemosynam quis facere desiderans, hunc non accipit imitorem, quasi alium Ioannem? Ioannem dico Alexandrinum Patriarcham, qui pro eius immensa, quæ fuit super miseros & pauperes, misericordia, misericors dici & esse meruit sua in vita simul & in omni terra. Enimuero non fuit ei similis post sanctum Dauid de cunctis Regibus terræ, in sanctis virtutibus, humilitate, misericordia, pietate, & charitate, quæ super omnes est, & sine qua nemo videbit Deum: quia semper adhæsit Domino, & non re-

A cessit à mandatis eius corde perfecto. Cetera quæ sunt de seculi militiis, hostibus deuictis, honoribus virtute & ingenio acquisitis, Historiographis scribenda reliquimus. Qui si fuerint, & ea scriptitauerint, inuenient in eis patrem & filios bellis inclitos, & insigni gloria gloriosos. Iam nunc Monachorum, Clericorum, viduarum, orphanorum, & omnium pauperum Christi ex parte habeas perpetuum vale, noster præcordialis amor ROBERTE, & profer preces pro seruo propitiabili Christo Deo, cui complacuiisti laudabili vita & seruitio, & per sanctarum virtutum merita promeruisti cœlestia regna. Annuat hoc Deus omnipotens, qui iustificat impios, & viuificat mortuos, & sanctissimis Regibus ornat cœlos. cuius regnum & imperium permanet in secula seculorum.

EPITAPHIUM HVGONIS MAGNI
ROBERTI REGIS FILII,

Quod fecit Girardus Aurelianensis.

Ex antiquo M S. Cod. Viri Cl. Alexandri Petauij Senatoris Paris.

B

S VBLATVM viduæ iuuenem tibi Francia luge,
Quæ caput extuleras damna tui lugeas.
Exue quicquid habes, festina scindere vestes,
Dilacerans crines da capiti cineres:
Indomitos dociles qui redderet arduus hostes,
Hugo decus patrium flos cecidit iuuenum.
Indolis extreme miro dilectus amore;
Nunc etiam luctus & dolor immodicus.
Celtiberi lachrymant, te Regem Roma petebat;
O miserande puer! sed tumultus hic es.
Aspectu pulcher, victis pius, hostibus acer,
Si fore vir posses; te Babylon tremaret.
Parthus & in pharetra propter te conderet arma;
Apparénsque minor cederet Orbis honor.
Pax igitur tibi sit, quæ claudi limite nescit:
Lector ad hoc pronus quod repetat petimus.

G liij



AQVITANICÆ HISTORIÆ FRAGMENTVM.

*Ex peruetusta scheda, ex qua est & pars illius Fragmenti, quod habetur
Tom. II. à pag. 632. ad 635.*



H VGO Rex Francorum amator sanctæ Ecclesiæ mortuus est, & regnavit pro eo ROBERTVS filius eius. Hisdem temporibus rebellantes Bulgari Græciam nimis exasperauerunt, & Basilius Imperator super eos nimis irritatus voto se obligavit Deo Monachum fieri, si Græcis eos subderet. Et per annos quindecim cum hoste super eos laborans, ad vltimum Regibus eorum Samuele & Aaron non publico prælio, sed astucia Græca interfectis, omnem terram eorum obtinuit, & fortissimas ciuitates confregit, & Græcorum præsidia contra eos vbique ordinavit: populûmque Bulgarorum maxima ex parte in Græciam captiuauit, & sicut voto promiserat, habitum Monasticum Græca figura subindutus, in reliquum est
omni vitæ suæ tempore à concubitu * & carnibus abstinens, & Imperiali schemate extrinsecus circumdabatur. Deinde Hiberiam repugnantem per annos septem ita edomuit, vt omnia ad Imperium illius exerceret. Richardo verò Comite Romagi filio Richardi Nortmannos gubernante, multitudo eorum cum Duce Radulfo armati Romam, & inde coniuente Papa Benedicto, Apuliam aggressi, cuncta deuastant. Contra quos exercitum Basilius intendit, & congressione bis aut ter facta, Nortmanni victores existunt: quarto congressu cum gente Russorum victi & prostrati sunt, & innumeri ducti Constantinopolim, vsque ad exitum vitæ in carceribus tribulati sunt. Iterum Nortmanni Duce Rotgerio in auxilium Christianorum in Hispaniam profecti, innumeros Sarracenorum deleuerunt, & ciuitates & castella ab eis abstulerunt multa. Per hæc tempora Ermengaudus Comes Irigeldensis * post copiosos triumphos de Mauris & Sarracenis, prælio inito vltimo innumerabilem stragem Sarracenorum perficiens, dum victor regreditur, alium exercitum Maurorum offendit fugientem. Quem cum paucis suorum lassus persequens, multos eorum occidit, & ipse cecidit. Tunc Ottone Imperatore defuncto sine filiis, Henricus propinquus eius Dei nutu Imperium accepit, qui in terra Theodisca à nouo ciuitatem ædificauit, vocabulo Baenburg; quam Benedictus Papa in honorem Dei genetricis consecrauit, & parochias in circuitu ex Paganorum vicis & oppidis, dum conuerterentur, attitulauit ad illam. Arnaldus autem Comes Egolesimensis Monachus factus, mortuus est, sepultus iuxta patrem suum, & successorem sibi reliquit VVillelmum filium suum. Et Fulcaldus Episcopus Pontificatum per duodecim annos agens, Ranulfum successorem accepit. Quo Episcopo existente per nouem annos, & mortuo, Hugo Episcopatum per annos viginti obtinuit, & post eum Grimoardus. Deinde domnus Roho Antistes Egolesimæ gloriosus refulsit. His diebus lues grauissima Lemouicinos deuorauit, incendens corpora, & exardescendo deuorans, donec omnes Aquitanix Episcopi Lemouicæ congregati, corpus beati Martialis ab imo sublatum sepulchro mortalium visibus ostenderunt. & mox pestis ipsa cessauit. Tenebat tunc Præsulatum Lemouicæ Alduinus, qui erat successor Aldegerij successoris Ebli Episcopi. Quibus temporibus Aldebertus Comes Petragoricensis, qui fuit filius Bosonis Vetuli ex sorore Bernhardi supradicti, nomine Emma, ad urbem Pictauis bellum intulit, & victor extitit.

V R B E M quoque Turonis obsidione captam in deditionem accepit, & Fulconi Comiti Andegauensi donauit. Sed ille ingenio dolofo ciuium amisit post paululum, & iterum Odo Campanensis eam recuperauit. Qui cum eam obsideret, nequaquam Rex Hugo vel Robertus filius eius ausi sunt eum prouocare ad bellum, sed hoc ei mandauerunt: Quis te, inquit, Comitem constituit? Et Alde-

* al. à voluptate & carnalibus

* al. Orgelitanus.

- A** bertus remandauit eis; Qui vos Reges constituerunt. Postea defuncto Aldeberto, & Bosone fratre eius Principatum gerente ipfius, VVilhelmus Dux Regem Robertum conduxit ad castellum eius Bellacum in Marcha Pictauis & Lemouicæ, quod diu obsidentes cum maximo exercitu, frustrati recesserunt omnes. Quo tempore VVido Vicecomes Lemouicæ, dum obsessum esset castrum eius Procia in pago Bituricæ à quinque Comitibus cum innumerabili exercitu, bello eos appetit, & victor existens obsidionem dirupit. Comites fuerunt VVilhelmus Dux, Arnaldus, Elias, Aldebertus, Boso. His temporibus signa in astris, siccitates noxiæ, nimix pluuiæ, nimix pestes, & grauissimæ fames, defectiones multæ Solis & Lunæ apparuerunt, & Vincenna fluuius per tres noctes aruit Lemouicæ per duo millia-ria. Tunc Iudæi Occidentales epistolas miserunt in Orientem accusantes Christianos, mandantes exercitus Occidentalium super Sarracenos Orientales commotos esse. Tunc Nabuchodonosor Babylonix, id est; Admiralus, concitatus in ira à Sarracenis & Iudæis, magnam afflictionem super Christianos exercuit, & Ecclesias Christi subuertit, ac peccatis nostris promerentibus, gloriosum sepulchrum Domini cum Basilica ipsius confregit, & cunctas Ecclesias præter Bethleemiticam, vbi Christus natus est: quam Sarraceni conati destruere, subito omnis multitudo ab Angelo percussæ, corruerunt mortui. Et fames omnem terram Sarracenorum ita subruit; & omnes peremit morte, vt vix centum viderentur euadere viui ex ip-
B sis. Tunc Arabes super terram eorum irruunt, & qui remanserant à fame, gladiis trucidant: & Admiralum visceribus extractis, in mare demerferunt cum plumbo. Tunc incœptum est reædificari sepulchrum Domini. His diebus in Parasceue post Crucem adoratam vsque Sabbato sancto circa vespertinam concussa est Roma à vi ventorum, & penè omnes Romani mortui sunt, tam Christiani quàm Iudæi: & quidam Iudæus Christianis intimauit, quia in Parasceue Synagoga Iudæorum imaginem Christi deluserunt, sicut fecerant Dominum parentes eorum. Quod Benedictus Papa sollicitè inquirens, & probans, mox Iudæos, qui hoc egerant, iussit decollare. quibus decollatis, cessauerunt venti. Eo tempore decem ex Canonicis sanctæ Crucis Aurelianis probati sunt esse Manichæi. Quos Rex Robertus, cum nollent ad Catholicam conuerti fidem, igne cremare iussit. Simili modo apud Tholosam inuenti sunt Manichæi, & ipsi igne cremati sunt: & per diuersas Occidentis partes Manichæi exorti, per latibula sese occultare cœperunt, decipientes quoscunque poterant. His temporibus cometes velut ensis latus & longior contra Septentrionem apparuit: & per Gallias è vestigio ciuitates, castella, & Monasteria igne cremata sunt plurima. Inter quæ Carrosum flamma casu combustum est cum Basilica. Tunc Comes Fulco supradictus dolo accersitum secum adduxit Sandonas Arberrum nobilissimum Comitem Cenomannis, & prima Quadragesimæ Dominica post Cœnam nocte intempesta cum traditione cepit, & in vinculis secum duxit, tenuitque in carcere biennio. Vnde eripere eum Dominus dignatus est. Sequenti anno propter ipsum scelus combusta est ipsa ciuitas cum Sede Episcopali, & dein mansit deserta Basilica. His temporibus Guillelmus Vicecomes Martiliacensis, & frater eius Odoricus, in traditione ceperunt fratrem eorum Alduinum de Rosiaco castro, & oculis & lingua cum damnauerunt propter contentionem de castro Rosiaco. & hoc scelus perpetraverunt post dies Paschæ. Post tres verò hebdomadas reuersus VVilhelmus Comes Egoisimensis à Roma, obsedit castrum Martiliacum vna cum Alduino filio suo, accersito secum in auxilium VVilhelmo Duce: & capto castro vitam & membra eis concessit, sed omni honore eos priuauit, & castrum ipsum destruxit, & demum reædificauit, & Alduino oculis multato Rosiacum castrum concessit. Eo tempore ipse VVilhelmus per Baioariam sepulchrum Domini adiit. Vnde reuersus ipso anno correptus languore, laudabili memoria in pace quieuit. Sepultus in Dominica Palmis in Basilica beati Eparchij, vbi quatuor patres eius tumulati sunt, videlicet Arnaldus, VVilhelmus, Alduinus, & VVlgrinus. Et mox post eum Principatum Egoisimæ obtinuit filius eius litteris & armis edoctus, nobilissimus & gloriosissimus domnus Alduinus, anno M. XXVIII. ab Incarnatione Domini, cui est gloria in secula seculorum.

ROBERTVS.

*Quæ sequuntur ex alia sunt scheda precedenti inserta, sed alio charactere scripta: A
nec quò referri debeant sciri potuit.*

ET Aquitaniam, plurima iuxta maritimam oram dona in redditibus terrarum ad copiam victus & vestitus seruorum Dei delegauit. Fulberto quoque sapientia valde ornato Episcopo Carnotensi pro reuerentia philosophiæ eius à Francia ad se euocato, Thesaurariam sancti Hilarij gratis tribuit, & summo honore eum excoluit. Regulares Abbates & Monachos maximo affectu amoris amplectebatur, & consilio eorum vtilitatem regni administrare curabat. Vnde & domnum Odilonem Abbatem Cluniacensis Cœnobij copiosis muneribus sibi attraxit, contemplatus in eo verum Dei habitaculum, in quo Spiritus sanctus requiesceret, & Cœnobium nonnulla suæ ditionis eius magisterio commendauit. Fecit idem Dux VVilhelmus à nouo Cœnobium ingens Malliacense in territorio Pictauiensi, itemque aliud Cœnobium Borgoliense in cespite Andegauensi, in fundo proprio, vna cum matre sua nomine Adala Christianissima, quæ extitit soror Richardi Comitis Rotomagensis. In quibus Cœnobiis Monachos regulares adgregauit plures numero, qui die & nocte Domino laudes persoluerent omnipotenti, eisque constituit Abbatem feruentissimum in sancto proposito & regularis disciplinæ firmissimam columnam, nomine Teelinum. Multoties denique per Aquitaniam nonnulli primores recusantes imperium eius, omnes edomiti sunt, castellis eorum fortiter expugnando captis. Vnde cum obsideret castrum Roccameltim, vicinum Sancto Carrofo, Comes Boso cum multitudine pugnatorum fortissimorum & audacium contra eum aciem direxit. Vbi commisso fortiter proelio, Dux VVilhelmus victor extitit, Deo ei tribuente palmam victoriæ. Ibi captus est Comes Boso, & directus Pictauis vrbi sub custodia. Iterum Dux repetita obsidione castrum in deditioe supradictum accepit, & victor reuersus inimicum suum occidere noluit; sed vsus pietate, illæsum eum cum Sacramentis absoluit. Et hac pietate semper vsus est, vt quos victor viuos capere potuit, non eos interimere permisit, sed ereptos à morte & à multatione membrorum incolumes abire præcepit. Eo tempore infinita multitudo Normannorum ex Danamarcha & Iresca regione, cum classe innumera mare transeuntes, armis confidentes, multitudine feroci hostium appulerunt portum Aquitanicum iuxta Pictauorum terminos. Et sicut antiqui parentes eorum pagani Aquitanica rura depopulati sunt, ita & isti mixtim Christiani, mixtim Pagani nostros vicos, castella, & ciuitates conati sunt flammis comburere, & populum Christianum ferro diuerberare & captiuare, & Ecclesias Dei & Monasteria desertare. Tunc absque mora Dux VVilhelmus præsumens de Christi victoria, interritus pro nihilo eorum magnam virtutem deputauit. Mandauitque per Monasteria Aquitanicæ à cunctis cum ieiuniis & letaniis Domini misericordiam pulsare, quatinus virtutem hostium contereret, & suum populum victorem & superiorem præstaret. Quod & factum est. Congregatôque plurimo & fortissimo Aquitanicæ exercitu electorum pugnatorum, iuxta eos castra disposuit circa oram maris, imminente iam nocte. Nortmanni verò videntes præparatum Aquitanorum exercitum contra se ad bellum, terrore diuino consternati sunt valde timentes. Nec ipsa nocte fugere valentes, cum propter littus maris residerent, & æstus maris tunc mitior factus esset, & classis ad terram nudam iaceret, per totam noctem circa se foueas præparauerunt virgis & cespitibus contextas desuper, vt ignorantes bellatores delaberentur, dum currentes equi præcipites ferrentur. Itaque primo mane crastino nescientes laqueos fouearum exercitus Ducis, ipso Duce in prima frontis acie præcurrente velocissimo equo, dum calore pectoris super Nortmannos frena equorum laxarent, mox per foueas equi cum sessoribus suis delapsi sunt. Et quia graues eos faciebat pondus armorum, plurimi à Nortmannis capti sunt. Sed diuina pietas Ducem mirabiliter eripuit. Nam & ipse casum passus, dum à Nortmannis penè iam caperetur, licet galea capiti, & thorax humeris magnum grauamen esset, tamen fortissimus viribus saltu excusso à fouea profiliit longius, & suis sese reddidit. Timore verò eorum, qui primi ceciderant, & capti iam tenebantur, (erant enim plures triginta nobiliores) ne forte ipsi à Nortmannis necarentur, dimissum est mox bellum. Sequenti verò media nocte, æstu maris inuitante, con-

A cito cursu Nortmanni cum captis nobilibus viris nauibus insiliunt, & auxilio maris fuga liberati sunt, nec amplius apposuerunt venire in nostros fines. Dux autem suos, qui capti erant, missis postea nunciis ad Nortmannos, infinito pondere auri & argenti dato, omnes redemit & recepit incolumes. Fuit autem à pueritia doctus literis, & valde habebat scientiam scripturarum. Librorum etiam copiam in Palatio suo retinebat; & si fortè à frequentia causarum & tumultu vacaret, per semetipsum lectionibus intentus erat. Longioribus etiam hyemis noctibus crebro sese lectionibus occupabat, donec vinceretur à somno. Imitator erat in hac, sicut in multis aliis causis, Caroli Magni Imperatoris, & filij eius Ludouici Imperatoris, qui per semetipsos lectionibus pascebantur. Octavianus quoque Augustus, licet Paganus, non solum frequenter legebat libros aptos, insuper propriis digitis scribebat gesta & praelia sua, & aliorum. Theodosius etiam Pius Imperator Christianissimus non solum legendo, sed etiam scribendo exercebat sese.

His temporibus contigit Lemouicæ internecio virorum & mulierum nocturna. Medio enim Quadragesimæ tempore, dum referantur nocturnis laudibus valux Basilicæ Saluatoris, concursus turbæ fluminis more in Ecclesiam influens, casu inuoluta est, vt vnus alterum superconculcaret. Et sic plus quam quinquaginta viri & mulieres ab alterutro inter multam turbam conculcati, expirauerunt confestim. Euestigio exorti sunt per Aquitaniam Manichæi seducentes promiscuum populum à veritate ad errorem. Suadebant negare baptismum, signum sanctæ Crucis, Ecclesiam, & ipsum Redemptorem seculi, honorem Sanctorum Dei, coniugia legitima, esum carniū. vnde & multos simplices auerterunt à fide.

TEMPORIBVS ipsis, dum reuersus esset à Roma post Paschales dies gloriosus supradictus Dux, inuentum est caput sancti Ioannis in ipsius Basilica in tugurio saxeo, Cœnobio Angeriaceusi. Quod sanctum caput dicunt esse proprium caput sancti Ioannis Baptiste. Tunc VVilhelmus Dux repletus magno gaudio, sanctum caput populorum visibus ostendendum decreuit. Et non solum omnis Aquitania, verum etiam Francia, & Burgundia, Hispania, & Britannia, atque Longobardia, & cetera gentium, diuersitas certatim velut amnis deuotè ibi occurrit, audita fama tam præclara nostris diebus. Rex quoque ROBERTVS honorificè aduenit, & sicut decebat regiam dignitatem, obtulit in eodem loco concham ex auro purissimo pensantem libras triginta: pretiosas quoque vestes ad Ecclesiasticum ornamentum; & magno honore à VVilhelmo Duce exceptus est, cum omnibus qui eum comitabantur. Et his expletis, reuersus est Aurelianus. Quod etiam maius videtur, omnes Congregationes seruorum Dei ex Aquitania, cum Sanctorum corporibus, & reliquiis, & apparatu Ecclesiastico, psallentes processerunt ad memoriam sancti Præcursoris Christi. Interque concursus Lemouicinorum vnà cum Monachis & Clericis, & Primoribus, & Episcopo Geraldo, & Ioffredo Abbate præcelso, cum innarrabili gloria memoriam Aquitanicæ Patroni præcipui Martialis recto cursu per

C Sanctum Carrosum prætereuntes, ad memoriam Baptistæ Domini detulerunt. Et magnis lætantes miraculis, quæ Apostolus Galliæ gloriosissimus Martialis patrauerat, per viarum interstitia sub oculis omnium tripudiantes, reuersi sunt. Dux verò VVilhelmus semper cogitans de Dei honore, ad ipsius laudem & gloriam domnum Odilonem Cluniacensem Abbatem accersuit, & in eodem supradicto Cœnobio Angeriaceusi disciplinam Monachorum sub iugo regulari in melius restaurauit. Nec præterire debeo, quantum Dei honorem idem Dux præ omnibus dilexit, nihilque aliquando furibundus egit. Nam absente Abbate reuerentissimo Aimirico, cum familia sancti Ioannis fortuitu in seditionem versa esset contra familiam VVilhelmi Ducis, ex ea nonnullos familiares eius vsque penè ad mortem vulneratos ferro reddidit: & ira hostis urgente, aulam Ducis, quæ eidem Cœnobio contigua est, penè totam diruit. Et cum multi nobilium eius, maximèque Comes Fulco, qui tunc præsens Pictauis cum Duce erat, suaderent eum grauius vindicare iniuriam suam de familia sancti Ioannis, & vt omnes à loco extruderet Monachos, & ibi collocaret Canonicos: idem serenissimus Princeps nequaquam acquieuit malo eorum consilio, licet furore commotus magno. Sed omnia pacificè & cum ratione, sicut eum decebat, finiuit & disposuit, & causa pacificè & laudabiliter est ab eo terminata. Et sicut solebat defensor & pastor Monachorum esse, potius fuit defensor quàm destructor, & potius pastor quàm dissipator. * *

STEMMA COMITVM ENGOLISMENSIVM^A & Petragoricensium,

Ex scheda veteri.

*VVlgrinus Engolismensis, Petragoricensis, Aginni Comes, in uxorem
duxit VVilhelmi Tolosani sororem.*

*Alduinus Engolismen. Comes 30. an.
post patrem vixit, ciuitatis muros re-
stituit contra Norman. excursiones.*

*VVilhelmus sc̃tor ferri dictus, quod
Normannum loricatum gladio a pe-
ctore ad ṽtrem secussit. Lotharij Re-
gis tempore moritur, Comes Engolis.*

*Arnaldus VVilhelmum Tallerandum
Comitatu Engolismensi eiecit. mori-
tur Monachus Roberti Regis tempore.*

*VVilhelmus moritur an. 1024. Co-
mes Engolismens.*

*Alduinus Comes Engolismensis lite-
ris & armis doctus.*

*VVilhelmus Comes Petra-
goricensis & Aginni.*

*Benar Conte de
Perigeux.*

*Sancie femem Adema-
ri filij Emenonis Co-
mitis de Poiētiers.*

*Arnaldus Bor-
racio Comes
Engolismens.
post VVil-
mum sc̃torem
ferri.*

*VVilhelmus Talle-
randus Engolism.
Comes ab Arnaldo
filio VVilhelmi se-
ctoris ferri Comi-
tatu Engolis. eie-
ctus.*

*Emma Bosoni
vetulo Comiti
Marchie nup-
sit.*

*Aldebertus
Comes Petra-
goricensis.*

HISTORIÆ



HISTORIÆ FRANCICÆ FRAGMENTVM,

A ROBERTO AD MORTEM PHILIPPI I. REGIS.

Ex veteri Exemplari Floriacensi, ex quo sunt & alia Tom. II.

à pag. 630. usque ad 633.

HUGO Rex anno Incarnationis Dominicæ DCCCCXCVII. obiit 997.
reliquit ROBERTO filio Monarchiam sui Principatus. Hic Ro-
bertus Guillelmum cognomento Captium, Comitem Transla-
gonnanum, qui totam penè ausu temerario peruaferat Burgundiam,
armis perdomuit, eumq; ab omni ipsa expulit Prouincia, & suo con-
tentum esse coëgit Comitatu. Ipsique Burgundiæ Ducem filium suum esse consti-
tuit AINRICVM. Idem verò Rex in vxorem sibi assumpsit matrem Odonis Co-
mitis, Bertam nomine, qui eodem tempore puerulus erat. Illa autem commater
eiusdem fuerat Regis. Idem namque Rex filium ipsius de sacro suscepit lauacro.
Quod agnoscēs Papa Gregorius totam Franciam anathemate percussit. Porro Rex
amore eiusdem mulieris plus iusto detentus, nequaquam eam dimittere voluit, do-
nec Omnipotens per se corrigere eundem Regem studuit. Dum enim de eodem
Rege eadem mulier concepisset, credens se parituram filium, peperit monstrū. Quæ
res Regem perterrituit, & librum repudij eidem mulieri dare compulit. Quo factò,
absolui cum toto suo meruit Regno. Qui quàm Deo deuotus fuerit, quàm magni-
ficus erga seruos eius, quàm assiduus circa Ecclesiam, quàm largus in eleemosynis,
quanta fundatus humilitate, non est huius temporis differere. Hic multas fundauit
Ecclesias, venustauit auro, argento, & variis ornamentis multorum memorias San-
ctorum. Quamobrem attribuit ei Omnipotens cōtinuam pacem, ita vt nemo esset,
qui cum inquietare auderet. Cuius erga Deum deuotionis affectum, & insignium
opera virtutum, si quis plenius cognoscere voluerit, legat Gesta ipsius ab Helgaldò
Floriacensi composita Monacho. Hic in suum asciuit coniugium filiam Guillelmi
Tholosani Comitis, nomine Constantiam, cognomento Candidam, strenuam sa-
nè puellam, & suo nomine dignam. De qua suscepit inclitos filios, HUGONEM,
AINRICVM, ROTBERTVM, ODONEM. De quibus Hugonem consortem
Regni effecit, sublimans eum regio solio apud Compendium. Qui post octo suæ
sublimationis annos, superstitè patre vita discessit. Quod cernens pater, in eius lo-
cum Ainricum ad regimen totius Regni sibi associauit, prouehens Remis ciuitate.
Quam rem ægrè tulit Regina, volens Rotbertum constituere Regem. Regnante
eodem anno Incarnationis Dominicæ M. III. & qualitas hyemis longior solito, 1003
pluuiarumque inundatio extitit grauior, atque diuersis in regionibus flumina suos
vltra modum præterierunt terminos. Præ ceteris verò Liger fluuius in tantum suas
præteriiit metas, vt cuncta circa se posita periculo mortis tremefaceret. Quo anno
propter Aurelianensem urbem in loco qui Porcària dicitur, multis est visa ciuitas
phantasmate constructa, ab hora diei tertia vsque in horam nonam, pratis, aquis,
molendinis vallata, militibus aliisque necessariis rebus referta. Infantem quoque
natum fuisse diuulgatum est, omnium animalium pedes habentem, solo capite, vna
manu, vno pede hominem simulantem. Quem parentes rubore confusi bis tērque
terra occulentes, terra eum reiiciente, in fluuium demersere. Cuius casum tantus
fragor vocum secutus est, vt tota regio vlulasse crederetur. Eodem etiam anno Gir-
bertus Papa obiit. Quibus temporibus exorta est Aurelianis nefanda hæresis. Huius
erant principes Stephanus cum Lisoio, qui & alios sibi suæ perditionis asciuerat so-

Tom. IV.

H

ROBERTVS.

cios, quorum alij erant Presbyteri, alij Leuitæ, alij aliorum ordinū gradu sublimati. A
Ij dicebant, non posse aliquem in baptismo Spiritum sanctum suscipere, & post
criminale peccatum veniam non promereri. Impositionem manuum nihil posse
conferre. Nuptias spernebant. Episcopum affirmabant non posse ordinare, & san-
ctum dare Spiritum. De his & alijs nefandis conuicti erroribus, igni sunt traditi.
Circa id temporis in regione Aquitanix secus maritima, tale prodigium accidit.
Ante solemnitatem sancti Ioannis Baptistæ tribus diebus de cælo pluit sanguis, qui
cadens super carnem hominis, super vestimentum, aut super lapidem, non poterat
lauari; si verò super lignum caderet, lauabatur. Factum est autem vt Guillelmus
Dux Aquitanix & Gaufridus Comes Andegauensium graui perduellione se suos-
que per annum armis pessundarent: donec Guillelmus sui captura finem rixæ im-
poneret, multis mortalibus antè interfectis. Ricardus quidam Normannus eo tem-
pore in Apuliam profectus, videns eandem Prouinciam ab inertibus habitari inco-
lis, mandauit suæ gentis hominibus, vt se sequerentur. Qui in multitudine eum mi-
nimè sequi præsumentes, deni & viceni de Normannia egressi, tandem suorum
validam manum ad se contraxerunt. Inter quos nepos ipsius Ricardi Rotbertus
nomine profectus est. Hi sociatis viribus incolas illius regionis sibi subiugauerunt.
Rotbertus autem inclitus Dux suorum postea factus est, qui Siciliam & Calabriam
suo postea subdidit dominio. Hic obiens reliquit duos filios, Buismundum & Rot-
gerium. Quorum Rotgerius patri successit. B

IGITUR Rotbertus post obitum patris xxxiii. annis regnauit. Obiit autem
1032. Miliduno anno Incarnationis Dominicæ M. xxxii. & sepelitur Parisius in Mo-
nasterio sancti Dionysij iuxta patrem suum. Quo obeunte, obtinuit Monarchiam

HENRICVS
I.

totius Franciæ iam dictus AINRICVS, qui Ducatum Burgundiæ fratri suo dedit
ROBERTO. Ob o verò frater eorum priuatus permanfit. Regina autem dolens
suum non esse adimpletum votum, post viri sui obitum maximam Regni partem in
sua ditione conabatur retinere. Quare tam Odonem Carnotensem Comitem,
quàm plurimos Galliæ Proceres odio in filium armauit. Porro Rex Aithricus cum
esset in rebus militaribus exercitatus, manu promptus, consilio prouisus, inconstan-
tem Constantiam sua superauit constantia. Siquidem quas sibi subduxerat vrbes &
oppida armis obtinuit, eamque ad deditionem impulit. Odonem etiam, bis fuso
ipsius exercitu, tertio demum repentino superuentu, seminudum fugæ latebras
quærete compulit: plurimis de eius exercitu interemptis, captisque multis. Ad
extremum verò dexteras petere coëgit. Ceteros deinde, qui contra eum arma mo-
uerant, aut patria expulit, aut quo voluit modo subiugauit.

PRÆTEREA anno quo defunctus est Rex Rotbertus hora noctis tertia eclypsis
Lunæ apparuit, cometes etiam vii. Idus Martij, horæ decima noctis, ad longitu-
dinem hastæ, ardens vsque ad auroram per trium dierum spaciū visa est. Subsecu-
ta est innumerabilis multitudo locustarum, omnia virentia depascens. Sequenti
etiam anno mense Iulio tantus grandinum imber cecidit, vt fata omnia, vineas, ar-
bores, & omnes hominum labores attereret. Post grandinem autem tanta cecidit
tempesta, vt totam spem eorum quæ relicta erant deleteret. Extemplo per conti-
nuum triennium irremediabilis fames subsecuta est, ita vt vix humanis abstinere-
tur carnibus, & vt mures, canes, & cetera immunda pro deliciis haberentur. Hæc
lues maximam humani generis deleuit partem. C

1037. ANNO Dominicæ Incarnationis M. xxxvii. hora dici prima post octauas
Paschæ amisit Sol radios suos, & apparuit in ea specie qua solet Luna secunda ap-
parere, & circa horam tertiam, speciem Lunæ quintæ habuit, & post pauculum
octauæ. Eodem anno Liger fluuius sua littora bis transgressus, haud modica suis
vicinis intulit detrimenta. Quo anno Comes, cuius supra meminimus, Odo con-
tra Regis AINRICI voluntatem, cum maximis bellorum copiis contra Alaman-
nos & Lotharingos properauit ad bellum. Conserto igitur prælio cum eorum Du-
ce Gothelone, cum multis suorum millibus corruit. Porro Constantia Regina post
tertium obitus viri sui annum, diem clausit vltimum, sepultaque est iuxta eum. Per-
empto Odone, Terbaldus & Stephanus filij ipsius more suorum patrum, qui sem-
per infidi Regibus extiterunt, contra Regem Ainricum rebellauerunt, Odonem
fratrem illius falsa spe Regni illicientes. Qui pollicitationibus eorum credulus,
fratri manifestus factus est inimicus. Exin cædes, rapinæ, incendia, depopulatio-

A nēsq; penē vniuersam demolita sunt Franciam. Rex verò Dei adiutus auxilio, contra fratrem arma corripuens, cum in quoddam municipium fugere compulit, quem aliquantis suis cepit cum complicibus, Aurelianisque in custodia deposuit. Cum Stephano etiam congressus vicit eum, fugauit, multis de ipsius exercitu captis, in quibus retentus est Comes Rodulfus, in quo tota vis factionis sita erat. In Tetbaldum quoq; Gaufridum Andegauensium Comitem animans, effecit eum sibi acerrimum inimicum. Hic urbem Turonicam, quæ illius erat ditionis, exercitu circumdat, aggeribus extructis, machinisque, & omnibus, quæ ad obsidionem pertinent, paratis. Quo cognito, Tetbaldus, vndecunq; collectis auxiliariis, cum fratris & suorum militum cohortibus, tendit Turonis. Gaufridus autem comperiens eum cum valida manu aduentare, suis & ipse in vnum contractis, obuiare prædictis properat hostibus. Commisso demum certamine, Tetbaldus & sui terga vercentes fugam ineunt. Ille ac si inermes inuadit, ipsum eorum Principem cum multitudine maxima capit. Deinde reuersus ad obsidionem prædictæ urbis, cepit eam, & suo mancipauit iuri. quam vsque hodie Comites possident Andegauenses.

Post hæc Stephanus frater Tetbaldi moriens reliquit filium Odonem nomine. Quem Tetbaldus hæreditate priuauit patris. Ille autem ad Comitem confugit Normannorum, qui ei uxorem & aliquas dedit possessiones. Vgo Bardulfus circa idem tempus contra eundem Regem Petueris castrum munierat. Quem Rex biennali obsidione cingens, inclusis inediâ consumptis, ad deditionem compulit, castrumque recepit. Ipsum verò omni honore expoliatum à tota perturbauit Francia. Eodem Rege regnante Leo Papa in Franciam venit, rogatu Hermeri Cœnobij sancti Remigij Abbatis. Qui Remis pertingens, Monasterium eiusdem sancti Remigij ab eodem Abbate magnis sumptibus constructum, cum maxima consecrauit gloria. Vbi etiam multorum adunauit Concilium Episcoporum & Abbatum, in quo simoniacam hæresim, quæ ferè totam respererat Galliam, anathematis sugillauit gladio, multos humilians quos ea pestis extulerat, & sanctorum Patrum statuta, quæ propemodum apud Gallos abolita fuerant, reformans.

Anno M. XLIV. incarnati Verbi, VI. Idus mensis Decembris, octaua hora noctis, feria V. luna XIV. eclypsis ipsius Lunæ inter Hiadas & Pleiadas contigit. Eodem quoq; anno & mense, & feria eadem, hora diei secunda, X. Kal. eiusdem mensis, Solis eclypsis euenit. Eodem anno, in pago Aureliano inuenti sunt duo panes sanguine madentes, vnus sub cineribus, & alter in clibano coctus. Quo anno MAHILDIS Regina obiit. Enimverò tribus post hæc exhaustis annis, idem Rex mouit exercitum in Normannos, qui obeunte Ricardo suo Principe, filium ipsius Guillelmum postea Regem Anglorum, Normanniâ pepulerant, nolentes eum ipsorum habere primatum, eo quod non esset natus de legali connubio. Hic ad Regem suprâ memoratum confugit auxilium petens, à quo benignè susceptus est. Rex ergo fines Normannorum cum tribus tantum armatorum millibus ingressus, hostes paratos inuenit. Erant enim fere triginta millia hominum instructa ad bellum. Commisso igitur prælio, regius exercitus tanta animositate in hostes irruit, vt maximam partem eorum sterneret, & ceteros in fugam verteret. Exterriti verò qui de prælio superfuerant Normanni, Regi eidem colla subdiderunt, & iam dictum Guillelmum vt suum Dominum receperunt. Rex autem cum integro suorum numero reuersus est in Franciam. Qui post Mahildis Reginz humationem, accepit aliam coniugem, videlicet filiam Iuriscloht Regis Russorum, nomine ANNAM, quæ ei genuit tres filios, PHILIPPVM, HVGONEM, ROBERTVM. Quorum Robertus puer obiit. Hugo postea donatus est Comitatu Virmandensium à fratre suo PHILIPPO iam Rege. Ea tempestate Berengarius Andegauensis Ecclesiæ Archidiaconus, cuius tunc nomen inter sectatores diuinæ Philosophiæ celeberrimum habebatur, in hæresim de corpore & sanguine Domini incidit, dicens esse tantum Sacramentum quod consecratur super altare, non rem Sacramenti. Qua de causâ à Papa Nicolao euocatus, Romam petiit; vbi in præsentia eiusdem Papæ & multorum Episcoporum examinatus, suum confitens anathematizauit errorem, Ioannem Scotum igni comburens, cuius lectione ad hanc nefariam deuoluit fuerat sectam. Professus est deinde esse in veritate corpus & sanguinem Domini nostri Iesu Christi, quod consecratur super altare, non tantummodo Sacramentum. & suam ipse professionem in eodem Concilio suo recitauit ore.

1059. PHILIPPVS I. AINRICVS ergo per triginta septem annos post obitum patris Regno Franco-
rum strenuè gubernato Vitriaci defungitur, anno incarnati Verbi M. LIX. relin-
quens Regnum totius Franciæ PHILIPPO suo filio, quem ante obitum suum Remis
ciuitate in Regem vngi cum magna fecerat ambitione. In cuius obsequio Gerua-
sius eiusdem Metropolis Præsul expendit non modicum apparatus. Qui Præsul
quantæ fuerit strenuitatis, difficile est prosequi. Rege defuncto, Regina Anna Ro-
dulfum Comitem in coniugio accepit. Quo mortuo natium repetit solum. PHIL-
IPPVS igitur, quoniam puerulus erat, tutorem & nutritorem à patre accepit Bal-
duinum Flandrensiū Comitem, probum sanè virum, & iusti tenacem. Qui vsque
ad intelligibilem ætatem eum benignè fouit, Regnum gnauiter administrauit, re-
belles & inquietos virga directionis correxit. Adolescenti verò demum ex integro
Regnum restituit. Ipse autem non post multum tempus ex hac vita decessit, relin-
quens filium sibi æquiucum Balduinum, qui etiam paucis superuixit annis. Is
quoque reliquit heredem nomine Arnulfum. Cui inimicans Rotbertus patruus
suus, exheredare nisus est: quod & fecit. Arnulfus autem Regem petens Philip-
pum, auxiliari sibi ab eo exposcebat. Porro Rex congregatis multis armatorum mil-
libus, Flandriam petit, cum Rotberto congressurus. Rotbertus diffidens viribus,
primò cum Rege congredi timuit. Postremò assumpta audacia, regium fudit exer-
citum, ipsumque voti incompetem regredi in Franciam compulit. In qua pugna
Arnulfus nepos Rotberti, qui Regem in auxilium sui inuitauerat, cum pluribus
aliis nobilibus occubuit. Rotbertus autè fratris sui Balduini obtinuit hereditatem.

1066. HIS temporibus Dux Aquitaniæ Guillelmus, & quidam alij Optimates Gal-
liarum, quisque de suo exciti loco, copiosum in Hispaniam conduxerunt exerci-
tum. Cuius ditissimam urbem Barbastam, & quamplura capientes castella, maxi-
mamque eiusdem Prouinciæ partem ferro & igni depopulantes, demum ad sua
reuerſi sunt, multamque & variam suppellectilem secum afferunt, multaque man-
cipia adducunt. Eodem tempore cometes apparuit fere per trium spacia mensium,
ad Austrum plures emittens radios. Ea tempestate Comes Normannorum Guil-
lelmus, contracto à Normannia, Francia, & Aquitania, non modico exercitu, ex-
tructaque multa nauium classe, in Angliam transfretauit. Siquidem Rex eiusdem
insulæ Eduardus nomine, quoniam proximus fuerat sanguine, sibi Regnum reli-
querat Anglorum. Eiraudus autem vnus Optimatum gentis illius, diadema Re-
gni sibi imposuerat. Quem præfatus Guillelmus cum maximo belli apparatu tran-
ſito mari aggrediens, primo certamine vicit, peremit, omnesque copias ipsius fu-
dit. Deinde totam illam multis præliis adeptus est insulam: cuius demum Rex ef-
fectus, barbaros illius mitigauit mores, culturamque Christianæ Religionis, qui in
ea modicus erat, ampliavit. Cuius postremò potentia penè toti innotuit Orbi. Ro-
berto Duce Burgundionum obeunte, quem supra retulimus, Ainrici Regis fuisse
fratrem, filio quoque ipsius Ainrico ante obitum patris mortuo, filius ipsius Ain-
rici Hugo Ducatum Burgundiæ suscepit. Quo factò Monacho, post aliquot an-
nos Principatum ipsius frater eius Odo obtinuit.

SECUNDAM expeditionem in Hispanos Dux Burgundionum Hugo, plu-
resque alij Principum Galliarum parauerunt. Quibus Rex Aragonensis Sancio, cu-
ius patrem Milonem scilicet Regem ipsi Sarraceni iamdudum excoriatuerant, ob-
uiam venit, eisque Ducatum contra eosdem præbuit Sarracenos. Quo Duce His-
paniam ingressis, captaque vna nobilium eiusdem Hispaniæ urbium, & deuastata
ex parte ipsa regione, plurima onusti præda domum remeant, quamplurimis ca-
ptiuis adductis. Tetbaldo Carnotensium Comite vita obeunte, Stephanus pa-
tris suscepit dominatum, fratri suo Hugoni quandam partem adtribuens paterna-
rum possessionum. Qui Stephanus contra Regem rebellans Philippum, à mili-
tibus Regis captus est. Exin sacramenta facere, & obsides dare coactus, ne ali-
quando eius efficeretur hostis, veniam est consecutus. Rotberto etiam Flandren-
siū Comite superos relinquire, filius eiusdem nominis Rotbertus hereditatem
adeptus est patris.

TERTIAM deinde expeditionem in Hispanos Galli faciunt. Quippe vnus ex
Sarracenorum Regibus nomine Iuffetus cum multis tam Maurorum quam Sarra-
cenorum legionibus Hispaniam occupauerat citeriorem, mari transito. Quod au-
diens Andefonsus Rex Galliciarum & Asturciarum, congregatis vndecunque bellorum

A copiis ei obuiare properauit. Tandem in locum vnum vtriusque concurrentibus PHILIPPVS
 turmis, signo dato proelium commissum est. Porro Andefonsus Sarracenos susti-
 nere non valens, terga vertit, multis suorum oppressis. Quo infortunio exterritus,
 mittit per Gallias vt ei subueniatur. Alioquin se fœdus cum Sarracenis inire, &
 aditum præbere quo in Gallias transirent, minatur. Hoc accepto nuncio, Gallo-
 rum Proceres certatim milites congregant. Denique tam urbana quàm rustica
 plebs se offert. Milites verò gregatim conuenientes, ad bellum se præparant. Sta-
 tuto tempore quique de suis moti Prouinciis in auxilium Andefonsi festinant. Ve-
 rùm Agareni Francorum aduentu audito, cum suo Rege terga præbent, nequa-
 quam eos expectare audentes. Quorum fugam Rex Andefonsus, cum iam prope
 fines Hispanorum Franci essent, eis notam fecit, gratias agens quòd sibi auxiliaturi
 venissent, mandansque vt redirent ad propria. Franci eius accepto nuncio, tristi-
 tiam habuerunt maximam, eo quòd hostis iam dictus fugâ lapsus esset, & quòd
 tantum iter nequicquam expendissent. Ingressi tamen Hispaniam crebras agen-
 tes deprædationes, & plura deuastantes loca, demum reuersi sunt ad sua. Rex au-
 tem Andefonsus, quàm strenuus in armis fuerit, quotiens Sarracenos proeliando
 fuderit, quot expeditiones in eos egerit, non ibi describere decreuimus. Qui
 etiam Toletum maximam urbem eorum suo subiugauit imperio, magnam suæ ha-
 bitationis partem eis auferens. Hic filiam Rotberti Ducis Burgundionum duxit
 in vxorem, nomine Constantiam, de qua suscepit filiam, quam in matrimonium
B dedit Raimundo Comiti, qui Comitatum trans Ararim tenebat. Alteram fi-
 liam, sed non ex coniugali thoro natam, Ainrico vni filiorum filij eiusdem Ducis
 Rotberti dedit. Hosque ambos in ipsis finibus Hispaniæ contra Agarenorum col-
 locauit imperium.

DEFUNCTO Alexandro Papa, loco eius successit Hildebrandus, qui & Gre-
 gorius. Hic magna Synodo Romæ congregata, Ainricum Imperatorem de qui-
 busdam criminalibus ad se delatis accusabat. Imperator audiens se criminari, le-
 gitimam purgationem offert. Papa autem purgationem eius negat se recepturum,
 sed eum, cum imperio dignus non sit, anathemate feriendum, nisi coronam Impe-
 rij deponeret. Quo nolente Imperium deponere, contra voluntatem totius penè
 Concilij eum excommunicauit. Quæ res totum Ecclesiæ statum turbauit. Exige-
 bat quoque idem Papa ab eo dimitti dominationem omnium sui Imperij Ecclesia-
 rum, ne cui baculum pastorem donaret, iuxta quod in antiquorum statutis con-
 tinetur Patrum. Quod ille facere renuit. Hæc fuit iustior causa istius anathema-
 ris. Imperatore igitur Ecclesiæ communionem priuato, Papa Gregorius quendam
 Rodulfum, genere Saxonem, pro eo regnare constituit. Hic à Ducibus eiusdem
 Imperatoris, qui ad bellum eum lacefferant, interfectus est.

C POST hæc Imperator Legatos Papæ dirigit, iterum atque iterum satisfactio-
 nem super suis accusationibus offert. Papa verò in sua perseuerante sententia, Ro-
 mam cum magna armatorum manu tendit, eamque per aliquod tempus obsidet.
 Quæ tandem recepta, Guitbertum Rauennatem Episcopum pro Gregorio Pa-
 pam constituit, qui mutato nomine dictus est Clemens. Gregorius verò in Apu-
 liam aufugit, in qua, quandiu superuixit, commoratus est. Defunctus autem se-
 pulchritus est Salernæ in Monasterio sancti Matthæi. Loco ipsius Abbas Cassinensis
 Desiderius ordinatus est, qui alio nomine vocatus est Victor. Quo obeunte, Odo
 qui & Urbanus de genere Francorum ei succedit. Eo tempore Fulco frater Gaufre-
 di Andegauenſium Comitis eundem fratrem suum cepit, incarcerationi, & vsque ad
 obitum in vinculis tenuit. Ipse verò illius Comitatum arripuit, formidansque ne Rex
 pro perpetrata fraude sibi aduersaretur, Comitatum Vastinensem, quem Andega-
 uenſes Comites ante eum tenuerant, eidem Regi concessit habendum. Interea
 idem Rex Philippus filiam Florentij Ducis Frisiæ BERTAM nomine in coniugium
 duxit. Quæ filium ei genuit LVDOVICVM nomine, & filiam quam Hugoni Comiti
 in matrimonio copulauit. Mortuo Guillelmo glorioso Anglorum Rege, filius eius
 æquè Guillelmus, paternum obtinuit Regnum. Frater verò eius Rotbertus Comi-
 tatum Normannorum adeptus est. Ainricus autem frater eorum vsque ad mortem
 fratris Regis priuatus mansit. Hoc tempore, tam in diuina quàm in humana Phi-
 losophia floruerunt Lanfrancus Cantuariorum Episcopus, Guido Langobardus,
 Maingaudus Teutonicus, Bruno Remensis, qui postea vitam duxit heremiticam.

PHILIPPVS
I.

In Dialectica quoque hi potentes extiterunt Sophistæ; Ioannes, qui eandem artem sophisticam vocalem esse differuit, Rotbertus Parisiacensis, Roscelinus Compendingensis, Arnulfus Laudunensis. Hi Ioannis fuerunt sectatores, qui etiam quamplures habuerunt auditores.

1096.

ANNO ab Incarnatione Domini M. XCVI. visæ sunt stellæ quasi plueræ de cælo densatim, velut pluuiarum guttæ per quædam interualla plurimarum notium. Eodem anno Papa Urbanus in Gallias venit, Conciliūque maximum Episcoporum & Abbatum apud Clarummontem in mense Nouembre celebravit. Insequenti quoque anno apud Nemausum aliud congregavit in mense Iulio Concilium. Aduentus autem ipsius & Conciliorum hæc maxima causa fuit. Turci, gens infidelis, & à Christi cognitione aliena, ad bellum verò præ omnibus Orientalibus populis viuidam gerens dextram, examen sui generis de terra sui incolatus emittens, Hierusalem & circumpositas longè occupauerat regiones: ita ut eius barbara feritas vsque ad mare, quod Brachium sancti Georgij vocatur, dominaretur. Minabatur etiam regiam ciuitatem se inuasuram, & Christianum Imperium suæ subdituram ferocitati. Hæc gens Ecclesias totius diruens Orientis, vel ad cultum suæ religionis conformans, Episcopis illudens, & omnes sacros Ordines ludibrio habens, omnem cultum diuinum illis in partibus euacuauerat. Qua sæuienti procella, viri religiosi per totum fermè Orientem turbati, nuncios ad iam nominatum Papam dirigunt: orantes lachrymosis questibus, ut eis subueniretur. Quibus acceptis nunciis, pius Papa, quia nouerat gentem Gallorum bellicosissimam, & ad talia adorienda satis promptam, in duobus supra memoratis Conciliis verbum de huiusmodi negotiis ad populum facit. Exhortatur ut fidelibus viris malignorum violentia oppressis succurrant, & ne nomen Christi Orientis in regionibus occidat, quibus valent viribus adiuuent. Iubet etiam omnibus Episcopis, ut vnusquisque in sua Diœcesi hæc prædicet, præconetur, exoret. Episcopi quæ iussa fuerant complent, exhortantur sibi commissos greges, & contestantur, ne spernant quæ præcipiuntur. Christianus autem populus iniuriis oppressorum, Papæ etiam & suorum suasionibus Pastorum permotus, præparat se ad resistendum infidelibus, & ex vniuersis Orbis partibus, in quibus fides Christi vigeat, ad peragenda sui bella Christi Tribus & Lingæ armantur. Igitur Hierosolymam tendunt, cruce Christi insignitis desuper vestibus. Sic enim præceperat dominus Apostolicus, ut quicumque ad hoc bellum faciente Christi gratia animaretur, Crucem eiusdem in vna suarum ferret vestium. Erant in eodem exercitu nobiliores isti: Episcopus Aniciensis * Ademarus, Buamundus frater Rotgerij Ducis Apuliæ, Raimundus quoque Sancti Egidij Comes, Hugo Comes Virmandensis frater Philippi Regis, Stephanus Carnotensium Comes, Robertus Comes Normannorum, item Rotbertus Comes Flandrensiū, Godefridus Dux Boloniæ, & frater illius Balduinus. Fuerunt & alij quamplures viri potentes & famosi, diuersarum nationum Proceres, quos hîc inferere longum videtur. Quos præcessit comitatus, seu subsecutus est Catholicæ plebis exercitus innumerabilis quasi arena maris, paratus animam ponere pro fratribus. Tandem post multos labores, post terræ & maris pericula, post multas Constantinopolitani Imperatoris insidias, post maximam alimentorum inopiam, & horrida cum Turcis commissa prælia, aliquibus iam captis ciuitatibus, Antiochiam adueniunt, quæ caput est totius Syriæ. Eodem tempore apparuit cometes ad austrum fermè per quindecim dies, emittens radium in modum hastæ. Obsident itaque Antiochiam. Defecerat autem iam pars maxima eorum superius memoratis molestiis. Obsidentibus ergo illis, pluribus tam suorum quàm aduersariorum quotidianis congressibus antè interfectis, & protracta obsidione iam per octo menses, tandem Dei fauente gratia, recipiunt eandem urbem per quendam Turcum, qui nostram suscepit postmodum fidem. sed postea apostatasse dicitur. Hic cum Duce Buamundo hanc laudabilem compegit prodicionem. Qui cum esset custos aliquarum turrium eiusdem ciuitatis, per vnus quam seruabat turris portam eundem Buamundum vniuersumque exercitum submisit. Qui vrbe potiti, omnes quos habent obuios in ore gladij perimunt, sexum vel ætatem minimè discernentes. Quidam autem partis aduersæ ad munitissima ciuitatis ipsius confugerunt loca. Sed extructo muro, oppilata sunt loca oportuna, per quæ nostros impugnare poterant. Manserunt tamen in ipsis firmitatibus vsque ad subsecutum

* Aniciensis

A bellum. & erant semper illis in Sathan quas valebant insidias machinantes. Ecce autem adest improvisa hostium innumerabilis multitudo, quæ totam ambiens cinxit urbem. Defecerant autem alimenta in ipsa ciuitate. Corripit itaque extemplo obsessos fames, ita ut vnum ouum sedecim denariis venderetur: caseus vnus quatuor denariorum libris. Panis non inueniebatur. Calceamenta vetera & quæque particulæ coriorum vetustate attritæ in cibum sumebantur. Immundorum animalium carnes pro deliciis habebantur. Passi etiam duram exterius fuerant famem, dum ipsi eandem obsiderent urbem. sed illa ad comparationem huius nulla fuit. Fatigati igitur per trium hebdomadarum spacium hac obsidione, cum periculo famis clamauerunt ad Dominum. Qui misertus eorum, misit, ut refertur ab eis, beatum Apostolum Andream, qui in visione nocturna manifestauit cuidam Clerico nomine Petro lanceam de qua transfixus fuerat in Cruce idem Dominus, infossam in maiori Ecclesia, quæ in honore Apostoli Petri dicata erat. Hic Clericus de contubernaliis Raimundi sancti Egidij Comitis erat. Effossa igitur humo, inuenerunt eam. Plura verò & alia prodigia ostendit Saluator per hoc totum tempus ad suorum consolationem, & ad terrorem hostium: quæ nos, quoniam aliorum scriptis tenentur, omisimus. succinctim seriem percurrentes temporum. Assumentes ergo multam fiduciam pro inuentione lanceæ, statuerunt præcedente ea cum suis hostibus decertare, satius ducentes pro Christo animas in bello ponere, quam mori turpiter fame in ciuitate. Statuta igitur die portis apertis, lancea præeunte hostes adgrediuntur. Qui Dei perterriti virtute, nequaquam eis congregi præsumentes, terga vertunt, relinquentes sua tentoria, tam ciborum abundantiam quam variæ suppellectilis multiplicitate referta. Quæ omnia nostri quasi spernentes, pertranseunt hostes insequentes. Facta est autem tanta cædes eorum non solum à nostris, verum ab incolis eiusdem regionis, per quos fuga ipsorum erat, ut vix pauci equitum è tanto superessent numero. peditum verò vix vnus superfuit. Oderant namque incolæ illarum regionum eosdem Turcos, quoniam iugo grauis seruitutis eos oppresserant. Reuersis deinde nostris à cæde, tanta copia farinæ, pecorum, & omnium rerum ad cibum habiliū, reperta est in hostium tentoriis, ut omnia infortunata, quæ illis antea acciderant, obliuioni traderent. Quis enim multitudinem camelorum, equorum, pecorumque diuersi generis, copiam vasorum auri & argenti, vestium pretiosarum & thesaurorum inibi inuentorum, dinumeret? Mos est enim Orientalium nationum, ut omnem suam gazam ad bellum secum deferant. Regrediuntur itaque onusti in ciuitatem iam suam, in hymnis & laudibus gratias Christo toto referentes corde, qui sic miseretur suis seruis. Comperto, qui in arcem ciuitatis confugerant, suorum excidio, sese dediderunt, concessa eis vita & abeundi licentia. Obiit autem in eadem vrbe venerabilis Ademarum Anienfis Episcopus, in qua cum multis Christianæ plebis lachrymis sepultus est.

C VERGENTE vna dierum Sole ad occasum, dum adhuc in eadem essent vrbe, per noctem illam vsque ad auroram texit maximus rubor velut sanguinis cælum, ab Oriente per Septentrionem pertingens vsque in Occidentem. qui rubor in omnibus Orbis partibus visus est. Commorati ergo in Antiochia per aliquantum temporis, tradunt eam possidendam Buamundo & suis. Reliqui verò, Dux videlicet Boloniæ Godefridus, qui admirandus tam armorum virtute quam prudentia consilij omnibus habebatur, Raimundus Comes S. Egidij, Rotbertus Comes Normanorum, Rotbertus Comes Flandrensium, Tencredus nepos Buamundi, & reliquus exercitus decernunt Hierosolymam proficisci. Porro Balduino fratri prædicti Ducis Godefridi concesserant iam Rhodum urbem famosissimam, & vniuersa oppida ad eam pertinentia, quæ plurima erant. Ceteri igitur Duces cum suis turmis egressi ab Antiochia, per maritima proficiscuntur. In quo itinere tres ceperunt vrbes, & multa millia profanæ gentis in eis interemerunt. Peruenientes Hierosolymam, eam obsident. Partiuntur Duces portas, turres, & mœnia extrinsecus. Eligit sibi quisque stationem, in qua cum suis resideat. Dirigunt deinde partem exercitus inuestigare syluam, ut ea reperta ligna cædant & asportent. Quam cum difficultate inueniunt, utpote locorum ignari. Allata itaque copiosa lignorum congerie camelorum dorsis, extruunt arietes & diuersas machinas ad quatiendas & deiiciendas turres idoneas. Ædificant scalas, quibus muros ascendunt, componunt diuersi generis tormenta ad iaciendos lapides. Erigunt etiam duas ligneas turres

PHILIPPVS
I.

multæ altitudinis. Has statuunt in locis opportunis, de quibus milites pugnantes A
deicerent eos, qui de muris propugnabant. Paratis itaque omnibus obsessos fati-
gant assiduis concertationibus; applicant muris turres, iaciunt immania diuersis
tormentis saxa. Illi econtra fortiter resistentes, balistis, sudibus, & variis missili-
bus ipsos à muris arcebant. Protelata igitur obsidione per sex hebdomadarum in-
terualla, obsidentibus acriter instantibus, obsessis verò viriliter repugnantibus:
tandem nostri pertæsi obsidionis, quadam die acriùs solito animati inclusos hostes
adoriuntur, Christum corde inuocant, Christum ore clamant, Christum totus per-
fonat aer. Ergo tormentis saxa iaciunt, omni genere missilium decertant. Porro
qui in turribus ligneis stabant, fudes peracutas & lapides mittebant in eos, qui de
muris pugnabant. Sagittarij quoque à superiori loco, de eisdem videlicet turribus,
sagittis eos infestabant. Qui sustinere non valentes, murum relinquunt. At isti con-
iunctione clypeorum testudine facta, alij accedunt ad murum, admotumque alij
arietem, quem desuper cratibus & crudis texerant pellibus, tam pro sui quàm eiuf-
dem machinæ defensione, frequenti impetu propellentes, ipsum pulsanr murum.
Murus deinde crebra arietatione fatiscere cœpit. Obsidebant autem ex ea parte
Rotbertus Normannus, Rotbertus Flandrus, Tancredus, & quidam alij Ducum.
Præminebat ibi turris muro adhærens, quæ cacumen in altum extulerat. Hæc con-
tinuis imbribus pulsata saxorum, tandem sua pandit interiora. Cuius tamen rimas
& vulnera qui eam seruabant texerant, opposcentes vimineas crates, tapetia, cul-
citræ, mattas, & quæque ad deludendos iactus tormentorum apta. Eisdem etiam B
operimentis extrinsecus velaucrunt murum, quacunque infestabatur ictibus lapi-
dum. Porro nostri turri illi imposito igni, eos qui in ipsa erant, dum ignem extin-
guere non valent, fugauerunt. Quos fugere, & turrim accensam flammæ in ex-
cellsum attollere, eosque qui de muro obsistebant, ab his qui de ligneis turribus
omni genere iaculorum instabant, proturbatos cernens exercitus, illuc aduolat ex-
hortans se mutuis vocibus. Exteriorique muro ariete demolito (duplici enim mu-
ro eadem vrbs cingebatur) scalis interiori muro applicatis ascendunt, & de muro
ciuitati illabuntur nemine resistente. Denique quos in ligneis turribus stetisse di-
ximus, pontibus factis de trabibus, quibus crates superposuerant, ciuitati insiliunt.
Alij securibus & quibuscunque ferreis instrumentis portas deiiciunt. Hostes per-
territi videntes nostros secum esse in ciuitate, non iam resistent, sed passim diffu-
giunt, ignorantes quid agere. non iam sagittis & missilibus, sed districtis gladiis se
impeti conspicientes. Tunc demum omnem spem suam fugæ committunt. Quos
palantes per plateas ciuitatis more pecudum mactat exercitus. Qui euadere potue-
rant, in Templum, quod Salomonis dicitur, sese recipiunt. Mox omnes turmæ
illuc accurrunt, vniuersosque, qui se illic incluserant, gladiis trucidant: resistere
quidem volentes, sed non valentes. Et totam perscrutantes urbem, eius habitato-
res perimunt sine discretione sexus & ætatis: multo tamen agmine ad varia officia
peragenda reseruato. Quorum plures postmodum cognati & amici à captiuitate C
redemerunt. Properant deinde ad Templum, quod Domini dicitur, quod impia
gens prophanauerat suæ religioni mancipando. In quo tantam auri & argenti, la-
pidumque pretiosorum reperiunt gazam, vt auditu incredibile videatur. Eodem
modo in vniuersis ferè vrbs domibus tanta inuenta est pecunia, tanta copia om-
nium quæ cibis congruunt rerum, quanta vix inibi congregari potuisse credatur.
Emundato ergo Templo & vrbe à sordibus infidelium, cœperunt cum quiete ha-
bitare. Post hæc facto conuentu, statuunt letanias celebrare, agere ieiunia, qua-
tenus Saluator eis manifestaret, quem eorum regali sceptro dignum iudicaret. Fa-
ctis itaque crebris letaniis & ieiuniis, vnanimi consilio eligunt Ducem Godefri-
dum sibi præesse, qui promptior ceteris Ducibus, & manu & consilio probatus fue-
rat. Cauti in hoc, quod nequaquam ei licere iudicant, regium diadema infra vr-
bem eandem portare. Solus enim Christus eius vrbs Rex dignè iudicatur, qui pro
peccatis nostris in eadem suscepit spineam coronam. Patriarcham verò quendam
Clericum nomine Arnulfum ordinare voluerunt, qui eos plurimum verbo conso-
lationis in cunctis eorum laboribus sustentauerat. Sed renisus est ille, dicens se mi-
nimè absque Papæ præcepto tantum onus suscepturum. Curam tamen Ecclesia-
sticarum rerum assumpsit, donec Papa Vrbanus dirigeret illis in Patriarcham virum
omni probitate decoratum, domnum videlicet Dagbertum Episcopum Pisanum.

A Quem cum gaudio suscipientes, Patriarcham constituerunt. Igitur Turci, qui per residuas vrbes & castella Orientis dispersi erant, & cum eis Duces Persarum, comperto maximum suorum praesidium esse captum, congregant infinitam multitudinem exercituum, tam de suae gentis hominibus, quam de Syris, Agarenis, Arabibus, & ceterarum Orientalium nationum infidelibus populis. Congregatis itaque illis in vnum, decernunt communi consilio Hierosolymam obsidere: Dux autem Godefridus, & ceteri Optimates, rati nequaquam sibi profuturum, si eis obsidere civitatem liceret, paucis suorum ad custodiam relictis, obliam properant cum quanta possunt manu. Et occurrentes illis in campis vrbis Ascalonis, quae sita est secus mare, x x. & d c c. stadiis ab Hierosolymis distans, diuidunt exercitum belli more. Extructaque acie, & animis oratione Ducis roboratis, confisi de adiutorio Saluatoris insiliunt in hostes, qui more solito fugae subsidio Dei potentia exterriti, se committentes terga praebent. Tanta vero strage in eos debacchati sunt, ut vix aliquis de numero pedestri remanserit, qui euentum belli renuntiare residuis valeret. De equestri vero ordine multi: quoniam Christianus exercitus propter panis inopiam praeter paucos, suos comederant equos. Idcirco equites persequi non valebant. Peracta igitur caede reuertuntur in urbem, grates innumeras suo acclamantes Saluatori, qui in cunctis suis operibus est mirabilis. Post expletum vero Hierosolymitanæ captivitas annum, defunctus est gloriosus Dux Godefridus. Defuncto Papa Urbano, & in Monasterio Apostoli Petri tumulato, Paschalis pro eo ordinatus est.

ANNO ab Incarnatione Domini M. C. in regione Anglorum sanguis pro lympha de quodam manauit fonte, qui tamen non fluebat, sed circa fontem coagulabatur. Postea vero putrefactus, foetorem intolerabilem emittebat. Eodem anno Rex Anglorum Guillelmus filius magni Guillelmi, qui Regnum Anglorum armis vindicauit, morte occubuit. Hic cum in omni armorum fortitudine nequaquam inferior patre existeret, circa mortem suam, sicut & genitor eius fecerat, pro re eadem contra Regem Francorum Philippum rebellauit, à quo Normanniam in beneficio habere videbatur: hac videlicet occasione, qua dicebat sibi ab eodem Rege deberi de eodem beneficio medietatem pagi Vulcassini. Cui pro hac controversia praedas, incendia, frequentes etiam incursiones facienti, prudenter restitit LVDOVICVS filius eiusdem Regis, quamuis adhuc puer. Pro hac igitur necessitate, & quia nimis appetebat videri munificus & largus, expoliauit penè vniuersas Regni sui Ecclesias. Qui etiam dum aliquis Episcopus vel Abbas in illa obibat insula, quae eius Regnum erat, omnes redditus Ecclesiae ipsius ad suum retorquebat dominium, donec post multum tempus pro eiusdem Ecclesiae praelatione ab aliquo nefario infinitam acciperet pecuniam. Contigit ergo, ut in nocte Prothomartyris Stephani, quae solemnitatem reuelationis praecedebat, somniaret à frigido vento sua transigi latera. Quod somnium dum in crastino suis narraret, parabat verò venatum ire, prohibuerunt ne illo die venaretur. Qui ad horam quidem eos audiuit, pransus autem illos increpare coepit, dicens: Non esse rectae fidei, qui somnia obseruarent. Ascensis itaque equis syluam petit; inuentoque multorum ramorum ceruo, vni suorum, amico quidem & nobili viro, iubet eum sagitta appetere. Qui tenso arcu sagittam iaciens, dum ceruum percutere cupit, in cor Regis sagittam fixit. Quo accepto vulnere, animam exhalauit. Porro Gauterius (sic enim vocabatur, qui eum peremisse dictus est) iureiurando affirmabat eandem sagittam Regem arcu emisisse, quae reuersa eum percussisset. Eo hoc modo vita priuato, frater illius Henricus Regnum obtinuit Anglorum. Rex Philippus repudiata Berta matre Ludouici, accepit aliam coniugem Bertradam filiam Simonis de Monteforti, quae Fulconi Andegauensium Comiti nupserat. cui idem Rex eam abstulit. Vnde multotiens à beatæ memoriae Papa Urbano ammonitus, nequaquam consensit. Quo obeunte, successor ipsius Paschalis in Gallias misit duos de suis Cardinalibus probabiles viros, Ioannem & Benedictum: qui Regem conuenientes, & eius animum obstinatum reperientes, Pictauis adunato Concilio, totam Franciam pro hac re anathemati subdiderunt. Eodem anno in pago Aurelianensi, villa quae Tergiacus dicitur, inuenti sunt duo panes in clibano decocti sanguine madentes dum frangerentur. Non post multum temporis idem Rex corde compunctus direxit quosdam suorum Romam, spondens Papae paritulum sibi in

quibuscunque iuberet, tantum ut absolui mereretur. Qui direxit illi duos honestæ A
viræ viros à latere suo, qui eum à vinculo anathematis soluerent. Illi Parisius Regem
adeuntes, multa Optimatum præsentia frequentia fecerunt ut sibi iniunctum
fuerat: in communione videlicet fidelium recipientes, eo tamen tenore, ne Ber-
trada ulterius commisceretur, seu cum ea absque duobus boni testimonij viris col-
loqueretur. Susceperat autem iam ex ea Philippum, & quam Tancredus postmo-
dum in coniugium sumpsit.

QVI verò Hierosolymis habitabant, glorioso Rege Godefrido defuncto, vn-
xerunt loco ipsius fratrem eius Balduinum, strenuum sanè virum, & bellis superio-
ribus iam probatum. Porro Pictauiensium Comes VVillelmus, quoniam Gallica-
narum Primores Prouinciarum ceteri, vel obsidioni Hierosolymitanæ cum suis
affuerant copiis, vel postremò ad exhibenda suffragia eis, qui ibidem remanserant,
deuotè subsecuti fuerant, volens & ipse suas ostentare vires, & extendere famam,
collecta multitudine earum quibus dominatur gentium, associatis etiam sibi mul-
tis, quorum plures erant Comites, aut populosarum vrbiū seu castrorum Primo-
res, Hierosolymam tendit. Qui dum Constantinopolim appropiaret, audito tanti
Ducis aduentu Imperator pertimuit. Asserto igitur eo, ceterisque Optimatibus,
qui cum eo erant, ad colloquium, plura donaria eis distribuit, plurima promittens
si ei fidem seruarent: datis etiam itineris Comitibus, qui eos docerent, per quæ lo-
ca exercitum ducerent. Duces ergo dati nescitur an viæ ignorantia, an fraude Im-
peratoris, per vasta solitudinis loca eos minarunt, in quibus fame & siti penè con-
sumptus est exercitus. Hostes quoque comperientes eos aduentare, in locis quæ B
opportuna erant insidiis, impararum & penuria ciborum destitutum inuadunt po-
pulum. Plures interimunt, alios captiuant, residuos in fugam vertunt. Qui verò
tantæ calamitati superfuere, dispersi per auia montium, per confraga vallium, ad
sacra vix attingentes loca, adorantes inglorij reuersi sunt. Eo tempore stella in Oc-
cidente apparuit plures per dies, radium emittens versus Meridiem in trabis mo-
dum. Igitur Buamundus, qui Antiochenis dominabatur, transito mare in Gallias
venit, innumerabilem tam equitum quàm peditum multitudinem ab eis eduxit:
& non solum de Gallis, verum & de toto Occidente. Græcorum Imperium per-
turbare conatus, ea videlicet occasione, quoniam Imperator semper aduersabatur
omnibus Hierosolymam tendentibus, commissis aditibus viarum & maritimis por-
tibus prædonibus & pyratis. Buamundus ergo filiam Regis Philippi in coniugem
duxit; & commeatū tanto exercitui necessario apparato in Barri portu, angustum
pelagus verno tempore permeans, in aduersum littus illæsam nauium traduxit
classem. Hinc Græcorum peruadens Imperium, vrbes, municipia, villas & agros
deuastans, venit Dirrachium, quam obsidione cingens oppugnabat tempore mul-
to. Obsessi itaque pertæsi obsidionis, suo mandant Imperatori non se posse diutius
pati Buamundum, & nisi subueniat, celerius tradituros urbem. Qui colligens di-
uersarum gentium, quæ sub eius degunt Imperio, sexaginta & eo amplius armato-
rum millia, præfectis illis magistratibus, mandat & obsessos soluere, & Francos à C
suis expellere finibus. Dux ergo audiens Imperiales aduersum se venire legiones,
dirigit & ipse ex suis manum validam obuiam illis itinere dierum sex. Sabbato igitur
sancto peruenere ad radicem montis, in quo situm est castrum Corbianum.
Comperientes autem hostes castra metatos in altera parte eiusdem montis, velle
occupare cacumen eius, præuenerunt eos. Mane verò facto, quoniam sanctum
Pascha erat, communicarunt omnes. Aduersarij denique prælio disposito oppre-
riebant illos. Itaque Franci cum alacritate sese exhortantes adoriuntur eos. Prin-
cipabant verò eis Hugo de Puteolo, Rainerius Brunus, Philippus de Monte au-
reo, Robertus de Veteri ponte, cum aliis. Inito ergo prælio, ab hora diei tertia vs-
que in vesperam tanta cæde debacchati sunt in eos, ut vix superesset qui euentum
belli renuntiaret. Sed cum iam placidè Dirrachium regredi cogitarent, audiunt
non minoris numeri exercitum appropinquare in auxilium prioris. Consilio igitur
accepto festinant & illis obuiam, quos tandem in loco, qui Scala sancti vocatur
Georgij, attingunt. Commisso itaque bello, hos quoque penè omnes deleuere,
reportantes Duci suo quindecies capita centum de strage istorum, vno tantum de
suis in vtrisque extincto præliis. Imperator considerans insuperabiles esse Francos,
mandat Buamundo & reliquis Ducibus nefariè se agere, quia cum essent Christia-

A ni Christianos persequerentur, & absque villo misericordiae respectu interimerent. PHILIPPVS
 Se prompto animo suscepturum pacis conditiones, quas statuerent, aut quas ipse
 proponebat, quæ huiusmodi erant: Neminem qui ad sepulchrum Sáluatoris propo-
 raret, de cetero iniuriam in toto suo passurum Regno. Quòd si quis eorum aliqua
 violentia quicquam amisisset, quantum probare posset, de suo restitutum. Om-
 nibus, qui in exercitu illo militabant, damna quæ contigerant emendaturum. Du-
 ci quas pater armis vindicauerat terras redditurum. Præbiturum quoque ex suis
 supplementum copiis ad conquiendum in Romania quam Turci obtinuerant,
 quantum itineris diebus x v. confici possit longitudinis & latitudinis: eo scilicet
 pacto, quatenus Dux se ipsi subdens fidem deuotè seruaret. Auditis Duces exerci-
 tus his propositionibus, dixerunt nequaquam esse spernendas. Statuta ergo die,
 qua hæc iuramento corroborarentur, Imperator vrbe regia egressus venit obuius
 Buamundo & Ducibus via dierum fere xv. Impositis itaque manibus ipse & xii.
 primi suæ ciuitatis sacris pignoribus, cruci videlicet Dominicæ cum aliis quæ se-
 cum attulerat, astante Ioanne filio eius iurauit omnia, quæ proposita sunt, absque
 fraude conseruaturum omni quo superstes tempore foret. Buamundo illi se sub-
 dente, & fidem promittente quandiu iurata seruaret. Quibus peractis, Imperatore
 ad sua reuertente, pars exercitus Hierosolymam adorandi proficiscitur gratia, pars
 cum Buamundo in Apuliam repedit. Guido autem frater Ducis post tempus bre-
 ue languorem incidit, ita vt destitutus omnibus membris ad extrema duceretur.
B Ascito denique fratre, orat vt parcat quæ in ipsum peccasset. Interrogante quæ
 essent commissa, confessus est, Imperatorem sibi filiam suam spondisse cum Dir-
 rachio, & aliis donis. sæpius urbem vi aut deditiōe subactam, nisi ciues retardasset
 suo animatos consilio. Audito tam immani scelere, detestatus illum, maledictaque
 maledictis accumulans, abscessit. At ille breui defungitur.

A NNO ab Incarnatione Domini M. c v i i i. Rex Francorum Philippus de- 1108.
 fungitur i i i. Kal. Augusti, cum regnasset annis x l i x. mensibus duobus, diebus
 vii. Regni scepra relinquens L v d o v i c o filio. Sepultusque est Floriaco in
 beati Benedicti Monasterio, vt iusserat. Ludouicus autem v. die post obitum pa-
 tris, videlicet i i i. Nonas Augusti, Aurelianis sublimatus est in solio paterno. Eo-
 dem anno, tempore Paschali, cum essem super fluuium Garonnæ in loco qui dici-
 tur Scyrs, concurrente populo ad tantum prodigium, vidimus cælo sereho ab ho-
 ra fere secunda, vsque in horam v. magni ambitus circulum, & in eo tres Soles non
 simul, sed vnum ad Orientem, alterum ad Meridiem, tertium ad Septemtrionem.
 Quo tempore gentes, quas Amorauiz vocabant, vaginam suæ habitationis egressæ,
 Hispanias occupauere: & non solum Christianis, verum etiam Sarracenis infestæ,
 plures vrbes vtrorumque cepere, alias incendere, castella verò quamplurima, mul-
 tis & victæ & victrices præliis. Denique Andefonsus Rex Gallicie tam senio, quàm
 morbo consumptus, equitandi impotens expeditionem in eas agere volens, filio
C quem de Sarracena puellarum nobilissima prius baptismo abluta susceperat, Opti-
 matibusque suis exercitum tradidit. Præcipiens, vt cum illis astutè & ordinatè di-
 micarent, si fortuna daret: expellerent verò ab Hispaniis. Quod longè aliter con-
 tigit. Nam victus & interemptus filius, ducésque penè sunt omnes, exercitus fu-
 sus. In quo prælio nobiliores totius Hispaniæ perierunt. Post hæc autem & ipsæ
 nationes deuictæ sæpius sunt ab Hispanis. Rex verò Andefonsus eodem anno, quo
 & Rex Philippus, diem clausit extremum. Vir sanè bellicosissimus & victoriosissi-
 mus, qui toto suo tempore gentes ab Africa inundantes detriuit, & ab Hispaniis
 depulit. Qui quoniam virilem non habuit sobolem, interfecto illo, de quo dixi-
 mus, habito Primores Regni illius consilio, Regem Aragoniæ itidem Andefon-
 sum dictum Regem sibi constituunt, copulata ei in coniugio filia sui Regis, quæ
 prius Raimundo Comiti nupserat. quam moriens vir suus viduam reliquerat. His
 temporibus maxima exitit indigentia rerum victualium, panis videlicet, vini, fa-
 lis etiam. Denique imbres annos fermè per tres assidui vltra solitum irrigarunt.
 Eclipsis Lunæ anno Dominicæ Incarnationis M. c. x. apparuit more suo in ple- 1110.
 nilunio à prima noctis vigilia.

A
CHRONICI VETERIS EXCERPTVM,

Ab anno Christi DCCCCLXXXVI. vsque ad annum MCIX.

Ex Codice M S. Bibliotheca Thuana nunc primum editum.

ROBERTVS.
986.

RELIGIOSVS Rex ROBERTVS præcepto patris, viuente patre, Aurelianus in Regem coronatus est anno Dominicæ Incarnationis DCCCCLXXXVI. regnauitque cum eo IX. annis. Duxit autem vxorem CONSTANTIAM filiam VVillelmi Comitis Arelatensis, natam de Blanca sorore Gaufridi Comitis Andegauensis, ex qua genuit quatuor filios, Hugonem qui cognominatus est Magnus, Henricum, Robertum, Odonem. Ex his HUGONEM Compendij coronari fecit in Regem adhuc viuens, qui patri accessit in Regnum, non successit, quia adhuc viuente patre iuuenis defunctus est. Hic Rex mansuetus & mediocriter literatus, honestauit Regnum suum ædificiis, & Ecclesiis sanctis. Inter quas ædificauit in vrbe Aurelianensi Monasterium sancti Aniani, & Ecclesiam sanctæ Mariæ matris Domini, necnon & sancti Confessoris Hilarij ante Palatium suum. Extruxit etiam Ecclesiam S. Leodegario in silua Aquilina, & S. Medardo in Vitriaco castello. Ædificauit Monasterium S. Reguli in ciuitate Siluanectensi, & sanctæ Dei genitricis Mariæ in Stampensi castro. Apud Augustidunum denique ædificauit S. Cassiani Monasterium. Sed & Parisius construxit Ecclesiam S. Nicolao in Palatio suo. Et item Ecclesiam sanctæ Mariæ in Pissiaco castello. Sub memorato
1014. denique Principe anno Incarnationis Dominicæ M. XIV. dedicata est Turonis S. Martini Ecclesia ab Hugone Archipræsule Turonensi. Hac præterea tempestate Fulco Comes Andegauensis ædificauit Cœnobium in territorio suo in honorem sancti Sepulchri. Verum sæpenominatus Rex Robertus iam senior factus Hugonem filium suum participem sui constituit regni. Sed Hugone sexto regni sui anno defuncto, HENRICVM eius germanum virum armis strenuum suum iterum sublimauit in Regnum.

FLORVIT his temporibus in Floriacensi loco GAVSTINVS Abbas egregius. Qui propter suorum probitatem morum, & animi sui libertatem, à Rege Roberto cum Abbatia Floriacensi Bituricensem obtinuit Pontificatum. Cuius diebus superius nominatum Floriacense Cœnobium casuali conflagratum est incendio. sed eo insistente infra biennium est restauratum, & enceniatur. Concre-
1026. matum est autem anno Incarnationis Dominicæ M. XXVI. III. Kal. Augusti, septima Sabbati. Præterea domnus Gauclinus secundum cordis sui magnificenciam turrim ex quadris construere cœpit lapidibus ad Occidentalem præfati Monasterij plagam. sed eam morte disturbatus reliquit imperfectam. Porro multis ipsam sacratissimam ædem honestauit ornamentis. Inter quæ analogium Hispanico metallo fieri fecit fusoria arte compactum, cui præminet deaurata aquila span-
C sisalis. Turibulum denique aureum pulcherrimi operis, & copiosæ quantitatis. Chorum etiam psallentium tabulis Hispanici cupri circumdedit opere fusili. Has columnarum seiunxit interpositione celeberrimo scalpro comprarum. Fecit quoque X. & VIII. tholos eiusdem metalli sparsum eidem choro desuper infixos. Parietemque post priorum dorso tabulis fragineis compegit, porphitico marmore à foris indutis. Stationem quoque suæ Sedis eodem marmore decorauit. Intulit etiam eidem Ecclesiæ sanctæ portionem non modicam sudarij Domini nostri Iesu Christi, inclusitque illam aurea dextrâ, quam his versibus depingi fecit extrinsecus.

Gaudia leta

Fert manus ista,

Sindone Christi

Plena refulgens.

Constituit denique vt ipsa dextera annuatim deportetur in circumitu castrî ipsius die Ascensionis Domini in feria V. vt hac benedictione fidelium populus munitus cum gaudio remeet ad propria. Fecit & alia plura, quæ recensere per singula nimis longum nobis esse videtur.

VE-

A VERVM instante obitu memorati Regis Roberti, pluuiarum inundatione diuersis in regionibus flumina suos præteriére terminos. Sed præ cæteris Liger suas præteriit metas, itaut villas penetraret, casas euerteret, & ouilia cum ouibus raperet, & rucolarum nonnullos pueros interficeret. Cometes etiam ardens apparuit, & sequenti anno magno grandinum imbre Iulio mense vineæ cum sationibus sunt protritæ. Per triennium denique euestigiò subsecuta est tam valida fames, vt mures & canes ab hominibus vorarentur. Præcedenti tamen tempore, duobus Principibus Franciæ inter se dissidentibus, O D O N E videlicet Carnotensium, & F V I C O N E Andegauensium, commissum est inter eos prælium in loco quod Pontileuium nuncupatur. In quo prælio Comes Fulco victoriam obtinuit.

[* ANNO Domini M. XXXI. obiit Robertus Rex, cui successit filius eius Henricus. Huius tertio anno, hoc est anno Domini M. XXXIV. vrbs Parisij flagrauit incendio.]

* *Sequentia ex alio Exemplari sunt hic audita.*

B HENRICVS igitur, defuncto patre Roberto, regnavit annis ferè xxx. Huius mater C O N S T A N T I A maximam regni portionem in suam post funus mariti detorserat dominationem. Siluanectensem scilicet urbem, atque Senonensem. Castellum etiam Bistisiacum, & Domnummartinum, Puteolumque, & Meledunum, necnon & Pissiacum, & Codiciacum. Multos etiam Franciæ & Burgundiæ Proceres sibi conciliauerat, quos à filij fidelitate mala fraude subduxerat. Inter quos præcipuè O D O N E M Campaniæ Comitem sibi deuinxerat, cui medietatem Senonicæ ciuitatis donauerat. Verùm Rex Henricus cum esset miles acerrimus, & matrem aduersus eum calcitrantem cita deuicit fortunâ, & perfidorum machinamenta Procerum sua pessundedit prudentiâ. Siquidem prima congressionum suarum principia cum matre conseruit Constantia, & castrum adorsus Pissiacum, mox illud suum retorfit ad dominium. Demum verò Puteolum obsedit, atq; recepit. Quod cernens Constantia, mox ab eo dextram expetiit, & deinceps quoad vixit tempore sibi fidelis extitit. Deinde Odonem aggressus Comitem Rex Henricus, Gornacum castrum illi abstulit, & Senonicæ vrbs partem ad suum iterum dominium reuocauit. Post hæc verò cum Marcione Flandrensium Balduino Hugonis Bardulfi castellum Merisuillam euertit, Petueram castrum biennali obsessione conclusum suam redegit in potestatem. Anno denique Incarnationis Dominicæ M. XXXVII. memoratus Princeps Campaniæ Comes videlicet Odo, 1037. contra Alamannos & Lotharingos nimio fastu ducens exercitum, magnum de se eis præbuit triumphum. Nam commisso prælio cum potentissimo Alamannorum Duce Gorhelone, multa suorum amissa copiâ, terga vertit, & confossus occubuit. Quo defuncto, Tetbaldus filius maior natu Carnotensem urbem & Turonensem sibi vindicauit. Minor frater Tetbaudi nomine Stephanus Meldensium & Tricassinorum sortitus est ciuitates. Sed hi ambo contra Regem Henricum rebellare cœperunt. Rex autem primùm cum Stephano congressus, illum faciliè superauit atque fugauit, Comite Rodulfo retento. Medandicum * etiam post hæc deuicit

HENRICVS I.

* Metlandicum.

C GALERANNUM, quem & exhereditauit, & terram eius sibi subiugauit. Demum autem Gaufridum Comitem Andegauensium contra Tetbaldum Comitem excitauit. Vnde eius nutu Comes Gaufridus urbem obsidione cinxit Turonicam. Quod audiens Tetbaldus, cum suis viribus eò tetendit. Sed Gaufridus ei obuiam procedens, cum eo viriliter decertauit, eumque superauit, & cum septingentis & sexaginta militibus cepit. A quo etiam eodem tempore Turonicam extorsit ciuitatem. Denique Rex Henricus construxit Ecclesiam prope mœnia Parisiacæ vrbs in honore sancti Martini. Comes etiam suprataxatus Gaufridus extruxit sanctæ Trinitatis Cœnobium apud Vendocinum castrum.

ANNO denique Incarnationis Dominicæ M. XLVII. sæpenominatus Rex 1047.

HENRICVS cum tribus tantùm milibus armatorum commisit bellum cum xxx. milibus Normannorum, còsq; superauit, & venerabilem adolescentem V V I L L E M V M magni Normannorum Principis Roberti filium eis vi superposuit, quem exhereditare volebant. Hic Rex pacato sibi Regno, vxorem duxit nomine A N N A M filiam Georgij Sclau Regis Rutiorum, ex qua genuit filios tres, Philippum, Robertum, Hugonem. Ex quibus Robertus puer mortuus est. Hugo verò factus iuuenis vxorem duxit filiam H E R B E R T I Comitis Vermandensis, natam ex filia Rodulphi Comitis, per quam obtinuit Comitatus duos, Vermandensem, & Va-

HENRICVS
I.

densem. Ex qua cùm genuisset filios & filias, diuino amore succensus, cum exercitu Gallorum & Germanorum Ierosolymam profectus est, & in hoc itinere defunctus est. PHILIPPVS verò adhuc puer hoc ordine in Regem sublimatus est.

1059.

PHILIPPVS
I.

ANNO ab Incarnatione Domini M. LIX. præfatus Rex Henricus senio se grauari conspiciens, præfatum filium suum PHILIPPVM in die Pentecostes consecrari fecit ante altare beatæ Mariæ à Geruasio tunc Remensi Archiepiscopo, astantibus quamplurimis Franciæ, Burgundiæ, & Aquitaniæ Archiepiscopis, & Episcopis viginti duobus. Affuit etiam Hugo Bisuntinus Archiepiscopus Nicolai Papæ Legatus. Affuerunt Abbates quamplurimi, & Primates Regni: V Vido Dux Aquitaniæ, Hugo filius Roberti Ducis Burgundiæ, cum multis aliis. Non multo post, defuncto patre, puer positus est sub custodia Balduini Flandrensis Comitis, qui eum fideliter & nobiliter educauit, & Regnum eius strenuè rexit & defendit. Rex verò postquàm ad iuueniles annos peruenit, Regnum suum integrum recepit, & defuncto tutore suo Balduino Comite, consilio Roberti Frisonis filiam Florencij Ducis Frisonum BERTAM in vxorem duxit, ex qua LVDOVICVM, & filiam nomine CONSTANCIAM genuit. Quæ cùm adulta esset vsque ad nubiles annos, nupsit Hugoni Treassino Comiti. A quo postea disiuncta propter consanguinitatem, nupsit Buamundo Principi Barriensi viro magnanimo & strenuo. Defunctus est autem præfatus Rex Philippus anno ab Incarnatione Domini

1109.

M. CIX. pridie Kal Augusti apud castrum Militonenfe. Cuius corpus secundum dispositionem patris LVDOVICVS deferri fecit ad Monasterium Floriacense, & in Monasterio sancti Benedicti sepulturæ mandari. Quo facto, Episcopi qui ad exequias Regis conuenerant, post exequias statim Aurelianis conuenerunt, & propter perturbatores Regni salubri consilio Ludouicum iuuenem religionis amatorem, moribus mansuetum, armis strenuum, bello acerrimum, in die Inuentionis Prothomartyris in Regem vnixerunt ante altare sanctæ Crucis, & coronam Regni capiti eius imposuerunt Daimbertus Senonensis Archiepiscopus, Hiuo Carnotensis Episcopus, Ioannes Aurelianensis Episcopus, Hubertus Siluanectensis Episcopus, prouocati plurimis exemplis aliorum Regum, qui diuersis in locis propter imminentes turbas à diuersis Episcopis consecrati sunt.



FRAGMENTA DIVERSORVM SCRIPTORVM;

DE GESTIS HUGONIS CAPETI, ROBERTI,
HENRICI, ET PHILIPPI I. REGVM.

DE PIETATE HUGONIS DVCIS, POSTEA REGIS FRANCORVM.

*Ex Libro IV. Miraculorum Sancti Richarij, quorum Scriptor
eiusdem Hugonis tempore vixit.*



ACTENVS antiqui retinet quæ pagina Libri
Carminè prout valui cecini miracula Sancti.
Hinc ea complectar proprius quæ vidit ocellus.
Ingenio validus, magnis opibus quoque fultus
ARNVLVS patriam possedit Marchio nostram,
Hanc etiam fraude, vt perplura solebat, adeptus.

Translulit hic Sanctum cupiens tam nobile lucrum
Cum quisdam Sanctis propriæ regionis habere.
Hic iam longæuus deponens tegmina carnis,
Filius vt nati iussit fieret suus heres,
Præsentabat auum proprio qui nomine tantum.
Post Regem primus tunc Regni iura regebat,
Vir humilis cunctis, cunctis pius atque benignus,
Filius HUGONIS MAGNI Dux inclytus HUGO,
Postea Regali qui sublimatus honore,
Rexit FRANCORVM miro moderamine Regnum.
Hic grauitè tolerans fraudem suprâ memoratam,
Restituit patriæ quæcumque erepta fuere.
Vtque magis celebris fieret regressio Sancti,
Præcipit immensam populi glomerare cateruam.
Nec solum nostræ conuenit concio terræ,
Quinetiam ex multis facta est collectio Francis:
Reliquias Sancti posthæc mandat sibi reddi.
Accipiens cuius præcepta puer memoratus
Efficitur mœstus, tanto precio cariturus.
Sed reputans, si despiciat, non esse salubre,
Reddidit inuitus. veritus me fortè coactus.
Iam tandem præclara dies illuxerat Orbi,

Tom. IV.

*Horum Mi-
raculorum
Codex MS.
est in Bibl.
Alex. Pera-
nij Senatoris
Parisi.*

HUGO
DUX.

Qua debet fieri tam grata receptio Sancti.
 Procedunt partes, gaudentes & lacrimantes.
 Namque illi tradunt quod semper habere volebant.
 Isti suscipiunt, sine quo nec vivere curant.
 Postea primores populi iurare rogantur,
 Quicquam ut non desit penitus de corpore Sancti.
 Quo facto, nostri festinauere reuerti.
 O memoranda dies! ô lux votiuè colenda!
 Fines dignatur patrios qua visere Sanctus.
 Huius lætitiâ vix enarrare diei
 Sufficiet quisquam, quisquam vix gaudia tanta,
 Aduentus Sancti quæ concutiebat vbique.
 Ad quasunque etenim venit processio villas,
 Obuia cunctorum procedit turba colonum,
 Ac præ lætitiâ gemitus ad sidera iactant.
 Ante sed ad Templum quantum est spacium prope leugæ
 Quàm peruenisset, Dux iam præfatus equino
 Descendens dorso, nudis incedere plantis
 Incipit, & propriis scapulis portare feretrum,
 Et secum plures, qui visi nobiliores.
 Illud tamque diu portat lacrimis madefactus,
 Altari donec gaudens proprio imposuisset.
 Sed iam diuina quid sit virtute peractum
 Perpendat Lector, Sancti meritis sociatis.
 Hæc quam prædixi facta est regressio Sancti
 Tempore quo plenis campus flauescit aristis.
 Sed tot militibus quæ sufficerent, quia tecta
 Non fuerant, cultos sese sparsere per agros.
 Dicere quis poterit fuerit quàm diruta messis
 Penè omnis, pedibus dum conculcatur equorum
 Pars quædam, quædam dum pars depascitur ore.
 Vsta est pars etiam stabilita ardente culina
 Partibus in multis, cocta radicitus herba.
 Tandem discedunt nuda tellure relicta.
 Mira loquor. paucis transactis fermè diebus
 Ecce incredibilis cœpit succrescere messis
 Fructifera, ac demum cum tempus & hora metendi
 Instaret, totos videas flauescere campos,
 Ac si nil damni regio perpeffa fuisset.
 Hæc cernens meritis patrata fuisse Richarij,
 Ad laudes Domini populus se contulit omnis.

A 

HISTORIA DEPOSITIONIS ARNULFI REMENSIS ARCHIEPISCOPI,

Ob ipsius à fidelitate Regum HUGONIS & ROBERTI defectum.

Ex Synodo habita Durocortori Remorum sub iisdem Regibus.



NNO ab Incarnatione Domini nostri Iesu Christi DCCCCXCV
Indictione quarta, anno v. Regni domni HUGONIS Augusti, &
excellentissimi Regis ROBERTI, congregata est Synodus in Re-
mensi territorio. Actum est autem magna industria Principum, vt
quia omnes Galliarum Episcopi eò conuenire non potuerant, pro-
pter quasdam Regni necessitudines: ij maximè conuenirent, qui comprouinciales
essent. Deinde ex vicinis Prouinciis fama & dignitate honestiores, & qui lega-
tione suarum Prouinciarum digni viderentur, suorumque fratrum absentiam sua
præsentia sustinere possent.

991.

B Igitur xv. Kalend. Iul. collecti sunt in Basilica domni Basoli Confessoris,
Remorum quidem Diocesanei: Guido Sueffionice vrbis Episcopus; Adalbero
Laudunensis, Herueus Beluacensis, Gotesmannus Ambianensis, Ratbodus No-
uionensis, Odo Siluaneſensis. Ex Prouincia Bituricensium, quæ Aquitanorum
esse putatur, Daibertus Archiepiscopus. Ex Prouincia Lugdunensium prima
Gualterus Episcopus Augustidunensis, Bruno Lingonensis, Milo Matisconensis.
Ex Prouincia Senonensium, quæ est prima Sequanorum Metropolis, Remensi-
que Prouinciæ contigua, Siguinus Archiepiscopus, Arnulfus Aurelianensis, Her-
bertus Autisiodorensis. Præterea diuersarum vrbium Abbates quam plurimi ade-
rant: qui post solitariam Episcoporum disputationem, residere iussi sunt. Habitæ-
que ratione totius summæ Synodi, dignitas Prælatuæ ac potestas quasi Iudiciaria
stetit penes Archiepiscopum Siguinum, quem & ætas & vitæ meritum ac scientia
commendabat. Arnulfus autem venerabilis Episcopus, ordinis custos, ac omnium
gerendorum interpres declaratus est, eò quòd iñter omnes Galliarum Episcopos
sapientiâ & eloquentia clarior haberetur. Hunc post expositam allegationem eo-
rum Sacerdotum, qui minimè adesse poterant, post totius Cleri ingressum, qui-
busdam sententiis pertractatis, hoc modo prælocutum accepimus.

CAP. I.

ITA quidem est, vt dicitis, reuerendissimi Patres: nullus tumultus, nullus
accusator improbus, nullus iudex iniquus, hoc sanctum Concilium agitare debet. II:
C Seruetur vnique personæ suus locus, debita reuerentia: nullusque aut se aut
alium præiudicio grauari putet, cum sit libera facultas & proponendi, & sciscitan-
di, & respondendi. Consultationes autem, siue deliberationes, sic in medio lo-
centur, vt nemo causetur imponi sibi quod nolit, aut eripi quod velit. Sanè quia
me priorem dicere voluistis, dicam quod sentio in præsentia vestra, & Cleri nuper
admissi: idq; paulò altius repetam, vt res benè digesta melius innotescat. Ego quip-
pe cum inter varios tumultus bellorum pro pace Ecclesiæ, cui authore Deo deser-
uio, totis viribus elaborarem; noui nunciij fama, inauditi sceleris rumore, sic subito
turbatus sum, vt etiam in vilibus rebus lingua balbutiret, intellectus hebesceret.
Ferebatur quippe illa nobilis vrbs Remorum dolo proditoris hostibus patuisse,
prædæ ac direptioni cessisse, Sancta Sanctorum armata militum acie polluta fuisse.
Horum omnium malorum incentor, auctor, quòd sine magno dolore animi refer-
re nequeo, is qui tutari debuerat, Arnulfus Episcopus nunciabatur. Sacerdotalis
dignitas huius causa impetebatur: vixque erat qui nostro ordini non insultaret.
Nunc quia religionis amore, & studio serenissimi Regis nostri domni HUGONIS
congregati sumus, querendum est, quomodo tanta infamia earere possimus, & si
frater & Coepiscopus noster Arnulfus illata crimina diluere queat, vel crimen Re-
gis Maiestatis propulsare. Scitis enim, omnes nos insimulari probro infidelitatis
& perfidiæ causâ vnus. Si, inquiunt, iustis Episcopi vtuntur legibus, fidissimique

Tom. IV.

I iiij

HUGO BY
ROBERTVS.

- „ suis Regibus sunt, cur hominem impurissimum suis legibus non puniunt? Nimirum
 „ aliorum flagitia ideo moliuntur celare, vt impunè liceat eis peccare. Absit hoc ab
 „ vestro sanctissimo cœtu, absit vt contra diuinas & humanas leges quenquam mo-
 „ liamur defendere vel damnare. Dicant tantum qui nouerunt seriem gestorum:
 „ iique suos exponant casus, qui graues (vt ipsi asserunt) iniurias pertulerunt. Tum,
 „ si qua contradictio fuerit oborta, discussis partibus ex authoritate Canonum iudi-
 „ cium promulgetur.
- III. „ T V M Siguinus: Non patiar, inquit, discussionem fieri eius qui dicitur esse Ma-
 „ iestatis obnoxius, nisi forte conuicto supplicij indulgentia promittatur. Simulque
 „ trigessimum primum caput Toletani Concilij prolatum est ex eadem re.
 „ SÆPE Principes contra quoslibet Maiestatis obnoxios Sacerdotibus negotia
 „ sua committunt: & quia Sacerdotes à Christo ad ministerium salutis electi sunt, ibi
 „ consentiant Regibus fieri iudices, vbi iureiurando supplicij indulgentia promitte-
 „ tur: non vbi discriminis sententia præparatur. Si quis etiam Sacerdotum contra
 „ hoc commune consultum discussor in alienis periculis extiterit, sit reus effusi san-
 „ guinis ad Christum: & apud Ecclesiam perdat proprium gradum.
- IV. „ G R A T I S S I M V M verò est, ait Daibertus, ideo te iudicem præbere in alienis
 „ negotiis, vt cum reum conuincis, tu concidas: cum diiudicas, tu damnatus abeas.
 „ Si hoc, inquit Herueus Episcopus, periculosum est, videte ne sit periculosius, iu-
 „ dicia Ecclesiastica deinceps à secularibus non expectari. Consequens enim est, ad
 „ forensia iura nos pertrahi, si diuinis legibus in aliquo videbimur obniti. At quo-
 „ modo sine iudicio relinquetur, quod commissum esse constiterit? vel cur contra
 „ Principem nostrum causabimur, si quod attingere non audebimus, iudiciaria po-
 „ testate conceditur?
- V. „ B R V N O Episcopus dixit: Nullum certè vestrum æquè turbat tanti discrimi-
 „ nis examen, ac me. Ego quippe solus ob hunc infelicissimum per ora omnium voli-
 „ to. Ego eum in has miseras præcipitasse videor, qui contra omnium bonorum
 „ vota memetipsum in pignus obsidis dedi, pro spe conseruandæ fidei. Tanti erant
 „ apud me Regis L O T H A R I I merita, tantumque me carnis affinitas permouebat.
 „ Et cum scirem hunc Laudunensis vrbs peruasorem, totiusque tyrannicæ factionis
 „ fuisse Principem: sub obtentu tamen huius honoris, ad meliorem statum vitæ at-
 „ trahere nisus sum: vt qui discordiarum & bellorum incentor extiterat, pacis &
 „ charitatis ipse iaceret fundamenta. Attendite pacis principia: attendite hominem
 „ mala pro bonis reddentem. Homines mihi percharos, & ad vsum vitæ multum
 „ necessarios: id est, vnicum fratrem meum Comitem Gislebertum, meumque con-
 „ sobrinum Comitem Guidonem, cum ceteris, quorum amicitia gloriabar, sua simu-
 „ lata captiuitate veræ captiuitati contradidit. Me pacis sponsorem in mortis disci-
 „ mine dereliquit: & , ô impudens audacia hominis! qui mei, imò sui & totius Ec-
 „ clesiæ homicida, adhuc improba fronte negat, quod negari non potest. Certè ex
 „ his quæ confitetur, eliciemus ea quæ propalare erubescit. Certè in præsentia Re-
 „ gum, in præsentia Episcoporum, ante ora Cleri & populi, sacramento volens ob-
 „ ligatus est, se Principibus suis adiumento futurum consilio & auxilio secundum
 „ suum scire & posse, contra C A R O L V M : itémque inimicis dominorum suorum,
 „ nec consilium nec auxilium se laturum scienter ad eorum infidelitatem: neque
 „ pro præterito aut futuro sacramento se præsens relicturum. An non erat inimicus
 „ Carolus, qui Regnum peruadere nitebatur? an non inimici Rotgerius & Manaf-
 „ ses, qui Clerum & populum eius in Ecclesia ipsius, armata militum manu cepe-
 „ rant? Hos ipse consecratos & primos amicorum esse fecerat: hos eorum bonis
 „ ditauerat, qui se elegerant, qui sibi Principatum contulerant, quibus sine periur-
 „ rio auferre nihil poterat, quos necessario iuuare debebat, nisi in se peccarent: At-
 „ quid peccauerunt? fidemne promissam seruare quid sibi persuadere nisi sunt?
 „ Ignoscite, fratres, si dolor nimius de grauitate Sacerdotali aliquid derogauit: etsi
 „ orationem finire non sinit, quam vestra intelligentia ex præcedentibus ad plenum
 „ comprehendit.
- VI. „ H I C Godesmannus Ambianensis Ecclesiæ Episcopus subintulit: Multa vene-
 „ rabilis Pater Bruno profecutus est, quæ quantò magis fidem dubiis faciunt, tantò
 „ magis reum Maiestatis arguunt, ac Sacerdotio indignum reuincunt. Sed quia
 „ paulò antè de periculosa discussione sermo habitus est, velim nosse, quid Pater

A Bruno inde sentiat. Non est enim æquum, nos fieri authores effundendi sanguinis, qui debemus esse authores salutis. Et ille: Sentio, inquit, reuerendi Patres, & hoc vos intelligere quod dicitis, & alterum pudori esse quod tacetis. Nam mouent vos diuinæ leges, mouet etiam homo affinitate carnis mihi coniunctissimus, utpote auunculi mei Regis Lotharij filius. Habeo & rependo charitati vestræ multiplices grates. Sed absit hoc à me, ut amori Christi amorem sanguinis præferam: aut ut meo sanguine (quantum in me est) Ecclesia Dei polluat. Ergo agite: discussionem simul & iudicium aggrediamur. Nec sanguinis effusionem perhorrescite, cum apud benevolentiam Principum iuste petita obtinere non difficile sit. Cum hoc maximè sit pertimescendum, ne dum fortè vni personæ parcere volumus, sicut frater & Coëpiscopus noster Herueus paulò antè retulit, & eam, & omnem Ecclesiasticum Ordinem sub periculo sanguinis relinquamus. Itaque is Presbyter, qui vrbis portas aperuit, intromittatur, si placet: atque gestorum ordinem pandat. Ab vniuersis dictum est: Placet.

HUGO ET
ROBERTVS.

QVONIAM, inquit Ratbodus Nouiomenſis Ecclesiæ Episcopus, à multis nostrorum fratrum audio dici, libellum fidelitatis sub specie chirographi editum ab Arnulpho, ad damnationem eius posse sufficere: quoniamque Lothariensium quosdam contra hanc Scripturam fama est disputare: interim de hac re iudicium tantorum fratrum experiri velim, quidque de eo sentiendum sit, agnoscere. Synodus dixit: Proferatur in medium. Prolatus est itaque libellus chirographi, ad hunc modum.

VII.

EGO Arnulfus gratia Dei præueniente Remorum Archiepiscopus, promitto Regibus Francorum HUGONI & ROBERTO, me fidem purissimam seruaturum, consilium & auxilium, secundum meum scire & nosse, in omnibus negotiis præbiturum: inimicos eorum nec consilio nec auxilio ad eorum infidelitatem scienter adiuturum. Hæc in conspectu diuinæ Maiestatis, & beatorum Spirituum, & totius Ecclesiæ assistens, promitto, pro benè seruatis laturus præmia æternæ benedictionis. Si verò, quod nolo, & quod absit, ab his deuiauero, omnis benedictio mea conuertatur in maledictionem, & fiant dies mei pauci, & Episcopatum meum accipiat alter. Recedant à me amici mei, sintque perpetuò inimici. Huic ego chirographo à me edito, in testimonium benedictionis vel maledictionis meæ, subscribo, fratresque & filios meos ut subscribant rogo. Ego Arnulfus Archiepiscopus subscripsi.

VIII.

QVO perlecto, Arnulfus Aurelianensis Ecclesiæ venerabilis Episcopus subiunxit: Habet, inquam, hæc Scriptura maximam vim reprehensionis: habet etiam subtiles defensionis vires, habita ratione personarum. Nam eius author Arnulfus detestabilis est, eò quòd ob immensum ambitum affectati honoris, inauditum seculo prius monumentum sui detestabile reliquit. Qui verò commentati sunt, rem utilem ac necessariam fecisse visi sunt: ut si aliquando fidem promissam pernegare vellet, Scriptura contra se testis existeret: & si deuiaret ipse, contra suam professionem & subscriptionem veniens, honore se priuaret. Et ne fortè peccans nomine summi Pontificis diutius defenderetur, ipse summus Pontifex sententiam suæ damnationis in se dixisse visus est. Sed quia Presbyter adest, finem dicendi faciam, ut ipsi locus pateat. Interim tamen dum Presbytero standi locus eligitur, significabat sibi assidentibus, quendam Episcopum ex hæresi ad fidem Catholicam conuersum, beato Gregorio similem libellum porrexisse. Sed hoc interesse, quòd hic Arnulfus malarum causarum rationibus permotus sit, id est, perfidiâ & cupiditate: ille autem optimarum, id est, fide Catholica & amore habendi Deum. Erat verò ibi ita scriptum inter cetera.

IX.

ET idèò, postquam comperto diuisionis laqueo, quo tenebar, diutina mecum deliberatione pertractans, prona & spontanea voluntate ad vnitatem Sedis Apostolicæ diuina gratiâ duce reuersus sum: ne non pura mente, sed simulatè reuersus existimer, spondeo sub ordinis mei casu, & anathematis obligatione, atque promitto tibi, & per te sancto Petro Apostolorum Principi, atque eius Vicario beatissimo Gregorio, vel successoribus ipsius, me nunquam quorumlibet suasionibus, vel quocunque alio modo, ad schisma, de quo Redemptoris nostri misericordia liberante ereptus sum, reuersurum: sed semper me in vnitatem sanctæ Ecclesiæ Catholicæ, & communionem Romani Pontificis per omnia permanere. Vnde iuratus

X.

HUGO ET
ROBERTVS.

» dico per Deum omnipotentem, & hæc sancta quatuor Euangelia, quæ in meis ma- A
» nibus teneo, & salutem geniumque Mauricij atque Theodosij dominorum nostro-
» rum, Reip. Gubernatores, me in vnitate (sicut dixi) Ecclesiæ, ad quam Deo pro-
» pitio sum reuersus, & communione Romani Pontificis, semper & sine dubio per-
» manere. Quod si (quod absit) aliqua excusatione vel argumento ab hac me vnita-
» te diuisero, periurij reatum incurrens, æternæ pœnæ obligatus inueniar, & cum
» auctore schismatis habeam in futuro seculo portionem.

XI. » ADALGERVS: Scio me, inquit, non magnam habiturum expectationem in
» dicendo, reuerendissimi Patres: cum omnia quæ pro defensione mea dicturus sum,
» contra me fortasse videantur. Hoc enim & in initio intellexi, cum Dudo KARO-
» LI miles, vt huius proditiõis auctor existerem, machinatus est. Cui cum ref-
» ponderem, cur ex tanta massa hominum ego Clericus & Sacerdos potissimum eli-
» gerer, vt Seniore & Episcopum meum traderem ob causam Caroli, ad quem ni-
» hil attinebam: Primum, socordiam & fatuitatem hominum me scire dicebat:
» meum autem ingenium, prudentiam, animi magnitudinem, meris laudibus ex-
» tollebat: denique ipsum meum Seniore hoc ita velle, sibi que ita præcepisse. Cui
» cum fidem quasi spondidissem, non tamen satis tutum fore hoc mecum reputa-
» bam, nisi ex ipsius Senioris ore non benè credita per memetipsum sine interprete
» recognoscerem. Eius amor, eius imperium, me in has præcipitauit miseras. Quæ-
» rebam tamen ex eo, cuiusnam fretus auxilio imperata perficerem, & si sibi perti- B
» mescendum foret. Qui cum Karolum sibi patruum esse dixisset, Manassem quo-
» que & Rotgerium sacramenta quæ voluerit præstitisse: auunculum suum Rotber-
» tum, Karoli feruum, comitem fidelissimum fore designauit, cum aliis quibusdam.
» Et vt hoc factum sub specie honesti tegetetur, manus & sacramenta simul Karolo
» præbui. Sed iussu ipsius, clauis vr̄bis accepi: sed à manu ipsius portas aperui, sed
» illius præcepto. Hæc si quisquam vestrum aliter esse putat, meque indignum cui
» credatur: credat igni, feruenti aquæ, candenti ferro. Faciant fidem tormenta,
» quibus non sufficiunt mea verba. Ipsi hostes mei, quibus nuper inuisus esse cœpi,
» testimonio erunt, cum suo me beneficio viuere comprobabunt: quando vestrum
» anathema perhorrescens, eorum tunc miseratione, gladios Richardi fratris Epi-
» scopi vix euasi, hanc meam confessionem expauescentis.

XII. » AD hæc Odo Episcopus Siluanectensis: Benè nunc (inquit) anathemā in me-
» moriam redit. Pater enim Arnulfus hunc nostrum Arnulfum in chirographo se
» damnasse dicit. Nos autem quoddam scriptum ab eo in tempore ipso accepimus,
» per manus Guidonis venerabilis Episcopi, in quo & confessio sui facti, & damna-
» tio ipsius contineri videbatur. quod in præsentī iubeat recitare Sanctitas vestra. Sy-
» nodus dixit: Recitetur. Recitatum itaque est in hunc modum: Arnulfus gratiā
» Dei Archiepiscopus commonitorum prædonibus Remorum. Quid tibi vis præ-
» donum Remensium scelerata manus? nihilne te mouent pupilli & viduæ lachri- C
» mæ, nec aduocatus eorum? Velis, nolis, Dominus tuus, ipse testis & iudex, &
» grauis ultor, cuius iudicium non effugies. Vide quid ante oculos ipsius ege-
» ris. Sanctam pudicitiam virginum non erubuisti, matronas etiam Barbaris ve-
» rendas nudas reliquisti: orphanum & pupillum non respexisti. Paruum tibi hoc:
» accessisti ad Templum Mattis Dei, cunctis mortalibus reuerendum: eius atrium
» perfregisti, polluisti, violasti. Quod oculi ibi viderunt, concupiuiisti: quod ma-
» nus atrectare potuerunt, rapuisti. Et nos quidem, contra diuinum ac humanum
» ius misericordia abutentes, quod cibi & potus abstulisti, non indulgemus: sed pro-
» pter impia tempora non exigimus. Exigimus autem reliqua omnia, quæ pollutis
» manibus peruasisti, ac retines. Redde ergo, aut sententiam damnationis in per-
» uasores rerum Ecclesiasticarum, à sacris Canonibus promulgatam, eam in te latam,
» multotiesque ferendam, excipe.

Anathema in prædones.

AUCTORITATE omnipotentis Dei, Patris, & Filij, & Spiritus sancti, in-
terueniente & adiuuante beata Maria semper Virgine, auctoritate quoque ac po-
testate Apostolis tradita, nobisque relicta, excommunicamus, anathematizamus,
maledicimus, damnamus, & à liminibus sanctæ matris Ecclesiæ separamus, vos
Remensium prædonum auctores, factores, cooperatores, fautores, & à propriis

A dominis rerum suarum sub nomine emptionis abalienatores. Obtenebrescant oculi vestri, qui concupiuerunt: arescant manus, quæ rapuerunt: [debilitentur omnia membra, quæ adiuuerunt.] Semper laboretis, nec requiem inueniatis, fructuque laboris veri priuimini. Formidetis, & pauceatis à facie persequentis, & non persequentis hostis, ut tabescendo deficiatis. Sit portio vestra cum Iuda traditore Domini, in terra mortis & tenebrarum, donec corda vestra ad satisfactionem plenam conuertantur. Hic autem sit modus plenæ satisfactionis, ut omnia iniuste ablata, præter cibum & potum, propriis dominis ex integro restituaris, coramque Remensi Ecclesia pœnitendo humiliemini, qui sanctam Remensem Ecclesiam reueriti non estis. Ne cessent à vobis hæc maledictiones, scelerum vestrorum persecutrices, quandiu permanebitis in peccato peruationis. Amen: fiat, fiat.

Quo perlecto, Gualterius Augustidunensis Ecclesiæ Episcopus: Quidnam, **XIII.** inquit, hoc portentum est? Satisne sanæ mentis est hic Episcopus, qui pro iactura vilissimæ suppellectilis reos damnat, super sui autem & Cleri & populi captiuitate tacet? Pro pauperum tuguriis fortè magis carie quàm vi ruentibus, anathematizat: & pro Templo Dei per Orbem terrarum famosissimo nihil dicit? Nempe, omnis terrena creatura, homine vilior est: & omne manufactum ædificium, Templo Dei vilius. Sed fortè quia Apostolus dicit, *Si esurierit inimicus tuus, ciba illum: si sitis, potum da illi*: tanquam pietate usus, prædonibus cibum & potum indulget: **B** attamen ab auro & argento deterret. Quid hoc ad pauperes Christi? Certè ij aurum & argentum non perdidērunt, quia non habuerunt: sed cibum & potum, quem ad usum vitæ non sine magno labore conquisiuerunt. Ecce audistis, fratres, argumentum perditæ hominis, pauperum necatoris, prædonum nutritoris. Intellexistis quia ad hoc voluit capi, ut sua simulata captiuitas veram nobilium efficeret captiuitatem. Ideo sacrilegos à communione non arcet, quia se auctorem sacrilegij esse cognoscit. Nec sic tamen euadit, dum auctores, inuentores, factores, cooperatores, fautoresque simul permiscet. Ipse enim auctor, cuius consilio & imperio proditio facta est. Ipse factor & cooperator, ut per quendam Sapientem dicitur: *Comites illi tui, manus erant tue*. Ipse fautor, qui usque in præsens tacendo consensit: & ut fama est, magnis insuper beneficiis cumulauit. Tendit materia hæc in immensum: sed contraho sermonem quæ possum breuitate, ne videar quasi criminales dicere.

Guido Episcopus: Si in propriis conscriptionibus, ubi cauere sibi potuit Arnulfus, ita læsus est: quomodo in proxima Synodo Siluanectis habita, damnatus non est? Conueneramus quippe in vnum nos omnes, qui hinc adsumus Remorum Diocesanei, conquestum sanctam Remensem Ecclesiam nostrarum omnium matrem desolatum iri. Metropolitanus noster cum Clero & populo teneri ab hostibus prædicabatur. Rumor tamen ab eo factæ proditiōis frequens erat. Itaque nostrorum Comprouincialium communi consultu statuimus anathema in reos, **C** quod nullus aliquomodo se occultans subterfugere posset. Eius exemplar (si placeat) proferatur: Prolatatumque est in hunc modum.

*Oratio inuectiua Episcoporum Remensis Diœceseos, vice Decreti
habita Siluanectis.*

Quo vsque se extendet effrenata licentia vestra, alterius proditoris Iudæ satellites? Ad quem finem scelerum progredietur incœpta audacia vestri ducis, ducis dicimus Adalgeri Presbyteri, qui nomen Sacerdotalis dignitatis suo nomine polluit? Te igitur interpellamus funeste Presbyter. Quid tibi visum est, post illa cruenta arma, quibus te Lauduni exercuisti, ut iterum vilis apostata factus, Arnulfum Remorum Archiepiscopum traderes, cum antè velut fidissimus custos cubares, conuiua assiduus esses, consilia disponderes, sacrosancta administrares? Num rigorem Ecclesiasticæ seueritatis, vel iudicium omnipotentis Dei effugere te putasti? Urbis portas aperuisti, hostes introduxisti: venerabile Templum Matris Dei, atque ipsis barbaris reuerendum, velut hostium castra oppugnasti. Num etiam vos, prædonum maxima portio, qui Ecclesiæ ingentibus beneficiis eratis obligati: qui dicitis, *Hæreditate possidemus Sanctuarium Dei*: qui signa militaria, loricati & galeati, cum scutis & lanceis ante aram beatæ Dei Genitricis intulistis: qui pollutis manibus Pastorem cum Clero & populo intra Sancta Sanctorum comprehendi-

HUGO ET
ROBERTVS.

» itis, custodiæ distribuitis, carceri mancipastis, & adhuc retinetis: num, inquam, A
» vos diuina iura effugietis? Vos quoque, quorum dolo & fraude, consilio & auxi-
» lio tantum scelus factum est, cum his, qui Principes tanti facinoris fuerunt, conso-
» ciandi estis, vt pœnam peccati simul feratis, qui causa peccati simul conspirastis,
» bonaque ciuium Remensium, prædones impiissimi, velut sub hasta distraxistis.
» Nec etiam vos abesse debetis, qui in Adalberonem Laudunensem Episcopum non
» minùs leuia perfecistis. Et, vt pullulantem heresim rescindamus, quæ dicitur om-
» nia licere Karolo, etiam in sacris locis: Remensem simul ac Laudunensem Eccle-
» siam, vtramque sacrilegio (quamuis dissimili) pollutam, à sacris remouemus Of-
» ficiis, donec legitimè reconcilietur vtræque. Et ne quis nos talibus monstis ho-
» minum fauere, talibus negotiis assensum præbituros putet: sed pro fide qua viui-
» mus, omnibus expositos periculis, sententiam nostram ita confirmamus, stabili-
» mus, corroboramus.

Anathema in reos.

AVCTORITATE omnipotentis Dei, Patris, & Filij, & Spiritus sancti, in-
terueniente & adiuuante beata Maria semper Virgine, cum omnibus Sanctis: au-
ctoritate quoque ac potestate Apostolis tradita, nobisque relicta, excommunica-
mus, anathematizamus, damnamus, & à liminibus sanctæ matris Ecclesiæ separa-
mus, Adalgerum Presbyterum, diaboli membrum, Episcopi, Cleri, & totius po-
puli Remensis traditorem: eos quoque qui huius traditionis extiterunt inuentores, B
» auctores, factores, fautores, cooperatores, cunctumque depopulatores, & à
» propriis dominis rerum suarum sub nomine emptionis abalienatores. His adiungi-
» mus Laudunensis Episcopij peruasores, ac ipsius Episcopi grauissimos tortores. Fiat
» illis sicut Scriptura dicit: *Qui dixerunt, hereditate possideamus Sanctuarium Dei,*
Deus meus, pone illos ut rotam, & sicut stipulam ante faciem venti. Sicut ignis qui com-
burit syluam, & sicut flamma comburens montes: ita persequeris eos in tempestate
tua, & in ira tua turbabis eos. Imple facies eorum ignominia, & quærent nomen tuum
Domine. Erubescant, & conturbentur in seculum seculi, & confundantur & pereant, &
cognoscant, quia nomen tibi Dominus, tu solus altissimus in omni terra. Et quia pupil-
lum & viduam non miserati sunt, neque Tempia Dei reueriti, dominiumque Ec-
clesiarum sibi usurpauerunt, fiant filij eorum orphani, & vxores viduæ. Scrutetur
fœnerator omnem substantiam eorum, & diripiant alieni labores illorum. Nutan-
tes transferantur filij eorum & mendicent, eiiciantur de habitationibus suis. Fiant
dies eorum pauci, & principatum eorum accipiat alius. Et duplici contritione con-
tere eos, Domine Deus noster: nisi resipiscant, & Ecclesiæ Catholicæ fructuosa
pœnitentia satisfaciant. Amen; fiat, fiat. ---

XVII. » ARNULPHVS Episcopus dixit: Quamuis hæc ita se habeant, reuerendissimi
» Patres, certumque sit hunc Arnulphum omnium Patrum concordibus damnari
» sententiis: tamen ne in inuidiam adducamur, admoneantur si qui sunt studiosi eius C
» defensionis, habeatque locum contradicendi, suumque Arnulphum quomodoli-
» bet defendendi. Sitque hoc nostrum edictum sub disciplina Ecclesiastica, ita vt nul-
» lus deinceps excusandi pateat locus. Excuset nunc, qui eum iustas putat habere
» causas. Hic Clerus ipsius adest, hic Abbates scientia & eloquentia non ignobiles:
» erigant iacentem, attollant humiliatum: & si iniuste deiectum existimant, quâ
» iustitiâ reformari debeat edoceant. Non enim in ruina fratris & confacerdotis
» nostri lætari nobis fas est, nec quisquam in iniuriam sui ducet, si ea quæ contra Ar-
» nulphum dicta vel facta sunt, veracibus cognouerit refelli assertionibus.

XVIII. » SIGVINVS Archiepiscopus dixit: Sicut frater & Coepiscopus noster vene-
» rabilis Arnulphus perorauit, auctoritate Dei Patris omnipotentis, & Filij, & Spi-
» ritus sancti, adiuuante beata Maria semper Virgine, cum omnibus Sanctis, aucto-
» ritate quoque huius sacri Conuentus præcipimus, vt nemo in hac Synodo silentio
» tegat, quæ pro defensione Arnulphi putauerit esse idonea; vel si ea, quæ circa ip-
» sum dicta sunt, reprehensione digna existimat.

XIX. » Hic cum ab vniuersis Patribus pronunciatum esset, Placet, placet hoc edictum
» Patris Siguini; stupor se quamplurimis infudit, qui pertinaci Episcoporum senten-
» tiâ Arnulphum damnandum fore putabant, quosdam autem spes defendendi in
» magnam alacritatem perduxit. Et suæ quidem Ecclesiæ filij accusare nolebant, pu-

A dote permoti: defendere autem minimè præsumebant, conscientiam simul & anathemate deuincti. Sed aderant acerrimi defensores, scientiam & eloquentiam insignes, Ioannes Scolasticus Autissiodorensis, Romulus Abbas Senonensis, Abbo Rector Cœnobij Floriacensis, ignorantia præteritorum gestorum pressi, & anathemate ad dicendum prouocati. Facto itaque silentio, diuersarum partium multiplicia Librorum volumina subito apparuerunt. Multa denique in medium prolata, multa inter confidentes collata, ingens spectaculum præbuerunt. ---.

In his omnibus, qui defensionem Arnulphi studebant, quatuor quædam principaliter ingerebant. Primum, ut suæ sedi restitueretur. neque enim spoliatum respondere debere. Deinde legitimas vocationes, & ut Romano Pontifici causa significaretur. Tum accusatum, accusatores, testes, ac iudices in magna Synodo discernendos. Neque sibi aliter ex ratione canonum posse videri causam constare. Quibus omnibus diligenter consideratis, ab altera parte respondebatur: Iuxta hunc ordinem decretorum, omnia penè consummata esse. Nam ut ab ultimis, inquit, « repetamus, accusator eius ad hanc causam satis idoneus est. Quippe nec antè inimicus, nec ad accusandum metu aut præmio adductus, sed tantum zelo religionis permotus: & qui si eum non cognouisset, eo quo utitur Presbyteratu dignus haberi posset. Vocationes autem eius ad Synodum per Epistolas canonicas, & per Apocrypharios, non solum sex mensium, sed etiam anni spatia transcendunt. Addebant « præterea, Sedi suæ minimè posse restitui, eo quòd etiam restitutus vocem loquendi non haberet. Sic enim contineri in Africano Concilio, Titulo x i i. Si Clerici « intra annum causam suam purgare contempserint, nulla eorum vox postea penitus « audiatur. Et quia captio eius inuidiosa putabatur, neque inusitatum neque alienum à sacris legibus idem reperiabatur. In Historia quippe Remensium Pontificum scriptum constabat, Hildemannum Beluacensem Episcopum, detentum in Monasterio sancti Vedasti, Synodum expectasse: eò quòd apud Imperatorem Ludouicum insimularetur, ad Lotharium Cæsarem profugere voluisse. Ebonem quoque Remorum Archiepiscopum idem molientem, per Rothadum Sueffionicum, & Erchenradum Parisiorum Episcopum, in Vuldensi Monasterio pro similibus similia sustinuisse. Iustum ergo videri, ut qui de Regiæ Maiestatis crimine impeditus, vocationi Episcoporum non paruerit, iudiciaria potestate conuentus sit: idque firmari ex Africano Concilio, Titulo xxxviii. ---.

Ad Romanum autem Pontificem causam perlatam fuisse dicebant, exemplaribus in hunc modum prolatis.

HUGONIS REGIS EPISTOLA

ad Ioannem Papam.

BEATISSIMO Papæ Ioanni, HUGO gratiam Dei Francorum Rex. Nouis XXV: atque inusitatis rebus permoti, summo studio summæque curâ vestra consilia expectanda decreuimus. Quippe cum sciamus, vos omne tempus in humanis ac diuinis studiis peregisse. Considerate ergo quæ facta sunt, & facienda præscribite: ut & sacris legibus suis honor reddatur, & Regalis potestas non annulletur. ARNULPHVS Regis LOTHARII, ut dicunt, filius, post graues inimicitias ac scelera, quæ in nos Regnumque nostrum exercuit, loco parentis adoptatus est à nobis, ac Metropoli Remorum gratis donatus, iusiurandum præbuit, quod contra præterita & futura valeret sacramenta. Libellum fidelitatis sub nomine chirographi conscripsit, recitauit, corroborauit, corroborarique fecit. Milites ac omnes ciues iurare coëgit, ut in nostra persisterent fide, si ipse aliquando in potestatem hostium deueniret. Contra hæc omnia, ut certissimi testes sunt, ipse portas hostibus patefecit: Clerum ac populum suæ fidei creditum captiuitati & prædæ distribuit. Sed, esto eum esse addictum alienæ potestati, ut ipse videri vult: cur ciues & milites peierare cogit? Cur arma contra nos comparat? Cur urbem ac castra contra nos munit? Si captus est, cur non patitur liberari? Si vi hostium oppressus, quare non vult sibi subueniri? Et si liberatus est, cur ad nos non redit? Vocatur ad Palatium, & venire contemnit. Inuitatur ab Archiepiscopis & Coëpiscopis: nihil se eis debere responderet. Ergo qui vices Apostolorum tenetis, statuete quod de altero Iuda fieri debeat, ne nomen Dei per nos blasphemetur: & ne fortè iusto dolore permoti, hac vestra taciturnitate urbis excidium, totiusque Prouinciæ

HUGO ET
ROBERTVS.

moliamur incendium. Nec iudici Deo excusationem prætendetis, si nobis quæren-
tibus atque ignorantibus formam iudicii dare nolueritis. A

Item Episcoporum Epistola ad eundem.

XXVI. DOMINO & reuerendissimo Papæ Ioanni, Episcopi Remotum Diocæseos. Non sumus nescij, beatissime Patet, iamdudum oportuisse nos expetere consulta sanctæ Romanæ Ecclesiæ, pro ruina atque occasu Sacerdotalis Ordinis. Sed multitudine tyrannorum pressi, longitudine terrarum semoti, desideria nostra hætenus implere nequiuimus. Nunc itaque vestro examini, non sine magno dolore, perferimus nouum atque inusitatum crimen ARNVLPHI Remorum Archiepiscopi, qui famosus apostata factus, locum Iudæ traditoris olim in Ecclesia tenet: qui filius quondam Ecclesiæ Laudunensis, cum Episcopum suum dolo & fraude ceperit, Ecclesiam eius peruaferit, ad cumulum suæ damnationis Remensem sibi creditam cum Clero & populo captiuauit. Nec mouet eum nostra vocatio, vel potius saluberrima exhortatio: non Archiepiscoporum comprouincialium multoties repetita admonitio, non canonicè facta coram Deo & Angelis eius professio, non chirographi in conspectu Ecclesiæ recitata descriptio, non numerosa sacramenta miris excogitata consiliis. Stant, suo vitio, quamplures Ecclesiæ Pastoribus viduatæ, pereunt innumerabiles populi sine sacerdotali benedictione & confirmatione. Ipse factione tyrannica diuina humanaque iura contemnens, tyrannidem exercet. Regibus nostris, à quibus tantam gloriam gratis consecutus est, interitum meditatur. B Ergo tandem ad monstra perditissimi hominis expergefacti, iuimus in sententiam Domini dicentis: *Si peccauerit in te frater tuus, vade, & corripe eum inter te & ipsum solum. Si te audierit, lucratus eris fratrem tuum: si autem te non audierit, adhibe tecum adhuc unum vel duos, ut in ore testium duorum vel trium stet omne verbum. Quod si non audierit eos, dic Ecclesiæ. Si autem & Ecclesiam non audierit, sit tibi sicut ethnicus & publicanus.* Adesto, Pater, ruenti Ecclesiæ, & sententiam ex sacris Canonibus promulgatam, vel potius ab ipsa Veritate prolatam, profer in medium. Sentiamus in vobis alterum Petrum defensorem, & corroboratorem Christianæ fidei. Ferat sancta Romana Ecclesia sententiam damnationis in reum, quem vniuersalis damnat Ecclesia. Suffragetur nobis vestra auctoritas, & in huius apostatæ deiectione, & in eius, qui Domni Dei præesse posset, Archiepiscopi noua ordinatione, simulque inuocatis Episcopis nostris fratribus necessaria promotione: ut sciamus & intelligamus, cur inter ceteros Apostolatum vestrum præferre debeamus.

XXVII. HIS Epistolis in media Synodo recitatis, missionis earum tempus & relata legatio à defensoribus Arnulfi perquirebatur: & de primo quidem mensis vndecimus reperiatur, de altero autem nihil memoriâ dignum. Sed legatos tantum scripta Romano Pontifici porrexisse, primoque blandè acceptos esse. Postea verò quàm Heriberti Comitis legati equum corpore præstantem, niueo colore insignem, cum aliis muneribus Pontifici obtulerunt; se per triduum ante ianuas Palatii defatiga- C tos, nec admissos, infecto negotio redisse. Astipulabantur etiam huic rationi Brunonis Episcopi præsentis Clerici, qui se pro eius cptione Romanum Pontificem adisse dicebat. A quo maledicta in reos cum auctoritate Apostolica expeterent, eius ministri summam solidorum decem dari censebant. Quibus derisis, eò quòd si pecuniâ redimi posset, nec mille talenta moras inferrent: hoc tandem in responsis ab ipso Pontifice acceperunt, ut is, pro quo captus esset, benè illi prospiceret. Non ergo Sedem Apostolicam huic iudicio præiudicare --:

XXX. HIS omnibus pertractatis, à defensoribus Arnulphi venia postulatur: & quòd eius negotia minùs cautè priùs inquisierint, & quòd Concilium longis dilationibus defatigauerint. Deinde adiungunt, non se controuersiarum genere adductos, ad studium defensionis accessisse: sed Episcoporum anathema sibi necessitatem dicendi imposuisse. Episcopi verò, & qui contra Arnulphum stetisse videbantur, æquo se obiecta accepisse dicebant. Sibi quoque placere, quòd iudicium posse fieri iam in commune legitimum putaretur: nihilque aliud superesse, quàm ut ipse Arnulphus in medium deduceretur, & de qualitate sui facti iuxta quod vellet responderet. Itaque iubente Synodo, in Episcoporum ordine confedit. Cui Pater Arnulphus circa eum Regis beneficia, itémque ipsius in Regem maleficia, miti alloquio commemorat. Negat ille se quicquam contra Regis salutem egisse, sed pro fide ad

- A** ad eum conseruata, cum Clero & populo se in propria vrbe ab hostibus captum fuisse: nihilque solatij proinde à Rege tulisse, sed insuper maleficia pro beneficiis recompensata sibi esse. Opponit Pater Arnulphus, præsentem Presbyterum, qui vrbis portas, acceptis à manu eius clauibus, iussu ipsius affirmabat se hostibus aperuisse. Ille respondet, Presbyterum longè meditata dicere, falsaque pro veris narrare, suamque innocentiam eius fictis criminationibus haberi suspectam non debere. Cui contra Presbyter ingerebat, quod se ad accusandum nemo impulerit, quod locus fugæ sibi patuerit, quod sibi semper fidissimus fuerit: nihilque aliud in accusandi causa se habere, quàm vt crimine prodicionis liberaretur, qui eius imperio paruisset, & si quid in veri confessione Synodi dubitet, vel suo vitio adscribat. Synodi decretis se subiacere pollicebatur, tantum Ecclesiasticæ communioni restitueretur. Ad hæc Arnulphus, teneri se ab hostibus conquerebatur, nec aliquando se vidisse Episcopum sic attractatum. ideoque se respondere nescire. Neque verò sibi relictos esse suos Monachos, suos Clericos, suos Abbates, quibus quæ vellet præcipere posset. quod dictum insulsi hominis esse putabatur. Et quidnam, inquit Pater Arnulphus, his præcipiendum est? Num vt te à culpis eximant? Et quidem, si pro testimonio ferendo dicis, en tui Episcopi, qui te frequenter pro temetipso, vt apud Synodum venires, hortati sunt. En tui Abbates, tuusque Clerus, cum sibi Prælati. His omnibus datur licentia te defendendi, non solum voluntaria, verum necessitate imposita.
- B** Ad hæc ille ad priora relabebatur? Non se vidisse Episcopum sic attractatum dicens, nec ita se habitum scire respondere: doctum etiam hominem inter tot sapientes insipientem videri posse. Cur ergo, inquit Episcopus Guido, secundum tua vota habitus, totiesque ab Episcopis & domino tuo Rege vocatus, respondere noluisti? Et ille: Delatus ad Regem eram, & ideo quod vocabar ire non audebam. Non ita est, inquit Guido Episcopus, sed cum te in vicinia Laudunensis vrbis apud Caunionem conuenissem, coram fidelibus testibus Clericis & laicis, tertio te ad fratrum tuorum conuentum inuitavi sub obtestatione diuini nominis, ex Canonum auctoritate & societate omnium fidelium ad Dominorum quoque tuorum præsentiam ire monui, per fidelitatem quam eis promiseras, per omnia sacramenta quæ ipsis præbueras. Vnde periurum te esse negare non potes, per chirographum cui subscripsisti, & omnes nos subscribere fecisti. Sed cum tu responderes, non posse te ire sine ductoribus Odone & Heriberto, eo quod vim tibi inferri timeres: fratrem meum Gualterum obsidem tibi obtuli: me, & patrem meum Comitem Gualterum, itineris ductores pollicitus sum: vt sine periculo vitæ, membrorum, captionis, ad tua redires. Idem quoque in eodem momento sacramento firmare propria manu præsto fuit. Cumque te à KAROLO captum esse prætenderes, eique sacramenta & obsides præbuisse, ideoque sine eius licentia ire non posse: percontabar à te, quàm obsides pluris tibi viderentur? Vtrum RICHARDVS frater tuus, Bruno Episcopus consobrinus tuus, eiusque sororis filius, in Regum potestate constituti? An milites tui, Sehardus & Rainoldus, qui datis pro se pueris abire permissi sunt, quorumque beneficia simulatis captiuatoribus tuis attribuisti: palam faciens, quanta in dante & accipiente obsidum diligentia fuerit? Quodnam etiam tibi sacramentum potius seruandum foret, requirebam: scilicet quod Regi & Domino tuo sponte dederas, aut quod hosti armato inuitus dare debueras? Tria autem erant sacramenta, quæ nulla arte, nullo ingenio effugere poteras. Primum, quo te obligasti, vt pro nullo à te facto vel faciendo sacramento à fidelitate Dominorum nostrorum recederes. Secundum, vt si ab hostibus interceptus esses, (sicut tunc simulabas) mox vt locus fugæ tibi pateret, ad Dominos tuos redire per rectam fidem non differres. Idque in præsentem facere monebam, cum tecum pauci essent, ego autem optimorum militum copias haberem. De tertio verò quid dicam? cum tam multiplicis periurij reus sis, quot esse periuros facis? Omnes enim ciues tui ac milites te iubente iurauerunt, vt si aliquando ab hostibus caperêris, vel si ipse tua sponte à Regis fidelitate deficeres, Regi se fidem seruatuos, urbemque & castra sub eorum iure retenturos. Econtrà, cum tu à fidelitate Regis defeceris, contra omnes mortales tibi sacramenta præbere iussisti. Domino tuo Regi portas ciuitatis obstruxisti: KAROLO, quoties sibi libuit, aperuisti. Nec ad professionem tui chirographi respicere voluisti, cum inimicis Dominorum

HUGO ET
ROBERTVS.

tuorum consilium & auxilium, secundum scire tuum & posse, subministraret. Nun-
quid & hæc negare contendes? Addebat etiam de pactis & constitutis in vulgari
lingua cum eodem habitis, quibus Episcopos à sua subiectione quasi emancipaue-
rat, si à chirographi conditionibus declinasset: seque id ex sua ac reliquorum Epi-
scoporum persona iamdudum apud Cautionem effecisse. Ad hæc ille, de non ser-
uatis chirographi & sacramentorum conditionibus erubescibat. quibus tamen po-
terat modis hæc eadem attenuabat. Petebant ergo Episcopi, ut aliquis familiarium
eius testis horum admitteretur, cuius cōscientiam vereretur. Admittitur ergo Rai-
nerius, secretorum ipsius per omnia conscius, & qui eum inter alia periuria etiam
contra se ac suam uxorem & filium publicè periurum protestabatur. Cui cū à sa-
cro Conuentu diceretur, quæ Arnulphus de Regis infidelitate denegaret, tali eum
» sermone aggressus est: Cur omnem populum tuo errore perdis? Nescis quæ ante
» vrbis traditionem iuxta fluuium Axonam mihi retuleris? Et ut omnium melius re-
» corderis, nescis te L V D O V I C I amorem filij K A R O L I omnibus prætulisse
» mortalibus? & si tibi placere vellem, ut de eius salute cogitarem? Vade ergo, &
» scelera tua Episcopis confitere: ut quia corpus perdidisti, saltem animam per pœ-
» nitentiam salues, & populum, qui de tuis criminibus adhuc dubitat, ab hoc erro-
» re absolvas. Quod si nolueris, coram Episcopis, coramque omni multitudo, quæ
» pro foribus astat, peccata tua, quæ adhuc dubia sunt, manifesta faciam, & scelera
» tua, quæ in nulla opinione populi sunt, in medium proferam: ut omnes sciant &
» intelligant, quid de te sentire debeant, & ut verbis meis fides in æternum habea-
» tur. Postquam perorauero, mea dexterâ ita esse sacramento firmabo, meumque
» vernaculum Episcopis tradam, qui per ignitos vomeres incedens, Deum de te
» iudicare manifestis declaret indiciis. Ad hæc Abbatum quidam dicebant, debe-
» re dari Arnulpho secessum deliberandi cum quibus vellet, ut consultius pro se
» respondere valeret. Quibus Pater Arnulphus: Quis, inquit, prohibet? Surgat,
» & quoscumque delegerit suis consultationibus adhibeat. Surgens itaque, ad cri-
» ptæ secretiorem partem, ostiis diligenter obseratis, venerabiles deduxit Episco-
» pos, Siguinum Senonensem, Arnulphum Aurelianensem, Brunonem Lingonen-
» sem, Gotesmannum Ambianensem.

XXXI.

IN horum absentia, multa ex Canonum capitulis in Synodo prolata sunt, mul-
ta inter assidentes collata, utpote omnium ignaros, quæ in abditis agerentur: non
tamen nescios, Imperatricis Theophaniæ, ac hostium Regis colloquia, contra
ipsius Regis voluntatem & vtilitatem Arnulphum expetisse: suorumque militum
copias sub signis K A R O L I contra eundem Regem in acie constituisse, & insu-
per criminis Regiæ Maiestatis reum esse. Itaque variis quoque sacramentorum ge-
neribus implicitum videri, ut à nemine Sacerdotum tot periuriis obuoluto Episco-
pale ministerium vllis legibus valeret impleri --- :

XL.

HÆC & huiusmodi dum sibi quisque vel alteri replicat, Episcopi qui in Syno-
do residebant ab eis conuocantur Episcopis, qui Arnulphum ad remotiora Comi-
tati fuerant. Quod cū conuenissent, causam sui aduentus non sine lacrimis &
multo gemitu didicerunt. Erat autem Arnulphi causa Apiarij Presbyteri causæ
consimilis. de quo sicut Africani Episcopi Celestino Papæ Romano retulerunt,
ita & hic de Arnulpho Episcopi Episcopis in hunc modum referre visi sunt. Ter-
» giuersiones Arnulphi, quibus nefandas turpitudines occulere conabatur, Deus
» iudex iustus, & fortis, & longanimis, magno compendio refecauit. Tetriore
» quippe ac putridiore obstinatione compressa, qua tantum liuidum cœnum impu-
» dentia negationis volebat obruere, Deo nostro eius conscientiam coartante, &
» occulta, quæ in illius corde tanquam in volutabro criminum iam damnabat, etiam
» hominibus publicante, repente in confessione cunctorum obiectorum flagitiorum
» dolosus negator erupit; & tandem de omnibus incredibilibus opprobriis ultro-
» neus se ipse conuicit. Atque ipsam quoque nostram spem, qua eum & credeba-
» mus & optabamus de tam pudendis maculis posse purgari, conuertit in gemitus:
» nisi quoniam istam nostram mœstitiā vno tantum solatio initiauit. Quod & nos
» labore diuturnioris quæstionis absoluit, & suis vulneribus qualemcumque mede-
» lam, etsi inuita, ac suæ conscientiæ reluctante confessione, prouidit. Addebant
» præterea confessores Episcopi, cum suis pedibus prouolutum, cum lacrimis & ge-
» mitu sua crimina sub nomine confessionis declarasse, seque à sacerdotali officio,

A quo hætenus indignè vsus fuerat, remoueri velle. Sed Episcopi, qui consentiente Arnulpho confessionis testes admissi fuerant, ab ipsius ore se audire malle dicebant. Quod cum factum esset, Episcopi per terribile nomen omnipotentis Dei, sub tremendo anathemate præcipiunt, ne vlla formidine coactus aliquid falsi de se proferat: seque illi omne solatium laturos, ac pristinum honorem etiam inuitis Regibus recuperaturos pollicentur. tantum innocentiam ex æquo & vtili astruere velit. At ille Episcopis quidem pro salutis suæ studio gratias agens, quæ eorum fidei commiserat, vera esse confirmat. Petebant ergo Episcopi, quoniam ea quæ per confessionem protulerat grauissima sibi viderentur, vt Abbatum & Clericorum doctissimos ac religiosissimos intromitti liceret: quique sacramento vel anathemate deuincti, & sua peccata fido silentio tegerent, & quid facto opus esset in commune decernerent: futuris quoque temporibus dictorum & factorum fidissimi testes existerent. Quod aliquandiu secum reputans, fieri permisit. Admissi ergo sunt ex omni Abbatum & Clericorum Collegio ferè numero triginta, quibus per conditionem anathematis Arnulphi confessio, ipso iubente; in ipsius præsentia propalata est: Itaque eo remoto, longis consultationibus definitum est, quomodo eius arcanum tegeretur, & Clero ac populo absenti pro eius depositione satisfaceret. Iam enim eum, qui sibi delectos Iudices constituerat, ad alterius non posse commere iudicium certum erat. Iam Episcopi inuidiâ Romani priuilegij carere videbantur, cum Arnulphus nec ad alios Iudices, nec ad Sedem Apostolicam prouocasset: vel ante electorum Iudicum audientiam, quod benè quidem licuerat, sese iustam habere causam putasset: vel post eorundem Iudicum sententiam, quod minimè licere manifestum erat. Sed utpote reus à torquente se conscientia conuictus; & sua sponte, vt videri tunc potuit, confessus, iudicij formam improbus accusator sui exposulauerat. ---

XLIX.

SEQUENTI autem die, confidentibus Episcopis in Basilica domni Basoli Confessoris, totiusque Cleri disposito Conuentu, pauca de ciuilibus, plurima verò de Ecclesiasticis negotiis pertractata sunt. Rursumque Arnulphus Remensis in memoriam rediit. Cumque causa eius iam non in defensione; sed maximè in conquestione versaretur: aliis illum propter genus, aliis propter florem iuuentutis miserantibus, Episcopos ruina fratris & ignominia sacerdotalis dignitatis grauius stimulabat. Vnusquisque enim casum eius ex seipso metiebatur: seque ab infamia liberari putabat, si is, qui publicè impetebatur, à criminibus liber foret.

L.

SED cum has in longum ducerent querimonias, ecce FRANCORVM REGES cum primoribus Palatij sacro Conuentui sese inferunt. Episcopis gratias agunt; quod pro salute Principum diutius consultando, deuotionem suam plena fide signassent. Laudant, quod à prauorum hominum conspiratione non solum se remouissent: verum etiam ipsa mente se alienos fuisse, studio demonstraissent. Simulque gestorum seriem breuiter exponi petunt, & in quo fine constiterint.

C NON, inquit Pater Arnulphus, hoc nobis adscribi debet; quod minimè pro meritis constat. Pro salute enim vestra quamuis omni tempore consultandum sit, hoc tamen tempus saluti fratris nostri, in periculo positi, totum contulimus. Et si res eò, quod volumus, deducta non est, non utique amore & beneuolentiâ vestri, vel odio ipsius hoc actum est: sed causarum difficultate, in quibus si aliqua similitudo defensionis apparuisset, argumentorum fortia machinamenta, sententiâ validissima iacula, pro eius munimine excitassemus. tanta nos pietas commouit, tantus charitatis feruor accendit. Denique non solum eos, qui defendere parati erant, pro eo exacuimus, verumetiam eos qui impugnare videbantur, nostro anathemate dubitare coëgimus. Itaque vtriusque humerosæ Patrum sententiæ prolata sunt, sed nulla earum adiutus est. Deductus quoque in medium est; & interrogatus. qui primò quidem omnia negauit. Sed cum sibi singillatim species causarum proponerentur, necesse erat sibi confiteri, quod publicè factum constabat. Cumque ex his quæ confitebatur consequerentur ea quæ negauerat: illa quoque, quæ plurimum celare nitabatur, in dubium adducebat. Inter has tergiuersationes cum hæreret, propositum sibi est, vt sibi consuleret. Qui secessum petens, Episcopos ad remotiora duxit. Ibi que dum de qualitate purgationum agere putaretur, stimulante conscientia, subito in confessionem peccatorum suorum erupit, cunctosque qui aderant attonitos reddidit. Episcopis autem salutem illi promittentibus, nihilque graue passurum, si

LI.

HUGO ET
ROBERTVS.

” rumores aduersos propelleret: ille nihilominus in sui confessione permansit, seque
” sacerdotio priuari poposcit. Huic confessioni quidam ex Abbatibus, multi ex Cle-
” ro interfuerunt, secretorum Arnulphi testes per longa secula futuri. Sed si placet,
” in præsentiā omnium deducatur, corāque multitudine ipse sibi testis & iudex
” causam suam exponat: simulque accusatores, testes, atque iudices inuidiā liberet,
” in se vno horum omnium personam gerens.

LII. QVO ingressō cum vniuerso populo, post paululum silentium indictum est. De-
” inde Pater Arnulphus ad Arnulphum: Vidēsne omnium ora in te vnum conuersa?
” Cur pro te ipso non loqueris? Qui cum malè concinna verba effunderet, minúsque
” intelligi posset, ait Pater Arnulphus: Es ne adhuc in sententia, in qua te serò reli-
” quimus? Sum, inquit. Vísne te abdicare à sacerdotij honore, quo hactenus abusus
” es? Et ille: Sicut dicitis. Tum Comes BROCHARDVS: Quid est, inquit, istud,
” Sicut dicitis? Palam eloquatur, palam confiteatur, ne postmodum Episcopos crimi-
” na, quæ voluerint, finxisse dicat: se confessum esse abneget. Et ille, Palam, inquit,
” dico, & profiteor me errasse, & à fidelitate Regia deuiasse. Sed peto, vt domino Ar-
” nulpho pro me loquenti credatis, ipsūque in vestra præsentiā deprecor, sicut mihi
” conscius est, & sibi placet, vt ita causam meam exponat. Naturā, inquit Pater Arnul-
” phus, taciturnus est; & insuper quæ sub testimonio Christi nostræ fidei celanda com-
” misit, palam confiteri erubesci. Sufficiat vobis hoc tantum nosse quod publicè con-
” fitetur: scilicet sacramenta quæ Regibus publicè præbuit, minimè conseruasse: con-
” tra confessionem & subscriptionem suam sub specie chirographi factam, publicè
” venisse. Non est mihi satis, inquit Comes Brochardus, nisi publicè fateatur, aut pu-
” blicè perneget, sub vestro testimonio se traditionem fecisse: vt alteri sit libera facul-
” tas in eius locum succedendi. Imò, inquit Pater Arnulphus, non eritis hodie pares
” sacerdotibus, quibus solis pura debetur confessio. Nōne si quis militum pro no-
” minato crimine apud Regem insimularetur, ipse autem illud quidem denegaret,
” confiteretur autem ita se in aliis peccasse, vt nec prædium nec beneficium obtinere
” posset, pròque sola vita supplicaret: si eius, inquam, prædium vel beneficium Regali
” munificentia vobis offerretur, accipere recusaretis? Quid eius interest inter omnia
” mortifera crimina, vtrum homicidio, vel adulterio, an veneficio quis puniatur? Sa-
” tis ergo vobis sit, quòd per confessionem nobis sua peccata manifestauit: quòd pu-
” blicè se indignum sacerdotio protestatur: quòd sic se peccasse coram Regibus in
” conspectu Ecclesiæ confitetur, vt nullo honore huius seculi dignus sit. Non enim
” ad rem spectare videtur, vtrum hoc an illo crimine seipsum sacerdotio priuet.

LIII. TVM conuersus ad Arnulphum: Quid ad hæc, inquit, dicis, quæ pro te hæte-
” nus locutus sum? Ita, inquit, dico & profiteor, sicut hactenus locuti estis. Proster-
” nere ergo, inquit Pater Arnulphus, coram tuis Dominis, corāque tuis Regibus,
” quos inexprimibiliter offendisti: propriamque confitens culpam, pro tui vita suppli-
” ca. Qui cum in modum crucis prostratus, pro vita & membris eiulatu quo poterat
” supplicaret, in lacrimas & suspiria Synodum totam conuertit. Moxque Daibertus
” Bituricensium Archiepiscopus, ad genua Principum obuolutus, humillimas pre-
” ces omnium pro salute viri offert. Qui pietate flexi, Viuat, inquiunt, vestro bene-
” ficio, nostrāque degat sub custodia, nec ferrum, nec vincula metuens, nisi fortè in
” fuga spem posuerit. Hoc dictum Episcopis non satis placuit. quippe cum putarent
” adolescenti fugā facillè posse persuaderi: quamobrem mortis legibus iterum subia-
” ceret. Iterant ergo preces, & iterum obtinent, iuuenem minimè gladio ferendum,
” nisi iterum digna ultore gladio committat. Eleuatus itaque à terra, nihilque graue
” vltrā metuens, depositionem sui attonitus expectabat. Quærebatur itaque ab eo,
” vtrum abdicationem suam ex auctoritate Canonum solemniter celebrari velleret.
” Quod cum potestati Episcoporum assignasset, persuasum illi est, vt culmen hono-
” ris, quod gradibus extulerat, gradibus deponeret. Resignat ergo Regi quæ à Rege
” acceperat. Deponit quoque sacerdotalis dignitatis insignia apud Episcopos, non
” quidem exigentes, nec retinere cupientes: sed iis, quorum intererat, in futurum
” reseruare disponentes. Deinde Libellum suæ abdicationis, secundum exemplar
” abdicationis prædecessoris sui Ebonis, perscribi rogat, perscriptumque hoc modo
” in medio Conuentu recitat.

LIV. EGO Arnulphus quondam Remorum Archiepiscopus, recognoscens fragi-
” litatem meam, & pondera peccatorum meorum: testes confessores meos, Signi-

A num Archiepiscopum, Daibertum Archiepiscopum, Arnulphum Episcopum, Gotesmannum Episcopum, Herueum Episcopum, Ratbodum Episcopum, Gualterium Episcopum, Brunonem Episcopum, Milonem Episcopum, Adalberonem Episcopum, Odonem Episcopum, Guidonem Episcopum, Heribertum Episcopum, constitui mihi iudices delictorum meorum: & puram ipsis confessionem dedi, quærens remedium pœnitendi, & salutem animæ meæ, ut recederem ab officio & ministerio Pontificali, quo me recognosco esse indignum, & alienum me reddens pro reatibus meis, in quibus peccasse me secretò ipsis confessus sum, & de quibus publicè arguebar, eo scilicet modo, ut illi sint testes alij succedendi & consecrandi in loco meo, qui dignè præesse, & prodesse possit Ecclesiæ, cui hæcenus indignus præfui: & ut inde ultra nullam repetitionem aut interpellationem auctoritate Canonum facere valeam, manu propria mea subscribens firmavi. Quo perlecto, ita subscripsit: Ego Arnulfus quondam Archiepiscopus subscripsi. Huic Libello Arnulphi præsentēs Episcopi testes adfuerunt, atque ab eo rogati subscribere subscripserunt, ac singillatim illi dixerunt: Secundum tuam professionem & subscriptionem, cessa ab officio. Post hoc, Clerum & populum à sacramentorum nexu absoluit, ut omnibus libera facultas in alterius transmeandi iura pateret.

His solemniter peractis, ecce Adalgerus Presbyter ad Regum pedes proster-
 B nitur, seque priuari communione conqueritur, eò quòd imperio domini & Archiepiscopi sui, cui resistendum non erat, paruerit. Cui Pater Arnulphus: Aperuisti, inquit, urbis portas hostibus? Et ille: Aperui. Et Pater Arnulphus: Ingressus es Templum Dei hostiliter? Tum Presbyter: Negare non possam. Et Pater Arnulphus: Ex ore, inquit, tuo te iudico. Sanguis tuus super caput tuum. Subiunxit Gualterus Episcopus: Quando, inquit, imperans Episcopus ita mulctatus est, tu obtemperans, ac manibus iussa perficiens, consequentem mulctam exolues. Et Pater Bruno: Tu, inquit, ac tui similes, malis consiliis, & malis executionibus iuuenem perdidisti. Ut ergo ille ploret, & tu cantes? Aut quomodo questibus temperare potero, si nulla afficiantur pœna, qui filium patris mei in has præcipitauere miseras? Itaque Presbytero iubetur, ut quod malit eligat, aut perpetuum anathema, aut sui legitimam depositionem. Sua enim sponte venerat sub conditione, ne quid violentiæ patere-
 C tur. Diu ergo secum deliberans, maluit deponi, quàm sub perpetuo anathemate detineri. Et Episcopi nulla miseratione circa eum adducti, veste sacerdotali induunt, ac mox illi singula quæque usque ad Subdiaconatum sine reuerentiâ detrahentes, sigillatim per singula subinferunt: Cessa ab officio. Deinde per legitimam reconciliationem laicam illi tantum communionem concedunt, ac pœnitentiæ subdunt. Eos verò sacrilegos, urbisque proditores, qui nec sponte, nec vi ad satisfactionem venerant, iterato anathemate damnant. Post hæc Concilium solemniter determinatur.

EPISTOLA HUGONIS REGIS

ad Papam Ioannem.

HUGO Rex Papæ Ioanni. Beatitudinî vestræ ego & Episcopi mei per T. Archidiaconum Remensis Ecclesiæ scripta direximus, in quibus Arnulphi rationes vobis explanauimus. Sed hoc nunc obsecrando superaddimus, ut mihi meisque iusta decernatis, nec dubia pro certis recipiatis. Nihil nos contra Apostolatum vestrum egisse scimus. Quòd si absentibus non satis creditis, Gratianopolis ciuitas in confinio Galliæ & Italiæ sita est, ad quam Romani Pontifices Francorum Regibus occurrere soliti fuerunt. Hoc si vobis placet, iterare possibile est. At si nos & nostra inuisere libet, summo cum honore descendentes de Alpibus excipiemus: morantem ac redeuntem debitis obsequiis prosequemur. Hoc ex integro affectu dicimus, ut intelligatis & cognoscatis, nos & nostros vestra nolle declinare iudicia. Petimus itaque, ut T. Archidiaconi legationem benignè suscipiatis, ut dum quod petit obtinuerit, nos in suo aduentu efficiat lætos, & in vestro obsequio feruentissimos.

Tom. IV.

K iij

HUGO ET
ROBERTVS.

*Ex Epistola GIBERTI ad VVilderodum Argentina ciuitatis Episcopum, A
quæ est Apologia pro Remensi Synodo.*

ARNULFVS Regis HLOTHARII, vt fama est, filius, postquàm suum Episcopum dolo & fraude circumuentum cum propria vrbe captiuauit, post multum cruorem humani sanguinis à se effusi, post prædas & incendia, in Conuentu Episcoporum totius Gallia damnatus est. At deindè post obitum beatæ memoriæ Adalberonis, à solo Adalberone Episcopo Laudunensi reconciliatus, spe obtinendæ pacis Métropoli Remorum donatus est: acceptis ab eo terribilibus sacramentis, & libellari professione, pro fide suis Regibus conseruanda. quam & viua voce in conuentu Ecclesiæ recitauit, & propria manu subscribendo corroborauit. Nec dum à sua ordinatione sextus mensis elapsus erat, & ecce quasi tempestas urbem ab eo proditam hostis inuasit, Sanctuarium Dei polluit, spolia diripuit, Clerum & populum captiuauit. Post hæc verò Arnulphus suos prædones sub anathemate posuit, atque vt idem facerent Galliarum Episcopis imperauit. Prædia Ecclesiæ, quæ per sacramentum suis militibus dederat, abstulit, hostibus contulit. Coniuratorum manum contra suum Regem eiusque exercitum in aciem sub signis KAROLI produxit. Interea Legatis, & literis Synodicis, Romanus Pontifex, vt Ecclesiæ turbatæ subueniat, ammonetur. Sed neque Legatis, neque Literis consulentibus consulit. Itaque grauium Episcoporum facto consultu, Legatis & Literis Synodicis, ac miti ammonitione Arnulphus conuentus decem & octo continuis mensibus, vt à cœpto furore desisteret, seque à scelere prodicionis & rebellionis, quo impetebatur, regulariter purgaret, noluit. Sed cùm à se fautores maximos nequitia suæ discedere sensit, territus, Regem adiit, nouisque sacramentis, ac nouis rerum conditionibus Regiæ mensæ particeps factus est. Atque ita irâ Regis sedata, omni crimine se exutum credidit. Indèque mox rediens, fidem sacramentorum rupit, conditionibus non seruatis. At ij, quorum intererat, totiens se decipi, totiens bonis suis priuari non ferentes, Lauduni arcem occupant. Arnulphus inter hostes Regis inuenitur, Synodo repræsentatur, pro tot tantisque flagitiis rationem reddere deposcitur. Qui diu secum atque cum suis familiaribus multum deliberans, sua sponte in confessionem peccatorum suorum erupit, suisque confessoribus alios testes adhibuit, crimina sua in Libellum retulit, eique à se viua voce coram Ecclesia recitato subscripsit. Insignia sacerdotij deposuit, eoque se abdicauit: confessoribus suis ac testibus attestantibus, & respondentibus:

” Secundum professionem & subscriptionem tuam, cessa ab officio. --- ∴

**VITA DOMNI BVRCHARDI
VENERABILIS COMITIS,
QVI SVB REGIBVS HVGONE CAPETO,
ET EIVS FILIO ROBERTO FLORVIT.**

*Auctore Odone Monacho Fossatensi, qui eam scripsit
anno incarnati Verbi MLVIII.*

INCIPIT PROLOGVS.

RELIGIOSORVM gesta virorum vitâ Deo fideliter placentium memoria tradere posterorum dignum fore autumamus, atque iustissimum. Pertranseuntibus enim generis humani aetatibus obliuioni traduntur quæ geruntur à fidelibus, nisi fortè contigerit aliquibus membranis inserere, quæ ab ipsis, dum viuunt, peraguntur honestissimè. Commonitus itaque Patrum priorum exemplis, qui de multis sui temporis gestis plurima nobis reliquere, maximè beati Gregorij Romanae urbis Apostolici, qui de plurimis Sanctorum gestis, tam in Dialogo suo quàm in Homeliis differit; studui aliqua Fratribus Fossatensis Ecclesiae perscribere, qualiter venerabilis Comes BVRCHARDVS, eiusque filius; Præsul scilicet RAGENALDVS, sancto Spiritu commonente eundem locum honoribus ac possessionibus sublimauerunt: atque postmodum appropinquante fine, Religionis habitu. Nam licet multa eorum benè gesta hac nostra etate obliuione sint deleta: pauca tamen, quæ adhuc perspicui possunt, & quæ ab antenatis comperi, ob eorum perpetuum memoriale rememorandum, stylo percurrere aggressus sum. At quoniam secundum Domini dictum, abundante iniquitate, & refrigescente charitate, omnes qui piè volunt viuere persecutionem patiuntur: Iam dicto loco ad summam miseria calamitatem decidente, antequàm penitus ad ima corruat, cogor natiuum relinquere solum, quo pueriliter, ut Christo placitum fuit, educatus sum. Presuris siquidem plurimis stimulatus, infestationum iaculis colaphizatus atque fugatus, exterarum cupio adire Nationes: ignorans, sicut dicit Apostolus de se, quid mihi futurum sit. Nec, hoc agendo, extra Domini præceptum facere pertimesco, qui suos fideles, ut vitare valerent rabiem persequentium, de ciuitate in ciuitatem fugere iubet. Ipsius tamen posco sanctæ misericordiae largitatem; ut ab hostium tam visibilium quàm inuisibilium incursum ereptam iugiter dignetur protegere, quem precioso sui sancti sanguinis redemit cruore. Antequàm ergo itineris, seu mutationis assumam laborem, hoc Scriptum iam dictæ Fossatensi Ecclesiae studui relinquere, ut Fratres deuotionis atque sanctæ dilectionis amorem circa me exhibentes, dum docti ab indocto perceperint verba huius lectionis, sint memores Odonis peccatoris, quatinus eorum Sanctis precibus merear post mortem carnis consequi brauium aeternæ felicitatis. Amen.

Ex editione
Iacobi Bro-
lij Mona-
chi S. Ger-
mani de
Pratis in
Supplemēt:
Antiq. Pa-
ris.

EXPLICIT PROLOGVS.

K iij

INCLYTUS BURCHARDVS nobili stirpe progenitus, sacro baptismo est ingeneratus, atque nobiliter in Religione Catholica militari tyrocinio edoctus. Nam pueritiæ tempora dum transigeret, Curia Regali more Francorum Procerum à parentibus traditus est. Qui Christianitatis operibus pollens, totius prudentiæ atque honestatis assumpsit commoda. In Aula enim gloriosi HUGONIS Francorum Regis, cunctis tam cœlestibus quàm militaribus imbuebatur institutis. Dum verò adolescentiæ atque iuuentutis appulit ad nos, Domini providente gratiâ, qui fidelem militem sibi cum prouidebat futurum, magno dilectionis amore à Rege amplectitur: intantum ut cunctos cœtaneos transcendere videretur. Amabatur enim à cunctis, honorque maximus ei ab omnibus Francorum Proceribus impendebatur. Honoratur quoque ab inclyto Rege, auròque & argento, castris quoque ac possessionibus multis ditatur, ipsiusque Consiliarius fidelissimus efficitur. Contigit itaque iisdem temporibus Dei disponente iudicio, ut Comes Corboili castri nomine HAYMO, ad limina sanctorum Apostolorum Petri & Pauli orationis gratiâ Romam pergeret, ibidemque in eodem itinere finem huius vitæ acciperet. Quo defuncto, admonetur strenuæ iuuentutis tyro Burchardus tam à Rege quàm ceteris Francorum primoribus, ut prædicti Comitis uxorem sibi con-
iugio copularet. Ille verò, quem iam iuuentutis seu naturæ humanæ necessitas talia facere coge-
bat: præceptis Regalibus libenter paruit. Datur ergo dono Regali ei uxorem dicti Comitis Haimonis, ELIZABETH vocitata, nobili progenie & ipsa exorta: coniungunturque thoro nuptiali, ut secundum Domini imperium, prole dulcissima postmodum lætarentur. In quo copulæ thalamo dedit Hugo Rex sibi fideli militi castrum Milidunum, atque iam dictum Corboilum, Comitatumque Parisiacæ vrbis. taliterque Comes Regalis efficitur. Susceptoque honore temporali, gubernabat sibi commissam familiam secundum Domini voluntatem. Erat enim fidelis defensor Ecclesiarum, quæ sub imperio Regni Francorum habebantur, largitor eleemosynarum, consolator miserorum, subleuator piissimus Monachorum, Clericorum, viduarum, atque virginum in Cœnobiis Deo militantium.

Cum igitur his & aliis multis Domino placere studeret virtutibus, utpote vir seculari militiæ deditus, atque in cunctis mundi negotiis implicatus, eius mens Regi Regum fideliter deuota mundo minimè celari potuit. Non enim dignum erat ut lucerna sub modio posita diutius lateret in tenebris, sed super candelabrum poneretur, ut lumen lucernæ clarè ardentis omnibus in limine sanctæ Ecclesiæ introeuntibus patefceret. Tempore ergo iam dicti Francorum Regis HUGONIS Ecclesia Fossatensis Cœnobi, quæ olim ab antiquis Regibus nobiliter fuerat sublimata, præ cæteris erat confusa, atque omni humanæ necessitudinis auxilio destituta. Hoc autem acciderat partim iustitiæ penuriâ, partim quoque Rectorum negligentia. Iisdem namque diebus Magenardus vir nobilis, secundum huius caduci seculi honorem nobiliter natus, eandem gubernabat Ecclesiam. Qui non iuxta Patris Benedicti imperium agens, seculo valde deditus, animarum ac corporum commoda postponebat. Delectabatur enim canum atque bestiarum venationibus auiumque volatibus. Dùmque alicubi voluntas pergendi adesset, depositis Monachalibus indumentis, preciosarum pellium tegmentis exornabatur, calamaneumque * optimum pro capitis humili capiti imponebatur. Subiecti etiam quique pro posse & ipsi eadem sectabantur. Ne ergo cuiquam erga habitatores ipsius loci molestum videatur, hic mos à cunctis Monachis istius Regni agebatur. Dum itaque hæc & multa alia agerentur, quidam Cœnobita Adicus nomine graue tulit, & secum cogitatione tacita, quomodo hoc à Sanctuario Dei prohiberi posset, sedulè meditabatur. Omnibus ergo inscientibus Abbate quoque, ignorante, religiosum adiit Comitem, cunctam sui cordis ei pandens voluntatem: ac omnibus cum exorans precibus, ut locum ipsum memor suæ animæ in pristinum statum restituere dignaretur. At memoratus Comes talia mente pertractans, promittit se eius precibus assensum præbiturum. Accedens itaque ad Regis præsentiam, humili mente ac voce cœpit dicere: Licet, Rex Francorum gloriose, tua Regalis Maiestas præ

* *al. calamantum.*

A cæteris Aulæ tuæ effecerit me castris, ac multis honoribus terrenis ditio- rem: vnum tamen adhuc requiro tuæ benignitati, quod ne prohibeas super cunctis precatibus me deprecari agnoscas. Ad quem Rex: Quid, inquit, illud est charissime, quod tibi in Regno nostro possit negari? Cui venerandus Comes: Non valde, multum- que larga, sed parua videtur res esse, quam requiro. Oro namque vt Ecclesiam Fos- satensis Cœnobij, quæ Regali subdita est dominio, vestæque fiscus fore videtur, mihi seruitutis vestræ obsequiis parenti tua præcellsa Maiestas concedere dignetur. Cui Rex ait: Cùm omnibus constet prædecessorum nostrorum temporibus Rega- lem semper fuisse Abbatiam, quomodo valet fieri vt à nostra Regali potestate se- paretur? Si enim hoc à nobis factum fuerit, fortè post tui corporis obitum, here- dum siue successorum tuorum nequitia subuertetur, atque tunc culpabimur, de- trimentumque animæ patiemur, cùm nullus iustitiæ fuerit locus, Fratribusque in eo degentibus infinitum acciderit detrimentum. Ad hæc Comes responsum red- didit: Dum minimè nunc impetrare valeo vt mihi perpetuali concedatur dono, sal- tem hoc tribuatur, vt emendationis ac restorationis gratiâ, causa quoque salutis nostrarum animarum, hoc petitionis donum suscipere merear. Valde quippe de- lectator tam preciosum locum ad emendandum suscipere, vestroque suffultus auxi- lio, honoribus ac possessionibus plurimis, si vita Deo propitio comes fuerit, subli- mare, atque in pristinum statum erigere. Salutem quoque meæ animæ, atque sce- lerum & peccatorum meorum diminutionem eleemosynarum largitione per ip- sum locum Deo annuente spero consequi. Et post huius caduci seculi decursum, fragilia mei corporis membra volo ibidem tumulari. Cernens itaque Rex ex Dei voluntate esse quod à tanto poscebatur viro, causa emendationis ac benefaciendi, sicut pollicebatur, eius prouidentia commisit, vt subleuator fidelis atque defensor ipsius Ecclesiæ aduersus hostes malignos, terrarumque inuasores existeret. Quod alacri cordis gaudio suscipiens, gratiarum Deo laudes, Regique mortali red- didit.

Illis igitur diebus fama venerabilis MAIOLI Abbatis Cluniacensis laudabilis per omnem Galliam habebatur. Accepta itaque Comes Regis licentia, ad eun- dem Sanctum virum perrexit. Cùmque ab eo reuerenter, vt dignum erat, susce- ptus fuisset, humo prostratus, tam admirabilem humilitatis exhibitionem, aduen- tûsque eius ad eum causam à tam longinqua patria inquirere studuit. Cui Comes: Laborem tanti itineris assumens, non causa leuitatis ad te venisse credendum est. Supplex namque requiro, vt petitionis meæ verba suscipias, ne pœnitens inueniar tam longo itinere fatigatus, tam longinquam adisse patriam. Locum siquidem Fossatensis Ecclesiæ nuper à domno HUGONE Francorum Rege emendationis gratiâ suscepi, quem deprecor vestro emendari ac sublimari præsidio: quatinus S. Benedicti institutio ibidem religiosè seruetur. Non enim alicuius auxilium requi- rere studij, nisi tuum, quem Deo placere comperi. Cui Pater Maiolus admirans, respondit: Cùm multa Monasteria in vestro habeantur Regno, cur ab illis non ac- cipitis quod à nobis requiritis? Valde enim laboriosum nobis est exterarum atque in- cognitaram adire Regionem, nostramque relinquere, & vestra appetere. A vestris ergo hoc potius vicinis expetendum est, quàm à nobis longinquis & ignotis. Hoc Co- mes audiens, valde tristis atque mœstus redditur, timens tantum iter in vanum as- sumpsisse. Iterum ergo atque iterum ad pedes sancti Viri prosternitur, poscens vt affectus desiderij eius susciperetur. Sanctus itaque Maiolus multis venerandi Co- mitis deuictis precibus, acceptisque perfectioribus sui Cœnobij Fratribus, cum eodem Comite ad Parisiacum vsque peruenit. Cùmque ad portum villulæ super fluuium Matronæ Monasterio Fossatensi proximæ peruenissent, iubet Comes Ab- batem, cunctamque congregationem sibi vltra flumen occurrere. Illi autem ignari futurorum, alacriter iussis Comitis obaudiunt. Cùmque cuncti adunati fuissent, præcepit vt qui cum Abbate Maiolo manere in Cœnobio voluissent, eiusque iussis in omnibus obedire, liberam haberent licentiam reuertendi. Qui verò nollent, ab- irent quod vellent. Illi autem tristes admodum effecti, vtpote omni humano desti- tuti auxilio, magis elegerunt vias cordis proprii appetere, quàm cum Abbate vel Monachis sibi ignotis ad Ecclesiam redire. Nemini enim licuit ex his quæ habe- bant secum quicquam deferre, exceptis indumentis quibus induti erant. Abbas autem Magenardus, qui, vt diximus, nobilis progenie erat, ex sanguinitate enim

HUGO ET
ROBERTVS.

Ansoaldi diuitis Parisiacæ ciuitatis existerat, in Cœnobio sancti Mauri, quod **A** Glannafolium dicebatur, transmissus est, vt ibidem Pastor Fratrum illic degentium existeret. Qui quamdiu vixit, in eodem loco conuersatus est. Quo defuncto, ante vultum Crucifixi Domini in Ecclesia corpus eius sepultum est.

SANCTVS igitur Maiolus sæpessatum locum cum suis suscipiens Monachis, districtiorem regularis Ordinis districtè obseruare cœpit: vt omnino nihil prætermitteretur ex his quæ sancti Benedicti præcipit Regula. Cùmque regulariter intus & exterius cuncta ibidem agerentur, ac sollicitè omnia, vt possibile erat, emendata fuissent: accedens ad **HUGONEM** Francorum Regem, exoratus est, vt victus alimoniam seruorum Dei sub eo conuersantium multiplicando adaugere dignaretur. Cuius preces Rex benignè suscipiens, adhortante eum Comite Burchardo, contulit Ecclesiæ Fossateni villam quæ dicitur Mansiones, cum Ecclesiis, & cum cunctis sibi adiacentiis, sitam in Parisiaco inter Sequanam & Matronam, sicut ipse eam regali iure habere videbatur. Facto itaque testamento monogrammate firmatur, & in eo sigillum Regalis Maiestatis à Ragenaldo Cancellario filio Comitis, **p 88.** postea Parisiorum Præsule, imponitur anno incarnati Verbi **DCCCCXXXVIII.** sub die **XII.** Calend Iuliarum, perpetuòque in eodem Monasterio conseruatur. Ob hoc etiam dies obitus ipsius Regis **IX.** Cal. Nouembris vsque hodie in ipso Monasterio solemniter celebratur. His igitur ita peractis, sanctus Pater Maiolus ad propria regredi accelerabat. Committens ergo locum cuidam religioso viro nomine Teutoni, quem de Cluniaco secum cum ceteris adduxerat, ipse vnde **B** venerat reuersus est.

ROBERTVS.

Post multum verò temporis, dum sanctus vir Maiolus in Galliam reuerti differret, defuncto iam inclyto Rege **HUGONE**, cùm piæ memoriæ **ROBERTVS** Rex filius eius Regnum suscepisset, consilio & hortatu Comitis eidem Teutoni donum Abbatix isdem Rex dedit, eumque Abbatem ordinare præcepit. Quod cùm ad aures Cluniacensium peruenisset, valde tristes effecti sunt, quia cupiebant sibi ipsum locum ad Cellam redigere. Ordinatus autem prædictus vir ad honorem regiminis, magno studio conabatur onus susceptum æquo disponere moderamine, ac Ecclesiam sibi commissam summo sublimare honore. Parietes enim ipsius Aulae, qui ab antiquis fuerant constructi, nimia vetustate erant consumpti. Quod idem Pater cernens, eamque meliorando restaurare cupiens, omne ædificium illius solotenus euerit, atque aliam maioris amplitudinis, & excellentiori dignitate conspicuam, Deo sibi auxiliante construxit. Deinde duo signa preciosa nomen suum vni imponens, ad honorem Domini facere præcepit. Hæc itaque & multa alia ipse Deo dignus Abbas bona in eodem loco operatus est opera. Venerabilis autem Comes de salute suæ animæ valde sollicitus, sancto cum Spiritu adhortante contulit dilectæ sibi Ecclesiæ, sanctæque matri Domini Mariæ, & Apostolis eius Petro & Paulo, necnon venerabili Mauro Confessori res possessionis suæ, quæ preciosæ sibi esse videbantur. Helizabet quoque Comitissa sociali coniugio illi iuncta, cum Ragenaldo suo filio iam Præsule vrbis Parisij effecto, talis facti assensores, & desiderij sui participes extiterunt. Accedens ergo ad Regis præsentiam, exoratus est vt Regali more hoc & ipse annueret, testamentumque suæ auctoritatis iuberet fieri, ac suo signo muniri: quatinus per futura tempora eisdem rebus prædictum frueretur Monasterium, & eius memoriale in orationum precatibus semper haberetur. Hortante itaque Regis clementiam eius genitrice **ADELAIDE**, & eius coniuge Regina **BERTA**, quæ à tanto poscebantur viro libentissimè annuit. Dedit itaque sæpeditus Comes Burchardus Ecclesiæ Fossateni has possessiones de rebus suæ proprietatis: villam videlicet, quæ Nobiliacus dicitur, in Episcopatu Parisiacensi super flumen Matronæ sitam, cum aduocatione & vicaria, cum Ecclesia & altari, & cum omnibus, quæ ad ipsam aspiciunt. Item in eodem pago, in Comitatu Corboliensis castri, in villa quæ vocatur Licias, mansum Algardis cum omnibus ad illum pertinentibus. In **VV**astinensi quoque pago, in Comitatu Nantoniensi, atque in Episcopatu Senonensi vrbis, prædium iuris sui, quod nuncupatur Seia, cum aduocatione & vicaria, atque Ecclesia, & cum cunctis quæ ad ipsum aspiciunt. In Comitatu etiam Milidunensi alodum, qui vocatur Curciacus, cum aduocatione & vicaria, & cum omnibus ad eum pertinentibus. Hanc ergo suæ sanctæ deuotionis voluntatem plurimi Francorum videntes & audientes, erga

A eundem locum & ipsi ex propriis rebus multa conferebant. Inter quos Vicecomes Milidunensis castri nomine *Ioscelinus* exoratus est Deo deuotum Comitem, vt ei Ecclesiam, quæ sita est in vico, qui *Nofiacus-siccus* dicitur, quam de eius beneficio possidebat, Deo & Sanctis eius concedere dignaretur. Comes verò gaudio repletus, & hoc ipsum libenti animo concessit. Ipse quoque Vicecomes cingulum militiæ pro Christo deponens, in eodem Cœnobio Monachus postmodum est effectus, atque dignè finem suæ complens vitæ, ibidem obiit sub die *xiv. Calend. Aprilium*. Super his ergo omnibus inclytus Rex *Robertus* auctoritatis suæ testamentum fieri iussit, traditionemque Abbati Teutoni seu reliquis Monachis fecit, & præfatæ Ecclesiæ munificentia suæ Præcepto confirmauit: per quod præcepit iubens, vt vsque in finem seculi Cœnobitæ illius loci hæc omnia tenerent, atque pleniter possiderent: nullusque Rex, nullus Episcopus, nullus Comes, aut vlla mortalis potestas illas res disponere, aut in sua potestate quicquam horum decernere aut delegare præsumeret: sed perpetua soliditate in ipsorum iure consistenterent, disponendi atque faciendi ad vtilitatem loci quicquid elegissent. Vt verò ipsius præceptionis atque roborationis edictum per cuncta æui tempora inuiolabilem obtineret firmitatis vigorem, more Regali manu propria confirmauit, & annuli sui impressione insigniri iussit. Quod *Rogerus* Cancellarius deuotè peregit, qui postea Deo concedente ad honorem Pontificatus in vrbe Beluacensi sublimatus est. Acta sunt autem hæc in ciuitate Parisius, anno incarnati Verbi *cccc. 998*.

B *xcviii.* anno verò *Robertus* Regis *X.* sub die *xiii. Cal. Maiarum*.

Fuit etiam ipsis diebus miles quidam egregius, potentiis & diuitiis seculi valde sublimis, venerandoque Comiti fidelis, nomine *Ermenfredus*, fideliter Deo complacere desiderans. Hic itaque pauore æterni supplicij perterritus, & exemplis iam dicti viri religiosè animatus, retulit ei, multum locum sibi commissum diligere, ac de propriis possessionibus se velle in eo largiri. Deprecatus est itaque eum, quatinus villam, quam de eius beneficio tenebat, quæ *Licias* appellatur, Ecclesiæ *Fossatensi* daret: itaut etiam prædium suæ possessionis, quod *Aiureum* dicitur, spontanea voluntate simul tribueret. Ille verò, qui optabat vt cuncti milites Francorum similia peragerent, liberam dedit illi facultatem dandi quicquid eius animo placitum fuisset. Veniens itaque ad sibi dilectum præ cæteris locum, cum sua coniuge, quæ *Ermenfendis* dicebatur, innotuit religioso Abbati Teutoni ac cæteris Fratribus sui cordis secretum. Qui gratias Deo agentes, in suis orationibus prædictos coniuges suscipiunt: sicque familiares Dei seruorum effecti sunt, atque locum suæ tumulationis post resolutionem corporum acceperunt. Dederunt ergo ibidem prædium superius nominatum *Aiureum* super flumen *Sequanæ* situm, distantem à castro *Corboilo* milliario & dimidio, Ecclesiam quoque & vicariam, & aduocationem, cum omnibus ad eum pertinentibus. Simili etiam modo donationem fecerunt de villa iam dicta, quæ vocatur *Licias*, in prædicto pago sita, distante à castro milliario & dimidio: quam de beneficio *Burchardi* Comitis & filij eius honore Pontificali præcluentis *Rainaldi* tenebant: quorum consensu & voluntate hoc donum fecerunt, pro æternæ vitæ remuneratione, & pro animarum suarum, siue *Gelonis*, cui successores existerant, atque parentum eorum absolutione, cum aduocatione & vicariorum potestate, & cum cunctis, quæ ad ipsam aspiciunt. Donum ergo harum rerum super altare sanctæ Mariæ sanctique Petri Apostoli posuerunt tenore tali, vt annuatim recognitionem ex ipsis haberent denominatam: ambobus verò ab hac luce migrantibus, perpetuò habendas possiderent. Post hæc etiam Regis adeuntes præsentiam, deprecati sunt, vt hæc dona Præcepti sui auctoritate roboraret, & annuli sui impressione munire dignaretur. Ipse quoque suæ matris *Adelaidis*, vxorisque *Bertæ* suggestionibus, vti precatus fuerat, peregit. Conscripto itaque testamento, ac monogrammate Regis manu facto, *Franco* tunc Cancellarius, postea verò Episcopus Parisij factus, imaginem Regis imposuit. Factum est autem hoc in prædicta vrbe anno Incarnationis Christi *M. Indictione xii. 1000*: anno verò regni inclyti Regis *Robertus* *xii.* feliciter.

His ita narratis, ad nostrum *Burchardum* reflectatur stylus. Huic ergo venerando Comiti, instigante humani generis inimico, infestus atque inimicus existerat valde *Odo* Comes, eiusque bonis inuidebat actibus: quia illum in Aula Regis sibi præponi, atque honorari, & diligere cunctis conspiciebat. Qua dere se-

ROBERTVS.

ductione quadam atque traditione castrum Milidunum ei furatus est. Quod cum A didicisset, auxiliante sibi Rege, coadunato Francorum exercitu, multis millibus militum circumuallauit. Cernens itaque Odo non se posse ibidem quierum manere, nec idem castrum proprio retinere dominio, clam cum suis abiens fugit. Burchardus verò introgressus, proprium recepit castrum. Galterius verò, cuius traditione hoc tantum nefas perpetratum est; in monte, qui eidem præminet, cum sua coniuge laqueo suspensus est. Alio quoque tempore inimico pacis lucisque aduersario adhortante, hi duo Comites in eodem pago Milidunensi denominato sibi loco bellum inter se condixerunt. Cumque ibidem aduenissent, pugnaque ab utrisque partibus acerrimè præpararetur, prædictus miles Ermenfredus solius tunc Regis dominio subditus, suis manibus ac eius potestati humiliter se submisit. Non enim mos erat, nec est Francis, in bello aliquo modo introire absque præsentia aut iussu proprii Senioris. Humiliato ergo Burchardo valde in conspectu Dei, quatinus contra hostem superbum, ceruicem corporis & cordis rigidè erigentem, victoria sibi daretur, in campum villulæ, cui nomen Orceiacus est, simul pugnaturi conueniunt. Illis itaque in acie decertantibus, Dei iudicio exercitus Odonis intra semetipsum dimicans, magna cæde prosternitur. Burchardus verò in Domino fiducialiter confidens super hostes irruit, multisque millibus interfectis, victoria illi de cælo tribuitur. Videns quoque Odo multum suum exercitum minui, valdeque occisum per campi planiciem iacere, nec illa die penitus posse victorem B existere, pauore valido tremefactus, valdeque effectus confusus, timebat minimè inde euadere, sed latenter auxilium fugæ citissimè petiit. Sic itaque Deo fidelis Comes victor existens, laudans cum suis Dominum, ad propria cum gaudio reuertitur.

Orcey.

RELIGIOSVS denique Abbas Teuto ieiuniis & orationibus, vigiliarumque pernoctationibus assidue intentus, Deo semper placere fideliter desiderabat. Cum ergo in loco sibi commissio arduam, ut cupiebat, vitam, ob pastoralis custodiæ curam, minimè seruare posset, Remensis urbis pagum ad habitandum sibi elegit. Habetur siquidem illuc quædam possessiuncula, quam gloriosus Rex Carolus Caluus Ecclesiæ Fossatensi, Abbati que Godofredo, refugij causâ propter Nortmannorum persecutionem dedit, in qua etiam corpus sancti Mauri multis annis reuerenter traditur conseruatum. Illuc ergo iam dictus Abbas, arduam pro Christo peragens vitam, multo tempore conuersatus est. Quò pergens, ibidemque permanere desiderans, baculum curæ pastoralis per sui seruitij ministrum nomine VValterum, quem ipse in Domini timore nutriuera, Fratribus transmisit: mandans ut sibi secundum Christi voluntatem dignum Pastorem eligerent. Hoc ergo Cœnobitæ audientes, valde mirati, atque tristes effecti, Comiti præcipuo ac eius filio Parisiorum Præfuli Rainaldo protinus studuerunt innotescere. Illi autem hæc omnia Regis auribus innotuerunt. Venerabilis autem Pater Teuto in iam dicta villa multis diebus commoratus, in ieiuniis & orationibus, atque in cunctis bonorum operum exhibitionibus in quantum homini mortali possibile fuit, Deo sibi opem ferente, solitariam peregit vitam. Postmodum verò cupiens locum sibi commissum, Fratresque quos reliquerat reuiscere, usque ad Nogent-sur-Marne. peruenit. Ibidem ergo figens gressum, mandat Fratribus se adesse, atque ad eos se velle venire. Quod multi audientes, hanc eius desiderij deuotionem prohibuerunt, dicentes suo loco iam Abbatem suscepisse, nec debere eum recipi, quia animarum curam penitus reliquerat. Cum autem ipsi Dei seruo hoc nunciatum fuisset, valde mœstus efficitur, ignorans quid agere, aut quò se vertere deberet. Tandem meditatus in corde suo, confortante illum Domino, qui sperantes in se non deserit, salubre consilium reperit. Nam repente ad Cluniacum sui Cœnobij locum rediit. Ibique duos Abbates, qui post ipsum in sibi commissio loco ordinati sunt, superuixit, atque in sancta conuersatione, ut cœperat, permansit. Nemo enim illorum diu viuere potuit, quia Domini disponente iudicio potestatem regiminis non nisi quinque annis tenuerunt. Completo igitur termino, qui præteriri non potest, ibidem feliciter obiit sub die Iduum Septembrium. Ad cuius sepulchrum, ut referre audiuius, multi infirmi postea sanitatem receperunt.

Nogent-sur-Marne.

His ergo ita narratis, ad ea quæ omissa sunt reflectatur stilus. Audito itaque

A que Rex, quòd taliter Pater Teuto locum Fratresque reliquisset, tractare sollicitè cum venerabilibus viris, Burchardo scilicet atque Rainaldo Præsule, cœpit, quomodo ex Domini voluntate ipsum locum ordinare possent. Qui solerti industriâ commoniti, filium Haimonis Comititis, fratrem ipsius Episcopi, nomine THEOBALDVM, qui iam Cœnobio Cormaricensi præerat, ad se venire præcipiunt. Cui Rex donum Abbatiz dedit, cùmque Patrem Monachorum fore constituit, quia & ipse ex Cluniacensibus erat, atque sancti Patris Maioli institutione edoctus fuerat. Nobilitate autem huius mundi sublimis Comes non solum in loco, de quo sermo agitur, verum etiam per multa Monasteria Regni Francorum multa bona contulit: inter quæ Cœnobium sancti Petri Milidunensis, quod Siguinus Archipræsul Senonensis ædificare cœperat, propriis muneribus ditare studuit. Erant autem & in aliis pagis plurima ei castra; ex quibus Vendocinum, Lauarzinum, & Montem-aureum proprio retinebat dominio: exceptis aliis, quorum nomina mihi ignota existunt, & quæ multi milites beneficij & fidelitatis gratia ab ipso possidebant. Statuit denique decretum, ut quicumque fidelium suorum ex suis castris veller aliquam partem terrarum Ecclesiæ Fossatensi tribuere, liberam haberet licentiam dandi, absque iussione suorum successorum, quicquid animo libuisset. Quod à quibusdam seruatum, postea multa nobis largiti sunt. Dederat autem cuidam suo Præposito nomine Badoni, ac duobus ipsius heredibus, quoddam beneficium, taliter, ut diebus suæ vitæ censum ipsius Monasterio persoluerent, id est **LXXII.** nummos: illis verò ab hac luce subtractis, ipsam terram perpetuò Cœnobitæ possiderent. Sed iam dicto viro obeunte, filius ipsius Alrannus nomine, qui primus heres extiterat, cuiusque nomen in Carta continebatur, accedens ad Odonem, qui postmodum loco præfuit, accepto precio, super altare sanctæ Mariæ eandem posuit Cartulam, atque cuncta, quæ in ea descripta erant, Abbati ac Monachis tradidit. Sunt autem ipsæ res non magnæ, sed admodum parvæ, sitæ in Parisiacensi pago non longè à castello Corboilo, sed in circuitu eiusdem castri. Hoc est in villa quæ vocatur Licias, villulam quæ dicitur Burgunnaria, eo quòd ibi Burgundiones habitauerunt, ubi habetur sylua cum terra arabili. Item prope castrum farinarium, quod vocatur Toluia, cum dimidio aripenno terræ, ad ædificandum si fuerit opus. In ipso quoque loco aliquantulum de terra sancti Stephani. Cetera verò sunt, id est contra castellum sancti Exuperij, & in iuniori, & in veteri Corboilo, & in Ateias, & in Sosiaco, atque in Sintrio. Quæ qui cuncta noscere cupit, in Cartula, siue in testamento **ROBERTI** Regis, quòd anno incarnati Verbi **M. XXVIII.** anno verò regni **1018.** sui **XLI.** factum est, aperte reperire valebit.

ROBERTVS.

Vendosmè:
Lauardin:
Montoit.

C Eo igitur tempore dum Francorum Regnum optima pace à **ROBERTO** glorioso Rege gubernaretur, & Ecclesia Dei pacis concordia repleretur, subito idem Regnum maligna conturbatur aduersitate. Vnde accidit ut quidam huius seculi ventosa nobilitate prædiues, Arnulfus vocitatus, Comitatus officio insignitus, contra domnum Robertum insurgeret; cuncta quæ eius ditioni subiecta fore videbantur, incendio concremaret, & ea mala quæ inferre poterat in omnibus adhiberet. Qua discordia præualente, & diaboli sæuitia præeunte, Cœnobium sancti VValarici adiit, incendio cuncta quæ poruit concremauit, atque ipsum corpus Confessoris Christi proprio dominio subdidit. Quæ de re tristitia magna repleti Monachi, tanto carentes patrono, celeri gressu Regem Francorum adeunt, poscentes ut eis succurrere dignaretur. Qui eis præsentiam sui exhibere non valens, domnum Burchardum exorando deprecatur, ut eis sua vice succurreret, & eis corpus sanctum quo valetet iuamine reddere faceret. Venerandus verò Burchardus Comes illuc adueniens, de Dei gratia corde confidens, Comitem Flandrensem adiit, Regia profert verba, & cum exorando deprecatur, quatinus Confessoris Christi membra, quæ iniqua cupiditate sustulerat, voluntate & misericordia Dei præeunte solo restitueret proprio. Qui eius precibus assensum præbens, pacem fecit cum Rege & Francis, & quòd à tanto Comite petebatur celeriter adimpletur. Cùmque venissent ad fluuium qui Summa dicitur, & inde transire vellent, repente mare cernunt inundasse, & viam sancto corpori, Comitique Burchardo, & ceteris qui

ROBERTVS. cum eo erant, denegare. Tunc Comes, qui baiulus sancti corporis erat, cun- A
 » tis audientibus & Deum tota mente ignorantibus, dixit: Domine Iesu Chri-
 » ste si misericordia voluntatis tue existit, ut corpus huius Sancti tui proprio
 » restituatur Cœnobio, iubeas nobis hoc flumen maris clementiâ tue bonitatis
 » diuidere, & viam huius itineris clementia tua nobis pandere non dedigneretur:
 » quatinus hæc plebs tuo nomini seruiens, ad laudem gloriæ tuæ, & ad hono-
 » rem huius Sancti tui, corde deuoto munera laudum læta cordis exultatione
 » persolvere valeat. Ad hanc vocem serui Dei & precibus Sancti sui exoratus
 Dominus, subito æquoreum mare ita diuisum est, ut baiuli sancti corporis, &
 cunctus populus laudando & benedicendo Dominum Deum, cum summa lau-
 dis deuotione illud æquoreum maris periculum siccis vestigiis, absque vlllo ma-
 ris periculo, pertransiret. Ex quo facto illud Dominus reiterare dignatus est
 miraculum, quod per Moysen famulum suum fugientibus filiis Israël per me-
 dium mare operari dignatus est. Illud quoque Cœnobium multis prædiorum
 suorum possessionibus ditatum reddere cupiens, multa intrinsecus & extrinse-
 cus ob suum perpetuum memoriale largiendo contulit. Vnde etiam ibidem
 dies anniuersarij ipsius solemniter celebratur, tanquam si præsens illic adesset
 corpore. Qui etiam testando profitentur, si possibile esset, ut apud illos cor-
 pus illius haberetur, quod fieri non valet, quia hoc voluntati Dei placere non
 confidimus: tamen illius venerandum corpus penes sancti VValarici corpus po-
 neretur: quatinus quem honorare studuit in terra, cum ipso quoque à Christo B
 honorificaretur in cœlo & in terra. Sed his omissis, ad nostrum Burchardum
 reflectamus articulum, ac qualiter ad sacrum Ordinem accesserit, & ad Chri-
 stum postmodum peruenerit, auxiliante Domino vertatur stilus: & cunctis hoc
 ignorantibus nostra oratione manifestaque ratione cunctis demonstretur morta-
 libus.

DIEBUS igitur prædicti Abbatis miles inuictus Deo deuotus Comes BUR-
 CHARDVS in infirmitatis langorem decidit. Sed quoniam omnis filius, qui
 recipitur à Deo misericorditer, flagellatur: desiderans inueniri vigilans animæ
 suæ, custos peruigil existere cupiebat. Protinus enim militia secularis con-
 temnitur, Monachalis vita appetitur, cœleste regnum toto mentis intuitu con-
 cupiscitur. Formidans ergo mortis periculum minimè posse euadere, accepto
 auro & argento, palliisque & multis Monasterialibus ornamentis, in constru-
 cto & ædificato à se loco Monachalia indumenta requirit, & accipit. Fit lu-
 ctus ingens ab omnibus Francorum Proceribus, à Monachis, à Clericis, à vi-
 duis, à cunctis ordinibus vtriusque sexus & ætatis: eò quòd ipsorum patronus
 eos defereret, quos affabili consilio, dulcissimo alloquio confortare solebat.
 Plangunt cuncti milites, lamentantur vniuersi pauperes: quoniam consolator
 miserorum, subleuator afflictorum, cunctorum militum spes & refugium ab
 eorum subtrahebatur aspectibus, & ipsi præsidium totius suæ salutis & consolati- C
 onis amittebant. At contra Cœnobitæ Christi serui, licet de eius incommo-
 do tristarentur, gaudebant tamen, quoniam tam egregius miles Comitalli ho-
 nore præfulgens, secundum Domini præceptum cuncta relinquebat, eiúsque
 iugum suauis & onus leue mente deuota suscipiebat. Deferuntur itaque inter
 cetera ipsius ornamenta, vasa plurima aurea & argentea, ærea & lignea, can-
 delabra quoque preciosa. Quæ omnia, ut dignum erat, ad sanctæ Ecclesiæ, seu
 sancti Altaris ministeria deputantur. Inter hæc ergo duo vasa preciosa ad lim-
 pham fundendam siue recipiendam in Sacerdotis manibus, quorum vnum ma-
 nipulum vocamus, eo quòd manu geritur, in quo etiam Litteræ habentur, quæ
 Abagari Regis ad sanguinem minuendum eum fuisse testantur. In ipso quo-
 que ipse Rex cum se phlebotomante, alióque sibi seruiente, ex precioso puró-
 que auro cernitur imaginatus, tamque preciosum ac decorum vas in hac patria
 minimè dicitur inueniri. Textus etiam libri sancti Euangelij optimè litteris au-
 reis conscriptus, auro & argento atque ebore inciso pulchrè operatus, minimè
 defuit. Aureus quoque ensis cum cingulo aureo, ex quo hoc magnum Mona-
 sterium dicitur esse incœptum, à lumbis resolutus, eius dono allatus fuit.
 Item vas preciosum valde ex lapide, quem berillum dicimus, ex quo aqua in
 sancto calice fundebatur, locumque quo milites exerceri solent cristallino la-

A pide optimè operatum secum detulit. Seruorum quoque & ancillarum infinitum contulit numerum. Quid plura? nemo hac mortali carne tegitur, qui cuncta eius dona pleniter enumerare valeat. Cùm ergo tam gloriosus Comes innumeris in seculo claruerit honoribus, nulli heredum, nulli amicorum, nulli suorum fidelium tanta, exceptis castris, reliquit, quanta Deo Sanctisque eius in loco sibi præ cunctis dilecto pro salute suæ animæ contulit.

SACRO igitur scemate religiosè indutus, in domo sibi iuxta Ecclesiam præparata plurimis diebus infirmus iacuit, postmodum suorum seruorum preces pro eo semper fundentium Dominus pius placatus conualescere cœpit, atque cum ceteris abire Fratribus. Cùm itaque sanitati redditus Domino fideliter placere studeret, illi iugiter gratias referebat, eumque humili mente benedicebat, quia suæ sanctæ misericordiæ gratiam illi etiam in hoc ordine conferebat. Seruitium quoque sanctæ Ecclesiæ, quod more Cœnobarum à seculo conuersi Deo exhibere debent, ipse vir nobilissimus humili deuotione peragebat. Cùmque ei à Fratribus diceretur, vt quid tam nobilis vir seculari dignitate præcellus, & senectutis iam labore fractus, se humiliando affligere dignatur? Ille respondebat: Si, inquit, cùm militari honore sublimatus essem, atque vt dicitis, militum stipatus agmine, Comitatus dignitate fulgerem, mortali Regi lucerna indigenti cereum manu anteferebam, quantò magis nunc immortali Imperatori debeo seruire, atque ante ipsum candelabra ardentia manibus cum exhibitione humilitatis reuerenter ferre? Hoc dicens, & agens, magnum de se humilitatis exemplum cunctis videntibus & audientibus proponebat. Sic itaque Deo probatus, & velut aurum preciosum igne examinatus, iterum langoris molestia corripitur, atque ad extrema deducitur. Sacri igitur corporis & sanguinis Christi perceptione munitus, beatum Domino spiritum reddidit sub die i v. Calendar. Martiarum. Quo defuncto, continuo adest Præsul cum Clericorum numero, Abbas quoque cum Monachorum agmine. Corpori persoluuntur obsequia funebria, sanctam Deo commendantes animam. Fit repentè clamor per urbem, per castella, vicos & plateas. Concurrunt milites, diuites & pauperes, senes & iuuenes, viduæ & virgines, cuncti plangentes & eiulantes repleti dolore & miseria. Impletur Fossatus luctu & gemitu, omnisque doloris plenitudine, amittens patronum & aduocatum, quem habere meruit defensorem & subleuatorem fidelissimum. Clamat se minimè ampliùs talem reperturum, cuius nobilitate ditetur, cuius auxilio tam fidelissimè muniatur: sed moribus patere malignorum, inuasionem diripi hostium, atque cunctorum aduersantium malignitate circumdari. Quod ita postmodum accidisse, cunctis hodie per Orbem degentibus claret. Sepelitur igitur tam nobilis viri corporis gleba ante vultum nostri Redemptoris, in domo vbi Fratres ad matutinum & serotinum conueniebant Capitulum. Studuerunt autem antiqui Patres eius Mausoleum talibus decorare versiculis, quò eius perpetuum memoriale sine fine maneret inuiolabile.

*Hic vir magnus erat quondam dum corpore vixit,
Nomine Burchardus per mundi climata notus,
Celsus erat meritis, dictis factisque modestus:
Pauperibus largus, viduis per cuncta benignus.
Ipsius en corpus tumulo requiescit in isto,
Martius ostendit quare migrasse Calendar.*

Illam autem tabulam sepulcri ipsius ab antecessoribus nostris optimè operata ac decorata fuit, super pectus eius crux deaurata cum literis *a* & *u* superposita fuit: & nos quoque pueritiæ nostræ tempore oculis nostris inspeximus. quæ cuncta postmodum, vt hodie patet, penitus destructa existunt.

VENERABILIS quoque Elizabeth Comitissa vxor eius eundem locum secundum sexum sui naturam magnis muneribus ditare studuit, quæ à seculo migrans ibidem sepulta iacet. Cuius obitus dies agitur x v. Cal. Februarias. Cuius etiam polyandrum his decoratur versiculis,

*Hos placuit Domino viuos coniungere binos,
Et polyandra simul iungere sic voluit.*

Hæc de multis Comitibus gestis sufficiat enarrasse. Sunt denique innumera bonorum eius operum acta, quæ fastidio compellente relinquimus, quia ad alia gerenda festinat animus. Nobis ergo, Fratres, solerti studio providendum est, ut istius viri ceterorumque benefactorum eleemosynas, quas pro redemptione criminum suorum huic loco contulerunt, taliter ante oculos conditoris pro ipsis deseruiamus, ut non, quod auertat Deus à nobis, ad æternam confusionem proueniant. Sciendum est enim quod eleemosynis bonorum virorum præsentis vitæ cursum, Deo auxiliante, transigimus, ideoque animo reconderendum quod Dominus terribiliter peccatores exprobrando per Prophetam clamat dicens: *Peccata populi mei comederunt.*

ANNIVERSARIA etiam horum coniugum solemniter à seruis Dei in diebus prædictis celebrari debent, ut animabus eorum proficiat, quod hunc præ ceteris locum dilexerunt, & sua corpora ibidem tumulari voluerunt; ut à Christo Domino in die iudicii resuscitari mererentur. Usque hodie enim, id est 1058. usque ad præsentem annum, qui est incarnati Verbi M. LVIII. anni verò Regni Regis Francorum HENRICI XXVIII. hoc ipsum deuotè in hac peractum est Ecclesia. Quod & ut in posterum fiat, humiliter fatendum est. A Rectoribus quoque loci siue à ministris magnopere procurandum est, ut sicut in Ecclesia agi diximus, sic quoque refectio ex preciosis dapibus & pigmentis pro ipsorum spiritibus solemnè præparetur obsequio: quia ut vulgo dicitur, inanis videtur esse labor, qui victus alimoniam non tribuit. Et ne hoc vanum cuiquam, aut floccipendendum videatur, Abbatis Giraldi seu totius Congregationis fauore ac voluntate statutum est, ut pro Comite Burchardo, qui tanta beneficia huic Ecclesiæ contulit, ut quisque ex præsentis styli narratu noscere valet, prouisor Nobiliaci; pro Elisabeth verò Cruciaci, pro Rainaldo Præsule Seiz, pro HVGONE Rege Mansionum, pro Ermenfredo autem eiusque coniuge Liciarum & Yurei, pro Abbatibus huius Congregationis Prouisor atque Thesaurarius huius loci diligenter, absque omni negligentia incursum, studerent perficere. Qui autem hoc decretum postmodum despiciere aut destruere conaretur, perpetuo excommunicationis anathemate damnaretur.

PROPOSVERAM in præmio huius Operis post hæc de Præsule Rainaldo aliqua differere, quo eius memoriale posteris notum fieret. Sed quia non est in potestate hominis vita eius, multis incommodis urgentibus, me nunc hoc perficere minimè libet, donec optata pacis & tranquillitatis tempus adueniat. Gratias tamen & in prosperis & in aduersis semper agamus Iesu Christo, Sanctoque Paraclyto, qui viuit & permanet vnus Deus indiuisibiliter per cuncta secula, amen.

EXPLICIT VITA DOMNI BURCHARDI
venerabilis Comitibus.

PARS VITÆ

S. ABBONIS FLORIANENSIS
ABBATIS ET MARTYRIS,IN QVA RES ALIQVOT HVGONIS ET ROBERTI
Regum exponuntur.*Auctore AIMOINO Florianensi Monacho, qui eam petente Herueo Clerico,
sancti Pontificis Martini Thesaurario, conscripsit.*

POSTEA factum est, ut venerabili Abbate Oythaldo humanis rebus CAP. VII.
exempto, communis Florianensium electio Fratrum usque perferre-
tur, hunc (nempe ABBONEM) sibi Patrem postulantium. Præerat
B per idem tempus Regiæ Francorum Aulæ Princeps HVGONOME, CAP. VII.
qui consensum præbere non distulit. Et quamvis ut in talibus fieri assolet, aliqui ex
Fratribus huic electioni peruiaciter renisi essent, tamen plurimorum, & ut post
patuit, sanioris consilij, præualuit authoritas. Susceptum ergo vir Deo dignus
Abbo pastorale officium, uti ille qui quid suscepisset intelligeret, irreprehensi-
liter disponere pro posse satagebat. Monebat ergo subditos, vitiorum abdicatis
spinis, in areolis cordium diuinarum serere aromata virtutum. Iam verò contra
vitia carnis iugem aiebat debere haberi pugnam. Omnique industria inuestigan-
dum, quibusnam armis, quis eius repugnet oblectamentis. Ad quod explendum,
post orationum vota, post ieiuniorum virilia certamina, multum prodesse censebat
literarum studia, maximèque dictanti exercitia. Quarum ipse perstudiosus exis-
tens, nullum penè intermittebat tempus, quin legeret, scriberet, dictaretve. Ex-
rant multa scriptorum eius insignia, quæ proprio indigeant volumine. Nos inte-
rim aliqua, futuris profutura seculis, succinctim nostris inserimus cartis. Nempe
post elucidatos ut prælibauimus dialecticos Syllogismos, post exaratas Compoti
calculaciones, post Solis ac Lunæ viarum declaratas dimensiones, in diuinas quo-
que animum intendit Scripturas. Assumptisque ex plurimorum Patrum auctori-
tatibus sententiis, velut prudentissima apis, variis fauos componens floribus, mel-
litum deflorauit opus. Quod licet ad præsens non reperiat, partim nostrorum
C negligentia, partim extraneorum subtractum cupiditate: certum tamen est, id-
circo eum excerpisse, quod haberet ad manum defensiones contra Pontificem Ec-
clesiæ Aurelianensis, non recta quædam ab eo exigentem.

DENIQUE cum idem vir Domini paratus esset iuxta Apostoli præceptum, VIII.
Subdiciamini omni humana creatura, propter Dominum: intelligens tamen, loco quem i. Par. 2. 13.
regebat postmodum posse officere, si ei modos subiectionis quos requirebat ad
ipsius libitum dependeret: id facere in omni sua recusauit vita. Vnde idem Pon-
tifex Arnulfus nomine, animaduertens nec ratione, nec diuinarum legum cum
posse conuinci altercatione: manifestum se ei ostendit inimicum. Qua de re actum
est, ut satellites memorati Pontificis eundem virum Dei, Turonis ad festiuitatem
sancti Martini properantem, noctanter aggressi, grauibz afficerent contumeliis:
quibusdam obsequij illius hominibus ad necem usque vulneratis. Quam rem præ-
fatus Antistes, cum in reliquis actibus suis honestis semper se demonstraret polle-
re moribus, nequaquam, ut par erat, indignè tulit. Verum propter vulgi famam,
aliquos eorum qui hoc perpetrauerant scelus, quasi pro satisfactione, ut virgis cæ-
derentur, ante eum adduxit. Sed Dei seruus perpendens hæc non recta fieri inten-
tione, simulque memor Domini per Scripturam dicentis, *Mihi vindictam, & ego* Rom. 12. 19.
retribuam. quæ offerebantur accipere ncluit. Et quia vindictam sumere per semet
distulit, ut à Domino vindicaretur emeruit. Etenim quosdam ex ipsis morte subita

interceptos, in lectulis suis repositos mortuos: alios in rabiem esse versos, fama vulgante didicimus. Enimuero quia difficile est in prosperis invidia carere, à quibusdam aliis Præsulibus, necnon nostri Ordinis viris, videlicet Monachis, quos nunc nominibus propriis designare superuacuum fore credidimus, æmulo lacerabatur dente. Quia propter ad Dominos rerum, inclitos scilicet Franciæ Reges, HUGONEM ac eius filium ROBERTVM, à quibus pro summæ æquitatis ac veritatis tramite, quam ipse Dei famulus inoffensè diligens tenebat, quam maximè amabatur, Apologeticum scripsit librum. Cuius hoc existit exordium. Sæpè contingit, vt dum nimius insurgentium calamitatum horror mentem fatigat ipso horrore, non ea quæ dicere debuerat turbatus animus expediat: sed phantasmate cogitationum aliorum sum raptus, quæ tacenda sunt dicat, ac quod est consequens, quæ dicenda taceat. Semper enim summæ tranquillitatis quietem diligit, qui veritatis arcanum ratiocinando disponere gestit. Quapropter ab ipsis disciplinarum rudimentis, sicut ceruus desiderat ad fontes aquarum, ita desiderat anima mea laboriosum spiritualis Philosophiæ otium, cum ad multorum vtilitatem verteter in honestum negotium. Cum meis peccatis propedientibus, cō relicto, quodammodo ad seculi sollicitudinem sum reductus, qui sub cura pastoralis regiminis cotidie sustentor aqua angustia, & pane tribulationis. Corrodit me canino dente æmulum supplantatrix caliditas, circumlatrat aduersariorum frequens acerbitas. Nec aliud contra me immurmurant, nisi quodd Monachorum Senatum saluum esse velim. Nostræ Reipublicæ augmentum quæsiui, ac cauillationi insidiantium autoritate qua valui contradixi. Nec abscondi omninò misericordiam & veritatem à consilio multo. Pro huiusmodi malis meo insidiantur sanguini, me succenturiatis insequuntur odiis. Aded vt nec Regia Maiestas eos deterreat, quin me clanculum trucident, si eis locus temporis arrideat. Vnde sedulus in orationibus meis, Dominum deprecor: vt iudicet & discernerat causam meam solitò, eripiatque ab homine iniquo & dolofo. Hereticorum autem in hoc eodem libro faciens mentionem, post nonnulla alia, hæc interserit. Omnes, inquit, hereses, ita persecuti sunt Patres nostri, vt primitus fide exposita, explorarent in suis Conciliis, ne quis sentiret contrarium ipsis Apostolis. Qui repertus, absque vlla dilatione, aut ad corpus Ecclesiæ est reductus: aut vsque ad erroris abrenuntiationem percussus anathemate, Catholica priuatus est communionem. Nec magis serpentem tangere vitauerunt orthodoxi, quam adherere huiusmodi lepra contaminatis. Vnde in Canonibus prohibemur, si nos Catholicos esse scimus: ne cum eis saltè oremus. Nam sub Marciano Principe, apud Calcedoniam xv. & cō amplius dierum actio de hac re ventilata est, residentibus Episcopis dc. & vt quibusdam placet, m. cc. Quibus omnibus pius Princeps ex suarum rerum copia sumptus abundanter præbuit, quoad ad omnes Hereticos à se repellerent, id est eos qui in verbo vel opere, aliter quam sancti Apostoli sensissent. Quo facto, in tantum fidei puritas placuit pio Principi, vt eam ipse cum sua coniuge cub chirographo hoc publicè profiteretur coram illo magno Concilio, cuius piam religionem imitamini Domini nostri Hugo & Roberte charissimi Reges: si in terra viuentium Christo vultis esse heredes ac coheredes. Et de Regno vestro omnem hereticam prauitatem depellite, vt Deus vos custodiat in æterna pace. Et post pauca. Inrer reliquas, Hereses etiā de oratione Ecclesiæ, in his deffens exsurrexisse regionibus, hæc inferit. Caueat, inquit, quicumq; vult saluus esse, eam, haud dubiè quin Ecclesiæ alicuius alterius, nisi solius Dei possessionem credere. Vnde Petro Principi Apostolorum dicitur: *Tu es Petrus, & super hanc Petram ædificabo Ecclesiā meam.* Meam, inquit, non tuam. Et Christus alibi: *Domus mea, domus orationis vocabitur.* Psalmista quoque: *Domum tuam, Domine, decet sanctitudo.* Si ergo Ecclesiā non est Petri, cuius erit? Aut successores Petri audebunt potestatem sibi vendicare, quam non habuit Petrus Princeps Ecclesiæ? Certè, charissimi Principes, nec Catholicè viuimus, nec Catholicè loquimur, quando illam Ecclesiā dico esse meam, ille alteram dicit esse suam. Ac veluti quædam iumenta, comparati iumentis insipientibus, vtræque aliquando venales proponimus, propositasque ab aliis emere non formidamus. Est etiam alius error grauissimus, quo fertur altare esse Episcopi, & Ecclesiā alterius cuiuslibet Domini: cum ex domo consecrata & altari, vnumquoddam fiat, quod dicitur Ecclesiā, sicut vnus homo constat ex corpore & anima. Videte, æquissimi Principes, quò nos ducit cupiditas, dum refrigescit charitas.

* fort. ad
deolationem
Ecclesiæ.

Matt. 16. 18.

Matt. 23. 18.

Psal. 92. 3.

- A IN illis sanè diebus, in Monasterio sancti Dionysij haud procul à Parisiis, Concilium aggregatum est quamplurium Episcoporum. Qui cùm de fidei puritate, de corrigendis tam suis quàm subditorum prauis moribus, sermocinari debuissent, iuxta vulgare prouerbum, cunctum suum sermonem ad decimas verterunt Ecclesiarum. Quas laïcis, ac Deo seruientibus Monachis auferre moliri, resistente eis in hac re hoc venerabili Dei cultore Abbone, promiscuam in se vulgi concitauere manum. Ortâque subito seditione, tantus in Episcopos timor irruit, ut publica statione relicta, passim quisque diffugeret. Inter quos Seguinus Senonum Archiepiscopus, Primatum Galliae in ea Synodo sibi usurpans, primatum quoque fugæ arripuit. Et inter fugiendum, securi inter scapulas ictus, lutoque à popularibus oblitus, ægrè euasit. Vni quoque Episcoporum timor fugienti tam veloces addidit alas, ut affluentissimo prandij apparatu, quem sibi extruxerat, relicto, vicinæ vrbis Parisiorum mœnia, fugitabundus expeteret. Totam ergo tantæ calumniam iniuriæ, tam à præfato Arnulfo, quàm à reliquis Pontificibus, sub semet deuolui perpendens. Hic Deo deuotus Abbo, in eodem Apologetico non solum ab hoc, verum & à quibusdam alijs hoc modo se purgat obiectis. Nec me vestro, ait Regibus, aliorumque sapientum examini subduco, qui contra Canones sensisse suspicor. In Episcopos manum Monachorum mouisse accusor, vestram beneuolentiam proprio Episcopo tulisse blasphemor, quibusdam excommunicatis participasse criminor. Sed esto, cui sententiæ Canonum contradixi, qui in illo Concilio vix apertum librum videre potui? Aut Concilium illud fuit, vbi conciliati venerunt, & disconciliati recesserunt? cùm ibi discordes reconciliari debuerint, aut canonica distictione mulctari. Quid in me singulariter commiserunt Episcopi, ut eis saltem cogitatione obesse voluerim, præsertim cùm non inimicum: sed fide & opere amicissimum, grauiora pericula pertulisse contigerit? Ecce coram Deo in Christo non mentior; quia audita insequentium conclamatione, ultra quàm dici possit indolui, recordatus pristinae amicitiae & beneficiorum tanti viri, cuius nix venerandum caput ostendit, excepta Primatis prærogatiua, & Sacerdotali infula. Qua suggestione vos decepi, ut vestram beneuolentiam optimis auferretis; malemeritis conferretis? Num ego Deus sum, qui mutat mentes, mutat corda, mutat regna & tempora? Verè fateor me magicam ignorare, nec aliquid malarum artium didicisse. Atque paulò post, hæc addit. Denique quod excommunicatis me miscuisse asserit, eius exemplo utique feci, qui filios Belial nocturno latrocinio in meam necem grassantes recepit: postquam eos anathematizauerat suus Archiepiscopus, singularis meriti Seguinus, & Odo Carnotensium Episcopus, necnon & alij magnæ vitæ & religionis viri. Et iniqua indignatus exurgere iudicia, execrantis voce proclamat. O tempora! ô mores! Certè qui volunt exequi in fabrateria mendacij cupiditates suas prauas, ipsi nituntur condere leges iniquas. Ad vltimum sua non ignorans multis displicere scripta, Regibus se commendat, præcipuè domno ROBERTO, quem scientem literarum, ac idcirco diligentem fore notuerat studiosorum, scribens in hæc verba: Præterea Dominos meos cùm familiariter alloquens bona suadeo, multorum animos scio contra me concito. iuxta illud Comici: *Obsequium amicos, veritas odium parit.* De quorum animositate non multorum moueor, dulce decus meum Rotberte, quem attauis Regibus editum, diuina pietas perduxit ad Regni fastigium; si post Dominum & Sanctos eius, vestro specialiter sustentor auxilio & consilio, cuius mentionem in cotidianis orationibus meis nunquam prætereo.
- C

BERNARDO etiam Abbati Bellilocensium, inter alia, duarum mittit textus Epistolarum; quarum non putauimus prætermittendam commemorationem. Hunc sanè Bernardum, pater Hugō haud infimo inter Proceres Aquitanicos ortus loco, ex copiosa filiorum caterua Deo obtulerat ad seruiendum: ac ad Floriacense sancti Patris Benedicti Cœnobium miserat, literis imbuendum. Quem hic totius bonitatis plenus Abbo, ex præcepto Abbatis sui honorabilis Richardi, susceptum, valde dilexit, & in quantum temporis opportunitas adrisit, liberalibus artibus erudiuit. Sed idem Bernardus, non longo annorum interiecto spatio, à patre suo euocatus, Solemniacensi Abbatia, quam sanctus quondam construxit Eligius, est donatus. Ac non multò post, Bellilocensem locum, quem eius genitor iure belli armisque conquiserat victricibus, est adeptus. Cui cùm V Villemus

Comes Tholosanus Caturcensem Præsulatum, quem nunc regit, committere disposuisset: & ob hoc tam ipse Comes, quàm & Archiepiscopus Bituricensium, sub cuius Diœcesi eadem Ecclesia consistit, non minimam pecuniæ summam ab eo exigèrent, ad hunc alumnum suum sanctum dirigit Abbonem, quid facto opus esset interrogans. Ad quem ille charitativam direxit Epistolam, ita se habentem:

” Quia te diuina pietas seruum suum multis honoribus admodum extulit, quos virtutum prærogatiua adeo excolis, vt te imitabilem præbeas pluribus bonis: hortor & admoneo, vt tuæ memor professionis, illos gradus excellentiæ appetas, in quibus Dominum non offendas. Et post aliquanta, eos denotans qui gratiam sancti Spiritus vel vendunt, vel emunt, hæc dicit: Huiusmodi emptores quasdam velut telas araneorum texunt, quibus se defendunt, quòd non benedictionem, sed res Ecclesiæ possessuri emunt. Cuius verò possessio est Ecclesia, nisi solius Dei? Quis eius Dominus, nisi Deus? Quia etsi præsens Ecclesia indiget duobus aduocatis, vno in rebus temporalibus, altero in spiritualibus, neutrum tamen habet vt Dominum, qui eam vel vendere possit, vel emere, quam Christus redemit suo sanguine. Dànque ei consilium, huiuscemodi clausula finem imponit Epistolæ: Nunquam ergo, inquit, fieri hereticus villo modo acquiescas, quia inaniter de peccatis pœnitentiam agit, qui eam fidem impugnat, quam sub sanctis Apostolis Catholica tenuit Ecclesia. Verùm, Bernardus tandem aliquando bonorum huius vitæ pertæsus, videns multorum frigescere charitatem, & ideo superabundare iniquitatem, deliberauit animo, relictis omnibus quæ possidebat, Hierosolymam petere. Quod iter à patre eius, pœnitentiæ voto, ante omnes ferè in hoc tempore Galliæ habitatores cœptum, ac percursum fuerat. Nec tamen hoc absque sui sententia didascoli aut consilio perficere disponens, ad Floriacum venit Monasterium, secreta cordis sui huic suo totius bonitatis patefacturus magistro. Ille, Hierosolymitano interdicto itinere, ne omnino eius voluntati contraire videretur, Romam petere, montem Garganum adire concessit. Paternòque affectu, attributis comitatu suæ obsequio illius aliquibus suorum, cum fraterna eos fuit abire benedictione. Qui propinquorum suorum æquè limina Apostolorum adeuntium coactus querelis, dicentium eius abscessu clandestina inter se confurrexisse bella, Constantinum Presbyterum, quem ei vt obsequeretur pius magister ipsi delegauerat, ex itinere ad eum remittit, mandans suorum necessitudine, se domum redire compulsum. Non tamen quippiam se sine eius præcepto acturum, quin potius ei per omnia, vt prius sponderat, pariturum. Simulque quæstione proposita, inquit vtrumnam melius esset cuncta relinquere, an vt suis præsidio foret, seculo specietenus deseruire? At veritatis amator Abbo, apicibus ad eum directis, & quid sibi rectius videretur exponit; & quid ipse tenere mallet, liberam dat eligendi copiam. In quibus, non solùm ipsum Bernardum Abbatem, sed etiam vniuersos vitæ eius consortes, aut graui laborauisse incommodo, aut mortem obiisse condolens deflet. Inter quos domnus Remigius Monachus, qui post Cellæ, in qua idem beatus Abbo corpore humatus quiescit, præfuit, ab eodem Dei viro ad obsequium memorati Abbatis, nunc Episcopi, directus, magna vi febrium vexatus est. Sed nos memoratos apices, ad demonstrandum huius hominis Dei benignitatis affectum, ex integro huic volumini inferere dignum duximus: in Reliquis eius Epistolis abbreviationi operam daturi. Est enim huiusmodi. Domno meo Abbatum charissimo Bernardo, seruus seruorum Dei Abbo. Suscepi V. in Christo, viuas tuæ peregrinationis literas, & ex penè mortuo Presbytero addidici, quid inter fluctus cogitationum semiuuius lugeas, quem concepti voti impotem patriæ calamitas impræsentiarum reddit, & innatam deuotionem, vt opinor, distulit, non funditus extinxit. Quod audiens, fateor nimis indolui, & lachrimando dolori factis feci: quandoquidem tui desiderio gemebat circumstans Fratrum maxima multitudo, & omnibus in commune gementibus, redibat ad memoriam, quod vir magnæ grauitatis Hugo, tui comes itineris, & socius laboris, multis bonis flebilis occidit, nulli flebilior quàm tibi, pro cuius amore, post Dominum, Patriam, parentesque relinquens, exul vitam finiuit. Cùmque satis egissem mœroris, tandem mihi consului, quia tibi absenti non potui, quem in orationibus interdium videre videor, dum omnipotenti Deo sacrificium spiritus contribulati offerre non desisto. Siquidem id nimium extimui, quod baiulus legationis innotuit, vultum vi-

A delicet vestrum ita emarcuisse, ut vix queatis subsistere: non solum destitutus sobrietate & amicitia defuncti, verumetiam roborē corporis. Vereor itaque ne insidiæ diaboli, quæ multæ sunt, & vias seruorum Dei spinis circumsepiunt, te à viamandatorum Dei auertant, & retro respicere compellant, *priusquam ad Segor per-* HUGO ET ROBERTVS.
malam ciuitatem deuenias, in qua tuam animam saluans, saluari queas. Scio etenim quòd nunc tibi circumstrepunt propinquorum greges, militum phalanges, amicorum multitudines, & succenturiati, declamatoriè persuadent quod sibi, non tibi, vtile diiudicant. Sed domi vitulis relegatis, nosti quid vaccæ fecerint, quæ mugientes arcam testamenti portauerunt: & non declinantes ad dexteram vel ad sinistram Bersamis pertulerunt. Cuius facti non immemor, recordare quòd in sacrificio iubetur offerri caudā hostiæ. Nec vlla rei familiaris cogitatio subrepat, quæ te à recto itinere dimoueat. Nam occurrit animo quod mecum familiariter locutus es, dum Romam proficisci decreuisses, consulens, vtrum scilicet, relinqui deberet semel suscepta cura pastoralis regiminis: & oporteret dare libellum repudiij fratribus & filiis, qui nobis aduersantur in via Dei? Cui cum ego respondissem, quod authoritate Patrum certum noueram, & creditis ouibus mortem præualere persentiscerem, te infructuosum saltem tibi persuadere nec ausus sum nec debui, exemplum proponens Pauli Damascum fugientis, & beati Patris Benedicti Monachorum Legislatoris. Denique in multis causis occasio se immergit, quæ difficultatem contrariæ legis bono exitu meliorem reddit. **Q**uis enim non laudet curam pastoralis regiminis, si profit? Quis rursus non laudet in se beneuolentiam Pastoris, si aliis non profit? Solet nempe esse in præceptis diuinis, quod & in antiquis reperitur edictis. Lex est. Si quis masculus templum Veneris fuerit ingressus, capite puniatur. Quidam iuuenis præteriens templum Veneris, intus matrem cædi conspexit, & introgressus eam eripuit. Accusatur contra legem fecisse. Defendit se ille legi paruissē, & inter dissidentes, si propulsori ignominia non profit, iuuat ex circumstantiis occasio pietatis. Idem est in nostris Euangelis, vbi præcipimur non solum uxorem relinquere, sed etiam odisse, proposito præmio, quòd qui hoc fecerit centuplum accipiet, & vitam æternam possidebit. Rursus qui uxorem dimiserit, non quidem præmio, sed eo supplicio dignus scribitur, quo mœchi damnari præcipiuntur. Porro, & qui matrem eripuit, & qui uxorem dimisit, vterque præiudiciū patitur, si supplicio punitur: quoniam inde auctori legis se placere putat, vnde offendisse præiudicatur. Quapropter dilectissime, non bonum malo melius existimes, sed bonum bono melius credas: & ex contrariis sententiis eam eligas, qua viciis abrenuncies, & moralibus virtutum exercitiis crescas. Denique num Abbatis onus portare debeas, an debeas deponere addubitas. Discretionem, qua maximè opus habes, matrem virtutum assumes, & conscendendo tribunal conscientiæ, iudicio discute, quid vtilius honestiusve sit animæ tuæ. Nam officium Abbatis implere, & lucrum animarum quærere honestissimum est, cui non impossibile est. Cui verò malitia subiectorum impossibile est, quid superest, nisi ut honestum putet diuino parere oraculo, quo scriptum est: *Fili miserere anima tua placens Deo?* Sanè & apud Ezechielem, speculator clamans & non auditus, animam suam liberat: & apud Benedictum Patrem, Pastor spretus & contemptus absoluitur, qui omnem curam exhibuit creditis ouibus. Ceterum V. Pater, saltem in festiuitate Patris nostri Benedicti quod tibi placeat innotescē, ut certi esse possimus quantocius de tua quam optamus salute.

INTEREA eximius Abbo condigno apparatu Romam proficiscitur: Priuilegia Ecclesiæ sibi commissæ corroboraturus, imò renouaturus. Sanè non qualem voluit aut qualem debuit, Sedis Apostolicæ Pontificem nomine Ioannem inuenit. Nempe turpis lucri cupidum, atque in omnibus suis actibus venalem reperit. Quem execratus, perlustratis orationis gratia Sanctorum locis, ad sua rediit, emptis optimæ speciei aliquantis holosericis palliis, ornatui Ecclesiastico congruis. Porro paucis labentibus annis, occasio se præbuit, ut rogatu ac precibus gloriosi Regis ROBERTI Romuleam repedaret ad urbem. Præcipua verò eorum pro quibus directus est causarum, hæc fuit: Quia Arnulfus Remorum Archiepiscopus, absque iusta audientia Sede sua priuatus, custodiæque fuerat mancipatus. Ob hoc, Gregorius qui Ioanni in Apostolica successerat Sede, non

XI.

H V E O ET
ROBERTVS.

solùm nobilitate generis, verumetiam probitate clarus mentis, toti Regno Fran-
corum anathema se inuecturum comminatus est. Hac igitur ex re Italiam repe-
re seruus Christi Dei cogitur. Et quamuis mole corporis grauaretur (nam in tranf-
marinis regionibus, peregrinorum ciborum inusitata qualitas, decoctæque potio-
nis haustus, corpus eius pingue reddiderat) nequaquam tamen labore fatigabatur.
Nec verò ipsa eius pinguedo vllam ei ingerebat dehonestationis maculam. Et
cupidus pacis cùm foret, leue ducebat omne genus defatigationis: dummodo
eum reperiret virum, per quem fama vulgante audierat, ad pristinum posse statum
Religionis resurgere normam. Profectus ergo, Romana iteratò reuisit mœnia, vbi
eo quem quærebat nequaquam reperto, per concaua vallium, per prærupta mon-
tium, inuestigans: tandem in finibus Spoletanorum inuenit. Cùmque se inuicem
duo Ecclesiæ lumina conspexissent, gaudio vltra quàm credi possit gauisi magno,
in mutuos ruunt amplexus. Et prior veræ humilitatis custos Abbo, saluatoria à
parte Regis depromit verba. Tum Sacerdos verè Apostolicus, reddita benedictio-
nis recompensatione, ait beato viro: Benè te aduenisse gaudeo fili Ecclesiæ, veri-
tatisque, vt comperi, custos ardentissime. Etenim surdus de te rumor meas reple-
uerat aures, te tam diuina quàm humana pollere sapientia: nec qualibet amicitia
à iure æquitatis abduci posse. Verè fateor, me iamdudum desiderauisse tuum in-
tueri vultum: tuo concupiuisse amicabiliter perfrui alloquio. Fruamur ergo cu-
pitis sermocinationibus, alternisque diuinarum atque mundanarum lectionum ali-
quandiu mentem releuemus studiis. Porro, vnum te volo nosse, legationem tuam
me benignè suscipere: & quæque suaseris, me facturum fore. Tuum autem erit
petere, meum verò petitis pro posse assensum præbe. Noui namque, nihil te con-
tra ius fasque postulaturum, ac idèd me tibi contraire scio non esse æquum. Post
hæc verba, omnibus ei collatis victui necessariis, ad hospitium fuit abire. Sicque
octo fermè diebus eum detinens, & frequenter conuiuio suo eum asciscens, cun-
ctis pro quibus ierat libens annuit.

XII.

T V N C verè sollicitus Pastor Abbo, memor vtilitatis loci quem regebat, Pri-
uilegium illi Apostolicæ vtilitatis fieri rogauit. Quod Deo dignus Papa tam fa-
uorabiliter largitus est, vt non solùm nullum pecuniæ quæreret lucrum, verùm
thimiamate ac planeta, qua inter Missarum vteretur solemnia, donatum eum-
dem Dei famulum gaudentem ad proprium remisit solum. In eo sanè Priuilegio,
& inter alia continetur, vt Episcopus Aurelianensis, nisi inuitatus, Floriacum ne-
quaquam adeat Cœnobium. Nève vnquam quilibet Pontificum eidem Mona-
sterio diuinum interdicit officium, etiam si tota Gallia ob populi peccata anathe-
matis feriatur vindicta à Sede Apostolica. Sed ne quis eos, domnum dico Apo-
stolicum & Abbonem sanctum, existimet in hoc facto contraria Regulis Sancto-
rum sensisse Patrum: necessarium nobis visum est, ex Epistolis Magni Papæ Gre-
gorij pauca de pluribus hîc exempla inferere, in quibus exquirendis pia huic bea-
to viro semper fuit intentio. Sciebat namque, illum nunquam vel sensisse vel scri-
psisse contra Canonum decreta. Scribit ergo idem egregius Papa Gregorius
Maximiano Rauennati Episcopo, inter alia. Quoties pro vtilitate Monasterij sui
ad Pontificem Romanum, Abbas venire vel transmittere fortè voluerit: id ei mo-
dis omnibus liceat. Quod verò ab Episcopis & Clericis Monasteria inquietari
non debeant, tam memorato Pontifici, quàm eius antecessori Ioanni, frequenti-
bus scripsit Epistolis. Luminoso quoque Abbati, de eadem re, inter cetera, sic
ait. Castorio, inquit, fratri & Coepiscopo nostro, nostra præceptione trans-
missa, ei successoribusque eius, à te Monasterioque tuo cunctam læsionis abstuli-
mus funditus potestatem: vt nec vltra in vestro versaretur grauamine, nec Mo-
nasterij res describat, nec publica illic debeat esse processio. Ad eundem etiam Ca-
storium post aliqua ita scribit. Missas, ait, illic haud dubiè quàm in Monasterio,
publicas per Episcopum fieri omninò prohibemus: ne in seruorum Dei recessibus
popularibus præbeatur vlla occasio conuentibus, & simplices ex hoc animos
plerumque, quod absit, in scandalum trahat, frequentior quoque muliebris introi-
tus. Quod autem diuinum officium Monasteriis interdici non oporteat, Ioanni
Episcopo de Vrbe-veteri scribens, ita asserit: Agapitus Abbas Monasterij sancti
Georgij insinuauit nobis, plurima se à vestra sanctitate grauamina sustinere: &
non solùm in his quæ necessitatis tempore Monasterio aliquod possint ferre.

A subsidium, verumetiam in hoc Monasterio Missæ prohibentur celebrari, sepeliri etiam ibidem mortuos interdicis. Quod si ita est, à tali vos hortamur inhumanitate suspendi, & sepeliri ibidem mortuos, vel celebrari Missas nulla vltius habita contradictione permittas, ne denuo querelam de his quæ dicta sunt prædictus vir venerabilis deponere compellatur. Verum de his satis dictum: Nunc cœptæ narrationis ordo repetatur. Regressus itaque honorabilis Abbo ad Regem à quo missus fuerat: cuncta pro quibus ierat perfecta nunciat. Arnulfum Remensem custodia exemptum Pontificatui restituit: pallium illi à domno Papa directum reddidit. Post hæc, per internuncios ipsi venerabili Apostolico domno Gregorio amabiles plenâsque reuerentiæ dirigit literas. In quibus innotescit, se cuncta vti iusserat perfecisse. Quarum istud est exordium: Domino semper in Christo venerabili sanctæ Romanæ & Apostolicæ Sedis Præfuli, ac ideo vniuersalis Ecclesiæ Doctori, suus illius, Abbo Floriacensium rector in Christo salutem. Sæpius contingit vt puritas integræ veritatis vacillet sententia malefidi interpretis. Quod ego venerabilis Pater cauens, vestri animi sensa fideliter simplicitérque vt præcepistis deprompsi: nec animositatem Regis perhorruui, dum fidem quam vobis promiseram ex asse seruaui. Quandoquidem nihil addidi, nihil minui, nihil immutaui, nihil reliqui. Horum omnium, ipse Arnulfus è custodia liberatus & absolutus, testis est: cui vestrum pallium coopertum obtuli, quomodo illud acceperam ex sanctis manibus vestris. Meminit & in fine earum, planetæ ab ipso sibi datæ, ita in-

B quiens: Nam liberalitatis vestræ memor, vt seruus Domino gratias refero, qui inter Missarum solemnias, munere vestro vsus planeta, vestri nullo modo obliuisci valeo in meis oblationibus. Ceterum vobis semper parere decreui, cuius Apostolorum Deus custodiat in æterna pace. --- :-

HUGO ET
ROBERTVS.

XVI.

IGITUR cum hic Deo amabilis hominibusque venerabilis Abbo, per sexdecim annos continuos in à Deo sibi commissio pastoralis defudasset officio, V Vasconiam proficiscitur. Est in illis partibus Monasterium quoddam Squires vt fertur antiquitus nominatum: à modernis contrario nunc vocabulo, Regula vocitatum. Nulla quippe Religionis norma, nulla aut rara bonæ conuersationis saltem vestigia, vsque ad hæc in eodem loco apparuere tempora. Id Guillelmus Sanctionis filius Burdegalensium Comes, ac totius Guasconie Dux, audita fama religiosæ vitæ domni Richardi Floriacensium Abbatis, ipsi, successoribusque eius, ad regendum dudum commiserat: vt in Libro, quem de vita vel actibus Abbatum nostri loci scripsimus, plenius explanatum est. In quo loco, tam ab ipso venerabili Richardo, quàmque à duobus eius successoribus Amalberto ac Oylboldo, diu multumque elaboratum est, quo verè is locus, per habitatorum conuersationem, vocabulo vteretur suo. nec quicquam vtilitatis actum. Post quos, dum hic vir beatus Abbo regiminis adeptus esset gradum, quibusdam sibi persuadentibus, quatinus eò proficisceretur: respondebat cum ioco, se illuc iturum, quando eum satietas cepisset vitæ. Et quamquam id ipse ludens diceret, tamen ita se post rei habuit exitus. Ferebatur denique nulli prædecessorum eius post iter Guasconie diu viuere licuisse. Tandem ipse ad iam dictam pergit patriam, eius regionis adit Comites, memorati filios Guillelmi, Bernardum & Sanctionem, eundem locum non pro suo, sed ipsorum disponit libitu. Et tunc quidem prosperè ad sua rediit, quibusdam suorum quasi ob tutelam loci relictis. Verum hi quos relinquebat, perfidiam Guasconum veriti, & inuicti remanserunt: ac postmodum multis à Guasconibus perpeffis iniuriis, cum his quos illis veluti adiutores miserat, ad eum reuertuntur. Qui eorum inertie culpam fore nactus, alios mittit: qui quod priores neglexerant corrigere curarent. Illi similia passi, legatos ad eum dirigunt, quid paterentur intimant, ac nimaturato sibi subueniatur, locum deserturos, atque ad propria minitantur se regressuros. Vnum hoc sibi ex sententia Comitum notum fore mandant: liberiores sibi quàm prius affuturam loci potestatem: si semel ad eos adeat, & tam Comitibus quàm etiam Malguino Vicecomiti, quem ipse eis Aduocatum dederat, quid ipse velit, verbatenus declaret. Quos manere decreuerit, mansuros: quos exire iudicauerit, memoratos polliceri Principes, vi se expulsuros.

C

TANDEM talibus impulsus allegationibus, impendente iam vltimo vocationis suæ die, secundo iter arripit. Hos ex Monachis itineris comites assumens: supranominatum Remigium, meque qui hæc scribo AIMOINUM, cum Guillelmo

XVII.

HUGO AT
ROBERTVS.

suæ venerantiz, iuxta Abbatum morem, tum baiolo. Iamque in via constitutus, A
legatis qui pro se venerant imperat se antecedere. Comites Aduocatũque certos
de suo aduentu reddere, ne moram colloquij faciant, dum ipse ad eos venerit, pro-
curare. Ipse in nullo negligens vtilitatis Cœnobij quod regebat, Pictauos pergit,
Guillelmum illius vrbis adiit Comitem, pro iuuamine possessionis Monasterij sui,
quæ Salx dicitur, calumniis Aduocatorum valde oppressæ, eum rogaturus. A quo
die dicta, in qua sibi post suam regressione[m] ab eodem Comite iusta deferretur
audientia: pro re alia, aliquantas perinibi moras nectit. Fortè Abbas Monasterij
sancti Cypriani, in suburbio Pictauorum siti, eidem sancto consanguinitate con-
iunctus, vocabulo Gislebertus, crimine falso impetebatur. Is eum humillima de-
tinuit prece, vt suæ causæ, quam in proximo ventilandam autumabat, interesse di-
gnaretur. Sed cùm improbus subsedisset accusator, manifestusque fieri vereretur:
vir Domini Abbo qui cunctis iniuriam patientibus quantum in se erat, opem ferre
cupiebat, Literas eidem propinquo suo, ex sua parte Abbati Cluniacensium Odi-
loni, cui idem Monasterium subiectum erat, perferendas tradit. Quæ videlicet Li-
teræ, & vltimæ Epistolarum eius existunt, & apud nos cum reliquis conseruantur.
Ipse iter quod cœperat maturare contendit. Nos ergo quinta postquam ibi adue-
neramus die, celebrata omnium Sanctorum solemnitate, quinta æquè feria inde
progressi, per Carrofense Monasterium ad Nantoliacum deuenimus Cœnobio-
lum, in honore sanctissimi Patris Benedicti fundatum. Vnde digredientes Sabba-
torum die, Engolismam aduenimus: à qua vrbe die Dominica egressi, dum incer-
ti pro aduenientis noctis hospitio, ac idcirco mœsti incederemus: ostendit Domi-
nus nobis, nequaquam se oblitum illum sanctum habere virum, in cuius obsequio
iter illud conficiebamus.

XVIII. NAM dum ad castrum, cui Albaterra nomen est, tendere deliberassemus, re-
pentè Dominus ipsius castri, nobilis vir nomine Giraldu[s], post tergum nostrum
celerrimè adueniens apparuit. Qui dum inquireret quinam essemus, & beatum
Patrem nostrum Abbonem adesse cognouisset: gaudens ob eius præsentiam, ait
ad eum: Dominum, inquiens, fidemque meam testor, me admodum gaudere,
quòd te, Domine, videre merui. Nam bonitas & sapientia tua vniuerso nostro
peruulgata sunt orbi. Vnde si tuæ placet benignitati, hospes tibi ero in hac nocte
perliberalis, cuncta victui necessaria tribuens. Fecit vt dixerat, & vsque ad noctem
permanens, etiam in obsequendo, famuliungebatur officio. Cùmque iuxta quan-
dam sui iuris Ecclesiam nobis hospitium præbuisset, ad memoratum castrum inci-
batus abiit. Postera die, in statu perseverans hesternæ beneuolentiæ, obuiam ei
processit: præmittens per internuncios piscium xenia, cùmque per aliquot dedu-
cens milliaria, tam ipsi homini Dei, quàm his qui hospitij gratiâ comitabantur, du-
ces viæ largitus est. Sic demùm benedictione postulata, atque perceptra, gaudens
regreditur ad sua. Hæc idè retulimus, vt apertè clareat, huic sancto viro num-
quam defuisse diuinum, vbi humanum putabatur defore auxilium. Nec tunc so-
lummodò, verùm in omnibus itineribus eius, ac præcipuè per vniuersam quam ea
tempestate tenuit viam: sicut Domini à seruis, ita à cunctis per quos transitus fuit,
iocundus ipsius præstolabatur aduentus. Porro nos eadem die qua de Albaterra
promouimus, transmeato Ella flumine, vna cum beato Abbone, in villa, quæ ad
Francos dicitur, hospitati sumus. Suscepit nos inibi genitrix mea, memorati mi-
litis Gerald[i] consanguinea, vocabulo Annenrudis, cum quanta potuit humanita-
tis exhibitione. Hæc deuotionis & obsequij feruore circa eundem Dei flagrans
hominem, obnixè orabat, vt bidu[m] apud eam manere dignaretur. Quod ille ve-
hementer abnuit, & die data, suis vt viam maturatò capiant imperat. Tumque pri-
mum quasi præsagus, brachium, in quo post percussus est, dolere sibi prædixit.

XIX. INDE ad Dordonz fluentia ventum. Quo enauigato amne, Guasconiz fines
ingrediuntur. Transmeantibus Dornoniam, antequam ad præfatum veniatur Re-
gulæ cœnobium, Aroth seu Codrot torrens occurrit. Quem dum transire esset
neceffe, vir Dei lintrem, quæ perexigua illo habetur in fluuiolo, dum ascendit: ea
introrsus à kutofo litore relabente, cingulotenus penè in aquam decidit. Mirum
dictu[m], vestigiis paululùm madefactis, in reliquis indumentis vix tenuis apparuit hu-
mor. Transmeato sane hoc pessimi occurfus torrente, postero die ad Monasterium
Regulæ ventum. Et primo quidem die, cum quiete manserunt. Secundo sanè,
inter

A inter nostros & Guascones iurgium propter cibaria equorum ad vesperum ortum, vixque à maioribus sedatum est. Quod vbi in crastinum V. Pater Abbo comperit, suos vehementer redarguit, cur inermes & inter infensam sibi gentem bella cicerent. Monebátque patientiam seruare, donec ipse cum Comite ac loci Aduocato colloqueretur: qui iam iámque affuturi credebantur. Tum demùm suas suorumque, quos primitus ibidem reliquerat, iniurias, ad libitum vñtum iri pollicebatur. His ac similibus verbis suorum furibundos sedare temptabat animos. Erat ea die celebris vniuerso Orbi beati Pontificis Martini Turonici solemnitas, & sanctus vir magna cordis ac corporis alacritate Missarum festiua celebrauit solemnia. Qua die & sequenti, quæ Dominica fuit, idem Dei famulus Abbo, post sancti sacrificij per seipsum oblationem, ac corporis refectionem, montem in quo Monasterium situm est vndique perlustrans; laudare simul ac mirari; non solum loci firmitatem; verùm etiam maximorum, quæ inibi fuerant, ædificiorum fundamenta cœpit. Horum itaque locorum situm à sancto viro laudatum, succinctim literis mandare opportunum fore credimus.

MONASTERIUM Regulæ in honore Principis Apostolorum Deo dicatum, **XX:** in monte est positum. Qui videlicet mons à tribus lateribus, Orientali, Aquilonali, & Occidentali, aliis cingitur montibus. A Meridie Garonna vallatur flumine, periculosaque vallis voragine. Ab Oriente inter ipsum & alterum montem vallis existit perangusta: per quam fons meat, quam incolæ Mosellam nuncupant. Simili modo ab Occidente, alterius fontis rapido alluitur cursu, cui Mosa nomen est. Hæc nomina à Francis illis imposita æstimantur, qui à Magno Karolo ad tuitionem Prouinciæ ibi relictæ sunt. Non longè quippe ibi abest Palatium ipsius magni Principis Cassignogilum: sed quasi tribus milliariis. In quo idem Imperator uxorem suam, Ludouici pij matrem, grauidam reliquit: dùm contra Sarracenos expeditionem in Hispaniis ageret. Quod & Eynardus vitæ illius relator scribit, & nos in Librum Miraculorum sancti Patris Benedicti breuiter expressimus. Locus sanè Regulæ ob supradictam positionem non facilè hostium patuisset accessui, nisi ab Aquilone parua ei adiaceret planicies, cui conditor municipij, vel ut quidam volunt ciuitatis, turtim quadris lapidibus exstructam opposuit. Quæ nunc ruinarum tantummodo suarum indicia præfert. Igitur tam huius quàm ceterorum ædificiorum dirutos parietes, & per deuexa totius montis latera, propter firmam cementi tenacitatem dependentes, homo Dei conspiciatus: admiransque, læto nobis adridens vultu, inquit: Potentior, inquit, nunc sum Domino nostro Rege Francorum intra hos fines, vbi nullus eius veretur dominium: talem possidens Domum. Sed heu pro dolor! aliter quàm ei ac nobis vtile fuit, huius loci parabatur possessio. Denique malignorum factio, qui illis, quos ipse sanctus Pater ad eundem miserat locum, irrogauerant iniurias, in id iam conspirauerat: ut ex qualibet occasione commoto tumultu, tanta famulos ipsius cædis contumelia afficeret, quatenus nec ipse, nec quilibet alter, eos vltius adire auderet. Quod verò mortem illius inter dolos machinata sit, non verè scitur, nisi quia is, qui eum percussisse dicitur, in iurgio nostris dixisse fertur: pro nihilo se ducere, si lancea ventrem eiustransforaret. Secunda igitur feria, qua sancti Confessoris Bricij agebatur festiuitas, Monachum, qui hos esse dicebatur machinatus dolos, sanctus Pater noster Abbo increpare cœpit, quòd sine eius licentia de Monasterio egressus foras manducare præsumpsisset. Hic Anezan nomine dicebatur proprio, gente barbarus ac vocabulo. Qui dum sancti viri increpationem se patienter ferre simulat, sed circumstantibus contumaciæ verba respondet: subito auditur clamor mulierum iuxta morem gentis illius, vbi seditio oritur, aut mors hominis interuenit, conclamantium. Tum ille perfidus solo nomine Monachus, ad eos qui se circumstabant inquit. Nunc, inquit, dicitur, meo monitu, hoc esse ortum scandalum. Cui, quidam ex his qui aderant: Si, ait, id metuis, nobiscum ad hos sedandos progredere motus. Verùm eo differente, ad nostros reprimendos, is qui monita dederat, cursim progreditur. Causa autem ortæ seditionis hæc erat. Tam Francis quàm Guasconibus se alterutrum conuiciis laceffentibus, vnus Francorum nimium impatiens conuicij Domino suo illati, conuiciatorem baculo inter ceruicem & scapulas ictum humi prostrauit. Eo prostrato, tam nostri quàm seditiosi, semet mutuo lapidare cœperunt. Interea, vir Domini Abbo intra claustrum

HUGO ET
ROBERTVS.

Monasterij residens, & quasdam computi ratiunculas dictitans, tumultuantium A. clamore exaudito, foras ab inferiori montis parte progreditur: & ad reprimendos suos, qui superiora occupauerant loca, festinans, ab vno aduersæ partis satellite lancea tam validè vulneratur in læuo lacerto, vt interiora costarum ad actum penetraret ferrum. Qui percussus, non clamauit, non titubauit, aut cadentium more loco motus est: verumtamen hoc tantum dicens: Ille, ait, ferio hæc fecit: ad domum vbi sui famuli hospitium habebant, ascendere cœpit. Sustentabat autem eum Frater quidam nomine Guillelmus, cuius suprà meminimus. Ego vestigia eius persecutus, conspicio super limen domus, quam vir sanctus ingressus iam erat, partem coagulati sanguinis. Interrogansque de quo foret, hoc à Dei homine responsum accepi: De me, inquit, est. Testor Dominum, continuo mihi steterè comæ. Horrôrque infusus corpori, raucisonam reddidit vocem. Nondum enim quispiam animaduertenterat, eum in carne esse vulneratum: sed tantum indumenta æstimabamus fuisse perforata. Itaque aio ad eum: Quanam in parte, inquam, tibi Domino meo illatum vulnus est? Tum eo eleuante brachium vt plagam detegeret, repente ab intimis costarum recessibus vnda sanguinis prorumpens, manica laxioris pellicæ excipitur. Verum ipse nihilo tristior, nec vultus colore mutato, cum me trepidare magis magisque sensisset: tam ex faciei permutatione, quàm ex verbis querimonie, alacri vultu & penè ridenti similis, ait. Quid tu, inquires, ageres, si ipse vulneratus esses? Attamen noli metuere: Quin potius foras ad nostros progredere, eosque ad me venire facito, vt hæc B sedentur turbæ. Quod cum fecissem, illique obtemperantes ingressi essent: ipse iam exanguis factus, inter manus discipulorum famulorumque se sustentantium Idibus Nouembris spiritum reddidit. Retulerunt autem qui eius sanctum finem videre meruerunt (nam ego ob sedandos tumultuantes forinsecus remanseram) hunc ipsius vltimum fuisse sermonem. Miserere, inquires, Deus omnipotens animæ meæ, locoque ac Congregationi, quam nunc vsque te concedente rexi. Et ille quidem hæc effatus, vt prædictum est, animam efflauit. At seditiosi domum, in qua beatus Pater iam defunctus à suis lamentabatur, circumdantes, obseratos succiderunt cardines ostiorum. Sicque furens ingressa turba, aliquibus vulneratis, cubicularium viri Dei vocabulo Adelardum, qui caput Domini sui propriis genibus suppositum lachrymis rigabat, ad necem vsque fustibus præcutis ac lanceis conciderunt. Qui ægrum vsque ad tertie ferie diluculum protrahens spiritum, defecit ac mortuus est: sepultusque in claustro Monasterij. Iuxta quem quoque custos equorum ipsius Sancti postea tumulatus est. Qui tunc quidem vulneratus, vsque ad diem festiuitatis sancti Andreæ languit: sicque obiit. Ceterum tantæ cladis compilatores, certissimè agnoscentes beatum obiisse Abbonem, certatim cuncti in fugam vertuntur. Ita vt terris reddito die, ne mulieres quidem in vniuersis forensibus ipsius villæ inuenirentur domibus. Quatriduo post obitum sancti viri, inorati sumus: commorante semper nobiscum ob custodiam nostri, quodam honorabili viro nomine Guillelmo Orioli filio. Qui videlicet Guillelmus gratia beatum virum videndi, eadem die cum quibusdam aliis ibidem aduenerat. Eoque viso, ad metatum suum, quasi milliario ac semis distans à Monasterio, secesserat. Is vbi nostræ miserie nuntium accepit, ad nostrum auxilium cum suis velociter accurrit. Hi ergo corpus beatum, quod adhuc in domo, in qua animam Creatori reddiderat, super nudam penè humum iacebat, tapeti impositum ad nos vsque pertulerunt: nostris propter caliginem noctis è claustro Monasterij minimè exire audentibus. Dubitatum aliquandiu est, quonam in loco poni deberet. Tunc in commune placuit, vt quando innocenter, ac pro veritate, quæ Christus est, interemptus erat, in Ecclesia poneretur. Vbi vsque ad diluculum ferie quartæ, duabus videlicet noctibus vnâque die, eum cum quanta potuimus Psalmorum & lachrymarum deuotione, insepultum seruauimus. Referri nequit, qui luctus, quive gemitus ab his, qui ad eum visendum è propinquis venerant locis, editus sit: cum eum, quem viuentem cernere concupierant, mortuum conspiciebant. Contemplabantur sanè vultum eius adhuc sudario nequaquam opertum, qui dormientis potius quàm mortui speciem ex rubore præferabat, & lachrymis opplebantur: incredibileque dum adiuueret videbatur, eum tam ingentem post obitum, non solum à suis, verum etiam lachrymosum

A ab extraneis habiturum planctum. Nam quilibet adueniret notus seu ignotus, eius viso corpore, siue post tumulationem sepulchro, continuò in lachrymas prorumperebat. Matutino sanè tempore feræ quartæ, cum ipsis quibus indutus erat vestimentis, uti mos est sepeliri interemptos, inlorus etiam, lapideo tumulatus sarcophago, in interioribus cryptæ, ante altare sanctissimi Patris Benedicti. Et quidem satis decenrissimè, si non etiam insperatus contigisset finis vitæ. Sed Scriptura teste nouimus, quia *Iustus quacumque morte præoccupatus fuerit, in refrigerio erit.* HVGONIS
ROBERTVS.

Nos igitur quarto à tumulatione sancti corporis die inde digressi; per bi- XXI.
duum à Vicecomite Amalguino, eiusque uxore Osemerga detenti charitatiuo sumus affectu. Cuius mulieris benignissimam erga nostros compassionem, nobis ad conclusionem voluminis tendentibus, breuiter memorare congruit. Nam ipsa viro suo, ut vulneratos retineret, etiam nolentes suasit. Retentis autem ipsa cuncta tribuit necessaria, non solum languentibus, verum etiam eorum seruiuentibus; atque equis, qui omnes sexdecim erant numero. Medicum ipsa quaesuit, eique pro sanandis equis ipsa pretium præbuit. A me quoque, ut cum eis remanerem, non solum mansueta prece, verum quadam imperiosa consanguinitatis exegit autoritate. Hi verò, qui sani euasere, à procuratoribus eius, ipsa præcipiente, per omnes ipsius possessiones, quæ in itinere erant, honorificè suscepti, tristem tanti doloris nuncium per omne spargentes iter, tandem Floriaco Cœnobio intulerunt. Quis tunc luctus, quive dolor, tam nostram sanctam inuasit Congregationem, sermo explicare non sufficit: cum ab his quoque, quibus eius grauitas onerosa videbatur, inconsolabiliter lugeretur. Auxit hunc ingentem dolorem aduentus plurimorum Abbatum, in imminente sancti Patris Benedicti solemnitatem, quæ in mense colitur Decembri, confluentium. Horum alij ab ipso, ob quasdam ordinandas utilitates, erant euocati; alij suarum necessitatum certis ex causis eum consulturi aduenerant. Inter quos reuerendus Cluniacensium Abbas Odilo aderat, charitatiuo laudabilis in Domino familiaritatis glutino ei in omni sua coniunctus vita. Talium itaque præsentia; & ipsius absentia; propter quem venerant, ingerebat mœstitiā, & nostris ampliorem addebat dolorem, quòd tali forent Pastore desolati, cuius prudens consilium aliorum expectarent Prælati Cœnobiorum.

Hæc de vita, moribus, & actibus, necnon martyrio sanctissimi Patris nostri Abbonis, partim à fidelibus viris audita, partim à nobis visa, ad te, reuerentissime Clericorum Heruee, ut tua sanctitas petiit, veraci pro posse relatu scripsimus. Nunc tuam exposcimus benignitatem, quatenus pro nobis Domini implores clementiam, ut si quid fortè eum in nostra offendimus narratione, ipse sua piissima indulgere dignetur miseratione. Et qui eius sepulchrum dignatus est miraculis illustrare, mihi facultatem dignetur conferre, in sequenti volumine ea ad laudem **C** nominis sui fidelibus manifestare:

EXCERPTA HISTORICA, DE GESTIS SVB HVGONE ET ROBERTO REGIBVS.

*Ex Libro III. Miraculorum S. Benedicti Abbatis, quem composuit
AIMOINVS Floriacensis Monachus anno M. V.*

FAVORABILIS supernæ dignationis præfagium, hoc, in quo Deo authore CAP. I.
famulamur, Cœnobium, ut Floriacus vocaretur accepit; qui priscis temporibus, non dissimilis gratiæ prærogatiua, Vallis nominabatur aurea. Retinet enim in se aureum paradisi florem, sanctissimum Patrem Benedictum; qui gratantissimo virtutum odore quosque remotissimos ad sui reuerentiam inuitat. Quarum proprietatem operationum si per singula explicare velimus, cartam nobis sermonemque, antequam sermonis materiam, deficere pro certo intelligemus. Sed ne beneficiis piæ paternitatis eius, ab ipso nobis immeritis impen-

HUGO ET
ROBERTVS.

sis, ingrati esse videatur: ea quæ nostram attigere noticiam, in quantum ipsius A
benigni Patroni clemens supplicatio vires nostro tenui ingenio à Christo obti-
nuerit? rusticano licet sermone, posterorum mandare adoriemur memoriæ. Et
primò, qualiter his temporibus Respublica Francorum substituerit, succinctim
perstringamus: ut post liberius ea quæ proposuimus exequamur. LOTHARIO
Regi caeleste ut credimus, pro terreno commutanti Regnum, HLYDOVICVS
filius successit. Qui immatura præuentus morte, destitutum proprio hærede Fran-
cigenæ gentis Principatum, utpotè naturalis experts coniugij, dereliquit. Sanè
patruus eius KAROLVS, quem priuatum senuisse suprà prælibauimus*, cona-
batur si posset, à sui generis auctoribus diu possessum sibi vindicare Imperium.
sed eius voluntas nullum sortitur effectum. Nam Franci Primates eo relicto, ad
HUGONEM, qui Ducatum Franciæ strenuè tunc gubernabat, Magni illius Hu-
gonis filium, cuius iam mentio facta est, se conferentes, eum Nouiocomo folio
sublimant Regio. Is eodem anno ROTBERTVM filium sibi consortem Re-
gni legit. Et quia quantum ad cœptæ rei causam attinet, de Regibus dixi-
mus, ad eam proseguendam veniendum est. Igitur Oylboldo Abbate in Chri-
sto quiescente, Abbo Deo & hominibus vir amabilis, à Fratribus, Hugone an-
nuente Rege, electus, in gradum successit Monastici regiminis. Qui præce-
dente hunc, quo hæc scribimus anno, qui fuit ab Incarnatione Domini M. IV.
in Vasconiz partibus, à perfidis illius nationis hominibus, nobis præsentibus,
innocenter occisus, martyrij sanguine laureatus ad regna est æterna à Christo B
vocatus. In cuius diebus res mirabiles per præminentissimum Patrem nostrum
Benedictum ab omnipotente Domino patratas, quia iam tunc nos intelligibi-
lis contigit peruenisse ad metas ætatis, certiori, utpotè aliquibus præsentibus, di-
gerimus stilo.

IV.

Særgii.

QVIA, ut refert beatus Papa Gregorius, sancti Martyres frequentiora osten-
dunt miracula, ubi eorum tantum habetur memoria, quàm ubi eorum sacra con-
seruantur corpora: licet idem de ceteris intelligere Sanctis, maximè ex hoc Pa-
tre nostro multipliciter excolendo sanctissimo Benedicto. Cuius excellentissima
signorum à Deo per eius meritum aliis in locis patratorum notitiæ posterorum tra-
dere noster gestit animus. Caput-ceruium dicitur prædium in finibus Bituri-
gum situm, Lemouicinis contiguum: à quo vicina regio corrupto vocabulo Cap-
cerpensis vocitatur. Hoc ad dominium Floriacensis Cænobij, omnipotenti
Deo sub nomine perpetuæ Virginis Mariæ, sanctissimique Benedicti dicatum, hæc
de causa, relatu Seniorum valde antiquorum, peruenisse comperimus. Eius pos-
sessionis dominus OTHERIVS dicebatur: inter Aquitanicos Primates clara no-
bilitatis pollens prosapia. Is à primæ iuuentutis flore paralytis percussus languo-
re, manuum ac pedum caruerat iuamine. solius illi linguæ, auditus quoque, ac
visus, ex parte manebant officia. Diutino igitur laborans morbo, dum vana Me-
dicorum studia propensius sibi adhibita nihil intellexisset conferre valetudinis: au- C
dita famâ, quæ Saluatoris nostri omnipotentia apud sacratissima patroni commu-
nis Benedicti creberrimè tunc operabatur ossa, ait suis: Videtis, fidissimi mihi,
vitæque ipsa, qua nunc fruor miserrima, chariores amici, quod medicinæ impen-
sis nihil proficio: immò in dies ægritudinis protrahitur longitudo. Quapropter si
qua vos cura vestri tangit Otherij, mearum quæso miserantes ærumnarum, cele-
ri calle sepulchrum adire curate gloriosi Confessoris Christi Benedicti. Et ne
fortè vos conturbent ignota viarum, scitote Ligerici amnis litora, pagumque
Aurelianensem, hoc præclaro inradiari thesauro. Id mihi diuinum prænucliauit
Oraculum, dum fessos artus sopori mandassem: debere me eò cum votis dirigere
meæ petitores salutis. quia inde forem adepturus remedium sanitatis. Et quia
solus cum dulcissima genitrice resedi, patre orbatus & fratribus: ipsa non abnuen-
te, verum hoc ipsum fieri sedulo deposcente, voueo Deo & iam dicto eximio Be-
nedito, hereditatis meæ portionem, cui Caput-ceruium nomen est, cum omni-
bus ad eam pertinentibus: eo videlicet tenore, ut superstites ambo vsum fructum
ac præsentis vitæ exactionem retinentes, Fratribus Floriacensibus post nostri
dissolutionem cuncta restitui faciamus. Spe etenim suscipiendæ prolis per su-
prà memoratam priuatus reuelationem, sollicitudinem ducendæ vxoris funditus
abieci. Properate igitur quantocius, & vestris seruorumque inibi degentium

A precibus opem efflagitate misero. Acceptis eius fideles huiusmodi præceptis, cum vuantis ipsius auro ornatis, per quos donationem memoratarum rerum sacris imponerent altaribus, absque dilatione venerandum adeunt Cœnobium, mandata precésque sui domini cateruz innotescentes Fratrum. Memorabile dictū eadem die, ipsoque horæ momento, quo qui missi erant donum cum orationibus ante Sancti præsentarunt tumultum, æger, qui nonaginta millibus iacebat semotus à loco, integerrimam adeptus est sanitatem. Qui laudum Deo præconia, sanctoque dans Benedicto gratiarum cantica: exercitationis venationisve gratia, siluarum petiit abdita. Cui, dum studet operam dare rei, occurrit suis à nostro remeantibus Monasterio. Quem illi conspicati equitando saltum peragrarè, stupore ingenti perculsi sunt, videntes hominem, dudum absque alterius adminiculo è lectulo non valentem surgere, tunc non solum firmiter incedere, verum etiam equum cursu fatigare. Hæsitantibus illis, & vultus similitudine se deceptos autumantibus, obuium se ille gratulabundus offert. Inquirat deinde sollicitius diem, quo pro se vota soluissent: ipsumque fuisse certissimè comperit, quo sibi salutem obtigisse gaudebat. Huic antiquæ veterum relationi virorum repugnabat antiquius tertij Chlotarij Regis edictum. In quo continetur, quod memoratus Otherius ob perfidiam ab ipso Rege interfici iussus sit: rebúsque eius omnibus confiscatis, illud prædium ab eodem Principe sancto est Benedicto collatum. Et hoc est, quod in quadam sententia primi Libri legitur, Caput-ceruium liberalitate regia Floriacenses promeruisse Fratres. Potuit tamen fieri, ut post hanc quam nunc retulimus donationem, ipse Otherius apud Regem infidelitatis insimulatus, iuberetur interfici: & quasi ex sua parte, eandem villam idem Rex nostro conferret Cœnobio. Quod verò in ipso Regali Præcepto Aaotharius vocatur, permutatio veterum facit verborum, ut post latius ostendemus. Post cuius excessum, vicini quique hoc eis prædium auferre moliti, ad sibi utile coegerunt declinare consilium.

DENIQUE ut superioris continetur serie Libri, habitaculis Monachico congruis ordini inibi constructis: spem potiendarum rerum ipsarum aduersariis sustulere, vsque ad tempora ROBERTI Regis filij HUGONIS. Quo onus gubernandi suscipiente Regni, Ademarus quidam, iuuentà pariterque corporis elatus formâ, cuius genitor VVido in vrbe Lemouicina Vicecomitis fungebatur honore, nefarium molitus est scelus. Namque Lemouicinis nequaquam contentus facultatibus, ex paterna sibi hereditate iure suppetentibus: dum cerneret numerosam coheredum fratrum suorum succrescere stirpem, in subripiendas res alienas animum intendit. Dolique artifex, castrum quod à rusticanis Bruccia dicitur ingressus, Dominum se agebat. Erat in ea Prouincia vir quidam haud contemnendæ potentix, Hugo nomine: cui media pars ipsius castri hereditaria obuenerat successione. Hanc ille, uti & eam quæ genitorem competebat suum, ausu temerario peruadit. Toto itaque potitus castro, copias duorum Comitum, qui eum inde pellere nitebantur, VVillelmi videlicet Pistauenſis, & Bosonis Pertogorici, per quindecim dierum eludens spatium, obsidionem eos soluere coëgit. Qua liberatus necessitate, audendo maiora, municipium Patris Benedicti quatuor & semis millibus à memorato distans castello, absentiam Præpositi Otherij aucupatus, latrocinantium more ingreditur. Municipio illi antiquitas Salis nomen indiderat, eoque Monachi habitationem assiduam à Caput-ceruio commutauerant: eò quod is locus magna ex parte natura foret munitus. Hunc præfatus Ademarus idcirco, ut post ipse retulit, inuadere nisus est, ut copiis frumenti ac vini, quæ à circumiacentibus incolis inibi ob tutamen sanctorum locorum aggregata erant, peruasæ Brucciæ inopiam subleuaret. Re autem vera, ut arctissimos possessionis suæ fines ampliaret, operam dabat. Interim Præpositus loci iam dictus Otherius, tantæ calamitatis accepto nuncio, dolore cordis tactus intrinsecus, quod commendatum sibi à venerabili Abba ABBO NE tunc Floriacensium Rectore & Fratribus locum funditus amisisse videretur, in diuersa cogitationum turbine rapitur: tandemque non mœroris, sed consilij tempus ingruere sibi intelligens, ad superius nominatum Hugonem recta proficiscitur via. Cui opportunitatem capiendi innotescens inimici, quod scilicet Brucciæ firmissimo derelicto præsidio, in Salensis municipij demigrasset domicilium: ad præoccupandos eius conatus proficisci hortabatur. Nec ille distulit, qui intelligeret suorum proficere,

HUGO ET
ROBERTVS.

si eum in minus tuto valeret preoccupare loco: Quid plura? non solum illum, ve-
rùm quosque circummanentes vicinos, quibus cordi esse Patris Benedicti vene-
randam dilectionem cognoscebat, ad sui adiutorium alliciens: diluculo feriæ ter-
tiæ præmonet hostibus occurrendum. Interea cuidam militi ex auxiliariis nostræ
partis, nocte, quæ diem belli præcedebat, huiusmodi per quietem ostensa est visio.
Videbatur ei, quod quasi cum Præposito Ecclesiæ sancti Stephani Lemouici-
Sedis nomine Ainardo siluam peragraret; opportunisque in locis, retibus oppan-
sis, multitudinem aprorum præ se ageret. Quorum quidem alios ad præparatas
insidias deductos viuos caperet, alios verò venabulis transfixos neci traderet. Eui-
gilans igitur, cum cuidam sodalium quæ viderat enarrasset, hoc ab eo responsum
" accepit. Visionis, inquit, tuæ Deo opitulante, & sanctissimi Benedicti suffragan-
" tibus meritis, manifestus in proximo propalabitur intellectus. Nam quod tibi de
" porcis præostensum est siluestribus, hoc tu patrari conspicias de perfidis homini-
" bus: quodque authore Ainardo te agere somniabas, hoc ventura luce, Otherio
" sancti viri Benedicti Monacho duce, vnà nobiscum Christo auxiliante perficies.
Cumque ille, qui somnium viderat, rem sibi manifestius declarari peteret (erat
enim earum quæ gerébantur inscius rerum) interpretes ad eum: Num, ait, ad aures
" adhuc peruenit tuas, Adhemarum Guidonis filium egregij Confessoris Benedicti
" peruasisse Monasterium: & Otherium Præpositum idcirco Domini nostri petisse
auxilium? Gausfredus ob fortitudinem corporis Asini prænomine vocitabatur, in
cuius castro memoratus Monachus tum fortè aderat, cum hæc miles contubernali
" referret suo. Quique hæc adiecit, dicens: Nos quoque volente Deo, ac sancto
" iuuante Benedicto, sacri peruasores loci aut vindice feriemus gladio, aut captos
" nobili ducemus in triumpho. Hoc dictum multorum roborauit pauitancia corda
viro-
rum. Videntur mihi somniator iste, ac eius interpretes, duobus Orientalibus
fore similes; quorum vnus victoriam Gedeonis somniauit, alter interpretatus est.
Feria porro sexta secundæ hebdomadis sanctæ Quadragesimæ vertebatur, quando
factio latronum memoratum occupauit Cænobium. Et ecce crepusculò tertiæ
feriæ sequentis septimanæ vndecunque asciti auxiliares improuisi adstitere portis.
Tunc quibusdam nostri agminis viris adhuc procul à castro constitutis, vnà cum
Præposito Otherio, diuinum apparuit prodigium. Viderunt namque, Sole totius
terræ reliquas clarissimè inlustrante partes, ambitum castri densissima vallari nebu-
la: quæ quidem nullum sibi pugnandi afferret impedimentum, hostium verò ob-
nubilaret intuitum. Illi hæc dies æquanda videtur, de qua antiquus Legislator
Exod. 10. 22. scribit: *Quia Aegyptiis erant tenebræ crassæ & palpabiles: filiis autem Israël erat lux in
omnibus finibus suis.* Roboratis hoc signo animis, statuunt hostes prælio aggredi:
& præmisso Præposito, qui præuius dudum sibi fidus, tunc autem hostiles, aggre-
diens muros, beati Benedicti nomen celsius inclamaret: ipsi elata in excelsum vo-
ce, Benedictum inuocant Monachorum Patrem, Benedictum resonant tum val-
lium concaua, respondentque Benedictum proximæ siluæ abdita. Quo fragore
vicinos confedis-
se montes, infernæque patuisse hostibus visum. Et quia montium
facta mentio est, non sit audientibus onerosum, iam dicti Salensis castri memora-
re situm. Mons est non multæ altitudinis, in cuius decliuo castrum constitutum
est, quod quidem ab Orientali Australive parte difficilem ad se venientibus præ-
stat accessum. Ab Aquilonali sanè latere, deuexus montis machinamentorum
omnium inhi-
bet euectionem. At Occidentem versùs, vbi hostium facilis formi-
dabatur progressus, domus erat lapidibus firmissimè constructa, ad Austrum in lon-
gum porrecta, ad repellendos inimicos satis idonea. Huiusmodi enim munitio
aduersariis facta est perditionis occasio: dum ob nimiam securitatem prius hostem
adesse senserunt, quàm præuidissent. Primus ferratas Aquilonali parte intulit
acies Gausfredus, propter vires, non propter pigritiam, Asinus agnomine: ignem-
que, vt pridie suis inter pocula in amore Patris Benedicti sumpta condixerat, ad-
moueri præcepit. Post eum reliqui auxiliares, Giraldus scilicet Cluensis castri
dominus, & Hugo Gargelensis, reliquique, quorum nomina dicere supersedi.
Qui ducentorum vallati caterua armatorum, aduersarios pari fidentes numero,
sed virtute constantiæ impares, è propugnaculis, quæ tueri parabant, iaculis ac la-
pidibus repellere cœperunt. Et ecce, prouidentia diuina interuentuque egregij
Confessoris, ventus Aquilo surgens flammam quidem ignium portis ingerebat,

A hostilia verò tela retro agebat. Cumque ignem conualescere, iaculaque sua in irritum cadere oppidani cernerent, formidinem animis induentes, introrsus fugere. Seditiosis Ecclesiam petentibus, nostri à tergo sequuntur attentius, cæsis in introitu portæ aliquantis, eos qui Basilicam petebant insectabantur. In qua non tutam sibi latebram fore auspicatus Ademarus, turrim ligneam, de qua signa dependebant, cum sex factionis suæ sociis formidolosus conscendit. Ibi quoque se latere posse diffidens, tectâ more architecti perambulabat: donec ab Hugone, qui studiosius reliquis eum inuestigabat, visus, pacta vitæ ac membrorum securitate, captus est. Cum quo, quinque commanipulares ex eminentioribus senti sunt. Hugo videlicet ac Archembaldus de Buciaco, Rainardus & Americus frater eius, filij Heldegarij haud ignobilis viri Argentomagensis, atque Giraldus Terinensis. His exceptis, quos aut minor potentia, aut minus pollens de nobilitate parentum sanguis, nostræ subtraxit notitiæ: quorum numerus ad viginti & eo amplius fuisse refertur. Equi capti numero centum viginti, præter eos qui vel à victoribus furtim subducti, vel à victis fugâ sibi consulentibus obducti sunt: E quibus & multitudo hostium colligi potuit, & virtus superna, pariterque excellentissimum Patris Benedicti meritum, euidenter agnosci: quod à tam paucis exercitæ militiæ viris, aduersarij copiis ac naturâ muniti loci, tam facile sint superati. Illud nihilominus gratiâ Dei gratuita nobis collatum credimus, quod hostium triginta militibus peremptis, nostrorum nemo saltem vulneratus est: tribus exceptis, vnus videlicet militaribus deditus stipendiis, qui lethali accepto vulnere, ad propria rediens, vita decessit. Ac duo agriculturæ potius quàm bellicis dediti stipendiis: qui cum multis aliis artis hominibus, famâ prælij exciti, auxiliatum nostris venerant: dum nimium rapinæ student, incertum, à sociis, an ab extraneis interempti sunt. Hoc itaque modo, castrum intra sextam diei quo primum ibi aduenerant horam receptum, nostrisque redditum est anno Incarnationis Dominicæ millesimo. Et ne quis æstimer tantam victoriâ hominum potius virtuti quàm diuinæ ascribi debere largitioni: sciat ipsorum nobis relatione aduersariorum vulgatum, eos vigore ita destitutos, vt quamuis telorum seu lapidum mole abundare se cernerent, nullam tamen efficaciam in iaciendo sibi inesse sentirent. Animæ quoque peremptorum, nocturno tempore, in eadem villa quiescentes homines somnos rumpere sæpissimè cogebant: flebiliter oberrando inclamantes, se miseras fore, quæ excellentissimi Patris Benedicti res peruadete non dubitauissent. Nec Guido genitor Ademari, siue etiam Giraldus frater eius, patrinus iam dicti adolescentis, immunes miseriæ fuere. Verum sicuti participes eius maligni fuere consilij, sic quoque Dei iustissima disponente prouidentiâ periculorum fuere consortes. Si quidem Guidonem non tantum orationis, quantum dissimulationis hescire se quæ à filio gererentur, gratiâ Romam profectum morbus adeò vitiliginis debilitauit, vt non aliter quàm in lectica ad sua regredi valeret. Giraldum verò obtentu eiusdem simulationis apud Pictauum degentem, & rei euentum præstolantem, ferox equus mordicus per coxam arreptum, per aliquot dies lecto cubare coëgit. Hildebertus quoque Argensis incolâ, huius factionis signifer, qui pacis medius palam quidem videbatur fore, occultè autem prodicionem alebat, igne diuino in maxillam adustus vsque ad diem suæ mortis incurabilis perseuerauit: ita vt consumpta carne, dentes specie miserabili nudarentur. Per omnia Benedictus Deus, qui sibi beneplacitos assidue mirificat Sanctos.

QUÏA verò semel Aquitaniam ingressi sumus, non ab re esse videtur, si rei gestæ miraculum, quod ordo causarum superiori paucis elabentibus annis subnexuit, enarrauerimus. Captus, vt suprâ dictum est, Adhemarus, ab Hugone ad castrum Brucciæ deductus est. Id Giraldus quidam partibus fauens Adhemarianis tenebat, exclusis factoribus Hugonis, qui partem eiusdem castri ab Adhemaro sibi præreptam non mediocriter indignabatur. Denique eundem iuuenem, quem captum habebat, è regione murorum, vnde à suis intueri posset, deduci præcipiens, interminatus est, se eius caput abscissurum, ni maturatò sibi munitionibus cederent. Quæ res Giraldum, & eos qui intus erant, grauiter perterruit, maximè videntes Dominum suum cum tot exercitæ militiæ egregijs bellatoribus, subita rerum conuersione deiectum. Vnde non solum oppidum, sed etiam se suaque omnia territi dedidère. Hugo potitus castro, turrim, quæ iuris Adhemari fuisse vide-

bat, confestim diruit. Iuxta eam cisterna erat ad colligendas imbrium aquas **A** effossa, quadraginta quinque & eo amplius cubitis in profundum patens. Fortè post aliquod temporis spatium, duo ex Fratribus nostris apud memoratum sancti Patris Benedicti Salense Monasterium degentibus, utilitatis Monasterij gratiâ præfatum Hugonem Brucciam tunc incolentem adierunt. Ob cuius colloquium superiora turris petentes, binos equos retinaculis sibimet connexos in inferioribus reliquerunt. Horum vnus quietis impatiens, dum huc illucque errando sodum trahit, postrema corporis parte in superius nominatam cisternam labitur, nec alterius opè iuuari valuit, quin ad fundum vsque decideret. Clamor illico intuentium oritur, equum Monachorum in puteum esse lapsum. Tumultus causam Hugo sollicitè perquirens, vbi damna lapsi animalis repetit, vehementer indoluit, quod hi, qui cum visitandi gratiâ adierant Monachi, (æger quippe erat) tantam fuissent passi iacturam. Itaque vxori imperat, vt euocatis iuuenum robustioribus, seminecis equi cadauer è puteo abstrahi faciat. Ipse post paululum, vbi se vestibus indidit eam sequutus, inclinans se ad os putei, solùm equinum caput aquis eminare prospexit, reliquis membris cum sella limphis opertis. Et ad circumstantes conuersus: Hic, inquit, equus sellæ deinceps nunquam sentiet onus. Ad quem mulier: Num, ait, ille senex Benedictus, qui tibi à Domino victoriam obtinuit ex hostibus, tam est inualidus, vt impetrare nequeat, quatinus proprio animali suus reuehatur Monachus? Ad hæc ille diffidens: Si, inquit, hæc ille impetrarit ceteris **B** Præfato Sanctis, eius me committam tuitioni. Admotis igitur scalis, descendit quidam, audaci fides iuuenta, qui equum per oportunas corporis partes funibus ligaret, quò facilius educi posset. Verùm eo egresso, cum difficile videretur, tam immensi corporis animal simul cum scala posse abstrahi, ob angustiam putei, primò scalam educentes, dehinc caballum abstrahere cœperunt. Sed omnipotens Deus, vt ostenderet non solùm iam sæpius dicto Hugoni, verùm quibuscumque sanum sapientibus, egregium Ducem Monachorum, summum videlicet Benedictum, non parui apud se esse meriti, immò maioris, quàm quisque mortalium conicere valeat, geminauit miraculum. --- :

VII. OPORTVNUM videtur & illud inferere lectioni, quod in eadem Prouincia sub antedicto Præposito Otherio meritis sancti sui Benedicti Dominus operari dignatus est. Hildebertus supranominati Bosonis filius, ex materni aui successione Comitatum Petragoricæ vrbis adeptus, aduersus Guillelmum Comitem Pictauiorum arma mouit: & commoto exercitu, ad secundum Pictauiæ ciuitatis milliarium castra posuit. Inter reliquos verò eius auxiliares, quos ad id euocauerat bellum, erat Hugo, de quo præmisimus, dominus castri quod Gargilissa dicitur. Is cognitum habens beatissimum Patrem nostrum Benedictum, his qui se plena inuocauerint fide vbique, & maximè in bello, solere auxiliari: memoratum rogauit Præpositum Otherium, vt sibi saltem duos conferret panes ex iis, quibus Monachi vescabantur, quos ipse cum suis certamen intraturus, in escam sumeret: fidei non modicæ existens, qui crederet illo se cibo validius omnibus posse armis contra vniuersa muniri pericula. Interim Hildebertum, tam ipsum Hugonem quàmque cetera expectantem auxilia, præcipuè Fulconem Andegauensem Comitem, congregati Pictauienses repentina inruptione opprimere conati sunt. Quatinus eo, qui Dux belli erat, antequam cunctæ eius congregarentur copiæ, oppresso, residuos ab ipsius deterrerent adiutorio. Nec ille segnior in obuiando fuit, sed cum paucis, quos secum habebat, excipiens aduenientes: bis cum eis campali certamine conflictit. Cumque in eo esset, vt ab hostium multitudine superaretur, veteranis etiam suis fugere non erubescens, ex improviso iam dictus superuenit Hugo, qui deiectos rebus aduersis sociorum intuens animos, fractis citatim, quos ex Monasterio sancti Benedicti acceperat, panibus, & ipse sumpsit, & his, quos secum adduxerat, distribuit. Ac demùm Pictauios iamque victores, & sui nimium securos, cum Hildeberto aggressus, vicit, fugauitque. Sanè ex militibus, qui quippiam panis sancti Benedicti quamuis modicè sumpserant, nullus lethale suscepit vulnus, sed omnes incolumes euaserunt.

VIII. NUNC iam ab Aquitania gressum verbi promouentes, in Franciam redeamus: narratisque de statu Regni seu Regum quæ ad rem pertinere videbuntur: miraculum per beatissimum Patrem nostrum Benedictum ab omnipotente Deo in loco,

A qui Abbatis villa dicitur, gestum recitemus: sicque per Monasterium ad Burgundiam partes certis ex causis transitum faciamus. Dux Francorum HUGO infulas Regni adeptus, cum filio per decem continuos annos eis potitus est. Moriens autem, ROBERTO filio Monarchiam sui reliquit principatus. Hugonides Robertus uxorem inire copulam iam dudum mente tractans, & ab Arelatensium partibus assumere sibi coniugem volens, exercitum congregat, sponsæ iam iamque aduentanti occursum. Dum ergo iter agens exercitus, vltiorem Ligeris ripam teneret, contigit Guillelmum Belesmensē, castra metandi causā, curtim superius nominatæ Villæ-Abbatis sibi deligere. Porro è satellitibus eius quidam peruersæ mentis iuuenis, præueniens Dominum, Monacho ei curti Præposito Theoderico nomine furibundè imperat, vt sibi portas aperiat, eo quod ipse inibi metatum habiturus foret. Ad quem Monachus: Patientiam, inquit, ô optime militum, in me habe, aduentum tui Senioris operientem, cui soli hæ patebunt portæ. Animaduertens miles, copiam introeundi sibi denegari, conuersus in iram, sociis inquit: En, inquit, contemplamini hunc Monachum veluti tumidum bufonem, equo itidem rumentum superbe residere, nec mihi aperire velle. His contumeliæ verbis Cœnobita motus, conuersus ad Orientalem, ad quam Monasterium situm est, plagam: Ego, ait, te ô Senior sanctissime Benedicte, aut perpetuò obdormisse suspicor somno, aut nostris offensum peccatis, ab his olim tibi dilectis abscessisse sedibus, qui ita inultas tuorum pateris manere iniurias. Quid multis morer? Non diu vindex dilata est blasphemix vltio, diuina eam meritis beati Confessoris idcirco, vt credimus, accelerante prouidentia, ne pusillanimitate victus Frater, maioris offensæ in verbo incurreret lapsum. Namque aduentante Guillelmo, infelix ille qui scandalisauerat Fratrem, & insuper Benedictum despexerat Patrem, iactans se vino feruorum eius ad ebrietatem vsque sua suorumque viscera absque eius oppleturum gratia, domum à curti longiusculè remotam ingreditur: in qua minarum suarum satisfactorum executioni, dum vltra modum vina haurit, calicem furoris Domini vnà cum mero vsque ad feces potauit. A mensa quippè surgens, secus ignem se collocauit, temporalem æterno socians somno. Namque ignis stramenta lectorum corripiens, flammarum globos in sublimi extulit, ac tectum domus facile accendit. Nec euigilauit miser, donec comprehensus omnibus, obrueretur trabium molibus. Itaque cum duobus obsequij sui pueris, (nam tertius semiustulatus euasit) ac quinque equis, seu cum omni itineraria suppellectili, incendio consumptus est. Qui verò ambuga veste vel capitis crinibus, discrimine mortis beneficio exemptus fuerat fugæ, in præsentiam Guillelmi deductus, rem, vt erat gesta, ordine retulit. Tum ille: Merito, ait, hæc infelicibus pœna prouenit, qui malivolæ discordiæ suæ spiritu vina Monachorum cuncta se exhaurire posse æstimantes, ita ebrietati operam dederunt, vt imminens periculum vitare nequirent. Hoc itaque facto, suspitio Fratris abolita est, qua falsò calumniatus erat beatissimum Patrem nostrum Benedictum obdormisse, qui curâ peruigili assiduam sollicitudinem sibi subdito exhibet gregi. Porro à sibi placitorum istorum visitatione locorum nullius nostrum quolibet immani poterit deterreri facinore, quem grata suorum inuitat præsentia ossium. Verumtamen cò magis nobis cauendum, ne tam pij aspectum Visitatoris fusca commissorum offendamus caligine peccaminum.

C IN ea inundatione Ligeris, quam plus solitam, litoris accola, insolitam procul remotus sensit agricola, quid mirandi per meritum sæpius nominandi Patroni nostri actum sit Benedicti, quia absentem me contigit fuisse, relatu Seniorum cognitum, memoriæ adoriar tradere posterorum. Igitur Liger eorum maximus fluuiorum, qui per Galliam aluei sui cursus in Oceanum propriis inuehunt nominibus, inaudito antea seculis modo antiquos excessit terminos anno Incarnationis Domini M. III. regni autem ROBERTI Regis, quo cum patre regnare cœpit, sexto decimo, Monarchiæ verò septimo. Tanta verò tamque repentina eius fuit profusio, vt agrarios laborantes, seu equites iter agentes, subita inuoluerit ruina ---.

PATRICIACVS dicitur villa, in Augustudunensi territorio Burgundiæ sita. Hanc ECHARDVS Comes Burgundionum ditissimus, sancto Benedicto & Fratribus Floriacensis Cœnobij, ad stipendiarios quondam sumptus, benigna largitate contulit. Quo defuncto, ac in Floriacensi Monasterio iuxta Ecclesiam sanctæ

HUGO ET
ROBERTVS.

IX.

XV.

HUGO ET ROBERTVS. Mariæ sepulto: in memorata possessione Fratres habitationem sibi statuerunt. In qua etiam delatis à Floriaco sancti Patris Benedicti reliquiis, Ecclesia in honore Dei ac gloriosæ Virginis Mariæ, simulque egregij ipsius Confessoris, constructa est. Quam Christus Dominus meritis sanctæ suæ Genitricis, necnon dilecti famuli sui Benedicti, sæpissimè miraculis inlustrem reddidit. ---

XVI. **BERNARDVS** quidam eiusdem Burgundiæ vir inlustris, dominusque castri quod Vzon vocatur, discordiam habebat cum quodam sibi affinitate propinquo, non minoris potentie, nomine Letboldo. Cuius possessiones dum direptionibus vastaret, etiam ex villis ad iam dictum Patriciacum Monasterium pertinentibus armenta abducere cupiens, quosdam seruorum sancti Benedicti resistentes sibi interemit. ---

FRAGMENTVM CHRONICI FRATRIS HVGONIS MONACHI FLORIACENSIS,

Ab anno Christi DCCCCLXXXVII. vsque ad annum MXXXIV.

Ex Codice MS. Bibliotheca Regia.

987. **A**NNO DCCCCLXXXVII. obiit **LVDOVICVS** Rex iuuenis, qui regnauit in Francia annis II. sepultus verò est in Basilica beati Cornelij Martyris Compendio. Cui successit **CAROLVS** frater * eius, filius Clotarij Regis. Eodem anno rebellauit contra Carolum **HUGO** Dux Francorum, eò quod accepisset Carolus filiam Herberti Comitis Trekarum. Collecto igitur Hugo exercitu copioso valde obsedit Laudunum, vbi manebat hostis. Cernens itaque Hugo Dux quod minimè posset Carolum vincere, consilium habuit cum Ascelino traditore vetulo, qui erat Episcopus falsus Lauduni, & Consiliarius Caroli. Itaque tradidit Ascelinus Episcopus Laudunum in nocte vna quiescentibus cunctis Hugoni Duci Francorum, victusque est Rex Carolus cum vxore sua, & ductus in custodia Aurelianis ciuitate. Nondum autem ipse Carolus erat vnctus in Regem, resistente Hugone Duce. Manens verò idem Carolus in custodia Aurelianis in turri, genuit illi vxor sua filios duos, Ludouicum & Carolum. Eodem anno vnctus est in Regem Remis ciuitate **HUGO** Dux, & ipso anno **ROBERTVS** filius in Regnum piissimus Rex ordinatus est. Hic deficit Regnum Caroli Magni.

IN diebus illis erat in Remensium ciuitate Archiepiscopus vir bonus & modestus, frater * Clotarij Regis ex concubina nomine Arnulfus. Hugo autem Rex inuidebat ei, volens exterminare progeniem Clotarij Regis. Congregansque in vrbe Remensi Synodum, idem Hugo Rex inuitauit Archiepiscopum Senonicæ vrbis nomine Siguinum cum suffraganeis suis. In quo Concilio fecit degradare domnum Arnulfum Archiepiscopum Remorum dolo nepotis sui, quem tenebat in carcere, dicens non debere esse Episcopum natum ex concubina. In loco verò eius consecrari fecit domnum Gerbertum Monachum Philosophum. Qui Gerbertus magister fuit Roberti Regis filij istius Hugonis, & domni Leotherici Archiepiscopi successoris venerabilis Seguini: Arnulfum verò mancipari custodiæ Aurelianis ciuitate. Venerabilis itaque Seguinus Archiepiscopus non consensit in degradatione Arnulfi, neque in ordinatione Gerberti. Iussio autem vrgebat. Alij verò Episcopi licet inuiti, tamen propter timorem Regis degradauerunt Arnulfum, & ordinauerunt Gerbertum. Seguinus autem plus timens Deum quàm terrenum Regem, noluit consentire Regis nequitie, sed magis in quantum potuit redarguit ipsum Regem. Propter quam causam ira Regis contra eum efferbuit. Cum magno itaque dedecore expelli iussit Arnulfum de Ecclesia beatæ Mariæ Remensis, & sic alligatum rettudi in carcerem. Alligatus autem in carcere Aurelianis ciuitate, vbi detinebatur nepos * eius **CAROLVS**, mansit ibi annis tribus. Nunciantur hæc omnia Præfuli Romano. Qui valde indignatus super hoc facto, interdixit omnes Episcopos qui Arnulfum deiecerat, & Gerbertum ordinauerant. Misit quoque Leonem Abbatem à Sede Apostolica ad domnum Seguinum Archiepiscopum vrbis Senonicæ, qui vice sua in vrbe Remensi Synodum congregaret, mandans illi vt sine dilatione reuocaret de carcere Arnulfum, & degradaret Ger-

A bertum. Collecto igitur Concilio iterum in vrbe Remensi ex iussione Apostolica reuocatus est Arnulfus de custodia, & cum honore magno receptus est in patria sede. Gerbertus autem intelligens, quodd iniuste Pontificalem dignitatem suscepisset, pœnitentiâ ductus est. Altercationem verò Gerberti Pontificis & Leonis Abbatis valdè plenius inuenies in Pontificum Remorum gestis. Post hæc domnus Gerbertus electus est Pontifex in vrbe Rauenna ab Ottone Imperatore, & à populo eiusdem vrbis. Residensque in eadem vrbe Pontifex quamplurimos annos, defunctus est Papa vrbis Romæ. Statimque omnis populus Romanus sibi dari acclamabat domnum Gerbertum. Assumptus est autem de vrbe Rauenna, & ordinatus est Pontifex summus in vrbe Roma.

A NNO Incarnationis Christi DCCCCXCVIII. obiit HUGO Rex; sepul- 998.
tusque in Basilica beati Dionysij Parisius. Cui successit ROBERTVS filius eius
in Regnum, piissimus & modestus. Anno Domini DCCCCXCIX. venerabilis 999.
Seguinus Archiepiscopus ab imo cœpit restaurare Cœnobium sancti Petri Milidu-
nensis, & Monachos ibi mittens Abbatem VValterium eis præfecit. In ipso anno
tradidit VValterius miles & vxor eius castellum Milidunum Odoni Comiti. Con-
gregauit verò Robertus Rex exercitum copiosum valde, & Burcardus Comes, con-
uocatosque Normannos cum Duce suo Richardo obsedit castrum Milidunum.
Capto igitur castro, suspensus est Gualterius & vxor eius in patibulo. Burcardus
autem Comes recepit castrum Milidunum sicuti antè possederat. Igitur Rainal-
B dus Comes vetulus Senonensis, post multa perpetrata mala, defunctus est, & sepul-
tus in Basilica sanctæ Columbæ virginis. Cui successit Fromundus filius eius, ha-
bens in coniugio filiam Rainaldi Comitis Remorum. Anno Domini M. Ind. XIII. 1000.
Kal. Nou. transit ad Christum venerabilis Seguinus Metropolitani Episcopus.
Post transitum verò eius stetit Ecclesia Senonica sine benedictione sacerdotali vno
anno. Acclamabat autem omnis populus sibi ordinari domnum Leothericum no-
bilissimis ortum natalibus, tunc Archidiaconum, omni bonitate conspicuum. sed
resistebant quamplurimi Clerici, cupientes Episcopalem conscendere gradum.
Præcipue verò Fromundus Comes filius Rainaldi vetuli, natus ex mala radice,
hoc non permittebat fieri, eò quod haberet filium Clericum nomine Brunonem,
volens de eo facere Episcopum. Dei autem nutu congregati suffraganei Episcopi
Senonicæ Ecclesiæ, cum voluntate & auctoritate Apostolica, sublato omni timo-
re humano solemniter ordinauerunt domnum Leothericum in Sede Pontificali, vt
præffet Ecclesiæ Senonensi. Anno Domini M. 1. obiit Henricus Dux Burgun- 1001.
diæ sine filiis. rebellaueruntque Burgundiones contra Regem ROBERTVM, no-
lentes eum recipere. Ingressus itaque Landricus Comes Autissiodorum tenuit ci-
uitatem. Anno Domini M. III. Robertus Rex assumptis Normannis cum Duce 1003.
suo Richardo & exercitu copioso valde, vastauit Burgundiam, obsidens Autissio-
dorum multis diebus. Burgundiones autem nullo modo ei se submittere volentes,
vnanimiter ei resistebant. Obsedit verò Auallonem castrum tribus ferè mensibus,
C & famis necessitate illud cepit, tunc reuersus est in Franciam. [Mortuo ita-
que Fromundo Comite Senonum, successit ei Rainardus filius eius infidelium ne-
quissimus. Hic persecutionem intulit Ecclesiis Dei & fidelibus eius, quanta non
est audita à tempore paganorum vsque in hodiernum diem. Archiepiscopus au-
tem Leothericus nimis angustiat pro hac re, quo se verteret omninò nesciebat.
Totum verò se Domino committeris, in orationibus & vigiliis exorabat Christum,
vt ei superna pietas dignaretur auxilium ministrare.] Igitur anno à passione Do- 1015.
mini M. xv. Ind. XIII. x. Kal. Maij capta est ciuitas Senon. ab Archiepiscopo
Leotherico, per consilium Rainaldi Parisiensis Episcopi, & Regi tradita Rober-
to. Rainaldus Comes eiusdem vrbis fugiens nudus euasit. nec immeritò. Talem
enim persecutionem Christianis intulerat, qualis non fuerat audita à tempore pa-
ganorum. Quamobrem prædictus Archiepiscopus sapienti vsus consilio, vi ab vr-
be compulsi exire. Fromundus verò frater eius, & ceteri milites de ciuitate, ingressi
in turrim quæ est in ciuitate, obtinuerunt eam. Rex autem oppugnans eam diebus
multis cepit eam, & fratrem Rainaldi Comitis Fromundum duxit in carcerem
Aurelianis ciuitate, vbi & defunctus est. Anno Domini M. xxxi. obiit RO- 1031.
BERTVS Rex. Cui successit filius eius HENRICVS. Huius tertio anno, hoc
est anno Domini M. xxxiv. vrbs Parisij flagrauit incendio. * * *

*Hæc ex alio
Cod. sunt
addita.*

1034.



FRAGMENTA ALIA,
DE ROBERTO REGE
HUGONIS CAPE TI FILIO.

Ex Textu inuentionis corporis beati Iudoci, MS.



REGNI FRANCORVM Proceres ad id semper culminis euassisse à sui primordio, vt cùm corporis proceritate, cùm celebritate nominis, virtute etiam ac dignitate opum, ceterarumque rerum copiâ reliquis præstarent circum se Gentibus, non suæ modò, quæ aliquantum modernæ, verùm quoque exterarum gentium, quæ paulò antiquiores videntur, ostendunt Historiæ. Vnde non immeritò placuisse summo creditur Deo, opifici rerum, his vsquequaque illos muneribus ditari, quos longè ante præsciebat sui cultus Religionem optimè seruatuos, citòque ad sui amoris pertrahi possè calorè. Nàmque missos sibi cœlitus Verbi Dei prædicatores gentili adhuc impliciti errore non solùm non infectati sunt, verùm cordis sui aurem illorum verbis libenter accommodarunt. Iure itaque opulencia rerum comitatur eos, qui in suis membris Christum post fuerant deuotè suscepturi. Hæc verò Gens inter cetera etiam Regna hoc quasi priuilegium possidet, quòd maioris auctoritatis, Sanctos siue viuentes, seu in Christo quiescentes suscepit, sanctarum necnon patrocinia reliquiarum suæ retinet in gremio telluris, quòdque diuini Verbi excolit ministros, propensiusque consueto sibi more honorat. Ob id siquidem venerationis cultu digna habetur, exteris etiam nationibus formidini est. Quæ quàm strenuissimis quibusque huc vsque floreat Regibus, nec satis ad hoc nobis facultas suppeditat orationis, nec nostri est propositi istud aggredi. Inter hos sanè maiorum suorum haud inferior LOTARIVS enituit filius LVDOVICI, vir planè pollens nobilitate simul & probitate morum, gloriæ auidus, industriâ admodum sagax, qui feliciter annis non paruis Regnum Francorum gubernauit. --- Procurentibus annis eo defuncto, filioque eius LVDOVICO, HUGO tunc Dux Francorum inuitus suscepit Regnum. Qui non multò post filium ROBERTVM participem fecit sui Imperij, inclytum moribus, sapientiâ tam diuina quàm mundana præditum. Cuius adhuc imperium viget, vigeatque opto multos Deo concedente per annos.

Extrat apud Ex *Vita S. Bertulfi Confessoris, quæ iussu Folcardi Abbatis Blandiniensis ab eiusdem loci Monacho scripta est circa annum Christi MLXXIII.*

CAP. POST immaturam Arnulfi Iunioris Marchionis mortem, cuius auus magnus XXXIII. extitit Arnulfus, Balduinus filius eius cum matre ROZALA derelictus est paruulus. Hic enim est, qui postea prolixæ barbæ dictus est Balduinus. Cuius mater Rozala filia fuit Berengarij Regis Italix. Quæ post mortem Arnulfi Principis ROBERTO Regi Francorum nupsit, & SVSANNA dicta mutato nomine Regina regnauit. Quæ cùm adhuc vidua, & filius eius Balduinus esset infantulus, tanta in regione nostra facta est perturbatio, vt non tam ad hostile quàm intestinum bellum pertraheretur ipsa dissensio. Multi enim ea, quæ à patre pueri huius vt beneficiarij acceperant, in hac perturbatione ceu propria vsurpabant. Quo tempore quidam nobilis prosapiæ Eilbodo Curtracensi territorio præsidebat. Cuius vxor Immacin nobilis æquè prosapiæ dicta fuit. Ipso autem Eilbodone defuncto, Balduinus, qui ex successionem hereditaria in Principatu monarchiæ Flandrensis gratiâ Dei iam conualuerat, Comitatum Curtracensem ditioni suæ, vt etiam postea fecit, subdere cogitabat.

Ex

A *Ex Epistola Petri Damiani S. R. E. Cardinalis, quæ est XV. Libri II. ROBERTVS ad Desiderium Cassinensis Monasterij Abbatem.*

ROBERTVS Gallorum Rex, auus istius Philippi, qui in paterni iuris sceptrâ successit, propinquam sibi copulauit vxorem, ex qua suscepit filium, anserinum per omnia collum & caput habentem. Quos etiam, virum scilicet & vxorem, omnes ferè Galliarum Episcopi communi simul excommunicauere sententiâ. Cuius sacerdotalis edicti tantus omnem vndique populum terror inuasit, vt ab eius vniuersi societate recederent, nec præter duos sibi seruos ad necessarij victus obsequium remanerent. Qui tamen & ipsi omnia vasa, in quibus Rex edebat vel bibe-
bat, percepto cibo, abominabilia iudicantes, pabulum ignibus exhibebant. His tandem Rex coactus angustiis, ad sanum consilium rediens, diuertit incestum, iniitque legale connubium.

Ex Decreto Yuonis Episcopi Carnotensis, Partè IX. Cap. VIII.

Leo IX. HENRICO Regi Francorum.

PATER tuus ROBERTVS, laude & consultu Episcoporum Regni tui, BER-
TAM matrem Odonis Comitis sibi duxit vxorem. Ob quam rem, quoniam sibi
B erat carnis affinitate coniuncta, ab antecessore nostro, cum Episcopis qui placito interfuerunt, excommunicati, post ad Sedem Apostolicam venientes, cum satisfactione sumpta pœnitentia redierunt ad propria.

Ex Vita MS. domni Garnerij Præpositi Ecclesiæ sancti Stephani Diuionensis, ipsius restauratoris, qui obiit anno ML.

LUDOVICO filio Lotharij, qui Brunonem Lingonis præfecerat, cum proge-
nie deficiente, biennio ferè transacto, HUGO MAGNVS Dux Franciæ Hugonis Magni filius, qui Ludouicum patrem Lotharij Regno restituit, omnium Procerum & Ducum assensu in Regnum sublimatus est anno ab Incarn. Dom. DCCCCXC*. Indict. III. Qui senectuti suæ & labori prospiciens, filium suum ROBERTVM in Regem vngi, & secum regnare fecit. Nec multò post, Hugone deficiente, totius Regni Monarchiam ROBERTVS solus obtinuit. Hic vnum filiorum suorum HENRICVM nomine in Regnum Franciæ, alium nomine ROBERTVM in Ducatum Burgundiæ sublimauit. Ex eo tempore castrum Diuion ab Episcopis Lingonensibus antè possessum in potestatè & principatum Ducatus deuenit. Imminente denique hoc volubili & tempestuoso tempore, dominus Humbertus de Malleio & venerabilis vxor eius Anna huius Prouinciæ nobiliores custodiam Diuionensis castri & regimen Terræ à Comitè Bellimontis Hugone tenebant, principante se-
C cum suo consanguineo Guidone agnomento Diuite Diuionensi Vicecomite. Ipse enim Hugo Comes dominium Terræ ab Episcopo Lingonensi tenebat, quod præfatis viris nobilibus tradiderat. Quod in tanta viuacitate tenuerunt, vt cum Rex ROBERTVS & coniux eius CONSTANTIA Prouinciâ hanc sæpius attereret, eius impetum omninò nihili penderent. Brunone namque Episcopo superstite, in Diuionensi potestate Rex nihil habebat. Quam successor eius Lambertus, vt fer-
tur, pro adeptione Episcopatus Regi concessit. Sicque ad detrimentum Cleri & Ecclesiarum, sicut de Hierusalem dicitur, quæ erat libera facta est ancilla. Idem itaque Robertus Monarchiam regni solus obtinens, cum audisset in partibus istis quosdam existere, qui circumquaque res alienas violenter rapientes, vt liberiùs impunèque retinerent, firmitates & castella noua sibi construxerant, cum copioso vt Regem decebat exercitu Miribellum ad expugnandum & diruendum aduenit. Erat enim illud vna ex mansionibus raptorum. Quod & Deo fauente breui effecit.

Ex Lib. II. Historia S. Bercharij Abbatis Dervenensis.

GLORIOSVS Rex ROBERTVS apud villam Aireyas nomine noscitur Con-
cilium habuisse, vbi cum innumeræ plebis multitudines, diuersi vtriusque sexus, & ætatis concurrerent: ad cumulandam quoque populi proficiscentis deuotionem, plurima Sanctorum corpora à fidelibus viris aduehi cœperunt. Inter quorum ve-

*Extat in
Præparatio
Antiquita-
tâ Eccl. Tri-
cast. Nicol.
Camusarj.*

Tom. IV.

N

ROBERTVS.

neranda pignora Seniores nostri de sacro patroni nostri corpore non ignotas detulere reliquias conuenienter in feretro ad earum translationem præparato. Factum est autem, ut super quodam Comite LANDRICO nomine, nostri Seniores facerent, ob prædia beati protectoris nostri, quæ Comes prædictus inuaserat, proclamationem. Vnde indignatus, preciosissimi Patris reliquias diripere cogitabat, autumans in feretro esse sanctissimum corpus, sicut nostrates exterius testificabantur. Non ergo Regis potentiam veritus, quoniam ipse Rex mitissimus præ cunctis existeret, & magis mansuetudine quàm feritate suos vincere cernebat: idcirco direptionem sancti corporis perpetrare satagebat, quatinus non reddendi occasionem haberet iniuste peruasa, cum possideret heredem simul & hereditatem. Post verò tanta spatia itineris, venerunt ad aquam quæ Vrmuntio dicitur, antequam ad castrum S. Florentini accessissent. Inuenere transitum difficilem. Nam crepido laticis profundæ reperitur, & pons etiam soli homini strictissimus, &c.

Ex Vita S. Theoderici Aurelianensis Episcopi.

Extat in
Annalib.
Ecclesie Au-
relianens.
Lib. VIII.

Eo tempore regnabat in Francia ROBERTVS Rex vir pietate egregius, & egregie eruditus. Hic ut iuuenis (nempe Theoderici indigenæ Briefi, Castrici Theoderici à Theoderico auo suo taliter nuncupati exorti) opinionem comperit, eum ad Curiam accersit. Quem fidelem admodum & prudentem experiens, cœpit eius uti consiliis, & Iura Regalia ei tradere disponenda. Defuncto interea ARNULFO Episcopo, Clerici ac populi pari sententiâ THEODERICVS petitur, ut in Præfulem prouehatur. Rex annuit quod petebant. Verùm quia virtutem inuidia sequitur, nec vnquam desunt bonis discrimina, affuit quidam Clericus ODORICVS nomine, quorundam manu fultus Episcopatum impudenter ambiens, & sancti viri electioni omnimodis contradicens. Qui etiam tanta temeritate ductus est, quòd cum vir Dei à LEOTHERICO Senonensi, Fulberto Carnotensi, aliisque Episcopis in Ecclesia Aurelianensi sacraretur, fores Ecclesiæ cum manu armata irrupit, & usque ad altare progrediens, virum Dei sub manu sacrantis quasi perempturus appetiit. Sed quod diuinum consilium ordinat, nullatenus præsumptio humana conquassat. Diuino siquidem nutu, nec sacrantem, nec eum qui sacrabatur, tremor ab incæpto depulit, & quassis assultibus paulatim dimissis, aduersa pars tremefacta paulatim diffugit.

Ex Vita S. Leonis IX. Papa, Leucorum antea Episcopi, VViberto Archidiacono Tullensi coætaneo Auctore.

Lib. I.
Cap. XVI.

IDEM iamdictus Pontifex (scilicet BRVNO Leucorum Episcopus, postea Papa, dictus Leo IX.) est directus Legatus pro pacis concordia inter CONRADVM Romanum Principem, ac ROBERTVM Franciæ Regem. Quam legationem quàm honestè compleuerit, est testis Francia, quæ adhuc quasi nouum refert, quanta in eo resplenduerit sapientia, quæ humilitas, quæ denique in cunctis cœptis efficacia: quàm decorus fuerit habitu mentis & corporis, quàm congruus in referendis verbis legationis. Quem cuncti ut patrem nimio amore suscipiebant, quem omnes ut sanctum summa veneratione excolebant. Itaque tanta firmitate pacem & concordiam inter vtraq; Regna stabilivit, ut quoad vixerunt præmemorati Principes, cum sibi succedentibus filiis vtrisque HENRICIS, nullus quantumcumque fraudulehta arte discordiam inter duo Regna ferere valuerit.

Ex Libro MS. de Reliquiis Ecclesiæ S. Dionysij Episcopi & Martyris.

CONSVET venerabilis Conuentus Ecclesiæ beati Arcopagitæ Dionysij annuatim in Idibus Augusti solemnitatem preciosi Martyris Hippolyti, sociorumque eius facere ad eiusdem Oratorium in medio naui Ecclesiæ. Ad hoc festum vniuersi conuenire solent Monachi tam Bailliui, quàm etiam longè commorantes Præpositi. Illustrissimus verò Rex Francorum ROBERTVS suo tempore Christianissimus huic solemnitati singulis annis omni occupatione seposita interesse consueuerat: ut ex tanti viri præsentia ipsa Sancti solemnitas solemnior haberetur. Qui inter celebrandum diuina Missarum mysteria stans in Choro cum Cantore, ceteris-

A que Chorum tenentibus, indutus cappa serica preciosa, quam ipse sibi ad hoc ipsum comparauerat, tenens Sceptum Regale aureum in manibus, totum Chorum, imò totam Ecclesiam illustrabat, psallens cum psallentibus, & gaudens cum gaudentibus, cantando cum aliis solemner, & alios ad cantandum hilariter exhortando. Erat enim idem Rex optimè litteratus, subtiliter intelligens, Deum ac Sanctos eius ardentè diligens. Qui suauimodulamine vocis suæ cum clamore cordis ad aures æterni Iudicis continuò personabat. Et ita permanebat, usque dum sacratissima diuini mysterij solemnità finirentur.

Ex Vita S. VVilhelmi Abbatis S. Benigni Diuionensis, Auctore Glabro Rodolpho Monacho Cluniacensi.

PARI namque Ratione ROBERTO Francorum Regi de ipso, VVILHELMO Abbate, indicatum fuerat, quòd BRVNONI Lingonum Episcopo, qui Regi minus adquiescebat, talia suaderet quæ Regali iuri nimium resisterent. Ille verò, simul & Regina coniux illius, propter hoc illi irati, comminati sunt aliquoties Cœnobii eius damnum inferre maximum. Adiens ergo intrepidus amborum præsentiam, ita illorum diuini Verbi virtute iram compescuit, ut etiam summam dignitatis gratiam apud illos obtineret. Nam cum illorum filius, qui pro suæ iuuentutis elegantia ac liberalitate HVGOMAGNVS cognominabatur, iam in Regem vnctus obisset, ac parens vterque pro morte illius penè usque in suimet necem cordis dolore & luctu affligerentur, tunc accessit ad eos spiritualis Medicus, & ait: Non infelices enim vos putare debetis, quòd talem amisistis: quin potius felices valde, quia talem habere meruistis. Ego, inquit, ex vllò hominum gradu non tam paucissimos saluos futuros æstimo, sicut & Regum. Qui cum attoniti responderent, Cur hoc dicis, Pater? respondit: Non audistis, inquit, sacer canon quomodo refert, vix tres de triginta Regibus bonos extitisse? Idcirco cessato, quæso, hunc iuuenem flere mortuum: sed potius congratulamini ei, sicuti requiei datum, & à malis liberatum. His dictis ita consolans illos placabiles fecit, ut viderentur habere quòd plangerent, & Deum dicerent visitasse illos per sanctum virum.

Ex Textu MS. translationis Reliquiarum S. Euspicii primi Abbatis Micianensis Monasterij.

LIBET præterea annotare scripto, quo tempore, & qua causa existente, Reliquiæ beatissimi EUSPICII Miciaco fuere delatæ honorificè. Conditoris omnium milleno vigesimo nono benignissimi Christi Iesu Saluatoris nostri Incarnationis anno, Indict. XII. præstantissimi Confessoris Aniani Basilica diutino ædificata spacio iussa est dedicari. Ad cuius consecrationis diem à glorioso Rege eius Basilicæ restauratore ROBERTO, regni ipsius anno XXXIII. iussione Imperatoria inprimis euocantur Archipræsules, Leutericus Senonensis, Gaufridus Biturigenis, qui & Abba Floriacensis, atque Arnulfus Turonensis. Horum præsentiam subsequuntur Præsules, Odolricus Aurelianensis, Theodericus Carnotensis, Bernerius Meldensis, Rodulfus Siluanectensis: Nec defuit etiam præsentia cum summa dicendi reuerentia venerabilis Odilonis Cluniacensium Abbatis. Rector denique Miciacensium Pater Albertus, cuius reuerendum caput niue dealbatum designat verè specimen innocentiae, iussus à Rege cum caterua suorum & ipse adfuit Monachorum. Nactus itaque nunt oportunitatem inuenisse tempus expetendi beati Reliquias Euspicii, supplex rogaturus Regem adiit cum Fratribus suis. Preces quorum nobilissimus Rex, qui etiam Miciacense Cœnobium plurimum diligens optimis amplificauit bonis, fauentibus ipsius Primatibus Regis, insuper strenuissimo viro prædicti loci Decano domno Tedelino, cuius maxima apparent in Miciacensi loco beneficia, quod petebatur libentissimè annuit. In crastino autem die dedicationis, quæ est XVI. Kalendas Iulij, fratres duo, quorum est nomen Leutericus & Odo, iussi sunt à præfato Rege mitissimo, & iam nominato reuerendo Decano, vnam, in qua sanctissimi Euspicii corpus reclusum fuerat, aperire, palliæque non minoris precij, quo sancta ipsius tegebantur ossa, detegere, & partem Reliquiarum eiusdem Sancti, uti exposulaueramus, accipere ---.

Tom. IV.

N ij

DE HENRICO I. REGE FILIO ROBERTI.

*Fragmentum Historiæ MS. Auctoris incerti, quæ est in Bibliotheca
Viri Cl. Alex. Peraij Senatoris Paris.*



HENRICVS defuncto patre **ROBERTO** regnavit annis ferè xxx. Huius mater **CONSTANTIA** maximam regni portionem in suam post funus mariti detorserat dominationem. Silvanectensem scilicet urbem, atque Senonensem, castellum etiam Bistisiacum, & Domnum-martinum, Puteolumque, & Melodunum, necnon & Pisciacum, & Codi-
ciacum. Multos etiam Franciæ & Burgundiæ Proceres sibi conciliauerat, quos à filij fidelitate mala fraude subduxerat. Inter quos præcipuè **ODONEM** Campaniæ Comitem sibi deuinxerat, cui medietatem Senonicæ ciuitatis donauerat. Ipsa denique Constantia eum à culmine Regni deponere, & Robertum fratrem eius Burgundionum Ducem in eius loco subrogare toto annifu exoptabat.

VERVM Rex **HENRICVS** cum esset miles acerrimus, & matrem aduersus eum calcitrantem cognouisset, consultu suorum ad **ROBERTVM** Normannorum Ducem cum duodecim clientulis confugit, ac apud Fiscannum per fidei debitum sibi ab eo subueniri petiit. Dux autem eum honorificè recepit, multis donis honorauit, & non multò post decenter armis & equis instructum patruo suo **MALGERIO** Comiti Corbulensi destinauit: mandans ut omnes suis in partibus tormentis & incendiis affligeret, quos sub eius fidelitate desipere videret. Ipse verò per cuncta castella suæ ditionis Franciæ contermina militum validissimam manum posuit, & conflictibus crebris tamdiu rebelles violenter obpugnauit, donec ceruicibus plexis, & suis omnibus consumptis, coacti Regi suo reconciliarentur, & infelicissimæ matris conatus omninò exinanirentur.

HENRICVS igitur Rex contractis vndecumque! validissimis copiis, bellum cum matre sua **CONSTANTIA** primò conseruit, & castrum adorsus Pisciacum, mox illud suum retorfit ad dominium. Demum verò Puteolum obsedit, atque recepit. Quod cernens Constantia, mox ab eo dextram expetiit, & deinceps quoad vixit tempore sibi fidelis extitit. Deinde **ODONEM** aggressus Comitem Rex **Henricus**, Gornacum castrum illi abstulit, & Senonicæ urbis partem ad suum iterum dominium reuocauit. Post hæc verò cum Marchione Flandrensi **BALDVI**
NO HVGONIS RADVLFi castrum Merelis-villam euertit, & Petueram castrum biennali obsidione conclusum suam redegit in potestatem.

1037. **ANNO** Incarnationis Dominicæ **M. XXXVII.** memoratus Campaniæ Comes videlicet **ODO** contra Alamannos & Lotharingos nimio fastu ducens exercitum, magnum de se eis præbuit triumphum. Nam commisso prælio cum præpotentissimo Alemannorum Duce Gocelone, multa suorum amissa copiâ terga vertit, & confossus occubuit. Quo defuncto, Tetbaldus filius eius maior natu Carnotensem urbem & Turonensem sibi vendicauit. Minor verò frater Tetbaldi nomine Stephanus Meldensium & Tricassinorum sortitus est ciuitates. Sed hi ambo contra Regem Henricum rebellare cœperunt.

Rex autem primùm cum Stephano congressus, illum faciliè superauit, atque fugauit, Comite Rodulfo retento. Meldandicum etiam post hoc deuicit Galerannum, quem exhereditauit, & terram eius sibi subiugauit. Demum autem Gaufridum Andegauenium Comitem contra Tetbaldum Comitem excitauit. Vnde eius nutu Comes Gaufridus urbem obsidione cinxit Turonicam. Quod audiens Tetbaldus, cum suis viribus eò tetendit. Sed Gaufridus ei obuiam procedens, cum eo viriliter decertauit, eumque superauit, & cum septingentis & sexaginta militibus cepit. A quo etiam eodem tempore Turonicam extorfit ciuitatem. Denique Rex **Henricus** construxit Ecclesiam prope mœnia Parisiæ urbis in honore sancti Martini. Comes autem suprataxatus Gaufridus extruxit sanctæ Tripitati Cœnobium apud Vendocinum castrum. --- :

A **INTEREA** Dux Normannorum **GUILLELMVS** fauente Deo crescit ætate, HENRICVS I. viribus, ac sensu, morumque valentiâ proficit. Animaduertens itaque quanta suorum rabies Normanniam conculcauerit, in puerili pectore virile robur colligit, Proceresque patris sui adscitos ad amorem sui trahere satagit, & ne quid indisciplinatè agant, precibus & iussis erudit. Rodulfum de Gaucio ex consultu suorum maiorum sibi tutorem eligit, & Principem militiæ Normannorum constituit. Quidam Optimatum, qui Deum & iustitiam amant, libenter Duci ut Domino obtemperant, fidemque seruant, & rebelles ei subdere fideliter anhelant. Porro filij discordiæ, qui dissensionibus gaudent, & innocenter viuere volentes affligere student, dum per se tantum nocere simplicibus quantum vellent se non posse vident, commentantur qualiter subuersionem patriæ improba fronte procurent. **HENRICVM** Regem Francorum adeunt, & titiones suos per Normannicos milites hac illacque spargunt. --- :

VESANA igitur prouocatione proditorum prouocatus Rex **HENRICVS**, vehementer permotus, dixit nullo modo se fore placabilem ei, quamdiu Tegulense castrum videret in primo statu consistere. Cuius motum animi ob salutem pueri vitare cupientes in fide stantes Normanni, decreuerunt fieri quod postmodum egisse pœnituit. Gislebertus autem cognomento Crispinus, cui illud commiserat olim Dux Robertus, mox ut molestissimum agnouit decretum, conatus eorum

B spreuit, & cum valida manu armatorum intra ipsum ilico se conclusit.

REX quoque munitionis aditum sibi denegari considerans, exercitibus tam Francorum quam Normannorum contractis, festinus eam obsidione cinxit. Quid plura? Gislebertus tandem precibus Ducis victus, mœrens castrum reddidit, quod sub oculis omnium cum maximo cordis dolore confestim igne concremari perspexit. Quibus Rex ad votum peractis, à loco secessit. Sed non multò post Oximensem Comitatum adiuit, & Argentonium Ducis vicum flammis voracibus combussit. Sicque onustus prædâ partes illas deseruit. Deindè itinere, quo venerat, regressus, ad castellum Tegulense venit, illud cum festinatione restaurauit, militibus & alimoniis abundantissimè muniuit. & hinc, quia votis suis iam satisfecerat, lætus recessit.

INTEREA dum multis probitatum commodis Dux Guillelmus augmentaretur, quendam crudelem conuiuiam expertus est, Guidonem videlicet filium Rainaldi Burgundionum Comitis, qui cum eo à puerilibus annis educatus fuerat, & cui olim contulerat castrum Brioci, quasi munere firmitus adstringendi. Is etenim fastu inuectus superbix, plurimos Proceres velut Absalon ab eius fidelitate cœpit auertere, & in suæ perfidiæ voragine complicare: in tantum ut Nigellum Constantinensem Principem in hac conspiratione annecteret, & à seruitio, quod electissimo Principi sacramentorum obligatione debebat, cum multis aliis funditus exturbaret. Considerans itaque prudentissimus Dux se tantopere à suis destitui, & eos

C suorum municipiorum præfidiis iugiter robustius vallari, verens ne à Comitatus fastigio abiiceretur, & æmulus eius loco suo subrogaretur, necessitate coactus, **HENRICVM** Regem Francorum expetiit, pro subueniendi obtentu. Tunc Rex Henricus memor beneficii, quod à patre eius sibi quondam impensum fuerat, vires Francorum simul coëgit, & Oximensem Comitatum aggressus Valedunas venit. vbi innumerabilium infestissimo armatorum animo exercitum strictis gladiis prælium sibi intentantem offendit. Quorum efferos impetus Rex cum Duce nimie perhorrescens, factò alternatim militum concursu bellum commisit, tantæque eos ilico strage deleuit, ut quos gladius non extinxit, Deo formidinem inferente fluius Olne absorberet. Felix namque pugna, in qua sub vna die corruerunt proteruorum castella, & facinororum domicilia.

ENIMVERO ex quo Normanni arua Neustriz cœperunt incolere, mos fuit Francis semper eis inuidere. Concitabant ergo Reges aduersus illos insurgere, asserentes terras quas possidēt suis maioribus violenter eos subripuisse. Quibus Rex Henricus vehementer irritatus ambagibus, imò malignissimis æmulorum suggestionibus ob Ducis improprium, duobus hostium agminibus Normanniam aggressus est. Vnum quidem electæ nobilitatis virorum fortium ad Caltium subuertendum territorium direxit, cui fratrem suum nomine **ODONEM** præfecit. Alteri verò cum Goiffredo Martello ad demoliendum Comitatum Ebroicensem ipse præfuit.

HENRICVS
1.

Dux ergo ut se suosque taliter comprimi vidit, magno & nobili tactus dolore, A
 milites protinus elegit, quos ad comprimendos Calceij subuersores celerrimè di-
 rexerit. Ipse autem cum suorum nonnullis circa Regem se contulit, quatinus pœ-
 nas lueret, si quem satellitum à latere Regis abstrahere aliquatenus valeret. Ve-
 nientes verò Normanni ad Francos, repperunt eos apud Mortuum-mare incendiis
 & mulierum ludibriis occupatos. Cum quibus illo mane commissum bellum in
 continua cæde occumbentium ad usque nonam ab utrisque partibus est protra-
 ctum. Nouissimè autem Francigenæ victi fugerunt, & Normanni Duci Guillel-
 mo certaminis euentum mox per nuncios intimauerunt. At ille nimis lætus super
 hac re, Henricum Regem cupiens effugare, terruit eum huiusmodi legatione.
 Nuncius Ducis regalibus castris appropiauit, & in quodam proximo monte noctu
 stans fortiter clamare cœpit. Cùmque Regij vigiles sciscitarentur, quis esset, vel
 » quare tali hora sic vociferaretur, respondisse fertur: Rodulfus de Tœnia nomina-
 » tus sum, vobis defero lugubre nuncium. Ad Mortuum-mare curtus vestros cum
 » carris ducite, & inde cadauera vestrorum carorum reportate. Franci quippe Nor-
 » manorum militiam super nos experiri venerunt, eamque multò maiorem quàm
 » voluissent inuenerunt. Odo Signifer eorum turpiter fugatus, & Guido Pontiu-
 » Comes captus est. Reliqui autem omnes aut capti, aut perempti sunt, aut obnixè
 » fugientes vix euaserunt. Hoc ex parte Ducis Normannorum nunciate Regi Fran-
 » corum. Rex igitur ut infortunium suorum agnouit, à Normannica infestatione
 concito gradu quantociùs valuit, mœstus de interitu Gallorum, retro pedem retra- B
 xit. Hæc pugna anno Dominicæ Incarnationis M. LIV. facta est.

1054.

REX autem HENRICVS iniuriam sibi illatam à Guillelmo Duce toto anni-
 fu vlscisci cupiens, sumpto Goiffredo Comite Andegauensi, copiosissimo cum
 exercitu, iterata expeditione Normanniam aggreditur. Qui Comitatum pertran-
 siens Oximensẽ, & penetrans Baiocacensem, tandem reflexo calle redeundi,
 vadum Diuæ appetiit. Quod Rege transeunte, media exercitus pars subsistit, ma-
 ri eructuante, ob redundationem fluminis non valens transire. Cum quibus Dux
 alacriter superueniens, sub Regis oculis ilicò congressus tanta illos cæde prostra-
 uit, ut quos gladius non extinxit hos per Normannica compita dispergeret violen-
 tia captiuitatis. Videns autem Rex suorum interitum, quamcitiùs valuit à Nor-
 mannis recessit, & ad eos ultra venire non apposuit. Amicitiam quoque Ducis,
 considerata eius probitate, requisivit, & Tegulense castrum, quod dudum illi ab-
 tulerat, reddidit.

* Anham
apud alios.
* leg. vnâm-
que

SÆPEDICTVS Rex valdè fuit militaris, magnæque fortitudinis & pietatis.
 Mathildem * Iulius-Clodij Regis Rugorum filiam in matrimonium habuit, ex
 qua filios tres, Philippum, Robertum, atque Hugonem, Emmamque * filiam ge-
 nuit. Ex quibus Robertus puer mortuus est. Hugo autem factus iuuenis vxorem
 duxit filiam Herberti Vermandorum Comitis, per quam obtinuit Comitatus duos,
 Vermandensem & Vadensem: de qua genuit Radulfum, qui ei successit in ro- C
 gnũm.

1059.

ANNO ab Incarnatione Domini M. LIX. præfatus Rex Henricus senio so-
 grauari conspiciens, PHILIPPVM filium suum consecrari fecit in die Penteco-
 stes, ante altare beatæ Mariæ, à Geruasio tunc Remensi Archiepiscopo. Astantibus
 quamplurimis Franciæ, Burgundiæ, & Aquitaniæ Archiepiscopis, & xxxii. Epi-
 scopis. Adfuit etiam Hugo Bisuntinus Archiepiscopus, Nicolai Papæ Legatus.
 Adfuerunt Abbates quamplurimi, & Primates Regni, Guido Dux Aquitaniæ,
 Hugo filius Roberti Ducis Burgundiæ, cum aliis multis.

PRÆTAXATVS verò Rex HENRICVS postquàm Regnum Francorum fe-
 rè per xxx. annos rexit, causâ corporeæ salutis à Ioanne Medicorum peritissimo
 potionem accepit. Sed veneno nimiam sitim inferente, iussu archiatri spreuit,
 & à Cubiculario potum accipiens dum Medicus abesset, ante purgationem bibit.
 Vnde nimis infirmatus, eodem die post perceptionem sacre Eucharistiæ obiit.
 PHILIPPVM verò filium suum sub tutela Balduini Flandrensis Comitis consti-
 tuit, qui eum nobiliter & fideliter educauit, & Regnum eius strenuè rexit ac de-
 fendit.

*Excerpta ex Libro IV. Miraculorum sancti Benedicti Abbatis ;
Auctore anonymo Monacho Floriacensi.*

REGE Francorum HENRICO feliciter scepra tenente, eiusque germano CAP. I.
Ducatum Burgundiae vtrumque administrante : frater ipsorum ODO priuatus degebat, nullius dignitatis fastigio sublimatus. Qui quoniam non habebat propria, inhiabat subripere aliena, rapinis & deprædationibus operam impendens. Vnde factum est die quadam, vt valida manu militum collecta, Soliacensium sibi-que contiguorum agros deprædaturum iret. Inde reuertens onustus spoliis, & præda, contigit vt etiam quorundam pauperum Patris Benedicti res cepisset. Diuertens verò in quoddam rus eiusdem Patris, Germiniacus vocabulo, mansionem violentam ibidem accepit: contradicentibus sibi eiusdem ruris officialibus, & referentibus quàm seuerè vlcisceretur Omnipotens violatores illius loci, meritis Patris Benedicti. Qui floccipendens eorum dicta, præcepit circa Ecclesiam in honore Saluatoris mundi ibidem dicatam rapinas includi pauperum. Siquidem habebat eadem Ecclesia Cœmeterium, valli munimine circumdatum. Porro famulis iam dicti Patris ab eo sibi subrepta repetentibus, animo obfirmatus nihil reddere voluit penitus. Insuper comminatus est, eos verberibus vt tacerent afficiendos. Erat enim B nimis ferocitatis & extollentiae. Igitur præparari amplum sibi suisque de rebus pauperum iubet conuiuium. Cumque deesset cera vnde deberent fieri luminaria, epulaturis necessaria, interrogat, vtrum in Ecclesia illa candelæ haberentur. Cui cum responsum esset, nihil ceræ illic haberi, præter Paschalem cereum, in honorem videlicet Dominicæ Resurrectionis à Parrochialibus solemni oblatum more, iubet cum properè afferri, & exinde candelas copiosè suppeditari: non veritus iniuriam Saluatoris, cui sanctificata erant cereus & Ecclesia. Proinde vino diuersisque ciborum ferculis cum suis accuratè refertus, sanus & incolumis, post morosè protractas in vanum sermonum vigilias, dormitum vadit. Et dum leui sopore quiescens, aliquas noctis pertransisset horas: subita incommoditatis angustia perturbatus, inclamat suos: Quibus circumstantibus, indicat se mortifera inualitudine detineri. Itaque per reliquum eius noctis, eadem ingrauescente molestia, in eo loco mansit. Facto autem mane, recognoscens manifestè Patris Benedicti res, neminem quamuis generoso concretum sanguine, impunè temerari posse: quo valuit modo, equum ascendens recessit. Et eodem inualecente morbo, diem vltimum clausit. Probabile satis factus argumentum, veridicam illam esse sententiam, qua dicitur, *Non esse personarum acceptionem apud Deum.* Rom. 2. 11.

ABBAS HUGO quendam virum de familia Patris Benedicti, nomine Letardum, Tescelino concefferat Petuerensi: vt tam ipse, quàm ab eo progeniti, perpetuò ipsi famularentur obsequio seruili. Qui factus Dominus illius, obtinuit eum X I:
C non paucis diebus. Interpellatus autem idem vir nobilis post longum tempus à quodam suorum militum Ingranno nomine, vt supradictum seruum ei iure beneficii donaret, annuit. Ingrannus quoque obiens, filio suo Isembardo ipsum possidendum reliquit. Genuit autem præfatus Letardus filium, nomine Rotbertum. Quem Isembardus, vt puta proprium vernaculum, in sua aluit & educavit domo. Rotbertus verò factus grandiusculus, à suis comperiens genitoribus, se de familia Patris exortum Benedicti: sed ab Abbate supradicto vt vile distractum mancipium, indoluit. Nec diutiùs dolorem sui animi occulere valuit. Facta igitur fuga, ab Isembardi præsentia se subtraxit. Quem longum latere non valens, ab eodem domum reductus, pœnas luit quas solet fugitiuus. Insuper sacramento ab eo est astrictus, ne seruitutis iugum de reliquo ferre detrectaret. Qui quoniam adolescentiæ tempora necdum excefferat, ad præsens filuit: donec ætate procedente vires colligeret, quibus suo iniusto Domino resistere valeret. Postquam ergo genas illius flos vestierat iuuentutis, elapsis adolescentiæ lustris, Abbatem expetiit Guillelmum, qui tunc temporis præerat Floriacensibus. Apud quem angorem sui cordis cum anxii deponens suspiriis, conqueritur de iniustitia sibi suisque inlata. Guillelmus itaque cum esset vir strenuus, & suam Rempublicam semper augmentare toto anhelaret desiderio: respondit se illius ærumnarum misereri velle, iustasque

HENRICVS
I.

querelas ipsius viris prudentibus palàm facere, & si quo pacto valeret, præsidium A illi sese fore. Comperito igitur Issembardus, Rotbertum, quem suum opinabatur seruum esse perpetuum, ad priorum dominorum confugisse asylum, mandat Abbati nominato, ut sibi proprium restituat mancipium: alioquin, deinceps se eius futurum inimicum. Qui missis ad eum qui sua referrent verba, mandauit: eum quidem, quem iniuste repetebat, vernaculum Patris Benedicti fore, se verò illicitè diutius ipsum possedisse. Quapropter si de cetero illum habere vellet seruum, in ius venire esse necesse. Quibus Issembardus auditis, apud se deliberans, quoniam Abbati iniuste resistere nec fas nec posse habebat: determinatum mandauit diem, in quo hæc controuersia inter eos finiretur. Die autem statuto, plurimis nobilium & sagacium viris ab alterutra parte aggregatis, diu multumque sermone altercatum est. sed minimè ipsa calumnia eodem die finem accepit. Tandem verò multis prius exactis conuenticulis, adiudicatum est idem negotium monomachiâ terminari debere. Dato igitur die singularem incundi pugnam, in condictum conueniunt locum, videlicet qui repetebatur, & Airicus quidam nomine, quem Issembardus suo obtulerat loco, fortis robore, miles officio. Erat autem idem statura procerus, Rotbertus verò pusillus. Qui quamuis secum confligentis corpulentiam metueret, habebat tamen, uti postea retulit, fiduciam in Patre Benedicto suo iure Domino, & sibi infesto viro hunc inculcabat sermonem: Non ego tecum decerto, sed Dominus meus, cuius me seruum profiteor, Benedictus. Ergo qui illum impetebat Airicus, ut moris est, primos ictus intorsit in eum. Quos ille gratiâ Dei protectus constanter sustinens, permansit in læsus: & alternum verber suo hosti temptans incutere, virtute Patris, cuius nomen retinebat mente, manum ipsius ductante, buculam clypei, quo suus tegebatur aduersarius, fortiter perculit. Quæ, clauiculis quibus affixa tenebatur auullis, longius resiliuit, moxque manus aduersarij nuda apparuit. Quippe foramen in clypeo fuerat, quod bucula protegebat, deintus semipedali affixa ligno: quo manu retento, grauem ille Rotberti aduersarius facilius verteret clypeum. Rotbertus cernens manum secum dimicantis nudam, ictu repetito toto conamine eam percussit. At ille doloris impatiens clypeum remisit: & quoniam manu debilitata, qua tegumen regebat, qua arte se tegeret non habebat, assiduo Rotberti verberare fatigatus, victum se proclamat. Dehinc exarmatus à victore, cum Issembardo, pro quo ignominiosum certamen inierat, confusus rediit ad propria. De reliquo, haud dubius Patrem Benedictum nequaquam suis de fore in aduersis rebus. Hæc victoria facta est Floriacensibus non modica exultatio, hostibus verò maxima confusio. Porro demonstrauit Pater sanctus in hoc facto, neminem suos posse aliquo pacto distrahere vernaculos. Videant sibi, qui famulos, census, prædia, sanctis locis attributa, ob laudes omnipotenti Domino persoluendas, nefariè distribuunt laicis, seu cuiuscumque generis personis.

XV.

ALBERICVS vnus ex Primoribus castri Castellionis, quod est situm super Lupam fluuiolum, vesaniæ stimulis agitatus, creberrimis deprædationibus prædia C sæpius dicendi Patris deuastabat, maximè illa quæ curti Matriniacensi adiacent. Qua de re, mandauerunt sibi, tam Abbas Rainerius, quàm Fratres sub eo degentes, ut commissa corrigeret, & de cetero aduersus Patrem Benedictum talia committere caueret. Qui pro nihilo ducens mandata, pessimis adiecit peiora. Dolentes verò Fratres, Patrem sæpius nominandum contemptui haberi, & famulos suos extenuari: inito consilio, concorditer prædonem illum cum sibi in hoc scelere participantibus anathematis muerone, ni cessaret, & neglecta emendaret, mulctarunt. Idem autem in malis perseverans, eorum excommunicationem quasi aliquod friuolum despexit: induratus animo, neglecta neglexit emendare, & à sua peruersitate noluit cessare. Proinde Omnipotens, qui clamores humilium nequaquam spernit, & qui gemitus viduarum & pupillorum ex alto prospicit, dignatus est consolari sub hac anxietate seruos suos. Contigit enim, ut suprafatus prædo ductaret exercitum Comitis Theobaldi super habitatores castri, quod à secularibus viris turpi censetur vocabulo. A nobis verò, quibus prohibitum est turpiter loqui, Malum talentum vocatur. Qui dum Dux in primo agmine iter faceret, propter curtem iam dictam Matriniacensem, exterriti qui eam inhabitabant, videntes hominem sibi infestum cum tanta affore militum multitudine, exierunt ei obuij cum armis, in locis videlicet oportunis eiusdem vici: ne patentibus sibi aditibus valeret

A eis aliquid inferre discriminis. Vnde indignatus ille nequam, comminatus est cum multo iuramento: perfecto negotio quò tendebat, se omnes eos captos ducturum, insuper & vicum eundem incensurum. Cui viri illi respondentes, dixerunt: Te quidem palam est multum posse, & velle nobis nocendi habere. Potens autem est Deus, meritis Domini nostri, cuius serui sumus Benedicti, ab interminatis à te potenter liberare nos calamitatibus. Ille cum voce minaci, equo calcaribus concitato, quò tendebat, perrexit. Miser, qui cum Patrem Benedictum debuisset supplici voce, ut ei in auxilium esset in tali discrimine, ne periclitaretur exposcere: contestatus est, seruos illius in prædam se minaturum, bona eorum direpturum, & habitacula igni crematurum. Dum ergo peruenisset ad castrum superius relatum, adorsus illud cum prima quam regebat cohorte, (reliquus enim exercitus cum Comite longè post sequebatur) cœpit sagittis & diuersis missilibus eos qui intus erant infestare. Armati verò egressi portas castri eiusdem indigenæ, in eo quod accidit probati sunt strenuè resistisse. Tendens enim quidam aduersæ partis arcum, iecit sagittam in Albericum, qui ea ictus super vnum suorum genuum, mox de equo cui insidebat ita proclius corruens, ut galea telluri illideretur, expirauit. Et quas in cassum aduersus Patrem nostrum effuderat minas, perire permisit: nihil nempe post vulnus acceptum loqui valuit. Huiusmodi retributionem superbo Deus ultionum Dominus reddidit.

P R Æ T E R E A Comite Pictauiensium in expeditionem Ierosolymitanam multa armatorum millia ducente: vxor ipsius curam agebat Prouinciarum potestati suæ subditarum. Vnde factum est, dum Gasconiam peragraret, ut transmeata Garonna, fines eiusdem regionis attingeret, in quibus positus est locus superius memoratus Pontons, videlicet in pago Ausiensi, super flumen Adurcium, ditioni Floriacensium Fratrum subditus: vbi, ut diximus, iam dicti celeberrimi Martyris reliquæ habentur. Inuitante igitur itineris necessitate, Comitissa militum vallata phalange hospitium ibidem accepit. Comperto ergo ante triduum Pictauiorum aduentu, incolæ eorum locorum, metu ipsorum, quoniam dominationem eorum valdè exosam habent, omnia sua quæ in Ecclesiam inferri licebat aduehunt, & in Oratorio eiusdem possessionis congerunt. Vestium diuersas species, alimenta, & cetera humanis vñibus accommoda. --- :

R E G I N A MATHILDE metas viuendi excedente, Rex AINRICVS in coniugium sibi adsciuit filiam Regis Russorum, nomine ANNAM. Hæc ei peperit tres filios: Philippum, Rotbertum, Hugonem. Quorum ROTBERTVS adhuc puerulus decessit. HVG O Comitatum postmodum Virimandensium adeptus est. PHILIPPVS autem, patre defuncto, totius Regni Francorum gubernacula obtinuit. Septennis autem erat, quando pater defungitur. Qua de re sortitus est tutelam illius vir inlusterrimus Balduinus Flandrensium Comes. Qui prudentissimè Regni administrans negotia, donec idem Philippus intelligibiles attingeret annos, Tyrannos per totam pullulantes Franciam tam consiliis quàm armis perdomuit, & pacem maximam teneri fecit. Proindè, PHILIPPO iam iuvene factò, integrum absque vnius viculi imminutione Regnum restituit: & ipse non multo post viuendi finem fecit. Philippus verò in primis multa strenuè gessit annis, sed ætate procedente, mole carnis aggrauatus, ampliorem operam cibo indulgit & somno, quàm rebus bellicis. Hic Ducis Frisæ filiam nomine BERTAM in matrimonium accepit: quæ ei genuit LVDOVICVM. Rebellaerunt autem contra eum quidam Francorum Proceres, opibus & viribus Guillelmi Regis Anglorum fidentes. Ex quibus Hugo de Puteolo aduersus eum arma corripuit, plures sibi adsciscens auxiliares. Rex verò eius audaciam compescere cupiens, vnde quaque militum contrahit manum. Intet reliquos etiam auxiliares exercitum de Burgundia aduentare iubet. Qui accepto mandato, in Franciam properant. Dux videlicet eiusdem Burgundiæ Odo, Niuernensium Comes Guillelmus, Autissiodorensium Pontifex Gaufridus, & alij quamplures, quos retexere per longum putauimus. Hi cœptum iter carpentes, via ductante, in quodam prædio Patris Benedicti, Eueram vocato, metationem acceperunt. Ut verò moris agrestium est, in aduentu militum formidare, perstrepere, quaqua versum fugere, sua in locis tutioribus recondere: maximè in tanto strepitu rustici suprà memorati pagi omnia sua ad Ecclesiam conuehunt, tam annonam quàm suppellectilem

PHILIPPVS
I.

HENRICVS
I.

variā. Porro militum phalanges, postquam fessa labore viæ corpora dapibus re- A
leuarunt, cibaria suis procuraturi equis, comperiunt rucolas suam totam anno-
nam in Ecclesia abdidisse. Vnde animis deiecti, referunt ad Principes exercitus
rem omnem ex ordine. Rusticos scilicet, spem sui victus ad tutiorem portum, Ec-
clesiam dico, contulisse: nec sibi penitus velle dare aut vendere alimenta suis ve-
hicularum necessaria. At illi consilij extorres, quid agant ignorant. Neque enim San-
ctorum violatores locorum fieri volunt, seu præsumunt. Episcopus itaque, qui
cautior ceteris esse debuerat, iuuenili actus temeritate, scurrili interrogat sermo-
ne, vtrum eam annonam homines in Ecclesiam contulissent? Cui cum responsum
esset, etiam. Igitur, inquit, homines abstrahant. Iubet ergo Perpetuos ire, &
quantum hordei necessitas expetebat, suis præbere equis. Properatur ad Eccle-
siam, violenter hordeum ab ea abstrahitur. Pabulum exinde equis subministratur.
In crastino, quod cœperant tendunt: nihil noxæ se contraxisse credentes apud Pa-
trem Benedictum pro infractione illius loci, & iniuria suis illata. Enimvero, Re-
ge cum reliquis militum legionibus ad Puteolum festinante, & ipsi ei occurrunt.
Castra metantur tam ipsi, quàm Rex, circa ipsum castrum. Obsesso itaque castro,
post crebras aggressiones, aliquot diebus ibidem iam peractis, die quadam illi qui
inclusi videbantur, Hugo videlicet cum suis, apertis portis, improvisi adsunt ob-
sidentibus, omnigeno bellorum tumultu personantes, cornicinibus etiam horri-
fico boatu concrepantibus. Exterriti qui in castris erant subita hostium audaciâ, B
credunt totius Franciæ militum cohortes noctu castrum idem intrasse: & idcirco,
Hugonem ad tanti ausum facinoris prorupisse. Quid plura? Terga vertunt, fugæ
præsidio sese committentes: diuersarum specierum tentoria varia supellectili ple-
na linquentes, & cetera quæ ad tantam expeditionem necessaria conuexerant.
Hostes eos fugere cernentes, quod nequaquam mente antea concipere præsum-
pserant, vt à paucis tanta multitudo fugaretur, acrius insequuntur. Capti sunt igi-
tur in illa fuga quamplurimi nobiles viri, maximè exercitus Burgundiæ, qui Pa-
trem Benedictum iniuriari ausi fuerant, direptores ipsius existentes possessionis.
Denique Episcopus, qui alios sermone illusoriè prolato nefariè agere impulerat,
cum patre Niuernensium Comite captus, coactus est seipsum non modicæ quan-
titatis pecunia redimere. A qua demum captura exemptus, Floriacum petens,
fateretur se stultè egisse, & quæ sibi acciderant iustè contigisse. Veniam petit, pro-
meretur. In ea fuga completum videres, quod in fine Deuteronomij legitur in im-
precationibus, quas vir Dei Moyses populo Israël imprecatus est, si à lege Dei sui
aliquando recederet: *Per unam*, inquit, *viam egredieris contra hostes tuos, & per se-*

Deut. 28. 25.

Leuit. 26. 17.

XXXVI.

ptem fugies. Et in Leuitico: *Fugietis, nemine persequente.*
IN territorio Niuernensi quoddam habetur castrum, Huben nuncupatum, in
prærupti cuiusdam collis cacumine. Huius dominus Hugo dicebatur, prouectæ
ætatis vir. Hic filium genuerat vocabulo Gauterium. Qui iuuenilis æui elatus su-
percilio, minus de omnipotentis Dei pertractans mandatis, res Ecclesiarum & C
pauperum, rapinis inhians, diripere, & suis in necessitatibus expendere ardebat.
Vnde arbitratus optimam de iam memorata possessione (scilicet Castellione, vbi
beatus Confessor Possennus requiescit) prædam se posse abducere, propter multi-
tudinem diuersorum animalium, quæ in eodem erant loco: (est enim alendorum
animalium opportunus, ob fertilitatem pabulorum,) assumptis cohortibus equi-
tum seu peditum, deuenit illuc, neque Dei veritus offensam, neque Patris nostri
meritum. Porro accolæ loci ipsius, & circa positi ruris, comperientes eius insanam
cupidinem, & pertimescentes copiosum prædonum numerum, asciuerunt in au-
xilium sibi Dominum castri quod dicitur sancti Briccij, Rotbertum nomine, stre-
nuum sanè tam armis quàm consiliis virum. Qui vallatus suorum cunco, prompto
accurrit animo: patatus cum eis si quod immineret subire dispendium, pro Patris
promerendo suffragio, & vicinorum qui se expetierant commodis. Gauterius ita-
que aggressus Castellionenses, satagebat opere perficere, quod mente conceperat:
ruricolæ videlicet, eorum pecora, & spolia secum abducere. Rotbertus autem
ei obuiam progressus cum suis, coniunctis quoque sibi locorum contiguorum co-
lonis, conferre cum eo non valens: eius timendo copias, terga vertit. Gauterius
ergo suos multis clamoribus adhortatus, equoque cui insidebat calcaribus incita-
to: ipsum perneciter insequitur. Quem Rotbertus iam iamque sibi appropian-tem

A cernens, ut puta moris est fugientium, hasta super humerum reiecta, ferrum hastæ sequenti opposuit. At ille conatus hostis nequaquam præuidens, dum incautiùs attingere eum equo ardescit, in ferrum ruit: quod gutturi illius immersum, absque dilatione vita priuauit. Videntes verò satellites eius Dominum suum exanimatum: vlulatibus aërem, lachrimis genas opplentes, humeris corpus imponentes, abire maturant. Miserante ipso, cuius interierat ferro: illis quoque quos prædatum venerat, concedentibus liberam fugiendi copiam, laudésque proclamantibus omnipotenti Deo, grates Patri Benedicto, sanctoque Confessori Possenno, de tam celeri hostis sui mulctatione. Genitor autem genitrixque defuncti, cernentes extinctum filium, in quo tota spes pendebat illorum: quoniam hunc solum possidebant, non est facile dicere, quos ediderint gemitus, quantas fuderint lachrimas, inconsolabili lugentes mœstitiâ quem amplectebantur dilectione vnica. Metuentes verò futuram discussionem iusti iudicis Dei (erant enim timorati) quoniam spes omnis debita corporis sublata fuerat, tractabant qualiter animæ ipsius confulerent, quatinus indulgentiam inueniret, qui extrema sua tam pessime præcipitauerat. Assumpto igitur Autissiodorensi Antistite, venerabili sanè viro, cum grandi apparatu exequiarum, & exanimato filij sui corpore, Floriacum properant. Aduoluti autem genibus Hugonis, qui tunc in eodem loco Abbatisungebatur officio, & totius Congregationis, implorant vincula reatus defuncti precibus eorum solui: certum tenentes, in conspectu summi Iudicis ipsius laxandum crimen: si quibus illata iniuria fuerat, in præsentī toto animo ipsam priùs remitterent. Vnde & calicem, purissimi auri libram habentem, in dextera filij sui ponunt: & illum pro vadimonio offerunt, quatinus promptiorem veniam delicti sui assequi mereretur, si aliquam recompensationem pro temeritate ipsius exsoluerent. Credentes quoniam in eo sacrificium summæ diuinitati offerretur, nequaquam eiusdem sacrificij ipsum esse exortem. Fratres itaque pia miseratione permoti, generaliter pro eo sacrificium omnipotenti Domino obtulerunt, absolui poscentes ipsius offensas, & ipsi secundum possibilitatem à Christo fidelibus suis concessam, quod in eos deliquerat remittentes. Expletisque funereis honore congruo officiis, genitores cum nobilibus viris, quos suo asciuerant comitatu, ad propria dimisere, non mediocrem consolationem de salute filij sui reportantes. ---

Ex Vita Chunradi Salici Imperatoris, Auctore VVippone ipsius Capellano.

ANNO Domini MXXXIV. Filia Imperatoris Chunradi & Gisela Imperatricis MATHILDA nimis formositate puella, HENRICO Regi Francorum desponsata, obiit VVormatiz, ibique sepulta est.

Ex Vita sancti Popponis Abbatis Stabulensis, quam Euerhelmus Abbas Altimontensis scripsit.

C ET quia ante complures annos Romani Imperij cum Francis discordia non minima extitit, ipse (scilicet Poppo) inter utrosque pacis gratiam labore & industria sua reformauit. CONRADVMque atque HENRICVM Reges in consensum reuocauit: quorum vnus, id est Conradus, Romanorum, siue Orientalium, alter verò, id est Henricus, Occidentalium populis Francorum imperauit. Erat enim eorum cum utrisque par locus obtinendi quæ poscebat, ut potè qui plurimum amicitia inter eos valeret. Ideoque discordia, quæ inter eos quasi quoddam senium longum duxerat, ipso mediante in nihilum redacta est. Vnde & inuidendi sibi occasionem quibusdam tribuit, quia solus id efficere valuit; quod ut fieret, multi iam olim consequi nulla ratione potuerunt.

*Est apud
Savinum
Tom. I.
Cap. XIV.*

Ex veteri Codice Atrebatensi, in quo habentur Liber de Translatione corporis S. Sebastiani, & alia ad sanctum Medardum Sueffion. pertinentia.

AGENTE in sceptris Regni Francorum glorioso Rege HENRICO serenissimi ROBERTI Regis filio, veritatis voce completur quod dicitur: *Omne regnum in seipsum diuisum desolat.* Enimvero tunc temporis naturæ rerum muta-

HENRICVS
†.

tus soluitur ordo. Quorumdam perfidiâ totius Regni Franciæ perturbatur Monarchia, perturbatione confunditur non minima. Vtilitas reipublicæ negligitur, Ecclesiarum facultas vbique minuitur, fas & nefas alternis vicibus corrumpitur, leges & iura corruptionis ordine deprauantur. Iniquitas præualet, æquitatis iudicium & iusticia silet. Euestigio sublequitur diuinæ ultionis gladius, fames & gladius vbique grassantur, pestilentia & clades incessanter prosequitur. Ea tempestate GOTZELO Dux quidam duellionum Galliæ, gerens apicem potestatis amplissimæ, spectabilis & ipse genere, nobilium spectaculis & iudicandis negociis videbatur præminere. Quid multa? tandem honestum & vtile respuitur, auri sacra fames inuehitur. Dux & iusticiæ minister spoliatur iusticiâ, quia diligitur pecunia. Rebus suis Ecclesia præsens exuitur, aduersitatibus premitur, vt oppressa gloriosius exalteretur eorum interuentionibus, quorum triumphis clarescentibus hæc dies sanctificata constare videtur.

Ad tam pulchræ festiuitatis spectaculum sparguntur semina lacrimarum. Interea germinant fructum gaudiorum, vt suauius fulgeret delectabili odore virtutum. Rebus suis, vt dictum est, spoliata gemit Ecclesia, quia hereditatis suæ portione priuatur non minima. Est igitur locus super Mosam fluuium situs nomine DONCHERIVS, Karoli Regis Francorum, Romanorum quoque Imperatoris liberalitate donatus ad partem sanctuarij huius. Hanc amplissimæ possessionis sedem Dux ille cupiditatis suæ desiderio satisfaciens, cum omnibus appendiciis, & cunctis mobilibus & immobilibus, & ad integrum percurrans, descriptionem quoque rerum faciens, tandem factus sacrilegus in suam singulariter redegit potestatem. In causam negocij eius assiduus precibus imploratur Deus noster refugium & virtus, adiutor in oportunitatibus. Deponuntur corpora Sanctorum de suis sacris cubilibus, ad nudum terræ prosternuntur cum singultu cordis & gemitibus.

Post mortem gloriosissimi Francorum Regis RODBERTI, regnante HENRICO filio eius, cum iam in Regno benè profecisset, & iura reipublicæ iusto moderamine disponderet, aliquot iam euolutis annis contigit obire Palacij sui primum Consulem ODONEM. Cuius filij TEVTBOLDVS & STEPHANVS, cum paterni honoris dignitatem ad integrum possidere cuperent, & discordantibus animis, arma corripere contra Regalem potentiam multo vallati milite nullo modo formidauerunt. Rex autem eis quæ pater in pace possederat suo dominio multa vendicans, inter cetera præ nimia animi perturbatione abiecto æquitatis iure, de possessione sancti Medardi Monasterij & sancti Sebastiani, qui illorum ditioni subditus erat, famosissimam possessionem quandam super Mosam fluuium sitam, quæ DONCHEREDVS nominatur, Palatio suo seruituram propriis ministris delegauit. Quam demum à fundis rerum & frugum opulentiam regalibus Palatiis exuberantibus subministrantibus longe positam considerans, cum eius minimè redditibus ad vsus proprios egeret, nè ve videretur Sanctorum prædia, nisi vlciscendi furoris causâ suo dominio vendicasse, Duci cuidam Lothariensis Regni GOSCELONI in beneficio possidendam contradidit. Qui nullo Dei timore correptus temerè suscepit quod de sanctuario Dei iniuste ablatum nouerat. Comperta igitur Abbas Monasterij præfatorum Sanctorum tanta Regalis potentia violentiâ, quæ sibi commissæ Ecclesiæ inlata erat, cum omni Monasterij congregatione gaudia mutans in luctum, & organum Deo seruientium in vocem flentium, nimio est animi mœrore affectus. Ignorans autem qua parte se verteret, quod super tantam violentiam iusticiam expeteret, vtpote quem & Regalis indignationis censura premebat, & Aduocatorum nulla spes subleuabat; omnipotentis Dei cum omni congregatione expetiit auxilium, qui nunquam dereliquit sperantes in se, & indefessus adiutor in oportunitatibus in tribulatione. Inito ergo cum fratribus consiliò fieri disposuit vnde & Rex terreretur de iniusta donatione, & qui Sanctorum res possidendas susceperat, de temeraria susceptione; in luctu & gemitu se cum fratribus constituens, Ecclesiam cui deseruiebat diuinis priuauit officiis, & Sanctorum corpora, quæ in condigno sub loco condita erant, quasi rerum suarum damna secum gementia humi prostrauit. quamuis * omnipotentis Dei misericordia & afflictæ subueniret Ecclesiæ, & Sanctorum suorum reliquias aliquando cum sui nominis glorificatione rebus restauratis in proprio recondere faceret honore. Euohito denique anni circulo, cum Sanctorum res prænominatas Dux securè, & quasi hereditarias

* fort. quatinus

A dirarias possideret, contigit Paschalem solemnitate Dominicæ Resurrectionis, omnibus Christianis solemniter recolendam, suo occurrere tempore. Imperiale verò Edictum Ducem illum, ut Curiae suae interesset, apud Palatium quod Nouiomagum appellatur vocauit. Proficiscente autem eo cum omni suo apparatu, & iam propinquante quò ibat, nocte quæ Cœnam Dominicam præcessit, dum ad vigiliis matutinatorum in Monasterium sanctæ Mariæ & sancti Seruatij Traiectensis celebrandas Christiana ammonitus religione surrexisset, peractis Matutinatorum solemnibus, & extinctis secundum Ecclesiasticum morem candelis, obtenebrata omni domo ad orationem se rogaturus Deum prostrauit. Qui cum oraret, arreptus somno, vidit in mentis excessu hos Sanctos, Sebastianum & Gregorium ad eius dexteram, Medardum ac Gildardum ad læuam, quos præcedebat & quos sequebatur multitudo beatorum cum crucibus & cereis. Audiuit autem eos inter se querentes, quid de eo facerent, qui res suæ Ecclesiæ tenere à Rege non æquo iure iam tunc moderamina reipublicæ disponente accepisset, & iuste eas ut à parentibus relictas possideret. Conquirentibus autem eis inter se quid de eo ageretur, beato Gregorio Papa præcipiente, sanctus Martyr inuidiissimus Sebastianus eum hastâ quam tenebat cum quadam seueritate percussit. Quo ictu expergefactus, sanguinem per nares & os gliscentem à corpore suo sensit, & conuocatis sociis itineris sui qui ei more solito adhærebant, innotuit eis lamentabili clamore quid audisset vel vidisset. Quid verò passus esset, testabatur sanguis ab ore & naribus defluens. Causam verò tam seueræ apparitionis possessionem illam intellexit esse, quam à Rege & iniuste acceperat, & iniustius possidebat. Accepto denique ibi diuino instinctu salutis suæ consilio, terram Ecclesiæ Sanctorum, cui iniuste subtrahata fuerat, deuotus possidendam in perpetuum reddidit, temeritatem suam duriter accusans, & Sanctorum merita vbique prædicans. Hoc modo possessio Sanctis reddita est, & Ecclesia quod tristis amiserat Deo disponente gaudens recepit. Sanctorum denique corpora, quæ humi prostrata diu iacuerant, cum summa veneratione & nominis Dei glorificatione XII. Kal. Maias condigno sui loco restituta sunt, & diuinæ laudis præconia, quæ diu in eadem Ecclesia siluerant, cum laudibus & hymnis Deo gratias referentibus fratribus insonuerunt.

DE DETECTIONE CORPORVM SANCTORVM DIONYSII, RYSTICI, ET ELEVTherii,

Quæ iussu HENRICI I. Regis facta est anno ML. ad confutandam Germanorum vanam de S. Dionysij corpore assertionem.

C

Ex Cod. MS. Bibliothecæ Thuana.

QUONIAM diabolicæ astutiæ & fraudis est, famulorum Dei successibus inuidere, pacisque & quietis amicam concordiam subigendo turbare; hoc tempore, quo HENRICVS inlyti Regis ROBERTI filius Monarchiâ sublimatur Galliarum, aliûsque eiusdem nominis Imperator principatur capiti Orbis Romæ, malum contigit exoriri inopinabile. Nam in Baioriensi natione Radisbonensis vrbs perhibetur esse, in qua probabili deuotione antiquorum constructum habetur sub titulo sancti Hermentranni Monasterium, cui deferuit sub Abbatis imperio degens concio Monachorum. Qui cœcitatibus & ignorantibus tenebris miserabiliter inuoluti, diuinique timoris obliui, suum locum exaltare non erubuerunt, figmento cuiusdam mendacij arroganter verbosando, penes se esse corpus beati Dionysij. Quod omninò friuolum esse veritas indicat præfatæ rei. Et quia eorum exterminanda garrulitas est prosequenda latius, huic narrationis initæ seriei censuimus inferere, vnde huius exordium nequitæ sibi dicantur arripuisse.

*Rigordus in
Vita Philip-
pi Augusti
de detectione
huius moni-
stii.*

Tom. IV.

O

*De corpore cuiusdam mortui, quod falsò afferebatur esse corpus
Areopagitæ Dionysij.*

A

PRÆFATO loco succedentibus prosperis, rebusque eius Deo fideliter adhærentium deuota munificentia ampliatis; probabile visum est Abbati, ut diruta structura operis vetusti, quoniam vilis erat precij, in melius studeret honestando construere Monasterium prædicti sancti Hermentranni. Cui operi dum studiosius insudaret, prædictorumque fundamentorum loca diligentius inquireret, iuxta vanam assertionem eorum, vnus mortui hominis corpus inuentum est integrum, quem sub testimonio fallacium & adinuentitiarum litterarum non veriti sunt appellare Areopagitam Dionysium. Extimplo incolas diuersarum nationum velox fama cœpit peragrarè, adeoque increbescere, ut multos iuuaret huiusmodi naniis fidem accommodare. Quinetiam memoratæ vrbis Episcopus, vicinis accitis Pontificibus, ab eis studuit efflagitare, quid inde eis consilij placeret dare: indicans sibi esse animum ponendi inter Sanctos hoc corpus eleuatum. Quorum conuentu fauente id taliter actu dignum esse: designata eleuationis die, rogatisque eisdem tunc illic iterum adesse, in sua quique eorum rediere. Interea Episcopo plures diuersorum ordinum circumquaq; directis Literis inuitare sollicito, gratum visum est supplicare HENRICO Imperatori: quatinus tanti copiam gaudij cumulare, atque venustare dignaretur serena præsentia sui. Qui licet non satis auditis verbis credulus, tamen multimoda prece deuictus, se in hoc assensum præbiturum esse non distulit eius voluntati spondere. Quo ita iuxta voti effectum peracto, constituto præsignatæ diei imminente termino, conuenit non modica vtriusque ordinis atque sexus multitudo. Quinetiam iuxta promissum Imperatorem non piguit venire cum Primatum Nobiliumque Curia, domni etiam Papæ LEONIS IX. non absente præsentia, quorum testimonio certiùs roboraretur inchoatæ rei summa.

B

De aduentu Nunciorum Regis Francorum ad Imperatorem Romanorum.

SUB eiusdem igitur temporis articulo, tanto ad id supplendum conglobato populo, duo repente Dei nutu superuenire nuncij Francorum Regis eximij nomine HENRICI, ab eo ad Imperatorem secundum Regum morem pro aliquibus responsis fortè directi, quoniam ipsi duo tunc erant amicissimi. Qui conspecta tanta numerositate populi, nec mora cœperunt cuius rei gratia conuenissent sollicitè perscrutari. Cognita ergo totius rei serie, alacritatēque vultuum simulata, spe præsentis Imperialis obtutibus præsentia, pro quo venerant rationabiliter studuerunt indicare. Præfato verò Principe, verborum quæ detulerant legationem gratanter audiente, sollicitaque secum perscrutanti consideratione, mox ab eo acceperunt responsa pro oportunitate rationis & temporis iuxta eorum opinionem congrua. Cùmque eos putaret velle discedere, libera abeundi concessa facultate, illi nihilominus dudum tacti rancoris memores, huiusmodi in præsentiarum dicuntur protulisse rationes.

C

De efficacia allegationis Nunciorum Franciæ coram Papa & Imperatore.

- » NON incognitum tuæ, serenissime Imperator, prudentiæ cogitamus, incon-
- » stantem per omnia eum fore, cui duplex inest animus. Cuiusmodi vicium utcum-
- » que despicabile sit in minoribus, tamen vituperari & condemnari debet ab homi-
- » nibus, si id dominationem aliquam exercere contigerit in Regibus. Quoniam ve-
- » lut quislibet dignitatis amministratione sublimatus si virtutibus decoratus fuerit,
- » ampliùs pollet: ita qui à viciis in possessione honoris minimè se continet, eo magis
- » in conspectu hominum vilescit & sordet. Quare autem tale initium nostræ sumpse-
- » rimus disputationis, optimum ducimus tuæ notificare Celsitudini Maiestatis. Ad
- » præsens à te nobis iniunctis verbis germanam amicitiam erga nostrum Regem in
- » omnibus te seruaturum esse polliceris: sed operum effectui abrenunciando ob-
- » sistere aliquantulum, ut putamus, videris. Nam hunc populum, qui congrega-

A tur hinc sub edicto per diuersa loca inuitatus, huius rei gratiâ conuenisse accepimus, ut pro beato Dionysio Areopagita nescimus cuius defuncti hominis defossa eleuentur ossa, cum aliorum pignoribus Sanctorum sub veneratione amodò colenda. Quod quàm absurdum sit credere, aut agere, facile valet perpendi: cui probabilis ingenij, perspicacisque sensus alto acumine, si competenter rei feriem volueris indagando coniectare. Nam sicut didicimus, plurimorum autentica sententia, quos in literarum atque liberalium disciplinis studiorum maioris utilitatis ac precij aiunt esse in nostra patria, in Regis **D A G O B E R T I** euidentiſſimè reperitur gestis descriptum, quemadmodum memoratum Sanctum cum duobus sociis honorificè posuerit in scriniis argenteis, artificiosarum ferarum atque obicium mîrifica atque subtili diligentia, ut adhuc hodie videri potest, interius munitis. Collocauitque post altare in cripta tantæ profunditatis, ut vsque ad genua omninò se intramittat, si quid inde voluerit abstrahere aliquis. Quinetiam antequam ad corpora Sanctorum perueniatur, criptula quædam aureis gemmis extrinsecus decorata habetur, in qua duabus seris diligenter munita Dominici Clauis & Coronæ condita seruantur pignora, nulloque alio aditu præter hunc scrinia Sanctorum videri, aut ab aliquo possunt vllatenus tangi. Ecce quomodo corpus sancti Dionysij munitum, nulla adimi possit arte latronum. Præterea, cum non ignotum sit tuæ prouidentiae, cum totius Galliae Apostolatu præsidere, eiusdemque Regni coronam, & victoriæ summam tanti patroni suffragiis hætenus feliciter perstitisse: miramur cur huiusmodi proposito studium accommodaueris tam incautè, qui verbo tenus fatearis asserere, in amicitia nostri Regis germanæ te esse connexum vinculo charitatis. Quapropter omninò videtur nobis indignum, tibi que Regno Francorum inhonestam molestiam inferendi prorsus esse animum, si ad effectum hoc perducere tentaueris; nisi prius amico tuo, videlicet Principi nostro, suaseris, quatenus non omittat perſcrutari diligentissimè, vtrum præfatus Sanctus habeatur proculdubio erga se. Tùmque demùm si illic esse non audieris, probabilius erit effectum adhibere tuis iniitiis: quoniam magnum hoc pacto dissidium futurum esse speramus, si aliter egeris. His igitur decentissimè prolatis, respondit Imperator, se inde habiturum consilium cum domino Papa, & caterua Ducum & Optimatum suorum. Quorum responso sententia Legatorum probata iusta, alacriter ab Imperatore remissi sunt ad sua.

De reditu Nunciorum Regis in Franciam, & narratione rerum quas viderant, & conuocatione Pontificum & Principum ad detectionem corporum.

C I N G R E S S I S denique Galliarum finibus, Regiis præsentati obtutibus, omnem rem seriatim notificauerunt: redditis prius, quas detulerant, legationibus. Quo in eius præsentia taliter intimato, Clericalis laicalisque ordinis personas non piguit inuitando conuocare sub termino diei assignatæ. Eis ergo ex Regalis iussionis decreto pariter congregatis, Rex iuxta quod ei enarratum fuerat à suis Legatis, non modici mœroris anxietate obfusis replicauit, & quid eis actu dignum inde videbatur, inquisiuit. Inter quos etiam Abbas, qui tunc ipsius Sancti loco præerat, **H V G O** nomine, adfuit. Quorum solertis industriæ consilio est repertum, nullatenus posse tanti erroris auelli morbum, nisi ostensione corporis sacri manifesti fides daretur indicij, atque huius curæ onus prouidentiae iniungeretur Abbatis: ut circumquaque directis Literis, diem qua licentiam id peragendi haberet, edicere non pigeret, & interesse huic conuentui omnes, ad quorumcumque noticiam sui Nuncij peruenirent, inuitaret; illisque, qui huius erroris exordij caput extiterant, hoc indicare non obmitteret, ne nouissimus error priore deterior fieret. Hac igitur salubrioris consilij utilitate reperta, quique illic congregatorum redire ad sua: ab eodem Abbate rogati, tunc iterum secum adesse, quando eis terminus denotaretur ex eius allegationis relatione. Abbas denique rediens ad Cœnobium, quod audierat flebiliter enarrauit conuocato cœtui Fratrum. Qui compatiētes iuxta Apostolum paterni doloris gemitui, verentes communis periculi ineuitabilitati

HENRICVS
I.

subici, vacillabant inter spem & metum ambigui. Tandemque releuati eius inspirante gratiâ, in quo est spes credentium defixa, Dominicæ se protectionis dispositioni commiserunt, omni ambiguitate postposita: censentes ieiuniis, vigiliis, orationibusque publicis ac priuatis cum diuina & fraterna charitate tanti propositi studium deuotissimè præuenire. Quorum gratanter audiendo sententias, ieiuniorum numero, cum orationum exercitio indicto generaliter Abbas ex Regalis iussi decreto circumquaque studuit mittere Literas, non obliuioni tradendo Radisbonensis vrbs incolas, in quibus notauit destinati experimenti terminum sub die v. Iduum Ianuarium.

Qualiter aperto nobili scrinio coram Episcopis & Principibus Francorum inuentum est interius venerabile corpus magni Arcopagite Dionysij.

ERGO vbi peracta sunt à Fratribus ieiunia, ceteraque exercitiorum genera, quibus subuenire peccatoribus diuina sæpè non euitat clementia, die imminente constituta, vndique conuenit multitudo non modica: in qua contigit fuisse Episcopos, Abbates, Monachos, Clericos, nobiles atque ignobiles, & vtriusque sexus quamplures. Quorum consortio non defuit victoriosissimi Regis HENRICI frater nomine ODO, ab eo directus cum Curialium pluribus, ad diligenter percipiendum, & luculenter enarrandum, quo ordine suorum adesse fidelium precibus, optata prospera reuelando, dignaretur conditor omnium Dominus: quoniam se agnoscens sarcinis peccatorum depressum, proclamabat indignum corporeis oculis videre tanti viri corpus gloriosum. Sed tamen diuinam elementiam fideliter esse credens adfuturam, misit sanguineam purpuram ad inuoluendam preciosi corporis glebam. In hoc beatus varicinandus iuxta vocem Euangelicam, quòd non visis rebus fidem adhibuerit deuotam, spemque penitus inconcussam. Pridie autem quàm huius nuncij insudaretur proposito, Domini facie generali præuenta à Fratribus, ieiunio scilicet, & sequenti nocte continuata orationum, vigiliarum, lacrimarumque exercitio, post consummationem Officij matutinalis, præsentibus Episcopis, præfatorumque ordinum probabilibus plurimis, in afflictione eorum desideria prosperari rogantibus Dominum, reuerenter in medio delatum est argenteum scrinium, prisca adhuc subtilitate artificiosissimè munitum. Quo cum magna difficultate referato in adstantium præsentia, repentè preciosissimi Martyris Dionysij reperiuntur ossa, pallio tantæ vetustatis nimietate consumpto obuoluta, vt inter manus tenentium euanesceret in similitudinem telæ aranearum. Vnde perfusi suauissimi odoris fragrantia, asseruerunt nullius ad hanc esse delectationis pigmentorum genera.

De ineffabili latitia omnium qui tantæ rei interfuerunt, & repositione scrinii cum Literis intromissis in locum priorem.

TUNC pro inenarrabilis gaudij diu postulata visione, Domini experta pietate, qui numquam sibi placita rogantibus dedignatur adesse, iubilando prorumpunt in laudibus gratiarumque actione, permixtis deuotis singultibus inopinabiliter ortæ latitiæ. Post hæc ablatis vetusti pallij reliquiis, cum aliisque pignoribus vestimentorum sancti Dionysij sociorumque eius studiosè conditis, ossibusque deuotissimè ab Abbate inuolutis in pallio ad hoc à Rege destinato, magnalia Dei votis poscentium declarata Pastores Ecclesiastici enunciauerunt omni populo voce præclara. Qui quanto exultauerint tripudio, iocunda, qua longiusculè à Monasterio profecti sunt sacra membra, indicauit processio. Præfato verò ODO N E Regi per ordinem iuxta quod viderat alacriter cuncta referente, ille Domino solutis multiplicibus gratiarum actionibus pro collatis ab eo votis fidelium, prosperis effectibus intermissis Regiæ pompæ dignitatibus, eodem die gratum duxit venire nudis pedibus, tanti patroni suffragium humiliter asciturus. Ibique se confitens deliquisse in quibus solitum est humanæ fragilitati diuinæ conspectum Maiestatis offendere; seque cum suis omnibus deuouens sancti Martyris famularui & patrocinio, recessit, pro munere pallio magni precij oblato. Delato verò à pro-

A cellione cum praeunte & subsequente plebis frequentia sacro corpore, quindecim continuis diebus dimissum est super principale altare: in quibus ex diuersis regionibus causâ visitandi, suffragiumque expetendi, plurimi vtriusque sexus conuenere. Et tunc sibi mutuo ad custodiam succedentibus fratribus, diei noctisque vicibus tamdiu est diligentissime custoditum, donec intromissis litteris indicibus primi erroris & subsecutæ veritatis, seris obicibusque munitum sacros artus continens subtili artificio scrinium, quampluribus presentibus, suo priori loculo honorabiliter fuit restitutum.

Nomina personarum, quæ præsentibus Sanctorum detectioni corporum interfuerunt.

SED non prætereundum videtur aliquorum nomina hæc ad posterorum memoriam inserere, qui potiorum dignitatum insigniti claritate, præsentis dicuntur celebritatis gaudio interfuisse, atque omnia quæ tunc gesta narrantur in præsentiarum vidisse: ut eorum testimonio fallax sopiatur opinio, veritatisque subnixæ fiducialius roboretur promulganda traditio.

DE Episcopali ordine isti conuenere: **V**Vido Remensium Archiepiscopus, Robertus Cantuariorum Archiepiscopus, Imbertus Parisiorum Episcopus, **I**lennandus Laudunensium Episcopus, Balduinus Nouiomensium Episcopus, **V**Valterius Meldensium Episcopus, Froelandus Siluanestensium Episcopus. Vnusquisque quorum Clericalis laicalisque ordinis adduxit probabiliores personas secum.

DE ordine Abbatum isti adfuerunt iterum: in primis domnus Abbas Hugo Cœnobij S. Dionysij, Albertus Abbas Maioris-Monasterij, Ioannes Abbas Fiscanensis Cœnobij, Landericus Abbas S. Petri Carnotensis, Robertus Abbas S. Petri Fossatensis, Rodulfus Abbas sancti Petri Latiniacensis, Adalbertus Monachus S. Remigij, qui & ipse asseruit in præsentia Imperatoris, in hac patria S. Arcopagitam Dionysium esse, quando vnius mortui hominis corpus pro eo de terra voluit extrahere: Gaufrédusque Abbas Columbensis Cœnobij. Quorum vnumquemque deuotos & Dei fideles Monachos secum non piguit habere.

ISTI autem astiterunt de ordine laicorum: in primis **O**do memorati Regis frater atque fidelis Nuncius, **V**Valterius Comes Pontifarensis, **V**Villelmus Comes Corboilensis, Iuo Comes Bellomontensis, **V**Valerannus Comes Melledensis, & alij Nobiles, multique deuotæ fidei gregarij milites.



DE REGE PHILIPPO I. HENRICI I. FILIO.

ORDO QUALITER PHILIPPVS I. IN REGEM consecratus est.

Ex MS. Codice Domini Petauij Senatoris Parisiensis.

ANNO Incarnationis Dominicæ **MLIX.** Indictione **XII.** regnante **1059?** **HENRICO** Rege anno **XXXII.** eadem die completo **x. Kal. Iunij**, Episcopatus autem domni **GERVASII** anno **IV.** in die sancto Pentecosten; **PHILIPPVS** Rex hoc ordine in maiore Ecclesia, ante altare sanctæ Mariæ à Geruasio Archiepiscopo consecratus est. Inchoata Missa, antequàm Epistola legeretur, domnus Archiepiscopus vertit se ad eum, & exposuit ei fidem Catholicam: sciscitans ab eo vtrum hanc crederet, & defendere vellet. Quo annuente, delata est eius professio: quam accipiens, ipse legit, dum adhuc septennis esset. eique subscripsit. Erat autem professio hæc. Ego **PHILIPPVS** Deo propitiante mox futurus Rex Francorum, in die ordinationis meæ promitto coram Deo & Sanctis eius, quod vnicuique de vobis commissis Ca-

Tom. IV.

O iij

PHILIPPVS
I.

nonicum Priuilegium, & debitam legem, atque iustitiam conseruabo: & defen- A
sionem quantum potuero adiuuante Domino exhibebo, sicut Rex in suo Regno,
» vnicuique Episcopo & Ecclesie sibi commissae per rectum exhibere debet. Popu-
» lo quoque nobis credito, me dispensationem legum in suo iure consistentem no-
» stra auctoritate concessurum. Qua completa, posuit eam in manus Archiepiscopi,
astante HVGONE Bisonticensi Nicolai Papae Legato, & cum eo Ermenfredo
Sedunensi. Archiepiscopis quoque, Mainardo Senonensi, & Bartholomeo Tu-
ronensi. Necnon Episcopis, Heidone Sueffionensi, Rogero Cathalaunensi, Eli-
nanno Laudunensi, Balduino Nouiomensi, Frollando Siluaneensi, Letberto
Cameracensi, Guidone Ambianensi, Aganone Eduensi, Harduino Lingonensi,
Achardo Cabillonensi, Isembardo Aurelianensi, Imberto Parisiacensi, Galtero
Meldensi, Hugone Neuernensi, Gaufrido Autissiodorensi, Hugone Treassino,
Iero Lemouicensi, Guillelmo Ecolesmensi, Arnulfo Sanctonensi, Vuereco Nan-
netensi. Et de Abbatibus, Herimaro S. Remigij, Rainero S. Benedicti, Hugone
sancti Dionysij, Adroldo S. Germani, Geruino S. Richarij, Guathone S. VVale-
rici, sancti VVingaloei, VVarino sancti Iudocij, Fulchone de Foresti-
Monasterio, Gerardo sancti Medardi, Heinricho Humolariensi, Gonzzone Flori-
nensi, Fulchone sancti Michaëlis Laudunensi, Archenueo Laudunensi, Guidone
Marcianensi, Rodulfo Mosomensi, Alberto sancti Theoderici, Varino Altoui-
larensi, Vuenrico sancti Basoli, Hugone Orbacensi, Odilardo Cathalaunensi,
VVandelgero Cleruensi, VValeranno Virduensi, Adalberone Diuionensi, Ar- B
noldo Pultariensi, Guillelmo Trenorcensi, Hugone Carrocensi, Auesgaudo Ce-
nomanensi, Hugone Crispinensi. Accipiens baculum sancti Remigij, disseruit
quiete & pacifice, quomodo ad eum pertineat maxime electio Regis, & consecra-
tio Regis: ex quo sanctus Remigius H L V D O V I C V M Regem baptisauit, & con-
secrauit. Disseruit etiam quomodo per illum baculum hanc consecrandi potesta-
tem, & totius Galliae Primatum Ormisda Papa sancto dederit Remigio. & quo-
modo Papa Victor sibi & Ecclesiae suae. Tunc annuente patre eius H E I N R I C O,
elegit eum in Regem. Post eum, Legati Romanae Sedis, cum id sine Papae nutu
fieri licitum esse disertum ibi sit, honoris tamen & amoris gratia tum eius ibi af-
fuerunt Legati. Post hos, Archiepiscopi & Episcopi, Abbates & Clerici. Post,
VViddo Dux Aquitaniae. Post, Hugo filius & Legatus Ducis Burgundiae. Post,
Legati Balduini Marchionis, & Legati Gaufridi Andecauensis Comitis. Deinde
Comites, Rodulfus scilicet Vadensis, Herbertus Vermandensis, VViddo Ponti-
censis, VVilhelmus Sueffionicus, Rainaldus, Rogerus, Manasses, Hilduinus,
VVilhelmus Aruernensis, Heldebertus de illa Marchia, Folco Ecolesmensis, Vi-
cecomes Lemouicensis. Post, milites & populi tam maiores quam minores vno
ore consentientes, laudauerunt, ter proclamantes: Laudamus, Volumus, Fiat.
Tunc fecit ipse P H I L I P P V S Praeceptum, sicut antecessores sui fecerunt, de re-
bus sanctae Mariae & Remensi Comitatu, & de rebus sancti Remigij, & de ceteris C
Abbatibus. Quod firmavit, eique subscripsit. Subscripsit etiam Archiepiscopus.
Nam ibi constituit eum summum Cancellarium, sicut antecessores sui antecesso-
res suos fecerant. & ita consecrauit eum in Regem. Reuertente autem Archie-
piscopo ad sedem suam, & sedente, delatum est Priuilegium quod Papa Victor ei
dederat. Lectumque est circumstantibus, & audientibus Episcopis. Facta sunt
haec omnia cum omni deuotione, & alacritate quam maxima. sine omni disturba-
tione, & nullatenus alicuius contradictione, vel aliquo reipublicae damno. Hos
omnes Geruasius Archiepiscopus libenter excepit, & de sumptibus suis eis plenif-
simè erogauit. nulli tamen ex debito, praeter Regem; sed honoris causam Ecclesiae,
& liberalitatis suae.

*Excerptum ex MS. Libro Monasterij S. Theoderici prope Remos, cui titulus est,
De ratione Temporum.*

1059. ANNO incarnati Verbi millesimo quinquagesimo nono, Indictione XII. re-
gnante HENRICO Rege, & regni eius anno XXXII. eodem die completo, Epi-
scopatus verò GERVASII Archiepiscopi anno IV. x. Kal. Iunij, die sancto
Pentecostes, dum adhuc septuagis esset P H I L I P P V S, in Regem à Geruasio

A consecratus est, assistentibus sibi tribus Archiepiscopis, xviii. Episcopis, xxvi. Abbatibus, Legatis Sedis Apostolicæ; & Legatis Balduini Marchionis, Vvedone Duce Aquitanix, Hugone Legato & filio Ducis Burgundiæ. PHILIPPVS I.

HIS & ceteris astantibus Geruasius verbum habuit coram Rege, quia esse deberet, sicut sui antecessores fuerant, summus Regis Cancellarius. Quod eodem Rege gratissimè annuente, & ceteris conniuentibus, prædictus Pontifex sibi & Ecclesiæ suæ obtinuit. Scilicet quia verum sit quod ab antiquo ita fuerit, legitur in præceptione Præcepti, quod Karolus Rex de rebus sanctæ VValburgis fecerat hoc modo: Goslenus Cancellarius scripsit & subscripsit ad vicem Heriuei Archiepiscopi, summique Cancellarij. Geruasius verò octauus fuit Archiepiscopus post Heriueum.

Ex Libro de Translationibus Reliquiarum sancti Mamantis Martyris, qui est in Bibliotheca Floriacensi.

PROCEDENTE tempore assumptus est ad regimen vrbs Lingonicæ Reinaldus Episcopus piæ recordationis, qui decimus sedit ante venerabilem Guillelmum, qui nunc est Electus noster. Vir ille spectabilis quidem genere fuit, sed nobilitatem generis honestas morum, & multiplex literarum scientia illustrabat. Non solum enim liberalibus studiis eruditus fuit, sed vtriusque Testamenti paginis sufficienter instructus. Ipsa enim eius opera testimonium perhibent veritati. Nam **B** cum ipse teneret Comitatum Tornodorensem, & Comitatum Barri super Sequanam, pro suis nepotibus qui adhuc erant paruuli: propter quasdam discordias, sicut dicitur, REX FRANCORVM, (nempe PHILIPPVS I.) qui tunc erat, ipsum tenuit in Nouiomeni ciuitate, in turre iuxta portam. Vbi non fractus aduersitate, sed gaudens, quia intelligebat quòd *filium quem diligit flagellat Deus*, fecit Hymnum, & modulatis vocibus cantauit cum pueris in Ramis palmarum, scilicet *Gloria, laus*.

Ex Vita MS. Arnulphi Sueffionensis Episcopi, quam Lisiardus eius successor Episcopus, petente Radulpho Remensi Archiepiscopo, conscripsit.

ERAT illo in tempore in Cœnobio sancti Medardi Sueffionensis quidam Monachus nomine Odo honestatis vsurpator, & virtutis simulator, qui famulo Dei ARNVLPHO Abbati nimium inuidebat, & se ad regimen loci digniorem ac utiliore[m] autumabat. Qui etiam incessanter reuoluebat, quoniam argumento seruum Christi potuisset remouere à suscepto regiminis officio. Is cum esset in exterioribus agens, per internuncios, quos frequenti munere cœcabat, studuit intimare Regi Francorum PHILIPPO, ut cum in procinctu contra hostem aliquorsum proficisceretur, Abbatem sancti Medardi venire secum iuberet. Annuit Rex consiliis Odonis, & cum exercitum promouisset, missis Legatis monuit domnum Arnulphum, ut cum armata militia ad expeditionem secum abiret. Arnulphus ad hæc stupuit, & Regiis Missis deuotè respondit: Certum est me peccatorem militiæ quondam actibus sorduisse: notum est ob Domini timorem relicta militiâ consortium Monachorum expetisse. Legimus dicentem Dominum, quòd qui perseuerauerit in finem saluus erit. Et ego infelix, qui causâ Dei militiam abieci, rursum stipabor militibus, rursum arma exercebo? Maluisssem certè nomen istud Abbat[is] & locum non suscepisse, quàm sub huius dignitatis obtentu seculo tam pessimè deseruire. Hoc comperto, Rex PHILIPPVS misit denuò Legatos qui dicerent, Fuisse morem antiquum, ut milites Abbat[is] Abbate præuio Regali expeditioni inferuissent. Aut faceret iuxta morem antiquum, aut daret locum ut fieret Regis imperium. Tunc Arnulphus tali occasione accepta, prompto animo obediuit Regis imperio, & secessit libens in reclusionis angulo.

TUNC conuocatis omnibus Ecclesiarum Prælati[s], & communicato consilio, electus est in Abbatem vir magnæ scientiæ, & religionis præcipuæ, nomine GIRALDVS. Quo non diu substituto, derepentè aduolat supradictus ille Pontius totius pietatis aduersarius, ducens secum Reginam Francorum nomine BERTRADAM, quæ vi regia Giraldum expelleret, & eundem Pontium in prælationem

PHILIPPVS
I.

sancti loci contra fas subinferret. Quo comperto, famulus Christi Arnulphus de A Cella egreditur, & Reginam adiens furibundam blando affatu humiliter rogauit: vt quamuis Regina haberetur, memor tamen femine conditionis, memor etiam diuinorum iudiciorum, Ecclesiasticis legibus obuiare formidaret, & ab iniuriâ tanti viri seipsam verecundè temperaret. Quæ monita cum illa tumore Regij fastus
 » audire abnueret, ait ad illam prophetisans seruus Dei: O Regina, si placet crede
 » fratri Arnulpho, immò crede Spiritui sancto: quoniam si domnum Giraldum Ab-
 » batem à loco isto violenter expuleris, vindice Deo, & tu ante diem mortis tuæ à
 » totius Regni dominio extruderis, & in ærumna atque despectu exfors Regni mori-
 » riêris. Hæc siquidem viri Dei prophetia luce clariùs manifesta facta est, dum om-
 » nibus patet quòd eadem Regina post aliquot dies * Regis offensam irremediabili-
 » ter incurrerit, ob quam à consortio totius Regni reiecta, in Pagum Pontium cum
 » dedecore transportata sit: ibique diuturna calamitate detenta, more plebeio de-
 » functa sit, & sepulta. Giraldus autem ab illa expulsus, dedit locum iræ, & secessit
 » in partes Aquitaniz: vbi à Duce terræ illius gratanter acceptus, in Silua maiori il-
 » lustre Cœnobium construxit. Vbi Deo dignè deseruiit, & beato fine in Domino
 » quieuit. Cuius vita & mors signis virtutum, & gloriâ miraculorum refulsit. --- :

* legendum
videtur an-
nos, vt ex
infra scriptis
colligitur.

CAP. XXIX

REX Francorum PHILIPPVS iam diu per annos aliquot nuptiali copulæ so-
 ciatus, cum videret suam Reginam permanere sterilem, famulum Domini san-
 ctum Arnulphum frequentius exorauit tam per se quàm per alios clarissimos viros, B
 vt Domini clementiam impetraret: quatinus ad Regni tutelam, & ad sanctæ Ec-
 clesiæ defensionem filium sibi successurum condonare dignaretur. Abhoruit pri-
 mum hoc facere seruus Domini, cauens indè hominum fauorem, & formidans
 mentis laxare rigorem. Tandem vbi à TEDBALDO venerabili Episcopo Sues-
 sionico, & ab aliis multis religiosis viris hoc coram Deo bonum & acceptum fore
 didicit, secundum quod beatus Apostolus pro Regibus, & omnibus qui in subli-
 mitate sunt constituti, obsecrandum docet, & hoc primum omnium fieri: tam bo-
 norum hominum suggestionem quàm Apostolica monitione pertractus, oraturum
 se promisit. Hanc verò eius sponsonem cognoscens Regina, gauisa est plurimum,
 & tanquam iam secuta dirigit Legatos idoneos ad famulum Dei, multa prece de-
 poscens, vt sibi prænunciare dignaretur, quando esset iam futurum. At ille sen-
 tiens in corde Reginz fidei constantiam, remandauit illi, vt pauperum curam di-
 ligenter haberet: intimans quòd eorum vox diuinis auribus vim inferret, vt opta-
 tam prolem sibi Dominus commodaret. Regina paruit, & cotidianis conuiuuiis
 pauperes lautè refecit: fixa quòd oratio serui Dei non posset cassari. --- :

LIT. II.
CAP. I.

INTEREA Tedbaldum ciuitatis Augustæ Suefforum Antistitem iussio diuina
 sustulit ex hac vita. Cuius sedem atque locum quidam generosus nomine GER-
 VASIVS pro recompensatione Palatini seruicij impetrauit donari suo fratri car-
 nali nomine VRSIONI, habitu quidem Monacho, & ab infantia literis erudi-
 to: sed ad Episcopale officium nequaquam idoneo. Cuius ignauia vitæ, & non C
 canonicus accessus, haud longè personuit ad aures Pontificis Romani nomine
 GREGORII. Qui mox datis Epistolis ad HVGONEM Diensem Episcopum,
 & Galliarum Legatum, monuit vt vita & promotio Vrsionis canonicè discuteretur,
 & quicquid in his sacris legibus obuiasset Synodali iudicio corrigeretur. Hinc
 accidit, vt Hugo præfatus in ciuitate Meldis super amne Materna, TEDBALDO
 Comite sibi patrocinate, teneret Concilium. Vbi secundum decretum domini
 Papæ concessa Vrsioni se purgandi facultate, postquàm legitimè vocatus, & cano-
 nicè protractus se præsentare contempsit, iudicio Episcoporum noxam subiit: ac
 proindè condemnatus, Clero Sueffonico ibidem præstolanti electionis copiam
 patefecit. Tunc ergo consultu Concilij pars sanior Cleri, & casati Ecclesiæ Sues-
 sionicæ elegerunt sibi in Pontificem sanctæ religionis cultorem domnum Arnul-
 phum per id temporis reclusum: & vt sibi celeriter donaretur, instanter acclama-
 uerunt. Sic facta & conscripta concordie electione, Hugo Legatus statim è Con-
 cilio reuerendas direxit personas ad Cœnobium sancti Medardi: mandans & mo-
 nens per Epistolas, etiam Romanæ Ecclesiæ auctoritate imperans, vt domnus Ar-
 nulphus Cellam exiret, & concitus ad Concilium Meldense veniret. Alioquin vt
 inobediens anathema subiret. Tantæ iussionis tonitruum expauescens Catholicæ
 Ecclesiæ reuera filius Arnulphus, licèt ægrè, paruit mandatis Legati, venitque ad

A Concilium. Quo residente, repente relecta est petitio Cleri & Nobilium populi Sueffonici, domnum Arnulphum sibi in Episcopum eligentes. Exhinc fit vox I. Episcoporum, Arnulphum omni sanctitate ornatum suum collegam fieri postulatum. Sic mox tractus & infultus, & nec ad modicum se excusare permissus, in concessu Pontificum statim est collocatus. Cui afflicto & mœrenti Hugo Legatus in virtute sanctæ obedientiæ sacro iniunxit mandato, vt deinceps Christi Ecclesiæ ministrare studeret in Pontificali officio. Iam ita constrictus cessit edictis, & designata consecrationis die vel loco, rediit ad Monasterium sancti Medardi, vt futuro itineri necessaria præpararet. Quibus copiosè paratis, non suo typo, sed fidelium voto, profectus est cum quatuor Monachis & electis de Clero: venitque Campaniam in castellum Tedbaldi Comitis, quod dicunt Virtutes.

C O M E S autem Tedbaldus cognito eius aduentu, cum magno militum ac nobilium comitatu gaudens eum excepit, obsequensque intra lectum induxit. -- CAP. II. & III.

Tunc vir Dei, vocato ad se fratre Ostemaro, ait illi: Mandatum quod tibi committito serua secretum, nec alicui dicas, nisi cui volumus fore nunciatum. Itaque à nobis digrediens ciuitatem Parisius venies, & Reginam BERTRADAM vice nostra visitabis, & annuntiabis illi optabile gaudium: quia reuera in vtero gestat filium, quem in sacro fonte vocabit LVDOVICVM: quique post patris decessum Regnum tenebit Francorum. Illa tibi vix crederet, quia infans vitalem motum nondum habet. Sed dic ei vt confidenter credat, quoniam post modicum temporis sentiet quod portat. Sic Monachus valde lætificatus arripit iter versus urbem Parisiorum, & Reginæ pandit amabile mandatum, dicens:

*Rex noster Dominus tibi nunc, Regina, maritus;
Tu Regina pari sensu cupiens generari,
Sæpius Arnulphum rogitasti, tuncque reclusum
Exorare Deum vobis concedere natum.
Per Proceres summos, per Pontifices quoque magnos
Artius optastis quod per vos non potuistis:
Vt daret Ecclesiis tutorem conditor vrbis.
Catholica fidei persona consuluerunt,
Vt Dominum cæli precibus votoque fideli
Expeteret prolem regnandi sorte sequacem
Vobis & Regno donari iure superno.
Quod simul optastis completum nuncio vobis.
Nam Dominus cæli compulsus mente fideli,
Contulit hoc vobis vt detur gratia prolis.
Ventre geris puerum, quod debes credere verum.
Ille puer magnus dum viuet mitis & agnus
Francis regnabit. super hostes non trepidabit.
Pessima delebit. LVDOVICVS nomen habebit.
Nec tamen hic viuit, nec eum vixit animauit
Spiritus. At Domini dono mox influet illi.
Arnulphi precibus sit filius iste creatus.*

C Illa præ stupore pallescit, Regemque PHILIPPVM venatibus intendentem missis perneciter nunciis euocauit. Qui cursim vehemens, & legationem tam gratam auidè fuscipiens, optatamque diu prolem à Domino sibi concessam comperiens, cœpit gaudere & timere, multumque metu & lætitiâ fluctuare. Gauderet planè si ex toto certus esset: metuebat ne talis promissio vacua remaneret. Tandem vicit in regali pectore fidei præsumptio, & prudenter decreuit non esse superfluum, quod per talem seruum Dei fuisset prophetatum.

*Post bis quinque dies infans vitalis haberi
Incipit, & mater succrescit ventre grauiato.
Lætitiâ tamen infantis sic duxit habendam,
Vt dolor atque metus Reginam non grauet ullus.
Tempore condigno Rex nascitur hic LVDOVICVS
Pacificus, qui sceptrâ gerens benè iura gubernat.*

I N huius ergo Principis præscita, immò impetrata natiuitate, laudanda atque admiranda est famuli Christi Arnulphi deuotionis industria: qui tanti mysterij arca-

PHILIPPVS num & meritorum prærogatiuam obtinere meruit, & profunda humilitate dissimulauit ---: Anno ergo Dominicæ Incarnationis **MLXXXI.** natus est futurus Rex **LVDOVICVS**, orationibus & meritis **S. Arnulphi** impetratus: qui vti-
nam vt bono fine potiatur, eiusdem Sancti suffragio sit adiutus. A

I O 8 I.

*Ex Libro IV. Historiæ Roberti VViscardi Calabriae Ducis, & Rogerij eius
fratris Siciliae Comitis, quam Gaufredus Malaterra Monachus
scripsit eiusdem Rogerij hortatu.*

CAP. VIII. EA tempestate **PHILIPPVS** Rex Francorum vxorem habens legitimam & præclari generis **BERTAM** nomine, ex qua susceperat filium nomine **LEVDOVISIVM**, cui etiam ab omnibus Curialibus Regnum post se habere designauerat, contra ius legitimæ coniunctionis exosam habere cœpit: & à se contra Canonum statuta libello repudij conatur repellere, nihil criminis obiecto, excepto quòd sanguinitatem falso adnumerare tentabat, nec poterat. Hic Legatos apud Siciliam ad Comitem (**ROGERIVM**) dirigens, filiam eius nomine **EMMAM**, quam de prima vxore speciosam puellam habebat, sibi in matrimonio copulandam expetit. Comes verò fraudis, quam versus legitimam vxorem habebat, ignarus, cum multis sponsalibus se sibi daturum concessit. Statutòque termino, nauibus
* Egidium apparatus, eam vsque ad sanctum Elidium * cum pluribus thesaurorum euxeniis, B
quò Rex se obuium fieri dixerat, maritimo cursu transmittit. Habebátque fiduciam in Comite eiusdem Prouinciæ Raimundo, quòd eam Regi honestè consignaret. Nam & ipse aliam filiam Comitis iamdudum duxerat. Rex verò prauorum consilio vsus, ad hæc nitebatur, vt thesauris susceptis, Comitem de filia, non du-
cendo, ludificaret. Porro Comes Raimundus Regia fraude comperta, cœpit & ipse nihilominus aliam fraudem coniecturare: videlicet vt puellam dissimulata fraude cum honore suscipiens, alteri probo viro in matrimonium consignaret: ipse verò omnem pecuniam vsurparet. Sed prudentes viri, quos Comes cum familia miserat, prece puellæ pecunia exportata, fraudem quæ agebatur comperientes, anchoris extractis, vela ventis committentes, puella cum sororis marito relicta, placida aurâ sufflante, cum preciosioribus thesauris ad Comitem in Siciliam reuertuntur. Comes verò Raimundus fraude, quam machinabatur, ex parte frustratus, puellam Comiti Claramuntis legalibus nuptiis copulauit. Sicque sola Dei dispensatione solemniter maritata, & pater opprobrio, quod Rex machinabatur, & filia inordinata & contra ius quauis legali copulatione liberatur.

Ex Vita MS. sancti Theobaldi Confessoris.

HEINRICI Cæsaris, & piissimi Regis Francorum **HEINRICI**, filij quoque eius Regis **PHILIPPI** temporibus, Gallia Religiosos parere quasi oblita C
fecunda elatione, effœta humilitate, reuirente aluo, sinu recalente, modo pulchre dilectionis mater fructum honoris dedit & honestatis, **THEOBALDV**
Religionis incitamentum, vicij repagulum, virtutis incrementum, castro Priuigno ortum, quod est in territorio Senonico situm: quod populosa refertum frequentia, ditionis olim fuit potentis & famosi Comitis **ODONIS** Campaniensis, huius sancti viri propinqui, patris **TEOBALDI** Comitis heredis strenui & pacifici. Pater eius **ARNVLVS** notus nomine, notus & dignitate: non solum ingenuitate pollens, sed & ditissimis opibus & honestis moribus præminens. Mater eius **VVILLA** viri præcipui coniunx præcipua, nobilitate & moralitate par & condigna. Condecebat enim vt in fructum sanctum & iustum erumperent iusti & sancti rami. Huius natiuitatem piæ recordationis sanctus **TEOBALDV** Viennensis Episcopus, auix eiusdem sancti viri auunculus, diuino oraculo præuidit & prænotauit, cui etiam nominis participium, & recordationem sancti Antistitis propinquitas & sanctitas indidit. Quod & veraces tanti Pontificis familiares fideliter nobis attestati sunt, & eiusdem sancti Confessoris matris assertio validissimum præbet argumentum. Nam cum aliquando præfatus Pontifex colloquium haberet cum matre **VVILLÆ** venerabilis sancti Theobaldi caræ sobolis caræ genitricis, inter
cetera dulcis colloquij fluentia: Gaude iterum, gaude generosa parens, aiebat.

A Prodiēt enim ex te filia magni meriti virum paritura, qui omnibus nostræ affinitatis PHILIPPVS
I. hominibus præminebit, & ante Deum magnus vocabitur & erit, &c.

Ex Vita MS. venerabilis BERNARDI primi Abbatis Monasterij sanctissimæ Trinitatis de Tironio, Ordinis sancti Benedicti, diocef. Carnot.

Quam scripsit Gaufridus Grossus Monachus, eiusdem discipulus & coatanus.

B PER idem tempus duo Cardinales Ioannes atque Benedictus, Apostolicæ Sedis Legatione fungentes, ad urbem Pictaviū Concilium conuocarunt. In quo centum quadraginta Patres affuerunt, qui PHILIPPVM Regem Francorum propter FVLCONIS Consulis Andegauensium vxorem, quam in adulterio tenebat, anathematis vindictâ percusserunt. Qua excommunicatione comperta, GUILLELMVS Dux Aquitanorum, qui aderat, totius pudicitie ac sanctitatis inimicus, timens ne similem vindictam pro consimilibus culpis pateretur, nimio furore succensus, iussit omnes illos deprædari, flagellari, occidi. Quod ministris suis facere incipientibus, Pontifices & Abbates omnes huc illucque diffugiunt, & vt temporalem vitam retinerent, tuta latibula quærere contendunt. At verò BERNARDVS, atque Robertus Arbreffellensis, qui Concilio intererant, fortissimi iustitiæ propugnatores, ac totius iniquitatis & iniustitiæ expugnatores, aliis turpiter diffugientibus, ita immobiles constantésque perstiterunt, vt nec ab incæpto excommunicationis desisterent: sed pro Christo mortem vel contumeliam pati gloriosissimum ducebant. Et quamuis eis persecutores mortem non intulerunt, isti, quantum in ipsis est, martyrium pertulerunt.

EPITAPHIVM PHILIPPI I. FRANCORVM REGIS.

Ex veteri Libro MS. D. Alex. Petauij Senatoris Parisiensis.

SEPTEM milleno centum simul adde reſecto,
Tūcque ſcies annum, Regem ſubiſſe PHILIPPVM
Ingreſſum mortis dira nulli reuuentis,
Auguſto quartas Orbi ſignante Calendas,
In feria dicta Sylueſtri dobmate quarta.

EPITAPHIVM ALIVD REGIS PHILIPPI.

Ex alio eiusdem Domini Petauij Codice.

FRANCORVM ſummus latet hac tellure PHILIPPVS,
Rex fuit hic magni progenies PRIAMI.
Corpore procerus, vultu ſtellante ſerenus,
Imperio ſpecies congrua Romuleo.
Strenuus in bellis, Regni deſenſor aniti,
Sollers conſilio, promidus eloquio.
Inſignis pietate, crucis cohercitor ira,
Verbis iocundus, moribus & placidus.
Auguſti ternis conſcendit in atra Kalendis,
Annis ſceptra nouem vigies & bis agens.

ITEM DE EODEM REGE.

A

REX fueram pradiues opum, linguâque disertus,
 Progenies Rēgum, virtute potens, genus altum.
 Gloria magna mihi, qua tenditur amula virtus.
 Hac tumulatus humo naturæ debita solui,
 Ac cinis in cinerem sensi datus ecce quid essem.
 Heus! quid honor, quid opes, quid gloria, quidve potestas?
 Ast petij BENEDICTE tuam specialiùs adem,
 Aetheream concede rogo precibus mihi sedem.
 Iulius exactis dum lucibus iret ad aſſem,
 Spiritus Auguſtas ceſſit meus ante Kalendas.
 Qui legis hac, meritam minui mihi Iudicis iram
 Exige, ſed precibus faueas his CHRISTE Redemptor.

EPISTOLÆ



EPISTOLAE HISTORICÆ

SVMMORVM PONTIFICVM, EPISCOPORVM,
DVCVM, COMITVM, ET ALIORVM,
quæ ad res Francicas pertinent.

A ROBERTO Rege vsque ad LVDOVICVM VI.
cognomento GROSSVM.

EPISTOLA BENEDICTI PAPÆ VIII.

Ad Episcopos Burgundia & Aquitania.

BENEDICTVS per diuinam gratiam sanctæ Romanæ Ecclesiæ Præsul & Episcopus, omnibus Fratribus & Coëpiscopis per Burgundiam, Aquitaniam, & Prouinciam constitutis, Burchardo scilicet Archiepiscopo Lugdunensi, eiusdem nominis Archiepiscopo Viennensi, VValterio Archiepiscopo Besonsiensi, VValterio summæ Religionis Episcopo Augustudunensi, Stephano Episcopo Aruernensi, Fredeloni Episcopo Aniciensi, Gaufrido Episcopo Cabilonensi, Lamberto Episcopo Lingonensi, Gauflino Episcopo Matisconensi, Vuigoni Episcopo Valentineni, Harmanno Episcopo Viuariensi, Pontio Archiepiscopo Arelateni, Aribaldo Episcopo Vzeticensi, Odulrico Episcopo Tricassineni, Geraldo Episcopo Vapicensi, Petro Episcopo Vassineni, Eldeberto Episcopo Auignionenensi, Stephano Episcopo Carpentorateni, Almerado Episcopo Rhegeni, salutationem & benedictionem. Ex parte Dei omnipotentis & beati Petri Apostolorum Principis, & mea qui Præsulatum licet indignus tenere videor Apostolicæ Sedis. Liquidum est Cluniacense Monasterium olim à VVILLELMO nobilissimo Aquitanorum Principe in pago Matisconensi constructum, ipso agente, cum Apostolicæ Sedis Pontifice, & Romanorum Imperatore, Regibus quoque Francorum & Burgundionum; quòd ita sit ab omni subiectione cuiuslibet personæ, siue Regis, siue Episcopi, siue Comitis liberum, ut aliquid debeat nulli nisi Deo, & sancto Petro, & Sedis Apostolicæ summo Præfuli. Quæ libertas à cunctis antecessoribus nostris, qui à conditione ipsius loci in hac sancta Romana Ecclesia fuerunt vsque ad nos, scriptis Priuilegiis, & à prælibatis Principibus, datis Præceptis tam de ipso loco, quàm de omnibus ad se pertinentibus, in Burgundia, Aquitania, Prouincia constitutis: videlicet Monasteriis, Cellis, terris cultis & incultis, corroborata & confirmata est; eo voto & desiderio, ut seculum deferentes, & in eodem loco sub regulari disciplina Christi seruitio ex toto semet mancipantes, absque vllius impedimento licentiùs Deo adhererent, & de ibidem Deo & S. Petro à fidelibus oblati, hospitalitate & egenorum curæ inferuissent. Quod hætenus, Deo propitiante, & Apostolica auctoritate suffragante, boni-

Tom. IV.

P.

ROBERTVS.

tate insuper circum se manentium adminiculante, inquantum potuerunt deuote fecerunt. Nunc verò, sicut in præsentia Deo deuoti domini ROBERTI Regis Francorum, Principumque eius & Optimatum, qui cum eo venerunt ad limina Apostolorum, & reclamatoria legatione dilectissimi filij nostri Odilonis eiusdem loci Abbatis, percepimus, ita malorum contra eos exardescens infurrexit & conualuit cupiditas & insania; scilicet terras ipsorum inuadendo, & substantias tam ipsorum quam pauperum sibi commissorum deprædando: vt multiplicibus angustiis & afflictionibus tribulati, nullo modo, sicut nunc vsque fecerunt, conuenienter Deo debitum obsequium valeant soluere, nec solitam curam superuenientium hospitem & pauperum possint exercere. Igitur quia in eodem loco iuges orationes, & Missarum celebrationes, & eleemosynæ fiunt pro statu sanctæ Dei Ecclesiæ, & omnium fidelium viuorum & defunctorum salute & requie, ipsius dispendium commune omnium nostrum est detrimentum. Et licet omnes boni fideles de eorum angustia & perturbatione debeant compassionem habere, & summo cum studio seruos Christi iuuare, vt absque vilo impedimento queant in sancto proposito persistere: ego tamen, ad quem post Deum & sanctum Petrum cura & prouidentia sæpediti loci specialiter pertinet, iuuamen & solatium auctoritatis Apostolicæ non desistam subministrare. Sunt autem crudeliores sæpenominati loci habitatorum persecutores; Ildinus omnis bonitatis inimicus, qui non solum in hoc illos irritat, quod sua, suorumque eis tollit; sed etiam quod suam nequitiam in illos retorquere cupidus, facit circum se manentibus intelligere, omnem iustitiam de malè à se commissis eis velle se facere: & ita eos in ipso placito & concordatione semper fallit & illudit, vt pro iusticia deteriore ab eo iniuriam suscipiant. Est & VVichardus de Belioco, qui eis tollit Ecclesiam de Tresdo cum omnibus appendiciis suis. Bernardus quoque de Retorterio, Hugo de Monte-Pauonis, & vxor eius Arilina, qui eis tollunt potestatem de Lasiaco, cum omnibus ad se pertinentibus, sicut diuæ memoriæ Comes LEOTALDVS primùm, deinde Milo religiosus miles per testamentum literarum olim contulerunt sancto Petro, & præfato loco. Falco nepos Iterij Clerici, & frater eius, omnesque consortes illorum, qui eis tollunt potestatem de Oiadellis cum omnibus appendiciis suis. VVarulfus de Branceduno, & frater eius VValterius Matiscensis Præpositus, qui eis contrarij sunt de precaria, quam tenebat de sancto Petro beatæ recordationis Leobaldus Episcopus, eorum videlicet auunculus; & de alia terra quam idem Præsul ante mortem suam, ipsam precariam restituens, ex sua parte donauerat sancto Petro. Durandus de Caudiaco, Aiminus de Caudiaco, Girardus de Centurpennis, qui eis contrarius est de villa Fontanedo. Robertus de Isleuée, qui tollit eis plantas, quas Bernardus Dolun interfectus dederat sancto Petro. Sed & illi qui eis contrarij sunt de potestate Sarrianis: necnon & illi, qui deprædationes & iniustas consuetudines faciunt & requirunt in potestate Valentiola, & in potestate Tudellera, & in Podio-odolenis: & in ceteris potestatibus, villulis, & terris ad præfatum locum pertinentibus. Sunt etiam alij quam innumerabiles, quorum nomina longissimum esset huic scedulæ inseri. Hos suprà nominatos, & omnes alios persecutores, deprædatores, & inuasores terrarum, & substantiarum ad sæpeditum locum pertinentium, more antecessorum nostrorum præfati loci ad nos specialiter pertinentis curam & prouidentiam habentes, ex parte Dei, & sancti Petri, & nostra, vocamus ad resipiscendum, & monemus, vt contrarietates & iniustas querelas, quibus seruos Dei inquietant & conturbant, quamcitiùs deponant. Terras etiam iniuste peruasas, & substantias deprædadas, cum omni integritate, iuxta rationem, quam cum eis inuenire potuerint, restituant. Sed de iniuria, quam sine causa illis intulerunt, cōgruè satisfaciant infra spatium quod est abhinc vsque in festiuitatem S. Michaëlis. Quod si fecerint, habeant gratiam, & benedictionem, & absolutionem Dei, & sancti Petri, & nostram. Si autem infra præfixum à nobis terminum monitioni & vocationi nostræ non adsenserint, sed contemptores & inobedientes extiterint, in sua malitiâ perseuerantes, cauterio Ecclesiastici examinis quasi putrida membra à corpore Christi præscindantur, sintque à liminibus sanctæ Dei Ecclesiæ procul repulsi, & à consortio fidelium alienati & excommunicati. Sint maledicti stantes & ambulantes, vigilantes & dormientes, ingredienti & egredientes. Sint maledicti manducantes & bibentes. Sit maledictus cibus eorum &

Aporus. Sit maledictus fructus ventris eorum, & fructus terræ eorum. Substineantque plagas Herodianas, quousque distrumpantur viscera eorum. Et cum Dathan & Abiron de terra viuentium perdit, cum diabolo & Angelis eius perpetualiter damnati, maneant in pœnis infernalibus sine fine cruciandi. Fiant etiam filij eorum orphani, & vxores eorum viduæ. Nutantes transferantur filij eorum, & mendicent. Eiicianur de habitationibus suis, omnibûsque maledictionibus, quæ in veteri vel nouo Testamento contineri videntur, maledicti & anathematizati subiaceant, quousque resipiscant, & nostræ vocationi & monitioni congruè satisficiant. Vobis etiam Fratribus meis & Coëpiscopis suprâ nominatis mando & præcipio auctoritate Apostolica, vt hanc meam confirmetis sententiam, & similiter illos excommunicetis; omnibûsque Presbyteris, & ceteris sacri Ordinis ministris vobis commissis excommunicare præcipiatis. Si quis autem vestrum (quod minime credo futurum) non obedierit huic nostræ iussioni, de contemptu inobedientiz nouerit se habiturum rationem ante tribunal Christi. Ipse nempe dixit, *Qui vos audit me audit, & qui vos spernit me spernit.* Sed & Seniori quàm reuerendo domno VVILHELMO Comiti, necnon præcipuæ bonitatis & dulcedinis domno HVGONI Comiti, domnôque RAINALDO Comiti filio supranominati domni VVillelmi; bonæ quoque indolis, ac totius affectu dilectionis amplectendo domno OTTONI Comiti: omni etiam reuerentia & veneratione dignissimæ domnæ ADELEIDI Comitissæ cognomento BLANCHÆ, nuriusque eius domnæ GERBERGÆ Comitissæ. Sed & illustribus viris domno VVigoni Vicecomiti, & fratri eius domno VVillelmo, domno quoque Odulrico, & domno Anfoldo, & ceteris Principibus & Optimatibus totius Burgundiæ, Aquitaniz, & Prouinciæ, qui auxilio esse possunt habitatoribus sapenominati loci, Apostolicæ benedictionis & absolutionis munus mittimus, ipsisque omnium suorum peccaminum veniam implorantibus; in cunctis benefactis, quæ à nobis & à ceteris fidelibus in hac sancta Romana Ecclesia quotidie fiunt, ex parte Dei, sanctique Petri, & nostra, partem & societatem damus: eo obtentu, vt semper adiutores & defensores prædicti loci, omniumque ad se pertinentium, de omnibus sibi contrariis existant. Quod si neglexerint, non solum tanto beneficio priuabuntur, sed insuper de potestate ob defensionem fidelium à Deo sibi data in die vltimi examinis sine dubio rationem reddent. Data Kal. Septembris.



FVLBERTI EPISCOPI CARNOTENSIS EPISTOLÆ HISTORICÆ.

*Cum veteri Exemplari MS. quod in Bibliotheca Viri Cl. Alex. Petauij
Senatoris Parisiensis adseruatur, diligenter collata, & variis
in locis emendata.*

EPISTOLA I.

*Edi. 5. Cod.
MS. 16.*



OMINO suo ROBERTO Regi serenissimo, FVLBERTVS hu-
milis Carnotensium Episcopus in gratia Regis Regum semper manere. **B**
GRATIAS referimus benignitati vestræ, quod nuper misistis
legatum vestrum ad nos, qui & vestram nobis sospitatem nun-
tians nos lætificaret, & fortunæ nostræ modum sciscitatus à no-
bis, vestræ Maiestati renunciaret. Ac tunc quidem scripsimus
vobis de malis quæ irrogat Ecclesiæ nostræ Gaufridus Vicecomes, qui nec Deum
nec Excellentiam vestram se reuereri satis superque indicat, cum & castellum de
Galardone à vobis olim dirutum restituit: de quo dicere possumus, *Ecce ab Orien-
te panditur malum* Ecclesiæ nostræ. Et rursus alterum ædificare præsumpsit apud
Illeras intravillas Sanctæ Mariæ, de quo & reuera dici potest, *En ab Occidente ma-
lum*. Nunc quoque de iisdem malis necessario scribentes conquerimur apud mi-
sericordiam vestram, consilium & auxilium petentes ab ea, quoniam à filio vestro
HVGONE super hæc mala nihil opis vel consolationis accepimus. Pro quibus
tacti dolore cordis intrinsecus, iam in tantum mœrorem nostrum prodidimus, ut
signa nostra iocunditatem & lætitiā significare solita, ab intonando desinere, &
tristitiā nostram attestari quodammodo iusserimus, officiūque diuinum hæte-
nus in Ecclesia nostra per Dei gratiam cum magna cordis & oris iubilatione cele-
brari solitum, depressis modò miserabiliter vocibus, & penè silentio proximis fieri.
Vnde pietatem vestram cum fletu cordis & mentis, genua flexi, præcamur, succur-
rite sanctæ Dei Genitricis Ecclesiæ, cui nos fideles vestros quantum possumus, li-
cèt indignos, præesse voluistis: quorum à vobis solummodò post Deum, in his quæ **C**
ingeruntur molestiis, consolatio & respiratio funditus pendet. Cogitate ergo qua-
liter ad his liberemur, & ut mœrorem nostrum conuertatis in gaudium, obsecran-
do Comitem Odonem, & ei vestra Regali auctoritate viuaciter imperando, ut
prædictas diabolici instinctus machinas vero animo destrui iubeat, vel ipse destruat,
propter Deum, & fidelitatem vestram, & sanctæ Mariæ honorem, & nostri adhuc
sui fidelis amorem. Quod si nec per vos, nec per illum irrita fuerit hæc quasi per-
petua nostri loci confusio, quid restat aliud, nisi ut penitus interdiciatis agi diui-
num officium in toto Episcopatu nostro? Ipsi inde, heu! inuiti, & maxima neces-
sitate coacti, aliquò exulantes, nec oculis nostris diutiùs sanctæ Dei Ecclesiæ con-
culcationem ferentes. Quod ne facere cogamur, vestram misericordiam iterum
iterumque flebiliter oramus: ne & illud, quod absit, apud extraneum Regem vel
Imperatorem fateri compellamur à vobis exules, noluisse vos vel non valuisse,
sponsam Christi sanctam Ecclesiam vobis regere commissam tueri.

A

EPISTOLA II.

DOMINO suo ROBERTO Regi benignissimo, Fulbertus Dei & sui gratiā Car-
notensium Episcopus statum plena felicitatis. POST QUAM transmissimus vo-
 bis literas per Ragenfridum Clericum, querimoniā nostrā, de oppressione quam
 Ecclesia nostra patitur, locuti sumus cum domino Rege HUGONE filio vestro,
 sciscitantes ab eo, cur nobis in tanta necessitate non succurrerit. Qui se contra nos
 humiliter purgans respondit, quia procul à nobis erat, ideò facultatem sibi venien-
 di in auxilium nostrum non fuisse: imò copiam virorum, qui se comitarentur, non
 habuisse. Cuius nos purgationis causam minimè discrederes, pro illo vestram cle-
 mentiam oramus, ne fiat aliena à vestro genito paternitatis vestræ gratia, si sanctæ
 Ecclesiæ non præstitit opem, quæ impossibilis erat ei præstari. Ad vos tandem, dile-
 ctissime Domine, nostri adiutorij summa redit, cuius gratuita bonitate Præfulis ho-
 nore fungimur, & tutelâ cuius posse eripi à malorum iniuriis omninò confidimus.
 Sed ab iis quæ modò nobis incumbunt, sine multo labore vestro speramus erui,
 dummodo prece & obsecratione cum Odone Comite obnixè agatis: quatenus
 idem nos ab illis expediat. Ceterum, serenissimam pietatem vestram appellamus
 pro eodem Rege filio vestro, qui satis superque desolatus incedit. Neque enim in
 B domo vestra cum securitate vel charitate licet ei manere, neque foris est ei vnde
 viuat cum honore Regi competente. Vnde vos oportet aliquid boni consilij repe-
 rire, & illi impendere, ne dum ille quasi peregrinus & profugus agit, paterni ani-
 mi fama vobis depereat.

EPISTOLA III.

NOTO NOTUS, R. Fulbertus. Hoc à vobis exigo, securitatem de mea vita,
 & membris, & terra quam habeo, vel per vestrum consilium acquiram. De
 auxilio vestro contra omnes homines, salua fidelitate ROBERTI. De receptu
 Vindocini castri ad meum vsum & meorum fidelium, qui vobis asscurabunt illud.
 Commendationem vestrorum militum, qui de nostro casamento beneficium te-
 nent, salua fidelitate vestra. Iusticiam de querimonia Sanctonis & Huberti; & de
 querimoniis Canonorum Ecclesiæ nostræ, & de legibus attriorum nostrorum. Si
 hæc facere vultis, paratus sum conuentionem, quam vobiscum iniij, obseruare: si
 non vultis, nolite me itinere fatigare. Valete.

EPISTOLA IV.

GLORIA & honore digno Patri & Archiepiscopo Ebalo Fulbertus humilis Episco-
pus cum venerabili Cenomanensium Episcopo Auisgaudo salutem. SCIENTES
 vos habere zelum diuinæ legis, nec minùs opitulari velle quàm debere Fratribus
 vestris, sed & plurimum posse: fiducialiter à vobis auxilium petimus in necessitati-
 bus nostris, ac nunc quidem singulariter in præcursores Antichristi Herbertum
 Comitem Cenomanis, qui Sedem Episcopalem eiusdem ciuitatis euertere nititur.
 Episcopum enim prædictum videlicet Auisgaudum in ea cum pace manere non
 finit: domos eius, & terras, & fruges, & omnia victualia, insuper & præbendas
 canonicas Ecclesiæ peruasit. Hæc itaque vos ad viuum sentire volumus, nisi quæ
 indissimulato propellere. Et vt facilem modum habeat petitio nostra, precamur
 vos illi commonitorium scribere, vt iam dicto Episcopo sua reddat, & cum in pa-
 ce viuere sinat. Alioquin pro certo nouerit, se à vobis & suffraganeis vestris ex-
 communicaturum iri, ex illo die quo eum excommunicauerit Auisgaudus Epi-
 scopus. Commonitorium autem, quod illi sacrilego vestra dignatio mittet, no-
 bis transcribi postulamus, & mitti. Vale in infinitum, Angele consilij magni te
 Consule Christe.

Edi. 8. Cod.
MS 96.

VENERABILI Fratri & Coëpiscopo Franconi Fulbertus salutem. SUPERFLVVM duxi longam fabulam nostri Senis transcribere, & mittere tibi: cum totam rationem eius, si qua est, ex mea breui responsione facile percipere possis. Fuitque huiusmodi. FRATRI in Domino & consacerdoti suo A. Fulbertus.

• **A**BSIT, Frater, ut credatur verum esse quod scripsisti, meum Archipræfulem & me tuam confessionem publicasse. non est enim verum. Tūque dum talia scribis, bene meritis de te ingratus es, & iniuste contumeliam facis. Si qua enim honesta tua nouimus, aut sperauimus, fideliter ea publicauimus, ad testimonium tuæ probitatis, contra illos maximè qui discessionem tuam ab Episcopatu auaritiæ, vel ignauix, vel turpitudini ascribere nitebantur. Si quæ verò occulta, quæ pœnitenda forent, nostræ fidei credidisti, cautè celata sunt. At si talia confessus es, quæ & prius & postmodò ore vulgi ventilata sint, ea nos occultare nequimus. Comperi autem ex Literis tuis tibi molestum esse, quòd te monasticæ vitæ diximus amato-rem: quòd quia nocere non intelligo, molestum esse demiror. Amor namque Religionis Episcopali gradu, quem repetis, dignum te potius quàm indignum efficeret, si nihil aliud impediret. Vtrum autem sit, vel quid sit quod impediatur, sagacitatem tuam non arbitror ignorare: si quædam grauis causa, quam dissimulas, non obstaret. Ea est huiusmodi. Si de repetendo Episcopio querimoniam incipere velis, non satis apparet cui eam iure intendere possis. Nullus enim te expulit, nullus Cathedram tuam te renitente peruasit. Sed tutemet vltro causâ ægritudinis, ut aiebas, curam Episcopalem simul & Cathedram reliquisti, ut perhibent: & siue Franconem tunc Decanum Parisiensis Ecclesiæ, siue quemlibet alium subrogari tibi verbis & scriptis à Rege petisti. Quod si ita est, & sic tibi consequenter substitutus est Franco eligente Clero, suffragante populo, dono Regis, approbatione Romani Pontificis, per manum Metropolitanæ Senonensis; fulcitur utique substitutio & consecratio eius fauore quoque & auctoritate beati Gregorij Papæ, qui scriptis suis sicut nulli Pontificum non petenti pro qualibet ægritudine succedendum fore docuit, ita voluntariè renuncianti Sedi suæ successorem nullomodo denegauit. Si quid aliud est, quare te Episcopatu carere oporteat, tute noueris. Sin autem, hoc tanti nobis esse videtur, ut te facere valeat recuperationis exortem. Quapropter desine curiosos instigatores audire, desine Reges & Principes inefficacis querimonix tædio scriptitationibus fatigare, & Ecclesiæ Parisiensi te importunè obtrudere velle, quæ ut fatetur, nec patronum te habuisse gauisa est, nec doluit amisisse. Quippe cum neque ex præsentia tua doctrinæ profectum, neque ex absentia senferit detrimentum. Viue memor nostri.

B

EPISTOLA VI.

C

Edi. 11. Cod.
MS. 76.

VENERANDO Parisiorum Antistiti Franconi Fulbertus Dei gratiâ Carnotensem Episcopus totius prosperitatis munus. LONDONENSEM illam sacrilegam, res Ecclesiæ vestræ diripientem, propter has causas excommunicare distulimus. Primò quia defuit qui ipsi ferre auderet nostram excommunicationem. Deinde quia parum vobis aut nihil fortassis prodesset, si illa nesciens excommunicaretur in Ecclesia nostra. Tertio quia expectauimus ut in conuentu nostrorum Comprovincialium Episcoporum vtilius hoc fieret. Quod etiam adhuc expectandum vobis videtur, si animi vestri serenitas acquiescat. De Lisiardo autem Archidiacono vestro, quem scripsistis in vos superbum ac rebellem esse, non opus est nos consulere; cum optimè nouerit prudentia vestra, quid de huiusmodi lex diuina sentiat, neque vos oporteat quemquam absentem & causâ indiscussa iudicare. Volumus autem vos scire, quòd Rodulfus noster de Nouigento, cui anathematis sententiam intentatis, propter querelam quam habent contra eum Monachi S. Dionysij, dicit se paratum esse ad iustificandum in audientia vestra, atque nostra. Proinde si litem hanc citò iustoque fine determinare vultis, constituite diem, quo vobis & Monachis S. Dionysij apud sanctum Arnulfum occurrere valeamus. Qui locus nobis ad conueniendum oportunior esse videtur. Valere.

EPISTOLA VII.

DOMINO suo ROBERTO Regi benignissimo, Fulbertus humilis Sacerdos in *perpetuum vivere.* SACRAM Maiestatis vestræ nuperrimè suscepì, mo- Edit. 13.
Cod. MS.
77.
nentem me VI. Cal. Aug. vestro & Henrici interesse colloquio, non solum vestri obsequij, sed & nostræ commoditatis causâ. Vnde suppliciter vobis pro tanta erga me pietatis affectione gratulans rescribo, me iam diu infirmatum, ægritudinem hoc tempore maximè reuereri, longum iter aggredi non audere. Successu verò temporis oportunioris, annuente Deo, libenter vos eò, siue aliàs comitaturum esse. Quamquam ad præsens si valetudo non obfisteret, longè tamen ante præmoneri me tanti itineris oporteret. Valete feliciter.

EPISTOLA VIII.

VENERANDO Normannorum Principi RICHARDO, Fulbertus Dei gratiâ *Carnotensium Episcopus, salutem, & orationum suffragia.* Edit. 14.
Cod. MS. 79. *MULTA* bona fecistis Ecclesiæ sanctæ Mariæ Dominæ nostræ. Retribuat vobis Deus per intercessionem ipsius. Nos quoque pro illis animæ vestræ corporique vestro & fideles fumens, & semper esse valeamus. Sed nuper ad nos insperata venit Legatio, quòd **B** ipsam terram, quam nobis dedistis, Baldricus minister vester reuocauerit, nostro ministro, quem ibi præfeceramus, aliquid disponendi potestatem interdixerit, suas etiam res inuasit, nostris hominibus nouam angariam induxit, banniendo scilicet ut irent ad molendinum sancti Audoeni, quinque leucis, ut ferunt, ab eorum auspiciis remotum. Si hæc, optime Princeps, vestro iussu, quod minimè credimus, facta sunt, plurimum vestri causâ dolemus: & ut corrigantur, suppliciter postulamus. Quin etiam iubeat prudentia vestra ministris vestris, ne vltius inquietent nostros homines, & deinceps terram prædictam ita liberè nos possidere sinant, ut eam benignissima vestra manu suscepimus. Vigeat diutissimè incolumitas & potentia vestra.

EPISTOLA IX.

PIISSIMO Duci Aquitanorum GVILLELMO, Fulbertus humilis Episcopus *fi-* Edit. 16.
Cod. MS.
104. *delitatem ex corde.* NON est mirum, serenissime Princeps, si quid moueris animo contra me, de hoc quod sapientissimo & sanctissimo Patri nostro Hilario tibi que debita seruitia non rependo. Magnam enim honorificentiam exhibuisti mihi, largosque dedisti munificentiae fructus, pro quibus nihil præsentis emolumenti recepisse videris. Sed est quod te reconfortare plurimum potest, hoc videlicet, quòd tuas gazas in Ecclesiæ beatæ Mariæ restaurationem expensas, non solum integras, verumetiam multiplicatas ab ipsa recipies. Ex parte verò mea, quamuis **C** perexilis portio mercedis æstimari possit, tamen quidquid sum & possum tuum est. Si autem de malitia seculi ortæ difficultates meum iter impediunt, ut te frequentare non possim, & dilationes meas expectare tædet, fac, benignissime atque dilectissime Princeps, de illa dignitate quam mihi commiseras quidquid animæ tuæ beneplacitum fuerit. Certò sciens, quòd ea causâ beneuolentiam meam erga te nunquam senties imminutam. Cetera quædam, quæ scribere nolui, Legato nostro, domino videlicet Raimone referente, cognosces. Vale.

EPISTOLA X.

FVLBERTVS Dei gratiâ Carnotensium Episcopus Comiti Gualeranno, & Comitibus *Gualterio, ceterisque filiis, fidelibusque suis, salutem & benedictionem.* Edit. 17.
Cod. MS.
105. *SCIATIS,* Fratres, quia Rex ROBERTVS benefacit cum Christianos adiuuat, & hereticos damnat. Et ad hoc debent eum adiuuare & confortare mecum omnes sui fideles: quia hoc ministerium eius est, per quod saluus esse debet. Sciatis iterum quòd Archiepiscopus Senonensis requisivit à me consilium, quid deberet facere de Raginaldo heretico, qui persequebatur Ecclesiam Dei. Et ego ei dedi tale consilium, quale ad suum ordinem pertinebat. Et ecce mitto vobis vtrumque scriptum, &

ROBERTVS.

complanctum suum, & consilium meum quod dedi ei secundum ordinem suum. A Si quis autem falsarius dicat, quod ego alterum ei consilium deinceps vel scripserim, vel dixerim, vel mandauerim: rogo ut me sicut Patrem vestrum spiritualem defendatis, quia fiducialiter hoc facere potestis. Valete.

EPISTOLA XI.

Edit. 29.

FVLBERTVS *Dei gratia Episcopus Guntario, Huberto Vicecomiti, Rogerio, Bucardo, Hugoni filio Hugonis, Ottredo, Hamelino, Hugoni filio Herbrandi, & uxori Guismandi, & omnibus illis qui tenent casamentum sancte Marie Carnotensis Ecclesie per donum Reginaldi Episcopi.* Voco vos & admoneo ex parte Dei & sancte Mariæ & nostra, ut infra proximum Pascha veniatis ad nos, aut nostrum seruitium facere, aut de vestris casamentis legitimam rationem reddere. Quod si non feceritis, excommunicabo vos propter contumeliam vestram, & interdico ut non audiat diuinum officium, nec viui recipiat communionem, neque mortui sepulturam. Quin etiam castellum Vindocinium, & territorium eius anathematizabo, ut in eis diuinum officium non celebretur, neque mortuus sepeliatur. Postea verò ipsa casamenta quæ tenetis aut vni aut pluribus dabo, ultra etiam vobiscum de illis non concordabo. Deus vos conuertat, filij mei.

B

EPISTOLA XII.

* In Cod.
MS. Diaconus.
Edit. 21.
Cod. MS. 4.

PLENO virtutis, & gratia circumfuso, charissimo Patri Abbati Fulbertus suus *. QVAM te resalutatione digner, ô sacer Abba, & ô magne Philosophæ: quod rependam muneris sanctæ amicitie, quam promiserunt signa gemmatæ facundie, vix æstimare sufficio. Nam cum illa quæ dicuntur esse victor animo teneas, cum illa quæ non esse forsitan vilipendas: quid ego conferre possim, quod tu aut non habeas, aut non habere contemnas? Sed quoniam philosophicis essentis magnum quiddam superest, atque ex his quæ non esse dicuntur quædam perpetua fiunt, ideoque sapientibus aliquando grata sunt, recipe quæso quod ab utroque tibi lectum offero. Denique ut participando super essentiam deitatis Dominus fias, sic te resaluto, ac perennem fidelitatis habitum amicitie tuæ rependo: hac scilicet differentia tuam benevolentiam meamque distinguens, ut illa pro maiestate personæ gratia vocetur ut Domini, ista fidelitas ut alumni. Præceptis itaque tuis modestissime deferuire cupiens, Mediolano discipulo quod precatus es facio, quæque tibi scribenda petisti, en omnia ferè iuxta fidem exarata transmittito. Abbate sancti Petri grauiter ægrotante, sed adhuc mentis & sermonis compote, Magenardus Monachus ante mihi non mediocriter charus noctu sese de claustro surripuit, & ad TETBALDUM Comitem, qui Blesis tunc morabatur, Abbatie petendæ gratiâ properauit. Comes illum postridie remisit ad nos cum legatis, qui denunciant recipiendum magnificè sicut Abbatem Monachis & Canonicis. At verò nobis ferè omnibus ea res æquè noua & horribilis fuit. Respondimus itaque longè nobis aliter videri. Nec enim legitimè fieri Abbatem, nec debere recipi qui Abbatiam alterius, ipso viuente, per ambitionem petit: qui à Fratribus non eligitur, & super illos nititur dominari. Postremò qui noster neque Monachus sit, neque Clericus, & plures habeat testes curialiter agitandi, quàm monasticè viuendi. Hæc ille non gratanter accipiens, ad Comitem redequitur: iramque iuuenis aduersum nos vehementer inflamat. Sed die quinto postquam suum ambitum publicauit, prædictus Abbas ægritudinem suam morte limitat. Conueniunt ad Capitulum Monachi nostri, & quidam Canonici quos ratio postulabat admitti. Interrogamus an aliqui Fratrum incæpto Magenardi faueant: negant singuli, negant omnes. Decreuimus ergo quosdam eorum esse mittendos ad Comitem, nobis * videlicet designatum Episcopum, ut patris obitum nuntiarent, & alterius eligendi regularem precarentur licentiam. Quibus missis, ecce alij duo, Viuianus scilicet & Durandus, alter illiteratus, alter literarum maleficus interpret, ambo Præpositi simulantes causâ communis commodi ad obedientias suas se velle exire, ac ne aliorum pergerent sibi interdicante Decano Monasterij, Magenardum tamen secuti sunt, cui cœptam præsumptionem occultè persuaserant, ut Blesis in præsentia do-

* fort. nos

A mini Tetbaldi ipsum Magenardum à Fratribus peti ac eligi perfidè mentiti sunt. Horum suffragio lætus Comes, statim cum baculo pastoralis publicè donat. Quo audito, Fratres qui in claustro remanserant contra hanc fraudulentiam zelo diuinæ legis accincti libellum reprobationis fecerunt, atque subscripserunt huiusmodi. Sciat omnis Ecclesia, quia Magenardum Monachum nostrum, Abbatem fieri non eligimus, non laudamus, non volumus, non consentimus: sed reprobamus, refutamus, & omninò contradicimus. Nos verò de Cœnobio sancti Petri, quorum nomina scripta sunt, Durandus Decanus, Gaudricus, Genesis, Robertus, Isembertus, Marcuinus, Alueus, Guarnerus, Richerus, VVarinus, Herbertus, Eurardus, Benedictus, Arnulfus, Gualterus, Beringerus, Herbertus, Bernardus. Isti itaque omnes sua nomina aut subscripserunt, aut subscribi fecerunt, me vidente. Die proxima Comes Tetbaldus redit, se in Monasterium recipi cum processione præmandat. Monachi respondent se libenter hoc agere, si præsumptorem illum non adduxerit secum. Ille denuò iratus, ipso die tamen sustinuit, sed in sequenti cum strepitu comminantium in sancti Petri Monasterium suum Magenardum obtrusit. Ad cuius violentum ingressum sancti Fratres contaminari ipsius communicatione timentes, sanctuario Domini salutato cum lachrymis exierunt, atque refugium aliud nescientes, ad limina principalis Ecclesiæ confugerunt. Ibi quoque non inuento Pastore, vtrinque desertæ oues mœstis sese vocibus consolantur. Sed recipit sancta Mater Domini solita pietate, recipit Rodolphus tuus dulci benignitate. Indè transierunt ad Cœnobium sancti Patris Herberti, cuius diues charitas de paupere censu quæque potest illis necessaria subministrat. Ceterum ille, cuius Fratres importunitate depulsi sunt, ab Heruiso quodam, ut aiunt, Britannicæ regionis Episcopo, iv. Non. Febr. Abbas simulatus est in suburbio Carnotensi absente Clero, indignante populo, legato Archipræfulis palam contradicente ne id fieret, reclamantibus etiam quibusdam Monachis, qui in loco remanserant vero vultu, viua voce, atque regulari auctoritate. Sed quid inter furentes ratio? Sed & nunc ille primas in Abbatia suggestu, seculari potentia fretus, de peracta victoria gloriosus, factores eius Abbates, Episcopos, atque ipsum Papam ambiendo, ne quid grauius statuatur in illum modis omnibus elaborant. Iacet interim victa, confusaque Fratrum expulso humilitas, nec est Præsul in Galliis, cuius viscera tangat affectio pietatis, aut zelus sacræ legis inflammet, ut consurgat ad frangendos impetus errorum, ad releuandas spes dolore tabescentium. Defuncta etenim est Dionysij fortitudo, non comparet pietas Martini. Tu quoque dereliquisti nos, sancte Pater Hilari, qui olim vnitatem Ecclesiæ Spiritus sancti gladio tuebaris. O derelicta, ô mœsta, ô desolata Galliarum Ecclesia! quæ iam erit spes salutis vltior? Vbi ampliùs afflicta Christiani anima respirabit? Hoc nempe solum vel maximè nos confortare videbatur: quòd si contingeret ruinas mœnium tuorum refarciri non posse, liceret saltem ad firmum adhuc capitolum Monasticæ vitæ confugere. Quod etiam si furibus irreptare, aut impunè quibuslibet ambiosis inuadere licet, proh dolor! funditus cecidisti. Vnde iam ad te reuertens, venerande Pater, quem ego credo & video ad nitorem à Domino nobis esse prouisum, cum Domino meo, tuoque fideli Rodolpho, deprecor & obtestor per ea quæ tibi data sunt sapientiæ sanctæ charismata, per dulcedinem fraternæ charitatis, si quid potes impugna hostes Domini, Fratres allisos refoue, nec perire sinas inopiâ solatij tui, pro quibus credis esse fustum sanguinem Christi. Vale.

EPISTOLA XIII.

DOMINO sancto & venerabili Papæ IOANNI, Fulbertus Carnotensium humilissimus Episcopus orationum fidelis. GRATIAS omnipotenti Deo, qui more benignitatis suæ tuam, Pater, humilitatem respexit, & summo ut decebat dignitatis apice sublimauit. Proinde totus mundus ad te conuertit oculos, & quæ vnum omnes beatissimum prædicant, contemplantur altitudinem tuam sancti viri, & gaudent quòd eis similitudine omnium virtutum alludis. Respiciunt persecutores Ecclesiæ, districtiōis tuæ baculum formidantes. Suspiciunt ij qui flagellantur ab impiis, & respirant: sperantes adhuc restare sibi consolationis remedium. De quorum numero sum ego magnæ & præclaræ Ecclesiæ pusillus Episcopus, qui tibi, Pa-

Ed. 22.
Cod. M. S. 1.

ROBERTVS. ter, de angustiis meis querimoniam scribens, auxilium tuæ pietatis imploro. Est enim quidam Comes malefactor nomine **RODVLPHVS**, nimium vicinus nobis, qui res Ecclesiæ nostræ per iniustam occasionem inuasit, vnum de Clericis nostris suis manibus interfecit, duos alios captos sacramentis illigauit. Et de his omnibus appellatus in Curia Regis, & coram plena Ecclesia sæpè vocatus, non propter hominem nec propter Deum ad iustitiam venire dignatus, à nobis tandem excommunicatus est. Nunc verò ad limina sancti Petri contendit, tanquam ibi possit accipere de peccatis absolutionem, vnde venire non vult ad emendationem. Vnde rogamus te, dilectissime Pater, cui totius Ecclesiæ cura commissæ est, vt eum de sanguine atque iniuria filiorum tuorum ita arguere & castigare memineris, sicut meritum esse tua prouidentia nouit. Nec tua Sanctitas iniuste in communionem recipiat; quem diuina auctoritas sicut ethnicum alienat. Vale, bone Pastor, & vigila super nos, ne per incuriam tuam grex Domini detrimentum sustineat.

EPISTOLA XIV.

Edit. 23.
Cod. MS. 1.

DILECTISSIMO Patri & Archiepiscopo suo Leutherico, Fulbertus Dei gratiâ Carnotensium Episcopus orationis suffragium. **M**VLTVM amoris atque fidelitatis tibi, Pater, me debere censeo, per cuius manum à Deo benedictionem & sacram vnctionem accepi. Vnde animus meus ita pendet ex tuo, vt quicquid te iusta ratione aut contristat aut hilarat, idem me si resciscam simili modo afficiat. **C**ongratulor itaque tibi super inuentis sacris; & Deo, qui ea tempore tuo reuelare maluit, pronus gratias ago. Deinde verò quòd Arnulphum casatum Ecclesiæ nostræ tibi tuisque scripsisti iniurium, ægrè contra illum & accepi & fero. Vnde mox ad villam Alogiam, vbi tunc esse dicebatur, misi legatum meum. sed in alias partes abierat. Vxor tamen eius mihi remandauit, quòd vbi redierit statim ad me veniet. Quòd si veniens tibi satisfacere voluerit, per meas literas scies. Alioquin vltra terminum, qui à te præfixus est, in nostra communione non erit. Simoniacum verò Presbyterum, de quo mihi mandasti, in diocesim Ordinatoris sui repelli suadeo: aut si in tua manserit, ab officio suspendi, ne Ecclesiæ tuæ candor immundæ heresis contagione sordescat. Vale, Pater optime, filij tui memor.

EPISTOLA XV.

Edit. 24.
Cod. MS. 2.

DILECTISSIMO Patri & Archiepiscopo suo Leutherico, Fulbertus Dei gratiâ Carnotensium Episcopus suffragium orationis & obsequium fidelitatis. **A**RNVLPHVM fidelem meum arguendo conueni de his iniuriis, vnde mihi querimoniam scripsistis. Sed ille respondit, se non diffugere iudicium, sponte venire ad placitum. Vnde per consilium & suum eius totam hanc causam in vestram dispositionem mittimus: vt constituatis diem, quo vos & nos, & alij quorum interest, conuenire possimus, iuxta castellum Ebræ, videlicet super ipsam terram sancti Benedicti, de qua contentio est. Arnulphus enim in expeditionem cum **O**DONE Comite proficisci constituit. Vnde vos talem diem præscribere oportet, vt & ille de expeditione possit esse reuersus, & ego meis negotiis exoccupatus possim vobis occurrere. Vale.

EPISTOLA XVI.

Edit. 30.
Cod. MS. 30.

SACRO Senonensium Archiprasuli Leutherico Fulbertus Dei gratiâ Carnotensium Episcopus, virtutem suæ dignitatis excellentiæ competentem. **O**DOLRICVM Aurelianensem ego quidem ad Episcopum non elegi, sicut vobis dictum est, sed à Clero & populo suæ ciuitatis electum sacraui Presbyterum. Quòd autem eum Romam ire velle audistis, & ibi creari Episcopum, dissuasi vestri honoris gratiâ. Sed & ipse gratanter dissuadenti paruit, suggerentibus fidelibus suis, Rodolpho scilicet, & Herfrido. Multis occupatus, pauca vobis rescribere cogor. Saluto vos quantum possum in Domino, paternitati vestræ deuotus suffraganeus.

A

EPISTOLA XVII.

E GREGIE dilecto Coëpiscopo suo Guidoni Fulbertus. AMOR iustitiæ, qui tuam, Pater, animam imbuit ab natiuitate, fecit eam offensam, & ab excessibus cautam. Cuius rei fidem cum ex aliorum dictis, tum ex literis tuis euidenter accepi. Sed ab ordinatione Ebali Remensis Archiepiscopi non valde tibi metuendum puto esse; si est, ut dicitur, ab infantia Christianus, sano sensu, sacris literis eruditus, sobrius, castus, amator pacis, & dilectionis, nullo crimine, nulla infamiae nota turbatus, tandemque à Clero & populo suæ ciuitatis electus. Magni etenim viri, ut optimè nosti, Ambrosius Mediolanensis, & Germanus Autissiodorensis, alique nonnulli, quia tales in laïco habitu extiterunt, subitò nobis sancti Præsules exierunt. Domnus verò Papa, cuius animaduersionem te reuereri significasti, non est quod tibi merito debeat succensere, si te grauiter collapsæ sanctæ Remensi Ecclesiæ aliquam spem resurrectionis audierit prouidisse. Vale in perpetuum memor mei verè fidelis tui. Illi quoque valeant, qui tuam memoriam mihi commendauerunt.

EPISTOLA XVIII.

B

VENERABILI Bituricensium Praefuli G. Fulbertus humilis Carnotensium Episcopus, incrementa virtutum. LEGATVM vestrum diu detinui, quia Salomon Abbas cum quibusdam Monachis aberat, sine quorum consultu vobis responderi non oportebat. Quos, ubi redierunt, commonui, ut sese ad audientiam præsentarent contra domnum Tetfridum. Ipsi verò responderunt, se messiuo tempore occupatos, lites ad præsens agitare non posse. Sed Idibus Octobris in Aurelianensi Concilio, quod futurum esse destinauimus, constituent vobis proximum audientiæ & diem & locum. Tantummodo Fratrem suum Dodonem, qui est apud vos, reddatis eis infra prædictum terminum. Interea oblatae sunt nobis quædam literæ sub vestro nomine conscriptæ ad domnum Arnulphum Abbatem sancti Petri, significantes vos excommunicasse Monachos nostros. Sed auctoritatem, quæ vobis id liceat, me non memini vidisse. At si apud vos habetur, nobis eam debetis ostendere: ne fortè si non ostendatur, aut temerè, aut minimè excommunicati esse dicantur. In literis etiam, quas mihi nuperrimè direxistis, confictam inueni reprehensionem meam de ordinatione Salomonis Abbatis hoc modo: Miramur quæ auctoritate fieri potuit, ut sine audientia subditus Prælato præpositus sit. Quod, ut puto, mirari non debetis, quia non est: sed illud potiùs attendere, quod est. Non enim hoc sine audientia factum est. Neque subditus Salomon Tetfrido adhuc Prælato præpositus est. Domnus namque Tetfridus à suis Monachis criminatus, ut scitis, apud me de infamia sua querimoniam fecit, eorumque malitiam se ferre non posse dicens, sub audientia mea, & eorum, qui mecum erant, prælationi suæ perpetualiter renunciavit: astringens Abbatem Monachorum Bonæ-vallis ulterius se non esse futurum. Sicque petita à nobis migrandi licentiâ, transiit ad vos. Monachi verò, qui in Bona-valle remanserant, hoc scientes, alium quendam ex Fratribus suis electum, eò quòd inreprehensibilis esse videbatur, obtulerunt DONI Comiti Abbatiam illa donandum, ut mos erat, mihi que deinde consecrandum. Is interim locum Pastoris tenet. Si quis ergo est, qui me super hoc facto præsumpti ouis arguat, nouerit me respondere paratum, & hoc tam ratione quàm auctoritate approbaturum. Quòd si quis Abbatum vel animi vel corporis ægritudine molestatus, prælationem suam in perpetuum renunciando deferat, Episcopus ipsius diocæsis in loco eius alterum debeat ordinare. Valete.

EPISTOLA XIX.

PATRI & Coëpiscopo Franconi Fulbertus Episcopus plus boni quàm sit meritis. GVALERANNO mihi literas huiusmodi: Fulbertus Episcopus G. plus honoris quàm sit meritis. Rogo, Frater, & moneo, ut emendes culpas quas habes contra Deum, & me, & Parisiorum Episcopum, qui complanctum facit de te. Quod

ROBERTVS.

si non feceris ante mediam Quadragesimam, abinde faciemus de te sicut de homine qui grauius peccat, & non vult emendari. Si ergo Gualerannus se non iustificauerit vobis ante terminum præscriptum, tunc facite de illo ministerium vestrum. Vale quamplurimum.

EPISTOLA XX.

Edit. 43.
Cod. MS. 94.

FVLBERTVS Dei gratiâ Carnotensium Episcopus, venerabilem Patrem & Coepiscopum suum F. cum venerit Dominus inueniri vigilantem. COMMONITVS à legato vestro Gualerannus de iustitia prosequenda in diem & locum destinatum à vobis, respondit: Se esse præmonitum ab ODONE Comite sub nomine sacramenti, de facienda expeditione contra FVLCONEM circa eundem diem. Verum infra octo dies, ex quo illa expeditio vel facta erit, vel omissa, venturum se esse ad iustitiam pollicetur. Sed quando ille promissionis suæ adimplendæ terminum fixum non statuit, & multæ causæ protelationis incidere possunt, vel certè quæ nobis conueniendi adimant facultatem; suademus, si honestè fieri possit, per vestros necessarios rem accelerare, & vestrum vobis casatum firmiter alligare. Nescitis enim quid fortuna parturiat. Valete.

EPISTOLA XXI.

B

Edit. 43.
Cod. MS. 65.

A. clare Laudunensium Præsuli Fulbertus Carnotensium Sacerdos. De grandi iniuria nobis facta conquerimur apud te, magne Pater, quem ex debito charitatis & officij talia curare oportet. Causa verò huiusmodi est. Quodam Ecclesiæ nostræ Subdecano defuncto, petiit à nobis R. Siluanectensis Episcopus dari sibi, aut fratri suo, ministerium eius. Nos autem respondimus, non conuenire sibi, eò quòd Episcopus esset, neque fratri ætati adhuc & moribus immaturo. Tunc elegimus de numero Sacerdotum nostrorum ad illud officium Eberardum quendam scientem ac religiosum virum. Quod factum prædictus R. materque & frater ipsius adeò inuiderunt, vt sancto viro coram pluribus, qui testes indè sunt, terribilia minarentur. Et dictum facto non caruit. Venerunt enim de ciuitate Siluanectis ad nostram quidam ex domesticis eorum sic necessarii, vt absentia illorum nec per vnum diem ignorari potuerit: qui interdum quidem latuerunt, sed profunda nocte egressi, sanctum illum Presbyterum more solito venientem ad Ecclesiam, quasi lupum rabidum lanceis, fallastris, & gladiis in ipso atrio principalis Ecclesiæ trucidarunt. Clerici autem eius, qui expeditum Dominum tardè securi sunt, inuenerunt eum adhuc extrema verba Protomartyris Stephani prædicantem *. Porro carnifices præsidio noctis incogniti iam diffugerant, & cui crimen hoc intendere-
tur, erat incertum: cum quidam propter minas præteritas domum R. quæ erat apud nos, suspectam habentes, reppererunt in ea vernaculum quendam vestes suas
& calciamenta lora siccantem. Ex quo signo coniectura incepta; cum ad causam huius lauacri dicendam homo acrius vrgeretur, se facto de quo agebatur affuisse confessus est, sociosque prodidit, & ordinem rei gestæ exposuit. Nos denique totum hoc altius perscrutantes, pro certo ita esse comperimus. Comperimus, inquam, inuidiæ liuorem, fraudem malitiæ, sacrilegij nefas crudele, cruentum, & singulare facinus in occisione sanctissimi Sacerdotis. Nunc ergo tanta causa, quia indicatio eius obscura non est, solam vt vides ultionem expostulat. Sed cum iuris sit ad vtilitatem Reipublicæ cunctos punire maleficos, illos tamen vehementius exturbare necesse est, qui in Deum & Sanctos eius tam impiè, tamque crudeliter audent. Quid enim mali vltius, vel certè æquè magnum excogitari queat? Multò nimirum leuius illi complices Choræ peccasse videntur, quos tamen iudicio Dei terra viuos absorbit. Nam si illi Sanctos Dei contempserant, non vtique trucidarant. Quòd si tales socordia, vel iniquitas iudicum reliquerit impunitos, cum hoc facere conspirare sit in contumeliam Dei, & exponere seruos eius ad eadem: quid restat, nisi vt ipsius summi Iudicis ira defæuiens & hos & illos inaudita mortis atrocitate disperdat? Proinde nobis, quibus idem Dominus Ecclesiæ suæ Tribunalia commisit, apprimè necessarium est Regem nostrum, nosque inuicem modis omnibus excitare, ne repente feriamur in huiusmodi socordia oscitantes. Quod

* ad. profec-
rentem.

A Quod ergo te facere deprecor, magne Pater, cui Deus benè suadendi copiam incomparabilem dedit, simulque ut ipse mecum prædictos maleficos citra legitimam satisfactionem excommunices, quos tamen usque in finem à communione priuandos esse non nescis. Vale.

ROBERTVS.

EPISTOLA XXII.

VENERABILI Rothomagensium Archipresuli R. Fulbertus humilis Episcopus *si qua valet orationum suffragia.* Edit. 51. Cod. MS. 55. PROCACITAS G. cuius mihi mentionem fecistis, satis superque fatigauit me de nouis connubiis expetendis. Sed ego semper obstiti, dicens non licere ei sua vxore viuente alteram vsurpare. Nunc ergo tandem rogauit me seu callidè, siue simpliciter, ut sibi aut vxorem suam fugitiuam redderem, aut eam si reniteretur excommunicarem. Alioquin diceret, quod ego & illa pariter faceremus eum mœchari. Conuenta igitur de hac causa mulier, respondit mihi, nunquam se redituram ad illum. Et quia certò nouerat mores suos cum moribus G. conuenire non posse, velle se potius renunciare seculo, & Monacham deuenire. Tantùm si Gualeranus sibi vel centum libras nummorum Carnotensium ferendas ad Monasterium daret. Ego verò inter hæc Monacham illam nec fieri prohibeo, nec compello: sed nec ut ad virum odientem peritura redeat, coarctare præsumo. G. autem sæpè mittit ad me, licentiam ineundi connubij noui petens: illam se gurgisse, suamque pecuniam recepisse, licet non verè, protestans. Ego verò interdico ei licentiam istam, donec vxor eius aut Monacha facta sit, aut defuncta. Quorum utrum prius futurum sit, nescio. Si ergo de hac causa meum consilium vultis, quod ego facio, idem vos suadeo facere. Hoc adiiciens, ut si causam hanc acriter censura pertractare velitis, ex mea parte non contradictionem, sed suffragium vos habere sciatis. Capitula canonum ad hanc causam pertinentia nobis subscribere non vacauit ad præsens, hostium persecutione turbatis. Scribemus autem & hæc, & alia libenter in obsequium vestrum, si Deus concesserit nobis salutem & pacem. Valete

EPISTOLA XXIII.

VENERANDO Remorum Archipresuli Ebalus Fulbertus Carnotensium humilis Episcopus. Edit. 59. Cod. MS. 97. ANGVSTIÆ tuæ compatiens, O DONEM Comitem arguendo conueni. Respondit tandem, quod in te deliquerat emendare se velle, & ad tollendam animi tui ægritudinem adiuuare, quod maximè desideras, ut Remensis Ecclesia respiceret ad pristinam dignitatem. Si hæc tibi facere voluerit, recipere suadeo, ut quamprimum expeditus redeas ad officium tuum. Deinde suggero, etsi non indiges, ut ad pacem pauperum componendam tota mente satagas, quos Cui Reges & Principes vehementer affligunt. Propterea Beroldo Episcopo referente, audiui sic te mœrore afflictum, ut curam gregis Domini relinquere velis. Quod ego acriter & amicè redarguo, testans te, si hoc egeris, non fuisse Pastorem. Vale, memor uel peccatoris in orationibus tuis.

EPISTOLA XXIV.

VENERABILI Patri & Coepiscopo suo G. Fulbertus. AD benedictionem Edit. 59. Cod. MS. 29. HENRICI Regis prolis voto quidem raptor, sed aduersa me corporis valetudo retardat. Tentarem tamen ut eunque moderatis equitationibus eo peruenire, si non absterret sæuitia matris eius; cui satis creditur, cum mala promittit: fidem facientibus multis & memorabilibus gestis eius. Qua difficultate prohibitus, rogo vestram charitatem, dilectissime, ut vice mea suadeatis domno Archiepiscopo Remensi, ceterisque Primoribus, ne qua occasione differant benedictionem iuuenis supradicti. Spero enim illum Deo & bonis omnibus placitum. Valete.

Tom. IV.

Q

EPISTOLA XXV.

A

Edit. 70.
Cod. MS.
85.

FVLBERTVS indignus Episcopus ineffabiliter charo Patri & Domino suo O. cum Cherubin & Seraphin odas loqui. QVANTAS animo concipere possum tibi gratias habeo, sancte Pater, qui meo arbitratu tædiosam & vix tolerabilem importunitatem meam quasi pro deliciis habes: seruoque & sua tibi debenti omnia versa vice Dominus paras obsequia. Verè viuit hîc, & fulgorat illa fortis & speciosa charitas, quæ secundum Apostolum patiens est, benigna est, & cuius vigor nunquam excidit. Hoc denique præsentialiter fruendi desiderio maceror, sed graui ad præsens difficultate detineor. Malefactor enim ille Gaufridus, quem pro multis facinoribus excommunicaueram, incertò vtrum desperatus, an versus in amentiam, collecta multitudinè militum quò ducendi essent ignorantium, villas nostras improuiso incendio concremauit, nobisque quantas potest machinatur insidias. Super his itaque ne tantæ causæ indiscussæ, vel inultæ remaneant, necessariò mihi conueniendus est primitùs O DO Comes. Quòd si dissimulauerit, restabit Regis & Richardi rogare patrocinia. Quòd si isti quoque opitulari neglexerint, quid melius mihi restet non video, quàm hæc missa facere, & Christo secretiùs deseruire. Valete.

EPISTOLA XXVI.

B

Edit. 72.
Cod. MS. 8.

FVLBERTVS Dei gratiâ Carnotensium Episcopus GAVSLINO Abbati regulariter agere. PRÆSVL Aurelianorum qui vos excommunicauit, Coëpiscopos suos idem facere poscit. At ego correctionis vestræ non expers, in Kal. Octobris ei respectum dedi. Vnde nunc, frater, commoneo, vt gradus humilitatis interim vel vsque ad tertium relegendo, Episcopo vestro subiiciamini, sicut decet. Aut si vobis non ita faciendum esse videtur, cur fieri non debeat rationem nobis intimare non pigeat. Ego enim neque legem, neque modum ratiocinationis inuenire possum, qui vos ab iugo subiectionis huius absoluat. At si quis alius præter vos inuenisse fateatur, nouum illum Rhetorem de cælo magis cecidisse, quàm descendisse crediderim. Videte ne quis vos seducat inanibus verbis.

EPISTOLA XXVII.

Edit. 80.
Cod. MS.
34.

FVLBERTVS humilis Episcopus fratri H. DIC charissimo nobis Principi GVILLELMO perpetuam felicitatem cum orationibus, ex parte nostra, & totius Cleri ac populi nostri: propter eleemosynam quam misit ad restaurationem Ecclesiæ nostræ. Deindè verò nos prædicasse publicè, sicut ipse mandauit, virtutem Dei per meritum sancti Ioannis ostensam in districtione Gaufrerti, cum exultatione & gaudio omnium qui audierunt. Monuisse quoque Bituricensem Archiepiscopum per quendam Monachum suum, vt sese pacare non negligat cum ipso domino GVILLELMO, & Episcopis eius, priusquam sibi exindè scandalum oriatur. Tibi etiam misisse sibi exponendas sententias Bacharij, Bedæ, & Rabani, de fine Salomonis, vnde fecerat quæstionem. Sed & de præbenda quæ vacat, sicut & de omni bono, voluntati eius me præbere consensum. Præterea scias, me propter te magistro S. veniam indulgisse. Ceterum Tigrinus summonebat, vt mitterem vobis aliquem procuratorem ad colligendas fruges: sed ego totum hoc curæ tuæ committo, te exercitans, illum probans. Adiutorem Scholarum nolo tibi mittere, qui nondum affecutus sit maturitatem ætatis, & grauitatem morum. Vtere interim clientelæ tuæ qualicunque subsidio, donec causam comuni consilio pertractemus. Vale.

EPISTOLA XXVIII.

Edit. 84.
Cod. MS.
16.

BENIGNISSIMO atque dilectissimo Domino suo ROBERTO, Fulbertus Dei gratiâ Carnotensium Sacerdos. COGNITA benigna voluntate vestra, consilioque prudentiæ vestræ comperto, quia sanum est vt solet, voluntati obsequor, consilio adquiesco: & iter institutum ad præsens omittens, in tempus à vobis constitutum differo peragendum, si annuerit Deus. Si ergo de iustitia, de pace, de statu

A Regni, de honore Ecclesiæ vultis agere, ecce habetis me paruum satellitem pro ROBERTO, viribus opitulari paratum. Vale.

EPISTOLA XXIX.

I N *perpetuum diligendo Domino suo Regique* ROBERTO, *Fulbertus Sacerdos.* Edis. 87.
Cod. MS. 17.
QVÆSO, Domine mi, ne indignanter accipias quòd tibi proxima Dominica Parisius non occurri. Scias enim pro certo, quòd nuntij fefellerunt me, dicentes te illuc ipso die non affore. Sed propter ordinationem cuiusdam Episcopi me vocari, quem omninò non noueram, nec sacram tuam nec Epistolam Archipræfulis mei de ordinatione ipsius acceperam. Vnde si quid delicti penes me est, seductus sum aliena fallaciâ. Facilis tamen debet esse remissio apud Regiam pietatem, cùm etiam apud forenses iudices status sit huiusmodi venialis. In toto corde meo diligo te, ne repellas me à mandatis tuis. Vale.

EPISTOLA XXX.

B REGI *Sacerdos*, ROBERTO *Fulbertus, fidelis & pronus.* ACCEPTA legatione vestra per R. sanctæ Crucis æconomum destinatum, peregrinationem iterum intermisi. Nunc quid me velit serenitas tua colloquio magis, si fieri possit, quàm legatis aut Literis cupiam edoceri. Venire autem ipse protinus ad vos huius rei gratiâ, si commodè possem. Sed venire in armis; sacrum tempus abnuitt, ac religio nostri ordinis. Venire inermes, longa via interminatur, ac malitia secularis. Est enim mihi O. coluber in via, R. cerastes in semita. Ceterum ex arbitrio vestro pendeat, amodò quo pacto voluntatem vestram mihi placeat indicare. Quoniam apud me definitum, voluntati vestræ, quæ vobis non noceat, conuenire. Valete regaliter.

EPISTOLA XXXI.

D ILECTISSIMO *Domino suo Regi Francorum* ROBERTO, *Fulbertus humilis* Edis. 87.
Cod. MS. 82.
Episcopus sanctæ virtutis augmentum. SI nobis omnes peruagandæ facultates simul cum voluntate suppeterent, interesset vestræ pietatis leuitatem nostram arguere, & ad nostræ Ecclesiæ, quæ destructa est, restorationem assiduam reuocare. Nunc verò cùm omnes huiusmodi facultates desint, & nos ad assiduitatem necessitudo magna coërceat, quomodo sapientiæ vestræ dignum videri possit, ut vel nos, vel Clerum nostrum de qualibet lingua processione commoneat? Sustinete potius, sancte Pater, sustinete imbecillitatem nostram, supplete indigentiam nostram: ut Deus omni bono refocillet charam animam vestram. Valete regaliter.

EPISTOLA XXXII.

B ENIGNISSIMO *Domino suo Regique* ROBERTO, *Fulbertus humilis Sacerdos* Edis. 88.
Cod. MS. 81.
si qua potest orationis suffragia. EX parte Celsitudinis vestræ dictum est nobis, quòd domnum Franconem Parisiacensi Ecclesiæ dare vultis Episcopum; & ad hoc peragendum nostræ humilitatis habere fauorem. Nobis autem videtur, quia si Episcopus, de quo agitur, aptus * est, Clericus est optimè literatus, & ad * al. spectus.
fermonem faciendum agilis. In qua re omnes Episcopos decet esse non minùs quàm in operatione potentes, atque discretos. Vnde si hoc fieri posse canonicè domni Archiepiscopi Senonensis & Coëpiscoporum nostrorum probauit sagacitas, nostrum etiam, qui de hac discussione appellati non fuimus, habeatis assensum. In nullo enim, quod bonum sit, coram Deo vestræ voluntati nitimur contraire. Vigeat Excellentia vestra.

EPISTOLA XXXIII.

D ILECTISSIMO *Domino Regique* ROBERTO, *Fulbertus humilis Episcopus* Edis. 89.
Cod. MS. 91.
humilitatem in prosperis, fiduciam in aduersis. DE Lisiardo Clerico, qui Meldensis Episcopij res odiosa importunitate peruasit, tale consilium damus.

Tom. IV.

Q. ij

ROBERTVS.

Præcipite Archiepiscopo Senonensi, vt vel Episcopium ipse visitet, vestraque & sua ditioni reuocet, vt dignum est: vel si id facere prohibeatur, manda prædicto Lisiardo per Literas ex sua & nostra, suorum videlicet suffraganeorum, parte conscriptas, vt cedat loco & rebus stultè perualis, & de præsumptione sua nobis satisfacere studeat ante proximam festiuitatem sancti Petri Apostolorum Principis. Quod si facere neglexerit, extunc inantea à nobis omnibus excommunicatus sit. Valete.

EPISTOLA XXXIV.

Edit. 90.
Cod. MS.
98.

DILECTISSIMO Domino suo ROBERTO Fulbertus Episcoporum humillimus, consilium & fortitudinem à Deo. CVM præsentia mea nequico, saltem Literis te reuiso, mi Domine, sciscitans de fortunis tuis, & exponens aliqua eorum quæ geruntur in partibus nostris. Carnotenses adhuc plerosque detineo, ne in tuum nocumentum erumpant. Sed Herebertum & Gaufridum nullo interdicto refrænare potui. Faciunt tibi mala quæ possunt, minantur quæ non possunt. Virtus Altissimi conterat & disperdat superbiam illorum. Quidam autem vernaculi tui, qui ab eisdem malefactoribus iniuriam passi sunt, Martinus scilicet de Villeri-monte, & filij eius, iram suam retorquent in terram sanctæ Domine nostræ, diripientes fruges & cetera bona nostra, quæ in vicinia sua sunt. Nos verò inulta hæc patimur propter te, expectantes & deprecantes iustitiam tuam. Sunt hæc & alia multa, mi Domine, quæ me nimis angustiant. Satis enim oneri esse videbatur aduersa corporis valetudo. Sed tamen illud ægrius tolerabam, quod res Ecclesiæ in superfluatorum domesticorum victualia sic expendere compellebar ex praua consuetudine prædecessorum meorum; vt officium hospitalitatis & elemosynæ, sicut mea interest, administrare non possem. Nunc autem res ipsas, quantum erant, passim inimici diripiunt. Additur his malis incendium Ecclesiæ nostræ. Quam cum vnde restaurem, sicut decet, non habeo, mihi quoque necessarios sumptus indulgeri detrecto. His itaque & pluribus aliis difficultatibus circumuentus, quas vel pudoris lex vel breuitatis enumerate vetat, multa mecum agito: non vt ærumnas in hac vita euadere coner, quod est impossibile, sed vt aliquo labore quamuis arduo valeam restaurandæ Ecclesiæ opem ferre. Huius verò consultationis meæ finem tibi Domino meo reuelatum iri disposui, cum Deus dederit tui oportunitatem alloquij. Valete perenniter.

EPISTOLA XXXV.

Edit. 91.
Cod. MS.
100.

SERENISSIMO Regi Francorum ROBERTO Fulbertus humilis Carnotensis Episcopus, quod decet & prodest. GRATVLOR tibi, Domine mi, quod fonte bonitatis, vt semper irriguus, negotium Dei mandasti mihi tractare vt expedit. Talia denique te Regem præcipere decus est, subditosque tibi capescere tutum. Sed illud miror, quod Odonem Comitem in mea deliberatione vel posuisse, vel positurum esse dixisti, quid facere debeat de receptione Meldensis Episcopi: cum abhinc anno ferè dimidio nec ipsum viderim, nec de tali negotio legationem eius acceperim. Attamen si aspirante Deo ad nos venire, & consiliis meis adquiescere voluerit, desinet proculdubio prædictam Ecclesiam lacerando diuinam vltionem in se prouocare, tuisque sacris ordinationibus contraire. Vale.

EPISTOLA XXXVI.

Edit. 92.
Cod. MS.
42.

REGI Sacerdos, Domino fidelis, ROBERTO Fulbertus. VT vobis proximo Sabbato Turonis occurrerem, quia serò commonitorium accepi, non parui. Si quæ aliæ causæ sunt, tacentur ad præsens, quia minus vos tacitæ quam expositæ lædunt. Valete nunc & semper.

A

EPISTOLA XXXVII.

EXCELLENTISSIMO Regi, & charo Domino suo ROBERTO, Fulbertus *Carotenſium Episcopus curſum honeſti continuum ad beatitudinis finem.* Edir. 93. Cod. MS. 38. INTER multas ſollicitudines meas, cura tui, Domine, me non mediocriter afficit. Cum enim te prudenter agere accipio, lætor: ſinautem, triſtor & timeo. Audito igitur inter alia, quodd proxima ſolemnitate Natalis Domini conſilium habiturus ſis cum Principibus Regni de pace componenda, gaudeo. Sed audito quodd Aureliana ciuitas ſit incendio vaſtata, ſacrilegiis profanata, & inſuper excommunicatione damnata, nec poſt reconciliata, miror, & paueo. Quanto enim dolore putas afficiendos eſſe Sacerdotes fideles tuos, qui ad honorificentiam Dei & tuam ipſo die congregandi ſunt: ſi in eo loco fuerint, vbi nec ipſis ſacrificare liceat, nec tibi ſacroſanctam Euchariſtiam abſolutè percipere? Abſit hoc à te, chariſſime Domine, vt tu in tanta ſolemnitate aut diuinis officiis careas, aut illicitè vel indignè, te ſciente, vſurpari permittas? Quod ideo te præmonere curauī, vt vel illum locum facias reconciliari, aut vbi melius ſit ſolemnitatem celebrare memineris. Velim autem ſuadere tibi, ſi poſſim, ne dimittas propter iram, quæ iuſtitiam Dei non operatur, quin Epifcopo tuo treugam des, polliceari iuſtitiam, inſuper conductum præbeas, ſi velit, ad reconciliandas Eccleſias ſuas. Quod ſi detrectauerit, ipſe in periculo, tu nauigabis in portu. Ceterum, quia tuis obſequiis me tunc ad futurum eſſe mandatiſti, apud ſanctum Maximinum hoſpitari poſtulo. Quod nec Monachis quidem ipſius loci forè ingratum puto: vt ibi natalitia nocte celebratis vigiliis, ſequenti mane in tuum ſeruitium poſſim eſſe paratus. Vale ſemper, & proſperare in Domino.

EPISTOLA XXXVIII.

DILECTISSIMO Domino ſuo Regi ROBERTO, Fulbertus *humilis Epifcopus, omnia decentia Regem.* Edir. 94. Cod. MS. 26. DIGNVM eſt ſcire te negotia Regni tui. No- uerit ergo prudentia tua, quodd Guillelmus de Belliſſimo vltus perfidiam filij ſui, coniecit eum in carcerem; vnde non egredietur, vt ait, ſine conſilio noſtro. Mandat autem, ſe eſſe paratum ad faciendā quæ mandatiſti per Hildradum Monachum. Ceterum, vt à tuæ ſanctitatis præſentia me rediſſe cognouit Comes Odo, qui tunc Turonis agebat, mandauit vt poſt duos dies Bleſis ſibi occurrerem, ad audiendū quid dicerent Legati Romanorum. Sed quoniam id mea parum intererat, valetudine quoque prohibente, non parui. Mandat autem, & obnixè precatur Maieſtatem tuam ipſe Comes, ne te properanter ingeras in ſuum nocumentum, ſed mittas ad eum Milonem de Caproſis, qui tibi referat verba Romanorum, & Guillelmi Ducis Aquitanorum, & ſua. Vale.

C

EPISTOLA XXXIX.

ROBERTVS *mutu Dei Francorum Rex, Gauzolino Præſuli Bituricenſium ſalutem.* Edir. 95. VOLO vos ſcire animi mei motum qualiter ſe habet, vt fortè accidere ſolet, cum mens humana mouetur, ſi quid mirabile præter ſolitum inſperatè auditur. Dum ergo die Sabbati iam exhauiſto federem ad cœnam, allata fuit mihi quædam Epiftoła à VVillelmo Comite, de quodam portento mirabili auditu, ſcilicet tribus diebus ante ſolemnitatem Ioannis Baptiſtæ in quibuſdam partibus Regni mei, videlicet in partibus Aquitanix iuxta plagam maritimam, pluſſe de cœlo talis naturæ ſanguinem, vt cum fortuitu cadebat ſuper carnem hominis, aut ſuper veſtimentum, aut ſuper petram, non poſſet auferri lauando. Si verò cadebat ſuper lignum, tum benè lauabatur. Si quidem per eandem Epiftołam petiit à me idem Guillelmus Comes, vt ego requirerem à mei Regni ſapientibus, quidd hoc portentum ſignificaret. Ego verò volo & precor, vt perquiratis in quibuſdam Hiſtoriis, ſi vnquam accidiſſet huius ſimile, & quod factum ſequeretur huius rei portentum. Mihi que hoc eodem legato reſcribite quomodo acciderit, & in qua Hiſtoria inueniri poſſit. Attamen deprecor, ne differatis ad reſcribendum mihi, quia tamdiu legatum huius portenti tenebo, donec mihi reſpondeatis. Valete.

Tom. IV.

Q. iiij

EPISTOLA XL.

Edis. 96.

DOMINO Regi Francorum excellentissimo ROTBERTO humilis Gauzlinus
aterni Regis consortium. QVOD placuit vobis interrogare de prodigio quod
 accidit, hoc nobis ex Historiis apertè patet. Quòd sanguis super gladium, aut ci-
 uile bellum, aut gentem super gentem exurgere portendit. Valerius Rufus in Li-
 bro Memorabilium, Capitulo quarto de Prodigiiis, hæc refert: Gaio Volumnio,
 Seruilio Sulpicio Consulibus, in vrbe Roma initia motusque bellorum ciuiliū
 hoc prodigium portendit. Carnis in modum nimbi dissipatæ partes ceciderunt.
 Quarum maiorem numerum præpetes diripuerunt aues, reliquum humi per ali-
 quot dies neque odore tetra, neque deformi aspectu mutatum iacuit. In Sicilia
 scuta duo sanguinem sudasse, etiam metentibus cruentas spicas in corbem ceci-
 disse. Oppido Cerites aquas sanguine mixtas fluxisse. Chronica Eusebij de pro-
 digiis hoc refert: Valentiniano imperante, post Solis occasum ab Aquilone cœ-
 lum quasi ignis aut sanguis effectum est. Gentis Hunorum parte rupta, inruptio in
 Galliis sequuta est. Item anno Leonis Imperatoris septimo, medio Tolosæ ciuita-
 tis sanguis erupit de terra, & tota die fluxit, significans dominationem Gothorum
 sublatam. Item Historia Longobardorum Libro III. Cap. VI. Tempore Theode-
 berti Regis Francorum signum sanguineum in cœlo apparuit, & quasi hastæ san-
 guineæ. Eo tempore ipse Theodebertus cum Lothario auunculo suo bellum ge-
 rens, eius exercitum vehementer afflixit. Item in eadem Historia: Temporibus
 Iustiniani in prouincia præcipuè Liguriæ maxima pestilentia exorta est. Subitò
 enim apparebant quædam signacula per domos, ostia, vasa, vel vestimenta. Quæ
 si quis voluisset abluere, magis magisque apparebant. Post annum verò expletum,
 cœperunt nasci in inguinibus hominum vel in aliis debilitationibus locis glandulæ
 in modum nucis seu dactili, quas mox sequebatur febrium intolerabilis æstus, ita
 vt in triduo homo extingueretur. Sin verò aliquis triduum transegisset, habebat
 spem viuendi. Erat autem vbique paupior, vbique luctus, vbique lachrymæ. Nam
 vt vulgi rumor habebat fugientis cladem vitæ, relinquebantur domus desertæ ha-
 bitatoribus, solis catulis domus seruantibus. Peculia sola remanebant, in pascuis
 nullo astate pastore. Cerneretis pridem villas seu castra repleta agminibus hominum,
 postera die vniuersis fugientibus cuncta esse in summo silentio. Fugiebant filij, cada-
 uera insepulta parentum relinquētes. Parentes obliti pietatis in viscera, natos relin-
 quebant æstuant. Si quem fortè antiqua pietas perstringebat, vt vellet sepelire
 proximū, restabat ipse insepultus: & dum obsequebatur, perimebatur. Dum funeri
 obsequium præbebat, ipsius funus sine obsequio manebat. Videres seculum in anti-
 quum redactum silētium, nulla vox in rure, nullus sibilus, nullæ insidiæ bestiarum in
 pecudibus, nulla damna in domesticis volucris. Sata transgressa metendi tempus
 intacta expectabant messorum. Vineæ amissis foliis radiantibus vuis illæsa manebat,
 hyeme propinquante. Nocturnis seu diurnis horis personabat turba bellantium, au-
 diebatur à pluribus quasi murmur exercitus. Nulla erant vestigia cōmeantium, nul-
 lus cernebatur percussor: & tamen visum oculorum superabant cadauera mortuo-
 rum. Pastoralia loca versa fuerant in sepulturam hominum, & habitacula humana
 facta fuerant confugia bestiarum. Hæc de Historiis pauca prænotauimus. Quod
 verò cecidit super petram, & abluui non poterat, videtur significare Ecclesiam fan-
 ctam; quæ super petram, id est Christum, fundata tribulationem passura sit. Quod
 verò super carnem hominis & vestimentum eius cecidit, abluui poterat. Non in-
 congruè accipitur per carnem populus, per vestimentum substantia, quæ ad adiu-
 torium huius vitæ nobis conceditur. Ligno etiam datur intelligi vitale lignum
 sanctæ Crucis, & baptismum quo sumus regenerati ad vitam. Lignum ad humo-
 rem aquæ virescit. Et quando Iudaicus populus in eremo sitiuit, & præ amaritu-
 dine aquas bibere non potuit: iubente Domino misit Moyses lignum in aquam, &
 conuersa est amaritudo in dulcedinem, & refocillatus est populus. Arca enim Noe
 de lignis fabricata quid significet non ignoratis. In quibus omnibus per lignum
 non nisi misericordiam suam Dominus operatus est. Quia igitur de ligno sanguis
 lauabatur, creditur quòd per pœnitentiam & eleemosynam, & ceteros fructus mi-
 serieordie, qui intra sinum matris Ecclesiæ exercentur, seueritas & indignatio iusti

A Iudicis Dei, quæ meritò peccatoribus debetur, & ad misericordiam possit reflecti. ROBERTVS.
 Misericors est enim Dominus adeò sicut Psalmista loquitur, *ut non solum homines, sed etiam iumenta saluet.* Omnipotens Deus dilatet Imperium vestrum, & dextera vos semper protegat, & ad pacem sanctæ Ecclesiæ vitam vobis longæuam tribuat, & sua vos benedictione in omnibus exornet.

EPISTOLA XLI.

P I O Regi ROBERTO *Fulbertus humilis Episcopus omnia fidelia.* SACRA Cod. MS.
 vestra monitus sum inquirere festinanter, & scribere vobis, si qua Historia sanguinem pluisse referat, & si factum fuit, quid futurum portenderit. Liuium, Valerium, Orosium, & plures alios huius rei relatores inueni, de quibus ad præsens solum Gregorium Turonensem Episcopum testem esse productum sufficiat, propter auctoritatem religionis suæ. Ait ergo Gregorius idem in sexto Lib. Historiarum, Cap. xiv. Anno igitur VII. Childeberti Regis, qui erat Chilperici & Guntrani XXI. mense Ianuario, pluuiæ, coruscationes, atque tonitrua grauia fuerunt. Flores in arboribus ostensi sunt. Stella, quam cometem superius nominavi, apparuit, ut in circuitu eius magna nigredo esset, & illa tanquam si intra foramen aliquod posita, ita inter tenebras relucebat scintillans, spargensque comas. Prodebat autem ex ea radius miræ magnitudinis; qui tanquam fumus magnus incendij apparebat à longè. Visæ est autem ad partem Occidentis in hora noctis prima. In die autem sancto Paschæ apud Sueffionis ciuitatem cælum ardere visum est, ita ut duo apparerent incendia: & vnum erat maius, aliud verò minus. Post duarum verò horarum spatium coniuncta sunt simul, factaque in farum magnum euanuerunt. In Parisiaco verò termino verus sanguis ex nube defluxit, & super vestimenta multorum hominum cecidit, & ita tæbe maculauit, ut ipsi propria indumenta horrentes abnuerent. Tribus enim locis in termino ciuitatis illius hoc prodigium apparuit. In Siluaneensi verò territorio hominis cuiusdam domus, cum ille mane surgeret, sanguine respersa abintus apparuit. Magna autem eo anno lues in populo fuit. Varietudines verò variæ: melinæ, cum pustulis & vesicis, multum populum affecerunt morte. Multi tamen adhibentes studium euaserunt. Audiuius autem eo anno in Narbonensem urbem inguinarium morbum grauiter desæuisse, ita ut nullum esset spatium vitæ, cum homo correptus fuisset ab eo. Hactenus Gregorius Turonensis. Liqueat igitur ex hac & ex suprâ memoratorum Historiis, quod pluuiæ sanguinis publicam stragem futuram esse portendat. Quod autem nuper huiusmodi cruorem in quadam parte Regni vestri pluisse audistis, & quod ille cruor ubi supra petram, vel super carnem hominis ceciderat, ablui non poterat, ubi autem super lignum ceciderat, facile abluebatur: per hoc tria hominum genera significata esse videntur. Per lapidem impij, per carnem fornicarij, per lignum verò, quod neque durum est ut lapis, neque molle ut caro, illi qui neque impij sunt neque fornicarij. Cum ergo venerit super illam gentem, cui portenditur, gladius, siue pestilentia designata per sanguinem; si antea duri & molles non fuerint mutati in melius, morientur perpetualiter in sanguine suo. Medij verò per angustiam mortis vel aliter poterunt liberari pro arbitrio secretissimi atque præstantissimi Iudicis. Vale, piissime Rex.

EPISTOLA XLII.

D OMINO suo Regi ROBERTO *Comes Odo.* PAUCA tibi, Domine, dicere volo, si audire digneris. Comes Richardus tuus fidelis monuit me venire ad iustitiam, aut concordiam, de querelis quas habebat contra me. Ego verò nisi causam hanc totam in manu ipsius. Tum ille ex consensu tuo constituit mihi placitum, quando, & ubi hoc perfici posset. Sed instante termino cum ad hoc peragendum paratus essem, mandauit mihi ne me fatigarem ad condictum placitum veniendo: quia non erat tibi cordi aliam iustificationem siue concordiam recipere, nisi hoc tantum ut faceres mihi defendere quod non essem dignus vllum beneficium tenere de te. Nec sibi competere dicebat, ut me ad tale iudicium exhiberet sine conuentu Parium suorum. Hæc causa est cur tibi ad placitum non occurrerem. Sed de te, Domine mi, valde miror, qui me tam præproperè causâ indiscussa tuo

Quij

ROBERTVS.

beneficio iudicabas indignum. Nam si respiciatur ad conditionem generis, daret A
Dei gratia quod hereditabilis sim. Si ad qualitatem beneficii quod mihi dedisti, constat quia non est de tuo fisco, sed de his quæ mihi per tuam gratiam ex maioribus meis hereditario iure contingunt. Si ad seruitij meritum, ipse profecto nosti, donec tuam gratiam habui, quomodo tibi seruierim domi, & militiæ, & peregræ. At postquam tuam gratiam auertisti à me, & honorem quem dederas mihi tollere nifus es, si me & honorem meum defendendo aliqua tibi ingrata commisi, feci hoc lacessitus iniuriis, & necessitate coactus. Quomodo enim dimittere possum, & non defendam honorem meum? Deum & animam meam testor, quòd magis eligerem honoratus mori, quàm viuere dishonoratus. At si me dishonorare velle desistas, nihil in mundo est quod magis quàm gratiam tuam vel habere, vel promereri desiderem. Discordia enim tua mihi quidem molestissima est, sed & tibi, mi Domine, tollit officij tui radicem, & fructum. iustitiam loquor & pacem. Vnde suppliciter exoro clementiam illam, quæ tibi naturaliter adest, si maligno consilio non tollatur; vt iam tandem à persecutione mea desistas, meque tibi siue per domesticos tuos, seu per manus Principum reconciliari permittas. Vale.

EPISTOLA XLIII.

Edit. 98.
Cod. MS.
59.

NOBILI Comiti S. Fulbertus Dei gratiâ Carnotensium Episcopus, fideles oratio- B
nes. SI in eligendo vestræ ciuitatis Episcopo regulariter ageretur, suffragium nostræ humilitatis non deforet iuxta modum rationis. Nunc autem Palatinus aut publicus rumor est, quòd ille Clericus, quem eligere vultis, fauorem vestrum sit aucupatus promissionum sibilis, & pecuniæ visco. Dicunt etiam quòd sine iussu Regis & consensu Episcoporum comprouincialium, ædes & rem Episcopalem inuaserit. Quæ si sunt vera, non sunt regularia: nec me vel vobis, vel aliis contra ius & fas opitulari oportet. Valete.

EPISTOLA XLIV.

Edit. 99.
Cod. MS.
57.

FVLBERTVS Carnotensium humilis Episcopus FVLCONI Comiti salutem. DOLEO super te, nobilis homo, cum audio te errare & periclitari. Errare dico, quòd cum debeas Deum timere, Sanctos honorare, Ecclesiam defendere, contemnis Deum, Sanctos inhonoras, res Ecclesiæ inuadis & aufers. Periclitari, quoniam qui talia agunt, non habent partem in regno Dei. Propter hæc peccata monuit Archiepiscopus Turonensis omnes Episcopos nostros, & inter alios me pusillum, vt te excommunicaremus. Sed ego censui pius esse, vt te prius mone- rem: & deprecor, vt habeas misericordiam de anima tua, placans Deum. Iam enim prope est tuus finis. Festina igitur quæso reconciliari Christo Saluatori nostro, quia non est salus homini, nisi per ipsum. Tene in memoria verbum hoc. Qui C
confitendo & pœnitendo finem facit peccatis suis, antequam moriatur, finem habebit in altero seculo pœna ipsius: & qui peccatis mortalibus pœnitendo non facit finem, pœna ipsius erit sine fine. Euigila igitur propter te ipsum, sicut homo in proximo moriturus: & reconciliare Christo, ne moriaris Apostolica auctoritate damnatus. Vale, & remanda mihi velociter atque veraciter voluntatem tuam.

EPISTOLA XLV.

Edit. 100.

FVLBERTVS Dei gratiâ Carnotensium Episcopus Comiti FVLCONI commo-
nitorium salutis. IAM horrendo facinore præsentiam Domini Regis tui decorauere satellites, vt mundani iudices asserant capitale te quoque reum Maie-
statis, qui eis postea patrocinium tuum & receptacula præbuiisti. Proinde rogaba-
tur à multis, vt die sacro Pentecostes & te & illos excommunicaremus. Sed nos
tuæ prouidentes saluti, trium hebdomadarum ab ipso die petiuimus inducias; vt
literis te conuenire possemus. Talem etiam à Rege conditionem impetrauimus,
si veneris in iudicium: vt non super vitas aut super membra, sed super facultates
ultio reflectatur. Vnde te commonemus, vt ante præscriptum terminum auctores
tanti sceleris aut in iudicium adducas, aut propter honorem Regis repudies. Te-

A metipsum deinde, sicut per Abbatem sancti Albini promissisti, expurges, & humili satisfactione Regis animum places. Quod si reos ipsos nec ad iustitiam ducere, nec propter Seniores tuos repudiare volueris, Christianam communionem nobiscum ulterius non habebis. Vigila ergo sicut pro temetipso, & quid habeas animi citò mihi remanda. Optimam partem consilij det tibi Deus eligere.

ROBERTVS.

EPISTOLA XLV.

GLORIOSISSIMO Duci Aquitanorum GVILLELMO Fulbertus Episcopus orationis suffragium. DE forma fidelitatis aliquid scribere monitus, hæc vobis quæ sequuntur breuiter ex Librorum auctoritate notauit. Qui Domino suo fidelitatem iurat, ista sex in memoria semper habere debet. Incolume, tutum, honestum, utile, facile, possibile. Incolume, videlicet ne sit Domino in damnum de corpore suo. Tutum, ne sit ei in damnum de secreto suo, vel de munitionibus per quas tutus esse potest. Honestum, ne sit ei in damnum de sua iustitia, vel de aliis causis quæ ad honestatem eius pertinere videntur. Utile, ne sit ei in damnum de suis possessionibus. Facile vel possibile, ne id bonum quod Dominus suus leuiter facere poterat, faciat ei difficile: néve id quod possibile erat reddat ei impossibile. Ut autem fidelis hæc documenta caueat, iustum est, sed non ideo casamentum mereatur. Non enim sufficit abstinere à malo, nisi fiat quod bonum est. Restat ergo ut in eisdem sex supradictis consilium & auxilium Domino suo fideliter præstet, si beneficio dignus videri vult, & saluus esse de fidelitate quam iurauit. Dominus quoque fideli suo in his omnibus vicem reddere debet. Quod si non fecerit, meritò censetur malefidus: sicut ille si in eorum præuaricatione vel faciendo vel consentiendo deprehensus fuerit, perfidus & periurus. Scripsissem vobis latius, si occupatus non essem cum aliis multis, tum etiam restauratione ciuitatis & Ecclesiæ nostræ, quæ tota nuper horrendo incendio conflagrauit. Quo damno etsi aliquantisper non moueri non possumus, spe tamen diuini atque vestri solatij respiramus.

Edit. 101.
Cod. MS.
88.

EPISTOLA XLVI.

CLARISSIMO Duci Aquitanorum GVILLELMO, Fulbertus Episcopus utile & honestum. GAUDEREM, dilectissime Princeps, ad dedicationem vestram deuotus occurrere, nisi me Ecclesiæ nostræ nullomodo negligenda necessitas detineret. Gratia namque Dei cum adiutorio vestro criptas nostras peruoluimus, easque priusquam hiemalis inclementia lædat, cooperire satagimus. Volo autem vos scire, quod Literæ, quas priores Episcopo Azelino misistis, Regi relatæ sunt: qui etiam valde contristatus est de sua vilitate, quam ibi scriptam inuenit. Fecissetque Bituricensis Episcopus iuxta consilium nostrum, ut ait, de Lemouicensi Episcopo, nisi eum regulariter iræ formido detineret. Sed quia Rex proximo rugitu, ut dicitur, venire habet in syluam Legium, quæ vicina est (ut scitis) Monasterio sancti Benedicti, ego quoque Deo fauente illuc ire disposui: sciturus quales inueniam erga vos, & Regem, & Archiepiscopum, vel quales reddere possim. Et quod interim effecero, aut ipse vobis referam, aut Literis innotescam. Vale feliciter.

Edit. 102.

EPISTOLA XLVII.

DILECTISSIMO semperque diligendo Domino & Duci Aquitanorum GVILLELMO, Fulbertus Carnotensium humilis Episcopus, in hac vita se & sua omnia, in altera gaudia sempiterna. DOLEO, vir optime, quod nuper in conuentu Regio atque nostro loquendi tecum oportunitatem non habui, non de seculari negotio, sed de loco sancti Patris Hilarij, cuius rectores nos esse bonitas tua voluit, sed huius temporis malitia non permittit. Mando itaque tibi, & precor absens id quod tunc præsens intimare volebam. Videlicet ut secundum beneplacitum cordis tui constituas tibi alium Thesaurarium & Capiciarium de bonis Clericis qui sunt in tua vicinia, quos via longa & periculosa non disturbet ab officio, sicut me & meos hætenus disturbauit. Nec me putet obsecro ita prauum, ut propter hoc tibi videar minus esse fidelis. Agnosco enim me perpetuum debitorem esse fidelitatis

Edit. 103.
Cod. MS. 90.

ROBERTVS.

animæ tuæ & corpori, propter benignitatem quam mihi immerito exhibuisti. Vnde certò scias, quia si tibi & populo tuo mei ministerij necessitas immineret, & hoc mihi mandare dignum duceres, subuenirem tibi Deo duce, si non possem aliter, vel in habitu pauperis peregrini. Precor autem bonitatem tuam, ut domno Raimoni reuelare digneris damnum quod pertulit in seruitio nostro. Vale nunc & semper, piissime, atque benignissime. Ego verò nunquam obliuiscar te.

EPISTOLA XLVIII.

Edit. 104.
Cod. MS.
37.

NOBILISSIMO ac piissimo Duci Aquitanorum GUILLELMO, Fulbertus Dei gratiâ Carnotensium Episcopus salutem & orationum fidelia. VESTRAM, optime Princeps, erga me beneuolentiam expertus sum, cunctis amicorum meorum beneuolentiis affectu mihi dulciorem, effectu quoque vtiliorem. Nam alij quidem amici mei vix parem aliquando meritis meis vicem rependunt. Vobis autem me licet immerentem gratuitis beneficiis accumulare mirâ charitatis abundantia placet. Iam ferè tertio anno præterito quòd sic agitis, erubescerem munera vestra gratis suscepisse. Incertus essem Dominum Iesum Christum, & sanctam Mariam genitricem eius, in cuius officio expensa sunt, mercedem vobis reddituros. Præterea non defuit mihi animus vos adeundi, & in vestra regione vobis obsequendi. Sed multæ causæ difficultatis obstiterunt. Ob quod gerendum pro certo noueritis, cuncta me difficilia postpositurum, si quoquomodo fuerit possibile. Hoc dicens, releuare cupio mirabilem affectus vestri erga me dulcedinem, in cuius literis nuper legi, quòd gauderetis me superstitem esse in regionibus nostris, quasi sperantes vnquam in vestris me videre. Vnde auctori totius boni supplico, ut & vos in hac vita longum tempus superesse faciat, & me vobiscum superstitem adhuc beato Hilario vobisque deseruire concedat. Fratrem Hildegarium, vestrum & nostrum fidelem, rogastis nos vobis remittere: sed deplorat, quasi iam diu nostri pectoris mamillas non suxerit. Quibus aliquandiu refici serenitatem vestram humiliter postulat, ut aspiratione dulciori vobis ac vestris postmodum complaceat. Valeatis feliciter cum omnibus vestris.

EPISTOLA XLIX.

Edit. 105.
Cod. MS.
38.

DILECTISSIMO Domino suo ROBERTO Regi, ac Reginae CONSTANTIÆ, utinam in Domino constantissima, Fulbertus humilis Carnotensium Episcopus fidelitatis obsequium, & orationum suffragia quantum scit ac potest. COGNITA per nuncium vestrum alacritate vestra, gaudio magno repleti sumus, Deo gratias agentes. Vobis enim incolumibus, nos beneualituros per Dei gratiam & vestram speramus. Quoniam autem placuit bonitati vestræ consulere nos super habitu nostro, scribimus vobis multis nos ad præsens incommodis vrgeri, quæ nobis infert Gaufridus Vicecomes de Castrodunensi. Refecit enim ante Natale Domini castellum de Galardone, quod olim destruxistis. Et ecce tertia die post Epiphaniam Domini cœpit facere alterum castellum apud Illeras intra villas sanctæ Mariæ. Vnde legatos nostros misimus ad filium vestrum Regem HENRICVM, & Odonem Comitem: incerti vtrum illorum assensu tanta mala præsumpserit. Aliter enim hæc illum aggredi vix opinabile est. Sed si illi nos in tantis aduersitatibus non adiuuerint, ad vos post Deum respicimus, ut per vos ab huiusmodi oppressione liberemur. Dolemus autem vos ita nunc in aliis partibus occupatos, ut vestro succursu de præsentis respirare nequeamus. Quod si citò nobis à filio vestro subuentum non fuerit, communi nostrorum consilio diuinum officium desitutum in toto Episcopatu nostro noueritis. Si Comes Odo apud vos est, monete illum ut subueniat nobis propter Deum & fidelitatem vestram. Valete.

EPISTOLA L.

Edit. 106.
Cod. MS.
39.

DILECTISSIMO Domino suo Fulberto Episcopo, H. eius fidelis iuxta Domini præceptum serpentinam prudentiam columbina simplicitate præditam. QVOD tuo, beatissime Pater, aliorumque multorum relatu perceperam, id ipsam nuper

A domno Berardo Sueffionis Episcopo referente cognoui. Scilicet incurrisse te gra-
uissimum Reginæ odium, fauentem potius marito suo, de constituendo Rege ma-
iorem filio, quem dicunt simulatorem esse, segnem, mollem, in negligendo iure pa-
tristaturum: fratri suo iuniori attribuentes his contraria. Te quoque plurimi Coë-
piscoporum mordent clanculum, vel ab eis ac ceteris quasi quintum malleum à
quatuor Pythagoricis pro hac causa dissonantem. Vnde quantum ex verbis supra-
dicti Præfulis aduerti, sententiam Coëpiscoporum tuorum Francigenarum super
hoc agendum negotium intimare tibi non me piguit: vt si fortè sanior est, ei ne
refrageris, & à periculo tibi caueas. Est autem hæc eorum ad componendam vtrin-
que litem sententia, patre viuentem nullum Regem sibi creari. Quòd si acrius in-
stiterint in vita patris hoc fieri, quem meliorem senserit, ad Regem debere subli-
mari. Videas, Pater prudentissime, ne sis plus æquo iustus, nec à sanctis confacer-
dotibus tuis perperam dissideas.

*Insani nomen sanus feret, æquus iniqui,
Vltrà quàm satis est, virtutem si petat ipsam.
Inuidiam nimio cultu vitare memento,*

Quæ si non ledit, tamen hanc sufferre molestum est.

Adsit tibi in omnibus magni consilij Angelus. Mihi quoque tribuat videre faciem
tuam desideratissimam. Si quid fortè insolenti susurro tecum ago, facilem quæso
apud te veniæ locum obtineam: cum magis ex prompta fidelitate, quàm improba
B temeritate peccauerim. Vale.

EPISTOLA LI.

CERTVM est omnibus qui fundamenta Catholicæ puritatis nouerunt; totius
Ecclesiæ soliditatem in pace consistere, & signum Christi discipulatus in di-
lectione. Nam sicut in Euangelio Dominum dixisse legimus, *Pacem relinquo vo-
bis, pacem meam do vobis.* Et iterum, *In hoc cognoscent omnia quia mei estis discipuli,
si dilectionem habueritis ad inuicem.* Liquet ergo neminem fore Christi discipu-
lum, nisi signo dilectionis ac pacis fuerit insignitus. Hoc verò signaculum non adi-
piscitur, nisi ab his in quibus fuerit vnitas voluntatum. Vnitas autem voluntatum
inueniri non potest, nisi in his qui suum velle & nolle in vnius propositi iudicio
constituunt. Vnde & auctor pacis nullum ordinem in Ecclesia sine Prælati regi-
mine relinquens, pro certo insinuat, nulla alia ratione fragilitatem humanæ labili-
tatis ad vnitatem spiritus posse redigi, siue in pace conseruari. Quare nos pauci
Fratres in Cœnobio, cui Cella-Boboni nomen, & Deo pro posse famulantes, quia
vinculum pacis & signaculum Christianæ disciplinæ dilectionem per vnitatem cor-
dis vel animæ possidere cupimus, post obitum domni Varini Abbatis viri religiosi
elegimus Fratrem quemdam morum probitate ornatum Bernardum, quem nobis
C vice Patris præesse volumus: & in definitione eius sententiarum nostrarum vniri
diuersitatem, ne diuersa sentientes, à Christi doctrina inueniamur extranei. Facta
est autem electio illa consilio atque auctoritate domni Abbatis Maioris-Monasterij
post excessum gloriosi Principis O D O N I S, à quo huius rei curam susceperat.
Qui hoc in Conuentu Monachorum ritu celebri peracto, obtulit etiam Fratrem
prædictum nobilissimæ H. Comitissæ, sub cuius ditione locus ipse consistit, &
STEPHANO Comiti eius filio, à quibus donum rerum temporalium ad idem per-
tinentium Cœnobium suscepit. Dehinc verò statuit eum venerabili Mainardo
Trecassinorum Præfule, cuius Ecclesiastica potestate electionem huiusmodi cor-
roborari oportuit, atque ab ipso animarum curam suscipi, necnon Abbatis bene-
dictionem secundum institutionem Patrum celebrari. Quod ipse benignissimè
annuit, & omnia prout mos expostulat Ecclesiasticus, vtpote vir prudentissimus,
atque eruditione clarus, compleuit.

*Edit. 107.
Cod. MS. in-
ter 102. &
103. sine nu-
mero.*

EPISTOLA LII.

DOMINO Ariberto sancto ac venerabili Abbati, GVILLELMVS Dei gratiâ
Dux Aquitania prospera cuncta. CHARITATEM vestram iam secundò in-
terpellau, vt mitteretis ad Carroficum Monasterium quosdam ex Monachis ve-

*Edit. 117.
Cod. MS.
115.*

FULBERTI EPISCOPI CARNOT.

ROBERTVS. **A**tris, qui essent feruentes in obseruanda Regula sancti Benedicti, quorum sancta conuersatio Fratribus ipsius loci bonum præberet exemplum, & eorum Abbatem fasce regiminis leuaret. Quoniam verò petitioni meæ nondum adqueuistis, nunc quoque tertio ad ostium vestræ charitatis pulso, instar illius Euangelici petitoris amicum obnixè rogantis: vt si non propter amicitiam, saltem propter improbitatem meam accommodetis mihi quotquot habeo necessarios. Obsecro igitur vos in nomine sanctæ Trinitatis, quæ Deus vnus est, vt vel decem Fratres ex Collegio vestri angelici Ordinis mihi transmittatis: memores tandem illius Apostolici dicti, *Alter alterius onera portate, & sic adimplebitis legem Christi.* Valete cum omnibus vestris.

EPISTOLA LIII.

Edit. 118.
Cod. MS.
118.

SANCTO & venerabili Andegauensium Episcopo N. Isembertus humilis Picta-
urum Sacerdos suffragium orationis & fidelitatis obsequium. CVM mihi constans dilectionis vestræ sit habitus, eò magis gauderem, Præsul optime, quo vobis sæpius placitura facerem. Nouerit ergo serenitas vestra, quòd libentissimè venirem ad preciosissimam dedicationis templi vestri solemnitatem, nisi detineret me causa eiusmodi. Dominus noster GUILLELMVS Comes habito consilio cum Italis præcepit mihi, & domnis meis Illoni atque Rohos Coëpiscopis, sua quædam feria procurare, quæ nullatenus sunt nobis postponenda. Hac de causa, quia charita-
tem vestram inuitatus adire nequeo, non paruus animum meum occupauit ægritu-
dinis affectus. Sed hoc consolor, quia spero me per Dei gratiam aliàs officiis vestris alacriter affuturum. Valete coram Deo in sanitate condigna.

EPISTOLA LIV.

Edit. 119.
Cod. MS.
117.

GVILLELMVS Dei gratiâ Dux Aquitanie, domno Leoni Vercellensium Episcopo salutem. ITALI suaferunt mihi, & filio meo, nos intromittere de Regno Italia: facientes nobis sacramentum & ipsius Regni & Romani Imperij acquirendi, per rectam fidem, quantum potuerunt. Vnde mando vobis, & precor vestram gratiam, vt adiuuetis nos de hac causa sicut melius scitis & potestis. Modò pareat, si verum est quod semper mihi dixistis, vos amicum meum esse, & rerum mearum curam habiturum, si opus esset. Hoc scitote, quia si nostris partibus faueritis, nunquam vidistis tam bonos dies, quàm illos, quibus nos in illum honorem mittetis. Nam omnia nostra proculdubio vestra erunt. Remandate mihi, quàm benè possum confidere in amore vestro & adiutorio. Valete.

EPISTOLA LV.

Edit. 11.
Cod. MS.
118.

DOMINO suo Regi ROBERTO Fulco Andegauorum Comes salutem & fide-
le seruitium. GUILLELMVS Pictauiorum Comes herus meus loquutus est mihi nuper, dicens, quòd postquam Itali discesserunt à vobis, diffisi, quòd vos Regem haberent, petierunt filium suum ad Regem. Quibus ille inuitus coactusque respondit, tandem acquiescere se voluntati eorum, si consentirent illis cuncti Marchiones Italiae & Episcopi, ac ceteri meliores. Illi promiserunt, quòd recta fide facerent illos consentire, si possent. Nunc ergo mandat vobis, postulans suppliciter gratiam vestram, vt detineatis homines de Lotharingia, & FREDERICVM Ducem, atque alios quos poteritis, ne concordent cum Rege Cono, inflectendo eos quantum quiueritis ad auxilium eius. Dabit vobis pro hoc negotio mille libras denariorum, & centum pallia: & dominæ Reginae CONSTANTIAE quingentas libras nummorum. Orat vos, vt ipse eam salutetis, & filium vestrum Regem ex parte sua, & ego precor significari litteris, aut nuntiis, quid animi vobis sit super hoc quod ipse vos rogat, vt renuntiem illi. Vale.

EPISTOLA LVI.

Edit. 110.
Cod. MS.
119.

DOMINO suo charissimo Fulberto Præsuli H. omnium expetendorum summam. QVOD ante vindemias non reuiso vos, Pater dilectissime, fratris B. morbus detinet,

A detinet, cū oportūm fuerit, annuente Deo, libentissimè id acturum. Scripto vestro interim quæso mihi innotescere, quomodo vos agatis, & qualiter discipuli mei se gerant in scholis, & an melius solito celebrent Canonicas Horas. Mitto vobis vnum ex duobus libellis, quos amicus noster Comes G. rogauit transcribi. Immissum cuidam hunc librum in arca mea celabat obliuio, putante me illum vobis esse delatum. Si vos vel vestros in quærendo laborare feci, mea culpa. Salute precor vice mea domnum meum Sigonem, & Hilduinum: priorem animum meum, & alterum animæ meæ dimidium. Ceteri vestri omnes salui sunt in Christo, summa omnium salute vos protegente. Amen.

ROBERTVS.

EPISTOLA LVII.

Q VEM iugiter in præcordiis animæ suæ fouet Domino & Patri suo F. Her. perpetuo *Ed. 122. Cod. MS. 122.* *vigere.* DVX noster GVILIELMVS vobis amicissimus profecturus est in Italiam die Iouis proximè venturo, sciscitari de causa filij sui, si cum honore & incolumitate sua fieri queat. Itali enim elegerunt eum sibi ad Regem, facientes ei sacramentum, & Italiæ Regnum concedendi, & Romanum Imperium acquirendi per rectam fidem, quantum possunt. Hac de causa præcessurus est prudens pater filium, quem suprà dixi, cum ipsis deliberaturus. Nunc ergo prudentiæ vestræ **B** est decernere, vtrum ad nos illo absente veniatis iuxta conditum. Si veneritis, victualia vobis Deo largiente non deerunt. Vnde quodlibet vobis placuerit, Literis mihi rogo significari. Interim & semper cum omnibus vestris beneualeatis, Sanctissime Pater, vitæ nobis dulcedo pariter & gloria. Si transieritis Bituricas, cum Odone de Dolis amicè loquimini. Inueni eum in Romano itinere prudentem virum; & spero vobis obsequentissimum fore, si quid obsequij vultis ab eo. Est etiam Comiti nostro G. satelles fidelissimus & familiarissimus. Fulco Comes appellatus à Comite Guillelmo, ne vobis tecum inter vias moliatur, respondit in vera fide, sicut nobis visum est, nullam se moliturum; velle etiam sibi præmandari vestrum aduentum, vt conducat vos per sua. Prosperum iter faciat vobis Deus salutarium nostrorum.

EPISTOLA LVIII.

M AGINFREDO Marchioni clarissimo & uxori suæ B. prudentissima, GVIL- *Ed. 124. Cod. MS. 123.* *LELMVS Dei gratiâ Dux Aquitanorum in perpetuum vigere.* QVOD cœptum est de filio meo, non videtur mihi ratum fore, nec vtile, nec honestum. Gens enim vestra infida est, infidæ graues contra nos orientur. Si eas vel cauere vel superare non possumus, Regnum nobis minimè proderit, fama nostra periclitabitur. In nostris etiam partibus diuersi diuersa iam inceptant, nouis rebus animati, quibus nos **C** ad præsens intentos vident, & in futuro arctius occupari putant. Quæ fieri, nec posse reprimi, nobis aliàs intentis, vos ipsi turpe & inutile discernitis. Quocirca per fidem & amicitiam quæ inter nos est obsecramus, vos operam dare qualiter absque nostro & vestro dedecore ab incepto desistatur: cauentes ne filius meus, vel quilibet alius hoc resciscat, donec inuicem secretò loquamur. Quod si Deo disponente non dimittitur quin fiat, curate vt consensu Archiepiscopi Mediol. & Episcopi Vercellensis, & aliorum quorum interest, effectum obtineat. Vale.

EPISTOLA LIX.

D OMINO GVILLELMO Duci, frater Leo scruiſtium. NE tristeris, amice *Ed. 129. Cod. MS. 124.* charissime, si Longobardite deceperunt. Ego certè optimum tibi dabo consilium, si mihi credere volueris. Esto vir fortis, & de præteritis ne cures, de futuris caueas. Per tuum fidelissimum hominem mihi manda, quid velis facere: & ego optimum tibi dabo consilium. Mitte mihi mulam mirabilem, & frenum preciosum, & tapetum mirabile, pro quo te rogavi ante sex annos. Amen dico tibi, non perdes mercedem tuam, & quicquid volueris dabo tibi. Vale.

Tom. IV.

R

EPISTOLA LX.

A

Edit. 126.
Cod. MS.
125.

DOMNO Leoni Vercellensium Episcopo, GVILLELMVS Pictauiensis amicus
eius clarissimus salutem & seruitium. MINIME tristor, charissime, super
Longobardorum deceptione. Non enim deceperunt me, qui nequaquam habuis-
sem fidem promissis eorum. De præteritis eorum fallaciis ego non curo, de futuris
per Dei gratiam mihi cauebo. Non parum autem miror de te, qui & multam præ-
teritorum habes memoriam, & non minùs futurorum iactaris habere prouiden-
tiam, quòd illius CVNONIS partibus consensisti, qui nec in sua terra aliquid ti-
bi vnquam domauit, neque posse donare fertur, nec aliquid auferre in Regno Ita-
liæ. Sed quamuis in hac causa non benè tibimet consuluisse videaris, & mihi ami-
cos meos probanti suffragium nullum præbueris, expectabo tamen illud optimum
consilium, quod mihi te daturum promittis, si tibi credere voluero. Manda ergo
mihi per Literas, quomodo vis vt tibi credam, & quæ beneficia mihi prouenient
per tuum consilium, ex dono illius CVNONIS, si Regnum Italiæ, quod mihi
promittitur, & quod adipisci possem, Deo volente, si multum curarem, quærere
desiero. Mulam quam rogasti non possum ad præsens tibi mittere, quia non ha-
beo talem qualem ad opus tuum vellem, nec reperitur in nostris partibus mula cor-
nuta, vel quæ tres caudas habeat, vel quinque pedes, vel alia huiusmodi, vt con-
gruè possis dicere eam mirabilem. Mittam verò tibi quàm citiùs potero, vnā
optimam ex melioribus quas reperire possim in nostra patria, cum freno pretioso. **B**
Ceterum tapetum tibi possem mittere, nisi fuisset oblitus quantæ longitudinis
& latitudinis tapetum iamdudum requisisti. Rememora ergo precor quàm longum
& latum esse velis, & mitteretur tibi, si inuenire potuero. Sin autem, iubebo tibi fieri
quale volueris, si consuetudo fuerit illud texi apud nostrates. Nec pro his quæro
mercedem illam quam polliceris, vt dones mihi quæcunque voluero. quod fieri
non potest. Peto autem, vt etiam si nihil dederò tibi, memor sis mei in orationibus
tuis, & ores pro me vt inhabitem in domo Domini omnibus diebus vitæ meæ, vt
videam voluntatem Domini, & protegar à templo sancto eius. Et illud optimum
consilium, quod mihi spondes, ne differas. Promissiones tuæ excitant me habere
in te multam fiduciam, quia meum est amico credere, & de promissis eius non diffi-
dere. Et meum est, aut nunquam promittere, aut promissa adimplere. Superiùs
sermone nostro lusimus tecum, domne Leo, frater charissime: nunc seria verba di-
cemus. Longobardos non arguo deceptionis, quam in me exercere vellent quan-
tum in ipsis fuit. Partum erat mihi Regnum Italiæ, si vnum facere voluissem quod
nefas iudicaui: scilicet vt ex voluntate eorum Episcopos qui essent Italiæ depone-
rem, & alios rursus illorum arbitrio eleuarem. Sed absit à me rem huiusmodi face-
re, vt Pastores Ecclesiæ, quibus mei patres semper honorem exhibuerunt, & quos
ipse quantum valui semper exaltaui, sine crimine inhonorem. Sub hac conditio- **C**
ne vellent quidam primorum Italiæ me seu filium meum Regem facere. Non lau-
dauit mihi hanc vituperabilem conditionem prudens Marchio MEGINFRIDVS,
nec frater eius ALRICVS bonus Episcopus, quorum me sanissimo plerumque
vti consilio nunquam poenituit. Quos supra omnes Italos præstantioris ingenij, fi-
dei, bonitatis esse censeo. Si quid rerum mearum tibi pro certo placuerit, quod
mittere possim, aut debeam, non te frustrabitur spes tua. Æquam mihi quæso re-
pende vicem, vt & ipse votis meis imparem te non efficias. In proxima ventura
festiuitate sanctæ Dei genitricis Mariæ Literas tuas opto videre, quibus animi tui
secreta amico tuo fidissimo pandantur. In Christo viuas, valeas, viuendo, va-
lendo.

EPISTOLA LXI.

Edit. 128.
Cod. MS.
127.

DOMINO Fulberto venerabili Carnotensium Episcopo, GVILLELMVS Dei
gratiâ Dux Aquitanie salutem & caras amicitias. CVM primum ad nos Picta-
uium, Præsul optime, venire dignatus es, & nostræ petitioni vt curam loci sancti
Hilarij gereres acquiescere, gaudium magnum fuit nobis. Sed huic gaudio multa
intercedit ægritudo, quòd ad nos redire dissimulas. Vnde tuam precamur gra-
tiam, noli dimittere quin venias, si fieri potest, in octauis Pentecosten. Sin autem,

A vel octo diebus ante natiuitatem sancti Ioannis Baptistæ tutum iter paciscimur tibi ambulanti cum Clericis & domesticis tuis. Apud nos satis militum habebis. Si non manseris nobiscum plus quàm triduò, in ipsius temporis articulo plurimum nos recreabis. O si venisses in proximè præteritis Rogationibus, quantam nobis, & Episcopis nostris, & Optimatibus consolationem & lætitiā fecisses! tempestiuè si velles Carnotum ad diem festum Pentecosten reuersurus, vel si te subducere velles, ne ires ad Curiam Domini Regis, satis honestam causam habiturus. Quem in præsentī adire dimitto, minores inimicitias me suscepturum putans ob meam absentiam, quàm si essem cum Domino Rege vel Regina, non consensurus in ordinando Rege absque meo fratre. **O D O N E** Comite. Quem enim ipse Regem fieri voluerit, ipsum & me velle pro certo noueritis. De eius cum Domino Rege concordia quicquid audieris, & ubi sit, si nosti, peto rescribere, & si noui Regis erit sacratio, an non, & cuius. Vale.

ROBERTVS.

EPISTOLA LXII.

DOMINO R. venerando atque amabili Decano sancti Hilarij, H. æternam salutem. *Edit. 120. Cod. MS. 129.* **M**VLTE vobis gratiæ referantur ex parte Dei, & domni mei Episcopi, & mea. Sicut dicitis, rem sancti Hilarij benè custodistis. Hinc profecto vos eius esse fidelem, & amicum nostrum, quorum vicem exequi studueritis, certissime probatis. **B** Quia verò nobis in præsentī vos adire non licet, de quibus nos interrogastis, significare curauimus, vt xxxv. libras, & alias quas vobis dimisi, in opus sancti Hilarij per consilium boni Ducis **G V I L L E L M I** expendatis, nullam mihi partem referuantes. Non enim possum me intromittere amplius de officio sancti Hilarij, cum etiam via sit mihi dominòque meo Episcopo difficilis propter seculi malitiam quam nostis: & ita sanctæ Mariæ seruitio tenear astrictus, vt ab hoc sine damno vel culpa dimoueri nequeam. Sed & ipsius Dei Genitricis eminentiam apud sanctum Hilarium, si qua ex me est, huius rei deprecari posse reor offensam. Nec enim illum honorem cui libet inferiorum postposuerim: sed clientelæ Matris Domini, quæ etiam Archangelòrum omnium dignitati prælata est, iure vt puto eius alumnus quantuluscumque me reddiderim. Dicetis ergo illi prudentissimo Duci ex parte domni mei Episcopi, vt tali Rectori committat locum sancti Hilarij, quem nec difficultas itineris, nec imperitia Ecclesiastici Ordinis ab eius obsequio detineat. Et hæc sunt rationes, de quibus Ragenaldus Vicedominus ad Seniorem meum Episcopum loquutus est, & vnde talem vobis finem mandamus: Nunc vestram charitatem, quæ mihi semper fuit præsentissima, rogo dilectissime, vt omnes Clericos domni nostri dulcissimi ac beatissimi Patris Hilarij, à paruo vsque ad maiorem, ex meo nomine salutetis, & omnibus orationum fidelia dicatis. **C** Ipsi etiam Comiti centenas millenas salutes ex mea parte conferatis, quem præ omnibus laicis diligo, memoriam eius in orationibus meis ad Deum semper faciens: qualescumque ei pro amore & beneficiis, quæ mihi exhibuit, indefinenter gratias agens. Similiter autem & domnum meum Isembertum Episcopum salutate obsecro, cuius in me benignitatis ac hilaritatis quanta fuerit gratia, nullatenus dicere me finit probitatis eius immensa magnitudo. Sed & filium Comitis, & Domnam Comitissam, necnon alios, quorum beniuolentia etsi immeritus gaudebam, eodem salutis munere cunctos impertiri ne pigeat. Ad summam vos ipsum benè valere optans, finem orationis facio.

EPISTOLA LXIII.

SACRO Senonensium Archipræsuli Leotherico Canonici sanctæ Mariæ Carnotensis in Christo salutem, & adhuc fidelitatis obsequium. *Edit. 121. Cod. MS. 130.* **M**VLTVM miramur, venerande Pater, quòd bonis initiis tam malos exitus habuisti: videlicet quòd nobis Pastore carentibus, in altero substituendo primùm benè fauisti, & postremò sententiam tuam deprauasti, alium quàm nos elegeramus ordinando. Ne autem dicas ignorasse te electionem nostram, mandauimus tibi per Diaconos nostros, Odelerium & Frotmundum, elegisse nos A. Decanum, cum Literis nostris id ipsum

Tom. I V.

R ij

ROBERTVS.

continentibus: qui talis nobis videbatur, qualem Episcopum ordinari debere dicit Concilium Carthagenense quartum. Quòd si post hæc alium tibi obtulerunt vel Rex vel aliqui ex nostris minus sapientibus, oportuisset te causam diligenter attendere, & inter nos ipsos diiudicare, quorum sanior haberetur electio, sicut in

» Decretis Leonis Papæ significari optime nosti his verbis. Ille omnibus præponetur, quem Cleri plebique consensus concorditer postularint: ita ut si in aliam

» fortè personam partium se vota diuiserint, Metropolitanis iudicio is saltem alteri præponatur, qui maioribus & studiis iuuatur & meritis. Volumus autem scire te, quòd ipsam electionem nostram mandauimus domno Regi per suos Monachos, Hernaldum Priorem, & Restaldum Præpositum sancti Dionysij. Quibus etiam obicientibus nobis de Theodorico ordinando Regiam voluntatem, iniunximus ut dicerent Regi ne id temerè fieri iuberet. Vocaret autem nos antea, si sibi placeret, ad Curiam suam, vel suæ voluntati consensuros, vel cur dissentiremus ostensuros. His verò dictis nostris ipse domnus Rex contemptis, qualem sibi libuit personam absque nostra petitione ordinari violentus accelerauit. Immemor fortassè illius dicti Constantini Christianissimi Imperatoris, de violentia Principum contra se & contra alios Principes ita se habentis: Quæcunque,

» inquit, contra leges fuerit à Principibus obtenta, non valeant. Sed ut ad præsens de ipso taceamus, quis sanè viderit, vtrum omnia rectè agat, nec post factum pœniteat? Ad te, Pater, querimoniarum nostrarum flectimus articulum, quem

B Ecclesiæ nostræ curam neglexisse, imo auctoritati tuæ derogare vehementer dolemus, posthabito supra dicto Leonis Papæ Decreto. Quod si obseruasses, rationabiliter utique egisses, & benè nobis ut filiis Pater consuluisses. At ipso violato, quàm multa alia sanctorum Patrum decreta violaueris, tute considera. Nos tamen pauca tibi de multis scribimus. Legitur in Decretis Celestini

» Papæ. Nullus inuitis detur Episcopus. Cleri, plebis, & ordinis consensus & desiderium requiratur. Et post pauca: Sit facultas Clericis renitendi, si se viderint prægrauari. Et quos sibi ingeri ex transuerso agnouerint, non timeant

» refutare: Qui si non debitum primum, vel liberum de eo, qui eos rectorus est, debent habere iudicium. Item ex Concilio Carthagenensi tertio: Et illud est statuendum, ut quando ad eligendum Episcopum conuenerimus, si qua

» contradictio fuerit oborta, quia talia facta sunt apud nos, non præsumant ad purgandum eum qui ordinandus est, tres iam, sed postulentur ad numerum supradictorum duo vel tres, & in eadem plebe, cui ordinandus est, discutiantur

» primò personæ contradicentium. Postremò illa etiam quæ obiciuntur pertractentur. Et cum purgatus fuerit, sub conspectu publico ita demum ordinetur. Ecce quomodo Patrum sententiæ violantur. Nobis enim inuitis obtrudere vultis Episcopum, nec conceditur nobis liberum de eo, qui nos rectorus sit, habere iudicium. Et cum is qui ordinandus erat contradiceretur, minime purgata sunt quæ obiciebantur, nec personæ vel rationes contradicentium

C discussæ. Quæ cum ita sint, cumque legem canonicam in hoc negotio multimodè solueris, monemus te non increpando, neque iudicando, sed affectu filiorum obsecrando, ipsi legi quam offenderis reconciliatum iri, confitendo culpam, & pœnitendo. Nec pudeat te dicere necessariis tuis secretò Deum timentibus, & in lege ipsius benè eruditis, iam tandem te animaduertisse ea quæ sunt contra statuta Canonum, non debere stare, sed & facientes pœnitere oportere. Quod si fortè Rex auctoritate tua deinceps corroborari voluerit, quod sine solutione Canonum stare non possit, videris Pater, ne adicias peccatum super peccatum. Sed aut quantum poteris id corroborare dissimula, aut manifestè salua legum auctoritate id te exequi non valere proclama. Postremò suppliciter oramus, hæc scripta nostra minime publicari, quæ apud tui cati pectoris secretum promere audemus. Rescribe verò nobis, si quid tibi videtur contra hæc rationabiliter opponendum. Augeat tibi Deus spiritum consilij, & fortitudinis, sapientiæ & intellectus.

EPISTOLA LXIV.

A

SANCTIS *Presulibus G. Beluacensi, O. Aurelianensi, A. Turonensi, Clerici sanctæ* *Edit. 132.*
Mariæ Carnotensis famuli eorum & fratres in Domino salutem. CONQUERIMVR
 apud vos, Patres, de Archiepiscopo nostro, & Rege, qui nobis inuitis Episcopum
 donare volunt quendam idiotam, vt scitis, & eiusmodi officio indignum. Pre-
 cantes auxilium vestrum, vt vigiletis sicut boni Ecclesiæ Pastores ad portas eius,
 ne introeat in eam ille talis, qui non quæsiuerit intrare per ostium, sed aliundè
 ascendere, sicut fur & latro. Vobis tribus portas custodientibus, sciatis pro cer-
 to quartum custodem addi, Odonem Comitem, & nunquam recepturum illum
 in ciuitatem suam, nisi prius vestro iudicio examinatum, vtrum recipi debeat an
 non. Vigilate ergo attentius, & diligenter inquirete causam cum vestris sapien-
 tibus Clericis, & nobis famulis vestris, si dignemini: vel propter Regis reueren-
 tiam hoc agere pigritemini, quasi hoc pertineat ad fidelitatem eius. Verè etenim
 ei fideiiores eritis, si quæ sunt corrigenda in Regno eius correxeritis, & animum
 eius ad eandem correctionem compuleritis. Volumus autem scire vos, A. Deca-
 num quem elegeramus factum esse Monachum, nihilominus tamen nos cum opta-
 re nobis fieri Episcopum: cum reprobatus fuerit ille lupus, quem probare potestis
B indignum. Quod vos inuicem cautè & diligenter & secretè deliberare petimus,
 vtrum fieri possit an non, & nobis seruis vestris & fratribus deliberationis vestræ fi-
 nem innotescere, siue literis, siue legato fideli. Hæc autem nostra verba videte
 interim ne publicentur. Valete.

EPISTOLA LXV.

QUVM *super omnes Abbates diligunt sanctissimo Patri O. Canonici sanctæ Mariæ* *Edit. 133.*
omnium virtutum gratia præfulgere. OBSECRAMVS vos in nomine san- *Cod. MS. 132.*
 ctæ Trinitatis, ne faueatis contra ius & fas partibus Theodorici simulati Episcopi,
 neque suadeatis Odoni Comiti facere cum eo concordiam contra sanctorum Ca-
 nonum auctoritatem. Clarissimum speculum posuit vos Deus in mundo, videte
 ne qualibet nigredine obscuremini, qua obfuscentur alij: sed semper vero lumine
 resplendeatis, quo & alij possint illustrati. Valete, beatissime Pater, & rescribite
 nobis, quid melius de hac causa vobis videretur.



EPISTOLAE STEPHANI X. NICOLAI II.

ET ALEXANDRI II. PONTIFICVM ROM.

Ad Geruasium Remensem Archiepiscopum.

EPISTOLA I.



STEPHANVS *Episcopus seruus seruorum Dei*, GERVASIO *Remensi Archiepiscopo salutem & Apostolicam benedictionem*. PROMOTIONI nostræ, sicut nobis scripsisti, non ambigimus te congratulari. Amicitiam quoque sinceram & volumus & optamus inter nos fore perpetuam. Porro obedientiam fidelitatemque, quam nobis polliceris te integerrimè seruaturum, si vt debes, & vt te decet, seruaueris, facis quod faciendum optimè scis: quia principalem & communem matrem, non modò nos, reuereris in nobis. De Concilio autem Remis habendo quid aliud dicendum, nisi quòd beatæ memoriæ domnus Victor Dei iudicio hinc est raptus; & quòd tu, sicut inter vos conuenit, non remandasti an in hoc esset Regis consensus? Sed & de Bituricensi Archiepiscopo, quia dilectus filius noster Hildebrandus, cui illius causa maximè nota est, abest, hoc tantùm respondemus, quòd eo reuertente, & te cum illo ad nos veniente, tam ex hoc quàm ex aliis Ecclesiasticis negotiis tuum consilium habebimus. Denique non est nostræ cautelæ de alterius illicitè sustentatione, sed diuinæ prouidentię. Ne deficias aut frangaris, si aduersarios pro fidelitate sanctæ Romanæ Ecclesiæ, immò pro sanctorum Canonum defensione pateris: sciens secundum Apostolum quòd in hoc positus sis. Auxilium enim nostrum & consilium tibi pro iustitia agonizanti tempore nostri Pontificatus, ad quem nullo meo merito videor assumptus, non deerit: & secundò quod oras, orabimur Dominum Iesum, ne à bono proposito aliquando decidas. Ceterùm Romæ quintodecimo die post sanctum Pascha Synodum celebraturi, tuam fraternitatem cum suffraganeis eius volumus, & auctoritate Apostolica iubemus interesse absque inuitabili necessitate.

EPISTOLA II.

NICOLAUS *seruus seruorum Dei*, GERVASIO *venerabili Archiepiscopo salutem cum benedictione Apostolica*. LICET de vestra fraternitate quædam sinistra, nec sine discussione dimittenda, peruenerint ad Apostolicam Sedem: scilicet quòd eius inuasoribus fauerit, quòd Pontificales actus postposuerit: tamen quia testimonio non leuis personæ defenderis, sed potiùs de fidelitate sancti Petri laudaris, præmissa transimus, & vt verum sit de vobis testimonium optamus. Vos autem omni conamine studete ita viuere, vt vestri non habeant inimici, vnde nos possint in vos contristare. Scitis enim, quàm benigna vobis fuerit communis mater sancta Romana Ecclesia; quamque de te magna ei fiducia, vt tua solertia Francorum posset succurrere penè lapsæ Ecclesiæ. Proinde agere stude quod de te sperauit Apostolica Sedes; & vestrum Regem gloriosum castiga, precare, amhone, ne peruertatur pessimorum consilio, qui nostra discordia putant se Apostolicam censuram euadere: caueátque sacris Canonibus, immò beato Petro resistere, nòsque, qui eum sicut pupillam volumus amare oculi, contra se mouere. Satis enim mirari potest, si pro aliquo stulto, sicut est, quem voluit ordinari, Matiscensis Episcopus, vult Deum & sanctum Petrum offendere; nostram charitatem atque sinceram dilectionem circa se paruipendere. An putat aliquis membrorum Antichristi, quòd plus non possit ei prodesse gratia beati Petri, quàm omnium impiorum perfida fidelitas? Agat itaque gloriosus Rex vt libet contra nos, quia nos pro

A illo eiusque exercitu Deum semper precari parati sumus. De Duce verò Gotifrido nemo vos terreat, cum fuerit opus vos venire Romam, quia non tantum vobis I. impedimentum non faciet, sed etiam fideliter seruitium impendet. Salutant vos charissimi fratres nostri Cardinales Episcopi, necnon humilitas filij nostri Hildebrandi.

EPISTOLA III.

NICOLAUS *Episcopus servus servorum Dei*, GERVASIO *venerabili Archiepiscopo Remensi salutem & Apostolicam benedictionem*. **A**UDIVIMVS relatione multorum, quòd Beluacensis Episcopus contra statuta Canonum, sine vobis, & sine vestro assensu fuerit consecratus, & quod peius est, ad Episcopatum sublimatus. Accingimini igitur, & fultus hac nostra auctoritate, ex parte omnipotentis Dei, auctoritate beati Apostoli Petri, omne Episcopale officium sibi, usque dum ad Romanam Synodum in tertia septimana post Pascha ante nos discutiendus veniat, interdicite. Si autem in aperto res est quòd pecuniam dederit, omnibus Beluacensibus Clericis ac laicis, ut sibi ante prædictum nostrum iudicium non obediant, sub excommunicatione, prædicti Apostoli Petri auctoritate interdicite. Non enim ob hoc promotus est, ut sit Episcopus, ut beatus Gregorius dicit, sed ut fiat lupus, & sanctæ Ecclesiæ inuasor & detestandus hereticus. Siluanectensi enim vestro suffraganeo Episcopo, si eum pecuniam dedisse præsciuit, & vestrum assensum in maledictionis herede benedicendo non habuit, similiter omne Episcopale officium, usque dum ad prædictam Synodum veniat, & nobis & tibi dignè satisfaciat, beati Apostoli Petri auctoritate interdicite.

EPISTOLA IV.

NICOLAUS *Episcopus servus servorum Dei*, GERVASIO *Remensis Ecclesiæ Archiepiscopo salutem & Apostolicam benedictionem*. **Q**VONIAM nobis commissum est, & auctoritate beati Petri traditum, supra quem fundamentum vniuersalis Ecclesiæ solidatum est, quatenus & errata corrigamus, & membra nostro capiti coherrentia, ne dissonent, studeamus: tibi, ut pote velut de nostris & sanctæ Romanæ Ecclesiæ membris, paternè intimando præcipimus, quatenus per te, quem in gremio matris tuæ, vniuersalis videlicet Ecclesiæ, conclusum esse speramus; ne Viridunensi Ecclesiæ, quæ nobis commissa est cum fratribus, quicquam iniuriæ tam per te quàm per tuos inferre à modo patiaris. Quod autem contra eiusdem Ecclesiæ fratres nunc nouiter, & tu, & tui, damni & iniuriæ intulistis, communiter & sanctæ Ecclesiæ Romanæ causa, & nostri amore emendare te, omni occasione remota, ammonendo iubemus, hoc est prædam de Postuiler, quæ potestati tuæ contigit, & de Mecla, quam Engobrandus deprædatus est, prædæ, cuius numerus infra scriptus est, ducenta sexaginta quatuor animalia. Clericos autem de eadem Ecclesia Canonicos, nulla interueniente mora, recludi à captura præcipias, ut pro hac & prædictis rebus studiosè peractis, & gratiam Apostolorum Principis & nostram habere promerearis.

EPISTOLA V.

NICOLAUS *servus servorum Dei*, GERVASIO *venerabili Archiepiscopo salutem & Apostolicam benedictionem*. **Q**UIA referente filio nostro G. te in fidelitate beati Petri persistere, eiusque auctoritati per omnia reuerenter adsurgere comperimus, paterna charitate sicut charissimum filium amplectimur, & amplectendo toto mentis affectu diligimus. Denique quamdiu te fidelem filium exhibebis, nostra paternitas tibi nusquam deerit; immò debita charitate suffragabitur, nostræque auctoritate incessanter tuebitur. Quòd de Episcopo Siluanectensi nobis per filium nostrum mandasti, quia canonicum est, cum eodem filio nostro tibi concedimus. Neque enim iustitiæ contraire volumus, pro qua mori, si necesse sit, lucrum putamus. Ceterum de nostro aduentu in Franciam, nullam ad præsens tibi scribimus certitudinem. Cum autem ad te noster filius venerit, ipse tam de hoc quàm de omnibus aliis te certificabit. Mandamus autem & præcipimus, quatinus cum Duce charissimo filio nostro pacem in eas, ut tui ad nos securè valeant

R. iiii

venire, nõsque eos possimus audire. Nolumus etenim duos tam charissimos filios A
in discordia manere.

EPISTOLA VI.

ALEXANDER *seruus seruorum Dei, dilectissimo fratri GERVASIO Archiepiscopo salutem & Apostolicam benedictionem.* DILECTIONIS tuæ Literas diligenter accepimus, & gratanter amplectentes, intento mētis intuitu charitatiuè perpeximus. Sed querelis & doloribus plenas cernentes, charitatiuè compati-
mur, & condolemus; tum quia Ecclesia tua antiquitus inter ceteras Occidentales, Deo propitio, nitore prudentiæ atque religionis resplenduit, ac per Apostolicam, cui Deo auctore licèt indigni deseruimus, Sedem magnificata emicuit; cū eadem, à prioribus Patribus & prædecessoribus nostris non discrepans, in sinu suo te retinere, & charitatis dulcedine fouere desiderat. Quæ querelæ, etsi inter damna Ecclesiæ quæ referunt, inter dolores & gemitus cordis tui, quos depingere contendunt, salem pectoris tui & fidelitatem, quam nostræ Romanæ adhibes, & vnicam & sinceram dilectionem, quam tuæ Remensi seruas Ecclesiæ, satis vrbanè & honestè monstraerint: nos tamen vtcūque arguunt, quia vindicem gladium manu Apostolicæ vltionis in aduersarios tuos iam porreximus. Si quidem antiqui hostis inuidia Antichristum per iniquitatis conceptionem suorum viscerum ege-
rens de sentina, tantis eo ingruente Romanam Ecclesiam per quinquennium, nunc callida tergiuersatione, nunc hostili inuasionē oppressit periculis, vt intestina nostræ specialis Ecclesiæ negotia vix possemus ventilare, nedum longinqua ad plenum extricare. Verū post longam tempestatem, & crebras procellas sereno, nube expulsa Deo iubente, reddito, forensibus iam occurrere valemus: quia, Deo propitio, vnde ire debeamus, viam videmus. Non tamen iustè, vt vestra diligentia nouit, potest fieri, vt prius quis à quoquam Prælato excommunicetur, quàm missa Synodica canonicè ad respondendum vocetur. Age modò debitum tenentes ordinem, & aduersariis tuis vocatorias Literas dirigemus, & tibi, tuæque Ecclesiæ iustitiam exequi proculdubio pollicemur. Quapropter quia, vt aiunt, nunquam consequimur victoriam nisi prius præcedat pugna, vt tuæ sicut amantissimus sponsus & egregius patronus Ecclesiæ viriliter subuenias, & Romanæ per beatum Petrum, velut bonus filius, strenuè adiuuando obedias, & vineæ Domini indefessus collaborator centenum fructum tempore messionis recipias; ad Synodum, Deo annuente, quinto decimo die post proximum Pascha, cum præsentis tuæ dilectione celebrandam sanctitatem tuam venire desideramus, ac sancto conuentui interfore Apostolica auctoritate inuitamus. Ad hæc si dilectus filius noster Petrus sanctæ Romanæ Ecclesiæ Subdiaconus, & noster Cancellarius, quem pro responsis Ecclesiasticis vestras ad partes misimus, per vos transierit, ita erga eum se tua fraternitas habeat, vt quemadmodum nos diligit ostendat. Quod autem citius apicibus
tuis non respondimus, non nobis, sed tui legati nimis deputes festinationi.

EPISTOLA VII.

ALEXANDER *Episcopus seruus seruorum Dei, GERVASIO Remensi Archiepiscopo fratri charissimo salutem & Apostolicam benedictionem.* SI Sacerdotale, quod administramus, officium mentis integritate pensamus, sic nos cum filiis nostris indiuiduæ charitatis debet vnire concordia, vt sicut Patres in nomine, ita affectu probe-
mur in opere. Ideoque desideramus, vt quos diuersitas voluntatis ab alterutra dilectione facit esse diuisos, eos ad concordiam redeūtes charitas faciat esse in gratia unitos. Literas itaq; sanctitatis vestræ suscipientes solita diligētia relegimus, in quibus continebatur controuersia, quæ inter vos & Clericos vestros Manassem & Amalricum vertitur, & damna quæ Manasses & R. Comites Ecclesiæ vestræ atque Canonicis inferunt. Vnde ipse professus est te ante legatos nostros aut satisfaciendo corrigere, aut plenissimè purgare. Quapropter dilectionem tuam intentè hortamur, vt ante Legatos nostros P. sanctæ Romanæ Ecclesiæ Bibliothecarium atque V. Cardinalem Presbyterum, si ipsi adesse potuerint, congregatis suffraganeis tuis, admissis etiam Laudunensi, cui instans negotium commiseramus, Episcopo, ita

A æquitatis lance terminetur, vt neutra pars de iniustitia ampliùs causetur. Illi tamen, quia ad beatissimi Petri sacratissimum corpus venerunt, in quo totius Christianitatis est singulare refugium, sibi sentiant adesse præsidium, quo per nos non videamini moti ad iracundiam: quia si proximorum necessitatibus benigna mente compatimur, nostris proculdubio petitionibus clementem Dominum reperimus. Ira ergo frater beatissime stude, quatenus dum ad Synodum, ad quam pro adiutorio sanctæ Ecclesiæ inuitatus es, Deo auxiliante veneris, de his expeditus, solum modo ad Ecclesiastici negotij vaces consilium, & sanctæ tuæ vniuersali matri Ecclesiæ, vt prudentissimus consiliator, & fortissimus propugnator, contra hostes suos vltionis atque defensionis impendas auxilium. Comitibus autem illis, qui Ecclesiæ tuæ aduersantur, iterum scripsimus, vt aut ante legatos nostros mala, quæ Ecclesiæ tuæ intulerunt, satisfaciens dignè emendando corrigant, aut ad præfatum Synodum omni posthabita occasione ad respondendum de obiectis veniant. Vbi si rebelles fuerint, quod iustum visum fuerit decernemus, & officium nostrum adimplere non omitemus. Præfatos autem legatos vestræ benignitati iterum commendamus, quos tamen à fraternitate tua honestè tractari non dubitamus.

EPISTOLA VIII.

B **A**LEXANDER *Episcopus seruus seruorum Dei*, GERVASIO *venerabili confratri Remorum Archiepiscopo salutem & Apostolicam benedictionem*. MIRAMUR diligentiam tuam, dilectissime frater, auctoritatem nostram ita parui pendere, vt ea quæ crebris orationibus nostris dignè admoneris atque rogaris, minimè videaris perficere. Si enim aliquis in tui auxilij fauore confusus, à patribus nostris ad te veniendi fatigium arriperet, & in confidentia sua deceptus nihil proficeret, credimus quòd charitas tua non parum doleret. Vt enim de patientia nostra interim taceamus, qua fiducia beatissimum Petrum, cœlestis regni clauigerum, in tuis petitionibus vales inuitare; cùm iam per biennium ij, qui eius patrociniū longis itineribus grauibûsque laboribus petierunt, ferè nihil, nobis vice sua instantibus, adhuc potuerunt impetrare? Cùm enim in hac petra, in qua Christi Ecclesia ædificata est, singulare sit refugium tribulantibus constitutum, vt qui ad eam confugiunt semper soleant inuenire solatium: huiuscemodi tempore nostro euacuari Romanæ Ecclesiæ priuilegium, dissimulando ferre non possumus. Quapropter fraternitati tuam his nostris affatibus diligenter admonemus, atque admonentes præcipimus, vt ita te nunc in causa Manasse & Amalrici, Ecclesiæ tuæ Clericorum, pium reddas, ita benignum exhibeas, quo vltèriùs aures nostræ inde querelam non audiant: quatenus sicut in vno cœpisti restorationem, ita iusta executione perficias in vtroque: quia non incipientibus, sed perseverantibus promittitur præmium. Si autem in hac re verba nostra tibi leuia fuerint, amicitia inter nos durare non poterit.

EPISTOLA IX.

C **A**LEXANDER *Episcopus seruus seruorum Dei*, GERVASIO *Remensi Archiepiscopo salutem & Apostolicam benedictionem*. LICET Carnotensium causam contra præceptum sanctæ Apostolicæ Sedis, & pristinæ reëctitudinis tuæ zelum, reprehensibiliter neglexisse proberis: tamen quia messis multa, & operarij pauci ad definienda Ecclesiastica negotia, quæ nobis deferuntur; prudentiam tuam nobis cooperatricem esse exposcimus. Præsentium itaque portitoris lacrimabiles querimonias audientes, compassionem vt oportuit exhibuimus. Deplorauit enim se honore propriæ Abbatiz, altero simoniacè subrogato, priuatum: sc̃que nullam inde iustitiam consequi potuisse. Literas etiam Blandiniensis Cœnobij nobis attulit, quòd quidam Euerelmus Monasterium illud simoniacè inuasit, ipsiusque bonæ cietatis Monachis ad nihilum redegerit, vitamque suam adulteriis, variisque criminibus vltra humanam consuetudinem polluerit. Ammonemus itaque charitatem tuam, vt vtrumque inuasorem conuenias, & si res ita est, hanc præsumptionem in partibus illis vltèriùs locis venerabilibus obesse non permittas. Quod si præfati inuasores canonicæ rationi acquiescere contempserint, & quibus debentur ipsa Monasteria dimittere noluerint, nostra eos Apostolica auctoritate studeas cum omnibus fautoribus suis excommunicare.

ALEXANDER *Episcopus seruus seruorum Dei, charissimo confratri GERVASIO Remensi Archiepiscopo salutem & Apostolicam benedictionem.* VISIS fraternitatis tuæ Literis, euidenter intelleximus, eam matri suæ sanctæ Romanæ Ecclesiæ sinceram compassionem exhibere, ipsamque, si facultas daretur, præsentia corporis velle visitare. Et quia sollicitudinem tuam eiusdem prosperitate lætari, quemadmodum de infortunio contristari non dubitamus: annuntiamus tibi, diuina suffragante clementia, Cadoli præsumptionem extollentem se aduersus Apostolicam Sedem, tanto ampliùs ad maiorem sui ignominiam detenuisse, quanto ipse sperauerat altioris superbæ culmen ascendisse. Si quidem proprii nominis etymologiam euidenter intelligens, ad reparandam pecuniam, in periculum capitis sui à fautoribus suis distributam, cuiusdam turris præsidio gemebundus seruatur. Vnde per misericordiam Dei speramus nullo modo posse euadere, donec quicquid contra sanctum Petrum nequitia sua præsumpsit satisfecerit digna emendatione. Quod igitur simoniacæ hereseos pestem, quæ in partibus illis vires adhuc obtinet eius dolis, velle insequi significasti; non parum deuotionis tuæ studio congaudemus. In quo nimirum adeò specialem dilectionem à nobis, & à filiis sanctæ Romanæ Ecclesiæ promeruisti, vt à nonnullis te odio habentibus odium quoque nobis euidentibus indiciis exhiberi declaretur. Super A. Aurelianensem denique, qui simoniacè Episcopatum obtinuisse, & inde periurium tribus aliis sibi adhibitis incurrisse probatur, sententiam dare Archiepiscopum Senonensem Literis nostris ammonuimus. Quem nimirum, vt cum ipso conuenias, & negotium illud pariter agas, Apostolica auctoritate hortamur. Abbatem quoque sancti Medardi, iampridem excommunicationis vinculo innodatum, omnimodis operam dare studeas vt de Abbatia, quam iniuste tenet, eiiciatur, & alter dignè & canonicè substituat. Cetera verò, quæ in literis tuis continentur, ad præsens distulimus, præsertim cum in præsentia tui, quam desideramus videre, id melius fieri existimamus. Non enim panis securi, neque arbor cultro scindi solet. De causa autem Amalrici iterum & iterum te admonemus, vt quod in apertis Literis nostris continetur, omni studio, omni que sollicitudine peragas.

EPISTOLA XI.

ALEXANDER *seruus seruorum Dei, GERVASIO Remensem diligentissimo Archipresuli, atque in Christo dilectissimo fratri, salutem & Apostolicam benedictionem.* VISIS fraternitatis tuæ literis, Coëpiscoporum quoque tuorum necnon & Clericorum flebilibus auditis querelis, sensibiliter intelleximus quàm maximis cladibus & ærumnis præter solitum Remensis gloriosissima opprimatur Ecclesia; quantòque tua religiosa dilectio immerito versetur incommodo. Quapropter vera affecti compassione; tum ex loci, cui immeriti præsidemus, sollicita consideratione, tum etiam ex tuæ prudentiæ necessitudine, quam pio diligimus sinceri cordis amore, graui gemitu detrimento tuæ condolemus Ecclesiæ: necnon fatigio tuo, charissime, proculdubio compatimur præcipue. Auxilij quoque dexteram, quam à nostra tantopere postulare studuisti Apostolica Sede, integro affectu prompti sumus pro viribus nostris, proque temporis qualitate, necessitati tuæ benignè impendere; atque Apostolicæ auctoritatis clypeum omnibus Remensis Ecclesiæ aduersariis libenter opponere. Sed prænunciij tui festinatione, qui se afferebat collegas nullo modo posse relinquere, tuæ causæ habile, vtpote in momento temporum, minimè tunc, absentibus etiam nostris fratribus Cardinalibus, reperire valuimus consilium. Ipsi autem post paululum, tuæ legationis communicata supplicatione, & aptum consilium inuenire, & inuentum vna cum Legato, quem à latere nostro poposcisti, auxiliante Deo, quàm citiùs poterimus curabimus partibus vestris dirigere. Interim verò hanc nostram responsionem suffraganeis tuis Episcopis, qui similiter nostrum per Literas implorauerunt suffragium, suæ matri Ecclesiæ Remensi intimare ne negligas: Apostolicæ Sedis, nisi morte fuerimus præuenti, certissimè præstolando Legatum.

A

EPISTOLA XII.

PHILIPPVS
I.

ALEXANDER *Episcopus servus servorum Dei, charissimo fratri GERVASIO Remensi Archiepiscopo salutem & Apostolicam benedictionem.* PROCLAMATIO delata est sanctæ Apostolicæ Sedi, quod Abbatisa Laudunensis, Monasterij videlicet sancti Ioannis, sine canonica audientia & iudicio Episcopi sui à regimine suo eiiciatur. Quod nimirum quia canonicis institutionibus omninò videtur esse contrarium, ammonuimus confratrem nostrum Elinandum Laudunensem Episcopum, ut hanc causam diligenter discutiatur, atque canonicè diffiniat. Ita tamen, ut eadem Abbatisa, priusquam discussio fiat, regimini suo, sicut sacri canones præcipiunt, restitatur. Inuitamus igitur fraternitatem tuam, ut manum adiutorij tui ad hæc exequenda sibi tribuas, & hoc negotium iuxta tenorem literarum nostrarum, quas sibi misimus, determinetur, te adiutorem & cooperatorem adhibeas. Quod quidem sollicitudinis studium, etiam si Apostolatus nostri literis præmonitus non esses, oporteret tamen deuotionem tuam impendere: ipsūque Laudunensem Episcopum quia parochianus tuus est, ad hoc peragendum incitare. Non dubitet igitur prudentia tua hunc laborem arripere, seque pro domo Israël murum opponere. Et quia officij tui est pacem diligere, sicut iam te sæpius ammonuimus; iterum ammonemus, ut pacem cum charissimo nostro Duce Gotifredo studeas componere. Periculosum est enim Ecclesiam tuam tanto discrimine fatigari, & nobis importabile tot accusationibus pulsari.

EPISTOLA XIII.

ALEXANDER *Episcopus servus servorum Dei, GERVASIO venerabili Remorum Archiepiscopo salutem & Apostolicam benedictionem.* PESTEM simoniacam, quæ hætenus vestris in partibus, quasi timida serpere solebat, nunc caput accepimus extulisse, & gregi Dominico, tam timore quam pudore remoto, grauissimam iacturam instantissimè inferre. Vnde non mediocri mœrore afficimur: quippe qui nobis creditos, & Christi sanguine redemptos quorundam peruersitate perire videamus. Quod totum sanè Archiepiscopis imputamus. Nemo enim simoniacus emptionem iniret, si se consecrandum fore desperaret. Sed quia Archiepiscopi sine discretionem consecrant, multi indiscretè ad Episcopatus aspirant. Verùm cum tempus acceperimus, adiutore Deo, & de consecratis & de consecratoribus iustitias iudicabimus. At verò audito tuo erga sanctam religionem bono studio, non modicè gaudemus quem strenuum cultorem ita in vinea Domini operari audiuius, ut nulla Simonis propago in ea, quantum ad te attinet, radicari possit. Et quamquam ammonitione non videaris egere, te tamen ammonemus atque præcipimus, ut Iosselinum Sueffionensi Ecclesiæ non consecres Episcopum, qui Archidiaconatum simoniacè obtinuisse non contentus, Episcopari etiam pecuniâ contendit. Beluacensem autem Episcopum, quem res Ecclesiasticas & populum Dei atrociter disperdentem audiuius, si verum est, iubemus ita virga sanctæ auctoritatis ferias, ut ceteri, si qui sunt similes eius, exemplo corrigantur. Porro Ambianensis Episcopus à nobis ammonitus, ab iniuria Corbeiensis Abbati illata, non veritus nostram auctoritatem, non modò non desistit, verùm etiam in dies eam multiplicat. Quare utrumque ad te quàm maturiùs conuoces, eorum contentioni finem canonicè imposurus. Quod si per te nequiueris, rem totam ad Sedem Apostolicam tempestiuùs per Epistolam referas, ut Apostolica auctoritate hæc contentio sopita conquiescat. Hæc agas, & aliis quoque Ecclesiæ vtilitatibus hortamur inseruias: ut laboris tui Dominum Iesum quandoque habeas largissimum retributorem, & nostram erga te benevolentiam sentias certiore.

EPISTOLA XIV.

ALEXANDER *Episcopus servus servorum Dei, fratri GERVASIO salutem & Apostolicam benedictionem.* PRIVILEGIA Cœnobij Corbeiensis ab antecessoribus nostris instituta antiquitus nouerit nos tua dilectio confirmasse, & ut in

PHILIPPVS
I.

perpetuum rata sint auctoritate sanctorum Petri & Pauli roborasse. Quod nostræ A
sanctionis edictum te quoque obseruare volumus, & vt per omnia obseruari facias,
pia sollicitudine commonemus. Miramur autem tuæ prudentiæ videri prædicta
priuilegia dissentire Ecclesiastico Canoni: cùm constet apud te alias esse leges Ec-
clesiarum, quæ sunt generales, & alias esse eas, quæ specialiter in priuilegiis qui-
busdam prærogantur Ecclesiis ad immunitatem; ne quorumlibet importunitate
patiantur inquietudines. Causam verò, quæ summa & principalis erat inter Epi-
scopum & Abbatem, canonicè in Concilio discussam scias nos penitus terminasse:
eundemque Episcopum nobis & sanctæ Romanæ & Apostolicæ Sedi, cui Deo au-
ctore præsidemus, coram Fratribus & Coëpiscopis nostris satisfecisse in Synodo:
ipsumque pro inobedientia sua suspensum fuisse ab officio. Cetera autem, de qui-
bus Abbas conqueritur, mandamus fraternitati tuæ vt audias; & secundum quod
tibi iustum videbitur, definias. Chrisma verò & ordinationes si Episcopus spiritu
superbiæ inflatus dare noluerit, nostra licentia præfato Monasterio concedas, &
in omnibus negotiis auxilium tuæ protectionis exhibeas.

EPISTOLA XV.

ALEXANDER *Episcopus seruus seruorum Dei, charissimo fratri GERVASIO*
Remensi Archiepiscopo salutem & Apostolicam benedictionem. DEVOTIONI B
tuæ notum fieri volumus, quòd Abbas Monasterij sancti Dionysij Martyris apud
nostram audientiam super Episcopo Parisiensi semel & secundo fuerit questus. Vi-
delicet quòd ipse contra ius priuilegiorum à sanctis & Apostolicis viris salubriter
eidem Monasterio multotiens concessum, contraque Francorum Regum & Epi-
scoporum ipsius patriæ constitutiones, subripere, sibi que vendicare iam dicti Mo-
nasterij potestatem attentauerit. Ad quæ nimirum dirimenda ad Sedem Apostoli-
cam vtrumque venire inuitauimus: vt ibi congregatis Ecclesiarum iudicibus huius
causam litigij canonicè determinaremus. His igitur in sancto Concilio repræsentatis
post longam discussionem, post varias vtriusque partis oppositiones, clauit ius-
titiam præfato Monasterio fauere: nec tot aut tantorum Pontificum auctoritati,
absque horrendo anathemate, aliquem posse obuiare. Vnde consilio totius sancti
conuentus, quæ à sanctis prædecessoribus nostris sanctè sunt instituta firmauimus
atque corroborauimus. Rogando itaque fraternitatem tuam ammonemus, qua-
tinus si inuitatus fueris ab Abbate vel Fratribus eiusdem Monasterij, chrisma &
oleum, & cetera quæ eis ex Episcopali officio videntur necessaria, tribuas, ac tuos
suffraganeos tribuere præcipias.

EPISTOLA XVI.

ALEXANDER *Episcopus seruus seruorum Dei, GERVASIO Remensi, R. Se-*
nonensi, B. Turonensi, M. Bituricensi, T. Burdegalensi, Archiepiscopis salutem &
Apostolicam benedictionem. NON ignorat sancta vestra fraternitas, dilectissimi, Q
quòd ex auctoritate Sedis Apostolicæ, cui nos indignos clementia diuina præfecit,
totius vniuersalis Ecclesiæ regendus ac disponendus nobis status incumbit. Quo-
niam igitur pluribus Ecclesiarum negotiis occupati ad vos ipsi venire non possu-
mus, talem vobis virum destinare curauimus: quo nimirum post nos maior in Ro-
mana Ecclesia auctoritas non habetur. Petrum videlicet Damianum Ostiensem
Episcopum, qui nimirum & noster est oculus, & Apostolicæ Sedis immobile fir-
mamentum. Huic itaque vicem nostram pleno iure commisimus: vt quicquid in
illis partibus Deo auxiliante statuerit, ita ratum teneatur & firmum, ac si speciali
nostri examinis fuerit sententia promulgatum. Quapropter venerabilem sanctita-
tem vestram fraterna charitate monemus, & insuper Apostolica vobis auctoritate
præcipimus, vt talem, tantumque virum, tanquam nostram personam, digna stu-
deatis deuotione suscipere, eiusque sententiis atque iudiciis propter beati Petri
Apostolorum Principis reuerentiam humiliter obedire. Quisquis enim fastu su-
perbiæ, quod absit, inflatus illius iudicio contradictor vel aduersator extiterit, vs-
que ad dignam satisfactionem nostram vel Romanæ Ecclesiæ gratiam non habe-
bit. Quia verò cùm ad vos Girelmum misimus, adhuc aduentum præfati domini
Petri

A Petri nos impetrare posse nullatenus speraremus, volumus vt si quid apud vos ^{PHILIPPVS} Girelmus cœpit, ad domni Petri magisterium veniat, & per eius manum quicquid ^{I.} agendum est fiat.

EPISTOLA XVII.

ALEXANDER *Episcopus seruus seruorum Dei*, GERVASIO *Remensi Archiepiscopo cum suis suffraganeis, si obedierint, salutem & Apostolicam benedictionem.* Si quod officij vestri est exequeremini, non Abbatem, sed maleficum Reginaldum, à Petro Ostiensi Episcopo, & à vobis in Conciliis iusta ratione, vt nobis relatum est, condemnatum ab ipso sancti Medardi, quod simoniacè inuasit, Cœnobio penitus eliminaretis. Quòd si causa cupiditatis, aut amore vel timore alicuius potentis personæ, explere renuistis; hæc omnia Dei omnipotentis timori præposuistis; & nullum dispersis Monachis solatium regrediendi præbuisistis. Quapropter eiusdem Rainaldi malitia magis multiplicatur, & crescit. Hæc verò idcirco mandare cūrauimus: quia ex iisdem dispersis Monachis quidam ad nos venerunt, fientes & eiulantes; alij Literas direxerunt lamentabiles, iustitiam sancti Petri, nostramque consolationem pro tali iniustitia requirentes. Vnde supradicti Petri, vestramque nostra auctoritate corroboramus sententiam; eundemque Rainaldum
B & consentaneos eius anathematizamus, ipsumque Cœnobium, quamdiu in eo manserit, interdiciamus, & vt idem faciatis vobis mandamus.

EPISTOLA XVIII.

ALEXANDER *Episcopus seruus seruorum Dei, charissimo fratri* GERVASIO *Remensi Archiepiscopo salutem & Apostolicam benedictionem.* DEBITAS fraternitati tuæ grates rependimus, quòd in eiectione Hi. à nobis damnati, quòd Carnotensem Ecclesiam simoniacè inuaserat, te promptum sollicitumque ostendisti; quòdque vt alter dignus & idoneus eidem Ecclesiæ canonicè substitueretur, charissimo filio nostro PHILIPPO Francorum Regi consilium dedisti. Cui nimirum, suisque Optimatibus, vt dignas super hoc grates rependas, prudentiam tuam inuitamus. Nouerit etiam fraternitas tua, nos confratrem nostrum Senonensem Archiepiscopum ammonuisse, quatinus Aurelianensis Ecclesiæ inuasorem nostra Apostolica auctoritate excommunicet. Claret enim ipsum simoniacè Episcopatum obtinere, & ad obtegendā reatus sui improbitatem, periurium in Cabilonenſi Synodo incurrisse; suiſque fraudulentia confratrem nostrum Petrum Ostiensem Episcopum, à quo eadem Synodus celebrata est, decepiſſe. Super hæc etiam ad argumentum criminum suorum Literas Apostolatus nostri, quibus ad hæc examinanda vocabatur, omninò refutauit. Quapropter charitatem tuam Apostolica
C auctoritate ammonemus, vt præfato Senonensi Archiepiscopo in damnatione Aurelianensis inuasoris, contempto timore & grātia, omnium te socium & adiutorem adhibeas.

EPISTOLA XIX.

ALEXANDER *Episcopus seruus seruorum Dei, charissimo fratri* GERVASIO *Remensi Archiepiscopo, omnibusque suffraganeis suis, necnon Senonensi Archiepiscopo, suisque suffraganeis, salutem & Apostolicam benedictionem.* MULIER ista, præsentium Literarum portatrix, Apostolorum limina adiens conquesta est quòd ei Comes Radulfus omnia bona sua abstulerit, eaque dimissa, crimine fornicationis fallaciter obiecto, alteram ducere velit. Quod quàm sit diuinis & humanis legibus contrarium, fraternitas vestra perpendit. Quapropter studeat religio vestra ipsum conuenire: & si causa talis est, vt ista asserit, redditis propriis bonis, vt ipsa ab eodem recipiatur satagite. Quòd si ipse rationi acquiescere recusauerit, vos super eum canonicum deliberate iudicium, quod nos sequentes sanctorum Patrum auctoritatem, vbi sententiam vestram audierimus, confirmabimus.

ALEXANDER *Episcopus servus servorum Dei*, GERVASIO *Remensi Episcopo confratri dilectissimo salutem & Apostolicam benedictionem*. QVONIAM ad vniuersalem Sedem, cui diuina prouidentia præsidemus, lacrymabilis & inaudita Ecclesiæ sancti Mennij querimonia est adlata, sanctissima scilicet eius corporis absentia desolata; domibus quoque & ceteris omnibus bonis impiè & sine more denuadata, lacrymas nos & Romanam fundere cogit Ecclesiam. Vnde fraternitati tuæ rogando curauimus mandare, vt corpus sanctissimi viri ab Episcopo Catalaunensium à propria Sede deportatum; & quod lacrymabilius est, cruentis armatorum militum manibus velut in partem prædæ discissum, ad propria redire, remota omni excusationis simulatione, facias. Euersionem quoque domorum, & direptionem ceterorum bonorum, sicut iustum est, & officium magisterij tui decet, vt emendare compellas, ex parte beatorum Apostolorum Petri & Pauli præcipiendo mandamus. Quod si sententiæ nostræ, immò tuæ iustæ deliberationi parere noluerit, virga magistratus tui, ex auctoritate sancti Petri, ardentissimè feriat. B

EPISTOLA XXI.

EXCELLENTISSIMO *Patri Patrum & Episcoporum Episcopo* NICOLAO *Geruasius dictus Episcopus fidele seruitium cum exiguitatis meæ orationibus*. GRATIAS ago diuinæ primùm pietati, vestræ etiam, optime Pater, mediocritati; quod non tantum apud vos accusatorum meorum inualuit delatio, vt non veridica legatorum nostrorum admitteretur excusatio: nec Apostolica censura mihi negaret misericordiam, in quem non sine multorum admiratione tantum inhorruerat. Gratias nihilominus ago vestræ humilitati, quæ quanta Principem & Pastorem sanctæ Romanæ Ecclesiæ decuit benignitate, nostros legatos sanos excepit, infirmos visitauit, mortuos sepeliuit. Et si enim vni tantum apud vos infirmato & mortuo hæc visitationis & sepulturæ solatia impendistis; in vno tamen ceteros visitastis, ceteros sepelistis. Cui non ego, qui nihil sum, sed tota Remensis Ecclesia bonæ conuersationis testimonium perhibet. Cuius obitum, ceterorumque, qui penè omnes obierunt, audiens, incredibili tristitia sum affectus: nec vnquam non odisse valeo illum, cuius superbia id effecit, vt isti mitterentur. Si enim qualem existimaui legatum misissem, isti nec mitterentur, ne fortasse morentur: quod vestra prudentia optimè recognoscit. Præterea multò grauior angit me tristitia de obitu Domini Regis: quod etiam vestram non latet prudentiam. Scitis enim quantum infrænes & indomiti sunt nostrates, quorum diuisionem timeo Regni nostri fore desolationem. Ad quam cuitandam vestrum mihi consilium & auxilium flagito, quæ nulli Regno, vt potè Pater omnium, negare poteritis: præsertim cum nostro semper debeat, quod optimi viri patriæ deberi censuerunt. De vestro aduentu in nostram Galliam, quid animi habuerim viuente Domino Rege, licet diffamatus sim id noluisse, satis, vt puto, significauì paternitati vestræ: & nunc in eo is mihi animus est, Deo testante, vt non tantum cum desiderem, sed etsi etiam, ita vt venientem auctoritatem vestram cum tanto gaudio & honore suscipiam, quanto decet Petri Vicarium suscipi, & Apostolicæ censuræ per omnia cooperator existam. Dicant aduersarij quantumlibet me infidelem & rebellem magistratui vestro; ego subiectionem meam vobis profiteor: & quicumque vobis illam negauerint, cuiuslibet ordinis sint, mihi communicare non poterunt. Obloquitur etiam aduersariis illa obedientia, quam sine omni respectu suspensionis & interdicti vestri conseruant, non sine magno damno Ecclesiarum nostrarum & nostro. Impediuit quoque meum erga vos famulatum illa suspensio. Ad quod restaurandum, sicut recuperate possibile est, si ita ad cetera redintegrandam saltem aliqua spes restaret, de tanto dolore quasi de graui somno resurgerem. Est enim mihi animus, nec despero in futurum, cum gaudio atque reuerentia quandoque Apostolatum vestrum suscipere; tantumque honoris vobis impendere, quantum personæ & officio vestro conuenire manifestum est. Nec nostris temporibus fuisse, vel futurum esse in vestra Sede aliquem credo, quem copiosius honorare desiderem. Nam qui nos sic honorastis

A prudentia & sanctitate vestra, ut de Regno nostro Roma eligeret, quem sibi & mundo caput ordinaret: Nos quoque tanto honore vos dignamur, quanto Dominus noster Iesus Christus Petrum decoravit, ubi Ecclesiæ principatu illum sublimavit. Dominus omnipotens sanctitatem vestram ad utilitatem sanctæ Ecclesiæ diutissime conseruet, & auertat à prudentia vestra, ne alicuius levis sermo gratiam vestram mihi, néve seruitium & fidelitatem meam vobis auferat.

PHILIPPVS.

EPISTOLA XXII.

DOMINO & Patri ALEXANDRO sanctæ Apostolicæ Sedis Pontifici, GERVASIVS gratia Dei Remorum Archiepiscopus, inter mundi huius fluctus Ecclesiæ Dei nauiter gubernare, atque ad portum æternæ beatitudinis feliciter peruenire. REGNUM nostrum non mediocriter conturbatum est. Regina enim nostra Comiti RADVLPHO nupsit, quod factum Rex noster quàm maximè dolet. At custodes ipsius non æquè grauitet ferunt. Qua de causa me quoque mœror non modicus affecit, quippe cum mihi hac vice complendi facultas non sit, quod ardenti desiderio proposueram. Proposueram enim Petri limina visitare, vestram diu exoptatam faciem videre, sermonem vestrum sanctum mellitumque ab ore præsentis accipere; utilitatibus sanctæ Sedis Apostolicæ aliquandiu pro viribus deferuire. Quæ quidem si modo facere non licet (Regni enim perturbatio, ut dixi, me retinet) ubi copia dabitur tantò studiosius agam, quantò ea agere diutius desideravi. De uxore verò Comitis Radulphi, quæ vestræ conquesta est paternitati, se à viro iniuria esse dimissam, id vobis notum esse volumus * *. Reliqua desunt.



GREGORII VII. PAPÆ

EPISTOLÆ HISTORICÆ.

EPISTOLA I.

GREGORIUS in Romanum Pontificem electus, omnibus Principibus in Lib. 1. Terram Hispaniæ proficisci volentibus perpetuam salutem in Domino Iesu Epist. 7. Christo. Non latere vos credimus, Regnum Hispaniæ ab antiquo proprii iuris sancti Petri fuisse, & adhuc (licet diu à Paganis sit occupatum) lege tamen iustitiæ non euacuata, nulli mortalium, sed soli Apostolicæ Sedi ex æquo pertinere. Quod enim auctore Deo semel in proprietates Ecclesiarum iuste peruenit, manente ab eo abusu quidem, sed ab eorum iure occasione transeuntis temporis, sine legitima concessione diuelli non poterit. Itaque Comes EVVLVS DE ROCERO, cuius famam apud vos haud obscuram esse putamus, Terram illam ad honorem sancti Petri ingredi, & à Paganorum manibus eripere cupiens, hanc concessionem ab Apostolica Sede obtinuit, ut partem illam, unde Paganos suo studio, & adiuncto sibi aliorum auxilio, expellere posset, sub conditione inter nos factæ pactionis ex parte sancti Petri possideret. Quæ in re & labore quicumque vestrum sibi adherere voluerit, omni charitatis affectu commonitus, erga honorem sancti Petri talem animum gerat, ut ab eo & munitio- nis auxilia in periculis, & merita fidei statim præmia securus accipiat. Si autem aliqui ex vobis seorsum ab illo propriis copiis eandem Terram aliqua in parte intrare parauerint; decet, ut militiæ causam ex animi deuotione quàm iustissimam sibi proponant, iam nunc omni voto concipientes, & ex corde statuentes, ne capta Terrâ easdem, quas illi, qui nunc Deum ignorantes eam occupant, iniurias sancto Petro faciant. Hoc etiam neminem vestrum ignorare volumus, quoniam nisi æquâ pactione persoluendi iuris sancti Petri Regnum illud animaduertere statueritis, potius vobis Apostolica auctoritate ne illuc tendatis interdicens, contra feremur, quàm sancta & vniuersalis mater Ecclesia, idem à filiis suis quod ab hostibus patien-

PHILIPPVS
I.

do, non iam proprietatis suæ, sed filiorum detrimento fancietur. Quamobrem A
hunc dilectum filium Hugonem, Cardinalem sanctæ Romanæ Ecclesiæ Presbyterum, in partes illas misimus, in cuius ore nostra ad vos consilia & decreta plenius apertiusque differenda, ac vice nostra disponenda posuimus. Datum Romæ 11. Kal. Maij, Indictione xi.

EPISTOLA II.

Epist. 46.
edit.

GREGORIUS *Episcopus servus servorum Dei*, GVILLELMO *Burgundionum Comiti salutem & Apostolicam benedictionem*. MEMINISSE valet prudentia vestra, quàm larga affluentia dilectionis Romana Ecclesia valentiam vestram iamdudum recepit, & quàm speciali charitate vestram familiaritatem dilexit. Neque enim se condecet obliuisci promissionis, qua Deo se ante corpus Apostolorum principis Petri, præsentem venerabili antecessore nostro Alexandro Papa, & Episcopis, Abbatibus plurimis, atque diuersarum gentium multitudine, quarum non est numerus, obligauit, ut quacumque horâ necesse fuisset, vestra manus ad dimittendum pro defensione rerum sancti Petri non deesset, siquidem requisita fuisset. Vnde memores nobilitatis vestræ fidei, rogamus & admonemus strenuitatis vestræ prudentiam, quatenus præparetis vestræ militiæ fortitudinem ad succurrendum Romanæ Ecclesiæ libertati, & si necesse fuerit veniatis huc cum exercitu vestro in seruitio sancti Petri. Et hoc idem rogamus vos monere Comitem Sancti Egidij, & B
focerum Richardi Capuani Principis, & Amideum filium Adelettæ, ceterosque quos cognoscitis sancti Petri esse fideles, & qui similiter in manibus ad cælum extensis promissere. Si quid verò certæ responsionis prudentiæ vestræ nobis placet remittere, per eum nuncium nobis mandate, qui modis omnibus nos reddat indubios: & idem vester nuncius veniat per Comitissam Beatricem, quæ cum filia & genere in hoc negotio laborare procurat. Hanc autem militum multitudinem non ideo coaceruare curamus, ut ad effusionem sanguinis Christianorum intendamus: sed ut ipsi videntes expeditionem, dum configere timuerint, facilius subdantur iustitiæ. Speramus etiam, quòd forsitan alia inde vtilitas oriatur, scilicet ut pacatis Normannis, transeamus Constantinopolim in adiutorium Christianorum, qui nimium afflictis creberrimis moribus Saracenorum inhiante flagitant, ut sibi manum nostri auxilij porrigamus. Nam contra eos Normannos, qui nobis rebelles sunt, satis sufficiunt milites isti, qui nobiscum sunt. Certus enim esto, quoniam te, & omnes, qui tecum in hac expeditione fuerint fatigati, duplici, immò multiplici remuneratione (ut credimus) Petrus & Paulus principes Apostolorum donabunt. Datum Romæ 14. Nonas Februarij, Indictione xii.

EPISTOLA III.

Epist. 56.
edit.

GREGORIUS *Episcopus servus servorum Dei*, ROGERIO *dicto Catalaunensi Episcopo*. PHILIPPVS Rex Francorum non modica tibi dilectione attractus, multum nos ut te absolueremus, tum per Literas, tum per Legatorum verba rogauit. Quod quidem salua iustitiâ nequaquam nobis faciendum esse peruidimus, dum iuxta vigorem canonicæ disciplinæ multò grauius in te animaduertendum esse cognosceremus. Sed adhuc Apostolica mansuetudine iudicium in te vltionis debite suspendentes, præsentis auctoritate tibi præcipimus, ut præsentiam tuam abhinc vsque in proximam festiuitatem omnium Sanctorum conspectui nostro repræsentare nullo modo prætermittas: quatenus aduersum te totiens iteratam proclamationem Catalaunensis Ecclesiæ iusto fine (Deo auxiliante) decidamus. Admonentes equidem, ne interim in contemptu, vel transgressione iam antè datæ sententiæ, periculum tibi tu ipse grauius ingeras. Quibus in rebus si nobis inobediens fueris, & aliqua tergiversatione te excusans, infra prælibatum terminum præsentis nostræ te non exhibueris, de tua damnatione, & incommutabili depositione vltèrius non dubitabis. Datum Romæ in Synodo, xv. Kal. Aprilis, Indictione xii.

A

EPISTOLA IV.

GREGORIUS *Episcopus seruus seruorum Dei*, GVILLELMO *Dienſi Comiti*, *Edi. 49.*
ac vniuerſis fidelibus ac ſubditis Dienſis Eccleſia, ſalutem & Apoſtolicam benedi-
ctionem. VENIENTEM ad nos Hugonem Episcopum veſtrum benignè ſuſcepi-
 mus, & quia vos in electionem eius vnanimiter conueniſſe audiuiſus, Episcopali
 conſecratione cum vobis in Paſtorem ordinauiſus; quatenus ſub eius regimine
 ſpiritualibus inſtructi diſciplinis, perceptæ fidei fructum, & gloriam ſempiternam
 conſequi, Deo dante, poſſitis. Expleto igitur in eo miniſterij noſtri debito, cum
 omni charitate eum ad vos remittimus: admonentes vos per fidem, in qua redem-
 pti, & per Chriſtum ſaluati eſtis, vt eum debito honore & reuerentiâ ſuſcipiatis, &
 omnem in omnibus, quæ ad regimen ſui Episcopatus pertinent, obedientiam & fa-
 uorem ſibi exhibeatis. Nos enim inter cetera eum ſollicitè admonuiſus, vt contra
 ſimoniacam hereſim totis erigeretur viribus, & Eccleſias ſuæ parochiæ non prius
 conſecraret, nec conſecratas aliter diuinum officium celebrare permetteret, niſi
 prius abſolutæ à laïcorum manibus, ſicut canonicum eſt, ſuo iuri, & Episcopali eius
 prouinciæ redderentur. Quamobrem ne quis ei contrariuſ in exequendo monita
 noſtra obſiſtat, Apoſtolica auctoritate ſub anathematis comminatione interdici-
 mus. Te autem, prædicte Comes, ſingulariter alloquentes, valde miramur, quod
 poſtquàm præſatum confratrem noſtrum inſtinctu diuinæ clementiæ cum conſen-
 ſu aliorum omnium in Episcopum elegeras, & fidelitatem ſibi ex more feceras, ne-
 ſcio quibus de cauſis elatus, eo præſente, commotionem aduerſus eum agere præ-
 ſumpſiſti: & poſtquàm ad Apoſtolica limina venit, Clericos & ciues vrbiſus depræ-
 datuses, & quod valde nefandum eſt, quendam Clericum cepiſti. Quamuis igitur
 in hac tanta & tam crudeli præſumptione cenſuram Apoſtolicæ animaduerſionis
 in te prouocaueris, rogatu tamen eiufdem Episcopii tui adhuc debitiæ vltionis iacu-
 lum in te vibrare diſtulimus. Ceterum, ne hæc patientia noſtra te in audaciam eri-
 gat, & nos in culpam neglectæ iuſtitie trahat, Apoſtolica te auctoritate monemus,
 atque præcipimus, vt ſine omni dilatione quæcumque aduerſus Episcopum & Ec-
 cleſiam ſibi commiſſam temerè & iniquè commiſiſti digna ſatisfactione emendes,
 & vlteriùs nulla eum contrarietate moleſtare præſumas. Alioquin ſcias Episcopum
 noſtrum Apoſtolica iuſſione conſtrictum, te ſicut hoſtem, & impugnatoſem iuſti-
 tiæ, à liminibus Eccleſiæ anathematis innodatum vinculis ſequeſtrare. Quod & ſi
 ipſe, quod non credimus, timore aliquo vel gratiâ prætermitteret, nos tamen tan-
 tæ temeritatis facinus non relinquemus inultum, & Episcopuſ pro negligentia of-
 ficij ſui non benè ſuſcepti miniſterij perpendet ſibi imminere periculum. Datum
 Romæ xvii. Kal. Aprilis, Indictione xii.

C

EPISTOLA V.

GREGORIUS *Episcopus ſeruus ſeruorum Dei*, PHILIPPO *Regi Francorum* *Edi. 75.*
ſalutem & Apoſtolicam benedictionem. SIGNIFICASTI nobis per Literas &
 Legatos tuos, te beato Petro Apoſtolorum Principi deuotè ac decenter velle obe-
 dire, & noſtra in his, quæ ad Eccleſiaſticam religionem pertinent, monita deſide-
 ranter audire, atque perficere. Quod ſi ita cordi tuo diuino inſtinctu affixum eſt,
 multum gaudere nos conuenit, quod Eminentia tua ad diuinam prona reueren-
 tiam, quæ Regiæ adminiſtrationis ſunt cogitat atque cognofcit. Vnde Nobilita-
 tem tuam ex parte beati Petri admonemus, & omni charitatis affectu rogamus, qua-
 tenus Deum tibi placare ſtudeas, & inter cetera, quæ tuum eſt corrigere, per te il-
 lata Beluacenſi Eccleſiæ detrimenta, pro magnitudine tui nominis & honoris ali-
 quatenus emendare non prætermittas. Attendere enim te nobiſcum, & diligen-
 ter conſiderare volumus, in quanta dilectione Sedis Apoſtolicæ, quantæque gloria
 & laudibus ferè per Orbem terrarum antecelloſes tui Reges clariffimi & famoſiſſi-
 mi habiti ſunt, dum illorum Regia Maietas in amplificandis & defendendis Ec-
 cleſiis pia ac deuota conſtitit, in tenendo iuſtitiam libera ac diſtricta permanſit.
 Poſtquàm verò diuina & humana iura ſubuertendo, tanta virtus in poſterioribus
 cœpit hebeſcere, totius Regni gloria, decus, honor, & potentia, cum peruerſis

Tom. IV.

S ii

PHILIPPVS
1.

moribus immutata sunt, & nobilissima fama, & status Regni è culmine suæ claritatis inclinata sunt. Hæc quidem & alia talia frequenter, & si oportet, aspero etiam sermone tibi inculcare, suscepti nos officij cura compellit: quoniam licet verbum prædicationis abscondere & vspiam tacere, non sit nobis tutum aut liberum; tamen quanto dignitas est amplior, & persona sublimior, tanto propensiores curam & clamorem pro eius rectitudine nos habere conuenit: admonente nos Domino per Prophetam dicentem: *Clama, ne cesses, quasi tuba exalta vocem tuam*. Præcipue cum virtus Christianorum Principum in eiusdem Regis castris ad custodiam Christianæ militiæ nobiscum conuenire debeat. Ut igitur eorum, quorum es successor in Regno, nobilitatis & gloriæ apud Deum & homines singularis & indiuiduus heres existas, virtutem illorum summopere te imitari, & iustitiam Dei totis viribus exequendo, Ecclesias quantum potes restaurare, & defendere exhortamur: quatenus omnipotens Deus dexterâ virtutis suæ & hîc Regni tui gubernacula protegat & exaltet, & coronam sempiternæ gloriæ in futura remuneratione donet. Datum Romæ Idibus Aprilis, Indictione XII.

EPISTOLA VI.

Lib. 2.
Epist. 2.
edit.

1074.

GREGORIUS *Episcopus seruus seruorum Dei*, ISEMBERTO *Pictauiensi Episcopo*. CUM de te & factis tuis cogitare incipimus, de tam immoderata præsumptionis tuæ audacia nequaquam satis admirari possumus, quoniam sicut boni ad incrementa bonorum operum fidei desiderio nituntur ascendere; ita tu & heu! ampliori cupiditate perquisita, malefaciendi studio culpis tuis cumulum iniquitatis indefinenter anhelas adiicere. Interdictus enim à Legatis Apostolicæ Sedis, officium Episcopale usurpare præsumpsisti, inobedientiæ crimen & contemptum Apostolicæ auctoritatis incurrere non erubuisti. Postea verò & eodem Legato nostro Amato Episcopo Ellorensi, & magistro tuo, videlicet Gozelino Archiepiscopo Burdegalensi, vnâ cum ceteris religiosis viris, pro faciendo diuortio GVILLELMO I *Pictauiensis Comitis*, & propinquæ suæ, quam pro vxore tenebat: his, inquam, sub Apostolica obedientia pro negotio tam graui, tam Christianæ Religionis necessario congregatis, conuentum illorum per milites tuos nefariè perturbasti. Quippe qui petruptis Monasterij claustris & foribus in confessum irruentes, Archiepiscopum, & Legatum nostrum multa turpitudine dehonestauerunt: reliquos verò minis, conuiciis, ac verberibus, multisque contumeliis afflixerunt. Vnde Apostolica tibi auctoritate præcipimus, vt antefestiuitatem S. Andree præsentiam tuam, super his responsurus, nostro conspectui exhibere nullatenus prætermittas. Quod si aliqua, nisi fortè necessaria & inuitabili, occasione te subtraxeris, ab omni etiam sacerdotali officio te priuatum, & sacræ communionis participatione sequestratum esse noueris. Eos verò, per quos tantum facinus effecisti, tam laicos quàm Clericos, à corpore & sanguine Domini, & omni diuino officio, vsque dum tu ad satisfactionem venias, Apostolica auctoritate repellimus, & tibi sub periculo ordinis tui, vt omnibus hoc sine mora notifies, præcipiendo mandamus. Datum Tiburi IV. Idus Septembris, Indictione incipiente XIII.

EPISTOLA VII.

Edis. 3.

GREGORIUS *Episcopus seruus seruorum Dei*, GVILLELMO *Pictauiensi Comiti salutem & Apostolicam benedictionem*. OMNIPOTENTI Deo laudes & gratias referimus, qui cordis vestri interiora penetrans ad amorem & timorem suum vos inclinauit, & ad obedientiam mandatorum suorum, superato carnis desiderio, confirmauit. Scimus equidem quoniam quod in præsentī vita vobis dulcissimum fuit, exigente iustitiâ reliquistis, dum pro reuerentia Christianæ Religionis ab vxore vestra, quoniam propinqua consanguinitate vobis est, vos separare consensistis. Verum quanto grauiori certamine libidinem animi vestri vicistis, & ad legem Dei districtius vos humiliastis, tanto sublimiorem gloriam infinita remuneratione vobis paratam esse proculdubio sperare debetis. Quapropter & nobis multò vberior lætitia crescit, quoniam in hac correctione vestra certa spes vestræ salutis intelligitur, & ea quæ semper in domo vestra fuit, miserante Deo, generositas

A conseruabitur. Ex hoc enim nobilitas generis valde corrumpitur, cum proles non de legitima coniugij permixtione generatur. Atque eò minus Eminentia vestra, quòd tam acriter vobis institimus, mirari debet; quoniam Romana Ecclesia, quæ domum vestram, totamque profapiam vestram singulari & egregia semper charitate dilexit, in tanto vos iacere periculo pati non potuit. Ceterum, quòd domum illam in vestra potestate vsque ad futuram Synodum morari cupitis, licet soror vestra, quam vt matrem diligimus, indè nos interpellauerit, consentire non audeamus. Scientes diabolicam fraudem hominibus maximè verita repertis occasionibus præcipua calliditate suggerere. Proindè ita eam à vestra vicinitate penitus remoueri & elongari facite, vt vestra correctio, & oblata Deo reuerentia omnibus sit in exemplum, & salutem vestram nulla valeat diabolus sagacitate turbare. De cetero scitote Pictauesem Isembertum Episcopum, nisi ante festiuitatem S. Andree ad nos de præsumptione sua rationem redditurus veniat, ab omni Episcopali & Sacerdotali officio, & ipsa sacre communionis participatione esse priuatum. Quòd autem ad seruicium S. Petri promptam vos habere voluntatem mandastis, gratanter accepimus, sed determinatè vobis aliquid de expeditione scribere ad præsens non satis discretum fore peruidimus: quoniam rumor est in Transmarinis partibus Christianos, miserante Deo, Paganorum longè propulsa ferocitate, & nos de reliquo quid acturi simus, adhuc diuinæ prouidentie consilium expectamus. Vobis tamen & de bona voluntate plena apud Deum remuneratio est reposita: nobis autem, si necesse fuerit, in vestris promissis, sicut in dilecto fratre & filio, certa semper existit fiducia. Datum Tiburi, iv. Idus Septembris, Indiæ. XIII.

EPISTOLA VIII.

GREGORIUS *Episcopus seruus seruorum Dei*, HUGONI *Dienſi Episcopo salutem & Apostolicam benedictionem.* Quid de negotio Carnotensis Ecclesie actum sit, tua relatione, remota omni ambiguitate, sicut oportuerat, cognouisse vellemus. Peruenit enim ad aures nostras te excommunicasse; & irrecuperabiliter deposuisse quendam iuuenem illuc indignè appositum pro Episcopo: Quod quidem, si ita est, nobis multum placet, & præsentī auctoritate confirmamus. Ceterum, fraternitati tuæ notum esse volumus, PHILIPPUM Regem Francorum iterata postulationem missionē ad nos direxisse, pro Roberto Abbate S. Euphemie de Calabria, qui & hoc in anno, cum in Longobardia eramus, per nos transiit in Franciam, vt eum ad regimen Carnotensis Ecclesie Episcopum probaremus, & ordinaremus. Reuersus est etiam ille idem Robertus Abbas ad nos, dicens se donum Episcopatus offerente Rege refusasse, nec quicquam indè sine nostro consilio facere voluisse, vel facturum esse. Veneruntque cum eo duo Clerici præfatæ Ecclesie referentes nobis, & multum affirmantes, penè omnium qui de eadem Ecclesia sunt maiorum & meliorum voluntates in hunc conuenisse; non tamen aliquam de eo electionem factam fuisse. Verum qui sanctorum Patrum statuta sequi, & obseruare cupientes, nihil de eo, aut de promotione eius, sine electione Ecclesie nobis probandum esse indicauimus, nec id ipsum quod isti nobis de voluntate absentium referebant, satis constabat: prudentiam tuam admoneamus, vt Ecclesiam illam, aut per te, aut per fidelem & probatam tibi personam visitare studeas, & voluntatem omnium tam maiorum quàm minorum super hac re diligenti inquisitione cognoscas. Quòd si causam ex omni parte diuina miseratione & dispensatione ita coaptare posse videris, vt illorum in hunc, quem supra diximus, Abbatem voluntas libera, consideratio prudens, electio canonica, & sanctorum Patrum regulis consonans dinoscatur, quàm citissimè nobis certa Literarum tuarum significatione indicare procures: vt quæ ad effectum huius dispensationis sunt, Deo auctore exequi & implere possimus. Sin autem aliter aliquid inuenieris, quod & causa potior, & ratio probabilior administret, itidem nobis notificare non differas: quatenus in quo oporteat nobis & Ecclesie prouidere, ac salubriter, Deo adiuuante, quod officij nostri est impendere valeamus.

Edit. 17.

GREGORIUS *Episcopus servus servorum Dei*. *Q*uia consuetudo S.R. Ecclesiæ, cui Deo auctore, licet indignè, deseruimus, est quædam tolerare, quædā etiam dissimulare: discretionis temperantiam potius quàm rigorem canonum sequentes, causas Episcoporum Franciæ atque Burgundiæ, qui suspensi, seu damnati à Legato nostro Vgone Diensi Episcopo fuerant, non sine graui labore discussimus. Denique Manassem Remensem Archiepiscopum, qui in multis accusatus fuerat, seseque à Synodis, ad quas Vgo Diensis Episcopus cum inuitauit, subtraxerat: quia sententia super eum data, non Romanæ Ecclesiæ grauitate, & solita mansuetudine videbatur, in proprium gradum officiūque restituimus, ea quidem ratione, vt supra corpus sancti Petri iuraret hoc modo: Ego Manasses Remensis Archiepiscopus pro superbia non dimisi quòd non venerim ad Synodum Augustodunensem, ad quam me Diensis Episcopus vocauit. Si vocatus nuncio vel Literis Apostolicæ Sedis fuero, nullo malo ingenio, & nulla fraude me subtraham: sed veniens, diffinitioni & iudicio huius Ecclesiæ fideliter obediam. Quòd si domino Papæ GREGORIO, vel successori suo placuerit de obiectis ante Legatum suum respondere, idem per omnia faciam. Thesaurus autem, ornamenta & prædia Remensis Ecclesiæ mihi commissæ ad honorem ipsius Ecclesiæ fideliter tractabo, & ad resistendum iustitiæ ea non abalienabo. Vgoni quoque Bisuntino Archiepiscopo, quia Literæ, quibus inuitabatur ad Synodum, à Clericis suis retentæ, & non sibi ostensæ fuerant, suspensio in eadem Synodo Episcopale officium reddidimus: hac conditione, quòd debeat se de obiectis coram Legato nostro, si ei visum fuerit, cum suffraganeis, aut conuicinis Episcopis expurgare. Richerio verò Senonensi Archiepiscopo interdictum reddidimus officium. Promisit enim in manu nostra, quòd siue per se, siue per nuncium suum causam, pro qua ad Synodum præfati Legati nostri non venit, coram eodem Legato debeat exponere, & in negociis Ecclesiasticis pro posse suo consilium & auxilium fideliter & humiliter sibi impendere, eiusque animum placare. Gotfredus autem Carnotensis Episcopus, quia non inuitatus & absens iudicatus fuerat, Episcopali officio à nobis restitutus est: hoc quidem tenore, quòd causa sua ante Legatum nostrum debeat retractari, atque diffiniri. Richardus Biturigensis Archiepiscopus, quia irato animo, & non Synodali iudicio dimisit Ecclesiam suam, virgam & anulum recepit: promittens se de obiectis coram Legato nostro satisfacere. Rodolphus Turonensis Archiepiscopus, quia legales accusatores non habuit, Sacerdotali & Episcopali officio restitutus est: etiam Episcopis, qui eum accusauerant, ab accusatione deficientibus. Et quia causa sua ab antecessore nostro beatæ memoriæ ALEXANDRO retractata & determinata fuerat, videbatur quòd non sine certa accusatione deberet retractari. Nobis tamen visum fuit, quòd Legatus noster cum Legato Diensis Episcopi Turonis debeat proficisci, & conuocare omnes suffraganeos Episcopos, necnon Clerum & populum, & ex parte beati Petri illos commonere, vt qualiter electus fuerit vel ordinatus, veraciter profiteantur: vt si claruerit eum de obiectis innocentem esse, quæstio accusationis suæ omninò deinceps sopiatur. Sin autem certissimè, & vnde dubitari non possit, contra eum testimonium datum fuerit, canonica sententiā feratur. Actum Romæ, vii. Idus Martij, Indictione i.

EPISTOLA X.

Lib. 6.
Epist. 8.
edit.

GREGORIUS *Episcopus servus servorum Dei*, Huberto & Clericis, & omnibus Comitibus de castro sancti Pauli, VVIDONI & HUGONI, salutem & Apostolicam benedictionem si obedierint. CLERICI sanctæ Mariæ & sancti Audomari ad euntes Apostolicam Sedem conquesti sunt de vobis, quòd iam multo tempore sibi & suæ Ecclesiæ aufertis quandam villam Reseca nominatam, cum omnibus ad eam pertinentibus: atque cum multoties de hoc in prouincialibus Synodis coram Episcopo vestro, & ad vltimum coram Hugone Diensi Cœpiscopo & confratre nostro Apostolicæ Ecclesiæ Legato in Pictauiensi Concilio querelam fecissent, atque ille ex auctoritate nostra præcepisset, vt coram Episcopo vestro, aut proclamata Eccle-

A si præfatæ & Clericis redderetis, aut quod vestra iura esse debeant rationem diceretis, Episcopusque vester tres terminos vobis, & ad vltimum prouincialem Synodum statuisset, vt vtrumlibet ageretur: vos tamen neutrum sicut numquam, ita quoque nec tunc facere voluistis. Vnde ex auctoritate Dei, & sancti Petri Apostolorum principis præcipimus vobis, vt si ita est, prædictas res prædictæ Ecclesiæ & Clericis eius sine dilatione canonicè restituatis. Aut si ita non est, & iusta ratione pro certo scitis ad vestram Ecclesiam eas pertinere debere, infra quadraginta dies postquam Literas nostras videritis, vel si eas videre vitaueritis, postquam eas missas vobis cognoueritis, Hugonem præfatum Coëpiscopum & fratrem nostrum ad diem Ingelranno & fratribus eius à vobis ante denominatum atque prænunciatum adeatis: vtrisque partibus coram positis, ipse legitimum finem faciat huius contentione. Quod si istud agere nolueritis infra præscriptos dies, finitis eis, contradicimus vobis, & VVidoni, Hugonique, & Eustachio Comitibus, Oilardo quoque Subdefensori præfatæ possessionis, omnibusque vobis amodò auxilium & consensum ad hoc sacrilegium præbituris, velut sacrilegis & raptoribus omnem penitus Ecclesiæ ingressum, & Christianam communionem, atque gratiam beati Petri Apostolorum principis, & in vita & morte, nisi fortè pœnitentiam egeritis, & iniuste rapta Ecclesiæ præfatæ canonicè restitueritis. Si autem, quod absit, ab omnibus Christianis post hæc omnia, diabolica infecti malitiâ, in excommunicatione præscripta incorrigibiliter perseuerare malueritis, præcipimus defensoribus & patronis prædictæ Ecclesiæ, vt eadem & Clericis eius præfatas res restituere omnibus modis satagant. Datum Romæ vii. Kal. Decembris, Indictione ii.

EPISTOLA XI.

GREGORIUS Episcopus seruus seruorum Dei Archidiaconibus Taruennensis Ecclesiæ, Irnulpho & Huberto, & Canonicis, si canonicè vixerint, salutem & Apostolicam benedictionem. CLERICOS de castro Sancti Pauli, de quibus Canonici sanctæ Mariæ & sancti Audomati per Ingelrannum & alios fratres eius nobis sunt conuesti, ad ciuitatem Taruennam ex auctoritate nostra omnes conuocate, & Literas nostras eis legite, quæ vobis dabuntur ex nostra parte. Quod si noluerint venire, vel venientes Literis nostris non obedire, omnem Ecclesiæ ingressum, & quod in Literis nostris eis contradicatur contradicite, & insuper quicquid de Ecclesiæ Taruennensi possident clericali exhibitione. Laicis quoque in Literis nostris nominatis, & quicumque alij præfatis Clericis post Literas nostras visas, vel notificatas, non obedientibus, consensum, auxiliumque, vt in rapina & sacrilegio perseuerent, præbuerint, notificate quod in præscripta positi sint excommunicatione. Mathildem viduam Arnulphi Aduocati, quæ terram, quam maritus suus moriens dedit Ecclesiæ sanctæ Mariæ, & quam ipse promisit morienti se liberam facere, admonete adhuc, vt quod promisit perficiat: sin autem, in præfata damnatione, quandiu non fecerit, maneat. Rengerium, Adam, Bereuuoldum, & ceteros, qui subrahunt decimas nouarum terrarum præfatæ Ecclesiæ, admonete vt reddant, & satisfaciant. Quod si noluerint, quousque resipiscant, prædictæ damnationi subiaceant. Et hoc etiam addimus, vt nullus accipiat de manu omnium præbitorum oblationem aliquam, siue in vita, siue in morte, quousque canonicè quod peccauerunt emendent. Datum Romæ vii. Cal. Decembris, Indictione ii.

EPISTOLA XII.

GREGORIUS Episcopus seruus seruorum Dei, Rodulpho, Odoni, Epponi, Vm- Epist. 28.
baldo, Euerardo, Bozoni, Giraldo, Adelardo, & ceteris Principibus Bituricæ regio-
nis, salutem & Apostolicam benedictionem, si abedierint. MIRAMUR temeritatem
& insolentiam præsumptionis vestræ, quod contra fas & excommunicationem
Apostolicam vobis delatam, Abbatiam Dolensem, quam in tutelam hætenus ha-
bueritis, immo etiam ad cumulum detrimenti tam animarum vestrarum quam cor-
porum, abiectis eo, quem manibus propriis, Deo volente, vobis in Abbatem con-
secrauimus, Gualterium inuasorem irreuerabiliter deposuimus, & ei res Ec-
clesiæ, suisque fautoribus, sub excommunicatione interdiximus. Confratri au-

PHILIPPUS
I.

tem nostro V. Vermundo Viennensi Archiepiscopo Abbatiam Dolensem concessimus, immò reddidimus. Vos ergo monemus, & Apostolica auctoritate præcipimus, ut abiecto inuasoris prædicti dominio, Abbati vestro iure canonico V. Vermundo Viennensi Archiepiscopo sincera mente & puro corde obediatis. Quòd si rebelles Deo & beato Petro in his deinceps fueritis, à Dominica prima post Pentecosten, scilicet in octauis, cum Dolensibus Monachis, nisi satisfecerint, coram Vicario nostro Hugone Diensi Episcopo Valentie vos excommunicationi subiacetis. Si autem Patri vestro spirituali confratri nostro V. Vermundo Viennensi Archiepiscopo obedientiam & auxilium exhibueritis, gratiam Dei & beati Petri percipietis. Te autem, Rodulphe, quia in his plus ceteris tibi à Deo concessa est potestas, rogamus, & præcipimus, ut eum in Abbatiam sine simulatione & dolo restituas, & totius iræ sue discordiæ oblitus, ei ut filius charissimus cohæreas: quatenus gratiam Dei, & peccatorum tuorum indulgentiam ab ipso, cui data est potestas ligandi atque soluendi, percipias. Datum Romæ XIII. Cal. April. Indict. II.

EPISTOLA XIII.

Lib. 7.
Epist. 29.
edit.

1079.

GREGORIUS *Episcopus servus servorum Dei, omnibus in Bituricensi, necnon Narbonensi, seu Burdegalensi Prouinciis constitutis, exceptis his, qui Apostolica excommunicatione tenentur, salutem & Apostolicam benedictionem.* CLAMOR Abbatibus Aureliacensis Cœnobij, quod proprii iuris beati Petri, concessione fundatoris, scilicet beati Geraldii, esse dinoscitur, auribus nostris insonuit: videlicet super quibusdam personis, qui iniuste detinent beneficia prædicti Monasterij, à prædecessoribus suis sub fidelitate & dominio pro defensione Ecclesiæ sibi & suis antecessoribus olim concessa. Præcipue conqueritur super BERENGARIO Carlatensi Vicecomite, qui propria cupiditate ductus, debitum seruitium & fidelitatem Abbati exhibere negat, nisi beneficium, quod immerito detinet, adhuc etiam de iure Ecclesiæ augeatur. Proinde Apostolica auctoritate præcipimus, quatenus omnis qui beneficium præfate Ecclesiæ ad hoc aliquando suscepisse cognoscitur, subiectionem & fidelitatem Abbati persoluat, & seruitium pro beneficio largiri non denegat, & ab ex actione illicitæ augmentationis desistat. Aliter enim inuasor & sacrilegus esse comprobatur. Nos verò detrimentum supradicti Cœnobij agnoscetes, Abbatem sub promissione fidei suæ in manu nostra obligauimus, ut nulli militum liceat illi ultra mansum de possessione Ecclesiæ dare sub hac vel alia occasione, neque alicui personæ, nisi communis utilitas Fratrum regulariter degentium postulauerit, & Apostolicæ æquitati renunciare ausus fuerit. Monasterium autem Mauziacense cum omnibus sibi adiacentis, & Ecclesias scilicet Dalmairaci & Montis Saluij, & ceteras, necnon terras & possessiones in quacumque superscriptarum Prouinciarum ablatas, seu malis consuetudinibus oppressas, Monasterio Aureliacensi scriptis siue testibus olim iuste concessas, Apostolica auctoritate præcipimus restitui, & sine inquietudine aliqua permitti. Monasterium quidem Viçense in manu Abbatis refutatum à Principibus ipsius terræ, consensu Episcopi & Clericorum sibi suisque successoribus confidimus, & confirmamus, & fautoribus refutationis Apostolicam benedictionem largimur: & eos, qui Ecclesias siue prædia præfati Monasterij iniuste detinent, absque vlla dilatione reddi iubemus. Qui ergo his mandatis nostris spiritu superbiæ acquiescere noluerit, præcipueque Berengarius, si obedire contempserit, gratiam beati Petri amittet, & iram omnipotentis Dei incurret. Obtemperantibus autem gratiam Dei, & Apostolicam benedictionem de misericordia diuina confisi largimur. Datum Romæ II. Idus Aprilis, Indictione III.

EPISTOLA XIV.

Lib. 8.
Epist. 18.
edit.

1080.

GREGORIUS *Episcopus servus servorum Dei, Hebbô nobili & glorioso Comiti salutem & Apostolicam benedictionem.* Si ex tua prudentia cui nescisse potest, nos longo tempore præter voluntatem tuam, virosque religiosorum, qui ipsum nouerant, Manassem dictum Remensem Archiepiscopum dissimulauimus, eumque putantes correctionis suæ curam habere, dum profecto porta,

Auimus. Verum ille patientiâ nostra abusus, & (quod euidenter apparet) ex conscientia praua in desperationis foueam lapsus, non solum se prætensæ insuetudini ingratum exhibuit; sed etiam in reliquum misericordiâ S. Petri indignum se fecit: scilicet, ut cuius in depositione sententiam Vicarij nostri Hugonis Diensis Episcopi in Concilio Lugdunensi prolatam approbatamque ad terminum nos distulerimus, deinceps in perpetuum firmam esse & ratam, ipsumque sine spe recuperationis depositum adiudicemus. Quapropter eum irrevocabili iudicio Episcopalis Sedis regimine priuatum esse tuæ Celsitudini denunciante, monemus, atque ex parte beati Petri præcipimus, ut tam te ipsum à pestifera amicitia illius à modo retrahas, quàm & alios quos potes ab eo custodire se doceas. Ut autem gratiam Dei & beati Petri largiùs merito, quas sperare studium solertiæ tuæ non desit, tam per te ipsum, quàm & per quoscumque vales, præfato deposito pro magnitudine tua resistere, illumque Archiepiscopum, quem saniori consilio pars Cleri melior cum consensu prædicti Legati nostri Hugonis videlicet Episcopi Diensis, illi Sedi elegerit, modis omnibus adiuuare. In hac igitur re ita te deuotum & obsequentem mandatis Apostolicis apertè demonstres, quemadmodum tuis in necessitatibus fideles tuos existere cuperes. Et sicut à fidelibus tuis non impunè tergiversationem tibi fieri summi in negociis ferres: ita procures respectu beati Petri, ad quem spectat totius Ecclesiæ causa, rem hanc ex animo gerere: quatenus & hinc eum protectorem, & in futuro patronum ex debito merearis habere. Datum vi. Cal. Ianuar.

B

EPISTOLA XV.

GREGORIUS *Episcopus seruus seruorum Dei*, PHILIPPO *glorioso Regi* ^{Epist. 20. edit.} *Francorum salutem & Apostolicam benedictionem.* SÆPE per Nuncios tuæ Celsitudinis audiuius, te gratiam beati Petri, nostramque amicitiam cupere. Quod & tunc nos libenter accepisse, & adhuc, si eum animum geris, noueris admodum nobis placere. In hoc enim te tuæ salutis amicum, sollicitumque esse demonstras, si Apostolicam beneuolentiam, sicut Christianum Regem decet, assequi, & obtinere desideras. Quam quidem hoc pacto adipisci multò faciliùs ac digniùs poteris, si te in Ecclesiasticis negociis diligentem deuotumque reuerenter exhibueris. Quia in re proculdubio minus vigilanter, multumque negligentius, quàm sanum fuerit, olim habuisse te cerneris. Sed nos adolescentiæ tuæ præterita delicta spe correctionis tuæ portantes, ut deinceps castigatis moribus ad ea quæ oportet inuigiles, ex debito officij nostri monemus. Igitur inter cetera virtutum studia Regiæ Excellentie conuenientia, quæ tibi inesse optamus, cum te iustitiæ amatorem, misericordiæque custodem existere, Ecclesias defendere, pupillos viduasque protegere sit necessarium, non minus ad internæ salutis custodiam tibi esse prauorum consilia spernenda, maximèque excommunicatorum familiaritates detestandas arbitramur, atque asserimus. Vnde sublimitati tuæ ex parte beati Petri præcipimus, ac ex nostra rogamus, ut Manassæ Remensi Archiepiscopo dicto, sed propter suas iniquitates, quæ non prætereunt scientiam tuam, irrecuperabiliter deposito, nullum vlteriùs fauoris tui solatium præbeas: sed eum ita ab amicitia tua rescindas, atque à conspectu præsentis tuæ contemptum repellas, ut te pateat, inimicos sanctæ Ecclesiæ, videlicet excommunicatione induratos, respuendo, Deum diligere, Apostolicisque mandatis morem gerendo, gratiam beati Petri veraciter desiderare. Præterea volumus, & ex parte Apostolica iubemus, ut electionem, quam præfatæ Remensis Ecclesiæ Clerus & populus, Deo annuente, facturus est, nullo ingenio aut studio, quò minùs canonicè fiat, impedas: sed & si quis impedire aliquo studio seculari tentauerit, illi omninò contradicas, atque illi, quem pars fidelior & religiosior elegerit, adiutorium tuum impendas. Age igitur, & iam ætate vir factus in hac re procura, ut non frustrà tuæ iuuentutis culpis pepercisse, nec in vanum te ad emendationem expectasse videamur. --- Datum xi. Cal. Ianuar.

C

EPISTOLA XVI.

GREGORIUS *Episcopus seruus seruorum Dei*, *Abbatibus, Clericis, & laicis Tironensis Archiepiscopatus, & Episcopatus Andegauensis, qui Deo & beato Petro, at-* ^{Lib. 9. Epist. 27. edit.} **I O 8 I.**

PHILIPPVS
L.

que Sedis Apostolica Legatis obediunt, salutem & Apostolicam benedictionem. NOTVM A vobis esse non dubitamus, Andegauensem Comitem FVIGONEM, ob nequitiam suam esse excommunicatum: quam etiam in eos, qui sibi adhærent & fauent, extendi cunctis sacram Scripturam scientibus liquet. Qui iam dñu expectatus, non solum de via sua pessima ad Deum, sicut Christianum oportet, non est conuersus, sed insuper ad augmentum malitiæ suæ aliis item excommunicatis coniunctus, fratrem nostrum Turonensem Archiepiscopum de Sede sua expulit, bonisque Ecclesiæ penitus expoliavit. Proinde Apostolica vobis auctoritate præcipimus, vt tam à præfato Comite, quàm ab omnibus sequacibus vel complicitibus eius vobis summoperè caueatis, omninò vos abstinentes à familiaritate & participatione ipsorum. De prædicto verò fratre nostro Archiepiscopo, qui propter iustitiam pulsus, & persecutionem perpeßus est, vobis nihilominus præcipientes mandamus, vt ei sicut Patri vestro fideliter deuotèque obediatis, ac necessitatibus ipsius, sicut boni filij, opitulari libenter studeatis. Quemadmodum namque sæpèdicto Comiti fauentes in se Dei odium proculdubio prouocant, ita & huic fratri nostro in quibus necesse est suffragantes, non dubiè gratiam beati Petri suorumque peccatorum absolutionem merentur. Præterea præcipimus nominatim B. venerabili Abbati sanctæ Mariæ, vt Literas nostras Canonicis S. Martini, quas eis direximus ferat.

EPISTOLA XVII.

B

Epist. 29.
vatis.

GREGORIUS Episcopus seruus seruorum Dei, R. S. R. E. Cardinali, & Abbati Masiliensi, salutem & Apostolicam benedictionem. NON ignorat prudentia tua, Canonicam sancti Saturnini sitam iuxta Tolosanam urbem Apostolicæ Sedi esse commissam, cui licet ex generali omnium Ecclesiarum curâ conueniat nos tuitionis auxilium prouidere, tamen specialiter oportet nos eò magis illi loco nostræ protectionis munimen impendere, quò ampliùs constat eius vel iniurias, vel negotia ad Romanam Sedem, cuius iuris est, attinere. Præfata igitur Ecclesia, quamquam nouiter, decenter tamen canonicam vitam instituit, atque hætenus, sicut tua solertia nouit, ex tunc regulariter vixisse dinoscitur. Verùm, quoniam antiqui hostis mos est, eò magis dolere inuidiæque facibus vri, quò ampliùs videt Christianam Religionem crescere, & de bonorum prouectibus lucra, vel potiùs rapinas suas diminui, contra memoratum locum iam cœpit secularium exagitatio, & quòd magis mirandum ac dolendum est, Ecclesiasticorum odia suboriri. Vnde & Canonici querimoniam ad nos direxerunt super Clericis S. Stephani, quorum suggestionem per quendam fugitiuum Clericum sibi priuilegium, quod eis indulseramus, subreptum est, quique Cimiterium, quod ante regularem ordinationem suam locus ille quietè per longa temporum curricula tenuit, modò auferre, atque Ecclesias ad eum pertinentes in potestatem suam illicitis conditionibus redigere conantur. Conqueruntur & super Monachis Masiacensibus, qui quandam Ecclesiam, vnde interpositis sacrosanctis Euangelis secundum iudicium Legati nostri Amati Ellorensis Episcopi, collaudantibus aliis Episcopis qui aderant, lis inter eos determinata fuerat, iterata deterius iniuria per vim Comitis VV. datis, vt fertur, muneribus occupatam derinere nituntur. Quapropter experientia tua præcipimus, vt prælibatos tam Clericos quàm & Monachos, atque ipsum Comitem Literis, & quibus modis vales, commonere procures: quatenus ea quæ contra dictam Ecclesiam iniquè vel odiosè gessisse noscuntur, Deo & iustitiæ satisfaciunt, sicut oportet emendent, ac de cetero debitam Apostolicis priuilegiis reuerentiam exhibentes, iram Dei prouocare, & maledictionem supra se temerariis ausibus inducere caueant. Episcopum quoque Diocesis ipsius admoneas, vt eandem Canonicam tam ipse non inquietet, quàm & alios quos prohibere valeat inquietare non sinat. De Monachis tamen, quoniam Cluniacensi Abbatiæ pertinent, ipsi venerabili Abbati in primis notificandum censemus, vt ipse insolentiam subditorum suorum compeßcat, & iustitiæ acquiescere, si fortè noluerit, compellat. Ad vltimum verò, si quis illorum monitis tuis, imò beati Petri obtemperare contempserint, quamcumque in eorum audaciam sententiam protuleris, scias auctoritate nostra firmandam. --

IVONIS

IVONIS EPISCOPI CARNOTENSIS, EPISTOLÆ HISTORICÆ.

EPISTOLA I.



B

VO Dei gratiâ Carnotensium humilis Episcopus, ADELÆ nobili ^{Epist. 1. in-}
Comitissæ, recta in Christo sapere. REGIVS in excellentia vestra ^{ter edisat.}
sanguis ex vtraque linea descendens, nobilitatem generis in oculis omnium manifestè commendat. Sed hanc apud religiosas

mentes morum probitas, & larga ad erogandum manus, quantum didici, vehementer exuperat. Vnde miror qua ratione consobrinam vestram Adalaidem sicut vos ipsam amare dicatis, cuius adulterinos cum Gulielmo complexus vel defendere, vel protelare tanto studio laboratis, nec salutem vestram vel illorum satis commodè prouideris, neque quantum periculum vel quanta infamia mihi super hoc imminet aliquatenus præcauetis. Quomodo enim gladius spiritus in ore meo positus ferire audebit longè positos simili contagione pollutos, qui tangere non audebit vel dissimulabit iuxta se positos? Nōne dicturi sunt mihi illud Euangelicum: *Eiice primum trabem de oculo tuo, ut postea videas festucam in nostro?* Hanc porro me habere tolerantiam terribiliter Apostolus vetat, de eiusmodi scelerum patratibus dicens: *Quoniam qui talia agunt, digni sunt morte: nec solum qui faciunt, sed etiam qui consentiunt facientibus.* Consentientes autem beatus Ambrosius dissimulantes vocat, vel defendentes. Qua de re obnixè peto, ut non indignetur aduersum me vestra sublimitas, quoniam testis mihi est ille cui nuda est abyssus humanæ conscientiæ, me hoc non arripuisse causâ malivolentiæ meæ vel alienæ, sed solo rigore & amore iustitiæ: in tantum ut si aliter fieri non possit, malim hominum incurrere malivolentiam, quàm legem Dei mei derelinquere. Quadam tamen conditione condescendam petitioni vestræ, si vterque iurauerit, quod ante finitam causam à carnali coniunctione se immunes custodiant. Alioquin satagendum est mihi, ut mortuum iam quatrduanum longè latèque fortentem crebra admonitione de inferno inferiori valeam euocare. Valete.

EPISTOLA II.

RAINALDO reuerendo Remorum Archiepiscopo, IVO humilis Carnotensium Episcopus, consolationis visceribus abundare. EXPERTVS quantum sit periculum Prælatorum, iuxta quod in Psalmo legitur: *Qui descendunt mare in nauibus, facientes operationem in aquis multis, ipsi viderunt mirabilia in profundo. Ascendunt ad cælos, & descendunt vsque ad abyssos. anima eorum in malis tabescat. Turbati sunt, & moti sunt sicut ebrius: & omnis sapientia eorum deuorata est.* In quo per me minus sapio, vestro ceterorumque consilio prudentium informari vel confirmari desidero. Nuper enim cum à Domino nostro Rege fuisset inuitatus * ad colloquium, quorundam maliuolorum meorum suggestionem obnixè me rogauit, ut essem ei adiutor in celebrandis nuptiis, quas facere disponebat de BERTRADA dicta coniuge Comitis Andegauensis. Ad quod cum respondissem, non ita oportere fieri, quoniam nondum esset causa diffinita inter ipsum & uxorem eius: testatus est pleniter diffinitam esse Apostolica auctoritate, & vestra vestrorumque Coepiscoporum laudatione. Quo audito, respondi me hoc ignorare, nec huiusmodi nuptiis velle interesse, nisi vos earum essetis consecrator & auctor, & Coepiscopi vestri assertores

Tom. IV.

T

PHILIPPVS
T.

& cooperatores: quoniam id competit iuri Ecclesiæ vestræ ex Apostolica auctoritate, & antiqua consuetudine. Quoniam igitur confido de religione vestra, nihil vos de re tam periculosa, & famæ vestræ & honestati totius Regni tam perniciofa facturum dicturumve; quod non auctoritate vel ratione nitatur; studiosissimè & deuotissimè obsecro charitatem vestram, vt mihi fluctuanti veritatem huius rei quam scitis speriat, & sanum consiliū licet arduum & asperum super hoc præbeatis. Malo enim perpetuò officio & nomine Episcopi carere, quàm pusillum gregem Domini mei legis præuicatione scandalizare. Sunt etiam latentes causæ, quas interim tacere me conuenit, propter quas hoc matrimonium laudare non possim. Valete.

EPISTOLA III.

Edit. 14.

ARCHIEPISCOPIS & Episcopis ad Regales nuptias inuitatis, IVO humilis Carnotensis Ecclesiæ minister, cum spiritu consilij spiritum habere fortitudinis. EXEMPLAR Literarum, quas misi Domino nostro Regi, charitati vestræ transmittito: vt eandem causam me habere sciatis, quam & vos habetis, cur nuptiis, ad quas vocati estis, subtrahere vos debetis. Vos igitur qui conuenistis, nolite fieri canes muti, latrare non valentes: sed sicut boni speculatores, videntes gladium venientem super terram, buccinā insonate: vt cum feceritis quod debetis, vestras animas, & eorum qui ad vocem buccinæ se vobiscum obseruauerint, vobiscum liberetis. Exemplar autem hoc est.

EPISTOLA IV.

Edit. 15.

DOMINO suo PHILIPPO magnifico Francorum Regi, IVO humilis Carnotensium Episcopus, sic militare in Regno terreno, vt non priuetur aeterno. SICUT Serenitati vestræ dixi præsens ante iuramentum vestrum, ita nunc scribo absens: quia huic nuptiarum solemnitati, ad quam me vocatis, interesse non volo, nec valeo, nisi prius generalis Concilij diffinitione decretum esse cognoscam, inter vos & uxorem vestram legitimum interuenisse diuortium, & cum ista, quam ducere vultis, legitimum vos inire posse matrimonium. Si autem inuitatus fuisset ad huius rei discussionem in eo loco, in quo cum Coëpiscopis canonicas securè possem conferre sententias, vbi temerariam non timerem multitudinem: libentissimè ad hoc venirem, quod lex & iustitia diceret cum audientibus audirem, cum dicentibus dicerem, cum facientibus facerem. Nunc verò quia absolute vocor vt Parisius cum vxore vestra veniam, de qua nescio vtrum possit esse vxor: propter conscientiam meam quam coram Deo conseruare debeo, & propter famam quam Christi Sacerdotem bonam habere oportet apud eos qui foris sunt, malo cum mola asinaria in profundum mergi, quàm per me mentibus infirmorum tanquam cæco offendiculum poni. Nec ista contra fidelitatem vestram, sed pro summa fidelitate dicere me arbitror: cum hoc & animæ vestræ magnum credam fore detrimentum, & coronæ Regni vestri summum periculum. Mementote quia primum parentem, quem Dominus vniuersæ visibili creaturæ præfecerat, mulier in paradiso seduxit, & ita vterque à paradiso exlauit. Samson quoque fortissimus per mulierem seductus, fortitudine amissa qua hostes superare solebat, ab hostibus est superatus. Salomon sapientissimus propter mulierum concupiscentiam à Deo apostatauit, & ita sapientiam qua præcellebat amisit. Caueat ergo sublimitas vestra, ne in horum incidatis exemplum, & ita cum diminutione terreni, regnum amittatis æternum. Consulite ergo Angelum magni consilij, vt accepto ab eo spiritu consilij, inhonesta & inutilia vitare, honesta & vtilia in omnibus negociis vestris valeatis perficere. Valete.

EPISTOLA V.

Edit. 16.

PHILIPPO piissimo Francorum Regi, Domino suo, IVO humilis Carnotensium Episcopus, sic gubernare temporale Regnum vt non amittat æternum. QUONIAM præcedente diuina gratia de stercore pauper vsque ad solium Principum per manum vestram eleuatus sum, fateor me post Deum pro posse meo cuncta vobis debere, quæ vestro congruunt honori & saluti. Sed quia exasperatus propter salu-

A bres monitus, quos serenitati vestræ ex summa fidelitate & charitate direxi, me diffiduciaſtis, & bona Episcopalis domus diripienda aduersariis nostris exposuistis, graua & grandia inde perpeſſus incommoda, regali Curia ad præſens nec ſecurè poſſum intereſſe, nec honeſtè. Supplico itaque Maieſtati veſtræ, vt Regia interim me manſuetudine ſupportetis, donec poſſim aliquantulum reſpirare, & damna quæ mihi penè vſque ad penuriam panis inſlicta ſunt aliqua ex parte reparare. Expecto etiam per miſericordiam Dei citò futurum, vt verum eſſe cognoſcatis illud Prouerbiũ Salomonis: *Meliora ſunt vulnera diligentis, quàm fraudulenta oſcula blandientis.* De cetero calumniatoribus meis, quibus me reſpondere iubetis, cùm inſinuatũ fuerit qui ſint, & quid expoſtulant, reſpondere non ſubterfugiam, vel in Eccleſia, ſi Eccleſiaſtica ſunt negotia; vel in Curia, ſi ſunt Curiala. Benè valete.

EPISTOLA VI.

I V O Dei gratia humilis Carnotenſium Episcopus, VV IDONI Domini Regis Da-
piſero, ſalutem. CHARISSIME, quia ſcio te velle laborare de componenda pace inter me & Dominum meum Regem, multas gratias tibi reddo. Sed quia hæc pax non poſſet eſſe ſtabilis quamdiu voluerit in incepto ſuo durare, conſilium
B meum eſt adhuc expectare, ſi fortè Deus daret ei mentem bonam, vt vellet conſilium ſuum in melius commutare. Quòd ſi facere vellet, ſcias omnia eſſe parata quæ neceſſaria ſunt ad faciendum diuortium inter eum & nouam coniugem ſuam. Vidi enim Litteras, quas miſit dominus Urbanus Apoſtolicus ad omnes Archiepiſcopos & Episcopos Regni ſui, vt eum ad rationem mittant: & niſi reſipuerit, Eccleſiaſtica eum diſciplina ad emendationem venire conſtringant. Hæ quidem Litteræ iam publicatæ eſſent, ſed pro amore eius feci eas adhuc detineri, quia nolo Regnum eius, quantum ex * me eſt, aduerſus eum aliqua ratione commoueri. * *al. in me*
 Hæc omnia volo vt dicas Domino noſtro Regi, & ſecundum hoc quod apud eum inueneris, mihi facias remandari. Vale.

EPISTOLA VII.

P HILIPPO Dei gratiã magnifico Francorum Regi, I V O humilis ſublimitatis
ſua Clericus, ſic ſe regere vt Regi regum valeat complacere. EXCELLENTIÆ veſtræ Litteras nuper accepi, quibus ſubmonebar vt apud Pontefium vel Caluimontem cum manu militum vobis die quam ſtatueratis occurrerem, iturum vobiſcum ad placitum quod futurum eſt inter Regem Anglorum, & Comitem Normannorum, quod facere ad præſens magnæ & multæ cauſæ me prohibent. Prima, quia dominus Papa V R B A N V S interdicit vobis auctoritate Apoſtolica thorum mulieris quam pro vxore habetis, & quia ſacramētum de ſecuritate Concilij, quod vobis mandauerat, fieri vetuiſtis. A cuius commixtione ſi amodò non ceſſatis, ſeparat vos eadem auctoritas à participatione corporis & ſanguinis Dominici. Interdicit etiam omnibus Episcopis, ne capiti illius mulieris coronam imponant, quam, vt vbique penè terrarum dicitur, lateri veſtro illicitè copulaſtis. Parcens igitur Maieſtati veſtræ diſſimulo veſtram adire præſentiam, ne Sedis Apoſtolicæ iuſſione compulſus, cui vice Chriſti parere me oportet, quod nunc dico in aure, cogar in veſtris & multorum auribus publicare. Ego autem nolo vos ſcandalizare, vel Regiam Maieſtatem veſtram minuere, quamdiu poſſum aliqua honeſta ratione diſſimulare. Præterea caſati Eccleſiæ, & reliqui milites penè omnes vel abſunt, vel pro pace violata excommunicati ſunt: quos ſine ſatiſfactione reconciliare non valeo, & excommunicatos in hoſtem mittere non debeo. Poſtremò nouit veſtra Serenitas, quia non eſt mihi in Curia veſtra plena ſecuritas, in qua ille ſexu mihi eſt ſuſpectus & infeſtus, qui etiam amicis aliquando non ſatis eſt fidus. Expecto igitur vt aliquando cor veſtrum, illuſtrante diuina clementia, contra ſibulum ſerpentis auditum obturetis, & monitis ſalutis aures cordis aperiatis. Hoc deſidero: hinc ante Deum cotidie preces effundo. Valete.

Tom. IV.

T ij

Edit. 45.

IVO Dei gratiâ Carnotensis Episcopus, Clericis Mellentini, & omnibus in Pixiacensi Archidiaconatu, salutem. PERLATVM est ad aures nostras, quòd Mellentinus Comes ducere velit in vxorem filiam Hugonis Crispeiensis Comitis. quod fieri non sinit concors decretorum & canonum sanctio, dicens: Coniunctiones consanguineorum fieri prohibemus. Horum autem consanguinitas nec ignota est, nec remota: sicut testantur & probare parati sunt præclari viri de eadem sati profapia. Dicunt enim quia Gualterius Albus genuit matrem Gualeranni Comitis, qui genuit matrem Roberti Comitis. Item supradictus Gualterius genuit Radulphum patrem alterius Radulphi, qui genuit Vermandensem Comitissam, ex qua nata est vxor Comitis Hugonis, cuius filiam nunc ducere vult Mellentinus Comes. Si autem prædicta genealogia ita sibi cohæret, legitimum non poterit esse coniugium, sed incestum contubernium: nec filios poterunt habere legitimos, sed spurios. Vnde vobis ex Apostolica & canonica auctoritate præcipimus, vt tam calumniosum coniugium in Ecclesiis nostri Episcopatus nec ipsi consecretis, nec ab aliquo quantum in vobis est consecrari permittatis: nisi primùm in præsentia nostri consanguinitas hæc septimum gradum excessisse legitimè fuerit comprobata. Valete, & has Litteras Mellentino Comiti transmittite.

B

EPISTOLA IX.

Edit. 46.

VRBANO summo Pontifici, IVO Sanctitatis sue filius, fidelium orationum munus. VENTURI sunt ad vos in proximo Nuncij ex parte Regis Francorum, per quorum os locuturus est spiritus mendax, qui infatuati adeptione vel promissione honorum Ecclesiasticorum infatuare molientur sedem iustitiæ. Contra quorum calliditatem à paruitate mea vigilantiam vestram volo esse præmonitam & præmunitam, quatinus rigorem vestrum promissiones eorum non emolliant, comminationes non exterreant. Quicquid enim dicent, iam securis ad radicem arboris posita est, nisi aut arcum remittatis, aut gladium suspendatis. Qui ergo venturi sunt confidentes in calliditate ingenioli sui, & venustate linguæ suæ, prædictis de causis impunitatem flagitij se impetraturos Regi à Sede Apostolica promiserunt: hac ratione ex parte vsuri, Regem cum Regno ab obedientia vestra discessurum, nisi Coronam restituant, nisi Regem ab anathemate absoluant. Si autem impœnitenti venia concedatur, quanta spes impunè peccandi peccantibus de cetero relinquetur, non est meum instruere vestram prudentiam, cuius potissimùm interest delinquentium errata non fouere, sed ferire. Si autem aliqui subdoli euidenter ab vnitatem matris suæ discedunt, qui iampridem mente discesserunt: consoletur Sanctitatem vestram diuinum responsum: *Reliqui mihi septem millia virorum.* & illud Apostoli, *Oportet hereses esse, ut hi qui probati sunt manifesti fiant.* De cetero, volo sciat vigilantia vestra, quia ex præcepto Regis, Remensis, & Senonensis, & Turonensis, Archiepiscopi inuitauerunt suffraganeos Episcopos, vt post responsa vestra apud Trekas prima Dominica post festiuitatem omnium Sanctorum conueniant. Quò inultatus ire dissimulo, nisi vestro consilio munitus: timens ne quid contra iustitiam, & Sedem Apostolicam moliat ille Conuentus. De his itaque, & de his quæ circa vos sunt, quæ sibiuerit rescribat mihi vestra paternitas, vt in aduersis compati, & in lætis valeam congratulari. Valete.

8. Reg. 19.
1. Cor. 11.

C

EPISTOLA X.

Edit. 47.

IVO humilis Carnotensis Episcopus, VVIDONI Regis Dapifero, salutem. QUÆ mihi mandasti per Landricum Presbyterum iam audieram per Ebrardum nepotem tuum, videlicet quòd Rex multa mala dimittere, & multa bona se promittat velle facere, si cum pace Sedis Apostolicæ, & communione Ecclesiastica, mulierem quam illicitè habet valeat ad tempus retinere. Vnde ex auctoritate diuina hoc

A charitati tuæ rescribo, quia nulla redemptione vel commutatione quis peccatum suum poterit abolere quamdiu vult in eo permanere, secundum illud Apostoli: *Voluntariè peccantibus non relinquitur hostia pro peccato.* Quod est aliis verbis dicere, quia nemo in peccato suo perdurare volens, peccatum suum poterit aliqua eleemosynâ vel oblatione redimere. Vnde & Dominus Cain sua offerenti, & tamen homicidium cogitanti, legitur respondisse: *Si rectè offeras, & non rectè diuisas, peccasti: quiesce.* Quasi dicat, Peccas non rectè partiendo qui tua offers, & de homicidio tractans, teipsum, qui tuis melior es, mihi aufers. Hinc etiam dicit beatus Papa Gelasius: Legatur ex quo est Religio Christiana, vel certum detur exemplum in Ecclesia Dei à quibuscumque Pontificibus, aut ab ipsis Apostolis, ab ipso denique Salvatore, veniam nisi corrigentibus se fuisse concessam. Auditum autem sub isto cœlo ab aliquibus nec legitur omninò, nec dicitur: Date nobis veniam, ut tamen nos in errore duremus. Ostendant ergo quibus occasionibus, quibus regulis, qua lectione, vel quo documento, siue à maioribus nostris, siue ab ipsis Apostolis, quos potiores fuisse merito non dubium est, siue ab ipso Domino Salvatore, qui iudicaturus creditur viuos & mortuos, vel si factum est vnquam, vel faciendum esse mandatur. Propter hæc & alia multa his similia, scio consilium Domini Regis bonum exitum habere non posse, nisi ab hoc peccato desistat, & Christi iugo se pœnitendo subiiciat: cum Deus non nostra, sed nos ad salutem nostram requirat. Dic ergo hæc omnia Domino Regi, ut sanius consilium perquirat: quod si ei Deus ministraret, me adiutorem in quibuscumque possem inueniret. Vale.

EPISTOLA XI.

RICHARIO Dei gratiâ Senonensium Archiepiscopo, IVO humilis Carnotensium Episcopus, salutem cum debita obedientia. PARABAM me sicut mihi mandauerat vestra paternitas, ut venirem ad colloquium vestrum & confratrum nostrorum, cum eruditioribus Ecclesiæ nostræ filiis. Sed interim mihi pro certo intimatum est à quibusdam amicis meis, quia parabantur mihi insidiæ à quibusdam parochianis vestris, qui sunt affines illius olim dictæ Reginæ, cuius inimicitiz nondum sunt aduersum me aliqua ratione sedatz. Vnde rogo mansuetudinem vestram, ut à Pitueris vsque ad vos securum mihi conductum præparetis, si præsentia mea adeò necessaria est vobis. Nam in hoc itinere periculum me aliquod incurrere quantum mihi est dâmnosum, tantum vobis ignominiosum. Quod si ad præsens fieri non potest, quæ dicerem vobis præsens, ea scribo vobis absens. De veteri querela, quam habet aduersus Senonensem Ecclesiâ Lugdunensis Ecclesia, laudo & consulo, ut si qua habetis Priuilegia Apostolica manu roborata, vel scripta autentica, quæ Primatum Lugdunensis Ecclesiæ, quem aliquando ex catalogis ciuitatum coniicimus extitisse, ab Ecclesia vestra remoueant, & libertatem quam desideramus eidem Ecclesiæ defendant, ea confratribus nostris ostendatis, & eadem paruitati nostræ transmittatis, quibus tanquam firmis sustentaculis innitamur, & libertatem Matris nostræ pro posse nostro tueamur. Quæ si modò ad manum non habetis, non est consilium meum ut contra torrentem brachia dirigatis: immò Apostolicis Sanctionibus interim adquiescatis absque præiudicio priuilegiorum, vel autenticarum scripturarum, si quando reperiri poterunt quæ hanc subiectionem ab Ecclesia vestra remoueant, & eiusdem Ecclesiæ libertatem defendant. Qui melius sentiunt, melius consulant. Hoc tantum prouideant, quia rerum exitus prudentia metitur, ut ab eminenti gladio caput vestrum eripiant. De cetero sciatis Canonicos Parisienses, Decanum videlicet, Cantorem, Rainaldum Archidiaconum in præsentia nostra secundum præceptum domni Papæ iurasse, se nullo terrore Regis vel dictæ Reginæ compulsos, domnum GUILIELMUM Episcopum sibi elegisse, neque aliquid simoniacæ prauitatis in eius electione intendisse. Vnde mando vobis ex parte domni Papæ, ut si Parisiensis Ecclesia eum sibi ordinari & consecrari postulauerit, ante festum sancti Remigij secundum auctoritatem & consuetudinem Ecclesiæ vestræ ei manum imponatis, & honore pallij ad tempus vobis interdicto, in eius ordinatione & consecratione uti nullatenus formidetis. Sic enim domnus Papa mihi concessit apud Montem-Pessulanum, cum ad petitionem Regis de eiusdem Gulielmi electione tractaretur, & post multam venti-

PHILIPPVS
I.

lationem eiusdem electionis discussio mihi à domino Papa committeretur. Ad ultimum rogo paternitatem vestram, vt secundum institutionem pacis quæ à domino Papa omnibus Gallicanis Ecclesiis indicta est, de parochianis vestris Stampensibus, videlicet Vrsione filio Theodonis & complicibus eius iusticiam faciatis: qui Episcopatus nostri partem Episcopatus vestro contiguam omnino deuastant, & pacem quam habet reliqua pars Episcopatus sine causa perturbant. Præcipite itaque Stampensi Archipresbytero, vt vel eos ad satisfactionem adducat, vel ipsis excommunicatis & locis in quibus morantur diuinum officium interdicat secundum consuetudinem pacis. Valete, & quod vobis placet per presentium portitorem mihi remandate.

EPISTOLA XII.

Edit. 14.

HVGONI Dei gratiâ Lugdunensi Archiepiscopo Sedis Apostolicæ Vicario, Episcopi Iuo Carnotensis, VVilhelmus Parisiensis, VValterius Meldensis, obsequium deuotum cum debita obedientia. QVONIAM quæ geruntur in Ecclesiis, ad auditum Sedis Apostolicæ vel Legatorum eius referenda sunt per Literas vel nuncios eorum per quos gesta sunt, ne vel æmulatorum obtrectatione, vel famæ mutatione secus acta credantur quàm facta sunt: ad notitiam vestram referri curauimus, quid de Aurelianensis Ecclesiæ ordinatione nuper egerimus. Defuncto enim Ioanne Aurelianensi Episcopo, Turonensis Archiepiscopus, qui in prædicta Ecclesia adhuc sibi usurpabat Præposituram & Archidiaconatum, & quidam eiusdem Ecclesiæ Subdecanus cognomine Peior-lupo, cum quibusdam iam defuncti Episcopi & suis familiaribus clandestinis machinationibus conari cœperunt, vt Ioannem quendam Archidiaconum cum consensu Regis haberent in Episcopum, cuius vita nec annorum plenitudine, nec litterarum scientia, nec morum maturitate videbatur esse probabilis: immò pro inhonesta familiaritate, quam cum defuncto Episcopo, & quibusdam eorum qui eum expetere voluerunt, habuisse dicebatur, modis omnibus reprobabilis. Hoc ergo audiens reliquus Clerus, qui erat numero longè amplior, litteris eruditior, vitare volens oppressiones quas perpeffus erat à prædictis personis tempore defuncti Episcopi, saniore consilio pro temporis opportunitate & loci, elegit sibi cum consensu Regis in Episcopum Sanctionem eiusdem Ecclesiæ Decanum, virum, vt scitis, ætate grauem, & moribus maturum. Quem cum à nobis ex admonitione Senonensis Archiepiscopi consecrari postulasset apud Castrum-Nantonense, quod est iuxta parochiam Senonensem, omnino recusauimus, propter Primatum Lugdunensis Ecclesiæ, quem irrationaliter refutat illa Sedes, & interdictum Sedis Apostolicæ. Interim itaque æmuli prædicti electi, missis Litteris rogauerunt nos, vt ei manum non imponeremus, quoniam simoniacus esset & inuasor: simul addentes, se hoc probaturos in loco competenti & tempore extra manus Regiæ potestatis. Cum ergo adiunctis precibus Regis instanter postularet Ecclesia electum suum sibi consecrari, prætendens irreparabiles Ecclesiæ ruinas futuras si id non fieret: missis Litteris statuimus prædictis calumniatoribus tempus diem ante consecrationem, locum Carnotum, videlicet vbi potestas regia eis obesse non poterat. Ipsi verò neque venerunt, neque personam aliquam pro se miserunt. Subtrahentibus itaque se prædictis calumniatoribus, nescimus qua calliditate, legitimæ discussioni, victi precibus penè totius Ecclesiæ, habito inter nos consilio accepimus tam ab eo quàm ab illis qui cum illo erant meliores districta sacramenta vsque ad septem, quæ cum (quantum in conspectu hominum purgari poterat) purgauerunt de inuasiõne & simonia. Remotis itaque impedimentis quæ ei specialiter opponebantur, cum promissa vobis obedientiâ consecrauimus, & Ecclesiæ quæ eum expetierat destinauimus. A qua susceptus est cum omni deuotione, sine vlla contradictione. Hæc ita esse vera si opus erit comprobabimus, vt pote qui ista tractauimus quàm maiori diligentia potuimus. Vnde rogamus paternitatem vestram, vt non facile aurem his accommodetis, quos exclusa veritate quæ sua sunt querere cognoscetis. Huic verò Epistolæ interficere curauim ego Iuo Carnotensis Episcopus sacramentum, quod secundum præceptum Papæ fecerunt Parisienses pro electo suo, Decanus, Cantor, Archidiaconus, reliquis consentientibus. Non elegimus nobis in Episcopum

A VVilhelmum propter munus acceptum vel promissum ab aliquo, vel gratiâ con-
tubernij quod habebat soror eius cum Rege, vel propter minas nobis illatas à Re-
ge, vel prædicta eius sorore. Sic nos Deus adiuuet, & hæc sacra Euangelia. Sic
purgatus secundum quod apud Montem-Pessulanum Rege postulante Papa præ-
ceperat, ante festum sancti Remigij à suo Metropolitano est consecratus. Va-
lete.

PHILIPPVS

EPISTOLA XIII.

PHILIPPO Dei gratiâ serenissimo Regi Francorum, IVO humilis Presbyter suus
salutem, & sicut Domino & Regi suo fidele seruitium. DE eo quod paruitati
meæ mandauit vestra sublimitas, post duo Concilia hoc anno à domno Papa
celebrata, nunc Legatum eius Lugdunensem Archiepiscopum infra eundem
annum, tertium generale conuocare, & ad hoc Regni vestri Episcopos inuita-
re: serenitati vestræ respondeo, quia cum nuper Litteras eius habuerim, nihil
tale ibi legi, vel à misso eius audiui. Quod tamen si faceret, non esset hæc Apo-
stolica institutio, vel Ecclesiastica consuetudo. Si autem aliquis pro culpis suis
indulto sibi congruo spatio à Legatis Apostolicis vocatus fuerit, non potest sub-
terfugere, quin ad diem sibi præscriptum occurrat, nisi eum legitima causa de-
tineat. Quod si eos ultra terminos à patribus constitutos angariare voluerit,
vos habito cum eis communi consilio iniustis oppressionibus pro persona vestra
resistite, sic ut quæ Dei sunt Deo reddant, & quæ Cæsaris sunt Cæsari reddere non
omittant. Valeat multo tempore sublimitas vestra.

EPISTOLA XIV.

IVO Dei gratiâ Carnotensis Ecclesie minister, Sanctiioni confratri & Coepiscopo, sa-
lutem & seruitium. PACEM quam feci cum Adelecia Puteacensis castri Do-
mina, super quam admiramini, non ita feci ut aliquid vestri iuris vsurparem:
sed omne, quod ad vestrum ius pertinet, patenter exciperem. Meam enim
tantum iniuriam remisi, non vestram: & hoc postulavi à fraternitate vestra, ut
pro præteritis iniuriis meis supra prædictam feminam nullam exerceretis vin-
dictam. ad quam rem magna ex parte me compulit timor vester. Significastis
enim mihi Litteris vestris multa incommoda imminere vobis & Ecclesie ve-
stræ; si differrem pacem cum ea facere. Vnde inuenta occasione, volui tam
vestris quam meis commodis providere. Si ergo restant aliquæ iniuriæ ad pro-
priam parochiam pertinentes, ne videar vobis esse importunus, prout vobis
placuerit, & ratio permiserit, eas expostulate. De Clericis autem vel Mona-
chis Puteacensibus, qui contra interdictum vestrum Missas celebrauerunt, mor-
tuos sepelierunt, chrisma aliundè acceperunt: hoc vobis respondeo & consu-
lo, ut si gratiam Lugdunensis Archiepiscopi pleniter habetis, cuius consensu
interdictum vestrum prædicti Puteacenses cassatum fuisse dicunt, plenam se-
cundum rigorem canonicum super eiusmodi transgressores vindictam exercea-
tis: ut & istos & alios ab huius inobedientia compescatis, secundum illud Apo-
stoli, *In promptu habentes vlsceri omnem inobedientiam*. Alioquin, leuius erit ea
supportare, quæ non licet ad plenum vindicare. De Geruasio quoque non
debet vestra fraternitas mirari vel indignari, quod eum ad communionem in
Paschali Curia suscepi. Pro Regia enim honorificentia hoc feci, fretus aucto-
ritate legis, in qua legitur: Si quos culpatorum Regia potestas aut in gra-
tiam benignitatis receperit, aut mensæ suæ participes effecerit: hos etiam Sa-
cerdotum & populorum conuentus suscipere in Ecclesiastica communione de-
bebit: ut quod principalis pietas recipit, nec à Sacerdotibus Dei alienum ha-
beat. Vale.

T iiij

Edit. 65.

HVGONI *Lugdunensis Ecclesie primæ Sedis Episcopo, Romana Ecclesie Legato,*
 IVO *humilis Carnotensis Ecclesie minister, salutem & seruitium.* QVIA deco-
 rem domus Dei vos hætenus dilexistis intelleximus, post dominum Papam super
 omnes Ecclesiasticas personas speciali amore vos dileximus, & famam vestram ab
 aliquo lacerari æquo animo ferre non potuimus. Eundem itaque zelum in vobis
 nec frigare nec tepere æstimantes, miseriam Aurelianensis Ecclesie ante oculos
 vestros ponimus, quam filij alieni sua quærentes strangulant & deuorant. De qua
 cum manu vestra auulsa esset arbor infructuosa, nunc inferitur pestifera. Turo-
 nensis enim Archiepiscopus prædictæ Ecclesie pædagogus & incubus, in Natale
 Domini Regi contra interdictum vestrum coronam imponens, hac arte à Rege
 obtinuit, vt Ioannes, qui per Ioannem defunctum Episcopum multis submurmur-
 rantibus & malè sentientibus factus est Archidiaconus, eidem Ecclesie præficeretur
 Episcopus. De hoc enim Rex Francorum non secretò, sed publicè mihi testa-
 tus est, quòd prædicti Ioannis succubus fuerit. Et hoc ita famæ per Aurelianensem
 Episcopatum & vicinas vrbes publicauit, vt à concanonicis suis famosæ cuiusdam
 concubinæ Flora agnomen acceperit. Hoc quod dico Clerus approbaret, hoc po-
 pulus acclamaret, nisi metu Regis comprimerentur, vel insidiis Turonensis Ar-
 chiepiscopi terrerentur, qui Clericos sibi aduersantes clandestinis delationibus
 Curie tradi facit, aut in exilium pellendos, aut bonis suis spoliandos. Hic enim
 cum duos Episcopatus habere non possit, Aurelianensem Ecclesiam, quam non
 potest retinere per propriam, per submissam vult possidere personam: vt in ea possit
 quos voluerit humiliare, quos voluerit sublimare. Cui non sufficit, quòd in Ec-
 clesia, in qua irrepsit contra canonicas & Apostolicas Sanctiones, toleratur, nisi ei
 liceat Ecclesiam Dei quibus libuerit procis prostituere: oculos videntium etiam
 medicorum vaniloquiorum suorum fumo, promissionum suarum nebulis intene-
 brare, vt quæ audiunt de eo non audiant, quæ vident non videant, & quæ certa
 sunt tanquam ignota sustineant. Sic enim de seipso dicere solet, se non indigere
 bonis Clericis vel Canonibus, cum hæc omnia præsto sint ei in marsupio suo. Nec
 mirum, cui quod libet licet, & quod licet impunè facit, vt multi inde scandalizati
 altius gemant, dicentes magis impetrare desideria sua apud iudices Ecclesiasticos,
 zelantes iniquitatem, quàm sequentes bonitatem. Veritas mihi testis est, me non
 ista dicere tanquam aduersus istos homines aliqua sit mihi priuata controuersia. Sed
 tabescere me facit zelus meus, cum videam in messe Dei vepres & spinas bonum
 semen suffocare, nullamque aut pere nullam eradicantem manum. Etsi aliquan-
 do sunt qui perficiant malæ arboris ruinam, non peruigilant vsque ad fructuosæ
 arboris insertionem. Quod in hoc negotio manifestum est. Non enim Turonen-
 sis Archiepiscopus idè laborauit, vt Sanctio deponeretur, quatenus eo melior ei-
 dem Ecclesie præficeretur: sed huiusmodi, qui ei per omnia famularetur. Isto
 enim iuuenis, qui Rege iubente, & Turonensi Archiepiscopo impingente prædi-
 ctæ Ecclesie est intrusus, ita est sub Turonensi Archiepiscopo, sicut puer sub pe-
 dagogo: vt nec stans sedere, nec sedens audeat surgere, nisi eo iubente, aut in-
 nuente, vtpote qui se ei ad turpes vsus dicitur subdidisse. Ad vltimum cum multa
 nefaria & turpissima dici verissimè possent, quæ deficientibus testibus veritatis pro
 humanâ infirmitate probari forsitan non possent: hoc ad repulsionem prædicti ado-
 lescentis sufficit, quòd persona ignominiosa est, & per vicinas Ecclesias turpiter
 diffamata. Hic itaque per Litteras Regis & Capituli mihi est oblatus, suo tempo-
 re ordinandus in Presbyterum, postmodum consecrandus in Episcopum. Eius au-
 tem electio nec adhuc à me est improbata, vel adprobata, sed nec aliquando ad-
 probanda, nisi domni Papæ vel vestra me ad hoc pertrahat obedientia. Scio enim
 Ecclesie Dei non tantum hoc esse ignominiosum, sed etiam perniciosum. Rogo
 itaque paternitatem vestram, vt in hac causa vigilantissimè honestati & auctoritati
 vestræ consulatis, & Ecclesie Dei prouideatis: ne in manibus eius committatur
 salus aliena, qui nunquam adhuc deliberauit de salute sua. Per portitorem itaque
 præsentium mihi rescribite, quid me velitis super hoc negotio facere: vt quod re-
 sponsurus sum respondeam Aurelianensibus ex vestra auctoritate. Ipsi tamen quic-

A quid respondeam, de vestra beniuolentia plus iusto præsumentes, vanizando dicunt, quodd iuxta petitionem Turonensis Archiepiscopi eum consecrabit, vel consecrari facietis. Quicquid autem vos faciatis, ego liberaui animam meam. Multi enim Aurelianenses ad hæc quæ dixi mihi darent testimonium, nisi timerent carcerem vel exilium. Et ne me ista aliqua occasione confinxisse credatis, vnam cantilenam de multis, metricè & musicè de eo compositam ex persona concuborum suorum, vobis misi, quam per vrbes nostras in compitis & plateis similes illi adolescentæ cantitant, quam & ipse cum eisdem concubis suis sæpè cantauit, & ab illis cantitari audiuit. Præterea sciat vestra sollicitudo, quia cum Abbas Burgulien- sis ore patulo, manibus apertis, cum multa securitate ad Curiam in Natale venisset ad accipiendum Episcopatum, sicut ei illa prædicta Regina promiserat; quia animaduersi sunt plures & pleniores sacculi nummorum latere in apothecis amicorum istius quàm apud Abbatem, ille est admissus, iste est exclusus. Et cum Abbas quereretur apud Regem, quare sic eum delusisset, respondit: Sustinete interim donec de isto faciam proficuum meum, postea querite ut iste deponatur, & tunc faciam voluntatem vestram. Summa itaque hæc est verborum meorum: Rogo, moneo, ut huic electioni nunquam ad sensum præbeatis, ne domum Dei publicum prostibulum & speluncam latronum faciatis. Postremò rogo, quia semel ab Aurelianensibus deceptus sum, si quid mihi de eo scribere volueritis, per talem nuntium cui credere possim, transmittatis. Et quia turpitudine non potest nisi verbis suis exponi, irreligiosis verbis pro religione tamen assumptis veniam postulo. Valete.

EPISTOLA XVI.

Ivo Dei gratiâ Carnotensis Ecclesie minister, Hildeberto Cenomanensi Episcopo, in tribulatione tolerantiam, in tolerantia perseverantiam. *Quantum* extenore Litterarum tuarum perpendi, ad suggestionem æmulatorum tuorum de prodicione Cenomanicæ vrbs nuper facta insimulare te molitur Regis Anglorum metuenda seueritas, nulla aduersum te legitima accusatione prolata, sed præuorum delatione coniecturarum diuinationibus palliata: & cum paratus sis ad perficiendam purgationem legitimam, non aliter vult te huius prodicionis immunem credere, nisi igniti ferri examinatione demonstrates innocentiam tuam. Consulis itaque humilitatem meam, vtrum tibi benè conscius pro conseruanda integritate famæ tuæ, & recuperanda Regis gratia, debeas voluntati eius adquiescere: an quælibet aduersa pati, ut non recedas ab ordine. Breuiter itaque tibi respondeo, consulens ut non transgrediaris terminos antiquos, terminos quos posuerunt patres tui. Aliter namque innocentiam defendere, est innocentiam perdere. Monomachiam enim, & ferri calidi examinationem, nec consuetudo Ecclesiastica in discutiendis causis Ecclesiasticis recipit, nec canonica auctoritas instituit. Vnde Nicolaus in causa Regis Lotharij & Thebergæ de falsis criminibus impetitz: Monomachiam in legem non assumimus, quam præceptam esse non reperimus; cum hæc & huiusmodi scetantes, Deum solummodò tentare videantur. Dicit autem Augustinus in Libro Quæstionum super Genesim: Quando habet homo quod faciat, non debet tentare Deum suum. Indè etiam ita scripsit Alexander II. Papa Rainaldo Cumano Episcopo: Super causa Gislandi Presbyteri tui de morte Episcopi sui prædecessoris tui infamati in medium consulimus. Itaque circumstantium omnium fratrum assensu vnanimi tuæ dilectioni rescribimus, præfatum Gislandum ante te præsentandum: vbi si certi accusatores defuerint, tunc distante iusticia, sine omni controuersia Presbyter quæcunque ob hoc iniuste amisit, ac sacerdotium & integra accipiat beneficia. Purgationem tamen antea, duobus sibi sacerdotibus iunctis, vbi accusator cessauerit, eundem ex se præbere tuo committimus arbitrio. Vulgarem denique legem, ac nulla canonica sanctione fultam, feruentis scilicet siue frigidæ aquæ, igniti que ferri contactum, aut cuiuslibet popularis inuentionis (quia fabricante hæc sunt omnino ficta inuidia) nec ipsum exhibere, nec aliquo modo te volumus postulare: immò Apostolica auctoritate prohibemus firmissimè. Indè etiam Stephanus V. Papa dicit Lamberto Episcopo Magontino: Ferri candentis vel aquæ feruentis examinatione confessionem extorqueri à quolibet, sacri non censerunt canones: & quod sanctorum Patrum documento sancitum non est, super-

PHILIPPVS
1.

stitione adinuentione non est præsumendum. Spontanea enim confessione, vel A
testium approbatione publicata delicta, habito præ oculis Dei timore, commissa
sunt regimini iudicare: occulta verò & incognita illius sunt iudicio relinquenda,
qui solus nouit corda filiorum hominum. Plura tibi perscripsissem super his, si li-
cuisset. Tu itaque his & aliis auctoritatibus Patrum vndique munitus viriliter age,
& ne de te aliis præbeas exemplum futuris & præsentibus nociturum. Si enim ali-
quid contra iustitiam pateris, de tribulatione purgaberis & probaberis, deque pro-
batione misericordiam consequeris. Valé.

EPISTOLA XVII.

Edit. 76.

DAIMBERTO *Dei gratiâ Senonensium Archiepiscopo, IVO humilis Sacerdos,*
salutem & debitam reuerentiam. QVONIAM ex antiqua institutione Pro-
uincialem Synodum celebrare vestra sollicitudo disposuit, in qua ad correctionem
prauorum promulganda sunt instituta Apostolica & canonica: paruitatem meam
quam inuitatis, licet minùs vtilem, subtrahere nec volo nec debeo, si tamen diui-
na miseratio libertatem mihi conseruauerit & sospitatem. Per quamcunque au-
tem viam eadem diuina miseratio venire me concesserit, ante aliquot dies præ-
mando vobis, vt in loco competenti quàm securiorem conductum poteritis mihi
transmittatis. De electione autem Niuernensium, in qua se studia partium diuise-
runt, & institutione Patrum instructam credo esse prudentiam vestram, vt illum B
modis omnibus præferatis, qui maioribus studiis iuuatur & meritis. Sed quia ne-
mini citò manus imponenda est, si id ad præsens ad plenum deprehendere non va-
letis, differendum mihi hoc negocium vsque ad futuram Synodum videtur, vt tunc
euidentiùs discutiantur & eligentium studia & electorum merita. De cetero Ade-
liciam Puteacensem Dominam, & Hugonem filium eius, cum ceteris adiutoribus
suis, propter tyrannidem quam in nos exercent, ex auctoritate Apostolica à nobis
excommunicatos, precando insistimus, & insistendo precamur, vt vos quoque ex-
communicetis, aut malè inuasa nobis restitui faciatis. Sic enim antiquitus est in-
stitutum, & nuper in Auernensi Concilio omnium Episcoporum qui aderant con-
sensu confirmatum: vt ab vno Episcopo quemlibet pro iniuriis Ecclesiasticis ex-
communicatum, vicini quoque Episcopi excommunicent. Quòd si causatur in-
iuste se excommunicatam, veniat ad Ecclesiam cui calumniam facit, & à qua nul-
lam iniuriam pertulit: audiet Deo iuuante iustam se accepisse sententiam. Aposto-
lica autem auctoritate à nobis eam esse excommunicatam, exemplar Apostolica-
rum Litterarum, quod vobis transmissi, declarabit. Valete.

EPISTOLA XVIII.

Edit. 84.

IOANNI *Presbytero Cardinali, Romana Ecclesie Legato, IVO humilis Carnoten-*
sium Ecclesie minister, legatione fungi in Christo. LITTERAS tuæ beneuolen-
tiæ indices nuper accepi, quibus aliqua constantiæ tuæ opera paruitati meæ notifi-
casti. In quibus hoc egregiè laudabile intellexi, quòd te à communionem Regis
abstinuisti, quoniam in hoc & famæ tuæ & legationi tibi commissæ sanè consului-
sti: licet quidam Belgicæ Prouinciæ Episcopi in Pentecosten contra interdictum
bonæ memoriæ Papæ Urbani coronam ipsi Regi imposuerint, tanquam mortuo
præcone iusticiam mortuam esse crediderint. Quòd autem Pictauis aut intra Pro-
uinciam Aquitanicam Concilium celebrare disponis, omninò laudo, quia si intra
Prouinciam Belgicam vel Celticam Concilium celebraretur, multa premi silentio
oporteret, quæ ventilata scandalum generarent, & totum penè fructum Concilij
aliqua exæstuatione præfocarent; pressa verò silentio, tanquam verbo Dei alliga-
to, legationis tuæ auctoritati plurimum derogarent. De termino verò habendi
Concilij, quem iv. Kal. Augusti designasti, facile occasionem quærent Episcopi
partium nostrarum, dicturi non esse congruum spatium ad peragendam viam, &
præparandum viaticum. Non enim poterunt multi Episcoporum ad locum per-
uenire Concilij, nisi per multos circuitus, & per acquisitos vndecumque condu-
ctus. Si ergo videtur prudentiæ tuæ, conuenientior videretur mihi terminus in
capite Autumni: quando & annus erit fertilior, & vnusquisque inuitatus indulto

A sibi congruo spatio ad eundem paratior. Si autem præter spem euenerint hæc omnia, cum Deus inticem nos loqui concesserit, & de termino & de loco habendi Concilij, & de multis aliis cum prudentia tua tractabo. quia multa præterea quæ non sine ratione interim chartæ commendare dissimulo. Mitto itaque tibi cum breuigerulo tuo cursorem istum, per quem mihi remandes & de tempore & de loco colloquij nostri, & de constitutione habendi Concilij. Vale.

EPISTOLA XIX.

I OANNI & Benedicto Cardinalibus Presbyteris, & Romanæ Ecclesiæ Vicariis, IVO *Edis. 27.*
humilis Ecclesiæ Carnotensis minister, ita sibi commissa fungi legatione, ut Angelo magni consilij valeant complacere. QVIA Beluacensis Ecclesiæ lapsum dudum vobis ex parte per Litteras insinuavi, nunc in quantum profundum malorum descendit, sollicitudini vestræ reticere non valeo: ne mea taciturnitas mihi reputetur in vitium, & veterno ipsius Ecclesiæ morbo nullum procuret adhibere remedium. Prædicta enim Ecclesiæ tamdiu iam bonos desuevit habere Pastores, ut malos habere videatur ei quasi legitimum, bonos autem eligere quasi nefarium. Quod in hoc satis patet, quod aduersus Litteras domni Papæ & vestras, de electione vel assumptione Episcopi illicita prohibentes, ad contemptum Sedis Apostolicæ irrisoria & contemptibilia verba in vos protulerunt, & postposita omni canonica obedientiâ Clericum quendam illiteratum, aleatorem, & ceteris huiusmodi lenociniis vacantem, procul etiam à sacris Ordinibus inuentum, quondam quoque propter publicum adulterium à Legato Romanæ Ecclesiæ Lugdunensi Archiepiscopo de Ecclesiâ eiectum, pro voluntate Regis, & illius contubernalis suæ, in Episcopum assumpserunt. Prædictus autem intrusus, Stephanus vocatur de Garlanda. Cui si ad Episcopalem ministrationem aliquando Apostolica auctoritate patuerit aditus, manifestum est temporibus nostris exitiale silentium impositum esse canonicis legibus. Quomodo enim ad fontem scientiæ pertingemus, si ab ipsis qui clauem tenent intrare non permittimur? His & huiusmodi præmonitam & præmunitam volo esse sollicitudinem vestram; ut & vobis caueatis, & domnum Papam super his cautum faciatis: ut qui ex aduerso stat, occasionem malè dicendi non habeat de vobis tanquam suæ quærentibus, & non quæ Iesu Christi. Prædictus enim intrusus festinat ut citò Romam vadat, aut mittat, & Palatinos quibus poterit muneribus vel promissionibus flectat in suam partem, & domnum Papam quacunque poterit machinatione decipiat. Rei itaque veritatem vobis notificamus, ut & auctoritati Apostolicæ prouideatis, & famæ vestræ benè consulatis, & Ecclesiam in malis tabescentem solatio foueatis, forti manu releuetis, & corrosorum dentes sinceritatis lapide conteratis. Si enim & in hoc cassata fuerit expectatio nostra, iam quid contra obloquentes pro Romana Ecclesiâ loquamur, non habebimus, & murum pro domo Dei ponere fiducia Romanæ Ecclesiæ vltra non audebimus. De mundanda ergo Dei domo, & de vindicando contemptu vestro, consilium citò capite, & quid super hoc & super aliis dispositionibus vestris facere velitis, per portitorem præsentium rescribite. Cum vobis Deo donante loqui poterimus, hæc & alia diligentius & diffusius exponemus. Valete.

EPISTOLA XX.

D AIMBERTO Dei gratiâ Senonensi Archiepiscopo, IVO Carnotensis Ecclesiæ *Edis. 90.*
minister, salutem & seruitium. PORTITOR Litterarum vestrarum festinabat ad reditum: ego autem aliquantulum potione & sanguinis minutione debilitatus eram. Pro valetudine tamen & opportunitate hæc ad interrogata respondeo, quia treuia Dei non est communi lege sancita, pro communi tamen utilitate hominum ex placito & pacto ciuitatis ac patriæ, Episcoporum & Ecclesiarum, ut notis, est auctoritate firmata. Vnde iudicia violatæ pacis modificari oportet, secundum pacta & diffinitiones quas vnaquæque Ecclesiâ consensu parochianorum instituit, & per scripturam vel bonorum hominum testimonium memoriæ commendauit. Vnde palam est, quia vitricus & frater vester erga illum, quem in iurando pacem ab obseruantia pacis exceperunt, quamuis reatum homicidij incur-

PHILIPPVS
1.

rerint, non tamen pactum pacis violarunt. Sed quia exceptio illa personam nocentis non excessit, & nepos illius excommunicati non erat prius de eius adiutorio vel communione culpatus; si ille nepos paci erat iuratus, quantum nobis videtur, iniuste est contra pacis instituta peremptus: nisi forte alias rationes habeatis, quæ in Litteris vestris minimè fuerunt, quibus interfectorem eius à violatæ pacis iniuria defendatis. Non enim etiam ipsos violatores pacis, non tantum ad puniendum non exponendos inimicis, sed nec excommunicandos esse censemus, nisi postquam accusati & conuicti fuerint, & malefacta sua emendare contempserint. Vnde Augustinus in Libro de Pœnitentia: Nos quemquam à communione prohibere non possumus, quantumvis hæc prohibitio non sit mortalis, sed medicinalis, nisi aut sponte confessum, aut aliquo siue seculari siue Ecclesiastico iudicio accusatum atque conuictum. In hunc modum multa dici possent, sed hæc vos ignorare non æstimo. Valete.

EPISTOLA XXI.

Edis. 94.

PASCHALI summo Pontifici, IVO humilis Carnotensis Ecclesie minister, Sanctitatis sue servus, obedientie & servitij munus debitum. QUONIAM diuino adiutorio Carnotensis Comes prauas consuetudines, quas habuerant antecessores sui, & ipse in domibus & rebus Carnotensis Episcopi defuncti vel depositi, multo meo labore & sumptu Ecclesie dimisit, & paruitas mea super hoc Priuilegium à Sanctitate vestra promeruit; ad perficiendam eius libertatis confirmationem, peto ab excellentia vestra mitti Litteras Clero Carnotensi, continentes hanc sententiam: Vt si forte aliqui Carnotensium Comitum, vel ministrorum eorundem, aliquando cupida temeritate, & temeraria cupiditate, libertatem à Comite cessam infregerint, tanquam Ecclesiastici iuris sacrilegi peruasores ab ipso Clero Apostolica auctoritate excommunicentur, & Ecclesie tam ciuiles quam suburbanæ vsque ad satisfactionem claudantur. Non enim potest populus rapinis assuetus aliter à sua malitia coerceri, nisi summo rigore iustitiæ refrenetur, & terribili excommunicatione plectatur. Addatur etiam: Vt si succedens Episcopus illius sacrilegij patratores absque satisfactione absoluerit, vel ambitione adquirendi Episcopatus, vel timore amittendi supportauerit, tanquam sacrilegij particeps, & Episcopatus exutor adiudicetur. Tali enim obice poterit malitiæ torrens à solito præcipitio retineri, intraque debitos limites coerceri. Nec indebitum est; si aduersus noua morborum genera inueniuntur & apponuntur insolita medicamenta. Valete.

EPISTOLA XXII.

Edis. 95.

PASCHALI summo Pontifici, IVO humilis Carnotensis Ecclesie minister seipsum ut filium obedientissimum. LATATVS sum suprâ quàm dici possit, & de Stephani Beluacensis Ecclesie proci repulsione, & de facta in me propter cum paterna iniectione: quamvis ego in posterioribus Litteris nihil contrarium prioribus ex me scripserim, nec pro eius persona, sed pro ruinis Ecclesie Sanctitatem vestram interpellauerim. Importunitate enim sua extorsit à me Litteras, quas ei nullomodo profuturas, imò multum credidi offuturas, si intelligentem haberem lectorem, & commodum expositorem. In Litteris itaque vestris, quàm constans sit in vobis amor iustitiæ, & zelus domus Dei, liquidò mihi apparuit, & me publicante ferè omnibus nostri Regni Ecclesiis ad laudem diuini nominis innotuit. Nihil itaque de hoc negotio restat, nisi ut bonis principiis & bonis prouectibus bonus imponatur exitus. De cetero notum facimus prouidentie vestræ, quòd venerabilis confrater & Romanæ Ecclesie semper amator Catalaunensis Episcopus, per nos, qui Pictauiensi Concilio interfuissemus, conuenit & interpellat clementiam vestram, quatinus sententiam vestram de Thesauraria Catalaunensis Ecclesie importunitate Drogonis, & nebulis verborum eius ab innocentia vestra extortam, mitigetis, vel in melius mutetis: & sicut decet Apostolicam moderationem, confratri nostro iusta & possibilia iubeatis. Et cum iudicium Apostolicum à nemine sit foris retractandum, vos ipse perpendite, vos ipse iudicate, vtrum Synodalis sententia Apostolicis decretis & Canonicis sanctionibus munita dissolui debuerit sine vtriusque partis audientia. Nec

- A** Nec enim indecens est, sicut Apostolicis docemur exemplis & scriptis, si aliquando sententiam mutet ipse Apostolicus in melius, cum aliquid subreptum vel falsis precibus à Sede Apostolica fuerit impetratum. Vt autem per subreptionem à sanctitate vestra Litteras Catalaunensi Episcopo missas extortas agnoscatis, seriem causæ quam tractauimus prudentiæ vestræ breuiter intimabimus. Prædictus enim Drogo cum omnium in Pictaunensi Concilio confidentium importunis clamoribus aures oneraret, dicebat se prædicta Thesauraria à Philippo Catalaunensi Episcopo canonicè fuisse inuestitum, & ideò iniuste spoliatum. Cuius rei veritas cum diligenter fuisset euenrilata, contestantibus Catalaunensis Ecclesiæ Clericis, Drogoni prædicto obiectum est, quod secundum ordinem Ecclesiasticum prædictum honorem habere non posset, nisi ipsius Ecclesiæ Canonicus: quod ipse nec fuerat, nec esse poterat, cum iam esset in alia Ecclesia, & in alia Prouincia factus Canonicus & Archidiaconus. Additum est etiam, quod prætaxatus Episcopus iam moriens & inunctus, importunitate Drogonis superatus, non eum prædicta administratione inuestierit, sed tantum eo tenore coefferit, ut eo viuente nunquam se de ea intromitteret, nec eius vsusfructus vsurparet. Inuitati itaque à venerabilibus Cardinalibus vestris ad iudicium, cum nullus esset qui prædictis rationibus obuiaret, & confirmantibus eisdem Cardinalibus iudicium nostrum, ex ratione & auctoritate iudicauimus non fuisse canonicam inuestituram, contra quam clamant decreta Apostolica, canonica instituta, & vniuersa penè Concilia. Leges enim nequaquam appellant inuestituram concessionis, sed possessionis, quam prædictus Drogo in vita defuncti Episcopi non habuit, sed post mortem eius ipse se impudenter ingessit. Nec habet ordo Canonicus, ut in ea Ecclesia quis præproprio saltu fiat Præpositus, in qua numquam meruit esse suppositus. Quod autem prædictus Clericus in duarum ciuitatum titulari non possit Ecclesiis, tam ex vestris quam prædecessorum vestrorum comprobamus sententiis. Intelligimus etiam ex dictis Papæ Gelasij, quia si quid fuerit contra Apostolica decreta manifestè præsumptum, non opus esse ut tanquam res dubia deuocetur in iudicium, quod tam frequenter Apostolica falce est præcisum, & generalium Conciliorum sententiis definitum. Nec enim alia de causa Concilia conuocatis, nisi ut contemptores decretorum vestrorum ad eorumdem obseruantiam reuocetis. Vnde si obseruatores Apostolicorum præceptorum vestra auctoritate fatigantur, vel fatigari permittuntur, vos ipse videte, quæ pax restat Ecclesiæ, qui rigor superest disciplinæ. Sic enim ab obedientia mandatorum sanctorum dissimulabunt non tantum illi qui ea seruant in angaria, sed etiam hi qui custodire volunt cum diligentia. Quid etiam vltra valebunt celebranda Concilia, quorum per vnius personæ delationem irrita fient quantalibet auctoritate fulta iudicia? Vnde rogamus Sanctitatem vestram, ut librata consideratione commodorum & incommodorum, quæ de eiusmodi perturbatione nasci possunt, saniori sententiæ animum accommode- tis, & ut iudicia Synodalia non nisi summa ratione cassentur, & mandata Apostolica curiosius obseruentur. Valete.
- C**

EPISTOLA XXIII.

PASCHALI summo Pontifici, IVO humilis Ecclesiæ Carnotensis minister, cum de-
uoto filij affectu debiti famulatus obsequium. BELVACENSES Clerici melioris famæ, & consilij sanioris, præcedente consilio vestro, consilio Optimatum diocesis suæ, & laude populi, domnum Galonem virum vitâ honestum, litteralibusq; studiis & Ecclesiasticis disciplinis ornatum, in Episcopum sibi elegerunt. Pauci tamen ex Clericis Stephani illius repudiati complices, quos sibi pelliculis peregrinorum murium, atque aliis huiusmodi vanitatum aucupis inescauerat, huic electioni non adfenserunt, nec tamen ei aliquid quod sacris Canonibus obuiet, obicere potuerunt. Cum verò rem per se impedire non valerent, Regem adierunt, quædam verba auribus eius instillauerunt, quæ faciliè in cor eius eliquauerunt: videlicet quod prædictus electus discipulus meus fuerit, apud me nutritus, apud me eruditus, addentes quod à Sanctitate vestra fuerit electus, & quod magnus ei futurus esset aduersarius, si in Regno eius aliquando fieret Episcopus. Rex itaque virulentis his verbis succensus, & ab omni bona voluntate turbatus, non vult electioni assensum præbere, nec Electo bona Episcopalia dimittere. Vnde electores eius ad paternitatem vestram iam confugissent, nisi quia Metropolitanus eorum eos detinet, condito die, inter

PHILIPPVS
I.

LXXV. 14.

contradictores & electores, sicut dicitur, pacem volens componere, vel forsitan propter voluntatem Regis rem callidè impedire. Superest ergo, dilectissime Pater, ut pro potestate & auctoritate vestra, sicut cœpistis, Ecclesie, prout Clerici rationabiliter postulauerint, succurratis, & consilium vestrum inconfusibile faciatis, ne insidiatores & detractores vestri subsannando de vobis dicere incipiant: *Hic homo cœpit edificare, & non potuit consummare.* De cetero notum facio Sanctitati vestræ, quod Francorum Rex Romam in proximo se venturum dicit. quod tamen non credimus. Sed seu veniat, seu mittat, caute & vobis & nobis, ut semper clauibus & catenis Petri fortiter teneatur. Et si fortè absolutus fuerit, & ad vomitum, sicut iam contigit, reuersus fuerit, euestigio eisdem clauibus recludatur, eisdem catenis religetur. Et hoc Litteris vestris omnibus Ecclesiis manifestetur. Ita enim corrosorum dentes confringeris, & iustitiæ satisfacietis. Quod si fortè Deus cor eius ad pœnitentiam illustrauerit, mementote nostri qui portauimus pondus diei & æstus: ut sicut fuimus participes tribulationis, ita simus & consolationis. Valete.

EPISTOLA XXIV.

Ed. III.

DAIMBERTO *Dei gratiâ Senonensium Archiepiscopo, Ivo humilis Ecclesie Carnotensis minister, salutem & seruicium.* COLLOQVIVM vestrum iam à multo tempore desiderans, speravi me posse paternitati vestræ loqui in Conuentu ad quem inuitati eramus in ciuitate Vellauorum, & ore ad os clamorem facere de iniuriis quas mihi & Ecclesie mihi commissæ infert Hugo Puteacensis, more suorum semper re-
pendens mala pro bonis. Quem nec pudor humanus, nec fides quam mihi debet ut Domino, detinet à rapinis, dum nulla nostra in eum præcesserit iniuria, vel nulla ei à nobis sit denegata iustitia. Quod ergo certa ratione tunc distulimus, nunc præsentibus Litteris, flexis genibus cordis postulamus: ut eum à nobis excommunicatum excommunicetis, & diuinum officium Merariuillæ & eius adiacentiis interdicatis, & Aurelianensi Episcopo, ut idem faciat apud Puteacum, præcipiatis. Alioquin, si Principes mundi plus timemus quàm Deum, manifestè iam portæ inferi præualebunt: & qui pro domo Israël murum ponere debemus, secundum propheticam irrisionem canes muti non valentes latrare reputabimur. Res enim Ecclesiasticæ, sicut testatur etiam seculi leges, quia diuini iuris sunt, in nullius bonis sunt. Et ideo prorsus errat, qui pro suis occasionibus, à quibus eas maximè seruari conuenit, usurpat, & malè tractat. Vnde ait Papa Symmachus in sexta Synodo: Qui prædia Ecclesie petierit, vel acceperit, vel possederit, vel retinuerit, nisi se citò correxerit, anathemate feriatur, sitque danti & accipienti, vel possidenti anathema. Ista dicendo prudentiam vestram non docemus, sed ad officij vestri sarcinam fortiter portandam cohortamur: quatenus pusillanimitatem nostram consolatio vestra confoueat, patientiam nostram fortitudo vestra communiat. Valete.

EPISTOLA XXV.

Ed. II. 14.

IOANNI *Dei gratiâ Aurelianensi Episcopo, Ivo humilis Ecclesie Carnotensis minister salutem.* QVOD nostris tribulationibus compatiatur vestra fraternitas, quantas sufficimus vobis gratias referimus. De pace autem, quam inter nos & domnum LVDOVICVM reformare velletis, hoc vobis respondemus: quia quantum testatur nobis conscientia nostra, nullas ei iniurias intulimus: & si quid à nobis expostularet, iudicio vestro & confratrum nostrorum libenter ei satisfaceremus, & si quid aduersum paruitatem nostrā fecit, quod eum non deceret, patienter supportaremus. Hugonem autem Puteacensem, & Paganum transfugam atque desertorem, sine digna satisfactione suscipere non possumus: quia ita est inter nos non sine summa obligatione conditū, & Apostolica auctoritate roboratum. Si autem Paganus ideo seipso vult maior fieri, quia deterior seipso factus est, & Episcopali intelligētiæ summa fiet iniuria, & Ordini Clericorum ad exorbitandum procliuior patebit via. In hoc ergo negotio ita præcaute periculo vestro, sicut & nostro: quia ut vobis vera fateamur, malumus quæ Deus permiserit aduersa perpeti, quàm in parcendo filiis discordiæ plurimos in discrimen adduci. De loco autem, in quo securè colloqui possimus, certum non est mihi consilium, quia intra Episcopatum vestrum & nostrum nullus mihi securus est exitus: nisi fraterna charitas vos cogeret, quod petere non præsumo, ut vsque ad nos veniretis, & de quibus bonum esset nobiscum consultè quando velletis tractaretis. Valete.

A

EPISTOLA XXVI.

PHILIPPVS
I.

Edit. 1127.

DAIMBERTO *Dei gratiâ Senonensium Archiepiscopo*, IVO *humilis Ecclesiæ Carnotensis minister, per omnia deuotum obsequium*. NOVERIT paternitas vestra, quoniam Hugo Puteacensis timore Dei tactus, & corde compunctus, ea quæ Ecclesiæ nostræ abstulerat, quantum ad portionem suam pertinuit, integerrimè reddidit. Mihi verò quæ mea & meorum erant, se cuncta redditurum datis obsequiis sub fidei sponsione firmavit. Et quia de discretione à vestra paternitate fueram commonitus, ea interim accipere distuli quamdiu abstinuerit ab exactionibus & angariis, quas in terra Fraxineti facere consuevit. Vnde gratias referimus quantas possumus vestræ paternitati, qui manum nobis in hac necessitate porrexist, & qua debuit miseratione condoluit. Rogamus etiam ut causa nostri de cetero non teneatis eum interdictum vel excommunicatum, neque suos, quamdiu in sponsione sua perseverauerit, & prædictas exactiones non acceperit. Domnus verò LYDOVICVS non vult nobiscum pacem componere, quia nolo Paganum illum in infamiam lapsum, qui matrem suam euisceravit, & quibus potuit vnguibus scismatis lacerauit, honoribus Ecclesiasticis sublimare. Ego itaque per manum vestram offero ei omnem iustitiam, vel si ad satisfactionem venerit, quam ei potero facere lege non contradicente misericordiam. Et quia vtrumque refutat, vnum consilium mihi restat, expectare misericordiam Dei, donec iustificet causam meam: Valet.

EPISTOLA XXVII.

IVO *Dei gratiâ humilis Ecclesiæ Carnotensis Episcopus*, GAUFRIDO *Vindocinensi Comiti salutem*. CVM omnibus quibus nobis à Deo commissis pastoralis diligentia providere debeamus, ne pascua vitæ deserant, ne luporum inuisibilem moribus se intrudent: præcipue hoc nobilitati tuæ debemus, qui & noster es parochianus, & Ecclesiæ nostræ cataneus. Quod idem dilectioni tuæ scribo, quoniam audiui te velle ducere in uxorem Vicecomitissam Blesensem: cuius defuncto marito fuisti consanguineus, sicut mihi scripserunt, & probare parati sunt nobiles viri, tam tui, quàm defuncti Vicecomitis Roberti consanguinei. Vnde tibi mando, & per legem Christianam interdico ferales & incestas nuptias, quas nec lege poteris defendere, nec legitimos de eis heredes suscipere. Si ergo salutaria nostra monita suscipis, cum ad nos miseris, statuemus tibi diem certum & locum, quatinus ad legitimam discussionem venias, & sententiam quam lex Christiana dictauerit super tali desponsatione recipias. Quod si aliter inceptum tuum adimplere præsumpseris, & excommunicationem incurres, & infamiae notam non euades. Consanguinitas autem inter te & virum prædictæ mulieris sic se habet: LANDRICVS SORVS quendam filium, filiamque habuit. Qui filius Lancelinus nomine filium Lancelinum genuit: ex quo Agnes fuit, quæ Robertum genuit. Qui Robertus filiam Hugonis Dunensis in uxorem habuit. Filiam verò Landrici Sori habuit Buchardus Rata-pilata. Ex quibus natus fuit Buchardus Caluus, de quo Fulco Anser natus fuit. Ex quo descendit Nifrana *, quæ Gaufridum Grisam-tunicam genuit, qui illam vult accipere in uxorem. Vale.

* ad. Vistana.

EPISTOLA XXVIII.

IVO *Dei gratiâ humilis Ecclesiæ Carnotensis Episcopus*, MATILDI *Blesensi Vicecomitisse salutem*. QUONIAM tibi, & omnibus quos in Deum vel propter Deum diligimus, salubria monita vel præcepta dare debemus, monemus & præcipimus per legem Christianam, ut coniugium, quod cum Comite Vindocinensi te inituram pepigisti, usque ad legitimam discussionem differas, & bonam æstimationem quam hactenus habuisti non amittas. Quod si aliter præsumpseris, & excommunicationi subiacebis, & perdes res tuas quas pro hoc coniugio distraxeris. Dicunt enim communes consanguinei Vindocinensis Comitis, & Roberti Vicecomitis mariti tui defuncti, quia consanguinei fuerunt Comes Vindocinensis & Robertus maritus tuus eo gradu, quo Litteræ Comiti missæ demonstrant, & probare parati sunt. De qua re statuam tibi & Comiti diem & locum, cum ad me propter hoc nuncios vestros miseritis. Ordo autem parentelæ supra scriptus est. Vale.

Tom. IV.

T ij

PHILIPPVS
I.

EPISTOLA XXIX.

A

Edit. 134.

DAIMBERTO Dei gratiâ Senonensium Archiepiscopo, IVO humilis Carnotensis Ecclesia minister, salutem & obsequium --- : DE cetero notum facio paternitati vestræ, quod cum nulla à me illata esset iniuria, vel nulla denegata iustitia, cum etiam respectus esset inter me & Comitissam mediante Apostolico: GVLIELMVS Comitissæ filius in mortem Clericorum Carnotensium, & perniciem meam, & omnium ad nos pertinentium, coram altare beatæ Mariæ coniurauerit, & omnes ciues qui sub banno sunt ad eandem coniurationem compulerit, nisi voluntati seruorum suorum cedamus, & sibi vsurper violentia quod sola debet obtinere gratia. Ego itaque hoc Herodianum iuramentum audiens, nolui postea in præsentia huiusmodi coniuratorum diuina sacramenta tractare, nec super eos benedictionem Episcopalem more solito dare. Promeritum tamen anathema distuli super eos fundere, donec consilium vestræ paternitatis & collegarum nostrorum super hoc acciperem, & consilio & auxilio multorum fretus, debitâ eos censurâ à funesta conspiratione reuocarem. Cum ergo ad vos remisero, volo vos esse præmunitum, vt consilium & auxilium, quod vobis sit honestum & nobis vtile, ad manum habeatis, & naufragantibus ante submersionem manum extendere festinetis. Valete.

EPISTOLA XXX.

Edit. 138.

IVO humilis Ecclesia Carnotensis minister, dilectis sibi in Christo Archidiaconibus Vulgrino & Stephano, decorem Domus Dei diligere, & quæ Iesu Christi sunt querere. CVM de electione Episcopi apud vos ageretur, & à quibusdam vestrum domnus FVLCO Decanus vester eligeretur: habita est, vt audiuius, inter vos fœda contentio, quæ & multorum aures offenderet, & de Ecclesia vestra non bonum odorem longè latèque dispergeret. De obtenebrata itaque pacis vestræ serenitate, fraterna compassione doluimus: quia quæ grauamina de fraterno scismate Ecclesiis euenire soleant, experimento didicimus. Petitioni vestræ tamen hoc respondemus, quia electioni domni Fulconis vel alterius assensum non dabimus, nisi quem aut Cleri plebisque consensus elegerit, aut Metropolitani iudicium cum conuiuentia suffraganeorum habita legitima discussione probauerit. Consulendo itaque moneamus fraternitatem vestram, vt nemo vestrum in tanto discrimine priuata odia exerceat, nullus priuatum honorem vel priuatum commodum quærat, nullus fratrem suum publica infamiâ pulset, nisi iudiciario ordine probare possit quod obiecerit: ne dum temerè non probanda obiicit, ipse talionem recipiat, & se & sua in periculum mittat. Miramur autem prudentiam vestram, quare aduersus Regem in præsentia Regis disposuistis causam istam examinare, vbi plus poterit voluntas Regis quàm iustitia legis: vbi nec veritas poterit cum pace discuti, vel inuenta seruari. Valete.

EPISTOLA XXXI.

Edit. 139.

DAIMBERTO Dei gratiâ Senonensium Archiepiscopo, IVO humilis Carnotensis Ecclesia minister, debitum filij famulatum. APPELLATIO, quam fecerunt Parisienses, ad vos referenda erat, vt vos eis diem & locum pro arbitrio vestro præscriberetis, & Episcopos suffraganeos ad hanc discussionem indulto congruo spatio inuitaretis. Quod quia factum non est, præproperè mihi facta videtur domni Fulconis electio, & eiusdem electionis futura discussio. Et quia desideranti animæ nihil satis festinatur, poterit contingere quod per Sapientiam dicitur: *Hereditas, ad quam festinatur in initio, in nouissimo benedictione carebit.* Ad hanc autem discussionem à Domino PHILIPPO Rege inuitatus eram: sed hoc mihi displicebat, quia secundum morem Ecclesiasticum, & institutionem canonicam, à vobis talis admonitio non præcesserat. Nunc verò audita vestra admonitione, si conductum promissum Rex mihi dederit, Deo donante venire curabo. Si autem aliqua præpediente ratione venire non potero, neque tot de collegis conuenerint, qui ad tanti negocij diffinitionem sufficiant: aut in aliud tempus rem differte, aut ad Sedem Apostolicam vtramque partem ire permittite, ad quam iturus est domnus Fulco, siue rata, siue irrita fiat eius electio.

Prouerb. 29:

A

EPISTOLA XXXII.

RICHARDO *Dei gratiâ Albanensi Episcopo, & sanctæ Sedis Apostolica Vicario*, *Edis. 147.*
IVO *humilis Carnotensis Ecclesiæ minister, salutem & obsequium.* Sicut de ex-
 communicatione Regis grauitè doluimus, propter Christianæ Religionis detri-
 mentum, ita de absolutione eius, si ad honorem Dei & sanctæ Sedis Apostolicæ fie-
 ri posset, granditer gauderemus, propter eiusdem sanctæ Religionis incrementum.
 Vt autem secus fiat quàm sollicitudini vestræ à domno Papa commissum est, consu-
 lere non audemus: quia de rerum exitu sicut vos, ita & nos incerti sumus. Si autem
 diuina gratia cor eius humiliauerit ad pœnitentiam, consilium nobis videtur, vt co-
 ram positis quamplurimis Episcopis publicè eum & solemniter absoluatis: quati-
 nus sicut longè latèque patuit eius auersio, ita multorum religiosorum testimonio
 publicetur circumquaque eius optanda reuersio. In qua re satagendum erit dili-
 gentiæ vestræ, quatinus qui pro amore iustitiæ & obedientia Sedis Apostolicæ per-
 diderunt eius amicitiam, in reconciliatione eius redintegrentur ad gratiam. Con-
 sultum autem famæ vestræ melius credidissimè, si alibi quàm Senonis ista fieret ab-
 solutio, vbi cuique liceret liberè dicere quod sentiret. De cetero ad Concilium
 denominatum gratanter ire desidero. sed contra voluntatem Regis, cuius odium
 iam per decennium tolero, qua viâ, quo conductu, vel circuitu, Treas venire va-
 leam, non inuenio. Si ergo vel per ipsum Regem, vel per Comitissam, aliquam mi-
 hi securitatem impetrare potestis, obnixè rogo vt id facere studeatis.

EPISTOLA XXXIII.

PASCHALI *summo Pontifici*, **I**VO *humilis Ecclesiæ Carnotensis minister, cum de-* *Edis. 144.*
bis obedientia fidelium orationum obsequium. NOTVM facimus paternitati vestræ,
 quòd III. Kal. Aug. plures Episcopi tam Remensis quàm Senonensis Prouinciæ
 inuitati à domno Ricardo Albanensi Episcopo Legato vestro, cōuenimus in quod-
 dam municipium Aurelianensis Episcopatus, nomine Balgenciatum, ad faciendam
 absolutionem Regis, secundum tenorem Litterarum, quas super hac re miserat mo-
 deratio vestra. Conuenit etiam Rex & lateralis sua, & secundum præceptum ve-
 strum tactis sacrosanctis Euangelis parati fuerunt abiurare absolute omnem carna-
 lis copulæ consuetudinem, insuper & mutuam colloctionem, nisi sub testimonio
 personarum minimè suspectarum, vsque ad vestram dispensationem. Sed quia in
 Litteris vestris continebatur, vt in hac absolutione consilium prudentium sibi adhi-
 beret dominus Albanensis Episcopus, totum onus consilij voluit ex arbitrio pende-
 re Pontificum. Episcopi verò nescimus quid coniicientes, semper replicabant se
 debere esse huius consilij comites, & non duces. Quamuis quibusdam nostrum vi-
 deretur, quòd prædicta absolutio ita posset, sicut prætaxata est, honestè fieri, & pro-
 pter quorundam simultates non satis rationabiliter impediri. Cùm itaque res in-
 definita remaneret in medio, Rex clamitans inculcabat se malè esse tractatum, qui
 tamen per se & per nos adhuc pulsat ad aures paternitatis vestræ, vt secundum mo-
 derationem Litterarum vestrarum, & verba quæ domno Galoni Coëpiscopo nostro
 iniunxistis, causam eius temperetis: ne contingat de eo illud Salomonis: *Qui mul-* *Proverb. 30.*
tum emungit, elicit sanguinem. Dispensationis autem modus nulli vnquam sapietum
 displicuit. Vnde B. Cyrillus ad Gennadium Presbyterum: Sicut enim qui mare na-
 uigant, tempestate vrgente, nauisq; periclitante, quædam exonerant, vt cetera salua
 permaneant: ita & nos cùm non habemus saluandorum omnium negotiorum cer-
 titudinem, despiciamus ex iis quædam, ne cunctorum patiamur dispendia. Et quia
 hæc suggerendo dicimus, non docendo, nostræ suggestionis summa est, vt imbecil-
 litati hominis amodò, quantum cum salute eius potestis, cōdescendatis, & Terram,
 quæ eius anathemate periclitatur, ab hoc periculo eruatis. De cetero sanctæ pater-
 nitati vestræ supplicando suggerimus, vt domnum Galonem Coëpiscopum nostrum,
 de Beluacensi Episcopatu, quem propter sacramentum domni LVDOVICI habere
 non potest, per manum Senonensis Archiepiscopi transferri iubeatis in Parisiensem
 Episcopatum, quem ei gratanter & deuotè concedunt pro vestro amore Rex & Re-
 gis filius. Qualiter autem in eum Cleri & plebis vota conueniant, dicet vobis præ-
 sentium portitor Clericus Parisiensis Ecclesiæ Canonicus: vt cognoscatis eum be-
 nè posse transferri, qui Sedem propriam nulla ratione præualer adipisci. Valere.

Tom. IV.

V. iij

Edis. 153.

HUGONI Dei gratiâ Lugdunensis Ecclesiæ primæ Sedis Episcopo, IVO humilis Carnotensis Ecclesiæ minister, salutem & seruicium. QVIA Deo annuente fatigimus cum Rege Francorum, & filio eius Rege designato, vt iam displiceat eis incestum coniugium, quod est inter CONSTANTIAM filiam prædicti Regis, & Comitem Treassinum: fulti auctoritate legum, & adiutorio bonorum, cupiunt huius coniugij maturare diuortium. Dum ergo hæc voluntas ita feruens est, eorum instinctu moneo & rogo paternitatem vestram, vt commonitorias Litteras mittatis Archiepiscopis & Episcopis ad Curiam, quæ habenda est in Natale Domini Sueffionis: quatinus à Rege ipso audiant computationem genealogiæ, quam ipse sicut dicit paratus est iureiurando approbare, & idoneis testibus confirmare. Et quia hæc genealogia ab Aruernensibus multotiens est vobis computata, obnixè precantur, vt eandem computationem Litteris apertè signatis per præsentium portitorem Episcopis ad Curiam transmittatis, & rei veritatem Litterarum testimonio manifestiorem faciatis. Nec enim decens est, vt tantæ nobilitatis sanguis tam publico incestu diutiùs polluat, & ad similem incestum perpetrandum ferali exemplo carnalium voluntas animeretur. Consulo itaque vt filius & familiaris, vt qui importunè instare deberetis, nunc opportunè quantum in vobis est malagma vulnere superponere minimè differatis. Valete.

B

EPISTOLA XXXV.

Edis. 166.

IVO Dei gratiâ Carnotensis Ecclesiæ minister, HUMBALDO eadem gratiâ Autisiodorensis Ecclesiæ Episcopo, salutem. NOVERIT dilectio vestra præterita ætate, cum domnus BRUNO Signinus Episcopus Apostolica Legatione fungeretur, Hugonem Album præsentiam eius adiisse, & qualiter Pontius nepos Trecentis Episcopi filiam suam nomine Matildem, Galeranno Camerario Regis priùs à parentibus traditam, renitentem & flentem in coniugium vsurpauerit, sibi indicasse. Sed quia vtrique persona absens erat, iniunctum est à prætaxato Legato Parisiensi Episcopo, vt vtramque partem die competenti ad causam vocaret, & auditis vtriusque partis rationibus, controuersiam, quæ erat inter Pontium & prædictam Matildem, prudentium virorum consilio & iudicio terminaret. Reuersus itaque Parisiensi Episcopus diem & locum Pontio & Matildi constituit, me & quosdam Coëpiscopos suos ad discutiendam & terminandam hanc rem charitatiuè inuitauit. Conuenerunt itaque Parisium die constituto ad causam accusatores & accusatus, testes & iudices. Quæsitum est à prætaxata Matilde, quare coniugium Pontij refutaret. Quæ breuiter respondit, quod non esset ei legitimè iuncta, quoniam priùs esset Galeranno à parentibus tradita, & huic contradicens pro posse suo & flens nolentem matre copulata. Cum ergo oblatum esset Pontio, vt ad obiecta responderet, quærens quædam diuerticula, nihil ad obiecta respondit: sed à conuentu, cui se præsentauerat, non satis aptè recessit. Mandatum est ei itaque semel & sæpiùs, vt vel ad obiecta responderet, vel iudicium audire non differret. Cum ergo ita à iudicio declinaret, iudicatum est ei ex Apostolico decreto, quod dilationem sententiæ ex absentia lucrari non deberet, exindè prolatis ex legum & canonum auctoritate sententiis: quia si testes mulieris aduersus Pontium agentis datis sacramentis probare possent quod mulier obiecerat, à coniugio Pontij libera esset, & cui vellet in Christo nubere posset. Iterum mandatum est Pontio, vt ad audiendum hæc sacramenta veniret, aut si quid legitimè personis testificantium, vel dictis eorum obiiicere posset, obiiiceret. Quod cum vt cetera simplicitate vel duplicitate sua subterfugeret, à decem viris vel eò ampliùs data & accepta sunt sacramenta, quibus probatum est, & mulierem priùs à parentibus alteri fuisse traditam, & Pontio sine sua voluntate copulatam. Negocio itaque diligenter pertractato, & iudiciario ordine terminato, iudicauimus mulieri quod esset libera à Pontij vt non dicam coniugio, sed contubernio, & quia nubere posset cui vellet in Domino. Hæc scripsimus sanctitati vestræ, quia prædictam mulierem quidam parochianus vester vult habere in coniugem: ne de præteritis nuptiis aliquod apud vos generetur scanda-

C

A lum, vel præsentibus aliquod ponatur offendiculum. Valete, & ex mutua dilectione paruitatis meæ memor estote.

PHILIPPVS
I.

EPISTOLA XXXVI.

DAIMBERTO *Dei gratiâ Senonensium Archiepiscopo, IVO eadem Dei gratiâ* *E. l. 186.*
Ecclesia Carnotensis minister, salutem & seruicium. QVONIAM in quibusdam negociis aliqua dubia vel difficilia occurrunt, debemus inuicem manus auxiliij vel manus consilij porrigere: seriem cuiusdam causæ, quæ præterita ætate apud nos emerfit, & adhuc serpit, congruum duxi paternitati vestræ significare, cui hæc causa principaliter Litteris Apostolicis terminanda committitur: vt & vobis, & nobis, cui secundo loco committitur, benè provideatis, quatenus nec obedientiam Apostolicam contemnamus, nec aliquem iniuste prægrauemus. Erat enim quidam fundus in parochia nostra, cuius partem habebat quidam miles, & in ea domum suam separatim, & alius aliam, & in ea domum suam similiter separatim. Pro huius fundi tuitione, vtrique seruiebant Vicecomiti Carnotensi. Hanc vero tuitionem cum seruitio dedit Vicecomes cuidam militi suo in beneficium, Domino videlicet Curuzuillæ. Post non multum temporis emit Comes ROTROCVS partem illius fundi, quæ alodium erat: comportauit ibi aggerem, & fecit munitionem. Quod audiens Vicecomes, quia Hierusalem iturus erat, & Dominus Curuzuillæ, clamorem fecerunt in auribus Ecclesiæ, vt iustitia eis fieret, quæ debebatur Hierosolymitanis & paci. Constitutus est dies vtrique parti ad agendam causam. Cum conuenissent, obiectum est à Vicecomite Comiti Rotroco, quod iniuste & contra pacem ædificaret munitionem in fundo tuitionis suæ. Quo audito, responsum est pro Rotroco, quod fundus minimè pertineret ad tuitionem Vicecomitis, sed potius ad tuitionem Rotroci Comititis. Quæ altercatio cum aliquandiu durasset, præcepimus iudicium fieri: iudicatumque est, quia hæc causa sine monomachia terminari non poterat, & iudicium sanguinis nobis agitare non licebat: vt vtrique pars irent in Curiam Comitissæ, ad quam talia iudicia pertinebant, & de cuius feudo ista tenebant. Sicut iudicatum erat, venerunt vtrique in Curiam Comitissæ, & actionibus vtrinque ventilatis, nescio quibus de causis Vicecomes à causa cecidit. Postea cœperunt IVO dominus Curuzuillæ, qui hoc beneficium se asserebat habere à Vicecomite, & Comes Rotroco, aduersum se guerram facere, & alter alterius bona diripere. Et sicut varius est euentus belli, quadam die cum prædictus IVO procederet armata manu ad nescio quæ negocia sua agenda, captus est à militibus Rotroci, & incarceratus. Præcipitur itaque vobis & nobis ex clamore Hugonis Vicecomitis ab Apostolica Sede, vt pro debito officij nostri Guidoni fraternarum rerum custodi, & Iuoni capto iustitiam faciamus. Perlectis ergo Litteris Apostolicis diligenter notate verba, & secundum ordinem rei gestæ, & tenorem Litterarum Apostolicarum, provideate vobis, quo ordine causa sit agenda: vtrum statim sit Rotroco excommunicandus, an ad iudicium inuitandus. Quia quo ordine præcedet & in actione causæ & in executione iustitiæ nobis prælata sublimitas, eo sequetur pro posse subiecta nostra humilitas. Et si ad præsens non eluxerit nobis certa sententia, his qui in Litteris nominati sunt locum & diem competentem constituite, & accusatores & accusatum ad eundem locum inuitate: vt præsentialiter audita & cognita veritate plenius possitis iustitiæ satisfacere. Quod ex his vobis melius visum fuerit, paruitati meæ rescribite. Valete.

EPISTOLA XXXVII.

PASCHALI *summo Pontifici, IVO humilis Ecclesiæ Carnotensis minister, debi-* *Ed. 171.*
tam cum omni deuotione obedientiam. SECUNDVM tenorem Litterarum vestrarum, quas dedistis HUGONI Vicecomiti Carnotensi Hierosolymam eunti, ROTROCVM Comitem ad iustitiam vocauimus, qui accusabatur munitionem in terra ad ius prædicti Hugonis pertinente, postquam crucem acceperat, ædificare cœpisse: & Iuonem eiusdem Hugonis militem, qui prædictam terram ab ipso Hugone habebat in feudum, iniuste cepisse, & redimisse. In qua vocatione postulatum est à Comite Rotroco, vt vsque ad exitum causæ nihil in cœpta munitione

V iiij

PHILIPPVS
I.

ædificaret, nihil de redemptione Iuonis acciperet. Die statuta ventum est ad causam, obtulit se ad iudicium Rotocus: secundum ordinem gestarum rerum dixerunt petitores qui pro Hugone loquebantur, se nolle ad hanc causam ingredi, nisi prius eis satisfaceret de eo quod non erat intermissa ædificatio munitiois, & recedat redemptio Iuonis. Responsum est ex parte Rotoci, neutrum debere fieri, quia munitio illa ei adiudicata erat in Curia Comitissæ, de cuius feudo erat, cum iudicio Ecclesiæ ad prædictam Curiam hæc causa translata esset: & prædictus Iuo pro peregrinatione Hugonis minimè erat reddendus, cum prædictus Iuo Rotocum dominum suum diffiduciasset, & prædam eius prior cepisset, homines suos ea die qua captus est in vinculis haberet, & ad forisfaciendum eidem armata manu militum ea die procederet. Dictum est ex altera parte, quod possent omnes istas depulsiones veridicis assertionibus locis suis & temporibus falsificare: sed non esse accedendum ad ista, donec satisfactum esset de iis quæ prius obiecta fuerant, nisi iudicio cogerentur. Præceptum est ergo confidentibus Clericis, ut hanc litem iustâ sententiâ dirimerent. Qui cum diu inde disceptassent, non potuerunt in vnam conuenire sententiam, dicentes nouam esse institutionem de tuitione Ecclesiastica impendenda rebus militum Hierosolymam proficiscentium: neque scire vtrum hæc tuitio ad solas pertineat proprietates eorum, an etiam pertineat ad casamenta eorum quæ tenent potentes homines, se & sua fortitudine sua defendentes. Postulauerunt ergo sibi dari inducias, donec super hoc vestra requireretur sententia. **B** Quas inducias ea conditione dare voluit Comes Rotocus, ut ædificatio munitiois non intermitteretur, nec redemptio Iuonis suspenderetur. Quod concedere pars altera omnino refutauit, & de hoc iterum iudicium postulauit. Quo iudicio cum se prægrauari timeret Comes Rotocus, audientiam Apostolicam appellauit, cuius eum auctoritate premebamus. Mittimus ergo eos paternitati vestræ cum Litteris nostris ordinem causæ continentibus, ut prudentiâ & potestate vobis diuinitus concessa litem hanc dirimatis: quia inter nos homines isti magni sunt. nec à nostra paruitate, prout oportet, ad pacem cogi possunt. Valete.

EPISTOLA XXXVIII.

Edis. 109.

LEODEGARIO Dei gratiâ Bituricensi Archiepiscopo, IVO humilis Carnotensis Ecclesiæ minister, salutem & seruiçium. PLACET admodum paruitati nostræ, quod audiuius vos rigorem iustitiæ inflexo tramite velle custodire. Sed cum in pectore Sacerdotis Rationale affixum esse debeat, & connexum Superhumerali: condecens est ut rector sic moderationem iustitiæ teneat, quatinus nec immoderatus rigor corrigendos desperatione misericordiz in profundum malorum deiiciat, vel indiscreta misericordiâ arrogantiam augeat. Quod ideo suggero sanctitati vestræ, quia audiui quosdam parochianos nostros submurmurantes, vos ita esse obligatum cum quibusdam parochianis vestris, ut nisi eorum consensu iustitiam intendere vel remittere non valeatis. Vnde nuper contigit, ut audiuius, dura eorum obstinatione causam Arnulfi Virsionensis in Curia vestra ita esse exasperatam, ut in eadem causa facto iudicio Sedes Apostolica sit appellata, & finitiua eiusdem causæ sententia vsque ad Apostolicam audientiam sit dilata. Quod quanta sit vexatio, quanta rerum expensa, quàm incertus negotiorum exitus, tam experimento in vestris negociis didicistis, quàm ex aliorum causis audistis. Consilium ergo, quod per quosdam pacis amatores didici, necessarium vobis scribere existimaui: videlicet ut per Radulfum Balgeiacensem aliquantò prolixas inducias deris prætaxato Arnulfo, non de minoranda iustitia Ecclesiastica, sed tantummodò de non ducenda super eum Communia. Interim autem, sicut dicit prætaxatus Radulfus, eo mediante inter Arnulfum & eius aduersarios pax reformabitur, & iustitia in nullo periclitabitur: & appellatio, quæ in Curia vestra facta est, sine vestra vel vestrorum vexatione ad nihilum redigetur. Vos itaque quod dico prudenti deliberatione pensate, & si vera sunt quæ dicuntur, si meliora vobis non occurrunt, vos ipsi probate: quia suadente charitate, salua iustitiâ placeret mihi pax vestra. Valete.

EPISTOLA XXXIX.

RICHARDO *Dei gratiâ Albanensium Episcopo, Ivo humilis Ecclesiæ Carnotensis minister, salutem & debitum Romanæ Ecclesiæ seruiciū.* INTELLIGENS in vobis pro gratia diuinitus collata feruere zelum iustitiæ, veritatem quam noui de causa Viseliacensis & Beluacensis Monasterij sancti Luciani sollicitudini vestræ intimare curavi. Buglensis Ecclesia, de qua nunc controuersia est inter prædicta Monasteria, olim fuit iuris Monasterij sancti Luciani. Sed cum Normannorum persecutio Monasteria Beluacensis territorij deuastasset, & in solitudinem rede-gisset; bona Monasteriorum propter defensionem terræ ex magna parte in vsus laicorum distracta sunt. Antequam autem illa vastitas plenè reformari potuisset, in Buglensi Ecclesia quidam Canonici ordinati fuerunt. Et ita per successiones vsque ad tempora Guidonis Beluacensis Episcopi, & Hugonis Buglensis Comitis, Canonici Canonicis successerunt. Hugo autem Comes habito consilio cum Guidone Episcopo, prædictam Ecclesiam sancto Luciano reddidit, sibi & prædecessoribus suis indulgentiam postulans, qui eam iniuste detinuerant. Sed Abbas prædicti Monasterij sancti Luciani, contradicentibus Clericis prædictæ Ecclesiæ, pro sua simplicitate distulit aliquanto tempore Monachos suos ibi ordinare: expectans, ut cum pace Clericorum posset omnia transigere. Et quia prædictus Comes posthabito discretionis moderamine, Monachos quomodocumque festinabat intrudere, Viseliacenses Monachos, qui ibi propè habebant Cellam vnā, vocari fecit, & eis, reclamantibus Clericis & Monachis sancti Luciani, absque consensu Episcopi Ecclesiam, quæ iam sua non erat, concessit. Postea verò ductus pœnitentiâ cum a multis argueretur, eandem Ecclesiam beato Luciano reddidit. Sed quia Monachi sancti Luciani rem quamuis suam absque Iudicibus ab inuasoribus acceperunt, in Concilio Exoldunensi adiudicata est Viseliacensibus sola vestitura vsque ad tempus legitimæ discussionis. Neque vlla finitiua sententia ibi data est, quæ Monachis sancti Luciani suam iusticiam auferret, & Monachis Viseliacensibus prædictam Ecclesiam perpetuò habendam adiudicaret. Huius negocij ordinem, ut pote Beluacensis, ita processisse cognoui: & qui in Exoldunensi Concilio huic discussioni interfui, hæc si præsens essem vera esse probare possem. Et ideo ea vobis scripsi, ut cognita veritate melius sciatis, cui parti aurem securius inclinare valeatis. Valete.

EPISTOLA XL.

De consecratione LVDOVICI Regis.

IVO *Carnotensis Ecclesiæ humilis minister.* NOVERIT sancta Romana Ecclesia, nouerint omnes Ecclesiæ, ad quas murmur Remensium Clericorum peruenit, nos in consecratione LVDOVICI Regis Francorum nihil nostrum quæsiisse, sed pro communi vtilitate Regni & Sacerdotij consultè vigilasse. Erant enim quidam Regni perturbatores, qui ad hæc omni studio vigilabant, ut aut Regnum in aliam personam transferretur, aut non mediocriter minueretur. Quod ne fieret, cooperante Deo, & pro integritate Regni, & pro tranquillitate Ecclesiarum, quantum potuimus præcauere studuimus. Vnde liuori adscribendum videtur, aut tumori, si quis vtili & honestæ actioni deroget, quam nec ratione potest redarguere, nec consuetudine infirmare, nec lege damnare. Si enim rationem consulimus, iure in Regem est consecratus, cui iure hereditario Regnum competebar, & quem communis consensus Episcoporum & Procerum iam pridem elegerat. Præterea, quæ ratio est Belgicorum, Regem suum creare & consecrare, quamuis in aliis Prouinciis regnaturus sit, si ita ipsorum Regum voluntas, & temporum atque locorum opportunitas se obtulerit: eadem est Celticorum & Aquitanorum, qui Belgicorum Prouinciæ nihil debent, Regem suum, quamuis & in Belgica regnaturus sit, eligere, & omne Regi debitum obsequium exhibere. Si verò ad consuetudinem recurrimus, quæ in exemplis maximè declaratur, respondemus ex verbis Augustini, quia ratio exemplis anteponenda est, cui tamen & exempla concordant. Ecce rationem dedimus, quam apud eos æquè validam su-

LVDOVICVS
VI. GROS-
SVS.
Edit. 189.

LUDOVICVS
VI. GROS-
SVS.

per hoc negotio inueniri non credimus. Addimus & exempla rationi concordantia. Sicut enim legitur in Gestis Francorum: Diuiso Regno inter filios Lotharij, nepotes Clodouei Charibertus & Guntrannus prouincias Celticorum & Aquitanorum acceperunt in Regnum suum: & alter eorum, Charibertus scilicet, Parisius sibi sedem Regiam posuit, & vsque ad flumen Garunnam Regnum suum extendit. Guntrannus verò Aurelianis sedem Regiam sibi constituit, & Burgundiam, quæ Celticæ pars est, in Regnum accepit. Isti quippe Reges nullam à Remensi Archiepiscopo benedictionem vel coronam acceperunt, sed à Sacerdotibus Prouinciarum quas regebant, sublimati sunt & sacrati. Postquàm verò Regnum Gallorum in suam Monarchiam reuocatum est, deleta progenie Clodouei, Pipinus & filij eius Carolus & Carlomanus, nec Remis, nec à Remensi Archiepiscopo in Reges sublimati sunt, nec inuncti. Ludouicus quoque nepos Ludouici senioris apud Ferrarias, qui locus est in pago Senonensi, & vxor eius, nullo præsente Metropolitano, à quibusdam Episcopis in Reges sunt consecrati & coronati. Vnde in Gestis Francorum ita legitur. Audientes Hugo Abbas & ceteri Primates, qui cum filiis quondam senioris sui Ludouici agebant, Ludouicum nepotem cum vxore sua ad has partes venturum, quosdam Episcopos miserunt ad Ferrarias Monasterium, & ibi consecrari eos & coronari in Reges fecerunt. Item in Gestis Francorum: Supererant duo filij Roberti Comitis Andegauorum, qui fuit Saxonici generis vir. Ex his senior Odo dicebatur, Robertus alter. Ex his maiorem natu Odonem B Franci, & Burgundiones, Aquitanienfisque Proceres congregati in vnum, licet reluctantem, tutorem Caroli pueri, Regni que elegerunt gubernatorem, quem vnxit VValterus Archiepiscopus Senonum. Item, Carolus simplex in carcere positus, Rodulfum nobilem filium Ricardi Burgundionum Ducem, quem de fonte sacro susceperat, vnà cum consilio Hugonis Magni filij supradicti Roberti, & Procerum Francorum, in Regnum sublimauit. Vnctus verò est in Regem ipse Rodulfus III. Idus Iulij Sueffionis ciuitatè. Post mortem Rodulfi Regis, per VVillelmum Archiepiscopum reductus est ab Anglia Ludouicus filius Caroli Simplicis in Franciam, & IV. Cal. Iulij vnctus est in Regem apud Laudunum. Post translationem verò Regni Francorum in progeniem Hugonis Magni Ducis, Robertus piissimus Rex filius Hugonis Regis Aurelianis in Regem consecratus est & coronatus. Cuius filius Hugo iuuenis Compendij est vnctus, & in Regem sublimatus. Ex his huiusmodi exemplis manifestum est quòd Francorum Reges non omnes in Remensi Ecclesia, vel à Remensibus Archiepiscopis sunt consecrati: sed multi in multis aliis locis, & à multis aliis personis consecrati sunt. Quæ omnia si retexerentur, & prolixam facerent orationem, & superfluam disputationem: cum nullis scriptis vel exemplis probari possit, Remensem Archiepiscopum Francorum Regem extra Belgicam vnxisse, aut coronasse. Cum ergo hæc eadem potestas sit cuiusque Metropolitanus in metropoli sua, mirum videtur quare vnus in proprium ius ambiat vendicare, quod multorum constat esse commune. Nisi forte quis dicere audeat, maiorem vim sacramentorum esse apud alios quàm apud alios, quod scismaticum esset, & vnitatem Ecclesiæ diuideret. Hæc dicentes non reprehendimus institutionem Ecclesiasticam, per quam pax Ecclesiæ firmitus colligata est, cum inferiores à superioribus sacramentorum dispensationem suscipiunt, nec ultra quàm sibi concessum est vsurpare præsumunt. Verùm vbi personarum æqualis est potestas, quarum altera alteri nihil præter charitatem debet, si altera alteri ius suum vult detrahare, & sibi soli arrogare, sua quærens, deceptus est seculi ambitione. Nos quippe Remensi Ecclesiæ non inuidemus, & si Reges Francorum erga eam habuerint tantam deuotionem, vt malint à Metropolitano eius consecrari, quàm ab alio, non repugnamus, non dolemus: immò super benedictionem eorum si nos adesse contigerit, gratanter loco idiotæ amen respondebimus. Supradicta verò verborum serie ostensum est, in vnctione LUDOVICI Regis nihil nos fecisse contra morem. Restat vt ostendamus, nihil nos fecisse contra legem. Lex quippe est præceptio vel prohibitio scripta, ad communem vtilitatem referens quicquid iubet aut prohibet. Contra hanc ergo nihil fecimus, qui nulla contradictione prohibiti, communi vtilitati in hoc facto charitate suggerente consulimus. Si verò priuilegiis nititur Remensis Ecclesia, illa priuilegia apud nos nulla sunt, quia nec in generalibus Concilijs nobis audientibus sunt recitata, nec ad Ec-

- A** ctesias nostras epistolari maturitate directa: Et ut manifestius dicamus, nulla nobis familiari vel publica relatione propalata. Illius ergo legis prauaricatores non sumus, cuius auditores nunquam fuimus. Quæ tamen si audita esset, nihil nobis obesse deberet. Lex enim iusta debet esse & possibilis, loco & tempori congruens. Iusta si sit, Deus scit. Nos autem interim nec ut iustam approbamus, nec ut iniustam condemnamus, quam adhuc ignoramus. Possibilis verò non erat, quia consecratio Regis Remis ab Archiepiscopo Ecclesiæ nondum intronizato sine summa perturbatione & sanguinis effusione celebrari non poterat. Loco non conueniebat, quia ciuitas sub anathemate posita erat. Tempori opportuna non erat, quia si consecratio Regis differretur, Regni status & Ecclesiæ pax grauiter periclitaretur. Quod ergo fecimus, salubri deliberatione & prouida dispensatione fecimus, nulli inuidentes, nullius auctoritatem nobis arrogare molientes, sed nos intra terminos nostros simplici oculo cohibentes. Sentiant aliter qui volunt: non timemus tribunal terreni iudicis, quia securos nos facit conscientia nostra ante tribunal interni cognitoris. Nouimus enim quia necessariæ dispensationis modus nulli unquam sapientium displicuit: quam non solum priuatæ leges, quibus nec fidei veritati, nec morum honestati consulitur, sed etiam leges generales contra hereticos vel sceletatos promulgatæ admittunt: quando maioribus morbis sanandis, vel maioribus malis amouendis melius subuenit moderatio sincere charitatis, quam rigor indiscretæ seueritatis. Hæc primò ex auctoritate Euangelica, dehinc ex Actibus
- B** Apostolorum, tertio ex Epistolis Apostoli, postremò ex Decretis Romanorum Pontificum, ceterorumque orthodoxorum Patrum sententiis facillè probarentur, nisi prolixitas Epistolæ modum excedere videretur.

LYDOVICVS
VI. GROS-
SVS.

EPISTOLA XLI.

- P**ASCHALI summo Pontifici, IVO humilis Ecclesiæ Carnotensis minister, dilectionem filij & obedientiam per cuncta subiectionem. *Ed. 1901* NOTVM esse volumus Excellentie vestræ, quia ego & domnus Theobaldus beati Martini Monasterij Parisiensis Prior, audientes miserabilem & mirabilem Remensis Ecclesiæ desolationem, ausu familiaritatis opportunè & importunè Regem Francorum interpellauimus, quatinus prædictæ Ecclesiæ expulso inuasore Geruasio pacem restitueret, & domnum Radulfum eiusdem Ecclesiæ Metropolitanum in gratiam suam receptum, eidem Ecclesiæ præesse concederet. Adquieuit tandem precibus nostris, & concessit ut eum ad Curiam suam, quæ Aurelianis in Natali Domini congreganda erat, securè adduceremus, & ibi cum eo, & cum Principibus Regni de hoc negotio, quantum fieri posset, salua Regni integritate tractaremus. Factum est ut conditum erat, & conuenientes in Curiam, multiplicatis intercessoribus petitionem nostram semel & sæpius replicauimus. Sed reclamante Curia plenariam pacem impetrare nequiuimus, nisi prædictus Metropolitanus per manum & sacramentum eam fidelitatem Regi faceret, quam prædecessoribus suis Regibus Francorum antea fecerant omnes Remenses Archiepiscopi, & ceteri Regni Francorum quamlibet religiosi & sancti Episcopi. Quod persuadentibus & impellentibus totius Curie Optimatibus, etsi propter mandatorum rigorem minùs licebat, factum est tamen, quia Ecclesiasticæ paci & fraternæ petitioni sic expediebat. Cùm enim plenitudo legis sit charitas, in hoc legibus obtemperatum esse credimus, in quo charitatis opus impletum esse cognouimus. Petimus ergo flexis genibus cordis, ut hoc eodem intuitu charitatis & pacis veniale habeat paterna moderatio, quod illicitum facit non æterna lex, sed intentione acquirendæ libertatis præsentium sola prohibitio. In excessibus ergo filiorum utili dispensatione & compensatione contractis sufficiat patri verbum pro verbere, & deuota filiorum supplicatio pro summo reputetur supplicio. Si enim vult Apostolica auctoritas omnia, quæ medicinali condescensione dispensantur, distictè iudicare, oportebit penè omnes ministros administrationibus suis renuntiare, aut de mundo exire: nec habebunt ubi seminent spiritualia, nisi permittantur aliqua tolerare carnalia. Vnde necessitati temporum cedendum esse Apostolica docet sublimitas, & orthodoxorum consultat auctoritas, dicens: quia ubi populorum strages iacent, detrahendum est aliquid canonum seueritati, ut maioribus morbis sanandis charitas sincera subueniat. Hæc

LVDOVICVS
VI. GROS-
SVS.

dicendo tamen doctam paternitatem vestram non docemus, sed eandem consulendo & rogando monemus, vt ibi consilij & pietatis studeatis visceribus abundare, vbi fas non est debitam fortitudinem exercere. Valete.

EPISTOLA XLII.

Edis. 196.

LVDOVICO *Dei gratiâ Francorum Regi dulcissimo Domino suo, IVO humilis Ecclesie Carnotensis minister, salutem & debitum pro posse seruicium.* DICTVM est mihi, quòd ad suggestionem inimicorum Abbatem sancti Dionysij grauiter accusatis, & testimonio cuiusdam pseudomonachi de obiecta sibi falsitate infamare contenditis. Quod nec leges habent, nec antecessorum vestrorum Regum instituta permittunt, vt alicui de se confesso credi debeat super crimen alienum. Vnde Excellentie vestre supplico, vt Maiestati Regie primò consulatis, & nobilis Monasterij, quod cum omnibus sibi appendentibus vestre voluntati obnoxium est, ne in aliquo iura minuatis, sed potius beneficia quæ prædecessores vestri eidem venerabili loco contulerunt, tanquam in propriam eleemosynam defendendo vendicetis. Et quia periculosum est loca Sanctorum perturbare, militantes in sanctis locis inquietare: salubre consilium mihi videretur, vt postpositis æmulorum insimulationibus tales personas ad hanc discussionem inuitaretis, vel expectaretis, qui sine omni fuco malitiæ consilium vobis darent, & vestre vtilitati, & quieti Monasterij salubriter prouiderent. In his autem, & in omnibus, det vobis Dominus spiritum consilij, & fortitudinis, & pietatis. Valete.

EPISTOLA XLIII.

Edis. 202.

LVDOVICO *Dei gratiâ dulcissimo Regi Francorum, Domino suo, IVO humilis Ecclesie Carnotensis minister, salutem & debitum pro posse seruicium.* NON decet Maiestatem Regiam vilia vel quælibet vanitatis lenocinia à Sacerdote quære-
re, nec Sacerdotalis officij est in talibus Regie Maiestati obtemperare. Hoc quibusdam Litterulis respondeo, quæ ex parte vestra quærebant à me duo paria pel-
lium carinarum. Quas vbi legi, propter honorem vestrum valde erubui, nec ex
parte vestra eas mihi fuisse missas credere potui: & tamen tanquam à vobis missæ
fuissem, supradicta rescripsi, vt nunquam ampliùs à me vel ab alio Episcopo talia
quærat, si Regie Maiestati debitum honorem seruare curatis. Valete.

EPISTOLA XLIV.

Edis. 209.

IVO *Dei gratiâ Carnotensis Ecclesie minister, HVGONI magnifico Trecentium Comiti salutem & seruicium.* NOTVM volo facere Cellitudini tuæ, quia dis-
cussio illa quæ ventilanda est in octauis Pentecostes Senonis, de coniugio Regis &
consobrinæ tuæ filiæ BONIFACII Marchionis, virgini illi, de cuius coniugio
tractandum est, nec honesta est, nec vtilis. Ideo inutilis, quia fœdus illud, quod
de ipso coniugio initum est, consilio Episcoporum & Optimatum omninò cassabi-
tur. Honestæ verò idcirco non erit, quòd infamia virginis, quæ de legitimo coniu-
gio nata non est, longè latèque diuulgabitur. Nullus quippe, qui fidelitatem fece-
rit Regi, præsumet illud dare consilium, quod sit contra fidelitatem suam, & Regni
minuat Maiestatem. Cum his enim quæ fidelitas continet, præcipuè obseruandum
est vtile & honestum, quæ minimè obseruarent, qui mulierem de incesto coniugio
natam Regie personæ sociandam esse decerneret. Iam enim insonuit murmur Du-
cum & Marchionum, qui iam deliberant se à Rege diuidere, si tam manifestam oc-
casionem valuerint inuenire. Vos itaque, qui huius coniugij paranymphus estis, po-
testis in vtrumque consulere, vt nec Rex incurrat periurium, nec turpe consobrina
vestra repudium: maximè cum Rex dicat hanc se maculam ignorasse, & simpliciter
in vestra verba iurasse. Propterea scribo vobis absens quod dicerem vobis præsens,
consulens in hoc meæ fidelitati, & nobilitatis vestre honestati: quatinus ira discre-
tè & prouidè rem istam modificetis, vt omnibus quæ de hoc contractu contingere
possunt salubri consilio occurratis. Vnde mihi consultius videtur, vt Conuentus
conuocatus non fiat, ne res ista ampliùs ventilata in peius proueniat. Vale.

EPIST.

A

EPISTOLA XLV.

LUDOVICVS
VI. GROS-
SVS.

Edit. 217.

RADVLPHO *Dei gratiâ Remorum Archiepiscopo, IVO humilis Ecclesiæ Carnotensis minister, salutem & seruitium.* CONSANGVINITATEM, quæ dicitur esse inter filium Flandrensis Comitis & filiam Comitis Redonensis, didici cum essem in Curia Papæ Urbani, non propter istos pueros, qui nondum fortasse nati erant, sed propter auos eorum, aut proauos paternos aut maternos, de quorum consanguinitate tunc temporis urgente necessitate tractabatur. Computauit enim eam ad suggestionem domni Papæ, me audiente, quidam Monachus Aruernensis nomine Castus, ætate maturus, de nobilibus terræ illius progenitus, vitâ & famâ honestus. Computauerunt eandem consanguinitatem alio tempore in prædicta Curia Legati FVLCONIS Andegauensis Comitis, & probauerunt, cum accusaretur Rex Francorum PHILIPPVS, quod prædicto Comiti consanguineo suo uxorem suam subtraxerat, quam etiam illicite retinebat. Propter quam accusationem, & patrati incestus comprobationem excommunicatus est Rex à domno Papa Urbano in Claromōtensi Concilio. Et cum post factum diuortium prædictus Rex esset reuersus ad prædictæ mulieris consortium, excommunicatus est in Pictauiensi Concilio à Cardinalibus Ioanne & Benedicto. Hæc scribo absens, qui nihil aliud quod ad rem pertineret dicturus essem præsens. Occurrerem tamen libenter amabili mihi vestro colloquio, nisi obsisteret mihi coluber in via, cerasites in semita, videlicet Puteacensis Dominus, qui propter intolerabiles iniurias, quas infert Ecclesiæ nostræ, à nobis est excommunicatus. Computatores verò genealogiæ, quos monebatis mecum venire, quorum mentionem superius feci, non sunt parochiani mei: neque etiam noui utrum viuant, ut possim eos ad hanc discussionem inuitare. Generatio autem sic est.

Gaufridus Grisagonellus.

Blanca Arelatensis Comitissa.

Fulco Andegauensis Comes.

Constantia Regina.

Comitissa Valtinensis.

Adela Flandrensis Comitissa.

Fulco Rechins.

Robertus Friso.

Comitissa Redonensis.

Robertus filius Frisonis.

Filia eius N.

Sexto gradu filius huius Roberti N.

EPISTOLA XLVI.

DOMNO & Patri suo PASCHALI summo Pontifici, IVO humilis Ecclesiæ Carnotensis minister, filialis obedientiæ famulatum. NOUIT paternitas vestra, quia Regnum Francorum præ ceteris Regnis Sedi Apostolicæ semper fuit obnoxium: & idcirco quantum ad ipsas Regias personas pertinuit, nulla fuit diuisio inter Regnum & Sacerdotium. Quod ergo hætenus cum pace & vtilitate Ecclesiæ obseruatum est, humiliter petimus ut de cetero obseruetur, & Regni Francorum pax & summi Sacerdotij nulla subreptione dissoluatur. Quod idcirco prælibamus, quia audiuius Clericos Tornacenses ad Apostolicam Sedem venisse, petituros ut Apostolica præceptione proprium possint habere Episcopum, & Nouiomensis Ecclesiæ frustrare priuilegium. Quod ne fiat, sicut filij & fideles rogamus & consulimus, ut statum Ecclesiarum, qui quadringentis ferme annis durauit, inconcussus manere concedatis: ne hac occasione scisma, quod est in Germanico Regno aduersus Sedem Apostolicam, in Galliarum Regno susciteris. Nec in hoc resistimus, quin possit Sedes Apostolica parochiarum amplitudinem minorare, aut breuitatem dilatare, si vtilitas populi Dei ita exigit, & nullum inde scisma contingat. Quia ergo Rex Francorum, ut pote homo simplicis naturæ, erga Ecclesiam Dei est deuotus, & Sedi Apostolicæ beneuolus, petimus & consulimus, ut à beneuolentia eius nulla vos subreptio subtrahat, nulla persuasio disiungat. Nouit enim paternitas vestra, quia cum Regnum & Sacerdotium inter se conueniunt, bene regitur mundus, floret & fructificat Ecclesia. Cum verò inter se discordant, non tantum paræ res non ctescunt, sed etiam magnæ res miserabiliter dilabuntur. Ad hoc quod petimus cum Coëpiscopis nostris, non est contra Maiestatem Sedis Apostolicæ, non est contra vtilitatem, ut non dicam dignitatem Tornacensis Ec-

Tom. IV.

X

LVDOVICVS
VI. GROS-
SVS.

clesiæ, seruare terminos antiquos quos patres eorum posuerunt, & longa antiqui-
tate seruauerunt. Præterea cum dignitas Episcopalis paupertatem his diebus
honestè ferre non valeat, prouidendum est ne ista diuisione vterque Episcopus
fiat pauper. Quod testantur Nouiomenfes, qui vtriusque Ecclesiæ experti sunt
facultates. De cetero, si causa Milonis & filiz Comitis Stephani ad aures vestras
peruenerit, sciat vestra paternitas, quia Milo priorem vxorem canonicè non di-
misit, & filiam Comitis Stephani, sicut iudicio Episcoporum probatum est, ca-
nonicè non accepit. Valete.

EPISTOLA XLVII.

Edi. 299.

LVDOVICO Dei gratiâ Francorum Regi, IVO eadem gratiâ humilis Carno-
tensis Ecclesiæ minister, in eo viuere & regnare, cui seruire regnare est. QVOD fa-
mâ vulgante audiuius, hoc ex Litteris vestræ Excellentiz certius didicimus: vi-
delicet quodd neptem Flandrensis Comitissæ, puellam ætate nubilem, genere no-
bilem, honestis moribus vt dicitur laudabilem, in vxorem ducere disponatis. Quod
nos & Deo placitum esse credimus, & hominibus vestræ famæ honestatem, & Re-
gni vestri soliditatem sincerè diligentibus gratum esse cognoscimus. Cum enim
benè viuentium tres professiones Domino docente didicerimus, coniugatorum
videlicet, continentium, & rectorum Ecclesiasticorum; quicumque in aliqua ha-
rum professionum repertus non fuerit, ante tribunal æterni Iudicis præscriptus
æterna hereditate carebit. Cum enim Dominus de distinctione electorum & re-
probatorum loqueretur, ait: *Si fuerint in media eorum Noë, Daniel, & Iob, ipsi qui-*
dem salui erunt, filij autem eorum non liberabunt animas suas: in Iob fidelium coniu-
gatorum gradum intelligens, in Daniel vitam continentium, in Noë professionem
Prælatorum. His ergo documentis instructi, cotidianis precibus pro honestate ve-
stra & salute, Dei clementiam imploramus, vt in manu vestra Francorum Regnum
dirigat, & in electorum numero vos adscribat. Præterea quod monuimus instan-
ter monemus, vt propositum vestrum, quatinus in vobis est, ad exitum perducere
studeatis: ne antiquus hostis aliqua fraudulenta surreptione etiam per amicos vos
impediat, & à bono proposito, & ita ab electorum numero vos excludat. Ad hæc
si spiritus Dei in vobis est, sicut vtilitati vestræ, ita stabilitati Regni, & paci Ec-
clesiarum prouidere debetis. Quæ omnia, si sine successore de hac vita migra-
ueritis, in multas scissuras diuidentur, & fiet quod Dominus dicit: *Omne Re-*
gnum in seipsum diuisum desolabitur, & domus super domum cadet. Quæ ruina quan-
ta sit futura, quàmque miserabilis, nec lingua potest dicere, nec humanus animus
sufficit cogitare. Vt ergo hæc omnia verentur incommoda, ad ineundum vitæ
coniuugalis ordinem nolite moras innectere, ne de eo, quod sæpè proposuistis, &
sæpè distulistis, cadat in vos hostilis illa irrisio, *Hic homo cepit adificare, & non po-*
tuit consummare. Festinate ergo, vt de lumbis vestris exeat, qui vanam spem tot
ambitosorum hominum destruat, & ad vnus spem mobilitatem reducat. Quæ
res & illicitos motus carnis compescet, & detractores vestros atque irrisores in con-
spectu vestro silere faciet. Valeat Celitudo vestra, & non desistat à bono propo-
sito.

Ex Job. 6. 15.

Matth. 12.

Lc. 14.

EPISTOLA XLVIII.

Edi. 299.

IOANNI Dei gratiâ Aurelianensi Episcopo, IVO eadem gratiâ Carnotensis Eccle-
siæ minister, spiritum consilij & fortitudinis. CLERICI nostri nuper ad nos re-
uertentes, qui causæ Comitis THEOBALDI Aurelianis interfuerunt, retulerunt
nobis, quodd quidam miles domni RADVLPHI quendam militem Comitis ad mo-
nomachiam prouocauerit, & hanc prouocationem Ecclesia vestra iudicio confir-
mauerit, & diem peragendæ monomachiz constituerit. Quod audientes valde mi-
rati sumus, cum monomachia vix aut nunquam sine sanguinis effusione transigi va-
leat: iudicium verò sanguinis seruanda Patrum auctoritas Clericos agitare prohi-
beat, & Romana Ecclesia in legem eam non assumat, dicente Papa Nicolao in cau-
sa Lotharij contra Theobergam Reginam: Monomachiam in legem non assumi-
mus, quam antecessores nostros minimè accepisse cognoscimus. Quomodo enim
Ecclesia iudicare debet fundendum sanguinem alienum, quæ à primo ortu suo

A iussa est fundere sanguinem proprium? Faciant hæc cincti Iudices, qui ad malorum vindictam gladium materiale portant, non qui contra nequitias spirituales gladio spiritus pugnant: ut cum vnumquodque membrum Ecclesiæ officium non usurpauerit alienum, laudes mereatur quæ sponsæ Christi cantantur in Canticis Canticorum: *Pulchra ut Luna, electa ut Sol, terribilis ut castrorum acies ordinata*. Alioquin si alieni ordinis usurpatores fuerimus, nec nostri officij quod postposuimus, nec alieni quod usurpauimus, meritum obtinebimus: sed tanquam capite deorsum posito, & pedibus erectis, thymelicorum incessum imitabimur. Præterea, si ex vestro iudicio fortè periculum mortis incurrerit, perpetes iniurias & periculum vestri ordinis incurrere poteritis. Dico hæc ex dilectione fraternitati vestræ, quatinus salubri consilio iudicium hoc retractetis, & prouida dispensatione, si aliter fieri non potest, maiora vitando pericula, minora potius subearis. Vale.

LYDOVICVS
VL. GRO.
SVS.

Cantic. 1.

EPISTOLA XLIX.

IVO Dei gratiâ Carnotensis Ecclesiæ minister, RADVILFO DE BAIGEN-
CIIACO, salutem & dilectionem. MANDAVIT mihi serenitas tua, quòd nostrum velles habere colloquium, vel per Litteras in præsentī necessitate salubre consilium. De præsentī quippe negotio tuo scripsi Aurelianensi Episcopo, quod
B illi & tibi utile mihi visum est: à quo poteris audire, quid de hoc conflictu inter te & Comitem sentiam, & pro tempore consulam. Tamen interim petitioni tuæ respondēdo, ut quæcumque pactio inter te fuerit & Comitem, semper honorem ei deferas, & notam ei infamiae non opponas. Sic enim dicit Apostolus: *Cui honorem, honorem; cui timorem, timorem*. Et alibi: *Omnis anima potestatibus sublimioribus sit subdita*. Sic David quamvis Rex futurus, Saul perfido Regi honorem derulit: & cum aliquando nactus esset opportunitatem occidendi, oram tantummodò chlamidis eius incidit, & de hoc tantillo poenitentia ductus cor suum percussit: & quamvis eum persequeretur, semper honoravit viuum, & planxit defunctum. A talibus ergo exemplum accipe, & ea quæ sunt pacis & fidelitatis erga Dominum imitare. Si quam verò ab eo iniuriam expostulas, rationibus utere, verba probrosa & contumeliosa dimitte, ne verba superba interminabile odium generent: cum superbia humiliet, humilitas exaltet. Vale.

Edi. 248.

Rom. 13.

EPISTOLA L.

LYDOVICO Dei gratiâ serenissimo Francorum Regi Domino suo, IVO humilis
Carnotensis Ecclesiæ minister, eius præceptis obedire, cui servire est regnare. DOM-
NVS Godefridus Ambianensis Episcopus, vir religiosus & honestus, nuper Beluaci hospitatus, ad colloquium nostrum pro humilitate sua venit, importabiles
C miseras suas & angustias, quibus à violatoribus pacis vexatur, lacrimabiliter nobis aperuit, & consilium quomodo tanta mala mitigare posset, à me anxie quæsiuit. Quod cum excederet vires meas, quia consilium sine fortitudine inutile esse solet, hoc vnum mihi præ ceteris occurrit, quatinus eum monerem, ut Regiam Maiestatem adiret, apud quam & consilium inueniri, & auxilij fortitudo valeat sociari. Ex iure ergo fidelitatis & dilectionis monemus & rogamus Regiam Maiestatem vestram, quatinus lacrimabiles eius conqueſtiones intenta aure perpendatis, & cor vestrum aculeis doloris eius suggerente pietate compungatis. Decet enim Regiam Maiestatem vestram, ut pactum pacis, quod Deo inspirante in Regno vestro confirmari fecistis, nulla lenocinante amicitia vel fallente desidia violare permittatis: ne si vni in hoc maximè principio parcere volueritis, multos in discrimen adducatis, cum è contrario dicat Scriptura: *Pestilente flagellato sapiens sapientior erit, & intelligens gubernacula possidebit*. Si ergo poena malorum utilis est sapienti, multò magis impunitas malorum nocitura est insipienti. Faciat itaque gladius regalis officium suum ad vindictam malorum: ut sicut pios colligit multitudine, sic impios coërceat iusta seueritate. Sic deuotio pauperum pro vestra salute Dominum orabit, & quod à Salvatore postulauerit impetrabit. Valete.

Proverb. 19.

Tom. IV.

X ij

LYDOVICVS
VI. GROS-
SVS.

EPISTOLA LI.

Edis. 260.

IVO Dei gratiâ Carnotensis Ecclesie minister, STEPHANO Regis Cancellario, abundare spiritu consilij & fortitudinis. NVPER Aurelianis rediens domnus Galterius Carnotensis Archidiaconus intimavit mihi fluctuationes cordis tui, & quomodo anima tua tabescat in malis, quærens quid potissimum de sibi propositis eligat, aut fugiat: simulque addidit, vt secundum audita dilectioni tuæ responderem, & consilium, quod Deo inspirante sentirem sanius esse, prudentiæ tuæ rescriberem. Quibus auditis, nihil vtilius tibi consulere possum, quàm vt iactes cogitatum tuum in Domino: quia ipse te ab omni fluctuatione liberabit, & tranquillitatem cordis in te reformabit. Hoc tamen vnum consilium præcipuè tibi do, vt voluntatem tuam voluntati Dei nunquam præponas, sed vocanti te ad agriculturam suam humiliter acquiescas, & dicenti tibi in loco humili posito, *Ascende superius*, minimè contradicas. Quid enim scis, si ille omnipotens Medicus hæc via honesta te velit eruere de luto fæcis, & confirmare in petra suæ dilectionis? Non enim terrere te debet, & à bono proposito remouere, quòd domnus Papa non absolutè respondit petitionibus tuis, siue de retinendis honoribus tuis cum Episcopatu Parisiensi, siue de Beluacensi Ecclesia, vt aliter non transferatur ad eam domnus GVALO, nisi eum repetat eadem Ecclesia. Noui enim consuetudinem Romanæ Ecclesiæ, quia non solet neque vult decretis suis patenter obuiare. Solet autem dispensatoriè multa infirma tolerare postquam patrata sunt, tam pro locorum necessitate, quàm pro personarum vtilitate & honestate. Neque aliter cogendus est summus Pontifex contraria sibi scribere vel facere, ne cogatur dicere illud Apostolicum: *Si quod destruxi iterum ædifico, prauaricatoremi me constituo*. Hæc attendens, fiducialiter ascende superius: quia cum ascenderis, tolerantiam, quam nunc absolutè non impetras, tum pro tua strenuitate, tum pro multorum te diligentium mediatione, quantum res temperari poterit, salua honestate Romanæ Ecclesiæ, quod quæris, vt credimus, impetrabis. Vale.

Luo. 6. 14.

Gal. 2.

EPISTOLA LII.

Edis. 261.

HENRICO Dei gratiâ excellenti Anglorum Regi, IVO humilis Ecclesie Carnotensis minister, sic florere in Regno terreno, vt persfruatur æterno. QVONIAM famâ vulgante gloria vestra longè latèque diffusa est, oportet vt quod de liberalitate vestra fama prædicat, rerum veritas in se contineat. Sic enim verum possidebitis regnum, si & vos ipsum benè regatis, & subditos vestros virga iustitiæ ab iniquitate reuocetis. Hæc est enim vera gloria Regum, sequi formam summi Regis, cui per Psalmistam dicitur: *Virga directionis, virga regni tui. Dilexisti iustitiam, & odisti iniquitatem*. Hæc idcirco prælibaui Excellentie vestræ, quoniam audiui vos quandam filiam vestram cuidam nostro parochiano, HVGONI videlicet filio GERVASII, desponsasse. Quos quidem parentes eorum gradu consanguinitatis esse testantur genitos, vt inter se nuptias contrahere non possint, nisi incestuosas, & idèò illicitas. Quod minimè decet Regiam Maiestatem, culpam videlicet in se admittere, quam in aliis debet legum seueritate punire. Vnde pro reuerentia & dilectione vera magnitudinem vestram præmonitam & præmunitam esse cupimus, vt honestè dum fieri potest, tales nuptias fieri non permitatis, ne tale coniugium, si contra leges præsumatur, per leges dissolui mereatur. Quod enim dicimus, non ex coniecturis facimus, quia præ manibus habemus scriptam genealogiam, quam scribi fecerunt nobiles viri de eadem tribu progeniti, & parati sunt ante Iudices Ecclesiasticos eandem genealogiam in tuto loco computare, & secundum legum instituta probare. Misi itaque vobis eandem genealogiam à trunco suo inchoatam, & vsque ad prætaxatas personas computando descriptam: quatinus ea perspecta rei veritatem discutiatis, & prudenti consilio ab illicita copulatione prædictas personas desistere faciatis. Non enim poterimus à legum tramite deuiare, si viderimus parochianum nostrum maximè in pacto coniugali aliquod nefarium perpetrare, dicente Apostolica sententia: *Incestis con-*

Psal. 44.

U

A iunctionibus nihil veniæ referuamus, nisi cū incestum separatione sanauerint. Cū enim reueremur temporalium Regum potentiam, magis nos reuereri oportet æterni Regis omnipotentiam: vt sic reddamus quæ sunt Cæsaris Cæsari, & quæ Dei sunt Deo. Genealogia autem, vt dicitur, sic se habet. Gonnors & Seufria sorores fuerunt. Ex Gonnors exiuit Richardus. Ex Richardo Robertus. Ex Roberto Gulielmus Rex. Ex Gulielmo Henricus Rex. Ex hoc Rege ista quæ datur filio Geruasij. Item ex Seufria exiuit Ioscelina. Ex Ioscelina Rogerius de Monte-Gummeri. Ex Rogerio Mabilia vxor Roberti Bellimensis. Ex Mabilia, Mabilia vxor Geruasij. Et ex ista Mabilia, Hugo filius Geruasij, cui ista datur.

LYDOVICVS
VI. GROS-
SVS.

EPISTOLA LIII.

LYDOVICO Dei gratiâ serenissimo & dulcissimo Regi Francorum Domino suo, *Edi. 264.*
Ivo humilis Ecclesie Carnotensis minister, in eo regnare cuius regnum est sine fine. QVONIAM Regiam sublimitatem libram conuenit tenere pietatis & iustitiæ, sic oportet condiri iustitiam ex pietate, vt nec indiscreta pietas in subditis nutriat insolentiam, nec nimius iustitiæ rigor opprimat innocentiam. Sic enim constat antiquorum Regum floruisse & viguisse potentiam, vt aliquando peccata humilium subditorum dissimularent, aliquando tanquam filiorum ferula corrigerent: contumaces verò erectos districta animaduersione punirent, quatinus pœna redderet subiectos, quos impunitas & patientia faciebat erectos. Quibus prælibatis, supplico Excellentiæ vestræ flexis genibus cordis, vt in hoc appareat me obtinere gratiam in oculis Regiæ Maiestatis, quatinus pro Dei amore & nostro ita & Clerum & populum Beluacensem pro temeritate interfecti hominis tractare studeatis, vt & innocentia non grauetur, & temeritas incauta per surreptionem diabolicam concitata non superbientium ultione feriat, sed pœnitentium virgâ corrigatur. Non enim decet, sicut dictum est, regiam moderationem æquo modo tractare subiectos: ne sub specie correptionis subrepat furor crudelitatis, & immoderatus terror dispergat in omnem ventum populum hactenus dilectum, à quo potest Regia Maiestas præ ceteris vrbibus Galliarum honestum habere seruitium. Quod si in hoc non adquiescit consilio meo & precibus meis vestra sublimitas, hoc saltem à Maiestate vestra impetrare satagit humilitas mea, vt consilium vestrum communicetis Ecclesiasticis & honestis personis, quæ absq; maliuolentia & amore ultionis velint & valeant sanum dare vobis consilium, non ad dispergendum & conterendum populum, quod crudelitati adscribatur, & post tempus factum vestrum pœnitentiâ comiteretur. Si qua verò aduersus Decanum vel Clerum vobis est controuersia, moneo & consulo, vt vnâquamque personam iuxta ordinem suum examinari faciatis, & sub Iudicibus Ecclesiasticis causam cuiusque terminetis. Ita enim Regia Maiestas in nullo minuetur, & cuique personæ suum ius conseruabitur. De diuino autem seruitio, à quo mater Beluacensis Ecclesia suspensa est, consilium sanum mihi minimè videtur: quia iste rigor alibi minimè seruandus est, nisi vbi culpa sacrilegij, vel violatæ pacis aliter vindicari non potest. Valere.

EPISTOLA LIV.

CONONI Dei gratiâ Prænestino Episcopo, & sanctæ Sedis Apostolicæ Legato, *Ivo Edit. 266.*
humilis Ecclesie Carnotensis minister, obedientiam & salutem. SICVT visito præsentiam vestram per Legatum & Litteras, sic visitarem propria persona, nisi adhuc detineret me ex longa infirmitate contracta debilitas. In primis itaque suggero simpliciter incedenti vestræ sollicitudini, vt non credatis omni spiritui. Sualit enim Hugo filius Geruasij propter violatam pacem se esse iniuste excommunicatum, & terræ patris sui iniuste diuinum officium esse interdictum: quia dicit ea die, qua vocatus erat ad iustitiam, se à Domino Rege suo fuisse detentum. Quæ excusatio aduersus pacem violatam apud nos nullius momenti est, quia Rex & Princeps hanc licentiam dederunt militibus suis, vt absolutam fidelitatem iurarent paci & iustitiis pacis infra septem dies, quibus moniti essent se venturos ad iustitiam, nisi eos detineret aut proprii corporis inualetudo, aut propriæ personæ violenta detentio, nec Rege excepto, nec Domino. Vnde si prætaxatum Hugonem sine satis-

Tom. IV.

X iiij

LYDOVICVS
VI. GROS-
SVS.

factione absoluerem, haberent me parochiani mei sicut ethnicum & publicanum: & ille, cuius bona diripuit, usque ad nouissimum quadrantem totum quod amisit à me repeteret, & de me & de meis quàm grauius posset talionem exigeret. De cetero supplico sanctæ sollicitudini vestræ, vt ad terminandam causam, quam III. Calendas Septembris inter me & Abbatem Maioris-Monasterij statuistis, latus vestrum muniatis prudentibus & religiosis personis, quæ nec falli quærant, nec fallere, nec precio vinci nec precibus. In hoc enim Monachi confidunt, quòd multis multa & magna promittunt. Vt autem huius rei noueritis veritatem, breuiter vobis aperiàm: latiùs vobis dicturus vel scripturus, si Deus dederit opportunitatem. Hæc enim Ecclesia, in municipio quod Curuauilla dicitur sita, à fundatore suo in honore sancti Nicolai Canonico Ordini fuit deputata: & hæc prædicti fundatoris deuotio, Episcopali auctoritate, & anathematis seueritate roborata. Defuncto autem fundatore, successor eius nomine IEROGIVS asciiuit quosdam Monachos cœmentarios, quorum Monasterio promisit se daturum prædictam Ecclesiam, si muro munirent prætaxatum municipium. Quod audientes Monachi Maioris-Monasterij, qui in vicina quadam Cella morabantur, nolentes habere alterius Monasterij Monachos sibi vicinos, inconsulta Carnotensi Ecclesia, non tantum Canonicali iure, sed etiam parochiali, acceptis à Ierogio duabus præbendis, Ecclesiam illam contradicentibus Clericis loci illius inuaserunt: nec tamen communionem Canoniconum nisi quorundam assentatorum habere potuerunt. Vnde quidam ex illis religiosus & litteratus nomine Robertus, cum quibusdam aliis, domnum Hugonem Diensem Episcopum adiit, qui tunc erat Sedis Apostolicæ Legatus, & in auribus eius priuatim & publicè clamorem de hac inuasionem ventilauit. Qui acceptis Litteris à Legato domum rediens, prædictis Monachis prædictæ Ecclesiæ inuasionem per has Litteras interdixit. Illi verò infra præscriptum terminum Ecclesiam dimiserunt, & de cetero per triginta & duos annos, aut eò ampliùs, absque Synodali reclamatione quietam reliquerunt. Nunc verò cum Ordinem Canonicum non dissipare, sed in melius in ipsa Ecclesia consensu Clericorum studerem promouere, Monachi dæmoniaca inuidiâ moti voluerunt in alienam messem falcem mittere, & me Episcopali iure priuare. Quòd verò dicunt hanc Ecclesiam ab antecessore meo eis fuisse concessam, quicquid dicant, Carnotensis Ecclesia, cuius ipsa membrum est, ignorauit, & quod ibi inuaserunt, illo minimè reclamante vel adiuuante, amiserunt. Hæc breuiter scripsi, vt ad defendendam veritatem arctiùs vos accingat, & Clericalis Ordinis, in quo estis, quantum potestis, ruinas releuetis. Valete.

EPISTOLA LV.

Edis 295.


CONONI Dei gratiâ Prænestino Episcopo, Sedis Apostolicæ Legato, IVO eadem gratiâ Carnotensis Ecclesiæ minister, salutem & obedientiam. NVPER accepi Litteras vestras, continentes excommunicationem eorum qui Niuernensem Comitum ceperunt, vel captioni eius interfuerunt, vel de spoliis eius aliquam partem acceperunt, vel auxilium in hoc dederunt: excepta sola persona THEOBALDI Comitum, cui inducias usque ad octauas omnium Sanctorum donastis. Et tamen nisi interim Comitum Niuernensem reddat, ex tunc eum eidem excommunicationi subiecistis. Has itaque Litteras Theobaldo Comiti legi & exponi feci, vt audito rigore Ecclesiastico fortè apud se cogitaret, vel Deus ei inspiraret, vt prædictum Comitum reddat, & terræ turbatæ, & grauiùs turbandæ, pacem restituat. Quibus auditis & intellectis, miratus est valde, quòd Rex apud Iudices Ecclesiasticos clamorem de eo fecerit, qui nullam ei, cum Dominus eius sit, iustitiam denegauerit. Offert itaque se ad omnem iustitiam ante Iudices pacis, eo ordine quo rerum gestarum ordo postulauerit, in omni loco ad quem securus venire possit, & in quo securus suas possit exercere actiones, & probare: exacturus tamen priùs iniuriam sibi factam, quòd præproperè & inordinatè milites sui excommunicati sint, qui vel nihil in pactum pacis deliquerunt, vel nullam inde iustitiam denegauerunt. Auditis itaque eius responsionibus consilium mihi fuit, vt reuerendas personas religioni vestræ transmitterem, qui verba Comitum & hæc & alia vobis referrent: vt de his cum Domino Rege tractetis, & inter eum & Comitum pacem

A componere studeatis. Ita enim Comes verbis defendit suam innocentiam, & Regis & Comitis Niuernensis exaggerat iniuriam, ut iustam causam habere videatur, nisi iudiciario ordine & inuincibili ratione conuincatur. Sciat autem vestra prudentia, quia in propria persona me his actionibus præsentassem, si imbecillitas corporis me permitteret equitare, & laborem itineris sustinere. Communicato itaque consilio cum Episcopis & Iudicibus pacis, ita hanc controuersiam sedare studete, ut qui ex aduerso stat, non habeat quod reprehendat; & pax Ecclesiarum, & quies pauperum in sua stabilitate permaneant. Dicit enim Comes, quod libenter reddet aut recedet Comitem Niuernensem, si auditis eius rationibus Iudices pacis in hoc consenserint, & dictante iustitia iudicauerint. Valete.

LYDOVICVS
VI. GROS-
SVS.

EPISTOLA LVI.

LISTARDO Dei gratiâ Sueffionensium Episcopo, IVO eadem gratiâ humilis Carnotensis Ecclesia minister, super oves sibi commissas pastoralis vigilare custodiâ. ARCHIDIACONVS vester filius domni NIVELONIS PETROFVNGENSIS ad nos veniens cum quibusdam honestis fratribus, diligenter consuluit paruitatem nostram, qualiter consultis legibus liberare posset sororem suam de infamia, quam ei odiosè obiicit Sueffionensis Comes maritus suus. Quibus auditis, visum est mihi quod non eam iudiciario ordine pulsar, nec ad legitimam purgationem prouocat. **B** Dicunt enim instituta legum Nouellarum, quas commendat & seruat Romana Ecclesia, non prius ad pœnam tradendum vel esse conuictum, quem maritus suspectum habet, quod velit illudere pudori vxoris suæ, nisi per tres idoneos testes eum ter contestatus fuerit, ut nullum familiare colloquium habeat cum vxore sua in domo sua vel aliena. Quod postquam factum fuerit, si eos de cetero cum tribus idoneis testibus colloquentes in priuato loco inuenerit, tunc primùm potest eos vel ad iudicium prouocare, vel pœnam debitam inferre. Alioquin de coniecturis aliquem reum fieri, nec leges mundanæ concedunt, nec diuinæ: & benè nouit prudentia vestra, quia inoffensus debet esse affectus accusatorum & testium, ut nihil per simultatem fiat, nec ipse accusator inde reprehensibilis sit unde alium accusat. Quod verò Comes eam ad examinationem ferri candentis prouocat, quia hoc eam sponte obtulisse testatur, vel ad monomachiam, leges Ecclesiasticæ potiùs hoc prohibent, quàm iubent. Vnde Stephanus Luitberto Episcopo Mogontino: Ferri candentis, vel aquæ feruentis examinatione confessionem extorqueri à quolibet, sacri non censent Canones: & quod sanctorum Patrum documento sancitum non est, superstitiosa adinventione non est præsumendum. Spontanea enim confessione, vel testium approbatione publicata delicta, habito præ oculis Dei timore, commissa sunt regimini iudicare: occulta verò & incognita, illius sunt iudicio reseruanda, qui solus nouit corda filiorum hominum. Inde etiam dicit Nicolaus Papa: Monomachiam verò in legem non assumimus, quam præceptam fuisse non reperimus. Quam licet quosdam inisse legamus, sicut sanctum David & Goliath sacra prodit historia; nusquam tamen ut pro lege teneatur, alibi diuina sanxit auctoritas, cum hoc & huiusmodi sectantes Deum solummodò tentare videantur. His & huiusmodi sententiis liquet, quia prædictus Comes non potest vxorem suam nisi legitimo testium numero de adulterio conuincere, præsertim cui nec charitatem coniugij exhibuit, vel vix debitum coniugij reddidit. Possem multa in hunc modum rescribere. sed quia scienti legem scribo, puto ista sufficere. Vale.



HILDEBERTI EPISCOPI CENOMANENSIS, EPISTOLÆ HISTORICÆ.

EPISTOLA I.

*Epist. 19. in-
ter editas in
Bibl. Pa-
trist.*



DOANNI & *Benedicto*. SICUT frequens tribulationum con-
cursus sacris nos inuitat Conciliis, sic idem reuocat & abducit.
Aduersa etenim, quæ turbam querimoniarum nobis offerunt, ita
nostram contriuere facultatem, ut vnicum supersit solatium, vsus
ipse patiendi. Ea profectò ante peractum cœpere triennium, quod **B**
totum continuis euolutum lamentis recens vulnus in vulnera
quotidie fatigauit. Denique tam modico tempore sex in vrbe sustinuimus Con-
sules, quorum nullus pacificum prætendens ingressum, gladiis & igne curtam sibi
vendicauit potestatem. Plebe coacta in fauorem, tyrannum suscepit ex necessita-
te, non ducem ex lege: in susceptum studia simulauit, non exhibuit. Fidem repe-
rit in ea, quia superior. Consul verò tantò grauius dominatus est, quantò breuius.
Miles eius simulatis vsus iniuriis, eos scelerum iudicauit expertes, quos rerum. Et
quia non parcit populis regnum breue, finem rapinis inopia posuit, non voluntas.
Ea clades vsque ad Sanctuarium Domini peruagata est: & primò quicquid extra
muros nostræ fuerat potestatis, vel euauit in fauillas, vel dissipatum est in rapi-
nam. Deinde similibus cecidere præiudiciis Episcopales domus, & Ecclesiæ non
paucæ. In reliquis, quibus ignis pepercit, æquè periclitata est & facultas paupe-
rum, & reuerentia Sacerdotum. Omnia confracta sunt, omnia direpta, omnia con-
taminata. Nihil eorum manus euasit, qui gratis ad flagitia discurrunt, ad hone-
stum nec precio. Eisdem Clerus iniuriis affectus, summam rerum affluentiam in-
dicat, solari naturam: ad necessaria votum restringit, omnibus indigens. Illius an-
gustix super dolorem nostrorum vulnerum addiderunt: grauiusque confundimur,
quòd eorum releuare non possumus inopiam, quàm quòd nemo vult nostram.
Præterea longum est enarrare, quàm constanti tyrannide Rex Anglicus in nos sæ-
uierit, qui temperantiâ Regis abiecta decreuerit non prius Pontifici parendum, **C**
quàm Pontificem compelleret in sacrilegium. Quia etenim turres Ecclesiæ no-
stræ deiicere nolumus, transmarinis subiucendi iudiciis, coacti sumus iniurias pe-
lagi sustinere: singularem scilicet molestiam itineris, atque vnicam totius huma-
næ compaginis dissolutionem. Tantis igitur his agitati turbinibus, ad Apostolo-
rum limina decreuimus proficisci, magnum nouæ tribulationis arbitrati reme-
dium, si Romanus Pontifex nobis & consilio subuenerit, & auxilio. Suscipite
igitur nostram beneuoli excusationem, diligenter attendentes, nostros sumptus
itineris expensæ pariterque Concilij sufficere non posse; qui de reliquiis incendio-
rum, tanquam tabulæ de naufragio, extracti, defectum nobis in via pollicentur.
Vale.

EPISTOLA II.

Edit. 24.

SICUT sanctitatis vestræ pagina denunciat, filia Gauterij de Meduana Comi-
ti de Mortonio sanguine proxima prædicatur. Prius autem quàm matrimo-
nij vinculum præfatas personas astringeret, idem Gauterius consanguinitatem
mihi submurmurans, quid idem sentirem cautiùs explorauit; bonum sibi videri
si bellum, quo diutiùs Comes in eum desæuierat, interuenientis coniugij chari-

Atas terminaret. Addidit præterea, vos vestrosque comprouinciales ei confirmasse scripto, compendio pacis & quietis tolerandum consanguinitatis piaculum. PHILIPPVS I. Vnde & assensum Cenomanensis Ecclesiæ futuris nuptiis postulauit; ut eius quoque auctoritate coniugio filix stabilitatem adquireret, si quando ei libellus repudiij scriberetur. Mihi autem nec extorqueri assensus, nec persuaderi potuit prudentiam vestram in eorum simplicitatem descendisse, quos redarguit Apostolus dicentes, *Faciamus mala ut veniant bona.* Super his ergo quod ad me pertinuit, Rom. 7. sollicitus fui. Petenti assensum, dissensum nunciaui: nullius dispensationis intuitu permittens, consanguineos aut affines inhibitorum fœdera contrahere nuptiarum. Huic autem connubio vsque ad dissidium resistere, illius erit sollicitudinis, ad cuius parochiam nuptam demigrasse cognoscitur. Conseruet vos Dominus Deus, Pater sancte.

EPISTOLA III.

OMNIBVS *Episcopis, Presbyteris, etque vniuersis filiis Ecclesiæ, ILDEBERTVS* Edis 39. *Cenomanorum Sacerdos vinctus Christi Iesu salutem. FELICITER* sunt miseri, quos constat non meruisse quæ perferunt. In aduersis siquidem quædam felicitas est, qua reum putas esse, tamen innocentem. Hinc est quod gloriamur in vinculis, quorum causa nobis est pro solatio, non conscientia pro flagello. **B** Gloriamur enim cum Paulo, dicentes: *Gloria nostra hæc est, testimonium conscientie nostræ.* 2. Cor. 1. 12. Qualis autem ea sit, vel quæ fuerit nostrorum causa vinculorum: audiant fratres mei, consacerdotes mei, domini & amici mei. Credo tantò deuotius oraturos eos pro me, quantò nouerint in me magis pati Christum, quàm me propter Christum. Viuit Deus, & Dei Filius, & vtriusque Spiritus nouit, quia non mentiar. In turre Cenomanensi Comes ROTROCVS in vinculis tenebatur, ad eum metu mortis trepidum vocatus accessi: deinde mihi confessus, domui suæ disposuit, testamentum fecit, Ecclesiis distribuit. Quod ut illibatam permaneret, submissis precibus à me impetrauit: quatenus ego ipse matrem eius adirem, de testamento perhiberem testimonium, inhiberem ne quis illud minuere præsumeret, ne quis omnino tentaret adnullare. Factum est sicut Comes postulauit. Iui, quò vtinam pedem non tulissem? Mater Comitum in osculo me suscepit, applausit testamento, gratias agens quòd gratiâ Comitum accessissem. Rem taliter factam, nec filius nec mater diffitetur. Eadem die iniretum est aduersum me consilium, in crastinum iniecit manus, in me iteratam discere Christi traditionem. Quinta enim feria in osculo sum susceptus, sexta feria tanquam cum Christo iturus ad crucem contumeliis captus sum, & positus in custodia publica. Diuiserunt etiam sibi vestimenta mea, equis iam distributis inter eos qui gratis ad facinus discurrent; ad honestum, nec precio. Porro in illo castello, in quo hæc acta sunt, Carnotensis erat Episcopus, veneranda vir auctoritatis: sed **C** apud sceleris auctores sine auctoritate fuit auctoritas. Is in spiritu contrito **H**YBERTVM conueniens, (hoc enim Phariseorum principi nomen est) primò De hoc sic in Epist. sequenti ad Sorlonem Sagiensem Episcopum, Porro filius ille perditionis, Hubertus Capreolus est. Hubertus consilium malignauit aduersum me, manus iniecit in me; captum tener me, de Dapifero Comitum fa- dus dapifer diabol. blanditus est illi bestia, sed bestia rationem non admittit: dehinc illum sacrilegi liberè arguit, obsecrauit opportunè, importunè increpauit: postremò tradidit eum Sathanæ in interitum carnis, anathematis vinculo quo debuit alligatum. In omnibus his non est auersus furor eius, sed adhuc manus eius extenta. Religiosi quoque Abbates, & consummati nominis Anachoretæ ad lapidem conuenerunt, & inuenerunt lapidem: non eum de quo suscitatur Dominus filios Abraham, sed in quo nihil est humoris, in quo radicem non habet semen Verbi Dei. In omnibus enim his non est auersus furor eius, sed adhuc manus extenta. Missum denique ad Comitem ROTROCVM, relata ei captio mea, confusio & ignominia mea. Is primò in corde & corde locutus, tandem dimitti me, & satis Ecclesiæ fieri nunciauit. Ac ne simulatoriè loqui putaretur, abscissos de capite suo capillos matri suæ transmisit, addens: Hubertum in me non minorem sibi intulisse iniuriam, quàm si reliquos abstulisset. In omnibus his non est auersus furor eius, sed adhuc manus eius extenta. Ad vos ergo conuersio mea, fratres mei, consacerdotes mei, domini & amici mei. Oro vos orare pro me, cu-

PHILIPPVS
I.

ram agere de me, compassione esse iuxta me. Nam de redemptione nihil ago: A semel Christi sanguine redemptus, iterum redimi non requiro. Sanguis ille redemptio mea est, sanguis ille precium meum. Indignum est vt sub precio redigar, cuius precium sine precio est. Præterea infamis est redemptio, qua libertas perit Ecclesiæ, quæ seruitus comparatur. Necesse est enim vt membra seruiant, si caput humiliter sub tributo. Necesse est Clericum redimi, si Episcopum censeas redimendum. Necesse est trepidare subiectos, si iuxta Comicum ei opus est patrociniis, quem parat defensorem. Ego certè tanti vitam non facio, vt breuem diligam, & redemptam. Malo periclitari de ea, quàm pro ea communem conculcare libertatem. Profit Ecclesiæ mea mors, cui viuens dum præfui, non profui. Pontificis est si non viuere, mori saltem vniuersis. Valete.

EPISTOLA IV.

Edit. 19.

AD memoriam beati Iacobi, strenuissime Comes, & prædicanda virtute sublimis, iter, vt fertur, assumpsisti: quod nos bonum quidem non negamus. Sed quisquis administrationem suscipit, alligatur obedientiæ, quam, nisi ad maiora vocetur & utiliora, si relinquit, delinquit. Vnde te, fili charissime, culpa inexcusabilis spectat, qui necessariis non necessaria, dispensationi otium, debitis debita præponis. Inter talenta, quæ seruis suis Paterfamilias distribuit, circuire vagum Orbem terrarum, nullus Doctor, nulla omninò Scriptura commemorat. Hieronymi testimonio, sanctus Hilarion, cum esset proximus ciuitati Hierusalem, semel eam vidit, ne loca Sanctorum contempsisse videretur. Porro, præter solitum mentis tuæ oculus caligauit, si non vides plenam periculosis casibus assumptam tibi peregrinationem. Per munitiones Ducis Aquitanorum transiturus es, cuius tibi inuidiam suscitasti, quando factus es in expugnatione Thoari superior. Ferè apud omnes diuturnior est iniuriarum memoria, quàm beneficiorum. Præterea nescis, si renata sint in filio paternæ vota perfidiæ. Quippe plures hodie generantur iniuriarum heredes, quàm virtutis. Tuis itaque timorem relinquis & tremorem, si te iuueni & offenso committis: in quo necesse est verearis ex patre perfidiam, leuitatem ex annis, ex iniuria ultionem. Audiuius autem venerabili Anglorum Regi, tuoque auunculo, id quod te facturum signas, displicere altius: id ferre grauius, id constanter improbare. Sanè eorum aspernari consilium, vicina dementiæ pertinacia est. Hi nimirum tuis providere commodis, & affectu volunt, & successu possunt. Fortassis autem dices: Votum voui Domino, transgressionis arguar, si irritum facio votum. Agnosce, ô Princeps, quia tu quidem te alligasti voto, sed Deus officio: tu viz, sed Deus obedientiæ: viz, qua Sanctorum memorias videres; obedientiæ, qua Sanctorum memoriis prouideres. Appende ergo si tantus fructus sit itineris, vt superare possit intermissæ dispendium obedientiæ. Quod si ita est, scutum depone pro pera, baculum sume pro gladio: festina egredi, & facundis adhære comitibus, qui iuxta Salomonem tibi pro vehiculo in via sint. Si autem bonum administrationis longè maius est & elegantius (quod inficiari nemo prorsus audebit) sede in Palatio. Responde suffragiis afflictorum, & vt omnes tibi uiuant, omnibus viue. Reipublicæ viue, noctes illi præstans & dies. Iudicium Curæ tuæ dicet æquitas, non acceptio personarum: te ipsum legibus, amore subiectos rege. ---

BALDRICI ANDEGAVENSIS
ABBATIS BVRGVLIENSIS
CARMINA HISTORICA.

*Ex veteri Codice MS. qui extat in Bibliotheca Viri Cl. Alexandri Petauij
 Senatoris Parisiensis, nunc primum edita.*

IN ROTVLO NATALIS ABBATIS.



N rotulo multi cum sollicitudine quadam
 Dicendi seriem semper metantur ab Adam.
 At dum pro primi plasmata crimine plorant,
 Sæpius incassum subnectere multa laborant.
 Sed pro NATALI nunc est Abbate loquendum.
 Ergo quod profit scriptis fuit adiciendum.

Cultor NATALIS Monachorum religionis
 Cœli iungatur Christo miserante colonis.
 Hunc NICOLAE tuis precibus meritisque tuere,
 Quem sibi patronum viuens delegit habere.
 Nos pro Natali carmen faceremus anhelis,
 Si multum carmen posset prodesse fideli.
 Sed quia non profunt Odarum garrulitates,
 Odarum quæso seponamus leuitates.
 Intenti precibus breuiter loca subtitulate,
 Ne calamus vehemens pariat dispendia cartæ.
 Hic fuit Ecclesiæ dum vixit firma columna.
 Ergo Hierusalem viuat * mens eius alumna.

* fit ei cœ-
 lestis alum-
 na.

De Natali Abbate.

ABBAS NATALIS has Ædes amplificarat,
 Et nouiter factas **VRBANVS** Papa sacrarat,
 Cùm Nicolæ tum Deus accersiuit alumnum,
 Cui dedit æternum solemnem funere somnum.
 Hic modo Natalis pro carne iacet cineratus,
 Cui noceat nullus pro carnis sorde reatus.

Item unde supra.

ABBAS NATALIS flos Abbatum specialis
 Signat quid sit homo factus humus sub humo.
 Vir capitis canis, meriti vir sanctus opimi,
 Huic viuens latè profuit Ecclesiæ.
 Defunctus verò sacris hanc ossibus ornat,
 Quæ tanquam nutrix confouet iste lapis.
 Hic Nicolæ tibi seruus deuotus adhæsit,
 Idcirco serui nunc memor esto tui.
 Christo commenda quem mundo Christus ademit,
 Huncque patrocini iure tuere tui.

BALDRICI ABB. BVRGVLIENSIS

In Rotulo Rainaldi Remensis.

A

Si quid defunctos posset mea musa iuuare,
 Debueram Musam reuera continuare.
 Sed pro defunctis potius duo sunt facienda,
 Vfus quæ nobis & ius designat agenda.
 Nam pro defunctis ius & compassio plorat,
 Et pro saluandis animabus proximus orat.
 Ergo breuem Musam ponamus pro monumento,
 Resque procul nostro sit inutilis à documento.
 Flentes RAINALDO Remensi compatiamur,
 Orantes autem Patriarchæ subueniamus.
 Pro te nostra madent, Pater optime, fletibus ora.
 Oramus pro te, pro nobis quæsumus ora.
 Colligit ultra fas rotularis epistola multa,
 Quæ quasi parcentes nugis transimus inultra.
 Et fuit exiguæ condignum parcere cartæ.

In Rotulo Cenomanensi.

B

SINGVLTVS duplices rotularis pagina profert,
 Primum namque IOHEL, denique fleuit HOEL.
 Abbas alter erat, alter fuit ordine Præsul,
 Hi Cenomannis sol scilicet extiterant.
 Hos quoque morte pari modico Deus attigit ambos,
 Vt sint translati sidera magna poli.
 Amborum pariter nobis exempla refulgent,
 Ambo nunc nostras irradiant tenebras.
 Si verò maculas dedit illis quilibet error,
 Erroris veniam Cunctipotens det eis.
 Interea tantis vrbs desolata patronis
 Pro te funde preces, atque memento tui.
 Elige quos mauis, tamen elige qui tibi profint,
 Quorum subiectis proficiat regimen.
 Quorum sermo duo tibi testamenta propinet,
 Cœlebs cœlicolis vita coaptet eos.
 Hæc rescripta tibi transmittunt Burguliani,
 Pro te præmissis quas decuit precibus.
 Te quoque fraternæ pietatis viscera cogant,
 Commendes nostros nōsque precando Deo.

Epitaphium super Hoëlum Cenomanensem.

INTEMPESTIVO casu defecit HOELVS,
 Sol Cenomannorum, Pontificumque decus.
 Alloquio dulcis, nulli pietate secundus,
 Omnibus exemplar Religionis erat.
 Hunc plangit sua plebs & vicinæ regiones,
 Quem venerabantur iure patrem patriæ.
 Hic igitur positum solemnī more reuisunt,
 Et coram sancto vota vouent tumulo.

Aliud.

ORA madent, & corda gemunt, & corpora marcent,
 Cùm tumulo titulus sculptus in hoc legitur.
 Ille refert titulus quia morte grauatus HOELVS
 Fecit pupillos morte sua populos.
 Vrbs Cenomannensis fleuit specialiter ipsum,
 Illis Pontificem quem dederat Dominus.

Pausat

A Pausat in hoc tumulto sanctus pro corpore Præsul,
Præsulis obtineat spiritus astra poli.

Aliud.

PRÆSUL Agennensis vir canus nomine SIMON
In causis Cicero, moribus ipse Cato.
Ad natale solum rediens, ad Biturigenses,
Occidit, inque sua subtumulatur humo.
Præsulis ossa fouet modo sancta Maria Dolensis,
Fouerat & puerum terra Dolensis cum.

In Rotulo pro Archiepiscopo Biturigenſi.

B CUM velut examen rotulorum venerit ad nos,
Mortem non vitam rotulus mihi nunciat omnis.
Nuncius ergo ferus qui semper nunciat illud,
Quo semper lacrymis nos impetit atque dolore,
Mortem Remensis rotulus dixit RAGINALDI:
DVRANDI siquidem pallentes vidimus artus,
Cum nos Aruernis Urbanus Papa vocasset.
Nos Cenomanensis rotulus commouit Hoëlis.
Aurelianensis superest iam carta IOANNIS.
Si tamen Abbates his adnumerare velimus,
Multos Abbates rotularis pagina deflet.
Pictaui Geraldum, Cenomannisque Ioëlum,
Andegauis verò Natalem deflet obisse.
Multos prætereo vel quos incuria tollit,
Vel quos res alias curanti obliuio demit.
Venit ad extremum rotulus de Præsule magno,
Quem mihi præcipui res commendabat amoris.
Is quia promeruit duplici fulgebat honore,
Si pondus geminum geminum dicamus honorem.
Abbas ipse Dolis, Biturix & Episcopus ipse
Sedibus ambabus præerat non ambitiosè:
Ambarum domuum magis vtilitate coactus,
Et domini Papæ sancto moderamine victus.
Hunc AVDEBERTVM validum iuuenilibus annis:
Effera mors rapuit, quæ nulli parcere nouit.
En mihi dat lacrymas rotularis Epistolâ viuas.
Has lacrymas reduces faciet mea quæstio semper,
C Audeberte meo nec pectore dimouearis,
Nec si quid valeant nostris precibus reproberis.
Vos igitur Fratres de vobis substituendo
Procurate viro, Biturix vrbs, græxque Dolensis,
Et pro defunctis offerte precamina nostris,
Communemque Patrem communi tangite voto,
Vt det Pastori sedem super æthera vestro.

Inuectio in Rolligerum.

OBSECO iam patcat tam sæpè venire veredus,
Per nimios vsus nimium sua verba veremur.
Viuant Prælati, pro quorum morte vagatur
Vultur edax, coruusque niger, volitansque veredus,
Necnon bubo canens dirum mortalibus omen.
Significant mortes, præsaganturque cadauer.
Sic rotulus semper mortem cuiuslibet affert.
Ergo sit à nostris penitus conuentibus exul,
Qui semper mortem, qui nunciat anxietatem.
Nam si sæpè venit, nummi mercede carebit.

En AVDEBERTVM dicit mihi nuper obisse,
 Et mundi solem sub nube delituisse.
 Quid facies Biturix tanto pastore perempto?
 Quid facies obito tu grex Abbate Dolensis?
 Arripe lamentum suffusus fletibus ora,
 Ambo patrono caruistis inæquiperando.
 Me quoque collegam gemitus superesse velitis,
 Cuius non sapiet vehemens querimonia finem.
 Participet lacrymis qui participavit amor.
 Confors viuentis, confors essem morientis.

Epitaphium.

PRO merito vitæ duplici donatus honore
 AVDEBERTVS erat vir sanctus, Præsul & Abbas,
 Pontificem Biturix, Abbatem Dolis habebat.
 Dictis & factis ambobus sufficebat.
 In sanctum modico corpus concluditur antro,
 Munere nunc duplici, duplici decoratus honore,
 Audeberte vale, sit pax tibi luxque perennis.

De eodem.

ILLA dies felix felici sole refulsit,
 Qua connexi sunt & Dolis & Biturix.
 Hæc geminæ sedes tandem pastore sub vno,
 Vnum sunt factæ post mala dissidia.
 Vrbs Audebertum Biturix in Pontificatum,
 Tunc Dolis Abbatem, mutuo vix rapuit.
 Pontificem factum per amicæ iurgia litis,
 Ipsum detinuit grex suus in quot erat.
 Hic Audebertus gemino perfunctus honore,
 Morti succubuit præditus hoc onere.
 Hic pausat sancti sanctissima gleba patroni.
 Tu Pater à superis sæpe reuise tuos.

De eodem.

AVDEBERTE pater, pater & sanctissime Præsul,
 Te Dolis ecce dolet, te dolet vrbs Biturix.
 His Pater, his Præsul, loca sic præfata regebas,
 Vt neuter vacuus esset amore tuo.
 Ecce iaces, corpus si sit cinis, ossaque corpus,
 In Domino requiem spiritus inueniat.
 Ipsum cuius in hac corpus tellure quiescit,
 Ditarat diues littera Pontificem.
 Abbas ipse Dolis, Biturix simul ipse Sacerdos,
 Vnus vtrique loco proderat & præerat.
 Huic Audeberto licet in iuuenilibus annis
 Curam communem mors inopina tulit.
 Hic igitur positum corpus fouet hoc monumentum,
 Omnipotens animam Pontificis foueat.

De eodem.

AVDEBERTE tuo Biturix pro funere marcet,
 In te quam vehemens amor excitat, & dolor arcet.
 Non tamen impetitur gemitu Dolis inferiore,
 Cuius grex in te nimio feruebat amore.
 Karus eras Abbas his, Archiepiscopus illis:
 Nam poteras plenius ambos refouere mamillis.
 Vadis, te Christo per idonea signa vocante,

A Et velut emerito tibi præmia digna parante.
Omni momento nostri patrone memento,
Et succurre gregi vitali morte redempto.

Item de eodem.

AVDITOR vatum, vatum moderator & ipse,
Præful Bituricas, Dolis autem Præful & Abbas.
Qui iuuenum proprios transcendens moribus annos,
Se iuuenem vouit Monachorum religioni.
Hic Audebertus solemni more sepultus
Dormit, qui vitam condigno fine sacrauit.
Nunc quoque cum Christo nos sæpè reuifat ab alto.

Super Reginaldum Clericum.

QVEM fouet hic tumulus RAINALDVS nomine, nulli
Nouit adulari, Clericus egregius.
Nemo fidelis plus vnquam fuit inter amicos,
Vtque tenor fidei nunc titulus sit ei.
Hic Andis tandem lacrymas in morte relinquens
Dormit in Christo, Christus & assit ei.

De eodem.

SECLA reformato gaudebant nostra Catone,
Donec Rainaldum promeruere sibi.
Acer enim verbis, & iustis actibus acer,
Omnibus exemplum sobrietatis erat.
Ad decus hunc morum ditarat littera multa.
Copia quam torrens extulit ingenij.
Ecce cinis Rainalde iaces, cui si quid adhæsit
Criminis, id purget gratia summa Dei.

De eodem.

SCRIPTA solent veterum mores efferre Catonum,
Mirandos nostris temporibusque suis.
At tua magna fides centum Rainalde Catones
Longè præcessit, iustitiæque tenor.
In factis alacer, in verbis promptus & acer,
Tu decus in Clero, tu decus in populo.
Ecce iaces modico Rainalde solutus in antro:
Omnipotens veniam det tibi cuius eges.

Super VVidonem.

GVIDO Hierusalem modicum post tempus iturus,
Mente gerens sanctæ munia militiæ:
Morte bona vir plenus opum, cadis anticipatus,
Natalisque soli redderis hic gremio.
Illa dies mensem quæ sextum sexta preibat,
Morte tua populum terruit Andegauum.
Nunc igitur VVido cœlestis sis duce Christo
Cuius Hierusalem pace locatus, amen.

Super Radulfum.

VIR diues multum, neque seruus diuitiarum,
Pauperibus largus, compatiens miseris,
RADVLFS iacet hic factus de diuite pulvis,
Andegavis olim copia consilij.
Morte tua Radulfe tuam dolor occupat urbem,
Vtque Deo viuas suppliciter rogitat.

Super Radulfum.

A

TERRA futurus homo quid inaniter ecce superbis,
 Quid sis Radulfus te docet hîc positus.
 Ciuibus Andegavis maioribus iste corquus
 Eloquio, sensu, cum locuplete penu.
 Quod tamen & multis largus diuisit egenis,
 Tunc homo, nunc fit humus, cui miserere Deus.

Item de eodem.

ANDEGAVIS populus casu concussus acerbo,
 Magnum conciuem flebilis hîc posuit.
 Hîc ergo RADULFE iaces, ditissimus olim
 Andegauæ plebis portio non modica.
 Tu tamen in Christo tua largiter exposuisti,
 Quod Deus & melius nunc tibi retribuât.
 Sol matutinus Maique dies duodenus,
 Heu! nimium properas intulit exequias.

In titulo Domus.

QVI fabricis inhians Romana Palatia laudas,
 Hoc potius lauda grande Ioannis opus.
 Hic sculptura decet, Saxorum conuenit ordo.
 Tantum laudatur Pictauis hoc opere,
 Quantum marmoreis laudatur Roma columnis.
 Hoc si quidem rerum copia fecit opus.

De eadem Domo.

NOSSB potest istas quisquis considerat Ædes,
 Quàm prudens, quàm plenus opum fuit ille Ioannes.
 Qui disponendo latomis sumptusque pluendo,
 Hanc statuit fabricam fabricis regalibus æquam.

Super Rainaldum Abbatem.

IN sibi dilecto requieuit Philosophia
 RAINALDO, quem vas fecerat esse suum.
 Hic igitur Sancti Cypriani floruit Abbas,
 Ecclesiam dirans ordine, rebus, agris.
 Penè loci quæcumque fuit possessio primum,
 Hanc duplicem peperit sollicitudo patris.
 Tandem Rainaldi pars promptior astra petiuit:
 Hic quæ terra fuit portio, terra fuit.

Super Benedictam reclusam.

HIC latuit multos BENEDICTA reclusa per annos,
 Contemplatiua læta quiete diu.
 Sponsa Dei, sponsique sui complexibus hærens,
 Inter complexus pace quieuit ouans.
 Hic modicus carcer, iocunda domus fuit illi,
 Hic modo gleba iacet, spiritus astra tenet.

Super Clarembaldum.

PRVDENS in causis, miles robustus in armis,
 Ingenuo natus sanguine, plenus opum.
 Nunc ex parte cinis hîc CLARENBAUDE quiescis,
 Tu dolor & gemitus ciuibus Andegavis.
 Spiritus astra colat, dum terram terra fouebit:
 Tandem possideas iam noua terra polum.

Super Vrbanum Papam.

VRBANVM Papam, quem Francia dixit ODONEM,
 Quæ regio tenerum protulerat puerum,
 Vitales auræ morientem deseruere,
 In quo sic Orbis lingua diserta ruit.
 Vt simili careat doctore superstite mundus,
 Hic igitur posuit flens sua Roma suum.

Super Regem Anglorum.

INDICE qui cælo, qui prælagante comete
 Anglos innumeris stragibus obtinuit:
 Qui Dux Normannis, qui Cæsar præfuit Anglis,
 Qui quasi mananti fonte profudit opes:
 Imperio pollens VVILLELMVS, coniuge, natis,
 Occidit, & simul hæc omnia deseruit.

Super supradicti filium.

NOBILITAS, regnum, prudentia, copia rerum,
 Tollere VVILLELMO non potuere mori.
 Belligerando pater Normannos vicit & Anglos,
 Ambos pacificè filius obtinuit.
 Heu fortuna grauis! dum ceruos insequeretur,
 Intercepit eum iacta sagitta feris.

De eodem.

QVI Regum magnus fuit admirabilis Orbi,
 Qui probitate sua Réxque Comésque fuit.
 Consul Normannis, Rex Anglis, filius eius
 Anglos Normanno milite qui domuit:
 Dum ceruos agitat, socij stridente sagitta
 VVILLELMVS cecidit, Rex fuit, ecce cinis.

Item de eodem.

QVI legis hunc titulum, subtus agnosce sepultum
 Anglorum Regem nunc modicum cinerem.
 Hic VVillelme iaces, VVillelmi filius, Anglos
 Qui ferus ense fero belliger edomuit.
 Dum sequeris ceruos, alter quoque destinat ictum,
 Ceruo directam passus es ipse necem.

Item de eodem.

SVB cuius nutu tremuit Normannus & Anglus,
 Qui locuplete manu sæpè pluebat opes:
 A patre VVillelmo neque re neque nomine distans,
 Qui Consul, qui Rex inclytus extiterat:
 Morte noua ceruis intensum pertulit arcum,
 Hac quoque magnus homo subcineratur humo.

Super Ramnulfum.

MAGNE pater RAMNVLFE senex, reuerende Sacerdos,
 Virtutum thalamus, cella Dei locuples.
 Postquam vicisti tota probitate malignum,
 Protinus ad superos carne solutus abis.
 Hic tua magne senex solemniter ossa quiescunt,
 Et datus est tumulus ossibus iste tuis.
 Spiritus ecce tuus gaudens super astra perannat,
 Tu pater à superis sæpè reuise tuos.

ALTER Tobias Ramnulfus tempore longo
 Amissis oculis mentē Deum coluit.
 Pauperibus faries, lassis requies, via lapsis,
 Presbyter ipse fuit victima grata Dei.
 Thuris odor gratus thuris quoque more crematus,
 Dans animam cœlo reddidit ossa solo.
 Hic Ramnulfe iaces solemnī more sepultus,
 At plus solēnis viuis in arce poli.

PERPES lamentum mors contulit Andegauinis,
 Martellum iuuenem cū tulit à superis.
 Tempora reddiderat Princeps bonus aurea mundo,
 Bellis sedatis secula pacificans.
 Dum pacem læsam rursus sanare laborat,
 Intentum paci sœua sagitta ferit.
 Hic Martelle iaces, Martelli nobilis hæres.
 Res à Marte quibus digna dedit titulum.

PACIS amator eras, & eras sic pacis amator,
 Hector vt ipse tamen belliger extiteris.
 Ipse reformabas tempus, gentēque rogatam,
 Si modò vixisses Octavianus eras.
 Subiectis parcens, & colla superba refrenans,
 Principis egregij culmen adeptus eras.
 Sœua sagitta tuos successus anticipauit,
 Quam clam direxit proditor architenens.
 Martia Martellum te fecit causa vocari,
 GOSFREDVM verò nominis impositi.

B

Hic pausat virgo, quæ scilicet innuba Christo
 Nupsit, sponsa Dei, nescia coniugij.
 Pectore constanti CONSTANCIA nomine fulsit,
 Præclaro patrum stemmate nobilium.
 Ipsius pectus ditauit litera diues,
 Vt potuit credi dia Sibylla tibi.
 Ecce sub hoc tumulo cinerascit mortua virgo,
 Eius ad astra volans spiritus alta colat.

C

POST Lugdunensis Præsul prius HVGŒ Diensis,
 Magnus Romanæ filius Ecclesiæ.
 Quem sibi Legatum Romanus Papa rogauit,
 Ad Synodum veniens, prohi dolor! occubuit.
 Virtutum cellam, diuini nectaris aulam,
 Hac tumulauit humo Segusiensis homo.
 Lætatus Iustus hospes bonus hospite tanto,
 Quem Deus eximium misit ei socium.
 Lugdunum luge, solemnīa Conciliorum
 Occubitu Patris occubuere tibi.

INSCRIPTIONES SVBNOTATIS DEFUNCTIS COMPETENTES.

Super Ioannem Dolensem Archiepiscopum.

SPLENDIDVS ex atavis, atauorum splendor & ipse,
 Gente Britannus homo conditur hoc tumulo.

A

Hic armis, patriâ, natis cum matre relictis,
 Dux modo, continuò de Duce fit Monachus.
 Metropolitanz Sedi, quia vixit honestè,
 Cui Dolus est nomen, Præsul hic eligitur:
 Vt quibus extiterat Consul, de Consule Præsul,
 Præsul quàm Consul consuleret melius.
 Ad Papam venit, sacrari poscit ab ipso:
 Quod dum differtur in Domino moritur.
 Ponitur hic cultor & Religionis amator,
 Quémque dolent Britones sancta Sophia fouet.
 Si quæras nomen, nomen sibi scito IOANNEM,
 Sique diem morris, da decimam decimi.

Super Ghillelmum de Monteforelli.

B

AGGREGAT absque mora non extricabilis hora
 Seruos nobilibus, & pueros senibus.
 Quòd si nobilitas posset producere vitas,
 Nobilitante domo non moreretur homo.
 Heu! VVILLELME satis fuerat tibi nobilitatis,
 Attamen à superis nobilis abstraheris.
 In modica fossa sunt magni stemmatis ossa,
 Artus ingenuos hæc habet ossa tuos.
 Si quem læsisti, si quid malè promeruisti,
 Christus adesto tamen; pace fruaris, amen.

Super domnum Berengarium.

TOTA Latinorum facundia marcida floret,
 Dum BERENGARIO Turoni viguère magistro.
 Porro Latinorum facundia florida marcet,
 Inuida fors Turonis vbi tantum lumen ademit,
 Clauditur in Iano tibi doctor ianua vitæ,
 Vel magis in Iano patuit tibi ianua vitæ.
 Ea tua magne senex iacet hoc sub fornice gleba,
 Ad reditum propriæ suspirans conditionis,
 Promittatque licèt veniam tibi spes meritum,
 Hanc tamen acceleret lector pia vota vouendo.

De Frodone Andegauensi.

C

QVOD de quadruuio norat triuioque Latinus,
 Id totum Frodo pleniter audieras.
 Sollers auditor superaras penè Latinos,
 Cùm te morte graui perculit hora brevis.
 Raptus ab Andegauis, tumulisque sepultus in Anglis,
 Anglos Andegauo puluere lætificas.
 Frodonis cineres Angli reuerenter habete,
 Ac votis animam lætificate suam.

Item de eodem.

FRODO quid prodest te nosse profunda librorum,
 Nocte dièque tuus tritus Aristoteles?
 Fabula Nasonis tibi quid tot adhæsit in annis?
 Quid tibi nunc Cicero, Stadius, atque Maro?
 Hæc tibi Frodo simul spondebant aurea secla.
 Attamen ista simul abstulit atra dies.
 Sacra fames auri te duxit ad Anglica regna,
 Littera multa lucri spes tibi multa fuit:
 Indigetis corpus iubet Anglis flebilis Andus,
 Lectores iubeant cœlicolis animam.

Y iij

Item de eodem.

A

FR O D O labor magnis te vatibus æquiperarat,
 Quem modo mors vmbre quæ fugit æquiperat.
 Exul ab Andegauis peragraras impiger Orbem,
 Litterulas rapiens, atque vacans studiis.
 Aurea te tandem spes inuitauit ad Anglos,
 Quò te spemque tuam mors inopina tulit.
 Frodo te plangent studiis quicumque vacabunt,
 Quorum dum moreris portio summa ruit.
 Mortuus ecce iaces factus de puluere puluis.
 Quæso propitius sit tibi Frodo Deus.

Super Petrum Dolensem Priorem.

P E T R E Prioratus decoratus honore Dolensis,
 Prouidus in factis, Ordinis ipse rigor.
 Postquam Pontificem superaras Biturigensem,
 Hunc enitentem dilacerare locum:
 Pace reformata, re Fratrum multiplicata,
 Tandem præpropera morte grauatus obis.
 Mors peperit lacrymas nobis tua perpetuandas,
 At specialis amor sedula vota rogat.
 Iste lapis Petrum fouet, heu! heu! iam cineratum:
 Christe lapis viuus tu foueas animam.

B

Item de eodem.

I V R E priorarat te cœtus Petre Dolensis,
 Namque sibi probitas te tua prætulera.
 Prædictum Biturix Richardus ouile fatigans,
 Succubuit victus ex probitate tua.
 Emeliorasti subiectos, ordine, rebus,
 Pollens consilio, præditus eloquio.
 Ecce lapis nostrum tegit hic pro corpore Petrum,
 Tu verò foueas omnipotens animam.

Item de eodem.

P E T R E Decanus eras, & eras Petre iurè Decanus,
 Namque ut debueras omnibus omnia eras.
 Te grauitè Fratres lugent obiisse Dolenses,
 Quorum res nimio munieras studio.
 Taliter obstiteras Richardo Biturigensi,
 Præsul ut ipse tuo cesserit eloquio.
 En Petre suffossum tabescens incolis antrum.
 Spiritus alta petens incolat astra tuus.

C

De Canonico sine proprio.

R A I N A L D V S Cleri vernans rosa Pictauiensis,
 Facundus, verax, Religionis amans.
 Qui promulgauit tibi primus Pictaui tellus
 Canonicam, quæ nil proprietatis habet,
 Tam benè dispositæ consummans tempora vitæ,
 Exanimis tandem subditur huic tumulo.
 Cuius spiritui sis mansio summe Sacerdos,
 Atque Sacerdotis Christe memento tui.

De Godefrido Remensi.

I O C V N D V S magnæ thesaurus philosophiæ,
 Magnaque Musa perit, cum Godefredus obit.

A

Iste decus Cleri, Sol alter idoneus Orbi,
Orbi sufficeret, viueret ipse diu.
Sed mors effrenis super hunc sua frena grauauit,
Et iubar à superis inuida grande tulit.
Remis habet corpus, animæ sit mansio cœlum,
Diuitibus diues ossibus vrna vale.

Item super eundem.

ORBI deflendus tamen & specialiter vrbi
Quam Remis dicunt, hîc Godefrede iaces.
Præcipuè Cleri lacrymis comitatus opimis,
Hîc tandem matris redditus es gremio.
Remensis populi Clerique lucerna Latini,
Omnibus extorques dum moreris lacrimas.
Gallia te tanto complexabatur amore,
Vt doleat se non occubuisse simul.
Nunc igitur pedibus quibus ire licet gemebundæ,
Te comitatur adhuc planctibus & precibus.

Item de eodem.

B

QVEM tegit iste lapis non Tullius æquiperaret,
Si tamen eiusdem temporis ambo forent.
Hunc etenim vatem sapientia tanta replebat,
Vt benè Romuleis antefuisse putes.
Denique tantus erat quantos vulgata per Orbem
Fama volans fecit, quos libet esse viros.
Mortis liuor edax hunc, proh dolor! abstulit Orbi.
Heu! scrobe sub modica nunc Godefrede iaces.
Diuiuos cineres genitrix sua Remis habeto,
Tu quoque Christe suæ mansio sis animæ.

Item de eodem.

QVÆ natura potens vix omnia contulit vlli,
Omnia contulerat hæc Godefrede tibi.
Formam, diuitias, mores, monimenta nepotum,
Discretum pectus, ingenium locuples.
Os par ingenio, studij florentis amorem,
Nec tamen ista tibi cuncta tulere mori.
Egregios artus en paruula continet vrna,
Remis te genuit, te quoque Remis habet.
Vrbs venerare tuum felici puluere felix,
Ciues conciuem cœlicolæ foueant.

Item de eodem.

Hos apices donec obliteret ipsa vetustas,
Aut inimica manus celebri rélegetur honore,
Ille Godefredus, quem lucida Musa secundum
Nasoni peperit, quem littera multa repleuit,
Ecce perennis adhuc Godefredum fama perennat,
Atque perennabit dum fama volare valebit.
Remis eum genuit, & Remis eum sepeliuit:
Terra colit terram, sed spiritus incolat astra.

Super Alexandrum Turonensem.

FLETVS innumeros cùm mors ingesserit Orbi,
Fletus maiores ingerit ipsa modo.
ALEXANDER enim iuuenum specialis honestas,
Intempestiua morte grauatus obit.

Nondum bis denos adolescens vixerat annos,
 Cùm rosa formosa marcuit à quod erat.
 Canonicus Turonensis erat puer indolis altæ,
 Flos olim roseus, nunc cinis est luteus.
 Sique sibi maculas species attraxit & ætas,
 Tu tamen indulge Rex vtriusque dator.

Super eundem.

CVM titulos multis dederit mea cura sepulchris,
 Nullum flebilius quàm dedit hunc titulum.
 Alexander enim luctus generaliter Orbi,
 Præcipuèque suis flos iuuenum iacet hîc.
 Cuius plus iuuenum cedebat forma decori,
 Quàm saluoca rosæ, quàm citifus violæ.
 Tandem defuncti sic marcida colla videres,
 Tanquàm stipitibus lilia trunca suis.
 Hunc plorat Clerus Turonensis, plorat & omnis
 Ætati quisquis compatitur teneræ.

Item de eodem.

QVICOVID maioris potuit natura decoris,
 Illud Alexandro contulerat pariter.
 Contuleritque licet quæcumque decora putantur,
 Mortuus attamen est. ecce cinis iacet hîc.
 Supra quindenos vix quatuor attigit annos,
 Illi cùm pariter omnia mors rapuit.
 En fœtet vilis speciosæ gloria carnis,
 At Deus indulge quod malè promeruit.

Item de eodem.

QVI pròperus properas præsentis ad atria templi,
 Sta si nosse cupis quem tegit iste lapis.
 Hic Alexandri cuiusdam gleba quiescit,
 Quem mundo species vnica prætulera.
 Hic inter iuuenes quasi conspectissima stella
 Gratus erat Clero, gratus erat populo.
 Hic cùm bis denis vel circiter esset in annis,
 Tactus sole graui flos tener occubuit.
 Qui legis hos apices, si compateris cinerato,
 Dic orans, tenere parco Deus puero.

Super Guillelmum Engolismensem Episcopum.

NOBILE nobilium specimen, GVILELME, decusque,
 Proh dolor! hîc properâ cineratus morte quiescis.
 Ordine Præsul eras, atavorum sanguine Consul,
 Prouidus in factis, nulli sermone secundus.
 Engolisma dole tanto viduata patrono,
 Langues ecce tui moderamine Præsulis orba.
 Interitum timeas, dempto moderamine langues,
 Huic siquidem nullum non nescis æquiparandum.
 Vrbs tamen infelix artus venerare paternos.
 Dic quoque, transcendat GVILELMI spiritus astra.

Super Erilandum.

LITTERA quem diues magnum iubar extulit Orbi,
 Orbi descendus hîc ERILANDE iaces.
 Magne senex, lingua pariter iocundus & actu,
 Sufficeres Orbi si diuturnus eras.

A Nec mors, nec senium quenquam nocuisset, vt ipse
Nescisses mortem taliter aut senium.
Sed quoniam commune mori est, & labitur ætas,
Parcatur lacrymis, sitque locus precibus.
Dum te terra fouet tua molliter ossa quiescant,
Sit quoque cum Christo pax Erilande tibi.

Vt supra super Petrum Priorem.

MORS velut effrenis ruptis bacchatur habenis.
Tollit enim iuuenes, tollit & ipsa senes.
Sed quicquid tulerit, quæcumque nefanda patrarit,
Est feriendo PETRUM grandius ausa nefas.
Iste quidem Petrus & Cœnobita Dolensis,
Eiusdémque domus ipse Decanus erat.
Qui prudenter agens domui sic præfuit illi,
Defuncto vt viuas viuis agat lacrymas.
Hic modo Petre iaces, si sint Petrus ossa cinisque,
Mansio spiritui sit domus ampla Dei.

Super Geraldum Aurelianensem.

B EGREGIUS Doctor magnusque Sophista GERALDVS,
Ecclesiæ robur, Cleri populique columna,
Spes pupillorum, vir munificus viduarum,
Aurelianorum lux & specialis honestas.
Vir cani capitis, morum moderamine pollens,
Cui nihil à sensu tulit antiquata senectus.
Tandem communis contactus imagine mortis
Exuit hoc quod erat, datur hic sua portio terræ,
Spiritus in tenues viuens elabitur auras,
Cui tamen è rebus lutulentis si quid inhæsit,
Expiet id totum clemens miseratio Christi,
His precibus lector amen adiuciendo faueto.

Super Odonem Abbatem Engeriacensem.

C QUI properus transis huius monimenta sepulchri,
Vt relegas titulum comprime quæso gradum.
Hic iacet Abbatum decus & specialis honestas,
Pauperibus saties, indigus ODO sibi.
Qui pietatis amans, Monachorum forma, decenter
Ingeriacensi profuit Ecclesiæ,
Tandem pace bona sopitus morte quieuit,
Ecclesiæ robur, Ordinis ODO vigor.
Qui legis hæc duo fac Odoni, fac pia vota
Deque metu mortis sollicitare tibi.

Super Radulfum Pictauensem Archidiaconum.

ARCHIDIACONI perfunctus honore decenter,
Consilium plebis, lux Cleri Pictauensis,
Quem satis egregiæ ditarat summa sophiæ,
RADVLVS iacet hic factus de puluere puluis.
Pictauis vrbs luge tanto viduata ministro.
Tunde dolens pectus, laceros tibi diripe crines,
Dummodo persona careas huic æquiparanda.
Nec tamen in lacrymis vnquam tua vota coërce.
Spiritus vt veniam Radulfi promereatur,
Id puer, idque senex lector quoque poscat idipsum.

BALDRICI ABB. BVRGVLIENSIS

Super Præsulem Durandum.

NOMINE DV RANDVS iacet hîc Præsul venerandus,
 Quem commendauit vita benigna Deo.
 Exequias celebres, quæ forma fuere triumphî,
 Dispensauit ei gratia summa Dei.
 Vrbanus Synodo generali Papa vocata,
 Patres bis centum mouit ad obsequium.
 Tertia quæ decimam lucem præit ante Decembrem,
 Vitæ præsentis lumen ademit ei.
 Aruernis sanctos cineres reuerenter habeto,
 Atque patrocínio tutior esto suo.

Super eundem Durandum.

TEMPORIBVS luteis vir magnæ strenuitatis,
 Aurea Durandus secula restituit.
 Aruernis Præsul dignissima Præsule fecit,
 Fecit digna Deo religiosus homo.
 Ipsius exequias dicas similasse triumphum,
 Et dispensantis signa fuisse Dei.
 Affuit Vrbanus centeno Præsule septus,
 Abbatum verò maior erat numerus.
 Tertia cum decima tunc lugubris ante Decembrem,
 In reditu luctus est modo festa dies.

Super Comitem Pictauiensem.

GLORIA si mundi pareret monimenta fideli,
 Nulli commodius quàm tibi Dux pareret.
 Vir generosus eras, decus Orbi, Dux Aquitanis,
 Hosti terribilis, ipse Pater patriæ.
 Sed tibi sit titulus GVILELME, tuumque sciatur
 Istius Ecclesiæ quâ sepeliris opus.

Super militem iuuenem.

NVLLI GOFREDVS genio formæve secundus,
 Intempestiua sopitus morte quiescit.
 Plus animo validus quàm possent membra tenella
 Militis, ante dies assumpsit militis arma.
 Dormiit in Christo puer altæ nobilitatis.
 Non quindennis erat, sed erat quindennis vt esset,
 Si ter quinque dies sibi viuere plus licuisset.
 In Maio vernante rosa, rosa marcuit ista,
 Quinta dies à fine diem sibi clausit & annos.
 Hunc commendatum sibi continet hoc monumentum,
 Goffredusque suis lacrymabile fit monumentum.

Super Elpem Comitissam.

Non dempsit metas tibi mortis forma vel ætas,
 Vel proaui Reges, quæ sic tibi fata locarant,
 Elpes vt neutrum Reginam dedecuisse.

Super Burchardum bonum militem.

SI centum linguas pro te BV RCHARDE mouerem,
 Non possem laudes æquiparare tuas.
 Nam tibi nullius virtus erit æquiparanda,
 Quantoscumque tamen carmina magnificent.
 Tu Taurinenses solus sic edomuiisti,
 Vt te crediderint mille fuisse viros.

Agnetis

A Agnetis viduæ tutor, domitorque reorum,
Corruis vxoris vltor adulterij.
Quod genuit Turonus hic pausat nobile corpus,
Spiritu vero sit domus in Domino.

Iterum super eundem.

Si quis Achilleos mirando recenscat actus,
Actus Burchardi pluris habens recolat.
Corporis aut animi nulli virtute secundus,
Viueret ipse diu, Iulius alter erat.

.....
.....

Item de eodem.

QUICQUID multarum natura potens probitatum
Diuisit multis, constituendo probos:
Id BURCHARDE tibi dederat benè prodiga totum,
Heroas in te quosque simul replicans.
Quicquid sunt alij sortiti particulatim,
Tu totum solus pleniter assequeris.
Prouidus in verbis, robustus & acer in armis,
Causidicus Cicero, belliger Hector eras.
At dum pro paruo Turonus ducis dominatum,
Ad Langobardos fulmineus properas.
Quam gentem verbis tibi dum subiungis & armis,
Gentis & vxoris proditione cadis.
Ecce nihil de te superest nisi puluis & ossa.
Pax tibi, bella quidem causa fuere necis.

Super Raherium audacissimum.

INSCRIBI tumulis Heroum facta solebant,
Vt quanti fuerant posteritas legeret.
Sed tua deberent speciali facta RAHERI
Inscribi calamo, nam specialis eras.
Nam natura tibi nullum sic æquipararat,
Omnibus vt solus præfueris Ducibus.
Insidiosa latus tibi lancea fodit vtrumque,
Militibus tutor dum cupis esse tuis.
Felix vrna foue qui vultum terruit Orbem,
Nec sit ei terror corporis aut animæ.

Super eundem.

ALITE filus equo properus dum fulminat hostes,
Se scutum præbens auxiliare suis,
RAHERIVS cecidit, quo non audacior vllus,
Hostili telo fixus vtrumque latus.
Emisit flatum subito cum sanguine mixtum,
Exemplum factus lugubre militibus.
Militiæ grauitè stipendia sæua remisit,
Propter quam corpus contulit atque animam.
Quod si sponsa Dei sponso pro talibus audet,
Et pro Raherio supplicet ipsa Deo.

Sicut supra.

RAHERIVS miles fortis velut alter Achilles,
Dispar in nullo laudibus Hæcoreis.
Quem natura potens toto decorarat in Orbo
Militiæ titulis & probitate sua.

BALDRICI ABB. BVRGVLIENSIS

Militis vnus, heu! mortuus occidit ictu,
 Tam graue mercatus militiæ reditus.
 Militibus superest pro tanto milite planctus,
 O vtinam lacrymæ proficiant animæ!
 Magnanimum modicæ corpus committitur urnæ,
 Spiritus inueniat quàm meruit melius.

Item super eundem.

ROBVS TVM pectus, flauusque per ora capillus,
 Et gena pubescens, rarus & annus adhuc.
 Viuendi leuiter tibi causa fuere Raheri,
 Viuendique diu spem tibi contulerant.
 Nulli contulerat potius natura cor audax,
 Atque manum validam quam tibi contulerat.
 Militis vnus totum simul abstulit ictus,
 Quippe coëgit te morte mori subita.
 In modico tandem puluis modo clauderis antro,
 Notus namque Deo nunc locus est animæ.
 Quod si vota fides audax pro talibus offert,
 Offerat & pro te vota benigna fides.

Ad scutum eiusdem.

A domino viduata tuo iam parma quiesce,
 Cui par RAHERIO nullus erit dominus.
 Viue, dies festos longum visura per æuum,
 Nam metuenda quidem lancea nulla tibi.
 Nam si Raherius vel par sibi viueret vllus,
 Non deberentur otia tanta tibi.
 Mors eius requiem, faceret tibi vita laborem.
 Sed labor ille tibi dignus honore foret.
 Posterior nunquam, prior ires semper in hostem,
 Cedere nec scires anxia, nec fugeres.
 Qui te conspiciant pro tanto milite plorent,
 Túque diu valeas in titulo posita.

Super quem oueneris.

QVI supra vestros legitis lamenta sepultos,
 Quinque minora premi casu lugere soletis,
 Et mihi dilapso fletus infundite vestros.
 Consul eram magnus, patriæ pater hostibus hostis,
 Nomine GVILLELMVS, vitæ status omnibus omnis.
 At nunc extremâ, ceu singula, sorte potitus,
 Occubui non lege mea, sed lege iubentis,
 Omnia cuius lex aliud demutat in esse.
 Hei mihi! nunc lector nil plus de Consule restat,
 Quàm quod ego feci tua vota quod emeliores.
 Hoc nunc inclusus sub fornice lege sepultus.
 Qua sepelitur homo communi lege resurgam.

Super Osannam.

LECTOR quid fuerim, quid sum si forte requiris,
 Nata puella fui, sum modo facta cinis.
 Coniugio faui tantummodo proles amore,
 Occubui decimum dum parerem puerum.
 Nec puer antiquo nascendi nascitur vsu,
 Czsa matre quidem filius extrahitur.
 Causaque nubendi mihi causa fuit moriendi.
 Consulix vxor ego, nomen OSANNA mihi.

A Sed quid honor, quid opes, quid prolis copia prodest?
Christe mihi prosis, tu mihi mansio sis.

Super Guidonem.

EXVL ab vrbe mea dum me velut effugientes
Insequor ipse libros, dùmque vaco studiis.
Proh dolor! incubuit mihi lamentabilis hora,
Quippe superuenit mors inopina mihi.
Ecce sub hoc tumulto cineratus corpore pauso.
Spiritus obtineat quàm meruit melius.
Me tamen & fidei tenor, & confessio culpæ,
Quandòque securum de venia faciunt.
Quod tamen expecto poterit mihi turba legentum,
Et votiua simul præproperare cohors.
Ciuis eram Turonensis ego de nomine Guido,
Gentis Patriciæ, me modo Remis habet.

Super Iohannem.

B INTEMPESTIVA moritur dum morte IOHANNES,
A mortis sæuo soluitur imperio.
Nam potius viuit qui sic obiisse videtur.
Nulla voluptatis techna cohæsit ei.
Ætas ipsius vix annum dimidiarat,
Ipsa dies lauacri mortis & ipsa fuit.
Profuit ergo sibi tantummodo gratia Christi,
Quæ tamen & iustè præuenit immeritos.
Ergo lætandum satis est in morte Iohannis,
Qui nullis moriens indiguit precibus.

Super Odonem puerum.

VRNA brevis modicusque lapis superadditus urnæ,
Signant materiam quod foueant modicam.
Quod premit iste lapis pueri sunt ossa tenelli,
Si tamen vna satis duruit ossa dies.
Penè fuit natus puer hic simul atque renatus,
Viuerè vix potuit, moxque mori meruit.
Quod tamen imposuit nomen propterantia mortis
His pateat signis: OTTO puer iacet hic.

Super Burchardum iterum.

G ROMVLEOS Turonus liqet exuperauerit actus,
Militiæ titulis & probitate sua:
Tu BURCHARDE tamen Turonenses exuperabas,
Militiæ titulis & probitate tua.
At Longobardæ dum tandem proditi
Occurris vindex, persecerisque reos.
Hostibus atque reis te prodit adultera coniunx,
Sicque cadis modico vulnere magnus homo.
Corpus magnanimum modo contegit hoc monumentum,
Spiritu verò parce benigne Deus.

Super Troilum.

NULLA fit immunis ætas à vulnere mortis,
Hic iaceo iuuenis Troilus exanimis.

Super Rainaldum Remensem Archiepiscopum.

REMONSI populo lumen firmamque columnam,
RAINALDVM Christi gratia contulerat.
Hic quoque Martini sublatus ab Æde beati,
Remensi multum profuit Ecclesiæ.

Tom. I V.

Z ij

Hunc mors in tanto florentem Pontificatu
Attigit, & vacuum fecit item cathedram.
Pupilli ciues pro tanto Præfule flentes,
Corpus Pontificis hîc posuere sui.
Hic populus glebæ dignos dispensat honores,
Dispenset veniam cunctipotens animæ.
Hunc duodena dies Februi præcunde Kalendas,
Destituit mundo, substituitque polo.

In rotula de Guillelmo Abbate.

GVILLELMVS quoniam verum properauit ad esse,
Ad non esse licet sit visus primitus ille.
Si tamen & properans properauit tramite recto,
Omnibus Ecclesiæ gaudendum censeret amicis.
Si verò læsit properantem quilibet error,
Poscat ei veniam pia Fratrum sollicitudo,
Quæ votiua Deum supplex & sedula pulset.
Diximus ergo sibi, Guillelmo parce Redemptor,
Vt nostris itidem concedat, dicite nobis,
Vt procul absentes oratio mutua iungat.

In rotula de Adam Abbate.

HÆC desolatis solatia Burguliani,
Profluit ex Adam quod vester pertulit Adam.
Sed quasi pro nihilo fieret de morte querela,
Præsertim cum sit mors Christi nostra medela.
Nec deerit medicus nisi desit cui medeatur.
O felix morbus mors Christi cui medicatur.
Vos quoque luxistis quia Patre bono caruistis.
Nimirum Patri plus quam vobis doluistis.
Nec mirum, lacrymas extorsit viscus amoris.
Sed cadat iste dolor: Deus est medicina doloris.
Patri consulite pia pro Patre vota vouendo,
Necnon & vobis iam de Patre substituendo.

De Magistro suo planctus.

DOCTORVM Speculum Doctor amande,
Maiorum titulis æquiparande,
O HVBERTÆ tuis vir venerande,
Immolo perpetuas exequiis lacrymas.

Mors tua dura mihi.

Ablato mihi te, quæ mihi gaudia?
Gaudendi subiit deficientia.
Lugendi datur, heu! pessima copia,
Et perpes querimonia,

Væ mea vita mihi.

Hubertus patriz cura paternâ,
Magduni cecidit clara lucerna.
Ex quo mœsta mihi lux hodierna,
Vix aliquando scio quid faciens facio.

Mors tua dura mihi.

Vrit nostra dolor corda medullis,
Vix rarus recreat viscera spiritus.
Huberti gemitus causa fit exitus.
Hinc est creber anhelitus.

Væ mea vita mihi.

Quo nos alter ego, sed magis idem
Hoc vniuit amor fœdere pridem,

A

Nec forti modò mors subdit eidem.
 Effet obisse mihi gloria, téque frui.
 Mors tua dura mihi.
 Ex quo cum lacrymis plus ego lugeo,
 Hinc plus ipse quod est res noua gaudeo.
 Quanto displicuit res lacrymarum,
 Tanto triste placet pondus earum.
 Displicet atque placet illud, vtrumque placet.
 Væ mea vita mihi.
 Singultus peperit carmina lubrica.
 Haut arcent elegos claustra poëtica.
 Te doctòr replicat nostra querela,
 Hunc morbum leni ait nulla medela.
 Mors mihi te tibi me compositura placet.
 Mors rogo fera veni.

De Gerardo Laudunis surrepto.

B

TANTVM GERARDVS laudes dum laudibus auxit,
 Quod dignum magnis laudibus Andus habet:
 Quantum doctòrnis Ciceróque, Maróque Latinis,
 Nam nobis alter fulsit Aristoteles.
 Lux & laus Cleri, Sol qui suffecerit Orbi,
 Orbi quadruuium protulit & triuium.
 At fortunatus fuit Abbas Burgulianus,
 Qui sibi Gerardum vendicat in proprium.
 Lausdunus obiit, sed viuit Burgulianis,
 Vtque diu viuat iam redimunt precibus.
 Hunc igitur terræ speciali mandet honore,
 Quisquis defuncto corpore diues erit.

Item de eodem.

C

VBERIBVS Manegaude tuis lactatus abundè
 Tempore posterior, penè legendo prior:
 Atque tuis sinibus abstractus venit ad Andos,
 Ardua Gerardus planaque dicta gerens.
 Laude sua laudes Lausduni multiplicauit,
 Artes exponens commoditate leui.
 Hunc quoque Lausdunus inuidit Burgulienfis,
 Et quibus inuidit blandiloquus rapuit.
 Iam nunc Gerardus pauset cum Burgulienfi,
 Donec mandetur alteruter tumulo.
 O vtinam neque mors neque casus separet ipsos,
 Donec nigrescat primitus albus olor.
 Et donec pennis coruus niger euolet albis,
 Lausdunum refluus donec eat Ligeris.
 Et donec querulæ fileant valeántque cicadæ,
 Et noceat senium siue dolor neutrum.

Ad eundem vt Monachus fiat.

IPSE locum noui qui floridus ocia gignit,
 Libros & cartas & cuncta studentibus apta.
 BVRGVLIVS locus est, & Cambio dicitur annis
 Flumine perpetuo qui vitreus irrigat hortos,
 Hócque loco locus est à turbis penè remotus.
 Qui tutat Fratres à sollicitudine mundi,
 Et fouet in gremio diurnos pacis alumnæ.
 Prata virent iuxta, quibus est contermina silua.
 Hunc emat, hunc redimat quisquis probus esse laborat.

Tom. IV.

Z iiij

Super Abbatem Siluæ maioris.

A

CVM pro defunctis soleant orare fideles,
 Proque sibi caris perpetuent lacrymas.
 Pro patre GERALDO nihil est vtriusque necesse,
 Qui cœli ciuis incola vixit humi.
 Siluam maiorem Monachis Dominoque dicauit,
 Exul sponte sua finibus à patriis.
 Francia natalis sibi sorduit, hancque reliquit,
 Siluestres saltus Burdegalæ veniens.
 Pullulat ecce polo siluestris terra colonos,
 Quæ per Geraldum floruit agricolam.
 En felix anima cœli lætatur in aula,
 Artus hîc positi lætificent populos.

Item de eodem.

SILVÆ maioris iacet hîc sanctissimus Abbas,
 Abbatum splendor, & Monachile decus.
 Hic siluas coluit, Christoque noualia fecit,
 Vt salunca rosam, poma salix generet.
 Iste locus primùm siluestris & effera tellus,
 Ipsius exemplis est modo porta poli.
 Vir cani capitis, vir perfectæ probitatis,
 Cœlorum ciuis dormiit in Domino.
 Plebs Aquitana Patris corpus complectere tanti,
 Qui tibi viuit adhuc Religionis odor.
 Gallia congaude Geraldo quem genuisti,
 Ac cineres sanctos hîc venerare suos.

B

Item de eodem.

MENTE columbinus, zeli feruore seuerus,
 Alloquio dulcis, moribus egregius.
 Pauperibus largus, sibi parcus, fronte serenus,
 Cunctis compatiens pectore largifluo.
 Abbas Geraldus iacet hic pro carne sepultus,
 Liber enim cœlos spiritus obtinuit.
 Gallica plebs genitrix plebi dedit hunc Aquitanæ,
 Et siluas veteres Burdegalæ coluit.
 Qui tantum terræ, genti quoque profuit illi,
 Vt modo gens per eum terræque fructificet.
 Ossibus hic locus est diues decoratus opimis,
 Profit honor populis ossibus exhibitus.

C

De eodem Abbate.

ALBA columba Dei maculis rugisque remotis,
 Quem nocuit culpæ nulla nigredo suæ.
 Miles vt emeritus ad Regis præmia raptus,
 Spiritus Abbatis vendicat astra sibi.
 At qui de terra cinis est adiunctus eidem,
 Hac requiescit humo iure vocatus homo.
 Hic natale solum, quod erat sibi Francia dulcis,
 Vltro deseruit ponè sequens Abraham.
 Siluæ maioris probus hospes & incola primus,
 Hos tenuit saltus excoluitque Deo.
 Nomine Geraldus vir strenuus alta sitiuit,
 Hîc pausat corpus, spiritus alta tenet.

De eodem Abbate.

PRVDENS vt serpens, simplex Geralde columba,
 Angelicus specie, gratus olor capite.
 Vir leo zelando, supplex agnus patiando,
 Mitis, mansuetus, religione probus.
 Hanc vbi diuino domuisti vomere terram,
 Ad te collectis Fratribus innumeris:
 Tandem communis contactus imagine mortis,
 Das animam cœlo, membra soli gremio.
 Ora pro nobis Geralde Pater reuerende.
 Non opus est pro te nos aliud petere.

Audeberto Cenomannensi Archidiacono.

CENSEO famosis te vatibus æquiparandum;
 Quamuis præniteas re, fama, vatibus ipsis,
 Nec tu dissideas à commoditate Maronis. ---
 De Berengario Turonensi pauca loquutus,
 Es nobis visus nisi fallor magnus Homerus.

Ad Comitum Stephani fratrem.

LAMPADIS OS PHILIPPE vale, puer indolis altæ,
 Lux olim Cleri clara futurus aue.
 Me tibi quem præfert gradus & prouectior ætas,
 Ad te compellit scribere solus amor.
 Scribo quod puero surgenti profore possit,
 Quodque dies nostros quodque gradum deceat.
 Tu quod cudit amor, quod amici more paciscor,
 Sic vt amicus habe, solus habendo lege.
 In triuiis siquidem nolo mea dicta vagentur,
 Nemo nisi infelix inuidiâ caruit.
 Sicut nobilitat te linea sanguinis altæ,
 Sic quoque te morum linea nobilitet.
 Subditus esto libens virgæ manibusque magistri,
 Dum vacat, assiduus disce, reuolue libros.
 Tempus erit subitò cùm te tua prouehet ætas,
 Cùm te nobilitas auocet à studiis.
 Nam si nescieris tunc respondere rogatus,
 Si Præful fias, mutus asellus eris.
 In condiscipulos nimium sæuire caueto,
 Immò magis recolas te fore discipulum.
 Quod tecum gessit nec cuilibet improperebis,
 Nec tibi quod soli dixit amicus homo.
 Si sis iratus, nulli tamen obice crimen,
 Pacatus siquidem forsitan alter eris.
 Nobilitas & lingua procax, morésque proterui,
 Nec sibi concordant, nec benè conueniunt.
 Nobilibus siquidem proavis O DONIBVS ortus,
 Ortus es O DONES vt veteres renoues.
 Qui sic vixerunt, fuerint vt Iulius armis,
 Augustus pace, diuitiis Salomon.
 Addidit Octodorum sibi scilicet vnus eorum,
 Augustamque suis iuribus obtinuit.
 Isque THEOBALDVM generauit pacis alumnum,
 Quo PHILIPPE venis Principe progenitus.
 Ergo quem decorant antiquæ nobilitatis
 Tot proauique Duces, & Comitès atau:

Da condigna tuæ præfagia nobilitati,
 Moribus ipse tuis præniteas atavis.
 An sim iocundo Philippe locutus amore,
 In serie sensus ipse notare potes.
 Quòd si dicta sonant incomptam rusticitatem,
 Crede mihi melius dicere non potui.
 Est ignorantis vitium, non culpa volentis:
 Si benè non dixi, dicere quod volui.
 Denique quod sentis, quod gessit nostra voluntas,
 Ac si protulerint carmina nostra puta.
 Dicta meis votis industria vestra coaptet,
 Dictaque votorum vis magis appreciet.
 Appreciet cartam, quòd cartam misit amicus,
 Dilige quod præfert nomen amicitiae.
 Iam memor esto mei, memoris memorabor & ipse,
 Nec nos à nobis mors etiam dirimat.

Adela Comitissa.

VADIS vt insolitos videas mea Cartula fastos,
 Vt Regum thalamos & Comitum videas.
 Vadis vt egregiam mihi gratifices Comitissam,
 Si tamen ipsa prius gratificeris ei.
 Gratificeris ei, dicens Comitissa valere,
 Reginae potius nomine digna vale.
 Hæc est illius si nescis filia Regis,
 Anglos indomitos qui domuit gladio.
 Qui sibi Normannos inhibentes iura paterna
 Perculit ense fero, subposuitque iugo.
 Iste procellosas pro littore duxit abyssos,
 Et quasi conduxit littora littoribus.
 Iste licet sumptus superauerit imperiales,
 Tantæ plenus erat fertilitatis opum.
 Vt vix thesauros aliquis perpenderit eius,
 Largus militiæ, largus & Ecclesiæ.
 Denique tantus erat, vt solus fecerit Orbem
 Numen ad Imperij subtrepidare sui.
 In dubio tamen est quæ stirps vtriusque parentis,
 Cum mage par fuerit clarior extiterit.
 A patribus proavis pater editus, vt pote Consul,
 Extulerat proavos ex probitate sua.
 Addideratque suis nunc tantum rebus honoris,
 Quantum res olim patribus addiderant.
 Sed neque distabat à tanto coniuge coniunx,
 Quam sublimabat regia nobilitas.
 Quæ deducta potens à nobilitate potenti,
 Terræ Flandrensis nobile germen erat.
 Hosque pares geminos sibimet sic fata dicarant,
 Vt speciale forent coniugij specimen.
 Regem Regina, Reginam Rex decorabat,
 Et decus alter erat, & decor alterius.
 Non virtute minor successit filia patri,
 Excepto quòd non militis arma gerit.
 Arma tamen gereret nisi mos opus hoc inhiberet,
 Nec fas est ferro membra tenella premi.
 Vna tamen res est qua præsit filia patri,
 Versibus applaudit, scitque vacare libris.
 Hæc etiam nouit sua merces esse Poëtis,
 A probitate sua nemo redit vacuus.

Rursus inest illi distandi copia torrens,
Et præferre sapit carmina carminibus.
Ergo ne timeas, nimis est affabilis ipsa,
Ipsa dabit tempus, & dabit ipsa locum.
Utque reor non te Comitissa remittet inane
Sis licet ipsa rudis, more suo faciet.
Nec tibi præstabit auxillum quod meruisti,
Præstabit quod sit lausque decusque suum.
Pene sua est Orbi iam munificentia nota,
Extremos homines iam sua dona vocant.
Ipsa mihi nota est, nec ego sum cognitus illi,
Occubuit sibi me rustica simplicitas.
Nec nunc auderem præmittere carmen ad illam,
Sed voluit mandans carmen habere meum.
Quilibet audiuit nuper de carmine nostro,
Innuir applaudens quatenus adiciam.
Adicio non quod par esse suæ probitati
Possit, sed vigeat ex probitate sua.
Materies grandis mea carmina nobilitavit,
Non mea nobilitant carmina materiam.
Hanc morum probitas, hanc castum pectus honestat.
Hanc nobilis soboles ornat, amorque viri.
Sunt tamen & multi, quos commendare puellis
Et decus & probitas & sua forma queat.
Hanc qui temptassent? sed quid temptasse iuuaret?
Seruat pacta sui non violanda thori.
Hanc decor insolitus, & inæquiparanda venustas,
Commendatque simul gratia colloquij.
Sed quis tam duram silicem mollire valeret?
Inspiciunt sine re, sed iuuat inspicere.
Præmia magna putant dum spe pascuntur inani,
Irritantque suos hanc inhiando oculos.
Nec mirum, quoniam species sua tanta refulget,
Debeat ut cunctis præfore virginibus.
Hanc ego vidissem nisi rusticus erubuissem,
Ipsam quippe loquens inspicere erubui.
Tunc nisi palantes obliquarentur ocelli,
Mox exhausisset omnia verba mihi.
Gorgone conspecta quamplures destituuntur.
Taliter à propriis protinus officiis.
Et coram Circe sic multi diriguere.
Non etenim poterant numina ferre Deæ.
Vix ideo vidi, vidisse tamen reminiscor,
Ut reminiscor ego somnia visa tuihi.
Sic me sæpè nouam Lunam vidisse recordor,
Vel dum vix video mēve videre puto.
Vix ipsam vidi, sed sicut & ipse recordor,
Dianæ species anteferenda sua est. ---

Ad eandem pro cappa quam sibi promiserat.

QVAM peto, quam petij, si reddas AD ELA cappam;
Que deceat dantem, deceat simul accipientem:
Nulla mihi maior, melior mihi femina nulla,
Nam Regina mihi tu fies ex Comitissa.
Te quoque maiorem formabunt carmina nostra,
Carminibus tu nostro latum spargēis in Orbem,
Ut te nosse queat & Cyprus & vltima Tyle,
Æthiopes, Indi, Gerulus, & insula quæque.

Grandia dico quidem, sed grandia dicere noui,
Ex quo materiam mihi sumpsi de Comitissa.
Ipsa mihi carmen, calamus mihi suggeris ipsa,
Ipsa dabis flatus, os ipsa replebis hiulcum.
Emeritas soluis mercedes ipsa Poëtis,
Tu cogis Vates taciturnos esse loquaces.
Ergo tuum Vatem Comitissa reuise loquentem,
Et refer, ô Domina, scribenti præmia cappam,
Cappam quæ Frigium rutilans circumferat aurum,
Cappam quæ gemmis ambitum pectus honestet:
Vt te habeat pectus hæc dum super induet artus.
Cappam quæ precium Comitissæ præferat instar,
Quam meritò valeam Comitissæ dicere cappam.
Sicut & excellis Reginas & Comitissas,
Sic Reginarum Comitissarumque lacernas
Hoc excellat opus, quod te super alstra perhennet.
Magna peto, si non maiora rependere noffes.
Ipsa pusillanimes fastidis parua petentes.
Non nimis alta peto, non ad nimis alta relabor.
Quolibet ornatu debes ornare ministros,
Et ditare simul thesauros Ecclesiarum.
Id petiisse meum est, id te præstare tuum sit.
Sic mihi responde iuri vt faueas vtriusque,
Et caue ne defit etiam sua fimbria cappæ.

Cecilia Regis Anglorum filia.

REGIA virgo vale, vale inquam Regia virgo,
Virgo Romuleis tunc anteferenda puellis,
Virgo virginibus nunc anteferenda coxuis,
Quam pater augustus æquauit Regibus Anglis.
Quam species formæ cum virginitatis amore,
Et morum probitas ingenti laude venustat.
Quam satis exornat sua sollicitudo legendi,
Quam patre nobilior sponsus sibi gratificauit.
Ergo placere tuo virgo contende marito.
Nam neque nupsisti quasi cuilibet è grege sponso:
Sed magis egregio, cuius te forma perennet.
Quod tibi quæ multa est Librorum lingua loquetur,
Ecce tibi virgo, si quid tamen ipse valebo,
Offero me pro posse meo, vel si placet vltra.
Audiui quandam te detinuisse sororem,
Cuius fama meas aliquando perculit aures.
Nomen it elapsum, vidisse tamen reminiscor.
Baiocensis erat, sed tunc erat Andegauensis,
Quam, tibi si placeat, nostra de parte saluta,
Atque mihi nomen rescribe tuumque suumque.

De Duce Rötgerio.

CVI probitas patris peperit bellando Ducatum,
Quem pax, quem probitas patri sua multa coxquat,
Salue ROGERI, longum Dux inclyte salue,
Vt speciale tibi salue fac Burguliani.
Attamen anticipant nostros tua facta colonos.
Namque tuum nomen totum vulgatur in Orbem,
Vel quia militiæ stipendia fundis opima,
Vel quia tractas rem consultus homo popularem,
Quæ stat firma tuis non concutienda diebus:
Sine quòd Ecclesias immenso munere ditas,

Siue quod inuitas hac tempestate Camœnas
Dapsilitate tuâ, ne possit Apollo tacere.

De Hostiensi Episcopo.

O D A S , ô vtinam cui mitterentur placituras !

O D O N I magno dirigo paruus ego.

O D O Pontificum decus & specialis honestas ;

Consilium Papæ , regula iustitiæ .

Ecclesiæ robor , non concutienda columna ,

Mittit quod placeat Burgulianus aue .

Burgulianus aue magno . dicit Patriarchæ ,

Quod mihi notitiam Præsulis obtineat .

O d o , V V I D O mea mihi te celebravit in aure ,

Pluribus indiciis te mihi significans .

Guido tuum nomen nostrum deuexit in Orbem ;

Vtque viri tanti præco vir ille mihi .

• Te mihi procerum staturâ significauit ,

Quæ non excedat effigiata modum .

Mores iocundos V V i d o tibi dixit inesse ,

Et quod conueniat moribus alloquium .

Vtque mihi dixit , ditat te litera diues ,

Et vatum Musas deliciosus amas .

Si cantare velis cantas modulamine dulci ,

His superest vultus & facies hilaris .

Affatu suavis , communis & omnibus omnis ,

Exhilaras mœstos , & stolidos reprimis .

Os Oratorum modo viuus Tullius alter ,

Callidus in verbis vixit Aristoteles .

Tempora quæ modo sunt , quæ sunt sine remige naui ;

Rectorem statui te voluere sibi .

Qui te fecerunt Odo velut Hostia Romæ ,

In modico Romæ te facient dominum .

Hic iam cœperunt ordiri prouida fata :

Hic intelligimus , iamque fauimus eis .

O D O N I factus hæres in Pontificatum ,

Mox in Papatum substituendus eris .

Hoc locus , hoc nomen , hoc signat copia linguæ ,

Hoc alti sensus præcinit integritas .

Innuat hoc habitus tunicatæ Religionis ,

Vos ambos idem Cluniacus genuit .

Ambos vos fouit , vos Hostia sustulit ambos ,

Alter Papa fuit , nec minus alter erit .

O si tunc merear florere superstitute vita ,

Vt tunc te toto pallidus ore canam !

Tunc Orpheus nostram nequeat superare Camœnam ,

Si pleno flatu buccina nostra sonet .

Velis furtiuus vehitur modo nostra carina ,

Namque piratarum perstrepat omne genus .

Infonem lacerant me dentibus obloquiorum ,

Méque reum mortis clamitat inuidia .

Obiciunt quod ego tabulas post tempora tango ,

Quod non demisso vado supercilio .

Ipse susurro tamen , mecum quoque rumino psalmos ,

Atque obliquatis vultibus intueor .

Vt fur inuidiæ probitati est sæua nouerca ,

Quocirca tepeo sæpius à studio .

Quod si me vellet defensio vestra tueri ,

Vt mea duntaxat carmina diligeres :

BALDRICI ABB. BVRGVLIENSIS

Repentes hederæ mox serpent vberiores,
 Si quando audaci fretus ero gladio.
 Audaci si quando lyras moderamine tangam,
 Si musas pleno pectine discutiam.
 Si quando impavidus vates audebo vocari,
 Si calamos teneam non trepidante manu.
 Si verbo nostris signisve quibuscumque Odis
 Illudas, Odo, fulmina non timeo.
 Fulmina quæ timeat, quem maxima Roma tuetur,
 Quid timeat tua quem proteget Odo manus?
 Me sub amore tuo digneris, maxime Pastor,
 Tutior ut Romam si sit opus videam.
 Tutior ut duce te Romana Palatia cernam,
 Quem mea rusticitas terreat absque duce.
 Iam nunc de vestro tanquam securus amore,
 Vobis commendo quod penitus cupio.
 Me præsumentem de te confundere noli,
 Debita posco quidem, da mihi, namque potes.
 Si quocumque modis aures obstruxerit aspis,
 Ut nolis nostras insinuare preces.
 Si quaesita neget, possisque negata referre,
 Si tua claudantur corda meis precibus:
 Ut dare tu nolis sine damno quod dare possis,
 Non es quem spero, quem tuus ipse cano.
 O quam sperabam viuis procul & procul alter,
 Quod Deus auertat ut mihi tu facias.
 Vnicus est Odo mihi filius, immo coabbas,
 Pro quo deuotus asto tuis pedibus.
 Namque manum super hunc nimis aggrauat ille Remensis,
 Iram qui Papæ funditus emeruit.
 Imposuit siquidem Regi diadema PHILIPPO.
 Nunc & in hoc Papæ negligit imperium,
 Propterea fundo mea viscera funditus Odo,
 Ut mihi perficias hanc tibi rem facilem.
 Abbatis partem sustentens ordine recto,
 Ut restauretur filius ille meus.
 Quod confirmavit in eo Romana potestas,
 Inconuulsum sit, permaneatque ratum.
 Et potes & debes, nisi me contempseris, Odo,
 Abbatem sancto reddere Remigio.
 Non ingratus ero, superaddam gratificandus
 Munera carminibus, carmina munibus.
 Ecce fatigatus nimium remeare nequiuit,
 Sed si mandabis ut veniat veniet.
 Iam securus erit, redeat si scripseris illi,
 Nouerimus quoniam restituendus erit.
 Si mandare velis quod penes utile nobis,
 Guidonem nostro noueris esse loco.
 Guido mihi viuit, magnus, bonus, atque fidelis,
 Magni momenti, nominis haud modici.
 Hunc venerare modo quo nos veneramur eodem,
 Namque bona morum simplicitate viget.
 Odam dilatat occasio multa precandi,
 Sed modo sine breui sis memor Odo mei.

Item

A

Item de eodem.

O D O N E M saluere meum sine fine praeopto
 O D O mi salue, Papa futurus aue.
 Quod te dico meum, praesumptio dicere cogit,
 Tantum tantillus Pontificem Monachus,
 Quem nunquam vidi, quem solis auribus hausi,
 Dicere praenimio cogor amore meum.
 Visceribus totum te nostris insinuavi,
 Te siquidem noui carmina diligere.
 Et laudas Vates, & praemia Vatibus offers,
 Iocundus, prudens, felle columba carens.
 Compatiens miseris, peregrinis auxiliator,
 Morum praecunctis asperitate cares.
 Maximus Orator, Vatum specialis amator,
 Inuisas nostros ad studium calamos.
 Talem te cupio, mihi te desidero talem,
 Qualis es, & qualem te volo promereor.
 Quae mihi debe quod debet amicus amico,
 Quos indiscussus consolidauit amor.
 Inter quos vniquam non est alterna voluntas,
 Qui sapiunt viuunt & moriuntur idem.
 Ecce tibi talem, me si dignare, paciscor,
 O vtinam votis faueris O D O meis!
 Si mihi te dederis, si te dignabere nostrum,
 Inter Cantores Orpheus alter ero.
 Iam quoque de vestro nimium confusus amore,
 Audeo pro caris insinuare meis.
 BURCHARDVM commendo meum, quem diligo multum,
 Tutelaeque tuae, consilioque tuo.
 Vrit Guidonis penuria multa penates,
 O D O roriferas cui plue diuitias.

B

Domina Emma.

COENOBITARVM decus & decor Emma sororum,
 Suscipe quod mandat Burgulianus aue.
 Burgulianus aue tibi mandat, & immolat illud,
 Quod te contiguet perpetuetque mihi. --- :
 Vt pote quam proprio sic fouit melle sophia,
 Vt nunc emanent vbera lacte tua.
 Quod nuper patuit mihi carmina vestra legenti,
 Quae tu gratuito nectare condieras.
 Ad te concurrunt examina discipularum,
 Vt recreentur apes melle parentis apis.
 Quod si discipulos vester concederet ordo,
 Vellem discipulus ipsemet esse tuus.

C

Amato Archiepiscopo.

PONTIFICVM lex est veniam praestare roganti,
 Dissoluit legem qui prohibet veniam.
 Optime Pontificum, mihi sic applaude roganti,
 Vt mihi Pontificem te tua facta probent.
 Aures ergo diu pulsatas pande benignus,
 Quamque rogo supplex inueniam veniam.
 Nubibus ablati me respice fronte serena,
 Quidlibet emendo si veniam mereor.
 Sin autem, certe querimonia nostra coaequos
 Tanget vt emendent talia Pontifices.

Tem. IV.

Aa

Versus Odonis ad Abbatem.

HANC Baldrice tibi mittit tuus Odo salutem,
 A te rescribi quam cupit ipse sibi.
 Nuper amice tuum tenui legique Libellum,
 Credere vix potui temporis huius Opus.
 Tantum pondus erat verbis, facundia tanta,
 Posset ut hæc credi composuisse Maro.
 Inter amicorum scribi mea nomina sperans,
 Deuolui Librum tæque quaterque tuum.
 Vel levis vlla mei non est ibi mentio facta,
 Commouit mentem res nimis ista meam.
 Scilicet indignum me vir facunde putasti,
 Carmine quem velles perpetuare tuo.
 Attamen vrna, lepus, coruus quoque, cancer, aselli,
 In cælo stellæ te quoque teste nitent.
 Et post tantorum tot nomina clara virorum,
 Viles bestiolæ cœlica regna tenent.
 Me quoque multorum post nomina clara virorum,
 Fac tua cœlestis pagina suscipiat.
 Hæreat in Libri rogo margine distichon vnum,
 Inscriptus valeat quo tuus Odo legi.
 Si meritis precibusque meis quæsitæ negabis,
 Extorquebo tamen improbitate mea.
 Hæc mea sæpè tibi triuialia carmina mittam,
 Sic indignanti quod precor excutiam.

B

F I N I S.

LVDOVICVS VI.
COGNOMENTO
GROSSVS
ET
LVDOVICVS VII.
DICTVS
IVNIOR.

Ex veteri Codice MS. Ecclesie S. Dionysij in Francia.

ANNO Domini M C X X I I I. S V G E R I V S Sancti Dionysij Monachus, Scripturarum scientiâ clarus, in Diaconatus Ordine constitutus, in Abbatem Monasterij est electus. Qui temporibus illis HISTORIÆ FRANCORVM Scriptor erat.

Ex alio Codice MS. eiusdem Ecclesie, ad annum M C L I I.

Hic est annus ultimus vitæ felicitæ recordationis S V G E R I I Abbatis Monasterij Regalis S. Dionysij in Francia, viri magnæ prudentiæ & eloquentiæ, ac inter præclaros Ecclesiæ Gallicanæ viros eruditissimi & facundissimi. Cui tempore Prælationis quantum fuit studium, ut Ecclesiam suam omni gloria & honore attolleret, religiosè ordinaret, & eam redditibus opulentam, ædificiis ampliolem, ornamentis decoratam redderet, omnibus patet. Cooperante etiam superna illius clementiâ, qui ponit humiles in sublime, & ipsum de plebe humili sic erexit, ut non solum in Parlamento Regali solium ac tribunal iudicii, sapientiâ, qua præditus erat, laudabiliter peroraret: verumetiam tanquam vir magni consilij & industriæ, ac in omni Domo Regia spectabilis & probatæ fidei, cum excelsis Principibus confederet, ac Regni ipsius gubernacula præcipuè moderaretur: acumen ingenij, linguæ nitor, litterarum scientia, dictandi scribendique peritia, semper in eo splenduerunt, tantæque opinionis apud Papam E V G E N I V M extitit, ut quotiens aliqua in Regno grauiora emergebant, & usque ad eius audientiam perlata, istius probatæ discretionis terminanda committebat. Gloriosus etiam Rex Franciæ L V D O V I C V S Hierosolymam proficiscens, Pontificum & Procerum consilio ex parte illius fidei & solertiæ Regnum suum specialiter commisit regendum. Quod ille, Deo iuuante, ita administravit & rexit, ut Principi redeunti commissa sibi cum pace & integritate restitueret. Verum quia à conditione moriendi nemo excipitur, cum valitudine, qua mortuus est, vexari cœpisset, Fratrum manibus sustentatus in Capitulum se deduci poposcit. Vbi post verba ædificationis, cum lacrimis & gemitu omnium pedibus prouolutus, eorum se iudicio humiliter exposuit: lacrimabiliter postulans, ut quod in eos deliquerat, vel negligentius egerat, respectu pietatis ei relaxarent. Quod Fratres omnes maxima cum deuotione, & copiosa lacrimarum effusione gratantissimè fecerunt. Transiit autem idem venerabilis Pater inter verba Orationis & Symboli, die Idus mensis Ianuarij, anno verò Domini M C L I I. l x x. ætatis suæ anno: à susceptione autem Monastici habitus ferè l x. Prælationis verò suæ x x l x. Cuius sepulturæ & exequiis interfuerunt sex Episcopi, cum multis Abbatibus, Christianissimoque Rege Franciæ L V D O V I C O: vbi & pietatis memor, & immemor Regiæ Celsitudinis, dum sepeliretur amarissimè fleuit: fleuitque omnis Regia Domus, sed & populus, qui cum tanquam prudentissimum Consiliarium, totiusque Regni gubernatorem & administratorem planxerunt sapientissimum.

SCRIPSIT verò S V G E R I V S non tantum Vitam sequentem L V D O V I C I V I. Regis cognomento GROSSI, cuius præcipuus fuit Consiliarius: sed præterea Librum Epistolarum de grauioribus Regni negotiis, quibus, L V D O V I C O V I I. dicto I V N I O R E in Terram sanctam profecto, dignissimè præfuit: Librum alium de rebus in administratione Monasterij S. Dionysij à se gestis: necnon & alium de consecratione Ecclesiæ à se ædificatæ, & translatione corporum S. Dionysij ac sociorum eius. Quæ omnia velut ad Historia Regum horum cognitionem pernecessaria in hoc Tomo coniunctim edi curauimus.



VITA LVDOVICI VI. REGIS PHILIPPI FILII, QVI GROSSVS DICTVS.

AVCTORE SVGERIO ABBATE
beati Arcopagitæ Dionysij.

Ab infinitis mendis, quibus in editione Germanica scatebat, repurgata, collatione duorum Codd. MSS. quorum unus fuit Ant. Loiselij celebris in Curia Advocati, alter ipsius S. Dionysij Monasterij.

INCIPIT PROLOGVS IN GESTIS LVDOVICI REGIS
COGNOMENTO GROSSI.

*DOMINO ET DIGNE REVERENDO SVESSIONENSI EPISCOPO GOSLENO,
Sugerius Dei patientiâ beati Arcopagitæ Dionysij Abbas vocatus, Iesu Christi
qualiscumque seruum, Episcopo Episcoporum episcopaliter uniri.*



CONFERT eorum deliberationi & iudicio & nos & nostra subici, quorum vniuersali iudicio odibilis & amabilis diuersa diuersis promulgabitur censura, cum nobilis vir sedebit in portis cum Senatoribus terræ. Eapropter, virorum optime, etiam si cathedra non contulisset, cuius totus sum in eo, cuius totus es tu, nec si plus quæris, plus habeo, serenissimi Regis Francorum LVDOVICI gesta approbatæ scientiæ vestræ arbitrio delegamus: vt quia nobis communiter promouendis & promoris benignissimus extitit Dominus, ego scribendo, vos corrigendo, quem pariter amabamus, pariter & decantemus & deploremus. Neque enim charitati repugnat etiam beneficiis comparata amicitia, cum qui inimicos diligere præcipit, amicos non prohibeat. Duplici ergo, & licet dispari, non tamen opposito beneficij & charitatis debito, excidamus ei monumentum ære perennius, cum & eius circa cultum Ecclesiarum Dei deuotionem, & circa Regni statum mirabilem stylo tradiderimus strenuitatem. cuius nec aliqua temporum immutatione deleri valeat memoria: nec à generatione in generationem suffragantis Ecclesiæ pro impensis beneficiis orationum desistat instantia. Valeat celsitudo vestra inter cœli senatores feliciter episcopari.

Tom. IV.

Aa iij

CAPITVLA.

* Madu-
nensi

- I. Quàm strenuus in adolescentia fuerit, & quanta strenuitate fortissimum Regem Anglorum VVilhelmum Rufum paternum Regnum turbantem repulerit.
- II. Quòd Burcardum Mommorenciacensem virum nobilem ab infestatione beati Dionysij cum omnibus complicitibus suis compefcuit.
- III. Quòd Comitem Bellimontensem Matheum restituere castrum Lusarchias Claremontensi Hugoni còegit, cum ipse dominus Ludonicus idem castrum manu forti oppugnasset.
- IV. Quòd cum aliud castrum eiusdem Mathai Canliacum obsedisset, subita aëris intemperies exercitum in fugam còegit: & nisi ipse Ludonicus fortiter restitisset, penè exercitus deperisset, & quod ipse Mathens humiliter ei satisfecit.
- V. De Ebalo Comite Ruciensi.
- VI. De castro Maudunensi *.
- VII. De castro, qui dicitur Mons-acutus.
- VIII. De Milone, quomodo intravit castrum Montis-Leherij.
- IX. De Buamundo Principe Antiocheno.
- X. De captione castri Gornaci.
- XI. De captione castri sanctæ Reuera.
- XII. De morte Regis Philippi.
- XIII. De sublimatione eius in Regem.
- XIV. De captione Firmitatis Balduini, & liberatione Comitis Curboilensis, & Anselmi Garlandensis.
- XV. De colloquio inter Regem Ludonicum & Regem Anglorum Henricum habito apud Planas Nimpheoli.
- XVI. De proditione facta in Rupe Guidonis à Guilhelmo sororio eius, & de morte Guidonis, & cita ultione in eundem Guillelmum.
- XVII. De eo quod fratri Philippo repugnanti castrum Meduntense & Montem-Leherij abstulit.
- XVIII. Quomodo castrum Puteolense capto Hugone subuertit.
- XIX. De liberatione eiusdem.
- XX. De impugnatione Tauriaci, & restitutione Puteoli.
- XXI. De reciproca eius proditione.

Reliqua Capitula defunt.

VITA GLORIOSISSIMI LVDOVICI FRANCORVM REGIS
illustrissimi incipit feliciter.

I.



* al. aetua

GLORIOSVS igitur & famosus Rex Francorum LVDOVICVS Regis magnifici PHILIPPI filius, primæuz flore ætatis fere adhuc duodennis, seu tredennis, elegans & formosus, tanta morum probabilitum venerabili industria, tanta amœnissimi corporis proceritate proficiebat, vt & sceptris futuris re ipsa amplificationem honorificam incunctanter promitteret, & Ecclesiarum & pauperum tuitioni spem votiuam generaret. Altus puerulus, antiqua Regum Caroli Magni & aliorum excellentiorum hoc ipsum testamentis Imperialibus testificantium consuetudine, apud Sanctum Dionysium tanta & quasi natia dulcedine ipsis sanctis Martyribus suisque adhæsit, vsque adeo vt innatam à puero eorum Ecclesiæ amicitiam toto tempore vitæ suæ multa liberalitate & honorificentia continuaret, & in fine summè post Deum sperans ab eis se ipsum & corpore & anima, vt si fieri posset, ibidem Monachus efficeretur, deuotissimè deliberando contraderet. Sanè præfata ætate, animo iuuenili vigere maturabat virtus augtina* impatiens venationum, & ludicrorum puerilium, quibus ætas huiusmodi lasciuiare & arma dediscere consuecit.

A Dúmque multorum Regni Optimatum, & egregiè magnanimi Regis Anglorum Guillelmi magnanimioris Guillelmi Regis filij Anglorum domitoris infestatione agitur, robur probitatis vaporat, exercitio virtutis arridet, inertiam remouet, prudentiæ oculum aperit, otium dissoluit, sollicitudinem accelerat. Guillelmus siquidem Rex Anglorum vsui militiæ aptus, laudis auarus, famæque petitor, cum exheredato maiore natu Roberto fratre suo, patri Guillelmo feliciter successisset, & post eiusdem fratris sui Hierosolymam profectionem Ducatum Normanniæ obtinuisset: sicut eiusdem Normanniæ Ducatus se porrigit marchiis Regni collimitans, quibuscunque poterat modis famosum iuuenem nitebatur impugnare. Similiter & dissimiliter inter eos certabatur, similiter cum neuter cederet, dissimiliter cum ille maturus, iste iuuenculus: ille opulentus & Anglorum thesaurorum profusor, mirabilisque militum mercator & solidator, iste peculij expers patri, qui beneficiis Regni utebatur, parcendo, sola bonæ indolis industria militiam cogebat, audacter resistebat. Videres iuuenem celerrimum modò Bituricensium, modò Artuernorum, modò Burgundionum militari manu transuolare fines: nec ideo tardius, si ei ignotescat Vilcassinum regredi, & cum trecentis aut quingentis militibus præfato Regi Guillelmo cum x. millibus fortissimè refragari: & ut dubius se habet belli euentus, modò cedere, fugare modò. Talibus utrobique multi intercipiebantur congressionibus, quorum famosus iuuenis, & sui, cum plures alios, tum Comitem Simonem nobilem virum, Gislebertum de Aquila nobilem, & Angliæ & Normanniæ æquè illustrem Baronem, Paganum de Gisortio, qui castrum idem primò muniuit: Rex è contrario Angliæ strenuum & nobilem Comitem Matheum Bellimontensem, illustrem & magni nominis Baronem Simonem de Monte-forti, dominum Montis-Gaj Paganum, captos tenuerunt. Verum Angliæ captos ad redemptionem celerem militaris stipendij accelerauit anxietas, Francorum verò longa diuturni carceris macerauit prolixitas: nec vllò modo cuicunque potuerunt, donec suscepta eiusdem Regis Angliæ militia, hominio obligati Regnum & Regem impugnare & turbare iureiurando firmauerunt. Dicebatur equidem vulgò, Regem illum superbum & impetuosum aspirare ad Regnum Francorum, quia famosus iuuenis vnicus patri erat de nobilissima coniuge Roberti Flandrensis Comitis sorore. Qui enim duo supererant, PHILIPPVS & FLO-RVS, de super ducta Andegauensi Comitissa Bertrada geniti erant, nec illorum apreciabatur successionem, si vnicum primum decedere quocunque infortunio contingeret. Verum, quia nec fas nec naturale est, Francos Anglis, imò Anglos Francis subici, spem repulsiuam rei delusit euentus. Nam cum per triennium aut eò ampliùs hæc insania se & suos exagitasset, nec per Anglos, nec per Francos hominio obligatus proficiendo voluntati suæ satisfacere valeret, subsedit. Cumque in Angliam transfretasset, lasciuiæ & animi desideriis deditus, cum quadam die in Noua silua venationibus insisteret, subito inopinata sagitta percussus interiit. Diuinatum est virum diuina vltione percussum, assumpto veritatis argumento, eo quòd pauperum extiterat intolerabilis oppressor, Ecclesiarum crudelis exactor, & si quando Episcopi vel Prælati decederent, irreuerentissimus retentor & dissipator. Imponebatur à quibusdam cuidam nobilissimo viro Galterio Tirello, quòd eum sagitta perfoderat. Quem cum nec timeret, nec speraret, iureiurando sæpiùs audiuius, & quasi sacrosanctum asserere, quòd ea die nec in eam partem siluæ, in qua Rex venabatur, venerit, nec eum in silua omninò viderit. Vnde constat tantam tam subito tanti diuina potentiâ in fauillam euanuisse insaniam, ut qui alios supernacaneè inquietabat, grauiùs infinitè inquietetur, & qui omnia appetebat, inglorius omnibus exuatur. Deo enim, qui balthæum Regum discingit, Regna & Regnorum iura subiciuntur. Successit eidem Guillelmo quàm celeriter in Regno frater minor natu (quoniam Robertus maior in illa magna expeditione sancti Sepulchri agebat) vir prudentissimus Henricus. cuius tam admiranda quàm prædicanda animi & corporis strenuitas & scientia gratam offerrent materiam. Sed nil nostra refert, nisi si aliquid incidenter nostris conuertibile, aliquando nos oporteat, sicut & de Regno Lotharingorum, summatim prælibare. Francorum enim, non Anglorum gesta quodam scripto memoriæ mandare proposuimus.

LVDOVICVS itaque famosus iuuenis, iocundus, gratus, & beniuolus, quo etiam à quibusdam simplex reputabatur, iam adultus, illuster & animosus Regni

Aa iij

LVDOVICVS
VI. GROS-
SVS.

paterni defensor, Ecclesiarum vtilitatibus providebat, oratorum, laboratorum, & A
pauperum, quod diu insolitum fuerat, quieti studebat.

II.

QVO siquidem tempore inter venerabilem beati Dionysij Adam Abbatem & Burchardum nobilem virum dominum Mommorenciacensem accidit qualdam contentiones pro quibusdam cōsuetudinibus emerfisse, quæ in tantam ebullierunt irritationis molestiam, vt rupto hominio inter defœderatos, armis, bello, incendiis concertaretur. Quod cū auribus domini Ludouici insonuisset, indignatus ægrè tulit. Nec mora, quin præfatum Burchardum ante patrem castro Pinciaco ad causas submonitum coëgerit. Qui cū cadens à causa iustitiam iudicio exequi noluerit, non tentus (neque enim Francorum mos est) sed recedens, quid incommodi, quid calamitatis à Regia Maiestate subditorum mereatur contumacia, festinanter animaduertit. Mouit namque formosus iuuenis illico arma in eum, & in complices eius confœderatos, (quippe Matheum Bellimontensem Comitem, & Drogonem Monciacensem, viros strenuos & bellicosos asciuerat) terram eiusdem Burchardi depopulans, municipia & incurtes præter castrum subuertens, pefsum dedit; incendio, fame, gladio contriuit. Cūque de castro resistere pariter inniterentur, obsidione Francorum & Flandrensiū Roberti auunculi & suorum castrum cinxit. His & aliis contritionum verberibus humiliatum voluntati & beneplacito suo curauit, & querelam commotionis causam cum satisfactione pacauit. B

DROGONEM verò Montiacensem, pro his & aliis, & maximè Ecclesiæ Beluacensi irrogatis iniuriis aggressus, cū ei extra castrum haud procul, vt breuiori, si confert, regrederetur fuga, cū magna militari sagittaria manu, & balistaria obuiaffet, irruens in eum, retrocedere, castrūque ingredi armorum oppreſsione, absque se non permisit: sed irruens inter eos, & cum eis per portam, vt erat fortissimus palæstrita, & spectabilis gladiator, in medio castrī & crebro percussus, & crebro percutiens, nullam pati dignatus est repulsam, nec recedere, donec eum suppellectile totum castrum vsque ad turris procinctum in medio concremauit. Tanta viri erat animositas, vt nec incendium declinare curaret: cū & ei & exercitui periculosum esset, & multo tempore maximam ei raucitatem generaret. Sic humiliatum in brachio virtutis Dei, qui in causa erat, subiectum tanquam clinicum voluntatis suæ ditioni subiugauit.

III.

INTEREA Bellimontis Comes Matheus contra Hugonem Claromontensem virum nobilem, sed mobilem & simplicem, cuius filiam duxerat sponſam, longo animum rancore contendens, castrum nomine Lusarchium, cuius medietatem causa coniugij susceperat, totum occupare, turrī sibi armis & armatis satagit munire. Quid faceret Hugo, quā quod ad Regni defensorem festinans, pedibus eius prostratus, obortis lachrymis supplicat vt seni condescendat, grauissimè grauato opem ferat? Malo, inquit, charissime Domine, te terram totam meam habere, quia à te eam habeo, quā gener meus degener hanc habeat. Emori cupio, si eam auferat. Cuius lachrymabili calamitate animo compunctus, amicabilem manum porrigit, suffragari promittit, spe excitatum * remittit. spes autem non confundit. Velociter siquidem de Curia exeunt, qui Comitem conueniant, extraordinariè expoliatum ordinariè vestiri ore defensoris præcipiant, de iure in Curia eius ratiocinando certa die decertent. Quod cū refutasset vlciſci, festinans defensor collecto exercitu multo in eum exiliit: præfatūque castrum aggrediens modò armis, modò igne impugnans, multo congressu expugnauit, turrīque ipsam militari custodia muniuit, & munitam Hugoni, sicut sponponderat, restituit. C

* al. exhibitaratum

IV.

MOVER itidem exercitum ad aliud eiusdem Comitis castrum nomine Canliacum, tentoria figit, machinas impugnatórias instrui præcepit. Verū multò aliter quā sperabat euenire contigit. Mutata quippe grata aëris temperie, ingrata & turbulenta intemperies emerſit, tantòque & tam horribili impluuiū tonitruorum coruscatione totam terram in nocte turbauit, exercitum affecit, equos cecidit, vt vix viuere quidam eorum sperarent. Quo intolerabili horrore cū quidam de exercitu in aurora fugam matutinam pararent, dormitante adhuc defensore in papilione, dolosè tentoriis ignis est applicitus: ex quo quia signum est recedendi, subito exercitus tam incautè quā confusè exire festinant, inopinatam recessionem sperantes*, nec quid alij aliis conferant attendentes. Quorum incurſu præcipiti,

* al. formidantes

A multoque clamore Dominus stupefactus, quærens quid esset, equo insiliit post exercitum festinans: quia iam circumquaque dispersi erant, reducere nullo modo valuit. Quid aliud faceret famosus iuuenis, quàm ad arma currere, quàm cum paucis quos potuit retrocedere, murum se pro præcedentibus opponere, sæpe percuti, & sæpe percutere? Verùm etsi illi, quibus pereuntibus ipse murus erat, quietè & securè potuerunt fugere, tamen quia multi gregatim & dispersè procul ab eo fugiebant, multi ab hostibus capti sunt. Inter quos excellentior captus fuit ipse Hugo Claromontensis, & Guido Siluaneensis, Herluinus Parisiensis, & obscuri nominis quamplures gregarij, & pedestris exercitus multi. Hac igitur laceffigus iniuria, quanto rudis & ignarus infortunij huiusmodi hætenus fuerat, tanto cum Parisius redisset moti animi insolentia intumescerebat. & ut eius ætatis mos est, si tamen sit mutatiua * probitatis, mouet & mouetur. Et ut citò iniuriam vlciscatur, exæstuans, vndecumque triplicato exercitu sagaciter æquè ut prudenter, crebro ingeminat suspirio, decentiùs mortem quàm verecundiam sustinere. Quod cum amicorum relatione comperisset Comes Matheus, ut erat elegans vir & facetus, impatiens verecundiæ accidentalis Domini sui, multiplicato intercessore, viam pacis affectare summoperè inuestigat. Multa dulcedine, multis blandimentis animum iuuenilem demulcère elaborat, satis conuenienter nulla hoc factum deliberatione, sed ex contingenti accidisse, iniuriam excusat, seque pronum ad eius nutum satisfactioni præsentat. In quo quidem prece multorum, consilio familiarium,

B multo etiam patris rogatu, licet serò, viri animus molescit, resipiscenti parcit, iniuriam condonat, recuperabilia perdita Comite reddente restaurat, captos liberat, Hugoni Claromontensi pacem, & quod castri præoccupati suum erat firma pace reformat.

LVDOVICVS
VI. GROS-
SVS.* al. imita-
tiua.

C INFESTABATUR nobilis Ecclesia Remensis suorum & Ecclesiarum ad se pertinentium dilapidatione bonorum tyrannide fortissimi & tumultuosi Baronis Eballi Ruciensis, & filij eius Guischari. Qui quanto militiæ agebatur exercitio (erat enim tantæ magnanimitatis, ut aliquando cum exercitu magno, quod solos Reges deceret, in Hispaniam proficisceretur) tanto insanius & rapacior his explendis depredationibus, rapinis, & omni malitiæ insistebat. Tanti ergo & tam facinorosi viri apud dominum Regem Philippum centies, & modo apud filium bis aut ter lugubri querela deposita, filius inuertiue exercitum mediocrem ferè septingentorum militum de nobilioribus Franciæ Optimatibus delectum cogit, Remis festinar, penè per duos menses multo conflictu præteritas punit Ecclesiarum molestias: eiudem præfati tyranni & fautorum eius depopulatur terras, incendio soluit, rapinis exponit. Egregiè factum, ut qui rapiebant rapiantur, & qui torquebant æquè aut duriùs torqueantur. Tanta siquidem erat Domini & exercitus animositas, ut quandiu ibi fuerit, aut vix aut nunquam præter feria sexta, & die Dominica, quieverint; quin aut cum manuali congressione lancearum ac gladiatorum committerent, aut terrarum destructione illatas iniurias vindicarent. Certabatur ibi non contra Ebalum tantum, sed contra omnes illarum partium Barones, quibus etiam maximorum Lotharingorum affinitas multo agmine celebrem affectabat exercitum. Agitur interea multis quæstionibus de pace, & quoniam diuersæ curæ periculosaque negotia ad alias partes noui Domini præsentiam votiue deuocabant, habito cum suis consilio pacem à præfato tyranno Ecclesiis & impetrauit, & acceptis obsidibus eam iureiurando firmari fecit. Taliter salutatam & flagellatam dimisit. Hoc etiam quod de Castro-nouo repetebat, in diem distulit.

V.

ET nec minùs celebrem Aurelianensi Ecclesiæ suffragando tulit opem militarem, cum & Leonium virum nobilem, Mauduni castri Episcopi Aurelianensis hominem, maiorem eiusdem castri partem, & alterius dominium præfati Ecclesiæ auferentem, manu forti compescuit. In eodem castro eum cum multis inclusit, castròque recepto cum in proxima domui suæ Ecclesia erectis propugnaculis defensionem inniteretur, ut fortis fortiori subicitur: armorum & flammarum ingestione intolerabiliter opprimitur. Nec solus diurni anathematis mulctam soluit, cum & ipse & multi alij ferè sexaginta flamina præualente de turre corruentes, lancearum erectarum & occurrentium sagittarum cuspidibus perfoffi, extremum spiritum exhalantes, miseris animas cum dolore ad inferos transtulerunt.

VI.

CASTRUM, quod dicitur Mons-acutus, validissimum in pago Laudunensi, VII.

LVDOVICVS
VI. GROS-
SVS.

* *al. ad ob-
sidionem*

* *al. Ro-
bertus de
Perona do-
minus Ca-
piaci.*

occasione cuiusdam matrimonij contigit Thomam de Marna obtinuisse, homi- A
nem perditissimum, Deo & hominibus infestum, cuius intolerabilem velut imma-
nissimi lupi rabiem inexpugnabilis castri audacia concrecentem, cum omnes cir-
cumquaque compatriotæ & formidarent & obhorrerent, ipse qui dicebatur pater
eius Engeirrannus de Boua, vir venerabilis & honorificus egregiè, & præter alios,
illum de castro eicere ob eius fautiosam tyrannidem moliebatur. Communica-
tum est inter eos, ipsum videlicet Engeirrannum & Ebalum Ruciensem, cum om-
nibus quos allicere sibi potuerunt, castrum & in castro eum obsidere, circumqua-
que eum & palo & vimine circumcingere, eumque multa mora fame periclitan-
tem ad deditionem cogere, castrumque si posset fieri subuertere, eumque perenni
carcere condemnare. Quod videns vir nequam, iam firmatis castellis, cum nec
dum vallo ab alio ad aliud clausum esset, nocte furtim exiit, & festinans ad famo-
sum iuuenem collaterales eius muneribus & promissis corripit. & ut ei militari suf-
fragaretur subsidio, citissimè obtinuit. Flexilis quippe & ætate & moribus, collecto
septingentorum militum exercitu, ad partes illas festinat accedere. Qui cum ca-
stello Acuti-montis appropinquaret, viri qui castrum circumcluserant, nuntios ad
eum delegant tanquam designato Domino, ne remouendo eos ab obsidione vi-
tuperium inferat, supplicant: opposcentes, ne pro perditissimo homine seruitium
tantorum amittat, infautum perniciosius sibi quàm eis, si nequam tuto remaneat,
veraciter profitentes. At verò cum nec blanditiis, nec minis à proposito eum de- B
uocare valerent, veriti sunt in designatum Dominum committere, & proponen-
tes cum ipse rediret ab obsidione * recidiuo bello redire, cesserunt, & quicquid
facere vellet inuiti sustinuerunt. Ipse verò in manu potenti disruptis & defossis cir-
cumquaque omnibus municipiis, Acutum-montem emancipauit, & tam armis
quàm victualibus eorum sophismata denodans copiosum reddidit. Eapropter Op-
timates, qui amore & timore eius cesserant, quia in nullo pepercerat, succensen-
tes dolent, nec ulterius se ei deferre iureiurando minantur. Cumque eum egredi
conspiciunt, castra mouent, acies bellatorum componunt, ipsumque tanquam
inituri cum eo prosequuntur. Hoc vnum mutæ congressioni oberat, quòd inter
acies vtriusque partis torrens tarde transitum porrigens conuenire prohibeat. Sic
vtraque classica, & pila minantia pilis, prima & altera die se conspiciantur, cum su-
bitò venit ad Francos quidam ioculator probus miles ab opposita parte, nuntians
irrefragabiliter primo quo inueniretur accessu eos committere, & illatam pro li-
bertate iniuriam hastis & gladiis vindicare, seque ad naturalem Dominum, ut pro
eo & cum eo dimiceret, eos dimisisse. Insonuit rumor per tentoria castrorum, & mi-
litum audacia tripudiat. Loricarum & galearum splendida pulchritudine se exor-
nant, animositatem exagitant, & si fortè transitus eis occurrat, torrentem transi-
lire accelerant: dignum ducentes magis ut hostes aggrediantur, quàm quòd se de-
fendant. Quod videntes nobilissimi viri Engeirrannus de Boua, Ebalus de Rucia- C
co Comes, Andreas de Rameru, Hugo Albus de Firmitate, Robertus de Capi-
co *, & alij sapientes & discreti, audaciam designati Domini admirantes, consultè
ei deferre elegerunt; & pacificè ad eum venientes, pubertatem eius amplexati
sunt, dextràsque amicitie contradentes, se & suos eius seruitio sponponderunt.
Nec multo post, ut diuinæ ascribatur voluntati impiorum subuersio, & castrum &
matrimonium incestu consanguinitatis fœdaturum diuortio amisit.

VIII. Hic & aliis virtutum prouectibus designatus Dominus conscendens, Regni
administrationi, & reipublicæ, sicut se rei opportunitas offerebat, sagaciter proui-
dere, recalcitrantes perdomare, castella infestantia quibuscunque modis aut oc-
cupare, aut incuruare strenuè satagebat. Vnde cum Guido Trucellus filius Milo-
nis de Monte-Leherij viri tumultuosi & Regni turbatoris, à via sancti Sepulchri
domum repedasset, fractus longi itineris anxietate, & diuersarum pœnarum mo-
lestia, & quia extraordinariè Antiochiam timore Corboranni per murum descen-
dens, Deique exercitum intus obsessum relinquens, toto corpore destitutus de-
fecit, timensque exheredari vnicam quam habebat filiam, domini Regis PHILIPPI
& filij LVDVICI voluntate & persuasionem, (valde enim appetebant castrum)
filio Regis Philippo de superducta Andegauensi Comitissa nuptui tradidit, & ut
in amorem suum frater maior Dominus Ludouicus firmissimè confœderaret, ca-
strum Meduntense prece patris matrimonio confirmauit. Qua occasione castro

A custodiæ suæ recepto, tanquam si oculo suo festucam eruisent, aut circumsepti repagula dirupissent, exhilarescunt. Testabatur quippe pater filio Ludouico nobis audientibus, eius defatigatione acerbissimè grauatum. Age, inquit, fili Ludouice, serua excubans turrim, cuius deuexatione penè consenui, cuius dolo & fraudulenta nequitia nunquam pacem bonam & quietem habere potui. Huius infidelitas fideles infideles, infideles infidelissimos procreabat, perfidos comminus eminúsque concopulabat, nec in toto Regno quicquam mali absque consensu eorum aut opere fiebat. Cùmque à fluuio Sequanæ Curbolio, medio viz Monte-Leherij, à dextra Castello-forti pagus Parisiacus circumcingeretur: inter Parisienses & Aurelianenses tantum confusionis chaos firmatum erat, vt neque hi ad illos, neque illi ad istos absque perfidorum arbitrio, nisi in manu forti valerent transmeare. Verùm præfati causa matrimonij sepem rupit, accessum iocundum vtrisque reparauit.

H v c accessit quòd Guido de Rupe-forti, vir peritus & miles emeritus, præfati Guidonis Truselli patruus, cùm ab itinere Hierosolymitano famosè copiosèque redisset, Regi PHILIPPO grater adhæsit. Et quia antiqua familiaritate iam & alia vice eius Dapifer extiterat, tam ipse quàm filius eius Dominus LVDOVICVS agèdis reipublicæ Dapiferum præfecerunt, vt & castrum prænominatum Montis-Leherij deinceps quietè possiderent, & de Comitatu eorum collimitante, videlicet Rupe-forti & Castello-forti, & aliis proximis castellis, & pacem & seruitium, quod **B** insolitum fuerat, vendicarent. Quorum mutua eo vsque processit familiaritas, vt patris persuasione filius Dominus Ludouicus filiam eiusdem Guidonis necdum nubilem matrimonio solenni reciperet. Sed quam sponsam recepit, vxorem non habuit, cùm ante thorum titulus consanguinitatis oppositus matrimonium post aliquot annos dissoluerit. Sic eorum per triennium continuata est amicitia, vt pater & filius se ei supremè crederent: & ipse Comes Guido, filiúsque eius Hugo Creciacensis, Regni defensionis & honori totis viribus inniterentur. Verùm quia, *Quo semel est imbuta recens seruat odorem Testa diu*, viri de Monte-Leherij consuetæ perfidiæ æmuli dolosè machinati sunt per Garlandenses fratres, qui tunc Regis & filij incurrerant inimicitias, quo modo Vicecomes Trecensis Milo minor frater Guidonis Truselli, cum matre Vicecomitissa, & magna manu militū venit: castròque ab omnibus votiuo receptus periurio, beneficia patris sæpius lachrymando replicat, generosam & naturalem eorum industriam repræsentat, fidem mirabilem prædicat, reuocationi suæ gratiarum actiones reportat, & vt benè cœpta benè perficiant, genibus eorum prouolutus suppliciter exorat. Tali & tam lugubri genuflexione flexi currunt ad arma, festinant ad turrim, committunt contra defensores turris gladiis, lanceis, igne, sudibus, & saxis acerrimè, vt & antemurale turris pluribus in locis perfoderent, & multos turrim defendentium ad mortem vulnerarent. Erat siquidem in eadem turri vxor præfati Guidonis, & filia Domino LVDOVICO desponsata. **C** Quod cùm auribus Dapiferi Guidonis insonuisset, vt erat vir vnanimis, expedite exiit, & cum quanta manu militum potuit, castello audacter appropinquauit. sed & vt se vndecumque sequantur velociter, velocissimos nuntios misit. Qui autem turrim impugnabant, à monte eum videntes, quia nondum turrim vincere potuerant, aduentum subitum Domini Ludouici tanquam iugulum formidantes retrocesserunt, & an starent, an fugam facerent, hæcere cœperunt. Guido verò vt erat strenuus, & in arte prouidus, Garlandenses consulè à castro asciuit, pacem Regis & Domini Ludouici, & gratiam iureiurando firmavit, & eos, & eorum taliter ab incepto remouit: eorūque deæctu & ipse Milo defecit, & celerem fugam infecta fauentione flens & eiulans arripuit. Quo audito, Dominus Ludouicus ad castrum celerrimè accelerauit, compertaque veritate, quia nihil perdiderat, gaudebat, & qui factiosos non inuenerat, vt eos patibulo affigeret, dolebat. Remanentibus verò, quia Guido iureiurando firmauerat, pacem Dominus Ludouicus seruauit. Sed ne quid simile deinceps molirentur, totam castri munitionem præter turrim deiecit.

I D circa temporis illustrem Antiochenum Principem Boamundum, cui specialiter illa potenti obsidione ipsa eiusdem vrbs ob sui strenuitatem reddita est munitio, contigit ad partes Gallorum descendisse: virum inter Orientales egregium & famosum, cuius quoddam generosum, & quod nunquam sine diua manu

LVDOVICVS
VI. GROS-
SVS.

I X.

LVDOVICVS
VI. GROS-
SVS.

fieri posset, factum, etiam inter ipsos prædicabatur Sarracenos. Cum enim cum A patre suo Roberto Guischaro forte transmarinum obsedisset castrum Durachium, nec Theffalonicenses gazæ, nec thesauri Constantinopolitani, nec ipsa Græcia tota eos arcere valeret, subito post eos transfretantes domini Papæ Alexandri Legati, qui eos & charitate Dei & obligatione hominij adiurando submoneant assistunt, ut Ecclesiæ Romanæ & domino Papæ in turre Crescentiani incluso ab Imperatore eripiant, deuotissimè supplicant. Naufragari urbem & Ecclesiam, imò ipsum dominum Papam, si non citò subuenerint, iureiurando pronuntiant. Hærent Principes, & quid eligant, an expeditionem tantam & tam sumptuosam irrecoverabiliter omittant, an dominum Papam, urbem & Ecclesiam ancillari, imò naufragari sustineant. Cumque hac anxiantur deliberatione, hoc excellentissimum istud facere, & illud non omittere, deliberant. Relicto siquidem obsidioni Boamundo, pater in Apuliam transfretando regressus, vndecumque potuit de Sicilia, Apulia, & Calabria, atque Campania, viros & arma collegit: & tam promptissimè quàm audacissimè, Romam acceleravit. Vnde diuina voluntate, & quasi portentum mirabile contigit, ut cum iste Romam, & Imperator Constantinopolitanus audita Roberti absentia, adunato Græcorum exercitu ad expugnandum Boamundum Durachium tam terra quàm mari applicuisset, vna & eadem die pater Guischarus Romæ cum Imperatore congregiens, ille cum Græcorum Imperatore strenuè confliens, vterque Princeps de vtroque Imperatore, B mirabile dictu! triumphauit. Præfati igitur Boamundi ad partes istas aduentus causa fuit, ut nobilissimam Domini LVDOVICI designati sororem Constantiam, moribus facerem, persona elegantem, facie pulcherrimam, matrimonio sibi copulari quibuscumque modis quæriraret. Tanta etenim & Regni Francorum, & Domini Ludouici præconabatur strenuitas, ut ipsi etiam Sarraceni huius terrore copulæ terrentur. Vacabat Domina, Comitem Trecentem Hugonem procum aspernata, nec decentem sponsum iterata copula appetebat. Callebat Princeps Antiochenus, & tam donis quàm promissis copiosus, Dominam illam celeberrimè sibi copulari Carnoti, præfente Rege & Domino Ludouico, multis astantibus Archiepiscopis, Episcopis, & Regni Proceribus, deuotè promeruit. Astitit etiam ibidem Romanæ Sedis Apostolicæ Legatus dominus Bruno Signinus Episcopus à domino Paschali Papa ad inuitandam & confortandam sancti Sepulchri viam dominum Boamundum comitatus. Vnde plenum & celebre Pictauis tenuit Concilium, cui & nos interfuimus: quia recenter à studio redieramus. Vbi de diuersis synodalibus, & præcipuè de Hierosolymitano itinere ne tepescat agens, tam ipse quàm Boamundus multos ire animauit. Quorum freti comitatu multo militaque militia, tam ipse Boamundus quàm domina Constantia, necnon & ipse Legatus ad propria prosperè & gloriosè remearunt. Quæ domina Constantia domino Boamundo duos genuit filios, Iohannem & Boamundum: sed Iohannes ante annos militiæ in Apulia obiit. Boamundus verò decorus iuuenis, militiæ aptus, G Princeps factus Antiochenus, cum Sarracenos instanter armis vrgeret, nec eorum zelantes impetus aliquid duceret, minus cautè eos insecutus, insidiis eorum interceptus, cum centum militibus æquo animosior infaustè decapitatus, Antiochiam & cum Apulia vitam amisit. Sequenti itaque præfati Boamundi repatriationis anno, venerandæ memoriæ vniuersalis & summus Pontifex Paschalis ad partes Occidentales cum multis & sapientissimis viris Episcopis, & Cardinalibus, & Romanorum nobilium comitatu, ut Regem Francorum & filium Regem designatum Ludouicum, & Ecclesiam Gallicanam consuleret super quibusdam molestiis, & nouis inuestituræ Ecclesiasticæ querelis, quibus cum & infestabat, & magis infestare minabatur Henricus Imperator, vir affectus paterni, & totius humanitatis expers, qui & genitorem Henricum crudelissimè persecutus exheredauit: & ut ferebatur, nequissima captione tenens, inimicorum verberibus & iniuriis ut insignia Regalia, videlicet coronam, sceptrum, & lanceam sancti Mauritij redderet, nec aliquid in toto Regno proprium retineret, impiissimè coëgit. Equidem deliberatum est Romæ propter Romanorum conductitiam perfidiam de præfatis, imò de omnibus quæstionibus tutius Regis, & Regis filij, & Ecclesiæ Gallicanæ in Francia, quàm in vrbe disceptare naufragio. Venit itaque Cluniacum, à Cluniaco ad Charitatem, vbi celeberrimo Archiepiscoporum, & Episcoporum, & Monastici Ordinis

A dinis Conuentu eidem nobili Monasterio sacram dedicationis imposuit. Affue-
runt & nobiliores Regni Proceres, inter quos & Dapifer Regis Franciæ nobilis
Comes de Rupe-forti domino Papæ missus occurrit, vt ei tanquam Patri spirituali
per totum Regnum eius beneplacito deseruieret. Cui consecrationi & nos ipsi in-
terfuimus, & contra dominum Episcopum Parisiensem Galonem multis querimo-
niis Ecclesiam beati Dionysij agitantem in conspectu domini Papæ viriliter stan-
do aperta ratione & canonico iudicio satisfacimus. Cùmque Turonis apud San-
ctum Martinum, vt mos est Romanus, Frigium ferens, *Latere Hierusalem celebraf-*
set, ad venerabilem beati Dionysij locum, tanquam ad propriam B. Petri Sedem,
beneuolus & deuotus deuenit. Qui gloriôsè & satis episcopaliter receptus, hoc
vnum memorabile, & Romanis insolitum, & posteris reliquit exemplum, quòd
nec aurum, nec argentum, nec pretiosas Monasterij margaritas, quod multum ti-
mebatur, non tantùm non affectabat, sed nec respicere dignabatur. Sanctorum
pignoribus humillimè prostratus, lachrymas compunctionis offerebat, holocau-
stum seipsum Domino & Sanctis eius toto animo inferebat, & vt de vestimentis
Episcopalibus beati Dionysij sanguine madefactis ad patrocinandum aliqua ei da-
retur portiuncula suppliciter exorauit: Ne displiceat, inquit, si de vestimentis
eius nobis vel parum reddideritis, qui eum vobis Apostolatu Galliæ insignitum
absque munere destinauimus. Occurrit itaque ei ibidem Rex Philippus & Do-
minus Ludouicus filius eius gratanter & votiuè, amore Dei Maiestatem Regiam
pedibus eius incuruantes, quemadmodum consueuerunt ad sepulchrum piscato-
ris Petri Reges submisso diademate inclinari. Quos dominus Papa manu erigens,
tanquam deuotissimos Apostolorum filios ante se redire fecit. Cum quibus de
statu Ecclesiæ vt sapiens sapienter agens familiariter contulit, eosque blandè de-
mulcens beato Petro sibi que eius Vicario supplicat opem ferre, Ecclesiam manu
tenere, & sicut antecessorum Regum Francorum Caroli Magni & aliorum mos
inoleuit, tyrannis & Ecclesiæ hostibus, & potissimum Henrico Imperatori auda-
cter resistere. Qui amicitie, auxilij, & consilij dextras dederunt, Regnum expo-
suerunt, & qui cum eo Catalaunum Imperatoris Legatis occurrere festinent, Ar-
chiepiscopos, & Episcopos, & Abbatem sancti Dionysij Adam, cum quo & nos
fuimus, coniunxerunt. Vbi cùm dominus Papa aliquantisper demoraretur, ex
condiçto ipsi Imperatoris Henrici Legati non humiles, sed rigidi & contumaces,
cùm apud Sanctum Memmum hospitia suscepissent: relicto inibi Cancellario Al-
berto, cuius oris & cordis vnanimitate ipse Imperator agebat, ceteri ad Curiam
multo agmine, multo fastu, summè phalerati deuenerunt. Hi siquidem erant
Archiepiscopus Treuerensis, Episcopus Aluertatensis, Episcopus Monasterien-
sis, Comites quamplures, & cui gladius vbique præferebatur Dux V Velfo, vir
corpulentus, & tota superficie longi & lati admirabilis & clamorosus: qui tumultuan-
tes magis ad terrendum quàm ad ratiocinandum missi viderentur. Singulariter &
solus Treuerensis Archiepiscopus, vir elegans & iocundus, eloquentiæ & sapien-
tiæ copiosus, Gallicano coturno exercitatus, facetè perorauit, domino Papæ &
Curie salutem & seruitium ex parte domini Imperatoris deferens, saluo iure Re-
gni. Et prosequens de mandatis, Talis est, inquit, domini nostri Imperatoris,
pro qua mittimur, causa. Temporibus antecessorum nostrorum sanctorum &
Apostolicorum virorum magni Gregorij & aliorum, hoc ad ius Imperij pertine-
re dinoscitur, vt in omni electione hic ordo seruetur, antequam electio in pa-
lam proferatur ad aures domini Imperatoris perferre, & si personam deceat as-
sensum ab eo ante factam electionem assumere, deinde in conuentu secundùm
Canones petitione populi, electione Cleri, assensu honoratoris proferre, con-
secratum liberè nec simoniacè ad dominum Imperatorem pro regalibus, vt an-
nulo & virga inuestiatur redire, fidelitatem & hominium facere. Nec mirum.
etenim ciuitates & castella, marchias, thelonea, & quæque Imperatoriæ digni-
tatis nullo modo aliter debere occupare. Si hæc dominus Papa sustineat, pro-
sperè & bona pace Regnum & Ecclesiam ad honorem Dei inhæreret. Super
his igitur dominus Papa consultè oratoris Episcopi Placentini voce respondit:
Ecclesiam pretioso Iesu Christi sanguine redemptam & liberam constitutam,
nullo modo iterato ancillari oportere. Si Ecclesia eo inconsulto Prælatum eli-
gere non possit, cassata Christi morte ei seruiliter subiacere, si virga & annulo

LVDOVICVS
VI. GROS-
SVS.

inuestiatur, cùm ad altaria eiusmodi pertineant contra Deum ipsum vsurpare, si A
sacratas Dominico corpori & sanguini manus laici manibus gladio sanguinolentis obligando supponant, ordini suo & sacrae vnctioni derogare. Cùmque hæc
” & his similia ceruicosi audissent Legati, Theutonico impetu frendentes tumultuabant, & si tuto auderent, conuitia eructuarent, iniurias inferrent: Non hic,
” inquit, sed Romæ gladiis determinabitur querela. Verùm Papa quamplures viros approbatos & peritos ad Cancellarium misit, qui eum super his compositè & placidè conuenirent, & audirentur & audirent, & ad pacem Regni eum operam dare obnixè exorarent. Quibus recedentibus dominus Papa Trecas venit, diu submonitum vniuersale Concilium honorificè celebrauit, & cum amore Francorum, quia multum seruierant, & timore & odio Theutonicorum ad Sancti Petri Sedem prosperè remeauit. Imperator verò secundo ferè recessionis eius anno, collecto mirabili triginta millia militum hoste, nullas nisi sanguine fuso gaudet habere vias. Romam tendit, inire callens pacem simulat, querelam inuestiturarum deponit. multa & hæc & alia bona pollicetur, & vt urbem ingrediatur, quia aliter non poterat, blanditur, nec fallere summum Pontificem & totam Ecclesiam, imò ipsum Regem Regum veretur. Vnde quia audiebant tantam & tam perniciosam Ecclesiæ Dei sopitam quæstionem, æquo aut plus æquo Romani Quirites tripudiant, Clerus supremè exultat, & quomodo eum honorificentius & elegantissimè recipiant exhilarati decertant. Cùmque dominus Papa Episcoporum & Cardinalium togata cum apertis albis operturis equis constipatus turma, subsequente populo Romano, occurrere acceleraret; præmissis, qui tactis sacrosanctis Euangelis ab eodem Imperatore iuramentum pacis, inuestiturarum depositionem susciperent, in eo qui dicitur Mons-gaudij loco, vbi primum aduentantibus limina Apostolorum beatorum visa occurrunt, id ipsum iteratur. In porticu verò mirabili, & vniuersali Romanorum spectaculo manu propria Imperatoris & Optimatum triplicatur iuramentum, exinde infinitè nobilius quàm si Africana victoria potito, arcus triumphalis arrideret, cum hymnis & laudum multiplici triumpho domini Papæ manu sacratissima diademate coronatur more Augustorum, ad sacratissimum Apostolorum altare præcinentium Clericorum odis & Alemannorum cantantium terribili clamore cælos penetrante, celeberrima & solempni deuotione deducitur. Cùm igitur dominus Papa Missas gratiarum agens, corpus & sanguinem Iesu Christi confecisset, partitam Eucharistiam in amoris impartibilis confæderatione & pacti conseruatione ob fidem mirabilem Ecclesiæ deuouens suscipiendo Imperator communicauit. Nec dum dominus Papa post Missam Episcopalia deposuerat vestimenta, cùm inopinata nequitia ficta litis occasione furor Theutonicus frendens debacchatur: exertis gladiis velut pleni insania discurrentes Romanos tali in loco iure inermes aggrediuntur, clamant iureiurando vt Clerus Romanus, omnes tam Episcopi quàm Cardinales capiantur aut trucidentur: & quod vlla non potest attingere insania, G
in dominum Papam manus impias inicere non verentur. Luctu inexplicabili, & dolore præcordiali tam Nobilitas Romana, quàm ipse populus lugebat fauctionem. Licet serò animaduertunt, alij ad arma currunt, alij sicut stupidi fugiunt: nec inopinato hostium bello, nisi cùm trabes de porticu deponentes eorum ruinam suam facere defensionem, euadere potuerunt. Præfatus autem Imperator pessimæ conscientia & facinoris facti perterritus cruciatu, urbem quantocius exiuit, prædam à Christiano Christianis inauditam, dominum videlicet Papam, & cunctos quos potuit Cardinales, & Episcopos adducens, ciuitate Castellana loco & natura & arte munitissimo se recepit. Cardinales ipsos turpiter exuens, inhonestè tractauit, & quod dictu nefas est, ipsum etiam dominum Papam tam pluuiali, quàm mytra, cùm quæcumque desert insignia Apostolatus, non veritus in Christum Domini mittere manum, superbè spoliauit: multasque iniurias, nec eum nec suos multo dedecore affligens dimisit, donec ad præfati pacti solutionem, & exinde facti Priuilegij redditionem coëgit. Aliud etiam de manu domini Papæ, vt deinceps inuestiret surreptitium Priuilegium extorsit, quod idem dominus Papa in magno Concilio trecentorum & eo ampliùs Episcoporum iudicio Ecclesiæ nobis audientibus conquassauit, & perenni anathemate irritum reduxit. Verùm si quærit quis, quare Dominus ita tepidè fecerit,

A nouerit, quia Ecclesia, percusso Pastore & collateralibus, languebat, & penè eam, tyrannus ancillans, quia non erat qui resisteret, tanquam propriam occupabat. Cui certum factò dedit experimentum, quod cùm Fratres Ecclesiæ columnas ad tuitionem & Ecclesiæ reparationem quomodocumque solui fecisset, pacemque Ecclesiæ qualemcumque reformasset: ad heremum solitudinis confugit, moramque ibidem perpetuam fecisset, si vniuersalis Ecclesiæ & Romanorum violentia coactum non reduxisset. Verùm Dominus Iesus Christus redemptor & defensor Ecclesiæ suæ, nec eam diutius conculcari, nec Imperatorem impunè ferre sustinuit. Qui etenim nec tenti nec fide obligati fuerant, causam Ecclesiæ fluctuantis suscipientes Domini designati LVDOVICI suffragio & consilio in Gallicana celebri Concilio collecta Ecclesia Imperatorem tyrannum anathemate innodantes mucrone beati Petri perfoderunt. Deinde Regno Theutonico applicantes Optimates, & partem Regni maximam aduersus eum commouerunt fautores eius, & Bucardum Rufum Monasteriensem Episcopum deposuerunt, nec ab infestatione aut heredatione vsque in còdignam pessimæ vitæ & tyrannici principatus defauillationem desuper sederunt. Cuius malo merito transplantatum est, Deo vlciscente, Imperium. cùm eo exterminato Dux Saxoniz Lotharius successit, vir bellicosus, Reipublicæ defensor inuictus. Qui cùm recalcitrantem Italiam, Campaniam, Apuliam, vsque ad mare Adriaticum, præsentè Siculo Rege Rogerio, eo quod se Regem creasset, depopulando, domino Innocentio Papa comitatus perdomuisset, cum nobilissimo triumpho repatrians victor sepulturæ succubuit. Hæc & alia huiusmodi eorum Scriptores depingant. nos quia proposuimus, gestis Francorum stilum replicemus.

PRÆFATVS itaque Comes VVido de Rupe-forti, quem æmulum machinatione matrimonium, quod contrahebatur inter Dominum designatum & filiam suam consanguinitate impetitur, diuortio solutum in præsentia domini Papæ fuerat: rancore animi concepto scintillam tenuem commotos paut in ignes. Nec minus Dominus designatus in eum zelabatur, cùm subito Garlandenses se intermiscientes amicitiam soluunt, fœdus defœderant, inimicitias exaggerant. Nactus itaque occasionem bellandi designatus Dominus, eo quod Hugo de Pompona miles strenuus, Castellanus de Gornaco castro super fluuium Matronæ sito, mercatorum in regia strata equos ex insperato rapuit, & Gornacum adduxit. Eius contumelia præsumptionis penè extra se positus LVDOVICVS exercitum colligit, castrum subita obsidione, vt victuali carerent opulentia, velocissimè cingit. Hæret castello insula grata amœnitate pabulorum, equis & pecoribus opima, quæ se aliquantisper latam, sed plus longam producens, maximam oppidanis confert vtilitatem; cùm se spatiantibus decurrentium aquarum clarificam exhilarationem, & modò sordentium, modò virentium graminum obtutibus & formis exhilaratam offerat clarificationem, amnis etiam circumclusione existentibus securitatem. Hanc igitur Dominus Ludouicus classem præparans, aggredi maturat, quosdam militum & multos peditum, vt expeditius ineant, & si cadere contingat, citius resiliant, denudat. Alios verò natando, alios licet periculosè aquarum profundo, vt cumque equitando ipsemet flumen ingrediens, audaciter insulam occupare imperat. Oppidani fortiter resistunt, & ripa ardua altiores, fluctibus & classe inferiores, saxis, lanceis, sed & sudibus durè repellunt. Verùm repulsi animi motu, animositate resumpta, repellentes repellere insistant, balistarios & sagittarios iacere compellunt, manualiter prout attingere possunt configunt, loricati & galeati de classe pyratarum more audacissimè committunt, repellentes repellunt, & vt consuevit virtus dedecoris impatiens, occupatam armis insulam recipiunt, eosque se in castro coërcitos recipere compellunt. Quos cùm aliquantisper arto obsessos, ad deditiorem cogere non valeret, impatiens morarum, quadam die animositate rapitur, exercitum cogit, castrum munitissimum vallo arto & rigido superius glâde, inferius torrentis profunditate penè inexpugnabili aggreditur, per torrentem vsque ad balteum fossatum conscendens, ad glandem contendit, pugnare pugnando imperat, grauissimè, sed amarissimè cum hoste decertat. Viri e contra defensores audaciam vitæ præferentes ocius defensionis insistant, nec etiam Domino parcunt, arma mouent, hostem reiciunt superiorem, imo torrentis inferiorem præcipitâdo restitunt. Sic ea via illi gloriam, isti repulsam, licet inuiti, sustinuerunt. Paratur deinceps castrum

LVDOVICVS
VI. GROS-
SVS.

euerfioni bellica instrumenta, erigitur triſtegas tres pugnantibus porrigens ſu- A
pereminens machina, quæ caſtro ſuperlatiu propugnatorij primi ſagittariis & ba-
liſtariis, ire aut per caſtellum apparere prohiberet. Vnde, quia inceſſanter die ac
nocte his coarctati deſenſionibus ſuis aſſiſtere non valebant, terratis caueis deſen-
dentes ſeipſos prouidè deſenſabant, ſuorumque iſtibus ſagittariorum inſidiantes
primi propugnaculi ſuperiores mortis periculo anticipabant. Hærebat machinæ
eminenti pons ligneus, qui ſe excelsius porrigens, cum pauliſper demitteretur ſu-
per glandem, facilem deſcendentibus pararet ingreſſum. Quod contra viri ſuper
his callentes lignea podia ex oppoſito ſeparatim præferabant, & vt pons & qui per
pontem ingrederentur, vtrique corruentes in ſubterraneas foueas acutis ſudibus
armatas, ne animaduernerentur ſictè paleis opertas, vitæ periculum & mortis mul-
tam ſuſtinerent. Interea præfatus Guido vt callens vir & ſtrenuus parentes & ami-
cos exagitat, dominos ſupplicando ſollicitat, obſeſſis ſuffragia accelerat. Agens
igitur cum Comite Palatino Theobaldo elegantiffimæ iuuentutis, & militaris di-
ſciplinæ induſtria exercitato viro, quatenus die certa, (deſiciebant enim obſeſſis
viſtuala,) præſidia ferret, caſtrum exobſeſſum manu forti deliberaret: ipſe inte-
rim rapinis, incendio, vt obſidionem remoueret, inſudabat. Deſignata igitur die
qua prædictus Comes Theobaldus & præſidia ferret, & obſidionem manu militari
remoueret, Dominus deſignatus non eminus, ſed còminus quem potuit collegit
exercitum, & regiæ memor excellentiæ maſtæ virtutis, relictis tentoriis & eorum
deſenſoribus, lætabundus occurrit, & præmiſſo qui eos venire, aut eos velle di-
micare renunciaret, ipſe Barones aſciſcit, acies ordinat, militarem & pedestrem, ſa- B
gittarios & lancearios ſuo loco ſequeſtrat. Vt ergo ſe conſpiciantur claffica into-
nant, equitum & equorum animoſitas incitatur, citiſſimè committitur. Verùm
Franci Marte continuo exercitati Briennes longa pace ſolutos aggreſſi cædunt, lan-
ceis & gladiis præcipitant, victoriæ inſiſtunt, nec eos impugnare viriliter tam mili-
tari quàm pedestri manu deſiſtunt, donec terga vertentes fugæ præſidium arripue-
runt. Ipſe verò Comes mallens primus quàm extremus in fuga, ne caperetur, re-
periri, relictò exercitu repatriare contendit. Qua congreſſione quidam interfecti,
multi vulnerati, plurimi capti, famoſam vbique terrarum celeberrimam fecere
victoriam. Potitus itaque tanta & tam oportuna Dominus L V D O V I C V S victo-
ria, tentoria repetit, oppidanos vana ſpe fruſtratos cicit, caſtellum ſibi retinens
Garlandenſibus committit.

XI. S I C V T ergo nobiles innobiles, glorioſos inglorioſos reddens, pigritia deſidiam
comitata imò deprimit: ſic nobiles nobiliores, glorioſos glorioſiores, virtus ani-
mi corporis exercitio agitata ſuperis attollit, & quibus oblectata ſtrenuitas per-
fruatur, præclara facinora vndecumque terrarum viris offerendo reponit. Aſſiſtunt
equidem qui magnificis exhorrent ſuppliciis, multo etiam & ſumptuoſo ſeruitio ad
partes Bituricenſium Dominum Ludouicum tranſmeare, ea in parte qua conſinia
Lemouicenſium conterminant, ad caſtrum videlicet Sanctæ Seueræ nobiliſſimum, C
& hereditaria militiæ poſſeſſione famoſum, pedite multo populolum, dominumq;
illius virum nobilem Hunbaldum, aut ad exequendum iuſticiam cogere, aut iure
pro iniuria caſtrum lege Salica amittere. Rogatus verò non cum hoſte, ſed dome-
ſticorum militari manu fines illos ingreſſus, cum ad caſtrum feſtinaret, præfatus Ca-
ſtellanus multa militia comitatus (erat enim generoſi ſanguinis, benè liberalis &
prouidus) ei occurrit, riuumq; quendam repagulis & palis præponens (nulla enim
alia ſuccedebat via) exercitui Francorum reſiſtit. Cùmque ibidem mediante riuo
vtrique hærent, Dominus L V D O V I C V S vnum eorum audaciùs ceteris indi-
gnatus repagula exiſſe, equum calcaribus vrget, & vt erat vir præ ceteris cordatus,
inſiliens in eum lancea percuffum, nec eum ſolum, ſed præter eum alium vno iſtu
proſternit, & quod Regem dedeceret in eodem riuo copioſum vſque ad galeam
balneum componit; ſucceſſusque ſuos vrgeri non differens, quo ille arto exierat,
iſte intrauit, & pugili congreſſione hoſtes abigere non deſiſtit. Quod Franci viden-
tes, mirabiliter animati repagula rumpunt, riuum tranſiliunt, hoſtesque multa cæ-
de perſequentes ad caſtrum vſq; coactos repellunt. Fama volat, oppidanos totam-
que viciniâ percellit, quòd Dominus Ludouicus & ſui vt fortiſſimi milites, donec
funditus ſubuerterit caſtrum, & nobiliores caſtri aut patibulo affigat, aut oculos
eruat, recedere dedignetur. Ea propter conſultè agitur, vt & dominus caſtri ſe de-

A dere Regiæ Maiestati non differat, castrumque & tertiam eius ditioni subiiciat. Rediens itaque Dominus Ludouicus, prædam dominum castri fecit, & subito triumpho eo Stampis relicto Parisius felici successu remeavit.

LVDOVICVS
VI. GROS-
SVS.

DEINCEPS in diem proficiente filio, pater eius Rex PHILIPPVS in diem deficiebat. Neque enim post superductam Andegauensem Comitissam quicquam Regia Maiestate dignum agebat, sed raptæ coniungis raptus concupiscentia voluptati suæ satisfacere operam dabat. Vnde nec Reipublicæ prouidebat, nec proceri & elegantis corporis sanitati plus æquo remissus parcebat. Hoc vnum supererat, quod timore & amore successoris filij Regni status vigeat. Cumque ferè sexagenarius esset, Regem exuens apud Milidunum castrum super fluuium Sequanæ præsentem Domino LVDOVICO extremum clausit diem. Cuius nobilibus exequiis interfuerunt viri venerabiles, VValo Parisiensis Episcopus, Siluaneensis, Aurelianensis, & bonæ memoriæ Adam beati Dionysij Abbas, & viri religiosi quamplures. Qui nobile Regiæ Maiestatis cadauer ad Ecclesiâ beatæ Mariæ perferentes, celebres ei exequias pernoctauerunt. Sequentem verò mane lecticam palliis seu quocumque funebri ornatu decenter ornatam, ceruicibus maiorum suorum imposuit filius, & filiali affectu, quemadmodum decebat, modo pedes, modo eques, cum quos habebat Baronibus lecticam flendo adiutare studebat. Hic etiam mirabilem ostendens animi generositatem, cum **B** toto tempore vitæ suæ nec pro matris repudio, nec etiam pro superducta Andegauensi ipsum in aliquo offendere, aut Regni eius dominationem defraudando in aliquo, sicut alij consueuerunt iuuenes, curauerit perturbare. Cum autem ad nobile Monasterium beati Benedicti super Ligerim fluuium multo comitatu deportassent, quoniam ibidem se deuouerat, dicebant siquidem, qui ab eo audierant, quod à sepultura patrum suorum Regum, quæ in Ecclesia beati Dionysij quasi iure naturali habetur, se absentari desiderauerat, eò quod minus benè erga Ecclesiâ se habuerat, & quia inter tot nobiles Reges non magni duceretur eius sepultura: in eodem Monasterio ante altare positum, prout decentius potuerunt, hymnis & prece animam Domino commendantes, corpus solemnibus faxis exceperunt.

PRÆFATVS autem LVDOVICVS, quoniam in adolescentia Ecclesiæ amicitiam liberali defensione promeruerat, pauperum & orphanorum causam sustentauerat, tyrannos potenti virtute perdomuerat, Deo annuente ad Regni fastigia, sicut bonorum voto asciscitur, sic malorum & impiorum votiuâ machinatione, si fieri posset, excluderetur. Consultè ergo agitur, & potissimum dictante venerabili & sapientissimo viro Iuone Carnotensi Episcopo, vt ad refellendam impiorum machinationem citissimè Aurelianis conueniant, eiusque exaltationi operam dare maturè festinent. Senonensis igitur Archiepiscopus Daimbertus inuitatus cum comprouincialibus, videlicet Galone Parisiensi Episcopo, Manasse Meldensi, Iohanne Aurelianensi, Iuone Carnotensi, Hugone Niuernensi, Humbaldo Autissiodorensi, accessit. Qui in die Inuentionis sancti prothomartyris Stephani sacratissimæ vnctionis liquore delibutum, Missas gratiarum agens, abiectoque secularis militiæ gladio, Ecclesiastico ad vindictam malefactorum accingens, diadema Regni gratanter coronauit, nec non & sceptrum & virgam, & per hæc Ecclesiarum & pauperum defensionem, & quæcumque Regni insignia approbante Clero & populo deuotissimè contradidit. Nec dum post celebrationem diuinorum festiuas deposuerat exuias, cum subito mali nuncij baiulatores à Remensi Ecclesia assistunt, Literas contradictorias deferentes, & auctoritate Apostolica si tempestiuè venissent, ne Regia fieret vnctio interminantes. Dicebant siquidem primæ Regis coronæ primicias ad ius Ecclesiæ Remensis spectare, & à primo Francorum Rege, quem baptizauit beatus Remigius, Clodoueo, hanc prærogatiuam illibatam & inconuulsam obtinere: si quis eam temerario ausu violare temptauerit, anathemati perpetuo subiacere. Ea siquidem occasione Archiepiscopo suo venerabili & emerito viro Viridi Rodulfo, qui Domini Regis, eò quod absque eius assensu electus & inthronizatus fuerat Sede Remensi, grauissimas & periculosas incurrerat inimicitias, pacem impetrare, aut Regem non coronari sperabant. Qui, quia intempestiuè venerunt, ibi muti ad propria loquaces redierunt: aut si quid dixerunt, nihil tamen vtile retulerunt.

LYDOVICVS
VI. GROS-
SVS.

XIV.

LYDOVICVS igitur Dei gratia Rex Francorum, quoniam in adolescentia id- A
ipsum consueverat, dissuescere non potuit, videlicet Ecclesias tueri, pauperes &
egenos protegere, paci & Regni defensionis insistere. Præfatus itaque Guido Ru-
beus, filiusque eius Hugo Creciacensis iuuenis idoneus, armis strenuus, tam rapi-
nis quàm incendiis aptus, totiusque Regni turbator celerrimus, rancore animi cu-
mulato pro amissi castri Gornaci erubescencia, à Regiæ excellentiæ derogatione
non cessabant. Eapropter nec etiam fratri Comiti Corboilensi Odoni, quia ei nul-
lam contra Regem tulerat opem, parcere elegit; sed eius insidians simplicitati, cum
quadam die venatum iri penes se securè decreuisset, quid rei, quid spei, corrupta
inuidiâ consanguinitas pariat insipiens, animaduertit. Raptus equidem ab eodem
fratre Hugone in castro, qui dicitur Firmitas-Balduini, compedibus & cathenis
impeditur: nec si facultas suppeteret, nisi cum Regem impeteret bello, expedire-
tur. Qua inusitata infania oppidani Curboilenses multi, (oppugnabat enim castel-
lum veterana militum multorum nobilitas,) ad Regiæ Maiestatis publicum confu-
giunt asylum: genibus eius prouoluti lachrymabili singultu captum Comitem, &
captionis causam denunciant, & ut eum potenter eripiat, multiplici prece sollici-
tant. Spe autem ereptionis eo spondente suscepta, iram mitigant, dolorem alle-
uiant, & qua arte, quibus valeant viribus, Dominum recuperare decertant. Vn-
de actum est, ut quidam de Firmitate-Balduini, quæ nec hereditario iure, sed occa-
sione cuiusdam matrimonij de Comitissa Adelaide, quam retento castro spretam
repudiavit, ad eum spectabat; cum quibusdam Curboilensium conferentes iure-
iurando in castro, cautè tamen, eos recipere firmauerunt. Quorum persuasione
cum Rex pauca curialium manu, ne publicaretur, accelerasset, serò cum ad hanc
circa ignes confabularentur, qui præmissi fuerant, videlicet Ansellus de Garlanda
Dapifer, tanquam miles strenuus, porta qua determinatum erat penè cum qua-
draginta armatis receptus, viribus eam occupare contendit. Verùm oppidani fre-
mitum equorum, equitum murmur inopinatum admirantes, econtra profiliunt,
& quia via ostiis oppositis arctabatur, & ingressus ad nutum aut ire aut redire pro-
hibebat, indigenæ pro foribus audaciores expeditiùs eos cædebant. Qui & noctis
tenebrati opacitate, & loci coarctati infortunio, cum sustinere diutius non va-
lentes portam reperissent: Ansellus, ut erat animosus, retrocedens & cæsus, quia
portam hoste anticipatus non potuit, interceptus turrim castri eiusdem non ut Do-
minus, sed ut captiuus, cum Comite Corboilensi occupauit. Et pari dolore, dis-
pari timore, cum alius mortem, alius exheredationem tantum timeret, versus ille
eis aptari poterat: ---- *Solatia fati*

Carthago Mariusque tulit.

Quod cum clamore refugorum accelerantis Regis auribus insonuisset, deuian-
do densæ noctis molestia se demoratum dedignans celerrimo insiliit equo, & inni-
tens irrumpendo portam præsidia suis audacter deferre, porta ferrata telorum, &
lancearum, & saxorum grandine cessit repulsus. Quo consternati dolore fratres
» & consanguinei capti Dapiferi, pedibus Regis prouoluti, Miserere, inquit,
» gloriose Rex, strenuè agens, quoniam sinefandus ille Hugo Creciacensis, homo
» perditissimus, humani sanguinis sitibundus, vel huc veniens, vel illuc abducens
» fratrem nostrum, tangere quoquo modo potuerit, iugulo eius citissimè insistat, nec
» quæ cum pœna maneat, si ferocior ferocissimo subita morte eum interficiat, cura-
bit. Hoc ergo timore Rex citissimè castrum cingit, portarum vias obtrudit, mu-
nicipiis quatuor aut quinque castrum concludit, & ad captorum & castelli rece-
ptionem & Regni & personæ operam impendit. Præfatus autem Hugo, quorum
captione primò exhilaratus, horum ereptione vel castri amissione valde perterri-
tus, anxietur, laborat, & quomodo castrum ingredi posset modo eques, modo pe-
des, multiformi ioculatoris & meretricis mentito simulachro machinatur. Vnde
cum quadam die id circa tota eius inuentio versaretur, de castris animaduersus in-
filientium peremptorios impetus sustinere non valens, fugam apponit saluti: cum
subitò inter alios & ante alios animi & equi velocitate Guillelmus frater capti Da-
piferi, miles facetus & armis strenuus, eum grauissimè insectans impedire conatur.
Quem cum ipse Hugo ipsa sui velocitate singularem conspiceret, vibrato fraxino
sæpe in eum intendebat: sed quia timore consequentium moram facere non au-
debat, reciprocam fugam capiebat. Hoc mirè & egregiè callens, quòd si cum

A solo solus mora aliqua inire posset, animi audaciam aut duelli trophæo aut mortis periculo mirabili fama declararet. Crebrò etiam contigit, ut villas in via sitas, & occurrentium hostium indeclinabiles impetus nullo modo euadere valeret, nisi cum simulata fraude seipsum Garlandensem Guillelmum fallendo, Guillelmum autem Hugonem se sequentem conclamaret, & ex parte Regis, ut eum tanquam hostem impedirent, inuitaret. His & aliis huiusmodi tam linguæ cautela, quam animi strenuitate fuga lapsus, multos vnus derisit. Rex autem nec hac nec alia occasione ab incæpto obsidionis desistens, castellum coarctat, oppidanos terebrat, nec eos impugnare desistit, donec expugnatis clam militibus, quorundam tamen oppidanorum machinatione, potenti virtute ad deditionem coëgit. Quo tumultu milites ad arcem fugientes, vitæ, non captioni consuluerunt. Nam ibidem inclusi, nec se plenè protegere, nec arcem exire quoquo modo valuerunt; donec quidam cæsi, plures sauciati Regiæ Maiestatis arbitrio succumbentes, tam se quàm arcem non inconsulto Domino suo exposuerunt. Sic vno facto pius & sceleratus eodem, Dapiferum sibi, fratribus fratrem, Corboilensibus Comitem, tam prudenter quàm clementer restituit. De castello militum quosdam eorum bona depopulans exheredauit, quosdam diuturni carceris maceratione, ut terretet consimiles, affligens, durissimè punire instituit. Talique victoria coronæ primitias contra æmulo-
rum opinionem egregiè Deo donante nobilitauit.

E A tempestate ad partes Normannorum contigit deuenisse Regem Anglorum **XV:**
B Henricum, virum fortissimum, pace & bello clarum. Cuius admirabilem & penè per vniuersum Orbem declaratam excellentiam, ille etiam agrestis vates, Anglorum sempiterni euentus mirabilis spectator & relator Merlinus, tam eleganter quàm veraciter summo præconio commendat, ac in eius laude voce prophetica erumpens ex abrupto, ut vatum mos inoleuit, Succedet, inquit, leo iustitiæ, ad cuius rugitum Gallicanæ turres & insulani dracones tremebunt. In diebus eius aurum ex lilio & vrtica extorquebitur, & argentum ex vngulis mugientium manabit. Calamistrati varia vellera vestibunt, quia exterior habitus interiora signabit, pedes latrantium truncabuntur, pacem habebunt feræ, humanitas supplicium dolebit, findetur forma commercij, dimidium rotundum erit, peribit miluorum rapacitas, & dentes luporum hebetabuntur. Catuli leonis in æquoreos pisces transformabuntur, & aquila eius super montes Arauium nidificabit. Quæ rota tanti & tam decrepiti vaticinij, vsque adèd & personæ strenuitati & Regni administrationi adaptatur, ut nec vnum iota, nec vnum verbum ab eius conuenientia dissentire valeat: cum ex hoc etiam quod in fine de catulis eius dicitur, manifestè appareat filios eius & filiam naufragatos, & à maritimis piscibus deuoratos, & conuertibiliter physicè transformatos, illius vaticinium pro certo verificasse. Præfatus itaque Rex Henricus Guillelmo fratri feliciter succedens, cum consilio peritorum & proborum virorum Regnum Angliæ Regno antiquorum Regum gratanter disposuisset, ipsasque Regni antiquas consuetudines ad captandam eorum beniuolentiam iureiurando firmaret, applicuit ad portum Ducatus Normannici, fretusque Domini Regis Francorum auxilio terram componit, leges recolit, pacem coactis imponit, nihil minus quàm eruitionem oculorum, & celsitudinem furcarum, si rapiant, promittens. His igitur & huiusmodi promissionibus, & crebris promissionum redditionibus percussis, quia pollicitis diues quilibet esse potest, silet terra in conspectu eius, pacem seruant inuiti, feroci Danorum propagatione pacis expertes Normanni, & in hoc ipso vatis agrestis oracula verificantes. Perit enim miluorum rapacitas, & dentes luporum hebetabuntur, cum nec nobiles nec innobiles deprædari aut rapere quacumque audacia præsumunt. Quod autem dicit, Ad rugitum leonis iustitiæ Gallicanæ turres & insulani dracones tremebunt: huc accedit, quòd fere omnes turres & quacumque fortissima castra Normanniæ, quæ pars est Galliæ, aut euersum iri fecit, aut suos intrudens, & de proprio ærario procurans, aut si dirutæ essent, propriæ voluntati subiugauit. Insulani dracones tremuerunt, cum quicumque Angliæ Proceres, nec etiam mutire tota eius administratione præsumpserunt. In diebus eius aurum ex lilio, quod est ex religiosis boni odoris, & ex vrtica, quod est ex secularibus pungentibus, ab eo extorquebatur: hoc intendens, ut sicut omnibus proficiebat, ab omnibus ei seruiretur. Tutius est enim vnum ut omnes defendat ab omnibus ha-

LYDOVICVS
VI. GROS-
SVS.

bere, quàm non habendo per vnum omnes deperire. Argentum ex vngulis mu-
gentium manabat, cum turris secutitas horreorum plenitudinem, horreorum ple-
nitudo argenti copiam, plenis seriniis ministrabat. Qua occasione & castrum Gi-
fortium tam blanditiis quàm minis à Pagano de Gisfortio eum extorquere contigit:
castrum munitissimum, situ loci compendiosum, quod ad vtrumque terminum
Francorum & Normannorum fluuiò grata piscium fecunditatis, qui dicitur Etta,
interflente, antiquo fune geometricali Francorum & Danorum concorditer me-
rito collimitat, ad irruendum in Franciam gratum Normannis prabens accessum,
Francis prohibens. Quod si facultas habendi suppeteret, nec minus Rex Franco-
rum Rege Anglorum ipsa loci & immunitatis oportunitate iure Regni appetere
debuisset. Huius itaque repetitio castri inter vtrumque Regem subitum odij fo-
mitem ministravit. Vnde Rex Francorum cum ad eum pro redditione aut pro
castri subuersione misisset, nec profecisset, notam rupti fœderis opponens diem
agendi statuit, locum assignat. Accumulantur interim, vt in talibus fieri solet,
æmulorum maledictis excitata odia Regum, nec dum licet pacantur, quomodo
ad colloquium superbe & exosè sibi occurrant, vires militares exaggerant. Colle-
ctis igitur magna ex parte Francorum Regni Proceribus, videlicet Roberto Flan-
drensi Comite cum quatuor ferme millibus militum, Comite Theobaldo Palati-
no, Comite Niuernense, Duce Burgundionum, cum aliis quamplurimis; multis
etiam Archiepiscopis & Episcopis, per terram Melluntensis Comitis, quia adhæ-
rebat Regi Angliæ, transeundo, depopulans, & incendiis exponens, talibus bene-
ficiis futuro adulabatur colloquio. At vbi vtroque maximo collecto exercitu,
ventum est ad locum vulgo nominatum Plancas Ninfœoli, ad castellum loco in-
fortunatum, cui perhibet accolarum antiquitas, aut vix aut nunquam conuenien-
tes pacificari, super ripam intercurrentis & communem transitum prohibentis am-
nis consedit exercitus. Consulte verò nobiliores & sapientiores electi Franci, per
pontem tremulum & singulis & pluribus subitum minantem præcipitium ipsa sui
vetustate transeuntes, Anglico Regi diriguntur. Quorum qui referendam susce-
perat actionis causam, peritus Orator, insalutato Rege, ore Comitum sic perora-
uit: Cum gloriosa Domini Regis Francorum liberalitate Ducatum Normanniæ
» tanquam proprium feodum ab eiusdem munifica dextra vestra recepisset industria,
» inter alia & præter alia hoc specialiter iureiurando firmatum constat de Gisfortio
» & Braio, vt quocumque contractu vter vestrum obtinere posset, neuter haberet,
» cum infra quadraginta receptionis dies possessor pacti obnoxius ipsa castella fun-
» ditus subuerteret. Quod quia non fecistis, præcepit Rex & vt adhuc faciatis, &
» non factum lege competenti emendetis. Dedecet enim Regem transgredi legem,
» cum & Rex & lex eandem imperandi excipiant Maiestatem. Quod si quid horum
» vestrates aut dedixerint, aut dicere dissimulando noluerint, pleno duorum aut
» trium testimonio Baronum lege duelli parati sumus approbare. Nec dum his ex-
pletis ad Regem Franciæ redierant, cum Normanni eos insequentes Regi affi-
stunt, quicquid causam lædere poterat inuerecundè diffidentes, iudiciario ordine
querelam agitare postulantes: cum nihil aliud præcipue attenderent, quàm quòd
infecto paratæ actionis negotio quacumque dilatione tantorum Regni Optima-
rum discretionis rei veritas non pateret. Remittuntur cum eis primis potiores, qui
etiam per Comitem Flandrensem Robertum, Hierosolymitanum Palæstritam
egregium, rem verificare audacter offerant, & lege duelli verborum exaggeratio-
nem refutando, cui iustitia cedere debeat confligendo aperiant. Quod cum nec
approbassent, nec conuenienter reprobassent, Rex LYDOVICVS, vt erat ma-
gnanimus, & animo & corpore procerus, citissime dirigit, qui Regi hoc disiun-
gant, aut castrum subuertere, aut de fractæ fidei perfidia contra se personaliter de-
» fendere: Age, inquit, eius debet congressionis esse pœna, cuius veri & victoriæ
» debet esse & gloria. Arbitratus etiam de loco quicquid decentius potuit: Succe-
» dat, inquit, eorum exercitus à ripa fluminis, dum transuadari possumus, vt tutior
» eis locus maiorem offerat securitatem, vel si magis placet, nobiliores totius exer-
» citus habeat singulariter concertando obsides, dummodo ad nos, remoto agmine
» nostro, transire concedat. Neque enim aliter transuadari poterit. Quidam verò
ridiculosa iactantia super præfatum tremulum pontem, cum statim corrueret, Re-
ges dimicare acclamabant. Quod Rex LYDOVICVS tam leuitate quàm auda-

A cia appetebat. Rex verò Anglorum inquit: Non est mihi tibia tanti, vt pro his & huiusmodi famosum & perutile mihi castrum superuacaneè amittam. Et hæc & alia inuectiua refutans, Cùm videro, inquit, Dominum Regem, vbi me defendere debeam non vitabo, cùm quod offerebat loci impotentia abnegaret. Quo ridiculoso responso moti Franci, tamquam fortuna locorum bella gerat, currunt ad arma: similiter & Normanni. Et dum vtrique ad flumen accelerant, maximæ stragis & calamitatis detrimentum sola accessus remouit impossibilitas. Quia verò sermone diem detinuerant, nocte instante illi Gifortium, nostri Caluum-montem remearunt. At vbi primo polo stellas aurora fugauit, Franci hesternæ memores iniuriæ, militiæ insuper feruore matutini, velocissimis equis viam præripiendo prope Gifortium congregati, irruentes, miro fastu, mira concertant audacia, & quantum præstent multo Marte exercitati longa pace solutis, cùm Normannos per portam fatigatos intrudunt, edocere laborant. His & huiusmodi primordiis initiata guerra, per biennium penè continuata, grauius Regem Angliæ lædebat, cùm vniuersam penè Normanniæ marchiam, sicut se Ducatus extendit, multa militia, & sumptuosis stipendiis ad terræ defensionem circumcingebat. Rex verò Francorum antiquis & naturalibus castris & municipiis, gratuita Flandrensiū, Pontiuorum, Vilcassinorum, & aliorum collimitantium strenua impugnatione, terram incendiis, depopulatione agitare non desinebat. Cùm autem Guillelmus Regis Anglici filius Regi LVDOVICO hominum suum fecisset, gratia peculiari & peculium eius præfato castro augmentauit, & hac eum occasione in pristinam gratiam reduxit. Quod antequam fieret, mirabilis eiusdem contentionis occasione, & execrabilis hominum perditio mirabili punita est ultione.

B SUPERSTITIVR promontorio ardui littoris magni fluminis Sequanæ horridum & innobile castrum, quod dicitur Rupes Guidonis, in superficie sui inuisibile, rupe sublimi incaueatum, cui manus æmula artificis in deuexo montis raro & misero ostio, maximæ domus amplitudinem rupe cæsa extendit. antrum, vt putatur, fatidicum, in quo Apollinis oracula sumantur, aut de quo dicit Lucanus:

--- Nam quæuis Thessala vates
Vim faciat fati, dubium est quid traxerit illuc,
Aspiciat Stygias an quod descenderit umbras.

Hinc forsitan itur ad manes. Cuius fautores Diis & hominibus exosi oppidi possessor Guido bonæ indolis adolescens, antecessorum nequitie propagine rupta alienus, cùm honestè & absque miseræ rapacitatis ingluvie vitam degere instituisset, infausti loci interceptus calamitate, soceri sui nequioris nequissimi proditione detruncatus, & locum & personam morte inopinata amisit. Guillelmus siquidem gener eius genere Normannus, proditor incomparabilis, vt putabatur familiaris & amicissimus eius, cùm concepisset dolorem & peperisset iniquitatem, crepusculo cuiusdam Dominici diei nactus proditionis oportunitatem cum his, qui deuotiores primi ad Ecclesiam domni Guidonis partita rupe contiguam conueniebant, & ipse sed dissimiliter loricator, sed cappatus cum proditorum manipulo conuenit, & dum alij orationi, ipse aliquando orare fingens, quo intraret ad Guidonem ingressu speculatus, eo quo Guido ostio intrare Ecclesiam maturabat irrupit, extorque gladio cum nequissimis sociis propria iniquitate debacchatus fuit, imprudentem & si non sentiret gladium, artidentem percutit, mactat, & perdit. Quod nobilis ipsius coniunx videns, stupida genas & capillos muliebri ultione dilacerans ad maritum currit, mortem non curans, seipsa super eum corruens operit: Me, inquit, me miseram, & sic mori meritam potius vilissimi carnifices detruncate. Ictusque & vulnera gladiatorum marito superposita excipiens, Quid in istos charissime deliquisti sponse? Nonne & gener & socer amici indissolubiles eratis? Quænam est insania? pleni estis mania. Quam cùm per capillos retorquentes digladiatam, punitam, & penè toto corpore cæsam auulsissent, virum morte turpissima peremerunt, infantes quos inuenerunt Herodiana nequitia rupe allisos extinxerunt. Cùmque hac & illac frendentes debaccharentur, supina mulier leuans miserum caput, truncum maritum recognoscit, amore rapta qua potuit impotentia serpens more serpentis, se totam sanguineam contorquens, ad cadauer exanime deuenit, & quæcumque poterat ac si viro oscula gratissima porrigebat, & lugubri erumpens cantilena, qua poterat lugubres persoluens inferias, clamat: Quid re-

LYDOVICVS
VI. GROS-
SVS.

liqui mihi facis charissime sponse? Nunquid hoc meruit iuxta me tua prædicabilis A
continentia? Nunquid hoc comparauit patris, aui, & atauis deposita nequitia?
Nunquid vicinorum & pauperum domi penuriam reponens neglecta rapacitas?
Hæc ait, & lasso iacuit deserta furore. Nec erat qui totum mortuum & semiui-
uam vno sanguine inuolutans sequestraret. Tandem verò, cum sceleratus Guil-
lelmus eos sicut porcos exposuisset, saturatus humano sanguine more beluino sub-
fedit, rupis fortitudinem plus solito admiratus approbat, quomodo potenter cir-
cumquaque rapiat, quomodo Francis & Normannis procellæ timorem incutiat,
sefò tamen deliberat. Deinde caput insanum per fenestram exponens, vocat na-
tivos terræ accolæ, expers boni bona promittit, si ei adhæreant, quorum nec vnus
intrauit. Mane verò tanti & tam scelerati facti fama non solum viciniam, sed & re-
motos sollicitat. Quo Vilcassinenses viri strenui & armis fortissimi grauissimè
exciti, circumquaque & militum & peditum singuli pro toto posse vires colligen-
tes, quoniam timebant potentissimum Regem Anglorum Henricum præsidia pro-
ditoribus ferre, ad rupem festinant, decliuo rupis multos militum & peditum, ne
quis intret aut exeat, opponunt, viam ex parte Normannorum locando exerci-
tum, ne ferant præsidia, obtrudunt. Interim ad Regem mittunt LYDOVICVM,
fauctionem significant, & quid super his præcipiat consulunt. Qui Regiæ Maie-
statis imperio morte exquisita turpissima præcipit muniri, mandat si oporteat suf-
fragari. Cùmque per aliquot dies exercitus consedisset, nefandus ille, augmen- B
tato de die in diem exercitu, timere cœpit. Cùmque quid suadente diabolo fe-
cisset, eo docente animaduerneret, accitis quibusdam Vilcassini nobilioribus, quo-
modo pace in rupe remaneat, eis conföderetur, Regi Francorum, optimè seruiat,
promissionibus multis elaborat. Qui reicientes, & prodicionis ultionem imprope-
rantes, in hoc iam ipsum remissum impulerunt, vt si terram quandam sibi adiurari
facerent, & securitatem eundi darent, occupatam dimitteret eis munitionem.
Quo iureiurando firmato, Francorum plures recepti sunt. Procrastinato au-
tem eorum exitu, occasione præfata, cum in mane præter iuratos aliqui intrarent,
& alij alios sequerentur, inualuit clamor exteriorum, & vt proditores exponant,
horribiliter vociferantur, aut faciant, aut similem proditorum pœnam, tanquam
consentientes, fortiantur. Qua audacia & timore renitentibus iuratoribus, qui
non iurauerant in eos præualendo, insilientes gladiis eos aggrediuntur, impios piè
trucidant, membris emutilant, alios durissimè euiscerant, & quicquid crudelius
mitius reputantes, in eos exaggerant. Nec discredendum diuinam manum tam
celerem maturasse ultionem, cum & per fenestras viui aut mortui prociuntur, &
innumeris sagittis hyritiorum more hispidi, cuspidibus lancearum in aëre vacan-
tes, ac si eos terra reiciat, vibrantur. Hanc autem inusitato facto inusitatè repe-
riunt ultionem. Quod quia vecors vnus fuerat, mortuus est excordatus. Cor
siquidem extis ereptum, fraude & iniquitate turgidum, palo imponunt, ad repræ-
sentandam iniquitatis vindictam multis diebus certo in loco insigunt. Cadauera G
verò tam illius quàm quorundam sociorum compositis cleiis, rastris & funibus su-
perligata per fluuium Sequanæ demittunt, vt si fortè vsque Rotomagum fluctuare
non impediuntur, prodicionis ultionem ostendent, & qui Franciam momentaneo
fœtore fœdauerant, mortui Normanniam deinceps, tanquam natale solum, fœ-
dare non desistant.

XVII. RARITAS fidei facit, vt sæpius mala pro bonis, quàm bona reddantur pro
malis. Alterum diuinum, alterum nec diuinum, nec humanum. fit tamen. Qua
nequitia nota cum Regis LYDOVICI Philippus frater de superdicta Andega-
uense, tam patris persuasione, cui numquam restitit, quàm blandis nobilissimæ &
benè morigeratæ nouercæ illecebris, honorem Montis-Leherij & Meduntensis
castri in ipsis Regni visceribus ab eodem obtinuisset, Philippus tantis ingratus be-
neficiis, recalcitrare nobilissimi generis fiducia præsumpsit. Erat enim Amalricus
de Monte-forti egregius miles, Baro potentissimus, auunculus eius: Fulco Co-
mes Andegauensis, postea Rex Hierosolymitanus, frater eius. Mater etiam his
omnibus potentior, viragóque faceta, & eruditissima illius admirandi muliebris
artificij, quo consueuerunt audaces suis etiam laceffitos iniuriis maritos suppedita-
re: Andegauensem priorem maritum, licet thoro omnino repudiatum, ita mol-
lificauerat, vt eam tanquam Dominam veneraretur, & scabello pedum eius sæ-

- A** pius residens, ac si præstigio fieret voluntati eius omnino obsequeretur. Hoc etiam ^{LVDOVICVS VI. GROS-} vnum & matrem & filios & totam efferebat progeniem, vt si de Regis ruina quacumque occasione contingeret, alter fratrum succederet, & tota consanguinitatis linea ad solium Regni, honoris & dominij participatione, ceruicem gratantissimè erigeret. Cum igitur præfatus Philippus crebrò submonitus, auditionem & iudicium Curia superbè refutasset, depredationibus pauperum, contritione Ecclesiarum, totius etiam pagi dissolutione Rex lacessitus, illuc licet inuitus properauit, vt cum sæpius tam frater, quàm sui, fortissima militum manu multa iactantia repulsam promississent, seipsos etiam à castro timidi absentauerunt. Quò Rex expedite irruens, loricated per medium castris ad turrin festinans, obsidione cinxit, dumque machinas impugatorias mangunnella, & fundibalaria inchoat instrumenta, non statim, sed post multos dies cum de vita desperarent, eos ad deditionem coëgit. Interim verò mater & auunculus Amalricus de Monte-forti, altèrius honoris, videlicet Montis-Leherij, formidantes amissionem, eundem honorem Hugoni Creiacensi filiam Amalrici matrimonio copulantes contulerunt. Hoc ei vnum peremptorium impedimentum opponere sperantes, à tam ipsius honoris Castris, quàm Guidonis de Rupe-forti fratris sui, ipsius quoque Amalrici vsque in Normanniam potestate, sine interpolatione extensa, via impediretur; & per alias quas possent omni die inferre vsque Parisium iniurias, etiam Drocas ire ei nullo modo permetteretur. Cum enim Hugo inito matrimonio illuc velociter curreret, velocius eum Rex secutus est, cum eadem hora, eodem momento, vt competit, Castris præfati honoris oppidum audacissimè accelerauit. Vnde meliores terræ spe liberalitatis suæ & approbatæ mansuetudinis sibi alliciens, vota tyrannidis & crudelitatis formidine eripit. Cumque ibi per aliquot dies alternatim Hugo vt haberet, Rex vt non haberet, concertantes demorarentur, quoniam alia fallacia aliam trudit, hac Hugo deluditur cautela; quoniam consultè assistit Miló de Braio filius magni Milonis, qui iure hereditario honorem repetens, prouolutus genibus flens & eiulans multis precibus pulsat Regem, pulsat Consiliarios, rogat suppliciter, vt Regia munificentia honorem reddat, paternam hereditatem restituat: tanquam seruum aut inquilinum deinceps habeat, pro voluntate vtatur. Cuius lugubri postulationi Rex condescendens, accitis oppidanis, iam etiam Milonem dominum offerens, ita eos ab omni illata retro molestia pacatos exhilarat, ac si lunam & stellas eis cœlitus demississet. Nec mora, cum subito Hugonem exire præcipiunt, si non citissimè exeat, citissimum exitium promittunt: contra naturalem Dominum nec fidem, nec sacramentum, sed potentiam aut impotentiam valere minantur. Quo stupatus Hugo fugam rapit, & euasisse, non sua amisisse reputans, pro momentaneo gaudio coniugij, longum repudij dedecus, nec sine magno incommodo equorum & suppellectilis amissione absportauit, & quid eum hostibus contra Dominum inire conferat, turpiter expulsus animaduertit.
- C** **SICUT** benè fructificantis arboris gratissimus fructus aut stipitis transplantatio- **XVIII.** ne aut ramorum insertione odoriferum saporem restaurat; sic & iniquitatis & nequitia extirpanda propagatio de traduce multorum nequam, in vno conglutinata tanquam anguis angui, inter anguillas stimulans, natua amaritudine tanquam absynthio potat. Cuius instar Hugo Puteolensis, vir nequam, & propria & antecessorum tyrannide sola opulentus, cum successisset in honore Puteoli auunculo Guidoni, (pater enim eius miræ superbæ in primordio Hierosolymitanæ viæ arma assumpserat,) omni malitia patrisare semen nequam non desisteat: sed quos pater flagellis, patre nequior scorpionibus cædebat. Intumescēs quippe, quòd impunè pauperes Ecclesias, Monasteria crudelissimè oppræsserat, eo vsque pedem mouit, vnde ceciderunt qui operantur iniquitatem; expulsi sunt, nec potuerunt stare. Cum ergo nec Regem omnium, nec Regem Francorum magni duceret, nobilissimam Carnotensem Comitissam, cum filio Theobaldo pulcherrimo iuvene & armis strenuo aggressus, terram eorum vsque Carnotum depopulans, rapinis & incendiis exponebat. Nobilis verò Comitissa cum filio aliquando, licet tardè & insufficienter, prout poterat, vlscisci nitebatur: numquam tamen aut vix Puteolo à miliaribus octo seu decem appropinquabant. Tanta erat Hugonis audacia, tanta potestatiæ superbæ suppetebat facultas, vt eum pauci diligerent, multi seruirent; cum multi ad defensionem, quamplures ipsi etiam ad destructionem anelarent.

LYDOVICVS
VI. GRAS-
EVS.

Magis enim timebatur, quàm amabatur. Cùm autem Comes præfatus Theobaldus, per se parum, per Regem multum proficere in Hugonem perpenderet, cum nobilissima matre, quæ semper nobiliter Regi seruire consueuerat, ad eum accelerat, ut opituletur multis precibus pulsatur, multo seruitio eius opem meruisse repræsentat. Hugonis quædam, patris, aui, & atauorum opprobria reportat. Memorare, inquit, Domine Rex, sicut decet Regiam Maiestatem, opprobrij & dedecoris, quod auus Hugonis patri tuo PHILIPPO fœdus periurio intulit, cùm eum multas illatas iniurias vlcisci innitentem à Puteolo turpiter reppulit, factu nequissimæ consanguinitatis, factiosæ conspirationis exercitum eius usque Aurelianum fugauit, captum Comitem Niuernensem, Lancelinum Baugenciensem, milites penè centum, & quod hactenus inauditum erat, Episcopos quosdam carcere suo dehonestauit. Addebat etiam impropere, qua causa, qua origine in medio terræ Sanctorum constructum ad tuitionem eius à venerabili Regina Constantia castrum non ab antiquo fuerat, quomodo etiam post totum sibi, nihil Regi reliquum præter iniurias fecerat. Modo si placeret quia Carnotensis, Blesensis, & Dunensis exercitus copia, qua fretus resistere consueuerat, non solum deficeret, sed & ei officeret, castrum subuersione & Hugonis exheredatione, & paternas & suas vlcisci posset faciliè iniurias. Quod si nec suas nec benè meritorum punire vellet iniurias, Ecclesiarum oppressiones, pauperum deprædationes, viduarum & pupillorum impiissimas vexationes, quibus & terram Sanctorum, & terræ accolæ dilapidabat, aut suas faceret, aut remoueret. Cùm igitur talibus & pluribus pulsatus Rex, his consulendis diem dedisset, Milidunum conuenimus. Vbi multi Archiepiscopi, Episcopi, Clerici & Monachi confluentes, quia eorum terras lupo rapacior deuorabat, clamabant, pedibus eius etiam nolentis accubabant, ut rapacissimum prædonem Hugonem compesceret, præbendas suas munificentia Regum in Belsa, quæ ferax est frumenti, seruitoribus Dei constitutas, de fauce draconis eripiat, terras Sacerdotum non minùs sub sœuitia Pharaonis solas emancipatas emancipare satagat, partem Dei, cuius ad viuificandum portat Rex imaginem, Vicarius eius liberam restituat, suppliciter implorant. Quorum prece bono animo suscepta, nihil inconuenienter suscipiens, recedentibus Prælatibus Ecclesiæ, Archiepiscopo Senonensi, Episcopo Aurelianensi, Carnotensi venerabili Iuone, qui tentus fuerat carcere, quem coactus fecerat pingi in eodem castello multis diebus, consensu bonæ memoriæ Abbatis Adæ antecessoris nostri remisit me in Tauriacum, cui præeram in Belsa, villam beati Dionysij vtilem & fertilem, sed nullo modo munitam: præcipiens ut dum ipse cum adhuc ad causam super his vocaret, villæ prouiderem, hominum suorum & nostrorum manu militari pro posse fulcitam, ne eam incendio dissolueret, operam darem. Eam enim munit, & sicut pater fecerat, castrum inde impugnaret. Quod cùm nos Deo auxiliante militum & peditum copia benè aliquantisper temporis compleremus, consumato Hugonis per absentationem sui iudicio, Rex ad nos Tauriacum magno cum exercitu deuenit, castrum abiudicatum ab illo Hugone repetiit. Nec mora cùm exire recusaret, Rex maturat aggredi castrum, tam militarem quàm pedestrem ei applicat exercitum, balistam multiplicem, arcum, scutum, & gladium, & bellum: ut videres & valeres mirari vicissim sagittarum imbrem, galearum fulgorantium superius scintillare multis ictibus ignem, scutorum subitam & mirabilem confractionem & perforationem, & ut impulsus sunt per portam in castrum, ab intus super nostras de propugnaculis & glorie mirabilem & penè intolerabilem, etiam audacissimis deici grandinem, trabium depositione, & sudium immissione incipere, non perficere repulsionem. Regales econtra fortissimo animi & corporis robore acerrimè dimicantes, scutis contractis, ascellas, ostia, & quæque lignea sibi præponentes portæ insistent, carros etiam quos multa congerie siccorum lignorum adipis & sanguinis cito fomento flammis accendendis onerari feceramus, (erant enim excommunicati, & omninò diabolici) portæ in manu forti opponunt, ut & ipsis carris incendium inextinguibile propinent, & seipsos opposito lignorum aggere tueantur. Cùmque alij accendere, alij extinguere periculosè concertant, Comes Theobaldus aliunde eam, scilicet parte qua respicit Carnotum, magno & militari & pedestri exercitu castrum assiliens, inuadere memor iniuriarum festinat: & dum suos arduo valli decliuo ascendere concitat, citius descendere, imò corruere dolet,

A dolet, quos cautè quasi per nos serpere sursum cogit, deorsum supinos incautè præcipitari respicit: & vtrum insequentibus molis spiritum exhalent, cognoscere satagit. Qui enim milites velocissimis equis castri defensionem circuibant, manualiter glandi innitentes, inopinatè dum superuenirent, cædebant, detruncebant, & ab alto fossati imo grauitèr deiciebant. Iamque manus dissolutæ & debilitata genua assultum sopitum penè fecerant, cum valida, imo omnipotens omnipotentis Dei manus tantæ & tam iustæ vltionis causam sibi omninò adscribi volens, cum Communitates patriæ parochiarum adessent, cuiusdam casu Presbyteri suscitauit fortitudinis robustum spiritum, cui contra opinionem humanam datum est possibile, quod armato Comiti & suis contingebat impossibile. Velociter siquidem vilissimam ascellam sibi præferens, fronte nudo ascendens ad sepem vsque peruenit, & latendo sub his quæ sæpi erant aptatæ, operturis, eas paulatim deponebat. Quod cum liberè se facere gauderet, innuit hæsitantibus & vacantibus in campo vt opem ferrent. Qui videntes Presbyterum inermem fortiter clausuram deicere, armati insiliunt, secures & quæque instrumenta ferrea clausuris apponentes secant, disrumpunt; & quod mirabile cœlestis arbitrij signum fuit, ac si alterius muri Iericho cecidissent, eadem hora & Regis & Comitis exercitus ruptis claustris intrauerunt. Vnde quamplures eorum, cum in neutram partem incurfus hostium hinc & inde conuolantium vitare non possent, interceptos citissimè grauitèr *. Reliqui verò, necnon & ipse Hugo, cum intus castellum muro cinctum tuto non sufficeret præsidio, immota scilicet turre lignea superiori se recipit. Nec mora cum se insequentis exercitus pila minantia abhorreret, percussus deditioni cessit, & captiuatus in propria domo cum suis, quanta superbia pariat ruinam miserrimè compeditus animaduertit. Cum verò Rex potitus victoria nobiles captos prædam Regiæ Maiestati idoneam eduxisset, cunctam castri suppellectilem, & omnes diuitias publicari, castrumque incendio conflare imperauit. Turrim tantum incendere paucis debuit, ea de causa, quòd Comes Theobaldus immemor beneficij tanti facti, quod nunquam per se adipisci valeret, machinabatur marchiam suam amplificare, castrum erigendo in potestate Puteoli, quod de feudo Regis fuerat, apud villam quæ dicitur Alona. Quod cum Rex omninò recusaret, Comes pactum hoc offerebat per Andream de Baldamento terræ suæ Procuratorem ratiocinare. Rex verò ratione & lege duelli nunquam se pepigisse, per Ansellum Dapiferum suum vbiçumque securè vellent defendere. Qui viri strenui multas huic prælio postulantes Curias, nullam inuenerunt. Subuerso ergo omninò præfato castro, necnon & Hugone in turre Castri-Landulsi incluso, Theobaldus Comes fretus auunculi sui Regis Anglici inclyti Henrici auxilio, Regi LVDOVICO cum complicibus suis guerram mouet, terram turbat, Barones suos pollicitis & donis subtrahit, & quicquid deterius reipublicæ inuisus machinatur. Rex autem, vt erat vir militiæ aptus, vlcisci in eum frequentabat: & cum multis aliis Barónibus, tum auunculo suo Comite Flandrense Roberto accito, viro mirabili, Christianis & Sarracenis à primordio Hierosolymitanæ viæ armis famosissimo, terram eius exponebat. Vnde cum quadam die Meldensi ciuitati exercitum induxisset contra Comitem, viso eo, frendens in eum & suos insiliit, nec fugituios veritus per pontem insequi, prosternit, & Comite Roberto & ceteris Régni Optimatibus gladiis sponte decidente fluctibus inuoluit. Virum expeditum Hectoreos videres mouere lacertos, super pontem tremulum giganteos impetus actitare: ingressu periculo niti, permultis renitentibus villam occupare. Quod nec interpositus magnus Maternæ fluuius prohiberet, si trans flumen porta clausa non restitisset. Nec minus præclaro facinore strenuitatis famam nobilitauit, cum Latiniaco exercitum mouens, obuianti militiæ in grata pratorum planitie iuxta Pomponam arma conuertit, fugam celerem crebris affectare cogit colaphis. Qui cum pontis proximi arcuum formidarent introitum, alij se influctuare grauissimo mortis periculo, timidè consulentes vitæ non timuerunt. Alij seipsos, pontem præripiendo calcantes arma reiciunt, & hostibus sibi hostiliores, dum insimul omnes volunt, vix vnus pontem ingreditur. Dúmque tumultuosos eos confundit imperus, quantò festinant, tantò plures demorantur: & fit exinde vt nouissimi primi, & primi fiant nouissimi. Quia tamen pontis ingressus fossato cingebatur, præsidio eis erat, quia Regij quirites nisi vnus post alium eos insequi non valebant, nec sic etiam sine

LYBOVICVS
VI. GROS-
SVS.

magno sui dispendio, cum multi niterentur, pauci pontem prendere poterant. **A** Qui autem quocumque modo intrabant, sæpius aut se suorum aut nostrorum turba turbata inuiti genu flectebant, & resiliences alios idem facere cogeabant. Insecutus autem eos Rex cum suis multa strage vrgebat, quos offendebar conterebar: quos conterebat, tam gladij impressione quàm fortissimi equi impulsione Maternæ fluuiio ingurgitabat. Verùm sicut inermes leuitate fluctuabant sui, sic & loricati pondere suo graues semel merfi ante trina demersionem comitum suffragio retrahuntur, rebaptizatorum opprobrium, si talis esset occasio, referentes. His autem & huiusmodi Rex Comitem angarians molestiis, terras eius, vbi tam in Briensi quàm in Carnotensi pago demolitur, nec eius præsentiam plus absentia, nec absentiam plus præsentia appetiatur. Cumque Comes insufficientiam & inertiam suorum formidaret, Regi Barones suos surripere callet, donis & promissis eos alliciens, & diuersarum querimoniarum spem restitutionis antequam cum Rege faciat pacem repromittens. Inter quos Lancelinum Bulensem Domnimartini dominum, Paganum de Monte-Gaio, quorum terra quasi in biuio posita securum agitando Parisium porrigeret accessum, alligauit. Hac eadem causa Radulfum de Balgenciaco, cum coniugem germanam cognatam Regis Hugonis Magni filiam haberet, illexit: & vtile præponens honesto, vt prouerbialiter dici solet, stimulus anum accelerat, multa stimulatus anxietate nobilem sororem incestuoso matrimonio Miloni de Monte-Leherij, cui supra memorauimus Regem castrum reddidisse, irreuerenter copulauit. Quo facto & commeantium interrupit oportunitatem, **B** & tanquam in ipso medio Franciæ conclauis procellarum & guerrarum locauit antiquam importunitatem. Et dum cum eo cognatos Hugonem de Castello-forti, Creciacensem, & Guidonem de Rupe-forti surripit, pagum Parisiensem & Stampensem, si militia non prohibeatur, guerris exponit. Et dum Comiti Theobaldo & Briensibus, & Trecensi patruo Hugoni & Trecensibus contra Parisienses & Siluanectenses citra Sequanam, Miloni vltra, patulus aperitur accessus, subripitur patriæ ab alio aliis suffragari. Similiter & Aurelianensibus, cum Carnotenses, Dunenses, & Brienses suffragio Radulfi Balgenciacensis nullo opposito arcebantur. Rex verò sæpius supra dorsum eorum fabricabat, cui nec Angliæ, nec Normanniæ opum profusio parcebat, cum inclitus Rex Henricus toto nisu, tota opera terram eius impugnabat, qui tantum his percelleretur, quantum si flumina cuncta minentur pelago subducere fontes.

XIX. INTEREA contigit decedere Curboilensem Comitem Odonem, hominem non hominem, quia non rationalem, sed pecoralem, filium Buchardi superbissimi Comititis. Qui tumultuosus, miræ magnanimitatis, caput sceleratorum, cum ad Regnum aspirans quadam die arma contra Regem assumeret, gladium de manu porrigentis recipere refutauit, astanti coniugi Comitissæ inuestiue sic dicens: „Præbe, nobilis Comitissa, nobili Comiti splendidum ensen lætabunda: quia qui „Comes à te recipit, Rex hodie tibi reddet. Verùm è contrario, Deo disponente, **G** contigit, vt nec quod erat, nec quod esse volebat, diem excederet; cum eadem die lancea percussus Comitis Stephani ex parte Regis dimicantis, Regno pacem firmauerit, & se & suam guerram ad inferni nouissima infinitè debellando transtulerit. Mortuo itaque filio Odone Comite, Comes Theobaldus cum matre, & per Milonem, & per Hugonem, quibuscunque poterant donis & datis, & pollicitis, omnimodam dabant operam, vt si hoc cum collateralibus castrum obtinere possent, Regem omninò euiscerarent. Econtra Rex & sui eos refellendo, cum multo & sumptuoso labore ad obtinendum insudasset, absque præfati Hugonis deliberatione, quia Comitis nepos erat, minimè potuit. Data igitur his explendis die & loco patenter malorum præfago, scilicet apud villam Episcopi Parisiensis Mosaicum cum conuenissemus, & in parte nociua, & in parte iuuatiua foret eius deliberatio, quia non potuimus quod voluimus, nolimus quod potuimus. Abiurato siquidem ab eo Curboilo castro, cuius se heredem iactabat, abiurauit nobis omnibus omnes angarias, omnes tallias, omnes vexationes omnium Ecclesiarum & Monasteriorum possessionum, & datis obsidibus pro his omnibus, & quòd Puteolum nunquam absque Domini Regis firmaret voluntate, perfidiâ, non arte delusi rediuimus.

XX. NEC mora, cum nec dum congelatum, sed liquidum & recens adhuc sacra-

A mentum floccifieret, Hugo longa exasperatus captione instar canis diu cathenati, ^{LVDOVICVS VI. GROS-} qui concepta & tenta longo tempore in vinculis infania, solutus intolerabiliter de- ^{SV9.} scivit; excarenatus mordet, & discerpit. haud secus Hugo congelatam liquefaciens nequitiam, stimulat, mouet, ad fraudem accelerat. Confœderatus igitur Regni defœderatis, videlicet Palatino Comiti Theobaldo, & egregio Regi Anglorum Henrico, cùm Dominum Regem LVDOVICVM in Flandriam pro Regni negotiis profecturum accepisset, collecto quantocumque equitum & peditum potuit exercitu, Puteolum castrum restituere deliberat, adiacentem pagum aut euersum iri, aut sibi subicere maturat. Transiens igitur quodam Sabbato per euer- sum castrum, vbi tamen publicum Regis permissione patebat forum, mirabili fraude hic securitatem præcone vociferante iureiurando spondebat, ibidem quos ditiores addiscere poterat inopinato carceri detrudebat, & vt bellua frendens, & quicquid occurrebat discerpens, Tauriacum villam beati Dionysij munitam cum Comite Theobaldo euertere funditus festinat. Qui pridie nos conueniens, doli & nequitie gnarus, multa prece vt pro eo ad Dominum Regem intercedere eadem die transiremus, obrinuerat, absentia nostri villam absque difficultate arbitratus ingredi, aut si ei resistitur, omnino delere. Verùm qui in parte Dei & beati Dionysij munitionem intrabant, & Dei auxilio & loci præsidio munitis propugnaculis tam viriliter quàm audacissimè resistebant. Nos autem citra Curboi-
B lum venientes, cùm Domino Regi, qui iam rei veritatem à Normannia acceperat, occurreremus, citissimè inquisita aduentus nostri causa, simplicitatem nostram derisit, & cum multa indignatione Hugonis fraudem aperiens, ad suffragandum villæ velocissimè remisit. Et dum ipse Stampensi via exercitum colligans, nos rectiori & breuiori Tauriacum dirigimus: hoc vnum multo & frequenti intuitu à longe assumentes, nec dum occupatæ munitionis argumentum, quod tristega turris in eadem munitione longa planitie supereminens apparebat, quæ capta munitione illico igne hoste solueretur. Et quia hostes totam viciniam rapiendo, deuastando, occupabant, neminem occurrentium donis etiam aut promissis nobiscum ducere poteramus. Vnde quanto pauciores, tanto securiores, iam sole in vespertum declinante, cùm quia hostes nostros tota die impugnantes expugnare non valentes, fatigari parum substitissent, nos ac si essemus de eorum consortio, speculata opportunitate, non sine magno periculo per medium villæ irruentes: quia quibus munieramus in propugnaculis nostrates portam parauerant, citissimè Domino annuente intrauimus. Qui nostra exhilarati præsentia sabbata hostium deridebant, multisque conuitiis & opprobriis lacescentes, ad reciprocum assultum me inuito & prohibente reuocabant. Verùm vt me absente, sic & præsentem, & defensores & defensionem diuina manus protexit. Cùmque nostrorum pauci de paucis, eorum multi de multis vulnerati deficerent, alij multiplices suorum lectica deportantur: alij raro vilissimo terræ aggere retrusi, cras aut post cras moribus luporum
C exponendi reponuntur. Nec dum Puteolum repulsi redierant, cùm Guillelmus Garlandensis, & de familia Régis quamplures promptiores & validiores armati, villæ suffragari accelerant: eos circa inuenire ad ostendendam Regiæ Miliciæ audaciam toto animo præoptant. Quos ipse Dominus Rex statim in aurora subsecutus, cùm eos per burgum hospitatos audisset, votiuam in hostes parabat ultionem, tanto hilaris, tanto lætabundus, quanto eos subita strage, inopinata ultione inopinatam iniuriam strenuè vlcisci contingeret. Verùm hostes cognito eius aduentu mirabantur fauentionem adeo cælatam ei innotuisse, iter Flandrense subito postposuisse, ad suffragandum non tam celeriter venisse, quàm euolasse. Cùmque nihil aliud audientes castrî restitutioni insistent, Rex propinquum pro facultate colligit exercitum. Multis enim eum in locis guerra vrgebat. Cùmque instante die Martis exercitum eduxisset, acies componit, duces præponit, sagittarios & balistarios loco suo opponit, & pedetentim castrò adhuc imperfecto appropinquans, quoniam audierant Comitem Theobaldum se iactitasse contra eum in campo dimicare, consueta magnanimitate pedes armatus inter armatos descendit, equos remoueri iubet, quos descendere secum fecerat ad audaciam intuat, ne flectantur sollicitat, vt fortissimè dimicent clamat. Quem cùm adeo strenuè venientem hostes & viderent & formidarent: veriti castrî procinctum exire, timidè, sed cautè, elegerunt infra quendam fossatam antiquum diruti castrî acies componere, ibique

LVDOVICVS
VI. GROS-
SVS.

expectare, in hoc callentes, ut cum Regis exercitus fossatum inniteretur con- A
scendere: illic acies ordinatæ exordinarentur, exordinatæ vacillarent. Quod
magna de parte contingere contigit. Primo enim congressionis impetu cum Re-
gij quirites multa cæde, mira audacia, à fossato eos sicut victos propulissent: ex-
ordinatis aciebus eos indifferenter insequentes agitabant. Interea Radulfus Bau-
genciensis, vir magnæ sagacitatis & strenuitatis, id ipsum quod contigit prius for-
midans, exercitum celauerat in parte castri, altitudine cuiusdam Ecclesiæ, & opa-
citate vicinarum domorum incognitum: qui cum fugitivos suos iam per portam
exire videret, pausatū exercitum lassatis Regiis militibus apponit, grauissimè im-
petit. Qui autem gregatim fugabant, loricarum & armorum gravitate pedes gra-
uari, ordinatam peditum aciem vix sustinere valentes, per occupatum fossatum
cum pedite Rege post innumeros ictus, post longam alternatim dimicationem re-
trocesserunt: quantum sapientia præstet audaciæ, licet serò animaduertentes, cum
si eos ordinati in campo expectarent, voluntati suæ eos omninò subiugarent. Ve-
rùm cum acierum confusione soluti, nec equos suos reperirent, nec quid facerent
deliberarent, Rex non suo, sed alieno insidens equo, animosus resistebat, clamo-
sus reuocabat, nominatim audaciores, ne fugerent, sollicitabat. Ipse autem in-
ter hostiles cuneos exerto gladio, quibus poterat præsidio erat, fugaces refuga-
bat, & ultra quàm deceret Maiestatem miles, emeritus militis officio, non Regis,
singulariter decertabat. Cum autem corruere exercitum equo lassato solus pro-
hibere non valeret, adest armiger, qui primum reducit dextrarium, cui citissimè B
insiliens vexillum præferens cum paucis in hostes regreditur, plures suorum ca-
ptos mira strenuitate eripit, quosdam hostium validissimo impetu intercipit, &
ne ulterius lædant exercitum, ac si Gades Herculis offendant, aut magno Oceano
arceantur, refugos repellit, quibus priusquam Puteolum regrediantur, quingen-
torum militum Normannorum, aut amplior occurrit exercitus: qui si maturius
venissent, exercitu corruente, maius damnum inferre fortassis potuissent. Cum-
que Regis exercitus circumquaque dispersus, alij Aurelianum, alij Stampas, alij
Piuerim teredissent, Rex Tauricum fatigatus deueniens, pulsus velut armentis pri-
mo certamine taurus explorat cornua truncis, & fortissimo pectore robur recol-
ligens in hostem per ferrum magni securus vulneris exit: haud secus Rex exer-
citum reuocans strenuitati reformat, audaciam reparat, exercitus ruinam stulti-
tiæ, non imprudentiæ reputat. Inevitabiliter his aliquando militiam subiacere re-
portat, tanto ferocius & audacius, si opportunitas condonet dimicare, iniuriam
illatam punire, tam blanditiis quàm minis excitare laborat. Et dum tam Franci,
quàm Normanni castri restitutioni insistent, (aderat enim cum Theobaldo Co-
mite & exercitu Normannorum, & Milo de Monte-Leherij, & tam Hugo Cre-
ciacensis, quàm frater eius Guido Comes de Rupe-forti, qui mille trecenti mili-
tes obsidionem Tauriaco minabantur:) Rex nullo timore flectebatur, quibus po-
terat nocte & die laceßere iniuriis nitebatur, ne victualia longè quærirarent re- C
fragabatur. Restituto itaque castro continua septimana, cum recedentibus qui-
busdam Normannorum Comes Theobaldus cum exercitu multo remansisset, re-
colleto robore Rex bellicum mouet apparatus, in manu forti Puteolum regre-
ditur, hostem obuiantem conerit, per portam dimicando, & illatam iniuriam vl-
ciscendo, castro recludit, militum præsidia ne exeant reponit, antiquam anteces-
sorum suorum destitutam motam, castrò iactu lapidis propinquam occupat, ca-
strum supererigit, miro labore, mira anxietate, si trabes vincti clausuris non eri-
gentur contra, fundibalariorum, balistariorum, sagittariorum emissæ pericula
sustinentes, grauissimè quidem, cum qui eos angebant infra septa castri securi ex-
tra iaculantes, nullam meriti mali hostium horrent vicissitudinem. Flagrat æmula
victoriæ interiorum & exteriorum periculosa concertatio, & qui læsi fuerant Re-
gij quirites acerrimè lædere iniuriarum memores contendunt, nec ab incœpto de-
sistunt, donec subitam, ac si fatalem munitionem multo milite, multa armatura
munierunt: certi mox ut recesserit Rex, aut loci proximi importunitate se audacis-
simè defendere, aut hostium sæuissimo gladio miserrimè interire. Rediens itaque
Tauriacum, virésque colligens alendo exercitui in præfata mota modò clam cum
paucis, modò palam cum multis, per medias hostiū acies, victualia tam periculosè
quàm audacter deferebat: donec quia Puteolenses, propinquitatis importunitate

A eos intolerabiliter urgentes ob seditionem minabantur, Rex quominus castra movit, Yomis-villam ferè vno milliario Puteolo propinquam occupat, inopinatè palo & vimine curiam interiorem cingit. Dùmque exercitus extra tentoria figit, Palatinus Comes Theobaldus collecto quantumcumque potuit & suorum & Normannorum exercitus robore, impetu validissimo in eos irruit imparatos, nec dum munitos tam repellere, quàm prosternere animatur. Cui cùm Rex armatus extra obuiasset, vicissim in campo grauissimè dimicatur, indifferenter tam lanceis, quàm gladiis: potiùs de victoria, quàm de vita agitur: de trophæo, quàm de morte consulitur. Viri mirabilis audaciæ videres experimentum, quoniam cùm exercitus Comitit ter tantum exercitu Regis numerosior milites Regis in villam retrusissent: Rex ipse cum paucis, videlicet nobilissimo Comite Viromandensi Radulfo consanguineo suo, Drogone Montiacensi, duobus aut tribus aliis, dedignatus villam timore regredi, memor pristinæ virtutis, elegit hostium impetus armatorum grauissimos, & penè innumerabiles ictus, quàm si coactus villam intrare cogatur, propriæ strenuitati, & Regis excellentiæ derogare. Cùmque Comes Theobaldus, iam se victorem arbitratus, tentoria præfati Viromandensis Comitit detruncare multa audacia inniteretur, assistit ei Comes mira velocitate, qui ei improperans nunquam hætenus Brienfes contra Viromandenses talia præsumpsisse, irruit in eum, multoque conatu illatæ iniuriæ vicem rependens, fortissimè repellit. Cuius tam virtute, quàm clamorè Regij exhilarati quirites in eos insiliunt, toto animo eorum sanguinem sitientes aggrediuntur, cædunt, dehonestant, & vsque Puteolum, etiam si porta forderet, multis eorum retentis, pluribus interemptis, coactos retruserunt: & vt se habeat belli dubius euentus, qui priùs se victores arbitrabantur, erubescunt victos, dolent captos, deplorant interemptos. Cùmque Rex deinceps in eos præualeret, Comes autem tanquam de summo rotæ exorbitans declinando deficeret per longam sui & suorum defatigationem, post intolerabilem & consumptiuam sui suorumque depressionem, quoniam quotidie Regis & suorum inualescebat fortitudo, & Regni Optimatum in Comitem indignantium frequentatio: præfatus Comes nactus recedendi occasionem, hesterni vulneris susceptione Regi nuntios delegat, intercessores mittit, vt eum Dominus Rex securè Carnotum redire concedat, suppliciter efflagitat. Cuius petitioni Rex, vt erat dulcis, & ultra humanam opinionem mansuetus, conscendens, cùm multi dissuaderent, ne hostè illaqueatum victualibus deficientibus dimitteret, ne deinceps repetitas iniurias sustineret, relicto tam castro Puteolo, quàm Hugone arbitrio Regis, Comes Carnotum spe vana frustratus recessit, & quod felici principio incæpit, infausto fine terminavit. Rex verò non tantùm Hugonem Puteolensem exheredavit, quàm etiam castrum Puteoli, dirutis mœniis & effossis puteis, tanquam locum diuinæ maledictioni patulum subuerrens deplanauit.

SED & alia vice longo post tempore, cùm in gratiam Regis multis obsidibus, **XXI.** multis sacramentis reductus esset, iterata fraude recalcitrans, & docilis Scillam scelerum vicisse magistrum: iterato à Rege obsessus, iterato exheredatus, cùm Dapiferum eius Ansellum Garlandensem Baronem strenuum propria lancea perforasset: natiuam & assuetam dediscere prodicionem non valuit, donec via Hierosolymitana, sicut & muleorum nequam aliorum, eius omni veneno inflammata nequitiam vitæ ereptione extinxit.

CVM igitur ad pacis confederationem inter Regem Angliæ & Regem Galliarum & Comitem Theobaldum, tam Regni Optimates, quàm religiosi viri operam commodarent, iusto eorum arbitrio, qui contra Regnum conspirantes ad propriam recuperationem querelarum, tam Regem Angliæ, quàm Comitem Theobaldum obligauerant, guerra cõsumpti, pace nihil lucrantes, quid fecerint, digna tandem sententia animaduertunt. Cùm Lancelinus Comes Domnismartini querelam Beluacensis conductus sine spe recuperandi amiserit, Paganus de Monte-Gaio, querela castri Liuraci deceptus, cùm vno mense idem castrum clausura dirutum, sequente verò multò fortius pecunia Regis Anglici restitutum præcordialiter doluerit: Milo verò de Monte-Leherij gratissimum de sorore Comitit coniugium occasione parentelæ dolens & gemebundus amisit: nec tantum honoris & gaudij in receptione, quantum in diuortio dehonestationis & tristitiæ suscepit. Quod quidem egregiè factum virorum iudicio ex ea Canonum auctoritate assumptum est, vbi hæc habetur sententia; Obligationes contra pacem in irritum omninò deducantur.

LYDOVICVS
VI. GROS-
SVS.

QVIA fortissima Regum dextera officij iure votiuo reprimitur tyrannorum audacia, quotiens eos guerris laceffiri vident infinite, gratulantur rapere, pauperes confundere, Ecclesias destruere, interpollata licentia, quâ si liceret semper infamius inflammantur, malignorum instar spirituum, qui quos timent perdere magis trucidant, quos sperant retinere omnino fouent, fomenta flammis apponunt, vt infinite crudeliùs deuorent. Thomas siquidem de Marna homo perditissimus, LVDOVICO Rege supradictis & multis aliis guerris attendente, pagum Laudunensem, Remensem, Ambianensem, diabolo ei prosperante, quia stultorum prosperitas eos perdere consuevit, vsque adeo dilapidauerat, furore lupino deuorauerat, vt nec Clero Ecclesiasticæ vltionis timore, nec populo aliqua humanitate pepercerit, omnia trucidans, omnia perdens, etiam Sancti Ioannis Laudunensis Monasterio Sanctimonialium duas villas peroptimas eripuerit, fortissima castella Creciacum & Nouigentum, vallo mirabili, altis etiam turribus tanquam proprias munierit, & sicut draconum cubile, & speluncam latronum adaptans, totam ferè terram tam rapinis, quàm incendiis immisericorditer exposuerit. Cuius intolerabili fatigata molestia, cum sederet Beluaci generali Conuentu Gallicana Ecclesia, vt in hostes veri sponsi Iesu Christi hic etiam iudicij primordia, & damnatiuam promulgare incipiat sententiam, venerabilis sanctæ Romanæ Ecclesiæ Legatus Cono Prænестinus Episcopus innumerarum pulsatus molestia querelarum, Ecclesiarum, pauperum, & orphanorum deuexationum tyrannidem mucrone beati Petri, anathemate scilicet generali detruncans, cingulum militare ei licèt absenti decingit, ab omni honore tanquam sceleratum, infamatum, Christiani nominis inimicum omnium iudicio deponit. Tanti itaque Concilij Rex exoratus deploratione, citissimè in eum mouet exercitum, & Clero cui semper humillimè hærebat comitatus, Creciacum munitissimum castrum diuertit; armatorum potentissima manu, quin potius diuina, inopinatè castrum occupat: turrim fortissimam, ac si rusticanum tugurium expugnat, sceleratos confundit, impios piè trucidat, & quos quia immisericordes offendit, immisericorditer detruncat. Videres castrum ac si igne conflagari infernali, vt fateri non differres, *Pugnabit pro eo Orbis terrarum contra insensatos.* Hac igitur potitus victoria, successus virgè suos promptus, cum ad aliud castrum nomine Nouigentum tēdendisset, adest qui ei referat; Nouerit serenitas tua, Domine mi Rex, in hoc scelerato castro sceleratissimos illos demorari, qui solo inferorum loco digni erant, illi inquam, qui occasione iussu vestro amissæ Communiæ non solum ciuitatem Laudunensem, sed & nobilem matris Domini cum multis aliis Ecclesiam igne succenderunt: nobiles ciuitates ferè omnes, eo quod vera fide suffragari domino suo innitebantur Episcopo, tam causa quàm pœna martyrizauerunt, ipsum Episcopum Galdricum venerabilem Ecclesiæ defensore, non veriti manum mittere in Christum Domini, crudelissimè interfecerunt, bestiis nudum & auibus in platea exposuerunt, digitum cum annulo Pontificali truncauerunt, & cum ipso suo nequissimo persuasore Thoma turrim vestram ad vestri heredationem occupare concertauerunt. Dupliciter ergo Rex animatus sceleratum aggreditur castrum, dirumpit instar inferorum pœnalia & sacrilega loca, innocentes dimittens, & noxios grauissimè puniens. Vnus multorum iniurias vlciscitur, quoscunque homicidarum nequissimorum offendit, iustitiæ sitibundus, miluorum, coruorum, & vulturum rapacitati pastum generalem exhibens, & patibulo affigi præcipiens, quid mereantur, qui in Christum Domini manum mittere non verentur, edocuit. Subuersis ergo adulterinis castellis, easdem villas Sancto Ioanni restituens, ciuitatem Ambianensem regressus turrim eiusdem ciuitatis Adæ cuiusdam tyranni Ecclesias & totam viciniam dilapidantem obsedit, quam ferè biennali coarctans obsidione ad deditionem defensores cogens expugnauit, expugnatam funditus subuertit, eiusque subuersione pacem patriæ Regis fungens officio, qui non sine causa gladium portat, gratantissimè reformauit, & tam ipsum præfatum Thomam nequissimum, quàm suos, dominio eiusdem ciuitatis perpetualiter exheredauit.

NE igitur quacunque terrarum parte locorum angustiis virtus Regia coarctari videatur (scitur enim longas Regibus esse manus,) accelerat ad eum de finibus Bitoricensium vir peritus linguæque venalis, Alardus Guilebaldi, qui satis Rhetoricè priuigni sui querelam deponens, Domino Regi humillimè supplicat, rogans

A quatenus nobilem Baronem Haimonem nomine, Variam-vaccam cognomine, ^{LVDOVICVS} Burbonensem Dominum, iustitiam recusantem, imperialiter vnus traheret: nepo- ^{VI. GROS-} tem maioris fratris, Erchembaldi scilicet filium, exheredantem tam præsumptuosa ^{SVS.} audacia compesceret, & Francorum iudicio, eorum quis quid habere debeat determinaret. Rex itaque tam amore iustitiæ, quàm Ecclesiarum & pauperum miseratione, ne hac occasione guerrarum malitia pullulante pauperes deuehati alienæ superbix lucrent pœnam, cum præfatum Haimonem frustra in causam vocari fecisset (recusabat enim de iustitia diffidens) nulla remissus voluptate, aut pigritia, ad partes Bituricensium cum exercitu multo tētendit. Germanicum eiusdem Haimonis munitissimum castrum diuertens, multo conflictu impugnare contendit. Videns autem præfatus Haimo nullo modo se posse resistere, iam & personæ & castri spe sublata, hanc solam salutis suæ reperiens viam, pedibus Domini Regis prostratus, & multorum admiratione sæpius reuolutus, vt in eum misericorditer ageret efflagitans, castrum reddit, seipsum Regiæ Maiestatis arbitrio totum exponit, & quanto superbius se subduxerat, tanto humilius his edoctus iustitiæ se reduxit. Rex vero retento castro, & eodem Haimone in Francia causæ reducto, Francorum iudicio aut concordia auunculi & nepotis litem tam iustissimè quàm piissimè diremit, multorumque oppressiones & labores sumptuoso sudore consumpsit. Hæc & his similia in partibus illis crebro clementissimè pro quiete Ecclesiarum & pauperum patrare consuevit, quæ quia si stilo traderentur; tædium generarent, supersedere dignum duximus.

B H A B E T effrenis elatio hoc ampliùs superbia, vt cum hæc superioritatem, illa nihilominus dedignetur paritatem: cui illud conuenit poëticum;

*Nec quenquam sufferre potest Cæsare priorem,
Pompeiusve parem. -----*

Et quoniam omnis potestas impatiens consortis erit, Rex Francorum Ludouicus, ea qua supereminebat Regi Anglorum Ducique Normannorum Henrico sublimitate, in eum semper tanquam in feodatum suum efferebatur. Rex verò Anglorum, & Regni nobilitate, & diuitiarum opulentia mirabili, inferioritatis impatiens; suffragio nepotis Theobaldi Palatini Comitis; & multorum Regni æmulorum, vt eius dominio derogaret, Regnum commouere, Regem turbare nitabatur. Reciprocatur ergo inter eos antiquarum guerrarum recidiua malitia, dum Rex Angliæ cum Comite Theobaldo, quoniam eos Normannici & Carnotensis pagi conepulabat affinitas, proximam Regis marchiam impugnare concertant: Comitem Moritoilem Stephanum, alterius fratrem, alterius nepotem, ad alias partes, videlicet Briensium, cum exercitu transmittunt, formidantes ne absentia Comitis terram illam subito Rex occuparet. Qui nec Normannis, nec Carnotensibus; nec etiam Briensibus parcere sustinebat, cum in vtrorumque medio tanquam in circino positus, modò in istos, modò in illos terrarum dissipatione, crebro etiam conflictu Regiæ Maiestatis animositatem declarauerat. Verùm quia **C** Normannorum marchia, tam Regum Anglorum, quàm Normannorum Ducum nobili prouidentia, & nouorum positione castrorum, & inuadabilium fluminum decursu extra alias cingebatur, Rex quia his callebat transitum in Normanniam sibi affectans, cum paucâ militum manu, vt secretiùs agendis prouideat; ad eandem marchiam contendens, viros cautè præmittit, qui tanquam viatores loricati sub cappis & gladiis cincti, publica via descendentes ad villam quæ dicitur Vadum-Nigalsij, villam antiquam, patulum & gratum Francis præbere paratam ad Normannos accessum; quæ Etræ fluuiio circumfluente cum in medio sui tutum præbeat, extra inferius & superius longè prohibet transitum, subito cappas deponunt, gladios exponunt, accolæ animaduertentes & armis grauissimè insistentes fortissimè resistendo repellunt; cum subito Rex iam penè lassatis per decliuum montis periculosè accelerans opem oportunam ferre præcipitat, tam villæ atrium quàm munitam turre Ecclesiam non sine suorum damno occupat. Cùmque Regem Angliæ propè cum exercitu multo, vt semper consuevit, comperisset, Barones suos asciscit, adiurando vt sesequantur inuitat. Aduentare festinant Comes Flandriæ Balduinus apprimè militaris, elegans iuuenis & facetus, Comes Andegauensis Fulco, multiq; Regni Optimates, qui rupta Normanniz clausura, dum alij villam muniunt, alij terram longa pace opimam tam rapinis quàm incendiis exponunt,

C c iij

LVDOVICVS
VI. GROS-
SVS.

& quod insolitum fuerat, præsente Rege Anglorum circumquaque deuastantes A intolerabiliter confundunt. Interea idem Rex Angliæ castelli apparatus multa instantia præparat, operosos sollicitat, & dum Rex suum præsidio militum nuntium relinquit, ipse suum proximo monte erigit castrum, ut exinde militari copia balistariorum & sagittariorum repulsione & cibaria terræ eis excuteret, pro his terram suam iugi necessitate confundere coarctaret. Cui Rex Francorum iaculata retorquens, absque mora vicem reddit, cum subito collecto exercitu, sicut qui tesseriis ludit in aurora remeans, nouum illud castrum, quod vulgo nominabatur Malefessum, virtuosè aggreditur, multo conatu, multa grauissimorum ictuum donatione & receptione (tali enim foro tale vulgo soluitur theloneum) viriliter suppeditat, diripit, & pessumdat, & ad Regni excellentiam, & oppositi contumeliam, quicquid machinatum inde fuerat vera virtute dissoluit. Et quoniam nulli fortuna aliquando parcit potestatiua, cum dicatur:

Si fortuna volet, fies de Rhetore Consul,

Si voles hac eadem, fies de Consule Rhetor.

Rex Angliæ post longos & mirabiles placidissimæ prosperitatis successus, quasi de summo rotæ descendens, mirabili & infausto rerum angariatur euentu: cum ex hac parte Rex Franciæ, ex parte Pontiuorum Flandriæ affinitate Comes Flandrensis, ex parte & Normannorum Comes Fulco Andegauensis, omninò eum turbare, omninò eum aggredi, tota virtute contenderunt. Qui nec exteriorum tantum, sed interiorum hominum suorum, Hugonis videlicet Gornacensis, Comitum Oensis, Comitum Albemarlensis, & multorum aliorum laceffiebatur guerrarum iniuriis. Qui etiam ad cumulum mali intestino malitiæ deuexabatur dispendio, cum & Camerariorum priuata factione perterritus, sæpè lectum mutaret, sæpè nocturno timori vigilantes armatos multiplicaret, ante se dormientem scutum & gladium omni nocte constitui imperaret: horum verò vnus H. nomine familiarium intimus, Regis liberalitate ditatus, potens & famosus, famosior proditor, tam horribili factione deprehensus, oculorum & genitalium amissione, cum laqueum suffocantem meruisset, misericorditer est damnatus. His & talibus Rex nusquam securus, natiuæ magnanimitatis strenuitate conspicuus, in arto prouidus, etiam in ostio gladio cingebatur, nec quos fidiore habebat, extra domos gladiis excingi, quacunque multa tanquam ludo impunitos sustinebat. Qua tempestate quidam etiam Engerrannus de Caluomonte, vir strenuus & cordatus, audacter militari manu progrediens castellum, cui nomen Andeliacum, quorundam factione clam munitis propugnaculis strenuè occupauit, fretusque Regis præsidio occupatum audacissimè muniuit, quo terram vsque ad fluuium qui dicitur Andella, à fluuiio Ettæ vsque etiam ad pontem Sancti Petri omninò subiacere cogebat. Qui multorum se etiam superiorum fretus comitatu, ipsi etiam Regi in plano occurrebat, redeuntem reuerenter insequabatur, eiusque terra à termino supradicto pro sua utebatur. Ex parte etiam Cinomannorum cum idem Rex obsessis in turte Alenciaci G castri præsidia ferre cum Comite Theobaldo multa mora decreuisset, à Comite Fulcone repulsam referens, & multos suorum, & cum castello eo inglorius facto, turrim amisit. Cumque his & talibus multo tempore anxius penè in vnum declinasset: cum iam diuina propitiatio durè flagellato, & aliquantisper castigato, (erat enim Ecclesiarum liberalis dator, & eleemosynarum dapnulis dispensator, sed lasciuius parcere) & à tanta eum depressione misericorditer subleuare decreuisset, ex insperato inferioritatis eius aduersitas in summam rotæ prosperitatem subito reducit, cum & altiores turbatores potius manu diuina, quàm sua, aut supremè declinant, aut omninò deficiunt, sicut ipsa diuinitas consuevit iam penè desperatis & humano auxilio destitutis misericordiæ dexteram misericorditer extēdere. Comes siquidem Flandrensis Balduinus, cuius grauissima infestatione grauiter idem Rex infestabatur, sæpius in Normanniam irruens, cum ad debellandum Oense castellum, & maritimam viciniam, animo effrenis militiæ vacaret, subito, sed raro ictu in facie lancea percussus, dedignatus tantilla sibi prouidere plaga, mori non dedignatus, non tantum Regi Angliæ, sed omnibus deinceps finem faciens parcere elegit. Præfatus itaque Engerrannus de Caluomonte, vir audacissimus, & eiusdem Regis infestator præsumptuosus, cum beatæ Mariæ matris Domini Rhodomenensis Archiepiscopatus terram destructum iri non obhorreteret, grauissimo ta-

Actus morbo post longam sui exagitationem, post longam & intolerabilem proprii corporis meritam molestiam, quid Regine cœlorum debeat, licet serò addiscens, vita decessit. Comes etiam Andegauensis Fulco, cum & proprio hominio & multis sacramentis, obsidum etiam multiplicitate Regi LVDOVICO confœderatus esset, auaritiâ fidelitati præponens, inconsulto Rege, perfidia inflammatus, filiam suam Regis Anglici filio Guillelmo nuptui tradidit, & compactas sacramento inimicitias tali cum eo amicitie coniunctus copula fraudulentus dissoluit. Rex itaque Ludouicus cum terram Normanniæ ea de parte in conspectu suo filere coëgisset, modò multa, modò pauca manu indifferenter rapinis eam exponebat, tam Regem, quàm suos longa deuexationis consuetudine omninò floccifaciens vilipendebat. cum subitò quadam die Rex Angliæ collectis multorum viribus, speculatus Regis Francorum improvidam audaciam, ordinatas militum acies occultè in eum dirigit, incendia ut in eum exordinariè insiliant, ponit milites armatos ut fortius committant, pedites deponit, quacumque belli cautela sibi providere potest sagaciter satagit. Rex autem cum suis nullum prælii constituere dignatus apparatus, in eos indiscretè, sed audacissimè euolat, cum priores, qui dextras applicuerunt, Vilcassinenses, cum Buchardo Mommoriacensi, & Guidone Claromontensi, primam Normannorum aciem fortissima manu cædentes à campo Marte mirabili fugauerunt, & priores equitum acies super armatos pedites validissima manu repulerunt. Verum qui eos sequi proposuerant, Franci incompoti extraordinariè ordinatis & compositis aciebus insistentes, sicut serres in talibus habet, eorum compositam instantiam ferre non valentes cesserunt. Rex autem lapsum admiratus exercitum, ut consueuerat in aduersis constantiam sui suorūque præsidio armis consulens quàm decentius potest, non tamen sine magno erratici exercitus detrimento, Andeliacum properauit. Quo subiti euentus infortunio aliquantis per leuitate propria læsus, ne diutius hostes insultent, tanquam si ulterius Normanniam intrare non audeat: solito multò animosior in aduersis, & quod tantum virorum est, constantior, exercitum reuocat, absentes adsciscit, Optimates Regni inuitat, die certa & terram intrare & certamen celeberrimum inire Regi Anglorum significat: & quod ei promittit tanquam iurciurando, pactum persolvere festinat. Irruens siquidem in Normanniam mirabili exercitu eam depopulando, cum castrum munitissimum, quod dicitur Iuriacum, multo congressu expugnatum, incendio conflare effecisset, Britoillum usque peruenit. Qui aliquantis per in terra demoratus, nec Regem Anglorum videre, nec in quem sufficiat illatam vindicare reperiens iniuriam: ut etiam in Comitem Theobaldum redundaret, Carnotum regressus, impetu validissimo urbem aggrediens, igne conflagrare concertabat, cum subitò tam Cleri, quàm ciues beatæ Dei genitricis Camisiam præferentes, ut pro eius amore tanquam Ecclesiæ tutor principalis misericorditer parcat, deuotissimè supplicant, in suos alienam ne vlciscatur iniuriam implorant. Quorum Rex supplicationibus Regiæ Maiestatis inclinans celsitudinem, ne nobilis beatæ Mariæ cum ciuitate igne solueretur Ecclesia, Comiti Flandrensi Karolo mandat, ut exercitum reuocet, & Ecclesiæ amore & timore ciuitati parcat. Qui cum repatriassent, momentaneum infortunium longa, continua, & grauissima ultione punire non desistebant.

EA tempestate venerandæ memoriæ summum Pontificem Romanum Paschalem ab hac ad lucem perpetuam contigit demigrare. Cui cum de Iohanne Gaitano Cancellario electione canonica constitutus Papa Gelasius successisset, & cuiusdam Burdini depositi Bracarensis Archiepiscopi, Imperatoris Henrici violentia in Sedem Apostolicam intrusi, & populi Romani conductiria infestatione intolerabiliter fatigaretur, & à sancta Sede eorum tyrannide arceretur, ad tutelam & protectionem serenissimi Regis LVDOVICI, & Gallicanæ Ecclesiæ compassionem, sicut antiquitus cōsueuerunt, confugit. Qui cum nauali subsidio, (pauperie quippe multa angebatur) applicuisset Magalonam arctam in pelago insulam, cui superest solo Episcopo, Clericis & rara familia contempta, singularis & priuata, imò tamen propter mare cōmeantium Sarracenorum impetus, munitissima ciuitas, à Domino Rege, quia iam aduentum eius audierat, destinati mandata deposuimus, diem certam locūque Viziliaci mutui colloquij cum eius benedictione, quia Regni primitias obtuleramus, gratanter reportauimus. Cui cum Dominus Rex occur-

LUDOVICVS
VI. GROS-
SVS.

rere maturaret, nuntiatum est eundem summum Pontificem podagrico morbo diu A laborantem, tam Romanis, quàm Francis vitæ depositione pepercisse. Cuius Apostolicis exequiis cum multi religiosorum virorum, & Ecclesiæ Prælatorum interesse festinassent, astitit virorum venerabilis Guido Viennensis Archiepiscopus, Imperialis & Regiæ celsitudinis diriuatiua consanguinitate generosus, multo generosior moribus, qui cum in somnis proxima nocte apto satis, licet ignoto præfagio, vidisset sibi à persona præpotente Lunam sub chlamyde repositam committi, ne causa Ecclesiæ Apostolici transitu periclitaretur, ab ea, quæ aderat, Romana Ecclesia in summum Pontificem electus, visionis veritatem enucleatius animaduertit. Sublimatus itaque tantæ celsitudinis dignitate, gloriose, humiliter, sed strenuè Ecclesiæ iura disponens, amore & seruitio Domini Ludouici Regis, & nobilis Adelaidis Reginæ neptis, aptius Ecclesiasticis prouidebat negotiis. Remis itaque celeberrimum celebrans Concilium, cum Legatis Imperatoris Henrici pro pace Ecclesiæ sedere differens, in marchiam versus Mosomum occurrisset, nec profecisset, quemadmodum & antecessores fecerant, anathematis vinculo pleno Francorum & Lotharingorum Concilio innodauit. Cum autem Ecclesiarum votuius ditatus beneficiis gloriose Romam peruenisset, gloriosa tam Cleri, quàm populi Romani susceptus receptione, multis antecessorum superiorum Ecclesiæ curam feliciter administrabat. Nec multam adhuc in Sede sancta fecerat moram, cum Romani eius tam nobilitati quàm liberalitati fauentes, intrusum ab Imperatore schismaticum Burdinum, apud Sutram sedentem, & ad limina Apostolorum transeuntes B Clericos genu flectere compellentem, expugnatum tenuerunt, tortuoso animali camelo, tortuosum Antipapam, immo Antichristum, crudis & sanguinolentis pellibus caprinis amictum, transuersum superposuerunt, & ignominiam Ecclesiæ Dei vlciscentes, per medium ciuitatis via regia, vt magis publicaretur, educentes, imperante domino Papa Calixto perpetuo carcere in montanis Campaniæ prope S. Benedictum captiuatum damnauerunt, & ad tantæ vltionis memoriæ conseruationem in camera Palatii sub pedibus Domini Papæ conculcatum depinxerunt. Domino itaque Calixto gloriose præsidente, & raptores Italiæ & Apuliæ perdomante, Pontificalis cathedræ lucerna non sub medio, sed superposita monti clarè elucebat beati Petri Ecclesiæ, & reliquæ vrbs & extra amissa recuperantestanti domini gratissimo fruebantur patrocinio. Cui cum in Apulia apud ciuitatem Botontum missus à Domino Rege Ludouico pro quibusdam Regni negotiis occurrissem, vir Apostolicus tam pro Domini Regis, quàm pro Monasterij nostri reuerentia honorificè nos recepit, & diutius retinere vellet, si Ecclesiæ nostræ amore, & sociorum Abbatis S. Germani socij & connutriti, & aliorum persuasione non deuocaremur. Peraçtis itaque Regni quæ susceperamus negotiis, cum prosperè redire maturarem, vt peregrinorum mos est hospitio suscepti quadam villa, cum finitis Matutinis auroram expectando vestitum in lecto me reddidissem, femiuihilans videor videre me alto maris spatio exiguo lembo solum omni remigio G destitutum vagari, frequenti fluctuum motu, modò ascendendo, modò descendendo periculose fluctuare, percussus horrido naufragij timore diuinitatis aures multo clamore sollicitare: cum subito diuina propitiatione lenis & placida aura, tanquam sudo aëre suscitata tremulam & iritam periclitantem miseræ nauiculæ proram in directum retorquens, opinione citius applicans portum placidum apprehendit. Excitatus autem crepusculo, iter cœptum aggrediens, cum visionem & visionis interpretationem, & memorare & assignare eundo multa meditatione laborarem (timebam enim fluctuum infestatione aliquod graue infortunium mihi significari) occurrit subito puer familiaris, qui meos meque recognoscens, lætus & tristis singularem educit, Domini nostri bonæ memoriæ Abbatis Adæ antecessoris decessum denuntiat, communem de persona nostra pleno conuentu factam electionem. Sed quia inconsulto Rege factum fuerat, meliores & religiosiores Fratrum, milites etiam nobiliores cum obtulissent Domino Regi electionem vt assensum præberet, multis affectos conuitiis, Aurelianis castello inclusos reportat. Obortis itaque lachrymis Patri spiritali, & nutritori meo humanitatis & pietatis affectu compatiens, de morte temporali grauiter dolens, à perpetua eum erui deuotissime diuinam implorabam propitiationem. Cum autem & multorum consolatione comitum, & ipsa mei discretionem ad meipsum rediissem, triplici angebar

A dispendio, vtrum contra Domini Regis voluntatem electionem suscipiens, Ecclesiæ Romanæ rigore, & domini Papæ Calixti, qui me diligebat, auctoritate matrem Ecclesiam, quæ à mamilla gratissimo liberalitatis suæ gremio dulcissimè fouere non destiterat, dilapidare & emungere vtroque dissipatore; occasione mei, cum nunquam tale quid affectassent, sustinerem, vtrum fratres & amicos pro amore nostro deturpari & dehonestari regio carcere permetterem, vtrum etiam pro his & huiusmodi eam postponens tantæ improprietate repulsæ incurrerem. Cumque de meis aliquem domino Papæ, vt super his consuleret, remittere deliberarem; subito occurrit nobis Clericus Romanus nobilis & familiaris; qui quod sumptuoso, labore per nostros volebamus, per seipsum facere votiue suscepit. Præmisimus etiam de nostris cum eo qui venerat ad Regem vnum, vt quem finem turbati negotij confusio reperisset, nobis referrent. Neque enim incautè Regiis molestiis nos exponeremus. Subsequentibus itaque sicut si mari magno absque remige fluctuaremus, turbati, incerti rei euentus, cum grauissimè anxiamur, Dei omnipotentis larga propitiatione, placida aura naufragantem nauem applicante, inopinatè redeunt, qui Domini Regis pacem, captorum solutionem, electionis confirmationem reportant. Nos autem ex hoc ipso voluntatis Dei argumentum assumptum (voluntas enim Dei fuit, vt citò occurreret quod volebamus) cum ad matrem Ecclesiam, Deo opitulante, peruenissemus, tam dulciter, tam filialiter, tam nobiliter filium prodigum suscepit, vt & Dominum Regem prius seuerò, modò sereno vultu occurrentem, Archiepiscopum Bituricensem, Episcopum Siluanectensem, & Ecclesiasticas plures personas ibidem nos expectantes gratulanter inuenerimus. Qui cum multa veneratione celerrimè cum lætabundo Fratrum Conuentu nos suscepissent, sequente die, Sabbato scilicet Medianæ, me indignum ordinauit Presbyterum. Sequenti autem Dominica, *Isti sunt dies*, ibidem ante sacratissimum corpus beati Dionysij Abbatem licet immeritum consecrauit. Quo consueto Dei omnipotentis facto, quanto ab imo ad summum de stercore erigens pauperem, vt sedere cum Principibus faceret, sublimauit, tanto humiliorem, & si fragilitas humana non impediat, in omnibus deuotionem manus tam dulcissima quam potentissima comparauit. Quæ cum in omnibus clementer paruitati nostræ prosperata fuerit, (nouit enim insufficientiâ nostri tam generis quam scientiæ) inter antiquorum prædiorum Ecclesiæ recuperationem, & nouorum acquisitionem, & Ecclesiæ circumquaque augmentationem, & ædificiorum restitutionem, siue institutionem, hoc potissimum & gratissimum, immo summam præstitit miseratus prærogatiuam, quod sanctæ Ecclesiæ suæ ad Sanctorum, immo sui honorem, Ordinem sanctum ibidem plenè reformauit, sanctæ Religionis propositum quod ad Deo fruendum peruenitur, absque scandalo & perturbatione Fratrum, licet non consueuerint; pacificè constituit. Cuius voluntatis diuinæ efficaciam tantæ libertatis bonæ famæ & terrenæ opulentæ subsecuta est affluentia, vt etiam in præsentiarum, quo magis nostrâ excitetur pusillanimitas, quodammodo cognoscatur, nos ipsos remuneratione etiam temporali remunerare, cum & Apostolici Reges & Principes, felicitatibus Ecclesiæ congratulari delectet, gemmarum pretiosarum, auri & argenti, palliorum & aliorum Ecclesiasticorum ornamentorum affluentia exinde exuberet, vt rectè dicere valeamus; *Venerunt mihi omnia bona pariter cum illa*. Quo experimento gloriæ futuræ Dei Fratres successores nostros obtestando per Dei misericordiam, & terribile eius iudicium sollicitamus, ne sanctam Religionem, quæ & homines & Deum conciliat, confRACTA consolidat, perdita restau-rat, paupertatem opimat, tepescere permittant: quia sicut timentibus Dominum nihil deest, non timentibus etiam Regibus omnia, ipsi quoque sibi deficiunt.

SEQUENTE itaque ordinationis nostræ anno, ne ingratitudine argueremur (sancta quippe Romana Ecclesia ante nostram promotionem tam Romæ, quàm alibi, multis & diuersis Conciliis tam pro Ecclesia nostra, quàm pro aliis agentem, benignè susceperat, gratanter differentem audierat, negotia nostra me alternis ex-xerat) ad eam visitandam properantes, à domino Papa Calixto & tota Curia honorificè valde recepti per sex menses, cum apud eum demorando magno Concilio trecentorum aut amplius Episcoporum Lateranis compositioni pacis de querela inuestiturarum astitissemus, orationis causa frequentatis diuersis Sanctorum locis, videlicet S. Benedicti Cassini, S. Bartholomæi Beneuenti, S. Matthæi Salerni,

LVDOVICVS
VI. GROS-
SYS.

S. Nicolai Bari, sanctorum Angelorum Gargani, Deo opitulante, cum gratia & A
domini Papæ amore, & formatis Epistolis prosperè remeauimus. Cùm autem &
alia vice post aliquot annos nos dulcissimè vt magis honoraret, & sicut in literis
suis continebatur libenter exaltaret, ad Curiam reuocasset apud Lucam Tusciæ ci-
uitatem, decessus eius veritatem cognoscentes, Romanorum nouam & veterem
auaritiam deuitando, retrocessimus. Cui successit de Hostiensis Episcopo appro-
bata persona assumptus Papa Honorius vir grauis & seuerus. Qui cùm iustitiam
nostram de Monasterio Argentoilensi puellarum miserrima conuersatione infamato, tum Legati sui Mathæi Albanensis Episcopi, tum domini Carnotensis,
Parisiensis, Sueffionis, domini etiam Archiepiscopi Remensis Rainaldi, & multo-
rum virorum testimonio cognouisset, præcepta Regum antiquorum, Pipini, Ca-
roli Magni, Ludouici Pij, & aliorum, de iure loci præfati, à nuntiis nostris oblata
perlegisset, Curia totius persuasione, tam pro nostra iustitia, quàm pro earum fœ-
tida enormitate, beato Dionysio & restituit & confirmauit. Vt autem ad propo-
situm recolendæ Regis Historiæ reuertamur, ante Domini Papæ Calixti decessum,
Imperator Henricus collecto longo animi rancore contra Dominum Regem Lu-
douicum, eo quòd in Regno eius Remis in Concilio domini Calixti anathemate
innodatus fuerat, exercitum quantumcunque potest Lotharingorum, Aleman-
norum, Baioariorum, Sueuorum, & Saxonum, licèt eis infestaretur, colligit, aliò-
que tendere simulans consilio Regis Anglici Henrici, cuius filiam Reginam duxe- B
rat, qui etiam Regi guerram inferebat, Remis ciuitatem inopinatè aggredi machi-
natur, proponens aut eam subitò destruere, aut tanta dehonestatione & oppressio-
ne ciuitatem obsidere, quanta dominus Papa in eum agens sedit sessione. Quod
cùm Domino Regi Ludouico intimorum relatione innotuisset, tam strenuè, quàm
audacter delectum quem non expectat cogit, nobiles asciscit, causam exponit. Et
quoniam beatum Dionysium specialem patronum, & singularem post Deum Re-
gni protectorem, & multorum relatione & crebro cognouerat experimento, ad
eum festinans, tam precibus quàm beneficiis præcordialiter pulsat, vt Regnum
defendat, personam conseruet, hostibus more solito resistat. Et quoniam hanc
ab eo habent prærogatiuam, vt si Regnum aliud Regnum Francorum inuadere
audeat, ipse beatus & admirabilis defensor cùm sociis suis, tanquam ad defenden-
dum altari suo superponatur, eo præsentem fit tam gloriosè, quàm deuotè. Rex au-
tem vexillum ab altari suscipiens, quod de Comitatu Vilcassini, quo ad Ecclesiam
feodatus est, spectat, votiuè tanquam à Domino suo suscipiens, pauca manu contra
hostes, vt sibi prouideat, euolat, vt eum tota Francia sequatur potenter inuitat.
Indignata igitur hostium inusitatam audaciam vñitata Franciæ animositas, circum-
quaque mouens militarem delectum, vires & viros pristinae virtutis & antiquarum
memores victoriarum delegat. Qui cùm Remis vñdecunque potenter conuenis-
semus, tantæ militaris & pedestris exercitus copiae apparebant, vt viderentur su-
perficiem terræ more locustarum, non tantum secus decursus aquarum, sed etiam G
montanis & planitijs deuorare. Vbi cùm Rex continuata septimana Theutonico-
rum præstolaretur incursum, tali inter Regni Proceres deliberatione res dispone-
batur; Transeamus, inquiunt, audacter ad eos, ne redeuntes impunè ferant, quod
in terrarum Dominam Franciam superbè præsumperunt. Sentiant contumaciæ
sux meritum, non in nostra, sed in terra sua, quæ iure Regio Francorum Francis
sæpè perdomita subiaceat; vt quod ipsi furtim in nos machinabantur attemptare;
nos in eos coram retorqueamus. Aliorum autem perita seueritas persuadebat eos
diutius expectare, ingressos marchia fines, cùm iam fugere intercepti nequirent;
expugnatos prostrernere, tanquam Sarracenos immisericorditer trucidare, inhu-
mata barbarorum corpora lupis & coruis ad eorum perennem ignominiam expo-
nere, tantorum homicidiorum & crudelitatis causam terræ suæ defensione iustifi-
care. Ordinantes autem Regni Proceres in Palatio bellatorum acies coram Rege,
quæ quibus Regni suffragio iungerentur, Remensium & Catalaunensium vltra se-
xaginta millia, tam equitum quàm peditum vnā componunt; Laudunensium
& Sueffionensium, nec minori numero, secundam; Aurelianensium, Stampen-
sium, & Parisiensium & beati Dionysij copioso exercitu, & coronæ deuoto tertiam;
cui etiam seipsum interesse spe suffragij protectoris sui disponens; Hac, inquit, acie
tam securè, quàm strenuè dimicabo, cùm præter Sanctorum dominorum suorum
pro-

A protectionem, etiam qui me compatriotæ familiariùs educauerunt, aut viuum iu-
uabunt, aut mortuum conseruantes reportabunt. Comes etiam Palatinus Theo-
baldus cum auunculo nobili Trecensi Comite Hugone, cum ex abiuratione Fran-
ciæ (guerram enim Regi cum auunculo Rege Anglico inferebat) aduentasset,
quartam efficiens, quintam Burgundiorum Ducis & Niuernensis Comitis præ-
uiam fecit. Comes verò egregius Viromandensis Radulfus germana Regis con-
sanguinitate conspicuus, optima fretus militia, multoque S. Quintini & totius ter-
ræ armato tam loriceis quàm galeis exercitui, cornu dextrum conseruare destinatus,
Pontiuos & Ambianenses & Beluacenses in sinistro constitui approbavit. Nobil-
issimus etiam Comes Flandrensis cum decem millibus militum pugnatissimorum
triplicasset exercitum, si tempestiuè scisset extrema acie ad peragendum ordinaba-
tur. His autem locorum affinitate propinquus Dux Aquitanie Guillelmus, Comes
egregius Britannie, Comes bellicosus Fulco Andegauensis, summè æmulabantur,
eo quòd vires exaggerare, & Francorum iniuriam grauissimè punire, & viæ prolix-
itas & temporis breuitas prohiberet. Prouisum est etiam vt vbicumque exercitus,
apto tamen loco, certamen inuenirent, & carri & carretæ aquam & vinum fessis &
sauciatis deferentes instar castellorum in corona locarentur, vt à labore bellico &
vulneribus deficientes, inibi potando ac ligaturas restringendo, fortiores indurati
ad palmam obtinendam concertarent. Publicata igitur tanti & tam tremendi fa-
cti deliberatione, tantique delectus fortissimi apparitione, cum hoc ipsum auribus
B Imperatoris innotuisset, simulans & dissimulans, palliata occasione subterfugiens,
alias tendit, magis eligens ignominiam defectus sustinere, quàm & Imperium &
personam ruina periclitantem Francorum grauissimæ ultioni suppeditare. Quo
Franci comperto, sola Archiepiscoporum & Episcoporum & Religiosorum prece
virorum, ab illius Regni deuastatione, & pauperum depressione vix se continere
valebāt. Tanta igitur & tam celebri potius victoria (idem enim haud superius fuit,
quàm si campo triumphassent Francis repatriantibus) Rex exhilaratus, nec ingra-
tus ad protectores suos sanctissimos Martyres humillimè deuenit, eisq; post Deum
gratias magnas referens, coronam patris sui, quam iniuste tenuerat, (iure enim ad
eos omnes pertinent) deuotissimè restituit, indictum exterius in platea (interius
enim Sanctorum erat) libentissimè reddidit, viaturam omnimodam, quibus spa-
tiis cruce & columnæ statuuntur marmoreæ, quasi Gades Herculis omnibus obli-
stentes hostibus, præcepti Regij confirmatione sancit. Sacras etiam venerabiles
sacratissimorum corporum lecticas argenteas, quæ altari principali superpositæ to-
to spatio bellici conuentus extiterant, vbi continuo celeberrimo diei & noctis offi-
cio Fratrum colebantur, multa deuotissimi populi & religiosarum mulierum ad
suffragandum exercitui frequentabantur multiplici oratione, Rex ipse proprio
collo dominos & patronos suos cum lachrymarum affluentia filialiter loco suo re-
portauit, multisque tam terræ quàm aliarum commoditatum donariis, pro his &
C aliis impensis beneficiis remuneravit. Imperator ergo Theutonicus eo vilescens
facto, & de die in diem declinans, infra anni circulum extremum agens diem, an-
tiquorum verificauit sententiam; neminem nobilem aut innobilem Regni aut Ec-
clesiæ turbatorem, cuius causa aut controuersia Sanctorum corpora subleuentur,
anno fore superstitem, sed ita vel intra deperire. Rex autem Angliæ conscius Theu-
tonici doli, quia Regi LVDOVICO cum Comite Theobaldo guerram inferens,
conspirauerat; Marchiam collimitantem Regis absentia omninò aut depopulari
aut occupare, solo vno Barone, scilicet Amalrico de Monte-forti, viro Marte iugi
acerrimo, & strenuitate Vilcassinensis exercitus repulsus, aut parum aut nihil pro-
ficiens, vana spe frustratus retrocessit. Quo facto nostrorum modernitate, vel mul-
torum temporum antiquitate nihil clarius Francia fecit, aut potentie suæ gloriam
viribus membrorum suorum adiuuans gloriosius propalauit, quàm cum vno co-
démque termino de Imperatore Romano & Rege Anglico licet absens triumphauit.
Ex quo quidem suffocata hostium superbia siluit terra in conspectu eius, & pe-
nè ad quos pertingere poterat inimici in gratiam ultro redeuntes, amicitie dexteras
dederunt. Sic arma tenenti omnia dat qui iusta negat.

Etiam tempestatis temperie Aluernorum Pontifex Claromontensis, vir ho-
nestæ vitæ, & defensor Ecclesiæ illustris, & pulsatus & pulsus Aluernorum super-
bia noua & antiqua, quæ eis titulatur,

Aluernique ausi Latios se fingere fratres,
ad Dominum Regem confugiens, querelam Ecclesiæ lachrymabilem deponit, Comitem Aluernensem ciuitatem occupasse, Ecclesiam beatæ Mariæ Episcopalem Decani sui fraude multa tyrannide munuisse. Renitentis etiam pedibus prouolutus ancillatam Ecclesiam exancillari, tyrannum effrenatum compescere Regiæ Maiestatis gladio suppliciter efflagitat. Rex autem ut consueuerat Ecclesiis promptissime opitulari, causam Dei grater, sed sumptuose assumens, quia verbis & Maiestatis suæ sigillo tyrannum corrigere non valet, facto maturans milites colligit vires, mouet in Aluerniam recalcitrantem copiosum Francorum exercitum. Cui Bituricis aduentanti, Regni Optimates, Comes bellicosus Andegauensis Fulco, Comes potentissimus Britanniae Conanus, Comes egregius Niuernensis, multique alij Regni Proceres manu magna militari, Regni debitores occurrunt, in Aluernos iniuriam Ecclesiæ & Regni vlcisci festinantes. Terram itaque hostium depopulantes, cum ciuitati Claromontensi propinquarent, Aluerni præsidio ciuitatis, quia peroptime erat munita, relictis montanis acutissimis castellis se commiserunt. Vnde Franci consultè eorum deridentes simplicitatem, & ad urbem tendere differentes, ut aut ciuitatem dimitterent, ne castella amitterent; aut si remanerent, interim victualia consumerent, ad castrum peroptimum Pontum nomine super fluuium Hilerim diuerterunt. Vbi circumquaque tentoria figentes, æquè plana & ardua diripiunt: gigantea audacia cælum tendere videntur, dum munitissima montium cacumina præripiunt, prædas non tantum pecorum, sed & pecoralium hominum, superfluo etiam educunt. Instrumenta impugnatória turri eiusdem castelli applicantes, saxorum molarium impetu, sagittarum impluuium multa eos strage ad deditionem compellunt. Quo audito, qui ciuitatem tenebant timore perculsi, simile aut grauius quid expectantes, fugam parant, ciuitatem exeunt, eamque Regis arbitrio derelinquunt. Rex autem & Deo Ecclesiam, & Clero turres, & Episcopo ciuitatem, pace inter eos & Comitem & sacramentis & obsidum multiplicitate firmata, victor in omnibus restituit. Verum temporum lustro peracto, cum Aluernorum Comitum perfida leuitate solueretur recidiua Episcopi & Ecclesiæ calamitas, recidiuam reportat Regi querimoniam. Qui se casto labore admodum defatigatum dedignans, collecto primo multo maiore exercitu terram repetit Aluernorum. Iamque grauis corpore & carnis spissitudinis mole ponderosus, cum alius quislibet pauper etiam tanta corporis periculosi incommoditate equitare nec vellet nec posset, ipse contra amicorum dissuasionem, mira animositate rapiebatur, & quod ipsi etiam iuuenes horrebant, æstuos Iunij & Augusti tolerans calores, impatientes calorum deridet, cum sæpius eum angustis paludum locis fortissimis suorum lacertis sustentari oporteret. Erant in eius expeditione Comes præpotens Flandrensis Carolus, Comes Andegauensis Fulco, Comes Britanniae, tributarius Regis Anglici Henrici de Normannia exercitus, Barones & Regni Optimates quamplures, qui etiam Hispaniam perdomare sufficerent. Transiens itaque Aluernorum difficiles ingressus, & obuiancia castella, Claromontem peruenit. Cum autem abortiuo & opposito ciuitati castro Montis-ferranni exercitum applicaret, milites qui castrum defendere habebant Francorum mirabilem exercitum suis dissimilem formidantes, loricarum & galearum percussu sole splendorem admirantes, solo visu hærent, & exteriorem refutantes immunitatem in turre & turris procinctu, vix etiam inibi se contulerunt. Applicitus autem immunitatis relictæ domibus flammium ignis, quicquid erat præter turrim & procinctum eius, in cineres dissoluit. Et prima quidem die propter æstuantem incendio subito villam, extra tentoria figentes, sequente intus sopitis flammis reportauimus. Rex verò summo mane hoc vno facto & eos contristauit, & nos exhilarauit, quoniam cum tentoria nostra vna de parte turri propinquiora, multo bello, multis sagittarum & iaculorum emissionibus, ita etiam ut præmissis inter nos & ipsos armatorum præsidiis, nos clipeis operiri oporteret, lacescere tota nocte non desisterent: significauit militari viro & egregio Baroni Amalrico à Monte-forti, ut eis ex obliquo insidias ponens, ne procinctum impunè regrederentur prouideat. Qui talibus callens in tentoriis, sumit arma, eosque equorum velocitate ex obliquo nostris eos impredientibus, inopinatè quosdam intercipit, Regi celeriter remittit. Qui cum redimi se mul-

A to rogarent, imperat eos emancari. mancos autem pugnones in pugnis referentes intus focis remitti. Quibus ceteri territi deinceps nos quietos sinebant. Cúmque machinarum & instrumentorum structura demorante tota Aluernia voluntati & arbitrio exercitus pateret, Dux Aquitanie Guillelmus exercitu Aquitanorum fretus aduenit. Qui cum in montanis castra metatus in plano Francorum intueretur rutilare phalanges, admiratus exercitus tanti magnitudinem, pœnituit eum pro impotentia ad refragandum venisse: mittensque pacificos Regi nuncios, ut ei tanquam Domino suo loquatur assistit, perorans hoc modo: Dux tuus Aquitanie, Domine Rex, multa te salute, omni te potiri honore. Non dedignetur Regie Maiestatis Celsitudo Ducis Aquitanie seruitium suscipere, ius suum ei conferuare, quia sicut iustitia exigit seruitium, sic & iustum exigit dominium. Aluernensis Comes, quia Aluerniam à me, quam ego à vobis habeo, habet, si quid commisit, Curie vestre vestro habeo imperio repræsentare. Hoc nunquam prohibuimus, hoc etiam modo offerimus, & ut suscipiatis suppliciter efflagitamus. Et ne super his Celsitudo vestra dubitare dignetur, multos & sufficientes obsides dare paratos habemus. Si sic iudicauerint Regni Optimates, fiat; sin aliter, sicut. Super his igitur Rex cum Optimatibus Regni consulens, dictante iustitia, fidem, iuramentum, obsidum sufficientiam suscipit, pacem patrie & Ecclesie restituit, diem inter eos præsentem Duce Aquitanie agendis Aurelianis, quod huc usque renuerant, statuit, exercitumque gloriosè reducens in Franciam victor remeavit.

E G R E G I E factum, quo nobilius ab adolescentia sua usque ad vitæ limitem nullum perpetravit, vitando fastidium, cum multa egeat, breui narratione memorare non quomodo, sed quid fecerit, significantes proposuimus. Famulus Comes vir potentissimus Carolus, de amita Domini Regis LVDOVICI Danorum Regis filius, cum successisset iure consanguinitatis fortissimo Comiti Balduino Hierosolymitani Roberti filio, Flandrie terram valde populosam tam strenuè quàm diligenter administrabat: Ecclesie Dei illustris defensor, eleemosynarum liberalitate conspicuus, iustitie tutor insignis. Qui cum debitor honoris adepti, potentes quosdam genere humiles, opibus elatos, dominio eius lineam consanguinitatis absentare superbè innitentes (erant enim de facie conditionis seruilis) iudicio Curie conuenienter satis repeteret; ipsi, videlicet Brugensis Ecclesie Præpositus, & sui, viri superbissimi & famosi proditores, crudelissimè ei insidiabantur. Cum igitur quadam die Brugas venisset, summo mane Ecclesie Dei assistens, pavimento prostratus, librum orationum manu tenens orabat: cum subito Bucharus quidam nepos Præpositi præfati, satelles truculentus, cum aliis de eadem sceleratissima radice, & aliis traditionis pessimæ complicibus, oranti, immo Deo loquenti tacitè retro cedit, & cautè gladio euaginato collum terræ prostratum Comitis suauissimè tangens, ut paululum erectum ferientis gladio se inopinatè dirigeret; ensen ei applicans, vno ictu impius pium, seruus Dominum sceleratissimè detruncat. Qui autem astabant necis impie cooperatores, sanguinem eius sitientes, tanquam canes in relicta cadauera debacchantes, innocentem laniare gaudebant: summopere gloriantes, quod opere complere potuerant quem conceperant dolorem, & quam pepererant iniquitatem. Et apponentes iniquitatem super iniquitatem, utpote malicia sua excæcati; quoscumque Castellanos, quoscumque nobiliores Comitis Barones, siue in eadem Ecclesia, siue extra in castro offendere poterant, infelicissimo miseræ mortis genere imparatos nec confesos trucidabant. Quibus tamen prodesse valde arbitramur, quod pro fidelitate Domini sui taliter mactati in Ecclesia orantes sunt reperti, cum scriptum sit: *Vbi te inuenero, ibi te iudicabo.* Comitem verò truces in ipsa Ecclesia tumultantes, ne honorificè extra deplangeretur, & sepeliretur, & pro gloriosa vita & gloriosiore morte deuotus populus in eius vitionem incitaretur, Ecclesiam ipsam speluncam latronum statuentes, tam ipsam quàm Comitis domum Ecclesie inhaerentem munierunt, & quibuscumque paratis victualium alimentis, & seipsos exinde protegere, & terram sibi allicere summa superbia deliberant. Tanti igitur & tam scelerati horrore facti attoniti, qui his non assenserant, Flandrie Barones lacrimabiles exequias persoluentes, horam prodicionis euitant, dum hoc Domino Regi LVDOVICO, nec ei tantum, sed fama volante per vniuersum Orbem denunciant. Rex autem & amore iusticie, & consanguinitatis affectu in vitionem

LVDOVICVS
VL GROS-
SVS.

tantæ proditiōis excitatus, nec Regis Anglici, nec Comit̃s Theobaldi guerra A
detentus, Flandriam animosus intrat, vt nequissimos atrocissimè perdat toto ani-
mi & operis nisu exæstuat. Comit̃em Flandriæ Guillelmum Normannum filium
Roberti Hierosolymitani Normanniæ Comit̃is (ad eum enim iure consanguini-
tatis spectabat) constituit. Vt autem Brugas descendit, non veritus terræ bar-
bariem, nec fœdam proditoriæ consanguinitatis lineam, ipsos proditores in Ec-
clesia & turre obseſſos coarctat, victualia præter sua, quæ diuino nutu eorum etiam
vſui importuna repugnabant, prohibet. Vt autem fame, peste, & gladio, ali-
quântisper eos contriuit, Ecclesiam relinquentes turrim tantum, vt eos turris re-
tineret, retinuerunt. Iam ergo de vita eis desperantibus, cùm iam in luctum ver-
teretur cythara eorum, & organum eorum in vocem flentium, nequissimus Bu-
chardus sociorum consensu fuga lapsus, terram exire volens, nec valens, sola ini-
quitate propria prohibente, in firmitate cuiusdam amici & familiaris reuersus, in-
terceptus Regis imperio, exquisito miseræ mortis genere, alta rota superligatus,
coruorum & alitum rapacitati expositus, desuper oculis defossus, & tota facie di-
laceratus, inferiorum sagittis & lanceis & iaculis millies perforatus, miserrimè
interfectus in cloacam proiectus est. Bertoldus verò caput iniquitatis cùm simili-
ter effugere decreuisset, cùm huc illucque satis licenter deambulasset, sola super-
bia reuersus (dicebat enim; Quis ego, aut quid ego sum?) etiam capitur, & Regis
arbitrio expositus, merita & miserrima morte est damnatus. Furcis enim cum ca-
ne suspensus, quotiens canis percutiebatur, in eum iram retorquens totam faciem B
eius mastigando deuorabat: aliquando etiam, quod horribile dictu est, stercora-
bat. Sicque miseram vitam, miserior miserrimo, morte perpetua terminauit.
Quos autem in turre incluserat, multis angustiis ad deditionem cogens, sigillatim
vnum post alium coram suis fractis ceruicibus deiecit. Quendam etiam eorum
Isaac nomine, timore mortis in Monasterio quodam tonsoratum, demonachatum
patibulo affixit. Potitus itaque Brugenſi victoria Rex cum suis, Ipram peropti-
mum castrum contra Guillelmum Bastardum proditiōis fautorem, vt & in eum
vlciscatur accelerat. Brugenſes tam minis quàm blanditiis, directis ad eos nunciis,
allicit. Dùmque Guillelmus cum trecentis militibus ei obuiat, altera pars regalis
exercitus in eum irruit, altera ex obliquo alia portâ castellum audacter occupat,
eoque retento Guillelmum à tota Flandria exheredatum exterminat. & quia pro-
ditiōe ad possidendam Flandriam aspirauerat, merito in tota Flandria nihil obti-
nuit. His ergo & diuersis vltionum modis & sanguinis multi effusione lota & quasi
rebaptizata Flandria, Guillelmo Normanno Comite constituto, Rex in Franciam,
Deo auxiliante, victor remeauit.

SED & aliam consimilem & Deo gratam, & alia vice famosam fecit vltionem,
cùm hominem perditissimum Thomam de Marna Ecclesiam Dei terebrantem,
nec Deum nec hominem reuerentem, in manu forti eeleriter tanquam ticio-
nem fumigantem extinxit. Querulo siquidem Ecclesiarum planctu compulsus, C
cùm Laudunum ad vlciscendum aduentasset, Episcoporum & Regni Optima-
tum persuasione, & maximè egregij Comit̃is Viromandensis Radulfi, qui po-
tentior aliis post Regem in partibus illis erat consilio, in eum ducere exercitum
Cociacum deliberatum est. Festinante autem Rege ad castrum, cùm qui missi
fuerant opportunum explorare accessum, importunum omninò & inaccessible
renunciassent, & à multis angariaretur, iuxta audita consilium mutare debere:
" Rex ipsa indignatus animositate, Lauduni, inquit, hoc remansit consilium. Quod
" enim ibi deliberatum est, nec pro morte, nec pro vita mutabimus. Vileſceret me-
" rito Regiæ Maiestatis magnificentia, si scelerati hominis formidine refugi deride-
remur. Hæc ait, & mira animositate, licèt corpore grauis, per abrupta & nemori-
bus obtrusas vias, licèt periculosè cum exercitu penetrans, cùm prope castrum per-
uenisset, nunciatum est strenuissimo Comiti Radulfo ex alia parte caſtri vaganti
exercitui insidias parari, & ruinæ eorum instantissimè demoliri. Qui illico arma-
tus cum paucis sociorum illuc via opaca tendens, conspicatus præmissis quibus-
dam militibus suis iam percussum illum cecidisse, equum calcaribus vrgens ir-
ruit in eum, & audacter gladio percutiens lethale vulnus infligit, nec nisi prohibe-
retur, repetendum foret. Captus itaque, & ad mortem sauciatus, Regique L v-
d o v r c o præſentatus, eius imperio Laudunum laude omnium ferè & suorum &

A nostrorum est deportatus. Sequentē autē die publicata terra plana eius; ruptis-
que stagnis; quia Dominum terræ habebat, terræ parcens; Laudunum regressus
Dominus Rex Ludouicus, hominem perditissimum, nec vulneribus, nec carcere,
nec minis, nec prece; ad redditionem mercatorum, quos mira proditione in con-
ductu spoliatos omnibus suis carcere detinebat, cogere valebat. Qui cum coniugem
ex Regia permissione sibi asciaisset, magis videbatur de mercatorum, qui ab
eo exigebantur, quàm de vitæ amissione dolere. Cumque iam plagarum dolore
gravissimo penè ad mortem constrictus, à multis etiam confiteri & viaticum susci-
pere rogaretur, vix concessit. Cum autem corpus Domini manu Sacerdotis in
eam quam miser inhabitabat cameram deportatum esset, sicut si ipse Dominus Ie-
sus miserrimum vas hominis minimè pœnitentis nullo modo ingredi sustineret,
mox ut nequam ille collum erexit, ilico confractum retorfit, & spiritum terri-
mum diuinæ expers Eucharistiæ exhalauit. Rex autem ulterius mortuum aut mor-
tui terram prosequi dedignatus, mercatorum emancipationem, & thesaurorum
eius maximam partem à coniuge & filiis extorsit, & pace Ecclesiis morte tyranni
restituta, victor Parisiis remcauit.

SED & alio tempore, cum occasione Dapiferatus emerisset inter Dominum
Regem & Amalricum de Monte-forti virum illustrem, stimulante Stephano Gar-
landensi, grandis altercatio, & tam Regis Anglici quàm Comitis Theobaldi ful-
ciretur suffragio, festinato exercitu Liuriacum obsedit castrum, & erectis impu-
gnatoriis machinis, frequenti inuasionē crebro aggrediens impetu, fortissimè ex-
pugnauit. Et quontam egregius Comes & cognatus germanus Radulfus Viroman-
denfis, balistarij quadro, in assultu promptissimus, oculo est priuatus, fortissimum
castrum funditus subuertit. Sed & tanto guerrarum bello eos affecit, quòd ei Da-
piferatum & Dapiferatus hereditatem bona pace relinquentes abdicauerunt. Qua
guerra ipse etiam Rex, quia militaris vir erat, semper promptus in hostes, balista-
rij immissione quadri-erure perforatus, læsus valde, multa animositate vilipende-
bat, & tanquam si Regiæ Maiestatis thronus vulneris dolorem dedignaretur, ri-
gidè angustiam quasi non sustinens sustinebat.

EO autem tempore Ecclesiam Romanam schismate periculoso grauissimè &
penè præcordialiter contigit sauciari. Venerandæ memoriæ summo Pontifice &
vniuersali Papa Honorio viam vniuersæ carnis ingresso, cum Ecclesiæ Romanæ
maiores & sapientiores ad remouendum Ecclesiæ tumultum consensissent, apud
Sanctum Marcum, & non alibi, & non nisi communiter Romano more celebrem
fieri electionem: qui assiduitate & familiaritate propinquiore Apostolici fue-
rant, timore tumultuantium Romanorum illuc conuenire non audentes, an-
tequam publicaretur domini Papæ decessus, personam venerabilem Cardina-
lem de Sancto Angelo Diaconum Gregorium summum eligunt Pontificem.
Qui autem Petri Leonis parti fauebant, apud Sanctum Marcum pro pacto alios
C inuitantes conuenerunt, dominique Papæ morte comperta, ipsum eundem Pe-
trum Leonis Cardinalem Presbyterum multorum & Episcoporum & Cardina-
lium & Clericorum, & Romanorum nobilium consensu votiue elegerunt. Sic-
que schisma perniciosum statuendo, Christi Domini tunicam inconsutilem dis-
cindendo partiti sunt Ecclesiam Dei: & dum magno se Iudice quisque tuetur,
alij alios alliciunt, alij alios anathemate innodant, iudicium præter suum non at-
tendunt. Cum autem Petri Leonis pars tum parentum suffragio, tum Romanæ
nobilitatis præsidio præualeret, dominus Papa Innocentius cum suis urbem relin-
quere deliberat, ut Orbem terrarum obtinere præualeat. Descendens itaque na-
uali præsidio ad partes Galliarum, tutum & approbatum eligit personæ & Eccle-
siæ post Deum defensionis asylum Regnum nobilissimum Francorum. nunciisque
suis ad Regem LVDOVICUM destinatis, & personæ & Ecclesiæ opitulari effla-
gitat. Quo Rex, ut erat piissimus Ecclesiæ defensor, citò compunctus, Concilium
Archiepiscoporum, Episcoporum, Abbatum & Religiosorum virorum Stampis
conuocat, & eorum consilio magis de persona quàm de electione inuestigans (sic
enim sæpè ut Romanorum tumultuantium quibuscumque molestiis Ecclesiæ ele-
ctio minus ordinariè fieri valeat) eius assensum electioni consilio virorum præbet,
& deinceps manu tenere promittit. Cum autem & susceptionis & seruitij primitias
Cluniaci per nos ei delegasset, tanto exhilarati suffragio cum gratia & benedictione

LVDOVICVS
VI. GROS-
SVS.

Domino Regi per nos gratias referentes, ad propria remiserunt. Vt autem usque A
Sanctum Benedictum super Ligerim descendit, Dominus Rex cum Regina & fi-
liis ei occurrens, nobilem & diademate sæpius coronatum verticem tamquam ad
sepulchrum Petri inclinans, pedibus eius procumbit, Catholicum affectum & de-
uoti seruitij effectum ei & Ecclesiæ promittit. Cuius exemplo & Rex Angliæ Hen-
ricus ei Carnotum occurrens, deuotissime pedibus eius prostratus, votiuam sui
suorumque in terra sua susceptionem & obedientiæ filialis promittit plenitudi-
nem. Visitando itaque Gallicanam, sicut res exigebat, Ecclesiam, ad partes se
transfert Lotharingorum. Cui cum Imperator Lotharius ciuitate Leodij cum
magnò Archiepiscoporum & Episcoporum, & Teutonici Regni Optimatum, col-
legio celeberrimè occurrisset, in platea ante Episcopalem Ecclesiam humillimè
seipsum stratorem offerens, pedes per medium sanctæ processionis ad eum festinat,
alia manu virgam ad defendendum, alia frænum albi equi accipiens, tanquam Do-
minum deducebat. Descendente verò tota statione cum suppediando deportans,
celsitudinem paternitatis eius notis & ignotis clarificauit. Pace itaque Imperij &
Ecclesiæ confederata, instantem sancti Paschæ diem apud nos in Ecclesia beati
Dionysij tanquam speciali filia affectat celebrare. Nos autem ob timorem Dei &
Ecclesiæ, matris & filię, gratanter pridie Cœnæ Domini suscipientes, celeberrimam Deo & hominibus proferentes processionem, aduentum eius odis exultatio-
nis collectantes amplexati sumus. Cœna ergo Domini apud nos more Romano,
& sumptuoso donatiuo, quod Presbyterium nominatur, celebrata, venerandam B
Domini crucifixionem venerando prosequutus, sanctissimæ Resurrectionis vigi-
lias honore debito pernoctauit. Summo mane verò extrinseca via ad Ecclesiam
Martyrum in strata cum multo collateralium collegio quasi secretò commeauit,
ibique more Romano seipsum præparantes, multo & mirabili ornatu circumdantes,
capiti eius frigium ornamentum Imperiale instar galeæ circulo aureo circinnatum
imponunt, albo & palliato equo insidentem educunt, ipsi etiam palliati equos al-
bis operturis variatos equitantes, odas personando festiuè geminati procedunt.
Barones verò Ecclesiæ nostræ feodati, & Castellani nobiles, stratores humillimi pe-
dites eum equitantem fræno deducebant. Quidam etiam prærij copiosam mone-
tam, vt turbam impediens remouerent, iactabant. Via autem Regia & sali-
cibus & fixis stipitibus preciosis palliis rutilabat. Cum autem & militiæ cunei &
populi multi concursus ei honoratissime occurreret, nec etiam ipsa Iudæorum Pa-
risiensium excæcata defuit Synagoga, quæ legis literam, rotulam scilicet velatam
offerens, ab ore eius hanc misericordiæ & pietatis obtinet supplicationem. Aufe-
rat Deus omnipotens velamen à cordibus vestris. Perueniens verò ad Sanctorum
Basilicam coronis aureis rutilantem, argenti & plus centies auri pretiosarum gem-
marum & margaritarum splendore fulgurantem, diuina diuinè celebrans, agni ve-
ri Paschalis victimas sacratissimas nobis cooperando immolauit. Finita verò Missa,
erectis in claustro palliis strato mensis, materialem agnum tanquam thoris accubi- C
tati sumunt, cetera nobilis mensæ fercula consueto more suscipiunt. Sed & se-
quente die eandem ab Ecclesia Sancti Remigij ad principalem recipiunt pro-
cessionem. Transactis itaque tribus post Pascha diebus, cum gratiarum actione,
& auxilij & consilij promissione Parisium transmeauit. Exinde Galliarum Eccle-
sias visitando, & de earum copia inopiæ suæ defectum supplendo, cum per terram
aliquantisper deambulasset, Compendij demorari elegit.

INTEREA contigit singulare & vltèrius inauditum Franciæ Regni infortu-
nium. Regis enim LVDOVICI filius, floridus & amœnus puer, PHILIPPVS,
bonorum spes, timorque malorum, cum quadam die per ciuitatis Parisiensis sub-
urbium equitaret, obuio porco diabolico offensus equus, grauissimè cecidit, ses-
sorèmq; suum nobilissimum puerum silice consternatum, mole ponderis sui con-
culcatum contriuit. Quo dolore ciuitas & quicumque audierunt consternati (ea
siquidem die exercitum ad expeditionem ascuerat) vociferabantur, flebant &
eiulabant, tenerrimum recolligentes puerum penè extinctum, in proximam do-
mum reportant. Nocte verò instante, proh dolor! spiritum exhalauit. Quantus
autem & quàm mirabilis dolor & luctus patrem & matrem, & Regni Optimates
affecerit, nec ipse Homerus dicere sufficeret. Eo autem in Ecclesia beati Dionysij
in sepultura Regum, & sinistra altaris sanctæ Trinitatis parte, multorum conuentu

A Episcoporum & Regni Optimatum, more Regio humato, pater sapiens post lugubres querimonias, post miserabiles vitæ superstitis imprecationes, religionum & sapientium consilio consolari admisit. Qui ergo intimus eius & familiares eramus, formidantes ob iugem debilitati corporis molestiam eius subitum defectum, consulimus ei quatenus filium **L V D O V I C V M**, pulcherrimum puerum, Regio diademate coronatum, sacri liquoris unctione Regem secum ad refellendum æmulorum tumultum constitueret. Qui consiliis nostris adquiescens, Remis cum coniuge & filio, & Regni Proceribus deuenit: ubi in pleno & celeberrimo, quod Dominus Papa Innocentius conuocauerat, Concilio, sacri olei unctione & coronæ Regni deputatione in Regem sublimatum, felicem prouidit Regno successorum. Vnde multis quasi quodam præfagio videbatur eius debere amplificari potentia; qui tot & tantorum & tam diuersorum Archiepiscoporum, Episcoporum, Francorum, Theutonicorum, Aquitanorum, Anglorum, Hispanorum suscepit benedictionem copiosam. Cumque pater viui gaudio defuncti dolorem alleuians **Parisiū** rediret, dominus Papa soluto Concilio Autissiodoro elegit demorari. Oportunitatem verò repatriandi nanciscens de Imperatoris Ludouici comitatu, (quia eum in manu forti Romam perducere, & Petrum Leonis deponere spondederat) illuc cum eo deuenit. Sed cum eum Augustum Imperatorem constituisset, Romanis resistentibus pacem obtinere Petro Leonis viuente non potuit. Sed cum Petrus Leonis de medio abiisset, pace Ecclesiæ post longam fluctuationem, post diutinos & penè consumptiuos languores, Dei auxilio restituta, dominus Papa felici successu sanctissimam cathedram vitæ & officij merito nobilitauit.

B **I A M** iamque Dominus Rex **L V D O V I C V S** & corporeæ grauitatis mole, & laborum continuato sudore aliquantisper fractus, ut humanæ complexionis mos est, corpore non animo deficiebat: cum tamen si quid Regiæ Maiestati importunum per vniuersum Regnum emergeret, inultum nullo modo præterire sustineret. Tantæ enim scientiæ & industriæ sexagenarius erat, ut si impinguati corporis molestia iugis non resisteret, omnem vniuersaliter hostem superando contereret. Vnde sæpè intimis ingemiscendo querebatur: Heu, inquit, miseræ conditioni, quæ scire & posse insimul, aut vix aut numquam admittit! Si enim iuuenis scissem, aut modò senex possem, efficacissimè Regna multa perdomassem. Ea tamen corporis debilitatis grauitate, etiam lecto rigidissimus, usque adeò & Regi Angliæ, Comitique Theobaldo, & omnibus resistebat, ut quicumque eum viderent, & præclara opera audirent, animi nobilitatem prædicarent, corporis debilitatem deplangerent. Ea etiam molestatus angaria, cum contra Theobaldum Comitem læso crure & vix deportato, Bonam-vallem, præter claustra Monachorum, quæ defendebat, igne concremare fecisset: sed & alia vice cum Castellum-Renardi de feodo Comitum Theobaldi per homines etiam absens destruxisset, ea quam extremam fecit expeditionem, nobilissimo exercitu castrum Sancti Briktionis super fluuium Ligerim ob sui rapacitatem, & mercatorum deprædationem, & incendio dissoluit, & turrim & Dominum ad deditionem coëgit. Quæ regressus expeditione, apud castellum nouum Montis-Treherij graui diarria ventris profluuium, sicut aliquando consueuerat, grauitæ cœpit anxari. Qui ut erat in consiliis prouidus, sibi ipsi consulens, & miseratus animæ suæ, Deo placens, frequentatæ confessionis & orationum sibi deuotione prouidebat: hoc vnum toto animi affectu præoptans, apud sanctos Martyres protectores suos Dionysium sociosque eius se quomodocumque deferri, & ante sacratissima eorum corpora Regni & coronæ depositione, coronam pro corona, pro regalibus insignibus & imperialibus ornamentis humilem beati Benedicti habitum commutando, Monasticum Ordinem profiteri. Videant, qui Monasticæ paupertati derogant, quomodo non solum Archiepiscopi, sed & ipsi Reges transitorie vitæ æternam præferentes, ad singularem Monastici Ordinis tutelam securissimè confugiunt.

C **V M** autem de die in diem graui diarria turbaretur, motus tantis & tam molestis Medicorum potionibus, diuersorum & amarissimorum puluerum susceptionibus ad restringendum infestatur, ut nec ipsi etiam incolumes & virtuosus sustinere præualerent. Qui inter has & huiusmodi molestias innata dulcedine beneuolus omnibus ita blandiebatur, omnes admittebat, omnes demulcebat, ac si nihil molestiæ pateretur. Asperrimo itaque profluuij motu, & longo macerati corporis

LYDOVICVS
VI. GROS-
SVS.

defectu, dedignatus viliter aut inopinatè mori, conuocât Religiosos viros, Epi- A
scopos & Abbates, & multos Ecclesiæ Sacerdotes, quærit reiecto pudore omni ob
reuerentiam Diuinitatis, & Sanctorum Angelorum, coram deuotissimè confitent, & securissimo Domini corporis & sanguinis viatico exitum suum muniri. Cum
idipsum præparare festinant, Rex ipse inopinatè se leuans & præparans, vestitus
cameam cunctis admirantibus obuiam corpori Domini Iesu Christi exit, deuotis-
simus assistit. Vbi videntibus cunctis tam Clericis quàm laicis, Regem exuens Re-
gnum deponit, peccando Regnum administrasse confitetur, filium suum. LVDO-
VICVM annulo inuestit, Ecclesiam Dei, pauperes & orphanos tueri, ius suum
vnicuique eustodire, neminem in Curia sua capere, si non præsentatè ibidem
delinquat, fide obligat. Vbi etiam aurum & argentum, & vasa concupiscibilia,
& pallia & palliatis culcitra, & omne mobile quod possidebat, & quo ei serueba-
tur, Ecclesiis, & pauperibus & egenis pro amore Dei distribuens, nec chlamydis
nec Regiis indumentis vsque ad camisiam pepercit. Capellam autem suam pre-
tiosam, textum pretiosissimum auro & gemmis, turribulum aureum quadraginta
vnciarum, candelabra centum sexaginta auri vnciarum, calicem auro & pretiosis-
simis gemmis charissimum, cappas de pallio preciosas decem, preciosissimum ia-
cynthum Annæ Regis Ruthenorum filiz, quod de sua in manu nostra reddens, vt
coronæ spineæ Domini infingeretur præcepit, sanctis Martyribus per nos destina-
uit, & si quocumque modo subsequi posset deuotissimè spondit. His igitur ex- B
oneratus, & Dei misericordiâ perfusus, humillimè flexis genibus ante sacratissi-
mum corpus & sanguinem Domini nostri Iesu Christi (qui enim mox Missam ce-
lebrauerant, illuc ei cum processione deuotè attulerant) in hanc oris & cordis ve-
ræ & Catholicæ confessionis vocem, non tanquam illiteratus, sed tanquam litera-
tissimus Theologus erumpit: Ego peccator LVDOVICVS confiteor vnum & ve-
rum Deum Patrem & Filium & Spiritum sanctum, vnâ ex hac sancta Trinitate
personam, videlicet vnigenitum & consubstantialem & coæternum Dei Patris Fi-
lium, de sacratissima Maria Virgine incarnatum, passum, mortuum & sepultum,
tertia die resurrexisse, cœlos ascendisse, ad dexteram Dei Patris consedere, viuos
& mortuos extremo & magno iudicio iudicare. Hanc autem sacratissimi corpo-
ris eius Eucharistiam illud idem credimus corpus quod assumptum est de Virgine,
quod discipulis suis ad confœderandum & vniendum & in se commanendum con-
tradidit. Hunc sacratissimum sanguinem illum eundem qui de latere eius in cru-
ce pendentis defluxit, & firmissimè credimus, & ore & corde confitemur: hocque
securissimo viatico decessum nostrum muniri, & cōtra omnem aëream potestatem
certissima protectione defendi præoptamus. Cum autem cunctis admirantibus,
facta primùm peccatorum confessione, deuotissimè corpori & sanguini Iesu Christi
communicasset, tanquam illico conualescere incipiens, ad cameram rediit, omni-
que secularis superbiz reiecta pompa sola linea culcitra decubuit. Cùmque eum
de tanto tantillum, & de tam alto tam humilem humano more me deflere conspi- G
cetur: Noli, inquit, charissime amice, super me deflere, quin potius exultando
gaudere, quòd Dei misericordia præstitit me in eius occursum sicut vides præpa-
rasse. Cum autem paulatim ad incolumitatem respiraret, quo potuit vehiculo,
prope Milidunum ad fluuium Sequanæ, occurrentibus & concurrentibus per viam
ei obuiam, & Deo personam eius commendantibus, à castellis & vicis, & relictis
arattris, deuotissimis populis, quibus pacem conseruauerat, descendit: sicque ob
amorem sanctorum Martyrum, quos visitare & grates reddere desiderabat, deue-
niens citissimè, Deo donante, eques ad eos peruenit. Qui à Fratribus & penè tota
patria tanquam piissimus Ecclesiæ Pater, & nobilis defensor, solemniter & deu-
otissimè susceptus, sanctissimis Martyribus humillimè prostratus, votiuas pro im-
pensis beneficiis, & deuotas gratiarum actiones lachrymando persoluit, & vt dein-
ceps ei prouideant humillimè interpellauit. Cùmque castrum Bestisiacum per-
uenisset, celeriter subsecuti sunt eum nuncij Guillelmi Ducis Aquitaniz, denun-
ciantes eundem Ducem ad Sanctum Iacobum peregrè profectum in via demi-
grasse: sed antequam iter aggrederetur, & etiam in itinere, moriens filiam nobilif-
simam puellam nomine ALIENOR desponsandam, totamque terram suam ei-
dem retinendam & deliberasse & dimisisse. Qui communicato cum familiaribus
consilio, solita magnanimitate gratanter oblata suscipiens, charissimo filio LVDO-

A V I C O eam copulari promittit, necnon & deinceps nobilem apparatus ad destinandum illuc componit, nobilissimorum virorum exercitum quingentorum & eo amplius militum de melioribus Regni colligit, cui etiam Palatinum Comitem Theobaldum, & egregium Viromandensem Comitem & consanguineum Radulfum præesse constituit. Nos autem familiares eius, & quoscumque sanioris consilij reperire potuit, ei concopulauit: sic in eius exitu filio valedicens, Protegat te, inquit, & tuos, fili charissime, omnipotentis Dei, per quem Reges regnant, validissima dextera. Quia si te & quos tecum transmittito quocumque infortunio amitterem, nec me præsentialiter nec Regnum curarem. Copiosas etiam gazas & thesaurorum sufficientiam deliberans, ne quid in toto Ducatu Aquitaniæ rapiant, ne terram aut terræ pauperes lædant, ne amicos inimicos faciant, Regia Maiestate interminat, ut gratum exercitui de proprio ærario quotidianam exhibeant deliberationem, imperare non dubitat. Qui cum per Limouicensium partes ad Burdegalensium fines peruenissemus, ante ciuitatem interposito magno fluuio Garona tentoria defiximus, ibidem præstolantes, & nauali subsidio ad urbem transeuntes, donec die Dominica collectis Gasconiæ, Sanctoniæ, Pictauiæ Optimatibus, præfatam puellam cum eo diademate Regni coronatam sibi coniugio copulauit. Redeuntes igitur per pagum Sanctonicum, & si qui erant hostes prosternentes, Pictauorum ciuitatem cum exultatione totius terræ peruenimus.

B *ÆSTVABANT* eo tempore æstiuæ calores solito nociuiore, quorum consumptione aliquantisper soluti & valde contriti defatigabamur. Quorum intolerabili solutione cum Dominus Rex LVDOVICVS Parisiis recidua profluuij dissenteria grauissimè fatigaretur, omnino deficiebat. Qui nunquam super his imprudens, accito venerabili Parisiensi Episcopo Stephano, & Religioso S. Victoris Abbate Gilduino, cui familiariter confitebatur, eo quod Monasterium eius à fundamine construxerat, & confessionem repetit, & exitum suum viatico Dominici corporis muniri deuotissimè satagit. Cumque se deferri ad Ecclesiam sanctorum Martyrum faceret, ut quod votum sæpiùs sponderat humillimè persolueret, ægritudinis anticipatus angustiis, quod opere non potuit, corde & animo & voluntate compleuit. Præcipiens ergo tapetum terræ & cineres tapeto in modum crucis deponi, ibidem manibus suorum depositus, signo sanctæ crucis præsentiam suam muniens, xxx. Regni administrationis, ætatis verò fere lx. anno, Kal. Augusti spiritum emisit. Cum autem eadem hora corpus eius precioso pallio inuolutum ad Ecclesiam sanctorum Martyrum sepulturæ deportaretur, & præcessissent qui sepulturæ locum adaptarent, vnum contigit quod silentio præterire dignum non videtur. Cum enim præfatus Rex nobiscum conferendo de sepulturis Regum aliquando aut sæpiùs ageret, felicem fore assererat, qui inter sacratissima sanctæ Trinitatis & sanctorum Martyrum altaria sepeliri mereretur, quoniam & Sanctorum suffragio, & aduentantium orationibus peccatorum veniam obtineret: ex hoc ipso tacite voluntatem suam significans. Cum autem, antequam cum filio exissemus, cum venerabili Ecclesiæ Priore Heruéo sepulturam eius ante altare sanctæ Trinitatis, ex opposito tumuli Caroli Imperatoris, mediante altari prouidissemus: occupato loco Carlomanni Francorum Regis, quia nec fas nec consuetudo permittit Reges exhospitari, quod proposueramus fieri non potuit. Vbi autem ipse quasi quadam pronostica præoptauerat, attentantes contra omnium opinionem (omnes enim impeditum locum æstimabant) quantum nec plus nec minus longitudini & latitudini corporis eius conueniebat, locum reseruatam inuenerunt. Vbi cum orationum & hymnorum frequentia, & celeberrimo deuotóque exequiarum officio more regio depositus resurrectionis futuræ consortium expectat, tantò sanctorum spirituum collegio spiritu propinquior, quantò corpore sanctis Martyribus ad suffragandum proximè sepultus assistit.

Felix qui potuit mundi nutante ruina,

Quo iaceat præscisse loco.

Cuius deuotissimam sanctis Martyribus animam, ipsis intercedentibus, ipse Redemptor resuscitet, & in parte Sanctorum collocare dignetur, qui posuit animam suam pro salute mundi Iesus Christus Dominus noster, qui viuit & regnat, Rex regum & Dominus dominantium, per omnia secula seculorum, Amen.

VETERVM SCRIPTORVM FRAGMENTA.

DE REBVS LVDOVICI GROSSI REGIS.

*Ex Libro MS. de Sanctis, & eorum Pigneribus, quem Guibertus Abbas beatae
Mariae de Nouigento scripsit ad Odonem S. Symphoriani Abbatem,
ante annum M C X X I V.*

N promptu quoque est in ortu præpotentum Principum, vt puta Alexandri, Iulij Cæsaris, Octouiani, sed & aliorum, signa præmissa. & in mortibus habuisse Karolum & Ludouicum filium eius prognostica. Vnde & nostro tempore in nostrorum & Lotharingorum seu Anglicorum Regum occasibus, & innoatione Regnorum sæpius Cometes emerfisse conspeximus. Quid quod Dominum nostrum LVDOVICVM Regem consuetudinario vt videmus prodigio? Hos planè, qui scrophas circa iugulum aut vsquam in corpore patiuntur, ad tactum eius, superaddito crucis signo, vidi cateruatim, me ei cohærente, & etiam prohibente, concurrere. Quos tamen ille ingenita liberalitate scæua ad se manu obuncans, humillimè consignabat. Cuius gloriam miraculi cùm PHILIPPVS pater eius alacriter exerceret, nescio quibus incidentibus culpis amisit. Super aliis Regibus, qualiter se in hac re gerant, supersedeo. Regem tamen Anglicum neutiquam in talibus audere comperio.

Ex veteri membrana MS.

1112. ANNO Domini M C X I I. Rex Francorum LVDOVICVS GROSSVS propter crebras & laudabiles victorias, quas obtinuit Deo auxiliante, plures Ecclesias construxit. Inter quas vnâ ab ipsis fundamentis in honore beatae semper Virginis Mariæ in villade Putheolis in Vastinetis muro lapideo tabulatu construxit. In quo constituit Canonicos Regulares sub Priore Conuentuali degentes, qui Ordinem & modum viuendi à Monasterio S. Quintini Beluacensis, in quo Yuo Ordinem S. Augustini reformauerat, acceperunt: ipsosque Canonicos terris & possessionibus dotauit, de consilio Episcoporum, Procerum, & Maiorum Regni sui. Et hoc apparet in Priuilegio eisdem Canonicis hoc anno concessio in Capella Parisiensis Episcopi, præsentis Dumbardo* Senonensi Archiepiscopo, qui eisdem Canonicis concessit Curam seu Parochiam dictæ villæ, cum Capella S. Sulpicii, qui tunc ibidem vt patronus colebatur: vt patet ex quodam Scripto Henrici post Archiepiscopi Senonensis, & Priuilegio ipsius Regis LVDOVICI. Qui siquidem LVDOVICVS GROSSVS obiit XXVIII. regni sui anno, & sepultus est in Ecclesia S. Dionysij in Francia, ante corpus ipsius Martyris, Kal. Augusti. Ipse vero Ludouicus Grossus Regnum Franciæ strenuè gubernauit prudentiâ & probitate sui & suorum. Nam cùm in principio etiam ab illis qui debebant esse subiecti impeteretur, tandem Dei auxilio omnes vel bello superauit. Bellis etiam & gueris hinc & indè pulsabatur, ab Henrico Anglorum Rege, à Theobaldo Comite Blaisensi & Carnotensi, & aliis nobilibus vicinis. Imò aliquod tempus fuit, in quo adeò arctabatur, vt nec posset exire Meledunum; vel ire ab vrbe Parisiensis prope Corbolum, quorum Comes Odo ei in omnibus aduersabatur: nec à Parisien. ad Stampas propter Montemhelricum, Castrum forte, & Firmitatem Balduini, quorum Domini erant ei hostiliter aduersantes: nec etiam à Stampis Aurelianis securè ire valebat, propter Putheoli castrum interpositum. Sed Dei gratiâ succurrente, hos omnes sub se redegit. Odonem namque Corboliensem occidit, & Corbolum cum alia terra sua iurisdictione cepit. Similiter Montemhelricum, Castrum-

* leg Daim-
bertio

A forte, & Firmitatem-Balduini vi belli sibi subiecit. Exhereditatōque iusto iudicio Hugone domino Putheoli, ipsum Putheolum euerit in sua dominatione receptum. Sed ne Putheolum, vel aliud castrum Belsæ, quandōque contra Regem Franciæ caput erigere præsumeret, Yonis-villam vno ferè milliario à dicto Putheolo distantem, primò palis & viminibus, deindè fossatu cinxit. Et tandem bel-
lis paululum sedatis, apud eandem Yonis-villam turtim fortissimam ad totius Belsæ defensionem construxit. In bello quoque contra Henricum Regem Angliæ sæpè vario euentu pugnavit, nunc victor, nunc victus. tamen victoriam sæpius reportavit. Et tandem ad inuicem pacificati sunt.

LVDOVICVS
VI. GROSSVS.

*Ex Libro II. Vitæ beati Bernardi Claraualensis Abbatis, auctore
Bernardo Bonauallis Abbate.*

EA tempestate HONORIVS Papa, cuius adhuc instituta nitent & redolent, CAP. II
viam vniuersæ carnis ingressus est. Nec mora in electione dissidentibus Cardinalibus, & diuisa Ecclesia, plures numero, & seniores consilio, vitâ probabiles, viri virtutum, Presbyteri, Diacones, Episcopi, INNOCENTIVM elegerunt: cuius vita & fama & ætas & scientia digna summo Sacerdotio habebatur. At verò pars altera infames ausus violentiâ, non ratione, corroborans, Petrum Leonis ad hunc apicem adspirantem, fraudulentis machinationibus seorsum & præcipitanter nominavit Anacletum, & ceteris renitentibus ordinavit. Qui verò in parte Catholica erant, electum suum solemniter ordinatum collocarunt in cathedra, & per loca illa, in quibus sessiones habent ex antiqua consuetudine Romani Pontifices, circumduxere, & pro tempore honor debitus Apostolicæ affuit dignitati. Extunc sanè circa Lateranense Palatium morabantur, nec erat eis iam tuta in domibus propriis mansio, cum eos acerrimè Petri satellites infestarent. Ibi etiam diu resistere non valentes, per confederatos sibi quosdam ex nobilibus Romanis, ad tempus in turribus eorum receptacula habuerunt. Sed nec in eis perseverauit fidelitas. Nam in breui aut fortitudine temerariæ multitudinis, aut precio corrupti sunt. --- : Habuere igitur serui Dei consilium, & quia vi humana tueri se non poterant, cedere elegerunt. Et prouocatis clam nauigiis, de ore Leonis & de manu bestię per Tyberim in mare Tyrrenum elapsi, prosperis ventis carbasa impellentibus, citò in portu Pisano feliciter appulerunt --- :

PREMISSI, antequam de vrbe egrederetur, à domino Papa in Gallias fuerant nuncij, qui dissensionis & schismatis à Petro facti ordinem Gallicanæ intimarent Ecclesiæ, & hortarentur Episcopos, vt in vltionem præsumptionis huius accingerentur, & damnata parte schisinatica subscriberent vnitati. Nec dum verò ad plenum tenor operis innotuerat Episcopis, nec priuatim quisquam commodare præsumpsit consensum, donec collecto Stampis generali Conuentu, in commune decernerent quid reciperent, quid damnarent. Neque enim Francia, ceteris regionibus procliuius ad schismata, aliquando Guiberti vel Burdini susceptione fœdata est, nec malignorum acquieuit erroribus, nec fabricata est idolum in Ecclesia, nec venerata in Petri cathedra monstrum. Nec enim talibus in causis principalia aliquando terruerunt edicta, aut generalibus vtilitatibus priuata commoda prætulerunt, nec declinantes in partem personis detulere, sed causis: sed si quid oportuit, fortiter persecutionibus obuierunt, nec damna nec exilia formidarunt. Conuocato igitur ad Stampas Concilio, Abbas sanctus Claraualensis Bernardus, specialiter ab ipso Rege, & præcipuis quibusque Pontificibus accersitus, sicut postea fatebatur, non mediocriter pauidus & tremebundus aduenit: periculum quippe & pondus negocij non ignorans. In itinere tamen consolatus est eum Deus, ostendens ei in visu noctis Ecclesiam magnam concorditer in Dei laudibus concinentem, vnde sperauit pacem sine dubio prouenturam. Vbi verò ad locum ventum est, celebrato prius ieiunio, & precibus ad Deum fuis, cum de eodem verbo tractaturi Rex, & Episcopi, Principesque consedissent, omnium vnum consilium fuit, vna sententia, vt negocium Dei famulo imponeretur, & ex ore eius tota causa penderet. Quod ille, timens licet & tremens, monitis tamen fidelium virorum acquiescens, suscepit: & diligenter prosecutus electionis ordinem, electorum merita, vitam & famam prioris electi, aperuit os suum, & Spiri-

LYDOVICVS
VL. GROS-
SVS.

tus sanctus impleuit illud. Vnus ergo omnium ore locutus suscipiendum ab om-
nibus summum Pontificem INNOCENTIVM nominavit, & ratum esse omnes
pariter acclamauerunt. Et decantatis ex more laudibus Deo, obedientiam de-
inceps polliciti, electioni Innocentij omnes pariter subscripserunt. Interea do-
minus Papa, multis in Pisis & in Tuscia, & in aliis Prouinciis potestatiuè dispo-
sitis, valefaciens Pisanis, & gratias agens, in Prouinciam nauigio delatus est: &
Burgundiam transiens, Aurelianum peruenit. Vbi occurrentibus Episcopis, à
Rege piissimo Francorum LVDOVICO alacriter & honorificè susceptus est.
Inde à Gaufrido Carnotensi Episcopo, magnarum virtutum viro, Carnotum
deducitur: vbi etiam Anglorum gloriosus Rex Henricus cum maximo ei Episco-
porum & Procerum comitatu occurrit. Hunc quoque Regem venerabilis Ab-
bas ad eum præmissus adduxit, quem vix persuasit Innocentium recipere, ab Epi-
scopis Angliæ penitus dissuasum. Cùm enim omnimodis recalcitraret, & detre-
ctaret, ait: Quid times? Times peccatum incurrere, si obedias Innocentio? Co-
gita, inquit, quomodo de aliis peccatis respondeas Deo: istud mihi relinque, in
me sit hoc peccatum. Ad hoc verbum persuasus Rex ille tam potens, etiam ex-
tra Regnum suum domino Papæ occurrit vsque Carnotum. Multa ibi dicta &
facta sunt, multaque ibi secularia & Ecclesiastica negocia definita. Reuersi de
Germania Legati domini Papæ, tam Episcoporum quàm Regis consensum & li-
teras detulerunt, & deprecationem publicam, vt ad eos transiens, suam eis desi-
deratam exhiberent præsentiam. Facile enim persuasi sunt recipere eum, quem
iam ceteri recepissent. Sed derinuit eum dilectio & deuotio Ecclesiæ Gallicanæ,
& singuli & omnes visitationem Apostolicam expetebant. Perlustrata igitur Fran-
ciâ Remis conuocauit Concilium: in quo multis ad honorem Dei dispositis, Re-
gem LVDOVICVM, viuente patre, pro PHILIPPO fratre coronauit in
Regem, & vnxit. In omnibus dominus Papa Abbatem à se separari non patieba-
tur: sed cum Cardinalibus rebus publicis assidebat. Sed & priuatim quotquot ha-
bebant negocia, virum Dei secretiùs consulebant. Ipse verò audita referebat ad
Curiam, & oppressis patrocinia exhibebat. ---

CAP. VI. LABORABAT ea tempestate sub schismaticorum oppressione tota Burdega-
lensis Ecclesia, & non erat in Aquitania qui posset resistere Principi, cuius ani-
mam indurauerat Deus: qui, annuente Gerardo Engolismensi Episcopo, & in-
stillante in cor eius dissensionis semina, factus est schismatis defensor & auctor.
Quicumque susceptioni Petri Leonis non subscribebant, persecutionibus expo-
siti, alij damnis, alij proscriptionibus mulctabantur: alij à sedibus propriis pulsi,
exulare compellebantur. Sibilabat in auribus Comitum illius crebris persuasioni-
bus, quasi serpens, antiquus veterator ille, qui diu in partibus illis Sedis Apo-
stolicæ fuerat Legatus, & nunc à magistratu tanto deiectus, non poterat se pati suæ
solius Ecclesiæ Episcopum, qui se viderat totius Aquitanix principem & magi-
strum. Erubescbat enim ad primam domum redire, cuius potentatui & Turo-
nica, & Burdegalensis, & Auxienfis Prouinciæ subditæ fuerant: & quicquid à
collibus Iberorum vsque ad Ligerim complectitur & claudit Oceanus, paruerat
eius imperio. Consuetus igitur prædari Prouincias, & sub titulo iustitiæ de cau-
sis emergentibus facere quæstum, infinitas aggregauit pecunias, quæ sibi erant
in idolum, & in apostasiæ simulacrum. Videns igitur perisse sibi exactionum au-
thoritatem, & solam domum, quæ nuper multis stipata clamoribus iam carebat
ærariis, impatienter ferens quòd manus eius non implerentur muneribus, homo
serpentinæ astutiæ festinatò ad Petrum Leonis misit, vt ei Legationem concede-
ret, & ipse ei fidelitate iurata obediret: insuper & Principem Terræ, & quoscum-
que posset, ad eius imperium inclinaret. Gaudius homo perditionis, quia locum,
in quo dilataret malitiam suam, se inuenisse putauit, citò annuit, & libenter ei in
adstipulationem erroris Gilonem Tusculanum Cardinalem Episcopum, qui so-
lus de Romanis cum Petro Portuensi Episcopo ei adhæserat, celeriter delegauit.
Porro Gerardus, qui priùs se mutilatum dolebat, resumpsit cornua, & deinceps
cœpit securior & audacior apparere. Nam & quod antè non fecerat, publicè
procedebat mitratus, vt ipsa sacri officij insignia amplioem ei reuerentiam in po-
pulos vendicarent. Aggreditur ergo Comitem multis pecuniis, inuadit animam
eius rationibus venenatis, & hominem promptum facile seducit & corrumpit.
In

A In primis ab vrbe Pictauiensi V Vilhelmus Episcopus, vir honestus, homo Catholicus, in societate & defensione vniuersalis Ecclesie stabilis violenter expellitur, & à Gerardo & Cardinale adiutore suo, quia Petrum abdicabat, damnatur. Erant & alie familiares cause, pro quibus ei à multo tempore Comes infensus, data occasione, libentissime eum persequitur & abiurat. Visum est autem tam Gerardo quam Comiti, vt ad confirmationem partis sue sine mora Pictaui crearent Episcopum: & inuenerunt hominem ambitiosum, nobilem quidem genere, sed degenerem fide. Quem, vt genus suum cum eo in causa ponerent, quibusdam ex Clericis consentientibus elegerunt: & prophanas ei imponentes manus, execrabile caput eius non tam vnixerunt, quam contaminauerunt. Simile huic monstrum in Lemouicensi Ecclesia instruxerunt; Ramnolfum quendam Doratensem Abbatem, quem non multò post ultio diuina secuta est: & cadens resupinus de equo in via plana, vno tantum lapide ultore, qui ad hoc ibi erat relictus, infixio capiti eius, quallato cerebro, expirauit.

AVDIENS hæc & huiusmodi vir venerabilis Gaufridus Carnotensis Episcopus, cui à Papa Innocentio Aquitanie Legatio fuit commendata, vehementer indoluit, & succurrendum periclitanti Ecclesie, postpositis aliis negotiis, sine dilatione vlla decreuit. Abbatem ergo Clarauallensem petit & obsecrat, vt sibi ad tanta mala eliminanda succurrat. Assensit vir Dei, & se in proximo congregationem Monachorum in Britanniam, in locum, quem iuxta Nannerum Comitissa **ERMENGARDIS** parauerat, ducturum intimat: & promittit, disposita illa domo secundum genus & species suas, se cum eo in Aquitaniam profecturum. Ibant igitur simul, & ne multis ambagibus utar, simul Nannetum venerunt ---.

HIS igitur patrat, simul Abbas & Legatus ingrediuntur Aquitaniam. Interim Gerardus assensu Comitis Burdegalem Archiepiscopatum occupauerat, & simul Burdegalem & Engolismensem detinebat Ecclesiam. Sed effluentibus pecuniis, quas in assentatorum manus iniecerat, magis ac magis cognita veritate, iam defluebant ab eo subsidia Principum, & perfidie eius timebant existere defensores. Morabatur itaque in locis illis, in quibus securiorem se putabat, nec iam facile se conuentibus presentabat. Vt enim prius gesta breuiter repetamus, vbi primum coepit audiri, quod aduersus Ecclesiam Dei Gerardus ille machinaretur, ab Innocentio Papa adhuc in Galliis demorante missi sunt Abbas noster Clarauallensis, & Ioslenus venerabilis Episcopus Suesionensis: & Pictauium usque venerunt, vt tam ipsum quam prædictum Principem conuenirent. At ille, iam eodem Principe persuaso, impudenter in Ecclesiam Catholicam, à qua se præcidebat, conuicia coepit iaculari, & pollicitam prius Innocentio obedientiam subtrahere, Anacletum suum electum digniorem, & quicumque ei non obedirent, erroneos & acephalos nominare. Vnde factum est, vt animati & armati in insaniam Clerici publicè ex ea die persecutionem Catholicis intentarent. Prius tamen quam ab unitate se ipsos taliter præcidissent, obtulerat Abbas sanctus in eorum Ecclesia sacrificium Deo. Post cuius discessum, Decanus eiusdem Ecclesie altare, in quo diuina mysteria celebrarat, impiè quidem, sed non impunè, confregit. Si quidem post breue tempus percussus à Deo, cum spiritum exhalaret, domum, in qua moriebatur, plenam videbat demonibus, & se à demonio iugulari clamitans, cultellum à circumstantibus postulabat, quem immergeret gutturi suo, vt extracto demone viueret. Sed diabolus, cui datus erat, cum inter hæc verba extinxit, & pestilentem animam in infernum demersit. Archipresbyter quoque, qui Petri inuasoris Pictauiensis Ecclesie Synodum denunciabat, coram ipsis, quos ad conuentum perfidie inuitabat, à diabolo correptus est. Sed & in alios multos, qui in schismate illo feruentiores extiterant, manus diuina manifestam exercuerat ultionem. Propter hæc, & alia huiusmodi, ante homines confundi coeperat Gerardus, & timens opponi sibi quæ negari non poterant, conuentus publicos euitabat.

SIGNIFICATVM est interim Comiti per viros illustres, qui ad eum securiùs audebant accedere, quod Abbas Clarauallis, & Episcopus Carnotensis, alique Episcopi & Religiosi viri, colloquium eius expeterent, quorum etiam studium esset, vt secum de pace Ecclesie, & de malo remouendo tractarent. Per-

LVDovicvs
VI. Gros-
svs.

suasumque est illi, ne tantorum virorum deiraret colloquium: quia poterat fieri, **A**
 vt communicato eis consilio, & facile esset quod modo videbatur difficile, & quod
 videbatur impossibile repentino prouentu possibile redderetur. Itaque apud Per-
 tinacum hinc inde conueniunt, & in primis de diuisione Ecclesiæ, & de scissura &
 obstinatione, quæ infra Alpes in sola Aquitania quasi nebulæ corruptela conse-
 derat, multis modis & rationibus à seruis Dei Comiti intimatum est, quod Ec-
 clesia vna est, & quicquid extra eam est, quasi extra archam, iudicio Dei necesse
 est interire & dilui. Adducta quoque exempla Dathan & Abiron, quos reatu
 schismatis terra viuos absorbit: nec tanto malo vindictam Dei aliquando defuisse
 monstratum est. His auditis, Comes ex parte sano vsus est consilio, & respondit,
 in obedientiam Innocentij Papæ posse dare consensum, sed in restitutionem Epi-
 scoporum, quos de sedibus suis expulerat, nulla ratione induci: quoniam impla-
 cabiliter eum offenderant, & iurauerat, se nullo tempore eorum pacem aliquan-
 do suscepturum. Diu per internuncios protractus est sermo, & dum vicissim ver-
 bis se mutuo occupant, vir Dei efficaciora sibi arma arripens, ad altare sanctum
 oblaturus & supplicaturus accedit. Intrauerant Ecclesiam, quibus licebat diui-
 nis interesse mysteriis, Comes sustinebat pro foribus. Peractis itaque consecra-
 tionibus, & pace data ac diffusa per populum, vir Dei iam non se agens vt homi-
 nem, corpus Domini super patenam ponens, ignea facie, & flammeis oculis, non
 supplicans, sed minax, foras egreditur, & verbis terribilibus aggreditur Ducem:
 " Rogauimus te, inquit, & spreuisti nos. Supplicauit tibi in altero, quem iam te **B**
 " cum habuimus, cohuentu, seruorum Dei ante te adunata multitudo, & contem-
 " pisti. Ecce ad te processit filius Virginis, qui est Caput & Dominus Ecclesiæ,
 " quam tu persequeris. Adest iudex tuus, in cuius manus illa tua anima deueniet.
 " Numquid & ipsum spernes? numquid & ipsum sicut seruos eius contemnes? La-
 mentabantur vniuersi qui aderant, & orationibus intenti præstolabantur exitum
 rei, & omnium suspensa expectatio nescio quid diuinum cœlitus fieri expectabat,
 Videns Comes Abbatem in spiritu vehementi procedentem, & sacratissimum cor-
 pus Domini in manibus ferentem, expauit & dirigit, membrisque tremebundis
 metu, & dissolutis, quasi amens solo prouoluitur. Eleuatus à militibus, rursus
 in faciem ruit, nec quippiam alicui loquens, aut intendens in aliquem, salius per
 barbam defluentibus, cum profundis efflans gemitibus, epilepticus videbatur.
 Tum vir Dei ad eum propius accessit, & pede pulsans accliuem, surgere iubet, &
 " stare supra pedes, & Dei audire sententiam. Præsens est, inquit, Pictauiensis Epi-
 " scopus, quem ab Ecclesia sua expulisti. Vade & reconciliare ei, & in osculo pa-
 " cis iungito fœdera, & ipse ad Sedem suam eum reducito: & satisfaciens Deo,
 " redde pro contumelia gloriam, & in vniuerso Principatu tuo diuisos & discor-
 " des ad charitatis reuoca vnitatem. Subdere Innocentio Papæ, & sicut ei omnis
 " obedit Ecclesia, tu quoque electo à Deo tanto pare Pontifici. Audiens hæc Co-
 mes, auctoritate Spiritus sancti, & sanctorum sacramentorum præsentia victus, **C**
 nec audebat respondere, nec poterat: sed statim occurrit, & in pacis osculo rece-
 pit Episcopum, & eadem qua eum abiurauerat manu, cum totius exultatione
 ciuitatis, ad propriam Sedem eum reduxit. Sed deinceps Abbas cum Comite
 iam familiarius & suauius loquens, paternè eum monuit, ne ad impios & temera-
 rios ausus ultra exurgeret, nè Dei patientiam in tantis irritaret flagitiis, ne pacem
 factam in aliquo violaret. Pace itaque omni Aquitanicæ Ecclesiæ reddita, solus
 Gerardus perseuerat in malis. Sed non multò post adueniente die iræ, in domo
 sua miserabiliter extinctus est. --- :

*Ex Libro IV. eiusdem Vitæ beati Bernardi, auctore Gaufrido Monacho
 Clarauallensi, & quondam ipsius beati Bernardi Notario.*

CAP. II. CUM esset aliquando Pater sanctus in vrbe Nouiomensium, in domo Episcopi
 Simonis, adductus est ad eum HERVEIVS DE BAVGENCEO, puer admo-
 dum graciosus, ortus ex Regio sanguine, & prædicti Episcopi nepos. De quo se-
 quenti nocte famulo suo Christus ostendit, quod erat post longa tempora futu-
 rum. Si quidem videbatur sibi tanquam in Missarum celebratione Angelo cui-
 dam pacis osculum dare, quod ad puerum deferretur. Nec dubius de reuelatio-

A ne, eundem Herueium renunciaturum seculo, & futurum aliquando deuotum Christi famulum promittebat. Quæ promissio adeò celebris extitit, & vulgata, ut ipse quoq; Herueius nobis postea fateretur, adolescenti sibi ad omnes arguentis conscientie stimulos semper occurrere, impossibile esse, ut post viri sancti tale promissum in seculari habitu moreretur. Nec fraudatus est à spe sua. Siquidem venerabilis Gualerannus Vrsicampi Cœnobij primus Abbas Monachum illum fecit, & angelico functus officio, pacem quam ex ore Patris sancti ipse susceperat, communicauit Herueio. Cuius talis postmodum apparuit conuersatio, ut tali dignus oraculo videretur. Nam & prædicto Gualeranno in regimine Monasterij Vrsicampi ille successit, & nouissimè obitum suum imminens sanus adhuc & incolumis, eodem Gualeranno per reuelationem sibi annunciante, præsciuit atque prædixit ---.

IN FENSVS aliquando Rex Francorum senior LVDOVICVS quibusdam sui Regni Episcopis, suis eos sedibus & ciuitatibus exturbauit. Vnde etiam hic vir reuerendus plures scripsit Epistolas, pro eorum pace laborans, quarum hodièque exemplaria perseuerant. Accidit autem, ut præfente eodem Patre sancto, Episcopi multi, indignationem Regis flectere cupientes, tota humilitate prostrati solo tenus eius tenerent vestigia, & nec sic gratiam obtinerent. Quæ ex re vir Dei religiosa animositate permotus, die altera Regem duriùs increpans, quòd Domini Sacerdotes spreuisset, liberè quoque denunciauit quod eadem sibi nocte fuerat reuelatum. Hæc, inquit, obstinatio primogeniti tui PHILIPPI Regis morte multabitur. Vidi enim te cum minore filio tuo LVDOVICO ad pedes Episcoporum, quos heri contempseras, inclinatum: & prætinus intellexi, Philippo celeriter factò de medio, pro Ludouici substitutione Ecclesiam, quam nunc opprimis, te rogaturum. Quod quidem non longè post miserabilis casus impleuit: & decedente Philippo, egit pater ut is, qui feliciter hodie regnat, LVDOVICVS IUNIOR vngeretur.

VERSUS DE LVDOVICO VI. REGE COGNOMINE GROSSO.

ILLVSTRIS genitor LVDOVICI Rex LVDOVICVS,
Vir clemens, Christi seruorum semper amicus,
Institui fecit Pastorem Canonicorum
In Cella veteri, trans flumen Parisiorum.
Hanc vir magnanimus almi VICTORIS amore,
Auro, reliquiis ornauit, rebus, honore.
Sancte Dionysi, qui seruas corpus humatum,
Martyr & Antistes LVDOVICI solue reatum.
Christi centeno, cum mille, decem & tribus anno,
Templum hoc Victoris struxit regalis honoris.

HVGONIS DE CLERIIS MILITIS ANDEGAVENSIS,

FVLGONIS COMITIS AD LVDVICVM VI.

REGEM LEGATI, COMMENTARIVS

DE MAIORATV ET SENESCALCIA FRANCIAE,
Andegavorum olim Comitibus hereditaria.

*Ex editione doctiss. Viri Iacobi Sirmondi Societ. Iesu, in calce Notarum
ad Epistolas Goffridi Abbatis Vindocinensis.*



CUM Deus voluit sublimare ROBERTVM filium Ducis in Regem, Goffridus Grisagónella cum tribus millibus armatorum seruebat Domino suo Regi Roberto. Otho siquidem Rex Alemannorum cum vniuersis copiis suis Saxonum & Danorum Montem-Morenciaci obsederat, & vrbi Parisius multos assultus ignominiosè faciebat. In hac necessitate praelij Rex Robertus & pater suus ducatum primæ cohortis prædicto Comiti Goffrido Grisagonnella tradidit, & ad persequendum exercitum Alemannorum Ducem & Consiliarium constituit. Persecutus est itaque Rex Robertus Regem Alemannicum, præeunte Goffrido Grisagonnella, vsque ad fluuium Esne. Comes verò Goffridus gnarus pugnandi & assuetus, tantam stragem hostium super fluuium ediderat ante Regis Roberti aduentum, quòd stagnum putares, non fluuium. Alemannis itaque fugatis, Rex Robertus congregato generali Concilio, consilio patris sui & Episcoporum, Comitum, Baronum, dedit Goffrido Comiti quicquid Rex Lotharius in Episcopatibus suis, Andegauiz scilicet & Cenomaniz habuerat. Si quæ verò alia ipsa vel successores sui acquirere possent, eadem libertate, qua ipse tenebat, sibi commendauit. Sed nequitia Comitis Tricacensis non potuit sustinere prosperitatem Roberti Regis. Sed ad eius deprimendam perfidiam, quàm maiorem potuit exercitum Rex congregauit. Obsedit itaque Meludunum, & cum ibi diu sedisset, vidit quòd nihil proficeret. Vocato itaque Goffrido Grisagonnella cum Andegauensibus suis, sine mora ad consuetum properauit obsequium. Goffridus autem veniens, præmisit Constabularios suos, rogans vt ostenderet ei qua parte federet. Illi verò reuersi nunciauerunt Domino suo, quòd tantus erat exercitus, quòd nullus erat eis ad obsidendum competens locus. Prædictum enim oppidum in insula Sequanæ situm, erat circumdatum vndique muro, calce & arena composito. Videntes itaque Andegau, quòd nullum poterant habere hospitium, induunt arma, perrumpunt per medium exercitum, transeunt fluitus Sequanæ, dant assultum oppido, virtute consueta capiunt castrum. Quod exercitus non potuit per tres menses, illi dimidiæ diei spatio adepti sunt. Franci verò huius gentis inauditam admirantes audaciam, vbicumque locorum ipsos omni laude magnificabant. Videns autem Rex tantam Principis strenuitatem, & ipsum præualere in Regno tantum armis, quantum consilio, & quia hîc & alibi benè meruerat, sibi & successoribus suis iure hereditario Maioratum Regni, & Regiæ Domus Dapiferatum, cunctis applaudentibus & laudantibus, exinde constituit.

” Hæc verba dixit Fulco Comes Tescellino Capellano suo: Audi Presbyter, cuiusmodi obsequia præstitit Comes Goffridus Grisagonnella Domino Regi Roberto.

” Daud Comes Cenomannorum, & Comes Corbonensis dedignabantur recipere

” feodum suum à prædicto Rege, asserentes nullo modo se posse subiici generi Burgundionum. Audiens autem Rex eorum superbiam, & videns Regni sui non paruum diminutionem, habito consilio cum Goffrido Comite, & cum Primatibus

A Regni, tempore constituto & die denominato decreuit obsidere castrum Moritonix. Comes verò Goffridus cognoscens aduentum exercitus Regis, mouens castra de Vindocino, dans assultum prædicto castro virtute consueta & probitate gentis suæ, Goffridum Comitem & oppidanos suos minùs timentes cepit, & Domino suo Regi tradidit. Dauid verò Comes dedignans ad colloquium Regis venire mandauit quòd nullo modo se Regi subiiceret, & quòd nullo tempore Rex Robertus Cenomannicam suam videre præsumeret. Audiens autem Rex arrogantiam & indignationem prædicti Comitis, ipsum dedit, & Cenomannicam suam Goffrido Grisagonnella & suis successoribus ex Regio dono tribuit iure possidendam. Huc vsque sunt Scripta Fulconis Hierosolymitani.

LVDOVICVS
VI. GROS-
SVS.

Vos autem, qui ista Scripta audieritis, scitote quòd ego Hugo de Cleeriis vidi Scripta Fulconis Comitis Hierosolymitani in Ecclesia sancti Sepulchri de Lochis, de Maioratu & Senescalcia Francorum sibi & suis antecessoribus à Rege Roberto collatis.

INTER Regem LVDOVICVM Philippi Regis filium, & Fulconem, qui postea factus est Rex Hierusalem, magna erat dissensio. Fulco enim Comes nolebat ei seruire. Rex verò Ludouicus dederat Maioratum, & Senescalciam Franciæ Anselmo de Garlanda, & postea Guillelmo de Garlanda, de quibus Fulco Comes suas redibitiones & sua hominia habere non poterat. Contigit autem Regem Ludouicum maximam guerram habere cum Henrico Rege, filio Guillelmi acquiritoris Angliæ. Ob hoc itaque Rex Ludouicus requisit Fulconem Comitem, vt de guerra ista eum iuaret. Comes verò respondit, quòd nullo modo ei seruire debebat. eum namque de Maioratu & Senescalcia Franciæ exhæreditabat. Tunc Rex Ludouicus per Amauricum de Monte-forti, auunculum Fulconis Comitis, & per Goffridum Abbatem Vindocinensem, & Radulphum de Balgenciaco, mandauit Comiti, de omnibus istis & maioribus aliis istorum consilio se versus Comitem emendaturum. Comes igitur Fulco suos consulens homines, videlicet Robertum de Blo, Salmacium de Permina, Hugonem de Cleeriis, Gaudinum de Vegia, & multos alios, respondit Regi Ludouico; vt si hoc faceret quod mandauerat, quòd hoc & alia adiutoria quæ ab eo exigebat libenter faceret. Die autem illo, quo consilium captum est, Curia Andegaviæ erat repleta bonæ militiæ & sapientissimæ. Tunc Amauricus de Monte-forti, alii que qui verba Regis attulerant, laudauerunt Comiti Fulconi, vt per quendam, quem Rex cognosceret, Regi responderet: ac super his, antequam nuntij Regis forent reuersi, festinanter grates & mercedes redderet. Consiliatores autem Comitis audientes consilium, quod Amauricus dederat, laudauerunt illud consilium. Quod cum Comitissa Aremburgis audiret consilium, laudauit quòd nullus ireret, nisi Hugo de Cleeriis. Ego itaq; Hugo de Cleeriis perrexi Parisius: de hinc ad Guenoricum inueni Regem & Comitem Bellimontis. Eo itaque inuento apud Guenoricum, inter Pontesium & Bellummontem, & Caluum-montem, locutus suum cum Domino Rege. Primum illum salutans ex parte Comitis, reddidi ei grates & mercedes super suo mandato quod Comiti Fulconi mandauerat. Hinc ei dixi, quòd Fulco Comes ei suum offerebat seruitium, aut in præsentiarum, aut post, si vellet, colloquium. Rex inde lætatus, dixit se multum priùs velle colloqui. Assignatus est ergo & dies & locus colloquij inter Marchesneium & Bircium in Beaussa. Inter hæc mandauit Rex Comiti, vt Gaufridum filium suum, qui nunc iacet in Ecclesia Sancti Iuliani Cenomannensis, ad colloquium secum adduceret. Illum namque multum optabat videre. Cùmque dies instaret colloquij, Dominus Rex LVDOVICVS & Fulco Comes ad locum constitutum venerunt cum sociis consultoribus. ibique recognita sunt iura Comitis, videlicet Maioratus & Senescalcia Franciæ. Guillelmus de Garlanda tunc Franciæ Senescallus recognouit in illo colloquio hominum se debere Comiti Fulconi de Senescalcia Franciæ; & inde fuit in voluntate Comitis. Post Guillelmum fuit Senescallus Stephanus de Garlanda, qui fecit hominum Comiti: post Stephanum, Radulphus Peronæ Comes, qui similiter fecit hominia & seruitium. Ille enim, qui Senescallus erit Franciæ, Comiti faciet hominum, & talia seruitia. Si Comes perrexerit ad Curiam Domini Regis, Senescallus præcipit Marescallis Domini Regis, vt præparent & liberent hospitia Comiti. Cùm Comes venerit, Senescallus ibit ei obuiam, & conducet ad suum hospitium. Tunc

LVDOVICVS
VI. GROS-
SVS.

Senescallus ibit dicere Regi, Comitem Andegaviæ venisse. Si Comes ad Regem A
ire voluerit, Senescallus ad Curiam eum deducet, & de Curia ad suum reducet
hospitium. Si verò ad coronamenta Regis Comes ire voluerit, Senescallus præpa-
rare & liberare faciet hospitium, quod Comes habet proprium & debitum. Cum
autem die suæ coronæ ad mensas Rex discubuerit, scamnum pulcherrimum fulcro
pallij aut tapeto coopertum Senescallus præparabit, ibique Comes quousque fer-
cula veniant sedebit. Cum verò primum venerit ferculum, Comes se defibulans
è scamno surget, & de manu Senescalli ferculum accipiens, ante Regem & Regi-
nam apponet, & Senescallo præcipiet, vt exindè per mensas seruiat: & Comes re-
tro sedebit, donec alia veniant fercula. Et quemadmodum super primo fecit, de
aliis similiter faciet. Finita demùm celebratione mensarum, Comes equum ascen-
det, & ad suum redibit hospitium; Senescallo comitante. Deinceps equus ille,
quem Comes adduxerit ad Curiam, dextrarius videlicet, Coquo Regis feudaliter
dabitur: pallium, quo in Curia affibulatus erit, dispensatori dabitur, scilicet post
prandia. Tunc Panetarius mittet Comiti duos panes, atque vini sextarium, &
Coquus frustum carnis, & vini haustum. Hæc est enim liberatio Senescalli illo
die. Hæc fercula accipiet Senescallus Comitis, atque dabit Leprosis. Insuper cum
Comes in exercitu Regis perrexerit, Senescallus Franciæ papilionem centum mi-
litum capacem ei præparabit, & sommarium ad illum portandum, & chordas, &
paxillos, & hominem equitantem ad conducendum, & duos homines pedites. Fi-
nito exercitu, Comes si voluerit Senescallo reddet papilionem: si non reddidit, B
non idèd minùs in alio exercitu papilionem habebit. Comes cum in exercitu Re-
gis fuerit vel ierit, protutelam faciet ei; in reditu, retutelam: & quicquid ei acci-
derit siue bonum siue malum, ore Domini Regis indè non vituperabitur. Ego
Hugo de Cleeriis vidi hæc seruitia reddere Comiti Fulconi Regi Hierusalem in
duobus exercitibus Aluerniæ, & in vno coronamento Bituri: & Comiti Gaufrido,
qui est sepultus Cenomanni, vidi reddere in vno coronamento Bituri, & in alio Au-
reliani. Item Galterius de Siluanecti prouincia recognouit ante Regem Ludoui-
cum, me præsentem & audientem, se tenere de Comite Andegauensi quicquid habe-
bat in villa Siluanectis extra muros, & foragia totius Arbriz esse de feudo Comitis
Andegauensis, & omnia casamenta. Radulphus de Martreio & Thomas frater
suus solebant seruire in Andegauia de feudo suo. Et ego Hugo de Cleeriis, dum
loquor cum Rege Ludouico, audiui ab ipso hæc verba: Radulphe de Martreio,
vide Hugonem de Cleeriis militem Comitis Andegauensis Domini tui, vade ser-
uire feodum tuum Marefcalciæ, & hospitare Hugonem, quia habes istum feodum
à Comite. Tunc Radulphus hospiratus est me sub nomine Marefcalciæ, & adie-
cit Rex: Ego Dei gratia iam sum benè cum Comite Andegauensi. De cetero Co-
mes appellatur Maior in Francia propter retutelam, quam facit in exercitu Regis.
Item quando erit in Francia, quod & Curia sua iudicauerit firmum erit & stabile.
Si verò contentio aliqua nascetur, iudicio facto in Francia, Rex mandabit quòd C
Comes veniat illud emendare: & si pro eo mittere noluerit, scripta vtriusque par-
tis Comiti transmittet, & quod indè sua Curia iudicabit, firmum erit & stabile.
Ego Hugo de Cleeriis vidi multoties iudicia facta in Francia, in Andegauia emen-
dari. Sic fuit de bello apud Sanctum Audomarum facto, & pluribus aliis placitis
& iudiciis. Hoc vidi, & multi alij mecum.

S V G E R I I A B B A T I S
S. DIONYSII LIBER.
DE REBVS IN ADMINISTRATIONE
SVA GESTIS.

In quo multa ad Historiam LVDOVICI GROSSI & LVDOVICI
IUNIORIS pertinentia annotantur.

Ex Codice MS. Monasterij S. Dionysij nunc primum in lucem editus.

*Quedam Exemplaria Libri huius auctorem inscribunt GVILLELMVM Monachum,
qui Sugery Abbatis sui Gesta nomine ipsius composuerit. Quod vero similis esse, stylus
etiam à Sugery stylo penitus discrepans facile reuincit.*



ANNO administrationis nostræ vicesimo tertio, cùm in Capitulo CAP. II
generali quadam die conferendo cum Fratribus nostris tam de
hominibus quàm de priuatis negotiis confederemus, iidem cha-
rissimi Fratres & filij obnixè in charitate supplicare cœperunt, ne
fructum tanti laboris nostri præteriri silentio sustinerem: quia po-
tius ea, quæ larga Dei omnipotentis munificentia contulerat huic
Ecclesiæ Prælationis nostræ tempore incrementa, tam in nouarum acquisitione,
quàm in amissarum recuperatione, emendatarum etiam possessionum multiplica-
tione, ædificiorum constitutione, auri, argenti, & preciosissimarum gemmarum,
necnon & optimorum palliorum repositione, calamo & atramento posteritati me-
morizæ reseruare. Ex hoc vno duo nobis repromittentes, tali notitiâ fratrum suc-
cedentium omnium iugem orationum pro salute animæ nostræ mereri instantiam:
& circa Ecclesiæ Dei cultum hoc exemplo eorum excitare benè zelantem sollici-
tudinem. Nos igitur tam deuotè, quàm deuotis & rationabilibus eorum petiti-
onibus assensum exhibentes, nullo inanis gloriæ appetitû, nullam laudis humanæ
aut retributionis transitoriz exigendo retributionem: ne post decessum nostrum
quacumque aut cuiuscumque defraudatione, redditibus Ecclesia minuatur, ne co-
piosa, quæ tempore amministrationis nostræ larga Dei munificentia contulit, si-
Clento malis successoribus depereant, incrementa, sicut à corpore Ecclesiæ beatissi-
morum Martyrum, Dionysij, Rustici, & Eleutherij, quæ nos quàm dulcissimè à
mamilla vsque in senectam fouit, de ædificiorum institutione, & thesaurorum
augmentatione, loco suo incipere dignum duximus: ita etiam à castello suo, vide-
licet prima eius sede, & in vicinia circumquaq; de reddituum augmentatione, tam
præsentium quàm futurorum notitiæ significare, honestum & vtile proposuimus.
Erat itaque ministerium illud eiusdem castri, quod vulgò dicitur cheloneum, &
cambiatio, constans sexaginta solid. vnaquaque hebdomada. Sed Vrsellus Iu-
deus de Montemaurenciaco in vadimonio de his decem habebat, cum villa illa
quæ dicitur Molignum, pro quatuor viginti marcis argenti, & alia magna sicut di-
cebat denariorum pecunia. Nos autem & villam viginti libras aut plus valentem,
& ipsos decem solidos magno sumptu, videlicet tria milia solidorum reddendo
MATHEO DE MONTEMAURENCIACO, qui eam occupare libenter pro Iu-
deo suo vellet, ipsius verò Iudei vxori decem libras, & decem modios frumenti
reddentes, retraximus eos: & de decem aliis in emendatione villæ ministerium il-
lud sine exactione fecimus augmentari. Cùm igitur constet factum de decem Iu-
dei, & decem nouiter augmentatis vniuscuiusque anni hebdomadæ, viginti soli-
dorum augmentum, quinquaginta duas libras efficiunt, de villa verò viginti.

Ee uij

LYDOVICVS
VI. GROS-
SVS.

Census autem eiusdem villæ in octabis S. Dionysij duodecim libras, qui modò A
constat viginti & plus, vnde huius rei incrementi libræ octo, & octo de quadam
domo, quam constituens in macello emptione cuiusdam alterius domus, vsibus
carnificum, Fratrum infirmantium sustentationi contulimus. Sunt igitur quater
viginti & decem. De pedagio verò viginti libras, cum prius essent quadraginta
librarum. Nos autem inde sæpe habuimus sexaginta & decem; cum multò plus,
nisi rapinam, & rapinæ * anathematizaremus, facile vnoquoque anno habere pos-
semus.

DE Indictò verò, quod dominus LYDOVICVS pater beato Dionysio dedit,
trecentos solidos quietè & pacificè, triginta quinque de censu stallorum pistorum
in pantera, quos in festo beatorum Apostolorum Petri & Pauli refectio[n]i Fratrum
apposuimus: decem solidos de Girardo nepote meo, quinque de domo sua, &
quinque de theloneo garantiz. De plateis domus Guillelmi Cormeilen[s]is, quam
ego emi quater-viginti libras, censum quindecim solidorum de tribus mansioni-
bus, reliquis duabus vacantibus. In Curtila Fratrum in vacuo, de nouis hospiti-
bus sexaginta & decem solidos de annuo censu. De Curia verò quæ extra villam
est, cum nec vnus hospes vmquam ibi mansisset, sed à seruientibus expensis pro-
priis seruaretur; tam in ea quàm in alia noua eidem adiacente, quater-viginti & eò
amplius nouis hospitibus positis, viginti libris constat singulis annis augmenta-
tum. Vbi etiam, scilicet apud S. Lucianum, magno sumptu, quia Ecclesia his val- B
dè indigebat, clausum vinearum ferè quater-viginti arpennorum, vt aiunt, plan-
tando excoli fecimus. Cui ad maximum Ecclesiæ commodum ipsas viginti li-
bras, vt inde benè excolatur, instituimus: consultè quidem omnia pro defectu vi-
ni, quia sæpius cruces, & calices, & pallia multis in locis, & etiam Latiniaci in va-
dimonio ponebantur. Molendinorum verò eiusdem castri talis est augmentatio,
quod cum olim singulis diebus quinque minas frumenti Fratrum refectorio red-
dere consueuissent, modò singulis diebus octo reddere non desistunt. Quorum
incrementum de singulis hebdomadibus certa computatione deductum, quadra-
ginta modios dimidio minus recipit. Denariorum verò incrementum septies vi-
ginti & sex libras & decem solidos constat. Domum, quæ superest portæ Parisiensis
versus S. Medericum, emimus mille solidis, quoniam cum frequenter interesse-
mus negociis regni, nos & equos nostros, sed & successores nostros ibidem hone-
stius hospitari dignum duximus. De porta verò Parisiensis, quæ solebat reddere
xii. libras, quinquaginta nobis reddit, vbi incrementum est triginta & octo li-
brarum.

De Trembliaco.

- II. CUM eadem villa multis angariis à Comite Domnismartini, videlicet exactio-
ne talliæ, frumenti scilicet quinque modiorum, quos ei pro pace concesseram,
cum ipse talliam pro voluntate sua facere consueuisset; exactio[n]e arietum, & ho- G
spitandi in villa multis vicibus in anno de rusticorum sumptibus. Hanc pacem pro
his omnibus cum Comite fecimus, vt tota villa in pace nobis remaneret absque
exactio[n]e & consuetudine aliqua, & nos pro eius hominio decem libras singulis
annis de marsupio nostro in octabis S. Dionysij ei daremus. Nos autem eandem
villam ob hoc libentiùs ædificauimus, & in introitu villæ nouam curiam cum gran-
chia noua erigi fecimus. & vt in ea campi pars vniuersalis, & quatuor carrucarum;
in altera verò, quæ in municipio est, decimæ terrarum reponerentur, & in vtra-
que vsibus nostris stramina referuarentur. Et cum de eadem villa aut vix aut nun-
quam quater-viginti & decem modios annonarum olim habere possemus, ad hoc
ipsum rem deduximus quod ducentos modios decem minus inde à Maiore nostro
habemus: extra hoc quod seminant, & quod bubulcis & bubus quicquid necesse
fuerit amministrant, & carrucis boues & necessaria omnia suppeditant. propter
quod furni redditum habent. Nos verò censum nostrum & tensamentum, & mor-
tuas manus, & forisfacta, & talliam pro voluntate nostra habemus. Vbi incremen-
tum annonæ quater-viginti & decem modiorum consistit. Curiam autem anti-
quam muro-cinximus, domum Ecclesiæ inhaerentem penè defensabilem ibidem
ereximus. Qua munitione successores nostri & suos & sua, si placet, contra omnem
hostem defendere poterunt.

A

*De recuperatione Argentoilensis Abbatiæ.*LUDOVICVS
VI. GROS-
SVS.

III.

CUM ætate docibili adolescentiæ meæ antiquas Armarij possessionum reuoluerem Cartas, & immunitatum biblos propter multorum calumniatorum improbitates frequentarem, crebrò manibus occurrebat de Cœnobio Argentoilensi foundationis Carta ab Hermenrico & coniuge eius Numma, in qua continebatur quòd à tempore PIPINI Regis beati Dionysij Abbatia extiterat. Sed quadam occasione contractus incommodi in tempore Karoli Magni filij eius alienata fuerat. Præfatus enim Imperator vt quandam filiam suam matrimonium humanum recusantem ibidem Abbatissam Sanctimonialium constitueret, eo pacto vt post mortem eius in vsum Ecclesiæ reuelleretur, ab Abbate & Fratribus obtinuerat. Sed turbatione Regni filiorum filij eius, videlicet Ludouici Pij, altercatione, quoad vsque superuixerat, perfici non potuit. Vnde cum antecessores nostri sæpius super hoc laborantes parum profecissent, communicato cum Fratribus nostris consilio, nuncios nostros & Cartas antiquas foundationis, & donationis, & confirmationum Priuilegia, bonæ memoriæ Papæ Honorio Romam delegauimus: postulantes vt iustitiam nostram canonico inuestigaret & restitueret scrutinio. Qui vt erat vir consilij, & iustitiæ tutor, tam pro nostra iustitia, quàm pro enormitate Monacharum ibidem malè viuientium, eundem nobis locum cum appendiciis suis, vt reformaretur ibi Religionis ordo, restituit. Rex verò LUDOVICVS Philippi, charissimus dominus & amicus noster, eandem restitutionem confirmauit, & quæcumque regalia ibidem habebat auctoritate Regiæ Maiestatis Ecclesiæ præcepto firmavit. Cuius quidem recuperationis tenorem si quis plenius nosse voluerit, in Cartis Regum & priuilegiis Apostolicorum enucleatius poterit reperire. Cuius scilicet Abbatiz & appendiciorum eius, quæ sunt Trappe, Herencurtis, Chaueniacus, Burdeniacus, Cerisiacus, & terra de Montemeliano, & Bunziaco, siue de Mosteriolo, quod est prope Milidunum, & aliorum incrementum quanti constet, qui sapienter illa tractabunt pro magno Prælati cognoscere poterunt.

DE antiquo censu Argentoili, qui ad Abbatiam non pertinet, incrementum est xx. librarum, quia cum olim non haberemus nisi viginti libras, modò xl. redduntur. De annona priùs sex modios, modò xv. recipimus.

De Vilcassino.

IV.

VILCASSINI siquidem, quod est inter Isarath & Ettam, nobilem Comitatum, quem perhibent immunitates Ecclesiæ proprium beati Dionysij feodum, quem etiam Rex Francorum LUDOVICVS Philippi, accelerans contra Imperatorem Romanum insurgentem in Regnum Francorum, in pleno Capitulo beati Dionysij professus est se ab eo habere, & iute Signiferi, si Rex non esset, hominum ei debere. hoc insequente incremento dominicaturam Deo auxiliante augmentari elaborauimus. Ecclesiam de Cergiaco, & curiæ libertatem ab eodem Rege Ludouico obtinuimus. A filio verò eius Ludouico viaturam eiusdem villæ, & omnes redditus eius præter vinum & auenam, in dedicatione Ecclesiæ regia liberalitate pro remedio animæ eius, personæ & Regni protectione, obtinuimus. Nec minus etiam quod in Cormeliis habebat, & apud Oenitum, & quicquid Trappis habebat, præter hospitium, sanctis Martyribus deuotissimè contulit. Nos autem & de his & multis aliis incrementis, præsertim continua sollicitudine, & iugi prouidentiâ, terræ cultus, & vinearum, maiorum & seruientium reprimendo rapacitatem, Aduocatorum etiam prauorum importunam refellendo infestationem, pro quo multa in nouitate nostra miliciæ vñibus expendimus, illuc vsque Deo annuente perduximus, vt cum temporibus antecessorum nostrorum Fratres nostri ad opus coquinæ cotidie quinque solidos habere contenti fuissent, de superabundante incremento omni die alios quinque, & feria quinta atque Sabbato quatuordecim pro toto, irrefragabiliter refectio Fratrū recipiant. Et quod adhuc his superest, de incremento centum modios annonæ largè consuevit excedere. Quod nos post Pascha vñibus nostris, Ecclesiis, & pauperibus, vel quibuscumque oportunitatibus erogandum censuimus. Extremis enim mensibus anni aliquando carior

LVDOVICVS annona congregationum improuidentiam punire solet. Incrementum denario- **A**
VI. GROS- rum centum & quatuordecim librarum, & duodecim solidorum, singulis annis
SVS. consistit.

De Cormeliis Parisiensibus.

- V.** **D E** Cormeliis in pago Parisiensi, incrementum census, octo librarum: cum prius haberemus **XII.** libras, modo **XX.** De annona decem aut duodecim modios habebamus, nunc decem & octo. Apud Centinodium quatuor libras de incremento noui census, & de veteri centum solidos. Apud Francorum-villam quadraginta solidos de nouo incremento, & quadraginta de veteri præter feodum. Decimam de feodo nostro, quam emimus à **PAGANO DE GISORCIO**, & dedimus Clericis matriculariis pro amore Dei, excepta decima clausi nostri, quam nobis retinimus.

De Montiniaco.

- VI.** **APVD** Montiniacum quinquaginta solidos de nouo, & sexaginta & decem de veteri.

De Cergiaco.

- VII.** **APVD** Cergiacum de bosco quadraginta solidos de censu, & hominum militis Theobaldi de Puteolis, & quadraginta faumas asinorum. **B**

De Louecenis.

- VIII.** **APVD** Louécenas, cum quicquid ibidem habebamus, tam censum, quam annonam, & vinum, pro **xv.** libris tam nos quam antecessores nostri per annum dare consueuimus, post quædam placita de mansis antiquis, quibus rusticos vinearum cultores de retentione reddituum intercepimus, saluo annuo censu denariorum, & annona, centum ferè modios vini adquisiui.

De Vernullello.

- IX.** **D E** Vernullello, quod quadraginta annis sub vadimonio fuerat, decem libras data redemptione recipimus: cum nonnisi **LX.** solidos antè haberemus. Cuius loci redditus ad nos pertinentes Fratribus infirmis ex integro contulimus.

De Valle-Crifonis.

- X.** **APVD** Vallem-Crifonis villam ædificauimus, Ecclesiam & domum constitui-
 mus, & carrucâ terram incultam dirumpi fecimus. Quæ quanti debeat constare, **G**
 potius cognoscent qui eam ædificare innitentur: cum iam ibidem sint ferè **LX.**
 hospites, & adhuc multi venire eligant, si sit qui prouideat. Erat enim locus ille
 quasi spelunca latronum, habens ultra duo miliaria deserti, omninò Ecclesiæ no-
 stræ infructuosus, raptoribus & satellitibus propter vicinitatem nemorum aptus.
 Eapropter ibidem Fratres nostros Deo deseruire disposuimus, vt in cubilibus, in
 quibus prius dracones habitabant, oriatur viror calami & iunci.

POSSESSIONEM beati Dionysij, in qua continetur Mesnile S. Dionysij, & Domnapetra, & ceteræ villæ castri, quod dicitur Cabrosa, à multis retro temporibus tribus talliis expositam, videlicet domino castri Cabrosæ, & domino castri Nielphæ, & Simoni de Villa-Aten, eorum rapacitate omninò ferè destructam non sine magnis expensis ab huiusmodi oppressionibus emancipauimus: ea sola, quæ ad eorum aduocationem iure pertinent, remittentes. Nec minus etiam venationem Iuelinæ infra metas terræ, quam beato Dionysio multis temporibus abstulerant, recuperauimus. Et ne in posterum obliuioni traderetur, illuc exeuntes per continuam septimanam, ascitis nobis approbatis amicis & hominibus nostris, videlicet Comite Ebroicensi **AMALRICO DE MONTE-FORTI**, Simone de Nielpha, Ebrardo de Villaperosa, & aliis quamplurimis, in tentoriis demorantes, singulis diebus totius hebdomadæ ceruorum copiam ad Sanctum Dionysium non

A leuitate, sed pro iure Ecclesiæ reparando, transferri, & Fratribus infirmis, & hospitibus in domo hospitali, necnon & militibus per villam, ne deinceps obliuioni traderetur, distribui fecimus. Domino verò Cabrosæ præter antiquum feodum, videlicet aduocationem terræ nostræ, & medietatem siluæ, de proprio singulis annis centum solidos damus, tanquam feodato nostro, ne reducat manum ad talliam, vel terræ oppressionem. Quos quidem centum solidos in eadem terra pro voluntate nostra absque contradictione recolligere valemus.

Ne igitur laboris nostri fructus ex obliuione in irritum deducatur, illa etiam quæ in Belsa auxiliante Deo augmentari elaborauimus, scripto commendare curauimus.

PRIMA villa beati Dionysij, quæ vocatur Guilleluallis, prope Sarclidas in catalogo Dagoberti Regis beato Dionysio ab eodem Rege tradita, usque adeò à multis retrò temporibus aut semper ita incomposita extiterat, ut nec domus ubi etiam Abbas caput reclinaret, nec granchia aliqua, nec quicquam Dominicum in tota villa existeret. Viginti quinque modiolos tantum, qui non excedunt quatuor nostros modios, pro censu terrarum, quas colebant, cum modico domorum suarum censu singulis annis persoluebant. Ad hanc igitur adaptandam ob amorem dominorum nostrorum sanctorum Martyrum accedentes, quandam terram videlicet trium carrucarum in eadem villa sitam, pro qua à xl. annis & ultra guerra maxima agitabatur inter IOANNEM STAMPENSEM filium Pagani, virum nobilem & strenuum, & quendam alium militem Piguerensem, multo sumptu apud utrumque apposito, Ecclesiæ comparauimus, & quod uterque quærebat ut neuter haberet, nobis eam retinendo, & guerræ eorum finem sic imponendo, fauore parentum & amicorum, videlicet Balduini de Corboilo, & multorum aliorum, Cartâ nobis firmari fecimus. In hac itaque noua terra, videlicet in medio villæ, loci oblectantes amœnitatem, viuorum fontium, & riuorum decurrentium amplectentes affinitatem, curiam honestam muro cingi fecimus, domum fortem & defensabilem in curia, granchias & quæque necessaria ibidem construere multis expensis effecimus. Et ad superioris Belsæ releuandam ariditatem, viuario multitudine piscium copioso ferè in circuitu perlustrauimus. Duas carrucas in eadem terra; vnâ in noua, alteram in antiqua statuimus. Et quæ tam parui constabat, ut ad quinquaginta vel eo amplius annonarum modios singulis annis reddere valeat, augmentauimus. Nam & illum priorem censum, quem paruissimum reddebant, remittentes, totius terræ campipartem præter carrucam de feodo Maioris nobis retinuimus. Qui ex hoc ipso garrulitatem rusticorum & mutæ consuetudinis molestias omnino se sedare spondit.

De Monaruilla.

SUCCEDIT & alia prope illam beati Dionysij villa, quæ dicitur Monaruilla, villa omnium facta miserrima, quæ sub iugo castri Mereuillæ conculcata, non minus quàm Sarracenorum depressione, mendicabat: cum eiusdem castri Dominus quotienscumque vellet, in eadem hospiciu cum quibuscumque vellet raperet, rusticorum bona pleno ore deuoraret, talliam & annonam tempore messis pro consuetudine asportaret: lignaria sua bis aut ter in anno carrucarum villæ dispendio aggregaret: porcorum, agnorum, anserum, gallinarum importabiles quasque molestias pro consuetudine tolleret. Quæ cum tanta oppressionem per multa tempora in solitudinem ferè iam redigerebatur, audacter resistere, & molestias huiusmodi ab hereditate sancta constanter exterminare elegimus. Cumque eum in causam traheremus, & ipse sibi iure hereditario patris & aui atque atauis consuetudines illas excusaret, ad hoc auxilio Dei, & hominum atque amicorum nostrorum consilio res processit, quod HUGO castri dominus, fauore coniugis & filiorum, assensu Domini Regis LUDOUICI, à quo se habere dicebat, beato Dionysio in perpetuum omnes omnino consuetudines, iniustitiam suam recognoscendo, relaxauit, remisit, manu propria iureiurando abiurauit, sicut plenius in Carta Domini Regis Ludouici inuenitur. Nos autem ad eius hominum Ecclesiæ nostræ retinendum, duos Stampenses modios annonæ, vnum frumenti, & alterum auenæ, in curia nostra per manum Monachi aut seruientis nostri concessimus. Quo qui-

LVDOVICVS
VI. GROS-
SVS.

dem prædicta villa eruta tormento, cum prius vix nobis valeret decem, aut quindecim libras, centum Stampenses modios annonæ per singulos annos, qui sæpius centum libras valent secundum precium annonæ, per manus ministrorum reddere nobis consuevit.

POSSESSIONEM nihilominus, quæ dicitur Rubridum, de pressione angariarum castri Puteoli omnino destitutam, emendare elaborantes, cum quadam die HVCODINUS Puteoli post ruinam castri etiam nos super hoc conuenisset, ut incultam terram de pressione castri in solitudinem redactam, sub medietate lucri ego & ipse extoleremus: licet hoc quidam compendiosum approbarent, recusauimus, & quod cum eo noluimus, per nos efficere ad commodum Ecclesiæ elaborauimus. Nec eum admittere socium in restitutione terræ sustinuimus, quem destructorem more antecessorum suorum grauissimè persenseramus. Easdem enim consuetudines, quas de Monaruilla enumerauimus, videlicet talliam & annonam porcorum, ouium, agnorum, anserum, gallinarum, pullorum, lignorum, ab eadem terra more antecessorum suorum abripuerat, & ex hoc ipso tam nobis quàm sibi infructuosè iacentem omnino inutilem reddiderat. Nos igitur miseræ terræ & damno Ecclesiæ nostræ condescendentes, in eadem sterili terra curtem ædificauimus, turrimque super portam ad repellendos raptores ereximus: tres carrucas ibidem posuimus, villam quæ Villana dicitur, restituiamus: incomposita terræ composuimus, usque adeò eam meliorando, ut cum vix consueuerit viginti libras singulis annis, postea centum libras, sæpius verò centum & viginti reddiderit. Nos verò sanctis Martyribus pro tantis beneficiis iure deuoti, de eodem fructu laboris nostri ædificationi Ecclesiæ eorum singulis annis quater-viginti libras usque ad operispletionem, Carta & sigillo assignauimus. Remouimus etiam ab eadem terra quandam consuetudinem malam Vicecomitis Stampensis, quæ palagium vocatur.

De Tauriaco.

XII. TAVRIACVS igitur famosa beati Dionysij villa, caput quidem aliarum, & propria ac specialis sedes beati Dionysij, peregrinis & mercatoribus, seu quibuscumque viatoribus alimenta cibariorum in media strata, lassis etiam quietem quietè ministrans, intolerabilibus dominorum præfati castri Puteoli angariis usque adeò miserabiliter premebatur: ut cum illuc temporibus antecessoris nostri bonæ memoriæ Adæ Abbatis ut Præpositus terræ prouiderem, satis adhuc iuuenis accessissem, iam colonis penè destituta langueret, rapacitati Puteolensium data esca populis Ethiopum omnino pateret. Nec enim ipsa domus propria beati Dionysij seipsam aliquando tuebatur; quin ipse Dominus per satellites suos eam frangeret, quæcumque reperta sacrilego spiritu asportaret, adiacentes villas frequentibus hospitiis confunderet: annonam & talliam sibi primum, deinde Dapifero suo, deinde Præposito suo, rusticorum vestigalibus ad castrum deferri cogeret. Vix qui aderant sub tam nefandæ oppressionis mole vivebant. Cum ergo ferè per biennium ibidem demorando, his & aliis malis, & humanæ compassionis doloribus, & Ecclesiæ nostræ dispendio defatigarer; nec nos solum, verum etiam omnes Ecclesiæ, quæ in partibus illis terram habentes æquè premebantur, conuenimus, & ut iugum importabile & tyrannidem nequissimi castri euitare possemus, diligenti deliberatione contulimus. Hinc emerfit quòd labore nostro venerabilis Episcopus Carnotensis IVO pro parte sua, Capitulum beatæ Mariæ pro sua, Abbas S. Petri pro sua, Ecclesia S. Ioannis de Valleta pro sua, Episcopus Aurelianus pro sua, Ecclesia S. Aniani pro sua, Abbas S. Benedicti pro sua, Archiepiscopus Senonis pro sua, & nos pro nostra, gloriosum Regem adiuimus LVDOVICVM, Ecclesiarum depopulationem, pauperum & orphanorum deplorationem, Ecclesiarum eleemosynis antecessorum suorum, & suis, exheredationem lacrimabiliter exposuimus. Qui, ut erat vir nobilissimæ industriæ, plenus pietate, Ecclesiarum illustri defensor, auxiliari spondit; & quòd Ecclesias, & Ecclesiarum bona deinceps destrui à præfato nequam nullo modo pateretur, iureiurando firmavit. Quod quidem egregiè factum quò labore, quibus expensis, quàm grauitè expletum fuerit, in gestis præfati Regis enucleatius inuenitur. Destructo siquidem radicis pro merito suæ iniquitatis Puteolo castro, terra Sanctorum, tam nostra, quàm

A quàm alix, pristinam adeptæ libertatem, quæ bello aruerant, pace floruerunt; sterilitate repõsa, fecunditatem cultæ reddiderunt. Cùm autem post decessum antecessoris nostri bonæ memoriæ Adæ Abbatis ad huius sanctæ amministrationis sedem tam immeritus quàm absens assumptus essem; pristinæ virtutis & laboris non immemor, quia diutius in illa demoratus fueram Præpositura, deuotius ad hanc amplificandam accessi. In turte, quam palo & vimine firmaram, castrum benè muratum erexi, turris propugnaculum principali portæ super erigi feci, domos aptas & propugnabiles constitui, libertatem villæ, immò totius terræ intemera- tam conseruau. Vnde mihi aliquando contigit, quod cùm Aurelianum cum mil-
 LYDOVICVS VI. GROS- SVS.

litari manu post Dominum Regem festinarem, & Præpositum Puteoli priora ma-
 la reciprocantem reperissem, turpiter captum tenui, & ad Sanctum Dionysium vinctum cum dedecore transmissi. Verùm quia Ecclesiarum bona industriâ Præ-
 latorum pace conrescere, & confoueri debent; culturas nostras, quas ibidem ha-
 bebamus dominicas, retentis earumdem decimis, colonis qui ibidem inhabitarent
 censuales fecimus. quarum censum, ne obliuioni tradatur, scripto mandari præce-
 pimus. Et vt quanti constet nostro labore incrementum possessionis huius æstime-
 tur, de Præpositura, quæ non plus quàm viginti libras valere solebat, quater-vi-
 ginti libras singulis annis habemus. Ceterarum verò consuetudinum cotidianus
 vsus multò melioratus, rerum incrementum facillimè differere poterit. Antiquam
B verò eiùdem terræ aduocationem ad Firmitatem Balduini antiquitus pertingen-
 tem, qua terra ipsa immaniter longæuitate temporum premebatur, cùm nulla alia
 refellendi succederet via, contigit aduocationem illam ad quandam puellam fi-
 liam filix Adæ Piguerensis hereditario iure pertingere. Quo cognito, amicorum
 nostrorum consilio multo sumptu eam pro voluntate nostra nuptui tradere quæsi-
 uimus. Ad sedandas ergo terræ illius inquietudines, nolentes more solito indige-
 narum molestiis eam affligi, cuidam domestico nostro iuueni puellam cum aduo-
 cationibus dari fecimus, centum libras denariorum beati Dionysij tam matrimo-
 nio quàm patri & matri puellæ, fauore Domini Regis LYDOVICI, de cuius feo-
 do aduocatia constabat, tali pacto contulimus, vt pro pecunia ista & alia, videli-
 cet triginta librarum, quas Dominus Rex indè habuit, tam ipsi quàm successo-
 res eorum nobis & successoribus nostris hominum, & seruicium, & iustitiam,
 vbi eos submõneremus, exequerentur. Quod si ad hoc deficerent, totum ad-
 uocationis feodum, ac si proprium nostrum esset, eorum, & parentum ipsorum
 concessione, ac Domini Regis fauore, donec nobis satisfacerent, in plenitudi-
 ne retinere liceret.

FEODOS verò, quos ex fisco proprio emimus, ad faciendas stationes singulis
 annis per duos menses in eodem castro Tauriaco, subter intitulare curauimus.

De Poionis villa.

C SIMILITER & Poionis villam, quam habebat Gauffredus Ruffus à cognato XIII
 suo Berardo de Essenuilla, vt à nobis idem Berardus tanquam homo noster in feo-
 do haberet, conduximus.

De Feins & Vendrouillare.

ALIAM etiam possessionem, quæ dicitur Feins & Vendrouillare, cum aliis XIV
 pertinentibus villis, à GALERANNO DE BRETOILO & vxore eius Iuditha,
 & strenuo viro filio eius EBRARDO, qui in expeditione Hierosolymitana oc-
 cubuit, multo sumptu ferè centum quinquaginta marcarum argenti comparatam,
 siue restitutam (dicebatur quippe quòd beati Dionysij antiquo tempore ex dono
 Huberti de sancto Galarico extiterat) eleemosynæ beati Dionysij contulimus:
 sperantes de Dei misericordia, quòd ea pauperibus attributa eleemosyna, diuinæ
 retributionis beneficium nobis ab omnipotenti Deo misericorditer impetrabit.
 Dixit enim quòd sicut aqua extinguit ignem, ita eleemosyna extinguit peccatum.
 & vt in sempiternum necessitatibus pauperum firmius deseruiat, præcepto Regis
 Ludouici, quod in archiuis publicis repositum continetur, firmari fecimus.

- XV. SANE inter alias vna de melioribus beati Dionysij possessionibus in pago Guastinenſi Belna dinoscitur, quæ etiam spaciola ferè quatuor leugarum spacio, frumenti & vini opulentia ferax, quorumcumque fructuum mirabiliter capax, si non vexetur à seruiantibus Domini Regis, seu nostris, omnibus bonis exuberat. Quæ per incuriam habitatorum raro inculta habitatore ad tantam declinauerat inopiam; vñ ad cameram calciamentorum Ecclesiæ huius pertineret, nullo modo ea perſoluere valeret. Inde erat quòd cum in manu Abbatis pro defectu debiti remaneret, singulis annis seruiantibus eiusdem terræ pro triginta libris totaliter eam locabat. Quam cum dissipatam, & penè in solitudinem redactam in nouitate Prælationis nostræ reperissemus, charissimo Domino nostro Regi Francorum LVDOVICO, cuius nobilitati tam deuotè quàm fideliter deseruire satagebamus, tantum Ecclesiæ detrimentum exposuimus. Qui etiam in hac terra intolerabiles, & penè consumptiuas consuetudines habebat, videlicet tres in anno procuraciones, vnam de collata rusticorum, sufficientem tam sibi quàm suis amministrantibus, duas de propriis redditibus Sancti Dionysij. qua calamitate terra penitus consumebatur. Qui, vt erat eximie liberalitatis, Ecclesiæ tantum detrimentum, & pauperum angarias miseratus, amoris & seruicij nostri beniuolus, procuracionem illam de dominicatura Ecclesiæ & nobis in perpetuum relaxauit. Illam verò, quæ fiebat de collecta rusticorum, octo librarum debito singulis annis sub præcepto Regiæ Maiestatis firmavit. Cuius exhilarati beneficio, vsurpatae & alienatas tam à Maiore quàm ab aliis terras nobis retraximus, clausos vinearum videlicet apud Sanctum Lupum à viginti annis aratris redditos replantari fecimus, alias vineas iuxta Belnam penè destructas restitui fecimus, alias à quodam homine nostro viginti libris Aurelianensis monetæ emimus; villas omninò rapinis exhoſpitatas rehoſpitari fecimus.

De decima de Baruilla.

- XVI. INTER alia decimam quandam de Baruilla, quam milites quidam à centum annis sicut dicebant sub censu duorum solidorum habebant, quæ nobis quotannis viginti aut triginta annonæ modiis valet; siue quæque perdita prout melius potuimus ad opus Ecclesiæ retraximus. Cùmque dominicæ domus satis vilissimæ ex toto corruissent, hoc potissimum ad has, quæ modò sunt facietæ & propugnabiles, construendas excitauit: quòd cum constituiſsem determinare causas nostras in eadem domo vna dierum, nutu diuino me absente tam miserabiliter corruit, vt etiam lectum in quo iacerem si adesset, & planctum solarij, & tonnas inferioris promptuarij, & vasa vinaria omninò confregerit, & sub tanta ruina, quod diuina propitiatio mihi pepercerit, omnibus fidem fecerit. Granchiam peroptimam ibidem extruximus, & stagna duo, quæ multa piscium copia multo tempore illuc aduentantibus sufficientiam si benè seruentur ministrabunt. Quæ quidem terra quantum auxilio Dei sit meliorata, & de quanta miseria fuerit suscitata, certum constat augmentum, quod cum priùs triginta libras, nunc sæpiùs plus quàm ducentas tantum perſoluat.

De Axone burgo; qui nunc est Corboilus.

- XVII. AXONEM burgum quidem S. Dionysij super fluuium Iſsonam antiqua Regum liberalitate sanctis Martyribus collatum, sicut in antiquis eorum Cartis continetur, atrocitas cuiusdam tyranni in castrum Corboilum tranſtulit: & vnde sanctos Martyres in terra, indè se de cælo exheredare elaborauit.

De Cella constructa in loco qui dicitur Campis.

- XVIII. IETVA post multa annorum curricula, ferè ducentorum aut plus, cum mater Ecclesia Axonæ, quæ parrochialis est Corboili, sola quasi statua eodem in loco remansisset, eam etiam Episcopi Parisienses ex æmulatione ingenitæ Monasterij

A libertatis beato Dionysio abstulerunt, & ut hoc ipsum fortiter defenderetur, Cluniaco & Cluniaci membris, videlicet S. Martino de Campis & Ecclesie de Gornaco contulerunt. Ipsi vero tyranni Corboilenfis castri in malitia sua congelati tam miserabiliter omnia sibi subiugauerunt, ut vix quicquam reliqui præter vacuum terræ fundum dimiserint; & in proprios usus, tanquam proprii essent iuris, ausu sacrilego redegerint. Supererat & quædam Capella in honore, ut ferebatur, beatæ Mariæ, qua nullam conspicatus sum minorem, semirutam, in loco qui dicitur Campis, in qua & antiquum altare, quod supra ex solitudine concretam herbam oves & capræ frequenter depascebant. Vbi testimonio multorum sæpè in die Sabbati sanctitatem loci significantes candelæ videbantur ardere. Quo factò excitati indigenæ infirmi, & post etiam alienigenæ multi illuc in spe sanitatis concurrerant, & sanabantur. Cum autem diuino nutu locus ille à multis tam propinquis quam remotis frequentaretur, destinati sunt illuc Fratres nostri venerabiles viri bonæ memoriæ Herueus Prior, & Odo Torcetenfis, qui & Domino nostro, & eius beatæ Genitrici deseruirent, locellumque illum diuino cultui adaptare & exaltare operam darent. Vbi statim tanta miraculorum copia sub ammiratione omnium in breui effloruit, ut & ab omnibus amaretur, ab omnibus prædicaretur, & à quibuscumque augmentaretur. Multitudo siquidem languentium, & qui vexabantur à spiritibus immundis, necnon cæcorum, claudorum, & aridorum incommoditas ibidem deponebatur. Quorum miraculorum, cum innumera operante beata Dei Genitrice locum celebrem personarent, duo impræsentiarum, quæ visu aut auditu cognouimus, paginæ præsentis ad honorem eiusdem loci accommodare curauimus.

Miraculum de muta.

ERAT quædam nobilis matrona multis annis viduata, videlicet mater venerabilis viri Abbatis Corbeie Roberti Monachi nostri. quæ cum loca Sanctorum ob remedium animæ suæ frequentare consueuisset, cum quadam puella iam duodenne, quæ nunquam fuerat locuta, illuc deuenit. Nocte vero Sabbati in eadem Ecclesiola cum ipsa muta pernoctans, dum pro se & pro suis diuinas sollicitaret aures, ubi Fratres incæperunt *Te Deum laudamus*, visum est, sicut referebat, eidem puellæ quasi in extasi raptæ, quoddam gloriosa Regina pulchra ut Luna, electa ut Sol, cicladibus Regiis vestita, auro gemmisque preciosis coronata, à sinistro cornu altaris ad dextrum contendens, ante eam transibat. Quæ cum eam nomine proprio, (Lancendis enim vocabatur) piè satis aduocasset, audiente tam præfata matrona quam aliis multis, elata voce, lingua inusitata, Domina, respondit. Nec deinceps minus loqui aut sciuit aut potuit, quam si toto tempore vitæ suæ locuta fuisset. Quod stupendum miraculum qui aderant summo præconio attollentes, per diuersas regiones adiacentes reportauerunt. Qui vero prius eam per quinquennium mutam, & post per quinquennium loquacem cognouimus, locum ipsum sanctum & exaltare & diligere iure debuimus.

De hydropica.

SECUNDARIE dignum duximus & aliud sicut promissimus miraculum. Hydropica quædam tumida more prægnantis, nec minus præ dolore clamorosa voce insanians (premebatur enim humore aquatico intolerabiliter) manibus amicorum ad sanctam Mariam præfato loco portata est. Quæ cum per multos dies ante sanctum altare delituisset, ipso suæ putredinis & corrupti elementi foetore aduentantes multos reiciebat. Cumque iam nulla spes succederet sanitatis (tumor enim & sanies ipsam etiam faciem iam ferè in informitatem confuderat) murmurabant multi tam sani quam infirmi, suppliciter postulantes ut ab eadem Ecclesiola exponeretur. Verùm Fratres nostri venerandi viri maluerunt sustinere misericordes eius ingratham præsentiam, quam immisericordes absentiam. Contigit igitur quadam nocte Dominica (in his enim potissimum diuina manus operabatur) illam hydropicam, quod non consueuerat, obdormissa; cum subito gloriosa Imperatrix Virgo Maria inuisibiliter ad vterum humore refluuo exhaustum, tam gracile quam nitidum citò restituit. Videres, & qui aderant tam Fratres nostri quam alij multi viderunt tan-

LYDOVICVS
VI. GROS-
SVS.

tam effusi humoris & decursi flegmatis in terra abundantiam, vt cum scutellis & si- A
tulis & ollis illa asportare statim oporteret. Quando autem qui aderant ob rei ma-
gnitudinem stupuerunt, tantò deuotiùs laudes omnipotenti Deo & eius Genitrici
reddiderunt. *Te Deum laudamus* deplorando cantauerunt, & vt Deus omnipotens
sicut incœperat honorem Genitricis suæ ibidem continuaret, suppliciter efflagita-
uerunt.

H I s igitur & aliis miraculorum & prodigiorum signis præfatum locum insignem
diuina dispositione, ob amorem Dei Genitricis honorare & exaltare amplectentes,
ædificatum iri instantèr incœpimus, & vt Conuentus Fratrum ibidem Deo defer-
uieret, duodecim Fratres cum Priore suo constituimus: claustrum, refectorium, dor-
mitorium, ceterasque officinas regulares extruximus. Ecclesiam ornamentis, sacer-
dotalibus indumentis, palliis, & palliorum cappis, decenter adaptauimus. Textus
duos, videlicet antiquum textum cotidianum, & gradalem Karoli Imperatoris, à
matre Ecclesia illuc deferri fecimus. Bibliothecam honestam tribus voluminibus
posuimus. Nec minus circa viſtuala Fratrum solliciti, duas carrucas in propria ter-
ra prope locum locauimus. Clausum vinearum aptum magnæ Abbatix, & benè va-
lentem eis plantauimus, vinearum copiam multis modis adq̄siuimus. Torcularia
quatuor penes se in proprio ferè quater-viginti modios vini valentia, absq; sumptu
aliquo ipsi loco ædificauimus: vsque adeò de copia eis prouidentes, vt quandòque
ducentos quinquaginta, quandòque trecentos modios vini largè recipiant. Prata
etiam sufficienter in propriis cespitibus circumfodi fecimus. hortos satis habiles B
pulmentorum seminibus satis fecimus. Erat autem quædam altera beati Dionysij à
multis iam temporibus destituta, & in solitudinē redacta, vno etiam carens cultore,
quæ forsitan à vicinis villis alieno cultore annonæ modium aut minus reddere con-
fueuerant, aut duos aut tres de nucibus sextarios, in qua tres carrucas in curia no-
ua, & granchiam nouam eis instituimus. Oues & vaccas & nutrituram ad opus eo-
rum propter pascuorum vbertatem, & terrarum emendationem ibidem locauimus.
Aliam etiam beati Dionysij possessionem prope Brunetum, ex qua sæpè decem mo-
dios annonæ, & vini ferè decem, & fœnum pabulo iumentorum recipiunt, de pro-
prio obligauimus. De molendino etiam à sexaginta ferè annis perduto quicquid
recuperauimus, eis dimisimus; ea tamen conditione, vt in sequenti die festi beati
Dionysij xx. solidos refectorio beati Dionysij persoluant. In eadem etiam villa
centum solidos inter censum & talliam habent. Corboilo verò in circuitu sui de-
cem & septem libras de proprio censu præter alios redditus & venditionum, &
nundinarum, & aliarum consuetudinum: necnon molendinum & furnum, & octo
modios auenæ cum gallinis, & præbendam integram S. Exuperij.

De Marogilo.

XXI. I N pago Meldensi villa, quæ dicitur Marogilum, occasione cuiusdam viaturæ,
quam Ansoldus de Cornello ferè vsque ad ipsas villæ domus possidebat, grauissimè C
infestabatur: cùm nec agricolæ, nec alij quilibet villam exire tuto auderent, quin
occasionibus multis viaturæ à seruiantibus Ansoldi raperentur, & ad curiam eius
intercepti ducerentur, nec minus de pecoribus villam exeuntibus redimerentur.
Nos ergo mille solidos pro pace eiusdem villæ, vt eandē nobis dimitteret viaturam,
ei in Hierosolymitanam expeditionem proficiscenti donauimus; & vt beati Diony-
sij deinceps constaret, per manum Episcopi Meldensis Manassæ, & Ecclesiæ eius-
dem, necnon & sigillo Comitæ THEOBALDI, annuente eius vxore & filio no-
bis firmari fecimus. Eam enim, sicut confessus est, iniuste vsurpauerat.

COMMVTATIONIS etiam cuiusdam formam successoribus nostris innotesce-
re cupientes, si fortè Dei auxilio hoc ipsum in melius aliquando posset immutari,
intitulari curauimus. Dum nobile Regnum Francorum in statu Monarchiæ con-
sisteret, circumquaque sicut se regia potestas extendebat, per totam Regni Tetrar-
chiām, videlicet in Italia, Lotharingia, Francia, Aquitania, Ecclesia beati Dionysij
magnis multisque possessionibus liberalitate Regum abundabat. Verùm quod vni-
tas illibatum conseruabat, filialis diuisio & corrumpere & diminuere elaborauit.
Hinc est quòd beatus Dionysius Herelingas, Herbertingas, & Salonam, & quam-
plures alias possessiones amittens: villas etiam quæ in pago Metensi existunt, vide-
licet castrum Gomundas, Blissetor, & Cochilingas, perdidit. Pro quarum reclama-

A tione cum sapius Apostolico conspectui insisteremus, tum pro iniustitia sua, tum pro incommoditate personarum suarum (qui enim eas auferabant malè & pessimè absque confessione moriebantur) quasi pro commutatione locum qui dicitur Cella cum appendiciis suis in Cartis Ludouici Imperatoris denominatis, plena libertate beato Dionysio contulit, ubi Fratres nostros ad seruiendum Deo in spe augmentationis & succedentis recuperationis locauimus.

De Caluomonte.

ECCLESIAM quoque S. Petri in Caluomonte sitam, tam Abbatiam quàm ipsas Canonicas Canonicis decedentibus, tam à Rothomagensi Archiepiscopo HVGONE, quàm à Domino Rege Francorum LVDOVICO obtinere elaborauimus: nec non & XII. Fratres cum tredecimo Priore ad exaltationem eiusdem Ecclesiæ, & diuini cultus propagatione, reuerenter locauimus. & eandem Ecclesiam ab eodem reuerendo Archiepiscopo consecrari, & ante eam Cimiterium benedici, Deo annuente obtinuimus. Quæ siquidem noua quasi nobile membrum capiti suo Ecclesiæ beati Dionysij copulata, quanto transeuntibus successoribus nostris à VVlcastino ad Normanniam, vel etiam pro conseruatione reliquarum possessionum, in eodem pago demorantibus apta siue idonea existit: tantò de propriis vel de acquisitis eam locupletare tanquam nouam plantam, & confouere iure decertabit. Fratribus verò ibidem Deo deseruientibus, quia vineis egent, de decimis quas nobis dedit Rex Ludouicus apud Cergiacum, vno quoque anno viginti modios vini; & de decima, quam nos acquisiuius apud Ablegiacum, medietatem confirmauimus.

De Berneuallē.

IN ea autem, quæ dicitur Berneuallis, possessione super Normannici littus maris, in qua etiam primam alicuius Præposituræ ab antecessore meo suscepi obediētiā, quam etiam in tempore strenuissimi Regis HENRICI, adhuc satis iuuenis ab oppressione exactorum regionum, quos dicunt Graffiones, multo labore, multisque placitis emancipaueram: parrochiales Ecclesias, quas Rogerius Presbyter, & Frater eius Gaufredus hereditario iure sibi vendicabant, ad dominicaturam Ecclesiæ in nouitate Prælaturæ nostræ retraximus, easque & redditus earum Thesaurario ad renouandas & augmentandas Ecclesiæ huius palliaturas, in sempiternum contulimus. Et quia ferè nullos redditus ad hoc supplendum habebat, aliam quandam villam in partibus istis, quæ dicitur Quadraria nuper ædificata, adiunximus. Et hæc quidem quatuor marcas, Ecclesiæ verò septem libras, si tamen meliorari non poterit, persoluit. Redditi verò alios consuetudinarios præfatæ villæ Berneuallis, tam in censibus quàm in aliis, ferè vsque ad xv. libras, sicut credimus, augmentari fecimus. Consuetudinem autem quam vulgo dicunt aquariam, quàmque in tempore bonæ memoriæ antecessoris nostri à Præposito nostro, qui eam occupauerat, excutere adiuiimus, festiuo piissimi Regis Dagoberti anniuersario refectioi Fratrum assignauimus. Villas etiam Moriniacum, Liliacum, & Floriacum, cum non consueuissent reddere plus quàm septem aut decem libras, vt triginta aut ad minus viginti quinque reddant, elaborauimus. Idem & de Monte-Fusceoli.

De Ecclesiæ ornatu.

HIS igitur reddituum incrementis taliter assignatis, ad ædificiorum institutionem memorandam manum reduximus, vt & ex hoc ipso Deo omnipotenti tam à nobis quàm à successoribus nostris grates referātur, & eorum affectus ad hoc ipsum prosequendum, & si necesse sit peragendum, bono exemplo animetur. Non enim aut penuria aliqua, aut quodcumque impedimentum cuiuscumque potestatis timerdum erit, si ob amorem sanctorum Martyrum de suo sibi securè seruiatur. Primùm igitur quod Deo inspirante huius Ecclesiæ incœpimus opus, propter antiquarum materiarum vetustatem, & aliquibus in locis minacem diruptionem, ascitis melioribus quos inuenire potui de diuersis partibus pictoribus, eos aptari & honestè depingi tam auro quàm preciosis coloribus deuotè fecimus. Quod quia etiam in scholis addiscens, hoc facere si vnquam possem appetebam, libentiùs compleui.

De Ecclesiæ primo augmento.

A

XXV. **V**ERVM cum iam hoc ipsum multo sumptu compleretur, inspirante diuino nutu propter eam, quam sæpe diebus festis, videlicet in festo beati Dionysij, & in Indictio, & in aliis quamplurimis, & videbamus; & sentiebamus importunitatem. Exigebat enim loci angustia, ut mulieres super capita virorum, tanquam super pauperculum, ad altare dolore multo & clamoroso tumultu current, ad augmentandum & amplificandum nobile, manûque diuina consecratum Monasterium, virorum sapientum consilio, Religiosorum multorum precibus, ne Deo sanctisque Martyribus displiceret, adiutus, hoc ipsum incipere aggrediebar: tam in Capitulo nostro quam in Ecclesia diuinæ supplicans pietati, ut qui initium est & finis, id est *α. & ω.*, bono initio bonum finem saluo medio concopularet, ne virum sanguinum ab ædificio templi refutaret, qui hoc ipsum toto animo magis quam Constantino-politanas gazas obtinere præoptaret. Accessimus igitur ad priorem valuarum introitum, & deponentes augmentum quoddam, quod à Karolo Magno factum perhibebatur, honesta satis occasione, quia pater suus PIPINVS Imperator extra in introitu valuarum pro peccatis patris sui Karoli Martelli prostratum se sepeliri, non supinum fecerat, ibidem manum apposuimus. &, quemadmodum apparet, & in amplificatione corporis Ecclesiæ, & introitus & valuarum triplicatione, turrium altorum & honestarum erectione, instanter desudauimus.

B

De dedicatione.

XXVI. **O**RATORIVM Sancti Romani ad famulandum Deo sanctisque eius Angelis, dedicari à venerabili viro Rothomagensi Archiepiscopo HVGONE, & aliis quamplurimis Episcopis obtinuimus. Qui locus quam secretalis, quam deuotus, quam habilis diuina celebrantibus, qui ibidem Deo deseruiunt, ac si iam in partem dum sacrificant eorum in cælis sit habitatio, cognorunt. Eadem etiam dedicationis celebritate, in inferiori testudine Ecclesiæ dedicata sunt hinc & inde duo oratoria, ex vna parte Sancti Hippolyti sociorumque eius, & ex altera S. Nicolai, à venerabilibus viris MANASSE Meldensi Episcopo, & PETRO Siluaneensi. Quorum trium vna & gloriosa processio cum per ostium S. Eustachij egrederetur, ante principales portas transfiliens cum ingenti Cleri decantantis & populi tripudiantis turba, Episcopis præeuntibus, & sanctæ insistentibus consecrationi, per singularem atrij portam de antiquo in nouum opus transpositam tertio ingrediebantur. Et ad honorem omnipotentis Dei festiuo opere completo, cum in superiore parte elaborare accingeremur, aliquantulum fatigatos recreabant: & ne laboris aut penuriæ alicuius timore deprimeremur, gratantissime sollicitabant.

C

De portis fusilibus & deauratis.

XXVII. **V**ALVAS siquidem principales, accitis fusoribus & electis sculptoribus, in quibus passio Saluatoris & Resurrectio, vel Ascensio continetur, multis expensis, multo sumptu in earum deuratione, ut nobili porticui conueniebat, creximus. Necnon & alias in dextera parte nouas, in sinistra verò antiquas sub musuo, quod & nouum contra vsum hinc fieri, & in arcu portæ imprimi elaborauimus. Turrim etiam & superiora frontis propugnacula tam ad Ecclesiæ decorem, quam & utilitatem, si oportunitas exigeret, variari condiximus, litteris etiam cupro deauratis, consecrationis annum intitulari, ne obliuioni traderetur, præcepimus hoc modo:

Ad decus Ecclesiæ, qua fouit & extulit illum,

SVGERIVS studuit ad decus Ecclesiæ.

Dæque tuo tibi participans Martyr Dionysij,

Orat ut exores fore participem Paradisi.

Annus millenus & centenus quadragenus,

Annus erat Verbi quando sacrata fuit.

Versus etiam portarum hi sunt:

Portarum quisquis attollere queris honorem,

A *Aurum nec sumptus; operis mirare laborem.
Nobile claret opus, sed opus quod nobile claret;
Clarificet mentes ut eant per lumina vera
Ad verum lumen, ubi Christus ianua vera.
Quale sit intus in his determinat aurea porta.
Mens hebes ad verum per materialia surgit;
Et demersa prius hac visa luce resurgit.*

LVDÓVICVS
VI. GROS-
SVS.

& in superliminari,
*Suscipe vota tui Iudex districte SVGERI;
Inter oves proprias fac me clementer haberi.*

De augmento superioris partis.

EODEM verò anno tam sancto & tam fausto opere exhilarati, ad inchoandam XXVIII.
in superiori parte diuinæ propitiationis cameram, in qua iugis & frequens redem-
ptionis nostræ hostia absque turbarum molestiâ secreto immolari debeat, accele-
rauimus. & quemadmodum in scripto consecrationis eiusdem superioris operis
inuenitur, Deo cooperante, & nos & nostra prosperante; cum Fratribus & conser-
uis nostris tam sanctum, tam gloriosum, tam famosum opus ad bonum perducere fi-
nem misericorditer obtinere meruimus: tantò Deo sanctisque Martyribus obno-
xij, quantò nostris temporibus & laboribus tam diu differendo agenda reseruauit.
B Quis enim ego sum, aut quæ domus patris mei, qui tam nobile, tam gratum ædi-
ficium vel inchoasse præsumpserim, vel perfecisse sperauerim; nisi diuinæ miseri-
cordiæ, & sanctorum auxilio Martyrum fretus, totum me eidem operi & mente &
corpore applicuissim? Verum qui dedit velle, dedit & posse: & quia bonum opus
fuit in voluntate, ex Dei adiutorio stetit in perfectione. Quod quidem gloriosum
opus quantum diuina manus in talibus operosa protexerit, certum est etiam argu-
mentum, quòd in tribus annis & tribus mensibus totum illud magnificum opus, &
in inferiore cripta, & in superiore voltarum sublimitate, tot arcuum & columna-
rum distinctione variatum, etiam operturæ integrum supplementum admiserit.
Vnde etiam epitaphium prioris consecrationis, vna sola sublata dictione, huius
etiam annalem terminum concludit, hoc modo:

*Annus millenus & centenus quadragenus
Quartus erat Verbi, quando sacrata fuit.*

Quibus etiam epitaphij versibus hos adiungi delegimus.

*Pars noua posterior dum iungitur anteriori,
Aula micat medio clarificata suo.*

*Claret enim clavis quod clarè concopulatur;
Et quod perfundit lux noua, claret opus
Nobile; quod constat auctum sub tempore nostro,*

C *Qui Sugerus eram, me dace dum fieret.*

Promptus igitur vrgere successus meos, cum nihil mallem sub cælo quàm prosequi
matris Ecclesiæ honorem, quæ puerum materno affectu lactauerat, iuuenem offen-
dentem sustinuerat, ætate integrum potenter roborauerat, inter Ecclesiæ & Regni
Principes solemniter locauerat, ad executionem operis nos ipsos contulimus, &
cruces collaterales Ecclesiæ ad formam prioris & posterioris operis coniungendi,
attolli & accumulari decertauimus.

De continuatione utriusque operis.

QVO facto, cum quorumdam persuasione ad turrium anterioris partis prosecu- XXIX.
tionem studium nostrum contulissimus, iam in altera parte peracta diuina, sicut
credimus, voluntas ad hoc ipsum nos retraxit, ut mediam Ecclesiæ testudinem,
quam dicunt nauim, innouare, & utrique innouato operi conformare & coarqua-
re aggredieremur: reseruata tamen quantacumque portione de parietibus anti-
quis, quibus summus Pontifex Dominus Iesus Christus testimonio antiquorum
Scriptorum manum apposuerat, ut & antiquæ consecrationis reuerentia, & mo-
derno operi iuxta tenorem cœptum congrua cohærentia seruaretur. Cuius immu-

Ff iij

LVDOVICVS
VI. GROS-
SVS.

tationis summa hæc fuit. quòd si interpolate in naui Ecclesiæ occasione turrium A
ageretur, aut temporibus nostris aut successorum nostrorum, tardiùs, aut num-
quam quocumque infortunio sicut dispositum est perficeretur. Nulla enim rerum
importunitas rerum auctores vrgeret, quin noui & antiqui operis copula longam
sustineret expectationem. Sed quia iam inceptum est in alarum extensione, aut
per nos, aut per quos Dominus elegerit ipso auxiliante perficietur. Præteritorum
enim recordatio futurorum est exhibitio. Qui enim inter alia maiora etiam admi-
randarum vitrearum operarios, materiem saphirorum locupletem, promptissimos
sumptus fere septingentarum librarum, aut eo amplius administrauerit, peragen-
dorum supplementis liberalissimus Dominus deficere non sustinebit. Est etenim
initium & finis.

De ornamentis Ecclesiæ.

XXX. ORNAMENTORVM etiam Ecclesiæ descriptionem, quibus manus diuina
administrationis nostræ tempore Ecclesiam suam sponsam vocatam exornauit, ne
veritatis æmula subrepat obliuio, & exemplum auferat agendi, intitulare dignum
duximus. Dominum nostrum ter beatum Dionysium tam largum, tam benignum
& confitemur & prædicamus, vt tot & tanta credamus apud Deum effecisse, tot
& tanta impetrasse, vt centupliciter quàm fecerimus, Ecclesiæ illius profecisse po-
tuissimus, si fragilitas humana, si varietas temporum, si mobilitas morum non re- B
stitisset. Quæ tamen ei Deo donante reseruauimus hæc sunt.

De tabula aurea superiori.

XXXI. IN Tabula illa, quæ ante sacratissimum corpus eius assistit, circiter XLII. mar-
cas auri posuisse nos æstimamus. Gemmarum preciosarum multiplicem copiam,
iacinctorum, rubetorum, saphirorum, smaragdinum, topaziorum, necnon & opus
discriminantium vnionum, quantam nos reperire numquam præsumpsimus. Vi-
deres Reges & Principes, multosque viros præcellos, imitatione nostra digitos
manuum suarum exanulare, & anulorum aurum, & gemmas, margaritasque pre-
ciosas ob amorem sanctorum Martyrum eidem Tabulæ infigi præcipere. Nec mi-
nus etiam Archiepiscopi & Episcopi ipsos suæ desponsationis anulos ibidem sub
tuto reponentes, Deo & Sanctis eius deuotissimè offerebant. Venditorum etiam
gemmariorum tanta de diuersis Regnis & Nationibus ad nos turba confluebat, vt
non plus emere quæreremus, quàm illi vendere sub amministrazione omnium fe-
stinarent. Versus etiam eiusdem Tabulæ hi sunt.

*Magne Dionysi portas aperi Paradisi,
Suggeriumque piis protege presidis.
Quique nouam cameram per nos tibi constituisti,
In camera cæli nos facias recipi,
Et pro presenti cæli mensa satiari,
Significata magis significante placent.*

QVIA igitur sacratissima Dominorum nostrorum corpora in volta superiore
quàm nobilius potuimus locari oportuit, quædam de collateralibus tabulis sanctis-
simi eorum sarcofagi nescimus qua occasione erepta, quindecim marcas auri repo-
nendo, vltiorem frontem eiusdem, & operturam superiorem vndique inferiùs
& superiùs deaurari quadraginta fermè vnciis elaborauimus. Tabulis etiam cu-
preis fusilibus & deauratis, atque politis lapidibus impactis propter interiores lapi-
deas voltas, necnon & ianuis continuis ad arcendos populorum tumultus; ita ta-
men vt venerabiles personæ, sicut decuerit ipsa sanctorum corporum continentia
vasa cum magna deuotione & lacrymarum profusione videre valeant, circumcingi
fecimus. Eorumdem verò sanctorum tumulorum hi sunt versus.

*Sanctorum cineres, ubi cælicus excubat ordo,
Plebs rogat & plorat, Clerus canit in decachordo,
Spiritus quorum referuntur vota piorum,
Cùmque placent illis mala condonantur eorum.
Corpora Sanctorum sunt hic in pace sepulta,
Qui post se rapiant nos orantes prece multa.*

A

*Hic locus egregium venientibus extat asylum,
Hic fuga tanta reus, subiacet ultor eis.*

LUDOVICVS
VI. GROS-
SVS.

De Crucifixo aureo.

A D O R A N D A M viuificam crucem æternæ victoriæ Saluatoris nostri vexillum xxxii. salutiferum, de quo dicit Apostolus, *Mihi autem absit gloriari nisi in cruce Domini nostri Iesu Christi*, quanto gloriosum non tantum hominibus, quantum etiam ipsis Angelis, filij hominis signum apparens in extremis in cælo, tanto gloriosius ornatum iri, tota mentis deuotione si possemus inniteremur, iugiter eam cum Apostolo Andrea salutantes, Salue crux quæ in corpore Christi dedicata es, & ex membris eius tanquam margaritis ornata. Verum quia sicut volumus non potuimus, quàm melius potuimus volumus, & perficere Deo donante elaborauimus. Hinc est quod preciosarum margaritarum, gemmarumque copiam circumquaque per nos & per nuncios nostros queritantes, quàm preciosiorem in auro & gemmis tanto ornatui materiam inuenire potuimus, præparando, artifices peritiores de diuersis partibus conuocauimus. quo & diligenter & morosè fabricando crucem venerabilem ipsarum ammiratione gemmarum retro attollerent, & ante videlicet in conspectu sacrificantis Sacerdotis, ad ornandam Domini Saluatoris imaginem in recordatione passionis eius tanquam & adhuc patientem in cruce ostentarent. Eodem sanè loco beatus Dionysius quingentis annis & eo ampliùs, videlicet à tempore Dagoberti vsque ad nostra tempora iacuerat. Vnum iocosum, sed nobile miraculum, quod super his ostendit nobis Dominus, sub silentio præterire nolimus. Cum enim hærerem penuriâ gemmarum, nec super hoc sufficienter mihi providere valerem (raritas enim eas cariores facit) ecce duorum Ordinum, trium Abbatiarum, videlicet Cistellensis & alterius Abbatix eiusdem Ordinis, & fontis Ebraldi, camerulam nostram Ecclesiæ in hærentem intrantes, gemmarum copiam, videlicet iacinthorum, saphirorum, rubetorum, smaragdinum, topaziorum, quantam per decennium inuenire minimè sperabamus, emendam nobis obtulerunt. Qui autem eas habebant, à Comite THEOBALDO sub eleemosyna obtinuerant, qui à thesauris auunculi sui Regis HENRICI defuncti, quas in mirabilibus cuppis toto tempore vitæ suæ congefferat, per manum STEPHANI fratris sui Regis Anglici receperat. Nos autem onere querendarum gemmarum exonerati, gratias Deo referentes, quater-centum libras, cum plus satis valerent, pro eis dedimus. Nec eas solum, verum etiam multam & sumptuosam aliarum gemmarum & vnioum copiam ad perfectionem tam sancti ornamenti apposuius. De auro vero obrizo, circiter quater-viginti marcas nos posuisse, si benè recordor, meminimus. Pedem vero quatuor Euangelistis comptum, & columnam cui sancta insidet imago, subtilissimo opere smaltitam, & Saluatoris historiam cum antiquæ legis allegoriarum testimoniis designatis, & capitello superiore mortem Domini cum suis imaginibus ammirantem, per plures aurifabros Lotharingos quandòque quinque, quandòque septem, vix duobus annis perfectam habere potuimus. Tanti igitur & tam sancti instrumenti ornatum altius honorare & exaltare misericordia Saluatoris nostri accelerans, domnum Papam EVGENIUM ad celebrandum sanctum Pascha, sicut mos est Romanis Pontificibus in Galliis demorantibus, ob honorem sancti Apostolatus beati Dionysij, quod etiam de Calixto & Innocentio illius prædecessoribus vidimus, ad nos adduxit: qui eundem Crucifixum ea die solenniter consecrauit. De titulo veræ Crucis Domini, qui omnem & vniuersalem excedit margaritam, de Capella sua portionem in eo assignauit: publicè coram omnibus, quicumque inde aliquid raperent, quicumque ausu temerario in eum manum inferrent, mucrone beati Petri, & gladio Spiritus sancti anathematizauit. Nos autem idem anathema inferiùs in Cruce intitulati fecimus.

B **C** P R I N C I P A L E igitur beati Dionysij altare, cui tantum anterior Tabula à Karolo Caluo Imperatore tertio speciosa & preciosa habebatur, quia eidem ad Monasticum propositum oblatus fuimus, ornatum iri accelerauimus, & vtrique lateri aureas apponendo Tabulas, quartam etiam preciosiorem, ut totum circumquaque altare appareret aureum, attollendo circumcingi fecimus: Collateralibus quidem candelabra viginti marcarum auri, Regis Ludouici Philippi, ne quacumque occa-

LYDOVICVS
VI. GRO-
SVS.

frone raperentur, ibidem deponentes iacinthos, smaragdines, quas cumque gemmas preciosas apposuimus, & apponendas diligenter quæritate decreuimus. Quorum quidem versus hi sunt. In dextro latere.

*Has aræ Tabulas posuit SVGERIVS Abbas,
Præter eam quam Rex KAROLVS ante dedit.
Indignos veniâ fac dignos Virgo Maria.
Regis & Abbatis mala mundet fons pietatis.*

In sinistro latere.

*Si quis præclaram spoliauerit impius aram,
Atque damnatus pereat Iude sociatus.*

VLTERIOREM verò Tabulam miro opere sumptuque profuso, quoniam barbari & profusiores nostratibus erant artifices, tam forma quàm materia mirabili, anaglypho opere, ut à quibusdam dici possit, materiam superabat opus, extulimus. multa de acquisitis, plura de quibus Ecclesiæ ornamentis, quæ perdere timebamus, videlicet pede decurtatum calicem aureum, & quædam alia ibidem configi fecimus. Et quoniam tacita visus cognitione materie diuersitas, auri, gemmarum, vnionum, absque descriptione facile non cognoscitur, opus quod solis patet litteratis, quod allegoriarum iocundarum iubare resplendet, apicibus litterarum mandari fecimus. Versus etiam id ipsum loquentes ut enucleatius intelligantur, apposui.

*Voce sonans magna Christo plebs clamat osanna,
Quæ datur in cæna tulit omnes hostia vera.
Ferre crucem properat qui cunctos in cruce saluat.
Hoc quod Abram pro prole litat, Christi caro signat.
Melchisedech libat quod Abram super hoste triumphat.
Botrum vecte ferunt qui Christum cum cruce querunt.*

HÆC igitur tam noua quàm antiqua ornamentorum discrimina ex ipsa matris Ecclesiæ affectione crebrò considerantes, dum illam ammirabilem S. Eligij cum minoribus crucem, dum incomparabile ornamentum, quod vulgò Crista vocatur, aureæ aræ superponi contueremur, corde tenus suspirando: Omnis, inquam, lapis preciosus operimentum tuum, sardius, topazius, iaspis, crisolitus, onix, & beryllus, saphirus, carbunculus, & smaragdus. De quorum numero, præter solum carbunculum, nullum deesse, imò copiosissimè abundare, gemmarum proprietatem cognoscentibus, cum summa admiratione claret. Vnde cum ex dilectione decoris Domus Dei aliquando multicolor gemmarum speciositas ab extrinsecis me curis deuocaret, sanctarum etiam diuersitatem virtutum de materialibus ad immaterialia transferendo, honesta meditatio insistere persuaderet; videor videre me quasi sub aliqua extranea Orbis terrarum plaga, quæ nec tota sit in terrarum fæce, nec tota in cœli puritate demorari, ab hac etiam inferiori ad illam superiorem anagogico more Deo donante posse transferri. Conferre consueui cum Hierosolymitanis, & gratantissimè addiscere, quibus Constantinopolitanæ patuerant gazæ, & sanctæ Sophiæ ornamenta, utrum ad comparisonem illorum hæc aliquid valere deberent. Qui cum hæc maiora faterentur, visum est nobis quòd timore Francorum ammiranda quæ antea audieramus cautè reposita essent; ne stultorum aliquorum impetuosa rapacitate Græcorum & Latinorum ascita familiaritas in seditionem & bellorum scandala subito moueretur. Astucia enim præcipuè Græcorum est. Vnde fieri potuit ut maiora sint quæ hic sub tuto reposita apparent, quàm ea quæ non tuto propter scandala ibidem relicta apparuerunt. Ammiranda siquidem & ferè incredibilia à viris veridicis quampluribus, & ab Episcopo Laudunensi HUGONE, in celebratione Missæ, de sanctæ Sophiæ ornamentorum prærogatiua, necnon & aliarum Ecclesiarum audieramus. Quæ si ita sunt, imò quia eorum testimonio ita esse credimus, tam inæstimabilia quàm incomparabilia multorum iudicio exponerentur. Abundet vnusquisque in suo sensu. mihi fateor hoc potissimum placuisse, ut quæcumque cariora, quæcumque carissima, sacrosanctæ Eucharistiæ amministrationi super omnia deseruire debeant. Si libatoria aurea, si fialæ aureæ, & si mortariola aurea ad collectam sanguinis hircorum aut vitulorum, aut vaccæ ruffæ, ore Dei, aut Prophetæ iussu deseruebant: quanto magis ad susceptionem sanguinis IESV CHRISTI vasa aurea, lapides pre-

A ciosi, quæque inter omnes creaturas carissima continuo famulatu, plena deuotione exponi debent. Certè nec nos nec nostra his deferuire sufficimus. Si de sancto-
rum Cherubim & Seraphim substantia noua creatione nostra mutaretur, insuffi-
cientem tamen & indignum tantæ & tam ineffabili hostiæ exhiberet famulatum.
Tantam tamen propiciationem pro peccatis nostris habemus. Opponunt etiam
qui derogant, deferre sufficere huic amministrationi mentem sanctam, animum pu-
rum, intentionem fidelem. Et nos quidem hæc interesse præcipuè, propriè, spe-
cialiter approbamus. In exterioribus etiam sacrorum vasorum ornamentis, nulli
omnino æquè ut sancti sacrificij seruicio, in omni puritate interiori, in omni nobi-
litate exteriori, debere famulari, profiteamur. In omnibus enim vniuersaliter de-
centissimè nos oportet deferuire Redemptori nostro, qui in omnibus vniuersaliter
absque exceptione aliqua nobis providere non recusauit, qui naturæ suæ nostram
sub vno & ammirabili indiuiduo vniuit, qui nos in parte dexteræ suæ locans, Re-
gnum suum veraciter possidere promisit, Dominus noster qui viuit & regnat per
omnia secula seculorum.

ALTARE etiam, quod testimonio antiquorum sanctum nominatur Altare (sic
enim consuevit dicere gloriosus Rex LVDOVICVS Philippi, ab infantia sua dum hic
nutriretur, se à senioribus loci didicisse, quia cum vetustate, tum defectu fidelis
custodiæ, tum etiam propter frequentem motionem, quæ sit nobilissimi apparatus
occasione, qui diuersi diuersis, excellentes excellentioribus festis apponuntur, mi-
nus honestè comptum apparebat) ob reuerentiam sanctarum reliquiarum renoua-
re excepimus. Sacratissimus siquidem lapis porphireticus, qui superest aræ, non mi-
nus qualitati colore, quam quantitati magnitudine, satis aptus, concavo li-
gno auro operto, ipsa vetustate interpolata admodum disrupto cingebatur. Cuius
concaui faceta compositione in anteriori parte locatum brachium S. Iacobi Apo-
stoli, id ipsum litteris interiùs attestantibus, peruia candidissimi cristalli apertione
credebatur. Nec minus in dextera parte vniuniformiter litterarum apparitione, bra-
chium prothomartyris Stephani recondi; in sinistra verò æquè Sancti Vincentij
Leuitæ & Martyris brachium titulus interiùs perorabat. Nos igitur tantarum &
tam sanctarum reliquiarum protectione muniri appetentes, eas videre, eas deoscu-
lari, si Deo displicere non timerem, gratantissimè multo temporum processu ra-
piebar. Assumens igitur ex deuotione audaciam, & antiquitati honorem verita-
tis conseruans, modum & diem detegendi ipsas sanctas reliquias elegimus, sacra-
tissima videlicet die martyrij beatorum Martyrum dominorum nostrorum, VIII:
scilicet Idus Octobris. Aderant siquidem diuersarum Prouinciarum Archiepi-
scopi & Episcopi, qui gratantissimè quasi ex debito Apostolatus Galliarum, ad tan-
tæ solemnitatis celebrationem pia vota deferre accesserant. Archiepiscopi, scili-
cet Lugdunensis, Remensis, Turonensis, & Rothomagensis: Episcopi verò, Sues-
sionensis, Beluacensis, Siluanectensis, Meldensis, Redonensis, Aletensis, & Vene-
tensis. Abbatum etiam & Monachorum, siue Clericorum, atque Optimatum
conuentus. Sed & populi promiscui sexus turba innumerabilis. Decantata igi-
tur eadem solemnitatis die Tertia, cum iam in conspectu omnium assistentium ce-
leberrima tantæ diei ordinaretur processio, tanta certè rei veritatis fiducia, solo
Patrum testimonio & titulo referti, ac si iam omnia vidissemus, Archiepiscopos &
Episcopos, Abbates & autenticas assistentes personas, ad efferendam aram asciui-
mus, quòd eam aperire, quòd sanctissimarum reliquiarum thesaurum videre vel-
lemus, exposuimus. Dicebant ergo quidam ex familiaribus nostris, consultè qui-
dem, quòd & personæ & Ecclesiæ famæ tutius fuisset, si secreto, vtrum ita esset ut
litteræ loquebantur, videretur. Quibus ilicò fidei feruore excitus responsum red-
didi, magis mihi placere si ita est ut legitur, ab omnibus contuentibus scire, quam
si secreto inspexissem omnes non contuentes dubitare. Deferentes igitur in me-
dium præfatam aram, ascitis aurifabris qui locellos illos, quibus sanctissima bra-
chia continebantur, ubi supersedebant cristallini lapides, titulos eorum afferen-
tes, diligenter aperirent, sicut sperabamus, omnia plenariè Deo annuente viden-
tibus cunctis inuenimus. Causam etiam repositionis reliquiarum in eisdem locel-
lis inuenimus, videlicet quòd Karolus Imperator tertius, qui eidem altari subia-
cet gloriosè sepultus, ad tuitionem animæ & corporis, de theca Imperiali eas sibi
assumi, & penes se reponi, Imperiali edicto assignauerit. Argumentum etiam anuli

LVDOVICVS
VI. GROS-
SVS.

LVDOVICVS
VI. GROS-
SVS.

fui depreffione signatū, quod valde omnibus placuit, ibidem reperimus. Nec enim **A** sine causa ante sanctum illud altare septem lampades in vasis argenteis, quæ nos quidem dissoluta referimus, incessanter tam die quàm nocte in sempiternum arde- re constituiſſet, nisi maximam spem & corporis & animæ in sanctarum reliquiarum repositione credidisset. Sumptibus enim illarum & anniuersarij sui, & suorum re- fectioni, possessionem suam quæ dicitur **R V O I L V M** cum appendiciis sigillis au- reis confirmavit. Hinc est etiam, quòd in solennitatibus diuersis ferè sexaginta, magni & honesti cerei sex, quales alibi in Ecclesia aut rarò aut numquam appo- nuntur, circa idem altare accenduntur. Hinc est etiam quòd quotiens altare beati Dionysij, totiens & idem altare nobili apparatu adornatur.

C R V C E M etiam mirabilem quantitatis suæ, quæ superposita est inter altare & tumulum eiusdem Karoli, in cuius medio fama retinuit, confixum nobilissimum monile **N A N T I L D I S** Reginae vxoris Dagoberti Regis Ecclesiæ fundatoris, aliud verò in frontem sancti Dionysij (tamen huic minori nullum æquipollere peri- tissimi artifices testantur) erigi fecimus, maximè ob reuerentiam sanctissimæ boiæ ferreæ, quæ in carcere Glaucini sacratissimo collo beati Dionysij innexa, cultum & venerationem tam à nobis quàm ab omnibus promeruit.

E A etiam parte Abbas venerabilis Corbeix bonæ memoriæ **R O B E R T V S**, huius sanctæ Ecclesiæ professus, & ab infantia nutritus, quem eidem Corbeienſi Monasterio Abbatem præesse Deo donante exhibuimus, Tabulam argenteam **B** optimè deauratam pro recognitione professionis suæ, & multorum Ecclesiæ bene- ficiorum gratiarum actione, fieri fecit.

C H O R V M etiam Fratrum, quo valdè grauabantur qui assidue Ecclesiæ insi- stebant seruitio, frigiditate marmoris & cupri aliquantisper infirmum, in hanc quæ nunc apparet formam, laboribus eorum compatientes, mutauimus, & propter Conuentus augmentationem Deo auxiliante augmentare elaborauimus.

P V L P I T V M etiam antiquum, quod ammirabile Tabularum eburnearum sub- tilissima, nostris que temporibus inreparabili sculptura, & antiquarum Historia- rum descriptione humanam æstimationem excedebat: relictis Tabulis quæ in arcarum & sub arcarum repositione diutiùs fœdabantur, refici, dextraque parte restitutis animalibus cupreis, ne tanta tamque mirabilis deperiret materia, ad pro- ferendam superiùs sancti Euangelij lectionem, erigi fecimus. In nouitate siqui- dem sessionis nostræ impedimentum quoddam, quo medium Ecclesiæ muro tene- broso secabatur, ne speciositas Ecclesiæ magnitudinis talibus fuscaretur repagulis, de medio sustolli feceramus.

N E C minus nobilem gloriosi Regis Dagoberti cathedram, in qua, vt perhi- bere solet antiquitas, Reges Francorum suscepto Regni imperio ad suscipienda Optimatum suorum hominia primùm sedere consueuerant, tum pro tanti excel- lentia officij, tum etiam pro operis ipsius precio, antiquatam & disruptam refici fecimus. **C**

A Q V I L A M verò in medio chori ammirantium tactu frequenti dedeauratam reaurari fecimus.

V I T R E A R V M etiam nouarum præclaram varietatem ab ea prima, quæ inci- pit à *Stirps Jesse* in capite Ecclesiæ, vsque ad eam quæ superest principali portæ in introitu Ecclesiæ tam superiùs quàm inferiùs, Magistrorum multorum de diuersis nationibus manu exquisita, depingi fecimus. Vna quarum de materialibus ad im- materialia excitans, Paulum Apostolum molam vertere, Prophetas saccos ad mo- lam apportare repræsentat. Sunt itaque eius materiæ versus isti.

*Tollis agendo molam de furfure Paule farinam,
Mosaica legis intima nota facis.*

*Fis de tot granis verus sine furfure panis,
Perpetuusque cibus noster & angelicus.*

Item in eadem Vitrea, vbi aufertur velamen de facie Moyſi.

*Quod Moyses velat Christi doctrina reuelat,
Denadant legem qui spoliant Moysen.*

In eadem Vitrea super archam fœderis,

*Fœderis ex archa Christi cruce sistitur ara,
Fœdere maiori vult ibi vita mori.*

Item

A Item in eadem, vbi soluunt librum Leo & Agnus.

Qui Deus est magnus, librum Leo soluit & Agnus.

Agnus siue Leo fit caro iuncta Deo.

In alia Vitrea, vbi filia Pharaonis inuenit Moysen in fiscella.

Est in fiscella Moyses puer ille, puella

Regia, mente pia quem fouet Ecclesia.

In eadem Vitrea, vbi Moysi Dominus apparuit in igne rubi.

Sicut conspicitur rubus hic ardere, nec ardet:

Sic diuo plenus hoc audet ab igne, nec ardet.

Item in eadem Vitrea, vbi Pharaeo cum equitatu suo in mare demergitur.

Quod baptisma bonis, hoc militia Pharaonis

Forma facit similis, causaque dissimilis.

Item in eadem, vbi Moyses exaltat serpentem æneum.

Sicut serpentes serpens necat, anens omnes,

Sic exaltatus hostes necat in cruce Christus.

In eadem Vitrea, vbi Moyses accipit legem in monte.

Lege data Moysi, iuuat illam gratia Christi.

Gratia viuificat, litera mortificat.

B Vnde quia magni constant mirifico opere, sumptuque profuso, vitri vestiti, & saphirorum materia, tuitioni & refectioni earum ministerialem magistrum, sicut etiam ornamentis aureis & argenteis, peritum aurifabrum constituimus: qui & præbendas suas, & quod eis super hoc visum est, videlicet ab altari nummos, & à communi Fratrum horreo annonam suscipiant, & ab eorum prouidentia numquam se absentent.

SEPTEM quoque candelabra, quoniam ea quæ Karolus Imperator beato Dionysio contulerat, sua vetustate dissipata apparebant, opere smaltito & optimè deaurato componi fecimus.

VASA etiam tam de auro, quàm preciosis lapidibus, ad Dominicæ mensæ seruicium, præter illa quæ Reges Francorum, & deuoti Ecclesiæ eiusdem officio deputauerunt, beato Dionysio debita deuotione adquisiuius. Magnum videlicet calicem aureum septies viginti vnciarum auri, gemmis preciosis, scilicet iacinthis & topaziiis ornatum, pro alio qui tempore antecessoris nostri vadimonio perierat, restitui elaborauimus.

ALIVD etiam vas preciosissimum de lapide prasio ad formam nauis exsculptum, quod Rex LUDOVICVS Philippi per decennium ferè vadimonio amiserat, cum nobis ad videndum oblatum fuisset, eiusdem Regis concessione sexaginta marcis argenti comparatum, cum quibusdam floribus coronæ Imperatoris beato Dionysio obtulimus. Quod videlicet vas, tam pro precioso lapidis qualitate, quàm integra sui quantitate mirificum, incluso sancti Eligij opere constat ornatum, quod omnium iudicio preciosissimum æstimatur.

VAS quoque aliud, quod instar iustæ berilli aut cristalli videtur, cum in primo itinere Aquitanix Regina nouiter desponsata Domino Regi LUDOVICO dedisset, pro magno amoris munere nobis eam, nos verò sanctis Martyribus Dominis nostris ad libandum diuinæ mensæ affectuosissimè contulimus. Cuius donationis seriem in eodem vase gemmis auroque ornato, versiculis quibusdam intitulauimus.

Hoc vas sponsa dedit Aenor Regi Ludouico,

*Mitadolus * auro, mihi Rex, sanctisque Sugeris.*

COMPARAVIMVS etiam præfati altaris officii calicem preciosum, de vno & continuo sardonice, quod est de sardio & onice, quo vno vsque adeo sardij rubror à nigredine onichini proprietatem variando discriminat, vt altera in alteram proprietatem usurpare, inniti æstimetur.

VAS quoque aliud huic ipsi materiæ, non forma persimile, ad instar amphoræ adiunximus, cuius versiculi sunt isti,

Dum libare Deo gemmis debemus & auro,

Hoc ego Sugerius offero vas Domino.

LAGENAM quoque præclaram, quam nobis Comes Blesensis THEOBALDVS in eodem vase destinauit, in quo ei Rex Siciliæ illud transmiserat, & aliis, in eodem officio grateranter apposuimus.

Tom. IV.

Gg

LYDOVICVS
VI. GROS-
SVS.

VASCULA etiam cristallina, quæ in Capella nostra cotidiano seruicio altaris A assignaueramus, ibidem reposuimus.

Nec minus porphyriticum vas sculptoris & politoris manu ammirabile factum, cum per multos annos in scrinio vacasset, de amphora in aquilæ formam transfere-
rendo, auri argentique materia, altaris seruicio adaptauimus, & versus huiusmodi
eidem vasi inscribi fecimus.

Includi gemmis lapis iste meretur, & auro,

Marmor erat, sed in his marmore carior est.

PRO quibus omnibus Deo omnipotenti & sanctis Martyribus grates referimus, quod sanctissimo altari, cui sub præceptione sanctæ Regulæ nos à puero offerri vo-
luit, vnde ei honorificè seruiremus, copiosè largiri non reuit.

QUIA ergo diuina beneficia non occultare, sed prædicare, vtile & honestum co-
gnouimus, palliorum quod diuina manus tempore amministrationis nostræ huic
sanctæ Ecclesiæ contulit augmentum designauimus: implorantes vt in anniuersa-
rio ad propiciandam diuinæ maiestatis excellentiam, & Fratrum deuotionem am-
pliandam, & successorum Abbatum exemplum, exponantur. Nec enim pro tot &
tantis commissis, vel enormitate scelerum meorum, tam sera quàm rara satisfacere
pœnitentia sufficit, nisi vniuersalis Ecclesiæ suffragiis innitatur.



SVGERII ABBATIS

S. DIONYSII

LIBELLVS ALTER.

De Consecratione Ecclesiæ à se ædificatæ, & translatione corporum
S. Dionysij ac sociorum eius, facta anno MCXL.

*Ex vetusto Codice MS. qui est in Bibliotheca Viri Cl. Alex. Petauij
Senatoris Parisiensis.*

LYDOVICVS
VII. IV-
NIOR.



INVIORVM humanorumque disparitatem, vnius & singularis, summæque rationis vis admirabilis contemperando cœquat: & quæ
originis inferioritate, & naturæ contrarietate inuicem repugnare vi-
dentur, ipsa sola vnius superioris moderatæ armoniæ conuenientia
grata concopulat. Cuius profectò summæ & æternæ rationis partici-
patione qui gloriosi effici innituntur, crebrò in solio mentis argutæ quasi pro tribu-
nali residentes, de concertatione continua similium & dissimilium, & contratio-
rum inuentioni & iudicio insistent, in æternæ sapientiæ rationis fonte, charitate
ministrante, vnde bello intestino & seditioni interiori obsistant, salubriter ex-
hauriunt, spiritualia corporalibus, æterna deficientibus præponentes: corporeæ sen-
sualitatis exteriorum sensuum molestias, & grauissimas angarias postponunt: ab
earum oppressione se ipsos subleuant, solidissimam mentis aciem in spem æter-
næ infignes remunerationis, æternitati tantum studiosè obsequuntur: carnalia
desideria in admirationem & spectaculum aliorum obhuescunt, summæ rationis
hoc modo, & æternæ beatitudinis consortio, promittente vnigenito Dei filio, *in
patientia possidebitis animas vestras*, se gloriosæ conscientiæ merito vniri gratulan-
tur. Quod tamen conditionis primæ corruptione depressa, & grauiter sauciata hu-
manitas, præsentia potius amplectens, quàm futura expectans, nullo modo susti-
neret; si non etiam rationis & intelligentiæ humanæ rationabilis summæ & diui-
næ caritatis copiosa administratio hoc ipsum effectui mancipare misericorditer
suppeditaret. Vnde legitur, *Misericordia eius super omnia opera eius*. Ex quo qui-
dem cum aliis audacter & veraciter profiteamur, quod quantò sola misericordia sal-
uos nos facit per lauacrum regenerationis, & renouationis Spiritus sancti, tantò

A nos gratissimo purificatæ mentis holocausto pro toto velle & posse iustitiam nostram quantumcumque & ipse dederit, supplici ei deuotione offerre elaboramus: ut ipse qui potest ut Deus, qui debet ut creator si non resistimus, disparitatem istam periculosam in nobis parificet, contrarietatis intestinæ inimicitias, quas in amicitiz eius amissione prima præuaricatione incurrimus, ea ineffabili caritate qua diuinitatem suam captiuatæ humanitati nostræ ineffabiliter & inseparabiliter vniuit, dissoluat, sopita carnalitatis grauissima molestia, tumultuque vitiorum sedato, pacato habitaculo interiora repugnancia pacificet: ut mente & corpore impediti gratam ei offerentes seruitutem, beneficiorum etiam immensorum eius circa nos, & nobilem, cui nos præferri sustinuit, Ecclesiam replicare & prædicare valeamus largitatem. ne si muti in laudem eius exiterimus, beneficiorum eius ob hoc defectum incurramus, & vocem illam terribiliter audiamus. *Non est inuentus qui rediret, & daret gloriam Deo.*

LVDOVICVS
VII. IV-
NIOR.

IUSTIFICATI igitur ex fide, pace nostra interiori secundum Apostolum pacem apud Deum habentes, vnum & inter multos singulare diuinæ largitatis beneficium, more eorum qui ad gratificandum impertita dona donatoribus suis vltro referunt, in medium proferentes, gloriosam & Deo dignam sanctæ huius Ecclesiæ consecrationem pretiosissimorum nostrorum dominorum & Apostolorum nostrorum Dionysij, Rustici, & Eleutherij, & aliorum Sanctorum, quorum prompto innitimur patrocinio, sacratissimam translationem ad successorum notitiam stylo assignare elaborauimus, qua de causa, quo ordine, quàm solemniter, quibus etiam personis idipsum actum sit reponentes: ut & diuinæ propitiationi pro tanto munere condignas pro posse nostro gratiarum actiones referamus, & Sanctorum protectorum nostrorum tam pro impensa tanti operis cura, quàm pro tantæ sollemnitatis adnotatione, opportunam apud Deum obtineamus intercessionem.

GLORIOSVS & famosus Rex Francorum DAGOBERTVS, vir etsi in Regni administratione magnanimitate regia conspicuus, nihilominus tamen Ecclesiæ Dei deuotus, cum ad declinandam patris sui Clotharij magni intolerabilem iram Catulliacum vicum an fugisset, & sanctorum Martyrum ibidem quiescentium effigies venerandas tanquam pulcherrimos viros niueis vestibus comptos seruitium suum requirere, & auxilium promittere incunctanter voce & opere comperisset: Basilicam Sanctorum regia munificentia fabricatum iri affectu mirabili imperauit. Quam cum mirifica marmorearum columnarum varietate componens, copiosis purissimi auri & argenti thesauris inæstimabiliter locupletasset, ipsiusque parietibus & columnis & arcubus auro tectas vestes margaritarum varietatibus multipliciter exornatas suspendi fecisset, quatinus aliarum Ecclesiarum ornamentis præcellere videretur, & omnimodis incomparabili nitore vernans, & omni terrena pulchritudine compta inæstimabili decore splenderet, hoc solum ei defuit quod quam oporteret magnitudinem non admisit. Non quod aliquid eius deuotioni aut voluntati deesset, sed quod forsitan tunc temporis in primitiua Ecclesia nulla adhuc aut maior, aut æqualis existeret, aut quod breuior fulgorantis auri, & splendorem gemmarum propinquitati arridentium oculorum acutiùs delectabiliùsque refundendo, vltra satis quàm si maior fabricaretur irradiaret. Huius breuitatis egregiæ grata occasione, numerositate fidelium crescente, & ad suffragia Sanctorum crebrò confluente, tantas præfata Basilica sustinere consuevit molestias, ut sæpiùs in solemnibus videlicet diebus admodum plena per omnes valuasturbarum sibi occurrentium superfluitatem refunderet, & non solum intrantes non intrare, verùm etiam qui iam intrauerant præcedentium expulsus exire compelleret. Videres aliquando, mirabile visu! quod innitentibus ingredi ad venerationem & deoscultationem sanctorum reliquiarum Clauis & Coronæ Domini, tanta congestæ multitudinis opponebatur repugnancia, ut inter innumera populorum millia ex ipsa sui compressione nullus pedem mouere valeret, nullus aliud ex ipsa sui constrictione, quàm sicut statua marmorea stare, stupere, quod vnum supererat vociferare. Mulierum autem tanta & tam intolerabilis erat angustia, ut in commixtione virorum fortium sicut prelo depressæ, quasi imaginata morte exanguem faciem exprimere, more parturientium terribiliter conclamare, plures earum miserabiliter decalcatas, pio virorum suffragio super capita hominum exaltatas, tanquam pauimento adhærentes incedere, multas etiam extremo

LVDOVICVS
VII. IV-
NIOZ.

singultantes spiritu in prato Fratrum cunctis desperantibus anhelare. Fratres A etiam insignia Dominicæ Passionis adueniantibus exponentes, eorum angariis & contentionibus succumbentes, nullò diuertere habentes, per fenestras cum reliquiis multoties effugerunt. Quod cum scholaris puer inter Fratres erudirer audiebam, extra iuuenis dolebam, maturus corrigi affectuosè apperebam. Cum autem placuit illi, qui me segregauit ex utero matris meæ, & vocauit per gratiam suam, meritis etiam repugnantibus, paruitatem meam huius sanctæ Ecclesiæ tantæ præficere administrationi: sola Dei omnipotentis ineffabili misericordia præfatæ molestiæ correctioni, sanctorum Martyrum dominorum nostrorum suffragio raptus, ad augmentationem præfati loci toto animo, tota mentis affectione accelerare proposuimus. qui nunquam, si tanta, tam necessaria, tam utilis & honesta non exigeret opportunitas, manum supponere, vel cogitare præsumeremus.

QVIA igitur in anteriori parte ab Aquilone principali ingressu principalium valuarum porticus artus hinc & inde gemellis, nec altis, nec aptis multum, sed minantibus ruinam, turribusangebatur, ea in parte inito directæ testudinis, & geminarum turrium robusto valde fundamento materiali, robustissimo autem spirituali, de quo dicitur, *Fundamentum aliud nemo potest ponere præter id quod positum est, quod est Christus Iesus*, laborare strenuè Deo cooperante incepimus. Cuius inæstimabili freti consilio & irrefragabili auxilio, usque adè in tanto tamque sumptuoso opere profecimus, ut cum primùm pauca expendendo multis, exinde multa explendo, nullis omnino indigeremus, verum etiam habundando fateremur: *Sufficientia nostra ex Deo est*. Materix autem validissimæ noua quadraria qualis & quanta nunquam in partibus istis inuenta fuerat, Deo donante occurrit. Cementariorum, lathomorum, sculptorum, & aliorum operatorum solers succedebat frequentia, ut ex hoc & aliis diuinitas ab hoc quod timebamus absolueret, & voluntatem suam nobis confortando, & inopinata suppeditando ministraret. Conferebam de minimis ad maxima, non plus Salomonianas opes Templo, quàm nostras huic operi sufficere posse, nisi idem eiusdem operis auctor ministratoribus copiosè præpararet. Identitas auctoris & operis, sufficientiam facit operantis. In agendis siquidem huiusmodi apprimè de conuenientia & cohærentia antiqui & noui operis sollicitus, vnde marmoreas aut marmoreis æquipollentes haberemus columnas, cogitando, speculando, inuestigando per diuersas remotarum partium regiones, cum nullam offenderemus, hoc solum mente laborantibus & animo supererat, ut ab vrbe (Romæ enim in Palatio Diocletiani, & aliis terminis sæpe mirabiles conspexeramus) ut per mare mediterraneum tuta classe, exinde per Anglicum, & per tortuosam fluuij Sequanæ reflexionem, eas magno sumptu amicorum, inimicorum etiam Sarracenorum proximorum conductu haberemus; multis annis, multis temporibus cogitando, queritandoangebamur: cum subito larga omnipotentis munificentia laboribus nostris condescendens, quod nec cogitare, nec opinari liceret, decentes & peroptimas in admirationem omnium sanctorum Martyrum meritò reuelauit. Vnde quantò contra spem & humanam opinionem apto, & nullibi nobis gratiori loco miseratio diuina dignata est conferre, tantò maiores gratiarum actiones pro tanti remedio laboris operæpretium duximus rependendo referre. Locus quippe quadrariæ admirabilis prope Pontifariam castrum terrarum nostrarum confinio collimitans vallem profundam non naturâ, sed industria concavam, molarum cæsoribus sui quæstum ab antiquo offerebat, nihil egregium hactenus proferens, exordium tantæ utilitatis tanto & tam diuino ædificio, quasi primitias Deo, sanctisque Martyribus, ut arbitrabamur, reseruabat. Quotiens autem columnæ ab imo decliuo funibus innodatis extrahebantur, tam nostrates, quàm loci affines benè deuoti, nobiles & innobiles, brachiis, pectoribus, & laceratis, funibus adstricti vice trahentium animalium educebant: & per medium castrî decliuum diuersi officiales relictis officiorum suorum instrumentis, vires proprias itineris difficultati offerentes, obuiabant, quanta poterant ope Deo sanctisque Martyribus obsequentes. Vnde nobile quoddam & dignum relatione contigit miraculum, quod nos ipsi ab assistentibus addiscentes ad laudem Omnipotentis Sanctorumque suorum calamo & atramento adsignare decreuimus.

A QVADAM itaque die cū imbrum refusione turbatum aëra tenebrosa obtexisset opacitas, aduentantibus ad quadrariam plaustris, qui adiutores esse consueverant operandi, pro impluuij infestatione se ipsos absentauerunt. Bubulcis verò querentibus & reclamantibus se otio vacare, operarios præstolantes suspendere, vsque adeo clamando institerunt, quòd quidam imbecilles & debiles cum pueris aliquibus numero decem & septem, præsentem, nisi fallor, Sacerdote, ad quadrariam accelerauerunt, vnāque cordarum assumentes, columnarū innectentes, aliam sudem in terra iacentem dimiserunt. Neque enim erat qui ea trahere inniteretur. Animatus itaque grex pusillus pio zelo, Sancte inquit Dionysi, pro te ipso vacantem accipiens sudem, si placet nos adiuua. Non enim nobis, si non poterimus, imputare poteris. Moxque fortiter impingentes quòd centum quadraginta aut minus centum grauiter ab ima valle extrahere consueuerant, ipsi non per se, quod impossibile esset, quod voluntate Dei & Sanctorum quos inuocabant suffragio extraxerunt, eamque Ecclesie fabricam in plaustro destinauerunt. Vnde per totam propalatum est viciniam, Deo omnipotenti hoc opus admodum placere, cū ad laudem & gloriam nominis sui his & huiusmodi intersigniis eius operatoribus elegerit opem deferre.

SECUNDATVR & aliud nobile factum memoriā dignū, relatione conspicuum, auctoritate prædicandū. Peraçto siquidem magna ex parte opere, & compactis noui & antiqui ædificij tabulatis, magnòque deposito, quē diu habueramus, timore, propter illas patulas antiquarum maceriarum rimas, magnorum capitellorum & basium columnas deportatium disruptionem exhilarati, deaptare sollicitabamur. Cūque pro trabium inuentione tam nostros quā Parisienses lignorum artifices consuluissemus, responsum nobis est pro eorum existimatione verum, in finibus istis propter siluarum inopiam minimè inueniri posse, vel ab Autissiodorensi pago necessario deuehi oportere. Cūque omnes in hoc ipso consonarent, nosque super hoc tam pro laboris magnitudine, quā pro operis longa dilatione grauaremur, nocte quadam à Matutinarum obsequio regressus lecto cogitare cœpi me ipsum per omnes partium istarum siluas debere procedere, circumquaque perlustrare, moras istas & labores si hic inueniri possent, alleuiare. Moxque reiectis curis aliis, summo manē arripiens, cum carpentariis, & trabium mensuris, ad siluam quæ dicitur Iuulina, accelerauimus. Cūque per terram nostram Capreolensis vallis transiremus, accitis seruiantibus nostris nostrarum custodibus, & aliarum siluarum peritis, adiurando fide & sacramento eos consulimus, si eius mensuræ ibidem trabes inuenire quocumque labore valeremus. Qui subridentes, si auderent potius deriderent admirantes, si nos planè nesciremus in tota terra nihil tale inueniri posse, maximè cū Milo Capreolensis Castellanus homo noster, qui medietatem siluæ à nobis cum alio feodo habet, cū sustinuisset tam à Domino Rege, quā ab Amalrico de Monte-forti longo tempore guerras, ad tristegas & propugnacula facienda, nihil tale illibatum vel intactum præteriiisset. Nos autem quicquid dicebant respicientes, quadam fidei nostræ audaciā siluam perlustrare cœpimus, & versus quiddam primam horam trabem vnā mensuræ sufficientem inuenimus. Quid ultra? vsque ad nonam aut citius per frutecta, per opacitatem siluarum, per densitatem spinarum, duodecim trabes, (tot enim necessariæ erant) in admirationem omnium præsertim circumstantium assignauimus, & ad Basilicam sanctam deportatas cum exultatione noui operis operturæ superponi fecimus, ad laudem & gloriam Domini Iesu, qui sibi, sanctisque Martyribus à manibus raptorum protegens, sicut facere voluit, reseruauerat. Nec igitur superflua, neque minus continens id circa diuina extitit largitio, quæ in pondere & mensura omnia moderari, omnia dare constituit, cū ultra quā oportuit nulla vltius inuenire potuerit.

TANTIS itaque & tam manifestis tantorum operum intersigniis constanter animati, ad præfati perfectionem ædificij instanter properantes, quomodo, & quibus personis, & quod valde solemniter Deo omnipotenti consecraretur deliberantes, accito egregio viro Hugone Rothomagensi Archiepiscopo, & aliis venerabilibus Episcopis, Odone Beluacensi, Petro Siluaneensi, ad id peragendum multimodam laudem, magnòque diuersarum personarum Ecclesiasticarum Cleri & populi maximo conuentu decantabamus. Qui in medio noui incrementi priorem in consistentis dolio benedicentes aquam, per Oratorium sancti Eustachij cum processio-

LVDOVICVS
VII. IY-
NIOR.

ne exeuntes per plateam quæ Panteria, eò quod inibi omnia emptioni & vendi- A
tioni teruntur, antiquitus vocitatur, per aliam, quæ in sacro cimiterio aperitur,
æream portam reuertentes, in æternæ benedictionis & sanctissimi chrismatis deli-
butione, veri corporis & sanguinis summi Pontificis Iesu Christi exhibitione,
quicquid tanto & tam sancto conuenit ædificio deuotissimè compleuerunt. Pul-
cherrimum, & Angelica mansione dignum superius Oratorium, in honore sanctæ
Dei Genitricis semper Virginis Mariæ, & sancti Michaëlis Archangeli, omnium-
que Angelorum, sancti Romani ibidem quiescentis, aliorumque multorum San-
ctorum, quorum ibi nomina subtitulata habentur, dedicantes. Inferius verò in
dextro latere Oratorium in honore sancti Bartholomæi, multorumque aliorum
Sanctorum: in sinistro autem vbi Sanctus requiescere perhibetur Hippolytus, Ora-
torium in honore eiusdem, & sanctorum Laurentij, Sixti, Felicissimi, Agapiti,
aliorumque multorum, ad laudem & gloriam Dei omnipotentis. Nos autem tan-
tæ benedictionis pro fructu impensi laboris Dei dono participes effici toto affectu
desiderantes, quasi pro dote, sicut solet fieri, ad expensas emendorum luminario-
rum, plateam quandam cimiterio collimitantem iuxta Ecclesiam sancti Michaë-
lis, quam quater-viginti libris à VVilhelmo Corneilenſi emeramus, eiusdem con-
tulimus Oratoriis, vt in sempiternum censum inde habeant. De termino verò hæc
est veritatis consistentia, sicut legitur; si tamen non obscuretur, in aureo super por-
tas, quas ad honorem Dei & Sanctorum deauratas fieri fecimus, Epitaphio.

Annus millesimus centenus & quadragenus

Annus erat Verbi, quando sacrata fuit.

B

IGITUR post illam, quæ Maiestatis summæ opitulatione in anteriore parte de
Oratorio sancti Romani & aliorum celebrata est, consecrationem, nostra qua tam
ex ipsa sui prosperitate animabatur deuotio, quam ipsa circa Sanctorum tanto tem-
pore tam intolerabiliter opprimebat coarctatio, votum nostrum illò conuertit, vt
præfato vacantes operi, turriumque differendo prosecutionem in superiori parte,
augmentationi matris Ecclesiæ operam & impensam pro toto posse, pro gratiarum
actione, eo quòd tantillo tantorum Regum & Abbatum nobilitati succedenti, tan-
tum opus diuina dignatio reseruasset, quàm decentius, quàm gloriosius rationabi-
liter effici posset, fieri inniteremur. Communicato siquidem cum Fratribus nostris
benè deuotis consilio, quorum cor ardens erat de Iesu, dum loqueretur eis in via,
hoc Deo inspirante deliberando elegimus, vt propter eam, quam diuina operatio,
sicut veneranda scripta testantur, propria & manuali extensione, Ecclesiæ conse-
crationi antiquæ imposuit benedictionem, ipsis sacratis lapidibus tanquam reli-
quiis deferremus, illam quæ tanta exigente necessitate nouitas inchoaretur, lon-
gitudinis & latitudinis pulchritudine inniteremur nobilitare. Consultè siquidem
decretum est illam altiori inæqualem, quæ super absidem Sanctorum Dominorum
nostrorum corpora retinentem operiebat, remoueri voltam vsque ad superficiem
criptæ cui adhærebat, vt eadem cripta superioritatem sui accedentibus per vtros- C
que gradus pro pauimento offerret, & in eminentiori loco sanctorum læticas auro
& pretiosis gemmis adornatas aduentantium obtutibus designaret. Prouisum est
etiam sagaciter, vt superioribus columnis & arcubus mediis, qui inferioribus in
cripta fundatis superponerentur, Geometricis, & Arithmeticis instrumentis me-
dium antiquæ testitudinis Ecclesiæ augmenti noui medio æquaretur, nec minùs
antiquarum quantitas alarum nouarum quantitati adaptaretur: excepto illo vrba-
no & approbato in circuitu Oratoriorum incremento, quo tota sacratissimarum
vitrearum luce mirabili & continua interiorum perlustrante pulchritudinem eni-
teret.

VT autem sapienti consilio, dictante Spiritu sancto, cuius vnctio de omnibus
docet, luculento ordine designatum est, quid prosequi proponeremus, collecto
virorum illustrium tam Episcoporum quàm Abbatum conuentu, accita etiam Do-
mini ac serenissimi Regis Francorum LVDOVICI præsentia, pridie Idus Iulij
die Dominica ordinauimus ornamentis decoram, personis celebrem processio-
nem. Quin etiam manibus Episcoporum & Abbatum insignia Dominicæ Passio-
nis, videlicet Clauum & Coronam Domini, & brachium sancti sepis Simeonis,
& alia sanctarum reliquiarum patrocinia præferentes: ad defossa faciendis funda-
mentis præparata loca humiliter & deuotè descendimus. Dein paraclyti Spiritus

A sancti consolatione inuocata, vt bonum Domus Dei principium bono fine concluderet, cum primum ipsi Episcopi ex aqua benedicta dedicationis factæ proximo v. Idus Iunij propriis confecissent manibus cementum, primos lapides imposuerunt, hymnum Deo dicentes, & *Fundamenta eius*, vsque ad finem Psalmi solemniter decantantes. Ipse enim serenissimus Rex intus descendens propriis manibus suum imposuit, nos quoque & multi alij tam Abbates quàm Religiosi viri lapides suos imposuerunt. Quidam etiam gemmas ob amorem & reuerentiam Iesu Christi, decantantes: *Lapides pretiosi omnes muri tui*. Nos igitur tanta & tam festiua tam sancti fundamenti positione exhilarati, de peragendo solliciti, varietatem temporum, diminutionem personarum, & mei ipsius defectum pertimescentes, communi Fratrum consilio assistentium persuasione, Domini Regis assensu annalem redditum his explendis constituimus, videlicet centum quinquaginta libras de gazofilacio, id est de oblationibus altaris & reliquiarum, centum in indicto, & quinquaginta in festo sancti Dionysij: quinquaginta etiam de possessione sita in Belsa, quæ dicitur Villana, prius inculta, sed auxilio Dei & nostro labore composita, & adualens quater-viginti aut centum librarum singulis annis adaptata. Quæ si quocumque infortunio his explendis deficeret, alia Belsa nostra, quam dupliciter aut tripliciter in redditibus augmentauimus, suppleret. Has autem ducentas libras, præter ea quæ ad arcam gazofilacij deuotione fidelium deportabuntur, vel quæcumque ipsi vtrique operi offerentur, tantum continuari ipsis operibus firmauimus, donec totaliter absque illa quæstione & ipsa ædificia & anteriora & superiora cum suis turribus omnino honorificè compleantur.

INSISTENTES igitur per triennium multo sumptu, populofo operariorum conuentu, æstate & hyeme, operis perfectioni; ne nobis conqueri Deo, *imperfectum meum viderunt oculi tui*, iure oporteret, admodum ipso cooperante proficiebamus, instarque diuinorum fundabatur exultationi vniuersæ terræ mons Syon, latera aquilonis, ciuitas Regis magni, cuius in medio Deus non commouebitur; sed peccatorum incitamentis commotus, odorifero pœnitentium holocausto placari & propitiari non dedignabitur. Medium quippe duodecim Apostolorum exponentes numerum, secundario verò totidem alarum columnæ Prophetarum numerum significantes, altum repente subrigebant ædificium iuxta Apostolum spiritualiter ædificantem. *Iam non estis*, inquit, *hospites & aduena, sed estis ciues Sanctorum & domestici Dei, superædificati super fundamentum Apostolorum & Prophetarum, ipso summo angulari lapide Christo Iesu, qui vtrumque coniungit parietem. in quo omnis ædificatio siue spiritualis, siue materialis crescit in Templum sanctum in Domino*. In quo & nos quanto altius, quanto aptius materialiter ædificare instamus, tantò per nos ipsos spiritualiter coædificari in habitaculum Dei in Spiritu sancto edocemur.

INTEREA siquidem potissimum de Dominorum nostrorum sanctissimorum Martyrum, & aliorum Sanctorum, qui per Ecclesiam sparsi diuersis colebantur Oratoriis, translatione solliciti, sacratissimas eorum lecticas, præcipuè Dominorum, ornatum iri votiuè animabamur, & vbi gloriosius aduentantium obrutibus & conspicabilius transferrentur, eligentes, aurifabrorum eleganti siue artis industriâ, siue auri gemmarumq; pretiosarum copiâ illustrem valde fieri Deo cooperante elaborauimus. Et de foris quidem his & huiusmodi pro ornatu nobilem, pro tuto verò intus fortissimorum lapidum muro non ignobilem circumquaque muniri: extra verò è contra ne lapidum materia apparentium locus vilesceret, cupreis Tabulis fusilibus & deauratis decorari, non tamen sicut deceret, præparauimus. Exigit enim tantorum Patrum experta nobis & omnibus magnificentia, vt quorum venerandi spiritus Deo omnipotenti sicut sol fulgentes assistunt, nos miserrimi, qui eorum patrocinia & sentimus, & indigemus, sacratissimos cineres eorum pretiosiori qua possumus materia, videlicet auro obrizo, iacinthorum, & smaragdinum, & aliarum gemmarum copiâ operæ pretium liquet operiri. Hoc autem vnum egregiè fieri elegimus, vt ante corpora Sanctorum celeberrimam ad libandum Deo, quæ nunquam ibidem fuerat, erigeremus aram, vbi summi Pontifices, & personæ autenticæ suffragio eorum, qui se ipsos holocaustum odoriferum Deo obtulerunt, placabiles & Deo acceptabiles hostias offerre mereantur. Cui etiam cum Tabulam auream, mediocrem tamen, defectus pusillanimitate præponere proposuissem, tantam auri, tantam gemmarum pretiosissimarum inopinatam, &

LYDOVICVS
VII. LV-
NIOR.

vix ipsis Regibus existentem copiam ipsi sancti Martyres nobis propinauerunt, ac **A** si nobis ore ad os loquerentur: Velis nolis, optimam eam volumus. ut eam aliter quam mirabilem & valde pretiosam tam opere quam materia efficere aut non auderemus, aut non valeremus. Neque enim ipsi Pontifices, qui his egregie pro officij sui dignitate potiuntur, annulos etiam Pontificales mirabili pretiosorum lapidum varietate gemmatos eidem imponere Tabulae praesentes abnegabant, verum absentes à transmarinis etiam partibus sanctorum Martyrum amore inuitati, vltro delegabant. Ipse etiam Rex inclytus perlucidas & maculis distinctas smaragdines, Comes Theobaldus iacinctos rubetos, Optimates & Principes diuersorum colorum & valitudinum pretiosas margaritas vltro offerentes, nos ipsos ad peragendum gloriosè inuitabant. Præterea tot venales ab omnibus penè terrarum partibus nobis afferebantur, & vnde eas emeremus Deo donante offerebantur, ut eas sine pudore magno, & Sanctorum offensa dimittere nequiremus. Hic & alibi experiri potuimus: Sit bonum opus in voluntate, ex Dei adiutorio erit in perfectione. Hoc itaque ornamentum tantorum deuotione, tantis protectoribus commodatum, si quis temerario ausu auferre, aut scienter minuere praesumpserit, domni Dionysij offensam, & Spiritus sancti mucrone perfodi mereatur.

Nec illuc etiam silere dignum duximus, quod dum praefatum noui augmenti opus capitellis & arcubus superioribus, & ad altitudinis cacumen produceretur, cum necdum principales arcus singulariter veluti voltarum cumulo cohærent, **B** terribilis & penè tolerabilis obnubilatione nubium, inundatione imbrium, impetu validissimo ventorum subito tempestatis exorta est procella: quæ usque adeo inualuit, ut non solum validas domos, sed etiam lapideas turres, & ligneas tristesque concusserit. Ea tempestate quadam die anniuersario gloriosi Dagoberti Regis, cum venerabilis Carnotensis Episcopus Gaufridus Missas gratiarum pro anima eiusdem in Conuentu ad altare principale festiuè celebraret, tantus oppositorum ventorum impetus praefatos arcus nullo suffultos podio, nullis renitentes suffragiis impingebant, ut miserabiliter tremuli, & quasi hinc & inde fluctuantes subito pestiferam minarentur ruinam. Quorum quidem, operturarumque impulsionem cum Episcopus expauesceret, sæpe manum benedictionis in ea parte extendebat, & brachium sancti senis Simeonis signando instanter opponebat, ut manifestè nulla sui constantia, sed sola Dei pietate, & Sanctorum merito ruinam euadere appareret. Sicque cum multis in locis firmissimis ut putabatur ædificiis multa ruinarum incommoda intulisset, virtute repulsa diuina, titubantibus in alto solis & recentibus arcubus, nihil proferre praualuit incommodi.

SECVTVM est aliud dignum memoriâ factum, quod non ex accidenti, sicut de talibus iudicant qui illi consentiunt sectæ, videlicet quod foris incerta vagatur, fertque refertque vices, & habent mortalia casus: sed diuina largitione, quæ in se sperantibus magnis & paruis in omnibus prouidet affluenter, & quæ nouit profutura administrat. Cum enim quadam die de apparatu proximæ consecrationis Curia, quia maximam fore praestolabamur, & cum amicis, & ministerialibus, & villicis nostris ageremus, & pro temporum grauitate (mense enim Iunio pene omnia victualia cara erant) de aliis faustè satis prouidissemus, hoc nos solum grauiter offende- **C** bat, quod carnes arietinas propter ouium quæ eodem anno extiterant morticina, Aurelianensium pago, & versus Burgundiam quæritare oporteret. Cumque mille solidos, aut quantum oporteret ob hoc illuc pergētibz dari grauiter ne tardè redirent, quia serò incoeperant, præcepissent, sequente mane, cum de camerula nostra ad sancti sacrificij ex consuetudine accelerarem celebrationem, subito quidam de Fratribus albis Monachus renitentem ad cameram me retrahit. In quem aliquantisper, quia nos à tanto impediēbat opere, commotus, cum minus benè respondissem: Audiuius, inquit, Domine Pater, vos ad instantem consecrationis vestrae solemnitatē arietinis carnibus indigere, & inde à Fratribz nostris missus arietum gregem maximum paternitati vestrae adduco, ut quod vobis placuerit retineatis, & quod non placuerit nobis dimittatis. Quo audito, ut post Missas nos expectaret præcepimus, & quod offerebant eo praesente finita Missa nostris retulimus, qui hoc ipsum diuinæ ascribebant largitioni, eò quod hoc solum quod deerat, quod quærendo fatigaremur, inopinatè religiosorum Fratrum de- portatione delegasset. Urgebat deinceps nouæ fieri consecrationem Ecclesiae, tam

A operis laboriosa consummatio, quàm nostra, quæ ad hoc diu anhelauerat, suspensa deuotio. Et quoniam tam ipsam quàm Sanctorum dominorum nostrorum velut pro gratiarum actione, & laboris nostri gratissimo fructu, translationem fieri celeberrimam optando affectaremus, Regiæ Maiestatis serenissimi Regis Francorum **LVDOVICI** placido fauore: (desiderabat enim sanctos Martyres suos protectores ardentissimè videre) diem agendi secunda Iunij Dominica, videlicet **III. Idus**, quod est Barnabæ Apostoli, consultè assignauimus.

LVDOVICVS
VII. IV-
NIOR.

INVITATORIAS itaque nuntiis multis etiam cursoribus & præambulis penè per vniuersas Galliarum regiones Literas delegauimus, Archiepiscopos, Episcopos, ex parte Sanctorum, & debito Apostolatus eorum tantæ interesse solemnitati votiuè sollicitauimus. Quorum cum multos & diuersos ad hoc peragendum gratanter, gratantiùs omnes si fieri posset exceperemus: Ipse domnus Rex **LVDOVICVS** & Regina coniux eius **ANOR**, & mater eius, & Regni Optimates perendie aduentarunt. De diuersis nationum & Regnorum Proceribus, nobilibus, & gregariis militum & peditum turmis, nulla suppetit computatio. Archiepiscoporum verò & Episcoporum assistentium hæc intitulata sunt nomina. Samson Remensis Archiepiscopus, Hugo Rotomagensis Archiepiscopus, Guido Senonum Archiepiscopus, Theobaldus Cantuariensis Archiepiscopus, Gaufridus Carnoti Episcopus, Ioslenus Suefforum Episcopus, Simon Nouiomis Episcopus, Elias Aurelianus Episcopus, Odo Beluaci Episcopus, Hugo Autissiodori Episcopus, **B** Aluifus Atrebatii Episcopus, Guido Catalaunus Episcopus, Algarus Constantiarum Episcopus, Rotocus Ebroicensis Episcopus, Milo Teruanensis Episcopus, Manasses Meldis Episcopus, Petrus Siluanectis Episcopus. Qui omnes cum gloriosè ex altioribus Ecclesiæ suæ personis pro tanta & tam nobili actione tanto spectaculo accessissent, interiorum mentis & cordis intentionem cultus & habitus exterior designauit. Nos autem non tantum exterioribus, (ea enim affluenter sine querela exhiberi præceperamus) die Sabbati proxima Sanctorum corpora de suis assumptis Oratoriis, ex consuetudine in palliatis tentoriis in exitu chori decentissimè reponendo locauimus. Sacramentalia consecrationis instrumenta deuotè tantum gaudium præstolantes præparabamus, quo intenta tantarum personarum, tam sancta expeditè Ecclesiam intus & extra perlustrare posset processio, componebamus. Vnde cum gloriosum & humillimum Francorum Regem Ludouicum, ut per Optimates & nobiles suos ab ipsa processione obuientem arceret turbam humiliter rogassemus, humiliùs satis per se ipsum & per suos hoc se libenter facturum respondit.

PERNOCTANTES itaque tota nocte vespertina matutinorum synaxi in laudem diuinitatis, Iesum Christum Dominum nostrum propitiationem pro peccatis nostris factum, quatinus pro suo honore, & Sanctorum suorum amore, sanctum locum misericorditer visitare, & sacris actionibus non tantum potentialiter, sed etiam personaliter adesse dignaretur, deuotissimè flagitabamus. Igitur summo **C** manè Archiepiscopi, Episcopi, de propriis hospitibus cum Archidiaconis, & Abbatibus, & aliis honestis personis, ad Ecclesiam accedentes episcopaliter se componebant, & ad dolium pro consecratione aquarum superius inter sanctorum Martyrum sepulturas, & sancti Saluatoris altare, satis decenter, satis venerabiliter assistebant. Videres, & qui aderant non sine deuotione magna videbant, tot tantorum choream Pontificum vestibus albis decoram, mitris Pontificalibus & circinatis aurifrisiis pretiosis admodum comatam, Pastorales virgas manibus tenere, circumcirca dolium ambire, nomen Domini exorcizando inuocare, tam gloriosos & admirabiles viros æterni sponsi nuptias tam piè celebrare, ut potius chorus celestis quàm terrenus, opus diuinum quàm humanum, tam Regi quàm assistenti nobilitati videretur apparere. Populus enim pro intolerabili magnitudinis suæ impetu foris agebatur, & dum chorus præfatus aquam benedictam extra, hyssopo Ecclesiæ parietes virtuosè aspergendo, proiebat, Rex ipse eiusque Decuriones tumultuosum impetum arcebant, & virgis & baculis regredientes ad portas protegebant.

VT autem pactis ordinariè sanctæ consecrationis mysteriis ventum est ad sanctorum reliquiarum repositionem, ad Sanctorum dominorum nostrorum antiquos & venerandos tumulos accessimus, (neque enim adhuc de loco suo mota erant.)

LVDOVICVS
VII. IV-
NIOR.

Prosternentes autem se tam ipsi Pontifices, quàm Dominus Rex, & nos omnes, A
quantum pro loci angustia permittebamur, inspectis isto operto venerandis scri-
niis Rege Dagoberto fabricatis, in quibus sanctissima, & Deo chara eorum conti-
nebantur corpora, gaudio inæstimabili psallebant & flebant, Regémque tam de-
uotum quàm humilem accersientes: Vade, inquit, & tu ipse manibus tuis Do-
minum & Apostolum, & protectorem nostrum huc afferre adiuua, vt sacratissimos
cineres veneremur, sacratissimas urnas amplectamur, toto tempore vitæ nostræ
eas suscepisse, eas tenuisse gratulemur. Hi sunt enim sancti viri, qui pro testa-
mento Dei sua corpora tradiderunt, qui pro salute nostra charitatis igne accensi
terram suam & cognationem exierunt, qui fidem Iesu Christi Apostolica auctori-
tate omnem Galliam edocuerunt, pro eo viriliter certauerunt, nudi virgas, ligati
feroces & famelicas bestias compefcuerunt, equulei extensionem, clibani succen-
sionem illæsi, demúmque hebetatis securibus decapitationem felicem sustinue-
runt. Age igitur Rex Christianissime, beatum suscipiamus susceptorem nostrum
Dionysium suppliciter flagitantes, vt pro nobis petat ab eo qui fideliter promisit,
Dilectio & benignitas, quam habes semper pro quibuscumque petieris impetrabit. Protinus
lacerti mouentur, brachia extenduntur, tot & tantæ manus mittuntur, quòd nec
etiam septima manus ipsa sancta scrinia attingere valeret. Eapropter ipse Domi-
nus Rex se medium eis ingerens, lecticam argenteam specialis patroni de manu
Episcoporum, sicut videtur, de manu Remensis Archiepiscopi, Senonensis, Car- B
notensis, & aliorum assumens, tam deuotè quàm honestè præuius egrediebatur.
Mirabile visu, nunquam talem, præter illam quæ in antiqua consecratione cœle-
stis exercitus visa est processionem, aliquis videre potuit, cùm sanctorum corpora
Martyrum & Confessorum de tentoriis palliatis humeris & collis Episcoporum &
Comitum & Baronum, sanctissimo Dionysio, sociisque eius ad eburneum ostium
occurrerunt: per claustrum cum candelabris & crucibus & aliis festiuis ornamen-
tis, cum odibus & laudibus multis processerunt: dominos suos tam familiariter, quàm
præ gaudio lacrymabiliter deportauerunt. Nullo vnquam maiori in omnibus po-
tuerunt gaudio sublimari.

REVERTENTES igitur ad Ecclesiam, & per gradus ad altare superius quieti
Sanctorum destinatum ascendentes, super antiquum altare pignoribus Sanctorum
repositis, de noua ante nouam eorum sepulturam consecranda agebatur principali
ara; quam domino Remensi Archiepiscopo Samsoni imposuimus consecrandam.
Agebatur etiam de aliis tam gloriosè quàm solemniter aris viginti consecrandis,
quarum illam quæ in medio Saluatori nostro, & sanctorum choro Angelorum, &
sanctæ Cruci affig ** *Reliqua defunt.*

A



CHRONICON MORIGNIACENSIS MONASTERII.

Ab anno Christi MCVIII. vsque ad annum MCXLVII. quo Rex
LVDOVICVS VII. in Terram sanctam profectus est.

AVCTORIBVS TEVLFO ET ALIIS EIVSDEM
LOCI MONACHIS.

B

Ex Bibliotheca Viri Cl. Alexandri Petauij Senatoris Parisiensis.

LIBER PRIMVS, CUIVS MAIOR PARS DEEST.



NOVERITIS, ô posteri nostri, diabolum & angelos eius primordiis huius Ecclesiæ multum inuidisse, crebris eam impugnationibus vexauisse, tribulationes sæpè graues concitauisse, & penitus eam extinguere tentauisse. Sed Dominus proreta bonus nauim suam per hoc mare magnum & spaciosum currentem, à vertiginibus vndarum, à vorticibus fluctuum, à turbinibus ventorum semper eripuit. Qui etsi quando dormire visus est, tamen lacrymis & precibus seruulorum suorum pulsatus euigilauit, ventis & mari vt conquiescerent imperauit, & vt tempestatem magnam magna tranquillitas sequeretur, gratiâ sua effecit. Cauete ergo, ô posteri nostri, cauete ab hostibus tam immanibus, qui non transeunt nobis transeuntibus, qui non dormiunt nobis dormientibus, qui non moriuntur nobis morientibus. Numerositas autem tribulationum nostrarum frequentius occasiones accepit ex similitate Abbatum & Monachorum inuicem inuidentium, inuicem mordentium. Atqui hostis malignus, quo nihil est malignius, eo loco vulnus infligit libentiùs, quò mortem infert faciliùs. Hostis enim hostem citiùs volens extinguere, non manum aut pedem amputat, non aures aut nares truncat, non orbes eruit, non alias corporis partes impetit: sed cruento gladio caput à ceruice rescindit, & ita facile vno vulnere omnia membra occidit. Sic & diabolum Congregationem totam quærens occidere, Abbatem à Congregatione quasi caput à corpore, gladio discordiæ satagit separare. Quomodo enim poterit corpus animantis viuere sublato capite? Hic facio finem, ne quem scribendo fatigem.

MEDIETATEM Stripiniacensis Ecclesiæ dedit nobis, sicut in principio dictum est, Ansellus filius Arenbergi, alteram medietatem Haimo filius Senehildis de Firmitate Bauduini, necnon & Verruinas. Echenuillerum autem dederunt nobis duo nobiles viri Goffredus & Henbardus frater eius Pirueris oriundi. Ecclesias de Firmitate Bauduini GUIDO TROSSELLVS huius loci fidelissimus, concedentibus vxore sua ADELAIDE, & patre suo MILONE Vicecomite, & matre sua Vicecomitissa. quæ præcedente nocte per somnium viderat ramum oleaginum se manu tenere. Nos autem ab ipsa audientes somnium, omnes diximus, competenter ad id quod clementer & diuinitus ab eis nobis tribuebatur pertinere. Ecclesiam de Boujnis & terram & lucum dederunt nobis duo fratres, Goffridus & Bernardus, Helia Monacho nostro eorum consanguineo eos ad hoc ani-

LUDOVICVS
VI. GROS-
SVS.

mantē. Ecclesiam S. Iuliani, vbi antea fuerat Abbatia Sanctimonialium, dedit A nobis Emmauricus Stampensis oppidanus, vir egregius, filiis suis & vxore concedentibus: quam multi Monachi etiam data multa pecunia voluerunt nobis subtrahere. Ecclesiam de Guineuilla dedit nobis Bernodalius nobilissimus de Firmitate, & vxor eius Mathildis, quæ nobis fecit thuribulum argenteum magnum, & calicem similiter argenteum deauratum, quæ & prima Ecclesiæ fundamina iecit, & in aliquantam altitudinem eduxit, & Lisiardus Flandrensis filius eorum, qui nobis vitream maiorem in capitis fecit. Ecclesiam S. Germani primam partem dedit nobis noster Ansellus, secundam Helias prædictus, tertiam & quartam filij Alberæ Vrso & Arnaldus. quintam vel sextam necdum habebamus tunc quando ista scribebamus, sed quandoque nostram futuram esse non dubitabamus. Ecclesiam de Bona dedit nobis Milo Rainardi filius. Ecclesiam de Serni dedit nobis Bernodalius Porinus. Ecclesiam de Verres dedit nobis Engcnulfus. Ecclesiam de Cesiaco Elizabeth de Maci. Ecclesiam S. Ebrulfi Segoredus. Belouillam dedit nobis Herbertus Bornius erga nos largissimus, cuius animam beatificet Christus. Ecclesias de Stampis veteribus, id est S. Martini, S. Albani, S. Medardi, dedit nobis Rex PHILIPPVS, & Literis Regalibus dationem hanc confirmauit, & LUDOVICO Regi designato filio suo, vt id ipsum concederet præcepit. Qui Ludouicus, assumptis secum EMMAVRICO MONTIS-FORTIS Domino, & Simone Nealphæ, in Capitulum nostrum venit, participium beneficiorum nostrorum humiliter petiit & accepit. donum quod Rex pater suus nobis fecerat concessit, & sumptas in manibus Literas super altare posuit, & ita donum patris confirmauit. Ecclesiam de Bolreto dedit nobis Arraudus de Corboilo. Villam, quæ dicitur Mesuns, tali modo conquisiuius, immò non villam, sed desertum. Terra illa erat Sanctimonialium S. Eligij, sed eam redegerat in desertum multitudo inuasorum, & incurfus crebra prædonum. Nos autem Abbatissæ & ceteris Sanctimonialibus data pecunia condigna, & annuo censu denominato, concedentibus omnibus quorum combentia de his expetenda erat, terram prædictam diu incultam accepimus excolendam. Cùmque in omni congregatione nostra aliquem tanto labori aptum quæreremus, & non inueniremus, Bauduinus ille, de quo longè supra mentionem feci, quem in Monasterij, & in Dormitorij opere tantum laborasse narraui, nunc quoque adhuc laboris immensitate imperterritus, vltro se obrulit, & pro Fratrum suorum vtilitate pondus penè importabile insumpsit. Quibus verbis viri huius labores referam, quibus iterum in ædificatione villæ laborauit? Credo quòd nec ipse qui passus est facillè referre posset. Locum diu incultum excoluit. Vepres & tribulos, filices & dumos, & cetera rudera terræ visceribus inhærentia, nunc aratro, nunc ligonibus, nunc ceteris rusticolarum armis eradicauit. Hospites oblatios penè octoginta inibi congregauit. Quidam viri impij videntes ita locum proficere, cœperunt laceßere, & calumnias quasdam inferre facere. Quorum alij sibi minaciter expetebant fursuragium, alij gallinagium, alij tutamentum, quod vulgo dicitur tensamentum. Mea est, aiebat iste, viaria. Ille petebat illa, iste ista. & ita Baudeuinum nostrum, & verè nostrum, tribulabant vexatione continua. Ille pro posse vnus multis obsistebat, & nunc placitando, nunc pecuniam dando, impetus irruentium refringebat. Hac necessitate compulsus, tempore messis totam propè Belsiam circuibat, obdurata fronte ab omnibus annonam petebat: de qua aliquanta conquisita pecunia, tyrannidem impetentium leniebat, & terram à consuetudinariis grauaminibus releuabat. Quodam messis tempore, cùm nimio tibiæ, surarum, vel pedum dolore laboraret, & neque pede neque equo ire valeret, eo vehiculo, quod vulgo birotum dicitur, circumferri per Belsiam ad petendam annonam piè frontosus non erubuit, imò erubescere quàm cœpta non perficere maluit. Homo tantæ deuotionis Bauduinus erga locum hunc extitit. Retribuat ei Deus quæ benè, probè, fideliter gessit. Nec solum illi, sed & omnibus huius loci extruitoribus, prouectoribus, tutoribus, vel quocumque modo sustantiatoribus misereatur Deus. Mihi quoque TEVLFØ, qui hæc dictaui, qui nescio vtrum aliquid vñquam huic loco profecerim, excepto quòd totam Bibliothecam hanc à Genesi vsque ad vltimam Pauli Epistolam, Augustinum de Trinitate Dei, de Verbis Domini super Iohannem, Moralia Gregorij, & quosdam alios prout melius potui emendaui, & accentus distinxi. Qui diu

A diu Præcentor fui, postea verò Prioratum regere temptavi. sed ita regere ut dignum foret, partim ignorantia, partim incuriâ, partim infirmitate non corporis, sed morum, præpediente, non potui. Qui hæc legeris, obtestor te per dulcissimum nomen Domini mei I E S U C H R I S T I, ut affectu quo poteris dicas. O Deus natura misericors, misericordiam impendendo miserator, qui omnium misereris, precor miserere Te ulso misericordiæ tuæ indigo. Quod si viscera tua à me clauderis, & precem meam surda aure transieris, in Deum, qui caritas est, & in me peccabis.

LEODOVICVS
VI. GROS-
SVS.

LIBER SECVNDVS.

P R O L O G V S.



EGITVR in Libro, qui *Actus Apostolorum* inscribitur, in primitiua Ecclesia tantam plebis deuotionem fuisse, & ita populi Christiani floruisse primitias, ut post acceptam fidem nemo domum, vel aliquid suum propriam possideret: sed iure fraternitatis essent illis omnia communia.

B scilicet ut qui eodem consortio religionis tenebantur, eodem consortio fruerebantur & uitæ. Nefas enim putabant religiosi viri cum sibi participem non asciscere in substantia, qui particeps esset in gratia. Sic enim ibi scriptum est. Quotquot possidiores agrorum aut domorum erant, vendentes afferebant precia eorum quæ vendebant, & ponebant ante pedes Apostolorum, & distribuebantur unicuique prout opus erat. Et hac siquidem consuetudo per quorundam, qui in Ecclesia religiosiores erant, felicem successionem usque ad tempora beati V R B A N I Papæ & Martyris emanauit. Sed vir Deo plenus, & sanguinis testimonio sequens agnum, utili dispensatione prouidit, vel prouisione dispensauit, ut possessiones non venderentur, sed Ecclesiis à fidelibus traderentur: quatinus hi, qui diuino seruitio mancipati ieiuniis & orationibus vacabant, facultates haberent unde sustentari potuissent. Ab illo igitur tempore usque ad nostram ætatem terrenis opibus mirabiliter excreuit Ecclesia. Cum enim, iuxta vaticinium Isaia, labor Egypti & negociatio Ethiopia, virique sullimes seculi videlicet istius Principes ad Ecclesiam venirent, tot tantisque possessionum beneficiis eam per diuersa loca totius huius Orbis ditauerunt, ut nulla hominum memoria, nulloque sermone valeat comprehendere. Id verò intra Gallias permaximè factum est. Nam C L O D O V E V S, qui primus Francorum Rex à beato Remigio Remensium Archiepiscopo baptizatus, titulo Christianitatis meruit insigniri: plurimique post eum Reges liberalissima munificentia vel Ecclesias fundauere, vel fundatas ab aliis ipsi suis muneribus amplificare studuerunt. Proceres verò Regni eiusdem gratia cupientes fieri participes, alique omnium generum viri ad tam celeberrimum opus pro possibilitate sua tota mentis alacritate currebant. Vnde post aliquanto tempore factum est, ut palea, quæ intra Ecclesiam erant, diuitiis intumescerent, & nostri etiam Ordinis professores, quod non sine gemitu dicendum est, Religione calcata, post concupiscentias suas effluerent. Ceterum ille, qui tempore Helia septem milia virorum sibi reliquit, qui non curauerunt genua sua ante Baal, quadam vasa misericordia nostris temporibus reseruauit, viros scilicet bonos & religionis amatores, qui Christi paupertatis & humilitatis sectatores, multos ad admirationem sui imitationemque prouocauerunt. Alij verò quidam, qui tantum gratia munus non merebantur assequi, ut sumerent psallium, tympanum dabant, seminantes carnalia ut meterent spiritalia, de suis fa-

LYDOVICVS
VI. GROS-
SVS.

cultatibus & possessionibus nouiciis Ecclesus, & quasi Christi pauperibus libentius A erogabant. Inter quos Ansellus quidam annis & consilio strenuus, religione & familiaritate Flauiacensium Monachorum prouocatus, primum quidem Ecclesiam Stripiniaci, & qua in villa illa possidebat, Monachis Flauiacensibus obtulit, ac deinde MAVRINIACENSE pradium, in quo Ecclesia ista in honore sanctæ Trinitatis fundata est, Christi gratiâ præeunte contulit. & quoniam penè omnia, quæ fundamento huius Ecclesiæ usque ad nostra tempora decucurrerunt, à TEVLFO quodam, qui iuuenis in Ecclesia ista nutritus, in Abbatem Monasterij sanctorum Crispini & Crispiniani apud Sueffonicam urbem promotus est, superiore Libro veraciter edita sunt, eorum quæ vidimus & audiuimus pauca prælibantes, quæ necessaria indicauimus posteritati transmittere curauimus.

EXPLICIT PROLOGVS.

INCIPIT LIBER SECVNDVS.

1108. **A**NNO incarnati Verbi MCVIII. PHILIPPVS Rex Francorum apud Miledunum castrum rebus humanis exemptus, iuxta votum & deliberationem suam Monasterio Floriaco, quod in honore sancti Benedicti super fluuium Ligerim situm est, honorificè tumulatur. Fuit hic vir miræ prudentiæ, & erga istum locum, qui suo tempore cœpit, & beniuolentissimus & munificentissimus. Cùmque videret Abbatiam istam Procerum suorum virorum Stampensium donis supra spem excrecere, vir altioris ingenij vt eam in eleemosynam possideret, emit eam ab Ebrardo, de cuius feodo pendeat, qui dominus Puteoli habebatur, & Hierusalem proficiscebatur. Successit autem ei in Regnum LYDOVICVS filius eius, homo simplicis naturæ, magnanimus, atque in militia præclarus. Qui in dilectione & amplificatione huius Ecclesiæ, vt boni patris bonus filius, per omnia decessorem suum imitatus est: nisi quod in negotio, quod inter nos & Canonicos Stampenses habitum est, quorundam consilio deturbatus aliquantisper aberrauit. Regni eius anno II. RAINALDVS huius loci primus Abbas post innumerabiles prosperitatum & aduersitatum deinimicationes viam vniuersæ carnis ingreditur, & in Capitulo nostro sepultus vltimum Saluatoris aduentum expectat. Conuenientes in vnum Fratres, & de electione, sicut Ecclesiastica consuetudo requirit, tractantes, TEVLFVM illum, de quo in Prologo fecimus mentionem, hominem bonæ famæ & satis litteratum, ex Prioratu promouent in Abbatem. Sed solita facilitate vsi eorum quidam contumeliis eum afficiunt, & antequam consecraretur, à promotione deiciunt. Consilio tamen quorundam sapientium adquiescens, voluntatibus eorum & ipse consensit. Igitur aliis alia sentientibus, cùm de eligenda persona, sicut moris est, diu sententia titubasset, tandem HVGONI cuidam iuueni satis eleganti, & post primores regionis huius claris natalibus oriundo, communi decreto se supponunt. Regem præterea, qui id omninò fieri prohibuerat, dictis ambiguis refellentes, electum suum ad consecrandum Senones ducunt, & per illius amicorum interuentum Rege reconciliato, Abbate potiuntur optato. At ille nondum anni circulo completo, contradicentibus sibi & amicis & familiaribus, sponte suam Abbatiam dimittit, & Ecclesiam sancti Iuliani prope Turrim Brunichildis sitam sortitus est, ibique priuatam degens vitam morabatur dum scriberentur hæc. Ea tempestate, nimietate famis tota Gallia laborabat, sicque per septem continuos annos eorum omnium quæ victui necessaria sunt inopia grassata est, vt multos enecaret, innumerabiles etiam locupletes deduceret ad pauperiem. Qua de causâ omnibus propriis necessitatibus intentis, beneficia Stampensium, quibus Ecclesia hæc à fundamento sustentata est, penitus defecerunt: conturbatis & nimium anxiiis omnibus huius loci habitatoribus, & Abbatis absentia, & omnium rerum penuria. Denique cùm ex aliis Monasteriis personas expeterent, quas non potuissent adipisci, ad Ecclesiam

A Columbensē, cum qua maximam societatis familiaritatem habebant, recurrunt, & THOMAM illum, de quo superiore Libro mentio facta est, ætate quidem iuuenem, sed litteris præditum, veluti quodam iure reposcunt. Nam sub Abbate Alberto scholis secularibus abnegatis, in Ecclesia hac Monachum professus fuerat, & Columbis per decennium vitæ claustrēsi & litterarū studio deditus demoratus est. Benedictione paulò post Epiphaniarum diēs regulariter percepta, magnis & Fratrum suorum & totius populi fauoribus excipitur. Satis namque & amabilis & affabilis erat, & omnes qui eum nouerant mouebat ad pietatem, quòd in tantam veniebat paupertatem. Sic enim & temporis importunitates, & Abbatis abscessione, omnia temporalia bona deperierant, vt nihil eorum seu panis seu vini, seu pecudum, seu aliarum necessariorum rerum penitus haberetur. Magno res erat in periculo. Mirare qui legis hæc, & antiquorum nostrorum laudam constantiam, qui per tot penurias, per tot tribulationes hoc in loco perseuerauerunt, & ædificia omnia hæc quæ cernis ex pauperum eleemosynis construxerunt. Non Rex, non Comes, non aliquis Magnatum horum aliquid instituit. THOMAS autem intolerabili paupertate comperta, primum quidem vehementer expauit, ac deinde solius fugæ remedium cogitans, abscedere temptauit. Sed se loci huius Monachum recognoscens, bonorum virorum consilio refocillatus est. Primo igitur consecrationis suæ anno in Ecclesia beatæ Mariæ Stampis diuinum sermonem, cuius rei maximam gratiam habebat, fecit ad populum. Cui vir magnificus ANSELVS Dapifer & Consiliarius Regis cum multis nobilibus & castri Proceribus interfuit. Quæ occasione familiaritate illius percepta, in necessitatibus huius Ecclesiæ & prouidum Consiliarium & optimum auxiliatorem multotiens habuit. Nam Robertum quoque de Ocunvilla malignum & raptorem hominem, qui maximam partem terræ de Mesuns calumniabatur, huius auxilio depulsauit. In quo sedulitas & instantia Abbatis laudanda est vehementer, qui nec nouitate sua, nec paupertate detentus est. Sed cum nec etiam proprium equum haberet, super quem ascenderet, non prius à proposito destitit, quàm Proceribus huius castri sæpius adunatis, & ad placita conductis, calumniatorem à falsis spebus penitus exueret.

B VIAM tritam atque Regalem, quæ inter Ecclesiam & vineas erat, & honestati prouidens & vtilitati, multis sibi contradicentibus, & inde ad odium prouocatis, obstruxit. Diuina prædicatione populo sibi consiliato, confraternitatem instituit, per quam & pars Ecclesiæ cooperta, & vitrea illa magna, quæ in fronte Naui Ecclesiæ habetur, inter cetera facta fuit. Monachi de Sancto Yonio censum VI. solidorum diu nobis abstulerant. De quo RAINALDVS Abbas ante Yuonem Episcopum Carnotensem placitum acceperat. & quia nec interfuerat, nec legitimè contramandauerat, deciderat à causa. Sed Thoma anitente, rursus ad rectitudinem Monachi reuocantur, & quod aliquibus nouum fuit, quatinus ad caput causæ rediretur iudicatum est. Neque enim personæ negligentia proprium ius Ecclesia debet amittere, sed mortua, vel mutata persona, potest qui succedit infra canonicum terminum iustitiam requirere. Ibi Monachis deficientibus, per Paganum Sancti Yonij dominum, & Henricum venerabilem de Longoponte Priorem, pluribus coram positis testibus, res ad hunc finem deducta est, vt quod amissum erat condonaretur, & census vno quoque anno redderetur, sicut in Literis quæ de hoc factæ sunt plenius continetur. Sed de his hætenus. eorum verò quæ magna cura magnisque sumptibus indiguerunt, quædam dicenda sunt. Ante illius aduentum amplissimam terram, quæ Belotiulla dicitur, miles quidam Herbertus nomine veniens ad extrema huic Ecclesiæ dederat. Sed renitente Goffredo quodam, qui sororem Herberti in coniugio habebat, adhuc inculta erat. Datis igitur viro denariorum libris decem, vxori eius, & vxoris sorori, quæ domi habebatur, solidis quadraginta, VVlgrinum illum, cuius tot tantæque beneficia Libro superiore commemorantur, excellentissimum loci istius benefactorem, qui aliquantulum à dilectione nostra repuerat, blandis sermonibus excitauit, & ad excolendum terram vltra, si dici potest, quàm loci huius facultas pateretur, sibi plurima subministrauit. VVlgrinus verò totis nisibus rem aggreditur, & magno sumptu ædificia fabricauit, carrucas instituit, peculium aggregauit. Res erat in augmento dum scribe-

LVDOVICVS
VI. GROS-
SVS.

remus ista, & magnis existimationibus, ut à panis penuria, quam ab initio omni-
bus penè annis patiebamur, erueret nos, pascebat animos nostros. Hisdem ferè
temporibus Abbas commonitus à Fratribus, quatinus in selemnitate beati Mar-
tini, quæ hyemalis dicitur, ad Ecclesiam veterum Stamparum in honore eiusdem
Confessoris dedicatam, quam PHILIPPVS Rex dederat, præceptoque firma-
uerat, pergeret, Missamque cantare deberet, adqueiuit. Sed Canonicis recla-
mantibus atque rebellantibus, ægrè repulsus est. Sapienti vsus consilio tumultum
deuitauit, & quàm festinanter ad Regem se contulit. Pandit iniuriam, mo-
destè conqueritur, libenter exauditur. Impetrat denique ANSELLI Dapiferi
fretus auxilio, ut Clerici Stampis in Palatio in vnum congregarentur, donoque
consentirent. Ipse quoque Rex, quod antea non fecerat, Scripto proprioque si-
gillo donum confirmauit. Cuius exemplum infra scriptum est. Sic de dono Ec-
clesiarum veterum Stamparum, quantum ad Regiam potestatem pertinebat, dif-
finitum est. Ceterum Abbas ex bonis successibus audendi maiora spem concipi-
ens, Ansello mediante Regi supplicat, ut ipse Senonensem Archiepiscopum, in
cuius diocesi Ecclesiæ illæ sunt, rogaret, quatinus elemosynam suam laudaret at-
que confirmaret. Petitione laudata, auxilium promisit, & ut se Miledunum se-
queretur, vbi ei Archiepiscopus occurrebat, admonuit. Regebat tum Senonen-
sem Ecclesiam DAIMBERTVS, vir æquè nobilis atque sapiens, sed qui in di-
lectione huius Ecclesiæ minimè per omnia prædecessorem suum RICHERIVM
hominem placidæ mentis imitaretur. Regis precibus auditis, primò quidem ve-
hementissimè cœpit obniti. Monachos impetuosos atque rebelles Episcopis exi-
stere, conquerebatur. Tandem verò Regis multorumque Procerum interuenti-
bus atque ratione deuictus, Clericorum suorum consilium necessarium sibi fore
respondit, & ut Abbas ad eum Senones veniret indixit. Ipse verò Archipresby-
terum suum nomine Radulfum loci huius amatorem Stampas misit, qui Clericos
congregaret, & si consentirent vel reclamarent audiret, sibi que renunciaret. Com-
pleuit ille iussa, atque in Ecclesia beatæ Mariæ Clericis congregatis, simulque co-
ram multis testibus assensum præbentibus, ipse quod audierat per seipsum ad Ar-
chiepiscopum reportauit. Cum maximis igitur difficultatibus, quas breuitatis
gratiâ scribere supersedimus, Abbas impetrauit, ut Archiepiscopus dono consen-
tiret, & proprio Priuilegio sicut Ecclesiastica requirit consuetudo, muniret. Voto
demum potitus, & donum de manu Archiepiscopi suscepit, & Priuilegium quod
apud nos habetur detulit in hæc verba.

IN nomine Domini. DAIMBERTVS Archiepiscopus. Sciant presentes pariter
& futuri, quoniam venerabilis Frater Abbas Mauriniacensis Cænobiū nomine THOMAS,
accedens humiliter ad Metropolitanam Sedem nostram, cum omni deuotione & humilitate
nobis supplicauit, ut Ecclesiam de veteribus Stampis in honore Domini & commemoratione
beati Martini dedicatam sibi & successoribus suis perpetuò possidendam concederemus, si-
cut PHILIPPVS Rex & LVDOVICVS filius eius itidem Rex sibi donum fece-
rant. Eandem enim Ecclesiam ipsi Reges MAVRINIACENSI Cænobio Regia lar-
gitate iam prius attribuerant, & ut ipsam largitionem confirmaremus Regia nos pre-
ces incitabant. Nos autem illud potius Dominicum attendentes, ubi dicitur, Petite &
& dabitur vobis, pulsate & aperietur vobis: Religiosi Fratris petitionem irritam esse
nequaquam sustinuimus, sed iuxta illud Euangelicum, Petenti cum fide, pulsanti cum
spe aperuimus: diuinus obtutibus placere, & Regiis precibus satisfacere, & fraterna uti-
litati providere sub vno opere nos posse credentes. Igitur ad laudem & honorem Domi-
ni, ex consensu & voluntate Fratrum, Canonicorum scilicet eiusdem Ecclesiæ, conce-
simus Mauriniacensi Cænobio prædictam Ecclesiam perpetuò possidendam. ea videlicet ra-
tione, ut Canonici presentes suas quamdiu vixerint in pace teneant præbendas. nisi for-
tè remota omni violentia Mauriniacensi Abbati eas quirere consentiant. Post obitum
verò singulorum, singula præbenda transcant in ius & dominium Mauriniacensis Ab-
batis. Saluo tamen iure Senonensis Ecclesiæ per omnia, à primis per medium vsque
ad ultimā. Data Senonis mense Ianuario, Indictione v. regnante LVDOVICO
Rege anno iv. Daimbertus Archiepiscopus subscripsit. Ansellus Archidiaconus subscri-
psit. Hato Archidiaconus subscripsit. Terbaudus Archidiaconus subscripsit. Girardus
Archidiaconus subscripsit. Burchardus Archidiaconus subscripsit. Girardus Cancellarius
scripsit.

A Er donum quidem Regis & assensus Pontificis taliter habent. Quibus ita prosperè gestis, Abbas ut rem ad vnguem deduceret, Romam pergere disposuit, Canonico quodam Carnotensi Pagano cognomine, homine dirissimo, & huius loci benefactore, id sibi potius admonente. Sumptis igitur quæ huic operi necessaria sunt, cum ALBERICO Monacho nostro simplice & bono viro, comite etiam Pagano, Romam profectus est. Ibi in Curia Romana per vnum mensem & eò amplius demoràs, à bonæ memoriæ Papa PASCHALI secundo meruit adipisci & Sedis Apostolicæ tuitionem, & doni istius confirmationem. Sed quæ ad Ecclesias veterum Stamparum pertinere videbantur, sufficienter ut arbitror explanata sunt. Crescebat autem & multiplicabatur vinea Domini, quæ in paupere loco plantata fuerat, & circumquaque palmites suos extendebat. Apud DORDINCHVM, quod Regium municipium est, Ecclesiam beati Petri adepta est. Apud Stripiniacum Guarladonius Ansellî nostri fundatoris filius, qui Hierusalem proficiscens Clusæ iacet, & Adelina soror illius, quæ in claustro nostro sita est, censum plus minus l. solidorum & dimidietatem viariæ huic Ecclesiæ dederunt. Bartholomeo tunc loci illius Priore, ut talia fierent, maximè procurante. Apud Firmitatem Bauduini Ecclesias Bonæ, quas MILO dederat & abstulerat, veniens ad nos & eas reddidit, & donum ampliavit. Rex quoque LVDOVICVS dimidietatem decimæ pedagij, quod apud Berouillam colligitur, nobis donauit, & x. solidos annui census, quos Regi debebamus, pro anima Ansellî Dapiferi sui condonauit. Nundinas etiam denominatas in festiuitate nostra æstiuâli incipientes, & tota hebdomada perdurantes, cum mercato, omnibûsq; consuetudinibus Regia munificentia contulit. GVIDO etiam Vicecomes Stampensium familiarissimus Abbati, & amicissimus huius loci, aliam dimidietatem decimæ supradicti pedagij, & decimam molendini, quem apud veteres Stampas habebat, & in Stamparum medio fluuio Calo hospitem vnum valde vtilem nobis dedit. Hic siquidem GVIDO illius magni Hugonis domini Puteoli, in cuius feodo Ecclesia ista fundata est, filius fuit. Qui sortitus vxorē MARCHI Stampensium Vicecomitis filiam, vnde sibi Vicecomitatus accidit, cum Proceres Fræcorum, & maximè cognati illius contra Regem LVDOVICVM rebellarēt, Abbate nostro super omnes instigante sanum cepit consilium, & per multa discrimina Regi fidelissimus extitit. De qua dissensione, quia se præbuit occasio, licet ad præsens negocium minimè pertinere videatur, tamen si ad posterorum cautelam aliquid prælibauerimus, non erit absque re. Quod ut planius fiat, ab origine mali oriendum est.

REGNANTE Philippo Rege, HAINRICVS Rex Anglorum, filius illius magni GVILLELMI, qui Normannorum Comes Angliæ Regnum vi militari adquisierat, ROBERTVM fratrem suum de Hierosolymis regressum bello cepit, & eo in vinculis tradito, Comitatum illius Regno suo sociauit. LVDOVICVS Rex designatus, & adhuc adolescens, quorundam suorum collateralium consilio deceptus, ut talia gererentur assensit. Patre sapiente viro sibi contradicente, & malum quod postea accidit spiritu præfago sibi prædicente. Fuit autem Henricus ille in diuitiis, & in regiminis sapientia, omnibus penè sui temporis Principibus incomparabilis. Habebat etiam ex sorore nepotem THEOBALDVM nomine Comitem Carnotensium, Blesensium, Meldensium, aliarumque multarum Prouinciarum. Qui Comes Palatinus, & intra Franciam secundus à Rege, diuitiis & nobilitate tumefactus, ab adolescentia sua velut hereditario bellorum iure Regem LVDOVICVM crepit infestare. Cuius occasione scandali tota Francia bellis accēsa est, Proceribus vtriusque partis id volentibus, & animos amborum ad odium inflammantibus. Inter quos HVGGO DE CRECIAGO velut horum omnium malorum fomes, impiis consiliis & facinoribus alios anteibat. Vir audax & manu promptus, simulator & dissimulator cuiusvis rei, oppressor pauperum, & agricolarum cupidus interemptor, qui omnia vellet vno momento & facinora & flagitia transuolare. Hic irreconcilialis inimicis Regiis velut minister diaboli furebat, & omnia quæ poterat circumquaq; vastabat. Fiunt hominum cædes, inter quos & Ansellus Regis Dapifer apud Puteolum castrum interfectus est. Omnibus conturbatis, Regnum aliquantulum titubauit, donec respexit ex alto qui cuncta disponit ab æterno, & impium Hugonem peccatis exigentibus taliter permisit illaqueari, ut & pax rebus humanis redderetur, & exemplum cauendæ traditionis posteritati relinqueretur. Ipse namque MILONEM DE MONTELIHERICO, optimæ indolis & strenuissimum in ar-

LVDOVICVS
VI. GROS-
SVS.

mis iuuenem, Dominum suum, cognatum suum, traditione cepit, & captum com-
pedibusque ligatum carcerali custodiæ mancipauit. Sed iuxta diuinum oracu-
lum, cecidit in foueam quam ipse parauit. & vnde sibi partem victoriam atque glo-
riam, Regique damnum intolerabile credebat, inde Regi gaudium exortum est in-
credibile, sibi verò detrimentum atque perpetuum dedecus. Domino pro meri-
tis ei digna reddente. Nam cum eum in vinculis diutius retinere non posset, re-
dimere verò atque dimittere non auderet, quoniam illum sibi acriorem hostem
futurum timeret, ductum per diuersa loca atque reductum, cum diu dubitaret
quid ageret, scelerum suorum enormitate ductus, & violentissimi dæmonis instin-
ctu tractus, nefandissimo & abominabili super omnia genere mortis, quod vulgo
murt vocatur, hominem innocentem nocte suffocauit, & per fenestram lignæ tur-
ris, in qua vinculatus erat, quasi si ipse MILLO diffugere voluisset, clanculo pro-
iecit. Inuentus mane, admirabilem stuporem, & inenarrabilem dolorem cunctis
videntibus & audientibus incussit. Traditor autem pallidus effectus, & tremen-
tibus labiis cum facie tormentum animi & infernalem conscientiam signis exterioribus
manifestissimè demonstrans, diuino iudicio suæ destructionis ad festinationem,
corpus permisit asportari, & apud Longum-pontem, quod regulare Cœno-
bium, & antecessorum MILONIS eleemosyna erat, sepeliri. Fama dicto citius
peruolante, ex vicinis oppidis, villis, atque municipiis, confluit omnis sexus. Mi-
rantur omnes, & sceleris inauditi nouitate perculsi lacrymas fundunt vberrimas,
& ad æthera clamorem sustollunt. Aduolat & Rex LVDOVICVS à Lutecia ci-
uitate, quæ Parisius appellatur, Procerum ac militum maximam multitudinem prose-
quente. Quo viso, atque lacrimante, fletus, dolores, gemitus multiplicantur, &
immensis clamoribus ab omnibus vindicta requiritur. Viro, sicut decebat, in clau-
stro decentissimè sepulto, feruentibus animis & impetu concitato concurritur
communiter ad arma, & castrum GVMET, quod vicinum erat, diuina eos du-
cente prouidentia inuadunt & capiunt. Terror vehemens HVGONEM occu-
pat, anathematizatur ab omnibus, relinquitur à suis, stupet in se, & testimonio
conscientiæ ligatus vires amittit. Fit mira atque lætissima mutatio rerum. Nam
cum traditor de morte Milonis se duellio purgare cogeretur in Curia AMAVRICI
DE MONTE-FORTI, post Palatinos Comites in prouincia ista viri excellentissi-
mi, cuius & ipse HVGONEM filiam paruulam desponsauerat, derelictus ab eo, in quo
spem singularem habebat, belli discrimen ingredi non ausus est. Sed conuictus,
& coram omnibus culpam profitens, ad pedes Regis se prostravit, veniam postu-
lauit, terram suam in manu illius dimisit, & Monachilem habitum illicò induit.
Rex Angliæ & Comes Theobaldus, velut amisso stimulo quo Ludouicum Regem
exagitabant, obstupescunt, & pacem expetunt. Quid plura? post horridam bel-
lorum tempestatem pacis serenitas arrisit, Regibus pacificatis, Comitèque. Tunc
misericordia Dei super Franciam respiciens, perfectissimam concordiam inter eos
misit, & capite seditionis extincto, quietis securitas agricolarum pectora lætifica-
uit. His ad posterorum & notitiam & cautelam veraciter & breuiter excursis, ad
ea, quorum gratiâ inœcepimus, stylus dirigendus est.

1119. ANNO Incarnationis Dominicæ MCXIX. Papa Romanus Gelasius II. qui
& Iohannes Gaitanus, primo ordinationis suæ anno ab vrbe causis emergentibus
egressus est, & per maritima loca cimbâ portatus, Massiliæ, quæ vna ciuitas Gal-
liarum est, allabitur. Hic ab adolescentiâ sua nutritus in Palatio, industria & li-
terarum scientiâ excellentissimè roboratus, apud Remim Metropolim Regni Con-
cilium disponebat, in quo se magna dispositurū credebat. Sed diuino iudicio quod
occultum, numquam tamen iniustum est, aliter disponente, præuentus ægritudi-
ne grauissima, Cluniaco, quod super omnia Monasteria tunc temporis & religio-
ne & diuitiis effulgebat, se fecit portari. Ibique deficiens, & carnis vinculis abso-
lutus, sicut decebat summum Sacerdotem, honorificè sepultus est. Erat autem
inter summum Sacerdotem & Regem Teutonicorum, qui per KAROLI MAGNÆ
Regis Francorum successionem Patricius Romanorum erat, grauissima & inuete-
rata de inuestituris Pontificum & Abbatum dissensio, quæ per quadraginta & eo
amplius annos Romanam Sedem turbauerat, & omnes fermè totius Latinitatis
Ecclesias fatigauerat. Rex etiam Burdinum quendam Bracharensem Archiepisco-
pum, literatum & curialem & eloquenter virum, Romæ pseudopapam subrogaue-

A rat, & militaribus armis intrusum ad propria reuertens in Sede reliquerat. Qui postea à Domino Papa Calixto II. apud Sutriam vi captus, & per Romam ductus, apud Caueam, quod districtissimum Monasterium super Salernam situm est, Monachus effectus & incaueatus est. Ij igitur, qui cum Gelasio venerant, quasi præsago spiritu ducti, antequam ab vrbe discessissent, cum his qui Romæ remanebant consilium, & ab his assensum acceperant; ut si, quod euenit, Papa rebus humanis excessisset, ipsi in partibus nostris eligendi Pontificem potestatem habuissent. Eo verò mortuo, sepultoque, Cardinales ceterique Romani cum maxima Pontificum atque Procerum multitudine, quæ inibi confluxerat, statim in eodem loco VV I D O N E M Viennensem Archiepiscopum strenuum & incomparabiliter genere nobilem virum eligunt, & Pontificalibus induunt insignibus: quibusdam tamen ob rei nouitatem, aliis, ut ferebatur, ob inuidiam murmurantibus, & aliter sentientibus. Hic Viennæ reuersus, rebusque dispositis per Gallias transitum faciens, Tolosæ primò, Remis secundò celebrato Concilio, Romam cum maximo tripudio sicut decebat intrauit, Burdinòque capto, contra tyranni voluntatem Cathedram summi Pontificatus obtinuit. Inter ceteros quoque nobilitatis illius maximos titulos, proneptim eius L V D O V I C V S Rex coniugem habebat. Qui dignitati illius congaudens, cum nuper electus esset, & per Aluerniam transiret pro quibusdam sibi necessariis, cum P E T R O Beluacensi Episcopo, & domno C O N O N E Prænestino & Apostolicæ Sedis Legato, T H O M A M huius loci Abbatem primum responsalem ad eum transmisit. Ceterum ea tempestate inter nos & Canonicos Stampenses fœdissima & trulentissima de sepeliendis corporibus quæstio versabatur. Fouebat eorum partes A L G R I N V S quidam Palatinus & Regalis Clericus, & S T E P H A N V S Cancellarius Anselii Dapiferi frater, & priuatissimus Regis Consiliarius, cuius tunc temporis arbitrio Regnum Francorum disponebatur. Qui ambo Canonici Stampenses erant, & ideo Canonicos quantum poterant in hac causa sustentabant. His iustitiæ causam opprimentibus, & cor Regis euerrentibus, cum ad dominum Papam noster Abbas contra votum mitteretur, quia Regis non poterat, Reginz confugit ad auxilium, & postulatis & impetratis deprecatoriis Literis, securus iter arripuit. Cum ergo dominum Papam in partibus Aluerniæ repperissent, & ea quorum gratiâ legatio facta fuerat conuenienter definissent, Abbas notitiam Curiz adeptus, & Cononis precibus adiutus, ad munimentum suæ partis, Priuilegium, cuius exemplar infra scriptum est, impetrauit & asportauit.

V E R V M T A M E N Abbas in acquisitione huius Priuilegij vehementissimè quidem laudabilis, sed inopinato magnòque repletus gaudio, pueriliter aliquantisper exultauit, & sicut oportebat usquequo necessitas exposceret suæ defensionis baculum non celauit. sed illico manifestando ac propalando quibuslibet quod acciderat, grauissimum & penè importabile sibi scandalum generauit. Canonici namque Stampenses cum auribus attonitis talia percepissent, Ecclesiam suam à fundamentis erutum iri putauerunt, & discurrentes, & vim se perpeffos vociferantes, ad auxilium A L G R I N I Clerici Regalis, Canonici militaris, hominis animalis, domnique S T E P H A N I Cancellarij Regis & à Secretis confugerunt, Aulamque Regiam querimoniis innumerabilibus repleuerunt. Istis porrò tamen fortissimis interuentoribus, prouidentia quorum consilium Regis Regni que dispositio eo tempore potiùs ferebatur quàm regebatur, precibus & assuetis verborum illaqueationibus adductum, muneribus quoque conductum, suæ partis patronum ac defensorem Regem efficiunt. Cuius ope releuati, apud Miledunum castrum in priuato quodam colloquio, quod Rex idem cum quibusdam suis Episcopis habebat, ipso Rege proloquutore Archiepiscopo Senonensi de Abbate clamorem faciunt. Abbate absente, clamor faciliùs atque libentiùs excipitur, & nemine contradicente, quantò importunitas Monachorum eleuatur, tantò causa deprimitur. Diriguntur exindè nobis ab Archiepiscopo Literæ graues atque tonantes, quæ velut inuasionibus obuient, donec Romanus Pontifex sicut expectabatur adueniat, qui Regis precibus victus, Priuilegium ipse per se rescindat. His imparatis tumultibus Abbas exterritus, primum quidem ad Dei confugit auxilium. dehinc Literis Archiepiscopalibus per Literas ipse respondit. Seriem quarum, ut huius negocij notitia plenior habeatur, huic operi subterintexere decreuimus.

Hh iiij

LYDOVICVS
VI. GROS-
SVS.

DOMINO venerando, & in Christo dilectissimo Patri D. Dei gratiâ Senonensium A
Archiepiscopo, THOMAS Mauriniacensium Minister indignus salutem & debitam obe-
dientiam. Legimus in Literis vestris, quod apud Miledunum Canonici Stampenses de
nobis gravissimè conquesti sunt, quoniam Ecclesiam beatæ Mariæ & redditus Canoniorum
quantum in nobis est, ut aiunt, omninò annullare satagimus, & sepulturam loci ipsius iam
ad nos ex parte contraximus, & etiam parrochia ipsius Ecclesiæ terminos occupavimus. Sen-
simus etiam paternæ correctionis verba, quæ licet graviora sint, quàm vel causa vel perso-
na mea promerisset: reuersus tamen ad me, cogitare studui, quod pœnitentiæ locum in
Ecclesiâ teneam, cœpique ruminare quod iuxta Salomonem verba sapientium sunt quasi
clavi in altum defixi. Scribitur & infra, puio ad consilium dandum, non ad incutiendum
terrorem, Regem L. huic clamori interfuisse, qui fauet omnimodo partibus Clericorum,
& detestatur & improbat graues & intolerabiles impetus Monachorum, Mouemurque ut
in hac causa ita nos deinceps habeamus, ne forè super his quæ paulò antè tetigistis, Regis
odium importabile incurramus. Ad hæc nostra est hac responsio brevis. Primum quidem,
quod Canonici spreta Senonensis Ecclesiæ auctoritate, ad secularem Curiam fugiunt, Re-
gem pecuniâ contra Priuilegium Romanæ Ecclesiæ conducunt, contra Canones faciunt. De-
indè mendaciter & impiè dicunt, sepulturam loci illius nos ex parte contraxisse, parochia
terminos occupasse. Nihil enim horum facimus. Scimus namque quàm detestabile malum
sit accipere sepulturam, & diuinarum scripturarum eruditione, & pauperum oppressione,
quos in vicinia nostra, & solam in diocesi vestra videmus ad sepulchra mortuorum plorare B
magis amissiones bonorum, quàm corpora defunctorum. Iuxta verò antiquam Ecclesiarum
consuetudinem, iuxta vestram institutionem (neque enim adhuc Romanæ dignitatis Priuile-
gium nominamus) sciatis nos & ambulare, & ambulasse. Quod si in aliquo foret excessum,
debuissim ab illis canonicè pulsari, non sic inaniter & de nullis adhuc coram Episcopis exclā-
mari. Ceterum, pace vestra dixerim, vestrum esset, si vestre paternitati placuisset, con-
tra latratus eorum, qui se putant admittere quicquid nobis datur à fidelibus, baculum de-
fensionis opponere: tum propter paruulam ac nouitiam Mauriniacensem Ecclesiam, quæ ve-
stra est, & à vestro decessore pie memoriæ R. fundata, talibus iniitiis excreuit. tum quia per
priuatum ac fidelissimum vobis legatum eorum laqueos praueniens mandaueram, quod ve-
stro tota res penderet arbitrio. De Rege postremo quid dicam? Didici præcepto primi Pasto-
ris & Deum timere, & Regem honorificare. Satis & illius & habuimus & habemus præter
hoc negocium familiaritatem, & in multis, si dici fas est, ei necessary fuimus. Sed quibus
multoties abducatur consiliis, vos qui totius vestre regionis caput estis, experimento ali-
quando didicistis. Sed ne multis immorer, timeant eum qui diuitiis & deliciis suffocantur,
vel ad utilitatem proximorum Ecclesiasticis honoribus occupantur. Nam nos Christi pau-
peres sumus. Vulgare, mi Domine, prouerbiū est, Nudus homo non potest exspoliari.
Nemo timet admittere quod appetit sponte sua deserere. Ut veritatem vobis pandam, an-
te mori paratus sum, quàm contra Priuilegium aliquid facere. Valete.

Hæc ad Archiepiscopum. Ad Regem verò per seipsum, quia familiarissimus C
erat ei, velociter tetendit, & cum rationis ostensione, tum cuiusdam moderationis
dispensatione Regis iram mitigauit. Ingera rerum dispositior, qui comprehendit
sapientes in astucia sua, more solito suæ pauperis Ecclesiæ tribulationem respexit,
& Regem aliquantisper humiliatum. quod qualiter sit factum, aliis dicendum re-
liquimus, hoc aliter tractare coëgit. Porro Tolosæ celebrato Concilio, Pictaui-
rum, Andegauensium, Turonorum finibus peragratis, in nostris partibus domini
Papæ iam nuntiabatur aduentus. Cono etiam Prænестinus Episcopus Apostolicæ
Sedis Legatus, de quo & superius fecimus mentionem, quem Remim necessaria
dispositurum Papa præmiserat, obuiam ei rediens ob solitam Abbatis familiarita-
tem apud nos hospitium sumpsit: Cuius consiliis Abbas animatus, ut à domino
Papa Ecclesiam nostram dedicari fecisset, iter cum eo disposuit. Quod ne alicui
videatur absurdum, quia Libro superiore narratum est Oratorium fuisse dedica-
tum, sciat altare de loco, in quo tunc erat, postea motum fuisse. & canonica sen-
tentia est, Si altare motum fuerit, denuò consecratur. Exterius etiam Tabernacu-
lum, quod Ecclesiæ Nauis à populo vocatur, consummationis perfectionem acce-
perat. Sed cum Aurelianis aduenissent, & dominum Papam per Carnotum iter
dirigere percipissent, inperacto negotio digrediens à sociis Abbas reuertitur. At
cum Regem LYDOVICVM de Normannia cum exercitu reuertentem Carno-
tum aduentasse, vrbisque partem Papa cognouisset concremasse, mutato consilio

A per Stampas transiturus, Aurelianis improuisus aduenit. Abbas autem rei tam subito stupefactus euentu, cum quid ageret diu dubitasset, diuino reor prouocatus instinctu (à Domino enim gressus hominis diriguntur) Regem de Carnoto Stampas die alio reuersum præceps adiit, preces fundit, vt Literarum præuentione Papam rogaret, quatinus Mauriniacensem Ecclesiam ipse dedicaret. Nec mora, precibus exauditis, cum HVGONE Monacho nostro tunc Secretario Legatus Regius cum Literis Aurelianis summa cum festinatione dirigitur. Literæ aperiantur, consilium cum Cardinalibus accipitur, debere fieri postulatio Regis adiudicatur. Quo renunciato, dici non potest quantæ festinationis inquietudo communiter & Abbatem & nos omnes breuissimi temporis articulo deprehensos, duobus scilicet tantummodo diebus mediantibus, exagitauit. Ceterum summo Pontifice summa cum reuerentia Stampis in Palatio suscepto, Clericis Stampensibus murmurantibus & detrahentibus nobis, inimicus homo qui superfeminat zizania; per quendam Stephanum de Vefoncio crudelissimum & auarissimum hominem, domnique Papæ Cameraarium, consilio cuius priuata Curia regebatur, totum boni huius operis inceptum penè dissipauit. Porro Abbas mortuum se iudicans, si tam cœleste munus velut à manibus eriperetur, in præsentia domini Papæ Cardinales congregauit, cum Rege, cum Regina preces multiplicauit; & tandem quod postulabat firmiter impetrauit. Quid plura? gaudium inæstimabile nostris, & omnium amicorum nostrorum pectoribus infunditur. Exsurrexit enim Deus, & dissipati sunt inimici eius. Stupebat Algrinus, & omnes inuidi & inimici nostri sicut fumus deficiunt à facie Dei.

ANNO igitur incarnati Verbi M C X X: dedicata est Ecclesia Mauriniacensis 1120. Cœnobij à domino Papa Calixto secundo, v. Non. Octobris, cum maximo honore & reuerentia, in honore sanctæ Trinitatis & sanctæ Crucis, ac beatæ semperque Virginis Mariæ, & beatorum Apostolorum Petri & Pauli, & omnium Sanctorum Dei. Inter eas venerabiles personas, quæ huic sanctæ dedicationi affuerunt, venerabiliores fuerunt Cono Prænestinus Episcopus, totius Franciæ, ac Teutoniæ, Alamanniæ, ac Saxonie Legatus: Boso de titulo S. Anastasie totius Hispaniæ Legatus, cuius ope & industria Maiorica insula & Cæsaraugusta nobilissima Hispanorum ciuitas subacta est: Tostanus Eboracensis Archiepiscopus, Gaufridus Carnotensis Episcopus, Galo S. Pauli Episcopus de Britannia, Bernerius Abbas S. Florentini de Bonaualle, Stephanus Abbas S. Iohannis de Valeia, multique alij sapientes viri, & optimæ personæ. Rex etiam Francorum LVDOVICVS, & Adalais vxor eius, & VVILLERMVS Dapifer, qui Senescallus appellatur. Stephanus quoque Cancellarius frater eius, cuius consilio tota Francia regebatur. EMMAVRICVS DE MONTE-FORTI, Guido de Gualardone, multique alij Francorum Proceres & nobiles viri.

C ANNUA quoque peccatorum remissione in dedicationis anniuersario constituta regio Stampensis, & sublimata & lætificata est. Spiritus verò vehemens, qui venit ab Aquilone, frequentissimis exhalationibus in hanc domum insufflauit, sed Deo propitio illam non exsufflauit. Celebrato namque Remis maximo generalissimoque Concilio, domnus Papa cum omni comitatu suo Burgundiam ingressurus, Romamque profecturus, de Parisius Corbolium aduenerat. Ibi Canonici Stampenses, quoniam in procuratione illius partem mittebant, inuenta occasione loquendi, & nobis obloquendi, ipsi Papæ de Abbate, de Monachis clamorem faciunt, suorum parochianorum corpora sibi violenter auferri, & alia multa quæ non oportet dici, de nouo maximè Priuilegio conquerentes. Ipse etiam Papa Abbati sibi ob eius reuerentiam apud Milidunum obuianti querimonias eorum narrauit, & vt se præpararet, quatinus de talibus ante ipsum placitando ratio ventilaretur, inuitauit. Rursus pœnæ, rursus curæ, rursus timoris laborisque tumultus oriuntur. Clerici latrabant, Rex eorum partes fouebat, domnus Stephanus à Rege secundus instabat, Algrinus furebat. In itinere quoque, quo die sequente Ferrarias, quæ Regalis Abbatia est, tendebant, domnus Stephanus apertissimè in contentionem atque certamen contra Abbatem exiuit. terrores, minas, verbera potius quàm verba multiplicauit. Ad hæc illius, complicumque suorum tota nittebatur intentio, vt si Regis, si collateralium suorum amicitiam Abbas retinere voluisset, ipse Priuilegium quod habebat discinderet. Ast paupertate sua fortior

securiórque factus Abbas, paucis pro tempore peroratis, tandem se magis mori fore paratiorem, quàm facere postulata respondit. Papam, Archiepiscopum suum, Curiámque Romanam inpræsentiarum esse, iudicium se nequaquam subterfugere. Veritate quippe subnixus Cardinales notitiâ seruiciisque parauerat, & contra hanc importunitatem iustitiæ suæque partis defensores armauerat. Ad illum verò locum Rex & Regina à domino Papa discessuri, valéque facturi, Proceres atque Pontifices, multæque personæ confluerant. Pertractatis siquidem ibidem plurimis negociis, & Abbate præsentem, ac si quisquam ei obuius esset, parato respondere, de iustitia diffusi Canonici tacuerunt, & iudicium penitus ingredi subterfugerunt. Accepta igitur à domino Papa & ab omnibus Cardinalibus cum beneuolentia licentia, dominus Abbas per Regem, qui Castello-Nautonis erat, indeque domi securus ingreditur. Verumtamen Algrinus iuratus atque publicatus hostis Monachorum, feruidus atque infringibilis in executionibus suis, assumptis secum Canonicis duobus, SIMONE Cantore, atque PHILIPPO, suæ fraudis nequitieque comitibus, cum quibusdam Regiis mandatis dominum Papam Senones insequitur. Exhinc quod inæstimabilis inanitatis atque falsitatis fuit, contra nostrum Priuilegium contrariam sententiam Priuilegium continens asportasse se garriunt. Crediderunt tamen & obstupuerunt quamplurimi. sed diuinæ dispositionis ordinatione odium totius populi Procerumque Stampensium omnium importabile, si Regis defensio non obuiasset, sibi generauerunt. Impij & sceleratissimi iudicantur ab omnibus, anathematizantur ab omnibus. Igitur à quibusdam Stamparum primoribus ad dominum Papam pro talibus inuestigandis Legatus emittitur. Ab Abbate verò ad dominum GRISOGONVM domini Papæ Cancellarium pro hac eadem causa in hæc eadem verba Epistola transmittitur.

GRISOGONO sancta Dei Romana Ecclesia Diacono Cardinali ac Bibliothecario, THOMAS Mauriniacensium Abbas salutem. Cùm audissem Legatum Stampensium Procerum pergere ad dominum Papam, commisi sibi Literas, in quibus & vos salutarem, & eorum hæcenus inauditorum malorum, quæ circa nos aguntur, pauca vobis intimarem. confusus de promissa mihi amicitia vestra, immò de ea caritate, quæ nos sub capite uno in corpore uno facit unum, quod & iusta & canonica diligatis, & ad ea corrigenda, quæ dignitatem sancta Romana Ecclesia sauciant, consilium prebeatis. Fecissem id libentius per me, sed multis ex causis retentus sum, sperans & confidens in eo qui non deserit sperantes in se, vos in vestra prosperitate deuotius & officiosius aliquando me visurum. Canonici quidam in vicinia nostra, si tamen Canonici dicendi sunt, qui irregulariter & turpiter viuunt, qui in Templo Dei columbas & vendunt & emunt, qui de prabendis suis filios suos heredes faciunt, qui de baptismo precium, de mortuis sepulturam violenter exigunt, dum essetis in partibus nostris iudicium subterfugerunt, & in discessione vestra ad auxilia quorundam, qui in Ecclesia illa & reddituum & facinorum participes sunt, confugerunt. His interuentoribus, quorum consiliis Regnum Francorum turbatur & turpatur, simplices aures Regis sicut & in aliis multis deceperunt, & à Domino nostro, si tamen id credi potest, Priuilegium, quod nusquam & numquam auditum fuit, latenter (non audeo enim dicere qualiter ipsi dicunt) extorserunt. Hæc insidias & Dei & vestro auxilio me putauerant prauenissee. Sed, ut video, non est via hominis in manu eius, nec viri est ut dirigat gressus suos. A Domino enim gressus hominis diriguntur. Ipsi verò quod ad ignominiam domini nostri Papæ sanctæque Romana Ecclesia pertinet, Priuilegium contra Priuilegium se habere garrientes, solito nequiores effecti sunt. Et contra patrum morem, contra consuetudinem omnium Ecclesiarum, contra ius, contra Canones, contra Deum sepulturas grauiores exigunt, & omnibus, ut alibi pro salute animæ suæ sepeliri non possint, contradiscunt. Dici non potest quantus hinc populi tumultus oriatur, quanta nobilium querimonia, quanta conuicia, quanta maledictiones. Scandalum hoc iam multa homicidia seminauit. Stupent & admirantur omnes, à vobis, qui sepulturam tam seuerè damnastis, tanti mali fomenta progredi potuisse. Non enim diuersas sicut se res habet, sed penitus contrarias Canonici sententias asseuerant, & quod solo auditu nefas est, Priuilegio Priuilegium contrinisse se iactitant. Precor igitur Excellentiam tuam, ut s. benias animabus, pro quibus Christus mortuus est, ne princeps tenebrarum & prado nocturnus eas rapiendi per vos inueniat occasionem. Ut enim inuarentur orationibus sanctæ ac regulariter viuentium, & suæ & amicorum suorum corpora non solum in loco nostro, verumetiam & alia loca & temporibus nostris, & antequam locus noster fundaretur, consuetudinariè faciebant portari, libere sepeliri.

A Quod quàm iustum sit & ratio monstrat, & auctoritas firmat, & consuetudo clamat. Ex-ceptis autem his, qua de hac sententia in promptu vos habere conspexi, accipe quid hinc beatus Augustinus sentiat. Scribit enim sic in Libro de cura agenda pro mortuis ad Paulinum Nolanum Episcopum. Si patenna, vestis, & annulus, ac si quid huiusmodi tantò carius est posteris, quantò erga parentes maior affectus est, nullomodo ipsa spernenda sunt corpora, quæ utique multò familiariùs atque coniunctiùs quàm qualibet indumenta gestamus. Quod si verum est, profectò etiam pronisus sepeliendis corporibus apud memoriam Sanctorum locus, bona effectus humana est erga funera suorum. Quoniam si nonnulla religio est ut sepeliantur, non potest nulla esse quando ubi sepeliantur attenditur. Hac Augustinus. Sollicitus igitur de salute anima tua, fac ut Legatus iste loquendi locum habeat, & suggere Domino nostro ut tam horrendo, tam pessimo malo medicinam provideat. Misereatur animarum earum, quæ se petierint adinuari, & non poterint adipisci. Misereatur pauperis Ecclesiæ, quam ipse propria manu dedicavit: ad cuius oppressionem, imò destructionem, tales machinas diabolus fabricavit. Vale.

LYDOVICVS
VI. GROS-
SVS.

B LEATVS à Tartona Italiæ ciuitate regressus, à domino Papa Litteras detulit, in quibus Priuilegium cōtra Priuilegium numquam se fecisse dixit. & si quid quæstionis inter Monachos & Canonicos haberetur, ad domnum CONONEM, qui nostris adhuc in partibus Vicarius eius morabatur, ut pergerent indixit. Sic illis deficientibus fraudulentæ subreptionis ars deperiit, & fabrica, quæ falsitatis fundamentum habuit, euanuit. Sed quoniam innumerabiles in hac causa minutæ narrationum nobis occurrunt, & breuitati seruire decreuimus, diffusiores atque diligentiores rei huius narrationem posteritati differendam reliquimus. Vos verò qui Mauriniacensis Ecclesiæ filij estis, qui domum vestram diligitis, nullum eos habere Priuilegium contra vos pro certo credatis. Si quid habent, profectò contra vos nihil habent. Ad cumulum etiam persecutionis promissis ingentibus Rex LYDOVICVS attemptatus est, quatinus donum Ecclesiarum veterum Stamparum, quod pater eius & ipse fecerat dissiparet. Sed numquam Deo propicio precibus vel præmiis ad tantum facinus potuit inclinari. Inter hos autem harum maximarum nebulosissimos turbines inquietudinum, Ecclesia Dei caput erigebat, & velut granum sinapis frequentissimis contusionibus fortiùs redolebat. Nequaquam enim Abbas consuetæ Regiæ familiaritatis Priuilegio frustratus est. Sed si in aliquo deciderat, frequentibus & colloquiis & seruiciis refarciuit. Inspirante igitur primùm diuina gratia, sine cuius auxilio nullus benè potest operari, ac deinde Abbatis industria subsequente multo tempore, multis precibus, multis itineribus peractis, commune Regis Præceptum ad munimentum huius loci, nostrarumque possessionum omnium tam futurarum quàm præsentium adipisci promeruit. Fecerat idem sicut ferebatur Rex Philippus in initio Constitutionis huius Ecclesiæ. sed fundatores Monachi Flauiacenses vel illud amiserant, vel sicut opinio verisimilior habebatur, hinc discedentes & dissidentes illud abstulerant. Sed semper nostris successibus sathanas conabatur obuiare, & turrem Dauid, quæ ædificabatur contra Damascum, moliebatur oppugnare. In tantam enim iram tantumque furorem Regij seruientes, & ij maximè qui de Stampis veteribus erant, pro sententia, quæ de partitione filiorum facta fuit, si coniunctio nostrorum fieret, clientumque regionum exarsertur*, ut querimoniis & maledictionibus omnia replerent, nos omnes & omnia nostra in maximum odium verterent, Abbatem, si facultatem haberent interficerent. Sed propicia nobis diuinitas mentes eorum sedauit, & non multum post tempus insaniam illam in fauillam mutauit. Miles etiam quidam TEVDONOME veniens ad extrema, torcularis cuiusdam medietatem, & pratum quoddam iuxta hortum nostrum, & terrulam ante granchiam de Bellouidere sitam, quæ valdè nobis necessaria erant, huic dedit Ecclesiæ. Quæ ideo digna relatu iudicamus, quia hoc velut in vestituram dedit terræ ac vinearum, quæ circa proximam Ecclesiam S. Germani iacent, totiùsque territorij, quod infra parochiam illam tenebat, si vnica paruula filia sine hærede moreretur, quam habebat. Instaurata quoque secundò virorum ac mulierum Stampensium confraternitate, vitreæ omnes huius Ecclesiæ, simulque pons lapideus super fluuium, perfecta sunt. Ad hoc exemplar & Robertus quidam Monachus noster per vicinam regionem de anno-na valdè vtilem confraternitatem instituit. Necnon & Garfadonius Anselii fundatoris nostri filius, primò quidem Stampis coram multis Primatibus illius loci,

LYDOVICVS
VI. GROS-
SVS.

deinde verò cùm Hierosolymis ire disponeret, in Capitulo nostro de Gummaruil. A
la donum fecit, vt si in via Dei, quod accidit, moreretur, nos eam (erat enim in
vadimonio) redimeremus, & in perpetuum possidendam haberemus. Quo mor-
tuo, cùm validissimi calumniatores contra nos insurgerent, potius à Dei quàm ab
hominis nos eam accepisse dono, patientissimis iudiciis declaratum est. Adelais
namque Garfadonij mater & in aliis & in hoc primum quidem dono nobis beniuo-
lentissima, sed postea muliebri leuitate mutata, cùm de domo cuiusdam diuitis
pedes reuerteretur, vbi de impedimento istius doni fuerat colloquuta, in media
plana via nullo obstaculo posito corruit, & sic pedem extorsit, quòd in omni vita
sua recta ambulare non potuit. Stephanus quidam, qui neptim istius mulieris in
coniugio habebat, Herardi filius, vir potentissimus, & malitia ingeniosissimus, id
numquam permittere, stationem suam in villam facere, se Monachos interficere
furens adiurabat. At cùm nullorum precibus vinci, nec Regiis minis potuisset mi-
tigari, diuino iudicio percussus, & ad extrema deductus, coram multis testibus &
clamorem dimisit, & vitam amisit. Hostibus autem omnibus nequior miles qui-
dam nomine Bonardus, homo profanæ mentis, Garfadonij sororem coniugem ha-
bens, contra nos insurrexit, & primò quidem villam illam, deinde granchiam de
Mesuns, postea in loco qui super Stripiniacum positus Toschetum vocatur, do-
mos quasdam, & in eis boues sex, oues viginti sex decies igne nocturno concre-
mauit. Habitabat verò in terra GVIDONIS domini de Rupe-forti, qui tunc
Hierosolymis erat, & idè aut vix aut numquam ad iustitiam poterat adduci. B
Cùmque nimis dæmonum exagitationibus insaniret, & non solum nostra, sed
etiam ipsam istam Ecclesiam, nisi villam relinqueremus, se concremare iactasset,
propitiante Deo GVIDO de Hierosolymis rediens improuisus aduenit. Cuius
aduentus percepto nuntio, festinus Abbas ei obuius occurrit. Viro salutato, at-
que sicut mos exigit osculato, vt ad nos hospitandi gratia diuerteret, & se suscipi
cum processione, quippe de Hierosolyma rediens, permetteret, Abbas ab eo po-
stulauit & impetrauit. Honorificentissimè suscipitur, & cum his omni bus qui se-
cum venerant, & qui de castellis suis occurrerant, deuotissimè procuratur. Et
Abbas quidem tunc siluit. Sed die postera quæ Dominica fuit, cùm eum vsque ad
Sanctum Arnulfum de Aquilina deduxisset, ibi rursus eum cum processione susce-
pisset, audientibus multis Proceribus, qui partibus è diuersis illuc aduenerant,
Abbas de Bonardo clamorem fecit, & vt sibi iustitiam faceret, rationis atque ser-
uicij compedibus religatum VVidonem coëgit. Nec mora, die subsequente apud
Rupem-fortem Bonardus ad iustitiam deducitur, & præsente atque annitente
Guidone Stampensium Vicecomite, Guidonis illius cognato, & loci istius ami-
cissimo, Abbas sibi quæ nobis forisfecerat condonauit, & ipse cum vxore & filiis
suis calumniam quam faciebat dimisit, & eorum omnium quæ nobis Garfadonius
& pater eius donauerant concessionem fecit. Post nimios igitur labores, post
LXX. librarum & eo ampliùs expensionem, depulsis & aliis quorundam calum-
niis, Gummaruilla à nobis pacificè possessa est. In eodem confinio Buxetum ha-
bemus, cuius dimidietatem Ansellus fundator noster antiquitus cùm in Hispa-
niam pergeret dedit. Lisiardus verò aliam dimidietatem, Bonardus Petri filius,
milites Stampenses totius illius territorij decimam dederunt. Sic ibi maximam pos-
sessionem Mauriniacensis Ecclesia diuinæ propitiationis largitionibus adepta est.
Sunt & alia dona, quæ quia mediocria sunt, & alibi scripta sunt, silentio præterire
decreuimus. Mordebat autem Abbatis & aliorum quorundam Fratrum conscien-
tiam, quòd antecessores nostri Ecclesias ac decimas quasdam non solum donis, ve-
rumetiam pecuniis adquisierant. Neque enim tunc, in initio scilicet constitutio-
nis huius Ecclesiæ, quæstio de simonia sic ventilata erat, sicut posterorum diligen-
tiâ factum est. Sed si quid Ecclesiasticum à secularibus hominibus emeretur, non
emptio, sed redemptio vocabatur. Sed cùm diutiùs super hac re titubassent, di-
uina prouidentia factum est, vt rursus dominus Cono Prænестinus Episcopus, &
Apostolicæ Sedis Legatus, apud nos hospitandi gratiâ diuertisset: habens secum
velut auxiliatorem magnum VVILHELMVM Catalaunensem Episcopum, qui
sullimes scholas rexerat, & tunc zelum Dei habens super omnes Episcopos totius
Galliæ diuinarum Scripturarum scientiâ fulgebat. Abbas igitur in manu Cardina-
lis omnia illa, de quibus scrupulum habebat, reddidit, vt in eius dispositione esset
quidquid

A quidquid inde facere voluisset. Die subsequente, viri sapientes & Ecclesiastici dispensatores antè præsentiam suam Abbatem vocauerunt, & ut ea de manu beati Petri acciperet, securè in Abbatia Deo seruiret, per obedientiam iniunxerunt. Hæc iccirco dicta sunt, ut posteri nostri & de talibus prouideant, & de transactis timorem non habeant.

LUDOVICVS
VI. GRÓ-
SVS.

INTEREA defuncto VVilhelmo Anselmi Dapiferi germano, STEPHANVS Cancellarius, de quo superius fecimus mentionem, frater amborum, Maior Regis Domus effectus est. Hoc retroactis generationibus fuerat inauditum, ut homo, qui Diaconatus fungebatur officio, Militiæ simul post Regem duceret Principatum. Hic vir industrius, & seculari præditus sapientia, cum multis Ecclesiasticorum honorum redditibus, tum familiaritate Regis, quam sic habebat, ut ei potius à quibusdam diceretur imperare, quàm seruire, temporali felicitate supra ceteros mortales nostris temporibus efflorebat. Tradita verò nepti sua in coniugio AMALRICO DE MONTE-FORTI, cum honore de Rupe-forti, qui puellæ de matrimonio obuenerat, tumefactus oblitusque sui, ADELAM Reginam frequentissimis molestiis sibi reddidit infestam, odiisque crescentibus, Rege denique turbato depositus ab honore, pulsatur à Curia. Ipse verò veluti quadam arreptus insania, Regnum turbare totis viribus enititur. & viri in armis strenui, AMALRICI dico, fretus auxiliis, patriam hanc bellis accendit. Sed cum suos affectus deducere non posset ad effectus, reuersus ad semetipsum, Senescalciam, quam iure possidere se dicebat hereditario, dimisit, & cum Rege Lodouico, simulque cum Philippo filio illius, qui iam Rex vnctus erat, Adelaide Regina interueniente, pacificatus est. His per excessum de viro breuiter prælibatis, ea, quorum gratiâ talia præmisimus, exequamur. Dum Regia floreret in Aula, & illius post Regem cuncta penderent arbitrio, BOSONIS Abbatis S. Benedicti promissionibus inlectus, Regem, cuius super omnes à Secretis erat, de Ecclesiis veterum Stamparum inuadit, & suggerit patrem suum, qui apud S. Benedictum sepultus est, de Ecclesiis his illi nobili loco prius donum fecisse. Et licet cor Regis ad voluntatem suam inclinare tum non posset, VVlgrinus tamen ille familiarissimus amicorum nostrorum, qui inibi præsens erat, vehementer indoluit, & concitus ad nos aduolauit, remque sicut audierat enarrauit. Stupefactus Abbas, & huius tam grauissimæ quæstionis impulsus molestiâ, cum apud Stephanum, qui Stampas aduenerat, preces inanes effudisset, ad Regem se velociter contulit. Assumptisque secum Guidone Vicecomite, VVlgrinoque nostro, in claustro Castelli-fortis tali eum aggreditur oratione. Scio siquidem, Domine Rex, quod pietatis vestræ serenitatem grauiter offenderim, qui munificentia vestra velut ingratus iamdiu Monachos in Ecclesiis veterum Stamparum miserim. Sed nostra non negligentia, sed inopia peperit hunc reatum. Nec verò diu boni huius dilatio vestram crudescat in iram, vim mihi facio, nostræque paupertatis pro reuerentia vestra oblitus, de redditibus nostris inibi victuros Monachos ponere dispono. Hoc argumento Rex illaqueatus, quod olim admonuerat ut fieret, dicere ne fieret erubuit, & Stephanum, qui tunc præsens aderat, quatinus hoc opus concederet & laudaret, admonuit, impetrauitque. Igitur die Dominica, quæ post instabat, VVidone Vicecomite, multisque aliis Proceribus pagi huius comitantibus, in Ecclesia beati Martini apud veteres Stampas, licet quibusdam Clericis murmurantibus, & penè vim facientibus, Monachi Mauriniacenses intromissi sunt. Id verò quasi quoddam miraculum nostri temporis permaximum fuit. Ut enim in pace hoc opus impleretur, videbatur impossibile. Sicque quod diu multumque optauerat Ecclesia Mauriniacensis, Dei beneuolentia, Regis munificentia, Abbatis industria, Ecclesias veterum Stamparum quietè possedit. At humani generis inimicus, & omnium malorum instigator diabolus turpissima discordiarum zizania nocte superseminauit, & diuino iudicio permittente, quicquid à Domino in die Monastici tritici fuerat illic iactatum, penè suffocauit. Clerici quippe, quia per vim Monachos expellere non poterant, callidis id facere machinationibus aggrediuntur. Cum enim apud Remim nobilissimam Galliarum Metropolim Rex LUDOVICVS primogenitum filium suum PHILIPPVM vngi faceret in Regem, secumque coronari, & THOMAS loci huius Abbas, cum BARTHOLOMEO S. Martini Priore, huic tam celebri interesset conuentui, quidam qui præ cæteris signifer odiorum erat, HVGONOME, Sacerdotis & Cantoris in

LVDOVICVS
VI. GROS-
SVS.

Ecclesia illa fungens officio, cum quibusdam suis complicitibus seducendi nactus A
occasionem, quod dictu nefas est, tendiculas opposuit. Hunc pecuniâ corruptum,
& vnus præbendæ promissione, si Monachi taliter potuissent expelli, in Eccle-
siam latenter introducunt. ipsis in Carnario, qui locus infra septa Ecclesiæ illius
ossa continet mortuorum, fraudulenter absconditis. Monachum, sicut multo-
tiens consueuerat, (erat enim senex, fatuus, atque dissolutus) solum cum puero
fabulantem, quasi scelus illud operantem, de latibulis egressi corripunt. Igitur
homines sic mente corrupti, vt etiam insanire viderentur, fugato humanitatis re-
spectu Monachum ilico vestibus expoliant, arreptisque Ecclesiæ tintinabulis po-
pulum conuocant, infamiam tam intolerabilem disseminant. ceteros omnes Mo-
nachos tales esse mendaciter exclamant, omnia conturbant. Populus inauditi fla-
gitij nouitate percussus vertitur in amentiam, domumque Monachorum cum ma-
ximis clamoribus inuadentes, fustibus alij, alij lapidibus nituntur effringere, Mo-
nachos in ea commanentes obruere. Sed Monachis intra plorantibus, & ad Deum
vociferantibus, Christus à somno surrexit, & nauiculam periclitantem de pro-
cellis eripuit, militibus quibusdam loci illius commotis, & effrenem impetum po-
puli repellentibus. Contigit quoque HENRICVM Senonensem Archiepiscopum per veteres Stampas hebdomada sequenti transitum fecisse. Hostes nostri Pontificis aduentum curiosius explorant, & per diuersa loca vulgi suarumque me-
rettricum turmas præordinant. Eo villam illam ingrediente, confusus clamor & B
auribus etiam nos minus diligentium fastidiosus attollitur, Monachos turpes & in-
cestos expelleret, Clericis Ecclesiam suam restitueret. Iam superiores esse vide-
bantur, & auxiliis quibusdam confusi, quos per omnia nobis fideles esse speraba-
mus, Regem & illius Curiam per pecuniam deuincere contendunt, vt eorum vota
perduceret ad effectus. Denique apud Pissiacum inter Monachos & Canonicos in
præsentia Regis dies placiti statuitur. Res hæc tum propter loci huius inopiam, tum
propter infamiam inportabilis Abbati ceterisque Fratribus videbatur. Sed Medi-
cus ille, qui sic est potens vt sit omnipotens, qui de veneno facere nouit antidotum,
etiam malis benè vtens, comprehensis his sapientibus in astucia sua (cecidērunt
quippe in foueam quam ipsi parauerunt) & eos vanis spebus penitus expoliavit, &
nos talibus tribulationibus expurgauit. Abbas namq; noster iampridem multis be-
neficiis Archiepiscopum nobis alligauerat, itaut etiam dum per veteres Stampas
transitum faceret, furentis vulgi detestaretur errores atque clamores, & penè in-
præsentiarum ab eorum abstineret excommunicatione. Regem verò Clericis red-
didit infestum & eorum peruersitas, & Abbatis familiaritas. Conuocatis ergo ab
Abbate apud Pissiacum tunc temporis honestissimis atq; famosissimis personis, SV-
GERIO Abbate S. Dionysij, qui tunc etiam in Aula Regia præclarus & optimus
Causidicus habebatur, ODO NE S. Remigij Remensis Abbate, qui noster profes-
sus erat, & de Ecclesia beatorum Martyrum Crispini & Crispiniani, quam optimè
rexerat, ad illam celsiorem Ecclesiam per Cononem Legatum Romanæ Ecclesiæ C
translatus fuerat: HVGONE quoque S. Germani Parisiensis Abbate, multa circa
Regem Procerum atque militum residente caterua, postquam ad lucem iudicij ve-
nit, cœpit expallere proditiōis impietas: & corporalem etiam incurrisset pœnam,
vbi sanctorum Canonum restitisset auctoritas. Illi tamē Clerici dico carceribus
mancipati suppliciter Abbatis implorant auxilium, cui nuper tam securè minita-
bantur exitium. Burgenses omnes totumq; populum veterum Stamparum Rex ira-
tus Parisius submonet ad iustitiam, sperans hinc se maximas pecunias adepturum.
Quapropter ingens & intolerabile murmur exoritur, Monachos maledicere atque
detestari, per Abbatem qui versutus erat, & propter eos hunc laborem pati, eos
omnes, cum reuerterentur, combustum iri. In his horrendis & fœdissimis tempesta-
tibus, VVlgrinus noster extremum diem obiit, & iuxta matrem suam in Claustro
nostro, quod ipse iampridem ædificauerat, tumulatus est. Rex autem illius omnia,
& ea etiam quæ nobis in elemosynam dederat, quoniam de familia eius ortus, &
sine herede mortuus fuerat, in manibus suis assumpsit. Has inter tantas impene-
trabiliū veluti Termopilarum angustias Abbas tota mente deficiens, disposuit
Abbatiam dimittere, & ad quietiorem vitam transire. Sed optimi & religiosissi-
mi socij & consiliarij sui Garini Prioris refocillatus est & consilio & auxilio. hic
Sparnonis honestis & nobilibus parentibus fuit oriundus. Creuère simul Abbas

A & ille à pueritiâ comites indiuidui, & effecti iuuenes studendi gratiâ Stampas deuenere. VVarinus ALBERTO tum temporis Abbati huius loci notus & familiaris effectus; quem etiam consanguinitate tangebatur, instigante quodam suo Priore Rogerio nomine; qui postea in Abbatia Columbenſi clarissima lampas Monasticæ Religionis enituit, plus minus xx. annos natus; valefaciens rebus humanis, nostræ militiæ sumpsit armaturam. Thomas, veluti meliore sui parte truncatus viuere seculo non potuisset, cum diu vagabundus animo vario anxie mentis æstus ferre non posset, VVarini sequitur vestigia, gaudens in ordine nostro habere præuium, quem socium semper habuerat. Cum igitur ALBERTVS hac Abbatia dimissa Columbis remeasset, eos secum abducens ex licentia Capituli huius inibi professionem religauit. Thomas promotus in Abbatem nostrum, & remeans ad nos, illum suum vnanimem ad nos reduxit. Erat sanè VVARINVS optimis moribus, atque mitissimus; & de mundo totius penè libidinis expers euaserat. Monachi semitas ingressus, sobrietatis feruidus amator fuit, ita cibo potuque parcus, vt cunctis nostri temporis Monachis incomparabilis haberetur. Super hoc fundamentum ceterarum virtutum perfectionem ædificauerat. Præclara pudicitæ vexilla sic erexit, vt conscientia Deo, fama proximo conseruata, nemini vel inimico posset esse suspectus. Staturâ procerus, vultu faciæque decorus, verbo moderatus & incessu, quod interiùs erat exteriùs sine typo quodamque naturali modo demonstrans, seipsum dabat omnibus exemplar viuendi. Multa

B verissima de eo dicerentur, nisi quia dum scriberemus hæc, sua nos adhuc illustrabat præsentia. Huius tanti viri fidelitati atque familiari amicitie se totum commiserat Abbas. Nec mirum. Iam enim tricesimus voluebatur annus, ex quo Monachum professi fuerant, & nulla vmquam inter eos vel ad momentum intercesserat animi dissensio. Illo, sicut in ceteris omnibus tribulationibus, à pusillanimitate Abbatem reuocante, rursus Regi Parisius se præsentauit, & pericula quibus laborabat, vulgique præcipitis insanias cum lacrymis enarrauit. At propicia sapientia illa, quæ attingit à fine vsque ad finem fortiter, & disponit omnia suauiter, in cuius manu corda Regum sunt, & quæ dicit, Per me Reges regnant: LODOVICVS Rex precibus illius ad pietatem motus, & omnia quæ VVlgrinus reliquerat benignè dimisit, & populum, quem iratus euocauerat, pacificatus lætos ad propria remisit. Sicque, quod omnibus impossibile videbatur, dante Deo, cui omnia possible sunt, post horrida nubila tempestatis huius, felix nobis serenitas prosperitatis arrisit. Vnde gratulantibus animis in die solemni, qui post talia propriæ contigit festiuitatis huius Ecclesiæ, hoc est in octauis Pentecostes, à domno Thoma tunc temporis loci istius Abbate, assensu omnium Fratrum, in communi Capitulo hæc institutiones factæ & confirmatæ sunt. Institutum est vt anniuersarium Regis Philippi solemni ter annuatim celebretur, & Prior Stampensis ad refectionem Fratrum, ad pisces scilicet emendos, xx. solidos illo die sine dilatione largiatur. Hic etenim Rex Ecclesiæ huic, quæ suo tempore fundata fuit, munificus extitit. Eam

C namque ab EBRAÏDO Puteoli domino, de cuius feodo reserat, c. libris emit. Ecclesias veterum Stamparum nobis dedit, & alia multa Regia munificentia largitus est. Similiter & de anniuersario Anselii Arenberti filij, fundatoris loci nostri, institutum est. Et eo die Prior Stripiniaci x. solidos persoluet. Eodem modo & de Garſadonio Anselii filio institutum est. Et Monachus Busxeti die illo solidos x. persoluet. Similiter etiam de Rainaldo loci istius primo Abbate. Et Monachus de Mesuns solidos x. persoluet. Pro VVlgrino etiam, qui multa nobis beneficia contulit, eadem seruabitur institutio. Et Monachus de Belotiulla solidos x. persoluet. Rogauit etiam in eodem Capitulo Fratres & Thomas huius consuetudinis institutor, vt sibi illud idem concederetur, siue Abbas, siue ex-Abbas moreretur. Concessum & confirmatum est. Et Monachus de Guillar-villa illo die solidos x. persoluet. Eandem enim possessionem cum multis aliis possessionibus nobis adquisiuit & ædificauit. Posuit autem in manu Prioris, totiusque Capituli, vt si aliquis negligens vel contumax institutum censum ad refectionem Fratrum diebus supradictis reddere dissimulauerit, non expectato Abbate, grauiter corripiatur, & donec denarios persoluat clauſtro retineatur. Quisquis has institutiones ausu temerario infringere temptauerit, anathema sit. His ad eorum doctrinam, qui post nos futuri sunt, elicitis, cetera texenda sunt.

LDONICVS
VI. GROS-
SVS
1129.

ANNO Incarnationis Domini nostri IESV CHRISTI MCXXXIX. HONOR- A
RIVS II. qui post Calixtum Papam super cathedram Petri federat, Romæ in Ec-
clesia beati Andreæ, quam apud Clivum Emilij Scauri beatus ac præcipuus Do-
ctor magnus Gregorius suis sumptibus ædificavit, defunctus est. Cardinales, qui
cum Cancellario inibi aderant, & Honorio infirmanti assederant, GREGORIUM
quendam scientia ac religione præclarum sibi præficiunt, & nimis festinanter, ut à
quibusdam dicitur, Pontificalibus induunt insignibus. Id illius gratiâ dispensatio-
nis factum dicunt, ut PETRUM quendam, qui seculariter ad Papatum videbatur
aspirare, spe sua frustrarentur. Fuit hic Petrus Petri filius filij Leonis. Leo verò à Iu-
daïsimo pascha faciens ad Christum, à Leone baptizari, & eius nomine meruit in-
signari. Hic vir, quia scientissimus erat, in Curia Romana magnificus effectus, ge-
nuit filium nomine Petrum, magnæ famæ magnæque potentæ post futurum. Ea
tempestate inter Regem Theutonicorum, qui ex successione Karoli Magni Ro-
manorum Patricius erat, & Ecclesiam Romanam illa turbulentissima de inuestitu-
ris orta est seditio. In qua vir ille in tantum armis strenuus, consilio prouidus, &
Ecclesiæ Romanæ fidelis extitit, ut ei cum ceteris munitionibus, quæ Romæ sunt,
illam quoque, quæ illius vrbs videtur obtinere similitudinem, turrin dico Cres-
centij, quæ à parte Galliarum in capite Tiberini pontis sita est, Papa committeret,
& eum præ ceteris familiarem haberet. Hac occasione mirabiliter excresecens co-
tidie sui melior efficiebatur, & diuitiis, possessionibus, honoribus augmentabatur. B
Inter ceteram sobolem, cuius plurima multitudo sexus vtriusque à quibusdam
Antichristus gloriabatur, genuit hunc Petrum, de quo sermo nunc est, qui litteris
traditus, à quibusdam Antichristi præambulus appellabatur. Iste studij gratiâ Gal-
lias atque Parisius adiit, & cum repatriaret, apud Cluniacum ditissimum atque san-
ctissimum Cœnobium Monachilem habitum induit. Aliquantisper inibi regulari-
bus institutionibus imbutus, à Papa Paschali II. patris admonitione retrahitur
ad Curiam, & Cardinalis effectus tempore Calixti Papæ, cum eodem Gregorio
Legatus missus ad Gallias, Carnoti Beluacique Concilia celebravit. Mortuo
Honorio, potentissima fratrum suorum familiæque quàm maximæ numerositate
fretus, & Portuensis Episcopi cuiusdam litteratissimi, & sicut putabatur religio-
sissimi senis impetu animatus, Pontificatus culmen arripit, Cleri populique non
parua consuetudine sibi consentiente. Id in Ecclesia Dei seminarium maximi
schismatis erat, & ut secularis ille Historiographus de aliis dicit, Res mala, spes
multò asperior. Gregorius autem, qui iuxta consuetudinem Præfulatus assumpti
INNOCENTIVS appellatur, consiliis suorum adquiescens, nauimque conscen-
dens, à Roma discedens, Pisæ littoribus allabatur, & mox ab illa vicinisque ciuita-
tibus libentissimè suscipitur. Dum hæc in Italia aguntur, Rex LDONICVS Archie-
piscopos Remensem, Senonensem, Bituricensem, Turonensem, simulque Episco-
pos Regni sui, & Abbates Stampis conuocat. communicatque consilio Innocen-
tium, quia & vitâ sanctior, & famâ melior, & electione superior apparebat, cum om-
ni Regno suo Romanum Papam sibi que Patrem denunciat. Ad Gallias descen-
denti cum PHILIPPO filio suo, apud Floriacum, sancti videlicet Benedicti super
Ligerim situm Monasterium, supplex obuiam venit, adclinis iuxta morem pedem
osculatur, ut Christi Petrique Vicarium lætus veneratur. Rex Angliæ HEN-
RICVS, qui tunc in Normannia morabatur, hoc exemplo prouocatus, ut eum
videret Carnotum properat, & illum Papam suscipiens maximis muneribus ho-
norat. Statutum est in Curia hinc ad Patricium Romanorum Teutonicorum
Regem iter dirigere, & de Carnoto statione prima Mauriniacum hospitari.
Cumque ab astantibus dominis & amicis nostris, Henrico Archiepiscopo Seno-
nensi, & Gaufrido Episcopo Carnotensi, loci huius paupertas ostenderetur, & obi-
ceretur, Papa noluit precantibus adquiescere, & locum & Abbatem affirmat se
benè cognoscere. Ipse enim cum suo illo aduersario Petro, quando Legatione fun-
gebantur in Gallia, hospiciū sumpserat apud nos, & diebus duobus satis accuratè
fuerat procuratus. Contigit Abbatem nostrum & Garinum Priorem in Aquilina
ultra S. Leodegarium ad loculum quorundam Heremitarum tum esse. Fratres
turbati ex insperato nunciato tanti Pontificis aduentu, quippe qui importabilis
esse videbatur, tum quia id vno solo præcedente die mandauerat, tum quia cum
gravi atque maxima multitudine superueniebat: mittunt velociter ad Abbatem

A qui talia nunciet, & venire festinet. Abbas autem Priórque nocte illa aliò ire disposuerant, & cùm ante lucem surrexissent, & per vnam leugam militassent, miraculum fuit, cùm Dei prouidentia ipsi nuncio noctis adhuc tenebris durantibus obuiassent. Accurrunt velociter, & iam penè ingredientem Mauriniacum dominum Papam suscipiunt gaudenter, procurant solemniter. Altera verò die, (nam biduo apud nos mansit) Papam Curiamq; Abbas supplex adiit, quatinus altare quod erat ante Crucifixum consecraret, humiliter postulauit & impetrauit. Anno igitur incarnati Verbi MCXXX. XIII. verò Kal. Februarij, à domino Papa Innocentio II. in Ecclesia Mauriniacensis Cœnobij consecratum est altare ante Crucifixum, in honore S. Laurentij & omnium Martyrum Christi. Inter eas venerabiles personas, quæ huic sanctæ consecrationi affuerunt, venerabiliores fuerunt, Episcopi Cardinales, Guillelmus Prænестinus, Matheus Albanensis, Ioānes Hostiensis, Guido Tiburtinus. Cardinales Presbyteri, Ioannes Cremenensis de titulo S. Grisogoni, Petrus Rubeus de tit. S. Martini, Humbertus Rubeus de tit. S. Clementis, Gotiellus de tit. sanctæ Cecilie. Diaconi Cardinales, Romanus de tit. sanctæ Mariæ in Porticu, Haimericus Cæcellarius, Diaconus Cardinalis de tit. sanctæ Mariæ nouæ, Guido de tit. sanctæ Mariæ in Valata. Adinulfus Abbas Farfensis, Bernardus Abbas Clararum vallium, qui tum temporis in Gallia diuini verbi famosissimus prædicator erat. PETRVS ABAILARDVS Monachus & Abbas, & ipse vir religiosus, excellentissimarum rector Scholarum, ad quas penè de tota Latinitate viri litterati confluebant. Girardus Abbas vir æquè & litteratus & religiosus. Sanxon Abbas S. Luciani de Beluaco. Henricus verò Senonensis Archiepiscopus iuxta domnum Papam in loco Capellani fuit. Gaufridus autem Carnotensis Episcopus ad populum sermonem fecit. His ita cum maximo tripudio peractis, luce tertia domnus Papa cum suo comitatu lætus discessit, ac maximas gratias pro hospitalitate reddens, ad suum colloquium, quod apud Leodiā fuit, profectus est.

V B I Lotharius Rex Alamannorum, Patricius ac Imperator Romanorum, qui post Henticum illum, qui Romæ Paschalem II. dolo captum incarcerationi, per electionem more gentis illius in Germania regnabat, cum omnibus Archiepiscopis, Episcopis, & Proceribus Regni sui, Innocentium Papam Patrēque recognoscit, & se cum eo Romam iturum, & in Sedem propriam restitutum sacramento sponndit. Exindè rediens Innocentius ad Galliam, diūque Autissiodoro commoratus, cùm tempus conuocati Concilij, quod in festiuitate beati Lucæ Euangelistæ Remis celebraturus erat, appropinquaret, conciliato prius apud Turonum GAUFRIDO MARTELLO nobilissimo & strenuissimæ indolis adolescente, Comitē Andegauenſium, Turonorum, atque Cenomannenſium, rursus per Aurelianensem, Stampensēque rediens prouinciam, suā præsentia Parisius illustrauit. Ingredientem tota ciuitas obuiam iuit. Sic homo ille & comitate vultus, & affabilitate sermonis, intuentium mercabatur beniuolentiam. A Rege LVDOVICO filiōque eius PHILIPPO fauorabiliter excipitur, & egrediens ab vrbe honorabiliter educitur. At, vt ille ait,

Omnia sunt hominum tenui pendencia filo.

Inter enim huius lucidissimam prosperitatis serenitatem, subiti fulguris inopinitus casus oboritur, qui corda omnium suæ nimietatis horrore concuteret, & non minus stuporis quàm doloris mentis obtutibus densissimas tenebras offunderet. PHILIPPVS namque Rex & Regis filius amœnissimus puerorū flos, annos plus minus quatuordecim à natiuitate, à consecratione verò duos & sex menses habens, dum veluti puer Regius & totius Orbis dignus Imperio, quippe qui formā corporis & egregia faciei simplicitate, præ cunctis mortalibus sui temporis & ætatis eminebat, super velocissimum equum cum quibusdam sequipedis luderet, in ipsa vrbe, in angiportu quodam porcus occurrens ex aduerso in pedes equi incursantis irruit, & equum cum assensore super se deiecit. Comitibus præ timore huc illucque diffugientibus, manibus pauperum personarum ad proximam domum delatus, membris omnibus penè confractis, die sequenti vitæ spiritum vltimum exhalauit. Sic puer ille tener, & in quo Regni Francorum spes tota sita erat, horrenda morte tormentatus rebus humanis exemptus est. Credi non potest quantus omnium Regem etiam minus diligentium mœror animos inuasit. Pater eius iratus quibusdam Vilcassini pagi Proceribus, qui suis imperiis non obtemperabant, de

LYDOVICVS
VI. GROS-
SVS.

sibi subiectis ciuitatibus, castelliis, locisque ad rebellionem opprimendam compro- A
uinciales milites euocauerat. Denique dominum Papam Remim proficiscentem,
Episcoporum, Abbatum, litteratorum, nobiliumque Clericorum grandis nume-
rus, qui sequebatur, ipso die Parisius aduenerat. Sic Ordinis vtriusque, totiusque
sexus & ætatis multitudine congregata, luctus intolerabilis & eiulatus sustollitur
ad sidera, affectu naturali, vt in re huiuscemodi fieri solet, aliis alios excitantibus,
corpus pueri ad Ecclesiam beati Dionysij deportatum, ibique sepultum est. Multi
de Proceribus illius præ nimio dolore penè exanimis facti, ad sua hospicia manibus
aliorum deportati sunt. Incomparabilis formæ speciositas, & tam subitæ mortis
atrocitas, animis omnium nescio si dicam miseriam, vel misericordiam ingerebant,
& doloribus augmentabant fomenta. Fuerunt, qui asseuerarent bestiam illam, per
quam puer offocatus est, numquam comparuisse, & idè aliquam de potestatibus
aduersariis fuisse, à pluribus æstimatum est. Talis huius Philippi simplicis & inno-
centis pueri, peccatis aliorum exigentibus, à præsentī vita sicut reor inauditus exi-
tus fuit. Ceterum mortis huius audito nuncio Papa præcordialiter permotus, mit-
tit à latere suo ad consolandum Regem venerabiles Episcopos, Gaufridum Cara-
launensem, & Matheum Albanensem, qui ex Prioratu beati Martini de Campis
per Honorium Papam Romam vocatus, & ad Episcopatum fuerat subrogatus.
Initur consilium, vt Rex quantocius ad Concilium properaret, & L Y D O V I-
C V M filium, qui post Philippum natus erat, subrogaret in Regem. Igitur Rex B
Ludouicus die Sabbati cum R A D V L F O Vermendensium Comite, qui sibi co-
gnatus, & Maior Regiæ Domus erat, multisque Francorum Proceribus, Conci-
lium ingreditur, Tribunal ascendit, domini Papæ pedes osculatur, iuxta quem
cathedra posita sedit, pauca pro filio defuncto perorauit, omnes ad lacrymas exci-
tauit. Papa verò in Regem conuertens intuitum, sic orsus est fari: Oportet,
" inquit, te, Rex optime, qui super nobilissimam Francorum gentem tenes im-
" perium, ad illius summi Regis, per quem Reges regnant, Maiestatem, men-
" tis oculos attollere, & eius voluntatem per omnia venerari. Ipse enim guber-
" nat omnia qui creauit omnia, & omnium habens scientiam, in vniuersitate re-
" rum nihil omninò vel facit, vel fieri permittit inuiusè, quamuis multa fiant in-
" iusta. Morem habet ille piissimus Dominus, ô bone Rex, fideles suos & pro-
" speritatibus consolari, & aduersitatibus erudire. Sicut enim in sancta Scriptura
" legimus, quæ eius Epistola de cælo per Spiritum sanctum ad nos in terra positos di-
" recta est, ipse percutit & medetur, & flagellat omnem filium quem diligit. Ego,
" inquit, occidam, & ego viuere faciam. percutiam, & ego sanabo. Ne videlicet
" homo, qui ad imaginem Dei conditus reatu transgressionis ad huius mortalitatis
" tenebras deuolutus est, pro patria diligat exilium: sed quantocius redire festinet
" ad illam, de qua peregrinatur in terris, cœlestem ciuitatem sanctam Hierusalem,
" cuius fundamenta sunt in montibus sanctis, hoc est in Apostolis nostris, quæ sur-
" sum est, quæ est mater nostra. Aduenæ etenim sumus, & peregrini, sicut omnes G
" patres nostri, nec habemus hîc manentem ciuitatem, sed futuram inquirimus. In
" ea cum Deo perenniter exultant, qui carnales hîc concupiscentias virenter con-
" culcant. Ad eam filius tuus simplicitatis & innocentie puer emigravit. Talium
" enim est regnum cœlorum. Dauid, ô Rex, qui bonis Regibus exemplar virtutum
" fuit, dum filius illius languesceret, grauissimè plorauit: postquam verò mortuus
" nunciatus est, de cinere & cilicio in quo iacebat exsurrexit, vestes mutauit, ma-
" nus lauit, ad conuiuium familiam conuocauit. Impossibile enim est non fieri quod
" factum est. & sciebat vir Deo plenus quantum peccaret, qui diuinæ iustitiæ vel vo-
" to contrairer. Depone nunc igitur hanc, quam tibi carnalis generauit affectus,
" quam pectore vultuque geris, animi mœsticiam. quia qui sibi vnum secum regnatu-
" rum suscepit, plures qui postea regnare possent tibi dereliquit. Debes etiam & nos
" consolari, scilicet homines extraneos, & à propriis sedibus expulsos, quos tu pri-
" mus omnium pro amore Dei & beati Petri in regno tuo honorificè suscepisti, ob-
" sequiis honorasti, beneficiis onerasti. Reddat tibi Dominus vicem & perpetuam
" mercedem, Domine Rex, in illa, de qua gloriosa dicta sunt, ciuitate, in qua est vita
" sine morte, æternitas sine labe, gaudium sine fine. Huius orationis mirabili velut
antidoto faucium cor Regis, sanctus Apostolicus deliniuit. Ac protinus surgens
in pedes, oratione Dominica, sicut mos Christianus exigit, dicta sub silentio, pueri

A defuncti animam absoluit. Dein Archiepiscopos, Episcopos, Abbates, per obedientiam monuit, quatinus sacris atque festiuis, sicut erant in Conuentu, vestibus induti, die crastina, quæ Dominica futura erat, sese repræsentarent, & consecrationi noui Regis interessent.

LYDOVICVS
VI GROS-
SVS.

I C I T V R eo die solito clarior sol illuxit, & rebus agendis suum obsequium ouanter præsentare visus est. Papa mane summo de Palatio Pontificis egrediens cum suis Curialibus & Archiepiscopis, Episcopis & Abbatibus, ad Ecclesiam beati Remigij, vbi Rex cum filiis hospitatus erat, perrexit, & cum magna deuotione atque processione Monachorum decentissimè suscipitur. Ibique Romani Pontificis omnibus insignibus indutus, ac vt sibi consuetudinis est in sacris magnisque festiuitatibus, Frigio coronatus, innumera Ecclesiastici atque militaris Ordinis, plebisque multitudine constipatus, ad Ecclesiam matricem, quæ in honore beatæ Mariæ consecrata est, cum puero consecrando peruenit. Ante fores Ecclesiæ eos expectabant Rex, Proceres eius, Archiepiscopi, quidam Episcopi, Abbates, Monachi, Canonici, Clerici, conscholastici, qui de diuersis Galliæ ac Germaniæ partibus ad Concilium confluxerant. Intran Ecclesiam, puerum ad altare præsentant, & oleo quo sanctus Remigius per Angelicam manum sibi præsentato C L O D O V E M Regem Francorum in Christianum vnixerat, puerulum decem annos plus minus habentem cum ingenti tripudio dominus Papa consecrauit. Fuerunt qui dicerent numquam in Francia simul euenisse Concilij celebrationem, & ab ipso Romano Pontifice factam Regis consecrationem. Itaque Rex Ludouicus sumpta post lamentationem consolatione, cum coniuge & filio & Curia ad tractanda Regni negocia reuersus est. Ceterum die crastina domino Papæ in Concilio residenti per quendam Madeburgensem Archiepiscopum præsentatæ sunt Litteræ à Lothario Rege Alamannorum, in quibus rursus & obedientia promittitur, & quod se ad expeditionem cum iuribus omnibus Regni sui præpararet intimatur. Similiter etiam Rex Anglorum Henricus per Hugonem Archiepiscopum Rothomagensensem, & ornatissimas Litteras misit, & fidelem obedientiam promisit. Reges quoque citerioris Hispaniæ, senior H I L D E F V N S V S, & interioris iunior H I L D E F V N S V S, missis per Episcopos suarum prouinciarum Epistolis Papam salutant, sese filios & obediens denunciant, auxilium contra Christiani nominis inimicos, & regionum illarum inuasores Morabites suppliciter efflagitant. Fuerunt siquidem & lætitiæ & admirationi ad id negotium pertinentes excellentissimorum Heremitarum Cartusiensium Litteræ, quæ per quendam venerabilem Abbatem de Ordine Cistellensi delatæ, & in Concilio per Gaufridum Carnotensem Episcopum recitatæ sunt. Erant autem Cartusienfes in iugis Alpium Angelicam degentes vitam, supereminentiissimæ religionis & incomparabilis auctoritatis viri. Et quoniam nos vtilitati posterorum damus operam, Epistolam eorum Opusculo huic inferere decreuimus. Est autem huiusmodi.

C D O M I N O & Patri carissimo & reuerentissimo Apostolica Sedis summo Pontifici INNOCENTIO, serui & filij Cartusia pauperes illam quam mundus dare non potest pacem, suæque paruitatis deuotam seruitutem, & licet non necessarium obsequium. Multas ad vestri Apostolatus sacras aures preces, multas pro Ecclesia Gratianopolitana disponebamus offerre supplicationes, cogentibus eiusdem Ecclesiæ Clericis, & præcipue carissimo omni & veneratione dignissimo Patre & Episcopo nostro, qui quod sine lacrymis non scribimus, dissolutus morbis & senio inter defunctos quantum ad Episcopale spectat officium, potest adnumerari. Sed diuina ut credimus miseratione prouenit, à viro venerabili, & circa vestra serenitatis obedientiam valde deuoto Abbate Pontiniacensi, nostram exiguitatem interim visitare. Cuius auribus cuncta quæ conceperamus infudimus, efficacius & plenius viua voce vestris conspectibus inferenda, & quia semel & nihil sumus, fortè non sine presumptionis periculo, capimus loqui ad Dominum nostrum, rogamus supplices & obsecramus admonere vel exhortari minus idonei, quatinus in omnibus quæ Romana vestris diebus vel patitur vel facit Ecclesia, nequaquam terreamini. Sed magis confortamini in Domino, & in potentia virtutis eius, insuperabilibus armis munitus, quæ suis commilitonibus ex copiis vniuersalis Imperatoris beatus offert Apostolus, scuto scilicet fidei, & galea salutis: & qui non membra, sed errores & vicia trucidat, gladio spiritus. Nunc enim reuera non aduersus carnem tantum & sanguinem, quæ regnum Dei non possidebunt, sed aduersus retores tenebrarum & spirituales nequitias pugnandum est & pugnatum. Nam quid aliud

I i iij

LYNOVCVS
VI. GROS-
SVS.

Perinam duritiam & Leoniam rabiem, qua aduersatur & extollitur aduersus Principis Apostolorum Vicarium, nisi diabolica nequitia, inspiratio viperca. an. atrociter concitauit? Quid aliud inueteratum dierum malorum, Engolismensem videlicet GERARDVM, nisi ueternosa cupiditas, & ambitio diabolicis immissa suggestionibus, contra Catholicam pacem & ueritatem tam impudenter, tamque pertinaciter ire coegit? Quid nisi serpentina calliditas per humanam mutabilitatem aditum nocendi reperiens, tam detestandi schismati, flendis auctoribus, ex his quoque, de quorum scientia praeſumebatur, & fide plurimos copulauit? Sed hac religiosos animos, & in Catholica ueritate fundatos, tanto minus mouere, tantoque minus terrere debent, quanto sunt & ab ipso Domino longius ante praedicta, & a ministris iniquitatis crebrius temptata, & a ueritatis sectatoribus numerosius & feliciter superata. Quis enim anumerare sufficiat, quotiens Apostolica fides atque constantia, ipso qui eam dedit pradicente, & pradicendo roborante, non solum non defectura, sed alios confirmatura: Quis, inquam, numerare sufficiat, quotiens & potestatum seculi crudelitatibus sit impugnata, & schismaticorum atque hereticorum insidiis & fraudibus impetita? Quare autem ab eo, quo permittente uel iubente cuncta sunt, aliquid aliquando posse permitti sunt, ita ut infirmi quaterentur, fortes exercerentur, imperiti erudirentur, sapientes ostenderentur, & uniuersaliter boni coronarentur, mali condemnarentur. Nunc quoniam sacri pectoris intentionem a melioribus auocatam & diuinioribus, diutius quam decuit nostris tenuimus ineptiis occupatam, uestra Maestatis pedibus aduoluti, pro cunctis, sed maxime pro nouellis Religionibus, Cisterciensi scilicet ac Fontenaldensi, necnon pro uniuerso mundo preces offerimus. Non enim pars una, sed totus potius Orbis est uestra diocesis. Nam sicut Deus est unus, mediator unus, mundus unus, sol unus, & ut minora inferamus, in animalibus cunctis caput unum: ita beati Petri Vicarius, id est Papa, non potest esse nisi unus. Uniuerso itaque mundo rigorem disciplina, rectitudinem iustitiae, lumen doctrinae, & ipse, quam nomine quoque praefertis, incomprehensibilis debetis exemplar esse innocentiae. Nam sicut in hoc uisibili mundo lux est tenebris, & calor contrarius frigori, ita uestra totius seculi peccatis innocentia, erroribus sapientia, luxuriis temperantia, aduersitatibus tolerantia, & uiciis est obiecta iustitia. Ut dum ab uno vincitur unus, id est a beati Petri Vicario mundus, quo sine multitudinis uiribus fuerit parata uictoria, eo maior Deo, cuius est totum, honor reddatur & gloria. Per Dominum nostrum IESVM CHRISTVM, qui cum Deo & Spiritu sancto uiuit & regnat Deus, per infinita secula seculorum, amen.



PROLOGVS IN III. LIBRO HISTORIAE.



ICVT uerbo Verbi humana edocetur infirmitas, non ideo ab aliquo lucerna accenditur, ut in abscondito, uel sub modio celanda ponatur. Et sine dubio diuina pietatis munificentia idcirco iustitiae rigorem mortalibus quibusdam impertit, ut de intimis animae penetralibus per bonorum operum instantiam in patulum prodiens, eorum qui in circuitu ambulant uiciosam torritudinem audaci inuectione reprehendere possit. Hinc est, quod diuina sapientia beatum illum uirum secundum nouercalem uultuosi Pharaonis promulgationem, in enigmatico tenebroſa Egypti flumine uolenter expositum, pia prouisionis intuitu referuari uoluit. Cui sacramentis altioribus imbuendo, rubum absque consumptionis passione ardentem ostenderet, per quem multorum signorum noua ostensione inimicantis Pharaonis cor durum & impaenitens emolliret. Cui populi diu exulantis onerosum ducatum committeret. Ad cuius nutum marinus fluctus cederet, petra percussa contra consuetudinem latices ministraret. Quem repulsa cetera multitudine in montem euocans, familiaris colloctionis Priuilegio insigniret. Cui Tabulas testamenti caelesti arcano consecratas traderet, per quem populo ueteri toga recenter exuto nouas sacrificiorum species ederet, moresque gentis sibi consecratae bonitatis suae modulo innormaret. Multa sunt, inquam, huiusmodi specula, quae nobis

A ipsa proposuit. Quæ si humana fragilitas iugiter ante oculos habeat, ex eorum consideratione accipiet, quomodo temptationum laqueos fugiat, & ex imitationis vestigio qualiter in bonorum operum perseverationem adsurgat. Igitur cuiuslibet sancti hominis in hac vita positi debet conuersatio inspicere, ex qua utilis possit imitatio adsumi. Ex quo autem terrestris domus huius habitationis dissolvitur, opus est ut eiusdem memoria obsolescere non sinatur. sed quamvis eum à seculo dispensatoria mors absintet, pro religiosis tamen operibus honestæ opinionis ipsam fragrantiam repræsentet. Ego itaque iuxta debilem mei ingenij tenuitatem ordinem Historiæ prosecuturus, imprimis Abbatis THOMÆ facio mentionem, qui etiam si humani oris laude non recolitur, pro ipso tamen operacius loquuntur. Hicigitur Thomas ex humili descenderat femore, sed ipsam naturalem pauperiem redimebat morum non mediocri honestate. Qui cum feruentissimè ad Dominicum aratrum manum misisset, & eum post HUGONEM ad obtinendum loci huius regimen cælestis dispensatoris prouisio subrogasset, non tantum voluit præesse quàm prodesse. Memorque illius dicti Prophetici, Virga tua & baculus tuus ipsa me consolata sunt, & virgam in disciplina tenuit, & baculum in consolatione non dimisit. Tanto discretionis temperamento utraque menti eius infederant, & iustè consulens misericordia, & piè sapiens disciplina, ut neque multa asperitate subditos exulceraret, neque nimia lenitate dissolueret. Huic autem viro multimoda diuinorum donorum gratia inerat, quem inter cetera sermo scientiæ eminentiori prærogatiua ornabat. Ipsius verò scientiæ dono in modum ociosi ferramenti uti nolebat, nec fructum emolumentii, quod ex ipso est, in sola eius possessione constituebat. Tota erat eius sedulitas circa cultum diuinum, tota circa procurationem Fratrum. Quid plura? tempore suo Ordinis rigorem viriliter obtinens, ædificia de paucis in plurima, de minimis in maxima transfigurans, non habita sapienter acquirens, adquisita fideliter dispensans, dispensata strictissimè conseruans, usque in hanc diem celebre nomen adeptus est. Et ut verè dicam, ista laus ei ascripta parua videbitur, si in cordis trutina cum multitudine operum appendatur. Porro ne vini acumen aqua immixta consumat, & modicum fermentum totam massam corrumpat, hæc pauca quæ de ipsius laude præloquimur, inter nostri sermonis rusticitatem & locutionis suæ celsitudinem loco idus habeantur.

G

EXPLICIT PROLOGVS.

INCIPIT LIBER TERTIVS.

EO igitur tempore, quo INNOCENTIVS Honorio decedente ad agendas vices Apostolicas recenter promotus, post solemnem Concilij celebrationem à Francia repedauit, GUILLELMVM Pictauorum Comitem ad S. Iacobum peregrè professionem aggressum aspera infirmitate detineri, & vsq; ad mortis difficultatem contigit perducere. Hic itaque cum à Deo prouisa fatalis fili ocasio propinquasset, & ineuitabilem spiritus exalationem sibi imminere conspiceret, terræ suæ Procetes & Optimates accersiens, eos coactitio iurisiurandi vinculo constrinxit, ut filiam suam LVDOVICO Regis Ludouici filio copularent, & Terram suam ambobus secundum consuetudinem connubij manciparent. Ipse verò Guillelmus rebus humanis exemptus, in eadem Ecclesia beati Iacobi est tumulatus. Enimverò prædicti Regis filius nomine LVDOVICVS iuuenis erat corporis elegantia clarus, morum honestate & religione magnificè præditus, sensus & sapientiæ viuacitate acutus. Hunc, ut ita dicam, sapiens ille artifex inter alios cœtaneos suos

LUDOVICVS
VI. GROS-
SVS.

quasi flosculum redolentiorum protulerat, qui futuri in se valoris in ipsa primæ A
ætatis teneritudine iam manifestè indolem præferebat. Igitur imminente desti-
natæ sibi Virginis ductione, pater Ludouicus itineri necessaria præparat, & ut tan-
ta res citò effectui mancipetur elaborat. Imperialis itaque edicti taxatione ubi-
que publicata, militum agmina non parua properanter conueniunt, & ad amplia-
tionem Regij comitatus vrbes & oppida suorum multitudinem habitatorum emit-
tunt. Inter quos erant præcipui & famosissimi Optimates, Theobaudus Comes
Blesensis, Radulfus Vermendensis, Guillelmus Niuernensis, Rotrodus Perticen-
sis. Isti ex propria & Regis voluntate copiam militum suorum adduxerant, Re-
gique ut Domino suo honorem & reuerentiam exhibebant. Erat etiam inter eos
Gaufridus Carnotensis Prouinciæ Episcopus, scientiæ quidem litteralis non indi-
gus, secularium quoque negotiorum dispositor ac tractator famosus. Hunc præ-
cedentes Apostolici amicum semper & familiarem habuerant, & pro valoris vel
elegantiae, qua præditus erat, magnitudine, totius ei Aquitaniae Legationem indi-
xerant. Igitur iter à Galliis promouentes, Burdegalis veniunt, ibique ad cele-
brandas Regales nuptias celebriores apparatus fiunt. Nec Ludouico præcedens
militum adunatio sufficit, insuper & Pictauorum multitudinem immensam accer-
sit. Indicitur omnibus communis lætitia ex communis Domini glorificatione ab-
stracta. Sine mēsurā & numero omnes se præsentant & exhibent, quasi in Re-
galium loculorum vacuationem vnanimiter coniurassent. Quam multimoda ibi
expensarum facta fuerit munificentia, vix Tullij ore proferri, vel Regalium fer-
culorum & deliciarum preciosa varietas illa memorabili Senecæ posset memoria
comprehendi. Igitur vniuersis Aquitaniae Pontificibus cum Archiepiscopo suo
GAUFRIDO astantibus, LUDOVICVS est puellæ nomine AENORDE legali
vinculo sociatus. Ibique vterque est impositione aureorum diadematum insigni-
tus. Ibi etiam Ludouicus fidelitatum & homagiorum pacta accepit, & in proprio
habere cœpit. Sed quia diem nox premit, & crebrò mutantur vices felicitatis hu-
manæ, fortuna, quæ sibi in magnifica illius honoris gloria hilaris ac læta adriserat,
demum vultus sui deceptorium colorem mutauit, & importuno luctu extrema
gaudij occupauit. Omnibus enim adhuc illius deliciosæ epulationis plenitudine
& lætitia dissolutis, ecce Legatus pernici cursu delatus aduolat, & Ludouicum
Regem, qui diu graui diarria laborauerat, vitam Parisius finisse denunciat. Huius
Regis vita vel probitas idèd à nobis non exponitur, quia adhuc in mentibus homi-
num per memoriam scripta esse videtur. Si quis verò infirmitatis illius, qua de-
cubuit, angustiam, vel Christianæ confessionis eminentiam, quam viuens tenuit,
moriturus edidit, aut ipsius mortis modum, preciosum etiam sepulturæ locum ple-
niùs scire desiderat; quasdam Lektionen, quæ à SVEGERIO viro sapienti edi-
tæ in eius anniuersario leguntur, studiosè reuoluat. Porro nobis ad superiora re-
deundum est.

LUDOVICVS
VII. IV-
NIOR.

AUDITO itaque, ut suprà diximus, sine patris, tener ille animus noui sponsi
sine mensura confunditur, & exuto indumento lætitiae tunicā mœroris vestitur.
Eique vnus amissio magnum dolorem incussit, quem alterius susceptio valde læ-
tificauit. Et quem coniugalis copulæ inexperta lex in aliena fecerat proficisci, hunc
genitalis dulcedinis memoriā cogebat in natiua reuerti. Communicato itaque
cum Proceribus & sapientibus viris de necessitate reuersionis cōsilio, omnium sen-
tentia & deliberatio est, ut in partes Galliarum festinatò se conferat, ne minoribus
inhærendo maiora amittat. Sed quia mentem eius coniugalis remorder affectus,
aliquem præstantiorem virum providere placet, cui vxoris suæ custodiam Regiæ
potestatis præceptione interminet. GAUFRIDVS Carnotensis Episcopus eli-
gitur, ei que ipsius Domini cura & necessitatum prouisio ex toto indicitur, quo-
adusque pro amborum requisitione ab ipso Rege nuncius remittatur. Ab Aquitania
itaque Ludouicus discedens, quæ inter alias eminentior est vrbes, Parisius
petiit, ibique hereditari sibi lege debitum Regni imperium suscipiens, sine alicuius
contradictantis refectione possidens gubernauit.

PRÆLIBATVS verò Innocentius, de cuius electione & aliquantis operibus
superiori Libro plenius digestum est, à partibus Galliarum secedens, Romam vn-
de venerat intrauit. Sed quia PETRVS iniustus conuicarius maximam partem
sibi sociauerat ciuitatis, in illo temporis puncto plenitudinem debiti sibi honoris

- A** adipisci non potuit. Imò quodam modo bipertito Apostolicæ dignitatis culmine, LYDOVICVS VII LV- NIORE. INNOCENTIUS Ecclesiam beati Petri, in qua diuini Sacerdotij dignitas pen-
debat, solus per se obtinuit; PETRVS verò Lateranensis Palatii sedem, ad quam
Imperialis Celsitudo pertinet, occupauit. Exindè cœptæ venenatæ illius dissen-
sionis iam manifestior vbique amaritudo diffundi, & tota ciuitas euidentioribus
odiosi schismatis riuulis dissipari. Iam nunc verum videbatur illud rusticanum
proverbium: Difficile est, vt vnus habitaculi circulus lupum simul & agnum con-
tineat. Porro quia illa discissio nisi citò finem susciperet, populo, vrbi, dignitati,
maximi damni occasio fieret, Innocentius violentiæ locum præbens, saniori consi-
lio accepto, Pisam se contulit. Erat sanè in illo persecutorum tumultu Engolismensis
quidam Girardus nomine. liuoris incitamentum, radix peccati, malitiæ nu-
trimentum. Huius hominis fretus suffragatione Petrus honorem illum arrogan-
ter rapuerat, & iniquitatem, quam per illum sine ratione inchoauerat, ipso insti-
mulante ducere ad perfectionem volebat. Girardus iste multos quidem iam an-
nos excefferat, sed adhuc iniquitas potissimum in illo florebat. Illi semper iurgia
& dissensiones placuerant, & expulsis omnibus bonis affectibus eius animum quasi
iure hereditario possidebant. Tali itaque vicio in consuetudinem adducto iam ca-
rere non poterat, quia mala opera sua, quod vltimum est malorum, amabat. Et
idcirco ex hoc vicio, in quo diu iacuerat, ablui difficile erat, quia non inquinatus,
B sed infectus erat. Hic ergo quia Petro, eiusque complicitibus, iniquitatem suam
prauis ammonitionibus maliciôsè affricuerat, eos contra Innocentium semper
actiores reddebat. Innocentius autem tam diu Pisæ demoratus est, quoadusque
Petrus Apostolicæ Sedis dignitatem morte terminante reliquit. Et tunc Romam
regrediens, & suæ & alterius partis fauore & acclamatione honorificè susceptus, &
in summi Pontificatus honorem gloriosè est sublimatus. & quod prius ex parte te-
nuit, ex toto possidere perfectè & integrè cœpit. Qui post illi vsque inter ipsum
& Petrum fuerat altercationis placationem vniuersalis Ecclesiæ principale Con-
cilium Romæ aggregat, vt in ipso imminentes Ecclesiæ necessitates decenter or-
dinet & disponat. Facto igitur incomparabili omnium Prælatorum conuentu, ipse
vt erat habitus preciositate excellentior, ipsius etiam faciei aspectu aliis reueren-
tior: vt etiam doctrinali litterarum scientiâ eminentior, de rebus quæ oportunio-
res videbantur tractaturus, inter alios adfurgens ita exorsus est. Ad vos, inquit,
sermonis mei summa ex toto dirigitur, qui non semen Chanaam, sed heredes spe-
ciales estis, & filij Excelsi omnes. Qui pro diuinæ genituræ signis armillam conti-
nentia, baculum rigoris & iustitiæ, anulum perfectionis à vero Iuda suscipientes,
ea per discretionis modum in brachio, in manu, in digito gestatis, & qui vnus cum
Deo spiritus effecti, nihil aliud sapitis. Vos, inquam, quorum astuta prouisio su-
per curam animarum inuigilat, quibus ipsius authenticæ nuncupationis dignitas
propriè operationis inoculat. Nostis, quia Roma caput est mundi, & quia à
C Romani Pontificis licentia Ecclesiastici honoris Celsitudo quasi feodalis iuris con-
suetudine suscipitur, & sine eius permissione legaliter non tenetur. Scitis etiam,
quia eius proprium est, vt dissentientes pacificet, & confusa sapienter disponat &
ordinet. Porro, impossibile est, vt vnguentum in barbam descendat, si in capite
non redundat. Debile namque caput totum dat debile corpus. Neque in vsu
est, vt quemlibet ægrotum ille medicus curet, quem eiusdem infirmitatis crucia-
tus tenet. Et si à Deo per malitiam Pontifex summus disiungitur, vix effici potest
vt per eum Deo alij reconcilientur. Igitur quotienscumque veterinosus hostis con-
tra pacem à Deo in terra hominibus bonæ voluntatis datur, & aduersus canonica
instituta venenosum caput conatur attollere, totiens ab illa forti muliere, quæ à
Salomone commendatur, zelo iustitiæ conteri debet, ne si primo aut secundo con-
flitu impunè superauerit, perniciosius postmodum insolescat. Longè etenim an-
te nos dictum est, venena inuidiæ posse quidem ratione superari, sed difficile con-
quiescere. Quæ dum sæpè auditu percepta cognouimus, nunc ea tamen ipso effe-
ctu manifestante experti sumus. Et quod sine lacrymis dicendum non est, eo vsque
seruari sumus, vt viderimus fas omne calcari, potestate pro iure vti, patriæ leges
solui, negari ius viuentibus, pacem ciuibus, diuini cultus obseruantiam præuari-
cari. Oportuerat denique vberiori quadam deploratione & miserrimo eiulatu
præire nos funus quoddam maternæ solemnitatis, & velut quasdam exequias pro-

LYDOVICVS
VII. IV.
NIOR.

sequi diuini mysterij intermissa obsequia, prouocante nos præsumptuoso quorum- A
dam instinctu, qui non intelligentes mensuram suam: sed sicut Nemroth quon-
dam confusionis turrem contra Dominum erigere conatus est, sic isti contra
" Deum, quia Spiritus sanctus Deus est, & aduersum Christos eius ceruicofitatis
" suæ profanum tumorem moliti sunt attollere, & segregati inter se diuersitatibus
" errorum, quasi per dissonantiam linguarum ab vnitate Ecclesiæ diuisi, in Spiritum
" sanctum offenderunt: quia vnitatem cum fratribus non tenentes, caritatis gratiã
" priuati sunt. Qui enim Ecclesiæ non diligit vnitatem, non habet Dei caritatem.
" Verba siquidem Augustini testantur, quoniam quisquis à Catholica Ecclesia fue-
" rit separatus, quantumlibet laudabiliter se viuere æstimet, hoc solo scelere quod
" à Christi vnitatem disunctus est, non habet vitam in se, sed ira Dei manet super eum.
" Eorum igitur qui tales sunt, improbanda temeritas nostri liuoris, imò iustæ indi-
" gnationis incentiua causa extitit, qui ruptis diuinæ ordinationis vinculis, Sacerdo-
" talis reuerentiæ curam non habentes, tanti nominis auctoritatem, & spiritualis
" gratiæ potestatem prostrernere, & adnihilare temptauerunt. Eò per se ascen-
" dentes, quod nec canonicarum auctoritas institutionum prouexit, nec rationabi-
" lium virorum voluntas permisit. Igitur quia præcepta diuinæ legis, & sanctorum
" Canonum inrefragabiles sanctiones ferraamenta fuerunt in pace Ecclesiæ, arma
" esse debent in tempore belli. Et quæ diu intacta remanserunt, in tam exitiali ne-
" cessitate festinanter arripienda sunt.

H I S & huiusmodi adsertionibus dominus Apostolicus ceteris Prælati diuini B
sermonis fauos impertiens, omnibus propatula ratione ostendit, quod Petrus Leo-
nis non aliorum assentatione, imò rapinã se Apostoli Petri Vicario fecisset æqua-
lem. Cunctisque religiosi viris, quibus illud detestabile schisma displicuerat, ver-
" bis eius cum magna laude vnanimitè adclamantibus, respondit: Vnde quia in-
" ordinatæ personæ inordinata sunt decreta, quodcumque ille statuerat destruimus,
" quoscumque exaltauerat degradamus, & quotquot consecrauerat exordinamus
" & deponimus. Et quicumque per Girardum Engolismensem ad altaris officium
" accesserunt, Apostolica auctoritate interdicimus, ne ipsum impleant, & in illo
" ordinis gradu perenniter demorantes, ad superiorem non ascendant. His dictis,
singulos quos reos cognouerat propriis nominibus exprimens, eisque cum indi-
gnatione & iurgio exprobrans, pastores baculos de manibus violenter arripuit,
& Pontificalia pallia, in quibus summa dignitas consistit, de humeris verecundosè
abstraxit. Ipsos quoque anulos, in quibus ad ipsos pertinens Ecclesiæ desponsatio
exprimitur, sine respectu misericordiæ abstulit. Gaufridus etiam Carnotensis Epi-
scopus, vt supra dictum est, totius Aquitanie Legatus, accepta Domini Papæ præ-
ceptione, omnem Gallie regionem, ipsius quoque Aquitanie, studiosè circuiens,
omnia sanctarum Ecclesiarum altaria, quæ vel Girardus ille seditionis auctor &
obtentor, vel Gilo Tusculanensis Episcopus, aut eorum complices, chrismalis
vntionis benedictione in illius odiosi schismatis tempore consecrauerant, propriis C
manibus dissipauit, nec relinquens lapidem super lapidem, quem non destrueret,
solo funditus adæquauit, & ratione dictante alia eorum loco restaurare curauit.
Ab illius prædicti Concilij speciali conuentu Abbatem T H O M A M pro cuius-
dam necessitatis euentu contigit absentari. Vnde & assumpta occasione ab Ar-
chiepiscopo H E N R I C O suspensus est, quamuis Rex L V D O V I C V S eidem
Archiepiscopo pro illo excusatorie Epistolæ suffragium delegasset. Sed post ali-
quot dierum euolutionem, quidam Ecclesiæ Monachus Bartholomeus nomine,
fapiens, & nobilium profapiã oriundus, Archiepiscopum adiens, & tam precum
inquietatione, quàm rationis demonstratione cum placabilem Abbati reddens,
vt iterum pastorale officium exequeretur, ab eo meruit impetrare. Reuertens de-
nique quod egerat nunciauit, omnesque Mauriniaci Monachos valde lætificans,
Abbatem locum suum recuperare coëgit. Erat verò idem Bartholomeus veter-
rum Stamparum tunc temporis Prior, & cum impetratione veniæ erga Abbatem
in illo itinere ab Archiepiscopo petiit, vt redditus Ecclesiæ S. Martini, qui deter-
minatus tunc ad vi. libras erat, vsque ad xv. libras augmentaretur. quod & ab
ipso libenter obtinuit. Abbas autem frequentium molestiarum, quæ illatæ fue-
rant, iniuriã fractus, tuncque insurgentium negotiorum & persecutionum violen-
tiã desolatus, non diu in reddito honore permansit. Quoniam cuiusdam O D O-

A N I S professi nostri tunc sancti Remigij Abbatis consilio prauo infatuatus, sine ^{LVDOTICVS} acceptione Pontificalis licentiæ, sine Conuentus sibi commissi adsensu & per- ^{VII IV-} missione, Abbatiz suæ curam deferens, apud sanctum Martinum de Campis, ^{N I O R.} quæ Ecclesia rigore Ordinis tunc famosissima erat, gratiâ secretioris vitæ, & spiritalis quietudinis appetendæ secessit. Thoma igitur à Monasterij huius regimine taliter circa mediam Quadragesimam absentato, diu fuimus pupilli absque Patre, & mater nostra quasi vidua. Audiens verò Rex Thomæ eliminationem, Abbatiz desolationem, & futurum nisi citò subueniretur Ordinis detrimentum, ne Ecclesiam prouisoris solertiâ nudatam onus indigentiz, vel importuna pauperies defatiget, vt efficaciz nostræ negocium electionis adproximet, magno studio promaturare satagit & indulget. Qui licet iuxta seculares, qui lippi sunt, oculos, operam daret operi pio, non tamen iustè, & ad nostræ Ecclesiæ honorem ab ipso fiebat ipsius operis executio. Abbatiam enim liberam, & à tempore aui sui per liberalitatem VVlgrini ab omni obnoxietate emancipatam, in illo iam proximæ electionis articulo potestatiuæ coactionis districtione ad hoc temptauit pertrahere, vt Monachi nostri in electione sua liberam vocem non haberent, sed vt subiugales Abbatem, qui per manum aliorum & considerationem eis esset impositus, susciperent.

B H V I V S igitur violentiæ causâ explendæ, mittuntur ad nos O D O S. Remigij, & Ioscelinus S. Petri Milidunensis Abbates, & hi secum Litteras Regiæ voluntatis indices asportabant. Voluntas verò Regis hæc erat, vt quemcumque Monachum de Conuentu beati Martini nobis nominassent, excluso omni dilationis ausu loco Thomæ subrogaremus. Iam iam venerat tempus ad implendum Regis Imperium acceptabile, sed non ad honorem nostrum dies salutis. Iam iam de eligendo tractabant, cum Rex summus, cui seruire regnare est, terreni Regis ordinationi suam prætulit, & quod fieri præceperat euentu subito deturbauit. Adlatæ sunt enim in præsentia Abbatum Senonensis Archiepiscopi nobis vtilis Litteræ, quæ electionem si facienda esset interdicerent, si facta, ad nihilum deducerent. Continebatur quippe in illis Litteris iusta & rationabilis eiusdem Archiepiscopi querimonia, super hoc quod Thomas Abbatiz regimen, quod per ipsum acceperat, sine eius licentia, & sine Fratrum sibi subpositorum adclamatoria consensione subitò stultè & inconsultè reliquerat. Huius Archiepiscopi tunc temporis erga nos maxima beniuolentia erat, & idè etiam Rege nobis aduersante, partium nostrarum vtilitatem fouebat. Secundò dirigit Rex ad nos amplæ famæ personas, N A T A L E M Cancellarium suum Rasbacensem Abbatem, A L V I N U M Arrabatensem Episcopum, Magistrum H V G O N E M D E S. V I C T O R E in litteratura Magistros etiam plurimos excedentem; graui præceptione interminans, vt ad illorum discretionem nostra electio penitus pendeat, & vt illorum considerationi noster Conuentus obtemperare non negligat. Nos verò linceis oculis quid nobis necessarium esset intuentes, propalauimus nos non esse filios ancillæ, sed liberæ; & contra contrariam opinionis suæ valentiam procedentes, ora eorum, vt ita dicam, præloquendo obstruimus, quasi pari conclamantes adsensu, nos M A C H A R I U M Priorem de Longoponte in Abbatem & Patrem nobis eligere. Prior autem ille nepos erat A L B E R I C I Hostiensis Episcopi, in quo adeo probitatis & sapientiæ pullulauerat, & vsque ad perfectionem excreuerat ramus, vt Regi & Optimatibus Franciæ familiaris haberetur.

C T A L I igitur ac tanto viro à nobis electo, quia magnæ erat auctoritatis, qui pro coactione venerant non ausi sunt aliquatenus refragari. Sed quem pro adipiscenda libertate adsumpseramus, ipsa conseruata accepimus. Transfretato igitur tanti periculi pelago, æmulos nostros, vt ita dicam, in mari confusionis pudore oppressos submersimus. & præsentantes Regi electionem factam, assensum benignitatis suæ accepimus, ipso magnis præconiis attollente nostri valoris viuacitatem, & libertatis solitæ inuincibilem defensionem. Notificata est iterum Archiepiscopo Senonensi nostra electio, sed non potuit ab ipso extrahi factæ electionis concessio. Iterum namque obiecit, quod Thomas à curæ pastoralis officio per ipsum absolutus non fuerat, & idè nullus in eius loco ordinari & substitui regulariter poterat. Igitur cum iterum ad Regis notitiam hæc processissent, nolens

LYDOVICVS
VII. LV-
NIOR.

laborem Ecclesiæ, quem finitum esse putauerat, secundò iterari, mandauit Thomas vt patrino suo, ne diu vexari Mauriniacenses taliter pateretur, sed pergens Senonas curam pastorem in manu Archipræfulis absolutus relinqueret. Thomas itaque à Priore S. Martini Senonas ductus, cœpit super dimissione sua cum Archiepiscopo agere. Cùmque curæ pastoralis ministerium, quòd per baculum acceperat, per librum reddere voluisset, renuit Henricus, dicens quia sicut facta fuerat regiminis per cambutæ traditionem susceptio, ita fieret per eiusdem redditionem dimissio. Quod & factum est. Illo itaque à Monasterij nostri gubernatione hora eadem excluso, duo ex Monachis nostris, qui in præsentia erant, Landricus scilicet & Robertus, electionem de domno Machario factam Archiepiscopo præsentauerunt. Quo audito, Archiepiscopus in risum applaudens dissoluitur. » Cùm Thomas, inquit, vsque in hunc diem Pater vester extiterit, qua ratione » alium eligere præsumpsistis? Et nunc ipsam electionem, quam irritam apud nos » esse per Litteras innotuimus, nobis quasi auctorizabilem præsentatis? Scitote quia » huc vsque laboris vestri series in vanum impensa est. Amodo libera potestate uti- » mini, ite, & secundum institutoris vestri regulam electionem facite. Hæc præta- xari Monachi audientes, ad nos citò repedare festinant, & quæ ipsis Archiepiscopus intimasset Capitulo communi renunciant. Accersitis iterum ad consilium Ecclesiæ sapientioribus, quo facto sit opus discutitur. Et vt ita dicam, Conuentus noster telam quam incœperat filo non alternato orditur. Electioni de MACHARIO factæ omnes consentiunt, & ipsam elongata omni mutabilitate stabiliunt. Prælibatos itaque Monachos Cluniacum mittimus, & vt ab Abbate loci illius Macharium à iugo obedientiæ absolui & emancipari postulent intimamus. Qui susceptam Legationem implentes, Cluniacum veniunt, & de re pro qua ierant Litteras suscipientes reuertuntur, Archiepiscopum pro benedictione Abbatibus expetunt, Litteras emancipatorias postulanti ostendunt. Quibus lectis, non inueniens Archiepiscopus perfectam in ipsis emancipationis demonstrationem, benedictionem distulit, ne fortè si subiugatum benediceret, inde maior rem nobis quam suscepimus tribulationis vexationem inferret. Remandauit igitur nobis, vt perfectiorem emancipationem ab Abbate Cluniaci expeteremus, asserens se numquam ei benedictionis consuetudinem impensurum, nisi plenius à iugo obedientiæ cognosceret absolutum. Indicitur iterum Roberto Brugerienfi itineris huius obedientia. Qui acceptis Regalibus Litteris, comitantibus secum PETRO Regis Capellano, & Magistro SIMONE DE PISSIAO, quos pro quibusdam negociis Romam Rex dirigebat, Cluniacum venit. Litteras igitur ad suæ voluntatis deliberationem factas accipiens, ad Archiepiscopum detulit, quarum integritatem Archiepiscopus amplexus est. Ductus igitur dominus Macharius Senonas, benedictus ab illo solemniter, & pastoralis officij commissa cura, ad nos relegatus, & solemniter à nobis processione receptus est.

HIS diebus acciderunt quædam repræsentationis elucidatione digna. Clerici enim veterum Stamparum solitam venenati cordis, quam semper post Monachorum introductionem habuerant, vrsiniam euomentes, in vigilia sancti Martini in Monachos nostros audaci refragatione insurrexerunt: ex quibus alios inhonestis & turpibus verbis, alios etiam verberibus afflixerunt. Dominus Macharius tunc Romam profectus erat. ad quem Prior legatum dirigens, omnia prout acta à Clericis fuerant ei intimaui. Qui vt Clericis maleficiorum suorum occasionem penitus à radice auferret, Apostolicum super illorum ab illa Ecclesia eliminatione Priuilegium in illo itinere adquisiuit, & ita eos vellent nollent sagaciter expulit. Priuilegium etiam de institutione Confraternitatis secum attulit. In illis quoque diebus HENRICVS Senonensis Archiepiscopus finem vitæ sortitus est, succedente sibi HVGONE venerabili tunc illius Ecclesiæ Præcentore. Tunc temporis etiam Ecclesia Bituricensis sui Pastoris defunctione non mediocriter desolata, grauis & importuni schismatis morbo insolente concussa est. In tantum verò discordiæ huius malum processit, vt vsque ad Apostolicum & Franciæ Regem perueniret. Quidam enim prædictæ Ecclesiæ Clerici assentiente Rege CADVRCVN quendam sibi volebant præficere. Altera pars illorum PETRO, HAIMERICI Romani Cancellarij consobrino, prærogatiuam

A illius honoris affectabant. Papa verò Cancellarium diligens, contribulem quoque suum pro ipso diligebat. Vnde & ipsi consecrato in Archiepiscopum suum integrè auxilium impendebat. Et licèt contra Regis voluntatem ipse præficiendus esset, ipsum misit Bituriges, Cadurcum verò omni Ecclesiastico honore priuauit. Videns Rex voluntatem suam ad efficaciam non potuisse pertingere, non modico fremitu iræ concussus est, & quasi in auctoritatem Apostolici volens indignationem conceptam retorquere, Petro totius terræ suæ introitum interdixit. Innocentiùs verò gladium Ecclesiasticum in vltionem exerens, per omne Regis dominium diuini celebrationem officij interdixit. Huius autem discordiæ malum omnibus diebus vitæ suæ integrè dulcorari non potuit. Vnde & contigit domnum Macharium causâ pacificandi Romam profectum, per Cardinalium intercessionem plurima impetrasse, sed ad reconciliationis gratitudinem nec precibus nec muneribus adtingens, reuersus est. In qua regressione detulit secum quoddam Priuilegium, omnem aliorum Abbatum acquisitionem continens, ita vt in illo penè singillatim cuncta numerarentur, quæ maioris auctoritatis erant.

PER hunc Macharium multa Ecclesiæ nostræ bona euenisse certum est, è quibus aliqua hic interpolare dignum duximus. In prima igitur, de qua iam diximus, regressione à Roma, attulit secum partem Crucis Dominicæ preciosi metalli fabrefactoria superductione veneranter opertam. Attulit & tria pallia preciosa, ex quibus quædam indumenta composita sunt. Augmentata quoque est ab ipso hæc Ecclesia Religionis & Cluniacensis Ordinis institutione, rerum quoque exteriorum sagaci & prouida dispensatione. Prædictus autem Papa Innocentiùs debitum humanæ conditionis exoluens, Romæ defunctus est. Cuius honori subrogatus est CELESTINVS, qui alio nomine Magister GVIDO DE CASTELLIS nominatus est. Hic verò prælatione illa dignissimus erat, quoniam ei tria, quæ inter homines penè habentur præcipua, simul confluerant, celebrémque Magistrum reddiderant. Nobilitas scilicet generis, mentis industria in omni statu æqualis, litterarum quoque, quarum doctrinæ intentissimus fuit, scientia multiformis. Ad hunc Rex noster Legatos pro pace ineunda misit, quam ita dulcissima impetratione obtinuerunt, vt in conspectu illorum, multorumque nobilium, quorum frequentia Roma fremere solet, benignè adurgeret, manûque eleuata signum benedictionis contra regionem hanc faciens, ipsam à sententia interdictionis absolueret. Mors verò nemini parcens tantum Pontificem V I I. infulationis suæ mense seculo præmatura abstractione eripuit. Quo ergastulo carnis exuto, substitutus est in Papam LVCIVS, Girardus de sancta Cruce, qui & ipse strenuissimus erat. sed & morte citius præoccupatus est. Hic diuersarum Ecclesiarum statui consulere volens, duos Legatos à latere suo mittere curauit, Albericum Hostiensem in Franciam, Haimerum Tusculanensem in Angliam. Qui ea quæ perniciofa erant euellentes, & quæ vtilia ædificantes, inuenerunt Abbatiam beati Benedicti in pernicioso statu positam, tam Monachorum leuitate, quàm Pastorum assensu. Cupientes igitur humilitate pia subuentione in oportuno tempore suffragari, Abbate qui illi præerat ab ipsis deposito, transtulerunt domnum MACHARIUM ad illius statum iuxta Cluniaci consuetudinem viriliter innormandum. Absoluentes ergo nos ab illius obedientia, licentiam nobis & facultatem Patris eligendi dederunt. Nos verò spiritus consilij, quam super hoc nobis attulerat, intimationem sequentes, elegimus THEVINUM Argenteoli Priorem, multimoda sapientiæ laude famosum. De quo sine mendacij ambiguitate possum affirmare, quia in omni tempore suo non est in Francia elegantior & speciosior visa persona. Hanc electionem cum Rex & prædicti Episcopi confirmassent, domnus Thoinus Senonas profectus, & à Gaufrido Carnotensi Episcopo, qui Archiepiscopo absente eius in officij executione Vicarius esse solet, benedictione solemnī sublimatus est.

PRÆNOMINATVS autem Papa Lucius paruo tempore, v. videlicet mensium in prælatione expleto, res sublunares inuitabilis passione eclypsis reliquit. Cuius successionem obtinuit EVGENIVS, qui & Bernardus Pisanus, tunc

LYDOVICVS
VII. IV-
NIOR.

temporis Clareuallensis Monachus, vir continentissimæ conuersationis & vitæ. **A** Abbas verò noster primo exaltationis suæ anno, quid sibi esset necessarium præuidit, & aliquantam pecuniam congregauit, quæ & eum ab onere paupertatis defenderet, & expensarum vsibus sufficienter seruiret. Secundo autem anno Ecclesiam noua opelturâ nouique laquearis tabulatu insigniuit. Similiter & de Dormitorio egit. Huic namque viro in dispensandis Ecclesiæ rebus tantam gratiam virtus diuina contulerat, vt quod alteri difficillimum esset, ipse ad efficiendum leui penderet. & quicquid molimine subtilis intellectus conceperat, mancipare effectui sine dilationis obstaculo satagebat. Vnctio ergo Spiritus sancti, in cuius præceptis ab ineunte ætate delectatus fuerat, eum docebat de omnibus, vt & ordinem statutum firmiter seruari faceret, & exteriorum operum strepitu superari more insipientis non posset. Cuius prouidentia cùm Domui nostræ nonnulla bona adsciuerit, quædam præcipua placuit hic referre. Infra muros igitur Abbatiz Aulam nobilem cum quibusdam appendiciis magno sumptu ædificauit. apud veteres Stampas aliam optimam. apud Firmitatem alteram mediocrem. quartam apud Stripiniacum nominatis omnibus præcellentem. Præterea emit decimam Gomarullæ, terramque dimidiæ carrucæ arabilem, cum multis aliis, quæ ideò narrare superuacuum esse duximus, quia Cartularum repræsentantibus litteris apud nos determinata habemus. Si autem ad necessaria Monasterij recurratur, ipsum calicibus, libris, casulis, cappis, palliis, multisque aliis ornamentis decorasse cognoscitur. Primo verò quo nobis præfuit anno, Thomas, **B** qui quondam nobis Pater extiterat, apud Columbense Monasterium commorans, ad diem est pertractus extremum. Quo etiam anno domnus THEOINVS Abbas Regem apud Aurelianum commorantem adiens, vt Priuilegium quod Pater suus Ecclesiæ nostræ dederat, Præcepti sui astipulatione stabile ex sua parte faceret, petiit, & quod petierat impetrans, Præceptum illud, quicquid pater suus dederat vel concesserat amplectens, secum detulit.

Eodem quoque anno Edessa ciuitas ab inimicis Crucis Christi; nostrorum dormitante prouidentia, capta, Sartacenorum dominationi repente accessit. Vnde & eos, qui in regione Hierusalem adiacente manebant, doloris immoderata angustia vsque ad intima perculit. Venerunt ergo ab Antiochia & Hierusalem in nostram regionem Legati à Primoribus partium, illarum missi suppliciter exorantibus, vt Francorum inuincibilis probitas periculum quod euenerat emendaret, & futura repelleret. Audiens Rex noster, vt erat piissimus, miseræ transmarinorum condoluit, & vt concepta inde pietas fructum aliquem afferret, Celsores Regni sui in Pascha apud Viziliacum, vt exigebat necessitas, conuocauit. Omnesque pio modulo alloquens, solitamque Francorum probitatem commemorans: Magnum, inquit, dedecus nobis emerget, si exprobrari cœperit Philisteus familiæ Dauid: si possidere cœperit gens dæmoniaca, quæ gens cultui diuino **C** dedita tempore longo obtinuit: si canes mortui viuam probitatem deluserint, maximèque Francorum, quorum virtus etiam inter vincula libera fuit: quæ in quantalibet necessitate artata, contumeliam etiam illatam pati non potuit. quæ amicis in tempore oportuno adiutorium promptè tulit, inimicos etiam post mortem persequi non cessauit. Non insolescat igitur ipsa virtus, sed amicos Dei & nostros, transmarinos scilicet Christianos, subuentu virtuoso releuet: inimicos autem viles, nec etiam hominum nomine dignos, graui persecutione deturbet. Eamus, viri virtutis, resistamus idolorum cultoribus, proficiscamur ad loca, quæ Dei hominis pedibus calcata olim fuisse cognoscimus, in quibus etiam passus est quæ eius præsentia & corporali visitatione digna fuerunt. Exurget autem Deus nobiscum, & dissipabuntur inimici eius, & fugient qui oderunt eum à facie nostra. Confundentur, inquam, & conuertentur retrorsum omnes qui oderunt Syon: si viriliter egerit probitas nostra, & à Deo non recesserit confidentia nostra. Magnam super hoc scitote iam mihi deuotionem incumbere. Vnde & vos obnixè deprecor, vt meam studeatis voluntatem vestro comitatu & auxilio robore. Multis igitur eorum qui conuenerant corde tenus infixus est sermo Regis. Quapropter assumptis cum ipso Rege crucibus, Hierusalem post tempus modicum tetenderunt. Famosiores autem inter omnes, qui cum Rege huius itineris

A angustiam subierunt, fuerunt hij. Alamannorum Imperator Henricus, Robertus frater Regis, Meldensis Comes Henricus, Comes Flandriæ Gaufridus *, Aluinus Episcopus Atrabatenfis, Giraudus Episcopus Lingonensis, Gaucherius de Monte-Gaij, Comes de VVarena, Rainaldus Tornodorensis, Manasses de Bullis, Eurardus de Bretolio. Rex autem volens tutelam Regi sapienti consilio disponere, congregare fecit apud Stampas Franciæ Primores, ibique ipsius Regni prouisionem SVGGERIO Abbati S. Dionysij commisit, viro in secularium causarum dispensatione nulli secundo, titulo etiam scientiæ litteralis præclaro: RADVLFO etiam Viromandensium Comiti consanguineo suo. Priusquàm verò Rex proficisceretur, EVGENIVS Papa quod Dei inspirauerat spiritus persuasione solidaturus in Franciam venit. Cuius benedictione lætificati, iter illius piæ peregrinationis statim adgressi sunt. Domnus verò Papa Remis celebrato Concilio Parisius venit, ibique aliquandiu demoratus est. Post niens in ipsa vrbe diebus aliquot vt tantum decebat virum, amplissimè ab fierent, Gallicanæ multum ex hoc grauata sunt Ecclesiæ. Noster quoque Abbas in ipsius procuracione xx. libras submonente Archiepiscopo Senonensi attribuit. Postea domnus Apostolicus repatriare in patriam volens, omnes qui Regnum ante Regis reditum inquietare auderent, anathematis sententiæ subdidit. Rex deinde noster cœptum iter laboriosè, sed non sapienter prosequens, consilia non recipienda recepit, & non tritam viam ambulans, pedibus spinas infigendas non cauit. Vnde & vastato exercitu, debilitatisque viribus, tandem Hierusalem vix peruenit. Vbi per vnus anni spacium & eo ampliùs commorans, nihil vtile, nihil memorandum, nihil pl. Franciæ dignum agere potuit. Vnde & obscuro a transmarinis partibus iter mo ipsamque recessu suo valde Quarto autem post Abbas noster THEVINVS tunicam carnis corruptibilis expolians, ante altare Abbatiz sepultus est, tantò maiori à Deo donandus & glorificandus munere, quantò in ornanda eius sponsa studiosiùs cognoscitur laborasse.

Pater sancte vale, tibi donum spirituale.



G E S T A LVDOVICI VII. REGIS. FILII LVDOVICI GROSSI.

Ex editione Francofordiensi, quæ cum MS. Codice Monasterij Sancti Dionysij comparata, & variis in locis correcta est.

I.



ONSVMMATO cursu vitæ gloriosi Regis LVDOVICI cognomento GROSSI, viri nobilis, potentia & audacia mirabilis, qui per malitiam suorum Principum tot aduersitates sustinuit, tot triumphos obtinuit, tot prælia victoriosissime peregit: Nunc ad filij sui LVDOVICI Regis Gesta populi futuri notitiæ tradenda, stylum quo possumus ingenio conuertamus. Qui diuina inspiratione cœlitus inflammatus, Abbatiam de Sacro-
 portu, quæ nunc *Barbehel* Gallicè dicitur, in pago Meledunensi, iuxta littus Sequanæ fundauit, vbi mausoleo mirifici operis corporaliter requiescit. Aggrediamur igitur Historiam, quæ ad continuandum præcedentibus sequentia sic loquitur: Quod iuuenis Rex LVDOVICVS, qui iam tempore patris sui Remis in præsentia Prælatorum & Principum fuerat coronatus, quando pater suus, qui iam per multum temporis ægrotauerat, expirauit, ad partes Aquitanix visitandas transierat; vbi eum certificauit de morte genitoris sui frequentia nuntiorum. Audita igitur morte genitoris, ciuitates & castella Ducatus Aquitanix sufficienter muniuit, & ad obuian-
 dum prædonum latrocinii & malignorum machinationibus, quæ post Regum obitus de facili solent accidere, versus partes Franciæ quantocius properauit. Aurelianis igitur veniens, seditionem quorundam ciuium compescuit, & eorum superbiam viriliter degradauit; qui sub obtentu Communitatis suæ in tantam præsumptionem elati, quasi contra Regem insurgere videbantur. Verumtamen illos, qui tantæ præsumptionis principes fuerant, indignata Maiestas Regia ultioni condignæ tradidit puniendos. Inde venit urbem Parisius, quæ est Regni caput & sedes Regia, vbi solent Reges antiqui conuentum Prælatorum & Principum euocare, ad tractandum super statu Ecclesiæ, & de Regni negotiis ordinandum. Ita fecit iste Rex iuuenis secundum quod ætas capere poterat, & status tem-
 poris exigebat. Magna erat in toto Regno lætitia, & spes bona multorum animos demulcebat, quod tam boni Domini tam nobilem receperunt successorem, qui malorum exterminaret nequitiam, & bonorum innocentiam illibatam auctoritate Regia custodiret. Tantoque maiori gaudio replebantur, eo quod rectum & legitimum receperant hæredem, de quo pax & honor eis & toti Regno felicissime veniebat. Maximè quando considerabant Romanum Imperium & Regnum Angliæ pro defectu hæredis legitimi magnum recepisse detrimentum, & de statu suo tam nobili corruisse.

Incidentia. QVONIAM verum fuit, sicut in rebus mundi mobilibus frequenter solet accidere, quod post mortem Henrici Imperatoris, qui decessit sine hærede legitimo, mora fuit magna contentio in illa solenni Curia quæ celebrata fuit in ciuitate Maguntix, vbi feruntur fuisse sexaginta millia militum, exceptis personis aliis & multitudine populari. Talis fuit causa discordiæ, quod Fredericus Dux Alemanniæ nepos prædicti Henrici Imperatoris volebat sibi Imperium quasi iure hæreditario vendicare. Sed Magontiensis & Colonien-
 sis Archiepiscopi, & maior pars Principum Imperij à dignitate & honore Imperij vnanimes repulerunt, & ad Lotharium Ducem Saxonix totaliter adhæserunt, & cum Aquisgrani consensu Cleri

A & populi solenniter coronarunt. Sed ista discordia causa fuit magnæ cladis & pestilentia, quæ exindè postea toti Regno, proh dolor! eueniunt. Quoniam ille Fredericus & quidam frater suus Conradus nomine, multas prædationes, & multas Ecclesiarum combustiones, & occisiones hominum, multaque prælia in terra Lotharij, inuidia stimulis agitati, eo quòd deiectus fuerat ab Imperio, & ille Lotharius fuerat introductus, nec impunè tamen, tanta mala Lothario intulerunt, quoniam in gente ferè damna paria pertulerunt. Vnde multum laudis & honoris meruit Lotharius, eo quòd ex consensu Baronum, Cleri, & populi ad regendum Imperium electus fuerat, quod sibi nec iure hæreditario, nec aliqua successione generis attingebat. Verumtamen quandiu rebus humanis interfuit, Imperium viriliter tenuit, & potenter defendit; nec solùm Regnum illud, sed & Regnum Italiae, & Prouinciam Capuæ & Boniuenti, & etiam vsque ad Regnum Siciliae penetrauit, Siculòque Rege illius terræ fugato ciuitatem Barri cepit, totamque terram illam & maritimas regiones suo dominio subiugauit. Sicque factum est, cum de terra illa rediret ad propria, onustus spoliis & famosus victoriis, morte præuentus interiit. cuius corpus à suis in suam Saxoniam est translatus, & cum per labores istos quos pertulit, magnanimi cordis constantiam, honorem, & laudem acquireret, vitam sine laudabili terminauit. Nec minus infelicius accidit Regno Anglorum fortuna consimili: quia post decessum Henrici Regis Angliæ, viri tam famosi & tantæ feritatis, quoniam sui corporis nullum reliquerat hæredem, Comes

B Boloniæ Stephanus nepos suus, & frater Comitum Theobaldi, subito Regnum Angliæ introiuit, & ibi in Regem coronari se fecit, non considerans quòd Comes Andegauis desponsauerat filiam Regis Angliæ Henrici, & ex ea genuerat hæredes, vt videbatur, propinquiore gradu generis successores. Istæ dissensiones & discordia, quæ exorta fuerunt in Regno per inuidiam Principum, & per malitiam inhabitantium, terram illam, quæ tam fuerat fertilis & abundans, penè redegerunt ad nihilum, & Regnum illud tam nobile fuit in magna sui parte per occisiones & rapinas miserabiliter deuastatum. Istæ clades & pestilentia aliorum Regnorum, erant Francis quasi gaudium & solamen, dum cernerent regna vicina pro defectu hæredis legitimi in tantam miseriam corruisse, & ipsi viuerent in pace & gaudio sub tam pio Domino & legitimo successore.

De morte Guillelmi Ducis Aquitania.

IGITUR quia gesta LVDOVICI Regis describere proposuimus, nunc ad ordinem Historiæ reuertamur. Iste Rex iuuenis cum esset in ætate quatuordecim vel quindecim annorum, bonis moribus exornatus; in omnibus gestis suis Deum habens præ oculis, diuina largiente gratia quotidie probitatis & sapientia suscipiebat incrementa. His diebus GUILLELMVS Dux Aquitaniae apud sanctum Iacobum iter arripuit, qui, volente Deo, antequam ad terminum ad quem suæ peregrinationis accederet, peractâ parte itineris, expirauit, nullum virilis sexus in Ducatu Aquitaniae relinquens hæredem. Verumtamen duas filias habuit, quarum vna maiornatu ALIENORDIS, & alia ALAYDIS vocabantur. Et quoniam terra sine virili hærede remanserat, Rex Ducatum in manu sua tenuit, & primogenitam sororum Alienordam sibi matrimoniali lege desponsauit, sicut superius est expressum in Historia patris sui, de qua filiam genuit Mariam nomine, quæ fuit Comitissa Campaniæ: & secundam Alaydam nomine Radulpho Viromandensi Comiti cognato suo matrimonio copulauit. Paruo temporis elapso spatio Gaucherus Montis-Gaij suo infelici omine in tantam superbiam assumptus est, quòd contra Regem voluit insurgere, & circa partes suas terram Regis & homines hostiliter infestare. Sed Rex Franciæ ira motus contra eum, vt Maiestatem Regiam decuit, aliquantulum mouit exercitum, & castrum Montis-Gaij circumcinxit; & impetu facto viriliter, satis facilius in potestatem suam redegit, portas & muros diminuit, & totam forteritiam quam inuenit, excepta magna turri, versam funditus solo tenus explanauit.

III.

EODEM anno accidit Chriſtianis lugubre infortunium, fortè meritis ſuis exigentibus, in partibus tranſmarinis. Nam Turcorum infinitus exercitus intrauerunt Regnum Hieruſalem, & obſederunt quandam nobilem ciuitatem quæ vocatur Rohes, & continuis inſultibus diu oppugnatam, eandem tandem ceperunt; non tamen ſine magna ſtrage & occiſione ſuorum, qui à Chriſtianis interfecti in anima & corpore perierunt. Qui propter captionem illius ciuitatis cœperunt mirabiliter ſuperbire, minitantes occidere omnes Chriſtianos illius regionis. Rumor huius doloris nuncius per Franciam citò diffunditur, & propter deſolationem ſanctæ Terræ obortis lacrymis corda fidelium perturbauit. Rex etiam vt audiuit inimicos crucis in tantam præſumptionem prorupiſſe, vt plenus fide & verè Catholicus, corde pio compatiens, tantam iniuriam propoſuit vindicare; & vt oſtenderet per effectum quod mente conceperat, eodem anno caſtro Vezelaici magnum Parlamentum congregauit. Ibi Archiepiſcopi, & Epifcopi, & Abbates, & magna pars Baronum Franciæ conuenerunt. Nec defuit ibi ſanctus Bernardus Clareuallis Abbas, qui cum quibuſdam de Prælatiſ de aſſumptione crucis prædicans monuit Barones & populum, vt ad vindicandas Chriſti iniurias viribus totis inſurgerent; exponens eis quanta mala Chriſtianis feciſſent Turci in partibus tranſmarinis. Cuius os in prædicando, opitulante ſanctitate, non laborauit in vacuum. B

Nam Rex primus proſiliens cum magno deuotionis ardore ſignum ſanctæ Crucis aſſumpſit, & poſt ipſum Regina Alienordis vxor ſua, monentes per exemplum, vt ſic Prælati facerent & Barones. Tunc videntes Regem & Reginam ſignum Crucis aſſumpſiſſe cum magno deuotionis affectu, iſti quos litera nominabit crucem vnanimiter aſſumpſerunt. Videlicet Alphonſus Comes Sancti Egidij, Thiericus Comes Flandriæ, Henricus filius Comitſ Theobaldi Bleſenſis, Guido Comes Niuernenſis, Reginaldus frater eiſ Comes Thenodori, Comes Drocarum Robertur frater Regis, Yuo Comes Sueſſionenſis, Guillelmus Comes Pontiuienſis, Guillelmus Comes Guarentiæ, Archambaudus de Borbonio, Enguerrannus de Couciaco, Gaufridus de Ranconio, Hugo de Liſigniaco, Guillelmus de Cortegniaco, Renoudus de Monte-Argiz, Ytherus de Thociaco, Guicherus de Monte-Gaij, Eurardus de Bretholio, Droco de Monciaco, Maſſerſus de Bugues, Ancellus de Trienello, Guerinus frater eiſ, Guillelmus Buricularius, Guillelmus Agilons de Tria, & plures alij nobiles & magni nominis milites. De Prælatiſ, Simon Epifcopus Nouiomenſis, Godefridus Epifcopus Lingonenſis, Arnulphus Epifcopus Liſienenſis. De Abbatibus, Herbertus Abbas S. Petri viui Senonenſis, Theobaldus Abbas ſanctæ Columbæ Senonenſis, & multæ aliæ perſonæ nobiles, quorum nomina propter confuſionem cenſuimus ſilentio reprimenda. Eodem anno Conradus Alemannus Imperator, & Ferricus Dux Saxoniz nepos ſuus, C qui poſtea fuit Imperator, audito infelici infortunio Terræ ſanctæ, cruces ſimiliter aſſumpſerunt; multique Alemanni & Saxones nobiles & potentes. Meris ſimiliter crucem aſſumpſit Comes Moriennæ auunculus Ludouici Regis Franciæ, multique cum eo Principes & Barones. Rebus quas prælibauimus ſic peractis, venerabilis Pontius Abbas de Vezeliaco, vt locus ille, in quo ſanctâ congregatio crucem aſſumpſerat, tam nobilis facti memoriam in perpetuum retineret, in honorem ſanctæ Crucis Eccleſiam conſtruxit, quam poſtea diuina potentia voluit multis miraculis illuſtrare. Per totum annum integrum portauit Rex crucem conſtitutam in humeris à feſto Reſurrectionis uſq; ad aliam, & vltèrius uſque ad feſtum quod dicitur Pentecoſtes. Interea accidit caſus deteſtabilis & horrendus, quòd ciues Communiæ Senonenſis contra Herbertum Abbatem S. Petri viui iracundiam conceperunt, eo quòd Communiæ ſuam diſruperat, & fecerat eneuari, & propter hoc ipſum morte crudeliſſima peremerunt. Rex ad tanti ſcleris ultionem accinctus, partem homicidarum ab altitudine turris ad terram præcipitari præcepit, & alios fecit Pariſius decollari.

A

*Quando Rex Francia Ludovicus & Imperator Conradus iter transmarinum
assumpserunt.*

LVDOVICVS
VII. IV-
NIOR.

A NNO igitur ab Incarnatione Domini MCXLVII. in hebdomada secunda ^{IV.}
post festum Pentecostes, prius ordinatis rebus, ad iter peregrinationis tantæ ^{1147.}
necessitatis, venit Rex, ut moris est, ad Ecclesiam beati Dionysij, à Martyribus
licentiam accepturus: & ibi post celebrationem Missarum baculum peregrinationis
& vexillum beati Dionysij, quod *Oriflambe* Gallicè dicitur, valde reuerenter
accepit: sicut moris est antiquorum Regum, quando debent ad bella procedere,
vel votum peregrinationis adimplere. Et tunc mouit directè cum magno comi-
tatu Prælatorum & Baronum. Eodem tempore mouit Conradus Imperator cum
valido apparatu terræ suæ, sicut prius ab utroque Principe fuerat ordinatum. Sed
Deus, cui nullum latet secretum, & qui limpidè videt in obscuris solum iudicium
hominis, acceptam non habuit illam peregrinationem, sed faciem suam auertit ab
operibus eorum, sicut rerum exitus declarauit. Verumtamen concedimus * & * f. credi-
mus speramus, quòd illi qui bona intentione labores itineris pertulerunt, & se pecca-
to, prout homini possibile est, continuerunt, quantum ad animas nihil de præmio
quod meruerunt perdidit. Verumtamen status Terræ sanctæ, pro cuius libe-
ratione mouerant, propter aduentum eorum parum aut nihil fuit in melius per-
B mutatus, sicut inferiùs in ordine rerum historia declarabit. Isti duo magni Prin-
cipes prius ordinauerant, quòd simul ire non poterant, propter multitudinem po-
puli vtriusque exercitus. Timebant enim ne discordia & tumultus oriretur in ca-
stris. quod de facili accidit, maximè vbi tot sunt diuersæ nationes, lingua & mori-
bus differentes. Propter hoc voluerunt ut vni præcederent alios, & interuallo fa-
cto inter vtrumque exercitum, etiam quilibet suum duceret separatim. Tunc
omnes direxerunt iter per terram Baioariæ, postea transierunt flumen Danubij,
quod est magnum & profundum, & cursu veloci dilabatur; quod à sinistra parte
dimiserunt, & à parte dextra in Austriam descenderunt. Tunc intrauerunt Re-
gnum Hungariæ, quos Rex terræ illius liberaliter suscepit; & ut magnificentiam
regiam decuit, eos multis donis & præsentibus honorauit. Regnum Hungariæ
transeuntes, intrauerunt terram Pannoniæ, vbi sanctus Martinus gentilibus pa-
rentibus ortus fuit. Inde terram Bulgariæ subierunt, & à sinistra parte descenden-
tes, Rippiæ regionem dimiserunt. Inde duas regiones transierunt, quæ eodem
nomine Thraciæ nuncupantur. Duas vrbes nominatissimas in illis regionibus
transierunt, quarum vna Sytiopolis, & altera Andrenopolis appellatur. Tandem
post multas dietas, & multos labores, quos passi fuerant per exteras regiones, per-
uenerunt ad illam nobilissimam urbem Constantinopolis, vbi per aliquos dies
quieuerunt, & de rebus necessariis, quæ sibi defuerant, sarcinas repleuerunt, &
C cum Imperatore Mamuele satis priuatim duo magni Principes sunt locuti. Inde
equis & hominibus aliquantulum recreatis, & rebus exercituum ordinatis, recesserunt,
& quoddam mare, quod Brachium sancti Georgij dicitur, nauigio transfre-
tarunt. Illud mare duas partes Orbis diuidit, Asiam scilicet, & Europam: & est
meta & terminus vtriusque. Tunc intrauerunt terram Bitiniæ, quæ est prima pars
Asiæ, & ante urbem Calcedoniæ castra metatæ sunt vtriusque exercitus legiones.
Hæc est vna & nobilis & antiqua ciuitas, in qua quondam tempore Martiani Im-
peratoris, & Leonis Papæ, congregatum fuit vnum de quatuor magnis Conciliis
DC. & XXXVI. Prælatorum: & in illo tam celebri Concilio damnata fuit hære-
sis Abbatis Eutichij, qui vnā naturam tantummodò in Christo assererat, quem
fides Catholica verum Deum & verum hominem prædicat & affirmat.

Quomodo Soldanus Yconij, audito Christianorum aduentu, se preparauit.

SOLDANVS Yconij, vir potens & magnus in Regno Turkiæ, longè antè au-
dierat de aduentu istorum Principum, & in magno timore positus cognouit, ^{V.}
quòd nisi consilium apponeret, & virtutem tam fortium exercituum impediret,
sibi & terræ suæ, & cunctis populis Orientis magnum periculum imminerebat. Pro-
pterea quantociùs potuit per omnes terras Orientis destinauit nuntios, mandans

LVDOVICVS
VII. LV-
NIOR.

quòd omnes, qui arma ferre possent, & essent sufficientes ad prælium, ad se quantociùs properarent. Ipse etiam ciuitates & castella terræ suæ cum magna diligentia circuibat, fracturas murorum & turrium reparabat, fossata euacuabat, scissuras nouas & profundas ante portas vrbium fieri imperabat, & omnes homines totius patriæ in suis operibus quotidie operari faciebat. Metuebat enim nimium, nec mirum, quoniam fama tanta diuulgabatur per patriam, quòd isti duo Principes tam fortes & tam magnos exercitus adducebant, quòd cùm castra iuxta quoddam fluuium posuissent, aqua currens successiue & continuè per alueum fluminis sufficere non poterat equis & hominibus ad potandum, & quòd vbicumque venissent, flumina desiccabant. Dicebant etiam quòd vix quoddam magnum Regnum posset sufficere de omnibus bonis suis ad tantam multitudinem populi sustentandam. Verum est quòd talibus vulgi fabulationibus non est omninò fides adhibenda, quoniam tales subito rumores videntur sæpiùs excedere veritatem. Tamen verum fuit, quòd solùm in exercitu Imperatoris erant LXX. millia bellatorum in equis & loriceis: exceptis etiam equitibus aliis leuis armaturæ, & exceptis peditibus, quorum erat numerus infinitus. In exercitu verò Regis Franciæ erant penè totidem millia loricata, & gens optima, & in rebus bellicis approbata: peditum verò non erat numerus, quorum multitudo terræ superficiem tegere videbatur. Si videres bellatorum acies tam decenter ordinatim procedere, galeas & scuta contra solis aciem coruscare, & cohortes cum vexillis in aëre crepantibus terræ latitudinem operiri, crederes quòd possent de omnibus crucis inimicis triumphare, & omnes regiones Orientis armorum potentiâ vendicare. Et sine dubio potuissent, si Dominus voluisset eorum peregrinationem acceptare. Sed fortaffe eorum meritis exigentibus, vt ad finem honorabilem attingerent eorum opera, noluit consentire. Causam nescimus quare hoc fecerit, sed certi sumus quòd in vero iudicio non errauit.

Quomodo Imperator transito Brachio sancti Georgij à conductoribus proditus fuit.

VI.

POSTQVAM Imperator illud mare, quod dicitur Brachium sancti Georgij, pertransiuit, per se voluit ire, & exercitum suum ab exercitu Regis Franciæ separauit. Tunc acies suas secundum morem patriæ suæ disposuit, & de nobilioribus Baronibus, quos secum habuit, cuilibet aciei Capitaneum assignauit. A sinistra parte dimisit terram Galatiæ & Paphlagoniæ, & duas alias regiones, quæ eodem nomine vocantur Ponti. A sinistra parte remansit Phrygia, Lydia, & minor Asia. Iuxta ciuitatem, quæ vocatur Nicomedia, venientes, illam nobilem urbem, quæ dicitur Nicæa, transierunt. Inde Lycaoniam subierunt, cuius Yconium maior dicitur & ciuitas principalis. Inconsultè ibant, & per quasdam compendiosas vias inter fauces montium dirigentes: & ex parte altera dimiserunt magnam viam, quæ directè ad urbem Yconij dirigebat. Soldanus Yconij, qui ex omnibus finibus Orientis maximam Turcorum multitudinem collegerat, expectabat locum & tempus opportunum, quo posset commodius tantis exercitibus Christianorum obuiare, qui per terram suam iam cœperant pertransire. Omnes Soldani & maiores Principes Sarracenorum pauebant nimium, eo quòd audierant tantos exercitus Christianitatis contra eos aduenisse. Ex multis partibus eis fuerat nuntiatum, quòd si possent per terras illas libere pertransire, potestatem haberent homines destruendi, & omnes fines terrarum subiicere; ita quod tota terra Orientis diuulgaretur ab eis, & in breui esset subdita legibus Christianis. Et propter illum timorem quem habebant, ne hoc quod verebantur accideret, venerunt in auxilium Soldani Yconij Turci duarum Hermeniarum*, Cappadociæ, Ysauræ, Ciliciæ, & Mediæ; tantæque Turcorum ex omni parte multitudo venerat cum nobili equorum & armorum apparatu, quòd Soldanus in tantam prorupit audaciam contra omnes Christianos ad bellum procedere, & fronte ad frontem in campi planitie dimicare. Verum est quòd Conradus Imperator petierat à Manuele Imperatore Constantinopolis, quòd sibi traderet aliquos de gente sua, qui suum conducerent exercitum per vias compendiosas, & ad equitandum planiores. Tradidit ei Manuel Imperator non tales quales petierat, qui traditores erant, & pleni iniquitate, qui quàm citò ingressi fuerunt in terram Turcorum, venerunt ad Capitaneos, qui acies exer-

* Armeniarum.

A citus conducebant, & dixerunt quòd facerent cibos onerari vsque ad certum numerum dierum: certissimè promittentes, quòd interim in terram tam copiosam & fertilem exercitum conducere intendebant, vbi necessitates equorum & hominum abundantissimè reperirent. Crediderunt eis, & vsque ad numerum dierum, quem illi prædixerant, necessaria equorum & hominum onerari fecerunt super summarios & quadrigas. Sed Græci perfidi Iuda proditore nequiores, qui semper Latinos, & maximè Francos, odio inextinguibili persequuntur, scienter exercitum Imperatoris per vias districtiores & asperiores inter fauces montium impulerunt, vbi iam quasi captiui tenebantur, & vbi Turci de eis de facili poterant triumphare. Ambiguum fuit, vtrum illi proditores hoc fecissent imperio Manuelis Imperatoris, an à Turcis præuerti, vt exercitum Imperatoris proderent, iniquitatis præmia recepissent.

LVDOVICVS
VII. 14-
NOR.

Quomodo Græci proditores recesserunt ab exercitu Imperatoris.

BENE percepit Imperator quòd Græci, qui exercitum conducere debuerant, minus fideliter se habebant; quia iam numerus dierum transierat, infra quem exercitum conducere debebant in terram bonis omnibus abundantem. Propter hoc statim ad se in præsentia Baronum adduci imperauit, coram omnibus eos interrogans, cur se de termino dierum, quem dixerant, tam fallaci mendacio deciperent. Et ipsi prodicionis instructi malitia responderunt, quòd putabant exercitum maiores dietas facere, & posse velocius equitare. Et iterum fide ficta iurauerunt, quòd infra tres dies vsque ad ciuitatem Yconij conducerent, quæ erat ciuitas omnibus bonis fertilis & abundans, in qua quæcumque vellent & desiderarent multipliciter inuenirent. Imperator adhuc sua simplicitate deceptus, non percepit perfidiam proditorum; sed ait quòd adhuc per triduum expectaret, vt per hoc probaret illos esse perfidos aut fideles. Nocte sequenti dum dormiret exercitus difficultate itineris fatigatus, proditores Græci de exercitu latenter exierunt, & per fugam à manibus eorum, quos prodiderant, euaserunt. Mane factò, & exercitu per acies ordinato, dum mouere inciperent, conductores, qui solebant exercitum præcedere, nusquam comparuerunt. Quod videntes Capitanei, & propter eorum absentiam admirantes illos per exercitum quæsierunt: sed ipsi quia non aderant, non potuerunt inueniri. Tunc primò eorum prodicione cognita, rem, prout acciderat, Imperatori Capitanei retulerunt. Nec suffecit proditoribus mala quæ fecerant, sed in cumulum damnationis suæ peiora prioribus addiderunt: quoniam directè ad exercitum Regis Franciæ venerunt, qui non longè aberat, & exercitum Imperatoris sequebatur leuiter equitando; & dixerunt Regi, quàm benè & securè Imperatorem & suum exercitum vsque ad ciuitatem Yconij conduxerant, quam per arma ceperant, & omnes Turcos, qui se opposuerant, trucidauerant, & opes lucrati fuerant infinitas. Hoc proditores cogitauerunt mendacium duplici causa malitiæ, aut vt vellent Regem per eandem viam, qua Imperator ierat, procedere, & in eisdem periculis implicare: aut propter hoc, quòd si Franci scirent infelicem statum exercitus Imperatoris, & periculum quod eis imminabat, ad succursum eorum toto conamine properarent, quod nullo modo proditores voluissent: aut fortè Regem tali mendacio deceperunt, quia si aliquo modo prodicionem, quam fecerant, posset aduertere, eos statim per guttura pependisset.

VII.

De prodicione Græcorum percepta, & damno genti Imperatoris illato.

TVNC primùm cùm Imperator vidit se omninò deceptum, nec de via per aliquem de toto exercitu poterat edoceri, Procere vocatos consuluit, quid in tanto necessitatis articulo sit agendum. Sed sicut dicit auctoritas Alexandri; Eget in aduersis animus sapientis, & ægrè consulit ipse sibi. Prudentiores Procerum (nam pessimæ fortunæ casibus prostrati, per diuersas sententias vacillabant) non omnes eandem viam consilij tenuerunt, quia pars Baronum consuluit eos per eandem viam quam venerunt regressuros, donec alimenta, quæ omninò defecerant, reperire potuissent. Alij contrarium sentiebant, dicentes; quòd sicut ceperant, vterius equitarent, sperantes ante se facilius cibaria reperire; quia si retrò redire

VIII.

LVDOVICVS
VII. IV-
NIOR.

contingeret, partes illas vacuas, & exhaustas cibariis inuenirent. Dum verò de regressu vel progressu in illa disputatione decertarent, & in dubio adhuc essent, quam de duabus eligerent, aliqui de exercitu, qui haud longè recesserant & redierant, nuntiauerunt eis magnam Turcorum armatorum multitudinem haud procul ab eis congregari. Bene verum est quòd illi Græci proditores, qui aufugerant, in illis locis desertis scienter introduxerant eos, vbi numquam agricultura comparuit, sed ea natura perpetua sterilitate damnauit, cùm illos debuissent conduxisse per Lycaoniam, quam dextra parte dimiserant, vbi inuenissent vias breuiores, & terras arabiles, pascuis & cibis & bonis aliis abundantes: sed eos in desertis Cappadociæ impulerant, vt eos magis ab vrbe Yconij elongarent. Dicebatur communiter, & poterat esse verum, quòd illi Græci, qui exercitum prodiderant, per voluntatem & imperium Manuelis Imperatoris Græcorum hoc fecerant; qui per inuidiam nollet, quòd gens Imperij Alemanniæ in suæ peregrinationis negotiis ad finem prosperum peruenissent. Inuidet enim Alemannis, nec vellent quòd potestas eorum & dominium cresceret. Dedignantur valde, eò quòd Imperator Alemanniæ Imperatorem se nominat Romanorum. Volunt enim dicere, quòd suus Imperator solus de iure debet totius mundi Monarchiam obtinere.

CVM verò Imperator & eius exercitus in tali angustia laboraret, primò quia nesciebant quò tendere debuissent: ipsi & equi eorum fatigati, & contracti propter ascensum & descensum collium, & strictarum viarum grauamine, longa fame & siti laborabant. Equi propter defectum pabuli, & itineris difficultate deficiebant: quos iam, nec mirum, armorum pondera reddiderant fatigatos. Illis in tali necessitate positis, Turci, qui bene sciebant miserabilem statum exercitus, suas acies diuiserunt, & cuilibet Capitaneum tradiderunt. Tunc subito cum impetu in exercitum proruperunt, improvisos eos reppererunt. Erant enim adhuc in suis tentoriis, nec erant in aciebus ad prælium ordinati. Turci verò habebant equos fortes & agiles, & longa recreatione refectos. Et quia leuiter erant armati, eos reperiiebant in negotio promptiores. Plures enim eorum habebant arcus tantummodo & sagittas. In hora, qua in exercitum proruperant, magnis clamoribus aëra repleuerunt. Clamabant, & vlulabant, & latrabant sicut canes. Tympanis & macariis, & aliis similibus instrumentis horribiliter resonabant, sicut moris est apud eos, vt suos in stuporem concutiant inimicos. Gens Imperatoris armorum pondere grauata erat. Erant enim armati loricis & ocreis, scutis & galæis, equi eorum fessi & macie tenuati. Turci impetu facto accedebant ad eos, sagittis cominus infestantes: & statim lora cursu retrogrado reflectebant, & ipsi non poterant eos insequi propter armorum pondera, & maximè propter debilitatem equorum. Et propter hoc Turci eos audacter circuibant, & quasi ad signum in eos sagittabant. Et quando nostri in eos volebant currere, retrò velocissimè fugiebant: & cùm pro reditu lora reflecterent, Turci statim cum impetu reuertentes à tergo mucronibus & clauis feriebant. Confligendo tota die taliter pugnaverunt, nostri in equis & hominibus vltra modum damnificati sunt. Turci nihil damni vel incommodi pertulerunt. Vsq̃ue ad illum diem magnum quid fuerat, & fama magna de exercitu Imperatoris, quoniam in eo multi fuerant nobiles Principes & inclyti milites, qui per voluntatem Dei, aut eius tolerantiam, ibi corpore perierunt, & absque profectu & vtilitate sanctæ Terræ, pro cuius liberatione mouerant, ibi fuerunt quasi penitus deuastati: quia, sicut retulerunt qui præsentés affuerant, de lxx. millibus loricorum, & de tanta multitudine peditum pars decima non remansit. Quidam fame perierunt, alij gladiis hostium interfecti sunt, & alij vinculis mancipati in seruitutem hostium fuerunt reseruati. Vix Imperator & aliqui de suis Baronibus ab illo periculo & ab hostium gladiis euaserunt, & retrò versus urbem Nicæam cum paucis millibus redierunt. Turci, qui plus per insidias & prodicionem quàm per arma triumphum habuerant (nec mirum si magna lætitia gauisi sunt) multas diuitias in castris Theutonicorum reppererunt, aurum, argentum, pretiosa vestimenta, equos & arma, & onusti spoliis in suas munitiones redierunt. Per totam terram illam suas insidias miserunt contra expectantes exercitum Regis Franciæ de quo audierant, qui multum ab illis partibus non distabat. De triumpho, quem modo quo diximus habuerunt, mirabiliter gloriantes, iactitantes se quòd ex quo de exercitu Imperatoris, qui maior & potentior est Rege Franciæ, triumphauerant,

de

A de exercitu Francorum poterant satis de facili triumphare. Et sicut Deus permisit, cuius iudicia sunt occulta, ferè accidit vt optabant. In illo prælio non fuerat Sol-^{LVDOVICVS VII. LV- NIOB.} danus Yconij: sed fuit ibi tanquam Capitaneus quidam Turcus potentissimus nomine Paramundus. Hoc accidit anno Domini MCXLVI. menſe Nouembri. 1146:

Quomodo Rex Franciæ ad consolandum Imperatorem acceſſit.

REX Franciæ & eius exercitus adhuc ignorans infelicem caſum, qui Theu-^{ix.} tonicis acciderat, in partem alteram ſe diuertit, in terram Bithiniæ; & cum quaſi quendam gurgitem maris, qui eſt prope ciuitatem Nicomediæ, circuiſſet, ibi conſuluit Procetes, per quas vias poſſent expeditius de cetero equitare. Tunc cœperunt oriri rumores per exercitum, quòd Imperator à Turcis deuictus fuerat, & perdiderat gentem ſuam, & quòd cum paucis ſuorum per montes & nemora fugerat latitando. Rumor in ambiguo diu ſuſpedit exercitum, quoniam per tertum nuntium non fuerat diuulgatus, donec Dux Souauiz Ferricus nepos Imperatoris, fratris ſui primogeniti filius, qui poſt mortem auunculi tenuit Imperium, vir magnæ nobilitatis & ſapiëntiæ, venit ad exercitum, qui rem, prout acciderat, Regi & Baronibus enarrauit. Mittebat enim eum Imperator ad Regem, vt die assignata ad parlamentum conuenirent, & quid agendum ſit poſtea pertractarent. Verum eſt quòd prius conſilium præſtitiffet; ſed adhuc ſupererat Imperator, vt regeret corpus ſuum, & reſiduum gentis ſuæ. Et propter hoc conſilium volebat habere à Rege Franciæ, qui amicus ſuus erat, quid ageret, & qualiter mala tam peſſimæ fortunæ leuius toleraret. Sed cum Rex & Barones Franciæ caſum Imperatoris audierunt, dolore vehèmenti contriti ſunt. Rex pietate motus, prout erat vir naturaliter compatiens & benignus, vt Imperatorem in fortuna tam peſſima verbis conſolationis ſubleuaret, aliquos de prudentioribus Baronibus ſumens cum caterua militum & clientum, ſicut Ferricus Dux Souauiz perducebat, venit ad Imperatorem, qui non longè aberat, vbi Imperator cum reſiduo gentis ſuæ caſtra poſuerat, & ibi Ferricum Ducem nepotem ſuum, quem ad Regem tranſmiſerat, expectabat. Vbi autem iſti duo magni Principes ſe viderunt alterutrum, cum ſalutatione fideli ſeſe ad inuicem præuenerunt, & vterque cum pacis oſculo labitur in amplexus. Tunc Rex verba conſolationis adhibuit, opes & gentem ad voluntatem ſuam obtulit, bona ſeruitia & fidele conſortium repromiſit. Diu ſimul ſoli locuti ſunt, & poſtea Baronibus euocatis fuit taliter ordinatum, quòd iterum ſimul viam peregrinationis repeterent, & votum quod Dēo vouerant pro poſſe ſuo fideliter adimplerent. Verum tamen multi fuerunt de gente Imperatoris, qui dixerunt, quòd illud quod attulerunt pro expenſis in via faciendis perdiderunt, & propter hoc vltèrius ire non poterant. Multum enim eos terruerant pericula viarum, & infelices caſus qui acciderant, vbi præſentes adfuerant, & labor itineris, qui nondum finitus erat, ſed magis incipi videbatur; nec conſiderabant votum peregrinationis quod tenebantur adimplere; nec fidelitatem ad Dominum ſuum, quem in exteris regionibus deſerebant: ſed ſpretis hiſ omnibus ad urbem Conſtantinopolim redierunt.

Quomodo Imperator recedens à Rege Franciæ venit Conſtantinopolim.

TVNC mouerunt cum exercitibus ſuis, viam illam, quam Imperator tenuerat, à ſiniſtris dimittendo; & viam ſuam verſus minorem Aſiam direxerunt, à ſiniſtra parte terram Philadelphiæ poſtergantes, ad ciuitatem Smyrnæ venerunt. Inde urbem Ephęſeorum ibi pauſaturi intrauerunt. Ciuitas magni nominis & multum honorata, eò quòd beatus Ioannes Euangelifta eam ſuis prædicationibus illuſtrauit, & inde ad conuiuium Fratrum ſuorum à Domino vocatus, ibi feliciter expirauit: ſicut monſtrat adhuc eius eminens ſepultura. Conſiderans Imperator quòd ipſe tenebatur pro maiore Principe de toto mundo, & quòd cum tanta nobilitate de partibus ſuis mouerat, & nunc erat cum pauca manu militum in partibus alienis, & quaſi in ſubiectione Francorum, quia ibi nihil aut parum poterat ſine illis, & propter hoc tale ſibi dedecus imputans, viſus eſt ſibi per hoc Imperialem lædere Maiestatem, ſi cum tam pauco numero militum tranſfretaret. Propter hoc imperauit quòd ſui pedites per terram redirent, & ipſe cum modica gente Conſtantinopolim nau-

LVDOVICVS
VII. IV-
NIOR.

gio est transuectus. Imperator Græcorum Manuel cum maiori honorificentia, A
quàm antea, recepit. Vbi Imperator cum Baronibus & gente sua vsque ad veris ini-
tium hiemauit. Erant enim ambo Imperatores quadam affinitate coniuncti, ratio-
ne vxorum suarum, quæ sorores erant, & fuerant filia veteris Berengarij Comitis
de Lucebourg. Et propter hoc Imperator Græcorum cum blandiori vultu recepe-
rat, & ad preces Imperatricis vxoris suæ sibi & Baronibus suis multa dona & pretio-
sa iocalia præsentauit.

De victoria, quam Franci habuerunt ad vada Meandri.

XI.

POST recessum Imperatoris, Rex Franciæ Proceres suos consuluit, per quas
vias iter dirigerent, & quid de cetero commodius sit agendum. In illa peren-
dinatione in ciuitate Ephesis ad votum discubuit, & obiit quidam nobilis & opti-
mus miles de Regno Franciæ, Guido miles de Pontiuo, pro cuius morte Rex &
Principes non modicum doluerunt. In vno latere maioris Ecclesiæ decenter, vt
decurrit, traditus sepulturæ. Rex cum exercitu suo ab Ephesiorum ciuitate rece-
dens, iter direxerunt versus partes Orientis, & sic per dies aliquos equitantes, tan-
dem ad vada Meandri peruenerunt, vbi copia cygnorum omni tempore reperit-
tur. Propter quod dicitur,

Ad vada Meandri continet albus olor.

Ibi propter loci amœnitatem & pratorum virentium vbertatem tentoria locaue-
runt. Franci multum optauerant, vt Turcos possent alicubi reperire, & cum eis B
cominus dimicare. Sed illa die accidit vt optabant: quia in parte altera fluminis
tentoria fixerat Turcorum maxima multitudo. Quando nostri volebant equos
suos in vadis fluminis adaquare, Turci ex aduerso super alteram ripam fluminis
spissim sagittis cominus infestabant. Sed nostri milites, qui ardenti desiderio vl-
terius ad eos transire cupiebant, flumen tamdiu sursum & inferius tentauerunt,
quod vadum in transuerso fluminis, quod etiam nondum indigentæ nouerant, in-
uenerunt. Tunc cum magnis agminibus in alueum fluminis vnanimiter impetum
facientes, ripam alteram tenuerunt: circumquaque repulsi hostibus, qui quantum
poterant lanceis & mucronibus repugnabant. Tunc in hostes viriliter irruerunt,
diu & fortiter vtrinque congressi sunt. Sed tandem Deo concedente cessit victo-
ria Christianis. Partem enim maiorem in ore gladij peremerunt, plures viuos in
vinculis traxerunt, & alij, prout melius poterant, aufugerunt. Tunc victores vi-
ctorum tentoria dirumpentes, multimodas opum species repererunt, pannos fe-
ricos, aurum, argentum, vestes, & diuersa vasorum genera, cum multis alijs diui-
tijs, prout moris est in victorum tentorijs reperire. Et sic onusti spolijs hostium,
flumen iterum transnatantes, ad sua tentoria redierunt. Illa nocte nimirum mul-
tum gauisi sunt, & Deo gratias referentes, & maximè propter primam victoriam,
in qua Deus eis concesserat de hostibus triumphare. Diei sequentis aurora relu-
cente, inde recedentes ad quandam ciuitatem, quæ Gallicè vocatur *la Liche*, ve- C
nerunt, & ibi prout moris erat apud eos cibus & alijs necessarijs quadrigas & sum-
marios onerantes, viam quam cœperat tenuerunt.

Quomodo Turci Francos dolo circumuenerunt.

XII.

IN parte illa, qua iter direxerant, erat eminens & altus, per quem erant, quasi de
necessitate transituri mons quidam. Mos erat in exercitu, quod vnus de magnis
Baronibus faciebat quotidie antegardam, & alius retrogardam, cum sufficienti nu-
mero militum; & de communi consilio Procerum providebant, vbi deberent figi
tentoria, & vbi melius exercitus resideret. Illa die faciebat antegardam Gaufridus
de Ranconio, vnus de nobilioribus Baronibus prouinciæ Pictauiensis, qui gerebat
Regis baneriam, quam præcedebat, prout moris est, vexillum beati Dionysij, quod
Gallicè dicitur *Oriflambe*. Sic prius ordinatum fuerat inter eos, quod illi de ante-
garda in montis cacumine locarent tentoria, vbi totius noctis spatio pausaturi quie-
scerent. Et cum ille Gaufridus montis verticem ascendisset cum acie, quam duce-
bat, visum fuit ei, quod parum equitauerant illa die, & quod sol multum distabat
à partibus Occidentis. Præterea illi, qui exercitum conducebant, sibi dederunt
consilium quod montis altitudinem pertransiret, & quod parum vlterius erat locus
amœnus & grata planities, vbi possent decentius tentoria collocari. Proh dolor!

A eorum consiliis acquieuit, & ut ad loca, quæ sibi dixerant, de luce posset attingere, velocius equitauit. Illi de retrogarda putabant, quod sicut ordinauerant, ascenso monte ibi deberent sistere, & sua tentoria collocare; & propter hoc, quia nesciebant antegardam ulterius prætergressam, ideo lento gressu & tardius sequebantur. Turci, qui non longè ab exercitu semper quasi à latere sequebantur eos, si possent modis omnibus nocituri, ut viderunt istas duas grossas acies in tanta distantia segregatas, & quod supra montem non erant nisi pedites & inermes, statim rem in suum commodum prouenire cognouerunt. Præterea plurimum confidentes in hoc quod in montis ascensu erat via stricta & ardua, & quod nostris erat difficile eos simul in montem ascendere, & ad prælium aggregari: & propter hoc statim equos calcantibus perurgentes, & montis verticem occupantes, ita vias penitus concluderant, quod illi de retrogarda ad illos de antegarda non poterant nisi per eorum gladios & sagittas pertransire. Tunc cœperunt nostros acriter inuadere, & primò sagittis eminus infestare, & postea cominus accedentes clavis & mucronibus expugnare. In magna angustia erant nostri, & in statu miserabili, eo quod non simul, sed paulatim, & per viam strictam & arduam oportebat ascendere, & maxime quia erant eorum acies in tanta distantia segregatæ, ita quod vna non poterat alteri subuenire. Tot erant summarij in vijs strictis & arduis, & alia instrumenta, quod probi milites & audaces, qui cum tanto desiderio prælium affectabant, & ad hostes accedere cupiebant, usque ad eos non poterant pertransire. In illo primo impetu **B** multi de nostris ceciderunt, sed tamen paulatim, prout melius penetrare poterant, probiores & audaciores milites cœperunt in vnum congregari audacter, sese ad prælium excitantes, & dicentes quod Turci erant gens nullius virtutis & inanis in prælio, sicut nuper probauerant, quoniam eos leuiter in Menandri planitie deuicerunt. Tunc se viriliter defenderunt, & acriter pugnaverunt, & aliquando se eis coniunxerunt, sicut paulatim veniebant, & per viarum discrimina penetrabant. Turci similiter sua lingua sese ad prælium excitantes, ad memoriam reducebant, quod nuper in prælio Imperatorem & eius exercitum deuicerant, qui vir erat Rege Franciæ longè nobilior, potentiorque maioris.

Quomodo retrogarda Regis Franciæ deuicta fuit à Turcis.

TALITER confligendo diu durauit fera pugna & aspera: boni milites præliando perseuerantes non ignari se defendere, quandiu durauerunt stragem magnam dederunt, & multum sanguinem hostium effuderunt. Sed tanta erat hostium multitudo, quod quando illi qui diu pugnaverant se fessi vel saucij à prælio retrahebant, statim loco eorum alij recentes ad prælium veniebant. Sed quia nostri tantam militum copiam non habebant, qua possent ita suas acies mutare *, & manu recenti alternatim cum hostibus præliari, pondus belli non potuerunt amplius sustinere: sed fessi & fracti longo certamine fuerunt deuicti. Plures ibi fuerunt mortui, sed plures viui capti, & vinculis mancipati. Ibi fuerunt aut capti aut mortui (quia hoc fuit in ambiguo) quatuor optimi milites & benè genere nobiles, de quorum morte multum Christi fuit militia desolata, & Regnum Franciæ in membris optimis mutilatum; videlicet Comes Guarenciæ, Gaucherus de Montre-Gaij, Eurardus de Bretolio, & Ytherus de Maignac. Multi fuerunt illa, die qui pro Christo martyrium receperunt. Nulli debent Dei opera displicere, quia omnia sua recta & iusta sunt opera. Sed tunc secundum iudicium hominum nimis est admirandum, quomodo Francos illa die ab hostibus fidei deuinci pertulit, qui sunt gentes de toto mundo ad eius seruitium promptiores, & fide Catholica firmiores. In illo conflictu Christi militiæ tam damnofo non fuit aliquis de antegarda, sed pampiliones tetenderant, ignari casus tam pessimi in tentoriis quiescebant. Verum est quod quando viderunt post ipsos retrogardam tamdiu retardare, in suspicionem ceciderunt, eos casu aliquo vel infortunio impediri. In illo prælio præsens fuerat Rex, sed quando circa se gens sua cœperunt diminui, & iam Turci quod volebant ad libitum agitabant: aliqui de Francia milites eum per frænum traxerunt de prælio, & super illius montis verticem, qui non procul aberat, ascendere coegerunt. Vbi steterunt cum paruo agmine, donec diei claritas se penitus absentaret, & noctis tenebræ singula denigrarent. Sed vbi nox obscura terræ fu-

XIII.

* for. mutare

Tom. I V.

Ll ij

LVDOVICVS
VII. IV-
NIOR.

perficiem obumbravit, dixerunt quòd vsque ad ortum diei ibi nullatenus reman-
rent, & quòd melius erat de monte descendere, & viam aliquam tenere, & qua-
cunque ducere vellent ire, quàm ibi tota nocte inter hostium pericula remanere.
Quis sapiens, qui sciret consulere in statu tam miserabili, quia Rex multis vallatus
periculis hostes eum vndique circuibant, gentem suam perdiderat, nec de toto
exercitu erat aliquis qui viam sciret, qua tendere debuissent. Sed Deus, qui spe-
rantes in se omninò non deserit, ne desperationis periculum incideret, consolatio-
nis scintillam adhibuit: quia non multum de monte descenderant, quando vide-
runt ignes, quos sui homines de antegarda in castris & circa tentoria faciebant.
Quos ubi pro certo cognouerunt, ad eos accesserunt. Turci quia timebant ne suc-
cursus de antegarda ad auxilium suorum accederet, & maximè propter noctis ca-
liginem, abscesserunt. Quidam autem dicunt Regem cum paucis super montis ver-
ticem remansisse, multos habens de suis aduersariis, licèt Regem esse nescirent, ip-
sum terribiliter insultantes. Rex verò in persona propria se viriliter defendebat.
Quia verò nox de prope aderat, quæ sui obscuritate prælium diuidebat, Rex sub-
tus quandam arborem se retraxit, demum super eam ascendens cum gladio diu
multumque hostes immaniter expugnabat. Turci denique timentes sibi tum ra-
tione noctis obscuræ, tum ne succursum haberet aut veniret, ilicò recesserunt.

Quomodo exercitus Francorum venit apud Satelliam.

XIV.

QUANDO milites de antegarda viderunt Regem sic venire, & de casu infæli-
cissimo, qui sibi acciderat, certificati fuere, vltra quàm credi potest doloribus
prostrati, planctibus & ululatibus horribiliter aëra repleuerunt. Pauci erant in
toto agmine, qui non aliquem de suis amicis carnalibus perdidissent. Nemo pote-
rat eos retinere, quin suum proximum qualem perdiderat, acclamaret. Vnus pa-
trem, alius filium, alter fratrem, & alius auunculum ululabat. Inde lachrymis &
planctibus vltra modum intenti, poterant advertere, si rationem vis doloris admit-
teret, quantum eis periculum eminebat: quia si Turci statum exercitus aduertis-
sent, dum tantis doloribus vexabantur, de facili possent omnes occidere, aut capti-
uos vinculis mancipare. Tamen aliquos de suis receperunt, qui gladios Turcorum
euaferant, & latitando per dumos & latebras ad eos aufugerant. Sed eorum nume-
rus paucus fuit respectu eorum qui in prælio ceciderunt. Ab illa die cœperunt in
exercitu hominum & equorum cibi rarefcere, & penitus deficere. Non reperieba-
tur, vnde possent equi & homines sustentari, quia nulla species mercimoniarum ad
exercitum veniebat: & neminem inueniebant, ac si à facie eorum omnes penitus
aufugissent. Maius etiam periculum erat, quòd non erat in toto exercitu, qui in
terra illa fuisset aliàs, nec qui sciret vias quòd tendere debuissent: sed quasi oves er-
rantes nunc ad læuam, nunc ad dextram, nunc per valles, nunc per ardua montium
oberrabant. Tandem, sicut Domino placuit, post ascensiones montium, & descen-
sus vallium profundarum, ad ciuitatem Satellex peruenerunt. Et mirum, quia
Turcos nusquam obuios habuerunt, nec amplius insultus vel aliqua impedimenta
ab eis pertulerunt. Vnde multi admirati & gauisi sunt. Satellia est quædam ciui-
tas in littore maris sita, & est Imperatoris Græcorum. In confinio illius ciuitatis
sunt multum bonæ terræ arabiles & fructibus abundantes, si coli ab incolis potuis-
sent: sed nullum conferunt commodum nec agricolis, nec ciuibus illius ciuitatis,
quia Turci, qui prope ciuitatem in castellis & munitionibus habitant, in tantum co-
gunt & opprimunt agricolas, quòd agriculturæ, nec operibus aliis vacare permit-
tunt. Tamen intra ciuitatis moenia satis possunt recuperari cibaria, & quæcunque
sunt homini necessaria: & in confinio, & infra metas ciuitatis sunt pulchri fontes &
optimi, & prædia delectabilia, ubi densim complantatæ sunt arbores omnimodi ge-
neris fructibus abundantes. Non est ibi carum forum rerum venalium, quia satis
de bladis & vinis, & rebus aliis necessariis per mare nauigio aduehunt mercatores.
Et tamen contra oppressionem Turcorum circummanentium non duraret, nisi eis
annuatim vectigalia redderet & tributa. Turci illam urbem appellant Achalam,
vnde mons magnus, qui propè eminet, & durat à monte Lixodonæ, vsque ad insu-
lam Cypri, quæ Græcè nuncupatur Athaliqua: sed nostri Gallici *Gouffre de Satellie*
eam appellauerunt, & adhuc modò eodem nomine nuncupatur.

A

*Quomodo Rex Francia venit apud Antiochiam, & inde recessit.*LVDOVICVS
VII IV-
NIOR.

POSTQVAM Rex ibi moram fecit per dies aliquos, vt exercitum recreationis beneficio subleuaret, pedites suos in ciuitate dimisit, & ipse cum Baronibus & militibus transfretaturus mare conscendit, regionem Isauræ & Ciliciæ à parte sinistra, & ad dextram insulam Cypri dimisit. Mare pacificum & auram blandam habuerunt, & iuxta quandam ciuitatem, quæ vocatur Seleucia, ad portum sancti Simeonis appulerunt, qui decem millibus abest ab Antiochia, & vbi Farci fluuius per Antiochiam defluens, in mare decidens terminat cursum suum. Raimundus Princeps Antiochiæ postquam rumores audiuit de Rege Franciæ, qui cum manu militum in terra sua applicuerat, & non longè, valde gauisus est. Diu eius aduentum expectauerat. Cum maioribus Baronibus terræ suæ, & alterius gentis decenti comitatu, cum gaudio obuiam occurrit, & eum cum Baronibus suis, & omni gente sua cum honore in ciuitatem introduxit. Populus & Clerus eum solenniter cum processione suscepit. Princeps modis omnibus studebat, quomodo per omnia voluntati Regis satisfaceret, & eum alliceret in amorem; etiam prius in Franciam magna præsentia & pretiosa iocalia transmiserat, quando pro certo audiuit quòd crucem assumpserat. Sperabat enim quòd per auxilium Francorum super Turcos ciuitates & oppida deberet acquirere, & infra fines Sarracenorum Principatus sui potestatem dilatare. Confidebat etiam quòd Alienordis Regina, quæ cum Rege veniebat, Regem in talem deberet inducere voluntatem: maximè quia neptis eius erat, filia fratris sui primogeniti Guillelmi Comitis Pictauensis. Non fuit aliquis de Baronibus Franciæ, qui cum Rege venerant, cui Princeps iocalia & dona non mitteret. Differenter tamen secundum quod erant nobilitate & genere digniores, eos in hospitiiis visitabat, & eis se pulchris sermonibus iucundum & affabilem exhibebat. Tantam spem & fiduciam in auxilium Regis posuerat, quòd sibi videbatur ciuitates Halapiæ, Cæsaream, & alias vrbes & oppida eorum quæ erant in confinio Antiochiæ, in potestatem suam de facili posse redigi. Et sine dubio satis faciliter potuisset accidere secundum Principis opinionem, si voluntatem & propositum Regis ad hoc inducere potuisset: quia Turci propter Regis aduentum mira formidine terrebantur, nec habebant propositum resistendi, nec tuendi munitiones suas; sed potius fugiendi, si Regem ad eos accedere contigisset. Princeps, qui voluntatem Regis pluries priuatim tentauerat, non sentiebat ab illo quod sentire cupiebat, sed suum propositum à suis petitionibus penitus alienum. Quadam die venit ad eum coram Baronibus suis, & petitiones suas meliori modo quo potuit proposuit; multis rationibus ostendens, quòd si vellet ad hoc intendere quod petebat, quòd animæ suæ multum proficeret, laudem plebis acquireret, & Christianitatis terminos in fines Turcorum plurimum dilataret. Tunc Rex cum suis Baronibus communicato consilio, sic respondit: Quòd ad sepulchrum Domini se vouerat, & propter hoc specialiter crucem assumpserat, & quòd ex quo à Regno Franciæ recesserat, multa mala sibi occurrerunt, & fuerat multis incommodis impeditus, & propter hoc modò non habebat voluntatem mutandi propositum, nec noua negotia superinducere, sed ante omnia si posset votum suæ peregrinationis pro quo mouerat adimplere: sed postea libenter audiret Principem, & alios Syriæ Principes, & per eorum consilium libenter pro commodo Christianitatis omni modo laboraret. Princeps satis intelligens per responsionem Regis, petitiones suas vacuas fieri; magna contra Regem ferbuit iracundia, & ab illa hora non cessauit in quantum potuit, in malum Regis & dedecus machinare, in tantum quòd Alienordis Regina vxor sua suis malis exhortationibus Regem voluit deserere, & ab illo ad minus ad tempus, quasi quodam diuortio separari. Regi dictum fuit à pluribus, quòd Princeps in malum suum modis omnibus satagebat, & procurabat quomodo posset eum vel insidiis vel aliis incommodis impedire. Et propter hoc Rex habito cum suis Baronibus secreto consilio, de nocte cum gente sua ab vrbis ianuis est egressus. Talem pompam nec talem processionem non habuit in discessu, qualem prius habuerat in ingressu. Multi fuerunt, qui Regi nec immeritò detrahentes, dixerunt, quòd ab Antiochia & eius finibus tali modo discedere, ad dedecus & non ad honorem Regium pertineret.

Tom. IV.

Ll iij

XVI.

INTERIM verò Conradus Imperator Alemannæ, qui post discessum Regis Franciæ in vrbe Constantinopoli cum residuo gentis suæ hiemauerat, vbi cum Emmanuel Græcorum Imperator multis humanitatis obsequiis & multis honoribus extulerat, (vt pote virum tantæ nobilitatis decebat) veris initio transfretare proposuit. Intendebat enim Hierusalem & terram visitare promissionis, & votum suæ peregrinationis, si posset, adimplere. Cui Imperator Græcorum nauigium competens sibi & genti suæ præparari præcepit, eumque multis muneribus pretiosis cum ab eo discederet honorauit. Intrans igitur nauigium cum omni gente sua, & exponens carbasa ventis, aura flante pacifica, in breui portui applicuit Acconensi, & in vrbe per aliquos dies perendinans, postea equestri vehiculo ad sanctam ciuitatem Hierusalem cum magno cordis desiderio quantocius potuit peraccessit. Cui Balduinus Rex cum suis Baronibus, Fulcherus Patriarcha cum magna Cleri populique frequentia, obuiam exierunt; & sic Clerus cum processione cappis sericis indutus cum magna lætitia in sanctam ciuitatem introduxit. Eodem tempore applicuit ad portum Acconensem quidam nobilis homo de Regno Franciæ, vir magnanimus & fidelis, Comes Tholosæ Alphonsus nomine, quondam filius Raimundi Tholosæ Comitis, qui tam magnis actibus claruit in illo magno exercitu, qui Antiochiam & Hierusalem & totam terram Syriæ Christianis lēgibus subdiderunt. Iste Princeps nobilis diu desideratus & expectatus fuerat in Regno Hierusalem. Sperabant enim per eius auxilium inimicis crucis virilius resistere, quia innata & naturali pollebat scientia, & eius gestis magnificis eius opera testimonium perhibebant. Magis etiam ei impendebatur honoris, propter patris sui merita, quàm propter se. Multa bona fecisset in terrâ, sicut sperabatur, nisi morte præueh-
tus tam citò interisset. Nam cum mouisset ab vrbe Acconensi, & pergeret Hierusalem, vt loca sancta & sepulchrum Domini visitaret, in vrbe Cæsarea in margine maris sita iacuit prima nocte: vbi filius perditionis, sed nescitur quis aut quare fecerit, per venenum, quod cibis miscuit, virum tam nobilem subito extinxit. Pro cuius morte per totam terram Syriæ tam pauperes quàm diuites doluerunt.

De aduentu Regis Franciæ in Hierusalem.

XVII.

INTEREA venit rumor in vrbe Hierusalem, quòd Rex Franciæ ab vrbe Antiochiæ discesserat, & directè ad urbem Tripolim cum suo exercitu veniebat. Huiusmodi rumoribus excitatus Rex Hierusalem Balduinus, conuocato cum suis Baronibus consilio, obuiam ei misit Fulcherium Patriarcham, ex parte sua rogatum, vt sine dilatione ad urbem sanctam iter suum dirigeret, vbi eum Imperator Aleman. & Rex cum Baronibus suis diu expectauerat, & adhuc expectabat. Verebantur enim ne Princeps Antiochiæ tale fœdus vel pactionem cum ipso faceret, per quam ipsum in suis partibus retineret, vel etiam Comes Tripolis, maximè propter hoc quia eos consanguinitatis affinitas annectebat, eum posset de facili in tantum fauorem allicere, quòd posset in finibus Tripolis remanere. Verum est quòd tota terra, quam temporibus illis tenebat Christianitas in partibus illis transmarinis, principaliter diuidebatur in quatuor Principatus. Primus erat Regnum Hierusalem à parte meridiei, quod incipiebat à quodam riulo, qui est inter Gibelet & Baruth duas ciuitates Fenicis regionis in maris margine, cui deserta quæ sunt iuxta Ledaron terminum imponebant, sicut directè tenditur ad Ægyptum. Regnum autem Hierusalem propter sui breuitatem Principatum seu Baroniam appellamus. Secunda Baroniam à parte Boreæ erat Tripolis Comitatus, & incipiebat à riulo supradicto vsque ad alium riulum, qui est inter Marneliam & Valoniam, quæ sunt similiter duæ maritimæ ciuitates. Tertia verò Baroniam est Antiochiæ Principatus à parte Occidentali, incipiens similiter à dicto riulo vsque ad urbem Tarsis, vnde beatus Paulus Apostolus extitit oriundus, & est in Ciliciæ regione. Quarta Baroniam erat Comitatus de Rohes, qui à parte Orientis incipiebat à quodam magno nemore, quod vocatur Marriz, vltra fluuium Euphrates penetrans vsque in

- A** fines Paganorum. Isti quatuor Principes erant in partibus transmarinis magni Principes & potentes: qui quando audierunt aduentum Imperatoris Alemanniæ & Regis Franciæ, quilibet istorum, cum spe & fiducia istorum aduentum expectabat, sperans per eorum auxilium ad minus ulterius Turcos à suis finibus elongare, & ciuitates sibi finitimas vendicare, quæ erant circa fines eorum locupletes, & rerum omnium abundantes: quas si possent acquirere, multum essent thesauri sui refecti spoliis hostium, & termini suæ potentix dilatati. Et propter hoc quilibet istorum summopere procurabat, quomodo posset istos duos potentes Principes ad partes suas attrahere. Miserunt enim sibi per nuntios literas cum donis & iocalibus: nec solum sibi, sed etiam Baronibus sibi domesticis, quorum consilio putabant eorum negotia pertractari. Et maximè Rex Hierusalem Balduinus duabus de causis affinitatis patriæ sperabat esse propinquior, ad hoc quòd Rex Franciæ ad partes suas citius deberet accedere: quia Comitatus Flandriæ, vnde Dominus & oriundus extiterat, membrum est non minimum Regni sui. Præterea Imperator Alemanniæ, qui illuc diu expectauerat, eius adhuc quotidie præstolabatur aduentum. Tunc quia ibi erat voti sui principalis intentio terminus & finis suæ peregrinationis, & quia timebat ne alij tres præfati Principes aliquibus blanditiis eum in partibus suis detinerent, misit ei obuiam Fulcarium Patriarcham, qui cum multis sermonibus informauit, ostendendo quòd præ ceteris regionibus citius deberet ad sanctam ciuitatem accedere, tanquam ad suæ peregrinationis complementum. Cuius verbis & exhortationibus Rex acquieuit, & statim directo itinere cum suo exercitu versus partes Regni Hierusalem dietauit. Nec prætereundum est quanto gaudio, & quantà cordis lætitia, tanquam Angelus Domini, receptus fuit à populo: qui omnes, maximè Clerus, cum processione exierunt obuiam ei. Et sicut antiquitus pueri Hebræorum Domino acclamabant, *Osanna filio David*: ita isti acclamabant, *Benedictus qui uenit in nomine Domini*. Rex Balduinus & omnes Barones cum Prælati Regni Hierusalem per loca sancta, quæ multum videre desiderauerat, solenniter conduxerunt. Inde factis orationibus & oblationibus, prout decuit Regiam Maiestatem, ad suum hospitium, quod sibi parari fecerant, rebus omnibus necessariis præmunitum, cum comitatu nobili perduxerunt. Ibi fuit Curia patens omnibus solenniter celebrata, rebus omnibus fertilis & abundans.

De Regibus, Baronibus, & Prælati in Hierusalem congregatis.

- I**N crastino conuenerunt Principes, videlicet Imperator Alemanniæ, Rex Franciæ, Rex Hierusalem, Patriarcha, & alij Barones, qui præsentés aderant, ut de statu terræ ad utilitatem Christianitatis vnanimè pertractarent. Ibi fuit concorditer ab omnibus ordinatum, quòd in vrbe Acconensi vna die conuenirent. Ad hanc diem venerunt omnes Principes alieni, Barones, & magni homines terræ Sirix, qui commodè adesse potuerunt. Ad illud Parlamentum fuit Conradus Imperator Alemanniæ, & dominus Otho frater suus Clericus bonus, ciuitatis Frisingiæ Episcopus: Stephanus Metensis Episcopus, Henricus Tullensis Episcopus frater Theodoricus Flandriæ Comitis, Theodinus Pontinensis Episcopus, qui ex præcepto Apostolico erat Legatus in exercitu Imperatoris. De Principibus fuit ibi Henricus Dux Austriæ frater Imperatoris, & alius Dux nomine Guelphus, homo potens & nobilis, & Ferricus Dux Souauiæ nepos Imperatoris, primogeniti fratris sui filius, qui post decessum auunculi sui sceptrum Imperiale tenuit, & sagaciter & nobiliter rexit. Ibi similiter fuit Hermandus Veronniæ Marchisus, Bernardus de Handis, qui postea fuit Dux Baioariæ, Guillelmus Marchisus de Monte-Ferrati sororius Imperatoris, Comes de Blandras, qui sororem Guillelmi Marchisij desponsauerat. Isti duo magni homines erant & nobiles de terra Lombardiæ, qui cum Imperatore illo die in conuentu Procerum conuenerunt, & multi alij nobiles, quorum nomina censuimus reticere. Ex parte alia fuit LVDOVICVS Rex Franciæ; Godefridus Episcopus Lingonensis, Arnulphus Episcopus Liffienensis, Guillelmus de Florentia Presbyter Cardinalis ex mandato summi Pontificis Legatus in exercitu Regis Franciæ, Robertus Comes de Pertico frater Regis, Henricus filius Theobaldi veteris Comitis Campaniæ, homo iuuenis, largus, & sapiens, & corde magnanimus. Hic desponsauerat filiam Regis Franciæ nomine

L I iij

LVDOVICVS
VII. IV-
NIOR.

Mariam. Ibi erat similiter Thierricus Comes Flandriæ, Princeps diues & nobilis, sororius Balduini Regis Hierusalem. Ibi similiter erat Yuo de Nigella in Episcopatu Nouiomenſi, homo formæ elegantis, & pollens ſapientia naturaliter. Multi etiam nobiles & potentes de Regno Franciæ ibi præſentes adfuerunt, quorum nomina reticemus. De terra Syriæ fuit ibi præſens nobilitas, videlicet Balduinus Rex Hierusalem, Foucherius Patriarcha, mater Regis Balduini, mulier bona & ſapiens, forma & exemplum aliis continentia vidualis. Ibi similiter fuerunt multi Eccleſiarum Prælati: Balduinus Archiepiſcopus Cæſarienſis, Robertus Archiepiſcopus Nazarenus, Rogerus Epicoſcopus Acconenſis, Bernardus Epicoſcopus Sydonienſis, Guillelmus Epicoſcopus Baruthenſis, Adam Epicoſcopus Belinenſis, Girardus Epicoſcopus Behetlemitenſis, Robertus Magiſter Templi, Raimundus Magiſter Hoſpitalis. De Baronibus Syriæ, Manaffes Comes Stabularius Regis Balduini, Elinandus Comes Tabarienſis, Girardus Comes Sydoniæ, Galterus Comes Cæſarienſis, Paganus Dominus terræ, quam vltra fluuium Iordanis habitant Chriſtiani, Honfredus Comes de Torunno, Guillelmus Comes Banethenſis, & multi alij diuerſarum regionum, qui in vrbe Acconenſi propter negotium Terræ ſanctæ illa die fuerunt congregati.

Quomodo noſtri conſilium habuerunt de obſidenda Damasco, & quomodo inde profeſſi ſunt.

- XIX. **I**N illo conuentu Procerum & Prælatorum ſecundum diuerſas opiniones multa fuerunt prolata conſilia, & diuerſæ rationes oſtenſæ ad ducendum Chriſtianitatis exercitum ad diuerſas partes, ſecundum quod maior neceſſitas perurgebat. Tandem ab omnibus fuit ſic concorditer & firmiter ordinatum conſilium, quod Damasci ciuitatem obſiderent. Tunc fuit indiſtum, & ex parte Regum & Baronum communiter acclamatum, quod omnes vna die conuenirent ad urbem Thabariæ armis & instrumentis bellicis præmuniti, & ad prælium præparati. Hoc actum anno Domini MCXLVII. vigesima die menſis Maij. Iſti duo magni Principes, qui de longinquis nationibus ad peregrinandum venerant in Hierusalem, & alij Barones de Regno, præfixa die pedestris populi & equeſtris militiæ venerunt Thabariam, quæ in Euangelio vocatur Cæſarea Philippi. Illuc delata fuit crux ſancta cum magna deuotione à Foucherio Patriarcha: quia moris erat tunc temporis apud Chriſtianam militiam ſemper illam præferri in negotiis præliorum. Illuc conſuluerunt Principes alieni Barones patriæ, vtpote gnaros, vitare locorum pericula, & qua parte ciuitas erat obſidenda. Qui dederunt conſilium, in quo omnes alij vnanimiter conſenſerunt: quia videlicet conſonum & ytile veritati, quod omnes primò intenderent, & vnanimiter laborarent occupare iardinos & prædia, quæ ex vna parte circumeunt ciuitatem: quia erant in eis munitiones & turres altæ, vbi Turci maximè confidebant, & muri lutei intercluſum cingentes, prædiæque ſecundum quod quilibet Turcorum ſuam intercluſerat portionem. Et benè videbatur eſſe verum, quod prædiis occupatis de ſacili ciuitas caperetur. Rebus igitur taliter ordinatis, in craſtino mouerunt caſtra, & tranſierunt montem Libani, de quo Scripturæ ſacræ multis locis faciunt mentionem, & eſt inter Belinas & Damascum. Poſt deſcenſum montis Libani venerunt ad quandam villam quæ vocatur Daire, vbi omnes tentoria locauerunt. O quàm pulchra & delectabilis erat viſu facies exercitus, vbi tot erant noua tentoria & pampiliones, diuerſis armorum ſpeciebus & coloribus differentes, & diuerſæ Principum banneriæ auræ leuis impulſionibus crepitantes! A quatuor vel quinque millibus diſtabant à ciuitate Damasci: ita quod totam urbem cum muris & turribus quaſi ſub oculis poſitam planè poterant intueri. Turci autem ſuper altitudines munitiorum aſcendentes intuebantur exercitum, cuius aduentum mirabiliter formidabant. Nec mirum, quia ferè totam nobilitatem Chriſtianæ militiæ tam decenter contra ſe pugnaturam accedere ſentiebant.

A

Quomodo nostri venientes apud Damascum, ambierunt hortos.

XX.

VRS Damasci maior est & Metropolis illius terræ, quæ minor Syria vocatur, vel alio nomine Fenicia Libani, de qua Propheta dicit: Caput Syriæ Damascus. Quidam seruus Abrahæ nomine Damas fundauit olim, cuius nomen ciuitas sortita est, & talis nominis diu nuncupata. Situs vrbis in quadam planicie, terra sicca & sterilis: tamen eam fecundant agricolæ per fluuium qui descendit de monte, quem diuidunt in riuulos per meatus densos in humo, vel per instrumenta lignorum concaua, & faciunt eos defluere vbi volunt, & vbi necessitas est humoris. A parte verò Orientis secus vtrasque ripas illius fluminis est immensa densitas arborum portantium omnimodas species fructuum, & latè terram occupant vsque prope mœnia ciuitatis. Mane autem facta arma capescit Christi militia, & totam gentem suam tantummodo in tres acies ordinarunt. Primæ cohortis ductor fuit Rex Hierusalem cum suis indigenis, quia plus nouerant de rebus patriæ & de situ ciuitatis quàm alienigenæ peregrini. Secundam aciem duxit Rex Franciæ cum suis Francigenis, vt primæ succurreret, si fortè videret eam periculo subiaccere. Retrogardam fecit Imperator cum suis Theutonicis. Et sic tribus aciebus ordinati versus urbem pugnaturi cum hostibus accesserunt. A parte Orientali, vnde gens nostra veniebat, erat situs ciuitatis, & prædia à parte Boreæ per quatuor vel quinque millia ciuitatem cingentia, magnis arboribus confita, quæ magnæ siluæ seu magni nemoris effigiem prætendebant. Præterea quod nostris maioris erat discriminis, erant prædia interclusa muris compactis bitumine: quia in partibus illis non est lapidum copia, & terraceis quasi turribus, vbi Turci nostris nocituri in insidiis latitabant. Præterea erant ibi angustæ viæ ducentes de horto ad hortum, terminantes ad vnam viam communem aliquantulum largiorem, quæ directè ducebat ad ciuitatem; tamen ita strictam, quòd vix poterat vnus homo cum equo vel asino fructibus onerato vsque ad ciuitatem pertransire. A parte illa videbatur ciuitas inexpugnabilis, tum propter muros terraceos, vt diximus, tum propter riuulos per hortos ex naturalibus fontibus defluentes, & propter strictas vias, quæ muris terraceis ex vtroque latere cingebantur. Tamen consensu Principum sic fuit ordinatum, quòd totus exercitus per illos hortos vsque ad ciuitatem, licèt graui labore & periculo, penetraret. Quoniam si aliquo modo horti & prædia sic penetrando potuissent occupari, ciuitas à parte illa nullo murorum ambitu clausa, semicapta videbatur. Præterea quod exercitui non modicum proficui conferebat, iam maturis arboribus poterant legi fructus cuiuslibet speciei, & à parte illa aquæ fluuiorum Damasci, sine quibus equi & homines dimicare non poterant, inter urbem & exercitum latè sine medio defluebant.

C

Quomodo Turci Damasci capti fuerunt.

XXI.

TUNC præcepit Rex Balduinus, qui primam ducebat aciem, quòd gens sua in hortos irrumperent. Sed hoc fuit primò difficile, quia à parte altera terraceorum murorum, & in limitibus strictis murorum ambitu interclusis, erant Turci, qui per fenestriculas longas & strictas, quas archerias vocant, nostros lanceis cominus, & sagittis eminus, prout poterant, infestabant, quos nostri nec videre, nec ad eos accedere poterant. Et erant Turcorum plurimi, qui de illis latibulis egredientes, se audacter media via nostris militibus opponebant, & eis transitum toto conamine prohibebant. Omnes Turci ad pugnandum viles ab vrbe communiter egressi fuerant, totis viribus repugnantes, ne nostri hortos & prædia occuparent. Inter cetera tam periculosa discrimina, vnum fuit quod nostris plurimum nocuit: quia per hortos sparsim erant turriculæ fortes & arduæ, quas diuites Damasci in hortis propriis construi fecerant, vbi, si necesse sibi foret, sese reciperent, quando fructus suos maturitatis tempore colligebant. Illæ turres erant sagittariis munitissimæ, à quibus nostri multa grauias sunt perpeffi, quia eos sagittis eminus infestabant: & quando improuisi transeundo cominus accedebant, Turci ab alto grossis lapidibus obruebant. Tunc nostri in illo tam periculoso certamine multis grauaminibus arcebantur, quia sæpè feriebantur lanceis per fenestras, saxis.

quatiebantur à Turcis, qui super altitudines turrium eminebant: & sic Turci de nostris multos equos & homines occiderunt. Propter hoc Principes postea plurimum doluerunt, pœnitentes quòd urbem à parte illa proposuerant obsidere. Quod ut vidit Rex Balduinus, & omnes sui Barones, ira magna & indignatione ferbuerunt, & ex parte didicerunt, quòd sine magno periculo & damno vsque ad urbem tali modo non poterant penetrare. Tunc reuertentes opposuerunt se viarum lateribus, & cœperunt fortiter sternere muros terraceos: Turcos, quos ibi reppererunt interclusos, quibus non erat fugiendi facultas, nec quærendi latibula, in os gladij peremerunt, multosque quibus pepercit gladius secum vinculis attraxerunt. Et sic nostri multis locis illos muros terraceos prostrauerunt, & Turcorum multum sanguinem effuderunt. Quando Turci, qui per hortos circumquaque dispersi fuerunt, murorum ruinam & suorum stragem perceperunt, versus urbem territi quantocius aufugerunt. Et tunc primò nostri viri per vias hortorum, nemine prohibente, liberè penetrarunt. Sed Turci, qui benè sciebant, quòd nostri post tantum laborem propter se & equos suos adaquandos ad fluuium venire contenderent; & maximè cognouerunt, quòd à parte illa erat ciuitas obsidenda, robur totius suæ gentis contra nostros opposuerunt, & ripas fluminis sagittariis & balistaribus & robusto milite munierunt, ne nostri ad fluuium attingerent, propter equos exercitus adaquandos. Postquam autem acies Regis Balduini ab hortorum latibulis est egressa, sicut ceruus desiderat ad fontes aquarum, ita anhelabat ad aquas fluminis, quod prope mœnia ciuitatis difflebat. Cùm igitur gentem suam aliquantulum dispersam interim in aciem collegisset, ut per Turcorum cuneos ad latices fluuij tentaret irrumperè, Turci magna virtute aditum prohibentes retrorsum Regis aciem repulerunt. Tunc nostri ira & verecundia calescentes, sursum sese in agmine collegerunt, fluuium lucrari in isto conamine sese ad inuicem iactitantes. Tunc impetu facto in acervos hostium violenter conflixerunt: & fuit ibi diu & fortiter dimicatum. sed nostri tandem cesserunt iterum, quia Turci pro vita & patria libertate acriter dimicabant. Lento gradu sequebatur Regis Francorum acies, quæ primæ cohorti, si necesse esset, ferret auxilium, vel saltem alternatim subueniret fessis studio præliandi. Imperator vltimò suam ducebat aciem, cauens ne fortè Turcorum latentes insidiæ ab aliqua parte subitò prosilirent. Cùm videret ergo duas præcedentes acies vltimò non progredi, interrogauit quidnam esset, & quare fixo gressu taliter restitisset? Dictum fuit ei, quòd prima cum Turcis conflictum inierat, qui egressi ab vrbe ante ripam fluminis totis viribus resistebant. Sed quando Theutonici hoc audierunt, utpote homines impatientissimi, & qui non sunt in armorum negotiis circumspècti, sed propria capitis dementia furibundi, relicto ordine in quo erant in acie constituti, passim cum impetu cucurrerunt. Cucurrit etiam cum ceteris Imperator, & per medium phalangis Regis Franciæ sine ordine penetrantes, vsque ad locum certaminis furore Theutonico proruperunt. Tunc pedites terræ se mandauerunt, eleuatis suis longis mucronibus, clypeisque prætensis super Turcos acriter irruerunt. Quorum imperum Turci diu sustinere non valentes terga yerterunt, & sese vltra ciuitatis mœnia receperunt. Sicque nostri ad vsus suos aquis fluminis liberè sunt potiti.

De Turco quem Imperator per medium secuit.

XXII. **I**N conflictu illo ad laudem Imperatoris accidit quid dignum memoria. Quidam Turcus armatus lorica & ocreis eum inuasit, & instantissimè perurgebat. Imperator mucronem tenuit, quem de bonis solum elegerat, erectumque potenti brachio, non impunè fecit descendere. Nam percussit eum inter collum & sinistrum humerum ictu mirabili: ita quòd ensis secuit totum pectus cum humeris, & descendit obliquando vsque ad latus dextrum, taliter quòd pars dexterior abscisso penitus cum capite cecidit super terram. Et tunc omnes Turci, qui ictum tam formidabilem viderant, stupefacti, statim fugæ remedio nostrorum gladios euaserunt. Quod cùm aliis retulissent, auditores eorum in desperationem ceciderunt, non sperantes, quòd se possent tueri contra eos, nec gentem tantæ fortitudinis sustinere. Posteaquam autem nostri lucrati sunt hortos, & prædia, & vada fluminis, fixerunt tentoria, de hortis & iardinis multa commoda perceperunt: vi-

A delicet propter equos & herbam & pabula, & propter homines in arboribus fructus diuersi generis iam maturos. Turci autem ascendentes super muros ciuitatis, ut viderunt exercitum tot & tantis pampilionibus more suo dispositis in ambitu ciuitatis tantam superficiem terræ latiùs occupantem: satis animaduenterunt, quòd tam forti exercitui diu resistere non poterant, & quòd in ianuis erat captio ciuitatis. Timuerunt igitur ne nostri insultum facerent, & in urbem citò irrumperent, & sic omnes cum vxoribus & liberis in ore gladij trucidarent. Idcirco inter se consilium inierunt; & fuit ab omnibus ordinatum, quòd per omnes vicos ciuitatis à parte obsidionis pluribus locis ex grossis lignis ex transuerso vicorum repagula ponerentur. Quia si fortè, quod verebantur, accideret, dum nostri ligna & repagula scindere intenderent cum fragore nimio & tumultu, ipsi possent interim per alias portas cum vxoribus & liberis exire, & fugere velociter, donec possent tutum refugium in suorum vicinis ciuitatibus reperire. Quod sicut ordinauerunt, sic & fecerunt. Signum erat quòd non habebant propositum resistendi nec continuandi, si viderent sibi aliquod infortunium imminere: quia plures iam sarcinas alligassent, quas secum, si fugere contingeret, asportarent.

LVDOVICVS
VII. LV-
NIOX.

Quomodo nostri consilio quorundam proditorum reliquerunt hortos Damasci.

B **T** VNC non erat difficile tantis Principibus ciuitatem Damasci capere, si Dominus eorum actibus desuper aspirare voluisset, & vota peregrinationis eorum acceptasset. Sed fortè meritis suis exigentibus, & peccatis suis impedi-
bus, eorum operibus noluit consentire. Vel fortè per gentes alias futuris temporibus factum tam nobile prauiderat consummari. Et sic forsitan per fraudem & malitiam inimici sustinuit illud tam nobile negotium impediri. Nam prudentiores Turcorum, quia hostibus armis nocere non poterant, aliam nocendi viam in animo conceperunt. Nouerant enim corda aliquorum de Baronibus Syriæ, qui tantæ cupiditatis erant & avaritiæ, quòd de facili possunt corrumpi muneribus; & per prodicionis viam ad hoc possunt attrahi, quòd fallerent Reges & alios Principes Christianos. Cognouerant enim quòd fortitudinem tantæ gentis bello superare non poterant: idcirco eos per suos Principes armis avaritiæ vincere tenta-
uerunt. Propterea ad illos Barones, quos aptos prodicioni nouerant, clandestinos miserunt nuncios, per quos magnam census & diuitiarum copiam promiserunt. Et hoc promittebant optimis captionibus * ante omnia confirmare, si tantum facerent, quòd ab illo loco, quo residebat exercitus, obsidio solueretur. Verum est quòd illi Barones tantæ prodicionis actores de terra Syriæ fuerunt, sed eorum nomina & generis sui principia & terras suæ dominationis tacet historia: quia erant adhuc aliqui sui generis successores, qui si audissent suos parentes vel amicos prodicionis vocatos crimine, æquo animò non tulissent. Illi ergo qui officium Iudæ
C contra Dominum & eius exercitum sibi assumpserant, cum Imperatore & Rege Franciæ & Rege Hierusalem in fraude locuti sunt: dicentes, quòd per prauum consilium decepti fuerant, quando à parte hortorum & fluminis ciuitatem obsederant: quoniam à parte illa ad capiendum fortior videbatur, & ad urbem propter hortos & flumen grauior est accessus. Propter hoc bona fide consulebant, quòd antequam omninò labores à latere mitterent, & in otium tempus expenderent, exercitum à loco suo amoueri præciperent, & in parte altera in opposito latere ciuitatis obsidionem locari: quia sicut dicebant, in parte altera ciuitatis, quæ est contra Orientem & contra Meridiem, non sunt horti, nec arbores, quibus posset accessus impediri. Præterea à parte illa muri erant imi & fragiles, nec erat necesse petriarias erigere, sed fortè primo congressu poterat capi ciuitas, & totus ambitus murorum occupari. Tunc Reges & alieni Principes dictis eorum, proh dolor! fidem adhibentes, & eos bona intentione dedisse tale consilium æstimantes, præconari fecerunt, ut omnes sua tentoria euellerent, & Barones sibi nominandos ubi eos ducerent vnanimiter sequerentur. Tunc omnes communiter sua tentoria collegerunt, & sociati sunt præuiis proditoribus, qui duxerunt exercitum in partem oppositam ciuitatis, in loco tali vnde sciebant certissimè quòd nullo modo poterat ciuitas expugnari, & in loco sterili & arido, ubi propter defectum rerum omnium diu non poterat exercitus residere. Ibi fixerunt vexilla Principum, & imperarunt

* f. capti-
lationibus

LVDOVICVS
VII LV-
NIOR.

tentoria collocari. Non multum temporis ibi refederat exercitus, quando Principes cognouerunt quòd proditiōe decepti fuerant, & quòd illi proditores per magnam malitiam ibi fecerant tentoria transportari, quoniam omninò vada fluminis perdiderunt, sine quo tantus exercitus diu durare non poterat, & fructus hortorum delectabiles ad vescendum, qui toti exercitui multa commoda conferebant.

Quomodo nostri percepta proditiōe Sarracenorum bonum propositum amiserunt.

XXIV.

TVNC cœperunt cibaria in exercitu rarefcere, & penitus deficere: ita quòd propter defectum victualium omnes in magna angustia laborarent, & maximè alienigenæ peregrini, quia à finibus Syriæ ad exercitum cibaria deferri non poterant. Propter hoc maximè peregrini victualibus indigebant, quia dictum fuerat eis, quòd ciuitas contra tantam gentem diu resistere non poterat; in qua multam copiam victualium reperirent, & quòd frustra se tantis victualibus onerarent. Principes reuersi ad semetipsos, quando viderunt se sic deceptos, statum exercitus tam miserabilem, & omnia totaliter deficere, quibus possent equi & homines sustentari, irati fuerunt valde, & mirabiliter stupefacti, aggrediendi ciuitatem & petriarias erigendi, ab illa hora voluntatem & propositum amiserunt totaliter. Sciebant enim certissimè quòd vacuus esset labor, & sumptus pro nihilo funderentur. Ad loca autem vnde venerant, & vbi primò castra posuerant, reueri non poterant, quia quamcitò ab illo loco translatus fuit exercitus, statim Turci ab vrbe egressi sunt, & tot ibi fecerunt repagula, concauitates in humo profundissimas, & annexiones arborum decisarum fortes & impenetrabiles, quas sagittariis & arbalistariis in tanta multitudine munierunt, quòd facilius videbatur quandam fortissimam ciuitatem posse capere, quàm per difficultates illas per violentiam penetrare. Præterea benè videbatur quòd ibi morari non poterant, quia hominibus omninò deficiebant victualia, & equis & pecoribus cum potibus alimenta. Tunc Imperator Alemanniæ & Rex Franciæ inter se locuti sunt, & dixerunt quòd Barones indigenæ eos prodiderant, quorum fidelitati corpora sua & hominum suorum, & negotium Iesu Christi commiserunt, vt per eorum consilium ad honorem Dei Christianitatis negotia tractarentur: & eos per malitiam in talem locum adduxerant, vnde nec honor sibi nec Christianitatis vtilitas poterat prouenire, nec tempus in otium consumerent, & in vacuum laborarent. Consenserunt omnes in hoc vt ab illa obsidione recederent, & à proditiōe Syrianorum de cetero cautiùs præcauerent. Nouerant enim quòd Pullani in illa obsidione nihil commodi contulissent, sed magis propositum perpetrassent. Pullani dicuntur qui de patre Francigeno & matre Syriana, vel de patre Syriano & matre Francigena generantur. Taliter recesserunt isti duo Principes magni Barones, omnes Principes Christianitatis nobilitate & potentia præcellentes: & nihil fecerunt illa vice quod pertineret ad honorem Imperialem, & ad decus Regiæ Maiestatis. Tunc cœperunt vilefcere & tædere apud istos duos Principes negotia Terræ sanctæ, nec de cetero aliquid magni incipere vel occupare voluerunt. Populus pedestris de Francia cum Syrianis litigando improperabant, & apertè dicebant, quòd non erat bonum Francigenis pro eis ciuitates acquirere, nec labores & sumptus pro Syrianis effundere, quia Turci meliores erant & fideliores illis, qui fidem nec Deo nec proximis obseruabant. Priusquam istud accideret, peregrini de Francia satis libenter morabantur in terra Syriæ, & aliquando multa bona fecerant in Regno Hierusalem. Sed propter illud factum, sicut priùs, non potuerant esse cum Syrianis beneuoli nec concordēs: & si quandòque contigerit, quòd ad peregrinandum venirent, completo voto quamcitò possunt, ad solum proprium reuertuntur.

De causis impediētibz captiōem Damasci.

XXV.

PLURES pluries indagati sunt à pluribus, qui fuerunt tantæ proditiōis actores, & qua intentione Christianitatis exercitum prodidissent. Ipse etiam qui istam scripsit Historiam, à pluribus indigenis inquisiuit. Cuius rei diuersi diuersas rationes assignabant. Quidam enim volebant asserere, quòd Comes Flandriæ huiusmodi fuerat causa malitiæ, non quia præcognouisset malignum consilium, neque

A neque prodicioni consensisset, sed quando vidit quòd nostri hortos & fluuium Damasci Turcis abstulerat, visum fuit ei, quòd Turci diu non possent resistere, & quòd de facili ciuitas caperetur. Tunc adiit Imperatorem, Regem Franciæ, & Regem Hierusalem, & humili supplicatione postulauit, vt post captiõem dono ciuitatem concederent: & hoc idem petiit à Baronibus Franciæ & Alemanniæ, qui sibi videbantur vnanimiter consentire, quoniam promittebat, quòd eadem ab inimicis fidei viriliter defenderet, & ad honorem Dei & Christianitatis fideliter custodiret. Quo audito, Barones Syriæ indignati & inuidiæ zelo mirabiliter inflammati, eo quòd Princeps tam nobilis, qui pura intentione ad peregrinandum venerat, & in partibus suis tantam terram & Comitatum tam nobilem regebat, vnum de nobilioribus membris Regni Hierusalem tali modo sibi vendicare volebat: & nisi Rex Balduinus tam sibi referuare vellet, melius erat, sicut dicebant, quòd alter eorum dono vel permissione aliqua traderetur. Et hanc rationem assignabant ad suam intentionem confirmandam, quia cum nihil habeant alibi, quando peregrini de Francia & de aliis regionibus reuertuntur ad propria: ibidem in propriis locis commorantur omni tempore, & semper parati sunt continuo certamine conflictus hostium sustinere. Et sic videbatur Comes Flandriæ eos à fructibus laborum velle excludere, qui æquali lance meruerunt fructus esse participes, & honoris. Maluerunt igitur ciuitatem ab hostibus fidei possideri, quàm dari Comiti Flandriæ, qui nec dum suis meritis obtinere debuerat, cum de nouo venisset in Syriam à partibus alienis. Et hæc fuit causa, sicut quidam dicebant, quare prodicioni consenserunt. Alij aliter sentientes dicebant, quòd per Raimundum Principem Antiochiæ, ytpote hominem versutum & plenum malitia, hoc damnum acciderat: quia ex quo Rex Franciæ per malum recesserat ab eo, in malum & dedecus Regis per se & per procuratores suos non cessarat machinari. Ideo mandauerat illis Baronibus, quos amor specialis sibi coniunxerat, & affectu cordis rogauerat, vt honorem & commodum Regis Franciæ quibus possent modis omnibus impedirent. Et propter hoc in fauorem Principis illi proditores, plus habentes hominem quàm Deum præ oculis, Christi militiam prodiderunt. Alij tertiam rationem proponebant, quorum talis erat opinio, quòd modo quo diximus corrupti muneribus, per prodicionem exercitum de loco aptissimo ad locum inutilem fecerant transportari.

De Parlamento quod nostri fecerunt vt obsiderent Ascalonem.

Q V I s posset cogitare lætitiã quæ fuit in Damasco, quando Turci videntur ita hostes suos recedere, ita effectu vacuos, & honoris immeritos: econtra confusionem exercitus, & Principum dedecus & ruborem, qui tam felici principio flouruerant, & sine tam misero rubescebant? Vnde valde doluit per totum Regnum vniuersitas popularis, & totum Regnum fuit indè miserabiliter desolatum. Post reditum illius exercitus Imperator, Rex Franciæ, & alij Principes collegerunt iterum Parlamentum, vbi magni Barones cum minoribus sicut antea fecerant conuenerunt. Fuit igitur primò inter eos sic locutum, quòd bonum esset aliquod nobile factum incipere, in quo præcipuè esset Dominus honorandus, & per quod de eis in bono posterius loqueretur. Ibi mentionem fecerunt aliqui de ciuitate Ascalonæ, quæ quasi in medio Regni posita adhuc Turcorum dominationi subiacebat, & si obsidione cingeretur, ab omni parte Regni possent ad exercitum sine periculo victualia deuehi: & defensores omni spe succursus & auxilio destituti, possent continuis insultibus coartari & ad deditionem cogi, quia non possent diu tantæ gentis fortitudinem sustinere. Satis & diu fuit inter eos de isto negotio ventilatum, sed nihil finaliter fuit ordinatum; quia ibi erant aliqui nobiles de regionibus alienis, qui magis officiebant quàm iuuarent ad negotium promouendum. Malebant enim redire ad partes proprias, quàm ad vsus alienos in Syria ciuitates obsidere. Nec mirum, si de Francia & alienis regionibus peregrini propositum & feruorem deuotionis amisissent ad Terræ sanctæ negotia erigenda; quando videbant indigenas Deum & se ipsos prodidisse, & vtilitatem reipub. Regni Hierusalem impedisse, sicut paruit in obsidione Damasci. Et verisimile videbatur quòd Dominus odiret eorum opera, nec vellet per eos aliquid fieri, vnde posset eis nec honor, nec commodum provenire. Et sic sine effectu aliquo solutum fuit Parlamentum.

XXVII. **V**IDENS autem Imperator negotium Terræ sanctæ malè proficere, & Barones non eiusdem animi ad grande aliquid occupandum, nec in suis consiliis vniformiter conuenire: vnde dicebant aliqui homines probi, quòd hoc erāt diuinum odium, & quòd Deus scrutator cordium nolebat suis operibus cœlitus aspirare. Præterea considerans Imperator, in partibus suis aliqua fortè magna & ardua negocia emerfisse, & suum Imperium sua præsentia indigere; salutato Rege Franciæ, & Rege Hierusalem, & Baronibus, qui in illis partibus remanebant, naues suas intrauit, & vento flante prospero in breui sanus & incolumis in suam Alemanniam se recepit: sed post illius reditum tribus annis nec ampliùs superuixit. In vrbe quæ dicitur Præmbort obiit, & sepultus honorificè, vt Maiestatem Imperialem decuit, in illius ciuitatis Ecclesia Cathedrali. Imperator iste fuit multis gratiis commendandus, pietate & mansuetudine plenus, corpore procerus, fortis, pulcher, audax animo, & miles optimus & fidelis, & etiam cunctis moribus perornatus. Post decessum suum rexit Imperium Ferricus nepos suus Dux Souauix, vir quidè ætate iuuenis, sed virilis animi, & pollens mirabiliter sapientia naturali, de quo fecit Historia superiùs mentionem. Rex Franciæ, qui per annum integrum perendinauerat in terra Syriæ, die Paschæ cum vxore sua & Baronibus Regni sui in Hierusalem Pascha Domini celebrauit. Sentiens igitur, maximè post discessum Imperatoris, moram suam in nullo vel in modico profuturam, nauigium præparauit; licentiæque à Rege Balduino, Patriarcha, & aliis Baronibus accepta, portu Acconensi nauigium conscendit, marisque nullo impediante periculo, ad Regnum proprium est reuersus. Et post paruum temporis spatium Alienordis Regina peperit sibi filiam, quam in sacro baptismo Alaidam vocauerunt.

B

Quomodo Rex Ludonicus restituit Ducatum Normanniæ Henrico filio Gaufridi Comitis Andegauis.

XXVIII. **P**ARVM post reditum Terræ sanctæ Gaufridus Comes Andegauis, & Henricus filius eius, qui postea fuit Rex Angliæ, vna die coram Rege comparuerunt, grauem querimoniam deponentes de Rege Angliæ Stephano, qui Ducatum Normanniæ & Regnum Angliæ sua vi sibi abstulerat: maximè Ducatum Normanniæ, qui ad proprietatem & dominium Regni Franciæ pertinet, quasi sibi proprium possidebat. Vnde Regi humiliter supplicabant, vt à Ducatu tanti viri expelleret potestatem, & eum sibi restitueret, sicut de iure tenebatur. Rex eorum querela & petitione audita, volens cuilibet secundum rigorem iustitiæ ius suum obseruare, & reddere vnicuique quod suum est: mouit exercitum, & potenti brachio intrauit Normanniam, & eam in breui viriliter occupauit, & eam Henrico filio Comitis Andegauis restituit, & eum ad titulum totius Ducatus in fidelitatem homagij in patris præsentia suscepit. Et ipse Henricus de assensu patris sui pro tanto beneficio totum Vilcassinum Normannicum Regi contulit perpetuò possidendû; videlicet ab Ethæ fluuiio vsque ad flumen Andelæ: in quo continentur villæ & oppida inferiùs nominata. Castrum Gisorcij, castrum Neaufte, Estrepegni, castrum Dangu, Gamaches, Harauilla, Castrum-nouum, Baudemont, Brayum, Tornucium, Bucale, & Nogentum. Modo quo diximus restituit pius Rex LVDOVICVS illi Henrico Ducatum Normanniæ, viro infideli & peruerso; nec Rex columbinæ simplicitatis protinus intellexit venenosam malitiam, nec malum quod ei postea suscitauit: qui erga Regem Dominum suum ita se habuit, sicut in prouerbio Rustici dicitur: Quanto magis impium exaltaueris, tanto magis contra te superbiet, & acriùs suum calcaneum cleuabit. Ita fecit iste Henricus contra Regem, qui ei Ducatum Normanniæ contulerat, & maioribus Principibus totius Regni fecerat coræqualem. Qui citatus ad Curiam, venire noluit ad ius faciendum, vel capiendum in Regis præsentia Palatii iudicium omninò respuit & contempsit. Quod Rex videns, vt decuit indignationis stimulo agitated collegit exercitum, & castrum Vernonis obsedit & cepit: & aliud quod Nouum-mercaturum dicitur similiter obsedit, & illud potenti brachio in deditionem coëgit. Tandem cùm videret ille perfidus, quòd

C

A nec per calliditatis malitiam, neque per armorum potentiam Domino suo posset resistere, vulpinam malitiam imitatus, cepit veniam postulare, & veram humilitatem fingens, quam innatam non habuit, ut amissa castra reciperet, tentavit Regis indignationem demulcere: promittendo de cetero contra Regem nullatenus caput erigere, & quandiu viueret mandatis Palatii obedire. Et Rex propriæ mansuetudinis non immemor, ab eo illatas iniurias iam oblitus, eum in gratiam recepit, & duo castra, quæ non immerito sibi abstulerat, plane restituit, & ea sicut prius possidenda sibi concessit.

LUDOVICVS
VII. IV-
NIOR.

De diuortio facto inter Regem Ludovicum & uxorem eius Alienordem.

INTEREA aliqui venerunt ad Regem de cognatione sua progeniti, qui ortum & derivationem parentelæ suæ nouerant; & dixerunt ei, sicut verum erat, quod inter se & Alienordem uxorem suam erat consanguinitatis affinitas talis, quod inter eos de iure lex matrimonialis non poterat conuenire; & inde per iuramentum probationem legitimam offerebant. Quibus Rex sic respondit, Quod contra Deum & contra legem Ecclesiæ eam nolebat habere, volens per omnia statuta Ecclesiæ & legem matrimonij inuiolabiliter obseruare. Et ut istius rei veritas posset veracius indagari, die Martis ante festum Paschatis Floridi in castro Baugenciaci Hugonem Archiepiscopum Rotomagensem, & quartum Lanfredum Burdegalensem cum pluribus suis Coëpiscopis & Baronibus Franciæ fecit solenniter conuenire. Ante quorum præsentiam steterunt illi, qui genus inter Regem & Reginam se probaturos obtulerant; qui etiam eiusdem generis erant parentes & cognati. Et per iuramentum suum dixerunt, quod Rex & Regina sese cognatione contingebant, & quod secundum Deum & legem coniugalem debebat inter eos diuortium celebrari. Quo sufficienter probato in præsentia Prælatorum, fuit inter eos per consensum partium matrimonium dissolutum. Deinde sic accidit, quod Alienordis Regina cum rediret ad terram propriam post discessum à Regno Franciæ, à Duce Normanniæ Henrico, qui postea fuit Rex Angliæ, fuit solenniter desponsata. Et Rex Ludouicus duas filias, quas sibi Alienordis Regina pepererat, duobus viris illustribus matrimonio copulauit: maiorem natu Mariam nomine Henrico Comiti Campaniæ, & minorem fratri suo Theobaldo Comiti Blefensi, quæ Alaidis vocabatur. Rex, qui secundum legis præceptum volebat viuere, præcipientis, ut homo secundum legem Ecclesiæ feminam sibi coniungeret, & essent duo in carne vna, de consilio Prælatorum & Principum, in spe hæredem legitimum procreandi, qui post decessum suum nobile Regnum Franciæ gubernaret, in quandam puellam nobilissimam, Constanciam nomine, filiam Regis Hispaniæ, animum conuertit. Et propter hoc Hugonem Archiepiscopum Senonensem ad partes Hispaniæ destinauit, ut eam ad se adduceret sibi matrimonio copulandam. Quam cum ad Regem cum honore præcipuo adduxisset, eam in vrbe Aurelianensi in multorum Prælatorum & Principum præsentia nuptiali fœdere copulauit, & Regali stemmate pariter coronauit. Non multo post elapso tempore, concepit & peperit Regina filiam nomine Margaritam, quæ vsque ad annos pubertatis educata fuit, postmodum Henrico filio Regis Angliæ ordinatione Romanæ Ecclesiæ desponsata. Cui Rex LUDOVICVS pater suus concessit in matrimonium totum Vilcassinum Normannicum, quem Rex Angliæ pater suus sibi contulerat, liberè possidendum: sicut in Historia superius est expressum. * * *

Cetera desiderantur.



HISTORIA GLORIOSI REGIS LVDOVICI, FILII LVDOVICI GROSSI.

Ab anno CHRISTI MCXXXVII. vsque ad annum MCLXV.

*Ex MS. Exemplari, quod est in Bibliotheca Cl. Viri Ioannis-Baptiste Hautin
Regij in Castello Parisensi Consiliarij.*

*Exemplar hoc continet primò Vitam LVDOVICI GROSSI Regis à Sugerio Abbate
S. Dionysij compositam, deinde Historiam hanc LVDOVICI IVNIORIS eius filij,
(qua & in Supplemento Aimoini Monachi, paucis de Abbatibus S. Germani Paris. interpo-
latis, integra habetur,) ac alia nonnulla: ex vetustiore Monasterij sancti Maglorij Paris.
Codice descripta omnia anno 1515.*



GLORIOSVS LVDOVICVS gloriosi Regis LVDOVICI fi-
lius, lugubri tanti patris demigratione celerrimo comperta nun-
tio, Ducatu Aquitaniz consultè tutoque locato, anticipare festi-
nans quæ Regibus decedentibus consueuerunt emergere, scilicet
rapinas, scandala, & motiones, celeriter Aurelianensem regres-
sus ciuitatem, cum ibidem comperisset, occasione Communiz
quorundam stultorum infaniam contra Regiam demoliri Maiestatem, compescuit
audacter non sine quorundam læsione. Indeque Parisius tanquam ad propriam re-
means sedem (in ea enim, sicut in antiquis legitur Gestis, Reges Francorum vi-
tam degere consueuerunt) de Regni administratione, & Ecclesiz defensione,
pro ætate, pro tempore, gloriosè disponebat. Felicem se fore tota existimabat
patria, eò quòd tantæ sunt reliquæ homini pacifico nobilissimo patri; quòd ad
robustissimam totius Regni defensionem nobilissima proles succederet, pios fo-
ueret, impios abdicaret. Imperium siquidem Romanorum, Regnum etiam An-
glorum, in defectu successiuz prolis multa incommoda, ferè vsque ad status sui rui-
nam, sustinuisse conspicantes, quantò eorum Regnorum indigenas super his do-
lere audiebant, tantò Regni & Regis successibus omnium & singulorum commo-
ditatibus applaudebant. Defuncto etenim absque herede Imperatore Romano-
rum Henrico, in ea, quæ maxima & generalis est habita Maguntiz Cùria ferè
LX. millium militum, tanta emerit hac occasione controuersia, vt cum Dux Ale-
manniz Fredericus, eò quòd defuncti Imperatoris Henrici nepos esset, Regnum
obtinere niteretur, in scandalo & diuisione Regni, Maguntinus & Colonien-
sis Archiepiscopi, & superior pars Optimatum & Procerum Regni, cum relicerent:
& ad Ducem Saxoniz Lotharium se conuertentes, Regio cum diademate Aquif-
grani cum summa Cleri & populi exultatione coronarent. Quod etsi nobile fa-
ctum, non sine læsione multorum constitit, cum ipse præfatus Dux Fredericus so-
lio Regni depulsus, cum Conrado fratre, qui tamen præfato Lothario decedenti
in Regnum successit, cum parentibus & reliquis fautoribus suis, multa dispendia,
bella, incendia, pauperum deprædationes, Ecclesiarum destructiones, damna in-
numera, similia perpeffus ei intulerit. Qui præfatus Lotharius cum multa egre-
giè gesserit, hoc supremum, & dignum laude atque ammiratione magnanimitati
eius assignatur: quòd Regnum Alemannorum nullo hereditatis iure sortitus, stre-
nuè amministrait: Italiam potestati suæ subiugauit, Romani coronam Imperij
ab Innocentio Papa Romæ, repugnantibus Romanis, assumpsit, Capuanam &
Beneuentariam pertransiens Prouinciam, Apuliam in ore gladij perdomuit, Re-

A gem Siculum fugauit, Barensem ciuitatem & circumiacentem patriam occupa-
uit: plenoque potitus trophæo, à partibus illis rediens, morte communi præuen-
tus, ad natiuum solum & proprios Ducatus Saxoniz penates relatus, tantis labo-
ribus finem egregium destinauit. Nec minus infaustè de Regno Anglorum hac
eadem occasione contigisse meminimus, cum defuncto strenuo & famosissimo
Rege Henrico, quia herede mare carebat, Boloniensis Comes Stephanus nepos
eius, frater iunior Palatini Comitis Theobaldi, ex insperato Regnum ingressus,
non reputans quòd Comes Andegauensis filiam præfati Regis Henrici auunculi
sui, quæ & Imperatrix Romanorum fuerat, coniugem, & ex ea filios habuerat,
coronam eius assumpsit. Quæ perniciosa factio, zelo & diuersitate Baronum, Co-
mitum, atque Optimatum Regni, tanta terram copiosam & fructiferam à malitia
inhabitantium in ea calamitate extinxit, ut terram vastitate, prædam rapinis, ho-
mines mortibus ferè ad tertiam, ut aiunt, partem circumquaque per totum Re-
gnum exterminaret. Quæ quidem pericula, Francorum solatia existebant, cum
illi ex defectu hæc sustinerent: Franci verò tantæ & tam egregiæ prolis successio-
ne congratularentur & congraderent. Sed ut ad propositum redeamus, LUDOVICVS
Regis circiter XIV. aut XV. annorum adolescentia tam naturâ quàm in-
dustriâ de die in diem proficiebat.

B Ea tempestate VVilhelmus Dux Aquitaniz ad sanctum Iacobum peregrè pro-
fectus, molestia corporis ibi correptus viam vniuersæ carnis ingressus est. Ipse
duas filias tantum habebat: quarum altera vocata fuit Alienoris, altera Aaliz.
Terra autem Aquitaniz Domino suo destituta, absque herede mare remansit. Id-
circo Rex LUDOVICVS totam Aquitaniam in manu sua tenuit. Alteramque
de duabus prædictis sororibus, scilicet ALIENORIDEM natu maiorem, matri-
monio sibi sociavit: alteram verò, videlicet Aaliz iuniorem, Radulfo Comiti Vi-
romandensi in uxorem donauit. Rex autem vnâ filiam ex Alienoride coniuge
sua suscepit, nomine Mariam. Porro euoluto non longo dierum curriculo, Gau-
cherius de Monte-Gaio superbiâ diaboli inflatus, aduersus Regem insurgere ten-
tauit: terramque ipsius (non tamen impune) præsumptuosè inquietare cona-
tus est. Quod Rex, utpote magnanimus, non æquo animo perferens, exercitu
vndecunque adunato, aduersus Montem-Gaium conuolauit, castrumque cum
omni municipio destruxit.

C Eodem anno quoddam graue infortunium in Hierosolymitanis partibus
Christianis contigit. Nam Parthi diabolico inflati spiritu, Edessam urbem va-
lido bellorum impulsu aggredientes, non sine magna strage suorum eam cepe-
runt. De qua expugnatione nimium intumescens, omnes Christianos illius
regionis se vastaturos esse comminati fuerunt. Cuius infortunij fama postquam
ad aures piissimi Regis LUDOVICI peruenit, zelo sancti Spiritus imbutus ad
pietatem commotus est. Qua de causâ in Paschali solennitate eiusdem anni,
apud Vizeliacum magnum colloquium tenuit, ubi Archiepiscopos, Episcopos,
Abbates quoque, plures etiam Optimates & Barones sui Regni congregari fe-
cit. Inter quos fuit Bernardus Abbas Clareuallensis. Itaque ipse & Pontifices
ibidem in consistorio assistentes, prædicauerunt de terra in qua Dominus noster
Iesus Christus corporaliter conuersatus, pro redemptione generis humani pas-
sionem crucis sustinuit. Quorum prædicationibus & ammonitionibus Rex LUDOVICVS
diuina inspirante gratia inflammatus, crucem accepit, & post eum
ALIENOR vxor eius. Quod videntes Optimates ibidem astantes, postea cru-
cem acceperunt, Simon Nouiomensis Episcopus, Godeffridus Lingonensis Epi-
scopus, Arnulfus Lexouiensis Episcopus, Herbortus Abbas sancti Petri Viui
Senonensis, Theobaldus Abbas sanctæ Columbæ, Anselmus Comes sancti Egi-
dij, Terricus Comes Flandrensis, Henricus filius Comitis Blefensis Palatini
Theobaldi, qui tunc temporis vivebat, VVilhelmus Comes Niuernensis, Rai-
naldus frater eius Comes Tornodoretis, Robertus Comes frater Regis, Iuò
comes Sueffionis, Guido Comes de Pontiuo, VVilhelmus Comes de Garenna.
Erchembaudus de Borbano, Ingefrannus de Cocclò, Gaufridus de Ratcono,
Hugo de Lizenanto, VVilhelmus de Cortiniaco, Rainaldus de Monteargillò, Ite-
rius de Toccio, Gaucherius de Monte-Gaio, Euardus de Britolio, Drogò de
Monccio, Manasses de Bugliis, Ansellus de Triagnello, Guarinus frater eius,

LVDOVICVS
VII. LV-
NIOR.

V Villelmus Buticularius, V Villelmus Aguillon de Tria, & plures alij milites. A infinita etiam multitudo peditum. Eodem quoque tempore Conradus Imperator Alemanniæ, audita Christianorum desolatione, crucem accepit: & Ferricus Dux Saxoniz nepos eius, postea Imperator. Amatus etiam Comes Morianæ, auunculus Regis Ludouici. in quorum comitatu multi fuerunt. Porro Poncius venerabilis Vizeliacensis Abbas, propter reuerentiam sanctæ Crucis quam Rex cum sociis accepit, in loco quodam, videlicet in decliuo montis, in quo consistorij prædicatio fuit, hoc est inter Escuanum & Vizeliacum, Ecclesiam in honore sanctæ Crucis construxit. In quam populo recta fide conueniente, Dominus multa miracula operatus est. Interim Rex LVDOVICVS toto anno, à Paschali solennitate qua crucem accepit, vsque ad aliud Pascha, & insuper vsque ad Pentecosten, antequam ad Hierosolymitanas partes proficisceretur, cum cruce suscepta in Regno suo commoratus est. Cum verò hæc ita agerentur, Senonensis ciuitatis Burghenses aduersus Abbatem sancti Petri Viui Herbertum in iram concitati, quia Communiam eorum dissolui fecerat, eum truculenter necauerunt. Ob cuius ultionem, Rex quosdam homicidarum illorum de turre Senonensi præcipitari fecit, quosdam autem Parisius truncari.

1146. ANNO ab Incarnatione Domini MCXLVI. gloriosus Rex LVDOVICVS Regio comitatu, vt decebat, honorificentissimè circumdatus, iter quod vouerat peragere cupiens, septimana post Pentecosten de Parisiensi ciuitate egressus est. Vnde profectus, in itinere multos labores sustinuit: & tandem Hierosolymam peruenit. Postquam autem ad sepulchrum Domini orationes compleuit, & cum debita reuerentia Crucem Dominicam adorauit, de partibus illis regrediens sanus & incolumis ad propria remeauit. Denique post illam regressionem ipse genuit vnā filiam ex Alienoride coniuge sua, nomine AALIZ.

PROCEDENTE autem non longo temporis spatio, Gaufridus Comes Andegauorum, & Henricus filius eius, qui postea Regnum Anglorum obtinuit, Regem LVDOVICVM adierunt: & ei de Stephano Anglorum Rege conquerentes, monstrauerunt quòd ipse eis iniuste iura sua auferebat: videlicet Regnum Angliæ, & Ducatum Nortmanniæ. Vnde Rex volens omnes iuste ac rationabiliter, sicut Regiam Maiestatem condecet, manu tenere, & vnicuique ius suum conseruare, cum magno exercitu Nortmanniam aggrediens manu forti eam cepit. quam Henrico filio Comitis Andegauorum reddidit, & eum pro eadem terra in hominem ligium accepit. Ille itaque pro collato sibi adiutorio, Gaufrido patre suo concedente, Vilcassinum Nortmannum, quod est inter Itam & Andelam, Regi Ludouico totum immune dedit. In qua terra continentur hæc castella & firmitates, Gisfortium, Neelsa, Stripiniacum, Danguitum, Gamachia, Harachiuilla, Castrum-nouum, Baudemont, Braium, Tornutium, Buschalia, Nogentum super Andelam, & quædam alia. Hoc modo, quo prædictum est, adquisiuit & restituit perfido Henrico Nortmanniam Rex LVDOVICVS, non præuidens perfidiam, quam postea ille contra ipsum machinatus est. Nam post modicum tempus contigit quod vulgari prouerbio dicitur, quia quantò magis exaltatur iniquus, tantò ampliùs aduersus benefactorem suum se extollit. Siquidem Henricus Normanniæ per manum Regis Dux effectus, ultra modum superbiens, ante Dominum suum Regem Ludouicum defecit à iustitia. Quamobrem Rex ad iram nimium concitatus, tantam indignationem grauiter sustinens, cum magno exercitu Vernonium profectus est: paucisque diebus in obsidione moratus, potenti virtute castrum illud cepit. Aliud quoque castrum, scilicet Nouum-marcheium, similiter captum ei abstulit. Porro videns versutus ille, Henricus Dux Nortmannorum, quòd potentissimo Regi LVDOVICO nullatenus resistere posset, ad similitudinem dolosæ vulpis, conuertit se ad refugium solitæ fraudis: Siquidem fingens se humiliatum esse, vt quoquo modo amissa recuperaret, falsò asserbat quòd contra Dominum suum Regem superbiz calcaneum deinceps non eleuaret. Cuius falsis assertionibus Rex Ludouicus deceptus, sicut semper benignissimus exiit, etiam tunc benignitatem suam ei exhibuit. Nam duo prædicta castella, quæ illi abstulerat, eidem restituit.

A SEQVENTI tempore, præterita non longa annorum euolutione, accesserunt ad Regem LVDOVICVM quidam propinqui & consanguinei sui: & conuenerunt cum, dicentes quòd inter ipsum & Reginam Alienoridem coniugem suam lineâ consanguinitatis erat. quod etiam iuramento firmare promiserunt. Audiens hoc Rex, noluit eam contra legem Catholicam vlteriùs vxorem habere. Proinde Hugo Senonensis Archiepiscopus conuocauit vtrunque, videlicet Regem Ludouicum, & Reginam Alienoridem, ante præsentiam suam apud Baugenciacum. Qui conuenerunt eò ex præcepto ipsius die Veneris ante Dominicam de ramis palmærum: vbi etiam interfuerunt Samson Remensis, Hugo Rothomagensis, & cuius nomen non teneo-Burdegalsis, Archiepiscopi: quidam quoque Suffraganei ipsorum, necnon Optimatum & Baronum Regni Franciæ non minima pars. Quibus congregatis in castro supramemorato, prædicti consanguinei Regis iuramentum, quod facturos se fore promiserant, executi sunt: videlicet quòd Rex & Regina Alienoris, sicut supra taxatum est, affinitate consanguinitatis propinqui erant. Et sic inter eos matrimonij copula soluta est.

Quo peracto, Alienoris terram suam Aquitaniam celeriter requisit. Quam sine mora Henricus Dux Nortmanniæ, qui postea in Regem Anglorum sublimatus fuit, vxorem sibi accepit. Rex autem LVDOVICVS duas filias, quas de Alienoride susceperat, maritis desponsauit: primam, scilicet Mariam, Henrico Comiti Palatino Trecensi: iuniorem verò, videlicet Aaliz, fratri eius Theobaldo Comiti Blesensi.

PROINDE Rex volens secundum diuinam legem viuere, quæ præcipit vt vir adhæreat vxori suæ, & sint duo in carne vna, propter spem successiuz prolis quæ post ipsum Regnum Franciæ regeret, Constantiam filiam Imperatoris Hispaniæ coniugio sibi iunxit: & Hugo Senonensis Archiepiscopus Aurelianus eam in Reginam inunxit, & cum ipsa Regem coronauit. Qui postquam per aliquod tempus pariter permanserunt, Rex genuit ex ea vnâ filiam nomine MARGARITAM. Dispositione verò Romanæ Ecclesiæ, eadem Margarita sociata fuit matrimonio Henrico, filio Henrici Regis Anglorum & Alienoridis vxoris suæ, qui postea in folio Regni Angliæ sublimatus fuit. Vilcastinensem autem terram dedit Rex Margaritæ filiz suæ in matrimonio: quam Henricus Rex Anglorum, pater illius Henrici, ipsi immunem concesserat.

[* ANNO Incarnationis Dominicæ MCLIII. dimisit Abbatiam Hugo Crispinensis, quæ vno anno sine pastore fuit. Quo completo, Gaufridus Abbas substitutus est. Qui post duos ferè annos curam pastorem reliquit, ægritudine cogente. Cui successit Theobaldus.] 1153. * Hac in Cod. S. Marglorij non sunt.

EODEM tempore, Gaufridus de Gienago quandam filiam suam Stephano de Sancerro in vxorem dedit. Quod astuto consilio fecit. Opinabatur etenim, quòd ipse cum ab infestatione Niuernensis Comitis tutari posset. Quinetiam ipse Gaufridus eidem filiz suæ Gienagam in matrimonio donauit. Quod videns Heruecius filius eiusdem Gaufridi, castrum quod sibi hereditario iure contingebat taliter donari prohibuit. Quam ipsius prohibitionem pater suus irritam faciens, Stephanum de Sancerro prædicto castro inuestiuit. Eapropter Heruecius Regem adiit, & ei super patre suo conquestus est, eò quòd ita eum exheredabat. Proclamabat etiam de Stephano, qui prædictum castrum, quod ad ipsius hereditatem spectabat, contra suam voluntatem susceperat, atque illud sine suo assensu tenebat. Rex igitur hoc audiens, sicut semper fuit amator iuris & æqui, tantam iniuriam fieri, Herueciumque suo iure destitui, diutiùs sustinere non potuit. Enimvero exercitu collecto, aduersus Gienagam conuolauit, quod Stephanus de Sancerro militibus munierat. sed seipsum absentauerat. Itaque Rex cum militia sua castrum viriliter assiliens, absque mora illud cepit, atque Heruecio reddidit. Quo completo vnusquisque ad propria remeauit.

DEINDE Rex genuit vnâ filiam de Constantia Regina, quæ nominata fuit ADELAIDIS. In cuius partu dum laboraret, in ipsa hora diem extremum clausit. Vnde Rex nimium cum omni Regno suo contristatus est.

POSTQVAM verò per solatia Optimatum suorum tristitiam aliquantulum obliuioni tradidit, consilio & monitu Archiepiscoporum & Episcoporum, aliorum-

LVDOVICVS
VII IV-
NIOR.

quē sui Regni Baronum, uxorem desponsare disposuit. Siquidem mente affi- A
duē habebat illud scriptum, quia melius est nubere quā vti. Præterea time-
bat, ne Regnum Franciæ ab herede, qui de semine suo egrederetur, guberna-
ri desisteret. Igitur tam salutis suæ, quā protectioni reipublicæ in posterum
prouidens, ADELA filiam Theobaldi Palatini Comitis Blesensis in matrimo-
nium sibi ascivit. Idem Theobaldus ab hac vita iam decesserat. De cuius se-
mine superstites erant quatuor filij, & quinque filiæ: Henricus videlicet Co-
mes Palatinus Trecentis, & Theobaldus Comes Blesensis: Stephanus Comes
de Sancerro, VVilhelmus Archiepiscopus Senonensis: Ducissa Burgundiæ, Co-
mitissa Barri; vxor VVilhelmi Goiet, quæ prius fuerat Ducissa Apuliæ, Comi-
tissa Pertici; postremò Adela iunior. Quam Dominus noster adeò sublimauit,
vt super fratres suos & sorores suas dominatum obtineret, quæ subiecta ipsis an-
tea fuerat. Ipsa autem tam naturā quā industriā laudabilis extitit. Nam sa-
pientiæ fulgore irradiavit, elegantia corporis præpolluit, munditiā castitatis emi-
cuit: & quia tot virtutum floribus decorata fuit, tanto honore meruit sublima-
ri. Sicut enim prædictum est, serenissimo Regi LVDOVICO maritali legē so-
lenniter fuit sociata. Et Hugo Senonensis Archiepiscopus ad festum sancti Bri-
xij Parisius in Ecclesia beatæ Mariæ Virginis eam inunxit, Regemque cum ip-
sa coronauit. Missam etiam eodem die ibidem celebrauit. Stephanus Senonen-
sis Canonicus, qui postea fuit Meldensis Episcopus, Epistolam legit, & Guil-
lelmus Senonensis Archidiaconus, postea Autissiodorensis Episcopus, Euange- B
lium. Matthæus Præcentor Senonensis & Albertus Cantor Parisiensis chorum
tenuerunt, & cantum in processione imposuerunt.

His peractis, euoluto longo temporis intervallo, crescente de die in diem
malitia, & inualescentē cupiditate, Niילו de Petrafonte, & Drogo de Merloto,
qui duas filias Drogonis de Monceio uxores habebant, discordiam inter se con-
ceperunt. Niילו namque de Petrafonte Drogoni de Merloto medietatem Mon-
ceij, quæ ex matrimonio mulieris eius illi contingebat, iniuste abstulit. Vnde ille
Regi LVDOVICO querimoniam faciens, vt de tanta iniuria ultor esse dignaretur
suppliciter rogauit. Petitione cuius exaudita, Rex volens omnes tam fortes
quā debiles æquanimiter in iustitia tenere, exercitu congregato, aduersus Mon-
ceium castrum profectus est. Quod manu bellicosa cepit, turrēque cum omni
municipio dirui fecit: & Drogoni de Merloto medietatem castri, quæ iuris illius
erat, restituit. Deinde paucis diebus transactis, Niילו defunctus est. uxorem cu-
ius Rex Ingerranno de Tria maritauit, & dimidiam partem Monceij cum eadem
coniuge ei donauit.

EA tempestate horribile schisma ortum est in Romana Ecclesia. Quæ cum suo
Pontifice viduata esset, diuina cooperante gratia Cardinales vnanimiter elege-
runt in Antistitem, bonæ memoriæ Alexandrum tertium. Porro Victor, qui &
ipse Octavianus appellatus fuit, arrogantia plenus, atque terrenis honoribus ad C
modum inhiās, sine canonica electione Romanæ Ecclesiæ Pontificium sibi præ-
sumptuose voluit usurpare. Nam Clerici eius, fautores ipsius abusiue electionis
tantummodò extiterunt: verū Cardinalium seu Episcoporum, duobus exceptis,
consortio & suffragio caruit. Omnes enim tam Cardinales quā Episcopi domi-
no Papæ Alexandro æquanimiter consenserunt. Proinde venerabilis Papa Ale-
xander ad Gallicanas partes proficiscens, apud Montem-Pessulanum transmea-
uit. Cuius aduentum postquam ad aures Domini LVDOVICI Regis fama detulit,
consilio quid super hoc faceret exquisito, memorandus Rex domnum Theo-
baldum Abbatem sancti Germani Parisiensis ad ipsum destinauit. Denique nego-
tio Domini Regis peracto, cum gratia domini Papæ totiusque Romanæ Curie re-
meare disposuit. Dumque in itinere regressionis esset, apud Claromontem graui
molestia corporis correptus est. Ipse verò in extera regione morari diutius no-
lens, vt erat ægrotus ad Vizeliacum festinavit, & in Ecclesiam beatæ Mariæ Mag-
dalenz, in qua ab adolescentia alitus fuerat, & habitum Religionis susceperat, &
professionem fecerat, tertia die ante festum sanctæ Mariæ venit. & ingrauescente
infirmirate in crastino festiuitatis sanctæ Mariæ Magdalenz, in eadem Ecclesia mi-
grauit à seculo. In cuius locum Hugo Monachus sanctæ Mariæ Vizeliacensis sub-
stitutus est anno Domini MCCLXXI.

A EISDEM diebus LVDOVICVS Rex Alexandrum Papam in pastorem cum omni Regno Franciæ suscepit. Cuius rei fama circumquaque regiones peruolante, Constantinopolitanus & Hispanus Imperatores, Rex Angliæ, Rex Hierosolymitanus, Rex Siciliæ, Rex Hungariæ, omnesque Reges Christianorum, sequentes Regis Ludouici exemplum, cum debita reuerentia eundem susceperunt. Excepto Federico Alemanniæ Imperatore, qui consueta tyrannide furens, prædictum schismaticum Octavianum contra leges & iura manutenuit, & omni vita illius sicut Papam eum habuit. Quo defuncto, Guidonem Cremensem, vnum scilicet de duobus Cardinalibus eidem schismatico adhærentibus, nefandus ille Imperator successorem eius subrogauit. Cuius inhortationibus idem Imperator Romam, ut eam perderet, profectus est. Vbi maxima strages suorum non vi Romanorum, nec aliorum mortalium, sed sola diuina ultione facta est. Mirabile dictu, contigit quod Dominus super exercitum eiusdem nefandissimi tyranni manum ultionis extendens, per aëris corruptionem feruentem pluuiam super ipsos effudit. Vnde infinita multitudo tam militum quam peditum inexpugnabili gladio diuinæ virtutis perculsi, morte miserabili vitam finierunt. Inter quos filius Conradi Imperatoris interiit, & Rainaldus Coloniensis Archiepiscopus. Cuius corpus frustatim diuisum, & in feruenti aqua decoctum, salæque conditum, Coloniam usque sui deportauerunt. Imperator verò præ timore flagelli diuini ab eadem obsidione recedens, in Tusciam fugitiuus peruenit. Vnde egrediens, & Lombardiam pertransiens, ab incolis eiusdem regionis viriliter fugatus, ad Susam festinauit. Exinde cum paucis sociis furtiuè fugiens, Alpes transmeauit. Siquidem amissa multitudo in eadem obsidione Episcoporum & Baronum suorum, ita perterritus & confusus extitit, quod vltèrius ibi morari non audens, miserabili fugâ Alemanniam repedauit.

QVONIAM in dies crescit malitia, Regiam Celsitudinem decet Regno prouidere, & ab impugnatoribus subiectos sibi protegere. Nisi enim Regia potestas protectioni reipub. attentius insisteret, fortiores vltra modum impotentes opprimerent. Quod etiam eodem tempore contigisse vera enarratione manifestum est. Nam Claromontensis Comes, & nepos eius Comes Podiensis Guillelmus, atque Vicecomes de Polinaco, instinctu diaboli exagitati, rapinis miseram vitam agere consueuerant. Depopulabantur etenim Ecclesias, peregrinos impediabant, pauperes opprimebant. Quam eorum tyrannidem Claromontensis & Podiensis Episcopi, & Abbates Prouinciæ illius, diutius sustinere non valentes, quoniam ipsis resistendi per se vel per suos vim non habebant, prudenti vñ consilio Regem LVDOVICVM adierunt. Cui querelam super eisdem tyrannis deponentes, crudeliter Ecclesiis illatas iniurias insinuauerunt, & eum piissimis precibus ad vindictam pauperum & captiuorum exhortati sunt. Vnde piissimus Rex audita tyrannorum prædicta nequitia, sine mora congregauit exercitum: & in virga ultionis, ad quam non erat difficilis, aduersus illos aduersarios militauit. Cum quibus manu belligera congregiens, factum Regia Maiestate dignum, in ore gladij eos expugnauit, & expugnatos cepit. captos etiam secum abduxit. Quos captiuos tandiu tenuit, quoadusque firma fide promiserunt, quod ab inquietatione Ecclesiarum, pauperum, & peregrinorum, deinceps perpetuè cessarent.

EXPLETO hoc insigni opere, non longo tempore post, quoddam execrabile factum, & nostris temporibus inauditum, per diuersas regiones circumquaque diuulgatum est. Etenim Guillelmus Comes Cabilonensis diaboli vestigia sequens, qui Dominum tentare præsumpsit, Ecclesiam Cluniacensem atrociter persequabatur. Ipse siquidem infinitos prædones, vulgò dictos Brabantiones, qui nec Deum diligunt, nec viam veritatis cognoscere volunt, ad crudelitatem suæ tyrannidis explendam colligens; sceleratis satellitibus fretus, aduersus prædictam Ecclesiam, ut eam deprædaretur, prædo profectus est. Monachi verò in eadem Ecclesia Deo seruientes, non ferro aut clypeo protecti, sed solum diuinis armis & Ecclesiasticis vestimentis induti, cum Sanctorum reliquiis & crucibus tyranno obuiam cum magna multitudo populi processerunt. Illa autem satellitum prædictorum pessima turba, Monachos sacris vestimentis spoliauerunt: & more ferarum, quæ fame urgente ad cadauera concurrunt, quingentos & eò amplius Burgensium Cluniacensium atrociter sicut oues mactauerunt. Fama verò illius

inauditi sceleris diuersas regiones circumlustrans, ad notitiam piissimi Regis LVDOVICI peruenit: qui tantum flagitium in sanctam Ecclesiam grauissimè ferens, ad ultionem nefandissimæ cladis exuberanti feruore sancti Spiritus animatus est. Quid plura? bellicosorum Francigenarum fortissimas phalanges ad se Regali edicto conuocauit. Quibus fulcitus, aduersus prædictum tyrannum, ad eius exterminationem, festinauit. Idem autem nequissimus Comes Cabilonensis, cognito Regis aduentu, præsentiam ipsius non audens expectare, relicta terra sua profugus abiit. Dum verò Rex gressu concito per partes Cluniacensis Prouinciæ transmearet, mulieres viris suis viduatæ, virgines & nati patribus orbat, obuiam ei processerunt. Cuius pedibus prouoluti, flentes & eiulantes lugubri clamore ærumnas suas ei ostenderunt: & piissimis precibus Regiam Maiestatem exorantes, vt eis manum consilij & auxilij misericorditer porrigeret, piissimum Regem totumque exercitum eorum calamitatibus, ferè vsque ad lacrymas compatientes, magis ac magis ad perditionem sceleratæ gentis animauere. Nec mirum. Videres enim ibi pupillos adhuc pendentes ad vbera matrum: virgunculas plorantes, & paterno solatio se destitutas miserabiliter clamantes. Audires totum aërem vagitibus infantum resonantem. Ne longius verba protrahantur, Rex propositum peragere satagens, cum exercitu suo terram nefandi Comitis Cabilonensis nullo præpeditus obstaculo audacter intrauit: atque Cabilonensem ciuitatem, & Montem Sancti Vincentij, insuper omnem illius tyranni terram in ore gladij perdomitam cepit: & eiusdem terræ mediam partem Duci Burgundiæ donauit, reliquam partem Comiti Niuernensi contradidit. Quosunque autem ex suprædictis Brabantionibus, diuinam voluntatem contemnentibus, diabolique sequacibus, capere potuit, in vindictam Ecclesiæ Dei furcis suspendi fecit. Quorum vnus vitam suam redimere infinita pecuniâ volens, non impetrauit: sed eadem pœna plexus est. Peracta denique condigna ultione nefandissimæ stragis & persecutionis, quæ sanctæ Dei Ecclesiæ Cluniacensi inferebatur, Rex tanto potitus tropheo cum gaudio remeavit.

IGITUR quia Regiæ Maiestati congruit, Ecclesias Dei contra quoslibet persecutores protectionis clypeo defensare, benignissimus Rex nolens eas, iustitia per negligentiam suam deficiente, à raptoribus deuastari, egregiè vindicatis Cluniacensis Ecclesiæ iniuriis, Vizeliacensem nihilominus Ecclesiam ab impugnationibus aduersariorum liberauit. Contigit enim quoddam Vizeliacenses Burgenfes Communiam inter se facientes, aduersus Dominum suum Abbatem & Monachos superbia inflati insurrexerunt, eosque diutissimè infestatione maxima affligerunt. Communiter siquidem coniurauerant, quoddam Ecclesiæ dominio vltius non subiacerent. Quod quidem assensu & consilio Comitis Niuernensis fecerant: qui eidem Ecclesiæ aduersabatur. Abbas verò & Monachi acerrimis infestationibus Burgensium coacti, turre Monasterij ad suam defensionem munierunt. Quos de foris Burgenfes pluuiæ sagittarum & immissione balistarum assidue perurgebant: & tamdiu inclusos armata manu tenuerunt, vt carentes panis edulio, tantummodò carnibus vitam suam sustentarent. Pars quoque Monachorum excubiis noctis insistebat: pars lassata membra sopore aliquantulum recreabat. Cùmque tanta vexatione coarctarentur, Abbas videns quoddam iniqui homines ab impietate sua nullatenus desistentes, magis ac magis eos afflicebant, per quorundam amicorum suorum conductum clam Monasterium exiuit: & Regem LVDOVICUM Corbeiz demorantem celeriter adiit. Cui querelam suam deponens, super iniusta inquietatione Vizeliacensis Communis ei proclamauit. Quo per insinuationem Abbatis agnito, Rex, semper promptus ad Ecclesiarum protectionem, Lingonensem Episcopum ad Comitem Niuernensem, qui prædictam Communiam manutenebat, destinauit: & mandauit ei vt pacem Ecclesiæ reformaret, & Communiam dissipari faceret. Comes verò Regio mandato obtemperare negligens, in sua peruersitate homines Vizeliacenses perdurare non prohibuit. Cuius contumacia auribus Regis relata, ipse tantam indignationem comprimere dignè cogitans, exercitum congregauit. Quo adunato, aduersus prædictum Comitem equitabat. Quod ille audiens, Episcopum Autissiodorensensem ad Regem dirigens, mandauit ei quoddam secundum suam voluptatem de prædicta Communia faceret. Deinde ipse apud castrum Moretum Regi obuiam veniens, ei fiduciauit quoddam Communis

A deinceps non consentiret: sed eam penitus dissiparet. Vnde Rex fiducia Comitum accepta, suo exercitu dimisso, Autissiodorum cum eodem Comite venit. Vbi Vizeliacenses Burgeneses conuocati, iuramento affirmauerunt, quod ad voluntatem Poncij Abbatis successorumque eius se haberent, Communiâque relinquerent, & ad eam deinceps non iterarent. Proinde, Regis decreto, iidem Burgeneses Poncio Abbati quadraginta millia solidorum donauerunt: & ita pax Ecclesiæ restituta est.

LVDOVICVS
VII. 17-
NIOR.

Expleto deinde paucorum annorum curriculo, VVilhelmus Comes Niuernensis eidem Ecclesiæ aduersari cœpit. Nam quasdam indebitas consuetudines in ea clamabat: quas VVilhelmus Abbas Vizeliacensis & Monachi se debere ei inficiabantur. Vnde Comes, postposita Dei reuerentia, Monachis alimenta subtraxit. Illi autem victualibus carentes, Regem LVDOVICVM pedestres adierunt, & ei Parisius occurrentes, solo tenus prostrati, lacrymis obortis, querelam suam super iniuriis à præfato Comite sibi illatis ei deposuerunt. Idcirco Rex compatiens Monachis lacrymabiliter conquerentibus, Vizeliacensi Ecclesiæ firmissimam pacem restitui fecit.

Igitur propter hæc, & alia multa opera iustitiæ, quæ piissimus Rex LVDOVICVS prædictæ Ecclesiæ, & pluribus aliis intuitu diuinæ Maiestatis exhibuit, necnon propter vltionem, quam in hostes Cluniaensis Ecclesiæ, & plurium aliarum Ecclesiarum, multoties exercuit, diuina bonitas tot bonorum operum remunerationem condignam ei contulit. Rex enim diuinæ gratia largitatis ex Adela nobilissima Regina vnum filium genuit.

Annō Incarnationis Dominicæ M C L X V. Sabbato in octaua Assumptionis 1165: beatæ Mariæ Virginis, nocte dum matutina synaxis celebraretur, hæc nobilissima proles processit ad ortum. Cuius natiuitatis gaudium deferens nuntius, ad Sanctum Germanum de Pratis veniens, hos felices rumores enarrauit eadem hora, qua Monachi incipiebant cantare propheticum Canticum, *Benedictus Dominus Deus Israël, quia visitauit & fecit redemptionem plebi suæ.* Quod diuino oraculo contigisse, manifestis indiciis coniici potest. Fama verò tam desideratæ proles circumquaque percurrrens, omnes Francigenas maximo gaudio repleuit. Quippe qui successionem masculini sexus, de semine Regis Ludouici procedentem, diu multumque desiderauerant, qui post gloriosi patris decessum, solium Regiæ Maiestatis obtineret. Quorum desiderium attulit eis Dominus, nec sunt fraudati à desiderio suo. Itaque Regia prole exorta, postridie ortus sui, hoc est die Dominica, pater eius Rex LVDOVICVS filium suum baptismatis sacramento confirmari fecit. Ad quod exequendum Mauricius Parisiensis Episcopus, mandato Regis, sacerdotalibus vestimentis se induit: & Regiam sobolem in Ecclesia sancti Michaëlis de Platea solenniter baptismate regenerauit. Hugo etiam Abbas sancti Germani Parisiensis patrinus puerum super fontem baptismatis in vlnis suis tenuit.

CHerucius quoque Abbas sancti Victoris, & Odo quondam Abbas sanctæ Genouefæ, patrini extiterunt. Constancia soror Regis Ludouici, vxor Raimundi Comitum Sancti Egidij, & duæ viduæ Parisienses, matrinæ extiterunt. Qui vocatus fuit PHILIPPVS.



VETERVM SCRIPTORVM FRAGMENTA,

DE REBVS LVDOVICI VII. REGIS,
COGNOMENTO IUNIORIS.

EX LIBRO IV. VITÆ BEATI BERNARDI
*Clareuallensis Abbatis, auctore GAVERIDO Monacho Clareuallensi,
eiusdem beati Bernardi Notario.*

CAP. III.



EDELISSIMVM Principem THEOBALDVM Comitem, in magna tribulatione probatum, non minùs mirabiliter quàm misericorditer Dominus liberauit. Is nimirum potentissimus, & secundus à Rege, diuersos & impensos tenens in Regno Franciæ Principatus, totus tamen eleemosynis deditus, & studio pietatis intentus, omniumque seruorum Dei, sed specialiter Bernardi Clareuallensis, amator deuotissimus erat. Quem eatenus impugnari & affligi passus est Deus, vt Rege pariter & vicinis potentibus ferè cunctis coniurantibus aduersus eum, vsque adeò de eius euasione desperaretur, vt publicè quoque iam insultaretur religioni, pietati detraheretur, eleemosynis derogaretur. Monachi & conuersi, inutiles eius milites & balistarij dicebantur. Necnon & apud extraneos, sed in ipsis quoque eius ciuitatibus & castellis, eiusmodi iam blasphemiarum personabant. Denique congregatis aliquando Episcopis pluribus, aliisque personis, præsente etiam viro Dei, dum super his agerent & colloquerentur, Episcopus quidam, eo tempore ætate & opinione prudentiæ celeberrimus, aiebat: In manu Regis est Comes Theobaldus. non est qui possit eum eruere. Respondente alio quodam Antistite, Est qui possit liberare eum: multum ille miratus, quisnam crederetur posse, quærebat. Demùm audiens, quia potest eum eripere, qui omnia potest, Deus, non parum sub stomachans: Potest, inquit, si manifestus appareat, si clauam teneat, si hinc inde percutiat. sed hætenus ista non fecit. In tanta igitur desperatione, cùm prædictum Principem vehementer vrgerent extranei, grauius tamen impugnarent qui ab eo defecerant omnes ferè homines sui, nec minus eum affligerent pauci qui residui videbantur, ex aliorum defectu ipsi quoque suspecti: Lingonensis Episcopus Godefridus frequenter & familiariter Dei hominem consulebat, quidnam sibi Dominus super his reuelaret. Cui ille cùm iam sæpius respondisset, nihil sibi apparere, nisi tribulationem: demùm aliquando sciscitanti ait, Quinto mense pax erit. Sanè vltima die quinti mensis reformata est pax, ipso quidem & orante, & cooperante, vt non esset ambiguum, eius potissimum studio simul & merito, illum Principem piissimum à tam grauibz imminentibusque periculis liberatum.

Post annos aliquot inter eundem Regem Francorum, & GAVERIDVM Comitem Andegauensium exercebantur inimicitiarum graues. Causa erat, quòd virum nobilem Gerardum de Monasteriolo, Rege prohibente, in munitissimo oppido suo Comes obsidens, comprehenderat cum vxore ac liberis & propinquis, ipsamque diruerat munitionem. Tractabat ergo vir sanctus de reformanda pace, multis ad hoc ipsum Episcopis & Principibus congregatis: cùm subitò Comes ille, amaritudinis felle commotus, insalutatos omnes relinquens, equo insiliit, & recessit. Confusis denique omnibus, iam conuentus in desperatione pacis soluebatur:

A batur: & prædictus Gerardus accedens ad hominem Dei, licentiam postulabat, <sup>LUDOVICVS VII. IV-
NIOR.</sup> velut in mortem & carcerem rediturus. Sub obsidibus enim ad colloquium illud erat adductus. Cùmque vir Domini consolaretur eum, grauius ille flets & ciulans: Meam, inquit, minùs doleo sortem: meos omnes pariter lugeo morituros. Compassus itaque vir beatus: Ne timeas, ait: certus esto quia Deus tibi cuiusque subueniet, idque celerius quàm valeas vel sperare. Necdum Gerardus ille limen domus attigerat, à facie eius egrediens, cùm subito quidam occurrens, redire Comitem nunciauit. Mirati sunt omnes, tam celerem audientes promissionis effectum. Eadem etenim horâ Comes rediit, & pariter pax desiderata prouenit. Erat autem idem Comes pro eodem negotio ex mandato summi Pontificis anathematis vinculis innodatus, sed absoluendus, humiliari vt debuit, vel culpam super hoc fateri suam, penitus recusauit. Magis autem, vt erat plurimùm animosus, Deum sibi culpam huiusmodi numquam remittere imprecabatur, innocentem se reputans, & iniustè ligatum. Quamobrem discessit Pater sanctus non parum tristis ab illo, dicens ei: (siquidem literas nouerat) *In Math. 7. q. a mensura mensus fueris, remetietur tibi.* Eadem autem die, causantibus super hac improbitate personis quibusdam, & Principem illum grauius errasse dicentibus, accensus zelo Dei famulus aiebat: Grauius satis hæc temeritas punietur. Fieri omninò non potest, quin hoc eodem anno Comes ipse aut moriatur, aut euiden- ^{tem} aliam diuinæ indignationis sentiat ultionem. Hoc verbum & ex ipsis, & ex ^{aliis} aliis audire non pauci. Quod tam celeriter est impletum, vt Comes idem infra diem quintumdecimum moreretur.

*Ex Vita sancti VVillelmi Abbatis Roschildensis in Dania, ab eius
Discipulo conscripta.*

ACCIDIT, vt EVGENIUS Pontifex sese in Gallias conferret. Cùmque <sup>Extat apud
Savinum
Tom. 2.</sup> Lutetiæ appropinquaret, LUDOVICVS Rex & Parisiensis Episcopus, cum multa Cleri populique frequentia ei obuiam procedentes, illum honorificè exceperunt, atque ad beatissimæ Mariæ Virginis Ecclesiam cum ingenti gaudio deduxerunt. Paucis indè elapsis diebus, voluit idem Pontifex in Ecclesia beatæ Genouefæ mysteria diuina peragere, quia Apostolica dicebatur. Vbi eò ventum est, orta est contentio inter summi Pontificis & huius Ecclesiæ Canonorum ministros, ad eò vt ad pugnos res processerit, & non solum Pontificis ministri, sed etiam ipse Rex Ludouicus, qui illos compescere voluit, à Canonorum illorum famulis verberatus sit. Tanta autem nefariæ rei indignitate permotus Pontifex, cum Ludouico Rege tractauit de improborum hominum insolentia dignè castiganda. Visum est autem, in eorum locum alios subrogare, homines religiosos, nempe Monachos illos quos Nigros vocant: neque tamen Canonicos illos per vim suis Præbendis siue Sacerdotiis priuare volebant (erant enim inter eos non pauci nobiles & litterati) sed permittere, vt illis, quoad viuerent, fruerentur. Verùm vbi istud Pontificis & Regis propositum ad aures Abbatis S. Victoris perlatum est, Pontifici & Regi valde supplices preces obtulit, vt Ordinis S. Augustini professores in eam Ecclesiam introducerentur: multisque ostendit rationibus, contumaces illos facilius ad horum vitam regularem, quàm ad Monachorum habitum & consuetudinem, traductum iri. Pontifex & Rex his auditis, cùm iam exploratam haberent bonam famam illius Abbatis, & Fratrum eius, eorumque institutum præ multis aliis prædicari non nescirent, Domum quoque Sancti Victoris suauem eximæ caritatis de se odorem spargere, Abbatis precibus assensere: atque die sequenti electus est in Abbatem ODO Prior, homo sanctæ conuersationis, atque totius religionis amator indefatigabilis. Adiunctique sunt ei duodecim Canonici, viri probi ac bonæ existimationis, qui in Ecclesia sanctæ Genouefæ commorarentur. Atque ex eo tempore vsque in præsens istuo Canonorum S. Augustini institutum ea in Ecclesia conseruatur, ex Priuilegio Pontificis Eugenij, & Regis Christianissimi Ludouici ---:

ORTVS est postea rumor in vulgo, ablatum esse caput sanctæ Genouefæ à loco suo. Perfertur etiam vsque ad aures LUDOVICI Regis, qui valde indignatus, iurauit, si res ita foret se Canonicos eius Ecclesiæ omnes indè expulsurum.

LYDOVICVS
VII. IV-
NIOR.

Adhibentur autem custodes reliquiis Ecclesiæ illius, mittitque Rex Literas ad Archiepiscopum Senonensem, eiusque Suffraganeos Episcopos, Abbates quoque & Priores eius Diocesis, ut ad certum diem omnes adsint Parisiis, rei huius veritatem exploraturi. Vbi ad Fratres Ecclesiæ sanctæ Genouefæ Regis minæ peruenere, non immerito animis consternati sunt: sed longè tamen dolebant magis tam precioso sacrarum reliquiarum thesauro se, ut verebantur, orbatos esse. Ante omnes dolebat hoc nomine VVillelmus, qui reliquias omnes & thesaurum Ecclesiæ asseruanda iam pridem receperat. Iam aderat præstitutus dies, aduenit Rex cum suis, aduenerunt Pontifices & Abbates, aduenit etiam populi multitudo non exigua, exitum rei nosse percipiens. Designantur qui cum Episcopis ascendant ad eum locum, ubi sanctæ Genouefæ reliquiæ seruabantur. Voluit autem cum eis pariter ascendere VVillelmus, tanquam sacri custos thesauri, sed non permittitur. Arripuit tum ille haud scio an candelabrum vel thuribulum, secum ita dicens: Si non licet aliter, saltem ut minister ascendam. Aperitur deinde theca, & ecce caput sanctæ Virginis, quæ est Galliarum decus & ornamentum, cum ceteris eius artibus reperitur. Non potuit tunc animi sui lætitiâ intra se cohibere VVillelmus, sed non habita ratione tot longè maiori dignitate præstantium virorum, fidenter cantat, *Te Deum laudamus*: eius vocem excipit tota illa hominum frequentia, & ad finem usque illud Canticum depromit ---.

*Ex Vita S. Thomæ Archiepiscopi Cantuariensis & Martyris, auctore
M. Eduardo eius contemporaneo.*

- CAP. XII. POST QUAM autem Rex Angliæ comperit eum è Regno excessisse, à Rege Franciæ petiit, ne eum sineret in ditione sua recipi. Rex Franciæ primùm simulauit, se nescire quid Legati vellent. Illis verò dicentibus, Archiepiscopum Thomam furtim ex Anglia se subduxisse malè sibi conscium, Rex ait: Noui Thomam Archiepiscopum, scio qua fide, cum esset Cancellarius, Regi Angliæ seruiert: & ecce, hæc ei merces refunditur, ut nec cum ipso pacem, nec hic perfugium eum obtinere sinat. Digna planè merces, ut Regno suo pulsum, etiam in aliena persequatur. Legatis autem eum in Archiepiscopum commouere nitentibus, ille ait etiam cum iureiurando: Si ille mihi ita inseruisset, haud quaquam ingratus essem, & nunc, si scirem vbinam sit, festinus occurrerem venienti. Orant igitur Legati, ut Romano Pontifici scribat, ne etiam illum circumueniat. Sed illis abeuntibus, Rex scripsit Pontifici, ut eum paterna dilectione complectatur, nec quenquam audiat contra iustitiæ sectatorem. ---: Exacto indè mense, misit Alexander Pontifex sanctum virum ad Pontiniacense Monasterium, Abbati eum commendans, ut res necessarias ei suppeditaret. ---: Non deseruit Deus afflictum propter se, & propter iustitiam Martyrem suum. Permouit enim Franciæ Regem, Regni que Proceres, ut liberaliter ei suppeditarent, quod & ipsi & omnibus cognatis eius sufficeret. ---: Q
- XIII.
- XIV. PORRO Angliæ Rex molestè ferens Pontiniaci eum degere, scribit ad Abbatem Cisterciensem, cui Pontiniacenses æquè ut alij eiusdem instituti Monachi parebant, si illum patiatur manere vel Pontiniaci, vel alibi in suo Ordine, se Monachos omnes eius Ordinis, vel instituti, qui sint in Angliæ Regno, ad ipsum transfurum. Id ubi ex Abbate Cisterciensi rescivit vir sanctus: Absit, inquit, hæc à me transgressio, ut mea causâ patiar tot viros virtutis in hanc calamitatem incidere, & tot Monasteria in sempiternas redigi solitudines. Reddat vobis pater misericordiarum pro officiis caritatis, quæ mihi præstitistis. Deindè scripsit ad LYDOVICVM Franciæ Regem, qua arte Angliæ Rex è Pontiniaco ipsum eiecisset, indicauitque se iam paratum uti ipsius Regis beneuolentiâ. Ille enim Rex iam antè summopere rogauerat eum, ut apud ipsum maneret, ubicumque sibi visum esset. Sed id tum recusauit, ne Regi Angliæ molestiam exhiberet, aut illum iniuriâ affecisse videretur. Ut autem ad Ludouicum Regem hæc perlata sunt, ocius properauit Pontiniacum, conuocatis Fratribus gratias egit, quod tanto colligendo hospite Franciam honorassent. Cum autem Rex illum secum abduceret, lacrymis eum profecuti sunt Monachi, memores qua mansuetudine & humilitate inter ipsos, & quasi vnus ex ipsis, vixisset annis duobus.
- XV. PERDVCTVS est autem ad aliud Monasterium sanctæ Columbæ, propinquum

A Senonibus, atq; illic officiosissimè exceptus à Ministris Regis, qui eò præmissi fuerant, quatuor illic annis regiis impensis sustentatus est. Sed hanc eius pacem & vidit & invidit virulentus Satan, rursusque commovit Regem aduersus eum consiliis impiorum, quibus hanc discordiam potius adscribendam esse, quàm Regi, & ipse vir sanctus scripsit, & nos credimus. Conatus est Rex LVDOVICVM Franciæ Regem abalienare ab eo. Videbat enim nihil se ei nocere posse, nisi ille consentiret. Instituitur duorum Regum colloquium, tractatur de pace & concordia deinceps seruanda: iuratur utrinque, neutrum alterius hostem in suo Regno toleraturum. Postea aliud voluit Rex Angliæ cum LVDOVICO Rege habere colloquium: sed cum non sinerent Ludouici Regis Consiliarij eum illi colloquio adesse, videns Angliæ Rex frustrà se niti, scribit Ludouico Regi, ipsum contra pacta conuenta suum & Regni sui hostem publicum fouere. Ludouicus Rex responderet, nullam Archiepiscopi in iis pactis conuentis habitam mentionem.

LVDOVICVS
VII. IV-
N 102.

*Ex Libro de Translationibus Reliquiarum sancti Mamantis Martyris,
qui extat in Bibliotheca Floriacensi.*

QUINTVS à Reinaldo sedit Lingonis bonæ memoriæ Godefredus Episcopus, CAP. IV: de cuius commendatione taceo, quia multi adhuc extant ex vobis, qui viderunt II 47: eum, & mores eius, & religionem & vitam plenius cognouerunt. Quod verò ad gloriam nostri Martyris attinet non silebo. Cum capta esset à Gentilibus Edissa ciuitas, quæ vulgo Roais dicitur, idem Episcopus cum LVDOVICO tunc Rege, patre huius illustris PHILIPPI qui nunc regnat in Francia, transmarinandi assumpsit propositum. Ad quod perficiendum vt sufficientes haberet expensas, multa vasa aurea & argentea de Ecclesia Lingonensi tulit, sub certa promissione restitutionis:

*Ex veteri membrana, quæ est in Bibliotheca Viri Gl. Alexandri Petauij
Senatoris Parisiensis.*

PROVIDENTES vtilitati posterorum, literis notificare decreuimus, qui casus huic Ecclesiæ temporibus nostris euenerit, quæ incommoda, pro quibus scilicet ea quæ in thesauro nostro multis antea temporibus intacta, & illibata custodita fuerant, nunc indè ablata atque distracta sint. Primò igitur, dum tempore quodam valida fames totam Galliam perurgeret, adeò vt multi nobiles viri, atque opibus antea ditati, ob intolerabilem famis necessitatem, venditis atque distractis omnibus quæ habebant, in sua mendicare erubescerent, exterarum ac procul remotas peterent regiones, quoquomodo ibidem victus alimoniam adquisituri. Dúmque vehemens necessitas de die in diem populum vrgeret, atque vndique ex vicinis castellis & vicis copiosa turba egentium ad hoc Monasterium conflueret spe beneficij corporalis: tanta calamitate populi Dei compulsi, atque pietate super eos ducta, Crucifixum argento vestitum, pondo circiter XL. marcarum denudauimus, atque ipsius Christi tunicam in alimoniam membrorum eius, videlicet pauperum, distaximus. cuius ope per aliquod tempus cotidie D. aut DC. vel etiam DCC. pauperes pasti & sustentati sunt. Secundo postmodum anno LVDOVICVS Rex Francorum & Dux Aquitanorum Hierosolymam peregrè profecturus, quatinus Christicolæ illic positos, & crebris Sarracenorum infestationibus vexatos, Dei auxilio vindicaret ac liberaret, dum de thesauris Ecclesiarum sui Regni ad Dei negotium peragendum multa extraxisset, à venerabili quoque M. huius Floriacensis Ecclesiæ Abbate petiit, quatenus ipse qui tantæ Ecclesiæ præerat, & inter maximos totius Franciæ Procures computabatur, larga manu illi M. marchas scilicet argenti præpararet. Quod Abbas iamdictus audiens respondit, se nullo pacto quod petebatur persolvere posse. præsertim cum Domus, quam regendam susceperat, variis persecutionibus suo tempore, quàm de prædecessoris sui, Abbatis videlicet ADEMARI, per multos annos attrita foret, tum Abbatum commutatione, & mira Monachorum ipsius Ecclesiæ cum Romanis Legatis conflictatione, tum vinearum iam per septem annos defectione, & pro hoc vini penè assidua comparatione, ac præ his omnibus infortuniis, ipsius Regis famulorumque suorum innumeris exactionibus & frequentibus angariis intolerabiliter adgrauata fuisset. Rex hæc

Tom. IV.

N n ij

LVDOVICVS
VII. IV-
NIOR.

audiens, & prae se recolens vera esse quae sibi ab Abbate obiebantur, omis-
siss d. vt A
solum d. marchas praepararet imperat. Cui e contrario Abbas se nullatenus nec d.
posse dare affirmabat. Tandem aliquot diebus interiectis, Rex cum suis habito con-
silio, Abbatemaduocat, praecipitque sine vlla dilatione ccc. marchas argenti, &
d. bifancios auri sibi quantocius praeparandos fore. Porro Abbas cognoscens non
esse fas vltra Regi contradicere, reuersus ad propria tractare cum suis coepit, quo-
nam modo quae a Rege petebantur inuenire posset. Denique veniens in Capitu-
lum, questum Regis Fratribus exposuit, rogauitque attentius, quatinus super tanto
negocio se consolarent & adiuuarent. Qui inter se consilium habentes, & dignum
ducentes Domini & Patris sui necessitatibus communicandum, duo argentea can-
delabra mirifici operis, quorum triginta marcharum erat argenti ipsi dede-
runt. insuper & thuribulum viii. marcharum auri, & trium vnciarum, ipsi commo-
dauerunt. Ipso tamen Abbate hoc veraciter spondente, & insuper plurimos fide-
iussores dante, quatinus si forte ipse reddere negligeret, ipsi pro certo in tertium
Pascha ab illo qui iam imminabat, thuribulum eiusdem valitudinis absque vilo
scrupulo reficerent, & sine dilatione in thesauro nostro reponerent. Quod tamen
postea mutatum, & aliter fieri de ipso thuribulo ordinatum est. Siquidem domnus
Abbas M. videns domum istam aedificiis multum esse aspernabilem, & cunctis Ab-
batiis Franciae minus ornatam, suasisit Conuentui vt ipsum thuribulum ad nouum
sibi Dormitorium construendum erogarent, spondens quod ipse quod superero-
gandum ad aedificium componendum foret, de proprio largiretur. Cui Fratres B
consentientes, ac vtile quod dicebat fore iudicantes, redditus thuribuli reparandi
ad Dormitorium concesserunt.

EODEM quoque tempore IOS CERANDVS Maior istius villae cum Domino
Rege peregre proficisci desiderans, Godefridus quoque Buticularius domni Ab-
batis, & Guido Belini, necnon & Adelardus de Porta, Hierusalem ituri, in Capi-
tulum nostrum venerunt, ea quae de nobis tenebant impignerare nobis volentes
per v. annorum spacium. Maior videlicet Maioriam suam, & minagium suum,
pro septem viginti libris. Godefridus feodum suum pro xxx. libris, Guido & Ade-
lardus vterque suum pro x. libris. Eo pacto scilicet, vt redditus, qui de ipsis vadiis
per quinquennium exierint, tam pro sua elemosyna, quam pro seruicio quod no-
bis debebat, in partem nostram computarentur, ad aliquod opus in hac domo vbi
voluerimus faciendum. At verò, si transacto quinquennio non redissent, vel etiam
si forte obissent, quandiu ipsis vel eorum successoribus, sicut in Cartulis de hoc
conscriptis continetur, si redimendi facultas non esset, omnium redditus vt supra
iam diximus, nostra forent. Abbas M. & his Fratres auditis sermonibus, libenter
quae petebantur facere consenserunt.

FRAGMENTA ALIA.

C

*Ex Historia MS. Vizeliacensis Monasterij, quam HUGO PICTAVINVS
Notarius Guillelmi Abbatis Vizeliac. scribere aggressus est anno MCLVI.
& sub ipso Guillelmo absoluit anno MCLXVII.*

1161. **H**IS diebus Occidentalis Ecclesia graui schismate laborabat. HENRICVS
autem Comes Trecentis partibus fauebat Imperatoris. Porro LVDOVICVS
Rex Galliae misit in occursum ALEXANDRI Papae Catholici Legatos
suos, Theobaldum Abbatem sancti Germani de Pratis, & Cadurcum Clericum
suum. Quorum Legationem cum minus optato Alexander suscepisset, reuersi
Vezeliacum venerunt. Et decidit in lectum aegritudinis Theobaldus Abbas, &
mortuus est ix. Kal. Augusti, sepultusque infra ianuam Basilicae beatae Mariae
Magdalenae, cuius Monachus extiterat. Et vt cognouit LVDOVICVS Rex
repulsam Legatorum suorum, iratus poenituit se suscepisse Alexandrum, contem-
pto Victore: & scripsit per Manassem Episcopum Aurelianensem super hoc verbo,
Comiti Henrico Trecenti, qui eo tempore ad Germanicum Imperatorem prope-
rabat. At ille gratulabundus pro opportunitate reperta, suggessit Imperatori, vt

A finiret colloquium cum Rege, adunatis vtriusque Regni Optimatibus & Ecclesiasticis viris, contestatus iureiurando quod Rex, audita vtriusque Apostolici electionis examinatione iuxta discretionem personarum vtriusque Regni, staret consilio suo, videlicet Henrici Comitis. Et indictum est colloquium apud Louigenam vicum citra Ararim fluuium in fine Regni Franciæ. Et statutum est, ut Alexander Catholicus & Victor schismaticus colloquio adessent, & de sua electione in conspectu totius Ecclesiæ conferrent. Quod ut cognouit Alexander, misit ad LUDOVICUM Regem Legatos, scilicet Bernardum Portuensem Episcopum, & Hiacinthum Diaconem suum, qui Regis iram lenirent, & familiare colloquium inirent. Conuenerunt ergo Alexander & Ludouicus apud Siluinicum, qui est vicus Monachorum Cluniacensium. Rex autem Ludouicus rogabat Alexandrum, ut ad constitutum veniret colloquium: aut, si præsentiam Imperatoris abhorreret, saltem ad partes illas accederet usque ad Vergiacum castrum, quod erat inexpugnabile. Cui cum Alexander nollet acquiescere: Ego, ait Rex, & te, & vniuersum comitatum tuum saluum ducam, & reducam saluum sicut corpus meum. Et cum nec sic acquiesceret Alexander, veritus dolos Imperatoris, respondit Rex: Mirum est, quod conscius iustitiæ suæ subterfugit testimonium innocentiae suæ, seu audientiam. Et abiit Rex ad indictum cum Imperatore colloquium. Nondum autem cognouerant conditiones, quas ex parte sua Comes Henricus fecerat cum Imperatore.

B CUM ergo venisset Rex ad castrum Diuionem, occurrit ei Comes Henricus: & tunc primum aperuit ei pactiones quas cum Imperatore fecerat, dicens: Maiestatis tuæ reuerentiæ, & Regni tui consulens vtilitati, Domine mi Rex, iniungo colloquium super Ararim fluuium: quo tu, Domine mi Rex, & Imperator FREDERICVS, cum Pontificibus & Abbatibus, atque Optimatibus Regni vtriusque conuenerant, præsentem tuo & Imperatoris Apostolico: ut ex vtraque parte eligerentur viri probatissimi tam Ecclesiastici quam militares, qui electionem vtriusque Apostolici diiudicabunt. Et si Rolandi electio fuerit sanior comprobata, Octauiani electio cassabitur, & Imperator procideret ad pedem Rolandi. Si autem Victoris electio præualuerit, Rolandus annullabitur: tu verò, Domine Rex, ad pedem Octauiani venies. Quod si Victorem Octavianum deesse contigerit, Imperator ab eo deficiens Alexandro tuo obediet. Si autem econuerso Alexander defuerit, identidem decideret, & Rex Victori fauerebunt. At verò si tua Maiestas noluerit nec prædictis pactionibus acquiescere, nec arbitrio Iudicum assensum præbere: ego iureiurando iuravi, quod ad partes illius transibo, & quicquid de fisco Regis in feodum habeo, Imperatori tradens, ab illo deinceps tenebo. Stupefactus Rex LUDOVICVS ad hæc respondit: Miror, unde tibi fiducia, quod me inscio, meque inconsulto, talia cum Imperatore condixisti. Respondit Henricus: Hanc fiduciam, tu Rex, per Manassem Aurelianorum Episcopum mihi dedisti. Interrogatus super hoc verbo Episcopus, timore Regis dissimulare cœpit occultas machinationes, quibus Henricum ad hoc induxerat. Tunc Henricus protulit Epistolam Regis, qua continebatur quod Nuncios Regis repulsi fuissent ab Alexandro. Ob quam rem indignatus Rex mandabat Henrico, quatenus licenter procederet, & colloquium vtriusque audientiae iniret: certus quod Rex per omnia consilio illius staret.

FREDERICVS autem Imperator ædificauerat sibi Palatium miræ amplitudinis in loco, qui dicitur Dola, in finibus Imperij sui. Et cognouerunt Franci, quod schismaticus Victor non esset cum Imperatore: & lætati sunt super illius absentia. Quo agnito, Theutonici siue Germani currentes, adduxerunt eum cum festinatione maxima eodem die. Quem assumptum, Imperator duxit eum supra pontis medium: statimque, quasi pactionibus satisfecisset, recessit. Rex autem LUDOVICVS, quasi venasum pergens, transiit per nemus ad locum colloquij. Misitque locum Turonensem Archiepiscopum, & Mauricium Parisiensem Episcopum: Guillelmum quoque Vizeliaci Abbatem, cum aliis Optimatibus Regni sui, ad Nuncios Imperatoris, qui ibidem conuenientes verbum Regis expectabant. Inter quos etiam erat Comes Henricus, qui propter affinitatem cognationis, partibus omnibus fauebat Victoris schismatici. Petierunt itaque Missi Regis

LVDOVICVS
VII. LV-
NIOR.

ex ore eius competentes inducias, eò quòd pactiones huius colloquij hætenus vs- A
que perendie Regi fuissent incognitæ; præsertim cùm Imperator compulerit Hen-
ricum Comitem iurare, ne prædictas ante diem constituti colloquij vllò modo ma-
nifestaret Regi. indecens autem fore tam temerè de tanto negotio definire. Cùm-
que Imperatoris Frederici prolocutores petitas inducias negarent, reuersus est
Rex apud Diuionem. Cardinales verò, quos illuc Alexander Papa miserat, spe-
rantes solum esse colloquium, Vizeliacum redierunt. Rex autem constituit,
qui custodirent fines Regni sui. Et sequenti summo mane venit Comes Henricus
ad Regem in Palatium Ducis Burgundiæ, allegans Regem nequaquam esse à pa-
ctionibus liberum: ideòque se necessariò discessurum ab eo, & se traditurum in
manus Imperatoris, ita vt totam terram, quam de feodo Regis hætenus tenuerat,
amodò Imperatori traditam ab eo reciperet, & hominum illi faceret. Attamen
ob gratiam Regis obtinuisse se dixit ab Imperatore trium hebdomadarum indu-
cias, ea conditione quòd Rex datis obsidibus polliceretur Imperatori ad diem se
venturum, & Alexandrum adducturum, atque ibidem causam vtriusque auditu-
rum, & iudicio proborum virorum Imperij & Regni pariturum: aut certè seipsum
tradere vinctum Imperatori apud Chrysopolim, quæ est vrbs nobilis Bisuntino-
rum. Et acquieuit Rex, & defecit spiritus eius, & tardius est animo: pactusque
est, ita se facturum, datis obsidibus Duce Burgundiæ, Comite Flandriæ, & Guil-
lelmo Comite Niuernensi. Omnis autem Ecclesiasticus Ordo, audito hoc ver-
bo, quod fecerat Rex, doluit valde, & corde clamauerunt ad Dominum, vt B
miseretur Ecclesiæ suæ sanctæ, & liberaret Regem à fraude circumuenien-
tium se.

ABIIIT ergo Rex ad prædictum locum Louigennæ, vbi Regi debebat occur-
rere Imperator. Sed fefellit Imperator Henricum, misitque præcipuum fauto-
rem schismatis Rainaldum Cancellarium suum, Coloniensis Ecclesiæ Archiepi-
scopum. Cùmque coram eo replicarentur pactiones, quas Comes Henricus ex
ore Imperatoris proposuerat Regi: subitò diuina virtus altitit Ecclesiæ suæ, & piæ
simplicitati Regiæ Maiestatis. Respondit enim Rainaldus profani erroris fautor,
nequaquam Imperatorem talia dixisse: scilicet quòd cuiquam permetteret confor-
tium iudicandi Romanam Ecclesiam, quæ propriè sui iuris existeret. Tunc reple-
tus gaudio Rex quæsiuit ab Henrico Comite, vtrum se haberent pactiones secun-
dùm formam ab eo propositam. Et ille: Habent. Ex Rex, Ecce, ait, quòd Im-
perator, qui iuxta verbum tuum adesse debuit, abest. Ecce etiam, quòd Missi il-
lius formam pacti, te præsentem, te teste, commutant. Verum est, inquit Co-
mes Henricus. Et ait Rex: Nónne ego absolutus sum ab omni pacto? Absolu-
tus, ait Henricus. Et dixit Rex LVDOVICVS cunctis Optimatibus suis, &
Episcopis atque Abbatibus, qui præsentem aderant: Audistis, & vidistis, qualiter
ego ipse gratis perfeceri omnia, quæ ad me pertinent. Edicite, vtrum liber ab
his pactionibus videar. Dicunt omnes: Liberasti verbum tuum. Statimque Rex C
velocissimum equum, cui insidebat, reducens, protinus ire perrexit. Teutonici
autem valde confusi, insecuti sunt eum: rogantes vt rediret ad Imperatorem pa-
ratum exequi omnia quæ Henricus Comes proposuerat. At ille parui pendens
quæ dicebantur, decipulam, quam euaserat, exhorruit, dicens: Feci quod meum
fuit. Sic soluto Conuentu, Rex in Regnum suum rediit.

ALEXANDER autem Catholicus Papa veritus indignationem Regis LVD-
OVICI, transiit in Aquitaniam Metropolim urbem Bituricorum, & in Dolense
Monasterium, quod est apud Castrum-Radulphi, ibique hiemauit. Et sequenti
tempore Quadragesimæ accessit ad Ludouicum Regem in vrbe Parisiorum. A quo
susceptus honorificè, secundùm morem Romanæ Ecclesiæ portauit ipse Rosam
auream Dominicam qua cantatur, *Latare Hierusalem*. Peractisque Paschalibus so-
lemnibus, consecrauit Basilicam Monasterij beati Germani de Pratis, cui præerat
Hugo de Moncellis Monachus Ecclesiæ Vizeliacensis.

1165. HIC est enim LVDOVICVS Rex filius LVDOVICI, qui cognominatus
est GROSSVS, filij Philippi, filij Henrici, filij Roberti, filij Hugonis Capito-
nis, qui primus Rex extitit post defectum genealogiæ Karoli, quæ per ducentos
fermè annos regnauit. Fueruntque à primo anno Hugonis vsque ad primum an-
num huius LVDOVICI, qui eum patre per quinquennium regnauit, anni ferè

A centum quadraginta. Hic est Rex LVDOVICVS, cuius pater Ludouicus <sup>LVDOVICVS VII. IV-
NIOR.</sup> vlt-
quequaque dilatauit Regnum suum, & coniunxit ei in matrimonium filiam Guil-
lelmi Ducis Aquitanorum, & Comitis Pictauorum: propter quam acquisiuit om-
nem Aquitaniam, Guasconiam, Bascloniam, & Nauarriam, vsque ad montes Py-
renæos, & vsque ad Crucem Karoli. Hic est Rex LVDOVICVS, qui quinto-
decimo anno regni sui, præsidente in Romana Cathedra Eugenio, cum magno
exercitu vexillò viuificæ crucis insignito Hierosolymam perrexit, gentem inimi-
cam fidei debellaturus. Sed incognito Dei iudicio, maxima suorum parte amissa,
absque triumpho rediit, prauoque vsus consilio vxorem suam cum prænominata
terra, quæ Regnum aliquando per se extiterat, dimisit: & postmodum coniun-
ctus est filix Imperatoris Hispanorum. Quæ defuncta, tertio nupsit sororem Co-
mitis Henrici, de qua primum suscepit filium nomine PHILIPPVM, anno re-
gni sui xxxiii. à Galliis redeunte Alexandro Papa. --- :

REX verò LVDOVICVS mouit exercitum aduersus Guillelmum Comitem
Cabilonensem propter pessimam stragem, quam Guillelmus filius eius exercuerat
super Cluniacenses. Cùm enim occupasset castrum Lordonis, quod extat de iu-
re Cluniacensis Cœnobij, egressi sunt maiores natu cum iuuenibus de vico Clu-
niacensi. Quos incautos, sicut indoctum vulgus, docta manus militum Comit-
is protinus aggressa, fugam inire compulit, & ferè omnes ad internecionem deleuit.

B Mouens ergo Rex exercitum, occupauit castella & munitiones eius, & ipsam vr-
bem Cabilonensem, omnemque terram illius vsque ad fluuium Ararim. Quam
deuastatam tradidit in manu Hugonis Ducis Burgundiæ, & Guillelmi Comit-
is Niuernis: quo vsque puer ipse, qui causa malorum extiterat, venit Vizeliacum
ante faciem Regis cum matre sua, & prout potuit Regi satisfecit. --- :

REX autem LVDOVICVS venit Vizeliacum, & gratias ei egit Abbas cum
Fratribus suis pro adepta pace. Et occurrit ei filius Comit-
is Cabilonis, & agente Abbate fecit pacem cum Rege.

*Ex Historia Anglorum GUILLELMI NEVBRIGENSIS,
qui floruit anno MCC.*

MEMORABILIS Rex Anglorum Henricus II. anno regni sui vii. in par-
teis Gasconiz duxit exercitum, cuius expeditionis causa hæc fuit. Comes Picta-
uiensis, & qui Dux Aquitanus, auus scilicet ALIENORÆ, prius Francorum, <sup>LIB. I.
Cap. X.
De expedi-
tione Tolo-
sanæ.</sup> postea verò Anglorum Regina, cùm esset in expensis profusior, & propriorum re-
dituum quantalibet affluentia tantæ voragini nequaquam sufficeret, accepta à
Comite Sancti Egidij viro pecunioso pecuniâ copiosa, nobilem illi cum pertinen-
tiis ciuitatem TOLOSAM apposuerat: atque in fata concedens, absoluendi ap-
positi operam ad filium transmiserat. Qui nimirum in expensarum profusione pa-
trissans, ipse quoque liberandi pignoris in heredes transfudit negocium. Reli-
Cquit autem vnicam filiam heredem, quæ cùm Regi Francorum LVDOVICO
nupsisset, idem Rex vxoris nomine Tolosam repetiit. Comes verò Sancti Egidij
nihil quidem iuris obtendens, sed tamen Tolosæ totus incumbens, tandem opor-
tunitatem nactus, Regem nuptiis germanæ placauit, CONSTANTIAE scilicet
Eustachio Regis Stephani filio nuptæ, & post mortem eius ad fratrem reuersæ.
Verùm cùm postea factò inter Regem Francorum & vxorem eius diuortio, eadem
ad nuptias Regis transisset Anglorum, mota est rursus quæstio super Tolosâ iustis
heredibus resignanda. Memorato verò Comite negante, & suæ possessionis Re-
gem Francorum laudante auctorem, Rex Anglorum contracto ex vniuersis terris
suæ ditionis exercitu, Gasconiz sineis ingressus est. Inuitati quoque ab eo amici,
vt sequerentur vel occurrerent, ingentibus copiis auxerunt exercitum: præcipuè
Comes Barcinonensis vir magnus & potens, nec infra Reges consistens. --- :
Guillelmus quoque cognomento Trenchueil, vir nobilis & potens, nonnulla-
rum ciuitatum, & multorum Dominus castellorum, odio memorati Comit-
is, in cuius manus, vt dicitur, ante inciderat, & de quibus ægrè, ac nonnisi plurima ter-
rarum suarum parte mutilatus euaserat, cum quantis poterat viribus Regni An-
glorum affistebat. Idem verò Comes tanti exercitus impetum pertimescens: Re-
gis Francorum, qui vxoris suæ germanus, & filiorum erat auunculus, auxilium

Nn iiij

EVBRIVS
VII. IV-
NIOR.

imploravit. Qui zelando pro nepotibus, festinus adueniens, cum aliquanta militia Tolosam intrauit. Quod cum innotuisset Regi Anglorum, personæ Regis ibidem consistentis deferens, ciuitatem oppugnare distulit, & ad peruadendam prouinciam, expugnandasque munitiones, conuertit exercitum. Caturcensem ciuitatem, quæ à se defecerat, & sineis eius cum numerosis castellis deditione recepit, plurima quoque expugnauit & cepit. Quibus actis, & memorato Guillemo Trencheuil coadiutori suo munitionibus, quas illi sorte bellica Comes Egidiensis extorserat, redditis, in Normanniam rediit.

CAP. XII.

Quomodo
Reges Fran-
corum sili-
ces & An-
glorum dissi-
dentes paci-
ficati sunt.

IGITUR Rex Anglorum Henricus II. ab expeditione Tolosana reuersus breui quieuit. Sequenti enim anno, qui fuit regni eius VIII. ita inter ipsum & Regem Francorum, tempore eiusdem expeditionis conceptis causis ingrauescentibus, tandem quasi parta erupit, & subditarum quietem Prouinciarum motibus turbulentis corrumpit. Denique immensis hinc inde exercitibus congregatis, in terrarum confiniis castris è regione dispositis, vterque Princeps cum suis copiis consistebat, quia & progredi periculosum, & retrogredi indecorum videbatur: paratiorque vterque erat vel Princeps vel exercitus propter bellici discriminis ambiguos exitus, prælium excipere, quàm inferre. Viri ergo pacifici hanc hæsitacionem habentes, ne duorum zelus & superbia hominum strages innoxiorum parerent populorum, piè cautèque sategerunt. Et quoniam sub clypeo, vt dici solet, melius plerumque procedit pacis negocium: Principibus quod prius ne audire quidem sustinebant, sine magna difficultate persuasum est. Itaque pacificati sunt Principes, & populi rediére in sua.

CAP. XXIV

De discordia
& reconcili-
atione Re-
gum Fran-
corum &
Anglorum.

I 169.

ANNO Henrici II. sextodecimo, ipse & Rex Francorum cum iam diuiscule fuissent discordes, mediantibus viris pacificis, pacis iterum inter se iura firmarunt. Illius autem discordiæ causa hæc fuit. Rege olim Stephano tumultibus Anglicis occupato, Comes Andegauensis inuasit, obtinuitque Normanniam, præter Gisorsium, & duo alia quasi appendentia castella, quæ in potestatem Regis Francorum cesserunt. Hanc iuris Normannici diminutionem processu temporis eiusdem Comitis filius, Rex scilicet Anglorum Henricus II. non patiens, arte magis quàm viribus in hac parte vidit vtendum. Denique per virum industrium, Thomam scilicet Cancellarium suum, egit apud Regem Francorum, vt filia eius ex filia Regis Hispanici, quæ nupserat ei post Alienoram, primogenito suo Henrico daretur in coniugem, munitionibus illis in dotem cedentibus, quæ tamen à Templariis tanquam in sequestro custodirentur: donec pueri, qui nondum per ætatem nuptias contrahere poterant, suo tempore nuptialiter conuenirent, Rege Anglorum interim vtriusque pueri habente custodiam. Verùm idem Rex aliquot annis elapsis productioris moræ impatiens, inter eosdem pueros nuptias celebravit præmaturas, & à Templariis castella recepit. Quamobrem sæuiantibus Francis, & ipsum quidem præuaricationis, Templarios verò prodicionis accusantibus, ad lites & bella ventum est. Sed crebris experimentis edocti, se eiusdem Regis potentia vim inferre non posse, irâ paulatim deferuescente, tandem pactis quibusdam mediantibus adquieuerunt, vt fieret pax, & facta est pax, non quidem solida, sed temporalis, vt postea claruit. Nempe memorati duo Reges numquam diu inter se quieuisse noscuntur, populis hinc inde plecti assuetis, quicquid illi per superbiam delirassent.

LIB. III.

Cap. IV.

De morte

Regis Fran-

corum, &

is qua apud

Constanti-

nopolim con-

tigerunt.

I 180.

I. Cor. 15.

ANNO à partu Virginis MCLXXX. qui fuit Henrici Regis Anglorum XXVII. & LODOVICI Regis Francorum XLIV. idem Rex Francorum hominem exiit: homo intrepidæ deuotionis in Deum, & eximie lenitatis in subditos; sacrorum quoque Ordinum præcipuus venerator. Paulò autem simplicior, quàm deceret Principem, illius verbi Apostolici, *Corrumpunt bonos mores colloquia praua*, perspicuam in quibusdam actibus suis veritatem expressit. Quorumdam quippe Procerum de honesto vel æquo minùs curantium plus iusto se credens confusus, non leuè plerumque maculâ mores egregios denigrauit. veluti quando causamnequam filij contra pium patrem suscepit, & totis Regni opibus hostem naturæ adiunxit. Successit ei filius PHILIPPVS, natus ei ex filia illustrissimi Comitis Theobaldi, quæ illi iam trigamo nupserat. Quippe post Alienoram, (quæ, vt plenius suo loco dictum est, relictis illi duabus de se filiabus, & celebrato inter eos diuortio, ad Regis Anglorum transierat nuptias) Regij seminis ex Hispania comparem duxerat:

- A** quæ itidem relictis illi duabus ex se filiabus, quarum maior in coniugio Regis Anglorum Henrici iunioris sine fructu sobolis fuisse dinoscitur, generali forti subiacuit. Filiam quoque elegantis formæ tertia illi Regina ediderat. cui nimirum quælia prouenerunt, libet paucis exponere. Imperator Constantinopolitanus in facta concedens, filium impuberem sub tutela patrui successorem reliquit Imperij. Et ille quidem purpuratus pro ætate nutriebatur in deliciis. Porro tutor eius, Andronicus nomine, interim administrabat Imperium. Visum est Græcorum Optimatibus, ut filia Regis Francorum ad insignis pueri coniugium peteretur. quod & factum est. Missi ergo in Franciam non innobiles Nuncij susceptam, tradente patre, virginem nondum plenè nubilem cum multo fastu Constantinopolim traduxerunt. Vbi verò & illo iam pubere, & illa nubili, Imperatori cœperunt nuptiæ præparari, Andronicus homo nequissimus & multæ potentæ, utpote procurator Imperij, sollicitatis & corruptis Ministris Palatij, Imperatorem iuueniculum, nepotem scilicet proprium, furatus de Palatio in insulam quandam, ut dicitur, ciuitate inscia, per quosdam complices suos occultè necandum direxit. Mox sumptâ purpurâ, Imperium occupauit: & ne quid ausis sceleratissimis deesset, destinatum nepoti coniugium ad se formæ captus illecebra transtulit. Cùmquæ arrepto insolentissimè abuteretur Imperio, ab his qui eius vel execrabantur nequitiam, vel aspernabantur potentiam, contra se coniurari coëgit. Quæ nimirum coniuratio
- B** adedò tandem inualuit, ut coniuratorum ingens iam numerus in spiritu fortitudinis Palatium repentinè irrumperet, & tyrannum ferocissimum folio deturbarum iustissimis vinculis innodaret. Et ne vacaret Imperium, nouum illicò Principem creauerunt, ad cuius arbitrium sceleratus ille suppliciis excruciatu interiiit. Hoc modo filia Regis Francorum in Regno Græcorum optatis speratisque fraudata nuptiis, & scelestissimi hominis contubernio maculata, honore etiam caruit.

Ex Annalibus ROGERI DE HOVEDEN Angli.

ANNO gratiæ MCLIV. LUDOVEVS Rex Francorum fecit diuortium fieri inter ipsum, & uxorem suam ALIENOR filiam Ducis Aquitaniz: iurantibus Archiepiscopis, Episcopis, Comitibus, & Baronibus, illam demeruisse uxorem suam esse. Henricus autem Rex Angliæ duxit prædictam Alienor in uxorem, de qua genuit filios & filias. Rex verò Franciæ non habebat ex Alienor uxore sua prolem virilis sexus, nisi tantummodò duas filias, quarum vnâ dedit Henrico Comiti de Campania in uxorem, & alteram Theobaldo Comiti Blesensi, fratri prædicti Comitis Henrici. Deinde LODOVEVS Rex Francorum duxit sibi in uxorem filiam Regis Hispaniæ, de qua duas tantummodò genuit filias.

ANNO gratiæ MCLV. qui erat primus annus regni Regis Henrici filij Matildis Imperatricis, idem Henricus castella inimicorum suorum in Anglia obsedit, & cepit: & quædam illorum in manu sua retinuit, quædam autem prostrauit. Deinde transfretauit in Normanniam, & homagium fecit LODOVICO Regi Francorum de Normannia, & Aquitania, & Andegauia, & Cenomannia, & Turonia, & de omnibus earum pertinentiis.

ANNO gratiæ MCLXI. qui erat annus VII. regni Regis Henrici filij Matildis Imperatricis, idem Henricus, & LODOVEVS Rex Francorum, dissenserunt propter quædam Terrarum suarum diuisas, & propter castella de Gisorsio, & de Neaufle, quæ tunc temporis erant in manu Lodouei Regis Francorum, quæ idem Henricus calumniatus est suo debere adiacere Ducatui Normanniæ. Sed mox pacificati sunt in hunc modum: quòd Rex Franciæ traderet duas filias suas, quas habebat de uxore sua, filia Regis Hispaniæ, quarum vna vocabatur MARGARETA, & altera ALESEA, ad opus duorum filiorum Regis Henrici, scilicet Henrico & Richardo, adhuc puerulis minimis: & traderet prædicta castella de Gisorsio & de Neaufle in manu Templariorum custodienda, donec prædictæ filiæ desponsarentur præfatis filiis Regis Henrici. Et quandocumque constaret eis, scilicet Roberto de Pirou, & Toftes de Sancto Homero, quòd Margareta filia Regis Franciæ desponsata fuisset Henrico filio Regis Angliæ, traderent Henrico Regi vtrumque castellum. His itaque ex vtraque parte gestis, & fidei sacramento confirmatis, Rex Francorum tradidit vtramque filiam suam Regi Angliæ, & prædicta castella

LUDOVICVS
VII. IV-
NIOR.

PARTIS
PRIORIS.
1154.

PAR. POST.
1155.

1161.

LVDOVICVS
VII. IV-
NIOR.

Templariis in custodia. Et paulò pòst Henricus Rex Angliæ fecit Henricum filium A suum desponsare Margaretam filiam Regis Franciæ, cum adhuc essent pueruli in cunis vagientes: videntibus & consentientibus, Roberto de Pirou, & Tostes de Sancto Homero, & Richardo de Hastings, Templariis, qui custodiebant præfata castella: & statim tradiderunt illa castella Regi Angliæ. Vnde Rex Franciæ plurimùm iratus, fugauit illos tres Templarios de Regno Franciæ: quos Rex Angliæ benignè suscipiens, multis ditauit honoribus.

1162. ANNO gratiæ MCLXII. Alexander Papa venit in Galliam, expulsus à Sede sua per Fredericum Rom. Imperatorem. Quem Alexandrum LODOVEVS Rex Francorum, & Henricus Rex Anglorum, honorificè susceperunt, & pro Papa Catholico habuerunt.

1172. ANNO gratiæ MCLXXII. venit Rex Henricus cum festinatione ad *Portes-
muc*, & ducens secum Henricum filium suum transfretaui de Anglia in Norman-
niam, & inuenit apud Cadomum Albertum tituli sancti Laurentij in Lucinia, &
Theodinum tituli sancti Vitalis, Presbyteros Cardinales, & consilio eorum pacem
fecit cum LODOVICO Rege Francorum de coronatione filiz suæ: ira quòd
ex consensu & consilio prædictorum Cardinalium remisit Regem filium suum in
Angliam, & cum eo Rotrodum Rothomagensem Archiepiscopum, & Egidium
Ebroicensem Episcopum, & Rogerum VVigornensem Episcopum ad coronan-
dum illum, & Margaretam vxorem suam filiam Lodovici Regis Franciæ. Et co-
ronauerunt eos VVintoniæ in Ecclesia S. Svithuni vi. Kal. Septembris, die Do-
minica. Et statim post coronationem Rex filius & Regina vxor eius, & Archie-
piscopus Rothomagensis, & Ebroicensis & VVigornensis Episcopi, transfretaue-
runt de Anglia in Normanniam.

EODEM anno LODOVICVS Rex Franciæ, qui semper Regem Angliæ odio habebat, consuluit nouo Regi Angliæ, vt statim cum veniret in Normannia, exigeret à Rege patre suo sibi donari vel totam Angliam, vel totam Normanniam, vbi ipse cum filia sua morari posset. Et consuluit, quòd si pater suus neutram illarum Terrarum ei concedere vellet, ipse cum Regina sua rediret in Franciam ad eum.

1173. ANNO gratiæ MCLXXIII. LODOVICVS Rex Francorum magnum celebrauit Concilium Parisius, in quò ipse & omnes Principes Franciæ iurauerunt filio Regis Angliæ, quòd ipsi auxiliarentur ei modis omnibus ad patrem suum de Regno eiiciendum, nisi ad voluntatem ipsius composuerit. Et ipse iurauit eis, quòd ipse cum patre suo pacem non faceret, nisi de consensu & voluntate eorum. Deinde iurauit se daturum Philippo Comiti Flandriæ pro homagio suo mille libratas reddituum in Anglia, & totam Cantiam, cum castello de *Donuere*, & castello Roffense: & Matheo Comiti Boloniæ pro homagio suo Socam de Kirketona in Lindseyia, & Comitatum Moretonij cum honore de Heia: & Comiti Theobaldo Blesensi pro homagio suo ducentas libratas reddituum in Andegauia, & castellum C de Ambazio; cum toto iure quod ille calumniatus fuit in Turonica, & clamauit ei quietum totum ius, quod Rex pater eius & ipse calumniati sunt in Castello-Reginaldi.

ITAQUE statim post Pascha, exarsit nefanda proditorum rabies. Ipsi enim furore diabolico debacchati, circumquaque deuastabant igne & gladio terras Regis Angliæ cismarinas & transmarinas. Philippus autem Comes Flandriæ cum magno exercitu intrauit Normanniam, & obsedit Albemarle, & cepit eam. Et procedens inde, obsedit castellum de Drincurt, & redditum est ei. Vbi & Matheus frater eius Comes Boloniæ ex inopinato ictu sagittæ percussus obiit. Quo defuncto, Petrus frater eius, electus Cameracensis Ecclesiæ, successit ei in Comitatu Boloniæ: & renunciens electioni suæ, factus est miles, & paulò pòst obiit sine prole.

INTERIM LODOVICVS Rex Francorum & Rex Angliæ filius obsederunt Vernolium. sed Hugo de Laschi, & Hugo de Bellocampo, qui inde Constabularij erant, villam Vernolij visiliter & constanti animo defenderunt. Attamen cum Rex Franciæ ibi per mensem moram fecisset, vix expugnauit partiunculam villæ illius, ex parte illa vbi machinæ suæ bellicæ positæ erant. Erant quidem infra Vernolium tres burgi, præter castellum: & vnusquisque illorum separatus erat

A ab altero, & interclusus forti muro, & fossâ aqua plena. & vnus illorum dicebatur magnus burgus, vbi extramurum fixa erant tentoria Regis Franciæ, & machinæ illius bellicæ. In fine autem illius mensis, cum burgenſes de burgo magno viderent, quod victus & necessaria eis defecissent, nec haberent quid manducarent, compulsi fame & inopiâ inducias triduanas ceperunt à Rege Franciæ eundi ad Dominum suum Regem Angliæ, propter succursum ab eo habendum: & nisi infra sequens triduum succursum haberent, redderent ei burgum illum. Et statutus est eis dies peremptorius in vigilia sancti Laurentij: & dederunt Regi Franciæ obſides inde, & Rex Franciæ, & Rex Angliæ filius, & Comes ROBERTVS frater Regis Franciæ, & Comes Henricus de Troies, & Comes Theobaldus de Blais, & VVilhelmus Archiepiſcopus Senonensis iurauerunt eis, quod si ipsi reddidissent burgum illum Regi Franciæ ad terminum statutum, Rex Franciæ redderet eis obſides suos liberos & quietos: & quod eis nullum damnum faceret, nec ab aliis fieri permetteret. His ergo ita concessis, supra dicti burgenſes venerunt ad Dominum suum Regem Angliæ, & indicauerunt ei conuentionem, quam fecerant cum Rege Franciæ, & Rege filio suo. Quo audito, Rex Angliæ pater congregauit totum exercitum, quem habere poterat de Normannia, & aliis terris suis: & venit vsque Bertuel castellum Roberti Comitis Leiceſtriæ, quod ipse Comes in aduentu Regis fugiens sine custode reliquit. Quod ipse Rex totum redegit in cineres, & in crastino præliaturus cum Rege Franciæ, processit vsq; in montem altum prope Vernolium cum exercitu suo, & disposuit acies suas ad bellum. Et dies illa erat dies peremptorius, in quo portio illa de Vernolio reddenda erat, nisi haberent succursum. Et LODOVICVS Rex Francorum misit VVilhelmum Senonensem Archiepiſcopum, & Comitem Henricum, & Comitem Theobaldum, ad Regem Angliæ patrem. & ceperunt colloquium inter eos in crastino. Et credidit illis Rex Angliæ malo suo, quia deceptus est. Rex namque Franciæ in crastino nec ad colloquium venit, nec nuncium misit. Rex autem Angliæ miserat exploratores suos ad explorandum statum Regis Franciæ, & exercitus eius. Et dum exploratores illi moram facerent, reddita est Regi Franciæ portio illa de Vernolio, quam obsederat. Sed ipse non ausus eam retinere, transgressus est sacramenta, quæ ipse burgenſibus fecerat. Ipse namque obſides eorum non reddidit, nec pacem quam promiserat seruauit: sed villam intrauit, burgenſes captiuauit, catalla eorum asportauit, burgum incendit, & fugiens duxit secum in Franciam prædictos burgenſes. Quod cum Regi Angliæ nunciatum esset, secutus est eos in ore gladij, & multos ex illis interfecit, & quamplures cepit, & in crepusculo Vernolium venit. Et ibi vna nocte quieuit, & muros qui ceciderant reedificari præcepit.

ANNO gratiæ MCLXXIV. qui est annus xx. regni Regis Henrici filij Matildis Imperatricis, idem Henricus fuit in festo Natiuitatis Dominicæ apud Cado-
C mum in Normannia, & datæ sunt treugæ inter ipsum & LODOVICVM Regem Francorum, à festo sancti Hilarij vsque ad clausum Pascha. ---: Quibus finitis,

LODOVICVS Rex Francorum, audita transſeruatione Regis patris in Angliam, & captione Regis Scotorum, cui plurimum condoluit, reuocauit Regem Angliæ filium, & Philippum Comitem Flandriæ, qui adhuc morabantur apud Grauelinges. Qui cum ad eum redissent, obsedit Rothomagum ex omni parte, excepta illa quam fluius Sequana præterfluit. ---: Mense Iulio venit Rex pater cum Braibancenſis & VValenſibus suis Rothomagum, quam Rex Franciæ, & Rex Angliæ filius obsederant ex vna parte: ex altera verò parte patebat securus ingressus & egressus. Et in crastino mane misit Rex VValenſes suos vltra Sequanam: qui per vim tranſeuntes per medium caſtrorum Regis Franciæ illæsi peruenerunt ad nemus magnum, & eodem die plus quàm centum de hominibus Regis Franciæ interfecerunt. Rex autem Franciæ vix per mensem ibidem moram fecerat, & ecce Rex Angliæ pater veniens de Angliæ portas ciuitatis, quas burgenſes obſtruxerant, reſerauit: & exiens cum militibus & ſeruientibus, fossata, quæ facta fuerant inter exercitum Regis Franciæ & ciuitatem, fecit impleri lignis, lapidibus, & terrâ, & in planum redigi. Rex autem Franciæ & sui erant in tentoriis, nolentes exire. Ceteri autem de familia Regis Angliæ stabant ad propugnacula murorum, sed nemo eis repugnabat. Pars quidem exercitus Regis Franciæ intendebat dissoluere

LUDOVICVS
VII. IV-
NIOR.

machinas suas bellicas. Et in crastino præmisit Rex Franciæ debiliores exercitus A
sui in terram suam mane: & permissione Regis Angliæ eodem die securus est eos
vsque ad locum qui dicitur *Malannai*, quæ est inter Rothomagum & villam quæ
dicitur *Tostes*. data prius securitate per manum VVillelmi Senonensis Archiepi-
scopi, & Comitis Theobaldi, quod ipse in crastino reuerteretur ad colloquium
cum Rege Angliæ, de pace facienda inter illum & filios suos. Rex autem Fran-
ciæ fidem & sacramenta non seruans, ad colloquium non venit in crastino, sed abiit
in terram suam.

PAVCIS igitur euolutis diebus iterum misit præfatum Archiepiscopum Seno-
nensem & Comitem Theobaldum ad Regem Angliæ, statuens diem colloquij
apud Gisortium in Natiuitate sanctæ Mariæ. Quod cum venissent, non potuit inter
eos conuenire propter Richardum Comitem Pictaviæ, qui tempore illo erat in
Pictauia, expugnans castella & homines patris sui. Et idè aliud ceperunt inter se
colloquium, hoc est ad festum sancti Michaëlis inter Turonim & Ambasium, &
statuerunt treugas inter se hac conditione: Quod scilicet Richardus Comes Picta-
uiæ excluderetur à treugis illis, & quod Rex Franciæ & Rex Angliæ filius nullum
succursum ei facerent. His itaque hinc & indè concessis, Rex Angliæ pater pro-
mouit exercitum suum in Pictauiam. Cuius aduentum Richardus Comes Picta-
uiæ filius eius non ausus expectare, fugit de loco in locum. Et cum constaret illis
quod Rex Franciæ & Rex frater suus exclusissent eum à treugis, indignatus est in- B
dè. Et cum lacrymis veniens, cecidit pronus in terram ante pedes Regis patris sui:
& postulans veniam, in sinu patris recipitur. Facta autem sunt hæc in Pictauia XI.
Kal. Octobris, feria II. Et ita Rex & Richardus filius eius facti amici, ciuitatem
Pictauis ingressi sunt. Deindè profecti sunt ambo simul ad colloquium inter Turo-
nim & Ambasium pridie Kal. Octobris, feria II. in crastino sancti Michaëlis.
Vbi Rex filius, & Richardus & Gaufridus fratres eius, consilio & voluntate Regis
& Baronum Franciæ pacem fecerunt cum Rege patre suo.

1176. ANNO gratiæ MCLXXVI. Henricus Rex filius, & Richardus Comes Picta-
uiæ, & Gaufridus Comes Britannia, per licentiam Regis patris sui, transfretaue-
runt de Anglia in Normanniam. Et statim cum Richardus Comes Pictauia in Pi-
ctauiam venisset, magnum congregauit exercitum, & commisit prælium cum Brai-
bancenens, inter Sanctum Maigrinum & Buteuille, & eos deuicit. Deinde debel-
lauit Haimericum * Vicecomitem de Limoges, pro eo quod ipse pacem suam fre-
gerat. Deinde obsedit castellum, quod vocatur Aessa, & cepit illud, & quadra-
ginta milites in eo. Deinde obsedit ciuitatem de Limoges, & cepit. Deinde ve-
nit Pictauium in occursum Regis fratris sui, qui illuc in adiutorium ipsius venit. &
ipso obsederunt Nouum-castellum, & ceperunt. Quo capto, Rex frater eius cum
eo diutius moram facere noluit, sed prauo vsus consilio ab eo recessit. Richardus
verò Comes Pictauia obsedit *Mulinouos*, castellum Comitis de Engolismo, & ce-
pit. VVillelmum Taillefer quoque Comitem de Engolismo, & Augerum filium C
eius, & Haimarum Vicecomitem de Limoges, & Vicecomitem de Vendadur, &
Vicecomitem de Cambanais cepit in eo. Et Comes de Engolismo tradidit Comiti
Pictauia castellum de *Buteuille*, & castellum de *Archias*, & castellum de *Muntiniac*,
& castellum de *la Cheze*, & castellum de *Melpins*.

EODEM anno Petrus frater Philippi Comitis Flandriæ, qui fuerat electus de
Cambrey, duxit in vxorem filiam Odonis domini d'Issodun, cum Comitatu de Ne-
uers, quæ fuerat vxor VVidonis de Neuers. sed infra annum obiit sine prole.

* leg. Hen-
ricus.

EODEM anno Philippus * frater LODOVICI Regis Francorum, Archie-
piscopus Remensis, obiit. Cui successit VVillelmus Senonensis Archiepiscopus:
facta Sedium Archiepiscopalium commutatione, Alexandri summi Pontificis
permissione.

EODEM anno obiit Radulfus de Dolis in Berria, cuius filiam & hedem domi-
nus Rex Angliæ pater dedit Baldvino de Riuers in vxorem, cum honore Castelli-
Radulfi.

1177. ANNO gratiæ MCLXXVII. Philippus Comes Frandriæ misit Aduocatum
Bituniæ Robertum, & Rogerum Castellatum de *Curterai* ad dominum Henricum
Regem Angliæ patrem, significans ei quod LODOVICVS Rex Francorum ab
eo petierat primogenitam filiam Mathei fratris sui Comitis Boloniæ ad opus PHI-

LIPPI

A LIPPI filij sui, & alteram Comitissæ Boloniæ ad opus Lodovici filij Comitissæ Theobaldi: sed sine eius consilio illas nemini dare voluit. Præterea idem Comes petiit à Rege Angliæ pecuniam, quam promiserat se daturum pro anima Mathei Comitissæ Boloniæ fratris sui ad milites retinendos in defensione Hierosolymitanæ Terræ. Quibus Dominus Rex respondit, Rem quidem benè processuram, nisi in Comite remanserit. Et adiecit, Quòd si Comes Flandriæ vellet neptes suas filias Comitissæ Boloniæ ad voluntatem & consilium ipsius maritare, & exindè facere eum securum, ipse omnia promissa plenius & perfectius quàm promiserat impleret. Et ad audiendum indè responsum Comitissæ, misit VValterum de Constan-
LUDOVICVS VII. LV-
NIOR.

EODEM anno Philippus Comes Flandriæ contra sacramentum, quod fecerat Regi Angliæ, maritavit primogenitam filiam fratris sui Comitissæ Boloniæ Duci de *Saringes*. Quæ relicto Duce de *Saringes* nupsit Comiti de Sancto Paulo, & postea relicto Comite de Sancto Paulo, nupsit Comiti Reginaldo de Dammartin, & ipse cepit cum illa Comitatum Boloniæ. Et alteram filiam Comitissæ Boloniæ dedit in uxorem Henrico Duci de Luuein.

B EODEM anno MARGARETA vxor Regis filij prægnans ad fratrem suum Regem Franciæ abiit, & Parisius veniens peperit filium abortiuum. Dicebant tamen Franci quòd filius ille Regis natus fuit viuus, & baptizatus, & VVillelmus vocatus.

EODEM anno Petrus tituli Sancti Chrysogoni Presbyter Cardinalis, Apostolicæ Sedis Legatus, quondam Meldensis Ecclesiæ electus, venit in Franciam, & ab Alexandro Papa in mandatis recepit, quòd tota Normannia, & omnes Terræ Angliæ cismarinæ & transmarinæ sub interdicto ponerentur, nisi ipse permiserit Richardum filium suum Comitem Pictaviæ ducere in uxorem ALESIAM filiam LODOVICI Regis Franciæ, quam ipse Rex Angliæ iam diu, & ultra quàm inter eos conuenerat, in sua custodia retinuerat. Quod cum Regi Angliæ constaret, appellauit ad præsentiam Domini Papæ pro seipso, & pro Terris suis: & mox transfretauit de Anglia in Normanniam. Et habito colloquio inter ipsum & Regem Franciæ apud *Iuery*, xi. Calend. Octobris, coram prædicto Cardinali & Magnatibus vtriusque Regni Rex Angliæ pater per suos fidem dedit, & in animam suam iurare fecit, quòd Richardus filius eius Comes Pictaviæ prædictam Alesiam in uxorem duceret, si Rex Franciæ pater puellæ dederit præfato Richardo Comiti Pictaviæ ciuitatem Bituricensem cum pertinentiis suis in maritadium cum filia sua, sicut conuentio inter illos indè facta exigit, & Henrico Regi filio suo totum *Vouquesin* Francigenum: videlicet totam terram, quæ est inter Gisorcium & *Pontese*, quam ipse promiserat se daturum illi in maritadium cum filia sua. Sed quia Rex Francæ hæc dare noluit, Rex Angliæ non permisit Richardum filium suum prædictam Alesiam in uxorem ducere. Tamen in eodem colloquio, consilio Cardinalis & Principum vtriusque Regni, facta est amicitia & finalis concordia inter Regem Franciæ & Regem Angliæ, in hunc modum.

C SCIANT omnes tam præsentis quàm futuri, quòd ego LODOVICVS Dei gratiâ Rex Francorum, & ego HENRICVS eadem gratiâ Rex Angliæ, volumus ad omnium tam præsentium quàm futurorum notitiam peruenire, nos Deo inspirante promississe & inuasisse, quòd simul ibimus in seruiciu Christianitatis, & crucem suscipiemus iteri Hierosolymam, sicut in Scripto de susceptione crucis inter nos facto continetur. Volumus etiam quòd omnes sciant, quòd sic sumus, & amodò volumus esse amici, quod vterque nostrum alteri conseruabit vitam, & membra, & terrenam honorem suum contra omnes homines pro posse suo. Et si quæcumque persona aliter nostri malum facere præsumpserit, ego HENRICVS iuuabo LODOVICVM Regem Franciæ Dominum meum contra omnes homines pro posse meo. Et ego LODOVICVS iuuabo HENRICVM Regem Angliæ contra omnes homines pro posse meo, sicut hominem & fidelem meum: salua fide, quam debemus hominibus nostris, quamdiu ipsi fidem nobis seruabunt.

Tom. IV.

OO

LYDOVICVS
VII. LV-
NIOR.

Et noster nostrum amodo retinebit inimicum alterius in terra sua, ex quo requisitus inde fuerit. Et ut inter nos amodo tollatur omnis materia discordia, concessimus ad inuicem, quod de terris & possessionibus, & aliis rebus quas quisque nostrum modo possidet, alter aduersus alterum inde nihil amodo petet, excepto eo de Aluernia, unde contentio inter nos est, & excepto feodo de Castro-Radulphi, & exceptis minus feodis & diuisis terrarum nostrarum de Berria, si homines nostri aliquid inde interceperint inter se, vel aduersus alterum nostrum. Si autem super his quae superius excepta sunt, per nosmetipsos conuenire non poterimus: ego LODOVICVS Rex Francorum elegi tres Episcopos, Claremontensem, Niuernensem, Trecentensem: & tres Barones, Comitem Theobaldum, & Comitem Robertum, & Petrum de Curtenei fratres meos. Et ego HENRICVS Rex Anglia elegi tres Episcopos, VVilhelmum Cenomannensem, Petrum Petragerensem, & Robertum Namnetensem: & tres Barones, Mauricium de Craun, VVilhelmum Maingot, & Petrum de Monte-Rabel ex parte mea. Qui inquisita diligenter hinc & inde veritate, tam per seipsos quam per iuramenta illarum terrarum, praedicti Episcopi in verbo veritatis asseuerabunt: & laici iurabunt, quod quacumque cognoverint de iure cuiusque nostrum esse, hoc inter nos dicent, & nos eorum dicto bona fide firmiter stabimus. Si vero omnes illi Episcopi, quos ego LODOVICVS elegi, interesse non poterunt, nihilominus stabimus dicto illorum duorum, qui intererunt. Et si omnes Barones ex parte mea nominati non interfuerint, pro eo non remanebit, quin stemus dicto aliorum duorum, qui interfuerint. Et similiter erit de illis, quos ego Rex HENRICVS elegi tam de Episcopis quam de Baronibus. Iurauimus etiam, quod nullum malum faciemus eis propter hoc quod veritatem inde dixerint. Et si forte, quod Deus auertat, inter nos de terris nostris aliqua querela amodo oriat, per eosdem bona fide, & sine malo ingenio, sine dilatione terminetur. Si autem aliqua praedictarum personarum interim mortua fuerit, altera loco ipsius substituatur. Si vero alteruter nostrum ante susceptionem crucis, iter peregrinationis arripere voluerit, alter qui remanebit, terram illius, qui in peregrinatione erit, & homines sicut sua propria & dominica fideliter custodiet & manutenebit. Postquam vero, Deo volente, crucem susceperimus, homines nostros qui nobiscum ibunt faciemus iurare, quod si alteruter nostrum in via decesserit, quod Deus auertat, ita illi, qui superstes erit, fideliter seruiant, sicut seruient Domino suo si viuus esset, quamdiu in terra Hierosolymitana morari voluerint. Pecuniam vero defuncti habebit viuus ad faciendum seruicium Christianitatis, praeter partem illam, quam ante iter suum certis locis & certis personis dandam decreuerit. Et si uterque nostrum decesserit, eligemus si Deus nobis spacium indulserit de probis & fidelibus nostris, quibus committetur pecunia utriusque nostrum ad faciendum seruicium Christianitatis, & qui ducent & regent homines nostros. Antequam etiam iter arripiamus post susceptam crucem, faciemus illos iurare, quos custodes & gubernatores constituemus terrarum nostrarum, quod ipsi bona fide cum omni posse suo si necesse fuerit sese ad inuicem iuuabunt ad defendendum Terras nostras, cum ab inuicem requisiti fuerint, quod illi, quos ego HENRICVS Rex Anglia praefecero ad gubernandum terras meas cum omni posse suo iuuabunt ad defendendum Terras LODOVICI Regis Francia Domini mei, quemadmodum Terras meas defenderent, si ciuitas mea Rothomagi obsessa esset. Et eodem modo quod illi, quos ego LODOVICVS Rex Francia praefecero ad gubernandum Terras meas, cum omni posse suo iuuabunt ad defendendum Terras Henrici Regis Anglia, quemadmodum Terras meas defenderent, si ciuitas mea Parisius obsessa esset. Volo etiam quod mercatores, & omnes homines tam Clerici quam laici de terra sua, cum omnibus rebus suis securi sint, & pacem habeant per omnes Terras meas. Et ego Henricus Rex Anglia similiter volo quod mercatores, & omnes homines tam Clerici quam laici de Terra Regis Francia Domini mei, cum omnibus rebus suis securi sint, & pacem habeant per omnes Terras meas. Hac autem supra scripta nos firmiter obseruaturos promissimus, & iurauimus in praesentia venerabilis Petri tituli Sancti Chrysogoni Presbyteri Cardinalis, Apostolicae Sedis Legati, & in praesentia Richardi VVintoniensis Episcopi, & Iohannis Carnotensis Episcopi, & Henrici Baiocensis Episcopi, & Frogerij Sagiensis Episcopi, & Egidij Ebroicensis Episcopi, & Henrici Regis Anglia filij, & Comitis Theobaldi, & Comitis Roberti, & Petri de Curtenei, & Comitis Simonis Ebroicensis, & VVillelmi de Hamez, & multorum aliorum tam Clericorum quam laicorum.

4 DEINDE Dominus Rex Angliæ pater profectus in Berriam cum exercitu magno, cepit Castrum-Radulfi. & cum processisset inde versus Castrum, Dominus oppidi illius venit obviam illi, & reddidit ei filiam Radulfi de Dolis, quam Rex dedit Baldevvino de Reuers cum honore Castelli-Radulfi. Deinde Dominus Rex Angliæ pater perrexit ad Grandem-montem, & ALBERTVS Comes Marchiæ venit illuc obviam ei, & coram Archiepiscopo Burdegalsi, Iohanne Pictauesi Episcopo, & pluribus aliis tam Clericis quàm laicis, vendidit præfato Regi Angliæ totum Comitatum Marchiæ pro quindecim millibus librarum Andegauenfium, & pro viginti mulis, & pro viginti palefridis, & Charta sua confirmavit.

LVDOVICVS
VII. IV.
NIOR.

Charta Audeberti Comitis Marchiæ, quæ est facta de venditione Comitatus sui, quam fecit Henrico Regi Angliæ patri.

NOTVM sit tam presentibus quàm futuris, quòd ego AUDEBERTVS Comes Marchiæ, mortuo filio meo, quem solum habebam heredem, deutus propriæ voluntatis arbitrio, quia Deo voveram in perpetuum deservire, vendidi totam Terram meam, & quicquid me iure hereditario contingebat, Domino meo HENRICO illustri Anglorum Regi, nullo penitus reclamante, imò nullo penitus existente, qui de iure posset reclamare, pro quindecim millibus librarum Andegauenfis monete, mihi in integrum apud Grandem-montem persolutum, & pro viginti mulis, & pro viginti palefridum. Firmavi autem fide mea corporaliter præstita in manu VVilhelmi Burdegalsis Archiepiscopi, me Domino Regi & heredi suo Pictaviæ, vel cuiuscumque donaveris eam, prædictam Terram garantizaturum bona fide & sine malo ingenio contra omnes homines, & in tota vita mea me nihil facturum, neque maritaggio, neque alio quocumque modo, quo minus prædicta venditio inconcussa permaneret. Ne autem hac mea venditio solemniter celebrata aliqua posset in posterum malignitate diuelli, eam sigillo meo munivi. Actum publice anno ab Incarnatione Domini MCLXXVII. 1177. mense Decembri, apud Grandem-montem, presentibus Archiepiscopo Burdegalsi, & Iohanne Pictauesi Episcopo, & pluribus aliis.

HIS itaque gestis apud Grandem-montem, Dominus Rex Angliæ pater recepit homagia & fidelitates & ligantias de Baronibus & militibus Comitatus Marchiæ: & Audebertus dictus Comes Marchiæ recessit inde cum supradicta pecunia sibi à Rege Angliæ tradita.

ANNO gratiæ MCLXXVIII. qui erat annus XXIV. regni Regis Henrici filij Matildis Imperatricis, idem Henricus fuit die Natalis Domini apud Andegavum civitatem. Eodem anno desiderio magno desideravit Rex Angliæ pater redire in Angliam, & missis Nunciis suis ad LODOVICVM Regem Francorum, impetrauit ab eo Literas protectionis in hunc modum.

LODOVICVS Rex Francorum omnibus, ad quos presentes Literæ pervenerint, salutem. Noueris universitas vestra, quòd nos recepimus in custodiam nostram totam Terram Henrici Regis Angliæ carissimi fratris nostri in cismarinis partibus sitam, & contigerit eum in Angliam transfretare, vel peregrè proficisci. Ita quòd quando Bailliui sui de Terra transmarina nos requisierint, nos bona fide, & sine malo ingenio eis consilium & auxilium præstabimus ad eiusdem Terra defensionem & protectionem. Actum apud Vicenas.

INTERIM Arriana heresis, quæ damnata erat in prouincia Tolosana, iam reuixerat. Quod cum ad aures Regis Franciæ & Regis Angliæ perueniret, zelo Christianæ fidei accensi statuerunt, quòd illuc irent in propriis personis, ut prædictos hereticos prorsus à finibus illis eliminarent. Elapso deinde aliquanto temporis spacio, videbatur eis plus posse proficere, si viros sapientes illuc misissent, qui hereticos illos prædicatione & doctrina ad fidem Christianam conuerterent, quàm si ipsi in propriis personis illuc ire properassent. Dictum enim erat eis,

Vindictam mandasse sat est, plus nominis horror,

Quàm tuus ensis ager. minuit presentia famam.

Miserunt ergo illuc Petrum tituli Sancti Chrysogoni Presbyterum Cardinalem, Apostolicæ Sedis Legatum, & Bituricensem & Narbonensem Archiepiscopos, & Reginaldum Bathoniensem & Iohannem Pictauesem Episcopos, & Henricum Abbatem Clareuallensem, & alios multos viros Ecclesiasticos: ut prædicatione sua

LYDOVICVS
VII. IV-
NIOR.

hereticos illos ad fidem Christianam conuerterent, vel rationibus probabilibus illos esse hereticos manifestarent, & à liminibus sanctæ matris Ecclesiæ, & fidelium consortio sequestrarent. Qui cum venissent, orauerunt pro ipsis vt acciperent Spiritum sanctum. nondum enim in quenquam illorum venerat. Præterea prædicti Reges elegerunt RAIMUNDVM Comitem Tolosanum, & Vicecomitem de Turena, & Raimundum de Castronouo, & alios viros potentes: & præceperunt, quòd ipsi prædicto Cardinali & sociis suis in fide Christi assisterent, & hereticos illos à finibus illis virtute potenti expellerent. Cum igitur prædictus Cardinalis, & ceteri viri Catholici Tolosam essent ingressi, inuenerunt ibi quendam diuitem duo castella habentem, vnum infra ciuitatem, & aliud extra muros ciuitatis: qui ante illorum aduentum se hereticæ prauitatis sectatorem confitebatur. sed iam præ timore exterritus, sectam illam execrabilem velare cupiens, Christianissimum se esse simulabat. Quod cum Cardinali innotuit, præcepit prædictum diuitem sibi præsentari. Qui cum venisset vt fidem suam confiteretur, in omnibus articulis inuentus est fidei Christianæ contrarius. Et ideo à prædicto Cardinali, & Episcopis qui cum eo erant, manifestus hereticus iudicatus est, & condemnatus: & ab illis præceptum est, vt res illius confiscarentur, & turres eius, quas proceras & pulcherrimas habuit, demolirentur. Videns ergo se damnatum, & res suas confiscari, venit ad Cardinalem, & ad socios suos Episcopos: & ad eorum pedes prostratus veniam postulauit, & iniuncta sibi pœnitentiâ nudus ducitur, & flagellatur per plateas & vicos ciuitatis. Deinde iurauit se Hierosolymam iturum, & ibidem in Dei seruicio per triennium moram facturum, & si post triennium domum rediret, possessiones suæ redderentur ei: ita tamen quòd turres suæ caderent in testimonium hereticæ prauitatis, & ipse daret domino suo Comiti Tolosano quingentas libras argenti. His ita gestis, multi heretici timentes vt simili modo tractarentur, venerunt ad Cardinalem, & ad socios suos, & secretò confessi errorem suum, & veniam postulantes, misericordiam consecuti sunt.

EODEM anno VVILLELMVS Remensis Archiepiscopus venit in Angliam ad beatum Thomam Cantuariensem Martyrem causâ peregrinationis. Cui Rex Angliæ pater occurrens, cum gaudio recepit, & dignis honorauit muneribus.

EODEM anno Richardus Comes Pictauis venit cum exercitu magno ad Assiensensem ciuitatem, & inuenit ibi Comitem Bigorniz in carcere ciuium incarcerationum, quem ciues tradiderunt ei. Et ipse Comes Bigorniz tradidit Comiti Pictauis pro liberatione sua Clarummōtem & castellum de Mumbrun. Deinde cepit Genzai & Martillan, & Grumuille, & Agenuille, & Taileburc, & Ponz. & omnia ista castella in terram deiecit. Et Brunus Comes de Engolismo reddidit ei ciuitatem Engolismi, & castellum de Muntiniac: & ipse eorum mœnia subuertit.

1179. ANNO gratiæ MCLXXIX. Papa Alexander in Lateranensi Ecclesia, in eminentiori loco cum Cardinalibus suis, & Præfectis, & Senatoribus, & Consulibus vrbis, constitutus, feria secunda tertiæ hebdomadæ Quadragesimæ, quæ III. Non. Martij euenit, primum Concilij sui diem celebravit. Similiter secundum Concilij sui diem celebravit quarta feria sequentis hebdomadæ, quæ II. Idus Martij euenit. In quo Concilio VVILLELMVS Remensis Archiepiscopus factus est Presbyter Cardinalis ad titulum Sanctæ Sabinæ, & HENRICVS Abbas Clareualensis factus est Episcopus Cardinalis Albanensis.

EODEM anno LODOVVICVS Rex Francorum Constantinopolim misit AGNETEM filiam suam, quam ALA vxor sua Regina Francorum, soror VVillelmi Remensis Archiepiscopi, soror etiam Henrici & Theobaldi & Stephani Comitum, ei pepererat, maritandam Alexi filio Manuelis Imperatoris Constantinopolitani.

EODEM anno PHILIPPVS filius Lodovvici Regis Francorum & prædictæ Alæ Reginæ ægrotauit vsque ad mortem: vnde pater suus plurimum condoluit, & diuina reuelatione in somnis admonitus, vt deuota peregrinatione adiret beatum Thomam Cantuariensem Martyrem, si vellent filium suum pristinae sanitati restitui. Vnde factum est quòd LODOVVICVS Rex Francorum, missis Legatis ad Henricum Regem Angliæ patrem, quæsiuit licentiam & securitatem veniendi in Angliam: & sine impedimento redire quæsiuit, & obtinuit. Rex igitur Francorum fiduciam habens in Domino, contra multorum consilium, iter arripuit versus Angliam. Et assumens secum Philippum Comitem Flandtiæ, & Baldvvinum Comi-

A rem de Ginnes, & Henricum Ducem de Luuain, & Comitē VVilhelmum de Mandeuille, & Aduocatū Bethuniæ, & alios Barones de Regno Franciæ, peruenit usque *VVitsand*, & inde transfretauit in Angliam, & applicuit apud *Douere* 11. Kal. Septembr. feria 1v. Cui Rex Angliæ pater in littore maris occurrens, suscepit cum magno gaudio & honore, sicut carissimum Dominum & amicum suum, & omnia necessaria sibi & hominibus suis honorificè ministravit. Et in crastino, videlicet vigiliâ beati Bartholomæi Apostoli, duxit eum Cantuariam vsque ad tumbam sancti Thomæ Martyris. Quò cū venissent, **L O D O V V I C V S** Rex Francorum obtulit super tumbam beati Thomæ Martyris vnam cuppam de auro valde magnam & preciosam, & ad vsus Monachorum ibidem Deo seruientium centum modios vini in perpetuum, singulis annis recipiēdos apud *Peissi* in Francia ad omnimodam impensam Regis Franciæ. Præterea concessit eis, quòd quæcumque de cetero emerentur in Regno Franciæ ad proprios vsus illorum, quæta sint de reonno, & omnibus aliis consuetudinibus & exigentiis. Et hæc omnia fecit eis confirmari Charta sua, quam ipsi receperunt de manu **HUGONIS DE PVTEACO** Cancellarij Regis Franciæ, filij Hugonis Dunelmensis Episcopi. Tertiò autem die sequenti, Rex Franciæ, & sui qui cum eo venerant, Rege Anglorum eos reducente, reuersi sunt ad *Douere*: & in crastino, videlicet vii. Kal. Septemb. die Dominica, Rex Franciæ cum suis transfretauit de Anglia in Flandriam, & applicuit apud *VVitsand*. Interim **PHILIPPVS** filius eius meritis & precibus beati Thomæ Martyris pristinā adeptus est sanitatem.

B Quo audito, Rex Franciæ in magno fluctuans gaudio, publico præcepit edicto, vt omnes Principes Regni sui, Ecclesiastici, & seculares, conuenirent Remis in capite Kal. Nouembrium ad coronationem **PHILIPPI** filij sui. Quibus congregatis, VVilhelmus Remensis Archiepiscopus præfatum Philippum filium Alæ sororis suæ iam quintum decimum annum ætatis suæ agentem coronauit, & in Regem vnxit Remis in Ecclesia Sedis Pontificalis die solemnitatis omnium Sanctorum, ministrantibus ei in illo officio VVilhelmo Turonensi, & Bituricensi, & Senonensi Archiepiscopis, & ferè omnibus Episcopis Regni. Henricus autem Rex Angliæ filius, in progressionē à thalamo vsque in Ecclesiam ipso die coronationis, ibat ante illum gestans Coronam auream de iure Ducatus Normanniæ, qua prædictus **PHILIPPVS** coronandus erat: & Philippus Comes Flandriæ præibat, ferens ante illum Gladium Regni. Alij verò Duces, Comites, & Barones præibant, & sequebantur diuersi diuersis deputati obsequiis, prout res exigebat. Sed **L O D O V V I C V S** Rex pater eius, senio & morbo laborans paralytico, coronationi illius interesse non potuit. Nam cū ab Anglia rediret, & ad beatum Dionysium iter arriperet, subito percussus frigore, incidit in paralytim, & vsus dexteræ partis corporis sui amisit.

Eodem anno obiit VVilhelmus Comes Albemarlæ, & sepultus est in Abbazia sua de *Tornetun*.

C *Ex Speculo Historiali VINCENTII DE BVRGVNDIA, dicti BELVACENSIS, Ordinis Prædicatorum. Parte III.*

ANNO Domini MCXXXVII. GVILLELMVS Comes Pictauiensis ad sanctum Iacobum proficiscitur, & in sexta feria Parasceue in Ecclesia beati Iacobi moritur, & ante altare sepelitur. Qui moriturus, Proceres suos, quos secum habebat, contestatur: vt filia sua maior **ALIENORDIS LVDOVICO** Francorum Regi cum Aquitaniz Ducatu vxor tradatur. Quam prædictus Ludouicus apud Burdegalam cum Optimatibus Regni præsentibus iungit sibi nuptiis solemnibus. Cuius pater **L V D O V I C V S** intra eundem ferè mensem apud Parisius defunctus, in Ecclesia beati Dionysij ante corpus ipsius est sepultus Kalend. Augusti, xxviii. anno regni sui. Florebat hoc tempore **THEOBALDVS** Comes Campaniæ, pater orphanorum, & iudex viduarum, oculus cæcorum, ac pes claudorum, singulariter munificus in pauperibus sustentandis, in extruendis Monasteriis & erga Religiosos quosque largitate incomparabilis. Hic genuit Comites, Henricum, & Theobaldum, ac Stephanum, Guillelmum quoque Remensem Archiepiscopum. Filias etiam plurimas habuit, quarum vltimam nomine **ADELAM LVDOVICS** Rex post accepit in vxorem: ex qua filium nomine

LVDOVICVS
VII. IV-
NIOR.

PHILIPPVM successorem Regni suscepit. Florebat & GUILLELMVS Comes Niuernensis, vir iustitiâ & honestate insignis: cuius deuotio mira postmodum emicuit, dum ex potente Principe seculi factus est in Carthusia humillimus pauper Christi.

CAP. XVI.
1139.

ANNO Domini MCXXXIX. Habitaculum seruorum Dei in loco qui dicitur ad Montem Dei construitur. Florebat hoc tempore Gallicana Ecclesia per viros religionis ac sapientiâ illustres, Milonem Morinensem Episcopum, humilitatis virtute præcipuum: Aluifum Atrebatensem, liberalitate atque consilio & faciendâ clarum: Godefridum Lingonensem, Hugonem Autissiodorensem, Ioslenum Sueffionensem, Goffridum Carnotensem: Albericum Bituricensem Archiepiscopum, scientiâ literarum atque consilij prudentiâ clarissimum. Inter hos etiam alios multos tunc claros scientiâ viros, Bernardus Abbas Clareuallensis, vir opinatissimæ religionis, eminentissimè clarebat. Qui multorum miraculorum patrator, & verbi Dei feruentissimus prædicator, atque plurimorum Monasteriorum fundator, animarum lucra maxima Deo exhibebat, aded vt Magistri Scolarum cum magno Clericorum comitatu, etiam de longinquis regionibus, ad eius optabile magisterium confluentes, centenarij, vel etiam ampliori nouiciorum numero domum probationis implerent, & vno die XL. Monachi fierent.

1140.

ANNO Domini MCXL. Cænobium sanctæ Mariæ de Fresmont fundatum est. *Helinandus*. Eo tempore HEINRICVS germanus LVDOVICI Regis apud Clareuallensem Monachus effectus est. Qui non multò post ad Episcopatum Beluacensem assumptus est.

CAP.
LXXXIII.

TEMPORE prænotato, scilicet imperante Conrado, LVDOVICVS Rex cepit Vitriacum castrum Comitis Theobaldi: vbi admoto igne incensa est Ecclesia, & in ea mille trecentæ animæ diuersi sexus & ætatis combustæ.

EODEM tempore Senonis, præsentē LVDOVICO Rege, sit Episcoporum & Abbatum religiosorum conuentus contra Petrum Abaelardum, qui scandalizabat Ecclesiam profana quadam nouitate verborum vel sensuum. Et hic ab eis interpellatus cum esset de iustitia responsurus, veritus audientiam Apostolicæ Sedis appellauit: & sic euadens, non multò post Cabilone apud sanctum Marcellum obiit.

1144.

INNOCENTIVS etiam Papa migravit, cui Guido Castellanus Celestini nomine alteratus successit anno Domini MCXLIV. Et hic, completo quinque mensibus & dimidio Papatus officio, decessit: ei que Lucius ex Gerardo Cancellario factus Papa successit.

Eo tempore sancto Bernardo Clareuallis mediante, simulas, quæ inter Regem LVDOVICVM & Comitem Theobaldum incanduerat, sopita est.

1146.

ANNO Domini MCXLVI. Rex Francorum LVDOVICVS captæ vrbs Mesopotamiæ zelo accensus, vel vt alij putant Vitriacensis incendij conscientiam compunctus, apud Vizeliacum affixio sibi crucis signo, cum Regni Principibus & multitudine innumerabili, transmarinam peregrinationem proponit aggredi.

ECCLESIA Tornacensis, quæ per annos circiter DC. à tempore beati Medardi, sub Episcopo Nouiomensi sine proprio fuerat Sacerdote, hoc anno cæpit proprium Episcopum habere, Anshelmo scilicet Abbate sancti Vincentij apud Lugdunum ab Eugenio Papa consecrato, & eidem vrbi in Episcopum destinato.

AVDEBERTVS Marchiæ Comes vnici morte turbatus, Terram suam Regi Hainrico vendit. Nam filius eius à quodam milite, quem proditiosè occiderat, viuis sublatum numquam comparuit. Vnde territus pater crucem accipit, ac Hierusalem vadit, vbi & moritur. Cuius Terram Gaufridus & Hugo de Lesiniaco, se dicentes heredes, reperunt, & tandem eam obtinent.

CAP.
LXXXV.

1147.

ANNO Domini MCXLVII. Conrado Rege in Purificatione beatæ Mariæ apud Frankenfurt constituto, Abbas Clareuallis sanctus Bernardus tam Regi quàm cunctis Principibus crucis affigit signum, & socij peregrinationis multiplicantur super numerum.

Hoc anno Guillelmus Niuernensis Comes relicto seculi Principatu, & omni honore calcato, Carthusiam petit: ibique Deo digna & humillima paupertate conuersans, infra annum conuersionis suæ felicem terminat cursum vitæ.

A ANNO Domini MCXLVIII. Remis Concilium à Papâ Eugenio celebratur. In quo Concilio publicè confutauit beatus Bernardus Magistrum Gilbertum cognomento Porretam, disputando cum eo singulariter tanquam sui temporis singularis athleta. Hic Gilbertus erat Episcopus Pictauorum, in sacris literis plurimum exercitatus, sed sublimiora se scrutans ad insipientiam sibi. Siquidem de Trinitatis vnitate, & diuinitatis simplicitate non simpliciter sentiens, nec fideliter scribens, discipulis suis panes proponebat absconditos, & furtiuas propinabat aquas: nec facilè quid saperet, imò quantum desiperet, personis autenticis fatebatur. Timebat enim quod apud Senonas Petrum Abaelardum ei dixisse ferunt,

Nunc tua res agitur, paries cum proximus ardet.

Nouissimè tamen cum iam fidelium super hoc inualesceret scandalum, cresceret etiam murmur, vocatus ad medium est, & Librum tradere iussus, in quo blasphemias euomuerat graues quidem, & verborum quodam inuolucro circumseptas. Beatus ergo Bernardus primò quidem totum quod ille verborum caillationibus occultare nitebatur, subtilibus interrogationibus eliciens, deindè tam suis rationibus quàm Sanctorum testimoniis biduana disputatione redarguit. Considerans autem nonnullos ex his qui præsidebant, iam quidem animaduertens blasphemiam in doctrina, tamen adhuc auertens iniuriam à persona, accensus est zelo, & domesticam sibi Gallicanam conuocat Ecclesiam seorsum. Communi deinceps consilio à Patribus decem Prouinciarum, alijs autem Episcopis & Abbatibus plurimis, dictante viro Dei nouis dogmatibus opponitur symbolum nouum. Cui etiam subscribuntur nomina singulorum, vt eorum videlicet omnium sicut reprehensibilis, sic irreprehensibilis zelus ceteris innotescat. Ita demum Apostolico iudicio & auctoritate vniuersalis Ecclesiæ error ille damnatur. Episcopus Gilbertus, an eidem damnationi consentiat, interrogatur. Consentiens, & publicè refutans quæ prius scripserat & affirmauerat, indulgentiam ipse consequitur: maximè quòd ab initio captus esset, ea lege se eandem disputationem ingredi, vt promitteret sine vlla sese obstinatione pro Ecclesiæ sanctæ arbitrio correcturum liberè opinionem suam. Horum duorum Magistrorum, Petri videlicet Abaelardi & Gilberti Porretæ, quidam discipuli nimium zelantes pro ipsis, beato Bernardo & toti Cisterciensi Ordini postea detrahare cœperunt.

EODEM anno Hainricus LVDOVICI Francorum Regis filius, contempto mundi schemate, pro Christo in Claraualle indutus Monachili schemate, prouehitur ad Episcopatum ciuitatis Beluagicæ.

HOC quoque anno Lauduni xv. Nonas Iulij factis tonitruis in Monasterio S. Vincentij, Monachis diuini officij cursum complentibus, duo ex eis subito fulminis ictu corruentes expirauerunt. Alij quidem tacti vel territi vix conualuerunt: Fulmine etiam altaris linteum comburente, & sacrarium penetrantè, & de magna cruce partem, partem quoque claustralis ostij asportante, tota Domus repletur

C horrore.

EO tempore florebat multa miraculorum gratiâ PETRVS Tarentasiensis Episcopus. --- Implacabiles inimicitias & odia inueterata frequenter extinxit, & grauius admodum bella compescuit. Desperatas reconciliationes inter maximos etiam Principes, Domino cooperante, & sermone confirmante, sequentibus signis effecit. Inter Principem suum Comitem YMBERTVM & RAIMVNDVM Comitem Tholosanum in regione Granopolitana eo tempore dominantem, non sine multis incendijs & homicidijs guerram diutiùs agitatam multo labore sedauit. Cuius occasione negocij ad Hainricum Regem Anglorum vehementer desideratus accessit. In quo itinere miraculum singulare diuina virtus per eum perfecit apud sanctum Symphorianum, quod est castrum Lugdunensis Ecclesiæ, paucis ab vrbe leucis distans.

ANNO Domini MCXLIX. LVDOVICVS Rex Francorum à Palæstina nauigans, vt in patriam rediret, Græcorum naues incurrit. Cùmque ab eis Imperatori Curfolium obsidenti præsentandus deducitur, Gregorius Dux nauium Regis Siciliæ eos aggreditur. Siquidem vastatis & spoliatis Græcorum Prouincijs, vsque ad ipsam urbem Regiam Constantinopolim accedens, sagittas aureas in Palatium Imperatoris iecerat. Et incensis suburbanis, de fructibus hortorum Regis violenta

00 iij

LVDOVICVS
VII. IV-
NIOR.

1150.

ter tulerat. Vnde rediens naues Græcorum incurrit, captum LVDOVICVM A Regem eripuit. sed captos Regis obtentu dimittit.

ANNO sequenti Bartholomeus Laudunensis Episcopus, xxxviii. anno sui Episcopatus, contempto mundi schemate, Fusniaci induitur Monachili schemate.

HABITIS per Franciam Conuentibus, conueniente etiam Papa Eugenio, vt Abbas Clareuallis Hierosolymam ad alios prouocandos mitteretur, grandis iterum sermo de profectioe transmarina celebratur. sed per Cistercienses Monachos totum istud cassatur.

CAP.
CXXVII.

1151.

ANNO sequenti obierunt Episcopi moribus & scientiâ clari, Hugo Autissiodorensis, & Iosselenus Sueffionensis. Hic Hugo fuit Abbas Pontiniaci primus, vir moribus & scientiâ clarus, ac in sacra religione strenuus. Et licet iuxta propositum Ordinis sui esset miræ patientiæ, in Ecclesiæ tamen hostes districtus executor. In nocte quidem electionem suam præcedente, vidit in somnis quoddam mater sua sibi esset copulanda nuptiali fœdere. Qui cum in Ecclesia Senonensi propter suspensiones Henrici Metropolitani, consecrationis locum non haberet, à domino Gaufrido Carnotensi Episcopo consecratus est. Huic successit Alanus Ripartorij Abbas primus.

Hoc etiam anno illustres religione ac prudentiâ obeunt viri, Suggestus Abbas S. Dionysij, Rainardus Cistercij, Odo sancti Remigij. Sed & Gaufridus Comes B Andegauorum, post simulates habitas cum Rege LVDOVICO, facta pace obit infra mensis vnus spacium. Obiit etiam nobilis & religiosus Princeps, & pauperum pater, Comes Theobaldus. Multi quoque nobiles hoc anno moriuntur.

1152.

ANNO sequenti Rex Francorum LVDOVICVS zelotypiæ spiritu inflammatus, iurata consanguinitate vxorem suam repudiat. Quam quia contra eius voluntatem HAINRICVS Dux Normanniæ, videlicet filius Gaufridi Andegauensis & Mechildis, ducit, magna inter eos simultas excandescit. Hac quippe occasione Ducatum Aquitaniæ amisit. Rex autem æmulus eius eum obtinuit.

CAP.
CXXVIII.

HÆC fuit prima vxor Regis LVDOVICI, scilicet ALIENORDIS filia senioris Comitis Pictauensis: de qua prædictus Rex suscepit duas filias, scilicet Aelidem & Mariam. Cumque cum eadem vxore sua perrexisset ultra mare, audiuit eam, vt fertur, à Salhadino munera suscepisse. Vnde post reditum suum in Franciam, non solum ob causam prædictam, sed etiam ob ipsius mulieris incontinentiam, voluit eam repudiare. Vt enim dicit Helinandus, non tanquam Regina se gerebat, sed ferè tanquam meretrix. Quod illa intelligens, ab eo declinavit, & ad prædictum Normanniæ Ducem Hainricum se transtulit, qui eam, vt dictum est, in vxorem duxit. Propter quod inter ipsum & Regem discordia fuit. Sed postea Rex ipsum ad pacem recepit. Qui scilicet Dux Hainricus in breui, mortuo Rege Stephano, Angliam intrauit: & integritate Regni potitus, pacem antiquam reformauit. Hic ergo Hainricus senior Rex Angliæ quatuor filios suscepit C ex prædicta Regina, scilicet Alienorde: Hainricum videlicet, & Richardum, & Iohannem, qui tres ibidem regnauerunt successiue: Gaufridum quoque Comitem Britannię. Insuper & quatuor filias, quarum vna data est vxor Regi Castellæ, vnde orta est BLANCHA Regina Franciæ. Altera verò Constantinopolitano Imperatori nomine Alexi. Tertia quoque Saxonię Duci, vnde natus est Otho, qui postmodum Imperator fuit. Quarta verò Tholosano Comiti, vnde ortus est Raimundus, cuius filiam postmodum accepit Alfonsus Comes Pictauensis. frater Ludouici Regis. Porro supradictus LVDOVICVS secundam vxorem, videlicet Imperatoris Hispaniæ filiam, vitæ laudabilis feminam, accepit. sed illa non multis annis interiectis obiit. Deinde Rex idem habito colloquio cum Theobaldo Blesensi Comite, accepit ADELAM sororem illius in vxorem, scilicet bonæ memoriæ Theobaldi filiam, de genere Karoli, vt dicitur, descendentem. filiam verò suam AELIDEM dicto Theobaldo iuniori dedit in vxorem. Igitur ex LVDOVICO & Adela PHILIPPVS nostri temporis Rex futurus ortus est. Et Theobaldus ex Aelide filium suscepit Ludouicum, ac filias, Margaretam & Elizabeth. Ex quibus, scilicet Ludouicus, in Comitatu patris succedens, vxorem Katherinam accepit filiam Comitis Clarimontis, cui Comitatus idem hereditario iu-

A re obuenit. Qui ex ea relicto herede Theobaldo nomine, perrexit Constantino-
polim cum Balduino Flandrensi Comite, & ibi decessit. Porro filio eius Theobal-
do leprâ infecto, ac sine herede defuncto, successit in Comitatu Blesensi MARGA-
RETA eiusdem amita, & in Comitatu Carnotensi soror eiusdem Margaretæ Eli-
zabeth. His enim duabus sororibus nulla prius hereditas erat paterna. Sed Mar-
gareta gratis accepta fuit in coniugium, primò ab Hugone de Osiaco prope Came-
racum. Post cuius obitum nupsit Othoni Comiti Burgundiæ, fratri scilicet Impe-
ratoris Hainrici. Quo defuncto, tertio nupsit domino de Auesnis Galtero. Qui
susceperat ex ea filiam dedit in uxorem Hugoni filio Hugonis * Comitis Sancti * *lg. Gal-*
Pauli. ex qua ortus est filius, qui successit in Comitatu Blesensi. ELIZABETH *teri*
autem altera filia à patre suo Theobaldo data est primò coniunx Domino de Am-
basia, qui ex ea filiam nomine Mehtildam genuit, quæ in Comitatu Carnotensi
matri successit. Illòque mortuo, nupsit Elizabeth Iohanni de Montemirabili, qui
sine herede decessit. Vnde & Montemirabilis Matheo fratri eius iure propinqui-
tatis obuenit. MARIA verò altera LVDOVICI Regis filia data est vxor Co-
miti Campaniæ Hainrico, habuitque duos filios ex ea, scilicet Hainricum ac Theo-
baldum. Horum Hainricus, cui iure primogenituræ post decessum patris obue-
niebat Comitatus Campaniæ, cum adhuc esset sine vxore, Comitatu in custodia
fratris sui Theobaldi relicto, perrexit in Terram transmarinam cum Rege Franciæ
B PHILIPPO. Cùmque capta fuisset Acon, Philippo Rege in Franciam reuertente,
Regina Cypri virum habebat, qui simplex homo erat, nec bellicosus videba-
tur, nomine Humfridum de Thoron. Hunc Barones à Regina separauerunt, eam-
que Marchisio de Monteferrato in coniugium tradiderunt, quem & Terræ acqui-
sitæ custodem statuerunt. Nec multò post Arfacidæ ipsum in Nicomedia interfe-
cerunt. Tunc præfatam Reginam Hainrico Comiti Campaniæ in uxorem tradi-
derunt, quem & eidem Terræ similiter præfecerunt.

ANNO Domini MCLIII. Rex Francorum LVDOVICVS cum nimio *LIB. XXIX*
exercitu Normanniæ fines aggressus, castrum Vernon in deditionem recepit. In- *Cap. II.*
terim Dux Normanniæ in Anglia contra Regem Stephanum fortiter agens, tan- *1153.*
dem cum eo pacem facit: ita ut viuentē Rege post eum secundus in Anglia mor-
tuo succedat.

CIVES Metenses cum vicinis militibus congregiuntur, vincuntur, & pereunt
ex eis plus quàm duo milia.

VIR religiosus VValterus Laudunensis Episcopus, multarum fundator Ab-
batiarum, migravit ad Dominum, & Præmonstrati sepelitur, vbi quondam pro
Christo paupertatis sumpsit habitum: Cui successit Galterus Laudunensis De-
canus.

ANNO sequenti Rex Francorum LVDOVICVS Henricum Ducem Nor- *1154:*
manniæ ad pacem recepit. Qui in breui Rege Stephano mortuo Angliam intrat,
C & Regni integritate potitus, pacem antiquam reformat.

ROBERTVS autem de Botua, vir omni plenus nequitia, nepotum suorum ca-
stra ingressus, dolosè tyrannidem exercet in Terra.

HOC etiam anno LVDOVICVS Rex Francorum filiam Imperatoris Hispa-
niæ, feminam moribus præcipuam, accepit Aurelianis in uxorem. ibique nuptiis
quasi solemmniter celebratis, ab Hugone Senonenſi Archiepiscopo vncta est in Re-
ginam.

ANNO Domini MCLVII. filia LVDOVICI Regis Francorum datur filio *Cap. III.*
Hainrici Regis Angliæ, ut pax inter eos firmetur. *1157.*

ANNO MCLIX. Rex Francorum LVDOVICVS, & Rex Angliæ Hainricus *1159.*
cum suis, Alexandrum in Patrem & Dominum susceperunt.

ANNO sequenti fit eclipſis Lunæ, & moritur Regina Franciæ vxor Regis LV- *1160.*
DOVICI, filia Imperatoris Hispaniæ, femina vitæ laudabilis, & actibus clara,
moribusque perornata. Rex verò ducit uxorem ADELAM Comitis Theobaldi
filiam. Quam postea prædictus Hugo Senonenſis Archiepiscopus vnxit Parisius
in Reginam.

ANNO Domini MCLXI. Alexander Papa in Galliam venit, & à Regibus *Cap. XII.*
Francorum & Anglorum honorificè susceptus est. *1161:*

EODEM anno Henricus Rex Anglorum, Dux Aquitanæ, venit contra Tho-

LVDOVICVS
VII. IV-
NIOR.
CAP. XIII.
1165.

losam. Rex LVDOVICVS intrauerat ad defendendum eam. Vnde nolens Henricus Rex obsidere Dominum suum, recessit à loco.

ANNO Domini MCLXV. PHILIPPVS Ludouici Regis Francorum filius nascitur, anno scilicet patris sui XXVII. Cùm enim idem pius Rex innumerofam filiarum sobolem de tribus vxoribus suscepisset, & heredem masculum Regni successorem habere non posset: tandem cum ADELA vxore sua, & omni Clero ac populo totius Regni ad orationes & eleemosynas conuersus, filium à Deo petiit, & obtinuit. De quo etiam antequàm natus esset, talem visionem in somniis vidit: videlicet quòd PHILIPPVS filius suus aureum calicem in manu sua plenum humano sanguine tenebat, de quo propinabat omnibus suis Principibus, & omnes in eo bibebant.

Eo tempore Tarentasiensis Archiepiscopus venit apud Caluum montem, qui est in confinio Franciæ & Normanniæ, pro pace scilicet reformanda inter Regem LVDOVICVM & Regem Henricum: vbi multas virtutes per eum operatus est Dominus in præsentia duorum Regum, & Henrici iunioris Regis Angliæ, & Philippi Comitis Flandrensis. In capite Ieiunij imposuit cineres benedictos capiti Regis Angliæ apud Mortuum mare.

CAP. XV. EODEM anno Guichardus Abbas Pontiniaci secundus in Lugdunensem Archiepiscopum est assumptus.

CAP. XVI. ANNO Domini MCLXVI. Henricus Beluacensis Episcopus in Archiepiscopum Remensem translatus est.

1166.
1167. ANNO Domini MCLXVII. Amalricus primus Abbas Karoli-loci, deinde Siluaneensis Episcopus obit.

CAP. XVII. ANNO Domini MCLXIX. Hugone Archiepiscopo Senonensi defuncto, succedit ei Guillelmus Theobaldi Comitis filius, Carnotensis electus, sed nondum Episcopus consecratus. Quem Senonis consecrauit venerabilis Mauricius Parisiensis Episcopus.

CAP. XXI. ANNO Domini MCLXXII. Robertus Præpositus de Area duos Episcopatus regebat, Atrebatensem scilicet & Tornacensem: filius fabri cuiusdam rustici Carnotensis: qui, vt aiunt, familiari dæmone utebatur, per quem ad tantos honores deuenerat.

1173. ANNO sequenti ciuitas Rothomagi obsessa est à LVDOVICO Rege Francorum, & Hainrico nouo Rege Anglorum, & Philippo Comite Flandrensi.

EODEM anno obiit sanctus Petrus Tarentasiensis Archiepiscopus.

FLOREBAT eo tempore Magister Petrus Comestor, primus Parisiensium Magistrorum.

1175. ANNO Domini MCLXXV. Præpositus de Area Robertus occiditur, procurrente, vt aiunt, necem eius Iacobo de Auéfnis inclito milite. Non multò post, imò etiam eodem anno mortuus est Hainricus Remensis Archiepiscopus. Fuerat autem inter eos inuidia magna de potentatu: quia ille dominabatur Flandriæ, & iste Franciæ. & ambo in breui extincti sunt. Itaque Guillelmus Senonensis Archiepiscopus fit Archiepiscopus Remensis, & succedit Guido Senonensis anno

1177. Domini MCLXXVII.

FLOREBAT autem his temporibus Mauricius Parisiensis Episcopus, qui ob industriam & literaturam de infimo statu magnæ paupertatis ad Pontificalis dignitatis apicem est euectus. Nam & cùm esset iunior, pauper ac mendicus, eleemosynam postulatam accipere noluit, hoc pacto vt numquam foret Episcopus. Hic inter opera sua præclara à fundamentis instruxit Ecclesiam, cui præerat.

CAP. XXII. ANNO Domini MCLXXX. LVDOVICVS Rex piissimus PHILIPPI pater in vrbe Parisius obiit, & in Ecclesia sanctæ Mariæ de Sacro-portu, quæ dicitur *Barbeel*, sepultus est, quam ipse fundauit. Super cuius corpus vxor eius ADELA construi fecit sepulchrum miro artificio compositum ex lapidibus & auro & argento, & ære ac gemmis subtilissimè decoratum. Anno etiam eodem Iohannes Episcopus Carnotensis obiit, qui socius sancti Thomæ Cantuariensis vitam ipsius scripsit.

A

EX LIBRO III. CHRONICORVM ANONYMI

*Scriptoris, quorum Exemplar recentiore manu exaratum est in Bibliotheca
Monasterij S. Victoris Paris.*

LVDOVICVS
VII. IV-
NIOR.

LVDOVICO itaque GROSSO vitâ decedente, LVDOVICVS, qui ex cultu pietatis PIVS potest de iure vocari, quod cum patre ferè per VII. re-
xerat annos, totum ex integro suscepit Regnum anno gratiæ MCXXXVII. Poinde
euoluto non longo dierum curriculo, GAVCHERIVS DE MONTE-GAYO
superbiâ inflatus, aduersus Regem superbè insurgere temptauit, terrâque ipsius
non tamen impunè inquietare conatus est. Quod Rex non æquo animo perferens,
exercitu coadunato, Montem-gayum cum omni municipio destruxit. Contra Re-
gem Comes THEOBALDVS Campaniæ sæpius rebellauit. Cui præfatus Rex
Ludouicus Pius castrum Vitriacum succendit, in quo periit incendio multitudo
magna virorum, & mulierum, & infantium. Pro quo infortunio idem Rex credi-
tur iter Hierosolymitanum anno regni sui XVII. arripuisse. Quem Regni sui incre-
dibilis multitudo subsecuta est. Duxit autem & uxorem suam Pictauiensem secum
nomine ALIENOR, quæ per plurimum ei in illo itinere ingrata & iniuriosa exti-
xit. quod rei probauit euentus. Nam post multos labores & tribulationum sudores
reuerfus, licet ex illa duas filias se suscepisse gauderet, tamen regni sui anno XXI.
assensu & auctoritate Eugenij Papæ repudiatam dimisit.

*Qua præce-
debant vul-
garia sunt,
& in alijs
habentur
Auctoribus.*

REGRESSO itaque Ludouico à Hierosolymis, Gaufridus Comes Andegauo-
rum, & HENRICVS filius eius, qui postea Regnum Anglorum obtinuit, Regem
prædictum adierunt, conquirentes de Stephano Anglorum Rege, qui eis iniuste
Regnum Angliæ & Ducatum Normanniæ auferebat. Quorum rationabilem que-
rimoniam Rex cōsiderans, cum magno exercitu Normanniam est ingressus. Quam
captam Henrico filio Comitis Andegauensis reddidit, & cum pro eadem terra in
hominem ligium accepit. Ille autem pro collato sibi adiutorio, patre suo conce-
dente, VVlcastinum Normannum, quod est inter Ertam & Andelam, Regi Ludo-
uico totum in munere dedit. In qua terra continentur hæc castella, & firmitates,
Giforeium, Nealpha, Sterpiniaum, Dangultum, Gamachiæ, Arachiuilla, Ca-
strum nouum, Baudemont, Brayum, Tornutum, Buscalia, Nogentum super Ande-
lam. Post hæc autem regni sui anno XXIV. filia Regis Hispaniæ ei legitimo matri-
monio coniuncta est. Ex qua duas suscepit filias. Et hac defuncta, iterum duxit ux-
orem præcipuè nobilitatis, & expectandæ * pulchritudinis puellam nomine ADE-
LAM, filiam Comitis Campaniæ Theobaldi, quæ de genere Karoli Magni Regis
Francorum comprobatur esse hoc modo. Karolus genuit Ludouicum, Ludouicus
Karolum Caluum, Karolus Caluus Ludouicum, Ludouicus Karolum Simplicem.
Karolus Simplex ex Ogiua uxore sua legitima genuit Gisilam, quæ legitimè con-
iuncta est Roberto Normannorum Duci. De Gisila autem exiit * Guillelmus Lon-
gasparta, & de Guillelmo Robertus, de Roberto Guillelmus Nothus qui Angliam
acquisiuit. Hic Guillelmus habuit filiam de uxore legitima nomine ADELAM,
quæ Stephano copulata Comiti Carnotensium genuit Comitem Theobaldum, &
Theobaldus Comes hanc Adelam. De qua suscepit idem Ludouicus filium, quem
baptizatum de nomine aui sui vocari iussit PHILIPPVM. Natus est autem idem
Philippus anno regni sui XXXV. Incarnationis autem Christi MCCLXV. die Sab-
bati in octauis beatæ Dei genitricis Mariæ.

** f. expe-
tendæ*

** imò Histo-
rici Normā-
norū ex hoc
cōiugio nul-
lam exiisse
prolem una-
nimiter as-
serunt.*

HIC igitur piissimus & Christianissimus LVDOVICVS PIVS Rex Franco-
rum Alexandrum Papam ab Italia exulantem in Galliis retinuit. Cui etiam multos
honores & obsequia exhibuit. Cuius rei circumquaque famâ peruolante regiones,
Constantinopolitanus & Hispanus Imperatores, Rex Hierosolymitanus, Rex An-
gliæ, Rex Siciliæ, Rex Vngariæ, omnesque Reges Christianorum Regis Ludouici
sequentes exemplum, cum debita reuerentia eundem, ei obediendo, humiliter sus-
ceperunt. Cum beato etiam Thoma multa vnitus est familiaritate. Cui, cum à
Sede Cantuariensi exul per septem annos moraretur in Francia, quamplurima ob-
tulit donaria, & illius inopiam per multa studuit subleuare subsidia. Ad vltimum
autem Henrico Regi Angliæ illum concordauit, & in sede propria restitui fecit.

LVDOVICVS
VII. LV-
NIOR.

Sed Rex Angliæ belluinum habens animum, pacisque per manum Regis Franciæ A
compositæ immemor, illum intra sinum Ecclesiæ Cantuar. capite plecti consensit.
Sed hunc omnipotens Deus plurimorum decorauit gloriâ miraculorum, ipso Re-
ge propriis oculis intuente.

PORRO iste LVDOVICVS multa fuit honestate laudabilis, erga Religiosos quo-
que simplex ac beniuolus, & erga subditos vnica moderatione vsus. Eleemosynis
largus, cultor iustitiæ, peruigil in oratione. Literarum quidem ignarus, sed Philo-
sophis coæquandus. Nutritor gentis, legum augmentator, pietatis exemplar, plus
semper in orationibus quàm in armis confidens. Et quia pacis amator erat, guerras
etsi aliquas, guerras tamen aut intulit, aut pertulit, suumque satis tranquille ac stre-
nuè Regnum fouit. Hinc est, quòd sub ipso pace vigente, tot nouæ villæ conditæ
sunt, & veteres ampliatae, tot excisa nemora & exculta, tot constructæ Ecclesiæ,
Ordinésque diuersi diuersis in locis multipliciter sunt propagati. Hic construxit
Cœnobium non procul à Miliduno, quod Sanus-portus dicitur. Quod etiam pos-
sessionibus ditauit amplissimis, & spectabilibus decorauit ædificiis. Cùm autem de-
ficientes artus mortem in foribus esse nuntiarent, prudentum virorum vsus cōsilio,
filium suum PHILIPPVM in ipsa omnium solemnitate Sanctorum, à Guillelmo
Remensi Archiepiscopo, & à suis Coëpiscopis, in Remensi ciuitate fecit inungi, & in
Regem consecrari. Nec multò post filia Comitissæ Henodij, religiosa, & cōmendabi-
lis pulchritudinis puella legitimo & solenni matrimonio illi per manus Episcoporum B
copulata est. Rexit autem Ludouicus Pius feliciter Regnum Frâcorum cum patre
ferè per VII. annos, & post patris obitum per annos XLIII. Et quia qui benè vixerit,
non potest malè mori, & in conspectu Domini mors Sanctorum est preciosa, dormi-
uit vt credimus in Domino, appositus ad patres suos XIV. Kal. Octobris anno gratiæ
MCLXXX. Sepultusq; est in Monasterio quod Sanus-portus dicitur, quod ipse, vt di-
ximus, construxerat non procul à Miliduno. Cuius Epitaphium his versibus decora-
tur.

Qui modo sum modicus cinis olim Rex LVDOVICVS,

Dum terris præeram terra futurus eram.

Sed licet auferre sua non valeat caro terra,

Seruat perpetuum spirans esse suum.

Parce mihi Domine, qui finis es, & sine fine,

Quem sine principio, quem sine fine scio.

Iam transcendendo fidem, quia iam scio credita pridem,

More suo patria credita, more via.

Hoc mihi scire dedit, quem vita scit, & via credit,

Quem via credit cum vita scit esse Deum.

Elegisse leges alia loca regia Reges,

Huic magis elegi pauper inesse gregi.

Pauperis vt memores melius sint pauperiores,

Gaudeo pauper homo pauperiore domo.

EPITAPHIUM ALIUD R. LVDOVICI VII.

TRANSIT in heredem pius ille prior LVDOVICVS

Nomine, sede, fide, nec pietate minus.

Seruula, tristis, inops, aliquo sub Rege: sub isto

Floruit Ecclesia, libera, leta, potens.

Rex humilis, Rex pacificus, David & Salomonem

Protulit exemplo, sequē, suosque regens.

Quantum coniugij permisit copula, castus:

Quantum iusticia regula, mitis erat.

Ieiunans, vigilans, orans, deuotus ad omnes

Diuini cultus obsequisque modos.

Lingua preces vinas, lacrymas pia palpebra fudit,

Pauperibus solidos officiosa manus.

Hic meritis rapuit cælum, violentia sancti

Raptus & à cælo te tibi terra refert.





EPISTOLAE HISTORICÆ.

QVÆ AD RES LVDOVICI GROSSI
& filij eius LVDOVICI IVNIORIS Regum
illustrandas pertinent.

EPISTOLÆ VI.

*Ex Codice MS. Epistolarum PETRI Prioris Sancti Ioannis Evangelistæ
Senonensis, qui est penes eruditiss. Virum Iacobum Sirmondum.*

EPISTOLA I.

LVDOVICVS *Dei gratiâ Rex Francorum*, HVGONI *inconsulto
Consuli, franis agi iustitiæ.* RELIGIOSÆ & illustres personæ
ad meam pertulerunt audientiam, quod sanctam Remensem Ec-
clesiam quantum in te est impudenter dehonestas, & eam nouo,
imò inaudito genere tyrannidis incessanter infestas. Quod post-
quàm auribus meis insonuit, quantò lacrymabilior fuit conque-
stio, tantò grauior in me aduersum te innata indignatio: & secundum inauditi sce-
leris immanitatem, meam incurristi offensionem. Doleo enim, & lacrymabiliter
doleo, quòd in meam matrem, & caput Regni mei Ecclesiam gladium tyrannidis
tam præsumptuosè exacuisti; quia in ea Coronæ meæ derogasti, & Sceptro meo
probrosam iniuriam irrogasti. Prædictæ ergo Ecclesiæ infra festum beati Iohan-
nis aut cum summa humilitate satisfacias, aut cum summa erubescencia Terram
meam exeat. Alioquin si in manus meas incideris, nulla redemptione euades, &
sic vitam finies.

EPISTOLA II.

HVGONI *Gornacensi Domino, R.A. Dei gratiâ Consul Claromontis columbina sim-
plicitate meliara grana eligere.* CVM dilectionis feruor ferè possit impossibi-
lia, ac possibilitatis sit fructus in omnibus mutux postulationis executio, hanc vo-
bis vestrisque Clericis cartulam mittere non dubitavi. Est mihi Magister quidam
Claromonte, qui ibi & adhuc in Scholarum regimine studet, & hoc anno studuit.
Hic castelli vestri famâ, vestræque dilectionis adipiscendæ gratiâ commotus, per
me assequi desiderat quod animi sui voluntas expostulat. Huic igitur in Actoribus,
in Philosophis, in Artium diuersis operibus, in Grammaticæ artis executio-
ne præcipuo, necnon etiam paginæ diuinæ, non prorsus, vt aiunt, ignaro, & quod
omnium condimentum est, morali grauitate haud inexperto. Vt ergo castelli ve-
stri regimen, omni impeditionis causâ procul amota, hoc anno futuro ei conceda-
tis, apud vos vestrosque Clericos precibus impetrare laboro.

Tom. IV.

Pp

EPISTOLA III.

A

Electio HUGONIS Senonensis Archiepiscopi. I.

SANCTA mater Ecclesia Spiritus sancti magisterio sufficienter erudita, benè nouit & memoriter tenet, quod doctores & pastores populo suo Dominus à seculo præesse voluit, qui greges sibi commissos pabulo diuini verbi pascifierent, & iusta docentes iniusta prohiberent. Vnde scriptum est, *Deduxisti sicut oves populum tuum in manu Moysi & Aaron.* Quibus substat, Eleazarum victimis, Iosue verò castris Dominus præfecit: sequentique tempore Iudices, deinde Reges super populum suum constituit. Nouissime verò Dominus ac Redemptor noster visibilem se mundo præbens, pastorem curam super credentes assumpsit, dicens: *Ego sum Pastor bonus.* Et reditum ad patrem disponens, ne sine capite membra deficerent, Vicarium sibi beatum Petrum substituit, dicens: *Pasce oves meas.* Sed & Clemens post Petrum in Cathedra sedet, & ceteri Apostoli, seu alij per Orbem sancti Pontifices successores habere voluerunt, quos vel ipsi substituerunt, vel sibi substitui præceperunt, iuxta illud: *Pro patribus tuis nati sunt tibi filij, constitues eos Principes super omnem terram.* Huc accedunt sanctorum instituta Canonum, & Decretales Romanorum Pontificum sanctiones, quæ de substituendis Pastoribus sentiunt idem & decernunt. Quibus nos inspectis, Conuentus Senonensis Ecclesiæ post obitum venerabilis viri domni HENRICI Pontificis nostri, fractæ nauis nostræ naufragium metuentes, & iam periculo propiore conterriti, de reformando nobis Pastore consilium diutius differre nullatenus ausi sumus, præsertim cum Eleazarum viuente adhuc Aaron patre suo sacerdotium ex diuino mandato suscepisse noverimus: ne populus vel modicum sacerdotali contubernio priuaretur, & Moyse cum Domino moram faciente in monte, populus sine Duce lasciuiens idolatra sit effectus. Præmissis igitur ad Dominum precibus, conuocatis etiam & assistentibus religiosi viris, & Abbatibus Canonorum Regularium & Monachorum tam Cisterciensis Ordinis quàm alijs, in nomine deificæ Trinitatis concorditer elegimus nobis in Pastorem & Pontificem domnum HUGONEM Præcentorem nostrum, à parentibus Christianis & Deum timentibus nobiliter editum, virum strenuum, modestum, mansuetum, disciplinis Ecclesiasticis competenter eruditum, religiosi personis amoris & honoris exhibentem officium, non alienum, non ignotum, sed fratrem nostrum vterinum, qui liberè proferre possit illud Dominicum, *Et cognosce meas, & cognoscent me mea:* qui noua & vetera de thesauro suo producere noverit, & ab amplexibus Ecclesiæ nostræ, cuius panibus educatus est, auelli numquam possit. Hunc igitur canonicè & legitimè à nobis electum, à religiosi personis assistentibus approbatum, à populo Senonensi vniuerso communibus votis & immensis vocibus expetitum, Sanctitati vestræ, Domine Pater Carnotensis Antistes, ad quem interim Consilium Senonensis Ecclesiæ specialiter pertinet, & sanctis Patribus & Episcopis qui vobiscum sunt, præsentem offerimus, & offerendo commendamus: & vt benedictionis manus eidem in præsentiarum imponas, humiliter & deuotè supplicamus. Et vt, reuerendi Patres, electionem canonicam nostram & plenariam esse præsentia vestra percipiat, subscripta sunt nomina personarum, quæ eundem Hugonem Præcentorem in Pontificem elegerunt, ac eligunt, seu quæ postmodum assensum electioni præbuerunt.

B

C

EPISTOLA IV.

Consolatoria super morte Parisiensis Episcopi.

H Dei gratiâ Senonensis Ecclesiæ Minister, B. Decano & ceteris Parisiensis Ecclesiæ Canonicis, dilectis in Christo Fratribus, salutem, & saluiferam à Domino dilectionem. CONSIDERANTI mihi, Fratres, insperatum dulcissimi Fratris, imò vt ita dixerim, carissimi Patris mei Pontificis vestri casum & occasum, flere magis libet quàm scribere. Nimis enim saxum pectus habet, quem non ad dolorem vel gemitum piissimi viri lacrymabilis non emollit excessus. Ceterum quicquid fortè nonnulli sen-

A tiant, ego verò prorsus plango & lamento damnum ingens & incōmodum meum. LVDOVICVS VI. GROS-
SVS.
Amisi enim portionem animæ meæ, baculum iuuentutis meæ, consolatorem & eruditorem vitæ meæ. Baculus namque sustentationis, Fratres, sicut scitis, multotiens iuueni necessarius est plus quàm seni, quia iuuentuti pernecessaria est doctrina. Senectus verò longo vsu tēporis multa didicit per experimenta. In quo ergo erit vltra similis mihi requies, simile gaudium, simile reclinatorium? Quem quoties videbam, præsentem gaudio meo non gaudere non poteram. Sed quid dicam Domine Deus, vt quid recessisti longè, despicias in opportunitatibus in tribulatione? Modò rudem & tenerum amouisti puerum tuum, & tam citò subtraxisti ei ordinatorem & doctorem suum? Sed quid ago, Fratres? dum dolorem meum nimis exaggero, consolatorem onerosum me vobis ostendo. Iam verò dulcissimi Patris animam dulcedini & mansuetudini commēdo Redemptoris nostri. Ad vos autem, quibus compatior, sermonis mei vultum cōuerto. Circa vos enim non mediocriter sollicitus existo, quia frequenter in talibus subrepat inuidia, per inuidiam discordia, per discordiam diuisio, per diuisionem vnitatis confusio. Tunc aduersæ facies, tunc dissonæ linguæ, thesaurorum diminutio, & inuidorum & æmulatorum cachinnus & irrisio. Deus hoc auertat à vobis, Fratres, Spiritus sancti plenitudo descendat super vos, spiritusque vestros vniat, diuisiones remoueat, & quibus vnus est futurus Pastor, eadem pascua gustare concedat. Quibus inspectis, carissimi Fratres, mementote iugiter ammonitionis nostræ, & salutis vestræ. Ad illum incessanter corda vestra conuertite, qui salus est omnium sperantium in se.

EPISTOLA V.

L VDOVICO Regi Francorum, GVILLELMVS Flandrensis Comes, debitam sub-
iectionem. BENIGNITAS vestra intolerabilibus exitij mei infortuniis compatiens post lacrymabilem excessum magnanimi & magnifici KAROLI me, licet indignū, & prorsus iniusti meriti, in Comitum sedem voluit succedere. Vnde corda Procerum, licet inter se prorsus dissentientium, mihi tamen in nullo consentientium, prouida viuacitate consilium primum mirabiliter collegistis. Demum vt me non amore, sed timore vnanimiter receperint, mirabilius effecistis. Ecce autem ille potens & antiquus hostis meus, Rex scilicet Anglorum, successibus meis iam dudum indoluit, innumeram adducens militiam, & immodicam afferēs pecuniam, nuper applicuit: & vt molestias possit inferre, fideliolem & potentiolem Regni vestri portionem molitur nobis & vobis auferre. Qui confusus in militia, & multò magis in pecunia, quia corda Flandrensiū muneribus putaret subuertere, non solum non auderet insistere, sed mihi resistenti formidaret resistere. Recurro itaque ad Celsitudinem vestræ Maiestatis, orans & obsecrās, vt quemadmodum me, quem ad honorem promouistis, in eodem confirmetis. Quod si fieri non potest, nisi nobis vestram offeratis præsentiam: vt reuerentur, & in ipsa erubescant & confundantur præsumptuosī alienigenæ, & in fide roborentur aliquantulum citillantes indigenæ.

EPISTOLA VI.

D OMNO Priori Cluniacensis Cellæ, & Principibus ac militibus & vniuersis indigenis Balbonensis oppidi, R. dictus Abbas Senonensis Ecclesiæ beati Ioannis Evangelistæ, per opera misericordiā misericordiam Domini promereri. VRSO filius noster, quem præsentem videtis, regularis Canonicus, ordine Diaconus, scriba præcipuus, vtilitate sua multa carus nobis & acceptus, non sine dolore nostro quibusdam corporis sui pulsatur incommodis. Suggestum verò est ei à nonnullis, balnea quæ apud vos sunt illi summopere profutura, si eorum calore aliquandiu foueatur. Eapropter permissionis nostræ licentiam consecutus, ad balnea ipsa festinare disposuit, & ibidem quantum sat erit immorari. Verum quia longa temporis mora peregrinantium in domibus alienis crumenas etiam plenas exinanire solet, supplicamus benignitati & caritati vestræ, vt si fortè quas detulit expensæ prædicto Fratri defecerint, vos, qui de bonis à Deo vobis datis in domibus vestris abundatis, humanitatis & fraternæ dilectionis memores, peregrinum Fratrem sustinere non contemnatis, quatinus illud exoptatum à Domino consequenter audiat, Quod vni ex minimis meis fecistis, mihi fecistis.

Tom. IV.

Pp ij

S. BERNARDI ABBATIS CLAREVALLENSIS.

EPISTOLÆ HISTORICÆ.

Ad LUDOVICVM Regem Francorum.

EPISTOLA I.

*Inserdit.
Epist. 45.*

BXIMIO Regi Francorum LUDOVICO, Stephanus Abbas Cisterciensis, totiusque Conuentus Abbatum & Fratrum Cisterciensium, salutem, spiritum, & pacem in Christo Iesu. REX cœli & terræ Regnum vobis in terra donauit, donaturus & in cœlo, si id quod accepistis iuste & sapienter administrare studueritis. Hoc est quod vobis optamus, & pro vobis oramus: vt & hîc fideliter, & illic feliciter regnetis. Ceterum vos quonam consilio eisdem nostris pro vobis orationibus, quas, si recolitis, olim tam humiliter requisistis, modò tam acriter repugnatis? Quæ enim iam fiducia manus pro vobis leuare præsumimus ad Sponsum Ecclesiæ, quam ita, & sine causa vt putamus, ausu inconsulto contristatis? Grauem siquidem aduersum vos apud eundem Sponsum & Dominum suum querimoniam deponit, dum quem acceperat defensorem, sustinet oppugnatorem. Attenditis iam cui ex hoc infensum vos redditis? Non utique Episcopo Parisiensi, sed Domino paradisi, & quidem terribili, & ei qui aufert spiritum Principum. Ipse quippe est, qui ad Episcopos dicit: *Qui vos spernit, me spernit.* Hæc ita vobis & pro vobis audacter quidem, sed amanter intimare curauimus: monentes & rogantes per illam inuicem amicitiam nostram & fraternitatem, cui vos satis dignanter sociastis, sed nunc ipsam grauitè læsistis, quatenus à tanto malo citius desistatis. Alioquin si non meremur exaudiri, sed contemnimur & nos fratres & amici vestri, & qui quotidie oramus pro vobis & filiis vestris & Regno: ex hoc iam noueritis paruitatem nostram in quibus valuerit non posse deesse Ecclesiæ Dei & ministro eius, venerabili videlicet Patri & amico nostro Episcopo Parisiensi, qui nostram aduersus vos humilitatem interpellans, nostras p̄o se ad Dominum Papam iure fraternitatis Literas requisivit. Verum nos iustum ducentes his prius Literis vestram Excellentiam conuenire, præsertim quia idem Episcopus per manum omnium Religiosorum se ad iustitiam offert: si tamen prius (quod quidem eadem ipsa iustitia videtur exigere) res ei suæ iniuste ablatæ restituantur: eius interim petitioni differendo supersedimus. Et si quidem Deo inspirante placuerit vobis nostris precibus autem inclinare, nostro consilio studioque pacem cum Episcopo, imò cum Deo reformare: parati sumus huius rei gratiâ fatigari vsque ad vos quocumque vobis placuerit. Sin autem, nos amicis audire, & Dei Sacerdoti obedire necesse est. Valète.

Ex persona Ducis Burgundie. EPISTOLA II.

Edit. 127.

GVILLELMO Dei gratiâ egregio Comiti Picardiarum, & Duci Aquitanorum, Hugo eadem gratia Burgundiæ Dux, timere terribilem, & eum qui aufert spiritum Principum. ERROREM vestrum vltra dissimulare non fero, quippe carne propinquus, & corde amicus. Si quis de populo deuiat, solus perit. Verum Principis error multos inuoluit, & tantis obest, quantis præest ipse. Nec præsumus, si-

A cut scitis, ut perdamus, sed ut regamus subiectos. Per quem Reges regnant, ipse nos præfecit populis suis, à nobis tuendis, non subuertendis: planè sanctæ suæ Ecclesiæ Ministros, non dominos. Cui vos ministerio cum dignè aliàs pro vestri magnitudine Potentatus, & laudabiliter deseruisse noscamini, miror quam verfuturiam modò vestra illa prudentia circumuenta fuerit, eandem matrem vestram & Dominam deserere in tempore malo. Nisi fortè & hoc vobis vestri illi consilij persuadere conentur, ad solam Petri Leonis domum vniuersalem Ecclesiam esse redactam. Viri mendaces, quos veritas sicut & caput eorum Antichristum destruit spiritu oris sui, affirmans eam per os David ad vniuersos fines terræ, ad vniuersas familias gentium dilatari. Habet tamen Ducem Apuliæ, sed solum ex Principibus, ipsumque vsurpatæ Coronæ mercede ridicula comparatum. Denique quid virtutis, quid honestatis afferunt de summo Pontifice suo, ut & nos prouocent ad fauorem? Si vera sunt quæ vbiq; divulgat opinio, nec vnus dignus est viculi potestate. Si vera non sunt, decet nihilominus caput Ecclesiæ non solum vitæ habere sanitatem, sed & famæ decorem. Tuius proinde vobis est, mi cognate charissime, ut in susceptione vniuersalis Papæ, ab vniuersitatis consensu & consilio non recedatis. Quem omnis Religio, quem Regum vniuersitas receperunt, vobis quoque & honorificum & saluterum est ut recipiatis. Domini Papæ Innocentiij & innocens vita, & integra fama, & electio canonica prædicatur. Priora duo nec hostes diffidentur, tertium calumniam habuit: sed per Christianissimum Lotharium nuper falsi calumniatores in suo sunt mendacio deprehensi.

Ad LVDOVICVM IVNIORVM Regem Francorum.

EPISTOLA III.

S I totus Orbis aduersum me coniuraret, ut quippiam molirer aduersus Regiam Maiestatem: ego tamen Deum timerem, & ordinatum ab eo Regem ostendere temerè non auderem. Nec enim ignoro vbi legerim: *Qui potestati resistit, Dei ordinationi resistit.* Sed nec me latet quàm omni Christiano, quàm me præcipuè professioni mentiri contrarium sit. Veritatem dico, non mentior. Quod Lingonis de Priore nostro factum est, præter spem, præterintentionem Episcoporum & meam factum est. Sed est qui nolentium quodammodo extorquet assensum, & suo arbitrio etiam aduersas hominum volùtates prout vult subseruire compellit. Quando enim ego periculum, quod mihi timui, illi æquè non meruerem, quem diligo tanquam meipsum? Quando ego illorum consortium non horrerem, qui alligant onera grauia & importabilia, & imponunt humeris hominum, digito autem suo nolunt ea mouere? Factum est tamen quod factum est, contra vos nihil, contra me plurimum. Mihi baculus imbecillitatis meæ substractus est, mihi lumen oculorum meorum ereptum est, mihi abscissum dextrum brachium meum. Omnia excelsa ista & fluctus isti super me transierunt, in me transierunt iræ, mihi euadendi nulla ex parte patet via. Vnde onera fugio, indè subeo inuitus & ingratus. Durum mihi sentio contra stimulum calcitrare. Tolerabilius fortasse spontaneo, quàm nolenti & renuenti fuisset. Nam si quid virium in me est, nonne id faciliùs meis, quàm alienis humeris exercerem? Sed acquiesco aliter disponenti, cum quo vtique aut iudicio, aut viribus contendere, nec captum mihi omninò, nec possibile est, sed nec Regi. Siquidem terribilis est etiam apud Reges terræ. Horrendum est incidere in manus Dei viuents, etiam tibi ò Rex. O quàm molestis auribus audiemus contraria tam bonis principiis vestris! O quàm amarior Ecclesiæ mœror post tanta prælibata gaudia, si frustrari (quod absit) contigerit tam iucunda spe singularis clypei sui vestræ indolis, sicut hactenus est experta? Heu! corruit virgo Remensis Ecclesia, non est qui subleuet illam. Corruit & Lingonensis, non est qui porrigat manum. Auerrat diuina clementia à corde & consilio vestro super dolorem nostrum adiuuare, cumulare tristitiam super tristitiam. Quis mihi tribuat mori, ne videam Regem bonæ opinionis, sed spei melioris, conari Dei consilio obuiare, irritare aduersas semetipsum summi Iudicis iram, pedes patris orphanorum madefacere.

Tom. IV.

P p iij

crymis afflictorum, pulsare cœlos clamoribus pauperum, Sanctorum precibus, A
iustisque querimoniis charissimæ sponzæ Christi, quæ est Ecclesia Dei viuens.
Abstineat, abstineat. Meliora speramus, expectamus iucundiora. Non obliuiscetur
misereri Deus, nec continebit in ira sua misericordias suas. Non contristabit
per illum & de illo Ecclesiam suam, per quem & de quo in tantis iam iustificauit.
Quem suo munere contulit, sua longanimitate seruabit: & si quid aliter sapitis, &
hoc ipsum vobis reuelabit, & erudiet corda in sapientia. Hoc optamus, hoc ora-
mus die ac nocte. Hoc sentire de nobis, hoc sentire de nostris. Non infringetur
veritas hæc in nobis, non imminuetur honor Regis, Regnique utilitas per nos.
Gratias autem agimus vestrz clementiz pro benigno responso, quod à vestra di-
gnatione meruimus. Verumtamen dilatio terret nos, qui videmus terram datam
prædæ & direptioni. Terra vestra est, & in hoc planè cognoscimus, & dolemus
dedecus Regni vestri, quod vos iure abhorrire mandastis, si non fuerit qui defen-
dat. Nam in quo alio Regia Maiestas, rectè in eo quod factum est, imminuta di-
catur? Electio rite celebrata est, electus fidelis est. Non autem esset fidelis, si ve-
stra & non per vos habere veller. Nec dum ad vestra manum extendit, nec dum
ciuitatem vestram ingressus est, nec dum prorsus se intromisit de aliquo: quanquam
inuitatio Cleri & populi, & oppressorum afflictio, & vota bonorum id ab eo vehe-
mentissime flagitarent. Quæ cum ita sint, opus est, vt videtis, maturatione con-
siliij, non minus vestro honori, quàm nostræ necessitati. Et nisi per præsentis nun-
tios expectanti populo, qui vester est, serenitas vestra pro voto responderit, multo-
rum Religiosorum aduersum vos (quod non expedit) deuota vobis nunc corda
turbabitis, & Regalibus vestris ipsis quæ ad Ecclesiam pertinent, non paruum, vt
veremur, incommodum acquireris.

Ad dominum Papam Innocentium. EPIST. IV.

Edit. 206.

SCRIPTUM est, *Quod Deus coniunxit, homo non separet.* Surrexerunt viri
Saudaces, qui non timuerunt coniunctos à Deo contra Deum disungere. Ne-
que id solum, insuper & adiecerunt coniungere non coniungendos, addentes præ-
uaricationem. Lacerantur sacra Ecclesiæ, scinduntur (proh dolor!) vestes Chri-
sti, idque (ad cumulum doloris) ab his à quibus refarciri debuerant. Amici tui
Deus, & proximi tui aduersum te appropinquauerunt, & steterunt. Nam qui
mandatum tuum transgrediuntur, non sunt alieni, non sunt extranei à sanctuario
tuo, sed eorum locum tenent quibus dixisti: *Si diligitis me, mandata mea seruate.*
Comitem RADVLPHVM & uxorem eius Deus coniunxerat per Ministros Ec-
clesiæ, & Ecclesia per Deum qui dedit potestatem talem hominibus. Quomodo
quos Ecclesia coniunxit, disiunxit camera? In quo facto illud solum conuenien-
ter prouisum est, quod in tenebris facta sunt opera tenebrarum. Qui enim malè
agit, odit lucem, & non venit ad lucem, vt non arguantur opera eius à luce. Quid
meruit Comes Theobaldus? Quid peccauit homo ille? Si peccatum est quod di-
ligit iustitiam, & odit iniquitatem, non potest excusari. Si peccatum est quod
reddit Regi quæ Regis sunt, & quæ sunt Dei Deo, non potest excusari. Si Ar-
chiepiscopum Bituricensem suscepit ad imperium vestrum, hoc est maximum &
primum peccatum. En sanguis iste de manu eius exquiritur. Qui retribuunt mala
pro bonis, detrahunt ei, quoniam sequitur bonitatem. Multi clamant ad vos in
toto corde suo, vt iniuriam filij vestri, & oppressionem Ecclesiæ digna animaduer-
sione vindicetis, & artifices huius sceleris cum ipso eorum capite, quicquid libuit,
licuit, Apostolico vigore coërceatis, vt in verticem ipsius iniquitas eius descendat.

Ad LVDVICVM Regem Francorum. EPIST. V.

Edit. 220.

LIBENTER quidem, sicut ipse fateri dignamini, etiam propria attestante
conscientia, quæ ad honorem vestrum & Regni vestri utilitatem spectant, pro
nostro exiguo posse & querimus, & queremus. Ceterum quod nostræ humilitati
querimini super anathemate mox innouando in Comitem RADVLPHVM, &
vultis me dare operam omnimodis, vt non fiat, ob multa mala quæ secutura inde
putatis: prorsus non video quomodo implere possim, & mandato obuiare Apo-

Astolico. Quod etsi possem, non video quod rationabiliter possem. Doleo quidem de malis si inde proueniant, sed non ideo tamen debemus facere mala, ut veniant bona. Satiùs tutiusque hoc totum profecto omnipotentis Dei iudicio & dispositioni relinquimus, qui potest facere ut & bona, quæ ipse vult fieri, fiant & mancant & mala quæ mali moluntur, non veniant, aut certe in eos ipsos potius, qui ea volunt & querunt, veniant. Valde autem contristat me vnum quod in Literis vestræ Celsitudinis continetur, quod videlicet debeat obuiare res ista paci factæ inter vos & Comitem Theobaldum. An nescitis vos grauiter offendisse in eo, quod Comes Theobaldus violentiâ guerræ vestræ contra Deum & iustitiam iurare compulsus est, non solum quia quereretur, sed etiam quia efficeret ut prædictus Comes Radulphus & terra eius tam indebitè, imò tam illicite absolueretur? Quid? Iterum vultis peccatum peccato addere, & iram Dei super vos (quod absit) accumulare? Quid peccauit Comes Theobaldus, ut iram vestram rursus incurrere mereatur, qui & absolutionem Comitis Radulphi licet iniustam (sicut scitis) tanto labore & difficultate obtinuit, & rediuiam excommunicationem quamuis iustissimè redeuntem nec quæsiuit, nec quærit: ut porò quod timore vestro etiam abiurauit? Nolite, quæso, nolite, Domine mi Rex, Regi vestro (imò omnium conditori) tam euidenter in suo Regno & in sua possessione audere resistere, & manum extendere tam frequenter & temerario ausu aduersum terribilem eum qui auferit spiritum Principum, terribilem apud Reges terræ. Acriter loquor, quia acriora vobis formido: quod non ita vehementer timerem, nisi vos vehementer diligere-

Ad eundem. EPISTOLA VI.

SCIT Deus quantum vos, ex quo noui, dilexi, & vestrum honorem volui. Scitis vos quanto labore, quantaque sollicitudine, toto anno præterito querendæ paci vestræ intendi vna cum aliis fidelibus vestris. Timeo autem ne sine causa laborauerimus in vobis. Vos namque, ut manifestum est, à bono & sano consilio quod acceperatis, nimium citò nimiumque leuiter resilitis: & ad mala priora, quæ dudum non immeritò perpetrassè vos plangebatis, adhuc recentibus illis plagis, rursus, ut audio, nescio quo diabolico consilio festinatis. A quo enim nisi à diabolo procedere hoc consilium dixerim, per quod fit ut incendiis incendia, homicidiis homicidia addantur: clamor denuò pauperum, & gemitus compeditorum, & sanguis interfectorum, auribus perterritis patris orphanorum, & iudicis viduarum? Planè his hostiis hostis ille antiquus nostri generis oblectatur: quoniam ipse homicida est ab initio. Et nolite frustra occasionem sumere de Comite Theobaldo ad excusandas excusationes in peccatis: cum vir ille paratum se dicat, & hoc omnimodis deprecetur, venire ad conuentiones quæ inter vos concurrerunt quando facta est pax, & secundum iudicium diligentium nomen vestrum (eorum scilicet qui mediatores inter vos extiterunt) per omnia satisfacere velit: ut si præuaricationis fortè ab ipsis argui poterit, quod non existimat, continuò ad honorem vestrum corrigere non cunctetur. Verùm vos nec verba pacis recipitis, nec pacta vestra tenetis, nec sanis consiliis acquiescitis: sed nescio quo Dei iudicio omnia vobis ita vertitis in peruersum, ut probra honorem, honorem probra ducatis, tuta timeatis, timenda contemnatis: & quod olim sancto & glorioso Regi David Ioab legitur exprobrasse, diligitis eos qui vos oderunt, & odio habetis qui vos diligere volunt. Neque enim qui vos instigant priorem iterare malitiam aduersus non merentem, querunt in hoc honorem vestrum, sed suum commodum, sed diaboli voluntatem: ut Regis (quod absit) potentiam concepti feruoris habeant effectricem, quem suis se posse ad implere viribus non confidunt, inimici Coronæ vestræ, Regni manifestissimi turbatores. At quicquid vobis de Regno vestro, de anima & Corona vestra facere placeat: nos Ecclesiæ filij, matris iniurias, contemptum & conculcationem omninò dissimulare non possumus: quæ illi præter illa quæ in eam iam præcessisse miserabiliter plangimus, iterum de nouo partim inferri, partim imminere sentimus. Profectò stabimus & pugnabimus vsque ad mortem, si ita oportuerit, pro matre nostra, armis quibus licet: non scuris & gladiis, sed precibus fle-tibusque ad Deum. Et ego quidem, qui me memini præter quotidianas preces, quas pro pace & salute vestra atque Regno coram Domino Supplex ipso teste fun-

LVDOVICVS
VII. IV-
NIOR.

debam, etiam apud Sedem Apostolicam Literis & nunciis causam vestram egisse A
fateor vsque penè ad propriæ conscientie læsionem, & ipsius summi Pontificis iu-
stam (quod diffiteri non debeo) contra me indignationem. Ego, inquam, assidu-
is vestris, quos innouare quotidie non cessatis, excessibus prouocatus dico vobis,
incipio pœnitere super insipientia mea priori, qua plus iusto vestræ adolescentiæ
hucusque faui: & de cetero pro mea exiguitate non decro veritati. Non tacebo
quod cum excommunicatis iterato fœdus & societatem inire satagitis: quod in ne-
cem hominum, combustionem domorum, destructionem Ecclesiarum, dispersio-
nem pauperum, raptoribus & prædonibus (sicut dicitur) adheretis: iuxta illud
Psal. 49. Prophetæ: *Si videbas furem, currebas cum eo, & cum adulteris portionem tuam ponebas.*
Quasi non satis per vos mala facere valeatis. Non silebo quod illicitum illud ma-
ledictumque iuramentum inconsultissime vsurpatum à vobis contra Bituricensem
Ecclesiam (pro quo, heu! tot & tanta mala iam nunc meritò prouenerunt) non ita
tandem corrigitis, vt Christi ouibus apud Cathalaunum Pastorem præfici non si-
natis: insuper & fratri vestro eiusque militibus sagittariis balistariisque domos Epi-
scopales contra ius & fas inhabitandas, & res Ecclesiæ in eiusmodi nefarios vsus
profligandas, audacter nimium exponitis. Dico vobis: non erit diu inultum, si
hæc facere pergitis. Et ideo, Domine mi Rex, amicabiliter moneo vos, & fideli-
ter consulo vobis, vt citius ab hac malitia desistatis: si fortè iam ferire parantis ma-
num, Niniuitæ Regis exemplo, pœnitentia & humilitate præuenire possitis. Du- B
rè loquor, quia duriora vobis formido. Sed mementote à Sapiente dictum, *Meliora esse verbera amici, quàm fraudulenta oscula inimici.*

Psal. 27.

Ad Ioslenum Sueffionensem Episcopum, & Sugerium Abbatem Sancti Dionysij.

EPISTOLA VII.

Edit. 222.

SCRIPSERAM Regi, arguens eum super malis quæ sunt in Regno eius, ip-
sius (sicut dicitur) assensu. Et quod rescripsit, dignum duxi vobis, qui de
Consilio eius estis, insinuandum. Miror enim, si ita credit vt loquitur: & si non
credit, quomodo conscio mihi utique omnium (sicut scitis) quæ ad pacem refor-
mandam facta fuerunt, ista persuadere conatur. Ait enim, sicut potestis videre in
Literis eius, cum malè seruata ex parte Comitis pacta conaretur ostendere: Ad-
huc suspensi manent Episcopi nostri, adhuc Terra nostra interdicta est. Quasi ve-
rò cuiusquam Ecclesiastici absolutio interdicti ad Comitem THEOBALDUM
pertineat, aut hoc ipse aliquo modo pepigerit se facturum. Illusus est, ait, Comes
RADULPHVS, & iterum religatus est. Et hoc quid ad Comitem Theobaldum?
Nónne quicquid de hac re promisit, fideliter elaborauit, & efficaciter adimpleuit?
Ille verò deprehensus est in astutia sua, & cecidit in foueam quam fecit. An est
hoc totum, cur irrita faceret Rex pacta sua, quæ distinxerunt labia vestra? An pro-
pter hoc decuit incandescere iram Regis contra Deum & Ecclesiam eius, contra
seipsum & Regnum suum? Irâne propter hoc debuit obliuisci honoris sui, vt ad
debellandum hominem suum, quem non dico diffidauerat, sed nec submonuerat
vel posuerat ad rationem, mittere fratrem suum, idque per Catalaunum: de qua
potissimum ciuitate scitis, quid Rex cum Comite Theobaldo pepigerit? Sed Rex
adhuc aliud addit, quod matrimoniis sic molietur coniungere contra eius fidelita-
tem Comitem Flandrensem & Sueffionensem. Et de fidelitate quidem suspicio
est, non certitudo. Porro inanes suspiciones certis pactionibus præiudicare, quale
sit, vos videritis. Quanquam id omninò credendum non fuerit de tali viro. Nun-
quid enim hostes sunt Regis, quibus alligatur Comes, & non magis homines eius,
& eius amici? Nónne consanguineus Regis, & sicut fatetur, baculus Regni, Co-
mes Flandrensis est? Quid ergo contra Regis fidelitatem facit eius homo, & fide-
lis ipsius, si aliis eius amicis suorum matrimoniis copulatur? Nónne si quis simplici
oculo rem, vt est, consideraret, magna potiùs pax Regni, magnúmque robur, &
magna posset putari securitas? Illud autem miror, quomodo Rex dicere non ti-
muerit, cognoscere se quia nouerim ego Comitem Theobaldum in partem suam
contra Regem Comitem Radulphum trahere attentasse. Nam & viua voce nun-
cio nostro plus dixit, quàm scripserit: quod mandauerim sæpiùs dicto Radulpho

A maximam partem peccatorum eius me suscipere, si vellet Comiti Theobaldo adherere. Si datus est homo ille, per quem ista mandauerim, veniat & arguat me palam. Si scripsi Literas, proferantur in medium. Viderit ipse, cui crediderit: certus ego sum, quia numquam nouerim quod imponit. Idem arbitror & de Comite Theobaldo, quia & ipse omnimodis diffitetur. Videat proinde Deus, & iudicet quòd nunc de suspitione Comes Theobaldus arguitur ab eo, qui manifestè contra pactiones suas ipsum sibi attrahit Comitem Radulphum: contra Dei præcepta, contra sententiam summi Pontificis adultero & excommunicato communicans. Ait quoque Rex: Penè habuimus duos grauissimos oppugnatores. Et Propheta subsannans respondet: *Ibi trepidauerunt timore, ubi non erat timor.* Ecce, inquit, oppugnamur, qui non oppugnauius: persecutionem patimur, qui non persecuti fuimus. Quis oppugnat obsecro? quis oppugnat? quisue persequitur? Nónne Comes obsecrat, & humiliatur: honorare paratus ut Regem, seruire & obsequi tanquam Domino suo, obnixè pro pace supplicans, & bonam Regis, quod in se est, sibi conciliari satagens voluntatem? Esto quòd non sit ita, sed magis Comes Regi mala omnia moliatur: nónne ad id, quod statutum fuisse scitis, fuerat recurrendum? Sic enim inter se pepigerunt, ut si qua de conuentionibus illis controuersia aut dissensio nasceretur, nihil mali sibi inuicem facerent aut quærerent, donec coram nobis tribus pariter & domino Altissiodorensi ventilata res esset, atque discussa: qui & tunc mediatores fuimus, & si quid emergeret controuersia, debuimus esse reconciliatores. At id modò omnimodis Comes flagitat, sed Rex abnuuit. Denique, esto quòd omninò malè meruit Comes: sed Ecclesia Dei quid meruit? Quid, inquam, meruit non iam sola Bituricensis Ecclesia, sed & Catalaunensis, etiam & Remensis, etiam & Parisiensis? Habeat Rex aduersus Comitem ius: sed de quo iure, obsecro, de quo iure præsumit, ut Ecclesiarum possessiones & terras deuastet, ut Christi ouibus Pastores præfici non permittat: ut his quidem electorum promotionem prohibeat, aliis verò (quod hætenus inauditum est) dilationem electionis inducat, donec vniuersa consumpserit, donec diripuerit pauperum facultates, donec penitus desoletur terra? An vos ei consulitis talia? Mirum valde, si contra vestrum consilium fiunt hæc: mirum magis & malum, si vestro consilio fiunt. Etenim consulere talia, manifestè scisma fabricare est, Deo resistere; Ecclesiam ancillare, & nouam in seruitutem Ecclesiasticam redigere libertatem. Si quis Dei fidelis, si quis Ecclesie filius est: profectò stabit & opponet se, quoad poterit, murum pro domo Dei. Nam & vos ipsi si pacem desideratis Ecclesie, sicut oportet filios pacis: quomodo non dicam tractatis ea, sed vel interestis consiliis tam malignis? Quicquid enim mali fecerit, meritò non Regi iuueni, sed Consiliariis imputatur senibus.

Ad Stephanum Prænestinum Episcopum. EPIST. VIII.

C

L OQVITVR Hieremias ad Deum pro aduersariis suis, ita dicens: *Recordare Domine quòd steterim in conspectu tuo, ut loquerer pro eis bonum, & auerterem indignationem tuam ab eis.* Et infert: *Propterea, inquit, da filios eorum in famem & deduc eos in manus gladij.* Et adhuc alia in hunc modum æquè graua imprecatur illis. Quòd propterea nunc apud vestram reuerentiam memorandum putaui, quoniam simile mihi aliquid cum Propheta video accidisse. Vos enim scitis, quomodo ego quoque pro Rege steterim in conspectu Domini mei, corpore quidem absens, sed præsens spiritu, ut loquerer pro eo bonum. Bona siquidem pollicebatur. Nunc autem ipso reddente pro bono malum, cogor contraria scribere. Pudet erroris, & falsæ spei, quam de eo conceperam, & gratias ago quòd pro eo simpliciter supplicans non fuerim exauditus. Putabam me deferre Regi pacifico, & ecce inuenior grauissimo hosti Ecclesie assentasse. Conculcantur apud nos sancta, Ecclesia turpiter ancillatur. Nam & electiones Episcoporum prohibentur fieri, & sicubi id præsumptum à Clericis fuerit, electus episcopari non sinitur. Denique sedet in tristitia Ecclesia Parisiensis, proprio destituta Pastore, & nemo est qui de substituendo alio mutire audeat. Non sufficit spoliari bonis præsentibus domos Episcopales: etiam in terras & in homines manus sacrilega circumquaque defœuit, totius insuper anni ex eis sibi reditus vendicando. Vestra Catalaunensis fecit qui-

LYDOVICVS
VII. IV-
NIO R.

Psalm. 135.

edit. 114.
Hier. 18.

LVDOVICVS
VII. IV-
NIOR.

dem electionem, sed qui electus est, ecce iam diebus multis debito honore frustra-
tur, & scitis quàm non absque graui gregis Dominici detrimento. Commisit Rex
germano suo ROBERTO vices Episcopi, & ille in cunctis terris rebusque Ec-
clesiæ potestatiue versans, & pro vice sua vbique haud segniter agens, infert cœlis
quotidianas hostias, non planè pacificas: clamores pauperum, lacrymas viduarum,
planctus orphanorum, gemitus compeditorum, & sanguinem interfectorum. Ve-
rùm angustus est maliciæ eius ille Episcopatus. Remensem inuadit, atque in Ter-
ra Sanctorum iniqua gerit, non Clericis, non Monachis, non Sanctimonialibus
parcens. Denique sanctæ Mariæ, sancti Remigij, sancti Nicasij, sancti Theodori-
ci terras fructiferas, & villas populosas ita in ore gladij deuastauit, vt penè in solitu-
dinem redegerit vniuersas. Frequens in omniù auribus vox: *Hereditate possideamus
sanctuarium Dei.* Sic Rex emendat quod in Ecclesiam Bituricensem Herodiano iu-
ramento commisit. Præterea Rex nobis quidem non parantibus, pacem cum
Comite Theobaldo fecerat, firmæ vt putauimus amicitie foedus inierat: & ecce
occasionem quærit quomodo recedat ab amico. Atque hoc grande crimen, quod
impingitur Comiti, quia cum Baronibus, Regis de liberis suis contrahit matrimo-
nia. Suspecta est illi dilatio charitatis, nec se putat Regem, si se amauerint Prin-
cipes. Coniiciat prudentia vestra, quid animi erga subditos gerat, qui de odio at-
que discordia, si fuerit inter suos, se æstimat fortiorem. Videat & perpendat, si est
hic homo à Deo, qui in suorum magis mutua similitudine quàm caritate confidit, cum
caritas sit Deus. Quod minimè faceret, si sapientiam illius haberet, qui ait: *Fortis
est ut mors dilectio, dura sicut infernus emulatio.* Præterea ergo pacis conuentiones &
constitutiones manifestè transgreditur, nec tenet pacta sua, quæ distinxerunt la-
bia sua. Denique reuocauit in domum suam, & ad consilium suum, virum adul-
terum & excommunicatum, quem ex constituto eiecerat: & pro exercenda maio-
ri malitiâ, aliis multis nequam æquè excommunicatis, periuris, incendiariis, ho-
micidis, Rex & Aduocatus Ecclesiæ, aduersus Ecclesiæ (quod non est dubium)
amatorem & defensorem denuò sociatur, iuxta illud Prophetæ: *Si videbas furem,
curcubas cum eo, & cum adulteris portionem tuam ponebas.* Ad hæc cogit suo more Epi-
scopos ad maledicendum benedicendis, & iterum benedicendum maledicendis.
Et quoniam non obtemperatur pro suo libitu sibi, circuit mare & aridam vt inue-
niat iuratores, quorum periuriis quos fortassis Deus coniungit, per homines sepa-
rentur. Qua fronte, obsecro, tantopere aliis præscribere de consanguinitate labo-
rat, homo cum sua (quod palam est) tertio consanguinitatis gradu fermè perma-
nens consobrina? Et quidem inter filium Comitis Theobaldi & Comitis Flan-
drensis filiam, & item inter Comitem Sueffionensem & filiam Comitis Theobaldi,
si consanguinitas sit nescio. Scienter enim illicita matrimonia nec laudaui vn-
quam, nec laudo. Sed sciatis vos, & sciat Dominus meus, prohiberi horum nu-
ptias: si quomodo cōiungi fas fuerit, exarmare Ecclesiam est, & multam illi subtra-
here fortitudinem. Nec aliam puto aduersantium ipsis nuptiis intentionem, nisi
vt in terris præfatorum Principum non possint habere refugium, quicumque au-
debunt contradicere schismati quod minantur. Huc vsque zelus meus. Non pos-
sum enim ego emendare quod potui redarguere: potui & commonere eum qui
possit. Zelus Domini mei faciet hoc. Ipsum duxi necessarium in magno Ecclesiæ
labore atque periculo compellandum, & per nullum digniùs quàm per vos, qui
eius lateri & spiritui adhæretis. Apud quem, quæso, habete me excusatum, quod
Rege mutato mutauerim stylum, qui ad ipsum Deum Dei Prophetam dixisse sci-
tis: *Cum viro innocente innocens eris, & cum peruerso peruerteris.*

Ad LVDOVICVM Regem Francorum. EPIST. IX.

Edi. 116.

LVDOVICO Dei gratiâ illustri Regi Francorum, & Duci Aquitanorum, Hugo Al-
tisiodorensis qualiscumque Minister, Bernardus Clarenallis Abbas, diligere iustitiam,
& iudicare terram sapienter. DIV est quod egressi de domibus nostris, postpositis
propriis vtilitatibus, pro pace vestra & Regni fideliter (sicut nobis Deus est testis)
laboramus. Tristamur autem quod aut nullum, aut exiguum nostri laboris fructum
adhuc tenemus. Adhuc pauperes clamant post nos, adhuc terra vadit quotidie in
desolationem. Quæritis, quæ terra? Vestra, non alia. Intra Regnum enim, &

A contra Regnum vestrum, ista omnia mala perpetrantur. Nam siue amici siue inimici vestri sint, qui de guerra ista pauperantur, captiuantur, conteruntur: non aliunde quàm de Regno vestro sunt. In quo manifestè iginere iam iamque videtur sermo Saluatoris dicentis: *Omne Regnum in se ipsum diuisum desolabitur*. Huc accedit, quòd ipsi diuisores & desolatores vos constituerunt sibi huius nequitiae caput & principem, quem præcipuè debuerant metuere defensorem, & sentire ultionem. Nos tamen credebamus vos tactum à Deo & illuminatum tantam illorum nequitiam aduertisse, & errorem vestrum agnouisse, & cupere omnino consiliis sanioribus à laqueo isto retrahere pedem. Ceterum ab hac spe penè deiecit nos colloquium illud habitum nuper inter nos apud Corbolum. Scitis enim quomodo & quàm irrationabiliter (vt pace vestra dixerimus) à nobis tunc recessistis. Vnde factum est, quòd sermonis illius, qui vobis in dicto nostro displicuit, reddere ad liquidum rationem pro vestra nobis turbatione non licuit. Quam si expectare placido corde dignaremini, forsitan cognouissetis & vos quòd nū vobis indecens aut importabile dictum fuisset, secundum quod iam res vestra processit. Nunc autem sine causa turbatus, turbatos nos & confusos, & quid faciamus dubios anxiosque tenetis homines, qui vobis bona cupiunt & quærunt. Quod non est aliud, nisi quia fraus iniquorum & rumusculi parum scientium hominum, dicentium malum bonum, & bonum malum, conturbant vos. Verùm nos etsi conturbati; non tamen omnino desperati de auxilio spiritus, quem vestrum animum salubriter super malis præteritis concussisse persensimus, adhuc stamus & expectamus vt redeatis ad cor: & quod prudenter cœpistis, efficaciter compleatis. Huius rei gratia misimus Fratrem charissimum nobis Andream de Baldemento, qui vobis ista plenius viua voce insinuet, & quicquid ad hæc respondere placuerit, fideliter renunciet nobis. Si autem persistitis (quod absit) non acquiescere sanis consiliis, mundi nos sumus à sanguine vestro: Deus non permittet Ecclesiam suam, siue à vobis, siue à vestris diutius conculcari.

Ad eundem.

EPISTOLA X.

LVDVICO Dei gratiâ excellentissimo Regi Francorum, Bernardus Clarenallis vo-
latus Abbas, fidelis suus, salutem à Rege regum, & Domino dominantium, ipsi & dilectæ eius & filiis eius. REGNA terræ & iura Regnorum tunc sanè sana suis dominis atque illæsa persistunt, si diuinis ordinationibus ac dispositionibus non resistunt. Cur, Domine, irascitur furor tuus contra Dei electum, quem tua quoque sublimitas suscepit & prælegit, tibi quidem in Patrem, filio autem tuo in Samuelem? Armatur regia indignatio non planè in extraneos, sed in semetipsum & suos. Non mirum si, iuxta Scripturam, ira viri iusticiam Dei non operatur, quæ propriæ quoque utilitatis, sed indignitatis, sed salutis facit sæpè vt nec manifestū omnibus aduertat periculum, sentias damnum. Colligitur Concilium. Quid in hoc detrahitur regis gloriæ, Regni utilitatibus? Ibi vniuersæ Ecclesiæ cōmendabitur ac rememorabitur Excellentiæ vestræ prompta & specialis deuotio: quòd Regum primus, aut certè inter primos rabiei persequentium eandem matrem vestram strenuissimè & Christianissimè defendendo obuiastis. Ibi gloriose ab ingenti illa multitudine debitz gratiæ referentur vobis, ibi à millibus sanctorum orabitur pro vobis & vestris. Alias autem quàm sit hoc tempore necessarius Conuentus Episcoporum, nullus ignorat, nisi qui durus corde matris Ecclesiæ angustias non attendit. At calor, inquiunt, nimius est: quasi nos glacialia corpora habeamus. An corda nobis magis congelata sunt, & nemo est, qui (iuxta Prophetam) compatiatur super contritione Ioseph? Sed hæc aliàs. Nunc autem ego minimus in Regno vestro, sed dignitate, non fidelitate, dico vobis, non expedit velle impedire tantum & tam necessarium bonum. Nec desunt euidentes causæ, quibus id manifestum facere possem, quas & nunc proferre in medium ad manum mihi est, nisi quòd sat arbitror dictum sapienti. Tamen si quid ex Apostolicæ auctoritatis rigore processit, vnde se meritò esse turbatam Celsitudinis vestræ serenitas arbitratur, qualiter hoc ipsum reuocetur, aut temperetur prout oportet ad honorem vestrum, fideles vestri qui adhaerent totis viribus enitentur. Interim nos quoque, si quid possumus, non dissimulabimus.

LVDOVICVS
VII. IV-
NIOR.
Matth. 18.

Edit. 1551

SCIS quia diligo vos, sed quantum, nouit Deus melius quam vos. Me quoque diligere à vobis non dubito, sed propter Deum. Quem si offendero, non erit quod me diligere debeatis, cum iam non fuerit in causa Deus. Quis enim ego sum, ut de me tantillo tantus Princeps curetis, nisi quamdiu Deum in me esse credetis? Ergo ut offendam eum, fortassis nec vobis expedit. Offendo autem proculdubio, si facio quod requiritis. Nam honores & dignitates Ecclesiasticas non ignoro deberi his, qui eas dignè ac secundum Deum administrare & velint, & possint. Porro eas acquiri paruulo filio vestro precibus meis vel vestris, nec vobis iustum, nec mihi tutum esse noueritis. Nam nec cuiquam vel adulto plures in pluribus Ecclesiis habere licet, nisi dispensatoriè quidem ob magnam vel Ecclesiæ necessitatem, vel personarum vtilitatem. Quamobrem si vobis videtur hic durus sermo, & placet quod cogitastis implere: parcite mihi in hoc. Nam vos satis, ni fallor, per vos & per alios amicos vestros istud obtinere potestis. Ita nec vos minus quod vultis efficitis, nec ego peccaui. Sanè VVILLELMVLO nostro cupio benè per omnia, sed ante omnia Deum. Hinc est quod contra Deum nolo aliquid habere, ne non habeat Deum. Quod si aliud secus voluerit, nolo per me habeat, ne perdam & ego Deum. Vbi verò emerferit quod secundum Deum habere possit, probabo me amicum, & operam meam, si opus fuerit, non negabo. Apud amatorem iustitiæ in excusando eo quod pro iustitia est, non multum mihi laborandum. Vos autem apud Comitissam per ea quæ vobis rescripsi, habete me excusatum.

LYDOVICO IVNIORI Regi Francorum. EPIST. XII.

SI homo ille de Britannia dimittere vellet adulteram, ut posset solui anathematis vinculo quo tenetur, ut illa paternam hereditatem suam secundum diuisionem suam quam fecit cum fratre suo, à vobis requireret, etsi hoc ipso indigna: non esset forsitan recusandum, ut proinde potentis viri seruitium & auxilium haberetis. Alioquin non est consilium humilis fidelis vestri, concedi vllatenus aut terram extraneo, aut vestri fauorem dominij excōmunicato & incestuoso: ne (quod Deus auertat) quandoque & vos audiat: *Si videbas furem currebas cum eo, & cum adulteris portionem tuam ponebas.* Nec tamen verbum præcipitanter & quasi ex abrupto rumpere consuluerim. Agendum autem per fidelem & prudentem nuncium, quatenus si fieri potest, induciatur, & tempus redimatur. Quod si & hoc ille renuerit, & malignari maluerit, fidendum in Domino quia non præualebit: quoniam quidem iustitia, quæ cum Rege est, erit pro Rege. Nescio autem an Episcopus ad hoc conueniens satisque idoneus sit: non quia fidelis non sit, & quidem fidelissimus, sed quia odit illum, nec suum, ut vereor, consilium credit ei. Ipse tamen paratus est pro vestra voluntate ad omne, quod cum Dei voluntate facere poterit. Si quid est quod quasi ex parte mea vobis secreti suggerat, à me hoc illum accepisse sciatis, & tanquam ex ore meo id accipiat. Homo est enim quem multum diligo, & satis credo ei, vósque illi, ni fallor, credere quod volueritis securè potestis.

EPISTOLA XIII.

AMANTISSIMO Patri Petro Dei gratiâ venerabili Cluniacensi Abbati, Frater Bernardus de Claraualle salutem, & quas potest orationes. GRAVEM nimis ac miserabilem Orientalis Ecclesiæ gemitum ad aures vestras, imò ad ipsa etiam penetralia cordis arbitror peruenisse. Dignum quippe est ut secundum magnitudinem vestram, magnum exhibeatis eidem vestræ & omnium fidelium matri compassionis affectum, præsertim tam vehementer afflictæ, tam grauiter periclitanti. Dignum, inquam, ut tantò ampliùs comedat vos zelus domus Dei, quantò ampliore in ea locum ipso auctore tenetis. Alioquin si duramus viscera, si obduramus corda, si plagam hanc parui pendimus, nec dolemus super contritione: ubi nostra in Deum charitas, ubi dilectio proximorum? Imò verò, si non satagimus quanta possumus sollicitudine, consilium aliquod & remedium tantis malis tantisque

A tisque periculis adhibere: quomodo non ingrati conuincimur esse Dei, qui abscondit nos in die malorum, in tabernaculo suo? Iustius perinde & vehementius puniendi, ut pote tam diuinæ gloriæ, quàm fraternæ salutis negligentes. Hæc vobis tam fiducialiter, quàm familiariter duximus suggerenda: ob gratiam utique, qua nostram indignitatem excellentia vestra dignatur. Nam & Patres nostri Episcopi Franciæ vnà cum Domino Rege & Principibus tertia die Dominica post Pascha apud Carnotum urbem venturi sunt, & de verbo hoc tractaturi: vbi vtinam mereamur habere præsentiam vestram! Quia enim magnis omnino magnorum virorum consiliis hoc verbum constat egere, gratum profecto obsequium præstabitis Deo, si negotium eius non duxeritis alienum, sed charitatis vestræ probaueritis zelum in opportunitatibus, in tribulatione. Nostis enim, Pater amantissime, nostis, quoniam amicus in necessitate probatur. Confidimus autem quod magnum huic verbo prouentum præsentia vestra præstabit, tum pro auctoritate sanctæ Chuniacensis Ecclesiæ, cui Deo auctore præestis, tum maximè pro sapientia & gratia, quam vobis ipse donauit ad utilitatem utique proximorum, & suipius honorem. Qui vobis etiam nunc inspirare dignetur, ut non grauemini venire, & seruis suis in nomine eius, & pro zelo ipsius nominis congregandis, vestram admodum desiderabilem conferre præsentiam.

LYDOVICVS
VII. IV-
NIOR.

B

EPISTOLA XIV.

DOMINO Sugerio Abbati beati Dionysij, Frater Bernardus de Claraualle, salutem Edit. 365.
& orationes. Sic scripsi ad Dominum Regem. Opus grande & conus inestimabile suscepistis, quod à nemine nisi diuina virtute possit portari. Supra vires est hominis negotium vestrum. Sed Deo facile est, quod hominibus est impossibile. Si hæc scitis, cauendum vobis summopere est; ne qua occasione tam necessarium repellatis auxilium; ne qua suggestionem Deum offendatis, & gratiam eius vobis reddatis infensam. Cauendum, inquam, nunc maximè, ne quando prouocatus à vobis irascatur Deus, & auertat faciem suam à vobis, ac manum trahat adiutorij. Siquidem periculum hoc non ad solum Regem spectat, sed ad vniuersam Ecclesiam Dei: quia ex hoc iam vestra & totius mundi vna est causa. Quorsum hæc tendant, audite. Festino quidem ad vos, sicut vbi hæc Litteræ, aliis iam Litteris, vigiliam beatæ Mariæ Magdalene Lauduni facturus. Sed præmonere vos & præmunire curavi. Audiui enim quod festinet Comes Andegauensis alligare vos fide & sacramento, super matrimonio contrahendo inter filium suum, & filiam vestram. At hoc quidem non tantum non expedit, sed non licet, non modò alias ob causas, sed quia titulus consanguinitatis id prohibet, sicut veridica attestazione cognouimus, matrem Reginæ & puerum istum, filium Comitis Andegauensis, in tertio consanguinitatis gradu inueniri. Propter quod omnimodò monemus, ne faciatis hanc rem: sed timeatis Deum, & declinetis à malo. Promisistis vos nulla ratione sine consilio nostro id facturum: & si dissimulaui, ipse peccaui. Hoc ergo consilium nostrum, ut nullomodo id faciatis. Si feceritis, sciatis vos & contra consilium nostrum, & contra consilium multorum diligentium nomen vestrum, & etiam contra Deum fecisse. Et nolite putare quod acceptum sit Deo sacrificium vestrum, cum sit ex parte: ut pro alieno sollicitus Regno, proprio non parcatis, disponendo illud contra Deum, contra ius & fas, & contra utile atque honestum. Liberaui animam meam: liberet & vestram Deus à labiis iniquis, & à lingua dolosa.

C

EPISTOLA XV.

REVERENDO PATRI & amico nostro charissimo Sugerio Dei gratia Abbati Edit. 366.
sancti Dionysij, Frater Bernardus Claraualensis vocatus Abbas, salutem & qualescumque nostras orationes. Ad Litteras paternitatis vestræ respondere breuius, temporis angustia coëgerunt. Iam enim aduersperascebat ea die, qua Litteras

Tom. I V.


Q9

LYDOVICVS
VII. IV-
NIOR.

Psal. 1.

Psal. 25.

illas accepi : & necesse erat sequenti die ad Cisterciense Capitulum proficisci. A
Proindè respondeo breuiter, & volo vt omninò longè fiat à vobis, ne aliquan-
do veniat in cor vestrum, quod de vobis vllò modo crediderim, vestro consilio
& voluntate fieri mala, quæ plangimus. Verùm vnum fuit, quia zelo vrgente
ductus, ipsum vobis zelum exprimere, imò & imprimere atque ingerere labo-
rabam, vt vestram quoque sanctitatem inflammaret affectus. Alterum fuit, quòd
licèt benè sentirem de conscientia vestra, plurimum tamen contristabar de fa-
ma, & scandalo, quod est in Ecclesia Dei. Quòd si acquiescere nolunt maxi-
mè in huiusmodi rebus: quid facietis inter eos? Quare de vobis illi se palliant?
Nónne oportet vos omninò alienare à sacrilegis illis, & longè fieri ab eis? vt
securi de conscientia, decanteris: *Odiui Ecclesiam malignantium, & cum impiis non
sedabo.* vt nouerit omnis Ecclesia Sanctorum, alienam ab eorum numero & con-
fortio vestram innocentiam esse. Proinde memoramini principium loquendi Do-
mino, in Propheta, & inuenietis beatum virum esse qui non abiit in consilio im-
piorum. Illud autem credaris, nunquam malè me sensisse de vobis. Noui enim
vos, & puritatem vestram. Valete, & orate pro nobis.



PETRI VENERABILIS^B ABBATIS CLVNIACENSIS EPISTOLÆ HISTORICÆ.

EPISTOLA I.

*Edir. Lib.
II. Epist. 32.*



NOBILISSIMO: *Principi & charissimo amico nostro domno AMEDEO
Comiti & Marchioni, Frater Petrus humilis Cluniacensium Abbas, sala-
tem & aterni participium principatus.* GLORIOSVS Rex Franco-
rum LYDOVICVS, & antè miserat, & nunc iterum nobis misit
Nuncios suos: quos & vobis dirigi, & per manum nostram quod à

vobis petierint impleri, rogauit. Qui quamuis per seipsum, vt pote insignis
flos & præfulgidum germinis vestri sidus, cuncta quæ voluerit apud vos debeat
obtinere: quia tamen me precum suarum mediatorem elegit, rogo vt sicut ip-
se hoc per me petendo, efficacius se impetrare confidit, ita vos largiendo, non
frustra eum istud sperasse monstreris. Cùmque ipse superna gratiâ & Regni ter-
minos penè duplicando, & iuueniles annos virtutibus adornando, summa ve-
stri generis gloriâ sit: non debet aliquam in precibus suis pati repulsam, cui &
regia magnitudo, & sanguinis communio, cuncta de vobis sperare suadent. Et
cùm deriuato à patre nomine, Regis patruus dicamini: decet vos & eius Re-
gno consulere, & ipsi vt filio in omnibus prouidere. Quod vtrumque simul im-
plebitis, si eum in præsentì negotio audieritis. Sed nolui illud his, quas mit-
to, Litteris inferere, quia plenius id ab ore nunciantis, quàm à manu scriben-
tis, accipere poteritis. Hoc postquàm agnoueritis, quod tamen & iam audi-
stis, oro ne innocenti puero patrum peccata, ne Reginæ vel Regalium aulico-
rum veteres forsitan culpæ, nouo Regi noceant: quia iuxta diuinam Prophe-
tæ sententiam, *Non portabit filius iniquitatem patris, nec pater iniquitatem filij.* Da-
te operam, quod & facere pro cunctis mortalibus, natura ipsa compellente, de-
betis, profectibus & honori ipsius: quoniam & in profectu eius vos proficere,
& honorem ipsius vobis, vt credo, gloriam patere sentietis.

Exech. 18.

EPISTOLA II.

LYDOVICVS
VII. LV-
NIOR.

Edit. Lib. IV.
Epist. 3.

SUMMO Pontifici & nostro speciali Patri Domino Papa INNOCENTIO, Frater Petrus humilis Cluniac. Abbas, obedientiam & amorem. Si quid minus sapienter dixerō, rogo ut pietas paterna suppetat. Nam fortassis ineptum esse poterit, sed indeuotum erga vos esse non poterit. Pro Domino Rege Franciæ, magno, nobili, & speciali filio vestro, benignitatem Apostolicam deprecor: ut quia non solum Rex est, non solum magnificus rector Christiani populi est, sed etiam quia opus manuum vestrarum est, quem ad Regnum prouexistis, quem sacris manibus vestris inunxistis, quem Gallis nostris potentiorē patribus Regem designastis: si quid fortē adhuc ut ætate iuuenis inconsultē egit, ei condescendatis, & eius fortē errorem sapientiæ vestræ velamine contegatis. Est enim patris, ut filij, & maximē tanti, & errorem emendet, & honorem conferuet. Hoc pro dispendio, quod inter ipsum & dominum Bituricensē Archiepiscopum est, dico. Est enim, sicut sensi, res non levis, & ne de graui incēpto grauiorem vergat in exitum, multum cauenda. Spiritus autem consilij, qui spirat ubi vult, qui per vos Ecclesiæ suæ per totum Orbem diffusæ assiduē consulit: etiam nunc per vos Regno Franciæ non vili portioni Ecclesiæ suæ consulat: & tam de his, quàm de omnibus, vnctio eius cor vestrum edoceat. Nam non est meum ultra procedere, vel sapientiam vestram, cui per Dei gratiam vtile consilium non deerit, quid in isto negotio agendum sit, edocere. Præterea notum facio, Luxouienſe Monasterium, cui anno præterito per Fratres nostros Cluniac. prouidere voluistis, & verē, sed breui tempore prouidistis, in deteriore statum quàm prius fuerat relapsū, omni penē monastica Religione & obseruantia destitutū, parum à secularibus differre: in tantum ut quod priscis temporibus cuncta Galliarum Monasteria anteibat, nunc penē vniuersa vix à longē sequi videatur. Additur ad hoc malum hebetudo, ne dicam stultitia, Pastoris: qui ita gregi proprio præest, ut iam ferē de Abbate nihil ei nisi nomen supersit. Quid plura dicerem? *Omne Esai. 1. caput languidum, & omne cormarens: à planta pedis vsque ad verticem non est in eo sanitas.* Prouideat pater filiis.

EPISTOLA III.

DILECTO, & per omnia diligendo ac venerando amico nostro, domno Sugerio Abbati sancti Dionysij, Frater Petrus humilis Cluniacensium Abbas, salutem. O infelix fors hominum, & si dici fas esset, fortuna miseranda! Video sæpē inuitis oculis quod videre nollem. Videre non possum saltem per multa secula semel, quos assiduē cernere exoptarem. Ad quid istud? instant & astant mihi sæpē seculares, & duri rerum secularium exactores: quos si possem, ut dixi, summo studio euitarem. Dilectum verō meum illum, illum inquam meum etiam antequam meum, dilectum Abbatem sancti Dionysij, & ante vtriusque Abbatiam mihi charum, & post de charo charissimum factum, nec post longa tempora videre possum. Retinet eum Francia, nostræque semper illum Burgundiæ inuidet: ut nunquam illum apud Cluniacum nisi semel videre potuerim. De hoc igitur familiarem querelam depono, gratias quas possum agens, quod licet seipsum nobis subtraxerit, beneficia tamen multimoda exhibere non desinit. Attestantur hoc Fratres nostri in vestris partibus commorantes: dicentes in causis & necessitatibus suis, non modò Patrem Monasterij sancti Dionysij, sed & suum Cluniac. in vobis inuenisse Abbatem. Dolco indē tamen, non quia vos semper nobis gratis gratus: sed quia nos nil inuenientes quod rependere possimus, vestris beneficiis semper videmur ingrati. Interim rogo quantum possum, & supplico; ut vel Dei, vel amicitie, vel Regni vestri, in cuius vltimis partibus constituti sumus, occasione, in Cluniaco vestra ante proximē futuram hyemem vos videamus. Credo & si veneritis, quā, iuxta prophetiam, non tantum in futura vitā, de qua hoc dictum est, sed etiam in præſenti gaudium & lætitiā videbitis, & gaudebitis, & lætabitur cor vestrum.

Tom. I V.

Qq ij

LYDOVICVS
VII. IV-
NIOR.

EPISTOLA IV.

Edis. Lib. 4.
Epist. 36.

ILLVSTRI ac magnifico Principi, Domino LYDOVICO glorioso Regi Franco-
rum, Frater Petrus humilis Cluniacensium Abbas, feliciter hic regnare, Regemque
Regum in regno ac decore suo videre. LICET Regis æterni militiam, quam per
te Regem terrenum contra inimicos crucis suæ armare disposuit, ad peregrina-
euntem comitari non valeam: deuotione tamen, oratione, consilio, & auxilio,
quali quantòve potero, prosequi concupisco. Nec mirum. Quis enim vel vlti-
mus Christiano nomine insignitus, ad tantam tamque stupendam exercitus Do-
mini Sabaoth commotionem non moueatur? quis ad iuuandam pro modulo suo,
totis animi conatibus, cœlestem expeditionem non accingatur? Renouantur iam
nostro tempore antiqua secula, & in diebus nouæ gratiæ, vetusti populi miracu-
la reparantur. Processit de Ægypto Moyses, Regesque Amorrhæorum cum sub-
iectis populis deleuit. Successit ei Iosue, Regesque Chanaanorum cum infini-
tis gentibus Dei iussu prostrauit, terramque illam, extinctis impiis, illi tunc Dei
populo sorte diuisit. Egrediens ab vltimis occidui plagæ finibus, immò ab ipso
solis occasu, Rex Christianus, Orienti minatur, & nefandam Arabum vel Per-
sarum gentem, sanctam Terram rursus sibi subiugare conantem, cruce Christi
armatus aggreditur. Magni quidem & vitæ sanctitate modernos Principes su-
perantes enituerunt illi Principes Iudæorum: non tamen modo quodam potio-
res, immò fortassis inferiores videntur hoc Rege Christianorum. Delent illi
iussu Dei, vi bellica prophanos populos, terrasque eorum vindicant Deo ac sibi. B
Delebit & iste nutu, iussuque eiusdem Dei, hostes veræ fidei Sarracenos, terras-
que eorum subiugare laborabit Deo, non sibi. Implent illi præcepta diuina, spẽ-
que terrenæ mercedis ex quadam parte militaribus rebus insudant. Exponit iste,
& immolat Deo Regnum, opes, vitamque ipsam: non vt aliquid terreni Rex
magnus in mundo lueretur, sed vt post mortalis Regni defectum à Rege regum
honore & gloria coronetur. Non destituet ergo certa sublimisque victoria Re-
gem, magisque cœlestibus quàm terrenis armis munitum: nec exercitui Dei vi-
uentis quantalibet Orientalis Barbaries resistere præualebit. Quis enim eis resi-
stere possit, qui honores, qui diuitias, qui voluptates, qui ipsam cum parentibus
patriam, etsi omninò relinquentes, Christum suum sequi: ipsi laborare, ipsi pu-
gnare, ipsi mori, ipsi viuere elegerunt? Quis, inquam, potest illius exercitui ob-
sistere in terra, qui dixit de seipso: *Data est mihi omnis potestas in cælo & in terra?*
Quam potestatem licet in homine, quem causa hominum suscepit, à Deo accepe-
rit: hanc tamen ab æterno vt Deus verus habuit. Sed quid proderit inimicos Chri-
stianæ spei in exteris aut remotis finibus insequi, ac persequi: si nequam blasphem-
mi, longè Sarracenis deteriores Iudæi, non longè à nobis, sed in medio nostri,
tam liberè, tam audacter, Christum, cunctaque Christiana Sacramenta impune Q
blasphemauerint, conculcauerint, deturpauerint? Quomodo zelus Dei com-
edet filios Dei, si sic prorsus intacti euaserint summi Christi ac Christianorum in-
imici Iudæi? An excidit à mente Regis Christianorum, quod olim dictum est à
quodam sancto Rege Iudæorum? *Nonne, ait, qui oderunt te, Domine, oderam: &
super inimicos tuos tabescebam? Perfecto odio oderam illos.* Si detestandi sunt Sarrace-
ni, quia quamuis Christum de Virgine vt nos natum fateantur, multaque de ip-
so nobiscum sentiant: tamen Deum Deique filium, quod maius est, negant,
mortemque ipsius ac resurrectionem, in quibus tota summa salutis nostræ est,
diffitentur: quantum execrandi & odio habendi sunt Iudæi, qui nihil prorsus
de Christo vel fide Christiana sentientes, ipsum virgineum partum, cunctaque
redemptionis humanæ sacramenta abiciunt, blasphemant, subsannant? Nec ad
hoc ista dico, vt Regalem vel Christianum gladium in necem nefandorum illo-
rum exacuum: quia scriptum de eis in Psalmo diuino recolo, loquente sic in spi-
ritu Dei Propheta. *Deus, inquit, ostendit mihi super inimicos meos, ne occidas eos.*
Non vult enim Deus prorsus occidi, non omninò extingui: sed ad maius tormen-
tum & maiorem ignominiam, vt fratricidam Cain, vitâ morte deteriore seruari.
Nam cum Cain post fraterni sanguinis effusionem Deo diceret: *Omnia qui in me-*

Matth. vii.

2. sal. 138.

Psalm. 38.

A *derit me, occidet me.* dictum est ei. *Non*, inquit Deus, *ut aſſimas, morte morieris.* LVDOVICVS VII. IVNIOR. Genef. 4.
Sed gemens & profugus eris ſuper terram, quæ aperuit os ſuum, & ſuſcepit ſanguinem fratris tui de manu tua. Sic de damnatis damnandiſque Iudæis, ab ipſo paſſionis mortisſque Chriſti tempore, iuſtiſſima Dei ſeuëritas facit, & uſque ad ipſius mundi terminum factura eſt. Qui quoniam Chriſti ſanguinem, utique iuxta carnem fratris ſui, fuderunt: ſerui, miſeri, timidi, gementes, ac profugi ſunt ſuper terram, quo- uſque iuxta Prophetam, miſeræ gentis reliquiæ, iam vocata gentium plenitudine, conuertantur ad Deum: & ſic ſecundum Apoſtolum, omnis Iſraël ſaluus fiat. Non, inquam, ut occidantur admoneo, ſed ut congruente nequitiz ſuo modo puniantur, exhortor. Et quis congruentior ad puniendos illos impios modus, quàm ille quo & damnatur iniquitas, & adiuvatur charitas? Quid iuſtius, quàm ut his, quæ fraudulenter lucrati ſunt, deſtituantur: quæ nequiter furati ſunt, ut furibus, & quod peius eſt, hucuſque audacibus & impunitis, auferantur? Quod loquor, omnibus notum eſt. Non enim de ſimplici agricultura, non de legali militia, non de quolibet honeſto & utili officio horrea ſua frugibus, cellaria vino, maſcupia nummis, arcas auro ſive argento cumulant: quantum de his, quæ ut dixi, Chriſticolis dolosè ſubtrahunt, de his quæ ſurtim à furibus empta, vili precio res chariſſimas comparant. Si fur nocturnus Chriſti thuribula, ipſas etiam ſacras cruces, vel conſecratos calices aſportauerit: cùm Chriſtianos fugiat, ad Iudæos confugit, & apud eos damnabili ſecuritate ſecurus, non ſolùm latibula fouet, ſed & quæ ſacris Eccleſiis furatus fuerit Satanæ Synagogis vendit. Diſtrahit vaſa corporis ac ſanguinis Chriſti, occiſoribus corporis, & effuſoribus ſanguinis Chriſti: qui & tunc eum inter mortales conuerſantem quantis poterant contumeliis & iniuriis affecerunt, & nunc in Maieſtate diuinitatis æternæ ſedentem quantis audent verborum blaſphemiis laceſſere non deſiſtunt. Nec ſacra illa vaſa, quæ penes ipſos, ſicut olim penes Chaldaeos, modo quo prædixi captiua tenentur, licèt ſint inſenſibilia, iniuriarum expertia ſunt. Sentit planè in his, quæ non ſentiunt, ſibi ſacratis vaſis, Iudaïcas adhuc contumelias Chriſtus: quia, ut ſæpè à veracibus viris audiui, eis uſibus cœleſtia illa vaſa ad eiſdem Chriſti noſtrumque dedecus nefandi illi applicant, quos horrendum eſt cogitare, & deſeſtandum dicere. Inſuper, ut tam nefarium furum, Iudæorumque commercium tutius eſſet, lex iam vetuſta, ſed verè diabolica, ab ipſis Chriſtianis Principibus proceſſit: ut ſi res Eccleſiaſtica, vel quod deterius, aliquod ſacrum vas, apud Iudæum reperi- tum fuerit: nec rem ſacrilego furto poſſeſſam reddere, nec nequam furem Iudæus prodere compellatur. Manet multum ſcelus deſeſtabile in Iudæo, quod horrenda morte ſuſpendij punitur in Chriſtiano. Pingueſcit indè, & deliciis affluit Iudæus, vnde laqueo ſuſpeditur Chriſtianus. Auferatur ergo, vel ex maxima parte imminuatur, Iudaïcarum diuitiarum malè parta pinguedo, & Chriſtianus exercitus, qui ut Sarracenos expugnet, pecuniis vel terris propriis, Chriſti Domini ſui amore non parcit, Iudæorum theſauris tam poſſimè adquiſitis non parcat. Reſeruetur eis vita, auferatur pecunia: ut per dexteras Chriſtianorum adiutas pecuniis blaſphemantium Iudæorum expugnetur infidelium audacia Sarracenorum. Seruiant populis Chriſtianis, etiam ipſis inuitis, diuitiæ Iudæorum. Sicut olim, cùm Deo placerent patres eorum, Deo iubente, ſunt eis ad ſeruie- dum traditæ diuitiæ Ægyptiorum. Hæc tibi, benigne Rex, ſcripſi amore Chriſti, tuique atque exercitus Chriſtiani: quia & ſtultum eſſet, nec offeſſâ, ut arbitror, diuina careret, ſi ſacræ expeditioni, cui iuxta congruentem modum im- pendendæ ſunt res Chriſtianorum, multò ampliùs non ſeruirent pecuniæ pro- phanorum.

LVDOVICVS
VII. IV-
NIOR.

EPISTOLA PETRI ABBATIS CELLENSIS.

Edis. Epist. 5.



VENERANDO Patri & Domino Dei gratiâ uniuerſalis Eccleſiæ ſummo Pontifici, Frater Petrus Cella ſancti Petri Trecentis humilis Abbas, quicquid poteſt. QVI noſtram humilitatem alicuius momenti apud ſublinitatem veſtram reputant, vtinam ſpei ſuæ fructum in effectu precum ſuarum inueniant. Hinc enim & veſtra benignior apparebit dignatio, & noſtra confortabitur de vobis gloriatio, & amicorum pro impetratis gratioſior erit exultatio. Amici noſtri, immò veritatis & honeſtatis, ſunt iſti, R. Archidiaconus & Magiſter H. qui pro Præpoſitura Sueſſionienſis Eccleſiæ D. GUILLELMO concedenda, pietatem & prouidentiam veſtram adeunt. Guillelmus verò iſte quàm demagno genere, immò quam de bono ſit, vel cuius filius fuerit, exprimerem: niſi virtutes & probitatem patris eius in omni genere virtutum adhuc in Curia Romana ſpirare ſperaviſſem. Certò quod optabilius eſt, nec ramuſculus ipſe à radicis pinguedine paternæ degenerat. Talem itaque ſuſcitare in Eccleſiâ Dei cum omnino expediat, quia multi inſurgunt aduerſus eam dicentes, Non eſt ſalus ipſi in Deo eius; non reſpuat dextera Dei & beati Petri, & veſtra: quia faciet fructum iuxta genus ſuum; quòd omni obſequio & obedientia ſemper obtemperaueris præceptis Curie Romanæ & ſummorum Pontificum. Habet autem & duo brachia præclara & fortiſſima, quibus poterit releuare incuruantem, & rebellare refranantem, quibûſque umbraculum Dei protegat à turbine & à pluuiâ. Comes HENRICVS, & Comes ſive Dapifer Regis THEOBALDVS, hi fratres eius ſunt, & erunt ei in omni auxilio & conſilio. Valete.



PETRI BLESENSIS; BATHONIENSIS IN ANGLIA ARCHIDIACONI

EPISTOLÆ III.

Edis. Epist.
27.



Cent. 6. 8.

GVILLELMO Senonenſi Archiepiſcopo, & Apoſtolica Sedis Legato, ROTHODVS Rothomag. ſalutem & ſpiritum compaſſionis afflictiſ impendere. SI ad memoriam reducantur Eccleſiæ naſcentis exordia, ſicut inter credentes erat vnitas in fide, in ſpiritu, in baptiſmo: ſic in vnum facultatibus contributis, vnum erat omnibus votum, releuare pauperum indigentias, & omnium neceſſitates tanquam proprias reputare. Vna ſiquidem & indiuiſa eſt Domini tunica: nec vnquam paſſa eſt diuorcium ſponſa Chriſti, nec contumelias pellicis alienæ ſuſtinuit, cuius vnitatem ſponſus in Canticis atteſtatur dicens: *Vna eſt columba mea, dilecta mea.* Noluit eam numeroſa pluralitate cenſeri. Licet enim plures ſint Eccleſiæ, ſic tamen in vnus compagem corporis vnjuntur, vt ſicut vnus membri læſione membra corporis omnia quodam compaſſionis participio moleſtantur, ſic vnus Eccleſiæ deſolatio in communem gemitum conuèrtatur. Cum itaque in vinculo caritatis ſingularitas locum non habeat, ſed in diſpendium commune redundet quicquid toleratur à ſingulis, quia ex præſenti Regum diſcordia exitialem Eccleſiæ Rothomagenſi videmus imminere ruinam, ad veſtram gratiam deuolamus: de cuius dilectione & prudentia plenior in Chriſto fiduciam reportamus. Vos enim eſtis, in cuius conſilio & auxi-

A xilio potissimam suæ salutis anchoram nauicula beati Petri constituit: cum inter schismaticæ persecutionis fluctus periculosius æstuarer. Vobis contulit Deus in pueritia super senes intelligere, & futuram naturæ canitiem maturiore morum senio præuenire. Fluxus adolescentiæ motus in vobis ratio magistra cohibuit, ut omni lasciuiæ libertate præscisa, nec forma, nec nobilitas, nec opum exuberantia, nec potestas, nec cetera quibus pudicitia expugnatur, propositum interuerterent castitatis, sed modesta in omnibus conuersatio plus Angeli quàm hominis exhiberet. Ceteras virtutes, quibus miraculosè fulgetis, sub silentio præterimus. Nec enim nostra præconia mendicatis, cuius honestatem & prudentiam fama celebris latissimè promulgauit. Ad nostras & Ecclesiæ nostræ pressuras reuertimur, quibus nos hostilitas circumuallat. Scitis enim, qualiter in Normannorum perniciem Francia tota coniurauerit: nec imminētis ruinæ dispendium Rothomagensis Ecclesia declinabit, nisi vestræ Altitudinis ope & consilio fulciatur. Si ergo ad præfatam Ecclesiæ vnitatem respiciatis, vestrum est auertere quod timemus, necessitates nostras omni præuenire cautela: quatenus caritas non sita, & amica compassio se talem alienis negotiis impendat, qualem se propriis exhiberet. Recordetur Dominus Rex Francorum, Rothomagensem Ecclesiam suam esse, quæ pro illo assiduè, tanquam pro Rege suo vnico, specialiter interpellat, suāsque facultates omninò de eius iurisdictione cognoscit. Regiæ Maiestati non congruit depopulari quod suum est, aut illas expugnare Ecclesias, quarum tutor est & patronus. si nos alius infestaret, ab ipso, non aliundè remedium quæreremus. Andeliacum ergo, & alias possessiones nostras, ipsius & vestræ protectioni committimus & tutelæ. Sanè cum de discretione & consilio vestro dispositio Regni Francorum tota dependeat, cum in manu vestra corda sint Regum, & ad vestræ ordinationis arbitrium populi inclinentur: vobis incumbit, quæ ad pacem sunt quærere, vel, si hæc dissensio ad pacem reformari non potest, saltem res Ecclesiasticas, quas vestræ tuitioni commisimus, ab incursibus bellicis liberare. Cumque Andeliacum nobis & commensalibus nostris vnicum sit viuendi subsidium, villæ nostræ parcite, si vultis parcere vitæ nostræ.

EPISTOLA II.

HENRICO Dei gratiâ illustri Regi Anglorum, ROTHRODV^s Rothomagensis *Edi. 1531*
Archiepiscopus, & Arnulfus Lexouienfis Episcopus, salutem in eo, per quem Reges regnant. TANTO tempestiuus ac diligentius iniunctam nobis Legationem duximus prosequendam, quanto periculosior in tanto discrimine dilatio videbatur. Accincti itaque ad laborem suscepti itineris, Regem Francorum adiuvimus, blandissimæque salutatione præmissa ipsius præuenientes offensam, nulla cautela potuimus vestræ salutationis extorquere responsum. Singulos nostræ Legationis articulos explicauimus seriatim, commoda pacis, & incommoda dissensionis frequentius inculcantes. Ipse verò verbum nostrum in omnibus, sola salutatione excepta, patienter admisit. Expedito itaque diligenter nostræ Legationis excursu, spacio modici temporis interiecto contumeliosè cœpit nobis fraudes & versutias exprobrare, quibus se conquerebatur sæpissimè circumuentum. Dicebat, quòd fidem inter vos mutuò compromissam frequenter occasione leuissima violastis: vòsque in omnibus adèd exhibuistis instabilem, quòd non adhibebit de cetero vobis fidem. Non sit vobis, Rex illustrissime, onerosum, si quod audiuius, loquimur. Hæc est enim Nunciorum conditio, ut de iniuncto sibi mandato nil subtriceant, nil rescindant, vel diminuant de responso. Addebat etiam, se firmissimum habuisse propositum expugnandi vos, antequàm Carnotum filius vester aduentasset: istasque occasiones dissensionis & odij proponebat, quòd filiam suam ad virum suum redire non sinitis, quòd ei dotem eius non redditis, quòd subditos suæ ditioni populos à montibus Aluerniæ vsque ad Rhodanum in ipsius odium concitastis, quòd in Coronæ suæ dispendium Comitem Sancti Egidij in ligium hominem recepistis. Tandem etiam iuramento firmavit, se nunquam de cetero vobiscum fœdus, aut concordiam habiturum, nisi de vestræ vxoris, & filiorum vestrorum assensu. Nunc igitur in custodiendis munitionibus vestris, & potissimè in corporis vestri tutela, consilio est vtendum. Communi enim veto, in exitum vestrum tota Francia con-

LYDOVICVS
VII. IV-
NIOR.

spirauit. Nec satis est ei exterminare terræ faciem igne & gladio: sed in vestram A
personam, quod absit, scelus execrabile machinatur. Consulimus sanè, si qua abstulisti, si læsisti aliquem, ablata restituere, & odia reformare in gratiam. Hoc enim inimicos vestros potissimè inuitat ad pugnam, quòd intestinos hostes sentiunt vos habere: & qui vobiscum dulces capiunt cibos, data opportunitate magnificabunt super vos supplantationem. Maledictus qui confidit in homine, & ponit carnem fortitudinem brachij sui. Quid est amabilius filiis? quid vxore familiarius? Recessit tamen vxor à latere vestro, & filij insurgunt in patrem. Ideò non frustratorie loquebatur hic ille hominum prudentissimus, qui dicebat: *Amico ne credas. Ab Mich 7.5.6. ea que dormit in sinu tuo custodi claustra oris tui. Filius enim contumeliam facit patri: & Math. 10. 36. inimici hominis domestici eius.* Sanè suffragia illius imploranda censemus, in cuius manu sunt corda Regum. In eius nomine paruitali Dauid Golizæ subiacuit magnitudo. In eius nomine Samaria adeò fame confecta obsidente Benadab, quòd triginta argenteis caput asini vendebatur, sub ictu oculi liberata est, exuberanti-que victualium affluentia redundauit. In eo siquidem sperans non infirmabitur. Si exurgat aduersus vos prælum, in hoc sperate. Si exurgant aduersus vos castra, non timebit cor vestrum. Ipse enim docebit manus vestras ad prælum. Accipite vobis in auxilium preces Ecclesiæ: quam, si in aliquo offendistis, debita satisfactione impensa, ei de cetero omnem reuerentiam exhibete. Sponsa enim Christi est, & iniurias sponsæ Christus reputat suas. nec est, quod magis hostes vestros incitat ad conflictum, quàm quòd arbitrantur vos Ecclesiæ Dei minus exitisse deuotum. Benè valeat carissimus Dominus noster, & de his qui se contra eum in superbia & abusione erigunt reportet in virtute Altissimi gloriam & triumphum. B

E P I S T O L A I I I.

Edit. 165.

ROTHRODVS Dei gratiâ Rothomagensis Archiepiscopus carissimis amicis suis E-
Priori de Caritate, & vniuerso Conuentui, salutem in eo qui salus est omnium. Cùm super impensis olim obsequiis vobis teneamur multipliciter obligati, cumulatius tamen redundat ad meritum, quòd de tribulatione nostra vocatis nos in quietem, quòd ad omne obsequium liberaliter vos offertis. Et quidem, si nulla dissensio Normanniam turbasset, si plena pace frueremur, ad vos anima nostra totis nisibus anhelaret: ne dum hac tempestate, cùm apud vos conuersari beatitudinem reputemus, & imaginem alterius paradisi. Nihil est quod nostras angustias hodie grauius exacerbet, quàm & recordatio, & amissio quietis illius, quam vobiscum duximus: inter vos tanquam extra seculum, tanquam inter Angelos conuersantes. Nunc itaque ad nostrorum vrbium plenitudinem accederet, facere quæ rogatis, si sine prægrandi & enormi scandalo posset fieri. Sed in hac strage publica desolatas oues relinquare, potius esset mercenarij, quàm Pastoris. Non dicimus, quòd hostibus velimus occurrere, qui hostes non videmus, qui dominos nostros aspici-
mus vtrobique, qui Domini Regis Francorum & Domini Regis Anglorum, & iunioris Regis filij sui eminentiæ tenemur obnoxij & deuoti. Si pacis reformatores esse non possumus, saltem rogabimus, quæ ad pacem sunt. Vices agemus Episcopi, viuis condolebimus, & commoriemur mortuis: & mutuo compassionis participio pressuram publicam, & commune discrimen proprium faciemus. Vtinam nostro sanguine posset hæc strages redimi, & compensari morte nostra cum generali dispendio! Soli enim pateremur, quod passuri sunt vniuersi. Orate igitur, dilectissimi, Dominum nostrum, vt respiciat in faciem testamenti sui, & tumultum præsentis discordiæ tranquillet ad pacem. Si enim spes pacis nobis arrideret, hoc vnum habemus in votis, vobiscum illud tantillum vitæ expendere, quod nostræ residuum est senectuti. Valere. C

**IOANNIS SARESBERIENSIS
EPISCOPI CARNOTENSIS
EPISTOLÆ HISTORICÆ.**

Cum MS. Codice Bibliothecæ Regiæ collatæ, & variis in locis emendatæ.

Episcopo Norwicensi. EPISTOLA I.



VNCIOS vestros à Domino Rege redeuntes sanos recepimus, promittentes in aduentu Regis optatum petitionibus nostris effectum. ^{Edis. Epist. 128.} In omnibus enim consilio domini Archiepiscopi adquiescet, & honori & vtilitati Ecclesiæ tota mentis intentione studiosius inuigilabit. Verum interim scutagium remittere non potest, & à quibusdam exactionibus abstinere, quoniam fratris gratia malè facta nequicquam coëgit, sed ob hoc perniciosissimè scissa est, quòd Domino Regi frat. totam hæreditatem paternam, nominatim terram, cuius ei possessionem vis maior abstulit, noluit abiurare: cum tamen munitiones & Regi cedere, & obsides dare paratus esset, vt terram quam dono patris habuerat recuperaret. Profectus ergo ad Regem Francorum, Comitis THEOBALDI fretus auxilio, Francos sollicitare in dispendia nostra, & eorum diuitiis nostris, viribus, & potestati tentat opponere. Agit forte vt & sic fortuna possit grauius promereri, quomodo Regem & gentem Francorum, fauente iustitia Dei, in manibus nostris*. Implebimus in eo mensuram patrum nostrorum, si tamen eorum sorte voluerimus esse contenti. Sed profecto maius est quod nobis restituto Vernone fortuna promittit. Speratum colloquium nobis subtraxerunt Franci consilio Comitis Theobaldi. Dominus Rex Andegauæ & Pictauia rediens ad nos transmittet qui summam rerum gerant, & absentes ipsius commissa sibi à viris administratione compensent.

Domino Exoniensi. EPISTOLA II.

LICET ex more scribentium ad amicos salutis votum pagina non prætendat, ^{Edis. 159.} nihil tamen affectuosius est in votis, & orationibus meis, quàm vt vix vestræ iugiter prosperentur in Domino. Salutationem etenim Domino & Patri debitam nequaquam suspendit defectus, aut imminutio charitatis, sed consulta dispensatio & officiorum, & omnium quæ rectè geruntur ratio moderatrix. Dispensationis verò causa in propatulo est, vt eam omninò non oporteat, aut paucis expediat allegari. Nam insidiis dicunt omnia plena esse, vt bonis inuicem colloquendi aut scribendi tutum non possit esse commercium. Nescio quid friuolum contra innocentiam molitur iniquitas, & urgente stimulo conscientie incessanter pungentis, & vrentis, omnes suspectos habet, & omnia: iure quidem & merito, quia pax impiis esse non debet, hostes suos iustitiâ impugnante, & præualente. Et profecto quod timet impius, veniet super eum, iustusque de angustia liberabitur, quoniam os Domini locutum est. Ad momentum turbinis aduersus Ecclesiam malitia debacchatur, & aduersus Dominum videntur præualere impij: quibus in breui Christus, quem persequuntur, sic respondebit ad merita, vt præponderare videatur libra vindictæ, & quos potenter punit, non tam examinare lance æquitatis, quàm mole magnitudinis prægrauare. Non quidem quòd iniuriam inferat, sed quia sine mensura & modo peccantibus immensam & immoderatam ingeret poenam. Nec opinetur quispiam me in longa tempora prophetare, licet oraculi diuini sicut auctoritas, sic & fides perpetuetur: cum planum sit iam aliquatenus inchoatum esse iudicium, imò executioni mandari sententiam. Nónne Teutonicus

LUDOVICVS
VII. IV-
NIOR.

tyrannus nominis sui famâ nuper Orbem perculerat, & ferè subegerat Regna vi- A
cina, & etiam Imperium Græcorum terrore concusserat, vt magis deditionem
quàm confœderationem Legationibus missis videretur offerre? Sed ecce Deo au-
ctore timetur minus, & qui tam vicinos quàm remotissimos solo metu terrebat,
Principes Teutonicos suos ab iniuriis cohibere non potest; qui solo verbo pacem
Gentibus ad arbitrium indicebat, & bella; nunc à suis & inter suos petitis & acce-
ptis treugis gratulatur. Nam sicut ipsemet conqueritur, ex quo Latonam venit, vt
Regem Francorum & Gallicanam Ecclesiam separaret à fide, & in suam hæresim
peruerteret, vt adoraret idolum suum, successus eius relapsi sunt, & quæ eum ex-
tulerat, in depressionem ipsius cœpit fortuna fluctuare. Spes autem fidelium
est, quòd ad honorem Dei, in breui ampliùs deprimeretur, donec eum omninò
Christus, cuius sponsam persequitur, conterat sub pedibus suis. Nónne & apud
vos iam iudicium exercetur aduersus terrores Ecclesiæ? Intuemini quantus erat
Rex Anglorum, cùm paruulus videretur in oculis suis: & ad Ecclesiam Dei vel
speciem fidei & reuerentiæ prætendebat, & planè videbatis eum in nullo frustra-
tum conatu. Sagitta eius retrorsum non abiit, clypeus non declinauit in bello, &
hasta non est auersa. Super prædam accumbebat vt leo, vt nullus eum excitare præ-
sumeret; vel visu terrebat hostes, vicini se inclinabant obsequiis, remoti Princi-
pes amicitias expetebant, colebatur à suis, honorabatur ab extraneis, prædicaba-
tur à cunctis, à bonis diligebatur: sed maximè à Clero, qui eum colebat supra vires, B
pro viribus venerabatur, & vnanimi proposito diligebat super amorem mulierum.
Quid multa? Rerum expetibilem omnium abundantia, quoad humanum iudi-
cium, fruebatur, sublato timore & sollicitudine, nisi quem non necessitas, aut ra-
tio, sed voluntas, aut imperus ingerebat. Sed quo fine hæc vniuersa Dei dona con-
clussit, si tamen sine pœnitentia & satisfactione substituerit in finibus istis, vt singu-
larum Ecclesiarum, quas ante per ignorantiam, vt putabatur, aut sui iuris prætex-
tu læserat, taceamus Tolosam, bello aggressurus, omnibus contra antiquum mo-
rem & debitam libertatem indixit Ecclesiis, vt pro arbitrio eius, & Satraparum
suorum conferrent incensum, nec permisit vt Ecclesiæ saltè Proceribus cœqua-
rentur in hac contributione vel magis exactione tam indebita quàm iniusta. Nam
Ecclesiæ in deteriori calculo vertebantur, vt pote quæ rebus suis aut honore vide-
bantur indignæ. Sed quem successum attulit hæc pecuniarum immensitas tantis
exactionibus & iniuriis acquisita? nónne proiecta est in saccum pertusum, vt hosti
suscipienti proficeret, & effundenti non modò esset inutilis, sed damnosa? Num-
quid non ab ea die fortuna eius retrorsum cessit, & successuum vberras emarcuit?
Sed dicet aliquis, quoniam hæc indictio census, & Ecclesiarum vexatio, in Cancel-
larium eius, qui nunc aut archiepiscopatur, vt credo, aut archiepiscopari conten-
dit, vt æmuli mentiuntur, penitus retorquenda est, qui Regem tunc ad omnia pro
arbitrio impellebat, & hæc sicut alia multa mala induxit. Quod si & ego falsum
esse nouerim, vt pote qui eum scio tunc, non auctoritatem præstitisse libidini, sed C
obsecundationem necessitati, tamen quia eum ministrum iniquitatis fuisse non
ambigo, iure optimo taliter arbitror puniendum, vt eo potissimum puniatur au-
ctore, quem in talibus Deo bonorum omnium auctori præferebat; eique sit vice
versa in pœnam, quem habebat & laudabat suæ peruersitatis auctorem. Nam in sa-
pientium corde & ore celebre est illud Sapientiæ, *Quoniam per quæ peccat quis, per
hæc & puniatur*. Sic Cain primus homicida occisus est, Chanaan seruitutem ingerens
aliis, perpetua seruitute damnatur, Pharaon in aquis submersus est cum potentatu
suo, quibus Hebræos submerserat innocentes. Patent in hunc modum quam-
plurima. Sed esto, nunc pœnitentiam agit, agnoscit & confitetur culpam: & si cum
Saulo quandoque Ecclesiam impugnauit, pro ea cum Paulo ponere paratus est &
animam suam. Quis ergo negabit iudicium iam cœpisse à domo Domini, cùm
iam Principes populi in patibulis suspendantur ad solem: vt iustitia Dei in con-
spectu gentium reueletur? Nónne enim Principes populi sunt hi duo, quorum
alter dispensat spiritualia, alter temporalia administrat? Nónne Lex dispensatio-
nis & ministerij huius manibus istorum tractanda committitur? Hi enim sunt duo
Cherubim, quorum alis Lex & Propitiatorium adumbratur, se mutuo respicientia,
versis tamen vultibus in Propitiatorium: quia sic sibi inuicem debent aspectu mu-
tuo complacere, vt Legem Dei in arca pectoris iugiter inspiciant & venerentur,

A nec pro se ad inuicem, aut ob aliam causam admittant, unde propitiationem Dei debeant demereri. Non enim licet à Propitiatorio vultus auertere. Si ergo in his suis Angelis reperit Dominus prauitatem, eamque puniat, quis subditorum causas apud Altissimum iam ventilari diffidit, aut esse ventilatas? Circumferat quis oculos mentis, & intueatur quot & quales aduersarios ei Dominus suscitauerit, ex quo aduersus Dominum in depressione Ecclesiæ erexit calcaneum suum: & planè mirabitur, & si prudens est, venerabitur iudicium Dei, qui non Imperatores, non Reges, non Principes nationum, ut ipsum domaret, elegit, sed extremos hominum Britones niuicollinos primò, & postea illos ad contradictionem & solemne certamen animauit, qui vestigia pedum eius consueuerant adorare. Et hæc quidem, ut non gloriatur omnis caro, sed nomen Domini sit benedictum in secula. Sic ad puniendam ingratitude Salomonis recedentis à Domino, non tam Principes erexit, quàm latrunculos & seruos abiectos. Nec suspicetur quispiam ut amodo prosperetur conditio eius, nisi Domino propitiante per pœnitentiam reuertatur, & magis pio utatur consilio. Nam ut Propheta loquitur, *In diebus & regionibus nostris inueniunt stulti Principes Thaneos*, qui Regi suo consilium dederunt insipiens. Videntur enim vndique sollicitudines. Sed bellum, quod aduersus Christum & Ecclesiam exercet, vltèrius prægrauat, & ei videtur inextricabilis labyrinthus execrabilis labor. Accitis ergo nuper ad colloquium Chinonense Magnatibus suis cum familiaribus, qui serum malorum industriam habere dignoscuntur & vsum, & sapientes sunt ut dicent & faciant mala, studiòsius inquisiuit cum promissis, minis, & obtestatione quamplurima, quonam consilio sibi utendum esset aduersus Ecclesiam: de Cantuar. Archiepiscopo grauissimè conquerens, non sine gemitibus & suspiriis multis. Et ut tunc præsentès postea retulerunt, lacrymatus est, dicens quòd idem Cantuariensis ei corpus & animam pariter auferret. Tandem dixit quòd omnes proditores erant, qui eum adhibita opera & diligentia ab vnius hominis infestatione nolebant expedire. Ad hoc Dominus Rothomagensis aliquantulum aduersus hoc excanduit, corripiens eum, mitiùs tamen more suo in spiritu lenitatis: cum causa Dei magis exigeret, seueritatem & auctoritatem Pontificis morbo languentis, rationis, & fidei fuisse adhibitam. Erat autem dolor acerbior, urgente metu, quem conceperat ex litteris quas iamdictus Cantuariensis illi & matri suæ transmisserat. Earum exemplum vobis transmittitur. Timebatur quidem, & meritò, ne in terram eius interdicti, & in personam anathematis sententia citissimè ferretur, auctoritate & mandato summi Pontificis. Cum igitur his angustiis premerentur, Lexouienfis Episcopus vnicum dixit esse remedium, imminuentem sententiam appellationis obstaculo præpedire. Erit a nescio quo pacto, nisi quia veritas ventilata plus pollet, & iustitia quo magis conuegitur, eo magis conualefcit, dum Rex per auitas consuetudines appellationis umius euacuare conatur, magis confirmat, dum ipsemet pro capite suo ad appellandi refugium cogitur euolare. Ab illo ergo Concilio egressi sunt à facie Dei & Regis sui Lexouienfis & Sagienfis Episcopi, ad sœpèdictum Cantuariensem properantes, ut appellatione interposita vsque ad octauas Paschæ suspenderent sententiam eius. Rothomagensis quoque cum eis profectus est, non quidem appellaturus, ut ait, sed de pace quam desiderat tractaturus. Archiepiscopus verò noster in procinctu ferendæ sententiæ constitutus, iter arripuerat ad urbem Sueffionum, orationis causa: ut beatæ Virgini, cuius ibi memoria celebris est, & beato Drausio, ad quem confugiunt pugnaturi, & beato Gregorio Anglicanæ Ecclesiæ fundatori, qui in eadem urbe requiescit, agonem suum precibus commendaret. Est autem beatus Drausius gloriosissimus Confessor, qui, sicut Franci & Lotharingi credunt, pugiles, qui ad memoriam eius pernoctant, reddit inuictos: ut & de Burgundia & Italia in tali necessitate confugiatur ad ipsum. Nam & Robertus de Monteforti ei pernoctauit aduersus Henricum de Essæxa dimicaturus. Sic ergo Domino faciente delusa est sollicitudo Episcoporum Regalium, quia cum venissent Pontiniacum, Archiepiscopum quem appellarent non inuenerunt, sed frustrati à proposito suo reuersi sunt: queruli quòd sua consumpsorant, laborauerant, & non perfecerant. Archiepiscopus verò cum in præfatis Sanctorum memoriis triduo pernoctasset, die proxima post Ascensionem versus Vixiliacum properabat, ut ibi in die Pentecostes in Regem & suos anathematis sententiam daret. Sed nutu diuino contigit, ut dum

esset in Ecclesia Reginiacensi, vi. feria iamdictam præcedente solemnitate nunciatum esset ei certissimè & verissimè, quòd Rex Anglorum grauissima laborabat infirmitatè, vt ad colloquium Regis Francorum, quod multo desiderio, & magnis muneribus expetierat, accedere non potuerit, sed miserit excusatores Rich. Pictau. & R. de Humez, qui hanc causam absentia eius præstito iuramento volebant astruere. Hac ergo ratione cum hoc per nuntium Regis Francorum innotuisset Archiepiscopo, in Regem sententiam ferre distulit, sicut ei à me consuluerat Ioannes vester, suadens, ne ad pœnitentiam properaret. Ioannem verò de Oxonford. publicè denuntiavit excommunicatum, & auctoritate Romani Pontificis excommunicauit, vt verbis eius vtar, eò quòd in hæresim damnatam inciderit, præstando Imperatori sacrilegum sacramentum: & communicauit Colon. schismatico, & contra mandatum domini Papæ vsurpauit Decanatum Saresber. Ecclesiæ. Has autem causas allegauit in pulpito in auditu omnium, qui Vizeliaci de diuersis nationibus ad diem festum conuenerant. Ibidem etiam allegatis variis causis & iustis excommunicauit Richardum Pictau. Archid. & R. de Luci, Ioscel. de Bailiol, Ran. de Broch, Hug. de Sancto Claro, & Thomam filium Bernardi, & omnes qui de cetero in possessiones vel bona Cantuar. Ecclesiæ manus extenderint, vt eis abutantur, aut eorum vsus impediunt, quorum necessitatibus deputata sunt. Regem verò, quem ante per Litteras & Nuncios secundum regulam & morem Ecclesiæ vocauerat ad satisfactionem, publicata vocatione ad fructum pœnitentiæ inuitauit, comminans se in eum laturum sententiam anathematis, si breui non resipuerit, & de tantis aduersus Ecclesiam ausis satisfecerit. Quod tamen non nisi inuitus faciet, nec noui aliquem domesticorum suorum, qui ad lationem huius sententiæ pronus sit. Præterea scriptum illud, in quo continentur prauitates malignantium aduersus Ecclesiam, quas auitas consuetudines dicunt, publicè condemnauit, omnes innodans anathematis vinculo, quicumque de cetero auctoritate illius scripti vtentur, & nominatim de consilio Ecclesiæ Romanæ, hæc capitula imprimis damnata sunt. Quòd non liceat Episcopo excommunicare aliquem qui de Rege teneat sine licentia ipsius. Quòd non valeat Episcopus coërcere aliquem parochianorum suorum pro periurio vel fide læsa. Quòd ad secularia iudicia trahantur Clerici. Quòd laici, siue Rex, siue alij, causas de Ecclesiis vel decimis tractent. Quòd non appelletur pro causa aliqua ad Sedem Apostolicam, nisi Regis & officialium suorum venia impetrata. Quòd non liceat Archiepiscopo, vel Episcopo, vel alij personæ venire ad vocationem domini Papæ absque licentia Regis. Alia quoque in hunc modum, quæ diuinis Legibus, & Constitutionibus sanctorum Patrum inueniuntur aduersa. Episcopos verò omnes absoluit à promissione, quam de scripto illo seruando contra institutionem Ecclesiasticam fecerant. Hoc etiam per Litteras suas Archiepiscopis & Episcopis denuntiavit, sicut ei ab Ecclesia Romana consultum fuerat. Hæc quidem interim gessit Archiepiscopus & Rex; quod ad vestram noticiam venisse non ambigo. Virum bonum M. Galt. de Insula misit in Angliam cum Litteris à Colloquio Chinonensi, vt Insulanos super facta appellatione præmuniret, & portus & transitus faceret diligentius obseruari, & Clerum ab obediendo suspenderet, cum tamen nondum facta sit appellatio, & Archiepiscopus possit facile inueniri. Nec dubito quin prædicto Galtero machinatio ista displiceat, cum omnibus quæ præsumuntur aduersus Ecclesiam Dei, quoniam Deum timet. Acciuit etiam ad se Rex Dominum Cicestr. & alios, per quorum prudentiam, malitiam consilij sui aduersus Deum posse credit armari. Sed profectò si sciperent, vel sibi & suis parcerent in hac causa: quoniam pœna reuersura est in caput ista suum. De cetero dominus Papa in vrbe prosperatur. Cremona contra Teutonicum cum aliis octo ciuitatibus pro certo dicitur rebellare. Episcopus Tusculanus & Vmbaldus Cardinalis diem obierunt. Obiit quoque VVillemus Rex Siculus, cui successerunt filij sui, alter in Regnum, alter in Ducatum Apuliæ, & in extremis agens, l. x. millia florinorum Ioanni Neapolitano tradi fecit ad vsum domini Papæ. Filius quoque, qui ei successit in Regnum, totidem misit. Rex Francus Cantuariensi Archiepiscopo patrocinatur in omnibus, & eum magis veneratur quàm fratrem. Quæ autem circa Anglorum Curiam innouantur, vbi rerum crebræ mutationes sunt, vobis notiora esse arbitror quàm nobis. Vigeat & prosperetur in Domino paternitas vestra, & nos Sanctorum orationibus studeat commen-

A commendare, vt nos consoletur in omni tribulatione nostra. Reuertemur autem cū ei placuerit, qui nos segregauit ad exulandum, & pro quo, quatenus ei beneplacitum fuerit, voluntate promptissimè decreuimus exulare, & aduersa pati quæ iusserit, & ad quæ perferenda roborauerit infirmitatem nostram. Det vtinam sua gratia patientiæ perseverantiam, qui indignis pro se patiendi contulit voluntatem! Valeat pro voto & oratione mea, Ecclesia & Domus vestra tota, & omnes qui intercessionum beneficio communicant necessitati vestræ.

LVDOVICVS
VII. 17.
N 10 R.

Domino Cantuariensi. EPISTOLA III.

ETSI certum sit quòd Episcopi ad inobedientiam proni, & Pastores pascen-
tes seipso, qui amore quietis & luxu, & temporalium metu damnorum impio impietatem suam annuntiare detractant, ad omnem subuersionem iuris, & singula præiudicia Ecclesiarum, dicentes: Euge, euge; se de cetero aduersus omnia mandata vestra, & etiam Apostolicas Sanctiones, quatenus eis displicuerint, sub prætextu appellationis exhibitæ rueri proponant. Expedire tamen arbitror, vt de vestris suffraganeis testato si fieri potest, aliquos euocetis, vel audituros domini Papæ mandatum, aut vobiscum de statu Cantuariensis Ecclesiæ tractaturos, aut alia euocationis eorum causâ proposita, si qua vobis &
B his qui vobiscum sunt, occurrerit commodior. Cū enim iam appellauerint, quod fortasse iam domino Papæ significatum est, & in omnibus Regi suo obtemperant, non video de cetero quare colloquium eorum oporteat euitari, sed neque Regis. Credo enim quòd metu laboris quem subituri sunt, & sumptuum quos verentur, & imminentium periculorum instantiam, & dubium causæ euentum, paci Ecclesiæ, & reconciliationi vestræ diligentiores operam dabunt; quia nec vnum eorum opinor inueniri, quem tot & tantarum incommoditatum dispendia subire non pigeat. Et si transfretauerint, fortasse mediante Imperatrice pax Ecclesiæ reformabitur, aut Deo propitio causa vestra in meliori calculo relinquetur. Instat enim tempus, vt aiunt, quo Aquila rupti fœderis; iuxta Merlini vaticinium, frænum deauratura est, quod Apro eius datur, aut modo fabricatur in sinu Armorico. Nam sicut accepi pro certo postquam priores Litteras exaraueram, in accessu Fulgeriarum graue damnum perpeffus est; quod adhuc deplorant apud nos amici Francorum; quorum quidam capti sunt, alij vulnerati, dum purum sitientes argentum, nitebantur strenui præ ceteris apparere. Audieram hæc prius in Curia Christianissimi Regis Francorum; apud Laudunum honestè & reuerenter susceptus ab eo: sed non facile rumigerulo credidi, licet aliquantulum fidem faceret dubitanti, quòd Comes Robertus tristitiam inde conceptam dissimulare non poterat. Dicitur etiam quòd famelici saturos, & inopes copiosos rerum omnium obsident hostes; & quòd obsesus obsidente longe securior est. Radulfus enim; vt perhibent, castrum suum optimè præmunivit, vastauitque quicquid alimentorum in circuitu suo potuit inueniri, nec ad remotiora sine magnis copiis pabulatum progredi licet: eò quòd electissimorum militum Radulfus memoratus copiam habens, vias eorum acutissimè sepit spinis, & aculeis vrget equos, vt cadant ascensores eorum retro, & in exercitum ipsum crebras, vt loquuntur, facit irruptiones. Adiiciunt quòd potentissimis Britanniarum Proceribus, excepto Comite Eudone, confœderatus est fœdere mutuo. Nōne sic ferus singularis, aut singulari proximus aper, qui depascitur & conculcat vineam Domini, cohiberi poterit & infrænari? Ego quidem sic illam interpretor Prophetiam, expectans vt Aquila quacumque subornatione incommoditates istas inauret: nisi fortè Alexander noster Merlini cognatus, & oraculorum eius interpret prudenter aliud sentiat. De his hætenus. De cetero pergratum mihi feceritis, si Domino Lugdunensi, quem apud vos esse audio, & plurimum videre desidero, nomine meo fueritis gratulati, & quæ circa vos sunt diligenter rescripseritis.

Edis. 167.

Edit. 195.

EO sinceritatis vestræ titulus in caritate splendidiùs elucescit, quo ex relatione latoris præsentium certiùs constat, quòd inter fortuitorum euentuum turbines, & varias procellas negotiorum, quibus officij vestri instantia indefinenter concutitur, & acriter, sine tamen virtutis elisione, colliditur: amicorum potestis sollicitudinem gerere, & eorum offera per fraternæ caritatis exhibitionem facitis vestra. Sic enim & Apostolus scandalizatis cõtritur, & fratribus coinfirmatur infirmis, & per compassionem fit in Christo omnibus omnia, dum ad formam Ethicæ purioris, & consummationis Philosophiæ, humanum à se nihil reputat alienum. Reposita est vobis, Pater, huius corona misericordiæ, quam reddet vobis in illa die misericors & miserator Dominus, qui nos interim exules, & proscriptos suos, Sanctorum suorum ministerio, necessitatibus vestris pro ipso communicantium, consolatur in omni tribulatione nostra. Nam Christianissimus Rex Francorum Patrem nostrum Cantuariensem Archiepiscopum in vlnis caritatis excipiens, eum in Ecclesia beatæ Columbæ Senonensis Regia magnificentia exhibet, & sic tractat in omnibus vt à Christo tractari decet Christum Domini. Aliter enim exprimere nequeo affectionē, quam naufrago Sacerdoti exhibet Christianissimus Princeps. Nos autem domestici Sacerdotis proscripti quidem rebus, sed ascripti fidelibus, qui pro iustitia patientes honorificauerunt ministerium suum, dispersi sumus, vt exules in Regno Francorum. Sed vbique nobis adest qui pascit volatilia coeli, & lilia vestit agrorum. Speramus autem, quòd idem Pater noster & omnium Dominus procellam nostram in auram conuerteret in breui, licet maius nobis imminere naufragium hostes Ecclesiæ glorientur. Mentiuntur enim Romanam Ecclesiam nobis conuersam esse in arcum prauum, & dominum Papam omnibus Regis Anglorum petitionibus annuisse: ex eo sumentes coniecturam, quòd excommunicati nostri absoluti sunt in aduentu Io. de Oxenefordia. Qui etiam quasi re bene gesta in Curia Imperatoris, vbi schisma confirmatum est, acceptum de manu domini Papæ reportauit Saresberiensis Ecclesiæ Decanatum. Sed si quis ea quæ Romæ gesta sunt diligentius recolat, planè videbit quòd Romanus Pontifex etiam circumuentus causam Ecclesiæ & nostram fidelissimè procurauit. Iam dictus enim Iohannes tandem præstito iuramento de more absolutus, vt itidem publicè iurauit, quòd nihil in præfato schismaticorum conuentu fecerat contra fidem Ecclesiæ, & honorem & vtilitatem domini Papæ, & vtinam non deierasset: postmodum commendatitias & deprecatorias porrexerat ex parte Domini Regis, quibus insertum erat, vt illi tanquam Regi ipsi in omnibus crederetur. Deinde tanta fultus auctoritate, causam, quæ inter Regem & Archiepiscopum super prauis consuetudinibus vertitur, domini Papæ commisit arbitrio, vt illæ ad nutum eius roborarentur, aut caderent, & Archiepiscopo ad formam mandati eius pax omnimodo reformaretur. Et hoc item iuramento confirmans obtinuit, vt dominus Papa concederet se ad hoc Legatos esse missurum. Quorum iter (vt aiunt) suspensum est, iuratoris fraude comperta.

Domino Ioanni Pictauiensi Episcopo. EPIST. V.

Edit. 214.

REGNORVM collisiones, & tertæ motus magni, & imminetium peticulorum exitus me calamum suspendere diutiùs coegerunt, & commodiora scribendi tempora expectare. Bellici namque tumultus ætate ferè tota feruentes intermeandi facultatem Litterarum portitoribus præcluserunt, & in vrbe Remensi orta seditio sic turbauit prouinciam, vt vix tutum fuerit ingredi vel egredi ciuitatem. Conspirauerant enim ciues de Clericorum consilio & auxilio militum, nitentes contra Archiepiscopum qui nouas quasdam indebitas & intolerabiles seruitutes volebat imponere ciuitati: & Ecclesiarum turres & domos munitiores occupantes, officialibus & amicis Archiepiscopi eiectis ab vrbe, multas ei iniurias intulerunt. Et primò quidem ei omnem humilitatem exhibuerant, parati duo milia librarum, sicut multi testantur, conferre in ærarium eius, dum modo eos iure tractaret & legibus viuere pateretur, quibus ciuitas continuè vsa est à tempore Sancti Remigij Fran-

- A** corum Apostoli. Adierant etiam Christianissimum Regem, sed nec per eum rigorem Archiepiscopi flectere potuerunt. Confugerunt itaque ad Comitem Henricum, & ex eius consilio cesserunt Regi quem Archiepiscopus adduxerat, ut in brachio eius contereret ciuitatem. Rex autem dolens, sed tamen fratris satisfaciens voluntati, circiter quinquaginta domos dirui fecit, & recessit. Ciues verò die tertia redierunt, & in ultionem dirutarum domuum funditus euerterunt domos militum fauentium Archiepiscopo, Vicedomini scilicet sui, & alterius qui in vrbe gesserat Præfecturam. Vnde motus Archiepiscopus Comitis Flandriæ implorauit auxilium, eumque cum mille militibus adduxit Remis ut ciues perirent in ore gladij, aut redimendi & torquendi coniicerentur in vincula. Sed illi præsentientes aduentum Comitis, iterato cesserunt: sic euacuantes urbem, ut Flandrenses inedia confecti vix vnus diei & noctis moram potuerint sustinere. Et quia Archiepiscopus in recessu eorum ciues ad propria redituros non dubitabat, per Comitem ROBERTVM fratrem suum ignaris Flandrensibus cum eis pacem fecit, acceptis quadringentis quinquaginta libris in recompensationem damnorum: quæ, ut multiplices iniurias & contumelias taceam, in quadruplum excreuerant. concedens ut de cetero legibus vtantur antiquis. Sic itaque damnosam & ignominiosam cum ciuibz faciens pacem, adhuc cum Clero exercet inimicitias, & se iuri offerentes vexat Ecclesias. Hæc apud nos. Ceterum ad partes vestras accepimus
- B** venisse Legatos, de quibus adhuc incertum est quid nobis sperari oporteat, quid timeri. Hoc autem certissime constat, quod Dominus Cantuariensis iudicium Cardinalis ad Vincula non subire disposuit, multis (ut puto) & iustis suspicionibus motus, quia manifestus aduersarius eius hætenus existit. Sed an expediat adeo manifestè ei suspicionis causas exponere, non satis liquet. Nam Archiepiscopus (ut audio) ei iam rescripsit contra meum & quorundam aliorum consilia, quod se illius iudicio non supponer, nec tenetur supponere, & plura congestit quibus animum hominis exasperasse potest: cum ego potius cum crederem verbis blandioribus demulcendum, & retinendum in amicitia, donec ipsum aduersarium esse conuincant opera eius. Pacem verò ad honorem Ecclesiæ Dei & suum libenter recipiet per manus Legatorum: sed an ad colloquia eorum accessurus sit nisi restituantur ablata, vnde se & suos valeat exhibere, nondum habeo exploratum. Certo autem certius est, quod nisi componatur per eos, nullam citra restitutionem ingredietur causam: cum illata sibi iniuria & violentia lippis & tonsoribus nota sit. Sed nec aliquem suorum mitter, donec intermeantibus eundi & redeundi securitas procuretur. Et quoniam conditionis nostræ calculus in aduentu eorum videtur aliquantulum immutatus, precor attentius, ut mihi per latorem præsentium rescribatis qualiter ad indemnitatem conscientiæ, & famæ me versari oporteat. Nam si de iuramentis agitur quæ Dominus Rex à nobis exigere consuevit, rogo Deum meum, ut ante mihi mortem misericorditer largiatur, quam
- C** conscientiam & famam iuramentis talibus maculare.

Bartholomeo Exoniensi Episcopo.

EPISTOLA VI.

E O quo prosperè per gratiam Dei circa mediam Quadragesimam à Sancto Egidio reuersus sum, tuam (dilectissime) super his quæ in Francia & Italia gerebantur præmunire decreui caritatem. Scio enim quia interdum expedit, & sæpè iocundum est, prænosse temporum motus, & quasi factorum seriem ex his quæ nutu diuino mortalium proueniunt meritis contemplari. Sed quia de pace Regum tractabatur, & Fredericus factus crimine & pertinacia schismatis exaugustus simulabat se velle ad Catholicam redire vnitatem, propositum distuli donec plenius innotesceret quem tanta negotia sortirentur euentum. Cum enim Teutonicus Tyrannus sentiret se militum præsidio destitutum, & Italiæ ciuitates in ipsum irruere properarent, & ipse temeritate suorum, qui nobilem quandam Papiensem excæcauerant, Papiæ minimè tutus esset, eique Mauriennensis Comes ob iniurias sibi illatas omnem exitum præclusisset, ut Lombardorum manus nullà ratione posse euadere videretur, ipse Comitis Blandratenfis & Marchionis Montis-feracis fretus auxilio, diuertit in terram Marchionis, relictis xxx. obsidibus Lombardorum apud Blandratum. Alios autem obsides quos acceperat per ca-

Tom. I V.

R r ij

LYDOVICVS
VII. IV-
NIOR.

stra Marchionis diuisit custodiendos, & ipse cum præfato Comite & Marchione, **A** quia cum Lombardi congregato exercitu vsque ad xx. milia militum persequerantur, & obsidere decreuerant, per castella quasi in vmbra mortis latitans fugitabat, vt vix, sicut aiunt probi viri pleni fide & auctoritate qui interfuerunt, duobus diebus aut tribus auderet in eodem hospitio pernoctare. Hanc miseriam Tyranni, aut potius gloriam Dei & Ecclesiæ consolationem, de nostratibus quidem viderunt Canonici Nouiomenfes & Nuncij Comitum Henrici: de vestratibus autem Legati illustres Regis Angliæ illuc profecti ex variis causis. Nouiomenfes enim Archidiaconum suum Bonifacium Italiæ Marchionem, quem elegerant in Episcopum, virum honestum & tota schismatis tempestate Catholicum, reducere quærebant. Comes Henricus statum explorabat Imperij. Nuncij verò Regis Angliæ iuramenta præstiterunt de matrimonio contrahendo inter filium præfati Marchionis & sororem Regis Scotiæ, & ad sæpè dictum Tyrannum legatione functi sunt, vt de opinione multorum loquar, quo sic vires & familiaritatem prætendentes Imperij, terreant Francos. Sed calliditas hæc in contrarium prorsus exitum pergit. Franci si quidem magis animantur, dum vident hostes quali desolatos, immò desperatos emendicata suffragia quærere, & illos implorare patronos quibus opus est defensore. Dum itaque in tantis Imperator versaretur angustiis, & omninò de exitu desperaret, tractatum habuit cum viris Religiosis, quos constabat fideles esse domini Papæ, simulans se cum Ecclesia Dei pacem esse facturum. Est autem in Domo Cartusienfi vir admodum Religiosus quondam familiarissimus Imperatori, qui ab eo pridem recesserat ob conscientiam schismatis, & ei plurimo compatiabatur affectu. Hic ergo accessit ad eum, cum lacrymis sibi pro certo innotuisse asserens, quòd pacem non erat habiturus, nisi Ecclesiæ Dei redderet pacem. Institit autem, & obtinuit vt euocaret per Litteras suas Priorem Cartusiensem, Abbatem Cisterciensem, & Episcopum Papiensem, quem expulerant, & promitteret se consilio eorum in omnibus adquieturum: dum modo illi in se reciperent periculum iuramenti, quod contra Papam Alexandrum fieri fecerant. Omnes qui verbum hoc audierunt exhilarati sunt: & Lombardi iam cœperunt mitius agere, sperantes hominem esse conuersum. Interim sæpè dictus Marchio egit cum cognato suo Comite Mauriennensi, vt Imperatorem permetteret egredi, promittens ei non modò restitutionem ablatorum, sed montes aureos, & cum honore & gloria Imperij gratiam sempiternam. Viri autem Religiosi quos euocauerat, arripuerunt iter, excepto Abbate Cisterciensi, qui graui detentus infirmitate, vice sua misit dominum Gaudridum Autissiodorensem, qui Clareuallensis fuerat Abbas: præmittentes Fratrem quendam, qui à Tyranno exploraret vbi & quando eorum veller vt colloquio. At ille audito aduentu eorum, & Litteris iam de exitu suo certus, induciis impetratis, respondit eos ob hanc causam frustra venturos esse, nisi Angelum de cœlis secum patenter adducant, aut veniant in potestate faciendi miracula, vt possint mundare leprosos, & mortuos suscitare. & sic illi ad propria reuersi **C** sunt. Hoc mihi idem conuersus Cartusiz, qui Legationem gesserat, retulit. Imperator autem, collectis obsidibus quos disperferat, ad reditum properans, venit ad Sanctum Ambrosium habens circiter xxx. milites in comitatu suo. Et inde mane festinanter egrediens, prope Secusiam in eminentia cuiusdam montis suspendit quendam obsidem nobilem Brixensem, imponens ei quòd coniurationis Italicorum conscius fuerat, & (quod plus est) artifex congregati exercitus, qui eum ab Italia expellebat: alios verò obsides secum duxit intra Secusiam. Ciues autem & incolæ loci portas claudi fecerunt, appositis custodibus armatis, & Tyranno obsides abstulerunt, dicentes sibi ab aliis ciuitatibus excidium & exterminium imminere, si vicinos suos & amicos viros Italiæ nobilissimos sic paterentur abduci in Alemanniam occidendos: præsertim cum adhuc in Italia suspenderit virum potentem & generosum: sibi verò & suis exitum patere cum libitu. Tantam quidem adhibuerunt diligentiam obsidibus retinendis, vt neminem permetterent egredi qui Italicè loqueretur. Imperator autem assumpto habitu seruiantis, quasi vt alicuius magni viri procuraret hospitium, cum aliis v. seruiantibus noctu egressus est lætus, quòd ei fata concesserant Italiam perdere, quam demeruerat diutius retinere. Inde transiens Chrysopolim suam turbauit Burgundiam, Proceribus intentans minas: & progrediens, Alemanniam & Saxoniam supra modum turbatas reperit, &

A fratrem suum sentit præ ceteris inimicum, cum tamen ei plurimi aduersentur. Porro Lombardi post egressum eius Blandratum diruerunt, extractis inde obsidibus qui ibi relictierant, & interfectis Teutonicis ferè omnibus quos ad custodiam castri deseruerat Imperator. Decem autem nobilissimos & ditissimos Alemannos dederunt in solatium mariti, vxori illius Brixienfis quem supra prope Secusram suspensum retuli, ut illa prout libuerit eos aut suspendat, aut perpetuè subiiciat seruituti, vel redemptionem accipiat. Exinde damna multa Marchioni dicuntur intulisse: & nunc rumor est eos obsidere Papiam. Et certum est quod Papienses iam in Alemanniam miserunt nuntios Imperatori, denuntiantes quod nisi redierit & opem tulerit, nulla ratione poterunt diutius resistere ciuitatibus. Hereiarcha Cremenfis Romæ est apud Sanctum Petrum, ubi eum Romani morari patiuntur, inito commercio de reddendis captiuis suis, sed tamen ut aiunt recedere non paterentur. Episcopus Albanensis Domini Papæ vices agit in vrbe. Et si Lombardi Papiam ceperint; spes est Guidonem Cremensem captum iri: & quod non modo Romani omnes, sed & Tuscia tota schismaticos impugnabit. Adhuc autem incertum est an dominus Papa Lombardorum velit audire preces, se transferendo ad illos: creditur tamen. Prosperatur autem adhuc Beneuenti, ubi Nuncij Regis Angliæ, & domini Cantuariensis, in ipsius præsentia conuenerunt. Et quidem vtrique benignè & honorificè recepti sunt; sed Regalium sicut iustitia minor; sic pompa & diuitiarum ostentatio maior. Cum autem dominum Papam blanditiis & promissis deicere non præualerent, ad minas conuersi sunt, mentientes quod Rex eorum Noradini citius sequeretur errores, & prophanæ religionis iniret consortium, quàm in Ecclesia Cantuariensi Thomam pateretur diutius Episcopari. At vir Dei nec terrore concuti, nec seduci potuit blandimentis: eisque duas proponens vias, alteram vitæ, alteram mortis, respondit eos ut cœperant facillè posse contempta gratia & patientia Dei pereuntium præligere viam, sed se Domino propitiante non recessurum à via recta. Detumuit ergo in breui spiritus eorum: & videntes se hac via contra iustitiam non posse proficere, miserunt in Siciliam Nuncios & Litteras Regis sui, quibus muniti venerant, ut ope Siculi Regis & Reginae possent aliquid à domino Papa aduersus Ecclesiam impetrare. Sed Christianissimus Rex Francorum præfagiens hanc versutiam malignantium, Panormitano electo causam Ecclesiæ & domini Cantuariensis commendauit ut propriam. Quis alterutrius Legationis profectus sit, hætenus ignoratur. Superuenerunt interim Nuncij Legatorum, quos Rex Angliæ impetrauerat, minimè coarantes. Nam quicquid cecinerat alius, alius in Curia decantabat: sed nec de istis certum est quid sint ad Dominos suos relaturi. Supplicatum est ex parte Regis & Legatorum, adhibitis multis intercessoribus, domino Papæ pro Episcopo Saresberienfi. Et tandem obtentum ut ei summus Pontifex suam remitteret iniuriam & offensam, & domino Cantuariensi scriberet, rogans & consulens ut ei dimitteret iniuriam suam, & ipsum à suspensionis sententia relaxans in gratiam reciperet & amorem: si tamen ei in propria persona de satisfactione sufficientem præstiterit cautionem, aut duos de maioribus Clericis Ecclesiæ suæ excepto Decano transmiserit, qui iurent quoniam Episcopus eis mandauit, & postea non demandauit, hoc præstare iuramentum, quo ipsius Episcopi nomine & vice iurabunt, quod Archiepiscopo de contumacia & iniuria satisfaciet. Ex quo probabiliter colligi potest, quod dominus Papa sententiam Legatorum, qua iam dictum Episcopum absoluerunt, aut ignorauit, aut ratam habendam esse non credidit. Obtinuerat autem idem Episcopus ante Litteras ferè consimiles, quæ tamen ipsum & suos non onerabant aliquo iuramento: sed eis nondum vsus est, vel quia Regi displicuerunt, vel quia minoris efficaciz reputatz sunt. Quem verò calculum reportaturi sint alterutri, nesciebatur adhuc quando reuersus est prædictarum portitor Litterarum, sed dominus Papa rescripsit Christianissimo Regi se Ecclesiæ Dei & suo Cantuariensi non defuturum, quamdiu partem eius iustitia comite poterit subleuare. Nunc ad Regum nostrorum colloquia transcamus. Illustres viri Henricus Campanorum & Philippus Flandrensium Comites procurauerunt in Conuentu Sueffionensi causam Regis Angliæ apud Christianissimum Regem, & iuxta tandem preces memorati Regis Anglorum in

hanc formam pacis decursum est. Rex Angliæ debebat redire in hominum Regis Franciæ, & fide corporaliter & publicè data coram omnibus profiteri, quòd ei tanquam Domino suo de Ducatu Normanniæ seruiet, sicut præcessores sui Duces consueverunt seruire Francorum Regibus. Comitatum verò Andegauensem & Cenomannensem, & fidelitates Procerum ad memoratos honores pertinentium cedere tenebatur Domino Henrico filio suo, qui indè hominum & fidelitatem Regi Francorum contra omnes homines facturum erat, nec aliquid debiturus patri vel fratribus, nisi quod exigit ratio meriti vel naturæ. Ducatum verò Aquitaniæ lege simili Rex Francus Ricardo filio Regis Angliæ concedebat, dans ei in matrimonium filiam suam, sed sine dote, quæ tamen erat pro libitu parentis donationem propter nuptias acceptura. De Tolosa nec mentio habita est. Milites, qui atrinsecus capti erant, debebant liberari, & sic consolidari pax & concordia Regum. Cùm verò Rex Angliæ voti compos audiret Comitem Henricum ad se venire, vt hæc ineundæ concordiæ forma confirmaretur, demandauit ei ne progresseretur proficiscens in Pictauiam vt Liziniacum castrum auferret Proceribus, qui illud reedificare conuenerant & munire. Causam verò quam cum Francis tractabat, commisit Archiepiscopo Rothomagensi & Richardo du Humet & R. de Luci finiendam vice sua: quorum iuramenta contra voluntatem Domini sui Franci nostri non appreciantur vel obolum. Vnde Rex Francus ratus se delusum esse dolo partis alterius, Bituricas indignans profectus est: ibique à Proceribus Pictauorum iuramenta recepit & obsides, quòd nullam sine consilio & voluntate eius cum Rege Angliæ facient pacem: eis auxilium mutuum repromittens, & iuramento Petri fratri sui, & Comitis Stephani, & VVillelmi militis Carnotensis, firmans quòd nec ipse faciet pacem, nisi facta pace eorum, & nisi eis restituantur ablata. Iteratò itaque sed diligentius per ante dictos Comites Campanum & Flandrensem egit Rex Angliæ, vt alterius Regis haberet colloquium: & pacem pro forma, in quam conuenerant, reformaret. Et quidem in octauis Paschæ colloquium obtinuit Optimatum Francorum, sed faciem Regis videre non meruit, nisi ante securitatem præstiterit quòd Pictauensibus, & omnibus qui Regi adhæserunt, pacem & vniuersa ablata cum integritate restitueret. Excepto quòd non tenetur Pictauensibus, sicut nec ei Pictauenses, mortuos suscitare, vel casas reedificare combustas. Hanc ergo fide corporaliter data præstitit cautionem, & quòd alios articulos pacis apud Suesfionem dispositæ fideliter obseruabit. Hoc ipsum simili modo cautum est à Proceribus eius. Proceres autem Franciæ ei se fide obligauerunt, quòd Rex Franc. si sibi pacta superius posita & suis seruata fuerint, præmonstratam pacis obseruabit conditionem: excepto quòd filiam suam non consentit Richardo destinato Duci Aquitaniæ in matrimonium collocare. Hoc tamen de Tolosa expressum est, quòd si Richardus de Comite Sancti Egidij sibi petierit iustitiam exhiberi, Rex causam tractabit iudicio Curie suæ. Quæ cum Regi Francorum relata fuissent ex ordine, consensit vt cum Rege Anglorum loquatur Dominica proxima post Ascensionem, & secundum prædictas condiciones faciat pacem. Sed Pictauenses ei postea conquesti sunt, quòd Rex Angliæ eos transmissio exercitu expugnabat, dum verba concordie tractarentur: exercitum tamen confecerant, & ducem eius Comitem Patricium interfecerant, sed inuiti. Vnde Rex Francus plurimum motus est, sed an hoc impedire pacem possit ignoro, licet eam pœniteat sic consensisse. Ceterum aliquatenus inductus fuit contemplatione deuotionis, quam Regem Angliæ opinatus est concepisse. Cùm enim idem Rex pro reformanda sibi pace Francos, de quorum amicitia confidebat, operosius sollicitaret, & electum Carnotensem didicisset Christianissimo Regi familiarem esse præ ceteris, eò quòd alios Optimates præcedere creditur in timore Domini & operibus sapientiæ, accessit ad eum, affectuosius supplicans vt eum reconciliaret Domino suo, cum quo & pro quo si placeret paratus erat in Ægyptum proficisci. Electus verò, vt pote vir prudentissimus, volens verbi latebras sibi profundius aperiri, Est ne, inquit, verum quod dicis, vt cum eo velitis ire Hierosolymam? At ille, Nihil vnquam feci libentius si placuerit Domino meo, & me permiserit domui meæ disponere, & liberis prouidere. Carnotensis autem etsi dolum subesse suspicaretur, hoc retulit Regi Francorum. Ille autem respondit quia turpe erat totiens decipi, nec se aliqua ratione reediturum ante quod ex animo locutus sit, quàm humerum eius cruce videat insi-

Agnitum. Nam cum hoc antea ei promiserit, & firmauerit cautione, qua commissa nemo fidelis est, & religionis præstitæ preuaricator appareat, ait stultum esse nudo verbo eius haberi fidem. Pronior tamen fuit exinde ad concordiam ineundam. Nunc autem cum audisset, quod dum hoc promitteret, Pictauos aggredere, adeo turbatus est ut ei per nuntios suos denunciauere, se ad colloquium non venturum, nisi ille Pictauensibus securum præbeat commeatum, & det obsides, quod nec in itu, nec mora, nec reditu, ipse vel sui aliquam eis inferret læsionem. Et iam certum est, quod si salua honestate potuerit à conditionibus resilire, oportunitate temporis gratanter utetur. Sunt etiam qui putent, quod Rex Angliæ nullo modo tantam possit ignominiam sustinere, ut his pacem & castra cum ceteris ablatis restituere compellatur: qui interfecerunt Proceres suos, & honori & voluntati eius tanta contumacia restiterunt. Solet enim improbus esse, præsertim ubi impetum impatientis animi succendit iniuria. Alij autem quia homo versutus est, & se videt in arto positum, opinantur quod solita simulandi arte utetur ad præsens, & accepto tempore de inimicis optatam expetet ultionem. Sed quicquid faciant Reges, non creditur quod Pictauenses cum eo ineant pacem, eo quod desperant se posse fidem reperire in homine, à quo se etiam innocentes contra fidem læsos esse queruntur. Verum superuacaneum est varias retexere opiniones, cum rerum euentus in breui ipsam detegat veritatem: quam, cum innotuerit, tibi, auctore Deo,

B quantocius potero significare non pigritabor, tam de pactis Regum quam de statu Domini Papæ, & causâ Ecclesiæ Anglicanæ diligentissimè referens quicquid relatu dignum esse credidero. Tu mihi de statu tuo & amicorum rescribens, vicem redde: habens, & à Sanctis haberi faciens in bono, mei & meorum memoriam ante Deum.

Eidem Bartholomeo Exoniensi Episcopo.

EPIST. VII.

ALTERNA fortuna rerum vices mortaliūque conditionem nunc deiicit, *Edi. 168.* nunc extollit. Rectius tamen dixerit & verius, quod is qui ventis & mari imperat, exigentibus hominum meritis in politia mundana, re scilicet publica degentium in hoc seculo seditiones esse patitur, & interdum quasi procellas excitat, nunc eas beneplaciti sui miseratione compescit. Hac autem ipsius dispensatione nuper accidit, quod illustris Rex Angliæ, licet sæpè solēniter & publicè iurasset se in hominum Christianissimi Regis ulterius quo ad viueret non rediturum, sanibri consilio acquiescens propositum mutauit, & in proximo Epiphaniarum die apud Montemmirabilem in pago Carnotensi ad memoratum Regem supplex accessit: se liberos, terras, vires & thesauros exponens, vniuersa contulit in arbitrium eius, ut omnibus vteretur, abuteretur pro voluntate, retineret, auferret, daret quibus & quantum vellet pro libitu, nulla prorsus inserta vel adiecta conditione. Secretas quoque eidem per internuntios obligationes ante præstiterat, sed nulla earum occulta est, quin ut credimus publicetur in breui. Eum ergo benignè mansuetissimus princeps recepit, Deo gratias referens qui ipsius animum emollierat, & ei qui salubri consilio acquiescens debita humilitate Ecclesiæ & populis vilem quærebat pacem. Sic in hominum eius reuersus est fide corporaliter præstita, quod ei tanquam Domino, cui ante Regnum suum hominum & fidelitatem fecerat, fidem seruabit contra omnes homines, ei que præstabit auxilium & obsequium, quod Regi Francorum Normannorum Dux præstare debet. Inde sibi dextras & oscula dederunt. Restituitque Rex Francus Anglico Britones & Pictauos, accepta prius ab eo cautione, quod ei castra & terras ab initio dissensionis huius ablatas restituet, pacemque seruabit: compensatione homicidiorum & incendiorum hinc inde admissa. Die verò sequenti filios suos adduxit Henricum & Richardum, quorum primus hominum & fidelitatem fecit Regi Francorum de Comitatibus Andegauensi & Cenomannensi. Nam ipse Rex in hominio Comitis Theobaldi pro Turo-nensi remanet. Alter verò præstita fidelitate similiter & hominio Pictauensem recepit Comitatu. Huius pacis præcipui inuentores fuerunt Comes Theobaldus, & Frater Bernardus de Grandimonte, qui primi cum Regibus consocij fuerunt secretæ obligationis, cuius feci superius mentionem. In hac autem honorum distributione Franci Regno suo arbitrantur plurimum esse prospectum: eo quidem magis

R r iij

LYDOVICVS
VII. IV-
NIOR.

quo cum acerbiori dolore meminerant Henricum filium Regis Angliæ Regi Fran-
corum pro omnibus hominibus fecisse, quando inter ipsum & filiam eiusdem Regis
sponsalia contracta sunt. Receperat ante paucos dies Rex Anglorum per sanctiss.
virum Priorem de Monte Dei, & iam dictum Bernardum de Grandimonte, pro
Cantuariensi Archiepiscopo commonitorias domini Papæ, quarum tibi exemplum
mitto: pacisque probandæ spem dederat, si modo dominus Cantuar. ei coram
hominibus speciem humilitatis prætenderet, persuaseratque viris Religiosis quod
eum in omni honore & libertate Ecclesiæ totius Regni post se Dominum & Prin-
cipem constituere disponebat. Vnde eorundem consilio accitus Archiepiscopus
à Rege Christianissimo, cum coexulantibus sibi huic colloquio interfuit, & in om-
ni humilitate flexis genibus ad Regis sui pedes accessit in conspectu omnium: hac
» forma verborum vtens: Misere mini mei Domine, quia pono me in Deo & vobis
» ad honorem Dei & vestrum. Sed Rex qui pacem promiserat Ecclesiæ, dum time-
bat suam posse turbari, successibus nouis elatus prærupit in contumeliam suppli-
cantis, & impudentia loquendi promeruit, vt qui antea minus verus, nunc à Fran-
cis habeatur & inurbanus. Et vt causam suam, quam omnes iniquam nouerant, co-
ram sanctissimo Rege & aliis Principibus iustificaret, contumelias & fabulas hoc fi-
» ne concludit. Nihil Domine mi Rex, & vos sancti viri & Principes qui adestis, aliud
» ab Archiepiscopo peto, nisi vt mihi seruet consuetudines quas quinque proximi
» antecessores sui, quorum aliqui sancti sunt, & miraculis coruscant, meis observa-
» uerunt, quas & ipse promisit, & hoc in præsentia vestra tanquam Presbyter & Epi-
» scopus similiter sine malo ingenio mihi polliceatur. Hæc est enim sola causa dis-
» sensionis inter me & ipsum, quod eas infringit, & quasdam earum cum observato-
» ribus suis, apud Ecclesiasticæ libertatis professores esse permisit assertores iustitiæ,
» & testes legis, asseuerantis quod nec exilium nec proscriptionem, dum modo illa
» vigeat, pro ipsa fidelis debeat formidare. Omnes causæ nostræ articulos tenes, iu-
ramentorum, quæ à nobis exacta sunt, nosti conceptionem: vt in hac parte dili-
gentius explananda non oporteat immorari. Sed fortè dices, quia pridem proposi-
ta mutabitur formula iuramenti, nec cogetur aliquis in reprobarum consuetudi-
num verba iurare, contentus erit exactor iuramenti si fidelitatis seruandæ sibi suc-
cinctim absolute verba præstentur: ita quidem vt non adiiciatur, fidem Eccle-
siæ & Prælatorum obedientiam saluam fore. Nam, vt aiunt, istis nec vult, nec
voluit præiudicare, quod nec exigitur iuramentum. Verùm si præiudicare non
debet, quare necessariæ ad salutem observationis non licet fieri mentionem? Si
præiudicat, qua conscientia præstabitur à fidei? Consilium, inquis, sapien-
tum est, cum pro bono pacis & omnium suspicione vitanda, tum pro adipi-
scenda materia gerendorum, vt necessariis & amicis possit quisque officiosus esse.
Nunquid amicorum & nugantium familiarium fauore, qui nos deseruerunt in ad-
uersis, relinquendus est Pater misericordiarum qui nos consolatus est, & cōsolatur
in omni tribulatione, immò nec tribulationis nos permittit habere scientiam? Sua-
dent alij vt iuremus. At ille dat consilium non iurandi. Cuinam putas esse creden-
dum? Ego certè Dei pro me incarnati & mortui consilium fidelius & salubrius
credo, & illum frontis attritæ esse non ambigam, qui suum duxerit præferendum.
Vt ergo ceteras maiores & tibi notas exilij & proscriptionis causas taceam, quia
Christo iuramenta dissuadenti credidi, proscriptus sum: cui quicumque non cre-
dit longè periculosius proscribetur. Nam in comminationibus & promissis æquè
fidelis est. Nec dico quod omnè, licet à malo procedat, sit illicitum iuramentum.
Habet enim interdum veniam: cui locus omninò non est, nisi cum occurrerit culpæ
ratio causæ veniam impetrarit. Locum istum prætereo Deo potius discutiendum
& conscientis singulorum: ne si quid argutius, prout ratio suggerit, elocutus fue-
ro, in aliorum & fortasse innocentium, qui iuramenta præstiterunt, suggillationem
spiritum videar effudisse. Malo enim moderationis habenâ calamum cohibere,
quàm diuinæ legis articulos congerere: qui & si rectè prolati fuerint, interdum
non nisi ad subuersionem proficiunt auditorum. Transeo ergo ad illa, quorum tu
dedisti materiam, orans, obsecrans, & obtestans vt non deficiat fides tua: nec cre-
das spiritui eorum, qui suum Neptunum sequentes, ipso mediante properant ad
Plutonium, & descendunt in infernum viuentes. Loquantur interim quod volue-
rint: iactitent se aduersus Christum Domini præualuisse in vanitate sua. Perditio

A corum astat proforibus, quorum gaudium est ad instar puncti: & gloria, ignis, stercus & vermis. Qua via in breui Deo propiciante scies, & tinnient aures eorum à sibilis & clamore fidelium, quibus pauperes Christi fuerunt in sibilum & derisum. Nec dubites, nisi fortè tibi persuasum sit mortales non esse morituros, quin in sententiam anathematis reponantur, qui fraude tacendi & mentiendi astutia meritos laqueos videntur euasisse. Hoc autem amicis nostris (si qui tamen nostri sunt) non fortunæ, persuadere memineris, ut non fleant super nos. Et utinam super se ipsos flere non debeant, quia nobiscum agit Altissimus, verberare tamen deducto quomodo pater serenissimus cum filiis carissimis agere consuevit. Ceterum tibi compatiar, qui minorem securitatem in portu quàm in naufragio reperisti. Sed si tibi Deus vel ad modicum patientiam dederit, tibi, quod indubitata fide pronuncio, naufragi de quibus desperatur citissimè poterunt & volent opitulari. Sta ergo in ea conditione, in qua à Domino vocatus es, & saltem quatenus sine periculo potueris diuinæ legis assertor existe. Satis humanum est quod dico propter infirmitatem carnis nostræ, quia nisi qui legis custodiam periculis omnibus anteponit, saluari non posse testis est beatus Apostolus & tota concio perfectorum. Scripsi homini pro quo sollicitaris, & credo quòd ab ipso per latorem præsentium de statu eius qui Deo propiciante bonus est certioraberis. Amicos nostros saluta diligentius, quorum nomina sicut paginæ subducta, sic animo portitoris confido multiplicatis precibus esse impressa. Valere.

B



TRAIMVNDI MONACHI CLAREVALLENSIS

EPISTOLÆ HISTORICÆ.

Quas nomine **LVDOVICI VII. Regis, Petri & Henrici Abbatum**
Clareuall. ac aliorum conscripsit.

*Ex duobus Codd. Mss. quorum vnus communicatus est à pio & docto Viro
Nicolao Camusat Ecclesiæ Trecentis Canonico: alter à Claudio de la Fons
celebri apud Augustam Veromanduorum Advocato.*

EPISTOLA I.

C

DOMINO *Pape* **ALEXANDRO LVDOVICVS Rex Francorum.** Si benè placitum est Domino in populo suo, ut exaltet mansuetos in salutem, instare credimus tempus, & horam, qua iudicium sit mundi, & Princeps mundi huius eiiciatur foras. Expectauimus ut videremus istum. Vidimus, & gauisi sumus, ut sicut aspirauit dies, ita & inclinentur umbræ: fiatque de medio caligo criminum, & nebula peccatorum, quæ texit hætenus omnem terram. Videmus, & gaudemus redditam nobis pacem. Videamus & gaudeamus per vos redditos dies bonos, in quibus sibi iustitia & pax mediante caritatis osculo copulentur. Dies ipsi vitæ vestræ felicibus limitentur egressibus, quibus nouo & amplectendo miraculo annosior indulta est prolixitas temporum, ut auctior vobis surgat tessera meritorum. Neque enim frustra credendum est, quòd ideò in vobis hoc donum Ecclesiæ suæ sanctæ Rex immortalis indulserit; ut antecessores vestros, quos vincitis diuturnitate dierum, vincatis etiam beatitudine seculorum. Profectò namque supernus ille mortalitatis nostræ moderator & arbiter ideò vos in diem hanc, sicut confidimus, reseruauit, ut accepto tempore iustitias iudicetis, & ponatis praua in directa, & aspera in vias planas. Ut restituantis Hierusalem sicut in diebus antiquis, ponentes deserta eius sicut hortum

LYDOVICVS
VII. IV-
NIOR.

Domini, & solitudinem eius quasi delicias. Luxit haecenus, & elanguit terra: **A** confusus erat Libanus, & sordebat. Sed infunditur citè verna temperies, & de visceribus terræ bonæ spei germina reuiuiscunt. Concussa sunt namque corda mortalium, iudiciorum vestrorum timore mollita: ita vt infœcundi haecenus pœtoris gleba florente iam cespite in frugem vitæ melioris erumpat. Ecce iam florent vineæ, iam flores fructus parturiunt. Tantum sit qui capiat vulpes paruulas, & omne reptile venenatum in suæ malignitatis astutia comprehendat. Quod ne consueti turbinis impedire possit occasio, ecce hiems transit, imber abiit & recessit, tempus putationis aduenit. Putetur ergo, Domine, putetur & fodiatur vinea Domini sabaoth, vt sarculo fructificante in vsus ampliores exuberet, dum sterilia farmenta non sustinet. Pacatam vobis hanc vineam reddidit Dominus Deus noster. Vestri erit amodo operis & laboris, vt eam sibi mundam & fructiferam resignetis. Stillent super eam montes dulcedinem, & colles iocunditatem. & dantibus cœlis pluuiam, ipsa quoque proferat fructus suos. Date simul & vos voci vestræ vocem virtutis, vt audiant & intelligant vniuersi, quod posuerit vos Dominus in lucem gentium, vt sitis salus eius vsque ad fines terræ. Præstò est enim piæ intentioni vestræ operandi facultas, cui tanta conceditur sanctæ operationis auctoritas. Et vt paucis multa complectar, ad restaurandum Ecclesiæ statum posse adiacet vobis. Velitis tantum, & salua sunt omnia. Prope est vt & ipsa clamet ad vos. Tantum dic verbo, & sanabitur puer meus. Quis enim non credit auditui vestro? quis non obedit verbo? quis non obtemperat iussioni? Quod etsi reluctari quispiam pro sua malignitate præsumperit, sonent exultationes Dei in faucibus vestris, & gladij ancipites in manibus assumantur. Ad faciendam vindictam in nationibus, & increpationes in populis. Ad alligandos Reges eorum in compedibus, & nobiles eorum in manicis ferreis. Fuit haecenus impossibilitatis & malitiæ temporis, quicquid in Ecclesia Dei circa instituta Ecclesiastica pullulauit. Superest amodò, vt vobis omnimodis imputetur, si ex vestro neglectu depereat quod utilitas vniuersitatis expectat. Agite ergo, agite vt Ecclesia sancta iam tandem in vnitatem lucretur quod amisit in schismate, & damna præcedentium temporum vestrarum refarciant integritas actionum. Omnia omnibus haecenus licuerunt, satisfique prodit dissolutio vitæ, quantum eneruata sit seueritas disciplinæ. Pontifices etenim nostri præsunt utique, sed pauci qui prosint. benè cum quibusdam agitur, si non obsint. Qui utique in vsus vel abusiones magè superfluas equos multiplicauit & quadrigas, vt locorum quocumque peruenerunt, omnia sumptibus & superfluitate confundant. Non sunt hæc quadrigæ Aminadab, non est hic cœlestis exercitus equitatus. Viderint ipsi ne illorum potius sit forma cutruum, quos mediis fluctibus inuoluit omnipotens, quando equum & ascensorem deiecit in mare. Pupillo non iudicant, causa viduæ non intrat ad eos. Fitque apud nonnullos eorum, vt sola æstimatio munera in statera præponderet æquitatis. Cùm in villam vel Monasterium quodlibet venturus nunciatur Antistès, Regem putetis prodire, **Q** non Præsulem. tantus est equorum exercitus, tanta caterua comitum, tantus præcedentium populus gartionum. Deinde in lautas epulantium cœnas tenuis Ecclesiæ victus exspirat, & alimonia pauperum migrat in delicias conuiuantum. O si esset qui parietem foderet, vt radius lucis vibraretur introrsus, qui educeret ad iudicium opera tenebrarum, & ad vindictam exigeret umbram mortis. Porro ad hæc omnia corrigenda ostium vobis est apertum in Domino, vt remoto vniuersæ difficultatis obiectu currat velociter Apostolicus sermo, quem audiat Syon, & lætetur, & filia Iudæ in iudiciis eius exultent. Sicut ergo magnificauit Deus facere nobiscum, & cum aliis Catholicis Regibus, & Principibus orthodoxis, quibus optatum præstitit in vestra exaltatione triumphum, ita & ipse in vestris necesse est operibus honoretur, vt celebre sumamus de publici status emendatione tripudium. Sanè iste, quem deplorauimus, Ecclesiæ morbus, perpetuum crescit & proficit in languorem, nisi in hoc Concilio repererit sanitatem.

EPISTOLA II.

ALLEXANDER *Episcopus seruus seruorum Dei, Venerabilibus Fratribus Archiepiscopis, & dilectis filiis vniuersis Abbasibus in Cisterciensi Capitulo constitutis, sa-*

A *litem & Apostolicam benedictionem.* INTER vniuersas mundani turbinis tempestates, quas contra Ecclesiam Dei & nos ipsos feruentis persecutionis procella commouit, magnum nobis est præstitum Deo prouidente remedium, cum vniuersitatis vestræ feruentissima caritas nec pericula timuit, nec adminicula denegauit. Ex his videlicet retributionis cumulum, ex illis actore Deo patientiæ consecutura triumphum. Meminimus planè, & cum omni gratiarum actione recolimus, quàm immobili firmitate fluctuantem Petri nauiculam fidei nostræ anchora seruauit in turbine. qualiter etiam frequens orationum instantia quasi iterum dormientem in eadem nauicula Saluatorem ingruente suscitauit tempestate. Ita vt sæpenumero magnitudine obstupefacti miraculi & ipsum glorificemus, quo mari & fluctibus imperante, optata cœpit arridere tranquillitas: & vos penitus venerabiles habeamus, quorum nobis suffragantibus meritis, cœlestis creditur placata Maiestas. Accedit ad hæc omnia dilectorum filiorum nostrorum Cisterciensium & Clareualensium Abbatum sollicitudo laudabilis & deuota, qui non humano instinctu, sed superni consilij, prouocati, pro pace vniuersalis Ecclesiæ labores maximos & pericula subierunt. Quod tantò nobis & fratribus nostris gratum est amplius & acceptum, quantò eorum studium & laborem vniuersæ Dei Ecclesiæ magis confidimus profuturum. maximè quia speramus, quòd pia eorum instantia vestris orationibus incessanter adiuta, ad Ordinis honorem & commodum, & ad optatæ pacis profectura sit incrementum. Debitores ergo vobis pro tam multiplici caritatis vestræ munere constituti, vos & sacrum Ordinem, quem seruatis, omni qua possumus affectione diligimus, & eiusdem Ordinis profectibus & augmentis amplissimo studio pro parte sollicitudinis aspiramus. Quandoquidem inutiliter videmur superni agricolæ vicissitudinem gerere, si plantationem quam plantauit dextera eius oportunis cessaremus imbribus irrigare. Hæpropter vniuersitatem vestram per Apostolica scripta rogamus, monemus, & exhortamur in Domino, quatinus recolentes qualiter hæc plantatio sancta, hæc vitis fructifera, hæc denique vinea Domini Sabaoth sub primis Ordinis Patribus pullulauit, & palmites suos longè latèque produciens, ad mortifera circumquaque venena pellenda flores protulit, & odores effudit. Peruigili custodiâ studeatis eorum in omnibus inhærere vestigiis, per quos cooperante Domino in deserto mundi huius flos huiuscemodi plantatus est honestatis. Hi enim monasticæ frugalitatis continentissimi professores, optimum ponentes in paupertate principium, totius sufficientiæ assecuti sunt complementum. Ecclesiæ cari, Episcopis & Prælati accepti, atque in conspectu Regum & Principum famâ & merito gloriosi. Nunc autem, quod dolentes dicimus, etsi non ab omnibus, neque in omnibus, à plerisque tamen & in plerisque ab illa sancta institutione dicitur declinatum. In tantum quòd aliqui ex vobis primæ institutionis obliti penitus velignari, contra Ordinis vestri gloriam & decorem, villas, molendina, Ecclesias, & altaria possident: fidelitates & hominia suscipiunt, rusticos & tributarios tenent. quorum conuersatio tota esse debebat in cœlis. Læditur hic

C Ordo penitus, & mutatur, nec est hæc mutatio dexteræ Excelsi. quinimò de dextera potius in læuam transeunt. Qui cum relicto seculo sub paupertatis habitu Deo militare decreuerint, negociis denuò secularibus implicantur. Inde est quòd vobis ab his qui foris sunt contentiones & litigia suscitantur, & Abbatibus in causis forensibus occupatis, plerumque in commissis Domibus & tepor Ordinis, & dissolutio noscitur caritatis: maximè quia caritas in paupertate plus proficit, & cupiditatis dedignata consortium, vt illa restinguitur, hæc tepefcit. Ideoque sanctum & venerabile Collegium vestrum precibus & monitis, quibus possumus, exhortamur: quatinus Domus illæ, quæ à prima sua origine in Ordine sunt fundatæ, constitutis & ordinariis terminis sint contentæ, nec velint ad ea manus extendere, quæ sine laboribus & periculis multis, & demum sine magna Ordinis confusione, minimè poterunt retinere. Si enim relictis originalibus Ordinis institutis, ad communia volueritis Monasteriorum iura diuertere, oportebit & vos communi iure censer: quia dignum est vt qui similem cum aliis suscipiunt vitam, similem sentiant in legibus disciplinam. Ceterum Domus illæ, quæ de aliis institutionibus ad vestrum se Ordinem transtulerunt, vestris omninò satagant vñbus conformari: vt relictis videlicet possessionibus, vel mutatis, quas institutio vestra non recepit, sic se in omnibus vestræ Religioni coaptent, vt quemadmodum se gaudent in socie-

LYDOVICVS
VII. IV-
NIOR.

LVDOVICVS
VII. IV-
NIOR.

tatem Ordinis mutatione habitus & obseruantie regularis assumptos: sic etiam in A
parcite temporalium rerum se latentur institutionibus conformatos. Quatinus
indè & superno Conditori magis amabiles, & nobis atque vniuersæ Ecclesiæ Dei
fieri debeant meritò cariores. Sanè si super possessionibus ipsis in aliquo de Mo-
nasteriis vestris Apostolicæ Sedis auctoritas dispensauit, à nullo vestrum sumen-
dum est in exemplum. quia temerarium est penitus & indignum, aliquem sibi sua
auctoritate præsumere, quod Romana Ecclesia alicui Monasterio certa ratione
inspecta, singularibus voluit beneficiis indulgere. De cetero nos, & totum san-
ctæ Ecclesiæ negotium, vestris deuotis orationibus commendamus: orantes &
ipsi, vt omnipotens Pater, in cuius estis nomine congregati, ordinationes & ope-
ra vestra in beneplacito suo disponat, & vos pariter ac subditos Fratres ad spiritua-
lia iugiter incrementa promoueat. Ad hoc, quoniam prædictum Clareuallensem
Abbatem pro ineuitabili necessitate promouendæ pacis ab aduentu Capituli du-
ximus retinendum, cum à vobis petimus haberi excusatum: sicut & de ipso Cister-
ciensi in patientia vos sustinere rogamus, si fortè contigerit vt eum pro tanta ne-
cessitate celebrato Capitulo reuocemus. Data Benevento xiv. Kalend. Au-
gusti.

Cisterciensi Abbati, Abbas Petrus. EPIST. III.

PERFVSVS amaritudine spiritus, & tactus dolore cordis intrinsecus, quid
dicam vobis Pater, vel quid faciam nescio. Afflictione valida, & miseria sa- B
turatur. Vos autem ex his quæ scribuntur attendite, & videte si est dolor similis
sicut dolor meus. Obductam namque præteriti vulneris cicatricem scidit nuper
ictus acerbior, vt qui parricidalia dudum funera in patris nece defleueram, ea-
dem cogar & nunc in Clareuallis primogenito deplorare. Ad maiorem verò mea-
rum miseriarum cumulum, vterque quodammodo inter manus meas extinctus
est, vterque me præsentem peremptus: vt gladius doloris huius eò crudeliùs orbat
senis animam pertransiret, quo me miserum feriret cominus, & pressius è vicino
confoderet. Accidit enim ante paucos hos dies, vt in Domo Trium-Fontium,
quæ prima est in filiabus nostris, visitationis ageremus officium. Et ecce Abbas
eiusdem loci sacrarium Ecclesiæ, vbi altare beati Bernardi nuper erexerat, pecu-
liarem orationem solito celebraturus ingreditur, quatinus post hoc Missarum so-
lemnitatibus celebratis deuotior nobis & negociis instantibus redderetur. Cùm-
que ibi moram faceret, & cum Angelis Dei assisteret coram Domino, affuit etiam
inter eos sathan, permissus in eum extendere manum suam: vt ille innocentissi-
mus Pater ibi reciperet mortem, vbi vitæ requirebat auctorem. Ingressus est nam-
que post eum vir Belial nomine Simon, qui clauso ostio, vt occideret in abscon-
dito Patrem suum prædictum Abbatem, vibrata in caput eius acie securis aggre-
ditur. Nec priùs à vultus & verticis conuersione destitit, quàm ille non iam mi-
ser, sed adhuc miserabilis Pater laureatum suo sanguine spiritum in eius quem ora- G
bat manibus expiraret. Post hæc, vna hora transacta abiit crudelissimus parrici-
da, & Missam celebrare non timuit: vt velamentum sceleris deuotione sibi asci-
fecerit Sacerdotis. Diu enim præ tumultu lugentium, & concurrentium Mona-
chorum ignoratus parricida delituit, quamuis nox sanguinis sine intermissione
fluentis virtum sanguinum, quòtiens feretro cominus accessisset, stillicidiali quo-
dam testimonio demonstraret. Vnde postmodum pro his, & aliis quibusdam con-
iecturalibus signis ad rationem positus, reum se patrati facinoris confitetur. Di-
gnus quidem, qui nullam consequatur veniam, qui nullam repperit in eo mortis
causam. Et ecce nunc, Pater optime, captus & catenatus tenetur in vinculis.
Pro quo vobis instantissimè supplicamus, vt præfixa die consilio & habita delibe-
ratione cum Fratribus, talis in eum diffiniatur poena, quòd similis præsumptionis
debeat finire materia.

Regi Portugallie, Abbas Petrus. EPIST. IV.

PLA dignationis vestræ gratiam, qua nos Regiæ salutationis alloquio præue-
nistis, obuiis brachiis pronæ humilitatis amplectimur. Gratias agentes Deo,
qui sic vos fecit gloriâ terrenæ dignitatis excelsum, vt magis amore cœlestium hu-
militatis

A humilitatis vos fecerit apice gloriosum. Sic enim humiliter, sic benignè vestra se nobis gloria in Litteris quas misistis insinuat, ut militem potius videantur sonare, quàm Principem. utque ille verè est eminentissimus Principatus, qui Christi fide cernitur & humilitate subnixus. Iam verò quas vobis gratias redibere poterimus, qui paupertatem Fratrum nostrorum pauperem esse non sinitis, quam continuè beneficentiæ donis, & protensis locorum finibus ampliatis. Intende, quæsumus, Christe Iesu, & hæc sancta opera Regiæ huius pietatis accepta: ut qui pauperibus tuis liberam reddit huius seculi solitudinem, perennem cum eis habeat in domo Patris tui tuo munere mansionem. Nos quoque pro modulo nostro, piissime Princeps, benevolentia vestra diuitias venerantes, oblationem Monasterij de Castinaria, quod pia religionis amore in Ordinis nostri titulum transcribere cogitastis, gratanter accipimus. promptam gerentes in Domino voluntatem, ut cum Abbas loci venerit, subuentionem à nobis & opem recipiat congruentem. Quod autem ad orationum pertinet suffragia quæ petistis; numquid potestis bonorum nostrorum non esse participes, quibus intantum sumus pro vestra beniuolentia debitores?

Papa Alexandro, Conuentus Clarenallensis. EPIST. V.

B DISCIPULORVM Christi exemplo ducimur, ut in pelago mundi huius procella surgente deterriti, ad cœleste præsidium fugiamus à fluctibus, & quiescentem in puppe Vicarium Saluatoris pulsemus precibus, clamoribus excitemus. Confidimus enim, quòd nauicula Clarenallis, quæ ab olim vos habet in omni tempestate rectorem, vndosis ictibus etsi colliditur, non quassatur, quamdiu inter maris huius turbines procellosos tali & tanto gubernatore dirigitur. Et ut eam, quæ de vobis est, summam nostræ fiduciæ pernoscat, non timebimus præsentibus vobis cum qualibet commotione naufragium, quia stabit si dixeritis spiritus procellarum. Ecce autem nunc, beatissime Pater, repentini turbine fragor infremuit, & tempestas è longinquo prorumpens horrorem nobis proximæ turbationis inuexit. Ecclesia siquidem Tolosana proprio destituta Pastore, oculos in Abbatem nostrum, nostræ pacis æmula irreuerenter iniecit. tanquam non putet sibi à propria ruina surgendum, nisi & nobis interim status nostri machinetur excidium. Quærit & satagit iacturam suam de nostra calamitate reficere. non attendens, neque recogitans, quàm peruerso ordine diuinis dispositionibus obuier, si Hebræorum spoliis locupletet Egyptios. Nos autem, quorum interest mutationis huius pensare dispendium, ad pedes vestros flebili deuotione prosternimur: profusis lacrymis vnanimiter exorantes, quatinus contra huius turbine instantiam tranquillitas nobis vestra consolationis arrideat, ut nullum admittatis de Patris mutatione consilium, quod planget in posterum calamitas filiorum. Scitis enim vos, & nos ipsi experimento didicimus, quòd in variatione magistratuum quantumlibet tenax disciplina resoluatur, & admissa crebrius mutabilitate Pastorum, gregis plerumque sinceritas dissipatur.

Regi Francorum, Conuentus Clarenallis. EPISTOLA VI.

A MPLISSIMOS regiæ dilectionis affectus, quos ad vniuersas Ecclesias Regni vestri ob reuerentiam summi Regis expanditis, ad cumulum consueuistis initiatæ circa nos caritatis asciscere: ut gratiam ceteris ex vestra pietate communem, nobis faceretis absque aliorum præiudicio singularem. Sic enim piissimum pectus vestrum cœlestis gratiæ opes amplificat, ut abundet in eo quod vniuersitas hauriat, & non desit ibidem quod familiaris affectio iure proprietatis inuadat. Nos ergo specialis gratiæ prærogatiua gaudentes, tantò securiùs in necessitatibus nostris ad tronum vestra Maiestatis accedimus, quantò clarioris certitudinis argumenta ex ipso dilectionis priuilegio iam tenemus. Nunc ergo Clarenalli vestra granditer vos adesse necesse est, quæ si humano præiudicio Pastorem suum regnantibus vobis amiserit, non restat ei amplius in quo confi-

Tom. IV.

LYDOVICVS
VII. IV-
NIOR.

dere ultra de homine vel velit omnino, vel possit. Misimus autem Nuncios nostros ad vos; qui nimirum ut fideles inueniantur, necesse est completum iri quod nobis per eos de vestrae protectionis magnificentia respondistis. Nam dominus Cardinalis qualiter impleverit quod promisit, inopinata mutatione tam itineris quam voluntatis ostendit. Superest igitur, ut fidei vestrae sinceritas opem nobis fraudatae consolationis instauret, scribendo domino Papae, ut in exterminium pacis nostrae neque nunc assentiat, neque in posterum cuiuslibet desolatae Ecclesiae voces in consuetudine nostraeurbationis admittat. Improbum namque est, & sacris legibus interdictum, ut quis cum detrimento locupletetur alterius. Et nos certe pro utilis electione Pastoris frustra videmur studio deuotae orationis insistere, si ex usu contingat nostras nos lacrymas alienis potius consolationibus profudisse.

Papa Alexandro, Abbas Henricus Clareuallus. EPIST. VII.

VT in gaudio & exultatione metatis quod pia sollicitudine seminastis, ad notitiam vestram, Pater sancte, deferimus, quod cura, quam nobis Apostolica delegauit auctoritas, suaves in aliquibus & acceptabiles Deo fructus fidei vestrae merito partriuuit. Ita ut & nos delectet executio boni operis, & vos certe poenitere non debeat utilis & saluberrimae iussionis. Illustris namque Comes HENRICVS, noster specialissimus Princeps & Dominus, terrae peregrinationis nostrae, compunctus & inspiratus à Domino, vexilla salutis primus arripuit, & dignum Domino spontaneae oblationis offerens sacrificium, ad æmulationem pij muneris ducem se ceteris praestitit pietatis. Iam in hortulo cordis eius germina laeta repullulant, iam futurae fertilitatis ipsius aprica viriditas hilarescit. Ita ut sentientes in eo fragrantiam spei bonae, exultemus & lætemur in ipso, tanquam in odore agri pleni, cui benedixit Dominus. Nuper enim circa Dominici Natalis proxima sacramenta de manu Legati vestri viuificae Crucis signum pia deuotione suscipiens, publicae solemnitatis gaudium inopinatae laetitiae festiuitate praeuenit, ut de ipso quoque merito resonaret, *Gloria in excelsis Deo, & in terra pax hominibus bonae voluntatis*. Ecce igitur pro eo coram vobis affectuosissimae deuotionis preces prona humilitate prosternimus, rogantes ut Terram suam, quam patrocinio vestro ex fiducia multa commisit, memineritis prout decet Apostolici praesidij tuitione vallandam. quatinus quisquis in eam aliquod fuerit in absentia Principis machinatus incommodum, indignationem vestram se non dubitet incursum. Nulli etenim iustius diligentia sacri Apostolatus impenditur, quam ei, qui tollens crucem suam, per tot maris terraeque discrimina Crucis Dominum imitatur.

Papa Alexandro, Abbas Henricus. EPIST. VIII.

DOCTORIS gentium probat auctoritas, & nostra iugiter infirmitas experitur, quod nemo scit hominum quae sunt in homine, nisi spiritus hominis qui in eo est. Verum & hic ipse ad sua ipsius intima dinoscenda caligat, nisi hoc ab alio spiritu adiutus intelligat: illo utique de quo Apostolus ait, *Spiritus adiuvat infirmitatem nostram*. Ille namque solus cum omnia scrutetur, etiam profunda Dei; ille, inquam, solus occulta humani cordis intelligit, & vires ac potentias singulorum singulari & propria virtute discernit. Quod ideo dictum sit, amantissime Pater, ut nulli de me credatis quod supra me esse meus ipse mihi spiritus attestatur: domesticus utique propriae insufficientiae perscrutator, & nec mearum virium nescius, nec debilis imbecillitatis ignarus. Scitote itaque, Pater, & credite, quod si quid in me gratiae vel virtutis aut est aliquatenus, aut esse conuincitur, illotum penitus est meritis attributum, quibus in Lege Domini conseruandis indigna me fateor Praelatione summissum. Eorum debetur commodis omne quod possum, eorum deputabitur vsibus quod accepi. Quibus si quid exinde qualibet surreptione fraudauero, timeo ne quod illis pro parte surripitur, mihi dignius ex asse tollatur. Multo proinde melius mihi, multo secu-

Arius, apud illos iugiter munia impositæ feruitutis implere, quàm cum eo quod illorum est de gente in gentem vaga mutatione transcurrere. Quando verò idoneus fierem regere gentes indomitas, & diuinæ legis ignaras, qui nec illos etiam administrare sufficio, qui plus mihi ex disciplina conferunt, quàm à me recipiant per doctrinam? Et isti quidem per semitas iustitiæ debili currentes incessu, sponte feruntur ad vias vitæ: illi verò pactum fecere cum morte, & manibus & verbis accersierunt illam. Veruntamen & propter illos mori pro vestra mihi erit iussione promptissimum, parato pro viribus meis ad omne quod contra hereses illius regionis iniungitur, dum modò ab ea mihi quam somniant Pontificis electione parcat. Rogo igitur, & per mansuetudinem nostri Redemptoris obtestor, vt quicquid vobis alij suggerant, qui consuetæ forsitan correctionis aculeos remouere longius à sua conuersatione festinant, ab his tamen, quibus diuinæ videor ordinatione coniunctus, paternitas me vestra non separet, nec cogat me ampliùs ad seculi huius alta respicere, qui elegi ab olim in Domino humilibus consentire. Inueniam, quæso, misericordiam in oculis vestris, ne ab accessu Concilij huius timoris occasione retarder. vt possim vobis tanquam Vicario Christi Iesu, & summo speculatori turris David, quædam singulariter comperta suggerere, quæ poterunt Deo propitio in vniuersitatis commodum redundare. Numquid tanti est ad Tribus solummodo Tolosanas, & fides Vasconiarum conuertendas intendere, vt negligantur alia multa, quæ potestis, si creditis, & debetis, vsque ad extremum terræ, in salutem multarum gentium providere? Ipsa quoque Tolosana Ecclesia, si non ei aliundè consulitur graue interim dispendium sustinebit, dum ego si me cogitis fugiam quoad potero, etsi non effugiam manus vestras.

Papa Alexandro, Abbas Henricus. EPIST. IX.

EST in Insula Hiberniæ vir vitæ venerabilis, fide Christianus & nomine, qui in populo illo barbaro & gente nouissima summo hætenus fungitur Sacerdotio, & Legationis insuper titulis insignitur. Nunc autem infirmitate confectus & senio, quietis & vacationis vota concepit, fatiscentem nimirum caufatus ætatem. Quippe qui videt exitum huius vitæ sibi pro foribus imminentem. Maturus igitur miles, & post varios triumphos legitimæ concertationis emeritus, præteritæ operationis hebdomadam Sabbato quærit requietionis occludere, & spiritualibus tandem otiiis dedicare id quod est reliquum vitæ suæ. Facta igitur cessione Pontificij quod gerebat, ne gentem, in qua hætenus laborauerat, absque consolatione dimittat, virum venerabilem F. latorem præsentium ordinari sibi desiderat successorem, celebrata electione in ipsum à Clero & populo, & Magnatibus Terræ eius. Vnde nos, licet tales in obseruantis Ordinis adiutores, quàm in Ecclesiasticis functionibus fieri cupiamus Antistites, adducimur tamen assensum nostrum præsentis negotio non negare. Timentes vtique illi barbaræ nationi, ne facile in eis naturalis feritas recrudescat, si in tepidioris segniciem disciplinæ, à spiritualium virorum feruore refrigeat. Quapropter si ita videtur & vobis, rogamus vt votis & desideriis prædicti Pontificis, tam in absolutione eius, quàm in ordinatione istius efficaciter annuat. Quicquid autem agendum fuerit, scitote quòd ei & viarum prolixitas, & breuitas expensarum moras inhibet longiores.

Regi Anglorum, Abbas Henricus. EPIST. X.

ADIE, qua vobis Deo inspirante complacuit, vt ad redemptionem familiaritatis nostræ sinus sese regiæ dignationis expanderet, & apex tanti culminis inclinaret, iugis & interpolata memoria vestri sedem nostri pectoris occupauit, quæ nos non patitur vel in amore vestro tepescere, vel à gloriæ vestræ prædicatione cessare. Testis est terra V Vasconiarum, & nobilis vrbs Tolosa, quam ex dispositione nuper vestræ magnanimitatis adiuimus. qualiter per os nostrum in omni opportunitate colloquij tam publici quàm priuati magnifica virtus vestræ Maiestatis insonuit, & inter oppantas quodammodo erroneæ turbæ caligines

Tom. IV.

Sf ij

LYDOVICVS
VII. IV-
NIOR.

splendor vestræ tam fidei quàm pietatis effulsit. Deindè cùm iam rediissemus ad propria, eiusdem vestræ pietatis gratiam domesticis nostris relatu familiari deprompsimus, & Abbatibus è diuerlis mundi partibus congregatis cum solemniquadam & festiua lætitia regalis beneficentiæ nunciauimus largitatem. Inter cetera sanè, quæ de amplificatione & custodia Ordinis seruastis hætenus & seruatis, curæ nobis fuit non solùm exhibita, sed & promissa referre: vt gratiùs accepta recolerent, cùm potiora in reliquum ex gratuita pollicitatione sperarent. Specialiter illud amplissimum donum præconio excellentiore protulimus, quod Clareualli nostræ in nostris manibus promisistis, vt videlicet plumbi lamina in operimentum Oratorij nostri vestro munere contributa, deuotio, quæ vobis in pectore flagrat, vobis super tecta resplendeat. Hoc igitur acceptantibus vniuersis, & dignas Deo gratias persoluentibus, habita deliberatione decreuimus Oratorij nostri mensuram sine orationum mensura transmittere. orantes impensius, & clamantes ad Dominum, vt pro decore Domus suæ, quam ampliatis meritis, restituat ipse vobis Domum non manufactam, æternam in cœlis.

Idem ad eundem. EPISTOLA XI.

CELBRATVS est apud nos dies honorabilis & sollemnis, noua festiuitate iocundus, & ampla iocunditate festiuius, vt pote quem nobis reuelatio sacratissimi corporis beati BERNARDI celeberrimum reddidit, & lumine clariore perfudit. O quàm voluimus gaudiis illis, plus vtique cœlestibus quàm terrenis, vestræ Maiestatis interesse præsentiam! quatenus & nobis de gloria principali decor tantæ festiuitatis excresceret, & vobis de meritis illustrissimi Confessoris præsentaneo quodam irriguo vberioris benedictionis largitas emanaret. Verùm quia id nobis ampla distantia remotissimæ regionis inuidit, ad speciale remedium vota transtulimus, fecimusque Deo propitio quod vestra ibi etsi præsentia defuit, memoria non vacauit. Solemniter etenim nomen vestrum cum suæ pietatis insignibus, nostrorum vt oportuit & affectionibus Fratrum & cordibus impressimus filiorum: qui ampla illud deuotione susceptum aspectui quodammodo sancti Patris offerrent, & cœlestis Aulæ Secretario præsentarent. Præterea, ne corporalis absentia occasio regias apothecas inuenti muneris participatione fraudaret, mittimus vobis de thesauro reliquiarum eius honorabilem portionem. Indignum penitus reputantes, si pietas tanti Principis tantæ sanctitatis participio fraudaretur. Suscipite igitur digitum sacræ illius manus, quam, pro eo quòd vir iustus, ab omni munere terreni quæstus exclusit, Deus eam, vt dignum fuit, affluentissima copia cœlestis benedictionis impleuit. Illius, inquam, manus, cuius tactus sanabat ægros, roborabat inualidos, firmabat homines, dæmones effugabat. Illius manus, quæ Clareualli vestræ, cui vos dare tecta disponitis, primum iniecit lapidem fundamentis. Fuit autem studij nostri, diligenter in vasculo consignare quod mittitur, ne vel thesaurus ibi reconditus per frequentes apertiones iniuriæ pateat, vel deuotæ surreptionis instinctu dolus aliquis piz fraudis irrepat.

Cabilonensi Episcopo, Abbas Henricus. EPIST. XII.

SERMO bonus egressus à Domino non indignè quidem de vestra nos electione lætificat, quos in vestra pariter dilectione sublimat. Gaudemus siquidem ad altiora conscendere quos amamus: & eos præsertim, de quorum datur conuersatione præsumere, quòd eis in signum gratiæ operationemque virtutis sublimis adueniant culmina dignitatis. Specialiter autem ex vobis specialem sumimus in hac promotione lætitiā, vbi ea materia exultationis offertur, per quam in artioris amicitia statum præcedentis gratiæ merita fœderentur. Illa enim Ecclesia vos suscipit in Pastorem, per quam vos mater Ordinis est habitura Pontificem. Ita vt similis gratiæ parentela in subditam linea descendente progeniem habituri simus amodo viscera pij Patris, in quo habebamus hætenus simplicis beneuolentiam dilectoris. Ceterùm & prædictæ matri nostræ sicut benè confidimus, eò ampliùs assistetis, & sua in omnibus iura seruabitis:

A quo pia religionis æmulari propositum ab ipsa infantia ætatis vestræ didicistis. Deuotis ergo precibus cœlestis nobis exoranda est potentia, ut operis huius initia stabili salubritate promoueat, & ut multiplicando pondus oneris, amplificet & dilatet incrementa virtutis. Ut autem hæc ipsa incrementi vestri primordia lætis vndique fulciantur auspiciis, rogamus prudentiam vestram, quatinus in negotio Longiadi, & nostræ necessitudinis; & vestræ memineritis honestatis. Prouidentes intercedentibus nobis, quod vel negotium ad Domus illius pacem & commodum dirigatur. Si quas ergo vel nostras vel aliorum Litteras habuistis, quæ prædictæ Domui exceptionem soluti contractus opponant, eas nobis loco magni muneris redibete. Facturi rem gratam & acceptabilem cordi nostro, si Domum Longiadi ab huius litigij discrimine liberetis.

LVDOVICVS
VII. IV-
NIOR.

Eidem Cabilonensi Episcopo. EPIST. XIII.

CONVALVIT in Domino spiritus meus vestræ felicitis promotionis auspicio, quam utique acceptabilem Deo, salubrem vobis, Ecclesiæ utilem, & utrique nostrum arbitror esse communem. Nam in nobis si ad caritatis respicitur vnionem, ego ipse quodammodo intelligor esse promotus, qui vestræ dilectionis glutino mediante in corde u. & a. u. vestræ sum paternitati coniunctus. Ideoque attributæ vobis cœlitus dignitati felices processus, & successus vbi res, imprecamur, optantes ut eam sibi non priuatus ambitus, sed publicus debeat vindicare profectus, deturque per illam nobis de iustitiæ semine lætitiæ manipulos portare. Quod utique diuina præeunte gratiâ hac vobis ratione continget, si prodesse magis assueueritis quàm præesse, & quodam æmulatoriæ imitationis obtentu sollicitum vos prædecessoris vestri præstiteritis successorem; cui sic exuberauerit pietatis liberalitas in egenos, ut præstò semper esset iustitiæ seueritas in tyrannos. Confido ego, carissime, hoc ipsum vobis ex diuina prouisione collatum, ut ei succederetis in opus sollicitudinis, cuius tam vitæ quàm actionis exemplum vobis esset speculum sanctitatis. Gerenda est ergo vobis Ecclesiarum tutela, cura pauperum, defensatio pupillorum. Talibus enim hostiis promeretur Deus. Et quoniam quod plus est cordi, magis instat affectui, Altecumbæ nostræ memoriæ facimus specialem, pro illa preces, sed pro illa intercessionem utiles effundendo, ut curam eius, quam ego omninò non possum deponere, vos si placet vestris affectibus imponatis: remota prorsus ambiguitate scientes, quod mihi specialiter erit exhibitum quicquid ei fuerit de gratia & vestri fauore patronatus impensum.

Eidem Cabilonensi Episcopo Abbas Henricus. EPIST. XIV.

NECESSITAS amicum probat, & intimæ caritatis ardorem splendor exhibitæ subuentionis elucida. Si quando igitur, vel nunc maximè nobis vestræ dilectionis experimenta præbebitis, cum & nos vrget, & vestræ imminet Clareualli, in quo & ei & nobis animi vestri beniuolentiam demonstratis. Angit enim nos vehementer, nec dubium omninò quin angat, Cisterciensis electionis instantia, ne dum à multis magnisque personis, matris dignitati concurratur, in iacturam & dispendium filię recurratur, instantibus utique Fratribus Domus ipsius: ut qui Tolosani turbinis fluctus integra rate nos enauigasse putauimus, in portus nostri finibus naufragemur. Rogamus ergo vos, & tanta necessitate conclamante deposcimus, quatinus relictis curis omnibus, & intermissis ad tempus, vestrum ad nos acceleretis aduentum. ita ut infra Dominici Natalis octauas, vestris in hoc opere & consiliis & auxiliis in Domino perfruemur. Videtur autem nobis, nisi fortè vobis aliter videatur, ut Durandum hortari & inducere debeat, quod ad conseruandam pacem nostram piè ac prudenter inuigilet, & assensum suum contrariis suggestionibus non inclinet.

Tom. IV.

Sc ij

PLISSIMO Domino suo LVDOVICO Dei gratiâ Francorum Regi, HENRICVS Clareuallensium pauperum seruus, immarcescibilem æterni Regni coronam. INTER cetera fidei & pietatis insignia, quibus inter reliquos mundi Principes vestræ sublimitatis apex singulari & ferè vnica deuotione resplendet, illud in vobis Christiani feruoris propositum amplectimur, & laudamus, quòd de eliminanda hereticorum incertitudine concepistis. intantum vt animum quoque Regis Anglorum in eandem, sicut audiuius, induxistis pietatem. Gratias Deo super inenarrabili dono eius, de cuius munere venit vt in terris positus de cœlestibus cogitetis. Vnus inuentus diebus his nostris, in quo præter consuetudinem Principum memoria potissimum vigilet æternorum. Non ergo cessamus pauperes vestri de Claraualle, sedulo pro vobis orantes ad Deum, vt vestræ magnanimitatis vota grata, rata, & acceptabilia faciat, & omnes regis dispositionis annisus ad gloriam suam & salutem vestram promoueat, ordinet, & disponat: specialiter autem in hoc opere Christianæ Religionis & fidei copiam vobis gratiæ cœlestis impendat, per quam dignus inueniamini coronâ iustitiæ, tam propagator fidei, quàm victis infidelibus triumphator. Et nos quidem nuper ire ad partes illas pro visitandis nostris Domibus disponentes, decreueramus faciem vestram etiam in hoc ipsum præcedere, vt possemus aliquos ex infidelibus illis prius ab erroribus suis, deindè ab ore imminenti gladij liberare. Habita tamen deliberatione nobiscum, præsensimus melius esse nobis omninò desistere, ne ipsi forsitan ex monitis nostris in sua redderentur perfidia cautiore. Vobis melius decernitur huius pugnæ victoria, per quam fauente de supernis Altissimo, vel faciatis eos ad Ecclesiæ sinum reduces, vel à sinu Regni propulsabitis contumaces. De cetero nosse vos cupimus, quicquid forsitan alij dicant vobis, quòd ad diem, quâ Comes HENRICVS Crucem assumpsit, inde licet vocati interesse nolimus, quia dubitamus secundum eà quæ pridè acta fuerant, ne in aliquod vellent inutile declinare consilium, quod nobis esset aliquatenus inhonestum. Ibi tamen eadem die nec orationes Fratrum nostrorum, nec nostræ Litteræ defuerunt: quibus per Dei gratiam & Princeps animatus est ad susceptionem Crucis, & Consiliarij eius recto inceserunt itinere veritatis.

Omnibus fidelibus, Abbas Henricus. EPIST. XVI.

Hæc Epistola refertur à Rogero de Houeden Anglo, in parte post. Annalium, sub an. 1178.

AV D I T E cœli quod plangimus, sentiat terra gemitum cordis nostri. Doleant vices Christi Catholici Christiani, & ad detrimentum fidei fidelis populus ingemiscat. Quique terrigenæ & filij hominum humanæ salutis damna deplorent, & generalis vitæ suæ subuersio ab omnibus viuentibus generaliter lugeatur. Stat contra phalangas Israël nouus nostri temporis Philistæus, hereticorum ordo, exercitus peruersorum: qui agminibus Dei viuentis irreuerenter exprobrat, & Dominum Maiestatis impia præsumptione blasphematur. Quid dubitas, ô David? quid trepidas vir fidelis? Sume tibi fundam & lapidem, percutiatur protinus in fronte blasphemus: & caput nequam, quod impudenter erigitur, suo tuis manibus mucrone tollatur. Si enim in hoc certamine pars Christi vincitur, si vel ad modicum & in puncto mater Ecclesia conculcatur: scimus profecto causæ nostræ non deesse meritum, sed patronum. Scimus quòd non negabitur agonistæ nostro triumphus, si in amore Christi militet pugnaturus. Verùm, quia iuxta veritatis verbum Domini messis multa est, operarij autem pauci subintroierunt: audacter tuorum, bone IESU, depopulatores agrorum parati sicut operarij subdoli acerba magis eradicare, quàm matura demetere, & tuæ messis diem suis disreptionibus præuenire. Vbi sunt ergo nunc agricolæ tui constituti super fertilem agrum & iocundum, tuo cruore floridum, & aspersione pijs sanguinis irrigatum? Surgant & opitulentur nobis, & in necessitate nos protegant, seque ad cruentas bestias murum defensionis opponant. Surgite, inquam, surgite viri Patres, Duces gentium, Principes populorum. Abigite feras pessimas quas vidimus, quas monstramus: vel saltem vulpes paruulas effugate. Et capere quidem melius. sed ad hæc quis

A idoneus? Non habent certos aditus, semitas ambulant circulares: & in quodam suarum fraudium labirinto monstra nouissima reconduntur. Tanquam damula de manu diffugiunt, & instar colubri tortuosi quòd eos plus astrinxeris faciliùs elabuntur. Deo autem gratias, quia etsi capi nequeunt, fugari possunt: ut cum prodiderint quod demoliebantur in nobis, confundantur & pereant in seipsis. Hoc autem quàm sit facile, per ea quæ vidimus & tractauimus approbamus: ut iam amodò si factum non fuerit, non tam illorum nequitiam quàm defectus nostros nostrorumque negligentiam deploremus. Contigit enim nuper ad imperium domini Papæ, & hortatu piissimorum Principum **LVDOVICI** Francorum, & **HENRICI** Anglorum, Regum, venerabilem **PETRVM** Apostolicæ Sedis Legatum, viròsque discretos **Pictauiensem** & **Barthoniensem** Episcopos, nòsque in comitatu eorum urbem adire **Tolosam**. quæ sicut erat ciuitas maximæ multitudinis, ita etiam dicebatur mater heresis, & caput erroris. Perreximus ergo ad illam, ut sciremus si iuxta clamorem qui ascenderat, esset dolor eius. Et ecce inuenta est plaga eius magna nimis, ita ut à planta pedis vsque ad verticem non esset in ea sanitas. Verè enim tertia pars nobis nunciata non fuerat de omnibus abominationibus suis malis, quas ciuitas illa nobilis in incredulitatis suæ gremio confouebat. Locum in ea sibi abominatio desolationis inuenerat, & prophetorum similitudo reptilium in latibulis eius domicilium obtinebat. Ibi heretici principabantur in populo, dominabantur in Clero: eo quòd sicut populus, sic Sacerdos. & interitum gregis ipsa configurabat vita Pastoris. Loquebantur heretici, & omnes admirabantur. Loquebatur Catholicus, & dicebant, *Quis est hic?* In stuporem & miraculum deducentes, si esset aliquis inter eos, qui de verbo fidei auderet aliquid vel mutire. Interim præualuerat pestis in terra, quòd illi sibi non solum Sacerdotes & Pontifices fecerant, sed etiam Euangelistas habebant: qui corrupta & cancellata Euangelica veritate, noua illis Euangelia cuderent, & de corde suo nequam recentia dogmata seducto populo prædicarent. Mentior, si non erat inter eos homo quidam ætate grandæuus, rebus locuples, ornatus fratribus & amicis, & magnus homo inter maximos ciuitatis: quem ita peccatis exigentibus diabolus excæcarat, ut se ipsum Iohannem Euangelistam diceret, & Verbum quod erat in principio apud Deum, ab alio quodam rerum principio tanquam à Deo altero segregaret. Hic erat in vrbe illa pereuntium caput, & princeps hereticorum. qui licet tanquam laicus & idiota nil saperet, inter eos tamen velut quidam diabolicæ sapientiæ fons perditionis latices emanabat. Conueniebant ad eum nocte nocturæ tenebroræ, & ille indumento ad instar tunicæ dalmaticæque vestitus, cum sederet inter eos tanquam Rex circumstante in exercitu, erat & inerat desipientium prædicator. Totam penitus urbem discipulis suis & disciplinâ repleuerat: quippe cui aliquis de vrbe præ fortitudine sua resistere non auderet. In ipso quoque introitu nostro tanta erat hereticorum vbique licentia, ut nos quoque per vicos & plateas recto itinere procedentes verbo subsannarent, digito demonstrarent, nos apostatas, nòs hypocritas, nos hereticos conclamantes. Verùm procedente tempore, & data nobis requie diebus paucis, nunciatum est vni de nobis verbum exhortationis assumere, & de regula veræ fidei coram infideli multitudine disputare. Habito autem sermone orthodoxæ prædicationis ad plebem, conterriti sunt in Syon peccatores, possedit tremor hypocritas: ut qui prius obstruebant ora loquentium, iam apparere coram loquentibus non auderent. Audires illicò vel videres vulpes transfiguratas in talpas, ut quæ prius in publico discurrebant, iam terrarum latebris, iam sese cellulis immergerent cauernosis: & plantaria sacra, quæ iam non audebant in aperto commandere, infra terræ viscera cortoderent & necarent. Ne autem pardus ille discolor pellis suæ varietate se proderet, sermonem sibi nequam callidis adinventionibus firmauerunt: ut ad nostræ conformitatis similitudinem simulandam, tracti ad discussionis examen, quicquid nos credimus se credere mentirentur. Ex illa ergo die dominus Legatus, & nos alij, qui cum feris bestiis congregari purabamus, ad perscrutandos eos, quos timor & confusio tanquam ignobile reptile in ima terræ detruferant, studium totum conuertimus & laborem: ut vel coacti prodirent in publicum, & abicerent in lucem opera tenebrarum. Factum est exinde, præcipiente Legato, ut iuraret Episcopus, & quidam de Clero, & Consules ciuitatis, alique viri fideles, quos nondum in aliquo perfidiæ fama respererat: ut

LYDOVICVS
VII. IV-
NIOR.

quoscumque vel haftenus nouerant, vel nosse eos contingeret in futuro, qui essent A
huius heresis vel complices, vel actores, eorum nobis nomina scripto depromerent.
nulli penitus vel amore, vel precio, vel cuiuspiam necessitudinis ratione parcen-
tes. Cūque per dies singulos innumera multitudo in catalogum illius conscri-
ptionis incederet, nominatus est inter alios magnus ille P E T R V S M O R A N V S,
quem Iohannem Euangelistam, vt suprà diximus, nominabant. Super quo nos
omnes communicato consilio decreuimus ab illo inchoare iudicium, vt turba in
reliquis perfida contremisceret, cū falsi Euangelistæ versutiam veri Euangelij
simplicitas condemnasset. Missis igitur apparitoribus suis, præcepit eum C O M E S
S A N C T I E G I D I I, qui fideliter nobis aderat, accersiri. Sed ille in multitudine
diuitiarum suarum, & parentum numerositate confidens, primæ citationis edi-
ctum fastuosæ dilationis colludio declinavit. Altera ergo die prædictus Comes
blanditiis magis quàm terroribus vtens, eundem Petrum pèr amicos & notos le-
niter aduocauit: & eum nobis tandem post difficultates plurimas, mixtis cum ter-
rore blanditiis, præsentauit. Tunc vnus, qui loquebatur è nobis, taliter eum exor-
sus est commonere: Eia nunc, Petre, tui re conciuēs accusant, quòd sanæ fidei
regulis confutatis, in Arrianæ heresis deueneris prauitatem: imò per multiplicium
errorum versutias & ducas ipse alios, & ab aliis deducaris. Ad hæc ille de profun-
do suspirans: In se non esse huiusmodi, est prima fronte mentitus. Et requisitus
an hoc iuramento probaret, simplici assertioni suæ tanquam viri nobilis & illustris
credi oportere contendit. Ceterum cū in exigendo iuramento vniuersi pariter B
instatemus, promisit continuò se iuraturum: ne in hoc ipso deprehenderetur he-
reticus, si iuxta quod consuetudo erroris illius obtinuit, vitandi iuramenti existe-
ret obstinatus. Mox igitur Sanctorum reliquiæ honorabiliter efferuntur, cum tam
solemni reuerentia & deuotione susceptæ, vt & fidelis populus compungeretur ad
lacrymas: hereticos verò, qui conuenerant, latebræ potiùs quàm talia spectacula
delectarent. Ipsum verò Petrum in cantu, quem ad inuocandam Spiritus sancti
gratiam profusis lacrymis cantabamus, tremor euident & pallor operuit: ita vt ab
eo color multus aufugeret, & virtus animi deperiret. Quomodo enim aduenien-
te Spiritu sancto, in aduersariis eius spiritus remaneret? Cernere erat hominem
quali morbo paralyti dissolutum, nec loquelam retinuisse, nec sensum: quamuis
tantæ facundiæ fuisse diceretur ab omnibus, quòd omnes in dicendo solitus sit su-
perare. Quid plura? Iurat infelix instantibus vniuersis, quòd de omnibus fidei ar-
ticolis, quos requireremus ab eo, suæ credulitatis exprimeret veritatem. Res mi-
ra, & in tali spectaculo pia iocunditate gratissima! Allatus est liber, in quo iura-
uerat, & vno de circumstantibus Religioso quodam loco occurrentis litteræ præ-
noticum perquirente, illius Scripturæ textus occurrit: Quid tibi & nobis I E S V
fili Dei? Venisti ante tempus perdere nos? Verè, Domine I E S V, nihil tibi & il-
lis, quos pater tuus eiectos à te vite vera, tamquam infructuosos palmites amputa-
rat, & foras miserat vt arecant. At nobis instantibus, vt de sacramento altaris C
suam nobis fidem sine fraude aliqua fateretur, quod corde non credidit ad iusti-
tiam, nec ore confessus fuit ad salutem: sed contra id quod de omnibus mentiri
decreuerat, falsitatis suæ prodidit veritatem, & panem sanctum vitæ æternæ Sa-
cerdotis ministerio in verbo Domini consecratum, non esse corpus Christi nouo
dogmate contendebat. Tunc surrexerunt omnes, eum quodammodo lacrymis
obruentes, quas & sacramentorum contemptus elicuit, & habita erga miserum
compassio Christiana profudit. Nec plura. Datur Comiti feus, & hereticus iudi-
catus: statimque sub diligenti pollicitatione parentum custodiæ publicæ manci-
patur. Volat facti rumor per vicos & plateas amplissimæ ciuitatis, aperiuntur ora
fidelium, & Catholicæ plebis labia in tua Christe præconia resoluuntur: velut
tunc primùm in eadem vrbe fidei splendor erumperet, & in spem salutis æternæ
desperata dudum ciuitas respiraret. Extunc igitur & deinceps verbum fidei cre-
scebat, & multiplicabatur indies: ita vt vniuersa vrbs facies lætior videretur, quæ
in candorem lucidæ virtutis de tenebris euadebat erroris. Interea Petrus ad se re-
uersus, & Domino respiciente compunctus, cū se dignum penitus tam præsentī
morte cerneret quàm futura, missis mediatoribus multis satisfactionis querit adi-
tus, & conuersionis pollicetur affectum: vt possit in frugem vitæ melioris ab immi-
nentis mortis interitu liberari. Venit, recipitur, & in conspectu sistitur populi cir-

A circumstantis, nudo quidem corpore, veteris exuens perfidiæ prauitatem. Ibi se coram omnibus hereticum recognoscens, ibi dedit manus fidei, ibi abrenunciavit errori: præstito coram omnibus manu dextera iuramento, & datis fideiussoribus tam Comite ipso quàm multis præcipuis de conciuibus suis, quòd ad omne mandatum domini Legati se subderet, & iussionem eius in omnibus adimpleret. Tunc indictum est populo, vt omnes pariter ad Ecclesiam sancti Saturnini die altera conuenirent, audituri & visuri solemniter, quam pœnitentiæ formam Petrus ille suscipere obseruandam. Omnes ergo sequenti die, vt fuerant præmoniti, conuenerunt: tanta utique multitudo, tam frequens, vt vix remaneret secus ipsa altaris cornua locus vacuus; qui domino Legato Missæ sollemnia celebranti sine compressione nimia præberetur. Et ecce, coram illa multitudine multa nimis, Petrus ille iam noster per ipsas Ecclesiæ valuas nudus & discalciatus adducitur: cædentibus eum hinc inde Episcopo Tolosano, & Abbate sancti Saturnini, donec ad pedes Legati in ipsis altaris gradibus se prosterneret. Ibi in facie Ecclesiæ Ecclesiasticis reconciliatus est sacramentis: abiurata omni heresi, & hereticis anathematizatis ab eo. Mox autem possessionibus eius publicatis vniuersaliter & proscriptis, pœnitentia illi talis iniungitur, quòd infra x. dies à patria sua exulaturus abscederet; in seruitio pauperum Hierosolymis triennio moraturus. Interim verò singulis diebus Dominicis Ecclesias Tolosanæ vrbs nudus & discalciatus cum disciplinalibus virgis iussus est circuire, Ecclesiarum bona quæ abstulerat reddere, vsuras omnes quas acceperat restituere, damna pauperum quos afflixerat refarcire, & castrum quoddam suum, quod hereticorum conuenticulis prophanarat, ab ipsis fundamentis euertere. Deus bone, quot lacrymas lætitiæ sancta profudit! quas gratiarum actiones & laudes populus iubilans & deuotus cœlestibus choris ingessit! cùm de cauerna perfidiæ talpa talis educitur, & in Israëliticam ouem lupo rapacissimus reformatur. Post hæc illo dimisso, dominus Legatus ad alios manus misit, examinaturus utique illos, quos in magno numero vel suspicio publica, vel accusatio priuata notauerat. Nos autem vix tandem extorta cum lacrymis licentia reuertendi, pro eo quòd instantia Capituli nostri iam reditus exigebat: petita licentia sub ea nobis est exceptione concessa, vt Albiensem diocesim intraremus, commonituri Principem Terræ, ROGERVM scilicet Biterrensem, vt Albensem Episcopum, quem sub custodia hereticorum in vinculis tenebat, absolueret, & vniuersam Terram suam iuxta domini Legati præceptum eliminatis hereticis emundaret. Ingredientibus ergo nobis vnà cum supradiçto Bathoniensi Episcopo illam perditissimam regionem, quæ velut totius sentina maliciæ totam in se colluuiem heresis illuc defluentis excepit: prædictus ROGERVS in vltimos & inaccessibiles Terræ suæ fines abscessit, tam mala conscientia profugus, quàm causæ suæ merito desperatus. Oderat enim lumen veritatis actor maliciæ, nec sustinere poterat nostræ colloctionis accessum, qui totus recesserat in opera tenebrarum. Peruenimus tamen ad quoddam munitissimum castrum eius, quod propriè ac singulariter Castri nomine incolæ nuncupabāt. Ibi habitabat vxor eius cum milicia magna, & familia multa nimis. Omnes ferè habitatores illius castri, vel heretici, vel hereticorum complices erant: licet sola Domini virtute repressi, nihil contra fidem quam prædicabamus præsumerent vel mutire. Quamuis enim essemus & nos in manibus ipsorum positi, & velut intra quosdam potentiæ complices heretica vndique multitudine circumuenti: verbum tamen Domini non erat alligatum, quin eos continuis inuectionibus & increpationibus feriremus. Cùmque videremus quòd nihil omninò præsumerent respondere, iudicauimus prædictum ROGERVM proditorem, hereticum, & de violata pace Episcopi & securitate periturum: eum tanquam publica excommunicatione damnatum, ex parte domini Legati & prædictorum Regum in præsentia coniugis militumque suorum confidenter in Christi nomine diffidantes. Ecce amodo satis apparet quàm grande & euidens ostium patet Principibus Christianis, vt Christi vlciscantur iniurias, ponantque desertum illud quasi hortum Domini, & solitudinem eius in delicias paradisi. Ne autem vel parum, vel nihil contra illos posse causentur, sciant omnes generalem fuisse in vrbe Tolosana sententiam, quòd si visitatio ista fuisset adhuc triennio retardata, vix inueniretur in ea qui nomen Christi am-

LVDOVICVS
VII. IV-
NIOR.

plius inuocaret. Super hæc autem omnia prædictus Comes Sancti Egidij coram A
populo ciuitatis præstito iuramento firmavit, quòd amodo nec prece nec precio
fauebit hereticis, nec eos in Terra sua vltèrius sustinebit.

Ad Manuelem Imperatorem, EPISTOLA.

MANVEL Dei gratiâ serenissimo Imperatori, sempèrque Augusto, VVILIEL-
MVS eadem gratiâ S. Petri ad Vincula Presbyter Cardinalis, salutem, & conti-
nuæ prosperitatis augmentum. Ex Imperialibus gestis, & ipsorum augmentis operum
cognoscentes, quantis honoribus prædecessorum vestrorum reuerentia, Christia-
norum omnium matrem sacrosanctam Romanam Ecclesiam sublimauerit, quan-
tisque donauerit Priuilegiis, intuentes: & quanta eidem Ecclesiæ à Barbarorum
tyrannide fuerint inflicta grauamina, ex quo Imperatorium nomen noscitur ab il-
lis vsurpatum: meritò Eccellentiam vestram singulari quadam intentione dili-
gimus, & Imperium vestrum perpetua seruari stabilitate optamus, atque indeficien-
tibus incrementis semper promoueri. Inde est, quòd desideraremus, vt iam di-
ctam Romanam Ecclesiam debita velletis ratione diligere, cum Christianissimo ac
verè Catholico Domino LVDOVICO illustrissimo Rege Franciæ, qui eidem
Romanæ Ecclesiæ, & beatissimo Patri nostro ALEXANDRO vera fide & inte-
gra deuotione astringitur, firmum curaretis amicitie fœdus inire: vt quasi funicu- B
lum triplicem, qui difficilè rumpitur, contextentes, trium potestatum viribus adu-
natis, dignitates vt vestras inuicem conseruare possetis intemeratas & inconcussas,
& honores vestros alternis auxiliis ampliare. Hac igitur consideratione in ucti,
quoniam per venerabilem virum Archiepiscopum Beneuentanum accepimus id
Celsitudini vestræ complacitum, præfato Regi Franciæ diligentius persuadere
studuimus, vt mediante sanctissimo Patre nostro Romano Pontifice certi vobiscum
amoris fœdus iniret, & perseuerantem pacem firmaret: & indubitantes confidi-
mus, quia si per idoneos Nuncios & Litteras hoc prout congruit volueritis postu-
lare, verbum illud auctore Domino gratum sortietur effectum. Vt autem de Apo-
stolatu supranominati Patris nostri nulla menti vestræ valeat remanere dubietas,
Litteras memorati excellèntissimi Regis Maiestati vestræ fecimus destinari, & quod
de voluntate ipsius super amicitia vobiscum firmanda percepimus, præsentì Epi-
stola vobis curauimus intimare. Vestræ itaque sublimitatis & circumspectionis
erit, si hoc vobis placet, semota procrastinatione rescribere: & verbum istud ad
Ecclesiæ Dei exaltationem, & Imperatorij culminis solium communiendum pro-
pensius & extollendum, citius executioni mandetur, sollicitudinem atque operam
vigilantiùs adhibere.

EPISTOLÆ SVGERII ABBATIS S. DIONYSII.

AD EVGENIVM III. PAPAM, REGEM LVDOVICVM VII.
& alios Franciæ Maiores: ipforúmque ad eundem, dum Regnum
administrarét, de grauioribus negociis conscriptæ.

*Ex MS. Exemplari Clariss. Virorum Patenorum Fratrum nunc primum
in lucem editæ.*

VERSVS IN LAVDEM SVGERII ABBATIS.



AGNE SVGERE, Pater, cui summus apex meritum
Inter præcipuos dat loca prima Deos,
Carmen ab incudi noniter tractum tibi dono:
Scripta precor lima corrige nostra tua.
Sint inculta licet, sint vilia, sint malè compta,
Tu preciosa tamen, cùm legis illa, facis.

Laudes ergo meas de laude, tua precor audi.

Incitat ad laudem me mea Musa tuam.

Cùm natura parens rerum benè cuncta crearet,

Te mirabiliter condere disposuit.

Cùmque rudi de materia sint cetera tracta,

Te Dea de massa nobiliore tulit.

Artificisque diu dubium fuit in ratione,

Vtrum mortalem siue Deum faceret.

Massa valens operi sic conueniebat utrique,

Vt vel posset homo, vel Deus hinc fieri.

Fecissetque Deum Dea, nî superi vetuissent,

Quorum consilio quod facit omne facit.

Pertinuere quidem, ne si totus Deus esses,

Deprimeres alios mira patrando Deos.

Inuidiâ tandem superûm permixtus utroque,

Semiuir efficeris, semideusque simul.

Dimidium massa tecum retinens in utroque,

Nec vir es absque Deo, nec Deus absque viro.

Ex alio diuina cupis, diuinâque tractas,

Et quæ sunt hominis perficis ex alio.

Est ex diuina natura, quod tibi cælos,

Cælorumque Deos pingis in Ecclesia.

Est ex humana, quod Regnum protegis armis,

Augeturque tuis publica res studiis.

*Et nunc semideus in templo cœlica tractas,
 Nunc vir in bello fortia facta geris.
 Sic hominis causamque Dei moderans in utroque,
 Vt res illa Deo congruat, hac homini.
 Qui dum Francorum populos cum Rege gubernas,
 Post Regem quasi Rex sceptrâ secunda tenes.
 Nec magnum quidquam sine te Rex perficit unquam,
 Nec quidquam magnum tu sine Rege facis.
 Tanta dñobus inest vobis concordia facti,
 Vt neuter facto discrepet alterius.
 Alter in alterius sic est deninctus amore,
 Alterius quasi cor pendeat ex alio.
 Denique Roma potens, cui totus flectitur Orbis;
 Flectit ad obsequium colla superba tuum.
 Nec plus Caesaribus magni concedit honoris,
 Quàm tibi; Casariis sit licet aucta bonis.
 Ad nutum ligat illa tuum, soluitque nocentem,
 Et quem iustificas non finit esse reum.
 Quòdque tuis titulis accedit, quidquid in urbe
 Iusseris, infectum non valet esse diu.
 Sic Rex, sic Caesar, sic vnus semideorum,
 Sic homo plus homine niteris esse Deus.*

A

B

ABBATIS

A

LUDOVICVS
VII. IV.
NIOR.

ABBATIS CLAREVALLENSIS AD PAPAM
EUGENIUM, de laude Domini SVGERII Abbatis.

EPISTOLA I.

ADMANTISSIMO Patri & domino EUGENIO Dei gratiâ summo Pontifici, Frater Bernardus Clareuallensis vocatus Abbas, modicum id quod est. Si quod magnæ domus magni Regis vas in honorem apud nostram habetur Ecclesiam Gallicanam; si quis vt David fidelis ad imperium Domini ingrediens & egrediens, meo quidem iudicio ipse est venerabilis Abbas Sancti Dionysij. Noni siquidem virum, quod & in temporalibus fidelis & prudens, & in spiritalibus feruens & humilis, in vtrisque (quod est difficillimum) sine reprehensione versetur. Apud Cæsarem est tanquam vnus de Curia Romana, apud Deum tanquam vnus de Curia cœli. Petimus & obsecramus benignè à vobis suscipi Nuncios tanti viri, & sicut vos decet, & ipse omninò dignus est, rescribi ei verba bona, verba amicabilia, plena familiaritatis & dilectionis, plena fauoris & gratiæ. Siquidem specialiùs diligere & honorare personam eius, honorificare est ministerium vestrum.

EUGENII Papa consolatoria ad Abbatem SVGERIUM.

EPISTOLA II.

EVGENIVS Episcopus servus servorum Dei, dilecto filio SVGERIO Abbati Sancti Dionysij salutem & Apostolicam benedictionem. SVPER obitu filij nostri Iohannis nepotis vestri, quem, sicut accepimus, pro negotiis ipsius Ecclesiæ ad nostram mittebas præsentiam, paterna tibi affectione compatimur, & ipsius animam Domino precibus commendamus. Ceterùm dilectionem tuam ignorare non credimus, quoniam quos diligit Dominus visitat & castigat, vt per temporalia flagella, si æquanimitè tolerentur, æternæ fructus beatitudinis adquiratur. Ideoque, dilecte in Domino fili, non te præsentis vitæ aduersitas frangat, non tribulatio terrena cordis tui sinceritatem corrumpat. Ad montem, vnde veniet auxilium tibi, mentis tuæ aciem figas, & religionis ac honestatis tuæ propositum in Domino confortatus firmiter teneas, nec propterea dimittas quin pro Ecclesiæ tuæ opportunitatibus ad Sedem Apostolicam dirigas, & ei statum tuæ necessitatis exponas.

CNos enim eandem Ecclesiam & personam tuam sincera in Domino caritate diligentes, parati sumus iustas postulationes vestras attendere, & in quibus secundum Dominum possumus exaudire:

VLGERII Andegauensis Episcopi ad eundem Abbatem SVGERIUM.

EPISTOLA III.

SVGERIO Dei electione reuerentissimo Abbati Sancti Dionysij amico suo carissimo, domino suo, VLGERIVS eiusdem permissu Andegauensis Ecclesiæ, licet indignè, dictus Episcopus, totus suus, debita reuerentia, honoris, & seruitij studiosam exhibitionem. NOBILIS Burguliensis Ecclesiæ, quæ in nostro Episcopatu sita est, in prædio & iure Ducis Aquitanorum sedens, & fundata esse, & subnixa ferè solis largitionibus Ducum Aquitanorum constantissimè dignoscitur. Hæc autem disponente Deo, in cuius manu mors & vita hominum sunt, nuper damno infortunio & lacrymabili casu à domno Petro Abbate suo, magno & venerabili & præclaro viro, viduata & desolata est. Sanè venerabilis & religiosus eiusdem loci Conuentus ad solatium tanti doloris, & quia tempora ista, quæ meliùs tempestates dicerentur quàm tempora, nostris in finibus, sacris locis, & maximè illis quæ parro-

Tom. IV.

T r

LVDOVICVS
VII. IV-
NIOR.

nis carent, incommoda, immò pessima incumbunt: congregatis Fratribus, qui ad festum loci illius, etiam de remotissimis Obedientiis conuenerant, festinauerunt eligere in Patrem & Pastorem vnum de visceribus Monasterij sui, Robertum virum magnum, cuius mores honesti, vita commendabilis & religiosa prædicatur & habetur, vt credimus, & nunc quidem veniunt ad pedes Maiestatis vestræ electus & electores, vt electus præsentetur gratiæ vestræ, sicut præsentaretur Regi si adesset, ad quem Ducatus Aquitanix translatus est. Cuius manibus & thesauro sapientiæ vobis per plurimum gaudentibus, Rex LVDOVICVS famosam peregrinationem arripiens, sapienti vsus consilio, commisit. Vnde nos confisi de vestræ liberalitatis excellentia, supplicamus dulcedini vestræ, quatinus eos cum ad vos venerint honorificè suscipiatis, & affectuosè in suis petitionibus exaudiatis, & quòd etiam non rogatus faceretis, qui in loco Regis estis, regaliter tractetis, & lætissimos ad nos & ad propria remittatis. Nos etenim sumus vestri penitus, & libentiùs vobis seruiremus, si locus & tempus ministraret, quàm aliorum seruitia reciperemus. Memores enim sumus & semper erimus beneficiorum & honorum, quos amplissimè nobis impendere consueuistis. Nos pro vobis in Missa ad corpus Dei & Domini nostri oramus. Valete, vt valeamus.

Item ad eundem Conuentus Burguliensis. EPIST. IV.

VENERABILI Domino & Patri suo SVGERIO Dei gratiâ & merito suo beati Dionysij Abbati, Burguliensis Ecclesiæ humilis Conuentus salutem & deuotionis obsequium. VENERANDO Patre nostro, & non sine gemitu memorando Petro, rebus humanis exempto, Ecclesiæ nostra damnosè viduata est: & quia tempore viduitatis suæ sine diminutione bonorum suorum diutiùs esse non posset (tempora enim grauiora & periculosa sunt) Fratres, qui ad festum beati Petri Aduocati sui vniuersaliter conuenerant, saniori vsu consilio, de substituendo Pastore tractauerunt, & Fratrem Robertum præsentem, honestissimum virum, cuius vita inter nos prædicatur, & habetur honesta, concordie electione sine vlla controuersia elegerunt. Nunc igitur, quoniam Rex famosissimam peregrinationem arripiens, in manu vestra Ecclesiastica negotia dereliquit, sicut Regi si adesset, ita vobis eum præsentamus: & vt eum benignè suscipiatis, & eo honore, quo talis ac tantus vir dignus est, honoretis, suppliciter exoramus.

Domni SVGERII Abbatis ad Episcopum Andegauensem VLGERIVM.

EPISTOLA V.

DOMINO & venerabili Dei gratiâ Andeganorum Episcopo VLGERIO, SVGERIVS eadem gratiâ beati Dionysij Abbas, deuotas in Christo orationes, & sincera deuotionis obsequium. SVSCEPTIS gratissimarum Literarum vestrarum venerandis apicibus, vsque adeo, etsi duriores essemus, nos delecti oportuit, vt debitum Regni, cui fideliter deferuire volumus, penè obliuioni traderemus, & beneplacito vestro aurem accommodaremus. Nolentes igitur Ecclesiæ Burguliensem diutiùs defatigari, nec Regiæ Maiestatis dignitatem diminui, vnum faciendo, & alterum omittendo, amore Dei & prece vestra, quem multum diligimus, & Burguliensis Conuentus supplicationibus, electioni eorum assensum, saluo Regni iure, taliter dedimus, vt si quid indè contra Regiæ Maiestatis dignitatem minùs benefactum fuit, Domino Regi quando Deo volente redierit, sicut modo si adesset, si ei placuerit, iudicio Curix suæ respondeant, vel nobis, qui loco eius prouidemus, si indè agere voluerimus.

LVDOVICI Regis ad Abbatem SVGERIVM. EPIST. VI.

LVDOVICVS Dei gratiâ Rex Francorum & Dux Aquitanorum, carissimo suo SVGERIO venerabili Abbati beati Dionysij, salutem & sinceram dilectionem. De portis Hungariæ scribimus vobis. Illuc vsque diuino nutu recto limite procedentes, cum omni fospitate, gaudio, & honore, nos & Principes nostri læti peruenimus,

A vbique nobis auxiliante Domino terrarum Principes & ouantes occurrant, & læti nos recipiunt, & libenter deseruiunt, & honorant deuoti: & in his omnibus benedicimus Domino qui direxit pedes nostros, & prosperat vias nostras. De cetero rerum status ipse nos ammonet, immò & vrget & arguit, vt ammonitionis vestræ memores simus; de pecunia scilicet perquirenda, quæ post vestigia nostra in vsus impensarum nostrarum deferatur. Super quo dum præsentem essemus, impediens rerum ingentibus impedimentis, vobiscum prout oportuit, loqui ac disponere non potuimus. Modò verò cotidiana impendia grauius sustinentes, ad vestram recurrimus probatam fidelitatem: vt eo, quo totus in nobis ad honorem nostrum caritatis affectu semper ardetis, necessitates nostras subsequenti auxilio subleueris. Quomodo verò id faciatis, si de nostro seu de vestro pecuniam sumptam nobis mittatis, melius nouit, melius sapit & facere & discernere discreta prudentia vestra, quàm prouidentia nostra. In manu quippe vestra sunt omnia, quæ tanquam vestra dispositioni vestræ atque sollicitudini per totum Regnum prouidenda commisimus, atque ideò tam de nostro quàm de vestro quod petimus facere poterit opportunè dilectio vestra, quoniam ita exigit necessitas nostra. Valere.

EVGENII *Papa. ad Abbatem SVGERIVM.* EPIST. VII.

B EVGENIVS *Episcopus seruus seruorum Dei, dilecto filio SVGERIO S. Dionysij Abbati salutem & Apostolicam benedictionem.* NVNCIVM & Literas tuas benignè suscepimus, & quod in eis continebatur diligenter attendimus. Quòd autem pro Parisiensi Ecclesia te sollicitum esse perpendimus, gratum habemus; & si qua in ea perperam committuntur, pro nostri officij debito condolemus, & vt ad viam rectitudinis reuocentur operam dare Domino auxiliante curabimus. De Episcopis verò qui pro defensione Regni tibi opem ferre & adesse recusant, ne omnes simul in culpam inducere videamur, nobis de aliquibus nominatim significes, vt eos Apostolicis affatibus corripiamus, & exhortemur: quatinus ad conseruandum statum Regni promptiores existant, & ad ea quæ Regni honori & vtilitati expediunt, vires & consilium subministrent. Porro, quòd loca Regni tibi commissi pro voluntate nostra ad celebrandum Concilium obtulisti, deuotionem tuam in Domino collaudamus. Sed quoniam nostrum firmaueramus consilium, propositum nostrum non duximus immutandum. Præterea de Duce Lotharingæ, quem pro aliis culpis excommunicauimus, quando locus & tempus tulerit, iustitiam, quam aliis non negamus, tibi plenius & diligentius faciemus. Ceterum, quod super Ecclesia de Buxis tua dilectio postulauit, si temporis oportunitas dederit, in reditu nostro præstante Domino fieri poterit. Datum Autissiodori II. Nonas Octobris.

Comitis Andegauensis ad eundem. EPIST. VIII.

C SVGERIO *Dei gratiâ S. Dionysij venerabili Abbati, GAUFREDVS Dux Normannorum, & Comes Andegauensis, salutem & venerationem & obsequium.* NOLO vestram latere auctoritatem, me grauissimam infirmitatem sustinuisse: sed Dei gratiâ iam incolumitate redeunte conualeasco. Quocirca mei amici meæ præsentis assistentes, meæque saluti prouidentes, non audent mihi dare consilium, vt aliquod grande negotium tractandum aggrediar. Et ideò colloquium, quod inter nos Balgenciaci futurum erat, vobis demando, quia nullomodo possem interesse. Namque ante Natale Domini me fore aptum alicui magno itineri agendo minimè spero.

Comitis Viromandensis. EPISTOLA IX.

S VGERIO *Dei gratiâ Abbati S. Dionysij, R. Viromandensis Comes salutem.* COMES Andegauensis respectauit colloquium. Scitis quia sæpè laboraui pro pace Beluacensi, nec impetrare potui, nec in promptu est. Si guerra superauerit, insperatum damnum prouenire poterit. Sed confido, si vestra adesse potuerit præsentia, pax erit. Quare mando vobis, vt die Dominica tempestiuè ad portum Verberis, vbi eos conuocaui, veniatis: & inde Parisius repedantes, vobiscum ad Regis negotia properabimus. De verbis Nunciorum Pictauis simul ibi tractabimus.

Tom. IV.

T t ij

SVGERIO *Dei gratiâ Abbati sancti Dionysij amico suo carissimo, Theobaldus Blesensis Comes salutem & benedictionem.* NOTVM vobis fieri volo, me iturum ad præsens in partes Carnotensium. Quamobrem mando vobis, vt mittatis Balduinum de Corboilo mihi obuiam in die anni noui apud Rosetum, qui mecum erit: & in die Veneris craftina iacebo apud Corboilum. Et rogo vos, vt prædicta die Veneris apud Corboilum obuiam mihi veniatis, vt vos ibi videam, & loquar vobiscum. Valere.

RADVLFI *Comitis Viromandensis ad dominum Abbatem SVGERIVM.*

EPISTOLA XI.

SVGERIO *Dei gratiâ Abbati S. Dionysij Domino suo, R. Viromandensis Comes salutem.* ARCHIEPISCOPVS Remensis mandauit mihi per Episcopum Suefionensem, quoddam veniet Parisius quarto die post Natale Domini, & loquetur cum fratre suo de militibus captis, & faciet totum posse suum. Et quia vsque ad diem Lunæ forsitan venire non poterit, remandate mihi qua die vultis, vt ego veniam, aut Dominica, aut die Lunæ.

B

HYGONIS DE LIZINIACO *ad dominum Abbatem SVGERIVM.*

EPISTOLA XII.

VENERABILI *amico suo & Domino SVGERIO Abbati S. Dionysij, H. DE LIZINIACO salutem & præcordialitatis vinculum.* VESTRÆ præcipuè dilectioni, vestrisque præceptis nos per omnia fideliter obtemperantes, fidelem nostrum atque vestrum VViormandum vestræ præsentis dirigimus: cui fideliter per omnia credatis, & per eundem vt strenuus & prudens super negotiis Pictauis, vt tantum decet amicum, nobis benignè rescribatis.

MANASSÆ *Episcopi Aurelianensis ad eundem.* EPIST. XIII.

SVGERIO *Sancti Dionysij venerabili Abbati, Domino & amico suo, MANASSES Dei gratiâ Aurelianensis Ecclesie humilis Minister, salutem.* QVONIAM Regnum Francorum sub dispositione & protectione vestræ discretionis diuina prouidentia constitutum est, sicut dignum est, non minimè gaudemus. Propterea à vestra præsentia recedentes, quando ad dominum Papam causarum necessitate tendebamus, sub vestra tutela & custodia vestræ dilectionis magna confidentiâ res nostras deposuimus. Interim verò quidam nostri parochiani res Bernardi hominis nostri ligij, iustitiam in Curia nostra non subterfugientis, in tempore Aduentus Domini violenter & iniuste rapuerunt: super quos, Domino auxiliante decens consilium habebimus. Vos autem, sicut relatum est nobis, prædictum Bernardum de feodo nostro in causam in Curia vestra venire compellitis, qui in Curia nostra quidquid iustitia dictauerit, se executurum firmissimè promittit. Vestram igitur prudentiam benignè rogamus, quatinus hominem nostrum ligium, sicut iustum cognoscimus, propterea non inquietetis, atque de prædictis raptoribus super iniuria ab eis illata promptum adiutorem & amicum habeamus.

C

Domni Abbatis ad Capitulum Carnotense. EPIST. XIV.

SVGERIVS *beati Dionysij gratiâ Dei Abbas, venerabili Capitulo Carnotensis Ecclesie salutem & dilectionem.* NOVI discretio vestra, quod gloriosus Rex Francorum LUDOVICVS carissimus Dominus noster famosam peregrinationem amore Dei suscipiens, Archiepiscoporum & Episcoporum, ac Regni Optimatum consilio, nec sine domini Papæ assensu curam amministrationis Regni sui nobis commiserit. Et quoniam ex debito officij ea quæ ad Regnum spectant diligenter perqui-

A rere, & fideliter nos oportet conseruare: præsentium latores Nuncios nostros ex parte Domini Regis ad recipienda & conseruanda Regalia dilectioni vestræ delegamus: rogantes, vt in quibus oportuerit tanquam Regni fideles, donec Ecclesiam vestram tanto & tam glorioso Pastore viduatam, diuina misericordia idoneo successore consueto ordine consoletur, fideliter adiuuetis. Quantò siquidem Regni æterni amplificationi operosius innititur, tantò suum sibi integrè conseruari potissimum meretur.

Conuentus S. Richarij ad domnum Abbatem.

EPIST. XV.

R Euerentissimo Domino & amico suo S. Dionysij Abbati SVGERIO, totus Conuentus sancti Richarij de Pontino, salutem & debitam per omnia reuerentiam. NOTVM fieri volumus paternitati vestræ, quòd nos omnes, totus videlicet sancti Richarij Cœnobij Centulensis Conuentus, consilio & assensu religiosarum personarum, & quorundam hominum nostrorum, domnum Arnulfum Corbeiensis Ecclesiæ Priorem, religiosissimam & honestissimam personam, canonicè & secundum Regulam beati Benedicti nobis in Pastorem & Abbatem elegimus. Quapropter obnixè discretionem vestram precamur, quatinus dignitatem Ecclesiæ, quam à Domino nostro Rege Francorum LVDOVICO, & ab antecessoribus eius liberam & integram in electione Abbatum nostrorum hætenus obtinuimus, vos, qui nunc eiusdem Domini Regis vices prudenter & vtiliter disponitis, nulla prauorum hominum suggestionem labefactare vel perturbare velitis: sed electum nostrum, per quem Ecclesiæ nostræ calamitatem Deo opitulante releuari speramus, consilio & auxilio vestro magno, pro Dei & nostro amore, sustentetis & confirmetis. Valete.

Episcopi Aurelianensis ad eundem.

EPIST. XVI.

S VGERIO Dei gratiâ beati Dionysij reuerendo Abbati, & RAD. Comiti Viromandensi, MANASSES, Dei patientia Aurelianensis Ecclesiæ humilis Minister, salutem & seruitium. INFORTVNVM de interfectione VVillelmi de Camera, quod apud nos nuper contigit, & quòd interfectores illius ad Ecclesiam Dei, quæ est refugium peccatorum, timore mortis fugere, & quòd ab ea, vbi & Cruci, & Crucifixi imagini adhærebant, sunt violenter extracti, & postea carceri in turre mancipati, ad aures sublimitatis vestræ cognouimus peruenisse. Nos siquidem cum ciuitate Aurelianensi vniuersa pro tanta & tam sacrilega violatione Ecclesiæ Dei grauissimè, vt dignum erat, commoti, eos, quia contra Deum, & contra decus Ecclesiæ capti fuerant, vt redderentur quæsiuimus: Quod cum minimè obtinere possemus, consilio religiosorum virorum ciuitatem à diuino officio interdiximus. Placuit autem vobis, quòd inde eos abduci, vt audiuius, præcepistis. Nobis siquidem non videtur, quòd interdictum, quod ex consilio in ciuitatem posuimus, absque maximo consilio, dum illi capti teneantur, dimittere debeamus. Vnum est etiam, vnde & nos & tota ciuitas omninò tremur & mouemur; quod eodem die, quo illi à ciuitate abducti sunt, occulto Dei iudicio apud nos contigit: Imago quædam, quæ in capite Ecclesiæ nostræ post altare quoddam non longè à terræ cruci affixa est, multis Clericis & laicis præsentibus & videntibus, ita visa est flere, quòd lacrymæ ab oculis eius visæ sunt stillare & manare, & ab hora hanc vsque ad noctis medium lacrymarum affluentia non est visa cessare. Quod quidem relatione honestissimorum virorum, qui hoc viderunt, sciatis accepisse. Vtrum autem peccatis populi aut nostris exigentibus hoc contigerit, ignoramus. Verùm multi sunt, qui arbitrantur miraculum illud luctum Ecclesiæ Dei & dolorem significare: quia captiuos & peccatores illos, qui ad ipsam confugerant, in sinu suo non potuit conseruare. Quacumque tamen occasione contigerit, nos, qui quod nostri officij est non possumus prætermittere, prudentiæ vestræ rogando supplicamus, vt quod malè in Ecclesia Dei actum est, ita discretionis vestræ consilio corrigatur, quatinus digna & debita reuerentia illi exhibeatur: & ciuitas, quæ matri ploranti condolet & comparitur, ab interdicti vinculo relaxetur.

Tom. IV.

Tt iij

SVGERIO *Dei gratiâ Abbati Sancti Dionysij, R. Viromandensis Comes, salutem.*
NOVERIT prudentia vestra, me venisse Remis ad Apostolicum, & Comitissa Flandrensis me duxit illuc pro negotio suo: ibique & de eius, & de meo tractamus negotio. Et sciatis quod dominus Papa & tota Curia bonum & hilarem vultum ostendit mihi. sed penitus ignoro quid de me sint facturi. Hoc pro certo scio, quod nunquam negotium meum bonum habebit exitum, nisi per vos. Iam licentiam à domino Papa acceperam, sed ipse detinet me. Si ergo vobis placeret negotia Parisius facere vel respectare, multum vellem, & bonum esset. Nescio enim quando venire potero à Curia. Quod si vobis placet ut veniam ad vos, omnibus dimissis ego veniam citius. Ergo de omnibus velle vestrum nobis rescribite, quia quod mihi mandaueritis ego faciam.

Comitissa Niuernensis ad domnum Abbatem SVGERIVM.

EPISTOLA XVIII.

DOMINO suo & amico SVGERIO *Dei gratiâ sancti Dionysij Abbati, I. Niuernensis Comitissa, salutem & obsequium.* NON latet prudentiam vestram, me in vestra custodia remansisse. Dominus enim meus in seruitio Dei & Regis est, ad cuius iniuriam si mihi vel hominibus, qui ad tuitionem viri mei pertinent, aliquis malefecerit, spectat. Siquidem vnus de ciuitate Autissiodorensi super quibusdam hominibus Stampensibus conqueritur, Gaufrido Crasso & Radulfo fratre ipsius, qui ei debent decem libras & dimidiam Aurelianensis monetae, & nolunt reddere. Quam etiam pecuniam cum Dominus Rex iussisset reddi, contempserunt. Vnde vos rogo sicut Dominum meum, ut eam restitui faciatis. Super quo quid factururus sitis, remandate mihi. Huius autem pecuniae fideiussores sunt Harduinus, Felperius, & Iachelinus.

Decani & Capituli Carnotensis ad eundem. EPIST. XIX.

CARISSIMO Domino & amico suo SVGERIO *Dei gratiâ venerabili Abbati S. Dionysij, R. humilis Decanus & totum Capitulum Carnotensis Ecclesie, plurimam in Domino salutem & dilectionem.* NOVERIT discretio vestra, carissime Domine, quod accepta à vobis regia licentia loco Domini Regis, die statuta conuenimus in Capitulum nostrum, & inuocata sancti Spiritus gratia, pari voto vnanimique consensu elegimus nobis & Ecclesiae nostrae in Episcopum domnum GOSLENUM Archidiaconum nostrum, virum utique liberalem, idoneum, & literatum: idipsum approbantibus viris religiosis Abbatibus qui praesentes erant, omnique applaudente populo, & Deo gratias referente super electione talis personae, quae utilis esse creditur Ecclesiae, & Regno fidelis. Rogamus igitur carissimam nobis dilectionem vestram, ut huic nostrae electioni, quae à Domino sicut credimus facta est, & quam vobis & viua voce & scripto praesentare curauimus, assensum praebere, & electo nostro Regalia reddere voce Domini Regis dignemini. Valete.

Domni SVGERII Abbatis ad Capitulum Carnotense. EPIST. XX.

SVGERIVS *Dei gratiâ beati Dionysij Abbas, Capitulo Carnotensi, Roberto scilicet Decano, & aliis, salutem & dilectionem.* QVOD vnanimiter, & communi pace Pontificem vobis domnum GOSLENUM Archidiaconum elegistis, valde nobis placet. Enimvero ipsum honestum & liberalem, & audiuimus & credimus. Nos autem quantum ex parte Domini Regis, cuius vices agimus, facere habemus, huic electioni libenter assensum praebemus. De Regalibus vero, sicut in Curia Dominorum Regum Francorum mos antiquus fuisse dinoscitur, cum Episcopus consecratus, & in Palatium ex more canonico fuerit introductus, tunc ei reddentur omnia. Hic est enim redditionis ordo & consuetudo, ut, sicut diximus, in Palatio statutus Regi & Regno fidelitatem faciat, & sic demum Regalia recipiat.

A

*Guillelmi de Maufiac ad Abbatem. EPISTOLA XXI.*LVDOVICVS
VII IV-
NIOR.

SVGERIO *Dei gratiā venerabili Abbati S. Dionysij, VV. de Maufiac eius amicus, & Regis Francorum Senescalus, salutem.* NOVI MVSVS equidem dilectionem vestram & ingenium circa negotia Terræ Regis semper & affectuosè intentum: nostrum verò circa Pictaviæ negotia quantum potuit fideliter intentum, vestra satis nouit discretio. Quapropter benignitati vestræ mandamus, ne aliquid fraudis post me lateat, vt quàm citiùs poteritis ad præsens, & omni occasione remota, Præpositum de vestris sapientem & probum Burdello mittatis. Quod nisi feceritis, in rei veritate sciatis Burdellum, & omnem illius regionem, nisi Deus fecerit, irrecuperabiliter amittendam. Nam fideles regionis illius mihi hoc scripserunt, quòd inimici & burgenfes in ipsa ciuitate occidebant. Insuper, vt Domino & amico meo mando, quòd turrem Talemundi in quantum potui ad honorem Regis fideliter huc vsque seruauì. Modò verò dominus Eblo de Malleone redditus turris mihi ex toto aufert, & domino Episcopo Pictauiensi dixit, quòd ampliùs reditus turris me non sufferret habere. Quapropter mando, & sublimitatem vestram deprecor, vt hominem talem mittatis, cui turrem reddam, qui eam fideliter conseruet. Nam Hierosolymam sum iturus, nec possum eam seruare, nec ampliùs certè seruabo. Vale. Donum vestrum si placet amicitie vestræ vt peregrinus requiro.

B

LVDOVICI Regis ad domnum Abbatem. EPIST. XXII.

LVDOVICVS *Dei gratiā Rex Francorum & Dux Aquitanorum, carissimo suo SVGERIO venerabili Abbati S. Dionysij, salutem & plurimam gratiam, ac dilectionem.* SACROSANCTÆ peregrinationis iter laboriosum sub ope diuina sequentes, inter labores vix tolerabiles & infinita pericula sani lætique transiimus, & vsque Constantinopolim cum omni prosperitate & gaudio die Sabbati ante festum sancti Dionysij Domino ducente peruenimus. Ab hac itaque ciuitate, vbi per aliquot dies dietauimus, scripsimus vobis, vniuersa de nobis læta & prospera vobis annunciantes. Plurimi quidem exercitus nostri iam transierant & transibant, & nos & ipsi parati eramus ad transitum. Sit itaque diligentia vestra sollicita de dirigendis gressibus nostris per orationum suffragia, sit prudens & circumspecta in amministrazione Regni vobis commissæ. De perquirenda verò pecunia, quam nobis in vsus quotidianos pernecessariam vestra prudentia non ignorat, vos rogamus, & quanta possumus precum instantia petimus: & per debitam nobis dilectionem & fidem vos obsecramus, vt vigili sollicitudine quibuscumque poteritis modis mittendam nobis pecuniam diligenter colligere, collectamque mittere festinanter sine cunctatione studeatis. Sanctis orationibus vestris & Ecclesiæ beati Dionysij nos commendamus. Venerabilis Frater vester Episcopus Atrebatensis felici consummatione migravit ad Dominum. Dilectus filius vester Odo Monachus vos salutat, quem pro reuerentia beati Dionysij honorificè nobiscum habemus.

C

Conuentus sancti Richarij. EPISTOLA XXIII.

SVGERIO *Dei gratiā venerabili Abbati S. Dionysij, serenissimo Domino & Patri, humilis Conuentus sancti Richarij salutem, & omni bono quod Deus est participari.* SPERANTIBVS nobis in Domino facite bonitatem, vt habitare possimus in terra, & pasci in deliciis eius. Quasi enim in medio nationum positi vastantium atque diripientium, proturbamur velut oues absque Pastore, imò velut populus absque Rege, & quasi pupilli absque patre. Dolentes itaque ac gementes tam diutinam matris nostræ viduitatem, iterum vestræ pietatis genibus prosternimus preces, rogantesque pro amore Dei, & pro salutē animæ vestræ, necnon quia dispensatio Ecclesiarum Galliarum vobis credita est à Domino in eiusmodi negotiis, vt detis operam quatinus electio nostra, & consensus in Domino quem habemus & habuimus indeclinabilem de Priore Corbeie, in honorem Domini & restorationem Ecclesiæ nostræ effectum habeat. Hoc nos, hoc Clerus, hoc milites, hoc vniuersus populus serenissimam paternitatem vestram rogat. Condescendat itaque

Tt. iij

benignissima vestre dignitatis pietas filiis & famulis suis, & ne diutius hoc modo A
fatigemur, manum porrigat consolationis.

T. Episcopi Ambiani. EPISTOLA XXIV.

DOMINO & Patri SVGERIO venerabili Abbati S. Dionysij, T. Dei miseratione Ambianensis Presbyter humilis, ex animo seruitium. OBSECO, mi Domine, dele me de libro tuo quem scripsisti. Siquidem scripsistis mihi super expeditione Regia, ad quam nullatenus sufficere valeo. Veritatem dico amico meo, non mentior. vnde parcat mihi Dominus meus. Etenim tam domini Papæ, quàm Domini Regis seruitium valde tenuem me fecerunt, & in fruxorio quotidiano me posuerunt. Valete, & attendite.

GAVFREDI Archiepiscopi Burdegalsis ad eundem.

EPISTOLA XXV.

CARISSIMO Domino suo SVGERIO venerabili Abbati S. Dionysij, Frater GAVFREDVS Burdegalsis Ecclesie dictus Episcopus salutem & sincera dilectionis affectum. PROPOSITVM nostrum erat per vos, Domine, in reditu nostro transire. Sed infirmitas Fratris nostri Xantonensis Episcopi per breuiorem viam compulit nos redire. Nunc itaque latorem præsentium cum Literis nostris ad vos destinamus, volentes certificari, si de descensu vestro ad partes nostras cum Comite RODVLPHO, sicut dixistis, adhuc deliberatum sit à vobis, & certum quid inde habeatis. Quod si nondum stat sententia, nos ad propria Deo volente redeuntes, statum Terræ nostræ addiscemus, & cognitum vobis significare curabimus. vt & secundum quod audieritis & cognoueritis expedire, agatis. Interim autem vobis ibi aliquid mutare, sicut nobis videtur, non expedit. Super hoc per latorem præsentium à vobis præstolamur, & quæ vobis placuerint. Idem petit ac præstolatur à vobis Frater noster Xantonensis, qui pro pace Terræ quantum potest elaborat.

Episcopi Herefordensis. EPISTOLA XXVI.

ROBERTVS Dei gratiâ Herefordensis Ecclesie Minister humilis, votis & obsequiis SVGERIO venerando Abbati beati Dionysij salutem, & si quas habet receptibiles, orationum suffragia. OFFICIA liberalis gratiæ vestre tam dudum mihi exhibitæ, quàm sæpius oblata, debitorem me tenent: si non vicem rependere possit, saltem vt gratias referat, quas possit voluntas obnoxia. Et licet propria nos incommoda sæpe dilanient, abundantius tamen rapiunt in amorem vestrum, & lætificant animam meam tantarum carismata virtutum, quæ de vobis ad commoda multorum latius prædicantur. Quid enim? si sapientia, si prouidentia quæritur in SVGERIO: tanta reperitur, vt quæcumque negotia vestro nituntur consilio, cautiùs procedant, & succedant feliciùs. Si ad religionem recurritur, de speculo vitæ vestre relucet, & quod foris luceat, & quod intus expediat. Additur liberalitatis præconium, quæ beneficiis præuenire gaudet, necdum rogata rogaturum. Hoc ego fretus liberalitatis præconio, tutior accedo cum precibus quàm deuotus possum & humillimis, quatinus ad honorem Dei & Dei genitricis Mariæ, ad munimen & reuerentiam Ecclesie sanctæ, cui licet peccator præsideo, de precioso & copioso thesauro vestro suscipiam reliquias aliquas, specialiter autem pretiosi Martyris Christi Dionysij. Cùm igitur mittendæ paraueritis tam optata, quàm preciosa donatiua, quæ tamen mendicanti pietati caritas abundans negare non poterit; nouit cautela vestra quàm certis titulis designari debeant, quàm tuto signaculo communiri, quàm fidei portitori committi. Quæ autem petitiæ caritatis vobis futura sit merces, procurabit vberius caritas ipsa, quæ Deus est, qui non digitum vnum vel articulum dedit nobis ad precium, sed totum se dedit in redemptionem.

A **EUGENII Pape ad domnum SVGERIVM Abbatem. EPIST. XXVII.**

LVDOVICVS
VII. IV-
NIOR.

EVGENIVS *Episcopus servus servorum Dei, dilecto filio SVGERIO Abbati sancti Dionysii salutem & Apostolicam benedictionem.* OFFICII nostri nos hortatur auctoritas, ad Religionem statuendam diligenter intendere, stabilitam verò exacta diligentia conservare. Inde est, sicut tua novit dilectio, quòd cum carissimo filio nostro LVDOVICO illustri Francorum Rege contulimus, vt in Ecclesia sanctæ Genouefæ religiosos Fratres ad Dei seruitium poneremus. Quod breuitate temporis prohibente, secundum ipsius & nostrum propositum, nequiuimus effectui mancipare. Verum, quia vices Regias in Galliarum partibus dinosceris exercere, & quia de tua plurimum discretione confidimus, per præsentia tibi scripta mandamus, quatinus Priorem Abbatissuillæ in Abbatem liberum & absolutum ibi statuere, & octo Fratres Ecclesiæ sancti Martini de Campis eius societati studeas deputare, vt exemplo bonæ conuersationis eorum, qui minùs honestè sapiunt, ad diuinum officium prouocentur. Nos verò Priori sancti Martini de Campis per Apostolica scripta mandauimus, quatinus prædictum numerum Fratrum, cum tibi placuerit, exhibeat & concedat. Sustentationi quorum beneficium Decanatus & Præbendas venerabilis Fratris nostri Siluaneensis Episcopi, Gregorij Diaconi Cardinalis, & Autissiodorensis Thesaurarij, filiorum nostrorum, auctoritate Apostolica deputamus. Ad ipsorum quoque vsum omnia beneficia decedentium Canonicoꝝ assignari volumus; & iubemus. Datum Lingonis III. Calendas Maij.

EUGENII Pape. EPISTOLA XXVIII.

EVGENIVS *Episcopus servus servorum Dei, dilectis filiis suis Canonicis sanctæ Genouefæ salutem & Apostolicam benedictionem.* QVISQVIS Catholicæ fidei veritatem, & veræ Religionis caritatem habere dinoscitur, caput omnium Ecclesiarum sanctam Romanam Ecclesiam esse non dubitat, sed affirmat, & eam tanquam deuotus filius veneratur. Cum igitur in ea simus velut in specula, Deo disponente, constituti, omnibus mundi Ecclesiis paterna sollicitudine prouidere compellimur: & in Ecclesiis, quæ beati Petri iuris existunt, Religionem statuere cupimus; & optamus. Indè est, quòd in Ecclesia vestra gratam Deo veræ Religionis culturam statuere cupientes, dilecto filio nostro Abbati Sancti Dionysii per Apostolica scripta mandauimus, quatinus eam per dilectum filium nostrum Priorem Abbatissuillæ, quem ibi imponi, & Fratres sancti Martini de Campis, quos eius societati volumus deputari, in memorata Ecclesia institueret & plantaret. Ideoque vniuersitati vestræ per præsentia scripta mandamus, quatinus eos honestè recipiatis; & saluis Præbendis vestris nullam eis molestiam aut iniuriam inferatis. Quod si facere præsumpseritis, sententiam, quam memoratus filius noster Abbas S. Dionysii super hoc in vos promulgauerit, nos auctore Deo ratam habebimus. Cuius sustentationi & prædictorum Fratrum, beneficium Decanatus & Præbendas venerabilis Fratris nostri Siluaneensis Episcopi, Gregorij Diaconi Cardinalis, & Autissiodorensis Thesaurarij, filiorum nostrorum, auctoritate Apostolica deputamus. Ad ipsorum quoque vsum omnia beneficia decedentium Canonicoꝝ assignari volumus, & iubemus. Datum Lingonis III. Calendas Maij.

SAMSONIS Remensis Archiepiscopi ad domnum Abbatem SVGERIVM.

EPISTOLA XXIX.

SAMSON *Dei gratiâ Remorum Archiepiscopus, carissimo ac præcordiali amico suo SVGERIO venerabili Abbati beati Dionysii salutem, & quidquid in vtraque vita melius, quidquid iocundius.* DE vestra dilectione & strenuitate confisi, quam sæpenu-merò experti sumus, benignitatem vestram cum multa precum instantia suppliciter exoramus, quatinus nunc in magna necessitate nostra ad honorem Dei & vestrum, & ad liberationem Ecclesiarum beatæ Mariæ & beati Remigij, absque longiore mora nobis in manu forti succurrere studeatis. Burgenses etenim de Sancto

Remigio, qui prædictis Ecclesiis & nobis atroces iniurias & detrimenta graua intulerunt, nunc tandem contra nos superbè insurrexerunt, & milites conduxerunt vt nos infestent, & ea quæ ad nos pertinent diripiant. Valete. A

Treuerensis Archiepiscopi ad eundem. EPIST. XXX.

ALBERO *Dei gratiâ Treuerorum humilis Minister & seruus, SVGERIO amico carissimo Abbati sancti Dionysij, orationes & intima dilectionis affectum.* BENIGNITATIS vestræ benigna recordatio dum menti nostræ se ingerit, cor meum & anima iocundiùs hilarescit, certumque est nobis talem virum meritò venerari, quem longè latèque titulus meritorum docet honorari. Igitur quoniam hoc iure amplecti debeo, ad seruitium vestrum attingi cupio: sed quia absentia nimis impedit effectum, bona deuotio complet orationibus affectum. Relatum est nobis, Pater & Domine, Nuncios venisse vobis à Domino Rege Franciæ, qui certitudinem de expeditione debeant intimare. Si ita est, rescribite nobis quæ potestis, & si qua vobis placent, quæ apud nos sunt, parati sumus ad omne seruitium vestrum bono corde, bona voluntate. Valete. Puerum, quem vobis commisimus, benignitas vestra benignè instruat & foueat.

Abbatu Cluniacensis ad eundem. EPIST. XXXI.

VENERABILI & carissimo Domino nostro SVGERIO Abbati Sancti Dionysij, *Frater P. humilis Cluniacensis Abbas salutem & sinceram in Domino dilectionem.* ET aliis Literis vobis nuper mandauimus, & præsentis scripto, sicut in corde nostro est, iterum replicamus, quod præ ceteris partium vestrarum Prælati personam vestram singulariter diligimus, & sicut specialem Cluniacensis Ecclesiæ amicum propensiori charitatis affectu veneramur. Vnde non modicè grauamur, quod reuerentiam vestram, quam tam studiosè diligimus, nec raro saltem videre permittitur, & desiderata diu colloquij vestri opportunitas importunis multiplicium negotiorum nostrorum occupationibus impeditur. Mittimus itaque dilectioni vestræ carissimum Fratrem nostrum & intimum amicum, domnum Hugonem de Creccio, per quem beneplacitum vestrum nobis significare poteritis. Si quid enim scimus aut possumus, quod vobis vtile cognoscamus & commodum, hoc seruitio vestro tam in temporalibus quàm in spiritualibus exhibere parati sumus. De cetero verbum quoddam secretum, quod scripto credere nolimus, in ore domini Hugonis posuimus: quod ea ratione mandauimus, vt & vos illud secretum habeatis, & sicut expedire videritis cautè tractetis. B

EVGENII Papæ ad eundem. EPIST. XXXII.

EVGENIVS *Episcopus seruus seruorum Dei, dilecto filio SVGERIO Abbati Sancti Dionysij, salutem & Apostolicam benedictionem.* CVM Dominus ac Redemptor noster pax & veritas esse noscatur, ad Patris dexteram ascensurus discipulis suis velut ex testamento pacem relinquens, vt eam in se haberent, & prædicarent aliis, imperauit. Indè est, quod & à Christo diligi, & inter discipulos eius creditur deputari, qui & pacem diligit, & eam inter suos subditos nititur conseruare. Quia igitur in Apostolicæ Sedis specula à Domino constituti beati Petri Apostolorum principis existimus successores, præceptum, quod pro Religione Monastica in Ecclesia sanctæ Genouefæ dedisse meminimus pro bono pacis, si Regulares Canonicos eiusdem Ecclesiæ Canonici saluis eorum Præbendis receperint, immutamus: præcipientes vt beneficia quæ Monachis, si in præfata Ecclesia fuissent suscepti, duximus deputanda, Canonicis ipsis per te auctoritate Apostolica deputentur. Quod si facere noluerint, præceptum de Monachis inibi statuendis inuiolabiliter præcipimus obseruari. Datum Vercellis. xvi. Calendas Iulij. C

A *Petitio Conuentus Sancti Richarij ad domnum Abbatem pro electione Abbatis.*

LVDOVICA
VII. IV.
MOR.

EPISTOLA XXXIII.

EGO Stephanus Centulensis Prior Cænobi, totiusque eiusdem loci Conuentus. NOTVM fieri volumus omnibus sanctæ Ecclesiæ filiis, ad quorum notitiam Literæ istæ peruenerint, quod nos omnes S. Richarij Monachi domnum Petrum Bituricensem S. Dionysij Monachum, consilio & assensu religiosarum nostræ Prouinciæ personarum, ac militum, & Procerum nostrorum, Clericorum etiam ac burgensium, regulariter & canonicè nobis in Pastorem elegimus.

T. Episcopi Ambianensis. EPIST. XXXIV.

CARISSIMO Domino & Patri SVGERIO venerabili Abbati Sancti Dionysij, T. Dei gratiâ Ambianensis Presbyter humilis, ex animo seruitium. IN aurem vobis loquor, quia cùm multis malis fatiger & assiduus, ante omnia super enormitate Monasteriorum meorum spiritus meus atteritur. Nunc autem Monasterium Sancti Richarij ordinandum est, & Monachi diffugia quærent & protelationes. Vnde præmunimus vos, quia nisi cogantur in manu valida, personam eligent ad voluntatem suam prauam: utpote homines, qui Ordinem nunquam didicerunt. Siquidem Monasterium hoc viro cordato indiget & religioso, & ut mihi videtur, aut Bernardus Prior de Aquicincto, aut Drogo Prior de Lechuno, ibi necessarius est. Valete, & super hoc verbo vigilate.

Item pro electione Abbatis S. Richarij. EPIST. XXXV.

OMNI honore dignissimo SVGERIO venerando Abbati Sancti Dionysij domino suo G. Maior, & vanaßores, & tota S. Richarij Communia, in Domino salutem & debitum seruitium. SERENITATEM vestram exoramus, ut desolationi Ecclesiæ nostræ, quæ tamdiu sine Rectore languit, subueniatis. Domnum Petrum Monachum vestrum, consilio Monachorum nostrorum, & religiosarum nostræ Prouinciæ personarum, & militum, & burgensium, canonicè electum vestri gratiâ quàm citiùs potestis, sicut Domui nostræ necesse est, mittere ne differatis. Valete.

Episcopi Sarab. ad domnum SVGERIUM Abbatem. EPIST. XXXVI.

DILECTO & merito diligendo Patri & domino SVGERIO Dei gratiâ Abbati Sancti Dionysij, Regni Francorum Rectori, IOSEELVS eadem gratiâ Sarab. Episcopus, sub pennu Cherubin manus hominis. OPINIONIS vestræ odor, qui circumquaque diffunditur, nos de transmarinis partibus in amorem vestri currere fecit. Venimus ergo de finibus terrarum, vestram scilicet nostri temporis Salomonis audire sapientiam. Sapientiam audiuius, templum quod ædificastis aspeximus; ornamenta quæ à vobis oblata sunt & offeruntur vidimus, ordinem ministrorum & ministeriorum attendimus: & meritò in illius Australis Reginæ voces erumpimus, quia media pars non fuerit nobis nunciata, & quoniam maior est sapientia & opera, quàm rumor fuerit in terra nostra. Quis enim non miretur hominem vnum tot & tanta sustinere negotia? ut & Ecclesiarum pacem conseruet, statum reformet, & Regnum Francorum armis tueatur, moribus ornet, legibus emendet? Merito itaque mare intrare debuimus, & vitam nostram velo & ventis committere, & longi itineris innumeras experiri difficultates, ut ad vestram possemus peruenire notitiam. Sed parcat nobis vestra Serenitas, quod in discessu nostro à Gallia faciem vestram, sicut voluimus, videre non valuimus. Traxit nos ineuitabilis necessitas, iniuncta obedientia. Cùm enim in Normanniam transissemus pro negotiis Ecclesiæ nostræ, quæ vobis ex parte aperueramus, vocauit nos dominus Cantuariensis Metropolitanus noster ad matris nostræ Cantuariensis Ecclesiæ negotia, & nec indulto nobis respirandi spatio in Angliam direxit. Excuset nos ergo apud se vestra benignitas, quos tam manifesta excusat necessitas. De cetero mittimus vobis Archidiaconum nostrum, qui nos pleniùs excuset, & qui nobis amoris,

LVDOVICVS
VII. IV-
NIOB.

quem erga vos habemus, fructum ex parte reportet: reliquias scilicet egregij Martiris Dionysij, per quas non solum in nobis, sed in Ecclesia Sarab. perpetua nominis vestri memoria viuat. Cetera, quæ à vobis postulamus, viuz voci præsentium latoris commisimus. Valeat Excellentia vestra, carissime Pater.

Comitis Andegauensis ad eundem. EPIST. XXXVII.

SVGERIO Dei gratiâ venerabili Abbati Sancti Dionysij carissimo suo, GAVFREDVS Dux Normannia & Comes Andegauensis, salutem & dilectionem. SCIATIS quod gratiâ Dei sanus sum & incolumis, & paratus facere præceptum Domini mei Regis. Et ideò mando vobis sicut carissimo meo, quod si necesse fuerit vocetis me ad seruitium Regis, & certissimè habebitis me paratum ad omnia quæ volueritis ad seruitium Regis, & diligentius quàm si præsens adesset.

Comitis THEOBALDI. EPIST. XXXVIII.

SVGERIO Dei gratiâ Abbati Sancti Dionysij, & Comiti Rad. amicis suis, THEOBALDVS Blesensis Comes salutem & dilectionem. RELATIVM est nobis, quod exigitis ab Episcopo Carnotensi Capiceriam Carnotensis Ecclesiæ, quia eam de Regali esse asseritis, quam Gaufredus bonæ memoriæ Episcopus in manu sua tenebat, quando à seculo migravit. Vnde vobis notum fieri volo, quod Regale Carnotensis Episcopatus de Rege in feodum teneo cum alio feodo meo, ita quod decedente Episcopo Regale Episcopatus meum proprium est, quousque alius substituat. Et ideò vos rogo, vt pro Regali, quod meum est, Capiceriam ab Episcopo non requiratis; sed si eam precibus ab Episcopo quæsieritis, indè me non intromitto. Valete.

LVDOVICI Regis ad eundem. EPIST. XXXIX.

LVDOVICVS Dei gratiâ Rex Francorum & Dux Aquitanorum, SVGERIO venerabili Abbati S. Dionysij, salutem & gratiam. COMPVLT nos dilectio vestra, vt quàm citius potuimus de partibus Orientis super statu nostro certa vobis significarem. Scimus etenim, scimus quoniam ad cognoscendum de eo totis animæ desideriis avidè suspiretis: nihilque vobis iocundius esse poterit, quàm vt de nobis læta suscipiatis. Ex quo Regni nostri fines excessimus, benè prosperavit nobis Dominus viam nostram, & vsque Constantinopolim sanos & incolumes nos cum magna lætitia & incolumitate totius exercitus miseratio diuina perduxit. Ibi verò ab Imperatore gaudenter honorificèque suscepti, cum aliquantulum immorassemus, pro his quæ necessaria visa fuerant apparandis transfretauimus ad brachium, & per Romanæ partes direximus iter nostrum. In quibus sanè partibus, tum pro fraude Imperatoris, tum pro culpa nostrorum, non pauca damna pertulimus: & grauiter quidem in multis periculis vexati sumus. Non defuerunt quippe nobis assiduæ latronum insidiæ, graues viarum difficultates, quotidiana bella Turcorum, qui permissione Imperatoris in terram suam militiam Christi persequi venerant, & in detrimentum nostrum totis viribus incumbabant. Et quoniam in multis locis non poterant victui necessaria reperiri, grauiter afflictus fuit per aliquantulum temporis populus fame: & in vna dierum, prout peccatis nostris exigentibus iudicium diuinum permisit, plerique ceciderunt de Baronibus nostris. Fuerunt enim mortui in ascensu montanæ Laodicæ minoris inter districta locorum, consanguineus noster Comes de Guarena, Rainaldus Tornodorensis, Mariasses de Bulis, Gaucherius de Monte-Gaij, Eurardus de Bretoilo, & ceteri quamplures, de quibus opportuniùs lator præsentium annunciabit, quia dolor nos loqui latius non permittit. Nos autem ipsi frequenter in periculo mortis fuimus, sed tamen ab his omnibus per Dei gratiam liberati, persecutiones Turcorum potenter euasimus: & vsque Sataleiam, saluo exercitu, Domino protegente peruenimus. Ibi verò, cum de proseguendo itinere diu multumque deliberassemus, Episcoporum ac Principum commune nobis consilium dedit, vt quoniam nobis equi diutina famis ac laboris attritione defecerant, & maior adhuc viæ difficultas restabat,

A restabat, per mare Antiochiam in nauibus festinaremus. Eorum itaque sequentes consilium, die Veneris post mediam Quadragesimam cum maxima parte Principum nostrorum apud prædictam ciuitatem felici nauigatione peruenimus, & inde vobis præsentem Literas mittere curauimus. De cetero, omne opus nostrum in manu Dei est, qui, sicut in ipso confidimus, non derelinquet nos sperantes in ipsum, sed negotium suum ad gloriosum perducet effectum. Illud enim certissimè scitote, quoniam aut nunquam redibimus, aut cum gloria Dei & Regni Francorum reuertemur. Restat igitur vt vos frequenter memoriam nostri habeatis, & Religiosorum orationibus semper & vbique nos attentius commendetis. Et quoniam pecunia nostra in multis & variis expensis non mediocriter imminuta est; omninò nobis necessarium est, vt ad colligendam eam studiosius intendatis, & quàm citius poteritis per fideles Nuncios quicquid coadunatum fuerit nobis mittere festinetis. Omninò namque negotium Christi prosequi, nisi in multis expensis, & in multo labore, non valemus. Valete.

LYDOVICVS
VII. LV-
NIOR.

Domni Abbatis ad EVGENIVM Papam. EPIST. XL.

CARISSIMO Domino & Patri vniuersali Dei gratiâ summo Pontifici EVGENIO, SVGERIVS beati Dionysij humilis Minister, deuotas in Christo orationes, obedientiæ & seruitij plenitudinem. SVSCEPTIS Apostolicæ præceptionis venerandis apicibus, de Monasticæ Religionis positione in Ecclesia beatæ Genouefæ Parisiensis, tantum tamque Deo placitum negotium tanquam cœlitus nobis commissum gratantissimè amplectentes, eo quòd super hoc ipso præsentialiter sanctæ Paternitatis vestræ Cel situdo, cum non nisi imperare oporteret, paruitatem nostram prius rogauerit, totis animi viribus effectui mancipare elaborauimus. Quamuis enim occasione querulorum Canonorum ad vos proficiscentium, eò quòd Curia Romana consuevit aliquando, quòd turpe non est, cum re mutare consilium, discretè distulimus: nulla tamen contradicentium nobilium aut innobilium Clericorum seu laicorum oppositione tepescere, aut in aliquo super hoc ipso remissiùs habere decreueramus. Cum subitò proxima die ferè tertia aut quarta, quæ designatum Abbatem & Monachos in Ecclesia eadem ponere proposueramus, ecce præfati Canonici, videlicet Cantor & alij, à facie vestra redeuntes mutatam pro bono pacis sententiam in Canonorum Regularium positione nobis reddiderunt. Nos autem æquè deuotè ac gratanter secundam ac si primam recipientes sententiam, assumptis nobiscum venerabilibus & sapientibus viris, videlicet Abbate Sancti Germani, Sancti Petri Fossatenfis, Sancti Maglorij, Sancti Petri de Ferrariis, & aliis de melioribus personis assistentium vicinorum, ad eundem Sanctæ Genouefæ locum accelerauimus, & in Capitulo eorum quid super hoc extremo, quid super primo capitulo, secundum tenorem Litterarum quas nobis detulerunt, prosequi vellent, consultè conuenimus. Qui, vt erant diuersi, diuersa sentientes, cum aut vtram aut neutram concorditer prosequi nollent sententiam, multa & morosa reprehensione, quòd etiam postulata, quòd etiam misericorditer concessa refutarent, insistebamus: donec qui sanioris erant consilij, & filij lucis, Canonicos Regulares se suscepturos pacificè promiserunt. Nos autem super hoc ipso exhilarati, quoniam quidam de melioribus Abbatem sibi constitui, & Canonicos de Sancto Victore postulabant, communicato cum assistentibus consilio, tum quia nullam penes nos religiosiorem in suo statu nouimus Ecclesiam, tum quia propinquitate loci ad omnem eorum siue interiorem siue exterioriorem commodior existit necessitatem, ad eos diuertimus, virumque venerabilem Abbatem Sancti Victoris operibus pietatis approbatum, modo seorsum, modo in Conuentu suo, vt his opem ferret, & adiutor diuinitatis euelleret & destrueret, ædificaret & plantaret, in nomine Domini suppliciter efflagitabamus. Qui vt emeritus Pater & eiusdem loci prouidus procurator, cum hoc ipsum instanter recusaret, vt Priorem suum virum venerabilem & religiosum, Abbatem fieri postulare nos comperit, obortis lacrymis cum fletu & angustia cordis, senium defectumque suum opponens, eiusdemque Prioris consilium & auxilium si eo careret deplorans, ferè per totam diem recusando, & quòd nunquam fieret detestando, vsque ad proximam Nonam detinuit. Tandem verò victus precibus multorum, immò auctoritate vestra, qua cum importunè op-

Tom. IV.

V u

LVDOVICVS
VII. IV-
NIOR.

portunè adiurabamus, tam misericordia quàm pietate pro alieno commodo suum A
sustinens incommodum, eundem venerabilem Priorem cum duodecim Fratribus
viris religiosi & honesti nobis contradidit, quos in festo sancti Bartholomei ad
eandem Ecclesiam solemniter cum Clero & populo ciuitatis induximus, & vene-
rabili Meldensi Episcopo M. quem nobiscum his agendis suscepimus, eadem
die coram altari eiusdem Sanctæ Genouefæ Abbatem benedici solemniter opitu-
lante Sanctitate vestra fecimus. Finita verò eiusdem officij Missa, Claustrum, Ca-
pitulum, & Refectorium eis deliberauimus, dièq; sequente Regalium ex parte Do-
mini Regis cuius vices agimus potestatem contulimus, fidelitatem virorum ad eos
pertinentium, & iuramenta securitatum eis fieri fecimus. Eap̄, Pater sanctis-
sime, actionem nobis commissi negotij Celitudine vestræ summatim significare di-
gnum duximus, vt & vobis quod præcepistis factum esse placeat, & quàm prompta
sit paruitas nostra ad obedientiæ vestræ expletionem innotescat. De cetero sancti
Apostolatus vestri genibus prouoluti spiritu, obnixè subnixè supplicamus, opus
hoc opus manuum vestrarum manutenere & protegere, gladium S. Petri contra
omnem æmulorum imporrunitatem cominus euaginare. Appellationum quoque
molestias, quibus quietem eorum iugiter indiscretè perturbarent, misericorditer si
placet prohibere, eandem Ecclesiam Deo innouatam, tanquam nouam plantam,
donec perfectè radicata fuerit, crebra propagatione extendere. Quibus omnibus
maximum poterit præstare suffragium, si quemadmodum incœptum est, in eadem
Ecclesia plenitudinem Officij secundum obseruationem Ordinis sui vsq; ad vnum B
iota & vnum apicem conseruari feceritis, ne dissonantia Officij, legendi & cantandi
diuersitas in scandalum regularium & irregularium emergat, ne ostiorum apertio
hac occasione nocte & die Fratres conturber, ne per eosdem æmulos aliqua infam-
ia in eos subrepat: vt quietè ibidem omnipotenti Deo ad laudem & honorem
sancti Apostolatus vestri & personæ vestræ sempiternam remunerationem dignum
Deo famulatum exhibere valeant. Quid namque de paternitate vestra sperarem?
Ego ipse peccator ex hoc vestro opere aliquid misericordiæ Dei me lucraturum
confido. Est & aliud quod paternitati vestræ volumus Capitulum innotescere, vt si-
cut primum mandastis, saluis eorum tantum Præbendis, Præposituræ & terrarum
custodia Canonicis regularibus remaneant. Quoniam si exterioribus remanserint,
omnia dilapidabunt & sibi subripiunt, & ad defectum victualium, vt vel sic Ordo pe-
riclitetur, forsitan crudeliter elaborabunt. Aliud quoque est, quo in hoc principio
laboris sui filij vestri potissimum indigent. Quendam Rodolphum æmulantem &
derogantem eorum Religioni mucrone beati Petri, vt conuertatur, feriendo com-
pescatis, & ne impunitate eius aliorum emergat contumacia, eius stultitiam repri-
matis. Conterat Dominus omnipotens omnem hostem sub pedibus vestris. Nos
autem seruitio vestro paratos, & Ecclesiam nostram, sed & carissimū filium vestrum
LVDOVICVM Regem Francorum in opere Dei tam laboriosè negociantem sanctis
orationibus vestris commendamus: rogantes vt si quid certum de eo audistis, nobis C
insinueris. Valeat in æternum Sanctitas vestra, amantissime Pater & Domine.

Comitis Viromandensis ad domnum Abbatem. EPIST. XLI.

SVGERIO Dei gratiâ Abbati Sancti Dionysij, R. Viromandensis Comes salutem.
BELVACENSES Clerici pro electione domni Henrici Romam properant ad
Apostolicum, & ad perficiendum hoc opus pecunia est eis necessaria. Rogata autem
Domina Regina & vos & me, vt de redditibus Episcopatus ex aliqua parte eis indul-
geamus. Rogo itaque vos, quoniam hoc multum volo & laudo, vt eius petitionem
exaudiat in tantum, vt Domino Regi gratum sit, & honor eius & noster: quo-
niam Dominus noster est, & ei debemus quod pro alio non faceremus. Valere.

GAUFREDI Episcopi Burdegalensis ad eundem. EPIST. XLII.

REVERENDO & in Christo carissimo suo SVGERIO venerabili per Dei gra-
tiam Sancti Dionysij Abbati, Frater GAUFREDVS Burdegalensis Ecclesie dictus
Episcopus, cum salute dilectionis & obsequij quod possit in Domino. STATVM Terræ
nostræ vobis siquidem ex condicto significare habuimus, distulimus autem hoc

A vsque modo, pro eo quia rebus se mutantibus non nisi certa & cognita vobis fuerunt nuncianda. Noueritis itaque nos apud Menusanum in Assumptione beatæ Mariæ, vbi Auscitanus Archiepiscopus & fere omnes Episcopi & Proceres totius Guasconiæ conuenerant, Gauarritanum Vicecomitem in præsentia omnium conuenisse super imparatione & infestatione Terræ Domini Regis ab ipso & à suis, sed & de obsidione qua tenebat Aquensem ciuitatem, quæ de proprietate Regis est, obsessam. Perlectæ quoque fuerunt in medium, & à nobis expositæ illi Literæ domini Papæ, in quibus continebatur sententia excommunicationis in ipsum & in totam Terram suam, nisi ab inquietatione Terræ Regis desisteret. Graue multum fuit illi & suis hoc audire, fuit tamen qui & hæc & duriora fortassis in palam loqueretur. Et licet non omnia pro voluntate nostra contingerent, eò tamen nec sine magna difficultate deuenimus, quòd in octabis beatæ Mariæ de colloquij ad inuicem dies statuta est, vbi iuxta consilium præfati Archiepiscopi & nostrum, de inquisitione, quam ex parte domini Papæ & pro Domino Rege illi feceramus, se acturum promisit. Quid ipse acturus sit super hoc nescimus; verumtamen dicitur quia sententiam diu sustinere non poterit, si districtè teneatur. Vnde necesse videtur, ut à domino Papa iterato sub omni restrictione, si quis de partibus vestris ipsum adiret, eadem sententia vel grauior tenenda præciperetur: quia sunt fortassis qui trepidant, nec ad vnius iussionis vocem citò mouentur. Ceteri verò Proceres nostri per Dei gratiam ad bonum & ad pacem Terræ nostræ prouiores solito esse videntur. Martinus autem, qui deputatus fuit custos turris Burdegalensis, de nouo viam vniuersæ carnis ingressus est. Turris ipsa, sicut ab eodem Martino acceperamus, & per nostros quos ad videndum misimus pro certo cognouimus, omninò imparata est, & de munitione & de victuali etiam: quoniam sicut ipse Martinus sæpè nobis conquestus est, nec ipse nec ceteri qui cum eo erant clientes procurationem prout oporteret habere poterant. Vnde quoque dicebat quatuordecim libras, quæ illi altero anno promissæ fuerant, se fideliter expendisse, & ad turris munitionem, & ad suam atque eorum qui secum erant supplendam necessitatem. Nunc quoque eo defuncto, qui ibi remanserunt minus idonei videntur ad custodiendum. Sed & domus illa, de qua credimus vos audisse, nondum est ibi ædificata, cum tamen per necessaria esset. Quia igitur Regni consilium atque prouisio vobis incumbit, & domino Comiti Rod. quem per vos petimus habere salutatum, & hæc eadem illi significari: sit sollicitudinis vestræ & illius, ut his diligenter consideratis, si honorem Regni diligitis, si Terram ei vultis seruare, pro instanti necessitate, & de munitione turris & reædificatione domus, & de idoneis & strenuis custodibus, & bono eorum prouisore mittendis, & quomodo necessaria suppetant ipsis, remota dilatione prouideatis. Sed & de ministerialibus Aquitanie à Domino Rege constitutis, & his qui sub eis sunt præpositis lator præsentium frater N. de his quidem & de aliis quæ nouit vobis expediet, cui volumus ut credatis sicut & nobis. Quippe is est, quem nostis, & qui vera vobis dicet, ut pote fidelis & amicus pro posse suo in omnibus quæ ad Regem pertinent. Per ipsum quæ placuerit nobis remandetis.

Decani & Conuentus Eduensis. EPIST. XLIII.

S VGERIO Dei gratiâ S. Dionysij venerando Abbati, Patri & Domino, VV. Eduensis Ecclesiæ Decanus cum vniuerso Conuentu, salutem & debitam reuerentiam. REGIÆ Excellentie per omnia ut decet debitum honorem & dignitatem conseruantes, vobis, cui diuina prouidente clementia Dominus noster Rex vices suas commisit, electionem nostram iustè & canonicè factam præsentamus. Elegimus siquidem Henricum fratrem Ducis Burgundie Archidiaconum nostrum, de Regia stirpe ortum, consilio & assensu religiosarum personarum & totius Cleri & populi. Obsecramus itaque Excellentiam vestram, quatinus huic electioni nostræ assensum vestrum præbeatis, & Literis vestris personam electi domino Papæ commendetis.

Tom. IV.

V u ij

SVGERIO Dei gratiâ Sancti Dionysij venerabili Abbati & Vicario Regni, B. Noniomensis Ecclesie Decanus totumque Capitulum salutem. RELIGIOSVM & honestæ famæ virum Abbatem de Castellione Balduinum consilio religiosorum virorum communi assensu Capituli electum nobis in Episcopum discretioni vestræ notificamus, & vt vice Domini Regis tam competenti & honestæ electioni facilem præbeatis assensum, supplicamus.

EVGENII Papa ad eundem. EPIST. XLV.

EVGENIVS Episcopus servus servorum Dei, dilecto filio SVGERIO Abbati Sancti Dionysij, salutem & Apostolicam benedictionem. QUONIAM ad Religiosorum spectat officium, vt Religionem diligant & defendant, & eam diligenti studeant sollicitudine propagare, discretionem tuam in Domino commendantes, paternæ caritatis debito congaudemus, & tibi gratias referimus, quod in Ecclesia Sanctæ Genouefæ per tuum studium & laborem Deo grata Religio statuta esse dinoscitur, & per Dei gratiam conseruatur. Verum quia deuotionis affectus in bonis filiis paternis exhortationibus ampliatur, dilectionem tuam commonemus & exhortamur in Domino, quatinus Fratribus præfatæ Ecclesiæ sicut benè cœpistis diligenter assistas, vt omnipotens Deus, qui bonæ voluntatis est auctor, & inspectionis inspector, personam tuam in præsentis placitis sibi bonis adornet, & eam in futuro cum Sanctis æternis gaudiis faciat congaudere, & nos sollicitudinem tuam condignis gratiarum actionibus prosequamur. Præterea dilectio tua omnimodis efficere studeat, vt thesaurus & instrumenta ipsius Ecclesiæ, quæ adhuc per seculares Canonicos detinenter, Abbati & Fratribus in eadem Ecclesia commorantibus assignetur.

Abbas Clarenallensis ad dominum SVGERIVM Abbatem.

EPISTOLA XLVI.

AMANTISSIMO Patri & Domino SVGERIO Dei gratiâ venerabili Abbati beati Dionysij, Frater BERNARDVS de Clareuallæ, salutem & orationes. BENEDICTVS Deus, qui in manu vestra operatus est salutem in Ecclesia Sanctæ Genouefæ, vt Domus Dei restitueretur Ordini & disciplinæ. Agit vobis gratias Apostolica ipsa auctoritas, quod fideliter & efficaciter opus magnificum incœpistis. Agimus & nos quas possumus gratias, & quicumque Dominum diligunt in veritate. Rogamus itaque & obnixius postulamus, vt secundum Apostolicarum tenorem Literarum operi manuum vestrarum dexteram porrigatis, vt quod magnificè cœptum est, vestræ magnitudinis opera perfici possit in dies & feliciter consummari. Iam pro Ecclesia Sancti Victoris caritatem vestram sollicitare superfluum iudicauimus, quia omnium Ecclesiarum vobis custodia commissæ esse noscitur. Sed his debetis ampliùs, quarum Religio ampliùs noscitur indigere.

Domni SVGERII Abbatis ad Papam EVGENIVM.

EPISTOLA XLVII.

CARISSIMO Domino & Patri Dei gratiâ vniuersali & summo Pontifici EVGENIO, SVGERIVS beati Dionysij Abbas obedientiæ & seruitij plenitudinem. LAudem Domini loquitur os meum, quod tanta tanti Patris & vniuersalis Domini Celsitudo pro executione debitæ obedientiæ apud Sanctam Genouefam paruitati nostræ, quæ penè nulla est, grates reddere non dedignatur. Profectò inter alia hoc potissimum extat, quo ad omnem indifferenter obedientiæ plenitudinem animamur, quo ad omnium mandatorum vestrorum executionem pro toto posse tam piè quàm audacter accingimur. Sanè quod præ manibus est Sanctæ Genouefæ negotium, opus diuinum, opus sanctum, opus quod operatus Deus per vos in die-

A bus nostris miserrimi illi seculares non tam Canonici quàm Sanctæ Genouefæ persecutores, apud nos impedire non valentes, cateruatim Romam properantes festinant, si fortè quacumque occasione, quocumque pietatis honesto aut inhonesto modo Petri constantiam mouere, Curiam Romanam petitionibus flectere, familiares, & per familiares alios decipere, pro vita, pro moribus, pro re familiari qualicumque ne mutetur, toto nisu animi & corporis innitentes. Verùm quia causa Ecclesiæ causa Dei est, Petro & Petri Vicario per Petrum commissa, confidimus in Domino Iesu, quia ipse qui cœpit perficiet, nec poterunt viri offensores Dei & sui proditores aduersus Religionem in Curia capitali Religionis præualere. Qui quàm indiscretè & irreuerenter contra præceptum vestrum se habuerint, vestræ Paternitati significare dignum duximus. Thesauros quos nobis præcepistis assignare Abbati & Canonicis regularibus, audiente Archiepiscopo Remensi, & Episcopo Sueffionensi, & aliis quamplurimis religiosis personis, ex parte vestra ostendentes Literas præceptionis vestræ exegimus. Qui iniquitate inuoluti, nequitia excæcati, nec thesauros furtim sublato, videlicet quatuordecim marcas auri, ut aiunt, de feretro Sanctæ Genouefæ, nec reliquias eiusdem, videlicet casulam sancti Petri, pro quo eos regia potestate, nisi eis pro reuerentia vestræ Celsitudinis parceremus, tanquam fures aut raptores tenuissemus, nullomodo reddere voluerunt. His igitur & huiusmodi iniuriis Deo & Sanctis eius & Apostolicæ reuerentiæ derogantes, pro contemptu, pro inobedientia, pro sacrilegio in ultionem Ecclesiasticam decedentes, quem meruerunt ex rigore iustitiæ recipere talionem, eos in proximo sentire, suppliciter efflagitamus. Illuc enim superbiendo ascenderunt, vnde eos iusto iudicio prosterne, & seruos Dei in pace conseruare facillimè potestis. Sæpius enim multa conuitia, minas terribiles eis intulerant, garciones suos eandem Sanctæ Genouefæ Ecclesiam noctu intrare, & ostia eorum frangi fecerant, contra Canonicos Matutinas incipientes conclamare ne alter alterum audiret impulerant: donec nos super his iniuriis ab eisdem Canonicis regularibus vocati illuc accelerauimus, oculorum excæcationem & membrorum detractionem helluonibus huiusmodi, si quid simile deinceps committerent, terribiliter promisimus, seruientes de nocte, si qui interciperentur crebro transmisi-
mus, & sic per Dei gratiam zelo obedientiæ & Regiæ Maiestatis terrore eos in pace tanquam Dei excelsi seruos libentissimè conseruamus, & in hoc solo Dei ac sanctæ Religionis amore quamdiu vobis placuerit constanter perseuerabimus. Verùm tantum bonum, quo lætatur Ecclesia Dei, quo prædicabitur sancti Apostolatus vestri vsque in finem seculi famosa beatitudo, taliter pacificè & quietè terminari poterit, si iis Religiosis Chorum, Capitulum, Claustrum, & Refectarium ad conseruationem sanctæ Religionis iuxta Ordinem Sancti Victoris illis exclusis deliberari feceritis. De redditibus etiam exterioribus & terrarum custodia cauendum erit, ne in manibus eorum, quia eam omninò Religiosorum odio destruerent, dimittatis. Constat enim quòd irregulares regularibus nunquam nisi in manu forti consentient, neque pro extorta peccatorum voluptate, nisi misericordia Dei effecerit, eis vera pace iungentur.

LVDOVICI Regis ad Abbatem SVGERIVM. EPIST. XLVIII.

L VDOVICVS Dei gratiâ Rex Francorum & Dux Aquitanorum, SVGERIO eadem gratiâ venerabili Abbati Sancti Dionysij, salutem & gratiam. SUPER Reginaldo de Bulis, qui nobiscum ad Dei seruitium & nostrum peragendum in Orientis partibus remansit, vobis mandamus quatinus terræ suæ, quam defuncto fratre suo Manasse iurè patrimonij obtinere debet, & hominibus omnibus ad eum pertinentibus tanquam nostris propriis prouidentiz curam adhibeatis: & si quis eos in aliquo infestare voluerit, vos pro posse vestro vestrum illis impertiamini auxilium. Super Drogone de Munci, qui mortuus est, similiter vobis mandamus, quatinus hereditatem suam tanquam nostram propriam, ad nostram siquidem vtilitatem, seruari faciatis. Valete.

Tom. IV.

V u iij

AMANTISSIMO *Patri & Domino SVGERIO Dei gratiâ Abbati Sancti Dionysij*, HENRICVS *indignus Monachus Clareuallensis aeternam in Christo salutem.* MOLESTVM mihi est, quòd occasione mei Beluacensis fatigatur Ecclesia. Vnde & ab initio denunciaueram Clericis, ne inutilem laborem assumerent, aut Ecclesiam ipsam damnosa dilatione grauarent. Vtinam autem vel nunc ipsa vexatio eis dedisset consilium vel intellectum, vt omni frustratoria dilatione præcisa, Ecclesiæ Christi prouidere festinent, personam aliam idoneam tanto ministerio eligentes! Quod vt celeriter fieri iubeatis, & deinceps inaniter laborare, si id forsitan tentare voluerint, omninò prohibeatis, dilectam mihi in Christo paternitatem vestram obnixius & affectuosius rogo. Hoc enim indubitanter vos credere volo, quia quanto amplius super hoc laboris assumeretur, tanto amplius amitteretur. Valete in Domino semper.

LVDOVICI *Regis ad eundem.* EPIST. L.

LVDOVICVS *Dei gratiâ Rex Francorum & Dux Aquitanie, S. Remensi Archiepiscopo*, SVGERIO *Sancti Dionysij Abbati famosissimo, & R. Comiti de Perona cognato & amico nostro carissimo, salutem & gratiam nostram.* DILECTIONI vestræ mandamus, quatinus ea quæ Ebrardus Magister Templi vobis mandauerit certa habeatis. Nos siquidem cum ab Antiochia ad mutuo accipiendam pecuniam nobis necessarium sexto Idus Maij Acaron misimus. Ex Dei itaque parte vobis mandamus & nostra, quatinus eis persolui pecuniam quàm citius faciatis, quam per eos nobis mutuo adquisitam, ex literis vobis missis audieritis.

EVGENII *Papa Episcopi Autissiodorensi, Sueffionensi, & domno Abbati.*

EPISTOLA LI.

EVGENIVS *Episcopus seruus seruorum Dei venerabilibus Fratribus H. Autissiodorensi, G. Sueffionensi Episcopis, & dilecto filio suo Abbati Sancti Dionysij SVGERIO, salutem & Apostolicam benedictionem.* DILECTVS filius noster L. Atrebatensis Archidiaconus ad nostram præsentiam veniens, quod de filio nostro Magistro H. factum est longè aliter nobis & fratribus nostris exposuit, quàm per Adam & socios eius ipsius Ecclesiæ Canonicos fuerat nuntiatum. Significauit enim quòd quidam Atrebatenses Canonici ipsum filium nostrum Magistrum H. in Atrebatensem Episcopum contra sanctorum Patrum statuta post appellationem, quæ ad nos eis præsentibus & audientibus facta est, eligere præsumperunt. Ideoque per præsentia scripta vobis mandamus, quatinus vtrique parte ante vestram euocata præsentiam, allegationes hinc inde diligentius audiat; & si hoc verum esse constiterit, electionem ipsam appellatione remota cassetis. Præterea quoniam, sicut ex relatione prædicti filij nostri L. & sociorum eius accepimus, post appellationem ad nos factam sunt suis redditibus spoliati, nihilominus vobis præsentium auctoritate mandamus, vt eis ablata cum integritate restitui faciatis. Datum Pisfis.

LVDOVICI *Regis.* EPIST. LII.

LVDOVICVS *Dei gratiâ Rex Francorum & Dux Aquitanorum*, SVGERIO *Abbati S. Dionysij dilecto & fidei suo salutem.* SCIATIS quia Arnulfus Lexouienfis Episcopus in magna necessitate præstitit mihi de suo auri & argenti quantum potuit, vnde ei adhuc debeo centum & quatuor marcas argenti. Mando itaque vobis, vt remota omni excusatione & dilatione eas illi de mea reddatis infra mensem postquam Literas istas receperitis, ita quòd propter nullam causam ipse mihi offendatur vel disturberetur. Sciatis etiam quia prædictam pecuniam ei affidari feci.

LVDOVICI Regis ad eundem. EPIST. LIII.

LVDOVICVS *Dei gratiâ Rex Francorum & Dux Aquitania*, SVGERIO *eadem gratiâ venerabili Abbati S. Dionysij, & R. Viromandensi Comiti cognato & amico suo carissimo, salutem & gratiam nostram.* DILECTIONI vestræ notum fieri volumus, Albertum Dauolt nostrum siquidem familiarem in Christi nostroque seruitio mortuum esse. Sed quoniam Hugonem eius filium certa quorundam relatione didicimus fuisse mortuum, ob hoc vobis vt amicis nostris mandare curauimus, quatinus turtim de Andresel quam præfatus Albertus nobis siquidem consentientibus firmauerat, iuxta nostræ voluntatis mandatum vsque ad reditum nostrum seruari faciatis, appositis & constitutis ex parte nostra custodiis, ne quid in nobis contrarietatis accidat. De ceteris verò rebus ad eum pertinentibus vobis mandamus, quòd sicut vestræ visum fuerit discretioni, illis honestè disponendo prouidentię curam adhibeatis. Valete.

LVDOVICI Regis ad domnum Abbatem. EPIST. LIV.

LVDOVICVS *Dei gratiâ Rex Francorum & Dux Aquitanorum*, SVGERIO *eadem gratiâ venerabili Abbati S. Dionysij, & R. Viromandensi Comiti, salutem & gratiam nostram.* NOSTRA vobis manifestauimus negotia, & iterum vobis notum facimus, vt iuxta nostræ voluntatis mandatum, illa pro posse vestro adimplere festinetis. De cetero vobis vt fidelibus & amicis nostris carissimis mandamus, quatinus domum nostram de Gisortio ad nostram siquidem vtilitatem seruari faciatis, & diligentiori cura amodò prouideatis. Valete.

Item LVDOVICI Regis ad eundem. EPIST. LV.

LVDOVICVS *Dei gratiâ Rex Francorum & Dux Aquitania, dilectis suis & amicis SVGERIO Sancti Dionysij Abbati, & R. Viromandensi Comiti, salutem & gratiam.* DILECTIONI vestræ mandando præcipimus, quatinus dilecto & præcordiali amico meo A. Lexouiensi Episcopo sexaginta Aurelianenses modios de meo optimo vino Aurelianensi dare non remuatis. Valete.

Item Regis LVDOVICI ad eundem. EPIST. LVI.

LVDOVICVS *Dei gratiâ Rex Francorum & Dux Aquitania, dilectis fidelibus suis SVGERIO venerabili Abbati Sancti Dionysij, & R. Viromandensi Comiti, salutem & gratiam.* MANDAVIT nobis Archimbaldus de Soliaco, quòd de seruitio nostro prosequendo ad voluntatem fidelium nostrorum præsto erit in omnibus ac deuotus. Petit autem, quòd si quid aduersum nos egit, remaneat interim vsque in reditum nostrum querela, atque in reditu nostro sit ad libitum nostrum in statu suo. Quia igitur vobis super omnibus ad honorem nostrum incumbit prouidere, mandamus vobis vt secundum quod rationis intuitus suggeret vobis, saluo honore nostro super his faciatis, & eius seruitium ad honorem nostrum suscipere non recusetis.

Domni Abbatis ad Regem. EPIST. LVII.

GLORIOSO *Dei gratiâ Regi Francorum & Duci Aquitania LVDOVICO carissimo Domino nostro, SVGERIVS beati Dionysij Abbas cum toto Fratrum sibi grege commisso, orationum deuotionem, & integram seruitij fidelitatem.* QUANTIS & quàm lacrymosis suspiriis grauissimam personæ vestræ nobis absentiam prosequamur, quantis & quàm deuotis orationum postulationibus prosperitatem vestram & salutem, carissime Domine, Domino Deo commendemus, explicare nullomodo valemus. Quæ etenim adeo dura mens, quod tam ferreum pectus, quod tam longa & intolerabili tanti & tam piissimi Domini non moueatur absentia? quæ cum in dolore cœperit, in timore perdurat, defectus horrore terret. Nam quotiens Regiæ Maiestatis ingenitam nobilitatem, venerabilem morum industriam, animosi-

Vu iiij

LYDOVICVS
VII. IV-
NIOR.

tatem cum ad omnes, tum ad nos præcipue piissimam memoramus, aut ante vos aut vobiscum deficere desideramus. Si enim superessemus, de quanto in quantum mutaremur, nulla alia est comparatio, quam si de cælo in abyssum corrueremus. Redeat igitur ad cor ingenuæ bonitatis consueta propitiatio, & quod etiam bellum naturaliter faciunt, diligentes se diligat, fideles & præcordiales amicos enecare erubescat: ut quos exeundo terrore nimio contriuit, redeundo saltem post tanta pericula, post tantas & innumerabiles diuersarum mortium passionum, sufficienti solatio resuscitet. Ut autem totius Regni tui tibi voce loquar, quid est, carissime Rex & Domine, quare nos fugis? Nonne qui oderunt te oderam, & super inimicos tuos tabescebam? Qui cum te & nos tuos tamquam te diligere deberes, quod neutrum videris, diligere magis dolemus. Siquidem cum in Orientis partibus acerrimè laboraueris, multa & penè intolerabilia mala sustinueris, post reditum Baronum & Optimatum Regni, qua durtia vel potius crudelitate inter Barbaros remanere præsumpsisti? Redierunt Regni perturbatores, & tu qui defendere deberes quasi captiuatus exulas, ouem lupo tradidisti, Regnum raptoribus exposuisti. Rogamus igitur Celsitudinem tuam, pulsamus pietatem, adiuramus benignitatem, & peream qua inuicem obligati sumus fidem obtestamur, ne post transitum Paschæ ibi vel modicum demoreris, ne reus professionis & iuramenti, quod in susceptione coronæ Regno fecisti, in oculis Dei appareas. Nos autem sicut Angelum Dei vos expectantes, ubicumque necesse fuerit procedere, necessaria quæque præparare parati erimus. Conseruet Rex regum & Dominus dominorum personæ vestræ incolumitatem sibi & nobis. Pecuniam, quam vobis mittere disposueramus, secundum præceptum vestrum Fratribus Templi deliberauimus. Similiter & Comes R. quicquid vobis accommodauerat, tria scilicet millia librarum, exceptis ducentis, in plenitudinem accepit. Terra vestra & homines bona pace Deo opitulante gratulantur. Causas & placita vestra, tallias & feodorum releuationes, victualia etiam sperantes in reditu vestro referuamus: domos vestras & Palatia integra seruare, diruta reparare facimus. solo Domino egent. Senex eram, sed in his magis consenui, pro quibus omnibus nulla cupiditate, nullo penitus modo, nisi amore Dei & vestro me consumpsissem. De Regina coniuge vestra audemus vobis laudare, si tamen placet, quatinus rancorem animi vestri, si est, operiatis, donec Deo volente ad proprium reuersus Regnum & super his & super aliis prouideatis.

LYDOVICI Regis ad Abbatem SVGERIVM. EPIST. LVIII.

LYDOVICVS Dei gratiâ Francorum Rex & Dux Aquitania, dilecto & fidelissimo amico suo SVGERIO beati Dionysij Abbati reuerentissimo, salutem & gratiam. HONORIS ac reuerentiæ & sustentationis summam, quam mihi & meis Fratres Templi contulerunt, postquam in partes Orientis perueni, discretionem tuam latere minimè volo. Non enim video nec videre possum, quomodo etiam per parui temporis spatium in partibus illis permanere vel moram facere potuissem, nisi eorum præcedente auxilio & sustentatione, quæ nunquam mihi defecit à primo die quo in partibus illis fui, usque in hunc diem quo Literæ istæ à me discesserunt. & tunc maximè in eodem perseverabant. Quocirca tuam obnixè deprecor dilectionem, quod si antea Dei amore ipsos diligebas, nunc quàm maximè Dei & nostri amore eos diligere & manutenere non renuas, ita quod sentiant me pro ipsis intercessisse. De cetero autem pecuniam non modicam ex mea parte eos mutuasse, & super se accepisse tibi notifico, pro cuius redditu, ne Domus eorum diffametur, vel destruat, non conuenit ut eos mendaces faciam, ne & ego cum illis turpiter mendax inueniar. Tibi ergo mandando supplico, quatinus sine dilatione duo milia marcas argenti eis reddas. Alia verò quæ supersunt in debito præcepi G. de Rancone, ut ea illis diligenter reddere non differat. Quod se facturum mihi benignè promisit. Debet autem eis reddere triginta milia solidorum Pictaviensis monetæ, de quibus licet mihi bonum responsum dederit, tamen si fortè eos reddere noluerit, mandando tibi præcipio ut ipsum eos reddere moneas, & reddere facias. Hoc enim illi præcepi, ne nimis pro tanto debito grauareris. Vale, sciens & intelligens quoniam in hoc primo transitu repatriare credidi. Sed Orientalis Ecclesiæ oppressiorem, & instantem ipsius terræ necessitatem inspiciens, pietate commotus, & totius

A Orientalis Ecclesiæ precibus victus, vsque ad Paschæ transitum remanere ad ipsius Ecclesiæ sustentationem promisi. Tunc verò repatriare, & ad Regnum à Deo mihi præstitum redire, ipso fauente & concedente, remota omni ambiguitate proposui, & in animo firmaui. Similes Literas Comiti R. scripsi de hac pecunia.

LVDOVICI Regis ad eundem. EPIST. LIX.

LVDOVICVS Dei gratiâ Rex Francorum & Dux Aquitanorum, carissimo suo SVGERIO beati Dionysij Abbati, salutem & intimam dilectionem. DICI non potest, quanta nobis obsequia, quantam vbique dilectionem exhibent nobis in terra Orientali Milites Templi. Vnde eorum damna, eorum iniurias tanquam nostras, imò magis quàm nostras grauiter portamus. Cùm itaque in ultionem iniuriarum suarum nostram vbique operam debeamus, in his præcipuè quas in Regno nostro ad ignominiam nostram eis illatas audiuius, specialiter totam debemus. Ideoque dilectionem vestram per eam, quæ ad inuicem est, fidem nostram & vestram rogamus, monemus, & obsecramus, vt & de rebus & personis eorum qui Clericum venientem ad eorum Capitulum decurtare membris & abscindere præsumpserunt, condignam, grauem, & manifestam vindictam, secundum quod intelligetis velle nostrum, tota diligentia faciatis.

B LVDOVICI Regis ad Abbatem. EPIST. LX.

LVDOVICVS Dei gratiâ Rex Francorum & Dux Aquitanie, SVGERIO eadem gratiâ venerabili Abbati S. Dionysij, & R. Viromandensi Comiti, salutem & gratiam nostram. VOBIS manifestum esse non dubitamus, quòd Orientalis Ecclesia quotidianis Saracenorum & infidelium persecutionibus desolata, aded vocem suam exaltauit, vt nos Occidentalium partium incolas vocis suæ clamore ad sui prouocaret ultionem. Et quoniam rerum difficile est, vt sine labore magno & expensa adquiri minimè valeant, pro tanti prosecutione negotij diuersis secularium tempestatum fluctibus propulsi fuimus, & in multis variisque expensis pecuniam nostram consumpsimus. Nostra itaque deficiente pecunia, Christi tamen negotium iuxta nostræ deuotionis propositum adimplere cupientes, à Fratribus Religionis Hospitalis super hoc consiliū deposcimus. Qui, quoniam nos semper dilexerant, in necessitate nostra nobis succurrendo, dilectionem suam opere impleuerunt. Perfectio namque dilectionis exhibitio est operis. Ipsi igitur ad nostræ necessitatis supplementum mille marcas argenti ab extraneis adquisitas gentibus, quibusdam de Baronibus nostris ex parte nostra de præfato argento existentibus nobis fideiussoribus, commodauerunt. Quapropter vobis vt amicis nostris carissimis mandamus, quatinus Terræ nostræ redditus coadunari faciatis: sic tamen vt impositus à nobis mediæ scilicet Quadragesimæ terminus non prætereat, quin omni occasione remota præfatis Fratribus nostrum persoluator debitum.

Domni Abbatis ad Papam. EPIST. LXI.

AMANTISSIMO Patri & Domino Dei gratiâ summo Pontifici EVGENIO, SVGERIVS beati Dionysij humilis Minister, obedientia & seruitij plenitudinem. NOBILEM beatæ Mariæ Parisiensis Ecclesiam, inuitante caritate, multisquè rogantibus, Pater sancte, discretioni vestræ attentius commendantes, quia plus solito eget, vt plus solito subueniatis ad præsens, suppliciter poscimus. Cùm enim venerandi status nobilitate, & famosa doctrinæ lampade hætenus clarescere consueuerit, in defectu personatus Decaniæ vacillans grauiter, si non ei subueniatur declinare festinat. Cùm enim qui alios doctrinæ & vitæ exemplo præcedere debet, etiam sequi nesciat, profecto subditorum disciplina per eius inscientiam à doctrinæ & prudentiæ tramite exorbitat. Sanè, cùm in Galliis vestra Deo & hominibus grata fruemur præsentia, assumpto eiusdem Ecclesiæ Decano B. in Episcopum Catalaunensem, propter diuersarum partium Parisiensis Capituli dissonantiam, qui crebrò localiter conuenientes, in acceptione eiusdem personæ in Decanum conuenire non valebant, à Paternitate vestra eandem ele-

etionem committere honestioribus personis eiusdem Ecclesiæ, quorum industriâ A
ad honorem Dei pacificaretur controuersia, mandatum susceperunt. Qui parati
obedire, quatuor eiusdem Ecclesiæ Canonicis, quorum vnus hic erat, nihil mali in
eis aut de eis suspicantes, electionem commiserunt. Qui quod semel inter se sus-
ceperant, extra se erogare recusantes, quin potius inter se retinentes, ipsi hunc de
forsitan sibi in Decanum elegerunt. Super quo valde mirati sumus, quodd cum
auctoritate vestra quatuor commissa fuerit electio, si tres quartum elegerunt, mi-
nus obedierunt. Quodd si quartus cum aliis se elegit, Paternitatis vestræ discretio
infinite melius quam nos cognoscit quid fecerit. Verum si quod minus in electio-
ne inuenitur, in personæ probitate suppleretur, in recompensatione sustineri pos-
set. Sed sicut perhibent qui eum nouerunt, nec alicuius discretionis, nec bonæ
conuersationis, nec bonæ famæ existit. Proniorem enim publicè ac priuatim di-
cunt eum ad omne deterius, expertem consilij & auxilij, in omnibus Ecclesiæ ne-
cessitatibus penè nullum, sub quo languere potius quam prosperari Ecclesia va-
leat. Cuius indiscretionis argumentum in ea potestis actione cognoscere, quam
Episcopus Parisiensis Paternitati vestræ transmittit, de ea quam audire potestis
contra eiusdem Ecclesiæ Cantorem controuersia eum mouisse. Cum enim pro
consuetudine Ecclesiæ & Apostolicæ immunitatis auctoritate præfatus Cantor ita
Decano parificetur, vt neque de Ecclesiasticis, neque de ciuilibus, siue in Capi-
tulo, seu extra, absque eius consilio disponere habeat: quadam die cum essent in
Choro Horam canonicam decantantes, & Cantor cuidam Clerico loqueretur, B
quo more solet omnibus de canendis vel legendis pronuntiare: accepta inde occa-
sione inuectiue insiliens in Cantorem, turpiter tacere imperauit, & dum Cantor
auditori prosequeretur quod inceperat, admirans indiscretam Decani vehemen-
tiam, Decanus ipse more arreptitij furens Choro decantanti silentium imperauit:
non reputans quodd se minimus Canonicorum, nedum iste, qui more Ecclesiæ illi
parificatur, vt nihil absque eo neque in Choro, neque in Capitulo constituat, ali-
quid in Choro commisisset, in Capitulo canonicè corrigeretur, hinc
emerfit inter eos, cuius accusationem dominus Parisiensis Episcopus Paternitati
vestræ scribere curauit, querela: hoc habuit primordium, hoc motus ille pedibus
& manibus mouet Ecclesiam, inquietat vt inquietetur, pacis & quietis ignarus.
Cantor præfatus iniuriam aliquanto quietius sustinens, tam per dominum Episco-
pum Parisiensem, quam per Capitulum Ecclesiæ, tam per dominum Autissiodo-
rensem quam Sueffionensem, per nos etiam & per alios multos ad iustitiam facien-
dam & suscipiendam, ne indiscretus videretur, crebrò se obtulit: & proniorem ad
pacis compositionem & iustitiæ executionem audiuius eum qui passus est, quam
qui fecit iniuriam. Nec hoc solum aut primum factum est, quo Parisiensem Ec-
clesiam modò generaliter, modò personaliter, sicut indiscretionem rapitur, vexare
consuevit. Quæ omnia si referrentur ad vos, fastidium generarent. Placeat igitur
sanctæ Paternitati vestræ, ad quam omnia spectat corrigere, mutare, mouere: C
(oculi enim omnium in te sperant Domine,) taliter eidem Ecclesiæ providere,
ne in defectu Decani intus & foris depereat, ne nobilis Ecclesia Parisiensis affli-
cta degeneret, ne cum non oporteat viri illius occasione omnino declinet. Serò
fortassis eius restitutioni manum referetis.

Comitis Flandrensis ad eundem Abbatem SVGERIUM.

EPISTOLA LXII.

DOMINO & amico suo carissimo, SVGERIO Dei gratiâ venerabili S. Dionysij
Abbati, T. Flandrensis Comes salutem & totius dilectionis integritatem. De di-
lectione vestra plurimum confidens, sanctitatis vestræ Excellentiam cum multa
deuotione toto mentis affectu deprecor, vt quod de sustentatione Atrebatensis
Ecclesiæ benignè suscepistis, vsque ad bonum finem constanter prosequamini, &
electionem de Magistro Hugone dilecto nostro ab Ecclesia pia deuotione, & vt
credimus, Dei voluntate factam, pro Dei amore & nostro ratam & inuiolabilem
faciatis permanere. Valete.

A

Comitis Niuernensis ad eundem. EPIST. LXIII.

DOMINO suo carissimo SVGERIO reuerendo Abbati Sancti Dionysij, VV. Comes Niuernensis salutem & obsequium & debitam venerationem. SECUNDVM quod ex Literis vestris accepi, libenter me videretis, & mecum loqueremini, & ego nihilominus desidero vos videre. Ecce autem in proxima die Mercurij apud Sanctum Dionysium in orationibus esse disposui. Quamobrem, Domine, vobis mando, & multum obsecro, quatinus vestra gratia ibidem adsitis, quia multum vobiscum volo loqui. Valete.

Abbas Clarenallensis ad eundem. EPIST. LXIV.

CARISSIMO Patri & Domino SVGERIO beati Dionysij Abbati, Frater B. Clarenallensis vocatus Abbas, salutem & dilectionem. OPORTET vos operari opera eius qui vos reliquit in loco suo, imò opera Domini Dei vestri qui ad tale ministerium vos elegit. De operibus eius est, quod Ecclesia de Monte Religionem induit & decorem, vbi vos nouella illa plantatio consiliatorem & auxiliatorem magnum inuenit. Supplicamus vt quod benè cœpistis meliùs consummetis, & opponatis vos murum pro domo Israël, vt non præualeat homo. Dignemini etiam consolari Abbatem loci illius, quia pusillanimis est, quia sic conuenit honori personæ vestræ, & saluti animæ vestræ, & specialiter in tempore isto.

Comitis Flandrensis ad eundem. EPIST. LXV.

VENERABILI Abbati Sancti Dionysij SVGERIO, T. Flandrensis Comes salutem & integram dilectionem. IAMPRIDEM ad vos venissem, & super me quæ à me requisistis vobiscum contulissem, si non negotiis propriis, & præcipuè vt creditoribus meis debitum soluerem, occupatus fuisset. Porro qualis animi dominus ROBERTVS frater Regis erga Dominum meum Regem Franciæ in itinere peregrinationis extiterit, aliorum relationi credite. Ceterum dico vobis & mando, quod dominus Robertus ante reditum suum à Rege ad negotia Regis Nazareth venire vocatus, omnino se absentauit, neque, vt mihi & reliquis Principibus videbatur, à Domino meo fraterno & bono animo recessit. Proinde sicut prudentiam & sanctitatem vestram decet, vrbes & munitiones vobis commissas salua fide Regi Franciæ conseruate: & si quid vobis aduersitatis occurrerit, me adiutore & in virtute Dei propugnatore viriliter resistite. Itaque si quando vobis placet vt ad vos veniam, & de negotiis Terræ vobis commissæ conferam, securè me vocate, & vtrum cum paucis an cum pluribus venire debeam, mihi mandate. Paratus sum enim in omnibus Terram ad honorem Domini mei Regis defendere, & nulla pericula & labores, vt ei fideliter seruiam, subterfugere. Valete.

EVGENII Papa ad dominum Abbatem SVGERIVM. EPIST. LXVI.

EVGENIVS Episcopus seruus seruorum Dei, dilecto filio SVGERIO Abbati Sancti Dionysij, salutem & Apostolicam benedictionem. QVONIAM sicut Literarum tuarum nobis inspecta series patefecit, nuntios & Literas tuas ad nostram præsentiam in proximo es transmissurus, qui sanctæ Genouefæ negotium nobis plenius aperiant & ostendant, tibi nunc per latorem præsentium non duximus respondendum. Cùm verò Nuncij tui nobis ipsum negotium plenius intimantes, nostro se conspectui præsentabunt, tunc quod faciendum fuerit auctore Domino faciemus. Interim autem tua dilectio diligenter inuigilet, vt quod iam diuina fauente gratia, & tuo adiutorio, ex maxima parte perfecimus, destrui nullatenus patiaris.

Item EVGENII Papa ad eundem. EPIST. LXVII.

EVGENIVS Episcopus seruus seruorum Dei, dilecto filio SVGERIO Abbati Sancti Dionysij, salutem & Apostolicam benedictionem. NOTVM sit discretioni

LVDOVICVS
VII. IV-
NIOR.

tuz, quòd non ideò tibi venerabilem Fratrem nostrum Hug. Autissiodorensē A
Episcopum in denunciatiōe sententiæ nostræ adiunximus, vt de se aliquatinus
diffidere debeamus, cū præterita & fortia facta futuræ constantiæ exhibeant ar-
gumenta: sed vt Sanctæ Genouefæ seculares Canonici in te specialiter inuidiæ
causas non habeant exercere, tibi iam dictum Fratrem nostrum duximus adiun-
gendum. Tua itaque interest, quatinus taliter in incepto bono firmus existas, vt
sicut Religionis plantator videris, ita & conseruator ipsius debeas auctore Do-
mino iudicari.

Item EVGENII Papa ad eundem Abbatem SVGERIVM.

EPISTOLA LXVIII.

EVGENIVS *Episcopus servus servorum Dei, dilecto filio SVGERIO Abbati San-
cti Dionysij, salutem & Apostolicam benedictionem.* De dilectione tua plurimum
confidentes, omnia quæ portare consuevit caritas imponere tibi nullatenus dubi-
tamus. Quia ergo dilectus filius noster Hugo Canonicus Sancti Victoris ad nos
rediturus est, beniuolentiam tuam rogamus, quatinus ei equitaturam vnā & ex-
pensas, quæ pro ipsa & eius sessore in reditu sibi sufficiant, largiaris, & Abbati ac
Fratribus Sanctæ Genouefæ ex nostra parte iniungas, vt de redditibus Decanatus,
qui assignari eisdem Fratribus debent, viginti quinque libras Prouiniensium, quas B
ad opus Ecclesiæ à creditoribus suscepisse dinoscitur, eidem Hugoni restituant.
Præterea discretioni tuæ notum fieri volumus, quòd pro eo vt causæ inimicitiarum
secularium Clericorum eiusdem Ecclesiæ contra te minuerentur, venerabilem
Hugonem Autissiodorensē Episcopum tibi adiunximus, sicut potuisti ex alia-
rum inspectione Literarum, quas tibi transmisimus, agnouisse.

LVDOVICI Regis ad eundem. EPIST. LXIX.

LVDOVICVS *Dei gratiā Rex Francorum carissimo suo SVGERIO venerabili
beati Dionysij Abbati, salutem & internam dilectionem.* Ex abundanti quidem
esse cognoscimus, vt vestræ sollicitudinis curam in his, quæ vel ad nos, vel ad
Regnum nostrum respiciunt, quibuscumque precibus excitemus. Scimus enim, &
certi sumus sine dubio, quòd ad id tota intentio vestra semper inuigilet, & nullum
prorsus vel à nobis, vel aliundè super his incitamentum expectet. Verumtamen,
quia nos vsque in Pascha reditum nostrum post Principes nostros distulimus, &
prauorum hominum machinamenta formidamus, specialiter superduximus modo
vobis scribendum: vt interim super omnia, quoniam principaliter ad vos respicit
cura atque custodia Regni, in eo custodiendo attentius insistatis, & vniuersos ma-
lignorum conatus, si quid contra Coronam nostram machinari tentauerint, solita
vestra cautela prorsus euacuetis. Nos enim auxiliante Domino statim post Pascha O
transfretare, & ad Regni nostri tutelam redire sine dubio festinabimus. De ce-
tero fidelem nostrum & dilectum Balduinum Cancellarium, quoniam in Gallica-
nis partibus eum nobis utilem & necessarium fore cognouimus, cum gratiosa li-
centia redire permisimus. Cuius fidelitas deuota eo maiorem de nobis gratiam, &
honorem & gloriam de nostris meretur amicis, quoniam inter labores atque pe-
ricula nullatenus defuit nobis in partibus alienis. Eum itaque tanquam charissi-
mum nostrum ad peragenda negotia Regni volumus euocari, atque eius consilio
quæ disponenda fuerint disponi. Cuius relatione de statu nostro omnia certa co-
gnosceris.

Abbas Clareuallensis ad domnum Abbatem SVGERIVM.

EPISTOLA LXX.

VENERABILI Patri & Domino SVGERIO *Dei gratiā Abbati Sancti Diony-
sij, Frater BERNARDVS Clareuallensis vocatus Abbas salutem & orationes.*
Nunc tempus & opus est, vt apprehendatis gladium spiritus, quod est Verbum
Dei, contra diabolica figmenta, quæ regerminare iterum moliantur. Homines
namque illi, qui reuersi sunt, maledictas illas nundinas post festa Paschalia præfi-
xerunt,

A xerunt, & statuerunt laxatis habenis dominus Henricus filius Comitis, & dominus ROBERTVS frater Regis, vt irruant & interficiant semetipsos. Animaduertite, quali voluntate viam Hierosolymitanam aggressi sunt, qui cum voluntate huiusmodi regressi sunt. Quàm rectè dici potest de istis! *Curauimus Babylonem, & non est sanata: percussit sunt, & non doluerunt, attriti sunt & renuerunt suscipere disciplinam,* post tot labores, post tanta pericula, quibus vexati sunt à tribulatione malorum & dolore. Regnum in pace est, & Dominus Rex abest, & per hos duos potest Terra singulariter commoueri, sed & perturbari. Supplico & consulo sublimitati vestræ, quia maximus Princeps estis in Regno, vt vel dissuasiue, vel in totis vos viribus opponatis ne fiat hoc: quia sic conuenit honori personæ vestræ, & Terræ nostræ, & vtilitati Ecclesiæ Dei. Vm autem appello, quod ad Ecclesiasticam pertinet disciplinam. Nos autem idem scribimus domino Remensi, domino Senonensi, domino Sueffionensi, domino Autissiodorensi, Comiti Theobaldo, Comiti Rodulfo. Opponite vos tantis malis, & propter Dominum Regem, & propter Dominum Papam, ad quem pertinet custodia Regni.

LVDOVICVS
VII IV-
NIOR.

Gaufredi de Rancona ad dominum Abbatem. EPIST. LXXI.

VENERABILI Domino suo & Patri spiritali Abbati S. Dionysij SVGERIO, *Gaufredus Ranconiensis salutem.* VESTRA prudentia non ignorat, quod Dominus noster Rex Terram Pictauiensem nobis tradidit, atque de redditibus ipsius quid faceremus præcepit. Nobis autem iussit, vt Militibus Templi solueremus triginta milia solidorum, de cetero turre & castra ipsius firmarentur. Vnde valde miramur, quod super hoc nondum vestrum habuimus consilium, sed nobis mandastis vt G. Berlai redderemus quatuor milia solidorum, Fonti-Ebraldo quingentos solidos, filio VV. de Maufiaco mille, alio loco decem libras. quod graue est adimplere. Sciat amicitia vestra, quod partibus Burdegalensibus nuper affuimus, & cum domino Archiepiscopo locuti fuimus, & cum Baronibus terræ illius, quam valde disturbatam inuenimus. Prætorem autem, quem misistis, noscat amicitia vestra, nūquam in pace sustinerem: sed dominus Archiepiscopus & nos consilium habuimus, quatinus vnum de nobilibus illius Terræ poneremus, qui restitueret domos quæ valde dirutæ sunt, & mœnia fortitudinis. In fortitudine autem clientes, quot vobis visum fuerit, de Terra nostra, an de vestra, mittere placeat, qui tamen de Regalibus viris procurentur. Vestra amicitia nobis mandauit, vt vobiscum loqui veniremus apud ciuitatem Bituricensium. Quod nobis valde graue est, quia adhuc fatigatus ex itinere non possum, & ex alia parte aliam causam credo nouistis. Sed si vobis placeret venire Blesis circa Pentecosten, ibi libentissimè ad vos veniremus. Vobis notificamus, quod C. Cancellarius, quem in Terram illam misistis, valde eam turbauit, & maximam pecuniam sibi adquisiuit. Scitote, quia iussum Domini Regis pro posse nostro adimplebimus.

Abbatis Clareuallensis ad eandem. EPIST. LXXII.

CARISSIMO Patri & Domino SVGERIO Dei gratiâ beati Dionysij Abbati, *Frater B. Clareuallensis vocatus Abbas spiritum consily & consolationis.* VISIS quibusdam Literis vestris, quas ad dominum Turonensem direxerat sublimitas vestra, exultauimus & delectati sumus, non qualicumque gaudio, sed gaudio magno valde. Visitet vos Oriens ex alto, qui visitare disponitis Regnum gloriosissimi Regis nostri: vt sic respirare possit à tribulatione malorum & dolore, quæ iam in ianuâ est, si non fuerit totis viribus contradictum. Profectò consilium Dei fuit, vt ad consilium tam Curie quàm Ecclesiæ Principes vocaretis: vt sciant omnes qui habitant terram, quia remansit & Regno & Regi amicus dulcis, Consiliarius prudens, adiutor fortis. Illi, inquam, Regi, qui seruit Regi, cuius Regnum Regnum est omnium seculorum: qui commouit Reges & Regna, ne Rex cœli perderet terram suam, terram vbi steterunt pedes eius. Illi, inquam, Regi, qui cum esset gloriâ singularis, rebus affluens, pace securus, victoriosus in præliis, iuuenis ætate, elegit exulare à propriis, vt seruiret in alienis, illi tamen cui seruire regnare est. Et quis est, qui audeat turbare Regnum eius? qui tantam impietatem commit-

Tom. I^{re}.

XX

LYDÖVICVS
VII. IV-
NIOR.

tat aduersus Dominum, & aduersus Christum eius? Domine mi Rex, vtinam abscindantur qui te conturbant, qui quærunt mala & tibi & tuis! cùm tu inter alienas gentes solus remanseris, ne remaneret in solitudine locus ille, quem elegit Dominus ex omnibus locis terrarum, vt esset nomen suum ibi. Propterea viriliter agite, & confortetur cor vestrum, quia vobiscum est Dominus Deus vester in protectione Regis & exulis sui, qui imperabit ventis & mari, & tumentes fluctus facilè complanabit. Erit vobiscum vniuersitas Ecclesiæ Dei, ne insurgat aliquis, & peccare faciat Israël: & totis humeris totum onus, si quid tamen oneris fuerit, supportabit. Nunc enim tempus & opus est, vt agatis pro loco quem tenetis, pro dignitate quâ polletis, pro potestate quam accepistis: vt memoria vestra non solùm in benedictione, sed in ammiratione sit generationi huic, & generationi omni quæ ventura est. Prouidendum eniñ est, & multum prouidendum, ne tanta portio Ecclesiæ Dei sine fructu maximo fatigetur: & hîc statuendum, quod omnes malignitates insurgentium vel relidere, vel elidere possit. In voluntate nostra est, vt vobis in nomine Domini congregatis Paternitatis nostræ Literas transmittamus, quæ etsi non adiuuent, saltem affectum nostrum ostendant. Ille autem, qui vobis dedit hanc voluntatem, donet & facultatem, & conterat Sathanam sub pedibus vestris: vt in opere isto glorificetur Deus, honoretur Ecclesia, Regnum stabiliatur, & obstruatur os loquentium & facientium iniqua.

HENRICI filij Comitis THEOBALDI. EPIST. LXXIII.

SVGERIO *venerabili Abbati Sancti Dionysij*, HENRICVS *Comitis Theobaldi filius salutem*. FORSITAN non præterit cognitionem vestram, Reinaldum Pomponiensem hominem vestrum Ansericum Montis-regalis in hoc tornamento cepisse. Vnde dilectionem vestram exoro, quatinus ab instanti die Dominico in octo dies ad me vestri gratia Meldis venire non grauemini. Scio enim vos amicam meum fidelissimum esse, & in hoc præsentis negotio plus omnibus illis, quos nouerim, tam dilectione, quam vos erga me habere existimo, quàm experta discretione vestra mihi valere posse. Et ideo prudenti consilio vestro de prædicto Anserio cum domino Reinaldo loco & tempore constituto finire desidero.

Domni SVGERII Abbatis ad Archiepiscopum Remensem.

EPISTOLA LXXIV.

VENERABILI *Dei gratiâ Remensi Archiepiscopo SAMSONI*, SVGERIVS *beati Dionysij Abbas salutem & dilectionem*. CVM gloria corporis Christi videlicet Ecclesiæ Dei, Regni & Sacerdotij indissolubili vnitatem consistat, constat profectò quia qui alteri prouidet, alteri suffragatur: quoniam & temporale Regnum per Ecclesiam Dei stare, & Ecclesiam Dei per temporale Regnum proficere omnibus discretis euidenter ostenditur. Eapropter, quia carissimi Domini nostri Regis Francorum LYDÖVICI longa peregrinationis absentia peruersorum tergiuersationibus & molestiis Regnum grauiter moueri videmus, & cum Regno Ecclesiam Dei grauius turbati formidamus, & citò consulto opus est: tanquam preciosam de capite Coronæ Regni gemmam vos obsecramus, inuitamus, & per eam, quæ inter nos & vos est inuicem, fidem vestram atque nostram, & qua Regno astrictus estis, vos submonemus, quatinus cum Suffraganeis vestris Dominica præcedente Rogationes Sueffionis nobiscum conueniatis. Conuocauimus enim eodem termino & loco Archiepiscopos & Episcopos, atque altiores Regni Optimates, vt secundum fidelitatem nostræ & sacramenti professionem, qua Regno obligati sumus, Regno & Ecclesiæ Dei consultè prouideamus, & alter alterius onus inuicem subportemus, & pro domo Israël murum nos opponamus: quia si de illa constanter reperiamur, de qua legitur, *Multitudinis credentium erat cor unum & anima una*, & Ecclesia Dei periclitabitur, & Regnum in se ipsum diuisum omnino desolabitur.

S. de Cheziano.

EPISTOLA LXXV.

SVGERIO *venerabili Abbati Sancti Dionysij*, *S. de Cheziano Præpositus Oleronis salutem*. NOTIFICO vobis, quòd G. de Rancone propter censuale debitum,

A quod nolo illi reddere, quod ne illi redderem Literis vestris sigillatis mihi interdixistis, Præpositum suum misit in Terrâ, qui multum obnixè à me quærit turrem & Terræ prouinciam reddere. Sed ego illi turrem & Terræ prouinciam in quantum possum defendo, & reddere nolo. Quapropter vestrum requiro consilium, quid de hac re me velitis facere, aut turrem & Terræ prouinciam reddere, aut omninò secundum posse meum denegare. Mihi tamen videtur, quòd si censuale debitum redderem, pacem cum illo haberem.

LYDOVICVS
VII IV-
NIOR.

Communia Beluacensis. EPISTOLA LXXVI.

DOMINO suo SVGERIO beati Dionysij reuerendo Abbati, Pares & tota Beluacensis Communia, salutem & obsequium ut Domino. AD vos tanquam ad Dominum clamamus & conquerimur, quippe in manu & tutela vestra à Domino Rege commissi sumus. Quidam enim homo iuratus noster de Cōmunia nostra duos equos, qui ei in Quadragesima fuerant, apud Lenesmōtem esse audierat, & ad perquirendos eos quarta feria Dominicæ Resurrectionis illuc perrexerat. Gualeranus autem præfatæ villæ Dominus Resurrectioni Dominicæ nullum honorem deferens, illum hominem sine forisfacto cepit, & eum pro seipso decem solidos Parisiensium dare, & equos suos quinquaginta sex solidis redimere coëgit. Quia verò homo pauper est, & hanc & multam aliam pecuniam ad vsuram debet, sanctitatem vestram in Domino exoramus, quatenus de præfato Gualeranno condignam iustitiam Dei gratia & vestra faciatis, ut iurato nostro præmissam pecuniam reddat, & vterius aliquem vobis commissum disturbare non præsumat. Valete.

LYDOVICI Regis ad Comitem THEOBALDVM. EPIST. LXXVII.

LYDOVICVS Dei gratiâ Rex Francorum, carissimo suo THEOBALDO Comiti, salutem & plurimam dilectionem. COMPVLT nos internus amor, quem in visceribus nostris erga dilectum filium vestrum HENRICVM habemus, ut ad gloriam nominis eius fidelitati vestræ de remotis partibus scriberemus. Eius quippe deuotio, quam per omnia nobis exhibuit, eiusque obsequia gratiosa, ampliore de nobis gratiam meruerunt, & affectum propensioris amoris ei apud nos comparauerunt. Super quo vestræ dilectioni gratias vberes exhibentes, id vobis de eo significamus, ut erga eum cor vestrum affectuosiùs promoueamus. Nouerit autem vestra dilectio, quòd desiderium nostrum fuerit & voluntas, cum Principibus nostris ad Regnum nostrum redire. Sed Orientalis Ecclesiæ necessitate vsque in Pascha coacti sumus remanere. Et quoniam ad vestram fidelitatem præcipuè respicit honor Coronæ nostræ, atque totius Regni nostri defensio, strenuitatem vestram attentiori præce rogamus, ut de custodiendo Regno nostro attentam diligentiam habeatis, ne quid prauorum malignitas contra Coronam nostram interim valeat machinari. Nos enim sub ope diuina sine dubio statim post Pascha transfretare, & ad Regni nostri tutelam redire curabimus.

Archiepiscopi Remensis ad Abbatem SVGERIVM. EPIST. LXXVIII.

SAMSON Dei gratiâ Remorum Archiepiscopus, carissimo ac præcordiali amico suo SVGERIO venerabili Abbati beati Dionysij, salutem & sinceram in Domino dilectionem. EPISCOPOS & Comitem Flandriæ, sicut condixeramus, submonuimus, ut Dominica qua cantabitur, Vocem iocunditatis, pro negotiis Regni nobiscum tractaturi Sueffionis conueniant. Ipsi autem se submonitioni nostræ obedituros libenter sponponderunt. Ceterum, quia nescimus si tunc vobis licitum fuerit & possibile, dilectioni vestræ scribere decreuimus, inquirentes quid inde vobis placeat: quia si tunc venire non potestis, oportebit nos Episcopis & Comiti Flandriæ demandare ne veniant. Valete.

DOMINO dilectissimo SVGERIO Dei gratiâ venerabili Abbati S. Dionysij, Frater B. Clareuallensis Abbas salutem & orationes. FRATRES nostri de Bituricensi Archiepiscopatu de Domo Dei egent pane, & audiuius quod abundat ibi annona Domini Regis, & parum venalis inibi videtur. Itaque rogamus vos, ut præcipiatis eis dari de annona illa, quantum visum fuerit prudentiæ vestræ. Nam & Dominus Rex dum in hac terra esset, eis benefacere solebat.

LVDOVICI Regis. EPIST. LXXX.

LVDOVICVS Dei gratiâ Rex Francorum carissimo suo SVGERIO venerabili Abbati S. Dionysij, salutem & plurimam dilectionem. DILECTIONI vestræ rogantes mandamus, ut fidelem nostrum A. de Vilerum cum omnibus ad ipsum respicientibus vice nostra diligenter tueri & defensare studeatis, quoniam deuotus semper nobis assistere studuit in partibus alienis.

Archiepiscopi Bituricensis. EPIST. LXXXI.

VENERABILI & carissimo domino SVGERIO Abbati Sancti Dionysij, P. Bituricensis Ecclesie humilis Minister salutem in Domino. IUVENETVM de Bituricis, Arnulfumque filium eius, vestra vocauit sublimitas ad causam agendam ante præsentiam vestram. Nos autem, quia amici nostri sunt, & de vobis confidimus, sicut & vos de nobis confidere credimus, rogamus dilectionem vestram, ut causam, pro qua vocastis eos, faciatis tractari in Curia Domini Regis apud Bituricas, vel eam differatis donec vos Bituricas veniatis. Nam Iuuenetus ipse senex est, & laborem equitandi sustinere non potest. Hoc quoque sciat prudentia vestra, quod uterque bonum testimonium habet in ciuitate: & quod vobis aduersus eos suggestum est, non ex veritate, sed ex odio credimus factum esse. Quid super hoc placeat prudentiæ vestræ, rescribite Præpositis Bituricarum.

Præpositis Bituricensibus. EPIST. LXXXII.

SVGERIVS Dei gratiâ beati Dionysij Abbas, Præpositis Bituricensibus, & Seruiensibus Domini Regis, salutem & dilectionem. VENIT ante præsentiam nostram venerabilis Frater noster Abbas Maciacensis P. & quia se absentasse videbatur pro voluntate nostra, inde nobis satisfecit. Vnde & nos eum de Regali taliter inuestiuimus, ut cum Dominus Rex Deo annuente redierit, si quid contra eum fecisse videtur, ad beneplacitum eius se satisfactorum exhibeat. Mandamus igitur vobis ex parte Domini Regis & nostra, quatinus præfatum Abbatem, & quæ ad eum spectant, diligatis, & honoretis, & manuteneatis: & in quibus opus fuerit, ei auxilij & consilij manum porrigatis. Hæc & his similia Domino Regi reseruamus; quæ ad honorem suum & commodum decentius adaptabit.

Archiepiscopi Bituricensis ad domnum SVGERIVM Abbatem.

EPISTOLA LXXXIII.

VENERABILI & dilectissimo Fratri SVGERIO Abbati S. Dionysij, P. Bituricensis Ecclesie humilis Minister salutem in Domino. QVOD mandauit prudentia vestra, ut turris sancti Palladij Præpositis Domini Regis redderetur, non fuit nobis graue: quia scimus vos pro utilitate nostra hoc prouidisse. Rainaldus autem de Cra-ciaco nolens eam reddere, dixit, quod mitteret ad Comitem Rad. & secundum præceptum illius inde ageret. Nos autem non sustinuissimus, quin statim conuocata Communia super eum irrueremus, nisi quia vobis prius significare voluimus. Prouideat ergo dilectio vestra, ne ex parte Comitum R. sustentationem habeat. Damnum enim posset esse non solum nobis, sed etiam Domino Regi maius, quam nobis. Si quid minus de hoc negotio scribimus, per Magistrum Audebertum virum prudentem & discretum, quem ad vos mittimus, plenius vobis intimabitur.

A

*Domni SVGERII Abbatis ad Comitem RADVLFO.*LVDOVICVS
VII. IV-
NIOR.

EPISTOLA LXXXIV.

E GREGIO Dei gratiâ Viromandensi Comiti RADVLFO, SVGERIVS beati Dionysij Abbas salutem & dilectionem. IUVENIS iste Rainaldus de Craciaco festinat ad vos, vt iustitiam mutetis contra Archiepiscopum Bituricensem, ipsum de firmitate sancti Palladij expoliando, qua inuestitus erat quando Dominus Rex Hierosolymam profectus est. Nos autem distante iustitia præfatum Archiepiscopum reinuestiri præcepimus, quod nullomodo mutabimus, & vos hoc ipsum mandare volumus. De VVidone verò de Herembrachen *, quem ad muniendam & custodiendam turrem Bituricensem miseramus, dilectioni vestræ significamus, Præpositos Bituricenses & Cadurcum eis turrem negasse: licet postquam vobiscum locuti fuimus, hoc idem eis iterum mandauerimus. Quod per præsentem nuncium vos ipsis præcipere scribendo volumus.

Archiepiscopi Bituricensis. EPIST. LXXXV.

CARISSIMO Domino & amico SVGERIO venerabili Abbati beati Dionysij, P. Bituricensis Ecclesie humilis Minister salutem. SCIRE volumus dilectionem vestram, quod turris sancti Palladij sicut præcepistis reddita est. Et quamvis nondum eam habeamus, inde multimodas vobis grates referimus: quia pro certo scimus, vos ita eam præcepisse reddi pro bono & vtilitate nostra. Verumtamen nos cum multitudine militum & peditum sequenti die, ex quo Literas vestras recepimus, super Rainaldum ire volebamus, & quantò magis minas nobis inferebat ex parte quorundam, quos modo nolumus nominare, tantò magis aduersus eos armabamur, & vires resumebamus. Præterea mandauit nobis vestra fraternitas per Magistrum Audebertum Nuncium nostrum, vt vobis occurreremus, & simul Domino Regi obuiaremus. Quod libenter faciemus, tum quia aduentus Domini Regis nobis gratissimus est, tum quia personam vestram plurimum nobis dilectam honorare volumus & desideramus. Præterea scire volumus, quia apud Lemouicas dominum Burdegalensem & Episcopos de Aquitania, sicut inter nos collocuti fueramus, ad fidelitatem Domini Regis commonuimus: & sicut nobis promiserunt, in fidelitate ipsius Domino auctore permanebunt. Quod vobis placuerit, per præsentium latorem nobis rescribite.

Comitis Viromandensis. EPIST. LXXXVI.

SVGERIO Dei gratiâ Abbati Sancti Dionysij dilecto suo, R. Viromandensis Comes salutem & dilectionem. IAM iter meum veniendi ad vos properaueram vsque Crispeium, & ibi recidiuam passus ægrotavi vsque ad mortem: adeo vt de vita desperarem. Sed per Dei gratiam melius est mihi. Nunc ergo, quia ad vos transire non possum, quod placuerit vobis de negotiis Domini Regis prosequimini, & quod placuerit reseruate: & ego mittam de hominibus meis ad vos, quos vocaueritis. Archiepiscopus Remensis, & Sueffionensis Episcopus, ad me visitandum venerunt: vbi de illa controuersia, quæ est inter me & Nouionensem Episcopum, diem agendi ab instanti die Martis in quindecim dies apud Causiacum constituimus. Et quia ad id valde mihi estis necessarius, rogo dilectionem vestram, vt ad nos si potestis tunc veniatis. Porro illo completo negotio, ad Regia negotia inde transibimus.

Archiepiscopi Burdegalensis. EPIST. LXXXVII.

AMANTISSIMO suo Domino SVGERIO venerabili per Dei gratiam Abbati Sancti Dionysij, Frater G. Burdegalensis Ecclesie dictus Episcopus, salutem & deuotam caritatis obsequium. Ex mandato domini nostri Romani Pontificis oportuit nos descendere pro causa domini Bituricensis vsque Lemouicas. Indè verò pro necessitate Ecclesie Fontis-Ebraldi vsque ad illam descendimus. Pictauis itaque inuenit nos lator præsentium Nuncius vester, vbi propter negotia Terræ moram facere nos oportuit. Duximus itaque scribendum prudentiæ vestræ, vt si placet statim Gal-

Tom. IV.

Xx iij

licanz Ecclesie & Regni, & si quæ mandanda nouistis, & quæ nos facere velitis. **A** baiulo præsentium referente, per vos cognoscamus. Stamus igitur, domine Abba, & stare volumus ad mandatum & beneplacitum vestrum, sicut ad illius quem ab antiquo vera in Domino caritate diligimus, & vita comite in eodem perseuera-
re proposuimus. Sed de Præpositura Burdegalæ ciuitatis quid erit? Locus enim vacat, & Terra laborat, & in hoc & in aliis vestram præstolamur voluntatem: quam petimus nobis scripto significari.

Domni Abbatis ad Papam EVGENIVM. EPIST. LXXXVIII.

CARISSIMO Domino & Patri Dei gratiâ summo & vniuersali Pontifici EVGE-
NIO, SVGERIVS beati Dionysij Abbas, obedientia & seruitij plenitudinem. **P**RO sororibus apud Fontem-Ebraldi in sancta & Deo acceptabili Religione de-
gentibus, quas Episcopus Pietauensis, subiectionem ab eis requirens, earumque
Abbatissam benedicere nolens, defatigat, sancti Apostolatus vestri Celsitudinem
qua possumus prece pulsamus: ut sicut vestræ incumbit discretioni imbecillitatem
debilium confouendo sustinere, quid unicuique expediat prouidere, fragilitati se-
xus condescendatis, & quia vestra auctoritate innituntur, eas sub vestra prote-
ctione retineatis, nec alteri subiici velitis, & ab hac defatigatione eas in pace esse fa-
ciatis. Nouit enim vestra discretio, quod animabus earum non expedit claustra
Monasterij sui exire, nec hac occasione vel alia seculo se iungere. Nostis enim, si
vestræ placet Paternitati, quod præfatus Episcopus subiectos suos consuevit in-
quietare. Placeat igitur Excellentie vestræ ab his molestiis eas eripere, & ut in pa-
ce Deo deseruiant eis in multitudine misericordie vestræ prouidere, sub prote-
ctione Dei cæli & vestra Apostolica auctoritate confouere & protegere: ut pote
tantum tantæ Religionis locum, quem, cum in partibus illis in scholis essemus,
nouiter inceptum esse vidimus, & per Dei voluntatem ferè ad quatuor aut quin-
que milia Sanctimonialium iam excreuisse audiuius, & gaudemus.

EVGENII Papæ ad domnum SVGERIVM Abbatem.

EPISTOLA LXXXIX.

EVGENIVS Episcopus servus servorum Dei, dilecto filio SVGERIO Abbati San-
cti Dionysij, salutem & Apostolicam benedictionem. **B**ENEDICTVS Deus, qui
non deserit sperantes in se, & de sua misericordia confidentes misericorditer con-
suevit liberare. Sicut enim pro certo accepimus, carissimi filij nostri LVDVICI
illustris Regis Francorum post innumeras tribulationum varietates misertus, cum
ad lucem de tenebris reuocauit, & ad citeriores maris partes adduxit. Cuius redi-
tus, de quo paterno affectu eramus solliciti, maximum nobis gaudium præstat, &
in aduersitatibus, quas diu sustinuimus, solatium præbet. Tu ergo, sicut fidelis
dispensator & prudens, negotia Regni tibi commissa viriliter studeas pertractare.
In proximo enim est, ut palmam tui laboris consequaris & præmium. De cetero
tui studij sit ad occursum Regis cum suis fidelibus te honorificè præparare. Dile-
ctus autem filius noster Rex Siciliæ suis postea Literis intimauit, sibi relatum fuisse,
quod præfatus filius noster Rex Franciæ in Regno suo applicuisset, & versus
Siciliam tenderet, obuiaturus Reginæ: putans eam ex partibus Barbariæ illuc ad-
uenisse. Datum Tusculani xviij. Kalendas Septembris.

Antisiodorensis Episcopi, & Clarenallensis Abbatis. EPIST. XC.

CARISSIMO Patri & Domino SVGERIO Dei gratiâ beati Dionysij Abbati,
HUGO Antisiodorensis Episcopus, & Bernardus Clarenallensis vocatus Abbas, sa-
lutem & dilectionem. **S**IT in beneplacito dignationis vestræ, ut audiat hac vice
petitionem nostram. Hugo de Marinis, pater dilectissimi Fratris nostri Abbatis
de Tribus-fontibus, guerram habet aduersus Hugonem Bornum: & inde mala
plurima vel fiunt, vel facta sunt. Supplicamus, & qua possumus prece pulsamus,
quatinus inter eum & prædictum Hugonem, & alios aduersarios eius, treugam

A vsque ad Aduentum Domini accipiatis, & sciatis quia magnum seruitium nobis exhibebitis in negotio isto. Dominus autem Papa nobis pro certo mandauit, quia LVDOVICVS VII. IVNIOR. Dominus Rex Deo gratias ad citeriores partes applicuit. Vestrum est & vos, & quos expedire videritis, ad aduentum ipsius properare, sicut vos melius nostis.

EUGENII Papa ad domnum SVGERIVM Abbatem. EPIST. XCI.

EVGENIVS Episcopus, seruus seruorum Dei, dilecto filio SVGERIO Abbati Sancti Dionysij, salutem & Apostolicam benedictionem. LITERAS, quas nobis misisti, debita benignitate recepimus: & super aduersitatibus & angustis, quas te pari significasti, paterno tibi affectu compatimur. Et quoniam eas pro amore iustitiæ & fidelitatis carissimi filij nostri LVDOVICI illustris Francorum Regis te sustinere cognoscimus, ipsas tanquam proprias reputamus. Verumtamen non ignorat tua discretio, quia omnes qui piè volunt in Christo viuere, & pacem diligunt, oportet à filiis huius seculi, & ab his qui oderunt pacem, persecutiones innumeras sustinere. Ipse namque Dominus noster Iesus Christus non ad gaudia mundi, sed ad passionem & mortem pro nobis tolerandas descendit. Ipsum itaque caput nostrum imitari debemus, quia si pro ipso persecutiones patimur, certi de promissione ipsius erimus in æterna retributione beati. Confortare igitur, carissime fili, & viriliter **B** age, atque in Domino, qui tibi adiutor est, sperans, non timeas quid tibi faciat homo. Saluator etenim noster iuxta promissum suum vsque in finem seculi suos nullatenus derelinquet, & nos iuxta potestatem nobis concessam ab ipso opem tibi & auxilium exhibere curabimus. Sicut enim ex Literis, quas Fratribus nostris Archiepiscopis & Episcopis mittimus, perpendere poteris, illos qui pacem Regni perturbant, nisi resipuerint, excommunicari mandauimus; & tam ipsis quàm Comitibus exhortando mandauimus, vt tibi & aliis, quibus Regni est commissa custodia, ad defensionem ipsius viriliter auxiliando assistant. Tui ergo studij sit, quatinus eosdem Fratres Archiepiscopos & Episcopos constituto termino in vnum facias conuenire, vt quæ pro vtilitate Regni agenda fuerint, auxiliante Domino compleantur. Datum Tusculani VII. Idus Iulij.

Item EUGENII Papa. EPIST. XCII.

EVGENIVS Episcopus, seruus seruorum Dei, venerabilibus Fratribus H. Senonensi Archiepiscopo, eiusque Suffraganeis, salutem & Apostolicam benedictionem. QUANTA deuotione carissimus filius noster LVDOVICVS illustris Francorum Rex Hierosolymitanum iter assumpserit, vos corporali præsentia cognouistis, & maximam Orbis partem non latuit, qui Regnum suum sub sanctæ Ecclesiæ & nostra protectione reliquit: & tam nos, quàm vos, vt illud à prauorum infestatione tueremur, suppliciter exorauit. Accepimus autem, quòd quidam pacem Regni diabolico instinctu perturbant, ipsùmque, postposita Dei & hominum reuerentia, malitiosè infestant: non attendentes, quòd idem pius Rex tollens crucem suam secutus est Christum, & relicta patria & Regno, ad loca vbi steterunt pedes Domini pro defensione Christianæ fidei festinauit. Quod tantò grauiùs ferimus, quantò personam eius propensiori affectu diligimus, ipsùmque in remotis partibus deuotiùs pro Dei seruitio demorari cognoscimus. Quia verò tam deuoti sanctæ Ecclesiæ filij & Christianissimi Principis auxilio deesse non possumus nec debemus, per præsentia vobis scripta mandamus, quatinus in vnum conuenientes perturbatores Regni ad vestram præsentiam euocetis, ipsosque districtè ac sollicitè moneatis, vt ab infestatione Regni omninò desistant, nullamque offensionem hominibus Domini Regis inferre præsumant. Si autem vestris monitis obedire contempserint, tam in ipsos quàm complices eorum, occasione remota, excommunicationis sententiam proferatis. Præterea cum ab his, quibus est custodia Regni commissa, vel aliquo illorum fueritis moniti, tanquam pacis ac iustitiæ amatores, pro fidelitate, quam eidem Regno debetis, temporale eis auxilium præbeatis, eosque ad defensionem ipsius modis omnibus adiuuetis. Datum Tusculani VII. Idus Iulij.

Xx iiij

DOMINO & Patri dilectissimo SVGERIO Dei gratiâ reuerendo Abbati Sancti Dionysij, Frater B. Clareuallensis vocatus Abbas, salutem & deuotas orationes in Christo. ABBATEM pauperem Abbati diuiti mittimus, vt de alterius abundantia alterius inopia aliquatenus releuetur. Vobis sanè honestiorem cedimus partem iuxta sententiam Veritatis, quæ beatius esse definit dare, quàm accipere. Nec dubito, quin lubentiùs & liberaliùs manum vestram extenderetis ad hunc pauperem Christi, si vobis æquè vt nobis innotuisset eius religiositas & honestas, sed & necessitas ipsa quam patitur. Nam & debitis premitur, & panis inopiâ laborat: quod agri eius pro tritico herbas perniciosas ei reddiderint. Quia ergo sterilitas ista vestros non attingit loculos, rogamus & petimus per vestram ei misericordiam subueniri. Nec vllatenus dubitetis, quin vtiliter positum sit & fideliter repositum, quidquid ei præstare placuerit.

LUDOVICI Regi ad domnum SVGERIVM Abbatem.

EPISTOLA XCIV.

LUDOVICVS Dei gratiâ Rex Francorum & Dux Aquitania, eadem gratiâ venerabili Abbati Sancti Dionysij carissimo suo, salutem & plurimam dilectionem. Ex desideriis animæ nostræ, vestros quoque metimur affectus. Ea profectò secretis nobis hortatibus, sed certis insinuant, quàm impatienter iamdudum nostram feratis absentiam, quàm desideranter præsentiam expectetis. Testantur hoc Literæ vocationis vestræ, in quibus pro maturando reditu nostro succensis affectibus & vota vestra æstuant, & pro afflictionibus nostris amica nimirum compassione grauiùs vestra interna laborant. Hinc est, quòd reditus nostri prænumcia scripta tantò libentiùs vobis destinare curauimus, quantò vos ampliùs exinde gauisurum esse præscimus. In Calabriæ partibus secundum dispositionem diuinam primus reditui nostro desideratæ securitatis portus occurrit, applicuimusque IV. Kalendas Augusti. Ibi siquidem ab hominibus dilectissimi nostri ROGERII Regis Siciliæ deuotè reuerentèrque suscepti, & ab ipso quidem directis ad nos frequenter tam Literis quàm nunciis magnificentius honorati, ferè iam per tres hebdomadas Reginæ hominùque nostrorum præstolabamur aduentum, quæ seorsum à nobis delata nauigio, post multos tandem circuitus terræ & maris, per Dei gratiam Panormam Siciliæ felici cursu peruenerat, atque inde ad nos cum omni incolumitate & gaudio properabat. Sed & Lingonensis Episcopi grauis quidem & incerta inter mortem & vitam infirmitas non minima nobis causâ dilationum extiterat: & habendum cum præfato Rege colloquium reditus nostri accelerationem pariter retardabat. **E**o itaque viso, ceterisque paratis quæ nostro videbantur expedire itineri, viam nostram accelerare curabimus: quatinus & vos in nostris amplexibus, & nos in vestris, præstante Domino, pariter gaudeamus.

Archiepiscopi Bituricensis. EPIST. XCV.

CARISSIMO Domino & amico SVGERIO venerabili Abbati Sancti Dionysij, P. Bituricensis Ecclesia humilis Minister salutem & veram in Christo dilectionem. NESCIMVS quorum suggestionibus R. de Monte-Falconis, Præpositis Bituricensibus, nisi ante vos Parisius ad ius exequendum venerit pro quodam homine suo, sicut asserit, vnde paratum se in Palatio Domini Regis apud Bituricas secundum vsus & consuetudines eiusdem ciuitatis exhibuit, & adhuc ad iustitiam exhibet, capere præcepistis: addens etiam certos & constitutos terminos esse, in quibus cum à vobis euocatus fuerit, competenti die libenter paratus erit iudicium subire Bituricis. Ceterùm pro fidelitate & pace Regni in partibus nostris conseruanda, vt qui de negotiis Terræ nostræ plurimum nouimus, prudentiæ vestræ consulimus, quatinus vel causam illam aliquandiu differatis, vel ad iudicium militum & seruientium Bituricensium sistere iudicio ipsum mandetis. Si fortè contigerit vos

A ad partes illas pro negotiis Regni pergere, paratus erit stare iudicio, vel mandato, seu consilio vestro.

LYDOVICVS
VII 17-
NIOR.

LYDOVICI Regis. EPIST. XCVI.

LYDOVICVS Dei gratiâ Rex Francorum & Dux Aquitanorum, SVGERIO eadem gratiâ Sancti Dionysij Abbati dilectissimo, ac fidelissimo amico nostro, salutem & gratiam nostram. QUANTA animi intentione præsentiâ vestræ dilectionis videre gliscimus, in præsenti scripto explicare nequimus. Nunc verò moræ nostræ causam vobis notam fieri volumus. Postquam in Calabriæ partibus applicuimus, tribus hebdomadibus plenariè Reginam, quæ nondum applicuerat, expectauimus. Ipsa quoque ad nos veniente, per Regem Rogerium Apuliæ iter nostrum direximus, qui nos secum tribus diebus retinuit. Nobis autem ab eo discedentibus, grauiter Regina infirmari cœpit. Illa verò conualecente de infirmitate, statim ad Apostolicum tetendimus, cum quo per duos dies & vno similiter die Romæ perendinauimus. Nos autem ad vos sani & incolumes venire festinantes, vobis mandamus vt vno die secretò ante alios amicos nostros ad nos peruenire non differatis. De Regno enim nostro quamplures rumores accipientes, & certitudinem inde nescientes, à vobis discere volumus, quomodo erga quemcumque nos habere debeamus vel continere: & hoc tam secretò fiat, vt quod in præsenti scripto continetur, nemo nisi vestra persona cognoscat.

CADVRCI. EPIST. XCVII.

DOMINO suo ROTROCO Comiti Perticensi, CADVRCVS amicus suus & fidelis, & E. de Sal. salutem & dilectionem. MANDAVIMVS vobis per famulum vestrum, nos velle loqui vobiscum. Mandaueramus, quòd Abbas Sancti Dionysij turrim Bituricensem VVidoni de Rebrache*, & militibus suis & seruitibus deliberaret, & vt redderem citò mihi mandauerat. Mandamus igitur vobis, quòd nos fuimus ad Comitem RODVLFFVM, & inde fuimus ad Abbatem, & locuti fuimus de negotio: & ipse respondit nobis, quòd Abbas non faciebat pro eo hoc, neque præcepto ipsius. Quapropter mandamus vobis, vt Comiti Rod. Literis vestris significetis, & vt amico vestro mandetis, vt ipse Comes mihi Cadurco amico vestro sigillum suum mittat priuatim, in quo habeat: Ego Comes Rod. « mando tibi Cadurco, vt non reddas turrim Bituricensem alicui homini, sicut iurasti mihi, nisi mihi vel hominibus meis. De cetero, sciatis quòd nos amici vestri « sumus, & ciuitas vestra Biturica vestra est: si hoc facitis, & si nos manutenere vultis, & si vos in proximo apud Bituricas causa videndi Comitissam Borbonum venissetis, quòd sapienter faceretis. Mandate igitur ex parte vestra mihi & militibus, & C burgensibus, quàm citiùs poteritis salutem, & præsentate eis seruitium vestrum, & posse vestrum in omnibus locis, & beniuolentiam.

*suprà Epist.
LXXXV. dis-
citur VVido-
do de Hea-
rembra-
chen.

ODONIS Beluacensis Episcopi. EPIST. XCVIII.

DOMINO & amico carissimo SVGERIO Dei gratiâ venerando beati Dionysij Abbati, ODO eiusdem patientiâ Beluacensis Ecclesiæ humilis Minister, salutem & in Domino dilectionem. NON latet vestram discretionem, P. de Miliaco quantis affligat malis pagum Beluacensem. Cuius etiam pestilentiae malitia regiis auribus innotuit, & clamor illuc delatus Regem vehementer exasperauit. Nunc verò viam inuenimus, qua & patria nostra à tanta peste possit liberari, & ipsius anima saluari. Spondet enim viam Domini, & se crucem accepturum, si per Ecclesiæ dispensationem absoluitur à vinculo anathematis, cui subiaceret propter neptim Manassæ de Bulis, quam habet uxorem. Quam sententiam super Petrum firmandam nostra iudicauit Ecclesia, ex hoc quòd prædictus Manasses huius Petri amitam habens uxorem, propter leuitatis mulieris temeratam fidem eam repulit, & coniugium solui fecit, vt remur, iniuste. Vestra igitur prouidentia super his Regem conueniat, & per diligens consilium ad hoc impellat, vt ipso mandante, & rogante, Dominus Clareuallensis Apostolica si placet potestate eum absoluat, sicut & Dro-

gonem de Monciaco absoluit in simili negotio. Ita verò à diabolico fomite, & pū-
blici mali tabe, nostra liberabitur patria: qui si remanserit, vt coniciimus, omni-
modæ seditionis germinabit inquietudinem. A

HVGONIS *Senonensis Archiepiscopi.* EPIST. XCIX.

VENERABILI Dei gratiâ Sancti Dionysij Abbati SVGERIO, HVGONIS *Senonensis Archiepiscopus salutem & dilectionem.* NOSTRUM est excessus inimicorum Regni & Ecclesiæ Dei vobis, cui cura commissæ est, aperire; vestrum autem corrigere. Vnde prudentiæ vestræ super R. Maiore de Sarmasia pro Ecclesiâ beatæ Columbæ Senonensis conquerimur, quoniam homo est, qui nisi censuram Curia metuit, iustitiam contemnit. Ipse enim Ecclesiâ beatæ Columbæ, cuius seruus est, in omnibus quæ potest opprimit, & sub quadam iniqua hereditate Maioriar, seruitij, & seruitutis suæ oblitus, aduersus Monachos se erexit, & tanquam Dominum Terræ eorum se facit. Vnde à nobis submonitus iustitiam subterfugit, Presbyterum etiam nostrum, quoniam ipsum excommunicauerat, minando vehementer affligit. Super quo prudentiæ vestræ mandamus & rogamus, quatinus tot & tantos vnus rustici excessus, spiritu oris vestri semel extinguat, & corrigentes quæ malè egerit, ne deinceps seruus in dominum, sceleratus in sanctos, vnus in multos tanta præsumat, forti virtute coercetis. B

Comitis RODVLFI. EPISTOLA. C.

SVGERIO Dei gratiâ beati Dionysij Abbati dilecto suo, ROD. *Viromandensis Comes salutem & dilectionem.* VENIT ad me Nuncius Regis Bartholomeus, afferens Literas eius: & quantum ex eius verbis perpendo, Rex non adeo citò veniet, nisi forsitan vsque ad festum omnium Sanctorum, vel etiam sancti Martini. Ergo conueniens est, vt interim seruiantes Regis aduocetis ad computandum, vt Domino Regi certum quid respondere sciatis. Quòd si absque me hoc facere non vultis, ego à die Lunæ in octo dies veniam.

ODONIS *Beluacensis Episcopi.* EPIST. CI.

DOMINO & Patri SVGERIO venerabili Dei gratiâ Sancti Dionysij Abbati, ODO *eadem gratia humilis Beluacensis Episcopus, in abundantia pacis ferre salutem indigentibus.* SCRIPTO & viua voce Clericorum nostrorum, miseriam quam patimur vestræ paternitati aliàs indicauimus: & remedium, quod à vobis sperabamus, adhuc expectamus. Animaduertimus autem intentionem & consilium Comitis R. quòd per hanc turbationem & pacis dilationem quærat expellere Comitem Claromontanum amicum nostrum, hominem venerandum & miserandum. Quippe si anniteretur paci, omnem seditionem sedare potuisset, quia si diceret ipse, & facta sunt, & præceptum eius nemo præteribit. Sed cum habeant inducias vsque ad instantem Dominicam, det operam vestra discretio, vt locum & diem nominetis colloquio, cui interesse possitis & velitis. Confidimus in Dei bonitate, quòd in præsentia vestra tumultus iste pacabitur, & sapientiæ vestræ manus non euadet concordia: aut si impossibile est paci prorsus consulere, longas inuicem fœderabunt inducias. Nec mirum videtur, si vsque adeo pacem quærimus, & de guerra conquerimur multis ex causis, quas vestræ dulcedinis consilio non minus quàm ex ore nostro credibiliter expediet præsentium portitor familiaris noster.

Episcopi Carnotensis. EPIST. CII.

CARISSIMO amico SVGERIO Dei gratiâ Sancti Dionysij Abbati, G. *Carnotensis Ecclesiæ humilis Minister salutem & dilectionem in Domino.* NOUIT prudentia vestra, quòd Domini Regis dignatio res nostras in protectione suscepit, ne malignis aduersus nos aliud liceat, quàm ratio postulat. Et quia Deo volente in hoc estis constitutus, vt prauorum coercetis excessus: confidentes spem habemus, quòd sub tali Iudice non periclitetur causa nostra, nec derogetur Ecclesiæ

A dignitati. Quod idcirco præmisimus, quia Præpositus Hienuillæ violenter in nos insurgit, homines nostros falsis agitatur calumniis, plus inhians cupiditati, quam seruans rectitudini. Respectum nobis postulantibus dare noluit, timens lucris suis aliquid deperire, si causam nostram contigerit ad vos discutiendam venire. Proinde discretionem vestram super hoc imploramus, ut huius rei discussionem non ante alium quam in conspectu vestro ponatis, & donec à vobis idipsum examinari valeat, totum induciari iubeatis.

LVDOVICVS
VII. IV.
NOR.

HUGONIS Archiepiscopi Rothomagensis. EPIST. CIII.

VENERABILI Patri & Domino SVGERIO Abbati Sancti Dionysij, HUGO Rothomagensis Ecclesie humilis Minister salutem & gratiam. CONQUERITUR Abbas & Conuentus Sancti VVandregelesii, & nos cum eis & pro eis conquerimur super Hugonem Brostin, qui antiquam eleemosynam Regum Franciæ, quæ est apud Calceum à tempore beati Ausberti prædecessoris nostri, quietam & liberam inquietat & aufert. Nunc igitur, quia loco Domini Regis huiusmodi præbuidere habetis, vobis mandamus & supplicamus, quatinus prædicto Hugoni præcipiatis, ut præfatam decimam in pace dimittat, nec vllomodo amplius in eam manum ponere præsumat. Facit itaque hanc iniuriam, ut audiuius, quia excommunicatus est, & necesse est ut quem iustitia Ecclesiastica ad viam veritatis non reuocat, manus vestra rapinam eius & tyrannidem reprimat, reuerende Pater & Domine.

GOSLENI Episcopi Carnotensis. EPIST. CIV.

DOMINO SVGERIO Dei gratiâ venerabili Abbati S. Dionysij, GOSLENVS eadem gratiâ Carnotensis Ecclesie humilis Minister salutem & deuota obsequia. PROPTER reuerentiam preciosorum Martyrum, beati Dionysij Apostoli Galliarum, & sociorum eius, & propter mandatum Excellentiæ vestræ, cui per omnia roto posse nostro obsequi volumus, celeberrimam solemnitatem, ad quam nos submonuistis, quam præ ceteris quasi iure hereditario domini prædecessoris nostri ampliori deuotione venerari debemus & colere, adire disposueramus. Ceterum nos inopinatus domini Autissiodorensis aduentus inuitos retinuit, quem accepto indè nuncio in proxima Dominicâ expectamus. Veremur enim futuram inde sibi aduersum nos suspicionem, si suam, quam modo primum nobis exhibet, videremus effugisse præsentiam.

Petri Archiepiscopi Bituricensis. EPIST. CV.

CSVGERIO Dei gratiâ venerabili beati Dionysij Abbati, PETRVS Bituricensis Ecclesie humilis Minister salutem & dilectionem. GRATIAS immensas referimus sublimitati vestræ, quia reditum Domini Regis nobis notificastis, & ut ei occurreremus vobiscum præmonuistis. Nos autem libentissimè ei occurreremus, & obnixè rogamus dilectionem vestram, ut si per Sanctum Egidium venerit, per nos veniatis, & per Prouinciam nostram transeatis. Desideramus enim seruire vobis, & honorem quem potuerimus exhibere. Si autem per Cluniacum venerit, & illuc vobiscum libenter ibimus. Cùm autem illum appropinquare noueritis, nobis significetis, ut sciamus quando itineri vestro adhærere debeamus. Nos quoque si quid certi habuerimus vobis renunciabimus. Per præsentium latorem quod placuerit rescribite.

Item EVGENII Pape ad Abbatem SVGERIVM. EPIST. CVI.

EVGENIVS Episcopus seruus seruorum Dei, dilecto filio SVGERIO Abbati Sancti Dionysij salutem & Apostolicam benedictionem. FILII nostri A. & Her. Clerici Meldensis Ecclesie nuper ad nostram præsentiam venientes, quoniam super eo quod eis à Gosleno imponebatur iusiurandi religione firmauerunt, nostrum adimplere mandatum, eos à vinculo excommunicationis absoluius. Verum quia pars aduersa præsens non aderat, in eorum causa procedere, & certum

LYDOVICVS
VII. IV-
NIOR.

aliquid diffinire salua æquitate non potuimus. Ipsos itaque ad tuæ discretionis industriam remittentes, per præsentia scripta dilectioni tuæ mandamus, quatinus vtraque parte ante tuam præsentiam euocata, si Goslinus iuxta scita canonum probare potuerit quod eis imposuit, causam ipsam ordine iudiciario diffinias. Si verò prædictus Goslinus in probatione defecerit, septima manu sui ordinis purgationem prædictorum Clericorum suscipias, & eos ab infamia, quæ ipsis imponebatur, Fratribus conuicinis immunes ostendas, & publicè nuncies. Redditus verò Ecclesiæ, qui prædicto Goslino hac occasione ablati sunt, facias ei cum integritate restitui. Præterea Episcopo & Canonicis Meldensis Ecclesiæ firmiter ex nostra parte præcipias, vt de cetero cum eodem Goslino pacem & fraternam concordiam habeant. Quod si non fecerint, & clamor inde ad aures nostras deuenerit, dissimulare non poterimus, quin eorum inobedientiam animaduersione debita puniamus. Datum Tusculani VII. Idus Nouembris.

EVGENII *Pape ad eundem.* EPIST. CVII.

EVGENIVS *Episcopus seruus seruorum Dei, dilecto filio SVGERIO Abbati Sancti Dionysij salutem & Apostolicam benedictionem.* QUIDAM Sacerdos R. ad nostram præsentiam veniens, conquestus est quod S. Archidiaconus, quoniam denarios quos ab eo pro Ecclesia sibi tradita exigebat, ei tribuere noluit, de Ecclesia cum expulit. Et quoniam super hoc eum ad nostram audientiam appellauit, idem Archidiaconus fecit eum à parentibus sui ausu sacrilego verberari. Quia verò valde iniquum est, vt in his, quibus in Ecclesia Dei super alios potestas iudicandi conceditur, iniquitatis inueniatur iudicium, tibi per scripta nostra mandamus, vt vtroque ad tuam præsentiam euocato causam ipsam diligenter inquiras, & iustitia comitante diffinias. Illos verò, qui violentas manus in eundem Clericum iniecerunt, excommunicatos publicè denuncies, & excommunicationem tamdiu facias obseruari, donec satisfacturi vestro se conspectui repræsentent.

EVGENII *Pape.* EPIST. CVIII.

EVGENIVS *Episcopus seruus seruorum Dei, dilecto filio nostro Archiepiscopo Senonensi H. salutem & Apostolicam benedictionem.* QUIDAM Sacerdos tuus Romanam ad nostram præsentiam veniens, conquestus est quod Stephanus Archidiaconus tuus, quoniam denarios, quos ab eo pro Ecclesia sibi tradita exigebat, ei tribuere noluit, de eadem Ecclesia eum expulerit. Et quoniam super hoc eum ad nostram audientiam appellauit, idem Archidiaconus fecit eum à parentibus suis ausu sacrilego verberari. Quia verò valde iniquum est, vt in his, quibus in Ecclesia Dei super alios potestas iudicandi conceditur, iniquitatis inueniatur iudicium: dilecto filio nostro SVGERIO Abbati Sancti Dionysij per scripta nostra mandamus, vt vtroque ad suam præsentiam euocato causam ipsam diligenter inquirat, & iustitia comitante diffiniat. Tu ergo eundem Archidiaconum ad ipsius Abbatis vocationem ire, & quod inde iudicauerit facias obseruare. Postmodum quoque eum ad nos super eisdem excessibus responsurum transmittas. Illos verò, qui violentas manus in eundem Clericum iniecerunt, excommunicatos publicè denunties, & excommunicationem tamdiu obseruari facias, donec nostro se conspectui satisfacturi repræsentent.

Decani & Capituli Carnotensis. EPIST. CIX.

SVGERIO *venerabili Abbati Sancti Dionysij, R. Decanus, totiusque Ecclesiæ beatae Mariae Carnotensis Clerus, salutem & veram in Christo dilectionem.* PROVIDENTIA prudentiæ vestræ conqueri ac notificare dignum duximus, quod Hugo de Bretiniaco perucax & proteruus, regia iussa vestraque satis impudenter negligens, nihil omninò de his quæ Ecclesiæ nostræ & nobis in præsentia nostra pepigit, vnquam tenuit, nec de ablatiis aliquid restituere voluit. Præterea dominus E. Vicecomes in nequitia sua prauè perseuerare glorians, de his quæ in Ecclesiam beatæ Mariæ & nos malè egerat, nihil penitus emendare adquiescit. Quocirca nos de

A de vestra benignitate vestraq̃ue iustitia nobis in necessitatibus nostris, & beatæ Mariæ negotiis, sapissimè spectare confisi, & eo ampliùs quòd Dominus noster Rex amantissimus in discessu suo nos tutelæ vestræ commisit: ad vos quasi ad patrem & patronum recurrentes, obnixiùs interpellamus, quatinus Ecclesiæ nostræ nostrique curam, quam benè cepistis, habendo, hos præfatos contumaces ac præsumptuos virga correctionis feriat, ut & ablata reddere cogantur, & à consimili factò deinceps absterreantur. Valete, & quòd super hac re deliberaueritis, per præsentium latorem nobis, si placet, renunciate.

LVDOLPHVS
VII IV-
NIOR.

Abbas Sancti Pantaleonis. EPISTOLA CX.

DOMINO & Patri suo amantissimo Dei gratiâ beati Dionysij Abbati SVGERIO, VV. Abbas Sancti Pantaleonis in Colonia, quidquid deuotius offerre potest corpore & spiritu. SCRIPTVM est, quia caritas benigna est, quam nimirum in vobis esse satis euidenter benignitatis & pietatis exhibitione ostendistis, quando me pro puero nepote meo Excellentiam vestram, cùm Remis essetis, exorantem tam paternè exaudistis. Qua de re cùm magnarum gratiarum actionum debitor vobis sim, ex vestro tamen corde percipere vellem, quid potissimum seruitij pro hac pietate vobis impendere deberem: earum videlicet rerum, quæ vestrum tangant animum. Si quid autem per nuncios vestros agendum est in ciuitate Colonia, quòd ad vestram spectet voluntatem, siue vtilitatem, ego & pater pueri, vobis & vestris in omni negotio seruire parati sumus. Valete in Domino, & cœptum pietatis opus nobis seruis vestris in puero ostendite.

Archiepiscopi Senonensis. EPISTOLA CXI.

HVGŌ Dei gratiâ Senonensis Archiepiscopus, carissimo suo SVGERIO venerabili Abbati Sancti Dionysij, salutem & dilectionem. SCRIPSERAMVS vobis de aduentu Domini Regis, sed inde postea certiorum nuncium habentes, iterum vobis scribimus. Vidimus enim fratrem Galerannum, qui custodit Parisius Domum Templi, redeuntem à Domino Rege, & dimisit eum apud Forum-nouum iuxta Placentiam. Nos itaque ultra differre non possumus, sed iam mouimus obuiam Domino Regi. Miles enim dixit nobis, quoniam hac ipsa Dominica proxima Cluniaci iacebit. Nunc itaque, si vobis placet, vsque ad proximam diem Lunæ Autissiodori vos expectabimus. Cupimus enim multum vos habere Dominum & socium itineris. Verum si sic est, in beneplacito vestro nuncium vestrum præmittite, qui proxima secunda feria mane apud Autissiodorum consilium vestrum notificet nobis.

C PETRI Archiepiscopi Bituricensis ad domnum Abbatem SVGERIVM.

EPISTOLA CXII.

VENERABILI Fratri & amico carissimo SVGERIO Dei gratiâ Abbati Sancti Dionysij, PETRVS Bituricensis Ecclesia humilis minister salutem & dilectionem in Domino. QUIDAM venerunt Bituricas, qui dixerunt Dominum Regem appropinquare, & in proximo esse venturum. Sed ex qua parte venturus sit, per eos certitudinem habere non potuimus. Nos autem expectabamus nuntium vestrum, & adhuc expectamus, sicut nobis significastis: ut secundum quod nobis mandatum fuerit à vobis, in occursum eius properemus. Placeat igitur sublimitati vestræ rescribere nobis, si quam de eo certitudinem accepistis, ut vel ex qua parte ei occurratis, & ubi & quando nos ei occurrere vobiscum velitis.

Item Archiepiscopi Bituricensis ad domnum SVGERIVM Abbatem.

EPISTOLA CXIII.

VENERABILI & carissimo Fratri SVGERIO Dei gratiâ Abbati Sancti Dionysij, PETRVS Bituricensis Ecclesia humilis Minister salutem & dilectionem in Domino. LITERAS vestræ sublimitatis accepimus, quibus monuistis ut die Iouis

Tom. IV.

Y P

LYDOVICVS
VII. IV-
NOR.

apud Vizeliacum, vel die Veneris apud Corbiniacum sumus. Sed posteaquam mi-
simus nuncium nostrum ad vos, dictum fuit nobis, quod Dominus Rex Bartholo-
meum Archidiaconum nostrum occurrentem sibi suscepit in gratiam suam, ac pro
eo fudit preces apud dominum Papam: & nos quoque pro ipso interpellare dispo-
suit, & obnixè rogare, vt nos ab hoc, quod pro honestate & decore Domus Dei in-
choauimus, desistamus. Fiduciam igitur habentes in vobis, non meritis nostris, sed
quia Deum & honorem eius diligitis, volumus præmunire prudentiam vestram, vt
efficiatis apud Dominum Regem, ne diffamatum illud, de cuius honesta conuer-
satione multa audistis, manutenere velit, nec nos interpellat pro eo. Timemus
enim ne esset causa offensionis, si interpellaret nos de re, quæ non esset habitura
effectum. Criminosa quippe vitam illius sustinere non possumus nec debemus,
nec indulgere flagitiis eius. Nam quod de ipso facimus, consilio multorum Reli-
giosorum incepimus, qui grauiter confunderentur, si desisteremus, & faciem Ec-
clesiæ Dei quasi dehonestatam iudicarent, si hominem talem contra sanctitatem
consilij eorum præualere viderent. Placeat igitur dilectioni vestræ, rescribere no-
bis consilium vestrum. Nam si laudaueritis, proxima die Veneris erimus apud
Corbiniacum, si aliquomodo poterimus.

THEOBALDI Comitis. EPISTOLA CXIV.

SVGERIO Dei gratiâ Abbati Sancti Dionysij amico suo carissimo, THEOBALDVS
Blesensis Comes salutem. RAGINALDVS DE CORTINIACO mandauit
mihi, se voluntati & beneplacito vestro satisfecisse de pecunia mercatorum. Quod
si ita est, quod vobis inde satisfecerit, mihi Literis vestris per hunc nuncium man-
dare dignemini. Valete.

Comitis Viromandensis. EPISTOLA CXV.

SVGERIO Dei gratiâ Abbati Sancti Dionysij, R. Viromandensis Comes salutem &
dilectionem. QVIA grauiter patior, die Martis vel Mercurij non possum ve-
nire ad vos, & die Iouis facturum sum quoddam negotium, quod nullomodo pos-
sum dimittere. Eapropter rogo vos, vt de guerris, & dissensionibus, de quibus mi-
hi scripsistis, treugas quàm longiores poteritis capiat. Instanti verò die Domini-
ca vel Lunæ sine dubio veniam ad vos, & seruientes Domini Regis, sicut vobis
mandauit per alias Literas, benè poterunt obuiam nobis esse Parisius. Et tunc po-
terimus negotia Domini Regis benè diffinire. Quod verò super his & aliis volue-
ritis mandate, & faciam.

Comitis THEOBALDI ad dominum SVGERIVM Abbatem.

EPISTOLA CXVI.

SVGERIO Dei gratiâ Abbati S. Dionysij amico suo carissimo, THEOBALDVS
Blesensis Comes salutem & dilectionem. NOTVM vobis fieri volo, quod Regi-
naldus de Cortiniaco maximum dedecus intulit Regi & vobis, qui custos estis
Terræ ipsius. Nam mercatores Regis, qui pedagogica sua Aurelianis, & apud Seno-
nas, & in Terra Regis omnes consuetudines suas dederant, cepit, & sua eis abstu-
lit. Quamobrem mando vobis, vt ei ex parte Regis & vestra mandetis, vt merca-
tores Regis cum rebus suis ex toto deliberet & reddat. Quod si facere noluerit, si
ultionem de eo accipere volueritis, & super eum cum exercitu ire, mandate mihi,
& ego ero vobis in auxilium, ad ultionem de eo accipiendam.

Archiepiscopi Senonensis. EPIST. CXVII.

HVGO Dei gratiâ Senonensis Archiepiscopus, carissimo suo SVGERIO venera-
bili Abbati S. Dionysij salutem & dilectionem. DILECTIONEM vestram sci-
re volumus, quoniam altera die cum venissem ad vos apud Castrum Nantonis,
puer quidam transiit per Senones, quem Dominus Beluacensis matri suæ mitte-

A bat, vt Domini Regis aduentum ei nunciaret. Dicebat enim puer ille, Dominum Regem tantum appropinquasse, quod proxima die Mercurij Cluniaci iaceret. Sic locutus est puer seruientibus nostris, & ipsi retulerunt nobis. Quod ideo vobis significare curauimus, vt rei certitudinem inquiratis, & quod inde perpenderitis, nobis vt renunciatis rogamus, & quid facere debeamus remandetis.

LYDOVICVS
VII. IV.
NIOR.

CADVRICI Clerici. EPISTOLA CXVIII.

P ATRONO & tutori suo SVGERIO Dei gratia clarissimo & venerabili Abbati beati Dionysij, CADVRCVS Clericus & homo suus, Regis Francorum dictus Cancellarius, salutem & seruitium. SCITIS, Magister & Domine, quam pio cordis intuitu Dominus Rex in discessu suo Remis sub protectione vestra & munimine me dimiserit, quam clementer per manum meam non sine lacrymarum vbertate me vobis tradidit. Ideoque confusus de bonitatis vestre sanctitate, secure vobis scribo, quodque mihi necessarium est vobis aperire non erubesco. Non enim habeo post Deum & Dominum Regem, ad cuius possim vel debeam confugere patrocinium, nisi tantum ad liberalitatis vestre refugium: à quo, & per quem certus sum habere solatium, petitionisque mee consequi fructuosum effectum. Reminiscere Domini Regis precepti, quod vobis principaliter, secundario Comiti R. Remis fecit: vt videlicet de redditibus Pictauiæ pecunia, quam ei accredideram, mihi sine diminutione solueretur. Quod quia nondum effectui mancipatum esse non ambigitis, rogo vos vt Magistrum & Dominum, quod si de Pictauiensibus pro negotiis Terræ illius ad vos aliquis venerit, placeat vobis eos detineri, donec vobis Remis occurrat. Indè, si preceperitis, statim vt ad vos venero, vel post finitum Concilium, iuxta consilium vestrum in Pictauiam ire, iuuante Deo paratus ero. Valeatis in Christo, mei memor.

R. de Monte-Falconis. EPISTOLA CXIX.

R EVERENDISSIMO Domino suo SVGERIO beati Dionysij venerabili Abbati, R. de Monte-Falconis salutem & debitam venerationem. PLACUIT dignitati vestre, prout vobis suggestum erat, proxima Dominica post assumptionem beatæ Mariæ me Parisius euocasse pro quodam homine meo, qui & se & seruitium suum mihi negabat. Super quo paratus fui & adhuc sum, in Palatio Domini Regis, vel ante Dominum Archiepiscopum, secundum vsus & consuetudines militum & seruientium Bituricensium, sistere iudicio. Verumtamen pro vestris & Regni negotiis vsque ad vltimas Regni metas pro beneplacito vestro me trahere potestis. Profecto, si pro controuersia aliqua me euocare Excellentie vestre placuerit, nos Bituricenses certos & statutos haberemus terminos, ultra quos non nisi ratione cogendi sumus. Ego autem in aliquo prefnitorum terminorum paratus ero die competenti subire iudicium secundum vsus & consuetudines Bituricarum. Valete in Domino semper.

Comitis Blesensis. EPISTOLA CXX.

S VGERIO Dei gratia beati Dionysij Abbati amico suo carissimo, T. Blesensis Comes salutem & dilectionem. NOTIFICO vobis iniuriam & dedecus quæ Salo Vicecomes Senonensis intulit Regi, & vobis, qui Terram eius in custodia habetis, mihi que damnum & dedecus. Guarinus enim filius eius cepit cambiatores de Vizeliaco ad instantes nundinas meas de Pruino venientes, in chemino Domini Regis inter Senonas & Braium: quem ipse Salo & Præpositus Regis de Senonis iureiurando in securitate Regis posuerunt, & eis valens septingentas libras & plus, vt asserunt, abstulit. Vnde vobis mando & precor, vt vos pigeat de chemino Regis infra, & Saloni viriliter mandetis, vt quidquid cambiatoribus ablatum est, remota omni occasione & dilatione reddat, & reddi faciat. Nam Salo in vestro posse est, nec poterit vobis resistere plus quam aliquis armiger. Ex quo bene volueritis, & quid indè feceritis mihi per presentium latorem remandate. Non

Tom. IV.

Y y ij

LYDOVICVS
VII. IV-
NIORE

enim paterer hanc iniuriam inultam remanere, quæ ad destructionem nundinarum mearum spectat. De cetero nostis vos mihi significasse, & ego vobis mandavi, quòd vobiscum loquerer, si mihi remandaretis hoc esse velle vestrum, in die Lunæ ante Pentecosten, apud Latiniacum, & nihil mihi inde remandastis. Quamobrem mando vobis, vt mihi per hunc nuncium mandetis, si præfata die Latiniaco veneritis, vt & ego illuc vobis obuiam pergam si venire volueritis.

Episcopi Autissiodorensis. EPISTOLA CXXI.

DOMINO & Patri carissimo SVGERIO Dei gratiâ beati Dionysij Abbati, HUGO Autissiodorensis dictus Episcopus salutem & dilectionem. Et vidimus & audiuius quòd Robertum Medicum in vita sua carissimum habuistis. Cùm igitur viam vniuersæ carnis ingressus sit, confidentes de vestra benignitate, rogamus, quatinus eundem affectum, quem erga præfatum R. habuistis, in eius vxorem & filios habeatis, vt benè eis propter patrem utamini, & eis quæ R. tenebat integrè conseruetis ad seruitium vestrum.

Comitis Niuernensis. EPISTOLA CXXII.

DOMINO & amico suo SVGERIO venerabili Sancti Dionysij Abbati, G. Comes Niuernensis salutem & seruitium. NOTVM esse vobis & nobis manifestum non ambigimus, R. Medicum, qui viam vniuersæ carnis ingressus est, fuisse virum benignum, & boni seruitij. Illius autem seruitium & benignitatem vxoris & infantes valere & auxilio & consilio amicorum suorum sentiant. Eapropter vobis mandamus, & rogamus, quatinus eius vxorem & infantes pro amore Dei & nostri diligatis, & eis beneficiatis.

Abbatù Ferrariensis. EPISTOLA CXXIII.

REVERENDO Patri & Domino SVGERIO beati Dionysij Abbati, IOHANNES Ferrariensis Canobij Minister subiectionem & obedienciam. AD Paternitatem vestram & Excellentiam vestram sæpissimè oportet nos confugere. De taxatione Domini Regis grauissimè constrictus, vsque ad viginti libras, postquam à nobis recessistis, prout potuimus reddidimus. Reliquum verò ad præsens omninò habere graui paupertate exigente non possumus, qui adhuc in messionibus & occupationibus suis detinentur. Vnde reuerentiam vestram humiliter deprecor, quatinus mihi, & Præposito, qui hac de causâ homines nostros minatur rapere, inducias & spatium idoneum, quo hoc possumus inuenire, concedatis. Valete. Regat vos manus valida omnipotentis Dei.

Comitis Niuernensis ad dominum Abbatem. EPIST. CXXIV.

DILECTISSIMO filio suo SVGERIO venerabili Abbati Sancti Dionysij, GVILLELMVS Comes Niuernensis in Domino salutem. COLLOQVIVM illud, quod Aurelianis cum domno Gaufrido de Danzeio interueniente Rege, sicut scitis, constitutum est, recepi. Sed multò aliter quàm sperabam apud Boncium tractatum fuit. De Domino meo Rege querimoniam nullam facio, sed consilium quod secum habuit non laudo: & cùm vos videro, ego plenius vobis enarrabo. Vobis autem Domino meo mando, & modis omnibus rogo, quatinus in vigilia Cathedræ beati Petri apud Stampas vestri gratiâ venire velitis. Ipsa enim die Dominus meus Rex Gaufrido de Danzeio & cuidam militi meo diem belli constituit. Valete.

EVGENII Pape ad dominum Abbatem. EPIST. CXXV.

EVGENIVS Episcopus servus servorum Dei, dilecto filio SVGERIO Abbati Sancti Dionysij salutem & Apostolicam benedictionem. PRO controuersia & discor-

A dia, quæ inter Petrum præsentium latorem & Iozelinum Meldensem Canonicum agitari dinoscitur, vterque nostro se conspectui præsentauit. Primum quidem Iozelinus dicebat à prædicto Petro iniuriam & violentiâ sibi fuisse illatam, & propter hoc eum ad nostram audientiam appellasse. Post discessum verò ipsius Iozelini à nobis, idem Petrus ad nos veniens, quæ de ipso dicta fuerant omnino negabat. Quia igitur rei veritatem ad plenum super hoc cognoscere non potuimus, causam ipsam discretionis tuæ duximus remittendam. Per præsentia itaque scripta dilectioni tuæ mandamus, quatinus vtraque parte ante tuam præsentiam euocata, eandem controuersiam diligenter audias: & si aduersa pars iam dictum Petrum illatæ violentiæ reum non poterit manifestè probare, & Petrus innocentiam suam conuenienter ostenderit, Ecclesiasticæ est moderationi conueniens, ut eum sua debeat innocentia liberare. Si verò impositæ culpæ immunem se nequiverit comprobare, vel quomodo causa processerit, hoc tuis nobis Literis quantociùs intimabis.

Cluniacensis Abbatis. EPISTOLA CXXVI.

VENERABILI & intimo amico Domino SVGERIO Abbati S. Dionysij, Frater PETRVS humilis Cluniacensis Abbas salutem & sincerum amorem. QUANTVM in corde nostro sitis libentiùs præsentem ostenderemus, quàm absenti mandarem.

B Sed quoniam corporalem præsentiam vestram, quam multum videre apud nos, maximè in aduentu Regis, sperauimus, fors inimica nobis inuidit, id nunc breuiter vobis dicimus. Minus est ab amore, quem erga personam vestram habemus, si omnia nostra vestra esse dixerimus, quoniam & nos ipsi meliùs quàm credatis vestri sumus. Quod autem ad præsens negotium pertinet, priorem de Norgento & negotia eius vobis commendamus, & ut pro negotiis quæ vobis ipse intimabit domino Carnotensi Episcopo scribere dignemini, multum rogamus.

Abbatis Cluniacensis ad eundem. EPIST. CXXVII.

VENERABILI & carissimo Domino & amico nostro SVGERIO Abbati S. Dionysij, Frater PETRVS humilis Cluniacensis Abbas salutem & sincerum in Domino dilectionis affectum. QVIA reuerentiam vestram iam ab antiquo dileximus, & in Christi caritate diligimus, à vobis quoque diligi non diffidimus. Eapropter frequenter vos pro nostrarum rerum diuersis euentibus rogare non dubitamus. Nunc autem & rogamus dilectionem vestram pro Domo nostra Sancti Martini de Campis, quæ ob debilitatem dilectissimi Fratris nostri domni O. plurimum tam in spiritalibus quàm in temporalibus attenuata est, & quotidie magis ac magis attenuatur. Vnde eius condescendentes infirmitati, à cura Domus prædictæ eum more nostro absoluiamus, & loco ipsius dilectum Fratrem & filium nostrum domnum Simonem quondam eiusdem loci Subpriorem substituimus: quia à nobis & Fratribus nostris propter honestatem & mores optimos multum diligitur. Super quo rogamus prudentiam vestram, ut eum causa Dei & amoris nostri respectu diligatis, auxilium & consilium vestrum ei impendatis.

C

Archiepiscopi Senonensis ad domnum SVGERIVM Abbatem.

EPISTOLA CXXVIII.

HVGO Dei gratiâ Senonensis Archiepiscopus, dilectissimo filio SVGERIO venerabili Abbati Sancti Dionysij salutem & dilectionem. BENEDICTVS Deus, qui causam nostram in manu vestra posuit, & eum, quem, si nobis datum esset, eligeremus, iudicem præfecit. Cùm enim de nostri Archidiaconi innocentia minimè dubitemus, vestrum tamen præoptamus iudicium, cuius scimus æquitatem, cuius experti sumus fidem & bonam propitiationem. Valete.

SVGERIO Patri & Domino Dei gratiâ dignè reuerendo Abbati Sancti Dionysij, BARTHOLOMEVS eiusdem patientia Catalaunensis Ecclesia Sacerdos, sincera dilectionis affectum. **Q**UONIAM affectus vestræ dilectionis erga nos plenus est, admodum gaudemus quia plenitudinem effectus in necessitatibus nostris de præterito experti sumus, & de futuro expectamus. Rogamus itaque clementiam paternitatis vestræ, vt nos erga piissimum Dominum nostrum Regem pius pro nobis sitis patronus & intercessor. Ante eius siquidem aduentum multas vt nostis sustinimus anxietates, in quibus solius clementiæ vestræ consilium recepimus, & remedium: post eius verò reditum nihilominus hostium crebris inuasionibus præpediti, magnificentiam eius debito iure humilitatis nostræ visitare nequiuimus. De liberalitate ergo vestra plurimum confidentes, vos deuotissimè precamur, vt iniurias & persecutiones quas sustinimus, & damna rerum nostrarum, quæ iniuste recepimus, Domino Regi significetis. Cuius quidem præsentiam ex voto desiderij nostri in proximo adire parati sumus, ei que pro posse facultatis nostræ, cæsi minimum quantum ad plenitudinem spectat voluntatis, de nostro vt Patri & Domino seruiemus. Valete.

A. Redonensis Episcopi ad domnum Abbatem. EPIST. CXXX.

B

DILECTISSIMO Domino suo SVGERIO Dei gratiâ Sancti Dionysij reuerendo Abbati, A. Redonensis Ecclesiæ humilis Minister salutem & dilectionis obsequium. SANCTITATI vestræ grates plurimas referimus, quod nos ad sustentandam exilij nostri inopiam, quasi si nobis multum obnoxius essetis, inuitastis. Vestræ itaque Paternitati notum fieri volumus, quod Nannetum vsque, Terræ illius necessitatibus & negotiis nostris exigentibus, nos, priusquam ad vos veniamus, descendere necesse fuit. Ad vos verò, vt ad Dominum & patronum, prima hebdomada Quadragesimæ Deo volente veniemus. Valete.

Cleri beati Martini Turonensis. EPIST. CXXXI.

SVGERIO Dei gratiâ venerabili Abbati Sancti Dionysij, totus Ecclesiæ beati Martini Clerus salutem & amicitie integritatem. **V**VLGARE est & tritum prouerbum, quod res humanæ spatio temporis euanescent. Tempore enim interit gaudium cuiuslibet voluptatis, tempore obliuiscitur mater mœroris. In quo vno amicitie vis & dignitas facillè elucet, cuius vires nec tempus imminuit, nec ætas consumit. Nihil præclarius hoc bono Ecclesiæ beati Martini gloriatur, quod amicitiam vestram meruit obtinere. Sed quia apud cari pectoris secretum nihil ruboris est id expetere quo indigeas, idcirco Ecclesiæ beati Martini vestro indigens consilio, vobis speciali amico suo supplicat & orat, vt dissolutis occupationibus interesse velitis cuidam negotio, quod in præsentia Legati ciuitate Meldistractandum est aduersus Clericos Sancti Mauritij tertia die ab ea Dominica, in qua cantatur *Isti sunt dies*.

Abbas Clarenallensis. EPISTOLA CXXXII.

AMANTISSIMO Patri & Domino SVGERIO Dei gratiâ beati Dionysij Abbati, BERNARDVS Clarenallensis vocatus Abbas salutem & orationes quas potest in Domino. **V**ERBUM quod attulerunt Magister Templi & Frater Iohannes tam lætus accepi, quàm id quod à Deo crederem processisse. Ipsa enim iam Orientalis Ecclesiæ tam miserabiliter clamat, vt quisquis non toto compatitur affectu, Ecclesiæ filius esse non proberetur. Verùm, quàm lætus de nuncio, tam tristis de angusto termino, ad quem vestræ dilectioni occurrere omninò non potui. Siquidem promiseram domino Lingonensi ipsa die occurrere ad colloquium, quod de magnis & grauibz negotiis fiducia nostri acceperat. Indicaui autem ipsis tempus quando si placet lætus occurram cum eodem Episcopo, qui multum poterit utilis esse colloquio.

A

*Abbat̃is Cluniacensis ad domnum SVGERIVM Abbatem.*LVDOVICVS
VII. IV-
NIOR.

EPISTOLA CXXXIII.

VENERANDO & præcordiali amico nostro domno SVGERIO Sancti Dionysij Abbati, Frater Petrus humilis Cluniacensis Abbas salutis & presentis & æternæ plenitudinem. DOLEO, & supra quàm dicere possum doleo, quia sacro Conuentui vestro, quem apud Carnotum Dominus Rex consilio sapientiz vestræ & aliorum sapientum indixit, interesse non valeo. Credite intimo amico, credite vera dicenti, quia verè volo & non valeo, & quia non valeo doleo. Quis enim non doleat, se non interesse tam sancto Collegio, vbi nullus proprium lucrum, vbi nullus quæ sua sunt quæret, sed quæ Iesu Christi? Non enim quælibet res agitur, sed de illa tractatur, qua maior nulla, immo quæ est omnium maxima. Nonne maxima omnium est, prouidere, satagere, ne sanctum detur canibus? ne loca, in quibus steterunt pedes operantis salutem in medio terræ, rursùm pedibus iniquorum proterantur? ne regia Hierusalem à Prophetis, ab Apostolis, ab ipso omniũ Saluatore dedicata: ne nobilis illa totius Syriæ Metropolis Antiochia iterum blasphemis & nefandis hominibus subiiciantur? ne ipsa salutaris crux iam ab impiis, vt dicitur, obsessa, vt olim à Cosdroe capiatur? ne ipsum Sepulchrum Domini, quod hætenus, iuxta Prophetam, gloriosum toto Orbe fuerat, fortassis vt illi minari solent radicitus euellatur? Huic ergo tam sancto tamque necessario tractatui, ad quem humilitatem meam, venerande vir, inuitare voluisti, libentissimè, vt dixi, interfuissem, si vllomodo potuissem. Quæ iter hoc meum impediunt multa sunt. Sed inter alia specialia duo sunt. Vnum multiplex incommodum corporis mei, quod à Natali Domini vsque ad hoc tempus penè assiduè passus sum: aliud Conuentus magnus Priorum, quos, antequam de istis quæ mandastis aliquid scirem, in ipso ferè initio Quadragesimæ, pro consilio ineuitabilis rei Cluniacum eadem die, qua Conuentus vester apud Carnotum indictus est, venire præceperam. Suscipiat ergo si placet æquo animo vnanimis & carissima mihi reuerentia vestra non fictam, sed veracem excusationem meam, & apud se, & apud alios excusatam habeat absentiam meam.

Lugdunensis Archiepiscopi ad domnum Abbatem. EPIST. CXXXIV.

V Dei gratiâ sanctæ Lugdunensis Ecclesiæ Archiepiscopus, carissimo & venerabili SVGERIO Sancti Dionysij Abbati æternam in Christo Iesu salutem. Quo dolore, quibus lacrymis Orientali Ecclesiæ in tot & tantis nunc miseriis constitutz compati debeamus; nullus fidelis Deumque timens ignorat. Qua verò vigilantia, quo studio, pro eius subuentione, omnis religiosus & Dei cultor sollicitari debeat, ipsa quam patitur calamitas & afflictio manifestat. Verùm, quia nos pro officio nostro, & pro iure Primatus, ex parte Domini Regis, & Optimatum Regni, ad colloquium quod apud Carnotum celebrari debet inuitastis: sciat caritas vestra, quòd donec Senonensis Archiepiscopus in eadem causa Primatus nobis derogare non veretur, & Apostolicis mandatis contumax & rebellis existit, pudor nobis est ad illas progredi partes, vbi domino Papæ contradicatur, & Lugdunensis Ecclesiæ debito honore fraudatur. Ad hæc, alio magno & inopinato detinemur impedimento, quia domnus Ylio Abbas, vir utique magnus, & in Lugdunensi Ecclesiæ quasi præcipuus, grauiter infirmatur, & quotidie ingrauescente morbo ad exitum propinquare videtur. Et quia castra & munitiones Ecclesiæ nostræ in manu ipsius sunt, rogatu & consilio Clericorum nostrorum longiùs exire ad præsens distulimus, ne fortè in absentia nostra filij huius mundi, qui semper Ecclesiis aduersantur, oportunitatem malignandi inueniant, & Lugdunensi Ecclesiæ insanabile vulnus infligant. His igitur ex causis mittimus ad vos hunc venerabilem Fratrem nostrum, & dilectum Ecclesiæ nostræ filium, domnum Stephanum quondam Vienneensem Archiepiscopum, virum utique religiosum, & in maximis exercitatum; qui vobis in causa Dei vice nostra quantum licuerit assistat, & si quid de Senonensi negotio ad honorem Dei & Lugdunensis Ecclesiæ per Domini Regis studium & vestrum compositum fuerit, ad nos idoneè referat. Soluta enim huius discordiæ scrupulo, & pace inter Ecclesias refořmata, Domino Regi, & personis Ecclesiæ

Y y iij

quo libet occurrere, & in hac causa Dei consilium & auxilium nostrum parati sumus impendere. A

GAUFREDI Archiepiscopi Burdegalensis. EPIST. CXXXV.

CARISSIMO suo & merito venerendo Domino SVGERIO venerabili per Dei gratiam beati Dionysij Abbati, Frater GAUFREDVS Burdegalensis Ecclesia dilectus Episcopus salutem, & si quod possit obsequium cum caritate. LITERAS, Domine, dignationis vestrae debita veneratione suscepimus. Quibus diligenter inspectis, quem prius noueram zelo domus Dei & amore fraternae caritatis accensum, nunc maximè in tempore necessitatis causam Christi agendam vos suscepisse cognosco. Preces itaque vestras, & submonitionem ex parte vestra & venerabilium Dominorum & Patrum Archiepiscoporum & Episcoporum per vos factam, tum pro re ipsa quae agitur, tum pro petitione tantorum virorum cum executione operis suscipiendas dignum duximus, si pro voluntate nobis adesset facultas. Verumtamen, quia non est volentis neque currentis, sed miserantis Dei, à iam incœpto itinere desistere nos oportuit propria corporis exigente infirmitate. Præterea, dominus Theodericus Galerannus ex parte Domini Regis & nos & Fratres nostros Coëpiscopos, generaliter quoque omnes Proceres Terrae nostrae conuocauerat apud Sanctum Ioannem Angeliacensem, Dominica *Ego sum Pastor bonus*, pro pace Terrae firmanda, & his quae ad honorem Regni spectant in Terra nostra statuendis. Dilectam ergo nobis serenitatem vestram attentius petimus haberi exoritam, ut quia his quae prædiximus prædicti interesse tanto Conuentui non possumus, vobis Domine molestum non videatur: sed apud vos, & eos qui conuenire debent, Dominos & Patres nostros, caritas vestra habeat nos excusatos. Qui licet absentes corpore, spiritu tamen vobiscum praesentes erimus: optantes, ut Christus in causa sua spiritum consilij vobis amministret. Benè valete.

Archiepiscopi Bituricensis. EPIST. CXXXVI.

CARISSIMO Fratri & amico SVGERIO Dei gratiâ venerabili Abbati Sancti Dionysij, PETRVS Bituricensis Ecclesia humilis Minister salutem & veram in Christo dilectionem. QUONIAM de religione & amicitia vestra plurimum confidimus, securius vobis scribimus, maximè quae ad honestatem pertinere cognoscimus. Bartholomeus siquidem Archidiaconus noster malae vitae & pessimae famae precibus Domini Regis apud dominum Papam obtinuit, ut causa quae inter nos & ipsum ex mandato domini Papae ante Dominum Burdegalensem agitabatur, in octauis Pentecostes ad grauamen nostrum Romae tractaretur. Quapropter oportet nos illuc in proximo ire vel mittere, nisi iustitiae & honestati volumus deesse. Idcircoque dilectionem vestram obnixius deprecamur, quatenus apud Dominum Regem efficiatis, ut domino Papae pro nobis scribat, & vos ipse scribatis, sicut fidelis noster Constantinus latius vobis exponet.

Abbatís Pontiniacensis. EPIST. CXXXVII.

VENERABILI Domino & carissimo Patri SVGERIO Dei gratiâ Sancti Dionysij Abbati, Frater GUIDO Pontiniacensis vocatus Abbas salutem & orationes. THESAURARIUS Autissiodorensis noster & Domus nostrae Pontiniacensis amicus est, qui apud vestram sublimitatem putat sibi aliquid valere nostrae paruitatis supplicationem. Sed neque nos quidem de vestra benignitate diffidimus, quin nobis pro eo supplicantibus quantulumcumque condescendere dignemini. Si igitur habet apud vos locum aliquem pauperis intercessio, sentiat vos propitium amicus noster in causa sua, quae à domino Papa vestrae discutienda committitur discretioni. Qui etiam à Domino Rege in causam trahitur, in qua nihilominus pro Dei amore & nostro placeat vestrae Sanctitati ei suffragium vestrum non deesse. Quia sigillum nostrum non habebamus, sigillum Domini Autissiodorensis apposuimus.

A EVGENII *Papa ad dominum SVGERIVM Abbatem.*LYDOVICVS
VII. IV.
MOR.

EPISTOLA CXXXVIII.

EVGENIVS *Episcopus servus servorum Dei, dilecto filio SVGERIO Abbati Sancti Dionysij salutem & Apostolicam benedictionem.* PRVDENTIAM tuam latere non credimus, nobis plurimum esse molestum, quòd thesaurus Ecclesiæ sanctæ Genouefæ pignori est obligatus. Quia verò nolumus, vt Ecclesia ipsa aliqua negligentia vel contentione detrimentum exinde patiatur, aut ornamentis suis aliquorum nequitia vel versutia spolietur, per præsentia tibi scripta mandamus, quatinus ad locum ipsum accedas, & rem diligenter inquirens, quidquid de eodem thesauro per seculares obligatum est, ex quo mutatio Ecclesiæ ad eorum peruenit notitiam, de proprio eos redimere cogas. Quod verò ante obligatum fuerat de communi tam regularium quàm secularium, prout quibûsque competet facias redimi: sollicitè attendens ne aliquorum nequitia damnum in hoc Ecclesia patiatur. Qui autem super hoc tibi rebellis extiterit, auctoritate nostra eum excommunicationi subiicias. Datum Romæ apud Sanctum Petrum IV. Cal. Maij.

LYDOVICI *Regis ad eundem.* EPIST. CXXXIX.

BLYDOVICVS *Dei gratiâ Rex Francorum, dilecto nostro SVGERIO eadem gratiâ venerabili Sancti Dionysij Abbati salutem & copiosam dilectionem.* QVERELAS pauperum ad nos super R. Malueisin clamantium vna nobiscum Carnotum vestra audiuit discretio, easque ad vestram discretionem terminandas vobis imposuimus. Verùm, quia quinta feria proxima post Pentecosten huic negotio interesse non possumus, dilectioni vestræ mandantes scribimus, quatinus pauperum tam diligenter intendatis, vt & Deus super iustitia honoretur, nòsque apud Deum & omnes bonos laudem consequamur. Valete.

I. *Cardinalis Sanctæ Mariæ Nouæ.* EPIST. CXL.

SVGERIO *Dei gratiâ venerabili Abbati Sancti Dionysij, I. eadem gratiâ Sanctæ Mariæ Nouæ Diaconus Cardinalis salutem & dilectionem.* PRO latore præsentium Magistro Petro dilectionem vestram plurimum rogamus, quatinus in causa sua, quæ vestræ prudentiæ à domino Papa committitur, pium vos sentiat & mansuetum, & tantis laboribus suis misericordiæ compassione propinquum. Ipse quidem asserit se ab imposita culpa immunem, quamuis si culpabilis inueniretur, leuiganda esset vtique propter consuetudinem & impunitatem scholasticorum excessuum. Verùm quia causa ista ad Romanam audientiam delata est, & ad vestram remissa, seruetur grauitas, adhibeatur & pietas, cohibeatur stultitia, honoretur scientia, doctrina formetur, & caritas reparetur. Compensatis quoque vtriusque laboribus ita terminus imponatur, vt curiositas & inquietus animus apud vos nullatenus locum inueniat. Pro se iste rationem pio iudici reddat, & quicumque conuicti fuerint prohibitam violentiam commisisse, onere suo singuli onerentur.

HVGONIS *Cardinalis tituli in Lucina.* EPIST. CXLI.

CARISSIMO *Fratri & amico SVGERIO venerabili Sancti Dionysij Abbati, HUGO sanctæ Romanæ Ecclesiæ Tituli in Lucina Presbyter Cardinalis salutem & dilectionem.* PRÆSENTIVM lator ad pedes domini Papæ veniendo plurimum laborauit, quem pro excessibus excommunicationis vinculo innodatum, nos eiusdem Domini nostri mandato absoluimus. Causam autem ipsius, sicut in Literis domini Papæ continetur, discretionis vestræ fore commissam cognouimus: & quia ipsum virum siquidem literatum & maximam pro studio disciplinæ sollicitudinem gerentem cognouimus, in causis eius pro eo libenter intercedimus. Vnde caritatis vestræ prudentiam exoramus, vt eundem pro se tantummodo respondentem, in quantum iustitia patitur, foueatis, & benigne tractetis.

SVGERIO *Dei gratiâ Abbati Sancti Dionysij venerabili domino & amico suo, Frater*
SHUGO salutem. QVONIAM ad pietatis officium plurimum spectat, cuita-
re non possumus, quin pro familiaribus nostris apud amicos nostros intercedamus.
Latorem itaque presentium Magistrum Petrum, cuius causa discretionis vestræ à
domino Papa remittitur, pro amore Dei & nostro in quantum iustitia patietur su-
stenteris. Studium, quod semper liberalibus artibus applicuit, & honestas morum,
in quantum nouimus, apud benignitatis vestræ prudentiam non minimam gratiam
debent promereri. Laborem etiam quàm maximum hac de causa iam pertulit, &
iniuste, vt ipse & nonnulli alij asserunt. In Romana quoque Curia diu sustinuit,
& ad hoc elaborauit, vt duo ex sociis suis eadem de causa accusati, in presentia ve-
stra suam ostenderent innocentiam. Quod quia impetrare non potuit, pro se so-
lo habet respondere.

ROGERII *Regis Sicilia ad domnum Abbatem.* EPIST. CXLIII.

ROGERIVS *Dei gratiâ Rex Sicilia, Ducatus Apulia, & Principatus Capua, Sv-*
GERIO venerabili Abbati Sancti Dionysij carissimo amico suo salutem & dilectio-
nem. AMICORVM est, vt alter alterius congratuletur serenitati. Vnde dile-
ctioni vestræ significare dignum duximus, nos gratiâ Dei sanos & incolumes esse.
Rogamus equidem, vt vicem nobis amicis debitam rependentes, de vestræ dile-
ctionis statu sæpius nobis per comiteantes significare non pigritemini: vt sicut vos
nostræ, ita & nos vestræ congaudeamus saluti.

EVGENII *Papa ad domnum Abbatem SVGERIVM.*

EPISTOLA CXLIV.

EVGENIVS *Episcopus servus servorum Dei, dilecto filio SVGERIO Abbati San-*
cti Dionysij salutem & Apostolicam benedictionem. IMMENSVM pietatis opus,
quod carissimo filio nostro LVDOVICO illustri Francorum Regi diuina miseri-
cordia inspirauit, nos plurimum anxios reddit. Gratiæ namque Christiani nomi-
nis iacturam, quam nostris temporibus Ecclesia Dei sustinuit, & recentem adhuc
effusionem sanguinis tantorum virorum ad memoriam reuocantes, grandi timore
concutimur, & mœror inconsolabilis renouatur. Ceterum, deuotio prædicti filij
nostri & caritas diuinitus inspirata conceptum aliquantulum dolorem mitigat, &
spem nobis consolationis promittit. Sic igitur vtrique suspensos timor cum spe
nos valde conturbat. Sed ne tantum opus nostra occasione remaneat, prudentiæ
tuz per presentia scripta mandamus, quatinus iam dicti filij nostri Regis, & Baro-
num atque aliorum Regni sui animos diligenter studeas perscrutari, & si ad tam
arduum opus eos promptos agnoueris, consilium & auxilium nostrum quantum
poterimus, & remissionem peccatorum, sicut in aliis Literis nostris continetur, se-
cure promittas: & nos de constantia eorum & deuotione fidei certiores effecti, ti-
more deposito vires eis & auxilium quibus modis poterimus diuina fauente miseri-
cordiâ tribuemus. Vestri autem studij sit, vt communicato sapientum consilio,
quod nostri auxilij ad hoc necessarium fuerit, & quæ Ecclesiasticæ personæ præter
nominatas idoneæ vobis visæ fuerunt, maturè nobis significare curetis. Datum
Laterani VII. Calendas Maij.

NICOLAI *Abbatis Corbeia ad eundem.* EPIST. CXLV.

DOMINO & Patri suo SVGERIO *Dei gratiâ venerabili Abbati beati Dio-*
nyssij, NICOLAUS Corbeiensis Ecclesie humilis Minister, salutis plurimum &
amaris. Ex omnibus periculis & necessitatibus meis ad tranquillitatem vestram
quasi ad tutissimum & expertum salutis meæ portum confidenter confugio. Post-
quam igitur à vobis redij, graui negotio, quod inter nos & Comitem Flandriæ agi-
tur, præpeditus, & ad partes illas submonentibus Episcopis Tornacensi & Mori-

A nensi propter compositionem mutuam Dominica præterita profectus: ad diem, quam Dominus noster Rex nobis condixerat, ut scilicet ad eum Aurelianis mitterem, mittere non valui. Vnde vestram crebro expertam dilectionem obnixè deprecor, quatinus Domino Regi me excusetis, & ne irascatur agatis: quia absens negotium tantum nisi fidelissimo nuncio credere ausus non fui, & ideo mittere superfedi. Ego quoque absque dubio Dominica proxima post Apostolorum festum, aut nuncius meus, præsentia vestra propter hoc assistam. Quoniam autem paternitatem vestram offendisse me in hoc, quod ad prædictam diem non misi, plurimum timeo, de remissione ira vestra certificari per Literas vestras precor. Precor etiam nobis mandari, si verum est quod audiui, Dominum Regem ab Aurelianis ad nos recto itinere venire debere. Illud etiam quero, quod si Dominum Regem negotium suum & nostrum contra burgenfes nostros efficaciter exequuturum fore scitis, nobis mandetis, & ego eius misericordiam expectabo. Quod si eum flecti & mollius agere senseritis, nobis idem innuite: quia nisi eius mihi assit auxilium, pacem nostram qualemcumque ab offerentibus accipiam. Valete, & honori Ecclesie subuenite.

LVDOVICVS
VII. IV.
NOR.

ROGERIO Regi Sicilia. EPISTOLA CXLVI.

B **G** LORIOSO Dei gratia Regi Sicilia, Ducatus Apulia, & Principatus Capua, ROGERIO, SVGERIVS beati Dionysij Abbas in eo regnare, qui dat salutem Regibus. REGIÆ Maiestatis excellentia, si non quales debemus, quales tamen valemus gratiarum actiones referimus: eo quod tanti, tam sapientis, tam famosi Domini Celsitudo nostræ paruitatis memorari, ac de nostra prosperitate querere non sit dedignata. Huiusmodi enim questio me totum totaliter vestra serenitati emptitium reddidit, nec toto tempore vitæ nostræ à memoria nostra decidere poterit, quod tantæ nobilitatis ac potentia Dominus de sua nobis prosperitate significauerit, & de nostra certificari requisierit. Sanè Celsitudini vestra de incolumitate nostra significantes, multa & de multis Excellentia vestra scribere dignum duximus: sed ne prolixitas fastidium generaret, nuncio nostro ore ad os vobis referenda intimaui. Valeat Celsitudo vestra.

EVGENII Papa ad domnum Abbatem. EPIST. CXLVII.

E VGENIVS Episcopus servus servorum Dei, dilecto filio SVGERIO Abbati Sancti Dionysij salutem & Apostolicam benedictionem. SACERDOS ille R. qui ad nos contra Stephanum Senonensem Archidiaconum venerat, cum nuncio eiusdem Archidiaconi nuper ad nostram præsentiam rediit. Sed cum in causa ipsa procedere sicut ratio exigit minimè posset, eum à querimonia sua cessare præcepimus, & prædictum Archidiaconum super obiectis se canonicè purgaturum tuo conspectui mandauimus præsentandum. Per Apostolica itaque tibi scripta mandamus, quatenus eundem Archidiaconum ad tuam præsentiam euoces iterum, & si quinta manu sui ordinis super illatis criminibus se poterit expurgare, ipsum quoque ab impetitione præfati Presbyteri absolutum remittas. Datum Romæ apud Sanctum Petrum VII. Calendas Iunij.

LVDOVICI Regi ad Abbatem SVGERIVM. EPIST. CXLVIII.

L VDOVICVS Dei gratia Rex Francorum & Dux Aquitanorum, carissimo amico & fidei nostro SVGERIO venerabili Abbati Sancti Dionysij salutem & dilectionis plurimum. VENERVNT ad nos Clerici Laudunenses, Ecclesie suæ desolationem conquerentes, ostendentes etiam quanta perferret Ecclesia incommoda, si diu cura patroni careret. Liberam igitur à vobis electionem petierunt, & quia Ecclesia moram ferre non poterat, coacti sumus iustis ipsorum petitionibus statim acquiescere: & ne omninò absque consilio vestro res fieret, eisdem dilectioni vestra reuertentes misimus. Rogando igitur vobis mandamus, sicut scitis vos debere, sicut Ecclesie scitis expedire, consulatis eis & ad Ecclesie utilitatem, & ad Regni honorem prudentia vestra laboret. Scitis profectò ex præsentium imbecilli-

tate & defectu, & honorem Ecclesiarum deperire, Regni etiam decus ex personarum ignavia diminui. Spectat siquidem ad honorem Regni, ut Ecclesie illi citò subueniatur: quoniam & in partibus illis guerra est, & omnes ferè inde Barones interierunt. Sicut vobis videbitur loquimini Ecclesie Clericis quos ad vos mittimus, sicut vobis videbitur eis consulatis. Voluntas enim vestra nostra est, & nos consilium nostrum reposuimus in vobis. Venient in proximo ad vos Atrebatenses Clerici, vice nostra eis consulite: & si vobis visum fuerit, & labori vobis non fuerit, in presentiam nostram eos adducite.

Abbatis Vizeliacensis. EPISTOLA CXLIX.

VENERANDO Abbati Sancti Dionysii Domino SVGERIO, Frater P. Vizeliacensis qualiscumque Minister salutem, venerationis & dilectionis obsequium. QVOD vobis scribimus, tanquam otiosum ac superfluum reputamus, ut pote quem de omnibus docet vnctio sancti Spiritus. Robertus vester specialis obiit, & filius eius Matheus: sola vidua mater remansit, & vnicus filius. Quid ergo? Sed sicut nouit & consuevit vestre pietatis abundantia, sentiant si placet super huiusmodi pia vos gestare viscera, & superexaltet iudicium misericordia. Nostis enim, quia qui miseretur misericordiam consequetur.

Domni Abbatis SVGERII ad Regem LVDOVICVM. EPIST. CL. B

CARISSIMO Domino Dei gratia Regi Francorum & Duci Aquitanorum LVDOVICO, SVGERIVS beati Dionysii Abbas deuotas in Christo orationes & fidele seruitium. REGIE Maiestatis celsitudini, de qua semper confidere consueuimus, obnixè supplicamus, ne contra Comitem Andegauensem, quem Ducem Normannie fecistis, absque consilio Archiepiscoporum & Episcoporum, siue Optimatum vestrorum, in guerram immaturè prorumpatis. Si quid enim minus consultè aggressi fueritis, nec cum honore dimitti, nec sine maximo labore perfici poterit. Sed quandoquidem homines vestros propter hoc conuocastis, rogantes consulimus, ut audito eorum consilio, aliquanto tempore differendo sustineatis: donec fidelium vestrorum, Episcoporum scilicet & Procerum, super hoc consilium audiat, qui ex iure fidelitatis, quam Regno & Coronæ debent, quod vobis suggesserint perficere totis viribus adiuuabunt.

EVGENII Papa ad dominum SVGERIVM Abbatem.

EPISTOLA CLI.

EVGENIVS Episcopus seruus seruorum Dei, dilecto filio SVGERIO Abbati Sancti Dionysii salutem & Apostolicam benedictionem. NOTITIÆ tuæ non extat incognitum, Monasterium beati Medardi Sueffionensis iuris beati Petri existere, & ad defensionem eius & sanctæ Romanæ Ecclesie specialiter pertinere. Et quia idem Monasterium ab IVONE Comite Sueffionensi occasione pecuniæ, quam ab Abbate ipsius loci exigit, sicut accepimus, plurimum prægrauatur, discretionis tuæ per Apostolica scripta rogando mandamus, quatinus pro reuerentia beati Petri & nostra ipsum Abbatem & Fratres eius super hoc & aliis, in quibus tuo indiguerint auxilio, iuves & manuteneas, & eorum erga Regiæ dignitatis Excellentiam, cuius familiaritatis & consilij talentum accepisse cognosceris, intercessor & adiutor existas, ut beati Petri & Sedis Apostolicæ maiorem promerearis gratiam. Datum trans Tyberim v. Idus Martij.

BALDVINI Noviomensis Episcopi ad dominum Abbatem. EPIST. CLII.

DOMINO suo carissimo SVGERIO venerabili Sancti Dionysii Abbati, Frater BALDVINVS Noviomensis Ecclesia Minister indignus obsequium & amorem. BENEDICTVS Deus, qui prosperum fecit desiderium nostrum, deducens & reducens nos cum incolumitate & gaudio, qui dedit postulationi nostræ congruentem effectum. Venissem & ipse ad vos libentiùs quam misissem: sed necessarium duximus

A duximus ad Dominum Remensem declinare prius, & post hoc videre vos quem multum desideramus. Opus autem esset, ut ante diem colloquij vos & Dominus Remensis conueniretis, ut conferremus de instanti negotio. Hoc autem procurete ut fiat. Valete.

LYDOVICVS
VII. IV-
NIOR.

SVGERII Abbatis ad G. Comitem Andegauensem. EPIST. CLIII.

E GREGIO Comiti Andegauorum & Duci Normannorum G. atque nobili Imperatrici MATILDI, SVGERIVS beati Dionysij Abbas salutem & dilectionem. NOVERIT nobilitatis vestræ Celsitudo, contentionem illam, quæ inter vos & Dominum nostrum Regem Francorum emerfit, valde nobis displicere; tum pro amore Dei, qui pacis auctor est & amator; tum pro oppressione pauperum, quam dolemus; tum pro pace vestra & honore, quem valde diligimus. Neque enim obliuioni tradere poterimus honorem & amorem, quem gloriosus Rex HENRICVS toto tempore vitæ suæ nobis exhibuit. Qui cum sapienter & potenter in administratione Regni Anglorum & Ducatus Normannorum floreret, quocumque guerrarum & bellorum tempore, bona Sancti Dionysij honestè & fideliter conferuari faciebat, familiarem me habebat: venienti etiam tam potens, tam discretus occurrebat, & quod multis suorum celaret, de reformatione pacis sæpius mihi aperiebat. Vnde crebrò Deo auxiliante contigit, nostro labore de multis guerris & implicitis multorum æmulorum machinamentis eum ad bonam pacis compositionem peruenire. Quod si nobis credi dignaretur, non recordamur pacem aliquam viginti annis cum Domino Rege Francorum eum fecisse, cui fideliter & præcipue inter omnes operam iugem & fidelem non adhibuerimus, sicut ille qui ab utroque Domino credebatur. Quod & adhuc opportunè, importunè etiam, sicut decet Abbatem & Sacerdotem, quandocumque poterimus libenter prosequemur. Vnde etiam memores antiquorum gloriosi Regis Henrici beneficiorum, nobilitati vestræ consulimus, ut & per amicos & per familiares amorem Domini Regis & pacem, dum adhuc reuocabilis est, dum necdum cum hostibus vestris fœdus iniit, strenuè & diligenter quærere elaboretis. Si enim Regnum Angliæ & gazarum antiquarum copia paci & prosperitati vestræ succederent, guerrarum longarum expensis infructuosam consumptionem raptorum, satellitum solidariorum profusionem infructuosè attingeret. Pacem cœli & terræ vobis Omnipotens largiri dignetur. Pro terra beati Dionysij de Berneualle & de Boscagio, quam gloriosus Rex Henricus etiam guerrarum tempore solito diligentius illæsam omninò conferuari faciebat, ut idipsum faciatis obnixè rogamus. Nec enim occasione guerrarum Francorum siue Normannorum possessiones Ecclesiarum vel Abbatiarum, vbicumque sitæ sint, siue in Normannia, siue in Francia, lædi vel minui solent.

C SVGERII Abbatis ad T. Ambianensem Episcopum. EPIST. CLIV.

VENERABILI Dei gratiâ Ambianensi Episcopo T. SVGERIVS beati Dionysij Abbas salutem & dilectionem. VERA amicitia grauius, si oporteat, conuenire consuevit amicos. Vnde dilectioni vestræ grauitè improperamus, Robertum de Boua hominem diabolicum, famosum apostatam, quod eum in Ecclesia vestra, cui Deo auctore præestis, aut suscepistis, aut suscipi permisistis. Timendum valdè est discretionis vestræ, ne huiusmodi Deo & hominibus odiosa susceptio, si tamen est, & præsentem vobis ruinam, & gehennam generet æternam. Confortate igitur manus dissolutas, & genua debilia roborate, vires resumite, gladium in illum diabolicum potenter exerite: ut quod minori cautela contigit, ad honorem Dei & vestrum citius corrigatur. Decet enim Episcopalem sublimitatem, quod minus benè factum est, sicut coactum dedeceret, spontanea voluntate corrigere. Valere.

EPISTOLA CLV.

REVERENTISSIMO Domino & meritiò diligendo SVGERIO Dei gratiâ venerabili Abbati Sancti Dionysij, Frater GAUFREDVS Burdegalensis Ecclesie dilectus Episcopus salutem & promptum cum deuotione famulatum. DESIDERIO desideraueram faciem vestram videre, Domine. Vnde vocatus à vobis ad Conuentum Carnotensem, nisi impedimenta quæ scripsimus vobis de necessitate Terræ nostræ & de aliis interuenissent, venire disposueramus. Sed & ad hunc sanctum Conuentum simul cum Fratribus nostris Coëpiscopis veniendi itinere iam suscepto, & ex magna parte peracto, Domino disponente pro insperata infirmitate apud Fontem-Ebraldi oportuit nos remanere. Non est itaque nobis datum desuper, vt quod affectabamus ad præsens adimplere valeamus: vt videlicet sancto interesse Collegio, vestroque frui desiderato colloquio possimus. Quod igitur potest caritas, exequitur. Amplector Dominum & amicum in visceribus Iesu Christi, & ea qua possum deuotione totum me fateor esse illius, & pro paruitate mea vestræ per omnia vellem occurrere voluntati. Per latorem itaque præsentium fratrem N. Domine, qui cetera poterit vobis expedire, de his quæ circa vos aguntur, & quæ vobis placuerit, nobis si placet significare dignemini.

B

EUGENII *Papa ad dominum Abbatem SVGERIVM.*

EPISTOLA CLVI.

EVGENIVS Episcopus seruus servorum Dei, dilecto filio SVGERIO Abbati Sancti Dionysij salutem & Apostolicam benedictionem. Ex eo quòd pro defectu Orientalis Ecclesie attentam sollicitudinem geris, gratum nobis est, & studium tuæ deuotionis in Domino collaudamus: quoniam & cor nostrum exinde ingenti dolore turbatur, & vehementer affligitur. Inde est, quòd petitioni tuæ, & aliorum qui nobis super causa ipsa scripserunt, quamuis grauissimum nobis fuerit propter imbecillitatem personæ, in qua omnium vota Domino fauente concurrunt, assensum tamen denegare nequaquam potuimus. Monemus itaque dilectionem tuam, quatinus in tanto & tam præclaro opere, tanquam vir discretus & prudens, opem & studium diligenter adhibeas. Præterea dilectioni tuæ notum fieri volumus, quoniam cum filio nostro carissimo Francorum Rege LVDOVICO de statuenda Religione in terra sibi à Deo concessa colloquium viua voce habuimus, & monitis nostris benignum præbuit assensum. Quia ergo in Compendiensi Ecclesia Religionem propagari Domino auxiliante optamus, præsentium tibi auctoritate in iungimus, vt ad hoc efficiendum omnimoda diligentia & attento studio elaborares. Tibi siquidem & venerabili Fratri nostro Nouiomeni Episcopo onus ipsum imposuimus. Datum Albani XIII. Kalendas Iulij.

C

B. *Nouiomeni Episcopi ad SVGERIVM Abbatem.* EPIST. CLVII.

DOMINO & amico venerabili Abbati Sancti Dionysij SVGERIO, B. *Nouiomeni Ecclesie Minister indignus amorem & obsequium pro viribus & ultra.* FACTVM est vt imperastis, & benedictus Deus, benedictus est Abbas. Imposita est illi cura & sollicitudo subiectorum suorum, sed inopem manum anxia sollicitudo constringit. Quomodo enim nudus vestiet nudum, aut famelicus esurientem satiare poterit? Ibi planè consilio opus, vbi nec creditor inuenitur, nec quod emptor persoluat habetur. Penes vos est consilium istud, vestrum est prouidere, ne quos in mediis fluctibus coniecimus, ad portum peruenire non possint. Nostrum omninò consilium est, vt sine omni dilatione ad dominum Papam fiat transmigratio: vt sicut ab illo inchoatio, sic per illum fiat & confirmatio. Illi enim innitendum est pro firmamento, quoniam quidquid Regis vrget iussio vel comminatio, longè minus est quàm quod Apostolica sancit & confirmat auctoritas.

A Domni Abbatis SVGERII ad B. Episcopum Noniomensem.

EPISTOLA CLVIII.

VENERABILI Dei gratiâ Noniomensi Episcopo B. SVGERIVS beati Dionysij Abbas sincera caritatis cum affectu effectum. SUPER eo negotio, quod vestræ Celsitudini, & nostræ paruitati Apostolica commisit auctoritas, de statuenda Religione in Ecclesia Compendiensi, omnipotenti Deo immensas gratiarum actiones referamus, quòd tanto, tam glorioso operi tam bonum principium largiri dignatus est: de misericordia eius confidentes, quia qui cœpit opus bonum, ipse perficiet in manu forti & brachio extento. Habemus enim ad tuitionem negotij nostri Evangelicire sponsi auctoritatem. Si quis vobis aliquid dixerit, dicite quia Dominus in opus habet, & confessim dimittet eos. Audientes igitur & scientes iniuncto nobis negotio viriliter insistamus, & castra diaboli, quæ peccatis hominum exigentibus in præfato loco constructa erant, funditus euertamus: castrâque Dei omnipotentis ibidem erigamus, & erecta cum omni diligentia foueamus & manuteneamus. Sanè de benedictione electi dilectioni vestræ significamus, quatinus si sine magno scandalo fieri potest (solent enim Canonici in festo Sancti Cornelij magis quàm in toto anno conuenire) in ipsa festiuitate ante altare præfati Martyris eum benedicatis: vt has primitias laboris vestri offerendo, æternæ remunerationis fructum ob omnipotente Deo recipiatis. Quod si sine magno scandalo fieri non potest, instanti Dominica vt id ipsum impleatis, rogamus.

SVGERII Abbatis ad R. Comitem Viromandensem. EPIST. CLIX.

EGREGIO Viromandensi Comiti R. carissimo Domino & amico suo, SVGERIVS beati Dionysij Abbas salutem & dilectionem. NOVIT discretio vestra, quòd dominus Papa auctoritate Apostolica de constituenda Religione in Ecclesia Compendiensi onus nobis licet inuitis imposuit. Qui enim de suo timet, alieno grauari onere non immerito dolet. Nunc autem quod à nobis pro iniuncta obedientia determinatum fuerat, irreuerenter violatum esse constat: & quod Dominus Rex de eadem re vobiscum & cum Domina Regina contulit, aut nihil, aut parum profuit. Sequenti enim statim cum exissemus, domnus PHILIPPVS frater Regis cum sacrilega & armata tam laïcorum quàm Clericorum manu veniens, Monasterium violenter irrupit, & pixidem, in qua non modica reliquiarum portio continebatur, rapiens asportauit. Nec hac temeritate contentus, sine mora iterum cum suis complicitibus reuersus, Ecclesiæ ianuas super se clausit, & reuerendam Saluatoris nostri Coronam cum pretiosa & famosa eiusdem Domini nostri Syndone rapere conabatur. Sed burgenfes audito tanto scelere, tam pro venerandis reliquiis, quibus locus ille toto terrarum Orbe famosus existit, quàm etiam pro fidelitate, quam Abbati & Fratribus iam fecerant, cum armis viriliter accelerantes: comperito etiam quòd sacrilegi illi, ne Fratres campanas pulsare possent, funes præcidissent, & eis post illatas contumelias mortem minarentur; quoniam portas Ecclesiæ obseratas intrinsecus inuenerunt, quomodo potuerunt Ecclesiam ingressi sunt. Et nisi Regiæ Maiestati super fratre suo deferendum iudicassent, eos qui cum eo inuenti sunt zelo accensi turpiter punissent. Retentis itaque reliquiis, & conseruatis Fratribus nostris, repulso eodem PHILIPPO, suos quoque vix se à vindicta cohibentes fugauerunt. Quia igitur eorum audacia, & Clericorum contumax inobedientia ad iustitiam exercendam nos prouocat, vnanimitatem vestram, de qua multum confidimus, Apostolica auctoritate inuitamus: & sicut fidelissimum amicum, quippe quia nobis inuicem in opportunitatibus nunquam defuimus, ex parte etiam Domini Regis rogamus, & denunciamus, quatinus omnia, quæ sub tuitione vestra scelerati Clerici habere videbantur, vestro præcepto reseruentur. Si quidem ipsi culpis suis exigentibus seipso & officio & Ecclesiæ beneficio priuauerunt. Certum itaque mutui amoris nostri argumentum erit, si in præfati opere Dei fidelem vos & fortem coadiutorem habuerimus.

Tom. I F.

. Zz ij.

EPISTOLA CLX.

SVGERIO Dei gratiâ Abbati S. Dionysij Domino & amico suo, R. Viromandensis Comes salutem & dilectionem. QUANDO Literæ vestræ venerunt ad me de annona & rebus Clericorum Compendiensium ponendis in satione, Canonici maximam partem earum asportari fecerāt. Quod verò residuum est, totum saliri faciam.

LVDOVICI Regis Francorum ad dominum Abbatem. EPIST. CLXI.

LVDOVICVS Dei gratiâ Rex Francorum & Dux Aquitanie, dilecto nostro SVGERIO eadem gratiâ venerabili Sancti Dionysij Abbati salutem & plurimam dilectionem. MANDASTIS nobis quatinus ad sedandam Compendij discordiam ad præsens ad partes iremus Compendienses. Verum, sicut benè nostis, iam plurimo tempore nihil de negotiis nostris facere potuimus. Vnde ad præsens negotiis nostris nos vocantibus, in partes Aurelianenses ire, ibique vsque ad festum Sancti Remigij moram facere disposuimus. Precamur itaque vos, vt interim nos patienter sustineatis, cum illuc sine vobis ire non velimus. Tunc H. vobis assumpto in partes Beluacenses ibimus, & tam illa quàm Compendij negotia secundum consilium vestrum terminabimus. Scire quoque vos volumus, quoniam ad Reginam matrem nostram Literas nostras misimus, quatinus Abbatem Compendiensem cum omnibus suis in pace dimittat, nullamque ei vel suis molestiam inferat: & vt verbum de iniuria filij sui & sua patienter vsque ad octabas beati Dionysij induciet. Mandauimus quoque Comiti RODOLFO & Comiti THEOBALDO, quatinus per vniuersas terras suas Abbatem Compendiensem de his, quæ ad Ecclesiam Compendiensem pertinent, salire & inuestire faciant.

BALDVINI Nouiomensis Episcopi ad dominum Papam EVGENIUM.

EPISTOLA CLXII.

SANCTISSIMO Patri & Domino EVGENIO Dei gratiâ summo Pontifici, BALDVINVS Nouiomensis Ecclesie Minister indignus, quidquid boni potest oratio vel affectus. ONERASTIS vt Dominus & Magister humeros imbecilles adeo, vt in exequendi operis iniuncti sollicitudine perurgente penè virtus exhausta deficeret. Nec enim leue vel modicum, Ecclesiam Compendiensem tam celebrem, tam famosam, tanta denique auctoritate subnixam, in alium statum quamuis præcipuum derepente conuertere: cum in huiusmodi Clericis, si tamen Clerici, consuetudo principetur antiqua, plûsque deterius inolitum quàm melius insolitum placeat & delectet. Sed ecce probastis nos ad aquas contradictionis, vbi vexatus est ille venerabilis Sancti Dionysij Abbas, vestræ sanctitatis seruus fidelis & prudens. Mirabiles elationes maris experti sumus, sed mirabilior & longè potentior in altis Dominus & summus Pontifex eius, qui miserunt nos. Denique perurgente sancta obedientia vestra, cum sciremus scriptum esse, *Servus sciens voluntatem Domini sui, & non faciens digna, plagis vapulabit multus*: voluntati vestræ propensius inhzrentes, suscepimus opprobria Clericorum exprobrantium Deo & vobis, & initiauius locum verè sanctum Religioni & Ordini: Monachos deputauimus, Abbatem virum Religiosum & strenuum canonicè electum constituimus, & in festiuitate beatorum Martyrum Cornelij & Cypriani, quæ celebritas ibi maxima est, Abbatem ipsum solemniter benediximus, & erit benedictus Deo volente, & gratia vestra confirmante. Sicque impleta veridica illa Domini sententia, *Omnis plantatio, quam non plantauit Pater meus celestis, eradicabitur*. Succisa est arbor, quæ etiam terram occupabat, & plantata est oliua fructifera in Domo Dei quæ de misericordia vestra sperat plurimum, & ad præsens indiget quamplurimum. Manus Domini Regis filij vestri gloriosi Principis fuit nobiscum, quem verè in hoc opere probauimus seruum Dei viuentis, qui dicere possit, *Domine dilexi decorem Domus tue*: & illud, *Zelus Domus tue comedit me*. Quomodo satagebat, quomodo ardebat igne Dei, vt fieret ista mutatio dextere Excelli? Sed & ipse nobiscum bibit de torrente, confusionem

A accepit, dissimulauit iniuriam, distulit Maiestatem. Prima die vocauit nobiscum Clericos in Capitulum. non venerunt. Sequenti die ipsemet profectus est, & vix eo compellente venerunt. Lectæ sunt Literæ, quas præfato Abbati pro hoc ipso opere per me direxistis, vt scitis: sed nec vestræ auctoritati delatum est. Vidimus ibi superbiam Moab, superbus est valde. Taceo quæ postea manus flagitiosa peregit, & quomodo fraude & præter horam intrauit Ecclesiam, reliquias sanctas asportare molitus. Quod & ex parte fecit, funes pendentes præcidit, ne fortè ad sonitum signorum populus conueniret. Quæ omnia præsentium lator sanctitati vestræ melius declarabit. Quid plura? superest, Domine, vt quod mutu Dei & vestro bonum accepit initium, auctoritas vestra stabilire, munire, confirmare studeat in perpetuum. Vnde viuant Monachi non habent. Clerici tam foranei quàm intranei, qui beneficia possident, nihil eis communicare volunt: sed magis habere videntur fiduciam, quòd Iordanis influat in os eorum. Rigatio plantationis nouellæ in manu vestra est, Domine: ne arescat, ne deficiat, quod omninò inimicus molitur. Pluuiam voluntariam segregate hæreditati Dei, & vestræ.

SVGERII Abbatis ad domnum EVGENIUM Papam.

EPISTOLA CLXIII.

B CARISSIMO Patri & Domino vniuersali Dei gratiâ & summo Pontifici EVGENIO, SVGERIVS beati Dionysij Abbas obedientia & seruitij plenitudinem. INTER omnia, & ex omnibus, sanctissime Pater, quæ vel auctoritate Apostolica, vel Maiestatis Regiæ præceptione paruitati nostræ concessa sunt negotia, hæc duo potissimum amplexatus sum: videlicet de statuenda Religione in beatæ Genouefæ Parisiensis & nobili Compendiensi Ecclesia, quæ de iure beati Petri vestra innititur auctoritate: vna de nobilioribus Galliarum, si infamis enormitas Canonico- rum inhabitantium non obstitisset, existens. Quod memorabile factum quare vel quomodo effectui mancipari potuerit, stupendo ammiramur, nisi quia manum Domini non inuadam, & Petri fortitudinem in his & his similibus & per omnia cognouimus. Subuersa sunt, Pater carissime, ad exequutionem sanctæ præceptionis vestræ castra iniquitatis, erecta sunt ibidem castra pietatis & sanctæ Religionis: vt in cubilibus, in quibus prius dracones habitabant, oriatur viror calami & iunci. Tenorem sanè actionis huius ex ordine sanctæ Paternitati vestræ scribere dignum duxeramus, nisi quia Abbas eiusdem Ecclesiæ ibidem nuper electus, nuper benedictus, vir venerabilis & approbata persona, ad vos tanquam ad Dominum & Patrem, cuius totus est, festinat: qui & actionis plenitudinem, & propriam conscientiam, quantum ad se spectat, exponet, & voluntatis vestræ, & plenæ obedientiæ exequutorem se exhibebit. Summatim tamen sanctæ discretionis vestræ celare nolumus molestias & opprobria, quæ pessimi Canonici etiam in præsentia Domini Regis intulerunt Domino Nouiomeni Episcopo & nobis: miserrimus ille Decanus specialiter, tantò audacior, quantò ex ipsa sui infamia vilior, & quidam alius Giraldu de Portu, aut illo miserior fœtore infamix, siue miserrimus, aliique plures domestica mala & rei familiaris spurcitiam deplorantes. Prima quidem die vocati ad auditionem mandati vestri ipsi Canonici venire contempserunt. Cùm autem se eos absentare, & præceptum vestrum nolle audire manifestè videremus, Clericis aliis, & populo multis millibus congregato mandatum vestrum de statuenda Religione in eadem Ecclesia coram exponi fecimus, Monachos ibidem deinceps sub Religione deseruituros significauimus. Præbendas Canonico- rum eos in pace possidere in beneplacito vestro, donec vobis quid inde fieret ordinare placeret, assistente Domino Rege promisimus. Ipsi verò Canonici ausu sacrilego irruentes in eandem Ecclesiam, sanctissimas reliquias spinæ Coronæ Domini, & sanctæ Syndonis, & thesauros eiusdem Ecclesiæ, insuper & Libros ac Sacerdotalia indumenta, ne haberent Monachi, vnde Deo seruirent, arripuerunt: nobis ex parte vestra reclamantibus propter eorum inobedientiam, altiùs solito cantauerunt, donec & Dominus Rex, & omnes qui aderant tam Clerici quàm laici, eorum ammirati insaniam, represserunt. Cùm autem sequenti die mandati vestri plenitudinem audissent, in iniquitate sua & inobedientiæ audacia permanserunt.

Tom. IV.

Zz iij

VENERABILI *Dei gratiâ Cluniacensi Abbati* PETRO, SVGERIVS *beati Dionysij Abbas salutem & deuotas orationes in Christo.* HONESTA materia precum multitudinem coartare consuevit. Indè est, quòd pro Ecclesia Compendiensi, quæ præcepto Domini Papæ de antiquo in nouæ Religionis statum mutata est, sanctitatem vestram obnixè rogamus, quatinus eam apud Dominum orationibus vestris adiuuetis, & domino Papæ vt eiusdem Ecclesiæ Abbatem virum venerabilem, approbatam personam, benignè suscipiat, & tanquam operi manuum sicut pius Pater & Dominus in omnibus prouideat, scribatis. Valete.

DOMINO & Patri venerabili *Dei gratiâ Clareuallensi Abbati* B. SVGERIVS *beati Dionysij Abbas idem mandat.*



SVGERII ABBATIS, SANCTI DIONYSII CONSTITVTIONES, ET TESTAMENTVM.

De commemoratione beate Mariæ apud S. Dionysium singulis septimanis, Sabbato scilicet & v. feria, & de refectione Fratrum eisdem diebus.

CONSTITVTIO I.

IN nomine Patris, & Filij, & Spiritus sanctus, amen. Ego SVGERIVS *Dei gratiâ Ecclesiæ beatorum Martyrum Dionysij, Rustici, & Eleutherij, humilis Minister.* Quia larga Dei omnipotentis propitiatione contra spem meriti morum & generis, paruitatem nostram etiam absentem, & in Curia Romana negociantem, ad sanctæ huius Ecclesiæ administrationem accessisse, diuinamque potentiam me de manibus inimicorum quærentium animam meam, in hac eadem sancta Ecclesia laudabiliter ac mirabiliter liberatum eripuisse veraciter constat: decet, & omninò expedit pusillitati nostræ, toto mentis affectu eam commendare & exaltare, Fratresque nostros Domino Deo famulantes honorare & fouere: vt & diuini cultus exhibitione in præsentiarum diuino aspectui placere valeamus, & in futuro aliquam diuinæ retributionis porciunculam in æternæ felicitatis gremio obtineamus. Vnde ad honorem Dei omnipotentis, & beatæ Dei Genitricis sempérque Virginis Mariæ, in Capitulo nostro generaliter residentes, ipsius sanctæ Dei Genitricis memoriam continuare, attollere, decorare constituimus: eo videlicet tenore, vt deinceps æternaliter secundùm quod in catalogo huius Institutionis intitulatum est, omni die Sabbati solemniter celebretur, quemadmodum in octauis Pentecostes tribus extremis diebus: præter quod septem Psalmos, cum Letania & Vigiliis mortuorum, dimitti prohibemus. Quia enim ipsam sacrosantam Dei Genitricem, Angelorum & hominum Reginam, seculi præsentis deuocatione, & miseræ vitæ huius breuitate seruire non sufficimus, Fratres nostros qua possumus prece & gratia ad eiusdem sanctissimum & Deo dignissimum cultum incitamus, posterisque nostris tam prece quàm priuilegij adstipulatione, ipsum sanctissimum & iocundum Deo famulatum in perpetuum continuamus. Gloriosissimi præterea & dulcissimi patroni nostri sanctissimi Dionysij, sociorumque eius, quorum mirabili & ineffabili beneficio educati, docti, & adiuti sumus, huius sanctissimæ Dei Genitricis memoriam eodem ordine & eadem paritate in v. feria secundamus. Incessanter

A enim tam sancto & Apostolico Domino nostro in vita & post mortem, saltem hoc modo famulari operæpretium duximus: ut tantorum eius memores beneficiorum, pronum & propitium suffragatorem in extremo & terribili iudicii die apud districtum Iudicem attingamus: & quemadmodum eius presentibus, ita & futuris participantes beneficiis, saltem aliquam beatitudinis æternæ extremitatem secus pedes Domini ac Magistri nostri feliciter obtineamus. Et quoniam Fratres nostri tanquam carissimi filij mandatis nostris obediens, tam se quam successores suos huic seruitio deuouerunt, eisque successoribus suis per omnium successionem temporum omni hebdomada, in ipsis celeberrimis memoriarum sanctarum diebus, siue eas faciant, siue conuenienter occasione alicuius præcipuæ solemnitatis Vigiliarum aut Quadragesimæ mutent, cotidianum sex solidorum generali *iv. solid.* ut decem fiant, ad refectiorem augmentamus, & augmentatum per Deum omnipotentem, & districti iudicii terribilem examinationem permanere indeficienter obtestamur. Ne ergo alicuius occasione auaritiæ aliquando sopiatur, ex iis quæ nostro augmentata sunt labore, videlicet de pedagico, quod in strata colligitur, *x. libras & x. solidos* in feria *vii.* ex redditibus nostris de Vilcassino, & decimis à glorioso Rege Francorum *LVDOVICO* concessis, & constituimus, & confirmamus. Præterea Dei omnipotentis seruitio, Fratrumque nostrorum sustentationi benè deuoti, transitoriis æterna commercando, in compassione laborum & consolatione eorum quasdam solemnitates honorabilius & solito deuotius celebrari dupliciter constituimus: videlicet Theophaneam, Ascensionem Domini, sancti Ioannis Baptistæ Natiuitatem, beatæ Mariæ Magdalenæ demigrationem, ortum beatissimæ semperque Virginis Mariæ, preciosissimorum Martyrum Thebæorum solemnitatem. Singulis autem præfatis solemnitatibus *cx. solidos* ad tantarum exaltationem, Fratrumque nostrorum refectiorem, quorum *lx. solid.* de præfato pedagico, & *lx.* de Præpositura Vilcassini persoluentur, vehementer confirmamus. Quod si casu quocumque vel occasione aliqua, quod absit, præfati redditus diminuerentur nimis, aut omninò deficerent, ex aliis Ecclesiæ huius redditibus suppleri, & ab Abbate reformari, æquè Dei omnipotentis auctoritate præcipimus. Refectionibus quoque eorum vespertinis, quas dicunt Cœnas, quoniam à puero & cotidiana Officialis earum declamatione aliquibus cognouimus indigere incrementis, decimam de S. Luciano vsibus nostris deseruientem contulimus: eo videlicet tenore, ut & inde anniuersarium nostrum post decessum huius vitæ in perpetuum faciant, & in eo decem solidos refectiioni suæ à meo Cœnatore recipiant. Quapropter à carissimis Fratribus filiisque nostris, cum quibus diuinam effugere indignationem, & misericordiam assequi sollicitè præoptamus, præter peculiare eorum orationes, dum hac luce præsentipotimur, omni *v. & vii.* feria, qua præfata celebrari poterunt memoriæ, ad peccatorum meorum dispositionem, miserimæque vitæ huius directionem, in omnibus tam nocturnis quàm diurnis Horis Psalmum vnum, *Ad te leuauit*: & post miseri corporis huius dissolutionem, in ipsis sanctarum memoriarum diebus, *De profundis clamaui*, per omnium curricula tēporum misericorditer fidissima & irrefragabili promissione mihi, meisque successoribus obtinuimus. Hoc vno, & speciali, continuoque sperantes, sanctæ Dei Matris, Sanctorumque aliorum suffragio, Fratrum nostrorum successiua intercessione, delictorum sordes deponere, & saltem vel in die Resurrectionis Domini misericordiam in aliqua paradisi extremitate impetrare. Gloriosissimi quoque *LVDOVICI* Regis Francorum, post strenuissimam Regni eius administrationem, anniuersarium fieri singulis annis & mandamus, & constituimus: & ut eadem die de præfatis Vilcassini decimis ab eo nobis collatis, *xx. solidos* propriæ refectiioni habeant præcipimus. Et ut hæc nostra Fratrumque Institutio, præsentisque Cartæ longævitas nulla præsumptione, nulla temeritate defraudetur aut destruat, in Capitulo nostro generaliter residentes, Clauo & Corona Domini, & Sancti Simeonis brachio, Dei omnipotentis omniumque Sanctorum auctoritate perpetuum anathema, & gehennæ ignes violatoribus imponimus, & imprecamur: conseruatoribus verò, & Privilegij huius defensoribus vitam æternam. Ego *PETRVS* Sedis Apostolicæ Presbyter Cardinalis & Legatus laudo & confirmo. Ego *GREGORIUS* Sancti Angeli Diaconus Cardinalis & Apostolicæ Sedis Legatus laudo & confirmo.

CONSTITVTIO II.

IN nomine sanctæ & indiuiduæ Trinitatis. Ego SVGERIVS Ecclesiæ beati Dionysij humilis Minister. Quoniam paruitatem nostram ad amministrationem Ecclesiæ gloriosissimorum Martyrum Dionysij, Rustici, & Eleutherij, diuinæ placuit dispositioni promouere, debemus & volumus, quantum valemus, vt dignum est, filialis affectu deuotionis, eiusdem matris nostræ honori ac libertati in omnibus prouidere. Vnde tam præsentium ætati, quàm futurorum posteritati palam fieri volumus, quoniam oppidani & mansionarij villæ beati Dionysij de exactiōe consuetudinis pessimæ, quæ mortua manus dicitur, & à tempore prædecessoris nostri YVONIS Abbatis inoleuisse consulta veritate probatur, admodum grauati & afflicti, non iure debito antiquæ consuetudinis, sed ambitiosa introductione nouellæ exactiōis, nostram adierunt præsentiam: votis & precibus humiliter implorantes, quatinus eos, & eorum heredes à tam prauæ exactiōis & oppressiōis iugo eriperemus. Quocirca communicato ex more cum Fratribus nostris consilio, eorum petitioni vnanimiter assensum præbuimus: quippe dignum esse arbitantes, villam beati Dionysij, quæ inter omnia prædictæ Ecclesiæ merito singularis priuilegij & principatū obtinet, & præsentiam preciosissimorum Martyrum specialiùs eminet speciali prærogatiuâ, quam sibi iure vendicat, præ ceteris sublimius & propensius honorare. Omnibus igitur in prætaxata villa in terra beati Dionysij, siue sub viatura eius manentibus, prædictas exactiōes huius tenore, & stabilitatis firmissimæ monumento in perpetuum relaxauimus: quòd ipsi ad introitum Monasterij beati Dionysij renouandum & decorandum ducentas libras nostra dispositione & prouidentia ad idem opus expendendas nobis contulerunt. Præterea quosdam de Sancto Marcello in hac exactiōis absolutiōe & alleuatione admisimus. Fulconem filium Elynandi, & Herleuuinum cambitorem cum heredibus suis. Cùm autem contigerit præfatos burgeneses proles suas nuptiis tradere, post mortem earum, si absque heredibus obierint, parentes in villa beati Dionysij manentes mortuam manum habebunt, etiamsi propinquior aliquis fuerit, qui in terra beati Dionysij, vel sub viatura eius mansionem in præfata villa minimè habuerit. Si aliquando etiam euenerit, vt filias suas hominibus alieni iuris maritent, nullatenus eis mortuam manum concedimus: sed in ius reuocari omninò petimus atque præcipimus. Enimuerò, sicut iustum esse euidenti ratione perpendimus, iniustas exactiōes ab hiis quos affligunt & opprimunt, pia consideratione remouere: ita indignum esse censuimus, hiis, qui se & sua nobis subtrahendo dominium Ecclesiæ nostræ subterfugere comprobantur, remissionis spontaneæ gratiam, vt pote beneficia ingratias, communicare, quam pro salute animæ meæ, & antecessorum & successorum nostrorum, & honore Ecclesiæ nostræ, & conseruatorum nostrorum, ex beniuolentiæ affectu placuit præstare. Ne quis verò impostero simili inductus exemplo, licet non pari voto, de reliquis Ecclesiæ beati Dionysij prædiis idem præsumat ausu temerario agere, ex auctoritate Dei omnipotentis, & beatorum Martyrum Dionysij, Rustici, & Eleutherij, interdicimus sub anathematis interpositione. Quod autem beniuolentiæ studio & compassionis affectu peregrimus, Regij monumento sigilli & consensu vna cum bulla nostra ad perpetuum monumentum, subscriptis auctoribus & testibus, vt deinceps illibatum permaneat, confirmari & corroborari fecimus. Actum in Monasterio beati Dionysij in generali Conuentu, præsidente domno SVGERIO venerabili Abbate eiusdem Monasterij, tertio amministrationis eius anno, Incarnationis autem Dominicæ M C X X V. die Dominica, Idus Martij, Luna VII. Indictione III. Epacta XIV. concurrente III. regnante LVDOVICO glorioso & illustri Francorum Rege, XVII. amministrationis suæ anno, & præsentem condonationem confirmante. Ego SVGERIVS Abbas subscripsi, & sub anathemate violatores huius priuilegij collocaui. Burgenfibus pro anima mea in die obitus mei eleemosynam vnā per vnāquamque domum se facturos spondentibus. Testante Gausberto Priore, Christiano Thesaurario, Viuiano Cantore, Radulfo filio Antelmi, Gregorio & ceteris Sacerdotibus, Philippo Diacono. Testante Guillelmo de Sancto Clodoaldo,



A Frederico, Herberto, Henrico, Subdiaconis: Garnerio, Roberto, Petro, Fortino, Acolytis: Gaufrido, Godefrido, laicis: Guillelmo de Cornelione, cum Guillelmo filio suo, Yuone filio Sugerij, cum Adam filio suo, Hugone de S. Dionysio, Hilduino, Scherio, Itherio. Ego Gregorius domni SVGERII Abbatis Cancellarius relegi & subscripsi.

LYDOVICVS
VII. IV-
NIOR.

TESTAMENTVM SVGERII ABBATIS.

CONSTITVTIO III.

IN nomine sanctæ & indiuiduæ Trinitatis, Patris, & Filij, & Spiritus sancti; amen. SVGERIVS Dei patientia Ecclesiæ beati Dionysij humilis Minister. Cum magna multitudo dulcedinis Domini, quàm abscondens timentibus se perficit eis qui sperant in eo, meipsum mihi larga propitiationis suæ affluentiam restituere vellet, memorem me faciens iniquitatum mearum antiquarum, ut citò anticipet me misericordia eius: post mundi huius rotabiles & impulsuos scopulos, post longam & penè curis Ecclesiæ & aliis consumptiuam corporis & animæ dilapidationem, ad suffragia Sanctorum, quorum seruicio desudaueram, licet non sicut debueram, & Fratrum nostrorum ibidem in sancta & Domino acceptabili religione deseruientium votiuas confugiens orationes, in Capitulo cum eis, sicut eram solitus, bona pace resedi. Cumquē de eis, & in eis post Dominum confidens, tanquam ægrotus fideli medico sollicitudinum mearum languores replicare, annos meos in amaritudine animæ meæ reponens, deplangere & abhorrere introrsum cœpi: meam circa diuinorum beneficiorum largitatem, longam ingratitude repræsentans mihi, quomodo valida Domini manus me pauperem de stercore erexerit, quomodo & ante honorem hunc cum Principibus Ecclesiæ & Regni confedere fecerit, qualiter me immeritum & absentem pace omnium in hac sancta Sede sublimauerit: qua munificentia Dominorum nostrorum Apostolicorum, Dominorum Regum, Principum, & populorum, sopitis æmulorum insidiis beniuolentiam nobis conciliauerit, in omnibus omninò tam spiritualibus quàm temporalibus prosperatus fuerit. Et dum tantis debitis obnoxius astringor, de retributione timidus clamans commoueor: *Quid retribuam Domino pro omnibus quæ retribuit mihi?* Vnde tactus dolore cordis intrinsecus, parans fugam, ad verum vitæ protectorem toto mentis & cordis affectu, Fratrum nostrorum, & omnium & singulorum genibus prouolutus, in ea qua Christus nos dilexit caritate ad vniendum nos sanguinem suum fundens, ut opem ferat suppliciter efflagito. Pro quorum certè quiete laboribus inpræsentiarum me expono, ad parandam quantulumcumque quietis futuræ portiunculam tremens & deuotus reclamo. Et quoniam qui cum Domino ambulant non possunt esse expertes caritatis (ardet enim cor eorum dum loquitur eis in via) subito venerabilis ille, & Domino propinquus, quorum iam conuersatio est in cœlis, Chorus ab alto condescendens in valle mœroris mei, ut Patres, & Fratres, & Filij, ætate, caritate, obedientiâ, largam manum misericordiæ porrigunt, & quæ viuo, quæ defuncto suffragia præparent, & voce & scripto determinant. Votiuæ siquidem nobis lege inconuulsa veritatis, quæ Christus est, & præsentis Chartæ memoriali confirmatione sancientes, toto tempore vitæ meæ, omni die Missam de Spiritu sancto celebrari: ut Spiritus sanctus paraclytus, qui est remissio omnium peccatorum, nobis peccata remittat, consolationem tribuat, rorem misericordiæ infundat. Cuius sancti sacrificij continuatio omni die in Capitulo cum à prioribus Sacerdotum incœpta & reincœpta per iuniores eiusdem ordinis perrexerit indeficienter, ad priores redibit. Et hoc quidem quamdiu Domini misericordiâ superuixerò. Cum autem miserrimum huius vitæ hominem exuero, per omnia curricula omnium annorum & temporum, pro remedio animæ meæ, & Fratrum & benefactorum Ecclesiæ, eo quo diximus ordine, Missam sancti Spiritus, Requiem æternam pronunciantes & decantantes, diuinam nobis tali perseverantiâ salutaris hostiæ reconciliabunt propitiationem. Anniversarium siquidem exequiarum mearum diem, diem terroris, calamitatis, & miseriæ, omni anno tali ac tanto in operibus misericordiæ releuabunt suffragio. In

LVDOVICVS
VIL. LV-
NIOR.

Conuentu plenum persoluent officium quotquot in Sacerdotali Ordine fuerint, A eadem die Domino Deo sacrificium pro nobis misericorditer offerentes. Reliqui verò Fratres L. Psalmorum oblatione nobis apud Dominum subuenient. Qui verò eos nescierint, ea qua poterunt nobis oblatione misericorditer succurrent. Eget enim paruitas nostra & magno & paruo. Et quoniam tanquam carissimi & dulcissimi Fratres, quæcumq; ab eis bona exegi fideliter repromiserunt; hoc etiam à toto Capitulo obtinuimus, vt de Capicio, Capiciarius Frater, quicumque sit ille, refectiorem Fratribus in Refectorio ipsa die anniuersarij nostri accuratè persoluendo, procuret: duas videlicet omnibus communes, non qualescumque, sed plenarias & aptas exhibendo pirantias. Frater etiam Cellarius generale suum more solito proponat. Pigmentum habeant Fratres de Camera & Cellario. Rogamus autem suppliciter, ne Frater ille, siue nos viderit, siue minimè, expensas istas ægrè ferat, cum in magna parte officij eius multas exsoluentes expensas solliciti fuerimus: videlicet in magni & noui ædificij Ecclesiæ augmentatione, in ædificatione magnæ & caritatiuæ Domus Hospitum, in reparatione & renouatione Domus Dormitorij & Refectorij, & in augmentatione obedientiæ Thesauri, & in multis aliis tam Ecclesiæ quàm Officinarum sumptuosis operibus, quas enumerare supersedimus, ne inanis gloriæ, aut alicuius arrogantis titulo, quo animæ meæ opus non est, imputeretur. Potissimum enim hæc reponimus, vt successorum Fratrum & beneuolentiam & deuotionem acquiramus. Verum quia eleemosynarum largitione peccata redimuntur, in hoc etiam Fratres nostri carissimi mihi prouidentes firma sanctione constituunt, vt omni anno die anniuersarij mei panes duorum modiorum frumenti, quatuor modios vini, sexaginta solidatas carniū, tam Prior huius Ecclesiæ, quàm Eleemosynarius Monachus, vt etiam & ipsi in hoc beneficio participant, se præsentè distribui faciant: videlicet in ipsa magna Domo Hospitum, vt & locus & opus Domino miserante nobis cooperentur in bonum. Et dum pauperes Canonici in Domo Sancti Pauli, quibus etiam pro remedio animæ meæ aliquid acquisiui, & alij Clerici Capellani cum persoluerint debitum anniuersarij aut in Ecclesia Sancti Pauli, aut in loco sepulturæ meæ, si Dei misericordia hoc in loco eam indulserit mihi, in Refectorio suo conueniant, & de ea quam supra determinauimus eleemosyna modium vini & centum panes ad libram & qualitatem Fratrum à Priore & Eleemosynario recipiant. Vnde verò & vbi tam frumentum quàm vinum & denarios habeant, determinare curauimus: videlicet in tempore messis à Trembliaco frumentum. Eam enim ibidem multum amplificauimus, & in ædificio exteriori curiæ & horreorum, & aliis quibuscumque modis. Item in tempore vindemiæ à Ruolo quinque modios vini de ea quam fecimus apud Louecenas noua acquisitione. Adquisiuius enim ibi fermè sexaginta modios vini omni anno. Denarios verò de Francorum-villa xx. solidos. Item de marsupio cambiatoris & thelonearij x. solidos, pro ea recompensatione quod nos retraximus de manu Vrselli Iudæi de Montemorenciaco x. solidos, quos arripiebat omni hebdomada in eodem marsupio occasione vadimonij. Expendimus enim tria millia solidorum pro retractione horum denariorum, & illius villæ quæ dicitur Molignum, quæ ab eodem Iudæo tenebatur vadimonio. Rogamus etiam Fratres nostros, vt eadem die ea, quæ diuina munificentia in tempore administrationis nostræ eidem Ecclesiæ contulit, siue palliorum, siue auri aut argenti ornamenta exponant, aut in Missa, aut sicut eis placuerit. Et vt Fratrum deuotio sacris orationibus esurienti animæ meæ miserrimæ accumuletur, & successorum Abbatum instantia circa cultum Ecclesiæ Dei animetur. Et quoniam omnia membra capiti suo debent cooperari, in omnibus Cellis vbique terrarum anniuersarium nostrum secundum locorum quantitatem & possibilitatem fieri petimus. Videlicet apud Argentoilum, quem locum per multa tempora trecentorum annorum ab Ecclesia ista alienatum, & Mopacharum extraordinaria leuitate penè prostratum, labore nostro, præsidente & priuilegio firmante summo Pontifice HONORIO bonæ memoriæ, regnante & concedente inclyto Rege LVDOVICO, restitui elaborauimus: vbi Fratres eadem die de Sartoris-villa x. solidos Refectorio habeant, & hac eadem panes vnus modij frumenti, & duos modios vini, tam pro remedio animæ meæ, quàm pro salute Fratrum nostrorum tam viuorum quàm defunctorum, pauperibus erogare irrefragabiliter omni anno non desistant. Omni

A verò secunda feriâ & tertia Missam pro me & pro aliis defunctis celebrabunt. In strata verò, vbi dominus noster post Dominum ter beatus Dionysius toto trecen-
 LUDOVICVS VII. IV-
 NIOR.
 torum annorum tempore quieuit : vbi tam pro extollenda Sanctorum Domini laude, quàm pro multis, quas ibidem per decennium commoratus iuuenis ætate & moribus commisi, offensis, duodecim Monachos cum tredecimo Priore, ad seruiendum Deo & sanctis Martyribus, regulariter inhabitare decreuimus. Quorum etiam Refectorio apposuimus villam Molignum, quam de manu Vrselli Iudæi, vt suprâ diximus, retraxeramus : & iugem apud Dominum orationem, & anniuersariû, & Missam pro defunctis omni hebdomada feria quarta deuotè postulando impetrauimus. Corboilo verò, apud sanctam Dei genitricem Mariam, quem locum sacratissimum & ædificare, & amplificare incipientes, si Dominus nobis dederit vitam, perficere firmissimè proposuimus, similiter & anniuersarium nostrum & Missam pro defunctis in hebdomada feria quinta deuotè exposulauimus. Ea autem, quam nos in Episcopatu Metensi acquisiuimus, Cella, in ea quæ celebrata est Maguntiz Curia, similiter ei iugem orationem, & anniuersarium nostrum, & Missam pro defunctis, feria sexta deuotè expetiuimus. Item & apud Sanctum Alexandrum venerabili loco Lebrahæ Missam pro defunctis feria septima, anniuersarium nostrum, & diuinas pro nobis aures sollicitare implorauimus. Nec minus in omnibus beati Dionysij Cellis, tam propinquis quàm remotis, anniuersarium nostrum, orationumque instantiam, Missam pro defunctis semel in hebdomada rogantes, obnixè impetrauimus. Et quoniam Fratres nostri carissimi suppliciter à nobis rogati libenter petitionibus nostris, scientes nos magno indigere auxilio, acquieuerunt, pulsamus eos prece, pulsamus & præcepto, & in ea, qua Christus in ara Crucis Deo Patri se obtulit, obedientia adiurantes obtestamur, ne deinceps per omnia temporum curricula, successiuus Fratrum succedentium temporibus, ab hoc quod nobis firmauerunt suffragio desistant, promissum reddant, votum persoluant, sicut responsuri in extremo districti iudicij die, cùm nos inuicem viderimus in eo qui nos & actus nostros per omnia videt, qui nos ipsos sibi viuere dignetur per omnia secula seculorum, amen.

A C T V M apud Sanctum Dionysium in communi Capitulo xv. Kalend. Iulij anno incarnati Verbi M C X X X V I I. Indiçt. xv. Epacta x x v i. Concurrente iv. Luna x x i v. anno verò administrationis nostræ x v i.

Signum domni Heruei Prioris.

S. Teuini Subprioris.

S. Bernardi Præcentoris.

S. VVillelmi Chartographi.

S. Stephani Thesaurarij.

S. Gaufridi Capiciarij.

S. Iohannis Infirmarij.

S. Henrici Cellararij.

S. Alberti quondam Abbatis.

S. Vincentij quondam Abbatis.

S. Christiani Sacerdotis.

S. Rodulphi Sacerdotis.

S. Adæ Sacerdotis.

S. VVildrici Sacerdotis.

S. Philippi Sacerdotis.

S. Roberti Sacerdotis.

S. Petri Sacerdotis.

S. VVillelmi Sacerdotis.

S. Iohannis Diaconi.

S. Giraldi Diaconi.

S. Hugonis Diaconi.

S. Arnulphi Diaconi.

S. Theobaldi Diaconi.

S. Richardi Diaconi.

S. Salomonis Diaconi.

S. VVillelmi Diaconi.

S. Girardi Diaconi.

S. Rainerij Diaconi.

S. VVillelmi Subdiaconi.

S. Hugonis Subdiaconi.

S. Rodulphi Subdiaconi.

S. Ataldi Subdiaconi.

S. Huberti Subdiaconi.

S. Eustachij Subdiaconi.

S. VVineberti Subdiaconi.

S. Gilberti Subdiaconi.

S. Radulphi Subdiaconi.

S. Petri Subdiaconi.

S. Hemelini pueri.

S. Ernaldi pueri.

S. VVarnerij pueri.

S. Ilberti pueri.

S. Philippi pueri.

S. Petri pueri.

S. Cononis pueri.

S. Bernerij pueri.

S. VVidonis pueri.

S. Amblardi pueri.

S. Gosleni Successionis Episcopi.

S. Gaufredi Carnotensis Episcopi.

S. Hugonis Turonensis Archiepiscopi.

S. Samsonis Remorum Archiepiscopi.

Super rebus pluribus Ecclesia Sancti Pauli concessis à SVGERIO Abbate, & modio vini, & centum panibus in die obitus sui.

CONSTITVTIO IV.

IN nomine sanctæ & indiuiduæ Trinitatis, Patris, & Filij, & Spiritus sancti, amen. SVGERIVS diuina gratiâ beati Dionysij Ecclesiæ Abbas. Quia Dei omnipotentis larga miseratione paruitatem nostram promoueri, & ad huius Ecclesiæ regimen contigit sublimari, multa nobis sollicitudine & continua instandum est curâ vtilitatibus seruorum Dei deseruire, Catholicam Ecclesiam & Ecclesiæ seruitores honorare: quatinus in extremo districti examinis terribili die, *Fuge serue bene & fidelis*, à Domino Deo mereamur audire. Vnde nouerit tam præsentium quàm futurorum industria, quòd ego SVGERIVS Ecclesiæ beati Dionysij Abbas, consensu Fratrum nostrorum Ecclesiam beati Pauli, quæ quasi capiti membrum Ecclesiæ nostræ inhæret, honorare & exaltare decreuimus, & proposuimus: tum quia beati Pauli Magistri Gentium prædicatione Dominum & protectorem nostrum beatum Dionysium obrinuimus; tum quia quicquid ei honoris & vtilitatis conferimus, quoniam nostra est, ad honorem & vtilitatem nostram totaliter referetur. B Claustrum siquidem Ecclesiæ eiusdem, Officinas in Claustro, & domos Claustri, quas habent, & quas circum Claustrum habere poterunt, ad ædificandum proprias Ecclesiæ mansiones, & Canonicorum domos, libertate irrefragabili, & immunitate totius exactionis donamus: nec ibi tantum, sed vbicumque habuerint domos suas, quamdiu in eis habitauerint, & domus, & res eorum, & propriæ familiæ liberamus. Si autem de manibus eorum ad alias personas deuerint, in potestatem iudiciariæ potestatis lege villæ redibunt. Res oppidanorum nostrorum, vel aliorum hominum in domibus eorum nulla defendet libertas. Hoc tantum fiet, quòd res aliorum per Clericos S. Pauli potestati nostræ reddentur. Latrones suos de familia sua, & qui eis furati fuerint, eorum sit ad iustitiamdum. Fugitiuos alios latrones potestati nostræ reddent. Similiter & alios, qui ad eos confugerint, reos. Si autem inter eos & nos quæstio de aliqua re fuerit, quòd Clerici poterint inde iurare, aut per se, aut per legalem personam, sine alia contradictione teneant. Vt autem omni omnium temporum successione pro me peccatore, & pro Fratribus nostris tam præsentibus quàm præteritis atque futuris, Dominum nobis propitiari exorent, de opulencia nostra eorum volentes aliquantulum supplere inopiam, (serui enim Dei sunt sicut & nos, conserui autem sunt nostri) C XL. solid. quos irrefragabiliter de Duolio habebant, omni anno capient de censu mansi Arnulfi, & modium vnum annonæ in molendino vno, quod est apud villam, quæ dicitur Vlmechon. Modium autem vini in Cellario & x. solid. de censu vini clamatorum in vtraque S. Pauli solemnitate, ad Canonicorum videlicet refectiorem, vt iocundiùs & deuotiùs Deo sanctoque Paulo deseruiant, singulis annis concedimus. Adhuc autem eidem Ecclesiæ Sancti Pauli Ecclesiam concedimus S. Ioannis, quæ est in atrio S. Dionysij sita, & medietatem decimæ cuiusdam villæ, quæ dicitur Hablegias, & quartam partem decimæ de Barcheniaco, & medietatem decimæ alterius villæ quæ dicitur Campiniacus. Rogamus etiam Fratres nostros, vt pro Dei amore & nostro, qui, quantum molestia corporis sustinet, Ecclesiæ seruituti desudamus, eidem Ecclesiæ S. Pauli modium vini & centum panes ad libram atque mensuram panis nostri de Refectorio, ad refectiorem in Refectorio S. Pauli tam Capellanorum huius villæ, quàm Canonicorum, in die anniuersarij mei, sicut scriptum est in Carta Testamenti nostri, concedant: eo pacto & ea conuentione, vt in die anniuersarij mei, si Dei pietas infra septa huius Ecclesiæ me sepeliri permiserit, omni anno ad sepulturam meam conuenientes, animæ meæ offerant. Sin autem, in Ecclesia S. Pauli. Sed & idè nihilominus hæc eis concessimus, vt pro his & aliis beneficiis in obitu singulorum Fratrum nostrorum Monachorum huius Ecclesiæ, ad corpora eorum nondum sepulta conueniant, ibique commendationem animæ faciant, & ad sanctum Hilarium pro ea Missam celebrent.

Abrent. Si verò Ecclesiam istam foris inobedientia Monachus noster finierit, si-
militer apud S. Hilarium fratris nostri finē audito conueniant, ibique commen-
dationem animæ facientes, Missam pro eo celebrent. Pro decantatione verò Psal-
terij, quam post Matutinos nostros se non posse facere testati sunt, statutum est,
vt postquam Frater noster defunctus sepultus fuerit, in crastinum, vel infra tri-
duum post sepulturam eius conueniant in Ecclesia Sancti Pauli, & recitatione
Psalterij commendationem animæ, & Missam pro eius anima pariter decantent.
Nec prætereundum est, quòd **A D A M** piæ memoriæ Abbas in dedicatione Ec-
clesiæ beati Petri dotem eiusdem ampliavit pro Matutinis decantandis in vigi-
lia beati Dionysij, idēque præbendam plenariè restituit sub manu & anathema-
te domini **CONI** Cardinalis, & Archiepiscopi Eurohic*, & Clarembaldi Epi-
scopi Siluanectensis, quam **ROBERTVS** Rex magnæ pietatis à Capitulo suis
precibus impetrauerat. Idem Rex post Matutinos beati Dionysij in Ecclesia beati
Pauli opera misericordiæ & orationes prosequens, dum Ecclesiæ humilitatem &
Clericos eiusdem benignè Dei seruitio vacare prospiceret, vt ei Deus propitiaretur,
de fisco suo eidem Ecclesiæ donauit molendinum de Sancto Luciano, & mo-
lendinum iuxta Pontem-Malberti ad fontem positum. Tertium verò paruum,
qui diu aquarum superabundantiâ incertis temporibus infructuosus cessat: fur-
num de Sancto Marcello, & furnum de porta Basuini integro misericordiæ affe-
ctu, supplicatione & meritis Clericorum, communis benefactorum manus attri-
buit. Clausum de Strata, clausum de Cormeliis, & clausum de Montemorencia-
Bco: clausum de Diogilo, & quantula census portio circa villam & infra adiacet,
supplicatione & meritis eorumdem Fratres se Dei seruitio & eleemosynis adiun-
gentes eidem Ecclesiæ misericorditer impenderunt. Actum & roboratum in Ca-
pitulo beati Dionysij, anno incarnati Verbi **M C X X X V I I I**. Indiēt. xv. Epa-
cta **xxvi**. Concurrente **iv**. Anno verò amministrationis nostræ **xvi**. Signum
domini **S V G E R I I** Abbatis, S. Heruei Prioris, S. Bernardi Præcentoris,
S. Stephani Thesaurarij, S. Gaufridi Capicerij, S. Christiani Sacerdotis, S. Ioan-
nis Sacerdotis, S. Garnerij Sacerdotis, S. Ioannis Diaconi, S. Theobaldi Dia-
coni, S. Hugonis Diaconi, S. Rodulphi Subdiaconi, S. Bernerij Subdiaconi,
S. Petri Subdiaconi, S. Ernaldi pueri, S. VVidonis pueri, S. Philippi pueri.

De Culura Indiēt.

V.

NO T V M fieri volumus tam præsentibus quàm posteris, quòd ego **S V G E-**
R I V S Dei patientiâ beati Dionysij humilis Minister, communi fauore
Capituli nostri Culturam, quæ iuxta Indiētum est, quam gloriosus Rex Fran-
corum **L V D O V I C V S** beato Dionysio dedit, Eleemosynæ ad sustentatio-
nem pauperum Christi pro remedio ac salute animæ meæ in perpetuum te-
nendam concessimus. Et vt hoc ratum existat, scripto mandari, & sigillo no-
Cstro confirmari fecimus.

De area empta à Girardo Hospitalario.

V I.

IN nomine sanctæ & indiuiduæ Trinitatis Ego **S V G E R I V S** Dei gratiâ
Abbas Sancti Dionysij, commendo memoriæ tam præsentium quàm futuro-
rum, quòd Robertus Aurifaber per consensum meum & totius Capituli nostri
emit à Girardo Hospitalario aream vnā ad domum faciendam ante Monaste-
rium Sancti Dionysij. Quam empram aliquanto ei spatio ampliaui, & ita amplia-
tam concessi, dedi ei, atque firmaui per consensum Capituli: ea libertate, vt tam
ipse quàm hæres eius liberam habeant potestatem commutandi eam, dando aut
vendendo, aut quouis modo voluerint cuilibet vel burgenſi, vel rustico, vel ser-
tienti sub potestate Sancti Dionysij. De qua pactione vt minus abalienari possit,

Tom. IV.

A A a

LYDOVICVS
VII. LV-
NIOE.

dabit singulis annis infra octabas Sancti Dionysij coclear vnum argenteum ponderis vnus vncie. Et hoc statutum ne quis irritare præsumat, sigilli nostri testimonio auctorizamus. Et ego MATHEVS Dei gratiâ Albanensis Episcopus, & Apostolicæ Sedis Legatus, hoc sicut Abbas concessit nostro sigillo confirmo. Huius autem pactiois testes sunt, Gaufridus Carnotensis Episcopus, Odo Prior S. Martini de Campis, Iosbertus Prior S. Dionysij, Arueius Capicerius S. Dionysij, & totus Conuentus eiusdem loci.

De Villis beati Dionysij abstractis, videlicet Blitestorp, & aliis.

V I I.

IN nomine sanctæ & indiuiduæ Trinitatis. Ego SVGERIVS Abbas Ecclesiæ beati Dionysij. Notum sit omnibus præsentibus & futuris, quod ALBERTVS COMES MORSPENCENSIS, vir summæ discretionis & prudentiæ, spiritu timoris, qui vbi vult spirat, ad viam veritatis reuocatus, & per se & per suos nostram & nostrorum Fratrum adiit præsentiam: obnixè deprecans, & summo opere expostulans, vt erga eum misericorditer ageremus, & ab antiquo & continuato anathematis vinculo exueremus. Duxerat enim isdem nobilissimus Comes nobilissimam coniugem, videlicet filiam THEODERICI viri clarissimi DE MONTE-BELIARDO; in cuius matrimonio contraxerat quasdam possessiones de hereditate beati Dionysij, videlicet Blitestorp, Tatingum, Sulees, Fardulviler, Fehingaviler, Hoenchirche, Tornesvile, Precene. Nos autem eundem venerabilem virum in parte resipiscensem, misericordiæ visceribus infra gremium matris Ecclesiæ, à qua exhorbitauerat, quia colligentes cum Deo ambulare decreuimus, & cum eo non mortem peccatoris, sed magis conuersionem & vitam desiderantes, prædictum virum anathematis vinculo & sacrilegij reatu, tali reatus & anathematis deleta conditione, exuimus, vt deinceps per singulos annos in festiuitate beati Martini v. vncias auri obrizi beatis Martyribus Dionysio, Rustico, & Eleuthero persoluat. Quod si ipse, quod absit, huius consuetudinis violator inuentus ad pristinam rapinam & malitiam reuersus fuerit vt canis ad vomitum: Dei omnipotentis iram incurrat, nullo iam anathematis vinculo exuendus.

V I I I.

1145. **I**N nomine sanctæ & indiuiduæ Trinitatis, amen. Notum fieri volumus tam præsentibus quàm futuris, quod ego SVGERIVS Dei gratiâ Ecclesiæ beatorum Christi Martyrum Dionysij, Rustici, & Eleutherij Abbas, communi consensu Capituli nostri concessimus, vt quicumque in quadam villa noua, quam ædificamus, quæ Val-Cresson appellatur, manere voluerint, mensuram terræ, arpennum vnum videlicet, & quartam arpeni partem pro duodecim denar. census habeant, & ab omni tallia & exactoria consuetudine immunes existant. Itaut ne de villa sua alicuius seu Regis, seu Principis, seu seruientis beati Dionysij submonitione, nisi propria Abbatis iussione in exercitum aut expeditionem, & cum persona ipsius, vel cum Priore si Abbates defuerint, proficiscantur, aut exeant, nec extra villam suam pro quolibet nisi pro Abbate placitent, & de arpenno terræ beati Dionysij, vbicumque illud acceperint, quatuor nummos census & decimam nobis persoluant: nec quisquam terram eidem villæ adiacentem, nisi in ea mansionarius fuerit, excolendam suscipiat. Leges autem vulgales, quas plenas dicunt inter se, decem nummorum constituimus. Actum apud Sanctum Dionysium, anno Verbi incarnati MCXLV.

I X.

IN nomine sanctæ & indiuiduæ Trinitatis, amen. Quoniam ex proprio Dei 1148.
præcepto statutum in lege scientibus legem non est ambiguum, decimas Le-
uitis in proprium Dei seruitium segregatis debere persolui, cum laica manus eas
vsurpat, diuinis profectò decretis obuiat. Nec solùm earum inuasores nefandi
maximum suarum animarum periculum incurrunt, verùm etiam illi, qui quasi iu-
re patrio deinceps illas retinentes, donec morte præueniantur, possidere minimè
desistunt. Quapropter ego SVGERIVS Dei permissione Monasterij Sancti
Dionysij de Gallia minister & Abbas indignus, sæpè rogatus à Matheo cognomi-
ne Pulchro, quòd duas partes decimæ de Sancto Brictio, quas ipse tenebat in
feodo de Sancto Dionysio, Sancto Martino de Campis tenendas & possidendas
concederem, cum omni Capitulo nostro benignè concessi. In præsentia liqui-
dem nostra, totiusque Capituli nostri, præfatus Matheus prædictam decimam de
Sancto Brictio Domui Sancti Martini de Campis concessit, nobis libenter & ama-
biliter propter maximum inter nos illamque Domum mutuæ dilectionis affe-
ctum, assensum præbentibus, & actæ rei testimonium perhibentibus. Affuerunt
etiam quamplures alij confirmationis huius testes idonei, quorum nomina sub-
Bscripta sunt. Clemens Decanus Ecclesiæ Parisiensis. VVermundus Archidiacono-
nus. Albertus Præcentor. Hugo Atrabatenſis Archidiaconus. Philippus frater
Regis, Neuelo suus Magister. VValterius filius Mainburgis. Herluinus Cano-
nicus. Simon nepos Abbatis. Matheus Dominus de Montemorenciaco. Ruri-
cus de Andilli. Guido de Groëla. Galterius de Alne. Ioannes de Vincel. Phi-
lippus frater eius. Godardus de Sancto Brictio. Arnulfus de Hoxæ. Iohannes
de Gonesſa. Terricus Maior. Euraldus Hospitarius. Henricus Vincarius. Tige-
rius. Evvradus famulus. Actum est hoc & hæc Carta anno ab Incarnatione Do-
mini MCXLVII. regnante Ludouico Rege Francorum, & Duce Aquitano-
rum, anno regni sui XVII. Abbatæ verò nostræ XXVI.

SVGERII ABBATIS EPISTOLÆ II.

Ex Cartulario Ecclesiæ beata Maria de Capella.

DOMINO & venerabili Dei gratiâ Bituricensi Archiepiscopo PETRO,
SVGERIVS beati Dionysij Abbas salutem & dilectionem. Anteces-
sores vestri Bituricenses Archiepiscopi beatum Dionysium & loca sua
multum dilexerunt, & manutenuerunt. Proinde, quia de dilectione
Cvestra plurimum confidimus, pro qua sæpius laborauimus, sed & multa grauia &
à Domino Rege, & à multis aliis sustinuimus: rogamus quatinus per viam ante-
cessorum vestrorum incedentes, & beatum Dionysium diligatis, & eius loca de-
fendatis & manuteneatis. Præcipuè tamen pro Ecclesia de Stiualiculis, quam in
hac tempestate Bituricensis Ecclesiæ Monachi Agedunenses per laicam manum
Fratribus nostris de Capella violenter abstulerunt, deprecamur vt nobis eam re-
stituatis. Quòd si in ea ius clamant inuestiti, parati sunt Fratres nostri conue-
niente termino, quem eis posueritis, consilio nostro indè canonicè respondere.
Si autem actionem illam audire placet, quid inde scil. actum sit in diebus vene-
rabilium Archiepiscoporum bonæ memoriæ VVlgrini & Alberici, per eosdem
Fratres nostros plenius agnoscite. Nec sit vobis oneri pro nobis elaborare, quia
si locus exigeret, ad honorem & seruicium vestrum paratos nos inueniretis.
Valere.

EGO SVGERIVS Dei gratiâ Ecclesiæ S. Dionysij Abbas, omnibus fidelibus tam futuris quàm præsentibus notificare volo, quoniam accedentes ad nostræ sublimitatis præsentiam, videlicet Iohannes, Bernardus, Petrus, atque Giralduſ, in Heremitica vita degentes, supplici petierunt deuotione; vt eos in fraternitate nostra reciperemus. Locum verò & Ecclesiã illorum in honore beatæ Mariæ ab eisdem ædificatam, quæ est in parrochia de Parciaco, & omnes res suas quas adquisierant & adquisituri erant, Deo & S. Dionysio concesserunt, & subiectioni Ecclesiæ de Capella præcepto nostro se submiserunt. Itaut ampliùs alios Fratres in eodem loco sine iussu Prioris Capellæ accipere eis non liceat. Nos quoque ex parte nostra eis concessimus, vt quamdiu ipsi vellent in habitu suo permanerent. Si autem ad Monachalem Religionem accedere vellent, vt Fratres Monasterij reciperentur. Regnante LYDOVICO Rege Francorum. VVLGRI NO. Biturigensium Archiepiscopo existente. Hoc fuit confirmatum apud Capellam in manu Rodulfi Prioris, coram Monachis & Clericis & laicis.

EPISTOLARVM VOLUME N,

QVAS PONTIFICES ROM. IMPERATORES, REGES, Cardinales, Episcopi, Abbates, Duces, Comites, ac alij Orbis Christiani illustres Viri, ad LVDOVICVM VII. Franciæ Regem, & alios, de rebus præcipuè Statum Regni Francorum concernentibus, scripserunt.

Ex veteri Codice MS. Viri Clariss. ALEXANDRI PETAVII Senatoris Parisiensis nunc primum in lucem editum.

B *Fuit & simile olim Exemplar in Bibliotheca Canoniorum Regularium Sancti Victoris Paris. notatum II. 22. cum sequenti inscriptione, Plures Epistolæ summorum Pontificum Adriani IV. & Alexandri III. Friderici Imp. LVDOVICI Regis Franciæ, Cardinalium, Episcoporum, & aliorum, de diuersis rebus sui temporis. Inter quas multæ habentur concernentes statum huius Ecclesiæ Sancti Victoris sub primis Abbatibus nostris. Vnde coniici facile potest hanc Epistolarum Collectionem ab aliquo Monasterij S. Victoris Abbate, vel Canonico, fuisse factam. Qui tamen in eis congerendis nec rerum aut temporum ubique habuit rationem, nec personarum etiam dignitatem semper attendit. Sed qualemcumque illum sui Codicis ordinem non placuit immutare.*

EPISTOLA I.



C **A**LEXANDER Episcopus servus servorum Dei, dilectis filiis GISELBERTO Cisterciensi, & ceteris Abbatibus & Monachis tam præsentibus quam futuris, regularem vitam & instituta Cisterciensis Ordinis professis in perpetuum. SACROSANCTA Romana Ecclesia, sicut in beato Petro Apostolorum Principe à Domino promissionem obtinuit, quod vniuersalis Ecclesiæ fundamentum existeret: & præceptum accepit, ut Christianæ fidei professores in fide & religione, omni-
que sanctimonia confirmaret: ita pro vniuersarum Ecclesiarum profectibus sollicitam se semper exhibuit, & de instituendo, conseruando, & prouehendo in omnibus Ecclesiis cultu sacræ Religionis fuit omni tempore studiosa, ita ut ab ea sicut à fonte ad vniuersos Ecclesiæ filios sit Religio deriuata: & quod ab aliis qui spiritus primitias acceperunt, religiosè ac salubriter institutum est, per eandem immutabilem acceperit firmitatem. Indè est, dilecti in Domino filij, quod sacræ Religionis vestræ opinione, tanquam agri pleni cui benedixit Dominus, prouocati, religiosis precibus vestris auctoritate Apostolica confirmamus. In quibus sub certis Capitulis quæ inferiùs annexa sunt decreuimus exprimenda. Primum quidem, ut in omnibus Monasteriis vestris, sicut in Cisterciensi Ecclesia, beati Benedicti Regula perpetuis temporibus obseruetur, & in lectionem eius nullus de Ordine vestro præter simplicem & communem intelligentiam quemlibet alium sensum inducat; sed vniiformiter, & sicut quæque diffinita noscuntur, intelligantur ab omnibus, & inuiolabiliter obseruentur, & eadem penitus obseruantia, idem cantus, & iidem libri qui ad Ecclesiasticum officium pertinent, per omnes Ecclesias vestri Ordinis teneantur. nec aliqua omninò Ecclesia vel persona Ordinis vestri aduersus communia ipsius Ordinis instituta priuilegium aliquod postulare audeat,

Tom. IV,

A A a iij

LUDOVICVS
VII. IV.
NIOR.

vel obtentum quomodolibet retinere. Deinde vt nulla Ecclesiarum vestrarum A
ei quam genuit aliquam terrenæ commoditatis seu rerum temporalium exactio-
nem imponat, nil quod eam grauet, nil quod eius substantiam minuat, erga eam
agere disponat: ne dum abundare de alterius paupertate cupit, avariciæ malum,
quod secundum Apostolum idolorum seruitus comprobatur, euitare non pos-
sit. Curam tamen animarum Abbas matris Ecclesiæ in ea gratiâ caritatis sibi reti-
neat, vt si quando à sancto proposito & obseruantia sanctæ Regniæ declinare, quod
absit, temptauerit, per eius sollicitudinem ad rectitudinem vitæ redire possit. Item
vt omnes Abbates Ordinis vestri singulis annis ad generale Capitulum Cisterci-
ense, postposita omni occasione, conueniant: illis solis exceptis, quos à labore viæ
infirmas corporis retardauerit. Qui tamen idoneum nuncium delegare debe-
bunt, per quem necessitas remotionis eorum Capitulo valeat nunciari. Et illis
item exceptis, qui in remotioribus partibus habitantes, sine grandi & euidenti
difficultate singulis annis se nequiverint Capitulo præsentare. qui nimirum eo
tempore veniant, quod in ipso eis Capitulo fuerit institutum. Quod si aliqua con-
trouersia inter aliquos Abbates Ordinis vestri emerferit, vel de aliquo eorum tam
grauis culpa fuerit prolata, vt suspensionem vel etiam depositionem mereatur,
quicquid exindè à Capitulo fuerit secundum vestrum Ordinem diffinitum, sine
retractatione aliqua obseruetur. Si verò pro diuersitate sententiarum in discor-
diam causa deuenerit, illud irrefragabiliter teneatur, quod Abbas Cisterciensis B
qui pro tempore fuerit cum his qui sanioris consilij & magis idonei apparuerint iu-
dicabit. Hoc obsecro, vt nemo eorum, ad quos specialiter causa respexerit, diffi-
nitioni debeat interesse. Si quis autem Abbas pro inutilitate vel pusillanimitate
sua se viderit ab Abbatiz suæ Ordine relaxandum, ab Abbate domus illius, vnde
sua processit, humiliter postulet relaxari. Qui tamen petitioni eius non leuiter
adquiescet, nec quicquam sua auctoritate efficiet. sed congregatis aliquantis Ab-
batibus Ordinis vestri, cum eorum consilio peraget, quod indè pariter viderint
adimplendum. Si quis autem Abbatum Ordinis contemptor, vel Ordinis præ-
uaricator, aut commissorum sibi Fratrum vitiis consentiens apparuit, Abbas ma-
tris Ecclesiæ per seipsum, vel Priorem suum, vel quomodo melius nouerit expe-
dire, cum vt corrigatur ammoneat vsque quater. Quod si culpam suam corrigere,
vel à susceptæ prouisionis officio cedere fortè noluerit; aliquanti Abbates Ordinis
vestri in nomine Domini aggregentur, & cōmunicato consilio, si viderint oportu-
num, cum à regimine submoueant Abbatiz: ac postmodum alter qui dignus sit,
consilio & voluntate Patris Abbatis à Monachis domus illius cum Abbatibus si
qui ad eam pertinent eligatur. Si autem is qui deponitur, vel Monachi eius, datæ
in eum sententiæ contumaciter decreuerint reluctandum, Abbas matris Eccle-
siæ ceterique Abbates plenam habeant potestatem censurâ eos distictionis Ec-
clesiasticæ coercendi. De quibus sanè si quis reuersus ad cor, & de sua contuma-
cia resipiscens, matris suæ misericordiam humiliter postulauerit, sicut filius pœni- C
tens recipiatur. Quamdiu autem aliqua Ecclesiarum vestrarum Abbate proprio
fuerit destituta, Pater Abbas, de cuius Domo domus illa exiuit, omnem curam
habeat ordinationis domus illius, donec in ea Abbas alius eligatur. Electus autem
nulli Archiepiscoporum vel Episcoporum emancipatus, vel quasi absolutus tra-
datur. Sed nec post factam Archiepiscopo vel Episcopo suo professionem, occa-
sione eius Ordinis sui constitutiones transgrediatur, vel in aliquo præuaricator
eius existat. Præterea, si fortè Abbates Ordinis vestri matrem vestram Cister-
ciensem Ecclesiam à sanctæ Religionis obseruantia exorbitare perspexerint, ipsius
loci Abbatem per quatuor primos Abbates, de Firmitate, de Pontiniaco, de Cla-
reuallæ, & de Murimundo, vt corrigatur, & subditos suos corrigere laboret am-
moneant, & omnia quæ de aliis Abbatibus suprâ diximus circa eum adimpleant.
excepto quod si spontè cedere noluerit, nec deponere eum, nec si contumax ap-
paruerit excommunicationis sententiâ poterunt innodare, donec vel in generali
Capitulo, vel si illud visum fuerit sine grandi periculo expectari non posse, con-
uocatis Abbatibus qui de Cistercio exierunt, & aliquibus etiam aliorum, virum
inutilem ab officio Abbatis ammoueant, & tam ipsi quàm Abbates & Monachi
Cistercienses alium idoneum Abbatem ei studeant subrogare. In illum porrò,
qui depositus fuerit, & Monachos eius, si recalcitrare præsumpserint, sententiam

A seueritatis Ecclesiasticæ non dubitent promulgare. De quibus post hæc si aliquis culpam suæ contumaciæ recognoscens, ad aliquam quatuor prædictarum Ecclesiarum se salutis causa contulerit, sicut domesticus recipiatur, quoad usque prout conueniens fuerit, suæ restituatur Ecclesiæ. Interim autem annuus Abbatum Conuentus non apud Cistercium, sed ubi à quatuor prænominatis Abbatibus præuium fuerit celebretur. Quoniam autem Cisterciensis Ecclesia mater est omnium vestrum, & alium Patrem Abbatem super se non habet, sicut ad cautelam & ordinis custodiam statuistis, per eosdem Abbates annua ibidem fiat visitatio, & ad suggestionem eorum secundum Ordinem vestrum corrigatur, si quid inuenerit corrigendum. Sed & quotiens sine Abbate proprio domus Cisterciensis extiterit, ad ipsos quatuor eius cura respiciat, & tam ab eis quàm ab aliis Abbatibus ad Cistercium pertinentibus, qui per dies ad minus xv. fuerint conuocati, & à Monachis Cistercij persona idonea eligatur. Liceat autem unicuique matri Ecclesiæ Ordinis vestri tam de Monachis, quàm de ipsis Abbatibus Ecclesiarum, quæ ab ipsa processisse noscuntur, sibi quemcumque voluerint, si tamen dignus extiterit, assumere in Abbatem. Personam autem de alio Ordine nulla Ecclesiarum vestrarum sibi eligat in Pastorem, sicut nec vestri Ordinis aliquis in Abbatem alicui alterius Ordinis Monasterio ordinetur. Hæc igitur de multis institutionibus Ordinis vestri excerptissimus, & propriis curauimus Capitulis designare. Adiicientes, ut nullus Episcoporum Abbatibus vel Grangiis vestris aliqua Religiosorum seu secularium habitatione, unde vobis inquietatio possit prouenire, superædificari permittat. sed eos, qui superædificare temptauerint, ne id faciant, ab Episcopis, quorum diocesani sunt, sub anathematis interminatione prohibeant. Nemo etiam professos vestros Monachos vel conuersos sine licentia Abbatum suorum recipiat, aut susceptos audeat retinere. Quia verò singula, quæ ad Religionis profectum & animarum salutem regulariter ordinastis, præsentì abbreviationi nequiverunt annexi, nos cum his quæ præscripta sunt, omnia quæ continentur in Carta vestra, quæ appellatur Caritatis, & quæcumque inter vos Religionis intuitu regulariter statuistis, auctoritate Apostolica roboramus, & vobis vestrisque successoribus, & omnibus qui Ordinem vestrum professi fuerint, inuiolabiliter perpetuis temporibus decernimus obseruanda. De cetero, quia propositum firmum habetis, habitationi vestræ loca extra conuersationem secularium eligendi, Grangias vestras sicut Ecclesias à prauorum incurfu ac violentia liberas ac quietas fore statuimus. & ut nullus ibi hominem capere, spoliare, verberare, aut rapinam exercere præsumat, in virtute sancti Spiritus inhibemus. Sancientes etiam, ut propter communia interdicta terrarum nulla Ecclesiarum vestrarum à diuinis compellatur officiis abstinere. Interdicimus iterum ne aliqua omnino persona Fratres Ordinis vestri audeat ad secularia iudicia prouocare. Sed quisquis sibi aduersus eos aliquid crediderit de iure competere, sub Ecclesiastici Iudicis examine experiendi habeat facultatem. Salua in omnibus Sedis Apostolicæ auctoritate. Decernimus ergo, ut nulli omnino hominum liceat hanc paginam nostræ confirmationis infringere, vel præscriptas institutiones vestras ausu temerario violare. Si quis autem hoc attemptare præsumperit, secundò tertiove commonitus, si non satisfactione congrua emendauerit, potestatis honorisque sui dignitate careat, reumque se diuino iudicio existere de perpetrata iniquitate cognoscat, & à sacratissimo corpore & sanguine Dei ac Domini nostri redemptoris IESU CHRISTI alienus fiat, atque in extremo examine districtæ subiaceat ultioni. Seruantibus autem hæc sit pax Domini nostri IESU CHRISTI, quatinus & hic fructum bonæ actionis percipiant, & apud districtum Iudicem præmia æternæ pacis inueniant, amen.

EPISTOLA II.

ALEXANDER Episcopus seruus seruorum Dei. Venerabilibus Fratribus Bituricensi Archiepiscopo, & Suffraganeis eius, & dilectis filiis Abbatibus per eorum Episcopatus constitutis, salutem & Apostolicam benedictionem. QUONIAM in agro Domini, qui est Ecclesia, tanquam spinæ ac tribuli nascuntur cotidie, & pullulant germina vitiorum, tum videlicet, quia proni sunt sensus hominis ad malum ab adolescentia sua, tum quia inimicus homo de malicia sua zizania superfeminare non cessat, &

A A a iiii

germen bonum nititur suffocare: necesse est diligentiam adesse cultorum, & nunc **A**
euellere & amputare iam nata, nunc etiam nascituris nociuis grauaminibus profi-
ciendi aditum obserare, subsequenter autem & inferere fructiferum gramen, &
feminare semen bonum, qui tricesimum, sexagesimum, & centesimum fructum
fecundante Deo possit afferre. Nam & hîc illa verba Dominica sonare videntur,
quibus Hieremiam Prophetam, & in eo Euangelicum Sacerdotem instruxit, di-
cens: *Ecce dedi verba mea in ore tuo. ecce constitui te hodie super gentes & Reges, ut euel-
las & destruas, & adifices & plantes.* Id autem vniuersis licet Rectoribus Ecclesia-
rum incumbat, multò tamen fortiùs imminet Romanæ vrbis Antistiti, qui à Do-
mino IESV CHRISTO, vt caput esset Ecclesiæ in beato Petro accepit, & de
pascendis Dominicis ouibus & fratribus confirmandis expressum & spiritale nosci-
tur habuisse mandatum. Indè siquidem est quòd nos licet insufficientes meritis ad
prouidentiam Apostolicæ Sedis, & ministerium vniuersalis Ecclesiæ, Deo prout
ipsi placuit disponente, vocati, quia in Ecclesia Dei correctione vidimus quam-
plurima indigere, tam ad emendanda quæ digna sunt correctione, quàm ad pro-
mulganda quæ salutì fidelium visa fuerint expedire, de diuersis partibus personas
Ecclesiasticas decreuimus euocandas, quarum præsentia & consilio quæ fuerint
salubria statuantur, & secundum consuetudinem antiquorum Patrum providea-
tur & firmetur à multis, quod si particulariter fieret, non facilè posset ad plenum
robur habere. Quocirca per Apostolica scripta vobis mandamus, quatinus huic **B**
dispositioni nostræ plenè desideriis cooperari curetis, & prima Dominica venien-
tis Quadragesimæ, ad urbem Romam Domino ducente veniatis, & cooperante
Spiritus sancti gratia, tam in corrigendis enormitatibus, quàm in statuendis quæ
Deo grata fuerint, communi studio quod fuerit agendum agatur, & vno humero
subleuemus arcam Domini, atque vno ore honorificemus Deum & Patrem Do-
mini nostri IESV CHRISTI. Ad hæc, commendamus vobis attentius dile-
ctum filium Octouianum Subdiaconum nostrum, virum vtique prouidum, indu-
strium, & discretum, & inter alios Clericos sui Ordinis carum nobis admodum &
acceptum. Cui, cùm sit de mensa nostra, confidenter, pro sua probitate, fide, ac
prudencia, vocationis huius sollicitudinem duximus imponendam. & vniuersita-
tem vestram monemus propensius, & mandamus, vt ita ipsum benignè recipiatis,
& honestè tractetis, quò & deuotio vestra erga Romanam Ecclesiam incunctanter
appareat, & ipse cùm ad nos Domino donante redierit, de reuerentia quam erga
beatum Petrum & nos ipsos habetis possit grata referre.

EPISTOLA III.

SANCTISSIMO Patri & Domino ALEXANDRO Dei gratiâ summo Pontifici,
PETRVS sola dignatione diuina tit. sancti Chrysogoni Presbyter Cardinalis, salu-
tem & obedientiam tam deuotam quàm debitam. IAMPRIDEM Litteras Beatitu- **C**
dinis vestræ recepimus, continentes vt inquirere deberemus, quæ personæ de Re-
gno Francorum, aut de partibus illis possent in Romanam Ecclesiam promoueri.
Sanè, cùm proposuissemus ad pedes Sanctitatis redire, nomina illorum, quos ad
hoc dignos & idoneos credimus, viua voce potiùs circumspectioni vestræ voleba-
mus exprimere, quàm Litterarum commendare figuris. Ceterùm cùm, quod
sine dolore dicere non possumus, multos Patrum nostrorum Episcoporum & Car-
dinalium ad se reuocauerit Dominus, & Ecclesia remanserit ipsorum solatio de-
stituta: & nos iuxta mandatum vestrum pro pace inter illustres Francorum & An-
glorum Reges confirmanda, & hereticorum extirpatione, in partibus illis aliquan-
tulam moram facere debeamus, vt Ecclesia Dei sub sancto Apostolatu vestro, &
numero & merito possit augeri: Sanctitati vestræ duximus significandum, quòd
Clareuallensis, & Prior de Monte Dei de Ordine Cartusiensi, & lite-
rati sunt, & honestate & religione prædicantur insignes, & nos tantùm de vita &
conuersatione eorum cognouimus, quòd in puritate conscientiæ, & sine scrupu-
lo alicuius dubitationis audemus consulere, vt ipsi à vobis debeant promoueri.
Magister autem Balduinus Abbas Fordenus, quamuis eum non viderimus, à toto
Ordine Cisterciensi de multimoda litteratura, honestate, & religione potissimum
commendatur. Licet autem venerabilis vir P. Igniacensis Abbas non sit aded

A litteratus, cum tamen Dominus frequenter per eum miracula operari dignetur, <sup>LYDOVICVS VII. IV-
NIOR.</sup> de sanctitate ipsius non est quomodolibet dubitandum. Porro beati Remigij Remensis & sancti Crispini Sueffionensis Abbates, literati, discreti existunt: & inter alios terræ & Ordinis illius Abbates non dubitantur honestate & religione longius præminere. Literaturam & honestatem Magistri Petri Manducatoris Decani Trecentis vos non credimus ignorare. Magister autem Bernardus Pisanus quondam Præpositus eius tantæ literaturæ est, & ita honestè & laudabiliter est semper in illis partibus conuersatus, quod ei ab omnibus sufficiens testimonium perhibetur, & maximis honoribus dignissimus reputatur. Præterea Magister Girardus Puella discretus & litteratus existit, & de omnimoda eius honestate ab omnibus qui eum nouerunt testimonium perhibetur, sicut Apostolica circumspectio videre potuit & audire. Iuo quoque Rothomagensis Ecclesiæ Archidiaconus, & Magister Herbertus Medecius, non minori inter alios creduntur probitate lucere, cum & eorum suppetat scientia literarum, & ad perfectioris vitæ meritum multarum sibi adesse confidamus ornamenta virtutum. Ad hæc iuxta mandatum Beatitudinis vestræ cippiam * illam bonæ memoriæ VV. quondam Portuensis Episcopi recepiimus, & candelabra præcepimus nobis afferri. Significauimus etiam venerabili Fratri nostro Pictauesi Episcopo, & Alberto & Canonicis Lemouicensibus, & quibusdam aliis, quod si aliqua sunt de bonis ipsius Episcopi apud eos deposita, illa nobis faciant sine dilatione assignari. Et si negotium per nuncium congruè non poterit perfici, nos ipsi ad eos accedemus. Nos autem cum ad pedes Sanctitatis vestræ Domino volente venerimus, prædictam cupam & candelabra, & si qua alia de bonis ipsius Episcopi poterimus inuenire, vobis curabimus Domino auxiliante deferre. aut si vobis placuerit, per fidelem nuncium præmitteremus. ^{cupam infra.}

EPISTOLA IV.

ALEXANDER Episcopus seruus seruorum Dei. Magistro GIRARDO PVELLE salutem & Apostolicam benedictionem. LITTERATURA tua ac probitas ac morum honestas nos monent propensius & hortantur, vt te sicut probum, honestum, & literatum virum, sincero diligamus caritatis affectu, & speciali prærogatiuâ amoris & gratiæ foveamus. Hæc igitur consideratione inducti, & personam tuam speciali volentes dilectionis nostræ priuilegio decorare, tibi redditus, quos in regno Theutonico in seruire scismatis nullo cogente spontaneè dimisisti, de consueta clementia & benignitate Sedis Apostolicæ, interuentu quoque venerabilis Fratris nostri Maguntini Archiepiscopi, restituiimus. Statuentes, vt non obsit tibi ad diminutionem vel maculam famæ tuæ, nec circa promotionem tuam tibi præiudicium valeat in posterum generare, quod aliquandiu redditus inter scismaticos nosceris tenuisse. Datum Laterani Idus Martij.

EPISTOLA V.

ALEXANDER Episcopus seruus seruorum Dei. Dilecto filio Magistro G. salutem & Apostolicam benedictionem. ATTENDENTES literaturam & scientiam tuam, & quomodo compositione morum & honestate sis præditus nihilominus cogitantes, cogimur communi & speciali debito tuis profectibus & incrementis intendere, & multa tibi benignitate deferre. Eapropter dilecte in Domino fili, cum sub Magisterio tuo multi per Dei gratiam proficiant in scientia literarum, auctoritate tibi Apostolica duximus indulgendum, vt vsque ad quadriennium, si Scholas rexeris, redditus tui quos habes in Anglia, nullius contradictione vel appellatione obstante, liberè tibi, & sine diminutione qualibet reddantur in Scolis. Ita quidem, vt nulli fas sit tibi quicquam de illis redditibus diminuere, vel subtrahere, aut circa res tuas indebitam molestiam vel grauamen inferre: nec cogaris infra terminum ipsum Scholas dimittere, nisi alicui Ecclesiæ, in qua personatum vel magnum beneficium habeas, ea necessitas imminuerit, quod meritò tuam sibi debeas præsentiam & patrociniū exhibere. Datum Anagninæ VII. Idus Februarij.

ALEXANDER *Episcopus servus servorum Dei. Dilecto filio PETRO sancti Grigori Presbytero Cardinali, Apostolica Sedis Legato, salutem & Apostolicam benedictionem.* SI innotesceret carissimo in Christo filio nostro LVDOVICO illustri Francorum Regi, quàm graviter de insolentia & temeritate Parisiensis Episcopi, qui contra mandatum nostrum, & appellationem à te super hoc ad nos interpositam, Archidiaconatum Ecclesiæ suæ, non sine gravi contemptu & iniuria nostra, non est veritus pro sua voluntate conferre, sanctorum Patrum institutionibus & Romanæ Ecclesiæ detractum sit dignitati, in patientia sicut credimus sustineret tantam & tam gravem præsumptionem debita seueritate puniri: nec moueretur, sicut commotus esse dicitur, super eo quòd tam horrendum & detestabile factum non duximus approbandum. Verùm ne latere possit regiam magnitudinem, quàm graviter in facto ipso læsa sit sanctorum Patrum auctoritas, & dignitas Apostolicæ Sedis, quæ in appellationibus ex maiori parte consistit: volumus, & tux discretioni mandamus, quatinus præfatum Regem adeas, sibi que plenè, prudenter, & diligenter aperias, quàm graviter censuræ factorum Canonum & auctoritati Romanæ Ecclesiæ sit detractum, super eo quòd præfatus Episcopus post appellationem, quam de mandato nostro ad nos imposuisse dinosceris, præscriptum Archidiaconatum dare præsumpsit, & quomodo ex hoc prauum & iniquum exemplum transibit ad posteros. cum sine læsione canonicæ sanctionis, & derogatione iustitiæ, non possit incorrectum relinqui, quod contra appellationem à quolibet attemptatur. Hæc autem & alia diligenter proponendo, prædictum Regem à proposito & institutione sua super hoc studeas sollicitè reuocare. Sed si ab hoc reuocari non poterit, proponas ei ex parte nostra, quòd suæ gratissimæ deuotionis intuitu factum ipsius Episcopi, quantumcumque graue nobis sit & molestum, & sanctorum Patrum institutioni contrarium, æquo animo sustinemus, & Episcopo, & nepoti dilecti filij nostri Galteri Regij Camerarij offensam istam duximus remittendam. nec eis occasione huius offensæ aliquod grauamen seu molestiam inferemus, & sententiam, si qua propter hoc in ipsos lata est, relaxamus: & prosecutionem appellationis eis remittimus, si quam interposuisse noscuntur. Ceterum, ne nos vel dilectus filius Grat. Subdiaconus noster tantam confusionem videamur & verecundiam sustinere, præfato Regi suadeas, vt honori nostro & eiusdem Galteriter in hac parte provideat, vt dignam possimus inde consolationem recipere, & regiam prouidentiam meritò in Domino commendare. Datum Anagninæ VIII. Idus Nouembris.

EPISTOLA VII.

ALEXANDER *Episcopus servus servorum Dei. Dilectis filiis PETRO sancti Grigori Presbytero, & HYGONI sancti Angeli Diacono, Cardinalibus, Apostolica Sedis Legatis, salutem & Apostolicam benedictionem.* CVM filia carissimi in Christo filij nostri LVDOVICI illustris Francorum Regis, quam iam pridem HENRICVS illustris Rex Anglorum filio suo RICHARDO Duci Aquitanie in matrimonio copulandam susceperat, ad annos nobiles peruenisse dicatur, idem Rex Francorum videtur graviter de nobis conqueri, quòd nobis sicut asserit tolerantibus, nec ei eadem filia sua restituitur, nec à præfato Duce traducitur sicut traduci deberet. Quoniam igitur idem Francorum Rex ad horum alterum instat, nos sibi nolentes in hac parte, sicut non debemus, deesse: cum indignum sit, absonum, & absurdum, vt filia ipsius Regis tali modo debeat diutiùs detineri: discretionis vestræ per Apostolica scripta præcipiendo mandamus, quatinus præfatum Regem Anglorum communiter & diuisim ex parte nostra & vestra sollicitis monitis & horrationibus laboretis inducere, vt memoratam filiam eiusdem Regis infra duos menses à prænominato Duce magnificè, sicut decet vtrumque Regem, traduci faciat: aut eam prædicto Regi restituere non postponat. Si verò neutrum istorum ad cōmonitionem vestram infra præscriptum terminum fecerit, in tota prouincia Cantuariensi, sublato appellationis remedio, omnia diuina, præter baptismata paruulorum, & pœnitentias morientium, donec horum alterum faciat, auctoritate

A nostra prohibeatis officia celebrari. Et si nec sic respuerit, totum Comitatum ^{LVDOVICVS} Pietauensem simili sententiæ subponatis. Porro si vnus vestrum his exequendis ^{VII. IV.} noluerit, vel non potuerit interesse, alter vestrum ea nihilominus exsequatur. ^{NIOR.}
Datum Anagninæ x i i. Kal. Iunij.

EPISTOLA VIII.

ALEXANDER *Episcopus seruus seruorum Dei. Venerabilibus Fratribus, Ludunensi Archiepiscopo Apostolica Sedis Legato, & Suffraganeis eius, & dilectis filiis Abbatibus & universo Clero & populo per Ludunensem Prouinciā constituto, salutem & Apostolicam benedictionem.* GAUDEMVVS admodum, & exultamus in Domino, quod dilecto filio nostro Petro tit. sancti Grisogoni Presbytero Cardinali, quem in prouincia vestra & in aliis locis Legatum Sedis Apostolicæ constituimus, bonum per Dei gratiam & laudabile testimonium perhibetur. Honeſta ſiquidem & laudabilis conuerſatio eius, ſua probitas, & prudentia, de ipſo nos fecerant iam pridem concipere, quod nunc Domino cooperante plenius in operis exhibitione didicimus: quia quanto nos ſicut deuotos & ſpeciales Eccleſiæ filios abundantiori caritate diligimus, tanto vobis perſonam magis modeſtam, prouidam, & diſcretam in Legatum duximus prouidendam. Licet autem de ipſius legatione iam pridem alias Litteras ad vos direximus, quia tamen eundem Cardinalem ſpeciali prærogatiua diligimus, & carum acceptumque tenemus, iterata vobis ſcripta dirigimus: monentes vniuerſitatem veſtram, & præcipiendo mandantes, quatinus prædictum Cardinalem, ſicut decet tantum virum, & Legatum Apoſtolicæ Sedis, cum debito honore & reuerentia cures recipere, & ad vocationem eius ſine contradicitione qualibet accedentes, ipſius ſtatuta & monita ſuſcipiatis firmiter, & ſeruetis, ſibi que ſicut Legato Apoſtolicæ Sedis honorem & reuerentiam impendatis. ita quod ipſe vobis & aliis poſſit ſalubriter Domino cooperante proficere, & nos de fructu legationis ſuæ omnipotenti Domino debitas gratias exſoluiamus. Datum Anagninæ x i v. Kal. Decembris.

EPISTOLA IX.

ALEXANDER *Episcopus seruus seruorum Dei. Dilecto filio PETRO tit. sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* QUOD ſignificatiſtis nobis publicè per totum Regnum Franciæ prædicari, nos cum FREDERICO Imperatore pacem feciſſe, & ex hoc cariſſimum in Chriſto filium noſtrum LVDOVICVM illuſtrem Francorum Regem in admirationem non modicam eſſe inductum, quia nullam per nos certitudinem inde habuit: mirati ſumus quomodo ille vir potens huiuſmodi ſparſit rumores per Orbem, per Litteras ſuas denotando nos ad vocationem eius iuiſſe, & pacem firmariſſe: cum etſi Capitula hinc inde producta fuerint, & ſpes habeatur quod pax debeat reformari, nullam tamen certitudinem perficiendæ pacis habemus, quia iam eam ipſi Regi ſignificariſſem, qui tantum Eccleſiæ, contulit, & ſe pariter & Regnum ſuum nobis, & fratribus noſtris plenè expoſuit. Quod quidem te volumus prædicto Regi, vt pote amatori & defenſori Eccleſiæ diligenter proponere, & quod ei ſtatim plenius curabimus, ſi datum fuerit deſuper quod pax reformetur, & ſtudioſius inſinuare. Deceterò, licet cariſſimo in Chriſto filio noſtro HENRICO illuſtri Anglorum Regi ſcripta noſtra direxerimus, monentes, conſulentes, & hortantes eum, vt filiam ſuam prædicto Regi ſine dilatione reſtituat, vel à filio ſuo faciat deſponſari: quia tamen prædictus Rex Angliæ aſſerit ſe paratum eſſe ad matrimonium complendum, ſi Rex Franciæ pactiones ſeruare voluerit, quas ſecum fecit: prudentiam tuam monemus & hortamur attentius, quatinus eundem Regem Franciæ cum omni ſtudio moneas, horteris propenſius, & inducas, quod prædicto Regi Angliæ petitiones illas compleat & obſeruet, ſi honeſtæ ſunt, & ita ſe obligauit, quod eum dedecet ſi eas non compleuerit. Quod ſi fortè non potuerit ad hoc induci, Regem Angliæ cum omni inſtantia monere ſatagas, & inducere modis omnibus elaborēs, vt de duobus quæ diximus alterum maturius exſequatur, quia ſatis ei ſufficere debet vt Regi filiam reddat, ex quo ſibi interpo-

LYDDOVICVS
VII. IV-
NIOR.

fitas petitiones * non seruat. Si autem infra quadraginta dies post commonitionem tuam, neutrum horum quæ dicta sunt impleuerit, in Regnum & in terram eius omni occasione & appellatione cessante interdicti sententiam proferas. Et venerabilibus Fratribus nostris Cantuariensi & Burdegalsi Archiepiscopis, & Picta- uensi Episcopo ex parte nostra præcipias, vt eandem sententiam omni occasione & appellatione cessante obseruent, & faciant inuiolabiliter obseruari. Volumus autem vt negotium ipsum secretum teneas, quousque à Rege Anglorum certum recipias inde responsum: & hoc ipsum Regi Franciæ diligenter ex parte nostra proponas: quia nec decet, nec expedit, vt ante responsum Regis nostrum publice- tur mandatum. Datum Ferrariæ 11. Kal. Maij.

EPISTOLA X.

Hæc Epistola
debet præse-
dere VIII.

ALEXANDER Episcopus seruus seruorum Dei. Venerabilibus Fratribus, Lugda- nensi Apostolica Sedis Legato, & Bituricensi Archiepiscopis, & eorum Suffraganeis, & vniuerso Clero & populo in eorum Episcopatibus, & in Episcopatu Aniciensi constitutis, salutem & Apostolicam benedictionem. Non latet, sicut credimus, vestræ discretio- nis prudentiam, quomoddò nos olim dilectum filium nostrum Petrum tit. sancti Gri- sogoni Presbyterum Cardinalem, eius probitate & prudentiâ & honestate pensa- ta, in partibus Ultramontanis Legatum Sedis Apostolicæ constituimus. eam de ipso spem fiduciâque tenentes, quòd per sollicitudinem & prouidentiam eius & vos proficiens, auctore Domino, salutaribus institutis, & Ecclesia Dei gratum suscipiet incrementum. Mandamus itaque vniuersitati vestræ, atque præcipimus, quatinus prædictum Cardinalem sicut Legatum Apostolicæ Sedis, & sicut virum prouidum, industrium, & discretum, & carum nobis plurimum & acceptum, cum honore debito & reuerentia curetis recipere, & honestè tractare. & ad vocatio- nem eius sine contradictione qualibet accedentes, sibi tam in appellationibus quàm in aliis sicut Legato Apostolicæ Sedis omnem reuerentiam & obedientiam impendatis, & eius saluberrimis monitis & mandatis reuerenter, prout conuenit, pareatis. Ita quòd & ipse nobis possit Domino cooperante proficere, & nos de fructu legationis suæ omnipotenti Domino gratias referamus. Datum Ferentin. 11. Idus Aprilis.

EPISTOLA XI.

ALEXANDER Episcopus seruus seruorum Dei. Venerabilibus Fratribus Archiepi- scopis, Episcopis, & dilectis filiis Abbatibus & aliis Ecclesiarum Prælati, & vniuer- sis tam Clericis quàm laicis per Regnum Francorum constitutis, salutem & Apostolicam benedictionem. Cum simus euidenter experti prudentiam, literaturam, & hone- statem dilecti filij nostri P. tit. sancti Grisogoni Presbyteri Cardinalis, ipsumque sicut virum litteratum, prouidum, & discretum, sincerè in Domino diligamus, C tantò confidentiùs sibi committimus quæ sunt per viros honestos & prouidos ex- sequenda, quantò de seruiore suæ deuotionis, & de prudentia sua pleniorē fidu- ciam obtinemus. Indè est, quòd nos eundem Cardinalem pro quibusdam magnis & arduis negociis specialiter & præcipuè ad partes vestras duximus destinandum, cui auctoritatem & facultatem indulimus corrigendi quæ corrigenda ibi inuene- rit, & causas quæ ad eius audientiam perlatæ fuerint, decidendi. Monemus ita- que vniuersitatem vestram attentius, & præcipimus, quatinus eundem Cardina- lem sicut virum litteratum, prouidum, & honestum, & à nostro latere destinatum, qui nobis carus est plurimum, & acceptus, cum honore debito curetis recipere, & correctionem suam, & ea quæ prouida circumspectione statuerit, suscipiatis firmi- ter & seruetis. Ita quòd ipse in vobis seruorem consuetæ deuotionis inueniat, & nos prudentiam ac sinceritatem vestram dignis in Domino laudibus commende- mus. Datum Anagninæ v. Kal. Maij.

EPISTOLA XII.

ALEXANDER Episcopus seruus seruorum Dei. Dilecto filio PETRO sancti Gri- sogoni Presbytero Cardinali, Apostolica Sedis Legato, salutem & Apostolicam bene- dictionem.

A *ditionem.* Ex conuestione dilecti filij nostri P. Prioris de Lanariaco accepimus, quodd Abbas & Monachi Sancti Benedicti de Quintiaco ab eo de agriculturis & vineis suis decimas contra iustitiam abstulerunt, & exinde ipsum multipliciter infestare præsumunt. Quoniam igitur unicuique in iure suo adesse debemus, & ne viri religiosi iniuste grauentur attentiori studio providere, discretionem tuam per Apostolica scripta mandamus, quatinus præfatos Abbatem & Monachos cum omni studio moneas, & si fuerit necesse districtè compellas, ut memorato Priori præscriptas decimas sine molestia & difficultate restituant, & decetero exigere nulla ratione præsumant: vel in præsentia tua plenam exinde iustitiam appellatione remota exhibeant. Datum Ferentin. iv. Nonas Augusti.

LVDOV. CUS
VII. IV.
NOR.

EPISTOLA XIII.

ALEXANDER *Episcopus servus servorum Dei. Dilecto filio PETRO tit. sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* ITA sollicitè nos & attentè rogavit carissimus in Christo filius noster LVDOVICVS illustris Francorum Rex pro Monasterio sancti Maglorij Parisiensis, quodd iura ipsius Monasterij præter commune debitum illæsa volumus & integra conseruare, & te ad hoc sollicitis exhortationibus commonere. Indè **B** est, quodd discretionem tuam monemus attentius, & mandamus, quatinus dum in terra fueris, iura præscripti Monasterij auctoritate Legationis qua fungeris, quantum in te est protegas attentius & defendas, & ita præscriptum Monasterium satagas in suis iusticiis confouere, quodd per providentiam & sollicitudinem tuam idem Monasterium de sui iuris integritate lætetur, & nos exinde discretionem & prudentiam tuam non immeritò commendare possimus. Datum Beneventi xii. Kalend. Ianuarij.

EPISTOLA XIV.

ALEXANDER *Episcopus servus servorum Dei. Dilecto filio PETRO tituli sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* QVANTO maiorem locum dono diuini muneris adeptus es dignitatis, tantò debes cautiùs & circumspèctiùs ambulare, & ita te compositum exhibere, ut homines inueniant in te quid sequantur, & non quid debeant remordere. Accepimus autem quodd Ecclesiam Meldensem adhuc detines, & redditus percipis, ita quodd, sicut nuncij venerabilis Fratris nostri VVillelmi Senonensis Archiepiscopi, Apostolicæ Sedis Legati, retulerunt nobis, nihil ad eum de redditibus illis peruenit, & Canonici eiusdem Ecclesiæ electionem non audent liberè celebrare. Vnde quoniam ex hoc famæ & opinioni tuæ, & honestati Ecclesiæ plurimùm detrahitur, & nimis auariciæ imputatur, discretionem tuam monemus, consulimus, mandamus, quatinus Archiepiscopo & Canonicis dicas, quodd pro te non dimittant, quin eidem Ecclesiæ personam idoneam provideant in Episcopum & Pastorem. Tu verò in actibus & operibus tuis illam circumspèctionem & modestiam serues, quodd in conspectu Dei & in oculis hominum exinde valeas commendabilis existere, & Ecclesia Romana honoris & gloriæ recipiat incrementum. Datum Ferent. vi. Idus Septembris.

EPISTOLA XV.

ALEXANDER *Episcopus servus servorum Dei. Dilecto filio PETRO tit. sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* NON sine graui dolore & amaritudine cordis audiuius illud horrendum & detestabile facinus, quodd in necem bonæ memoriæ R. quondam Cameracensis Electi nuper est ausu diabolico perpetratum. Vnde cum tantum & tam graue flagitium non debeamus irrequisitum vel impunitum relinquere, sed potius ad id iudicandum nos conueniat omnem diligentiam & sollicitudinem adhibere, discretionem tuam per Apostolica scripta mandamus atque præcipimus, quatinus venerabiles Fratres nostros Remensem Archiepiscopum & Suffragan-

Tom. IV.

B B b

LVDOVICVS
VII. IV-
NIOR.

neos eius studiose commoneas, & diligenter inducas, vt sicut eis dedimus in mandatis, illos qui præfatum electum tam crudeliter occiderunt, vel fecerunt occidi, & eos etiam qui ad eum occidendum vel capiendum iuerunt, publicè accensis candelis excommunicatos denuncient, & faciant in singulis Ecclesiis suorum Episcopatum denunciar: donec de tanto & tam graui excessu dignè Deo & Ecclesiæ satisfaciant, & cum Litteris eorum Apostolico se aspectui repræsentent. Si verò id facere fortè noluerint, vel distulerint, tu conuocatis Episcopis suffraganeis Remensis Ecclesiæ, & aliis Ecclesiasticis personis illius Prouinciæ, publicè appellatione remota accensis candelis illos quos diximus excommunicatos denuncies, donec ad Apostolicam Sedem cum Litteris tuis veniant satisfacturi. Datum Ferentin. v. Idus Marcij.

EPISTOLA XVI.

ALEXANDER *Episcopus seruus seruorum Dei. Dilecto filio PETRO tit. S. Grisogoni Presbytero Cardinali Apostolica Sedis Legato, salutem & Apostolicam benedictionem.* Cum bonæ memoriæ VV. quondam Portuensis Episcopus candelabra xxi v. & cappam argenteam xiv. marcarum, deauratam intus & extra, apud Lemouicensis Ecclesiæ deposuerit: volumus & mandamus, vt per nuncium tuum prouidum & discretum à dilectis filiis nostris Decano, Archidiacono, & Canonicis eiusdem Ecclesiæ, vel etiam ab Abbate Sancti Martialis, hæc & alia, si qua de bonis eiusdem Episcopi apud eos sunt, ex parte nostra quantocius requiri facias, recepta nobis deferas, si debueris ad nos citò redire, aut si non es ad nos quantocius rediturus, apud dilectum filium nostrum Abbatem Sancti Germani Parisiensis eadem ponere non postponas. Nos enim eis dedimus in mandatis, vt tibi, vel certo nuncio tuo præscriptam cappam, candelabra, & alia, si qua de bonis prædicti Episcopi sunt apud eos, non differant assignare. Datum Laterani vi. Kalend. Aprilis.

EPISTOLA XVII.

ALEXANDER *Episcopus seruus seruorum Dei. Dilecto filio PETRO tituli sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* INNOTUIT nobis ex Litteris carissimi in Christo filij nostri MANVELIS illustris Constantinopolitani Imperatoris, quòd ipse in manu forti Turcorum tetram ingressus, ciuitates & castra ferro & igne consumpsit, & in medio terræ Soldani Iconij ciuitatem quandam magnam & populosam construxit, vbi Latinos & Græcos qui eam custodiant posuit, & per ciuitatem ipsam magnæ regionis Turcorum per Dei gratiam dominatur. vsque aded, quòd viam Sepulcri Domini visitandi omnibus Christianis tam Latinis quàm Græcis reddidit Domino faciente securam. Vnde quia idem Imperator firmum votum se asserit & propositum gerere, ab impugnatione illius nefandæ gentis nullatenus abstinere, donec auctore Domino contra gentem ipsam perficiat quòd incæperat: nos volentes iuxta petitionem suam eius pium propositum promouete, Regibus & Principibus Orbis, & aliis fidelibus, exhortationis Apostolicæ Scripta direximus, vt ad confundendam gentem illam, & exaltandum nomen fidei Christianæ, obtentu piæ deuotionis fideliter & diligenter intendant. Monemus itaque discretionem tuam attentius, & mandamus, quatinus tam Regem quàm Principes, Comites, & Barones, & alios Dei fideles Regni Francorum, ad hoc idem sollicitis monitis & hortationibus labores inducere. ita quòd persuasio tua in operis effectu clarescat, & nos prudentiam tuam & sollicitudinem dignè possimus in Domino commendare. Datum Anagninæ i v. Kal. Februarij.

EPISTOLA XVIII.

ALEXANDER *Episcopus seruus seruorum Dei. Dilecto filio PETRO tit. sancti Grisogoni Presbytero Cardinali, Apostolica Sedis Legato, salutem & Apostolicam benedictionem.* LIET mandauerimus vt hi, qui volunt docere, nihil pro Scolis

A regendis ab aliquo exigant, iuxta illud: *Veni, & audi*, Volentes tamen honestati & litteraturæ Magistri Petri Cancellarij Parisiensis, quantum salva honestate possumus, prompta benignitate deferre, quem speciali prærogatiua diligimus & volumus honorare: Discretioni tuæ mandamus, quatinus habito consilio cum venerabilibus Fratribus nostris VVilhelmo Senonensi Archiepiscopo, Apostolicæ Sedis Legato, & H. Remensi Archiepiscopo, & aliis dignis & honestis personis, super regimine Scholarum Parisiensium, quod tibi visum fuerit, ita quod personam iamdicti Petri non excedat quod exinde feceris, circumspectâ diligentia prævideas, atque disponas: eam cautelam & maturitatem adhibiturus, quod non videaris modum excedere, & illi qui Scholas rexerint non debeant immoderatè gravari. Datum Ferent. 1 v. Kal. Novembris.

LYDOVICVS
VII. IV-
NOR.

EPISTOLA XIX.

ALEXANDER *Episcopus servus servorum Dei. Carissimæ in Christo filia B. illustris Francorum Regina salutem & Apostolicam benedictionem.* QUANTO tibi diuina clementia dignitatis gradum contulit altiore, quanto etiam inter alias mundi personas te maiori potentia & nobilitate ditavit: tanto utique sub potenti manu Dei, à quo est omne datum optimum, & omne donum perfectum, Excellentiam tuam decet amplius humiliari, & unicam sponsam eius, sacrosanctam videlicet Ecclesiam, tota mentis affectione diligere, & toto studio venerari, atque ad honorem & exaltationem illorum, qui ex canonica Fratrum electione in ea Domino disponente ministrant, intendere, & ad eorum confusionem, qui eam opprimere & laniare conantur, oportet te sollicitius laborare. Qualiter autem Octavianus scismaticus, simoniacus, & manifestus inuasor, post canonicam electionem nostram, & postquam nos inuitos & renitentes, de mandato ac voluntate Fratrum, Odo Prior Diaconorum induerat, seipsum intruserit, atque ipse idem manto se propriis manibus operuerit, ex Litteris, quas ad Episcopos aliosque Ecclesiæ Prælatos per diuersas Prouincias constitutos nos olim recolimus destinasse, ad notitiam tuam plenariè credimus peruenisse. Quia igitur Ecclesia Dei multis attrita laboribus, & non modicis angustia preßuris, ope & consilio potentum & nobilium personarum à multis retro temporibus non magis quàm nunc indiguit auxiliari: Excellentiam tuam per Apostolica scripta rogamus, monemus, & exhortamur in Domino, ut in deuotione matris tuæ sacrosactæ Romanæ Ecclesiæ, ac nostræ, sicut de te confidimus, & speramus, immobili firmitate consistas, & simoniaca prauitate illius scismatici atque apostatici omnimodò reprobata, à quo videlicet Episcopi, Abbates, atque alij viri religiosi, & cunctæ ferè personæ tam Ecclesiasticæ quàm seculares, sicut à peste mortifera fugiunt, & ad eum nulla ratione accedunt, in petra fidei, & Ecclesiæ vnitæ animi tui constituas firmitatem, atque carissimum filium nostrum L Y D O V I C V M illustrem Regem Francorum virum tuum ad hoc ipsum iugi exhortatione inducere studeas, & modis omnibus exhortari. Nos enim personam tuam, sicut carissimæ filiæ nostræ, sinceram volumus in Christi visceribus caritate diligere, & postulationes tuas, quantum cum Deo possumus, libentiùs exaudire. Datum Anagninæ Idus Novembris.

EPISTOLA XX.

VENERABILI Patri suo semper in Christo honorando, suus, & sibi per omnia deuotissimus cum summa reuerentia indeficientem caritatis affectum. QVOD cum Principibus sedeas, & solium gloriæ teneas, lætatur & exultat spiritus meus. Lætatur, inquam, de principali confesso, si tamen quæ Principe digna fuerint cogitaueris. Ardens quidem ille iustitiæ zelus tuus, quem cum spiritu iudicij ante omnem Deo inspirante conceperas potentatum, in ipso nunc potentatu tuo, & ex ipso armaturam accepit. Principem enim, ut dicitur, constituerunt te, & donauerunt miliciæ cingulo. Vide igitur quomodo viriliter agas, stes in acie fortiter, & tuum qualiter ministerium impleas: & ut in hac vocatione tua bonum certamen certes, omnis Ecclesia nostra, sicut sperat, & expectat. Ego quidem pro sensus mihi à Deo dati tenuitate, Excellentia tuæ polymitam & talarem epi-

Tom. 1 F.

BBb ij

LVDOVICVS
VII. IV-
NIOR.

stolaris eloquij vestem variis & rhetoricatis verborum filis consutam destinasse, si præ angustia tam corporis quam temporis licuisset. Verum ex præhabita corporis valitudine sensus etiam mei viles adhuc in horum baiuli recessu non parum confundi fuerant. Cuius etiam inopinata profectio & festina grandes materias, de quibus prudentiæ vestræ longum desideravi sermonem texere, molesta nos fecit breuitate arctari. Primò quippe de Regni vestri & Sacerdotij statu desiderabam vos plenius instrui. Deinde qualiter communis Dominus noster se habeat. Verum quod scribentis diligentia minus facere potuit, præsens viua voce supplebit breuigerulus. Quæ tamen multò scripsissem libentius, si non obstitissent præfata. Vnum autem est, ad quod oportet vos omnem adhibere discretionis oculum, & iusticiæ zelum. Vt scientia zelum habeat comitem, & scientiam zelus. Ad illos videlicet, qui Anglicanæ Ecclesiæ electi dicuntur, acutius & toto mentis intuitu intédatis necesse est. Quorum aliqui Episcopatum sicut videtur desiderantes iam ad nos profecti sunt, vt per denominationem Principis, ne dicam electionem, sacram à nobis & sacramentalem vñctionem percipiant. Qui nolentes reddere Cæsari quæ Cæsaris sunt, quærunt vt sibi reddat Deus quæ Dei sunt. Quid tamen hîc agendum? Nostra, Pater sancte, consideratio hæc. Sciat autem quòd Rex Angliæ iunior vos solum post Deum in isto negotio suam spem posuit, quia plurimum confidit de vobis. Vndè & per nuncium, quem ad Curiam proximè missurus est, vestræ Sanctitati inter ceteros, & pro ceteris, effectuosissimas Litteras destinari præcepit. Dicatis etiam si placet Magistro Bert. quòd iamdicti Regis obtineat gratiam, & cùm tempus acceperit magnam ipsi vniuersi laboris sui mercedem promittat. Igitur cùm præfati electi ad Curiam venerint, ne aliquid circa eos agatur præproperè, vestri consilij adhibeantur vires. præfati potiùs Regis nuncius expectetur, cuius sicut speratur gratissimus erit vobis & toti Curix aduentus. Spero autem, & in Domino confido, quòd ista erit via pacis Ecclesiæ, per quam à iugo seruitutis liberabitur, & consuetudines illæ prauæ, pro quibus ille gloriosus neomartyr noster post exilij aspera demum vitam martyrio finiuit, in sanguine fuso oblitterabuntur. Pro dilecto socio nostro domno Gil-lone Sanctitati vestræ affectuosissimas porrigo preces, vt ipsius & meum pro ipso votum, quod istorum portitor expositurus est, impleatis. Illum autem, qui omnium nostrum est Pastor, admoneatis si placet, vt circa me ouem suam iamdiu errabundam aliquod pastoris officium impleat, & misereatur errantis. Valeatis in æternum Pater sancte, & mihi semper in Christo amplectende, & paruitatis nostræ habeatis memoriam. Litteras istas, si placet, dilecto socio meo Magistro Bert. communicetis, qui mox discerpat perlectas.

EPISTOLA XXI.

ALEXANDER *Episcopus seruus seruorum Dei. Venerabilibus Fratribus Episcopis, & dilectis filiis Abbatibus, & aliis Ecclesiarum Prælati per totam Angliam extra Eboracensem constitutis, salutem & Apostolicam benedictionem.* Ex iniuncto nobis à Deo Pontificatus officio, præter eam quæ diuersis Ecclesiarum Prælati in sibi subditos est concessa potestas, quandam specialem de omnibus nos oportet curam & sollicitudinem gerere, quæ ad nostram solummodo prouisionem, vel ad eius, cui vices nostras in his commiserimus exequendas, noscitur præcipuè pertinere. Proindè siquidem et si de vniuersis Dei Ecclesiis curam & studium habeamus, quæ ad nostram tamen spectant iusticiam * vbique præsentialiter exequi non valemus. venerabilis Fratris nostri T. Cantuariensis Archiepiscopi prudentiam & discretionem, & circa vos & Ecclesiam Dei sincerissimæ deuotionis affectum sollicita consideratione pensantes, quantò personam suam inter ceteras, quæ in partem commissæ nobis sollicitudinis à Domino sunt vocatæ, cariorum in omnibus & magis expertam habuimus, tantò præ aliis Ecclesiæ filiis specialis dignitatis prærogatiuâ duximus honorandum. Et idè discretionis & honestatis suæ constantiam attendentes, ipsum Legatum Sedis Apostolicæ per totam Angliam, excepto Episcopatu Eboracensi, de communi consilio Fratrum nostrorum statuimus, & suæ prudentiæ nostras ibidem vices committimus exsequendas. Ita videlicet quòd in vicem nostram & corrigenda corrigere, & quæ statuenda fuerint

* al. ad nostrum tamè spectant officium.

A auctore Domino salubriter debeat stabilire. Quocirca vniuersitati vestræ per Apostolica scripta præcipiendo mandamus, quatinus eidem tanquam Apostolicæ Sedis Legato humiliter in omnibus obediatis, & ad eius vocationem sine contradictione aliqua venientes, sibi in his quæ ad nostrum spectant officium plenius respondeatis. Ea quoque, quæ ad honorem Dei & fidelium suorum salutem statuerit, suscipientes firmiter & seruantes, digna ipsum reuerentia, & assiduis semper studeatis honoribus præuenire. ut per prouidentiam & curam ipsius, & obedientiam ac humilitatem ipsam, Ecclesiæ vobis commissæ tam spiritualiter quàm temporaliter de bono in melius cooperante Domino prouehantur, & vos propter hoc ad interminabile gaudium possitis feliciter peruenire. Datum Laterani Nonas Martij.

LVDOVICVS
VII. IV-
NIOR.

EPISTOLA XXII.

ALEXANDER Episcopus seruus seruorum Dei. Dilecto filio SIMONI Archidiacono Parisensi salutem & Apostolicam benedictionem. CVM sis vir litteratus & discretus, te nullatenus ignorare credimus, eos grauitur excedere, & Cantorem suum sibi reddere offensum, qui pro electione vel intronizatione alicuius viri Ecclesiastici pecuniam exigere vel extorquere præsumunt: cum id ad simoniacam prauitatem non sit dubium pertinere. Ex parte siquidem dilectorum filiorum nostrorum Abbatis & Fratrum Ecclesiæ sancti Victoris Parisiensis ad nos est querela perlata, quod tu ab eis centum solidos exigere non vereris, eò quod prædictum Abbatem contra antiquam & rationabilem consuetudinem prædictæ Ecclesiæ post benedictionem susceptam in sedem posuisti. cum id tantum ad Priorem & Subpriorem eiusdem Ecclesiæ pertinere dicatur. Quia verò intronizatio Abbatis, vel alicuius Ecclesiastici viri, libera & gratuita esse debet, sicut & electio: discretioni tuæ per Apostolica scripta præcipiendo mandamus, quatinus pro intronizatione prædicti Abbatis à Fratribus prædictæ Ecclesiæ nihil per te vel alios exigas, & eis hac occasione nullam molestiam inferas, vel grauamen. sed ipsos liberè orationi vacare permittas. Quod si secus agere præsumpseris, & ab eorum indebitis grauaminibus non destiteris, nos auctore Domino eisdem in iure suo, sicut non debemus, vlla ratione non deerimus.

Huc usque XXV. folia Codicis MS. Quæ sequuntur in XXVI. & aliis, videntur esse alterius manus; licet non minus antiquæ. Interponuntur autem aliquot folia non scripta.

EPISTOLA XXIII.

CMANTISSIMO Domino & fratri LVDOVICO Dei gratiâ Regi Francorum excellentissimo, HENRICVS Remensis dictus Archiepiscopus salutem, & vera dilectionis affectum. RELATVM est nobis, quod ex quo à vobis discessimus, interuenerunt quidam qui Dominum Sueffionensem Cancellarium vestrum infidelem vobis intimauerunt: à gratiâ vestra eum recedere facientes. Quia verò vos & dominum & fratrem & amicum habemus carissimum, honorique & commodo vestro pro posse nostro prouidere debemus: omnibus modis Sublimitati vestræ supplicamus, quatenus super his nulli vllatenus acquiescatis. Siquidem memoratum Cancellarium vobis fidelissimum & credimus & scimus. Ceterum, homo vester est, neque quod suum est ab eo vllatenus euellere possitis, quin in vos culpa redundaret, atque super hoc culpabilis haberemini. Super hoc negotio sollicitus sum. timeo enim, ne si ab eo recesseritis, Dei & populi offensam incurratis. Rogo, supplico, consulo, ne ab eo vspiam recedatis: atque à fidelibus in infideles manus vos ipsum & vestra ponatis.

EPISTOLA XXIV.

R *Dei gratia Romana Ecclesia Presbyter Cardinalis & Cancellarius, dilecto amico suo HVGONI illustris Regis Francorum Cancellario salutem & sinceram dilectionem.* CIRCÀ ea quæ nobis dilectus noster Magister Henricus gloriosi Regis Franciæ nuncius, & Clericus tuus, nobis ex tua parte proposuit, libenti animo operam dedimus: & quantum salua honestate licuit effecimus, vt opere complerentur. Nos enim personam tuam, sicut dilecti & specialis amici nostri, sincera caritate in Domino diligentes, ad ea quæ ad honorem & commodum tuum pertinere debeant libenter intendimus, & quantum cum Deo possumus laboramus. Ad hæc, prædictum Hen. amicum nostrum, litteratum Clericum & honestum, quem circa negocia tua fidelem esse cognoscimus ac deuorum, caritati tuæ attentius commendantes, rogamus plurimum, vt eum tum pro sua probitate, tum amore & interuentu nostro, magis ac magis diligas, & eidem in oportunitatibus suis ita prouideas, quòd nos exindè gratiarum tibi debeamus exsoluere actiones: & ipse de deuoto deuotior tibi omni tempore valeat permanere.

EPISTOLA XXV.

B

* fort. leg.
Britius Decanus &
Clerici.

VENERABILI Fratri & amico carissimo HVGONI Dei gratiâ Sueffionensi Episcopo, & Cancellario, HENRICVS eadem gratiâ sanctæ Romanæ Ecclesiæ Presbyter Cardinalis salutem, & intima dilectionis affectum. QVANTVM in vestra amicitia confidamus, dilectionem vestram ignorare non credimus. Idcirco fraternitatem vestram rogamus attentius, vt ea quæ Britius*, & Decanus, Clerici, & fideles nostri & amici vestri vobis dixerunt, sic amore nostro effectui mancipare curetis, vt nos promptiorem & paratiorem ad negocia vestra secundum voluntatem vestram omni tempore habeatis.

EPISTOLA XXVI.

HENRICVS Remensis dictus Archiepiscopus carissimo suo H. venerabili Sancti Victoris Abbati, salutem & dilectionem in Domino. RELATVM est nobis, quòd quidam interuenientes post recessum nostrum à Parisius, Dominum Sueffionensem carissimum nostrum à gratiâ Domini Regis recedere fecerunt. Scripsimus Domino Regi super hoc negocio, supplicantes, consulentes, quatenus super hoc nulli acquiescat. Vestræ quoque dilectioni scribimus, vt Litteras, quas illi destinamus, ipsi ex parte nostra dirigatis: & earum fidus sitis interpretes. Ceterum, si in gratiam Domini Regis rediit Dominus Sueffionensis, sigillumque suum ei reddidit, Litteras nostras ei non præsentet.

C

EPISTOLA XXVII.

ILLVSTRISSIMO & glorioso Domino LVDOVICO Dei gratiâ Regi Francorum iustitiæ assertori, & orthodoxæ fidei defensori magnifico, IACOBVS eadem gratiâ sanctæ Romanæ Ecclesiæ Diaconus Cardinalis salutem, & felices ad vota successus. DIVINI muneris est, quotiens regia potestas, sepositis secularis prouentus utilitatibus, iustitiæ tramitem, aggreditur, & nullo errore deuiat: sed ad id quod summum est æquitate & iustitiâ semper intendit. A primordio etenim vnctionis vestræ in Regem, & Dauiticam humilitatem, & Salomonis sapientiam, & Iob tolerantiam, vestra consecuta est genuina nobilitas: & quem extollere regius debuit honor, mansuetum & mitem cælestis gratia fecit. Vnde mater vestra gaudet Ecclesia. Vnde nos, qui totum quod possumus, quod scimus, quod habemus, sub vestro dominio & voluntate ponimus, plurimum inter ceteros mortales gratulamur: & quantò vos affectuosius diligimus, tantò vestra nos prospera dilatant, & infortunia arctius angustant. Perlectis sanè Maiestatis vestræ Litteris, licet de sospitate vestra certificati gaudeamus, de perturbatione tamen pacis inter vos & Regem Anglicum nuper exorta, non parum dolemus. præsertim cum Cardina-

Alium incuriâ & assensu, sicut ex vestrarum Litterarum tenore perpendimus, quodammodo euenisse vester intelligat prouidus sensus. & dum procliui fuerunt ad postulata, offensam vestram incurrere non prouiderunt incauti. Ex quo igitur Dominus Apostolicus, sicut vester spiritualis Pater, ex intimo cordis tristatur affectu; & tota Curia de damno & iniuria vobis illata dolet atque compatitur. cum inter omnes Principes, quos hodie Romana Ecclesia habet deuotos, vos præcipua caritate diligit, & amplius semper honorare intendat. Verum in instanti tempore quantis prematur angustiis, quantis quassetur procellis, quàm multa patiatur Ecclesiæ pacè corrigenda, non est huius vestræ Excellentie exponere. qui nobis compatiētes, prout regiam vestram decuit dignitatem, pro exaltatione & confirmatione Domini Papæ & laborem suscipere, & studium adhibere nullo modo postposuistis. Rogamus itaque & exhortamur, quatenus Litteras Apostolicas benignè suscipientes, iuxta continentiam earum monitus, & consilium filialiter obseruetis. Nam licet hoc tempore ad plenum, prout postulatis, imminente scismatis articulo, vos exaudire non valeat, desiderij sui tamen est, oportunitate accepta, vestræ præ ceteris Orbis terrarum Principibus satisfacere voluntati. Et nos nunc & semper pro vestra vestrique Regni exaltatione & commodo promptos atque deuotos ad hoc, & omnia quæ expedierint, regia petimus opinetur Maiestas. Præterea, dilectum amicum nostrum Guidonem, quem pro honore & exaltatione vestra studiosum & sollicitum esse cognouimus, Excellentie vestræ attentius commendamus.

LYDOVICVS
VII. IV-
NIOR.

EPISTOLA XXVIII.

VENERABILI Fratri & amico carissimo HVGONI Dei gratiâ Sueſſionensi Episcopo, IACOBVS eadem gratiâ sanctæ Romanæ Ecclesiæ Diaconus Cardinalis cum dilectione salutem. LATOR præsentium O. de patrocinio nostro valde confidens, magna precum instantiâ, quia sentiebat se non modicum esse grauatum, de hoc quod medicina in eo modum excedit, tum quia beneficio fuerat priuatus Ecclesiastico, tum quia fuerat paterna expoliatus hereditate, nobis plurimum supplicauit, vt pro eo vestræ scriberemus fraternitati. Proinde prudentiam vestram attentius deprecamur, quatenus inter venerabilem Fratrem Parisiensem Episcopum & ipsum si potestis componere componatis. Sin autem, eum in sua iustitia manu tenere curetis, ita quod in hoc vobis commissio negotio se grauari non sentiat.

EPISTOLA XXIX.

LYDOVICO Dei gratiâ excellentissimo Francorum Regi, ALEXIVS non suffragantibus meritis tit. sancti Laurentij in Lucina Presbyter Cardinalis, sic disponere temporale Regnum, vt consequi mereatur æternum. AD reuerendam gloriam vestram, & obsequium vestrum sollicita deuotione complendum, & suscepti debiti Sacerdotij, & regie reuerentia dignitatis satis mihi causæ hætenus existerat. Nunc autem quia & Maiestatis vestræ apices accesserunt, qui paruitati meæ vestræ salutationis alloquium dependerunt: accensum est desiderium, solidatum propositum, & in id omnis intentio nostra directâ, vt agendis vestris fidelem iugiter dependeam famularum. Optimam siquidem officij mei exequens actionem, si ei, quem ceteris Regibus præclaris intueor operibus eminere, super ceteros fidelis semper inueniat & deuotus. Quicumque in congregatione pereuntium opum, in alienæ inuasionis iustitiæ, in casura ad breue tempus gloria se extollat, ego in animo meo illum iudico præferendum. immò & regnare illum solum existimo, qui se diuinæ voluntati coaptat, & dominium suum ad diuinæ ordinat arbitrium bonitatis. Nam aduersus alium dicit Dominus per Prophetam, Quantum exaltauit se, & in deliciis fuit, tantum date illi vincla & carceres. Quocirca paruitatem meam Maiestati vestræ subſternens, exoro suppliciter, vt si mediocritatem meam alicui negotiorum vestrorum credideritis oportunam, quod officio meo competit tanquam debitum requiratis. Dupliciter equidem volo vobis esse deuotus; sicut vos dignitatem regiam video dupliciter ab aliis honorare. Si enim Dauid quantumlibet inimicum Saül, & à Domino reprobatur, reuereri non de-

BBb iiij

LVDOVICVS
VII. LV-
NIOR.

fiit, quantum ego ad remum Ecclesie de humili loco susceptus, & ab extremis terrarum nubes educus, tam Catholico Regi, quem Dominus inuenit secundum cor suum, debeam esse fidelis: & ex attestatione Scripturarum, & ex mea intelligo iudicio rationis. Et utinam sicut datum est mihi cognoscere, ita diuinitus detur iugiter adimplere.

EPISTOLA XXX.

LVDOVICO inclito & venerabili Regi Francorum præcordiali amico, IACOBVS Dei gratia sanctæ Romanæ Ecclesiæ Diaconus Cardinalis salutem, & intimam dilectionis perseverantiam. Dum summæ probitatis, summæque dilectionis, vos erga amicos certissima ratione esse cognoscimus, dilectionem vestram animosè cupimus retinere, eamque apud nos carissimam iugiter habere. Inde est etenim, ut, quia de prudentia & dilectione vestra valde confidimus, negotia quæ vestra & amicorum vestrorum sunt, tanquam propria indefinenter habere volumus: quæ verò nostra & nostrorum sunt, vobis insinuare non dubitamus. Proinde dilectionem vestram modis omnibus obsecramus, quatinus latorem præsentium Elioth, quem diu conuersantem apud nos & fidelissimum seruientem habuimus, apud Dominum Regem Anglorum in sua iustitia tueamini, & possessionem aui & amicitæ, quæ sua fore dignoscitur, precibus vestris, Litteris, vel nuncio apud eum taliter adiunctis, ut nostras præces apud vos sibi profuisse noscamus.

EPISTOLA XXXI.

HENRICVS, & VVILLELMVS, & ODO, Dei gratia sanctæ Romanæ Ecclesiæ Cardinales, & Apostolicæ Sedis Legati, venerabili & dilecto Fratri HVGONI Dei gratia Rothomagensi Archiepiscopo, eiusque Suffraganeis, salutem. SACROSANCTA Romana Ecclesia desideria & vota fidelium, & postulationes maxime Catholicorum Principum ita nouit benigna pietate suscipere, & eadem consuevit tam congrua moderatione pensare, ut nihil Euangelicis seu Apostolicis Regulis contrarium statuatur, vel quod illis obuiet nullius precibus vel supplicatione concedatur. Sed si institutis Ecclesiasticis vel traditionibus prædicti fideles videantur quandoque postulare diuersa, interuenientibus tamen certis & indubitatis causarum suffragiis, veluti ut fœdera pacis contrahantur, vel ut contracta conseruentur, ut ad Christi fidem gens vel populus conuertatur: ita eorum petitioni ab Ecclesia præbetur assensus, ut & salua sit regula fidei Christianæ, & tamen intermissis quandoque Ecclesiasticis traditionibus, paci & tranquillitati consulatur Ecclesiæ. Verum quia de contrahendis sponsalibus inter filium HENRICI serenissimi Regis Anglorum, & filiam LVDOVICI gloriosissimi Regis Francorum, quibus ad hæc peragenda plenitudo videbatur deesse ætatis, pro bono pacis & concordie fuerat pertractatum, & sicut veridicorum relatione percepimus, de consensu amborum Regum, ut eadem sponsalia fierent, si Ecclesiæ possent habere consensum, fuerat stabilitum: Postulauit à nobis prædictus Rex Anglorum, ut in eisdem sponsalibus contrahendis, ex parte domini Papæ & Romanæ Ecclesiæ, cuius legatione fungimur, nostrum præberemus assensum. Nos ergo pro bono pacis & concordie, pro quiete & tranquillitate amborum Regum, & vtriusque Regni, pro statu quoque Ecclesiarum Dei, quæ in eisdem Regnis sub eisdem Regibus præcipue pollere videntur, permittimus, & concedimus, secundum quod à parentibus & eisdem Regibus conditum est, ipsos puerum videlicet & puellam ad inuicem desponsari, & solemnitates, quæ in contrahendis coniugiis requirentur, si postulatum fuerit, à vobis concedimus exhiberi.

EPISTOLA XXXII.

EXCELLENTISSIMO Domino LVDOVICO Dei gratia magnifico & pacifico Francorum Regi, PETRVS Bituricensis Ecclesiæ humilis Minister salutem & vere humilitatis obsequium. QVOD de ore vestro audiuius, & certis didicimus experimentis, quod etiam nulli ferè de Regno est incognitum, & sonat in ore vulgi: hoc maiorem facit nobis fidem, quia persona vestra personam nostram ad-

A modum dilexerit, quam & plurimum extulit, & multis modis honorauit. Nuper etiam vestra liberalitas ad dominum Papam & ad Curiam Romanam pro nobis scripta propria cum proprio nuncio destinauit, & preces multum affectuosas effudit. Vnde vobis obnoxij esse debemus, & debitas gratiarum actiones exsoluere tenemur. Prudentia quoque vestra non debet ignorare, quia & nos vice mutua vero ac puro amore vos dileximus. honorem vestrum, & Regni, & Coronæ, quibuscumque potuimus modis optauimus & quæsiuimus, & nomen regium studuimus exaltare. Semper autem vos diligentes dileximus, & consortium fugimus odientium, & omninò recusauimus eorum familiaritatem. nec in aliquo vnquam credimus nos Regiam offendisse Majestatem, quam semper curauimus nobis retinere propiciam. & hoc studium nostrum fuit, & est, & erit dum vita comes fuerit. Cùm itaque sic ad inuicem fuerimus coniuncti, nos vobis sicut Domino carissimo, & vos nobis sicut humili & deuoto amico: non possumus non mirari super his, quæ fama volante, & vtinam mendaci: audiuiamus. quòd videlicet ad suggestionem vnius qualiscumque hominis Cadurci, vester amicus tam pius, tam rectus, tam prudens, tam constans, aduersum nos tam fideles vobis & tam deuotos potuit exacerbari, vel aliquantulum commoueri. præsertim cùm neque per vos, neque per aliquem vestrum super hoc nos conueneritis, nec aliquam prætenderitis rationem istius commotionis. Nam adeò sinceriter & tenerrimè vos diligebamus & diligimus, quòd amorem vestrum, de quo pariter confidebamus, per aliquem mortaliū non credebamus posse à nobis separari. Porro, quod de domino VV. sororio vestro fecimus, firmissimè teneatis nos fecisse pro honore & pro amore vestro & vestrorum nobis conseruando. Cadurcus enim ita vehementer nos dum grauiter infirmaremur angebat, quòd nec pro amore Dei, nec pro reuerentia nostri Ordinis, nec pro commonitione ac precibus Ebonis de Carentonio, & Abbatis sancti Ambrosij, qui super hoc vobiscum locuti fuerant, voluit nobis inducias dare: donec conualesceremus de infirmitate nostra, & vobiscum loqueremur. quod proculdubio desiderabamus, & adhuc desideramus. Sed quia idem Cadurcus & sui iactitant, quòd nonnisi per eum remitteretis indignationem vestram, nec etiam bonum accessum possumus ad vos habere, nisi per ipsum: timemus ad vestram accedere præsentiam, ne fortè non hilarem, sed grauem inueniamus faciem vestram. Quod quidem si, quod absit, contingeret, non vobis honor, sed magnum nobis dedecus esset. Heu! quantus pudor est, quàm inæstimabilis, si pro tali homine quis incurrat regiam indignationem, vel tanti Domini gratiam adipisci mereatur! Pro tali homine placuit vobis efficere apud dominum Papam, vt grauamen illud nobis prius inferret, quod nulli Episcoporum de Regno vestro audiuius vsque modo per vos fuisse illatum. Qui plus dileximus, plus grauaminis & ruboris per inquietum spiritum Cadurci sustinuimus. Meminisse potest discretio vestra, quòd cùm illum amore vestro Canonicum fecissemus in Ecclesia Bituricensi, diximus

G vobis quia alios duodecim magis quàm ipsum solum ibi vellemus posuisse. Res ipsa nunc declarat, si sine ratione hoc dixerimus. Recordari quoque potestis, nos hoc anno vobis intimasse, quia Cadurcus iactitauerat se, quòd vel honorem in Ecclesia Bituricensi erat in proximo habiturus, vel dilectionem vestram nobis ablaturus. Quòd hoc dixerit, quòd hoc intenderit, per ipsum opus liquido innotescit. Rogamus ergo benignitatem vestræ mansuetudinis, & pium cor vestrum exhortamur in virtute Regis regum, & Domini dominantium: vt non inclines animum regium ad blanditias adulantium, & ad persuasiones persequentium nos. nec ducat regia benignitas Sacerdotium nostrum turbare cuius, potius est animos sedare inquietos. Sed quod tam asperè & ex insperato factum est contra nos, & Ecclesiam Bituricensem, quam semper pro posse nostro studuimus & studemus augmentare & exaltare, reuocare si placet non dedignemini. Immò vindicandum grauius esset in eum, qui tam fidelem & tam deuotum vobis auferre conatur amicum. Indubitanter quippe noscatis, quòd obsequiis vestris, & beneplacito vestro prompti sumus & parati cum omni deuotione, & erimus semper Domino auctore. Conseruet vos Deus sanum & propiciū nobis, & conterat inimicos vestros sub pedibus vestris.

LVDOVICÒ *Dei gratiâ Francorum Regi magnifico, P. eadem gratiâ Narbonensis Archiepiscopus sibi per omnia deuotus perpetua pacis triumphum.* DE Celsitudinis vestræ notitia ac familiaritate quondam nobis à Deo concessa plurimum confidentes speramus, vt modò, quia opus est, Maiestatis vestræ protectio nobis officiosè subueniat. Obtineat ergo protectionis locum apud nobilitatem vestram nostræ deuotionis affectus, & quem olim respicere dignatus estis, modò protegere, defendere, manutenere, & in nostris iustis petitionibus exaudire dignemini. Multas equidem, Domine mi Rex, patimur calamitates, & eas breui non possumus explicare sermone. Inter quas vnum est quod amplius mouet nos, quia fides Catholica in nostra diocesi læditur in immensum, & beati Petri nauicula tantis hæreticorum oppressiõibus tunditur, quòd ferè ad demersionem periclitatur. Arripiat igitur strenuitatis vestræ dextera scutum fidei, & arma iustitiæ, & exurgat in adiutorium Domini: vt per vestræ correctionis censuram ab Ecclesia nostra omnis hæretica prauitas arceatur. Est & aliud, quod nihilominus mentem nostram sollicitat, quoniam, sicut à sapientibus illius Terræ didicimus, Dux Normanniæ sua callida & subdola simulatione, & argumentosa circa vos & Curiam vestram circumlocutione, non oportet scribere nimia, vt dicitur, in vestros argenti effusione, fines Regni vestri sub occasione Tolosæ inuadere nititur: sperans sibi per caudam simul & caput corrumpere. Ad hoc similiter vestram excitamus strenuitatem, vt etiam in his vestræ non obdormiat magnanimitatis audacia. His enim omnibus vno ad partes nostras accessu prouidere poteritis, & pacem Ecclesiæ reddere, & indemnitati Regni vestri consulere. Nos autem ad omne bonum vestrum, & Coronæ vestræ sublimationem, atque totius denique Curie vestræ honorem paratos pro posse semper inuenietis. Non est certè sub cœlo, quod mens nostra tantum desideret, quàm vestris parere mandatis, & vobis & Curie vestræ seruire in tempore oportuno. Cetera dicet vobis ex parte nostra dilectus noster Magister Radulphus Legatus vester, qui multum eleganter in partibus nostris apud omnes, de quibus nouerit expedire, nuncium vestrum peragit. Ipsum tanquam nos audietis. Valeat, sicut nos desideramus, & Ecclesiæ Dei opus est, Regni vestri Corona.

EPISTOLA XXXIV.

REVERENTISSIMÒ Domino LVDOVICO *Dei gratiâ Francorum Regi illustrissimo, ERMINGARDIS Narbonensium Vicecomitissa, eius fidelis & humilis femina salutem, & Karoli Regis magnanimitatem.* QVIA vestræ, serenissime Domine, placuit Celsitudini, vt ad me ancillam suam visitandam Legatum suum Magistrum R. & proprias Litteras delegaret, pergratum habeo, & inde grates innumeras vestræ refero Maiestati. De hoc verò quòd mihi mandastis, vt inimicorum vestrorum consortia fugerem, & in dilectione vestra sicut incœperam perseuerarem: nobilitatem vestram indubitanter tenere volo, quoniam cum Coronæ vestræ hostibus nec fœdus inij, nec familiaritatem habitura fui. In voto gerens, vt vos sincero affectu diligam, & me ac mea præceptis vestris atque obsequiis pro loco & tempore exhibere studeam. Tolosæ autem negocium protegere & desidero, & cum necessarium fuerit vestris precibus non desistam. Sed si protectionis vestræ dextera arma & scutum apprehenderit, & exurget in adiutorium Tolosæ, constantius & libentius sequar vestigia armorum vestrorum. Doleo siquidem non solùm ego, sed & omnes compatriotæ nostri ineffabili tabescunt mœsticia, quia partes nostras, quibus Francorum Regum strenuitas insignia contulit libertatis, defectu vestro, ne dicam culpâ, sub alterius dominio, ad quod minimè spectant, deuenire videmus. Non vestræ sit molestum Altitudini, carissime Domine, quia ita audacter vobiscum loqui præsumo, quia quantò Coronæ vestræ femina sum specialior, tantò molestius fero, cum eam à status sui culmine video inclinari. Non enim ad solam Tolosam, sed ad omnes partes nostras à Garona vsque Rodanum, sicut aduersariorum vestrorum est iactantia, obtinendas, sentio festi-

A nari: ut membris sub seruitute redactis, caput ipsum facilius queat labefactari. Assumat ergo virtutem strenuitas vestra, & in brachio forti partes nostras ingreditur: ut & hostium vestrorum reprimatur audacia, & amicorum spes digna habeat solatia. Sicque fiet, ut tam partium nostrarum Prælati quàm Principes, qui omnes si audeant vobis cupiunt famulari, cum vestra præsentia & sine ea Tolosam tueantur, & in statum solitum studeant reformare. Rogo itaque, & pro eodem supplicant ceteri, ut ad expensarum grauamen non respiciatis, quia pro vna marca centum recuperabitis, & insuper nomen vestrum, quod apud nos obscuratum est, apud omnes exaltabitis. Si quæ de his quæ dicenda sunt prætermittimus, eâ Magistri R. qui esse nostrum & nostrarum partium nouit, relatione addiscetis. Valere, valeant qui vos amant.

LYDOVICVS
VII. IV-
NIOR.

EPISTOLA XXXV.

A MANTISSIMO Domino & Patri A. Dei gratiâ summo Pontifici, GVILLELMVS eadem gratiâ Senonensis Ecclesiæ humilis Minister, & Apostolica Sedis Legatus, deuotam obedientiam. QVIA de paternitatis vestræ serenitate, & Sanctitatis vestræ copiosa vbertate, plus vestra gratiâ quàm nostris meritis præsumimus: idcirco quos tenerrimè diligimus, & vobis fidelissimos extitisse cognoscimus, Apostolatui vestro commendare nullatenus reformidamus. tantò ampliùs nos exaudiendos fore autumantes, quantò precum instantia honestiori refulget affectu.

B Hinc est, quòd venerabilem Fratrem nostrum Sueffionensem Episcopum, & illustri Regis Francorum Cancellarium, virum discretum, honestum, litteratum, & in negociis vestris constantissimum, benignitati vestræ commendamus sicut nosmetipsos. Rogantes attentius, ut in omnibus, in quibus ipsum audire & supportare poteritis, benignè si placet faciatis: ut ipse de fidei fidelior decetero existat, & qui audierint, ardentius ad clementiæ vestræ sinum refugiant. Quod enim ipsi factum fuerit, tanquam nobis ipsis feceritis reputabimus. Valeat paternitas vestra.

EPISTOLA XXXVI.

H ENRICVS Remensis dictus Archiepiscopus, venerabili Fratri HVGONI Dei gratiâ Sueffionensi Episcopo salutem & dilectionem in Domino. SCRIPSI-MVS Domino Regi super negotio vestro, rogantes & omnimodò consulentes, quatenus gratiam suam nullatenus à vobis subtrahat, nullique super hoc acquiescat. Videatis etgò ne moueamini, vel aduersis aliquibus turbemini. Parati sumus ad honorem & commodum vestrum vigilanter eniti. Mittimus Abbati Sancti Victoris, ut nostras Litteras Domino Regi præsentet, quia fidum credimus interpretem fore.

EPISTOLA XXXVII.

V ENERABILI Patri & Domino ALEXANDRO summo & vniuersali Pontifici, P. eadem gratiâ, & sanctæ Romanæ Ecclesiæ, ac domini Regis Francorum, Ecclesiæ beati Aniani Decanus seruicium debitum ac deuotum. QVANTO labore sudauerim, ut destructo errore personæ Regni Francorum vos in Patrem & Pastorem reciperent animarum, nouerunt domini Cardinales, qui corporeis hoc oculis conspexerunt. Receptus itaque multo labore Cardinalium, quoniam Ecclesiarum Prælati dissensionis tempore congaudebant. Spoliabant enim impunè subditos, & impotentes ac pauperes nequiter aggrauabant. Cœperunt domini Cardinales paulatim exhortari & commonere Episcopos, ut per viam reſtitutionis incederent, & Ecclesiæ Romanæ statuta non adedò passim conuellerent, aut tam patenter à tramite iustitiæ nullatenus deuiarent: Et cum hoc certè plus iusto tenuiter agerent, quoniam fortè quod fecerant eos remordebat, occasio guerræ aduenit, & orta est guerra inter Reges, quæ facile sedari non poterit, quòd non est qui vel de pace faciat mentionem. Episcopi guerram desiderant, quoniam & guerram Romanæ Ecclesiæ in guerra Regum intelligunt augmentari. Turbatus est enim dominus Rex, & valdè nimis, & quia nouis adhæsit Principibus, atque iuueni-

LVDOVICVS
VII. IV-
NIOR.

bus, timendum valde est, ne ipsius animitas immutetur. Gaudent & exultant A
Episcopi, & alij Ecclesiarum Prælati Franciæ, quod domini Cardinales gratiam
regiam amiserunt. propter quod manus ad qualibet vilia extendere non formi-
dant. Appellationes prætereunt & contemnunt, & ac si non fuerit appellatum,
post appellationem exterminant vniuersa. Nimis pepercit Romana Ecclesia Epi-
scopis delinquentibus, & idè vilis & contemptui nunc habetur. Resumat ita-
que, Pater, vires suas sancta Romana Ecclesia, & per semitas iusticiæ incedens,
recto disponat vniuersa iudicio. Valete.

EPISTOLA XXXVIII.

REVERENDO Domino & fratri suo LVDOVICO Dei gratiâ Francorum Re-
gi, HENRICVS Remorum dictus Archiepiscopus salutem, & fraternæ dilectionis
affectum. VEHEMENTER amittamur, & vehementius perturbamur in his
quæ significata sunt nobis, Comitem scilicet Henricum sacramenta firmissimâs-
que securitates ex parte vestra, sicut dicitur, Imperatori dedisse: Quod illum
Ostouianum generaliter cum Ecclesia Gallicana in Apostolicum debeat recipere.
A quo verò nobis hoc sit significatum, nec habemus, nec debemus vobis in-
timare. Litterarum autem super hoc ad nos directarum contentia hæc est.

Epistola
hæc est
FRIDE-
RICI
Imp. in-
frat. Epist.
L.

" INTER vniuersas tumescentes tempestatum procellas, quibus iam diu nauicula B
" beati Petri quassata, & inter pressuras diuersas, quibus sancta Dei Ecclesia frequen-
" ter afflicta & tribulata est: tandem verus ille mediator Dei & hominum homo
" Christus IESVS, qui Ecclesiam suam velut vnicam sponsam proprio caractere sui
" preciosi sanguinis insigniuit & redemit, consolationis gratiam, quam ascendens
" in cælum fidelibus suis repromisit, inquit, *Non relinquam vos orphanos, ecce ego*
" *vobiscum sum omnibus diebus, vique ad consummationem sæculi*, euidentibus & mani-
" festis declarat indicitiis. Ipse enim sicut stella matutina in medio nebulæ oriens,
" solita pietate Ecclesiam suam in tribulatione respexit, & surgens imperauit ventis
" & mari, & facta est tranquillitas magna. Pro illa siquidem controuersia, quæ in-
" ter nos & Regem Francorum pro scismate Romanæ Ecclesiæ iam diu agitabatur,
" aspirante Spiritus sancti gratiâ, quæ facit habitare vnanimes in domo Domini,
" mediantibus hinc indè Legatis, tandem parâ voluntate & vnanimi consensu inter
" nos conuenit. Quod videlicet cum Archiepiscopis, Episcopis, & Patribus or-
" thodoxis, ac viris religiosis, Baronibus, & vniuersis vtriusque Regni Principibus,
" 1 v. Kal. Septembris, in die videlicet Decollationis sancti Iohannis Baptistæ, su-
" per fluuium Saonam in Episcopatu Bisuntino Concilium pariter generale cele-
" braturi sumus. In quo Rex Francorum dilectus consanguineus noster, cum vni-
" uersis Archiepiscopis suis, Episcopis, & cum omnibus Regni sui Principibus, &
" tota Gallicana Ecclesia, reuerendum Patrem nostrum dominum Papam, sicut per
" sacramenta, & firmissimas securitates præordinatum est, in Apostolicum, & vni- C
" uersalem sanctæ Dei Ecclesiæ Pontificem recipiet, & debitam reuerentiam exhi-
" bebunt. Verum, quia hoc negocium tam arduum, tamque salubre, & tam necessa-
" rium, ubi de reconciliatione sanctæ Ecclesiæ, & salute totius Christianitatis in
" commune agitur: sine tuæ discretionis, ceterorumque Principum, ac Christi fi-
" delium, consummari præsentia, nec debet, nec potest. Exoramus te, & mone-
" mus in ea fide quam debes Imperio, & sanctæ Dei Ecclesiæ, & animæ tuæ; quati-
" nus omni occasione submota, cum sapientibus & magis idoneis & litteratis per-
" sonis tuæ diocesis, apud Bisuncium 1 v. die ante prædictum terminum, familiari-
" ter more Curie nobis occurras, ad Concilium nobiscum processurus. Ibi enim
" per gratiam Dei totum negocium domini Papæ VICT. ad gloriam Dei, & pa-
" cem & vnitatem sanctæ Ecclesiæ, & omnimodum honorem Imperij honesto sine
" terminabitur. Sit igitur in hoc tantæ necessitatis articulo circumspecta vestra dif-
" cretio, ne per filios tenebrarum innocentia vestra tam animæ quam corporis mi-
" serabile patiatur naufragium. Valete.

EPIST.

EPISTOLA XXXIX.

VENERABILI Patri & domino V. Dei gratiâ Pisano Archiepiscopo, P. eadem gratiâ, & sanctæ Romanæ Ecclesiæ, ac Domini Regis Francorum, Ecclesiæ beati Aniani Decanus, obedientiam debitam & deuotam. P. TABAM Pater, citius viuz vocis alloquio sanctitati vestræ salutationis exhibere obsequium: scilicet videre corporeis oculis desideratam vultus vestri præsentiam, & frui vestræ colloquio Sanctitatis. Prohibuerunt hoc domini Cardinales, nec passi sunt me ad præsens recedere, quoniam vt asserunt mea præsentia indigebant. Proxima tamen festiuitate beati Lucæ ad vos Domino ductore perueniam, & recipietis filium in alienis partibus honore & magno beneficio Ecclesiastico, non suo merito, sed diuino munere, ampliatum.

EPISTOLA XL.

VENERABILI & carissimo Fratri Dei gratiâ Suesicensi Episcopo, O. eadem gratiâ sanctæ Romanæ Ecclesiæ Diaconus Cardinalis salutem. PRO latote præsentium, qui diu satis molestè tractatus est, dilectionem vestram attentè rogamus, quatinus amore Dei & intuitu pietatis ipsum in causa sua, quam dominus Papa discretionem vestræ committit, prout cum Deo potestis manuteneatis, & benignè pertractetis. Sic ut enim nobis videtur, dominus Parisiensis amicus noster satis molestè, & minus rationabiliter tractat eum. qui etiam non deberet eum duplici contritione conterere.

EPISTOLA XLI.

P Dei gratiâ, & sanctæ Romanæ Ecclesiæ, ac Domini Regis Francorum, Ecclesiæ beati Aniani Decanus, dilectis suis I. & T. uxori eius salutem. NOVI experientiâ operis, quod me diligitis, & quod propter me securius Clericis Franciæ de vestra pecunia creditis. Ego enim & pecuniam requisui sæpius, & iam me marcam puri argenti à Priore noueritis recepisse. Sed & VVillelmum adeo compuli, quod in præsentia multorum 1 x. solidos se compromisit reddere, & eredo quod eos reddidit termino constituto. Porro, si securum haberem nuncium, vobis omnia citissimè destinarem. sed nec vnum inuenire possum, qui suo velit periculo pecuniam reportare. Veniam tamèn ego citò Domino ductore, & vestra omnia reportabo fideliter.

EPISTOLA XLII.

DOMNO Abbati Sancti Benedicti, Frater R. de Claraualle sanctam accipere benedictionem. OPORTET vt ex instanti festinetis ad Dominum Regem, & totam confusionem nostram, & quomodo proditi sumus, ei tanquam benigno Domino nostro plenissimè indicetis. & quia gaudemus ex parte, quod negocium eius in causa nobis fuit huius anxietatis. Pro eo siquidem, quod Domino Senonensi consulimus de die statuenda, quod nobis benè antè promiserat, ita confudit, sic in nos vindicans Regis amorem. Petite etiam ab eo Litteras efficacissimas super hoc negotio, vt dominus Papa omnimodis confirmet quod fecerunt filij obedientes, duo scilicet Episcopi, quia & sibi gratissimum, & Ecclesiæ necessarium est. nec noceat, quod ita tertius se subtraxit inobediens mandato Apostolico, & regalium contemptor monitorum. Qui si ad eum venerit, sentiat vestram iniuriam, & iniuriam singularem Regi non placere. Salutate carissimum nostrum Cancellarium, & rogate vt tales super hoc Litteras scribat, quæ & suum probent, & regium erga nos redolere inueniantur affectum, sicut præsumimus de utroque.

EPISTOLA XLIII.

REVERENDISSIMO in Christo Fratri, socio & amico TH. domini Hostiensis Clerico, P. Dei gratiâ, & sanctæ Romanæ Ecclesiæ, ac Domini Regis Francorum, Ecclesiæ Aniani Decanus salutem. SCRIPSI tibi sæpius, & tuarum Litterarum se-
Tom. IV. CCc

LYDOVICVS
VII. IV.
NIOR.

riem videre iam longo tempore nullatenus metui. Propter quod dolerem amplius, si non eadem tibi quæ & mihi difficultas esset opposita, & occasio non scribendi. Et quidem perditionis se filij opposcentes, cahos inter nos posuerunt, quod ad vos nostræ Litteræ, nec ad nos vestræ possunt vllatenus pertransire. Scribimus nos tamen sæpius, vt de mille saltim vnam recipias, & habeas pro amicis materiam supplicandi. Robertus consanguineus tuus, & amicus meus, à Capitulo Parisiensi non potest obtinere quod de iure ipsi competit, & quod exigit ratio æquitatis. Diuiserunt Præbendas, nec est sibi assignata, prout fuerat ipsi in Capitulo compromissum. Rogat itaque vt impetres Litteras à domino Papa ad Decanum, Cantorem, & Capitulum Paris. quatinus si Robertus poterit legitimis & idoneis testibus probare, quod integram ei Præbendam in villa aliqua in diuisione Præbendarum promiserint assignare, prout promiserunt adimpleant. Petitiones alias meas, quas ad dominum Papam dirigo, vt effectū operis compleantur, per dominum Episcopum & per te ipsum efficias.

EPISTOLA XLIV.

G Dei gratiâ Vngaria, Dalmacia, Cronacia, Ramaque Rex nobilissimus, **LYDOVICO** eadem gratiâ victorioso Regi Francia, amico suo dilectissimo, indissolubile vinculum dilectionis. **CERTVS** de amicitia & fraternitate vestra, mitto ad vos nuncium meum familiarem & fidelissimum, Osbertum nomine: & maioris quidem dignitatis personam misissem, sed securum iter non patuit. Scitis enim, quoniam Imperator Alemannorum, orto in Ecclesia scismate, proprium Papam sibi elegit, & contra sanctorum Patrum instituta defendit. Ego verò timens Deum, & non hominem, velut Catholicæ fidei cultor, **ALEXANDRVM**, quem vniuersalis Ecclesia, & vestræ regis dignitatis auctoritas confirmauit, & confirmatum recepit, sicut per nuncios meos mandastis, confirmaui, recepi, & ab hoc nullo modo dissentire proposui. Si ergo vestræ discretionis prudentia in prædicti Apostolici confirmatione & obedientia constans & stabilis permanere decreuit, per vestrum magnificum nuncium mihi mandetis. Ego etenim aliquem de maioribus meis tunc vobis mittam, & per eum voluntatis meæ plenitudinem significabo. Notum itaque vestræ fraternitatis amicitia firmiter facio, quatinus si prædictus Imperator vobis aut Regno vestro aliquid mali machinari voluerit, ego Regnum eius in manu forti deuastando aggrediar. Hoc idem à vobis tanquam ab amico confidenter expectans. Valete, & verbis præsentium latoris non minus quàm scriptis fidem adhibete.

EPISTOLA XLV.

L **LYDOVICO** supernæ gratiæ respectu glorioso Regi Francorum, **O. Bobonis domini** Papa **VICT.** Senescalcus, sincere dilectionis affectum, & deuoti seruicij famulatum. **REGIÆ** Maiestati vestræ, illustrissime Rex, immensas gratiarum actiones refero, quod meæ humilitatis paruitatem per Stephanum fidelem vestrum suæ salutationis gratiâ visitare dignata est vestræ sublimitatis Excellentia. Sciat autem vestra sublimitas, quod dominus meus Papa **VICT.** salua domini Imperatoris debita reuerentiâ, nullum penitus Regum vel Principum, qui in toto mundi spacio sunt, in tantum sicut vestram personam diligere, & honorare, & exaltare intendit. Quod proculdubio ipsa rerum experientia plenissimè cognoscetis, cum eius visione atque colloctione Domino fauente perfruemini. Ego quoque meum qualecumque obsequium & fidele seruicium vobis offero, & cum tempus suaserit, tanta deuotionis instantiâ in vestro seruicio, & in vestra fidelitate me laborare promitto: quod inter speciales amicos vestros non immerito semper me debeatis habere.

EPISTOLA XLVI.

D **ILECTO** Domino & amico venerabili Sueſſionenſi Episcopo, & Regni Francorum Cancellario, **R. Dei gratiâ sanctæ Coloniensis Ecclesiæ Electus, & Italici Regni Archicancellarius, salutem, & intima dilectionis deuotum obsequium.** **TOTO** mentis vestræ desiderio ad Domini vestri Regis Francorum honorem promouendum

A vos anhelare cognoscimus. Quia verò nihil est; ex quo regalis eius dignitatis gloria magis quàm ex Imperatoris Maiestatis amicitia proficere valeat, discretionem vestram attentius rogamus, & omninò dilectioni vestræ consulimus, quatenus ad hoc toto annisu, totisque viribus intendatis, atque cooperemini; ut ad Catholicæ fidei unitatem Christi fidelium resipiscere queat vniuersitas, & in colloquio inter dominum meum serenum Augustum, atque dominum vestrum illustrem Francorum Regem habendo, ea quæ pacis sunt & concordie feliciter pertractentur.

LVDOVICVS
VII. IV-
NIOR.

EPISTOLA XLVII.

FREDERICVS Dei gratiâ Romanorum Imperator & semper Augustus, dilecto amico suo HVGONI venerabili Episcopo Suesſionensi, & Regi Francorum Cancellario, salutem cum intima & sincera dilectione. IN veritate audiuius, quòd ROLANDVS quondam Cancellarius, qui propter fideles nostros circa Romam non habet, nec inuenit, ubi caput suum reclinet, periculis maris seipsum cum suis pseudosequacibus commiserit, ut Terram Francigenarum intret, eamque scismaticæ prauitatis errore, utpotè manifestus Dei & Ecclesiæ ac Imperij inimicus, commaculet & spoliet: ut etiam quomodocumque corradat viginti mille libras, & amplius, unde creditoribus suis debita persoluat, quia sub alieno ære valde grauer ipse laborat. Rogantes itaque tuam dilectionem intimo & pleno affectu monemus, quatinus prædictum scismaticum, nostrum & totius Imperij atrocem inimicum, nullo modo recipias, nec recipi ab aliquo permittas: Regique Francorum bona fide consulas, ne ipsum, vel aliquem de suis pseudo-Cardinalibus vel Nunciis recipiat. Tantum enim ac tale odium inter nostrum Imperium & suum Regnum exinde posset oriri, quòd non de facili compescere possemus, aut sedare.

Sequentium
Epistolarum
aliquas edi-
dit Mav.
Freherus Cō-
siliarius Pa-
latinus To-
mo suo I. Re-
rum Germa-
nic. Sed eas
malè Frede-
rico II. Im-
peratori &
Sicilia Regi
tribuit, cum
sint Frederi-
ci I. aui
illius.

EPISTOLA XLVIII.

MANVEL in Christo Deo fidelis Imperator, porphyrogenitus, regnator, fortis, excelsus, semper Augustus, & autocrator Rome non comminus, dilectissimo consanguineo & amico Imperij sui, LVDOVICO nobilissimo Regi Francorum salutes, & consanguineæ dilectionis indissolubile vinculum. Ex quo iter, quod propter seruicium Domini nostri IESU Christi à vobis peractum fuit, nostræ vnanimitatis & vniōnis causa extitit, extunc dilectionem vestram indeletam in animo nostro conseruatam esse non hæsitatis. Quamobrem solliciti sumus addiscere de nobilitatis vestræ prosperitatibus. Quoniam autem diuinæ providentiæ placuit, tam longinquam atque vetustam effectam parentelam nostram & amicitiam, per aliam propinquiorem consanguinitatem renouare, & veluti quodammodo repubescens reddere, in eo quòd de nobilissima prole vestra Imperium nostrum consortem ducere decreuit, filiam videlicet R. nobilissimi Principis Antiocheni, vnius quippe ex honoratissimis Imperij nostri Principibus, quam Imperiali diademate magnificè insigniuius: iustum est deinceps nos & scriptis & internunciis inuicem frequentius visitari. Quamobrem Litteras nobilitatis vestræ suscipientes, in quibus continebatur, quoniam coadunatione Ecclesiarum, ceterarumque nobilium personarum, à vobis tractatum confirmatumque est, quasi iustum Papam sanctissimum ALEXANDRUM suscipiendum esse, quem vos utique quasi Patrem summumque Pontificem suscepistis, & idè nostro Imperio scripsistis, quatenus ei condecens honorem & amorem, utpotè tali tantoque viro, exhiberet, hoc nostrum vobis Imperium rescribit. Antea quidem addiscebatur Imperium nostrum de statu sapientiæ sobrietatisque ipsius. nunc verò tale de sanctitate eiusdem testimonium suscipiens scripto tanti viri, qualis vos estis, tum præclaræ coronæ insigniti, tum fide & veritate decorati, & consanguinitatis propinquitate & amicitia Imperio nostro obligati, credibile & receptibile testimonium vestrum decernimus, & condignam reuerentiam ipsius Sanctitati exhibemus, & orationum eius participes fieri optamus. Si autem vobis placet diligentius de vestræ nobilitatis & de Sanctitatis eius voluntatibus per internuncios vestros iniunctum habentes de omnibus huiusmodi negotio pertinentibus loqui & audire, & operam dare his quæ locuta fuerint & confirmata nostro Imperio insinuare: paratam inuenient

Tom. IV.

CCc ij

LYDOVICVS
VII. IV-
NIOR.

tranquillitatem nostram ad hoc peragendum. Quoniam verò non per Nuncios nostros apicem istum vestræ nobilitati porreximus, non ob aliud hoc factum fuit, nisi quia nobiliorum hominum immissio propter itineris difficultatem in præsentì tempore non facilis: & minorum, vestræ nobilitati & huiuscemodi negocij dispensationi indigna videbatur. Etenim non multò antè nuncius Imperij nostri ad vestram nobilitatem missus fuit post aliquos, quos præmiserat. Verùm quia per Siciliam transire permissum ei non fuit, reuersus est. Quapropter venerabili Archiepiscopo Beneuentino hunc apicem, & dispensationis in eo contentorum sollicitudinem committere nostrum Imperium decreuit. quatenus aut per seipsum, aut per Nuncios Imperij mei illuc missos, si tamen adhuc in partibus illis habentur, aut aliter, ipsum vestræ nobilitati ostendat. Rescribere autem, & renunciando mittere nostro Imperio ea quæ vestræ sublimitati placent, si volueritis, non pigrescimini.

EPISTOLA XLIX.

ILLUSTRI viro LYDOVICO Dei gratia Regi Francorum deuotissimo Domino suo, atque diligentissimo, R. eiu. dem permissione Princeps Antiochenus licet indignus salutem & dilectionem. OPPRESSIONES & paupertates huius Terræ, excellentissime Domine, frequenter audistis, & ni Deus auertat frequentius auditurus estis. Qua paupertate & anxietate sustineatur, vobis linguâ nec manu dicere vel scribere possumus, quamuis benigna Dei clementia temporibus nostris ampliata sit. Aures quidem omnium Christianorum cotidie apertæ sunt & erectæ, per vos liberationem expectantes, & interrogantes, sicut Iohannes in vinculis positus redemptionem IESV Christi per Nuncios ab eo interrogabat. Scientes verò cor vestrum ad liberationem huius Terræ esse sæpius intentum, cotidie ad Deum pro vestra exaltatione flexis genibus orant. vt ipse sicut velle, sic posse vobis præstare dignetur, in manibus cuius corda Regum sunt, vt Terra hæc per vos visitetur, & à manibus impiorum liberetur. Ego autem de vestris naturalibus hominibus natus & nutritus, ad iussu vestrum adimplendum paratus sum. Sunt etiam hîc duæ filix Principis RAIMUNDI, quæ ad nobiles annos peruenere, facie & corpore nimis pulcherrimæ. pro quibus clementiam vestram humiliter imploramus, quatinus eas in terra vestra ad honorem generis earum nuptiali copula viro dare dignemini. quia in hac Terra, arduitate eiusdem terræ, & earum consanguinitate, eas maritare non possumus. Præterea vestram exoro humiliter discretionem, quatinus de patrimonio meo, quod mihi & meis iniuste & vi, & etiam, sicut omnibus proculdubio patet, abstulerunt, vt ius & ratio expostulat, sic deducere dignemini. Esse vestrum, quod audire desideramus, sæpius nobis dilectio vestra rescribere dignetur. Nos autem per misericordiam Dei sani & incolumes sumus. Milo de Nealphis miles & homo vester vobis apertissimè esse huius Terræ ore narrauerit.

EPISTOLA L.

FREDERICVS Dei gratiâ Romanorum Imperator & semper Augustus, dilecto suo Archiepiscopo gratiam suam, & omne bonum. INTER vniuersas tumescentes tempestatum procellas, quibus iam diu nauicula beati Petri quassata, & inter pressuras diuersas, quibus sancta Dei Ecclesia frequenter afflicta & tribulata est: tandem verus ille mediator Dei & hominum homo Christus IESVS, qui Ecclesiam suam velut vnicam sponsam proprio caractere sui preciosi sanguinis insigniuit & redemit, consolationis gratiam, quam ascendens in cælum fidelibus suis repromisit, inquit, *Non relinquam vos orphanos, ecce ego vobiscum sum omnibus diebus usque ad consummationem seculi*, euidentibus & manifestis declarat indiciiis. Ipse enim sicut stella matutina in medio nebulæ oriens, solita pietate Ecclesiam suam in tribulatione respexit, & surgens imperauit ventis & mari, & facta est tranquillitas magna. Pro illa siquidem controuersia, quæ inter nos & Regem Francorum pro scismate Romanæ Ecclesiæ iam diu agitabatur, aspirante Spiritus sancti gratiâ, quæ facit habitare vnanimes in domo Domini, mediantibus hinc inde Legatis, tandem pari voluntate & vnanimi consensu inter nos conuenit. Quod nos videlicet cum Archiepiscopis, Episcopis, & Patribus or-

A thodoxis, ac viris religiosis, Baronibus, & vniuersis vtriusque Regni Principibus, LVDOVICVS VII. IVNIOR.
 iv. Kal. Septembris, in die videlicet Decollationis sancti Iohannis Baptistæ, su-
 per fluuium Saonam in Episcopatu Bisuntino Concilium pariter generale cele-
 braturi sumus. In quo Rex Francorum dilectus consanguineus noster, cum vni-
 uersis Archiepiscopis suis, Episcopis, & cum omnibus Regni sui Principibus, &
 tota Gallicana Ecclesia, reuerendum Patrem nostrum dominum Papam, sicut per
 sacramenta, & firmissimas securitates præordinatum est, in Apostolicum, & vni-
 uersalem sanctæ Dei Ecclesiæ Pontificem recipiet, & debitam reuerentiam exhi-
 bebunt. Verum, quia hoc negocium tam arduum, tamque salubre, & tam necessa-
 rium, ubi de reconciliatione sanctæ Ecclesiæ, & salute totius Christianitatis in
 commune agitur, sine tuæ discretionis, ceterorumque Principum, ac Christi fi-
 delium, consummari præsentia nec debet, nec potest. Exoramus te, & mone-
 mus in ea fide quam debes Imperio, & sanctæ Dei Ecclesiæ, & animæ tuæ; quati-
 nus omni occasione submota, cum sapientibus & magis idoneis & litteratis per-
 sonis tuæ diocesis, apud Bisuncium iv. die ante prædictum terminum, familiari-
 ter more Curie nobis occurras, ad Concilium nobiscum processurus. Ibi enim
 per gratiam Dei totum negocium domini Papæ VICT. ad gloriam Dei, & pa-
 cem & vnitatem sanctæ Ecclesiæ, & omnimodum honorem Imperij honesto fine
 terminabitur.

B

EPISTOLA LI.

FREDERICVS Dei gratiâ Romanorum Imperator præpotentissimus à Deo corona-
 tus, magnus & pacificus, inclitus, victor, ac triumphator semper Augustus, dilecto
 consanguineo suo LVDOVICO eadem gratiâ Francorum Regi glorioso salutem, & in-
 timam dilectionis sinceritatem. POST QUAM diuina clementia, per quam Reges re-
 gnant, & legum conditores iusta decernunt, ad Romanæ Imperij nos sublimauit
 gloriam, & ex pacis abundantia, quam mundus dare non potest, feliciter regnan-
 di felicia nobis concessit tempora, desiderio desiderauimus faciem tuam videre, &
 familiaritatis tuæ perfrui dulcissima allocutione. Sed præpedientibus magnis ac
 multimodis valde dilatati Imperij nostri negociis, quod pia mente concepimus
 effectui mancipare non potuimus. Quia verò per Legatos tuos, & per Epistolam
 tuam, hoc ipsum æquè te optare cognouimus, & credimus, non modicè gaude-
 mus. Sperantes in eo qui dat salutem Regibus, quòd ex nostra salutifera collo-
 cutione, vniuerso Orbi pacis & tranquillitatis non modicum, & Ecclesiis Dei, emer-
 gendi, respirandi, multiplicandi præbeatur incrementum. Sed quòd voluntatis
 bonæ benignum desiderium hinc inde nondum compleri potuit, nec tuæ tardita-
 ti, nec nostræ videtur imputandum recessioni. Nunc autem, quia in procinctu
 Italicæ expeditionis iam sumus, & Principes Imperij nostri ad eandem vnanimi-
 ter intendunt; quo in loco, quo tempore conuenire & colloqui possimus, incer-
 tum habemus. nisi fortè si completa expeditione vita comes fuerit, super hoc cum
 Principibus nostris diligentissimè ordinabimus. Volumus etiam, vt quod tu de
 nobis, nos de te sperare semper possimus. Vera enim amicitia nunquam fallit.

C

EPISTOLA LII.

FREDERICVS Dei gratiâ Romanorum Imperator & semper Augustus, dilecto con-
 sanguineo suo LVDOVICO illustri Francorum Regi salutem, & sincera dilectionis
 affectum. LITTERAS & Legatum nobilitatis tuæ qua debuimus alacritate sus-
 cepimus, benignè Imperiales aures accommodantes his quæ à sinceritate tua no-
 bis nunciata sunt. Placet igitur sublimitati nostræ, vt inter nos tanquam consan-
 guineos, & inter cognata Regna nostra, deteriso totius rancoris nebulo, sinceræ di-
 lectionis splendor refulgeat; & fœdus amicitiae, quod facit vtraque vnum, indisso-
 lubilem semper conseruet amorem. Sanè quæcumque necessaria sunt ad conser-
 uandam inter nos mutuæ dilectionis integritatem, cum dilecto consanguineo no-
 stro fidele tuo HENRICO Comite Trekarum amicè & plenariè ordinauimus.
 & sicut conditum est, inuiolabiliter obseruare curabimus. Datum Papie post
 destructionem Mediolani ii. Kal. Iunii.

Tom. IV.

CCc iij

EPISTOLA LIII.

FREDERICVS *Dei gratiâ Romanorum Imperator & semper Augustus, dilecto suo E. venerabili Lugdunensi Archiepiscopo, & Primati Galliarum, gratiam suam, & omne bonum.* IMPERIALIS nostræ sollicitudinis propositum, quod Lugdunensem Ecclesiam & ciuitatem à diutinis laboribus suis exuere, & in antiquæ dignitatis suæ statum reformare decreuimus, pro tua fidei erga nos deuotione in pectore nostro incessanter vigilat; quoad vsque Deo opitulante debitum sortiatur effectum. Vnde propicia diuinitas, quæ omnium consiliis interesse, & ea promouere consuevit, congruam nobis hoc tempore oportunitatem obtulit: vt partes Burgundiæ, imò ipsam ciuitatem Lugdun. in propria Maiestatis nostræ persona quantocius adeamus, ac ruinas eius in status sui decorem cooperante Domino erigamus. Comes siquidem HENRICVS Trecentis cùm ad Curiam nostram in Legationem Domini sui Regis Francorum venisset, & reuerendum Patrem nostrum Papam VICTOREM humili veneratione honorasset, studiosè à nobis postulauit, quatenus ad colloquium inter nos & eum Regem habendum accederemus. tantùmque huic verbo institit, quoad vsque vniuersorum nostrorum Principum consilio colloquium indiximus. iv. Kal. Septembris ad Pontem Laonæ inter Diuionem & Dolum, cum Archiepiscopis, Abbatibus, aliisque Cleri nostri Prioribus illò venturi. Quia ergo tua diligens prudentia in eodem colloquio nobis plurimùm necessaria est, venerabilitati tuæ studiosè mandando iniungimus, quatenus ad idem colloquium omnes suffraganeos tuos euoces, & cum vniuersis Prioribus, Abbatibus, & Cleri celebritate, omni remota occasione venias. quia nos ibidem diuina gratia promouente, super Ecclesiæ Dei restituenda vnitatem, & super domini Papæ VICTORIS confirmatione, finem imponemus. Interea verò consilium non fuit, vt militiam, prout dictum erat, transmitteremus: quia quæcumque sunt in bellicis rebus agenda, seu disponenda, per præsentiam nostram conuenientius adimplere curabimus. Dominus quidem Papa nobiscum aderit, & oportebit propter defectum domorum in tentoriis habitare.

EPISTOLA LIV.

FREDERICVS *Dei gratiâ Romanorum Imperator & semper Augustus, fidei suo MATHEO Duci Lotbaringia, gratiam suam & omne bonum.* QUONIAM in scismate, quod est in Romana Ecclesia, vniuersus Orbis in seipsum diuisus est, & tota Christianitas non modica turbatione concutitur, nos tota animi compassione sanctæ Dei Ecclesiæ doloribus condolemus, totius consilij & auxilij propensiorē curam & sollicitudinem adhibere cupientes: vt totius dissensionis discrimine sublato, Ecclesia Dei sicut in vnitatem fidei, ita sub vnius Pastoris regimine in vnum ouile congregetur. Indè est, quod ex consilio Principum cum dilecto consanguineo nostro LVDOVICO illustri Rege Francorum. iv. Kal. Septembris, in die videlicet Decollationis sancti Iohannis Baptistæ, super fluuium Saonam Concilium celebrare statuimus. in quo, aspirante Spiritu sancto, qui facit vnanimis habitare in Domo Domini, speramus vt Ecclesiasticæ pacis & vnitatis status reformetur, & dominus Papa VICTOR Apostolicæ Sedis gubernacula debeat obtinere. Verùm, quia hoc negotium tam arduum, tamque salubre, & tam necessarium, vbi de reconciliatione sanctæ Ecclesiæ, & salute totius Christianitatis in commune agitur, sine tuæ discretionis præsentia consummari nec debet, nec potest: exorantes commonemus te in ea fide quam debes Imperio, & sanctæ Dei Ecclesiæ, & animæ tuæ, quatinus omni occasione summotam apud Bisuncium. iv. die ante prædictum terminum familiariter more Curie nobis occurras, ad Concilium nobiscum processurus.

EPISTOLA LV.

VICTOR *Episcopus seruus seruorum Dei, carissimo in Christo filio LVDOVICO illustri Regi Francorum salutem & Apostolicam benedictionem.* De nobilitatis

A ac prudentiæ tuæ sinceritate & dilectione plenam obtinentes fiduciam, dilectos filios nostros præsentium latores, T. nostrum Capellanum virum honestum, religiosum atque discretum, & Stephanum nobis tibi que fidelissimum, ad Regiam Maiestatem tuam transmittimus. attentè monentes ac rogantes, quatinus pro beati Petri reuerentia, ac nostræ dilectionis intuitu, eos benignè recipias: & quæ tibi ex nostra parte dixerint, tanquam ab ore nostro prolata firmiter & indubitanter credas. & quàm citissimè super his quæ tibi dixerint, per eosdem, & proprios nuncios tuos certum nobis responsum mittere non differas. Datum Parmæ, VIII. Kal. Iulij.

LYDOVICVS
VII. IV-
NIOR.

EPISTOLA LVI.

VICTOR *Episcopus servus servorum Dei, carissimo in Christo filio* LYDOVICO *Francorum illustrissimo Regi salutem & Apostolicam benedictionem.* DEVS omnipotens, qui est Rex regum, & Dominus dominantium, idè Regna & Principatus hominibus concedit, ut cum sancta Ecclesia sponsa sua, quæ hîc peregrinatur in terris, aliquam iniuriam patitur aut necessitatem, ipsi per potestatem sibi collatam eam iuvare debeant: ut repulsa iniuriâ Deo suo vacare valeat, & securâ libertate servare. Hoc autem tantò plenius quisque tenetur agere, quanto maioris dignitatis gloria decoratus esse dinoscitur. Qualem te inter Reges, de quo **B** semper gavisus sumus, æternus Deus effecit, carissime. Porro de negotio Ecclesiæ & nostro multa & sæpè magnificentiæ tuæ scripsisse meminimus, ad quæ iuvanda & promouenda brachium inuictæ potentæ tuæ libenter inuitavimus & obsecravimus obnixè. Dedissesque iam diu, sicut verè putamus, precibus nostris effectum, nisi pravi homines tuam rectissimam animam à sanctis consiliis auertissent. Sed opus est iam nunc, dilectissime in Domino fili, ut non omni spiritui credas tam de negotio Ecclesiæ & nostro, quàm etiam tuo & Regni tui. De quibus cum multa tibi dicere habeamus, nolumus per cartam & atramentum, sed ut efficacius cautiùsque inter nos omnia gerantur, St. tam nobis quàm tibi fidelissimum iuramento astringimus, sicque illi cuncta tibi fideliter referenda commisimus. Ei ergo tanquam si nobis ore ad os loquereris, vniuersa quæ sub illo iuramento dixerit adiuratus crede. sciturus, & in nullo dubitans, quia omnia sicut dixerit verbo, ita Domino adiuuante opere prosequente complebimus. Quod faciemus & pro antiqua dilectione, quam tibi veram certamque semper exhibuimus, & pro consanguinitate quæ per dilectissimam nobis uxorem tuam inter nos, de quo valde gaudemus, nuper contracta feliciter existit. Datum Cremonæ III. Idus Febr.

EPISTOLA LVII.

EGO LYDOVICVS *Dei gratia Francorum Rex.* AD reprimendum feruorem malignantium, & compescendum violentas prædonum manus, postulationibus Cleri, & assensu Baronum, toti Regno pacem constituimus. Ea causâ anno incarnati Verbi MCLV. IV. Idus Iunij, Sueffionense Concilium celebre **1155.** adunauimus. & affuerunt Archiepiscopi, Remensis, Senonensis, & eorum Suffraganei. Item Barones, Comes Flandrensis, Trecafinus, & Niuernensis, & quamplures alij. & Dux Burgundiæ. Ex quorum beneplacito ordinauimus à veniente Pascha ad decem annos, ut omnes Ecclesiæ Regni, & earum vniuersæ possessiones: & omnes agricolæ, armenta similiter & greges, & asscuratis caminis, omnes vbique mercatores, & homines quicumque sint, quamdiu parati fuerint ad iustitiam stare ante eos, per quos iustitiam facere debuerint, omnes omninò pacem habeant, & plenam securitatem. In pleno Concilio, & coram omnibus, in verbo regio diximus, quòd pacem hanc infrangibiliter teneremus; & si qui essent violatores ordinatæ pacis, de eis ad posse nostrum iustitiam faceremus. In pacem istam iurauerunt, Dux Burgundiæ, Comes Flandriæ, Comes Henricus, Comes Niuetnensis, & Comes Sueffionensis, & reliqua Baronia quæ aderat. Et Clerus similiter, Archiepiscopi, & Episcopi, & Abbates, ante sacras reliquias, & in visu totius Concilij, hanc ex parte sua pacem totis viribus se tenere promiserunt. & ut iustitia fieret de violentiis, ad posse suum se adiuturos promiserunt quidem, & in stabilitate sacratæ oris edixerunt. Ut res latius audiretur, & à memoria non de-

CCc iij

LVDOVICVS cideret, rei gestæ ordinem, & pacis tenorem, monumentis Litterarum tradi, & **A**
VII. IV. sigilli nostri auctoritate præcepimus communiri.
NIOE.

EPISTOLA LVIII.

EGO Rex **HENRICVS** assecurabo Regi Francorum sicut Domino vitam suam & membra sua, & terrenum honorem suum: si ipse mihi assecurauerit sicut homini & fideli suo vitam meam & membra mea, & terras meas quas mihi conuentionauit, de quibus homo suus sum. Et pro dominio & honore & amore Domini Regis Francorum finalem finem & pacem capiam cum Comite **TEOBALDO**. ita quod de querelis, quæ inter nos sunt, mittam me in consideratione Archiepiscopi Remensis, & Episcopi de Noione, & Comitum Flandriæ, & Comitum Saxonie. Et si hoc non placuerit, pro honore Domini Regis, mittam me in hoc quod iurabunt quatuor homines de mea parte, & quatuor de sua parte, qui bene sciant querelas quæ inter nos sunt. Et postea, si ei debeo aliquid seruicij, faciam ei. Cetera manifestabo expressius viua voce.

EPISTOLA LIX.

SANCTISSIMO Patri & Domino *A. Dei gratiâ summo Pontifici*, **LVDOVICVS** eadem gratiâ Francorum Rex salutem & debitam reuerentiam. **P**RO negociis Regni conuenimus cum Baronibus nostris Sueffionis, ubi inuenimus Episcopum & Clericos suos discordes. quia Canonici clamabant quod de propriis Capituli forisfactis sine Episcopo possunt cessare à diuinis. & ipsis cessantibus, tota villa cessabit. Et Episcopus abnegabat. Quoniam fideles & vestri & nostri sunt, eos pacificare studuimus tali modo, quod Clerici in saisina remanserunt de querela, & in Capitulo stabunt de hoc ad iudicium Episcopi, quando eos submonuerit, salvo iure vtriusque partis. Ad hoc faciendum fuit nobiscum Comes Henricus, & alij quamplures honorati viri. Vnde etiam appellationem quam fecerant dimiserunt, & de reuocatione Canonici sui, qui iam profectus erat, lenitas vestra non miretur.

EPISTOLA LX.

SANCTISSIMO Patri & Domino *A. Dei gratiâ summo Pontifici*, **LVDOVICVS** eadem gratiâ Francorum Rex salutem & debitam reuerentiam. **S**UPER Regni negociis cum Baronibus locuturi venimus Sueffionem. Vbi inter Episcopum & Capitulum inuenimus discordiam. Clericis dicentibus, quod inconsulto Episcopo, etiam cum præsens fuerit, de propriis iniuriis possunt cessare à diuinis, & quod tota villa similiter cessabit per eos ex antiqua consuetudine. Et Episcopus abnegabat. Quia ergo vestri & nostri sunt fideles, dignum duximus pacem eorum operam dare. & in nobis super querela se misit pars vtraque, & illis quos nobis adiungeremus. Itaque per nostram sententiam Clerici remanserunt saisi de querela, ita quod facerent in Capitulo ante Episcopum iustitiam, si aliquando Episcopus super hoc mouere voluerit quæstionem, & Canonici starent ibidem ad iudicium eius. Hoc ordine nos egisse, & rem prouehisse, præsentibus Comite Henrico & aliis honoratis viris, paternitatis vestræ nouerit discretio. Et sic nobis mediantibus Canonici ab appellatione facta destiterunt. Valete.

EPISTOLA LXI.

EGO **LVDOVICVS** *Dei gratiâ Francorum Rex*. **L**AUDABILIS est prouidentia in vita hominis, testamento constituere quid cuique legare velit, vnde postmodum pax conseruetur in consobrinis. Notum itaque facimus vniuersis præsentibus & futuris, nostro assensu & consilio Comitem Sueffionensem **LYONEM** in hunc modum de suis rebus disposuisse. Qui sane die illa, qua Comitissam **YOLEM** duxit in uxorem, dedit ei in dotem medietatem Nigellæ, & medietatem de omnibus quæ ad castrum Nigellæ pertinent, tam in redditibus, quàm in vineis & campis, & forisfactis, exceptis hominibus. & insuper Falleuiacum, &

A omnia quæ ad villam Falleuiaci pertinent, & quicquid ultra Summam tenebat. & hoc concedente Comite RADULFO, ad cuius feodum hoc totum respiciebat. Sed longo tempore post placuit Comiti ut faceret testamentum in vita sua atque prosperitate, & de dote vxoris suæ renouanda, & de hereditate sua assignanda. Doti igitur vxoris suæ superaddidit hominia XL. militum, assensu fratris sui domini THEODERICI, & CONI nepotis sui. cui hereditatem suam assignauit, si sine herede propriæ vxoris decederet: præsentem etiam & concedente Comite Radulfo. Eodem die testamenti sui volens satisfacere vxori suæ pro turri Falleuiacensi, quam in dotem receperat, mansum & firmitudinem quam Nigellæ habebat in connubium ei donauit. Heres verò in turri Falleuiacensi si vellet maneret, & ille, cui custodiam turris assignauerit, securitatem faciet, quodd prædictæ conuentioni subiacebit. Interim verò Comes IVO, sibi prouidens, ordinauit, & tam vxoris suæ, quàm heredis sui, hominûmque suorum tam militum quàm burgensium iuramento firmari fecit, quodd omne debitum suum post discessum eius de omnibus quæ ad successionem pertinent, atque Nigellam tam ex parte heredis quàm Comitissæ, priusquàm manum suam prædictis redditibus apponant, persolueretur; excepto Falleuiaco, & quæ ad Falleuiacum pertinent, & quæ ultra Summam sunt, quæ in parte Comitissæ remanerent. Statuit etiam quodd ex parte heredis sui dominus Theodericus frater suus, singulis annis, nisi

B Episcopus esset vel Archiepiscopus, in Nigella centum libras obol. & XL. modios frumenti, & XX. modios auenæ, & XX. modios vini reciperet. nec in manum alienam ad damnum heredis ei ponere liceret. Insuper statutum fuit, quodd si necesse esset, & Domina, & heres, & de hominibus, & de bonis terræ communiter terram defenderent. Et ut supradicta firma essent & inconuulsa, heredem suum Conum, & fratrem suum Theodericum, fiduciare & iurare fecit. Hoc idem fiduciauit & iurauit Comitissa absolutè, & pater suus & frater iurauerunt, quodd hoc pro posse suo teneri facerent. Milites etiam & burgeses totius territorij Nigellæ ostagij sunt per sacramentum huius conuentionis tenendæ. hac conditione si Comitissa in heredem, vel heres in Comitissam insurgeret, ille in quem alter insurgeret si ostagios submoneret, aut infra XV. dies ei cui iniuria illata esset emendari facerent, aut donec emendatum esset parti eius adhærerent, & postquam emendatum esset ad pristinum statum redirent. Hoc siquidem factum consilio & assensu nostro, & Archiepiscopi Remensis Samsonis, & Nouiomensis Episcopi Balduini, & Radulfi Comitum Viromandicæ, qui nobiscum inde ostagij sunt. Quod ut ratum sit in posterum, sigillo nostro confirmari, & nominis nostri karaktere signari præcepimus. Actum publicè Paris. anno Dominicæ Incarnationis MCLVII. Astantibus in Palatio nostro, quorum subscripta sunt nomina & signa. Signum Comitum Theobaldi Dapiferi nostri, S. Guidonis Buticularij, S. Mathei Camerarij, S. Mathei Constabularij. Data per manum Hugonis Cancellarij.

EPISTOLA LXII.

NOTVM sit omnibus, quodd Parisius anno Domini MCLVII. Comes de Mellento honorem totum de Gornaco asscurauit Regi contra omnes homines ad paruum vim & magnam, ipsi, & cuicumque Balliuo, qui de parte Regis venire cognosceretur. ita quodd homines terræ cum Rege irent, sed ipsa nocte redirent, nisi pro amore plus remanerent. Et si Rex malum faceret Comiti in terra de Mellento, terra de Gornaco & totus honor pacem haberent. Sed si de eadem terra vellet Rex exheredare Comitem, aut heres heredem, tunc homines terræ Gornaci essent cum Comite. Proinde si quis foris faceret hominibus eiusdem honoris, & ipsi stare vellent ad iustitiam per Regem: contra eum quicumque recusaret, hominibus de Gornaco Rex esset adiutor. Has conuentiones de parte Regis iurauit Guido Buticularius. De parte Comitum, Radulfus de Combellis, Raginaudus de Pompona, Guillelmus de Garlanda, Drogo de Bri, Adam de Claci.

EPISTOLA LXIII.



ADRIANVS *Episcopus servus servorum Dei, dilecto filio HVGONI carissimæ filij nostri LVDOVICI Regis Francorum Cancellario, & Atrebatensis Ecclesiæ Archidiacono, salutem & Apostolicam benedictionem.* Si rationabilibus filiorum nostrorum petitionibus facili assensu concurrimus, & eos super collatis sibi Ecclesiasticis beneficiis nostro patrocínio communimus, officij nostri debitam exequimur actionem, & Ecclesiasticis utilitatibus efficaciter providemus. Tanto enim quisque de sui executione officij poterit & fructuosius cogitare, quanto prauorum temeritati ad suam infestationem omnem aditum viderint attentius interclusum. Eapropter, dilecte in Domino fili HVGON, paci & quieti tuæ in posterum providere volentes, maiorem Archidiaconatum Atrebatensis Ecclesiæ, cum omnibus ad eum pertinentibus, à venerabili Fratre nostro GODEFRIDO eius Ecclesiæ Episcopo rationabili tibi provisione concessum, auctoritate tibi Apostolica confirmamus, & præsentis scripti paginâ communimus. Nulli ergo hominum liceat hanc paginam nostræ confirmationis infringere, vel ei aliquatenus contraire. Si quis autem id attemptare præsumpserit, indignationem omnipotentis Dei, & beatorum Petri & Pauli Apostolorum eius se noverit incursurum. Datum Laterani xii. Kal. Februar.

EPISTOLA LXIV.

ADRIANVS *Episcopus servus servorum Dei, venerabili Fratri T. Episcopo, & dilecto filio C. Decano, & uniuerso Capitulo Parisiensis Ecclesiæ salutem & Apostolicam benedictionem.* GRATVM & acceptum habemus, & dilectionem vestram de provisione illorum, quæ ad promouendas utilitates Ecclesiasticas pertinent, non modicum commendamus, quòd dilecto filio nostro HVGONI carissimæ filij nostri LVDOVICI Francorum Regis Cancellario Præbendæ suæ redditus in vestra Ecclesia concessistis. Vnde nos concessionem ipsam ratam habentes, & auctoritate Apostolica confirmantes, per præsentia vobis scripta mandamus, quatinus redditus ipsos ei ubicumque fuerit faciatis integrè assignari. Vt & ipse vobis, & Ecclesiæ vestræ indè semper existat obnoxius, & nos petitiones vestras libentius admittere debeamus. Datum Beneuenti xiii. Kal. Februar.

EPISTOLA LXV.

ADRIANVS *Episcopus servus servorum Dei, dilecto filio HVGONI carissimæ filij nostri LVDOVICI illustris Francorum Regis Cancellario salutem & Apostolicam benedictionem.* ILLIVS deuotionis & sinceritatis intuitu, quam circa sacrosanctam Romanam Ecclesiam, & nos ipsos, à multis retroactis temporibus nosceris habuisse, pro tuæ quoque honestate & probitate personæ, maiorem Archidiaconatum, Fratre nostro G. Atrebatensi Episcopo ipsum prius spondente, absque omni conditione, & alicuius pacti obligatione, tibi nos recolimus olim in Atrebatensi Ecclesia postmodum contulisse. Ipse autem Atrebatensis Episcopus contra puritatem Episcopalem, & nimis secundum hominem ambulans, impedimentum tibi volens super hac concessione præstare, te iuramento sicut dicitur obligauit, quòd cum sibi placeret, Cancellariam absque contradictionis obstaculo resignares. Vnde quoniam tam illicitum iuramentum nulla debet firmitate constare, ab ipsius iuramenti debito auctoritate Sedis Apostolicæ te absoluiamus, & conditiones in eiusdem Archidiaconatus collatione contra præceptum nostrum positas, irritas modis omnibus esse censemus. Datum Laterani v. Idus Maij.

EPISTOLA LXVI.

ADRIANVS *Episcopus servus servorum Dei, venerabili Fratri Parisiensi Episcopo salutem & Apostolicam benedictionem.* QVONIAM de deuotione & fidei fir-

A ceritate, quam erga sacrosanctam Romanam Ecclesiam & nos ipsos habere dinoscis, plenam fiduciam obtinemus, fraternitatem tuam pro his qui nobis cari sunt & accepti rogare non dubitamus. Quando autem dilectus filius noster HUGO carissimi filij nostri illustris Francorum Regis Cancellarius, matri tuæ sacrosanctæ Romanæ Ecclesiæ & nobis ipsis deuotus sit & fidelis, quantum pro ipsius honore sollicitus permaneat & attentus, & nos ipsi cognoscimus, & prudentiam tuam non credimus ignorare. Indè est quòd illum fraternitati tuæ duximus plurimum commendandum, rogantes attentius, quatinus pro beati Petri & nostrarum reuerentia Litterarum primum personatum vel honorem qui in tua vacabit Ecclesia ei concedas. ut & ipse nostras sibi preces sentiat fructuosas, & nos de nostrarum precum admissione gratiarum tibi debeamus exsoluere actiones. Datum Laterani Kalend. Nouembr.

LVDOVICVS
VII. IV-
NIOR.

EPISTOLA LXVII.

ADRIANVS *Episcopus seruus seruorum Dei, dilectis filiis Decano & uniuerso Capitulo Ecclesiæ sanctæ Crucis Aurelianis salutem & Apostolicam benedictionem.* MIRAMUR plurimum, & aduersum vos non possumus non moueri, quòd cum olim vobis dederimus in mandatis, ut licet dilectus filius noster HUGO carissimi filij nostri LVDOVICI illustris Francorum Regis Cancellarius in Ecclesia vestra non esset assiduus, nihilominus tamen integritatem Præbendæ suæ absque contradictione aliqua obtineret. Vos autem non solum mandatum nostrum in hac parte non curastis effectui mancipare, verumetiam quod deterius est, in nostrum, & Apostolicæ Sedis contemptum, cum prius integram habuisset, postmodum ei medietatem sicut dicitur subtraxistis. Vnde nisi Apostolicæ Sedis consueta benignitas nostrum animum mitigaret, manus beati Petri graues in vos vsque ad eò sentiretis, quòd in contemptum nostrum non præsumeretis vterius tale aliquid attemptare. Ne igitur de merito vestræ maliciæ cogamur in vos animaduersione grauissima vindicare, vniuersitati vestræ per iterata scripta præcipiendo mandamus, & mandando præcipimus, quatinus ita integram ei Præbendam, licet absens fuerit, decetero concedatis, tanquam si assiduus in ipsa Ecclesia deseruieret. Quicquid verò ei exindè hætenus est subtractum, infra xx. dies post susceptionem præsentium Litterarum, omni occasione & excusatione postposita, eidem studeatis in integrum restituere. Datum Laterani VII. Idus Maij.

EPISTOLA LXVIII.

ADRIANVS *Episcopus seruus seruorum Dei, dilecto filio HUGONI Cancellario illustris Regis Francorum, salutem & Apostolicam benedictionem.* DE tua deuotione atque industria plenam fiduciam obtinentes, ad exequenda quæ maiori affectu cupimus operis executione compleri, tuam prudentiam confidentius excitamus. Sicut tua nouit discretio, Compendiense Monasterium, in quo de nouo Religio est instituta, multis turbinum procellis concutitur, & prauorum incursionibus molestat. & ad eò quòd, sicut nobis suggeritur, dilectus filius noster Abbas eiusdem loci propter quasdam falsas suggestiones à carissimi filij nostri LVDOVICI Regis Francorum credatur gratiâ declinasse. Ac per hoc industræ tuæ præsentium significatione mandamus, quatinus in gratiam supradicti filij nostri eundem Abbatem pro posse tuo restituas, & gratum ei, & commissæ sibi Ecclesiæ, studeas consilium & vtile ministrare. Datum Laterani XII. Kal. Ianuar.

EPISTOLA LXIX.

ADRIANVS *Episcopus seruus seruorum Dei, venerabili Fratri Arrebatensi Episcopo salutem & Apostolicam benedictionem.* ILLIVS deuotionis & sinceritatis intuitu, quam dilectus filius noster HUGO carissimi filij nostri LVDOVICI illustris Francorum Regis Cancellarius, circa sacrosanctam Romanam Ecclesiam, & nos ipsos, à multis retroactis temporibus noscitur habuisse, pro ipsius quoque honestate & probitate personæ, maiorem Archidiaconatum te etiam ei prius

LVDOVICVS
VII. IV-
NIOR.

spondente, absque omni conditione, & alicuius pacti obligatione, eidem nos re- A
colimus olim in Atrebatensi Ecclesia postmodum contulisse. Tu verò contra pu-
ritatem Episcopalem, & nimis secundum hominem ambulans, impedimentum ei
volens super hac concessione præstare, ipsum iuramento sicut dicitur obligasti,
quòd cum tibi placeret, Cancellariam absque contradictionis obstaculo resigna-
ret. Vnde quoniam tam illicitum iuramentum nulla debet firmitate constare,
prædictum filium nostrum Cancellarium ab ipsius iuramenti debito auctoritate
Apostolicæ Sedis absolvimus, & condiciones in eiusdem Archidiaconatus colla-
tione contra præceptum nostrum positas, irritas modis omnibus esse censemus.
fraternitatuæ per Apostolica scripta mandantes, quatenus eum decetero ad ob-
servationem præstiti iuramenti cogere nulla ratione præsumas. Datum Laterani
v. Idus Maij.

EPISTOLA LXX.

ADRIANVS *Episcopus servus servorum Dei, venerabili Fratri Atrebatensi*
Episcopo salutem & Apostolicam benedictionem. DILECTVS filius noster HV-
GO carissimi filij nostri Regis Francorum Cancellarius directa nobis insinuatione
monstravit, quòd altare de Aslues à bonæ memoriæ M. prædecessore tuo canoni-
cè sibi concessum, quòd etiam in tempore prælationis tuæ quietè dicitur tenuisse,
sine rationabili causa, & nullo interueniente iudicio, ei abstulisti. Vnde quanto B
idem Cancellarius ampliùs maiori est deuotione & fidelitate sacrosanctæ Roma-
næ Ecclesiæ & nobis ipsis astrictus, tantò magis sua iura nos conuenit attentius il-
libata & integra conseruare. Fraternitati tuæ per Apostolica scripta præcipiendo
mandamus, quatinus si ita est, altare ipsum omni dilatione & appellatione remo-
ta, memorato filio nostro restituas. Datum Later. Kal. Nouembr.

EPISTOLA LXXI.

ADRIANVS *Episcopus servus servorum Dei, venerabili Fratri Atrebatensi*
Episcopo salutem & Apostolicam benedictionem. DILECTVS filius noster HV-
GO carissimi filij nostri LVDOVICI illustris Francorum Regis Cancellarius
transmissa nobis relatione monstravit, se altare quoddam in Atrebatensi Episco-
patu ex dono Aluisi bonæ memoriæ Atrebatensis quondam Episcopi habuisse: &
vsque ad illud tempus, quo inuestituram maioris Archidiaconatus in Ecclesia tua
de mandato nostro fuerat suscepturus, asserit se idem altare quietè ac pacificè pos-
sedisse. Imminente verò die, quo de ipso Archidiaconatu debebat iuxta manda-
tum nostrum, sicut diximus, inuestiri: tu, prout nobis suggeritur, nisi eodem al-
tari tibi primitus restituto, inuestituram ei facere noluisti, & taliter ab eo ipsum
altare diceris extorsisse. Quia verò huiusmodi circumuentio rationi contraria est,
& à Pontificali officio penitus aliena, fraternitati tuæ per Apostolica scripta præci- C
piendo mandamus, & mandando præcipimus: quatinus si res ita se habet, ipsum
altare iamdicto filio nostro HVGONI Cancellario infra XL. dies post horum
suscceptionem omni appellatione cessante restituas. Quod si tu facere fortè distu-
leris, venerabili Fratri nostro Remensi Archiepiscopo Apostolicæ Sedis
Legato à nobis datùm esse noueris in mandatis, vt ipse hoc vice nostra non disse-
rat effectui mancipare. Datum Laterani v. Idus Maij.

EPISTOLA LXXII.

ADRIANVS *Episcopus servus servorum Dei, venerabili Fratri Remensi*
Archiepiscopo Apostolicæ Sedis Legato salutem & Apostolicam benedictionem. DI-
LECTVS filius noster HVGON carissimi nostri LVDOVICI illustris Franco-
rum Regis Cancellarius transmissa nobis relatione monstravit, se altare quoddam
in Atrebatensi Episcopatu ex dono Aluisi bonæ memoriæ Atrebatensis quondam
Episcopi habuisse, & vsque ad illud tempus quo inuestituram maioris Archidia-
conatus in Atrebatensi Ecclesia de mandato nostro fuerat suscepturus, asserit se
idem altare quietè ac pacificè possedisse. Imminente verò die, quo de ipso Ar-
chidiaconatu debebat iuxta mandatum nostrum, sicut diximus, inuestiri, Frater
noster

A noster Atrebatensis, pro ut nobis suggeritur, nisi eodem altari sibi primitus restituto, inuestituram ei facere noluit. & taliter ab eo ipsum altare dicitur extorsisse. LVDOVICVS
VII. IV-
NIOR. Quia verò huiusmodi circumuentio rationi contraria est, & à Pontificali officio penitus aliena, eidem Episcopo dedimus in mandatis, ut si res ita se habet, ipsum altare iamdicto filio nostro HVGONI Cancellario infra XL. dies post harum susceptionem omni appellatione cessante restituat. Quod si ipse facere fortè distulerit, fraternitati tuæ per Apostolica scripta mandamus, quatinus tu ipse vice nostra, omni appellatione & occasione cessante, hoc non differas effectui mancipare. Datum Laterani v. Idus Maij.

EPISTOLA LXXIII.

A DRIANVS *Episcopus seruus seruorum Dei, dilecto filio HVGONI illustris Regis Francorum Cancellario salutem & Apostolicam benedictionem.* QVOD ad pacem & concordiam inter carissimos filios nostros LVDVICVM illustrem Regem Francorum, & HENRICVM illustrem Regem Anglorum pro posse tuo; sicut nobis dicitur, sollicitus extitisti, & studium ad hoc effectui mancipandum, & vigilantem operam impendisti, tantò ampliùs gratum & acceptum habemus, & animi tui prudentiam in hac parte tantò attentius commendamus, quantò magis

B ipsa pax atque concordia Deo est & hominibus grata, & tam presentibus quàm posteris profutura. Accepimus siquidem & ex dilecti filij nostri Henrici nuncij prædicti filij nostri Regis Franciæ relatione, & litterarum suarum tenore concepimus, tantam inter eos studio & diligentia tua vnitatem per Dei gratiam esse, & vinculum caritatis, tantam etiam pacem & tantam interuenisse concordiam: ut nihil alternæ amicitiae fœdus infringere, nihil amoris firmitatem aliquatenus valeat disturbare. Vnde nos lætitiā tantò maiorem concipimus, & cum Deo & Angelis eius tantò ampliùs exultamus, quantò magis amicitiam ipsam vtrique parti necessariam esse cognoscimus, & multam exindè vtilitatem, multum fructum conspicimus prouenire. Eapropter omnipotenti Deo, à quo bona cuncta procedunt, & in cuius manu Regum corda consistunt, immensas gratiarum referimus actiones: qui discordantia quondam vota, & dispares voluntates, ita per suam misericordiam voluit esse coniuncta, ut nihil iam in ipsis possit reperiri diuersum. sed idem velint, & idem sentire pariter videantur. Nos verò, qui pacis & concordiae bonum inter omnes esse, plurimum optare debemus, diuinam clementiam assiduis precibus exoramus, ut pacem firmam inter eos conseruare dignetur, & perpetuam vnitatem. Ad hæc, iamdictum filium nostrum Henricum, litteratum quidem Clericum & honestum, quem circa negocia tua fidelem satis esse cognoscimus ac deuotum, dilectioni tuæ propensius commendantes, rogamus plurimum, ut eum pro beati Petri ac nostra reuerentia de caro habens cariorē, & eidem in

O oportunitatibus suis ita pietatis intuitu, & nostro interuentu prouideas, quòd & ipse preces nostras apud te sibi sentiat fructuosas, & nos exindè deuotioni tuæ gratiarum debeamus exsoluere actiones. Datum Laterani 11. Nonas Nouembris.

EPISTOLA LXXIV.

A DRIANVS *Episcopus seruus seruorum Dei, carissimo in Christo filio LVDVICO illustris Francorum Regi salutem & Apostolicam benedictionem.* DE religioforum virorum præsidio, & veneratione sacrorum locorum, non oportet nos te longis sermonibus ammonere. Satis enim ad hoc animum tuum omni commotione cessante, ignis ille, quem Dominus mittere venit in terram, accendit. ita ut inter vniuersos Principes Orbis nullus sit, qui super hoc in conspectu totius Ecclesiæ commendabilior habeatur. Sanè licet potentiae tuæ præsidium ad omnes Ecclesias in Regno tuo constitutas extendas, Vizeliacensi tamen Ecclesiæ tantò te cupimus attentius exhibere, quantò & ad ius beati Petri specialiùs pertinet, & ex perfidia suorum burgensium maiores sustinet molestias & pressuras. Nec enim ignorat tua prudentia, qualiter ab aliquot annis aduersus dilectum filium nostrum P. Vizeliacensem Abbatem fauore Niuernensis Comitum conspirati, diripere bona Ecclesiæ, & ipsum quoque Abbatem exindè expellere præsumperunt. Vndè & à corpore Domini, quod est Ecclesia, fieri meruerunt extorres. Nuper

LVDOVICVS
VII. LV-
NIOR.

etiam in ipsam Ecclesiam facto impetu irrumpentes, fregerunt portas, lustra-
runt officinas, effuderunt vinum, diripuerunt vestes Monachorum, abstulerunt
ornamenta sacrarii, & in ipsos etiam Monachos & famulos domus violentas ma-
nus ausu temerario extenderunt. Porro, quoniam illorum nequitia Ecclesiastici se-
ueritate iudicij nondum potuit coerceri, cohibitionem tuæ manus expectat, &
vigore tuo indiget emendari quod sub æquitate censuræ canonicæ mansit hæc-
tenus incorrectum. Magnificentiam itaque tuam rogamus, monemus, & exhorta-
mur in Domino, atque in peccatorum tibi remissionem iniungimus, quatinus iu-
stitiæ zelo succensus, & afflictione supradicti Monasterij, ac nostris exhortationi-
bus prouocatus, in manu valida Vizeliacum accedas, & burgenfes adiurare Com-
muniæ quam fecerunt, & ad fidelitatem atque subiectionem dilecti filij nostri
P. Vizeliacensis Abbatis tanquam domini sui humiliter redire compellas. Ablata
etiam eos integrè restituere, & irrogata damna facias refarcire: atque in illos, qui
huius nequitie caput existunt, tantam ultionem exerceas, vt qui eis successerint
consideratione ultionis eorum caput contra dominum suum erigere, ac similem
perfidiam in Sanctuarium Domini committere non attemptent. Datum Sutrij
xii. Kal. Iunij.

EPISTOLA LXXV.

ADRIANVS *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* VENIEN-
TES ad Apostolicam Sedem dilecti filij nostri L. & G. Aurelianenses Canonici
raliter se in ea causa, pro qua venerant, habuerunt, vt nec in verbo te, vel dile-
ctum filium nostrum PHILIPPVM Archidiaconum fratrem tuum, videantur
aliquatenus offendisse. Vnde magnificentiam tuam per Apostolica scripta mo-
nemus, quatinus si nuncij eiusdem filij nostri, aut quilibet alius auribus tuis sini-
strum aliquid de ipsis intimare voluerit, suggestionibus ipsius nullatenus acquie-
scas. Sed sicut vir discretus & sapiens iniquas delationes, & inuidiosa dicta con-
futes. Datum Romæ apud Sanctum Petrum vii. Idus Maij.

EPISTOLA LXXVI.

ADRIANVS *Episcopus seruus seruorum Dei, carissimo in Christo filio* LVDO-
VICO *illustri Francorum Regi salutem & Apostolicam benedictionem.* SATIS
laudabiliter & fructuose de Christiano nomine propagando in terris, & æternæ
beatitudinis præmio tibi cumulando in cœlis, tua videtur magnificentia cogita-
re: dum ad dilatandos terminos populi Christiani, ad paganorum barbariem de-
bellandam, & ad gentes apostatrices, & quæ Catholicæ fidei refugiant, nec re-
cipiunt veritatem, Christianorum iugo & ditioni subdendas, simul cum carissi-
mo filio nostro HENRICO illustri Anglorum Rege in Hispaniam properare C
disponis, & studes assidue, vt opus hoc felicem exitum sortiatur, exercitum, &
quæ sunt itineri necessaria congregare. Atque ad id conuenientius exsequen-
dum, matris tuæ sacrosanctæ Romanæ Ecclesiæ consilium exigis & fauorem.
Quod quidem propositum tanto magis gratum acceptumque tenemus, & am-
plius sicut commendandum est commendamus: quantò de sinceriori caritatis ra-
dice talem intentionem, & votum tam laudabile credimus processisse, ac de ma-
iori ardore fidei & Religionis amore propositum & desiderium tuum principium
acceperunt. Verùm cum Excellentia tua & consilij maturitate sit prouida, & lu-
ce sapientiæ illustrata, in ordine ipsius facti plurimum videtur esse festina. Vndè
& multos attonitos reddidit, & suspensos: cum omne bonum, quod suo tempo-
re & competenti ordine exercetur, æterno Conditori placitum habeatur modis
omnibus & acceptum. Aliter autem non potest gratum eius existere voluntati.
Quod vtique vt magis euidenter appareat, & vt sit quod proponimus paulò am-
plius manifestum, aliquid exempli gratiâ duximus non inutiliter supponendum.
Corpus siquidem Christi conficere, & in ara Dominica hostiam immolare, bo-
num, immò & salutiferum esse, nemo qui rectè sapit ignorat. Ceterùm si tem-
pore suo & horis immolatum non fuerit constitutis, iam illud reseruatur ad pœ-
nam quod expectabatur ad gloriam, & qui extra tempus immolat constitutum,

A indè sibi damnationem dolebit infligi, vnde si constituto tempore immolasset, meritum sibi gauderet & præmium augmentari. Accedit ad hoc, quòd alienam Terram intrare nec prouidum videtur esse, nec tutum, nisi à Principibus & à populo Terræ prius consilium requiratur. Tu verò, sicut accepimus, inconsulta Ecclesiæ & Principibus Terræ illius, accedere illuc & festinare disponis. cùm hoc nulla deberes ratione tentare, nisi cognita per Principes Terræ necessitate, & ab eis prius esses exindè requisitus. Vnde quia nos honorem & incrementum tuum tota mentis intentione diligimus, & nihil tale te aggredi nisi rationabili causâ exigente vellemus: sublimitati tuæ præsentibus Litteris suademus, vt prius necessitatem Terræ per Principes illius Regni inspicias; & consideres, & tam illius Ecclesiæ quàm Principum, & populi voluntatem diligenter inquiras, & ab eis consilium sicut decet accipias. Quo factò, si & necessitatem Terræ videris imminere, & Ecclesiæ consilium fuerit, ipsi etiam Terræ Principes tuæ sublimitatis auxilium postulauerint, & consilium dederint, iuxta postulationem & consultum eorum poteris postea in factò ipso procedere, & laudabile votum tuum diuino comitante præsidio adimplere. Aliter tamen timendum esset, ne iter tuum infructuosum existeret, & ne ad desideratum non posset exitum peruenire. Ipsi verò Principes & populus Terræ in tanto apparatu tuo, si fortè necessitas non incumberet, grauarentur, & nos ipsi leues in hoc factò possemus multipliciter apparere. **B**ebet enim serenitatis tuæ celsitudo recolere, & ad memoriam reuocare, qualiter alio tempore, cùm tam **CONRADVS** bonæ memoriæ quondam Rex Romanorum, quàm tu ipse, inconsulto populo Terræ, Hierosolymitanum iter minus cautè aggressi estis, speratum fructum, & optatum commodum non perceperitis: & quantum Ecclesiæ Dei & vniuerso ferrè populo Christiano detrimentum exindè prouenerit & iactura. Sanctæ quoque Romanæ Ecclesiæ, quia vobis super hoc consilium præstiterat & fauorem, in ipso factò fuit non modicum derogatum: & omnes aduersus ipsam ex multa indignatione clamabant, dicentes eam auctricem tanti periculi extitisse. Cùm igitur hæc omnia nobis sollicitè cogitantibus occurrerent formidanda, nos ammonitionem & exhortationem Apostolicam ad populum Regni tui, secundum quod venerabilis Frater noster **Ebroicensis** Episcopus nobis ex tua parte proposuit, duximus differendam. Attendentes quoniam quod differtur ad tempus, penitus non aufertur. Sed tunc tandem exhortatorias & cōmonitorias Litteras in peccatorum remissionem iuxta desiderium gloriæ tuæ auctore Domino transmittemus: cùm de consilio & postulatione tam Principum quàm populi Terræ illius, sicut superius dictum est, volueris iter arripere, & conceptum in animo votum necessitatis tempore, cùm fortè, modò aliqua necessitas non immineat, discretè ac laudabiliter disposueris adimplere. Litteras autem, in quibus Regnum tuum sub beati Petri & nostra protectione suscepimus, his qui Regnum ipsum vsque ad reditum tuum præsumerent impugnare, iram & indignationem Apostolicam proponentes; secundu[m] petitionem regiæ dignitatis vt ad præsens duximus concedendas. Nos enim te etiam reticente, & à nobis nullatenus exigente, pro illius feruore dilectionis, quam erga tuam sublimitatem habemus, quicquid honoris & exaltationis tibi & Regno tuo exhibere possemus, prompto animo curaremus efficere, & operibus adimplere. Sanè discretio tua & nostram dissuasionem, quam rationabiliter credimus nos fecisse, prouida deliberatione consideret, atque alia, per quæ ad illud iter tam festinanter aspiras, inspicat & attendat. & illud tandem tibi consilium super negotio ipso eligas, quod magis de iudicio rationis cognoueris eligendum. Deceterò ea quæ memoratus Frater noster Episcopus ex nostra parte Regiæ proposuerit dignitati, velut si ab ore nostro procederent, absque vlla hæsitacione suscipias: & ipsius verbis, tanquam si contingeret nos ea proferre, fidem non dubites adhibere. Ipse namque iniunctam sibi legationem ita prudenter fuit & sollicitè exsecutus, quòd omne illud à nobis studio suæ probitatis & discretionis obtinuit, quicquid per sollicitam & prouidam vigilantiam deberet quilibet alijs obtinere. Datum Laterani XII. Kal. Martij.

ADRIANVS *Episcopus seruus seruorum Dei. Dilectus filius, Decano, Cantori, & vniuerso Capitulo Parisiensi salutem & Apostolicam benedictionem.* ECCLESIASTICAS personas, quas sacrosanctæ Romanæ Ecclesiæ deuotiores esse cognoscimus, & ad eius obsequium esse promptiores inspicimus, oportet nos speciali quadam prærogatiua diligere: & honorem eis debitum exhibentes, ipsas debemus Ecclesiasticis beneficiis prout expedire cognoscimus, ampliare. Dilectus siquidem filius noster HUGO carissimi filij nostri LUDOVICI illustris Francorum Regis Cancellarius, quanto nobis sit vinculo deuotionis astrictus, & pro commodo atque honore matris suæ sacrosanctæ Romanæ Ecclesiæ, vbicumque necessitas exigit, quam fideliter se opponat, & de ipsius studeat incremento tractare, nos ipsi ad plenum nouimus, & discretionem vestram id ipsum credimus non latere. Indè vtique est, quòd nos eum sincera caritate in Domino diligentes, ipsum quibus modis cum Deo possumus, intendimus honorare: & nostri propositi est, eidem in oportunitatibus suis vtiliter prouidere. De omni itaque vestri deuotione plurimum confidentes, vniuersitati vestræ per Apostolica scripta præcipiendo mandamus, & mandando præcipimus; quatinus Præposituram, quæ in Parisiensi Ecclesiâ, & domos quæ in claustro eiusdem Ecclesiæ dehinc primùm vacauerint, ei, omni contentione & appellatione seposita, concedatis, & concessas ipsum permittatis quietè & absque vlla molestia possidere. Datum Laterani v. Idus Maij.

EPISTOLA LXXVIII.



ALXANDER *Episcopus seruus seruorum Dei, venerabili Fratri HUGONI Sueffionensi Episcopo salutem & Apostolicam benedictionem.* CVM inter te & Capitulum tuum grauis esset hac occasione cōtrouersia suborta, quòd te illas duas Præbendas, quas Gerbertus quondam ipsius Ecclesiæ Cantor tenebat, Capitulum non pateretur libere ordinare: asserens vnam earum ad Cantoriz officium pertinere. De consensu & beneplacito vtriusque partistalis inter vos compositio intercessit, quòd vna earum Præbendarum libere per te ordinata, alteram dilecto filio nostro R. Cantori eiusdem Ecclesiæ propter officium Cantoriz concessisti in vita sua tenendam. ea quidem conditione inserta, quòd postquam idem R. Cantor esse desierit, tu vel successores tui Præbendam ipsam facultatem habeatis tanquam vnam de ceteris Præbendis cui volueritis assignare. Quapropter compositionem ipsam ratam habentes, eam, sicut in autentico scripto exindè facto continetur, auctoritate Apostolica confirmamus, & præsentis scripti patrocinio communimus. Statuentes, vt nulli omninò hominum liceat hanc paginam nostræ confirmationis infringere, vel ei aliquatenus contraire. Si quis autem hoc attemptare præsumpserit, indignationem omnipotentis Dei, & beatorum Petri & Pauli Apostolorum eius se nouerit incursum. Datum Senonis XII. Kal. Ianuar.

EPISTOLA LXXIX.

ALXANDER *Episcopus seruus seruorum Dei, venerabili Fratri . . . Sueffionensi Episcopo salutem & Apostolicam benedictionem.* Ex conuestione Odonis Sacerdotis latoris præsentium accepimus, quòd cum venerabilis Frater noster Parisiensi Episcopus eum super quodam crimine conuenisset, & ipsum officio ac beneficio priuasset, ad facultates suas per se ac ministeriales suos durius extendit. Vnde quoniam ei sæpius ad nos clamanti volumus in suo iure adesse, fraternitati tuæ per Apostolica scripta mandamus, quatinus memoratum Episcopum diligenter conuenias, vt vel ablata vniuersa præfato Sacerdoti restituat, vel cum eo super his pacificè amicabilitérque componat, aut in tua præsentia eidem exhibeat iustitiæ complementum. Et idcò cum exindè fueris requisitus, vtramque partem ante tuam præsentiam conuoces, & rationibus hinc indè auditis diligenter & cognitis, eandem causam appellatione remota infra viginti dies post harum susceptionem iusticiâ mediante decidas. Datum Turonis, v. Idus Iunij.

EPISTOLA LXXX.

ALEXANDER *Episcopus servus servorum Dei, venerabili Fratri H.... Sues-
 sionensi Episcopo salutem & Apostolicam benedictionem.* VNIVERSOS Ecclesie
 filios, & precipue Fratres nostros Episcopos, quos in fide Catholica & deuotione
 sacrosanctae Romanae Ecclesiae feruere cognoscimus, sincera nos in Domino con-
 uenit caritate diligere, & ipsos tanto vberius confouere, quanto & constancia fi-
 dei, & bonae opinionis odore abundantius redolere noscuntur. Veniens autem ad
 nos dilectus filius noster P. Ecclesiae beati Aniani Decanus, sicut iam saepius, ita &
 nunc, quod in fide Catholica ferueas, & quod matri tuae sacrosanctae Romanae
 Ecclesiae sincera deuotione adhaereas, nobis insinuare curauit. Quod quia & nos
 ipsa experientia operis iam olim didicisse meminimus, gratum habemus admo-
 dum & acceptum. Inde utique est, quod fraternitatem tuam sincera in Domino
 caritate diligimus, & collatam tibi dignitatem a Domino & honores conseruare
 cupimus, & augere. Ceterum super his quae nobis idem filius noster retulit, de
 hoc videlicet quod circa carissimum in Christo filium nostrum LUDOVICVM
 illustrem Francorum Regem habere dinosceris, sollicitudinem pariter nos habe-
 re noueris & cautelam. nec quisquam volente Domino ad hoc nos inducere po-
 terit, quod collata tibi dignitas seu officium per nos minui debeat vel auferri. Sed
 potius augere volentes, consilium tibi & auxilium in quibus honeste poterimus,
 libenti animo curabimus impertiri: ut & deuotionis tuae integritas meritum ha-
 bear, & recipiat praemium quod magnis Sacerdotibus & iusticiae cultoribus pro-
 missum est. Datum Bituricis 1 v. Nonas Septembris.

EPISTOLA LXXXI.

ALEXANDER *Episcopus servus servorum Dei, venerabili Fratri HVGONI Sues-
 sionensi Episcopo salutem & Apostolicam benedictionem.* QUAE a Sede Apostoli-
 ca alicui indulgentur, inconuulsa debent seruari, nec illis temeritate aliqua est
 obuiandum. Vnde quoniam quae per Priuilegia Romanae Ecclesiae Abbati & Fra-
 tribus S. Martini Sparnacensis noscuntur fuisse concessa, volumus inuiolabiliter
 obseruari: per Apostolica tibi scripta mandamus, quatinus secundum tenorem
 Priuilegiorum, quae a Sede Apostolica sunt Ecclesiae praedicti Abbatis indulta, in
 Ecclesia sancti Martini de Montefelici, ad ius & dispositionem eiusdem Abbatis
 specialiter, sicut dicitur, pertinentem, vni de Fratribus suis curam animarum com-
 mittas. prouisurus attentius, ne contra tenorem eorumdem Priuilegiorum aliquid
 facere vlla ratione praesumas. Datum Prenestae 11. Kal. Iulij.

EPISTOLA LXXXII.

ALEXANDER *Episcopus servus servorum Dei, venerabili Fratri HVGONI
 Suesionensi Episcopo salutem & Apostolicam benedictionem.* VENIENS ad nos
 dilectus filius noster Magister P. Ecclesiae beati Aniani Decanus, inter cetera lau-
 dabilia quae de tua prudentia nobis exposuit, quod ipsum pro beati Petri & nostra
 reuerentia diligas & honores, studuit intimare. Quod tanto amplius nobis gra-
 tum esse noueris & acceptum, quanto & ipsum ampliori affectu caritatis diligi-
 mus: & ut ab his, qui sacrosanctam Romanam Ecclesiam & nos ipsos diligunt, ho-
 noretur propensius exoptamus. Eundem itaque filium nostrum ad commissam
 sibi Ecclesiam cum plenitudine gratiae Sedis Apostolicae remittentes, fraternitati
 tuae duximus attentius commendandum. Rogantes, quatinus ipsum ita diligas
 & honores, quod vberes tibi gratiarum actiones propter hoc exsoluere debeamus.
 Datum apud Montempeffulanum 11. Idus Iulij.

EPISTOLA LXXXIII.

A

ALEXANDER *Episcopus servus servorum Dei, venerabili Fratri HYGONI Sueffionensi Episcopo salutem & Apostolicam benedictionem.* DILECTVS filius noster Rain. Salesberienfis Archidiaconus Parisius se moram habiturum disposuit, & ibi studio litterarum ad præsens vacare. Quia verò pro sua probitate nobis carus est plurimum & acceptus, eum fraternitati tuæ, de qua plenam fiduciam obtinemus, propensius commendamus. Rogantes attentius, quatinus pro reuerentia beati Petri ac nostra, consideratione quoque suæ deuotionis, ipsum oculo clementiori respicias, diligas, & honores, sibi que oportuno consilium, si quando opus habuerit, conferas & fauorem. Ita quòd nostras preces sibi sentiat profuturas, & nos quoque tuæ sollicitudini gratias vberes exsoluamus. Datum Senonis VII. Kalend. Augusti.

EPISTOLA LXXXIV.

ALEXANDER *Episcopus servus servorum Dei, venerabili Fratri Sueffionensi Episcopo salutem & Apostolicam benedictionem.* QUONIAM de Hospitali quodam, vnde carissimum in Christo filium nostrum LUDOVICVM illustrem Francorum Regem rogauimus, rei veritas nobis non liquet, cum de re incerta certum dare consilium non possimus: eiusdem Regis magnificentiam per scripta nostra rogauimus, quatinus si Hospitale præscriptum ad ius Compendiensis Monasterij constiterit pertinere, prædictis Abbati ac Fratribus eiusdem Monasterij pro reuerentia beati Petri ac nostra, ipsum liberè habere permittat. Si verò ad prædictum Regem spectare dinoscitur, dummodo in hoc Regia dignitas minimè offendantur, & alteri non debeat exindè iniuria irrogari: illud nihilominus memoratis Abbati ac Fratribus pietatis intuitu, & nostrarum precum interuentu, concedat. Indè est quòd fraternitatem tuam per Apostolica scripta rogamus plurimum, & attentius commonemus, quatinus nostræ interuentionis obtentu, & prædictorum Fratrum religionis intuitu, apud memoratum filium nostrum Regem partes tuas sollicitè interponas, vt preces nostræ effectum vtilem consequantur, & nos deuotionem tuam debeamus exindè non immeritò commendare, & vberimas gratiarum actiones referre. Datum Senonis II. Idus Augusti.

EPISTOLA LXXXV.

ALEXANDER *Episcopus servus servorum Dei, venerabili Fratri Sueffionensi Episcopo salutem & Apostolicam benedictionem.* SICUT meminisse possumus, dilectioni tuæ, quam erga sacrosanctam Ecclesiam deuotam nouimus, vtpotè illius qui in fidei Catholicæ vnitatem semper perseverare studuit, quòd ad partes Franciæ pro negociis & agendis vniuersalis Ecclesiæ, atque vtilitate ac pace Regni disposuerimus pertransire, Apostolicis Litteris olim insinuare decreuimus. Confidentes in Domino, quòd prudentiæ tuæ auxilio, & aliorum qui Ecclesiam Christi diligunt, status sacrosanctæ Romanæ Ecclesiæ, at totius Regni posset in melius reformari. Sanè carissimi in Christo filij nostri LUDOVICI illustris Francorum Regis vestigia laudabiliter profecutus, semper Romanam Ecclesiam & personam nostram, arque in hoc beatum Petrum, in cuius cathedra licet immeriti residemus, præcipuè hoc persecutionis tempore honorasti: spem tuam figens in eum qui dixit Apostolis, & in eis primitiæ Ecclesiæ, *Eccè ego vobiscum sum usque ad consummationem seculi*, nullisque tempestatum fluctibus, nullis persuasionibus vel blanditiis tua potuit deuotio inclinari, quo minus viâ regia pergeres, & ambulares semitam quæ ducit ad cœlestis patriæ claritatem. Vnde postquàm Domino ducente ad Montempeffulanum, in quo magnificè & honorificè à Clero & populo recepti fuimus, venissemus, venerabilem Fratrem nostrum B. Portuensem Episcopum, & dilectum filium nostrum I. Diaconum Cardinalem, honestos utique viros atque prudentes, ad eundem carissimum filium nostrum LUDOVICVM illustrem Francorum Regem pro vtilitate Ecclesiæ ac pace Regni mittere

A disposueramus. Postea verò per dilectum filium nostrum O. sancti Nicolai in Carcere Tulliano Diaconum Cardinalem ad nos redeuntem, statum terræ illius plenius agnoscetes, murato consilio venerabiles Fratres nostros Henricum Remensem Archiepiscopum, Lingonensem & Siluanectensem Episcopos, ad prædictum Regem duximus destinandos. Et ideo fraternitatem tuam rogamus, monemus, & exhortamur in Domino, quatinus ipsis apud memoratum Regem ita cures in negociis nostris diligenter assistere, quòd beati Petri Apostolorum Principis & nostram, atque totius Romanæ Ecclesiæ possis ampliorem gratiam promereri. Nos enim personam tuam exaltare, in quantum cum Deo possumus, & honorare intendimus, & habere te inter dilectos beati Petri filios iugiter cariorem. Datum apud Montepessulanum 11. Kal. Maij.

LVDOVICVS
VII. IV-
NIOR.

EPISTOLA LXXXVI.

ALEXANDER *Episcopus servus servorum Dei, venerabili Fratri H. Suesionensi Episcopo salutem & Apostolicam benedictionem.* FIDEI ac deuotionis tuæ constantiam attendentes, & qualiter te pro vnica matre tua sacrosancta Romana Ecclesia, contra scismaticam prauitatem murum inexpugnabilem opposueris, interna consideratione pensantes: te tanquam carissimum Fratrem nostrum sincera in Domino caritate diligimus, & puræ affectionis brachiis amplexamur, atque ad ea tractanda, quæ in exaltationem nostram & Ecclesiæ possint commodum redundare, sollicitudinem tuam fiducialiter inuitamus. Credimus enim, & sine dubitatione confidimus, quod ex illo sinceræ deuotionis affectu, quem circa ipsam vniuersalem Ecclesiam, & specialiter circa personam nostram concepisse dinosceris, multiplex nobis commodum, & eidem Ecclesiæ auctore Domino plurimum paries incrementum. Indè est quòd tuæ fraternitatis prudentiam cum omni fiducia per Apostolica scripta rogamus, monemus, & exhortamur in Domino, quatinus carissimum in Christo filium nostrum LVDOVICVM illustrem Francorum Regem cum omni studeas diligentia commonere, vt in fide ac deuotione, quam semper circa Ecclesiam Dei, & præsertim in hoc tempore demonstrauit, constans & firmus existat, & ad exaltationem sanctæ matris Ecclesiæ ac nostram, tanquam Princeps Catholicus, & Rex Christianissimus, vigilanter intendat. Specialiter autem super eo quod disposuit cum FREDERICO dicto Imperatore se colloquium habiturum, cum diligentius ammonere non differas, vt quia credimus & timemus colloquium illud tam Ecclesiæ Dei ac nobis ipsis, quam etiam eidem Regi ac Regno suo multipliciter fieri posse damnosum, ab eo absteineat, & tale penitus ptopositum derelinquat. Datum Mimate 19. Kal. Augusti.

EPISTOLA LXXXVII.

C
ALEXANDER *Episcopus servus servorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* QUANTVM illustres & magnifici proavi & progenitores tui Reges Francorum sacrosanctæ Romanæ Ecclesiæ deuoti semper & obedientes extiterint, quanta ei comoda & deuotionis obsequia exhibuerint, nos ex multis ac magnificis vtilitatibus, quæ pereos sanctæ Dei ecclesiæ prouenerunt, manifestè cognouimus, & Fratres nostri, qui diutius sunt in Romana Ecclesia conuersati, id ipsum plenius agnouerunt. Tu verò progenitorum tuorum laudabilis imitator existens, vt ita paternarum virtutum sicut & Regni heredem te veraciter exhiberes, ad eorum exemplum singularem & vnicam matrem tuam sacrosanctam Romanam Ecclesiam, ex quo Excellentia tuæ Regnum à Deo commissum est gubernandum, propensius dilexisti: in pressuris & necessitatibus suis ei fideliter assististi. & nihil vquam fuit, quod à deuotione & subuentione ipsius Regium potuerit animum reuocare. Illo siquidem FREDERICO, qui pro sui officij debito Aduocatus Ecclesiæ ac defensor deberet existere, aduersus eam crudeliter sæuiente: tu, sicut Princeps Christianissimus, eam diligis & honoras, & ipsam sincero veneraris affectu. Quæ utique in omni tribulatione sua, tam apud prædecessores tuos, quam apud teipsum, & optatæ portum quietis obtinuit, & refugium semper opportunum inuenit. Galli-

DDd iiij

LVDOVICVS
VII. IV-
NIOR.

cana quoque Ecclesia inter omnes alias Orbis Ecclesias, quæcumque aliæ proue- A
nientibus scandalis in tribulatione mutassent, numquam à Catholicæ matris Ec-
clesiæ vnitatem recessit, numquam ab eius subiectione & reuerentia se subtraxit. sed
tanquam deuotissima filia firma semper & stabilis in eius deuotione permansit.
Vnde ipsa mater omnium & magistra Romana Ecclesia progenitores tuos & teip-
sum inter ceteros Orbis Principes, Gallicanam quoque Ecclesiam, speciali & sin-
gulari prærogatiua dilexit: ad honorem, incrementum, & exaltationem vestram
intendit: & in omnibus, in quibus secundum Deum potuit, vestræ satisfaciens
voluntati, personas vestras propensius honorauit. Nullum siquidem in toto
Orbe terrarum Principem esse credimus, quem antecessores nostri, & nos ipsi am-
pliori affectione diligere teneamur, & cui magis à nobis sit quàm tuæ Celsitudini
deferendum. Firmiter namque in cordis armario retinemus, & tam ex publica
fama, quàm ex Archiepiscoporum & Episcoporum Regni tui, & dilectorum filio-
rum nostrorum Hen. VV. & Odonis Cardinalium, quos pro necessitate Ecclesiæ,
pro honore quoque & vtilitate Regni & tuæ ad partes illas destinauimus, trans-
missa relatione cognouimus, qualiter sicut tu ipse hac vice nobis propriis Litteris
innuisti, ad receptionem nostram, quicquid alij facerent, regium animum ab ipso
principio efficaciter induxisti. & alij sunt exemplo tuo ad illud idem vehementius
prouocati, & in nostra deuotione succensi. Vnde & ab omnium conditore, cuius
gratiâ tuum propositum ita laudabiliter direxisti, præmium indeficiens tua Ex- B
cellentia obtinebit: & nos ipsi, quantum gratia diuina permiserit, serenitati tuæ
curabimus pro tanta deuotione vtiliter respondere. Proinde sicut de prosperita-
te tua, & commissi tibi Regni, interna affectione gaudemus; ita & de aduersitate,
si quando, quod Deus auertat, accideret, doleremus plurimum, & vehementius
gauaremur. Propositum siquidem, & promptam admodum voluntatem habe-
mus, paci & quieti tuæ, & Regni tuæ gubernationi commissi, libenter intendere.
Super his autem, quæ nobis propriis Litteris tua Excellentia indicauit, sollicitè
apud nos deliberabimus, & cum Fratribus nostris tractabimus, & quicquid ad ho-
norem Dei, Romanæ Ecclesiæ, & tuum, viderimus pertinere, curabimus liben-
ter efficere. De quibus vtique per dilectum filium nostrum Fratrem Guidonem
Maioris monasterij Monachum, serenitati tuæ plenius auctore Deo viua voce in
proximo respondere curabimus. Ad hæc venerabilem Fratrem nostrum M. Au-
relianensem Episcopum, pro quo nos Regia Celsitudo satis affectuose rogauit, li-
cèt quidam sinistra de eo in nostris auribus susurrauerunt, etsi certum apud nos
esset quòd læsionem nobis aliquam intulisset, amore tamen & interuentu tuo sin-
cera volumus affectione diligere, & cum sicut carissimum Fratrem nostrum, quan-
tum cum Deo possumus, intendimus honorare, & in suis postulationibus libentius
exaudire. Datum Anagninæ xvi. Kal. Febr.

EPISTOLA LXXXVIII.

G

ALEXANDER *Episcopus seruus seruorum Dei, carissimo in Christo filio LVDO-*
VICO *illustri Francorum Regi salutem & Apostolicam benedictionem.* DE CET
clementiam Regiæ dignitatis Ecclesias & Ecclesiasticas personas sincera caritate
diligere, ac eas in iure suo manutenere pariter ac fouere. Indè est quòd Ferra-
riensem Ecclesiam, quæ ad ius sacrosanctæ Romanæ Ecclesiæ specialiter pertinet,
& Fratres inibi ad Dei seruicium commorantes, Celsitudini tuæ attentius com-
mendamus. Rogantes plurimum, quatinus pietatis intuitu, & pro reuerentia
beati Petri ac nostra, eosdem Fratres & Ecclesiam ipsam diligas, manuteneas ac
defendas: & eorum iura à prauorum incurfibus integra eis & illibata conserues.
Datum Ianuæ v. Idus Febr.

EPISTOLA LXXXIX.

ALEXANDER *Episcopus seruus seruorum Dei, carissimo in Christo filio LVDO-*
VICO *illustri Francorum Regi salutem & Apostolicam benedictionem.* FIRMA
spes, & plena fiducia, quam de tuæ Maiestatis excellentia in omnibus obtinemus,
inducit nos modis omnibus & hortatur, vt statum vnicæ matris tuæ sacrosanctæ

A Romanæ Ecclesiæ ac nostrum tantò tibi libentiùs exponamus, quantò Celsitudinem tuam circa eam & nos ipsos sollicitam magis existere noscimus & intentam. LVDOVICVS VII. LV-NOR. Ut igitur status Ecclesiæ Serenitati tuæ plenius valeat innotescere, aliquem vel aliquos Fratrum nostrorum Cardinalium, qui nobiscum sunt, ad partes tuas in proximo disposuimus auctore Domino destinare. In præsentiarum verò sublimitatem tuam nolumus ignorare, quòd ad Montepessulanum ducente Domino applicantes, à dilectis filiis nostris Comite Sancti Egidij, & VV. de Montepessulano honorificè ibi fuimus & deuotè suscepti, & tam nos quàm Fratres nostri ibidem per Dei gratiam sani & incolores commoramur. Ibi etiam dilectum filium nostrum Trincauillum, & nobilem mulierem Herm. de Narbona, atque plures alios illius regionis Barones ad nos venientes recepimus, & tam ab ipsis quàm à ceteris circumpositis Dei fidelibus deuotè colimur, & celebriter honoramur. Datum apud Montepessulanum x i i. Kal. Madij.

EPISTOLA XC.

ALEXANDER *Episcopus seruus seruorum Dei, carissima in Christo filia illustri Francorum Regina salutem & Apostolicam benedictionem.* **V**IVIT in sacrosancta Romana Ecclesia gloriosa tuorum progenitorum memoria, qui quàm deuoti & feruētes in obsequio beati Petri semper extiterint, beneficia prædictæ Ecclesiæ ab eisdem plenissimè collata declarant. Vnde nos ea semper præ oculis cordis sine aliqua obliuione tenentes, gratas omnipotenti Deo incessanter exsoluimus, qui talem illorum nobis reseruauit heredem: de cuius magnificentia sacrosancta Romana Ecclesia maiora etiam beneficia præstoleretur. Inde est quòd sublimitatem tuam per Apostolica scripta rogamus, monemus, & exhortamur in Domino, quatinus supernæ diuinitatis intuitu talem te circa Ecclesiam Dei & nos ipsos studeas exhibere, vt eos quibus clarissimi sanguinis posteritate succedis, laudabili etiam fidei & deuotionis exemplo auctore Domino probabiliter imitèris. Studeas igitur & labores, carissimum in Christo filium nostrum LVDOVICVM illustrem Francorum Regem, virum & dominum tuum, ita in deuotione beati Petri ac nostra fouere propensius, & sollicitè confirmare: vt illa sinceritatis affectio, quam cum circa nos & Ecclesiam Dei gerere nullatenus dubitamus, de bono in melius parte confortata proficiat, & se de die in diem sicut confidimus ad vltiora producat. Specialiter autem prudentiæ tuæ volumus innotescat, quòd cum venerabilem Fratrem nostrum B. Portuensē Episcopum, & I. sanctæ Mariæ in Cosmydyn Diaconum Cardinalem ad prædictum Regem pro negociis Ecclesiæ destinare disposuerimus, postea statum terræ illius ex relatione dilecti filij nostri O. sancti Nicolai in Carcere Tulliano Diaconi Cardinalis ad nos redeuntis plenius cognoscentes, & ei carum admodum esse percipientes, mutato consilio venerabiles Fratres nostros Henricum Remensē Archiepiscopum, Lingonensē & Siluanectensē Episcopos, dilectum etiam filium nostrum Abbatem Grandis-siluz ad regis dignitatis præsentiam duximus destinandos. Vnde magnificentiā tuā modis quibus possumus sollicitè commonemus, vt prædictum Regem inducere studeas, & propensius exhortari, vt quod ab eis sibi fuerit ex parte nostra propositum credat indubitanter, & benignè suscipiat, & illud sicut de eo speramus vtili complemento perficere non postponat. Datum apud Montepessulanum ii. Kal. Madij.

EPISTOLA XCI.

ALEXANDER *Episcopus seruus seruorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* **L**ITTERAS Celsitudinis tuæ tanto benigniori animo, & maiori mentis alacritate suscepimus, quotiens eas transmittere te contigit, & in ipsis aliquid postulare, quantò Excellentiam tuam sinceriori affectione diligimus, & quantò pro multa & ampla deuotione circa sacrosanctam Romanam Ecclesiam & personam nostram à tua Serenitate exhibita, petitiones tuas cogimur ampliùs exaudire. Sancta siquidem & reuerenda Romana Ecclesia per sincerissimum tuæ deuotionis feruorem, in hac

LYDOVICVS
VII. IV-
NIOR.

necessitate tantum emolumentum & exaltationem, tantumve est commodum A
consecuta, quod tam in te, quam in omni posteritate tua, à nostra successorum-
que nostrorum memoria nulla possit obliuione deleri, & ab animo nostro nulla
temporis diuturnitate conuelli. Inde utique fuit, quod Litteras super negotio
Flauiniacensis Ecclesiæ à tua nobis Excellentia destinatas multo gaudio & animi
iocunditate suscepimus, & preces tuas, quæ in eisdem continebantur, quantum
cum Deo potuimus curauimus exaudire. Venerabilibus siquidem Fratribus no-
stris H. Beluacensi, & M. Parisiensi Episcopis causam ipsam commisimus audien-
dam, & remoto appellationis obstaculo sine canonico terminandam. Eapropter
serenitatem tuam rogamus & volumus esse sollicitam, ut si aliquis quo minus pro-
lata super eadem causa sententia obseruetur, voluerit impedire, cum omnino pro-
hibeas. & ne hoc præsumat, ex concessa tibi desuper potestate compellas. Da-
tum Terrac. III. Kal. Decembr.

EPISTOLA XCII.

ALEXANDER Episcopus seruus seruorum Dei, carissimo in Christo filio LVD-
VICO illustri Francorum Regi salutem & Apostolicam benedictionem. LITTE-
RAS, quas nobis pro venerabili Fratre nostro Eduensi Episcopo tua Cel-
situde transmisit, debita benignitate suscepimus, & iuxta earum tenorem præ-
dicto Episcopo ex officij nostri debito, & tuæ sublimitatis obtentu, honorem & B
affectionem libenter impendimus. Causa verò, quæ inter eum & Abbatem Fla-
uiniacensem vertebatur, diutius sub nostro examine ventilata, cum idem Episco-
pus contra ipsum Abbatem testes de spontanea Abbatiz abrenunciatione pro-
duxisset, Abbas abrepunctionem ipsam non sponte, sed coactum se fecisse affir-
mans, & super hoc testes se producere posse asserens, in ipsos etiam testes Episco-
pi aliquid se habere nihilominus allegabat. Verum quia id continuo prosecui non
valebat, inducias à nobis ad hoc exsequendum instantius postulauit. Vnde quia
eas sibi sicut non debuimus, ita nec potuimus de iure aliquatenus denegare. no-
lentes aliquem in iure suo, præsertim sub nostro examine, quodlibet præiudicium
sustinere. Hinc ad octauas Sancti Michaëlis de communi Fratrum nostrorum con-
silio inducias ei duximus indulgendas: ut tunc ad præsentiam nostram ita redeat
tam super his, quam super Capitulis illis, quæ sibi fuerant in præsentia dilecti filij
nostri VV. sancti Petri ad vincula Presbyteri Cardinalis obiecta sufficienter instru-
ctus, quod plenius de causa cognoscere, eamque possimus annuente Domino ius-
titia mediante finire. Interea verò ne castrum Flauiniacum ipsi Flauiniacensi Ec-
clesiæ, & serenitati tuæ, atque prædicto Episcopo, valeat aliquatenus deperire,
memoratum Abbatem fecimus in præsentia nostra iurare, sicut ex scripto ipsius
sacramenti, quod tibi transmittimus, poteris intueri: ut castrum ipsum in mani-
bus tuis, vel certi nuncij à te delegati resignet. libera tamen interim sibi Abbatiz
amministratione tam in temporalibus quam in spiritualibus reseruata. Cum enim C
idem castrum ad honorem & ditionem Regni tui respicere videatur, multò di-
gnius duximus ipsum per Regiæ magnificentiz gubernationem seruari, quam ali-
cui alij custodiendum committi. Indè est quod serenitatem tuam per Apostolica
scripta rogamus, monemus, & exhortamur in Domino, quatinus prædictum ca-
strum, libera tamen Abbati administratione prout diximus reseruata, recipere non
postponas, & ipsum vsque ad causæ terminum ita facias præstante Domino custo-
diri, quod nec Episcopo, nec Abbati, aliqua indè valeat iniuria vel incommodum
prouenire. Nos enim eis dedimus in mandatis, ut infra tempus istud nulla alter
alterum ratione impugnet, & qui capti fuerant, liberè hinc indè permittantur
abire. Extranei quoque excommunicati ab eodem castro discedant. Ut autem
hæc omnia diligentius curet Regia Celsitudo complere, dilectum filium Stepha-
num Subdiaconum nostrum, virum utique honestum & litteratum, quem carum
admodum acceptumque tenemus, cum supradicto Episcopo iuxta petitionem
suam ad tuam præsentiam duximus destinandum. Sublimitatem tuam rogantes
attentiùs, quatinus tam eum quam ipsum Episcopum pro reuerentia beati Petri
ac nostra regiæ benignitate recipias, honestè tractes, & ea quæ sublimitati tuæ ex
parte nostra suggesserint, ita indubitanter credas, quasi ab ore nostro tuæ fuerint
Celsitudini declarata. Datum apud Montempeffulanum 11. Non. Iun.

A

EPISTOLA XCIII.

LVDOVICVS
VII. IV-
NIOR.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* QUAM
promptæ deuotionis affectibus Dei Ecclesiam & nos ipsos specialiter amplectaris,
quàm sinceræ caritatis brachiis vnicam Christi sponsam inter ceteros Catholicos
Principes foueas ac defendas, beneficia plurima per te nobis collata declarant, &
Regiæ serenitatis fides inuictissima manifestat. Non enim potest, nec vnquam
poterit ab Apostolicæ Sedis memoria quantolibet successu temporis aboleri, quo-
modo te ab ipso nostræ promotionis exordio pro domo Israël murum inexpugna-
bilem constitueris, quomodo fluctuantem Petri nauiculam fidei anchorâ, & pru-
dentiz tuæ remis, firmam in media rexeris tempestate. Indè est quòd te tanquam
Catholicum Principem, & verè Christianissimum Regem, sincera in Christi vi-
sceribus affectione diligimus, honori & exaltationi tuæ libenter intendimus, &
pro conseruanda tuæ Celsitudinis gloria omnipotentem Dominum deuotis iugi-
ter precibus exoramus. Litteras igitur, quas per dilectos filios nostros T. Abba-
tem Sancti Germani, & B. familiarem Clericum tuum, viros quidem industrios
ac discretos, & tuæ Celsitudini deuotissimos, Regia nobis Serenitas destinauit,
B debita benignitate recepimus: & indè tam nos quàm Fratres nostri ingenti sumus
hilaritate gauisi. Vnde tam ex ipsis Litteris, quàm prædictorum relatione, tua
voluntate plenius intellecta, nos quoque voluntatem nostram per eosdem tibi
duximus exponendam. vt quod dilectus filius noster Abbas Grandis-siluz
quem ad tuam Excellentiam miseramus, quo casu nescimus omiserat, per istos
valeat tuæ Sublimitatis auribus intimari. Paramus etiam in continenti duos de
Fratribus nostris, quos inter alios Fratres nostros caros satis & acceptos habemus,
ad præsentiam tuæ Celsitudinis destinare. Per quos vtique & statum Ecclesiæ,
& voluntatem nostram plenius tibi curabimus indicare, & tuam versa vice Domi-
no auctore sciemus, sicut illius vtique Principis, de quo plenissimam ad honorem
& exaltationem Ecclesiæ Dei fiduciam obtinemus: vt per te scilicet ad tranquil-
latis portum veniat & salutis. Regiam itaque clementiam præsentium signifi-
catione rogamus, monemus, & exhortamur in Domino, quatinus cùm ante
conspectum Regiæ Maiestatis eos contigerit præsentari, ipsos pro reuerentia beati
Petri ac nostra benignè recipias, honestè tractes, & his quæ tibi ad honorem Dei,
& tam Ecclesiæ quàm Regni tui commodum & exaltationem ex parte nostra pro-
ponent, assensum præbeas, & vtilem largiaris effectum. Ita quòd indè ab æterno
Rege indeficientis præmij remunerationem accipere, & Sedis Apostolicæ gra-
tiam perpetuò debeas tibi tuisque posteris plenius in omnibus ampliare. Datum
apud Montempeffulanum VI. Idus Iulij.

C

EPISTOLA XCIV.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* SIC VT
meminisse possumus, Excellentiz tuæ, quam erga sacrosanctam Romanam Ec-
clesiam deuotissimam nouimus, tanquam illius vtique qui inter reliquos mundi
Principes in fidei Catholicæ vnitæ perseverare præcipuè studuit, & feruere:
quòd ad Terram & commissum magnificentiz tuæ Regnum pro negociis & agen-
dis vniuersalis Ecclesiæ, atque pro pace Regni & utilitate disposuerimus pertran-
sire, Apostolicis Litteris olim insinuare studuimus. Sperantes & confidentes in
Domino, quòd præcipuè magnificentiz atque prudentiz tuæ consilio & auxilio,
ac aliorum qui Ecclesiam Dei diligunt, status matris tuæ sacrosanctæ Romanæ Ec-
clesiæ posset in melius reformari, & ad pacis bonum reduci, quæ sunt orta discor-
dia perturbata. Sanè prædecessorum tuorum Catholicorum Regum vestigia lau-
dabiliter profecutus, semper Romanam Ecclesiam, & personam nostram, atque
in hoc beatum Petrum, in cuius cathedra licet immeriti residemus, præcipuè hoc
persecutionis tempore, honorasti, anchoram spei tuæ immobiliter figens in eum,
qui dixit Apostolis, & in eis primitiuz Ecclesiæ, *Ecce ego vobiscum sum usque ad*

LVDOVICVS
VII. IV-
NIOR.

consummationem seculi, nullisque tempestatum fluctibus, nullis persuasionibus vel blanditiis, tua potuit fidei sinceritas inclinari, quo minus regia viâ Rex gloriose incederes, & ambulares semitam quæ ducit ad cœlestis patriæ claritatem. Vnde postquam Domino ducente ad Montempeffulanum, in quo magnificè ac honorificè à Clero & populo recepti fuimus, venissemus, venerabilem Fratrem nostrum B. Portuensem Episcopum, & dilectum filium nostrum I. Diaconum Cardinalem Ecclesiæ sanctæ Mariæ in Cosmidin ad tuam præsentiam mittere disposueramus. Postea verò ex relatione dilecti filij nostri O. sancti Nicolai in Carcere Tulliano Diaconi Cardinalis ad Sedem Apostolicam redeuntis, de statu terræ illius plenius cognoscentes; mutato consilio venerabiles Fratres nostros Henricum Remensem Archiepiscopum, & Lingonensem & Siluanectensem Episcopos ad te duximus delegandos. Rogantes, monentes, & exhortantes in Domino, quatinus eos clementer & benigne recipias, & his quæ prudentiæ regiæ, vna cum dilecto filio nostro Abbate Grandis-siluz, ex parte nostra insinuare studuerint, fidem adhibeas, tanquam ab ore nostro discretionis tuæ fuerint intimata. & ea sicut de tua sublimitate confidimus, vtili studeas effectui mancipare. Decetero, quod nobilis vir RAIMVNDVS Comes Sancti Egidij magnificè nobis occurrit, & se ac terram suam nobis exposuit, & nos, atque in persona nostra beatum Petrum Apostolorum Principem veneratione debita studuit honorare, vberes gratias sublimitati tuæ persoluiimus, & tempore oportuno ipsi pro debito nostri officij, quantum cum Deo poterimus studebimus respondere. Datum apud Montempeffulanum 11. Kal. Majij.

EPISTOLA XCIV.

ALEXANDER Episcopus servus servorum Dei, carissimo in Christo filio LVDOVICO illustri Francorum Regi salutem & Apostolicam benedictionem. QUAM acerbæ & irrationabilis seueritatis instantiâ ille Frater noster Aurelianensis Episcopus dilectos filios nostros Letoldum, M. Capellanum, & Adam, Aurelianenses Canonicos fuerit hætenus persecutus, & nos ex multiplicata eorum querela cognoscimus, & regia Excellentia sicut credimus non ignorat. Eos enim pro sua recuperanda iustitia iam ex longo tempore sæpius appellando à propriis finibus exulare coëgit, & ipsos ad nos venientes, vel in nostra præsentia constitutos bonis propriis iniuste prorsus & irrationabiliter spoliauit. Cùmque super hoc nostra sæpè scripta receperit, eis omninò spretis atque contemptis, neque illis iuxta mandatum nostrum ablata reddere, nec iustitiæ voluit plenitudinem exhibere. cùm nuncij sui, quos ad nos propter hoc aliquando destinavit, potiùs ad frustratorias dilationes postulandas intenti, quàm ad iustitiam venerint exhibendam instructi. Et sic præfati Canonici pro sua iustitia diutiùs exulare compulsi, nos sunt ex longo tempore terrâ marique secuti. Vndè nisi tuæ sublimitatis prece placati eius noluissemus contumaciâ Sedis Apostolicæ mansuetudine tolerare. Potuimus enim eum atque debuimus iuxta rigorem Canonum satis grauiter vindicare. Hætenus igitur eius inobedientiam tuarum precum intuitu cum omni patientia subportantes, nuper sibi per iterata scripta mandauimus, quòd vel prædictis Canonicis vniuersa ablata cum integritate restituat, vel in proximo festo sancti Lucæ ad præsentiam nostram per se vel sufficientem responsalem plenariè illis super his omnibus responsurus accedat. Alioquin ex tunc nec istorum iustitiam esse patiemur aliquatenus diminutam, nec illius contumaciam actore Domino præteribimus impunitam. Datum apud Montempeffulanum 11. Idus Iulij.

EPISTOLA XCVI.

ALEXANDER Episcopus servus servorum Dei, carissimo in Christo filio LVDOVICO illustri Francorum Regi salutem & Apostolicam benedictionem. DILECTVM filium nostrum Magistrum I. Clericum tuum, qui multo seruiore deuotionum & sinceritate fidei circa honorem & exaltationem tuam exuberare videtur, cùm ab Excellentia tua pro verbo pacis ad nos fuerit specialiter destinatus, cum certo verbo pace ad te remittimus. Licet autem propter hoc magnum & honorificum Nuncium tuæ proposuissemus serenitati transmittere, quem scimus præ

A prae cunctis mortalibus Ecclesiae ac nobis in nostrae persecutionis tempore vtilissimum & fructuosissimum extitisse, cui etiam post Deum ascribimus quicquid Ecclesiae ac nobis prosperitatis, honoris, & gloriae accidit: Attendentes tamen & considerantes deuotionem & fidem ac laudabile propositum praedicti Clerici tui per eum tibi tanquam filio carissimo & Christianissimo Regi felices pacis successus significamus. Noscat itaque magnitudinis tuae serenitas, quod carissimus in Christo filius noster **FREDERICVS** illustris Rom. Imperator cum Principibus suis, quos secum habebat, & Ecclesiasticis maximè, diuina tactus intrinsecus gratia, & caelestis benedictionis imbre perfusus, vanitatis errorem prorsus deposuit, & ad obedientiam Ecclesiae ac nostram humilians se in conspectu Dei, & in oculis hominum, humiliter & deuotè sicut decuit rediit, & beato Petro in nobis illam reuerentiam & honorem exhibuit, quem antecessores eius nostris consueuerunt antecessoribus exhibere, & de cetero se firmiter & immobiliter exhibiturum promisit. Super quo vtrique, Altissimo, à quo omne bonum procedit, laudes deuotissimas agimus, & consequenter tibi & Regno tuo gratias multimodas reddimus: per cuius auxilium & potentiam, praeunte caelesti gratia, nos ad tantum & desiderabile bonum peruenisse non dubitamus. Rogamus itaque Excellentiam tuam, monemus & exhortamur in Domino, quatenus vnam cum Regno tuo reuerentiam & deuotionem, quam matri tuae sacrosanctae Romanae Ecclesiae in nobis exhibuisti, deceterò firmiter & constanter exhibeas, & ita honori eius & exaltationi feruenter intendas, quod ex hoc Regnum valeas adipisci caeleste, & tibi plenius conseruare terrenum. indubitata spem & fiduciam obtinens, quod fides & deuotio nullo vnquam tempore à nostra elabi memorià poterit, quam tu & Regnum tuum Ecclesiae ac nobis in tantae necessitatis articulo magnanimiter exhibuistis. Imò decetero te & Regnum tuum fructuosius & efficacius fouere, auctore Domino, & amplexari curabimus. Datum Venet. in Riualto 11. Kal. Augusti.

EPISTOLA XC VII.

ALEXANDER Episcopus seruus servorum Dei, venerabilibus Fratribus G. Senonensi Archiepiscopo, & Suffraganeis suis, & dilectis filiis Abbasibus in Senonensi provincia constitutis, salutem & Apostolicam benedictionem. CUM per auxilium, potentiam, & fauorem, carissimi in Christo filij nostri **LVDOVICI** illustris Francorum Regis, & Regni sui, sacrosanctae Romanae Ecclesiae ac nobis recognoscamus gloriosa & magnifica beneficia prouenisse: dignum est, & consentaneum rationi, ut illi, & vobis, quorum auxiliis potenter sumus in necessitatibus nostris adiuti, prosperos & felices pacis successus significemus: indubitata veritate tenentes, quod post Deum idem Rex simul cum Regno suo cooperatus est honori & exaltationi Ecclesiae, & ei magnum contulit incrementum. Quod quidè sicut verbo recognoscimus, ita opere & sermone omni tempore auctore Domino recognoscimus. Notum sit autem sollicitudini vestrae, quod carissimus in Christo filius noster **FREDERICVS** illustris Romanorum Imperator per inspirationem diuinæ gratiae deposito vanitatis errore ad viam veritatis conuersus, ad obedientiam Ecclesiae & nostram reuerenter & deuotè sicut decuit rediit, & illam beato Petro in nobis reuerentiam & deuotionem exhibuit, quam antecessores eius nostris consueuerunt antecessoribus exhibere. Super quo vtrique laudes Altissimo agimus, & consequenter Regi & Regno gratias copiosas referimus, de eo quod Ecclesiam & nos ipsos in tribulationibus & persecutionibus nostris nequaquam deseruit: sed vsque in finem magnificè iuuat, atque defendit. Monemus itaque dilectionem vestram & hortamur attentius, quatinus Ecclesiae & nobis in prosperitatibus congaudentes, in deuotione beati Petri & nostra firmiter, sicut hactenus perstitistis, perseueretis, & Regem, ut in eodem cum Regno suo persistat, monere propensius & inducere studeatis. Datum Venetiis in Riualto, vi. Kal. Augusti.

In Codice MS. sunt hic aliquot folia non scripta, deinde Epistola sequentes.

EPISTOLA XCVIII.

A

ALEXANDER *Episcopus servus servorum Dei, carissimo in Christo filio LVD-
VICO illustri Francorum Regi salutem & Apostolicam benedictionem.* CON-
SIDERANTIBVS nobis eximia gloriæ tuæ præconia, nihil facile videtur oc-
currere, quod tanta commendatione dignum existat, & tam securum de sempi-
terna retributione possit efficere, quàm quoddam sincera deuotione Religionem dili-
gere comprobaris, & ad eam in Regno tuo plantandam, iuxta quod regis conue-
nit officio dignitatis libenter intendis. Vtinam qui sunt in ordine Sacerdotum, ad
institutionem & conseruationem Religionis eo animo & curâ præcederent, quo
fauor regius ad defensionis auxilium sequeretur. Credimus enim, quia ita per
Regnum tuum totius status Ecclesiæ se haberet, quoddam & nomen Domini hono-
raretur in omnibus, & turbæ fidelium populorum in via vitæ duces plurimos in-
uenirent. Nunc autem dormitantibus Sacerdotibus, quos aliorum custodiæ oportet
intendere, tepescit in multis locis sacra Religio: & ut cuiusdam verbis utamur,
Pro molli violâ & purpureo narcisco, infelix lolium & steriles dominantur aue-
næ. Hoc sanè in Ecclesia sancti Victoris non modicum dolemus accidere, quæ
cum olim in Religione floreret, ita nunc, quod tristes dicimus, in suæ professio-
nis asseritur obseruantia tepuisse: ut quæ multis manum in via salutis errantibus B
porrigebat, nunc auxilio alieno indigeat, & non inueniat qui subleuet eam. Nec
tamen ex eo perhibetur accidere, quoddam non sint ibi plures, qui & notitiam Reli-
gionis habeant & amorem. sed quibusdam cum suo capite membris languentibus,
in eadem Ecclesia feruor Religionis noscitur tepuisse. Nos autem, cum iam dudum
ad nos super eorum tepiditate relatio peruenerit plurimorum, distulimus hæcenus
aurem apponere, & necessariam adhibere tam graui valetudini medicinam. expe-
ctantes quoddam aliquando reducerent oculos ad seipsos, & de reformanda Religione
studiosius cogitarent. Capite verò quæ ad emendationem suorum & subditorum
pertinent negligentiùs exequente, nos iam tandem executioni eorum quæ dicta
sunt oportet intendere: & si verus sit rumor, qui totiens aures nostras aspergit, quia
in propria persona non possumus, per alios inuenire. Ita quidem, ut si vera compa-
ruerint quæ dicuntur, per eosdem dilatione seposita, medicina quam viderint ne-
cessariam apponatur. Venerabilibus ergo Fratribus nostris N. vices nostras in hoc
negocio præuidimus committendas, qui quantò plenior & faciliorem huius rei
potuerint habere noticiam, tantò cum minori grauamine salutis remedia provide-
bunt. Quia verò magnificentia tuæ ad cumulum mercedis accedet, si per illorum
instantiam fauore regio imminente prædictæ status Ecclesiæ dirigatur, Celsitudi-
nem tuam monemus & exhortamur in Domino, quatenus ad executionem huius
negocij fauorem tuum impendas, & nullam pariaris conditionem apponi, quomi-
nus ibi quæ prædicti viri statuenda viderint statuatur. Ne si fortè diutiùs medici-
na tardauerit, & dissimulantibus nobis languor coeperit aggrauari, sensus etiam C
doloris intercedat, & cum multa difficultate postmodum vix redeat ad salutem.

EPISTOLA XCIX.

ALEXANDER *Episcopus servus servorum Dei, venerabilibus Fratribus VV. Seno-
nensi Archiepiscopo, Apostolica Sedis Legato, & S. Meldensi Episcopo, & dilecto filio
Abbati Vallis-secreta, salutem & Apostolicam benedictionem.* CREBRA iam dudum
suggestio super statu Ecclesiæ sancti Victoris nostrum pulsauit auditum, & time-
mus nos in extremo examine seuerius iudicandos, si ad inquirenda & corrigenda
quæ suggeruntur tardi fuerimus aut remissi: dicente Scriptura, *Maledictus qui pro-
hibet gladium suum ab omni sanguine.* Olim sanè ad doctrinam salutis, quæ de loco
illo fluebat, & bonæ conuersationis odorem, quo eadem flagrabat Ecclesia, in
multis Ecclesiis & praua in directa, & aspera conuertebantur in vias planas. & erat
verè puteus aquarum viuentium, de quo arentia corda multorum ad extinguen-
dum mundanorum desideriorum æstum vitæ potum haurirent. Nunc autem, ut
dicitur, dormitante paulatim custodia prouisoris, & refrigescente in capite Reli-
gionis amore, ad partem quoque membrorum quidam se lethalis torpor effudit.

A & factum est ibi quod de quodam dicitur per Prophetam: *Comederunt alieni robur eius, & nesciuit. sed & cani effusi sunt in eo, & ipse ignorauit.* Nec hoc tamen dicimus, quod non credamus ibi & sapientes & religiosos viros plurimos inueniri, qui multis esse possunt odor vitæ in vitam. Sed non est facile, cum multa quoque vi remigum dirigi nauem ad portum, si rector qui clauum tenet imperitus fuerit aut remissus. Iccirco, ne fortè contingat illi quod de seipso lamentabatur Prophe-
 ta, dicens: *Amici mei & proximi mei aduersum me appropinquauerunt, & qui iuxta me erant à longè steterunt.* quia in propria persona eandem Ecclesiam visitare non possumus, ei visitationis officium decreuimus dependendum. Per Apostolica vobis scripta mandantes, quatinus illuc accedentes, de statu eius, & de actibus Abbat-
 tis & Fratrum, maturitate ac diligentia qua conuenit inquiratis. & quicquid ibi cognoueritis corrigendum, vice nostra taliter corrigatis, vt & Religio ibi per studium vestrum ex gratia diuina refloreat, & nos de dissolutione tantæ Domus non teneamur in die iudicij reddere rationem. Si videritis autem, quod nisi per amotionem vnius aut plurium personarum status Ecclesiæ reformari non possit, nec in hoc parcat gladius vester. sed plenam à nobis auctoritatem accipite, ap-
 pellatione remota, quæ euellenda fuerint euellendi, & quæ plantanda fuerint Domino auctore plantandi. Nos enim ita per vos apud Deum volumus excu-
 sabiles inueniri, vt non sit qui à nobis de spiritali eiusdem Ecclesiæ detrimento
B in extremo examine requiratur. Si autem his exequendis vos tres non poteritis in-
 teresse, duo vestrum non minus hæc quæ dicta sunt maturius exequantur. Datum
 Tuscul. Kal. Febr.

EPISTOLA C.

ALEXANDER. *Episcopus seruus seruorum Dei, dilectis filiis Abbati & Canonicis sancti Victoris Paris. salutem & Apostolicam benedictionem.* I AM DVDM ad nos de statu vestro peruenit, quod requiri districtius, & corrigi oportebat. Nos autem, quia Ecclesia vestra longo tempore per Dei gratiam religione floruit & scientia, ita vt in odore vnguentorum vestrorum multi concurrerint, & in lumi-
 ne vestro viderint lumen, expectauimus hætenus, si tandem per vosmetipsos re-
 dieritis ad vos, & de medio vestri dissensionis & scandali materiam tolleretis. Cete-
 rum, quia in expectatione nostra non tam correctionem aliquam subsequi, quàm infirmitatem vestram aggrauari, conspiciamus, dignum duximus ad Ecclesiam ve-
 stram personas aliquas destinare: venerabiles scilicet Fratres nostros VV. Seno-
 nensem Archiepiscopum, Apostolicæ Sedis Legatum, & S. Meldensem Episco-
 pum, & dilectum filium N. Abbatem Vallis-secretæ. qui quomodo se habeat sta-
 tus vestri inquirant, & quæ corrigenda cognouerint appellatione remota corri-
 gant, & emendent. Quocirca per Apostolica vobis scripta præcipiendo manda-
 mus, quatinus expositis eis cum ad vos venerint, quæ necessitas & emendatio ve-
 stra poscit exponi, quæ inter vos ipsi, vel duo eorum, aut de reformanda Ordinis
G disciplina, aut de personis si res exegerit amouendis, statuendum esse cognoue-
 rint, suscipiatis humiliter, & firmiter obseruetis. Datum Tuscul. Kal. Febr.

EPISTOLA CI.

DILECTIS & diligendis semper in Christo Fratribus, VV. Dei gratia Senonensi
 Apostolica Sedis Legato, & S. Bituricensi Archiepiscopis, ALEXIVS tit.
 S. Laurentij in Lucina, & The. tit. sancti Vitalis, dignatione diuina Presbyteri Cardina-
 les, Apostolica Sedis Legati, cum iustitia parere in conspectu Dei. INVETERATIS in
 via seculi peccatoribus, & ad viam salutis per austeriores obseruantias reuocandis,
 vtiliter & prouidè consulitur, si peccandi oportunitas adimatur. De Fratre E.
 quondam Sancti Victoris Abbate, quomodo carnem suam crucifixerit cum vitiis
 & concupiscentiis, quàm diligens etiam de salute subiectorum suorum extiterit,
 non oportet nos vestris auribus intimare. Vos enim plenius nostis, qui effodistis
 parietem, & latentia intus reptilia conspexistis. Nunc autem, vt dicitur, quod
 timuerunt Fratres in amotione ipsius, nisi prudentia vestra occurrat, euenit eis:
 & quod verebantur accidit. Locum enim illum, in quem ad tempus eum vos mit-
 tere dicebatis, donec videlicet ordinaretur Ecclesia, retinere laborat: & qui si

LYDOVICVS
VII. IV-
NIOR.

rectè saperet locum sibi deberet eligere, in quo labore manuum, afflictione corporis, & voluntaria paupertate satisfaceret Domino Deo suo; locum potius habere desiderat, in quo transgressionibus transgressiones accumulet, & epuletur cotidie splendide cum illo diuite purpurato. Non esset hoc horrorem, sicut credimus, medicorum, qui & restrictione cibi, & oportunitate loci, salubrem providere debent languentibus medicinam. Vnde caritatem vestram monemus & exhortamur in Domino, quatenus opponatis ad hoc Pontificalem sollicitudinem, & ne in pestifera ille voluntate præualeat, studiosius peragatis, ne sanguis illius in die Iudicii de manu vestra requiratur, si & in dieta, & in aliis, quæ inuitis etiam interdum à bonis medicis inferuntur, salubriter ei non fuerit provisione vestra consultum. Valete.

EPISTOLA CII.

ALIXIVS *dignatione divina tit. sancti Laurentij in Lucina, & The. tit. sancti Vitalis, Presbyteri Cardinales, Apostolicæ Sedis Legati. Dilecto in Christo Fratri G. Abbati Sancti Victoris, exerceri semper in iustificationibus Dei. SCRIBIMVS* Fratribus nostris Senonensi & Bituricensi Archiepiscopis, sicut vobis & Ecclesiæ vestræ credimus expedire. Sanè in honore vobis imposito, & gaudemus super eo quod factum est, quoniam ad salutem multorum auxiliante Domino provenire speramus, & lætamur. Difficultatem provisionis impositæ attenditis, & timetis. Utinam hoc religio vestra semper attendat, & cum timore ac tremore consideret, cui & vnde in die Iudicii oporteat rationem reddere. Credimus enim, quia non facile locus dabitur negligentiae, si hoc sedulo fuerit in animo vestro versatum. Fuerit antecessor vester, sint & alij multi de magnarum domorum constructione solliciti. vos qui electi estis à Domino, & veniendo ad Religionem Italia dimisistis in seculo, sedete ad pedes IESU cum Maria, & audite verbum ex ore ipsius, quod commissis vobis ouibus, & aliis qui ad vos venerint, proponere debeatis: ne si fortè terrenis ædificiis construendis decreueritis insistendum, Euangelicum illud valeatis audire: Omnes ædificationes istæ destruentur, & nec lapis super lapidem relinquetur. Porro & nos bona spe, quam de vestra religione concepimus, & testimonio piæ vestræ conversationis inducti, & personam vestram in visceribus caritatis habere proponimus, & negocia commissæ vobis Ecclesiæ in timore Dei libenter volumus promovere.

EPISTOLA CIII.

VV. *Dei gratiâ Senonensis Archiepiscopus, M. Parisiensi Episcopo salutem.* IN quantum & quam perniciosam Frater E. quondam Abbas sancti Victoris ex inordinatis actibus suis Ecclesiam & Fratres uniuersos, qui tam religione quam litteratura præ ceteris præminere dinoscuntur, adduxerit confusionem, vestra nouit plenius circumspectio. Qui cum Sanctos, qui secum erant, pro viribus impugnaverit, & sanctitatem persecutus fuerit, ea per Dei gratiam sibi amputata nocendi facultate, nondum ut accepimus quærit nomen Domini: sed adhuc manus eius extenta est, & cum internam & æternam non possit subuertere disciplinam, variis & innumeris exteriorum tentationum generibus eorum nititur perturbare quietem. Proinde cum thesaurum Ecclesiæ adhuc occultare contendat, fraternitati vestræ præsentium auctoritate iteratò mandamus, quatinus ad Ecclesiam omni morâ semota accedentes, sub testimonio dilecti filij nostri G. Abbatis & Fratrum memoratæ Ecclesiæ, entecas & repositoriola prætaxati Er. scrutari curetis, & calicem aureum, & alia quæ ad ius Ecclesiæ beati Victoris spectantia ibidem inueneritis, Abbati & Fratribus assignetis. Deposita verò Archiepiscopi Daciz in loco reponatis in Ecclesia maiori. Si verò memoratus Er. prædicta exhibere detrectauerit, nihilominus vase iniquitatis & mammonæ confrecto, quæ prædiximus executioni mandetis.

EPISTOLA CIV.

ALXANDER *Episcopus seruus seruorum Dei, dilectis filiis Capitulo sancti Satyri salutem & Apostolicam benedictionem.* Eos, qui relictis vanitatibus & mundanis illecebris, in arctiori vitâ deuouerint Domino famulari, summa curâ & dili-

Agentiâ vigilare oportet iugiter, & intendere, qualiter assumptæ Religionis habitus moribus & vitæ concordet, & propositum suum firmum & immobile conseruetur: ne super arenam, sed potius super firmam petram Domini videantur fundasse. Indè est, quoddam caritatem vestram monemus, mandamus, atque præcipimus, quatinus dilecto filio nostro Abbati vestro omnimodam obedientiam & reuerentiam deuotè & humiliter impendentes, circa cultum religionis & honestatis; & Canonici Ordinis obseruantiam, sicut olim bonæ memoriæ Radulphi quondam Abbatis vestri, feruenter & vnanimè intendatis: & consuetudines illas probatas, quæ in diebus eiusdem Abbatis salubri & rationabili prouidentia in Monasterio vestro institutæ fuerint pariter & seruatz, præsertim in carnalis esus abstinencia extra claustrum, sicut in claustro, nullatenus violare temperetis. Si quis autem vestrum contra easdem institutiones temerè venire temptauerit, usque ad satisfactionem congruam eum eidem sententiæ subiaceere decernimus, quam prædictus Abbas in eorumdem transgressores rationabiliter noscitur statuisse. Ad hæc, auctoritate vobis præsentium firmiter inhibemus, quod in Capitulo nullus vestrum pro euitanda disciplina in vocem appellationis prorumpat. & si pro tali causa duxerit appellandum, appellationem ipsam nullius momenti esse censemus, quominus secundum vestri Ordinis instituta regulari disciplinæ subdatur. Datum Beneuenti.

LYONICVS
VII. Idus
NIOB.

B

EPISTOLA CV.

ALEXIVS *dignatione diuina tit. sancti Laurentij in Lucina, & The. tit. sancti Vitalis, Presbyteri Cardinales, Apostolica Sedis Legati. Dilecto in Christo Fratri G. oculos habere semper ad Dominum.* CREDIMVS Dominum Papam præsentia & obsequio tuo opus habere. Mandamus igitur, & ex parte domini Papæ in virtute obedientiæ tibi præcipimus, quatinus susceptis his Litteris, ad præsentiam nostram accedere non omittas. Quod & si te alia causa non traheret, ex sola consideratione visionis nostræ te credimus ad hoc sine difficultate aliqua inducendum. Videris ne te inobedientiæ, aut minoris erga nos affectionis arguere valeamus.

EPISTOLA CVI.

ALXANDER *Episcopus seruus seruorum Dei, dilectis filiis Canonicis Ecclesiæ sancti Victoris Paris. salutem & Apostolicam benedictionem.* QUANTO Ecclesiæ vestra maiori hætenus religione floruit, & ampliori refulsit gloriâ meritorum; tantò audita reformatione ipsius, lætati sumus amplius & gauisi, & de ipsius commodo & profectu ex hilarati. Audiuius sanè, quod venerabilibus Fratribus nostris Bituricensi & Senonensibus Archiepiscopis cooperantibus, & ad hoc iuxta mandati nostri tenorem toto studio laborantibus, Ecclesiæ vestra in statum & gradum sit pristinum reformatæ: & Ern. quondam Abbate vestro spontaneè in præsentia dilectorum nostrorum A. tit. sancti Laurentij in Lucina, & T. tit. sancti Vitalis, Presbyterorum Cardinalium, Apostolicæ Sedis Legatorum, amministrationi cedente, cuius culpa status eius fuerat in parte non modica deformatus, personam idoneam, honestam, & litteratam in Abbatem vestrum communiter elegistis, & prouidere vobis curastis vnanimè in Pastorem. Nos verò, quibus conuenit rationabilibus votis atque statutis gratuitum præstare fauorem, & incrementa desiderare virtutum, electionem vestram, & abrenunciationem illius, de communi Fratrum nostrorum consilio ratam & firmam habemus & confirmamus. Vniuersitatem vestram monentes, atque mandantes, quatinus Abbati vestro quem elegistis debitam reuerentiam & obedientiam impendatis, & ita vos sibi deuotos & humiles exhibere curetis, quoddam per obedientiam vestram, & prouidentiam illius, ordo Religionis & honestatis in Ecclesiæ vestra refloreat, & plenius valeat auxiliante Domino conseruari. Datum Tusculani III. Idus Aprilis.

ALEXANDER *Episcopus servus servorum Dei, dilecto filio G. Abbati sancti Victoris salutem & Apostolicam benedictionem.* INTELLECTO & cognito, quoddam ERNISTO quondam Abbate Ecclesiæ, cui præesse dinosceris, libera & spontanea voluntate amministrationi cedente, Fratres ipsius Ecclesiæ te sibi elegerint communi voto & desiderio in Abbatem, tantò indè magis lætamur atque gaudemus, quanto de ipsius Ecclesiæ turbatione dolebamus amplius, & pro eius statu maiori anxietate & sollicitudine urgebamus. Vnde quia decet te sollicitè attendere, quantæ religionis & honestatis Ecclesiæ, ad quam es Domino providente vocatus, hætenus extiterit, & quomodo ibi rigor regularis disciplinæ viguerit, discretionem tuam monemus atque mandamus, quatenus iniunctæ tibi amministrationi prudenter & constanter intendas, & ita commissum tibi officium ad honorem Dei & ædificationem tuam, & eorum qui tibi commendati sunt, cum auxilio cœlestis gratiæ efficaciter & diligenter exerceas, quod ibi per prudentiam & sollicitudinem tuam Religionis ordo semper refloreat, & de die in diem magis ac magis suscipiat incrementum. Nos enim te & eandem Ecclesiæ diligere volumus & fovere, & vobis cùm fuerit oportunum Apostolicæ defensionis patrocinium ministrare. Datum Tusculani 111. Idus Aprilis.

EPISTOLA CVIII.

ALEXANDER *Episcopus servus servorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* CVM dilectum nostrum Priorem Hospitalis Domus, quæ apud Cerel. sita est, ad nostram nuper præsentiam vocauerimus, eum in Angliam pro quibusdam Ecclesiæ negociis transmissuri: preces à tua Sublimitate directas accepimus, ut ei ad hoc inducias præberemus. Quia verò graue nobis cognoscimus & damnosum, si hoc iter eius diutius differatur, rogamus attentius Serenitatem tuam, quatenus eidem Priori ad aggrediendum quod sibi iniunximus iter licentiam largiaris. Datum Senonis v. Idus Nouembris.

EPISTOLA CIX.

ALEXANDER *Episcopus servus servorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* ILLOS tuam decet magnificentiâ pia protectione defendere pariter & fovere, qui tollentes crucem sancta & venerabilia loca, quæ Dominus corporali præsentia illustravit, visitare disponunt, & ibi contra inimicos Crucis Christi Domino militare. Veniens autem ad nostri Apostolatus præsentiam P. miles lator præsentium, votum suum nobis proposuit, & se velle Hierosolymam ire constanter asseruit. Verum quia vxore sua circa eum se turpiter & inhonestè habente, & se ob perpetrati sceleris culpam ab eo absentante, iste paternam hereditatem sine ipsius conuiuentia nec vendere potest, nec pignori obligare, dispositum iter nullatenus valet adimplere. Sed quoniam vxor thorum maritalem, sicut dicitur, per adulterium commaculavit, dummodò iste velit continenter viuere, ad eam non cogitur vlla ratione redire, Serenitatem tuam per Apostolica scripta rogamus, & exhortamur in Domino, quatinus si ita est, diuini amoris intuitu liberum ei facias, ut ipsi possessiones suas vendere cui voluerit licitum sit, vel pignori obligare: & his, quibus vendiderit, seu pignori obligauerit, nullam patiaris super hoc iniuriam vel molestiam indebitè irrogari. Datum Turonis x. Kal. Ianuar.

EPISTOLA CX.

ALEXANDER *Episcopus servus servorum Dei, carissimo in Christo filio LVDOVICO illustri Francorum Regi, salutem & Apostolicam benedictionem.* EXOSCIT tuæ Celsitudinis pia deuotio, his semper intendere, quæ ad commodum indigen-

A tium Clericorum non est dubium pertinere. Peruenit autem usque ad nos, quod <sup>LYDOVICVS VII. LV-
NOR.</sup> Iohannes Baril. R. Sacerdoti domum quandam & vineas, quas iure hereditario possidebat, ausu temerario abstulit, & eas sibi reddere contradicit. Vnde magnificentiam tuam rogamus, & tanquam in Christo carissimum Ecclesie filium attentius exhortamur, quatinus si ita est, ita faciat tue discretionis sublimitas prefato Sacerdoti in presentia tua, vel alterius de quo plenarie possis confidere, iustitie plenitudinem exhiberi, ut idem Sacerdos ius suum se gaudeat fuisse plenarie consecutum. Datum Senonis xvi. Kal. Aprilis.

EPISTOLA CXI.

ALEXANDER *Episcopus servus servorum Dei, venerabili Fratri Sues-*
nensi Episcopo salutem & Apostolicam benedictionem. LATORIS presentium
A. à Hierosolymis redientis nobis nuper relatio patefecit, quod timore VVa. Abbatis sui perterritus Dorbacense Monasterium, in quo monasticum habitum se asserit suscepisse, irregulariter dereliquit. Postea verò ab Abbate suo licentia, sicut dicitur, impetrata, terram quam Dominus corporaliter visitauit, intuitu deuotionis petiuit, & per nos rediens, Apostolicæ Sedis implorauit auxilium. Ideoque fraternitati tue per Apostolica scripta mandamus, quatinus Abbatem iamdicti Monasterij diligenter commonecas & instanter, ut memoratum A. disciplinam secundum Regulam beati Benedicti & consuetudinem Ordinis eiusdem Monasterij seruata, in Monasterium suum recipiat, & paterna illum caritate pertractet. Datum Anagninæ vii. Kal. Maij.

EPISTOLA CXII.

ALEXANDER *Episcopus servus servorum Dei, carissimo in Christo filio LVDO-*
VICO illustri Francorum Regi salutem & Apostolicam benedictionem. QVIA
de regie sublimitatis industria existimatio semper talis procedit, ut supernæ contemplationis amore circa conseruationem Ecclesiarum sedulam operam & curam probèris impendere, piam sollicitudinem tuam commendamus in Domino, qui te volumus & desideramus semper circa pia opera exercitari, & sicut Regem Christianissimum in omnibus tuis bonis actibus prosperari. Indè est, quod ad tue magnitudinis notitiam volumus peruenire, nos ex tenore Litterarum venerabilium Fratrum nostrorum Turonensis Archiepiscopi, & Andegauensis Episcopi, & dilecti filij nostri Abbatis Maioris-monasterij euidentius accepisse, quia Prior Castri fortis, & alij socij eius in accusatione dilecti filij nostri Burguliensis Abbatis viri quidem religiosi & Deum timentis, penitus defecerunt, & omninò sunt mendaces reperti, & propterea excommunicationis vinculo innodati. Ceterum, quoniam prædictus Prior bonam Ecclesie ipsius loci dissipare præsumit, & illicita inuasionem auferre, Celsitudinem tuam per Apostolica scripta rogamus, monemus, & exhortamur in Domino: quatinus pietatis intuitu, & pro reuerentia beati Petri ac nostra, res & iura Burguliensis Ecclesie protegas, manuteneas, & conserues, & præfatum Priorem nulla ratione foueas, sed ipsum tanquam excommunicatum attentius euites. Dominum quoque Castri fortis, qui res Ecclesie sancti Christophori sua violentia dicitur inuasisse, ad ablata omnia eidem Ecclesie restituenda, & ne deinceps talia contra præfatum Ecclesiam attemptare præsumat, vel sæpeditum Priorem fouere, commissa tibi desuper potestate compellas. Datum Senonis viii. Idus Decembris.

EPISTOLA CXIII.

ALEXANDER *Episcopus servus servorum Dei, carissimo in Christo filio LVDO-*
VICO illustri Francorum Regi salutem & Apostolicam benedictionem. REDIENS
ad nos dilectus filius P. Subdiaconus noster diligenti nobis narratione proposuit, quomodo Sublimitatis tue clementia eum honorificè & decenter suscepit, & omnem illi honorem & gratiam, quam magnificum & Christianissimum Principem decuit, ob Dei & nostri reuerentiam exhibere curauit. Qualiter etiam ea quæ
E E e iij

LYDOVICVS
VII. IV-
NIOR.

regiæ magnificentiæ ex parte nostra proposuit, cum omni mansuetudine & diligentia: tuæ sincerissimæ benignitatis affectio exaudiuit. Dilectum autem filium nostrum nobilem virum Hugonem Baronem tuum, per quem nobis Excellentia tua respondit, debita benignitate suscepimus, & eius verbis promptam diligentiam adhibentes, consilium tuum gratum omnimodis & acceptum habemus. Verumtamen in hoc circa nos & Ecclesiam Dei admirandæ tuæ deuotionis sinceritas euidenter comparuit, qui ob reuerentiam Dei & honorem beati Petri, ac nostrum, vni de Clericis nostris tantam gratiam exhibuisti. Inde siquidem est quod nos tam super his quàm super aliis nobis & nostris multipliciter à Celsitudine tua collatis, omnimodas sinceritati tuæ gratiarum referimus actiones: magnificentiæ tuæ præsentium significatione notum fieri cupientes, quod quàm citiùs cum oportunitate fieri posset, præsentiam tuam velletmus & consilium super his, quæ nobis significasti, libenter habere. Datum Senonis Idibus Ianuarij.

EPISTOLA CXIV.

ALEXANDER *Episcopus seruus seruorum Dei, carissimo in Christo filio* LYDOVICO *illustri Francorum Regi salutem & Apostolicam benedictionem.* DESIDERIVM & affectum tuum, quem circa obsequium superni Conditoris, ob tuorum peccatorum veniam obtinendam regia magnificentia habere dinoscitur, gratum admodum & acceptum habemus, & eum dignissimis in Domino laudibus commendamus. Accepimus autem ex Litteris tuis, regiæ Celsitudini per alia scripta non fuisse expressum, vtrum in Quarantenis sexta feriâ illam relaxationem, quam in sexta feria aliorum temporum tibi fecimus, debeas obseruare. Vnde nos eandem relaxationem taliter duximus distinguendam, scilicet vt in Quadragesima, quæ dicitur beati Martini, vsque ad Aduentum Domini, in sexta feria vno ferculo piscium, & vino temperatè sumpto vtaris. In Aduentu verò & in maiori Quadragesima consuetam abstinentiam semper sexta feriâ obseruabis. Si autem debilitas corporis non poterit absque graui detrimento illam abstinentiam sustinere, volumus, & per Apostolica scripta magnificentiæ tuæ præcipimus, vt in his sicut in aliis temporibus, sexta feriâ vno ferculo piscium, & vino modicè sumpto vtaris. Consulimus etiam Serenitati tuæ, & suademus, vt secundum consilium dilecti filij nostri Capellani tui, eleemosynas tuas temporibus ipsis debeas augere. Nouerit autem regia sublimitas, Quadragesimam ab octauis omnium Sanctorum, & non antea, inchoari. Datum Senonis xiii. Kal. Septembris.

EPISTOLA CXV.

ALEXANDER *Episcopus seruus seruorum Dei, dilecto filio nobili viro Theubaldo salutem & Apostolicam benedictionem.* RELIGIOSA loca, & honestas personas tantò nobilitatem tuam conuenit artiori caritate diligere, quantò eas noueris feruentiori studio religiosæ conuersationis seruitio Conditoris insistere, & ad ipsius gratiam promerendam ex bonis operibus insudare. Pro Ecclesia itaque Bonzuallis, & dilecto filio nostro VValtero, quem Fratres eiusdem loci, alio renunciente oneri prædictæ Ecclesiæ, in Abbatem suum vnanimiter & concorditer elegerunt, & pro eisdem Fratribus Nobilitatem tuam rogamus attentius, quatinus pro reuerentia beati Petri ac nostra, Ecclesiam ipsam & prænominatum Abbatem & Fratres diligas, manuteneas, & à prauorum impetu eosdem protegas viriliter & defendas. ita quod ab omnipotenti Domino merearis exinde præmium æternæ retributionis percipere, & gratiam Apostolicæ Sedis omni tempore obtinere. Datum Bituricis iiii. Kal. Maij.

EPISTOLA CXVI.

ALEXANDER *Episcopus seruus seruorum Dei, carissimo in Christo filio* LYDOVICO *illustri Francorum Regi salutem & Apostolicam benedictionem.* AD tuæ sublimitatis noticiam accepimus peruenisse, quomodo Comites Aluerniæ, ac Vicecomes de Polenniaco, villam Briuatensem, quæ tua esse dinoscitur, irruerunt.

A renter aggressi, ipsam Briuatensem Ecclesiam, quæ ad ius beati Petri ac nostrum specialiter pertinet & tutelam, depopulari non cessant. & domum Decani nequiter obsidentes, eam machinis quoad possunt expugnant. Vnde nos tantam audaciam relinquere non valentes aliquatenus incorrectam, iuxta officij nostri debitum, tam eos quàm Præpositum & Abbatem Briuatensem, qui eos induxerunt, per nostras satagimus Litteras ab huius iniquitatis ausu damnabili reuocare. in proposito & voluntate habentes, ut nisi secundum nostra monita resipuerint, quantum ad officium nostrum pertinet, tam in eos quàm in terras eorum grauiter vindicemus. Vnde magnificentiam tuam rogamus, monemus, & exhortamur in Domino, quatinus tu ipse ad id corrigendum viriliter accingaris: & nisi resipuerint, ad vindicandum in eos studeas omnimodis & labores. Datum Paris. xii. Kal. Aprilis.

LVDOVICVS
VII. IV-
NIOR.

EPISTOLA CXVII.

ALEXANDER *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* LAVDABILIS propositum pietatis, quod circa sanctam Dei Ecclesiam tam in capite quàm in membris Regia Serenitas exhibet, attendentes, Monasterium beati Maximini, & Abbatem ac Fratres diuinis ibidem obsequiis mancipatos, sollicitè olim tuæ commendauimus Maiestati: rogantes, ut idem Monasterium consueta pietate diligeres, & ab iniquorum incursum regie magnificentie munimine defensas. Quod utique benè hætenus, iuxta beneplacitum Dei, preces ac monita nostra, te adimplesse scientes, gratum id admodum acceptumque tenemus, & Celitudini tuæ gratias exinde vberimas exhibemus. Firmam spem fiduciamque tenentes, quod tibi exinde & honor augebitur terrenæ gloriæ, ac potestatis in terris, & ab æterno remuneratore iustorum immarcescibilis palma conferetur in cælis. Verùm, quia sicut accepimus, & auribus nostris insonuit, quidam Aurelianensis ciuis, Theobaldus scilicet Morini, præfatum Monasterium pecuniæ indebitè repetitione fatigat, O. de Besti, & M. vidua Monasterium ipsum nimis repentina debitorum exactione molestant, sublimitatem tuam iteratò rogamus, & exhortamur in Domino, quatinus eiusdem Monasterij paupertates atque miseriae solita benignitate respicias: & secundum quod de iustitia fuerit, prædictum indebitæ pecuniæ petitorum regia compellas auctoritate desistere; & eos qui subitæ repetitioni debitorum insistant, quantum cum bona voluntate fieri poterit, oportunitatem facias idonei temporis expectare. ut inde & à Deo præmium, & à nobis debeas actiones recipere gratiarum. Datum Senonis vi. Kal. Decembris.

EPISTOLA CXVIII.

CALEXANDER *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DILECTI filij nostri tam Decanus quàm Subdecanus, & Archidiaconus, cum magna parte Canonicorum Carnotensis Ecclesiæ, in nostra pariter præsentia constituti, nobis plenariè exposuerunt, quàm incautè & inconsultè in facto electionis ipsius Ecclesiæ processerunt. Vnde nos & aduersitatibus eiusdem Ecclesiæ compatiētes, & opinione eorum, quæ hac occasione plurimum est denigrata, integritatem suam recuperare aptantes, ipsos ad pacis & concordie bonum cum omni diligentia sumus hortati, eosque monuimus, ut vnanimiter in vnum conueniant, & Ecclesiæ suæ salubriter studeant prouidere. & ad hoc vtiliter consummandum vsque ad proximas octauas Epiphaniæ eis terminum duximus indulgendum. Quapropter Regie Serenitatis industriam per Apostolica scripta rogamus, monemus, & exhortamur attentius, quatinus memoratos Canonicos viua voce ac Litteris super hoc ipso sollicitè & studiosius exhorteris, & ad id efficiendum regium eis fauorem & auxilium efficaciter subministres. ut præfata Ecclesia te sibi patrocinate optata consolatione fruatur, & vitali valeat prouisione gaudere. Datum Senonis viii. Idus Octobris.

EPISTOLA CXIX.

ALEXANDER *Episcopus servus servorum Dei, carissimo in Christo filio LUDOVICO illustri Francorum Regi salutem & Apostolicam benedictionem.* COGNITA olim tuæ Celsitudinis voluntate, quoddam de Hospitali illo apud Compendium constituto, vnde serenitatem tuam nos sæpius rogasse meminimus, per viros religiosos veritatem diligentius inuestigare volebas, vtrum ad Compendiense Monasterium pertineret: id venerabilibus Fratribus nostris Nouiomenſi, & Siluaneſi Episcopis, de quorum honestate & prudentia nullatenus dubitamus, nec Excellentiam tuam credimus in aliquo dubitare, commisiſimus inquirendum. Qui utique ad locum ipsum pariter accedentes, sicut ex Litteris illorum, quas regis sublimitati transmittimus, potes euidenter agnoscere, veritatem inquirere studuerunt, & sicut eadem Litteræ continent inuenerunt. Indè siquidem est quoddam magnificentiam tuam per Apostolica scripta rogamus, monemus, & exhortamur in Domino, quatenus earundem Litterarum tenore diligenter inspecto, sicut expedire cognoueris, & tunc fuerit beneplacitum voluntati; ita de memorato Hospitali efficias & disponas, vt de terreno Regno ad cœleste transmigrans, ab illo bonorum omnium remuneratore æternæ felicitatis præmium valeas obtinere, & nos ipsi serenitati tuæ gratias debeamus propter hoc vberimas exhibere. Datum Senonis VII. Idus Octobris. B

EPISTOLA CXX.

ALEXANDER *Episcopus servus servorum Dei, carissimo in Christo filio LUDOVICO illustri Francorum Regi salutem & Apostolicam benedictionem.* EXCELLENTIAE tuæ Litteris debita benignitate susceptis, preces, quas per eas nobis regia Celsitudo porrexerat, clementer admiſimus: utpote qui in proposito semper & voluntate habemus, preces tuas libenter admittere, tæque in illis quantumcumque cum Deo possumus exaudire. Illud tamen nobis honestius super eo negotio visum esse cognoscas, vt venerabili Fratri nostro H. Remensi Archiepiscopo deprecatorias Litteras, sicut ex Rescripto earum videre poteris, mitteremus, roganter vt interuentu nostro, & tui honoris obtentu, interdictum illud relaxet, donec causa illa in Curia eius, vel etiam Beluacensis Episcopi finem debitum fortietur. Quoddam si ipse idem interdictum relaxare noluerit, & id non multum sibi graue fore nobis responderit, nos in eodem negotio iuxta preces tuæ sollicitudinis procedemus. Aliter enim minus honestum esset, vt sententiam à tanto viro canonicè promulgatam sine eius conscientia facile solueremus. Si verò vsque adeò de ipso fratre nostro confidis, & negotium ipsum plurimum in animo tuo sedet, poteris iterum nobis tuam voluntatem rescribere. & nos desiderium tuum curabimus auctore Domino efficaciter adimplere. Datum Paris. VII. Idus Martij. C

EPISTOLA CXXI.

ALEXANDER *Episcopus servus servorum Dei, carissimo in Christo filio LUDOVICO illustri Francorum Regi, salutem & Apostolicam benedictionem.* ILLAM sincerissimam regis Serenitatis affectionem, quam circa Ecclesias Dei multimodis habere dignosceris, magnificis in Domino laudibus commendamus. votiuis cordis affectibus exoptantes, vt ipsa immaculata Dei sponsa viro suo Christo te valeat in æterna beatitudine præsentare, quam in terris innumeris deuotionis indicijis, sicut Rex Catholicus, & Christianissimus Princeps, nosceris feruentius honorasse. Ex Litteris autem Excellentia tuæ nuper accepimus, quoddam negotium illius Hospitalis Compendiensis, vnde sæpius regis Celsitudini scripsimus, nostro arbitrio reliquisti, & quod exindè statueremus magnitudinem tuam ratum & firmum habere, Litteris asseuerasti. Vnde quoniam præscriptum Hospitalis receptioni pauperum perpetuò deputatum, sicut ex scripto venerabilium Fratrum nostrorum B. Nouiomenſis, & Siluaneſis Episcoporum, quibus hoc inquirendum commisiſimus, nobis innotuit, sæpius Compendiensis Ecclesiæ Ca-

A nonicos procuratores habebat. Nos attendentes quòd Monasteria & alia religiosa loca Hospitalia Doms ad receptiones pauperum habere solebant, & de regia clementia, quæ, sicut diximus, Ecclesiam Dei diligere & ampliare cõsuevit, & dispositionem ipsius nostro reliquit arbitrio, plurimum confidentes, ipsum Hospitalia Compendiensi Monasterio Apostolici scripti munimine duximus confirmandum. ita quidem quòd vsibus pauperum deputatum, ad dispositionem & curam dilectorum filiorum nostrorum Abbatis & Fratrum eiusdẽ loci debeat in perpetuum sine omni inquietudine pertinere. Quocirca Serenitatem tuam per Apostolica scripta rogamus, monemus, & exhortamur in Domino, quatinus pietatis intuitu, & pro reuerentia beati Petri ac nostra memorato Monasterio idem Hospitalia tuo pariter sublimitatis scripto confirmes; ne ipsis exindẽ aliqua valeat in posterum quæstio suboriri. Si verò quilibet eosdem super hoc molestare vel perturbare præsumpserit, tu eos à præsumptione huiusmodi potestate regia non differas coercere: vt æternæ felicitatis præmium propter hoc consequi merearis, & nos ipsi magnificentia tua copiosas exindẽ gratias referamus. Datum Senonis XIII. Kal. Nouembris.

LVDOVICVS
VII. IV-
NIOR.

EPISTOLA CXXII.

B **A**LEXANDER *Episcopus seruus seruorum Dei, venerabili Fratri H. Sueffionensi Episcopo salutem & Apostolicam benedictionem.* ILLA deuotionis integritas & affectio caritatis, quam circa sacrosanctam Romanam Ecclesiam & personam nostram credimus te habere, non modicam nobis fiduciam præstat, vt in necessitatibus nostris à te consilium debeamus & auxilium postulare, & imminetia nobis negocia tibi fiducialiter aperire. Qualiter autem ille tyrannus & vehemens persecutor Ecclesiæ, FREDERICVS videlicet, vniuersalem omnium matrem sacrosanctam Romanam Ecclesiam persequatur, eamque sine causa opprimat & infestet, ad discretionis tuæ notitiam non ambigimus peruenisse. Qui utique tanquam leo rapiens & rugiens, positus in insidiis, aditus viarum ita per satellites barbaricæ feritatis obstruxit, quòd illi iam non valeant vsque ad nos transire, à quibus Romana Ecclesia in necessitatibus suis oportuna recipere suffragia consuevit. Vnde cum eadem Romana Ecclesia multis oppressionibus angustata sit his temporibus & afflicta, & magnis atque innumeris penè debitis aggrauata, ad eius onera supportanda, & ad necessitates quas patitur releuandas, tantò studiosius exurgere te oportet, & efficacius laborare, quantò ampliùs eadem mater Ecclesia de tua deuotione & fidei sinceritate confidit. In tanto itaque necessitatis articulo constituti, de præterita quidem subuentione tibi gratias exsoluentes, caritatem tuam rogamus plurimum, monemus, & exhortamur attentius, vt ad mentem reuocans, quot & quanta grauamina & angustias Romana Ecclesia pro sua & omnium Ecclesiarum libertate tuenda hoc tempore patitur, considerans etiam quid membra capiti debeant, ad subuentionem Ecclesiæ, & ad soluenda debita, quibus premitur, manum adhuc liberalitatis extendas, & nobis tuæ consolationis auxilium in tanto articulo, si absque graui detrimento Ecclesiæ tuæ fieri poterit, largiaris. Beneficia siquidem & obsequia quæ in necessitate præstantur, consueverunt semper recipientibus existere gratiora. Abbates quoque & alios Ecclesiarum Prælatos in tuo Episcopatu constitutos ad hoc idem cum omni diligentia exhorteris. In quocumque autem te nobis contigerit subuenire, illud dilecto filio nostro latori præsentium te volumus assignare, & nobis id ipsum Litteris tuis significes. Datum Anagninæ XIII. Kal. Martij.

EPISTOLA CXXIII.

ALEXANDER *Episcopus seruus seruorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* CONSUEVIT semper egregia clementia pietatis oppressorum & pauperum misereri, & circa eorum miseriam pro affectu animi commoueri. sciens scriptum esse: *Beatus qui intelligit super egenum & pauperem.* Ea igitur consideratione inducti, & huius pauperis M. præsentium latoris lacrimabili prece deuicti, qui molestias & iniurias super possessionibus suis à quibusdam hominibus tuis potentioribus se queritur

LVDOVICVS,
VII. IV-
NIOR.

sustinere, regiam Excellentiam & consuetam pietatem tuam rogamus attentius, A quatinus pro amore Dei, & obtentu iustitiæ, & nostro interuentu, eum ab aduersariis suis, à quibus se opprimi asserit & grauari, ita regia protectione defendas, & immunem ab eorum facias læsione, quòd ab eo, qui cùm diues esset, ad liberandum nos nostram subiit paupertatem, æternum inde præmium debeas expectare. Datum Turonis xiv. Kal. Februarij.

EPISTOLA CXXIV.

ALEXANDER *Episcopus seruus seruorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* DECEt regiam Excellentiam his diligenti curâ intendere, per quæ in Regno tuo sub regis defensionis munimine existentes suam valeant iusticiam firmiter obtinere. Quocirca serenitatem tuam rogamus attentius, quatinus causam, quæ inter Adam & Gregorium fratrem suum super quadam domo vertitur, quæ ad tuum dominium, sicut dicitur, spectat, diligenter audias, vel alij, qui neutri parti debeat esse suspectus, iuxta tuæ dignationis arbitrium causam ipsam audiendam, & sine debito terminandam committas. Datum Senonis iv. Idus Nouembris.

EPISTOLA CXXV.

ALEXANDER *Episcopus seruus seruorum Dei, venerabili Fratri H. Sueffionensi Episcopo salutem & Apostolicam benedictionem.* VENERABILIS Frater noster Siluaneënsis Episcopus suis nobis Litteris intimauit, quòd Gil. & Hauguidis vxor eius parrochiani tui quasdam terras & vineas ipsius Episcopi per violentiam detinere præsumunt, & eas cum fructibus inde perceptis eidem Episcopo reddere contradicunt. Cùmque præfatus Episcopus sæpius eos propter hoc submonuisset, vt in Curia sua sibi iustitiæ plenitudinem exhiberent, ipsi tamen id facere noluerunt. Vnde quoniam eidem Episcopo in iure, suo nulla ratione deesse possumus, vel debemus, fraternitati tuæ per Apostolica scripta mandamus, quatinus si cognoueris memoratum G. & Hauguidem vxorem eius debere in Curia sua præfato Episcopo super hoc respondere, ipsos ad plenam iustitiam in præsentia eiusdem Episcopi sibi super hoc exhibendam, moneas instanter, & districtè compellas. Alioquin eos in præsentia venerabilis Fratris B. Beluacensis Episcopi sufficienter super hoc sæpedito Episcopo respondere coherceas, & appellatione remota iustitiæ plenitudinem exhibere. Si verò id facere fortè contempserint, eos Ecclesiastica censura percellas. Datum Senonis viii. Idus Octobris.

EPISTOLA CXXVI.

ALEXANDER *Episcopus seruus seruorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* DVm in mente reuoluimus, & ad memoriam reuocamus, qualiter causâ Dei & amore iustitiæ, ob reuerentiam quoque beati Petri Apostolorum Principis causam Ecclesiæ tanquam propriam assumpsisti, & eam sicut Rex Catholicus & Princeps Christianissimus in augmentum & exaltationem ipsius præ aliis Orbis Principibus promouisti; in hanc intentionem & animi voluntatem adducimur, vt in qualibet causa eiusdem Ecclesiæ, quæ alicuius momenti sit, absque Serenitatis tuæ consilio & auxilio, cùm id habere valeamus, nullatenus procedamus. Credentes, immò & certa veritate tenentes, te non secus quàm nos ipsos vel quemlibet fratrum nostrorum solius superni conditoris obtentu, ad honorem & incrementum Ecclesiæ sollicitum ac feruentem existere, atque ad exaltationem ipsius intento studio laborare. Inde est quòd receptis nuper Litteris à nunciis carissimi filij nostri illustris Constantinopolitani Imperatoris, qui ad Sanctum Egidium applicuerunt, quas vtiq; regis serenitati duximus transmittendas, in quibus siquidem cõtinetur, quòd ex parte eiusdem Imperatoris quædam dictu accommoda, & ad vtilitatem respicientia, nobis tantum & Excellentie tuæ deferunt proponenda, dilectos filios P. Capellanum, & fratrem H. Helemosynarium nostrum, Excellentie tuæ fideles admodum

A admodum ac deuotos, regie Celsitudini destinamus, per quos quædam super eodem negotio, quæ non duximus Litteris committenda, tuæ Serenitati proponimus, & super quibus tuum consilium expectamus: rogantes attentius, quatinus eos regia pietate suscipiens, benignè audias, & consilium tuum super his quæ tibi proposuerint per eosdem nobis Litteris tuis aperias. Aliquos etiam à latere tuo cum prædictis filiis nostris ad memoratos Imperatoris Nuncios, qui securum eis per terram tuam usque ad tuam & nostram præsentiam debeant præstare ducatum, nostro interuentu transmittas. Datum apud Dolense Monasterium Idibus Iulij.

LVDOVICVS
VII. IV-
NIOB.

EPISTOLA CXXVII.

ALEXANDER *Episcopus seruus seruorum Dei, carissimo in Christo filio.* LVDO-
VICO *illustri Francorum Regi salutem & Apostolicam benedictionem.* VENIENS ad nos dilectus filius noster Abbas sancti Vincentij Siluanectensis, cum Celsitudinis tuæ Literis apud nos diligenter institit, ut illi Cameracensi Episcopo, quem contra honorem Ecclesiæ & salutem ipsius, & utinam non vestram! diutius expectauimus, adhuc inducias præberemus. Ipse verò, sicut credimus, & utinam rei veritas aliter se haberet! non de necessitate aliqua, sed ut errorem suum sub clementiæ tuæ, & venerabilis Fratris nostri HENRICI Remensis Archiepiscopi protectione valeat obumbrare, huiusmodi per vos occasiones præterdit. Nos autem non pecuniam, sed animam suam quærentes, & tuæ Serenitatis obtentu, & consideratione iamdicti Fratris nostri, precibus ac petitionibus, nisi contra Deum manifestè veniremus, annuere volentes, eundem Episcopum usque ad secundam Dominicam proximæ Quadragesimæ adhuc duximus expectandum. ita quidem, quod nisi illum, aut Nuncium, vel Litteras eius de reuersione ipsius & certa promissione in præscripto termino receperimus, eundem extunc omni dilatione remota, publicè excommunicabimus, & à corpore Christi, quod est Ecclesia, sequestrabimus. Quocirca magnificentiam tuam præsentium significatione rogamus, ne tua sublimitas aliquibus precibus nos amplius super facto isto conueniat. Rogamus etiam Excellentiam tuam, ut sicut per dilectum filium nostrum Abbatem sancti Germani te rogauimus, ita efficias. Credimus enim quod hoc ad honorem tuum denuò spectabit. Datum Senonis VI. Kal. Febr.

EPISTOLA CXXVIII.

ALEXANDER *Episcopus seruus seruorum Dei, carissimo in Christo filio.* LVDO-
VICO *illustri Francorum Regi salutem & Apostolicam benedictionem.* DILECTVM filium nostrum Abbatem sancti Benedicti super Ligerim cum tuæ magnificentiæ Litteris ad nos venientem qua debuimus animi benignitate recepimus, & obtentu precum tuarum, quibus quantumcumque cum Deo possumus, promptam semper volumus diligentiam adhibere, suæque religionis & honestatis intuitu ipsum affectuosiùs honorare curauimus, & in suis petitionibus efficaciter exaudire. Eum itaque cum plenitudine amoris & gratiæ nostræ ad propria redeuntem, regie Serenitati propensius commendamus: per Apostolica scripta monentes, rogantes, & exhortantes in Domino, quatinus amore diuinæ miserationis, & pro reuerentia beati Petri ac nostra, consideratione quoque religionis & probitatis ipsius, eundem Abbatem, & Fratres suos, & idem Monasterium clementi semper benignitate respicias, diligas, manuteneas, & honores. & tam eos quàm iura ipsius Monasterij à prauorum incurusione regia protectione defendas. ita quod ab omnipotenti Domino præmium æternæ beatitudinis exindè recipias, & nos Regiæ Maiestati copiosas debeamus gratias exhibere. Datum Bituricis VII. Idus Augusti.

EPISTOLA CXXIX.

A

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* SICUT per servientem tuum, & etiam per Litteras nostras nuper regię Celsitudini denotauimus, alter Nunciorum carissimi in Christo filij nostri illustris Constantinopolitani Imperatoris, qui nunc ad partes istas accedit, nos & te vellet habere præsentes, ut illud secretum verbum communiter nobis proponeret, sicut ex mandato eiusdem Imperatoris se asserit accepisse. Vnde & voluntatis ipsius erat, ut te simul nobiscum apud Bituricas inueniret. Nos verò considerantes, quòd honori tuę Celsitudinis expediret, cōsiliū nostrum super hoc tam per Nuncium tuum quàm per Litteras nostras regię magnificentię exposuimus: proponentes honorificentius esse, quòd priusquàm nos conueniremus in vnum, præfatus Imperatoris Nuncius ad præsentiā tuā Sublimitatis accederet. ne si fortè ad nos hac occasione venires, ei occurrere quodammodò videreris. Ex quo verò ipse ad te venerit, si consilij tui sit, ut nos simul tecum debeamus super hoc habere sermonem, in vnum poterimus ubi tibi visum fuerit conuenire. Nos igitur cupientes in omnibus quæ cum Deo possumus tuę Maiestati deferre, volumus ut priusquàm ad nos iamdictus Nuncius veniat, ad præsentiā regię Serenitatis accedat. Vnde Excellentiam tuam per Apostolica scripta rogamus attentius, quatinus cum ad tuam præsentiā venientem honestè recipias, & consueta benignitate pertractes, & verba quæ tuæ proposuerit Maiestati ea qua debes deliberatione consideres & attendas. Si autem visum tibi fuerit, aliquid nobis esse significandum, poteris cū tibi placuerit indicare. Datum Bituricis viii. Kal. Septembris.

EPISTOLA CXXX.

ALEXANDER *Episcopus servus servorum Dei, venerabili Fratri Galtero Episcopo, & dilecto filio Roberto Archidiacono Lingonensi, salutem & Apostolicam benedictionem.* ADMONET nos pastoralis sollicitudo propensius, & hortatur, illas Ecclesiasticas personas diligere, & earum commodis & incrementis studiosius aspirare, quos in deuotione Ecclesię ac nostra cognoscimus feruentius permanere. Quocirca rogamus discretionem vestram, monemus, atque mandamus, quatinus dilecto filio nostro Petro venerabilis Fratris nostri Hugonis Sueffionensis Episcopi consanguineo, Ecclesiam de Sarrinia, quam ei, sicut Litterę vestrę testificantur, canonicè concessistis, defendere viriliter & conseruare curetis: & eum per idoneum & honestum procuratorem suum eandem Ecclesiam quietè faciatis & liberè possidere. Nec à clerico vel laico inquietudinem sibi super hoc aliquam permittatis iniuste inferri. immò potiùs iuxta testimoniū Litterarum vestrarum ei præscriptam Ecclesiam defendatis, ut ipse deuotus debeat exindè vobis & obnoxius existere, & nos possimus prudentiam vestram super hoc commendare. Datum Senonis ii. Idus Martij.

EPISTOLA CXXXI.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* DILECTVM filium nostrum C. Archidiaconum Bituricensem Clericum tuum, quem nobiscum de regia serenitate confisi huc vsque retinuimus, ad te duximus remittendum. & ipsum Excellentię tuę attentius commendantes, magnificentiam tuam per Apostolica scripta rogamus atque monemus, quatinus pro reuerentia beati Petri ac nostra, & illius deuotionis ac fidelitatis obtentu, quem circa regiam Celsitudinem multipliciter gerit, diligere ac manutenere intendas, & in sua iustitia de consueta clementia confouere. Ad hoc, quoniam te sicut carissimum & specialem Ecclesię filium, & Catholicum Principem ac Regem Christianissimum, de statu Ecclesię & nostro sollicitum & studiosum existere minimè dubitamus, & de nouis illis, quæ de Alemannia nuper venerunt, mœstitiā aliquam concepisse: magnitudinem tuam rogamus atque monemus, quatinus à Domino

A confortatus, speres plenius & confidas, quod ea quæ ille persecutor Ecclesiæ, qui cum ipsa simulatam semper pacem quæsiuit, aduersus illam, & in detrimentum eius prouenire credit, in sui ipsius verecundiam & erubescenciam proculdubio redundabunt. Sicut enim pro certo accepimus, & dilectus filius noster Maguntinus electus Serenitati tuæ poterit plenius intimare, de tota terra sua nonnisi tres absolutum iuramentum præstare potuit cohercere. Alij siquidem multi sine ipsius licentia discesserunt, & illi, qui cum conditione iurarunt, iam sunt à conditione apposita absoluti. Cetera prænominatus Archidiaconus sublimitati tuæ viua voce latius explicabit. Datum apud Anicium 11. Kal. Iulij.

LVDOVICVS
VII. IV-
NIOR.

EPISTOLA CXXXII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* QUALITER venerabilis in Christo Frater noster Thomas Cantuariensis Archiepiscopus pro tuenda Ecclesiæ libertate & deuotione nostra à sede propria decreuerit potius exulare, quàm in detrimentum nostrum & iacturam Ecclesiæ vllatenus consentire; ad quâtas etiam necessitates ipsum cum aliis prudentibus & discretis viris, qui eum etiam in aduersitate tam laudabiliter quàm fideliter imitantur, si, quod Deus auertat, diu persecutio durauerit, oporteat deuenire, tua satis Excellentia recognoscit. Vnde, licet regiam magnitudinem ad opera pietatis ita nouerimus semper esse intentam, vt etiam cessantibus nostris precibus, his qui pro Deo & iustitia & vni-
B tate Catholica persecutionem sustinent, sola pietate monitus auxilium conferas & solamen. quod etiam in ipso fratre nostro iam maximè experti sumus: tamen regiam magnitudinem sollicitis in Domino precibus exoramus, monemus, & exhortamur attentius, quatinus obtentu diuinæ pietatis, & pro reuerentia beati Petri ac nostra: considerato etiam, quod reddita nobis & sibi à Deo pace, plurimum obsequij & honoris per eum tuæ poterit Excellentie prouenire, si quem Episcopatum aut Abbatiam in Regno tuo interim vacare contigerit, sibi ad sustentationem sui & suorum, donec pax de cœlo nobis desiderata donetur, regia liberalitas faciat assignari. Ex hoc enim & Deum te credimus indubitanter habere debere propitium, & nos ipsos in hoc tibi satis reddes obnoxios. Datum apud Montempeffulanum VII. Idus Augusti.

EPISTOLA CXXXIII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* LITTERAS sublimitatis tuæ debita benignitate suscepimus, sicut Christianissimi Regis, & illius Principis, quem tota in Domino caritate diligimus, & cuius honori & commodis in omnibus quæ cum Deo possumus aspiramus. Vnde licet de superabundanti fuerit, quod pro venerabili Fratre nostro P. Bituricensi Archiepiscopo preces nobis sollicitas porrexisti, cum nos eum solo suæ honestatis ac probitatis intuitu, affectione sincerissima diligamus, & commodis eius & commissæ sibi Ecclesiæ libenter prouidere velimus; ipsas tamen tuæ Celsitudinis preces clementer admisimus. voluntatem & propositum assumentes, circa eundem Archiepiscopum, tam interuentu tuo, quàm suæ sicut diximus probitatis obtentu, vtilem in omnibus prouidentiam gerere, & iusticiam suam tam in causa quam modo habet, quàm in aliis omnibus integram sibi auctore Domino conseruare. Dilectum quoque filium nostrum Magistrum R. beati Germani Decanum, quem tua nobis Serenitas commendauit, benignè recepimus, atque à nobis interuentu tuo efficaciter obtinuit quod rationabiliter postulauit. Datum Senonis 11. Non. Februarij.

EPISTOLA CXXXIV.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DI-
Tom. IV. Fff ij

LECTVM filium Fratrem F. familiarem nostrum ad regiam Celsitudinem destina-
LYDOVICVS VII. IV- NIOB. namus, per quem Excellentie tue quædam viua voce proponimus, quæ non du-
 ximus litterarum fidei commendare. Inde est quod Serenitatem tuam per Apo-
 stolica scripta rogamus, monemus, & exhortamur in Domino, quatinus quæ tibi
 ex parte nostra proponet, diligenter audias, & ea quantumcumque cum honore
 tuo, ac Regni tue gubernationi commissi fieri poterit, effectui studeas mancipa-
 re. & quid inde facere disposueris, nobis per eundem, sicut magnificentie tue
 visum fuerit, significes. Datum Senonis 11. Kal. Ianuar.

EPISTOLA CXXXV.

ALEXANDER *Episcopus seruus seruorum Dei, carissimo in Christo filio* LYDO-
VICO *illustri Francorum Regi salutem & Apostolicam benedictionem.* ILLA
 deuotissima Excellentie tue sinceritas, & sincerissima deuotio, in omnibus quæ
 ad honorem sacrosanctæ Romanæ Ecclesiæ pertinent, tantum semper feruorem
 internæ affectionis ostendit, vt verus eius filius, verus protector, & quodammo-
 do eius baiulus existere videaris. Ita quod nullus in Orbe Princeps existat, cui
 adeo sicut Celsitudini tue profectus & exaltatio eiusdem Ecclesiæ his temporibus
 ascribatur. Vnde nos omnipotenti Domino, cuius intuitu & amore ad hæc fa-
 cienda regium animum induxisti, gratiarum non cessamus actiones exsoluere, &
 eius clementiam assiduis intercessionibus exorare: vt quæ te ita dignum solatium,
 & necessarium valde refugium vnica Sponsæ suæ in hæc tempora reseruauit, ipse
 te sibi longo tempore conseruet incolumem, & ita regnare tibi concedat in ter-
 ris, vt post terrenum hoc, indeficiens regnum consequaris in cælis. Accepimus
 siquidem, & veraciter intelleximus tam ex tuarum Litterarum tenore, quàm ex
 relatione dilecti filij nostri B. Nuncij tui, quod audito à Nunciis carissimi filij no-
 stri illustris Constantinopolitani Imperatoris, de honore & reuerentia ab eodem
 Imperatore nobis & sanctæ Romanæ Ecclesiæ exhibenda, tam tu, quàm Barones
 tui, qui consilio interfuerant, intuitu habitæ circa nos deuotionis lætitiâ non
 modicam concepistis. iudicantes eos decetero super aliis quæ attulerant negociis
 audiendos. nec aliàs iudicastis eorum verba à consueta clementia tue mansuetu-
 dinis audienda. Super quo regie Serenitati vberimas gratiarum actiones sicut
 dignum est exsoluentes, & Excellentiam tuam in hoc, sicut & in omnibus aliis,
 quæ ad honorem Ecclesiæ pertinent, plurimum in Domino commendantes, ro-
 gamus assidue, vt ille misericors & miserator Dominus tibi in æterna iustorum re-
 muneracione retribuat, cuius obtentu & gratiâ tam benignum & tam clementem
 animum circa nos & Ecclesiam assumpstisti. Decetero nosse volumus Excellen-
 tiam tuam, quod nos prædictis Nunciis iuxta consilium Fratrum nostrorum for-
 mato responso, & eis proposito, quicquid ipsis à nobis responsum fuerit, tibi si-
 cut serenissimo Principi, & ei de quo non aliam quàm de nobis ipsis vel Fratri-
 bus fiduciam obtinemus, Litteris nostris curabimus plenius intimare. Datum Se-
 nonis xv 11. Kal. Nouembris.

EPISTOLA CXXXVI.

ALEXANDER *Episcopus seruus seruorum Dei, carissimo in Christo filio* LYDO-
VICO *illustri Francorum Regi salutem & Apostolicam benedictionem.* CVM
 ad officium nostrum specialiter pertinere noscatur, personas religiosas, & præ-
 sertim Magistros Ecclesiarum, prompta caritate diligere, & eis in omnibus utili-
 ter prouidere, gaudio gaudemus, & gratum admodum acceptumque tenemus,
 quod ita ad hoc tuam quoque mentem cœlestis ignis feruor accendit, vt nos ip-
 sos ad id tuis studeas precibus prudenter inducere, & nostram aliquando sollici-
 tudinem præuenire. Preces itaque, quas nobis per dilectum filium nostrum R.
 Priorem sancti Medardi regia Celsitudo porrexerat, benignè suscepimus: volun-
 tatem & propositum assumentes, eum, pro quo rogasti, feruentiori caritate tam
 ex officij nostri debito quàm tuarum precum obtentu diligere, & ei quantum cum
 Deo poterimus utiliter prouidere. Rogamus autem Serenitatem tuam, quati-
 nus, sicut eum nobis commendare curasti, ita & tu eum habeas commendatum,

A sibi que si opus fuerit tutamen & præsidium conferas opportunum. Datum Senonis VII. Idus Nouembris.

LVDOVICVS
VII. IV-
NIOR.

EPISTOLA CXXXVII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* QUOD RYMDAM nobis est relatione suggestum, quod cum Iterius miles de Malonido Senonis peruenisset, & inimicum suum, quem ibi casu repperit, nudato gladio fuisset aggressus, burgeneses eiusdem civitatis ei subito restiterunt. Et cum ille fugisset, quendam socium eius, Gaufridum videlicet militem de Molinons, qui, sicut accepimus, nihil in hoc deliquerat, remoratum paulisper in eadem civitate ceperunt, eumque detinent, & pro te dimittere non præsumunt. Miles autem, qui à prædicto Iterio ita fuerat hostiliter impetratus, asserit omnimodis & affirmat, quod nullatenus eum iste qui captus habetur offenderat, & hunc prædictum socium suum eum non præsciuerat, sicut asserit, & se iurare promittit, aliquatenus offensurum. Vnde, quoniam indignum esse videtur, ut hic, cui etiam ab eo qui iniuriam pertulit, & etiam à Præposito tuo, innocentie testimonium perhibetur, poena non merita puniatur; rogamus Serenitatem tuam, & exhortamur in Domino, quatinus eundem G. secundum consuetam regie clementie pietatem, quæ sicut nocentes potenter deprimere, ita etiam innoxios indemnes consuevit illæsoque servare, liberum facias absolutumque dimitti. nisi aliquid commississe probabitur, quod regie fuerit contrarium Maiestati. Datum Senonis XVII. Kal. Nouembris.

EPISTOLA CXXXVIII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* QUOD Nicolaus Turonensis, homo regie Maiestatis, pro eo quod F. Ecclesie beati Martini Turonensis Canonicus contra compositionem, quæ de mandato pie recordationis Patris & prædecessoris nostris EVGENII Papæ inter eos facta fuerat, & præstito corporali sacramento firmata, violentiam sibi enormem intulerat, ad Sedem Apostolicam tanquam ad singulare præsidium accessit: non eo intuitu hoc fecit, quod crederet magnificentiam regie sublimitatis offendere, sed ut de pace sibi temerè violata, apud Romanam Ecclesiam, cuius auctoritate facta fuerat, & religione iuramenti munita, plenam iustitiam obtineret. Sic enim sacrorum Canonum sanxit auctoritas, & Imperatores qui antecessores tui fuerunt, & Reges Francorum, in suis institutionibus hoc ipsum sanxerunt, quod hi quibus à Clericis iniuria irrogatur, eos apud Ecclesiasticos Iudices debeant solummodò convenire. Id ipsum præsertim super his, quorum iniuria infra sacros Ordines peragitur, de consuetudine Regni tui usque ad hæc tempora accepimus observatum. Indè utique fuit, quod prædictus Nicolaus non credens excellentiam tue Celsitudinis minuire, nec iuri vel consuetudini Regni tui in aliquo obuiare, pro violatione pacis favore Apostolicæ Sedis firmatæ, nobis suam querimoniam præsentavit. Nos verò non attendentes hoc ad diminutionem honoris & exaltationis tue vlla ratione accedere, nec credentes dignitati & magnificentie tue in aliquo derogare, qui volumus semper honorem & gloriam exaltationis tue augere multipliciter, & ardenti desiderio conservare, causam ipsam venerabili Fratri nostro Cenomanensi Episcopo, viro religioso, provido, & discreto, & illius Ecclesie Canonico, commisimus terminandam. Qui utique quantum ratio dictabat, in eadem causa processit, & eam sine debito terminavit. Et ideò, sicut per alia scripta, ita præsentibus Litteris serenissimam Clementiam tuam attentè rogamus, quatinus solita pietate, quæ pauperes & minus potentes in eorum consuevit iusticiis misericorditer confouere, prædictum N. respicias. & eum non patiaris gravamen indebitum sustinere. Datum Senonis Idibus Augusti.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* QVÆ-
DAM grauiā, & admodum difficilia Ecclesiæ Dei ac nobis, & tibi etiam & Re-
gno, nisi meliori fuerint mutata consilio, & quæ, si prouidè attendantur, & studio-
rūs caueantur, & in melius immutentur, vtilia plurimū & accepta tam Eccle-
siæ quā nobis, & ad honorem tuum & Regni pertinentia, per dilectum filium
P. Subdiaconum nostrum Excellentię tuę duximus intimanda. per Apostolica
scripta rogantes regiam Serenitatem, atque monentes, quatinus eis per ipsum au-
ditis plenius & cognitis, ea meliori studeas consilio commutare, & salubriter præ-
cauere. ita quòd ad honorem Dei & Ecclesiæ, & vtilitatem Regni & tuam debeant
redundare. Datum Senonis v. Non. Octobris.

EPISTOLA CXL.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* QVANTO
gloriam & exaltationem tui magnifici nominis ampliari semper & dilatari opta-
mus, tantò ea, vnde gratiam omnipotentis Domini consequi valeas, & salutem
animæ promereri, regiæ Serenitati duximus libentiùs suggerenda. Vnde susceptis
precibus dilectorum filiorum nostrorum Abbatis & Fratrum Ferrariensis Mona-
sterij, cui à tua magnificentia affectuosius rogati munus consecrationis dependi-
mus, pro eodem Monasterio regiam Serenitatem rogamus attentius, quatinus
pro reuerentia beati Petri ac nostra, si ad honestatem ipsorum Fratrum, & ad me-
liorationem ipsius Monasterij hoc videris pertinere, in anniuersario die consecra-
tionis eius nundinas ibi constituas. Quibus constitutis, Principibus, Baronibus,
& ceteris de Regno tuo, auctoritate regia prohibeas, vt his qui ad nundinas ipsas
gratiā promerendæ remissionis, quam ibi annuatim constituimus, vel intuitu ne-
gotiandi accesserint, si quis iniuriam, seu violentiam, vel damnum aliquod inferre
præsumat, digna pœna eum censeas puniendum. Datum Senonis viii. Idus
Nouembris.

EPISTOLA CXLI.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* ILLE af-
fectus, quem circa regiam magnificentiam affluentiori gerimus caritate, inducit
nos propensius & hortatur, ea tuę Serenitati suggerere; quæ ad honorem Dei, &
salutem animæ tuę, & etiam conseruationem Regni noscimus potissimum perti-
nere. Cū enim opus pietatis sit, & æternæ felicitatis gloriā dignum, sanctas
Dei Ecclesias, & religiosas personas diligere, & piz protectionis munimine con-
fouere, illas Ecclesias tuę Celsitudini conuenit propensiori curā & diligentia re-
spicere, & carum iura clementiori bonitate tueri, quæ ab ipsa fundatione sui à tua
magnificentia & gloriosorum patrum tuorum non modica beneficia percepere.
Inde est quòd Compendiense Monasterium, & Abbatem ac Fratres diuinis ibi-
dem obsequiis micipatos, tantò attentius tuę magnitudini commendamus, quan-
tò idem Monasterium ad ius beati Petri specialius respicit & tutelam, & regiæ tui-
tioni ampliori noscitur prouisione commissum. per Apostolica scripta rogantes,
monentes, & exhortantes in Domino, atque in peccatorum remissionem tibi in-
iungentes, quatinus obtentu diuinæ miserationis, & ob veniam delictorum tuo-
rum, prædictum Monasterium, & ibidem Deo seruientes diligas, manuteneas, &
honores: atque iura sua contra prauorum insidias protectione solita tuearis. Spe-
cialiter tamen tuam clementiam rogamus, vt Hospiralem Domum, quæ ad ius
ipsius Monasterij pertinet, à dilectis filiis nostris Abbate & Fratribus eiusdem
loci non permittas vlla ratione turbari, vel aliquatenus impediri, quominus illius
Hospitalis, quæ ipsi Ecclesiæ, sicut tua discretio nouit, vtilis est admodum & ne-
cessaria, liberam administrationem possint habere. Ita quòd præmium æternæ

A retributionis inde recipias, & ipsi Fratres inclytæ sublimitatis tuæ fauore tempor-
 aliter freti feruentius possint Religioni assumptæ insistere, & ipsum Monasterium
 tam spiritualibus quàm temporalibus incrementis Domino auxiliante augere.
 Datum 1 v. Idus. Septembris.

EPISTOLA CXLII.

ALEXANDER *Episcopus seruus seruorum Dei, carissimo in Christo filio* LVD-
 VICO *illustri Francorum Regi salutem & Apostolicam benedictionem.* Cum ex
 multis aliis super deuotissima sinceritate à te nobis exhibita regiam Excellentiam
 possumus & velimus multipliciter commendare, in hoc etiam quod nuper ad po-
 sitionem nostram pro præstanda securitate Nunciis carissimi filij nostri
 stris Constantinopolitani Imperatoris proprium Nuncium destinasti; Celsitudi-
 nem Regiæ Maiestatis non immerito commendamus, & copiosas exinde magni-
 ficentiæ tuæ gratiarum exsoluimus actiones. Nouerit autem Excellentia tua,
 quod altero Nunciorum illorum urgente inualitudine apud Sanctum Egidium
 remorante, alter ad præsentiam nostram accedit. Quia verò quoddam verbum
 secretum nobis & tibi tantum habet proponere, sicut ex Litteris nobis olim ab eis-
 dem Nunciis destinatis, quas tibi transmisimus, agnoscere potuisti: voluntatis il-
 lius est, si tui placitum fuerit Maiestati, quod in aliquo loco præsentem simus, ut
 verbum illud à prædicto Nuncio pariter audiamus. Sanè prædictus Nuncius tuus
 tibi plenius illius voluntatem exponet. Nos verò, licet præsentiam tuam tam
 pro hoc quàm pro aliis negociis libenter habere vellemus, tamen tuum erit cum
 familiaribus & consiliariis tuis deliberare, qualiter super hoc tibi sit procedendum,
 & quid in hoc facto honori & Excellentiæ tuæ debeat conuenire, & secundum
 quod honori tuo noueris expedire, procedas. Quicquid autem super hoc proui-
 deris faciendum, tam nobis quàm præfato Nuncio Litteris tuis studeas celeriter
 indicare. Datum Bituricis xiii. Kal. Septembris.

EPISTOLA CXLIII.

ALEXANDER *Episcopus seruus seruorum Dei, carissimo in Christo filio* LVD-
 VICO *illustri Francorum Regi salutem & Apostolicam benedictionem.* Dum
 adhuc Parisius præsentem essemus, firmiter nos sublimitati tuæ proposuisse reco-
 limus, quod nihil vnquam vellemus scienter efficere, quod contra honorem de-
 beret regie Celsitudinis prouenire. Vnde tunc nuper Comitem Aluerniæ in no-
 stra præsentia positum absoluerimus, eam tamen super hoc cautelam habuimus,
 ut benè crederemus nos nostro & tuo pariter honori consulere, & etiam Briua-
 tensi Ecclesiæ vtiliter prouidere. Non enim prius meruit à nobis absolui, quàm
 tactis sacrosanctis Euangelis corporale præstiterit sacramentum, quod tam su-
 per restituenda filia viro suo, quàm etiam super corrigenda iniuria Ecclesiæ Bri-
 uatensi illata, nostrum deberet suscipere firmiter & seruare mandatum. Vnde
 continuo sibi sub illius sacramenti distinctione mandauimus, ut filiam suam viro,
 cui eam abstulerat, redderet, & vniuersa bona Briuatensis Ecclesiæ, quæ vel ad
 eam, vel ad homines eius deueniant, resignaret. Accedit ad hæc, quod præ-
 fatus Comes non per se principaliter prædictam Briuatensem Ecclesiam aggres-
 sum fuisse, sed in subsidium nepotis sui se iuisse dicebat, quem nos nec adhuc
 absoluius, nec etiam deinceps antequam plenariè satisfaciat cum vel eius com-
 plices absoluemus. In ea enim, sicut diximus, voluntate, in eo sumus proposito
 solidati, ut super his, quæ grauias tibi cognoscimus, te inconsulto nullatenus pro-
 cedamus. Quod si aliquando insciter contra id aliquid faceremus, non pige-
 bit nos congrua in melius discretionem reducere quæ tanto Principi nouerimus
 displicere. Datum Turonis 1 v. Idus Iunij.

EPISTOLA CXLIX.

ALEXANDER *Episcopus seruus seruorum Dei, carissimo in Christo filio* LVD-
 VICO *illustri Francorum Regi salutem & Apostolicam benedictionem.* LITTE-
 FFF iiii

LEXDOVECVS
VPI. IV-
NIOR.

R A S Excellentia tua tantò iocundiori & benigniori mente suscepimus, & eam tenorem cognouimus, quantò eas de puriori constantia & feruentiori animi deuotione liquidius intelleximus processisse. Nos enim illa memoriali & collaudanda regie Serenitatis firma & plena deuotione, qua sacrosancta Romana Ecclesia de die in diem grande augmentum suscipit & vberimum, diligentius considerata, promptum animum & feruentem voluntatem habemus, te sicut Regem Catholicum & Principem Christianissimum toto cordis affectu diligere, honori & exaltationi tuæ, & Regni tui, affectatis processibus cotidie aspirare, & tuis petitionibus saluâ conscientia commodum complementum libentius impertiri. Vnde ad regiam postulationem tuam, nobilem virum O D O N E M Burgundia Ducem attentè rogauimus, atque mandauimus, ut castrum Flauiniacum, quod illicitè usurpauit, & detinet per violentiam occupatum, tuæ Celsitudini, vel Eduensi Episcopo resignet. alioquin sententiam, quam idem Episcopus in eum & Terram suam propter hoc canonicè promulgauerit, ratam habebimus, & ipsam à venerabilibus Fratribus Lingonensi & Cabilonensi Episcopis mandauimus ratam haberi, & irrefragabiliter obseruari. Datum apud Dolum x. Kal. Octobr.

EPISTOLA CL.

ALEXANDER Episcopus seruus seruorum Dei, carissimo in Christo filio L V D O V I C O illustri Francorum Regi salutem & Apostolicam benedictionem. A V D I T O per venerabiles Fratres nostros Archiepiscopos & Episcopos, qui tecum illi colloquio, quod cum F R E D E R I C O dicto Imperatore constitueras, interfuerunt, quantas molestias & grauamina in colloquio illo sustinueris: cognito etiam post discessum eorum inuenta iniquitate & dolositate prædicti F. & Consiliariorum eius, qui nitebantur fidei tuæ Serenitatem modis omnibus deprauare. quantam mentis constantiam, & spiritum fortitudinis indueris, quòd malueris & decreueris te murum ferreum, & præsidium inexpugnabile pro Domo Domini opponere, & vsque ad effusionem sanguinis decertare, quàm ab vnitate Ecclesiæ recedere, & tantæ malitiæ consentire. Omnipotenti Domino, qui te per ineffabilem gratiam suam tam fortem, tam inuictum pro immaculata sponsa sua, sancta videlicet Ecclesia, quam preciosissimo sanguine suo redimi voluit & honorari, contra prauorum consilia instituit defensorem: & tibi ipsi, qui spretâ omni mundanâ potentiâ solum Deum attendisti, quantascumque possumus & debemus gratiarum exsoluimus actiones. omnipotentem Deum deuota cordis meditatione & sedulis precibus exorantes, ut te & Regnum tuum conseruet & protegat per tempora longiora, & de inimicis tuis & Ecclesiæ victoriam tibi conferat & triumphum. Et ideo ad gloriam tui nominis ampliandam, & ad vigorem fortitudinis inferendum, carissimo in Christo filio nostro H E N R I C O illustri Anglorum Regi per venerabiles Fratres nostros Eboracensem Archiepiscopum, Ebroicensem & Lexouiensem Episcopos, & alios inclytos Nuncios suos, attentè suggerere studuimus, & eius animum modis omnibus inducere & exhortari, ut tibi tanquam domino suo vires & auxilium præstet, & regie Serenitati studeat in omnibus & per omnia deseruire. Ipse verò nostris exhortationibus lætatus plurimum, & gaudius, & ex prudentia animi quid tibi debeat studiosius attendens, dilectum filium nostrum nobilem virum R. de Sancto Valerico, & alios strenuos & caros Nuncios ad tuam Excellentiam destinauit, per quos se & terram suam, & totas vires quas habet, ad honorem & fidelitatem & exaltationem Regni tui exposuit. Et ut hæc de præstando vires & auxilium tuæ industriæ proponeremus, nobis mandauit: & si opus esset, pro his omnibus confidentius nos fideiussores tibi constitueremus. Nos verò deuotionem & puritatem ipsius, qua circa te & nos ipsos feruere dinoscitur, diligentius attendentes, & desiderantes plurimum tam per eum quàm per alios magnificos viros tuam potentiam augeri, & in omnibus ampliari: volentes quoque tam per nos, quàm per alios deuotos Ecclesiæ filios tibi tanquam carissimo filio nostro vires & auxilium efficaciter ministrare, & tam temporaliter quàm spiritualiter vim & opem tibi conferre, pro eo si necesse fuerit cum tota fiducia nos fideiussores constituimus. Vnde rogamus excellentissimam Serenitatem tuam, & propensius exhortamur, quatinus prædictos Nuncios, sicut decet

A tam industrium & prudentem Regem, inclita benignitate recipias, & in omnibus studeas honorare, atque prædicto Regi pro tantæ affectionis & fidelitatis oblatione magnificas gratias exhibere, & inclitum animum tuum pro his erga eum prompta beniuolentiâ mitigare. Nos enim præfatum Regem, quem in proxima tertia feria ad nostram præsentiam expectamus, sicut semper fecimus, ad honorem & fidelitatem tuam, & profectum Regni tui inducere curabimus, & modis omnibus exhortari. Hæc itaque per dilectum filium P. Capellanum & Subdiaconum nostrum præsentium latorem tuæ Celsitudini plenius duximus intimanda. Datum apud Dolum xv. Kal. Octobris.

LYDOVICVS
VII. IV-
NIOR.

EPISTOLA CLI.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* EXVBERANS circa nos & Ecclesiam Dei regis deuotionis & sinceritatis affectio in ea fiducia mentem nostram constituit, vt de te tanquam vnico post Deum Ecclesiæ defensore, omni dubitatione postposita confidamus. De tua magnificentia firmissimè præsumentes, quòd numquam matri tuæ Romanæ Ecclesiæ aliqua velis occasione deficere, qui præcipuus inter Orbis Principes tanquam iustitiæ rector & veritatis amator eius cœpisti causam viriliter adiuuare. Vnde in negociis ipsius & nostris tantò fiducialius ad regis prudentiæ consilium, auxiliûmque recurrimus, quantò expressius tuæ deuotionis fideique constantiam nostræ mentis oculis quasi coram positam intuemur. Huius igitur certitudine securitatis inducti, venerabilem Fratrem nostrum B. Portuensem Episcopum, virum vtique industrium & discretum, pro Ecclesiæ negociis ad regiam præsentiam duximus destinandum. eligentes potius voluntatem nostram ad te referendam illi committere, quàm eam Excellentiæ tuæ præsentibus Litteris intimare. Quocirca sublimitatem tuam per Apostolica scripta rogamus, monemus, & exhortamur in Domino, quatinus prædictum fratrem nostrum, quem carum inter ceteros acceptumque tenemus, benignè recipias. ita sibi in his quæ Regiæ Maiestati ex nostra parte proponet, efficacem præbiturus assensum, quòd spes nostra, quæ de tua post Deum, sicut diximus, sublimitate dependet, vtilem in his sortiatur effectum, & plenius sumat in aliis incrementum. Si enim ea quæ ab eo tuæ fuerint proposita Maiestati efficaciter fuerint Domino volente completa, tantò magis id nobis gratum erit in omnibus & acceptum, quantò ex his mater tua sacrosancta Romana Ecclesia maioris accipiet pacis & prosperitatis augmentum. Datum Turonis 14. Nonas Nouembr.

EPISTOLA CLII.

GALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DILECTOS filios nostros Barbadorum & militem qui cum eo venit ad præsentiam nostram à tua Celsitudine destinatos, debita curauimus benignitate recipere, eisque super his quæ nobis ex tua parte proposuerunt sufficienter studuimus ad singula respondere. Quare autem super his Litteras Serenitati tuæ non transmiserimus, prædicti magnificentiæ tuæ Nuncij viua tibi voce poterunt intimare. Præterea, licet per venerabilem Fratrem nostrum Mauricium Parisiensem Episcopum tam de celebratione Concilij, quàm de nostro ad partes illas aduentu tibi nos significasse credamus, dubitantes tamen ne fortè ad notitiam tuam nõdum plenariè ipsius Episcopi relatione peruenerit, illud eisdem iniunximus tuæ Serenitatis auribus referendum. Quod ergo ipsi exinde tuæ Sublimitati retulerint, de proposito nostro procedere minimè poteris dubitare. Datum Turonis vi. Idus Decembris.

EPISTOLA CLIII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DVMMultitudinem beneficiorum, quæ sacrosanctæ Romanæ Ecclesiæ ac nobis ipsis

LVDOVICVS
VII. IV
NIOR.

regia Serenitas semper, & in hoc præcipue turbationis tempore placida mente exhibuit, attenta meditatione pensamus: dum consideramus etiam quàm liberaliter & quàm deuotè te pariter & Regnum tuum ad obsequium beati Petri & beneplacitum nostrum exposuisti: si honorem, incrementum, & exaltationem tuam & ipsius Regni non totis affectibus diligeremus, & tibi tanquam Christianissimo Regi & Catholico Principi non studeremus in omnibus, quantum cum Deo & iustitia possumus, feruenti animositate deferre, & Deum, cuius intuitu causam Ecclesiæ suscepisti magnanimiter defendendam, grauius timeremus offendere, & à nostri quoque officij debito videremur penitus declinare. Litteris itaque Celsitudinis tuæ quanta decuit hilaritate animi & mentis iocunditate susceptis, & illius deuotionis feruore, quem circa profectum Ecclesiæ ac nostrum intima tui pectoris gerunt, plenius nobis ex ipsarum Litterarum serie declarato, regiæ super hoc sublimitati deuotiores compellimur gratias agere, & tuis commodis & incrementis feruentius aspirare. Præsertim cum Litteras nostras, sicut Nuncij nostri & Clericorum tuorum relatione didicimus, deuotione promptissima recepisses: Vnde præsentium significatione tua Celsitudo cognoscat, quòd nos à quodam Abbate, qui de partibus Burgundiæ venit, satis euidentem certitudinem obtinuimus, quòd cum ab R. quondam Cancellario F. dicti Imperatoris complures operarij iam fuissent conducti, & de ipsius mandato in confinio Regni tui sicut dicitur operari cœpissent, dilectus filius noster nobilis vir Comes Forensis animositatem & fortitudinem induens, eosdem operarios audacter de loco eiecit, & eis & aliis qui hæc attemptarent acriter comminatus, eorum mentibus non minimum terrorem incussit. Verùm, quoniam prædictus Cancellarius nequaquam à sua malitia desistens, pecuniam multam reliquit, vt quod prauè intendit ad effectum perducatur, tua interest, habito consilio Baronum, & prudentum virorum Regni tui, factum ipsum ne vltra procedat prorsus destruere, & iniquorum malignitatem penitus impedire. Nos enim prompti admodum & parati super hoc consilium & auxilium impendere, Lugdunensi Electo dedimus firmiter in mandatis, vt huic rei nulla ratione assentiat, sed eam quantum poterit satagat disturbare. Datum Senonis III. Kal. Augusti.

EPISTOLA CLIV.

ALEXANDER *Episcopus seruus seruorum Dei, carissimo in Christo filio LVDOVICO illustri Francorum Regi salutem & Apostolicam benedictionem.* DILECTVM filium nostrum VV. Carnotensem Electum ad nostram præsentiam venientem, tum magnificentia tuæ obtentu, tum totius sanguinis sui respectu, & suæ honestatis ac probitatis intuitu, paterna benignitate suscepimus, & ipsum dum apud nos fuit, prout decuit, honestè ac benignè tractantes, in suis petitionibus prompto animo curauimus exaudire. Eum itaque cum amoris nostri & gratia plenitudine ad propria remittentes, licet de superabundanti quodam modo videatur, regiæ Excellentia propensius commendantes, Serenitatem tuam per Apostolica scripta rogamus, monemus, & exhortamur attentius, quatinus ipsum pro reuerentia beati Petri ac nostra, & suæ nobilitatis ac deuotionis intuitu, diligere, manutenere propensius, & honorare intendas, & in iustitia sua & commissæ sibi Ecclesiæ attentius confouere: vt ipse idem circa regiam magnificentiam deuotior omni tempore & fidelior debeat apparere, & nos quoque Excellentia tuæ teneamur propter hoc gratiarum actiones vberimas exhibere. Rogamus ad hæc Celsitudinem tuam, & in Domino commonemus, quatinus causam Ecclesiæ, quam velut propriam suscepisti tuendam, manutenere satagas, & viriliter defendere, & ad exaltationem & incrementum Ecclesiæ, sicut hætenus magnanimiter fecisse dinosceris, studium & operam constanter impendas, & ad hoc sicut Rex Christianissimus, & magnificus Princeps, modis omnibus elaboras. Nec te F. dicti Imperatoris mandata vlla ratione commoueant, vel qualibet occasione perturbent. Confidas enim in Domino, & in potentia virtutis eius, quòd Ecclesiæ suæ in proximo pacem & tranquillitatem restituet, & tam tu quàm ceteri Ecclesiæ fideles, immensæ iocunditatis lætitiâ perfruemini. Datum apud Montepessulanum XI V. Kal. Septembris.

EPISTOLA CLV.

LYDOVICVS
VII. IV-
NIOR.

ALEXANDER *Episcopus servus servorum Dei, carissimo in Christo filio* LYDO-
VICO *illustri Francorum Regi salutem & Apostolicam benedictionem.* AB ex-
cellentis Serenitatis tuæ memoria non credimus excidisse, quàm deuota precum
instantiâ tua nos clementia curauit inducere, vt illud flagitiosum facinus, quod
Monachi Ecclesiæ sancti Maximini de Abbate suo instigante diabolo perpetra-
runt, ultione dignissima punire, & eidem Ecclesiæ studeremus de persona idonea
vtiliter prouidere. Vnde nos precibus regiæ pietatis, & ex nostri officij debito,
tantum excessum, prout vidimus expedire, sollicitè punientes, eos, quos huiusmodi
scelus tetigerat, per varia & diuersa Monasteria retrudi fecimus, & mandauimus
firmius custodiri. & de regia demum bonitate confisi, viros idoneos admodum &
religiosos de honesta & religiosa Domo assumpsimus, & eos in præfata Ecclesiâ ad
Religionem ibi auctore Domino reformandam instituere curauimus. Quos siqui-
dem ita credimus vtilis & conuenientes, quod ipsam Ecclesiâ, si regia pietas di-
gnata fuerit ipsos fouere, & à prauorum incursum defendere, tam spiritualibus
quàm temporalibus incrementis ampliabunt, & ad maiora concedente Domino
promoueunt. Indè est quod regiam Serenitatem rogamus, monemus, & ex-
hortamur in Domino, atque in peccatorum remissionem tibi iniungimus, quati-
nus supernæ prouidentie obtentu, & pro reuerentia beati Petri, & pro animæ tuæ
salute, supradictam Ecclesiâ, & Fratres inibi ad Dei seruicium constitutos, cle-
mentiori oculo respicias, & à molestiis & iniuriis, quas illi Monachi fugitui per
propinquos & fautores suos eis infligunt, ipsam Ecclesiâ viriliter liberare inten-
das. Specialiter tamen Her. de Cingiac, & Rob. Berigerum, qui eosdem Fra-
tres variis grauaminibus & vexationibus pulsant, potenter capi faciat, & ad eadem
loca retrusos artius custodiri, ita quod decetero nihil valeant per se vel fautores
suos contra eandem Ecclesiâ machinari. Postulamus etiam Celitudinem tuam,
vt illos burgeneses tuos, quibus possessiones sæpeditæ Ecclesiæ sunt pignori obli-
gatæ, districtè compellas, ab exactione vsurarum omninò desistere, & fructus per-
ceptos, vel saltem percipiendos, deductis indè expensis, in sortem vltius com-
putare. Licet enim iuxta institutiones sanctorum Patrum omnis vsura & super-
abundantia exigi omnimodis prohibeantur, remissiùs tamen hi punientur, qui mi-
nus huiusmodi lucris intendunt. Datum Bituricis Kal. Septembris.

EPISTOLA CLVI.

ALEXANDER *Episcopus servus servorum Dei, carissimo in Christo filio* LYDO-
VICO *illustri Francorum Regi salutem & Apostolicam benedictionem.* CUM
dilectus filius noster Trenorciensis Abbas pro alleuiatione Ecclesiæ suæ,
quæ multis oneribus coartatur, ad regiæ sublimitatis elementiam postulaturus
consilium accessisset, indè tandem præsentiam nostram adiit, asserens te cum
Apostolicæ Sedis fauore super facto ipso velle procedere, & nostri beneplaciti
consilio acquiescere. In quo siquidem, & in omnibus aliis, inclitam regiæ deu-
otionis virtutem diligentius attendentes, & eam deuotissimis in Domino laudibus
commendantes, sicut sæpè iam fecimus, super augmento & conseruatione præ-
scriptæ Ecclesiæ cum Fratribus nostris studiosè ac sollicitè deliberare curauimus.
& ad eius onera & debita releuanda nulla via certior nobis apparuit, quàm vt Fra-
tres per diuersa Monasteria diuidantur, & quinque vel quatuor ibidem relictis, in
debitorum solutionem redditus cedant. Vnde regiam pietatem rogamus, mone-
mus, & exhortamur in Domino, atque in peccatorum veniam tibi iniungimus,
quatinus superni Conditoris intuitu, & pro remedio animæ tuæ, Fratres prænomi-
natæ Ecclesiæ per Regni tui Monasteria facias recipi, & ad tempus eis necessaria
prouideri. Et quoniam ita nobis visum est, & Abbas consensit, vt duo de Fratri-
bus, & duo burgeneses discreti & fideles viri ad hoc assumantur, iuramento astricti
quòd fideliter & sine fraude debeant redditus ipsos colligere, & in debitorum so-
lutionem expendere: nihilominus sollicitamus Celitudinem tuam, vt Ecclesiâ
ipsam, & burgum, & omnia bona sua sub regia custodia & protectione suscipias,

LYDOVICVS
VII. IV-
NIOR.

& Nuncios tuos propter hoc specialiter ad locum ipsum transmittas. Nos enim, quantum ad officium nostrum spectat, & præfaram Ecclesiam, & res ad eam pertinentes, simul cum burgo eius, sub nostra tuitione suscipiemus, & nostrum cum tuis Nunciis, si opus fuerit, illuc destinare studebimus. coram quibus hæc, quæ suprà dicta sunt, debeant commodius ordinari. Ne autem præsentis redditus possint ad manus plurium deuenire, suggerimus magnificentie tue, vt hæc sub maturitate executioni mandare intendas. ita quod à Deo exindè præmium possis in æterna retributione iustorum recipere, & gloriam sempiternam feliciter adipisci; & Monasterium à debitorum onere sic valeat iuuante Domino liberari. Datum Senonis VIII. Idus Augusti.

EPISTOLA CLVII.

ALEXANDER *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DILECTVS filius noster VV. Morimundensis Monachus præsentium lator, quem olim pro Ecclesie negociis in Regnum Teutonicum in multo labore ac periculo destinauimus, ad nos per Dei gratiam sanus incolumisque reuersus, tam nobis quàm Excellentie tue Litteras dilecti filij nostri nobilis viri Ducis VVelfonis fidelissimè reportauit. Vnde nunc eum ad tue sublimitatis præsentiam cum eisdem Litteris destinantes, rogamus, monemus, & exhortamur in Domino, quatinus eum & Litteras ipsas pro reuerentia beati Petri ac nostra, & prædicti Ducis obtentu, regia benignitate recipias, & in eo quod ex relatione ipsius iuxta earumdem Litterarum tenorem cognoueris, secundum quod videris expedire procedas. Dolense Monasterium v. Kal. Augusti.

EPISTOLA CLVIII.

ALEXANDER *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* QUONIAM regie pietatis clementiam his cognoscimus quæ Deo beneplacita sunt, & profectum pariunt animarum, tota mentis affectione intendere; idcirco magnificentiam tuam ad ea quæ ad concordie & pacis bonum pertineant, cum omni fiducia detreuimus inuitare. Dilectus siquidem filius noster Simon Senonensis Canonicus nobis viua voce proposuit, quod A. & O. de Bri cum P. de Glazi grauem guerram & discordiam habeant, & nisi regia sublimitas inter eos mediatrix extiterit, ad pacis reconciliationem suum non possunt animum mitigare. Vnde quoniam tantò tuta extimatur subiectorum conditio, quantò ampliùs sub æquitate regnantis desiderabilis pax & tranquillitas custoditur: Celsitudinem tuam per Apostolica scripta rogamus, monemus, & exhortamur in Domino, quatinus pietatis intuitu, & pro reuerentia beati Petri ac nostra, ad pacem & concordiam inter supradictos viros reformandam sollicitè ac diligenter labores, & ad hoc partes tuas efficaciter interponas. Datum Senonis v. Non Martias.

EPISTOLA CLIX.

ALEXANDER *Episcopus seruus seruorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* PERVENIT ad audientiam nostram, magnificentie tue fuisse suggestum, quod nulla ratione freti, sed de propria voluntate, ac motu animi, dilectum filium nostrum R. quondam Ecclesie beati Aniani Cantorem, officio ac beneficio Cantorio priuauimus. Vnde regia volumus magnitudo indubitata veritate cognoscat, quod de rigore iusticie, & de consilio omnium Fratrum nostrorum, qui præsentis erant, & non de aliquo impetu animi, eundem R. ab honore illo deposuimus. circa quem pietatis & misericordie mansuetudine moti, sibi Præbendam & Præposituram in eadem beati Aniani Ecclesia dimisimus, & famæ integritatem sibi conseruauimus. Quapropter regiam Serenitatem rogamus, quatinus pro honore illo ei restituendo nos tuis precibus nulla ratione sollicites, nec aliorum super hoc preces exaudias. Datum apud Clarummontem VII. Kal. Iulij.

EPIST.

EPISTOLA CLX.

LVDOVICVS
VII. IV-
NIOR.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* A memoria nostra non excidit, qualiter olim ad suggestionem nostram & fratrum nostrorum, carissimo in Christo filio nostro illustri Constantinopolitano Imperatori tuæ Sublimitatis Litteras destinasti, quas utique ille, sicut ex Litteris, quas venerabili Fratri nostro Henrico Beneventano Archiepiscopo destinavit, agnouimus, debita benignitate suscepit, & per nuncium eiusdem Archiepiscopi, quoniam difficile sibi proprium nuncium ita subito destinare, Litteras suas tuæ Serenitati transmittit. Nos autem Litteras ipsas per eundem Archiepiscopi nuncium latorem præsentium tuæ Celsitudini destinamus. Datum Senonis VII. Kal. Februarij.

EPISTOLA CLXI.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* QUONIAM Regnum Siciliæ ad ius & proprietatem beati Petri specialiter spectat, & nos convenit de statu & conseruatione ipsius sollicitos & studiosos existeret, regiæ Serenitatis industriam postulamus, quatinus consilium & viduitatem tuam carissimo in Christo filio nostro VVILHELMO illustri Siciliæ Regi Litteris tuis prudenter aperias. eum attentius ammonens & exhortans, ut quia inimici eius se præparant, & totam intentionem suam ad hoc dirigunt, quod possint terram illius intrare, & ipsum crebris vexationibus fatigare, taliter se & terram suam præmuniat, & sibi studeat præcauere, quod machinationes atque insidiæ inimicorum non valeant eum lædere, vel in aliquo iacturam seu detrimentum inferre. Decetero venerabilem Fratrem nostrum Tropeiensem Episcopum, qui ad Episcopatum suum in terra eiusdem Regis existentem desiderat remcare, Regiæ Serenitati attentius commendamus, per Apostolica scripta rogantes, quatinus eum pro reuerentia beati Petri & nostra benignè recipias, & ipsum Litteris deprecatoriis ita affectuose præfato Regi commendes, quod ex commendatione tua idem Episcopus carior habeatur, & magis acceptus, & nos exinde Celsitudini tuæ gratias exsoluere debeamus. Datum Senonis IV. Idus Octobris.

EPISTOLA CLXII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* DILECTVS filius noster Abbas sanctæ Genouesæ, qui sicut nouus Pastor & diligens procurator circa Ecclesiæ suæ commoda satagit omnimodis & intendit, transmissa nobis insinuatione monstravit, quod dilectus filius noster G. nobilis vir Buticularius tuus sub obtentu cuiusdam consuetudinis, quam in omnibus se asserit Abbatis regalibus obtinere, quædam ab eo exigit, quæ prædictus Abbas ab Ecclesia illa debere nullatenus recognoscit. Vnde quoniam Celsitudinis tuæ serenitas consuevit Ecclesiarum libertates illæsas & integras conseruare, clementiam tuam per Apostolica scripta rogamus, monemus, & exhortamur in Domino, quatinus si ita est, eandem Ecclesiam noua & indebita exactione grauari non sinas, & prædictum Buticularium tuum ab hac intentione reuoces omnimodis & reducas. Datum Senonis XIV. Kal. Ian.

EPISTOLA CLXIII.

ALEXANDER *Episcopus servus servorum Dei, carissimo in Christo filio* LVDOVICO *illustri Francorum Regi salutem & Apostolicam benedictionem.* CVM in proxima secunda feria quæ præterit simul Parisius loqueremur, verbum Serenitati tuæ nos meminimus proposuisse, quod cuidam Clerico nostro viro honesto & litterato, & omnibus bonis suis pro fidelitate nostra & deuotione Ecclesiæ spoliato, quendam Archidiaconatum Carnotensem concederemus. Vnde & tu nobis, si benè meminimus, respondisti, quod consilium super hoc haberes. sed nec nos à te postea super hoc responsum quæsiuimus, nec tu deinceps aliquid nobis exinde

LYDOVICVS
VII. IV-
NIOR.

respondisti. Eapropter præsentia scripta Celsitudini regiz destinamus, Serenitatem tuam, sicut viua voce nos fecisse meminimus, ita etiam horum significatione rogantes attentius, & monentes, quatenus sicut de tuæ sincerissimæ deuotionis circa nos & Ecclesiam Dei puritate confidimus, nobis per latorem præsentium ita efficaciter studeas respondere, quòd nos magnificentiz regiz vberrimas exindè gratias exsoluamus, & ipse idem Sublimitati tuæ propter hoc fidelis omni tempore & deuotus existere teneatur. Datum apud Sanctum Benedictum super Ligerim VII. Kal. Maij.

EPISTOLA CLXIV.

ALEXANDER *Episcopus seruus seruorum Dei, dilecto filio Magistro Hospitalis Domus, quæ Hierosolymis sita est, salutem & Apostolicam benedictionem.* EA quæ ad honorem tuum, & commissæ tibi Domus commodum pertinere cognoscimus, libenter tibi suggerimus, & paterna sollicitudine suademus. Peruenit autem ad audiètiâ nostram, quòd cum dilectus filius noster Petrus dictus Alamannus Prior Hospitalis Domus sancti Iohannis Constantinopoleos ibidem in seruicio Dei, ad honorem quoque & commodum carissimi in Christo filij nostri Constantinopolitani Imperatoris non modico fuerit tempore commoratus, tu eum contra voluntatem & beneplacitum eiusdem Imperatoris ab ipso Prioratu retrahere, & ad tuam velis præsentiam reuocare. Vnde quoniam tam Romana Ecclesia, quàm etiâ Principes seculares viros religiosos de Domibus diuersis assumere, & eos in suo sunt soliti obsequio retinere, vnde etiam ipsis locis eorum multa consueuerunt commoda prouenire: rogamus prudentiam tuam, & exhortamur in Domino, quatinus pro reuerentia beati Petri ac nostra, & futuræ vtilitatis obtentu, maximè cum super hoc præfati Imperatoris preces susceperis, eundem Priorem ad obsequium eius in præfato Prioratu dimittas, nec eum ad te redire compellas. Datum Senonis v. Idus Nouembris.

EPISTOLA CLXV.

ALEXANDER *Episcopus seruus seruorum Dei, carissimo in Christo filio LYDOVICO illustri Francorum Regi salutem & Apostolicam benedictionem.* QUONIAM non semper iuxta desiderium nostrum tuæ Sublimitatis habere præsentiam possumus, vt tibi viua voce quæ volumus exponamus, necessarium est vt aliquando voluntatis nostræ tenorem per aliquem Fratrum nostrorum regiz Celsitudini curemus exprimere, & tuum super eo responsum per certum nuncium vel Litteras expectare. Ad præsens autem, quoniam nullam de Fratribus nostris Cardinalibus à nobis potuimus absque difficultate dimittere, per venerabilem Fratrem Meldensem Episcopum, & dilectum filium nostrum P. Sancti Aniani Aurelianensis Decanum, quædam tibi decreuimus intimare, quæ & audire diligenter te volumus, & super his per eundem Decanum regiz Serenitatis responsum pariter & consilium exoptamus. Ad hæc Excellentiz tuæ volumus innotescat, quòd nisi aliqua necessaria causa consilium nos mutare compellat, disposuimus in proximo Bituricas Domino volente transire, & ibi aliquanto tempore permanere. Vnde magnificentiam tuam per Apostolica scripta rogamus, monemus, & exhortamur in Domino, quatinus homines illius loci diligenter admoneas, vt liberum accessum vniuersis, qui illuc cum necessariis voluerint venire, concedant, & nobis & Curiz nostræ debitam reuerentiam & honorem impendant. Datum Turonis III. Idus Iunij.

EPISTOLA CLXVI.

ALEXANDER *Episcopus seruus seruorum Dei, carissimo in Christo filio LYDOVICO illustri Francorum Regi salutem & Apostolicam benedictionem.* AFFECTVM & compassionem, quam circa incrementum & releuationem debitorum Trenorciensis Ecclesiæ tua inclita magnificentia gerit, ex Litteris regiz Serenitatis nobis transmissis comperimus, & quòd triginta Fratribus ipsius loci te promissisti necessaria liberaliter prouisurum, gratum admodum & acceptum habemus, & Regiz Maiestati vberes exindè gratiarum referimus actiones. Placuisset autem nobis, si nuncium tua prudentia transmisisset, qui pariter esset cum nuncio nostro ad præfatum Monasterium accessurus. Verumtamen nos secundum quod regia Excellentia no-

A bis significauit, in facto ipso diligenter procedere Domino adiuuante curabimus, & attentam providentiam adhibere. Datum Senonis xv. Kal. Septembris.

LYDOVICVS.
VII. IV-
NIOR.

EPISTOLA CLXVII.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* Ad
nostri officij sollicitudinem spectat, oppressis & necessitatibus patientibus opem
conferre, & apud eos pro ipsis interuenire; in quibus pietatis opera & misericor-
diz viscera cognoscimus abundare. Ad regie autem Serenitatis notitiam perue-
nire optamus, quod dilectus filius noster nobilis vir Florius de Cameborta, qui
vnus de maioribus Baronibus Calabriae habebatur, carissimi in Christo filij nostri
VV. illustris Regis Siciliae iram & indignationem incurrit, & de tota terra ipsius,
sicut dicitur, coactus est exulare. Hac siquidem occasione suscepta, quod cum
nobis per religiosam & honestam personam saepe fuisset suggestum, quod quidam
de terra sua eidem Regi insidias praearent, & aduersus eum molirentur pro-
ditionis peccatum committere, nos venerabili Fratri nostro Capuano Ar-
chiepiscopo, quem magis inter alios Regi deuorum & fidelem cognoscimus,
secundò scripta nostra direximus, ut praefatum Regem super hoc praemuniret &
B redderet cautiorem. Cumque id sibi per iamdictum F. nepotem suum significas-
set, ille non credens quod ex parte nostra hoc diceret, sed ut homines suos face-
ret ipsi suspectos, eum de terra coegit recedere, & ad partes Hierosolymitanas
transire. Verum, quoniam nouimus Celsitudinem tuam circa opera misericordiae
intentam existere, & oppressos in suis tribulationibus pietate solita & clementia
confouere, pro supradicto F. Excellentiae tuae preces affectuosas porrigimus. ro-
gantes, monentes, & exhortantes attentius, quatinus cum nullus Rex vel Prin-
ceps sit, cui praedictum Regem maiorem quam tibi reuerentiam & deuotionem
exhibere credamus; pietatis intuitu, & pro reuerentia beati Petri ac nostra eidem
Regi Litteras tuae magnificentiae dirigas, in quibus eum studeas cum multa atten-
tione rogare, quod ei tuae interuentionis & amoris obtentu iram & indignatio-
nem remittat, & eum in gratiam suam reducens, sibi terram restituat, & ibi tam
eum quam uxorem & filios patiat libere permanere. Nihilominus etiam
illustri Constantinopolitano Imp. preces porrigas, & roges attentè, quod saepedi-
ctum F. circa se habeat, & donec in terra sua possit esse secure ipsi pro tuo amore
benefacere ac subuenire intendat. Idèd autem rogamus, ut Imperatori etiam
Litteras pro eo deprecatorias dirigas, quod si fortè, quod non credimus, preces
nostras & tuas praefatus Rex non exaudierit, iste ad eundem Imperatorem possit
habere recursum, & tuis precibus optata apud eum beneficia inuenire. Datum
Senonis xiv. Kal. Martias.

EPISTOLA CLXVIII.

ALEXANDER *Episcopus seruus seruorum Dei, carissimo in Christo filio* LVD-
VICO *illustri Francorum Regi salutem & Apostolicam benedictionem.* DI-
LECTI filij nostri Praepositus, Decanus, & Abbas, & aliae
quaedam personae Briuatenis Ecclesiae ad nos accedentes, in nostra sunt praesentia
constituti. Sed nos cum velimus inter eos pacem & concordiam reformare, vide-
tur nobis, & quasi certitudinem obtinemus, quod nulla ratione id possumus effi-
cere, nisi ita de domo Decani & de aliis disponatur, sicut nos tuae Celsitudini pro-
posuimus, & tu ipse, prout benè recolimus, concessisti. Verum, quoniam R. ser-
uiens tuus nobis proposuit, quod tuum super hoc consilium immutaueris, & nos
neque in hoc neque in aliis tuam volumus Serenitatem offendere; regiam Excel-
lentiam rogamus attentius, atque consulimus, ut à primo consilio, quod tibi su-
per hoc proposuimus, & quod tibi ipsi placuit, non recedas. Alioquin & thesau-
rus Ecclesiae dilapidabitur & consumeretur, & Ecclesia ipsa ferè in nihilum redige-
tur, & tandem nos & te fera poenitentia poenitebit. Quicquid igitur super hoc
tuae Serenitati placuerit, nobis per latorem praesentium Litteris tuis in continenti
rescribas. Datum Senonis x. Kal. Nouembris.

Tom. IV.

GGg ij

EPISTOLA CLXIX.

A

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* CONQUESTI nobis sunt dilecti filij nostri Prior & Fratres Sanctæ Mariæ de Porta Sancti Leonis, quòd dilectus filius noster nobilis vir PETRVS Frater tuus quendam eorum hominem cepit, cui equum & octo boues abstulit, & hominem ipsum dimittere, vel ablata sibi reddere contradicit. Vnde quoniam nostra interest curam & sollicitudinem gerere, ne sanctæ Dei Ecclesiæ potentum virorum impetu aliquod debeant incommodum sustinere, Sublimitatem tuam per Apostolica scripta rogamus & exhortamur in Domino, quatinus amore iustitiæ, & pro reuerentia beati Petri ac nostra, & hominem illum dimitti, & ablata ei facias cum integritate restitui. Datum Senonis xv. Kal. Nouembris.

EPISTOLA CLXX.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* APOSTOLICÆ amministrationis cura omnibus sacris locis providere compellimur, & præsertim eis quibus intendere nos tuæ Sublimitatis excellentia exhortatur. Huius igitur considerationis intuitu prouocati, Monachos Sancti Maximini, quos vitæ turpioris conuersatio, & sui Abbatris interemptio infamabant, per diuersa Monasteria diuisimus, & ad petitionem tuam instituere ibidem alios Domino auctore curauimus. Quos tuæ Sublimitati duximus commendandos, rogantes attentius, quatinus pro reuerentia beati Petri ac nostra eos manuteneas, diligas, & honores, & eos in iustitia sua foueas, protegas, & defendas, & A. Præpositum de Mecho, & matrem eius & sororem districtè compellas, vt frumentum & alia plura, quæ apud eos Henricus eiusdem Monasterij Monachus deposuit, ei restituant, aut in præsentia tua iustitiæ complementum exhibeant. Datum apud Dolense Monasterium v. Idus Iulij.

EPISTOLA CLXXI.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* LITTERAS Excellentie tuæ quanta decuit animi benignitate suscepimus, & quod nobis eisdem Litteris innuisti, gratum admodum & acceptum habemus, & hoc iuxta postulationem tuam effectui mancipare curabimus. Datum Senonis viii. Kal. Octobris.

EPISTOLA CLXXII.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* QVOD tam fiducialiter Sublimitati tuæ sacras Ecclesias commendamus, ex illa noueris consideratione procedere, qua te circa ea quæ Dei sunt feruentius cognoscimus insudare. Indè est quòd Compendiense Monasterium, & dilectos filios nostros A. Abbatem & Fratres diuinis obsequiis ex institutione Patris & prædecessoris nostri sanctæ recordationis EUGENII Papæ, assensu & voluntate tua, sicut Christianissimi Regis, & Religionem amantis & defendentis, facta, inibi mancipatos clementiæ tuæ duximus commendandos: per Apostolica scripta Regiam Maiestatem rogantes, monentes, & exhortantes in Domino, quatinus eos pro reuerentia beati Petri ac nostra, & suæ religionis obtentu, diligas, manuteneas, & honores, nec aliquorum iniuriis eos infestari permittas. sed ita in iusticiis suis foueas iugiter & defendas, quòd ipsi preces nostras sibi sentiant profuisse, & tu ab omnipotenti Deo ac nobis ipsis gratias debeas multiplices expectare. Datum Turoñis viii. Idus Nouembris.

EPISTOLA CLXXIII.

LUDOVICVS
VII. IV-
NIOR.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* Ad regie Sublimitatis notitiam credimus pervenisse, quomodo nos, cum in partibus illis essemus, dilecta in Christo filia nostra nobilis mulier ER. de Narbona multimodis honorare & servare curavit, & deuotionem, quam circa nos & Ecclesiam laudabiliter gerit, multiplici rerum effectu studuit comprobare. Vnde tam nos quam Fratres nostri eam sicut carissimam & specialem Ecclesie filiam sincera volumus caritate diligere, & in his quæ cum Deo & iustitia possumus suis petitionibus nostrum animum inclinare. Eam itaque, quam tibi deuotissimam, & omnino fidellem credimus, regie Serenitati attentius commendamus, per Apostolica scripta rogantes plurimum, quatinus pro reuerentia beati Petri ac nostra, & intuitu fidelitatis & probitatis ipsius, eam sicut propriam fidem tuam distigas, manuteneas, & honores, & rationabiles preces suas solita benignitate admittas. ita quod nos exinde Celsitudini tue vberrimas gratias referamus, & ipsa de deuota deuotior, & de fidei fidelior tibi valeat omni tempore permanere. Datum Senonis III. Nonas Aprilis.

EPISTOLA CLXXIV.

ALEXANDER *Episcopus servus servorum Dei, carissimo in Christo filio* LUDOVICO *illustri Francorum Regi salutem & Apostolicam benedictionem.* FRANCIVS Ecclesie sancti Martini Turonensis Canonicus, & Nicolaus burgensis, ad nostram presentiam venientes, varias aduersus se querelas proposuerunt. Conquerabatur etenim iamdictus burgensis, quod idem F. multas iniurias sibi & grauamina intulisset: & compositionem, quæ de mandato pie recordationis Patris & predecessoris nostri EUGENII Papæ olim facta fuerat, & corporali sacramento præstito firmata, ausu temerario violasset. Cum autem nos querelam eiusdem N. super damnis datis, venerabili Fratri nostro Cenomanensi Episcopo, viro religioso, prouido, & discreto, & eiusdem Ecclesie Canonico, commiserimus sine debito terminandam, ipse tanquam diligens inquisitor iusticie, cognitis rationibus vtriusque, sententiam pronunciauit, licet nondum sit executioni mandata. Verum, quoniam regie Sublimitatis clementia vtrique tertiam diem post Kalend. Augusti assignauit, qua se debeant tuo conspectui præsentare, nos Serenitati tue in omnibus, in quibus cum Deo & iustitia possumus, cupienti animo volentes semper deferre, eos ad tuam presentiam destinamus. rogantes attentius, quatinus pro eo quod prædictus N. auctoritate Apostolicæ Sedis suum voluit negocium diffiniri, non ægrè ferat Serenitas tua, non habeat vlla ratione molestum, nec factum Episcopi in irritum aliquomodo contendat, neque iste hac occasione sui sentiat iuris defectum. Cum enim aliis causam ipsam nolentes mittere, eam præfato commiserimus finiendam, pro eo quod vir litteratus est, & honorem illius Ecclesie non tanquam extraneus, sed sicut proprius Canonicus eius, toto desiderio diligit: in contemptum eius plurimum redundaret, si id quod auctoritate nostra fretus rationabiliter diffiniuit, tua Excellentia in irritum reuocaret. De cetero, si super iniuriis illatis pacificè & amicabiliter inter eos composueris, nobis gratum facies & acceptum. Datum Senonis Kal. Augusti.

EPISTOLA CLXXV.

INNOCENTIVS *Episcopus servus servorum Dei, dilecto in Christo filio Hugoni* Hac Epist. est INNOCENTII II. *Atrebatensi Archidiacono salutem & Apostolicam benedictionem.* APOSTOLICÆ Sedis clementia deuotos & humiles filios ex affluetæ pietatis officio propensius nouit diligere, & sue protectionis munimine confouere. Eapropter dilecte in Domino fili, deuotionem tuam erga beatum Petrum & nos ipsos attendentes, te in specialem filium Apostolicæ Sedis assumimus, & personam tuam cum bonis tam Ecclesiasticis quam mundanis, quæ in præsentiarum iustè & canonicè possides,

LYDOVICVS
V. II. IV.
NOR.

aut in futurum rationabilibus modis Deo propitio poteris adipisci, sub beati Petri & nostra protectione suscipimus, & presentis scripti patrocinio communimus. Statuentes, ut si te grauatum in aliquo esse persenseris, liberè tibi Sedem Apostolicam liceat appellare. Nulli ergo hominum fas sit personam tuam vel bona temerè perturbare, seu quibuscumque molestiis fatigare. Si quis autem id attemptare presumpserit, indignationem omnipotentis Dei, & beatorum Petri & Pauli Apostolorum eius se noverit incursurum. Datum Laterani xvii. Kal. Maij.

EPISTOLA CLXXVI.



EXCELLENTISSIMO Domino LYDOVICO Dei gratia magnifico & pacifico Francorum Regi, PETRVS Bituricensis Ecclesie humilis Minister, & B. Nivernensis Episcopus, salutem & vera humilitatis obsequium. RAGIÆ Cellitudinis mandatum sequentes, sæpius laborauimus pro negotio Ecclesie sancti Portiani, & tandem non sine labore ac tædio effecimus, quoddam Burgenses quingentas libras sine vsuris accommodabunt Ecclesie ad persolendum illud debitum quod debetur ad vsuras. Monachi verò de proprio suo cum adiutorio seruientium suorum reddent ducentas quinquaginta libras. Siquidem Burgenses habebunt quosdam redditus illius Ecclesie sibi assignatos, quos recipient pro accommodata pecunia, computantes in sortem quicquid emolumentum exinde proueniet, quousque rem suam cum integritate perceperint. Loca verò, quorum redditus percipere debent, propriis vocabulis duximus exprimenda. Lochee cum appendiciis suis, Montaurum, Soistias, Marrillec, Boec. & quidquid Sanctus Portianus in locis istis habet. Clausum quoque qui est iuxta domum Bernardi Magnificat, & pratum de Liurac. Nos autem ad Burgensium postulationem, Monachis conoedentibus, sibi de rebus istis vestram debemus impetrare confirmationem. De septingentis quinquaginta libris, quas prenotauimus, persoluentis, securitates accepimus ab utraque parte, à Monachis scilicet & seruientibus suis, & à Burgensibus. Sed quia non poterant in presentiarum persolui, diem ad persolendum competentem dedimus utrique parti secunda feria post festum Decollationis beati Iohannis Baptistæ. Et tunc dominus Archimbaudus de Bourbonio ex consilio nostro apud Sanctum Portianum disposuit adesse: & si aliqui eorum à promisso declinauerint, ex parte vestra eos compellere debet ad perficiendum quod promiserunt. Cum vestre placeat Sublimitati, necesse est aliquem deseruiantibus vestris interesse, qui Burgenses, si qui fortè rebelles extiterint, promissionem suam obseruare compellat: & hoc optant & petunt ipsi Burgenses. De Ecclesia verò interius ordinanda, visum est nobis quòd modo fieri competenter non possit, donec promissa pecunia persoluta sit. Ideoque ad ipsam ordinandam assignauimus alteram diem, scilicet in octauis beate Mariæ mense Septembri. Decet ergo magnificentiam vestram, ut redditus illos, qui Burgensibus pro accommodata pecunia sunt assignati, ipsis per Literas vestras, sicut nos promissimus, confirmetis, & ab Episcopo Claromontensi, & Abbate Trinorciensi confirmari faciat, & in manu accipiat, ne inferatur eis iniuria super redditibus istis: & nos eandem faciemus confirmationem. Necesse est etiam, ut interim Abbati Trinorciensi manderis, quatinus die illa, quam pro ordinanda Ecclesia statuimus, vel ipse veniat apud Sanctum Portianum, vel cum nuntio vestro tales nuntios mittere non postponat, per quos Monachos illos, quorum nomina subscripta sunt, ab Ecclesia illa remoueat, & ad Monasterium suum reducat. In primis igitur remoueat ipsum Priorem, & alterum substituat idoneum & honestum. Remoueat etiam Humbaudum Monachum, Barrerium, Godetum, & nepotem suum Gannatum, Franconem, V Vilhelmum Bechet, Chambonium, Stephanum de Monte-rotundo, Petrum de la Foleria, Bernardum de Capellis, & Bonetum Aparcer. Quibus in Ecclesia sancti Portiani morantibus, eidem Ecclesie, sicut audiuius, poterit nullatenus prouideri: tum quia inutiles sunt, immò perniciosi; tum quia redditus, quos modo percipiunt, tanto Conuentui non sufficiunt. Viginti namque & septem sunt. Nobis autem videtur quòd de remotione Prioris & Monachorum secretum debeat haberi, donec fiat, quoniam illi Ecclesie posset exinde incommodum proue-

A nire. Nec enim Monachi nouerunt hoc, nec etiam Sy. seruientem vestrum credimus hoc nouisse. Conseruet vos Deus sanum & incolumem.

LYDOVICVS
VII. IV-
NIOR.

EPISTOLA CLXXVII.

EXCELLENTISSIMO Domino LVDOVICO Dei gratia magnifico & pacifico Francorum Regi, PETRVS Bituricensis Ecclesie humilis Minister salutem & vere humilitatis obsequium. De benignitate vestre Maiestatis non pro meritis nostris, sed pro sola liberalitate vestra præsumentes, statum nostrum, & incumbencia nobis negotia vobis necessarium duximus insinuare, vestrum in illis auxilium & consilium sperantes, & fiducialiter expectantes. Senonis in Curia domini Papæ constituti, causam pro Ecclesia Bituricensi contra Dolenses Monachos agitamus, qui nobis nostra tollere conantur, & nos & Ecclesiam Bituricensem, quæ vestra est, vexare & turbare non verentur, eius omnimodam dignitatem minuerenitentes. Contra quos licet iustitia nostra nobis debeat suffragari, non dubitamus tamen quin ope vestra in hoc negotio plurimum indigeamus. Vnde quia & nos & Ecclesia Bituricensis vestri sumus, honor noster vester est; & nostra utilitas, vestra; nostrum quoque detrimentum, & diminutio dignitatis Ecclesie Bituricensis, vestre Coronæ decori nullatenus potest non imputari: vestram cum omni humilitate mansuetudinem exoramus vt domino Papæ & Cardinalibus pro nobis, & pro Ecclesia vestra cum tanta diligentia scribere dignemini, quatinus ipsi sentiant vobis placere si nobis & Ecclesie nostræ ius illibatum conseruauerint, & honorem exhibuerint competentem. Sentiant nihilominus, si aliter fecerint, non modicum vestre Regiæ Maiestati displicere. Didicimus enim ab his qui Curiam perfecte nouerunt, quia nisi apertius vestram ei voluntatem expresseritis, vestrarum precum non sentiemus effectum. Lator præsentium VVilhelmus fidelis noster & vester, hæc & alia vobis latius explicabit. Petimus ergo vt ei credatis. Conseruet vos Deus per tempora multa, & conterat inimicos vestros sub pedibus vestris.

EPISTOLA CLXXVIII.

EXCELLENTISSIMO Domino LVDOVICO Dei gratia magnifico & pacifico Francorum Regi, PETRVS Bituricensis Ecclesie humilissimus Minister, salutem & vere humilitatis obsequium. DECANVS Briuatenis & Abbas Sancti Germani per nos transitum facientes, intimauerunt nobis contumelias, damna, & iniurias à Præposito & Abbate Briuateni per violentiam Comitum Aluernensium eidem Decano, & quibusdam aliis, qui de vestra post Deum protectione confidebant, irreuerenter illatas super destructione domuum, & rerum suarum subtractione, super deprædatione terrarum suarum, & hominum interfectione: rogantes, vt super hoc vestre scriberemus Celsitudini. Quia igitur vestrum in omnibus honorem, & per omnia desideramus, & nihil vnquam vobis scienter intendimus insinuare quod Regiam non deceat Maiestatem, pro præfato Decano preces Serenitati vestre porrigimus, vt eum benignè, si placet, suscipiatis, & iniustis petitionibus suis exaudiatis.

EPISTOLA CLXXIX.

EXCELLENTISSIMO Domino LVDOVICO Dei gratia magnifico & pacifico Francorum Regi, PETRVS Bituricensis Ecclesie humilis Minister salutem & vere humilitatis obsequium. DOMINVS Hostiensis Episcopus significauit nobis, & rogauit vt nuntium suum cum Literis suis ad vos vsque perducere faceremus. Nos autem plurimum lætamur, quia occasionem inuenimus visitandi Celsitudinem vestram per Literas nostras. Audiuimus etenim quod vndecumque transitis, omnes inimici vestri per Dei gratiam subiiciuntur pedibus vestris, & quod omnia prosperè vobis succedunt. Vnde laudamus Dominum, & non modica lætitia exultamus. Et quoniam eorum quæ audiuius per Literas vestras optamus effici certiores, rogamus attentius vt per latorem præsentium nobis expectantibus scripta vestre strenuitatis transmittentes, certos nos efficere dignemini de sta-

GGg iij

tu vestro & vestrorum, quem Dominus noster lætum semper faciat & prospere
rum.

EPISTOLA CLXXX.

EXCELLENTISSIMO Domino LVDOVICO Dei gratiâ magno & pacifico Francorum Regi, PETRVS Bituricensis Ecclesie humilis Minister salutem & veram humilitatis obsequium. MANDASTIS nobis, quòd si Gimo de Maduno fecisset nobis securitates, quas debet facere de castello suo, & reddidisset pertas hominum vestrorum, castellum suum sibi redderemus. Vnde volumus vos scire, quia præsentem Ebone de Carentonio, & aliis Baronibus præsentibus, & seruientibus vestris Bituricensibus, tam ipse Gimo quàm filius eius Robertus, & alij homines sui tam milites quàm seruientes, immò etiã burgenses de Maduno, multo maiorem securitatem nobis de castro fecerunt, quàm de iure debuerunt, & quàm antecessoribus nostris vnquam fecerunt. Pertas quoque hominum vestrorum ex maxima parte emendauit. Sed vnus est apud Sanctam Tauretam, cum quo libenter concordasset, si modum pacis congruum inuenire potuisset. Sed quia non potuit, vult se mittere in hominibus & seruientibus vestris, qui nouerunt qualiter illa res acta fuerit. Ideòque dulcedinem vestram duximus attentius exorandam, quatenus vel iuxta cognitionem seruientium vestrorum, & aliorum, si placet, qui rei veritatem non ignorant, vel saltim iustitia mediante, faciatis rem ipsam in proximo ad finem peruenire. Gimo namque pauper est, & omni ferè consilio, & auxilio, & consolatione destitutus, & non cessat clamare, & mendicare post nos. Quapropter eius miseræ compatiens, misericordem pietatem vestram obnixè rogamus, vt in eum misericorditer agatis. Conseruet vos Deus, & conterat inimicos vestros sub pedibus vestris. B

EPISTOLA CLXXXI.

DILECTO Domino suo LVDOVICO Dei gratiâ illustrissimo Regi Francorum, THOMAS Cantuariensis Ecclesie Minister humilis salutem & vtriusque vite beatitudinem. SVSCEPTIS & lætis vestræ Sublimitatis Literis, manifesta percepimus vestræ liberalitatis & dilectionis erga nos indicia. Quamquam, vt verum fateamur, ad obtinendum quæ sponte offertis, merita non præcesserint: scimus quidem, & certi sumus, quòd propriæ ingenuitatis vestræ ductu, plurimum nos dilexistis. Ipse, qui omnium bonorum est retributor, vobis retribuatur, & nos quidem pro facultate nostra parati sumus & secundum Deum, & secundum homines, omnibus quibus poterimus obsequiis vestræ benignitati respondere. Verum, cum semper vestram experti simus in nobis liberalitatem, nunc tandem eam plenior & gratior comperimus, cum nos in desolatione nostra per Literas vestras visitare dignati fuistis; & nobis, si oportuisset, vestræ consolationis refugium exposuistis. In verbo isto adquisistis vobis si quid residuum erat cordis nostri, & totum illud vobis obnoxium reddidistis, & spem nostram roborastis. Non est enim homo mortalis, præter Dominum meum Regem Angliæ, in quo magis confidamus, quàm in vobis, de bono & honore & subsidio, si nobis oportuerit, licet nunquam meruerimus. Veruntamen inter Dominum meum Regem & nos verbum actitatum est de pace, & speramus quòd Deus inclinabit animum eius, & auertet iras eius à nobis. Vos autem, si vobis placet, si contigerit cum eo loqui, arguite eum, quod ipse vnquam credidit aliquid sinistrum de homine, qui tantum & tam fideliter ei seruiuit, & qui eum semper vero affectu dilexit, & cui ipse tantum honorem contulit. Vos autem, carissime Domine, imperate nobis si quid vnquam ad honorem vestrum & placitum facere possimus, quia non est homo in mundo qui libentiùs illud faceret quàm nos. Valete.

EPISTOLA CLXXXII.

AMANTISSIMO Domino suo LVDOVICO Dei gratiâ illustri Francorum Regi, THOMAS eadem gratiâ Cantuariensis Ecclesie Minister humilis salutem ab eo qui dat salutem Regibus. CONSIDERANTIBVS nobis ex accidentibus

A statum vestrum, & Regni vestri tempore vestro præ aliis felicis, magis ac magis in dies videtur retributor omnium bonorum Deus prosperare vias & actus vestros, dans etiam vobis semper per magnam misericordiam suam de inimicis vestris triumphare & vincere. Nec mirum, quia diligentibus Deum omnia cooperantur in bonum. Et ecce, Domine in Christo carissime, fidelis vester Abbas Pontinienensis promotus est communi assensu Cleri & populi in Archiepiscopum Lugdunensis Ecclesie, consecratusque à domino Papa die Dominica ante instans festum beati Laurentij apud Montempeffulanum. De quo profecto confidimus per gratiam Dei, tanquam de carissimo amico nostro, quia ipse tum pro amore vestro, tum pro nostro, semper quoad vixerit fidelis vobis erit, ciuitatemque suam, & partes illas, sicut iustum est, vobis & Regno vestro pro viribus subiciet & subiugabit. Benè valete in Christo, carissime.

LYDOVICVS
VII. IY-
NIOR.

EPISTOLA CLXXXIII.

DOMINO suo LYDOVICO illustri Francorum Regi, THOMAS Cantuariensis Ecclesie Minister humilis salutem & cum obsequio dilectionem. Ad vestra Serenitatis notitiam credimus peruenisse, inter Clerum & Barones Angliæ occasione quarumdam consuetudinum Regis & Regni coram Domino Rege subortam fuisse contentionem. Cumque magna in nos & Coepiscopos nostros eorum hac occasione succresceret indignatio, tandem Deo propitiante ita inter nos composuimus, quod pax vtrunque reformata est: & Domini Regis gratia, qui ob hanc causam aduersus nos aliquantulum motus fuerat, nobis in integrum restituta. Præterea peccatis nostris exigentibus maiorem in nos Domini Regis indignationem excitauit fama quædam, quæ nos cum apud dominum Papam & vos diffamasse nuntiavit, & Ecclesie sanctæ persecutorem & oppressorem impiè confinxit. Quod Domine, Sublimitati vestrae satis notum est, si hoc de Domino nostro Rege vobis mandauimus, & sicut nostis precamur ut nostram & nostrorum innocentiam erga Dominum Regem diligenter excusetis. Quia neque nos ista de Domino nostro diximus, neque si aliqui fortè dixerunt, auctoritatem eis præstamus. Quia neque verum est eum talem esse, neque videtur dici potuisse. Hoc etiam vos scire volumus, quod Dominus Rex quantumcumque motus fuerit, non minùs personis Ecclesiasticis honorem & reuerentiam exhibuit, nec occasione huius indignationis in personas ipsas vel Ecclesiasticas possessiones manum misit. Si quid aliud vobis, Domine, nuntiatum est, à veritate sciatis alienum, & sicut supra dictum est, inter Dominum Regem & Clerum suum, nullam, Deo gratias, superesse discordiam: sed sopita omnium controuersia, pacem ex integro reformatam. Valete.

EPISTOLA CLXXXIV.

DOMINO & amico suo G. Dei gratia venerabili Portuensi Episcopo, HUGO Sueffionensis dictus Episcopus salutem & plurimam dilectionem. PETRUM consanguineum nostrum, & Clericum vestrum, qui mirum semper erga vos habuit affectum, vestrae commendamus benignitati, rogantes ut amore nostro in iustis petitionibus suis benignè eum audiat, & erga dominum Papam iuuetis. Vale.

EPISTOLA CLXXXV.

DOMINO suo carissimo LYDOVICO Dei gratia serenissimo Francorum Regi, HUGO Ecclesie Sueffionensis humilis Minister, & T. de Gisorsio salutem & fidele obsequium. COLLOQUIUM habuimus cum Episcopo Ebroicensi, & aliis Normannis, & cepimus cum eis diem in quo debemus obsides recedere, proximam diem Mercurij post octauas Sancti Andreæ apud Pontiseraam, & nominauimus eis plegios. Cum autem ipsi dicerent se adducturos aut illos, aut alios qui idonei forent, respondimus quod non accipiemus nisi illos. Audiuius autem, quod Rex Angliæ non transfretabit huc, donec post Pascha, & quod Comites Aluerniæ sunt in Normannia. Vale. Sunt & quædam alia quæ nolumus mandare per Literas, quæ viua voce dicemus vobis.

EPISTOLA CLXXXVI.

A

DOMINO suo carissimo *LYDOVICO Dei gratiâ Francorum illustrissimo Regi, H. eadem gratiâ Sueffionensis Episcopus salutem & voluntarium seruitium.* A VO-
BIS discedentes venimus vsque Bistiliacum, vbi audiuius quòd dominus Ar-
chiepiscopus vestri gratiâ Ecclesiæ Sueffionensi reddidit celebrare res diuinas.
Dominus Petrefontis Cono, quando huc misimus, nihil adhuc fecerat nobiscum,
sed spem habemus de eo. Sicut autem vobis diximus, huc mittimus, & nobis, si
placet, vestram significate voluntatem. Valete.

EPISTOLA CLXXXVII.

CARISSIMO Domino suo *LYDOVICO Dei gratiâ illustri Francorum Re-
gi, H. eadem gratiâ Sueffionensis Episcopus & suus Clericus salutem & promptum
famulatum.* POSTQVAM venimus Sueffonis, habuimus multa facere: liqui-
dem & res familiares dissipatas inuenimus, & de diuersis partibus diuersa ad nos
relata sunt negotia. Pro huiusmodi, ex quo à vobis discessimus, nullam pausam
capientes vehementer defatigati, ad summam animi nostri ægritudinem accepi-
mus rumorem de infante, vnde dolor penetravit ad animam nostram. Sed nunc **B**
per Dei gratiam versa res est in melius. Multum autem vellemus esse vestrum
cognoscere, & quid agatis, si etiam in proximo debeatis propinquare versus par-
tes nostras, & venire versus Compendium. Hæc si placet, nostræ sollicitudini
mandare dignemini. Valete.

EPISTOLA CLXXXVIII.

REVERENDO Domino suo *LYDOVICO Dei gratiâ magnifico Regi Franco-
rum, H. Senonensis Ecclesiæ Minister humilis, totusque eiusdem Ecclesiæ Conuentus
salutem & dilectionem.* Nos vestri sumus, & quicquid possumus est ad arbitrium
vestrum, & cum aliqua nobis infertur violentia, ad vos sicut ad Dominum no-
strum recurrere nos oportet ad clamorem. Vicecomes Senonensis & Guarinus
filius eius, qui nunc incipit dominari, auferunt nobis & Ecclesiæ Senonensi ne-
mus nostrum: & grieriam requirit, & vsurpare vult sibi Guarinus quod nunquam
habuit in memoribus nostris, vel Ecclesiæ nostræ: & Maiorem nostrum de Ponti-
bus, qui iura nostra nouit, & manutenet, exagitat, & per nemora posuit ei insi-
dias ad occidendum, sicut ipse nobis conquestus est. Propterea mittimus eum ad
vos, vt Regia Maiestas præcipiat quòd noua consuetudo in terram Ecclesiæ non
inducatur, & si quid rationis in hoc potuerit reclamare, parati sumus ad iustitiam
vel in præsentia vestra, aut in Capitulo nostro. Valeat Maiestas Regia. **C**

EPISTOLA CLXXXIX.

REVERENDO Domino suo *LYDOVICO Dei gratiâ magnifico Regi Franco-
rum, H. Senonensis Ecclesiæ Minister humilis salutem & seruitium.* SCIRE VO-
lumus magnificentiam vestram, quoniam multotiens laborauimus pro reforma-
tione pacis inter Episcopum Autissiodorem, & Comitem Niuernensem, su-
per querelis illis de quibus inter se ad inuicem discordabant. Verum, cum nuper
ad vltimum Autissiodori venissemus pro eadem controuersia pacificanda, & Co-
mes præsto fuisset, proposuit Episcopus quasdam querelas suas, & Ecclesiæ suæ,
vt easdem Comes faceret emendari: denuntians vt primò faceret ei fidelitatem
suam, sicut eam fecerant antecessores sui Comites sibi, & antecessoribus suis Epi-
scopis. Porro Comes nec querelas voluit emendare, nec facere fidelitatem, sed
nec stare voluit iudicio si eam facere, vel querelas emendare deberet, nec ne. In-
super etiam appellauit Comes ad xv. dies post Pascha. Interim nulla facta re-
credentia ablatorum, & vt sicut credimus & Episcopo & Ecclesiis inferat peiora,
& manum suam licentiùs aggrauet & in rebus & in hominibus eorum. Episco-
pus vester est, & damnum eius vtiq; vestrum est. Ecclesiæ quoque sub vestra

A consistunt protectione, & vos easdem ex potestate vobis à Deo collata defendere habetis. Quocirca rogamus magnificentiam vestram, supplicant etiam & Episcopus, & Ecclesie, quæ in multa oppressione sunt, quatinus pro Dei amore in hoc tale consilium apponatis, quod & Episcopus, & Ecclesie de patrocinio vestro gaudeant & exultent, nec vnquam liceat homini tyrannico more in rebus Ecclesiarum debaccari.

LYDOVICVS
VII. IV-
NIOR.

EPISTOLA CX C.

EXCELLENTI & praeclaro Domino suo LYDOVICO Dei gratia Francorum Regi, H. Sueffion. humilis Minister salutem & prosperitatem. CONVENIMVS ad diem nominatum Episcopus Beluacensis, & Comes Bellimontis, T. de Gifortio, & ego, vna cum illis, & aliis multis ex parte vestra. Ex altera parte fuerunt Episcopus Ebroicensis, R. de Sancto V Valerico, G. filius Haimonis, R. de Hommet, & multi alij. Proposuimus eis responsum vestrum, sicut vestri Barones dederant vobis in consilio, quod ipsi mandarent Comitibus Aluernia ut venirent ante & loco & tempore conuenienti, & nos libenter recederemus. Ipsi è contrario responderunt, quoniam non poterant facere quod Comites venirent, quia nos tenebamus eos in prifona, & in ostagiis. Nos autem diximus quod ita faceremus, nihil amplius habentes ex mandato vestro. Iterum petierunt à nobis, quod **B** nos mandarem Comites ex vestra parte, & ipsi similiter mandarent eos ex sua parte. Et habito consilio nostro super hoc, quæsiuimus ab eis quod darent nobis breuem respectum, donec vestrum habuissemus consilium. Responderunt nobis, quod nullum respectum darent; sed neque dedissent vobis quando fuerunt Parisius, nisi coniurassetis eos per fidem Regis Angliæ. Alia negotia & nos & ipsi vtrunque diligenter vsque ad nigram noctem tractauimus multa. In crastinum miserunt ad nos ut alium diem acciperemus pro terminandis aliis, & nos misimus Gifortium ut dies nominaretur, sed nondum redierant illi quos misimus, quando scripsimus vobis ista. Ut autem animus vester in nullo sollicitus esset, ista Serenitati vestræ breuiter mandavi, & cum præsens ero, vberius singula exponam. Res quidem tota ad honorem vestrum acta est & deducta.

EPISTOLA CXCI.

REVERENDO Domino & fratri LYDOVICO Dei gratia Francorum Regi gloriosissimo, H. diuina miseratione Remorum Archiepiscopus salutem & vtriusque vite felicitatem. INSINUATVM est nobis, quod apud Bestisiacum in instanti colloquium habiturus estis. Quia verò nuperrimè nuntios Comitis Flandriæ in reditu nostro Sueffionis habuimus, quærentes nobis loqui de quibusdam negotiis familiaribus, rogauimus Sublimitatem vestram quatinus vtrum loco prænominato **C** colloquium habiturus sitis, vel vbi vobiscum cum præfatis loqui possimus nuntiis, nobis quantocius significare dignemini.

EPISTOLA CX CII.

REVERENDO Domino suo & amantissimo Fratri LYDOVICO Dei gratia venerando Regi Francorum, H. eadem gratia Remorum Archiepiscopus, ab eo saluari qui dat salutem Regibus. CARITATIS intuitu ducente cor meum, Sublimitatem vestram rogare multorum precibus cogor. Credunt enim homines preces nostras in conspectu vestro esse acceptabiles, & eorum quæ iuste poscimus facile posse consequi effectum. Est quidam miles Ebrardus nomine de Brueren, cognatus dilecti filij nostri Abbatis Sancti Dionysij Remensis, & fidelis vestri: pro quo Serenitatem animi vestri obnixè rogamus, quatinus eum, ut dicit, paratum subire iudicium Curie vestræ benignè suscipiatis, aut quia misericordia superexaltat iudicio, si quid deliquit, amore Dei & nostri ei misericorditer condonetis. Sicut enim Regiam decet Maiestatem iustitiæ rigor, ita quandoque decentissimum est misericordie habenas relaxare. In Domino etenim Saluatore nostro, quem sequi desideratis, miserationes eius super omnia opera eius laudantur.

EPISTOLA CXCIIL.

A

REVERENDO Domino & fratri LVDOVICO Dei gratiâ Francorum Regi piissimo, H. diuina miseratione Remensis Ecclesiæ humilis Minister salutem & utriusque vitæ felicitatem. A Flauiano regressi, cum nec dum præ nimia proprii corporis inuacitudine possemus equitare, tamen in lectica deuecti Parisius adiuimus. Quod peruenientes, adeò defessi & propulsi fuimus, quod in acutam iterum decidimus, de qua cœlestis medici visitante nos misericordia liberati conualescimus. Idcōque significamus Regiæ Maiestati vestræ, ut quem de nobis habuistis à vobis effugato timore, nulli sinistrè super hoc nuntianti credatis: proculdubio scientes quod nil mali præter corporis debilitatem patimur. Nullum vobis nuntium voluimus dirigere, quousque liberati fuimus ab ea quæ detinebatur infirmitate.

EPISTOLA CXCIIV.

AMANTISSIMO Domino & fratri LVDOVICO Dei gratiâ Regi Francorum excellentissimo, H. Remensis dictus Archiepiscopus salutem & vera dilectionis affectum. His qui ad vos ex parte Cathalaunensis Ecclesiæ delegati fuerant, quia benignè respondistis, ex Literis vestris intelleximus. Insuper quod eis consulere voluistis, ut effectus sui negotij de nostro penderet consilio. Et si contra hæc aliquid molirentur, vos modis omnibus elaboraturum promissistis, ut eorum fieret irrita molitio. Super his omnibus vestræ plurimas gratias agimus Sublimitati, cuius honori & commodo pro posse nostro parati sumus inuigilare. Vestrum enim est quicquid sumus & possumus.

EPISTOLA CXCV.

REVERENDO Domino & fratri LVDOVICO Dei gratiâ Francorum Regi piissimo, HENRICVS diuina miseratione Remensis Ecclesiæ humilis Minister salutem, & utriusque vitæ felicitatem. COMES de Roccio GVISCHARDVS vestre consanguineus vestram adiit præsentiam. Rogamus pro ipso & cum ipso Regiæ Maiestatis vestræ clementiam, quatinus in iustis petitionibus eum misericorditer exaudiat. Scientes ipsum in omnibus obsequi paratum voluntati vestræ, & Abbati Fusniac. de querela sua satisfecisse, sicut nobis insinuauit.

EPISTOLA CXCVI.

REVERENDO Domino suo LVDOVICO Dei gratiâ magnifico Regi Francorum, HUGO Senonensis Ecclesiæ humilis Minister salutem & seruitium. Ex præcepto domini Papæ venimus Autissiodorum, ut de querelis, quæ erant inter Episcopum Autissiodorem & Comitem Niuernensem, vel concordia, vel iudicio terminaremus, omni appellatione cessante. Quæsiuimus pacem, & non venit. Cumque querelæ utriusque ab utraque parte propositæ essent, & à nobis plenius intellectæ, obtulimus & Episcopo & Comiti, utrum vellent audire iudicium. Episcopus se paratissimum esse asseruit. Comes autem respondit quia non audiret iudicium nostrum, nisi iudicaretur secundum consuetudinem Ecclesiæ Senonensis, & non secundum iudicium Romanæ Ecclesiæ: & indè appellauit ad dominum Papam, cum ei beneficium appellationis omninò fuisset negatum. Super sedimus, donec super hoc haberemus consilium domini Papæ. Ad vestram pertinet Maiestatem, ut scribatis affectuosius domino Papæ, ne permittat amplius vexari Episcopum à tribulatione malorum & dolore, ne Ecclesiæ Autissiodorensis, & Ecclesiæ quæ ad eum pertinent, si iustitia indè facta non fuerit, penitus destruantur, & conterantur vsque ad interuersionem. Valeat Maiestas Regis.

EPIST.

EPISTOLA CXCVII.

LYDOVICVS
VII. IV-
NIOR.

LYDOVICO *Francorum Regi nobilissimo, H. Dei gratiâ Senonensis Archiepiscopus salutem.* IDEO vos diuina clementia ad Regni regimen prouexit, quatinus vobis subiectos ab infestantibus defendatis, præcipueque Ecclesiarum paci assidue studeatis, & in eis Deo famulantibus nullam oppressionem vel iniuriam impune inferri permittatis. Dignum est siquidem, ut eas quas antecessores vestri libertates Ecclesiis contulerunt, integras & illæsas ob amorem Dei conseruari faciatis, & maximè eas quas pater vester bonæ memoriæ Rex LYDOVICVS, vósque scriptis & sigillis vestris confirmastis. Notificamus siquidem Sublimitati vestræ, quod Theobaudus Senonensis Præpositus Ecclesiam beati Petri Viui, & in ea Deo famulantes, plus quàm alij qui antea fuerunt Præpositi, ut nobis eiusdem Monasterij Abbas dixit, iniuste vexando molestat. Nuper enim contigit, quod eius mandato boues cuiusdam hominis Sancti Petri in terra eiusdem Ecclesiæ iniuste capti fuerunt. Vnde quia eadem Ecclesia sub vestra protectione est, nósque eam priuilegio vestro sufficientissimè munitam scientes, eiusque libertatem super hoc infractam esse cognoscentes, ob clamorem venerabilis Girardi præfatæ Ecclesiæ Abbatis, eundem Præpositum conuenimus, & ut reëitudinem eidem Abbati de illata iniuria faceret monuimus. quod ipse facere contempsit. Præterea negotiatores, qui exiure & consuetudine in burgo Sancti Petri hospitari debent, scriptum vestrum negligentes, infra urbem sæpius hospitantur. Insuper posternam, quam nuper in foro eiusdem urbis fieri præcepisti, Ecclesiæ præfatæ aliisque Ecclesiis valde inutilem & noxiam esse cognouimus. Rogamus itaque Sublimitatem vestram, ut iuxta tenorem priuilegij vestri iamdictæ Ecclesiæ libertatem pro amore Dei & nostri in omnibus ex integro illæsam conseruetis, & Præposito vestro ut de illata iniuria Abbati reëitudinem faciat præcipiatis. Nos enim huc vsque pro amore vestro super hoc ei pepercimus, sed amodo parcere non poterimus. Valete.

EPISTOLA CXCVIII.

REVERENDO Domino suo LYDOVICO *Dei gratiâ magnifico Regi Francorum, HUGO Senonensis Ecclesiæ Minister humilis salutem & seruitium.* MULTOTIENS scripsimus Serenitati vestræ, & rogauimus pro Ecclesia Sancti Petri de Miliduno, quæ vestra est ad beneplacitum vestrum, ut pro Dei amore in pace ei habere faceretis eleemosynam vnā, quam calumniatur & aufert violententer Hugo Rufus de Samosio, frater Dominæ Auelinæ de Herici, quæ fecit eleemosynam illam. Indè quidem excommunicatus est, pro eo quod super hoc noluit ante nos venire ad rationem. Sed & per mandatum vestrum apud Milidunum conuenerunt coram militibus terræ, & prædictus Hugo nec pacem nec compositionem voluit facere. Fecimus de eo quod debuimus, & nunc iterum obsecramus, quatinus Regia Maiestas sic militem illum cogat, quod Ecclesia vel quod suum est habeat in pace, vel rationem habeat ante nos ad diem. De cetero iterum & iterum scripsistis mihi pro Galtero de Ebro, ut eum absolueremus. Verumtamen non excommunicauimus eum, sed est Ecclesiæ nostræ consuetudo, ut quem per se præcipit excommunicari non possimus absolvere nisi ex Canonico- rum assensu. Decanus quoque Aurelianensis, & dominus Simon de Miliaco, fecerunt eum excommunicari pro grandi violentia, quam fecit in terra Ecclesiæ. Valeat Excellentia vestra.

EPISTOLA CXCI.

REVERENDO Domino suo LYDOVICO *Dei gratiâ magnifico Regi Francorum, H. Senonensis Ecclesiæ Minister humilis salutem & reuerentiam.* De latore præsentium Presbytero, qui Stampis consecutus est quendam latronem, qui furto abstulerat pecuniam Ecclesiæ Baiocensis, hoc vobis Domino nostro testificamur, quod Garfilius de Stampis, sicut ex testimonio Decani Stampensis & alio-

Tom. IV.

HHh

LVDOVICVS
VII. IV-
NIOR.

rum Presbyterorum habemus, Presbyterum ipsum posuit in captione sua, & vinculis alligauit, & in contumeliam Sacerdotalis Ordinis eum satis ignominiosè tractauit, pro eo quòd illum comprobare volebat latronem, quem ipse Garfilius manutenebat: & tantam ei intulit violentiam, quòd Presbyter urgente necessitate eundem latronem quietum clamauit. Nos itaque malefactorem illum Garfilium ante nos submoneri fecimus pro tanto sacrilegio. sed venire contempsit. Porro laudauimus Presbytero, vt Regiæ inniteretur Maiestati, & per vos consequeretur ius suum: obsecrantes vt adeò districtam ei faciatis iustitiam, quòd Episcopus possit quod suum est rehabere, & Ordo Sacerdotalis in Presbytero contumeliosè tractato per manum vestram gloriosius exaltetur. Valeat Maiestas Regia.

EPISTOLA CC.

REVERENDO Domino suo LVDOVICO Dei gratiâ magnifico Regi Francorum, HUGO Senonensis Ecclesiæ Minister humilis salutem & seruitium. OSTENDIMVS Maiestati vestræ, imò grauitè conquerimur de Eurardo Diuino Præposito vestro de Bria, qui latèri præsentium Presbytero nostro de Magnis-puteis violenter aufert messionem suam, & ita exagitat eum quòd nec esse in villa, nec cantare in Ecclesia sua potest. Insuper & vxor eiusdem Præpositi, sicut asserit ipse Presbyter, arcam eius, quæ in Monasterio erat, fregit, & ceram & candelas altaris asportauit. Presbyter paratus erat omnem ei iustitiam exhibere ante nos, si quid rationis haberet aduersus eum, & nos Presbyterum ipsum bonum audiui-
mus habere testimonium. Rogamus itaque & obsecramus, vt Presbytero faciatis habere messionem suam, & in Ecclesia sua in pace deseruire: quoniam propriè gladius vobis à Domino commissus habet & Presbyteros, & Ecclesiam Dei defendere. Præterea & ipse Præpositus cuidam alij Presbytero nostro de Dontilli multam intulit violentiam, & messionem eius combussit, & quidam seruiens eiusdem Præpositi ipso præsentè violentas manus in Presbyterum misit, eumque satis contumeliosè tractauit. Huiuscemodi opera nefanda omninò personam vestram grauare debent, quoniam tyrannico more crudelitatem suam exercet in Presbyteros, nec est qui defenset eos, nisi vos solus. Volebamus eum inicere in sententiam excommunicationis, & terram pariter. sed distulimus vsquequo innotuisset verbum Maiestati vestræ. Valeat Serenitas vestra.

EPISTOLA CCI.

DOMINO suo dilectissimo LVDOVICO Dei gratiâ illustri Regi Francorum, HUGO suus & Rothom. Archiepiscopus, salutem, honorem, & prosperitatem. MANET in memoria nostra, quòd rogauimus nobilitatem vestram de mercato constituendo apud Gozengres, & vestra regia magnificentia dixit inquirendum
C ne inde impedimentum oriretur vicinis mercatis de Vilcassino. Nunc autem ab inquirentibus nobis relatum est, quòd in die Lunæ fieri potest absque impedimento vicinitatis. Vnde & hoc fieri à vestra nobilitate postulamus, si vobis placet. Conseruet vobis Deus vitam & salutem per tempora longa.

EPISTOLA CCII.

DOMINO suo carissimo LVDOVICO Dei gratiâ illustri Regi Francorum, H. suus & Rothom. Archiepiscopus salutem, honorem, & prosperitatem. NOUIT Deus quòd in omnibus Synodis, Ecclesiarum consecrationibus, conuentibus, Missis, memoriam vestri facimus in orationibus nostris, quoniam vos plurimum deligimus. Quoniam autem vobis placuit vt nobis significaretis vbi & quando debeamus ad vos venire, precamur vt vsque in diem Mercurij nos expectetis. Det vobis Deus vitam per tempora longa. Amen.

EPISTOLA CCIII.

DOMINO suo carissimo LUDOVICO Dei gratiâ illustri Francorum Regi, H. suus & Rothomagensis Archiepiscopus salutem, honorem, & prosperitatem. ABBATIA Sancti Martini de Pontisara à principio suæ foundationis post Dominationis vestræ Principatum ad Rothomagensem Ecclesiam, & ad eius Archiepiscopum pertinet singulariter in Abbatis electione, & consecratione, & in omni alio iure. Nunc autem Monachi Cluniacenses nescio qua noua adinventionem eam sibi in subiectionem vindicare nituntur. Vnde vestræ regis Sublimitati humiliter supplicamus, quatinus eandem Ecclesiam, quæ vestra est, in sua libertate conseruari præcipiatis, in ea videlicet qua nos tenuimus, & prædecessores nostri tempore vestro & vestrorum antecessorum. Conseruet vobis Deus vitam & salutem per tempora longa.

EPISTOLA CCIV.

ILLUSTRI Domino suo LUDOVICO Dei gratiâ Francorum Regi, MANASSES Aurelianensis Ecclesie Minister humilis se ipsum quantulus est. NO-
BSCAT, Domine, vestra Sublimitas, quia die proxima Lunæ multa conuitia intulit seruientibus Odonis Belet Rembaudus de Hiemuilla, & manu armata eiecit eos de terra ipsius. Similiter & filium ipsius Belet transacta die Martis cum armis persecutus est, comminans cum ubicumque inuenerit occidere. Quapropter Sorenitatem vestram omnimodis flagitamus, vt Literas vestras supradicto R. mittatis, & homines nostros vt in pace dimittat præcipiatis. Nos enim in Curia nostra parati sumus sicuti vis & ratio postulauerit de supradictis hominibus ipsi R. satisfacere. Valeat Sublimitas vestra.

EPISTOLA CCV.

ILLUSTRI Domino suo LUDOVICO Dei gratiâ Francorum Regi, M. Domini misericordia Aurelianensis Ecclesie Minister humilis salutem cum sincera deuotionis affectu. SINCERITATEM vestram obnixè postulamus, vt libertatem Ecclesie vestræ, quam pietas vestra solita est semper defendere, detrimentum pati non patiatur. Nunquam enim homines nostros in Curia vestra semouistis*. * ser. sub-
Et idè parcat benignitas vestra nobis, & dignitatem Ecclesie Aurelianensis, re-
missis in Curia nostra, quæ vestra est, hominibus nostris, seruire dignemini. Va-
leat Sublimitas vestra.

EPISTOLA CCVI.

SERENISSIMO Domino suo LUDOVICO Dei gratiâ Francorum Regi, M. Aurelianensis Ecclesie Minister humilis, & Iohannes Sancte Crucis Decanus, salutem & debitum obsequium. NOVERIT regia dignitas, quoniam instanti die Mercurij duellum debet Stampis deduci inter R. de Faucriis cognatum & dilectum nostrum, & alterum similiter cognatum nostrum. Quod nisi Regis potestatis mandato contradiatum fuerit, timemus ne indè maximum damnum proueniat. Indè est, quòd vestram obnixè rogamus Maiestatem, vt instanti die Martis illud ex parte regia alia die assignetur, nobisque dies assignationis innotetur. Nos verò die notato adstantes, Domino auxiliante, ad honorem regium, & nostrorum, vt decet, cognatorum liberationem, prout poterimus pacem reformatibimus. Valeat regia dignitas.

EPISTOLA CCVII.

A

SERENISSIMO Domino suo LYDOVICO Dei gratiâ Francorum Regi, M. Aurelianensis Ecclesiæ humilis Minister salutem & debitum obsequium. AUDIVIMVS quia quidam de Boeieto homines super Decanp Sanctæ Crucis adclamationem facientes, eò quòd duos homines granearum, vt audiuius, inflammatores, quorum vnus Sanctæ Crucis est homo, alter cui respiciat ignoramus, in terra Sancti Euurtij causa refugij in quadam cripta reclusos ceperit, vestram adierunt præsentiam. Sed ne aliter vobis rem quàm acta sit insinuent, Sublimitati vestræ mandamus, quòd eos reddere vel recedere paratus ad vestram præsentiam inuitauit, ita tamen si plegios darent, Curix vestræ iustitiam exequendi de cetero. Sciatis quia He. de Linais parati fuimus omnia sua recedere, si plegios nostræ Curix iustitiam exequendi daret. Valeat Sublimitas vestra.

EPISTOLA CCVIII.

EXCELLENTISSIMO Domino suo LYDOVICO Dei gratiâ magnifico Francorum Regi, Ios. Turonensis Ecclesiæ humilis Minister salutem & ab eo saluari qui dat salutem Regibus. SICVT ex Canonicis Ecclesiæ beati Martini, & eis qui tunc in Capitulo astabant, accepimus, quòd de quibusdam querelis, quæ aduersus Decanum fidelem nostrum Thesaurarius & pars eius habebant, Decanus obtulit se stare iudicio Capituli, & Capituli iudicio emendare, quia nullius iuris est dum aliquis Canonicorum Ecclesiæ iudicio Capituli stare noluerit, quòd super eum vacet Ecclesia à diuinis. Thesaurarius verò & pars eius illud repudiauerunt. Vnde ad vestram Decanus appellauit audientiam, quoniam ea quæ in querela erant ad feodum vestrum pertinebant. Licet igitur mandatum vestrum Thesaurarius præsentialiter & pars eius acceperint: licet etiam Decanus fidelissimus vester in Capitulum venerit, & ibidem se ad omnem iustitiam obtulerit, sicut ab iis qui interfuerunt didicimus, mandatum vestrum, gloriose Rex noster, non est mandatum executioni. Volunt enim prius inuestiri à Decano, aut iure aut iniuria, quàm auditum sit an debeant inuestiri. Supplices igitur Regiæ Maiestati, de qua plenè confidimus, rogamus & petimus, quatinus in manu Regia, & sicut Abbas eiusdem Ecclesiæ, Thesaurario obnixè præcipiatis, & Capitulo, quòd suum Ecclesiæ restituant seruitium, & deinde in Capitulo à Decano accipiant iustitiam. Quod nisi effectui voluerint mancipare, quid agendum extiterit, quid vestro honori conueniat, regiam non credimus excellentiam ignorare. Valeat Regnum vestrum.

C

EPISTOLA CCIX.

DVLGISSIMO Patri & Domino LYDOVICO Dei gratiâ illustri Regi Francorum, Ios. Turonensis Ecclesiæ Minister indignus, ab eo saluari qui dat salutem Regibus. QVOD cum tanta præcum instantia sæpenuerò aures pietatis vestræ pulsamus, grauis necessitas nos compellit, adeo quòd nisi nos inuincibilis altercatio negotiorum detineret, nihil est quod adeò ferueat in pectore nostro quàm fauorabilem aspectum vestræ dulcedinis visitare; plurimùm confidentes, quòd nostri doloris angustias vestræ pietatis liniret affectus. Ab illis enim, qui nos specialiter intuitu vestro deberent defendere propensius ac tueri, tanquam de vobis hæc haberent, grauamur instantius & turbamur. Ocasione etenim cuiusdam burgi, quem ex patris vestri & vestra donatione sibi vindicare contendunt, in Ecclesia beati Petri Puellaris iura nostra nobis auferre nituntur: cum nec vestro, nec patris vestri priuilegio, nec viua voce valeant hoc probare, quòd aliquid de iure nostro nisi violenter debeant obtinere. Vestram itaque Excellentiam, à cuius largitione, & sub cuius solius patrociniis nostra sunt omnia, attentius exo-

A ramus, iteratò supplicantes, quatinus amicis vestris dominis Cardinalibus & domino Papæ si placeret significaretis, quòd nihil penitus de iure Archiepiscopi, & maximè in spiritualibus, quæ ad vos pertinere non possunt, eis concessistis, nec concedere potuistis. Iteratò rogantes, ut nos, qui in graui multitudine hic moramur & expensis, vestro saltem intuitu iudicio vel concordia quam citius expedirent. Quantam etenim de vobis confidere debemus, merita rerum potius quàm verborum expositio manifestat. Valeat & duret in longum nobis & Ecclesiæ vestræ vestra prosperitas.

LVDOVICVS
VII. IV-
NIOR.

EPISTOLA CCX.

EXCELLENTISSIMO Domino suo LVDOVICO Dei gratiâ illustri Francorum Regi, Ios. Turonensis humilis Minister, ab eo saluari qui dat salutem Regibus. AD regale subsidium, ubi nunquam spes nostra confunditur, totiens recurrimus, gloriose Rex noster, quotiens aut Regni, aut honoris nostri præsentimus læsionem. Migravit nuper à seculo Abbas Sancti Iuliani Turonensis, cuius Monasterium de Regali vestro est & nostro fundatum penitus, & nos Abbatiam ipsam à vobis specialiter habemus, nullumque habent præter me Aduocatum, & ad nos sicut ad Principem suum debent de electione sua intendere. Veruntamen de æmulis nostris quidam auribus Monachorum instillant aliter, vestræ dignitati & nostræ quod sui est dominij, derogantes. Animaduertite igitur, Princeps noster, ne quod vestrum est ad alterius transeat principatum. Monachis illis regali præcepto firmiter iniungite, quòd sicut à fundatione Ecclesiæ suæ in omnibus Abbatum electionibus Turonensi Archiepiscopo semper intendunt, ita modo intendant, nihilque noui immutare præsumant. Quòd si vestro mandato non adqueuerint, omnia vestra, sicut decet Regem, eis interdicatis Regalia, ut & alij qui ad huiusmodi scelus aspirauerunt, de consimili terreantur. Petimus etiam supplicantes, quòd super facto isto domino Papæ Literas vestras dirigatis, sicut latores præsentium postulauerunt: quorum verbis tanquam fideliū vestrorum vos fidem adhibere supplicamus.

EPISTOLA CCXI.

EXCELLENTISSIMO Domino suo LVDOVICO Dei gratiâ illustri Francorum Regi, Ios. Turonensis humilis Minister salutem, & ab eo saluari qui dat salutem Regibus. NON sine magna admiratione, gloriose Rex noster, possumus præterire, quòd Priori Castri-fortis, & quibusdam complicibus eius Monachis nullius momenti aures suas inclinauerit vestra Sublimitas. Absit, quæsumus, quòd per tales personas regia discretio amplius seducatur. Volumus namque vos nouisse, quòd causa, quam aduersus Abbatem suum virum probatissimæ opinionis arripere præsumpserant, dominus Papa nobis, & Andegauensi Episcopo, & Abbati Maioris-Monasterij, commisit audiendam, & sine canonico terminandam. Conuenimus igitur nos, quibus causa fuerat delegata, ad Burguliense Monasterium, ibique die assignato præfatum Priorem de vita Abbatis, & super hoc quod ei imponebat, inquisiuius. At ipse non habuit quid mutiret, sed prostratus ad pedes nostros misericordiam postulauit. Quia igitur vniuersi eiusdem Monasterij Monachi in Priorem præfatum & complices eius ultionem conclamabant vnanimiter, præsertim cum & Prioris illius, & aliorum qui faciebant cum eo, defectus esset in propatulo: à proprio Monasterio tam Priorem, quàm Monachos exterminauimus in perpetuo, & eos quousque Literas proscriptionis suæ, quam meruerant, à nobis reciperent, anathemate innodatimus. Si vestro vltius apparuerint in conspectu, auertite faciem vestram ab eis, quoniam malignus spiritus est in ore ipsorum. Valeat Regnum vestrum.

EPISTOLA CCXII.

A

EXCELLENTISSIMO Domino suo LVDOVICO Dei gratiâ illustri Franco-
rum Regi, Ios. Turonensis Ecclesiæ humilis Minister salutem ab eo qui dat salutem
Regibus. QUAM propitia, quàm benigna Regia nobis semper extiterit Excel-
lencia, beneficiorum frequentia faciente vix aut scimus aut possumus recordari.
Illud autem, gloriose Rex noster, duco celerius memorandum, quòd nuper cùm
in causa essemus domino Papæ pro nobis regia scripta direxistis, & per vos fa-
ctum est vt labor noster celerem consequeretur effectum. Enimuerò causa nostra
fuit terminata iudicio, & ratione cogente ius nostrum Apostolica recognouit au-
ctoritas, & nobis nostra adiudicata est possessio, & priuilegio confirmata. Verun-
tamen cùm executioni debuisset Apostolica mandari sententia, cùm ad Ecclesiam
Sancti Petri ex mandato domini Papæ, secundum quod iudicatum fuerat, acce-
deremus, Canonici beati Martini aduersum nos insurgentes, castri vestri & par-
rochiæ nostræ nobis portas clausurunt. Quantus dolor, quanta sit amaritudo,
quanta sit nobis illata iniuria, animi perturbatio enarrare non permittit. Nun-
tius noster Canonicus Ecclesiæ Turonensis plenius declarabit. Verbis ipsius au-
ris vestra mansuetam rogo se exhibeat, & tanquam nobis illi credat, cuius in ore
verba nostra posuimus. Valeat Regnum vestrum.

B

EPISTOLA CCXIII.

CARISSIMO Domino suo LVDOVICO magnifico Regi Francorum, A. Au-
tissiodorensis dictus Episcopus salutem & deuotum per omnia seruitium. NON
miretur Regia Maiestas, quòd superueniente necessitate aures vestræ magnificen-
tiæ totiens inquietamus, totiens crebris infestationibus agitati, sub vmbra alarum
vestrarum fugere compellimur. Adhuc enim manus Comitum extenta, nec auertit
indignationem suam ab Ecclesia. Tendit arcum suum adhuc spirans minarum,
omnia pro voluntate quærens disponere, omnia subiicere sub pedibus suis. Ve-
rùm alij circumquaque vicini, eius exemplo ducti, non dicam ad hoc ab eo indu-
cti, sed eius gratiæ obtentu, & amoris occasione inuenta calumnias mouent. Plura
de casamento suo esse contendunt, quibus quoniam non pro voluntate sua satis-
facimus, cuncta diripere, & cùm iam multa rapuerint, maiora inferre de die in
diem minantur. Cùm autem non sit qui audeat se murum pro domo Dei oppone-
re, nec sit qui adiuuet nisi Dominus meus Rex: rogamus magnificentiam ve-
stram, de qua non minimum adiutorij speramus, cui de facili est cunctis silentium
imperare, vt aliquem de vestris nobis transmittatis, qui Varziacum, & Apognia-
cum, aliâque terram nostram custodiat, & tucatur. Comes enim nondum fi-
delitatem mihi fecit, sed nec facturum se promittit. Et nisi Dominus qui impe-
rat ventis & mari nobis manum adiutorij sui porrexerit, plures nobis inferri mo-
lestias in futurum speramus.

C

EPISTOLA CCXIV.

CARISSIMO Domino suo LVDOVICO magnifico Regi Francorum, A. Au-
tissiodorensis dictus Episcopus salutem & deuotum seruitium. FREQUENTER
annunciatum est Celsitudini vestræ de vexatione, qua Comes Niuernensis Eccle-
siam Sancti Stephani Autissiodorensis, aliâque Ecclesias ad eam pertinentes affli-
git, & vehementer opprimit. & credo quia compatimini. Qualiter autem ego &
ipse ante dominum Papam conuenerimus, quid verò ibi actum fuerit, quo modo
etiam Comes se ibi habuerit, gestus, incessus ad terrorem prætenderit, & cum in-
dignatione recesserit, Dominus Niuernensis viua voce vobis plenius intimabit.
Ceterùm, terra nostra vestra est, & in vestra protectione & potestate consistit, &
seruientes vestri deputati sunt ad custodiendam terram. Rogamus proinde ma-
gnificentiam vestram, vt Comitem Niuernensem, sicut scitis, & sicut expedit,
conueniatis, ne in res nostras, immò vestras, violenter audeat manus extendere, &
damnum aliquod inferre. Ceterùm de domino Bituricensi, qui multum fidelis,

A & maior columna Ecclesiæ in Regno vestro, vos plurimum rogamus, ut tantum virum sicut decet regiam dignitatem vestram more solito benigne supportetis, ne de eius grauinæ Episcopi Regni vestri scandalizentur, imò de vestræ benignitatis exhibitione in ipsum ab omnibus nobis condignæ gratiarum actiones referantur. Si quis autem de eo aduersus aliquid susurrauerit, pro religionis suæ reuerentia non omni verbo credatis.

LVDOVICVS
VII. LV-
NIOR.

EPISTOLA CCXV.

CARISSIMO Domino suo LVDOVICO excellentissimo Regi Francorum, A. Autissiodorensis dictus Episcopus, sic regnare ut Regi summo valeat placere. Sublimitati vestræ gratias agimus de eo quod nuntium nostrum, qui ierat Senonas nuntiare vobis mala quæ Dominus de Firmitate terræ nostræ inferre non desinit, benigne suscepistis, & pacem sicut Regiam decebat Maiestatem nobis de cetero conseruari mandastis. Porro propter frequentes incursiones guerrarum, quæ à longo tempore terram nostram vexare consueuerunt, ita eam innumeris persecutionibus huc usque constat opprimi, ut penè nihil in ea remanserit, ipsamque ad paupertatem & inopiam redigi constiterit. Nunc verò Apogniacum & terram contiguam Dominus de Firmitate & sui ita vexant, & opprimunt, ut homines nostri ad culturam terræ egredi non audeant. Nam post mandatum vestrum, quod ei de conseruanda nobiscum pace fecistis, nostram præsumpsit rapere prædam. His igitur consilium apponite. Nam si eorum malignitas impunita remanserit, nihil præter culturas terræ & vineas forsitan nobis remanebit.

EPISTOLA CCXVI.

DOMINO suo naturali LVDOVICO illustri & glorioso Francorum Regi, G. Dei gratiâ Lingonensis vocatus Episcopus salutem, & debita fidelitatis serui-
tium. QVONIAM ex officio mihi incumbit vicem unicuique rependere, & honorare à quibus sum honoratus: non ignorans ego quod patrem & prædecessorem meum dominum venerabilem Godefridum debeam propensius diligere & reuereri, peto à vestra Sublimitate ut quinquaginta libras Turonensis monetæ, & vnā vini karratam, quam sibi retinuit in vita sua ab Episcopo Lingonensi annuatim reddendam statutis terminis, eidem post nostram confirmationem, quam super hoc redditu habet, vos quoque confirmare dignemini.

EPISTOLA CCXVII.

CARISSIMO Domino suo LVDOVICO Dei gratiâ illustri Francorum Regi, G. Lingonensis dictus Episcopus salutem & cum honore debita fide obsequium. NOVERIT vestra Serenitas, quod innumeris aduersitatibus ex longo Lingonensis agiteretur Ecclesia. Cum autem de eiusdem sublimatione Ecclesiæ & restauratione propensiori cura sollicitaremur, accidit, proh dolor: quod dominus Rainaudus de Montissalione à filiis cuiusdam militis eiusdem castri noctu traditoriè multatus sit. Quod qualiter factum sit, præsentium lator vobis si placet plenius referabit. Indè profectò, nec immeritò, terra nostra dolore afficitur, perpetuèque diffamatur opprobriis. Exortum est proinde magnum & honorosum negotium, quod nisi in manu forti brachiòque extento poterit sedari. Parentes namque prædicti R. quorum pars in Imperio, pars in vestro morantur Regno, nos in causam trahunt, tutelam à nobis requirentes super hoc quod in prædicto castro dominus R. obtinebat. Est & dominus Hugo de Acellis, satis, ut credimus, notus vobis, qui nihilominus in eodem castro medietatem hereditario iure conatur habere. Insultantes igitur ij hinc & indè nos de die in diem circumuehiunt, & in quantum possunt per se & per amicos suos nos inquietare minantur. His itaque & quibuscumque aliis impliciti negotiis, ad diem quam nobis apud Bestiacum super querela de Couulenz præfixeratis, minimè possumus expectare. Contra-mandamus igitur vobis hunc diem, & alium nobis assignari petimus, & talem, ad quem aliquantulum tantis expediti negotiis attendere valeamus. Nec tamen

HHh iiij

LYDOVICVS
VII. IV-
NIOR.

prætereundum censemus, quòd Dominus Apostolicus super hac eadem quæstela A
in præsentia sua conqueſtione facta, ad Domini Autissiodorensis audiëntiam re-
sponsuros rios mittit & satisfacturos. Denique diem à Domino Autissiodorensi
nobis assignatum contramandauius, æstimantes & credentes nos in præsentia
sua propter hoc nequaquam conuenire debere nisi scitu & mandato vestro, cum
supradictum Couulenz de regali vestro teneamus. Rogamus pro eo vestram at-
tentiùs Maiestatem, vt super hoc beneplacitum vestrum nobis rescribi præcipia-
tis, quia ad voluntatem vestram & mandatum omnimodè stare volumus. Roga-
mus nihilominus, vt quod nuntius noster ex parte nostra vobis dixerit, benignè
suscipiat, & credatis. & quod vobis placuerit per ipsum nobis remandate.

EPISTOLA CCXVIII.

DOMINO suo naturali LVDOVICO illustri & glorioso Dei gratia Francorum
Regi, G. Lingonensis Electus salutem & fidelis obsequij subsecutionem. MA-
IESTATI vestræ deuotas refero gratias per honorem, quem mihi in personis ad
vos à nobis transmissis liberaliter exhibuistis. Cum enim vester esse debeam na-
turaliter, nunc tantò deuotior & vobis & vestris existam, quanto plus vobis per
Dei gratiam appropinquau, de fideli factus fidelior. Vtinam iuxta Literarum ve-
strarum monita profectui Ecclesiæ, quæ me vocauit, deseruire & sciam & valeam. B
Nam velle adiacet mihi, si habuero vt spero vestræ Serenitatis auxilium. De ce-
tero nuntius vester Abbas Sanctæ Columbæ Clericis nostris ex parte vestra diem
denominauit pro negotio Hugonis Brecentis. Verùm in Sabbato eandem præ-
cedente, quia nuntius vester præfixit Dominicam, ex mandato Apostolico Dia-
conatus Ordinem ab Episcopo Eduensi recipere me oportet: & ideo ad illum
diem venire non possum. Attamen tempore opportuno sicut mihi mandastis di-
sceretè de pace me intromittam, quantum cum honore Dei & Ecclesiæ nostræ po-
terit fieri. Nostis autem vos quid in nostra Ecclesia facere possit, magisque ad
vestram pertinet Maiestatem quàm ad me vel ad alium, Ecclesiam quæ vestra est
ab indignis oppressionibus releuando tueri.

EPISTOLA CCXIX.

REVERENDO Domino suo LVDOVICO magnifico Regi Francorum, A. Dei
gratiâ Autissiodorensis Episcopus salutem & seruitium. TERTIA dicante Puri-
ficationem dies assignata extitit inter me & Comitem Niuernensem in præsentia
Domini Senonensis. Ad ipsum verò diem Dominus Trécentis, Abbas Sanctæ
Columbæ Senonensis, & multi alij prudentes viri conuenerunt, qui eorum quæ
tractanda erant mediatores extiterunt. Porro requisitui ab eo, vt mihi fidelitatem
faceret sicut fecerat pater suus: quam se debere planè negauit, cum multi assiste- O
rent parati probare patrem suum fidelitatem mihi fecisse. Quorum probatione
repudiata iudicio stare noluit si eorum probatio esset recipienda: sed nec damna
Ecclesiæ nostræ, aliarumque Ecclesiarum restituere. Cum autem diceret de re-
bus Ecclesiarum nihil se habere, cum multi parati essent probare eum plura ha-
buisse, eorum probationem refutauit, & ad quindecim dies post Pascha appel-
lauit.

EPISTOLA CCXX.

EXCELLENTISSIMO Domino suo LVDOVICO Dei gratia Francorum
Regi, G. Cathalaunensis Episcopus salutem & fidelis seruitium. GRATIAS
refero Sublimitati vestræ, quòd & me benignè recepistis, & illa Burgenſium no-
strorum dolosa fraternitas dissipata est. Et dum venirem ad vos, afferens Literas
Capituli Cathalaunensis datas mihi ex consilio quatuor Archidiaconorum, De-
cani, & Præcentoris, Iohannis Capellani, & aliorum de Capitulo: iterum illi mi-
hi ira fideles Archidiaconi, instinctu Vicedomini, & comminationibus Bur-
genſium, coegerunt Decanum hominem senem & iam ferè delirum, contraria scri-
bere. Sanè illæ Literæ, quas ego ad vos attuli, sub testimonio Decani Remensis
& Magistri Fulconis, quos Dominus Archiepiscopus ad eos miserat, mihi con-

A cessæ fuerunt. Iterum illi Archidiaconi inconsultò Capitulo seduxerunt Decanum, sicut accepi, ut pro Matheo scriberet, nulla quidem Literis vestris exhibita reuerentia. sed neque hoc absque expectatione magni muneris faciunt. Vnde Maiestati vestræ supplico, ut Capitulo auctoritate regia prohibeatis, ne Matheum aliquo modo pro seruiente habeant, vel retineant. Et si fortè aliqui aliquid contra nos vobis suggererint, non credatis, neque recipiatis, donec ego præsens venerim, qui statim ad mandatum vestrum venire paratus sum. Valete.

LYDOVICVS
VII. IV-
NIOR.

EPISTOLA CCXXI.

PRÆCLARO ac sublimi Domino suo LYDOVICO Dei gratiâ Francorum Regi, G. Cathalaunensis humilis Episcopus salutem & fidele seruitium. POSUIT me vestra clementia in Sede Cathalaunensi: & utinam inter illos essem, qui intelligerent quid homo Domino suo debeat! Quidam homo domini Girardi de Catalauno deprehensus fuit in furto. rogauit me Girardus, & multa prece institit, ut ego hominem illum sibi redderem. Non potui ei negare, præsertim & quia nouiter intraueram, & quia ligius homo meus rogabat me. Reddidi eum, ea tamen conditione quòd nunquam de cetero ciuitatem Cathalaunensem intraret, & si fortè postea intraret, corporalis iustitia de eo fieret, neque Girardus ampliùs pro eo me rogaret. Villam etiam in hunc modum foriurauit. Accidit postea, quòd villam intrauit. Captus est à iustitiis meis, in vinculis, in ceppo coniectus. Veneram ad colloquium ex mandato vestro. Et dum essem apud vos, Girardus consilio & auxilio Vicedomini, eo etiam præsente, domum in qua fur tenebatur, & vincula, & ceppum fregit, & hominem liberauit. Timens autem aduentum meum, præmuniuit se militibus, & seruientibus. Intrauit Ecclesiam Sancti Germani; posuit in ea armatos seruientes, & ad defensionem suam testa Ecclesiæ rupit, & turrim muniuit. Me autem à vobis redeunte, & ciuitatem intrante, hæc nuntiata sunt mihi. In crastinum Girardus per nuntios suos diffiduciauit me. Posui burgenses ciuitatis ad rationem. Responderunt mihi, quòd libenter iuuarent me, eo quòd iniuria Girardi manifesta esset. Sanè quia imparatus eram, & res in arcto erat, exiui de ciuitate, ut milites citò congregarem. Veni ad amicos meos, qui cum multa militum frequentia venire cœperunt. Frater verò meus destructionem regionis imminere videns, sollicitè pacem querere curauit. Institit mihi maxime, ut paci intenderem. Modus pacis hic est. Ecclesia, quam armis impleuerat, vacuata fuit, & mihi reddita. Pepigit etiam, quòd hominem illum in ceppo reponeret, si posset habere, vel iuraret quòd non posset habere, & tunc quantum valeret hominis redemptio mihi daret. Iurauit quidam miles pro eo, quia hominem rehabere non poterat, & ideo redemptio mihi reddita fuit. Hæc scripsi Serenitati vestræ, ut sciatis quàm iniquè homines mei egerint aduersum me, dum essem in seruitio vestro. Sed omnia quæ acta sunt, consilio fratris mei & amicorum meorum feci. Quæ autem vobis scribo, lator præsentium vobis plenius intimabit. Valete.

EPISTOLA CCXXII.

ILLUSTRI Domino suo carissimo LYDOVICO magnifico Regi Francorum, A. Autissiodorensis dictus Episcopus, sic regnare ut Regi Regum valeat placere. SERENITATI vestræ & regis magnificentie quantas possumus gratias referimus, pro vigili cura & sollicitudine quam erga nostram Ecclesiam, imò vestram, exhibuistis in rebus illius conseruandis & manutenendis. & omnes qui audierunt lætati sunt, & Deum in vobis & de vobis glorificauerunt. Veniens itaque nuntius vester diem me constituisse mihi & Comiti assignauit. quem lætus suscipiens, ad illum ire omni occasione remota paratus fui. Verùm priusquàm ille veniret, Comes Niuernensis Literas suas ad Capitulum Cisterciense direxerat. quibus perspectis, dominus & venerabilis Godefridus quondam Lingonensis Episcopus, Dominus Pontinniac. & Dominus Clareuallensis Abbates, diem constituerunt mihi & Comiti, cupientes inter nos & Comitem pacem reformare. Cùm igitur ego & turba virorum probabilium & religiosorum ad diem conuenissemus, Comes ea quæ ad

LVDOVICVS
VII. IV-
NIOR.

pacem sunt satis benignè se libenter facere significauit; & dicto domini G. quondam Lingonensis Episcopi, Pontin. & Clareuall. Abbatum stare se spondit. Compellentibus verò cunctis, & laudantibus vt totam causam in dicto illorum poneremus, distulimus, donec prius consilium vestrum & voluntatem super hoc haberemus. Significate igitur nobis quid vobis placuerit. Nam secundum consilium vestrum & voluntatem, parati sumus in hoc negotio agere.

EPISTOLA CCXXIII.

DOMINO suo carissimo LVDOVICO Dei gratiâ illustri Francorum Regi, B. eiusdem miseratione Noniomensis qualiscumque Episcopus vocatus, quicquid potest amoris & obsequij cum deuotis orationibus. GRATIAS multas reddit paruitas nostra Sublimitati vestræ, pro eo quod Comiti Flandrensi vobis placuit pro nobis scribere, & quia ipse Comes ex mandato vestro damna multa fecit mihi restaurare, & adhuc quod nondum profectum est benè promittit consummare. Non solum hoc tenet obnoxium vobis, sed benignitas gratiæ vestræ, quam in omnibus negotiis meis semper mihi exhibuistis. Nunc autem, Domine, de verbo illo, quod tractatum est ante vos in Quadragesima Nouiomi, super femina illa quam clamo, quia capitalis esse debet Episcopi: vnde vos consilio Curiae vestræ rationabiliter considerastis, quòd si haberem hominem qui de matre vel auia ipsius ad opus Episcopi capitale recepisset, mihi remaneret, si non esset qui pro ea plus facere vellet: pedibus vestris obuolutus obnixè precor, vt vnum à latere vestro qui interfuit verbo ad diem belli, quod indè iam sumptum est, die Martis post festum Sancti Iacobi pro liberalitate vestra mittere dignemini, qui loco vestri videat & audiat ne ius Episcopi violentiâ Communiæ periclitetur, & iustitia etiam ipsorum Burgenſium in nullo grauetur. Timeo enim multitudinem populi. De Buticulario, vt ipsum mittatis præcipuè volo vos exorare. Etiam precor id ipsum per latorem præsentium.

EPISTOLA CCXXIV.

LVDOVICO Dei gratiâ illustri Francorum Regi Domino suo & amico singulari, E. eadem gratiâ Lundun. Archiepiscopus, in oratione & obsequio seipsum, & in presenti prosperari, in futuro beari. VERI amoris est proprium, vt quod est amici credat suum. Nec enim timetur repulsa vbi dilectio non dubitatur vera. Hinc est quòd generositatis vestræ aures pulsare præsumimus, quotiès nostræ paruitati necessarium sentimus. Nouerit itaque vestra discretio, quòd multimoda vestra vestratûmque liberalitate illectus & præuentus, iam vobiscum sum dimidiis, gratiâque Dei prosperante dispono & desidero in breui subsequi totus, ibique quod superest vitæ expendere in redemptione præteritæ culpæ. Propterea etiam Fratri Ernſio quondam Sancti Victoris Abbati quadringentas marcas triginta minus puri argenti pondere Trecensi, vt pote fideli amico, depositas commisi. iamque testamento præparato, quomodo & quibus distribui deberent, si morte præuentus ipse non venirem. Sed iam nimis verum experior illud antiquum prouerbum, *Numquam tuta fides*. Vix enim pro me commissa distribueret, si iam obissem, qui nuntiis meis iam tertio missis & frustratis mihi adhuc viuenti & repetenti, negare non erubescit. Igitur magnificentiam vestram quamquam immeritam obnixè petimus, quatinus patrocinate nobis vestra potentia à præfati hominis liberemur inopinata & inuerecunda malicia. Porro insuper timemus, ne nobilis Regni vestri gloriam maculet, si auditum fuerit apud exterarum nationes sic deliquisse in amicis dulcis Galliarum Abbates. Ceterum cum meo iussu vel permissu nil cuiquam indè præstiterit, obsecro vt sicut de vestra Maiestate confidimus, sic nos in presenti negotio iuari per vos sentiamus.

EPISTOLA CCXXV.

EXCELLENTISSIMO Principi & Domino LVDOVICO Dei gratiâ Regi Francorum piissimo, A. Siluaneſſensis Ecclesia qualiscumque Minister salutem & orationes. MEMINISSE potest Sublimitas vestra, quòd cum apud Siluaneſſum

A in Capella nostra vobiscum loqueremur, de domino Bartholomæo, quem captum tenetis, mentionem fecimus, & ut ipse, amore Dei & honore sanctorum dierum, misericordiam haberetis, vestram benignitatem rogauimus. Vos autem respondistis nobis, ut super hoc consilium quæreremus, & ne inde damnum aliquod seu crimen euenire posset prouideremus. Nos igitur super hoc cum Iurisperitentibus communicato consilio, Domino scilicet Episcopo Beluacensi, eiusque Archidiacono Iohanne, Abbatibus quoque Sancti Quintini Beluacensis, de Fresmont, de Prato, de Alneto, & Sancti Vincentij Siluanectensis, consideraui-
 mus, & ipsi laudauerunt, ut idem B. antequam de carcere exeat Crucem accipiat, atque Ierosolymam iturum, seque ibidem per annum integrum demoraturum, atque in proximo Natali Domini iter arrepturum iureiurando promittat. Iurabit etiam ut nec ante, nec post reditum de Ierosolyma aliquid vnquam per rapinam capiat. Quod si forte iusiurandum transgressus aliquid rapuerit, dominus Hugo de Vilers cum fratribus suis se redditurum, aut se aut vnum de filiis suis, vobis se ubicumque vobis placuerit traditurum iurabit. Hæc omnia præsentium lator Philippus frater eius cum ipso in præsentia vestra iurabit. Hunc igitur supplicamus pietati vestræ, quatinus amore Dei & nostri quod statutum est suscipiat, & prædictum B. hac conditione & pacto dimittatis. Valete.

LYDOVICVS
VII. 17.
NOR.

B EPISTOLA CCXXVI.

G LORIOSO Regi Francorum LYDOVICO Domino suo carissimo, P. Papiensis Ecclesia dictus Episcopus, post terrenum Regnum cæleste feliciter adipisci. MAGNI animi est, & de virtute gloriantis, sublimes ad votum suum Potestates inclinare. Suspiciantur id de me homines, & ut possim apud Deum promeruisse, & apud vos. Et ego quidem dum conscientie iudicium consulo, aut rari, aut nullius mihi boni conscius, quod possum & Deo totum, & vestræ liberalitati ascribo, qui de me creditis fortasse maiora quàm in me sentiam ipse. Quidam Burgundie Ecclesiastici viri, qui ultimam Ecclesiis suis, nisi citò manum auxilij porrigatis, cladem persentiunt imminere, multis me precibus rogauerunt, ut vestræ super hoc scriberem Sublimitati. Ego quidem tacentibus ipsis tanti mali immanitate perspecta id facere debueram, sed nunc sanior facto ratio accessit. Diuinum munus, & bonorum omnium votis acclamandum confitemur, vitiis vos iudicem datum, moribus fundatorem. Sentiant hoc qui prope, sentiant vtinam & qui longè sunt. Quemadmodum præsentia vestri multis materia est ad virtutes, sic longa absentia quibusdam ad vitia incrementum. Sic parti corporis alteri consulere, ut altera periculis exponatur, indiscretæ considerationis est ratio. Nam per illam, cuius cura aut rara, aut nulla est, paulatim ad saniores mala obrepere poterunt. Ad hoc vos Regem à Deo constitutum considerate, ut & pauperibus
C pax, & sua Ecclesiis dignitas conseruetur. Burgundia ista inter nequam & perditos homines omninò deperit. Consulite obsecro Ecclesiæ Dei, quæ nemine prohibente ad diripiendum raptoribus exposita est. Placeat Serenitati vsque ad aduentum mittere huc aliquem de Episcopis aut Proceribus vestris, qui nobiscum & personis Ecclesiasticis & Baronibus conuocatis pacem reformet & terræ & Ecclesiis. Scribite etiam super hoc Comiti Cabilonenli, Comiti Gerardo, domino Huberto de Bello-ioco, & Dalmacio de Luzeio.

EPISTOLA CCXXVII.

L YDOVICO Dei gratiâ excellentissimo Francorum Regi, P. eadem gratiâ Narbonensis Ecclesiæ humilis Minister prosperitatem & vitam. QVIA veniendi ad vos Dominum meum Regem non est nobis data facultas, ita dolemus sicut maximum inde patimur detrimentum. Vnde & fuit & est nobis semper in voluntate, ut quàm citiùs poterimus, & Dominus donauerit, auctoritatis vestræ regie faciem adeamus. Mittimus interim strenuitatis vestræ Celsitudini dilectum nostrum Bremondum Narbonensis Ecclesiæ Cantorem, rogantes multum ut vestri gratiâ & nostro intuitu eum benignè recipiat, & in his quæ ex parte nostra vobis dixerit benigniùs exaudiat, & per eum si vestra iusserit pietas vestræ Serenitatis apices

LVDOVICVS
VII. IV-
NIOR.

nobis transmittatis. In quibus quid de nobis vobis placuerit significare poteritis. **A**
Rogo itaque, si placet, vt Præceptum Regium, quod antecessori nostro fecistis,
nobis innouari faciatis. Valeat in æternum imperium vestrum.

EPISTOLA CCXXVIII.

LVDOVICO *Dei gratiâ glorioso Francorum Regi, A. eadem gratiâ Helenensis Episcopus salutem & sincera dilectionis affectum.* GLORIOSÆ recordationis prædecessores vestri perennem memoriæ suæ titulum nobis reliquerunt, Ecclesiam nostram expulsis Agarenis in pristinum statum reformando, & eam ex fisco regalibus augmentando. Vnde & omni eorum posteritati obnoxij effecti, grates ipsas quas & patres nostri in vestros effuderunt, nos quoque & in vos refundimus: Ecclesiam Helenensem, & omnia nostra vestræ regali magnificentiæ exponentes. Specialiter tamen si quid ex partibus nostris vobis placuerit, quod regiam deceat aut lætificet mentem, lætissimo cordis sinu iussu amplectemur, & regium vorum efficaciter implebimus. De cetero, Serenitati vestræ non minimas referimus grates, quod præsentium latorem A. de Mataplana consanguineum nostrum transactis annis benè suscepistis, & vestræ liberalitatis gratiâ respexistis. Nos quoque in eundem modum non solum vestræ, vt diximus, regali Excellentiæ, sed etiam omnibus Curie vestræ deuotis ac familiaribus obsequi nos paratos gratanter **B** enuntiamus. Valeat & vigeat regalis dignitas vestra in Domino.

EPISTOLA CCXXIX.

GLORIOSISSIMO *Domino suo LVDOVICO illustri Dei gratiâ Francorum Regi, D. eadem gratiâ sanctæ Lugdunensis Ecclesiæ Electus humilis salutem & deuotum obsequium.* VBERES Deo & Sublimitati vestræ referimus gratiarum actiones, quod humilitatem nostram scripto vel nuntio dignata est visitare, ratumque volumus habeatis nos & nostros obsequio & honori vestro pro posse nostro indubitanter accinctos. De reliquo itaque solitam misericordiæ vestræ pietatem quanto deuotius possumus exoramus, quatinus diuinæ caritatis intuitu prædictæ matri nostræ sanctæ Lugdunensi Ecclesiæ grauiter laboranti misereamini, & eiusdem diutinis oppressionibus summæ discretionis vestræ consilio dignemini subuenire. Nulli verò adulatori credatur, si quis fortè deuotionem nostram erga vos attemperauerit obfuscare.

EPISTOLA CCXXX.

CARISSIMO *Domino suo LVDOVICO Dei gratiâ illustri Francorum Regi, G. Cenomanensis humilis Minister salutem & obsequium.* Si talento quod **O** nobis à Deo datū est fideliter vti volumus, cum res aut tempus exigit, veritati testimonium perhibere debemus. Causam quæ inter Magistrum Hugonem de Marson Clericum vestrum & amicum nostrum, & Oliuerum nepotem domini Guillelmi filij Hamonis agitabatur, Episcopo Andegauensi & nobis dominus Papa commisit audiendam, & sine debito terminandam. Itaque vtrique parte in nostra præsentia Turoni constituta, Magister H. ab Oliuero restitutionem damnorum, quæ plurima O. sibi in Præpositura, quam donatione vestra tenebat, per violentiam intulerat, sibi fieri postulabat, præsertim cum in Capitulo beati Martini & in Curia vestra sæpè iustitiam ei obtulisset. Et licet hoc publica fama testaretur, dicebat se super hoc testes sufficientes & idoneos habere. E contrario O. dicebat de Præpositura & damnis transactionem factam fuisse in præsentia Domini Turonensis: talem scilicet, quod singulis annis debebat ei dare Magister H. centum solidos, & magnam partem pratorum quæ Turon. habebat, & aquam quæ fluit secus prata, & hoc repetebat O. à Magistro H. Fatebatur Magister H. quod se subiecisset arbitrio Domini Turonensis, sed coactus & inuitus, utpote qui per violentiam domini Guillelmi filij Haimonis Senescalli Regis Anglorum redditibus omnibus Præposituræ suæ spoliatus esset. Insuper dicebat quod O. postea absoluerat eum à pacto illo liberè & quietè. Quod quidem O. negabat. Cum itaque

A itaque in crastinum uterque testes suos esset producturus, Magister H. manè factus in præsentia nostra conquestus est, quòd testes sui territi minis Præpositi Turonensis venire ante nos non audebant. Dicebat enim fuisse eis interdictum ex parte Senescalli, ne in urbem intrarent. quod siquidem à multis & magnis viris accepimus. Habito itaque consilio cum sapientibus viris, coactus non spontaneus arbitrio nostro se subiecit. Decrevimus itaque, quòd per singulos annos daret Oliucrio c. solidos Andegauensium. & ab imperitione de pratis & de aqua eum absoluiamus, potiùs ei ad tempus consulentes, quàm iustitiam sectantes. Vestrum est, Rex venerande, donum vestrum tueri, & quod à Clerico vestro per violentiam est extortum, auctoritate domini Papæ in irritum reducere. Valere.

EPISTOLA CCXXXI.

EXCELLENTISSIMO Principi & Domino LVDOVICO Dei gratiâ Regi Francorum piissimo, A. Siluaneensis Ecclesie qualiscumque Minister salutem & orationes. ISTE præsentium lator Monachus est de quadam Cisterciensis Ordinis Abbatia, quæ dicitur Pratea. cui multotiens vestra contulistis beneficia. Fratres verò eiusdem loci post multas, quas pro Christo in victu & vestitu passi sunt, necessitates, nouum cœperunt ædificare Monasterium: non in se, sed in Christi pietate & misericordia confidentes. quod nullatenus sine vestris & aliorum fidelium beneficiis poterit consummari. Vnde vestræ supplicamus pietati, quatinus amore Dei & nostri, si vobis visum fuerit, ad ipsius Ecclesiæ constructionem aliquod beneficium impendatis. Hoc etenim Christo credimus gratum, atque salutem animæ vestræ admodum profuturum. Valere.

EPISTOLA CCXXXII.

EXCELLENTISSIMO Domino suo LVDOVICO Dei gratiâ Francorum Regi, P. Ecclesie Gabilonensis humilis Minister salutem & obsequiorum deuotionem. Ex Litteris dignationis vestræ animaduertimus Serenitatem vestram erga nos fore turbatam, ex ea videlicet causa, qua vobis suggestum est nuncios vestros non ea qua decuit à nobis veneratione susceptos. Interroget Dominus meus Dominum Niuernensem, qualiter à nobis susceptus, qualiter tractatus sit: si quid, quod ad eius obsequium, & ad vestrum honorem pertineret, prætermisi: si quid, vnde vestram indignationem incurrere debuissim, admissi. Porro clientis vestri querimonia, qua ratione nobis imputetur, cum nullam sibi factam probare possit iniuriam, vel aliquid vnde de nobis iuste conqueri possit? Non suspiceretur Dominus meus de seruo suo quicquam indignum, quia ad omnem voluntatem vestram, ad omne seruicium, pro modo possibilitatis meæ sum paratus. Proinde, Regiæ Maiestatis vestræ genibus prouolutus supplex flagito, quatinus dulcedinem gratiæ vestræ nobis benignè indulgeatis, & laborem præsentiam vestram adeundi clementer nobis remittatis. Parcite ætati & debilitati nostræ, & paupertati Ecclesiæ nostræ, imò vestræ, quæ in his diebus ultra solitum dissensionibus & bellis apud nos omnia vastantibus periculis multis exposita, numquam magis quàm nunc præsentiam nostram indigit. Si pro nobis ista omnia non satisfaciunt, placeat saltem clementiæ vestræ, ut nobis oportuniore tempore diem statuatis, aut causam istam Domino Eduensi siue Cisterciensi committatis.

EPISTOLA CCXXXIII.

CARISSIMO Domino suo LVDOVICO Regi Francorum, Arnulfus Lexoniensis Ecclesie humilis Minister, salutem & deuotum cum omni deuotione obsequium. LÆTIFICAVIT animam meam lator præsentium gaudio diu desiderato, gaudio quod tam nos quàm ceteri fideles Regni Francorum longis suspirauimus desiderijs, & nunc crebris exultationibus suscipimus adimpletum. Visitauit Deus plebem suam, totique Regno Francorum misericordiæ suæ viscera patefecit:

LVDOVICVS
VII. IV-
NIOR.

dum & certum vobis heredem instituit, & iustum vniuersis Regni Francorum A
Primatibus Dominum ordinauit. Nullus enim erit adeò superbus aut contu-
max, qui illi debitum famularum detrectet impendere, quem de carne vestra ad
Regni nouerit gubernacula procreatum. Conseruet omnipotens Deus personam
vestram, Regnum stabiliat, sobolémque vestram vobis & nobis in tempora mul-
tiplicet longiora. Ceterùm pro latore præsentium Bernardo supplicamus, qua-
tinus ad id quod Dominus suus ei legauerat obtinendum nostras sibi preces
sentiat profuturas.

EPISTOLA CCXXXIV.

EXCELLENTISSIMO Domino suo LVDOVICO Dei providentiâ Regi
Francorum, N. Bellicensis Ecclesia humilis Minister, sic terrenum Regnum regere,
ut in cælis cum Sanctis valeat regnare. Ex quo, illustrissime Rex, vestræ Serenita-
tis sublimitas paruitatem Cartusienſis Domus, suam nobis præsentiam exhiben-
do, visitare dignata est; in armariolo nostri pectoris ea qua potuimus dilectione
suscepimus. Tunc enim, ut ita dicamus, nostris visceribus incorporatus estis,
verùm nec facilè eruemini. Nunc quoque Dei voluntate nescio aut disponen-
te, aut permittente, Ecclesiæ Bellicensi qualiscumque destinatus Episcopus, no-
stris orationibus vestri memoriam habentes, preces pro vobis & Regni stabilitate B
ad Deum fundimus. Proindè magnificentiæ vestræ suggerimus, ut humanis fa-
uoribus plus quàm vobis non credatis, misericordiam & iudicium, benignitatem
& mansuetudinem, ac consimilia imitemini. quæ scilicet insignia sunt regiæ di-
gnitatis. De cetero Maiestati vestræ supplicamus, quatenus cuidam nepoti nostro
carnali Parisius studenti, pro Dei & nostri amore, vnde sustentari, & sapientiæ in-
tendere possit, subuenire dignemini. Valete.

EPISTOLA CCXXXV.

MAGNIFICO ac gloriosissimo Francorum Regi LVDOVICO Domino suo,
I. Magalonensis Ecclesia humilis Minister, & eiusdem Ecclesiæ totus Conuentus,
fidelium orationum munus, & sic Regnum gubernare terrenum, ut perhennem coronam
& gloriam mereatur habere in cælis. MAGNAS agimus gratias Sublimitati vestræ,
gloriosissime Domine, quòd nuncios nostros hoc anno ad vos venientes benignè
& liberaliter suscepistis. Ob quam causam de fidelibus & deuotis fideiiores &
deuotiores vobis & Regno vestro nos reddidistis, & ad vestrum seruicium prom-
ptiores. Indè est quòd præsentium latores Fratres nostros Archidiaconum &
Sacristam, & Priorem de Lunello, cum multa spe & fiducia ad vestram præsen-
tiam misimus: rogantes ut eos benignè suscipiatis, & in suis petitionibus exaudia-
tis, & ut domino Papæ, si præsens est, ore ad os, aut si absens, vestris Litteris C
in eum, quem ipsi vobis exposuerint, modum, pro vestra Magalonensi Eccle-
sia preces porrigatis.

EPISTOLA CCXXXVI.

SERENISSIMO Domino suo LVDOVICO diuina dispensatione illustrissimo
Francorum Regi, G. Cenomanensis Minister humilis debiti famulatus obsequium, &
saluari ab eo qui dat salutem Regibus. VESTRAM credimus non latere magnifi-
centiam, quanta mala, quàm multiplicem grauium damnorum seriem à G. Goëti
passa sit Ecclesia nostra, qui ab terra nostra prædam abducens, homines nostros
ad inopiæ miseriam, terram quoque in miseram desolationem redegit. Nos ni-
mirum & Ecclesia nostra multis laboribus & expensis à domino Papa super hoc
iustitiam quærentes, cum in subsidium prædicti G. partes vestras interponeretur,
licèt idem G. in præsentia domini Papæ iniuriam illam cognouisset, iustitiam ta-
men nostram nullatenus assequi potuimus. Verumtamen cum de parte vestra
Magister Hugo de Marsone nobis significauerit, vobis non displicere, imò po-
tius gratum esse si in iustitia illa quærenda procederemus, & quòd etiam pro no-

A bis domino Papæ scriberetis super negotio isto, nos & Ecclesia nostra indè multiplicium gratiarum actiones liberalitati vestræ, quæ Ecclesiis attentius providere consuevit, meritò referentes, piam mansuetudinem vestram profusis lacrimis quantum possumus exorare intendimus: quatinus sicut partium vestrarum interpositione dilata est iustitia nostra, ita sit beneplacitum vestrum pro nobis ad dominum Papam interueniendo, gratiæ vestræ meritum nobis tantò attentius proficere, quantò nouerit discretio nobis priùs nocuisse. & super hoc domino Papæ diligentius scribere dignetur Sublimitas vestra. Valete.

LYDOVICVS
VII. IV-
NIOR.

EPISTOLA CCXXXVI.

DOMINO suo carissimo LYDOVICO Dei gratiâ glorioso Francorum Regi, STEPHANVS Matiscopensis Ecclesiæ humilis Minister, deuotum in omnibus & per omnia famulatum. IN tribulationibus, quæ inuenerunt nos nimis, nullum nobis patet refugium ad vos. Si à clamore nostro aurem vestræ pietatis velitis auertere, & dissimulare dolores nostros, nihil iam remedij nobis superesse videmus, quin extrema Ecclesiæ nostræ perniciēs immineat. Aliarum calamitates vestræ exponere pietati, & longum esset, & fortassis onerosum. Sufficit vnicuique miseria sua. Inter omnes sanè angustias, quas nostra per longum iam tempus sustinet incessanter, id quoque ei ad cumulum malorum accedit, quòd hominum suorum nemini tutè viuere licet, cùm & viuere saltem vix liceat. Habebat inter alios quendam magnarum facultatum & opum, sibi que perutilem, cui timore Comitis GERARDI sua ipsius domus iam ferè per duos continuos annos pro carcere fuit. Qui, ne fortè dum aliquo casu eum egredi contingeret, in insidias incideret præparatas, Lugdunum nocturnus aufugit. Quia igitur Ecclesiastici rigoris censura nos tyrannum coercere oportet, cùm tamen nec Deum timeat, nec homines reueretur; rogamus vt duos de vestris, quorum alter in Episcopio, alter in quadam villa nostra ad tutelam ponatur, huc transmittere dignemini, qui & rerum nostrarum, & ciuitatis vestræ curam habeant. Credimus enim, quòd in nunciis Maiestati Regiæ aut timore, aut pudore deferet. Nos interim donec immanis huius beluæ ferocitas quoquomodo coercetur, ciuitate cedemus. Decetero, audemus consulere, vt aliquos de Episcopis vel Proceribus vestris ad partes istas dirigatis, qui & Ecclesiis quæ penè desolatæ sunt, & terræ quæ deserta est, consulant & provideant, conuocent Barones, pacemque reforment. Alioquin nisi tantæ pesti citius occurratur, serpens latrūs malum totum corpus inuadet.

EPISTOLA CCXXXVII.

DOMINO suo LYDOVICO Dei gratiâ Francorum Regi, A. Mimatensis Episcopus salutem & seruitium. DOLOREM animi mei nec linguâ, nec Carta describere valeo. sed tamen breuiter quod ad rem pertinet comprehendo. Audiat me cælum, audiat terra, audiat me Dominus meus Rex, ad quem sicut ad iudicem specialem confugio, vt faciat iudicium & iustitiam in terra de his qui Regnum suum inaudita proditiōe corruerunt, & me vsquequaque vsque ad mortem sine causa persecuti sunt. Meminit, vt credo, dignatio vestra, qua deuotione tempore pacis meæ, quando hostis vel aduersarius nullo modo apparere ausus fuerat, me, meaque, Episcopatum, terramque paternam, in manus vestras benè fideliterque indidi, & ipsam fidem sine aliqua reprehensione seruare stui. Nunc autem insurrexerunt in me homines iniqui, filij iniquitatis, & quòd mihi dolor est dicere, frater meus, & quidam pueri cum eo, terram meam, immò vestram fraudulenter & proditoriè, vt audietis, inuaserunt. Nam ea die quâ Magister Radulfus à vestra Curia ad nos peruenit, ego fratrem meum in pace recepi, & castra quædam terramque simul ei commendaui, vnde mihi hominum & fidelitatem fecit, iuramentumque præstitit, quòd me meaque fideliter seruaret, & mihi in omnibus & per omnia obediret. Indè vt fratrem tractaui, militemque feci, & honestè mecum habui. Qui in fraude nefandorum cœtu secum congregato, à me & à mensa mea recedens, duo ex castris meis fraudulenter occu-

Tom. IV.

III ij

LVDOVICVS
VII. IV-
NIOR.

pauit, & adhuc tenet. Nec mirum si sic egit, qui non legitimè genitus contra me A
illicitè agere præsumpsit. Hinc ad vos clamorem facio, & ut non tam mea quàm
vestra queratis exopto. Magistrum etiam Radulfum mitto, & ut eum tanquam
me audiatis, & quæ dixerit credatis & faciatis, precor & obnixè exoro. Licet
enim necessarium sit mihi auxilium vestrum, tamen pro vestro honore & gloria
magis laboro, quàm pro mea vtilitate. Credite ergo Magistro Radulfo sicuti
mihi, quia verè venissem, nisi turbata fuisset terra. Misi verò eum ut vices meas
compleat, quia & vobis & mihi fidelis est.

EPISTOLA CCXXXVIII.

DILECTISSIMO Domino suo LVDOVICO Dei gratiâ illustri Franco-
rum Regi, B. Dei misericordia Belvacensis Ecclesie Minister humilis salutem, &
promptum in omnibus obsequium. BELVACENSIS Ecclesia pro querela satis vili
in lachrymis & mœrore posita est, & quæ ieiunij & afflictionis tempore diuino
cultui omninò intendere deberet, diuina celebrare officia minimè potest. Pro-
indè vestram in quantum possumus deprecamur clementiam, quatinus pietatis
instinctu cum Domino Remensi loquamini, & sic concordēs efficiamini, ut Ec-
clesiam, quæ diu fleuit, cantare liceat, ad laudem & gloriā nominis Dei. Va-
lete.

EPISTOLA CCXXXIX.

EXCELLENTISSIMO Domino suo LVDOVICO Dei gratiâ illustri
Francorum Regi, ST. Dei patientia Redonensis Episcopus ab eo saluari qui dat sa-
lutem Regibus. Si pacis & concordie amatores diligendi sunt & fouendi, iuxta
illud Euangelicum, *Beati pacifici*, seminatores discordie & inimici veritatis ex-
crandi sunt & detestandi, iuxta illud Salomonis, quod *illum detestatur anima Dei,*
qui seminat inter Fratres discordias, & *virum dolum abominatur Dominus*. Ad vo-
cationem Domini Turonensis ad transactam festiuitatem beati Martini Turonis
venientes, transitum habuimus per Bûrgulium. Ibique Abbas illius Abbatie
plurimis assumptis secum Fratribus, viris scilicet honestis & religiosis, conque-
stionem suam de falsis Fratribus suis, Priore scilicet Castri-fortis & complicitibus
suis nobis monstrans, nos caritatiuè visitauit. Audita siquidem de falsis interpre-
tibus conuestione, audiuius etiam ab honestis & religiosis viris, Abbatibus sui
modum & honestatem vite. Testati sunt autem, quod iam dudum nouimus, cum
esse virum bonæ opinionis, consummatæ religionis, & probatæ honestatis: bonum
Domui suæ prouisorem & dispensatorem, caritatum, hospitalem, veritatis
amatorem, & quod falsi interpretes, qui ad pedes venerant vestræ Sublimitatis,
sinistra quædam de eo vobis intemptantes falsi testes erant, & testis falsus non erit
impunitus. Hoc idem audiuius ab ore Domini Turonensis, & Abbatibus Maiori- C
ris-Monasterij, qui ad discussionem causæ illius in Capitulo Burgulij conuene-
rant. Hoc vobis veraciter attestamus, & testimonium nostrum verum est. Va-
leat Regnum vestrum.

EPISTOLA CCXL.

CARISSIMO Domino suo LVDOVICO Dei gratiâ excellentissimo Regi Fran-
corum, B. Belvacensis Episcopus salutem & promptum in omnibus obsequium. PE-
TRVS de Gerboredo in præsencia vestra per treugas requisitum quemdam homi-
nem, quem Sagalo de Miliaco ceperat, dicens quod de dominio & custodia sua
erat. Sagalo respondit, quod hominem reddere volebat, quia de feudo suo erat.
Statutum est à Curia vestra, quod Petro & Sagalone præsentibus, homo ille ante
nos adduceretur, & cuius dominio se cognosceret, audiretur. Sic factum est.
Homo itaque diligenter à nobis disquisitus, sine aliqua coactione cognouit quod
de custodia & dominio Petri est. Diximus itaque Sagaloni, quod eum Petro per
plegium redderet. Qui respondit, quod cum homo ille de feudo suo esset, illum
non redderet, nisi iudicium Curie nostræ illud diceret. Nos autem intelligentes à
Curia vestra dictum esse, quod homo ille Petro per plegium redderetur, si domi-

Anio ipsius se cognosceret, non præsumpsimus super hoc iudicium facere. Sed in hoc Curia nostra conuenit, quòd homo ille pro se plegios daret vsque dum consilium vestrum super hoc audiremus. Sagalo autem acquiescere noluit. Vestrum est providere, quid indè faciendum sit.

LVDOVICVS
VII. IV-
NIOR.

EPISTOLA CCXLI.

VENERABILI Domino & amico LVDOVICO Dei gratiâ serenissimo Francorum Regi, RAI. Viuar. Episcopus, & Comitibus Tolosani auunculus, salutem, pacem, & gaudium. PRO Ecclesia Tornuc. Maiestati vestræ modis omnibus supplicamus, vt misericordes oculos super eam inclinare dignemini, quoniam specialiter istius Ecclesiæ destructio regis dignitatis est non modica diminutio. Quòd si Abbas Torn. qui Monachis suis inconsultis discessit, Abbatix renuntiare voluerit, oportet vos sollicitum esse ne libera eis impediatur electio.

EPISTOLA CCXLII.

CARISSIMO Domino suo LVDOVICO Dei gratiâ excellentissimo Regi Francorum, B. Beluacensis Episcopus salutem & promptum in omnibus obsequium.

BQVANTAS possumus Celsitudini vestræ gratias referimus super eo quòd dilectionem vestram semper erga nos immobilem experti sumus, & quia fructus ipsius de die in diem vberiores sentimus. & hoc enim magnum vobis est, quòd seruientes vestros ad negotia nostra pro voluntate nostra paratos habemus. Indè est quòd in labore, quem propter honorem & incrementum Ecclesiæ nostræ suscepimus, spem certam consummationis ex vestri benignitate consilij & auxilij concepimus. De cetero mandamus dilectioni vestræ, quòd de negotio quodam nostro Gauterio seruienti vestro credatis, sicut & nobis faceretis.

EPISTOLA CCXLIII.

LVDOVICO Dei gratiâ illustri Francorum Regi, P. Hebrardi Abbas Sancti Germani, suæ Celsitudinis Clericus, cum eo regnare cuius Regni non est finis. MAIESTATIS vestræ clementiam, ô bone Rex, non ignorare volo, me ad laudem, & honorem, & augmentum Coronæ vestræ, pro sensus mei capacitate, ex quo vos vidi omnimodis inuigilasse. In tantum quòd pro aduentu vestro in Aruerniam, ferè omnium Baronum Aruernorum odium incurri. Et vt ego vobis prædixi, quando apud Briuatam à nobis discessistis, quantumcumque potuere damnum mihi & meis machinati sunt. Illud autem Maiestatem vestram scire cupio, quòd propter discordiam Briuatensis Ecclesiæ, & captus, & vsque ad mortem vulneratus, & in carcere & compedibus positus fui. De quo carcere nullo modo euadere possum, nisi Briuatensis Ecclesia pacem integram habuerit. Et ecce maximo pecuniæ pretio promisso, datis obsidibus & fideiussoribus, nepote etiam meo sub eodem carcere incluso, ad tempus à vinculis resoluo: interposito fidei sacramento, me ad eundem carcerem reuersurum, nisi mihi pietas vestra succurrerit, & Ecclesiæ Briuatensi pacem præstiterit. Hanc à Domino meo Rege specialiter exploro, hanc votis omnibus suspiro. Per hanc enim me posse liberari spero & credo. Ad vos iam venissem, sed pondere catenarum grauatus, & compedum constrictione afflictus, exoptatam Domini mei Regis præsentiam adire non possum. Vix enim à lecto adhuc surgere, aut equitare adhuc possum. De cetero autem præsentium latores pietatis vestræ clementia benignè suscipiat, & me in tot & tantis aduersitatibus positum misericorditer respiciat.

EPISTOLA CCXLIV.

MAGNIFICO & illustrissimo viro LVDOVICO gloriosissimo Francorum Regi, VV. Sancti Petri ad Vincula Presbyter Cardinalis salutem cum sincera deuotionis affectu. QUANTO de regie benignitatis fauore plenior in omnibus spem & fiduciam obtinemus, tantò ea quæ ad cultum Dei, & gloriam nominis vestri augendam spectare noscuntur, vestræ magnitudini libentius suggerere cupimus & suadere. Nouerit autem Sublimitas vestra, dilectum & specialem amicum nostrum, & vestræ quoque magnificentie fidelissimum, Magistrum Her. domini Papæ Subdiaconum & Notarium, ad profectum & meliorationem illius pauperis Ecclesiæ Sancti Iohannis Euangelistæ, quæ iuxta Palatium vestrum apud Bituricum sita est, intuitu caritatis intendere, & studiosius aspirare. Vnde nos ad honestam petitionem ipsius vestram Serenissimam pietatem rogamus, vt obtentu superni amoris ea quæ prædictus amicus noster, & Excellentie vestræ fidelis, ad opus eiusdem Ecclesiæ iam conquisiuit, vel quæ in antea tam ipse, quàm Fratres ipsius loci, Deo propitio, poterunt ibidem adipisci, Regia Maiestas protegere semper & defensare dignetur: & venerabili viro eiusdem loci Priori R. nomine latori præsentium Litteras protectionis & confirmationis vestræ super rebus acquisitis & acquirendis misericorditer indulgere, vt inde cumulus æternæ mercedis vobis accrescat, & nos debeamus ex hoc ad seruitium vestrum feruentius incitari. Hoc ipsum quoque Præposito & hominibus vestris in locis illis manentibus vestris Litteris placeat vobis mandare.

EPISTOLA CCXLV.

GLORIOSISSIMO atque illustrissimo LVDOVICO Dei gratiâ Francorum Regi, & sacrosanctæ Romanæ Ecclesiæ post Deum unico defensori, IACOBVS eiusdem Ecclesiæ Diaconus Cardinalis per omnia suis continuam cum salute victoriam. DEVOTIONE, nec minus fidelitate, qua Maiestati vestræ astringimur, sæpius pro his quos vobis fideles esse cognoscimus, apud Serenitatem vestram preces deponere compellimur. Pro latore itaque præsentium Cantore de Pitueris, vt Ecclesiæ beati Aniani preces, vnâ & assensum vestrum de Præbenda destinetis, quoniam iam eum sicut speramus recipere parata est, supplicamus.

EPISTOLA CCXLVI.

LVDOVICO Dei gratiâ magnifico atque clementissimo Francorum Regi, IAC. eadem gratiâ sanctæ Romanæ Ecclesiæ Diaconus Cardinalis salutem & continua felicitatis gaudium. QUANTÆ sit nobilitatis & prudentiæ Hirmeng. Narbonensis Vicecomitissa, mulier nobilis & discreta, vestram non latet industriam. Quæ cum omni tempore sacrosanctæ Romanæ Ecclesiæ fuerit deuotissima, hoc tamen tempore tantam domino Papæ & suis omnibus deuotionem exhibuit, quantam IESV CHRISTI Vicario debuit exhibere. Nobis, cum in Hispaniam proficisceremur, & etiam inde reuerteremur, tanquam personæ domini Papæ reuerentiam exhibuit. Vnde ei semper debitores existemus. Pro qua itaque vestræ benignitati quantum possumus affectuosas preces porrigentes, obsecramus, quatenus domini Papæ precibus & nostris annuentes, iam sicut fidelem vestram velitis propensius diligere, & manutenere, & in suis petitionibus exaudire.

EPISTOLA CCXLVII.

ILLVSTRISSIMO ac verè Catholico Principi LVDOVICO Dei gratiâ Francorum Regi, VV. eadem gratiâ tituli Sancti Petri ad Vincula Presbyter Cardinalis salutem & veræ dilectionis obsequium. SICVT fidei vestræ claritas, & deuotionis virtus inter ceteros mundi Principes inuenitur splendescere, & sacrosanctæ Romanæ Ecclesiæ Matri vestræ plura & maiora per vos noscuntur iuuamina contri-

Abuta : ita propositi nostri fuit, & erit omni tempore, nisi à vobis sine causa abiiciamur, personam vestram, & honorem præ ceteris Principibus diligere, seruitiūque nostrum vobis affectuosius exhibere. Miramur autem plurimum, si apud tantæ religionis Principem detractorum linguæ inueniantur adeò præualere, vt nobis, seu alicui fidelium vestrorum, nulla interpellatione adhibita, gratiam vestram inueniantur subtrahere. Indè est quòd venerabilem virum Abbatem de Fontemaur. Excellentia vestra dirigimus, modis quibuscumque possumus supplicantes, quatenus iudicium quod nobis Senonis exhibuistis ad memoriam reuocando, ita eum in his quæ vobis ex parte nostra dixerit, benignè audire & exaudire velitis : ne maliuolorum falsa & iniqua persuasione, gratiâ vestra, quam adeò desideramus, inueniamur defraudari. Excusationem siquidem, quam per eum offerimus, per nos ipsos monstrabimus esse verissimam, si benignitas vestra providere voluerit vt id facere valeamus.

LYDOVICVS
VII. IV.
NOR.

EPISTOLA CCXLVIII.

Gloriosissimo Domino suo LYDOVICO Dei gratiâ Regi Francorum Illustrissimo, sumus fidelis dilector IAC. sacrosanctæ Romanæ Ecclesiæ Cardinalis salutem cum vera dilectionis affectu. QUANTO vestram dilectionem præ ceteris Fratribus nostris nobis inhærere creditur, tantò ampliùs nostrum honorem conservare debetis. Dominus Cadulcus audito aduentu domini Papæ apud Bituricum affuturo, multa prece, multaque supplicatione supplicauit, vt domos suas me ad hospitandum reciperem. quod cum primùm sæpè renuerem, tandem concessi. Modò autem huic promisso contradicens, in dedecus nostrum easdem domos alij vult præstare. Quod grauissimè ferentes, supplicamus vt amore nostri domum Cadulcum ad pristinum promissum reducat. De cetero, quoniam honori vestro & Domini Aurel. competere nouimus, consulimus & precamur, vt pro fratre Marefcoto Archidiacono & Clerico vestro totiens hoc anno vexato dominum Papam rogetis, vt eum à pristinis querelis absoluat, & in integra pace dimittat. Valete.

EPISTOLA CCXLIX.

LYDOVICO Dei gratiâ clementissimo atque inuictissimo Francorum Regi, HENRICVS Pisanus, & IOHANNES Neapolitanus, Presbyteri, & IAC. Diaconus, sanctæ Romanæ Ecclesiæ Cardinales salutem, & quicquid seruij possumus. AD preces venerabilis Fratris nostri, & fidelis vestri Abbatis Sancti Germani de Pratis, ad Ecclesiam sanctæ Columbæ accedentes Monachos eiusdem Ecclesiæ ad concordiam in Domino attentius monuimus, & vt communi voto sibi honestam & idoneam personam in Abbatem eligerent, propensius hortati sumus. Qui omnes, vt de ipsorum potuimus voluntate perpendere, conueniunt in Salonem Sacerdotem, quem dicunt honestum, & sibi, suæque Ecclesiæ vtilem fore. Non tamen publicè nominauerunt. Rogamus igitur, vt voluntatem vestram nobis indè significetis. Nos enim parati erimus ad complementum voluntatis vestrae, sicut nobis eam significaueritis intendere, & honorem vestrum in omnibus conseruabimus.

EPISTOLA CCL.

LYDOVICO diuina fauente clementia serenissimo Francorum Regi, HVB. eadem gratiâ Hostiensis Episcopus salutem, & interni cordis affectum. QUONIAM honorem & exaltationem Regni vestri sincera cordis affectione diligimus, cum aliquid audimus quod ad commodum vestrum credimus redundare, illud læto animo & libenti benignitati vestrae significamus. Nuper enim quidam nuntius ex parte Pisanorum ad præsentiam domini Papæ veniens nobis insinuauit, quòd proximis præteritis diebus ab iisdem Pisanis ad Regem Siciliæ delegatus quandam nauim maximam, in qua erant Nuncij Imperatoris Constantinopolitani, Messanæ vidit. Qui, cum ab eis Rex Siciliæ causam aduentus sui sciscitaretur, responderunt quoniam ab Imperatore ad Francorum Regem cum multis & maximis muneribus mittebantur. Quibus Rex decem galeas tribuit, vt eos securè vsque

11i iiij

LYDOVICVS
VII. IV-
NIOR.

ad Montem-Pessulanum conducerent. Idem nuntius iam nauem illam ad Montem-Pessulanum applicuisse credebat. Cum verò nobis talia retulit, fabulosam esse credidimus. Sed postmodum sic esse de manu in manum fidem dedit, addens quòd in præsentia Pisanorum super sancta Euangelia iurauerit, se & nauem & nuntios, & decem galeas quæ eos conducerent, de portu Messanensi recedentes vidisse, & à pluribus hominibus illius patriæ quòd sic erat affirmari veraciter auduisse. Hæc ideo Serenitati vestræ significauimus tempestiuè, vt prudentia vestræ discretionis prouideat, vtrum nuntios ad Montem-Pessulanum propter hoc mittere debeat. Si autem indè aliquid magnificentia vestra prius audierit, cum statu prosperitatis vestræ, nobis, qui ardentes prosperos successus vestros audire desideramus, significare dignemini.

EPISTOLA CCLI.

LYDOVICO gloriosissimo Dei gratiâ Francorum Regi, A. Migmatensis Episcopus, & ALEXIVS tituli Sancti Laurentij in Lucina Minister inuicilis, ab eo protegi & saluari qui dat salutem Regibus. CONVENIENTIBVS ante nos Præposito & Decano Briuatenis Ecclesiæ cum partibus suis, securitates ab eis primùm exegimus, quibus, sicut coram Domino Rege promiserant, nostro stare iudicio vel arbitrio cogerentur. Cum autem aliarum securitatum æqua oportunitas vtrinque non esset, iuramenti religione cum aliquantis suorum sine vlla exceptione promiserunt hinc indè, atque ad eundem & remanendum quocumque vellemus se ipsos obsides tradiderunt, quòd quicquid inter eos vel arbitrio, vel iudicio dictaremus, opere prosequente complerent. His ita peractis, scorsum ego Albertus eos ammonui, vt à quibusdam prauis consuetudinibus, quæ inter eos per-negligentiolem curam contra Deum & sacros Canones inoleuerant, omninò recederent, & fidem nobis huius rei facerent iuramento. In conferendis etenim beneficiis ex licentia & institutione Capituli aliquanta pecunia poterat à personis exquiri. quæ symoniam liquidò continebant. Ecclesia pro minima causa ad vocem cuiuslibet laici, siue Clerici, à diuinis suspendebatur officiis. Honores atque Præbendæ quibus volebant quasi hereditario iure videbantur conferri. Et alia plura ibi fiebant, quæ contra eos Omnipotentis iram proculdubio incitabant. Sanè Præpositus & pars eius mandatum nostrum in his humiliter susceperunt. Decanus verò cum suis in quibusdam mandato nostro se stare velle, in aliis plurimum consilio se indigere dixerunt. Post hæc verò ad querelas cœpimus inuestigandas insistere, & primùm de thesauro Ecclesiæ, de domo Decani, & quibusdam honoribus in dissentione collatis agi præcepimus, eò quòd alia faciliùs differri possent postea, vel componi. Cum hæc igitur tractarentur, & nos aliis vellemus intendere, Decanus procedens in medium, ad domini Papæ audientiam appellauit: dicens, nolle se in his nisi coram eo, aut coram Domino Rege, procedere. Quo audito, ab iniunctæ cursu substitimus actionis.

EPISTOLA CCLII.

EXCELLENTISSIMO viro Domino LYDOVICO Dei gratiâ illustri Francorum Regi, HVB. eadem gratiâ Hostiensis Episcopus salutem & sinceram dilectionis perseverantiam. MAGNIFICENTIÆ vestræ notum fieri volumus, quia carissimus Frater & amicus noster Hen. Beneuent. Archiepiscopus Literas, quas ei direxistis, sicut ex tenore Literarum suarum apertius scire poteritis, cum exultatione recepit: & eas, quas Imperatori Constantinopolitano misistis, pro reuerentia domini Papæ & vestra, & amore nostro, per proprium nuntium latorem præsentium scilicet direxit. Illas quoque, quas idem Imperator vobis remittit, per eundem nuntium vestræ Serenitati transmittit. Vnde magnificentiam vestram attentius exoramus, quatinus inspectis Literis, quas præsentium lator vobis præsentat, quicquid eis vobis respondere placuerit, cum, vt cum peregrinis, qui modo requirunt Sepulchrum Domini, redire valeat, velociter & sine dilatione expedire dignemini. Petitionem vestram & nostram Deus exaudiat, & desiderium quod habemus de vobis nos in proximo videre faciat.

A

EPISTOLA CCLIII.

ILLVSTRISSIMO Domino LVDOVICO Dei gratiâ Francorum Christi-
anissimo Regi, IOHANNES Neapolitanus indignus Presbyter salutem, & votivis
semper pollere successibus. PRÆSENTIVM lator F. nobilis homo est; filius sororis
germanæ amicissimi & fidelissimi vestri Al. Archiepiscopi Capuani, nobis quoque
fatis proximo consanguinitatis gradu coniunctus, qui donec terram suam habuit,
vnus de maioribus Calabriæ Baronibus computabatur. Hunc autem Rex Siciliæ
occasione domini Papæ, sicut ex ipsius relatione plenius concipietis, de terra sua
eiecit. Rogamus igitur clementiam vestram, quatinus pro reuerentia domini
Papæ, nostra etiam ac domini Iacinti, qui pro ipso vobis scribit, interuentu, ocu-
lo misericordiæ respiciatis eum, & in suis ipsum petitionibus exaudiatis.

EPISTOLA CCLIV.

ILLVSTRI Hibernorum Regi. LITERIS Sublimitatis tuæ debita benigni-
tate susceptis, fidem & deuotionem, quam te sicut Catholicum Principem, &
Christianissimum Regem, circa beatum Petrum & nos ipsos firmiter exhibere co-
Bgnouimus, gratam admodum acceptamque tenemus, tuamque super hoc Celsi-
tudinem dignis in Domino laudibus commendamus. Vberrimas Serenitati tuæ
gratias exsoluentes, quod dilectum filium O. Subdiaconum nostrum olim ad par-
tes illas pro vocatione Concilij destinatum regia curasti benignitate recipere, &
sicut te & ipsum decuit propensius honorare. Vnde nos consideratione tuæ fidei
ac puritatis inducti, in ea sumus voluntate ac proposito stabiliti, vt iustas petitiones
tuas clementer velimus semper admittere, & in his quæ cum Deo poterimus, ho-
nori & gloriæ tuæ Celsitudinis aspirare. Ad præsens autem Excellentie tuæ vo-
luntus innotescat, quod dilectum filium nostrum Abbatem Melli-fontis, quem
tua nobis Serenitas commendauit, benignè recepimus, & cum in iustis petiti-
onibus suis efficaciter curauimus exaudire. Rogamus itaque magnificentiam tuam,
& exhortamur in Domino, quatinus in vnitæte Catholica & deuotione matris tuæ
sacro sanctæ Romanæ Ecclesiæ ac nostra firmus & immobilis perseueres, vt inde
& præmium possis æternæ retributionis accipere, & gratiam Apostolicæ Sedis ac
nostram plenior omnino tempore debeas obtinere.

EPISTOLA CCLV.

LVDOVICO Dei gratiâ inuictissimo ac piissimo Francorum Regi, IAC. eadem
gratiâ sanctæ Romanæ Ecclesiæ Diaconus Cardinalis salutem & perpetuæ prosperitatis
Ctranquillitatem. QVIA hodie diuinitatis clementia præ ceteris mundi Principi-
bus Ecclesiarum vos constituit defensorem, ideirco pro religiosis personis pro-
tectione & auxilio potentie vestræ indigentibus Serenitati vestræ preces confiden-
ter porrigimus. Inde est quod pro Fratribus Sancti Satyri, quos nobilis vir Co-
mes St. grauiter persequitur, vestram modis quibus possumus obsecramus in Do-
mino magnificentiam: quatinus pietatis inuitu, tam per vos, quàm per illustrem
Comitem Henr. in cuius potestate præfatus nobilis vir Com. S. esse dinoscitur,
eum diligenter monere studeatis, vt prænominatis Canonicis ita satisfaciat, vt
ipse ab infamia quam inde contraxit auctore Domino liberetur, & illi qui magnæ
sunt religionis in omni pace in Ecclesia sua tam pro vobis, quàm pro vniuersa Ec-
clesia Dei sacrificium Deo in odorem suauitatis possint offerre.

EPISTOLA CCLVI.

IN nomine sanctæ & indiuiduæ Trinitatis, amen. EGO LVDOVICVS Dei gra-
tia Francorum Rex. A longo tempore fuit vnicum & irremediabile totius Re-
gni desiderium, vt sua benignitate & misericordia largiretur Deus prolem de no-
bis, quæ in sceptris post nos ageret, & Regnum moderari posset. Et nos quoque in-
flammauerat ardor iste, vt procuraret Deus nobis sobolem melioris sexus, qui ter-

LYDOVICVS
VII. IV-
NIOR.

riti eramus multitudine filiarum. Idcirco cū nobis apparuit desideratus hæres, A
læticia & gaudio repleti Altissimo exsoluimus gratias, & pro inæstimabili gaudio,
quod per omnes medullas & cordis & corporis recepimus de audito rumore, nun-
tium remunerare curauimus. Itaque notum facimus vniuersis præsentibus pari-
ter & futuris, quòd Ogerio seruienti Reginæ, qui nobis annuntiare festinauit na-
tum nobis esse filium, pro admirabili gaudio desiderati rumoris, ipsi & hæredibus
suis singulis annis ad festum Sancti Remigij in grangia nostra de Gonesse tres mo-
dios frumenti donauimus, & pro immobili firmitate donum istud conscribi, & si-
gillo nostro corroborari præcepimus, subter inscripto nominis nostri karactere.
1165. Actum publicè Parisius anno incarnati Verbi M C L X V. astantibus in Palatio no-
stro, quorum nomina subtitulata sunt & signa. Signum Comitis Theob. Dapiferi
nostri, S. Guidonis Buticularij, S. Matthei Camerarij, S. Radulfi Constabularij.

EPISTOLA CCLVII.

DOMINO & amico unico IACOBO Dei gratiâ sanctæ Romanæ Ecclesiæ Cardi-
nali cum dilectione salutem. ACCEPIMVS vos venisse Compendium ad
Dominum Regem. venissemus ad vos, sed serus fuit nuntius, qui vestrum nobis
nuntiauit aduentum. Insuper de vestro aduentu non benè certi eramus. Propter
hoc Dominus Rex in instanti debet venire Sueffionis, vbi illum expectamus. Peti-
mus autem, & cum multa precum instantia rogamus vos vt amicum singularem &
fidelissimum, quatinus Sueffionis veniatis. Vos enim videre, & vestro frui collo-
quio plurimum optamus, & vos compendiosiore via Senonis redire non potestis. B

EPISTOLA CCLVIII.

LYDOVICO Dei gratiâ excellentissimo Francorum Regi, HVB. eadem gratiâ
Hostiensis Episcopus salutem, & puræ dilectionis perseverantiam. LITERAS Ex-
cellentiæ vestræ, quas pro venerabili Fratre & amico nostro A. Abbate S. Bene-
dicti supra Ligerim nobis direxistis, gratanter recepimus: & sicut rerum effectus
indicat, quod pro eo mandastis, sine dilatione effectui mancipare curauimus. Scien-
tes quia quicquid pro honore magnificentiæ vestræ facere possumus, libentius
quàm pro aliquo mundano Principe effectui mancipamus. Vnde Serenitatem ve-
stram versa vice attentius exoramus, quatinus prædictum Abbatem, sicut eum no-
bis commendastis, & Ecclesiam suam pro amore nostro diligatis, & manuteneatis,
& ita ab incurfibus eam infestantium tucamini, quòd ipse vobis & Ecclesia fide-
lior existere valeat, & nostras sibi partes sentiat profuisse, & pro eo nobis gratias
debeat exhibere. Licet sciamus quòd eum absque commendatione nostra liben-
ter manutenebitis, eum tamen vobis libenti animo commendamus. G

EPISTOLA CCLIX.

Similis est
sua VII.
Cardinalis
Ep. CCXLIV.

MAGNIFICO & illustrissimo viro LYDOVICO gloriosissimo Francorum
Regi, HENRICVS sanctorum Nerei & Achillei Presbyter Cardinalis salu-
tem cum sincera deuotionis affectu. QUANTO de regiæ benignitatis fauore plenio-
rem in omnibus spem & fiduciam obtinemus, tantò ea quæ ad cultum Dei, & glo-
riam nominis vestri augendam spectare noscuntur, vestræ magnitudini libentius
suggerere cupimus & suadere. Nouerit autem Sublimitas vestra, dilectum & spe-
ciale amicum nostrum, & vestræ quoque magnificentiæ fidelissimum, Magi-
strum Herm. domini Papæ Subdiaconum & Notarium, ad profectum & meliora-
tionem illius pauperis Ecclesiæ S. Iohannis Euangelistæ, quæ iuxta Palatium ve-
strum apud Bituricum sita est, intuitu caritatis intendere, & studiosius aspirare.
Vnde nos ad honestam petitionem ipsius, vestram serenissimam pietatem roga-
mus, vt obtentu superni amoris ea quæ prædictus amicus noster, & Excellentiæ
vestræ fidelis, ad opus eiusdem Ecclesiæ iam acquisiuit, vel quæ inantea, tam ipse
quàm Fratres ipsius loci Deo propitio poterunt ibidem adipisci, regia potestas
protegere semper & defensare dignetur: & venerabili viro eiusdem loci Priori R.
nomine latori præsentium Literas protectionis & confirmationis vestræ super re-

A bus acquisitis & acquirendis misericorditer indulgere, ut inde cumulus æternæ mercedis vobis accrescat, & nos debeamus ex hoc ad seruitium vestrum feruentius incitari. Hoc ipsum quoque Præposito & hominibus vestris in locis illis manentibus vestris Literis placeat vobis mandare.

LVDOVICVS
VII. IV-
NIOR.

EPISTOLA CCLX.

EXCELLENTISSIMO viro præcordiali amico suo LVDOVICO Dei gratiâ illustri Francorum Regi, HVB. eadem gratiâ Hostiensis Episcopus salutem & omnem felicitatem. LITERAS vestras cum omni hilaritate & deuotione suscepimus, & earum continentiam tantò libentius executioni mandare studemus, quanto amplius per omnia clementiæ vestræ placere optamus. Licet enim viscera ventri commendare non sit necesse, quia venerabilis Fratris nostri P. Bituricensis Archiepiscopi negotia speciali singularitate propria reputamus, tamen in his, & in aliis omnibus quæ vobis placitura nouerimus pro posse nostro ad beneplacitum & voluntatem vestram prompti penitus & parati existimus.

EPISTOLA CCLXI.

BIAC. Dei gratiâ sanctæ Romanæ Ecclesiæ Diaconus Cardinalis, karissimis amicis suis C. Bisuricen. Archidiacon. & Barbedor, salutem & perpetuam dilectionem. VESTRÆ dilectioni omnimodas preces porrigimus, quatinus præsentium lattores Burgulien. Monachos benignè recipiatis, & in quibus vestro auxilio apud Dominum Regem indiguerint, eis tanquam nostræ personæ illud exhibeatis. Intimeris etiam Domino Regi, quod ita sumus certi de religione Abbatis eorum, quod non credimus aliquem Monachum in Ordine nigtorum Monachorum eo religiosiorem.

EPISTOLA CCLXII.

LVDOVICO Dei gratiâ inuictissimo Francorum Regi, IAC. eadem gratiâ sanctæ Romanæ Ecclesiæ Diaconus Cardinalis, salutem & continuam tranquillitatem. CLEMENTIÆ vestræ Nobilitas consuevit nobilibus viris compati, & in eorum aduersitatibus suffragari. Eapropter benignitati vestræ confidenter preces porrigimus, quatinus F. præsentium latorem nobilem virum, qui in terra Regis Siciliae magnas habuit diuitias, benignè recipiatis, & in petitione sua clementer exaudire dignemini. Ipse enim Domino suo existimauit gratum seruitium impendere, à quo pro beneficio supplicium recepit. Et nouerit vestra Sublimitas, quod iste est nepos venerabilis Fratris nostri Capuani Archiepiscopi fidelis vestri.

C EPISTOLA CCLXIII.

LVDOVICO Dei gratiâ inuictissimo Francorum Regi, IAC. eadem gratiâ sanctæ Romanæ Ecclesiæ Diaconus Cardinalis, salutem & continuam prosperitatem. CVM cognoscimus aliquos vobis fideles, vestræ Celitudini eos non dubitamus commendare. Quapropter Clementiæ vestræ pro G. Cantore Nouiomensis nepote venerabilis Fratris nostri Episcopi Nouiomensis affectuosas preces porrigimus, quatinus eum, qui ut nouimus vobis valde fidelis est, nostro interuentu, & suæ probitatis & fidelitatis intuitu, carum & acceptum habeatis.

EPISTOLA CCLXIV.

GLORIOSISSIMO atque illustrissimo LVDOVICO Dei gratiâ Francorum Regi, IAC. eadem gratiâ sanctæ Romanæ Ecclesiæ Diaconus Cardinalis eius amicus specialissimus salutem, & semper ad vota successus. DE hoc quod vestra nobilis benignitas voluntatem suam familiariter, & præcipuè pro nostra propria persona, nobis aperit, plurimum gaudemus. Nostrum enim sanguinem non solum pro vobis, verum & pro vestris amicis exponeremus. & vtinam vobis succedat quod noster animus optat! Medicinam verò, quam vestra magnitudo dignata est postulare,

LVDOVICVS
VII. IV-
NIOR.

meliolem quam habuimus vobis dirigimus. Zuccarum rosatum præteriti anni, & A
zuccarum violatum præteriti anni, quæ multum contra calorem epatis valent.

EPISTOLA CCLXV.

SERENISSIMO ac verè Catholico LVDOVICO Dei gratiâ Francorum Regi, *SVV. eadem gratiâ tituli Sancti Petri ad Vincula Presbyter Cardinalis salutem, & totius prosperitatis augmentum.* QVONIAM inter ceteros mundi Principes specialius vobis diuina clementia noscitur attributum, Ecclesias & religiosa loca diligere, eorumque iura regali auctoritate tueri: idcirco Excellentiam vestram duximus exorandam, quatinus erga Ecclesiam Sancti Satyri, quæ tanta religionis claritate noscitur præfulsisse, & nunc Comitibus Stephani violentia, excluso Canonico-
rum Conuentu, in quemdam solitudinis horrorem cernitur fore redacta, consueta moueamini pietate, atque ad deliberationem eius, prout decet Regiam Maiestatem, zelo rectitudinis velitis accingi. Siquidem inter cetera quæ Regnorum statum roborant & extollunt, sicut ex sacre lectionis continentia edocemur, Religiosorum orationes altiora præsidia & sublimiora noscuntur eisdem Regnis conferre iuuamina.

EPISTOLA CCLXVI.

LVDOVICO Dei gratiâ clementissimo atque magnifico Francorum Regi, IAC. *eadem gratiâ sanctæ Romanæ Ecclesiæ Diaconus Cardinalis salutem, & perpetuæ felicitatis tranquillitatem.* SICVT personam vestram præ ceteris mundi Principibus diligimus, ita cum vestræ excellentiæ Literis visitamur, vt secundum ipsarum tenorem Sublimitati vestræ satisfacere possimus, attentissimè solliciti sumus, parati illos diligere, quos vos cognoscimus amare. Precibus itaque vestræ Serenitatis præcipue inclinati, ad dilectum venerabilem Fratrem nostrum Bituricensem Archiepiscopum ita ducti sumus, vt eum propensiori caritate amplexeremur, in quantum possumus ipsum honorantes. Præterea quomodo super negotiis latoris præsentium, quem vestris nobis Literis commendastis, solliciti fuerimus, ipsius relatione liquidò vestra poterit discretio perpendere.

EPISTOLA CCLXVII.

LVDOVICO Dei gratiâ illustri Francorum Regi, HV B. *eadem gratiâ Hostiensis Episcopus salutem, & intima dilectionis perseverantiam.* INTER illa quæ laudabiliter facere consueuistis, dilecti filij nostri G. Nouiomensis Cantoris relatione didicimus, quòd ei dare Præbendam in Ecclesia Attrebatensi vestra liberalitate fecistis. Pro quo Excellentiam vestræ gratias immensas referimus, attentius exorantes, quatinus sicut cœpistis eum diligere & honorare, & sub tutela vestra inter Clericos vestros numerare dignemini, vt ipse de fidelis magnificentiæ vestræ fidelior existere valeat, & nostras preces sibi sentiat præfuisse. Eum siquidem pro auunculo suo affectuose diligimus, quem honestum esse virum & religiosum credimus.

EPISTOLA CCLXVIII.

IL LUSTRISSIMO & in omnibus collaudando Domino LVDOVICO Dei gratiâ Francorum Christianissimo Regi, I. Neapolitanus indignus Presbyter Cardinalis salutem, & in omni prosperitate gaudere. PROPOSITVM nostræ mentis est, & in animo nostro firmiter stabilitum, Excellentiam vestram cum omni sinceritate semper diligere, & ad ea quæ Serenitati vestræ placere nouerimus studiorum nostrorum diligentiam propensius adhibere. Itaque licet merito dilectionis, quam in personam Domini Bituricensis habemus, ad negotiorum suorum executionem attentius accingamur, intuitu tamen dilectionis vestræ, & ob reuerentiam precum, quas pro ipso gratia vestra nobis porrexistis, eidem in iustitia sua erimus promptiores, & ad causæ suæ prosecutionem tantò ampliùs dabimus operam, quantò id Sublimitati vestræ cognoscimus plurimum complacere.

EPIST.

EPISTOLA CCLXIX.

LVDOVICVS
V. II. 146
NIOA.

CARISSIMO & speciali amico suo P. venerabilis viri Hugonis Sueffionensis Episcopi nepoti HERM. sanctæ Romanæ Ecclesiæ Subdiaconus & Notarius salutem & sinceræ dilectionis affectum. QVONIAM de vestræ liberalitatis abundantia confidimus plurimum, & speramus; pro his quos in necessitate positos esse cognoscimus fiducialius dilectioni vestræ honestas preces porrigimus. Inde est siquidem, quod pro E. Clerico latore præsentium, qui multa inopia & paupertate laborat, vestram discretionem precibus attentis exoro, ut diuini amoris obtentu; & meæ interuentionis intuitu, apud memoratum Episcopum interueniatis: ut in aliquo beneficio Ecclesiastico ei prouideat, vnde vitam suam ducere valeat, & matrem quam habet pauperem sustentare, ita quod à Deo præmium exinde possitis acquirere, & ego ad honorem vestrum promptior ac magis paratus debeam inueniri.

EPISTOLA CCLXX.

BCARISSIMO Domino & amico suo LVDOVICO Dei gratiâ illustri Francorum Regi, H. sanctæ Romanæ Ecclesiæ Presbyter Cardinalis, seipsum totum & quicquid potest. PRO eo quod domino Papæ, & domino Iohanni Neapolitano contemplatione carissimi amici nostri Domini Cantoris per Episcopum Aurelianensem nuper mandastis, vberes Serenitati vestræ verbo gratias agimus, obsequiò vberiores acturi. De Eboracens. & aliorum ad nos venientium relatione accepimus, præfatum amicum nostrum ad vos venisse, atque ibidem in Domo Templariorum seu Hospitalium vobiscum locutum fuisse. Verum quoniam hoc scire plurimum & nobis, & ipsi præcipue expedit; rogamus attentius Excellentiam vestram, quatinus id si verum est, nobis si placet quantocius significetis. Si autem verum non est, id domino Papæ & Cardinalibus falsò suggestum esse, eisdem Literis vestris significare dignemini. Teste Deo loquimur, quia ex hoc maxime credimus Regem Angliæ aduersus eundem amicum nostrum tam grauiter, tam irremediabiliter esse turbatum, quod in angustiis suis auxilium & patrocinium vestrum ausus est postulare. Et hæc est præcipua causa, quare inimici sui hæc, siue vera sint, siue falsa, libenter prædicant, & quæ Serenitatem vestram & religionem, excepto omni timore hominum, sibi reddere debet adiutricem, & omni ratione propitiam. Valete.

EPISTOLA CCLXXI.

GLVDOVICO Dei gratiâ inclyto & illustrissimo Francorum Regi, HVB. eadem gratiâ Hostiensis Episcopus, cum gloriosi triumpho felicitate salutem. A præsentia nuper vestræ Celsitudinis redeuntes, & sublimes vestræ Maiestatis affatus firmiter, sicut decuit, in memoriam retinentes, curauimus omnimodis honori vestro diligenter intendere, & ea quæ vestræ sunt placitura clementiæ promptissima in omnibus sollicitudine promouere. His dediti semper penitus & intenti, quæ Regiæ nouerimus beneplacita Maiestati. Specialiter autem superni conditoris clementiam precibus deuotissimis exoramus, ut personam vestram sicut Christianissimi Regis & Catholici Principis sua propitius pietate respiciat, & omnia vobis prospera, omnia denique profutura concedat: ut quod in eius nomine amore iustitiæ fideliter geritis, felicitis consummationis exitu eo auctore perficere valeatis. Ut autem & status vestri qualitas, & totius expeditionis vestræ nobis innotescerent desiderati successus, disposueramus illuc proprium aurforem nostrum cum omni attentione transmittere, qui vestri triumpho gloriam diligenter inuestigandam nobis posset, prout cupimus, reuelare. Verum quia præsentium lator, nuntius videlicet venerabilis Fratris nostri Ios. Turonensis Archiepiscopi ad vestræ Sublimitatis præsentiam properabat, hæc sibi scripta duximus

Toms. 14.

K K k

LYDOVICVS
VII. IUV
NIOR.

committenda, regiam exorantes obnixius pietatem, vt quicquid felicitatis & A
gloriæ circa vos & exercitum vestrum ex dispensatione diuini muneris agitur, ve-
stris nobis apicibus intimeretur. Ad hæc super negotio præfati Archiepiscopi solli-
citus admodum preces regiæ Serenitati porrigimus, rogantes plurimum, & at-
tentius exhortantes, vt gratiæ vestræ dulcedinem circa se interuentu nostro sen-
tiant pleniorē.

EPISTOLA CCLXXII.

LYDOVICO Dei gratiâ clementissimo Francorum Regi, I A C. eadem gratiâ
sanctæ Romanæ Ecclesiæ Diaconus Cardinalis, salutem & perpetuam tranquillita-
tem. VESTRÆ Sublimitatis dignitas requirit, vt ea quæ à vobis & per vos
sunt stabilem obtineant firmitatem. Igitur cum vestræ constet Excellentiz,
quod quicquid dominus Papa fecit de C. Bituric. Archidiacono Clerico vestro,
totum vestri fecit intuitu, & ad vestrum interuentum: summopere Regia Ma-
iestas efficere debet, vt quod tam solemniter factum est immobile persistat. In-
tantum enim dominus Papa in eo processit, quod illud sine suo & Romanæ Ec-
clesiæ dedecore & vestro non posset immutari. Vnde firmus in primo proposito
perseuerat, nec aliquis poterit eum ab eo remouere. Rogamus igitur stabilita-
tem Sublimitatis vestræ, & consulimus, vt sicut dominus Papa vestrum respexit B
honorem, & voluntatem adimpleuit, ita eius & Romanæ Ecclesiæ honorem ac
vestrum conseruare in hoc facto velitis. Ipse quoque in obsequio domini Papæ
vestrum honorem sapienter conseruans, ei gratum exhibet seruitium & honorem.

EPISTOLA CCLXXIII.

ILIVSTRI Francorum Regi, H. Pisanus sanctæ Romanæ Ecclesiæ Presbyter Car-
dinalis, salutem & debitam dilectionem. LICET cum Literis domini Papæ no-
stræ superflue videantur: tamen quia præsentium lator Clericus noster Adam cre-
didit nos aliquid posse apud vos, humiliter nostras requisivit Literas & impetra-
uit. Retulit enim se de iustitia vestra & veritate sua confidentem in quodam pla-
cito, quod inter istum & quemdam Fratrem suum in Curia Domini Abbatis San-
cti Dionysij super quadam domo vertebatur, vestram Curiam appellasse. Qui
cum ad vestram Curiam venisset, vt nobis relatum est, quia maioribus eratis ne-
gotiis occupatus, quemdam virum Vrricum Trosse-Vauche vestro loco misistis,
vt ex verbis vtriusque iudicium procedere festinaret. Abbas verò prædictum fa-
mulum vestrum noluit interesse iudicio, imò prohibuit. Quod autem miserabi-
lius est, suis omnino rationibus in verborum recitatione prætermisissis, vestro etiam,
vt præsentium lator asserit, reclamante nuntio, non ex verbis istius pauperis, sed C
ex quibus voluerunt illius Abbatis complices, præcipitauere iudicium. Vnde
pauperis istius compatiētes incommodis, vestram volumus misericordiam exo-
rari, quatinus amore Dei & nostro domini Papæ præcibus & nostris ammonitus,
veritate cognita, pauperis istius labori finem misericorditer imponatis.

EPISTOLA CCLXXIV.

LYDOVICO Dei gratiâ clementissimo Francorum Regi, I A C. eadem gratiâ
sanctæ Romanæ Ecclesiæ Diaconus Cardinalis salutem, & continuæ pacis tranquil-
litatem. CARITATIS officium exigit, vt cum se oportunitas offert, bona quæ
in viris religiosis cognoscimus nullatenus taceamus: quatinus eorum honestatis
odor latè diffusus, plures ad exemplum bonæ actionis inuitet, & detrahentium
vultum confundat. vt secundum Apostolum, aliis sit odor vitæ in vitam, & aliis,
scilicet prauis, sit odor mortis in mortem. Quocirca de honestate & religione
venerabilis in Christo Fratris nostri Burguliensis Abbatis manifestis & multimo-
dis indiciis certificati, apud vestram Sublimitatem testimonium ei confidenter
perhibemus. Et vt per exteriora opera vestræ industriæ liqueat, quanta sit in

A eius mente religio, Ecclesiæ sibi commissæ restauratio tam in temporalibus quàm spiritualibus, sicut omnes finitimos oculata fide certificauit, ita & vobis certissimum potest experimentum monstrare. Si quidem eum prædicta Ecclesia incuriã Pastoris ad tantam deuenisset inopiam, quòd non solum corporalis panis, verumetiam spiritualis in ea miserabiliter defecisset, & pondere alieni æris pressa iaceret, sub istius regimine vtroque pane referta præ ceteris conuicinis Ecclesiis abundat in temporalibus, & sancta pollet religione. Ipse verò Abbas toto mentis affectu Christo adhærens virtutum operibus ita resplendet, quòd Monachi, quibus præest, ipsum quasi Patrem venerantes, honestatis merito se inferiores eo reputant, & eius sanctitatem indefinenter prædicant. Vnde constituti in præsentia venerabilium Fratrum nostrorum Turonensis Archiepiscopi, & Abbatis Maioris-Monasterij, quibus dominus Papa mandauit vt de vita ipsius Abbatis diligenter quærerent, adiurati ab Archiepiscopo & Abbate in virtute Spiritus sancti, separatim, & communiter, Abbatem suum perfectæ sanctitate pollere confessi sunt. Quapropter quidam peruersi Fratres, videlicet ille, qui fuit Prior Castri-fortis, & complices eius viri quidam perniciosi, qui spiritu nequam agitati tam apud dominum Papam, quàm apud vos, suum Abbatem nisi sunt diffamare, à prædictis iudicibus suæ nequitie merito sunt condemnati, & excommunicationis vinculo innodati. Ipsi etiam confessi sunt, quòd propter mendacia illa, quæ in suum Abbatem confixerant, digni essent abscissione linguarum. Postea verò ad pristinam malitiam, sicut viri dæmoniacy, & à consortio Fratrum exclusi, reuertentes, per dominum Castri-fortis Ecclesiam quam ibi habet Burgulienſe Monasterium expoliari fecerunt. Quia igitur sententiam in eos latam dominus Papa ratam habet, vobis, cui datus est gladius ad vindictam malefactorum, laudem verò bonorum, affectuosissimas preces porrigimus, quatinus nominatum Abbatem sicut virum religiosum & iustum diligentes, & eius Ecclesiam defendentes, prædictum dominum Castri-fortis regia potestate cogatis, vt res ablatas Ecclesiæ Castri-fortis ex integro restituat, & illos excommunicatos manutenere amplius non præsumat. Hoc enim secunda conscientia vestra Magnitudini suadere possumus, quia tantam certitudinem de religione sæpèdicti Abbatis habemus, quòd si in eo non est radicata religio, ipsam non credamus in alio habitare. Credimus enim, quòd religiosiores Abbates Ordinis nigrorum Monachorum sunt, ipse, & Abbas Maioris-Monasterij.

EPISTOLA CCLXXV.

LVDOVICO Dei gratiã illustrissimo atque inuictissimo Francorum Regi, IAC. Eadem gratiã sanctæ Romanæ Ecclesiæ Diaconus Cardinalis, salutem, & continuam cum triumpho de inimicis victoriam. COGNOSCENTES quòd Excellentie vestre displicuerit, quòd dominus Papa Comitẽ Aruerniæ à vinculo excommunicationis absoluerit, valde tristati sumus. Siquidem dictum est nobis, quòd Magnitudini vestre suggestum sit, quia dominus Papa hoc in detrimentum & Coronæ vestre diminutionem fecerit. Quod nullatenus credere debetis, quoniam, vt certum tenemus, dominus Papa omnibus modis ad honorem vestrum intendit, & exaltationem Coronæ vestre desiderat, nec etiam vbi nos essemus, aliquid quod ad Coronæ vestre diminutionem pertineret facere posset. quoniam vt nouit ille qui corda scrutatur & renes, non viuit inter mortales, cuius honorem tantum desideremus sicuti vestrum. Nam si necessarium esset, non tantum nostra pro vobis expenderemus, sed etiam nos & nostros morti exponeremus. Elegimus vos de inter ceteros mortales vnicum & specialem amicum, de quo post Deum magis quàm de aliquo alio confidimus. Et nouerit Serenitas vestra, quoniam quando dictus Comes postulabat absolutionem, absque aliqua conditione iurauit tactis sacrosanctis Euangelis, quòd quicquid præciperet ei dominus Papa super negotio vxoris filij Ber. de Mercur, & super damnis illatis Ecclesiæ Briuatenſi, & super pedagio, obseruaret. & ita secundum Romanæ Ecclesiæ consuetudinem absolutus est. Facta autem absolutione, dominus Papa ei dedit in mandatis, vt infra quindecim dies restitueret vxorem B. de Mercur, & ea quæ de rebus ablatas

Tam. I V.

KKk ij

LYDOVICVS
VII. IV.
NIOR.

Briuatensis Ecclesiæ, & Canonicis, & eorum hominibus habere posset, infra xxx. A dies plénariè restitueret. Ab exactiōe verò pedagij cessaret, donec dominus Papa meliùs rei veritatem indè cognosceret.

EPISTOLA CCLXXVI.

LYDOVICO *Dei gratiâ illustri & magnifico Francorum Regi, H V B. eadem gratiâ Hostiensis Episcopus salutem, & tam præsentis quàm futura felicitatis augmentum.* Ex quo didicimus, quòd venerabilia & religiosa loca, atque personas, sicut Christianissimus Princeps pia deuotione reueremini, atque fouetis: tantò securiùs vestræ Serenitati pro eis, cùm expedit, supplicando scribimus, quantò ampliùs ad eorum defensionem atque fauorem vestram clementiam promptam & attentam esse cognoscimus. Quia itaque Ecclesia Sancti Satyri, in qua gratissima Deo Canonorum Religio fulget, vsque adeò per Comitem Steph. sicut dicitur, est attrita atque destructa, quòd Canonici cum Abbate suo exindè sunt eiekti, & bona omnia ferè erepta atque ablata: magnificentiam vestram attentius exoramus, quatinus iuxta à Deo vobis collatam pro salute & animæ vestræ remedio secundum rationabilem præsentium latoris suggestionem efficiatis, vt ipse St. à iamdictæ Ecclesiæ & Fratrum in ea commorantium persecutione desistat, damna restituat, & de illatis iniuriis ita per vos satisfaciat, vt prædictorum religiosorum Fratrum assiduis orationibus ipse gloriosus Martyr pro vobis ad Deum studiosus intercessor existat, & idem bonorum omnium remunerator Deus vos perpetuo diademate coronet.

EPISTOLA CCLXXVII.

ILIVSTRI *Domino & Abbati suo LYDOVICO Dei gratiâ Francorum Regi magnifico, B. Decanus, G. Thesaurarius, totumque beati Martini Capitulum, salutem ab eo per quem Reges regnant.* MAIESTATI vestræ gratias agimus, quoniam sollicitus estis de pace & bono Ecclesiæ beati Martini, quæ specialiter vestra est, vtpotè de largitate & munificentia Patrum vestrorum fundata. Cedet autem ad Coronæ vestræ integritatem conseruandam non minimum, si eius speciale membrum, Ecclesiam scilicet beati Martini, quæ inter ceteras Regni vestri Ecclesias generosum tollit apicem, vobis conseruaueritis, & in statu & dignitate sua confoueritis. Præsentium itaque latorem Celsitudini vestræ mittimus, vt sicut per Magistrum H. de Marsone nobis mandauistis, quod de negotio nostro inuenistis per Clericum nostrum & vestrum nobis significare dignemini, in hoc & aliis vestro paratis obsecundare consilio. Valete.

EPISTOLA CCLXXVIII.

LYDOVICO *Dei gratiâ nobilissimo Francorum Regi, Frater L. Ecclesia Sancti Petri Cathal. vocatus Abbas, & eiusdem loci Congregatio tota, salutem, seruitium, & orationes.* QVIA pro multiplici negotiorum diuersitate regiam vestram non possum adire præsentiam, in nouissimis meis longa pressus inualitudine, vestram rogamus benignitatem: quatinus causa Dei internuntiorum nostrorum precibus obtemperanter intendatis, & in eorum petitione vocem nostram exaudiri noueritis. Solita enim beniuolentia vestra circa cultum Ecclesiarum spem nostram confirmat, vt iudicij vestri sententiam nulla varietate mutari credamus: & quod à vobis actum & stabilitum est inuiolabile perpetuò conseruari faciatis. Valete.

EPISTOLA CCLXXIX.

LYDOVICVS
VII. IV.
NOR.

GLORIOSO & magnifico Regi Francorum LYDOVICO Domino suo carissimo, Frater S. T. humilis Cluniacensis Abbas, gloria & honore in perpetuum coronari. Quo affectu vos semper dilexerim, quamque fidelis & deuotus vobis & Coronæ vestræ fuerim, maxime ex quo assumptus fui ad regimen Cluniacensis Ecclesiæ, ipse satis, si placuit, cognouisse hactenus potuistis. Inde est quod non semel & scriptis & viua voce Celsitudini vestræ suggessi, vt terræ nostræ, quæ finibus Imperij collimitatur, cetero consuleretis: eod quod à partibus illis, si res & tempora mutarentur, plurimæ Regno posset imminere perniciēs. Ex quo id vestræ Maiestati aut scripsi aut dixi, multiplicata sunt mala in terra. Castellani & milites terræ feruntur quique in alteros, sed infanias & mala eorum solæ luunt Ecclesiæ; soli pauperes sentiunt. Quid sibi iam inuicem rapiant non habent, sed Ecclesiæ prædæ eorum, & pauperes esca. Incendiis, rapinis, cædibus, consumuntur, deuastantur, scedantur omnia. Ad hæc mala, Teutonicorum, quos Brabantiones vocant, immanissima pestis accessit, qui rabidarum more ferarum sanguinem sitientes, loca omnia peruagantur, à quibus quisquam vix tutus esse potest. Date veniam si durius aliquid dixerō. Ex quo Terræ huius, cui maledixit Dominus, non Principes, sed fures simul inuitiles facti sunt, ex quo à planta pedis vsque ad verticem non est in eis salutas, nisi tantæ cladi citius occurratis, timere potestis ne pauperum suorum sanguinem Deus de manu vestra requirat. Est aliud quod ad partes nostras vester aduentus nobis & toti Regno pernecessarius foret. Electionem Domini Drogonis Archidiaconi Lugdunensis dominus Papa rationabilibus & certis ex causis de nouo cassauit. Et cum vestri sint, & Comes Forensis, & dominus Humbertus de Belloioco, & plurimæ pars Clericorum Ecclesiæ Coronæ vestræ faueant, ad bonum & honorem vestrum & Regni, restitui res posset in melius. Quod minus habent Literæ, karissimi Fratres nostri domnus R. & domnus Sy. quos ad vos misimus, melius aperient.

EPISTOLA CCLXXX.

LYDOVICO Dei gratiâ illustri Regi Francorum dilectissimo Domino suo, I. Sancti Memmij Cathalaunensis dictus Abbas salutem & prosperitatis euentum. Quod scribere vobis audent magna præsumptio est, & vestræ Maiestatis indignationem non immerito potest prouocare. Verumtamen, quamuis simus inter Clericos & amicos vestros minimi, amor magnus est quo personam vestram & Coronam vestri capitis amplexamur. Non igitur scribentis statum, sed affectum; non personæ qualitatem, sed caritatem attendatis. Ciuitas Cathalaunensis, & tota regio adiacens, in tanta necessitate super absentia vestra stupet & miratur, & sicut æger expectans medicum dilationem deplorat medicinæ. Mittitis nuntios vestros, ipsi quidem veniunt, sed parum proficiunt, & recedentes nonnulli subsanatione prosequuntur. Ecce omnes clamant, vniuersi dicunt, Vbi est Dominus noster Rex? quando veniet Dominus noster Rex? Ecce dati sumus in deprædationem, tanquam non habentes Dominum. Quoniam igitur non est qui faciat bonum, non est qui faciat pacem, rumpite moras, & aliis negotiis vestris dilatione ad præsens indulta, ad prædictam ciuitatem vestram festinate, & sedata tempestate, & rebus ad tranquillum reductis, ad negotia vestra cum festinatione & gloria poteritis reuerti. Multa alia diceremus, quæ scripto volumus commendare, si nobis loquendi vobiscum copia præstaretur. De cetero R. latorem præsentium seruientem nostrum ad vos mittimus, rogantes quatinus super negotiis nostris more solito, & benignitate consueta, amore Dei & nostri cum exaudiat. Valete.

EPISTOLA CCLXXXI.

EXCELLENTISSIMO Regi Francorum ac Domino LVDOVICO, *Tor-*
der. Abbas ubique suus, ab eo saluari qui dat salutem Regibus. SÆPE apud
Maiestatem vestram de illatis iniuriis tam à Comite Montis-Ferrandi, quàm ab
eius hominibus conquesti sumus. Sed & nunc desolationem nostram nihilomi-
nus vobis notificando, & conquerendo, designamus. ferro & incendio omni ter-
ra nostra captiuatur. Sed non ob aliud eorum guerram patimur, nisi quia quæ ve-
stra sunt eis in pace non relinquimus. Nos quoque maius periculum credimus in-
currere, si Coronam regiam diminuerè patiamur, quàm si aduersariorum perfe-
cutionem vsque ad rerum omnium nostrarum amissionem toleremus. Supplica-
mus itaque vestræ Maieitati, vt de cetero salua pace vestra Corona regia à nullo
diminuatur, & Yciodorensem Ecclesiam, quæ ad eam spectat, præcipuè totis vi-
ribus defendatis.

EPISTOLA CCLXXXII.

ILIVSTRISSIMO Francorum Regi LVDOVICO, *Frater M. Sancti Mariani*
Ausisiodorensis Abbas salutem & orationes. QUONIAM magnificentiam de-
cet regalem pauperum Christi penuriam subleuare, idcirco interueniente dom-
no Bernardo piæ memoriæ Clareuallensi Abbate, placuit Serenitati vestræ dare
nobis locum quendam in foresta quæ dicitur Orta in potestate Præpositi vestri Se-
nonensis. Ibi sororibus nostris Deo seruientibus claustrum iuxta morem Ordinis
nostri construximus. At quoniam regalis prouidentia vestra iuxta prædictum lo-
cum Villam nouam ædificare cæpit, petente pro vobis Abbate Sanctæ Columbæ,
necnon & Præposito Senonensi, quibusdamque aliis Ministris vestris, de eo ipso
quod nobis dederatis, & de aliis etiam quæ ex labore nostro ac propriis sumptibus
acquisieramus, quantum petierunt benignè concessimus, Maiestate duntaxat ve-
stra pro hac ipsa re nobis aliud largiente. Nunc verò Nouæ-villæ Præpositus aliam
etiam terram, præter eam quam prius concesseramus, auferre molitur. Vestram
igitur exoramus clementiam, quatinus Præposito Senonensi, ceterisque qui hoc
negotium tractauerunt præcipiatis, vt super terram veniant, & ablata nobis resti-
tuant, aut Præposito illius villæ ex parte vestra præcipiant, ne quid ædificetur
in terra illa, pro qua conquerimur, donec in partibus istis veniatis, & rei huius veri-
tatem à vestris hominibus cognoscatis.

EPISTOLA CCLXXXIII.

LVDOVICO *Dei gratiâ excellentissimo Regi Francorum, P. Prior Vallis Sanctæ*
Maria, & Frater Vmbertus cum ceteris Fratribus, salutem & orationes. CUM om-
nes vniuersaliter diligere debeamus, præcepto & exemplo illius qui pro omnibus
mortuus est, quadam tamen necessitate eis videmur astringi, quorum beneficio in
Dei sustentamur seruitio. Apiciensis Ecclesia plerosque nostrum à pueritia eru-
diuit, omnibus plerumque solaria pietatis impendit, ideoque eius molestiis com-
patimur vt matris, vt nutricis. De vestra itaque benignitate, & eiusdem Eccle-
siæ iustitiâ confisi, vestram pro ea imploramus clementiam, vt eius libertatem tueri
dignemini paternâ pietate, & regali vigore. Super quo eò securius vestram Cel-
situdinem imploramus, quòd id ad honorem vestræ Coronæ pertinere non dubita-
mus. Præterea rogamus humiliter pro dilecto patrono nostro Caturcensi Episco-
po, quòd vbi Deus dederit facultatem, optatam pacem restituere satagatis. Va-
lete, & nos pro vobis orantes dignemini diligere.

EPISTOLA CCLXXXIV.

ILIVSTRIS & glorioso Regi Francorum LVDOVICO Domino nostro, *Fr. St.*
humilis Cluniac. Abbas salutem in Domino, & deuotum obsequium. SCRIPTVM
est, quia honor Regis iudicium diligit. Sanè ad honorem vestrum & gloriam perti-

A net iudicare iniustitia & veritate, & in negotiis maximè Ecclesiasticis rationem attendere, non personas, & in causa Dei Deum potius reuereri quàm homines. LVDOVICO
VII. IV-
NIOR.
Benè audisse vos credimus, qualiter amicus noster Dominus Comes Niuernensis penè in ipsis ianuis Ecclesiæ de Caritate molitur rexdificare antiquas ruinas castri illius, quod olim Marchia dicebatur, & nouas ibi structuras erigere. Quod opus quàm damnosum sit illi Ecclesiæ, & quantorum incômodorum occasio, Serenitas vestra facillè potest aduertere. Prohibeat igitur hoc fieri Dominus meus Rex, & si placet caueat ne Reginam cœli, quæ illius nobilis loci custos & aduocatrix est, indè, quod Deus auertat, iratam sentiat, vnde eam propitiam poterat promereri. Dicimus hoc propterea, quia de nutu vestro & arbitrio pendet, illud exitiale opus sicut posse permittere vt fiat, sic posse omninò resistere, & prohibere ne fiat.

EPISTOLA CCLXXXV.

REVERENDO Domino suo LVDOVICO Dei gratiâ Francorum Regi magnifico, B. Ecclesiæ beati Martini Decanus, ab eo saluari qui Regibus dat salutem.
ECCLESIA beati Martini sub ea tempestate modò titubat, vt quos fouit, quos olim locupletauit, eius subditi & alumni Burgenses Castri-noui eius impugnent rebelles, & ingrati libertatem & dominationem, præsertim Nic. Frummaudi, qui
B Præpositi nostri F. fugiens & vilipendens distractionem, multa ignominiosa egit superbè in Ecclesiam nostram, quæ in vestram si altius inspiciatis retorquentur Maiestatem. Quod enim Frammaudus de domo quam audistis fecit, iuste fecit, & iussu Capituli fecit, quia Nicolaus ille contumaciter agebat. Rogamus igitur Maiestatem vestram, vt honorem & ius beati Martini in hac parte valde læsum, imò magis vestrum, vt regiam decet fortitudinem, sustentetis & defensare dignemini. Valete.

EPISTOLA CCLXXXVI.

CARISSIMO Domino suo LVDOVICO Dei gratiâ excellentissimo Regi Francorum, B. Dei patientiâ Beluacensis Ecclesiæ Minister indignus salutem & promptum in omnibus obsequium. DOMINVS Ingerrannus de Trie vult facere firmitatem apud Batnou, sicut audiuius, & multam etiam in diebus adduci & coadunari fecit materiam. Firmitas ibidem antiquitus facta fuit: sed quoniam ad perniciem vestræ ciuitatis constructa erat, pater vester bonæ memoriæ Rex LVDOVICVS eam destruxit, & quod deinceps firmitas ibi non fieret iuramento firmavit. Præterea Papa CALIXTVS auunculus vester illud sub anathemate interdixit. Multi sunt in ciuitate nostra, qui & iuramentum patris vestri, & sententiam excommunicationis à Papa CALIXTO super hoc promulgatam audierunt. Vnde vestram, de qua plenè confidimus, deprecamur dilectionem, vt Ingerranno & Drogoni socero eius præcipiatis, quòd in loco prædicto nihil ædificent, vsque dum nos & illos vestra in præsentia super hoc audiat.

EPISTOLA CCLXXXVII.

SERENISSIMO Domino suo LVDOVICO Regi Francorum, IOHANNES dictus Magalonensis Episcopus salutem & seruitium. CVM ea quæ ad honorem & dignitatem vestram spectant in aliquo deperire sentiam, non est mirum si mihi, qui Coronæ Regni vestri fidelis esse debeo, multum displiceat. Indè est quòd benignitati vestræ scribere dignum duxi, pro eo quòd Berengarius de Podio Soriguerio in strata publica, quaitur à Narbona Biterris, noua pedagia accepit, nec indè vult stare iustitiæ Ermengardæ Vicecomitissæ Narbonensis, in cuius terra hoc facit. Cùmque super hoc Literæ vestræ ei potrectæ fuissent, me vidente, & Domino Abbate Sancti Egidij, necnon & Domino Biterrensi Episcopo, & multis aliis, eas nec suscipere nec audire voluit. Immò, quòd sine lachrymis & mœrore dicere nequeo, sigillum regium cum Literis turpiter & inhonestè in terra proiecit. Quæ omnia in iniuriam Regni redundare videntur. Vnde Maieitati vestræ supplicando, quantas possum preces porrigo: humiliter deprecans

LYDOVICVS
VII. IV-
NIOR.

do, quatinus vobis & prædictæ Vicecomitissæ taliter in hoc facto prouideatis, vt ipsa ius suum consequi possit, & prædictus Berengarius, & eius similes, talia de cetero attentare non præsumant.

EPISTOLA CCLXXXVIII.

LYDOVICO excellentissimo Dei gratiâ Francorum Regi Domino suo speciali, humilis Fratrum Ecclesiæ Compendiensiſs Conuentus salutem & orationum suffragia. SERENITATIS vestræ pedibus prostrati suppliciter imploramus, quatinus ad precem nostræ humilitatis aures vestræ pietatis inclinetis. Nos enim vestra nouella plantatio sumus. Et quia non omnibus placemus, latratus canum, hoc est aperte nobis maledicentium, & sibilos serpentium, hoc est occultè detrahentium, sæpius toleramus: tamen fidei anchoram tenentes, per hoc mundanum pelagus, vbi sunt reptilia quorum non est numerus, ad portum salutis indefinenter tendimus. Quapropter de vestra confisi bonitate humiliter prece deprecemur, quatinus hospitalem pauperum Domum de Compendio, cuius dominium aliqua ex parte prauorum consilio & suggestionem amisimus, tam pro Deo, quàm pro anima dilecti vestri Domini A. Camerarij, cuius anniuersarium proximo faciemus Sabbato, in ipsius anniuersarij die nobis ex integro restituatis: vt si fortè malorum instinctu in Concilio quo illam amisimus peccauit, ab auctore omnium Deo, vestra restitutione, & nostræ paruitatis intercessione, atque absolutione illi dimittatur. Testis enim nobis Deus existit, quoniam de ore nostro multoties subtraximus ea quæ in præfata domo posuimus, & ad instaurationem eius tam in agricultura quàm aliis redditibus pro posse nostro laborauimus, infirmosque & pauperes, cum eis deessent necessaria, & de domo habere non possent, de proprio nostro sustentauimus, & adhuc sustentamus. Quam ergo antecessores nostri Clerici, & nos in pace tenuimus, rogamus vt vestra benignitas nobis restituat, tam pro prece domini Papæ, qui vobis indè Literas suas misit, quàm pro remedio animæ domini A. dilecti vestri, & maximè pro pauperum miseria & afflictione, qui destructionem eiusdem Domus, & sui miseriam atque inopiam assidua deſſent querimonia & ploratione. Valeat Serenitas vestra.

EPISTOLA CCLXXXIX.

DOMINO suo LYDOVICO Dei gratiâ piissimo Francorum Regi, A. Tom. Ecclesiæ Prior, & vniversus simul Conuentus, quicquid in hoc seculo felicius, & in futuro gloriosius. DIV est, quodd Ecclesiæ nostra capite languido grauaminum patitur incommoda, & nisi Regia manus subueniat ultra non adiciet vt resurgat. Duobus præcipuè malis affligitur, immoderato scilicet debitorum grauamine, & pastoris desolatione. Nàm nobis inconsultis discedens, quid acturus sit ignoramus. Rogamus igitur Regiam Maiestatem vestram, qui post Deum nullum alium præter vos speramus solatium, vt ad dominum Papam pro nobis clametis, & legatis nostris prout necesse fuerit subueniatis, Ecclesiæque vestræ penitus destructæ consilij & auxiliij manum celerius porrigatis.

EPISTOLA CCXC.

LYDOVICO Dei gratiâ excellentissimo Regi Francorum dilectissimo Domino suo, I. Sancti Memmij Cathalaunensis dictus Abbas salutem & totum cordis affectum. LITERAS vestras G. electus Cathalaunensis de manu nostra suscepit, quarum tenore perspecto & perlecto constantissimè asseruit, quàm modis omnibus placeat ei, vt quodd postulatis effectui mancipetur. Sed & addidit, quodd ad eum de dandis Præbendis nihil in hoc statu suo spectat, nisi quantum ad aliquem de Concانونicis suis. De cetero Literas vestras primas & secundas Decanus Ecclesiæ Cathalaunensis in Capitulo suscepit. Quidam autem de Canonici eiusdem Ecclesiæ petitionibus Literarum vestrarum benignè acceſſerunt, quidam verò more suo litibus & controuersiis assueti, dolosè subterfugia querentes quæ non expediunt prætenderunt: illud scilicet quodd nondum Episcopum habent, illud etiam aliud

A quodd nepos noster, cui vestra gratia Præbendam concessistis, usque ad ætatem tantum septem annorum excreuerit. Vos autem scitis, & oculis sæpissimè vidistis, ^{LYDOVICVS VII. IV. NIOZ.} quoniam his, qui minoris erant ætatis in Ecclesiis Regni vestri, sine ætatis calumnia Præbendæ multotiens datæ sunt. Sed & nos oculis nostris vidimus, quod nepoti G. Archidiaconi, cum nondum esset aut sex, aut quinque annorum, dominus Boso Cathalaunensis Episcopus assensu totius Capituli Præbendam, quam adhuc habet, dedit. Rogamus igitur dilectionem vestram, ut quod benè incœpistis benè perficiatis: & cum planè & perspicuè malitiosam Canoniorum duplicatam intelligatis, quod vestrum est, & honori vestro expedit, prædictum nepotem nostrum amore Dei, & nostri, de Præbenda, quæ vacat, inuestiri faciat. Illud autem salua pace vestra securè dicimus, quoniam nisi sine dilatione quod dicimus feceritis, & nostrum erit dedecus, & honor vester detrimentum pariter parietur. Vniuersi mirantur, vniuersi obstupescunt super hoc quod rogatis & supplicatis pro eo quod nostrum est, & absque precibus & supplicationibus, sola auctoritate vestra facere potestis & debetis. Non expedit iuri & potentie suæ derogare, & quod quis in manu tenet ab alio postulare. Restat igitur hoc solum, ut Literis vestris Fratri vestro domino Remensi, exclusa omni ambiguitate, occasione, & dilatione significetis, quatinus prædictum nepotem nostrum de prædicta Præbenda inuestiat: cum nec electus possit, nec Diaconus precibus vestris voluerit eum inuestire. Valete.

EPISTOLA CCXCI.

REVERENDISSIMO Domino suo LYDOVICO Dei gratiâ Francorum Regi Illustrissimo, Fr. R. pauperum S. Euerçj Aurelianensis Minister humilis salutem. SERENITATEM vestram, dulcissime Domine, tot & tantis querimoniis fatigare non minimum pertimescimus. Sed quia necessitas vrget intolerabilis, & ex benignitate vestra nostrum pendet refugium, de mansuetudine vestra præsumentes, adhuc pietati vestræ preces porrigimus: rogantes quatinus solita protectionis bonitate nos & homines nostros contra Præpositos vestros, qui nos iniuriosè infestare non desistunt, manuteneatis. De Præposito de Eure præcipuè in instanti coram Sublimitate vestra conquerimur, qui boues cuiusdam seruientis nostri de Boëleto absque eo quod aliquatenus querimoniam nobis, vel alicui Fratrum nostrorum, de eo fecisset, violenter abstraxit. Iubeat igitur vestra Serenitas, ut quod iniuste & violenter ablatum est iuste restituatur. Petimus nihilominus, ut in mentem veniat quod Præpositis vestris videlicet de Curciaco, de Eure, de Gastineis, pro nobis scripsistis, ut nullatenus homines nostros infestare, vel in causam trahere præsumerent, antequam nobis rei causam monstrarent. Placeat itaque pietati vestræ, ut decretum & mandatum vestrum, quod semel statuistis, fixum & firmum in posterum teneatur. Aliter tam iniuriola infestatio finem non habebit, quam nos de cetero sine graui molestia pati non poterimus. Valete.

EPISTOLA CCXCII.

DILECTO Domino suo LYDOVICO Dei gratiâ excellentissimo Regi Francorum, G. eadem gratiâ Lingonensis Episcopus quicquid salutis potest & obsequij. QUALITER Comes Henricus tempore prædecessoris nostri erga Lingonensem Ecclesiam se habuerit, omnibus qui in circuitu nostro sunt, satis notum est, & ad vestram credimus audientiam peruenisse. Adhuc verò in proposito suo perseuerans, nos & Ecclesiam nostram inquietare non desistit, terras & possessiones nostras vssenter sibi vsurpans. Nuper enim quandam villam nostram Geureolis depredatus est, & Raimaudum de Monsaujun, qui homo noster ligius erat, de proprio casamento nostro, villa scilicet de Coun, recepit in hominem. Quod quàm inhonestum ei, & Ecclesie nostræ damnosum sit, vestra satis potest perpendere discretio. Audiuius siquidem prædictum Comitem cum legatis illius perfidi Rainaudi ad vos venturum, & ne falsis suggestionibus suis Maiestatem vestram præuenirent, per præsentium latorem discretionem vestram volumus præmunire. Sciatis autem rem ita esse ut dicimus, & si aliter vobis intimaerint, tan-

quam perfidis & mendacibus non credatis. Præsentium lator, cui securè credere A potestis, negotium nostrum plenius vobis exponet.

EPISTOLA CCXCIII.

LVDOVICO *illustri & glorioso Francorum Regi Christianissimo, humilis Episcoporum & Abbatum Conuentus apud Cistercium congregatus salutem, & deuotissimas orationes in Domino.* NOUIT plenius humilitas nostra de vestra Serenitate, quanto studio nostram adiuuerit paupertatem, vt in Regno vestro quietam acturi vitam ab institutis nostris à nullo impediremur. Eapropter tanquam excellentissimo Principi notificamus emendanda, quæ de nouo à quibusdam in nostri detrimentum Ordinis actitantur. Cum enim ab initio nostri Ordinis statutum sit, & sub excommunicatione graui prohibitum, ne quis in Domibus nostris, vel grangiis hospitatus, comedat carnes, Comes Robertus frater vester hoc forsitan nesciens sæpius agit. Vnde & Fratres nostri turbantur, & cum offendere, & peccatum incurrere, & nostram lædere paruitatem sciatis. Eapropter Maiestatem vestram flexis genibus imploramus, vt pro amore Dei & huic suadere dignemini, vt à talibus abstinere causa Dei & vestri debeat: quoniam non desunt ei honestiora hospitia, quàm apud grangias de Pruliaco, & aliarum Domorum nostrarum. nec debet ei graue videri quod tam de leui corrigere potest, ne & alij eius exemplo B talia faciant.

EPISTOLA CCXCIV.

LVDOVICO *Dei gratiâ illustri Francorum Regi carissimo Domino suo, G. Andegauensis Ecclesia humilis Minister salutem, & cum sincera dilectione obsequium.* PRO certo sciatis, me per omnia vestrum esse, & ad obsequium vestrum in omnibus quæcumque vobis placerent secundum Deum paratum, quoniam iam diu est quod vos toto cordis affectu cœpi diligere. Ceterum vltra æstimationem miratus sum, quod vt audiui quibusdam Monachis de Burgolio, immò de inimicis, qui contra dominum Abbatem suum controuerfari nituntur, vos qui Christi Domini estis, & totius religionis honor & speculum, assensum vestrum præbuisse dicimini. Nescio verò si cuius opinionis Abbas sit ignoratis, cum manifestum sit non solum nobis, sed omnibus viris honestis & religiosis, in quanta miseria Ecclesia Burgoliensis permanebat antequam A. Abbas dispensator eius à Deo destineretur. Nam retroactis temporibus per discordiam Monachorum & Abbatum domus eorum vastatæ erant, terræ incultæ, homines eorum oppressi, Ecclesia discooperta, & amissis ornamentis suis per fœneratorum grauamina, flebilis & mœsta iacebat. Nunc verò per A. Abbatem omnia restaurata sunt & restituta, nec vnquam, vt ab omnibus dicitur, se meliùs habuit Ecclesia. Namque ipse vir iustus & prudens est, vt credimus, & bonus ædificator ad opus Dei, & in magna religione & caritate modò se habet Ecclesia. Indè verò est quod Sublimitatem vestram attentius exoro & obsecro, vt si illi falsi Fratres aut alij Abbatem deinceps lædere temptauerint, non eos audiat: sed potiùs eos à vobis penitus excludatis, ne fortè participes peccatorum suorum, quod absit, efficiamini. Nam religio Abbatibus caritas, & abstinentia, & carnis suæ maceratio, & cetera bona, quæ de illo dicuntur, tam à populo Dei, quàm ab honestis viris totius terræ nostræ, laudatur, & extollitur. Valete.

EPISTOLA CCXCV.

IL LVSTRISSIMO Domino nostro LVDOVICO *Dei gratiâ Regi Francorum, Fr. ST. humilis Cluniacensis Abbas, gloria & honore in perpetuum coronari.* NON meum meritum, sed innata vobis liberalitas & gratia, quam in oculis vestris me inuenisse gloriatur, hanc mihi fiduciam conferunt, vt in meis & Ecclesiæ Cluniacensis necessitatibus, quæ profectò eadem sunt, ad vos tanquam ad singulare confugium securiùs recurram. Indè est quod latorem præsentium ad vestram clementiam pro instantibus negotiis destinaui, rogans & supplicans, quatinus benignum & efficacem in suis, immò vestris petitionibus, ei præbeat auditum.

EPISTOLA CCXCVI.

LVDOVICVS
VII. IV-
NIOR.

CARISSIMO & speciali Domino suo LVDOVICO Dei gratiâ excellentissimo Regi Francorum, Capituli Claromontensis Conuentus salutem & fidele obsequium. ECCLESIE Briuatensis, quæ loci affinitatē & vnanimi dilectione nostræ Ecclesiæ coniuncta est, damna compatimur. Ideoque maxime condolemus, quod à suis domesticis sustinet detrimenta. Præpositus enim & Abbas illius Ecclesiæ subdola conspiratione aduersus Decanum insurrexerunt, & ut conceptam nequitiam facilius possent explere, Aruernorum Comites sui sceleris socios coniunxerunt. Congregata autem iniquorum maxima multitudo, tamdiu domum præfati Decani expugnauerunt, donec eam vi capientes diruerent. Nihil illi vestræ Maiestatis proclamatio profuit, nec Legatorum vestrorum præsentia. Hæc autem super tanto excessu præcipua dicitur esse causa, quod sæpeditus Decanus se pro Ecclesia Claromontensi murum opposuit, & auxilium, & defensionem maximam nobis contulit. Obnixè igitur Maiestatem deprecamur, ne tantum scelus impunitum relinquere velitis, quatinus Regiæ Maiestati honor accrescat, & deinceps sceleratorum comprimatur audacia.

EPISTOLA CCXCVII.

CARISSIMO Domino suo LVDOVICO Dei gratiâ serenissimo Regi Francorum, Claromontensis Capituli Conuentus salutem & deuotam fidelitatem. IN vestræ Serenitatis & pietatis luce oculos nostros ex toto defiximus, quoniam post Deum ibi misericordiam & iustitiam inuenimus. Sed hostis antiquus per suæ nequitie ministros, versutis fraudibus Ecclesiam Claromontensem inquietare minime desistit. Hinc est, quod domino S. Pontifici nostro Literas Maiestatis vestræ ostendimus, & de suscipiendo VVillemi Comitis Palatio viua voce admonuimus. Sed ecce, dum suscipiendi tempus distulit, prædicti Comitis vxor Palatium ingressa milites & clientelam suam ibidem introduxit. Iam sub specie habitationis & commorandi inimicos familiares, & ad nocendum promptissimos habemus. Iam ex parte Regis Anglorum nobis in aperto minantur, ruinam ciuitatis & Ecclesiæ verbis amarissimis significantes. Iam quod regiæ dignitatis & de fisco Regis Francorum est, Regis Anglorum feudum esse impudenter asserunt, aduentum vestrum & protectionem vestram nobis improperantes. Supplicamus igitur reuerendæ Maiestati vestræ, & omnixè rogamus, quatinus super his nobis consulere dignemini.

EPISTOLA CCXCVIII.

CGLORIOSO Regi Francorum LVDOVICO Domino nostro carissimo, Fr. ST. humilis Cluniacensis Abbas æternæ vitæ adipisci immarcescibilem gloriam & coronam. SUMMVS ille rerum dispensator, cuius æternitati nihil aut præteritum, aut præsens, aut futurum est, cuius abyssus iudiciorum incomprehensibilis, ad hoc & Ecclesiam Cluniacensem & ceteras, quæ in Regno vestro magnæ hætenus & religionis & nominis fuerunt, constituit, non ut beatitudini suæ, quæ plena & summa est, aliquid ad perfectionis accederet cumulum, cum solus ipse præter creaturam omnem, quam condidit, sufficiens sibi sit in gloria sua: sed ut per illas accessum nobis faceret ad se, & quicquid in illas beneficiorum effunderetis, ad centuplicatum vobis lucrum accederet, qui quanto nexibus seculi impliciti tenemini, tantò amplius explicari, & ad liberas euadere opus habetis. Et quoniam quicquid in hoc mundo radices altius fixisse videtur, citius multotiens euanescit, altiori proculdubio & salubriori Creatoris nostri consilio, qui ne temporalibus innitatur, utque spem nostram figamus alibi, quæque visibilia, & illa etiam quæ magna in conspectu hominum videntur, collabi in se ipsis constituit. Non mirum si Cluniacensis quoque Ecclesia tum peccatis nostris exigentibus, tum malitia temporum faciente, à statu illo quo fuerat longè alia nunc apparet. Benè sanè in tanto rerum discrimine sibi contigisse gloriatur, quod bonum Regem, & qui propter sublimitatis terrenæ fastum hominem se esse meminit, habere digna ha-

LVDOVICVS
VII. IV.
NIOR.

bita est. Vnde securè eadem Ecclesia per dominum Priorem, & domnum Sym. A de Smaanta, & se vobis exponit, & suas pietati vestræ portigit preces. Intendite igitur super eam, & miseremini eius, & audite preces illius in ipsis: quoniam etsi non plenè sufficiens est ad respondendum beneficiis vestris temporaliter, est tamen spiritualiter. Habet enim cui dicat, Benè responde pro me. Miseremini igitur nostri, si placet, & quicquid ad horum petitionem nobis contuleritis, scia- tis & nos, & Ecclesiam vobis obligari, donec solvatur in integrum.

EPISTOLA CCXCIX.

EXCELLENTISSIMO Domino suo LVDOVICO Dei gratiâ gloriosis-
simo Regi Francorum, vniuersis Lugdunensis Ecclesiæ Conuentus humilis salutem,
& debita subiectionis deuotum obsequium. NOVERIT Sublimitatis vestræ discre-
tio, quòd pastoralis sollicitudine destituta Lugdunensis Ecclesiæ conuocatis Suffra-
ganeis suis & aliis religiosis personis, sancti Spiritus inuocata gratia, pari voto &
communi omnium consensu, dominum Drogonem eiusdem Ecclesiæ Archidia-
conum in Pastorem sibi elegit & Dominum, Romanæ Ecclesiæ deuotum filium.
Cuius electionem ratam faciens summus Pontifex scripti sui munimine roborauit.
Eius industria pro pace Ecclesiæ nostræ plurimum desudauit, plurimum pro-
fuit. Accensi verò prauitatis odiis quidam ex Fratribus nostris, qui senario clau-
duntur numero, quos tanquam filios vterinos Lugdunensis Ecclesiæ tenerè dile-
xit & fouit, conspirantes in vnum coniurauerunt aduersus Dominum & Electum
suum: in tantam prorumpentes insaniam, vt nobis inconsultis, immò penitus
ignorantibus, extra sedem propriam ad alterius electionem, contra sacros Cano-
nes & vniuersalis Ecclesiæ consuetudinem conuolarent. Præsertim altero præsi-
dente, quem nec reatus sui confessio propria deiecit, nec Ordo iudiciarius legiti-
mè conuictum condemnauit, nec tam Catholicæ electioni sicut falsò asseuerant
resignauit. Eapropter Excellentiæ vestræ pedibus prouoluti Maiestatem vestram
humilius exoramus, quatinus honoris & seruitij vobis per partes nostras iter diri-
gentibus, à nobis in eadem voluntate perseuerantibus exhibiti, non immemores,
diutinis Ecclesiæ nostræ laboribus misericorditer compatiendo, ipsam à conspira-
toribus huiusmodi inquietari non permittatis, & honorem ipsius illibatum con-
seruare dignemini. Conseruet vos Dominus sanum & incolumem, Christianissi-
me Princeps.

EPISTOLA CCC.

CARISSIMO Domino suo LVDOVICO Dei gratiâ Francorum Regi glori-
sissimo, D. Lugdunensis dictus Electus, salutem & fidele seruitium. PARI voto
& communi consensu tam Cleri quàm populi, non ambitiosè, licèt indigni, in
Lugdunensi Ecclesiæ electi fuimus. Sed quid ex post facto contigerit, vnde cede-
re debeamus, nullis rationibus iuris comprehendere valemus. Nos namque ne-
que conuictos, neque confessos, neque electionis resignatores, aliquorum falsis
persuasionibus, iustissime Rex, credatis. Abbas autem quondam Pontiniacensis
ad vocationem quorundam conspiratorum, qui hostibus publicis & manifestis
Ecclesiæ nostræ adhæserant, qui sex numero tantum comprehenduntur, supplan-
tationibus suis se fecit execrari. Clementiam itaque vestram, benignissime Rex,
flexis genibus exoramus, vt hoc tam enormi facto iuri nostro non derogetis. Nos
enim seruitio & honori vestro paratos semper inuenietis. Conseruet vos Deus sa-
num & incolumem, Christianissime Princeps.

EPISTOLA CCCI.

ILLVSTRISSIMO atque piissimo LVDOVICO Dei gratiâ Regi Francorum,
humilis ac deuotus sibi Sancti Martini Plenipedenfis Cænoby Conuentus, ab eo sal-
uari qui vniuersos bonæ voluntatis prouehit in salutem. DIVINA dispositio ad hoc
in sede iustitiæ regiam erexit potestatem, vt pia moderatione subditis prouideat,
& Ecclesiarum perturbatoribus omnimò resistat. Quod quidem pietatis nostræ
deuotio semper assequi studuit, sicut & fama loquitur, & actio testatur. Ideo ma-
iore

A iore quadam fiducia clementiæ vestræ pedibus aduoluti, lachrymis & precibus postulamus, quatinus Ecclesiæ Plenipedenſi, quæ vestra est, pacem, & rerum suarum incolumitatem seruari integram iubeatis. Ecce etenim peruersæ mentis homines, & iustitiæ perturbatores, contra tenorem Regij Priuilegij minuere vel auferre nituntur consuetudines & res quas regia prædecessorum vestrorum munificentia, & ipsa vestra liberalitas eidem Ecclesiæ nostræ contulit. Sicut enim maxime prædecessorum vestrorum, & vestris beneficiis instituitur, ita protectioni ac defensionis vestræ potius innititur.

LVDOVICVS
VII. IV-
NOR.

EPISTOLA CCCII.

L VDOVICO Dei gratiâ piissimo Regi Francorum, G. Scala Dei, & alij Abbates VVasconia, regnare feliciter in Christo & hic, & in futuro. VESTRAM Excellentiam scire volumus, postulantes etiam à vobis gratias referri hominibus Tolosæ, quoniam per vestrum mandatum omni diligentia solliciti fuerunt inuestigare, qualiter nobis restitui posset olim ablata pecunia, pro qua semel & iterum iampridem scripseratis eis ad nostram simul & Capituli Cistercij petitionem. Per eorum namque operam tentus in causa, & multimoda ratione conuictus R. Tercag restitutionis iudicio in eum cadente, pro pecunia nobis iure soluenda dedit obfidem militem quemdam in manibus B. Vicarij, simul & Capituli Tolosæ. Qui diu in vinculis apud B. moratus, tandem sine nostro, & vt aiunt, sine Capituli consilio aliter abire dimissus est, nulla nobis facta restitutione. Vnde nos quasso labore, fatigatis amicis, multisque factis expensis, in priorem peiorem decidimus errorem, pro restitutione nusquam responsum inuenientes: longè facti per eos ab adepta iustitia, per quos vestro rogatu nos camadeptos fuisse gauisi frustra fuëramus. Sed quoniam nobis in nullo alio spes superest restitutionis, ad vestram beniuolentiam multis precibus supplicantes recurrimus, vt per eam quam Ordini semper exhibuistis dilectionem, bonam inde vobis apud Deum thesaurizantes mercedem, adhuc semel scribere pro huiusmodi restitutione non grauemini, misso vno quolibet de pueris vestris hominibus Tolosæ, simul & sorori vestræ, qui eis scripto & viua voce altiùs ostendant de vestra voluntate. Certum est enim nobis, quoniam si fortè pro hac re quasi commotum vestrum intellexerint animum, & nos ita omninò esse curæ vobis, statim omne diuortium fiet manifestum, & ita absque causæ retractatione restitui nobis omnia per vestram operam arbitramur. Valere. Saluum & incolumem vos seruet Omnipotens omni tempore:

EPISTOLA CCCIII.

ILLVSTRISSIMO Domino suo LVDOVICO Dei gratiâ Regi Francorum, Fr. ST. humilis Cluniacensis Abbas, in illo qui dat salutem Regibus vestram & perpetuam salutem. EPISCOPVS Matisconensis dignum est vt in conspectu Serenitatis vestræ, cuius honor iudicium diligit, gratiam inueniat, tum quoniam Ecclesia sua eum vobis affectuosè commendauit, tum quoniam honestas eius & prudentia honori ad quem assumptus est optimè & conuenire & respondere videntur. Quod autem Maiestatem vestram nec dum adiit, nec ipsa paupertas quæ ad excusationem eius satis per se posset sufficere, nec aliud aliquid in causa est, nisi hoc tantum quòd tota terra nostra perditæ mentis hominibus tanquam pro voto libera in alterutrum data potestate sæuiendi, varia & multiplici sæuit tempestate bellorum, & non sine ingenti periculo est in turbine tanto alicui sensato domum suam relinquere. De pietatis igitur regis liberalitate procedet, has omnes importunitates benignè considerare, & sustinere aduentum ipsius, donec eatur ad Concilium: vt vno itinere vtrumque negotium, Dei & vestra gratia opitulante, implerè sufficiat. Si coram Domino meo loquor audaciùs quàm debeam, vestræ id potiùs indulgentiæ, quæ tantam mihi ante conspectum suum fiduciam contulit, quàm arrogantis meæ ascribi dignum est. Et quamuis in precibus excesserim modum, si tamen excessi, dabit audaciæ veniam pietas.

Tom. IV.

LLI

EPISTOLA CCCIV.

A

EXCELLENTISSIMO Domino suo LVDOVICO Regi Francorum, *A.*
Nemansensis Ecclesiæ servus fideliter ei servire, cui servire regnare est. PLACUIT
 Excellentiz vestræ præcipere B. de Andusia, & Comiti Melgoriensi, vt ab ex-
 actione noui pedatici, quod iuxta Alestum accipiebant, cessarent. Vnde B. de
 Andusia, vtpote homo sapiens & discretus, & per omnia vestræ cupiens parere vo-
 luntati, prædictum pedaticum pro parte sua cessare fecit, quousque, iterumque
 Comes non desistebar, auctoritate nuntij vestri illud recuperavit. Tandem ve-
 rò perpendens, & contra cœlestis Regis, & contra vestram hoc esse voluntatem,
 antequam moreretur prorsus & in perpetuum illud dereliquit. Comes verò re-
 gium contemnens præceptum, neque tunc cessavit, & adhuc in eadem malitia
 perseuerat. Vnde quia vestrum est has & alias iniustitias à Regno vestro propel-
 lere, vestram humiliter deprecor Sublimitatem, vt sub interminatione iræ & in-
 dignationis vestræ ei iterum per Literas vestras præcipiatis, vt ab hac iniusta no-
 nitate desistat. R. etiam Comiti sororio vestro sub debito fidelitatis & amicitiz
 mandetis, vt ab hac iniquitate eum, qui nuper potestati & dominio eius se subdidit,
 cessare faciat, nec ei aliquando super hac re auxilium vel consilium præbeat, imò
 potius ad hoc aduersarius & inimicus existat. Domino etiam Papæ persuadeatis, vt
 sententiam excommunicationis, quæ in persona eius posita est, super totam ter-
 ram eius propriam vel communem extendat, itaut ibi vel vbicumque ipse fue-
 rit, nullum diuinum celebretur officium, & vt præcipiat Episcopo Mimatensi,
 Magalonensi, Vzeticensi, & mihi, vt hanc sententiam in Episcopatibus nostris
 obseruari faciamus.

B

EPISTOLA CCCV.

SVO carissimo & speciali amico P. venerabilis viri Hug. Sueßionensis Episcopi, &
Illustris Francorum Regis Cancellarij nepoti, Her. sanctæ Romanæ Ecclesiæ Subdia-
conus & Notarius salutem & sinceræ dilectionis affectum. SICUT ad honorem &
 profectum vestrum ardenti semper desiderio intendere cupio, & sollicitè labo-
 rare, sic vestram prudentiam super his quæ volo effectui mancipari cum tota fi-
 ducia sollicitare dispono. Nouiter autem dilectio vestra me circa vtilitatem &
 incrementum Ecclesiæ beati Iohannis Euangelistæ, quæ iuxta Palatium illustris-
 simi Regis Francorum sita est, superni conditoris amore intendere, & vt ea quæ
 ibidem ad opus eiusdem Ecclesiæ iam emi, vel quæ ego aut Fratres inibi com-
 morantes præstante Domino poterimus acquirere, sub protectione atque tutela
 prædicti Regis integra & illibata consistent, Literis meis, & quorundam Cardinalium
 Dominum Regem attentissimè flagitavi. Vt autem desideratum apud
 ipsum Regem preces meæ sortiantur effectum, vestram diligentiam propensius
 rogo, quatenus mei amoris intuitu venerabilem virum R. eiusdem loci Priorem ad
 regiæ protectionis & confirmationis Literas faciliùs impetrandas apud auuncu-
 lum vestrum, & Dominum Regem taliter adiuuetis, vt ipse vestro patrocinio frê-
 tus efficaciter quod quærit sollicitudine vestra obtineat, & ego deuptus valeam
 vobis ex hoc & magis obnoxius omni tempore permanere.

C

EPISTOLA CCCVI.

CARISSIMO Domino suo LVDOVICO Dei gratiâ excellentissimo Franco-
 rum Regi, Fr. G. quondam Lingonensis Episcopus minimum id quod potest in Do-
 mino. GRATIAS ago dignationi vestræ, quod meæ paruitati scribere dignum
 duxistis. Quod enim domino Remensi fratri vestro & nobis in præsentia vestra
 constitutis vos domino Papæ significaturum per Literas dixistis, non sufficit, ma-
 ximè quia vestra me vt inde loquerer suscitauit per Literas dignatio, si recolitis,
 & confirmavit verbo: promittens non deesse vestrum mihi consilium & auxilium,

A cum ad hoc inciperem aperire os meum. Sic autem ad hoc vestra me Excellentia induxit. Decet igitur magnificentiam vestram, ut de hac re apertius solito domino Papæ scribatis, sicut scitis verbum hoc iam per Franciam haberi, & per multorum ora ad contemptum Ecclesiæ Dei & Ordinis ignominiosè diuulgari. Securè autem potestis scribere, quia Abbates nobis dixerunt Literas vestras priores domino Papæ non fuisse monstratas.

LYDOVICVS
VII. IV-
NIOR.

EPISTOLA CCCVII.

LYDOVICVS Dei gratiâ Francorum Rex, Venerabilibus terra nostra Archiepiscopis, & Episcopis, Abbatibus, & Clericis totius Regni, salutem & gratiam vestram. ECCLESIA Sanctæ Mariæ Siluanectensis nimia corrumpens antiquitate innouatur à fundamentis, & usque adeò insigne incœperunt opus, quòd sine caritate fidelium Christi & eleemosynis nunquam poterit consummari. Etenim tenuissimæ est substantiæ Ecclesia, & angustis artata finibus, & ob hoc necesse habet ad vestra confugere subsidia. Vnde mandamus vobis omnibus atque precamur, ut pro honore Dei, & beatæ Virginis, cuius est Ecclesia, portitores præsentium cum sanctuario & reliquiis Ecclesiæ euntes, & fideliter laborantes, honorificè suscipiatis, & in Ecclesiis parrochialibus recipi cum Literis nostris sigillatis, & à Presbyteris vestris honorari præcipiatis. Data per manum Hugonis Cancellarij.

EPISTOLA CCCVIII.

GLORIOSISSIMO ac Christianissimo Regi Francorum Dei gratiâ LYDOVICO, P. Casadei humilis Abbas, & totus eiusdem Ecclesiæ Conuentus, Regi Regum placere, & in aeternam cum illo regnare. DE ineffabili affectione cordis, quam erga personam nostram specialiter, & erga res ad ius beati Roberti pertinentes, vos semper tam verbo quàm opere demonstrastis, & sine intermissione demonstratis habere, Deo & vobis grates quantas possumus referimus. Hoc autem notum vobis facimus, quia in Sacrificiis, Psalmis, Canticis, Hymnis spiritualibus, quæ incessanter Deo offerimus, vestri semper memoriam agimus. Duplex est etenim ratio, tum quia Dominus, tum quia Frater estis, qua ad hæc agenda vobis tenemur. Eadem duplici ratione si placet & vos tenemini, ut nobis tanquam Dominus prouideatis, & tanquam Fratribus in tribulationibus compatiimini. Eapropter nos & totus Conuentus Ecclesiæ nostræ vobis tanquam Domino supplicamus, & tanquam Fratrem exhortamur, ut de noua, & in Regno vestro hætenus nostris inaudita temporibus nequitia, quam Dalmatius Freschet circa quemdam Fratrem nostrum non vobis ut credimus ignotum Bernardum, qui Prior fuit de Cepei, ipsum in vinculis & in carcere detrudendo, operatus est, nobis, ut vestram decet Maiestatem, iustitiam faciatis, & Raimundo Comiti Sancti Ægidij, quatinus prædictum Monachum liberet, & sibi cuncta ablata restituere faciat, scribatis. Ad hoc enim à Deo Princeps constitutus estis, ut vestro metu humana coherceatur audacia, & nocendi facultas.

EPISTOLA CCCIX.

EXCELLENTISSIMO & venerabili Domino suo LYDOVICO Dei gratiâ Francorum Regi, Claromontensis Ecclesiæ totus Canoniconum Conuentus salutem, & utrinque vitam sospitatem. INSPIRANTE diuina gratia Regiæ Maiestatis curam cum maxima discretionem super Claromontensem Ecclesiam vos præbuisse consulendo & auxiliando nouimus, atque ab inimicorum manibus & à persecutorum rabie fere cripuisse. Vnde genibus flexis maximas grates supplicando referimus. Detrimeto autem regiæ Coronæ in Aruernia propter Comitum petiuria, & rumnisque vestræ Ecclesiæ nobis imminentibus, quemadmodum filius ad patrem, lapsus ad subleuatorem meritò concurrimus. Noscatur igitur tantæ sublimitatis, tantæque nobilitatis persona, Comites Aruerniæ per manum vestrorum, Regisque

LYDOVICVS
VII. IV-
NIOR.

Angliæ multum iurasse, nunquam se amplius pedagium accipere, qui reuera crastina die post sacramentum, nondum nuntiis vestris Regisque Angliæ ab Aruernia recedentibus, ambo Comites dupliciter quàm leuare solebant à pedagio leuauerunt. Cum verò quidam viator eadem die extimans tam vestri securitate, quàm Comitum iureiurando per viam securè transire pedagium denegaret, nec citò persolvere veller, mutuis vulneribus sauientes VVillemi maioris natu Comitum atque filij eius R. ipsum hominem ad mortem vulnerauerunt, necnon, vt aiunt, ipsemet interfuit. Præterea cum R. Comes à præsentia nuntiorum vestrorum, & à sacramento se subduceret, ne quod eius pater iurauerat iuraret, VV. Comes iterum infra quindecim dies filium sum R. illud idem quod ipse iurauerat fore iuraturum iurauit, nec ad diem sibi, nec post diem sibi assignatum iurare fecit. Vnde, iustissime Rex, clementiam vestram humiliter imploramus, quatinus super hoc, superque alias Ecclesiæ nostræ querimonias, quoniam ducentas libras ille malignus Comes, quas sub treugis vestris nobis abstulit, nec persoluit, nec terram Ecclesiæ dimisit, nec munitionem super Claromontem nouam dirui fecit, nec multas alias querelas adaptauit, iustitiæ manum regaliter extendere non dedignemini. Quod si non feceritis, dominium vestrum in Aruernia amiseritis, atque Ecclesiam vestram Claromontensem, quam vos patèrque vester à Comitum tyrannide liberaistis, sub seruitutis iugo redigere non cessabunt.

B

EPISTOLA CCCX.

EXCELLENTISSIMO Domino suo LYDOVICO Dei gratiâ Francorum Regi, G. Cathalannensis Electus, & G. de Iunuilla frater eius, salutem & sinceram dulcedinis obsequium. SUPER libera, imò piissima voluntate, quam Dei amore, & solo pietatis intuitu, nobis & negotio nostro geritis, Regiæ Maiestati vestræ gratias agimus. Postquam verò, mi Domine, à vobis nouissimè recessimus, de domino nostro Remensi fratre vestro, quòd vt vobis in proximo loqueretur, iter arripuerat, accepimus. Pietati itaque vestræ supplicantes humiliter deprecamur, vt quod de eius voluntate & consilio circa negotium nostrum, quod vestrum est, accepistis; de die etiam, quam nobis dedistis, si immota permaneat, si vobis placeat, nobis significare dignemini. Nos verò bonæ voluntati vestræ per omnia & in omnibus obedire parati sumus. Valete.

EPISTOLA CCCXI.

REVERENDISSIMO Domino suo & Patri LYDOVICO summo Regi, A. Mimatensis Ecclesiæ qualiscumque Minister salutem & debitam reuerentiam cum humilitate. INTER Ecclesiam Aniciensem, & Vicecomitem de Polonnac pax facta est. Pax vero illa non est pax, imò exemplum perniciosum, & Ecclesiæ Dei commune periculum. Episcopus Aniciensis, vt dignum erat & iustum, Vicecomitem excommunicauerat pro pedatico & rapina, quam iniuste in strata publica capiebat. Nunc verò Ecclesia Aniciensis & Vicecomes in vnum conuenerunt, & taliter vmbra pacis facta est inter illos, vt pedaticum & rapina inter eos diuidatur, & Ecclesia sit particeps rapinæ pro qua Vicecomitem excommunicauerat: & lucri causa cæcata laudat in se quod in Vicecomite damnauerat. Sic factum est, & disposuerunt ad vos mittere nuntios, vt hoc factum confirmetis. Cum ipsi aut negligant, aut ignorent legem, disposuerunt temptare vt defensor legis destruat legem. Confundere volunt ordinem: volunt enim vt malum sit bonum, & bonum sit malum. Volunt vt Templum matris Dei, quæ debet esse asylum miserorum, sit spelunca latronum. Qui sunt constituti flere pro populo, & peccata populi comedunt, de lachrymis populi gaudere disposuerunt, & de rapina volunt replere sua marsupia. Super his iudicet Dominus Rex, & videat quoniam cogitationes eorum vanæ sunt. Valeat Dominus meus, & viuat, & bona tempora habeat, & memor sit serui sui.

EPISTOLA CCCXII.

A

A MANTISSIMO in Christo Patri & Domino ALEXANDRO Dei gratiâ summo Pontifici, Aurelianenses Canonici debitam reuerentiam cum sincera obedientia. COMMVNIS Pater, quem constituit Dominus super familiam suam, quem fecit Principem populi sui Rex regum & Dominus dominantium, vt prouideat subditis in misericordia, & miserationibus, à grauamine filiorum non debet intuitum paternæ pietatis amittere. Seruorum iniuria redundat in Dominum; nec Patrem diligit qui persequitur filios. Apostolatus vestri nos & seruos & filios constituit summa Diuinitas, & inter labores & pressuras sub vmbra alarum vestrarum viuimus inter gentes, & ab vberibus consolationis vestræ refoueri desideramus, & refici. Et sicut onus graue grauatur super nos Aurelianensis Episcopi manus, nec est respirandi locus, nisi computrescat iugum à facie olei, & de sede misericordiæ scintilla veritatis exurgat, quæ insultantis inimici consumat insaniam in spiritu iudicij, & spiritu ardoris. Odit personam vestram, causæ vestræ insultat, legatos vestros persequitur, super fideles vestros frendet dentibus, & tabescit; minis, damnis, iniuriis, quos potest afficit per se; quos non potest, pretio conductâ potestate ducit in exterminium, & in omnibus his non auersus furor eius, sed

B adhuc manus eius extenta, nec suum credit ad victoriam peruenisse iudicium, nisi vna patrem cum filiis complicit in ruina. Superbia est quæ trahit eum & malitia, nec sumptus habet ad perficiendum, quia potestatis fauorem non habet, nisi quantum muneribus aut pollicitationibus adquisiuit: & facilè transit gratia, quam non affectus, sed munera pepererunt. Appellauimus ad præsentiam vestram, nec prodest nobis Apostolicæ Sedis reuerentia. Omnia disponit ad libitum; & si quos patitur suæ voluntatis aduersarios, indignatur & maledicit quàm malè. Licere sibi existimans quicquid libet, nec officium Pontificis exercens, sed tyranni. Distribuit honores immeritis, ab Ecclesia remouet innocentes. Præbendas dimidiat contra morem, qui dies & actus suos dimidiare debuerat, & mala præterita recogitare in amaritudine animæ suæ. quorum tristis insania totam ferè Galliam infecit, & faciem deuenustauit Ecclesiæ. Iam enim & per eum & propter eum famosa illa nobilis Aurelianensis Ecclesia, honestatis sedes, scientiæ domicilium, iustitiæ locus, atrium disciplinæ, facta est spelunca latronum, & infra Simonis Petri retia non cohærens, Simonem Magum vlnis ambitionis amplectitur, & à tramite veritatis per vanitatis ministrum publicè in contrarium retrocedit, & efficitur tanquam panis subcinericius qui non reuersatur. Prouideat igitur, beatissime Pater, laboranti Ecclesiæ vestra dignatio, prouideat & nobis, qui pro appellatione ad vos facta, qui pro fidelitate vobis & vestris exhibita, damnum sustinemus & exilium: & sic oculis prouidentiae vestræ iudicium præparet ad ruinam, vt potestas impio minuatur, qui Sedis Apostolicæ potestatem quantum in se est minuire non veretur, & Apostolatus vestri dispositionibus obuiare. Formido venerando inimica est proposito, & dubia tempora iustitiæ certitudinem euacuare non debent. Sed agendum est modis omnibus vt sanctificetur gladius Petri in bestia tam crudeli. Euaginerur in zelo mucro Domini, qui veritate limatus est vt fulgeat; iudicio exacutus, vt victimas cædat. Si meretur sterilitas abici, quomodo in agro Dei noxij germinis subsistet iniqua plantatio? Apertæ sunt catharactæ cœli, vt credimus, & de cœlestibus stillat indignatio, & Apostolicæ manus fortitudinem induantur, vt denudetur iniquitatis fundamentum vsque ad collum, & finem iniquitas sortiat, quem in die suæ promotionis sermo diuinus ei pronostica significatione proposuit. Aperto enim, sicut moris est, super eum Euangeliorum libro, sermo qui primus occurrit sic erat. *Adolescens autem relicta sindone, nudus profugit ab eâ.* Memini ego Letoldus cum essem apud vos quiddam dixisse ridiculè, quod ad rem pertinet, & finem bonæ consummationis expectat pro vestræ ministerio potestatis, quod tale est. Vir bone, Rollande, vir prudens, vir venerande, mandescelus hoc vlciscere grande. Prouideat itaque vestra pietas, & mandate præcipiendo Aurelianensi Episcopo, vt quicquid post appellationem nobis abstulit, sine diminutione restituat: cum parati simus in præsentia quorumlibet Legatorum vestrorum aut vestra ipsi debitam & plenariam iustitiam exhibere.

Tom. IV.

L L I iij

EPISTOLA CCCXIII.

EXCELLENTISSIMO Domino suo LVDOVICO Dei gratiā Francorum Regi, Fr. R. dictus Abbas Vallis-clara, totūque eiusdem Ecclesiæ Conuentus salutem & orationes quas possunt. ANTE pedes clementiæ vestræ, spemumerò deposuimus lachrymabilem querimoniam super domino VVilchardo Comite de Roceo, qui quotidianis afflictionibus Ecclesiam nostram opprimere non desistit. Terras Ecclesiæ nostræ violenter & absque iudicio eripuit, transiūm nobis per terram suam prohibet. VVionagia quæ nunquam dedimus, nec dare debemus, à nobis exigit: eleemosynas, quas Pater eius Ecclesiæ nostræ iampridem contulit, irritas habet. Seruientes sui permissione, immò præceptione ipsius, grangias nostras cum violentia intrant, seras frangunt, animalia nostra abducunt, annonam, & ceteram supellectilem pro libitu suo asportant: Conuersos, & famulos nostros spoliant, verberant, & vulnerant. Super his omnibus per Dominos nostros Archiepiscopum Remensem & Episcopum Laudunensem submonitus, & commo-nitus est vt resipisceret, & non resipuit: excommunicatus est, & contemnit. Vestra etiam benignitas pro nobis seruis vestris ter vel amplius per Literas, & per proprium nuntium vestrum, etiam propius per vos ipsum ore ad os conuenire, & commonere eum dignata est: & neque sic se correxit, imò deterior postmodum effectus est, adeò vt in facie nobis exprobrando diceret: Modò veniat Rex, & liberet vos de manibus meis, si potest. Dicit etiam coram omnibus, quòd neque propter vos, neque propter ipsum Deum cessabit, donec aut penitus nos destruerimus eum, aut ipse omninò deleuerit nos de terra. Ad Deum tamen, & ad vos, Domine, quem sub Deo aduocatum habemus, sunt oculi nostri, ne pereamus: quia nisi in proximo veniat super nos, & subueniat misericordia vestra, ante faciem eius subsistere non poterimus. Valeat dignationis vestræ Excellentia.

EPISTOLA CCCXIV.

PISSIMO Regi Francorum LVDOVICO dilecto & illustri Domino, P. Dei miseratione Ecclesiæ Sancti Remigij humilis Minister, temporali felicitate felicitatem promereri sempiternam. MANDASTIS mihi palestridum, qui ad opus vestri faceret. talem sanè nullum habeo, sed habere quàm citiùs potero non differam, nec dissimulabo. Quòd si fortè non potero talem inuenire qui vestra dignus gratia videatur, hoc ipsum vobis remandare, & alio genere seruitij recompensare, vsque ad festum Sancti Andreæ sollicitus ero. Sciatis enim, quòd ad seruiendum vobis maior mihi semper fuit, & adhuc est animus, quàm facultas. Miror autem quo animo acceperitis seruitia quæ vobis præterito anno exhibui, quippe cùm necdum rescire potuerim, nec adhuc mihi innotuerit vos scire, vel gratum habere quòd vobis miserim copiam quatuor marcarum, & Domino nostro rhedam trium equorum occasione vestri seruitij & causa commodauerim, quos nunquam rehaui. Valeat Excellentia vestra.

EPISTOLA CCCXV.

LVDOVICO prepotentissimo Domino Dei gratiā Francorum Regi gloriosissimo, GIBERTVS Christi pauperum seruus, & Dei pietate Hospitalis Hierusalem Magister, salutem cum omni Conuentu Fratrum, & seipsum in Christo. NOTITIA nostræ infirmitatis benè agnouit, Domine pie Rex, res & possessiones, quas peregrini sancto desiderio iter Hierusalem arripientes causa videndi sanctam Christi Resurrectionem, sub vmbra manus vestræ saluas & illæsas consistere voluerunt. Idcirco Altitudini vestræ supplicamus, quatinus de quibusdam malefactoribus, qui terram cuiusdam probi viri, videlicet Guillelmi de Donperre, incendio eorum peruersitate cremauerunt, ipso Hierusalem permanente, talem indè iusticiam placeat facere, quòd alius qui audierit ampliùs non præsumat confimile. Valere.

EPISTOLA CCCXVI.

LVDOVICVS
VII. IV.
NIOR.

EXCELLENTISSIMO *Dei gratiâ Regi Francorum* LVDOVICO Domino suo, B. beati Martini Turonensis Decanus fidelis suus salutem & debitam subiectionis obsequium. QUONIAM de protectione vestra plurimum confido, utpote de qua tota spes & fiducia mea pendet, idcirco ad vestri solatium præsidij, quotienscumque mihi opus est, securius & confidentius confugio. Noscat igitur discretio vestra, quod Thesaurarius noster cum parte Capituli nostri, Clericis Cableiz, & uniuerso populo per legatum Capituli mittere disposuerunt Literas, ut Præposito Cableiz de rebus ad Præposituram pertinentibus nullatenus responderent. Sed quoniam Literæ illæ per legatum Capituli non erant dirigendæ, voluntati eorum iuste obuiui. volens per meum nuntium easdem Literas mittere, utpote qui hoc habeo ex feodo vestro, & dignitate Decanatus, dare honorem Præposituræ, & vestire & deuestire Præpositos. Super hoc itaque causa mei, & ad meum dedecus, à diuino cessare præsumpserunt officio. Vestram itaque Celitudinem exoro, ut eis per Literas vestras significetis, ut ab illa cessatione disistant. Paratus enim sum in vestram deuenire præsentiam, & quod irrationabiliter cessauerint, rationabiliter paratus sum ostendere. Si verò præfatus Thesaurarius se vobis præsentauerit, benignitatem vestram imploro, ut ipsius verbis assensum non præbeat, donec à vobis die statuta ego & ipsæ præsentia vestra nos offeramus: quia tunc certus sum ostendere, quod magis in eum quàm in me redundanda est iniuria, & culpa transferenda.

EPISTOLA CCCXVII.

LVDOVICO *Dei gratiâ illustri Francorum Regi, VV. de Bellomonte Briuatensis Ecclesia Canonice* salutem. CLEMENTIAM vestram, ô bone Rex, scire volo, quia post treugas, quas apud Bituricas mihi ex parte Decani Briuatensis, & B. de Mercorio, & S. de Pauliaco, qui eorum scelerum particeps est, dedistis, me postquam à vobis discessi, crastina die postquam Briuatam veni, in cimiterio beate Mariæ S. de Pauliaco incautum & ex improviso cum ense suo ferè usque ad mortem vulnerauit. Vnde clementiam vestram humiliter imploro, quatinus mihi debitam iusticiam super tanti sacrilegij præsumptione faciat. Dilatet Dominus Imperium vestrum.

EPISTOLA CCCXVIII.

LVDOVICO *illustri Dei gratiâ Francorum Regi, Fr. G. dictus Abbas Cistercij, omnisque Conuentus Episcoporum & Abbatum ibidem congregatorum, salutem cum omni precum instantia.* Si vestra decorari præsentia nostra Congregatio mereretur, suprema nobis instaret solemnitas. singulari lætitia pariter lætaremur. Sed quia nunc istud defuit, non paruum nobis gaudium præstitit vestra salutatio, Literarumque vestrarum dignatio. Quippe cum in vobis Ecclesia sancta à Deo sibi paratum reppererit refugium, magnum munimen, & inexpugnabile patrocinium. Hac de causa etsi magnum gaudium sit in terris, incomparabiliter maius celebrari non hæsitamus in coelis. Et nos quas possumus pro vobis Deo referimus gratias, qui aliis excæcatis, & in errore derelictis, lucem veritatis vobis dedit non solum agnoscere, sed etiam diligere, amplecti, contueri. Nunc autem Serenitati vestrae humiliter preces offerimus pro Abbatia de Curia Dei, quam pater vester fundauit, Maiestas vestra benignè semper fouit & custodiuit. In cuius ruinam dominus VV. Hostiarius vester quamdam domum ædificat. Nam si tam prope domum Curia Dei Domus Religiosorum fiat, peremptio eius est. Quod ne fiat, vestra suppliciter obsecramus in hoc prouideat sollicitudo. Si quid verò nostra valet exiguitas apud Deum, omnino vestrum est. Et vbi vestri memores existimus, ut diuina vos pietas in bono conferuet, prout possumus Domino preces offerimus. Valete:

LLI iij

A MANTISSIMO *Patri & Domino dignè reuerendo* LYDOVICO *Dei gratiâ* *illustri Francorum Regi, Ios. Turenensis Ecclesia Minister humilis scipsum, & ab eo saluari qui dat salutem Regibus.* QUANTVM illustres vestri progenitores & proavi magnifici Reges Francorum Ecclesiæ Dei deuoti semper extiterint & fideles, quanta ei commoda & deuotionis obsequia exhibuerint, nos ex multis utilitatibus & magnis, quæ per eos prouenerunt, manifestè cognouimus. Nouit & hoc tota plenius Gallicana Ecclesia, nouerunt & omnes qui iustitiam colunt, & diligunt veritatem. Vos itaque progenitorum vestrorum laudabilis imitator, & paternarum virtutum verus successor & heres, ad eorum exemplum singularem & vnicam matrem Ecclesiam Dei, ex quo Regnum vestræ commissum est Excellentiæ, gubernandum propensius dilexistis, & in tribulationibus suis fideliter assistendo, nihil est vnquam quod à deuotione ipsius, & subuentione regum potuerit animum retardare. Vnde nos videremur totius humanitatis oblit, nisi vestro & Regni vestri honori, augmento, & promotioni essemus solliciti omni tempore dignissimè respondere, & pro tam ardenti feruore caritatis, vestræ voluntati semper intendere curarem. Cùm igitur ad honorificentiam Regiæ Maiestatis & officium spectet, Ecclesias & Ecclesiasticas venerari personas, & peruersis ad iniusta erumpentibus aditum inhibere, vestræ benignitatis clementiam, quam in hac parte feruentem inuenimus & deuotam, pro dilectissimo filio nostro Am. venerabili Abbate Burgulienfi, securè duximus exorandam: vt si quis auctor iniuriarum, & peruersitatis executor aliquid sinistrum, vel honestati contrarium de ipso in auribus vestræ Celsitudinis, quod absit, intimare præsumperit, in conspectu vestræ Maiestatis tanquam organum falsitatis obmutescat, & infra Sanctuarium pectoris vestri sermones detractatorum in seruum IESV CHRISTI nullam inueniant occasionem malignandi. Super hoc enim Deum, qui videt in abscondito, testem habemus, quia secundum quod humana fragilitas nobis scire permittit, prænominatus filius noster Abbas apud Deum & homines illæ opinionis est, vitæ & conuersationis integerrimæ. Qui cùm ad huiusmodi cogere-tur oneris dignitatem, & Monasterium in extremis ferè palpitans expiraret, bona ipsius per incuriam quorundam alienata reuocans plurimum dilatauit, & tanquam pius Pater vtriusque hominis hinc inde pia pabula vitæ subministrans, iuxta beati Benedicti Regulam in spiritualibus ordinem reformauit. Insuper in omnibus nostris oportunitatibus, omni tempore feruens exitit, & deuotus. & in his quæ ad honorem vestrum pertinere noscuntur, eius dilectio nunquam apparuit otiosa. Valeat, & duret in longum nobis & Ecclesiæ suæ vita vestra.

EPISTOLA CCCXX.

C

D OMINO suo carissimo LYDOVICO *Dei gratiâ excellentissimo Regi Francorum, Fr. G. Pont. dictus Abbas salutem & omnimodam in Christo prosperitatem.* VESTRÆ pietatis excellentia fiduciam nobis ingerit, qua pro benefactoribus & amicis nostris Maiestatem vestram interpellare præsumimus. Hinc est quod pro benefactore non solum nostro, sed & totius Ordinis nostri, Clarembaudo scilicet Cathalaunensi, preces nostras alia vice vestri gratia suscepistis, & ex parte effectui mancipastis. Verum quia præfatus amicus noster, pro cuius liberatione pietati vestræ supplicauimus, nondum ex toto liberatus est, preces precibus addere cogimur, quatinus eum diuinæ miserationis intuitu, & nostræ supplicationis interuentu liberare dignemini. Valeat in Domino vestra Maiestas.

EPISTOLA CCCXXI.

E XCELLENTISSIMO *Domino suo* LYDOVICO *Dei gratiâ Regi Francorum, G. Cathalaunensis Ecclesia Electus, ab illo saluari qui dat salutem Regibus.* SUPER beneficiis & libera voluntate, & honore quem mihi & generi meo exhibuistis, Sublimitati vestræ quascumque possum gratias refero. Hoc enim solo pie-

A tatis & misericordiae vestrae intuitu actum est, non ex meo, vel ex aliquo parentum meorum merito. Quid igitur retribuam pro beneficio mihi tam misericorditer collato? Vnum est proculdubio, me per omnia & in omnibus vestrum esse, me & meos vobis obedire paratos indubitanter assero. Quia igitur spes & refugium meum in Dei misericordia & vestro consilio est, pietatem vestram attentius exoro, quatinus amore Dei iram Domini mei Remensis, quam grauius fero, apud quem etiam pro filiis hominum gratia Dei plurimum potestis, mitigare nostro in negotio dignemini. Testor enim Deum, apud quem non est locus mendacii, quod ei sicut & vobis, quem specialius diligo, seruire & obedire per omnia desiderio magno desidero. Valete.

LVDOVICVS
VII. IV-
NIOZ.

EPISTOLA CCCXXII.

L VDOVICO Dei gratia illustri Francorum Regi, VV. Briuatenfis Ecclesiae Praepositus, & B. Abbas, & totus Conuentus, cum eo regnare cuius Regni non est finis. Ad aures vestrae Regiae Maiestatis, o bone Rex, multotiens peruenit, & etiam in praesentia vestri persape ventilatum est, quam nequiter Decanus noster intolerabili animi sui nequitia Briuatensem Ecclesiam, & villam quae vestra est, destruxit, & quomodo in praesentia vestri promisit apud Bituricas se stare arbitrio amicorum suorum & nostrorum. quod modo prorsus ipse recusat. Immo Comitem Rutenensem, & VV. Aruernorum Comitem, & Robertum filium eius, cum innumera multitudine militum & Basclonum ad destruendam Briuatensem villam, quae vestra est, in proximo adducere machinatur, ipse & frater suus Beraldus. Unde clementiae vestrae supplicamus, quatinus & coronam quam Beraldus de Mercorio retinet, quae pro certo redempta est, & texta aurea quae Decanus habet, nobis reddi faciatis, & praedictis Comitibus, & Beraldo de Mercorio, & Decano si placet mandetis, ne villam quae vestra est infestent, aut super eam cum exercitu veniant. Nos enim parati sumus per manum vestram, aut per manum domini Papae facere & accipere ab eis quicquid iustitia dictauerit. quod omnino Decanus recusat. Dilatet Dominus Imperium vestrum. Quod autem Simon cliens noster de nobis vobis dixerit, pro vero habeatis.

EPISTOLA CCCXXIII.

VENERABILI Domino suo LVDOVICO Dei gratia Regi Francorum potentissimo, G. Autissiod. Ecclesiae Praepositus, VV. Decanus, & vniuersum Capitulum, salutem & deuotum seruitium. Nos & maior pars Capituli nostri ex praeepto domini Papae ante dominum Senonensem Archiepiscopum conueneramus pro querelis, quas erga Niuernensem Comitem habebamus. Interim nuntiatum est nobis, quod seruientes sui ex mandato suo Brebentiones suos in quadam parte terrae nostrae iacere fecerunt, in qua nec ipse, nec antecessores sui iustitiam, nec omnino aliquid iuris habuerunt: sed de regia pender Corona, & sub patrocinio vestro se huc usque tutam fuisse laetatur. Eapropter nobilitati vestrae supplicare cogimur, ut Comiti scribatis, quatinus hoc emendari faciat; & totam terram, quae vtrique vestra est, in tutela & defensione vestra accipiat. Valete.

EPISTOLA CCCXXIV.

REVERENDO Domino suo LVDOVICO Dei gratia magnifico Regi Francorum, Senonensis Ecclesiae Minister humilis salutem & seruitium. QUOTIENS importunis prauorum hominum oppressiōibus impellimur, totiens nos recurrere necesse est ad vos Principem & Regem nostrum, qui gladium habetis à Domino ad expugnandum inimicos Ecclesiae Dei. Latorem praesentium pauperem Presbyterum de Sancto Germano, quem Paganus miles, & Bobetus, & Andreas Raucaris, seruientes vestri, Adam etiam Salsus, modis quibuscumque possunt aggrauant, eo quod pro minuta decima excommunicati sunt, mittimus ad misericordiam vestram: obsecrantes ut eum stare faciatis in pace in villa eadem, quoniam ei minantur de corpore suo, ita quod Presbyter non audet remanere in villa: & pra-

LVDOVICVS
VII. IV-
NIOR.

dam suam, quam violenter ei abstulerunt, fracta domo sua in atrio, ei reddi præcipiatis. Aliter Presbyter non auderet remanere in villa, nisi sub custodia vestra & conductu. Et si aliquid causæ haberent in Presbyterum, haberemus eum ad iustitiam ante vos, si vobis placeret, vel ante nos. Præterea Præpositus vester de Moreto R. nuper cepit prædam Gauteri Presbyteri nostri de Oe, qui Decanus noster fuit de Miliduno, pro eo quod de quibusdam hominibus vestris acceperit emendationem iustitiæ, dum esset Decanus. Credo quod non videtur Serenitati vestræ quod sit iusta causa, ut propter hoc deberet capi præda Presbyteri, quoniam ante nos nullam eis defendebat iustitiam exhibere. Indè etiam rogamus, ut prædam restitui faciatis, & Presbyter paratus est vel ante vos, vel ante nos iustitiam exhibere. Valeat Serenitas vestra.

EPISTOLA CCCXXV.

DOMINO suo reuerendo LVDOVICO Dei gratiâ Regi Francorum, B. Cathalaunensis Ecclesiæ dictus Decanus, cum vniuersitate Capituli sinceram dilectionis & reuerentia integritatem. De vestræ clementiæ magnitudine plurimum præsumentes, Regiam Maiestatem, quod non deceret, coacti, & variis iniuriis prouocati, sollicitare compellimur. Et cum calamitatum numerus, molésque immensa, de omnibus vestram misericordiam expectantes; quia tamen familiaris plus nocet inimicus, quædam nuper illata, multoque ceteris grauiora vestræ dignitati notificare curauimus. G. igitur iunior de Iuinuilla nepos Domini nostri Episcopi, de quo nihil tale sperauimus, qui etsi non pro Dei, vel vestra, saltem pro amicorum suorum reuerentia & honore Ecclesiæ nostræ deferre, imò & plus aliis eandem tueri & fouere deberet, domum Canonici nostri violauit, hominem vestrum vinctum & captiuium abduxit. Super hoc iustitiam expetimus, sed huc vsque nil actum est. Ad hoc aliud apposuit. Homines enim nostros tam in villis nostris, quam alibi constitutos, multis infestat exactionibus. ita ut iam eis erga ipsum summa redemptionis plus quinquaginta libris constiterit. His & similibus grauati ad vos confugimus, suppliciter rogantes ut Ecclesiam nostram solitæ pietatis compassionem respicere dignemini. Præterea pro homine & seruiente nostro M. vestræ Excellentiæ preces offerimus, qui in quantum cognouimus iniuste grauatus, cum semper iustitiæ astare paratus fuerit: & ne falsis suasionibus aduersus ipsum vestra commoueatur Serenitas, veritatem ab ipso sub probabili assertione cognoscere poteritis. Valete in Domino.

EPISTOLA CCCXXVI.

EXCELLENTISSIMO Domino LVDOVICO Francorum Regi, humiliter Casa Dei Conuentus à Domino perpetuam pacem. SÆPISSIME ad aures vestras peruenit, quantas persecutiones à Roc. de Pollemniaco passi sumus, quanta mala & damna nobis intulit. Adhuc persequi, & multo maiora, quam ea quæ vobis relata sunt, inferre non cessat. Nostra solito more aufert, ingressum & egressum armata manu prohibet, & quod nequius est, non solum membra, sed caput nostrum dominum Abbatem, & eos qui cum ipso erant, assultare ausus est, & cum gladiis in fugam conuertit. in tantum ut vnum de sociis exequitaret, & mulam sibi auferret, & alium vsque ad mortem vulneraret. Ad tantam ergo inopiam nos deuenire coëgit, quod panem in refectorio multotiens habere non possimus. Ligna siquidem propriis dorsibus nos deferre longè à Monasterio nostro ferè dimidia leuca oportet. Si omnia quæ ab ipso patimur scribere vellemus, timemus ne vestræ magnitudini fastidium generarent. Ea verò quæ scriptis intimare omittimus, ore proprio præsentium latores vobis poterunt narrare. Eapropter lachrymabilibus precibus prostrati ad pedes clementiæ vestræ, clamamus per Deum & eius sanctam Genitricem, ut nostri misereamini. Famuli quidem vestri sumus. Post Deum protectorem, defensorem præter vos non habemus. Notum pro certo vobis sit, quod nisi pia prouidentia vestra nobis subuenerit, necesse est nos i Monasterium relinquere, & hostiatim victum adquirere. Prouideat igitur vestra discretio quid nobis expediat. Credimus enim quod firmam pacem Deo propitio nobis nunc dare valeatis.

EPISTOLA CCCXXVII.

LYDOVICVS
VII. IV-
NIOR.

ILLVSTRISSIMO Domino LYDOVICO Dei gratiâ Francorum Regi, Fr. G. *Claranallis dictus Abbas suus & Fratrum suorum orationes in Domino.* FIDVCIAM nobis præbet experientia vestræ benignitatis pro pauperibus vobis & indigentibus supplicandi. Quin etiam iniunxit nobis dominus noster Episcopus Lingonensis, ut pro præsentium latore, cuius ei tanquam prope manenti necessitas magis innotuit, supplicemus vestræ liberalitati. Credimus etiam quoddam non ingratum sit misericordiam diligenti pro exigenda miseratione rogari; præsertim cum non lateat vestram Serenitatem, eleemosynam omnem conferre magis præstanti quàm accipienti.

EPISTOLA CCCXXVIII.

LYDOVICO Dei gratiâ illustri Francorum Regi, VV. *Briuatensis Ecclesia Proposita, & B. Abbas, & totum Capitulum, & Burgenses, cum eo regnare qui regnat in perpetuum.* MAIESTATIS vestræ Celsitudini, ô bone Rex, iam notificauimus, & adhuc notificamus, nos voluntate & mandato vestro iurasse supra sacrosanctas reliquias per manum Domini A. Cardinalis, & Domini Mimatenfis sine omni exceptione, de controuersia quæ est inter nos & Decanum, facere Decano & suis quod iustitia dictaret, aut prout voluntas eorum ex peteret. Decanus verò ex parte sua pro se & pro suis se idem nobis facturum eodem modo iurauit. Tandem causa controuersie in præsentia illorum utrinque ventilata & cognita, cum nos & facere & recipere quod iustitia dictaret sperauimus; Decanus spreto sacramento, quod in præsentia vestra, & in præsentia illorum duorum sine omni retentione fecerat, Curiam domini Papæ appellauit. Postea verò nobis volentibus & querentibus consilio R. clientis vestri, ut nobis treugas firmas per manum ipsius daret, omnino repudiavit. Imò grauiora & peiora prioribus comminatus est, & ita quoddam homines sui homines nostros ceperunt, & in compedibus posuerunt, & adhuc captos tenent, & etiam ea quæ nobis hoc anno abstulerat, & in domo Decanæ reposerat, annonam scilicet & vina, & alia multa, nobis cernentibus, de villa nostra asportat, & in castris suis recondit. Nos autem amore & timore vestro, sibi prohibere nolumus. Vnde clementiæ vestræ humiliter supplicamus, quatinus super hoc nobis consularis. Dilatet Dominus Imperium vestrum.

EPISTOLA CCCXXIX.

CLORIOSISSIMO Francorum Regi Domino LYDOVICO, Fr. St. humilis Cluniacensis Abbas salutem in illo qui dat salutem Regibus. TEMERITATI fortassis ascribent illi, qui non de iudicio, sed de sui animi leuitate aliorum metiuntur affectus, quoddam tam frequentes vestræ Serenitati Literas dirigo. Sed ego nec aliorum iudicia timeo, nec formido sententias, ubi ipsam, etiam si videbitur vobis, importunitatem meam de pietate dilectionis atque affectu descendere sentio. Amor enim quod sentit aut vix, aut nullatenus nouit dissimulare. Et ut tam frequens, nescio an importunus in scribendo vobis sim, vestra mihi contulit pietas. Vtrum autem quæ suggero bona sint & necessaria vobis & Regno, vestrum erit considerare. Scio, nec aliqua mihi inest dubietas, quin totam vestram intentionem, totum studium sit, ut Ecclesiæ Dei, ut pauperibus Christi salus & pax integra conseruetur. Sentiant hoc qui propè sunt. utinam sentiant & qui longe! Fallunt & falluntur, qui corporum tantum vobis curam commissam putant. Commissa est & animarum. Nolumus in hac parte demulcere vos. Credite nobis, non cum solis Ecclesiarum Rectoribus summus ille omnium Rector rationem positurus est. Positurus est & cum Regibus. Considerate totum Regnum vestrum quasi quoddam integrum corpus. Quid prodest in eodem corpore sic partis alterius prouideri salutem, quoddam altera morbo depereat? Quasdem plerumque latius videmus serpere lues, & dum minus mala cauentur, ex insperato sana putridis viciari. Non sola Francia de Regno vestro est, licet sibi nomen Re-

LVDOVICVS
VII. IV-
NIOR.

gis specialius retinuerit. Est & Burgundia vestra. Nihil magis illi quàm isti debetis. Illa, quoniam sibi vicinior estis, tanto maiori gaudet otio, quanto pace longiore lætatur. Hæc è conuerso terra est cui maledixit Dominus, terra quæ difficile dictu vtrum ipsa potius habitatores suos, quàm à suis habitatoribus deo-
retur. Satis hætenus in se collisa erat, satisque destituta. Emergit nunc in ea quæ-
dam immanissima pestis, gens potius bestias repræsentans quàm homines: pauca
quidem numero, sed feritate immanis. Vix enim quadringenti sunt. Hij de Im-
perio nuper egressi fines nostros nemine resistente peruagantur: non sexui, non
ætati, non conditioni alicui, non denique Ecclesiæ, non castro aut villæ parcen-
tes. Dubitamus vtrum astu inimici hominis, & ingressus Regni, & hominum vi-
res atque animos explorare cupientis, id factum sit. Quid enim multitudo pote-
rit, cum tantum potuerit paucitas? Audiuius sanè ad partes istas vos venire
proposuisse. Terra, sicut diximus, pauperrima est, iam deficientibus in ea à mul-
tis annis victualibus. Si mihi vestra Celsitudo credere dignaretur, videretur sa-
nioris consilij, vt aliquos de Episcopis & Proceribus vestris huc præmitteretis, qui
statum terræ considerarent, qui ordinarent res, loquerentur Principibus, pacifi-
carent patriam. Agèrent cum ipsis vice vestra, vt turbatores pacis & refugas ana-
thematis subderent maledicto. Et ita dispositis rebus aduentus vester melior vi-
deretur. Hoc si bonum ducitis, si placet, fiat. Sin secus, non succenseatur amici
consilio, quod de pietate & dilectione processit.

EPISTOLA CCCXXX.

EXCELLENTISSIMO Domino LVDOVICO Dei gratiâ magnifico & paci-
fico Francorum Regi, P. Bituricensis Ecclesiæ humilis Minister, salutem & veræ hu-
militatis obsequium. De affectione regis mansuetudinis, quam domino Papæ &
Cardinalibus pro Ecclesiâ Bituricensi, & pro nobis, qui vestri sumus, exhibuistis,
grates agimus vestræ Celsitudini, non quidem quantas debemus, sed quales ad
præsens possumus. Nam ab ore ipsius domini Papæ accepimus, quod diu Literas
ram affectuosas à vobis non acceperit, & ab ipso nuntio nostro, quem per gratiam
vestram benignè audistis, vestram erga nos & Bituricensem Ecclesiam cognoui-
mus benignitatem. Vnde licet & nos vestri simus, & Ecclesiâ Bituricensis vestra
sit, & modis omnibus vestro prompta seruitio; sola tamen benignitate ista, quam
nunc ostendistis, magis debitores & magis obnoxij constituimur vestræ Sublimi-
tati. Precamur autem, & humiliter supplicamus, vt si quando Senonis aliquem
nuntium miseritis, vel domino Papæ scripta vestra, dum nos ibi moramur, desti-
naueritis, non sit vobis onerosum domino Papæ iterum effundere pro nobis & pro
Ecclesiâ vestra, quatinus cognoscat vestram liberalitatem, nostri reminisci; vo-
bisque placere, si Bituricensis Ecclesiâ ius suum per vestram intercessionem valeat
adipisci. Per instantiam enim precum, & iterationem scriptorum vobis esse cor-
di videbitur, si eadem Ecclesiâ, quæ vestra est, iuris sui & honoris integritatem
consequatur. Conseruet vos Dominus sanum & incolumem per tempora multa,
& inimicos vestros velociter conterat sub pedibus vestris.

EPISTOLA CCCXXXI.

GLORIOSISSIMO Domino suo LVDOVICO Dei gratiâ Francorum Regi
serenissimo, M. Tusculanus Episcopus, ab illo saluari qui dat salutem Regibus.
CREDIMVS Excellentiam vestram à paruitate nostra Literas accepisse, in qui-
bus si diligenter aspexistis, quantæ deuotionis & fidei circa vos & Regnum ve-
strum simus, perpendere potuistis. Statum Imperij, & quæ de proposito Impe-
ratoris persensimus, discretioni vestræ per præsentia scripta intimare disposuera-
mus. Sed quoniam S. latorem præsentium vobis & Coronæ vestræ fidelissimum
cognouimus, fidei eius & deuotioni ea quæ de ordinatione Imperij intendimus,
vobis reuelanda commisimus.

EPIST.

EPISTOLA CCCXXXII.

LVDOVICVS
VII. IV-
NIOX.

LVDOVICO *Dei gratiâ glorioso Regi Francorum Domino suo; Guichardus Decanus, Rainaudus de Vergé Cantor, & totus Matisc. Conuentus, salutem & subiectionem.* SÆPENVMERO Excellentie vestre conquesti sumus super iniuriis, quas G. Comes nobis inferre consuevit. Scripsistis ei super his, & insuper eum commonuistis, ut ab hac temeritate se compesceret. Sed ille neque Deum, neque Regiam Maiestatem reueritus, post preces vestras mala semper malis addere non formidauit, & peiora minatur: scilicet ut breuius dicamus, villæ nostræ interitum. Et nisi regia manus nobis subuenerit, nunc proculdubio cernimus aduenisse ciuitatis nostræ exitium. Parauit enim ingentem miliciam, cui resistere non valeamus, unde locum nostrum destruere disponit. Supplicamus igitur vestre pietati, ut eius insolentiam comprimatis, & ab eius tyrannide nos liberare festinetis. Spem in alium non habemus, nisi in vos, qui totis precibus flagitamus, ut periculum nostrum quod instat releuare citius satagatis.

EPISTOLA CCCXXXIII.

BDOMINO suo serenissimo LVDOVICO illustri Francorum Regi, Hv. Decanus, & Lingonensis Ecclesiæ Conuentus, salutem & debitam subiectionis reuerentiam. VENIENS ad partes nostras Abbas Sanctæ Columbæ, domino nostro venerabili G. quondam Episcopo Literas attulit, quarum tenor hic erat, ut ei crederet tanquam vobis. Porro idem Abbas pro causa Hugonis Brec. diem ex parte vestra denominauit, scilicet Dominica qua cantatur, *Isti sunt dies*. Verum personæ nostræ redeuntes à Curia vestra, nihil se super hac die à vobis audisse asseruerunt. Cum igitur ad præsens multis implicati simus negotiis, incongruum nobis videtur ad rem minus certam hoc iter arripere. Maximè verò iure nos petimus excusatos haberi, quod Electus noster ex mandato Apostolico Sabbato ante præfatam Dominicam ab Episcopo Eduensi Diaconatum est recepturus. Cum igitur absque consilio & præsentia eius quidquam agere nec debeamus, nec valeamus, euidenter videtis nos non posse venire.

EPISTOLA CCCXXXIV.

REVERENTISSIMO Domino & Abbati suo LVDOVICO *Dei gratiâ Francorum Regi, B. Decanus, G. Thesaurarius, totumque Ecclesiæ beati Martini Turon. Capitulum, ab eo saluari per quem Reges regnant.* CVM de munifica donatione, & eleemosyna patrum vestrorum locupletata sit Ecclesiæ beati Martini, inter ceteras Regni vestri generosum tollit apicem: vobis Domino, Patri, Patrono & auctori suo specialiter adhærens, ut membrum capiti suo. Verum inuidia, quæ nunquam quiescit, quæ liuore & malitia sua intabescit, eam in partibus suis persequitur & fatigat: minimè attendens, quod qui membrum contristatur, offendit & caput. Cum enim Comes Niuernensium in villa nostra Cableix aliquem hominum nostrorum alicuius facultatis & opulentie cognouerit, ipsum statim dicit iure seruitutis esse suum, cum sciat rem nobis esse difficilem cum ipso causam agere, quia via nobis longinqua sit & sumptuosa, cum nec quisquam nostrum contra ipsum ius nostrum audeat perhibere. Rogamus igitur Regiam Maiestatem vestram, quatinus pro amore beati Martini ipsum ut fidelem & hominem vestrum moneatis, ut parcat rebus beati Martini, & hominibus Cableix quæ vestra est, quoniam Reges & Imperatores prædecessores vestri inter ceteras possessiones aliorum omni praua consuetudine immunem & exactione esse voluerunt, & egregia libertate priuilegiauerunt. Quæ cum inuidiam multorum moueat, vestrum est eam protegere & tutari. Valete.

EPISTOLA CCCXXXV.

A

LVDOVICO *illustri & glorioso Francorum Regi Domino & amico suo carissimo,*
H. V. Dei gratiâ Vintoniensis Ecclesiæ Minister, salutem & omne bonum. QVOD
inter nos mutuum amorem à longo tempore recognoscitis, & ex accidentibus fir-
mius radicatum dicitis, quantas possumus Excellentiz vestræ grates referimus.
Quantis verò pressuris & laboribus affligimur, per præsentium latorem Petrum
de Meliduno seruientem vestrum cognoscere poteritis, in quibus necesse est vt
manum consilij & auxilij vestri mihi benignè porrigatis. Et quoniam Rex Angliæ,
sicut nobis dictum est, modò habet gratiam & amorem vestrum, ipse etiam Rex,
vt dicitur, in proximo transfretare disponit: rogamus Excellentiam vestram,
de qua plurimum confidimus, quatinus vel præsentem illum si ad vos venerit, vel
absentem si ad vos non venerit, per Literas & nuntium vestrum conueniatis, vt
causa visitandi vos & neptem meam det mihi licentiam transfretandi.

EPISTOLA CCCXXXVI.

EXCELLENTISSIMO & omnium veneratione digno LVDOVICO Dei
gratiâ Regi Francorum piissimo, Fratres Cartusia utinam pauperes spiritu, post tem-
poralem ad aternam pervenire Coronam. IN tantum, Domine Rex, de clementia &
bonitate vestra confidimus, quòd in angustiis nostris ad vos post Deum certum
refugium nos inuenire credamus. Quidam scismaticus olim Gratianopolitanus
Episcopus crudelissimus persecutor domini Papæ Alexandri pro viribus suis ex-
ticit, & adhuc in eodem perseverat. Hic matrem vestram prædictam Ecclesiam
multis iniuriis & damnis affligit, & nobilem atque honestum Episcopum, quem
dominus Papa consecrauit, & eidem Ecclesiæ præfecit, cum quibusdam aliis scif-
maticis persequi non desistit. Et quoniam credimus dispositione diuina euenis-
se, vt Terra illa & Comitatus ille ad vestrum nepotem vertatur, videtur nobis &
multis aliis quòd eidem terræ pacem & quietem providere debeatis. Rogat igi-
tur, & humiliter obsecrat prædicandam Excellentiam vestram qualiscumque par-
uitas nostra, quatinus super hoc Comitem Sancti Egidij conuenire non dedigne-
mini: prudenter, sollerter, atque instanter insinuando illi, vt dominum Episco-
pum nostrum, & Ecclesiam sibi commissam condigno honore teneat, & more bo-
ni Principis contra impugnantes scutum protectionis semper opponat. Tenerri-
mum filium vestrum, quem vobis & terræ suæ dedit Dominus, proficere faciat
Deus & Dominus noster, sapientia, ætate, & gratia. Valete.

EPISTOLA CCCXXXVII.

C

DOMINO suo carissimo illustri Regi Francorum LVDOVICO, Clericus eius
deuotus Laurentius Rothomagensis Ecclesiæ vocatus Archidiaconus, & promptum
in omnibus pro posse seruitium. VOCAVIT Dominus de seculo amicum vestrum
Rothomagensem Archiepiscopum, fide & bonis operibus plenum: quem, vt cre-
dimus, apud Deum pro vobis & amicis suis efficacius confidimus patrocinari,
quantò liberior spiritus eius efficitur pondere carnis. De cetero, sciat vestra Su-
blimitas, quoniam homo iste, pro quo Domine Imperatrici scribere placuit, re-
cusat omnem iustitiam coram hominibus vestris de Parisius, & de Beluaco, obla-
tam sibi tenendam, nisi planè habuerit querelam suam totam sicut exigit. Præ-
cepit insuper Domina Imperatrix, quòd tantum ei fieret de iustitia pro honore
vestro, quantum posset fieri ditiori & sublimiori burgensium de tota terra nostra:
ita etiam quòd homines & mercatores terræ vestræ, qui inuenirentur Rothoma-
gi, interessent causæ suæ, & viderent, & testarentur quòd fieret ei de iustitia tan-
tum quantum ex iure posset fieri.

A gratiâ Dei Romane Ecclesie summo Pontifici, HUGO Ecclesie beatae Mariae Andrinapoleos Abbas licet indignus, necnon & Petrus Sancti Iohannis Constantino-
poleos Hospitalis Prior, obedientiam & obediencie obsequium. CVM non solum Sanctitatis vestrae fama, imò & cooperatrix Christi gratia, vniuersos sanctae fidei cultores cogat, & te iure venerari ut patrem, & per omnia vestris obtemperare praeceptis: nos & debita subiectionis caritate, & vestrae famae bono odore excitati, in remotis regionibus inter extraneos ad Ecclesiae firmitatem, & vestrae dignitatis honorem desudamus: ne pestis praesens Orientalem inficiat Ecclesiam, aut in nostro tempore vacillans titubet Ecclesia, vel vestrae dignitatis inter Orientales adnichiletur reuerentia. Sciat igitur Sanctitas vestra, nos apud beatum Egidium post sex mensium, à Ianuarij scilicet principio ad Iulij initium, tam regionum, quam marium continua & innumerabilia pericula, in expeditione sancti & semper augusti Domini nostri Imperatoris, & vestrae dignitatis Legatione, aduentasse. Sed fatigatione corporum, & diuersarum incursione aduersitatum attriti, longioris viae iter absque nostrarum virium defectu aggredi non valemus. Vnde sanctitatem vestram obnixè flagitamus, ut laboris nostri ægritudine compatiendo, quid & qualiter sit agendum nobis insinuetis. Habemus enim quædam personae vestrae dictu accommoda, & ad vtilitatem respicientia, quae non licet alteri nisi vestrae Sanctitati intimare, & nobilissimo Regi Franciae. Valete.

EPISTOLA CCCXXXIX.

ILLUSTRI Francorum Regi LVDOVICO Domino suo vtrè dilecto & benefactori precipuo, FR. R. Maioris-Monasterij humilis Minister fideles orationes. DE praecepto domini Papae nuper apud Burgulium cum domino Turonensi, & Episcopo Andegauensi, quos ipse dominus Papa ibi miserat, ut si ea quae per famam ventilata erant de venerabile Fratre nostro eiusdem loci Abbate inquirerent, fuimus; & ea quae per Ministros suos mendaciis excogitatis diabolus aduersus innocentem & simplicem virum machinauerat, falsa penitus diligenti inquisitione reperimus: atque eos qui talia in Patrem & Pastorem animarum suarum tam inconsultè iactauerant, mediante æquitatis censura à corpore Ecclesiae illius tam praedicti Domini quàm ego Apostolica fultis auctoritate separauimus, & Cisterciensi Ordini deputauimus. Si autem ad praesentiam Serenitatis vestrae, ipsi qui malignitatis studio adherentes, nec ipsi iustitiae pepercerunt, accesserint, & quidquam super hoc reclamauerint, excommunicatos eos vobis denuntiamus, quia caput, & signifer eorum Prior videlicet Castri-fortis Cisterciensem Ordinem de Burgulio pulsus praelegit, & nos cum illuc sub anathematis interminatione misimus, nusquam diuortium ei indulgentes. Pro praedicto siquidem venerabili Abbate testimonium in veritate ferimus, quia nullus Erratum suorum, sicut ab eis accepimus, vnquam de eo religioni contraria usque ad tempus istud nec vidit nec audiuit: Regiae Maiestati vestrae supplicando, quatinus cum sicut honestum virum, & totius patriae magnum luminarium diligatis, & nuntios suos preces eorum admittendo benigne suscipiatis. Valete.

EPISTOLA CCCXL.

VENERABILI Domino suo LVDOVICO Dei gratiâ Francorum Regi nobilissimo, HUGO suus & Rothomagensis Sacerdos, salutem, honorem, & gloriam. CONQUESTI sunt apud nos Canonici nostri & vestri beati Melloni de Pontifara super Hulduino Concanonico suo, qui iure Capituli ipsorum contempto Praepositum eorum de VVadencurt ante se venire summonuit, eique quinquaginta solidos violenter abstulit. Super hoc nobilitatem vestram rogamus attentius, quatinus hoc emendare Hulduinum cogat dignitas vestra; & ne praedictam villam de VVadencurt ipse, vel alij inquietate praesumant, regia censura prohibeat. Rogamus etiam, ut res eorum, quas contra iustitiam sauerunt, Hugo Malus-vicinus, & VValterus de Pleiz, & Drogo de Curceles, eis liberè & quietè reddi faciatis. Conseruet vos Dominus Ecclesiae suae per tempora longa.

EPISTOLA CCCXLI.

A

EXCELLENTISSIMO Domino suo LVDOVICO Dei gratiâ Francorum Regi, B. Ecclesia beati Martini Decanus, salutem, & deuotum subiectionis obsequium. Iuxta mandatum vestrum domos Nicolai Frammaudi occupantes & vxori & familiæ eius interdiximus; vt cum Nicolaus rediret in domum suam, nullatenus receptaretur. Ipse verò reuersus, spreto mandato vestro, in domum quam interdixeramus receptatus est. Præterea, vinum quod erat in quadam terra beati Martini extra castrum nouum cepimus, sed postea saluam cautionem de trecentis solidis suscipientes pro vino, vinum amicis eius reliquimus. Consilium ergo meum est, & Maiestati vestræ id expedit, sic istum grauare, vt alij qui iamdiu insoluerunt perterrescant, & vt mandetis mihi & Thesaurario & Capitulo, vt iterum domum capiamus, & ipsum Nicolaum cum tota familia sua eliminemus, & illos trecentos solidos vobis mittamus. Sed tamen hoc ita absconditum habeatis, vt ex proprio consilio vestro, non ex meo id facere videamini: propter dominum Papam, qui Nicolaum in hac parte & contra vos, & contra Ecclesiam nostram fouet & sustentat. De cetero, cum omni humilitate vos deprecor, vt negotij mei erga dominum Guillelmum memor sitis. In vobis enim post Deum vnicum meum refugium est, & quod feci in honorem vestrum, in diuturnum non debet mihi cedere detrimentum. Valete.

EPISTOLA CCCXLII.

DOMINO suo LVDOVICO Dei gratiâ Regi Francorum, A. Mimatensis Episcopus salutem & debitum honorem. EXCELLENTIAE vestræ immensas gratias refero, quia dignatio vestra semper recordatur serui sui inter niues habitantis, & nostra negotia quasi propria benignè assumitis. Et verè nostra vestra sunt, Domine, quoniam vestrum & diligo, & augmentari desidero: ita ut & me pro vestra gloria ponere si placuerit non dubitem. Ceterum quæ dicenda sunt per Magistrum R. fidelem vestrum vobis suggero, & vt eum tanquam me audiat, exoro. Dignus est enim audiri à vobis & diligi, quia vos diligit in veritate.

EPISTOLA CCCXLIII.

PRÆPOSITO, Decano, & Archidiacono, & vniuerso Capitulo Autissiodorensi. INVITAT nos officij nostri debitum, & hortatur, vt illis personis diligentius intendamus, quas in deuotione feruere cognoscimus, & in seruitio Ecclesie promptiores. Inde est, quòd de sinceritate vestra certam spem fiduciamque tenentes, pro dilecto filio nostro Magistro P. Concanonico vestro, quem pro eo quòd nobis gratus & deuotus existit carum & acceptum habemus, deuotioni vestræ preces affectuosas porrigimus: per Apostolica scripta rogantes plenius, quòd pro reuerentia beati Petri ac nostra, & intuitu carissimi in Christo filij nostri LVDOVICI illustris Francorum Regis, cuius seruitio insistit, ei beneficium Præbendæ suæ, quam in Ecclesia vestra possidet, vsque ad triennium, vel saltem vsque biennium, concedatis. Ita quòd ipse de deuoto deuotior vobis possit existere, & nos exinde debeamus deuotioni vestræ gratias vberissimas exhibere.

EPISTOLA CCCXLIV.

LVDOVICO excellentissimo Regi Francorum, P. Sylua-Maioris humilis Minister, totiusque Conuentus, sic regnare in seculo vt placeat ei qui regnat in celo. IN omni negotiorum nostrorum utilitate recursum ad dulcedinem bonitatis vestræ fiducialiter semper habemus. Caritas quippe & iustitia hoc faciunt, quæ penes magnificentiam summopere locum obtinere noscuntur. Hinc est, quòd Excellentiam vestram humili prece deposcimus, quatinus pactum quod Fratres nostri de Semeio pro angustia temporis, & pro quibusdam nouis acquisitionibus magnis debitis astricti, cum domino Aruceo Morini Canonico sanctæ Crucis as-

A sensu nostro facere compulsi sunt, sicut in Literis nostro sigillo munitis continetur, vestri etiam Priuilegij auctoritate confirmare dignemini. Ut robore vestrae tuitionis præfata pactio sic rata permaneat, ut post decessum prædicti viri ad nos sine alicuius contradictione reuertatur. Præterea Fratrem Rainardum, cui nouam ædificationem in Ecclesia Sancti Ioannis de Breis commisimus, sicut specialiter vestrum, magnitudini vestræ commendamus: rogantes ut ei consilij & auxilij vestri manum porrigatis, quatinus locus ille nouiter inceptus per ipsum faciente vestra dignatione augmentum accipiat. Incolumitatem vestram Filius Virginis per longa tempora conseruet, ut sub vestra dulci protectione diutius gaudeat Ecclesia. Valete.

LYDOVICVS
VII. IV-
NIOR.

EPISTOLA CCCXLV.

LYDOVICO *Dei gratiâ illustri Francorum Regi, Briuatenfis Ecclesia Capitulum & Burgenfes, cum eo regnare qui regnat in perpetuum.* CLEMENTIÆ vestræ, ô bone Rex, notum facere volumus, nos nullum alium præter Deum & vos defensorem habere. Maiestatem verò vestram latere non credimus, nos arrogantia & malitia nostri Decani ad summam miseriam peruenisse. Ecclesiam enim thesauro spoliauit, & villam ferè totam combussit. Quid enim voluntatis Decanus habeat vos prorsus ignoratis. Decanus enim castellum supra Decaniam ædificauit, ut vobis & nobis dominium villæ auferret, & sibi vendicaret. Consuetudo enim Mercorienfium est, ut ubicumque pedem figere potuerint, totum sibi vendicent: sicuti fecerunt de quadam Abbatia quæ Basilla dicitur, & ad ius Comitis Aruernorum consanguinei vestri spectat, quam sibi ex toto abstulerunt. Vnde Maiestati vestræ humiliter supplicamus, quatenus tantæ cladi, si placet, finem imponatis. Sciatis enim nos nullomodo cum Decano pacem posse habere, quousque ædificium Decaniæ, quod factum est contra consuetudinem Ecclesiæ, ad pristinum statum redigatur. Conquerimur etiam de corona data à Domino Carolo Rege antecessore vestro in signum libertatis Ecclesiæ, quæ propter pecuniam vobis à nobis promissam in vadimonio posita fuit, quod pecunia soluta eam nullomodo habere possumus. Conquerimur etiam super Bertrando Ebrardi, qui castrum quoddam iuxta villam nostram consilio & auxilio Decani, nobis contradicentibus, in strata ædificauit, vnde teloneum inconsuetum à transeuntibus accipit. Conquerimur etiam quod mercatores, qui per nostram villam transire solebant, nullomodo Comitibus prohibentibus transire audent. Vnde Celsitudinem vestram humiliter imploramus, & ante pedes vestræ clementiæ quamuis absentes procumbimus: quatinus nobis ut bonus Princeps consulatis, & tanta mala ad honorem vestri, & vtilitatem nostram terminari faciatis. Dilatet Dominus Imperium vestrum, & magnificet vos super omnes Reges.

EPISTOLA CCCXLVI.



LYDOVICO *per Dei gratiam Francorum Regi gloriosissimo, AMALRICVS per eandem Hierosolymorum Rex salutem.* VESTRÆ credimus innotuisse Serenitati, carissime, multorum ex relatione veridica, quoniam postquam peccatis nostris exigentibus Princeps Antiochenus à Turcis captus fuit, & omnes sui aut captiuitate, aut morte perdit, & pessumdati sunt: ex improviso superuenit repentinus interitus. A seculo etenim inauditus terræ motus castella, turres, municipia, omnia ferè tam in montanis, quàm in planis, tam in Antiochia, quàm in omnibus ei adiacentibus tum in planis, tum in montanis solo adæquauit, & innumerabilem, proh dolor! Christianorum vtriusque sexus multitudinem morti improvisæ addixit & extinxit, & ut veriùs dicamus, terra tenus absorbit. Ad cumulum autem miseriæ, & in summam desolationis omnimodæ, viam vniuersæ carnis ingressus est, cheu! ille Rex inclytus & egregius, clypeus & fortitudo, post Deum, Ecclesiæ Orientalis, & præcipuè Regni Ierusalem vnica & irrefragabilis spes, & fiducia salutaris,

Tom. IV.

MMm ij

LYDOVICVS
VII. IV-
NIOR.

vester vestrique Regni præcordialis, nostræque Dominus & frater, Rex Christianissimus Balduinus. Cuius ideo inconsolabilior & vehementior est transitus dolor, & desolatio, quod Deo auctore, in ipso, & per ipsum, omnium vniuersitas Christiana habebat promptum adiutorium, & contra singula infestantia sufficientiam. Indè, indè est nimirum dilectissime, quod vestræ Maiestati tanquam lineamenta de capite pendentia inclinantes, sustentamentum nostrum, & fidei deificæ basem æneam, inexpugnabilemque ciuitatem, Serenitatem vestram fore in Christo cognoscimus, & humilitatem nostram vestram esse curam peculiarem in Domino profiteamur. Quæ ergo vel quanta fuerit veræ caritatis abundantia & perfectio in piæ memoriæ amico vestro Rege Ierusalem prætaxato, Dei pro causa, & illius inuictissimo amore, in nostra nunc omnibus appareat, & Ecclesiæ Orientalis desolatione. Sicut enim de prædecessorum vestrorum & totius prosapiæ vestræ piissima intentione verissimè didicit sanctitas vobis innata, ex more & proposito laudabili semper consuevit Regnum cui præstis in Domino ciuitatem sanctam, & regionem ei vniuersam adiacentem, & vniuersos fidei Catholicæ charactere insignitos protegere, fouere, manutenere, & corroborare. Si itaque spiritus consilij Serenitati vestræ magnificæ inspirauit, velle iterum ad maiorem coronam vestri visitare locum vbi steterunt pedes Domini corporaliter, modò instanter saltem in hac Christianitatis magna necessitate & anxietate multimoda venire non denegetis, non differatis. In vestra sanctitate enim omnium vota conueniunt, & pro nutu vestro, & amico Imperio, nos & Regnum nostrum totum confudabimus dignè Deo. De cetero vestræ commendamus paterhitati præsentium latorem magnæ honestatis virum, & venerabilem Mamistrix Archipræsulem, ad omnia benè agenda strenuum, quatinus eum benignè recipiatis, & ei sicut ori nostro credatis. Illi enim, ne epistolarem excederemus breuitatem, secreta nostra ut vobis viva voce edisserat, commisimus. Valete.

EPISTOLA CCCXLVII.

A Dei gratiâ sanctæ Resurrectionis Ecclesiæ Patriarcha, carissimo filio LYDOVICO eadem gratiâ illustri Francorum Regi salutem, & cunctorum hostium triumphum. QVONIAM paterni Regni solium conscendere vos fecit diuina dispensatio, pro gratia vobis collata diuinam interpellamus clementiam ante passionem & resurrectionem Dei & Domini nostri IESU CHRISTI, ut idem Deus & Dominus noster vitam vestram prosperè prolonget ac foueat, & post huius vitæ terminum vitam vobis tribuat sempiternam. Quia verò sub vestra tutela pauperes Christi quietè conuersari & fructificare cognoscimus, & filiis nostris pauperibus Leprosis, qui extra muros Ierusalem perpetuo infirmitatis suæ detinentur & damnati sunt carcere, de quorum cruciatu & ardore non tantum dicere possumus, quantum oculis vestris vidistis: Sublimitatem vestram rogamus attentius, commendantes vobis latorem præsentium eorundem pauperum fratrum, quem Excellentia vestræ pro sua necessitate transmittunt: quatinus ea audita, prout vobis visum fuerit, & Deus vobis inspirauerit, eorundem necessitati, qui humani aspectus, & humanæ prorsus lætitiæ sunt expertes, occurrere dignemini. Ut pro his, & pro aliis beneficiis à remuneratore bonorum omnium Deo & in præsentī victoriam, & post peractam temporalis Regni administrationem æternæ beatitudinis accipere mereamini portionem. In præfato siquidem loco ex diuersis mundi partibus infirmorum & pauperum Dei circumfluit multitudo; & quoniam ad sustentandam eorum miserabilem & inopem vitam multa eis sunt necessaria, & multorum euidenter indigent auxiliis; Orientis Ecclesiæ multis tribulationibus & paganorum incursionibus oppressa eis ex toto in necessitatibus subuenire non potest. Vnde benefactores eorum vniuersos omnium orationum & beneficiorum nostrorum, & eorum maximè quæ in sancta ciuitate Ierusalem fiunt, & de cetero fient, participes & consortes facimus.

EPISTOLA CCCXLVIII.

LVDOVICVS
VII. IX-
NIOA.

A Dei gratiâ sanctæ Resurrectionis Ecclesiæ Pætharchæ, carissimo in Christo filio LVDOVICO eadem gratiâ Gallia Regi victorioso & illustri, ab eo saluari qui dat salutem Regibus. SINCERA qua vos amplectimur veræ caritatis dilectio, & debita Patriarchalis officij, quæ nobis incumbit sollicitudo, nos compellit & immo-
net Ecclesiis nostris providere, & in quibus secundum Deum possumus totius Christianitatis profectibus & utilitatibus inuigilare. In medio siquidem nationis prauæ & perversæ positi, ab infidelium tyrannide singulis ferè diebus impugna-
mur, & assiduas inimicorum Christiani nominis insidias & pericula sustinemus. Quantò igitur maiora & viciniore nobis imminent pericula, tantò magis nos pro-
vidos esse & sollicitos oportet, & ab illis consilium & auxilium quærete, qui & abundant, & conferte nouerunt, & dare consueverunt. Habemus autem in fi-
nibus Patriarchatus nostri, in ciuitate Panedensi, quæ dicitur Belinas, Ecclesiam quandam tam reueranda veneratione antiquitatis antiquæ celebrem; quàm mul-
tis & multorum miraculorum insignibus decoratam & exaltatam. Quæ scilicet Ecclesia in illo loco Cæsareæ Philippi olim fundata fuit, in quo primum & solum
B Christus filius Dei viui à Petro Apostolorum vertice per fidei rectæ confessionem manifestissimè prædicatus & declaratus est, cum præ omnibus, & pro omnibus proclamant: *Tu es Christus filius Dei viui*. In quo etiam locis huius beatæ confes-
sionis retributionem audire ex ore Dominico sibi dicente, *Tu es Petrus, & super hanc petram ædificabo Ecclesiam meam*, & clauēs Regni cælorum, potestatemque ligandi atque soluendi recipere ipse promeruit. Hæc igitur Ecclesia quondam tam
inclita, & omni veneratione & obsequio digna, à Turcis Christiani nominis inia-
micis nunc ferè euerfa: & peccatis nostris exigentibus, tam illustris olim, tam præclara ciuitas, quæ nostræ Ierusalem propugnaculum & antemurale à cunctis
fidelibus esse dinoscitur, nomen inane duntaxat remanet. Etenim in spurcissimæ
gentilitatis sita confinio, & barbara ferocitate ipsius impugnata, & assidua capti-
uitate, & morte filiorum suorum optimis quibuscque destituitur, & minorata sin-
gulis diebus ferè periclitatur. Nouissimè autem temporibus nostris suscitauit
Deus spiritum serui sui I. venerabilis Fratris nostri, in eadem ciuitate de nouo
ordinati & constituti Episcopi, qui multo corporis labore, multa rerum suarum
impensa, eandem Ecclesiam ad pristinum statum reuocare cupiens, per varia pe-
ricula maris & terræ transitum faciens, ad genua caritatis vestræ tandem elapsus
est: vt calamitatem & mendicitatem tantæ & tam reuerentissimæ Ecclesiæ vobis
insinuet, & condonationes & relaxationes, quas consilio venerabilium Fratrum
nostrorum Archiepiscoporum, Episcoporum, Abbatum quoque & Priorum, ad
tantam Ecclesiam releuandam fecimus, vobis ostendat. Eapropter regalem Ma-
C iestatem vestram assiduis precibus humiliter exoramus, quatinus venerabilem
Fratrem nostrum prædictæ ciuitatis Episcopum, quem honestas & probitas ipsius
satis commendat, Dei gratiâ & nostra reuerentiâ benignè recipiatis & honoretis,
& in suis iustis petitionibus eundem misericorditer exaudiatis. Valere.

EPISTOLA CCCXLIX.

DOMINO suo LVDOVICO Dei gratiâ Francorum Regi, RAIMVNDVS
Dux Narbonæ, Comes Tholose, & Marchio Prouinciæ, debita fidelitatis obsequium.
PRO negotio, super quo Legati Imperatoris Constantinopolitani, cum nostris, ad
honorem Regni vestri, sicut credimus vobiscum conuenerunt, Legatos nostros cum
Legatis domini A. summi Pontificis ad Græcorum Imperatorem transmisimus. Por-
rò discretionis vestræ placuit Legatos vestros ab itinere ad vestram præsentiam euo-
care. Vnde qui in omnibus vestri consilij prouidentiam nobis ducem præfiximus,
& vestram sequentes auctoritatem Legatis Græcorum nos obligauimus; preca-
mur iterum, quoniam iam sera esset pœnitentia, Excellentiam vestram Regiam,
vt tales Legatos ad Imperatorem Constantinopolitanum mittatis, per quos nego-
tium speratum ad gloriam & securitatem Regni vestri Deo propitio ad effectum
valeat perducere, & ad nos optata commoda peruenire. Interuentu namque & in-

MMm iiii

stantia discretorum & fidelium Legatorum consueuerunt magna & ardua negotia optatum & prosperum finem sortiri. Valere. ()

EPISTOLA CCCL.

LVDOVICO Dei gratiâ excellensissimo Francorum Regi, R. de Balneo de numero fidelium Domini E. Constantinopolitani Imperatoris semper Augusti, sincere fidelitatis obsequium. * LEBATIONIS negotium, super quo Adrianopolitanus Abbas, & Prior Hospitalis Constantinopolitani, cum Legatis Domini R. Sancti Egidij Comitibus vestram visitauere præsentiam, mihi cum eis pariter, tanquam Imperij fidelissimo à Domino meo E. inelyto & sancto Imperatore iniunctum fuit. Proinde, quia ipsi apparatu meo & prouidentia iam ad Dominum meum Imperatorem marino itinere redire coeperunt, fidelitatis debito, quam vobis exhibere tanquam Domino desidero, confidenter consulendo rogo, & rogando consulo, ut Legatos vestros & Literas ad Dominum meum E. Imperatorem sanctum sine cunctatione & mora mittatis, Scio enim quia fraterno amore & germana caritate personam vestram, honorem Regni vestri, & gloriam diligit, & indissolubili vinculo & germano consortio vobis sociari & vniri exoptat. Viuat & valeat per multa tempora Sublimitas vestra, & me inter fideles Regni vestri numerare dignetur.

B

EPISTOLA CCCLI.

LVDOVICO Dei gratiâ Regi Francorum illustrissimo, à priscis iam temporibus sibi dilectissimo, AMALRICVS eadem gratiam Hierosolymorum Rex salutem & veri amoris indicium. QVONIAM à longè retrò temporibus terram sanctam Hierusalem, Regni que Hierosolymitani exaltationem cordi vobis fuisse nouimus, piam Serenitatis vestræ dilectionem humiliter exoramus, ut quod diu gestatis in corde adimplere cunctis opere, & prædictæ terræ subsidium prouidere mente sollicita studeatis, & negotij illius, pro quo venerabilis Archiepiscopus Mamistranus Galliarum partibus destinatus est, memores sitis, quoniam in instanti plusquam lingua queat exprimi, necesse est fieri. Præterea ex quo Mamistranus Archiepiscopus à nobis discessit, fertur quotidie Imperatorem aduenire. Qui statim cum venerit, verentur omnes Orientales vna nobiscum absque omni dubio ipsum illam habere, quoniam in tanta debilitate prostrata succumbit. Quòd nisi aliunde sibi venerit auxilium, eandem Antiochiam Turcis aut Græcis cedere indubitanter necesse est. Mente igitur deuota, corde sollicito, cursu concito, Imperatorem illum, de quo magis timemus, præuenire studeatis, quia non in terram alienam, verum in eam, quæ in omnibus, & per omnia vobis erit exposita, venietis: & tam nos, quàm omnes alij, iussionibus vestris obtemperabimus.

C

EPISTOLA CCCLII.

LVDOVICO diuina gratiâ illustrissimo Francorum Regi, B. de Blanc. pauperis Militie Templi Magister dictus, cum vniuerso eiusdem militie Conuentu, omnimodum cum debita reuerentia famulatû in Domino. ORIENTALIS Regni perturbationem & graues euentus intextos infortuniis scripto vobis intimare operæpretium duximus, cum prosperorum nuntiandi facultas vniuersaliter ferè nobis denegeretur. Ne verò Maiestatem vestram prolixa improperiorum nostrorum relatione amaricare videamur, capitulatim vobis ea scribere inuicti compellimur. Ecce persecutores veritatis ac fidei inspecta angustiarum nostratarum multitudine, insoliti furoris audaciâ aduersum nos armantur. Ipsos namque R. Principis Antiochiæ exaltat captiuitas, cædēsque suorum & magnatum Principatus factæ in Principis captione. Hinc ab eis terra depopolata ipsos lætificat, hinc nutu diuino nostrorum exigente mole peccaminum, terræmotu dissipatæ munitiones, euersa castella quamplurima, innumerique quos dirutorum murorum collisio oppressit, multiplicato eorum furore aduersum nos, multò acrius solito accendit. Ecce iterum prædicta grauia multo grauiora ac flebiliora flebilibus nouissimè subsecuta sunt. Rex namque Bald. qui omni vitæ suæ tempore murus stetit inexpugnabilis pro domo Israël, na-

A turæ perfoluens debitum viam vniuersæ carnis ingressus est, scilicet damnum diebus nostris incomparabile. Hæc & his similia Ecclesiæ persecutores attendentes ab extremis eorum finibus in vnum conuenerunt, quasi vir vnus aduersus Sanctuarium Dei, delere de terra memoriam nostram. Ecclesiâque fidelium, quod absit, infinitæ eorum multitudinis oppressione deprauare conantur. Super hoc Dei ac vestrum auxilium, consilium, & subsidium ingemiscientes postulamus. Regnum etenim Hierosolymitanum, licet plurimum propriis viribus destitutum sit, necesse tamen est quatinus Antiochiæ Principatui omninò desolato manum consolationis extendat, virisque quas, vt ita dicam, non habet viriliter largiatur. Sed quid egenti præstare poterit, qui egestate afflictus in se ipso angustiat? Oppressionem igitur Orientalis Regni & Ecclesiæ ipsa conscientia vestra diligenter inspicat, in Passionis, Resurrectionisq; loci subsidium inflammetur. Oramus obsecrando quod possumus, quod ipsi quærimus Dominicæ à vobis impetret locus Resurrectionis. Singula improperiorum nostrorum, attenuationis nostræ, elationis inimicorum, Passionis ac Resurrectionis Christi malorum vobis scribere numerositas impedit. Quæ nos latorum præsentium scilicet Fratrum nostrorum relationi fideliter commendauimus, ac sub eorum testimonio reseruari dignum credidimus.

EPISTOLA CCCLIII.

B **L**VDVICO Dei gratiâ illustrissimo Francorum Regi, B. Domus Templi Magister dictus quamuis indignus, cum eiusdem Domus Conuentu, seruiturum cum dilectione. NOBILITATI vestræ notum fieri volumus, quod dominus Guillelmus de Deo per postquam ad Orientales partes transfretauit, vt Dominicum visitaret Sepulchrum, ceteraque Oratoria circuiret, quidam eius vicini suam terram crudeliter inuasert, igne eam pessimè deuastantes. Vnde Serenitatem vestram modis omnibus deprecamur, quatinus hoc quantum ad vos pertinet fieri non permittatis, sed ultionem in eos qui hoc præsumunt faciatis: vt ceteri vestram iusticiam audientes, tantum scelus vltius committere non attemptent. Magnum siquidem detrimentum in hoc poterit Orientalis Ecclesia sustinere, quia multi sic sua perdere metuentes transfretare dubitabunt. Maiestati vestræ grates indefinenter exsoluimus de beneficio nobis & Fratribus nostris à vobis impenso.

EPISTOLA CCCLIV.

C **I**LLVSTRISSIMO atque excellentissimo Domino LVDVICO Dei gratiâ Regi Francorum benignissimo, GIBERTVS eadem gratiâ Sancti Hospitalis Hierusalem Custos licet indignus, cum omni Fratrum Conuentu salutem, & sanctarum orationum Hierusalem æternam participationem. **I**NTER cetera caritatis opera, quibus ad regna sit ascensus cœlestia, eleemosyna præcipuè summum locum obtinet: omni tam veteris quàm noui Testamenti pagina verum super hoc perhibente testimonium. Huius itaque deuotionis intuitu, Regalis vestræ Maiestatis magnificentia Spiritu sancto diuinitus illustrata, sanctissimam Domum pauperum Hospitalis Hierusalem placentem Deo, & per omnia acceptabilem, deuotè diligere, manutenere, vestrarumque beneficiis eleemosynarum larga manu ditare, ac recreare semper consuevit. Super quo non est dubium, quin propter sincerum vestræ benignitatis affectum, quem specialiter pro regno cœlorum adipiscendo erga Deum, & erga omnia quæ sibi pertinent, in toto Regno vestro consistentia, caritatiuè exhibetis, tot barbaræ gentes, tantæque diuersorum populorum nationes, vestræ de die in diem subiunguntur ditioni. Dignum enim & iustum esse iudicamus, vt qui Deum diligit, eiusque mandatis puro corde obtemperare nititur, in bonis, & de bonis Domini gaudeat, teneat, atque victoriosè possideat. Si enim protoplastus Adam, quia inobediens fuit voci Dominicæ, mundum cum omnibus in eo creaturis manentibus aduersarium atque contrarium sibi habere promeruit: ita si aliquis fidelis voluntati Domini benè obediens aliquando inuenitur, quod rarò contingit, tam mundum, quàm omnia mundana beneplacito suo debet habere subiecta, & sine omni obstaculo inuenire parata. Vt igitur diuinæ bonitatis clementia, sine cuius nutu nihil boni fieri potest, hæc prædicta vo-

bis, Rex illustrissime, iuxta vestri affectum animi concedere dignetur, Deum semper prae oculis habere, & ea quæ Dei sunt in Regno vestro salva & secunda custodite: & præcipue & specialiter Domum sanctorum pauperum Hospitalis Hierusalem, in qua verè Christus in membris suis suscipitur, sicut vestris aspexistis oculis, diuersisque modis seruitur, solito vestre pietatis more diligite, manutene, & ab hostili manu tanquam bonus patronus protegendo defendite: ut beatorum precibus & intermissione pauperum, quibus Regnum cælorum à Christo traditum est, in præsentem prosperitatem mentis & corporis, pacem in Regno vestro, & tranquillitatem, de hostibus triumphum, & post huius vite transitum stolam immortalitatis cum eisdem pauperibus in regno cælorum feliciter adipisci mereamini Amen.

EPISTOLA CCCLV.

LUDOVICO Dei gratiâ Francorum Regi gloriosissimo, summo & incomparabili viro dilectissimo suo, A. gratiâ eiusdem Hierosolymorum Rex salutem & dilectionem. LACRYMABILEM & luctuosum de Domino ac fratre nostro inclyto Rege B. rumorem, heu! heu! vobis per præsentia scripta intimamus, denuntiantes vobis quoniam in die Scholasticæ virginis vocatione diuina migravit ad superiores. Verumtamen nos Regno ipsius, quod nobis hereditario iure obueniebat, nunc potimur, & sine omni impedimento, atque in bona omnium hominum nostrorum voluntate in solio Regni nostri consolidati sumus. Quia verò, illustrissime, tota Christianitas in Oriente vehementer attrita, & grauius solito oppressa, nimium laborat tum ex infortunio R. illustris quondam Principis Antiocheni, qui ut vos iamdudum audisse arbitramur, rediens ab expeditione captus fuit, cæsis aut captis ferè omnibus illis qui in comitatu ipsius erant, tum & ex terræmotu, qui in præterito Augusto totius Principatus Antiocheni castella, turrets, & municipia ferè omnia funditus euerit, soloque cœquauit. Rogamus serenitatem Celsitudinis vestre, ut pro terra illa, quam Dominus sua corporali præsentia visitare, illustrare, & consecrare dignatus est, quam etiam, ut liquidò constat, Regnum vestrum spurciis infidelium potenter eripuit, & cultui diuino vendicauit, sollicitus sitis. Et dum licet atque vacat, notum faciatis omnibus quo animo, quo cordis affectu, qua intima sinceritate Dominicum Sepulchrum, hucusque dilexistis. Scitote namque quoniam ab initio, ut à præsentium latoribus certiùs audire poteritis, consilio quidem vestro & festino auxilio, tantum opus, nec consimile fuit. Et si vobis in mentem veniret Dominicum Sepulchrum adire, non in terram alienam, verum in meam, quæ tota vestra est, & erit tempore quidem nostro vobis exposita, proculdubio veniretis. Nos enim ut tantum tamque sublimem Dominum vos modis omnibus honorare, diligere, & omnia, quæ nostri iuris aut sunt, aut fuerunt*. Data ad fontem Sephoriæ vi. Idus Aprilis.

* *Deest ali-*
quid.

EPISTOLA CCCLVI.

LUDOVICO Dei gratiâ gloriosissimo Francorum Regi, & Domino suo excellenti, B. DE BLANCAFORT. pauperis Militie Templi Minister humilis, & ratiis Fratrum suorum Conuentus, orationum munus cum salute. IN venerandæ Celsitudinis vestre præsentia sepe numero relatum credimus, qualiter, quandiu, & qua intentione sub salutiferæ Crucis vexillo, & cum Domino Rege militauerimus in Egypto. Si enim sceleratissimus ille Noredinus interueniente Syraconis audacia Regno Babyloniorum, ut affectabat, potiretur, multiplicatis viribus tantus incumberet Christi regno, ut per pyratice clauso mari periculosum etiam fugæ locum non concederet timidis & ignavis. Ea enim erat intentionum suarum summa, cæque gratiâ miserat in Babylonem Syraconem, ut infinitam Babyloniorum multitudinem vel vi dominationis, vel simulatæ pacis astutiâ secum ascisceret, & in abolitionem Christiani nominis duo potentissima Regna, Babylonis scilicet & Damasci, foderaret in inuicem. Verum respexit nos desuper diuina clementia, dedisque cultoribus suis Christus noster non inuenciam de infidelitate victoriam. Suprà memoratus etenim Turcus, quem adipiscendi Regni gratia missum præsignauimus, Berbesium validissimam ciuitatem Egypti, quam etiam obstrina-

- A**uerat & munierat triginta millibus bellatorum, in triumphalis tandem ligni virtute coactus est reddere seruis Crucis, & non sine magno suorum detrimento pulsus est à patria. Quamquidem, triduo amplius tardante succursu, nullo erat contradicente in dominium possessurus. Nbs autem post hæc omnia reuerentes, inuenimus pro peccatis nostris Terram sanctam satis ac desuper desolatam, Pancadémque ciuitatem, qua non erat in toto Regno munitior, furto sublatam, & reditam Turcis per manus proditorum. Antiochiam quoque miseram ac miserabilem, euerisionem sui iam proximam, & stragem suorum inenarrabilem insolabilibus lachrymis deplorantem. De qua quidem iam non est dubium, quin aut in Græcorum, aut in Turcorum manus veniat, & in proximo, nisi ei diuina miseratione, vestraque superexcellens immensitas succursum prouiderit festinatum. Neque enim potest Rex noster A. magnus licet Deo gratias, ac magnificus, ad defensionem Antiochiæ, & Tripolis, Hierusalem, & Babylonis, quæ seruit cum filiis suis, & cui potissimum metuendum est, quadripertitum agmen ingerere: quas omnes potest Noradinus vno & eodem tempore, si velit, superabundantibus canum suorum copiis infestare. Proinde nouerit magnitudo vestra, dilectum fratrem nostrum, famulumque & amicum vestrum, fratrem Heustercanem pro exhoneratione & relaxatione sua cogente corporis infirmitate totiens supplicasse, vt iam non possemus ei salua pietate contradicere. Mittimus igitur in loco eius
- B** præsentium latorem fratrem VValterum, virum prudentem & discretum, gemina quoque ingenuitate, & aorum scilicet & morum, benè conspicuum, quem & nos his præsentibus tanquam præsentialiter vobis, & mandato vestro committimus & submittimus, & quasi manu ad manum tradimus. Rogantes vt ipsum Dei amore & nostro, in agendis nostris, quæ & vestra sunt, vestra ope fulciatis, & benigno fauore vestro tanquam famulum vestrum proprium in omnibus & per omnia sustentetis. Nam & ipse, sicut diuturna eius conuersatione plenius cognoscetis, est etiam per se honorari dignissimus.

EPISTOLA CCCLVII.

- L**VDOVICO Dei gratiâ Francorum Regi sanctissimo, Domino & amico suo in Christo, Frater G. Fulcherij domorum pauperis Militie Templi Procurator indignus salutem, mittere rem si quis qua caret ipse potest. ANTIOCHENÆ terræ desolationem, Hierosolymorum turbatum Regnum, graues euentus, importunos casus, Christianitatis plagas continuas, lugubres vobis intimare compellimur. Cùm prospera nuntiandi desit facultas, importunitatis tamen, & improperij nostri singula vobis scribere malorum numerositas impedit, dum vix aut nunquam prospera nobis eueniant. Prætermissa igitur tanti infortunij multitudine, graues nostros euentus vobis reuelare satagimus, cùm linguam loquentis lachrymæ desolationis
- C** impediant. Anni autem istius mense Iulio contigit Regem nostrum A. & Magistrum nostrum, ceterosque Terræ Sanctæ Procures fines Babyloniorum intrasse, & Syraconem Noradini Conestabulum, qui ad partes illas declinauerat, vt eas sibi vendicaret, in Berbesio obsedisse. Ipso mense finem dante, & sequente iam intrante, fixerunt ibi tentoria. Quo audito, Noradinus indignatus, animo & mente confusus, eadem tempestate Literis & Legatis suis omnes partes quæ nomen ipsius audierant & tremebant contraxit, & castellum, quod dicitur Harenc, & in finibus Antiochiæ & Alapiæ situm est, contumaci superbia obsedit. Applicatis machinis & petrariis suis, tot & tantis vulneribus obsessos inuaserunt, vt ferè cibariis & aqua carentes amplius tolerare non valebant. Cùm autem hæc ita agerentur, Princeps Buemundus, qui Antiochiæ præsidebat, curam noui Principatus sui viriliter agens, Comite Tripolitano, & domino Torosio, Ducéque Marmistensi, & de Fratribus nostris quampluribus sibi accersitis, fratres & homines suos tanquam bonus Mathatiæ filius succurrere proposuit. Tantos etenim milites, Turcopolos, & pedites coadunauit, quod nunquam nostris in temporibus ab illis partibus tam pulchra coadunatio fidelium aduersus infideles armata processerat. Factum est autem dum aduersus Crucis inimicos duodecimo die exeunte Augusto armati procederent, eos in primo conflictu fugauerunt, sed in multitudine gentium confisi, & plurimum resistentes nostros sustinuerunt, & disconfecerunt,

LVDOVICVS
VII. IV-
NIOR.

Principem & Comitē ceperunt, licet multi eorum corruissent in gladio. Quid A
ultra? victoriā habuerunt, sed cruentam. Præterea huc atque illuc per terram
discurrentes, Harenc ceperunt, & Antiochiā obsederunt. Non est enim qui
eorum immanitati resistat. De sexcentis militibus, & duodecim millibus peditum,
vix pauci qui nuntiarent euasere. Eleuatū igitur cornu inimicorum nostrorum,
humiliata est in laboribus virtus nostra. Supplices etenim flexis genibus coram
caritatis vestræ pedibus prouoluti, à liberalitate vestra auxilium postulamus, &
expectamus. Interpellet vos ipsa conscientia vestra, moueat vos sinceræ caritatis
affectus, redemptionis nostræ locus, Terra sancta, vrbs fortitudinis, Ecclesia pri-
mitiua. Semel ac sæpius vobis talia mandauimus. Nunc autem impensius, ac im-
pressius. Nobis equidem orationes ac rogare, vobis autem operationes ac rogata
perficere diuina gratia præstitit.

EPISTOLA CCCLVIII.

LVDOVICO per Dei gratiam Francorum Regi excellentissimo, Patri in Christo
carissimo, A. per eandem Hierosolymorum Rex salutem, & ab eo qui omnium Regum
est Rex, regi. QVONIAM ex Regia Maiestate vos posse scimus & ex deuotio-
ne piæ voluntatis vos desiderare non ambigimus, omnibus necessitatem patienti-
bus auxilij vestri interuentionem proficere: idcirco per præsentia scripta deslen- B
dam omnibus Christianorum, qui in Terra sancta Hierusalem sunt, erectis Tur-
corum cornibus, depressionem, Sublimitati vestræ, licet eam iam fortè audieritis,
exponere dignum duximus. Nobis apud Egyptum cum Syracuino dimicanti-
bus, & per virtutem Dominicæ Crucis indè cum maximè si ibi permanisset vni-
uersitati Christianitatis nociturum expellentibus, factum est vt Comes Tripolita-
nus, & Princeps Antiochenus, cum multo exercitu ad liberandum castellum prope
Antiochiā situm nomine Haring, quod Noradinus cum innumera multitudine
obsederat, irent, & auxilio diuino hostibus eorum aduentui cedentibus liberarent.
Accidit autem, vt dum præfati, Princeps scilicet & Comes, non contenti tanto
Dei beneficio superbè hostes ad loca naturaliter munitissima insequerentur, ipsos
ab hostibus capi, & omnem ferè eorum exercitum partim capi, partim occidi. Ad-
ditus est præterea huic dolor dolori. Nam traditorum manus præfato Noradino,
cū adhuc in Egypto essemus, Panudium, quod vulgo Belinas dicitur, tradide-
runt. Sic itaque quasi in angustia pendulo sancta laborans Terra, vestrum & ve-
strorum potissimum, quod sibi efficacissimum fore speramus, nobiscum implorat
auxilium. Valete. Datum Antiochiæ 11. Id. Ian.

EPISTOLA CCCLIX.

EXCELLENTISSIMO Regi Francorum, H. non nunc, sed quondam Prior de C
Monte Tabor, licet indignus, salutem, intimaque dilectionis effectum cum salute in
Christo. QVONIAM subiecti vniuscuiusque est Domino suo status & seriem
habitudinis suæ Literis declarare, idcirco mea Epistola, quamuis magna inter sit
locorum distantia, prætulit ad vestras posse venire manus. & nihil est de quo læ-
tior esse queam, quàm si vsq; ad vestri præsentiam Deo concedente superuenerit.
Cōsiderato à minimo etiam vestræ Curia Clerico, sciatis me in Curia Domini Im-
peratoris Constantinopolis præ omnibus suis familiaribus primatum tenere, ibiq;
quoniam vestrorum minimis præsentialiter nequeo famulari, cum omnium af-
fluentia bonorum plurimum egere. Et indè est quòd flexo capite vestram imploro
beniuolentiam, vt Imperatori Constantinopolitano vestras Literas mittere digne-
mini, quatinus ad vos vt ad meum carissimum Dominum omni occasione remota
me venire dimittat: & si vnquam aliquod seruitium, quod vobis placeret, fecerim,
modo maximè appareat. G. etiam, & R. de Merlo, mei videlicet propinqui, fle-
xis genibus vestræ beniuolentiæ integritatem expostulant, vt quod vobis Literis
meis manifestatur facere non dedignentur. Et insuper vestri nominis Excellen-
tiam efflagito, vt huic baiulo quàm citius poterit ad me reuersuro, non tamen pro
mei merito, sed pro vestri clementia, manu aliquantulum larga subuenire facia-
tis. Valete.

EPIST.

EPISTOLA CCCLX.

ILLVSTRISSIMO *Dei gratiâ* LVDOVICO *Regi Francorum*, P. Frater Hierosolymitani Hospitalis & Prior Ecclesie beati Iohannis Constantinopoleos, nuntiûsque sanctissimi Imperatoris E. utriusque vite felicitatem. NOSCAT Celsitudo vestra, Domine reuerentissime, quòd ex parte Domini Imperatoris ad vos propriè missi sumus, & ex præcepto Imperiali habemus, quatinus vestram citiùs quàm domini Papæ visitemus præsentiam. Quapropter vestram obnixè deprecamur benignitatem, quatinus velitis ac præcipiatis, vt secundum dispositionem Domini Imperatoris hoc implere valeamus absque scandalo Domini Apostolici, quia nuntius eius nobiscum est, & ad Curiam illius nos primitus ire compellit. Quod nullatenus, donec vestram viderimus Maiestatem, faceremus. Valeat diu Celsitudo vestra.

EPISTOLA CCCLXI.

LVDOVICO *Dei gratiâ piissimo Regi Francorum*, magnifico ac semper illustri, *Eadem eum Epistola CCCLII. præter inscriptionem.*
B. DE BLANCSFORT cum debita subiectionis obsequio de Syon Hierusalem contempleri quam suspirat. ORIENTALIS Regni perturbationem, graues euentus intextos infortuniis scripto vobis intimare operæpretium duximus, cum prosperorum nuntiandi facultas vniuersaliter ferè nobis denegetur. Ne verò Maiestatem vestram prolixa improperiorum nostrorum relatione amaricare videamur, capitulatim vobis ea scribere inuiti compellimur. Ecce persecutores veritatis ac fidei inspecta angustiarum nostrarum multitudine insoliti furoris audaciâ aduersum nos armantur. Ipsos namque R. Principis Antiochiæ exaltat captiuitas, cædèsque suorum, & Magnatum Principatus factæ in Principis captione. Hinc ab eis terra depopulata ipsos lætificat. Hinc nutu diuino nostrorum exigente mole peccaminum, terræmotu dissipatæ munitiones, euerfa castella quamplurima, innumerique, quos dirutorum murorum collisio oppressit, multiplicato eorum furore aduersum nos solito multò acriùs accendit. Ecce iterum prædicta grauia multò grauiora ac flebiliora flebilibus nouissimè subsecuta sunt. Rex namque B. qui omni vitæ suæ tempore murus stetit inexpugnabilis pro domo Israël, naturæ persoluens debitum viam vniuersæ carnis ingressus est. Scilicet damnum diebus nostris incomparabile. Hæc & his similia Ecclesiæ persecutores attendentes, ab extremis eorum finibus in vnum conueniunt, quasi vir vnus aduersus Sanctuarium Dei, delere de terra memoriam nostram, Ecclesiâque fidelium, quod absit, infinitæ eorum multitudinis oppressione deprauare conantur. Super hæc Dei ac vestrum auxilium, consilium ac subsidium ingemiscientes postulamus. Regnum etenim Hierosolymitanum, licet plurimum propriis viribus destitutum sit, necesse tamen est, quatinus Antiochiæ Principatui omninò desolato manum consolationis extendat, virésque, quas, vt ita dicam, non habet, viriliter largiatur. Sed quid egenti præstare poterit, qui egestate afflictus in seipso angustiat? Oppressionem igitur Orientalis Regni & Ecclesiæ ipsa conscientia vestra diligenter inspiciat, in Passionis Resurrectionisque loci subsidium diuinitus inflammetur. Oramus obsecrando quod possumus, quod ipsi quærimus Dominicæ à vobis locus impetret Resurrectionis. Singula improperiorum nostrorum, attenuationis nostræ, elationis inimicorum, Passionis ac Resurrectionis Christi, malorum vobis scribere numerositas impedit, quæ nos latorum præsentium, scilicet Fratrum nostrorum, relationi fideliter commendauimus, ac sub eorum testimonio reseruari dignum credidimus.

EPISTOLA CCCLXII.

INVICTISSIMO *Dei gratiâ* LVDOVICO *Francorum piissimo Regi*, A. eadem gratiâ sanctæ Dominicæ Resurrectionis Ecclesiæ Patriarcha, una cum N. Priore, & vniuerso Canonorum inibi Deo famulantium Conuentu, salutem & debitas orationes in Christo. PIÆ Celsitudinis vestræ bonitas, & mansuetudo, fama loquente, vt experti sumus, nobis veraciter innotuit, quòd in causa seruorum Dei studiosè

Tom. IV.

NNn

LYDOVICVS
VII. IV-
NIOR.

concurrat, & religiosis viris sinceritatis suæ solatia copiosè subministret. In pri-
mis igitur liberalitati vestræ immensas gratiarum actiones persoluimus: quia, si-
cut multorum relatione suscepimus, res Dominici Sepulchri, cuius serai sumus li-
cèt indigni, amoris respectu diuini vbique in quantum potestis augere non de-
sistitis. In his ergo quæ ad Deum sunt ante sacrosancta loca Passionis & Resur-
rectionis Dominicæ iugiter pro vobis existentes, fraternitatis nostræ ac beneficio-
rum nostrorum vos consortem statuentes, dilectum Fratrem, & Canonicum no-
strum S. latorem præsentium benignitati vestræ propensius commendamus. Hu-
militer rogando, quatenus ei ob reuerentiâ gloriosissimi Sepulchri in quibus
indiguerit auxilium vestrum largiri dignemini, & tam eum, quàm res sibi com-
missas suo vestra Sublimitas favore manutenere dignetur. Insuper vestræ probi-
tatis Excellentiam obnixè deprecamur, quatinus, prædicto S. Canonico Hospita-
le quoddam, vel alium quemlibet locum, sub protectione alarum vestrarum, vbi
ad honorem Dominicæ Resurrectionis refugium habere possimus, pro salute ani-
mæ vestræ, omniumque nobilium parentum vestrorum concedere dignemini.
Valeat tantus Rex fortissimus.

EPISTOLA CCCLXIII.

EXCELLENTISSIMO atque magnifico Regi Franciæ LYDOVICO, HV-
GO Dei gratiâ Sanctæ Mariæ Adrianopoleos Abbas, & Petrus Prior Sancti Iohan-
nis Constantinopoleos, eius fidelissimi, salutem, & in regimine sibi commisso placere sum-
mo Rectori. NON lateat personæ vestræ magnitudinis, Pater reuerentissime, quia
si importunitas temporis non sic nos constringeret, nos egressi essemus ex partibus
Præquintiz. Sed sciatis in rei veritate, quoniam galeæ paratæ sunt apud Narbo-
nam, & propter rumorem nolumus vt veniant apud Sanctum Egidium, quia no-
lumus vt omnibus pateat iter nostrum. Nunc verò noscat magnitudo vestræ Ma-
iestatis, Pater reuerentissime, quia multum contristati sumus, quia vidimus nun-
tios vestros sine Literis ad Regem Siciliæ. Quia vos benè scitis, quoniam nos ituri
& reuersuri sumus per ipsum, cum pecunia: & per aliam viam ire, nec reuerti pos-
sumus. Et istud negotium est Regis Siciliæ, sicuti Imperatoris & vestri, & benè
scimus quia vos diligitis eum. Vnde rogamus personam vestræ magnitudinis, vt
per nuntios vestros dirigatis ei Literas tales, quod sint honorabiles vestro Regno
& sibi, & sic credat Legatis vestris quasi vos loqueretis cum ipso. & si placet vestræ
magnitudini mittite nobis Literas quàm citius poteritis, vt nobiscum possimus
differre per præsentium latorem Literarum, & nec vnum diem moram faciat vo-
biscum. Valeat Celsitudo vestra sanctissima.

EPISTOLA CCCLXIV.

LYDOVICO per Dei gratiam Francorum Regi serenissimo, patri & amico suo ca-
rissimo, AMALRICVS per eandem Hierosolymorum Rex salutem. DE vestræ
paternitatis clementia, & Regno vestro, specialiter sperat sibi auxilium & consi-
lium Orientalis Ecclesiæ toti Christianitati lugubris miseria. Indè est nimirum,
quod de innata vobis benignitate plurimum confisi, pro omnibus Terræ sanctæ
deuotis vestræ supplicamus paternitati: præcipuè pro Fratribus Templi ve-
stram exoramus Maiestatem, quatinus solito more illos commendatos habeatis
continuè, qui cotidie moriuntur pro diuino seruitio, & per quos possumus si
quid possumus. In illis enim tota summa post Deum consistit omnium eorum,
quæ sano sunt consilio in partibus Orientis. Vnde quicquid eis fecerit Regia ve-
stra Maiestas, & muniflua dextera pietatis, nostræ personæ id ipsum maximè æsti-
metis vos impendisse. Valete.

EPISTOLA CCCLXV.

LYDOVICO Dei gratiâ inclyto & venerabili Regi Francorum Domino suo caris-
simo, BERTR. DE BLANCAFORT eadem gratiâ Militia Templi Magister

A dictus, ac Regno ad Regnum feliciter transferri. Quot & quanta nobis & predecessores nostris de munificentia vestra largitate collata sint beneficia, si per singula prosequi temptabimus, nec Litera poterit, nec lingua sufficere. Nam cum ab incunata aetate vestra liberalitas circa Domus nostrae propagationem laboriosa deuotione studuerit, adhuc Deo gratias in eodem suo tenore perdurat: Deo propitio, & vita comite in posterum duratura. Et ut retroacta tempora replicemus, raro vel nunquam inuenietur sancta deuotio destitisse, quin semper aut sua nobis propensius ingereret, aut aliena benigni sui fauoris assertionem nostris visibus applicaret. Pro quibus omnibus reuerentia etiam & honorificentia Fratri G. Fulcherij a vobis exhibita, quia grates condignas referre non possumus, referendas illi soli committimus, qui quod oculus non vidit, nec auris audiuit, in aeterna recompensaturus est claritate. Idem namque Fr. G. Fulch. in vniuersitatis vestrae praesentia genibus prouolutus, vestram circa se studiositatem tantis extulit praconiis, ut penè citra credulitatem, & supra ammirationem fieret vniuersis. Vnde & hic & ubique nos & nostra omnia vestrae supponimus & exponimus voluntati. De cetero super oppressione sanctae Terrae, & maximè Antiochiae, quid loquemur? ad quos ibimus? quos implorabimus? Vobis enim totiens dictum est, ut sit facilius repulsam ex tædio, quàm ex pietate lachrymas promereri. Antiochiae tamen res adeò confractae, & ad tantam redactae sunt paupertatem, ut ad eam recipiendam in suam collectis undique copiis venire velit, & accingatur Imperator. Quippe? **B** ea namque per tot infortuniorum gradus ad hanc seruitutem perducta est summam, ut immanitati Graecorum seu Turcorum ad primum concursum pateat exposita. Adhuc tamen ad vos respicit misera mater & Apostolica Sedes Antiochena, amaritudine & mœrore confecta. Valete.

EPISTOLA CCCLXVI.

LVDOVICO per Dei gratiam Francorum Regi gloriosissimo, & amico suo serenissimo, AMALRICVS per eandem Hierusalem Rex salutem. QVONIAM vestram personam & Regnum vestrum diligimus, & vobis seruire parati sumus, & specialiter de vobis & de Regno vestro speramus, successus nostros vestrae notificare Maiestati dignum duximus. Sciat ergo vestra Excellentia, quòd intrauimus Egyptum cum gente quam habere potuimus. Terram enim nostram pro posse nostro munitam pro Noredino reliquimus, qui omnes quos potuit euocauerat à Baldac & ab Euphrate, & ab omnibus terminis eorum. Ante ciuitatem verò Egypti nobilissimam, quae dicitur Bulbeis, congressi fuimus cum Egyptiis, turmis utrinque dispositis, & fronte ad frontem locatis. Deus autem, cuius non est victoria in multitudine, multitudinem inimicorum suorum conuertit in fugam; & infinitis morti datis, de melioribus & maioribus terrae multis captis, in campo illo pernoctauimus. **C** In crastino autem ciuitatem praenominatam assiluius mirabiliter, & nisi per interpositionem fluminis paradisi, qui ex improviso nobis superuenit, sicut singulis annis solitus est, impediremur, sicut speramus vrbs illa vel caperetur, vel redderetur. Si igitur ex solito nos virtus vestra magnifica adiuuare voluerit, Deo dante, ex leui poterit Egyptus sanctae Crucis caractere insigniri. Valete.

EPISTOLA CCCLXVII.

EXCELLENTISSIMO Domino suo LVDOVICO Regi Gallie, P. gratia Dei Ruth. Ecclesia humilis Minister seipsum & sua omnia. CVM iuxta tenorem Literarum vestrarum Serenitatis vestrae praesentiam adire ea qua oportebat sollicitudine & diligentia pararemus, ita ut iam in ipso itineris procinctu essemus, subito diuulgatum est satellitum Regis Angliae, militum videlicet & sagittariorum, atque pedestrium, armatam multitudinem aduenisse. Qui terras circa nos positas deualtantes, fines quoque territorij nostri inuadere disponebant. Quocirca consilium fuit atque voluntas nostri Comitum Ruth. & virorum terrae nostrae, ut Comes ipse ante conspectum vestrae Celsitudinis veniens vices nostras apud vos

Tom. IV.

NNn ij

LYDOVICVS
VII. IV-
NIOR.

suppleret: nos verò infra territorium remanentes quantum possemus pro ipso & A pro nobis illud ab hostibus tueremur. Tanta ergo communis vtilitatis necessitate detenti precamur, ne nostram absentiam molestè accipiatis. Vbicumque etenim simus vestri sumus, & vos fideliter diligere, vestræque voluntati in omnibus parere semper operam dabimus. De cetero magnificentæ vestræ pro eodem nostro Comite Ruth. multimodas grates referimus. In nostra namque amicitia adeo deuotus, & in obseruantia pacis est adeo sollicitus, vt filius noster & pater totius patriæ meritò dicatur. Precamur autem vestri culminis dignitatem, quatinus cum vestris exhortationibus animetis, vt in eo quod benè cœpit vsque in finem indeficiens perseueret.

EPISTOLA CCCLXVIII.

DOMINO suo reuerentissimo, nobilissimo Regi Francorum, Fr. Eust. Canis. omne gaudium. EXCELLENTIAM vestram latere nolumus, quoniam iussioni vestræ diligenter obtemperantes Philippo Comiti Flandriæ explicauimus de verbo illo, quod Frogerius illum dixisse vobis insinuauit: videlicet quòd vos adiuuaret contra omnes homines, excepto solo corpore Regis Angliæ. Cui verbo ipse sic obicit, vt in Literis suis vobis transmissis, quas nobilitati vestræ vnà cum nostris præsentamus, percipere potestis. Valete in Domino. B

EPISTOLA CCCLXIX.

Eadem ferè
est cū Epist.
CCCLVI.

LYDOVICVS Dei gratiâ gloriosissimo Regi Francorum ac Domino suo per omnia reuerendo, B. eadem gratiâ Militiæ Templi Magister dictus, regnum sine fine mansurum. IN venerandæ Celsitudinis vestræ præsentia, Domine mi Rex, sæpenumero credimus recitarum qualiter, qua intentione, & quandiu cum Domino Rege, & sub salutiferæ Crucis vexillo militauimus in Egypto. Si enim sceleratissimus ille Noradinus interueniente Syraconis audacia, Regno Babylon. vt affectabat, potiretur, qui nunc etiam vix repellitur à nobis, multiplicatis viribus tantus incumberet; vt per pyraticeam clauso mari periculosum etiam fugæ locum non concederet timidis & ignauis. Ea siquidem erat intentionum suarum summa, eaque gratia miserat in Babyl. Syraconem, vt infinitam multitudinem vel vi dominationis, vel simulatæ pacis astutia secum ascisceret, & in abolitionem Christiani nominis duo potentissima Regna foederaret inuicem. Verùm respexit nos desuper diuina clementia, concessitque Christus cultoribus suis, licet non incruentam, de infidelitate victoriam. Suprà inemoratus namque Syracon reddita tandem nobis Berbesio validissima ciuitate, quam obfirmatam munierat triginta millibus bellatorum, (iam enim quarta patriæ pars illi adhærendo timore magis quàm amore fauebat) in triumphalistamen Crucis ligni virtute coactus non sine multo C suorum detrimento pulsus est à patria: quam quidem triduo ampliùs tardante succursu, nullo resistente, fuerat in dominium possessurus. Nos autem postea reuertentes, inuenimus pro peccatis nostris sanctam Terram satis & super desolatam, Paneadêmque ciuitatem, qua non erat in toto Regno munitior, furtiua subreptione Turcis redditam per manus proditorum. Antiochiam quoque miseram & miserabilem, infelices suorum casus euersionemque sui, nisi Deus auerrat, iam proximam insolabilibus lachrymis deplorantem. De qua quidem iam nihil est dubitabile quin in Turcorum, aut in Græcorum manus veniat; & in proximo, nisi ei diuina miseratio, vestræque perspicuitas Excellentie succursum prouiderit festinatum. Non enim potest Rex noster magnus licet ac magnificus Hierosolymitano, Tripolitano quoque, & Antiocheno regimini solus sufficere. Et nos quoque in eorum quæ loquimur fidem ad vos de Optimatibus huius terræ misissimus, nisi quia post sancti Andreæ festum non erant procellis committendi. Valete, & mementote nostri, qui & vestri memores existimus incessanter. Cõseruet Deus & vos & Regnum vestrum in tranquillitate pacis; & mittat vobis in cor vt sanctæ Terræ consilium & auxilium præbeatur.

A

EPISTOLA CCCLXX.

LVDOVICVS
VII. IV-
NIOR.

LVDOVICO *Dei gratiâ gloriosissimo Regi Francorum Domino suo carissimo, Fr.*
GAUFREDVS FVLCHERII *Hierosolymitana domus Templi Præceptor salu-*
tem. SICVT extincta parum fideliter incendia maiore tandem flamma reuiuif-
cunt, sic disconfectus à nostris paulò antè Noradinus transiit ipse Eufraten Persas-
que ac Turcomannos, Niniuitas etiam, & quicquid gentium ab extremis vsque fi-
nibus suscitât in sui pudoris ultionem. Collectâque multitudine tam inæstimabili,
Herennium oppidum cœpit in Antiochenis finibus obsidere. Quod intuens bonæ
indolis adolescens noster Boamundus iam Princeps, & magnum illum genitorem
suum per omnia referens, tantæ multitudini non formidat occurrere. Et dum eis
in paterna virtute concreditur, occulto Dei iudicio deuictus captiuatur. Quod-
que sine lachrymis dicere non debemus, ipse & Comes Tripolitanus cum Duce
Mamistræ, dominoque Vgone de Lezinia, & aliis quamplurimis, Alapiam ducti
incarcerantur. Reliquus autem exercitus, magnus licet ac metuendus, cæsus aut
captiuatus ferè totus. Sed & de Fratribus nostris ceciderunt in ore gladij sexaginta
milites fortissimi, præter Fratres clientes & Turcopolos. nec nisi septem tantum
euasere periculum. Antiochia siquidem amissis bellatoribus suis à primo ad vlti-
mum tota patet. Quippe cum in omnibus finibus eius nihil prorsus est reliquum,
B præter solum corpus miseræ ciuitatis, de qua etiam timetur, utpote quæ armorum,
virorum & victualium coarctatur penuria. neque enim habet sufficientia per duos
menses cibaria. Quodque nondum data est in potestatem, solus post Deum fecit
& facit Patriarcha, qui ad tempus sequestrata Patriarchali dignitate munit oppida,
diuidit escas, largitur donatiua, nec dubitat etiam de vita periclitari pro patria. Sed
quid indè? Sustinebit utique, sustinebit Turcos: sed Imperatori Constantinopo-
litano, qui venit, non poterit resistere omni humano auxilio destitutus. Rex enim
noster, quem sua gratia conseruet Omnipotens, sub sanctæ Crucis vexillo profectus
in Egyptum, cum suis, & cum altera parte Fratrum nostrorum, à prima die Augusti
tenet inclusum in Herbesio * ciuitate vsurpantem sibi Regnum Babyloniz Co-
mestabulum Noradini Syraconem. Et nos quidem in Hierosolymis paucissimi, tan-
ta est Turcorum, & ut veriùs dicam spurcorum infinitas, non sumus ab infestatio-
ne, & impugnatione securi. Videtis ergo securitatem nostram, videtis quàm diffi-
mulaueritis, aut tardè credideritis, ut soletis. Nisi antequam residuum Christiani-
tatis consumatur succursum præbueritis, metuendum est ne cum volueritis non
possitis. Accingantur itaque qui Dei sunt, & qui Christiano nomine censentur,
veniant patris sui Regnum, & libertatis nostræ patriam liberare, ne patrum nostro-
rum sanguine viriliter comparata periclitetur turpiter & irremediabiliter in manus
filiorum. Ne expectetis hinc alios nuntios, quia Rege & Magistro absentibus non
audemus, non audemus dimittere probos homines in hoc arcto.

* sup. Her-
besio.

C

EPISTOLA CCCLXXI.

LVDOVICO *Dei gratiâ Francorum Regi nobilissimo Domino suo, B. RAIMVNDI*
quondam Antiochie Principis filius eius homo & famulus, ab eo qui dat salutem Regi-
bus. QVONIAM, serenissime Regum & Domine, de vestræ magnitudinis cle-
mentia non modicam fiduciam habemus, pietatis vestræ genibus prostrati totis vi-
sceribus mentis inuoluimur: quatinus Orientalium partium ac maximè Antioche-
narum frequens ac lachrymabilis miseria atque deuastatio Altitudinis vestræ visce-
ra commoueat, ut vestro auxilio atque consilio in eius manibus spes nostra atq; re-
fugium ex omni parte spectat, ac singulariter constat. Quod quidem suspiranti ani-
mo cotidie præstolamur, dicentes: Quando veniet? putas durabo? Terra nostra
iam in arcto posita, & nos ab inimicorum Crucis Christi faucibus erepti Deo vero
laudes referamus, & vos in cœlestibus ab ipso Deo coronemini. Nos enim nisi Dei
auxilio & vestro in proximo subleuemur, cum patria nostra & gente omnes in mise-
riam ac funus lachrymabile iam labimur. Securis namque ad radicem arboris po-
sita est. Proh dolor! quantum dedecus erit omni populo & vobis, si terram istam,
terram quidem tanta effusione sanguinis parentum vestrorum tanta siti & fame ad-
quisitam, à nefanda gente violari permittat ac destrui? Scitis equidem, Domine,

Tom. IV.

NN n ij

LVDOVICVS
VII. IV-
NIOR.

vt credo, ac satis audistis, quæ & qualia damna in finibus Antiochiæ in transacto anno acciderint, tum videlicet in captione Principis, & aliorum virorum, qui cum eo erant, & in tanta populi Christiani deprædatione, atque exterminatione, tum etiam in tanta munitionum, igne, ferro, destructione, atq; extirpatione, tum etiam tanto terræmotu, tali, ac inaudito, qui ferè omnes munitiones Antiocheni Principatus, & omnia castra solo tenus euerit. Sed de his ad præsens prætermitto. Ceterum autem, quæ vobis hic præsentium lator, vir quidem magnæ religionis ac bonæ vitæ, ex parte nostra dixerit, fideliter credatis.

EPISTOLA CCCLXXII.

LVDOVICO *Dei gratiâ Regi Francorum carissimo Domino suo, Fr. G. Fulcherij eadem gratia Militiæ Templi conferens humilis salutem.* BENEFICIA & honores paruitati meæ à vobis exhibitos dignis laudibus attollere, aut recompensationibus adæquare qui valeat? Solus Deus, qui vobis sua gratia in æterna beatitudine dignetur retribuere. Ego autem Deo gratias, sanus & incolumis A con appuli, Magistrôque & Fratribus primùm ex vestra parte salutatis, quantam mihi honorificentiam pro Dei amore, eorùmque reuerentia, exhibueratis, expressi. Illi autem super hoc vobis gratias agentes, seque & sua vestræ Celsitudini commendantes, orationum suarum vobis & pro vobis offerunt instantiam. Mihi autem famulo vestro non credatis elapsum, quod ab ore vestro cum à vobis recederem accepisse me gaudeo. B Dixistis enim mihi, vt ex parte vestra loca sancta salutarem, & in visitando ea memoriam vestri facerem in singulis. Cuius rei non immemor, hunc anulum, quem vobis mitto, per sancta loca circumferens, & singulis applicans, in memoriam vestri singulis imposui. Pro cuius rei reuerentia, precor vt anulum custodiatis & habeatis. Valete, valete iterum & iterum cum mei memoria.

EPISTOLA CCCLXXIII.

LVDOVICO *Dei gratiâ Regi excellentissimo Francorum, BERTRANNVS Militiæ Templi Minister humilis salutem, & in Christo regnare.* AD aures vestræ Sublimitatis peruenisse non dubitamus, quo timore afflictus Dominus noster Rex Amalricus communi consilio Christianitatis contra Sarraconem, quem Noradinus cum multo exercitu ad Regnum Babylonix direxerat sibi subiugandum, cum pretioso sanctæ Crucis signo perrexerit, & qualiter redierit. Nisi enim tanta extitisset nostris promerentibus culpis terræ Antiochiæ turbatio & desolatio, præsidio Dominicæ Crucis Dominus Rex velle suum de inimico fecisset. Sed audita incommoda Antiochiæ vt consilio prouidit, indè secessit. Putabat enim prædictus aduersarius Babylonicum Regnum suo dominio subiacere, & Christum colentibus ingressum ad Ierusalem terra marique impedire. Nam Deus, qui suos nouit vbique custodire, longe consilium ipsius iniquum aliter disposuit. Tanta autem, serenissime Rex, sunt vtriusque patriæ, Antiochiæ scilicet & Hierosolymitanæ, incommoda, quod C præ nimietate sui nolimus vobis scripto significare. Denique vestræ eximie dignitati hunc præsentium latorem fratrem Galterium honestum & in negotiis Dei sollicitum dirigimus, qui in negotiis ipsis permansit, & initium finemque vidit. Ipse verò vestræ Sanctitati placita super hoc referabit. Quæ enim Sublimitati vestræ dixerit confidenter, attendatis tanquam nostro ex ore prolata. Et ignoscat vestra Excellentia, quoniam oculi totius Christianitatis Orientis post Dominum in vos respiciunt, vt à tantis malis, dum tempus instat oportunum, per vos eripiatur.

EPISTOLA CCCLXXIV.

LVDOVICO *gloriosissimo Regi Francorum ac dilecto consanguineo suo, VV. Dei gratiâ Dux Spoleti, Marchio Tusciæ, Princeps Sardinia ac Corsica, & Dominus totius Domus Comitissæ Matildis, debitum seruitium cum dilectione perpetua.* REGIÆ magnificentie vestræ vberrimas referimus grates pro exhibita domino ac Patri nostro Alexandro Papæ reuerentia ac cura. Hoc quia diuina vobis inspirauit affectio, ac propria industria, pro nostro admonitus seruitio perficite, donec transeat iniquitas. Speramus autem Ecclesiæ Dei pacem citius reformandam, & vestri laboris in hoc ipso deuotionem perpetuò à Deo remunerandam. Præsentium latorem attentius dilectioni vestræ commendamus.

CARISSIMO & excellentissimo Domino suo LVDOVICO Dei gratiâ Regi Francorum, GOCERANNVS GROSSVS salutem & debitum obsequium. QUAMVIS vestræ Maiestatis præsentiam, utpote in extremis Regni vestri positus, non sæpius video, tamen vestræ reuerentiæ diligentiam memori pectore infixam assidue teneo: & audita veræ prosperitatis famâ omnino gaudeo, & ad omnia à vobis imperata prout possum obedire paratus maneo. Dominationem itaque vestram, de qua admodum confido, obnixè implorans expostulo, ut honestæ petitioni meæ Excellentia vestra condescendat, & voluntati meæ effectus vester adquiescat. In Ecclesiâ equidem Matisconensi, quæ vestræ tutelæ subiecta est, honor cuiusdam Archidiaconatus vacat, pro quo vestræ dignitatis beniuolentiam humiliter exoro, ut Episcopo eiusdem loci scribatis, & precando diligenter mandetis, quatinus eum cuidam nepoti meo eiusdem Ecclesiæ Canonico, literis, & vita, & moribus satis honesto, amore Dei & vestri concedat.

EPISTOLA CCCLXXVI.

GLORIOSO Domino suo LVDOVICO Dei gratiâ Francorum Regi, Comes ROTHERICVS salutem, victoriam, & pacem. SINGULARITATIS vestræ opinio, benignitatis & æquitatis fama, usque ad remotas partes Orbis diffusa, alios ad amorem & dominium vestrum inuitant. Me verò non iam fama, sed res ipsa experimento mihi cognita & probata, & beneficia multipliciter mihi collata, præ aliis Regibus terræ ad diligendum & vobis seruiendum totum innectunt. Indè est, quòd securre Excellentie vestræ aliquid de statu meo significare disposui. Postquam itaque à vobis discessi, & in Hispaniam veni, à Rege F. tam de rebus mihi iure debitis, quàm de aliis nihil penitus consecutus sum. Sed in Portugalia sub illustri Rege A. castella, honores, & diuitias magnas sum adeptus. Cetera verò præcordiali amico meo G. venerabili Episcopo Vlixbonensi vobis explicanda commisi, cui super his quæ ex parte mea vobis dixerit tanquàm mihi credatis. Valeat Sublimitas vestra in Domino.

EPISTOLA CCCLXXVII.

GLORIOSISSIMO & victoriosissimo Dei gratiâ Francorum Regi LVDOVICO; B. Dux Burgundiæ cum deuotissimo seruitio fidelissimam dilectionem. PROBATISSIMÆ & indefessæ fidei vestræ & benignitatis, quam omnibus tam alienis quàm consanguineis secundum regalem munificentiam vestram exhibere consueuistis, nos quoque immunes nequaquam existere, eo quòd de eodem sanguine, si vestra Excellentia non dedignatur, descendimus, plurimum confidimus: nos quoque per omnia prout voluntas vestra nobis iniunxerit seruire vobis & obsequi absque omni exceptione parati sumus. Proinde super hoc quod Imperator noster, secundus verò Ecclesiarum legumque destructor, vobis Regnòque vestro ex fastu suæ animaduersionis tam minaces terrores incutere molitur, si quandòque, quod absit, minas suas ad effectum perducere voluerit, vestra nouerit serenitas, & certissimè sciat, nos cum omnibus amicis & fidelibus nostris, necnon cum aliquibus etiam maioribus Teutonicis Principibus, quorum plures pro nostro amore, vel ex consanguinitatis debito, plures etiam ex Imperatoris odio fautores habebimus, vestræ parti consilio & auxilio, prout discretio vestra dictauerit, deuotissimos esse & paratissimos. Nacta igitur opportunitate, dilectissimum fratrem nostrum Radulfum non qualitercumque, sed canonica electione, quod vos latere non credimus, in Archiepiscopatu Maguntino inuestitum, sed à præfato Imperatore nostro, qui ob nostri generis odium alium superintrusit, valde aggrauatum, gratiæ vestræ manutenendum transmittimus & committimus: plurimum deprecantes, ut in omnibus negotiis ipsius & apud domnum Papam Alexandrum, & vbique prodesse velitis, ut quandoque per vestram & Apostolicam auctoritatem restitutus & stabilitus, nos & ipse cum omni parentela nostra, & amicis, tantis beneficiis vestris condignè respondere possimus, & eo deuotius quantò vos in ipsius auxilio benigniorem exhibueritis. De cetero verò quicquid idem frater noster vobis viua voce ex persona nostra retulerit, nobiscum ratum & firmum absque omni ambiguitate noueritis.

NNn iiij

EPISTOLA CCCLXXVIII.

DILECTISSIMO *suo Domino* LVDOVICO *Regi Francorum, Ra. de Arl.* salutem & debitum obsequium. VESTRÆ Celsitudinī nobilitatis notificamus, quòd Vicecomes Pol. à nobis de argento respectum quæsiuit vsque ad quindecim dies post festiuitatem beatæ Mariæ Augusti, dicens & promittens mihi in bona fide, vt quicquid de pesagiis possit adquirere indè debitum argentum solueret. Insuper ipse Vicecomes voluit, & mecum concordauit, vt nostri homines cum suis hominibus pesagia seruarent, ne aliqua fraus de pesagiis mihi fieret. Sed recepta sunt pesagia, & ego argentum debitum ab illo postulo, & ille indignatur soluere mihi, nisi tali pacto vt ego illi soluam totum argentum quod vobis debet soluere pro l. x. marc. Sed ego nolo, & amodo hoc totum sit in vestro conspectu, & sciatis quòd Vicecomes nec dictum seruat, nec obsides qui mihi pro argento supradicto erant fidem seruant. Valere.

EPISTOLA CCCLXXIX.

RE GI *Francia* LVDOVICO *Dei gratiā Lantgranius deuotum seruitium cum sincera dilectione.* QVOD hætenus nullam vestri notitiam habuimus, satis moleste ferimus. Super quod Maiestati vestræ deinceps seruitiis nostris tam iocosis quàm seriis notificari volumus, & vestræ voluntati super omnia respondere cupimus. Filios enim meos omnes Literas discere proposui, vt qui maioris ingenij, necnon maioris inter eos notaretur discretionis, in studio perseveraret. Ex his verò duos ad præsens nobilitati vestræ mittere proposui, vt vestro iuuamine, necnon vestra defensione, Parisius stabilius possent locari: ita tamen vt salua pace vestra pro discordia, quæ est inter vos & Imperatorem, hoc securè peragere possim. Sicut enim absque medio hamus & capit & capitur, tali modo scimus quòd quicquid super hoc nobis mandaueritis, illud omni dubio remoto aggredi audemus, quia non hoc immutabitis.

EPISTOLA CCCLXXX.

FRATRI *suo dilectissimo Toma, Frater suus desolatus, & hominum quorumuis miserrimus* Andreas salutem, & quicquid sibi prosperitatis optat accedere. FRATER carissime, mihi valdè volubilis, omnique incertior verni flamine facta est rota fortunæ, quæ me nunc ad statum meliorem reductum in infimas summæ calamitatis partes detruxit. Hæc paulò antè mihi facie arridebat sereniori, nunc vultu lugubri in me inuecta etiam spem viuendi mihi subtraxit. Væ! væ huiusmodi belluæ! cui tam violentum dominium, cui tanta in nos sæuendi facultas permittitur. Mallem quidem mihi supremos dies imminere, quàm hanc tam grauitè in me corruisse.

EPISTOLA CCCLXXXI.

GLORIOSO *Francorum Regi* LVDOVICO *Domino & consanguineo suo R. DE BALGIACO salutem.* MAIESTATI vestræ, cui & natura, & antiqua familiaritas me coniunxit, labores meos & necessitatem exponere dignum duxi, & vestræ pietatis auxilium summis precibus implorare. Girardus Comes Matiscouensis, cui multa beneficia & auxilia contuleram, & cuius filiam ad opus filij mei susceperam, oblitus affinitatis, oblitus beneficiorum, oblitus etiam iurisiurandi quo mihi obnoxius est, cum fratre suo Stephano, & Ymberto de Belloioco, super terram meam cum magno exercitu venit, & eam igne & gladio vastauit, & quod grauius est, filium meum Vlricum cum multis captiuum duxit. Postremo, quòd me omninò exheredent minantur, & gloriantur hij omnes, cum Archiepiscopo Lugdunensi. Confugio igitur ad vos sicut ad Dominum & amicum meum, rogans humiliter vt ad me eripiendum festinetis, & filium meum requiratis. Si enim vel filium reddideritis, vel prædictum Comitem G. & Ymbertum de Belloioco ad iusticiam mihi exhibueritis, paratus sum pro impensis vestris plenariè vobis ad

A placitum vestrum satisfacere, & super hoc si vobis placuerit vel apud Eduam, vel apud Verziliacum, vel in quo vobis placuerit loco, vobis occurram, vel per nuntios vestros, si eos dirigere volueritis, satisfaciam. Si autem necesse fuerit me ad vos ire, creugas inter nos constituite.

LVDVICVS
VII. IV-
NIOR.

EPISTOLA CCCLXXXII.

DOMINO suo venerabili LVDOVICO Regi Gallie, A. DE BORBONIO salutem & obsequium. QUANTA mala Comes Aluernie Ecclesie Claromontane & Canonicis illius intulit, quantas etiam iniurias Ecclesia de Mozac ab ipso perpessa fuerit, longum est enumerare, & ex parte vestra non ignorat prudentia. Præterea domum Decani Briuatensis, quam Clerico vestro Cadurco ipse Decanus reddiderat, ad despectum vestrum deiecit & diruit. Eapropter vobis mandamus, quatinus prædictum Decanum, & Abbatem Sancti Germani, honestos videlicet viros, honestè suscipiatis, & illis credatis. Nouistis autem quod prædictus Comes & vobis & vestris semper fuit contrarius. Verumtamen pedagia quædam accipit in Aluernia, quæ nullus antea habuit, & propter quæ mercatores antiquum transitum perdiderunt.

B EPISTOLA CCCLXXXIII.

LVDOVICO Dei gratia Francorum Regi Domino suo & patri carissimo, HENRICVS Trecentis Comes salutem. SUPER hoc quod mihi significastis, videlicet quod Gisortium ad colloquium veniam, rem quæ ibi tractabitur adeò grandem esse existimo, quod super hoc vobis sine consilio respondere non possum ad præsens. Verùm Baronibus meis, quos penes me non habebam, mandavi, ut ad me veniant in instanti Pascha: & tunc habebo consilium cum eis, & utrum ad prædictum colloquium venturus sim vel non, die Iouis festorum Paschaliū per proprium nuntium meum vobis renuntiabo. Valete.

EPISTOLA CCCLXXXIV.

LVDOVICO Dei gratia Francorum Regi Domino & patri suo dilectissimo, THEOBALDVS Blesensis Comes, Francia Senescallus, salutem, & id quod est, & quicquid potest. DILECTIONI vestræ notum facio, quàm præsumptuosè Gaufridus Præpositus voluit se sublimare in Episcopum. Summo mane, antequam sepeliretur Episcopus qui decesserat, venit in Ecclesiam beatæ Mariæ cum illis qui ei in hac re fauebant, & se ab iis fecit eligi in Episcopum, Decano absente, & hoc penitus ignorante, qui primam vocem habet in electione, & quibusdam etiam aliis Canonicis absentibus. Decanus sperabat quod prius Episcopus sepeliretur, & postea omnes insimul conuenirent, & ad vos more solito nuntios destinarent pro danda eis à vobis eligendi licentia. quod non fecerunt, ut audiui, & in hoc contra vos egerunt. Sed res si voluntas vestra fuerit, benè poterit emendari, & ipsi in hoc benè corrigendi sunt. Decanus postea audito hoc quod sui festinanter, & ita incompositè, & ita inordinatè fecerant, intrauit Ecclesiam cum quibusdam Canonicis, & Guillelmum fratrem meum in Episcopum elegerunt. Gaufridus nuntios suos ad vos misit. Vnde dilectioni vestræ multa precum instantia supplico, quod electioni de ipso factæ nullum assensum præbeatis, donec vobiscum super hoc sermonem habeam. De cetero Comes Henricus ad nuptias meas non veniet, quod similiter vobis notum facio. Valete.

EPISTOLA CCCLXXXV.

LVDOVICO Regi Francorum carissimo Domino suo, R. de Sancto VValarico fidelis suus salutem. MANDASTIS per quemdam Monachum de Sancto Ricario, per quem vobis Literas meas miseram, quod quæreret à me quid esset, quod vobis mandaueram. In primis scitote de operibus de Gerberroi, factum nihil esse de omnibus his quæ imperatis. De Comitibus autem Aluernie sciatis, quod ipsi

dicunt quòd non audent de vobis conqueri, dum castella eorum, & obsides teneatis. Vnde precor vos, quòd super hoc bonum consilium capiatis, & quod vos decet indè faciatis. Regnum enim Angliæ, & totum posse Regis Angliæ vestrum est. Si autem inter vos, quod nolit Deus, ira hoc tempore exorta fuerit, terra Hierusalem detrimentum patietur. Per latorem præsentium mando vobis quædam, quæ scribere non possum. In Angliam me pergere sciatis facturum quicquid honestum vobis & Regi Angliæ fuerit. Si quid mihi mandare velletis, pro posse meo adimplere laborarem. Valete.

EPISTOLA CCCLXXXVI.

LVDOVICO *Regi Francorum Domino suo carissimo*, VVILLELMVS DE IPRE *salutem & dilectionem cum seruitio fideli*. Vos, Domine venerande, ad memoriam reuocare desidero, quòd maxima liberalitate commotus in Flandriam venistis, & tantum dulcibus precibus vestris, & ammonitionibus erga me & Comitem Flandriæ fecistis, quod Philippum filium meum, quem tam carum sola liberalitate vestra habuistis, in saisina & inuestitura terræ meæ, scilicet hereditatis suæ, post dies meos posuistis. Quia ergo ipsum Philippum tanta pietate vestra dilexistis, precor & requiro misericordiam vestram, quatinus hunc Robertum fratrem suum loco sui diligatis, & manuteneatis, & tantum liberalitate vestra faciat, quatinus in saisina & inuestitura sit terræ meæ post dies meos, antequam Comes Theod. Hierusalem pergat. Mihi enim sit intelligi, quòd Comes Theod. & filius suus terram illam à manibus ipsius Roberti auferre nituntur. Sciatis etiam, Domine carissime, quòd de illo Roberto magnam eleemosynam & liberalitatem facere poteritis. Quia in Deo solo & in vobis sua est fiducia, & ipse talis est, quòd potest & debet per omnia vestro paratus esse seruitio. Valete.

EPISTOLA CCCLXXXVII.

CARISSIMO *Domino suo LVDOVICO illustri Francorum Regi salutem & promptum in omnibus obsequium*. GRATIAS quantas possumus vestræ benignitati referimus, quoniam licet merita nostra non præcesserint, vos ad negotia nostra semper paratum inuenimus. Sciatis quòd in reditu à colloquio vestro quidam armiger de societate Comitatus Flandrensis in ciuitate nostra nimis crudeliter nocturnus fuit occisus. Illos, qui huius facinoris arguuntur, coram præsentium latore in causam traximus: sed nondum rem finiuimus. Præterea molendina quædam ad ciuium nostrorum vtilitatem plurimam, & crementum nostrum, in ciuitate nostra facere proposuimus. Sed Telonearius in parentela sua confidens prohibet nobis ne illa faciamus, licet ante nos, & etiam ante vos iustitiam super hoc ei obtulerimus. Vnde vestram quanta possumus instantia deprecamur dilectionem, quatinus præsentium latorem, qui omnibus his interfuit, ad nos remittatis, & aliquanto tempore ipsum nobiscum manere permittatis, & per eum, & per Literas vestras Teloneario & aliis, qui iusto operi nostro contradixerunt, iustitiam de nobis offeratis. Et si aliqui iustitiam de nobis in præsentia vestra contempserint accipere, eos vestros esse inimicos denuntietis.

EPISTOLA CCCLXXXVIII.

LVDOVICO *Dei gratiâ Regi Francorum Domino suo*, VVILLELMVS DE LDOMPERRA *suum in omnibus salutem & obsequium*. VENERANDÆ dignitati vestræ notum facio, quòd Siniscalcus de Chaalons, & Matheus de Capas, & Hugo Letard fideiusserunt Magistro Pontiaro fratri Odonis ix. & x. libras de Chaalongis vice & iussu Pontificis fratris mei, sicut illi qui receptores erant suarum rerum. Vnde Celstatem vestram exoro & exhortor in Domino, vt eas reddi faciatis. Ego enim fideiussioni isti interfui, meque præsentem & teste facta est. Valete.

EPISTOLA CCCLXXXIX.

LVDOVICVS
VII. IV-
NIOR.

DOMINO suo prae ceteris dilecto suus salutem. SCIATIS quòd Comes Flandriae fuit in Anglia, & ibi conquestus est de vobis Regi Angliae, quòd ei auferretis terram Rad. Comitum de Peruna: & Regem Angliae precatus est, quòd cum omni modo adiuuet ad illam terram perquirendam, & ipse Rex pollicitus est ei adiutorium pro omni posse suo. Nunc autem reuersus citra mare est Comes Flandriae, qui pro omni posse suo vobis malum machinari temptabit. Precor igitur, dilectissime, cuius bonum & honorem prae omnibus desidero, quòd praeuideatis ne ipse Rex & sui adiutores vos debilem in verbo vel in opere inueniant. Quia si inuenerint vobis magnum noceum facient. Vobis autem naturaliter omne bonum & honorem debeo, damnum tuum scienter celare nequeo. Sciatis etiam quòd Rex Angliae nihil boni mihi meditatur, neque aliquod bonum erga illum inuenire possum. Non quia aliquo modo aliquid mali meruerim. Nunc autem, si placet, Literis vestris mihi beneplacitum vestrum super his remandate.

EPISTOLA CCCXC.

B GLORIOSISSIMO Regi Francorum LVDOVICO R. DE BALGIACO scipsum & sua. QVOD vestrae Maiestatis Literas Vmb. de Belloioco pro filij mei liberatione, licet nihil profuerint, misistis, grates vobis refero. Rursus vero ad vos quasi vnicam post Deum spem meam confugio, & vt carissimum Dominum & consobrinum supplex exoro, quatinus mei misereamini, & ad filium meum liberandum operam detis. Pro certo namque scio, quia si bene eum volueritis liberare, poteritis. Placeat itaque dignitati vestrae in partibus nostris venire, quia valde necessarius est aduentus vester tam Ecclesiis quam mihi. Et ne vos retardent impensae, quia plenè vobis pro voluntate vestra restituam, & omnia castella mea, quae à nullo teneo, à vobis accipiam, & tam ego quam omnia mea vestra erunt. Noueritis quoque Comitem G. & Humb. de Belloioco mihi iuratos fidem rupisse. quod ante vestram praesentiam paratus sum probare.

EPISTOLA CCCXCI.

EXCELLENTISSIMO Domino suo LVDOVICO Regi Francorum, VV. DE SABRANO Constabularius eius deuotus miles, parcere subiectis & debellare superbos. QVONIAM vestrum est nouas pedaticorum exactiones, & alias iniustitias à Regno vestro propellere, vestram supplex exoro Sublimitatem, vt Comiti Melgoriensi sub interminatione irae, etiam indignationis vestrae, praecipiat, vt pedaticum quod iuxta Alestum accipit ipse (nam B. de Andusia pro parte sua illud dereliquit) prorsus dimittat. Nam quanta iniustitia, quamque commune malum sit, non est opus vestrae suggerere discretioni. R. etiam Comiti sororio vestro sub debito fidelitatis & amicitiae mandetis, vt ab hac iniquitate eum, qui nuper potestati & dominio eius se subdidit, cessare faciat, nec ei aliquando super hac re auxilium vel consilium praebet, immò potius ad hoc aduersarius & inimicus existat. Domino etiam Papae persuadeatis, vt sententiam excommunicationis, quae in personam eius posita est, super totam terram eius propriam vel communem extendat, itaut ubicumque ipse fuerit nullum diuinum celebretur officium, & vt praecipiat Episcopis Nemausensi, Mimateni, Magalonensi, & Vze-ticensi, vt hanc sententiam in Episcopatibus suis obseruari faciant. Et quia longum esset Literis exprimere quae super his verbis suggerenda essent, praesenti nuntio tanquam nobis per omnia credite.

EPISTOLA CCCXCII.

DILECTISSIMO & principali Domino suo LVDOVICO Dei gratia Regi Francorum, HUGO BERZIACENSIS per omnia sibi subiectus miles salutem & diligens obsequium. LONGO terrarum interuallo disiunctus vestram Excellentiam nec videre, nec alloqui valeo: tamen quantum possum de vestra po-

LYDOVICVS
VII. IV-
RIOR.

testatis prosperitate gaudens exulto, & ad obediendum in quibuscumque possum A
vestris præceptis paratus existo. Vestræ itaque diligentiae beniuolentiam humili-
ter deosco, quatinus Episcopo Matiscensi mandetis, & ponderosis precibus scri-
batis, ut honorem Archidiaconatus, qui in Ecclesia sua & vestra yacat, cuidam
filio meo eiusdem loci Canonico Literis & moribus satis informato, amore Dei
& vestri remota omni occasione concedat. In hac enim petitione ex obediante
obedientissimum facietis, & ex amico amicissimum comparabitis.

EPISTOLA CCCXCIII.

SVO reuerendo Domino LYDOVICO Regi Francorum, VV. MONTISFER-
RATI MARCHIO fidele seruitium. D'E vestris Literis, quas mihi misistis,
& de summa atque honorabili filij mei receptione Deo & vobis gratias referimus,
& de hoc quod filio meo fecistis bene fecistis. Quia ego, & vxor mea, & filij mei,
homines quoque mei, ac terra nostra, in vestra dispositione & voluntate sumus. Et
quoniam noster nuntius ad vos venire tantum est moratus, magna Domini Impe-
ratoris negotia fuerunt impedimento; de quibus per misericordiam Dei melius
omnium suorum Procerum ei seruiuimus, & in tantum quod modò cum in Teu-
tonica terra cum vxore sua reuertatur, vnicum filium suum nobis ad custodien-
dum derelinquit, & hoc quod nobis de vestro seruitio præcipere placuerit per B
Ottonem nostrum militem mihi notificare. Sciatis enim in veritate, me omnia
vestra adimplere. Insuper vestram Excellentiam rogamus, ut Henricum mei filij
socium, & domini Marcualdi fratrem, tanquam meum filium & etiam magis ho-
norificè teneatis.

EPISTOLA CCCXCIV.

LYDOVICO Dei gratiâ Francorum Regi inuictissimo semper angusto, VVido fi-
lius Mainfredi, & Manfredus filius Pizi, sui per omnia fidelissimi serpiôs, & si
quid sunt, id totum quod sunt. IDEO Regibus debitus & indebitus honor impen-
ditur, debitum & indebitum obsequium exhibetur, quia etiam quod sibi à subie-
ctis & obnoxiiatis iure offertur, cumulatori solet retributione Regia Celsitudo pen-
sare. Si quando igitur parentes nostri vel nos obsequium vestræ Serenitati con-
dignum exhibuimus, id nouimus quasi in thesauro vestræ liberalitatis reconditum
nulla posse obliuione deleri: potiùs id credimus quasi vnicum nostræ calamitatis
solatium nobis & nostro sanguini diligenter custodiri. Patrimonia siquidem no-
stra quanta fluctuatione, quantave tyrannide nunc opprimantur, vestram Regiam
Celsitudinem nequaquam latere credimus. Etenim vsque adeò grassantis tyran-
nidis inualuit persecutio, ut nec etiam parentibus nostris viris Ecclesiasticis fidem C
Romanæ Ecclesiæ, & beatissimi Papæ Alexandri obedientiam seruantibus subue-
nire, nec aliquid subministrare audeamus. Proinde nepotem nostrum nomine Al.
Clericum literatum, & omni honestate conspicuum, Parisius quasi ad Catholicæ
fidei arcem festinantem, vestræ Serenitati committimus, commendamus: rogan-
tes, & obnixè supplicantes, quatinus Dei amore & nostro præstiti etiam aliquan-
do obsequij intuitu ei in suis necessitatibus ita regia liberalitate prouideatis, ut
exinde & Deum remuneratorem habeatis, & nos nostrique generis omnes vobis
comparetis debitores.

EPISTOLA CCCXCV.

REVERENTISSIMO Domino suo LYDOVICO Dei gratiâ Francorum
Regi, GVIGO Lugdunensium atque Forensium Comes salutem & debitam in
omnibus fidelitatem. MIOR plurimum, Domine mi Rex, cum vester sim, cum
à vobis aptatus sim in militem, cum pater meus sub cura & tutela vestra me dimi-
serit, cum ad vos tota terra mea pertineat, quod de vestro in Aruerniam aduentu
nihil mihi mandastis. Ego tamen iam vobiscum in exercitu vestro essem, nisi Co-
mes Girardus & Lugdunenses scismatici cum armata manu in terram meam venis-
sent. Venerunt autem non solum ut me, si potuerint, exheredent, verum etiam ut
Comi-

A Comitatum meum, qui de Corona vestra est, ad Imperium Teutonici transferant. Hoc autem si fecerint, ad maiorem vestri contemptum ante oculos vestros, & inter manus vestras facient. Nunc ergo, Domine mi Rex, honori vestro, & euasione meæ vestra Maiestas prouideat. Precor ergo, ut præsentium latorem de meo in omnibus negotio sicut me ipsum, si placet, credatis, & creditum exaudiatis.

LYDOVICVS
VII. LV-
NIOR.

EPISTOLA CCCXCVII.

EXCELLENTISSIMO Domino suo LYDOVICO Regi Francorum, BR E-
MVNDVS DE VZECIO eius deuotus miles, parcere subiectis, & debellare su-
perbos. QVONIAM vestrum est nouas pedaticorum exactiones, & alias iniusti-
tias à Regno vestro propellere, vestram supplex exoro Sublimitatem, ut Comiti
Melgoriensi sub intimatione iræ & indignationis vestræ præcipiatis, ut pedaticum
quod iuxta Alestum accipit, ipse (nam B. de Andusia pro parte sua illud dereli-
quit) prorsus dimittat. Nam quanta iniustitia, quàmque commune malum sit,
non est opus vestræ suggerere discretioni. R. etiam Comiti sororio vestro sub
debito fidelitatis & amicitiae manderis, ut ab hac iniquitate eum, qui nuper pote-
stati & dominio eius se subdidit, cessare faciat, nec ei aliquando super hac re au-
xilium vel consilium præbeat: immò potius ad hoc aduersarius & inimicus existat.

B Domino etiam Papæ persuadeatis, ut sententiam excommunicationis, quæ in
personam eius posita est, super totam Terram eius propriam vel communem ex-
tendat, itaut ubi vel ubicumque ipse fuerit nullum diuinum celebretur officium,
& ut præcipiat Episcopo Nemausensi, Mimateni, Magalonensi, Vzeticensi, ut
hanc sententiam in Episcopatibus suis obseruari faciant.

EPISTOLA CCCXCVIII.

LYDOVICO Regi Gallie ut Domino suo, R. DE SANCTO VVALERICO
salutem. SVGGERIMVS discretionis vestræ, sicut iam sæpius fecimus, quòd
Abbatia Sancti Ricarij de Pontiuo, quæ vestra est, intus & exterius destruitur:
intus in miserrima conuersatione Monachorum, exterius venditione, inuadiatio-
ne, & deuastatione omnium ferè possessionum. Sciatis quòd nisi ad præsens ve-
stra prouidentia ei subuenerit, ita per pigritiem & molliem cordis Abbatis ad
nihilum redigetur, ut amplius ei sicut speramus subueniri non poterit. De in-
continentia corporis ipsius Abbatis nihil conquerimur, sed quia Monachos suos
regulariter & ordinate viuere facere, & exteriora sicut oporteret, non potest re-
gere. Quapropter precamur vos, ut hunc Monachum vestrum & amicum no-
strum, quem ad vos mittimus, benignè suscipiatis, & quæ vobis dixerit de emen-
datione Ecclesiæ vestræ clementer audiat.

C

EPISTOLA CCCXCIX.

LYDOVICO Dei gratiâ Regi Francorum carissimo Domino suo & patri, HEN-
RICVS Trec. Comes salutem & dilectionem. PRO Hugone hospite meo Se-
nonensi, qui vestri reuerentiâ & honore vestro satis diligenter multotiens mihi
deseruiuit, paternitatis vestræ benignitatem obnixè deprecor, quatinus amore
Dei & mei iram, quam aduersus eum habetis, & forefactum quod nunc ab eo exi-
gitis, nostri gratia sibi condonetis, ut cum vestram videro præsentiam, Maiestati
vestræ gratias indè referam. Quod nisi ad præsens facere vobis placuerit, in bono
respectu prætermittatis, donec vobiscum indè loquar. Valete.

EPISTOLA CCCC.

REVERENDO Francorum Regi dilecto suo & consanguineo, STEPHANVS
Comes Burgundiae totius salutis indicia. QVODDAM Cœnobium Regni vestri
nomine Gondricort à diuersis raptoribus depopulatum in tutela suscepi, & in ip-
sa paupertate in Abbatiam prouchi consensi, ut maior reuerentia deinceps de-

Tom. IV.

OOO

beat adhiberi. Huius itaque Abbas Cœnobij cum signis meis dignitati vestræ studeat præsentari, obsecrans inopiam suam auxilio vestro releuari. Nobilitas igitur vestra prouideat, & consanguinitas moneat vt signa mea detulisse prosit. Valete.

EPISTOLA CCCC I.

EXCELLENTISSIMO Regi Francorum LVDOVICO, H. Dei gratiâ Dux Baunaria atque Saxonia, intimum seruitium cum serenissima dilectione. DOMINE, & vos & omnia quæ penes vos sunt penitus ad velle Dei stare, & omni prosperitate & virtute florere, intimo corde adoptamus, & nos ad omne præceptum vestrum semper paratos esse certum habetote. Idque rogo de nobis existimate, quod de intimo & fidelissimo amico vestro. Excellentia vestra ingentes gratiarum actiones referimus, quoniam fidelissimi nostri filium, quem per præsentem portitorem literarum dilecti Maiestati vestrae transmisimus, vti decuit virtutem vestram, & clementer accepistis, & clementius hæcenus tenuistis. Vnde vt verum fatear, perhennem in corde meo pepigistis mansionem. Rogo igitur Excellentiam vestram sub respectu totius seruitij nostri, & bona memoria intimæ amicitia, vt si quid in omni ditione mea est quod Excellentia vestra placeat, ipse imperetis: & si quos habetis pueros, quos vel Terram nostram, vel linguam addiscere vultis, nobis transmittatis, in quibus hilarè & habundè vobis ostendemus, quàm gratam acceperimus virtutis vestrae beniuolentiam. Igitur quæ bono iam celebrata sunt studio, optimo rogo peragantur exitu, & iam præfactum puerum, & præsentem nuntium nostrum, omni occasione posthabita, per Regnum vestrum auctoritate vestra conduci præcipientes, eos nobis transmittatis.

EPISTOLA CCCC II.

SERENISSIMO Domino suo LVDOVICO Dei gratiâ Regi Francorum, G. Comes Matisconensis salutem & fidelitatem. PLACUIT dignationi vestrae mittere ad nostras partes nuntios vestros pro Matisconensi Ecclesia. Vidi eos libenter & audiui, & paratus fui ad honorem vestri, stare ad consilium eorum de omnibus querelis quas habebant, vel se habere dicebant aduersum Clericos eiusdem Ecclesiae, licet ego possem de eis & grauius & iustiùs conqueri. Præterea in præsentia nuntiorum vestrorum dedi & firmaui treugas ipsis Canonicis, vt securi essent de me etiam septem dies ultra, postquam contra mandassem eis. Pro his & aliis quibusdam magnis negotiis mitto ad Sublimitatem vestram præsentium latorem Magistrum Rad. Ipsi si placet credite sicut mihi de his quæ ex mea parte dixerit vobis, quia vera & certa erunt verba ipsius.

EPISTOLA CCCC III.

LVDOVICO excellentissimo Regi Francorum, HUMBERTVS BELLIOCI fidelissimus suus atque in omnibus obediens salutem & debitam subiectionem. QUONIAM Celsitudini vestrae ad nos Literas dirigere placuit, & animus noster non minimo gaudio repletus est, & status noster in melius ex eo alteratus est. Nos itaque & totam Terram nostram ex debita subiectione voluntati vestrae ac mandatis vestris exponimus. Vnde præ aliis Regum & Principum præceptis vestris obedire volentes, petitionem vestram factam de domino Lugdunensi Archiepiscopo, vt debitam obedientiam ac reuerentiam exhibeamus, vt decet, læti recipimus. Nondum tamen cum vidimus, nondum Terram nostram intrauit. Verum in breui cum eo colloquia habituri voluntati suæ ita satisfaciemus, vt per proprium nuntium Maiestati vestrae lætissimas referat grates. Interim, venerande Domine, clementiam vestram humiliter imploramus, quatinus linguæ prauorum adulatorum locum nobis nocendi erga vos non inueniant.

EPISTOLA CCCCIV.

LYDOVICVS
VII. IV-
NIOR.

A

GLORIOSO *Dei gratiâ* LYDOVICO *Regi Francorum excellentissimo Domino & cognato suo*, LYDOVICVS *Comes de Los debitum seruitium*. DEBITVM Excellentie vestrae seruitium meum est, quod ratiùs exhibeo quàm affectus meae voluntatis & ius sanguinis postulat. Miror enim inter multa negotia vestra, quae saepiùs in Regno nostri Imperatoris à Legatis vestris tractantur, quare nostrae sollicitudini nulla eorum aliquando committuntur: cum & affectus & effectus pertinacia nobis non deesset, vestrae utilitati & commodo seruire in ludicris & rebus seriosis: Cognatus enim vester sum, sicut non supremus, ita non vltimus in dignitate vestri honoris statum supra omnium hominum desiderans. Profecturus Hierosolymam opem viaticam à largitate vestra postulavi, quam vestrorum negotiorum sollicitudo impediuit. Nunc reuersus exceperunt mala temporis & patriae, guerrae plurimae inimicorum, & amicorum dissensiones. Vnde deprecata habeam vestram bonitatem, quatinus mittatis mihi lorica bonam & galeam amplam per vestrum nuntium, quoniam huiusmodi meo corpori commoda infra vniuersam regionem nostram non inueniuntur. Lator praesentium, qui de patria & gente mea est, pro mea petitione in gratia vestra commendatus recipiat.

B

EPISTOLA CCCCIV.

LYDOVICO *Dei gratiâ Francorum Regi Domino suo ac patri carissimo*, HENRICVS *Trec. Comes salutem & seruitium*. IMPERATOR Alemanniae nuntios suos mihi transmisit, & duo paria Literarum, quas vobis ad videndum mittere decreui. De cetero sciatis, quod Comes Niuernensis diei vestro adesse non poterit apud Autissiodorum, nisi ipsi à vobis praemandatum sit. Vadit enim in expeditionem longinquam. Ego itaque laudarem, si vobis placeret, & si vobis ipso opus sit, ut quantociùs eum ad diem vestrum submoneretur. Valete.

EPISTOLA CCCCVI.

LYDOVICO *Dei gratiâ Regi Francorum carissimo Domino suo*, R. Viromandorum *Comes salutem & dilectionem*. EPISCOPVS Nouiomensis, de quo iam saepè in praesentia vestra conquestus sum, non desistens ab incepto suo exheredationem toto posse suo querit. Et sicut alia vice scripsi vobis, Ecclesiam Sancti Quintini, quae tutelae meae attinet, sibi subdere, & electionem Decani prorsus cassare intendit. Qui si turpem passus fuerit repulsam, totum in me dedecus redundabit. Vnde recurro ad vos, sicut ad dominum & patrem meum, in quo post Deum totam spem meam posui: rogans obnixiùs quàm possum, ut causâ Dei & mei amore ad hoc detis operam, quod dies appellationis vsque ad Quadragesimam differatur, & inde Literas vestras ad dominum Papam per nuntium meum dirigatis: ita quidem quod praedicta Ecclesia & Decanus in nullo super hoc turbentur, neque detrimentum patiantur. Interim Domino annuente de his & aliis negotiis meis loquar vobiscum. Ego I. Comes Sueff. Sublimitatis vestrae liberalitati supplico, ut quoniam Comes R. exheredationem & dedecus super hoc potest incurrere, erga dominum Papam ipsum Comitem iuuetis, & cum summa cura manuteneatis.

EPISTOLA CCCCVII.

DILECTISSIMO *Domino suo* LYDOVICO *Dei gratiâ illustri Francorum Regi*, HUGO DE MARSON *fidelis suus salutem & perpetuum obsequium*. DE negotio illo, quod Cellitudo vestra auribus meis dignata est committere, cum domino Cenomanensi locutus sum, quod sibi plurimum gratum fuit, & exinde vobis multiplices agit gratiarum actiones. Porro ipse vel per se, vel per nuntium suum in proximo, vestram, Deo volente, aditurus est praesentiam: ibi, sicut mecum disposuistis, executurus. Pro negotio Framaudi vestram attentius exoro magnificentiam, ut ad laudem & gloriam nominis vestri eum manuteneatis, & contra burgen-

sem, qui vobis contumax est & rebellis, apud dominum Papam eum iuuetis. Va- A
leat Celsitudo vestra in perpetuum.

EPISTOLA CCCCVIII.

REVERENDO Domino suo LVDOVICO Regi Francorum, M. Comitissa Bolonia salutem & servitium. PRÆSENTIÆ vestræ innotescat, Henricum Regem Angliæ ad Imperatorem suos nuntios legasse. Certum enim est illum communiter impetrasse quod voluit. Imperator autem se adeo Regi exhibuit beniuolum, ut cum nuntiis suis redeuntibus suos ad eum mittere non pigritatus sit. Quod fecisse duxit optimum, ne prædictus Rex illum aduersus vos in subsidio esse deuotum dubitaret. Nuntij equidem redeunt per meam Terram transierunt, & ego eis locuta fui, & bene ex verbis eorum attendi quod Rex Angliæ malum vestrum perquirere nocte diēque non cessat. Quare dilectioni vestræ mandare duxi congruum, & vos præmunire attendi necessarium, ut consilium cum vestris sapientibus inearis, & quod aptius inuenietur faciatis, ne fraudulentis Regis impetubosa præsumptio vobis molestiam violenter conferat. Valete.

EPISTOLA CCCCIX.

LVDOVICVS Dei gratiā Francorum Rex fideli suo T. de Gisortio salutem. EGO & Comes Teb. debemus loqui de verbo quod est inter Milonem de Liuis & nepotem suum, ubi & vos esse oportet. Mandamus ergo vobis, ut postposita occasione die Sabbati post Cineres manē sitis apud Toriacum in Bealsa. Valete.

EPISTOLA CCCCX.

LVDOVICO Dei gratiā magnifico Francorum Regi reuerentissimo, & speciali Domino suo, Frummaudus suus in omnibus salutem & debitum deuotionis obsequium. NOVERIT magnitudo vestra per burgenfes Castrinoui, & maximè per Nicolaum Frummaudi, qui damnum meum, & detrimentum Ecclesiæ nostræ volunt, suggestum esse nuntiis Regis Anglorum, sicut & ego ipse, & Gaucherius ab Hugone de Cleriis audiui, quod Clerici beati Martini, qui ad vos venerant, & maximè ego, de Rege Anglorum vobis malè locuti fuimus. Sed quicquid mihi minetur, vester sum, vester fidelis ero, in vestrum promptus & deuotus obsequium semper manebo. Valete.

EPISTOLA CCCCXI.

ILLVSTRI & magnifico Dei gratiā Francorum Regi, Io. Pe. Gra. & ceteri de Domo Petri Leonis Rom. Consules, sincera dilectionis plenum obsequium. NON excidit à memoria nostra, quantum in puritate cordis, & integritate dilectionis, antecessores nostri circa exaltationem prædecessorum vestrorum & Regni vestri profectum ac gloriam feruentiores semper extiterint, & in præstandis per omnia suis obsequiis parati hæcenus esse studuerint. Cuius inextinguibilis amoris connexio in nobis tantò ampliùs viget, ac vberiùs permanet, quantò gloriōsiùs personam vestram cognoscimus ubique in laudibus attolli, & nomen gloriæ vestræ excellentiùs prædicari. Indè est itaque, quod Excellentie vestræ fiducialiùs scribimus, gratiarum actiones quantum possumus suppliciter persoluentes, quod in tempore opportunitatis Ecclesiam Dei conseruastis, & Vicarium beati Petri Patrem nostrum, Pastorem & dominum Alexandrum debitā reuerentiā suscipere ita constantissimè voluistis, ut fama nominis vestri & gloria per hoc plurimum creuerit, & per vniuersum Orbem diffusiùs laudabiliter diuulgetur. Gloriæ igitur vestræ quicquid sumus & possumus reuerenter offerimus, attentius deprecantes, ut obsequia nostra in seruitiis vestris deposcere, & pro nostris viribus suscipere dignetur Sublimitas vestra, & in defensione Ecclesiæ Dei, & prædicti Domini nostri, sicut laudabiliter cœpistis laudabiliùs persistatis: ut per hoc & Regni vestri quietem, & æterni gloriam percipere à Domino Deo debeatis.

EPISTOLA CCCCXII.

LVDOVICVS
VII. IV-
NIOR.

LVDOVICO magnifico Dei gratiâ Francorum Regi Domino suo praeordialissimo, ac praeter ceteris omnibus excellentissimo, R. eadem gratiâ Dux Narbonae, Comes Tolosae, Marchio Provincia, ab eo saluari qui dat salutem Regibus. VIDIMVS, Domine, Literas vestras, quarum tenorem explicauimus, scilicet die statuto apud Castrum Saracenum perteximus, ibique cum ingenti parte sapientum virorum Angliæ super treuia data colloquium habuimus. Quam ipsi intelligentes huiusmodi datam spreuerunt, nisi Trinquauillus, necnon & Rex Aragonensis filius Comitis Barchinonæ in praefata treuia nominatim ponerentur. Trinquauillus nempe homo non est, nec est de Regis Anglorum iure, ut per illum treuiam sibi demus, aut per illum dare dimittamus. Semper cum illo militauimus, nec per aliquem deseruimus, nec etiam in iamdudum acceptis ceteris treuiis Trinquauillus, neque Comes Barchinonensis positi fuerunt. Tamen nos voluntati virorum Regis Angliæ satisfacere volentes, ut in experienda treuia nuntium suum cum nostro apud vos dirigerent eos ammonuimus. Quod & ipsi agere neglexerunt. Nimirum nos praecepta vestra transgredi verentes, hominibus Regis Anglorum usque dum reiteratam seriem treuiæ praesentis nobis declaratis, non infringemus. Nos siquidem in vestra potestate sumus, in vobis post Deum omnis nostra pendet fiducia, ac secundum praepollentis animi vestri voluntatem nos semper habebimus. Praeterea Regiam Maiestatem vestram, venerande Domine, ignorare non credimus, hoc scilicet quod ultra praeparatum ius in manu vestra terram nostram amittimus; non nostram, immò potius vestram. Ego namque vester proprius suum, & mea omnia vestra sunt. Igitur supplices ac proni clementiam vestram exoramus, ne longo temporis spatio si placuerit nos stare exheredatos patiamini. Valere.

EPISTOLA CCCCXIII.

NOBILISSIMO Domino meo & venerabilissimo consobrino LVDOVICO Dei gratiâ Francorum Regi, GVILLELMVS Montispeffulani Dominus salutem, seque ipsum, & sua. ME & mea mandato & beneplacito vestro offero in omnibus & per omnia, facturum cum diligentia voluntatem vestram. Berengarius de Podio Sureguerio miles quidam de partibus nostris intendit negare E. Narbonensi Vicecomitissæ ius suum, & possessiones quas de manu sua habet & tenet, & parentes eius de Dominæ E. antecessoribus visi sunt habere, & tenere, & auctoritate vestra in his ipsi resistere intendit. Comites & Barones de Regno vestro, qui suas habent possessiones de benignissima manu vestra, ab ipsorum subiectis auxilio vel consilio vestro aliquo modo, si placet, immorari non debent. Eapropter vestram humiliter deprecor Maiestatem, quod si dictus B. de Podio Sureguerio vestram adierit praesentiam, non concedatur ei ius Dominæ suæ auferre. Nam error & persecutio nimia, quod absit, in Regno vestro propter hoc posset oriri. Valeat Maiestas vestra.

EPISTOLA CCCCXIV.

LVDOVICO Dei gratiâ Regi Francorum magnifico Domino suo diligendo & amplectendo, commune Consilium urbis Tolosae & suburbij, spiritum consilij cum spiritu fortitudinis. NON pigeat tuam prudentem Celsitudinem, carissime Domine, quia saepe tibi scribimus. Cum quid audiuius, quod nobis sinistrum videtur, ad te post Deum, utpote Dominum bonum & defensorem, & liberatorem, currimus. De tua, Domine, beniuolentia plurimum confidimus. Literis mandasti, quatinus tuæ benignitati scriberemus, si quidquam audiremus aduersi quod tuam laceret sagacitatem. Accepimus ab amicis, quod Rex Angliæ hoc anno venire parat in nos. Tu verò, Domine, quia vicinior es, citius scire potes, & nos qui tui sumus certificare, ne hostili dolo facile possimus opprimi. Post Deum tua potentia spes nobis est. Promissa tua nos lætificant, cum nobis in mentem redeunt. De sorore tua Domina nostra Deo & tibi grates referimus. Valere, & omnipotens Dominus vos & Regnum vestrum in tempora longiora conseruet.

Tom. IV.

O O o iij

G LORIOSISSIMO ac piissimo Domino suo LVDOVICO Dei gratiā Francorum Regi, Commune Consilium urbis Tolosæ, & suburbij, & uniuersi à minimo usque ad maiorem, à summo Deo saluari, qui dat salutem Regibus. AUDITVM est in Terra nostra concelebri sermone verbum hoc, quod factum est de vobis à Domino, de filio quem misericors Deus per gratiam suam vobis dare, & nos in eius ortu visitare dignatus est. Vnde in vniuersis finibus nostris tam Clerus quàm populus æquo animo laudes debitas omnipotenti Deo refert, & ei preces porrigit, vt Deus eum vobis & nobis in tempora longiora conseruet. Sacratissimas Literas vestras nuper accepimus, quarum tenore perspecto, & iussis vestris obtemperantes, mittimus Regiæ Maiestati vestræ quatuor viros honestos de Capitulo nostro, scilicet Raimundum Capiscol. & Guillelmum de Sancto Iohanne, & Iohannem Signarium, & Stephanum Ministrum Ecclesiæ Sancti Petri coquinarum. Quibus omnes ciues nostri & suburbani, vtpotè viris sacramento vniuerso populo nostro astrictis fidem adhibentes, se & consilium suum commiserunt. Hij enim iurato promiserunt, salua fidelitate domini nostri Comitis, & serenissimæ dominæ nostræ Comitissæ, & Ecclesiarum, iura eorum illæsa seruare, & Tolosam, & quæ ad eam pertinent, pro posse & scire suo diligenter & cum magna caurela tractare. **B** Quibus firmiter credite tanquam ori omnium nostrum. Quin etiam cum istis duos honorabiles viros, videlicet Petrum de Roaxis, & Guillelmum Raimundi nomine, Serenitati vestræ mittimus, qui sunt de nostro Consilio: quorum personas & probitatem satis nouistis vt credimus. Item regiam pietatem vestram supplici prece obsecramus, vt nepotibus vestris dominis nostris consilium & auxilium vestrum impendatis, & eos, & nos qui vestri sumus, ab aduersariis nostris, si placet, defendatis, & Dominam sororem vestram sine mora nobis remittatis. Valete.

EPISTOLA CCCCXVI.

P RÆCLARO ac magnifico Domino suo LVDOVICO Dei gratiā Francorum Regi, Commune Consilium urbis Tolosæ & suburbij, ab eo saluari qui dat salutem Regibus. SACRATISSIMAS Literas vestras nuper vidimus. Vnde gratias omnipotenti Deo agimus, qui vos nobis vestræ ditioni subiectis condescendere fecit. Ita quod per vestræ serenissimæ Maiestatis scripta humilitatem nostram visitastis, laboribus nostris & imminentibus periculis more paterno prouidetis. Proinde benignam Celsitudinem vestram exoramus, vt semper si vobis placuerit nostri reminiscamini, & dominum nostrum Comitem, & serenissimam dominam nostram Reginam sororem vestram, & nos qui vestri sumus foueatis, & prout ipsa res postulat, nobis consulatis. Valete. **G**

EPISTOLA CCCCXVII.

S ENATORES Urbis urbium illustri & prudenti viro LVDOVICO Francorum Regi amico eorum carissimo salutem & dilectionem. SUPER benignitate vestræ Regiæ Maiestatis ac liberalitatis nos nostrique ciues valde confidentes, nobiles ciues nostros Clericos causa liberalium studiorum in terram vestræ ditioni subditam summa spe dirigimus. Inter quos quemdam generosum ciuem nostrum Iohannem Felicis apud Parisium literali studio commorantem, quem honestum sanctæ Romanæ Ecclesiæ Clericum scimus, vestræ regis benignitati valde commendamus. Precantes nimium vestram liberalitatem, vt ei pro nostro & urbis amore, in his quæ eum oportet honorem & auxilium conferatis: quoniam à nobis suisque optimis consanguineis, quibus in vrbe plurimum pollet, vestri fideles in Romana patria dignam vicem, & congrua, si oportuerit, recipient præmia, vobisque laudes & grates magnas referemus. Missa iv. die Ian. Indiēt. xii.

EPISTOLA CCCCXVIII.

LYDOVICVS
VII. IV-
NIOR.

ILLVSTRISSIMO & glorioso Domino LYDOVICO Dei gratia Regi Fran-
corum semper triumphatori, O. & C. Fraiapanes Romanorum Consules, suique deu-
otissimi milites, salutem; & prosperis ad vota pollere successibus. INTER ceteros mun-
di Catholicos Principes, felicissimæ memoriæ prædecessorum vestrorum Regum
fides & deuotio plurimum commendatur, qua circa sanctam Romanam Ecclesiam
in maximis periculis, quæ sibi frequenter euenire, constantissimi ad auxilium, &
ad obsequium promptissimi sunt reperti. De quorum radice geminam attrahens
nobilitatem atque industriam, orthodoxæ fidei religionem tanquam strenuissi-
mus gubernator & Rex iustitiæ diligitis, defenditis, & exaltatis. Quod licet à
primordio Regni vestri cum summa diligentia feceritis, hoc tamen tempestatis
tempore, quæ per Octou. & ipsius complices filios superbiz, vasa iræ apta in inte-
ritum, nouiter exorta est, tantò clariùs enituit, quantò inspirante sancti Spiritus
gratia scismaticam prauitatem confutantes, inter primos Orbis terrarum Reges
primus audito nomine domini Papæ Alexandri verè beati Petri successoris & Vi-
carij, cum in patrem summum, & vniuersalem Pontificem elegeritis: & ad tan-
tum bonum per Gallicanas confirmandum Regionem, sicut ex Literis Legatorum,
B qui adeas partes transmissi fuerant, recognouimus, regia præstita auctoritate Ar-
chiepiscoporum, Episcoporum, Abbatum, & religiosarum personarum vndique
est Concilium conuocatum. In quo cum diutiùs sub vestra præsentia à Catholi-
cis & scismaticis de Canonica domini Papæ Alexandri electione, & hæretici Oct.
intrusione, nuntiis disputatum fuisset, & scismaticæ partis nequitia, & Symoniaca
ambitio declarata esset: ab omnibus orthodoxis, sicut Serenitati vestræ notissi-
mum est, dominus Papa Alexander in summum Pontificem & verè Apostolicum
approbatus est atque susceptus. De quo Deo & Ecclesiæ seruitio exhibito ipse re-
munerator omnium bonorum Deus & Sedes Apostolica dignam vobis vestrisque
hæredibus hîc & in futurum remunerationem præstabit, & gloria vestri nomi-
nis super constantia hac & sanctitate à generatione in generationem non delebi-
tur, & Romanorum Pontificum qui pro tempore erunt prouidentia ad vestri, ve-
strique Regni exaltationem semper erit intenta. Non enim IESVS, qui nunc
in naui dormit, diu Petri nauiculam in fluctibus patietur esse: quæ licet quatiatur
procellis, ad lapidem allidi non potest. Confidimus sanè, quòd de proximo pax
reddita erit Ecclesiæ, quia qui potens est Dominus cum temptatione faciet pro-
uentum, vt laborantes valeant sustinere. Iam Orientalis nomen Alexandri nouit
& suscepit Ecclesia, & ad ipsius obedientiam parata existit. Occidentalis autem
regio quanta benignitate, & quàm deuota subiectione eundem in propria personâ
iam receperit, tantò Excellentiz vestræ notius est, quantò vobis quasi totum cor-
Cpus Ecclesiæ Romanæ propinquius est, & quæque aguntur ad regiam notitiam fa-
ciliùs possunt peruenire. Verùm, si qua, quod absit, dubitationis titillatio per sug-
gestionem & calliditatem alicuius iniqui vestram super ordinationem domini Pa-
pæ mouerit mentem, prudentiz vestræ erit prudentes & strenuos viros de latere
vestro ad urbem dirigere, qui cognitam veritatem vestræ Maiestati significant, &
mendacia Oct. qui vos sibi obedire fautoribus suis scripsit valeant confutare, & Li-
teris vestris de obedientia & receptione domini Papæ Alexandri Romanū Clerum
& populum certificare, qui non modicum turbatus est, eo quòd prænominatus ser-
pens tortuosus Oct. ipsis scribere non erubuit, vos in partem ipsius cecisse, & per
Comitem etiam Henricum id Imperatori iuramento firmasse. Quod quia longè à
vero est, decet vestram regiam elementiam, temeritatem ipsius abdicare, & fal-
laciâ, qua fideles Ecclesiæ turbare intendit, omnibus operire. Præterea vete-
rum nostrorum seruantes consuetudinem, nos ad vestrum seruitium deuotissimos
exhibemus: optantes vt honor vester crescat, & gloria multiplicetur, dilatetur po-
tentia, & religio vestra, quæ ab ipsa cœpit adolescentia, circa Deum & Ecclesiam,
& Ecclesiasticas personas, dignum suscipiat incrementum. Valeat Sublimitas ve-
stra, & de statu Ecclesiæ iniustitia sentiat petimus & veritate.

OOO iiij

EPISTOLA CCCCXIX.

DOMINO LVDOVICO *illustrissimo Francorum Regi, Jordanus Petri Leonis Consul Romanorum salutem & perpetuam amicitiam.* QVIA plurimum de vestra probitate confidimus, vos quantum possumus rogamus pro quodam discipulo dilectissimo nostro consanguineo, qui est ordinatus Romanæ Curie, nomine Ioanne Felicis, qui Parisius in scholis moratur, ut amore nostro & seruitio eum diligatis & manuteneatis, ut vobis debitores magni seruitij semper simus.

EPISTOLA CCCCXX.

ILLVSTRISSIMO & glorioso LVDOVICO *Dei gratiâ Regi Francorum, P. & G. Romanorum Consules commendationem & fidele seruitium.* VENIENS ad urbem carissimus consanguineus noster N. sanctæ Romanæ Ecclesiæ Subdiaconus cum Literis domini Papæ, qua gloria, qua deuotione dominum Papam suscepitis, & quotidie honoretis, amplissimè Clero & populo significauit. Vnde Serenitati vestræ vniuersa Ecclesia gratias agit, postulans & exorans, ut Dominus omnipotens hanc fidem & bonam voluntatem vobis augeat, & vitam vestram seruet incolumem. Præterea mihi & amicis suis, omnibusque consanguineis honorem à Magnificencia vestra exhibitum frequenter exposuit, & ad vestrum seruitium, si locus ad tempus dabit opportunitatem, suo intuitu nos paratos esse rogauit. Vnde gratias vobis agimus, & nostrum seruitium offerimus: postulantes, ut de dilecto magis dilectum habeatis, & domino Papæ, si placet, cum dignemini commendare.

EPISTOLA CCCCXXI.

GLORIOSISSIMO Patri ac Domino LVDOVICO *Regi Francorum, P. Vicecomes Pod. salutem, & perhenne gaudium.* VESTRÆ paternitatis discretionis, carissime Pater, notifico, quod omnia quæ vobis promisi atque conueni, & R. Comiti, & Comiti Tib. & quæ sunt nostri placiti, secundum posse meum compleui. Ita quod septem milites, qui debent esse obsides, illi reddidi cui iussisti, scilicet Abbati de Seguerutra *. Sed hoc restat, quod sex filios nobilium virorum vobis non misi, quia certè non potui, quia cum consilio inimicorum meorum electi & nominati fuerunt. Nam duo ex illis non sunt mei nec per fræum, nec per hominum, quamuis sint ex mea progenie. Alij verò duo sunt pueri adhuc manentes in cunabulis. Reliqui autem duo dum fuerunt prompti & parati cum nuntio Comitum Niuernensis ad vos venire, venerunt vehementer mei inimici, scilicet Clerici Pod. ad illorum parentes dixerunt, quod si mitterent filios nunquam amplius eos recuperarent nec viderent. Et ideo Altitudinis vestræ humilitatem humiliter imploro, ut iussum vestrum erga me non imputetis, quia ultra posse nihil. Sed ad constitutum diem Deo annuente veniam, & ibi habebō quos potero, supradictos filios: sin autem, alios cum pari recompensatione.

EPISTOLA CCCCXXII.

EXCELLENTISSIMO Domino suo LVDOVICO *Regi Francorum, VV. DE MONTEPESSVLANO eius consanguineus & deuotus miles, gaudium & lætitiā sine defectione.* PLACVIT Excellentie vestræ, ut Bernardo de Andusia, & Comiti Melgoriensi præciperetis, ut ab exactiōe noui pedatici, quod iuxta Alestum accipiebant, cessarent. Vnde B. de Andusia, utpote homo sapiens & discretus, & per omnia vestræ cupiens parere voluntati, prædictum pedaticum pro parte sua cessare fecit, quousque iterum, quia Comes non desisteat, auctoritate nuntij vestri illud recuperavit. Tandem verò perpendens, & contra cœlestis Regis, & contra vestram hoc esse voluntatem, prorsus & in perpetuum dereliquit. Nuper verò Monachus factus, feliciter migravit à seculo; & reliquit heredem parvulum P. B. quem ratione consanguinitatis, & diuturnæ amicitie, sub tutela mea dereliquit, qui semper vobis fidelis & deuotus erit, & vestræ per omnia promptus

A parere voluntati. Vnde necesse est, ut eum & Terram eius sub cura & protectione vestra recipiatis. Præfatus siquidem Comes regium contemnens præceptum, neque tunc cessavit, & adhuc in eadem malitia perseverat. Vnde quia vestrum est has & alias iniustitias à Regno vestro propellere, vestram humiliter deprecor Sublimitatem, ut sub interminatione indignationis vestræ ei iterum per Literas vestras mandetis, ut ab hac iniusta novitate desistat. R. etiam Comiti sororio vestro sub debito fidelitatis & amicitie mandetis, ut ab hac iniquitate eum, qui nuper potestati & dominio eius se subdidit, cessare faciat, nec aliquando super hac re auxilium vel consilium præbeat, imò potius ad hoc aduersarius & inimicus existat. Domino etiam Papæ persuadeatis, ut sententiam excommunicationis, quæ in personam eius posita est, super totam Terram eius propriam vel communem extendat: itaut ubi vel ubicumque ipse fuerit nullum diuinum celebretur officium, & ut præcipiat Episcopis Nemausensi, Mimatenſi, Magalonensi, Vzeticensi, ut hanc sententiam in Episcopatibus suis obseruari faciant. Et quia longum esset Literis exprimere quæ super his verbis suggerenda essent, præſenti nuntio tanquam nobis per omnia credite.

LYDOVICVS
VII. IV-
NOR.

EPISTOLA CCCCXXIII.

B **G**lorioso & magnifico Domino **LYDOVICO** Dei gratiâ Francorum Regi, *Iohannes Petri Leonis, & P. Ouic. ac Grat. Omnipotentis gratiâ Romanorum Consul, salutem & solium Regni per multos annos feliciter gubernare.* **AMOREM**, quem vestra regia Domus ex ipsa antiquitate cum nostris antecessoribus habuit, ad memoriam reducentes, & liberalitatem vestram multis & verissimis relationibus cognoscentes, plurimum siquidem de magnitudine vestra confidentes facit, & pro consanguineis nostris vos rogare minime dubitamus, optantes aliquid facere quod in conspectu vestræ Serenitatis gratum & dulce habeatur. Sanè nihil est vnquam quod nos magis agere delectet, quàm vestris voluntatibus obedire, & pro vobis tanquam pro carissimo Domino modis quibus possumus facere. Hac igitur spe certi in Regnum vestrum quemdam carissimum filium nostrum Ouic. nomine in Literarum studio Parisius moraturum direximus. Pro quo Magnitudinem vestram attentè rogamus, quatinus nostro amore & interuentu eum taliter commendatum, si placet, habeatis, ut vobis & vestro Regno omni tempore tam nos quàm nostri omnes consanguinei fideles esse valeamus, & in negotiis vestris, cùm expedire videbimus, meritò studere possimus.

EPISTOLA CCCCXXIV.

C **L**YDOVICO Dei omnipotentis nutu Regi Franciæ nobilissimo, viro per omnia sapienti & inlustri, *VV. eodem nutu Montisferrati Marchio, quicquid suo fidelis, & amicus Domino.* **PRO** meritis vestra gratuita & inclita bonitate non meritis nostris à vobis nobis & filio nostro collatis, Deo omnipotenti & vobis gratias referimus, & quantascumque possumus & valemus grates. Et licet longa terrarum spatia prohibeant nobis, prout desideramus & optamus, vestris interesse obsequiis, & pro certo agnoscamus nobilitatem vestram in temporalibus nostris minime indigere subsidiis: in veritate tamen cognoscat bonitas vestra, nos per omnia prout tempus exegerit, & voluntas vestra fuerit, semper paratos fuisse, & esse vestris obtemperare, & obsecundare imperiis. Quapropter si cordi vestro insidet, & vobis placet aliqua, quæ ad honorem & seruitium vestrum spectent, Literis vel verbis nobis significare, per præſentium latorem, Patrem nostrum, virum valde religiosum & honestum, & Abbatem domus nostræ, Sanctæ videlicet Mariæ de Locedio, fidelissimè, & omni dubitatione postposita, mandare curate. Rogamus insuper nobilitatem vestram, ut verbis eius & consiliis adquiescatis, & sic his quæ ab ipso fuerint prolata, maximè de pace & concordia sanctæ Ecclesiæ, fidem & amicitiam vestram applicetis, ac si ab ore meo ipsa audiretis: & tantò vtrique certius & securius, quantò per Dei gratiam in veritate ac religione præ nobis est confirmatus.

EPISTOLA CCCCXXV.

A

LYDOVICO *Dei gratiâ Francorum Regi Domino suo dilectissimo, urbani ac suburbanî Tolosæ consilium & auxilium.* QV AS gratias tuæ Maiestati reddamus, nec cor concipere, nec lingua promere valet. Protexisti enim nos à conuentu malignantium, & à multitudine regiæ iniquitatis. Cœptis igitur tuis tua non desit potens benignitas, & vsque ad finem tua nobis dirigatur defensio. Post Deum namque liberationis nostræ spes est tua protectio. In te post Deum totam spem nostram collocamus. Quid autem, carissime Domine, recenter nobis acciderit, per præsentem scripturam tuam beniuolentiam certiorari volumus. Burdegalensis siquidem Archiepiscopus non militans Christo, sed Regi Angliæ, equitauit penè vsque ad portas Tolosæ, quantum est iactus lapidis, & Tolosanum territorium populatus est. Castella diruit, & complanauit: Ecclesiis Christi non pepercit. Multas etiam deinde quas potuit tanquam incendiarius & nefarius igne consumpsit. De urbanis & suburbanis nostris quosdā cepit, quosdā gladio peremit. Dominus noster Comes diu est quod nobiscum non fuit. Vnde tuam benignam Celsitudinem supplices exoramus, quatinus Tolosam, quæ tua est, & nos qui tui sumus, & terram quæ tua est, & de tuo Regno, vterius non patiaris deleri. Si tuum autem nobis defuerit consilium, in proximo Terra nostra habebitur instar B deserti. Valete.

EPISTOLA CCCCXXVI.

LYDOVICO *summo Dei gratiâ Regi Francorum amico ac Domino suo dilectissimo, R. TRENCABELLVS Biturrensis Vicecomes salutem & debite seruitutis obsequium.* ILLA deuotionis integritas, & dilectionis affectio, quam circa personam meam credimus vos habere, non modicam nobis fiduciam præstat, vt in necessitatibus meis à vobis consilium debeam & auxilium postulare, & imminencia mihi negotia vobis fiducialiter aperire. Non multo autem temporis transacto, considerans quid membra capiti debeant, amore vestri cum domino R. Tolosano Comite pacem & concordiam feci. Et postea Comiti vel Domine Regine in eorum negotiis in quantum potui subuenire non distuli. In tanto itaque familiaritatis articulo constitutus, mansuetudinis vestræ discretionem obnixè deprecari non vereor, quatinus hunc militem meum nobilem & discretum virum præsentium latorem nomine P. R. à me etiam valde dilectum, & super omnes in consilio & familiaritate mea positum, de omnibus quæ ex parte mea vobis retulerit credatis, & amore mei, si placuerit, diligatis.

EPISTOLA CCCCXXVII.

C

LYDOVICO *Dei gratiâ Francorum Regi venerabili Domino suo, R. eadem gratiâ Dux Narbonæ, Comes Tolosæ, Marchio Prouinciæ, salutem & debite fidelitatis obsequium.* DOMINATIONEM vestram, venerande mi Domine, humiliter imploramus, quatinus militem istum præsentium latorem nomine Berengarium, qui homo vester ligius est, & amicus noster familiaris, gratiâ vestri & amore nostri benignè suscipiatis, & super his quæ à vobis petierit consilium & auxilium sibi præbeatis. Sciatis enim quod ipse pro nobis multos habet inimicos, & in quantum ipse potest in omnibus nobis fauet. Vnde si placet, vestrum pro nobis sentiat iuuamen. Valete.

EPISTOLA CCCCXXVIII.

LYDOVICO *Dei gratiâ Francorum Regi Domino suo, VV. Montisferrati Marchio fidele seruitium.* VESTRA benignitas noscat, Domine carissime, de vestra gloria ac de honore me multum gaudere; & si aliquid est obsequij, in quo valeamus præbere solamen, firmiter præcipiatis. Et quoniam Odonem nostrum militem in præsentiarum non misi, minimè mireris, quia per nuntios quos in Constantinopolim misi, & in Alamania, quos expecto redire, remansit. Sed sciatis quod

A Ottonem nostrum certum nuntium in Quadragesima vobis mittere non dilatabo, per quem totam nostram voluntatem vobis pandere non dubitamus.

LVDOVICVS
VII. IV-
NIOR.

EPISTOLA CCCCXXIX.

LVDOVICO Dei gratiâ Regi Francorum, H. de Merenilla, & T. Mar. homines & nuntij vestri salutem & fidele seruitium. Notum etenim auctoritati vestræ fieri volumus, quatinus nos in eadem die à vobis proposito apud Sanctum Egidium venimus. Noscat item auctoritas vestra, nos cum Abbate Andropoleni super imposito negotio & itinere nostro cum sæpissimè submonentes sermonem tenuisse, qui ad sermonis finem nos ibi vsque ad Epiphaniam Domini pro certo mansuros, responsum dedit. Itaque impositi negotij vlla dilatio in nobis affuisse ne dubitetis. Præmissis verò addimus, quoniam nos moram facientes ad honorem tui ut in tanto negotio oportet nobis impendere. Vnde Excellentiam vestram deprecamur, ut quod tanto operi honestum sit vobis & nobis provideatis. Præterea vobis mandamus, quatinus vos omni occasione remota Literas vestras ad Regem Siciliæ super hoc opere mittatis. Valete.

EPISTOLA CCCCXXX.

B VENERABILISSIMO Domino meo LVDOVICO Dei gratiâ Regi Francorum, GVILLELMVS Montispeffulani Dominus miles eius deuotissimus salutem cum sincera dilectionis affectione. BENEDICTVS Dominus, qui vos Dominum meum Regno Francorum præesse voluit, & iustitiam, pietatem, misericordiâque vestram in Orbe terrarum aperuit, & notam fecit. Vnde ego fidelissimus vester gaudeo, & Deo gratias reddo. Obedientiæ & seruitio vestro me subiciens in necessitatibus & negotiis meis, parentumque & amicorum meorum, ad vestrum de solito recurro patrociniû. Ego verò interfui placito, quod Domina E. Narb. Vicecomitissa habuit cum B. de Podio Suriguerio. Dum verò causâ tractabatur, ex parte vestri dicto B. oblatæ sunt Literæ de pedatico, quas contempsit, & accipere noluit. Sequenter in eius gremio sunt positæ, & ipse contemptibiliter Literas benignitatis vestræ eiecit in terram, quas videre villo modo noluit, & refutauit in præsentia Baronum & Episcoporum, & multorum aliorum. Eapropter humiliter votis omnibus vestram deprecor Maiestatem, quatinus in hoc, & in aliis negotiis, quæ legati vna voce verbo tenus benignitati vestræ demonstrauerint, dictam Dominam E. exheredari non patiamini: & cognoscat, si placet, Domina E. iustitiam & pietatem vestram, & quod preces meæ apud vos ei fuerunt præsidio. Legatos, quos Maiestati vestræ dirigit Domina Vicecomitissa, benignè, si placet, recipiatis, & in petitionibus suis amore mei, & precibus, si placet, satisfaciatis.

EPISTOLA CCCCXXXI.

C ILLVSTRISSIMO & gloriosissimo LVDOVICO Dei gratiâ Regi Francorum *Simili est semper triumphatori, Rectores Romane fraternitatis salutem & orationem in Domino.* INTER ceteros mundi Catholicos Principes felicissimæ memoriæ prædecessorum vestrorum Regum fides & deuotio plurimum commendatur. Quocirca sanctam Romanam Ecclesiam in maximis periculis, quæ sibi frequenter euenire, constantissimi ad auxilium & obsequium promptissimi sunt reperti. Ex quorum radice geminam attrahens nobilitatem atque industriam, orthodoxæ fidei religionem tanquam strenuissimus gubernator, & Rex iustitiæ, diligitis, defenditis, & exaltatis. Quod licet à primordio Regni vestri cum summa diligentia feceritis, hoc tamen tempestatis tempore, quæ per Octavianum & ipsius complices filios superbix, vasa iræ apta in interitum, nouiter exorta est, tantò clariùs enituit, quantò inspirante sancti Spiritus gratia, scismaticam prauitatem confutantes inter primos Orbis terrarum Reges & Principes, primus audito nomine domini Papæ Alexandri verè beati Petri successoris & Vicarij, cum in Patrem summum & vniuersalem Pontificem elegeritis, & ad tantum bonum per Gallicanas confirmandum regiones, sicut ex Literis Legatorum, qui ad eas partes transmissi fuerant, recognoui-

Epistola CCCCXXXI. solum Rom. que habetur supra.

LYDOVICVS
VII. IV-
NIOR.

mus, regia præstita auctoritate Archiepiscoporum, Episcoporum, Abbatum, & religiosarum personarum, vndique est Concilium conuocatum. In quo cum diutius sub vestra præsentia à Catholicis & scismaticis de Canonica domini Papæ Alexandri electione, & hæretici Octauiani intrusionē nuntiis disputatum fuisset, & scismaticæ partis nequitia, & simoniaca ambitio declarata esset ab omnibus orthodoxis, sicut Serenitati vestræ notissimum est: dominus Papa Alexander in summum Pontificem & verè Apostolicum approbatus est, atque susceptus. De quo Deo & Ecclesiæ seruitio exhibito ipse remunerator omnium bonorum Deus, & Sedes Apostolica dignam vobis vestrisque heredibus hinc & in futurum remunerationem præstabit, & gloria vestri nominis super constantia hac & sanctitate à generatione in generationem non delebitur: & Romanorum Pontificum, qui pro tempore erunt, prouidentia, ad vestri vestrique Regni exaltationem semper erit intenta. Non enim IESVS, qui nunc in naui dormit, diu Petri nauiculam in fluctibus patietur esse: quæ licet quatiatur procellis, ad lapidem allidi non potest. Confidimus sanè quòd de proximo pax reddita erit Ecclesiæ, quia qui potens est Dominus cum temptatione faciet prouentum, ut labantes valeat sustinere. Iam Orientalis nomen Alexandri nouit & suscepit Ecclesia, & ad ipsius obedientiam parata existit. Occidentalis autem regio quanta benignitate, & quàm deuota subiectione eundem in propriam personam iam receperit, tantò Excellentie vestræ notius est, quantò vobis quasi totum corpus Ecclesiæ Romanæ propinquius est, & quæque aguntur ad regiam notitiam facilius possunt peruenire. Verum si qua, quod absit, dubitationis titillatio per suggestionem & calliditatem alicuius iniqui vestram super ordinationem domini Papæ mouerit mentem, prudentie vestræ erit prudentes & strenuissimos viros de latere vestro ad Urbem dirigere, qui cognitam veritatem vestræ Maiestati significant, & mendacia Octauiani, qui vos sibi obedire fautoribus suis scripsit, valeant confutare, & Literis vestris de obedientia & receptione domini Papæ Alexandri Romanum Clerum & populum certum facere: qui non modicum turbatus est, eo quòd prænominatus serpens tortuosus Octauianus ipsis scribere non erubuit, vos in partē ipsius cecidisse, & per Comitem Henricum id Imperatori iuramento firmasse. Quod quia longè à vero est, decet vestram clementiam temeritatem ipsius abdicare, & fallaciam, qua fideles Ecclesiæ turbare intendit, omnibus aperire. Ad hæc quoniam inter omnes orthodoxæ fidei Principes vos deuotissimum circa Patrem vestrum dominum Papam Alexandrum, & matrem vestram Romanam Ecclesiam fore comperimus; idcirco pro tali tantoque affectu, cum vniuerso Romano Clero, assidue pro vobis & Regno vestro orare promittimus.

EPISTOLA CCCCXXII.

PIO & venerabili Domino suo LYDOVICO Dei gratiā Francorum Regi, Ciues Tolosæ urbis, & suburbanis omnes à minimo usque ad maiorem, salutem, & à summo Deo vitam & victoriam. VISIS, carissime, de nuper sacris Literis vestris, & honestis personis Legatorum vestrorum, gaudio magno prout debuimus exultauimus. Quarum tenore perspecto * tractauimus, & mandatis vestris regio scripto vestro insertis paruimus, quatinus ipsa honorificè præsentiam vestram adiret. Et quidam de honestioribus ciuibz nostris & suburbanis, P. de Roaxis, B. Arnaldi de Ponte, & de suburbio VV. Raimundi, & P. Raimundi frater eius, & B. Mandatarius, qui optimè præparauerat se, ac munierat, eo ipso die, quo Domina nostra soror vestra mouit iter, venturi erant cum ea ad Curiam vestram, & ipsa in hoc non consensit. Idcirco valde elementiam vestram exoramus, ut vos Domine curam adhibeatis, & cautelam vestram, qualiter nos qui vestri sumus, & Tolosam, quæ vestra est, & dominos nostros nepotes vestros defendatis & retineatis: quoniam omnis spes nostra in vobis est post Deum, & honestissimam Dominam nostram sororem vestram quàm citius poteritis nobis remittatis, quia cum ipsa, & per ipsam gaudemus & confortamur, & defendimur. Valete, & omnipotens Deus vos & Regnum vestrum in tempora longa conseruet.

EPIST.

* Desst ali-
quid.

EPISTOLA CCCCXXIII.

LVDOVICVS
VII. IV-
NIOR.

ILLVSTRISSIMO & venerabili Domino suo LVDOVICO Dei ordinatione Francorum inuictissimo Regi, Berengarius de Podgo Sorigary miles suus & homo linguam prosperitatem & vitam. Ex quo à Curia vestra discessi, strenuissime Domine, habui placitum cum Domina Ermengarde de Narbona. Et nihil potuit super me de his omnibus quæ mihi demandabat. Nunc autem audiui quia misit nuntios suos ad vos, ut à vestra liberalitate susciperet unde me posset in placito acrius impugnare. Rogo itaque usque ad pedes Serenitatis vestræ celsitudinem, ut non detis ei de nouo aliquid super me hominem & militem vestrum, vel super Narbonensem prouinciam, propter quod possit contra me noua iura exercere: sed talis sit erga me, qualis fuit quando ego intraui Curiam vestram. Et quoniam non habebam sigillum meum, annulo meo Literas istas sigillaui. Valeat in Domino celsitudo Imperij vestri.

EPISTOLA CCCCXXIV.

B ILLVSTRI Domino suo LVDOVICO Dei gratiâ Francorum Regi, R. Dux Narbonæ, Comes Tolosæ, Marchio Prouinciæ, debita fidelitatis obsequium. Ex quo me & Trencauellum amicabilis compositio confœderauit, & sacramenti vinculis pacem inter nos ad honorem nominis nostri perpetuò reformauit, nostri propositi & consilij fuit Excellentiæ vestræ regiæ pro obsidibus Montis-acuti preces offerre. Eapropter prudentiæ vestræ gratiam humiliter rogo, ut obsides Montis-acuti nobis absolutos restituat, & ipsum Trencauellum ad fidelitatis indefessæ exhibitionem Literarum vestrarum tenor specialiter exhortetur. Ad hoc Sublimitati vestræ notum facio, quod filiam Dalsini Comitissæ sub plenissima & firma securitate filio meo nepoti vestro despondendo firmaui, ita quod ipsam puellam, & Terram Dalsini Comitissæ iam ex magna parte recepi. Quia ergo incrementum nobis vnde cumque accedens ad Regni vestri & gloriæ augmentum proculdubio noscitur pertinere, placeat Excellentiæ vestræ ipsam nepotis vestri filij mei, & filiæ Dalsini Comitissæ, copulam laudare, verbo & actu ubi expedient defendere, speciales etiam Literas super hoc Comitissæ, matri Dalsini Comitissæ, & Proceribus Terræ delegare: Ex hoc enim Comitatus quondam Dalsini Comitissæ licet ad iurisdictionem Imperatoris pertineat, Regni vestri incrementum quasi quidam portus erit & porta. Deus saluet vos per multa tempora, Domine mi Rex, ut me super negotio Regis Anglorum, sicut inceptum, muniat, & præmuniat vestræ prouidentiae fauor.

EPISTOLA CCCCXXV.

G LVDOVICO Dei gratiâ Regi Franciæ venerabili Domino & carissimo fratri suo, CONSTANCIA eius unica soror Comitissæ Tolosæ, Dux Narbonæ, Marchiæ Prouinciæ, salutem, & vtriusque vite felicitatem. ALTITVDINI vestræ notum sit, Trincauellum erga dominum meum Comitem & nepotes vestros fideliter continere, & propter deliberationem suorum obsidum eum mihi feruentissimas preces infudisse. Hac de causa Clementiam vestram, tanquam illius in quo tota mea spes est posita, si ausa sum, humiliter imploro, ut eos meis precibus & nepotum vestrorum pietate liberare dignemini. Testor Deum, si in eorum captione vtilitatem vestram cognouissem, nunquam alicuius precibus de eorundem solutione locuta fuisset. Si misericordia vestra preces meas suscipere dignata fuerit, Trincauello per Literas vestras mandate, ut erga dominum meum Comitem & nepotes vestros fidelius quàm solebat se deinceps habeat, & de guerris & ceteris negotiis eos iuuare non permittat. Præterea vos diligenter rogo, ut Fredericum Sancti Victoris Canonicum Abbatis sui licentiâ ad me venire faciatis. Valete.

EPISTOLA CCCCXXXVI.

A

LVDOVICO *Dei gratiâ Regi Francorum excellenti, & naturali Domino suo, M. Imperatrix, & Regis filia, salutem & fidum cum dilectione obsequium.* RECOLAT Excellentia vestra, quod sæpè requisivi vos de verbo quod est inter vos, & filium meum Regem Angliæ, sed nullum inde responsum fecistis quod mihi se-deat, vel vnde certa existam. Eapropter ad vos dirigo Remigium de Sancto Va-lerio, vestram implorans altitudinem: quatinus per eundem, si placeat, omnem certitudinem verbi mihi mandare non differatis. Nisi enim feceritis, tale quid contingere poterit inter vos, quod ego emendare non potero: & præsertim pro vtroque populo quem regere debetis, & pro populo Ierusalem qui ad tempus est desolatus & perterritus. expedit, & honor erit vobis, quod curam capiat, quod pacem haberet, & Audoin. Capell. apud pratum.

EPISTOLA CCCCXXXVII.

LVDOVICO *Dei gratiâ excellentissimo Regi Francorum dilectissimo Domino suo, M. Ducissa Burgundia salutem & debitum obsequium.* NOTVM est Maiestati vestræ, quod filius meus homo vester est legius, & si placet vester consanguineus: & quicquid ipse potest, vestrum est, & si magis posset vestrum esset. Ideoque ve-
stram summam dilectionem securius rogo pro filio meo. Dictum est enim mihi quod Comes Radulfus de Perona quandam sororem habet nubilem, quæ vt mihi dictum est & suis, habilis esset filio meo nuptui. Eapropter, dilectissime Domi-ne, ego & ipse rogamus, vt super hoc ipsi prouideatis, & cum Comitè Sueffionensi inde loquamini, & tractetis quomodo hoc matrimonium contrahatur. Sciatis, cum in alio Regno filius meus vxorem habere posset, ego multo magis volo eum in vestro Regno vxorem ducere quàm in alio. Quantò magis vos appropinquabit, tantò magis vester erit, & incrementum omninò vestrum erit.

EPISTOLA CCCCXXXVIII.

LVDOVICO *Dei gratiâ excellentissimo Regi Francorum venerabili Domino & fratri suo, C. eius humilis soror, Spiritum consilij & fortitudinis.* ALTITVDI-
NI vestræ declaro, istum militem Guidonem nomine mihi diu seruiuisse, & me ei in paucis retribuisse. Et cum matris eius pietas, & plurima negotia eum repa-triare coegerint, necessitatem meam sciens & videns, ab me lachrymabiliter dis-cessit. Vnde fraternitatem vestram humiliter deprecor, vt pro Dei amore & mei ei bonus adiutor, & omnium suarum rerum bonus defensor esse dignemini. Cum necessitatis meæ secreta melius quàm alter homo nouerit, vobis eorum veritatem
detegere non denegabit. Super hoc vos pro Dei amore & fraternitatis pietate deprecor, vt in proximo mihi subueniatis. Testor Deum, nisi mihi subueneritis, modò malum sustineo, & peius in futuro eueniet. Valere.

EPISTOLA CCCCXXXIX.

HONORABILISSIMO LVDOVICO *Dei gratiâ Francorum Regi felicissi-mo Domino unico suo, E. Narbonensis Vicecomitissa eiusdem specialis femina, de-bita reuerentia obsequium.* VESTRA enim, Domine, non dubitet veneratio, me & mea vestris semper obedire mandatis, & quicquid in mundo possideo vestro subiacet Imperio. Verumtamen hoc vnum precor, quod mei memoriam vestra frequentet liberalitas, quoniam post Deum tota spes mea in vobis carissimo Do-mino meo pender. Et ideo singulis diebus si promptos haberem nuntios, vobis in mei memoriam dirigerem. Quod de equo mandatum vestrum nondum im-pleui, causa est vtilis inquisitio, quod nondum bonum inuenirem equum. Ea-propter de mora nostra aduersus me non moueatur Maiestas, quoniam in breui quantò meliorem, qui tantum deceat Dominum, inuenire in tota Terra nostra po-tero, mittam. Valeat Dominus meus mei semper memor.

EPISTOLA CCCCXL.

DOMINO ac Patri suo carissimo LVDOVICO Dei gratiâ Francorum Regi, M. Trecentis Comitissa eius dilectissima filia salutem & intimum amorem. CERTA spes obtinendi preces meas ad vos dirigere multotiens compellit. Indè est quòd paternitatem vestram, piissime Pater, suppliciter exoro, quatinus Dei & mei amore iram & malam voluntatem, quam hætenus nescio quo falsidicorum admonitu aduersus Paganum de Meleun quondam hostiarium vestrum habuistis, hoc modo vestri gratia condonetis, vt in pristinum Domus vestræ restitatur officium. Iam enim terminus transiit, quem mihi imposuistis. Vos equidem super hoc me rogare infra terminum à vobis ei constitutum nullatenus auderem. Valeat Sublimitas vestra.

EPISTOLA CCCCXLI.

DOMINO & Patri suo carissimo LVDOVICO Dei gratiâ Francorum Regi, M. Trecentis Comitissa salutem cum debito obsequio. AVDIVI, dilectissime pater, quòd quidam homines de Sancto Dionysio de quibusdam hominibus meis apud Columbarium manentibus plurimum conquesti sunt vobis, & dixerunt vobis quòd homines mei eos iniuste ceperunt. Vestra attamen proculdubio noscat discretio, quòd homines mei eos iuste ceperunt. Pedagogium enim de Columbariis, quod meum est, effugiebant. Hoc etiam facere multotiens consueverunt, & sic ferè ad nihilum præfatum pedagogium redactum est. De huiusmodi etiam forefacto, vnde nunc XL. aut LX. capio solidos, Comes Dominus meus VII. aut X. capiebat libras, & tunc nullam vobis faciebant querelam. Nunc verò quia iam dictum pedagogium me sciunt habere, ex quo iis aliquod accedit infortunium ad vos concurrunt, & vobis pro minimo conqueruntur. Vnde vestram quamplurimum imploro dilectionem, ne quid ab eis auditum vestrum erga me conturbet animum. Absit enim, vt aliquid contra vos faciam. Vestræ equidem voluntati sum penitus parata. De cetero vos rogo, vt nullam vltèrius de me Domino meo faciatis querelam. sed quicquid vobis placuerit mihi præcipite, & ego faciam. Valeat Sublimitas vestra.

EPISTOLA CCCCXLII.

LVDOVICO Dei gratiâ altissimo Regi Francia, carissimo Domino & fratri suo, C. eius unica soror salutes & fructum perhennis vite consequi. NON ignotum sit vobis, istum militem Berengarium de Podio Serguerio nomine vtilitatem meam & nepotum vestrorum valde diligere. Quoniam hostes eius ei iniuriam inferre moliantur, ad vos, cuius vocem semper clamauit, venit. Hac de causa libertatem vestram rogo, vt si à vobis aliquid iuste petierit, deprecationis meæ opem sibi prodesse & valere sentiat. Vt eius vicini testantur, castrum suum nullo mediante de manu vestra debet tenere. Valete.

EPISTOLA CCCCXLIII.

LVDOVICO Dei gratiâ Regi Francorum carissimo Domino & patri suo dilectissimo, M. Trecentis Comitissa quicquid patri filia. DE dilectione paternitatis vestræ confisa, Maiestatis vestræ benignitatem obnixè deprecor, quatinus iram quam aduersus Hugonem Senonensem hospitem Comitum Domini mei habetis, & querelam quam nunc ab eo exigitis, amore Dei & mei sibi condonetis, & amodo si placet, vestra regalis Maiestas aliquantulum misericorditer misericordiam sibi conferre dignetur: vt exindè grates vobis referam, & ipse preces meas apud benignitatem vestram sibi profuisse sentiat. Valete.

EPISTOLA CCCCXLIV.

A

ILLVSTRI Domino & in Christo carissimo suo LVDOVICO Dei gratiā Francorum Regi, A. Fontisebr. humilis Ministra, salutem, & utriusque Regni successus. QVANTVM vestra huc vsque ad profectum & nostram vtilitatem vigilauerit prouidentia, operis probat exhibitio. Indè est quòd inter cetera Deo & vobis grates maximas referimus, quòd eleemosynam nostram de Chaucé, vnde iam maxima percepimus bona, vestro iudicio, vestroque mandato pacificè possidemus. Sed quia ipsius eleemosynæ partem decimarum Hugo Maior de Tauré sibi vsurpare contendit, & hac de causa nobis & illi iudicandi diem vestra designauit dignatio, vobis notum sit Fratres nostros, & Sanctimoniales nostras diem tenuisse, & præfatum Hugonem nec ad diem venisse, nec nuntium quòd venire non posset transmisisse. Quid verò super huiusmodi facto fieri debeat, vestra Dei & nostri respectu perpendat Sublimitas. Quod vos facere non dubitamus. Si quid minus scribimus, præsentium lator vobis supplebit. Valeat Regnum vestrum.

EPISTOLA CCCCXLV.

B

EXCELLENTISSIMO Domino suo LVDOVICO Dei gratiā strenuissimo Francorum Regi, E. Narbonensis Vicecomitissa eius fidelis & deuota femina, ab eo saluari qui dat salutem Regibus. Ex prædecessorum nostrorum consuetudine & ratione pariter didicimus, vt ingruente necessitate ad certa subsidia conuertamur. Indè est, quòd quia à vobis multum honoris habeo, & me vestram specialiter esse fateor, vobis sicut summo & carissimo Domino meo de negotiis meis fiducialiter scribo. Nouerit itaque Celsitudo vestra, quemdam militem de terra nostra nomine Berengarium de Podio Soregario Curiam vestram in proximo fore aditurum. Qui omnibus de prouincia nostra scientibus, cum meæ debeat iurisdictioni subesse, nimia animi leuitate & superbia ductus Coronæ vestræ gratiam mihi subripere, & ad iuris mei diminutionem & dedecus, mendaciis suis per tuitionem vestram potestati meæ molitur se subtrahere. Maiestatem ergo vestram suppliciter imploro, quatinus eius subdolis suggestionibus fidem minime adhibeatis, sed sicut decet, & iustum est, commentis suis delusum, & spe inani frustratum ad me, cuius potestatis est, si placet remittatis. Verumtamen si de dictis meis ambigitis, me & ipsum in præsentiam Episcoporum vestrorum, quos in partibus vestris habetis, Magalonensis videlicet, & aliorum, per Literas vestras venire præcipiatis. Mandastis mihi, vt cum Conrite Tolosano pacem firmam haberem, & ei seruirem. quod & feci, & gratia vestri xv. post Assumptionem beatæ Mariæ armata manu contra hostes suos cum sum securura: & nunc, & semper, nisi per eum steterit, amore vestri firmiter dilectura. Valeat Dominus meus.

EPISTOLA CCCCXLVI.

DOMINO suo venerabili atque sanctissimo H. Sueffionensi Episcopo, A. eadem gratiā Fontisebrardi Abbatisa, semper in Domino valere. QVONIAM per Literas vestras maximum Virgines nostras consecrandi vestræ mentis desiderium nobis significastis, idcirco multam in partibus istis. moram fecimus. Et quia vltèriùs immorari non possumus, petimus vt in proxima Dominica illud quod filiarum vestrarum à vobis præstolantur impleatur. Si autem, quod abest, per vos fieri nequiverit, quemdam qui vestras vices suppleat nobis mittere curate, & vtrum fieri vel non fieri quod precamur potuerit, scripto vestro certificare. Valete.

EPISTOLA CCCXLVII.

LVDOLIV
VII. IV
N 1025 14

CARISSIMO patri suo & venerabili Domino, necnon etiam fratri suo dilectissimo LVDOVICO Dei gratia Regi Francorum, & Comitissa Sancti Egidii salutem, & precipuè dilectionem. VESTRÆ nobilitati notum facio, sicut ei, in quo solo Deo excepto omnem spem meam pendere confiteor, quod in eo die in quo Simon noster famulus à me discessit, ab hospitio discessi, & domum cuiusdam militis in villa intraui. Non enim habebam, quid manducare, vel quid meis seruiantibus dare possem. Comes enim de me curam non habet, neque ab eo consilium, neque aliquid de sua Terra, quod mihi necessarium sit, accipio. Quare mando vobis, vestram Sublimitatem exorans, ut nuntius, qui vestram Curiam petere debent, si vobis mihi bene esse dixerint, ne credatis. Res pro certo de me ita se habet, ut vobis mando. Si verò ausa forem vobis scribere, plus mihi mali esse mandarem. Valete.

EPISTOLA CCCXLVIII.

LVDOVICO Domino suo Regi Francorum, I. Comes Suebionensis salutem. DE Literis mihi ex parte vestra transmissis propter Comitem de Namur, notum vobis sit, quia neque ego, neque dominus Comes R. iustitiam cauere volumus. Sed ad libitum vestrum diem iustitiæ quancumque vobis placuerit sibi determinetis. Parati enim sumus iustitiam exequi. Valete.

EPISTOLA CCCXLIX.

DOMINO suo carissimo LVDOVICO Dei gratia venerabili Regi, I. Comitissa Niuernensis salutem & plurimam dilectionem. NOVERIT Cellitudo vestra, quia filius meus VVilhelmus in infirmitate sua vouit, quia nullum assumeret negotium donec peregrinatione completa ad beatam Mariam de Podio redisset. Verum in discessu suo rogauit me, ut vobis Domino suo, quem diligere vult, & honorare, in omnibus gratias referrem de parte sua & mea super illo verbo, quod ei per nuntium suum mandastis. Quod utique facio, significans quod cum ipse redierit, venire ad vos non differet: de hoc ipso verbo & aliis negotiis suis vobis locuturus. Valete, & placitum vestrum mihi, quæ vestra sum, mandate.

EPISTOLA CCCCL.

LVDOVICO Dei gratia excellentissimo Regi Francia venerabili Domino & fratri suo, C. eius unica soror salutes in Christo. LITERAS vestras, inclite pater, inclite frater, vidi. Quarum promissio si in proximo compleretur, ego, quæ infortunata diu steterim, felix & fortunata valde forem. Timeo tamen ne verba nuntiorum meorum & vestrorum me promissionibus suis decipiant. Ut autem timor meus expellatur, preces quas possum vobis humiliter effundo, quatinus me miseram sororem vestram obliuioni non tradatis, & Mostorolum tanquam me credatis. Ipse siquidem secreta nostra scit. Valete.

EPISTOLA CCCCLI.

LVDOVICO venerabili atque excellenti Regi Gallia, CONSTANTIA Alani Comitissæ Britannorum filia, salutes & amicitia, vinculum. NOTUM fieri cupio dignitati vestræ, me vestri memorem diu extitisse, & cum mihi plurima à pluribus sint oblata munera amoris causâ, à me nulla vnquam fuisse recepta. Sed si vestræ liberalitati placeret, ut mihi te ultra quàm dicere valeam diligenti, aliquod amoris insigne, vel annulum, vel aliud aliquid mitteret, illud carius totius mundi pretio tenerem. Grates vobis reddo de gerulo meo, quem suscepistis tam honorificè. Et si aliquid fuerit in partibus nostris quod vobis habere placuerit, vel accipiter,

Lvdovicvs
VII. 17.
N 106.

vel canis, aut equus, exoro quatinus mihi non differatis intimare per præsentium A
latorem. Pro vero habeatis, quod si fortuita toto ore mihi arridere contempse-
rit, mallem alicui tuorum etiam humili me coniungi, quàm Scotiæ Reginam fie-
ri. Quod effectu probabo: quoniam quàm citò Comes G. frater meus de Anglia
redierit, itura sum ad Sanctum Dionysium orationum causâ, & vt vestrâ præsen-
tiâ vti valeam. Vafete, vt valeam.

EPISTOLA CCCCLII.

ILLVSTRISSIMO Francorum Regi LVDOVICO amantiſſimo Domino ſuo,
M. Duciffa Burgundia ſalutem, & ſe ipſam ſcabellum pedum ſuorum. DVM veni-
rem ad placitum meum in veſtram præſentiâ, vt veſtra iuſtiâ meum ius recu-
perarem, venit nuntius Ducis ad me, qui mihi placitum contramandauit. Non
idè tamen ad vos minus veniebam. Sed interea meum conſilium fuit, vt ad do-
minum Papam irem, quia negotium meum, quantum ad ipſum pertinet, nondum
perfeceram. Vt igitur perficiam, ad ipſum vado. Quocirca nuntium meum ve-
ſtræ Cellitudini mitto, vt mihi diem, quàm peſſimo filio meo qualicumque ſta-
tuatis, mihi remanderis. Ego verò cieſta & exul, quondam diues, nunc quaſi
mendicans; quondam Duciffa, nunc verò quaſi ſine potentia, ſupplex & humilis
apud pedes veſtræ Regiæ Maiestatis proſtrata, miſera & lachrymabilis exoro vt B
mei miſereamini, & operam dare dignemini vt meam dotem, quæ huc uſque nulli
aliſ ablata eſt, per miſericordiam veſtram recuperem. Poſt Deum verò tota ſpes
mea in vobis poſita eſt.

EPISTOLA CCCCLIII.

F Dei gratiâ Romanorum Imperator & ſemper Auguſtus, dilecto fideli & conſanguineo
ſuo H. Comiti Treſcarum gratiam ſuam & omne bonum. CUNCTIS populis,
quos clementiæ noſtræ regit Imperium, iamdudum innotuiſſe credimus, quali-
ter exorta quondam inter Eccleſiæ Romanæ Cardinales de Apoſtolatu diſcordia,
in Reges & Regna impetu peſtifero eſt diſfuſa. Pro qua ad optabile pacis bonum
reuocanda, quantos poſt beatæ memoriæ Papæ Victoris electionem ac confirma-
tionem catholicam Papæ, Laudæ, Mediolani, Laonæ, atque in diuerſis Impe-
rij finibus in corpore noſtro labores tam nos quàm inuiſti Principes noſtri pertule-
rimus, quantas rerum copiâs zelo iuſtiæ impenderimus, in extremis quoque
mundi partibus iam auditum non dubitamus. Denique beatiffimo Papa Victore
ad Paradifi gaudia aſſumpto, & in eius locum ab Episcopis Cardinalibus almæ Se-
dis Apoſtolicæ Domino Paſchali viro Chriſtianiffimo in præſentia Episcoporum
& Religioſorum Lombardiæ, ac Tuſciæ, illuſtris quoque Præſecti vrbis Romæ,
ac multorum Nobilium Romanorum catholicè ſubſtituto, ipſum etiam Domi- C
num Paſchalem ex Eccleſiæ ac Principum Imperij iudicio atque conſilio in Pa-
pam & Patrem Catholicum ſolemniter recepimus, debitôque honore venerari
ſemper intendimus. Proinde obſtinata ſciſmaticorum perfidia, mortem viri iuſti
ſuis ſucceſſibus aperta fronte aſcribens, ſyrencis ſuis blanditiis fidelium quorum-
dam noſtrorum animos adedè molita eſt de nouo immutare; vt niſi morbis nouis
noua maturiùs remedia obicerentur, pars noſtrorum non modica videretur ex fi-
ducia noſtræ lenitatis ſeducenda. Igitur zelo reformandi decoris Domus Dei ar-
dentiùs accenſi, cùm Regem Francorum, qui nulla noſtra culpa præeunte, vnà
cum Rollando Imperij noſtri hoſte publico, eiùſque ſequacibus, Imperialem
noſtrum honorem manifeſtè molitur auferre, poſt multos noſtros ammonitus ir-
reuocabilem perſenſiſſemus; vniuerſis Imperij noſtri Principibus in feſto Pente-
coſtes Curiam generalem V Virnheburc indiximus: quorum cœtu celeberrimo ibi-
dem ſolemniter præſidente, Eccleſiæ Dei ſtatum ad Domini Paſchalis Papæ nego-
tium ſeriò ac magnificè duximus roborandum. Inuocata igitur deuotiſſimè Spi-
ritus ſancti gratia, & vniuerſorum qui aderant conſilio altiùs cõmunicato, ad re-
mouendam pro parte noſtra omnem prorsus ambiguitatem, ipſi nos manu propria
ſuper Sanctorum reliquias iuramentum publicè præſtitimus, quòd Roll. ſciſma-
ticum, vel eius ſucceſſorem, quem pars ipſius elegerit, in Papam nunquam reci-

Apiemus, nec ad eum recipiendum assensum vnquam alicui præbebitus. Nulli etiam fautorum eius gratiam nostram vnquam reddemus, nisi ab errore viæ suæ ad vnitatem Ecclesiæ fuerit conuersus. Dominum verò Paschalem Papam manutenebimus semper atque promouebimus, eique tanquam Patri Catholico, & vniuersali Pontifici obedientiam, honorem, ac reuerentiam exhibebimus: & ab ipso, eiusque parte, vita comite, nunquam recedemus. Electos quoque, qui sub eo, aut eius successore, quem pars ipsius elegerit, consecrationem receperunt, vel adhuc receperint, honore aut ordinibus suis pro eius obedientia priuari nunquam permittemus, & huius absolutionem sacramenti nunquam requiremus, nec oblatam recipiemus. Præterea nostri in Imperio successor, quem Principes vniuersi elegerint, hunc honorem Ecclesiæ Dei & Imperij, & hanc partem nostram sub eodem iuramento tenebitur semper, atque tenebit. Idem quoque iuramentum Archiepiscopi omnes, & Episcopi, atque Electi qui interfuerunt numero x l. super sancta Dei Euangelia manu propria vnusquisque sub stola sua præstiterunt, & publicè firmauerunt. Nihilominus Principes seculares vniuersi, Dux videlicet Saxoniz, ac Rauarus, Marchio Albertus senior, Cuonradus Palarinus Comes de Reno, & Lodeuicus Lantgrauus, ac reliqui omnes, super Sanctorum reliquias publicè id ipsum iurauerunt. Repentè autem Spiritus sanctus mentes omnium aded fecit vnus voluntatis, quòd Electi omnes qui præsentés aderant, primo Reinoldus Colonienfis Electus, & Italiz Archicancellarius, deindè ceteri omnes in **B** Sabbatho quatuor Temporum ad laudem Dei & honorem Imperij sacros Ordines deuotissimè susceperunt. Firmiter quoque à nobis & ab vniuersis decretum est, vt quicumque supersunt ordinandi, ia proximis quatuor Temporibus similiter exequantur. Alioquin dignitatis, ad quam electi sunt, honore, omni remota dilatione priuentur. Ad hoc honorabiles Legati illustris amici nostri H. Anglorum Regis ad nos ab ipso transmissi, in totius Curiz nostræ præsentia super Sanctorum reliquias ex parte Regis Angliz publicè nobis iurauerunt, quòd Rex ipse cum toto Regno suo in parte nostra fideliter stabit. Dominum Papam Paschalem, quem nos tenemus, nobiscum tenebit. De Rollando autem scismatico manutenedo nullatenus de cetero se intromittet. Quia verò iustitiæ, quam hostes Ecclesiæ ac nostri, siue superbiâ, siue ex causa suæ diffidentiz deuitarunt, nos semper hætenus stare parati, nunc tandem ad insolita sacramenta ex eorum manifesta obstinatione sumus impulsî, à scismaticorum communione omnis homo omnisque ordo caueat. Fautor enim illorum etsi aliquo modo visus est venialis, in posterum prorsus erit irremissibilis. Ad perfectum verò huius negotij firmamentum, ex totius Herbipolensis Concilij decreto firmissimè præcipimus, vt si quis ad sui mandatum Antistites aut Præsides Prouinciæ, vel Domini sui sacramentum superscriptum non præstiterit, si Clericus sit, aut Monachus, Ecclesiastico priuetur honore: si laicus, allodia & beneficia quæcumque possidet, nostra ipsi auctoritate à suo iudice vel Domino prorsus adimantur. **G**

EPISTOLA CCCCLIV.

PRÆNOBILI Domino LVDOVICO glorioso Regi Francorum, R. Dei gratiâ Sanctæ Colonienfis Ecclesiæ Electus, & Italiz Archicancellarius, salutem & affectum cum sincera dilectione obsequium. ACCEPERAMVS in mandatis à Domino nostro inuictissimo Romanorum Imperatore, vt vobis & Regi Anglorum communiter ac simul loqueremur, & super negotio Ecclesiæ vniuersalis, & pro successu periclitantis Ecclesiæ Orientalis. Sed quoniam peccatis exigentibus, tum Rege Anglorum difficultatem temporum prætendente, tum etiam angustia temporis nos arctante, ad vos ad præsens non valemus accedere: obnixè vos rogamus ne sinistrè verbum hoc accipiatis, & nec pro contemptu, nec pro superbia, seu negligentia aliqua, sed pro mera necessitate nos hoc tempore desiderato diu vestro colloquio noueritis abstinere. Tantam enim moram penes Regem Anglorum pro negotio eodem fecimus, quòd ad præfixum nobis terminum vix ad Dominum meum poterimus peruenire. Sed nec imperatum nobis fuerat ad vos sine Rege Anglorum accedere. Proindè, quoniam ad seruitium vestrum quantum salua Domini mei & Imperij Romani fidelitate poterimus, corde, rebus, & corpore

P P p iij

parati sumus: nobilitatem vestram instantè exoramus, & arctissimè commone-
mus, quatinus memor eius, quæ inter Dominum meum Principem serenissimum
& vos est, consanguinitatis, ipsum & Imperium Romanum taliter tractare cure-
tis, ne coronam & omnem honorem eius violenter demoliri velle videamini: no-
minatim Rollandum hæreticum & scismaticum, publicum videlicet hostem Im-
perij Romani fouendo, ac manutenendo. Ceterum noueritis quod Dominus
Imperator, peracta Imminenti eius Curia, statim aut per nos, aut per alios magnos
Legatos vos visitabit, per quos & de negotiis propriis, & de necessitatibus Eccle-
siæ Orientalis aliùs vobiscum deliberet atque pertractet.

EPISTOLA CCCCLV.

PASCALIS Episcopus seruus seruorum Dei, dilecto filio B. Vetr. nobili viro sala-
tem & Apostolicam benedictionem. NOBILITATEM tuam tantò sinceriori
affectu dilectionis amplectimur, & honorare intendimus, quantò nobis deuotio-
rem te existere amodo comprehenderimus. Indè est, quod tuam deuotionem
per Apostolica scripta sollicitamus, quatinus prauitati scismaticorum, qui Eccle-
siam Dei & totum mundum turbare non dubitant, in quantum potes resistas, &
in vnitatem Ecclesiæ nobiscum perseuerans, animum Regis aliorumque Princi-
pum ad vnitatem Ecclesiasticæ pacis reuoces: vt tua industria tantò in fine, glorio-
rior appareat, quantò sæpius & propinquius à scismaticis temptatus, nullis eorum
suasionibus à via veritatis abstractus, in vnitatem Ecclesiæ sincerius fueris inuentus
perseuerasse. Datum Viterbij, Idib. April.

EPISTOLA CCCCLVI.

F. Dei gratiâ Romanorum Imperator & semper Augustus, dilecto & fideli suo H.
• illustri Comiti Trecurum, gratiam suam & omne bonum. AUDIvimus, vn-
de plurimum grauamur & dolemus, quod Rex videlicet Franciæ in proximo
festo Sancti Iohannis terram Ducis Diuionensis nostri dilecti, & nostri obliga-
ti, hostiliter intrare atque destruere proponit. Quod nos nulla ratione possumus
aut debemus sustinere. Vnde tuam dilectionem, cui plenariè confidimus, toto
affectu sollicitamus, & summoperè postulamus, quatinus pro nostro amore ipsum
Regem ab hoc proposito modis omnibus retrahas, & impedias: & ne per te nec
per tuos ipsi Duci aliquod damnum vel grauamen proueniat, te ipsum à consilio
& auxilio Regis subtrahas, ne Duci noceas. Quod si Rex ipse ab hac intentione
desistere vel supercedere noluerit, scias pro certo quod non patiemur, nec susti-
nebimus, imò ei resistendo amicum nostrum Ducem cum toto robore Imperij no-
stri iuuare curabimus & defensare. Verumtamen si inter Ducem & matrem eius
aliqua quæstio, quæ tendat ad discordiam, orta est vel fuerit, nos vna tecum ad
eandem quæstionem componendam satis ex abundanti sufficere possumus.

EPISTOLA CCCCLVII.

GLORIOSO & magnifico LYDOVICO Regi Francorum, Christ. Dei gratiâ
Imperialis Curie Cancellarius, & Legatus Italia, salutem & seruitium suum. RA-
TIO suggerit, & Principum consuetudo deposcit, vt quemadmodum Regni ve-
stri negotiatores per Romanum Imperium pace & securitate funguntur, ita versa
vice nostri nullatenus sub vestra iurisdictione lædantur. Quia igitur Masconensis
Vicecomes quosdam nostros mercatores iniuste expoliavit, & vnum ex eis in ca-
ptiuitate retinet compeditum, petimus, & ex parte Augusti serenissimi vestram
Excellentiam commonemus, vt hominem & res detentas reddi faciatis. Alioquin
si damna illiusmodi per vestros negotiatores fuerint refarcita, aut si nouum telo-
neum ad damnum refarciendum super vestros mercatores fuerit constitutum, ve-
stra discretio non grauetur.

EPISTOLA CCCCLVIII.

LYDOVICVS
VII. IV.
NOR.

A **S**ANCTISSIMO Patri & Domino A. Dei gratiâ summo Pontifici, LYDOVICVS eadem gratiâ Francorum Rex, salutem & debitam reverentiam. ARCHIEPISCOPVS Remensis H. frater meus nuper in Flandriarum Terram profectus, ibi inuenit homines deprauatos, erroris pessimi sectatores in Manichæorum lapsos hæresim, qui vulgo Populicani vocantur, & per quasdam obseruationes quas habent meliores apparent quàm sint. Et si fortè prosperati fuerint, dispendium magnum erit nostræ fidei, præsertim in partibus illis vbi iniquitas pullulauit, & radices altius fixit. Si voluisset Archiepiscopus solummodò vt parceret iniquis istis, & toleraret prauitatem hanc, pro huiusmodi redemptione habuisset pecuniam magnam nominatam, videlicet sexcentas argenti marcas. Quia apud eum non patebat illis refugium, proclamauerunt ad audientiam vestram. Sed rem tam venenosam, tam perniciosam attendat diligentius vestra sapientia, & velitis vt tanta pestis potiùs euellatur quàm pullulet. Precamur itaque attentius pro honore fidei Christianæ, vt ex consilio Archiepiscopi carissimi filij vestri rem prouenire sinatis, vt illi scilicet destruantur qui contra Deum eriguntur: & seueritas in tales commendabilis erit apud omnes, qui in patria illa pietatis amatores sunt. Et si aliter egeritis, non expedit fidei mentibus, quorum murmur non sedabitur facilè, & in blasphemiam vestram & sanctæ Romanæ Ecclesiæ ora quamplurimorum aperietis. Valete.

EPISTOLA CCCCLIX.

PASCALIS Episcopus seruus seruorum Dei, carissimo in Christo filio LYDOVICO Regi Francorum & consanguineo nostro, salutem & Apostolicam benedictionem. PRÆDECESSORIS nostri felicitis memoriæ Papæ Victoris sæpenumerò, sicut accepimus, scripta recepisti, in quibus tuam Excellentiam paterna sollicitudine commonebat, quatinus contempta scismaticorum prauitate ad Ecclesiasticæ pacis vna cum tuo Regno redires vnitatem. Nos quoque post eius felicem obitum, licet indigni, Apostolico loco subrogati, expectantes expectauimus, vt vel ipsius commotionibus, vel propria consideratione prouocatus, veritatis luce, quæ iam circumquaque sese diffudit, illustratus, tuæ nobis subiectionis atque obedientiæ scripta porrigeres. Quod quia nondum constat effectui mancipatum, per Apostolica scripta tuam nobilitatem sollicitamus attentius commonentes, & exhortando contestantes, quatinus ad cor redeas, veritatem quæ nulli quærenti deest consulas, & tantis Ecclesiæ Dei scandalis, quæ per te solum vigere dicuntur, tandem finem imponas, vt tuæ Excellentie dignitas, sicut semper fecit, Apostolicæ Sedis gratiam plenariè valeat conseruare, & de redintegratione pacis Ecclesiasticæ gloriam à nobis & meritum semper obtineas, & vt Imperialem animum reformata pace Ecclesiæ ad Imperij & Regni tui vnitatem & tui voluntatem citius possimus reuocare. Datum Viterbij Idib. April.

EPISTOLA CCCCLX.

OVVINS Rex Vallie suus amicus deuotissimus, H. Suesionensi Episcopo & amico dilectissimo debitam ac voluntariam cum salute amicitiam. DEO Patri, mi venerande, & vestræ discretionis gratias refero, de hoc quòd mihi per nuntium meum Moysen Literis vestris mandastis; vt scilicet si meum nuntium iterum mitterem Domino Regi Franciæ, per vos diuertere facerem, vt vestro suffragio efficacius suum propositum effectui mancipare valeret. Vnde & nunc istum M. nuntium meum vobis mittimus consulendum de suo negotio, vos obnixè deprecando quatinus eum versus Regem foueatis, & partem nostram pro Dei amore & nostro iuuetis. Valete.

EPISTOLA CCCCLXI.

A

LVDOVICVS *Dei gratiâ Francorum Rex toti Conuentui Sanctæ Genouefa de Monte salutem & dilectionem.* ECCLESIA vestra, quæ ab antiquis temporibus magni nominis extitit, & est Regalis Ecclesia, sicut magnificè bonis exterioribus est ampliata, ita interiùs Ordinis obseruantia & cultu iustitiæ debet esse decora. Eapropter vniuersitati vestræ mandamus, & precamur, vt dum in hac titubatione & sine pastore estis, oues errabundæ non sitis. Cauete ne nominis vestri nitorem infamiæ rumor aspergat, & color optimus vertatur in pallorem. Efficite vt magnitudini nominis feruor religionis concorditer accedat. Si quis autem deuiauerit, ab errore viæ suæ reuocetis eum: & si rebellis inuenitus fuerit, secundum Ordinis vestri regulam & disciplinam Sancti Victoris corrigatis, & ad obediendum Prælati rigore animaduersionis coherceatis. Videte tamen vt ita verba paterna habeatis, vt vbera materna non desint. Taliter agentibus vobis nec consilium deerit, nec auxilium nostrum. Ciuitas supra montem posita non potest abscondi: & vos cum sitis in monte, curate & seduli estote ne lucernam vestram, quæ omnibus lucet, prauarum actionum fumus extinguat. Qui est in monte, arduum virtutum montem non deferat, nec in plano vitiorum, vbi Cain fratrem occidit, desidat.

B

EPISTOLA CCCCLXII.

SANCTISSIMO *Patri & Domino A. Dei gratiâ summo Pontifici,* LVDVICVS *eadem gratiâ Francorum Rex salutem & debitam reuerentiam.* MILITIS nostri fidelissimi, & qui circa nos est necessarius, Bucardi filius, pro appellatione quæ facta fuit in controuersia diuortij sui, adiit sanctam Sedem Apostolicam. Precamur autem, & deprecamur Sanctitatem vestram, vt causam istam absoluaris quamcitiùs poteritis, & in quantum permiserit ratio, fidelis nostri filium iuuetis & expediatis, ne pater eius occasione ista à vobis diutiùs absens esse cogatur. Valete.

EPISTOLA CCCCLXIII.

LVDOVICVS *Dei gratiâ Francorum Rex, amico & fidei suo A. reuerendo Elenensi Episcopo salutem & plurimum amoris.* GRATIAS referimus non mediocres vestræ sinceritati, super his quæ per Literas vestras nobis mandastis, & quia cognoscitis vos fidelem esse & nobis & Regno. Quamuis autem sitis in parte remotiori, non tamen est à vobis remotus nostræ caritatis affectus. quod libenter ostendemus. Vnde nobilitati vestræ mandare curauimus, & precari, ne formidetis nobis significare vestram voluntatem, ad quam implendam nos paratos esse nequaquam dubitetis.

C

EPISTOLA CCCCLXIV.

SANCTISSIMO *Patri in Domino A. Dei gratiâ summo Pontifici,* LVDVICVS *eadem gratiâ Francorum Rex, salutem & debitam reuerentiam.* NOTVM sit Excellentie vestræ, quòd quidam burgus Turonis, qui dicitur Sancti Petri puellaris, proprius erat Regum: & eundem auus noster Rex Philippus donauit liberum Ecclesiæ beati Martini. Eius administrationem Capitulum Canonico suo Frem. dederat, & propter iustitiam quam tenet, dictus Fremaudus ex officio habet in præsentiam nostram adducere burgeneses vnum, duos, aut plures, quotquot voluerimus. Rogamus itaque paternitatem vestram, vt parcatis nobis, & pro honore & reuerentia nostra releuetis Fremaudum ab interdicto vestro in hac parte, vt habeat in burgo iustitiam suam, sicut priùs, & nulli burgensium qui ibi maneat sitis aduocatus siue præsidium. Valete.

EPISTOLA CCCCLXV.

A

DOMINO & amico suo LVDOVICO illustri Francorum Regi, H. Rex Anglia, & Dux Normannia, & Aquitania, & Comes Andegauensis, salutem & dilectionem. QUANDO à transmarinis partibus discessi & in Angliam veni, assensu & licentia vestra à vobis discessi, totamque Terram meam transmarinam vobis tanquam Domino in custodiam tradidi, bonæque fidei vestræ commendavi, & vos eam amicabiliter gratiâ vestra recepistis. Sed tamen Comites de Aluernia homines meos, quia ipsos vobis forisfecisse dicitis, cum tamen de habendo eos ad iustitiam minimè defecerim, sicut vobis placuit cepistis: & cum Bailliuos meos super hoc requisivissetis, ipsi minimè vobis defecerunt, sicut asserunt. Beniuolentiam itaque vestram attentius rogo, quatinus sicut nec ego defeci, nec Bailliui, prædictos homines meos si placet mihi reddatis, vel saltim recredatis: & ego habeo eos ad iustitiam sicut debuero, & faciam quicquid debuero sicut Domino. Alioquin, adiuro sicut Dominum per fidem, quam mihi debetis sicut homini & amico vestro, quatinus vel ipsos mihi reddatis, vel saltim sicut prædixi recredatis: sicut homines mei, quos ob hoc vobis mitto, plenius vobis exponent. Quibus, si placet, credatis tanquam mihi super his quæ vobis ex parte mea dixerint. T. Archiep. Cantuar. Ard. VVindefor.

B

EPISTOLA CCCCLXVI.

VENERANDO ac semper diligendo amico LVDOVICO illustrissimo Francorum Regi, ILD. per Dei gratiam Rex Aragonum, & Comes Barchinon. cum omni dilectione salutem. INTER cetera, quæ per Ilerdensem Episcopum vobis notifico, hoc vnum discretioni vestræ intimare curo. Ad me peruenit, quod ille senex homo, qui fingens se tanquam fraudulentissimus Regem Ildefonsum meum auunculum, quandoque ad Terram meam sua machinatione ac fraude subuertendam venerat, modò apud vos, & Terram vestram conuersatur. Vnde de discretionem vestra, quæ maximè famosa atque laudabilis semper apparuit, plurimum admiror, quia huiusmodi dolosum, ac tantæ falsitatis hominem, in Terra vestra permittitis vnquam adesse. Cum enim manifestissimè probatum sit, illum hominem falsissimum ac dolosum esse, quando ad vestras declinauit partes incarcerare, ac de eo acerrimam exercere iustitiam deberetis. Igitur ex toto exponens me cum Regno meo ad omnem voluntatem vestram atque serultium, amicitiam vestram, de qua plurimum confido, obnixè rogo, quatinus de homine illo, si inuenire poteritis, talem agitantam sumatis sui corporis iustitiam, quod pro huiusmodi merito teneat vobis semper obnoxius. Valeat vestra nobilitas.

C

EPISTOLA CCCCLXVII.

EXCELLENTISSIMO Dei gratiâ LVDOVICO Francorum Regi, OVVINVS VV aliarum Princeps suus homo & amicus fidelis, deuotissimum cum salute seruitium. CVM vniuersorum relatio, serenissime Rex, te conspicuum prædicet, in quo omnes possunt & debent confidere, clementia tamen mihi experimento nota, & mansuetudo erga subditos & in te confidentes, fecit me eligere te solum consultorem, ad quem in angustiis meam conquerar necessitatem. Quantociens enim de meo esse & mea sollicitudine Literarum inscriptione vobis nuntiaui, non tam Literas quàm earum latores beneuolè recepisti, & eos elementer tractasti. Mihi etiam per illos Deo gratias, & vobis, consului prout pius Rex confidenti in eo debuit. Cum itaque angustia ad præsens mihi undique sint, nolo te clementem consultorem latere. VVerra, quam Rex Angliæ per multos dies, vt vobis notum est, seueritate suæ tyrannidis mihi excogitauit, in præterita æstate nullis malis meis præcedentibus contra me surrexit. Sed cum in conflictu quinque partes nostri exercitus conuenirent, Deo gratias & vobis, ex suis plures ceciderunt quàm ex meis. Quo viso meos obsides nequiter & iniuriosè demembrauit, non eos mihi ante offerendo pro pace tenenda. Sed quia non hominis proposito, sed nutu

LYDOVICVS
VII. IV-
NIOR.

Dei omnia disponuntur, mouit exercitum versus Angliam non nostris fortasse A
meritis, sed humilium oratione ad Sanctos, & Sanctorum intercessione ad Deum:
vsque adeò tamen me dubium relinquens, quòd nec pacem nec inducias nobis-
cum composuit. Iratus itaque pro euentu non prospero, alienigenis, & omnibus
quos ad nostrum detrimentum congregauerat in discessu mandauit, vt post futu-
rum Pascha contra nos iterum cum eo venirent. Proinde vestram clementiam
obnixè deprecor, quatinus per præsentiũ latorem mihi nuntietis, si animum
vverrandi contra eum habetis, vt in illa vverra & vobis seruiam noendo ei se-
cundum consilium vestrum, & illata mihi ab eo vindicem. Quod si hoc non pro-
ponis, quid consulas, quod adiutorium mihi largiri vis, per hunc latorem mihi
nuntietis. Nullam enim viam euadendi eius insidias habeo, nisi te largiente mi-
hi consilium & adiutorium. Priuatũ etiam & familiarem Clericum meum Guiar-
dum & consanguineum vobis commendo, quatinus pro Dei amore & nostro ei
necessaria prouideatis. Misi enim eum ante in vestram præsentiã cum Literis
meis, quibus non credidistis, vt nobis dictum est, quòd essent meæ. Sed sunt hæ,
Deum testem induco, qui per illas eum intimo corde vobis commendauit. De hoc
etiam vestram clementiam obnixè deprecor, vt sicut incœpistis Prælatos Eccle-
siæ, videlicet Apostolicum, & Archiepiscopum Cantuariensem, mihi pacificos
reddere, sic & adhuc reddatis. Valete.

B

EPISTOLA CCCCLXVIII.

LYDOVICVS *Dei gratiã Francorum Rex, G. amico & fideli suo beati Martini*
Theaurario, & burgenſibus salutem. VENIT ad nostras aures, quòd de con-
ducendis hospitibus pro Concilio non seruatur mensura, & nostrum est corrigere
hunc excessum. Vnde mandamus vobis & præcipimus, vt carius hospitium sit
sex librarum, & ab hac summa deinceps secundum quod erunt alia hospitia, con-
ducantur in sua valentia.

EPISTOLA CCCCLXIX.

LYDOVICO *Dei gratiã Francorum Rex, dilecto suo H. reuerendò sanctæ Roma-*
na Ecclesiæ Presbytero Cardinali, salutem & sincerum amorem. FAMILIARIS
nostri B. filius super causa diuortij fatigatus sanctam Sedem Apostolicam adiit, &
nos secundum fiduciam quam habemus in vobis negotium eius vestræ commen-
damus dilectioni, & deprecamur vt quantum poteritis ex ratione ad finiendum
negotium intendatis, & dominum Papam super hoc accuratè rogetis. Valete.

EPISTOLA CCCCLXX.

C

VENERABILI & dilectissimo Domino LYDOVICO *illustri Francorum Regi,*
H. Rex Anglorum, & Dux Normannorum, & Aquitanorum, & Comes Ande-
ganorum, salutem & veram dilectionem. EXCELLENTIÆ vestræ gratias refero
super hoc quòd homines meos tam benignè mihi reddidistis, & super his quæ mi-
hi per Petrum de Melod. mandastis. Et id ratum & indubitabile habeatis, quòd
ad obsequendum per omnia voluntati vestræ paratus sum, & in proximo annuente
Domino transfretaturus vobis seruire sicut Domino carissimo, vbi & quantum
vobis placuerit, modis omnibus cum summa diligentia disposui. Teste G. Archi-
diacono Cantuariensi. Apud VVudestoc.

EPISTOLA CCCCLXXI.

LYDOVICVS *Dei gratiã Francorum Rex, carissima sua illustri Domine E. DE*
NARBONA salutem. SICVT nobis significauit dilectio tua per commen-
dabiles nuntios Abbatem Sancti Pauli & Petrum Raimundi, apud vos decidun-
tur negotia legis Imperatorum, in quibus cautum est ne feminis permittatur iudi-
candi potestas. Benignior longè est consuetudo Regni nostri, vbi si melior sexus
defuerit mulieribus succedere, & hereditatem administrare conceditur. Me-
mento

Amento itaque, quia de Regno nostro es, & nos volumus ut Regni nostri usum teneas: & quamuis Imperio vicina sis, in hac parte eorum consuetudini & legibus non acquiescas. Sedeas ergo ad cognitionem causarum, diligenter negotia examinans zelo illius qui te feminam creauit, cum potuerit virum, & sua benignitate in manu feminae dedit regnum Narbonensis Prouinciae. & propter hoc quod femina, nostri auctoritate nulli personae liceat à tua iurisdictione declinare. Vale.

EPISTOLA CCCCLXXII.

LVDOVICO gloriosissimo Francorum Regi OVVINVS Rex VV alia salutem & deuotissimum obsequium. Ex quo vestrae virtutis magnificentiam & amplissimam vestrae dignitatis ac nobilitatis Excellentiam, fama nuntiante, & veridica multorum relatione accepi; in vestrae Celsitudinis notitiam venire, & dulcissimam vestram amicitiam habere, summo desiderio à multis temporibus desideravi. Sed quod haecenus commeantium caritate impediens, & locorum distantia, obtinere non potui, de cetero ut obtineam tam scripto quam nuntio diligenter liberabo. Me igitur & mea, si qua vobis placent, vestrae voluntati ad nutum exponens, summa precum instantia depono, quatinus me huc usque multimodè discretioni vestrae incognitum inter vestros fideles & deuotos amicos amodò habere dignemini. Quid autem carissimae vestrae dilectioni super petitione proposita placuerit, per praesentium latorem mihi significare non differatis. Valeant qui vos feliciter & diu regnare desiderant. Valete.

EPISTOLA CCCCLXXIII.

REVERENDO Domino & amico suo LVDOVICO Dei gratia excellentissimo Regi Francorum, FERNANDVS eadem gratia Rex Hispanorum cum reuerentia salutem. Cum necesse est, tunc laudabiliter Domini & amici implorandum est auxilium, & expetitur amico est indulgendum. Quid hoc dico? Est in partibus Hispaniae quaedam Ecclesia Oxomensis scilicet, in qua Religionis ordo plurimum commendatur, quae à viginti annis potioribus bonis iniuste fuit expoliata. Ego verò cognita violentia & iniuria, quam passa fuerat, suas sibi restitui sicut decebat possessiones. Dominus verò Papa, quia sic factum est, vult nescio quorum consilio quod legitime actum est retractare. Quia ergo vobiscum est, & in Regno vestro conuersatur, & vos benignius exaudit, vestram iustum & utile duxi exorare Sublimitatem, ut pro negotio Oxomensis Ecclesiae domino Papae per Literas & Nuntium vestrum, si vobis placet, preces porrigatis; ut videlicet Oxomensis Episcopum fidelissimum meum, vel Ecclesiam sibi commissam grauare non intendat. Significate etiam & consulite ei, ne ea, quae per me legitime acta sunt, retractare nitatur. De cetero si qua sunt in partibus Hispaniae, quae vobis placeant, ut sunt veloces & probatissimi equi, aues etiam bene doctae, & canes diuersarum manierierum, per Magistrum Bernardum familiarem meum mihi significate, quia per ipsum vobis placita mittam. In omnibus & per omnia Sublimitatis vestrae seruitio me paratum inuenietis. Valeat Serenitas vestra.

EPISTOLA CCCCLXXIV.

LVDOVICVS Dei gratia Francorum Rex, amico suo H. reuerendo sanctae Romanae Ecclesiae Cardinali salutem. MAGNA est inter nos amicitia. Et ex hoc amoris vinculo dignum est vestri sint qui nostri sunt amici. Hoc autem dicimus pro Episcopo Aurelianensi, qui noster est & amicus & deuotus; & sicut nobis confessus est, vester esse vult & amicus & deuotus, & pro obtinenda amicitia vestra secundum consilium nostrum paratus est omnia facere. Itaque si quid emerferit aduersus Episcopum, parcatis ei pro nobis, neque sustentetis contra eum negotium donec nobiscum locutus sitis:

EPISTOLA CCCCLXXV.

A

NOBILI & illustri LVDOVICO Francorum Regi, ILDEFONSVS Dei gratiâ Rex Aragonum, & Comes Barchinon. salutem, atque totius dilectionis affectum. Non inmemor illius amicitiae, quam felicitis memoriae pater meus vobiscum habuit, eadem in amicitia vobiscum semper manere ac perseverare volo: expositus ex toto voluntati & servitio vestro, cum omni Terra mea, Regniq[ue] viribus. Proinde, si quid vobis tanquam præcordiali amico dignum intimare curavi, me per Dei gratiam in omnibus prosperè valentem totius Terræ meæ integrè ac potentissimè dominari, & in ea regiè regnare, & sic Deo præstante tam apud Hispaniam quàm apud partes alias cuncta negotia mea honorificè ac pro voluntate peragere: ad hoc, venerande amice, totum esse nostrum Herdensem Episcopum præsentium latorem dilectioni atque discretioni vestræ transfero nunciandum, cui vos tanquam metipsi credatis, atque obtentu nostri in salubri consilio vestro, & in ceteris sibi necessariis illi Romanam Curiam adituro, si placet, provideatis. Valeat nobilitas vestra.

EPISTOLA CCCCLXXVI.

B

LVDOVICVS Dei gratiâ Francorum Rex, amico suo M. venerabili Episcopo Parisiensi salutem & dilectionem. Vss frequentior habet, & bonis inditum est moribus, ut illi quos promouet Dei benignitas suis arrideant fautoribus in collatis successibus, & de plenitudine sua referant gratiam pro gratia. Verum est & scimus, neque vos dubitetis, quia noster & vester Clericus Bar. honorem vestrum amat, & amavit, qui sanè ut veniretis ad quod venistis operam suam & totum conatum impendit. Vos pro eo aliàs rogauimus, & spem bonam habemus de vobis, qui nostri circuitus comes assiduus crebro apparere non potest obtutibus vestris. Facimus ideo monitorium, & factam precem repetimus, ut occurrat vobis in memoria, & ad impendendum beneficium quamcitò vacauerit præsentem pro nobis habeatis eum, qui nostro præsentiam suam exhibet servitio.

EPISTOLA CCCCLXXVII.

LVDOVICVS Dei gratiâ Francorum Rex, amico suo M. Comiti Bellimontis. ELABORET quantum potest tua dilectio verbo & prece, ut bellum Fulcaudi sit in respectu. & si respectum habere non potestis, consilium habeatis insimul, & faciatis secundum honorem nostrum & Curiae nostræ.

EPISTOLA CCCCLXXVIII.

C

DOMINO & amico suo LVDOVICO illustri Francorum Regi, H. Rex Anglorum, & Dux Normannorum, & Aquitanorum, & Comes Andegavorum, salutem & dilectionem. SCIATIS quòd Thomas, qui Cantuariensis fuit Archiepiscopus, in Curia mea à plenario Baronum Regni mei concilio ut iniquus & proditor meus & periurus publicè iudicatus est. & sub manifesto proditoris nomine iniquè discessit, sicut nuntij mei plenius vobis dicent. Indè est quòd precor vos diligenter, ne hominem tantorum scelerum & proditionum infamem in Regno vestro, nec homines suos esse permittatis: nec à vobis vel à vestris aliquod consilium vel auxilium tantus inimicus meus, si placet, percipiat: quia inimicis vestris, & Regno vestro nec à me, nec à Terra mea vllatenus exhiberem, nec exhiberi permitterem. Immo, si placet, efficaciter me iuuetis ad dedecus meum vlciscendum de tanto inimico meo, & ad honorem meum perquirendum, sicut velletis quòd vobis facerem, si opus esset. Teste R. Comite Legrec. apud Northanton.

EPISTOLA CCCCLXXIX.

LUDOVICVS *Dei gratiâ Francorum Rex; E. Præposito de Castellari salutem.*
MONACHI Sancti Martini conqueruntur, quòd hospites sui de Fontanis, qui sunt homines nostri, malè interceptiunt aduersus eos in bosco suo: & nos mandamus tibi vt rem facias ire sicut fuit vsque ad hoc tempus. Et si fuerit ibi contentio, submone eos ante nos in crastino octobarum Sanctæ Mariæ Parisius.

EPISTOLA CCCCLXXX.

SANCTISSIMO Patri & Domino A. *Dei gratiâ summo Pontifici* LUDOVICVS *eadem gratiâ Francorum Rex, salutem & debitam reuerentiam.* NOVERIT Sanctitas vestra, quia villa quædam, quæ Vsellum dicitur, de qua in præsentiam vestram venerunt Clerici de Pidueris, constat in feodo nostro. Milites, qui villam tenent, ante nos venire parati sunt, & nulli vetant iustitiam, qui de eis faciat querimoniam. Quamdiu per nos facere parati sunt quicquid debent, & ad iustitiam stare, rogamus paternitatem vestram vt in eis nobis debitum scructis honorem, & in eos manum non mittatis. Valete.

EPISTOLA CCCCLXXXI.

REGI Francorum LUDOVICO *dilectissimo Domino suo, B. Decanus, G. Thesaurarius, totumque Capitulum Ecclesiæ beati Martini salutem, & æterna felicitatis adeptionem.* QVOD piorum Patrum Ecclesiæ possidet largitione, id iure pietatis æquum est filios defendere. Ecclesiæ siquidem beati Martini vestrorum vberimo prædecessorum dono locupletata, quicquid habet vbique vestræ gaudet subiacere protectioni, & vestra constat potentiâ id esse protegendum. Hinc est, quòd vestræ conquerimur Maiestati super Anserico de Monte-regali, qui quendam fidelem Ecclesiæ vestræ in villa Cableiz commorantem Ra. nomine, eiusque filios, iniusto & inexorabili adeò prosequitur odio, vt in villa Cableiz non audeat commorari, præsertim cum ille in Curia beati Martini iustitiæ stare noluerit. Quapropter vestræ supplicamus Excellentiz, vt directis ad domnum Ansericum Literis vestris, moneatis eum, quatinus de prædicto homine & filiis eius in Curia nostra vel in vestra iustitiam recipiat. Alioquin & ipsum & filios eius, & rem eorum vniuersam manu teneatis, quandiu vel iste iustitiæ stare voluerit, vel ille ab incepta iustitia desistere noluerit. Petimus etiam id à vestra Celsitudine, vt illustri Comiti Hen. Literis vestris significetis, ad quem Cableiz pertinet protectio, vt præfatum hominem & filios eius, & omnem illius facultatem in sua tutela recipiat, & in villa securum iubeat consistere. Valete.

EPISTOLA CCCCLXXXII.

REVERENTISSIMO Domino suo LUDOVICO *Dei gratiâ Francorum Regi, Vi. humilis Matiscenensis Decanus, omnisque Conuentus salutem & obsequium.* QUANTIS infestationibus Comitibus Girardi & suorum vestra Matiscensis Ecclesiæ post decessum venerabilis nostri domni Pontij sit afflicta, Literis nostris, nuntiis quoque vestris Sublimitati vestræ satis esse intimatum credimus. Post acceptas siquidem treugas Comitibus, per manus scilicet nuntiorum vestrorum, Episcopus noster præsentiam vestram adire disposuit. Sed nouis supercrescentibus malis, licet inuitus à proposito detinetur. Maiestatis igitur vestræ clementiam, quæ parcere subiectis est solita, humiliter precamur, ne eius moram grauiter feratis. Neque enim diu Curiam vestram adire tardabit.

EPISTOLA CCCCLXXXIII.

CARISSIMO Domino LVDOVICO Dei gratiâ glorioso Francorum Regi, H. eadem gratiâ Sueff. Ecclesiæ Episcopus, salutem & debitum obsequium. QVM à præsentia vestra Sueffionas profecturus recederem, sicut vobis innotui, iam me ægritudo corripuerat: qua paulatim ingrauescente, & tridui spatio perdurante, apud Bistisiacum demorari compulsus sum. Vbi medente Deo ad præsens conuulsi. Prosperitatis vestræ & incolumitatis gaudium intimo cordis affectu audire desiderans.

EPISTOLA CCCCLXXXIV.

Illustri Regi Francorum, Fr. F. dictus de Barzella Abbas salutare Dei. QVONIAM Ecclesiæ in honore beatæ & gloriosæ semper Virginis Mariæ construendæ posuimus fundamenta, nullum habentes opificem præter Deum: ided carissimum Fratrem nostrum Petrum Ecclesiæ nostræ Priorem dilectioni vestræ destinamus, implorantes quatinus pro Dei amore ad prædictum opus perficiendum vos habeamus auxiliatorem: vt in die retributionis à summo Deo percipiat immarcescibilem æternæ gloriæ Coronam. Valete.

EPISTOLA CCCCLXXXV.

LVDOVICO excellentissimo Regi Francorum Domino suo, B. Abbas Clauallus salutem. SCITIS, mi Domine, qualiter & ego & res meæ sub tutela vestra positæ sint. Vnde de amicitia vestri confidens, hunc Clericum I. latorem præsentium vobis precario commendo, quatinus vestra Sublimitas, si ei opus sit, ipsum domino Papæ commendet, & querimoniam ipsius super pecunia Episcopo nostro eredita veram & iustam esse me attestante credatis. Valete.

EPISTOLA CCCCLXXXVI.

LVDOVICO Dei gratiâ Regi Francorum reuerentissimo, B. Decanus, G. Thesaurarius, & vniuersum Capitulum beati Martini, salutem, & debita subiectionis reuerentiam. AB ipso foundationis exordio regio peculiariter munimini se esse subiectam nostra semper vniuersitas gloriatur. Si qua igitur nos angustia, si qua nos inquietudo molester, singularia quærimus remedia, auctoritatis regiæ clypeum inuictissimum opposcentes. Ad consueta igitur diuercentes præsidia, quantumcumque possumus precum instantiam nostræ Celsitudini importamus, quatinus F. confratrem & concanonicum nostrum, virum siquidem Ecclesiæ nostræ vobisque fidelissimum & deuotum, aduersus H. quanta decet potentia foueatis. Vestrum siquidem, illius rebellis H. contumaciam, ne impunitate gaudeat, viriliter impugnare. Huius enim exemplo coniurationis illius frangenda temeritas. Iustitiæ nostræ, vestræque dominationis onus leuissimum, appetit declinare. Valete.

EPISTOLA CCCCLXXXVII.

MAGNIFICO ac dilectissimo Domino suo LVDOVICO Dei gratiâ Francorum Regi singulari semper reuerentia venerando, B. Monasterij Sancti Egidij Minister summam salutem & pacem, ac felices ad omnia successus. QVOTIENS Regiæ Maiestatis benignitas proprio nuntio vel Literis nos visitare dignatur, immensa lætitia gauisi pro maximis ducimus muneribus. Magnifica enim gratia vestra nos securos reddit & felices: de cuius beneficio, protectione, & auxilio potius quàm de omnibus humanis præsumimus, & confidimus. Vnde meritò cotidianas fundimus preces, quatinus diuina clementia statum vestrum semper in pace conseruando, ad communem salutem in longitudinem dierum regnare concedat. Semper etiam de esse vestro solliciti, Celsitudinis vestræ dulcedinem, quæ nos aliquantulum reuifere distulit, per præsentem Burgensem & nuntium nostrum visitamus, in pignus amicitie mittentes lib. I. de Gariofilo, nucis muscatæ lib. I. Cardamomi lib. III. Su-

A mac. lib. v. Zedoar. lib. i. Cinnami lib. iiii. Spicæ lib. i. Cubble. lib. i. Si de his igitur, vel aliis quæ apud nos inueniuntur, amplius placuerit, nobis quasi fidelibus & subiectis mandate. Nuntium etiam istum carissimum nobis esse noueritis: cui, si placet, Literas dignemini concedere, ut securus eat per Terram vestram. Valeat dignitas vestra.

LYDOVICVS
VII. IV-
NOR.

EPISTOLA CCCCLXXXVIII.

PATRI suo H. Dei gratiâ Abbati Sancti Germani Parisiensis, R. suis in Christo filiis salutem & obedientiam. **Q**VONIAM ad vos tam infirmitate, quàm equi inopia venire non possumus, ea quæ contra vos & nos Theobaldus aduocatus noster, immò nostrorum raptor, malè facit, his Literis declaramus. Primò ius nemonum nostrorum suum dicit, & homines si quos ibi, ut consuetum est, mittimus, caput & redimit. Forefacta villæ nostræ, & tertium totius redditus nostri sibi vi usurpat. Homines nostros ut sibi ibi rectum teneant, Villemauro ante se submonet, quod rectum non est. Feminas consensu nostro coniugari non permittit, sed etiam coniugatas redimit, filiam scilicet Haimardi latoris præsentium, & alias. Boues nostros cum equo vno violentia tenet, & vendere minatur. Curuadas suas in melioribus Terris nostris vi ponit. Dominium nostrum sibi assignat, & quod deterius est, homines nostri illius sœuitiam pauentes illi consentiunt. Sed ut rem benè ad finem perducatis, si ad rectum Domini Regis & vestri malefactor iste venire noluerit, Comiti Henrico ut villam manuteneat Rex Literas suas mittat, qui libenter faciet. Hoc enim nobis in die festo S. Iohannis Baptistæ, si Rex ei iusserit facere, Clericis suis videntibus in Ecclesia S. Stephani Protomartyris sacramentauit. Hæc hætenus. Quod de telis & nummis nobis mandastis, respondemus nos quam citius poterimus missuros fore. Nunc verò ad præsens mittere quæ petitis non valeamus.

EPISTOLA CCCCLXXXIX.

ILIVSTRISSIMO Principum Principi & Domino suo carissimo LYDOVICO Dei gratiâ piissimo Regi, Hugo beati Germani Parisiensis humilis Abbas salutem, & deuota fidelitatis obsequium. **I**NIUNXIT nobis vestra benignitas, ut ad Sanctam Columbam accederemus, electioni interessemus, & de pace Ecclesiæ studeremus. Nos itaque illuc accedentes tres Cardinales, dominum Iacobum, dominum Henricum, & dominum Iohannem Neapol. conuocauimus. & sic in Capitulum venientes, Monachos omnes in vnum concordantes inuenimus. Vocauimus igitur vnumquemque sigillatim, & quod primus dixit omnes alij dixerunt, scilicet quòd Salonem eiusdem Ecclesiæ Monachum vellent habere Abbatem. Et quoniam contra vos nihil volumus agere, ipsum noluimus quassare. Duabus verò causis obstantibus, metumuseum confirmare. Prima causa est, quòd alia vice fuit electus, & vobis non placuit. Secunda, quam vobis lator præsentium manifestabit. Cum enim super hoc Cardinales supranominatos, & Abbatem Vizeliacensem, qui illuc aderat, consulereamus; ipsi nobis consuluerunt ut illum non confirmaremus in Abbatem, nisi per vestrum consilium. Prouideat ergo vestra prudentia quid sit agendum, quia ille nondum nominatus est in audientia. Rescribite igitur, & per latorem præsentium nobis vestram voluntatem notificare. Valete.

EPISTOLA CCCCXC.

LYDOVICO Dei gratiâ Francorum Regi, G. beati Martini Thesaurarius salutem, & debita subiectionis reuerentiam. **H**ONESTIS suorum petitionibus Regia semper liberalitas assurgere non desistit. De consueta igitur altiusque vobis insita benignitate confisi, supplex ad vos precator accedimus, præsertim quod apud Regiam Celsitudinem petitionis commendabit honestas. Pro F. siquidem præsentium latore Sublimitatem vestram votis omnibus imploramus, quatinus causam quam aduersus N. suscepit, in vestra siquidem præsentia aliquandiu iam discussam, ad honorem Ecclesiæ beati Martini, & Regiæ Maiestatis manutenere clementer dignemini. Quantum enim, quàmque damnosum Ecclesiæ nostræ dede-

Tom. IV.

QQ. q. iij

LVDOVICVS
VII. IV-
NIOR.

cus & nobis immineat, si tanta temeritas remanserit impunita, verbo non poterit A explicari. Per hoc enim exemplum tam ipse prædictus N. quàm eiusdem castri burgenses omnes, siquidem tanto sacrilegio coniurati Capituli nostri iustitiam, vestrique dominij iugum à se repellere contumaciter machinantur. Nostræ igitur utilitati, & vestræ consulat honestati Regia Magnitudo. Si verò ex mandato vestro nobis iniunctum fuerit, res eius in manu vestra & nostra suscipere, sine auxilio & consilio Senescalli Regis Angliæ hoc non posse fieri sciatis. Valete.

EPISTOLA CCCCXCI.

SERENISSIMO Domino suo LVDOVICO Regi Francorum, B. Monasterij S. Egidij Abbas saluari ab eo qui dat salutem Regibus. Non est opus vestræ suggerere discretioni, quanta iniustitia, quàmque commune malum sit, nouas pedaticorum exactiones in stratis publicis facere. Vnde placuit Excellentie vestræ, B. de Andusia, & Comiti Melgoriensi, vt ab exactione noui pedatici, quod iuxta Alestum accipiebant, cessarent. Vnde B. de Andusia, utpote homo sapiens & discretus, & per omnia vestræ cupiens parere voluntati, pedaticum quod pro parte sua cessare fecit quandoque, iterum quia Comes non desisteat, auctoritate nuntij vestri illud recuperavit. Tandem verò perpendens & contra cœlestis Regis, & contra vestram hoc esse voluntatem, antequam moreretur prorsus in perpetuum B illud dereliquit. Comes verò regium contemnens præceptum, neque tunc cessauit, & adhuc in eadem malitia perseuerat. Vnde quia vestrum est has & alias iniustitias à Regno vestro propellere, vestram humiliter deprecor Sublimitatem, vt sub interminatione iræ & indignationis vestræ ei iterum præcipiatis per Literas vestras, vt ab hac iniusta nouitate desistat. R. etiam Comiti sororio vestro sub debito fidelitatis & amicitie manderis, vt ab hac iniquitate eum qui nuper potestati & dominio eius se subdidit cessare faciat, nec ei aliquando super hac re auxilium vel consilium præbeat, immò potiùs ad hoc aduersarius & inimicus existat. Domino etiam Papæ persuadeatis, vt sententiam excommunicationis, quæ in persona eius posita est, super totam Terram eius propriam vel communem extendat: itaut vbi vel vbiicumque ipse fuerit nullum diuinum celebretur officium, & vt præcipiat Episcopo Nemausensi, Mimateni, Magaloniensi, Vzericensi, vt hanc sententiam in Episcopatibus suis obseruari faciant,

EPISTOLA CCCCXCII.

VENERABILI Domino & amico suo HYGONI diuina gratia Sueffoniensi Episcopo, P. Ecclesie beati Aniani Decanus salutem. A vobis rediens dies Ph. Clerico in Capitulum est assignata. Sed sicut iam sæpiùs, ita & nunc delusoriè me deridet. Dixit quia de tribus diebus qui ei fuerant nominati nullum recipere poterat, nec alium aliquem, quia negotiis Regis occupatus ad Dominum Regem ipsum oportebat accedere, & nesciebat quando esset expeditus. Nunc supplico paternitati vestræ, vt Dominum Regem circumuenire non possit, quoniam ad hoc venit vt mutetur quod à vobis & à domino Parisiensi fuit statutum, & vt ego non possim iustitiam obtinere. Videte vt non confundar etiam hac vice. Valeat vestra paternitas.

EPISTOLA CCCCXCIII.

SERENISSIMO Domino suo LVDOVICO Dei gratiâ Francorum Regi, H. Prul. Abbas, temporalis Regni prosperitatem, & æterni perpetuam felicitatem. SUGGERIMVS Regiæ Maiestati vestræ, quodd nuper cum domino Hen. de Pifa Cardinali locuti sumus, ibique inter alia incidit sermo de Ecclesia, quam apud Sanctum Portum ædificatis. Et visum est domino Henrico Cardinali, & ceteris qui ibi erant, & Abbati de Eleemosyna, quodd eidem domui esset utilitas magna, & Regiæ Maiestati grandis honorificentia, si in illo opere quod Rex construit dominus Papa aliquod altare consecraret, vel benedictionem faceret. Dominus verò Henricus nobis promisit, quodd si vobis placeret ipse dominum Papam illuc

A priuatè deduceret. Si igitur Maiestati vestræ placeret, dominus Papa voluntatem vestram libenter in hoc adimpleret. Valete.

LVDOVICVS
VII. IV-
NIOR.

EPISTOLA CCCCXCIV.

LVDOVICO Dei gratiâ magnifico Francorum Regi illustri, ac piissimo Domine suo, B. Decanus Ecclesie beati Martini salutem & deuotum debita subiectionis obsequium. NOVERIT magnitudo vestra, nos grauissima nobis odia comparasse, quia in auribus missaticorum Regis Anglorum veritatem non tacuimus, & mandatum vestrum pertulimus. Sed quantumcumque minarum nobis imminet, nos corpore, facultate, & quod supra omnem est facultatem, fideles vestri sumus & erimus toto corde. De cetero quod Capitulo mandaueratis, mandatum vestrum minime est effectui mancipatum. Pars enim Thesaurarii illud facere contendit, & insuper se Cantor absentavit. Nos verò Capitulo obtulimus nos omni stare iustitiæ & iudicio Capituli, postquam ipsi diuina solemniter celebrarent. Pars verò illa pertinaciter contendit. Sed quoniam Thesaurarius nondum venit, ipsum expectabimus: & si mandatum vestrum facere contemnit, vobis significabimus: Præterea per latorem præsentium vobis mittimus septem libras & decem solidos de defectu duelli pro Nicolao Frummaudi. Valete.

B

EPISTOLA CCCCXCV.

LVDOVICO Dei providentiâ Francorum Regi excellentissimo, Fr. G. beati Maximi Abbas, & ceteri eiusdem Ecclesie Fratres, salutem cum orationum suffragiis. QUONIAM antecessores vestros Reges Ecclesia nostra semper habuit protectores, vos etiam nihilominus tutorem habuimus, & hætenus defensorem. Idcirco quotiens ab hostibus molestamur, ad vestræ Celsitudinis asylum necesse est recurramus. Nuper igitur miles quidam Radulfi de Nidis, Gaufredus scilicet filius Fulconis, quemdam Burgensem nostrum indebitè cepit, eumque suum esse asserens hominem in carcere tenet. Nos autem eum & eius parentes beati Maximi homines esse per centum vel eo amplius annos cognoscentes, prædictum Radulfum de Nidis, & eius militem Gaufredum, ut hominem nostrum redderent, vel ut pro homine placitaturi Curiam nostram adirent, ex parte vestra convenimus. Quod quia facere noluerunt, Præfectos vestros super hoc negotio adiuvimus. Quibus nihil de hoc benè operantibus, Maiestati Regiæ supplicamus, quatinus hominem usque ad audientiam vestram liberari faciatis, vel si vobis placuerit quid inde fieri debeat Præfectis Aurelianensibus rescribatis. Valete.

EPISTOLA CCCCXCVI.

C

GLORIOSO & piissimo LVDOVICO Dei gratiâ Francorum Regi, A. Abbas Magnilocensis, gloria & honore perhenniter coronari. NOUIT, ut credimus, regia nobilitas vestra, Ecclesiam nostram ab antecessoribus vestris piissimis Regibus Francorum ædificatam esse & fundatam: quibus quasi in naturam versum est loca sancta ædificare, & temporalibus bonis munire. Vos equidem non solum successorem genere, verum etiam eorum imitorem pietate, vnde Deo gratias, patronum Regno Francorum diuina pietas concessit. Propterea ad Dominum nostrum Regem Dei cultorem, bonorum operum sectatorem, quem post Deum specialiter Dominum obtinemus, supplices confugimus, ut oculo pietatis suæ nos inspicere dignetur. Inquietant enim nos vndique homines qui nec Deum timent, nec homines verentur, & tyrannidem suam in nobis exercent: quibus quando iustitiam offerimus, velut inimici iustitiæ pro nihilo eam reputant. In præsentem verò, quidam Chatardus de Bosot, prædator & violator stratz regiz, frater consilio & auxilio quorundam maleficorum, & maxime cuiusdam auunculi sui Eustachij de Monton. homines nostros in publica strata merces suas deferentes cepit, nullam in eis causam inueniens. Nos ad dominum Episcopum querimoniam direximus; nec inuenimus qui se opponat scutum pro domo Israël: sed ab omni defensione tam Ecclesiastica, quàm seculari, destituti sumus. Exoramus itaque Ma-

QQq iiij

iestatem vestram, vt placeat ei dexteram consilij & auxilij sui nobis porrigere, & A domino Episcopo hanc curam iniungere: quatinus sicut decet provideat qualiter de prefato Eustachio & nepote eius & ceteris malefactoribus nostris, quos longum est enarrare, dignam iustitiam assequi valeamus. Rex viuat in æternum.

EPISTOLA CCCCXC VII.

LVDOVICO *venerabili ac religiosissimo Regi Francorum Domino & amico suo, P. Guidonis quondam Decanus Clarem. suus in omnibus salutem, & sic in hac peregrinatione de hostibus ad honorem & gloriam triumphare, ut in patria coronatus Deum decorum in Syon videre mereatur. QVOD vos, excelsissime Rex, Dominum appellavi, Maiestati & Coronæ debui: quod amicum, innatæ benignitati & gratiæ, quæ semper honestorum omnium amicitia fuit & est exposita, inter quos meam partitatem annumeratam fuisse & gaudeo & gaudebo. Nam inter cetera quæ mihi aut casus, aut iudustria, seu natura præstitit, nihil est quod cum amicitia tanti Principis vel possim, vel debeam comparare. Ex ea namque quantum honoris & utilitatis consecutus sim, vicinis meis, & mihi maximè cognitum est. Sed cum magna de manu Regis suscepim, maiora adhuc expecto, non solum in me, qui iam ætate grauescente contractus sum, sed in carissimo nepote meo, quem heredem & successorem vniuersis rebus meis ex asse institui, Deoque dedi: quem B etiam & Episcopus, & omne Capirulum nostrum loco mei Decanum sibi substituerunt. Hunc igitur ad vos misi, flexo in preces animo, clementiam vestram exorans, quatinus amor ille quem in me vestra pietas habuit in nepote meo referuetur, & etiam vberior redundet. Sic cum vobis do & commendo, vt ipsum & res suas omnes sub tutela & defensione vestra in vltèrius suscipiatis. Amplius tamen pro ipso supplicare vobis & exorare præsumo, quod ante præsentiam domini Papæ, quando ad eum visendum accesseritis, vobiscum Clericum vestrum nepotem meum ducere dignemini, ipsumque ei præsentetis, & prece vestra præfatum iuuenem & vniuersas res eius sub protectione sua custodiendas suscipiat, & quod de eo factum est Literis datis & auctoritate Apostolica confirmet. Si hoc, mi Domine, mihi vestro, & nepoti meo item vestro, per vos ad effectum venerit, tunc verò me non oblitum sentiam, pleniusque gaudebo, & gaudium exuberabit lætitia, & exultabit spiritus meus in Deo salutari meo, atque minus trepidus metum mortis expectabo. Valete. Totius salutis auctor salutem vestram custodiat.*

EPISTOLA CCCCXC VIII.

REVERENTISSIMO *Domino suo Dei gratiâ Francorum Regi LVDOVICO, Fr. Od. eadem gratiâ Sanctæ Columbe Abbas, orationis suffragium, & fidele in omnibus obsequium. POSTquam nuper discessi à vobis, & Parisius veniens à domino Papa & tota Curia, vestri gratiâ, tam paterno affectu, quàm etiam Literis vestris, vestroque rogatu, satis benignè & honorificè sum receptus. Ad hospitium enim reuersus ex parte domini Guidonis Cathal. Archidiaconus. has alias Literas suscepì, quas vestræ regis dignitati per Henr. famulum vestrum secreto remittere iuravi. Sed quod in eis obscurè nobis intimatum est, vobis humiliter aperire volui. Hoc est enim quod idem Archidiaconus & Cantor cum plurimis aliis sibi assentientibus sæpè iam Literis & verbis ad consulendum Ecclesiæ suæ submonuerunt. Vsque modo tamen eorum Literis vel petitionibus sine vestro assensu & voluntate assentire nolui. Per hunc ergo Henricum quod super his vobis placer nobis renuntietis. Valete.*

EPISTOLA CCCCXC IX.

SERENISSIMO *Regi Francorum LVDOVICO Domino nostro, Frater STEPHANVS humilis Clun. Abbas salutem & deuotum amorem in Domino. SICVT magnificentiam vestram singulari affectu dilectionis amplectimur, sic ad eam pro negotiis nostris fiducia indubitanti recurrimus. Quæ quoniam per nos ipsos, quod omnimodis optaremus si possibile esset, Serenitati vestræ ad præsens indicare non*

A possumus: Magistro R. ea ad vos perferenda commisimus, rogantes ut credatis ei sicut & nobis, & dignanter si placet faciatis quæ per illum vobis mandamus, quia spectant ad honorem Regni, & salutem animæ vestræ.

LVDOVICVS
VII. IV-
NIOR.

EPISTOLA D.

EXCELLENTISSIMO Francorum Regi LVDOVICO, Fr. RODVLPHVS Sanctorum Agaunensium Martyrum seruus inutilis, & qui cum eo sunt Fratres, sic terrenum Regnum regere, ut æternum valeat feliciter obtinere. QVOD sancta Agaunensis Ecclesia à prædecessoribus vestris Francorum Regibus amplis possessionibus fundata & largis fuerit donata donariis, & apud nos & in multis Regni vestri Ecclesiis scriptum habetur. Quis enim nesciat Dagubertum Regem Ecclesiæ nostræ propter Martyrum honorem Mauritij sociorumque eius, multa contulisse beneficia? Vnde etiam post mortem suam per merita eorum à potestate dæmonum miseratione diuina liberatus esse legitur. Quis ignoret Karolum Regem in Italia properantem, cum ad sepulchra Martyrum deuenisset, diuina visione pariter & miraculo latificatum, eidem Ecclesiæ amplissimas concessisse possessiones? Quod Clodoueus Rex Francorum per Seuerinum prædictæ Abbatem Ecclesiæ à diuina sit infirmitate liberatus, testis est titulus eius apud Castrum Landonis, ubi in vita eius hoc legitur. Ipsorum igitur vos sequentes vestigia, quasi bonæ ramus arboris nobilissima stirpe progenitus, bonum eleemosynarum fructum proferentes, præsentium latores, ob amorem Dei & Sanctorum Martyrum benignè suscipiatis, misericordiæ manum affluenter sicut Regem decet beatis Martyribus porrigatis: sperantes ab illo multo maiora recipere, qui dixit, *Centuplum accipietis, &c.* Siquidem Ecclesia nostra, quæ cumulus Sanctorum Martyrum est, cum vniuersis ædificiis ad eam pertinentibus per manus barbarorum ita in cineres redacta est, ut etiam muri ex magna parte corruerint. Ad Sanctorum igitur Sepulchra restauranda & ornanda, sicut regiæ congruit pietati, totis misericordiæ visceribus affluatis, de vestro mamona amicos vobis sanctos Martyres faciatis, ut ab ipsis in æterna tabernacula recipi valeatis.

EPISTOLA DI.

LVDOVICO Dei gratiâ Regi Francorum Domino suo, R. Prior, & totus Sancti Portiani Conuentus, salutem & orationum instantiam. NOSTIS, humanissime Domine, quod exigentibus Ecclesiæ nostræ malis in præsentia vestra nuper venimus, & diem statutam releuationis nostræ, quæ fuerat prolongata pro domino Papa qui venerat in partibus nostris, iterum per manum illorum quibus antea præcepistis reconciliari iussistis. Adfuerunt simul & burgenses nostri, quibus rogando dixistis, ut Ecclesiæ vestræ, quæ cum periculo ipsorum alieno ære obligata teneretur, infra diem statutam specialius subuenirent. Illi verò & mandatum vestrum exequi, & nostræ insistere utilitati responderunt. quod ante in Capitulo nostro prædixerant astantibus vniuersis. Non sic impij, non ita egerunt, sed in conspectu domini Papæ locuti sunt aduersum lingua dolosa, & Optimates Curie illius miris ac variis donis remunerantes, sepulturas villæ nostræ, speciale videlicet largitatis vestræ & antecessorum vestrorum donum, quod obtinuit ex die qua fundata fuit Ecclesia nostra, nobis contradicere & prohibere fecerunt. Suppliciter igitur imploramus pietatem vestram, ut superbiam perfidorum istorum, qui contra regiam dignitatem, & nostram paruitatem egerunt, more solito ita comprimat: quatinus eos qui extra se exierunt intra se reuerti faciatis, & quod in contumelia vestri & diminutione nostri fecerunt, ad honorem & utilitatem vestram & nostram conuertatur.

EPISTOLA DII.

VENERABILI Domino suo LVDOVICO Dei gratiâ Francorum Regi, C. de Castro Raulfi Archid. humilis Clericus suus, salutem & obsequium. NOSCAT discretio vestra, quod dominus Papa in proximo debet ire ad Podium, & ibi per

LVDOVICVS
VII. IV-
NIOR.

longum tempus vt credo moraturus, & nuntios Imperatoris ibi debent expectare. A
Multum autem irati sunt & pœnitent, se tam citò Terram vestram reliquisse, quia
à Terra sua non audiunt nisi aduersa. Et hoc secretum sit, ne à me habeatis. Ber-
nardus iste bonus homo est, & de seruitio suo vobis gratias refero. Sed tantum de-
siderabat vxorem suam videre, quòd sine peccato eum retinere non poteram. De
cetero nobilitatem vestram exoro, vt statum vestrum & Dominæ Reginæ mihi, si
placet, significetis. Deus scit quàm libenter viderem vos & socios meos. Valeat
in longum Serenitas vestra.

EPISTOLA DIII.

VENERABILI & carissimo Domino H. Dei gratiâ Sueffionensium Episcopo, N.
Archidiaconus salutem & omnimodam dilectionem. CONVENI Fratres illos
de Sancto Leodegario satis modeste & caritatiuè, prout nobis præceperatis, super
receptione præsentium latoris. Illos autem, sicut mihi videtur, nimis dueros in-
ueni. Nullam enim omninò humanitatem ab illis potuimus impetrare, nec etiam
victum vsque ad vos. Verumtamen responderunt illum esse bonum virum & ho-
nestum, & in nullo culpabilem, præter quòd nimis iracundus est. Asserebant etiam,
quòd ad nos aliquos de Fratribus suis mitterent super hæc re responsuros. Proui-
deat itaque caritas vestra, quonam modo de cetero saluti miseri ipsius sit consu- B
lendum.

EPISTOLA DIV.

LVDOVICO Dei gratiâ magnifico Francorum Regi, piissimo Domino suo, B. De-
canus, G. Thesaurarius, vniuersumque Capitulum Ecclesia beati Martini, ab eo
saluari per quem Reges regnant. PISSIMUM deuotionis eius, quam erga Eccle-
siam beati Martini geritis, affectum multis in locis experti, in eo præsertim ve-
stram commendantes deuotionem, vobis non mediocres agimus gratias quòd ho-
stibus & persecutoribus beati Martini, & ministrorum eius, & nobis diem assigna-
stis in vestra sistendi se & nos præsentia. Rogamus igitur Maiestatem vestram, vt
memor sitis eius diei quæ assignata est, crastinæ scilicet octabæ imminentis festiui-
tatis, quæ de Natiuitate beatæ Mariæ celebratur. Nos etenim cum venerabilibus
Ecclesiæ nostræ personis aderimus, de Stephano de Sacro-Cæsaris, & Herueo de
Danzé, super intolerabilibus iniuriis, quas nobis & hominibus, & Terræ nostræ
violenter irrogant, quod iustitia dictauerit suscepturi. Valete.

EPISTOLA DV.

DOMINO & amico suo veteri, Abbati Latiniacensi, Petrus Clericus Domini Re-
gis & suus salutem, & quod potest obsequium. QUIDAM puer consanguineus O
meus missus est mihi de Anglia ad discendum Romanam linguam: & quoniam de
vobis sicut de Domino meo carissimo confido, vellem si vobis placeret, vt per
aliquod tempus circa vos moraretur. Quid indè placeat vobis per istum mandato
mihi, & si vultis vt ad vos veniat cum equo, vel sine equo. Valete.

EPISTOLA DVI.

DILECTISSIMO Patri & Domino suo H. Dei gratiâ Sueff. Episcopo suus ille
fidelis Abbas Sancti Crispini Sueff. salutem & voluntarium debita subiectionis obse-
quium. NOVERIT paternitas vestra, Portuenssem Episcopum consecrationem
Sanctimonialium de Charmo facere noluisse. Abbatisa verò in eadem Domo, vn-
de sorores pauperrimæ maximè grauatz sunt, consecrationem earundem expe-
ctans, vsque ad proximam Dominicam manebit. Nos autem, quia opus istud
sanctissimum est, & ad vos maximè spectat, discretioni vestræ, quam maximam
esse cognouimus, ex patte nostra consulimus: quatinus aut per vos, aut per ali-
quem alium Episcopum, quomodo id fieri valeat consilium adhibeatis. Valete.
Per præsentium latorem quid vobis super hoc placeat renuntiate.

A

EPISTOLA DVII.

REVERENDO Domino & Patri carissimo H. Dei gratiâ Sueß. Episcopo & Cancellario Domini Regis, salutem & plurimam dilectionem. PERVENIT ad vos, qualiter Comes Niuernensis vexat & affligit Ecclesiam nostram. Qui cum appellasset audientiam domini Papæ, ibique pariter conuenissemus, tandem iudicio vel compositioni domini Senonensis stare nos promissimus. Ventum est itaque ad iudicium. Sed Comes iudicium audire noluit. Vnde discordia interueniente concordia cessit. Ego autem rogavi Dominum Regem, vt apud dominum Papam pro nobis intercedat quatinus ius Ecclesiæ nostræ manuteneat, & iustitiæ quam dissimulare non possumus intendat. Proinde rogamus vos plurimum, vt ad dominum Papam prout expedit preces suas Rex dirigat, laboretis.

EPISTOLA DVIII.

LYDOVICO illustri Francorum Regi Domino suo venerabili, C. Bituric. Archid. fidelis Clericus suus salutem & subiectionem. N O S C A T vestra Sublimitas, quod de conductu domini Papæ cum Comitibus Aluerniæ locutus fui ex parte vestra. Illi verò vestris in omnibus se mandatis obedire responderunt. Verumtamen Comes de Monte-Ferrando de Cantuariensi Archiepiscopo securum mihi responsum non dedit. Vnde ei laudavi, ne in terram ipsorum se ingereret, sed in Terra vestra remaneret. De cetero verò quod mihi per Literas vestras mandastis, vt scilicet de Archidiaconatu meo me deponerem, & in manu domini Bituricensis Archiepiscopi me mitterem, cum domino Papa & Cardinalibus consilium cepi, & eis Literas vestras ostendi. Dominus autem Papæ & Cardinales me hoc facere omninò prohibuerunt, & opus suum nolle cassari & in irritum duci responderunt. & dominus Iacinthus quicquid auri & argenti Bituric. habebat se malle in igne cremari, aut in mare præcipitari respondit. Sed si consensu domini Papæ & vestri, & amicorum meorum, dominus Archiepiscopus Bituricensis alium honorem dare mihi voluerit pro Archidiaconatu, dominus eum Papa mihi confirmaret, qui peccatum ei dimittet si se inde peccare dominus Archiepiscopus timet. Ideoque Sublimitatem vestram exoro, ne super hoc quod mihi mandatis me cogere ampliùs velitis, & ne grauitè hoc & molestè feratis. Sciatis enim quòd & de hoc & de aliis me deponam, si vobis placuerit, & de Terra vestra & Regno si mandaueritis mihi, nudis pedibus etiam exhibo. Hoc autem sciatis, quòd dominus Papa me secum in Aluerniam reducit. Valete.

EPISTOLA DIX.

C

LYDOVICVS Dei gratiâ Francorum Rex, fidei suo B. Decano beati Martini Turonensis salutem. VELLE MV S certi esse super Rege Angliæ, quid facturus sit, si processurus sit in Pictauiam, vel rediturus versus maritimam Normanniam. Quòd si super hoc certus estis, ipsam certitudinem nobis mandetis per Literas, & cum eisdem hos seruientes remittatis. Sin autem res in dubio est, rumores quos audistis nobis mandetis per vnum seruientium, & alterum retineatis, donec aliud nobis mandare possitis.

EPISTOLA DX.

LYDOVICVS Dei gratiâ Francorum Rex, amico suo G. beati Martini Thesaurario salutem. VELLE MV S certi esse super Rege Angliæ quid facturus sit, si processurus sit in Pictauiam, vel rediturus versus maritimam Normanniam. Et si super hoc certus estis, ipsam certitudinem nobis per Literas mandetis, & cum eisdem hoc seruientes remittatis. Sin autem res in dubio est, rumores quos audistis nobis mandetis per vnum seruientium, & alterum retineatis, donec aliud nobis mandare possitis.

LVDOVICO *Dei gratiâ illustri Francorum Regi Domino suo, Fr. G. dictus Abbas de Cisterc. pauperum Christi orationes.* AMOR deuotus, beneuolentia singularis, qua nos & Domum nostram amplectitur venerabilis Pater & Dominus noster Cabilonensis Episcopus, cogit nos pro eo vestram interpellare clementiam. Audiuimus enim ipsius innocentiam quorundam derogationibus apud vos fuisse impetitam. Planè quisquis de eo vobis talia dixit, hoc dixisse non debuit. Est enim, sicut veraciter nouimus & testamur, homo simplex & rectus, vobis per cuncta deuotus, & ad vestrum vestrorumque seruitium semper paratus. Proindè, si quid apud vos sumus, si quid possumus, clementiæ vestræ pro ipso supplicamus, quatinus si quid sinistri rumoris vestris auribus est intimatum, totum vobis imputetis, & pro vestra clementia nobis benignè donetis. Sentiat, quæsumus, nos filios suos intercessisse pro eo. In quo nos tunc exauditos esse sciemus, si per Fratrem istum nuntium nostrum eidem Patri nostro gratiam vestram indulgeatis, & laborem, quo eum ad vestram præsentiam summonetis, clementer remittatis. Non enim sine magno detrimento Ecclesiæ suæ & personæ suæ ad præsens Maiestatem vestram adire potest, quia ipse ætate & debilitate confectus, & Ecclesia ipsius multis & variis tribulationibus afflicta, præsentia ipsius sine maximo damno carere non potest. B

EPISTOLA DXII.

INTIMO *suo P. salutem, & veteris amoris affectum.* DVDM inter me & Dominum meum mediator constitutus es. Nunc quoque & reuelo, & committo tibi causam meam, rogans vt fideles ei pro me offeras preces. Parrochiam mihi promisit, sed mallet alteriusmodi quantulumcumque beneficium. Tu ergo prout poteris voluntatem meam adimplere non graueris. Si quid enim possem quærere, tuum esset. Nummos autem meos, mora ipsa, & necessitas mihi ingruens, exigit vt reddas. Nepti enim meæ iam nubili magna prouidenda est expensa. Volo etiam vt scias, quia libenter te viderem. Statum meum præsentium lator satis tibi manifestabit. Valeat dilectio tua, sicut decet, semper memor mei.

EPISTOLA DXIII.

CARISSIMO Domino suo LVDOVICO *Dei gratiâ Francorum Regi, E. eadem gratiâ Abbas beati Saluy de Monstero, omnisque Monachorum Conuentus salutem, & omnium suarum orationum participationem.* SCIT vestra Regia Potestas, nos ad vos multoties conquestos super Burgenses Monstero. Illi verò pronihilo computant, sed de die in diem iura vestræ Ecclesiæ magis ac magis deprehendunt. Causam verò quandam, vnde iustitia ad nos pertinebat, diu prolata fuit in Curia nostra, quæ propria vestra est, quæ iudicio Terræ iudicata est. Vi auferre volebant. sed causa urgente præsentiam vestram vocauimus. Nos verò in præsentia vestra ad diem præfixum venimus, & ille qui causam habebat similiter nobiscum affuit: sed illi venire contempserunt. Nos autem expectamus iudicium & iustitiam vestræ regię potestatis. Vestro itaque consilio per Literas vestras Burgenses ad diem determinatum submonuimus: sed illi omninò mandato vestro non obediunt. Sed infra moram Curię vestræ nobis facientibus, & homines illius qui causam habebat, ad domum illius qui in potestate vestra erat venerunt, & viribus suis vxorem hominis illius propriis manibus suis foras expulerunt. Illa verò vestram regiam potestatem reclamans, magis ac magis aduersus eam insurgebant. Auditis itaque Literis vestris & præcepto vestro, magis in insaniam versi, hominem illum abiudicauerunt, & Comitem Boloniæ accersierunt, & me in præsentia ipsius submonere fecerunt: & ita ius vestrum, & iura vestræ Ecclesiæ auferre volunt. Mandamus itaque vobis, & obnixè precamur, vt indè vestra regia potestas consilium habeat. Valeat vestra regia potestas.

EPIST.

EPISTOLA DXIV.

DOMINO suo & amico, L. P. de Suuell. suus & sibi deuotus se & sibi debitam deuotionem. DE grata mihi obsequij exhibitione exhibita in primis vobis grates refero, me vobis obnoxium confitens & obsequio mancipatum. Huic gratiae confidere & meritis mihi contigit non mei merito, sed liberalitate vestra. Sed insperata causa timoris mihi emerfit, & casus aduersans me facit formidare, ne vestrae gratiae incidam periculum, non tamen mea culpa, sed aliena. Cum enim quaternos Isaiae quos mihi misistis respicerem, inueni vltimum quaternum deesse. Vnde nimis timui ne aliena culpa in me retorqueatur, & vos mihi faciat offensum. Sed pro Deo & amore quem mihi ostendistis, nolite in me culpam alterius retorquere: quia ratum habeatis in Deo, quod in mea custodia vel nuntij mei non fuit amissus. Et si poteritis inuenire in armario vestro, vel apud aliquem cui prius fuit accommodatus Liber ille, mihi mittatis, quia illum scribere incœpi. Valete.

EPISTOLA DXV.

BH. Dei gratia Suesionensium Episcopus, Regis Francorum Cancellarius, I. Præposito de Chialsmunt salutem. CAPPAM, quam Clerici de Norvvegia per fines vestros transeuntes in vadio dimiserunt, mandamus & precamur ut causa nostri ipsis liberam dimittatis. Nec enim iure quidquam ab eis debet exigi, qui peregre in orationes profecti nihil secum venale tulerunt.

EPISTOLA DXVI.

DOMINO & Patri suo R. Priori de Sancto Victore, Ioannes dictus Subprior Clarevallensis modicum id quod est. ROGO vos, Domine mi, in Spiritu sancto, pro Spiritu sancto, scribite mihi orationem deuotam de Spiritu sancto. Scribite Domine mi, iuxta sensum, & scientiam quam dedit vobis Spiritus sanctus, iuxta deuotionem quam amministrabit vobis Spiritus sanctus. Scribite Pater mi, & mittite mihi. Nolite super hoc contradicere mihi. Scribite, Domine mi, non sub nimia breuitate, nec sub nimia prolixitate: sed sic ut eam memoriter valeam retinere, & Spiritui sancto siue in die, siue in nocte saltem semel offerre. Carissime Pater, ut vos exaudiat Spiritus sanctus, ut consoletur vos indefinenter Spiritus sanctus, nolite negligere clamorem mendici vestri. Nolite vilipendere petitionem amici vestri, sed & in orationibus vestris mementore Iohannis seruuli vestri. Valete.

EPISTOLA DXVII.

DOMINO & Patri in Christo carissimo suus ille salutem & sanitatem. ABBAS Andreas super cura mei nec vnum verbum mihi contulit, ut ei mandastis. Hugo de Aurel. ad plenum esse nostrum referet. At Abbas eum adiurauit, ne quid aduersi vobis referret, timens famam suam coram vobis maculari, quæ apud prouinciales suos de die in diem minoratur. Dum enim Fratres supra consuetudines Ordinis nostri coardare nititur, omnes in eum pari voto, vno ore insurgunt, nec sunt in tota Congregatione quatuor, qui vel semel in anno coram eo de oculis suis confiteri velint, etsi multum grauentur. Vnde ab Abbate Andrea admonitus, & à Priore & ceteris Fratribus rogatus, quatinus claustralibus & debilitatis aliquid relaxationis concederet, quo libentius consisterent; nec amore, nec odio flecti potuit, dicens hoc consuetudinis Sancti Victoris non esse. Sicque eo in propria voluntate perdurante, nutriuntur odia, seminantur discordiæ, excitantur iurgia, detinentur lites, enervatur disciplina, perit religio, & apud forenses quod & prius suauiter olebat, nunc turpiter foetet. Quamobrem paternitatem vestram hoc tantum exoratum volo, quatinus Literis vel inter signis mandetis Abbati, amabiliter mittere vobis quem tractari aude audistis, aut maiorum auctoritatem per-

Tom. IV.

R R r

LYDOVICVS
VII. IV-
NIOR.

quireris. Comperi enim hoc cum ægrè suscepturum, & forsitan sic ab intentione A
sua reuocabitur. Et si ad vos transiero, vobis onerosus non ero. Communicatio
namque vobis esse nostro, quod melius verbis quàm Literis enodabitur, susceptio-
que consilio & consuetudinibus perdiscitis, ad propria remeabo. Hoc Fratribus
plurimum placeret, sed ab eis penitus separari molestè acciperent. Sed & hoc op-
tant, si vobis placet, vt missis Literis Abbati eius pertinaciam temperare, & ad con-
suetudines scriptas, quibus contradicit teste Abbate Andrea, reuocare satagatis.
Quod si non vult, mittat aliquem ad vos qui consuetudines vestræ Ecclesiæ videat,
cessetque murmur diuturnum de Domo Domini, & non tota gens pereat. Amara
sine dulcibus interpolatis diu sustineri non valent, nec labor sine quiete, nec his
magis rigor disciplinæ sine relaxationis & spatii interpositione. Vale in Domi-
no, semper curam mei agens. Cetera per Fratrem Guidonem vobis mandaui.

EPISTOLA DXVIII.

STEPHANVS *Dei gratiâ Parisiensis Episcopus, F. R. E. H. Archipresbyterus sa-*
lutem. Ex auctoritate Dei Patris omnipotentis & filij & Spiritus sancti, &
sanctæ Dei genitricis Mariæ, & omnium Sanctorum, excommunicamus & ana-
thematizamus, & à sanctæ matris Ecclesiæ liminibus sequestramus illos, qui do-
minum Thomam Priorem Sancti Victoris interfecerunt, & qui in fortitudine in-
terfectoribus affuerunt, & eos quorum consilio & ammonitione & auxilio inter-
fectus est. Omnes etiam illos excommunicamus, qui eius interfectores, & inter-
fectorum presentes coadiutores in suo hospitio receperint, vel qui cum eis aliquam
communione vel participationem habuerint in potu, in consilio, & locutione,
nisi fortè pro eorum correptione, in emptione & venditione, in dati & accepti com-
munionem, in susceptione & protectione, Omnes istos supradictos excommunica-
mus, donec resipiscant, & ad satisfactionem veniant. Mandamus itaque vobis, atq;
precipimus, quatinus per singulos dies Dominicos hoc modo, & his verbis excom-
municetis, & ceteros Presbyteros excommunicare faciatis. Mandamus etiam vo-
bis, quatinus vnusquisque vestrum in suo Archipresbyteratu prohibeat, vt nullus
omnino Presbyter nec de seculo, nec de Religione, nec Abbas, nec Canonicus, nec
Monachus, nec Eremita, nec Inclusus, nec etiam Abbas Sancti Victoris, huius ex-
communicationis reum ad se pro confessione venientem suscipiat, nec ei absolu-
tionem huius culpæ tribuat, aut pœnitentiam iniungat. Quia ego de tanto reatu
mihi soli absolutionem & pœnitentiam reseruati. Hoc quoque precipimus, vt
Presbyteri quando excommunicant, hanc nostram prohibitionem omnibus di-
cant. Valeat.

EPISTOLA DXIX.

VENERABILI Domino & amico suo R. Priori Sancti Victoris Parisiensis, sum C
Ioannes eandem quam sibi desiderat salutem. QVONIAM accepta licentia
exiui de Ecclesia Sancti Satyri, vt irem cum domino Cantuariensi Archiepisco-
po, quidam amicus noster pro magna necessitate commodauit mihi decem soli-
dos Andegau. Cui promisi quòd per manus vestras eos ei redderem. Ideo pre-
cor, vt latori presentium eos consignes. Et hoc vobis signum, quòd ostēdi vobis in
infirmario tabulas texti de opere Lemouicino, quos volebam mittere Abbati de
Vvrgam. Et vos mihi respondistis, quòd Magister Andreas non in tantum res-
pexerat obedientiam, & locum suum de Sancto Paulo.

EPISTOLA DXX.

VENERABILI socio & amico carissimo Alexio Dei gratiâ sanctæ Romanæ Eccle-
siæ Subdiacono, P. Gaietanus eiusdem Ecclesiæ humilis Subdiaconus, salutem & de-
sideratam in omnibus felicitatem. QVOTIENS mihi per Literas vel per nuntium
visitandi fraternitatem vestram competens offertur occasio, exultat & lætatur ani-
ma mea, vt desideratam mihi faciem Fratris, quam corporalibus oculis ad præsens
non video, saltem scriptis discurrentibus valeamus visitare. Te verò, dignissime
Fratrè, quo familiaritatis honore præueniam? quanto admirer stupore? quàm ma-

Agno amore complectar, nolo describere, ne videar adulationibus deferuire. Cuius rei testis est lingua, quæ tam crebro sermone præsentiam vestram abesse con-
 queritur: testis est conscientia, quæ vestri vultus speciem tam perspicuè contem-
 platur. Nam quis vestræ caritatis incendio non feruet? quem & vita præclarum,
 & doctrina perspicuum, & quod his præstantius est, spiritualis zeli feruor reddit
 accensum? Ad hæc præsentia vestra potius, quàm legationis pagina si fieri posset
 optarem me lætificari. Sed quoniam id non datur ad præsens votis internis, mi-
 sericordiæ Patrem appello, ut incolumitatem vestram in longitudinem dierum
 conseruet, sibi ad honorem, vobis ad virtutem, vestræ Ecclesiæ ad salutem. Quid
 plura? meipsum, & omnia mea vobis expono. Præcipiat itaque quod sibi placet
 dilectio vestra. Aggratulor enim opinioni vestræ, quæ redoluit apud nos, & gra-
 tias Deo ago, quod in persona vestra iocundam faciunt armoniam & splendor ge-
 neris, & nobilitas conuersationis.

LYDOVICVS
VII. IV-
NIOR.

EPISTOLA DXXI.

VV. Dei gratiâ Senonensis Archiepiscopus, & Apostolica Sedis Legatus, E. Abbati,
 totique Capitulo Sancti Victoris, dilectis in Christo filiis, abundare spiritu dile-
 ctionis & pacis, per gratiam eius cuius in pace factus est locus. TERTIGIT me ali-
 quantum per misericordiam suam manus Domini. Et ideo ad diem, quam vo-
 bis præfixeramus, venire non potuimus. Veniemus autem Deo volente ad vos
 in spiritu lenitatis & mansuetudinis, quamcitiùs dabitur nobis oportunitas, fe-
 rentes nobiscum non verbera patris, sed verba matris: parati summo studio la-
 borare ad pacem Fratrum & quietem, cupientes in visceribus Christi ut Religio
 conseruetur ad Dei seruitium, & exteriora benè disponantur ad sustentationem
 Deo seruientium. Interim autem seruate vnitatem spiritus in vinculo pacis, ut pax
 Dei quæ exuperat omnem sensum custodiat corda vestra, & intelligentias vestras.
 Valete.

EPISTOLA DXXII.

VENERABILI Domino & amico Magistro R. Priori de Sancto Victore, suis
 G. Prior Ecclesiæ Sancti Albani salutem, & sincera dilectionis integritatem. HA-
 BEO vobis gratias quantæ sunt indicibiles, quod gratiæ vestræ Fratri meo Math.
 tam copiosus fructus arrisit. Metiôrque ex illis impensis, quanta vobis debeam la-
 torem præsentium nepotem meum securitate commendare. Precor igitur, ut
 benignitas, quæ in altero præcessit, se ad vtrumque extendat, & geminata caritas
 me vobis multipliciter reddat obligatum: & ut cumulado assurgam gaudio, ali-
 quid mihi voluntatis vestræ dilectio vestra remandet, quo mei experimentum
 capiatis amoris. Valete.

EPISTOLA DXXIII.

VENERABILI amico suo & merito honorabili Ric. Priori de Sancto Victore, suis
 G. Prior Ecclesiæ S. Albani salutem, & affectum debite dilectionis. QVIA Fra-
 tris mei M. qui in partibus vestris amore scientiæ peregrinatur, tam singulari gra-
 tia, tam peculiari liberalitatis prærogatiuâ prouentum curastis, gratias habeo di-
 lectioni vestræ: nec quid amoris & obsequij vobis animus meus promittat, muti
 facillè valebunt apices explicare. Sed vtinam eueniat, ut quo vos amplector affe-
 ctu, operis executio viua voce loquatur! Quomodo enim benignitatem, quam
 sibi à vobis collatam memoratus Matheus prædicat, ab eminentia vestra possem
 sperare, à qua prorsus nihil merui? Cerno siquidem planè, quàm amatorium il-
 lud Catonis tenaci memoriæ prudentia vestra commendauerit. Si vis amari, ama.
 Restat igitur, ut quod tam fertili principio inchoastis, talari superuestire velitis
 tunica. Mihi autem etsi recompensandi desit effectus, non deerit tamen affe-
 ctus. Hócque modicum munus non pro munere, sed ad amoris indicium vobis
 transmittito, vicissim postulans ut scriptorum vestrorum mihi rescripto occasione
 inuenta nomina innotent. Ego autem curabo, ut si exemplaria non desint, scien-
 tiæ vestræ thesauro Anglia nostra resplendeat.

Tom. IV.

RR r ij

EPISTOLA DXXIV.

A

VENERABILI Fratri & amico R. Priori de Sancto Victore, Fr. S. humilis Minister Ecclesie Sancti Albani salutem, & debitam sinceram dilectionis obsequium. OPUSCULA Magistri Hugonis, quæ in partibus nostris vndecumque quæsitæ reperire potuimus, summo studio, & exactissima diligentia, sicut tantæ venerationis scripta collegimus, & ex eis plurima in volumina nonnulla redegimus. Quoniam autem ex memorati viri tractatibus aliquot apud vos contineri, quæ in partibus cismarinis aut omninò non sunt, aut adhuc in Anglia nostra rarescunt, comperta relatione didicimus, latori præsentium eorum quæ penes nos habentur notulas compendiosas tradidimus. De vestra nimirum caritate confisi, quòd in opera sibi commissæ in oculis vestræ sinceritatis nostro debeat interuentu gratiæ plenitudinem obtinere. Sanctitatem igitur vestram obnixè rogamus, ac petimus, quatinus memorato præsentium latori tractatus Magistri Hugonis inspiciendi copiam, ob reuerentiam beati Albani & nostræ precis intuitu benignè si placet indulgeatis: & ut eos quos apud nos non haberi compererit, commodius quomodoque exscribi faciat, precamur vti in præsentis negotio vestri consilij simul & auxilij gratia respectus fraternæ caritatis aspires. Valete.

B

EPISTOLA DXXV.

DOMINO R. Dei gratiâ Priori Ecclesie Sancti Victoris, suus M. ad quam potius affectat hilariter ascendere salutem. INTER ea quæ in Domo vestra deposui, sunt duo linteamina, & duo mantilia, quorum vsu nunc extat mihi opus. Quare vestra id benignitas efficiat, ut vtraque à se inuicem discernantur, & alterum linteaminum, quod celatura caret, cum altero quoquo quod recentius est manutegiorum per hunc amicum nostrum Fratrem VValterum mihi transmittatur. Reliqua verò simul posita in custodia vestra sicut prius habeantur, donec ego ad vos veniam. Venerabili amico vestro Priori Sancti Euurtij, & huic præsentium latori Fratri VValtero gratias habeatis, qui pro veneratione vestra plura mihi parati sunt exhibere quàm velim ab eis gratis accipere. Vale perpetuò in CHRISTO IESU Domino nostro. Vbicumque terrarum existam, vester sum, cupiens vestræ voluntati morem gerere, liberalitatique deferuire. Quod res ipsa Deo annuente explicabit, si quando tempus futurum nobis obsequendi vobis mihi locum conciliauerit.

EPISTOLA DXXVI.

DOMINO R. Dei gratiâ Priori Sancti Victoris, suus M. ad quam veritatis via perducit, salutem. SUCCESSVS sui aperit indicia quisquis horum innititur gratiæ, quorum promeruit amicitias. Quorum enim sibi quisque conciliauit affectus ex meritis, eorundem iure, prout honestari tamen congruit, fungitur officiis. Ego itaque non hoc calle in amicitias vestras deductus, qua benignitas in vobis insita mihi præmonstrauit accessus, ad gratiam vestram gratis intraui. Dum enim bonitatis vestræ statum recolo, mihi liquido innotescit liberalitatem vestram, prout decet ac expedit, cunctis patere. Quare, ut excellenti vestræ consuetudini morem suum geram, caritatis vestræ magnificentiam conuenio, quatinus penes vos locum mihi quempiam placidi affectus, piique desiderij, patere concedatis. Super amicitia domini VVal. Prioris Sancti Euurtij, multimodas grates vobis refero. Si quid vobis placuerit, per hunc nuntium meum amico vestro Priori Sancti Albani mandare poteritis. Valete. Si qui amicorum vestrorum manent in locis, per quæ hic puer iter habebit, precor vestra eum ad eos transmittat, ne iniurias ei fieri in via patiantur. Perpetuo valete.

EPISTOLA DXXVII.

DOMINO L. suus M. quam dilectionis affectus transmittit salutem. QUANTA quisquis liberalitate substiterit, animus ipse plenius arguit, ac explicat ef-

A festu. Mentis etenim egregiæ nobilitas præcipuam benignitatem suscitatur, producit & conseruat. Vnde fit, vt ego de bonitate vestra optimè sperans, de liberalitate securus, de morum honestate confidens. Quid autem à vobis mihi potius exhiberi malim nequaquam concipio, quàm vt infra dilectionis vestræ decentem consuetudinem quos libuerit mihi referetis affectus. Istud enim à vobis exorandum huic petitioni meæ extat potissimum. Reliquum verò, vt vestra diligentia Libros meos, quos apud vos deposui, quandoque respiciat, ne longo situ lituram suscipiant. Vale in Christo Iesu.

LYDOVICVS
VII. IV-
NIOR.

EPISTOLA DXXVIII.

VENERABILI amico, & merito honorabili Ric. Priori de Sancto Victore, G. Prior Ecclesiæ Sancti Albani salutem, & debitam dilectionis affectum. QVIA petitiones meas iam pridem curæ vestræ delegatas diligenter prosequi studuistis, præsentem ceteris securus annecto. Precibus igitur meis, vt mos vester permittit, inflectimini, & latorem præsentium Fratrem meum M. suscipiat dilectio vestra meo intuitu commendatum, & in quo necesse habuerit ei vestrum adstipuletur consilium, vt vobis habeam multipliores gratiarum actiones. Munusculum, quod vobis ex parte mea porrigendum transmissi, dignanter vestra dilectio suscipiat, & potius mittentis affectum quàm missi attendite paruitatem. Valete.

EPISTOLA DXXIX.

REVERENDO Domino & Patri in Christo carissimo I. Dei gratiâ sanctæ Romanæ Ecclesiæ Cardinali, Guarinus Ecclesiæ beati Victoris Parisiensis Minister humilis salutem in Domino, & promptum cum deuotione seruitium. PRÆDECESSORI meo de duobus Fratribus ac denuo iterata Epistola idem paruitati meæ vestra mandauit sublimitas, & ipsos quos volebatis vtrisque in Literis etiam subiunctis nominibus, Petrum videlicet Petragoricum, & Hugonem de Sancto Germano, specialiter designastis: quorum alter Deo vocante transiit, reliquus verò sine spe euadendi morbo incurabili infirmatur. Cùm autem morte & languoris præpediente molestia, eorum posset neuter destinari, quid agerem nescius, Dominos Senonensem ac Bituricensem, aliósque prudentes ac Religiosos viros conueni, quid super hoc mihi faciendum consulerent: laudaueruntque, ex quo in vtraque Epistola eligendo pro voluntate alterius nihil reliqueratis arbitrio, alios non esse tutum dirigere, ne fortè onerosi magis quàm grati essent, si non eos quos volebatis misissem, sed alios. Ob hoc etiam mittere differendum consuluerunt, vt comperta vobis multiplici Ecclesiæ necessitate, compassionis visceribus parcendo ei vestra pietas condescendat. Viri quippe religiosi, quorum quondam religione & prouidentia regebatur Ecclesia, maximæque iam obierunt ex parte, paucique surrexerunt post eos. Domus perturbationibus fatigata, oppressa debitis, bonisque temporalibus nuda. Etsi inter tot curarum angustias eos paucos qui mihi remanserunt, qui me adiuuando supportare debent, cogor dimittere, & oculos, qui mihi Religionis & disciplinæ debent viam monstrare, perdidero de facili: profectò errare contingeret, nec solus potero onus & prouidentiam Domus portare. Tandem humanum dicam. Secreta infirmitatum aperiens, mortem valde & propter Terræ insuetam asperitatem, & aëris qualitatem corruptam Fratres pauescunt, quoniam si nostrates laici cùm illuc vadunt, quive spatiandi, eundi, & redeundi habent libertatem omnimodam, vix vel modicum viuere possunt; isti claustro conclusi quomodo viuere possent? Has causas & occasiones Fratres prætendunt. Vnde & grauissimum duco iniungere, quod si fit, contra voluntatem suscipitur. si enim fit periculosè, valde negatur. Parcat igitur nunc, Domine, infirmitatibus nostris vestræ clementiæ magnitudo, & Ecclesiæ instantes attendite necessitates. Ego enim in quibuscumque potero vestris sum paratus obedire mandatis.

SANCTISSIMO Patri ac Domino A. Dei gratiā vniuersalis Ecclesie summo Pontifici, Garinus Ecclesia beati Victoris Parisiensis Minister humilis salutem in Domino, & subiectionis omnimoda deuotissimum famulatum. EXIGUITATI meæ de voluntate, vt arbitror, domini Iohannis Neapolitani vestra mandauit Sublimitas, quatinus ei duos Canonicos religiosos, & Literas ad ordinem Canonicum in Ecclesia, quam ad hoc ipse instrui fecerat, tenendum & conseruandum destinarem. Prædecessori meo semel super hoc ante iam scripserat, duos etiam subiunctis nominibus, Petrum videlicet Petragoricum, & Hugonem de Sancto Germano, specialiter requirens: quorum alter mortuus, reliquus verò languore infirmatur continuo. Cùm autem dominus Cardinalis vnum esse mortuum didicisset, scripsit mihi denuo, illum qui superuixerat requirens ex nomine, & alium quem secum ipse ducere vellet. Ceterùm ego, cùm nec ille morte interueniente, nec iste infirmitatis molestia obistente, destinari posset, vestro interim suscepto mandato religiosorum ac prudentium virorum consilium requisui, quid mihi indè faciendum consulerent. Laudauerunt sanè, ex quo vtrisque in Literis quos volebat nominatim signans electionis sibi retinuerat arbitrium, nihil super hoc alterius voluntati vel dispositioni relinquere volens, alios non esse tutum dirigere; ne forte onerosi magis quàm grati essent, si non illos quos quærebat misissem, sed alios. Denique illi Religiosi, quorum quondam testimonio religionis nostra magnificabatur Ecclesia, & consilio regebatur, maiori iam obierunt ex parte, paucique surrexerunt post eos. Plures enim venerabiles & literatæ personæ, quæ possent esse Ecclesie profectui & honori, cùm deuotè flagitarent ingressum, nolente vel simulantem prædecessore meo, nobis inuitis repulsæ, Domus quoque perturbationibus fatigata, oppressa debitis, bonis temporalibus nuda, & in spiritualibus aliquantulum læsa. Et si inter tot curarum angustias paucos, quos inueni, qui me adiuuando & consulendo supportare debent, in hac nouitate, maximè cum sim ætate iuuenis, religione iunior, cogor dimittere. Et si oculos qui mihi in via religionis & disciplinæ, consilij & auxilij lumen debent præstare, perdidero, de facili profectò errare continget, nec solus onus & prouidentiam Domus portare potero. Quicquid tamen exindè faciendum decreuerit vestra auctoritas, persequar ego pro viribus. Tandem humanum dicam. Mortem valde & propter Terræ insuetam asperitatem, & aëris qualitatem corruptam, Frâtres pauescunt. Præterea obii-ciunt nos non posse cogere eos ire vbi rigor Ordinis nostri tepidiùs teneatur. Proinde ego grauissimum duco iniungere. quod si sit, contra voluntatem suscipitur, vel si non sit, periculosè valde negatur. Parcat igitur, sancte Pater ac Domine, infirmitatibus nostris, & instanti Ecclesie necessitati, discretionis vestræ modestia.

C

EPISTOLA DXXXI.

AVERTO, carissime, quòd benè viueres, quòd benè valeres, quòd in cunctis prosperè ageres, quòd Deo & hominibus moribus placeres, quòd de me rumores cognata ductus pietate libenter audires, gauisus sum gaudio magno: & cùm mortuus mundo eius absolutus affectibus viuas, hac in parte fateor non me penitus absolui. Verumtamen istud non mundi, sed magis caritatis donum est, quæ pium pectus tuum, sicut de me cognato tuo aliquando sollicitat, sic quoque me pro te cognato meo iam diu piis verberans curis affecit. Quibus, Deo gratias, iam parte liberatus, vnum est quod restat, vt tuam itidem sollicitudinem, si qua pro me est, per latorem præsentium, & præsentem iudicem cartulam exhonerem. Parisius igitur ad aratrum diuinum manu missa, in Domo Dei ac beatissimi Martyris Victoris sub Regula Canonica Sancti Augustini tyrunculus degens, Christo militare decreui: cui seruire regnare est, cuius obtemperare frenis summa libertas est. vbi viuo non iam ego, sed qui habitat in me Christus. vbi mundus mihi crucifixus est, & ego mundo, non quærens ibi quæ mea sunt, sed quæ IESU CHRISTI. & hoc est gloria mea, tam posse quàm velle Deo placere. An adhuc sublimioribus inhias, & maiora de me audire delectat? En intus memoriam consulo, & me

A nihil scire, nihil esse reperio. Sed quid dicam? magnis quasi maiora promisi, & ecce tandem ad nihilum redactus sum, & nesciui. Aut forsitan sic descendisse magis ascendere est, iuxta illud, *Qui se humiliat exaltabitur*. Ille etenim verè humilis est, qui mauult reputari nihil, quàm prædicari humilis. & hoc hætenus. Superest vt flagrantissimi desiderij mei tibi carissimo meo secreta reuelem, quatinus si quomodo sedulitate tua interueniente de sacris gloriosi Christi Martyris Thomæ reliquiis aliquam particulam habere possem, obnoxius attendas. Erit enim mihi thesaurus pretiosus super aurum & thopazion dilectus. Erit mihi in peregrinatione comes & solatium. Erit mihi contra insidiantis inimici tentamenta dulce præsidium, vt me ouiculam suam pius pastor protectionis suæ humeris impositam, gregis sui numero non deesse patiatur. Quòd si desiderium meum complere studueris, & effectui rem mancipaueris, in vale signato, & nuntio fideli aliquo indè huc remeante transmittere festines. Vale.

LYDOVICVS
VII. 17-
N 102.

EPISTOLA DXXXII.

ALEXANDER *Episcopus seruus seruorum Dei, dilecto filio Abbati de Castro-Landonis.* IN VNCTI nobis officij auctoritas nos hortatur, vniuersis Dei fidelibus, & præsertim viris religiosis in iustitia sua diligenter intendere, & eis quæ sua sunt illibata penitus & integra conseruare. Vnde dilectioni tuæ per Apostolica scripta mandamus, quatinus annualia quæ dilecti filij nostri Abbas & Fratres Sancti Victoris Parisiensis in Ecclesia Sancti Saluatoris iam ex longo tempore iustè & canonicè possedisse noscuntur, quietè permittas & pacificè possidere, donec cum eis super his componas. Vel si de iustitia tua confidis, in præsentia electi ab vtraque parte iudicis, vel etiam in auditorio nostro legitima cum eis examinatione contendas.

EPISTOLA DXXXIII.

DOMINO *sup carissimo* LYDOVICO *Francorum Regi, HUGO Suefionensis dictus Episcopus semper suæ salutem, & etiam post mortem dilectionem.* VERA loquor & ante Deum. Postquam veni in seruitium vestrum, à vestra fidelitate scienter nunquam exorbitaui. Adhuc Domino permittente fidelius vobis seruire proposueram. Sed nunc Deo aliter disponente, in extremo vitæ articulo positus has Literas dictaui, post mortem meam tanquam extremum vale vobis mittendas. Siquidem de præsentia vestra lætificatus, quando vos nouissimè vidi, & morbo turbatus, affectum animi mei vobis aperire subitò non poteram, neque rebar vniuersæ carnis viam me tam citò ingressurum. A vestro pauidus consortio & seruitio exiens, vestris & Sanctorum orationibus, quos pro me orare faciat vestra benignitas, animam meam commendo. Pro Clericis autem meis, qui in Curia vestra mihi seruiuerunt, vestræ supplico benignitati. Sed ante omnia Petrum quem nutriui à puero, & præ ceteris generis mei diligebam, & quem semper volui exhibere seruitio vestro, vobis commendo & trado. Non feci ei sicut debui, & nunc mortis inclementia præuentus, ipsi implere non possum quod cogitabam. Sed quoniam de liberalitate vestra penitus confido, grande mihi præstat solatium, quòd eum in manu vestra relinquo. Vale. Id ipsum quod Literis mando, per Abbatem Sancti Victoris vestrum & meum fidelem mando vobis; vt quod ore non potui, per Literas, & per talem nuntium implem. Valete.

EPISTOLA DXXXIV.

VENERABILI *Fratri & amico carissimo, GVIDONI Dei gratiâ Catalanenſi Episcopo, H. v. eadem gratiâ sancta Romana Ecclesia Diaconus Cardinalis salutem, & intima dilectionis affectum.* APOSTOLICÆ Sedis benignitas, quæ speciales filios quadam prærogatiuâ dilectionis consuevit amplecti, dilectum Fratrem nostrum Alexandrum latorem præsentium suum Subdiaconum, Sanctique Victoris Parisiensis Canonicum, virum vtique prudentem & literatum, propriis apicibus ad se reuocat, destinatione & proposito auxiliante Domino ad altiora sublimandi. Nos igitur de amicitia vestra præsumentes, ipsum cum nostris Li-

R R r iij

teris ad vos confidenter dirigimus: rogantes & obsecrantes vt cum nostri contem-
platione benignè recipiatis, & manum auxilij & consilij, siue in bona equitatura,
siue in eius æstimatione liberaliter conferatis. Nos autem quod ei feceritis per-
æquè gratum habebimus & acceptum, ac si personæ nostræ impenderetis.

EPISTOLA DXXXV.

ALXANDER *Episcopus seruum seruorum Dei, dilectis filiis Sancti Germani & Sancti Victoris Abbatibus, Priori quoque ac Subpriori Ecclesia Sancti Victoris, & Odoni quondam Sanctæ Genouefæ Abbati, salutem & Apostolicam benedictionem.* SINGNIFICATVM nobis est, quod cum Guillelmus Sanctæ Genouefæ Canonicus ad præsentiam nostram absque Abbatis & Capituli sui licentia accessisset, eundem ad prædictum Abbatem vt in Capitulo de huiusmodi transgressione humiliter satisfaceret, à nobis transmissum ita vehementer & inhonestè tractauit, quod ipsum vniuersis vestibus exuens & acriter verberans, septem diebus in terra cum canibus cibum sumere fecit. Quoniam verò de viro tam honesto ac religioso aliquid sinistrum non debemus facile credere, nos de vestra honestate plenius confidentes, hoc vestræ discretionis committimus exsequendum: mandantes vt rem ipsam diligentissimè inquiratis, & huius rei veritatem vestris Literis nobis fideliter intimeris. Data Senonis xv. Kal. Sept.

EPISTOLA DXXXVI.

DOMINO & Patri suo carissimo H. Dei gratiâ Sueffion. venerabili Episcopo, *Frater B. suus in Christo carissimus filius, debita subiectionis obsequium.* NOSTIS quod Garnerius familiaris & noster dilectus latam & spatiosam habet parrochiam, cuius officium quia ætas iam non patitur solus explere non præualet. Vestram igitur paternitatem exoratum esse volumus, quatinus hunc latorem præsentium H. sicut dudum vobis verbo suggessimus, & modo scripto supplicamus, ad Ordinem Sacerdotij Dei & nostro amore promoueatis, vt eius ad tempus vices suppleat, de cuius impossibilitate non dubitatis. Quod si prætenditis quod nondum in Ecclesiastico beneficio adtitulatus sit, noueritis quod prædictus Garnerius promittit se cum diligenter procuraturum, donec ei aliquod beneficium pro voluntate vestra dignum prouideatis. Pro hoc ipso prædictus Garnerius vobis in omnibus fidelissimus supplicat, & deuotus vt hoc ipsum fiat nobiscum deposcit, qui in vestris negotiis desudat pro viribus. Valete.

EPISTOLA DXXXVII.

REVERENDO Domino suo H. Dei gratiâ Remensi Archiepiscopo, *H. suus Ecclesia Sueff. dictus Episcopus salutem, & in morte & post mortem etiam dilectionem.* AMANTISSIME Pater & Domine, postquam me nouissimè vidistis, arripuit me grauis ægrotudo, vt mihi iam negetur videre desideratam vestram faciem, & ea vobis eloqui ore quæ nunc per Literas post mortem meam vobis præsentandas necesse fuit dictare. Sperabam me diutius in agro Domini moraturum, & pro viribus meis interna caritate portaturum vestros labores. Sed nunc euocatum ad districti Iudicis præsentiam me vestris orationibus commendo. Migrantis à seculo amici vestri, qui vos semper dilexi, alleuetis in hoc curam, vt Petrum consanguineum meum, vestrum & Ecclesiæ Sueffionensis Canonicum, quem nutriui, & ante alios generis mei diligebam, & cui non feci præuentus sicut cogitabam, diligatis, & contemplatione mei carum & sicut vestrum habeatis. Valete.

EPISTOLA DXXXIII.

DOMINO & Patri suo in Christo carissimo suus T. salutem eternam. LANGVERVNT oculi mei præ inopia, quia elongatus est à me qui consolabatur me, aut est pertransiens, nec reuertens, qui mihi vestri signa deferat, & vos mei memoriam habere innotescat, quem aliquando potioribus non minus dilexistis.

- A** & ut testatur Propheta, cum mulier non possit obliuisci filij uteri sui, permirum est quid vobis filij spiritualis vestri memoriam abstulerit, quem vna salutatione certa non dignamini. Paruitatem scientiæ & religionis in me si paruipendatis, astutum ingenuitatem amoris contempsisse non debueratis. Rememoramini pristinos dies, quibus repugnantiam sustinuistis, & quod veritatem in vobis amplexatus sim, aut quantum vos in veritate dilexerim considerare si libeat, liquidè videbitis. An absens negligitis quæ præsens dilexistis? Absit. Sic enim diligit, cuius animus citius euanesceat. Vas leue, vas vanum, vas futile, vas malè sanum. Semper præsentia vestra mihi vtrique dulcis & amabilis erat, cui securius quo familiarius atque vtilius omnia mea reuelauit. Nunc verò vestra frustratus præsentia, sanctitatis vestræ pedibus prouolurus, rogo atque exoro, quem semel caritatis amplexu suscepistis eiusdem nexibus in finem retineatis: cum magnum coram Deo non censeatur, si exhibetur amico quod impendi iubetur & inimico. Ceterum dilectum dilectorem vestrum patrem meum, qui me in carnem genuit, obnoxè obsecro in Missis & orationibus ad Deum fufis per vos & per quotquot potestis adiuuetis. Iam enim anni spatio euoluto anno dimidio ante nobiscum viuens Canonicus & professus, in die sancto Epiphaniæ post cœnam Conuentus pœnitens multum, & multum deuotus de corpore eductus est, & post eum citò quædam de sororibus meis viro coniuncta, mitis & sine querela. Valete in Domino,
- B** & pro eis rogo ut oretis.

EPISTOLA DXXXIX.

H VGO Dei gratiâ Sueffionensis Episcopus, Canonicis Autissiodorensibus, & VVilhelmo de Dampetra salutem. DOMINVS Papa posuit super dominum Paris. & super nos verbum vestrum, & Ecclesiæ Sancti Germani. Nos autem tam propter negotia domini Papæ, quàm propter negotia Regni, ad diem venire non possumus. Mittimus verò loco nostro Abbatem Sancti Victoris, & mandamus vobis ut tantum pro ipso faciatis, quantum pro nobis faceretis si præsentem essemus. Valete.

EPISTOLA DXL.

D OMINO suo ac desiderabili, & in Christi honore suauissimo, debitisque officiis honorando, H. reuerentissimo de Sancto Victore Canonico, suus Bernerus in Domino salutem, omnèque id quod est. QVAMVIS ab animo meo nullo modo te separatum esse permittat dulce vinculum caritatis, & indefinenter tuos sanctos mores atque dulcia tua colloquia memoriter teneam: omnia tamen præ dulcedine tua & amore tuo apud me pro minimo duxi, eo scilicet quod absque tua præsentia sub locorum remotione degere cogor. Non quia te absentem minus diligam, sed quia dulcius ac carius mihi fore æstimarem, si tecum præsentialiter habitare, aliquantisperque diebus permanere possem. Scio enim, Pater mi, quantum me in Christo diligas, quia & tu scis quantum in illo vicissim à me diligaris. Reddo itaque meritis tuis, & præcurrentibus officiis, debitum resalutationis tuæ obsequium, incolumitatem tuam gaudens nuntiatam, optansque continuam, & quod rescripto exiguitatis meæ iure prærogatæ beniuolentiæ dudum reposcendo frequenter adij, dicens modo si id de tanta sanctitate tua valeam consequi. Nullomodo enim audeo desperare de bonitate Dei, & Domus eius, quia scio illum qui dixit, *Petite & accipietis*, abundanter tribuere omnibus petentibus eum in veritate. Dignare ergo, Domine mi, definitiuè rescribere, & non suspensè. Quod si indubitanter rescripseris, ego quippe maiorem suspensionem incidere possum, quàm prius interrogassem. Incolumem feliciorèmq; te Deus omnipotens tueatur, & ad certum locum cum Regno eius aduenerit perducatur IESVS CHRISTVS Dominus noster, Amen. Vale.

EPISTOLA DXLI.

F RATRI A. suus O. salutem. SICUT ex fructu & folio, cuius naturæ vel utilitatis sit arbor cognoscitur: sic ex operibus & verbis tuæ dilectionis tam

LYDOVICVS
VII. IV.
NIOR.

præfens quàm absens, quantus esset affectus tuus in me didici. Scias, carissime, A quoniam ex quo à vobis recessi, multos labores pro saluanda auctoritate nostri Conuentus incurri: & diu sunt mansuri, nisi Deus, cui soli possibile est, cor, manum, & linguam nostri Abbatis, qui contra omnes molitur, operatur, & loquitur, sua dignatione immutauerit. Rogo igitur tuam caritatem, vt & tu roges O. Abbatem, & R. Priorem, H. Longobardum, & H. de Cercele, Magistrum C. & ceteros amicos nostros, ex nostra parte, quatinus eum, cùm ad vos venerit, moneant, arguant, & corripiant. Si enim in alium virum commutatus non fuerit, nec nobis utilis erit, nec famam sanctitatis Ecclesiæ beati Victoris in partibus conseruabit nostris. Hoc munus Domini non quantum, sed ex quanto considerans, per præsentem latorem suscipe, vt per signa signatam habeas memoriam mei in oculo & mente. De cetero quare à Rainero Sacrista, quando potero habere tabulas quas mihi petenti promisit: & pretium ipsarum, prout voluerit & mandauerit, mittam. Vale, vt & ego valeam.

EPISTOLA DXLII.

GVILLELMVS *Dei gratiâ tituli Sancti Petri ad Vincula Presbyter Cardinalis, venerabili sorori suæ in Christo eadem gratiâ Sanctæ Mariæ Sueßionensis Abbatissæ salutem perpetuam.* PROPOSITI nostri est honori vestro, & Ecclesiæ, cui ministratis, profectibus, prompto & amicali fauore semper velle cooperari. Hinc est quodd de caritate vestra indubitata obtinentes fiduciam, secunda vos ammonitione rogamus, quatinus dilecto filio nostro S. sanctæ Romanæ Ecclesiæ Subdiacono singulis mensibus vsque ad annum in v. solidis nostri amoris obtentu providere curetis: vt nos exinde liberalitati vestræ vberiores grates exoluere teneamur, & petitiones vestras exauditione complere reciproca.

EPISTOLA DXLIII.

VENERABILI Domino & cognato suo Roberto Monacho de Riuvall. *Simon dictus Magister Legrecestria, sum Clericus & cognatus, vt ignotus ignoto piorum operum debito premio prosperari.* DE nostra cognatione multum congratulor, quæ me vobis efficit obnoxium, & magis de liberalitate vestra, quæ nobis prius exhibita me vobis promittit obnoxiozem, & eo ampliùs, quoniam hanc eandem modestiam incrementum esse accepturam, piè sperare non hæsito. Quoniam igitur nostræ cog. * *.

NOTVM sit reuerentiæ vestræ nos transcripta nostrorum negotiorum H. iniunxisse. Verumtamen quoniam plurimum penes eum vestra præualeat auctoritas, quo magis deuotus circa suscepta satagat negotia, pietati vestræ non sit onerosum exorare. Incolumitatem autem vestram scripto, vel quo placuerit modo, innuite. O

EPISTOLA DXLIV.

HVGO *Dei gratiâ Dunelmensis Episcopus, omnibus sanctæ matris Ecclesiæ filiis salutem.* BENIGNITATIS vestræ excellentiæ notificetur, hunc Clericum nomine A. Spiritus sancti gratia, ac nostrarum manuum impositione, ad Sacerdotij gradus canonicè esse promotum, nostræque licentia à nobis esse remotum. Vale.

EPISTOLA DXLV.

MAGISTRO Gereberto, *Nicolaus vt vocem sic animum modulari.* ME quia negligentem arguis, quodd tibi esse meum non scripserim, cùm satis scias cuiusmodi sit discipulorum status, iustiùs ego te quasi non fidum arguero, cùm contra id quod pollicitus es tamdiu mei immemor extiteris. Indè etiam est, quodd timeo ne velut & initialiter radicata amicitia nostra aliquatenus penes te deciderit, & maximè pro locorum distantia, quæ amantium animos per obliuionis incidentiam alterare solet, quodd tamen neuter nostrum sentiat, sed quæ non nisi ornotina est, vt diuturna sit amicitia laboremus, & nobis idem sit vitæ & amicitie termi-

A nus. Maximè desidero audire quòd in Ecclesia nostra retentus sis. Si vales, bene est, & ego valeo.

LYDOVICVS
VII. IV-
NIOR.

EPISTOLA DXLVI.

SPECIALI Domino & unico Alexio venerabili Dei gratiâ sancta Romana Ecclesia Subdiacono, Guillelmus de Fuerna Clericorum suorum minimus ad omnia suis, cum omni reverentia & subiectione seipsum ad pedes. **D**VM in vestram liberalitatem, carissime Domine, benignitas vestra meam dignata sit assumere paruitatem, sub breui & incompta verborum nuditate quod affecto vobis aperio. Audiens itaque dominos Legatos Cenomannis esse, & vos, Domine, cum eis fore credens, ad eos veni, & totum negotium Episcopi Xanct. & Cantoris, ceterorumque Xanct. Clericorum, & vniuersæ Xanct. Ecclesiæ; si ibi præsentés adfuerunt, per nos ad optatum finem perducere credidi. Sic enim cum eis fueram locutus, & adhuc sum in eodem. & hoc reuera scio, quòd per vos post Deum & ipsi & prædicta Ecclesia pacem & concordiam ad plenum possunt habere. Secundum quoque consilium vestrum omnibus modis sunt parati stare. Cum igitur & secundum Deum & secundum homines ad honorem vestrum hoc fieri credam, vestram sanctitatem, de qua licet immeritò admodum confido, genibus flexis suppliciter exoro, quatinus aduentum vestrum, quem habetis facere ad dominos Legatos, horum causa negotiorum tractus, si placet festinetis: ut & Deus in hoc plurimum honoretur, & Ecclesia Dei pacem ac veram concordiam consequatur, & sanctitas vestra inter homines non immeritò de commendabili commendabilior videatur. Nec vos lateat, Domine, latorem præsentium Magistrum I. nominis vestri famam incessanter extollere, & ad honorem vestrum ubique fideliter inhiare. Vestra denique pietas mihi seruo vestro per eundem I. quod placuerit aperire dignetur. Vale semper, Domine, quantum volo & desidero.

EPISTOLA DXLVII.

VENERABILI Domino & amico G. Priori, Frater IORDANVS sic præfesse, ut valeat pluribus prodesse. Ex quo vos primitus cognoui, amore integro semper dilexi. licet hoc non valui sicut volui vobis ostendere. Ostenderem sanè, si exhibere posset exterior facultas, quæ vobis exoptat interior voluntas. Certior nempe probatio dilectionis operum exhibitio, quàm verborum promissio. Verbis namque dilectionem promittere sciunt plurimi, operibus autem hanc ostendere cum necessitas exegerit, multi aut nolunt, aut nesciunt. Absit, absit hoc à veris amicis, ad quos pertinet amicis obsequendi occasionem querere, seque beneficiis inuicem præuenire. Hæc est lex veræ amicitie, quæ maximum sibi lucrum ducit, cum gratum amico impenderit beneficium. Talis amicitia me prius vobis corde, postmodum corpore sociavit. per quem & pro quo Leger. veni, ibique Religionis habitum assumpsi. Illic enim elegeratis humilis in Domo Domini conuersari. Sed placuit ei, qui nos inuitavit, dicere: *Amice, ascende superius.* Nunc autem rogo, ne sit veridicum de vobis illud vulgare prouerbum, Honores mutant mores. quin potius experiar fiduciam in Prælato, quam habui olim in subiecto. Culmen siquidem dignitatis est liberalis materia bonitatis, quatinus cordis liberalitatem demonstret Prælatus, quam non valuit dum fuit subiectus. Quia verò præsentiam meam seruitio vestro exhibere non valeo, hunc puerum nepotem meum vobis ad seruiendum transmittito: ea fiduciâ, qua de vobis confido, deprecans, ut pro amore meo ipsum vobis retineatis, donec colloquamur. Equos vestros custodiat, herbas colligat, vobiscum in itineribus currat. Rogo ne causemini ceterorum seruientium copiam, vel segetis inopiam, ut in hac petitione patiar repulsam. Valere.

EPISTOLA DXLVIII.

DOMINO & Patri O. seruus & filius eius An. seipsum ad pedes. **A** FEBRIBVS Beneuentanis, quæ aut citissimè interficiunt, aut aded molestant, ut

LYDOVICVS
VII. IV-
NIOR.

vexationis earum respectu sit remedium mors, tunc paululum respiraueram, cum A
Cartulæ huius portitores paternitatis vestræ mihi Literas tradiderunt. Auditó-
que quodd mitteretis eas, vt potui citius assurrexi reuerendo mihi semper & me-
morabili nomini vestro, & optanti me benè valere spiritu inclinaui. Sed ad no-
men exulis ingemui tantum quantum exultaueram, quodd filium me vocasset, &
salutem dixisset os sanctum. Exulo reuera, grates (in aure vobis Domino & Patri
meo loquor) auaritiæ, qui consilium parui pendens, & fortassis irridens, præposuit
argentum suum honori suo: cera sua dominos Cardinales, sicut postea irridendo
mihi obiecerunt, pascere se posse existimans. Vnde & Curiam vniuersam in tan-
tum aduersus eum irritatam esse sciatis, vt vel nomen eius audire ægrè sustineat:
& vnum dixisse de maioribus, prius se ducentas marcas expensurum, quam eum, si
præstare voluerint aduersarij eius, non confundat. Audiui hoc, & dolui, & qui-
dem eo magis, quodd ad ampliores videbam inimicitias eius illum conuersum, quem
multa ei persuasione amicissimum feceram. Plura loquerer, & conquererer acrius
de vobis apud vos ipsum, si insperata latorum præsentium festinantia non me co-
arctasset, & vires mihi sufficerent ad scribendum. Sed nondum longius abierant
febres. Confirmationem priuilegij de Scala cum maxima impetratam difficulta-
te, per Magistrum Herbertum nouum Ecclesiæ Meldensis Archidiaconum vobis
misi. Fratrem Andream, quem viriliter in seruitio sanctitatis vestræ perseuerare
desidero, affectu meo, obsequio vestro salutate. Tirocinium neptis meæ sanctis B
exhortationibus & consolationibus vestris confirmari exopto.

EPISTOLA DXLIX.

H *Dei gratiâ Suefionensi Episcopo Regis Cancellario, I. dictus Abbas Sancti Me-*
dardi salutem & dilectionem. PRÆSENTIVM lator C. homo noster &
parrochianus vester uxorem habet valde impudicam. Quæ dum Cruce sibi assum-
pta cum illo Hierosolymam proficisci deberet, ablata secum pecuniâ, quam in
itinere deferre debebant, cum quodam lenone aufugit, & vsque hodie malè vi-
uens cum eo permansit. Hæc & alia deteriora de ea dicuntur, quæ secundum re-
ferentium, & eorum qui se pro certo scire dicunt narrationem, vera esse non du-
bitamus. Rogamus dilectionem vestram, quodd secundum sapientiam vobis à Deo
donatam tale huic pro Dei amore & nostro consilium detis, ne in desperationem
cadens fornicari, vel deterius agere cogatur. Valete.

EPISTOLA DL.

R *EVERENDO Patri & Domino H. Dei gratiâ Sueff. Episcopo, R. Remensis Ec-*
clesiæ Canonicus salutem. GERARDVS de Vernuil parrochianus vester, se- C
mel & secundò, & tandem à nobis peremptoriè, propter querelam Ecclesiæ Sancti
Martini Laudunensis, citatus, & venire, & procuratorem pro se destinare con-
tempnit. Proindè paternitati vestræ auctoritate domini Archiepiscopi mandamus,
quatinus cum pro excommunicato domini Archiepiscopi haberi, atque artius
euitari vsque ad condignam satisfactionem faciatis.

EPISTOLA DLI.

H *ER. Dei gratiâ venerabili Abbati Sancti Victoris Parisiensis, Fr. Petrus Sancti*
Grisogoni domini Papæ Capellanus salutem, & intima deuotionis affectum. P R-
TITIONES tuas, & precum oblationes, quas mihi pro amicorum leuamine por-
rigere dignaris, tantò libentius effectui mancipare studeo, quantò arctius caritatis
affectu rux personæ adhæreo. Quodd in Fratris Roberti de Bristo negotio, & alio-
rum noscere vales. Cui tum pro amore tuo, tum debito fraternitatis, & auunculi
sui, duas marcas argenti vel circa accommodaui, quas me teste pro negotio suæ
Ecclesiæ expendit. Rogo igitur dilectionem tuam, vt tuis hoc Literis Abbati no-
tifies, vt super hoc facto sic se habeat, quatinus libentius si oportunum fuerit ali-
cui de Ordine nostro auxilium ex corde impendam. Ex hoc testes habeo domi-
num

A num Albanensem, & Rogerum Clericum eius, Ingonem Capellanum domini Papæ, & Iohannem seruientem nostrum, quem bene nostis.

LYDOVICVS
VII. IV.
NOR.

EPISTOLA DLII.

H *Remensis dictus Archiepiscopus, venerabili Fratri H. Sueffionensi Episcopo salutem & dilectionem.* NECESSARIUM habentes loqui vobiscum super quibusdam negotiis ad Ecclesiam nostram & personam pertinentibus, mandamus fraternitati vestræ, & mandando præcipimus, quatinus remota omni occasione occurratis nobis apud Beluacum instanti Sabbato post festum Sancti Iohannis Baptistæ: ut sequenti Dominica valeamus de negotiis nostris tractare, & vos secundum debitum professionis vestræ & adesse, & coadiutor existere curetis. Præpositos etiam, & Archidiaconos, & Decanos, & Abbates Episcopatus vestri ex mandato nostro & vestro iubeatis interesse.

EPISTOLA DLIII.

D *ILECTO suo Domino R. Priori de Sancto Victore, Fr. VV. dictus Prior Vrsicampi salutem in Domino.* LIBELLUM vestrum, quem remitti vobis mandastis, ego ipse reportavi in Quadragesima. Sed quoniam tunc non eratis apud Sanctum Victorem, Fratri Hugoni Hospitali vestro illum commendaui, insinuans ei ut vobis eum redderet. Rogamus autem ut aliquod opusculum vestrum nobis mittatis, quod nec dum habuimus, scilicet de somno Nabugodonosor, vel, *Illumina faciem tuam super seruos tuos.* Nam & hoc scribere incœperamus, sed in exemplari vestro imperfectum reperimus. Valete.

EPISTOLA DLIV.

D *ILECTO suo, dilectorumque dilecto dulcissimo, cuius proprium præ dilectione nomen taceo, quod vel plus quam ipse sibi.* NON immerito, dulcissime, vestram, de qua tantum confidebam, dilectionem, non modò repuisse, sed penitus defecisse pertimesco: cum iam vnius euoluto anni circulo sub spe promissionis vestræ Epistolæ oculi suspecti teneantur, nihilque se recepisse lætentur. Per quam utique, & de desiderabili conuersatione vestra, & de statu fratris mei, & sororum mearum, siue de morte certificari sperabam. Sed cur, dilectissime, à dilectore vestro vehementes atque inextinguibiles in suo vestri amoris gestante pectore, flammæ vestræ dilectionis oculi recessere? Certè etsi multa intersint terrarum spatia, multaque temporum transierint intervalia, semper mihi præsens, semper recens, semper apud me vestra manet noua dilectio, & semper manebit integra, & nulla vnquam poterit adesse animi mutabilitas. Diligentem diligenti tantum quæso. De collatis autem beneficiis, quoniam recompensare non valeo, mentionem facere non audeo. sed flexis genibus manusque extendens, magnum remuneratorem ut vobis retribuere dignetur inuoco.

EPISTOLA DLV.

C *ARISSIMO Patri ac spiritali Domino IACOBO Dei gratiâ sanctæ Romanæ Ecclesiæ Cardinali Diacono, suus Alexius in Domino salutem, & seipsum ad pedes.* SANE probatio dilectionis exhibitio est operis. Quanta siquidem illius venerabilis notæque religionis, Domini videlicet Abbatis Sancti Germani, in vobis sit exuberantia dilectionis, iam ex ipsa rei exhibitione sanctitati vestræ ut reor plurima ex parte innotuit. Ipse enim Boboni vestro, & socio eius & seruienti, quanta in victu prouideat sollicitudine, quàm honestè & abundanter audistis, Vestes lineas iam tribuit, alias quoque circa festiuitatem Sancti Remigij vnà mecum emere, & ei dare disposuit. Et si qua restant alia, promptissima voluntate perficere promisit. Verùm, quoniam non est nostrum nosse temporum qualitates, potest enim ita tempus mutari ut viginti solidi, quos modò per mensem tri-

LVDOVICVS
VII. IV-
NIOR.

buit, vel etiam triginta non sufficiant: ne fortè iam dictus Abbas vester fidelis gra- A
uetur amicus, vt dominum Simonem Sancti Dionysij, quatinus ei prouideat in
hospitio, paternitati vestræ his significare decreui. Illud namque quod modò ha-
bet, vsque ad modicum est perditurus.

EPISTOLA DLVI.

ALEXANDER Episcopus seruus seruorum Dei, dilectis filiis Decano & Capitulo
Parisiensi salutem & Apostolicam benedictionem. QVANTVM venerabili Fra-
tri nostro Meldenſi in precibus & petitionibus suis teneamur deferre, seruior de-
uotionis, & integritas fidei, quam circa nos & Ecclesiam, sicut verus iustitiæ cul-
tor, & præcipuum membrum ipsius Ecclesiæ, gerit, certis indiciis demonstratur.
Quapropter vos labores graues, & multa discrimina viarum, quæ iam dictus Epi-
scopus in veniendo ad nos pro incremento & exaltatione Ecclesiæ noscitur per-
tulisse, diligentius attendentes, nihil ei ad præsens, quod pro aliquo Fratrum no-
strorum faceremus, duximus denegare. Indè siquidem est, quòd nos precibus
carissimi in Christo filij nostri illustris Francorum Regis, Reginæ quoque, & alia-
rum magnarum personarum inducti, necnon & præfati Episcopi laboribus sicut
duximus, & sincerissimæ deuotionis intuitu inclinati, pro dilecto filio nostro Phi-
lippo eiusdem Episcopi nepote, concanonico vestro, vniuersitatem vestram per B
Apostolica scripta monemus, mandamus, atque præcipimus, quatinus remoto
appellationis obstaculo inuestiatis, & eam sibi oportunitate suscepta concedere &
assignare curetis. Ita quòd nos exinde affectioni vestræ debeamus gratias vberes
agere, & Episcopus præfatus ad honorem & incrementum debeat propter hoc
feruentius anhelare. Datum Beneuenti XII. Kal. Aug.

EPISTOLA DLVII.

VENERABILI & dilecto Patri G. Abbati Cænoby Sancti Victoris, Fr. Gil-
duinus Fontis Iohannis Abbas cum obsequio salutem. DILECTIONI vestræ
& Fratrum vestrorum iuxta possibilitatem nostram obsequi voluntarij sumus. An-
nona verò, quam vobis exposcitis commodari, magna ex parte imparata est, sci-
licet à paleis non excussa. Proindè prouideat caritas vestra, vt apud grangiam
nostram, quæ apud Moretum est, feria quinta post festum Sancti Iacobi nuntium
vestrum præsentem inueniamus. Non autem mittatur nauis, donec præuenerit
nuntius vester, qui nobiscum annonam videat, & quantum sine grauamine Do-
mus nostræ potuerimus libentissimè commodabimus. Valere.

EPISTOLA DLVIII.

LVDOVICVS Dei gratiâ Rex Francorum, & Dux Aquitanorum, H. fratri suo,
& St. & Al. Arch. salutem & gratiam suam. NEGOTIVM, quod, si præ-
sentes essemus, per nos ipsos vobiscum libentius ageremus, vobis sicut amicis agen-
dum committimus. Super Ecclesia Sancti Martini de Campellis, vt Canonici
Sancti Victoris ad Religionem tribuatur, voluntatem nostram & consensum Epi-
scopo Parisiensi & toti Capitulo beatæ Mariæ per Literas nostras insinuauimus, &
vt ipsi hoc ipsum velint & concedant, obnixè rogauimus. Vos itaque plurimùm
rogamus, vt & nos pro Dei amore & nostro hoc ipsum velitis & concedatis: ac de-
inde apud ceteros Canonicos, vt & ipsi hoc velint, pro nobis agatis, atque ab eis
consensum eorum vestra industria & instantia eliciatis. Valere.

EPISTOLA DLIX.

DOMINO Beluacensi, G. beati Victoris Parisiensis dictus Abbas in summo Pa-
store gloriari, & ipsius dignè vestigia imitari. PRESBYTER iste præsen-
tium lator habebat quemdam fratrem, qui intestatus mortuus est, excepto quòd
vnum equum Canonicis Regularibus Sancti Quintini, in quòrum terra habitabat,
vt nobis dictum est, dereliquit. Expectabat enim hunc fratrem suum, sed ante-

A quam iste adueniret, ille decessit. Venerunt autem prædicti Canonici, & tulerunt defuncti corpus, ipsum apud se sepelientes, & quæ habere videbatur secum pariter auferentes. Vnde vos mediante paruitate nostra rogat iste, ut ei iustitiam faciatis, & quæ fratris sui fuerunt restitui iubeatis.

LVDOVICVS
VII. IV.
NOR.

EPISTOLA DLX.

DILECTORVM dilectissimo suo T. suus P. illo frui bono, quod omnium bonorum congregatione constat esse perfectum. GRATIAS ago omnipotenti Deo, & vobis, Frater carissime. Fama est enim vos in lege Dei & mandatis eius, in quibus custodiendis retributio multa, nocte & die promeditari, vestramque bonitatem plus secundum conscientiarum veritatem quam populi rumorem metiri. Vos quidem, dilectissime mi, fallax fortunæ affluentia, hominem usque ad exitium trahens, à cognitione perfectæ bonitatis, Deo gratias, non abducit. Vos conatu maximo vix & eluctabili terminabilem gloriam pro interminabilis adeptione impugnantem, statum pulchro & indissolubili omnium bonorum vallo munitum iuvat adipisci. Nos indissolubilis amicitiarum copula victos inuida fortuna separat. Verumtamen natura benignior admirabile remedium contulit. Licet enim corporali præsentia satis malignè absistamus, mentibus tamen humanis feliciter habitamus. Confidentes igitur de dilectione vestra, summa precum instantia vos precor, quatinus de annali Præbendæ meæ, quam dedit mihi dominus meus I. de Cathena, Abbatem vestrum & dominum Hugonem amicum vestrum exoretis. Arnulfus siquidem Præpositus noster prout mihi significauit fecit finem Abbati vestro ad quatuor libras, si prædictus Hugo concedat. Hoc agendum, ut nobis relatum est, satis in manu vestra erit. Memor igitur veteris amicitiarum, quæ semper apud me noua est, officiosa sedulitate quod prædixi operemini. Valete.

EPISTOLA DLXI.

LVDOVICVS Dei gratiâ Francorum Rex, amico suo E. illustri Abbati Sancti Victoris salutem. COGNITVM est nos habere ius nostrum in causa aduersus homines Ampumuillæ, de quorum numero quinque nobis rectum fecerunt. Vnde mandamus vobis, ut Fortunam, sicut inuenta fuit, infra xv. dies nos habere faciatis, & homines vestros qui affuerunt nobis ad iustitiam habeatis à die Mercurij ad octo dies. Quod si non feceritis, ad villam ipsam hac de causa nos conuertemus. Si enim aliqui effregissent domum nostram, etsi non haberent pecuniam sublatam, totum tamen reddere tenerentur, & nos volumus quod homines vestri de effossa Fortuna nobis satisfaciant.

EPISTOLA DLXII.

O Dei gratiâ sanctæ Romanæ Ecclesiæ Diaconus Cardinalis, dilectæ sorori Abbatissæ Sanctæ Mariæ Suefionensis salutem. PROSPERA & læta de persona vestra desiderantes audire, significamus vobis nos sanos & incolumes, Domino faciente, consistere; & ad seruitium vestrum & Ecclesiæ vestræ promptos & paratos esse. Vnde pro vestris & amicorum vestrorum oportunitatibus ad nos securè mittatis, quia quod vobis commodum & gratum esse nouerimus nos libentissimè faciemus. Præterea pro quodam Clerico Romano nomine Sasson. nepote felicis memoriæ domini Papæ Anastasij, qui Parisius in scholis moratur, dilectionem vestram rogamus attentius, quatinus ipsum amore nostri commendatum habeatis, ut tam ipse quam parentes sui oportuno tempore ad vestrum seruitium prompti existant, & nos grates debeamus vobis plurimas exhibere. Si quod sibi beneficium exhibueritis, sciatis quia & de Curia, cuius Clericus est, & de nobis, & aliis amicis suis, poterit vobis dignè recompensatio exhiberi.

EPISTOLA DLXIII.

G Dei gratiā Anilcurtensis Ecclesie Presbyter, dilecto Fratri suo R. venerabili Priori Ecclesie beati Victoris Parisiensis salutem. MANDAMVS atque rogamus dilectionem vestram, quatinus vel Passionem beati Victoris, quæ apud nos non inuenitur, vel nouem saltem Lectiones de ipsa Passione transcriptas per præsentium latorem nobis mittatis. Scribimus enim quemdam Librum, quem Breuiarium vocant, cui eas inferere dignum ducimus. Valere.

EPISTOLA DLXIV.

CARISSIMO suo R. reuerenda Priori Sancti Victoris, humilis Frater G. salutem eandem quam sibi. SI iter prosperum à nobis ad propria habuistis, si gratiam in conspectu Regis inuenistis, si recte ac prosperè apud domnum Abbatem agitur, si Abbatem Sancti Germani super negotio nostro conuenistis: per præsentium latorem Literis vestris nobis significare non grauetur dilectio vestra. Salutate nobis domnum Abbatem, qui humilitatem nostram non solum ad obsequendum, sed & ad obediendum in quibus sibi placuerit, promptam inueniet. Salutate nobis dominum R. Abbatem Aug. carissimum nostrum.

B

EPISTOLA DLXV.

PETRVS Dei gratiā Aniciensis Episcopus, omnibus Ecclesie fidelibus in perpetuum. SOLLICITVDINIS ac prouidentie pastoralis esse debet, ea quæ ad honorem Dei & Religionis augmentum spectant specialiter diligere, & si qua negligentius aguntur à subditis in melius reformare. Eapropter Ecclesiam de Doa, in qua disciplina regularis & Canonicus Ordo penè deperierat, ad petitionem carissimi Fratris & amici nostri Magistri Stephani Abbatis Ecclesie Sancti Euurtij Aurelianensis donauimus & concessimus: ut in ea regularis Ordo per institutionem prædicti Abbatis & successoris eius secundum approbatas consuetudines Ecclesie suæ deinceps obseruetur, & honor Dei, & sanctæ ipsius Ecclesie per regulariter ibi seruientes Canonicos successu temporum perfectius augeatur. Huic donationi nostræ interfuerunt, & id ipsum fieri postulauerunt Canonici Aniciensis Ecclesie, Odo Caprarius Sacrista, Petrus Gualteri Thesaurarius, Mauritius, Stephanus Saunerijs. Quod ut ratum & firmum permaneat, ad perpetuam memoriam præsentem Cartulam fecimus conscribi, & sigillo nostro confirmari.

EPISTOLA DLXVI.

C

IN nomine sanctæ & indiuiduæ Trinitatis, Amen. Ego LVDOVICVS Dei gratiā Francorum Rex. Quoniam plurimi meditantes dolum omninò vigilant ad rapiendum, expedit & præcipuè Religiosis, ut in pactis eorum intercedat conscientia Principum ad sopiendum iurgia malignantium. Notum itaque facimus omnibus, futuris scilicet & præsentibus, quod ante nos multis adstantibus Hugo Malapunctura cognouit medietatem trium partium decimæ maioris & minutz de Villaribus vsque ad quatuor annos se inuadiasse Ecclesie Sancti Victoris pro mille solidis per manum Fratris Alardi. Quod etiam laudauit Guido Sagitta frater Hugonis, & tali tenore stat vadium, quod non disquadiabunt illud, nisi ad suum retinere, & quod de manu sua decimam non eiciant. Cognouerunt etiam prænominati Hugo & Guido, quod Nicolaus sororgius suus aliam medietatem trium partium prædictæ decimæ, & vnum hospitem, pro mille solidis Ecclesie Sancti Victoris inuadiauerat eodem per omnia tenore conuentionis, assentiente vxore sua Emelina. Et nos pro immobili firmitate vadium sicut est ante nos recordatum scribi, & sigillo nostro fecimus consignari. Actum publicè Mileduni 1169. anno ab Incarnatione Domini MC LXX. astantibus in Palatio nostro, quorum apposita sunt nomina & signa. S. Comitis Teobaldi Dapiferi nostri. S. Gui-

A donis Buticularij. S. Mathæi Camerarij. S. Radulphi Constabularij. Data per
manum Hugonis Cancellarij.

LVDOVICVS
VII. IV.
MOR.

EPISTOLA DLXVII.

QUONIAM plerique peruersi animi ad decipiendum maximè intendunt, nostri officij est res in præsentia nostra benè gestas pro bono pacis ad notitiam posterorum memoriz tradere, & scripto confirmare. Ego igitur Mauritius Parisiensis Episcopus. Notum facimus præsentibus pariter & futuris, quod Ferricus de Gentiliaco quemdam censum, quem apud Sanctum Marcellum & apud Iuriacum Ecclesia beati Victoris pariter de dono Fratris Ferrici eiusdem Ecclesie Canonici diu in pace tenuerat, de feodo suo & antecessorum suorum eundem censum esse dicens, saisuit. Ecclesia verò beati Victoris erga prædictum Ferricum super hoc querimoniam mouit, & coram iustitia nostra placitauit. Tandem consilio prudentium virorum habito, iam dicta Ecclesia ad confirmationem pacis supra nominato Ferrico quatuor libras denariorum donauit, & ipse præscriptum censum sæpè memoratæ Ecclesie quietum clamauit, & quicquid proprii iuris in eodem censu se habere dicebat, eidem Ecclesie in præsentia nostra in pace perhenniter possidendum concessit, & iustam inde se garantiam laturum promisit. Quod etiam concessit & laudauit Ansellus de Brunco sæpèdicti Ferrici frater, videntibus & audientibus qui nobiscum aderant, quorum supposita sunt nomina & signa. S. Domni Ascelini Decani Sancti Marcelli. S. Simonis de Sancto Dionysio. S. Gauterij Capellani nostri. Signum Magistri Mainerij. S. Marcelli Clerici nostri. S. Terberti de Monte-Leterici. S. Petri de Monterello. S. Philippi de Athiis. S. Hugonis Mercatoris. S. Drogonis Carnificis. Quod ne subrepens obliuio deleat, aut emergens calumnia contradicat, scripto mandari præcepimus, & præsentem paginam sigilli nostri auctoritate roborauimus. Actum publicè Parisius anno incarnati Verbi MCLXXI. 1171. Episcopatus verò nostri anno vndecimo.

EPISTOLA DLXVIII.

GENOBII Sancti Victoris dictus Abbas cum Fratribus suis, omnibus fidelibus tam posteris quàm presentibus in perpetuum. OMNIUM bonorum, & maximè Religiosorum, proprium est, totius sanctitatis & Religionis propagationi & prospectui congaudere. Gaudium hoc nostris, Deo dante, temporibus in mutatione Ecclesie beati Petri de Monte Letherico piis desideriis oblatum est & donatum. Siquidem ipsa Ecclesia per Dei gratiam, & piissimi LVDOVICI Francorum Regis voluntate, consilio, & assensu, de seculari statu in Religionis statum promota est, & ad hoc seruis Dei Monachis scilicet de Longoponte assignata est perpetuè & donata. Nos itaque qui in prædicta Sancti Petri Ecclesia Præbendam vnā integram, & aliarum Præbendarum annualia habemus, mutationem illam in melius volumus & approbamus, & per manum domini nostri Theobaldi Parisiensis Episcopi, supradictam Præbendam & annualia Ecclesie de Longoponte in perpetuum habenda concedimus. Ne autem Ecclesia nostra pro illius Ecclesie mutatione, & nostra beniuola concessione, reddituum suorum diminutione nimia grauaretur, consulente, mediante, imò faciente prædicto Parisiensi Episcopo, in cuius arbitrio & potestate vtriusque partis assensu totum hoc consistebat negotium, Monachi de Longoponte nobis recompensationem vicariam reddiderunt, & de rebus Ecclesie suæ & de rebus Sancti Petri ea quæ subscripta sunt Ecclesie nostræ communi assensu perpetuo concedenda dederunt. Apud Athegias terras, vineas, decimam, & quicquid omninò Ecclesia de Longoponte ibidem habebat. Apud eandem villam duos solidos census, quos prædicta Ecclesia Sancti Petri ibidem habebat. Apud villam Monteclein medietatem maioris & minoris decimæ, quam ibidem Ecclesia de Longoponte habebat. Hæc omnia sicut dictum est Ecclesia de Longoponte Ecclesie nostræ liberè & quietè semper habenda donauit, & donum scripto commendans sigilli sui impressione firmavit. Vt autem mutationis prædictæ Ecclesie Sancti Petri, & Præbendæ, & annua-

LEODOVICVS
VII. IV-
NIOR.

lium nostra concessio rata in perpetuum haberetur, Cartulam istam concessionis nostræ tenorem continentem conscripsimus, eamque sigilli nostri impressione firmavimus, & Monachis de Longo-ponte habendam & conservandam tradidimus. Nomina etiam Fratrum nostrorum ad huius rei testimonium, & ad maiorem firmitatem subscripsimus. S. G. Abbatis, &c.

EPISTOLA D L X I X.

NVPER stilum arripui, ut tibi aliqua denotarem: & cum languit animus, cecidit manus, nihil huic dignum occurrit quod scriberet, nihil illi quod pingeret. Dimisso scorsum proposito, conuersus sum ad contemplandum hanc impotentiam, & ex causis cepti coniectare effectus. Nolueram aliquid certi significare, sed comperi tandem ex animo elici non posse quod in animo non erat. Turbæ siquidem rerum nundinantur in cerebro: & dum variis fluctibus periclitatur mens naufraga, quot sententias de viuendi modo concipit diuersas, tot peruersas. Non hic exquiras exquisita vocabula: non mireris orationem, sed orantem. Sedebam nouiter sub anni renascentis infantia in horto pubescentium arborum, ubi rebus fœtis arridebat aprica formositas, humus hiemi maritata verno iam tempore respirans, conceptaque parturiens semina, post duos coniugis amplexus, veris tanquam paranymphe placidum testabatur aduentum. Vernabat desuper cœli crispantis reformata temperies, & ad celsiora Signiferi sol festinus euadens, quamuis nouo diademate foret insignitus, tamen iuratus in nostrum obsequium pro terræ fœtibus naturæ supplicabat. Hoc insensibiliter in istis sensibilibus quæque suis locis distinguens & ordinans, de secretis recessibus terræ gremio instillabat gratiam educandi. Mirabar bestias & aues, quæ in certis regionibus, in locis scilicet ascriptis floridis consitis sationalibus, in aëre, in aquis fluuiialibus & marinis, plurimo tempore diuersis vocibus naturam salutabant. Nam rugit leo, rudir asinus, mugit bos, hinnit equus, murmulat mula, grunnit sus, vlulat lupus, vulpes gannit, pardus ferit, tigris raucat, honager mugilat, barrit elephantus, frigitur passeres, pubant vultures, milui lupiunt, turtures gemunt, crocitant corui, garriunt graculi, gligunt anseres, densant olores. Rogo ne dedigneris, hanc vobis, Pater reuerende, Pater mundi oculus, vitalis spiritus, Pater optime rerum, mea paruitas transmittit vini propinatam manu Ethiopis sumere potionem.

Huc usque Codex MS. Domini Al. Petauj.



EPISTOLÆ ALIÆ^c

HISTORICÆ.

EX CODICE VETERI MS. QVI EST IN BIBLIOTHECA
Canonicorum Regularium Cœnobij S. Victoris Parisiensis.

EPISTOLA I.



HENRICO Dei gratiâ gloriosissimo Regi Anglorum, & Duci Normannorum, A. Cœnobij S. Victoris Paris. qualiscumque dictus Abbas, salutem, & administratione Regni temporalis æternum promereri. CANONICVS quidam Parisiensis F. nomine sola liberalitate ductus, nullo amplioris acquisitionis interueniente intuitu, Magistro Ricardo de Eli Taurario vestro xx. libras paris. monetæ usque ad diem definitam commisit. Contigit autem eundem Canonicum infra præscriptum terminum ingredi viam vniuersæ carnis. Cum verò ageret in extremis, vniuersam substantiam suam Eccle-

A suis & pauperibus, aliis plus, aliis minus, pro consilio religiosorum virorum designavit. Vnde & qui testamento eius interfuerunt ad prædictum R. nuncium in Angliam miserunt, super exsoluenda prætaxata pecunia submonentes. Ipse vero tantum immemor beneficii, soluere contempsit. Maiestati igitur vestræ pro Ecclesiis & pauperibus pauper Christus supplicat, & patrocinium vestrum in hac causa sua speciali specialiter efflagitat. Et ne transgressionis eius in vos, quod absit, ex negligentia culpa redundet, potestate vobis diuinitus data, pecuniam Christi periculosè retinentem ad reddendum compellatis: ut & zelus iustitiæ in vobis euidenter appareat, & causa Ecclesiarum & pauperum adiuta apud summum Iudicem pro vobis intercedat. Illud autem pro certo habeatis, quod in extremo mortis articulo prædictam pecuniam se gratis, hoc est absque omni augmento, iamdicto R. coram tribus honestæ existimationis Sacerdotibus confessus est ad tempus commississe. Valere.

LVDOVICVS
VII. IV-
NOR.

EPISTOLA II.

G Dei gratiâ Abbati S. Victoris Paris. IOHANNES Comes Augensis salutem & dilectionem. His Litteris discretioni paternitatis vestræ insinuare curavi, quàm grauitè & quàm asperè, & quasi infestanter Barones mei in me insurgentes, totusque Clerus meus, multæ quoque religiosissimæ personæ, me affligentes incessanter vituperant: pro eo quod de Ecclesia Augi sic contra rationem inconsultè disponere decreuerim, & quod vestros Canonicos contra institutum patris mei & meum in ea receperim. Obiciunt enim mihi id quod verum est. Sed quia pater meus ex quo Canonicos Regulares apud Augum zelo Dei instituit, statim assensu Gaufridi Archiepiscopi Rothomagensis, & postea rogatu & ammonitu atque exhortatione Hugonis Archiepiscopi Rothomagensis donauit, & ego concessi, Ecclesiam prædictam in manu Abbatis Arouvasiæ: ad tenendum & conseruandum Ordinem in perpetuum secundum Regulam beati Augustini, & ita quod Abbas Augi semel in anno reuiscitaret Capitulum Ecclesiæ S. Nicolai de Arouvasia, ut si quid minus esset reintegraretur: Quapropter mando, mandans quoque vestræ diligentissimè paternitati supplico, eamque super omnia rogo & obsecro, ut pax in Ecclesia Augi habeatur. Rogero Abbati & sociis eius, quos ad nos transmissistis, per obedientiam præcipiatis, & præcipiendo iniungatis, ut secundum morem & consuetudinem Arouvasiæ Ordinem Religionis in Ecclesia Augi teneant, aut omninò recedant. Nolo enim ampliùs ferre sententiam excommunicationis, quæ proindè super me singulis Dominicis diebus datur. Graue etenim mihi videtur, quod tamdiu eam sustinui. Quod si hoc non feceritis, veraciter dico, quia numquam ampliùs eos dilexero, sed destruiam in quibuscumque potero. Vale.

EPISTOLA III.

LVDOVICVS Dei gratiâ Francorum Rex, Priori & vniuersis Fratibus S. Victoris salutem & dilectionem. ECCLESIA ista ex beneficio prædecessorum nostrorum & Ecclesiæ Parisiensis fundata est. vnde & specialiùs eam diligimus. Vocatus est Abbas vester ad aliam Ecclesiam. Non volumus quod res Ecclesiæ, cuius cura ad nos principaliter spectat, in aliquo minorentur, sed crescant. Vnde & regia auctoritate vobis præcipimus, ut Abbas A. de cetero nullam alienandi vel accipiendi res Ecclesiæ istius habeat facultatem, neque eo præsentem verbum aliquod de electione incipiat. Valere.

EPISTOLA IV.

PASCHALIS Episcopus seruus seruorum Dei, venerabili Fratri A. Abbati & Monachis S. Dionysij salutem & Apostolicam benedictionem. Ex confratris nostri GALONIS Parisiensis Episcopi relatione comperimus, quia vos præter ipsius licentiam pro sacri olei & crismatis acceptione, ac pro Monachorum seu Clericorum vestrorum ordinationibus quoslibet Episcopos adeatis, vel pro eorundem Sacramentorum celebratione ad vestrum Monasterium conuocetis, & quod

SSf iij

LVDOVICVS
VII. IV-
NIO R.

laicis pœnitentias criminum iniungatis. Quæ profectò sacris Canonibus valdè A contraria sunt. Et quidem priuilegia pro prauis & malis collata sunt, & ad ædificationem, non ad Canonum destructionem alicui conferuntur. Cùm itaque prædictus Frater G A L O Episcopus vester gratiâ Dei bonus & Catholicus habeatur, & prædicta sacramenta gratis ac sine prauitate indulgeat: & vos præter ipsius licentiam pro eisdem Sacramentis suscipiendis alios adire Antistites prohibemus, & Archiepiscopis vel Episcopis omnibus ne ea vobis exhibeant interdicimus.

EPISTOLA V.

Hic est modus pactionis & pacis, quæ inter Dominum Regem Francorum LVDOVICVM, & Algrinum Aurelianensem Archidiaconum, per manum religiosissimi viri Bernardi Abbatis Clareuallensis, & Hugonis Autissiodorensis Episcopi, & Sugerii Abbatis beati Dionysij, & Imari Abbatis Monasterij noui, & Andreæ de Baldemento, & Gauterij de Mesalam, & Hugonis de Creciaco, & Odonis Subprioris beati Martini de Campis, & aliorum Religiosorum virorum, apud Crispiacum castrum RADVLFI Viromandorum Comitum facta est & concessa. Prædictus siquidem Dominus Rex Francorum bonam & plenam & firmam pacem de se & de omnibus hominibus suis, & de HENRICO & de ROBERTO fratribus suis specialiter, prædicto Algrino, & omnibus rebus & hominibus suis tam Clericis quàm laicis composuit. & pacem illam perpetuò se obseruaturum, & quòd ab vniuersis hominibus suis, & à prædictis fratribus suis obseruaretur se facturum, in manu prædictorum Religiosorum promisit & firmavit. Per manum etiam & in præsentia eorundem Religiosorum adiecit & concessit, quòd prædictus Algrinus cum omnibus suis ab omnibus querelis à transactis retro temporibus omninò quietus & liber remaneret: & omnes occasiones & querelæ, quæ inter Regem & eundem Algrinum retrò extiterant, omnimodis remanerent inter ipsos sopitæ. Et si deinceps inter ipsos aliqua quandoque querela fortè emergeret, Rex indè ad rationem eum poneret, aut poni faceret. Et si prædictus Algrinus illud cognosceret, competenti emendatione illud Regi emendaret. Si verò se immunem à culpa sentiret & cognosceret, sola manu sua se ab obiecto purgaret. & sic quietus & liber abiecta querela omninò in posterum remaneret. B

EPISTOLA VI.

VENERABILI Patri Domino R. Sancti Victoris reuerendo Præposito, & vniuersi eiusdem Ecclesiæ Conuentui sanctissimo, GRATIANVS PETRI LEONIS Romanorum Consul salutem, & plenæ dilectionis seruitium. Ex quo venerabilem fratrem meum & dominum Hugonem Placentinum Episcopum in vestro collegio suscepistis, doctrina & Ordinis vestri honestate informastis, cor meum & caro mea exultauerunt & concupierunt vt obsequiis vestris per omnia manciparer, in mandatis exercerer, & illum quem in reuerentia vestra concepì affectum ipsa operis exhibitione comprobaretis. Indè est, quòd in conspectu sanctitatis vestræ id quod sum & quod possum deuotius offero: suppliciter implorans, vt legem ponatis mihi in seruitiis vestris, & non in avaritia. Et si est in partibus istis, vnde sanctitati vestræ obsequium præstare valeam, voluntatis vestræ mandatum suscipiam: quatinus in obsequio sinceritatem cordis mei ipsa experienciâ cognoscatis. Ad hoc plurimum gratiam vestram depono, vt vestris me orationibus commendatum habeatis, quatinus precibus vestris apud Deum adiutus præsentis vitæ ruinam euadam, & peccatorum merear percipere veniam.

EPISTOLA VII.

VVILLELMVS Dei gratiâ Romane Ecclesiæ Presbyter Cardinalis, & Sedis Apostolica Legatus, dilectò fratri suo & amico N. salutem & dilectionem. Notum est tibi, carissime, quantum te & tuos hætenus dilexerimus, & in proposito sicut in exhibitione operis apparet, habeamus diligere. Deuotione tua, frater, quod dominus Papa de voluntate omnium Fratrum nostrorum fecit, cùm essemus in

A terra pro posse laborauimus, & adhuc instanter laborare disposuimus. Indè est quòd probitas tua de facili credere non debet, quòd ad honorem & profectum tuæ personæ præcipuè dilectione tuorum parentum assiduè non laboremus. Ceterum nepotem tuum, de quo affectuosissimè rogasti, homini honesto & religioso Episcopo de Saliber. tradidimus, quatenus vsque ad festum sanctæ Mariæ ipsum militari cingulo honoret. Restat itaque, vt ad iter peragendum vsque ad prætaxatum terminum commodius quàm potueris te præpares, & omnia quæ tecum portare & habere habes ad Podium ante te mittere festines. Verùm si momentum vltra quàm dixerimus in colloquio isto disposuerimus, nobiscum commorari, si voluntas tua fuerit, poteris. De rebus autem nostris, quas Parisius habemus, vnà cum Camerario nostro ordinare sic velis, vt cùm eas rehabere voluerimus, sine dispendio habere possimus.

LYDOVICVS
VII. IV-
NIOZ.

EPISTOLA VIII.

DOMINO & amico suo E. beati Victoris dicto Abbati & toti Capitulo, B. D. MONTMORENCIACO salutem & debitam reuerentiam. NOSTIS, dilectissimi, quòd pater meus homo discretus & amator Religionis locum, qui vocatur Nemus Sancti Petri, dedit Ecclesiæ vestræ: ea videlicet conditione, quatinus ibidem diuinum officium celebraretur cotidie. & eundem locum in vita sua dilexit multum & frequentauit, & ego & homines mei post patrem meum. Nunc verò, quoniam locus ille vacat, & vos eum spoliastis, vt dicitur, calice, vestimentis, equo, & quibusdam aliis: precor vt prædictum locum rebus suis vestiatis, & Radulfum quem diligimus, & qui mihi & fratri meo ægrotantibus multum seruiuit, si vestræ caritati placet, & si eius ægritudo, aut causa nobis incognita non repugnat, ad eundem remittatis. Si non, aliquem honestum & boni testimonij, qui & ibidem Deo honestè seruiat, & nos secundùm Deum cognoscat. Hostitæque vestri gratia faciatis, vt de vobis iustè non possimus conqueri. Valere.

EPISTOLA IX.

ANASTASIUS Episcopus seruus seruorum Dei, venerabili Fratri E. Turon. Archiepiscopo salutem & Apostolicam benedictionem. SI honorificationi commissi tibi Pontificalis Officij ea diligentia qua oportet intenderes, si correctioni eorum quæ de his qui sub tua prouisione insunt dicuntur enormia debita sollicitudine immineret, vita & conuersatio Fratris nostri G. Trecorensis Episcopi non remansisset vsque nunc sub tuis oculis indiscussa. De cuius utriusque actibus ad aures nostras talia peruenerunt, quæ de qualibet persona in Clericali Ordine constituta & audire opprobrium, & referre lamentabile videretur. Bonorum quidem Ecclesiæ suæ dilapidator asseritur, & sacros Ordines contra decreta sanctorum Patrum dicitur distribuisse. Præterea simoniæ ac periurij crimine, multisque aliis piaculis perhibetur vsque adeò irretitus, vt, quod dicere sine nimia mentis afflictione non possumus, iuxta vocem Prophetæ factus sit tanquam subcinericius, qui non reuerfatur. In quo facto illi de commissione horum excessuum, tibi verò est de taciturnitate timendum: dum speculator datus à Domino Domui Israël, ita irrequisitos tantos excessus incorrectosque dimittis, vt parietem peccatorum, quem deberes euertere, linire potiùs iuxta vocem propheticam videaris. Quoniam igitur sustinere nec volumus; nec debemus, vt præfati Episcopi vita diutius remaneat indiscussa, per præsentia scripta fraternitati tuæ mandamus, quatinus prudentibus aliquibus & religiosis viris ascitis, aut dictum Episcopum & Clerum Ecclesiæ suæ tuo iubeas conspectui præsentari, & diligenti conuersationis & actuum illius facta discussione, si vel aliquo crimine apparuerit irretitus, vel sacros Ordines contra statuta Canonum inuentus fuerit celebrasse, ab officio suo suspensum ad præsentiam nostri Apostolatus transmittas: vt nos quid in eo fuerit puniendum iuxta constitutiones canonicas puniamus. Volumus autem vt tam tu quàm alij Episcopi vel Abbates, quos ad discutienda illius opera euocaueris, quicquid veritatis exindè inueneritis per scripta vestra studeatis nobis plenius indicare. Sanè cùm tales de illo rumores aures etiam, vt dicitur, felicitis memorix Papæ E. præ-

LYDOVICVS
VII. IV-
NIOR.

decessoris nostri multorum proborum fuerint relatione aspersæ, ille ... reatio- A
ne sua vsque nunc omiserit cogitare; peruidendum nobis est, vt de dissimulatione
tam tristitiam nunciorum non videamur à districto Iudice arguendi.

EPISTOLA X.

LYDOVICVS *Dei gratiâ Francorum Rex, fidei suo P. de Miliaco salutem.*
ABBAS Sancti Victoris nobis ostendit, quòd miles tuus Iosbertus de Floria-
co in domo sua ante Canonicos de Floriaco posuit hospitem, qui habet filias &
familiam, de qua scandalizantur Canonici. Ideò mandamus tibi, vt tu facias
hospitem remoueri, & Abbas S. Victoris consilio tuo conuenienti mensuram in
re ponet, aut emendo terram, aut cambiando, aut dando tantum redditus quan-
tum ab hospite solet habere. Vale.

EPISTOLA XI.

LYDOVICVS *Dei gratiâ Francorum Rex, amico suo E. Abbati S. Victoris sa-
lutem.* ABBAS Sancti Maximini Aurelianensis conquestus est nobis super
hominibus vestris de Puscals, & si per vos res posset sedari nollemus indè vos sub-
monere. Vnde mandamus vobis, vt super terram cum eodem Abbate conuenia- B
tis si fieri potest ad feriam v. infra octauas Assumptionis, vel ad alium diem con-
gruum: & per vos finiat & componatis. Alioquin & vos & ipsum submonebi-
mus, & in præsentia nostra res terminabitur.

EPISTOLA XII.

B *amico suo, G. suis salutem.* NOVERIT equidem discretio vestra, quia
vestri gratiâ multas inimicitias pertuli, & Comitis Pictaueusis & Petri de
Gasnapia pro vobis grauissimam iram incurri. Dum enim turrem nostram vobis
conseruare temptaui, eos qui mihi amici erant inimicos meos effeci. Ideò itaque
pluries gentem meam, milites scilicet & pedites, collegi: & ne ipsi terram vestram
vobis auferrent, aut vastarent, vellent nollent obtinui. Nunc, vt audiui, pacem
cum eis firmare, & ita me in guerra deferere paratis. Quòd si feceritis, cum fidei
mentitæ vos arguam, & vobis guerram paruipendam, & auxilio Comitis Britan-
niæ, Domini scilicet mei, ipsis fortiter resistam. Quòd si fortè auxilio & consilio
meo indigebitis, pro certo scitote quia constanter denegabitur vobis. Vos fortas-
sè fortunæ mores ignoratis. Nescitis quia & depressos extollit, & elatos libentis-
simè deponit. Hic certè ludus fortunæ. Victoribus catenas, captiuus multotiens
diademata confert. Actus fortunæ nemo prouidere potest. Quæ utique vobis ap-
plaudere videtur, fortassis cum vobis prouideritis vos grauiter lædet, persequetur. C
Tunc verò consilium & auxilium meum sciatis vobis meritò denegandum,
quia sine appellatione & consensu mei cum inimicis meis & vestris fecistis fœdus
& pactum. Valete.

EPISTOLA XIII.

ROTROCO *Dei gratiâ egregio Perticensium Comiti, domino carissimo & auunculo
suo, B. sua dilectissima & corpore & animo neptis, sic in terrena militia pro Christo
militare, vt cælestium militonum tabernacula possis habere.* CERTE de gloria vestra,
quæ longè latèque per Orbem deuulgatur, eongaudeo. Nam quò magis ipsa cre-
scit, eò gloriosior existo. Terram paganorum Dei auxilio & gratiâ ad ipsius ser-
uicium aliquantum adquisistis, infideles & contemptores Dei non mundo, sed
Deo pugnantes, indè fortiter expulistis. Vos autem audiui non redituros vn-
dè venistis. Sed timeo ne ob eam rem iram summi Iudicis incurratis. Fortassis
enim gentiles absentia vestra aduersus Christianos ibi temerè derelictos animabit,
& ad eos impugnandos utpote auxilio destitutos armabit. Verumtamen diuina
Scriptura proclamat: *Victoria belli non in multitudine exercitus, sed de cælo est forti-
tudo.* Ad terram igitur stolidè dimissam sapienter redite, & vitam vestram, quam

A ibi aliquantum expendistis, ibidem in Dei seruitio terminate. Ex carnali autem amore præsentiam vestram amplius desidero, sed ex spiritali fructum boni operis in vobis requiro. Si verò aliquem sericum vobiscum attulistis, mihi ad faciendum indumentum vestri gratia mittatis. Valete.

LYDOVICVS
VII. IV-
NIOR.

EPISTOLA XIV.

HENRICO Dei gratiâ Anglorum Regi excellentissimo, G. miles utique per omnia suus, ab ipso saluari qui dat salutem Regibus. **Q**UONIAM omnis potestas à Domino Deo est, ideò potentes huiusæculi debent sollicitè pensare, ne potestatem sibi à Deo commissam temerè exhibeant, sed cum ratione. Habent enim misericorditer subiectis parcere, & rebellium contumacias fortiter debellare. Habent & pacificos diligere, & discordes ad concordiam reuocare. Fortassis ad aures vestræ dignitatis peruenit, quia Comes Nannetensis iram suam grauissimè mihi ostendit. Siquidem Petrum de Gaspapia proditorem utique summum aduersum me sustentat, & inimicum meum pecuniâ seductus aduersum me hominem suum iniustissimè iuvat. Ipsum autem per Barones plurimos inuisi, & si quid aduersum eum iniuste fecissem, me in Curia sua reëctitudinem tenere multotiens pollicitus fui. Ipse & auariciâ cæcus, & pecuniâ corruptus, mandata mea paruipendit, & inimici mei pecuniam seruitio meo & honestati anteferebat, me grauius & iniuste deprimit. Verùm postquam nec humilitatem nec rationem mihi apud illum proficere videro, certè Terram meam ab ipsius tyrannide experiar armis defendere. Sed quia aduersus eum, Dominum utique meum, iniuste moueri nolo, idcirco per dominos & amicos meos eius mansuetudinem imploro. Vestram itaque liberalitatem exoptulo, & apud eius iram vos mihi intercessorem constituo. Per Literas igitur vestras ipsum ad rationem mittite, & ut ab hominis sui impugnatione desistat diligenter exorate. Valete.

EPISTOLA XV.

CONANO Dei gratiâ Britannorum Duci glorioso, homo utique suus & amicus salutem & debitum seruitium. **N**OVERIT equidem dignitas vestra, quia ego & P. de Gaspapia diu inter nos inimici in Curia vestra pacem confirmauimus, & si quis pacem illam violaret, vos ipsius aduersarium constituimus. Nunc autem ipse nequissimus seductor contempto imperio vestro Terram meam infestat, & quantam vobis faciat iniuriam nullatenus excogitat. Cogor itaque aut Terram meam turpiter amittere, aut armis eam ab ipsius nequitia fortiter defendere. Vestram itaque dignitatem exoptulo, quatinus me ad ipsum debellandum iuueris, aut si iuuare non vultis, saltem mihi nequaquam noceatis. Ego enim in Deo & in gente mea confido, quia cum nullis extraneis adhibitis fortiter debellabo. Valete.

EPISTOLA XVI.

HIL. (Aureliatensis) carissimo & fidelissimo suo, Her. utique suus, vir à peccator, habitu reus, sic temporalem sapientiam amministrare, ut de cælestis fonte sapientia valeat haurire. **I**AM satis, fili mi, superque satis præsentiam tuam desiderauimus, iam diu absentiam tuam passi sumus. Celeriter igitur, fili mi, velle nostrum adimplens remea, & ciuitatem nostram, quæ desidetio tui languet, adueniens recrea. Quanticumque enim Clerici, nobiles, & diuites, gloriosi & potentes, Andegauis conueniant: tu tamen vnus, cuius præsentia studium illorum decoraret, per absentiam tuam illud vilificas. Cuicumque Magistro, seu Valletto, seu Gordoni, seu Rannulfo, seu Entebuo * ipsi adhæserint, te tamen quasi inter ceteros florem * for. Eusebio expostulant. A te audire gestiunt, quod à te percipiunt pro munimento & auctoritate deferunt. Ceteri namque vel scientiæ sunt minoris, vel linguæ impeditioris. Tu autem Dei gratiâ & in literis plurimum vales, & eadem gratiâ quam interius nostri lingua interprete ad intelligentiam profers de cuiusmodi bono. Quidam sic ait: Facundia Dei donum est, quando quis quod commodè intelligit commodè potest proloqui. Quæ autem de te perhibui, ex illis qui ad me veniunt

LVDOVICVS
VII. IV-
NIOR.

multotiens audiui. Quanti te faciat dominus Andegauensis recordare, & giro- A
uagatione tua intermissa, tandem ad nos reuerrere. Attende quoque, quia Ma-
gister Vlgerius bonos Clericos magnipendit, & si vñquam eos retinere potest,
amplis ipsos honoribus extollit. Boëmundum Archidiaconum, Vasserum Magi-
strum Scholarum, Radulfum & Petrum Canonicos tibi in exemplum afferas. Quos
omnes præfati Episcopi ad summos honores extulit benignitas. Nolo tamen vt
Scolam tuam turpiter & ante tempus deferas: imò vsque ad Pentecosten more
boni & stabilis Magistri obtineas. Clericos tuos non tantum literis, sed etiam
moribus instrue, & ne turpis fama de Scola tua exeat, scolarium licentiam retun-
de. Quid Radulfo apud Castellum-Gunterij acciderit vide, & ne simile quid in-
curras vigilanter attende. Mea paruitas ipsum, qui fons est bonitatis, frequenter
exorat, vt te & tuos ab omni infamia & turpitudine custodiat. Vale.

EPISTOLA XVII.

ALEXANDER Episcopus seruus seruatorum Dei, carissimo in Christo filio LV-
DOVICO illustri Francorum Regi salutem & Apostolicam benedictionem.
ROMANORVM Pontificum institutione noscitur processisse, quod me-
dia Quadragesima, ea Dominica qua cantatur *Letare Hierusalem*, consueue-
runt ipsi florem aureum, non gratiâ temporalis elationis, propriis manibus an- B
nua semper reuolutione gestare: ea utique in facto huiusmodi designantes, quæ
tam ad decorem Ecclesiæ, quàm ad fidelium noscitur instructionem spectare. Vn-
de & cum nos eorundem antecessorum nostrorum vestigia subsequentes, simi-
lem florem eo die, in quo constitutum est, nuper in manibus gestaremus: non in-
uenimus, cui tam dignè, sicut Excellentiæ tuæ, florem huiusmodi deberemus of-
ferre, quem & deuotione circa Ecclesiam Dei & nosipsum, & dignitatis honore
cognoscimus præminere. Quia verò floris huius significantiam tuam Celsitudi-
nem credimus tantò libentiùs nostra velle expositione cognoscere, quantò te con-
stat corde & opere diuinis obsequiis, & piis actibus feruentius inhzere: prudentia
Regiæ Serenitatis agnoscat, quòd flos iste Christum Regem exprimit, ac desi-
gnat, qui de seipso loquitur, dicens: *Ego flos campi, & lilium conuallium*. Aurum
namque Regem non immeritò dicitur denotare, cum ad hoc designandum à Ma-
gis figuraliter oblatum fuerit Saluatori: vt per hoc Rex regum, & Dominus do-
minantium monstraretur. Rubor autem quo aurum coloratum est, & suffusum,
Passionem significat Redemptoris, de quo utique scriptum legitur: *Quis est iste, qui
venit de Edom, tinctis vestibus de Bosra?* Et iterum: *Quare rubrum est indumentum tuum,
& vestimenta tua sicut calcantium in torculari?* Odor autem huius floris, Resurre-
ctionis eius gloriam præfigurat, vt sicut ipse primogenitus mortuorum ex multis
fratribus, & resurgens à mortuis, iam non possit mortis vinculis detineri: qua &
noctem nostram moriendo destruxit, & vitam resurgendo in immortalitatis glo- C
riam reparauit. Sanè huiusmodi anfractus & climata omnium scelerum fœdita-
te concreta, tantus odor Dominicæ Resurrectionis aspergit, vt nulla pars Orbis
alienam se ab odore isto sentiat, vel expertem: sed omnes se gaudeant odore hoc
suauissimo spirituales nequitias in cœlestibus iam vicisse. Porro, si ad ipsius Christi
Resurrectionem figuraliter denotandam sanctæ illæ mulieres ad sepulcrum aro-
mata detulerunt, suauitate redolentium vnguentorum gloriam præsignantes: quæ
utique terrorem inferis, cœlis gaudium, terris intulit sanctitatem. Hæc sunt,
fili in Christo carissime, quæ in flore isto noueris figurari: vt tantò acceptior apud
te & gratior habeatur, quantò eum trifaria expositione significaris affectuosius di-
ligere, & sincerius colere didicisti. Petimus autem, & totis affectibus exoptamus,
vt ille flos aureus, qui omnes Reges & Principes antecedit, imò per quem Reges
regnant, & prudentes describunt iustitiam, terrenum tibi Regnum diuturno
tempore sua ineffabili pietate conseruet, & æternum in illa felici retributione iu-
storum misericorditer largiatur.

EPIST.

EPISTOLA XVIII.

LVDOVICVS
VII. IV-
NI 92.

A

ALEXANDER Episcopus servus servorum Dei, venerabilibus Fratribus Archiepiscopis, Episcopis, & dilectis filiis suis Abbatibus & aliis Ecclesiarum Prelatis, & uniuerso Clero per Angliam & Cismarinam Terram illustris Regis Anglorum constitutus, salutem & Apostolicam benedictionem. NON est vobis, sicut arbitramur, incognitum, qualiter HENRICVS illustris Anglorum Rex pro discordia, quæ inter ipsum & filios suos peccatis exigentibus est suborta, vxores eorum, filios videlicet carissimi in Christo filij nostri LVDOVICI illustris Regis Francorum, detineat. Pro quibus sibi restituendis idem Rex Franc. & filij prædicti Regis Angl. generi sui preces nobis sollicitas porrexerunt. Nos itaque studiosius attendentes iustum & honestum existere, vt viri suas vxores repetere debeant; & precibus eiusdem Regis Francorum & generorum suorum, non solum in his quæ ex officij debito tenemur efficere, sed etiam in omnibus quæ à iustitia non discordant, volentes prompto animo acquiescere: præfatum Regem Angliæ studiosè satis & attentè monuimus, eique dedimus in mandatis, vt ad commonitionem venerabilium Fratrum nostrorum Tarentasiensis Archiepiscopi, Claremontensis Episcopi, & dilecti filij sui Carturienfis Prioris, vel loco eius Prioris de Monte Dei, si ipse adesse non poterit, vel duorum ex his, si tres non potuerint interesse, filiis suis vxores infra XL. dies post Literarum nostrarum susceptionem restituere non postponat. Si vero eas infra præscriptum terminum viris suis non restituerit, Apostolica auctoritate præcipimus, vt tota Prouincia, infra quam detinentur, & ad quam transferentur, quamdiu ibi fuerint, donec viris suis restituantur, ab omnibus diuinis officiis præter baptismum paruulorum, & pœnitentiam morientium cesser. Inde est quod vniuersitati vestræ per Apostolica scripta præcipiendo mandamus, & mandando præcipimus, quatenus eundem Regem Anglorum ad eas restituendas sollicitis monitis & exhortationibus inducatis: proponentes ei, quod non minus sibi expedit eas restituere, quàm viris suis ipsas recipere. Et si iuxta commonitionem & mandatum nostrum filiis suis vxores eorum infra terminum constitutum non restituerit, extunc in quacumque prouinciis vestrarum detinentur, vel ad quas transferentur, donec ibi fuerint, nulla diuina officia præter baptismum paruulorum, & pœnitentias morientium, celebretis, vel permittatis ab aliis celebrari. Omni super his contradictione & appellatione cessante. Scituri pro certo, quia si qui contra interdictum nostrum, quod non credimus, venire temptauerit, suæ temeritatis & transgressionis pœnam debitam auctore Domino reportabunt.

B

EPISTOLA XIX.

CLVICIO Dei electione summo Pontifici dilectissimo Domino suo & omnium, VLGERIVS eiusdem permissu Andegauensis licet indignè dictus Episcopus, & seruus eius, officiosam subiectionem, & deuotam obedientiam. CARISSIMOS pedes sacrosanctæ Maiestatis vestræ precibus & supplicatione postulare præsumimus, quatenus venerabilem Decanum beati Martini dominum Odonem, virum egregium, cum ad vestram venerit præsentia, pro vestræ benignitatis misericordia dulciter & mansuete suscipiatis, & eius graues molestias in lætitiâ conuertatis, & cum plenitudine pacis & gratiæ vestræ, quod vestram serenitatem decet, eum ad nos & ad propria remittatis. Coram vobis, cui perniciosum est mentiri, testamur, quod cum ad modò dictam Ecclesiam venissemus, & Capitulum, quod tunc frequentissimum residebat, fuisset ingressi, nullum in Fratribus illis intelleximus, qui in superius nominatum Decanum clamaret, vel ei in aliquo derogaret. Sed potius ei plurimum ob istiusmodi increpationem vestram condolebant, & vnanimes voce concordî commendantes eum, promittebant totum scire suum, & totum posse suum, & se venturos ad genua vestræ misericordiæ si opus sit, & facturos in eius defensione quicquid bonorum deuotio filiorum habet facere pro defendendo bono patrono suo. Probatæ & religiosæ personæ orant pro illo nobiscum, quas ipse consuevit fulcire consilio, & fouere auxilio. Conseruet vos Deus desideratum Patrem & Rectorem Ecclesiæ suæ & toti mundo diu superstitem. Pro vobis, Pater, oramus, & in Capitulis & in Conuentibus orari facimus.

Tom. IV.

T T c

EPISTOLA XX.

A

LVCIO Dei electione summo Pontificum, reuerentissimo Patri suo, & omnium, & Domino, VLGERIVS dictus Andegau. Episcopus, seruum sanctisatis, deuotam subiectionem & officiosam obedientiam. DOMINVS Rotbertus venerabilis Prior Sancti Cosmæ Turonensis, vir quidem magnæ religionis, ad ianuam vestræ misericordiz pro negociis & necessitatibus pauperis Ecclesiæ, cui auctore Deo præsidet, & pro qua plurimum laborauit, proficisci deliberauit. Vnde nos confisi de vestræ misericordiz consuetudine, pedibus vestræ Maiestatis supplicare rogando præsumimus: quatenus eum, cum ad vestra genua venerit, benignè suscipiatis, & in petitionibus suis, quas dignas auditu ante clementiam vestram fuderit, efficaciter exaudiatis, & à serenitate vultus vestri lætūm ad propria eum remittatis. Quanto citiùs potero dirigam ad vestram paternitatem. Peloquinum Clericum & seruum vestrum, Officialem meum, cum inter signis seruitutis meæ: qui vice mei desideratos vestros vultus videndo, & optatam vestram sospitatem mihi nunciando, desiderium meum impleat. Quandoquidem impediēte infirmitate mea & senectute, ad vos, carissime Domine, venire non sufficio. Conseruet vos pietas Christi diu superstitem super terram, piissimum Patrem Ecclesiæ suæ. Valete.

EPISTOLA XXI.

B

VLGERIVS Andegauis indignè dictus Episcopus, Archipresbyteris, Archidiaconis, Prioribus, Presbyteris, & omni Clero in Andegauensi Episcopatu constitutis, vitam quæ finem beatitudinis nescit. MANDAMVS vobis atque rogamus, & supplicamus, quatinus hos Fratres nostros, cum ad vos venerint, benignè & affectuosè suscipiatis, & Ecclesias vestras ad prædicandum eis exponatis, & corda vestrorum parrochianorum ad impendendas eis elemosynas suas largissimè inclinētis. Isti enim sunt nuncij, & officiales, & commilitones militantium Christo in sacrosancto Templo Domini Hierusalem: quorum militia sine dubio vera est, & Deo gratissima. Quæ abiectis secularibus desideriis, videlicet gaudiis nuptiarum, & omnimoda volupate, & expers proprietatis, professa arduam Religionem, ut æternam consequatur beatitudinem, contra hostes Dei, qui sanctam ciuitatem Hierusalem, & alias Orientales persequuntur, pugnare elegerunt: nec dubitant dare animas, & fundere sanguinem, dum deleant & exterminent gentiles impios à sanctissimis locis, quos Dominus elegit natiuitati, & passioni suæ, & conuersationi. Nos verò cupientes participes esse eorum beatitudinis & sortis, concedimus, ut si Ecclesiæ sint interdictæ, ad quas illi tendent, in aduentu eorum semel in anno, vno die ad honorem Dei & eorum solemniter pulsatis signis celebretur diuinum Officium in ipsis, admissis omnibus parrochianis: exceptis excommunicatis. & si qui sint Fratres eorum, qui signum, vel habitum, aut vitam eorum habeant, ea vice, si mortui sint, sepeliantur. Hos diligit & amplectitur Papa Romanus & tota Romana Ecclesia, & omnes qui Deum amant. Omnibus verò, qui sua beneficia eis porrexerint, quinram partem pœnitentiæ peccatorum, quæ confessi fuerint, relaxamus. Valete.

GESTORVM DEI

PER FRANCO

SCRIPTORES QVATVOR

QVORVM DVO IAM EDITIS AVCTIORES,
alij nunc primùm in lucem prodeunt.

Tom. IV.

TTt ij

GENEALOGIA REGIS QUI VOCATVS EST KAROLVS MAGNVS.

De cuius prosapia orti sunt GODEFRIDVS & BALDVINVS
Reges Hierosolymæ.

*Ex veteri Codice MS. Canobij S. Quintini de Monte, ad calcem Historie Hierosolymitane
Eulcherij Carnotensis.*

* leg. 11. an-
nis rexit.
* Karoli

KAROLVS Rex vnctus est in Imperatorem in Ecclesia beati Petri, die Na-
talis Domini. Qui Carolus genuit Ludouicum Augustum. LVDOVICVS
genuit Lotharium, Pipinum, & Ludouicum ex Ermengarde, & Karolum Cal-
uum ex Iudith. KAROLVS CALVVS genuit Ludouicum, qui nihil fecit,
quia tantum 14. * annis vixit. LVDOVICVS filius Ludouici * genuit Karo-
lum Simplicem, & Karlemannum. KAROLVS verò SIMPLEX ab Heriber-
to captus est. Qui Karolus ex Ogiua genuit Ludouicum. LVDOVICVS ge-
nuit Lotharium Regem, & Karolum Ducem ex Gerberga. LOTHARIVS Rex
genuit Ludouicum iuuenem, & KAROLVS Dux frater Lotharij Regis genuit
Ermengardem & Gerbergam. ERMENGARDIS genuit Albertum Comitem
de Namuco. Et ALBERTVS genuit Albertum, & fratrem eius Henricum
Comitem de Durboio. GERBERGA verò soror Ermengardis genuit Henri-
cum Seniore Comitem de Bruffella. HENRICVS Senior genuit Lambertum
Comitem, & Henricum fratrem eius, & Maltildem sororem eius. Hanc MAL-
TILDEM duxit vxorem Comes Eustachius de Bolonia, & genuit ex ea duos fi-
lios: Eustachium, & Lambertum. EVSTACHIUS verò accepit vxorem filiam
Godefridi Ducis, Idam nomine, nobilem genere & moribus: & genuit ex ea tres
filios, Eustachium Comitem Boloniæ, & GODEFRIDVM & BALDVINVM
Reges Hierosolymæ.

A

A D.

PETRI TVDEBODI SACERDOTIS SIVRACENSIS HISTORIAM

DE HIEROSOLYMITANO ITINERE;

IOANNIS BESLY PIGTONIS PRÆFATIO.

B



ACOBVS BONGARSIVS de Literis benè meritis, ingens Volu-
men Auctorum Orientalis Historia ut Hanouia anno MDCXI. edere-
tur, curauit. Horum primum, qui sine nomine agmen ducit, ex stylo &
in Buamundum affectu, Italum existimauit: quod utrum verum sit nec-
ne, ego nolim acrius aut pugnatius in dubium vocare. Vnum hoc auda-
cter affirmauerim, istum suum Anonymum ex PETRI TVDEBODI
Pictonis Historia, quam inscripsit DE HIEROSOLYMITANO ITINERE, ferè
omnia desumpsisse. Cuius ut exantlatos labores, & famam qualem qualem sibi clanculum
arrogaret, eius nomen plagiaris expunxit: & genuini Scriptoris dignoscendi notas, fre-
quentes & indubitas, ex Opere toto euulsit, crimine legibus vindicando. Quadam tamen
aliunde petita, mihi quidem non ingrata, raro scriptis interseruit. Sed plura quæ scire con-
ducat, & in damno sit ignorare, temere truncauit & reiecit sine iudicio. Quamplurima de-
nique aut in sequiorem formam aut non meliorem commisit: & si dicendi facultas ei tan-
ta fuisset quantam sibi præsumpsit, potuisset, putidus Magister, edocere Tudebodem Latine
loqui. Quicumque ille fuit, Fortuna debet ludibrium, qui dum alteri nomen eripere conatur,
ipse, non ille, suum amisit. Meliori fide Robertus Monachus, Baldricus Dolensis Archiepisco-
pus, & Guibertus Abbas, omnes coætanei, se Interpretes alienæ Historiæ candidè professi,
plerumque fusiori stylo, laxis habenis, quandoque verbum verbo, semper cum cura quantum
possunt, istum illum Anonymum reddunt. Ipsi etiam alia Historiæ studiosis non penitenda,
quæ ab huius qui Hierosolymitanæ expeditioni interfuerunt, didicerant, suis Libris permixta
posteritati tradiderunt. Noster de seipso, de nomine, familia, patria, professione, Libris, Li-
brorumque inscriptione, de ætate qua vixit & scripsit, nos monitos voluit, veterum solemnè
more. Cum exercitus Christianorum per Hierosolymorum obsidionem, mense Iulio, anno
MXCIX. siti & tempore anni feruentissimo, & cælo æstuanti, & solo torrido labo-
raret (quæ verba sunt Aemily) obsecrationes habitæ, sacra loca suburbana nudatis
pedibus reuerentissimè supplicum habitu peragata, ad hac Tudebodus addit quæ po-
nam ex lib. v. Quo loco (ad montem Sion) cupiens intrare Ecclesiam, quidam Cle-
ricus prior in processione veniebat. Ad ostium ipsius Monasterij cum quadam fa-
gitta in media fronte vulneratus est, atque defunctus est. Credendus est qui primus
scripsit, quia in processione fuit, & oculis carnalibus vidit, scilicet PETRVS Sacer-
dos TVDEBODVS SIVRACENSIS. Nomen suum & Patriam indicat suam, anxia verbo-
rum iunctura. Nam si, Sivracensis Sacerdos, connecterentur, ambiguus sermo nos ancipites
torqueret, & fortasse induceret in errorem: Sivracum autem non obscura nota est oppidum in
Pictonum agro situm, hodie Præura Regiæ sedes, una è quatuor maioribus quibus amplissi-
ma & florentissima regio insignitur. Senescalias vocant. Tunc temporis sub ditione HVGONIS
LIZINIACENSIS ab inniæto animi robore cognomine Diaboli erat. Meminit Auctor
Rainaldi eiusdem Hagoni militiæ Magistri, quem Dapiferum appellat. Is, cum nostri IV. Id.
Iunias, quinto ab Aduentu die, anno MXCIX. Hierosolymam essent aggressi, & antemura-
libus effractis, ad interiora occupanda scalas admonissent, ipse Rainaldus inter acriores qui
muros conscenderant, ab inclusis casus, non inulsa morte, ibi periit. Nam et si Guilielmus
VIII. Pictonus Comes & Dux Aquitanorum, bello sacro per se nondum militares, turmas

Tom. IV.

TTc iij

tamen sub signis armatas, neque paucas neque exiguas, Princeps potentissimus submiserat. **A** Quarto Kal. Iulias anno precedenti, pugnatum est ad Antiochiam contra Corbonam, & equitum ducenta millia, peditumque numerum innumerum. Exercitus cunctus Christianorum in sex acies tributus: Pictones eo die GASTONI BENEARNII Vicecomiti, Ducis cliouri, qui cum Tancredo aciem quintam tenuit, parebant. Tudebodus ipse Pictor Pictorum suorum, qui ad immortalē de Barbaris fufis fugatis trucidatus victoriam deportandam, animam, vires, sanguinem subministrant, gloria fauens, patriaque amore flagrans, id unum Literis consignavit: Anonymus, ceteri omnes quorum non intererat commemorasse, silentio transmissere. Quando Hierosolymorum iter sit ingressus, ostendit nusquam; & in Historia dininare, illicitum est. Coniicio tamen Hugoni Magno ab initio se dedisse comitem. Sed postquam Magnus apud Dyrachium, quo se cum Guilielmo Marchisi ex sorore Buamundi filio, intempestivè transsecerat, per insidias interceptus, ad Alexium Imp. in vinculis, missus est: Nostrium Buamundo, qui nondum ex Apulia copias deduxerat, tunc adhesisse, & cum illo Constantinopolim iuisse, eoque pervenisse XVI. Kal. April. anno MXCVII. aut verbis Alberii Aquensis, cum iam Paschatribus septimanis evolutis processisset. Illius enim omni Pascha inciderat in a. d. Non. April. Scribit Pontifex Tyrinus Buamundum Alexio occurrisse quinque feria ante Paschalem solemnitate, paulò seriùs, hoc est ad diem IV. Non. eiusdem mensis. De se in Historia TUDEBODVS dat intelligi tantum ex a. d. V. Kalend. Martias eiusdem anni. Quà tempestate Tancredus & Rufilionensis Comes Alexij insidiantes turmas, quæ eos imparatos, & ne in pacato, ab hostibus securos, ex improviso erant ad-
B orta, ad fluvium Bardarum in Illyrico cruenta clade affectas, fudere. Hoc bellum, inquit, factum est in quarta feria, quod est Caput Ieiunij. His ita transactis, Imperator nequissimus præcepit cuidam suo fidelissimo, nomine Corpolatio, ut nos securè deduceret per suam terram usque dum venissemus Constantinopolim. Ita desceps. Duos habuit fratres, ARVEVM & ARNALDVM, rei militari deditos: quos in suos pium tamquam probissimos & optimos milites, hoc est bellica virgine & moribus præstantes, commendat, nobili elogio. Origine fuisse Francos, si aliundè non constaret, vel nomina docerent. Arueus, cum nostri antea obseffores, versus satis Antiochia obseffi essent, & in Saracenos eruptionem magno animo fecissent, egregiè pugnans occubuit. Petrus frater ei parentavit, & ad D. Petri ante portam, quæ ad Occidentem vergit, dedit sepultura. Arnaldum iniqua conditione decertantem hostes prope Marram vulneribus confossum interemere. Robertus Monachus nequiquam conqueritur, Historiam anonymi initium suum quod in Claromontis Concilio constitutum fuit non habuisse, & ideo se acephalæ materiæ caput præposuisse, gloriosius iactat. Tudebodus enim, ex quo Anonymus, ab eodem Concilio Historia principium sumit, sed orationem quam ipse Robertus, aliisque certatim, cum magno & ambizioso apparatu; Urbano PP. affingunt, noster & ex eo Anonymus, tribus verbis exsequuntur, quisque pro arbitrato & capto mentis & ingenij. Narrationem claudis insigni coronide, victoria nempe illa nobilissima, quam Christiani Principes de Ammarauiso Babylonis XIX. Kalendas Septembreis anno Christi nati MXCIX. ad Ascalonam mirabiliter obtinere. Neque Anonymus, neque Robertus, neque Baldricus
C ulterius sunt progressi. Solus Guibertus duorum annorum additamento auctior est. Scripsit & finem scribendi fecit Duce Godefrido adhuc superstitē, hoc est, ante diem XV. Kal. Sextil. anni MC. quo magnus ille Princeps decessit. Libro enim I. illi & eius fratri Balduino sapientissimo Christiathletæ benè precatur: quos, inquit, Dominus mundi gloria muniaturque custodiat. quod de mortuo nemo sana mentis unquam dixerit. Historiam suam Libri quinque complexus, illos Anonymus in quatuor contraxit, totidem Baldricus Anonymum interpretatur, Robertus novem, Guibertus septem, sed ultimum ad Balduini Regis I. annum secundam produxit. Eam inscripsit DE HIÉROSOLYMITANO ITINERE. Quem titulum Baldricus ab Anonymo mutatus, retinuit, & utrique restituendum censeo, ex Baldrici ipsius ad Petrum Abbatem Epistolæ Libellum, inquit, quem DE HIÉROSOLYMITANO ITINERE quoquo modo composui, ad castigandum tibi transmissi, quem regulari censura volo compescas, & polias, & Epistolam hanc cum ipso non inremuneratam remittas. Remissa est Epistola, atque ipsissima est quæ præfixa legitur Baldrici Libri, quorum inscriptioni idem Abbas Epistola sua remuneratoria videtur alluisse: Librum quoque Hierosolymitanum, inquit, Hierosolymitano mihi directum, cum Epistola in fronte ipsius apposita, miræque dulcedine referta, remittimus. Camdens Codex manuscriptus, quo usus est Bongarsius in Anonymo edendo, præferebat in calce hæc verba: Explicit via bona. Via bona, illic nihil

- A** aliud est quàm De Hierosolymitano Itinere, pro, De Bello Hierosolymitano, aut, De expeditione Hierosolymitana. *Torquatus Tassus Poëtarum Italorum sua ætate Phœnix, opus diuinum illud suum mutato consilio postea non Di Gerusalume conque-
stata, sed Di Gerusalume liberata, inscriptum maluit. Et noster alicubi titulo De Hierosolymitano Itinere, addit, & liberatione ciuitatum. Via Dei, absoluit more illius
aut, idem significat. Guibertus lib. 11. Terminato itaque Concilio quod Claromonti habitum, circa B. Martini octauas, Nouembri mense confederat, magnus per vni-
uersas Franciæ partes rumor emanat, de præponenda VIA DEI (sic enim antono-
masticè vocabatur) contiguos sibi ac familiares quoque sollicitat. Ceterum Petrus Ab-
bas, de quo Baldricus, erat Malleacensis Abbas, non Malleocensis. quod esset erroneum. Gau-
fredus patruus, cui successit, ex Monacho Clusensi, renuntiatus est Abbas Malleacensis anno
MLXXXIII. Baldricus verò Burgulium rexit ex anno MLXXXIX. Inter utriusque Mona-
sterij Abbates magna vetustas, magna consuetudo intercessit. Vtrumque Monasterium agno-
scit fundatores Emmam Campanam & Guillelmum IV. filium, Duces Aquitanorum. Hac
satis nodo dissoluendo, qui quosdam nutabundos vexarat. Interim ad Tudebodum cala-
mum vertamus. Quam fidem & auctoritatem in his, qua memoria mandauit, mereatur, co-
stantei Interpretes melius suo periculo sententiam ferant. Robertus, Sciant qui hæc legerint
siue audierint, quòd nihil friuoli, nihil mendacij, nihil magnum, nisi quod verum
est, narrabimus. Baldricus, Nescio quis Compilerator nomine suppresso, libellum su-
per hac re nimis rusticanum ediderat, sed veritate texerat. Guibertus Abbas, Ea sanè
quæ ferebantur in libro, contuli crebrius cum ipsorum qui facta viderant verbo, &
proculdubio expertus sum, quia neutrum discreparet ab altero. Quæ omnia quidem
de Anonymo, sed eodem iudicio Tudebodus comprehensus intelligitur, ex quo tanquam ex
fonte, ut iam dixi, Anonymus omnia hausit. Ab Anonymo autem omnes illa scaturigines
fluxere. Quamobrem cum vult se credi primum scriptorem huiusce sacra expeditionis, in par-
tes suas me faciliè impellat, quando eo antiquior nullus adhuc repertus est qui tale onus hume-
ris suis imposuerit. Suppar tamen & illius temporis equalis exstat Raimundus de Agiles,
Raimundi Tholosanorum Comitis à sacris, qui, qua eo bello quoque die à nostris gererentur,
Aduersariis videretur excepisse. Is & noster, militia contubernales, fortasse Commentarios suos
inter se communicarunt. Sanè inuicem collati mirè conueniunt, minimùmque discrepant, at-
que etiamnum pagellam vnā & alteri eodem tenore propemodum conceptam apud utrum-
que legere est. Vtriusque quoque monumenta in prælio Ascalonico conquiescunt. Neque pri-
mum fragmentum, ut vocat & putat optimus Bongarsius, debuit dubitare esse alterius quàm
Raimundi. sed mancum est & imperfectum. Aliud verò, est pars recisa ex suo Anonymo,
sive Lib. vlt. Ideo non immeritò quis miretur id non animaduertisse, cum Libros recensuit.
Sed vir magnus tot negotiis quæ publicis quæ priuatis occupatus, supersedit notare. Tudebo-
dus & Raimundus cum tales sint, digni sunt, meo iudicio, quibus fides præ aliis de his rebus
adhibeatur. Fulcherium Carnotensem non moror. Nam Roberti Normannorum Ducis, &
Stephani Carnatum Comitis militares copias, in quibus Fulcherius, cum pridie Id. Maij Dux*
- C** Godefridus, Hugo Magnus, alij Proceres, Nicaam obsidione cinxissent, postrema tandem in
hebdomada Iunij prima (quod ipse fatetur) ceteris se coniunxerunt, anno MXCVII. Tertia
Nonas Quintileis dedita est Nicaa: XII. Kal. Nouemb. peruentum Antiochiam. Aliquot
dies antè Fulcherius à castris iam recesserat, & Balduino Boloniensi addictus comes, secum
Eufratem versus, inde Edessam profectus, harum partium factus incola, ibi mansit, donec
Duce Godefrido diem suum obeunte, Balduinus frater in defuncti locum successus est. Interea
Fulcherius voti gratia exsoluendi, Hierosolyma semel se contulit, Idib. Decemb. aut scho-
lasticis suis verbis, die illo quo Sol retrogradus, descensu hiemali peracto, recursum
resumpsit ascensibilem, aut ut exhibet Guillelmus Malmesburiensis, solstitij brumalis
die anno MXCIX. Sed die secunda anni sequentis MC. iter remeabile cœpit. Quare
qua à nostris gesta sunt per illud interuallum quo absens fuit, ab auditu tantum & ieiunè tra-
dit. Noster autem, ut semel sacra peregrinationis itineri se accinxit, infracta mente tenuit,
nec aliò flexit, tot bellorum, tot præclarorum facinorum oculatus, ut plurimum, testis. Nemi-
nem veterum aut recentiorum præter Anonymum Bongarsianum legi, cui Tudebodus notus
aut lectus, qui citet, aut ex illius dape auctiorem & instructiorem cœnam suam faciat. Otto
tamen Episcopus Frisingensis & Chunradus Vrstergensis Abbas, dubitationem iniicere
queant, ex his qua de hoc bello commentantur initio Henrici IV. Imp. Chunradus enim ait
se legisse Hierosolymæ Libellum à loco præsentis (cum Dux Godefridus, & alij Proce-
res Constantinopolitanas attigissent arces) totam huius Historiæ seriem diligentissimè

prosequentem, plurimisque populi Dei labores in capta Hierusalem lætissima victoria concludentem. Quapropter se hinc iam pauca de pluribus allaturum. *Noster quoque Historiam finit his verbis; Hæc de Hierosolymitano itinere in tribus annis, & liberatione ciuitatum dicta sufficiant. Certè ad liberationem Hierosolymorum explendam, Ascalonica victoria plurimum erat necessaria. Qua parte, plenè & perfectè sancta ciuitas excusso prorsus impiorum iugo, tum demùm Christiano imperio mancipata & confirmata potuit verè censeri. De qua Chunradus etiam ex eodem libello. Baldricus similiter Anonymi Libros & suos quatuor, alio nomine non dignatur quàm Libelli. Deinde etsi Tudebodus incipiat à Concilio Claromontano, nihilominus Historiæ suæ annos putat tantum ab eo tempore quando Principes Christiani Constantinopolim peruenire, & Bosporo transmeato in Asiam traicere, hoc est ab anno MXCVII. iam inchoato. Temporis autem quod in apparatu armorum expediendo consumptum est, rationem non habet. Frisingensis nihil quicquam de Libello, ab eodem tamen fonte eadem cum Chunrado: & quacunque comprehendit Chronicis usque ad annum MCVI. ex libris eorum qui antè scripserant se mutuo accepisse proficitur. In contrarium urget magis eiusdem Chunradi locus, Vbi per duorum ferè mensium nouitios in dies susceperere exercitus Bizantium, è quibus tandem absq; vulgi paruulorum ac mulierum incredibili multitudine, recensiti sunt ccc. millia pugnatorum. Otto expressit lib. VII. quem rursus Paulus Aemilius lib. IV. De loco videntur dissentire. Chunradus Bizantium assignat, Chalcedonem Aemilius. Vtrum magis placet, neutrum concedam. Enimuero apud Tudebodum, aut Anonymum, nihil simile inuenias, neq; à properantibus Librariis per incuriam prætermittam possis suspicari, cum Robertus, & Anonymi Interpretes, & Raymundus, & Fulcherius, & Tyrensis Archiepiscopus, veteres omnes denique, de hoc sileant. Factum certè ex disciplina par est, nec aliter putandum, sed non ibi una vice de omnibus, quod Historia non patitur. Fulcherius, Non omnes in vnum exercitus congregati fuerunt, donec ad Nicæam peruenimus. Potius sis ergo Chunradum & Ottonem, alios Auctores præ oculis habuisse quos sequerentur. Atque ipsi plura afferunt ex Epistola Godefridi Ducis à Roberto Comite (puto, Flandriense) ad Pascalem P.P. allata, quam Sigebertus Auctor coactancus ad annum MXCVII. XCVIII. & XCIX. exscripsit, & Dodechini Abbas sub anno MC. integram posuit. Fieri potest eos numerum incertum, quem in eadem Epistola inueniunt, pro certo habuisse. Epistola, Quum capta Nicæa cunctus exercitus inde discesserat, plus quàm ccc. millia armatorum ibi fuerunt. Sed & Urbanus II. P.P. in quadam Epistola ad Alexium Constantinop. Imp. Tanta hominum multitudo, inquit, cruce signata est, ut ad ccc. hominum millia censa fuerint. Quicquid sit, Auctor illius Libelli imposuit Ottoni & Chunrado. Vir incomparabilis Nicolaus Vignierius viderat Anonymum priusquam Bongarsius eum compedibus solutum afferuisset in libertatem. Nam textat, & illud de Francorum bellica virtute celeberrimum emblemata, quod ex M.S. adducit lib. III. Bibliotheca, ad annum MXCVII. hodie habetur in Editio Bongarsiano lib. III. desumptum ex Tudebodo lib. II. oscitanter neglectum à Roberto, celebratum Guiberto lib. III. & Baldrico lib. II. ex quo Ordericus lib. IX. Tudebodus, & eius Interpretes quatuor, Tyrensi incogniti fuere, qui duos, Raymundum de Agiles & Albertum Aquensem, sibi præposuerat in hoc itinere duces. Aemilius Tyrensem & Baldwinum amulatur. Id negabit nemo cui voluntas & otium erit eosdem omnes inter se comparare. Tudebodi sermo solaciosis undique scates, estque omni rusticanus quo antè quingentos & quinquaginta annos vulgo, qui Romanè loqui se putabant, utebantur: hoc solum Latinus, quatenus terminationes verborum & flexiones, nescio quo quamvis aspero & rudi, Latinitatis sono aures nostras radunt, & verberant: quem facile præterire & evanescere patiamur, modo res delectationi & utilitati in omne tempus non parum profutura, pondere & soliditate sua hæcant menti & incumbant, eamque mira factorum euentuumque varietate & veritate alliciant & perfundant. Nos etiam in puerulis nostris cum primùm discunt fari, veritatem balbutientem querimus & amamus. Codex membraneus ex quo descripsi, antiquissimus est, & unicus in Europa nostra, ut existimo. Eum mihi dono dedit ô maxime Pilingenius Baro Cressonerius, è nobilitate Piætonica vir nobilissimus, & rebus gestis clarissimus, mihiq; dum fata sinebant, amicissimus. Rursus ego Antigraphum, ut publici iuris faceret, concessi Andrea Duchesnio, Regio Geographo, mihi multo nominibus percharo, cui Respublica magna iam debet, & olim maiora debitura erit, cum qua molitur, & qua adfecta exire desiderant, dias in luminis auras emisserit. Cetera te docebunt ad Tudebodum Collectanea.*



PETRI TVDEBODI

SACERDOTIS SIVRACENSIS

HISTORIA

DE HIEROSOLYMITANO ITINERE.

B *Ex Codice membranaceo V. Cl. Ioannis Besly Pictonis, in Pratura Fontiniaci Comitalis Consiliarij, & Regij Patroni.*

INCIPIT LIBER PRIMVS.



VM iam appropinquasset ille terminus, quem Dominus quotidie suis demonstrat fidelibus, specialiter in Euangelio dicens: *Si quis vult post me venire, abneget semetipsum, & tollat crucem suam, & sequatur me*, facta est motio in vniuersis Gallorum Nationibus: vt si aliquis Dominum studiosè puròque corde desiderasset, atque post ipsum crucem fideliter baiulare voluisset, non dubitasset sancti Sepulchri viam celerius accipere. Apostolicus enim

Romanæ Sedis quantocius intra montaneas partes profectus est, cum suis Archiepiscopis, Episcopis, & Presbyteris; cœpitque subtiliter sermocinari, & prædicare, dicens: Vt si quis animam suam saluam facere voluisset, non dubitasset viam Domini accipere; ac si denariorum ei deesset copia, diuina satis ei daret misericordia. Ait quippe dominus Apostolicus VRBANS: Fratres, oportet nos multa pati pro nomine Christi, videlicet miseras paupertatum, persecutionum, egestatum, infirmitatum, nuditatis, famis, & sitis, & alias huiusmodi: sicut isdem Dominus suis ait, dicens: *Oportet vos pati pro nomine meo. & Nolite erubescere loqui ante facies hominum: ego verò dabo vobis os & sapientiam*, ac deinceps subsequetur vos larga retributio. Cùmque iam hic sermo paulatim per vniuersas regiones ac Gallorum prouincias cœpisset crebrescere, FRANCIAudientes talia eloquia, protinus in dextera fecere cruce suæ scapula, dicentes se vnanimiter Christi sequi vestigia, quibus de manu erant redempti tartarea.

IAM iamque Galli ex suis remoti sunt domibus. Fecerunt denique Galli tres partes. Vna pars in Vngriæ intrauit regionem: scilicet Petrus Heremita, & Dux GODEFRIDVS, & sapiens Christi athleta BAUDOUINVS frater eius, quos Dominus mundi gloriâ muniat, atque custodiat. Isti prudentissimi milites, & alij plures, quos ignoro, & ductore careo, venerunt per viam, quam iam dudum CAROLVS MAGNVS mirificus Rex Franciæ aptari fecit vsque Constantinopolim. Petrus verò Heremita primus Constantinopolim venit 111. Kal. Augusti, & cum eo maxima multitudo Alemannorum. Illicque inuenit Italicos, & Longobardos, & alios quamplures congregatos, quibus Imperator iusserat dari mercatum, sicuti fuerat in ciuitate. dixitque illis: Nolite transmeare Brachium, donec veniat maxima Christianorum virtus: quia vos tanti non estis, quòd cum Turcis præliari valeatis. Ipsi verò Christiani nequiter se in omnibus habebant. Nam Palatia ciui-

tatis destruebant & ardebant, & auferebant plumbum, vnde Ecclesie erant coopertæ, & vendebant Græcis. Quapropter Imperator Alexius nimis iratus, iussit illos transmeare Brachium. Postquam verò transfretauerunt, non cessabant agere omnia mala. Nam ardebant & deuastabant domos & Ecclesias. Tandem perueniunt Nicomiam. illic diuisi sunt Lombardi & Longobardi, & Alamanni à Francis, quia Franci pleni erant inuidiâ & tumida superbiâ. Elegeruntque Seniores nomine RAINALDVM, & intrauerunt Romaniam: & per quatuor dies ierunt ultra Nicenam ciuitatem, & inuenerunt quoddam castrum *Exerogorgo*, quod vacuum erat gente. Et apprehenderunt illud, in quo inuenerunt frumentum abundanter, & vinum, & carnes, & omnia bona. Audientes itaque Turci, quòd Christiani essent in castro, venerunt continuò obsidere illud. Ante portam quidam castri erat puteus, & ad pedem castri erat fons viuus, iuxta quem exiit Rainaudus excubare propter Turcos. Venientes itaque Turci in die dedicationis S. Michaëlis, inuenerunt Rainaldum, & alios omnes qui cum eo erant, & occiderunt multos ex eis. Alij verò qui remanserunt fugerunt in castrum, quod Turci obsederunt continuò, eisque aquam abstulerunt. Fuerunt itaque nostri in tanta afflictione sitis, quòd flebotomare facerent suos equos & asinos, quorum sanguinem bibebant. & alia quàmplurima terribilia propter penuriam aquæ perpetrarunt. Alij verò mittebant cincidas in piscinam, & postea dimittebant in os suum. Alij quippe mingeabant in pugillo alterius, & sic bibebant. Alij autem fodiebant humidam terram, & supini iactabant se, & mittebant eam super eorum pectora aut corpora pro nimia ariditate sitis. Episcopi autem & Presbyteri, qui illic aderant, commonebant eos dicentes: Estote fortes, dilectissimi, in fide Christi, & nolite timere eos qui vos persequuntur. Nam Dominus dixit, *Nolite timere eos qui occidunt corpus, animam autem non possunt occidere.* Hæc persecutio fuit diebus octo. Interea Dominus Alamannorum consiliatus est cum Turcis, qualiter traderet alios omnes. Et fingens se exire ad bellum, fugiit ad illos cum multis. Illi autem, qui Dominum negare noluerunt, capitalem sententiam susceperunt. Alios apprehenderunt Turci, & diuiserunt inter se sicut quælibet animalia. Alios miserunt ad signum, & sagittabant eos: alios vendebant & donabant, prout illis erat voluntas. Vnusquisque deducebat suos vbi ipsi manebant, alij in Carosanum, alij in Antiochiam, alij Aleph. Isti primi acceperunt feliciter martyrium. Posthæc audientes Turci, quòd Petrus Heremita & Gauterius fuissent in Ciuitoth, quod est supra Nicenam ciuitatem, concurrerunt illuc cum magno gaudio, trucidare eos cupientes. Et cum inuenissent Gauterium cum suis militibus, omnes confestim occiderunt. Petrus autem Heremita paulò antè venerat Constantinopolim, eò quòd nequiret retinere indomitæ gentis vesaniam. qui nec in modico obtemperare volebant saluberrimis monitis ipsius. Igitur Turci irruentes super eos, multos occiderunt, alios dormientes, alios iacentes, alios nudos: necnon & Presbyteros Missas celebrantes super altaria martyrisauerunt. Illi qui potuerunt euadere, & fugerunt Ciuitoth, alij miserunt se in mare, alij in siluas, alij in montana. Turci namque persequentes eos in castrum, adunauerunt ligna, vt eos arderent cum castro. Christiani igitur, qui in castello erant, submiserunt ignem in lignis adunatis. & ex Dei voluntate reuersus est ignis ad Turcos, & recirco eos reliquerunt. Igitur Turci diuidentes illos, quos apprehenderant viuos, distraxerunt quosdam Corosanum, alios in Persidam, & alios per diuersas prouincias. Hoc totum factum est in mense Octobrio. Audiens hoc Imperator, quòd Turci ita dissipassent nostros, lætus & gauisus fuit, fecitque eos remeare trans Brachium. Post hæc comparauit omnia arma eorum. Hæc omnia ita gesta sunt.

SECUNDA verò pars intrauit partes Sclauinæ, scilicet RAIMVNDVS Sancti Egidij Comes, & cum eo honorabilis Podiensis Episcopus. Tertia autem pars per antiquam Romam venit. In ista parte præerant Flandrensis Comes, & ROBERTVS Normannus, & HVGOMAGNVS, & alij plures. Hi omnes applicuerunt ad portum Brundisium, & Barum, atque Tarentum. Mox Hugo Magnus, & Guillelmus Marchisi filius, mittentes se in mare porto Barum, transfretauerunt Durachim. Quod audiens Dux ciuitatis, illos videlicet applicatos, continuò iniqua cogitatione succensus iussit illos apprehendi, & Constantinopolim ante Imperatorem deduci, vt ei fidelitatem facerent. Dux itaque GODEFRIDVS

A cum suo exercitu Constantinopolim adueniens pridie Natale Domini, hospitatus est iuxta ciuitatem: fuitque ibi, donec Imperator iussit eum in burgo recipi. Cumque receptus fuisset, eligebat securè ex suis quos per singulos dies transmittabat foras, ut asportarent paleas, & alia necessaria. Sed perfidus Imperator suis Turcopolis & Pincinnatis subdolè imperabat eos inuadere & occidere. Quod animaduertens **B**AVDOINVVS frater Ducis, mox sagaciter cœpit perquirere, an fortè illos utcumque inuenire potuisset. Tandem gentem suam eos deuastantes reperiens, animositate inuasit, & Deo adiuuante superauit. Et apprehendens ex eis sexaginta, alios interfecit, alios ante Ducis conspectum deduxit. Quod audiens Imperator, tristis nimis effectus est. Dux autem sentiens Imperatoris stomachationem, iussit suos commilitones de burgo exire, & extrà ciuitatem sicut priùs castra ponere. Imperator verò sero superueniente misso exercitu fecit inuadere Ducem, plebèmq; sanctam. Quos persequens inuictus Dux cum Christianis militibus, occidit septem ex illis, persequendo alios vsque ad portam ciuitatis. Dehinc reuersus ad tentoria, mansit inibi per quinq; dies. Post hæc transfretauit Dux Brachium Sancti Georgij cum omni exercitu, fœderatus priùs cum Imperatore: tali videlicet pacto, ut omnia quæ sibi necessaria forent multò viliori precio exercitui venundarentur, quàm priùs in ciuitate emebantur. Insuper etiam promisit Imperator, omnibus aduentantibus pauperibus alimonia erogare, vnde viuere abundanter potuissent.

Quomodo BOAMVNDVS crucem accepit.

INTEREA BOAMVNDVS, qui erat in obsidione Malphi, scilicet Caphardi pontis, audiens venisse innumerabilem gentem **F**RANCORVM, quatinus viam sancti Sepulchri de manu eriperet pessimorum paganorum, ut vltèrius fuisset liberata, & Christianis omnibus vndique staret patefacta, continuò cœpit sapientissimè & diligenter inquirere, quæ arma pugnandi hæc gens defert, & quam ostensionem Christi portat in via, vel quod signum in certamine sonat. Cui per ordinem dicta sunt omnia. Deferunt arma itaque iugiter ad bellum congruentia: in dextra vel inter vtrasque scapulas crucem Christi baiulant. Sonum verò **D**EVS HOC VULT, **D**EVS HOC VULT, **D**EVS HOC VULT, simul vna voce conclamant. Mox sancto Spiritu commotus, iussit quoddam preciosissimum pallium, quod apud se habebat, deferri, idque incidi præcepit, quod & in cruces totum expensum. Cœpit namque ad eum concurrere maxima pars militum, qui erant in obsidione illa: ita ut Comes **R**OGERIVS penè solus remanens, reuersusque Siciliam, doleret se gentem amisisse suam. Reuersus itaque **B**OAMVNDVS in terram suam iterum. Diligenter enim vndique honestauit sese ad incipiendum sancti Sepulchri iter. Tandem transfretauit mare cum suo exercitu, & cum eo prudentissimus **T**ANCREDVVS Marchisi filius, & cum eo alij plures. Omnes transfretauerunt, & applicuerunt in Bugariz partes. Ibi inuenerunt abundantiam frumenti, & vini, & alimenti corporis. Deindè descendentes in vallem de Andronopoli, illicque applicantes, expectauerunt gentem suam, donec omnes transfretati æqualiter fierent. Tunc exientes indè, venerunt per nimiam plenitudinem, & de villa in villam, de castro in castrum, quousque perueniunt in Castoriam, ibique Natiuitatem Domini solemniter celebrarunt. Egressi itaque de Castoria, intrauerunt in Palagoniam, in qua erat quoddam Hæreticorum castrum. Illi verò vndique adgredientes illud vnà cum habitatoribus in lacum, vbi ædificatum fuerat, quod continuò in nostro subdunt imperio. Accenso itaque igne combusserunt castrum illud vnà cum habitatoribus suis, scilicet Hæreticorum congregatione. Postea enim peruenerunt ad flumen Bardarum. Perrexerunt itaque Boamundus cum vna parte gentis suæ. Alia pars remansit simul cum Comite de Russinolo, & cum fratre suo Episcopo. Veniens namque exercitus exheretati Imperatoris, inuasit Comitem cum fratre suo, & alios omnes. Audiens itaque Tancredus prudentissimus miles, proiectus in flumen natando peruenit ad illos. Duo millia militum miserunt se in flumine, sequendo Tancredum. Nouissimè inuenerunt Turcopolos & Pincinnatos dimicantes simul cum nostris, quos repentè fortiter inuasit, & prudenter eos superauerunt. Et apphe-

* In edit.
hi. explicis
Liber 1.

derunt plures ex eis, & duxerunt eos ligatos ante Boamundi presentiam. Quos A
alloquens Boamundus, dixit: Quare miseri occiditis gentem Christi mihi subdi-
tam? Ego enim cum vestro Imperatore altercationem habeo nullam. Qui dixe-
runt: Nostri Imperatoris iussis obtemperantes, nos quicquid ab illo imperatum
fuerit adimplere festinamus. Hos Boamundus absque vlla impunitione permisit
abire. Hoc bellum factum est in quarta feria, quod est Caput Ieiunij. Per omnia
fit benedictus Deus, amen. * His itaque transactis, Imperator nequissimus prae-
cepit cuidam suo fidelissimo Corpolasio, vt nos securè deduceret per terram suam,
vsque dum venissemus Constantinopolim. Venientibus autem nobis ante ciuita-
tes eorum, imperabat ciuibus, vt nobis securè apportarent mercatum. quod &
ipsi faciebant. Tamen in tantum timebant Boamundi gentem, vt non sinerent
aliqua occasione infra ciuitatem ingredi. Denique sic peruenerunt ad Rusiam ci-
uitatem, illicque hospitati sunt. Tunc Boamundus dimisit gentem suam, perre-
xitque loqui cum Imperatore: praeциens suo comitatu, vt ipsum appropinquan-
tes ciuitati insequerentur. Qui duxit secum paucos milites. Postquam verò Im-
perator cognouit Boamundum ad se venire, iussit eum recipi, & venerabiliter
hospitari in ciuitatem. Cumque taliter receptus fuisset, mandauit Imperatori
quatinus insimul colloquerentur. Tunc concordauerunt se ambo. Nam Impe-
rator permisit Boamundo quindecim dietas terrae in longitudinem Romaniz, &
octo in latitudinem.

EXPLICIT LIBER I.

INCIPIT LIBER SECVNDVS.

RAIMYNDVS itaque Comes Sancti Egidij simul cum Podiensi Episcopo exi-
uit de Sclauinia, in qua multa pro Christi nomine & sancti Sepulchri via fuit
passus, quae minimè pati deberet: in qua etiam plures honestissimos perdidit mi-
lites. Exindè peruenit Durachim, quae ciuitas Imperatoris est: putans iam esse in
Terra sua, quia de inimicorum euasus est pessimorum manu. Graecorum itaque
gens insidians istos prudentissimos milites Christi, quocumque eis nocere aut of-
fendere poterat, die & nocte latenter & occultè non desinebat. Erat autem ibi
Dux illius ciuitatis, qui continuò eis fiduciam quousque in terra fuerint sua gau-
sus sponndit. Infra istam namque fiduciam, quam eis dono concessit, eius ho-
mines fraudulenter ex nostris interfecerunt quendam egregium militem, cui no-
men Pontius Rainaldus erat. Fratrem quoque suum vulnerauerunt grauitur. Mox
illi iter arripientes, inuenerunt nuncios Imperatoris portantes Literas de pace &
firmitate cum illis tenenda, sicut cum filiis propriis. Inter haec autem Turci, &
Pincinnati, & Comati, & Sclau, & Vsi, & Athenasi, insidiabantur Christianis, C
vt in aliqua parte eos laedere potuissent. Quadam itaque die dum Podiensis Epi-
scopus hospitatus esset, contigit vt à Pincinnatis caperetur. Qui praecipitantes
eum de mula sua, expoliauerunt, & in vertice capitis grauitur vulnerauerunt. Sed
quia tantus Dei Pontifex adhuc populo Dei erat necessarius, per eius misericor-
diam vitae reseruatus est. Interea sonus auditur in tentoriis: concurrerunt omnes
ad eum, & sine mora eripuerunt eum de illorum manibus. Taliter itaque perue-
nientes ad quoddam castrum, quod vocatur *Buinath*: & dictum est Comiti, quòd
Pincinnati insidiabantur ei in angusta via cuiusdam montis. Qui remansit retro
cum pluribus militibus, & inuenit Pincinnatos: vnam partem illorum occidit, &
reliquos fugauit. Interea Imperator mittebat Literas suas ad illos pacificè: ex
alia verò parte hostes illius vndique insidiabantur illos. Tandem peruenerunt ad
ciuitatem quandam nomine Reusam. Ciues autem illius ciuitatis apertè quicquid
poterant contra illos faciebant. Hoc cum vidisset Comes, iratus nimis iussit arri-
pere arma, & impetu maximo debellantes ciuitatem, cui nomen *Rodeslo* est. Die
autem illo milites Imperatoris inuaserunt eos retrò in cauda. Cum quibus Comes
praeliatus, interfecit ex illis triginta, & sexaginta equos retinuit. Interim vene-
runt Legati ab Imperatore missi, dicentes quòd Imperator promitteret omnia per-
dita diligenter reintegrare, si Comes tantummodò cum paucis & sine armis festi-
nare

A nare Constantinopolim dignaretur. Quod & Dux GODEFRIDVS, & Boamundus, & Flandrensis Comes, & omnes alij Principes deprecabatur. Aiebant etiam, quod Imperator assumpta cruce spopondit se venturam Ierosolymam, existens Dux & Caput Christianorum. Hoc Comes audiens, illicò dimisso exercitu properauit Constantinopolim loqui cum Imperatore. Cui dixit Imperator, vt eius homo fieret, & fiduciam ei faceret, quemadmodum Boamundus & alij Principes fecerant. Responditq; Comes: Absit, vt in hac via aliquem Dominum constituam super me, nisi illum tatummodò quem habeo, cuius amore huc vsque veni. At si crucem Domini diligenter baiulare vis, & nobiscum Ierosolymam venire, ego & omnes subditi mihi tuo imperio obtemperabimus. Inter hæc dum Comes esset Constantinopolim, exercitus Imperatoris insidias exercitui Comitis struentes, ex improviso inuasert, plurimòsq; ex eis vulnerauerunt. Comes autem audiens sui exercitus læsionem, ingemuit, nimisq; tristis effectus est. Statimque inuocauit Boamundum, & alios Principes: mandans Imperatori, cur causâ proditiionis eum Constantinopolim venire fecisset, & suum exercitum lædere consensisset. Qui omninò cum adestatione denegauit, dicens: Hoc in rei veritatem non est factum meo consilio, quamuis certissimè sciam quòd tuus exercitus damnum mihi maximum intulerit, castella videlicet & ciuitates proprias depopulando. Tibi autem fideliter satisfactionem concedo. Posthæc autem, antequam conuenirent ad iudicium, Comes absoluit fiduciam. Absolutaq; fiduciâ, exercitus eius venit Constantinopolim. Tunc Imperator mandauit Comiti, sicut superius diximus, vt faceret ei hominim, quemadmodum alij latrones fecerant. Comes verò meditabatur qualiter se de Imperatoris exercitu vindicare potuisset. Sed Dux GODEFRIDVS, & Flandrensis Comes, & alij Principes prohibebant eum: dicentes esse iniustum pugnare contra Christianos. Et Boamundus dixit, quòd si aliquod iniustum contra Imperatorem faceret, & fiduciam ei facere noluiisset, ipse foret ex Imperatoris parte. Igitur Comes, accepto consilio à suis, ALEXIO vitam & honorem iurauit, quòd nec per se nec per alium ei Terram auferret. Cùmque de hominio appellaretur, respondit se nec etiam pro vitæ periculo id facturum. Boamundo itaque dixit Imperator, quem valde timebat (nam sæpè eum cum suo exercitu deuicerat) quòd si libenter iurasset, ei quindecim dietas terræ in extensione ab Antiochia daret, & octo in latitudine. Eique tali pacto iurauit, vt si ille fiducialiter tenuisset illud sacramentum, ipse suum numquam præteriret. Tunc gens Boamundi appropinquauit Constantinopoli.

C OMNES itaque Christianæ Religionis simul in vnum congregati, peruenerunt ad portum: sicque vnà transfretauerunt Brachium, & applicuerunt Nicomiam. fueruntque ibi per tres dies. Dux itaque GODEFRIDVS, & Flandrensis Comes, obsederunt Nicæam ciuitatem, quæ est totius caput Romanæ, cum suis exercitibus. Iuxta quos venit BOAMUNDVS, eamque obsedit à Septentrione in sexto die in Maio. ibique castrametati fuerunt. In die autem Ascensionis Domini cœperunt ciuitatem circumquaque inuadere, & ædificare instrumenta lignorum extra turres ligneas, quibus possent murales turres sternere. Tam fortiter & tam acriter aggrediuntur ciuitatem vnanimiter per duos dies, quòd fodere quoque fecerunt ciuitatis murum. Turci quoque, licet gens barbara, miserunt nuntios aliis, qui venerant ciuitati adiutorium dare, in hunc modum: Quòd audacter securèq; approximent, & per meridianam introeant portam: quoniam ex illa parte nemo eis erit obuiam, nec contristabit. Quæ porta ipsa die à Comite Sancti Egidij & Podiensi Episcopo statim prosperè hospitata est. Qui Comes veniens ex illa parte, protectus diuina virtute, atque terrenis fulgebat armis cum suo fortissimo exercitu. Hic itaq; inueniens Turcos venientes vndique, signo crucis armatus vehementer irruit super illos, & superati sunt, & dederunt fugam: fuitque mortua maxima pars illorum. Qui rursus venientes nuncio aliorum gaudentes & exultantes ad certum bellum, deferrebant secum funes vnde nos ligatos in captiuitatem ducerent Corosanam. Venientes autem lætantes in eacumine montis, cœperunt paulatim descendere. Quotquot verò descenderunt in valle illa, capti à Francorum manibus, remanserunt in custodia ciuitatis. Cæsis itaque eorum capitibus, proiecerunt illa in fundo cuiusdam instrumenti in ciuitatem, vnde magis dolerent. Comes namque Sancti Egidij & Podiensi Episcopus consiliati sunt in vnum, qualiter fecissent fodere turrem, & arbalistæ & sagittarij qui eos defenderent vtrique. Foderunt namq; illam vsque ad radices muri, submiseruntque postes & ligna, ac deinde miserunt

ignem. Sero autem superueniente, cecidit turris nocte, & quia nox erat, nequiue-
runt praeliari cum illis. Turci verò nocte eadem surrexerunt, & restaurauerunt mu-
rum tam fortem, quòd ex illa parte nemo eos lādere potuisset. Videntes autem
Turci, quòd nullatenus habere adiutorium potuissent, per legationem Imperatori
mandauerunt, quòd ciuitatem eis spontè redderent, si tantummodò eos abire vi-
uos permetteret cum mulieribus & filiis, & omnibus suis vtensilibus. Mox Impera-
tor plenus iniqua cogitatione, iussit illos impunitos absq; vllò timore sibi eos Con-
stantinopolim adduci. Quod annuerunt Christiani gratiā Imperatoris. Fuerunt ve-
rò in illa obsidione septem hebdomadibus, & multi ex nostris perceperunt felix
martyrium pro Christi nomine.

Cum Solimanno Christiani pugnant.

In edit. hic
incipit Li-
ber III.

INTEREA reddita ciuitate, Turcisque deductis Constantinopolim, Imperator
magis magisque gauisus, eo quòd ciuitas redigeretur in suam potestatem, iussit co-
piolam alimoniam pauperibus erogari. Nos verò postquàm recessimus à ciuitate,
prima die venimus ad quendam pontem, ibique mansimus duobus diebus. Tertia
autem illucescente die, surrexerunt nostri, & non videntes tenere viam, diuisi sunt
ab inuicem. Nam pars exercitus, videlicet Boamundus, & Rotbertus Norman-
nus, & Tancredus, aliique quamplures, in diuersa abierunt. Alia verò pars, scilicet
RAIMVNDVS Sancti Egidij Comes, & Dux GODEFRIDVS, & Podiensis Episco-
pus, & Comes Flandrensis, & plures alij, per aliam viam deuenerunt. Tertia verò
die irruerunt Turci vehementer super Boamundum, & super eps qui cum eo erat:
clamantes videlicet atque stridentes excelso clamore, atque dicentes nescio quid
diabolicum in barbara lingua. Mox Boamundus sapientissimus vir videns innu-
merabiles Turcos procul clamare & stridere, iussit celeriter omnes milites descen-
dere, & tentoria extendere. Sed antequam tentoria extensa fuissent, dixit militi-
bus: O fortissimi milites Christi, ecce bellum in arcto situm est: iamque hostes vn-
dique nobis supereminent. Quapropter omnes milites eant illis obuiam viriliter,
& pedites prudenter, atque citius tentoria extendant. Dum hæc agerentur, Turci
vndique iam imminentes circumcinxerunt nos, dimicando, iaculando, spiculan-
do, longè latèque sagittando. Nos verò postquàm nequiuius resistere, neque
sufferte pondus tantorum hostium, persistimus immobiliter in vnum gradum. Fe-
minæ quoque nostræ in illa die fuerunt nobis in refugium, quæ afferebant nobis
aquam: confortantes nos, fortiter pugnantes, & viros protegentes. Vir itaque sa-
pientissimus Boamundus protinus mandauit Comiti de Sancto Egidio, & inclyto
Duci GODEFRIDO, & Hugoni Magno, & honestissimo Podiensi Episcopo, &
aliis omnibus militibus, vt festinanter ad bellum approximarent. Qui hæc audien-
tes, primum hunc esse falsissimum putauerunt. Non enim credebant, quòd illi se-
mel deuicti ampliùs auderent erigere se ad proeliandum. Dux igitur Godefridus
mox audito nuncio, & Hugo Magnus, aduenerunt cum suis exercitibus. Hos au-
tem insequabatur Episcopus Podiensis, & Raimundus Comes cum magna gente.
Hi cum viderent tam innumerabilē gentem Turcorum, multitudinem & Arabum
atq; Sarracenorum, aliorumq; quos enumerare longum est, obstupuerunt: quippe
quia omnes montes, & colles, & valles, & omnia plana intus & infra vndiq; stabant
cooperta de illa excommunicata gente vel generatione. Factus est itaque sermo se-
cretus inter nos, laudantes & consulentes, atq; dicentes: Estote omnino vnanimes
in fide Christi, & sanctæ Crucis vexilli victoriā: quia hodie omnes diuites, si Deo
placet, effecti eritis. Continuo ergo fuerunt ordinatæ acies. In sinistra itaque parte
fuit Boamundus, & Rotbertus Normannus, & prudens Tancredus, & Rotbertus
de Ansa, & Richardus de Principatu. Episcopus namq; Podiensis venit per alteram
montaneam, vndiq; circumcingens incredulos Turcos. In dextera verò parte fuit
prudenterissimus miles Raimundus Comes de Sancto Egidio, & venerabilis Dux
GODEFRIDVS; & acerrimus miles Flandrensis Comes, & HUGO MAGNVS, & alij
plures quorum nomina ignoro. Statim autem venientibus militibus nostris, Turci,
& Arabes, & Sarraceni, & Agulani, & omnes barbaræ nationes dederunt velociter
fugam, per compendia montis & plana loca. Erat autem numerus Turcorum, &
Sarracenorum, Publicanorum, & Persarum, Agulanorum, & aliorum paganorum,
trecenta sexaginta millia: extra Arabes, quorum numerum nemo scit nisi Deus.
Fugientibus autem illis nimis velociter vsq; ad eorum tentoria, ibi diu morari non
licuit. Iterum verò arripuerunt fugam, nosq; persequuti sumus eos occidentes per

- A** totum diem. Et accepimus spolia multa, aurum & argentum, equos & asinos, camelos, oves & boues, & plurima alia quæ ignoramus. Et tamen nisi Dominus foret in bello, & aliam citò mitteret aciem, nullus nostrorum penitus euaderet. Sed omnipotens Deus, & pius, qui non permisit suos milites perire, nec in manus inimicorum incidere, festinè illis adiutorium misit. Quis vnquam tam sapiens aut doctus vir audebit describere aut præmeditari prudentiam, & militiam, & fortitudinem eorum? Qui putabant terrere Gentem FRANCORVM minis sagittarum illarum, sicut teruerunt Arabes, & Sarracenos, & Hermenios, & Surianos, & Græcos. Sed hoc, si Deo placeret, vnquam non erit visum, nec factum, nec dictum, nec cogitatum, quòd ipsi tantum valeant. Verumtamen dicunt se esse de Francorum generatione, & dicunt quòd nullus homo naturaliter debet esse miles, nisi FRANCES, & illi. Veritatem quoque dicam per omnia, quam nemo audebit prohibere. Certè si in fide Christi, & Christianitatē sancta firmi fuissent, & vnum in Trinitate manentem natum de Virgine matre, & passum, & resurgentem, ac deinde consolationem sancti Spiritus perfectè mittentem, in cælo & in terra æqualiter regnantem, recta mente & fide credidissent; magis prudentiores, aut fortiores, aut bellorum ingeniosissimos, aliquis inuenire minimè potuerit. Ibi quæ interfecti sunt duo honorabiles viri, Gaufridus de Monte-scabioso, & Guillelmus Marchisi filius, frater Tancredi, & alij milites & pedites, quorum nomina ignoro. De prudentia verò & animositate Turcorum quid
- B** plura referam? Sunt namque ferocissimi, humeris & sagittas & pharetras toxicatis refertas portantes, naturaliter bellicosissimi: gloriantes, vt diximus, de Francorum generatione. Sed omnipotens Deus superbiam illorum antea indomitam debellauit per humilitatem Christianorum. Ab hora autem tertia vsque ad horam nonam perdurauit hoc prælium. Factum est bellum hoc primo die Iulij mensis. Vnde benedictus Deus per omnia, qui tradidit impios. Amen.

Hic Solimannus superatur à Francis.

- POST QUAM verò inimici Dei & sanctæ Christianitatis omninò deuicti fuissent, & per quatuor dies & noctes fugientes huc & illuc, contigit dum SOLIMANNVS Dux illorum, filius Solimanni veteris, de Nicea ciuitate fugeret, quadam die inuenit decem millia Arabum, qui dixerunt ei: O infelix & miser omnium gentilium, cur tremefactus adhuc fugis? Quibus Solimannus lacrymabiliter ait: Verumtamen olim cum habuissem omnes Francos deuictos, eosque putabam iam habere in captiuitate ligatos, dum paulatim voluissem ligare ad inuicem, tunc respiciens retrò, vidi tam innumerabilem gentem eorum, quàm si vos, aut alius aliquis adesset illic, putaret quòd omnes montes, & colles & valles, & omnia plana loca plena essent illorum multitudine. Nos igitur illos cernentes, statim cœpimus capere subitaneum iter, timentes tam mirabiliter, quòd penè euasimus de illorum manibus. vnde adhuc in nimio terrore sumus. Et si mihi & meis verbis
- C** vultis credere, auferte vos hinc, quia si ipsi vos solummodò poterint scire, vnus ex vobis vix ampliùs viuere. At illi audientes talia, cœperunt retrorsum vertere scapulas, & se expanderunt per vniuersam Romaniam. sed exercitus noster persequabatur iniquissimos Turcos quotidie fugientes ante illos. At illi venientes ad cuncta castra, siue ciuitates, fingentes & deludentes habitatores illorum, dicebant: Nos deuicimus Christianos omnes, atque superauimus illos, eo tenore quòd nullus eorum iam vnquam audeat se erigere ante nos. Tantùm permittite nos intus intrare. Qui intrantes spoliabant Ecclesias, & domos, & alia omnia, & ducebant secum equos & asinos, & aurum & argentum, & mulos, & ea quæ reperire poterant. Adhuc quoque & Christianorum filios secum ducebant, & ardebant & deuastabant omnia conuenientia siue vtilia, fugientes & pauentes valde ante faciem nostram. Nostri itaque persequabantur per deserta & inaquosa, & inhabitabilem terram, ex qua vix viui euasimus. Fames verò & sitis vndique coarctabat nos, nihilque penitus nobis erat ad edendum, nisi fortè vellentes & fricantes spicas manibus nostris, de tali cibo quàm miserrimè vivebamus. Ibi fuit mortua maxima pars nostrorum equorum, propter quod multi ex nostris militibus remanserunt pedites, & pro paupertate equorum erant nobis boues in ordine caballorum, & pro nimia necessitate sufficiebant nobis capræ, & arietes, & canes, ad portandum nostra. Interea cœpimus intrare optimam terram, plenam temporalibus bonis, &

aliis deliciis, scilicet omnibus bonis: ac deinceps adproximauimus Iconium. Ha- A
 bitatores enim illius suadentes admonebant nos, ferentes simul nobiscum vtres
 plenos aquâ: quia illic in itinere dici vnus fuit maxima paupertas aquæ. Nos verò
 facientes ita, consensimus illorum cōsiliis, donec peruenimus ad quoddam flumen,
 ibique morati fuimus per duos dies. Cœperunt enim curritores nostri anteire do-
 nec peruenerunt ad Eracleam, in qua erat nimia Turcorum congregatio, expe-
 ctans atque insidians, quomodo Christi militibus nocere potuissent. Quos Turcos
 milites Dei omnipotentis inuenientes, audacter inuaserunt. Superati itaque sunt
 Deo annuente inimici nostri in illa die, fugientēque scapulas dederunt. Nostri
 igitur intrauerunt statim ciuitatem, atque manserunt illic quatuor dies. Qui verò
 diuiserunt se ab aliis, Tancredus honorabilis & acerrimus miles Marchisi filius, &
 Balduinus Comes egregius frater Ducis GODEFRIDI, & insimul intrauerunt
 in vallem de *Barentos*. Diuisit enim se Tancredus, & venit Tharso solummodo
 cum suis militibus. Exierunt namque Turci de ciuitate, & venerunt obuiam eis,
 atq; in vnum sunt congregati, & præparauerunt se ad bellum contra Christianos.
 Appropinquantē itaq; nostri atque pugnantes omnes, dederunt inimici nostri fu-
 gam, reuertentes in ciuitatem celeri gressu. Tancredus verò vir prudens, atque ho-
 norabilis Christi miles, peruenit laxatis loris ad castra ante ciuitatis portam. Ex alia
 igitur parte venit vir sapientissimus Comes BALDVINVS cum suo exercitu, postu-
 lans & deprecans Tancredum acerrimum militem, quatinus eum amicissimē in ci-
 uitatis societatem suscipere dignaretur. Cui ait Tancredus: Te omnino in hac B
 ciuitate denego. Nocte itaque superueniente, tremefacti omnes Turci, vna arri-
 puerunt fugam. Exierunt quippe habitatores sub ipsa noctis obscuritate, clamātes,
 atq; dicentes excelsa voce: Currite, inuictissimi Franci, currite: quia Turci exper-
 gefacti vestro timore omnes pariter recedunt. Recedente autem nocte, lux cœpit
 paulatim insurgere, veneruntque ciuitatis Maiores, & reddiderunt sponte ciuita-
 tem, dicentes illis qui ad inuicem litigabant: Sinite nunc Seniores, sinite modò,
 quia nos illum flagitamus, & petimus dominari & regnare super nos, qui heri tam
 viriliter pugnavit cum Turcis. BALDVINVS itaque mirificus Comes altercans
 & litigans cum prudentissimo Tancredo, dicebat: Intremus insimul, & expolie-
 mus ciuitatem: qui plus poterit habere, habeat; & qui potest capere, capiat. Cui
 obstans Tancredus, dixit: Absit hoc à me. Ego enim Christianos nolo exspoliare.
 Homines istius ciuitatis elegerunt me illorum esse Dominum, meque habere desi-
 derant. Nouissimē verò nequiuit Tancredus diu luctari cum Balduino doctissimo
 Comite, quia maximus illi erat exercitus. Tamen volens nolēque dimisit eum,
 & viriliter recessit cum suo exercitu. Fueruntque ei redditæ duæ optimæ ciuitates:
 videlicet Athena & Mamistra, & plurima castra. Maior verò exercitus, scilicet
 RAIMVNDVS Comes de Sancto Egidio, & Boamundus, & Dux GODEFRIDVS,
 & alij plures Principes, in Hermeniorum intrauerunt terram, sitientes atq; æstuan-
 tes Turcorum sanguinem. Tandem perueniunt ad quoddam castrum, quod tam O
 forte erat, quòd ei nihil potuerunt facere. Erat autem ibi quidam homo nomine
 Simeon, qui in ea ortus fuerat regione, quique hanc petiit terram, quatenus eam
 defenderet de manibus Turcorum. Cui sponte illi dederunt terram, quique reman-
 sit ibi cum gente sua. Nos verò exeuntes inde, peruenimus feliciter vsq; Cæsaream
 Cappadociæ. A Cappadocia egressi, venimus ad quandam ciuitatem valde pul-
 chram, & nimis vberimam: quam paululum ante nostrum aduentum obsederant
 Turci per tres hebdomadas, eamque minimē superauerunt. Mox illic aduenienti-
 bus nobis, continuò se tradidit in manu nostra cum magna lætitia. Hanc igitur pe-
 tiit quidam miles, cui nomen Petrus de Aluph, ab omnibus Senioribus, quatinus
 eam defenderet in fidelitate Dei, & S. Sepulchri, & Seniorū, atq; Imperatoris Cui
 Seniores cum nimio amore gratis concesserunt eam. Recedente autē die, nocte ve-
 rò appropinquāte, audiuit Boamundus quòd Turci, qui fuerāt in obsessione ciuita-
 tis, frequenter præcederent nos. Extemplo præparauit se solūmodò cum militibus,
 quatinus illos dimicaret vndique. quos etiam inuenire non potuit. Deinceps veni-
 mus ad quandam ciuitatem nomine *Coxan*, in qua erat maxima vbertas, atq; stipata
 omnibus bonis, quæ nobis erant necessaria. Christiani igitur, videlicet alumni illius
 ciuitatis, reddiderunt se statim, nosq; fuimus ibi satis optimē per tres dies, atq; illic
 maximē sunt recuperati nostri. Audiens itaque Raimundus Comes de Sancto Egi-

A dio, quòd Turci, qui erant in custodia Antiochiæ, discessissent, in suo inuenit consilio cum suis hominibus, quoniam misisset illic qui eam diligenter custodirent. Tandem elegit illos quos legare voluit: videlicet Petrum de Castellione Vicecomitem, & Guillelmum de Montepislerio, & Aralium Vicecomitem, & Petrum de Roias, & Petrum Raimundum d'Alphul*, cum quingentis militibus. Venerunt ergo in vallem prope Antiochiam ad quoddam castrum Publicanorum: illicque audierunt Turcos fore in ciuitate, eamque fortiter defendere præparabant. Petrus de Roias diuisit se ab aliis, & proxima nocte transiuit prope Antiochiam, & intrauit feliciter in vallem de Rugia: & inuenit Turcos, & Sarracenos, & præliatus est cum eis, & occidit multos ex eis, & alios persecutus est valde. Misitque plenam hastam de labiis & nasibus Turcorum Raimundo Comiti. Videntes hoc Hermenij, scilicet habitatores terræ illius, illum fortiter superasse paganos, continuo illi reddiderunt sese. Ipse verò statim apprehendit *Rursam* ciuitatem, & plurima castra. Nos autem, qui remansimus retrò, exeuntes indè transiuimus per diabolicam montaneam, quæ tam nimis erat alta & angusta, quòd nullus nostrorum audebat per tramitem illius, aut per semitam, quæ in monte patebat, aut alium præire. Illic præcipitabant sese equi, & vnus sagmarius præcipitabat alium. Milites ergo stabant vndique tristes, plaudebant manibus præ nimia tristitia, atque dolore: dubitantes quid facere debuissent de semetipsis, & de suis armis: videntes suos clypeos, & loricas nimis optimas, & galeas, solummodo per tres denarios, aut quinque, siue per id quod plus poterant habere. Qui autem vendere nequibant, gratis & in munere iactabant, & ibant. Exeuntes igitur de execrata montanea, peruenimus ad quandam ciuitatem, quæ vocatur *Marusim**. Cultores verò illius ciuitatis exierunt obuiam nobis lætantes, deferentes maximum mercatum: illicque satis habuimus omnem copiam, expectando donec venit Boamundus. Venerunt itaque nostri milites, & appropinquauerunt in valle, in qua regalis ciuitas Antiochia sita est, quæ est caput totius Syriæ: quam Dominus Iesus Christus tradidit beato Petro Principi Apostolorum, quatinus eam ad cultum sanctæ fidei vocaret. qui viuit & regnat trinus & vnus Deus per cuncta secula. Amen.

* de Altopullo, R. de Agil. p. 150. l. 48.

* Marusim Bal. l. 2. p. 101. Marusim Guib. l. 4. p. 499.

Quomodo obfessa est ciuitas ANTIOCHIA à Christianis.

CUMQUE cœpimus ad Pontem-Ferreum appropinquare, curritores nostri, qui solebant præcedere nos, inuenerunt Turcos innumerabiles congregatos obuiam eis, qui dare adiutorium Antiochiæ festinabant. Irruentes igitur nostri vno corde & mente super illos sapienter, Turci vehementer superati sunt. Consternati sunt omnes barbari, & dederunt celerius fugam, & multi mortui sunt ex eis in illo certamine. Nostri igitur superantes illos, Deo adiuuante, acceperunt spolia multa, equos & mulos, camelos & asinos, onustos frumento & vino. Venientes itaque nostri castrametati sunt super ripam fluminis. Protinusequitauit BOAMUNDVS cum quatuor millibus militum, & venit ante portam ciuitatis vigilare, an fortè aliquis nocte latenter exiret, aut intraret ciuitatem. Crastina verò die peruenierunt vsque Antiochiam ciuitatem ad medietatem diei, in quarta feria, quod est XII. Kal. Nouembris, & obsedimus mirabiliter tres portas ciuitatis: quoniam in alia parte deerat nobis locus obsidendi, quia nimis alta montanea nos coarctabat. Tantum namque eminebant nobis vndiq; inimici nostri Turci, qui erant intus in ciuitate, quòd nemo illorū audebat offendere aliquem ex nostris, ferè per spacium dierum quindecim. Mox hospitantibus nobis circa Antiochiā, reperimus satis illic de rore cœli abundantiam: videlicet vineas vndique plenas, foueas plenas frumento, arbores refertas pomis iocundis ad edendum, & alia multa bona, quæ alimentis corporeis sunt vtilia. Hermenij & Suriani, qui erant intus in ciuitate, exeuntes ostendebant sese, fugientes. Qui cotidie erant vnà nobiscum, quique habebant vxores suas intus in ciuitate. Illi namque ingeniosè inuestigabant nostrum esse, nostramque essentiam & qualitatem, & illis referebant omnia quæ videbant foris facta, vel eis qui erant intus. Postquàm verò Turci fuerunt edocti de nostra notitia atque facto, cœperunt paulatim extra ciuitatem exire, nostrósque peregrinos vndique coangustare, non solum ex vna parte, sed vndique erant latentes obuiam nobis ad mare, & ad montaneam. Erat autem ab hoste non longè quoddam ca-

strum, cui nomen *Aregb*. Illic congregati erant fortissimi Turci non pauci, sed plures qui frequenter conturbabant nostros homines. Reperto itaque loco, vbi illi latebant, nostri milites, qui subtiliter querebant illos, obuiam veniunt illis. At nostris paulatim redeuntibus retrò, vbi sciebant Boamundum reconditum cum suo exercitu, statim fuerunt illic mortui multi ex nostris militibus. Hoc itaque Boamundus audiens, surrexit continuò vt fortissimus CHRISTI athleta. Barbari verò illic irruerunt contra, eò quòd nostri erant pauci: tamen insimul iuncti inierunt bellum. Mortui namque sunt multi ex inimicis nostris, & capti, qui fuerunt deducti ante ciuitatis portam, & decollabantur ibi, vt magis tristes fierent illi qui erant in ciuitate. Exiebant quippe alij de ciuitate, ita quòd si mittebant sagittas, cadebant in Boamundi plateam, & vna die quædam mulier occubuit ictu sagittæ.

CONGREGATI itaque omnes nostri Maiores ordinauerunt consilium, dicentes: Faciamus igitur castrum in vertice montis *Maregart*, qui mons est super Boamundi hostem, quo secuti & tui possimus manere de Turcorum fortitudine. Facto itaque castro, & munito, omnes Maiores studiosè adinuicem illud custodiebant. Iam iamque cœperant frumentum & omnia nutrimenta corporis nimis esse cara ante Domini nostri IESU CHRISTI Natiuitatem. Foras nihil penitus audebamus, nihil in terra Christianorum ad edendum penitus inuenire. In Sarracenorum namque terra nemo intrare audebat, nisi cum maxima gente. Ad vltimum statuerunt Seniores nostri consilium, ordinantes quemadmodum rectè regerent has gentes. Inuenerunt itaque in consilio, quatenus vna pars nostri diligenter pergit abstrahere stipendium, inibique custodire exercitum: alia quoque pars fiducialiter remaneat custodire hostem. Boamundus ergo dixit: Seniores & prudentissimi milites, si vos vultis, & bonum honestumq; videtur vobis, ego ibo cum prudentissimo Flandrensi Comite. Celebratis itaq; gloriosissimè solemnitatibus Natiuitatis, die Lunæ, scilicet secunda feria, egressi sunt, & alij plusquam viginti millia militum & peditum, & sani & incolumes intrauerunt Sarracenorum terram. Congregati quippe erant multi Turci, & Arabes, & Sarraceni, ab Hierusalem, & Damasco, & Aleph, & ab illa regione qui veniebant Antiochiæ fortitudinem dare. Audientes itaque isti Christianorum gentem esse conductam in illorum terram, illic præparauerunt sese ad bellum contra Christianos, atque summo diluculo venerunt in locum, quo nostra gens erat in vnum. Diuiseruntque se ab inuicem barbari, & fecerunt duas acies: vna acies antè, altera retrò, cupientes ex omni parte circumcingere nos. Egregius igitur Comes Flandrensis, vndiq; regimine fidei, ac signo crucis, quam fideliter baiulabat, armatus, occurrit illis vnà cum prudentissimo Boamundo. Irrueruntq; nostri vnanimiter super illos. Qui statim arripuerunt fugam, & festinanter verterunt scapulas retrò, & mortui sunt multi ex illis. alij remanserunt viui, velociter fugientes. Ierunt extunc & nunc in iram perditionis. Nos autem reuersi sumus cum magno tripudio, laudantes & magnificantes trinum & vnum Deum, qui viuit & regnat nunc & semper in æuum, amen. Turci verò inimici Dei videlicet & sanctæ Christianitatis, qui erant in custodia ciuitatis Antiochiæ, audientes Boamundum & Flandrensem Comitem in obsidione non esse, exierunt de ciuitate, & audacter veniebant præliari nobiscum, insidiantes vndique, ex qua parte plus esset obsidio languida, scientes illos prudentissimos milites foris esse. Inueneruntq; quòd in vnà die Martis potuissent nos lædere, & obsistere nobis. Veneruntque iniquissimi cautè, & irruerunt vehementer super nos nescientes hoc bellum, atque ignorantes occideruntque multos ex nostris milites & pedones. Episcopus namque Podiensis Sanctæ Mariæ in illa amara die perdidit suum Senescalcum, conducentem & regentem suum vexillum. Et nisi esset flumen, quod erat inter nos & illos, sæpiùs inuaderent nos, atque maximam læsionem in nostram gentem facerent. Adhuc & in nostras laxatis frænis concurrerunt tendas. Regrediebatur autem prudentissimus Boamundus simul cum exercitu suo de Sarracenorum terra, venitq; in Tancredi montaneam, cogitando an forsan ibi inueniret aliquid, quod defendere potuisset. totamque terram in expiando * miserunt. Alij inuenerunt, alij verò vacui reuerterunt. Illi verò qui inuenire non poterant, statim reuertenti festinabant. Tunc Boamundus increpauit eos valdè, dicens: O infelix & miserrima gens! ô vilissima ac dolentissima omnium Christianorum! cur tam celeriter vultis abire? Sinite modò, siuite. Usquequo erimus omnes congregati in vnum?

* en espant
& cherchât
de tous co-
stés, quod
interpollator
non intelle-
xit. Galli-
cum ff.

A Nolite errare sicut oves non habentes pastorem. Si autem inimici nostri inuenē-
rint vos errantes, occident vos: quia die noctūque vigilant atque excubant, ut vos
sine ullo ductore segregatos siue solos inueniant, qui nos coditie occidere, atque
in captiuitatem laborant ducere. Quid miseri facietis? Cūque finis esset dictis,
respiciens se antè & retrò, & cū iam inuenisset vndique solum; tamen cum illis
quos reperire potuit ad suum reuerterunt exercitum, plus vacui quàm onusti. Vi-
dentes, autem hoc Hermenij, & Sarraceni, & Græci, quod nostri penitus vacui re-
diissent, nihilque secum deferrent, consiliati in vnum abibant per montaneas, &
præscita loca, subtiliter inquirentes & euentes frumentum, & corporea alimen-
ta, quæ ad hostem deferebant, in quo fames erat immensa: & vendeabant vnus
asini onus octo purpuratis, qui ad præciati erant centum viginti denariorum solidis.
Ibi quidem mortui fuerunt multi ex nostris militibus, non habentes precium vn-
de tam carum emere potuissent.

VILLELMVS igitur CARPENTARIVS, & Petrus Heremita, pro im-
mensa infelicitate, ac miseria, quas in se sciebant, insimul consiliati, latenter reces-
serunt. Quos Tancredus persequens, apprehendit, secūmque duxit cum magno
dedecore: & fidem illi dedit V Vilhelmus, quod libenter redisset ad exercitum, &
satisfactionem Senioribus faceret. Tota namque nocte, uti mala res, in tenda Boa-
mundi iacuit. Crastina autem die summo diluculo venit erubescendo ante Boa-
mundi præsentiam. Quem alloquens Boamundus, dixit: O infelix infamia totius
Franciæ! ô dedecus & scelus Galliarum prouinciæ! & ô iniquissime omnium quos
terra suffert! cur tam turpiter fugisti? Forsitan propter hoc nequam voluisti trade-
re hos milites, & exercitum Christi, sicut tradidisti alios in Hispania? Qui omni-
nò tacuit, & nullus sermo ex eius ore processit. Adunauerunt igitur sese omnes
Francigenæ, rogaueruntque humiliter Boamundum, ne deterius ei aliquid facere
permittat. Ait verò ille: Hoc enim pro vestro amore libenter faciam, si modò to-
to corde & mente iurauerit, ita quod nunquam sit reuersurus ab itinere sancti Se-
puleri, siue bono, siue malo: & Tancredo* neque per se neque per alios amicos
suos aliquid mali fieri consentiat. Qui statim, auditis his sermonibus, libenter
concessit. Postea verò Guillelmus Carpentarius turpitudine captus, non diu mo-
rans, furtim recessit. Hanc paupertatem & miseriam pro nostris delictis concessit
nobis habere Deus. In toto namque exercitu non valebat aliquis inuenire mille
milites, qui equos haberent optimos. Igitur quidam* miles & diues & nobilis
de exercitu Imperatoris, quem Imperator commiserat Francis, ut ipse pulchrè
conduceret illos, & terram liberatam de Turcorum manibus in fidelitate Impera-
toris reciperet: ille, ille infelix audiens quod exercitus Turcorum venisset super
nos, ingemuit, arbitrānsque omnes perisse, atque incidisse in manus inimicorum
nostrorum, fingens & componens omnia fallacia, quæ iugiter machinari poterat,
dixit illis: Seniores, & prudentissimi viri, videte quia nos sumus hic in hac nimia
necessitate coacti, & ex nulla parte nobis adiutorium succedit. Ecce modò finite
me in Romanicæ reuerti patriam. absque vlla dubitatione reuertar ad vos. Ego ve-
rò huc faciam multas naues venire per mare, onustas frumento, vinò, ordeo, car-
ne, farinâ, & caseis, & omnibus bonis alimentis quæ necessaria sunt. Adhuc au-
tem & equos faciam conducere ad vendendum, & mercatum per terram Impera-
toris huc venire citò faciam. Ecce hæc omnia vobis fideliter iurabo ad tenendum.
Adhuc quoque domestici mei, & papilio meus iugiter in campo erit. Et nullo mo-
do nolite increduli esse, sed firmiter credite, quia ego quantocius ad vos reuertar.
Iuit ille inimicus, omniâque sua dimisit in campo, eo tenore quod tunc, & modò,
& semper periuratus erit. Sic itaque tali modo venerat nobis magna necessitas,
quod Turci vndique constringebant nos, quod nullus nostrorum audebat iam ex-
ire extra tentoria. tantus erat Turcorum timor. Illi namque constringebant nos
in vna parte, coangustabat nos crudelis fames in alia. Eramus nos miseri valdè, ac
dolentes. Maiores nostri quoque in nimio pauore erant. Succursus quidem aut
adiutorium nobis penitus deerat. Gens minuta & pauperrima fugiebant, alij Cy-
pro, alij in Romaniam, alij in montaneis. Ad mare vtiq̃ue non audebamus ire præ
timore pessimorum Turcorum. nullatenus erat nobis via patefacta.

* editum
alio sensu.

* Tetigus?
Tyr. lib. 2.
c. ult. p. 664.
vbi Tatinus
vocatur &
de hoc loco l.
4. c. 21. p.
694. Tatic.
Raim. de
Agil. p. 145.
Tatinus
Bald. l. 2.
p. 103.

EXPLICIT LIBER II.

VVu iij

INCIPIT LIBER TERTIVS.

Item Christiani pugnarunt cum Turcis.

INTEREA nostri Principes audientes innumerabilem gentem Turcorum venisse super nos, ceperunt consilium, dicentes: Ecce innumerabilium Turcorum exercitus venit super nos, quid faciemus? Nos quidem tanti non sumus, quòd in duabus partibus pugnare valeamus cum illis. Faciamus ergo ex nobis duas partes. Pars namque militum remaneat iugiter custodire papiliones nostros, & obistere his qui in ciuitate sunt. Et alia pars militum simul equiter obuiam inimicis nostris, qui hñc hospitati sunt prope nos in castello quod vocatur *Areg*, vltra Pontem-Ferreum. Serò autem factò, exierunt de tentoriis, & consilium fecerunt, dicentes: Omnes eamus contra inimicos nostros, qui sunt viginti quinque millia, sicut narratur nobis. Sed Podiensis Episcopus, & Rotbertus Normannus, & Eustachius Comes, remaneant custodire ab illis qui in ciuitate sunt. Summo autem diluculo remiserunt ex militibus suis, qui exierunt videre exercitum Turcorum, & vbi sunt, & quid certè agant. Exierunt itaque illi, & cœperunt subtiliter inquirere, vbi acies eorum Turcorum sunt reconditæ. Illicò viderunt segregatos venite ex parte fluminis diuisos per duas acies: maxima verò illorum virtus veniebat retrò. Reuersi sunt ego celeriter nostri, dicentes: Ecce, ecce iam veniunt. Estote B itaque omnes vndique parati, quia iam prope sunt nobis, sicut potestis videre. Decreuerunt nostri se vt vnusquisque ex maioribus per se ordinaret suam aciem. Mox ordinauerunt sex acies. Quinque autem acies ierunt adunatim inuadere illos. Flandrensis Comes fuit in primo capite. BOAMUNDVS paulatim gradiebatur retrò cum sua acie. Iuncti igitur prosperè nostri cum Turcis, vnusquisque sternerbat alium. Clamor verò eorum resonabat ad cœlum. Imbres telorum obnubilabant aërem. Postquàm venit maxima virtus eorum, quæ erat retrò, acriter inuasit nostros, ita vt nostri iam paululum recederent retrò. Hoc cum vidit Boamundus, ingemuit. Præcepit ergo Constabili suo, scilicet Rotberto filio Girardi, dicens: Recordare prudentium antiquorum, & nostrorum fortium parentum, quales fuerunt, & qualia bella fecerunt. Fuit itaque ille signo crucis armatus vt fortissimus athleta, & sicut sapiens & prudens inuasit illos, deferens vexillum Boamundi. Videntes autem aliz acies, quòd vexillum Boamundi tam prudentissimè foret ante alios delatum, reuersi sunt retrorsum, & ipsos vnanimiter inuasērunt. Fueruntque nostri numero septingenti, Turci viginti quinque millia. Sed gratiâ Dei omnes stupefacti arripuerunt fugam, & verterunt statim scapulas retrò. Nostri igitur persecuti sunt illos, superantes ac detruncantes. Reuersi sunt verò Turci festinanter in suum castrum. Qui viui remanserunt, acceperunt omnia quæ ibi reperire potuerunt, totum castrum exspoliauerunt, miseruntque ignem, & fugerunt. Hermenij, & Suriani, & Græci, scientes omninò Turcos perdidisse bellum, exierunt & excubauerunt per arcta loca: & occiderunt, & apprehenderunt multos ex eis. Superati sunt itaque Deo annuente in illa die inimici nostri. Satis verò recuperati sunt de equis, & aliis rebus multis, quæ erant illis valdè necessariæ. Accipientes itaque multa spolia, deduxerunt multos ex illis inimicis viuos secum: & plurima capita mortuorum detulerunt ante portam ciuitatis, vbi Legati Ammirati Babyloniz castra metati fuerant. quæ mittebantur Comiti de Sancto Egidio & aliis Senioribus. Illi, qui remanserunt in tentoriis, tota die præliati sunt cum illis qui in ciuitate erant, ante tres portas ciuitatis. Factum est hoc bellum in die Martis ante Caput Ieiunij, v. Idus Februarij, fauente Dominò nostro IESV CHRISTO, qui cum Patre & Spiritu sancto viuít & regnat, amen.

REVERSI sunt itaque nostri, hoc agente Deo, gaudentes de triumpho, quem in die illo habuerunt de inimicis, qui sunt per omnia semper superati: fugientes, huc & illuc vagantes, & errantes, alij in Corosanum, alij verò in Saracenorum intrauerunt terram. Videntes autem nostri Maiores ac Seniores, quòd malè tractarent nos & constringerent inimici nostri, qui erant in ciuitate, (die enim ac nocte iugiter vigilabant & insidiabantur, qua parte nos lædere ac angustari potuissent)

A congregati in vnum consilium petierunt, dicentes: Priusquàm perdamus gentem Dei & nostram, faciamus castrum ad Macomariam, quæ est ante portam vbi pons est: ibique forsitan poterimus inimicos nostros constringere. Consensere omnes consilio, & laudauerunt quòd bonum esset ad faciendum. Comes de Sancto Egidio dixit primus: Estote mihi in adiutorium ad faciendum castrum, & ego muniam & seruabo. Respondit illi Boamundus: Si vos vultis, & alij Seniores laudauerint, ibo vobiscum ad portam Sancti Simeonis, diligenter conducere illos qui illic sunt homines, qui hoc fideliter peragant opus. Alij qui sunt remansuri vndique muniant sese ad defendendum, si fortè inimici nostri & Dei exierint de ciuitate, & in loco illo sint omnes congregati in vnum, scilicet vbi nos demonstrabimus. Factumque est ita. Comes igitur & Boamundus perrexerunt ad Sancti Simeonis portum. Nos itaque, qui remansimus congregati in vnum, vbi castrum incipere debuissimus, tunc Turci videntes hoc præparauerunt se, & illicò exierunt extra ciuitatem obuiam nobis ad prælium. Sic itaque irruerunt super nos, & miserunt nos in fugam, & occiderunt plures ex nostris militibus. vnde nos tristes dolentésque fuimus. Crastino autem videntes Turci, quoniam Maiores nostri non essent in obfessione, & quòd hesternæ die militassent ad portum: præparauerunt se omnes Maiores de Turcorum exercitu, & militauerunt illis obuiâ venientibus è portu. Tunc videntes Comitem & Boamundum venientes, & cōducentes gentem de portu, continuo cœperunt stridere & garrere, & clamare vehemētissimo clamore, circumcingentes vndique nostros, sagittando & vulnerando, ac crudeliter vndique detruncando ensibus. Tam acriter inuaserunt nostros, quòd illi inierunt fugam per proximam montancam, ac vbi patebat via eundi. Qui potuit se expedire celeri gressu, euasit viuus. Ille verò qui fugere nequiuit, pro Christi nomine martyrium suscepit. Fueruntque in illa die martyrisati ex nostris militibus siue peditibus plus quàm mille, qui in cœlum lætantes ascendebant, candidatam ferentes stolam recepti martyrij, glorificantes & laudantes Deum trinum & vnum, in quo feliciter triumphabant, & dicebant concordabili voce: Quare non defendis sanguinem nostrum, Deus noster, qui hodie est effusus pro tuo nomine? Boamundus itaque viam, quam alij tenuerunt, non tenuit: sed celerius venit cum paucis militibus laxatis frænis, donec properasset vsque ad nos, qui eramus in vnum congregati ultra fluuium Pharphar. Tunc nos accensi in ira occisione nostrorum, CHRISTI inuocato nomine, & sancti confidentes Sepulchri Christi itinere, iuncti insimul sic peruenimus contra eos ad bellum, quo vsq; inuasimus vno corde & animo. Stabant autem inimici nostri & Dei vndique stupefacti, & vehementer perterriti, & putantes nos deuincere & occidere, quemadmodum gentem Comitis Raimundi, & Boamundi. Sed omnipotens Deus hoc illis permittere nullatenus voluit. Tunc Dux GODEFRIDVS Christi miles potentissimus irruens in eos euaginato ense, percussit quendam gentilem ferocissimum tam viriliter, vt in duas partes ipsum diuideret, à vertice videlicet vsque in sellam equi. Actumque est ex Dei prouidentia, vt quamuis in duo discissus, minimè ex toto de equo dilaberetur. Post hunc aggressus alium ex obliquo, secuit eum per medium. Exhinc maximus terror & horror omnes inimicos Christianitatis perculit, non solum qui præsentés aderant, sed omnes qui hoc vtrumque audire potuerunt. Deinde Dux per omnia memorandus illos in fugam versos persequens, nunc hos, nunc illos, vt leo fortissimus inuadens, detruncabat, & in amnem præcipitabat. Simili autem modo HVG O MAGNVS, & Comes Sancti Egidij, & Boamundus, & Flandrensis Comes, & alij Proceres ipsos trucidabant, & in amnem præcipitabant. Locus verò fugiendi non erat, nisi solummodò per pontem, qui tunc illis perangustus erat, ipsique semetipsos præpedientes in flumine demergebantur. Milites igitur veri Dei vndique signo crucis protecti irruerunt nimis acriter super illos, & fortiter inuaserunt. Illi autem arripuerunt celerem fugam per medium pontis angusti, ad illorum interitum. Illi, qui viui non potuerunt pertransire pontem præ nimia multitudine gentium & caballorum, ibi receperunt sempiternum interitum, & rediderunt infelices animas diabolo, & sathanæ ministris. Nos itaque superantes eos impellebamus in flumen, cum nostris mortiferis lanceis. Vnda quoque rapidi fluminis vbique videbatur fluere rubea Turcorum sanguine. Et si fortè aliquis eorum voluisset reptare super pontis columnas, aut natando vulneratus ad terram

*Videndum
Tyrinu lib. 5.
c. 6. p. 701.
Albericus
Aquensis l. 3.
c. 65. p. 138.
Robertus
Mon. lib. 4.
p. 50. & l. 9.
p. 75.*

moliretur exire, nos vndique natantes super ripam fluminis impellebamus, ne-
cantes eum impetu rapidi fluminis. Rumor quoq; & clamor nostrorum & illorum
resonabat ad cœlum. Pluuiæ telorum & sagittarum tegebant polum, & claritatem
diei: altæ voces intus & extra ciuitatem erant. Mulieres ciuitatis veniebant ad
muri fenestras Christianæ, inspectantes misera fata Turcorum: & plaudebant
manibus occultè, sicut mos est illarum. Hermenij, & Suriani, & Græci, iussu ma-
iorum Turcorum tyrannorum quotidie inuiti siue spontè sagittabant celeres sa-
gittas. Mortui sunt in anima & corpore duodecim Ammiralij de Turcorum agmi-
ne in prælio illo, & aliorum prudentissimorum militum & fortiorum, qui meliùs
pugnando ciuitatem defendebant, numerus quorum mille quingenti. Alij qui re-
manferunt viui, iam non ampliùs audebant clamare, neque garrere, in die siue in
nocte, sicut antè solebant. Omnes itaque nos & illos non separauit quisquam nisi
solummodò nox. Nox itaque diuisit vtrosque præliando, & iaculando, & sagit-
tando. Sicque virtute Dei & sancti Sepulchri superati sunt inimici nostri, eo te-
nore quòd vltèriùs non valuerunt habere talem virtutem neque in voce, neque
in opere, sicut priùs. Nos itaque valde fuimus in illa refecti die de illorum equis,
& de aliis multis rebus quæ satis nobis erant necessariæ. Crastina autem die sum-
mo diluculo exierunt alij Turci de ciuitate, & collegerunt omnia cadauera fœ-
tentia Turcorum mortuorum, quæ reperire potuerunt super ripam fluminis, ex-
ceptis illis quæ in alueo latebant fluminis, & sepelire fecerunt ad Machomariam, **B**
quæ est vltra pontem ciuitatis ante portam. Simùlque cum illis sepelière pallia,
byssanteos aureos, arcus, & sagittas, & alia quamplurima instrumenta, quæ nomi-
nare nequiuimus. Audientes itaque nostri, quòd humare mortuos Turcos fecis-
sent, omnes statim præparauerunt sese, & venerunt festinantes ad diabolicum
atrium, & iusserunt desepelire, & frangere eorum tumbas, & trahere illos extra
illorum sepulturas. Et eiecerunt eorum cadauera omnia in quandam foueam, &
deportauerunt cæsorum capita ad tentoria nostra, quatinus perfectè sciretur eo-
rum numerus: excepto quòd equos onustos eorum capitibus quatuor fuerunt ad
mare nunciis Amiralij Babylonis delata. Quod videntes Turci, nimis fuerunt
tristes, & dolentes vsque ad necem. Qui cotidie plorantes, nil aliud quibant fa-
cere, nisi plorare & vlulare. Tertia autem die veniente, cœperunt gaudentes &
exultantes iuncti insimul ædificare eodem die castrum illud iam supradictum, de
iisdem lapidibus, quos abstraximus desuper humatis Turcorum corporibus. Per-
acto itaque castro, mox cœpimus ex omni parte coangustare prudenter inimicos
nostros, quorum tumida colla ad nihilum iam erant redacta. Quod castrum vnus-
quisque Seniorum nostrorum fecit per partem immenso aggere & muro: & ædifi-
cauerunt in eo duas turres in Machomaria. Nos autem securè ambulabamus hue
& illuc ad portum, & ad montaneam: laudantes & glorificantes iocunda, læta, &
consona voce, Dominum Deum nostrum, cui est honor & gloria per cuncta se-
culorum secula, amen. **C**

Raimundus erexit castrum suum contra ciuitatem.

OMNES verò Seniores nostri & Principes commiserunt illud castrum RAIMUNDO Sancti Egidij ad custodiendum, eò quòd ipse haberet plus milites in sua familia, quàm alij, & plus poterat dare. Ille quoque conseruauit castrum cum suo exercitu, & cum eo fuit GASTOS DE BIART cum suis hominibus, & Petrus Vicecomes de Castellon, & Raimundus Vicecomes de Torena, & Guillelmus de Montepeslerio, & Goffredus, & Petrus Raimundus d'Alpoz, & Guillelmus de Sabra. Omnes isti, & alij plures cum hominibus suis, fuerunt cum eo. Raimundus quoque Sancti Egidij quos milites, videlicet clientes, inuenire per censum potuit, ad castrum custodiendum per conuentionem retinuit. Vna die exierunt de ciuitate, & venerunt ad castrum, quod vndique circumdederunt clamando, & sagittando, nostròsque vulnerando, & occidendo: ita quòd etiam tentoria nostrorum erant cooperta infixis sagittis. & nisi esset succursus, qui venit de alio exercitu, maximum damnum in eis fecissent. Hoc nostri videntes, statim ordinauerunt vt facerent maximam talpam, cum qua potuissent perforare pontem. & fecerunt. Quadam die prælia verterunt super pontem, & duxerunt talpam: fueruntque Turci mortui multi, & pons perforatus est. Nocte verò dormientibus

A nobis, exierunt Turci de ciuitate & arserunt talpam, & restaurauerunt pontem. vnde nimis exercitus Christi iratus fuit. Alia die adduxerunt Turci super murum ciuitatis quendam militem nostrorum nobilem, nomine Rainaldum Porchetum, quem diu tenuerant in malis carceribus: dixeruntque vt loqueretur cum CHRISTI peregrinis, quatenus eum redimerent maximo censu, antequam caput amisisset. Qui cum esset super murum, loquutus est Senioribus, dicens nostris: Seniores, tantum quidem valet, quasi iam ego mortuus essem. Et ideo deprecor vos sicuti meos fratres, vt per me nullum funus offeratis. Sed estote securi in fide CHRISTI, & sancti Sepulchri, quia Deus vobiscum est, & semper erit. Omnes maiores itaque & audaciores huius ciuitatis occidistis, videlicet duodecim Amiralios, & mille quingentos nobilium, nullusque remansit qui praeliari vobiscum audeat, neque ciuitatem defendere. Interrogauerunt autem Turci Drogmandum, quid Rainaldus dicebat. Qui dixit illis: Nihil loquitur boni de nobis. Tunc Cassianus Amiralius continuo iussit eum descendere de muro, dixitque ei per Drogmandum: Rainaldus, vis vobiscum honeste viuere, & gaudere? Rainaldus respondit: Quomodo vobiscum honeste sine peccato viuere potero? Dixitque Amiralius: Abnega Deum tuum, quem credis & colis, & crede Malphium, & nostris Diis aliis. Quod si feceris, dabimus tibi omnia quae petieris, videlicet aurum & argentum, equos & mulos, & alia plurima ornamenta, quae volueris, & uxores, & hereditates: & maximo honore ditabimus te. Cui Rainaldus respondit: Date mihi spacium, quo possim conciliari mecum. Et Amiralius respondit, & libenti animo concessit. Tunc Rainaldus proiecit se in orationibus iunctis manibus in terra contra Orientem: humiliter Deum rogans, vt ei subueniat, suamque animam in sinu Abrahæ dignanter suscipiat. Quod cum vidisset Amiralius, vocauit Drogmandum, & dixit ei: Quid ait Rainaldus? Drogmandus respondit: Dominum Deum suum nullo modo negauit. Quod audiens Amiralius, nimis iratus fuit. Illico iussit eum decollari, & Turci cum magno gaudio decollauerunt eum. Cuius animam confestim suscipientes Angeli, ante conspectum Domini, pro cuius amore martyrium suscepit, gaudentes detulerunt. Tunc Amiralius iratus fuit vehementer, ideo quod Rainaldum ad suos non potuit conuertere Deos. Statim iussit ad se omnes peregrinos adduci, qui erant in ciuitate, ligatis post tergum manibus. Cumque ante eum venissent, imperauit vt nudi expoliarentur omnes. Cum ergo expoliati fuissent, fecit constrictè congregari in vnum, & cum fune ligari omnes in girum: & fecit ligna, & paleam, & fœnum circa eos ordinari, ac deinde ac si inimicus Dei ignem fecit immitti. Christiani igitur videlicet CHRISTI milites, valde stridebant & clamabant: quorum voces resonabant ad cœlum ad Deum, pro cuius amore eorum carnes & ossa in ignem cremabantur. Et sic martyrisati fuerunt omnes isti in vna die, portantes in cœlum candidas stolas ante Deum, pro cuius amore fideliter hæc passi sunt: regnante Domino Deo nostro, cui est honor & gloria in secula seculorum, amen.

CUM iam omnes semitæ prohibitz starent Turcis, nisi ex illa parte fluminis, in quo erat quoddam castrum in quodam Monasterio, quod si perfecte fieret corroboratum, iam nullus auderet extra ciuitatis portam exire: consiliati sunt fideliter nostri, concordali vna voce dicentes: Eligamus vnum quempiam ex nobis, qui robuste illud teneat castrum, & nostris inimicis prohibeat viriliter montaneas, siue planum, & introitum & exitum ciuitatis. Plures verò ex illis prohibebant se illud hospitari, nisi fortè multi fuissent in vnum. **T**ANCREDVS igitur primus protulit se ante alios, dicens: Verumtamen, si scirem quid proficui mihi attigerit, ego sedulo solummodo cum meis hominibus corroborabo castrum, & viam, per quam inimici nostri solent frequenter sæuire, viriliter illis omnino deuertabo. Qui continuo sponderunt ei quadringentos marcos argenti. Non adqueuit Tancredus, quanquam solus esset, tamen perrexit cum honestissimis militibus & seruientibus, & extemplo abstulit vndique viam & semitam Turcis: neque propter herbam, neque propter ligna, neque propter vlla necessaria recessit. Remansit autem ibi Tancredus cum suis hominibus, & cepit vehementer vbique coangustare ciuitatem. Ipsa autem die veniebat maxima pars Hermeniorum, & Surianorum securè de montaneis, qui ferebant alimenta Turcis in adiutorium ciuitatis. Quibus obuiam venit Tancredus, & confestim apprehendit, & omnia

quæ deferebant, videlicet frumentum, vinum, & oleum, & alia huiusmodi. Sic A itaque prosperè robustèque deducebat se Tancredus, etiam quoque habebat prohibitas & incisas omnes semitas Tureis, vsquedum Antiochia fieret capta. Omnia quæ fecimus antequam Antiochia capta fuisset, nequeo enarrare. Quæ facta sunt, vel quomodo fuerint postea, aliquantulum volo explicare. Idèd aliquantulum dico, quia nemo est in his partibus, qui omninò, siue Clericus siue laicus, dicere siue narrare possit sicut res est acta.

INTEREA igitur erat quidam Amiralus de genere Turcorum, cui nomen Pyrrus, qui maximam amicitiam acceperat cum Boamundo. Hunc sæpè BOAMUNDVS tangebatur cum nunciis ad inuicem missis, quòd cum infra ciuitatem amicissimè reciperet: eisque Christianitatem liberius promittebat, atque eum diuitem multo honore facere mandabat. Consensit verò ille dictis promissionibus, » dicens: Verumtamen tres turres custodio, easque libenter ei promitto, & qua- » cumque hora voluerit in eas voluntariè recolligam. Erat itaque Boamundus iam securus de introitu ciuitatis. Vna ergo gauisus, atque placido vultu, serena mente, venit ad alios omnes Seniores, eisque iocunda verba protulit in hoc modo: » Viri prudentissimi milites, videte quomodo nos omnes in nimia paupertate & mi- » seria proiecti sumus, maiores siue minores, & ignoramus penitus ex qua parte » melius succedat nobis. Si igitur vobis bonum ac honestum videtur, eligat se an- » te alios vnus ex nobis quicumque vultis, vtrum se ille vllò modo aut ingenio ciui- B » tatem acquirere, vel ingeniare, aut per se, aut per alios, concordà voce dono per- » mittamus. Qui omninò prohibentes & denegantes, dixerunt: Nemini vnquam » erit hæc ciuitas dimissa, sed omnes æqualem illam habebimus: sicut æqualem ha- » buimus laborem, sic indè habebimus æqualem honorem. Sic itaque Boamundus, auditis his verbis, paulò minus subridens protinus recessit. Non post multum ve- rò temporis audierunt omnes Maiores nostri nuncios de exercitu nostrorum hostium: videlicet Turcorum, & Publicanorum, Angulanorum, Azimitarum, & aliarum plurimarum nationum gentilium, quas numerare neque nominare nescio. Statimque adunauerunt sese omnes insimul Maiores, & fecerunt consilium, di- » centes: Quoniam si Boamundus potuerit acquirere ciuitatem aut per se, aut per » alios, nos vna libenti animo vltro ei donamus: in tantum quòd si Imperator ve- » nerit nobis in adiutorium, & omnem conuentionem sicut nobis promisit atque » iurauit attendere voluerit, nos ei eam reddemus iure. Sin autem, in suam pote- » statem habeat Boamundus. Mox itaque Boamundus cœpit cotidie humiliter suos deprecari amicos, petitione præmittendo humillima, atque dulci voce in hunc » dicendo modum: Ecce verè tempus modò habemus idoneum, in quo possumus » operari quicquid boni volumus. Igitur adiuuet me amicus meus Pyrrus. Qui sa- » tis gauisus de nuncio, ait se adiuuare illum, sicut agere debet. Nocte itaque ve- » niente in proximo, misit filium suum cautè pignus Boamundo: & quòd magis fie- » ret securus de introitu ciuitatis, amodo misit ei verba hoc modo: Quòd cras om- C » nem Francorum gentem præconiare faciat, quo in Sarracenorum terram vadat » deprædari, deindè celeriter reuertatur per sinistram montaneam. Egòque ero in- » tentione erecta, præstolans illa agmina: eaque recipiam in turres, quas habeo in » mea custodia. Deindè Boamundus confestim ad se iussit vocari seruientem quen- » dam suum, videlicet Malam-coronam, eique præcepit vt præconiares gentem maximam Francorum, quòd fideliter præpararet se in Sarracenorum eundi ter- » ram. Factumque est ita. Credidit itaque Boamundus hoc consilium Duci GODEFRIDO, & Flandrensi Comiti, & Comiti de Sancto Egidio, atque Podiensis » Episcopo. Quoniam si Deo placet erit nobis in hac nocte Antiochia reddita. Or- » dinata sunt itaque hæc omnia. Milites tenuerunt plana, & pedites montanea. Tota nocte militauerunt, & vsque prope auroram dici, & deinceps cœperunt ap- » propinquare ad turres, quas ille vigilabat. Confestim descendit Boamundus, & » præcepit omnibus, dicendo hæc verba: Ite securo animo, & felici concordia, & » ascendite per scalas in Antiochiam, quam statim habebimus, si Deo placet, in » nostra custodia. Veneruntque illi vsque ad scalam, quæ iam erat directà, & firmiter ligata ad ciuitatis mœnia: Et ascenderunt per illam homines ferè sexaginta ex nostris, & diuisi sunt per tres turres, quas ille vigilabat. Videns autem Pyrrus, quòd tam pauci fuissent ascensu ex nostris, cœpit pauere mox. Timens namque se

&

A & nostros, ne in manibus Turcorum euenissent, dixit: *Micro Francos echomai*, hoc est, Paucos Francos habeo. Vbi est Boamundus? Vbi est miles inuictus? Interim descendit quidam seruiens Longobardus deorsum, & cucurrit quantocius ad Boamundum dicens: Quid hîc stas, vir prudens? quam ob rem huc venisti? Ecce iam nos tres turres habemus. Motus est autem vir ille cum aliis omnibus, omnes gaudentes atque lætantes peruenerunt vsque ad scalam. Videntes itaque illi qui erant infra turres, cœperunt iocunda voce clamare, **ДѢВЪ НО ГѢ ВЪЛТ.** Nos verò similiter dicebamus. Et cœperunt mirabiliter continuò ascendere, & ascenderunt in turrem, & cucurrerunt festinanter ad alias turres. Quosque illic inueniebant, mortalem eis continuò dabant sententiam. fratrem quoque Pyrri occiderunt. Interea fortè rupta est scala, ex qua noster erat ascensus: vnde inter nos est orta immensa angustia, siue tristitia. & confestim fuimus omnes stupefacti ac dolentes. Quanquam fuisset fracta scala, tamen quædam porta erat iuxta nos clausa in sinistra parte, quæ quibusdam manebat incognita. nox namque erat. Sed tamen inquirendo, & palpando, & subtiliter inquirendo vbi ipsa latebat, omnes cucurrimus ad eam, ipsaque fracta intrauimus per illam. Iam innumerabilis fragor mirabiliter resonabat per vniuersam ciuitatem. Non adquieuit illic Boamundus, imperauit honorabile vexillum deferri sursum, coram castello, in quodam monte. Omnes ergo pariter nimis in ciuitate stridentibus. Summo autem diluculo audientes illi, qui foris erant ad tentoria, vehementissimum rumorem strepere per ciuitatem, exierunt festinantes, & viderunt Boamundum seorsum in monte. Celeri cucurrerunt omnes cursu, & venerunt pariter vnusquisque ad suam portam: & intrauerunt in ciuitatem, & interfecerunt Turcos & Sarracenos quos ibi reppererunt, qui fuerunt extra castrum. Alij verò ex militibus Turcorum exierunt portas, & fugientes euaserunt viui.

De morte Cassiani, quomodo interfectus est à Surianis.

CASSIANVS verò dominus illorum expauescens valdè gentem Francorum, dedit se omninò fugæ cum multis aliis qui erant cum eo: & fugiendo peruenit in Tancredi terram, non longè à ciuitate. Fatigatique erant equi eorum, & miserunt se in quoddam casale, & intrauerunt in quandam domum. Cognouerunt ergo cum habitatores terræ illius montanæ, scilicet Suriani & Hermenij. confestim apprehenderunt illum, & cæciderunt caput eius, & obtulerunt illud ante Boamundi præsentiam, vt mererentur libertatem perfectè recipere. Baltheus quoque eius, & gaina, id est vagina, fuerunt adpreciati LX. bisantos. Omnes verò plateæ ciuitatis iam vndique plenæ stabant cadaueribus mortuorum; ita vt nemo vix poterat ire per semitas ciuitatis, nisi cadauera Turcorum calcando. Hæc omnia gesta sunt tertia die intrante mense Iunij in die Iouis.

C Vnde sit benedictus Deus per cuncta secula seculorum, amen.

EXPLICIT LIBER TERTIVS.

INCIPIT LIBER QVARTVS.

CVRBALAN autem Princeps militiæ Soldani Persiæ, dum adhuc esset Crozanum Cassianus prædictus Antiochiæ legationem ei miserat, quo sibi succurreret in opportuno tempore, quoniam gens fortissima atque robustissima Francorum eum impeditum grauiter obsidebat Antiochiæ: & si adiutorium fideliter impenderet, Antiochiam ciuitatem in suis manibus continuò traderet, aut eum daret maximo munere. Cùmque iam habuisset maximum exercitum Turcorum ex longo collectum tempore, & licentiam Christianos occidendi accepisset à Calipha illorum Apostolico, illicò inchoauit iter longæ viæ Antiochiæ. Hierosolymitanus Ammiralius cum eo & cum suo exercitu fuit. Réxque Damasci ibi aduenit cum maxima gente. Isdem verò congregauit ex omni par-

te paganorum innumeras gentes: videlicet Turcos, & Arabes, & Sarracenos, & A
 Publicanos, & Azimitas, & Curtos, & Persas, & Agulanos, & alias multas gen-
 tes: quos nominare, aut numerare nemo poterat. Et Agulani fuerunt numero
 tria millia. Ipsi neque lanceas, neque vlla arma timebant: quia omnes erant coo-
 perti ferro vndique, & equi eorum, ipsique nolebant in bellum ferre arma, nisi
 solummodò gladios. Isti omnes venerunt in obsessiōe Antiochiæ ad dispergen-
 dum Francorum collegium. Et cū appropinquassent ciuitati, venit obuiam eis
 Sanzedona filius Cassiani Ammiralij Antiochiæ, & continuò cucurrit ad Curba-
 lan, lacrymabiliter rogans eum, & dixit: O inuidissime Princeps, te suppliciter
 deprecor, tuam humili deuotione prudentiam rōgito, quatenus mihi succurras:
 quoniam Franci vndique obsident me in Antiocheno oppido, ciuitatēque in
 suo tenent imperio, nōsque alienare à regione Romanæ, siue Syriæ, adhuc au-
 tem & Corrozani deposcunt. Omnia verò quæ cupiunt patriuere, patrem quo-
 que occiderunt meum: & nihil aliud est super, nisi vt me & te, omnesque ex ge-
 nere nostro interficiant gladio. Ego verò iamdudum tuum fideliter expectaui ad-
 uentum, vtrum mihi succurras in hoc periculo. Cui Curbalan respondens, ait:
 Si vis quòd ex totò corde in tuo sim proficuo, tibi que fideliter in isto succurram
 periculo, illud in mea prius manu trade oppidum: & tunc videbis qualiter ero in
 tuo proficuo, idque vigilare faciam meis hominibus. Ait quoque Sancedola: Si
 potes omnes Francos occidere, & detruncare, mihi que capita diligenter trade-
 re, ego prædictum tibi dabo fideliter oppidum, & deinde ero tibi tuus effectus ho-
 mo, & in tua fidelitate hoc custodiam oppidum. Cui Curbalan ait: Non ita erit B
 vt tu putas atque cogitas, sed committe in mea manu castrum illud. Commisit
 tamen nolens volens ei illicò castrum. Tertia autem die postquàm ciuitatē in-
 trauius, præcursores eorum ante ciuitatem præcucurrerunt. Exercitus nam-
 que illorum ad Pontem-Ferreum castrametatus est: & expugnauerunt turrem
 Turci, & occiderunt omnes quos illic inuenerunt: & nemo euasit viuus, nisi Do-
 minus illorum. quem postea ligatum repperimus in vinculis ferreis, factò maiore
 bello in vigilia beati Apostoli. Crastina autem die moto exercitu paganorum,
 appropinquauerunt ciuitati, & castrametati sunt inter duo flumina, steterunt-
 que ibi per duos dies. Recepto itaque castro, tunc Curbalan confestim aduoca-
 uit vnum Ammiralium ex suis, quem sermone sciebat veracem, mitem, & pa-
 cificum. & ait illi: Volo vt intres in fidelitate mea hoc castrum custodire, quòd
 ex tempore longissimo scio te valde fidelissimum: ideòque precor te, vt summa
 cautela hoc contineas oppidum. Adhuc namque quia scio te in opere pruden-
 tissimum, nullumque magis veracem & fortissimum hīc modò reperire nequeo.
 Cui Ammiralius ait: Tibi vnquam de tali vellem obedire officio. sed priusquàm
 me tuo arguas stimulo, hoc faciam eo tenore, quòd si Franci eiecerint vos de
 mortali prælio, eis continuò hoc reddam castrum. Dixitque Curbalan: Tam
 honestum & prudentem te cognosco, vt omne quicquid boni vis agere ego vti- C
 que consentio. Reuersus est itaque festinanter Curbalan ad suum exercitum in
 valle illa, vbi erat castrametatus. Protinus Turci deludentes Francorum colle-
 gium, detulerunt ante Curbalan conspectum quandam vilissimam ensē rubi-
 gine tectam, & deterrimum valde arcum ligneum, & lanceam nimis inutilem,
 quam abstulerunt nuper pauperibus peregrinis, dicentes: Ecce arma, quæ attu-
 lerunt Franci obuiam nobis ad pugnam. Tunc Curbalan videns hæc arma, cœ-
 pit subridere in propatulo, dicendo omnibus qui in illo erant collegio: Hæc sunt
 arma bellica atque nitida, quæ attulerunt Christiani super nos in Asiam, orti in
 Occidentali terra, scilicet in Europa, quæ est mundi pars tertia: quibus putant
 ac confidunt nos expellere & propulsare vltra Corosani confinia, & delere om-
 nia nostra nomina vltra Amasonia flumina: qui propulserunt omnes nostros pa-
 rentes à Romania & Antiochia ciuitate regia, quæ honorabile est caput totius
 Syriæ. Continuò aduocauit suum fidelem Notarium ad se, & ait:

A *Hic misit Corbalan Soldano Persia Epistolas, & ad Apostolicum Calipham.*

SCRIBE ergo citò plures Cartas, quæ in Corosanum sint legendæ, hoc modo: CALIPHÆ nostro Apostolico, & nostro Regi domino Soldano, militi fortissimo, atque omnibus prudentissimis Corosani militibus, salus & immensus honor. Satis sint læti & gauisi iocunda concordia, & satisfaciant ventribus: voluntatem imperent, & sermocinent per uniuersam regionem illam, & omnino dent sese ad petulantiam luxuriæ, utrum multos filios patrare congaudeant, qui contra Christianos bellare fortiter proualeant, & libenter suscipiant hæc tria arma, quæ olim abstulimus à Francorum turma: & discant modò quæ arma adduxit super nos gens Francigena, qualiter sunt optima atque perfectæ. Heu! certare voluit contra nostra arma, quæ sunt bis aut ter siue quater purgata sicut argentum, aut aurum purissimum. Adhuc quoque sciant omnes, quoniam ego omnes Francos intus Antiochiam habeo inclusos, & castrum in mea libera voluntate teneo. Illi namque deorsum sunt in ciuitate. Ego autem habeo iam illos omnes in mea manu, aut eos faciam capitalem subire sententiam, aut eos deducam in Corosanum in captiuitate nimia, eò quòd minantur nos suæ armis propulsare & eicere ultra Corosani confinia, aut delere omnia nostra nomina ultra Amasonia flumina: aut eiicere nos ultra superiorem Iudeam, seu eiecerunt omnes parentes nostros de cuncta Romania siue Syria. Amodò vobis namque iuro per Machomet, & per omnia Deorum nomina, quoniam ante vestram non ero reuersurus præsentiam, donec regalem Antiochiam, omnem Suriam, siue Romaniam atque Bulgariam vsque in Apuliam adquisiero mea forti dextera, ad Deorum honorem, & vestrum, omniumque nostrorum Turcorum. Sic itaque fecit finem dictis. Mater autem eiusdem Curbalan, quæ erat in Aleph ciuitate, statim accessit ei lacrymabiliter, & dixit: Fili, suntne vera ea quæ audio? Cui ille ait. Quæ? Et dixit illa. Iam audiui, quòd bellum vis committere cum Francorum gente. Cui ille ait: Verumtamen verum hoc esse omnino scias. Dixit illa: Contestor, fili, per Deorum nomina, & per tuam magnam audaciam, immensamque bonitatem, ne bellum simul cum Francis committere libeat: quoniam tu es miles inuictus, & nullam imprudentiam ex te aut tuo exercitu vnquam penitus audiui, & te è campo ab aliquo victore fugientem quisquam minimè inuenit. Diffamata est tua militiæ ab Oriente vsque in Occidentem, & omnes prudentes milites audito tuo nomine contremiscunt. Satis namque scimus, fili, quoniam tu es bellipotens, & fortis, & bellorum ingeniosus: nullaque gens Christianorum nec Paganorum ante tuum conspectum aliquam virtutem habere potuit. Sed fugiebant, solummodò audito tuo nomine, quemadmodum oues ante leonis furorem fugiunt. Ideoque obsecro te, carissime ac dilectissime fili, vt meis acquiescas consiliis, & ne vnquam in tuo hæster animo, aut in tuo inueniatur consilio, quòd bellum incipere velis simul cum Christianorum collegio. Tunc Curbalan materna audiens monita, feroci quandoque respondit sermone: Quid est hoc, mater, quod mihi refers? Puto namque quòd insanis, aut furiâ es plena. Enimuerò plus solummodò habeo mecum Ammiralios, quàm iidem Christiani sunt, maiores siue minores. Responditque ei mater eius: O dulcissime fili, Christiani nequeunt vobiscum bellare. Hoc enim scio satis, quòd ipsi non valent pugnam inferre vobiscum: sed eorum Deus pro ipsis cotidie pugnat, eosque die noctuque sua protectione defendit, & vigilat super eos, sicut pastor qui vigilat super gregem suum, & non permittit eos lædi ipse, nec conturbari ab vlla gente: & quicumque voluisset eis obistere, idem eorum Deus statim conturbat illos, sicut idem ait per os Prophetæ David: *Dissipa gentes, quæ nomen tuum, Domine, non inuocauerunt.* Antequàm verò præparati sint ad bellum incipiendum, eorum Deus optimus & bellipotens, simul cum suis Sanctis omnes iam habet inimicos deuictos: quantò magis faciet modò circa vos, quia eius vos estis inimici, & qui præparatis vos eis obistere tota virtute? Hoc namque in veritate scias, quoniam Christiani isti *Christi filij* vocati sunt, & per Prophetarum ora *filij adoptionis ac promissionis*, & per Apostolum, *Heredes Dei, coheredes autem Christi.* Quibus Christus hæreditates eis repromissas iam donauit, dicendo: *A solis ortu vsque ad occasum*, vel in Occidentem, *erunt termini vestri: ita quòd nemo audax stabit contra vos.* Et quis

Tom. IV.

XXx ij

» potest his dictis contradicere, vel obitare? Certè si hoc bellum contra illos in- A
 » cœperis, maximum erit tibi damnum & dedecus, & multos milites tuos perdi-
 » deris, & vniuersa spolia quæ apud te habes amiseris, & in nimia fuga euenieris.
 » Tu autem in hoc bello non moriêris modò, sed omnia habentia in hoc perdi-
 » deris præliò. Propterea dico tibi, non morieris modò, quia eorum Deus non
 » statim iudicat offendentem se exertâ irâ, sed quando vult eum punit manifestâ
 » vindictâ: timeóque ne te iudicet pœnali tristitiâ, & tibi dico modò, quia in hoc
 » anno moriêris. Curbalan autem valde dolens in intimis visceribus, maternis au-
 » ditis verbis respondit: Mater carissima, quæso, quis tibi dixit ista de Christiana
 » gente, quòd Deus eorum tantum amet eos, & quòd ipse pugnandi virtutem in
 » se retinet maximam, & quòd illi Christiani vincent nos in Antiocheno prælio,
 » & quòd ipsi erunt nostra capturi in prælio isto spolia, & nos persequentur im-
 » mensa victoriâ, & quòd in hoc anno ero moriturus morte subitanea? Tunc re-
 » spondit ei mater, dicens & dolens: Fili, plus quàm centum annorum tempora
 » sunt, quòd inuentum est in vestra paginâ, & in omnium gentilium voluminibus,
 » quoniam gens Christiana foret super nos veniendâ, & nos vbique vincendâ, &
 » super Paganos regnatura, & nostra gens illis vbique erit subdita. Sed ignoro amo-
 » dò, an retrò erit veniendâ. Et ego dolens itaque non desui sequi te in Aleph ci-
 » uitate pulcherrima, in qua speculando, atque ingeniosè rimando, respexi cœ-
 » lorum astra: atque ingeniendo sagaciter, ac mente sedula scrutando cœlorum
 » planetas, ac in duodecim polorum signa, siue in sortes innumeras: in eis repperi,
 » quoniam gens Christiana nos vbique foret vincendâ. Ideo timeo valde dolens, B
 » & nimis mœstissima, ne ex te infelix ego remaneam orbata. Dixitque illi Curba-
 » lan: Mater dulcissima, dic mihi omnia, quæ in corde meo sunt incredula. Quæ
 » respondens, ait: Hoc libenter, carissime, faciam, si verò sciero ea quæ tibi sunt
 » incognita. Cui ille dixit: Non sunt igitur Boamundus & Tancredus Franco-
 » rum Dij, & non eos liberabant de omnium inimicorum persecutione? Respon-
 » ditque eius mater: Fili carissime, Boamundus & Tancredus mortales sunt,
 » sicut alij homines: sed Deus illorum diligit illos præ omnibus aliis, & virtutem
 » præliandi plus quàm aliis coditæ ministrat illis. Nam Deus illorum, Omni-
 » potens est eius nomen, qui fecit cœlum & terram, & fundauit maria, & vniuersa
 » quæ in eis sunt: cuius sedes in cœlo est, parata in æternum, cuius potestas vbique
 » est metuenda. Dixitque illi filius: Si ita est causa, cum eis præliari non desinam.
 » Audiens itaque mater eius, quòd nullo modo adquiesceret consiliis suis, vehe-
 » menter dolens recessit retrorsum in Aleph ciuitate, deferens secum cuncta spolia
 » quæ conducere potuit.

TERCIA verò die armauit se Curbalan, & maxima pars Turcorum cum eo,
 veneruntque ad ciuitatem ex illa parte, in qua castrum erat. Nostri autem putan-
 tes resistere, nolentes volentesque intrauerunt ciuitatem: quibus fuit tam mira-
 biliter arta & angusta porta, quòd illic fuerunt multi mortui oppressione aliorum. O
 Interea alij pugnabant extra ciuitatem, alij intus in quinta feria per totam diem
 vsque ad vespèram. In sexta feria similiter præliati sunt per totum diem, occide-
 runtque ex nostris multos. In illa die fuit sauciatus quidam probatissimus miles,
 videlicet ARVEVS TVDEBODVS, quem detulerunt socij eius vsque deor-
 sum in ciuitatem: ibique fuit viuus vsque in Sabbato, & inter nonam & sextam
 horam migravit à seculo, viuens in Christo. Cuius corpus sepeliuit PETRVS
 quidam Sacerdos frater eius ante portam occidentalem beati Petri Apostoli, ha-
 bens maximum timorem sicut caput amittendi, & omnes alij qui in ciuitate erant.
 Omnes legentes & audientes deprecamur, vt dent eleemosynas & orationes, &
 dicant pro anima eius, & pro omnium defunctorum, qui in Hierosolymitana via
 mortui fuerunt. Alia die Guillelmus de Grentamafnil, & Albericus frater eius,
 Iuóque de Grentamafnil, & Guillelmus de Bernonuilla, Guido Trosselus, &
 Guillelmus filius Richardi, & Lambertus Pauper: isti omnes timore perterriti
 de hesterno bello, quod perdurauerat vsque ad vespèram, nocte latenter dimise-
 runt se per murum, & fugientes pede contra mare, ita quòd neque in manibus
 neque in pedibus aliquid remansit, nisi solummodò ossa sua. Multique alij fuge-
 runt cum illis, quos nominare nescio. Venientes igitur ad naues, quæ erant ad
 » portum Sancti Simeonis, dixerunt nautis: Quid hîc miseri statis? Omnes enim

A mortui sunt, & nos mortem penè euasimus, quia exercitus Turcorum vndique “ obsedit nos in ciuitate. At illi audientes talia, stabant stupefacti, & timore per- “
 teriti, & concurrerunt in naues, & miserunt se in mare. Deindè superuenienti-
 bus Turcis, quos inuenerunt occiderunt, & naues, quæ in alueo fluminis erant
 remansæ, combusserunt igne, & apprehenderunt spolia eorum. Nos denique qui
 remansimus, nequiuimus ferre pondus, neque arma illorum qui erant in castrum:
 fecimusque murum inter nos & illos qui vigilabant die & nocte. Interdum tanta
 oppressione fuimus oppressi, quatenus equos & asinos manducaremus. Alia par-
 te fuimus in maximo terrore Turcorum, ita quòd multi Maiorum nostrorum vo-
 lebant fugere nocte, sicut alij fecerunt. Quadam verò die stantibus nostris Maio-
 ribus in montanea sursum ante castellum, tristibus ac dolentibus, nescientibus
 quid debuissent facere; venit quidam Sacerdos, cui nomen Stephanus, ad eos,
 & dixit eis: Seniores, si vobis placet, audite rem aliquam, quam ego vidi. Dum “
 in hac nocte iacerem in Ecclesia Sanctæ Mariæ matris Domini nostri I E S V “
 C H R I S T I, apparuit mihi Saluator mundi cum sua genitrice Maria, & beato “
 Petro Apostolorum Principe, stetitque ante me Dominus, & dixit mihi: Step- “
 hane, agnoscis me? Cui ego respondi: Te ego alio modo non agnosco, nisi quia “
 crucem in capite tuo cerno, sicut Saluatori nostro. Dominusque dixit mihi: Ego “
 sum. Tunc statim cecidi ad pedes eius lacrymando, rogans humiliter vt subue- “
B niret nobis in oppressione illius execratæ gentis, quæ tenebat nos inclusos in ciui- “
 tate. Responditque mihi Dominus: Benè adiuui vos, & benè adiuuabo. Ego “
 verò permisi vos habere Nicæam ciuitatem, & omnia deuincens bella: ego con- “
 duxi vos vsque huc, condolui vestræ miseræ, quam passi fuistis in Antiochiæ ob- “
 sidione. Et modo in oportuno auxilio ad maximum succursum misi vos sanos & “
 incolumes intra ciuitatem. Sed multum prauam rem facientes multi Christiani, “
 eo quòd iacent cum paganis mulieribus, vnde immensus fœtor ascendit in cœ- “
 lum. Tunc alma Virgo Maria, & beatus Petrus Apostolus, ceciderunt ante pe- “
 des eius, rogantes & deprecantes, vt suum in hac angustia manentem adiuuet “
 populum, dicentes: Domine, per multa tempora tenuit Paganorum gens Ec- “
 clesias nostras, in quibus multa & ineffabilia mala faciebant. Modò verò Chri- “
 stiani expulsis inimicis, tui Angeli lætantur in cœlis. Et iterum dixit mihi Domi- “
 nus: Stephane, vade, & dic populo meo, vt reuertatur ad me, & ego reuertar ad “
 illum: & infra quinque dies mittam ei magnum adiutorium, & cotidie decanter, “
Congregati sunt, &c. cum versu. Et accipiant pœnitentias, & nudis pedibus fa- “
 ciant processiones per Ecclesias, & pauperibus dent elemosynas, & faciant Mis- “
 sas Presbyteris celebrare, & sint communicati corpore & sanguine Christi. Et sic “
 incipiant bellum, & ego mittam eis adiutorium beatum Georgium, & Theodo- “
 rum, & Demetrium, & peregrinos qui ista via mortui fuerunt Hierosolymitana. “
 Ista mihi dixit Dominus. Et omnes Seniores, si hoc non creditis verum esse, si- “
C nite me modò in maiorem tutrim scandere, mittamque me deorsum: si fuero sal- “
 uus & incolumis, credatis hoc esse verum. Si autem vllam læsionem fuero passus, “
 decollate me, & in ignem proiicite. Tunc Podiensis Episcopus iussit afferri Euan- “
 gelia & Crucem, & fecit iurare illud esse verum. Postea consiliati sunt omnes no-
 stri maiores in illa hora, vt iurassent quòd nullus illorum fugeret de ciuitate,
 quamdiu viuissent, neque per mortem, neque per vitam. Primus dicitur iur-
 rasse Boamundus, deinde Comes Sancti Egidij, & Rotbertus Normannus, & Dux
 G O D E F R I D V S, & Rotbertus Comes Flandriæ, & alij Seniores. Tancredus
 iurauit tali modo; ac promisit, quamdiu secum quadraginta milites haberet, quòd
 non solum ex illa ciuitate, sed etiam ab Hierosolymitano itinere non esset reuer-
 surus. Vnde nimis exultauit omnis Christianus exercitus. Erat autem ibi qui-
 dam peregrinus de exercitu nostro, Petrus Bartholomæus nomine, cui appa-
 ruit Sanctus Andreas Apostolus, antequàm ciuitatem intraremus, dicens:
 Quid agis, bone vir? Cui ille respondit: Tu quis es? Dixit ei Apostolus: Ego “
 sum Andreas Apostolus. Nosceas fili, quia dum villam intraueris, vade ad Eccle- “
 siam beati Petri Apostoli, ibique inuenies lanceam Saluatoris nostri I E S V “
 C H R I S T I, ex qua dum in crucis penderet patibulo vulneratus fuit. Hæc om- “
 nia dicente Apostolo, continuò recessit. Ipse autem timens reuelare consilium
 Apostoli, noluit indicare nostris hominibus, scilicet peregrinis. Estimabant au-

» tem se visum videre. Alia quoque vice apparuit sanctus Andreas, dicens ei: Qua- A
 » re non dixisti peregrinis quod tibi præcepi? Et dixit ad eum: Domino, quis
 » hoc crediderit? In illa verò hora accepit eum sanctus Andreas, & portauit eum
 in ciuitate vsque ad locum, vbi lancea erat recondita in terra. Eo vidente, ab-
 straxit sanctus Andreas Apostolus lanceam de terra, & misit in manibus, dicens:
 » Hæc est lancea Domini nostri IESV CHRISTI, quam misi hic, & frater meus
 » Apostolus Petrus. Eo vidente, misit eam ibidem, & dixit Petro postea: Reuer-
 » tere ad exercitum. Cui ille respondit. Domine, quomodo possum ire? Iam Tur-
 » ci sunt super muros ciuitatis, qui postquam audierint me, ilico occident me. Cui
 » respondit Apostolus: Vade, ne timeas. Tunc Petrus exire cœpit de ciuitate vi-
 dentibus cunctis Turcis, nihilque ei dixerunt. Turci namque, qui erant in castel-
 lo seorsum, tam mirabiliter coangustabant nostros, quòd quadam die incluserunt
 tres milites ex nostris in quadam turre, quæ erat ante eorum castrum. Exierunt
 namque gentiles, & irrûerunt super illos tam acriter, quòd illi nequibant sufferre
 virtutem eorum. Duo verò ex eis exierunt de turri vulnerati, & tertius viriliter
 per totam diem defendebat se de Turcorum inuasiōe ita prudentissimè, quòd in
 illa die Turcos strauerit super aditum muri cum cæsa hasta. Tres hastas detrunca-
 uerunt illi die illa in manibus suis. Erat autem nomen eius Hugo lo Forsennet, de
 exercitu Goffredi de Monte-scabioso.

Hic iussit Boamundus igne ciuitatem accendere.

VIDENTES autem Boamundus & Tancredus, quòd nullatenus potuissent
 conducere gentem sursum in montanea ante castrum ad bellum; sed erant inclusi
 in domibus, timentes alij fame, alij timore Turcorum: nimis irati fuerunt. Iussit
 itaque Boamundus confestim mittere ignem in ciuitatem, in illa parte in qua erat
 Cassiani Ammiralij Palatium. Videntes verò illi qui erant in ciuitate ignem arde-
 re, & in tantum surgere, dimiserunt domos, & simul cum spoliis fugiebant in
 montaneam, alij ante castrum, alij ante portam Comitum Sancti Egidij, alij ante
 portam Ducis GODEFRIDI, & sic vnusquisque ad suam gentem. Tunc Bo-
 amundus contristatus est valde, timens quòd Ecclesia sancti Petri, & Ecclesia san-
 ctæ Mariæ arderent: quia ignis perdurauit à tertia vsque ad mediam noctem. Ta-
 men fuerunt crematæ tam Ecclesiæ quàm domus, duo millia. Veniente autem
 media nocte, cessauit ventus, & cecidit ignis. Itaque Turci habitantes in castel-
 lo, intra ciuitatem bellabant nobiscum die ac nocte, quòd nihil aliud dissepabat
 nos nisi arma. Aliquando exiebant cum aliis quatuor Ammiralij, qui erant omnes
 cooperti auro, & equi eorum similiter vsque ad iuncturam genuum. qui Ammira-
 lij conducebant eos. Videntes hoc nostri, quòd non potuissent diu pati, quoniam
 qui habebat panem non licebat manducare, & qui habebat aquam non licebat bi-
 bere. Tunc nostri fecerunt murum inter nos & montaneam, & ædificauerunt B
 quasi castellum & machinas, vt securi fuissent. Alia verò pars Turcorum hospi-
 tata fuit circa ciuitatem in vna valle ex alia parte. Nocte quoque veniente venit
 ignis de cœlo, qui apparuit ab Occidente, & cecidit intra Turcorum exercitus.
 Vnde multum mirati sunt Turci, & nostri. Mane autem facto tremefacti Turci
 fuerunt, & fugiebant huc & illuc propter ignis timorem. Tamen obsederunt nos
 ita circa ciuitatem, quòd nullus nostrorum audebat exire ciuitatem, aut intrare,
 nisi nocte furtim. Ita verò eramus oppressi, & ab illis paganis ita obsessi, & sanctæ
 Christianitatis inimicis, qui fuerunt numero trecenti sexaginta quinque millia,
 excepto Ammiralio Hierosolymitano, qui fuit cum eis cum sua gente. Rex quo-
 que venit similiter de Aleph ciuitate. Isti verò prophani inimici Dei ita tenebant
 nos inclusos in ciuitatem Antiochiæ, quòd multi mortui fuerunt fame: quoniam
 paruus panis vendebarur vno bisantio aucto. De vino non loquar, *ut quem graf-*
sem, id est non vinum. Vnam gallinam xv. solidos, vnum ouum duobus solidis,
 vnam nucem vno denario, tres fauas vel quatuor vnum denarium, paruam ca-
 pream lx. solidos & lx. denarios, & linguam vnus cameli, quæ est parua, xv. so-
 lid. Carnem equorum & asinorum manducabant & vendebant. Folia fici, vitis,
 & arborum, coquebant in aqua, & manducabant. Alij coria equorum & asino-
 rum, & camelorum & boum, siue bufalorum, sicca sex annos vel quinque mitte-

A bant in aqua duabus noctibus & vno die obtemperare, postea decoquebant & manducabant. Istas anxietates & multas angustias, quas nominare nequeo, passi fuimus pro **CHRISTI** nomine, & pro sancti Sepulchri via liberanda. Tales ergo tribulationes, & fames atque timores, passi sunt serui Dei per viginti sex dies.

Hic recessit Comes STEPHANVS cum suo exercitu.

IMPRVDENS itaque **STEPHANVS** Carnotensis Comes, qui erat Caput nostrum, quem omnes Maiores nostri elegerant, vt esset nostrorum ductor, maxima se fingens deprimi infirmitate, priusquam Antiochia foret capta, turpiter recessit in aliud castrum, quod vocatur Alexandrea. Nos itaque cotidie præstolabamur aduentum eius, quatenus subueniret nobis in adiutorio, qui eramus inclusi in ciuitatem, salutifero carentes auxilio. At ille postquam audiuit gentem Turcorum circumeingentem atque obsidentem nos in ciuitatem, ascendit super proximam montaneam, quæ imminabat omnes montes qui erant in circuitu eius, quæ stabat prope Antiochiam. Vidensque innumerabilia tentoria, vehementer perterritus recessit. Hoc itaque nimio correptus timore, repente cum suo exercitu turpiter fugiuit cum magna festinatione. Veniensque ad suum castrum, exspoliavit eum, & celeri cursu retrò imprudenter iter reuertitur.

B *Hic recessit ALEXIVS Imperator timore Turcorum, & GUIDO planxit plango magno BOAMVNDVM fratrem eius.*

POSTQVAM venit obuiam Imperatori ad Philëmiã, accessit ad eum secretè, & seorsum vocauit eum, dicens: Scias reuera quoniam Antiochia capta est, & castrum minimè adhuc captum est, nostrique in graui oppressione obsessi sunt, & vt puto à manibus Turcorum iam interfecti sunt. Reuertere ergo retrò quàm citius potes, vt & ipsi non inueniant te, & gentem quam ducis. Tunc Imperator timore perterritus clam vocauit **GUIDONEM** fratrem Boamundi, omnesque alios, & dixit eis: Seniores, quid facturi erimus? Ecce omnes nostri districta obfessione impediti sunt, & forsitan in hac hora omnes à Turcorum manibus occisi sunt, aut in captiuitate ducti, sicut iste infelix Comes imprudenter fugiens narrat. Si verò vultis, reuertamur retrò celeri cursu, vt & nos non moriamur repentina morte, quemadmodum & illi mortui sunt. Cùmque Guido honestissimus miles hæc talia audisset fallacia, statim cum aliis omnibus cœpit plorare, & vlulare vehementissimo planctu, & vna voce dicebant: O Deus verus, trinus, & vnus, quam obrem hæc fieri permisisti? Cur populum sequentem te in manibus inimicorum incidere permisisti? & viam tui Itineris, tuique sancti Sepulchri liberantem tam citò mori concessisti? Profecto, si hoc verum est, quod nos ab istis nequissimis audiuius, nobis referentibus, nos & alij Christiani derelinquemus te, nec te amplius rememorabimur, & vnus ex nobis non audebit vltèrius nomen tuum inuocare. Et fuit hic sermo mœstissimus valde in tota militia: ita quòd nullus nostrorum audebat, neque Archiepiscopus, neque Episcopus, neque Abbas, neque Presbyter, neque Clericus, neque quisque laicus, **CHRISTI** inuocare nomen per plures dies. Nemo poterat consolari Guidonem plorantem, & plaudentem manibus, suosque frangentem digitos, & dicentem: Heu me! Boamundo, honor & decus totius mundi, quem vniuersus Orbis timebat, atque amabat. Heu me tristem! non merui dolens tuam videre honestissimam speciem, qui nullam magis rem videre desiderabam. Quis mihi det vt ego moriar pro te, dulcissime amice & domine? Cur ex utero matris exiens meæ, non statim mortuus fui? Cur ad hanc lugubrem diem perueni? Cur non necatus fui in mare? Cur ex equo non cecidi fracto collo, recipiens repentinum interitum? Vtinam tecum recepissem felix martyrium, & cernerem te recepisse gloriosissimum finem! Cùmque omnes occurrissent ad eum, & consolarentur eum, vt iam finem daret planctui; reuersus est in se, & dixit: Forsitan creditis huic semicano imprudenti militi? Numquam verè audiui de militia aliqua loqui, quàm isdem fecisset. Sed turpiter & inhonestè recedit, sicut nequissimus & infelix: & quicquid miser nunciat, sciatis per omnia falsum esse. Interea iussit Imperator suis hominibus, dicens: Ite, & conducite

XXX iij

» omnes homines istius terræ in Burgariam, & exploratè, & deuastate vniuersa lo- A
 » ca, ne cùm venerint Turci aliquid possint hic reperire. Volentes nolentésque no-
 » stri reuersi sunt retrorsùm, dolentes & mœrentes amarissimè vsque ad mortem.
 Fueruntque mortui multi ex peregrinis, qui erant languentes in nimia ægritudi-
 ne. Quique fortiter non præualebant militiam sequi, remanebant morientes in
 via, & omnes alij reuersi sunt Constantinopolim.

Quomodo fuit lancea Domini IESV CHRISTI inuenta primùm.

IGITUR nos infra ciuitatem detenti, venit Petrus Bartholomeus ad Comi-
 tem Sancti Egidij, & dixit ei vt pergeret ad Ecclesiam sancti Petri, vbi erat lancea
 recondita. Ille audiens hæc, cum magna lætitia venit ad Ecclesiam. Et ille Pe-
 trus ostendit ei locum ante ianuas Chori in dextera parte. Et foderunt ibi trede-
 cim homines de mane vsque ad vespèram. Facta autem nimis profunda fouea, ip-
 se Petrus inuenit lanceam IESV CHRISTI, sicut beatus ei Andreas indicaue-
 rat, quartodecimo die intrante Iunio. Et acceperunt illam cum magno gaudio,
Te Deum laudamus psallentes, detulerunt laudantes ad altare: vnde maxima læti-
 tia in tota vrbe fuit. Hæc audiens exercitus Francorum, cum magno gaudio ad
 Ecclesiam S. Petri venerunt, videre lanceam: & similiter Græci, & Hermenij, &
 Suriani, cantantes *Kyrie eleison*, & dicentes: *Kalo Franci Christo:* B
 » hoc est, Boni sunt Franci, qui habent lanceam Christi.

Hic miserunt Christiani nuncios ad Corbalan.

POSTEA fecerunt omnes consilium, quomodo bellum inciperent cum Tur-
 cis. Sed primitus laudauerunt omnes, quòd misissent Corbalan, & aliis inimicis
 » Dei Turcis, qui diceret eis: Quare introistis in Terram Christianorum? Et mise-
 runt Petrum Heremitam, & Arluinum Drogamundum, dicentes eis, & interro-
 gantes eos: Cur audacter & superbissimè intrauère in Christianorum Terram.
 » Qui venientes dixerunt ad eos: Sciatis quòd multum mirantur nostri, quare huc
 » venistis. Sed forsitan huc venistis, quia vultis effici Christiani, & vt credatis in
 » vnum verum Deum natum ex Virgine Maria, quem nos credimus. Si verò pro-
 » pter hoc minimè huc venistis, rogant vos humiliter omnes Maiores nostri, siue
 » Iuniores, quòd velociter recedatis de Terra Dei & Christianorum, quam beatus
 » Petrus Apostolus iamdudum prædicauit, & ad Christi culturam reuocauit, & in-
 » dè primus Episcopus electus fuit. Quod si feceritis, permittunt vobiscum dedu-
 » cere omnia vestra: scilicet equos, & mulos, & asinos, & camelos, oues quoque &
 » boues, & omnia alia ornamenta. Tunc Corbalan Princeps militiæ Soldani Per-
 » fix, cum omnibus Amiraliiis, pleni tumidâ superbîâ, feroci responderunt sermo-
 » ne: Quoniam quippe Deum vestrum & vestram Christianitatem nec optamus, C
 » nec volumus: vósque cum illis omninò respuentes, huc vsque iam venimus, eò
 » quòd valde miramur, quamobrem Maiores & Seniores, siue minores vestri, quam
 » vos memoratis Terram, quam abstulimus propè maxima virtute effeminatis gen-
 » tibus, & illi dicant esse suam. Vultis ergo scire, quid vobis dicemus? Reuertimi-
 » ni quantociùs, & dicite vestris Senioribus, quia si per omnia efficiuntur Turci, &
 » Deum vestrum, quem vos inclini colitis, abnegare voluerint, nos illis hanc & sa-
 » tis plus dabimus Terram, & ciuitates, & castella, & vxores, & maximas heredita-
 » tes: adhuc autem quòd nemo vestrorum remanebit pedes, sed erunt omnes mili-
 » tes, sicut & nos sumus, & habebimus eos semper in magna amicitia. Sin autem,
 » sciant se per omnia capitalem subire sententiam, aut deduci in vinculis Corosa-
 » num in captiuitate perpetua, & seruiant nobis nostrisque infantibus per semp-
 » terna tempora.

Incipit bellum.

NUNC I itaque nostri frequenter reuersi sunt ad Francos Christianos, refe-
 rentes hæc omnia, & quemadmodum respondit eis gens hæc crudelissima. Interea
 exercitus noster in vtraque tremefactus parte, ignorabat quid facere debuisset.
 In vna enim parte coangustabat eos cruciabilis fames, in altera constringebat eos

A Turcorum timor. Tamen fecerunt, sicut mandauit eis Dominus **I E S V S** **C H R I S T V S** per Sacerdotem Stephanum, triduana ieiunia, & de peccatis sunt confessi, & processiones fecerunt de vna Ecclesia in aliam, atque absoluti, & fideliter corpore & sanguine Christi communicati sunt, & dederunt eleemosynam pauperibus, & fecerunt cantare Missas. Deinde fecerunt sex acies intra ciuitatem. In prima fuit **H V G O M A G N V S** cum Francigenis, & Flandrensi Comite Rotberto. In secunda quippe Dux **G O D E F R I D V S** cum suo exercitu. In tertia fuit Rotbertus Normannus cum suis hominibus. In quarta fuit Ademarus Podiensis Episcopus, portans secum lanceam Saluatoris nostri **I E S V C H R I S T I** cum sua gente, & cum exercitu Raimundi Comitis Sancti Egidij, qui remansit sursum ad castellum custodiendum in montaneam, pro timore Turcorum, ne descenderent in ciuitatem. In quinta fuit **T A N C R E D V S** Marchisi filius, & Gastos de Bearn cum sua gente, & cum gente Pictauiensis Comitis. In sexta fuit **B O A M V N D V S** cum suo exercitu. Episcopi quoque nostri, & Presbyteri, & Clerici, & Monachi sacris vestibus induti, cum illis de ciuitate exierunt, in manibus suis cruces deferentes: orantes & deprecantes Dominum, ut illos saluos faceret, & illos custodiret, & eriperet ab omni periculo, & ab omni malo. Alij stabant super murum ciuitatis portæ, tenentes sacras cruces in manibus suis, signando & benedicendo illos. Illi itaque ordinati, atque signo crucis protecti, sic coeperunt exire extra ciuitatem, per portam quæ est ante Machomariam. Postquam Curbalan vidit Francorum acies tam pulchrè ordinatas exisse vnam post aliam, dixit: Sinite modò omnes exire, ut melius capiamus capita eorum. Imprimis exierunt pedones Hugonis Magni, & Comitis Flandrensis Rotberti, ac deinde vna quæque pars per suum ordinem. Postquam fuerunt foras de ciuitate, vidit Curbalan insignem Francorum gentem, ac valde timuit. Mox mandauit suo Amiralio, qui omnia habebat in sua custodia ad tentoria, ut si ille videret ignem accensum in capite hosti, protinus præconiare fecisset suum exercitum, & redisset retrò, sciens Tureos amisisse campum. Continuo Curbalan coepit paulatim redire retrò contra montaneam, nostrique paulatim persequabantur eos. Denique diuisi sunt Turci: vna pars iuit contra mare, & alij steterunt illic, putantes nostros includere inter illos. Videntes hoc nostri, fecerunt septimam aciem ex acie Ducis **G O D E F R I D I**, & Comitis de Normannia: & caput illius fuit Comes **R E T N A L D V S**. Hanc miserunt obuiam Turcis, qui veniebant è mare. Turci autem præliati sunt cum illis, & sagittando multos occiderunt ex nostris. Aliæ autem turmæ nostræ ordinauerunt se à flumine vsque ad montaneam. quod distat per duo miliaria.

*Hic venerunt S. Georgius, S. Theodorus, S. Demetrius,
in adiutorium Christianis.*

COEPERVNT namque turmæ Turcorum ex vtraque parte exire, nostrosque vndique circumcingebant, iaculando, & sagittando, & vulnerando. Exierunt quoque de montaneis innumerabiles exercitus, qui ducebant equos albos, quorum vexilla omnia alba erant. Videntes itaque nostri hunc exercitum, ignorabant qui essent, donec cognouerunt esse adiutorium Christi, sicut mandauit illis per Stephanum Sacerdotem. Quorum ductores fuerunt Sanctus Georgius, & beatus Theodorus, & sanctus Demetrius. Hæc verba credenda sunt, quia plures ex nostris viderunt hoc. Illi autem Turci, qui stabant in parte maris, videntes quòd non potuissent sufferre amplius, miserunt ignem in herbam, ut videntes illi qui erant ad tentoria inciperent fugam. At illi cognoscentes illud signum, arripuerunt omnia honorabilia ornamenta, & spolia, & fugerunt. Nostri verò paulatim militabant, vbi maxima virtus eorum erat, scilicet ad eorum tentoria. Dux **G O D E F R I D V S**, & Flandrensis Comes Rotbertus, & Hugo Magnus, equitabant iuxta aquam, vbi maxima virtus illorum erat. Isti primitus signo crucis muniti, vnanimiter inuaserunt illos. Exclamauerunt Turci & alij pagani diabolicos sonos in extranea lingua, & ceperunt fugam. Nostri itaque inuocantes vnum & viuum Deum, equitauerunt contra illos, & sic in nomine **I E S V C H R I S T I** & sancti Sepulchri incœperunt bellum, & Deo adiuuante deuicerunt illos. Turci namque

tremefacti arripuerunt fugam, nostrique illos persecuti sunt iuxta eorum tentoria. **A** Magis milites Christi amauerunt illos persequi, quàm vlla spolia acquirere. Et persecuti sunt eos vsque ad Pontem-Ferream, ac deinde vsque ad Tancredi castellum. Illi verò dimiserunt ibi papiliones suos, aurum & argentum, & ornamenta multa, oues & boues, equos & mulos, & asinos, & camelos, frumentum, vinum, & farinam, & alia multa quæ nobis necessaria erant. Hermenij & Suriani, qui habitabant in illis partibus, audientes Turcos superatos esse, cucurrerunt ad montaneam obuiam illis, & quantos inuenerunt ex illis occiderunt. Nostri autem reuerſi sunt cum magno gaudio, laudantes & benedicentes Deum, qui dedit victoriam populo suo. Ammiralius itaque, qui castellum custodiebat, videns Curballan & omnes alios paganos fugientes è campo, nimis iratus fuit, & maximum timorem in corde suo habuit. statim cum magna festinatione cœpit petere Francorum vexilla. Comes Sancti Egidij, qui in montanea ante castellum astabat, iussit ei portare vexillum. Ille autem accepit illud cum gaudio, & diligenter misit illud in maiorem turrim.

*Hic reddidit se Ammiralius BOAMVNDI, qui custodiebat castellum,
& accepit baptismum.*

POSTEA petiit vexillum BOAMVNDI, qui post factum bellum dedit ei vexillum. Accepit quoque Ammiralius illud cum maximo gaudio & lætitiâ, & concordatus fuit cum Boamundo, quòd illi pagani, qui Christiani voluissent fieri, fuissent cum eo, qui voluissent ire Corosanum, quòd ille sanos absque vlla læsione abire permisisset. Annuit Boamundus quicquid Ammiralius postulauit, & misit suos homines continuò in castellum. Non post multos dies baptizatus fuit Ammiralius cum illis qui CHRISTVM recognoscere voluerunt. Illos, qui suas noluerunt dimittere leges, fecit conducere Boamundus vsque in Sarracenorum terram. Hoc fuit bellum factum quarto Kal. Iul. in vigilia Apostolorum Petri & Pauli, regnante Domino nostro IESV CHRISTO, cui est honor & gloria in seculorum secula, amen. Et cùm essent omnes inimici Dei deuicti (Deo vero & summo atque sancto Sepulchro dignas referimus laudes) huc & illuc fugientes, alij seminiui, alij vulnerati, in vallibus & nemoribus, & in aruis & in viis cadebant mortui. Quoniam Græci, Hermenij, & Suriani, scientes eos deuictos fuisse in bello, insidiabantur eos in arcta loca, vulnerando & occidendo. Nostri autem peregrini reuerſi sunt in ciuitatem, gaudentes & exultantes cum maximo atque felici triumpho de inimicis Dei & sanctæ Christianitatis. Deinde congregati omnes nostri Seniores, & in Ecclesia S. Petri fecerunt consilium, quemadmodum hunc feliciter valeant regere & conducere populum, vsque dum sancti Sepulchri viam incipere potuissent, pro quo fideliter multa passi fuerunt necessaria. Inuentum fuit igitur in consilio, quoniam in illo tempore non poterant introire terram Sarracenorum, eo quòd valde in æstiuo tempore arida & inaquosa est. Per hanc verò viam non audebant transire, neque Christi populum ducere, regere, & conducere. Tamen acceperunt ad Kal. Nouemb. terminum, videlicet ad omnium Sanctorum solemnitatem: quòd in illo die essent omnes yndique congregati in Antiochia, & sic cum maximo gaudio inciperent viam sancti Sepulchri. Omnes namque pariter laudauerunt consilium hoc, quod & honestum erat ad faciendum. Postea Seniores nostri vnusquisque profectus est in terram suam, videlicet in ciuitates & in castella, vsque dum appropinquasset ille terminus. Feceruntque omnes Seniores præconari per urbem vniuersam, vt si quis egens esset illic, qui auro vel argento aliquantulum careret, & conuentionem cum illis recipere voluisset, non pigraretur fideliter remanere, quia ipsi quod conuentum esset libenti animo darent. Erat autem ibi quidam miles de exercitu RAIMVNDI Comitum Sancti Egidij, cui nomen Raimundus Pileus erat. Hic quoque miles multos retinuit secum milites & clientes. Egressus ergo est cum eis de ciuitate, & in Sarracenorum terram introiuit, videlicet vltra duas ciuitates paganorum: & peruenit ad quoddam castrum, cui nomen erat *Talemanise*. quod castrum illius habitatores, scilicet Suriani, reddiderunt ei.

A

Hic superatur Raimundus Pileus.

CUMQUE morati fuissent ibi per octo dies, nuncij venerunt ad eum, dicentes: quoniam illic prope erat castrum Sarracenorum plenum gente paganorum. Ad hoc verò castrum continuò milites CHRISTI perrexerunt, & vndique inuasērunt. Quod continuò ab illis captum fuit, Dei adiutorio, & sancti Sepulchri. Apprehenderunt igitur omnes paganos illos, qui Christianitatem recipere volebant, & sanctum baptismum desiderabant, conseruabant viuos: illos qui Christianitatem nequaquam recipere volebant, confestim capitalem eis sententiam præparabant. Reuersi sunt itaque nostri cum magnò gaudio ad prius castrum. Tertia verò die exierunt, & venerunt ad quandam ciuitatem, cui nomen *Marra*, quæ illic erat prope illos. In qua erant multi Turci congregati, Arabes, & Sarraceni, & alij pagani ab Aleph ciuitate, & Damasco, & ab aliis castris, quæ circa illam erant. Exierunt ergo barbari contra illos ad prælium, nostrique æstimantes cum illis præliari, statim ipsi fugere cœperunt: & iterum reuersi, per totum diem cum nostris præliati sunt vsque ad vesp̄eram. Cùmque nostri iam propter nimium æstum ferre tantam sitim nequiuissent, quia nullus ibi fons ad illos reficiendos inueniri poterat, voluerunt ad suum castrum redire securè, sed non potuerunt. Pro illorum enim peccatis siue offensionibus, Suriani & gens minuta hinc maxima siti, hinc nimio pauore perterriti, statim cœperunt fugiendo ad suum redire castrum. Turci autem videntes illos recedere, illicò cœperunt illos cum maximo tumultu inuadere. Nec mirum. Victoria enim illis ministrabat vires. Ibique cum multis aliis, qui Deo feliciter animas reddiderunt, pro cuius amore illic congregati fuerunt, quidam optimus miles ARNALDVS TVDEBODVS interfectus fuit. Peraçto itaque bello, reuersi sunt nostri, qui viui remanserunt, in suum castrum: ibique morati sunt per aliquos dies. Alij verò, qui in Antiochia ciuitate remanserant, maximum gaudium & lætitiā habebant, quia hoc contigisse suis ignorabant.

Hic obiit bona memoria ADEMARVS Podiensis Episcopus.

INTEREA Ademarus Podiensis Episcopus, Pater per omnia venerandus, ac Deo dignus, graui inualitudine præuentus est, & ex Dei voluntate migravit ab hoc seculo, & in pace requiescens obdormiuit in Domino. in Abraham videlicet sinu, & Isaac, & Iacob, & in sancti Petri à Vinculis solemnitate. Cuius sanctissima anima exultat cum Angelis. Vnde maxima angustia & tribulatio, atq; immensus dolor fuit in tota militia: quia ille erat sustentator pauperum, & consilium diuitum, ipseque ordinabat Clericos, & prædicabat & summebatur milites, dicens: Quoniam ex vobis nemo saluus fieri potest, nisi honorificet pauperes Clericos: vobisque non potestis saluari sine illis, & illi sine vobis viuere nequeunt. Oportet ergo, vt ipsi cotidiana oratione Deum pro vestris delictis deprecantur, quem vos offenditis in multis. quod numquam fieri debuerat. Vobisque oportet illos regere & nutrire, quia illi nesciunt perquirere, neque iruenire, sicut vos scitis. Ego rogo vos, vt pro Dei amore eos diligatis, & in quantum potestis eos sustineatis.

Quomodo capta est Albana ciuitas.

NON post multum verò temporis RAIMUNDVS venerabilis Comes Sancti Egidij in Sarracenorum terram introiuit, & peruenit ad quandam ciuitatem, quæ vocatur *Albara*: quam inuasit vnà cum suo exercitu, càmque Dei voluntate apprehendit, & occidit omnes Sarracenos, scilicet: masculos & feminas, maiores & minores, quos ibi reperire potuit. Quam postquam suo continuo recepit imperio, ad CHRISTI reuocauit fidem: cœpitque inquirere consilium suis sapientissimis viris, vt Episcopum in hac ciuitate deuotissimè eligeret, qui illam ad Dei cultum fideliter conuerteret, & de domo diabolica templum Deo viuo & vero, & oraculo puro corde Sanctorum consecraret. Postea elegit quendam Clericum, quem in Antiochia ciuitate duxit ad consecrandum. qui postea tenebat consilia in loco Ademari Podiensis Episcopi.

EXPLICIT LIBER IV.

INCIPIT LIBER QVINTVS.

De Itinere Hierusalem.

ANNO millesimo nonagesimo octauo, appropinquante termino, videlicet omnium Sanctorum festiuitate, regressi sunt nostri Seniores in ciuitatem Antiochiæ: excepto BOAMUNDO, qui erat in Romanæ partibus graui infirmitate correptus. Ideo ad eundem terminum venire non licuit. Cùm verò illud tempus aduenit, in quo militari potuit; continuò ciuitati Antiochiæ, in qua erant alij congregati, citò aduenit. Deindè omnes Seniores congregati insimul, cœperunt inquirere, qualiter sancti Sepulchri iter valeant peragere, dicentes: quoniam bonum & optimum tempus est. Quid moramini amplius? Sed Boamundus cotidie conuentionem quærebat, quam omnes alij Seniores habuerunt, videlicet in reddenda ciuitate. Magisque querebatur de RAIMUNDO Sancti Egidij Comite, cò quòd ad nullam conuentionem tenere erga Boamundum se volebat, quia timebat se periurare contra Imperatorem. Tamen sæpè fuerunt ad iustum iudicium faciendum vnus erga alterum in sancti Petri Ecclesia congregati, Boamundus, & Raimundus Sancti Egidij, & Dux GODEFRIDVS, & Rotbertus Normannus, & alij Seniores & minores, vt eos concordarent. Boamundus verò recitabat suam conuentionem omnibus audientibus, & Comes Sancti Egidij suam. Verba narrabat, & iusiurandum quod Imperatori fecerat pro Boamundi consilio. Episcopi verò, & Dux Godefridus, & Flandrensis Comes Rotbertus, & Rotbertus Comes Normanniæ, & Eustachius Comes, & alij Seniores diuisi sunt ab aliis, & intrauerunt in Cathedram S. Petri. Cathedra erat, vt in illa Ecclesia discernere inter vtrumque. Sed illi timentes ne sancti Sepulchri via remaneret, noluerunt apertè iudicium dicere. Quod cùm vidit Raimundus Comes Sancti Egidij, dixit: Priusquàm via sancti Sepulchri remaneat, si Boamundus vobiscum venire voluerit, quicquid Episcopi, & Godefredus, & Rotbertus Normannus, & Rotbertus Flandrensis Comes, & alij Seniores laudauerint, ego libenti animo perficiam, salua fidelitate Imperatoris. Quod laudauit Boamundus, & annuit. & ita promiserunt ambo in manibus Episcoporum, videntibus peregrinis sancti Sepulchri. Deinde accepit Boamundus cum suis hominibus consilium, quomodo muniret castrum de alta montanea de bonis armis & de victu, qui non deficeret longo tempore. Et Raimundus Sancti Egidij similiter muniuit Palatium Cassiani Ammiralij, & turrin quæ est super portam pontis, quæ est ex parte portus Sancti Simeonis.

De situ Antiochia.

C

DE ciuitate verò pauca loquenda sunt. Hæc quoque ciuitas valde est magna, & pulchra, & honorabilis: quia infra muros eius sunt quatuor montaneæ maximæ, & nimis altæ. In altiori quoque est castellum ædificatum, nimis forte, & valde altum. Deorsum est ciuitas honorabilis atque conueniens, omnibusque ornata honoribus: quoniam in ea sunt pulcherrimæ aquæ, quæ exeunt de montaneis. Mille & ducentæ Ecclesiæ in ea sunt ædificatæ, tercenta & sexaginta Monasteria in se habuit Monachorum. Sub iugo continet Patriarcha centum quinquaginta Episcopos. Clauditur autem duobus muris ciuitas: maior quoque nimis est altus, & mirabiliter latus, magnisque lapidibus compositus, in quo sunt ordinatæ quadringentæ quinquaginta turres. modisque omnibus est ciuitas formosa. Ab Oriente clauditur quatuor magnis montaneis, ab Occidente secus muros ciuitatis fluit quoddam flumen magnum, cui nomen est *Pharphar*. Et ideo quòd est tam bona & tam pulchra, noluerunt stultè dimittere regalem ciuitatem Antiochiæ, quæ tantæ auctoritatis fuit, quòd eam prius septuaginta & quinque Reges constituerunt, quorum nomina sunt hæc. Murgulandus, Elirandons, Lamulafres, Rademons, Helias, Brumandus, Margorias, Faraon, Brumandus, Brellion, Laidus, Rudandus, Iudas Machabæus, Nubles, Samson, David hæreticus, Salomon.

A Salomon, Pilatus, Herodes, Elidius, Gaferius, Rudandus, Gaclerius, Morplurius, Fortis Castrius, Maraon, Argolas, Ordocius, Fortis-Lamusteo, Alapres Amiralus, Morabilis, Orgilandus, Morabilis, Morlianus, Organdus impius de Saramania, Braierandus, Morus Rêx, Fulcher, Darandus, Ariandon, Rex Thanas, Esconius, Duras, Dormandus, Rex Vision, Sicharius, Thobias, Lintion, Malardus, Deiramordus, Mordandus, Oralionus, Brumornel, Apparandus, Effenion, Noirandus, Fortis-Bruas, Gorgandus, Vdonus impius, Tomandus, Tolandus, Delufres, Troandus, Candelos Rex, Rambulandus, Gazami, Mirmion, Oringes, Brulion, Maxdoliene, Bariandus, Barilion, Gazianus, Bronurius, Antiochus qui Dux fuit aliorum, & ab eo dicitur Antiochia. Istam ciuitatem tenuerunt peregrini sancti Sepulchri obsessam, sicuti superius audisti, per octo menses, & vnum diem. Postea intus fuerunt reclusi per xx. & vii. dies à Turcis, & ab aliis paganis. Tamen adiutorio Dei & sancti Sepulchri illis deuictis, requieverunt peregrini cum magno gaudio & lætitia in Antiochia per quinque menses & dimidium.

Ciuitas Marra obsessa est à Christianis.

POSTEA octauo die exeunte Nouembrio mense discessit RAIMUNDVS Comes Sancti Egidij cum suo exercitu ab Antiochia, per vnam veniens ciuitatem quæ vocatur *Lica*, & per aliam quæ vocatur *Albara*. Quarto die exeunte Nouembrio peruenit ad ciuitatem quæ vocatur *Marra*, in qua maxima multitudo Sarracenorum erat congregata, & Turcorum, & Arabum, & plurimorum paganorum. Raimundus ergo Comes cum sua gente crastina die inuasit eam. sed capere non potuit, quia non venerat voluntas Dei. Non post multum verò temporis BOAMVNDVS cum suo exercitu secutus est Raimundum, & hospitatus fuit circa ciuitatem in die Dominica. Secunda verò feria tam acriter inuaserunt vndique ciuitatem, quòd si scalæ fuissent erectæ ad murum ciuitatis, in nostra potestate esset ciuitas. ibique percutiebant se cominus cum lanceis & ensibus. Sed tam magna fuit virtus paganorum, quòd illi nihil illis nocere potuerunt, sed multa mala ibi perpetrati sunt. Namque cibus deficiebat, quoniam non erant ausi alicubi ire quæsitum. tanta multitudo paganorum circumcirca habebatur.

Sanctus Andreas apparuit Petro Bartholomeo.

QUOD prospiciens beatus Andreas, qui non dormit, sed semper super anxios Christianos vigilat, nunciauit Petro Bartholomeo, quatenus si Christiani pœniterent de malefactis suis, atque vnus erga alium bonam haberent uidem, quod Dominus præcepit, dicens: *Diligite fratres vstos tanquam vosmetipsos*, atque redderent illam partem, quam ipse propriam retinuit, quando mundum ipsum, omnesque creaturas, quæ in eo sunt, creauit; scilicet decimam omnium rerum quæ possidentur, ipse daret illis ciuitatem breui tempore, atque impleret omnem suam voluntatem. Quam prædictam partem, videlicet decimam, iussit diuidi in quatuor partibus: vna quarum detur Episcopo, altera Sacerdotibus, alia Ecclesiis, alia pauperibus. Quod postquam fuit in Concilio recitatum, concesserunt omnes. Non post multum temporis fecit Raimundus Sancti Egidij facere quoddam castrum ligneum forte, & valde altum. Quod castrum ingeniatum atque ædificatum fuit super quatuor rotas, super quod stabant plures milites: & Euuardus venator lituos fortiter sonando, & ante illum ventilabant honorabilia vexilla: quod nimis erat pulchrum ad videndum. Subtus verò castrum erant plus quàm centum milites armati, qui deduxerunt illud prope ciuitatis murum iuxta quandam turrin. Quod cum vidisset gens pagana, statim fecerunt plurima instrumenta, cum quibus iactabant maximos lapides super castrum, ita quòd penè nostros milites occiderent. Vexilla quoque, quæ sursum erant, perforabant cum sagittis, & alij lapidibus, & alij ruebant Græcos ignes super castrum, eò quòd putabant illud ardere. Sed pius Deus & misericors quòd arderet noluit. Crastina verò illud imminabat omnes muros ciuitatis & turres. Milites nostri, qui erant sursum in solario superiori, videlicet Guillelmus de Montepislerio, & alij plures, iactabant immensos lapides super Sarracenos, qui stabant super muros ciuitatis: ita quoque percutiebant eos super clypeos, quòd clypeus & paganus caderent deorsum in ciuitate mortui. Et mittebant in hastis vexilla,

& sic cum lanceis & hamis ferreis putabant peregrini ad se trahere illos. Milites A
& clientes ita magnanimiter pugnabant, Presbyteri quoque & Clerici sacris vestibus induti: orantes & obsecrantes Dominum IESVM CHRISTVM, vt suum defendat populum, & Christianis militibus victoriam præstet, suamque sanctam Christianitatem exaltet, & paganitatem destruat. Tunc Golferius quidam de Turribus honestissimus miles primus ascendit per vnam scalam in murum, quæ continuò fuit fracta multitudine illorum. Golferius verò postquàm fuit super murum, cœpit cum illis pugnare cum lancea, eos occidendo. Alij verò inuenerunt aliam scalam, & festinanter ad murum erexerunt, & ascenderunt multi milites & pedites: tantique ascenderunt, quòd vix illos capiebat murus. Sarraceni igitur tam robustè inuaserunt illos per murum ciuitatis, & intus per terram sagittando, & cominus spiculando cum suis lanceis, ita quòd multi ex nostris timore perterriti demiserunt se deorsum per murum. Illi prudentissimi viri, qui remanserunt in murum, sufferebant illorum persecutionem. Alij, qui sub castro erant, fodiebant deorsum muros ciuitatis. Videntes autem Sarraceni, qui stabant super murum, quòd nostri fodissent murum ciuitatis, statim timore perterriti inierunt fugam in ciuitatem. Hoc totum factum in die Sabbati, ad horam vesperi, occidente sole, vndecima die intrante mense Decembri. Boamundus igitur fecit per Interpretem loqui Sarracenis Maioribus, quòd ipsi cum suis mulieribus & infantibus & alijs substantiis misissent se in vno Palatio, quod erat supra portam: ipsèque defenderet eos de mortali sententia. Intrauerunt autem omnes nostri in ciuitatem, & quicquid boni inuenire potuerunt in domibus & in B
foueis, hoc vnusquisque ad suum continebat proprium. Facto autem die crastino, vbicumque reperiebant quemquam illorum siue masculum siue feminam, capitalem eis dabant continuò sententiam. Nullus quoque angulus ciuitatis deerat, in quo non iaceret Sarracenorum cadauer, vixque poterat aliquis ire per vias ciuitatis, nisi calcando super Sarracenorum cadauera. Boamundus verò illos, quos iusserat in Palatio intrare, apprehendit, illisque abstulit omnia quæ habebant: videlicet aurum, & argentum, & alia ornamenta quæ illi habebant. Alios fecit occidere, alios fecit conduci ad vendendum Antiochiæ. Et ita multi fuerunt ex nostris, qui in ciuitate venerunt, quicquid eis erat necessarium ad sumendum, & multi qui nihil inuenerunt ad capiendum. Postea fuit tam longa mora in ciuitate, quòd multi fuerunt districti fame in ciuitate, ideò quòd foras non audebant exire in Terram Sarracenorum longè. propè nequiuertant aliquid inuenire ad capiendum. Nostri quodque pauperes peregrini cœperunt scindere corpora paganorum, eò quòd in ventribus eorum inueniebant reconditos bisantios: alij quoque districti fame exdebant carnes eorum per frustra; & coquebant ad manducandum.

Hic comedebant carnes Turcorum Christiani.

C
POSTQVAM verò Seniores nostri hoc viderunt, fecerunt paganos tradi extra ciuitatem ad portas: ibi faciebant quasi montes ex eis, & postea faciebant eos ardere. Boamundus autem non valens concordari cum Raimundo Sancti Egidij, reuersus est Antiochiæ. Raimundus quoque Sancti Egidij non post multos dies misit suos Legatos Antiochiam Duci GODEFRIDO, & Flandrensi Comiti, ac Rotberto Normanniæ, & Boamundo, quòd ipsi venirent ad Rusiam ciuitatem, loqui cum eo. Veneruntque illuc omnes illi Seniores, & Concilium fecerunt, quomodo incipere potuissent viam sancti Sepulchri, pro qua mori sunt, & huc vsque venerunt. Sed non potuerunt Boamundum concordare cum Raimundo Comite, nisi redderet ei Antiochiam. Sed Raimundus facere noluit, pro fiducia quam fecerat Alexio Imperatori. Ideoque Dux & alij Comites reuersi sunt Antiochiæ. Raimundus quoque CHRISTI athleta reuersus est ad Marram ciuitatem, vbi erant peregrini sancti Sepulchri, & misit suos homines Antiochiæ, vt ipsi munirent atque custodirent Palatium Cassiani Amiralij, quod habebat in sua potestate, & turrem quæ est super portam pontis contra Machomariam. In ista ciuitate quoque fuit mortuus sapiens Orienſis Episcopus. ibique morati sunt peregrini per vnum mensem & quatuor dies. Boamundus cupiens habere ciuitatem Antiochiæ sua virtute, omnes homines Raimundi Sancti Egi-

A dñj sua virtute eiecit. Quod Raimundus cùm audisset Christi athleta, paruipendit: & sicuti seruus Domini nostri IESV CHRISTI incœpit viam sancti Sepulchri, & exiit nudis pedibus de ciuitate tertio decimo die intrante Ianuario, & peruenit ad castrum *Capharda*, quod distat per octo milliaria. ibique moratus est per tres dies. Illic adiunxit se *ROBERTVS* Normanniæ cum eo. Rex autem Cæsareæ multoties miserat suos milites & nuntios Raimundo Sancti Egidij ad Marram ciuitatem & *Capharda*, quod cum eo cupiebat concordari, & suus amicus effici, & de suo censu ei dare volebat quantum libet, nimisque cupiebat Christianos diligere, & fiduciam ei volebat facere, quod quantum pertinebat ad suum Regnum securi fuissent sine vlllo pauore: & promittebat se dare mercatum de equis, & corporalibus alimentis. Exierunt autem peregrini, & venerunt hospitari supra flumen, quod dicitur *Pharphar* iuxta Cæsaream. Rex autem postquam vidit Francorum exercitum tam prope ciuitatem hospitari, nimis in suo animo condoluit, & misit mercatum deuetari, nisi à ciuitate discederent. Crastino verò misit cum illis Turcos, qui eis monstrarent fluminis vadum, cõsque conducerent, vsque inuenire aliquid potuissent ad capiendum. Deinde venerunt in quandam vallem subtus castrum quoddam, ibique inuenerunt plus quàm mille animalia, & satis frumenti, & alia bona, vnde nimis fuit resecta tota CHRISTI militia. Tamen dominus illius castri concordatus est cum Raimundo, eique donauit equos, & alia multa, & sua lege iurauit, quod amplius peregrinis non noceret. Raimundus ibi cum suo exercitu per quinque dies moratus est. Egressi indè perueniunt Christi peregrini ad alium Arabum castrum, cuius dominus similiter concordatus est cum Raimundo. Indè exientes, perueniunt in quandam vallem ad vnam ciuitatem nomine *Caphalia* valdè pulcherrimam, & omnibus bonis ornatam. Habitatores verò illius ciuitatis Christianos peregrinos venire audientes, dimiserunt ciuitatem vacuum, & hortos plenos oleis, & domos plenas plurimis alimentis corporum. Tertia autem die egressi ab illa ciuitate, perueniunt per altam & immensam montaneam, & intrauerunt in vallem de *Issen*, in qua erat maxima vbertas frumenti & pecudum, fueruntque per quindecim dies. Ibique inuenerunt aliud castrum vacuum, in quod ignem miserant Sarraceni, & fugerunt: iuxta quod erat aliud castrum, in quo erat congregata multitudo maxima paganorum. Illud aggrediuntur tam fortiter nostri peregrini, quod in sua potestate habuissent, nisi Sarraceni iactassent foras innumeras turmas animalium. Reuersi sunt autem nostri, deducentes secum animalia ad sua tentoria. Summo autem diluculo collegerunt nostri suos papiliones, atque venerunt ad idem castrum iam supradictum obsidere, & sua tentoria ibi voluerunt tendere. Sed gens pagana omninò dedit sese fugæ, circa mediam noctem, & dimisit castrum vacuum sancti Sepulchri peregrinis. Intran-tes autem castrum peregrini, ibi inuenerunt de rore cœli abundantiam: scilicet frumentum, vinum, & farinam, & oleum, & gallinas, & quicquid opus erat. Illic deuotissimè celebrauerunt festiuitatem sanctæ Mariæ Purificationis, quæ est secunda die Februarij. Veneruntque nuncij de *Camela* ciuitate, deducentes secum equos & aurum, quæ mittebat illius ciuitatis Rex Raimundo Sancti Egidij, cupiens concordari cum eo, promittensque Christianos diligere, & diligenter eos vbique honorare. Rex quoque Tripolis similiter mittebat nuncios suos Raimundo Sancti Egidij, volensque cum eo pacem habere si illi placeret: misitque ei decem equos, & quatuor mulas, & multos bisantios. Sed Comes ait, nullo modo pacem habere, nisi Christianus efficeretur. Quod Rex promisit, & annuit. Exeuntes autem nostri de illa optima valle, perueniunt ad quoddam castrum, quod dicitur *Archas*, in die Lunæ, scilicet secunda feria in medio Februarij, circa quod tentoria fixerant. Quod castrum erat plenum innumerabili gente paganorum, videlicet Turcorum, Sarracenorum, Arabum, Publicanorum, & aliorum paganorum, qui munierunt mirabiliter illud castrum, & defendebant se fortiter. Castrum quoque erat nimis forte & altum super quendam montem, & clauditur à duobus muris. Vno die exierunt quatuordecim ex nostris militibus, & equitati sunt Tripolim ciuitatem, quæ distat à castro octo milliaria. Isti fuerunt milites, scilicet Raimundus de Torena Vicecomes, & Petrus Vicecomes de Castellon, & *AMANEVS DE LOBRETO*, & Sicardus, &

Bego de Riberie, Guillelmus Botius, & alij quorum nomina ignoro. Isti quatuordecim milites inuenerunt sexaginta inter Turcos & Arabes, Sarracenos, & Curtos, qui deducebant ante se nostros homines, & animalia magis quàm mille quingentos. Quos inuaserunt nostri munus signo crucis: occideruntque sex ex illis, & sex equos retinuerunt. Alia die exierunt de exercitu CHRISTI Raimundus Pilerus, & Raimundus Vicecomes de Torena ciuitate, & venerunt ante Tortosam ciuitatem cum suis militibus: præliatique sunt fortiter illam, quæ erat munita maxima multitudine paganorum. Serò autem iam factò, recesserunt nostri in quodam angulo, iuxta siluam, ibique hospitati fecerunt fieri innumera- biles ignes, quasi adesset omnis exercitus Christianorum. Quod videntes pa- gani, maximo terrore perterriti, nocte furtim fugerunt, & dimiserunt ciuitatem plenam plurimis bonis, quæ sita est supra optimum portum maris. Crastina au- tem die venerunt nostri milites, putantes vndique inuadere illam: eamque in- uenerunt vacuam gentibus, & intrantes in ea habitauerunt, quamdiu obsessio fuit ante castrum Archæ. Prope istam est alia vrbs, quæ dicitur *Maraclea*. Ami- ralius, qui eam regebat, pactus est cum nostris, & misit nostros infra ciuitatem, & vexilla nostra.

Hic obsederunt Gibellum ciuitatem.

ALII quoque Seniores, qui erant Antiochiæ, videlicet Dux GODEFRI- DVS, & Flandrensis Comes Rotbertus, & Boamundus, venerunt vsque *Lichiam* B ciuitatem, sequentes Raimundum Sancti Egidij. Itaque Boamundus separauit se ab aliis, & reuersus est Antiochiam. Dux quoque Godefridus, & Flandren- sis Comes, sequentes Raimundum Sancti Egidij peruenerunt ad quandam ciui- tatem, cui nomen *Gibellum*. quam fortiter obsesserunt, & præliati sunt. Rai- mundus quoque erat in obsessione Archæ, veneruntque sibi nuncij, quòd pagani veniebant præliari cum eo. Ille quoque misit Episcopum Albariæ Duci Gode- frido, & Rotberto Flandrensi Comiti, quatinus venissent ad castrum Archæ: quoniam pagani veniebant vndique congregati pugnare cum eo, & sua gente. Quod cum audisset Dux Godefridus, & Flandrensis Comes, fecerunt placitum cum Ammiralio, qui eis equos & bisancios dedit, & promisit eis quòd in damno peregrinis sancti Sepulchri ampliùs non esset. Dux Godefridus, & Flandrensis Comes Rotbertus, festinanter perrexerunt ad Raimundum Sancti Egidij in adiu- torio, & hospitati sunt secus castrum iuxta fluuium. Itaque obsederunt castrum. Sed illi supradicti pagani minimè venerunt ad pugnam. Non post multos dies equitauerunt nostri contra Tripolim, & inuenerunt extra ciuitatem Turcos, & Arabes, & Sarracenos, quos inuaserunt continuò, & miserunt eos in fugam, & occiderunt maximam partem nobilium ciuitatis. Tanta fuit paganorum occisio, & sanguinis illorum effusio, quòd etiam aqua quæ in ciuitate fluebat videbatur C rubea ruere in cisternas eorum sanguine. Vnde nimis fuerunt alij tristes, & do- lentes, qui in ciuitate viui remanserunt. Iam verò erant tanto timore exterriti, quòd vix aliquis eorum audebat exire extra ciuitatis portam. Alia verò die equi- tauerunt nostri vltra vallem *Desem*: & inuenerunt boues, & asinos, & oues, & multa animalia sine numero: & diuiserunt se sexaginta ab aliis, & inuenerunt tria millia camelorum. Omnia verò ista animalia deduxerunt ad exercitum Christi, vn- de satis fuit læta tota Christi militia. Naues quippe nostræ venerunt propè nos in quodam portu, quamdiu fuimus in ea obsessione, deferentes maximum mer- eatum: scilicet frumentum, vinum, & carnes, & caseos, & oleum, & hordeum. vnde maxima vbertas fuit in toto hoste. In illa namque obsessione feliciter mar- tyrium plures ex nostris receperunt: videlicet, Poncius de Baulan, & Ansel- mus de Ribemund, & Guillelmus Picardus, & alij, quorum nomina nescio. Ita verò tenuerunt illud castrum supradictum per tres menses, minus vno die. Ibique fuit iudicium factum de Lancea Domini VI I I. Kal. Aprilis, ibique Pas- cha Domini celebrauerunt IV. Id. Aprilis.

A

Hic fuit iudicium de lancea Domini.

REX quoque Tripolis sæpè mittebat nuncios Raimundo Sancti Egidij, vt dimisisset castrum. Audientes hoc itaq; nostri Seniores, videlicet Raimundus Sancti Egidij, & Dux **GODEFRIDVS**, & Rotbertus Comes Flandrensis, & Rotbertus Normannus, & alij peregrini: & ex alia parte videntes fructus novos prope-
 rasle, quoniam in mense Martio manducabant nouas fabas, & in medio quoque Aprili nouum frumentum, consiliati maiores siue minores dicebant, quòd bonum esset Hierosolymitanum iter cum nouis fructibus incipere. Et ita laudauerunt omnes facere placitum cum Rege. Discesserunt igitur à castro, & peruenerunt Tripolim in sexta feria, **XIII.** die intrante Maio. ibique per tres dies morati sunt. Et concordatus fuit Rex Tripolis cum Raimundo Sancti Egidij, & cum aliis Senioribus: illisque continuò dissoluit plusquàm trecentos peregrinos, qui illic capti erant de priori bello. Et dedit Raimundo quindecim millia bisantios, & quindecim equos magni precij: & fecit illis magnum mercatum fieri de equis & asinis, & pane, & caseis, & pannis, & omnibus bonis. vnde nimis ditata fuit tota **CHRISTI** militia. Et conuenit illis, quòd si bellum deuincere potuissent, quod eis Ammiralius præparabat, & Hierusalem apprehendere valerent, quòd ille Christianus efficeretur, & terram ab eis acciperet. Talique conuentu placitum loquutum fuit, atque factum. Postea discesserunt à ciuitate secunda feria medij Maij, transueruntque per viam artam & arduam tota die & nocte: & peruenerunt ad castrum, cui nomen *Bethelon*. Deinde appropinquauerunt ciuitati, quæ dicitur *Gibelon* secus mare, in qua passi fuerunt magnam sitim: & sic defessi peruenerunt ad flumen, quod dicitur *Braym*. Deinde transierunt die ac nocte Ascensionis Domini per montem quendam, in quo nimis est via angusta & arta, ibique putauerunt inimicos nostros inuenire. Sed Deo annuente, nullus eorum præparabat se ante nostros. Ita peruenerunt ad ciuitatem, quæ dicitur *Baruth*, & de illa ad aliam quæ dicitur *Sagitta*, & de Sagitta ad aliam quæ vocatur *Sur*, & de Sur ad *Acram* ciuitatem peruenerunt. De Acra transierunt secus castrum, cui nomen *Cayphas*: indè peruenerunt *Casarcam* ciuitatem, ibique celebrauerunt Pentecosten tota die exeunte Maio. Indè venerunt ad illam urbem, quæ dicitur *Ramma*, quam Sarraceni vacuam dimiserunt metu Francorum. Iuxta quam erat nobilis Ecclesia, in qua requieuit preciosissimum sancti Georgij corpus: quia illic à perfidis paganis pro Christi nomine feliciter martyrium suscepit. Continuo consiliati sunt nostri Seniores, vt ibi deuotissimè eligerent Episcopum, qui hanc custodiret & regeret Ecclesiam: cui suas decimas dederunt, auri scilicet & argenti, & animalium, & equorum, vt honestissimè potuisset viuere simul cum eis qui cum eo remanebant. Remansit quoque ille ibi cum gaudio. Alij autem lætantes, scilicet Raimundus Sancti Egidij, & Dux Godefridus, cum aliis peregrinis, peruenerunt vsque ad ciuitatem **HIERUSALEM**, tertia feria intrante die septimo Iunij: eamque robustissimè prope muros ciuitatis obsederunt. **ROTBERTVS** namque Normannus obsedit eam à Septentrione, iuxta sancti Stephani prothomartyris Ecclesiam, vbi gratanter recepit lapides pro Christi nomine: & iuxta eum **ROTBERTVS** Flandrensis Comes. Ab Occidente obsedit eam Dux **GODEFRIDVS**, & Tancredus cum eo. A Meridie obsedit quoque eam **RAIMUNDVS** Comes Sancti Egidij, scilicet in monte Sion, iuxta Ecclesiam sanctæ Mariæ matris Domini, vbi migravit à seculo, & vbi Dominus cœnauit cum suis discipulis, & vbi sanctus Spiritus in corda discipulorum descendit. Tertia autem die exierunt de nostris militibus de exercitu sancti Sepulchri causâ prædandi, Raimundus Pileus, & Raimundus de Torena, & alij cum illis. Inuenerunt ducentos Arabes, & præliati sunt **CHRISTI** milites cum illis paganis, & Deo adiuuante, & sancto Sepulchro, illos deuicerunt, & multos ex eis occiderunt, & equos retinuerunt. Secunda die veniente, aggrediuntur tam fortiter ciuitatem, quòd si scalæ fuissent paratæ, in eorum potestate esset ciuitas. Tamen minorem strauerunt murum, & vnâ scalam ad maiorem erexerunt, super quam ascenderunt nostri milites, & cominus percutiebant paganos ciuitatis suis ensibus, atque lanceis. Fuitque ibi mortuus Rainaldus Dapifer **HVGONIS LIZINIACENSIS**, & alij multi. sed

Tom. IV.

Y Y y ij

plures fuerunt mortui ex eis. Fueruntque ibi in obfessione nihil inuenientes ad ^A edendum per decem dies: donec venit nuncius nostrarum nauium, quæ applicuerunt porto *Iaffi*. Postquàm venerunt nuncij nauium, ceperunt nostri Seniores consilium inter se dicentes; quòd milites & clientes misissent, qui fideliter custodirent homines & naues, quæ venerant porto *Iaffi*. Summo autem diluculo exierunt milites centum de exercitu Raimundi Comitis Sancti Egidij: scilicet Raimundus Pileus, & Gaudemarus Carpinellus, & Achardus de Mommerlo, & Guillelmus de Sabra, & alij, quorum nomina ignoro. Cùmque militarent ad portum, diuiserunt se triginta milites ex nostris ab aliis: scilicet Gaudemarus, & Achardus, & inuenerunt septingentos Arabes, & Turcos, & Sarracenos, quos inuaserunt fortiter **CHRISTI** milites. Sed tam magna fuit virtus paganorum super nostros, quòd vndique circumcinxerunt illos, & occiderunt Achardum de Mommerlo, & plures homines pauperes qui erant pede. Cùm autem tenerent nostros ita inclusos, qui omnes putabant mori, venit quidam ab eis nuncius, & dixit Raimundo Pileto: *Quid hic stas cum istis militibus? Ecce omnes nostri in nimia districtione Arabum, & Turcorum, & Sarracenorum sunt, & forsitan omnes in hac horâ mortui sunt.* Succurrite ergo illis. Audientes autem nostri verba nuncij, statim cucurrerunt celeri cursu, & venerunt vsque ad illos, quos inuenerunt adhuc præliantes. Pagani quoque videntes Hierosolymitanos milites, continuò diuiserunt se, & fecerunt inter se duo agmina. Nostri inuocato **CHRISTI** nomine, & sancti Sepulchri, tam fortiter incredulos inuaserunt, quòd vnusquisque strauit suum. Videntes autem inimici, quòd ampliùs non potuissent stare contra Christianorum fortitudinem, timore nimio perterriti vterunt scapulas retrò, & fugerunt. Quos nostri persequentes ferè per spacia quatuor milliariorum, occiderunt multos ex eis, vnũque retinuerunt viuũ, qui noua eis per ordinem diceret, & retinuerunt tres * equos.

* centum & tres in edit.

^B **IN** Hierosolymitana obfessione tantam sitim fuerunt perpeffi, quòd suebant coria bouum, ac bufalorum, siue caprearum, in quibus ferebant aquas per spacia sex milliariorum: & ita ex illis vasculis utebantur foetida atque olida aqua. nisi tantum ex foetida aqua, & hordeaceo pane in nimia districtione & afflictione cotidie erant. *Siloe* namque fons, qui est ad radicem montis Syon, parumper sustinebat nos. Sed tamen cara vendebatur aqua inter Christianos Dei & sancti Sepulchri: ita quòd vnus homo non poterat extinguere sitim suam per vnum nummum. Sarraceni quoque ad cunctos fontes & vniuersos puteos, qui erant, latebant, infiliando nostros homines, & eos quos inuenire poterant occidebant, & animalia secum in suis cauernis, atque speluncis, siue montaneis, deducebant. Alia parte occidebant eos, qui pergebant in vineis ad racemos. Quod cùm vidissent Seniores nostri, nimis irati fuerunt, & fecerunt Concilium, in quo Episcopi & Presbyteri laudauerunt, vt fecissent processionem circa ciuitatem. Ita Episcopi & Presbyteri nudis pedibus, ac sacris vestibus induti, & cruces in manibus ^Q ferentes, venerunt de Ecclesia sanctæ Mariæ, quæ est in monte Syon, ad Ecclesiam sancti Stephani prothomartyris, psallentes atque orantes, vt Dominus **IESVS CHRISTVS** suam sanctam ciuitatem, & sanctum Sepulchrum, à paganorum liberaret gentē, & in manibus Christianorum ad suum sanctum seruiciũ faciendum tribueretur. Clerici itaque erant induti, milites & clientes pergebant iuxta illos armati. Sarraceni hoc videntes similiter pergebant per muros ciuitatis, Machomet in quadam hasta deferentes vno panno coopertum. Christianis peruenientibus ad Ecclesiam sancti Stephani, ibique stationem facientibus, sicut mos in processionibus nostris est: & ipsi Sarraceni desuper muros astantes clamabant & ululabant cum buccinis; & omne genus derisionis, quodcumque reperire poterant, faciebant. Insuper faciebant de ligno crucem in similitudinẽ illius, qui fundendo sanguinem suum misericors **CHRISTVS** humanum genus redemit: eamque, videntibus omnibus Christianis vt inferrent dolorem, cum quodam ligno verberabant, & postea vt maiorem inferrent dolorem, ad murum ciuitatis eam frangebant, dicentes alta voce, *Frangi ogit salio*: quod apud nos sonat, *Franci*, est bona crux. Quo viso, Christiani commoti dolore magno, ab orationibus non desistentes, cum processione sua ascenderunt ad Ecclesiam montis Oliueti, ex quo loco **CHRISTVS** in cœlum ascendit: & ibi Sermonem suum fecit qui-

Adam honestissimus Clericus, scilicet Arnulfus, ostendendo misericordiam, quam Deus Christianis fecerat, qui sequuti sunt illum ex quo ascendit in cœlum. Tunc ipsi Sarraceni videntes Christianos ibi stantes, (quàm optimè eos poterant videre) stantes inter Templum Domini & Templum Salomonis, cum gladiis & fustibus huc & illuc currentes, Christianis minabantur. Indè iterum Christiani cum eadem processione venerunt ad Monasterium sanctæ Mariæ in valle Iosaphat, ex quo Monasterio sanctissimum corpus eius raptum fuit in cœlum. Atque iterum indè reuersi sunt ad montem Syon. Quo loco cupientes intrare in Ecclesiam, quidam Clericus, qui prior in processione veniebat ad ostium ipsius Monasterij, cum quadam sagitta in media fronte vulneratus est, ibique defunctus est. Cuius anima, vt credo, regnabit cum Christo per infinita secula seculorum, amen. Credendus est qui primus scripsit, quia in processione primus fuit, & oculis carnalibus vidit: scilicet PETRVS Sacerdos TVDEBODVS SIVRACENSIS.

STATIM Seniores nostri ordinauerunt, quomodo hanc ciuitatem ingeniare potuissent, & orando ad nostri Saluatoris intrarent Sepulchrum. Feceruntque duo lignea castra, & alias plures machinas. Dux GODEFRIDVS suum fecit castrum cum machinis, & Raimundus Comes Sancti Egidij similiter. De longinquis terris attrahebant ligna, quæ ligna apportabant collis suis quinquaginta Sarraceni vel sexaginta, qui in potestate Christianorum erant, & sicut Christiani Sarracenos per confundebant. Sarraceni igitur videntes nostros facientes has machinas, mirabiliter muniebant ciuitatem, & turrets die ac nocte crescebant. Quadam die miserunt ipsi Sarraceni quendam Sarracenum, ad videndum cuiusmodi ingenia Christiani faciebant. Suriani verò & Græci videntes illum Sarracenum, indicauerunt eum Christianis, dicentes: *Mate Christo caco Sarrazin*. Quod sonat in nostra lingua, Per Christum hic est ignauus Sarracenus. Quem Christiani apprehendentes, interrogauerunt per Drogamundum, scilicet per Interpretem, ad quid venerat. Qui respondens, ait: Sarraceni huc me miserunt, volentes scire cuiusmodi essent vestra ingenia. Cui respondentes Christiani, dixerunt bonum esse, atque eum acceptum ligatis manibus & pedibus posuerunt in fundam cuiusdam ingenij, quod *Perrea* vocatur, atque cum omnibus suis cogitantes eum proicere in ciuitatem, nequiverunt. Nam cum tanto impetu venit, quòd ruptis vinculis antequàm peruenisset ad murum ciuitatis, dilaceratus est. Videntes autem nostri Seniores, ex qua parte ciuitas esset languida, illic in quadam nocte Sabbati deportauerunt nostras machinas, & lignea castra. Summo autem diluculo crexerunt illa, & aptauerunt, & ornauerunt castra, in prima & secunda & tertia feria, nocte & die. Et in quarta feria vsque ad primam, & in quinta mirabiliter aggrediuntur ciuitatem ex omni parte vsque in montem. Sexta verò feria summo mane vndique aggrediuntur ciuitatem, nihilque ei nocere potuerunt; erantque omnes stupefacti, ac in nimio pauore positi.

G

Sexta feria capta est Hierusalem:

APPROPINQVANTE autem hora, scilicet in qua Dominus noster IESVS CHRISTVS dignatus est passionem sufferre pro nobis, nostri milites fortiter pugnabant in castello: videlicet Dux GODEFRIDVS, & Comes Eustachius frater eius. Tunc ascendit quidam miles, qui vocabatur nomine Lethor, ex nostris super murum ciuitatis. Continuo postquàm miles Christi ascendit super murum ciuitatis, secuti sunt Comes Eustachius & Dux Godefridus. Omnes itaque defensores ciuitatis dederunt fugam per muros, & per ciuitatem: nostrique illos erant persequentes, occidendo, & detruncando. At Raimundus Comes Sancti Egidij à meridie suum conduxit castrum vsque propè murum: sed inter castrum & murum erat quædam fouea, quæ nimis erat profunda. Consiliatus est ergo Raimundus in illa hora, quòd impfere fecisset illam foueam, fecitque præconari, vt si aliquis in illam foueam portasset tres petras, quòd illi daret per tres petras vnum denarium. & potuit hæc fouea impleri per tres dies & duas noctes. Illi autem, qui erant in ciuitatem in turre, fortiter præliabantur cum nostris cum igne & lapidibus: in tantum quòd altiore partem castrum Raimundi Sancti Egidij fregerunt, & ardere faciebant. Sic itaque Raimundo irato atque conturbato, militi-

YYy iij

bûsque suis propter castrum suum, cuius superiorem partem iam frægerant pagani, atque ardere faciebant; vidit subitò ipse Raimundus Sancti Egidij tres milites, qui de exercitu Ducis GODEFRIDI erant, per montem Oliueti venientes, & clamantes quòd Dux Godefridus atque sui homines iam erant in ciuitatem. Audiens itaque Raimundus Sancti Egidij, quòd Francigenæ iam essent in ciuitatem, » suis dixit hominibus: Quid tardatis? Ecce omnes Francigenæ iam sunt in sancta » ciuitate Hierusalem. His auditis, acceperunt scalas, & crexerunt ad murum, & sic pugnando intrauerunt ciuitatem. Ammiralius quoque, qui erat in turri Dauid, reddidit se Raimundo Sancti Egidij, eique aperuit portam, per quam peregrini dissoluere solebant tributa: tali pacto, quòd eum & alios qui cum eo erant in turre vsque Scaloniam ciuitatem sanos & illæsos conducere fecisset. quod fecit libenti animo. Intrauerunt autem nostri peregrini ciuitatem sanctam Hierusalem, persequentes & occidentes Sarracenos vsque ad Templum Salomonis, & Templum Domini. Ibique congregati pagani dederunt nostris maximum bellum vsque ad vesperam. Nostrique tantos illorum interfecerunt, quòd sanguis per totum Templum Salomonis fluebat, & per plateam quæ est circa Templum Domini. Tandem superatis paganis, apprehenderunt nostri masculos & feminas sat in Templo, & occiderunt quos voluerunt, & quos noluerunt retinuerunt viuos. Super verò Templum Salomonis erat maxima paganorum congregatio vtriusque sexus, quibus Tancredus & Gastos de Bearn dederunt sua vexilla. Postea cucurrerunt per vniuersam ciuitatem, capientes aurum & argentum, equos & mulos, & domos plenas omnibus bonis. Postea venerunt omnes gaudentes, & præ nimio gaudio plorantes, ad nostri Saluatoris Sepulchrum. Mane autem factò fecit præconiari Tancredus, vt omnes irent ad Templum Salomonis, & occiderent Sarracenos. Ad Templum postquàm venerunt, cœpit vnusquisque cum arcu suo trahere, multosque interficere. Alij verò ex alia parte super tectum Templi ascendebant, & inuaserunt Sarracenos tam masculos quàm feminas, decollantes eos nudis ensibus. Quorum alij dabant se præcipites è Templo, alij sursum moriebantur.

Hic elegerunt GODEFRIDVM in Regem.

ALIA die fecerunt Concilium ante Templum Domini, dicentes vt vnusquisque faceret orationes & eleemosynas, atque vt Deus eligeret sibi quempiam qui ei placuisset regnare super alios, & ciuitatem sanctam Hierusalem regeret, & paganos exproeliaretur. Sed Episcopi & Sacerdotes laudauerunt, vt primum omnes Sarracenos mortuos foras eiicerent: ne magnus fœtor, qui ibi erat, eis nocuisset. Omnis namque ciuitas erat plena illorum cadaueribus, & sic fecerunt in viis Sarracenos trahere mortuos ante portarum exitus. Montes ex eis, quasi fuissent domus, ordinabant: omnesque postea igne combusserunt. Tales occisiones de paganorum gente quis vnquam vidit, aut audiuit? Numerum quoque nemo sciuit, nisi solus Deus. Octauo verò die postquàm ciuitas fuit capta, celebrauerunt festum per omnem ciuitatem Hierusalem, eadèmq; die fecerunt Concilium, in quo elegerunt Ducem GODEFRIDVM Principem ciuitatis, qui præliaretur paganos, & custodiret Christianos. Similiter elegerunt in loco Patriarchæ quendam sapientissimum & honorabilem Clericum, cui nomen erat Arnulfus, in festiuitate sancti Petri ad Vincula. Hæc ciuitas fuit capta à Christianis Dei xv. die Iulij in vi. feria, anno ab Incarnatione Domini MXCIX. auxiliante Domino nostro IESV CHRISTO, cui est honor & gloria in secula seculorum, amen.

Postquam capta est Hierusalem pugnaverunt Christiani contra Amiralium Babylonie prope Ascaloniam.

INTEREA nuncius venit TANCREDO & Comiti Eustachio, vt præpararent se, & pergerent ad Neopolitanam ciuitatem. Exierunt ergo illi, & duxerunt milites & pedites, & peruenerunt vsque ad ciuitatem: cuius habitatores se continuò illis reddiderunt. Iterum per nuncium Dux GODEFRIDVS mandauit Tancredo, & Eustachio fratri suo, quatenus citò venissent ad eum. Au-

A diuerat namque quòd Ammiralius Babylonix erat Scaloniæ ciuitati, vbi præparabat se qualiter posset expugnare Hierusalem: deferens secum catenas, & alia ferrea, cum quibus iuuenes Christianos ligasset, qui in seruitute amplius habeantur illis, & eorum generi. senesque omnes vtriusque sexus iusserat interfici. Quod cum vidisset Comes Eustachius, & Tancredus, cum magno gaudio venerunt per montaneas, quærentes Sarracenorum bella, ita muniti bello. Et venientes ad ciuitatem Cæsaream, deinde venerunt iuxta mare vsque ad ciuitatem quæ dicitur *Rama*. Illic inuenerunt multos Arabes, qui præcursores erant belli Amiraufi. Quos ille persequens, apprehendit plures ex illis, qui voluissent noluisse, dixerunt omnia noua eis belli per ordinem: vbi erant, & quot erant, aut vbi bellare contra Christianos volebant. Quod audientes Tancredus & Comes Eustachius, statim miserunt Hierusalem Duci Godefrido, & Patriarchæ Arnulfo, & omnibus Principibus, dicentes: Sciatis quòd bellum paratum est Scaloniæ ciuitati. quæ de causa venite festinanter, cum omni virtute quam habere poteritis. Tunc iussit Dux præconiari per ciuitatem Hierusalem, vt fideliter pergerent ciuitati præparati ad bellum Scaloniæ, obpiam inimicis Dei. Ille verò cum Patriarcha Arnulfo, & Flandrensi Comite Rotberto, & Martoronensi Episcopo, in tertia feria exiit ab Hierusalem ciuitate. Raimundus Sancti Egidij & Rotbertus Normannus dixerunt, quòd nullatenus irent, nisi certum bellum scirent. Miserunt ergo suos milites, vt irent visum, si hoc bellum verum esset. quibus dixerunt: Si hoc verum est, reuertimini quantocius, & nos erimus parati ite continuò. Perrexerunt itaque illi, & viderunt bellum, & citius redierunt Hierusalem, dicentes: Certè verum est, sicut oculis nostris vidimus. Postea Dux Godefridus misit Marthoronensem Episcopum Hierusalem Raimundo Sancti Egidij, & Rotberto Normanno, & aliis Senioribus, quòd citò pergerent ad eum, si præliari cum paganis voluissent. Episcopus verò Marthoronensis rediens, recitata verba Patriarchæ & Ducis ferens, inuenit Sarracenos qui apprehenderunt illum, secumque nescimus vbi duxerunt. Raimundus quoque Sancti Egidij, & alij Seniores, exierunt de ciuitate in quarta feria, & muniti signo crucis militauerunt vsque ad Ducem Godefridum. Petrus verò Heremita remansit Hierusalem, ordinando & prædicando Græcis & Latinis, vt fideliter Deo processionem facerent & orationes, & elemosynas pauperibus distribuerent: vt Deus populo suo victoriam impenderet. Et ita Clerici fecerunt processionem nudis pedibus, & induti sacris vestibus, & crucis in manibus ferentes, cum lætania, & aliis orationibus, de sancto Sepulchro ad Templum Domini. Duxque Godefridus, & Raimundus Sancti Egidij, & Patriarcha, & Rotbertus Normannus, & Rotbertus Flandrensis Comes, & Episcopi, & alij Seniores omnes venerunt ad flumen, quod est ex parte Scaloniæ, ibique congregati fuerunt in vnum. Illicque multa animalia sine numero inuenerunt, bouum, camelorum, ouium, asinorum, & aliorum pecudum, quæ miserunt Sarraceni causâ prodicionis: sed Deus adhuc noluit deferere propter sanctum Sepulchrum. Omnia verò animalia apprehenderunt Christi milites, & clientes sancti Sepulchri. Serò autem veniente, Patriarcha Arnulfus portans secum Domini nostri IESU CHRISTI partem Crucis, quam inuenerunt peregrini sancti Sepulchri in Hierusalem, & similiter Capellanus Raimundi Sancti Egidij portans secum Lanceam Domini nostri IESU CHRISTI, cœperunt excommunicare ex parte Dei, & sancti Sepulchri, & preciosissimæ Lanceæ, & sanctissimæ Crucis, Quod ne vllus homo intendat ad vlla spolia, donec bellum esset factum, & inimici Dei fuissent deuicti, & postea reuerterentur cum felici gaudio, & maxima victoria, & caperent quicquid eis à Domino prædestinatum esset. Quod cum audissent sancti Sepulchri peregrini, & milites Christi, summo diluculo in sexta feria intrauerunt in quandam vallem nimis pulchram secus litus maris, & in ea suas ordinauerunt acies. Dux GODEFRIDVS, qui iam electus erat ad Regem in Hierusalem, suam instruxit aciem, & Raimundus Sancti Egidij suam, & Rotbertus Normannus suam similiter, & Rotbertus Flandrensis Comes suam, Comesque Eustachius suam, & Tancredus, atque Gastos de Beart. Sic ergo sex acies cœperunt militare. Sagittarij quoque hos præcedentes, & iuxta eos in dextera parte & in sinistra omnia animalia superius dicta sine ductore pergebant. Quod maximum Dei erat miraculum. Cœperuntque statim militare in nomine IESU

CHRISTI & sancti Sepulchri, deferentes Lanceam nostri Saluatoris, & vnam A partem Crucis ipsius Saluatoris, quam ipse Patriarcha deferebat. In sinistra parte fuit Dux GODEFRIDVS cum sua acie, Comesque Raimundus Sancti Egidij equitavit iuxta mare in dextera parte: Comes Normanniæ, & Flandrensis Comes, & Eustachius, & Tancredus, & Gastos de Biarzt, & omnes alij equitauerunt in medio. Tunc nostri paulatim cœperunt ad bellum pergere. Pagani namque stabant parati ad bellum. Vnusquisque vas suum habebat suspensum collo, ex quo biberet, dum cum Christianis præliarentur.

Hic incipit bellum contra Turcos & ceteras gentes.

QVOS Rotbertus Flandrensis nimis acriter inuasit, Tancredusque & omnes alij similiter. Continuo pagani hoc videntes, inierunt fugam. Bella namque illa erant immensa, quia paganorum multitudo erat innumerabilis. Sexcentis sexaginta millia, sicut dictum est, ibi fuerunt: & tamen nemo sciuit numerum eorum nisi Deus. Sed virtus diuina comitabatur cum nostris, quæ tam magna & tam fortis fuit, quod nostri paruipendebant multitudinem illorum. Stabant autem inimici Dei excæcati atque stupefacti, videntes Hierosolymitanos milites CHRISTI, apertis oculis nil videbant, & contra Christianos se erigere non audebant, virtute tremefacti Dei. Præ nimio timore ascendebant in arbores, in quibus recondebant se. At nostri illos sagittabant, & cum lanceis occidebant eos. Nostri igitur illos postea cum ensibus & aliis gladiis frustatim detruncabant. Alij autem pagani iactabant se in terram, non audentes se erigere contra Christianos. Nostri igitur illos detruncabant, sicut aliquis detruncat animalia ad macellum. Raimundus Comes Sancti Egidij iuxta mare occidit ex eis sine numero, & qui non poterat fugere mergebat se in mare, aut fugiebat in ciuitatem. Veniens itaque Ammirauissus ante Scaloniam ciuitatem, dolens ac mœrens, atque lacrimando dixit: O Machomet, & Diu nostris, quis vnquam audiuit, & vidit talia? Quod tanta potestas, tanta virtus, tanta fortitudo, tanta militia, quæ numquam fuit ab vlla gente superata, modò à tantilla gente, quod in pugillo potest claudi, est superata? Heu me tristem ac dolentem! quid ampliùs dicam? Cur superatus sum à gente mendica, inerma, & pauperrima, quæ non habet nisi faccum & peram, & modò persequitur gentem nostram Egyptiacam, quæ multotiens suam eleemosynam ei largita est? Qui olim per vniuersam nostram patriam mendicabant, & modò persequuntur quam adduxi innumerabilem multitudinem tam militum quàm peditum, scilicet Turcorum, Sarracenorum, Arabum, Agulanorum, & Curtorum, ac Parthorum, Azimitarum, & aliorum paganorum: quos omnes turpiter fugere laxatis frenis per viam Babylonicam video, qui non audent se reuerti ad huiusmodi fragilem gentem. Modò namque iuro per Machomet, & per Deorum numina, quod vltèriùs non retinebo milites ad conuentionem neminam, quandoquidem deiectus sum ab hac inertissima gente. Ego namque huc cōduxi omnia armorum genera, & omnia instrumenta siue machinas, & omnia vincula ferrea, cum quibus putavi eos ducere ligatos Babyloniam, vel vt eos obfiderem in Hierusalem: & illi contra me venerunt ad bellum itinere duorum dierum, vt quid mihi esset si Hierusalem gentem meam conducerem? Hoc scilicet, quod neque ego, nec vnus meorum, vt credo, indè euadere potuisset. Quid ampliùs dicam? Dedecoratus ero semper in tota terra Babyloniæ. Sicque fecit finem dictis. Vnus autem nostrorum accepit standarum Ammirauissi, desuper quod erat aureum pomum: hasta verò tota cooperta argento. Quod stantarum apud nos dicitur vexillum, quod emit Comes Rotbertus Normannorum, dando xx. marcas argenti: deditque Monasterio sancti Sepulchri. Ensem quoque similiter Ammirauissi quidam peregrinus, dando sexaginta bisantios. Superati itaque sunt Deo adiuuante omnes nostri inimici, eo tenore quod ampliùs virtutem contra nos non habent. Omnes verò naues de omni terra paganorum aderant ibi. Sed nautæ illarum postquàm viderunt Ammirauissum cum suo exercitu fugientem, statim suspenderunt vela, ipsūque Ammirauissum recipientes in nauibus suis, miserunt se in alta maria. Reuersi sunt itaque nostri ad eorum tentoria, & acceperunt innumera spolia auri & argenti, & palliorum, & mulorum, & multorum

A honorum cumula: scilicet equos & mulos, & camelos, & oues, & boues, & asinos, & multa animalia. Omnes montes namque & colles, & omnia plana stabant cooperta de multitudine animalium: & inuenerunt armorum cumula, quarum quæ voluerunt de illis recipere retinuerunt. Alia verò quæ noluerunt insimul congregauerunt, ibique in ignem miserunt. Reuersi sunt autem nostri lætantes & gaudentes in sanctam ciuitatem Hierusalem, deuictis omnibus paganis: deferentes secum multa bona, scilicet camelos & asinos onustos pane biscocto, & farina, & frumento, & caseo, & pane, & oleo, & omnibus bonis quæ illis erant necessaria. Vnde tanta est orta fertilitas inter Christianos, quòd bos pro octo nummis vel decem haberi poterat. Modius verò frumenti pro x i i. nummis, modius quoque hordei pro octo. Quod tandem ne ignotum sit Christianis omnibus, sciant hoc bellum factum esse x i x. Kal. Septembris in vigilia sanctissimæ Dei genitricis Mariæ, anno ab Incarnatione Domini m x c i x. regnante Domino nostro IESU CHRISTO, cui est honor & gloria per infinita secula seculorum, amen.

EXPLICIT V. LIBER.

HÆC DE HIEROSOLYMITANO ITINERE IN TRIBVS ANNIS, ET
LIBERATIONE CIVITATVM DICTA SYFFICIENT.

B PER OMNIA BENEDICTVS DEVS, QUI TRADIDIT IMPIOS,
AMEN.



FVLCHERII CARNOTENSIS

HISTORIA HIEROSOLYMITANA.

Ab anno M X C V. ad annum vsque M C X X V I I.

Ex vetusto Codice MS. Canobij Sancti Quintini de Monte prope Peronam.

Initium Historiæ huius vsque ad Cap. XIX. Libri I. ex editione I. Bongarsij desumptum est, quia in MS. Codice deerat: reliqua editis auctiora sunt, adiectæque etiam Capitulum inscriptiones ex Cod.

INCIPIT LIBER PRIMVS.

1095.
CAP. I.



N N O ab Incarnatione Domini millesimo nonagesimo quinto, regnante in Alemannia HAINRICO Imperatore dicto, in Francia Rege PHILIPPO: cum in vniuersis Europæ partibus mala multimoda, vacillante fide, inolefcerent: præerat vrbi Romæ Papa secundus VRBANVS, vir egregius vitæ & moribus: qui semper Ecclesiæ sanctæ statum sublimius prouehendum, super omnia consulte ac strenuè moderari satagit. Videns autem Christianitatis fidem enormiter ab omnibus, tam Clero quàm populo, pessundari: & terrarum Principibus incessanter certamine bellico, nunc istis nunc illis inter se dissidentibus, pacem omninò postponi; bona terræ alternatim diripi; multos iniuriosè vinctos captiuari, & in carceres teterrimos truculentissimè subruui, supramodum redimi, vel intus trifariam angariatos, scilicet inediâ, siti, algore, obitu clandestino extingui: loca sancta violari, Monasteria villasque igni cremari, nulli mortalium parci, diuina & humana ludibriis haberi. Audiens etiam interiores Romanæ prouincias, à Turcis super Christianos occupatas, impetu feroci perniciosè subdi: pietate compatiens, dilectionisque Dei nutu permotus, Alpes transmeando in Gallias descendit, atque in Aruernia Concilium legationibus competenter vndique præmonitum, apud Claromontem, quæ sic vocatur ciuitas, fecit coadunari, trecentis decem tam Episcoporum quàm Abbatum assistentium baculis deputatis. His itaque die ad hæc prænotato ad se cenuocatis, adlocutione dulcissima diligenter conuentus causam innotuit. Nam sub Ecclesiæ lugentis voce querula planctum non minimum expressit, & de mundi fluctuantis tempestatibus tantimodis, vt superius præfatum est, fide subruta, sermonem prolixum cum eis tenuit. Deinceps, rogatu supplicis cunctos exhortatus est, vt resumptis fidei viribus cum ingenti sollicitatione ad expugnandas Diaboli machinationes viriliter se animarent; & Ecclesiæ sanctæ statum crudelissimè à nephandis debilitatum, in honorem pristinum competenter erigere conarentur. Dilectissimi Fratres, inquit, Apostolatus apice Dei permissu Orbi terræ prælatus, occasione necessaria supereminente, tanquam monitionis diuinæ legatus, ad vos Dei seruos has in partes condescendi VRBANVS. Et quos dispensatores ministeriorum Dei æstimaui, tales & fideles, simulationis exprosa eluione, reperiri optaui. Quòd si aliquid gibbosum vel tortuosum, molestia rationis iustitiæ semota, contra legem Dei obsistat, præsentem subfragamine diuino, diligenter expedire satagam. Dominus enim supra familiam suam, vt ei pro tempore pabula modesto sapore condita ministretis, vos dispensatores constituit.

A stituit. Beati autem eritis, si fideles tandem dispensationis exactor vos inuenerit. 109 f. Pastores etiam nuncupamini: videte autem ne mercenarij more fungamini. Veri ergo Pastores, & baculos semper in manibus habentes, estote: nec dormitantes, gregem vobis commissum vndique conseruate. Nam si per incuriam vestram aut negligentiam ouem quamuis lupus abripuerit, mercedem nimirum vobis paratam apud Dominum nostrum amittetis: & delictorum flagris primitus asperitum cæsi, postmodum verò in custodiam funestæ conuersationis truculenter subruemini. Vos verò iuxta Sermonem Euangelicum, *Sal es tu terra*. quòd si defeceritis, ambigitur quomodo salietur. O quanta salitio! verè necesse est, vos plebem idiotam, & mundi lasciuix supra modum inhiantem, sapientix sale corrigendo salire: ne delictis putrefacta, dum eam alloqui quandoque voluerit, Domino infalsa puteat. Nam si vermes, hoc est peccata, causâ desidix procurationis vestrx, in ea reperiunt, illicò vilipensam in præcipitium spurcitiarum eam subigi præcipiet. Et quia tantum perditum ei restaurare nequiueritis, vos iudicio damnatos à familiaritate dilectionis suæ prorsus exterminabit. Sed huiusmodi salitorem oportet esse prudentem, prouisorem, modestum, edoctum, pacificum, scrutatorem, pium, iustum, æquum, mundum. Nam quomodo indoctus doctos, immodestus modestos, immundus mundos efficere valebit? Quòd si pacem oderit, quomodo pacificabit? Aut si quis habuerit manus suas sordidas, quomodo sordes alterius coinquinacionis tergere poterit? Lectum est etiam, quòd si cæcus cæcum duxerit, ambobus cauea patebit. Ceterum vos ipsos prius corrigite, vt inreprehensibiliter subditos queatis emendare. Siquidem amici Dei vultis esse, quæ sentitis ei placita libenter exercete. Res Ecclesiasticas præcipuè in suo iure constare facite, & vt simoniaca hæresis nullatenus apud vos radice, caute: ne vendentes aut ementes pariter flagris flagellati Dominicis, per angiportus ad exterminium confusio- nis miserabiliter propellantur. Ecclesiam suis ordinibus omnimodè liberam ab omni seculari potestate sustentate: decimasque Deo proprias de omnibus terræ cultibus fideliter dari facite: nec vendantur, aut retineantur. Quòd qui Episcopum ceperit, omninò exlex habeatur. Quòd qui Monachos vel Clericos, vel Sanctimoniales, & eorum famulos ceperit aut expoliauerit, vel peregrinos vel mercatores, anathema sit. Raptores, & domorum combustores, & eorum consentientes, ab Ecclesia extorres, anathemate feriantur. Summoperè igitur considerandum est, qua multandus sit poena, qui aliena diripit, si inferni damnatione percutitur, qui propria non largitur. Sic enim diuiti in Euangelio memorato contigit: qui non idcirco punitus est, quòd aliena abstulisset, sed quia rebus acceptis seipsum malè dereliquit. His verò, vt dictum est, iniquitatibus, inquit, charissimi, mundum vidistis grauissimè diu confusum fuisse: adedò vt nullus in aliquibus prouinciarum vestrarum, sicut nobis à referentibus patefactum est, per imbecillitatem forsitan iustificationis vestrx virtute per viam gradi audeat, quin vel die à prædonibus, vel nocte à latronibus, aut vi aut ingenio maligno, in domo vel extra, subripiatur. Quapropter Treuiam, sic vulgariter dictam, iam dudum à sanctis Patribus nostris determinatam, reformari oportet: quam firmissimè vnusquisque vestrum in Episcopatu suo teneri faciat, monendo flagito. Quòd si aliquis siue auiditate, siue superbiâ seductus, eam sponte infregerit, Dei auctoritate & huius Concilij decretorum sanctione anathematizetur. His & aliis pluribus competenter dispositis, cuncti assistentes, tam Clerus quàm populus, Deo gratias agendo, dictis domini V R B A N I Pontificis summi voluntariè aspirauerunt; & fideli pollicitatione decreta illa benè tenenda confirmauerunt. Sed aliud illico, non minus tribulationis superiùs memoratæ, sed & aut maius, aut pessimum, ex altero mundi climate, Christianitati obsessæ adiecit, inquiens: Quoniam ô filij Dei, si pacem apud vos tenendam & Ecclesiæ iura fideliter conseruanda sustentare, viriliùs solito Deo polliciti estis, extat operæ precium vt insuper ad quoddam aliud negotium Dei & vestrum, emendatione Dominica nuper vegetati, probitatis vestrx valitudinem versetis. Necesse enim est, quatenus cum fratribus vestris in Orientali parte habitantibus, auxilio vestro iam sæpè proclamato indigis, accelerato itinere succurratis. Inuaferunt enim eos, sicuti plerisque vestrum iam dictum est, vsque mare Mediterraneum, ad illud scilicet quod *Brachium sancti Georgij* vocant, Turci & Arabes, apud Romanix fines: & terras illorum Chri-

1095. stianorum magis magisque occupando, lite bellica iam vice septuplicata victos
 " superauerunt, multos occidendo vel captiuando, Ecclesiisque subuertendo, Re-
 " gnum quoque vastando. Quos quidem si sic aliquandiu quiete permiseritis, mul-
 " tos latius fideles Dei supergredientur. Qua de re supplici prece hortor, non ego,
 " sed Dominus, ut cunctis cuiuslibet ordinis tam peditibus quam equitibus, tam
 " pauperibus quam diuitibus, edicto frequentibus, CHRISTI præcones, suadea-
 " tis, ut ad id genus nequam è regionibus nostratibus exterminandum tempestiue
 " Christicolis opitulari satagant. Præsentibus dico, absentibus mando: CHRISTVS
 " autem imperat. Cunctis autem illuc euntibus, si aut gradiendo, aut transfretan-
 " do, siue contra paganos dimicando, vitam finierint, peccaminum remissio præ-
 " sens aderit: Quod ituris annuo, dono tanto inuestitus à Deo. O quantum dede-
 " cus, si gens tam sperata, degener, & dæmonibus ancilla, gentem cunctipotentis
 " Dei fide præditam, & Christi nomine splendidam, sic superauerit! O quanta im-
 " properia nobis ab ipso Domino imputabuntur, si eos non iuueritis qui professio-
 " ne Christiana censentur, sicut & nos! Procedant, inquit, contra infideles ad pu-
 " gnam iam incipi dignam, trophæo explendam: qui abusu priuatum certamen
 " contra fideles consuecebant distendere quondam. Nunc fiant milites, qui du-
 " dum extiterunt raptores. Nunc ritè contra Barbaros pugnent, qui olim contra
 " fratres & consanguineos dimicabant. Nunc æterna præmia nanciscantur, qui du-
 " dum pro solidis paucis mercenarij fuerunt. Pro honore duplici laborent, qui pro
 " detrimento corporis & animæ se fatigabant. Quinimo hîc tristes & pauperes, illic
 " locupletes: hîc inimici Domini, illic amici eius erunt. Ituris autem mora non
 " differat iter: sed propriis locatis, sumptibusque collectis, cessante bruma, verno
 " subsequente, Domino præuio tramitem alacriter intrent. His dictis, & audien-
 " tibus gratanter ad hoc animatis, nihil actu tali dignius æstimantes, statim plures
 " astantium se ituros, & ceteros absentes indè diligenter se euocatuos sponde-
 " runt. De quibus fuit vnus Episcopus Podiensis, ADEMARS nomine, qui
 " postea vice fungens Apostolica, cunctum Dei exercitum prudenter & consulte
 " rexit, & ad negocia peragenda viuaciter animauit. Taliter in Concilio quæ dixi-
 " mus statutis, & ab omnibus benè confirmatis, absolutionis benedictione data,
 " tunc discesserunt; & hoc nescientibus, postmodum ad mansiones suas regressi,
 " prout gestum fuerat dilucidè diuulgauerunt. Quod ut passim per prouincias edi-
 " ctum est, iurisiurandi firmitudine pacem, quam dicunt Treuiam, inuicem tenen-
 " dam constituerunt. Deinceps verò multi cuiuslibet artis fungentes officio, com-
 " paratâ remissione peccatorum, se profecturos defæctæ mentis intentione de-
 " uouerunt, quorsum ire iussum fuerat. O quàm dignum erat & amœnum, nobis
 " omnibus cruces illas cernentibus, vel sericas vel auro textas, aut quolibet genere
 " pallij decoras, quas in chlamidibus suis, aut birris, siue tunicis, peregrini, iussu Pa-
 " pæ prædicti, post votum eundi, super humeros suos consuebant! Sanè pugnat-
 " res Dei meritò victoriæ signo insigniri & muniri debebant, qui ob honorem eius
 " ad præliandum se præparabant. Et qui significans sub agnitione fidei circa se sic
 " pinxerunt, denique diriuatum significatum verius adepti sunt. Speciem insignie-
 " runt, ut rem speciei consequerentur. Patet & quidem, quia meditatio bona bo-
 " num opus machinatur agendum; opus verò bonum salutem lucratur animæ.
 " Quod si bonum est benè meditari; melius autem est post cogitatum opus iustum
 " patrari. Optimum est ergo compendium salutare, quod per dignam actionem
 " animæ victui nactum est. Vnusquisque igitur bonum cogitet, quod opere digno
 " meliorando compleat: ut optimum, quod non deficiat in æternum, emeritus tan-
 " dem miles percipiat. Taliter VRBANS, vir prudens & venerandus, est me-
 " ditatus opus, quo postea floruit Orbis. Nam pacem renouauit, Ecclesiæque iu-
 " ra modos in pristinos restituit. Sed & paganos de terris Christianorum instinctu
 " viuaci effugari conatus est. Et quoniam cuncta quæ Dei sunt exaltare omnimodè
 " studebat, omnes ferè paternitati suæ sub obedientia libenter se dediderunt. Sed
 " diabolus, qui ad detrimentum semper insistere nititur, & veluti leo quærit circi-
 " nando quem deuoret, huic aduersarium quendam nomine Guibertum, superbix
 " stimulo irritatum, ad confusionem populi concitauit: qui dudum Imperatoris
 " Baioariorum proteruitate suffultus, dum prædecessor GREGORIUS, qui &
 " Hildebrannus, in Sede iure habebatur, Apostolicatus officium vsurpare cœpit.

A ipso Gregorio à foribus Basilicæ sancti Petri excluso: Et quia peruersè sic egit, 1095. populus eum melior cognoscere noluit. Urbano autem rectè electo, & ab Episcopis Cardinalibus consecrato, maior & sanctior pars populi, post Hildebrandi excessum, obediendo aspirauit. Guibertus autem sustentamine Imperatoris prædicti, & plerorumque ciuium Romanorum irritamento animatus, Urbanum quamdiu potuit à Monasterio Sancti Petri alienum fecit. Sed dum ab Ecclesia illa sic eliminatus erat, per regiones incedens, populum in aliquantis deuium Deo conciliabat. Guibertus verò ob Ecclesiæ Principatum turgidus, Papam procliuem oberrantibus se ostentabat, & Apostolatus officium, licet iniuste, inter consentientes exercebat, & Urbani facta tanquam irrita vili pendebat. Urbanus tamen eo anno, quo primitus Franci, Hierusalem ituri, per Romam transierunt, totam omninò potestatem Apostolicam adeptus est: auxilio cuiusdam nobilissimæ Matronæ Matildis nomine, quæ in Romana patria tunc potestate multâ vigeat. Guibertus vero tunc in Alemannia erat. Itaque duo Papæ Romæ præerant: sed cui eorum obediretur, à quamplurimis ignorabatur, vel à quo consilium posceretur, vel quis ægrotis mederetur. Alij huic, alij alteri fauebant. Prout aspectibus hominum patebat, Urbanus prosperior & iustior erat: putandus est rectè fortior, qui cupiditates, tanquam hostes subicit. Rauennæ Urbis Guibertus Episcopus erat, honore & diuitiis opulentus valde splendebat. Mirandum, quare sibi tam locupletis tantum non sufficiebat, Qui etiam ab omnibus exemplar iustæ actionis & humilitatis considerari debebat, cur temerè philopompus inuadere præsumperit regendum sceptrum imperij Dei? Sane non est vi rapiendum, verum cum ratione & deuotione suscipiendum. Debet susceptor non pro honore tumere, sed commissum sibi fideliter procurare; & quæ dignitati honoris tanti pertinent, si dispersa fuerint, oportune regregare. Nec mirum si mundus tunc inquietaretur totus, & conturbaretur: quoniam si Romana Ecclesia, in qua principalitas correctionis vniuersæ Christianitatis obtinetur, turbine quolibet confunditur, confestim accidit membra sibi subdita, à capitaneis fibris dolore diriuato, passibiliter compatiencia debilitari. Ea enim uerò Ecclesia, mater scilicet nostra, lacte cuius educabamur, documento instrui valebamus, consilio muniebamur, ab illo superbo Guiberto vehementer percussa erat. Cùmque caput sic tritum est, continuò membra læsa sunt. Si caput ægrotet, cetera membra dolent. Sed quia capite sic læso, etiam membris marcescentibus dolore diriuato, quia in partibus omnibus Europæ, pax, bonitas, fides, in Ecclesiis & extra, tam à maioribus quàm minoribus viriliter subigebantur: necesse erat, vt malis tantimodis dimissis, monitione à Papa Urbano sic exorsa, contra paganos saltem certamina inter se & contra se dudum consueta distenderent. Nunc igitur ad inceptum reuerti congruum est. Nam de iter agentibus Hierosolymam, & quid euntibus accidit; & quantum res & labor ipse paulatim, iuuante Deo, proficundo claruit, decet ampliùs nescientibus enucleari. Quod ego ipse FVLCHERIVS CARNOTENSIS, cum ceteris Peregrinis iens, postea, sicut oculis vidi, diligenter & sollicitè in memoriam posteris collegi.

II.
ANNO ab Incarnatione Domini millesimo nonagesimo sexto, mense Martio, post Concilium, de quo dictum est, Aruernicum, quod in mense Nouembri 1096. dominus VRBANVS tenuit, alij paratu perniciores aliis, iter sanctum carpere cœperunt: alij quidem mense Aprili, vel Maio, vel Iunio, siue Iulio, necnon Augusto seu Septembri atque Octobri, prout sumptuum oportunitas occurrit, subsequuti sunt. Quo anno pax & ingens abundantia frumenti & vini per cuncta terrarum climata exuberavit: disponente Deo, ne panis inopia in via deficerent, qui cum crucibus suis, iuxta eiusdem præcepta, cum sequi elegerant. Et quia competens est Principum sic peregrinantium nomina in memoria teneri, HVGONEM MAGNUM Philippi Regis Francorum fratrem nomino, qui primus Heroum mare transiens, apud *Durakam* urbem in Bulgaria cum suis applicuit: sed imprudenter cum agmine raro vadens, ibi ab ipsis ciuibus captus est, & vsque ad Imperatorem Constantinopolitanum perductus. vbi per aliquantum temporis non omninò liber moratus est. Postque eum BVIAMVNDVS Apulus, Roberti Guischari filius, origine tamen Normannus, per eundem tramitem cum exercitu suo meauit. GODEFRIDVS quippe Dux Regni Lotariensis per Vn-

1096. garorum patriam iuit cum gente multa. RAYMUNDVS verò Comes Prouin-
 cialis, cum Gothis & Gasconibus, Episcopus quoque Podiensis, per Sclauoniam
 transierunt. Petrus Heremita quidam, multis sibi adiectis peditibus, sed militi-
 bus paucis, primitus per Vngariam perrexit: cuius gentis postea Satrapa fuit
 quidam Galterius, Sine-pecunia dictus, miles quidem optimus, qui postea intra
 Nicomediam & Niceam vrbes, cum multis consociis suis, à Turcis occisus fuit.
 Mense verò Septembri ROBERTVS Normanniæ Comes, Guillelmi Regis
 Anglorum filius, iter arripuit, collecto sibi exercitu magno de Normannis, &
 Anglis, atque Britannis: cum quo iuit etiam STEPHANVS Comes Blefensis
 Theobaldi filius, & ROBERTVS Comes Flandriæ, adiectis his & multis aliis
 nobilibus. Itaque tanto collegio ab Occidentalibus partibus procedente, pau-
 latim per viam, diatim, de innumera gente concreuit exercitus exercituum vn-
 dique conuenientium: vt de linguis pluribus & regionibus multis videretis mul-
 titudinem infinitam. Non tamen omnes in vnum exercitus congregati fuerunt;
 donec ad Niceam urbem peruenimus. Quid ergo dicam? Insulæ marium, &
 omnium terrarum Regna concussa à Deo sunt: vt sit credendum adimpleri Da-
 uidis prophetiam, qua in Psalmo dixit: *Omnes gentes quascumque fecisti, venient,
 & adorabunt coram te, Domine:* & vt de iure tandem dicant illuc peruenientes:
Adorabimus in loco ubi steterunt pedes eius. De hoc itinere etiam plurima in Prophe-
 tiis legimus. O quantus erat dolor! quanta suspiria! quot ploratus! quot la-
 menta inter amicos! cum maritus dereliqueret vxorem suam sibi tam dilectam,
 pueros quoque suos, possessiones quantalibet, vel patrem, vel matrem, aut
 fratres, aut parentes. Et quamuis tot lachrymæ pro amicis ituris sic ante eos-
 dem ab oculis remanentium funderentur, nequaquam proindè mulcebantur,
 quin propter amorem Dei cuncta quæ possidebant relinquerent. Indubitan-
 ter credentes centuplum illud percipere, quod Dominus promissit sequentibus
 se. Tunc coniux coniugi ponebat terminum reuertendi, quod si vixerit, infra
 tres annos ad eam repatriabit. Commendabat sic eam Domino, osculum por-
 rigens, & pollicens se rediturum. Illa autem timens non ampliùs videre eum,
 non valebat præ dolore se sustentare, quin ad terram rueret exanimis; lugens
 pro amico suo, quem perdidit viuum, quasi iam mortuum. Ille verò tanquam
 nil pietatis habens, & tamen habens, nec fletui vxoris suæ, neque filiorum,
 neque amicorum quorumcumque condolens, & tamen clam condolens, sed
 duro animo constans abibat. Tristitia remanentibus, gaudium autem euntibus
 erat. Quid dicere possumus indè? *A Domino factum est istud, & est mirabile in
 oculis nostris.* Igitur nos FRANCII Occidentales per Italiam excursa Gallia
 transeuntes, cum vsque Lucam peruenissemus, inuenimus propè urbem illam
 VRBANVM Apostolicum, cum quo locuti sunt Comes Robertus Norman-
 nus, & Comes Stephanus, nos quoque ceteri qui voluimus. Et ab eo bene-
 dictione suscepta, gaudenter Romam iuimus. Et cum in Basilica sancti Petri
 introissemus, inuenimus ante altare homines Guiberti Papæ stolidi, qui obla-
 tiones altari superpositas, gladios suos in manibus tenentes, iniquè arripie-
 bant: alij verò super trabes eiusdem Monasterij cursitabant, & indè deorsum
 vbi prostrati orabamus lapides iaciebant. Nam cum viderent aliquem Urbano
 fidelem, illico trucidare eum volebant. In arce autem vna Monasterij ine-
 rant homines Urbani, qui eam sollicitè custodiebant in ipsius Urbani fidelita-
 tem; & aduersantibus sibi, prout poterant, obsistebant. Satis proindè dolui-
 mus, cum tantam nequitiam ibi fieri vidimus. Sed nil aliud facere potuimus,
 nisi quod à Domino vindictam indè fieri optauimus. Nec mora indè facta, mul-
 ti, qui nobiscum illuc vsque venerunt, ad domos suas ignauis redierunt. Nos
 autem per mediam Campaniam & Apuliam euntes, peruenimus Barrum, quæ
 ciuitas optima, in maris margine sita est: ibique in Ecclesia sancti Nicolai fu-
 sis ad Deum precibus nostris, portum tunc adeuntes, sine mora transfretare
 putauimus. Sed absentibus nautis, & præuaricante fortuna, tempus etiam tunc
 erat hiemale, quod nobis nocium obiecerunt, oportuit Rotbertum Comi-
 tem Normanniæ in Calabriam diuertere, & toto brumali tempore illic hiema-
 re. Tunc tamen Comes Flandrensis Rotbertus cum cohorte sua transfretauit.
 Tunc plurimi de pauperibus vel ignauis inopiam futuram metuentes, arcubus suis

A venditis, & baculis peregrinationis resumpsis, ad mansiones suas regressi sunt. 1096.
Qua de re viles tam Deo quàm hominibus facti sunt: & versum est eis in opprobrium.

A N N O igitur Domini millesimo nonagesimo septimo, reducēte verno tempore mensem Martium, Comes statim Normannus, & Comes Stephanus Ble- 1097.
sensis, qui iuxta eum similiter tempus expectauerat oportunum, mare repetierunt. Et classe parata, Nonas Aprilis, quod tunc die sancti Pascha euenit, apud portum Brundusianum rates cum suis conscenderunt. O quàm incognita & inuestigabilia sunt iudicia Dei! Vidimus enim nauim vnā inter ceteras, quæ non superueniente occasione aliqua, per medium subito euentu prope litus maris subcrepuit. Vnde ferè quadringenti vtriusque sexus demersi perierunt; de quibus laus iocunda Deo statim sonuit. Nam cùm corpora iam mortua qui circumstantabant pro posse recollegissent, inuenerunt in carnibus quorundam, scilicet super spatulas, Crucis in modum notas insignitas. Nam quod in pannis suis viui gestauerunt, competebat, Domino volente, in ipsis in seruicio suo sic preoccupatis idem signum victoriosum sub fidei pignore permanere: etiam patefieri considerantibus tali miraculo merito dignum erat, eos defunctos sub misericordia Dei iam quietem vitæ perhennis adeptos fuisse: vt verissimum pateret id compleri quod scriptum est: *Iustus qua morte preoccupatus fuerit, in refrigerio erit.*

B De reliquis autem iam cum morte luctantibus, viri pauci vitam retinuerunt. Equi verò & muli sub vndis extincti sunt. pecunia quoque multa perdita est. Quod infortunium cùm videremus, pauore grandi confusi sumus, in tantum vt plerique corde debiles nondum naues ingressi ad domos suas reuerterentur, peregrinatione dimissa, dicentes nunquam amplius in aliquam sic deceptionem se infigere. Nos autem in omnipotenti Deo spem nostram penitus ponentes, artemonibus sursum leuatis, tuba sonante multa Deum proclamando, & gubernante ipso, in pelagus nos impigimus, vento aliquantulum flante. Cùmque per tres dies vento deficiente in fluctibus altis detineremur, in quarto die iuxta urbem *Duratum*, quasi decem milliariis interstantibus, portui sani applicuimus. Duo tamen portus classem nostram susceperunt. Tunc autem quidam iter siccum lætabundi resumpsimus; & ante urbem præfatam postea perreximus. Itaque Bulgarorum regiones per montium prærupta & loca satis deserta transiuimus. *Demonis* ad flumen rapidum conuenimus omnes, quod sic ab incolis terræ vocitatur. & merito. Vidimus enim in illo flumine diabolico quamplures, dum vadare pedetentim sperabant, torrentis impetu diro, quod nullus cernentium iuuare poterat,mersu repentino perire. Qua de re lachrymas multas ibi pietate dimisimus: & nisi equites cum equis dextrariis inuaso illo peditibus auxilium ferrent, multi modo simili vitam ibi perderent. Tunc iuxta ripam castra nostra metati sumus: & ibi vna nocte pausauimus. Montes

C vasti nobis vndique præerant, in quibus nemo incola parebat. Mane quidem, aurora clarescente, classicis sonantibus, iter nostrum arripuimus conscendendo montem, quem *Bagulatum* nuncupant. Postea verò, montanis postpositis, tandem peruenimus ad flumen, quod vocatur *Baldarius*. Et quod antea nisi nauigio transiri solitum erat, opitulante Deo, qui suis semper vbique præsens subuenit, lætanter vadando transmeauimus. Quo transito, sequenti die ante urbem *Thessalonicam*, bonis omnibus abundantem, tentoria tendimus nostra.

M O R A autem per quatuor dies ibi facta, deinde Macedoniam transigentes, per vallem Philippensium, postque Lucretiam, & Chrysopolim, atque Christopolim, ceteras quoque vrbes quæ sunt in Græcia, Constantinopolim peruenimus. Ibi quidem ante urbem tentoriis nostris extensis, per quatuordecim dies lassitudinem nostram releuauimus. Et quia ciuitatem illam ingredi non quiuimus, quoniam Imperatori non placuit (timebat enim ne forte aliquod damnum ei machinaremur) stipendium quotidianum extra muros allatum nos emere oportuit, quod præcepto Imperatoris nobis ciues afferebant. Nec permittebat Imperator introire in ciuitatem multos insimul: sed honoratim vel quinque vel sex de potentiioribus, ad horam in Ecclesiis ingredi sinebat. O quanta ciuitas nobilis & decora! quot Monasteria, quòtque Palatia sunt in ea, opere miro fabrefacta! quot etiam

1097. in plateis, vel in vicis opera, ad spectādum mirabilia! Tādiū est quidem magnum A
 recitare, quanta sit ibi opulentia bonorum omnium, auri & argenti, palliorum
 multiformium, sanctorūque reliquiarum. Omni etiam tempore nauigio fre-
 quenti cuncta hominum necessaria illuc afferuntur. Ibi insuper, vt spero, ferè
 viginti millia spadones assidua habitatione conuersantur. Cū autem nos satis
 fatigatos requie recreassemus, tunc Optimates nostri, accepto consilio, facti sunt
 homines Imperatoris: & pepigerunt fœdus cum ipso, sicut iam ipse postulauerat
 ab eis. Quod similiter iam fecerant sub iureiurando, qui nos in itinere ipso ante-
 cesserant. Buamundus scilicet, & Dux GODEFRIDVS. Comes autem Ray-
 mundus hoc facere tunc recusauit. Comes verò Flandriæ sic, sicut alij, iusiuran-
 dum fecit. Nam erat eis necesse vt taliter cum Imperatore amicitiam solidarent;
 vt tutius quærerent, & acciperent ab eo consilium & auxilium, præsens & futu-
 rum, tam sibi, quàm omnibus qui nos secuturi erant, per eundem tramitem. Qui-
 bus idcirco ipse Imperator præbuit de numismatibus suis quantum placuit; de
 equis, & de palliis, & de pecunia sua, qua nimis indigebant ad tantum iter explen-
 dum. Hoc expleto, mare, quod Brachium sancti Georgij vocatur, transfretauim-
 us. Tunc ad Niceam urbem properauimus, quam obsidione Buamundus, &
 Dux Godefridus, & Comes Raymundus, & Comes Flandriæ à medio Maij iam
 obsidebant. Quam urbem possidebant Turci Orientales, Pagani acres animis, &
 arcubus sagittarij. Hi quidem de Perside iam à quinquaginta annis Euphrate
 fluuio transito, terram Romanæ totam vsque Nichomediam urbem sibi subiuga-
 uerant. O quot capita cæsa, & ossa occisorum vltra Nichomediam in campis ia- B
 centium tunc inuenimus! quos ipso anno, ignaros, & vsui sagittario modernos
 Turci peremerant. vnde moti pietate, satis lachrymas fudimus. Cūque audis-
 sent qui Niceam urbem iam obsidebant, venire Principes Comites nostros, Rot-
 bertum scilicet Normannum & Stephanum Blesensem, gaudenter eis & nobis
 obuiam venerunt; & vsque ad locum vbi tabernacula nostra extendimus, ante vr-
 bem in partem australem, deduxerunt. Iam semel Turci congregati se parauc-
 rant, volentes vel obsidionem ab vrbe si possent excutere, vel de militibus suis vr-
 bem melius munire. Sed à nostris fortiter & ferociter repulsi, occisi sunt ex eis ferè
 ducenti. Cū autem viderent Francos tam animosos, & probitate validissimos,
 secesserunt refugi in Romaniam interiorē, quoadusque tempus oportunius ag-
 grediendi eos sentirent. Nos quippe in hebdomada Iunij prima, postremi ad ob-
 sidionem venimus. Tunc de exercitibus plurimis vnus illic exercitus effectus est,
 quorum centum millia loricis & galeis muniti erant: quem, qui de numero sapie-
 bant, sexies centum millia ad bella valentium esse æstimabant: exceptis inermi-
 bus, videlicet Clericis, Monachis, mulieribus, & paruulis. Quid igitur insuper?
 si omnes, qui de domibus suis egressi votum iter iam incœperāt, simul illic adessent,
 proculdubio sexagies centum millia bellatorum essent. Sed alij de Roma, alij de C
 Apulia, alij verò de Vngaria, vel Sclauonia, labore recusato, domos suas redie-
 rant: vel in locis multis, milibus multis occisis; & nobiscum multi eundo infir-
 mati, vitam finiebant defuncti. Multa cymiteria videretis in callibus, & in cam-
 pis, & in lucis, de peregrinis nostris sic sepultis. Sciendum, quia quamdiu Niceam
 urbem circumsedimus, nauigio marino, consensu Imperatoris, victus nobis ad
 emendum illuc est allatus. Tunc Heroës nostri fecerunt machinas fieri, arietes,
 scrofas, turres ligneas, petriarias. Distendebantur arcubus sagittæ, iaciebantur la-
 pides; hostes nobis nōsque illis vicem certaminis pro posse reddebamus. Sæpè
 cum machinis illis armati urbem assiliebamus; sed muro forti nobis obstante, cas-
 sabatur assultus. Sæpè de Turcis, sæpè de Francis, sagittis vel lapidibus percussi,
 interibant. Verè doleretis, & pietate suspiraretis, cū aliquem de nostris prope
 murum quoquomodo trucidassent, & summissis vncis ferreis, quos funibus deor-
 sum dimittebant, corpus interempti, aliquando loricati, sursum ad se rapiebant;
 quod nullus nostrū audebat, nec poterat ab eis extorquere. Corpore tunc expo-
 liato, cadauer foras iaculabantur. Sed cū quinque septimanis urbem circumse-
 dissemus, & multotiens assultibus Turcos pauidos fecissemus: facto interim pla-
 cito per legationes apud Imperatorem, callidè reddiderunt ei urbem, cū iam
 ipsa vi & ingeniis valde coercita esset. Tunc Turci intromiserunt in eam Turco-
 pulos ab Imperatore missos, qui urbem cum pecunia interna Domino suo Impe-

A ratori, sicut eis præceperat, seruauerunt. Quapropter pecunia illa retenta, iussit 1097. Imperator de auro suo & argento atque palliis Proceribus nostris dari: peditibus quoque distribui fecit de nummis suis æneis, quos vocant *tartarones*. Die autem illo, quo Nicea sic est comprehensa, siue reddita, vnius mensis solsticio repercussus est: tertioque Kal. Iulij, cùm Barones nostri ab Imperatore concessum abeundi accepissent, à Nicea discessimus interiores Romaniz regiones adituri. Sed cùm per duos dies iter egissemus nostrum, nuntiatum est nobis quòd Turci, prætentis nobis insidiis, in planis, per quæ transíturos nos arbitrabantur, præliaturi expectabant. Hoc autem cùm audiuissemus, nihil ob id audacitatis amisimus. Sed cùm sero illo speculatores nostri plures ex illis à longè vidissent, statim nos indè monuerunt: propter quod tentoria nostra nocte illa excubiis vndique conseruari fecimus.

M A N E autem factò, quod accidit Kal. Iulij, sumptis armis, & monente cornu, aduersus eos per alas consecuti, tribunis & centurionibus cohortes & centurias ducentibus, vexillis leuatis, ordinare ire cœpimus. Hora diei secunda, ecce præcursores eorum speculatoribus nostris appropiauerunt. Quod cùm audissemus, protinus tentoria nostra iuxta quoddam arundinetum metari fecimus, vt expeditiùs clitelis, id est sarcinis, depositis promptiores ad præliandum essemus. Quo factò, en Turci, quorum Princeps & Admiratus erat Soliman, qui Niceam urbem & Romaniam in potestate sua tenebat, congregatis sibi Turcis ab Orientalibus partibus, qui triginta dierum itinere, & eo ampliùs, in auxilium eius mandati venerant: aderantque cum eo quamplures Admirati, videlicet Amudaradigium, Miriatos, Comardigum, Amirchai, Lachin, Boldagis, Caradigum, multique alij: qui omnes insimul erant trecenta & sexaginta millia pugnatorum, scilicet sagittariorum. Mos enim eorum est, talibus vti armis. Equites erant omnes. Nos autem vtcumque pedites & equites. Sed nobis tunc deerant, Dux Godefridus, & Comes Raymundus, atque Hugo Magnus: qui per duos dies insipienter se à nobis subtraxerant cum gente maxima tramite bifurco. Vnde nobis damnum inrestaurabile accidit, tam de nostris occisis, quàm Turcis non retentis, vel interfectis. Sed quia tardè legatos nostros indè habuerunt, ideò tardè nobis succurrerunt. Turci autem audacter vlulatibus concrepantes, pluuiam sagittarum vehementer nobis iacere cœperunt. Sed ictibus tam crebris nos stupefacti, mortuique, & multi læsi, mox timidi versi sumus in fugam. Nec erat mirandum, quia cunctis nobis tale bellum erat incognitum. Iamiamque ex altera parte arundineti, agmina densa ex eis adusque papiliones nostros vehementer irruerant, qui de rebus nostris intus arripiebant, & de gente nostra occidebant: cùm fortè, disponente Deo, Hugonis Magni, & Comitis Raimundi, & Ducis Godefridi præcursores, tali infortunio à posteriore parte accurrerunt. Et cùm vsque ad tentoria nostra iam fugati fuissemus, statim qui ingressi fuerant à papilionibus se remouerunt: putantes propter eos tam citò nos regredi. Sed quod audaciam vel probitatem suspicati sunt, pauorem nimium sperare possent. Quid dicam? Nos quidem in vnum conglomerati, tanquam oues ouili clausæ, trepidi & pauesceti ab hostibus vndique vallabamur, vt nullatenus aliquorsum procedere valeremus. Quod nobis visum est propter peccata nostra sic contigisse. Nam quosdam luxuria polluebat, quosdam verò auaricia vel superbia vitiabat. Clamor erat ingens æthera feriens, virorum ac mulierum, atque infantium, necnon & paganorum qui super nos irruebant. Iamque nulla spes erat vitæ. Tunc reos & peccatores nos omnes esse fatebamur, misericordiam à Deo deuotè postulantes. Aderat ibi Episcopus Podiensis, patronus noster, & quatuor alij: aderantque Sacerdotes quamplurimi, albis induti vestimentis, qui Dominum humillimè deposcebant, vt virtutem hostium prosterneret, & nobis dona misericordiz suæ infunderet. Plorando cantabant, cantantes orabant. Tunc currebant multi ad eos, qui confestim mori timentes confitebantur eis peccata sua. Tunc nostri Proceres, Robertus Normanniz Comes, & Stephanus Blesensis, & Comes Flandriz, Buamundus quoque pro posse eis resistere, & eos sæpè nitebantur inuadere. Ipsi quidem à Turcis fortiter impetebantur. Sed forsitan supplicatione nostra Dominus placatus (quia nec nobilitatis pompæ, nec armis lucidis triumphare fauet; sed menti piæ, & virtutibus diuinis munitæ, in necessitate piè subuenit) paulatim vigorem tunc nobis præstitit, & Turcos ma-

ZZz iiij

1097. gis magisque debilitauit. Nam visis consociis nostris, qui postremi properabant A ad adiuuandum nos, laudantes Deum, audaciam resumpsimus; & per turbas & cohortes eis resistere nisi sumus. Heu! quot de nostris die illo post nos lentè venientes in via occiderunt! A prima diei hora vsque ad sextam, nos, vt dixi, angustè coërcuerunt: sed tunc paulatim nobis animatis & de postris fociis concretis, affuit mirabiliter diuina gratia; & quasi momento subitaneo, Turci omnes visibus nostris dorso fugitiui verterunt. Nos verò post eos vehementer vociferantes, per montes & valles persecuti eos sumus: quos fugare non cessauimus, donec anteriores nostri cursores ad tentoria eorum peruenerunt. Vbi, alij de rebus eorum, & de tentoriis ipsis onerauerunt eorundem equos & camelos plures, quos pro timore illic reliquerant: alij verò Turcos fugientes vsque ad noctem persecuti sunt. Sed quia famelici & fatigati erant equi nostri, paucos ex eis retinuimus. Grande autem miraculum Dei fuit, quòd die crastino & tertio non cessauerunt fugere; quamuis eos nullus, nisi solus Deus, amplius fugaret. De tanta autem victoria nos facti lætissimi, Deo gratias omnes exsoluimus, quia noluit iter nostrum omninò adnihilari; sed ad honorem sui & Christianitatis, honorabiliùs solito prosperari: vnde ab Oriente vsque ad Occasum fama personabit perennis. Tum quidem post eos iter nostrum modestè calcauimus. Turci verò ante nos fugientes cateruatim mansiones per Romaniam sibi quæsierunt. Tum perreximus *Antiochiam*, quam prænominant *paruam*, in prouincia Psidie; deinde *Tconium*: in quibus regionibus, B sæpissimè pane cibariisq; satis indiguimus. Nam Romaniam, quæ terra est optima & fertilissima bonorum omnium, inuenimus valde à Turcis vastatam & deploratam. Multotiens tamen videretis tantam gentis multitudinem de raris culturis, quas interdum per loca inueniebamus, benè refocillari, supplemento illius Dei, qui de quinque panibus & duobus piscibus quinque millia hominum cibauit. Inde satis lætabamur, & congaudentes, dona misericordiæ Dei hæc esse profitebamur. Tunc autem verè vel rideretis, vel forsitan pietate lachrymaremini, cùm multi nostrum iumentis egentes, quia de suis iam multa perdiderant, verueces, capras, sues, canes, de rebus suis, scilicet pannis vel panibus, seu qualibet sarcina peregrinorum vsui necessaria onerabant. Quarum bestiarum terga videbamus, mole fascis grauis esse corrupta. Equites etiam supra boues cum armis suis interdum scandebant. Sed quis vnquam audiuit tot tribus linguæ in vno exercitu, cùm ibi adessent Franci, Flandri, Frisi, Galli, Britoni, Allobroges, Lotharingi, Alemanni, Baiuarij, Normanni, Scoti, Anglici, Aquitani, Itali, Apuli, Iberi, Daci, Græci, Armeni? Quòd si vellet me alloqui Britannus, vel Teutonicus, neutro respondere saperem. Sed qui tot linguis diuisi eramus, tanquam fratres, sub dilectione Dei, & proximi, vnanimes esse videbamur. Nam si de rebus suis aliquis aliquid perderet, per quamplurimos dies id diligenter tamdiu qui inuenisset deferret secum, donec inquirendo illum qui perdidisset reperiret, & inuentum libenter redderet. Hoc enim competit his, qui iustè peregrinantur. C

VI. Cvm autem ad *Eracleam* urbem peruenissemus, vidimus signum in cælo quoddam, quod alburno splendore fulgens tunc apparuit in modum ensis figuratum, cuspide versus Orientem protento. Sed quid futurum promittebat nesciebamus, sed præsentia & futura Domino committebamus. Ad oppidum optimum quoddam, quod *Mariscum* nominatur, tunc profecti sumus, vbi per tres dies quieuiamus. Sed cùm exhinc viam vnus diei proculcassimus, & non longè ab Antiochia Syriæ, sed quasi tribus diebus essemus, ab exercitu discessi: & cum domino BALDWINO Comite, Godefridi Ducis antefati fratre, in sinistræ partem prouinciæ diuertimus. Erat quippe miles quàm optimus, probitate & audaciâ valde famosus: qui antea relicto exercitu cum illis quos secum duxit, urbem, quam dicunt *Tharsum* Ciliciæ, ausu magno cepetat: quam tamen Tancredo violenter abstulit, qui iam in ea homines suos, Turcis ei consentientibus, intromiserat. Relictis itaque ibi custodibus, Balduinus ad exercitum rediit. Itaque confidens in Domino, & in valore suo, collegit secum milites paucos, proficiscens versus Eufraten fluiuium: & comprehendit ibi castra plurima tam vi quàm ingenio. Inter quæ vnum cepit peroptimum, quod vocatur *Turberes*. Hoc pacificè reddiderunt ei, qui in eo habitabant Armeni, & alia plurima huic subdita. Cùm autem fama de eo longè letèque iam circumuolasset, misit ad eum legationem qui Princeps erat ciuitatis

A *Roais*, id est *Edeſſæ*, quæ ſatis eſt nominata, & de bonis terræ vberriſſima. Eſt illa 1097. in Meſopotamia Syriæ, trans flumen prædictum Euphratem viginti ferè milliaris, & ab Antiochia diſtans quaſi centum vel paulo plus. Mandatus eſt itaque Balduinus, vt illuc iret, & efficerentur inuicem amici, quamdiu ambo viuerent, tanquam pater & filius. Quòd ſi Dux ipſe Edeſſenus forrè obiret, ſtatim Balduinus, ac ſi filius eius eſſet, urbem & terram ſuam, quantamcumque poſſidebat, in hereditate poſſideret. Non enim habebat filium nec filiam. Et quoniam à Turcis ſe defendere non poterat, volebat Græcus ille & ſe & terram ſuam ab ipſo Balduino defendi, quem & milites ſuos bellatores audiuerat eſſe probiſſimos. Hoc audito, poſtquam legati iurèiurando fecerunt eum indè credulum, cum minimo exercitulo ſuo, ſcilicet octoginta militibus, pergens tranſiit Euphratem. Quo tranſito, nocte tota perproperè prope caſtra Sarracenorum, hinc & indè linquentes ea, valde pauidi perreximus. Quod cum audiſſent Turci qui in Samofate oppido forti erant, inſidias nobis in via, per quam ituros nos opinabantur, prætenderunt. Sed cum nocte alia quidam Armenus in caſtello ſuo diligenter nos hoſpitatus fuiſſet, intimatum eſt nobis quòd ab hoſtibus illis inſidiantibus præcauere nos oportebat. Quapropter diebus duobus illic delituimus. Sed cum tantam moram faſtidirent illi, die tercia ſubito inſultu de loco inſidiatorio proſilierunt, & ante caſtellum, in quo eramus, ſignis leuatis accurrerunt, & prædam, quam in paſcuis ibi reperierunt ante conſpectum noſtrum arripuerunt. Nos autem contra eos egreſſi, quia pauci eramus, bellare cum eis non quiuimus: qui cum nobis ſagittas iacere cœperunt, nullum de noſtris, iuuante Deo, ſauciauerunt. Ipſi autem vnum de ſociis ſuis occiſum lancea, in campo reliquerunt, cuius equum, qui eum ſubuerſit, retinuit. Tunc abierunt, nos autem ibi remanſimus. Sequenti verò die iter noſtrum reſumpſimus. Miraremini, cum ante caſtra Armeniorum tranſiremus, & nobis obuiam cum crucibus & vexillis pro amore CHRISTI humilimè procedebant, & pedes noſtros & pannos oſculabantur: eò quod audierant nos à Turcis eos deſenſuros, ſub quorum iugo tamdiu depreſſi fuerant. Peruenimus tandem Roais, vbi Princeps urbis prædictus, & vxor ſua, vnà cum ciuibus ſuis, gaudenter nos ſuſceperunt: & quod Balduino polliciti fuerant, indilatè compleuerunt. Cumque per quindecim dies illic moram feciſſemus, ciues urbis machinati ſunt Principem illum ſceleſtè occidere, & Balduinum in Palatio ad dominandum ſublimare. Odio enim eum habebant. Dictum eſt, & factum eſt. Vnde Balduinus tamen & ſui valde contriſtati ſunt, quia pro eo indulgentiam impetrare nequiuērunt. Cum autem Principatum illius dono ciuium Balduinus ſuſcepſiſſet, protinus aduerſus Turcos, qui in patria erant, litem bellicam mouit, quos multotiens vel victos vel occiſos ſuperauit. Contigit tamen de noſtris plures à Turcis interemptos fuiſſe. Ego verò FVLCHERIVS CARNOTENSIS, Capellanus ipſius Balduini eram. Volo autem de exercitu Dei ſermonem quem dereliqui reſumere.

C MENSE Octobri, peruenerunt Franci ANTIOCHIAM Syriæ, flumine VII. tranſito quod *Fernum*, vel *Orontem* nominant. Ante urbem iuſſa ſunt tentoria extendi, intra primum ab vrbe lapidem: vbi poſtea certamen peſſimum vtrinque perſæpè factum eſt. Nam cum de ciuitate Turci proſilirent, multos de noſtris occidebant. Vice tamen reddita, ſe quoque ſuperatos lugebant. Eſt nempe Antiochia ciuitas magna ambitu, ſitu fortis, & muro valida: quæ & ab hoſtibus externis numquam poterit comprehendì, ſi tantum inhabitantes pane muniti eam defendere voluerint. Eſtque in ea Baſilica vna ſatis veneranda, in honore ſancti Petri Apoſtoli dedicata, vbi ſedit in cathedra in Epiſcopum ſublimatus, poſtquam à Domino Principatum Eccleſiæ, clauibus acceptis regni cœleſtis, ſuſcepit. Eſt & altera in honore beatæ Mariæ fabrefacta. Suntque aliæ plures Eccleſiæ decenter compoſitæ. Quæ quamuis ſub poteſtate Turcorum diu extiterant, Deus tamen cuncta præſciens, nobis eas integras reſeruauit, vt à nobis quandoque in eis honoraretur. Tredecim ferè miliaris diſtat mare ab Antiochia. Et quia Fernus fluuius inibi mare incidit, per eiſdem alueum fluuij vſque prope Antiochiam naues de longinquis partibus bonis refertæ omnibus deducuntur. Itaque tam per mare quàm per terram munita bonis, abundat ciuitas diuitiis multimodis. Principes autem noſtri cum eam ad capiendum tam difficilem proſpexiſſent,

1097. sent, iureiurando confirmauerunt inuicem eam obsidione cohibere: donec, Deo A
 suffragante, aut vi aut ingenio possent eam capere. Tum verò in flumine prædi-
 cto inuenerunt naues, cum iuxta illud deambulare: quas capientes, coaptaue-
 runt sibi de eis vnum pontem, per quem postea transierunt ad negotia sua facien-
 da, cum antea pedetentim vadare per flumen illic non valerent. Sed cum Tur-
 ci à tanta multitudine Christiana se obsideri circumspicerent, timentes quòd nul-
 lomo ab eis excuti possent, inito consilio inuicem, misit Gracianus Antiochiæ
 Admiratus filium suum Sansadolem nomine ad Soldanum, hoc est ad Imperato-
 rem Persidis, precantes vt eis citissime succurreret: quia in nullo alio spem auxi-
 lij habebant, præter Mahumet aduocatum eorum. Ille autem illuc sic destinatus,
 legationem perpropere gessit. Qui verò remanserunt, custodierunt urbem, inte-
 rim auxilium præstolantes mandatum: & contra Francos damna multimoda fre-
 quenter machinati sunt. Franci quoque calliditati eorum pro posse obsistebant.
 Contigit enim die quadam septingentos Turcos ab eis interemptos esse: & quia
 Francis insidias parauerant, ab insidiantibus similiter superati sunt. Virtus enim
 Dei præsens ibi affuit. Nam nostri omnes sani regressi sunt, excepto vno ab illis
 fauciato. Heu! multos de Christianis, qui in vrbe conuersabantur, scilicet, Græ-
 cis, Syris, Armenis, Turci rabie occidebant permoti; & petriariis & fundibulis
 suis capita occisorum, Francis cernentibus, extra muros eiiciebant. qua de re
 gens nostra valde tristabatur. Odio quidem Christianos illos habebant, quoniam B
 ne fortè Francos quoquomodo munirent, metuebant. Cum autem aliquandiu
 Franci urbem circumsedissent, & provinciam affinem rapinantes pro victualibus
 necessariis sibi vndique deuastassent, & panem ad emendum nusquam inuenire
 possent: contigit eos famem magnam sustinere. Vnde omnes valde desolati sunt,
 & multi latanter cogitauerunt de obsidione aufugere, siue per terram, siue per
 mare. Non enim habebant quicquam stipendij, vnde viuere possent: quos etiam
 oportebat victum suum longè quærere cum ingenti timore, elongando se ab obsi-
 dione aut quadraginta aut sexaginta milliariis. Vbi, videlicet in montanis, à Tur-
 cis insidiantibus persæpe occidebantur. Hæc autem incommoda putabamus sic
 Francis contigisse propter peccata sua, quibus multi constringebantur: & quòd
 urbem tam longo tempore capere non poterant. Nam plurimi tam superbix, quàm
 luxuriæ atque rapinæ immodestia debilitabantur. Tum proinde facto consilio, eie-
 cerunt feminas de exercitu, tam coniuges quàm immaritas; ne luxuriæ sordibus
 coinquinati Domino displicerent. Illæ verò in castris affinibus tunc sibi hospitia
 assumpserunt. Desolati enim omnes erant, tam fame quàm occisione quotidiana,
 tam diuites quàm pauperes. Et nisi Deus eos, tanquam bonus pastor oues suas,
 gregatim constringeret, proculdubio omnino inde aufugerent, licet obsidionem
 iurassent obtinendam. Multi tamen propter panis necessitatem, per plures dies
 quærebant per castella propinqua quæ victui suo erant necessaria; nec postea
 reuertentes ad exercitum, obsidionem penitus dimittebant. Tunc temporis vi- C
 dimus vnum ruborem in cælo mirabilem: insuper sensimus terræ motum ma-
 gnum, qui nos pauidos reddidit omnes. Multi etiam viderunt quoddam signum
 in modum crucis figuratum, colore alburnum, versus Orientem recto tramite in-
 cedens.

VIII. ANNO autem Domini millesimo nonagesimo octauo, postquam illa regio An-
 tiochena circumquaque à multitudine gentis nostræ prorsus deuastata fuisset,
 1098. magis magisque maiores & minores fame nimia vexati sunt. Tunc famelici come-
 debant surculos fabarum in agris adhuc crescentium, herbâsque multimodas &
 fale inconditas: carduos etiam, qui propter lignorum deficientiam non benè co-
 cti linguas manducantium depungebant: equos, asinos camelosque, canes etiam,
 & mures. Pauperiores etiam bestiarum coria comedeant, & quod nefas est di-
 cere, mures, & grana in stercorebus reperta. Frigora, flagra, calores, pluuias den-
 sas, propter Deum perpeffi sunt. Tentoria etiam iam erant inueterata, imbrium
 inundationibus putrefacta & disrupa. Qua de re, multi eorum nonnisi cælo te-
 gebantur. Itaque illi, quasi aurum ter igni probatum, septiesque purgatum, iam-
 dudum à Domino, vt opinor, præelecti, & in calamitate tanta examinati, à pec-
 catis suis purgati sunt. Diu enim agonizantes, si etiam gladius percussoris non
 decesset, martyrij cursum multi voluntariè compleffent. Forsitan à iusto Iob gra-

A tiam tanti exempli sumptuerunt, qui in tormentis corporis sui animam purgans, 109 & Deum semper in mente tenuit. Cum Paganis bellant, propter Deum labrant. Licet Deus qui cuncta creat, creata moderat, moderata sustentat, virtute gubernat, possit quæque vult momento vno destruere: sentio quod verbere Christianorum annuit Paganos ita subruī, qui tot temporibus cuncta quæ Dei sunt, permittente ipso, viliter pessum dederunt. Christianos quidem ab ipsis Turcis permittit occidi ad saluationis augmentum, Turcos autem ad animarum suarum detrimentum: quorum quidam tamen iam saluti prædestinatos, placuit Deo tunc à Sacerdotibus nostris baptizari. *Quos enim prædestinatis, hos & vocant, necnon magnificatis.* Quid igitur? Fuere quidem de nostris nonnulli, ut superius audistis, qui ab obsidione tam anxia se remouerunt. Alij propter egestatem, alij propter ignauiam, alij verò propter mortis timorem: primus pauperes, deinde locupletes. Tunc **S T E P H A N U S** Comes Blesensis ab exercitu discessit, & per mare in Franciam repatriauit. Vnde doluimus omnes, quoniam vir erat probissimus, & valde nobilis. Quo discedente, sequenti discessionis suæ die vrbs Antiochia est tradita. Si perseuerasset, multum indè cum ceteris gauderet. Idcirco factum est ei hoc in opprobrium. Nec prodest cuiquam bonum initium, si benè non finierit. In rebus autem Domini, eo quod mentiri nollem, cauendum est. ne in aliquantis diuitem, multa breuiabo. Ab ipso autem mense **O**ctobri, transcurfa hieme sequenti, & deinde verno tempore vsque dum subintraret Iunius mensis, vrbs obsidio perdurauit. Multotiens interim inuasiones & prælia, insidiæque Franci & Turci inuicem egerunt. Vincebant, & vincebantur. Nostri tamen sæpius quàm illi triumphabant. Semel contigit plerosque de Turcis in flumen Fernum fugiendo cadere, & in ipso merfos infelicitè interire. Cis Fernum & citra Fernum, vtrique gens inuicem bellabant sæpè. Castella quidem ante urbem composuerunt Optimates nostri, quibus postea Turcos frequentè exitu assilientes, vehementer cohibuerunt. vnde bestiis eorum pascua sæpè abstulerunt. Nec ab externis prouinciæ Armenis quicquam allatum fuit. Sæpè tamen ipsi ad lædendum nostros procedebant. Cùm autem placuit Domino laborem populi sui consummare, forsitan precibus eorum placatus, qui cotidie preces indè supplices ei fundebant, concessit pietate sua, per eorundem Tureorum fraudem, traditione clandestina urbem Christianis reddi. Audite ergo fraudem, & non fraudem.

IX.

A P P A R V I T enim Dominus noster cuidam Turco, gratia sua prælecto, & dixit ei: Expergiscere, qui dormis. Impero tibi vt reddas Antiochiam Christianis. Miratus autem ille, visionem illam silentio texit. Iterum autem apparuit ei Dominus: Redde urbem Francis, inquit. sum etenim **C H R I S T V S**, qui hoc tibi iubeo. Meditatus autem ille secum quid indè facturus esset, abiit ad dominum suum, Antiochiæ scilicet Principem, & visionem illam innotuit ei. Cui respondit ille: Nunquid fantasmari, brute, vis obedire? Reuersus autem ille, postmodum siluit. Cui rursus Dominus apparuit, inquiens: Cur non explesti quod iussi? Non est tibi hæsitandum. nam qui hoc impero Dominus sum omnium. Ille autem non amplius dubitans, prudenter cum viris nostris tunc egit, vt sub machinationis suæ studio urbem acciperent. Quo prolocuto, & filio suo Francis dato obside, domino scilicet **B V A M V N D O**, nocte quadam per scalas de cordis factas viginti de clientibus nostris per muri summum intromisit. Et non mora facta, statim porta aperta est. Franci omnes præparati ciuitatem sunt ingressi. Et per cordas iam introierant quadraginta milites, qui quadraginta illico inuenerunt ibi Turcos, trium turrium custodes, quos occiderunt. Tunc alta voce Franci omnes simul exclamauerunt: **D E V S H O C V V L T, D E V S H O C V V L T.** Hoc erat enim signum exclamationis nostræ, cùm aliquid de negotio nostro agere volebamus. Quo audito, Turci omnes vehementer exterriti sunt. Aurora quippe albescente, urbem Franci prorsus impetere cœperunt. Cùmque Turci primitus vexillum Buamundi rubicundum iam in sublime displicari aspicerent, & tumultum tantum atque tot cornibus in muri apice Francos sonare, & per vias & muros nudis ensibus eos latè discurrere, & gentem suam ferociter occidere: obstupescit valde, & hac & illac fugere cœperunt. De quibus multi mox occisi fuerunt: pluresque fugiendo in castrum, quod in rupe celsa est situm, se intromi-

1098. serunt. Plebs verò nostra cuncta, quæ in vicis aut domibus inuenerunt, immoderate assumpserunt. At milites probitatis militiam tenuerunt, Turcos persequendo & occidendo. Tunc Admiratus Antiochiæ, scilicet Gratianus, à rustico quodam Armeno fugiens decollatus est. Qui caput abscissum Francis mox attulit eius.

X. CONTIGIT autem postquam ciuitas capta est, à quodam homine Lanceam vnam inueniri: quam in Ecclesia beati Apostoli Petri fossa humo repertam, asseuerabat esse illam, de qua Longinus latus Domini perforauit. Aiebat enim à sancto Andrea Apostolo reuelatum hoc esse sibi. Visione & monitione ab ipso Apostolo ter illi facta, sedit subter pauimentum, vbi per visionem ei monstratum fuerat, & inuenit Lanceam, fallaciter occultatam forsitan. Hanc visionem propagauit primitus Episcopo Podiensi & Raymundo Comiti. Quod tamen Episcopus falsum esse putauit, Comes verò Raymundus verum esse sperauit. Sed cum sic reperta fuisset, & omnis populus Deum exultans glorificasset, & per centum iam ferè dies ab omnibus in ueneratione magna haberetur, & à Comite Raymundo gloriosè tractaretur: qui etiam oblationem à populo ad Lanceam deuotè factam egenis sæpè distribuerat, quia Lanceam illam custodiebat: fortè contigit Episcopum *Bara*, & alios quamplurimos tam Clericos quàm laicos, hæsitare quòd non esset illa Dominica Lancea quæ sperabatur, sed altera erat ab homine illo stolido fraudulenter reperta. Quapropter consilio inito, post supplicationem ieiunij tri-
duani, cum struem lignorum in medio campi igni accendissent iuxta castrum *Archarum*, quod tunc obsidione coërcebant, octauo mense post Antiochiam captam, benedictione iudiciali super ignem ab Episcopis facta, inuentor Lanceæ per medium rogi flammantis ultro celeriter transmeauit. Quo transacto, illum hominem quasi reum in cute flammis crematum viderunt, & in interiori parte corporis læsum mori intellexerunt. quod rei exitus monstrauit, cum die duodecimo ipso angore obiit. Et quia ob honorem Dei & amorem omnes Lanceam venerati fuerant, hoc iudicio peracto, facti increduli, contristati sunt valde. Comes tamen Raymundus tamdiu illam seruauit, donec eam nescio quo euentu perdidit. Nunc autem ad cetera dimissa reuertar.

XI. CVMQVE Antiochia ciuitas capta fuisset, vt dictum est, sequenti die Turcorum multitudo innumerabilis circa eandem urbem obsidionem opposuerunt. Nam Soltanus, Rex scilicet Persarum, vnde iam parum præfatus sum, habita legatione quòd Franci Antiochiam obsidebant, statim gente multa coadunata contra Francos exercitum suum misit. Cuius fuit Corbagath dux & Admiratus. Hi quidem ante urbem Edissam, vbi tunc Balduinus erat, per tres hebdomadas stationem fecerant: sed nihil ibi proficientes, Antiochiam properauerunt, ad succurrendum Gratiano. Quibus visis, non minus solito iterum Franci desolati sunt. propter peccata enim sua pœna est eis duplicata. Nam cum ciuitatem ingressi fuissent, confestim cum feminis exlegibus concubuerunt plures ex eis. Tunc insu-
per ingressi sunt urbem sexaginta ferè millia Turcorum per castrum sublime, à parte rupis celsæ: qui nostros vehementissimè crebris inuasionibus coarctauerunt. Sed non fuit mora: pauore percussi magno, foras ad obsidionem relictæ vrbe exierunt. Franci autem inclusi, vltra quàm credi potest remanserunt anxij. Interea tamen eorum non immemor Deus, pluribus sæpè, quod dictis affirmabant, apparuit, qui confortando eos promittebat populum ad præsens victoriâ gaudendum.

XII. TUNC Clerico cuidam pro timore mortis aufugienti apparuit Dominus, in-
» quiens: Quò, frater, protendis iter? Fugio, respondit, ne infortunatus peream.
» Sic fugiunt multi, pereant ne morte maligna. Cui Dominus ait: Ne fugias, sed
» vade retrò, & dic ceteris quòd in prælio cum illis adero. Nam matris meæ placatus precibus, propiciabor eis. Sed quia peccauerunt, ferè perierunt. Sit autem
» spes eorum in me firma, & faciam eos in Turcos triumphare. Pœniteant, & salui
» fient. Dominus sum, qui loquor tecum. Mox ille reuersus, quod sciuit narrauit.

XIII. INTEREA dum plures noctu per cordas de muro descendere volebant, & fugere, quoniam contigit multis hoc fieri, qui formidabant vel inedia vel gladio perire: iterum astitit cuidam descendenti frater eiusdem iam mortuus, aiens ei:
Quò,

A Quò, frater, fugis? Resta, ne timeas: quoniam Dominus erit vobiscum in prælio vestro: & confocij vestri qui in hoc itinere iam vos morte antecesserunt, contra Turcos vobiscum præliabuntur. Miratus autem ille verba defuncti, ire desit: & quod audiuit ceteris recitauit.

S E D cùm placuit Domino labori famulorum suorum finem dare, qui etiam angorem tantummodum ampliùs tolerare non poterant: nec iam quicquam habentes quòd comederent, vnde tam ipsi quàm equi eorum debiles nimis erant: constituerunt inuicem fieri triduanum ieiunium cum precibus & eleemosynis, vt illis poenitentibus, & Domino deuotè supplicatibus propiciaretur? Interim verò capto consilio, mandauerunt Turcis per Petrum quendam Heremitam, quòd nisi terram, quæ Christianis pertinebat ab olim, quietam eis dimitterent, die sequenti sine dubio bellum contra eos inirent, Quod si aliter fieri vellent, aut per quinque, aut per decem, siue per viginti vel centum milites ab vtraque parte electos fieret bellum, ne cunctis simul bellantibus, multitudo gentium moueretur; & quorum pars alteram superaret, urbem & Regnum meritò acciperet. Hoc mandatum est, sed concessum à Turcis non est. Et quia multi erant, & equis muniti, propterea vincere putabant: æstimabatur quidem numero sexcenti sexaginta millia, tam equites quàm pedites. Nostros verò milites sciebant effici pedites, debiles, pauperes. Regresso autem Petro legato, redditur responsum. Quo audito, parauerunt se Franci armis ad præliandum, nihil hæsitantes, sed in Domino spem suam penitus ponentes. Principes Turcorum multi erant, quos Admiratos prænominabant. Hi sunt: Corbagath, Meleducac, Amirsoliman, Amirsolendas, Amirhegibbe, Amirmazoane, Amirmahummet, Caraiath, Coteloseniar, Mergascotelon, Baldus, Boëlquenari, Boldagis, Amirriliis, Gersallan, Gigremis, Amirgogus, Artubech, Amirdalis, Amirmoxe, Amircharaor, & multi alij. Francorum verò Optimates isti aderant: HUGO MAGNVS, Robertus Normaniz Comes, Robertus Comes Frandriz, Dux Godefridus, Comes Raymundus, Buamundus, & multi nobiles alij. Benedicat Deus animam Ademari Podiensis Episcopi, qui, vt vir Apostolicus, benignè semper populū confortabat, & in Domino roborabat. O pia res! Iusserat ipse vespere præcedente cunctæ militiæ Dei exercitus, sub edicto præconario, vt vnusquisque pro posse suo de annona niteretur præbendam equo suo impendere, ne in die crastino subter equitantes, horâ bellica debiles fame deficerent. Iussum est, & factum est. Igitur ad bellum sic paratis omnibus, exierunt de ciuitate summo mane, quod iv. Cal. Iulij tunc euenit, vexillis præcedentibus scararum & acierum, separatim per cateruas & phalanges conuenienter diuisarū. Inter quos Sacerdotes albis amicti vestimentis erant, qui pro populo cuncto Domino flendo psallebant, & preces multiplices mentibus deuotis fundebant. Tum quidam Turcus, Amirdalis nomine, militiâ probissimus, cùm vidisset gentem nostram contra eos signis leuatis sic egredientem, miratus est vehementer. Et cùm signa Procerum nostrorum vidisset, quæ sigillatim cognoscebat, quia in Antiochia conuersari solebat, prælium mox fore ratus est. Quod statim Corbagath Admirato maiori intimauit. Quid scaccis ludis? En Franci veniunt. Cui respondit: Veniuntne ad bellandum? Respondit Amirdalis: Adhuc ignoro: sed expecta parumper. Cùmque iterum prospicit vexilla Principum nostrorum altrinsecus ordinate præferri, & acies diuisas decenter subsequi, iterum ait Corbagath: Ecce Franci. Quid putas? Respondit: Bellum reor, inquit, sed adhuc paulisper operire. Signa quæ cerno quorum sunt non ignoro. Iterum considerans attentius, cognouit vexillum Episcopi Podiensis cum turma tertia procedens.

*Longius haud restant, Corbagath tunc ait ille,
En Franci veniunt, vel nunc fuge, vel bene pugna.
Nam signum video magni præcedere Papa.*

Et quos æstimabas iam omninò supplantari, hodie timeas ab eis superari. Corbagath dixit: Mittam ad Francos, vt quod hesternæ die mihi mandauerunt, hodie concedam. Amirdalis dixit: Tardè locutus es. Attamen id mandauit, sed quod quæsiuit, non impetrauit. Amirdalis autem mox ab eo discedens, equum vtsit calcaribus.

*Cogitat aufugiat, socios tamen admonet ipse,
Fortiter vt pugnent omnes, iaciântque sagittas.*

Ecce Hugo Magnus, atque Robertus Normannus, & Comes Flandriensis, in pri-

Tom. IV.

A A a a

1098. ma acie constituti sunt inuasores. In secunda autem Dux Godefridus cum Alemannis & Lotharingensibus subsecutus est. Post hos Episcopus Podiensis, & gens Raymundi Comitis, Gascones & Prouinciales inceserunt. Ipse verò Comes in vrbe remansit ad custodiendum eam. Postremam quippe cateruam Buamundus solerter minauit. Turci autem cū considerassent, ab omni exercitu Francorum se impetu ferocissimo inuadi, sparsim profilire & iacere sagittas cœperunt. Sed immisso timore Domini super eos, ac si repente totus mundus super eos rueret, fugam omnes immoderatam egerunt; & a Francis pro posse eorum fugientes fugati sunt. Sed quia paucos equos habebant, & fame debiles, non quantum oporteret de Paganis retinuerunt. tentoria autem eorum cuncta remanserunt. De rebus quoque eorum multiformibus in eisdem tentoriis reperierunt, aurum scilicet, argentum, pallia, indumenta, vtenilia, & cetera multa, quæ valde timidi per campos sparsim fugiendo, vel dimittebant, vel iaciebant: videlicet equos, mulos, camelos, & asinos, galerósque optimos, arcus, sagittas, cum pharetris. Fugit Corbagath ceruo velocius, qui minis & dictis tam feris Francos iam persæpè occiderat. Sed cur fugit qui tantam gentem habebat, & equis benè munitam? Quoniam contra Deum bellare nitebatur: cuius pompam & arbitrium prospiciens Dominus, omninò cassauit. Nec tamen permisit eum in manus Francorum incidere, nec milites suos: quia cotidie non se vlcificetur de inimicis suis. Et quoniam equos habebant veloces, effugerunt: lentiores verò nostris Francis remanserunt. Multi autem ex eis & de peditibus Sarracenis, gladiis detruncati sunt. De nostris autem pauci læsi sunt. Feminas verò in tentoriis eorum inuentas gladio interfecerunt. Tunc omnes voce exultationis Deum benedixerunt, & glorificauerunt, qui in tanta necessitate positos & anxietate, dextera pietatis suæ sperantes in se, ab hostibus tam trucibus liberauerat. Sed & ipsi deuictis, triumphatores inde facti gloriabantur. De quorum etiam substantia locupletes effecti, ad urbem regressi sunt iocundi.

*Cum urbs fuit capta tam nobilis Antiochia,
Vndecies centum, si subtrahis inde bis unum,
Tunc tot erant anni Domini de Virgine nati.
Sub geminis Phœbus cum his nouies fuit ortus.*

Tunc temporis obiit Ademarus Episcopus, Kalend. scilicet Augusti, cuius anima quiete potiarur æterna. Et tunc Hugo Magnus Constantinopolim concessu Herourum abiit, deinde in Franciam.

XV. His gestis omnibus, inclita Principum turma totius exercitus Epistolam hanc Romano Pontifici direxerunt. DOMINO SANCTO AC VENERABILI PAPÆ VRBANO, BVAMVNDVS, ET RAYMVNDVS SANCTI EGIDII COMES, GODEFRIDVS DVX LOTHARIENSIS, ET ROTBERTVS COMES NORMANNIÆ, ROTBERTVS FLANDRENSIVM COMES, ET EVSTACHIVS COMES BOLONIÆ, SALVTEM, ET FIDELIA SERVITIA, ET VT FILII SVO PATRI SPIRITVALI VERAM IN CHRISTO SVBIECTIONEM. Volumus omnes & desideramus notum fieri vobis, quàm magna Dei misericordiâ, quàmque euidentissimo eius amminiculo à nobis capta est Antiochia: & Turci, qui multa Domino nostro IESV intulerant opprobria, capti & interfecti sunt: & nos Hierosolymitani IESV CHRISTI iniuriam summi Dei vindicauimus: & nos, qui Turcos prius obsederamus, qualiter postea à Turcis de Corozana, & Hierusalem, & Damasco, multisque aliis terris venientibus obsessi fuimus; & quomodo IESV CHRISTI misericordiâ liberati sumus. Cū igitur capta Nicena illa, maximam multitudinem Turcorum, sicut audistis, in Kalend. Iulij nobis obuiam in campo florido denicissimus, & illam magnum Solimannum fugauissimus, suisque omnibus & terra & rebus expoliassimus, acquisita & pacificata tota Romania, ad obsidendum Antiochiam venimus. Cuius in obsidione multa mala perpepsi sumus, tum de bellis finitimorum Turcorum & Paganorum in nos tam frequenter & copiose irruentium, ut veriùs diceramur obsessi ab eis quos in Antiochia obsederamus. Tandem superatis omnibus bellis, ex eorum prospero cunctu fides Christiana exaltata est, hoc modo. Ego Buamundus, conuentione facta cum quodam Turco, qui ipsam mihi tradidit ciuitatem, scalas ante diem parum muro applicui: & sic ciuitatem antea CHRISTO resistentem III. Nonas Iulij accepimus; & Gratianum ipsius ciuitatis tyrannum cum multis suorum militibus interfecimus. Eorumque uxores, filios ac familias, cum auro & argento, & omnibus eorum possessionibus, resinui-

Amus. Castrum autem Antiochianum à Turcis premanitum habere non potuimus. Sed 1098.

cum in crastinum castrum ipsum aggredi voluissemus, infinitam Turcorum multitudinem, quam multis diebus ad debellandum nobiscum venturam extra ciuitatem expectaueramus, per campos omnes discurrentem vidimus. Qui die tertia nos obsederunt, & pradietum castrum plusquam centum eorum milites intrauerunt: ac per portam ipsius castri ad ciuitatem sub castro constitutam, nobis illisque communem, irrumpere voluerunt. Nos autem in alio monte existentes ipsi castro opposito, viam inter utrumque exercitum ad ciuitatem descendentem, ne ipsi nobis multo plures irrumperent, custodientes, & intus & extra nocte & die bellantes, portas castri ad ciuitatem descendentes intrare, & ad castra compulsi remeare. Cum ergo vidissent quod ex illa parte nihil nocere potuissent, ita nos ex omni parte circumierunt, quod nulli ex nostris ire, vel ad nos venire potuerunt. Qua de re ita desolati & afflicti omnes fuimus, quod fame & multis angustis morientes, equos & asinos nostros famelicos interficientes, multi nostrum comederunt. Sed interim, clementissima Dei omnipotentis misericordia nobis sabueniente, & pro nobis vigilante, Lanceam Dominicam, qua Saluatoris nostri latus Longini manibus perforatum fuit, sancto Andrea Apostolo cuidam famulo Dei ter reuelante, locum etiam ubi Lancea iacebat demonstrante, in Ecclesia beati Petri Apostolorum Principis inuenimus. Cuius inuentione, aliisque multis diuinis reuelationibus ita confortati & corroborati fuimus, ut qui antea afflicti & pauidi fueramus, tunc ad praeliandum audacissimi promptissimisque alij alios hortabamur. Tribus igitur hebdomadis & quatuor diebus obsessi, in vigilia Apostolorum Petri & Pauli in Deo confidentes, de omnibus iniquitatibus nostris confessi, portas ciuitatis cum omni nostro bellico apparatu exinimus: & tam paucieramus, quod ipsi nos non contra eos pugnare, sed fugere affirmabant. Nobis autem omnibus paratis, & tam peditum quam militum certis ordinibus dispositis, ubi maior eorum virtus & fortitudo erat audacter requisuimus, cum Lancea Dominica, & prima belli statione fugere eos coegimus. Ipsi autem, ut mos eorum est, undique se dispergere ceperunt: occupando colles & vias, ubicumque poterant nos girare voluerunt. Sic enim nos omnes interficere putauerunt. Sed nobis multis bellis contra eorum calliditates & ingenia edoctis, gratia Dei & misericordia ita subuenit, ut qui paucissimi ad eorum comparisonem eramus, omnes illos in unum coegimus, & coactos, dextera Dei nobiscum dimicante, fugere, & castra cum omnibus qua in castris erant relinquere compulsi. Quibus denictis, totaque die fugatis, & multis eorum millibus interfectis, ad ciuitatem lati & hilares remeauimus. Castrum autem supradictum Admiratus quidam, qui in eo erat cum mille hominibus, Buamundo se reddidit; & per ipsius manum Christiana se fidei unanimiter subiugauit. Itaque Dominus noster IESVS CHRISTVS totam Antiochiam Romane religioni ac fidei mancipauit. Verum, quia solet semper aliquid maestum interuenire laetis rebus, ille Podiensis Episcopus, quem tuum Vicarium nobis commiseras, peracto bello in quo honeste fuit, & pacificata ciuitate, Kal. Augusti mortuus est. Nunc ergo, filij tui commissio Patre orbat, tibi spiritali Patri nostro mandamus, ut qui hanc viam inccepisti, & Sermone tuis nos omnes, & terras nostras, & quicquid in terris erat, relinquere sicisti, & cruce baiulando CHRISTVM sequi precepisti, & Christianum nomen exaltare commonuisti, complendo qua hortatus es ad nos venias, & quoscumque poteris ut tecum veniant submoneas. Hinc enim Christianum nomen sumpsit exordium. Nam postquam beatus Petrus in cathedra quam cotidie cernimus inthronizatus fuit, illi qui prius vocabantur Galilaei primum hinc & principaliter vocati sunt Christiani. Quid igitur in Orbe rectius esse videtur, quam ut tu, qui Pater & Caput Christianae Religionis existis, ad urbem principalem & capitalem Christiani nominis venias, & bellum quod tuum est ex tua parte conficias? Nos enim Turcos & Paganos expugnauimus: hereticos autem, Gracos, & Armenos, Syros, Iacobitasque expugnare nequiuimus. Mandamus igitur & remandamus tibi hoc, carissimo Patri nostro, ut tu Pater & Caput ad tuae paternitatis locum venias, & qui beati Petri es Vicarius in cathedra eius sedas, & nos filios tuos in omnibus recte agendis obediens habeas, & omnes hereses cuiuscumque generis sint, tua auctoritate & nostra virtute eradices & destruas. Et sic nobiscum viam IESV CHRISTI à nobis inceptam, & à te predicatam, portas etiam utriusque Hierusalem nobis aperias, & Sepulchrum Domini liberum, atque Christianum nomen super omne nomen exaltatum facias. Si enim ad nos veneris, & viam per te inceptam nobiscum perfeceris, totus mundus tibi obediens erit. Quod ipse te facere faciat, qui vivit & regnat Deus in secula seculorum, Amen.

Cum apud Antiochiam per quatuor menses viri nostri cum equis suis, re- XVI.
quie & edulio refecti, vires pristinas resumpserunt, qui tot diebus labore fatigati

1098. fuerant: pars vna exercitus sumpto consilio Syriam adierunt interiorem, desiderantes tramitem Hierosolymitanum amplius dilatare. In quo exercitu Buamundus & Raymundus Comes, maiores fuerunt. Alij enim Principes in partibus Antiochenis adhuc morabantur. Sed ij duo cum gente sua duas vrbes, *Baram* videlicet, & *Maram*, magnæ probitatis inuasionem comprehenderunt. Priori quarum citissime capta, & cæde ciuium prorsus depopulata, raptisque omnibus quæ in ea reperierunt, festini alteram adierunt. Vbi obsidione per viginti dies peracta, famem nimiam pertulit gens nostra. Dicere perhorreo, quod plerique nostrum exasperati famis rabie, absciderunt de natibus Sarraceni iam mortui frustum vnum, vel duo. quo parum affato manducabant ore diro. Itaque plus obsessores, quam obsessiangebantur. Interea machinis factis & tandem muro admotis, magnæ audacitatis assultu, suffragante Deo, per muri fastigium Franci se intromiserunt: qui die illo atque sequenti cunctos Sarracenos à maiori vsque ad minimum occiderunt, totamque substantiam eorum sibi arripuerunt. Vrbe itaque prostrata, Buamundus Antiochiam remeavit: de qua tunc homines Raymundi Comitis, quos ibi posuit portionis suæ custodes, eliminauit. Quam urbem postea cum tota provincia possedit. Aiebat enim, per prolocutionem suam & machinamentum eam traditam fuisse. Comes verò Raymundus, iuncto sibi Tancredo inceptum iter tenuit. Sed & Robertus Normannus, qui die secundo discesserat à Marra vrbe, quam ceperant, eidem exercitui aggregatus est.

XVII. ANNO autem millesimo nonagesimo nono ab Incarnatione Domini, profecti
1099. sunt ad castrum *Archas* dictum, ad radicem Libani situm, quod propter situm loci fortis ad capiendum est difficillimum ab hostibus externis. Ante quod, in tabernaculis hospitati, per quinque ferè septimanas astiterunt. Illud oppidum antiquissimum condidit Araceus Chanaan filius, vt legitur. Dux autem GODFRIDVS, & Robertus Flandriæ Comes, non multò post exercitum illum subsecuti sunt. Qui antequam illuc peruenissent, *Gibellum* castrum quoddam nominatissimum obsidione vallauerunt. Sed legatione ab exercitu habita, vt eis festinè succurrerent contra Turcos, quos ad bellum expectabant, confestim Gibellum dimiserunt, & ad negotium mandatum profecti sunt. Ad quos cum peruenissent, cum eis federunt: sed bellum, quod fortè putabant, non habuerunt. In illa tamen obsidione, Ansellus de Ribotimonte, miles strenuus, ictu lapidis interijt. Tunc autem facto inuicem consilio, decreuerunt quòd si aliquandiu ibi moram fecerint, & castrum illud capere non poterint, detrimentum irreparabile cunctis inde eueniet: dicuntque operæ precium esse, vt dimissa obsidione vadant per viam quam commercio expertem noscunt, dum adhuc tempus messionis eos Hierosolymam ituros expectat: & dum iuerint, de messe vndique à Domino sibi præparata viuant: & tali stipendio adiuti, ad locum desideratissimum, Domino ducente, perueniant. Sic laudatum est, & factum est. Tentoriis tunc collectis iter agentes, transierunt urbem *Tripolim*: qua transita iuxta Gibellum castrum meauerunt. Aprilis erat mensis, & iam de messibus viuebant. Ultra deinde progressi aut longè ab vrbe Beruto transientes, inuenerunt post eam urbem aliam, quam legimus *Sidonem* vocabulo dictam, in terra Feniciæ, quam condidit Sidon filius Canaan, à quo Sidones. Exinde *Sareptam* Sidoniz. Dehinc inuenerunt *Tyrum* ciuitatem peroptimam, vnde fuit Apollonius, de quo legitur. De his etiam duabus Euangelista sonat: *In partes Tyri & Sidonis*. Nunc autem regionis incolæ priorem *Sagittam*, alteram verò *Sur* nominant. Nam Hebraicè *Sour* dicitur, & est in sorte Neptalim. Post has transierunt *Ptolomaidam*, prius *Achon* dictam: quam quidam errantes, *Accaron* solebant legere. quod nos etiam faciebamus, cum primitus terram Palestinorum introiimus. Sed Accaron vrbs est Philistea, inter Azotum & Iamnam, prope Ascalonem. Acon verò, id est Ptolomaida, ab Austro habet Carmeli montem. Iuxta quem transientes, ad dexteram reliquerunt oppidum *Caypham* dictum, exhinc iuxta *Doram*, vel *Pirgal*: post hæc iuxta *Cesaream* Palestinæ incessimus, quæ quidem dicebatur & altero nomine *Turris Stratonis*: in qua Herodes, dictus Agrippa, nepos illius Herodis, sub cuius tempore CHRISTVS natus est, percussus ab Angelo, consumptusque à vermibus, infelicitè expirauit. Tum quidem à dextera parte reliquerunt maritima, & per urbem nomine *Ramulam* perrexerunt: de qua

A Sarraceni incolæ iam obfugauerant, pridie quàm illuc Franci perueniffent. Illic 1099. annoniam multam reperiunt, de qua iumenta sua cuncta onerauerunt, quam vſque Hieruſalem poſtea portauerunt.

M O R A ibi per quatuor dies facta, cùm Baſilicæ ſancti Geörgij Episcopum XVIII. præpoſuiſſent, & in arcibus homines ad cuſtodiendam urbem locauiffent, Hieruſalem iter ſuum prætenderunt. Ipſo die vſque ad caſtellum, quod dicitur *Emam*, ambulauerunt. Nocte verò illa centum de militibus noſtris calliditate moti, prohibere prompti conſcendunt in equos, qui albeſcente aurora prope Hieruſalem tranſeunt, vſque Bethleem properauerunt. de quibus vnus erat Tancredus, alterque Balduinus de Burgo. Quod cùm Chriſtiani, qui inibi conuerſabantur, comperiſſent, Græci videlicet, & Syri, Francos illuc adueniſſe, gauiſi ſunt gaudio magno valde. Ignorantes tamen primitus quæ gens eſſent, rati ſunt eos vel Turcos vel Arabes eſſe. Sed cùm aperte eos propiùs intuerentur, & eos Francos eſſe non dubitauerunt, ſtatim gaudentes crucibus aſſumptis & textis, obuiam flendo piè cantando proceſſerunt eis: flendo, quoniam metuebant ne tantillum gentis à multitudine tanta Paganorum, quos in patria ſciebant eſſe, facillimè occiderentur: cantando, quoniam de illis congratulabantur quos diu deſiderauerant venturos, quòſque Chriſtianiſmum à nephandis tam diu peſſundatum in reſumptum honorem releuare ſentiebant. Facta autem ſtatim in Baſilica beatæ Mariæ ſupplicatione ad Deum deuota, cùm locum ubi **C H R I S T V S** fuit natus viſitaſſent, dato Syris oſculo pacis iocundo, ad urbem ſanctam celeriter ſunt regreſſi. Ecce ſubſequens exercitus noſter ciuitati tunc appropinquauiſſet, relicta *Gabaon* à ſiniſtra parte, quæ ab **H I E R V S A L E M** quinquaginta diſtat ſtadiis. Cùmque præcuſſores ſigna eleuata ciuibz monſtraſſent, protinus contra eos interni hoſtes exierunt. Sed qui ſic feſtini exierant, feſtinatiùs in urbem mox repulſi, receſſerunt:

Septenas Iunij Idus dabat annuus vſus.

Lucis ſeptenæ iam Iunius igne calebat,

Hieruſalem Franci cùm vallant obſidione.

Eſt quidem ciuitas ipſa in montano loco ſita, riuus, ſiluis, fontibzque carens, excepto fonte Siloe, ubi ſufficienter aqua interdum habetur, interdum verò raro hauritur. Qui funiculus in vallis fundo, ſub monte Syon ſubter decuſſionem torrentis Cedron, qui tempore hiemali per vallem Iofaphat fluere ſolet. Cifternae autem multæ, & aquis ſatis abundantes in vrbe habentur: quæ ſi benè procuratæ fuerint, omnibus inhabitantibus, tam hominibus quàm iumentis, omni tempore indeficienter hauſtum præbent, hybernis imbribus reſeruatis. Conſtatque ciuitas condecienti magnitudine per circuitum compoſita, itaut nec paruitate nec amplitudine ſtudioſa cuiquam videatur. Habet quidem ab occaſu Solis Turrim Dauidicam, vtroque latere murum ciuitatis ſupplementem, quæ vſque ad medietatem ſui à parte inferiori ſolidè maſſata eſt, & de lapidibus cementata quadratis, & plumbo fuſili ſigillatis. Quæ ſi cibariis munita fuerit, ſi tantum viginti vel quindecim homines defenſores inerint, nunquam per vim ab exercitu quouis comprehenderetur. Et eſt in eadem vrbe Templum Dominicum, rotundum, compoſitum in eodem loco, quo Salomon alterum priùs inſtituit mirificum: quod quamuis illi priori ſchemati nullatenus ſit comparandum, iſtud tamen opere mirabili & forma ſpecioſiſſima factum eſt. In cuius medio eſt rupis natiua & ingens, de qua deturpatur ſatis & impeditur ipſum Templum. Neſcio quare ab æterno permittitur locum occupare, quin proſus exciditur. Sed dicunt illum eſſe locum, ubi ſtetit Angelus percutiens, cui Dauid intulit pavidus nimis: *Ego quidem ſum qui peccaui: iſti, qui oues ſunt, quid fecerunt?* Aiuntque in ipſa rupe Arcam fœderis Domini eſſe, cum Virga, & Tabulis Teſtamenti, benè ſigillatam: eò quòd Iofias Rex Iuda poni iuſſit eam in Sanctuario Templi, dicens: *Nequaquam portabitis eam de loco iſto.* Præuidebat enim futuram captiuitatem. Sed illud, quod in deſcriptionibus Ieremiæ legimus, obest: quòd Ipſe Ieremias eam in Arabia occultauerat, dicens, quòd non inuenienda eſſet donec gentes multæ congregarentur. Ipſe enim contemporaneus huius Regis Iofie fuit: tamen viuendi finem fecit, antequam Ieremias obiret. Non credimus igitur Arcam in Templo eſſe. Non valeo nec audeo recitare res tam ſanctiſſimas, quæ inibi habentur, ne in aliquo auditores fallam:

Tom. IV,

A A a a iij

1097. moriam collegi. Hæc est pro certo domus Dei, de qua scriptum est: *Benè fundata est supra firmam petram.* In qua cùm Salomon deuotè Deo precem suam fundaret, vt oculi eius die ac nocte super eam aperti essent, & qui ad Sanctuarium illud oraret recto corde, ab eo exaudiretur: concessit ei Dominus, respondens prout ab eo postulauerat. Hanc domum, hoc est Domini Templum, in veneratione magna cuncti Sarraceni habuerant, donec eis illud abstulimus; ibique prædicationes suas libentiùs quàm alibi facere solebant: quamuis idolo, in nomine Mahummeth factò, eas vastarent. in quod etiam nullum ingredi Christianum permittebant. Alterum verò templum Salomonis dictum, magnum est, & mirabile: sed non est illud idem, quod ipse Salomon fabricauit. Quod nunc satis dolendum est, eò quòd inopiâ pressi, non potuimus recti eius structuram reformare, postquàm in manus Balduini Regis & nostras deuenit. Sed ipse etiam plumbum negociatoribus vendeat, cùm vel de recto aliquando decidebat, vel deorsum dirui præcipiebat. Inest insuper Basilica decens super Dominicum Sepulchrum rotunditate facta: cuius rotunditatis summitas ita artificiosè tegmine caret, vt foramine illo Solis splendori patula, clara semper habeatur. Non desunt etiam ciuitati per omnes vicos aquæductus, per quos imbrium tempore omnes immundiciæ diluuntur. Hanc etiam urbem Helius Imperator Adrianus mirificè decorauit, & vicos & plateas pauimento decenter ornauit, de cuius nomine **HERVSALEM** *Helia* vocata est. Ex iis & ceteris multis, ciuitas ipsa venerabilis est & gloriosa. Quam cùm aspicerent Franci, & viderent eam ad capiendum grauem, **B** iussu est à Principibus nostris scalas ligneas fieri: quibus muro postea erectis, cum assultu forti per eas in summum muri scandentes, urbem forsitan iuuante Deo ingrederentur. Quod cùm fecissent, sequenti die septimo, monitu Procerum, buccinis sonantibus, mane claro, impetu miro, ciuitatem vndique assilierunt. Et cùm vsque ad horam diei sextam assiliissent, & per scalas, quas fixerant, eò quòd paucæ erant, introire nequissent, assultum tristes dimiserunt. Tunc autem sumpto consilio, iussu est ab artificibus machinas fieri, cum quibus muro admotis, auxiliante Deo, spei effectum adipiscerentur. Et sic factum est. Interea nec panis nec carnis inopiam passi sunt. Sed quia locus, vt superiùs dictum est, inaquosus & sine fluminibus est, viri nostri propterea, & iumenta eorum, indigebant aquâ vehementer ad potandum. Quapropter, prout monebat necessitas, longè aquam quæritabant: & à quatuor milliariis vel quinque laboriosè ad oblationem in vtribus suis apportabant. Machinis autem patratæ, arietibus scilicet & scophris, ad assiliendum item se parauerunt. Inter artificia verò cetera, vnâ turrim de lignis exiguis, quia magna materies illis deerat, compegerunt: quam noctu, edicto proinde factò, ad cornu ciuitatis oportunius frustratim portauerunt. Et sic mane ipso cùm petrarias & cetera adminicula parauissent, citissimè haud longè à muro compactam erexerunt. Quam erectam, & de coriis deforis benè contextam, paulatim promouendam muro propiùs impegerunt. Tum verò rari milites, tamen audaces, monente cornu, ascenderunt in eam, de qua statim lapides & sagittas iacere cœperunt. Contra quos similiter Sarraceni defendendo se agebant, & ignem cum oleo & adipe viuudum faculis aptatis dictæ turri, & militibus qui erant in ea, fundibulis suis iaculabantur. Multis igitur vtrorumque inuicem sic certantium mors sæpè aderat præsens. Ea quidem in parte, qua Raymundus Comes, & homines sui assistebant, scilicet in montem Syon, cum machinis suis magnum assultum dabant. Ex altera verò parte, qua Dux **GODEFRIDVS** erat, & Robertus Normanniæ Comes, & Flandrensis Robertus, maior erat muro assultus. Illo die sic fecerunt. Sequenti quoque die, laborem eundem factò buccinarum concentu, viriliùs inierunt: itaut cum arietibus pulsando murum in vno loco perforarent. Pendebant nempe ante muri propugnacula duò assera funibus illic alligata, quæ Sarraceni sibi præparauerant, vt irruentibus & lapides in eos iactantibus obstaculum fierent. Sed quod pro incremento sibi fecerant, idem ad detrimentum suum, Domino providente, acceperunt. Nam turri præfata muro admota, rudentibusque, quibus ligna pendebant prædicta, fasciculis sectis, de eisdem tignis vnum pontem Franci tunc sibi coaptauerunt, quem de turri super murum callidè extensum iactauerunt. Iamiamque ardebat arx vnâ in muro lapi-

A dea, super quam machinatores nostri torresigneos iniecerant: vnde foco paulatim intra materiem lignorum nutrito, fumus flammâque sic prodire cœpit, vt nec vnus custodum ciuium ibi vlteriùs morari posset. Mox itaque Francis hora meridiana urbem intrantibus, die quæ Veneris habebatur, cornibus sonantibus, cunctis tumultuantibus, viriliter impetentibus, **ADIVVA DEVS** exclamantibus, vexillo vno in muri fastigio iam subleuato, Pagani omninò pudefacti, per vicorum ciuitatis angustias, audaciam suam in fugam celerem mutauerunt omnes. Qui cùm velociter fugerent, velociùs fugati sunt. Hoc Raymundus Comes ex altera parte affiliens, nondum sciebat, nec homines eius, donec Sarracenos per muri apicem ante eos prosilire viderunt. Quo viso, ad urbem latissimi quanto-
B cius accurrerunt: & cum ceteris hostes nefarios fugare & occidere cœperunt. Tum quidem alij Sarracenorum, tam Arabes quàm Æthiopes, in arcem Dauidicam fugiendo se intromiserunt: alij verò in Templum Domini atque Salomonis se incluserunt. In quorum atriis Templorum impetus in eos agebatur nimius: locus etiam nusquam erat, quo gladiatores nostros euadere possent. Supra Salomonis Templum, quod fugiendo ascenderant, multi ex eis ad mortem sagittati sunt, & deorsum de tecto insanabiliter præcipitati. in quo etiam Templo, decem fermè millia decollati sunt. Quòd si inibi essetis, pedes nostri vsque ad bases cruore peremptorum tingerentur. Quid narrabo? Nullus ex eis vitæ est reseruatus. Sed nec feminis nec paruulis pepercerunt. Mirabile quoddam videretis, cùm scutigeri nostri atque pedites pauperiores, calliditate Sarracenorum comperta, ventres eorum iam occisorum sindebant, vt de intestinis bisantios exciperent, quos viui faucibus transglutiuertant. Quapropter post dies aliquot aceruo magno facto de cadaueribus, ea igni combusserunt, vt æs illud prædictum in cinere facto faciliùs reperirent. Tancredus autem Templum Domini cùm festino cursu ingressus, multa aurea & argentea, (quod erat nefas rapiendum) lapides etiam preciosos arripuit. Sed hoc postea emendans, eadem cuncta vel eis apreciata loco sacrosancto remandauit.

Ensisbus extractis currit gens nostra per urbem.

Nec cuiquam parcunt etiam misere precanti.

Vulgus erat stratum veluti cum putrida motis

Poma cadunt ramis, agitatâque ilicè glandes.

Et post stragem tantam ingressi sunt domos, & ceperunt quæcumque in eis inueniunt: ita sanè, vt quicumque primus domum intrasset, siue pauper siue diues esset, nullatenus ab aliquo alio fieret illi iniuria, quin domum ipsam aut palatium, & quodcumque in ea reperisset, ac si omninò propria, sibi assumeret & possideret. Hoc itaque ius tenendum inuicem stabilierant. Vnde multi inopes facti sunt locupletes. Tunc autem ad Sepulchrum Domini, & Templum eius gloriosum euntes, Clerici simul & laici exultationis voce altisona Canticum nouum Domino decantando, loca sacrosancta tam diu desiderata, cum oblationibus faciendis supplicationibusque humillimis, lætabundi omnes visitauerunt. O tempus tam desideratum! ô tempus inter cetera tempora memorandum! ô factum factis omnibus antecederendum! Verè desideratum, quoniam ab omnibus fidei Catholicæ cultoribus interno mentis desiderio semper desideratum fuerat, vt locus in quo cunctarum creaturarum Creator recreationis salutiferæ munus, Deus homo factus, humano generi pietate sua multiplici, nascendo, moriendo, resurgendoque contulit, à Paganorum contagione inhabitantium quandoque mundatus; tamdiu superstitione eorum contaminatus, à credentibus & confidentibus in se, in modum dignitatis suæ pristinum reformaretur. Et verè memoriale, & iure memorandum: quia quæcumque Dominus noster **I E S V S C H R I S T V S**, in terra homo cum hominibus conuersans, egit & docuit, ad memoriam famosissimam reuocata & reducta sunt. Et quod idem Dominus per hunc populum suum tam, vt opinor, dilectum alumnum familiarémque, & ad hoc negotium prælectum, expleri voluit, vsque in finem seculi memoriale, linguis tribuum vniuersarum personabit.

Iulius effruens ter quina luce calebat,

Vndecies centum numero si dempseris vnum,

Dicebant annos Domini tunc esse peractos,

Cum nos HIERUSALEM, gens Gallica, cepimus urbem.

Ter quina lulius splendebat luce micanti,

Urbem cum Franci capiunt virtute potenti,

Anno milleno centeno, quominus uno,

Virginis à partu, genuit quæ cuncta regentem.

Idus erat Iulij, anno ab obitu KAROLI MAGNI ducentesimo & octuagesimo quinto, & à morte GVILLELMI Angliæ Regis primi anno duodecimo. Quippe GODEFRIDO patriæ mox Principe factò. Quem ob nobilitatis excellentiam, & militiæ probitatem, atque patientiæ modestiam, necnon & morum elegantiam, in vrbe sancta Regni Principem omnis populus Dominici exercitus ad illud conseruandum atque regendum elegit. Tunc etiam locati sunt in Ecclesia Dominici Sepulchri Canonici, atque in Templo eiusdem ipsi seruituri. Patriarcham autem tunc decreuerunt nondum ibi fieri, donec à Romano Papa quæsisset, quem ipse laudaret præfici. Interea Turci & Arabes, nigri quoque Ethiopes quingenti ferè, qui in arcem Dauiticam se introiniserant, petierunt à Raimundo Comite, qui prope Turrin illam hospitatus erat, vt pecuniâ eorum in arce ipsa retenta, viuos tantum eos abire permetteret. Hoc concessit, & hinc Ascalonem adierunt. Placuit tunc Deo, quòd inuenta est particula vna Crucis Dominicæ in loco secreto, iam ab antiquo tempore à viris religiosis occultata: nunc autem à quodam homine Syro, Deo volente, reuelata. quam cum patre suo indè conscio diligenter ibi & absconderat, & conseruaret. Quam quidem particulam in modum Crucis reformatam, aurea partim & argentea fabrica contextam, ad Dominicum Sepulchrum, dehinc etiam ad Templum, congratulante psallendo, & gratias Deo agendo, qui per tot dies hunc thesaurum suum & nostrum sibi & nobis seruaauerat, omnes vnâ in sublime propalatam detulerunt.

XIX.

*Qua abhinc
sequuntur,
ex M. S. Co-
dici fido
emendata
sunt, & cor-
recta.*

Rex autem Babilonis, & dux militiæ eius nomine Lauendalius, cum audissent quòd Franci iam circa sibi subdendo Babilonico Regno appropinquassent, congregata multitudo sub edicto de Turcis & Arabibus Ethiopibusque, contra eos ire præliatum festinauerunt. Et cum iterum per internuncios audissent, Hierusalem tam ferociter iam fuisse captam, indignatus dux ille prædictus Babilonius, festinauit vt vel prælium cum ipsis committeret, vel eosdem in eadem vrbe inclusos obsideret. Quod cum Francis nunciaretur, assumpto magnæ audaciæ consilio, versus Ascalonem contra tyrannos illos acies suas direxerunt: portantes secum lignum salutiferæ Crucis iam superius memoratum. Cumque die quodam non longè ab Ascalone circumuagantes Franci prælium expectarent, inuenerunt illic non minimam prædam de bobus & camelis, ouibus & capris. Quam carram cum iuxta tentoria Sole ruente congregassent, iusserunt sub edicto Principes nostri, numquam in crastino, quo bellum fore putabant, secum minari: vt ab omni sarcina expediti, ad præliandum essent prompti. Mane autem factò, speculatoribus præmissis paganos accedere didicerunt. Quo scito, mox Tribuni & Centuriones per alas & cuneos gente sua constituta, prælium agendum prudentissimè ordinauerunt, & contra hostes vexillis leuatis audaciter processerunt. Videretis prædictam prædam tanquam monitu ducentium à dextera & læua parte acierum gressum suum rectè agere, licet à nemine minaretur: ita vt multi paganorum eam à longè cum militibus nostris euntem spectantes, totum æstimarent exercitum esse Francorum. Illi autem populus innumerus cum ad cuneos nostros appropinquassent, tanquam ceruus ramos cornuum prætendens, cuneo suo anteriori factò bifurco, distensione Arabum præcurrentium explicata, machinati sunt accingere postremos: vbi Dux GODEFRIDVS subsequenter cum agmine denso militum armatorum remigando posteritatem sollicitabat. Ceteri enim Proceres alij in prima, alij in secunda acie præibant. Sed cum ab vtraque parte hostes hostibus, quantum iactus est lapidis, vel paulò plus, appropinquassent: illicò pedites nostri sagittas in illos distendentes iecerunt. Congruentissimè mox secutæ sunt sagittas lanceæ, dum equites nostri, tanquam iureiurando omnes inuicem confirmassent, impetu vehementi irruerunt in eos: & quorum quadrupedes cursu tunc non fuerunt celeres, continuò neci submersi sunt supra sessores. vbi paræ horæ spacio multa corpora palluerunt exanimata. Tunc multi eorum mortem metuentes, ascendebant arborum cacumina: qui tamen inibi sagittati, & morti læsi, ad ter-

A ram infelicitè corruebant, incurfu in eos penetrabili factò vndique Sarraceni 1099. pertimebant. Tentoriis transactis, vsque ad Ascalonis mœnia qui euaserunt fugati sunt. Quæ ciuitas septingentis & viginti stadiorum spaciis ab Hierosolyma distat. In prima quidem acie dux eorum Lauendalius, licet antea Francos vilipendisset, non lentè fugiens dorsum vertit: quibus tabernaculum suum cum ceteris extensum, & pecuniâ munitum, inuitus reliquit. Quorsum Franci regressi, victoriâ iocundi, Domino grates dando sunt regregati. Tunc ingressi sunt tabernacula eorum, & inuenerunt in eis gasas multas, aurum, argentum, pallia, induuias, lapides preciosos, qui duodeni sic nominantur: Iaspis, Saphyrus, Calcedonius, Smaragdus, Sardonyx, Sardius, Crisolytus, Berillus, Topasius, Crisoprassus, lacinctus, Ameristus. Repererunt etiam vasa & utensilia multiformia: galeas auratos, anulos optimos, enses mirabiles, annonam, farinam, ceteraque multa. Ea verò nocte illic hospitati sunt, & peruigiles benè se conseruauerunt. Nam die sequenti putabant bellum à Sarracenis reiterari, qui tamen timore valde perterriti nocte ipsa omnes aufugerunt. Quo mane per exploratores comperto, vocibus laudis Deum benedixerunt & glorificauerunt, qui tot millia perfidorum raro exercitum Christianorum dissipari permisit. Benedictus ergo Deus, qui non dedit nos in captionem dentibus eorum. Beata enim gens, cuius est Dominus Deus eius. Nōne minati fuerant ipsi Babilonij, dicentes: Eamus, & capiamus.

B Hierusalem cum Francis in ea clausis? Quibus omnibus interemptis, eradamus illud Sepulchrum tam sibi preciosum; & lapides ipsius ædificij extra urbem eiec-
tos. nec mentio vltius vñquam inde fiet. Sed Deo miserante hoc in nihilum reuerso, de pecunia etiam illorum onerauerunt Franci equos eorumdem & camelos. Qui cum tentoria, & tot iacula in campis iacentia, arcusque & sagittas ad urbem sanctam deferre non possent, hæc cuncta incendio commiserunt. deinde Hierusalem gaudenter redierunt.

His gestis, placuit quibusdam in patriam nationis suæ reuerti. Et cum in Iordane flumine indilatè loti fuissent, & palmarum ramos apud Hiericho in horro Abrahæ dicto collegissent, Robertus Normannorum Comes, ROBERTVS Comes Flandriæ, Constantinopolim nauigio appetierunt: deinde Franciam ad propria remeauerunt. Raymundus verò vsque Laodiciam Syriæ regressus est: & in Constantinopolim relicta vxore, in Laodicia rediturus. Dux autem GODEFRIDVS retento sibi Tancredo, & aliis pluribus, Principatum Hierosolymitanum rexit: quem consensu omnium susceperat obtinendum.

Cum autem audisset dominus BOAMUNDVS, qui Antiochiæ tunc principabatur, vir prudens & strenuus, & dominus BALDVINVS præfati Godefridi frater, qui similiter Edessæ ciuitatis, patriæque affinis trans fluuium Eufraten dominabatur, HIERUSALEM ab illis qui præiuerant collegis suis captam fuisse, lætissimi effecti Deo laudes exsoluerunt inde supplices. Quod si illi, qui festinatione itineris præcellerant eos, benè & vtiliter operati fuissent, quamuis eos tardius subsecuturi essent hi duo cum suis, participes tamen eiusdem fore brauij non est dubitandum. Erat enim necesse, vt terra & ciuitates cum tanto labore iam Turcis ablatae solerter custodirentur: ne fortè terra incautè derelicta, si cuncti Hierusalem tunc abissent, recursu repentino à Turcis vsque Persidam iam repulsis resumeretur. Vnde damnum Francis non minimum cunctis contingeret euenisse, tam euntibus quàm redeuntibus. Forsitan diuina prouidentia distulit eos, plus in peragendis quàm in peractis negociis iudicans eos profuturos. O quotiens interim ipse Balduinus in Mesopotamiæ finibus præliis contra Turcos factis fatigatus est! quotque capita eorum cæsa illic fuissent, recitari non potest. Sæpè contrigit illum cum gente sua pauca contra multitudinem eorum magnam præliari, & Deo iuuante triumpho lætari. Sed cum per legationes eum Boamundus præmonuisset, vt Hierusalem ambo cum suis iter nondum expletum ituri perficerent, Balduinus illicò suas res oportunè disponens, se iturum præparauit. Sed tunc audiens Turcos vnum cornu patriæ suæ ingressione peruadere, incœpto dimisso, cum necdum exercitulum suum congregasset, cum paucis hostes adiit. Qui cum arbitrati essent iam eum iter suum incœpisse, die quadam cum in tabernaculis suis securi essent, viso signo albo, quod baiulabat Balduinus, quantocius paucifaci fugerunt. Quos cum parum cum paucis fugasset, ad id quod prius incœperat rediit.

1099. Et ingressus iter, Antiochiâ dexterata venit Laodiciam: vbi stipendio viatico em-
 pto, & clitellis reformatis, abiuius. Mensis Nouember erat. Cûmque Gibel-
 lum transissemus, Boamundum in tentoriis suis hospitatum ante oppidum quod-
 dam *Valenium* nominatum assecuti sumus. Erat cum eo Archiepiscopus quidam
 Pisanus nomine DAIBERTVS, qui cum quibusdam Tuscanis & Italis Laodi-
 ciæ portu nauigans applicuerat. & ibi nos expectabant, nobiscum ituri. Aderât-
 que quidam Episcopus de Apulia. Cum domno Balduino erat tertius. Quibus
 ita amabiliter glomeratis, æstimati sumus numero esse xxv. millia vtriusque
 sexus tam peditum quàm equitum. Et cûm fines Sarracenorum interiores in-
 troissemus, & ab incolis regionis nobis satis infestis nec panem, nec aliquid edulij
 habere possemus, quia nec erat qui daret, vel qui venderet: stipendio quidem no-
 stro magis magisque consumpto, contigit multos fame anxari. Equi quoque &
 iumenta deficiente annona dolore geminato nimis angebantur. Ibant, nec man-
 ducabant. Tunc autem erant in ipsis agris cultis, per quos euntes transibamus,
 messes quædam, quas vulgus vocat *Cannameller*, harundinibus ferè similes. A can-
 na & melle nomen compositum. vnde & mel siluestre, vt puto, dicitur, quod de
 his sapienter conficitur. Has quidem famelici propter mellitum saporem tota die
 dentibus nostris ruminabamus, parum tamen proficiendo. Vtique pro amore Dei
 hæc & alia multa, famem scilicet, & frigora, & pluuias nimias sustinebamus. Ple-
 rique etiam equos, asinos, camelosque, panis egentes manducabant. Insuper al-
 gore nimio, & imbrium affluentia sæpissimè torquebamur, nec erat tantum Solis
 æstus, quo pannos nostros madefactos exsiccare possemus: cûm imbrium conti-
 nuatio vel per quatuor, vel per quinque dies nos vexaret. Vidi tunc plures taber-
 naculis carentes imbrium algore extingui. Ego FVLCHERVS CARNOTEN-
 SIS, qui his intereram, vidi quadam die plures vtriusque sexus, bestiâsque quam-
 plurimas hac pluuiâ mori algidissima. Longum est recitandum, & audiendi for-
 san tædium: quia nulla anxietas, nullus dolor defuit populo Dei. Sæpè à Sarrace-
 nis in via insidiantibus circa meatus artos plures occidebantur, aut cûm raptum
 irent pro victualibus quærendis. Videretis milites nobiles, equis quoquomodo
 amissis, pedites effici. Videretis iumentis deficientibus capras Sarracenis ablatas,
 verueccsque superpositis sarcinis valdè fatigari, & dorsa eorum mole illius sarcinæ
 corrumpi. Bis in hac via, non ampliùs, panem & annonam commercio carissimo,
 scilicet à Tripolitanis & Cesariensibus, habuimus. Patet ergo, quia poterit vix
 quis magnum aliquod nisi cum magno labore acquirere. Magnum quidem fuit,
 cûm vsque Hierusalem peruenissemus. Qua visitata, consummatus est labor diu-
 turnus. Cûmque Sanctorum Sancta desideratissima inspiceremus, ingenti gau-
 dio repleti sumus. O quotiens ad memoriam reducebamus illam Dauiticam pro-
 phetiam qua dicit, *Adorabimus in loco, vbi steterunt pedes eius!* Quod nimirum
 in nobis tunc impleri vidimus, quamuis aliis multis similiter pertineat. Illuc qui-
 dem ascendimus tribus tribus Domini, ad confitendum nomini sancto eius. Die
 illo, quo Hierusalem tunc introiuimus, Sol retrogradus descensu hiemali per-
 acto, recursum resumpsit ascensibilem. Cûmque Sepulchrum Dominicum, at-
 que Templum eius gloriosum, & cetera loca sancta visitassemus: die quarto BETH-
 LEEM adiuimus, vt nocte ipsa Dominicæ Natiuitatis reuolutionem celebraturi
 annuam, præsepio, vbi IESVM MARIA venerabilis mater reclinauit, præ-
 sentialiter peruigiles in orationibus assisteremus. Quo in noctem cum obsequio
 condecienti expleto, hora diei tertia, Missa quoque tertia celebrata, Hierusalem
 remeauimus. O quantus tunc erat fœtor circa muros ciuitatis, intus & extra, de
 cadaueribus Sarracenorum adhuc ibi marcentium, quos vrbe capta collegæ nostri
 trucidauerunt, vbi cumque eos assecuti fuerant. Cûm autem & nos & iumenta
 nostra quiete necessaria aliquantisper vegetati essemus, & Patriarcham in Ecclesia
 sancti Sepulchri tam Dux quàm ceteri Optimates præfecissent, scilicet domnum
 DAIBERTVM superiùs memoratum: redintegrato stipendio, & iumentis nostris
 oneratis, regredientes descendimus ad flumen Iordanicum. Tunc placuit quibus-
 dam de exercitu posteriore in Hierusalem remanere, & quibusdâ de priore nobis-
 cum remeare. Dux autem, sicut priùs, Terram Hierosolymitanam strenuè rexit.

Idibus in ternis Augusti tunc satis agris

Corruit VRBANVS Præsul Romæ venerandus.

A ANNO ab Incarnatione Dominica M.C. die anni prima, in Hiericho ramis 1100. palmarum cæsis, ad deferendum ut mos est omnes assumpsimus, & secunda die XXII. iter remeabile cœpimus. Placuit Principibus nostris per urbem Tyberiadem iuxta mare transire. Quod mare de dulci aqua congregatum duodeviginti millibus passuum, & quinque in latum, vel iuxta Iosephum x l. stadiis in latitudine, & centum in longitudine. Deinde per Cesaream Philippi, quæ *Panæas* linguâ Syriaca dicitur, ad Libani montis radicem sitam, ubi duo fontes emergunt, unde Iordanis fluvius exoritur: qui postea mare Galileæ secans, in Mare Mortuum se ingerit. Hic autem lacus *Genesar* dictus x l. stadiis in longitudine, centumque in latitudine, iuxta Iosephum. Quod flumen deinde per alueum vnum percurrans ingerit se in Mare, quod Mortuum dicitur, eò quod nihil gignat viuum. qui lacus *Asphaltite* dictus sine fundo esse creditur in abyssum. ibi subuersis ciuitatibus, Sodomæ scilicet & Gomorra. Ego autem callidiùs de fontibus his coniectabam, imitans beatum Hieronymum, quem legi, in expositione eius super Amos Prophetam, quod Dan in terminis Terræ Iudaicæ sit, ubi nunc est Panæas. & quia tribus Dan illic ædificauit ciuitatem, quam nomine patris sui vocauerunt *Dan*. Hæc de causa sentio, fontem illum vocari *Dan*, & alterum *Ior*, qui huic adiungitur. Venimus autem ad urbem fortissimam, quam *Balac* nuncupant, à Salomone conditam, muris eminentibus circumtectam, & *Thadomer* ab eo appellatam, duorum dierum itinere à Syria distantem, & à maxima Babylonia sex mansionibus procul distantem, ab Euphrate verò diei vnus. Hanc Græci *Palmyram* vocant. Illo in loco fontes & putei nimis abundant. Nam inferiori terra nusquam aqua inuenitur. Vbi Turci Damasceni nobis obuij venerunt cccc. fermè milites. Et quia didicerant nos esse inermes, & laboris causâ valde fessos, arbitrati sunt nos quoquomodo debilitare. Quod si fortè postremos die illo dominus BALDVINVS sollicitè & cautè non conseruaret, multos de nostris occiderent. Inundatione enim pluuiarum & arcus & sagittæ defecerant eis: quia cum glutine in locis illis adaptantur. BOAMVNDVS quippe in primo cuneo præibat. Itaque Deo auxiliante nihil apud nos lucrati sunt. Tunc castra nostra metati sumus ante oppidum prædictum. Sequenti verò die plus mari appropiantes, ante urbem Tortosam, & Laodiciam transiuimus. Ibi quoque RAIMVNDVM Comitem repperimus, quem illic reliqueramus. Et quia cara erat annona, nihil ibi ad emendum inuenimus, unde viuere possemus. Quapropter vsque Edessam properare non cessauimus.

BOAMVNDVS igitur Antiochiam primitus aduenit, ubi à suis gaudenter est XXIII. susceptus. Deinceps Regnum suum per sex menses ut priùs obtinuit. Sed cum Iulio mense sequente urbem *Meletiam* vocatam cum pauca gente appeteret, quam ei qui urbis eiusdem patronus erat Gabriel nomine redditurus erat: iam per legationes amicitia mutua conuentione facta, obuius illi fuit Admiraldus quidam nomine Danisman, cum gente Turcorum magna. moliens Boamundum sic imprudenter ambulanti intercipere. Et non longè ab vrbe præfata insiluerunt in eum vndique gens illa nefaria, quæ in insidiis latitabat. Et non audentes nostri præliari, quia pauci erant, statim fugientes in dispersionem fugati sunt: de quibus Turci multos occiderunt, & pecuniam eorum totam habuerunt. Boamundum verò comprehensum in captionem secum adduxerunt. Cùmque hoc infortunium ab illis qui euaserant diuulgaretur, orta est genti nostræ grandis indè desolatio. Verumtamen Dux urbis Edessæ Balduinus, congregatis Francis quorumcumque potuit, Edessenis scilicet & Antiochenis, hostes prædictos ubi eos esse audiuit querere non distulit. Boamundus etiam, cincinno capitis sui absciso, mandauit hoc inter signo Balduino prædicto, ut ei citato auxilio pro amore Dei succurreret. Quod cùm audisset Danisman, metuens horum animositatem, non est ausus vltèriùs ante urbem Meletinam morari, quam obsidione cinxerat: sed paulatim ante nos fugiendo, ad propria sua remeare curauit. Vnde multum doluimus, cùm per tres dies illos vltra urbem prædictam persecuti sumus. qui libentissimè contra eos dimicassemus. Cùmque sic regrederemur, prædictus Gabriel urbem Meletinam Balduino reddidit. Quibus amicis effectis, & custodibus suis intromissis, Edessam urbem Balduinus rediit, & Antiocheni mœsti de Domino suo ad propria regressi sunt.

CVM autem ipse Balduinus frueretur sua prosperitate, ecce nuncius veniens XXIV.

1100. ab Hierosolymis, intulit ei quia Dux GODEFRIDVS germanus eius xv. Kal. A
 De morte Augusti diem clauferat apud Hierosolymam.
 Regis Go-
 DEFRIDI.

*Ad caput hoc anni post captam contigit urbem,
 Ad meriti cumulam Dominus tibi, Dux GODEFRIDE,
 Contigit hoc Regnum. Sed tempore non diuturno
 Tu perfunctus eo, natura dante ruiſti.
 Orto Sole semel ſub ferueſcente Leone
 Aethera ſcandiſti latans Miſchaële leuante.*

INCIPIT LIBER SECVNDVS.

De geſtis Regis BALDVINI primi.

CAP. I.

*Qualiter
 BALDVINVS
 ad regendam
 Hierosolymā
 perrexit.*



VM igitur intimatum eſſet domno BALDVINO, quòd omnis po-
 pulus Hierosolymitanus cum in Regni Principem ſubſtituendum he-
 redem expectarent, dolens aliquantulum de fratris morte, ſed plus gau-
 dens de hereditate: accepto conſilio, Terram ſuam, quam poſſidebat,
 locauit, cuidam BALDVINO Comiti cognato ſuo eam committens. Et col-
 ligens exercitulum ſuum ducentis ferè militibus, & ſeptingentis peditibus, iter
 Hierosolymitanum vi. Non. Octobris inceſſit. Nonnulli mirabantur, quòd
 cum gente tam pauca erat auſus per tot hoſtium regiones incedere. Nam plerī-
 que propterea pauidi & timidi de collēgio nōſtro latentèr receſſerunt, nobis ne-
 ſcientibus. Cū autem comperiſſent Turci atque Sarraceni, nos ita iter agere,
 congregatis omnibus ſuis quocumque potuerunt, vbi magis nobis officere arbi-
 trati ſunt, obuiam armati venerunt. Tum quidem per Antiochiam iuimus, de-
 hinc ante Laodiciam, & Gibellum, Maracleam, & Tortoſam, Archas, & Tripo-
 lim perrexiſimus. Tunc Rex Tripolitanus legauit domno Balduino ad tentorium
 ſuum panes, vinum, mel ſilueſtre, id eſt *chuerum*, veruecēſque ad edendum. Et
 mandando innotuit illi, quòd Duchat Rex Damascenorum, & Ginahadoles Rex
 Calipti cum Turcis multis & Sarracenis, Arabibūſque, in via, per quam nos itu-
 ros ſciebant, congregati expectabant. Quod licet non omninò certum eſſe cre-
 deremus, poſtmodum verum eſſe perſenſimus.

II.

*De inſidiis
 Turcorum
 in via præ-
 ſenſi, & mi-
 rabili probi-
 tate BAL-
 DVINI Co-
 mitis.*

ERAT quippe non longè à Beritho vrbe, ſed quaſi milliariis quinque diſtans
 iuxta mare in via publica meatus artiſſimus, nobis & omnibus illac tranſcuntibus
 penitus ineuitabilis: quem ſi hoſtes præmuniti viantibus prohibere voluerint,
 nullatenus centum millia militum tranſire poterunt, quin centum aut ſexaginta
 viri armati introitum illum violenter contra illos obtineant expectantes. Idcō ini-
 mici nōſtri illic vndique interciperè & occidere nos arbitrabantur. Nos autem il-
 luc vſque peruenimus. Cūque præcurſores nōſtri prædicto meatui appropin-
 quaſſent, viderunt aliquantos de Turcis illis ſegregatos ab aliis, contrà proceden-
 tes, & non explorantes. Quos cū ſpeculatores nōſtri perſpexiſſent, rati ſunt ma-
 iorem gentem poſt illos inſidiando latere. Quod ſicut viderant domno BALDVI-
 NO per vnum eorum ſtatim innotuerunt. Quo audito, militiam ſuam per acies
 diuiſam competenter tunc ordinauit ad præliandum. Et ſignis leuatis, paulatim
 aduerſus eos progreſſi ſumus. Qui cū bellum mox fore putaremus, cordibus
 compuncti puris, auxilium de cœlo affore precabamur ad eos accedentes. Conti-
 nuò autem primo cuneo nōſtro congreſſi ſunt illi, de quibus aliquanti conſeſtim
 occiſi ſunt: de nōſtris verò quatuor milites vitam amiſerunt. Cūque certamen
 illud vtrinque dimiſiſſent, ſumpto conſilio iuſſum eſt caſtra nōſtra deponi, & ad
 hoſpitandum extendi vbi priùs acceſſeramus: hoſtibus ne videremur quaſi timidi,
 ſi locum ceu refugi relinqueremus. Sed aliud monſtrauiſimus, aliud verò cogita-
 uimus. Audaciam finximus, ſed mortem metuimus. Difficile remeare, ſed diffi-
 cilius ante ire. A nōſtris hoſtibus vndique obſidebamus. Hinc iſti marinis lintri-
 bus, hinc illi à celiſ montibus indefinenter nos vrgebant. Die illo nihil boni, ni-
 hil quieti habuimus, nec iumenta nōſtra quamuis ſitibunda adaqtata ſunt. Ego
 quidem vel Carnoti, vel Aurelianis malleſſem eſſe. alij quoque. Nocte ipſa tota ex-
 tra

Atra papiliones nostros peruigiles languimus. Diluculo autem summo dum auro-
 ra terris umbras dimouere cœpisset, sumpto ad inuicem consilio, vel viueremus,
 vel moreremur; tentoriis collectis regredi per viam quam iueramus elegimus.
 iumentis nostris de rebus onustis præeuntibus, clientibusque minantibus. Mi-
 lites enim subsequentes defendebant hæc à Sarracenis irruentibus. Nam cum illi
 nefandi viderent nos ita summo mane reuerti, confestim descenderunt ad perse-
 quendum nos tanquam fugitiuos. Alij per mare cum carinis, alij verò post nos
 per viam qua ibamus, alij per montes & colles tam equites quam pedites per an-
 giportum sicut oues ad ouile ante se nos minabant: ut exclusos à planitie qua-
 dam, quæ ibi est in exitu angustissimo inter salum & montem, ad interimendum
 nos facile interciperent. Sed non sicut rebantur contigit. Viri enim nostri sta-
 tuerunt inter se, dicentes: Si in planicie illa patula nos persequentes poterimus
 intercipere illos, forsitan Deo iuuantē contra illos reuertentes, & bene pugnan-
 tes, eruemur ab illis. Iamiam autem è nauibus exiliebant, iam vi captos prope
 mare pergentes decollabant: iamque in planiciem prædictam post nos descen-
 derant, & sagittas multas iaciebant. Undique aduersum nos vociferantes, & tan-
 quam canes vel lupi ululantes, & enses suos vibrantes, conuitiabantur nobis. Sed
 quid narrabo? Nec erat vspiam locus fugæ, nec remanentibus spes salutis. Nec
 saperet Salomon, nec posset vincere Sanson. Sed magnæ Deus potentix atque
 clementix prospiciens de cœlo in terram, humilitatem nostram atque angustiam,
 necnon periculum, quod incideramus propter amorem eius atque seruitium, mo-
 tus pietate, qua ritè semper præsens suis subuenit, tantæ probitatis audaciam mi-
 litibus nostris præstitit, ut recursu repentino fugarent eos fugientes, ut nunquam
 animum defendendi se haberent. Sed alij de rupibus præruptis celsis in præcep-
 se dederunt, alij verò hand lentè ad locum saluationis fugerunt, alij autem con-
 secuti gladiis interempti sunt. Tunc videretis naues eorum celerrimè propter ti-
 morem fugetè per mare, quasi possemus eas manibus capere. Per montes enim
 & colles citò pede fugiebant. Itaque de tanto tropheo gloriantes, ad cliente-
 lam, quæ interim quadrupedia onerata in via custodiebat, lætabundi regressi su-
 mus. Laudes igitur Deo tunc gratissimas exsoluimus, qui in tanta & inestimabi-
 li necessitate adiutor exitit magnificus. O quàm admirabilia Dei facta! ô
 quàm magnum miraculum, & memoriæ digniter commendandum! Victi era-
 mus, & victi vicimus. sed nos non vicimus. Quomodo igitur non vicimus? Vi-
 cit enim ille, qui solus omnipotens est Creator omnium, creaturæ suæ piè sub-
 ueniens. Quod si Deus pro nobis, quis contra nos? Verè pro nobis & nobiscum
 fuit, completis in nobis quod Israëlitis per Prophetam dixit: *Si præcepta mea ser-
 uaueritis hoc dono vos dabo, ut persequantur quinque de vobis centum alienos, & centum
 ex vobis decem milia.* Et quia in Dei seruitio laborem multimodum die ac nocte
 tolerabamus, & in nullo alio confidebamus, superbiam eorum magnificè cassa-
 uit. Et quia deuotè & in tribulato corde Domino famulabamur, humilitatem
 nostram respexit. Tunc autem tabernacula nostra displicari & extendi iussa sunt.
 ubi ante domnum **BALDVINVM** plures Turci locupletes viui capti abducti
 sunt, cum spoliis occisorum, & armis similiter allatis. Equos cum sellis & lupatis
 auratis habuimus. Nocte autem illa sequenti transacta, mane, prout astutiùs con-
 sultum est, retrò secessimus quatuor millium itinere. Vbi cum rapinam præfatam
 Princeps noster diuississet, nocte superueniente in castello quodam depopulato sub
 oliuis in virgultis quieuius. Summo autem mane **BALDVINVS** item probita-
 tem suam solitam amplectens, sumptis de militibus suis aliquantis vsque ad angu-
 stias meatus iam dicti equitauit, scrutatrus si adhuc inibi Sarraceni essent, qui no-
 bis viam antè vetuerant. Qui cum nullum inuenisset, quoniam audita dispersione
 facta omnes aufugerant, laudes dedit Deo, & statim in cacumine eiusdem montis
 accendi pro signo ignem fecit. ut qui in castris nostris remanseramus, viso fumo illo
 promptiùs illos sequeremur qui sic præiuerant. Quo viso, Deum laudantes, cele-
 riter secuti sumus eos: & viam nostram inuenimus liberam, & desideratum transi-
 uimus iter. Die quidem ille prope urbem Beritum hospitati sumus. Quo comperto,
 Admiraldus eiusdem urbis plus causâ timoris quàm amoris victuale diurnum sca-
 farum gestu domno **BALDVINO** misit. Similiter de ciuitatibus aliis, ante quas

1100. transiuimus, fecerunt: scilicet Sydonem, & Tyrum, atque Achon, hoc est Prolo- A
maidam: fingentes amicitiam, sed cor habentes nequam. Iam possidebat oppidum
Caypham dictum TANCREDVS, quod ipso anno iam viri Hierosolymitz com-
prehenderant. Et quia Tancredus Balduino tunc maliuolus erat, non illud in-
troiuimus. Ipse verò tunc ibi non erat, sed ciues eius panem & vinum nobis extra
vendiderunt. Illi enim nos tanquam fratres habuerunt, & videre nos desideraue-
runt. Transcuntes autem Cesaream, & *Arjuth* castrum, quod nos tunc ignari *Azotum*
esse putabamus, (sed non est. quoniam Azotus vna fuit de quinque ciuitatibus
Philistinorum, quæ inter Ioppem & Ascalonem in viculum redacta est) & Anti-
patria transita, tandem venimus Ioppem ciuitatem, quæ est in tribu Dan, ma-
ritimam. Vbi FRANCI nostri domnum BALDVINVM vt Regem iam suum
gaudenter susceperunt. Et non morâ ibi facta, HIERVSALÊM properauimus.
Cumque ad urbem appropinquassemus, exierunt ei obuiam tam Clerici quàm
laici omnes: Græci quoque ac Syri, cum crucibus ac cereis. Qui cum ingenti gau-
dio & honorificentia vocibus altisonis laudes agendo, vsque in Ecclesia Domini-
ci Sepulcri cum deduxerunt. Huic celebritati Patriarcha DAIBERTVS non
interfuit, quia de quibusdam apud Balduinum erat insimulatus, & discordes ad
inuiem habebantur. quem etiam maior Cleri pars exosum tunc habebat. Qua-
propter in monte Syon sede priuatus tunc morabatur, & fuit ibi donec delictum
ei maliuolentiæ solutum est. Sed cum per sex dies quiete oportuna in Hierusalem B
labore alleuiati essemus, & Rex de negociis suis aliquantis expediretur, iter re-
sumptum in expeditionem ituri renouauimus. Opus enim est omnibus inimicos
habentibus (quod secundum hominem dico) vt frequentissimè illos enixè coër-
ceant: quatinus certaminis tædio vel vi superent, vel ad pacis pactiones pertrahant.

III. Igitur domnus BALDVINVS, gente sua regregata, profectus est Asca-
lonem, transiens per Azotum. quæ ciuitas est inter Ioppem & Ascalonem, vna
De expedi- de quinque ciuitatibus Allophylorum. Accaron autem de dextera assistentem ha-
tione BAL- buimus prope Pamniam, quæ super mare sita est. Ante Ascalonem autem cum
DVINI in Arabiam. venissemus, qui foras contra nos exierant vsque ad incenia vehementer impuls-
sunt. Et quia non fuit nobis utile maius incipere, ad tentoria nostra iam extensa
hospitaturi rediuimus. Sequenti verò die regionem adiuimus interiorē: vbi
victum nobis & iumentis nostris in locis opulentis inueniremus, & terram ini-
micorum nostrorum etiam vastaremus. Euntes ergo inuenimus villas, vbi Sar-
raceni incolæ regionis illius in cauernis propter nos se occultauerant cum be-
stiis & rebus suis. De quibus cum nullum extrahere possemus, accenso igni ad
cauernæ orificium, mox propter fumum & calorem intolerabilem alius post
alium foras ad nos exierunt. Erant quidam ex eis latrunculi, qui ritè inter Ra-
mulam & Hierusalem insidiantes, Christianos nostros occidere solebant. Quod
cum à Syris quibusdam Christianis, qui cum illis in abditis latitabant, nobis in-
timatum fuisset, huiusmodi esse illos malefactores: mox cum de cauerna exi- C
bant decollabantur. Syris autem & eorum coniugibus pepercimus. De Sarra-
cenis quippe centum fermè occidimus. Et cum cuncta illic iumenta, tam anno-
nam quàm bestias comedendo, consumpsissemus, & nihil nobis utile inuenire am-
plius possemus: inito consilio cum quibusdam patriæ alumniis, prius Sarracenis,
sed nuper Christianis, qui loca culta & inculta longè latèque sciebant, in Ara-
biam secedere dispositum est. Et transcuntes montana, prope Patriarcharum se-
pulturas, videlicet Abrahæ, Isaac, & Iacob, Saræ quoque & Rebecæ, vbi cor-
pora eorum gloriosè sepulta sunt, ab vrbe Hierosolyma quasi milliariis quatuor-
decim distantia; venimus in vallem, vbi scelestæ ciuitates Sodoma & Gomorra
Dei iudicio subuersæ sunt.

IV. Ibi quidem lacus nunc est magnus, quem *Mare Mortuum* vocant, eò quòd
De Mortuo nihil gignat. Longitudo quoque eius quingentorum & octoginta stadiorum in
Mari. meridianam partem extenta, latitudine verò c. l. patet. Qui adeò salsus est, vt
nec bestia quælibet, neque volucris ex eo bibere queat. Quod ego FVLCHER-
VS experimento didici, cum in illum de mula mea descendens, & ori meo
manu haustum immittens, gustu probaui, & elleboro amariorem esse inueni.
A parte Aquilonis flumen recipit Iordanicum, ab Austro verò nullum habet

A exitum : sed neque flumen ex eo conceptum. Iuxta quem lacum extat similiter 1100.

falsus mons vnus ingens & excelsus : & idem sal quasi lapis natiuus , non tamen totus , sed localiter glaciei simillimus. Demergi autem quis in profundum eius nec de industria facile potest. Conicio bifariam locum illum ita esse falsissimum , & ex eo quòd montis falsuginem concipiens glutit , quem vnda marginalis indefinenter lambit , & ex decursione imbrum de monte ipso in lacum fluentium , siue abyssus in tantum sit concaua , vt mare magnum , quod est salum , inuisibili refluxu in eandem abyssum sub terra influat. Gyrato autem lacu à parte australi , reperimus villam vnā situ gratissimā : & de fructibus palmarum , quos *dañtilos* vocant , valde abundantem , quibus pro cibario placido tota die vescemur. De ceteris rebus rarò ibi inuenimus. Aufugerant enim illinc incolæ loci Sarraceni iam de nobis per rumigerulos præscij : exceptis aliquantis fuligine nigrioribus. quos vt algam maris sumptos ibi dimisimus. Illic inter arbores ceteras vidi quasdam poma ferentes , de quibus cum collegissem , scire volens cuius naturæ essent , inueni rupto cortice interiùs quasi puluerem atrum , & indè inanem prodire fumum. Tunc Arabiæ montana ingressi sumus , in quorum cauernis nocte illa sequenti pausauimus. Manè cum montes ascendissemus , inuenimus statim villas , sed omni bono vacuas. Nam aduentu nostro in colle comperto , cum rebus suis in terræ cauernis se absconderant. Quamobrem parum illic profecimus.

B Idèd iter nostrum promptè aliàs extendimus , ductoribus nostris semper præuiis. Tunc inuenimus vallem vnā de frugibus terræ cunctis vberriamā , in qua etiam Sanctus Moyses Domino insinuante virgā bis silicem percussis , vnde fons viuus emanauit , qui nunc nihilominus quàm tunc fluit : adèd vt molendini ex eius riuuli cursu volubiles ad molendum fiant. In qua aqua meos aduauit equos. Inuenimus insuper in montis apicè Monasterium Sancti Aaron , vbi Moyses & ipse cum Deo loqui consueuerant. Vnde multum lætabamur , cum loca tam sancta & nobis incognita intuebamur. Et quoniam vltra vallem illam terra erat inuia , deserta , & inculta , vltiùs progredi nolimus. Sed per tres dies in valle illa bonis omnibus opima ocio habito , & iumentis nostris refectis edulio , & quadrupedibus oneratis de stipendio necessario , horā circiter secunda die in quarto cornu monente regio , reciduum tramitem resumere iussum est. Rediimus ergo iuxta lacum asphaltitem sicut priùs iueramus , & per sepulturas Patriarcharum memoratorum : deinde per Bethleem , & per sepulturam Rachelis. Itaque die , quo solstitium hiemale accidit , HIERUSALEM sanè peruenimus. Et præparatis ornamentis quæ Regi competant coronando , pacificatōque DAIBERTO cum domino BALDVINO , & cum Canonici sancti Sepulchri aliquantis , quia viri sensati de hoc tractauerunt , cessauit contentio eorum.

ANNO ab Incarnatione Domini M C I. in Basilica beatæ Mariæ apud Beth- 1101.
C leem die Natiuitatis Domini à Patriarcha memorato , vnà cum Episcopis , Cle- V.
rōque ac populo assistentibus , in Regem honorificè sub sacra vnctione sublimatus & coronatus est Rex BALDVINVS. Et quod fratri suo prædecessori non fecerant , quoniam noluit , & tunc laudatum à quibusdam non fuit , huic ratione prudentiùs considerata fieri decreuerunt. Quid enim obest , inquiunt , si Christus Dominus noster in Hierusalem tanquam scelestus aliquis conuiciis dehonestatus , & spinis est coronatus , cum etiam ad vltimum mortem pro nobis pertulit volens ? Corona quidem illa quantum ad intellectum eorum non fuit honoris , nec regis dignitatis : immò ignominie & dedecoris. Sed quod illi truces ad improprium ei fecerunt , gratiā Dei ad salutem nostram & gloriam versum est. Rex etiam contra iussū non præficitur. Nam iure & secundum Deum electus , benedictione autentica sanctificatur & consecratur. Qui cum suscepit regimen illud cum corona aurea , suscepit quoque iustitiæ obtinendæ onus honestum. Cui iure , sicut & Episcopo de Episcopatu , potest decenter obici : *Bonum opus desiderat , qui Regnum desiderat.* Quod si iure non regit , nec Rex est. In modernitate autem regiminis sui adhuc paucarum urbium possessor atque gentis , per idem tempus hiemale Regnum suum ab hostibus vndique strenuè protexit. Et quia compererant eum bellatorem probissimum esse , quamuis gentem ha-

XI O I. beret raram, non tamen ausi sunt eum aggredi. Quòd si militiam maiorem ha-
beret, hostes suos libenter adiret. Adhuc erat via peregrinis nostris satis impe-
dita, qui interdum per mare tam Franci quàm Angli, siue Italici & Venetici,
in vna tantùm naui, siue tribus aut quatuor, inter piratas hostiles, & ante ci-
uitates Sarracenorum velificantes, valde timidi vsque ad Ioppem Domino du-
cente perueniebant. Nullum enim alium in primis habebamus portum. Quos
cùm de partibus nostris Occidentalibus aduenisse videremus, ex Tripoli ad
eos quasi ad Sanctos iocundi procedebamus. A quibus vnusquisque nostrum
de natione sua & parentela diligenter inquirebamus. Quibus de hoc intima-
bant prout ipsi sapiebant. Tum de prosperitate audita lætabamur, de incom-
moditate autem tristabamur. Hierosolymam ibant, Sancta Sanctorum pro quo
venerant visitabant. Dehinc alij in Terra sancta remanebant, alij verò in terram
suam remeabant. Qua de re Terra Hierosolymitana remanebat gente vacua,
nec erat qui eam à Sarracenis defenderet, si tantummodò nos ipsi aggredi au-
derent. Sed quare non audebant? Tot populi, tot Regna, quare Regulum
nostrum & popellum inuadere meruebant? Cur de Egypto, de Persida, de Me-
sopotamia, vel de Syria non coadunabant saltem centies centum millia pugna-
torum, vt nos hostes eorum viriliter aggrederentur: & vt solent locustæ innu-
meræ messẽ in agello, nos omninò consumerent, vt nec mentio de nobis in
terra ab olim sua vltèrius fieret? Non enim tunc habebamus plusquàm trecen-
tos milites, & tantum de peditibus, qui Hierusalem, & Ioppem, & Ramulam,
Caypham etiam castrum custodiebant. Milites etiam nostros vix adunare aude-
bamus, cùm insidias aliquas inimicis nostris moliri volebamus: timentes ne in-
terim munitionibus vacuatis damnum facerent. Vnde liquet omnibus, hoc esse
miraculum valde mirabile, quòd inter tot millia millium viuebamus, etiàmque
dominantes eorum alios tributarios faciebamus, alios verò deprædando vel ca-
ptiuando confundebamus. Sed vnde hæc probitas? vnde ista potentia? Verè
ab illo, cui nomen Omnipotens. Qui populi sui pro nomine eius desudantis non
immemor, in necessitatibus suis piè ei auxilium impendebat. qui in nullo alio,
nisi in eo solo, confidebat. Quem ipse Deus aliquando mercedula temporali læ-
tificabat, in futuro autem æterna gloria remunerare promittebat. O tempora
recordationis dignissima! Sæpe quidem contristabamur, cùm de transmarinis
amicis nostris nullum auxilium habere poteramus. Verebamus enim ne inimi-
ci nostri paucitatem gentis nostræ comperientes aliquando, accursu subitaneo
nos vndique impeterent, vbi nullus nisi solus Deus nobis opem ferret. Quibus
nihil vtile deesset, si tantummodò gens & equi non deessent: & qui per pelagus
Hierusalem veniebant, equos secum adducere nequibant. Per terram verò ne-
mo nobis subueniebat. Nec Antiocheni nobis, nec nos illis succurrere va-
lebamus.

VI. Eo tempore contigit Martio in mense **TANCREDVM** Caypham oppidum C
suum, quod possidebat, Tyberiadem quoque **BALDVINO** Regi relinquere,
De substitut- & Antiochiam cum suis per terram ambulare. Miserant enim ad eum Lega-
ione TAN- tos suos Antiocheni, dicentes: Ne morèris, sed veni ad nos, & dominans om-
CREDI apud nium nostrum posside Antiochiam, & terram illi subditam: quoadusque de ca-
Antiochiæ. ptiuitate exeat domnus **BOAMVDVS** dominus noster, & tuus. Tu enim es
propinquus eius, milèsque probissimus & prudens, nobisque potentior. Tu
quidem nostram Terram melius quàm nos obtinere valebis. Si quando, Deo
volente, domnus Boamundus redierit, erit indè quod ius monstrabit. Sic man-
datum est, & sic factum est.

VII. **APVD** portum Laodicensem per idem brumale tempus stolis nauium ro-
De obsidione stratarum Ianuensium, & Italarum, hiemauerat. Qui cùm viderent vernum
castris Ar- tempus ad nauigandum aptum & tranquillum, vento prospero vsque Ioppem
juith, & eius nauigauerunt. Et cùm portui applicuissent, gaudenter à Rege suscepti sunt.
captione. Et quia prope erat Pascha, cuius solemnitate ex more cuncti qui possunt ce-
lebrant, nauibus suis ad terram tractis, Hierusalem cum Rege perrexerunt.
Peracta autem solemnitate Paschali, vbi conturbati sunt omnes propter ignem,
quem die Sabbati non habuimus ad Sepulchrum Domini, profectus est Rex

A Ioppem. Et facta conuentione cum Consulibus prædictæ classis, vt quamdiu in Terra sancta ob amorem Dei morari vellent, si Deo concedente & iuuante interim de ciuitatibus Sarracenorum aliquam comprehendere cum eodem Rege possent, tertiam pecuniæ partem hostibus internis ablatam, nulla iniuriâ Ianuensibus facta, communiter haberent, Rex autem primam & secundam: vicum insuper vnum in eadem ciuitate sic capta iure perpetuo possiderent & hereditario. Quod cum fidei nexu interpositæ ab vtraque parte firmatum fuisset, indilatè oppidum illud, quod vocatur *Arsuth*, tam per mare quàm per terram obsederunt. Sed cum inhabitatores Sarraceni sentirent nullomodo se posse defendi à Christianis: prolocutione apud Regem callidè facta, die tertia muros Regi reddiderunt. pecuniam autem suam exeuntes derulerunt. Quos Ascalonem abeuntes Rex conuiari tristissimos fecit. Indè nos læti gratias Deo egimus, eò quod sine occasione nostrorum hominum hanc munitionem nobis tam aduersariam comprehenderamus. Quod castrum à Salomone conditum, Francis valdè molestum, Dux G O D E F R I D V S in anno præterito obsederat, nec ceperat. Cuius etiam inhabitatores persæpè de nostris occiderant plures, vel reddiderant tristes. Iam tamen Franci cominus comprehenderant muri propugnacula, cum fortè lignea turris forinsecus muro adiuncta, præ multitudine in eam ascendentium, frustratim corruit. vnde fermè centum Franci de ea cadentes insanabiliter sunt læsi. Ibi aliquantos Francos Sarraceni tunc retinuerunt, quos in conspectu omnium in cruce appenderunt, & sagittis sagittauerunt. Quosdam occiderunt, quosdam viuos viliter apud se detinuerunt.

C V M Q V E Rex Arsuth prout opus erat de gente sua munisset, C E S A R E A M V I I I. urbem Palestinorum adiit, & obsidione coronauit. sed quia erat muro valde fortis, non potuit citò capi. Iussit ergo tunc tres petrarías fieri, & machinam vnam ligneam altissimam, de malis & remigibus nauium fabrefactam. Hanc, vt reor, artifices nostri muro altiore longitudine xx. cubitorum crexerunt, vt cum ad vsque murum deduceretur, hostes internos de ea milites nostri lapidarent & sagittarent: vt cum murum de Sarracenis sic euacuarent, ingressum liberum homines nostri haberent, & urbem comprehenderent. Sed cum per xv. dies obsidionem tenuissent, & cum petrariis arces muri superiores aliquantisper læsissent, necdum turris lignea esset penitus compacta: moram eis fastidientibus, noluit diutius Francorum probitas prolongare, quin absque machina prædicta, & ceteris supplementis, die quadam Veneris ciuitatem ausu mirifico cum scutis & lanceis appeterent. Sarraceni verò, prout fortiùs valebant, se defendebant, mutuò cohortantes. Franci autem, quorum Dominus erat Deus, erectis non lentè scalis, quas ad id opus iam præparauerant, per eas muri fastigium ascenderunt, & quos sibi tunc obuios inuenerunt gladiis illicò peremerunt. Quod cum Sarraceni gentem nostram sic efferatam, & urbem iam ab eis captam viderent: vbi diutius vivere potuerunt, illuc perproperè fugerunt. Sed nec híc, nec illic delitescere potuerunt, quin morte promerita trucidarentur. Pauci quidem de masculino sexu vitæ reservati sunt. Feminis quampluribus pepercerunt, vt molas manuales voluituræ semper ancillarentur. Quas cum cepissent, alij aliis tam pulchros quàm turpes inuicem vendebant & emebant. masculos quoque. Admiratum ipsius Urbis, & Episcopum, quem Archadium prænominant, Rex viuos habuit. quibus plus pro pecunia quàm pro amicitia pepercit. Quot vtensilia multiformia ibi sunt inuenta, non est dicendi facultas. vnde multi pauperes effecti sunt locupletes. Vidi de Sarracenis plurimos ibi peremptos aceruo de illis facto, ignibus concremari, quorum cadauerum nimius fœtor nos valde molestabat. Fiebat hoc bisantiorum inueniendorum gratiâ, quos ibi improbi transglutiuerant: nolentes vt de suo aliquid Franci haberent, quos quidam eorum in oribus suis iuxta gingiuas abscondebant. Vnde aliquando contingebat, cum quis nostrum super collum alicuius Sarraceni pugno feriebat, vt x. aut xvi. bisancios ab ore foras excuteret. Femina quoque impudenter intra se bisancios occultabant. quod & nefas erat sic recondendum, & multò turpiùs mihi ad recitandum.

*Annus millenus centenus erat, sed & vnus,
Cum nos Cesaream cum scalis cepimus urbem.
Stratonis turrem sic dictam cepimus urbem.
Tom. I V.*

Vel Cum

B B b b iij

1101.
IX.
*Quod in Ce-
sarea Episco-
pus sit ordi-
natus.*

X.
*De praelio
satis cruento
Christianorū
atque Tur-
corum, in
quo Chri-
stiani vice-
runt.*

ET cū de Cesarea, & de his omnibus quæ in ea repperimus, vna cum la-
nuensibus prout libuit egissemus, & Archiepiscopum communiter electum ibi
præfecissemus: relictis ad custodiendum urbem paucis, festinauimus ire Ramu-
lam ciuitatem, quæ est prope Liddam. Vbi per xxv. dies expectauimus bellum
ab Ascalonitis & Babylonicis contra nos fieri, ob id illic congregatis. Sed quia
gens eramus rara, contra eos ire metuentes, non iuimus, ne si forte Ascalonæ eis
appareremus, intra mœnia & aggeres suos recursum continuo nos interceptos in-
terimerent. Propterea venire contra nos nolebant, quia sic euenire putabant.
Quorum calliditate comperta, tamdiu calliditatem eorum callidius callentes cal-
luimus, usque animis eorum pauore marcescentibus, aduersum nos venire peni-
tus dimiserunt. Vnde multi moram fastiditi, & egestate pressi, ab exercitu suo
discesserunt. Quo audito, Ioppem regressi sumus, & laudes Deo dedimus, cō
quod à congressu eorum liberi sic facti eramus.

SED cū postea auribus ad eos semper intentis, per lxx. dies quieti susti-
nuissemus, intimatum est Regi aduersarios nostros animositate iterata commo-
ueri, etiam nos appetere parari. Hoc autem audito, fecit Rex gentem suam
promptè congregari: de Hierosolyma videlicet, & Tiberiade, Cesarea quoque,
& Caypha. Et quia necessitas nos vrgebat, pro eo quod militum eramus egen-
tes: monente Rege, quicumque potuit de armigero suo militem fecit. Itaque
milites nostri omnes cclxx. tantummodo fuerunt, pedites verò dccc. Qui
autem contra nos, x. millia militum, & xxx. millia peditum simul erant. Hoc
quidem sciebamus. sed quia Deum nobiscum habebamus, eos aggredi non for-
midauimus. Nec enim in armis, nec in gente multa confidebamus. sed in Domi-
no Deo spem nostram omnino posueramus. Magna audacitas. sed non audacitas
erat, immò fides & caritas. Quoniam pro amore illius sperabamus diligenter mo-
ri, qui pro nobis misericorditer morte dignatus est mori. Iuimus ad pugnam, vel
mortem fortè paratam. Illuc fecit Rex portari Dominicæ Crucis signum, quod
nobis præbuit salutare solatium. Die quodam de Ioppe exiimus, sequenti verò
contra eos bellauimus. Cūque ad eos appropinquassemus, & illi ad nos simili-
ter nobis ignorantibus; & cū speculatores eorum de specula nostra prospexisse-
mus, subsequētiā ceterorum statim intelleximus. Et cū Rex cum quibus-
dam de suis vltius progrediretur, prospectans à longè vidit tentoria eorum ex-
tensa in planis candescere. Quibus visis, mox equo calcaribus puncto, ad nos
postremò cucurrit, & quod viderat cunctis manifestauit. Vndè exultare cœpi-
mus, cū bellum fore didicimus: quoniam id fieri desiderabamus. Si enim ad
nos non venirent, nos utique ad eos iremus. Melius enim erat nobis in planis
vastis præliari: ut cū superati essent, Domino suffragante, longior eis fuga fie-
ret. Vndè in fuga maius haberent detrimentum, quàm si prope muros eorum
cum eis congredieremur. Tunc iussit Rex arma sumi, & armatis cunctis, acies nostræ
decenter ad bellandum ordinatæ sunt. Itaque nos in manus Dei fidenter commit-
tentes, aduersus eos equitauimus. Abbas quidam, cui Rex præceperat, Crucem
Dominicam palam cunctis gestauit. Tunc Rex milites suos his verbis piè affatus
est: Eia milites Christi, confortamini, nihil metuentes. Viriliter agite, & in hoc
prælio fortes estote, & pro animabus nostris, quæso, pugnate, & nomen Christi
omnino exaltate. cui degeneres isti semper exprobrant, & viriliter conuitiantur.
Natiuitatem eius & Resurrectionem non credunt. Quod si hîc interieritis, beati
nimirum eritis. Iam iamque aperta est vobis ianua regni cœlestis. Si viui victores
remanseritis, inter omnes Christianos gloriosi fulgebitis. si autem fugere volue-
ritis, Francia equidem longè est à vobis. His ita dictis, omnes ei assenserunt. Ad
pugnam properant, cunctos mora longa molestat. Quem feriat, vel præcipitet,
iam omnis cogitat. Et ecce gens detestanda nobis occurrens, dextra leuâque ve-
hementer in nos irruit. Gens quoque nostra, licet paucissima, per sex acies diui-
sa, sicut solent aucupes in multitudine auium, ita inter cohortes eorum ingentes,
ADIVVA DEV'S exclamantes, se inseruerunt. Quorum multitudo in tantum
nos illicò obtexit, ut alius alium vel cernere vel cognoscere posset. Iamque re-
pulerant, iamque quassauerant duas anteriores acies nostras: cū huic negotio
intuitus festinantissimè Rex à parte postrema subuenit. Vbi enim virtutem ho-
stium validiorem esse spectauit, & cognouit, accelerato cursu cum scara sua, im-

- A petui nefandorum viriliter se obdidit, & coram potentioribus eorum hasta vibrata, in qua signum pendeat album, ictu lanceæ percussit Arabem unum sibi obuium: in cuius omento cum ad terram de sonipede illum præcipitaret, idem signum memoratum remansit. Lanceam autem inde extorsam, sicut ipse propius altans cernebam, ad lædendum alios promptè detulit. Hinc isti, hinc illi fortiter pugnabant. Videretis utique horæ spacio non modico multos equos fessoribus vacuos. Videbamus terram nimis occupatam de scutis vel pectis, de pugionibus & pharetris, arcubus & sagittis, de Sarracenis & Ethiopibus tam mortuis quam morti vulneratis. Similiter de Francis, sed non de tantis. Aderat ibi Crux Domini inimicis Christi valde contraria. contra quam gratiâ Dei pompa eorum præualere non potuit. Sed æst præsentia eius verecundi effecti, non solum nos invadere cessauerunt: verum etiam pauore cœlitus percussis omnes, in fugam celerem suam verterunt sententiam. Qui tunc habuerunt equum volucrum, fugiendo euaserunt mortem. Tadium erat colligere tot scuta, tot missilia, tot arcus & sagittas, quæ in campis fugitiui iecerant. Tot corpora, quæ ibi iacebant exanimata, si quis vellet ea dinumerare, deficeret utique in computatione. Fertur tamen quinque millia ex eisdem militibus & peditibus ibi peremptos fuisse. Dux etiam Babylonensis militiæ, qui eam ad bellandam adduxerat, cum ceteris interijt. De nostris verò militibus LXXX. perdidimus, de peditibus verò amplius.
- B Probissimè illo die Rex se habuit. Optimus consolator, rigidus percussor exitit. Milites quoque sui, quamvis essent pauci, erant probissimi. Certamen illud non diu fuit anceps. Illi enim tempestivè fugerunt, hi verò promptè eos fugauerunt.

O BELLUM infontibus odiosum, & intuentibus perhorridum! Bellum, quia XI. non bellum. nam per antiphrasim est dictum. Bellum cernebam, mente nutabam, ictus timebam. Omnes in ferrum ruebant, ac si mortem nunquam timerent. Di-ra calamitas, vbi nulla caritas. Frigor erat nimius de mutuis utrobique percussio-nibus. Hic percutit, ille corruit. Hic nescit misericordiam, nec ille querit eam. Hic perdit pugnum, ille verò oculum. Mens refugit humana, vbi talis cernitur miseria. Mirabile quidem dictu! in capite vicimus. in cauda verò superati sumus. In cauda Christiani ruunt, in capite autem Sarracenos vincunt. Hos fugauimus vsque Ascalonem, illi autem peremptis nostris mox equitauerunt vsque Ioppem. Itaque die illo nullus rei sciuit exitum. Cumque tam occidendo quam fugando Rex & sui campos de eis euacuassent, iussu est ut in eorundem tentoriis, quæ fugitiui reliquerant nocte illa, quiesceremus. Iussu est, & factum est.

*Septenas Idus Septembris cum legeretur,
Fecimus hoc bellum dignum satis ad recitandum,
Et fuit adiutrix diuina gratia Franci.*

- SEQUENTI autem die, cum in papilione Regis Missam audissemus de Nati- XII. uitate almæ Virginis MARIÆ, vnde solemnitas erat in illa die, oneratis iumen-tis nostris de rebus hostium nostrorum, de pane scilicet, & annona, farinâque, necnon tabernaculis eorum; præceptum est monente salpista Ioppem regredi. Qui cum regrederemur, & Azotum quintam urbem Philistinorum nunc deser-tam transiuimus, Ibenium quam modo vocant: obuio nobis aspeximus Arabes ferè quingentos, à Ioppe reuertentes. Qui die belli cucurrerant illuc, & prædam quam forinsecus inuenerant arripuerant. Nam cum eadem de peditibus nostris in postrema parte fecissent magnam, & in dextro cornu vnam aciem penitus con-sumpsissent, & anteriores sicut postremos victos esse crederent: assumptis occiso-rum scutis & lanceis, atque galeis lucidis, de quibus se pompaticè ornauerant, properantes statim vsque Ioppem, monstraauerant arma nostra Ioppitis: dicentes Regem & omnes suos in bello esse peremptos. Quod cum audissent qui in Ioppe custodes remanserant, quia veri erat simile, admirantes valde exterriti sunt. & dictis eorum fidem adhibuerunt. Arabes autem illi cum putassent ab exterritis ci-uibz urbem illic sibi reddi, cogitationibus suis ad nihilatis, nihil ibi amplius pro-ficientes, Ascalonem regredi cœperunt. Qui cum nos regredientes ad Ioppem perspexissent, suspicati sunt nos esse de gente sua: qui nobis omnibus in prælio occisis, reliquos Christianos versus Ioppem conuersantes apperere vellent. Vnde valde mirabamur, cum tantum nobis appropriabant: nec Francos nos esse co-

1101. gnoscebant, donec milites nostros cita inuasiōe aggredi eos viderent. Tunc videretis celerrimè eos huc illucque fugere, vt nec alius alium expectare vellet. & qui equum tunc non habuit agilem, caput mox gladio subegit. Sed quia Franci valdè fuerant fatigati, & in prælio plures vulnerati, non potuerunt eos sequi. Illi sic abierunt, nos verò Ioppem læti peruenimus.

XIII. QVANTA putatis fuit exultatio, & gratiarum actio, cùm de muri summo nos erectis vexillis reuertentes cernerent, quos in Ioppe remanere feceramus? Certè non est dictu minimum. Accurrerant enim illic duo nugigeruli alter post alterum, qui Ioppitas fefellerant, dicentes: quoniam Rex mortuus est cum suis omnibus. Qua de re vltà quàm credi potest contristati, opinantes hoc esse verum, miserunt TANCREDO legationem, qui tunc Antiochiæ principabatur, in cartula scriptam: quam detulit nauta quidam carinam suam ascendens, hoc tractante Regis coniuge. Epistola quidem illa hæc verba continebat salutifera. TANCREDE vir præcipue, milèsque quàm optime, accipe hanc scedulam, quam tibi qui Ioppem inhabitant, Regina scilicet & vrbis pauci cives, per me legatum festinum mittunt. Et vt magis forsan scriptura huic credas, quàm mihi, perlegi fac eam. Quoniam, pro dolor! Rex Hierosolymorum, qui contra Babilonios & Ascalonitas pugnam commisit, in congressu illorum denictus, vel forsitan cum suis omnibus, quos secum ad bellum perduxit, occisus est. Nam qui calamitatis huius miseriam vix euasis, Ioppem fugiens, hoc nobis deprompsit. Quapropter ad te virum non imprudentem venio legatus, opem queritans: vt omni occasione remota, indilatè succurrere nitaris genti Dei valde anxia, & vt reor mesa visa iam proxima. Hoc dixit. Ille obaudiens parumper siluit. Sed cùm hoc verum esse crederet quod audierat, præ grandi tristitia & dolore tam ipse, quàm omnes alij qui aderant, lacrimari piè coeperunt. Et responsione legato facta, iussus est fieri apparatus per totam Terram suam ad succurrendum Hierosolymitanis. Et cùm iam parati essent ad illud iter agendum, ecce subito venit breuigerulus alter, scedulam deferens alteram priori dissimilem, quam Tancredo portexit. Nam quod de incommodo scriptum erat in priori, hoc de prosperitate repertum est in posteriori. Lectum enim hîc est, Regem de bello sanum Ioppem remeasse, & Sarracenos proculdubiò magnificè superasse. Tunc ergo qui de detrimento doluerant, de bono successu gauisi sunt. O mira Dei clementia! Non in multitudine gentis vicimus, sed diuina freti virtute eos dispersimus. Itaque ab hostibus sic erepti, Hierosolymam euntes Deo reddidimus laudes. Deinde per VII. menses bellorum quæuimus immunes, donec anni reuolutio tempus reduxit æstiuum.

1102. ANNO autem sequenti MCII. mediante Maio congregati sunt apud Ascalonem Babilonij, quos Rex eorum huc miserat, vt nos Christianos omninò destruere niterentur. Erant enim ibi xx. millia equitum, & x. millia peditum: exceptis clitellariis, qui camelos asinosque victualibus onustos minabant. gestantes in manibus ad pugnandum clauam & missilia sua. Hi quidem die quodam urbem C Ramulam adierunt, & ante eam tabernacula sua extenderunt. Porro in vna ciuitatis arce munita erant xv. milites, quos Rex ibi custodes posuerat: ante quam Syri quidam ruriculæ versabantur quasi suburbani. Hos quidem Christianos Sarraceni persæpè nocentes & deturbantes destruere conabantur, & arcem illam diruere: quia propter eos inhabitantes non poterant per plana illa liberè discurre. Insuper eiusdem vrbis Episcopum, qui in Ecclesia Sancti Georgij manebat cum clientela sua, comprehendere moliebantur. Quod Monasterium cùm die quodam incurfu maliuolo circuissent, considerata loci firmitate, Ramatha redierunt. Episcopus autem ille cùm fumos flammæque inspexisset, ignibus eorum accensis iam in culmis, timuit ne ab eis ad eum remeantibus obsideretur. Et præcauens in futurum, mandauit confestim Regi, qui in Ioppe inerat, vt ei festinanter succurreret: quoniam Babilonij ante Ramulam hospitati erant, de quibus cohors vna iam circa Monasterium suum irruentes cucurrerant. Quod cùm audisset Rex, sumptis armis suis equum ascendit concitus. quem militia eius, ipso iubente, & cornu regio monente, citissimè secuta est. Aderant tunc in Ioppe milites quamplurimi, qui ventum præstolantes oportunitatem, in Franciam redituri transfretare optabant. Hi equidem equis carebant, quoniam in anno præterito cùm per Romaniam peregrè Hierosolymam pergebant, equos suos & ora-

Ania quæ habebant amiserant. vnde mentio hæc non incongruè interserenda est. 1102.

CUM Francorum exercitus ingens, ut dictum est, Hierusalem tenderet, ad- XV.
erant in illa multitudo simul **VVILLELMVS** Pictauiensis Comes, & **STEPHANVS** Comes Blesensis, qui ab Antiochia relicto exercitu discesserat. sed *De secunda Francorum miserrabili peregrinatione. & de morte Hugonis Magni.*
quod tunc reliquerat, nunc restaurare satagebat. Cum his **HVGOMAGNVS** erat, qui post Antiochiam captam in Gallias repedauerat. Aderat cum his **RAIMUNDVS** Comes Prouincialium, qui apud Constantinopolim moratus erat, postquam de Hierusalem huc vsque regressus fuerat. Aderat quoque **STEPHANVS** Burgundie Comes nobilis, adiecto populo innumero, de equitibus & peditibus exercitu bipartito. His in Romanie finibus obstitit Soliman Turcus, cui iamdiu Franci Niceam urbem abstulerant. Sed detrimenti sui non immemor, cum multitudo Turcorum magna exercitum Francorum infeliciter dispergit, & confudit, & totum ferè ad interitum aduexit. Sed quia Domino providente cæteruatim per plures incedebant vias, nec contra omnes dimicare, nec omnes occidere potuit. Sed quia eos fatigatos, & fame & siti anxios, atque pugne sagittarum indoctos esse didicit, magis quàm centum millia equitum atque peditum gladio peremit. De mulieribus nempe alios occidit, alios secum adduxit. Multi verò per devia fugientes & montana, siti & angustia extincti sunt. Quorum equos & mulos, iumenta quoque & ornamenta multiformia Turci habuerunt. Illic perdidit Comes Pictauiensis quæcumque habebat, familiam atque pecuniam suam. B
Vix etiam mortem euadens, pedes tantum, & præ miseria lugubris & confusus, Antiochiam peruenit. Cuius anxietati **TANCREDVS** compatiens, cum pie suscepit, & de bonis suis subleuauit. Quem Dominus ita castigans castigauit, sed morti non tradidit. Hoc quippe, ut nobis videbatur, tam illi quàm ceteris propter peccata eorum & superbiam contigit. Qui autem euaserunt, **HIERSALEM** venire non distulerunt: excepto **HUGONE MAGNO**, quem in Tharso Cilicie defunctum sepelierunt. Qui cum Antiochiam peruenissent, alij per mare, alij verò per terram Hierusalem perrexerunt. Qui equum habere potuerunt, libentiùs per terram iuerunt.

CUMQUE vsque Tortosam venissent, quam Sarraceni tunc possidebant, non XVI.
tardauerunt, sed per mare & per terram assilierunt. Quid morabor? urbem ceperunt, Sarracenos occiderunt, pecuniam eorum habuerunt, & postea iter suum *De captione Tortosa urbis.*
carpere non desierunt. Sed molestum omnibus fuit, cum Raimundum Comitem ibi remanere viderunt. quem omnes Hierusalem secum iturum sperabant. Sed quia noluit, ibi remansit, urbem obtinuit, vnde blasphemiam ei inferebant. Ultra deinde progredientes, transferunt Archas, & urbem Tripolim, Gibellumque. Inde venerunt ad meatum callis angustum, prope urbem Berithum. Illic eos Rex **BALDVINVS** per x. & viii. dies expectauerat, custodiens interim viam illam, ne fortè Sarraceni occuparent, & peregrinis transitum vetarent. Ipse enim C
Rex legationem inde precatoriam habuerat ab exercitu illò veniente. Cumque Regem sibi obuium illic inuenissent, congratulati sunt valde, & osculis ad inuicem datis Ioppem profecti sunt. vbi iam applicuerant qui per mare iuerant.

PROPE erat Pascha, & Hierusalem tunc adierunt, quia hoc desiderabant. XVII.
Qui postquam solemnitatem ibi ut mos est peregrissent, Ioppem regressi sunt. *De miserrabili prælio Christianorum atque Turcorum: in quo Christiani occisi. Turci victores fuerunt.*
Tunc quoniam inops erat Comes Pictauiensis, & desolatus omnimoda egestate, nauim cum paucis ascendens Franciam repatriauit. Tunc Stephanus Blesensis cum aliis pluribus transfretare voluit. sed in pelago vento ei obstante, nihil aliud quàm reuerti potuit. Qui tunc in Ioppe iam de mari regressus erat, cum Rex in equum suum, ut dictum est superius, ascendit: contra hostes iturus, qui ante Ramulam sedebant. Adhuc inibi erat **GAVFRIDVS** Comes quidam Vendoniensis, & Stephanus Comes Burgundie, & **HVGOLIZINIACENSIS** frater Raimundi Comitis. Hi cum equos ab amicis suis & cognatis quærentes mutuati essent, mox in eos conscendentes Regem secuti sunt. Hoc siquidem in modestia Regis magna fuit, qui gentem suam expectare neglexit: nec ordinatè, sicut oportet sapienter ire, ad bellum processit. Sed absque peditibus milites suos expectans, accelerauit hostes appetere, donec ignoranter intra multitudinem Arabum se infixerit. Et quia in probitate sua plus quàm deberet confidebat, nec plures esse quàm mille vel septingentos sperabat; idè sic properabat, ut antequàm re-

1102. fugerent obuius illis veniret. Sed cum exercitum eorum subito intuitus esset, timore perterritus animo infremuit. attamen consolationis valitudinem assumens, respexit suos. quos pie alloquens, ait: O milites Christi, & amici mei, nolite bellum hoc respuere: sed armati Dei virtute, pro vobismetipsis viriliter pugnate. Nam siue vivimus, siue morimur, Domini sumus. Quod si quis fugere tentaverit, iam non est spes euadendi. Pugnando vincetis, fugiendo cadetis. Tunc autem, quoniam locus & tempus erat monstrandi probitatem, repente in Arabes forti impetu se impeerunt. Et quia non erant nostri plusquam ccc. milites, à xx. millibus circumplexi sunt. Qui cum à pressura gentilium grauissimè cohiberentur, & maior pars nostrorum minimæ horæ spacio perempta occidisset: onus huiusmodi ferre nequiverunt, quin residui in fugam verterentur. sed licet tam malè eis acciderit, prius in eos probissimè vlti sunt. Nam plures ex eis occiderunt, & de campis eiectione tabernaculis suis priuauerunt. Denique Deo permittente, à superatis superati sunt. Euasit autem Rex gratiâ Dei, & nobiliores militiæ suæ aliquanti: qui cursu citò in urbem Ramulam se intruserunt. Non enim longius fugere potuerunt.

XVIII. Rex autem cum nollet se ibi includi, mallens alibi mori, quam ibi viliter intercipi, accepto protinus consilio, committens se tam morti quam vitæ, foras exire conatus est. Et adhibitis sibi tantummodo quinque collegis, quos tamen non diu habuit, quoniam ab aduersariis retenti sunt, cursu præpetis equi montana fugiens petiit. Itaque Dominus eum de manibus inimicorum suorum fortiorum eripuit. Qui libenter tunc Arsuth profiscisceretur, si posset. sed hostibus ei obfistentibus, illuc ire nequiuit. Hi etiam, qui in vrbe Ramulensi remanserant, postmodum extra ostium exire non potuerunt. Ab impia enim gente vndique obfessi, denique, proh dolor! ab eisdem sunt comprehensi. Quorum quosdam occiderunt, quosdam verò secum viuos abduxerunt. Episcopus autem cum in Ecclesia S. Georgij hoc infortunium contingi audisset, Ioppem furtiuè aufugit. Heu! quam nobiles & probos milites ea tempestate amisimus, tam in bello prius, quam in turre iam dicta posterius! Occisus est enim STEPHANVS Blesensis Comes, vir prudens & nobilis: Stephanusque alter Burgundie Comes. Extorserunt se indè tres milites, qui plagis & ictibus vehementer afflicti, cursu fugituo Hierusalem nocte sequenti equitauerunt. Qui urbem ingressi, infortunium quod acciderat ciuibz propalauerunt. De Rege autem, siue viueret, siue mortuus esset, nihil se veri scire dixerunt. Vnde statim luctus non minimus est ortus.

XIX. Rex autem cum nocte sequenti pro timore Arabum in montanis delituisset, die tertio cum vno tantum milite & armigero eius de montanis egressus, tanquam quilibet incognitus erroneus, per deuia desertorum esuriens & sitiens, Arsuth oppidum suum est ingressus. Vna quidem res illa saluti fuit, quod paulò ante illinc recesserant quingenti hostiles milites, qui aliquandiu murum oppidi quasi exploratores circuierant. Quos nequaquam euasisset, si ab eis visus esset. Ingrediente autem Rege Arsuth, gaudenter à suis suscipitur. Comedit & bibit, & tutatus dormiuit. hoc enim humanitas desiderabat.

XX. Irsò die ecce HUGO de Tyberiade ciuitate veniens, vnus de Optimatibus Regis, qui iam confusione eius audita solatium aliquod genti residuæ impendere optabat. Quo viso, lætatus est Rex valde. Habebat enim secum octoginta milites, quibus opus erat negotio imminenti. Legatione à Hierosolymis habita, subuenire Ioppitis accelerabat. sed non est ausus Rex eos ducere per terram propter hostes viatoribus insidiantes. sed intrans in vnâ cimbâ nauigauit Ioppem. Et cum applicuisset portui, cum gaudio magno susceptus est. quia iuxta illud Evangelij, mortuus fuerat & reuixit, perierat & inuentus est. Et quem mortuum iam deplorabant, nunc viuum & sanum vident. Sequenti verò die egressus est Hugo prædictus de Arsuth, & Ioppem pauidus properauit. Cui Rex in adiutorium properauit, ne ab hostibus in via oppugnaretur. Cumque Ioppem peruenisset, consilio non diutius prolongato, Regem monuit necessitas, vt illos, qui Hierusalem & apud Sanctum Abraham ierant, mandando venire Ioppem faceret: vt bellum item cum Arabibus committeret, qui Ioppem machinabantur comprehendere, prope hospitati. Dum autem meditaretur, quem illuc legatum mitteret, vidit ibi quendam Syrum hominem humilem, & habitu vilem: quem obnixè precatus est,

De fuga Regis BALDWINI.

Quid Rex ingressus est Arsuth.

Quid Hugo de Tyberiade, atque Patriarcha Hierosolymitanus, in auxilium Regis properauerunt: & de bello peracto Christianis videlicet viris & auxilio sancta Crux.

- A** ut pro Dei amore hanc legationem facturus susciperet. quia non inueniebat qui eam explere valeret. Non enim audebat per viam gradi quispiam propter hostiles insidias. Is autem suscepta ex Deo audacia, nocte sub opaca, ne ab inimicis videretur, per inuia & loca satis aspera incedere non differens, die tertio fessus valde Hierusalem peruenit. Cùmque rumorem desiderabilem de Rege ciuibus innotesceret, & viuum eum declararunt esse: Domino omnes debitas inde referunt laudes. Nec mora longior fuit. scripto quod tulerat lecto, parati sunt illicò milites quot ibi reperiri potuerunt. Nonaginta, ut reor, tam de militibus, quàm de illis qui equos habere vel iumenta potuerunt. sed quamuis voluntariè, tamen satis timide ascendentes, illuc ire non distulerunt. Hostium quidem subsistentium insidias pro posse vitantes, & per devia euntes, à parte Arsuth diuertentes iter suum deduxerunt. Qui cùm iuxta littus maris petproperè graderentur, occurrerunt eis gens nefaria, qui sperabant eos illic intercipere, & occidere. Quorum aliquibus oportuit iumenta sua ibi relinquere, & in maris undas ad natandum se iactare, ut dolor dolori medicina fieret. Illo enim natatu ab impiis eruti sunt, iumenta perdiderunt. Milites verò equos habentes agiles deferendo se Ioppem perueniunt. vix tamen euaserunt. Rex autem aduentu eorum exhilaratus, & admodum vegetatus, haut longius negotium suum differri voluit. sed mane sequenti militibus suis cum gente pedestri ordinatis, contra inimicos suos bellaturus exiit.
- B** Illi equidem non longè ab Ioppe erant, sed quasi milliariis tribus: ubi machinas suas iam præparabant, ut indilatè Ioppem obsiderent, & coartatam comprehenderent. Sed cùm gentem nostram contra se ad prælium ire spectarent, protinus sumptis armis suis audacter exceperunt. Et quia multitudo magna erant, gentem nostram undique girauerunt. Quibus inclusis, nihil eis ulterius nisi diuinum auxilium prodesse potuit. Sed in omnipotentia Domini prorsus confidentes, ubi turmam densiorem & fortiorem viderunt, impetu mirabili ferire non distulerunt. Qui cùm in vna parte fortiter pugnando eos penetrassent, illicò aliorum eos recurrere necesse fuit. quoniam ut pedites nostros absque protectione militum videbant, illuc statim festinantes extremos occidebant. Pedites tamen nostri non ignavi pluuiam sagittarum inuadentibus se tantam iaciebant, ut in visibus eorum & peltis multas infixas viderent. Itaque cùm à peditibus sagittariis vehementer essent repulsi, & à lanceis militaribus multi sauciati, & de papilionibus suis iam priuati: opitulante Deo Francorum obtutibus dorso fugientes verterunt. Sed non sunt diu fugati, quia fugatores erant pauci. Tabernacula autem sua Francis in campo reliquerunt cuncta, stipendiumque totum. Equos quippe suos omnes abduxerunt ferè, exceptis aliquantisper plagatis, & in fuga siti extinctis. De camelis eorum & asinis multos habuimus. Multi eorum cùm fugerent, vel læsi, vel siti exasperati in via sunt mortui. Verè dignum erat & iustum, ut qui ligno Domini-
cæ Crucis muniti erant, super inimicos eiusdem sanctæ Crucis victores existerent.
- C** Quòd si in anteriore bello eadem Crux alma cum Rege deferretur, non est hæsitandum quòd populo suo Dominus propitiaretur. Sed sunt nonnulli plus in virtute sua quàm in Domino confidentes, & in suo sensu nimium abundantes, & sapientum consilium spernentes. præcipitanter opus suum patrare præsumunt, & inconsultè. Vnde sæpè contingit detrimentum magnum non solum eis euenire, sed & multis aliis operis eiusdem expertibus. Vnde solent tales plus Dominum inculpare, quàm stultitiam suam recognoscere. Qui cùm stultè quidem inchoat, rei exitum non considerat. Equus paratur ad bellum, Dominus autem salutem tribuit. Si iusti precatio non semper à Domino exauditur, quantò magis impij? Vel quare inculpat Deum, cùm statim non ei adimplet desiderium suum? Cur exaudietur, cùm nihil boni sit promeritus? Nónne ipse nouit, quid agendum sit in omnibus? Boëtius circa huiusmodi dicit: Quicquid citra spem videas geri, rebus quidem rectus ordo est, opinioni verò tuæ peruersa confusio. Sed non rerum merita, sed fortunæ spectat euentum stultus. Multotiens quidem existimat homo id tunc sibi nocuum, quod postea vertitur ad proficuum: & contingit econtrà cùm alicui benè succedit, paulò post eidem euenire quod multum officit. Expleto bello, ut suprà dictum est, in quo Rex victor extitit, tabernaculis eorum collectis Ioppem regressus est. Postmodum quieuit Terra, bellorum immunis, tempore sequenti, autumnali scilicet atque hiemali.

1103. ANNO MCIII. tempore veris, cum Pascha ex more in Hierusalem celebra-
 XXI. semus, urbem ACHON *Ptolomaidam* dictam Rex cum exercitulo suo aggressus
Quod Rex Achon urbem obsedit. obsedit. Sed quia muro & antemurali fortis erat valde, non potuit eam tunc comprehendere: præsertim cum mirabiliter Sarraceni probissimè intus se defenderent. Cum autem tam segetes, quam virgulta eorum, hortosque deuastasset, Ioppem rediit.

XXII. DE domno autem BOAMUNDO desiderabilis rumor exiit tunc diuulgatus, quia de Turcorum custodia Dei gratiâ liberatus est. Ipse autem quomodo de captiuitate redemptus exierat, per nuncium sum mandando notum fecit: & qui Antiochiæ prius principatus fuerat, postea gaudenter à ciuibus suis susceptus, terram illam nobilitauit & possedit. Laodiciam ciuitatem, quam Tancredus postea ceperat, & hominibus Imperatoris Constantinopolitani abstulerat, suscepit insuper Boamundus. vnde Tancredo de Terra sua competenter tribuit, & eum sibi gratanter pacificauit.

XXIII. TEMPORE ille Rege BALDVINO contra Sarracenos more solito certante, contigit quodam die eum in paucos eorum irruere: & dum de interitione eorum iam certus sub spe gauderet, Ethiops vnus pone rupem delitescens callidè insidiatus est ei, vt interimeret. Qui missili fortiter vibrato, prope cor Regem à dorso profundè vulnerauit. Quo ictu ferè vsque ad necem eum læsit. Sed cum postea se medicari sollicitè studuisset, post incisionem etiam cicatricis vexata sospes tandem effectus est.

1104. ANNO MCIV. transacta hieme, cum in Hierusalem verno florente Pascha
 XXIV. solennia celebrata fuissent, Rex BALDVINVS congregata gente sua profectus est Achon, & iterum obsedit eam. Ad quod venerunt Ianuenses cum classe
De captione urbis Achon, qua vulgo Achra dicitur. LXX. nauium rostratarum. Et cum ciuitatem machinis & peruationibus crebris per viginti dies circumcirca cohibuissent, perterriti valde Sarraceni, vellent nolent reddiderunt eam Regi. Erat enim nobis valde necessaria, quoniam inest ei portus adedò utilis, vt inter mœnia secura naues quamplurimas sanè concipiat.

*Iam nouies orto gemino sub sidere Phæbo,
 Urbs Achon capitur Ptolomaida que vocatur,
 Anno milleno centeno necne quaterno.
 Non est urbs Acharon quam quilibet æstimat Achon:
 Illa Philistea, Ptolomaida dicitur ista.*

Urbe autem sic capta, de Sarracenis plurimos occiderunt, quosdam viuere permiserunt. res eorum totas habuerunt.

XXV. ÆSTIVO deinde tempore euoluto, necessitate Boamundus nimia anxius, raro nauigio transfretauit in Apuliam, terra sua tota Tancredo commissa. Cum eo tunc transfiliit DAIBERTVS, qui Patriarcha Hierosolymorum fuerat. vir prudens, & consilio pollens. Iuit Boamundus, vt de transmarinis partibus gentem secum reduceret. Iuit autem Daibertus, vt causam suam & iniuriam sibi
Quod Boamundus in Apuliam trans fretare disposuit. à Rege factam Romano Papæ innotesceret. Iuit, & impetrauit. sed non rediit, quia in via obiit.

XXVI. Hoc anno commoti sunt Parthi, & Medi, atque Chaldæi, & qui in Mesopotamia habitabant affines nostri, ad nos Christianos impetendum, & omnimodè pessundandum. Quo rumore ad nos vsque effuso, Optimates vniuersi ad excipiendos eos nihilominus se præparauerunt. Et præparati sunt sub festinantia domnus Boamundus & Tancredus, Balduinus quoque Comes Edessenus, necnon & Goscelinus, & Daibertus ille Hierosolymitanus, atque Archiepiscopus Edessenus nomine Benedictus, cum turba militari simul & populari. Et Eufrate flumine prætergresso, Carræque deinde ciuitate prope flumen *Achabor* nominatum, hostium phalangibus obuauerunt: & commisso prælio statim iuxta *Racha*, peccatis nostris exigentibus, in dispersionem & confusionem Christiani sunt dati. Quam pugnam longè omnibus anterioribus bellis fuisse atrociorē, rerum exitus monstrauit. Ibi domnus capitur BALDVINVS Comes Edessenus, Rex quidem Hierosolymorum futurus, & à primo Rege secundus. capiturque cum eo domnus Goscelinus cognatus eius. cum his quoque prædictus Archiepiscopus. Plurimi autem in memoratum flumen obruti, extincti sunt. Equi & muli, & opum infinita copia est perdita. Domnus verò Boamundus, & domnus Tancredus, per deuia

A deuia & per diuerticula passim fugientes, nec viam nec semitam vtiliorem eligen- 1104.
 tes, errabundi & confusi tandem euaserunt. Multi etiam sagittis & pugionibus
 transfixi occubuerunt. Et qui Carram sine magna difficultate comprehendere
 possent, si eam in primis obsedissent, postea nec initio nec in reditu adipisci licuit.
 Et quoniam securitas interdum damnum fallendo generat, ita metus & sollicitu-
 do emolumentum prouidis & timidis parat. Nocuit enim sæpè, vt scriptum est,
 differre paratis. Huic siquidem negotio siue infortunio duo nimirum hostes,
 discordia & inuidia, genti nostræ obfuerunt. qui etiam de acquisitis possessioni-
 bus ad nimiam egestatem inclinare solent homines. Hoc sæpè vidimus, hoc ex-
 perimento didicimus. Non fallor, nec ambage deceptoriam pellicens, friuola com-
 mentor. Verè in hoc itinere tam periculoso, tam formidoloso, molestis verbis
 ad inuicem exacerbantes, anse ruinam istam ferè ab alterutra voluerunt secede-
 re, & fœdus mutuum corrumpere. Qui malè facit, & benè sperat, ipse siquidem
 delirat. Nam sine pace, vel mutua dilectione, nihil est Deo acceptabile. Igna-
 uum est igitur, vel nequissimum, vt illius deferam societatem, cui prodesse debeo
 vsque ad mortem. Adiuuit autem Deus Archiepiscopum Edessenum in vinculis
 iam positum. Quem cum de reculis suis & vtensilibus vt iumentum Turci oneras-
 sent, patrocinio cuiusdam militis armipotentis, qui pro eo animam suam carita-
 tiuè posuit, opitulante Deo de manibus eorum miro suo ausu eum eripuit. Non
B enim animam suam quàm se preciosiorem fecit. Multi itaque in hac nostra pere-
 grinatione zelo Dei efferuentes, & vitam suam breuiari optantes: beato fine de-
 fungi, & cum Christo frui quietè studuerunt. Sicut quidam, aliquibus de nostris
 audientibus & videntibus, dum eram apud Antiochiam, cum audiret nomen Do-
 mini à quodam perfido cum magna dehonestatione blasphemari, viuifico spiritu
 animatus dicto contradixit & facto. Et continuo calcaribus equum pungens, assi-
 stentibus in circo viuacissimè interrogando intulit: Si quis vestrū in paradiso
 cœnare desiderat, nunc mecum veniat, & mecum prandeat. Iamiam enim abibo.
 Qui mox lanceâ vibrata inter hostium millia se inferens, primum sibi obuium sub-
 ruens interemit. licèt interimens illicò interimeretur. Itaque fide circumfultus
 & spe, munitusque caritate, feliciter occubuit. Quis vñquam audiuit tale? Ad-
 huc positus in terris, iam gloriabatur in cœlis. Propterea lætamini cœli, & qui ha-
 bitatis in eis. Et est nobis vtique lætandum, & iocundandum, quia gaudent An-
 geli de tanto consorte augmentati. Prope autem erat qui eum audiebat, & dona-
 tium ei pensabat, & sedem perhennem parabat.

CVM autem annis ferè quinque dominus BALDVINVS in vinculis tentus XXVII.
 fuisset, datis obsidibus electis, fide interposita cum sacramento sub intermina-
 tione vt redemptionem redderet: cum postea ipsi obsides carceris custodes calli-
 dissimè necassent, de carcere euasit. vnde adiutorem fidelissimum Goscelinum
 habuit. sed cum ad Edessam urbem suam postea rediit, introire in eam non po-
 tuit: quia Tancredus cum suis introitum ei vauit. Denique quia hoc ratio
 fieri permisit, & propter iuramentum, quod dominus Boamundus antea interpo-
 ni fecit, vt quocumque modo de captione quandoque exiret, sine controuer-
 sia Terram suam illi redderet. Nec postmodum mora fuit, Balduinus & Gos-
 celinus duo contra Tancredum tertium prælium commiserunt. Cui supplican-
 ti, & pacem quærenti, nullatenus adqueuerunt. Sed Goscelinus congrega-
 tis VII. Turcorum millibus Tancredum importunè ad prælium lace ssunt, &
 adiuuantibus Turcis quingenti de clientela Tancredi ceciderunt. Et licèt pri-
 mitus ferè vinceretur Tancredus, tandem Deo iuuante, cuius equitatum sem-
 per vidit vultus victor, in campo remansit victor honoris. Sed Optimates
 Terræ damnum nasci viderent, vtrobique sumpto inuicem vtili consilio, ad con-
 cordiam eos reduxerunt.

TVNC BOAMVNDVS in multis desolatus, vt superiùs iam dictum est, in XXVIII.
 Gallias transfretans est profectus. Vbi inter cetera negocia PHILIPPI Regis
 filiam nomine CONSTANTIAM vxorem duxit, & in Apuliam reduxit. de qua
 filios duos habuit. Quorum quidem priore natu obeunte, posterior verò nomine
 quo pater nuncupatus hæres remansit.

ANNO Domini MCL. mortuus est Comes RAIMVNDVS miles emeritus 1105.
 in oppido suo ante Tripolim ciuitatem pridie Kal. Martij. cui successit nepos eius XXIX.

1105.
*Quid TAN-
CREDVS
cum Turcis
pugnans vi-
toriam ade-
pens est.*

GUILLELMVS-IORDANVS. Ea tempestate Sarracenorum & Turcorum pro- A
teruia solita non defuit. cum deinde mense Aprili Rex Halapiz (id est Calipti)
Radoan nomine de regione sibi confini exercitum adunauit non minimum, & con-
tra **TANCREDVM** Antiochiz Principem cornu suum ad praeliandum nimis
accensum extulit. Tancredus autem non in multa gente, sed in Domino spei suae
figens anchoram, aciebus suis bene compositis, contra hostes illos incunctanter
equitauit. Quid longius morer? Audaacter ante Artasium in eos irruit, & Deo suf-
fragante illi protinus pauore circumfusi dorso fugae dederunt. Fugerunt, & fugati
sunt. Qui fugere non potuit, nec mortem euasit. De interemptis non fuit nu-
merus. de equis eorum plures habuit Tancredus. Signum quoque Regis fugitiui
retinuit. Cornu suo sic quassato mutilatus abiit. Glorificatus est igitur Deus, qui
suis semper subuenit fidelibus. De Antiochenis hoc tantillum diximus. nunc de
Hierosolymis non taceam.

XXX.

*Quid ite-
rum Rex
Babylonis
omne exer-
citum suum
contra Regem
BALDVI-
NUM misit,
contra quos
ille semet
parauit.*

REFERENDVM est enim, quomodo Rex Babylonis ipso anno gentem coa-
dunauerit multam, quam Ascaloniam per militiae suae ducem ad praeliandum con-
tra Christianismum misit. arbitrans & moliens nos omnes de Terra sancta exter-
minare. Didicerat enim nos esse paucissimos, & sine succursu solitorum peregrini-
norum. Conglobati igitur sunt apud Ascalonem tam Arabes equites, quam Ethio-
pes pedites. cum quibus etiam fuerunt Turci Damasceni plus minus mille, qui
sagittarij erant probatissimi. Quod cum Regi **BALDVINO** nunciatum fuisset, B
congregauit omnino gentem suam, & expectauit eos apud Ioppem. Et quia ne-
cessitas hoc exposcebat, cuncti qui in urbibus conuersabantur arma ferre poten-
tes, ad bellum perrexerunt. exceptis his tantummodo, qui muros noctu custodi-
rent. Timor & tremor tunc venerunt super nos. Meruebamus enim ne aut de ci-
uitatibus nostris aliquam gentem vacuam caperent, aut Regem cum populo suo in
bello interimerent. Augustus erat mensis. Callebant enim ab utraque parte prae-
liari differentes. nec nos illos, nec illi nos impetebant. Terminum autem, ut opi-
nor, diuinitus disposito, promouit se gens nefaria ab Ascalone, & coeperunt ad
nos approximare. Quo comperto, regressus est Rex Ioppem, & equitauit usque ad
Ramulam ciuitatem. Et quia bonum erat omnimode nostros Domino adherere,
& in Deo spem certam ponere: inspirato à Domino Deo consilio, misit Rex in
Hierusalem nuncium suum festinum ad Patriarcham, & Clerum, atque plebe-
culam: flagitans ut obnixè omnipotentis Dei exoraret misericordiam, ut Chri-
stianis suis in angustia positis opem de excelsis dare dignaretur. Noluit ergo le-
gatus satis precatus quicquam mercedis accipere, timens ne fortè legationem illam
non posset explere, aut mercedem illam viuus acquirere. Sed sperans quando-
que de labore hoc deuoto remunerationem se percepturum à Deo. Commen-
dansque animam suam & corpus suum in manus conditoris sui, Hierosolymam
properè non distulit ire. Qui Domino ducente illuc peruenit, & ingressus ciuita-
tem quod quaerebat non celauit. Quo manifestato, iussu est à Patriarcha cam- C
panam maiorem sonare, & gentem ante se totam adunari. O fratres, inquit, ami-
ci & serui Dei, ecce verè bellum quod audieratis futurum. nam hoc referente
nuncio, proculdubio nobis est paratum. Et quia sine diuino auxilio nullatenus
genti tantae poterimus obistere, clementiam Dei omnes implorate, ut Regi no-
stro **BALDVINO** & suis omnibus clemens adiutor in hoc praelio imminente di-
gnetur adesse. Distulit quidem Rex hodie bellum fieri, sicut per hunc breuige-
rulum nobis modo notum facit: quatinus die crastina, quae dies erit Dominica,
qua Christus à mortuis resurrexit, securius praelietur, & adiunctis orationibus ve-
stris & eleemosynis apud Deum roboratus, confidentius pugnet. Quapropter in
hac nocte iuxta dictum Apostoli, vigilate, stete in fide. omnia vestra fiant in cari-
tate. Cras ibitis per loca in vrbe hac sancta, affligentes vos & humiliantes pedibus
nudatis, & Dominum Deum nostrum pie deprecantes, ut de inimicorum nostro-
rum manibus nos liberet. Ego ipse iam illuc vado. iamiamque à vobis discedo. mo-
nens, ut si quis ex vobis hic residuus arma ferre valet, mecum promptè veniat.
Rex enim omnibus indiget. Ut quid plus moror? Conscendunt in equos c. l. si-
mul tam equites quam pedites: & ita nocte imminente celeriter perrexerunt, &
diluculo Ramulam urbem petuenerunt. Qui autem in Hierusalem remanserunt,
precibus & eleemosynis, afflictionibusque studiosissime vacauerunt. Usque ho-

Aram meridiānam Ecclesias inuifere non cessauerunt. Cantando plorabant, plorando cantabant. nam in processione Clerici hoc faciebant. Ego quoque cum ipsis nudipes orabam. Maiores etiam natu vsque ad horam nonam die illa non comederunt, nec infantes genitricum vbera suxerunt, donec fame vexati plorauerunt. Eleemofynæ nempe vberes egenis impertitæ sunt. Hæc enim sunt opera, quibus Deus placatur, quibus ad salutem excitatur, quibus conuersus non relinquit post se benedictionem.

Cum igitur Ramulam Patriarcha, vt dictum est, peruenisset, & aurora postera stellas inciperet depellere micantes: gauisi sunt omnes de aduentu suo. & excitati omnes cucurrerunt ad Presbyteros, vt peccata sua Deo & eis confiterentur. Ad Patriarcham similiter Optimates, verbum salubre aliquod ab eo audire, & à peccatis suis absolui cupientes. Hoc facto, veste Pontificali Patriarcha indutus gloriosam Crucem Dominicam, quæ in talibus negociis deferri solebat, in manibus sumpsit: & ordinatis vt decuit cateruis de militibus & peditibus, aduersus hostilem exercitum progressi sunt. Milites nostri erant quingenti, exceptis illis qui militari nomine non censebantur, tamen equitantes. Pedites verò nostri non amplius quàm duo millia æstimabantur. Pagani autem quindecim millia tam de peditibus quàm de militibus deputabantur. qui nocte illa non longè à Ramula quasi quatuor milliariis hospitati sunt. Qui cum Regem manè contra se viderent cum suis procedere; confestim ad prælium se parauerunt. Attamen versutia eorum aliquantulum tunc quassata est: cum partem vnā de exercitu suo, sed minorem, ante Ramulam mittere disposuerant, vt exercitum nostrum fallerent. maiorem verò partem mitti Ioppem statuerant, vt & eam assilirent, & nobis nescientibus caperent. Sed cum Regem aduersus eos sic equitare prospicerent, simul reglobati sunt molimine suo confuso. Nec mora longior, alij alios impetierunt. Tunc clypei resonant, & ferri stridet acumen. Factoque impetu, vtrunque exclamauerunt nostri omnes contra eos: *Christus vincit, Christus regnat, Christus imperat.* sicut eis iussum fuerat. Illi autem circumuallantes nos, conquassare & confundere putauerunt penitus. Turci verò ex more sagittarij nos retrò girantes, & sagittarum pluuiā plagantes, iam arcuum officia dimiserant, iam vaginis enses extraxerant, quibus nos cominus feriebant. Cum Rex hoc comperisset, audacitate munitus signum suum album de manu cuiusdam militis sui abripuit: & cum paucis illuc celeritè currens, oppressis succurrere satagit. Qui cum statim Deo iuuante impetendo Turcos & occidendo dispersisset, ad maiorem multitudinem Sarracenorum & Arabum Ethiopumque recurrit. sed nec in inuasionibus, nec in percussionibus verorumque amplius immorabor, quia volo artare paginam limite parciore. Deus enim omnipotens seruatorum suorum nusquàm immemor, nolens Christianos suos à perfidis illis destrui, qui pro eius amore & nomine ampliando de longinquis partibus Hierusalem venerant, dederunt gens impia fugam repentinam, fugientes vsque Ascalonem. O si capi potuisset Semelumuch Dux illius militiæ, multa nummismata in redemptionem sui Regi BALDVINO exsolueret. Sed non effugit Gemelmulch Admiratus Ascalonæ, qui locuples erat valde. Quo interempto, illis omnibus orta est non minima deploratio. Alterum Admiraldum olim Achonitam viuum retinuerunt, quem Rex noster redimi fecit xx. millibus nummismatum, præter equos & res alias. Ethiopes verò quoniam fugere nequiverunt, in campistrucidati sunt. Quatuor millia quidem tam de equitibus quàm de peditibus eorum interfecti fuisse referuntur. De nostris verò sexaginta Tabernacula eorum nobis remanserunt, iumenta quoque multa, cameli, asini, dromedæ. Tunc Deus laudatur, glorificatur, in quo virtutem fecimus magnam. qui etiam ad nihilum deduxit inimicos nostros. O mira diuini iudicij ordinatio! Ecce qui dicebant: Eamus, Christianos illos omnes occidamus, & possidebimus eorum Sanctuarium. Sed non sic impij, non sic: quia vos posuit Deus vt rotam, & sicut stipulam ante faciem venti in ira sua vos confudit. In lege sua iurauerunt etiam ipsi, numquam propter Francos fugere. sed tandem effugium salus tunc fuit eorum. Maluerunt periurium incurrere, quàm morte stultè perire. Regressus est autem Rex Ioppem cum gaudio, vbi prædam in bello captam militibus suis & peditibus sub ratione distribuit. Adhuc

XXXI.
Pagina Hierosolymitanorum cum Turcis, & victoria adepti per virtutem sanctæ Crucis.

1105. erat ante Ioppem classis Babiloniorum, qui iam aliquandiu illic expectauerant: A scire cupientes quomodo & quando tam per mare quàm per terram nos omnes & vrbes maritimas omninò destruerent. Sed cùm Rex per nautas suos caput Gemelmuch Admirati in bello decollati in vnam de nauibus eorum iactari fecisset, conturbati valde hoc comperto, & exterriti, diutiùs ibi stare noluerunt. sed gentis confusione comperta, paululùm tunc austro flante in portus Tyri & Sidonis secesserunt. Quæ classis cùm deindè Babiloniam reuerteretur, sp̃itu procellæ, Dei gratiâ nobis satis fauente, portibus nostris sparsim naufragio miserabili aduectæ sunt. De quibus xxv. naues Sarracenis plenâs habuimus. reliquæ verò velificantes vix euaserunt. Igitur nobis Dominus adiutor in tribulationibus existens pius, sic manifestauit omnipotentiam suam.

Ergo diem belli cunctis volo certificare.

Iam decies orto Phæbo sub Virginis astro,

Cùm solida terras spectaret imagine Luna,

Sexta Kalendarum Septembris cùm legeretur,

Annuit Omnipotens Francos gaudere triumpho:

Cùm fugiunt Arabes, Turci simul, Ethiopisque,

Pars montana petit, remanet pars mortua campis.

- XXXII. QVONIAM quidem ne vel scriptorum negligentia vel imperitia, vel quòd De Terra- motu. rari erant forsitan, vel suis impediti curis insudabant, hæc gesta obliuioni non B scripta darentur: malui ego FVLCHERVS scientiâ rudis, ingenio debilis, temeritatis nâuo notari, quàm hæc opera non propalari, prout oculis vidi, vel à relatoribus veridicis perscrutans diligenter didici. Precor autem hæc legentem, vt nescientiæ meæ caritatiuè indulgeat: & dictamen istud nondum à quolibet correptum Oratore iocatum si velit corrigat. Verumtamen Historiæ seriem propter pulchritudinem partium pompaticam non commutet, ne gestorum veritatem mendaciter confundat. His gestis quæ superiùs dicta sunt, ipso anno declinante sensimus omnes terræmotum grandem, qui Hierusalem ineramus. quod in vigilia Natiuitatis Domini valde nos terruit.

1106. ANNO deinde MCVI. nihilominus Cometa in æthere apparens nos illum XXXIII. suspicientes pauefecit. qui in ea parte, qua Sol hiemali tempore occumbere so- De Signis in celo appa- let, splendoris alburni radium ad instar telæ lineæ in longum mirificè produxit. rentibus. Hoc prodigium nempe in mense Februario rutilare incipiens die quo Lunam pronuntiabamus primam, futurorum præfagium annuntiabat. Sed quia de eo nil augurari præsumpsimus, totum quod significabat Domino commisimus. Quinquaginta & eo ampliùs diebus vespere cotidiano Cometa ille per totum visus est mundum. Notandum quòd ab exordio sui ortus, tam ipse Cometa quàm splendor eius niueus de die in diem paulatim attenuatus est: adedò vt in vltimis diebus vim sui luminis iam perdens, parère omninò cessaret. Indilatè autem mense eodem, die quo Lunam pronunciauimus vicesimam, vidimus in cælo ab C hora tertia vsque ad meridianam, ad dexteram & læuam Solis partem, quasi duos Soles alios: nec tantum tamen sicut maior fulgentes, sed formâ & lumine rariore mediocriter rutilantes. In quorum gyro circulus insuper apparuit vnus splendore candidus, extans amplitudine tanquam quæuis ciuitas. Intra quæm alter circulus clarebat dimidiis, iris habens similitudinem, quadruplici distinctus colore, & in parte superiore Solis amplexione arcuata vsque duos Soles iam dictos attingens. Deinde sequenti mense horâ noctis mediæ stellæ cæli pluerè visæ sunt.

- XXXIV. POSTMODVM verò HUGO, qui Tyberiadem urbem tunc possidebat, æstiuo tempore aduersus militiam Damascenam bellauit. Qui cùm bis in ipso prælio De prælio Christiano- rum contra Damascenos. iam ab eis repulsatus esset, tertio belli recursum Domino iussufragante victor victos eos superauit. Ducentos siquidem ex eis occidit, toridèmq; de equis eorum retinuit. reliqui verò terga fugæ dederunt. Mirum dictu. sexies viginti quadragies centum disperferunt. Deinde morâ non fuit, cùm ipse cum Rege BALBVINO in expeditione esset, in terra eadem ictu sagittæ Hugo interiit.

1107. ANNO MCVII. transfretaui Patriarcha Ebremarus nomine, Romam per- XXXV. sens. Quæsiturus enim erat ab Apostolico, vtrum Patriarcha remaneret. Nam

A Daibertus superius memoratus Patriarchatum recuperauerat. sed in reditu postmodum obierat. Mense demum Nouembri eodem anno; cum insolitam sœuitiam Ascalonitz efferuerent, ad radices montanorum nostrorum inter Ramulam & Hierusalem insidias posuerunt: vt vnâ gentis nostræ cateruam, quam de Ioppe Hierusalem tunc ituram didicerant, occursum repentino inuaderent. Sed hoc Ioppitis intimato, in equos festini conscenderunt. Et cum ad locum insidiarum nuncio rei ductore peruenerunt, dubitantes adhuc an verum dixisset, visis illis exterriti valde timuerunt. Erant enim milites ferè quingenti, & pedites propemodum mille. Nostri verò milites, non plusquam LXXV. Quibus cum non liceret etiam meditari quid facerent, & non erat eis saluatio si fugerent, & mors non deerat si pugnam committerent; gratius elegerunt honorificè si contingeret mori, quàm fugæ infamiâ postmodum notari. Impetu igitur mox in eos factò momentaneo, mirum in modum hostilem aciem penetrauerunt: prosternendo eos, & occidendo. In quo certamine cum acrius Sarraceni se viderent conteri, audacitatem suam Domino volente perdescentes, bellare cessauerunt. Quod cum viderent milites nostri, potentiùs eos peruascerunt: & quos illi fugare putauerunt, eos nostri fugere compulerunt. De quibus plures occiderunt, & de equis eorum plurimos retinuerunt. De militibus nostris non plusquam tres perdidimus. Sed clientela eorum de iumentis nostris aliquot abduxerunt. de suis nostri talionem duplicauerunt.

EODEM siquidem anno, postquam BOAMUNDVS de Galliis regressus est, congregata gente quantumcumque potuit, in portu Brundusino, qui est in Apulia, classem suam parauit. Qui cum tempus ad transfretandum expectasset oportunum, VII. Idus Octobris naues ingressi Bulgariam nauigauerunt, & Aualonem portu applicuerunt. Et Aualonem citissimè capta, Duratium urbem ad euntes, III. Idus Octobris obsederunt. Sed quia ciuitas illa tam hominibus quàm victualibus satis erat munita, obsessores diu fatigauit. Habebat quidem dominus Boamundus quinque millia militum, & LX. millia peditum. Femina quippe nullam tunc secum transire permisit, ne exercitibus impedimento essent & oneri. Erat quidem Imperator Constantinopolitanus ALEXIS nomine genti nostræ tunc valde contrarius, & Hierosolymam peregrinantibus vel fraude clandestina vel violentiâ manifesta tam per terram quàm per mare perturbator & tyrannus. Quapropter Boamundus collecto, vt dictum est, exercitu, terram illius intrauit. ciuitates & oppida comprehendere nitens.

ANNO autem MCVIII. ab Incarnatione Domini, cum ante Duratium iam per vnum sedisset annum, nihil proficiens, nisi quòd contra Imperatorem aliquas moliebatur insidias, contra quem quoque Imperator faciebat: tandem per internuncios concordia prolocuta, cum etiam Imperator ad eum cum exercitu suo iam approximasset, amici adinuicem conuentionibus intermixtis facti sunt. Iurauit enim Boamundo Imperator super reliquias preciosissimas, peregrinos, de quibus iam sæpè fatum est, tam in terra quàm in mari, quantò latius Imperium eius extendebatur, ab illo die & deinceps se saluaturum & conseruaturum: ne quis eorum diriperetur, vel malè tractaretur. Ille quoque Imperatori iurauit pacem & fidelitatem omnimodè tenendam. Qui postmodum occasione habita Apuliam remcauit, partem exercitus sui minorem secum reducens. Pars enim maior Hierusalem, vt vouerant, per mare profecti sunt. Ipso anno PHILIPPVS Rex Franciæ dedit finem vitæ.

ANNO MCIX. & ab Hierusalem capta XI. BERTRANDVS Raimundi Comitis filius venit Tripolim, adhibitis Ianuensibus secum, cum classe nauium rostratarum ferè LXX. quæ omnes ibi applicuerunt. Quam urbem, scilicet TRIPOLIM, volebat impugnare, & sub patris sui iure hereditario propriam possidere. Quam cum obsidione cinxissent, orta lite confestim inter Bertrannum & GUILLELMVM LORDANEM cognatum suum, qui eam semper impugnaverant, postquam Raimundus Comes obierat, & versabatur illic Guillelmus in oppido, qui Mons-Peregrini dicitur, Tripoli proximo, Bertrannus dicebat: Mea esse debet ciuitas hereditario iure, quia pater meus, qui eam primitus impugnare cœpit, in coartando illam oppidum istud, scilicet Montem-peregrinum, magna probitate ædificauit, & post excessum suum mihi obtinendam dedit dum viuebat.

1199. Guillelmus verò dicebat: Mea utique debet esse, & meritò. quia & hostes huius A
 " Terræ habitatores post excessum Comitis semper coercui strenuè armis meis, &
 " terram adiacentem vrbi amplificare studui & laboravi. Et quia sub discordia ma-
 gna de statu suo solent labi, & in concordia minima augeri: Guillelmus malivo-
 lentia causâ de negotio illo retrahebat se; Bertrannus autem cum suis urbem vi-
 riliter cohibebat. Hic nollet illum posse proficere, ille quoque nollet etiam hunc
 viuere. Certant pro incertis, & sunt incerti de incertis. Contendunt pro momen-
 taneis, & non laborant pro æternis. Currunt qui forsitan non comprehendunt.
 Remanebat igitur in biuio brauium. Non est eurrentis igitur, neque nolentis:
 sed est miserentis Dei. Nec dum urbem ceperant, & iam de captura litigabant.
 Ad nutum Dei momenta transuolant, & cogitationes hominum vanæ subuer-
 tuntur.

XXXIX. Et non fuit mora, postquàm Rex BALDVINVS ad obsidionem venit illam,
 deprecatus est Ianuenses vt ipso anno iuuarent eum ad capiendum Ascalonem at-
 que Beritum, necnon Sydonem. Et contigit, dum ordiebatur concordia fieri inter
 duos memoratos Comites, nescio quo infortunio, dum noctu equitabat Guillel-
 mus ille Iordanus, sagittæ ictu parua clam interiit. Sciscitabantur omnes quis hoc
 fecisset. sed hoc addiscere nequiuerunt. Hi dolent, illi gaudent. Hi lugent ami-
 cum, illi lætantur super inimicum obrutum. Remansit BERTRANDVS Regis
 BALDVINI homo effectus. Tunc ciuitas vndique coartata est. Laborant ex- B
 terni, vexantur interni. Sed cùm Sarraceni valde coartarentur, & nulla spes iam
 eis esset euadendi, sub fidei pactione iurata, & à Rege confirmata, ne occideren-
 tur, sed quocumque vellent sine contradictione abirent, permisi sunt ea condi-
 tione Rex & sui in vnam vrbs partem ingredi. Quod dum ita fieret, nescio quo
 euentu ortus est tumultus magnus inter minores Ianuensium repentinus: qui per
 chordas & per scalas murum conscenderunt, & urbem introierunt. Et qui inuen-
 tus est ibi Sarracenus, illicò capite truncatus est. Qui autem in circo Regis fue-
 runt, iuxta pactionem indè factam ab eo defensi sunt.

*Ter decies Cancro dederat iam lumina Phæbus,
 Si tria de numero tamen eiciendo recidas,
 Urbem cùm Tripolim capiunt gens bellica per vim.*

1110. ANNO MCX. dum mensis Febrius adhuc imbribus hibernis terras cohiberet,

XL. profectus est Rex BALDVINVS BERITVM ciuitatem, & obsedit eam. Cui
 venit in auxilium BERTRANNVS Comes Tripolitanus. & consedit exercitus
 ad primum ab vrbe lapidem. Cùmque per LXXV. dies, vt opinor, ciuitatem vn-
 dique coartassent, & naues, quæ ad subsidium eorum illuc conflixerant, naues
 nostræ intra portum conclusissent: turribus ligneis muro tunc admotis, Franci
 nostri ausu magno de illis super murum nudatis cum ensibus prosilierunt. Descen-
 dentes itaque in ciuitatem, cùm per portas etiam multi ingrederentur, fugientes
 hostes vehementer persequentes, denique peremptos superauerunt, eorumque C
 pecuniam totam diripuerunt.

*Anno milleno centeno, bis quoque quino,
 Urbem Beritum virtus capit armipotentium.
 His decies ortus sub Tauri sidere Phæbus,
 Tèrque quaterque fuit, cùm factum contigit istud.*

XLI. His ita gestis, rediit Rex Hierusalem, Deo laudes debitas redditurus, per
 quem triumphauerat. Deinde parauit se iturum contra Turcos, qui Edessam Me-
 sopotamiæ urbem obsidebant. Tunc quidem vidimus Cometam vnum per no-
 ctes aliquot, ad austrum radios suos extendentem. Tancredus etiam tunc aduna-
 uit gentem suam Antiochiam, quantamcumque potuit, expectato iam Rege per
 dies aliquot. qui simul congregati sunt ante fluuium Eufratem. Quo transito,
 inuenerunt statim Turcos, quos appetebant: qui per regionem illam cateruatim
 discurrentes, Regis expectabant aduentum. Sed quia sciebant milites nostros
 esse probissimos bellatores, & mirabiles de lanceis percussores, non sunt ausi cum
 eis bellum committere: sed fugitiua calliditate ab eis diuertentes nec bellare au-
 debant, nec in Terram suam secedere volebant. Et cùm astutia tædiofa per dies
 plurimos nolentes præliari nostros fatigare studuissent: sumpto necessitatis & uti-
 litatis consilio, muniuit Rex Edessam urbem annonâ, qua multum indigebant

*Quod Rex
 BALDVI-
 NVS &
 Princeps Tancredus contra
 Turcos Edessam obsiden-
 tes profecti
 sunt.*

A inhabitantes. quia vastauerant Turci regionem in circuitu. Comprehensis castellis & colonis, quibus ciuitas prædicta pascebatur, non ampliùs morantes ad fluuium memoratum redierunt. Qui cùm paulatim cum ratibus paucis & modicis transissent, affuerunt illic post eos venientes Turci versipelles & rapaces, qui multos de peditibus nostris ibi arripuerunt, & in Persidam abduxerunt. de Armenis videlicet inopibus, quos Turci iam impiè vastauerant. Et quia difficultas erat flumen tunc ad eos transmeare, satis indè dolentes viam inceptam tenuerunt: Tancredus eundo Antiochiam, Rex verò redeundo Hierusalem.

APPLICVERANT interim Ioppe gens quædam Noroensis, quam de mari **XLII.** occiduo concitauerat Deus, vt Hierusalem peregrinarentur. quorum classis nauium **LV.** erat. Horum primus erat iuuenis formâ valde speciosus, Regis terræ illius germanus. Cùmque regressus Rex fuisset Hierusalem, aduentu eorum gauisus, cum eis locutus est amabiliter: monens eos & deprecans, vt pro amore Dei morarentur in Terra sua aliquantulum, & iuuarent Christianismum ampliùs prouehendum & amplificandum. vt expleto utcumque negotio Christi, in Terram suam postea gratias Deo magnificas redderent. Quam petitionem illi benignè suscipientes, responderunt non pro alia causâ Hierusalem venisse: sed quocumque cum exercitu suo Rex progredi vellet, ipsi marino itinere simul voluntariè proficiscerentur. tantùm vt victum eis necessarium impendere curaret. Hinc **B** est concessum, illinc peractum. Et cùm primitus Ascalonem adire disposuissent, laudatiori demum sumpto consilio, **SYDONEM** ciuitatem adeuntes obsederunt. De Ptolomaida, quæ frequentius *Achon* dicitur, mouit Rex exercitum suum. Noroenses verò de Ioppe nauigio processerunt. Tunc classis Admiraldi Babylonij in Tyrio portu latitabat, qua Sarraceni ritu pyratice Christianis nostris peregrinis persæpè oberant: & ciuitates maritimas, quas adhuc Rex Babylonis possidebat, munientes vegetabant. Cùm autem de Noroensibus murmurare audissent, nec de portu Tyrio egredi, neque cum eis congregari ausi sunt. Cùmque ad Sydonem ventum est, obsedit eam Rex à terra, Noroenses verò à mari. Et factis machinis, terruit valde inter nos hostes, ita vt quærerent à Rege qui solidarij erant, quatinus eos sanos indè exire permitteret: & si ei placeret, agricolas ad excolendum terras causâ vtilitatis suæ in vrbe remanerent. Hoc petierunt, hoc impetrauerunt. Sine donatiuo quidem sic solidarij abierunt. ruricolæ verò sub pactione prædicta pacificè remanserunt.

*Iam decies nouies Sol viseras Architenentem,
Vrbem Sydonij cùm reddunt mense Decembri.*

ANNO MEXI. ebullit è Perside Turcorum gens maxima, qui per Mesopotamiam meantes Eufratem fluuium transierunt, & obsederunt castrum quod *Tur-bezel* vocatur. morantes ibi vno mense. Et cùm non possent istud statim comprehendere, quia forte situ est, tædio molestari dimiserunt obsidionem. in partes **XLIII.** **C** lipti vrbis secedentes. Nam callidè versutiantes, moliebantur irritare **TANCREDVM**, vt contra eos exiret ad bellum: vt ab Antiochia elongatum possent cum sua gente magna eum intercipere, & omninò destruere. Sed Tancredus astuciam astuciarum opponens, noluit per stultam audaciam suam confundere probitatem: sed misit Legatos Regi **BALDVINO**, per eos humillimè deprecans, vt Christianismo succurrere festinaret. Quo audito, spondit Rex auxilium facere petiitum. Et Terra sua custodibus commissa, properauit ad bellum: ducens secum Bertranum Comitem Tripolitanum. Qui cùm peruenissent ad oppidum, quod *Rugam* nuncupant, prope *Rusam*: affuit ibi Tancredus, qui aduentum Regis iam per quinque dies expectauerat. Quo cum gaudio suscepto, deposita sunt tentoria, & extensa secus flumen *Fernum*, hospitalitatem agentes Hierosolymitani cum Antiochenis. Et non ibi morantes, perrexerunt vsque *Apamiam* urbem, quæ iam sub Tancredo villicabatur, dudum ab eo probissimè capta. Deinde contra Turcos progressi sunt, qui ante urbem quam dicunt *Sisaram* castra metati sunt. quam urbem litteratoriè nominare nescio. sed *Cesar* incolæ regionis eam vulgariter vocitant. quæ ab Apamia sex millibus distat. Turci autem, quia iam audierant Francos contra eos incedere, in virgultis & in clausuris ciuitatis antedictæ se inseruerant, vt securiùs se tueri possent, si fortè impetu Francorum coercerentur. Verum tamen cùm milites nostros appropinquare ad eos conspexissent, exierunt de

IIII. munitione iamdicta, genti nostræ se monstrantes. Attamen callentes, & non præsumpserunt bellare, & noluerunt fugere. Milites verò nostri per cateruas ordinati, cum viderent eos sparsim per campos discurrere, & non ad bellandum se aptare, vitantes damnum noluerunt eos impetere. Itaque tam metu quàm versutia vtriusque circumflexi Turci inibi remanserunt. Nostri quoque tramite reciduo reuersi sunt. Et quoniam victuale tam sibi quàm iumentis suis deficiebat, nequaquam diutius eos ibi morari oportebat. Rediit Rex Hierusalem, cum quo illic eram. Tancredus verò Antiochiam.

XLIV. Nec mora inde fuit, apparatu accelerato aggressus est Rex TYRVM ciuitatem, quæ *Soor* Hebraicè dicitur, & obsedit eam. Quam cum per quatuor menses & eò amplius admodum vexasset, idem etiam cum suis tædio & labore valde fatigatus, tristis inde abscessit. Nam cum duas turres, quas artificiosè ligneas muro altiores fieri iusserat, prope murum iam impegisset, vnde ciuitatem comprehendere se putabat: sentientes Sarraceni se morti proximos, nisi artem arte fallerent, ingenium ingenio opposuerunt, probitatem probitate fefellerunt. Cum enim altitudinem turrium nostrarum se superare penitus conspicerent, confestim egentes auxilij nocturna operatione duas turres murales in sublime adeò extulerunt, ut de supernis propugnaculis earum probissimè se defenderent, & in turres nostras inferiores focum accenderent, & concremarent. Quo infortunio milites nostri superati, dolore quoque circumfusi, rupto spei suæ fune, regressus est Rex Achon. Verè verum est prouerbum istud rusticani. *Interdum buccam cochlear frustratur apertam.* Iam gens nostra capturam rapinarum distribuerat. Iam alij aliis proportionibus incertis inuidebant. Iam diem captionis tanquam sibi certum diuinabant. *Equus paratur ad bellum*, ait Salomon, *Dominus autem salutem reus buet.* Confidunt interdum homines in virtute sua, non considerantes quid apud Deum promeriti sint, qui voce sæpè illum inuocant, & operibus negant: & plus probitatem suam in acquisitis laudant, quàm misericordix Dei donum glorificent.

IIII2. ANNO MXXII. lethale debitum TANCREDVS exsoluit, qui Antioche-

XLV. num regebat Principatum.

De morte
TANCREDI
Principis.

Iam bis terdecies Sol viserat Architenentem,

Cum subiit quod erat, ut quod fuit id foret ipse.

Successit ei ROGERVS cognatus eius. Anno illo bellorum expertes omninò fuimus.

IIII3. ANNO MXXIII. ab Incarnatione Dominica, dum mense in Martio Lunam habebamus XXVIII. vidimus Solem à mane vsque ad primam, & eò amplius, defectione quadam ab vna parte minorari. Et pars, quæ primitus à summo tabescere cœpit, tandem quasi in rotundo ad ima deuenit. Attamen Sol claritatem suam non amisit. Qui non minoratus est, nisi, ut æstimo, à quarta parte suæ formæ aliquantulum cornutus.

Hoc Eclipsis erat, quòd Sol ita deficiebat.

XLVII. ÆSTIVO deinde tempore congregati Turci transierunt Eufratem, Hierosolymorum partes adituri, & nos Christianos ut rati sunt destruturi. Qui regionem Antiochenam ad dexteram relinquentes, non longè ab Apamia Syriam transeuntes, & Damascus ad læuam dimittentes, & inter Tyrum & Cesaream Philippi, quæ *Paneas* dicitur, per regiones Phœniceas meantes, calluerunt appetere Regem BALDVINVM. Qui aduentu eorum audito, à Ptolomaida, hoc est *Acho*, moto exercitu suo iam contra eos exierat. Prouidentes autem quod sibi vtilius esse senserunt, cum & nostri ignorarent quid facere molirentur, circuierunt mare Galileæ per terram Neptalim & terram Zabulon, vsq; dum in finem maris iam dicti ad austrum duo flumina, Ior scilicet & Dan, se includerent. Insula quidem hæc inter duos pontes tanta tuitione munitur, ut qui ibi fuerint propter introitus artos pontium non possint imperi. Cumque Turci papiliones suos illiè extendissent, mox emiserunt de suis duo millia transito ponte: ut insidias nostris pararent, quos illuc accurrere indilatè non dubitabant. Cum igitur Rex illuc tenderet, ut prope pontem memoratum, à quo Tyberiadem pergitur, poneret castra sua: visis Turcis ferè quingentis, qui de insidiis suis ut nostros inuaderent erumpebant, illicò aliquanti contra eos imprudenter cucurrerunt: & cædendo eos persequi non formidauerunt, quoadusque de insidiis duo millia prodierunt, qui nostros vehem-

De prælio
contra Tur-
cos peracto,
in quo Rex
& Christiani
victi sunt,
& per hoc
multa mala
venarunt.

A menti aggressu repulerunt, & triplicata cæde in fugam dispersi sunt. Proh dolor! 1113. grande dedecus grandia peccata nostra die illo contulerunt. Fugit etiam Rex, vexillo suo ibi perduto, tentorióque optimo cum rebus plurimis & vasis argenteis. Patriarcha similiter qui aderat. Milites fermè xxx. de melioribus, pedites mce. perdidimus.

Ter quater exorto sub Cancris sidere Phæbo,

Dissipat incantos truciter gens perfida Francos.

Nondum Regis militia illucaderat tota. Nec ROGERVS Princeps Antiochenus Richardi filius ibi erat, qui mandatus pro amore Dei & dilectione Regis de Antiochia illuc præproperè venerat. Pars quoque gentis Tripolitanz iam exercitui regio conglobata. Vnde omnes isti contristati sunt valdè, & immodestiam Regis vituperauerunt: eò quòd sine consilio eorum & auxilio inordinatè & inconsultè aduersus hostes illos sic concurrisset. Et quia nequiuierant tunc nocere Turcis in aliquo, hospitati sunt non longè ab eis: vt tota die se mutuo vtrique conspiciere possent. Maledoctus vocabatur Dux eorum militiæ, qui Regem Damasci Tuldequinum nomine in auxilium sibi conglutinauerat. Ille gentem adduxerat multam. iste verò de Syria sibi subiecta congregauerat innumeratam. In valle Turci erant, in monte Franci considebant. Nec Turci audebant de insula exire sua, nec Franci poterant eos assilire. Isti callent, illi timent. hi callidi, isti prouidi.

B Temporis æstiuu feruor cohibebat vtrosque. Nec tamen angori poterat finem dare tanto. Tunc absentes mirantur, quid præsentis morabantur. Sarraceni, qui erant nobis subditi, recesserunt à nobis: quasi alieni nos vndique angustiantes. Turci etiam de exercitu suo cateruatim prodeuntes, Terram nostram vastabant: prædam & annonam per Sarracenos nostros exercitui suo mittebant. *Sichen*, quam urbem *Neapolim* dicimus, tam interim obtinuerunt, quàm diripuerunt, additis sibi Sarracenis, quos in montanis possidebamus. Ascalonitz verò, Arabes, & Sarraceni, gens tamen pauca, Hierusalem adierunt. Quadam die vsque antemurale urbem peruasent, messes ibi coadunatas igni combusserunt, sagittis suis aliquantos de nostris in muri propugnaculis vulnerauerunt. de illis tamen plures ad mortem læsi sunt. Milites quippe ciuitati deerant, quia in hostem iuerant. Noctè sequenti Ascalonitz isti abierunt, vnde satis nostri lætati sunt, quoniam ab eis obsideri timuerant.

EA rempestatè aut vix aut nunquam valebat nuncius ad Regem ab aliquo nostrum mittendus exire, nec ab eo ad ciuitates nostras propter insidias transire: idèd quòd nesciebatur ab illis quid isti, nec ab istis quid facerent illi. Rutibus in multis marcebat messis adulta. Nec qui colligerent in agros exire videres. Non audebant enim. Eo quidem anno messis abundans fuit. Sed dum mare turbatur, homines terret ne piscentur. Cuncta cunctis in dubio pendebant. & quibus triumphum daturus esset Deus, vnanimiter expectabant. Christiani nostri à negociis & operibus cessabant, excepto quòd urbium & munitionum fracturas refarciebant.

INTEREA terræ motum sensimus bis, scilicet xv. Kal. Augusti, & v. Idus eiusdem: primum nocte media, secundum diei hora tertia. Turci autem versipelles, cum per duos menses oportunitatem vel dissipandi vel superandi nostros expectassent, nec potuissent: quia de transmarinis partibus, vt mos est, venientibus peregrinis, eo tempore diatim exercitus noster crescebat, nec gens Antiochena abibat, secesserunt in partes Damascenorum. Et Rex BALDVINVS cum suis Ptolomaidam reuersus est, vbi Comitissam Siciliæ repperit, quæ coniunx fuerat ROGERI Comitibus Roberti Guiscardi fratris: nunc autem vxor futura Regis Balduini. Nec mora, postmodum apud Damascum interemptus est Maledoctus * à quodam Sarraceno. Qui sicca sub veste occultata, & ter in ventrem illius impacta, duplex illuc expleuit homicidium. Illo enim occiso, sic & ipse confestim ab assistentibus occisus est. Dira victoria, qua qui vincit vincitur. Itaque contigit iuxta illud Philosophi, *Fortuna vitrea est, tunc cum splendet frangitur*. Erat Maledoctus diues valdè & magnipotens, inter Turcos nominatissimus, & in actibus suis astutissimus. Sed voluntati Dei resistere non valuit. Permisit eum Dominus aliquandiu nos flagellare, postea voluit morte vili & imbecilli manu perire.

XLVIII.

De metu nimio, qui vniuersos cohibebat.

XLIX.

De Terramotu, & quod Rex Comitissam Siciliæ duxit uxorem.

In edit. Maudulfis, & Maudulfus.

1114. ANNO MEXIV. multitudo locustarum infinita ebulliit, à partē Arabiæ ad-
 L. uolans in Terra Hierosolymitana. quæ per dies aliquantos segetes mense Aprili &
 De Terra- motu multis locis existit. Maio multum vastauerunt. Deinde die festo Sancti Laurentij terræ motus factus
 est. Tempore autem sequenti, quod accidit Idus Nouembris, apud urbem *Mam-*
mistriam terræ motus partem subruit oppidi. Item maior & inauditus regionem
 Antiochenam adeò per loca concussit, ut oppida plurima siue tota, siue dimidia,
 tam domos quàm muralia solo tenus subrueret. in qua etiam ruina pars plebis suf-
 focata interiit. *Marsicum* dicunt ciuitatem ab Antiochia lx. ut æstimo, distantem
 milliariis, in parte Septentrionali: quam subuertit in tantum commotio illa, ut
 domus & muralia penitus corruerent, & populum inhabitantem, prohi dolor!
 cunctum exstingueret. Aliud quoque oppidum, quod *Traleth* nuncupatur, prope
 fluuium Eufratem nihilominus subruit.

1115. ANNO MCXV. probitatem & audaciam solitam Turci renouantes, mense
 L. I. Iunio tacitè satis flumine transito Eufrate, ingressi sunt Syriam: & castra metari
 De aduentu Turcorum, & obsidione Ioppitarum ab Ascalonia, & Babylonensibus. sunt inter Antiochiam & Damascum, scilicet ante *Cesar* ciuitatem. Vbi similiter
 in quarto ante anno stationem suam fecerant, ut superius iam scriptum est. Com-
 periens autem & sciens Tuldequinus Rex Damascenorum, nihilominus se esse
 odiosum illis quàm nos Christianos, propter Maudulfum, quem in præterito, ut
 superius legitur, anno dolosè consenserat perimi, qui Magister Satrapa fuerat mi-
 litæ eorum, fecit cum Rege BALDVINO & Rogero Principe Antiocheno pa-
 cem: ut eis adiunctus duobus tertius, quasi funiculus triplex efficeretur, ne à Tur-
 cis postea facilè rumperetur. Metuebat enim ne si solus remaneret, ipse cum Re-
 gno suo penitus confunderetur. Necessitate verò urgente, & mandatione Antio-
 chenorum monente, iuit Rex ad prælium fore putatum. Sed cùm audissent Tur-
 ci ad eos iam appropinquasse, quem Antiochenes & Damasceni per tres ferè
 menses expectauerunt; metuentes mortis suæ periculum, si contra tantam gen-
 tem bellarent: quamuis multò plures essent, abierunt retrò tacito satis motu, &
 subierunt caueas quasdam, non longè tamen à nostris. & cùm hoc fecissent, arbi-
 trati sunt Rex & alij, quod à regionibus nostris omninò discessissent. Quapropter
 regressus est Rex vsque Tripolim. Dum autem hæc ita agerentur, scientes Asca-
 lonitæ terram Hierosolymitanam militibus vacuam, accurrerunt vsque Ioppem
 ciuitatem nostram, & apposuerunt ei obsidionem tam per mare quàm per terram.
 Affuit enim ibi Babylonica classis lxx. fermè nauium: quarum aliz tiremes,
 aliz verò rostratæ, aliz negociationis annonâ onustæ. Hi à parte maris egressi;
 & alij à terra parati assilierunt urbem. Et cùm per scalas, quas secum attulerant,
 murum ascendere pertentarent, à ciuibus licèt paucis & infirmitate debilibus vi-
 riliter repulsi sunt. Sed cùm viderent se non posse quicquam proferre, sicut rati
 sunt, præter portas vrbs quas igni combusserunt, timentos ne fortè Hierosolymi-
 tani Ioppitis auxilium ferrent, quibus iam hoc nunciatum fuerat: reuersi sunt
 Ascalonem qui per terram venerant. qui verò per mare, Tyrum nauigauerunt. C
 Post dies autem decem regressi Ascalonitæ Ioppem, arbitantes prouidi improvi-
 dos assultu repentino confundere. Sed Deus omnipotens, qui eos primò, simili-
 ter secundò eos protexit, & conseruauit. In defendendo etiam se aliquantos ex
 illis occiderunt, & de equis eorum retinuerunt. Cum fundibulis cœperunt vr-
 bem cohibere, & cum scalis ut priùs tentauerant introire, quas in nauculis secum
 detulerant. Sed cùm per sex horas diei se fatigassent, mœsti nimis cum mortuis
 suis abierunt.

L. II. TURCI autem superius memorati cùm gentem nostram remeasse comperis-
 sent, regressi sunt ad stationem suam priorem, & discurrerunt per regiones Syriæ:
 De pugna Turcorum & Antiochenorum, in qua Antiocheni victoriam adepti sunt. capientes castella quot potuerunt, villasque prædando, atque vastando patriam.
 captiuos captiuasque secum abducendo. Sed cùm hoc nunciatum esset Antio-
 chenis, qui se iam retraxerant recidiuo tramite, haut lentè ad Turcos reuersi sunt.
 Et cùm adpropinquassent ad eos, & tentoria eorum propiùs quàm putassent aspe-
 xissent, ordinauerunt statim acies suas, & descenderunt in plana. vexillis explica-
 tis contra eos equitantes. Iuxta *Sarmis* oppidum fuit hoc prælium. Cùmque vi-
 dissent eos Turci, pars eorum vna sagittaria illicò fortiter obstitit. Sed Franci no-
 stri animositate valida commoti, eligentes vel eos superare si Deus concederet,

A vel superari si permitteret, quàm per vnumquemque annum ita ab eis confunderentur: vbi turbam densiorem conspexerunt, mirificè eos impetierunt. Turci autem aliquantulum primitus renitentes, dein haut lentè tam percussoribus quàm occidentibus terga fugientes dederunt. De quibus æstimati sunt tria millia occisi, capti multi. Et qui occidi vitauerunt, fugâ se liberauerunt. Tabernacula sua perdiderunt, in quibus multa pecunia & vtenilia reperta sunt. Cuius pecuniæ precium æstimatæ, ccc. bisanciorum millia reputata sunt. Captiuos nostros ibi reliquerunt, tam Francos quàm Syros. Mulieres quoque suas & ancillas, camelosque quamplurimos. Millia mulorum percensita sunt & equorum. Verè Deus mirabilis in cunctis mirabilibus suis. Dum enim Hierosolymitani vnà cum Antiochenis Damascenisque parati ad præliandum fuerunt, nihil omninò profecerunt. Numquid in multitudine gentis constat victoria bellantium? Mementote Machabeorum, & Gedeonis, & aliorum plurium: qui non in sua, sed in Domini confidentes virtute, cum paucis multa millia prostrauerunt.

Hæc ita descriptis, erit actio nota futuris.

Tres aberant noctes ut abiret Virginis astrum,

Cùm malè deceptrix Turcos fortuna fefellit.

Omnibus vnde satis liquido patet esse cauendum,

Ante rei finem nihil umquam credere certum.

B Ipso anno iterum subuersa est vrbs Mamistria terræ motu. Aliàs etiam in regione Antiochena non minus accidit. Anno eodem venit quidam Episcopus Aurasicensis ab Apostolico missus Hierosolymam, & deposuit Arnulfum Patriarcham de Sede sua. Quapropter Romam adiit, & Patriarchatum recuperauit.

Eo anno profectus est Rex BALDVINVS in Arabiam, & ædificauit ibi castrum vnum in monticulo quodam situ forti, non longè à Mari Rubro, sed quasi dierum trium itinere, ab Hierusalem verò quatuor. & posuit in eo custodes, qui patriæ illius dominarentur ad vtilitatem Christianismi. Quod castrum ob honorificentiam sui *Regalem-montem* nominari constituit: quia paruo tempore cum paucâ gente, sed maxima probitate, illud ædificauerat.

C ANNO MCXVI. cùm de Hierusalem castrum suum reuisurus Rex graderetur in Arabiam cum ducentis fermè militibus, vsque ad Rubrum Mare iter agendo expediuit: vt & videret quod nondum viderat, & fortuito in via aliquid boni quod desiderabat inueniret. Tunc inuenerunt *Helim* ciuitatem secus littus eiusdem maris, vbi populum Israëliticum post maris transitum hospitatum esse legimus. qua qui ibi versabantur, audito Regis aduentu, egressi sunt: & intrantes nauiculas suas, in mare pauidi se impeerunt. Cùm autem Rex & sui locum illum quandiu libuit considerassent, reuersi sunt ad *Regalem-montem* castrum suum, deinde Hierusalem. Qui cùm nobis ea quæ viderant narrarent, delectabamur tam dictis quàm in cocleis marinis, & lapillis quibusdam generis tenerrimi, quæ nobis allata monstrabant. Ego ipse auido corde plenè rimabar ab ipsis, cuiusmodi mare erat. qui huc vsque dubitaueram, vtrum salsum an dulce erat: stagnum vel lacus, aut intrans & exiens vt mare Galileæ: siue meta finali concluderetur vt Mare Mortuum quod Iordanem recipit, sed postea nusquam emittit. Nam ab austro apud *Segor* ciuitatem Loth finem facit.

Hoc autem *Mare Rubrum* dictum, eo quòd saburra & lapilli rubri sint in fundo. vnde intuentibus rubrum patet. quod etiam in vase quolibet haustum tanquam aliud mare limpidum est & album. Dicitur illud à mari Oceano diriuari à parte australi, quasi lingua eruptum, & vsque ad *Helim* iam distam versus Septentrionem protentum, vbi finem facit non longè à monte Sinai, sed quantum potest equo aliquis vno die proficisci. A Rubro verò Mari, vel ab *Helim* memorata, vsque ad Mare Magnum, quo ab Ioppe, vel Ascalone, vel Gaza, versus *Damiath* pergitur, iter eundo dierum quatuor vel quinque equitis ambulatione æstimans. Quo sinu inter hæc duo maria cingitur tota Egyptus, atque Numidia, necnon Ethiopia, quam Geon Paradisi fluuius, qui est Nilus, circuit, vt legimus.

Possim mirari, sed numquam rimari, quomodo vel qualiter fluuius iste Geon, qui de Paradiso cum tribus aliis legitur emanare, ortum suum videatur iterum recuperare: cùm ab Orientali parte habeat Mare Rubrum, & ab Occasu, in quo incidit, mare nostrum. Habet enim inter se & Orientem Mare Rubrum. in

1116. quo Oriente intelligimus esse Paradisum. Quomodo verò circa Mare illud Rubrum resumit ortum suum, & quomodo transit illud mare, vel non transit, vehementer admiror. A

LVII. DE Eufrate similiter addicimus, quòd in Armenia ortum suum habeat, & postea per Mesopotamiam transeat, xxi v. milliariis, ut opinor, ab vrbe Edeffa. Quærat qui vult, discat qui valet. Nam hoc discere à quampluribus persæpè inquirendo studui. sed qui hoc mihi insinuaret nequaquam inuenire potui. Committo autem illi enucleare, qui super cœlos etiam aquas mirificè inesse statuit: quique eas in montibus & collibus & conuallibus oriri facit, & per occultos meatus cursibus viuidis vias multifidas eis præbuit, & in mare denique mirabiliter inducit & reducit. Exitu siquidem anni appropinquante, molestia corporis ingruente, quia Rex mori tunc timuit, dimisit vxorèm suam superiùs memoratam, Siculorum scilicet Comitissam nomine ADELAIDEM: quia iniustè duxerat eam, cò quòd adhuc viueret sua, quam apud urbem Edeffam antè rectè duxerat.

1117. ANNO MCXVII. ab Incarnatione Domini Regina memorata è portu Pro-

LVIII. lomaida egressa, die qua ritu Ecclesiastico Letania maior decantata est, septem cum nauibus in comitatu suo Siciliam transfretauit. Deinde Maio mense aduolauerunt in Terram Hierosolymitanam locustarum infinita multitudo, amplius solito deuorantes tam vineas quàm segetes, necnon arbores omnigenas, quas videretis accuratè ad morem exercitus hominum per vias tanquam consilio prouido prolocutas ordine progredi. Et facta expeditione sua diurna, aliæ pedites, aliæ verò volantes, hospitium sibi communiter eligebant. Consumptis itaque herbis viridioribus, & arborum corrosis corticibus, tam bruci quàm locustæ cateruatim abierunt. O improbitas hominum peruersè incessanter malignantium! Tot & tantis nos conditor noster increpationibus tangit, & præmunit. signis territat, minis concitat: documentis edocet, flagellis coërcet. Et semper in iniquitatibus nostris persistentes, monita eius contemptui habemus, & præceptis eius superbè contramus. Quid mirum, si Sarraceni, vel iniqui Domini, auferunt nobis terras nostras: cùm nos in proximorum nostrorum agros manus extendimus rapaces, quos quidem aut aratri sulcatione fraudulenter excurtamus, aut circumuentionibus cupidis subripiendo priuamus, & nostros malitiosè ex his augmentamus? Quid mirum, si Deo permittente sata nostra vel mures in terra iam ex genimine radicata dissipent, vel post in spicis iam adulta locustæ deuorent: aut etiam in granariis vermis quibuscumque, aut nidore calcino lædantur? cùm decimas Deo debitas vel fraudulenter reddimus, vel omnijnò sacrilegè retinemus? B

LIX. SEQUENTI quidem mense, qui Iunius erat, apparuit nobis in cœlum suspicientibus Luna post Galli cantum, priùs tota rubea, nouissimè verò mutato rubore nigredine adèò fuscata est, ut vim sui luminis per duas ferè horas perderet. Contigit autem hoc die, qua eam tertiamdecimam habebamus. Quod si quattadecima die esset illo, eclypsim nimirum eius esse intelligeremus. Quod ergo pro signo id accepimus, ex hoc quidam coniectabant rubore in prælio fore fundendum sanguinem. Alij verò nigredine significabant venturam famem. Nos verò dispositioni & prouidentia Dei hoc commisimus, qui in Sole & Luna discipulis suis prædixit signa fore ventura. Qui etiam quando vult terram facit tremere, & postea quiescere. quod subsequenter accidit in eodem mense noctis intempestz silentio, vi. Kal. Iulij. C

LX. TVNC ædificauit Rex quoddam castrum prope Tyrum urbem, intra quintum ab vrbe milliarium, quod vocauit *Scandalion*, & *Campum-Leonis* interpretatum. & resarciuit diruta eius, & posuit in eo custodes ad coërcendum urbem prædictam.

LXI. EODEM anno mense Decembri, nocte quinta post eclypsim Lunæ, quæ acciderat cùm tertiamdecimam pronunciabamus, vidimus omnes cœlum nocte incepta in Septentrionali parte vel ignei vel sanguinei coloris fulgore respersum. Quod signum signis mirificis plenum suspicientes, vehementer admirati sumus. Nam per medium ruborem illum, qui primitus paulatim excrefcere cœpit, videbamus radios alburni coloris quamplures ab imo sursum mirum in modum extolli, nunc antè, nunc retrò, nunc in medio. In parte autem inferiori cœlum parebat album, ac si aurora esset diei, quæ prope diem clarescere solet, cùm iam Sol oriri debet. In fronte etiam signi huius, in ea videlicet parte, videbamus alborem quasi deberet deberet

A deberet Luna oriri. vnde terra vndique, & cetera loca circa nos existentia, clarè candebant. Quòd si in matutino sic eueniret, diceremus omnes, quia dies clara est. Coniciebamus ergo indè vel sanguinem multum in bello fundendum, aut aliud aliquid non minus prælagij minacis fote futurum. sed quod incertum habebamus, Domino Deo disponendum humillimè committebamus. Quod etiam portentum ad defunctionem personarum, quæ anno ipso obierunt, significantes aliquanti sortiti sunt. Subsequenter enim mortui sunt, PASCALIS Papa mense Ianuario, BALDVINVS Rex Hierosolymorum mense Aprili, necnon vxor eius in Sicilia, quam dereliquerat. Hierosolymis etiam Patriarcha Arnulfus: Imperator quoque Constantinopolitanus ALEXIS, & alij quamplures Proceres in mundo.

ANNO à partu Virginis MCVIII. cùm in exitu Martij mensis urbem, quam Pharamiam nominant, BALDVINVS Rex aggressus hostiliter vastando diripuisset, die quadam, cùm deambulare fluuium, quem Græci dicunt Nilum, Hebræi autem Geon, oppido memorato proximum, cum aliquantis de suis lætus adiisset, & de piscibus illic inuentis equestres lanceis suis cautè cepissent, & ad hospitia sua ad urbem præfatam derulissent, & ex eis comedissent: sensit Rex intrinsecus se angore plagæ suæ veteris grauissimè renouato debilitari. Quo suis confestim intimato, pro infirmitate illius audita cuncti proindè compatientes contristati & conturbati sunt. Reditu autem statuto, cùm non posset Rex equitare, de papilionum perticis lecticam ei apparauerunt, in qua cum collocauerunt. Et præcone signum cornu dante, remeare Hierusalem edictum est. Cùmque vsque villam, quæ dicitur Laris, peruenissent, infirmitate ingruente, & illum penitus consumente, defungitur. Et locatis eius intestinis, & fallitis, atque in loculo conditis, Hierosolymam properauerunt. Die siquidem, quo palmarum rami ex more deferri solent, ordinatione Dei, & euentu inopinabili, ad processionem, quæ de monte Oliueti in vallem Iosaphat tunc descendebar, caterua lugubris, & dolendi funeris latrrix aduenit. Quo viso, & sicut erat cognito, pro cantu luctum, pro læticia gemitum, cuncti qui aderant dederunt. Plorant Franci, lugent Syri, & qui hoc videbant Sarraceni. Quis enim se continere posset, qui non ibi piè fletet? Igitur tunc ad urbem redeuntes, tam clerus quàm populus fecerunt quod dolori conuenit & consuetudini. Et sepelierunt eum in Golgota iuxta GODFRIDVM Ducem germanum suum.

Cùm Rex iste ruit, Francorum gens pia fletit:

Huius erat scutum, robur, & auxilium.

Nam fuit arma suis, timor hostibus, hostis & illis:

Dux validus patriæ, consimilis Iosue.

Achon, Cesaream, Berithum, necne Sidonem,

Abstulit infandis hostibus indigenis.

Post terras Arabum, vel quæ tangunt Mare Rubrum,

Addidit Imperio, subdidit obsequio.

Et Tripolim cepit, sed & Arsuth non minus vrsit,

Pluræque præterea fecit honore rata.

Obstinuit Regnum Rex octo decemque per annos,

Mensibus atque tribus insuper appositis.

Sex decies Phæbus Vernecus viserat astrum,

Cùm BALDVINVS Rex obit eximius.

Offices & decies faciens menses duodenos,

Regi habes annos patriam quibus optimè rexit.

EXPLICIT LIBER II.

INCIPIT LIBER TERTIVS.

De gestis BALDVINI secundi.

CAP. I.

Quod die
Pascha BAL-
DVINVS II.
sit in Regem
consecratus.



IGITUR defuncto Rege BALDVINO, inito statim Hierosolymitani consilio, ne Rege carentes aestimarentur debiliores: creauerunt sibi Regem BALDVINVM Comitem videlicet Edessenum, Regis defuncti cognatum. Qui transito Eufrate fluuio Hierusalem fortuitu aduenerat, cum prædecessore locuturus. Communiter electus, die Paschæ est consecratus.

II.

De exercitu
Babilonico
congregato.

IPSO anno cum tempus subsequeretur æstiuum, congregauerunt Babilonij exercitum valde grandem: millia quorum aestimabantur xv. equitum, & xx. peditum. arbitantes Hierosolymitanum destruere Christianismum. Quibus, cum vsque Ascalonem peruenissent, Rex Damascenorum Tuldequinus cum gente sua in adiutorium processit, Iordanem transgressus. Præterea tunc classis non modica per mare illuc vsque nocitura nihilominus venit. Exin tam bellicæ, quàm mercibus onustæ naues Tyrum adierunt. Qui autem per terram uenerunt, ante Ascalonem bellum expectantes remanserunt. Tunc Rex BALDVINVS cum Antiochenis & Tripolitanis, quos ad hoc certamen venire per legatos mandauerat, aduersus hostilem exercitum bellaturus properauit. & Azoto quondam ciuitate Philistæa transita, tentoria de sagmariis deponi, & desigi disposuit haut longè à Babiloniis: itaut exercitus vterque quotidie alterutro aspectu cerni posset. Sed quia alij alios valde aggredi formidabant, & viuere quàm mori malebant, cum per tres ferè menses differri tali argumento vtriusque caluissent, tædio affecti Sarraceni bellare recusarunt, & Antiocheni ad sua remeauerunt, trecentis militibus de suis Regi commissis, qui si opus esset Regem ad pugnam roborarent, si Egyptij litem iterare pertemptarent.

1119.

III.

De prælio
& occisione
Antiochenorum cum
Turcis pugnantium.

ANNO MCXIX. ab Incarnatione Domini, GELASIVS Papa successor Paschalis obiit iv. Kalend. Februarij, & sepultus est in Cluniaco. Post quem substitutus est CALIXTVS, qui Viennæ vrbis Archiepiscopus extiterat. Prolixitatem Historiæ fastidimus, si eundæ enarrare velimus, quæ hoc anno in Antiochena regione miserabiliter euenerunt. Quomodo ROGERVS Antiochiæ Princeps cum Proceribus suis & gente sua contra Turcos pugnaturus exierit, & prope Arthasium oppidum interemptus ceciderit: vbi de Antiochenis septem millia sunt occisi, de Turcis verò nec etiam viginti. Nec mirandum si permiserit eos Deus confundi, cum in diuitiis multimodis maximè abundantes, nec Deum timebant, nec hominem in peccando reuerentur. Nam iuxta uxorem suam ipse Princeps cum pluribus aliis adulterium impudenter committebat. Dominum suum BOAMVNDI filium in Apulia cum matre sua morantem exheredabat, & multa alia tam ipse quàm Proceres sui viuendo superbè & luxuriosè agebant. Quibus competit versus iste Dauidicus dici: *Prodiit quasi ex adipe iniquitas eorum.* Vix enim inter delicias affluentes modus seruabatur.

IV.

Quod Rex
BALDVINVS
sumpta Crucem
Dominicam
ad auxiliandum
properauit.

POST hanc Antiochenorum occisionem secuta est secunda satis victoria, quæ propitiantem Deo Hierosolymitano populo mirificè successit. Nam cum prædictus ROGERVS Regi Hierosolymitano per nuncios notificasset, ut sibi ad succurrendum festinaret, quia Turci cum gente multa eum impetebant: relicto Rex negotio, ad quod cum suis non longè à Iordane Damascenos expugnaturus iuerat, ducto secum Patriarcha cum Cruce Dominica, cum de campis stationum suarum eos eiecisset violenter, continuò Antiochenis auxiliaturus recurrit. ducens secum Cesariensem Episcopum, qui Crucem Dominicam in bello postea contra hostes optimè portauit. Comitem verò Tripolitanum Rex illuc secum duxit, fueruntque simul milites ducenti quinquaginta. Et cum Antiochiam peruenissent, misit Rex ad Edessenos legationem. præcipiens eis, ut ad bellum, quod contra Turcos facere satagebant, cito itinere festinarent. Quibus cum Rege & Antio-

Achenis, qui de primo bello fugerant, vel mortem aliquo euentu euaserant, aggregatis, commissum est praelium prope oppidum, quod *Sardanum* vocant, ab Antiochia *xx. v.* millibus distans. Fueruntque milites nostri septingenti, Turci verò *xx.* millia. *Gazi* vocabatur Maior eorum. Non puto silendum, quòd Turcus quidam aduertens vnum de militibus nostris linguam noscere Persicam, allocutus est eum, dicens: Tibi dico France, cur nos despicitis? cur in vanum laboratis? Contra nos equidem nullo modo valebitis. pauci enim estis, nos multi. Imò Deus vester vos dereliquit, videns vos nec legem vestram ut solebatis tenere, nec fidem nec veritatem inuicem seruare. Hoc scimus, hoc didicimus, hoc aduertimus. Cras proculdubio vos vincemus & superabimus. O quantum dedecus Christianis, cum perfidi de fide nos reprehendebant! Vnde deberemus vehementer erubescere, & peccata nostra plorando poenitentes emendare.

COMMITTITUR ergo bellum die sequenti, ut dictum est, grauissimum. de quo victoria diu anteps utrimque fuit, quoad usque Omnipotens Turcos fugere compulit, & contra eos Christianos magnifice vegetauit. Quos tamen impugnantes adeò cateruatim disperserunt, ut usque Antiochiam non cessantes, non valerint ultra collegis suis in bello congregari. Nihilominus autem Turcos dispersit Deus, cum alij in Persidem fugitui repatriarent, alij verò in Halapiam urbem saluandi se gratiā introirent. Rex autem Hierosolymitanus & Comes Tripolitani cum suis, sicut socij gloriosæ Crucis extiterant, & qui eam sicut serui dominam ad bellum perduxerant, circa eam semper honorifice pugnantes, nec eam deferentes, in campo bellico fortiter steterunt. quos omnipotens Deus per virtutem eiusdem sanctissimæ & preciosissimæ Crucis de manu nefandæ gentis potenter eripuit, & ad aliud suum negotium quandoque futurum reseruauit. Cumque per duos dies campum illum Rex custodisset, & de Turcis nullus illuc bellaturus redisset, sumpta Cruce Dominica perrexit Antiochiam. Et exiit Patriarcha Antiochenus obuiam sanctissimæ Cruci, Regi quoque & Archipræsuli, qui eam deferébant. & reddiderunt omnes Deo gratias, & exsoluerunt dulcissimas laudes omnipotenti Deo, qui per virtutem gloriosissimæ Crucis suæ victoriā Christianis dederat, & ipsam Crucem ad Christianismum saluè reduxerat. Pietate plorabant, lætitiā cantabant. adorantes repetitis vicibus ante Crucem venerandam se inclinabant, resurgentēque militibus erectis gratias agebant.

*Præbuerat biduo Sol lumen Virginis astro;
Cum bellum geritur, quo Parthi sic superantur,
Clarique tunc decimæ rutilabant cornua Luna.*

CUMQUE in Antiochia requie non longa se recreassent Franci, statuerunt Hierosolymam cum benedicta Cruce Domini, ut decebat, reuerti. Et sumptis militibus quot oportuit, remisit eam Rex Hierusalem: & die quo Exaltationis eius festiuitatem celebrant, sicut Eracleus Imperator de Perside victor eam reportauit, cum ea urbem sanctam lætantes introierunt. & cum gaudio ineffabili cuncti qui aderant susceperunt.

REX autem in Antiochia remansit, quia necessitas hoc postcebat: quatinus mortuorum Procerum terras viuis sub ratiocinio daturus locaret, & viduas quas inuenit illic multas maritis pio affectu coniungeret, & multa alia restauratione necessaria reformaret. Sicut enim huc usque Hierosolymorum Rex singulariter extiterat, ita mortuo Principe Antiocheno **ROGERO**, Antiochenorum Rex addito altero Regno efficitur. Moneo ergo Regem, & quæso, ut Deum ex toto corde diligat, & ex tota anima, & omnibus viribus suis: & cum gratiarum actionibus se illi penitus ut fidelis seruus subdat, eiusque se humilem fateatur seruum, qui talem Dominum inuenit sibi amicum. Quem ergo antecessorem suum tam sublimauit, quantum & illum? Alios vnus, hunc autem duorum Regnorum possessorem fecit: quæ sine fraude, sine effusione sanguinis, sine litium tribulatione, sed diuina ordinatione pacifica acquisiuit. Ab Egypto siquidem usque Mesopotamiam tradidit ei Deus longè latèque terram. Manum erga eum habuit largam. caueat ne erga eum artam habeat, qui abundanter dat, & non impropere! Si Rex esse desiderat, studeat ut regat rectè. Cum autem post negocia pleraque perpetrata Rex ab Antiochia regressus esset Hierusalem, cum vxore sua diademate regis dñe Natiuitatis Dominicæ coronatus est in Bethleem.

Tom. IV.

DDdd ij

1120. ANNO Incarnationis Dominicæ post millesimum centesimum vicesimo, ab-
VIII. soluit Rex BALDVINVS II. ab omni exactiōe omnes, qui per portas Hieru-
De remissio- ne exactio- num. salem frumentum, atque hordeum, siue legumina, inferre voluerint: vt absque molestia tam Christiani quàm Sarraceni habeant liberam facultatem ingrediendi & egrediendi, atque vendendi, vbi & quibuscumque voluerint. Remisit insuper mercedem modij consuetudinariam.

IX. CVM autem VI. huius anni mense in Hierusalem euoluissēmus, venerunt nun-
De Turcis congregatis, & expedi- tione Regis contra eos. cij ab Antiochia, dicente Rege, & nobis omnibus qui aderamus, Turcos Eufra- tem transisse, & Syriam ingressos fuisse ad nocūmentum Christianismi. sicut in præterito consueuerant. Vnde accepto consilio, sicut necessitas vrgebat, petiuit Rex à Patriarcha & Clero humillimè victoriosam Domini crucem sibi contradi- dens ab ea se & suos ad præliandū debere muniri. quia sine graui prælio credit Turcos prætaxatos de patria, quàm iam deuastabant, non posse expelli. Et quia non confidit in virtute sua, nec in gente quam habebat multa, Cruce ipsa Domino vegetante & propitiante pro multis millibus potietur. Alioquin sine ipsa nec ipse nec alij audent ad bellum proficisci. Vnde ibi ratio bipertita inter euntes ad bel- lum & remanentes in Hierusalem satis decens habita est: siue debeat pro tanta necessitate Christianitatis Antiochiam Crux deferri, siue Hierosolymitana Ec- clesia de tanto thesauro suo tunc priuari. Dicebamúsque: Heu miseri! quid fa- ciemus, si permittente Deo perdiderimus in bello Crucem, sicut perdiderunt B
Israëlitz olim Archam fœderis? Quid plura referam? Necessitas monuit, ratio edocuit. fecimus quod nolimus, & quod nolebamus voluimus. Et cum mul- tis lacrimis piè pro ea profusis, & canticis in laude illius decantatis, extra vr- bem nudis pedibus Rex, Patriarcha, plebs quoque omnis eam conuiassent: Rex cum ea flendo discessit, & populus ad urbem sanctam rediit. Mensis erat Iu- nius. Antiochiam ergo abierunt, quam Turci aded iam coartabant, vt extra muri ambitum inhabitantes vix vno milliario procedere auderent. Sed audito Regis aduentu, indè statim se remouentes, versus Halapiam urbem, vbi tutiùs esse possent, abierunt. quibus tria militum Damascenorum millia tunc ag- gregata sunt. Cùmque Rex bellandi causâ motu audaci ad eos accessisset, & vtrinque sagittis iactatis plures fauciati, vel interfecti occidissent, & bellare tamen Turci recusassent: post triduum litis huius, nullo certo fine concluso, & Antiochiam nostri remeauerunt, & in Persidem pars Turcorum maior re- patriauerunt. De cetero Crucem sanctam Rex honorificè Hierusalem remisit, & ipse in Antiochiæ regione Terram protecturus remansit. Tertiodecimo Ka- lendarum Nouembrium ipsam gloriosam Domini Crucem in Hierusalem cum gaudio magno suscepimus.

1121. ANNO ab Incarnatione Domini M C X XI. congregauit Rex gentem suam à
X. Sidone vsque Ioppem, & XII. Nonas Iulij transgressus Iordanem, adiit Regem
De expedi- tione Regis contra Da- mascenos. Damascenorum, qui cum Arabibus sibi fœderatis & adunatis terras nostras Ty- C
beriadî proximis nullo ei resistente vastabat. Qui cùm persensisset Regem no- strum cum exercitu suo aduersum se appropinquantem, collectis illicò taberna- culis suis, bellum euitans refugus in sua recessit. Quem cùm per duos dies Rex insecutus fuisset, nec bellare cum eo gens illa auderet: reuersus est ad castellum quoddam, quod ad nocūmentum nostrum anno præterito Tuldequinus Rex Da- masci construi fecerat, quod à Iordane æstimamus diserepare xvi. milliariis. Id Rex obsedit, machinis coërcuit, vi expugnauit, redditum recepit. Cuius cu- stodes & protectores XL. videlicet Turcos sub statuta conditione vitios abire per- misit, & oppidum deinde ad solum vsque prostrauit. *Iarras* nominant hoc castrum regionis incolæ, quod iuxta ciuitatem quandam mirabiliter & gloriosè situ forti antiquitus fundatum, lapidibus magnis & quadris illuc erectum erat. Vbi autem comperit Rex non sine grauitate magna obtineri, nec sine difficultate gente & alimentis vt oporteret posse muniri, iussit illud dirui, & omnes ad sua regredi. Hæc olim vrbs insignis fuit in Arabia, *Gesara* nominata, monti Galaath adiuncta, in tribu Manassæ instituta.

Explicit hic annus in cunctis fine secundus,

Pace quidem proffer, & frugibus omnibus uber.

1122. ANNO Dominicæ Incarnationis M C X XI. præficitur in Hierusalem Eccle-

A **SI** Tyriæ Archiepiscopus **O** **D** **O** nomine, primus de gente Latina. Deinde abiit **1122.**
 Rex Ptolomaidam, vnde gente sua congregata, pedite videlicet & equite: mo- **XI.**
 uens exercitum suum, & Dominicam Crucem secum deferens, profectus est Tri- **De alia ex-**
 polim. iniuriam vlturus & contemptum, quem regionis illius Comes **PONTIVS** **De expeditione Re-**
 nomine incuriebat, recusans ei obsequi, vti **BERTRANVS** pater eius fecerat: **gis contra**
 Sed Deo volente, & Optimatum præsentium vtrinque laudatione, amici facti sunt **Tripolitanis**
 ad inuicem, Comiterationi assentiente. Quibus siquidem pacificatis, astitit illico **Comit: de-**
 Archiepiscopus quidam ab Antiochenis illuc missus: Regem cohortans, vt Antio- **hinc iterum**
 chiam quantocius properaret, contra Turcos opem laturus. Iam enim Terram il- **contra Tur-**
 lam deuastabant, nullo Principe eis resistente. Quo audito, Rex continuo prope- **cos.**
 rauit, habens secum trecentos milites lectissimos, & cccc. clientes aduentitios
 probissimos. Ceteri verò vel ad Hierusalem, vel ad sua remeauerunt. Cum autem
 peruenisset Rex vbi Turcos audierat esse congregatos, circa scilicet castrum quod-
 dam, quod *Sardanaïum* vocatur, quod iam obsidione cohibebant, remouerunt se
 indè volentes Regem expectare. Quo comperto, secessit Rex Antiochiam. Turci
 verò ad inceptum denuò recurrunt. Cumque Rex hoc auditu percepit, versus eos
 promptè equitauit. Sed quia gens illa Parthica in procinctu vel apparatu bellico
 moraliter numquam in eodem statu permanentes: (nunc enim visum, nunc dorsum
 obsistentibus opinione celerius vertunt, & præter spem simulatè fugiunt, & recursu
B repentino impetunt) non se ad bellandum citò aptauerunt, sed congressum peni-
 tus vitauerunt. & taliter ceu victi abscesserunt. Benedictum ergo sit sanctissimæ &
 Dominicæ Crucis vexillum, & vbiq;e omnibus orthodoxis præsens subsidium:
 sub cuius protectione & consolatione fideles muniti, sine detrimento aliquo Chri-
 stianos nostros ad sua concessit regredi. Illi equidem x. millia æstimati sunt mili-
 tum, nostri verò m c c. absque globo peditum. Et cum vsque Tripolim vnà cum
 Cruce Dominica remeasset Rex, orto negotio, cum aliquantis reuersus est An-
 tiochiam. Et sic Dominica Crux in Hierusalem delata, cum gaudio magno in lo-
 co suo **xvii.** Kal. Octobris honorificè est reposita.

Tempus erat quo Libra pares exterminat horas,

Tam numero parili quàm spacio simili.

I **N** **T** **E** **R** **E** **A** captus est **GOSCELINVS** Comes Edessenus, Galetannusque **XII.**
 cum eo cognatus eius, interemptis quidem de suis non minus quàm centum. Quos **De Comite**
 quidem Balac Admiralus quidam tam astutiâ quàm insidiis molitus intercept. **Edesseno ca-**
pto.

Finit & hic annus quàm qui præcessit optimus

Frugibus omnigenis quacumque metuntur in aruis.

Triticus modius pro nummo venditur vnus,

Seu quadraginta qui vult pensare numisma.

Tunc neque Parthia nec Babilonia bella mouebat.

A **N** **N** **O** ab ortu Domini **mcxxxiii.** Indictione i. Rex Alemanniæ **HEN-** **1123.**
C **R** **I** **C** **V** **S** cum Papa Calixto pacificatur. Deo gratias, quia Regnum & Sacerdo- **XIII.**
 tium in dilectione confœderantur. **De pace in-**
ter Papam

E **O** **D** **E** **M** anno Venetici cum nauigio magno in Syriam nauigare commoti sunt,
 vt Hierusalem & regionem ei adiacentem Christianismi vtilitati & exaltationi
 opitulante Deo amplificarent. Qui anno præcedenti de terra sua egressi, in insula, **XIV.**
 quæ *Curpho* nuncupatur, tempus expectantes oportuno nauigandi hiemauerunt. **De Veneticis**
 Classis quippe eorum **cx.** nauium fuit, exceptis carinis vel carabis: quarum alix **Hierusalem**
 quidem rostratæ, alix oneratæ, alix verò triremes fuerunt. Triformi quidem fa- **propere**
 brica compactæ sunt. In quibus materies lignorum magnæ proceritatis imposita **d' Hæmab-**
 non defuit. vnde compositis ab artificibus sapienter machinis, muros urbium su- **bus.**
 blimes ascendere, & comprehendere posset.

I **G** **I** **T** **V** **R** postquàm verno tempore patefcunt viæ ratibus, quod Deo diu de- **XV.**
 uouerant explere non torpuerunt. Et viatico nauali abundè sibi præparato, cum **Quo tempo-**
 tuguria, in quibus hieme conqueuerant, communiter succendissent, concrepan- **re iter atti-**
 tibus tubis quamplurimis, carbasa Dei inuocato auxilio gaudenter displicantur & **puerunt.**
 eleuantur. Naues autem, quæ coloribus variis picturatæ erant, splendore nimio
 prospectantes satis delectabant: quibus terquina hominum armatorum millia tam
 de Veneticis quàm peregrinis sibi adiunctis inerant. Porro equos secum **ccc.**
 conuehebant. Itaque Borea tunc leniter aspirante, pontum decentissimè fulcan-

Tom. IV.

DDdd iij

1123. tes, cursum suum versus *Mosbonem* dirigunt *Rodum*. Et quia necesse erat ut simul A nec sparsim incederent, flabris etiam interdum alternantibus, ne si prouidè iter suum modificarent, alij ab aliis citò discreparent: propterea diebus breuibus die non nocte velificantes, portibus frequenter inuentis necessariò cotidie applicabant. ne regentis aquæ penuriam patientes, tam ipsi quàm eorum equi siti graua-
rentur.

XVI. Eodem tempore contigit BALDVINVM Rēgem Hierosolymorum capi. *Quod Rex BALDVINVS sit captus, & Eustachius quidam pro eo constitutus.* Balac enim, qui antea Goscelinum Galerannumque ceperat, hunc etiam non in hoc benè prouidum, sed imparatum comprehendit. quo nihil Paganis iocundius, nihil Christianis horribilius. Postquàm rumor iste vsque ad nos in Hierusalem diffusus est, venerunt omnes in concionem in urbem Ptolomaidam, consilium capturi quid facto opus esset. Et elegerunt & constituerunt Terræ fore Custodem & Præceptorem EVSTACHIVM quendam, hominem probum, & moribus honestum, qui tunc *Cesaream* possidebat & *Sidonem*. Hoc siquidem Patriarcha Hierosolymitanus vnà cum Optimatibus Terræ illius dictauit, & teneri decreuit: quòd tenus de Rege capto rei exitum certum audirent. Ità Maio mense mediante, cùm iam audiuissemus Babilonios Acalonem vsque peruenisse: bipertito exercitu, terrestri videlicet itinere atque marino, præparata liburna statim agillima, statuerunt legationem ad Veneticorum classem mittendam: exhortando præcantes, ut negotium incœptum accelerato nauigio nobis adiuturi succurrerent. B

XVII. BABILONII autem nauigio suo Ioppem irruentes, & de nauibus pompati-
Quod iterum Ioppem à Babiloniis sunt obfessi, & valde afflicti. eè cum ingenti sonitu ærearum tubarum exilientes, urbem obsidione circumderunt. Et machinamentis suis & instrumentis, quæ in nauibus maioribus attulerant, continuò erectis, urbem vndique assilierunt: & pro validine nescia lapides torquendo cohibebant. Erant enim tormenta vehementiora, quibus ultra iactum sagittæ saxa torquebant. Pedites nempe Arabes, vel Ethiopes, quos secum adduxerunt, cum militum manu assultum grandem ciuibus dabant. Alij tela, alij lapides vel sagittas vtrouique iaciebant. Interim autem externos crebris idibus sæpissimè trucidabant. pro se enim viriliter pugnabant. Ethiopes quidem ancilia tenentes in manibus, se indè tegebant, & protegebant. Mulieres verò ciuibus valdè laborantibus gratuito semper præsto fuerunt adiumento. Aliæ lapides subministrabant, aliæ verò aquam potui præbebant. Cùmque murum Sarraceni per quinque dies iam aliquantulum læsissent, & minas desuper dilapidando plures diruissent: audito aduentu nostrorum qui eis approximabant, significante buccina certamen dimiserunt, & machinamenta sua frustratim in naues reportauerunt. Quòd si diutiùs ibi morari auderent, proculdubio ciuitatem comprehenderent. Pauci autem erant, qui tuebantur eam. Iamiamque locatim murum circumfoderant, ut spe velociùs eum penetrarent. Classis quippe eorum LXX. nauium fuit.

XVIII. CVM igitur damnum imminere gens nostra per rumigeros didicisset, in vnum C
De bello & in Syria Christianorum auxilio sancta Crux. corpus vndique congregati, ante castellum quoddam, quod *Chacho* incolæ regionis nominant, de Tyberiade videlicet & Ptolomaida, Cesarea quoque & Hierosolyma, cum Cruce Dominica ad illum conuentum iam delata, contra hostes dimicaturi vsque *Ramatha* urbem, quæ est iuxta *Duspolim*, properauerunt. Nos autem, qui Hierusalem remansimus, pro fratribus nostris in tribulatione sic positis orare, & elemosynas egenis impertire, per vniuersas ciuitatis sanctæ Ecclesias processiones piè facere, tam Latini, quàm Græci atque Syri, interim nudipedes non cessauimus. Proceres autem nostri mane summo de Ramatha consurgentes, cùm gentem nostram per cohortes procedere ut decebat ordinassent, benedictione & absolutione à Patriarcha populo data, bellum committitur apud *Azotum* urbem quondam quintam Philistinorum, nunc autem *Ibenium* dictam. quæ in viculum paruulum redacta est. Porro pugna ista non longa hora protrahitur. Nam cùm perspicerent nostros probissimè armatos eos impetere, continuò milites illi tanquam aliquo onere fascinati in fugam moti sunt, & fugâ pro consilio vsi sunt. Pedites verò detruncati sunt. Tentoria eorum cuncta cum rebus multiformibus in campo remanserunt. Tria nempe vexilla preciosissima, quæ *Standarz* nominamus, ab eis excusserunt. Vtensilia etiam multiformia, culcitra, & puluinaria. Carram quoque multam cum sarcinis secum nostri reduxerunt. camelos videlicet

A c c c c. asinos quingentos. Sedecim millia ex eis præliatum venerunt, quorum 1123. sex millia interfecti sunt. De nostris autem pauci. Gens equidem nostra octo millia æstimati sunt, sed audaces probissimi, & ad pugnandum valdè animati, & amore Dei freti, & confidentiâ eius penitus corroborati.

*Sub Geminis Phæbo iam tunc bis sexies orto,
Gens ruit infanda Domini virtute subacta:
Corpora nunc quorum per campos Allophylorum
Fiunt esca lupi, fiunt quoque pastus hienis.*

B E L L O autem per Dei potentiam sic superato, & ad gloriam ipsius & exaltationem Christianismi, ut dictum est, facto, cum Dominica Cruce remeauit in Hierusalem Patriarcha. Qua extra portam Dauidicam cum gloriosa processione suscepta, & usque ad Basilicam Dominici Sepulcri honorificè deducta: *Te Deum laudamus* cantantes, Omnipotenti de beneficiis suis vniuersi laudes reddidimus. XIX.
*De receptio-
ne sanctæ
Crucis.*

P O S T triduum autem prospero successu ita potiti, secundi rumores subsecuti sunt. De Venetorum enim classe in Palestina per plerosque portus applicata cum audiuius, iocundati sumus. Hoc equidem diu fama promiserat. Cùmque Dux Veneticorum, qui nauigio huic principabatur, Ptolomaidæ applicuisset, intimatum est ei statim prout gestum fuerat apud Ioppem, terrâ scilicet & mari: & quomodo Babilonij, prout valuerant, negotio suo expleto iam illinc abierant. Quod si celerato cursu vellet eos prosequi, Deo iuuantem proculdubio eos assequi posset. Qui consilio nauitarum statim adhibito, bifaria nauigatione adhibita vnam nauigij sui partem, in qua ipse Dux erat, versus Ioppem emisit. Alteram verò partem in altius pelagus prudentissimè misit: ut ignaris Sarracenis peregrini esse Hierusalem adeuntes à parte Cypri putarentur. Et cùm Sarraceni x. & v i i i. naues de classe Venetica perspicerent ad se appropriare, tanquam de emolumento iam adquisito cœperunt exultare, & contra Veneticos aptauerunt se nauigare, & ad pugnam eos audacter suscipere. Nostri autem tanquam ad certamen bellicum recundari simulant, & astutè aliam nauigij partem potiore & postremam, in qua prædictus Dux erat, paulatim expectantes, nec fugere disposuerunt, nec pugnare cum eis præsumperunt: quo tenus iamdictum nauigium postremum tam velis quàm remis exsurgere Sarraceni cernerent. Igitur Veneticis creuit spiritus, & indicibiliter in eos irruerunt, & vndique ita eos accinxerunt, ut locum fugæ vspiam reperire non possent. Tunc mirum in modum Sarracenis coercitis, neque naues neque nauæ aliquorsum euadere potuerunt: sed naues eorum Venetici ingressi, detruncauerunt omnes. Fide caret, quòd vltra humanum auditum in nauibus bases occidentium sanguine fluido tingerentur. Itaque naues multis onustæ opibus capiuntur. Corporibus quidem extra naues tunc iactatis, usque ad quatuor millia passuum salum rubescere circumquaque videretis. Deindè cùm vltra Ascalonem exploraturi aliquid proficui nauigarent, obuias sibi reppererunt x. naues alias diuersis alimentis confertas: quibus inerant ligna proceritate magna, & directâ, ad componendas machinas spectabilia. Illas quoque cum munimentis plurimis, etiâque auro & argento, nummismatibusque multis. piper quoque & cuminum, & diuersas species odoramentorum diripiunt. Naues quoque aliquantas ad terram fugitiuas in littore ipso combuxerunt igni. sed & plures integras Ptolomaidam adduxerunt. Lætificauit itaque Dominus clientes suos, & donatiuis plurimis multipliciter locupletauit.

O Q U A M bonum & gloriosum hominibus semper Deum habere in adiutorium suum! O quàm beata gens, cuius est Dominus Deus eius! Dicebant ergo: Eamus, & gentem Christianam omninò confundamus, & memoriam eorum de terra deleamus. Regem enim modò non habent, membra capite carent. Verum dicebant, quia Deum nos habere non credebant. **B** A L D V I N V M perdidimus, sed Regem omnium Deum assumpsimus. Illum in necessitate nostra inuocauimus, & per illum mirabiliter triumphauimus. Forsitan non erat Rex, quem fortè fortuitu perdidimus. Sed hic, qui nuper vicit, non solum est Rex in Hierusalem, sed & in omni terra. Verè fateri nos oportuit, quòd Regem in prælio habuimus: cùm in negotiis nostris præ omnibus illum anticipauerimus. Hic enim præsto est semper, & præsens omnibus qui inuocant illum in veritate. Viderat enim nos in humilitate nostra valdè afflictos: & respiciens piè humilitatem no-

D D d d iij

1123. stram, liberauit nos. Hic pro nobis pugnavit, hic ad nihilum inimicos nostros re-
duxit. Hic semper vincere consuevit, qui numquam vincitur. Superat, nec su-
peratur. Non fallit, nec fallitur. Rex equidem est. rectè enim regit. Quomodo
ergo Rex erit, qui semper viciis, vincitur? Numquid promeretur dici Rex, qui
semper habeatur exlex? Quia legem Dei nec tenet, nec tuetur. Et quia non ti-
met Deum, timebit quidem hominem inimicum suum. Adulter est, vel periurus,
sive sacrilegus. hic talis nomen Regis perdit. Mendax & fraudulentus. quis con-
fidit in eo? Æquus est impiis. quomodo exaudiet illum Deus? Si Ecclesiarum
dissipator, si pauperum oppressor: tunc non regit, sed confundit. Adhæreamus
Regi superno, & spem nostram ponamus in eo: & non confundemur in æternum.

XXII. *De morte
Eustachij. &
successione
Vvilhelmi.* **TEMPORE** isto taliter ægro decessit **EUSTACHIUS**, in custodem Terræ
nostræ electus, xvii. Kal. Iulij. Cui succedere **GUILLELMVM DE BVRIS**
statuerunt, qui Tyberiadem tunc possidebat.

MENSE Augusto deindè mediante, superna clementiâ providente, Rex
BALDVINVS exiuit de carcere, & de vinculis Balac, quibus vinctus tenebatur
in oppido quodam situ fortissimo, & celsitudine nimis arduo, & difficili compre-
hendendo. Cum quo simul inclusi erant **GOSCELINVS** Comes Edessenus cum
aliquantis aliis captis. Huius rei narratio satis est longa, sed dono cœlesti prædita,
& miraculis benè ornata. Nam cum in castro illo nullo freti adiumento iam diu
angerentur occultati, consilio & ingenio multimodo apud se tractare cœperunt,
si aliquatenus inde possent egredi. Vnde per fideles internuncios ubicumque ami-
cos habebant auxilium petere non cessauerunt: & cum Armeniis circa eos con-
uersantibus omnimodè machinare studuerunt: vt si quando ab externis amicis
suis auxilium adipisci possent, illi adiutores esse veri non desisterent. Et cum post
aliqua dona & promissa plurima hoc fidei nexu vtrique confirmatum esset, de
Edessena vrbe sagacissimè quinquaginta fermè clientes illuc ob id missi sunt: &
quasi pauperrimi merces ferentes atque vendentes vsque ad portas interioris castri
occasione quadam oblata se paulatim intromiserunt. Quod cum Portariorum Ma-
gister iuxta portam cum quodam fideli nostro improvidus scaccis luderet, clien-
tes nostri astutissimè attentius appropiauerunt, querimoniam iniuriæ sibi factæ ad
eum facturi. Et deposita omni ignauia & pauore, è vaginis extractis cultellis il-
lum sic quantociùs necauerunt. Et arripientes lanceas illic inuentas, ferire & oc-
cidere viriliter non pigruerunt. Clamor ingens illicò attollitur, & intus & foris
omnes perturbantur. Sed qui ad tumultum hunc festini accurrerunt, festinantius
mox perempti sunt. Fuerunt equidem centum ferè Turcorum. Et confestim clausi
de carcere Rex & alij tunc eiciuntur. Adhuc erant aliquanti compediti, quando
iam per scalas muri fastigium inscendebant. Et eleuato in arcis apice Christiano-
rum vexillo, rei veritas patefacta est. In eadem verò arce vxor erat Balac, ceteris
quas habebat sibi carior. Castro autem à Turcis mox vndique cincto, ingressus &
egressus internis & externis est prohibitus. Portæ etiam clauduntur vestibibus ob-
ditis.

XXIV. *Qualiter
etiam Comes
Edessenus
evasit de
carcere.* **HOC** autem non puto silendum, quòd Balac quoddam infortunium per vi-
sionem est reuelatum. Vidit enim (quod ipse postea retulit) à **GOSCELINO**
sibi oculos erui. Quo indilatè Sacerdotibus manifestato, interpretationem som-
niis ab eis sciscitatur. Verè, aiunt, hoc tibi continget, aut tale aliquid huic æqui-
pollens, si in manus eius incideris. Hoc autem audito, citissimè legationem mi-
sit vt occideretur, ne posset ab eo occidi, sicut iam illi præfagiebant. Sed antequam
ad eum peruenissent lictores, Deo gratias, iam de captione tali modo euaserat.
Rex ergo & sui omnes sapienti & communi consilio vsi, vt saluari quolibet modo
possent, cum tempus considerarent ad hoc magis aptum, posuit dominus Gosce-
linus in periculo mortis animam suam, Conditori vniuersorum se commendans
cum tribus famulis suis, tam pavidus quàm audax, extra castrum per medios ho-
stes radiante Luna se eripuit. Qui continuò vnum ex eis Regi remisit reportan-
tem anulum suum, vt taliter significaret se ab hostibus obfessoribus extorsisse.
sic enim fieri inuicem decreuerant. Postea fugitando & latitando, plus nocte
quàm die pergens, disruptis calceis ferè nudipes, vsque ad fluuium Eufratem per-
uenit. Et quoniam navis abfuit, quod pavor optabat facere non distulit. Quid
igitur? Duos vtres, quos secum detulerat, vento inflauit, super eos se collocauit,

A & sic in flumen se impegit. Quem collegæ sui ignarum nandi commodè iuuantem sustentare studuerunt, & ad littus Domino ducente sanum deduxerunt. Et cum indè itinere insolito valde fatigatus esset, famelicusque & sitibundus anxius anhelaret, nec erat ei qui manum piè porrigeret: sub nuce quadam illic inuenta soppore tactus, membra labore fessa itineri attribuit, obumbrans se vepribus & fructetis, ne visus agnosceretur. Interim autem præcepit vni ex famulis suis, vt exploraret & imploraret aliquem indigenam, qui ei panem vel daret, vel vtrumque venderet. Inedia enim vexabatur valde. Cliens autem ille rusticum quendam Armenicum in campo propè inuentum, & consultè allocutum, adduxit ad Dominum suum caricas & racemos apud se habentem. Hoc enim fames desiderabat. Is autem cum dominum Goscelinum appropians agnosceret, procidit ad pedes eius, dicens: Vale Gosceline. Qui audiens quod nolebat, territus respondit: Non sum ille quem dicis. sed Deus illum adiuuet vbicumque sit. Rusticus ait: Noli, quæso, notitiam tuam celare, quoniam te proculdubio benè agnosco. Sed reuela mihi quid, & quomodo in his partibus tibi accidit, nec ex paucis moneo. Cui rursus Comes. Miserere, inquit, mei, quicumque es, nec miseriam meam inimicis meis innotescas obsecro: sed ad saluationis locum deduc me, vt vnum pro mercede nummismata merearis accipere. Ego enim de captione Balac Deo propitiante egressus, aufugio: de castro scilicet, quod *Carcapeta* nuncupatur, quod in Mesopotamia cis Euphratem est. Benè enim operaberis, si mihi in hac necessitate subueneris: ne ampliùs in manus Balac incidam, & infortunatus peream. Quod si vsque *Turbezel* castrum meum te mecum venire placuerit, omnibus diebus vitæ tuæ benè tibi erit. Dic mihi igitur, quæ & quanta in his locis possessio tua, vt maiora si vis apud me tibi diligenter restituam. Et ille: Non quæro, inquit, à te quicquam. sed quòd vis saluum te perducam. Olim enim, vt reminiscor, me ante te fecisti comedere benignè panem. Quamobrem præsto sum tibi reddere talionem. Vxorem, Domine, habeo, vnicamque paruulam filiam, simulque vnam asellam: duos etiam germanos, duosque boues. Committo autem me tibi, quia vir sapientissimus es, & prudens. Iamque cum meis omnibus tecum vado. Porcellum vnum insuper habeo. Hunc ego coquam, & huc tibi afferam. Sine frater, inquit, vnum enim porcum non es assuetus vno prandio mandere. nec expedit te aliqua suspitione vicinos tuos commouere. Tunc ille iuit, & cum suis omnibus sicut decreuerat rediit. Ascendit ergo Comes rustici asellam, qui quondam solitus erat equitare mulam per optimam; baiulans ante se infantem, feminam videlicet, & non marem. Et quam non licuit generare, ac si genitorem licuit gestare. Non vt sibi ex progenie haberet contiguam, sed vt spem filiationis nescientibus monstraret esse certam. Sed cum cœpisset infans plorando & vociferando Comitem assidue molestare, nec posset eam villo modo pacare, nec aderat altrix quæ lactaret, aut quæ fescenninis mulceret: meditatus est collegium ob id ei forte nosciturum timidus deferere, & segregatim tutiùs incedere. Sed cum hoc aduertit rustico displicere, noluit eum conturbare. sed perseuerauit in cœpto labore. Et cum peruenisset *Turbezel*, talium hospitum læta fuit valde susceptio. Gaudet quippe vxor, exultat familia. Nec ambigit nostra conscientia, quanta gloriati sint omnes læticia, & quantæ lacrimæ præ gaudio funduntur, & affluunt suspiria. Fit etiam rustico indilatè de humilitate digna remuneratio. Pro vno bouum iugo continuò recepit duo. Sed quia non oportuit in his diu morari, Comes indilatè iuit Antiochiam, deindè Hierusalem. Et redditus illic debitis Deo gratiarum actionibus, obtulit geminas compedes secum allatas, quas deuotè in monte obtulit Caluariæ, ad memoriam captionis, & ad gloriam suæ liberationis. Vnæ quidem fuerunt ferreæ, alteræ verò argenteæ. Post triduum autem exiit de Hierusalem, Dominicam sequens Crucem, quæ vsque Tripolim iam delata erat. Iturus enim erat cum ea Hierosolymitanus exercitus vsque *Carcapeta* castrum Balac: vbi Rex & quamplures alij non in carcere, sed in castris firmitate tenebantur. Benedictus autem sit vniuersalis Dominus, qui voluntatem suam & potestatem ita modificat, vt potentem de excelsis cum vult præcipitet, & de pulvere pauperem sublimet. Manè itaque BALDVINVS Rex imperauit, serò autem seruus seruiuit. Goscelinus quoque nihilominus. Liquet vtiq; in hoc seculo nihil esse certum, nihil stabile, nec etiam diu gratum. Idèd terrenis inhiare non

1123. est bonum, sed cor habere ad Deum semper intentum. nec confidamus in cadu- A
cis, nec alienemur æternis.

Iam nunc terdecimum complens, prout æstimo, lustrum,

Regem non vidi, velut hunc in carcere plecti.

Significet si quid ignoro quidem, Deus hoc scit.

XXV. EVNTIBVS ergo Hierosolymitanis quorsum ire fuerat statutum, glomeran-
tur eis apud Antiochiam Tripolitani atque Antiocheni. Sed cum Turbezel peruc-
nissent, intimatur eis Regem denuò esse captum, & oppidum in quo clausus erat
Carram nominatum. Hoc autem audito, mutatur consilium, & iubetur illicò edi-
ci reditus. Et cupientes sibi aliquid prodesse, cornicine significante, diuerterunt
ad urbem Calipsum: & vastauerunt & dissipauerunt omnia quæ intrinsecus repe-
rerunt. cum primitus intra mœnia ferociter contra eos omnes qui exierant impu-
lissent. Sed cum per quatuor dies ibi morantes nil ampliùs fecissent, ad sua re-
meare statuerunt, iam alimoniorum penuriâ vexati. Goscelinus verò Comes in ter-
ritorio Antiocheno tunc remansit. Et cum vsque Ptolomaidam regressi fuissent,
antequam affines Sarraceni hoc aduertissent, Iordanem subito itinere transierunt.
Et cum per regionem illam, quæ monti Galaad & Arabiæ contigua est, percucur-
rissent, & de Sarracenorum utroque sexu bestiis que plurimis greges diripuissent:
cum ingenti carratamelorum atque ouium, infantum quoque ac puberum, Ty-
beriadem eis proximam redierunt. & dispersito pro more inuicem elemento, Hie-
rusalem vndique conuenerunt, & Crucem Domini allatam in loco suo reposue-
runt. Nunc autem reuerti decet ad id quod aliquantulum prætermiseram. B

XXVI. CVM audisset Balac quod apud Cartapetam contigerat, & quemadmodum
Comes Goscelinus de captione euaserat, quantociùs potuit illuc ire non distulit.
Et Regem blandè tunc allocutus, flagitauit vt redderet ei castellum suum tali
pactione, vt datis obsidibus electis, eum quietum abire permitteret, & vsque
Edessam vel Antiochiam fideliter duci faceret. Alioquin vel vni eorum, vel am-
bobus in deterius fortuna prodiret. Sed cum Rex hoc concedere noller, diro
effertus animo Balac, minatus est & Regem & castrum violenter comprehende-
re, & de inimicis suis vindictam proculdubio facere. Qui iussit illico rupem, su-
per quam situm erat castrum, subfodi, & per cumulum sudibus dispositis opera
suspendi, illatæque silua ignem immitti. Succensis autem fulcimentis, cauea re-
pentè subsedit: & turris quædam huic incendio proxima cum magno sonitu de-
cidit. Primò quidem cum puluere fumus excitatus est; cum ignem ruina conclu-
deret. Sed postea materia, quæ premebatur, flammâ iam clarior apparère cœpit:
& repentini facti Regem occupat stupor, qui hanc molitionem ægrè ferebat. &
ita spes eum cassâ refrixit, quem tantus casus terruit. Itaque tota virtute sua cum
sensu perditâ, Rex & sui clementiæ Balac supplices additi sunt; nihil nisi suppli-
cium secundum merita expectantes. Regi tamen indulta vitâ pepercit, & cuidam
nepoti suo, simul etiam & Gualeranno. Armenos autem, qui adiumento Regi C
contra Balac extiterant, alios quidem suspendit; alios verò excoriat, quosdam
nempè per medium ense cæcidit. Regem autem cum tribus de suis e castro eiecit,
& ad Carram ciuitatem adduci fecit. Et quia procul à nobis facta hæc aberant,
vix certitudinem rei addiscere poteramus. Verumtamen quàm veriùs potui, à re-
latoribus mihi intimatum cartæ commendavi.

Sic pluuies artus sitibundus desinit annus.

Vnde Hierosolymi crebro sunt murmure questi.

Gesta quater decem currant huc vsque per annos

Post iter incæptum peregrinis vndique notum.

1124. ANNO à Domino IESV nato M C X X I V. cum Natale Saluatoris tam in
XXVII. Bethleem quàm in Hierusalem, vt decuit, celebrassemus, cui celebritati Dux Ve-
neticorum cum suis deuotè interfuit: confirmatum est communi & gratuita vo-
luntate sub iureiurando, obsidionem circa Tyrum vel Ascalonem post Epipha-
niam agere. Sed quia nos pecuniæ inopia vniuersos tunc arebat, colligitur mul-
ta virorum militiæ & clientelæ conductuæ impertienda. Non enim poterant tan-
tum negocium sine donatiuis expedire. Quamobrem oportuit nos etiam precio-
siora Ecclesiæ Hierosolymitanæ ornamenta colligendo numismate creditoribus
oppignerari. Igitur sicut interminatum est, & vbi nominatum est, vndique conue-
nerunt omnes.

De Tyri ob-
sidiione præ-
parata.

*Cum iter fusor aqua valido reparatur ab igne,
Plebs de Hierusalem communiter exit in hostem.
Hoc fit & in prima feria, Luna quoque prima.*

1123.

ITAEQUE Achon profecti disposuerunt una cum Veneticis Tyrum adire & **XXVIII.** obsidere. Patriarcha igitur cum suis subditis, Dux verò cum nautis & nauibus suis urbem Tyrum obsidere xv. Kalend. Martij accinxerunt, introeunte tunc Pisces Sole gemellos. Hoc autem audito, Ascalonitæ, qui solita protervia numquam mansuescieri potuerunt, nobis facere damnum pro posse non distulerunt. Quadam quippe die, tripertito exercitu suo, maiorem cohortium suarum partem Hierusalem adduxerunt. qui extemplo octo homines extra urbem, qui vineas putabant, truciter peremerunt. Quorum aduentu comperto, super arcem Davidis tuba mox intonuit, hoc nobis significans. Et procedentes aduersus eos Franci nostri atque Syri, audacter obstiterunt. Et cum tribus diei horis alterutro conspectu ad tædium se fatigassent, effectis quamplurimis sauciatis, mœsti abierunt. Nostri siquidem paulatim eos insecuti sunt. Et quia militibus carebant, insidias eorum veriti, non præsumperunt eos diu sequi. Ad extremum tamen de capitibus eorum amputatis septem & decem retenta sunt, totidemque equi. Tres equites viui, alij verò ex eis sunt occisi. Quòd si milites haberemus, pauci ex eis euassissent. Equitatus enim noster in exercitu erat. Tunc Deus laudatur, cui semper laus debetur.

INTEREA loci coangustantur Tyrij in vrbe sua proximè inclusi: nec pacem **XXIX.** querentes, nec capi cedentes. Diuitiis enim opulenti, & maris præsidio circumfulti, consueverunt semper esse ingrati. Hæc est quidem cunctis urbibus, quæ in terra sunt promissionis, ditior & nobilior: præter Azor, quam antiquitus Iabin Rex Chananzorum possedit. quam Iosue postea cum plurimis destruxit. Quæ quidem, ut legimus, nongentis turribus munita gloriabatur. Iosephus autem tria millia curruum falcatorum fuisse narrat. Armatorum verò trecenta millia, & decem millia equitum habebat. cuius militiæ Sysara dux extitit. Hæ vrbes Tyrus & Azor in Terra Phœnicum fuerunt institutæ. Hæc institutoribus & negotiationibus munitissima: illa verò infinita gente populosa. Hæc in marino littore sita: illa verò in campestribus est collocata. Quando Gedeon vindicabat Israël, tunc temporis Tyrus condita fuit paulò ante Herculem à Phœnicibus. Vrbs enim in Terra Phœnicum est. Hæc est, ad quam Isaias loquitur, minans eam propter superbiam suam. in qua optima purpura tingitur. unde & de Tyria dicitur nobilis purpura. Tyrus interpretatur angustia, quæ *Seor* Hebraicè dicitur. Rex autem Assyriorum Salmanasar pugnans contra Syriam & Phœnicem expugnauit eam, cum in ea regnaret Heliseus. Nolebant enim Regi Assyriorum Tyrij esse subiecti. Hoc equidem per quinquennium actum est. De hoc Menander scribit, Iosephus quoque latius. Tunc temporis pelagus transfretantes Tyrij duce Didone Beli filia, Carthaginem in Africa condiderunt. Cuius situs xxx. millia passuum muro amplexantur, & penè tota mari cincta ab Orosio Historico fuisse describitur absque faucibus, quæ tribus millibus passuum aperiebantur. Is locus murum xxx. pedes latum habuit, saxo quadrato ad altitudinem cubitorum xl. Arx, cui *Bisse* * nomen fuit, * *In edis.* *Birfe* paucò ampliùs quàm duo millia passuum tenebat. quæ septingentesimo anno post conditionem eius omni lapide diminuto confunditur. Quæ ante urbem Romam duos & septuaginta annos ab Helyssa condita inuenitur. Hanc Publius Scipio superioris anni Consul suprema sorte molitus est. quæ continuis decem & septem diebus miserabiliter arsit.

TYRVS autem superiùs memorata lxx. annis iuxta Isaiam depopulata elan- **XXX.** guit. A qua recedentibus Cetheis, reduxit eos Helisæus Rex. Contra quos Sal- *De Tyri ca-* manasar Rex Assyriorum denuò insurgit. Recessit à Tyro tunc ciuitas *ptinitate an-* Sidon, & *tigna, & à* Arce, & antiqua Tyrus, & multæ aliæ simul vrbes: quæ semetipsas Regi Assyrio- *quibus an-* rum tradiderunt. Quapropter Tyriis non subiectis, iterum aduersus eos egressus *quitur suis* est, Phœnicibus ei naues lxx. exhibentibus, & remiges dccc. Contra quos *expugnata.* Tyrij nauigantes in xli. nauibus, dispersis hostium nauibus ceperunt captiuos viros quingentos. Vnde honor Tyriorum propter hoc creuit quàm maximè. Reuertens autem Assyriorum Rex, disposuit custodias super flumen, & aquæ ductu circuiuit, ut Tyrios haurire pocula prohiberent. Et cum hoc quinque annis factum

1124. esset, tolerauerunt, de effossis puteis bibentes aquam. Hæc itaque in arcibus Ty-
 ri de Salmanasar Rege Assyriorum conscripta sunt. Hic est, qui Samariam obsedit,
 & cepit eam anno Regis Ezechiae sexto, & transtulit Israël in Assyrios. Ante quem
 venerat etiam Phul Rex Assyriorum, & post eum Tegladphalassar Rex Assur, qui
 cepit Cedes & Asor in Neptalim, & prope Paneas, & Ialoe, & Galaad, & vniuer-
 sam Galileam. & transtulit eos in Assyrios. Venit quoque Sargon Rex Assyrio-
 rum, qui misit Tartham pugnare contra Azotum, & cepit eam. Itaque propter
 peccata populi vastata est Terra promissionis, & in captiuitatem ducta: prius Assy-
 riis, deinde Chaldeis. Nabugodonosor enim tam Chaldeus quam Babylonius Rex
 obsedit & cepit Hierusalem. Vnde Sedechias Rex fugiens captus est iuxta Hie-
 richo, & ductus ad Regem Babylonis in regionem, quæ Reblata dicitur, in terra
 Emath. Hieronymus dicit Emath magnam esse Antiochiam, minorem verò
 Epiphaniam. Ibi fecit Nabugodonosor oculos Sedeciae erui, & filios eius coram
 se iugulari. Tunc venit Nabuzardan Princeps militiæ eius, & incendit Domum
 Domini, & domum Regis: & totum murum destruxit per circuitum. Post tem-
 porum autem interualla venit Alexander, qui Tyrum obsedit, & cepit, subiugata
 Sidone, prius autem Damasco. Gaza quoque ab eo capta per duum mensium spa-
 cia. qui circa Tyrum septem mensibus fuerat, ad ciuitatem Hierosolymam festi-
 nauit. Honorificè susceptus, Principem Sacerdotum nomine Iaddim plurimis
 honoribus prosequitur, habentem thydarim super caput eius, & stolam auream
 iacinthynam, & super laminam auream, in qua nomen Dei scriptum erat, solus
 adiens diligenter adorauit. Et disposita Hierosolyma, ad reliquas ciuitates exer-
 citum suum conuertit. Post annorum plurium spacia, peccatis Iudeorum exigen-
 tibus, Antiochus Epiphanes legem eorum impugnans, Machabeos valde coarta-
 uit. Post hunc venit Pompeius, qui Hierusalem infeliciter dissipauit. Ad vlti-
 mum verò Vespasianus cum Tito filio suo venit, qui penitus eam destruxit. Ita-
 que per varios rerum euentus vsque ad tempora nostra, & ciuitas sancta, & patria
 ei subdita præcipitanter extitit vexata. Plerumque Palestina, interdum Phœni-
 cea, quæ à Phœnice Cadmi fratre nomen accepit, est vastata. Tum Samaria, tum
 Galilea, quæ tamen bipartita determinatione distinguitur. Nam altera superior,
 altera quidem inferior appellatur. quas ambisariam Phœnicæ & Syria cingunt.
 Illa nempe, quæ est trans Iordanem, à Macheronta in Pellam capit longitudinem,
 & à Philadelphia vsque Iordanem habet latitudinem. Pella quippe Septentrio-
 nalis eius est tractus, Iordanis verò Occiduus: Meridianus autem Moabitude ter-
 minatur regione: ab Oriente Arabia & Philadelphia, itémque Gerasidis claudi-
 tur. Samariensis autem regio inter Iudeam & Galileam sita est. At Iudeæ latitu-
 do à Iordane vsque Ioppem explicatur. media verò ciuitas eius est Hierusalem,
 quasi vmbilicus eius terræ sit. Porro inferior Galilea, quæ ex Tyberiadē vsque
 Zabulon, & vsque Ptolomaidam tenditur, & Carmelum-montem Tyriorum,
 continet intra se Nazareth, & Sephorum ciuitatem validissimam, Tabor etiam,
 & Cana, cum pluribus aliis. Hæc siquidem Libano accingitur, & fontibus Ior-
 danis, vbi nunc est Paneas, siue Dan alio nomine, siue Cesarea Philippi, circa
 quam Turconitidis * est regio, & Nabatea. A Meridie est Samaria, & Scitopolis,
 hoc est *Bethsan*. Iudeæ autem Bersabee ciuitas dat limitem, intra quam sunt
 Tamna, & Lidda, Ioppe, & Iamnia, Thecue, & Hebron, Astaol, & Saraa, &
 multæ aliz. Nunc ad callem redeo, qui diuersas semitas diu discurre.

* In edit.
 Traconidis

XXXI.

De bello &
 victoria Ar-
 tiochenorū,
 & de morte
 Balac.

Cum igitur circa Tyrum in obsidione ad machinas præparandas laboraremus,
 nihilominus Balac contra nos cornu suum cum complicitibus suis extollere non
 cessabant. Qui ex vrbe Calipto egressus, quæ vulgò *Halapia* nuncupatur, mense
 Maio intrante cum quinque millibus equitum septémque millibus peditum per-
 rexit Hierapolim, quam urbem *Mombech* vulgus vocitat. Et cum possessor eius
 eam illi reddere nollēt, extra urbem eum ad se tunc euocatum nefariam decolla-
 uit. Quæ vrbe Balac protinus obsessa, non latuit Goscelinum Antiochiæ tunc mo-
 rantem: & habita inde legatione, accelerauit illuc ire cum Antiochenis. Licet
 enim paucissima gens esset Christicolarum, non paucauit Goscelinus aggredi
 multitudinem perfidorum. Nec mora diu protracta, commissa est ferociter pu-
 gna. Deo autem suffragante, postquam Turci ter sunt confusi, ter ad pugnam
 audaciter regregati, Balac in ea pressura sauciatus ad mortem, pro posse diuertit
 mori-

A moribundus in partem. Quod cum extimplo sui comperissent, qui potuerunt fugere non torpuerunt. Potuerunt quidem plerique fugere, sed nequaquam effugere. Referuntur enim tria millia ex eis fuisse interemptorum, qui equites erant. De peditibus autem ignoratur numerus. De nostris verò xxx. milites, ibi perempti occubuerunt: de pedestri autem clientela l. x. ferè. Volens autem certitudinem rei scire Goscelinus, an Balac esset mortuus, an aliquatenus esset viuus: cum sollicitè perscrutarentur, qui hoc inter necatos exquirebant, armorum indicibus cognitorum à cognitis cognitus est. Cuius caput qui amputauit, Goscelino gratulabundus detulit. à quo numismata, sicut se illi daturum sponderat, lucratu accepit. Caput siquidem continuò Antiochiam ad declamationem rei gestæ Goscelinus deferri fecit. Quod ipse, qui in stercia sua detulit vsque Tyrum, itémque Hierusalem, nobis vniuersis & enarrauit & declarauit. qui etiam in prælio memorato cum præliantibus præsens fuit. Armiger quoque Goscelini erat ipse. Et quia nuncium attulit desiderantissimum in exercitu nostro ante Tyrum assistentem, acceptis armis ab armigero in militem prouectus est. Comes nempe Tripolitanus ad hunc gradum cum sublimauit. Et laudauimus & benediximus omnes Dominum, quia suffocatus est ille draco sœuissimus, qui Christianismum diu tribulauerat & pessumdederat.

Sol decies nouies lustrat lumine Taurum;

B *Quando Balac cecidit; vel cum fortuna fefellit.*

Ecce sic interpretatio somnij superiùs memorati declarata est, quod quasi vaticinans ipse Balac de seipso dixerat tempore illo, quo Goscelinus de captione mirabiliter euasit. Videbat enim in visu à Goscelino sibi oculos erui. Verè penitus eruit, quoniam caput & membra illi penitus abstulit.

Nec videt, aut audit, nec fatur, nec sedet, aut is:

Nec celo, nec humo, nec aquâ locus eius habetur.

QVADAM verò die, dum in obsidione memorata securi quiescerent qui circumfidebant, oportunitate considerata egressi sunt de ciuitate Tyrij, tam Turci quàm Sarraceni, patefactis portis: & ad machinam nostram inter ceteras fortiorum occurrentes, nudatis frameis vnanimiter accurrerunt. & antequàm arma nostri caperent, quos in machina custodes inuenerunt foras sauciando pepulerunt. Et incenderunt eam igni, qua solebant turres antea iactis lapidibus conquassari, & vehementissimè perforari. In qua impugnatione xxx. homines perdidimus. illi autem duplex repererunt damnum. Ciues quippe per muri minas nostros tam sagittis quàm lapidibus siue spiculis crebrò valde lædebant, & vulnerabant. Interim autem Venetici nostri secunda vñ fortunâ satis, carabum suum ingressi, qui non erant nisi quinquo tantum, domunculam vnā, quam iuxta murum vrbs repererunt, diripuerunt: duobus ibi capitibus amputatis. Qui tunc sine cunctatione cum lucello suo gratulabundi foras remeauerunt. Actum est hoc C x. Kal. Iulij. Sed minùs valuit, cum paulo ante Tyrij liburnam vnā noctu clepserint, & intra urbem per portum traxerint. In huiusmodi enim certaminibus talia fieri sæpè contingit.

Hic cadit, hic surgit: hic plorat, gaudet & ille.

SCIENTES autem Ascalonitæ gentis nostræ paucitatem, vbi magis æstimauerunt nos debilitare, vel damnum inferre, non pigruerunt molestare. Nam prope Hierusalem viculum quendam *Birrum* nominatum vastauerunt, & concremauerunt: & abspertis omnibus reclusis illic inuentis, cum aliquantis mortuis & pluribus vulneratis abierunt. Mulierculæ enim & infantes in turri quadam tempore nostro illic ædificata se intromiserunt. & sic saluati sunt. Itaque per terram excurrentes, diripiebant, necabant, captiuabant: quodcumque malum poterant faciebant, nec erat qui eis resisteret. Intenti enim eramus omnes ad obsidionem, misericordiam expectantes supernam. quatenus laborem nostrum Deo factore & adiutore valeamus consummare. Erat enim impatibile & nocte lucubrare, & die laborare.

VIDENS autem Rex Damasci Turcos suos & Sarracenos, qui erant in vrbe circumclusi, nullo modo posse de manibus nostris euadere, maluit cum aliquo dedecore viuos eos redimere, quàm mortuos plorare. Quæsiuit ergo per interlocutores sagaci consilio, quatinus homines suos cum rebus eorum omnibus foras exciperet, & urbem vacuatam nobis relinqueret. In quo cum vtrunque diu

Tom. IV.

E E c

1124. Iustaremur, obsidibus ambifariam datis, illi de vrbe sunt egressi, & Christiani pacifice introgressi. Quicumque autem ex Sarracenis in vrbe remanere voluerunt, sub conditionis ratiocinio in pace remanserunt.

Sub Cancro Phœbus fuerat sex decies ortus,

Quando Tyrus capitur, & redditur, ac superatur,

Nam Nomus Iulij contigit hoc fieri.

Non est cessandum, non est etiam tardandum, quærare Dominum nostrum adiutorem in tribulationibus, ~~pium~~, benignum: & precibus pulsare eum, ut nobis pulsantibus pium præbeat auditum. Hoc equidem in Hierusalem feceramus, persæpe Ecclesias visitando, lacrimas fundendo, eleemosynas impertiendo, corpora ieiuniis afficiendo. Quod Deus, ut credo, de supernis aspectans, non reliquit post se benedictionem, sed exaudiuit deprecationem nostram. Quod cum aliquem addiscere rumusculum auribus apertis expectabamus, ecce legati tres festinantissimè venerunt nobis nunciantes, & Literas à Patriarcha nostro deferentes, & urbem captam esse innotescientes. Quo audito, clamor iocundissimus attollitur, *Te Deum laudamus* illic vocibus altissimi decantatur. Signa pulsantur, processio ad Deum deducitur, vexilla in muris & turribus eleuantur. per omnes vicos ornamenta multicoloria extenduntur, gratiarum actiones depromuntur. nuncij pro meritis dignè remunerantur. pusilli & magni pariter congratulantur. puellæ in cantilenis, in choreis delectantur. Rectè mater Hierusalem **B** gaudet de Tyro filia, cuius à dextera sedit amodò coronata. Luget & Babylon, consolatione eius perdita: cuius amminiculo dudum extiterat suffulta, cuius classem quotannis nobis hostilem excipiebat. Hæc verò etsi minoratur pompa, augmentatur diuina gratia. Nam quæ apud Ethnicos ciuitas habuerat in Magisterio Primiflaminem, vel Archiflaminem: secundum Patrum institutionem habebit *Primates* vel *Patriarcham* in lege Christiana. Vbi enim Archiflamines erant, *Archiepiscopi* in lege Christianorum sunt instituti, qui singulis Prouinciis præfint. Vbi *Metropolis* erat, quæ interpretatur mater ciuitas, *Metropolitani* erant, qui de tribus aut quatuor ciuitatibus intra aliquam Prouinciam matri & maiori aliarum ciuitati præsidebant. Vbi autem minores ciuitates habuerunt solummodò Flamines vel Comites, *Episcopi* sunt constituti. Porro Tribuni plebis non absurdè intelliguntur *Presbyteri*, siue reliqui inferioris Ordinis Clerici. Sic omnis mundana potestas his gradibus dignitatum à se inuicem distat, id est ut primus sit Augustus, vel Imperator. Deinde Cæsares, deinde Reges, Duces, Comites. Sic dicit Clemens Papa, Anacletus, Anicius, & plures alij. Demus ergo laudes Deo altissimo, quia non hominum virtute, sed sua beneplacita voluntate, sine sanguinis effusione nobis Tyrum reddidit, urbem inclitam, urbem fortissimam, & ad capiendum difficillimam, nisi Deus manum apponeret dexteram. In hoc quidem Antiocheni deliquerunt, qui nullum auxilium nobis præbuerunt, nec labori huic adesse voluerunt. Benedicatur autem **P O N C I V S** Tripolitanus, quoniam adiutor nobis **C** fidelissimus. Pacificet Deus Antiochenam Ecclesiam cum Hierosolymitana Ecclesia, quæ dux dissident de Tyria tertia. Illa dicit hanc sibi fuisse subditam sub Græcorum tempore. Hæc dicit se esse communitam Priuilegiis à Romano Pontifice. Nam in Concilio Aruernensi tam autentico & nominatissimo constitutum vnanimi assensu fuit, ut quæcumque ciuitas mari magno transito à Paganorum posset excuti iugo, sine contradictione perhenniter obtineretur. Hoc etiam in Antiocheno Concilio Episcopo Podiensi magistrante replicatum, & concessum ab omnibus est. In Hierusalem quoque Dux **G O D E F R I D V S** & domnus Boamundus acceperunt Terram suam à Patriarcha Daiberto propter amorem Dei. Idem **P A S C H A L I S** Papa Priuilegiis suis corroborauit, & ea Ecclesie Hierosolymæ transmisit, quibus Ecclesia Romana sic auctorisante iure perpetuo communitur. In quibus Priuilegiis hæc inscripta continentur.

XXXV. **P A S C H A L I S** *seruus seruorum Dei, reuerentissimo Fratri Hierosolymitano Patriarchæ GIBELINO & successoribus eius canonicè promovendis. Secundum mutationes temporum transferuntur etiam Regna Terrarum. Vnde etiam Ecclesiasticarum Parrachiarum fines in plerisque Prouinciis mutari expedit & transferri. Assanarum siquidem Ecclesiarum fines antiquis fuerunt diffinitionibus distributi. Quas distributiones diuersarum diuersæ fidei gentium confudit irruptio. Gratias autem Deo, quod nostris temporibus &*

*Prius legimus
PASCHALIS
Papa.*

A *Antiochia & Hierosolyma ciuitates cum suburbanis suis & adiacentibus Prouinciis in 1124. Christianorum Principum redactæ sunt potestatem. Vnde oportet nos diuina mutationi & translationi manum apponere, & secundum tempus qua sunt disponenda disponere: ut Hierosolymitana Ecclesia vrbes illas & prouincias concedamus, quæ per gloriosi Regis BALDVINI prudentiam, ac exercituum cum sequentium sanguine per Dei gratiam acquisita sunt. Presentis decreti pagina tibi, Frater carissime & Cœpiscopo GIBELINE, tuisque successoribus, & per vos sancta Hierosolymitana Ecclesia Patriarchali Metropolitano, iure regendas disponendâsq; sancimus ciuitates omnes, atque prouincias, quas sub prædicti Regis ditione aut iam restituit, aut in futurum restituere diuina gratia dignabitur. Dignum est enim, ut Sepulcri Dominici Ecclesia secundum fidelium militum desideria competentem honorem obtineat: & Turcorum vel Sarracenorum iugo libera, in Christianorum manu abundantius exaltetur.*

EXPLETIS autem apud Tyrum prout oportuit negociis, & tripartita diuisione dispositis, & æquiparatione congrua duabus portionibus Regiæ scilicet dignitati, & tertia hereditario iure Veneticis tam in vrbe quàm in portu singillatim contraditis, recesserunt omnes ad sua. Reuertente autem Hierosolymitano Patriarcha Hierusalem cum Hierosolymitanis, Crucem Domini sacrosanctam digna cum veneratione suscepit Clerus & populus.

XXXVI.
De portionibus circa Tyrum constitutis.

B *Huc vsque editio I. Bongarsij. Quæ sequuntur addita sunt ex MS. Codice.*

DEINDE apparuit nobis Sol per vnam ferè horam fulgore colorifero, in nouam vel iactiuam formam commutatus, & in specie Lunæ tanquam eclypsi quadam biformis transmutatus. Hoc accidit quippe 11. Idus Augusti, hora dici iam prætereunte nona. Noli ergo mirari cum vides signa in cœlis, quia nihilominus operatur Deus in terris. Sicut enim in cœlestibus, ita & in terrenis transformatur & componit quæcumque & quomodo vult. Quod si mira sunt quæ fecerit, mirabilior est qui ea fecit. Considera & mente recogita, quomodo tempore in nostro transuertit Deus Occidentem in Oriente. Nam qui fuimus Occidentales, nunc facti sumus Orientales. Qui fuit Romanus aut Francus, hac in terra factus est Galilæus, aut Palæstinus. Qui fuit Remensis aut Carnotensis, nunc efficitur Tyrius aut Antiochenus. Iam obliti sumus natiuitatis nostræ loca. iam nobis pluribus vel sunt ignota, vel etiam inaudita. Hic iam possedit domos proprias & familias quasi iure hereditario & paterno, ille verò iam duxit uxorem non tamen compatriotam, sed & Syram aut Armenam, & interdum Sarracenam, baptismi autem gratiam adeptam. Alius habet apud se tam socerum quàm nurum, seu generum suum, siue priuignum, necne vitricum. Nec deest huic nepos, seu pronepos. Hic potitur vineis, ille culturis. Diuersarum linguarum cōiuntur alternatim eloquio & obsequio alterutri. Lingua diuersa iam communis facta vtrique nationi fit nota, & iungit fides quibus est ignota progenies. Scriptum quippe est: *Leo & bos comedit paleas.* Qui erat alienigena, nunc est quasi indigena. & qui inquilinus est, vtrique quasi incola factus. Nos nostri sequuntur de die in diem propinqui & parentes, quæcumque possederant omnino relinquentes, nec etiam volentes. Qui enim illic erant inopes, hic facit eos Deus locupletes. Qui habuerant nummos paucos, hic possident bifantios innumeros: & qui non habuerant villam, hic Deo donante iam possident urbem. Quare ergo reuerteretur in Occidentem, qui hic inuenit taliter Orientem? Nec vult eos penuriâ Deus affici, qui cum crucibus suis deuouerunt cum sequi, imò denique assequi. Percipitis igitur esse hoc miraculum immensum, in vniuerso mundo valde stupendum. Quis audiuit hactenus tale? Vult ergo nos Deus omnes lucrifacere, & ut amicos carissimos ad se adtrahere. Et quia vult, nos quoque voluntariè velimus: & quod illi placet benigno corde & humili faciamus, ut cum eo feliciter regnemus.

OMNIPOTENTE Deo fauente, de Turcorum custodia Hierosolymorum Rex 14. Kal. Septembris exiit, cum mensibus x 11. pauloque magis sub eorum vinculis detentus esset. Sed quia pro redemptione sui obsides eis electos primarius contradere oportuit, non omnino liber exiit: cum se & illos incerta & pendula

XXXVIII.
De Regis a vinculis liberatione, & obsidione urbis Halapie.

1124. spe anxius obligauerit. Vnde consilio necessitati postmodum adhibito, urbem A Caliptum obside accelerauit, quatenus ipsa cohibita, vel obsides suos à ciuibus extorqueret, vel fortè fame vexatam comprehendere posset. Didicerat enim panis inopiâ eam valde angustari. Ab Antiochia magna XL milibus ciuitas hæc discrepat. quò in loco ab Abraham, quando de Carram in terra peregrinabatur Chanaan, pecora sua tam foetentia quàm foetata in pascuis illic vberrimis faciebat opiliones suos pascere. insuper lac eorum in mulâtris faciebat mulgeri, deindè coagulari, coagulatúmque in fiscinis exprimi, & formagia confici. Diues enim erat valde omnigenûm rerum possessione. CALIXTVS Papa obiit XII. Kalend. Ianuarij.

1125. A N N O à Saluatore mundi nato MCXXV. Indictione III. cùm mensibus XXXIX. v. Hierosolymitanus vnà cum suis Halupiam urbem Rex cohibuisset, nec quicquam profecisset: Turci, vt solent, non torpidi, transgresso flumine Paradisiaco Euftrate magno, itinere citissimo properauerunt ad urbem prædictam, ad disperdendam obsidionem, quam gens nostra iam diu apposuerat circa illam. Verebantur enim, nisi citissimè subuenirent, in proximo eam fore capiendam. Fuerunt autem septem millia equitum, camelorum quoque annonâ & alimentis onustorum, ad quatuor ferè millia. Sed quoniam aduersus eos præualere nostri non potuerunt, necessariò cesserunt, & ad oppidum eis proximum *Careph* nominatum die sequenti diuerterunt. Erat enim illud nostrum. Turcorum enim pars vna nostros aliquantisper cùm insequerentur, duos de suis probioribus equis deiectos atque peremptos illic amiserunt. Nos verò clientem vnum, sex quoque tentoria. Accidit aduentus eorum III. Kalend. Februarij. Sed quia noctu repentini aduenerunt, propterea imparatos nos faciliùs inuenerunt, & confuderunt. Vilissimum ergo dictu, inhonestum scitu, tædium relatu, pudor auditu. Sed qui hoc narrò, à veritate non deuiò. Quid ergo? voluntati Dei quis resistit? Verum est autem prouerbum, quod quidam Sapiens dixit: *Futura non pugnant, nec se superari sinunt.* Erat hoc verum futurum, sed nemini præscitum. Si enim fuisset præscitum, numquam posset fore futurum: quia de meditatione veniret ad nihilum sine voluntate. Nam cassaret qui præsciret, ne ad factum res exiret. Rex autem deinde secessit Antiochiam, Goscelinûsque cum eo. Obsides verò, quos posuit pro se Rex quando de vinculis exiit, neque sunt redditi, neque redempti. Itaque tam Hierosolymitani quàm Tripolitani omnes ad sua remeauerunt. Obuiat autem diuina dispensatio ei, quem prosperiorem facit humana probitas, ne cui conuenit ampliari patiatur. Quis enim alius vel bonorum dator, malorûmve depulsor, quàm rector aut medicator mentium Deus, qui ex summa cœli specula vniuersa conspicit & discernit? Qui Tyrum urbem fortissimam & gloriosissimam nobis Christianis suis paulò antè benignè tradidit, & possessoribus eius abstulit, nunc ei manum retrahere libuit. Fortassis liberioribus agricolis vineam suam excolere referuauit, qui C fructum ei vbertim reddere velint vel valeant oportuno in tempore. Quidam quidem cùm plus habent minus valent, nec largitori bonorum gratias quantas debent exhibent: verùm etiam Deo in his, quæ votis illi promittunt, sese fallentes, item itémque mentiando fallunt.

XL. C V M autem duobus ferè annis tentus, & vinculis compeditus à Paganis atrocissimè Rex fuisset, Hierosolymam suam reuersus rediit. quem III. Non. Aprilis vniuersi processione celebri suscepimus. Qui parum apud nos commoratus, Antiochiam festinanter rediit. Turcis terram illam iam vastantibus, quorum potentior Borsequinus erat nominatus, iunctis sibi sex millibus militum.

XLI. T V N C temporis vsque ad nos diuulgatur, Veneticos post Tyrum captam in repatriatu suo Insulas Imperatoris, per quas præteribant, Rhodum videlicet & Mothonem, Sanum quoque, & Chium, violenter comprehendisse, paritèrque mœnia diruisse, puberes & puellas miserabiliter captiuasse, pecuniam multimodam secum asportasse. Sed quoniam nequiuimus hoc commendare, in visceribus intimis hoc audientes condoluimus. Hi enim aduersus Imperatorem, hic quoque contra Veneticos crudelissimè vtròbique desæuiebant. Inimici enim erant ad inuicem. Sed vix mundo ab scandalis! vix illis etiam per quos scan-

Quid Rex Hierosolymis cū gaudio sit receptus.

De Veneticis, qui reuerentes Insulas Imperatoris vastauerunt.

A dala eueniunt! Si culpa est Imperatoris, malè quidem ipse imperat. Si autem Veneticorum, ipsi sibi damnationem adquirunt. De superbia quippe peccata procedunt vniuersa. Nónne superbit homo, quando facit quod prohibet Deus? Habent Venetici vlciscendi se occasionem, habet & Imperator defendendi se, vt ait, iustiore. Infantes autem in medio positi, & eorum iniuriæ non obnoxij luunt, & iniuste perdunt. Sed quid præterea dicendum est eis, qui raptu pyratice peregrinis Dei & Hierusalem pro amore Creatoris, cum labore & angore tantimodo euntibus in pelago mala quæ possunt facere non desistunt? Si beatificari Domino dicente merebuntur misericordes, quid contrarij pietatis recipiunt pro impietate sua immisericordes? Maledicuntur, excommunicantur, & impenitentes & perfidi moriuntur. Descendunt vltro tales in infernum viuentes. Apostolico non obediunt, Patriarcham contemnunt, sanctorum Patrum dicta vilipendunt. scio, scio quod eis dicere non formido. Futurum enim est, quod audient à Domino Iudice valde seuro: Nescio vnde sitis, qui ianuam vobis aperire clamatis. Et tardè venitis, & nihil boni vobiscum affertis. Immo ianua iam clausa est. Noluistis enim me audire, nec ampliùs dignor vos auscultare. Qui quondam clamaui, Venite: nunc omninò dico, Discedite. Dico, dico: amen dico. datam sententiam nullatenus commuto. Quod autem superest, horribile est, & impatibile est. sed perpetuum pro meritis vꝛ. Rerum autem ordinem continuandi gratiâ, & ne intercisa pendeat historia, summatim singula designare satagam.

Igitur Borsequinus, cuius tam probitatem quàm improbitatem ordiri iam XLII. cœpimus, cùm paulatim per singulos dies eius concreveret exercitus, oppidum quoddam vocitatum *Caphardam* obsidione arcuit, & arcitum comprehendit. Quod ei tradiderunt qui tutores eius erant, cùm diutiùs obtinere nequirent, nec subuentum aliundè habere sperarent. Necdum Rex noster illuc peruenerat, nec Comes Tripolitanus quem secum illuc ducebat. De Hierosolymitanis autem paucos habebat, quoniam in præsentī & in præterito anno valdè fatigati fuerant. Nam quomodo tot labores assiduè tolerare poterant, quibus vix vno mense in domibus suis quiescere licebat? Certè crudelis corde est, qui eis qui circa Hierusalem inhabitant piè non compatitur, qui die ac nocte in Domini seruicio grauissimè tribulantur. qui etiam, cùm de hospitio suo exeunt, ne reuerti postea possint timidi ambigunt. Si longè tendunt, necessariò alimentis suis & utensilibus onerati incedunt. Si pauperes vel agricolæ, aut lignarij sunt in saltibus & lucis: Ethiopum insidiis aut capiuntur, aut necantur. Hinc Babilonij terrâ & mari, ab Aquilone verò Turci plerumque accurrunt subitanei. Præsto quippe sunt aures & attentæ ad cornicinem audiendum, si fortè increpuerit bellicus tumultus. Quòd nisi interdum peccando deuiaremus, amici reuera Dei omninò essemus. Borsequinus autem humilem Syriam proculcans, & quid ei magis sit commodum sollicitè exquirens, *Sardanaium* castrum obsedit. Sed nihil illic proficiens, ad municipium *Hasar* nominatum exercitum suum conuertit. quod statim obsessum machinis & tormentis vehementissimè coërcuit. Cui Rex Damascenorum cùm properasset mandatus adiutum, audito Regis aduentu, iam callidè Borsequinus tentoria sua collecta cum sarcinis suis formidolosus emiserat. Et cùm vsque ad comprehensionem iam castrum angeretur, & tempus ad bellandi affectum nostros artaret: ecce Rex venit cum XIII. cuneis ordinatissimè præparatus. Ad cuius cornu dextrum Antiocheni constituti sunt. In lzuo duo Comites, Tripolitanus & Edessenus. Rex verò in tertio cum densiore & posteriore: cùm in XXI. phalangibus Turci diuisi essent. multitudo nempe erat copiosa. Iamiamque arcus tentos in brachia de manibus deponebant, & comminus ensibus extractis nudatisque dimicabant. Cùm Rex hoc viso haut diutiùs tardans, orationum munimine & signo crucis armatus, exclamando ADIVVA DEVS, & tubis vehementer sonantibus, imperum in eos & fecit, & fieri præcepit. Non enim pugnam incipere audebant, quò vsque Rex iussisset. Turcis siquidem potentissimè primitus resistentibus. Denique conditore vniuersorum opitulante, desperatione tabuerunt, & strage sub magna confusi in fugam & desperationem quibus licuit conuersi sunt.

*Quinques extortis in quinque Gemellis
Claruit hoc bellum, Domino præstante triumphum:*

Tom. IV.

E E e iij

XLIII.

*Quanti in
prælio sint
occisi.*

DE numero autem occisorum vel sauciatorum comprehendi veritas nec in hoc nec in alio quolibet bello potest: cūm nisi sub æstimatione talis summa à nemine taxetur. Sed multotiens varietas Scriptorum vtiq̃ue fallacia est, quæ quidem fallaciæ causa profectò adulatio est, dum victorum laudes accumulare, virtutemq̃ue patriæ extollere vel præsentibus vel posteris student. Vndè lucidissimè patet, quoniam tali impudentia mentiendi & occisorum hostium numero adiungunt, & amicorum damna minuunt, vel omninò reticent. Retulerunt autem nobis qui bello interfuerunt, duo millia militum Turcorum extitisse peremptorum, ipsis qui euaserant Turcis testificantibus. Sed de equis vtrarumq̃ue partium infinitus numerus fuit, angore & fætigatione siti extinctis.

*Aestus erat, magnūq̃ue calor geminauerat æstum,**Pugna grauis geritur, furit hic, occidit & ille.**Is fugat, ille fugit. post casum nemo refugit.**Sanguine casorum campique viaque rubescunt,**Candent lorica, lucent galeæ frameaque**Clarifica specie, per campos undique iacta.**Proicit hic scutum, pharetram iacit ille, vel arcum.*

Nollet Borsequinus scutica tunc carere, & mallet Tuldequinus vrbe Damascena nudipes inesse, & suam Toparchiam sollicitè seruare. Amiserunt Satrapas Turci xv. in congressu illo. Nostri verò non ampliùs quàm xx. homines, quorum quinque milites erant. Mille quidem centumq̃ue milites nostri fuerunt, quando prælium commissum est. Turci autem xv. millia militum. De nostris verò duo millia peditum.

XLIV.

CVM autem nisi paucis diebus apud nos postea moratus esset Borsequinus, prætergresso Eufrate flumine in sua repatriauit: nihil honoris, sed doloris & planctus, amicis suis in patriam relaturus. Et qui huc venerat minax & cornutus, Dei gratiâ rediit mutilatus, & consolatione viduus. Deindè cūm Rex noster filiam suam ætate quinquennem, quæ in obsidatu detenta fuerat, & aliquantos familiares suos similiter compeditos redemptione nummismatum adeptus fuisset: sicut vtrimque pactum fuerat, Hierusalem contendit gratiarum actiones Deo acturus, & de prælio circa Borsequinum magnificè patrato eum obnixè laudaturus. Et meritis laudaturus, & gratias acturus: quia cūm iam diuturno tempore pessundatus, & in parte subteriore rotæ locatus, & vilissimè & miserrimè ferè fuerat traditus, nunc opitulante Deo in decus pristinum restitutus est, & corroboratus.

*Sena decennia, bina tricennia præterierunt,**Ex quo natus sum, quoad hunc peruenimus annum.**Quod superest vitæ Deus ordinet & regat æquè.*

XLV.

*De castello à
Rege adifi-
catis.*

HOC in anno mense Octobris ædificauit Rex castellum in montanis Berithi, & terra bonorum satis feraci. Hunc montem *Glanianum* vocant, à digladiando: quia ibi rei digladiabantur, qui apud Berithum damnandi iudicabantur. Abest autem ab vrbe ipsa sex milliariis. Et quia ruricolæ Sarraceni tributa locorum reddere antea nolebant, postea vi cohibiti reddibiles extiterunt.

XLVI.

*De expedi-
tione Regis,
& prælio
cum Turcis.*

DEINDE parauit Rex protectionem suam in Syriam versus Damascum, rupta pace inter Regem & Tuldequinum, vbi tres vicos optimos cepit, profligauit, præcipitauit: & prædâ rapta quantum potuit, ad sua rediit. Quam quidem rapinam cūm equitibus suis vel participibus æquè diuississet, vel solito iure distribuisset; postridie in terram Philistiim expeditionem suam conuertit. Tunc apud Ascalonem noui recentèsq̃ue conuenerant, qui de Babylonia illuc missi fuerant. Cuneus militum probitatem suam in terra nostra monstrare cupientes, iam victores se fore arbitrabantur. Quos cūm viderent ciuitati prædictæ leuatis signis appropinquare, exierunt contra eos cum magna vociferatione & audacitate. Et quamlibet Rex nondum in primam acierum suarum frontem aduenisset, quia in posteriore parte sollicitus se retardabat, vt suis callidè fugientibus, si necessitas vrgeret, adiutor existeret; anteriores nostri cursores animi non inopes aduersus eos inedibili impetu, ADIVVADEV s inclamantes, irruerunt. Quos cum tanta virtute & animositate inculcantes intra portas vrbs, feriendo,

A prosternendo, & occidendo impulerunt: ut quantum æstimare licet, si aliquan- 1125.
tò magis de gente parata illic haberemus, proculdubio cum illis communiter in-
troire possent qui persequerentur. Remanserunt itaque Ascalonitæ mortuos
suos ultra XL. de melioribus lugentes & lamentantes, & de hoc insperato in-
fortunio vehementer admirantes. Rex autem tubis significantibus ultra & prope
urbem, nocte illa sub tentoriis conqueuit. Quod si habuerunt gratiâ Dei quie-
tem, hostes nostri noctem duxerunt insomnem & tristem. Nam, ut ait Iosephus,
nimis confidens incautus est, merus autem prouidentiam docet. Sciendum quòd
die illa nullam prædam nostri cursores circa urbem inuenerunt. Nam de aduentu
Regis præcij, iam pecora sua vniuersa absconderunt prouidentem.

MORALE est Sarracenis in Palestina degentibus, ut per columbas ad hoc XLVII.
officium doctas de ciuitate in ciuitatem literas sagaciter transmittant: quæ scri-
ptorum vestrices ad domicilium iam sibi dudum cognitum deportent. Quæ scri-
pta in scedulis & super clunes columbarum confuta inuentis legendo insinuant;
quid postea fieri debeat. Quod tunc ita factum clarissimè est compertum.

IGITUR secundum diuisiones terrarum varietates existunt vtrique rerum & XLVIII.
consuetudinum. Alios enim usus habet Francia, alios equidem Anglia, alios Egy-
ptus, alios verò India. Differunt etiam in volucribus, differunt in piscibus atque
arboribus. Numquam in Palestina vidi balenam, neque lampredam: nec in vo-
lucris picam, siue curucam. Illic autem habentur onagri, cirogrilli, necnon &
hizna, quæ mortuorum effodit busta. In arboribus illic non vidi populum, nec
taxum, neque corilum, aut sambucum, aut ruscum, aut acerem vllam.

NUPER vidimus omnes apud Neapolim bestiam quandam, cuius nomen XLIX.
nullus hominum nouit, nec audiuit: facie qua hircus, collo ut aselli crinito, vn-
gulis bifidis, cauda vitulina, ariete maiorem. In Babilonia quoque est aliâ bestia,
quam *Chimeram* vocant, quæ non retrò, sed ante alta est: super quam in diebus
maioribus pallium extendunt optimum, Principi suo cum magnis aliis appari-
bus seruituri. Est *Cocodrillus* animal quadrupes. In terra & in flumine pariter va-
let. Linguam non habet, maxillam mouet superiorem. morsus eius horribili te-
nacitate conueniunt. Plerumque ad xx. vlnas longitudinis eualescit. Qualia an-
seres edit oua, nec alibi fœtus premit, quàm ubi crescentis Nili aquæ non possunt
peruenire. Armatus est enim vnguibus immanitate. Noctibus in aqua degit, per
diem humi acquiescit. Circumdatur maxima cutis firmitate. In flumine quodam
Cæsariensis Palestinæ modò hæc quadrupedia similiter habentur: sed non ex lon-
go tempore dicunt illuc fuisse allata de ipso Nilo dolositate maligna. ubi iam dam-
na quamplurima in territorio illo sæpè perpetrant. animalia deuorant. *Appotamus*
in eodem flumine Nilo ac solo nascitur, & in India: maximè equo similis, & dor-
so, & iuba, & hinnitu, rostro resupino, vngulis bifidis, aprinis dentibus, cauda
tortuosa. Noctibus segetes depascitur, ad quas pergit auersus, astu doloso: ut fal-
lente vestigio reuertenti nullæ insidiæ præparentur. Sunt quidem corpore maio-
res quàm elephanti. Hæc & alia, pusilla & magna, Deus creat vniuersa. Et quia
placet ei creare, & nobis debent placere. & proinde laudes ei dare. Veris *Draco-*
nibus ora sunt parua, & ad morsum non dehiscunt. sunt & artæ fistulæ, per quas
trahunt spiritus, & linguas exerunt. Quippe non in dentibus, sed in caudis ve-
nenum habent, & verberare potius quàm rictu nocent. Exciditur ex cerebris *Draco-*
contias lapis. Draco maximus est omnium serpentium, siue animantium quæ sunt
super terram. qui sæpè à speluncis abstractus fertur in aërem, concitaturque pro-
pter eum aër. Est autem cristatus. Si quem ligarit, occidit. à quo nunc elephans
tutus est sui corporis magnitudine. Gignitur in India, & in Ethiopia in ipso in-
cendio iugis æstus. Circa semitas delitet, per quas elephans graditur: solitis cru-
ra eius nodis illigat, & suffocatum perimit. Pedes non habent. In Asia Scythica
sunt *Frigripes* alites ferocissimi, ultra omnem rabiem sæuientes. Sunt & *Hirca-*
ny gens siluis aspera, copiosa immanibus feris, fœta *Tigribus*. Quod bestiarum
genus, insignes maculis notæ fuluo nitent. Pedum motum nescio velocitas an
peruicacia magis adiuuet. Nihil tam longum, quod non breui penetrent: nihil
adèò antecedit, ut non illicò assequantur. Sunt & *Pantheræ* in Hircania minutis
orbiculis superpictæ. Tradunt odore earum & contemplatione armenta mirè af-
fici, atque vbique eas persentiunt properato conuenire, nec terri nisi sola oris

E E e iij

1125. toruitate. Eas veneno frequentius quàm ferro necant. lenta illis viuacitas. Est *A* *Ales* mulis comparanda, aded propensolabro superiore, vt nisi recedens in postiora vestigia pasci nequeat. *Camelion* nascitur in Asia plurimus, animal quadrupes. facies qua lacertæ, nisi crura curta & longiora ventri iungerentur. Prolixa cauda, eadèmq̃ue in vertiginem torta. hamati vngues subtili aduncitate. incessus piger, corpus asperum, cutis qualem in crocodillis deprehendimus. hiatus eius æternus, ac sine vllius vsus ministerio. Impetibilis est coraci. A quocumque interfectus est, victorem suum perimit interfectus. Nam si vel modicum ales ex eo ederit, illicò moritur. Sed corax habet præsidium ad medelam. sumpta fronte laurea recuperat sanitatem. Corpus sine carne, vitalia sine linea. cuicumque se iunxerit, concolor ei fit. *Salamandra* Græcè vocatur, *Stellio* Latine,

Stellio flammiposens, Salamandra, Camelion horrens,

Nomen inest trinum, sed simplex corpus & vnum.

Ales est *Pegasus*, quæ nihil equinum præter aures habet. Quidam populi aded sunt proceri, vt elephantos velut equos facillima insultatione transiliant. Est & gens, quæ in iuuentute cana sit, nigrescat in senectute. *Leucocrota* est bestia, quæ velocitate præcedit feras vniuersas. asini feri magnitudine, cerui clunibus, pectore ac cruribus leoninis, capite cameli, bisulca vngula, ore vsque ad aures dehiscen-
te, dentium locis osse perpetuo. Hæc quoad formam. nam voce loquentium hominum sonos æmulatur. *Mantichora* nomine inter hæc nascitur, triplici dentium
ordine coeunte, vicibus alternis, facie hominis, glaucis oculis, sanguineo colore,
corpore leonino, caudâ velut scorpionis, aculeo spiculata, voce tantum sibila, vt imitetur modulos fistularum. Humanas carnes audivissimè affectat, pedibus sic viget, saltu sic potest, vt morari eam nec extentissima spacia possint, nec obstacula latissima. Sed quis potest in hoc mari magno & spaciofo tot & tanta Dei magnalia vel scire, vel exquirere: in quo versantur tot animalia, & reptilia, quorum non est numerus? Hoc autem quod dixi tantillum, à Solino exquisitore sagacissimo, & dictatissimo, prout malui excerpti. Sed quod iter Alexander Magnus in India repperit, & vidit. si non cuncta, tamen aliquanta in posterioribus indicabo.

Nunc abit hic annus, rector Deus extet alius

Temporis ad ritum, modo transilit annus in annum.

1126. ANNO à Natali Dominico M C X X V I. Indictione I I I. celebratis in Hieru-

L. salem Natalitij diebus festis, conflauit Rex exercitum suum, in Regem incessurus Damascum. Et facto extrautu suo monitu preconario, tota Hierosolymitana regio ad hoc commota est pede & equo. Ioppini & Rametenses, & qui erant in Lidda, meantes per Neapolim, iter egerunt suum per Scitopolim. hæc est *Besan*. In Septentrionali autem tractu Achonitz & Tyrij. Hi verò, in quorum Rex præerat collegio, linquentes ad dexteram urbem Sephorum, & montem Thabor, venerunt Tyberiadem. Quibus Hierosolymitani simul conglobati, Iordane transito sub tentoriis suis cuncti iocundè quieuerunt.

De expeditione Regis Hierosolymorum contra Regem Damascenorum.

Tempus erat clarum, quoniam sine nube, serenum,

Et septemdecima reniscebant cornua Luna.

Antelucanum autem, cum castris egrediendum erat, indicium lituus fecit. Tunc verò tabernacula colligunt, & ad profectionem cuncta instruunt. Mulos, & iumenta, camelosque sarcinis onerant. ad quod multum tumultuabatur. Rudunt asini, blastant cameli, hinnunt equi. Cum autem præduces viatorum trami-tem insinuare coepissent, cornibus item vnà personantibus, viam quam sibi utiliore nouerunt accuratè carpservnt. Et cum terram hostilem profundius introissent, leuatis signis incedere sapientius sategerunt, & armis suis se munierunt, ne inopinato periculo perturbarentur. Tunc transierunt caueam Roob, & terram Damascenorum introierunt, & vltra Meddam duabus noctibus pausauerunt. Vbi quoddam oritur flumen, quod extra mare Galileæ versus Scitopolim descendit, & Iordani se iungit. Tunc siquidem vnâ turrin antese inuentam præcipitauerunt. Itaque ad castrum *Solone* nominatum venerunt. Vnde Syri Christiani habitantes in eo cum processione sua exierunt obuiam Regi. Postmodum verò venerunt ad vallem, quam *Marchisophar* vocant, hoc est Imperatoris Sophar. ad locum, in quo Paulus Apostolus à Domino colaphum accepit, per tres dies visum amittens. duobus ibi diebus moram facientes. Illic aspexerunt tentoria Dama-

- A** scenorum, exercitum nostrum ibi expectantium. Et cum Tuldequini Regis filius 1126. equitum circiter tria millia studiosè adductans utcumque potuit contraxisset, ad patrem pugnabundus rediit, & die illo ante bellum genti suæ aggregatus est. Nec mora longior, ordinatæ sunt in parte nostra tam militum quàm pedestrum acies xii. ut ab alterutra corroboraretur caterua, si necessitas adueniret. Et cum de pane sanctificato post Missam auditam communicati essent omnes, factus est utrimque congressus: & bellare incipientes, **ADIVVA DEVS** exclamantes, vociferauerunt. Turci quoque & exclamauerunt, & acerrimè dimicauerunt. Et quos quasi iam victos antea vilipenderant, eorum miram probitatem admirati sunt. Et deficiente illis spiritu, timore & pauore exterriti de fuga cogitauerunt. Fugit Tuldequinus, fugit filius eius. Et quamuis nostros illi ultra omnem modum coartarent, crescente illis magis magisque spiritu, constantes & animi compotes extiterunt. Tantus tamen nimbus sagittarum ingruerat à Turcis, ut nulla corporis pars ab ictu & vulnere tuta esset Christianis. Nulla quippe nostris tumultuosior, nulla terribilior pugna fuit. Discursus circumcursantium atque fremitus, itémque impetus erat nimius. Salpices & cornua vehementer concrepabant. Accincti ergo nostri à Turcis circumcirca iam plerumque sauciabantur: & cum quatuor milliariis fugitantes tolerando calluissent, vellent nollent conuersis ad eos vultibus, spiritu repleti martio pugnare cœperunt. Sacra die belli nituit Conuersio
- B** Pauli, quem Deus elegit. Hora diei tertia incepta est lis bellica, de qua finem dat vespera diei data victoria. Grauis quidem pugna ignominiosa est fuga. sed tolerabilius est infirmum viuere, quàm mortuum in æternum plangere. Itaque Turci elegerunt fugam, ut retinerent vitam. Duo siquidem millia, & paulò plus, de Turcis remanserunt in campis. De peditibus autem non est numerus. De nostris verò xiv. equites, & lxxx. pedites. Optimè se habuit Rex hoster in die illa, cum omni equitatu suo, necnon & clientela. cum quibus omnipotens Deus in præsentiarum affuit. Fugit Rex Syriæ cum quibus potuit. Rex autem Solimæ cum triumpho lætus rediit. Cumque remeare statutum esset, accinxerunt turrim vnam, & ceperunt eam cum nonaginta sex viris. Quibus interfectis, aliam comprehendit Rex, cum xx. Turcis in ea fugitiuis. Quam cum viderent à nostris circumfodi, & lapides ingentissimos extorqueri, & se & arcem perterriti tradiderunt Regi. quos eo pacto abire fecit. sed turrim dirui fecit. Necessarium autem valdè videbatur hanc excindi, ne multos sui munimine ad defectionem inuitaret. Nam & salutis spem habitatoribus certam, & aggredientibus hæitationem atque formidinem præstare poterat. Tædebit forsan Historiæ auditores, si omnia quæ in bello, vel belli gratiâ, tam vi quàm astutiâ gesta sunt, recitentur. Assumebant enim Damasceni lectos agilitate iuuenes, qui cum armis suis post equitum terga sederent, & cum ad hostem ventum esset, equis desilirent: & continuò pedites ipsi ex alia parte equitibus, per quos aduecti fuerant, dimicantibus hostem perturbarent.
- C**

SCRIPTUM quippe est, *Nihil ex omni parte beatum*. Beati enim in hac parte non potuimus, cum xiv. ibi milites probissimos amisimus, præter pedites aliquot similiter strenuos. Sed quantum ad stragem de illis factam, hoc minimum est. Interpretatur autem Damascus, osculum sanguinis, siue sanguinem bibens. Legimus in Damasco sanguinem Abel fusum fuisse. De cruore enim occisorum possent Damasceni lambere, possent etiam de ipso cernui potare. Regresso denique cum exercitu suo Rege in Hierusalem, diem festum & gratulatorium vniuersim duximus. Et post pusillum Rex motus prece Comitum Tripolitani, proficiscitur in auxilium eius, ad obsidendum oppidum, quod *Raphaniam* nominamus, extra Libanum montem situm. In qua videlicet regione, ut narrat Iosephus, inter Archas & Raphaniam ciuitates fluius medius fluit, qui quoddam peculiare habet miraculum. Nam cum sit quando fluit plurimus, atque meatu segnis; tamen interpositis vi. diebus à fontibus deficiens siccum exhibet locum videre. Deinde quasi nulla mutatione facta, septimo die similis exoritur. atque hunc ordinem semper eum obseruare pro certo compertum est. Vnde etiam *Sabbaticus* appellatus est, à sacro Iudæorum septimo die sic nominatus. Princeps verò Titus aliquandiu Beriti commoratus, & inde reuersus, per omnes quas abibat Syriæ

L I.
*De obsidione
urbis Ra-
phania. &
de Sabatice
flumine.*

1126. ciuitates magnificentissima celebrans spectacula, hunc conspiciens fluuium natura cognitione dignissimum, admiratus est valde. A

LII. De alio quodam flumine. ALIVD quoque idem Historiographus miraculum refert, iniquens iuxta Ptolomaidam urbem fluuiolum esse quasi à duobus stadiis præterlabentem: quem vocant *Beleum*, prorsus exiguum. cui prope est sepulcrum Menonis, admiratione quidem dignissimum. Erat autem species vallis rotundæ, vitream emittens arenam. Quam cum hauserint, multæ naues pariter accedentes, locus isdem rursus impletur. Venti siquidem quasi edita operâ conuehant de circumstantibus superciliis arenam istam utrique communem. Locus autem metalli statim metalla in vitrum quæ susceperit mutat. Mirabilius quoque illud mihi videtur, quoniam conuersæ iam arenæ in vitrum pars quæcumque super margines loci illius fuerit iactata, in communem arenam denuò conuertitur.

LIII. De acquisitione urbis Raphania. DE vrbe autem Raphania, de qua narrare sermunculum iam cœpi, talis fuit exitus. Cumque Rex & Comes cum tormentis suis lapides iaculando, per dies XVIII. Sarracenos inclusos vehementissimè cohibuissent, & urbem reddiderunt, & indemnes abierunt. Accidit siquidem hoc ultimo Martij die. Itaque Comes prædictus urbem possessurus recepit, & muniuit. Rex autem Hierosolymam rediit.

LIV. De morte Romani Imperatoris. ET cum dies Paschales in Hierusalem celebraremus, exiit ad nos rumusculus à peregrinis superuenientibus, Romanum Imperatorem obiisse nunciantibus. B Addentibus etiam, Saxonum Ducem nomine *LOTHARIUM* in Regem & Imperatorem sublimatum fuisse.

Dum ruit HENRICVS Geminorum claruit ortus.

Post quem LOTHARIUS Rex imperat, ex Duce natus.

LV. De Regis professione contra Babilonios. NON multum postea processit temporis, cum de Tyro Rex exiens in Syriam humilem descendit, partem de equitatu suo relinquens, partemque secum ducens. licet de Babiloniis ad bellandum paratis, & contra eos venturis, à rumigeris audisset. Expediebat enim cum illuc prius properare, vbi hostes audiebat ingruere. More enim apri à canibus circumdati, & morsibus creberrimis angustiosi, oportebat dextro læuoque pede feriendo se obnixè defendere. Solemus namque parabolicè dicere: *Vbi dolor, ibi manus*. Antequàm autem Rex illuc peruenisset, iam Turci quoddam pseudo-castellum obsederant, & vi ceperant. Quod quidem illis erat contrarium, nobis autem necessarium. Milites autem astutissimo exitu noctanter euaserunt, relictis vxoribus cum liberis suis, malentes partem saluari, quàm totum penitus perdi. Tempore tunc æstiuo, mediante mense Iulio, apparere cœpit Cometa inter Orientem & Septentrionem. qui ante lucanum nascens, & versus horam nonam radium suum emittens, mediocri lumine se monstrabat. Illum autem per dies ter senos cernere studuimus. significantiam cuius Conditori omnium commisimus. Turci autem, quorum Borsequinus erat fortior, oppidum *Cerepum* nominatum obsederunt. sed audito Regis aduentu, qui iam eos insequabatur, spe sua fraudati ad tutiora præsidia secesserunt. Non enim erant plus quàm vi. millia militum. Rex ergo Antiochiam rediit. C

LVI. De classe Babilonica. HORNO autem Babilonij classe sua reparata, & congregata, velificantes Austri flatu intrauerunt terram Philistiim transita Phara, Mialaris quoque & Gaza, Ascalone quoque & Ioppe, Cesarea & Ptolomaida, Tyro & Sidone: explorando, & insidiando per littus maritimum vsque urbem Beritum: aucupantes & perscrutantes de portu in portum, si quid possent inuenire sibi commodum, quod Christianis esset incommodum. Sed quia dulcis aquæ penuria tunc sitibundi valdè anguebantur, oportuit eos ad siccum egredi, vt de riuis & fontibus situlas suas impleant, & sitim suam mitigarent. Sed ciuibus urbis præfatæ hoc molestè ferentibus, ad eos extimplo audacissimè progressi sunt: additis sibi viatoribus, qui illos forsitan accurrerunt. & congressione facta, tam de occisis quàm ad mortem vulneratis cxxx. de piratis illis prosternuntur. Erant qui exierant ad certamen quinque millia, exceptis his qui naues interim conseruauerunt, quarum xxi. triremes vel cautos nuncupant. ceteræ verò lxxi. fuerunt. Itaque crudelitatem suam in gentem nostram pompabant. ad miserandum inflexibiles, & immisericordes in omnes quos præoccupare poterant. Sed Deo gratias, nihil hîc sibi vendicau-

A runt. quoniam & equites nostri cum lanceis, & arcuarij cum sagittis in salum in- 1126.
culcantes inopinabiliter fugauerunt. Illi autem continuo carbasis leuatis per ma-
re veliuolum versus Tripolim se direxerunt, & hinc Cyprum.

QUOTIENS autem Legati hoc anno, vel peregrini, **BOAMVNDI** ado- **LVII.**
lescentis aduentum nobis annunciauerunt & allegauerunt? sed multiplicatis ru- *De naviga-*
moribus sefellerunt. Meticulosus enim erat propter classem Babilonicam vel pi- *tione ado-*
raticam, quam in ponto audiebat latè diffusam. Insuper de Terra sua sollicitus *lesctis Bo-*
admodum erat, quam nisi benè & fidelibus suis locaret, à maliuolis suis insidiato- *mundi.*

Qui habet malum vicinum habet malum matrisium. Denique cum iter suum sæpius
præparasset, apud Hydruntum Apuliæ ciuitatem, collectis quot potuit nauibus,
videlicet **xxii.** quarum **x.** longæ, & remis munitæ erant, iter cœpit expedire
marinum. Postquam Terram suam Apuliæ Duci commisisset, quem heredem
Terræ suæ suffecit, & substituit, si prior à vita discederet: identidem confirmauit
ei Dux, & gratanter concessit, si primitus ipse obiret, testantibus Optimatibus
eorum utrobique assistentibus. Itaque **BOAMVNDVS** mediante Septembri
mense mare sulcans, transitis Cycladibus per æquor sparsis, venit Mothonem.
Postmodum verò Rodum, Pamphiliam, & Liciam permeat: & Italiæ gurgitem
sæpè nauigantes conturbat. Indè transiens Antiochiam paruam, venit ad ma-
B gnam, transcundo Isauriam, & urbem Seleuciam. Qui cum Cyprum liquisset ad
dexteram, Tharsum siquidem dimisit ad sinistram, & Melotem urbem opinatissi-
mam iamdiu vastatam. Eo tunc tempore plures bifarij & elluones de mari recen-
ter exeuntes vulgabant proculdubio nobis in Hierosolymis, cum proculdubio
apud Antiochiam applicuisse, & mentiebantur. Verum tamen dicere se putabant,
quia cum aliqua parte militum suorum vsque Patharam vnà venerant, & cum ac-
cipitribus, & capis, & aucupibus, atque canibus, quos antè præmittebat.

MVLTA sæpè turbulenta, vel Deo volente, vel permittente, in mari naui- **LVIII.**
gantibus occurrunt. tum soluitur anchora, tum frangitur antenna, vel aplustra, *De periculis*
vel rudentes rumpuntur. Cumque venti mutantur, tunc ad cherucham respec- *in mari ene-*
ctatur: ut si prosperè incedant, distinctè & follerter experiatur. Cauendum ne *mentibus.*
nocte vna perdat. Cum enim stellæ obnubilant, & cubus raris alliditur, mor-
tem illicò vel naufragium pestis imminens minatur. Sicut in terra, sic & in mari
pericula. Quid de nobis miramur, si Pauli Apostoli naufragium recordamur?
Ad temptandam abyssi profunditatem dimiserunt naucleri bolidem. Nisi vide-
ret Angelicam visionem in extremis vitæ consolatricem, iam subibat vitæ despe-
rationem.

CIRCA gurgitem Italiæ multotiens naues assuescunt periclitari, & undique **LIX.**
flabra commoueri, quæ de montanis per valæstria præcipitanter per amfractus *De mari*
subtertaneos ritè assuescunt intorqueri, & in vertiginem voraginis mirabiliter *magne.*
conuolui. Quod si paroni aliquando nauæ obuiauerint, & diripiuntur, & impiè
confunduntur. Sed qui pro Dei amore hoc patiuntur, donatiuis suis numquid im-
piè frustrabuntur? De hoc mari nostro tantillum sic habemus. De Mediterra-
neo autem non est omittendum, vnde caput extollat. Existimant enim quidam
sinus istos à Gaditano freto nasci, nec aliam esse originem quàm eliquia erumpen-
tis Oebani. Qui contrarium sentiunt, omnem fluorem aiunt è ponticis faucibus
inundare: idque fulciunt argumento non inani, quod æstus è ponto profluens num-
quam reciprocetur. Laus igitur & honor omnium sit Conditori, qui posuit fines
mari, apponens claustra & portas. Dixit enim ei: *Huc vsque venies, & in te con-*
terentur fluctus tui. Quod ubi impetum suum ad litus illiserit, in spumias resolu-
tur, & repagulis quibusdam arenæ humilis repercutitur. Ceterùm, nisi ius sta-
tutj cœlestis inhiheret, quid obstarat quin per plana Egypti, quæ maximè humi-
lioribus iacent vallibus, Mare Rubrum Egyptio pelago misceretur? Denique do-
cent hoc, qui voluerunt hæc duo sibi maria connectere, atque in se transfunde-
re. Sesostris Egyptius, qui antiquior fuit, & Darius Medus, qui maioris contui-
tu potentiz in effectum voluit adducere, quod ab indigena fuerat ante tempra-
tum. Quæ res indicio est, quod superius est Mare Indicum, in quo Mare Ru-
brum. quia æquor Egyptium, quod inferius alluit. Et fortassis ne latius se mare
effunderet, de superioribus ad inferiora præcipitans: ideo molimina sua Rex vter-

1126. que reuocauit. Hoc in Exameron Ambrosij sic habetur. Aliud verò in Solino A inuenitur. Mirabilia igitur opera Dei, multò autem mirabilior qui facit & disponit ea. Quòd si aliqua nostris aspectibus videntur deformia, nihilominus tamen sunt laudanda, quia Conditor omnium facit ea. imò nec minus sunt utilia. Etiam in cimine dat Deus medelam, & in polipo pisce immittit astuciam, vel echino. Serpentibus quoque dat prudentiam. aliquando præbent medelam, aliquando inferunt pestem, vel etiam mortem. Interdum verò parant obsequium, interdum verò nocumentum. Quandoquidem antidotum tyriacum de corpore serpentis confici solere dicatur. quod utique virus corpùsque serpentis cum solum sumitur nocet, cum autem admiscetur aliis sanitati est & saluti.

LX. BASILTSCVS autem est ad semipedem longitudinis, albus quasi mitrula, lineatus caput, nec hominis tantum vel aliorum animantium exitiis datus, sed ter-
Degeneribus serpentium. re quoque, quam poluit & exurit. Vbicumque fuerit, ferale sortitur receptaculum. denique extinguit herbas, necat arbores. Ipsas etiam corrumpit auras, ita ut in aère nulla alitum impune transuolet, infecto spiritu pestilenti. Cum mouetur, media corporis parte serpit, media arduus est, & excelsus. Sibilum eius etiam serpentes perhorrescunt. Et cum acceperit fugam, quæque quoquò possunt properant. Quicquid morsu eius atteritur, non depascitur fera, non atterrita ales. Mustelis tamen vincitur, quas inferunt homines cauernis quibus delitescunt. Denique Basilisci reliquias amplo sestericio Pergameni comparauerunt, ut ædem Apollinis manu insignem nec aranæ intexerent, nec alites inuolarent. *Amphisibena* B surgit in caput geminum, quorum secundum ea in parte qua est cauda. *Cerastes* præferunt quadrigemina cornicula, quorum ostentatione veluti esca illice sollicitas aues premunt. nam reliqua corporis de industria arenis tegunt. *Emorion* morsu sanguinem elicit, & dissolutis venis quicquid animæ est euocat per crubrem. *Prester* quem percusserit, distenditur, enormique corpulentia necatur. extubertos sæpius putredo subsequitur. Sunt & *Himodisa*, est & *Chencheris*, elephantie chelidrica, *Medracones*. Postremo quantus hominum, tantus mortium numerus. *Scorpiones* etiam, *scinci*, *lacerta*: quæ vermibus, non serpentibus ascribuntur. Monstra hæc si sibilant, clementius feriunt. habent affectus, non temerè nisi ad coniuges euagantur. Sunt & *Iaculi*, qui penetrant animal quodcumque obuium fortuna fecerit. *Scitale* tanta præfulget tergi varietate, ut notarum gratia videntes retardet. *Deipsis* siti interficit. *Sippiale* quòd somno necet teste, etiam consumitur ad mortem. Aliarum virus quam medelas admittit minus, fame moritur. Hæc valde mira nihilominusque miranda, quæ Magnus Alexander vidit in India. Vnde Magistro suo Aristoteli, & matri suæ Olimpiadi mandando ita dicit: Non
 "crederem cuiquam tot esse prodigia, nisi sumpta ipse oculis meis ponderassem. Verè Rex iste vir fuit omnino magnificus, & in negociis suis sagax & circumspexitus, & ingens viguit, & potens potuit: non ut pluma volitans, nec stipula fluitans." C

LXI. QVONIAM præter spem BOAMVNDVS tardè hoc venerat anno, opinabamur eum non esse ultra venturum, sicut interminatum fuerat, & sicut fama promiserat. Sed quia iuxta Prophetæ eloquium, in manu hominis via eius non est, nec ab homine, sed à Domino gressus hominis diriguntur, spem ex parte magna defraudauit opinio. Non enim fit quod humana auditas stabilis, sed quod Deus arbiæ meritis humanis competere iudicauerit. Cum autem per Litteras suas Rex mandando nobis Hierosolymis innotuit eum iam Antiochiæ applicatum, omnibus non mediocriter placuit. Sed Deum, qui eum adduxit sanum, cuncti laudauimus. Iam Sol occiderat, cum portum nocte subintrat. Aduentante autem illo Antiochiam, ab omnibus gaudenter est susceptus. Cui cum processione magna & laudibus populi celeberrimè Rex obuiam exiit, & atacriter eum suscepit. Et habitæ collocautione ad inuicem festina, continuo Rex Terram suam tradidit ei totam, & de filiabus suis in matrimonium viam.

En socer atque gener, pater hic & filius alter.

Diligat hunc ille, potior sic fiet uterque.

Tunc apparatis nuptiis, legitime sunt expletæ. Confidente autem BOAMVNDVS super clioedrum suum Principe effecto, diploidèque decentissima vestito, conuocatis Optimatibus suis omnibus, iurauerunt ei humanitatis subditam fidelitatem.

A litatem, præfente Rege, & eo fauente, ab eo die & deinceps se feruaturus. 1116;
 Quibus gestis, rediit Rex Hierufalem.

Scorpio cæleſtus cum fulſerit ortus in aſtris,

Excipitur Regno Boamundus in Antiochæno.

Orbita nunc anni retrograda ſtat renouati.

ANNO MCXXVII. ab ortu Domini, Indiſtione verò v. ebulliit multitu- 1117;
 do murium immenſa in regione Paleſtina: in tantum vt bouem vnum à cluni- LXII;
 bus opprimentes comederent, & ſuffocantes eum cum ſeptem veruecibus de- De peſtilen-
 uorarent. Denique cum ſatis ſæpiùs in territorio Achonitarum vaſtaſſent, pe- tia murium.
 tentes aquationem montana Tyrionum conſcenderunt. Vnde tunc continuo
 ingruente vento peſtilenti & truculento catacliſmo in valeſtria confinia milli-
 bus innumeris repulſantur. De quorum putore cadauerum regio illa remanſit
 valde infirma.

EXPLICIT HISTORIA HIEROSOLYMITANA DOMNI
 FVLCHERII CARNOTENSIS.

Tom. IV.

FFFF



HISTORIA GESTORVM VIAE NOSTRI TEMPORIS HIEROSOLYMITANÆ.

Cuius Libri tres priores à FVLCONE quodam, reliqui à domno
GILONE Parisiensi editi sunt.

Ex MS. Exemplari Viri eruditiss. IACOBI SIRMVNDI Societatis Iesu.

INCIPIT LIBER PRIMVS.



NE LYTA gesta Ducum per-
scribere magnanimorum
Fert animus, patrum qui fortia
facta suorum
Non solum magnis successibus
æquiperare,

Sed maiore fide certarunt exsuperare.
Ardor inest, inquam, sententia fixaque menti,
Versibus & numeris transmittere posteritati,
Qualiter instinctu deitatis & auspice cultu
Est aggressa via memorando nobilis actu,
Qua sacrosancti violantes iura Sepulcri,
Digna receperunt meriti commercia prauī.
Inque suis Francis antiqua resurgere Troia
Cœpit, & edomuit Christo contraria regna.
Ista nihil fictum, nil tegmine fraudis amictum,
Sed puri veri referet narratio fructum.
Non sic Pegasei gestimus pocula fontis,
Nec Parnasiaci spelæa loquacia montis,
Nec libet Aonio deducere vertice Musas,
Quas sibi ter ternas finxit mendosa verustas.
Sed petimus trina virtus deitatis & vna
Rore suæ lucis nostra arida colluat ora.
Clarificet pingues tersa caligine visus,
Exacuâtque hebetes subtili indagine sensus.
Materie ut tantæ valeamus promere digna,
Di&aque cum factis sint vel vicina vel æqua.
Quique vel infantum linguas facit esse disertas,
Mutisque & brutis voces dedit articulatas,
Auferat à nobis puerilia brutaque sensa,
Conferat & nobis matura & congrua pensa.
Quæque dedit ducibus magnis euincere posse,
Concedat nobis gratanter dicere nosse.
Ut benè gesta patrum reminiscens æmula virtus,
Euolet ad similes per flammam pectoris actus.
Sed prælibati quoniam satis esse videtur,
Propositam seriem iam nunc stylus aggrediatur.
MVLTORVM spatio feritas pagana dierum,
Nisibus omnimodis Domino contraria rerum,
Vrbem Hierusalem sæua ditione tenebat:
Christicolæque inibi nimia asperitate premebat.
Hinc Domini violans polluta per idola Téplum,

Illinc Catholicis claudens vitale Sepulcrum.
Nullinamq; aditus vel ad hæc vel ad illa patebat,
Si non præueniens merces iter expediebat.
Et cum Paschali festo resonantibus hymnis
Expectabatur super affore cœlicus ignis,
Tunc vice flammicomī feriata lucerna papyri
Aptabatur, auens diuino obstare nitori.
Cum tamē Omnipotēs sua per miracula numen
Ferro ceu stuppæ clarum daret edere lumen,
Hostis deuictus, sed non compunctus in istis,
Tentabat stolidis cœlestia dona sagittis,
Ut circum sacri laquearia fulgida tecti,
Confixam segetem potuisset cernere ferri.
Sin verò hæc tardè miracula proueniebant,
Tempore nec solito sacra lumina se referebant,
Tum gladij circum sacra limina triste micabant,
Atque pios capitum discrimine terrificabant,
Nī precibus celerem impetrarent affore lucem.
Nec cita nec tarda sedabant signa furorem.
Sic Arabes, Persæ, Medi simul, atque Elamitz,
Assyrij, Allophyli, Parthi quoque, Caspiadzque C
Et quæ mille colunt gentes Babylonia regna,
Quas Nilus, Eufrates, quas Tygridis alluit vnda,
Aduersus cœlum coniurata arma ferebant,
Et veluti Phlegreæ certamina testituebant:
Sic ut & omne sacrum penitus tunc dirueretur,
Multa Dei seruis auraria præciperetur.
Præfulis Euthymij quod Epistola significauit,
Dum sua per Gallos Legatio peruolitauit.
Nec columen speras armorum exercituūque,
Quæsiuit potius auri solamen, opemque.
Cuius ad egregium querimonia tunc GODI-
FRIDVM

Nomine scripta tenuis lacrymarū mouit abyssū.
Dum gentile nefas, dum blasphemantia verba
Replicat, inque pios minitancia dicta vel acta.
Talibus & tantis Deitas permota procellis,
Sanctorūque etiam grauibus pulsata querelis,
Mouit belligeras per plurima regna cateruas.
Ut super his iustas inflammarentur in iras,
Et pro vindicta pietatis suscipienda
Corpora cum vita ferrent in aperta pericla.

A Qualiter hoc autem, vel quo sit tempore gestum,
Ordo sequens operis non differet inreferatum.

ANNO milleno sexto deciesque noueno
A Patris Verbo velamine carnis amicto,
Cum Rex eximius Francorum sceptrum Philippus
Feret, & Henricus reget Lotharingica quartus.
Contigit Urbanum Romanis Pontificantem
Gallorum fines inuisere iura dicantem,
Ecclesiis Christi sua commoda prospicientem,
Pro meritis pœnas & præmia constituentem.
Hic postquam primo gelidas pertransiit Alpes,
Famæque præcessit discurrens per regiones,
Vndique concurrunt diuersis agmina votis,
Diuersi cultus, diuersæ conditionis,
Multa super multis passim rogitantia causis;
Plurimæque ex variis responsa petentia curis,
Pars auscultandi studio noua, siue videndi,
Pars quoque discendi nihilominus, atque docendi.
Qui quia non cunctis per singula sufficiebat,
Sæpius atque eadem repeti non suppeditabat,
Concilium statuit generale indicare cunctis,
Atque ibi proposita simul & semel edere multis.

B Vrbs Aruernorum Clarmontis nomine dicta
Huius Concilij locus exstitit. huc reuocata
Agmina concurrunt quæ misit Gallia tota.
Nam tres in partes ea noscitur esse dirempta,
Hinc Belgis Celtisque colentibus, hinc Aquitanis,
Legibus & studiis distantibus, atque loquelis.
Quo postquam ventum & de pluribus est agitatum,
Et vice concordie finita negotia centum:
Inspirante Deo se quæstio maxima iecit,
Et memorata satis querimonia pectora mouit.
De domibus Christo carnem gestante sacratis,
Et modo paganis malè ritibus obtenebratis.
Vrbem Hierusalem, primum caput Ecclesiarum,
Matrem ac nutricem sanctorum discipulorum,
Atque inspectricem signorum viuificorum,
Sanguine sacratam primorum martyriorum,
Nunc fore speluncam proteetricemque laronum,
Perque eius caueam lacerari membra piorum,
Et blasphemari nomen super omnia sanctum,
Calcarique Dei Templum, sperniquè Sepulcrum.
Ergo laborandum, quo conuertatur, & ad se
Iam tandem rediens ipsam se quæritet in se,
Ac nihilam spernens ad veram se trahat esse.
C Amodo namque sui miserendi tempus adesse.
Prospiceret dominus sapienti pectore Papa,
Quid facto sit opus, quo sint loca sacra recepta.
Agmina namque sua concorditer esse parata,
Ad subeunda Dei pro laude pericula cuncta.
Non ignes vel aquas, sibi non obfistere ferrum,
Quin paribus votis agmen volet inreuocatum,
Si tutela Dei sibi propitiabilis adsit,
Si non Pontificum fauor & benedictio desit.
Talibus atque aliis conuentio perdonat omnis,
Vt sic velle Deum benè posset credere quiuis.
Tunc vir Apostolicus peruoluens singula quæque,
Cum videt in cunctis vnum fore fœdus, idemque,
Vfus consilio Primatum Pontificumque,
Cumque ipsis fundens Domino pia vota precèsque,
Tunc super orando cunctas à crimine soluit.
Indè voluntati deuoræ fræna remisit,
Et pro culparum venia tolerare labores
Iussit, & illatos patienter ferre dolores.
Atque illis præsens ne consolatio deesset,
Pontificem Podij, quem dicimus Aniciensem,
Militiæ sacre stabilivit præcipientem,
Ac ne ferre minus solus sua pœdera possit,

Tom. IV.

Collegam posuit quem clara Aurengia misit.

HIS ducibus fræta diuinitus agmina sacra
Insunt contra cuncta aspera pectora digna.
Non vrbes, castra retinent, non prædia larga,
Non thalami, nati, non sollicitudo paterna,
Quin pro laude Dei concorditer arma capefcent,
Iuratique animis in cuncta pericula currant.
Ergo parant sese, fidei ferrique nitore.
Stipantur passim pedites, equitumque cateruæ,
Quas Liger atque Elaber, Matrona & Sequana mittit.
Quas Arar & Rhodanus, Durençia & Isara promit.
Axona & Esia quos agitat, magnisque Garumna,
Quos Scaldis, Mosa, Rhenus, pariterque Mosella,
Quos Athesis pulcher præterfluit, Eridanisque,
Quos Tiberis, Macra, Vltumus, Crustumiumque.
Concurrunt Itali, Galli pariterque Alemanni,
Norici, Sueui, tum Saxones atque Boemi.
Pisani ac Veneti propulsant æquora remis.
Oceanus flauis distendit vela Britannis.
Procedunt alacres diuersis partibus, atque
Conducunt ubi se societ terræque marique.

Nunc libet ex parte populos memorare, Ducesque,

Quorum virtute viguit via sacra fidesque.

Inclutus ille Ducum GODFRIDVS culmen honosque,

Omnibus exemplum bonitatis militiæque,
Siue hasta iaculans æquaret Parthica tela,
Cominus aut feriens terebraret ferrea scuta,
Seu gladio pugnans carnes rescicaret & ossa,
Siue eques atque pedes propelleret agmina densa.

Hic inimicitiis cunctis sibi conciliatis,
Cunctis possessis pro Christi pace relictis,
Arripuit callem, Christum sectando vocantem.
Quem iuxta gemini fratres comitantur euntem.
Supantur circum Procetes, equites peditisque,
Vtraque Belgica quos Transrhenanique dedere.
Namque Alemannorum quicquid, vel Vindelicorum,
Siue Sueuorum petiit vitale Sepulcrum,
Illius elegit sua iungere cœtibz arma.
Nosse minus nihilo vocalia mutæque signa.
Eius enim resonans turbat gentilia nomen,
Ac si concuterent elisa tonitrua fulmen.
Eius vexillis volitantibus intrèmit hostis,
Ipsius gladio socius defenditur omnis.
Ipsius populos currentes vndique ad arma,
Comperimus creuisse ad milia septuaginta.

EX HINC ROBERTVS Morinorum viuida
virtus,

Quos nunc Flandrenses appellat temporis vſus,
Milia densa mouet. cuius memorabile dextra
Promeruit nomen Parthorum corde probata.

POST hunc magnificè ROBERTVS claruit
alter,

Qui Normannorum ductor præclarus & acer,
Propulit egregias in Christi bella cohortes.
Cum quibus antideas alacer volat in legiones.

AT Comes eximius HVG O, cognomine Magnus,

Philippi Regis veterinus frater & vnus,
Agmina nobilium comitantia Francigenarum,
Duxit in exitium memorabile Nilicolarum.

RECTOR Montensis, populus quem nomine præco
Neruius assequitur, Heinodariūque moderno,
Cui patruī rulerat Morinos damnabile crimen,
Artaulsum perimens dominum pariterque nepotem,
Proruit instructis in Christi prælia turmis,
Coniuge cum natis, domibus castrisque relictis.

FFF ij

HINC STEPHANVS, Comitris Terbaldi clara
propago,
Calcat iter sacrum circumdatus agmine denso.
Sed spe, siue metu, media inter prœlia victus,
Effectu gemino sociis sit inutile pignus,
Cum primo Regis Constantinopolitani
Diuitiis captus ceruicem flecteret ipsi,
Ac post desperans Dominum fore cunctipotentem
Exiit Antiochi fœdis egressibus urbem,
Atque fuga turpi retrogradus absque pudore,
Consimiles secum traxit stimulante pauore.
Quin & subsidio conclusis aduenientem,
Armorum & victus stipendia multa ferentem,
Prædictum Regem retrò celerare coëgit,
Dum socios omnes falso periisse retexit.
Ista tamen longo post tempore gesta fuere,
Quæ nunc hic breuiter suffecerit inseruisse.
HINC Comes Agidij discernens iura beati,
Milia densa mouet sancti sub honore Sepulcri,
Quæ sibi dat magnis opibus Prouincia florens,
Quæque ministravit populosè Gothia pollens.
At trans ærias diuisis tractibus Alpes,
Quos diuersi quocè compellant circa habitantes.
Nam Gothias, Graias, Penninas, Iuliadæque
Appellare solent positi propiusque procùlque.
Qui Ligures, Itali, Tusci, pariterque Sabini,
Vmbri, Lucani, Calabri simul atque Sabelli,
Aurunci, Volsci, vel qui memorantur Etrusci.
Quæque etiam gentes sparguntur in Apula rura,
Quis conferte manus visum est in prœlia dura,
Sub iuga TANCREDI & BOIMVNDI corri-
puere,

Et contra fidei refugas patria arma tulero.

MULTI præterea Comites, Proceresque mi-
nores,

Inter primores quos enumerauimus omnes,
Adiungere suas collato robore vires.
Galli siue Itali, vel quos dat pagina plures,
Quos ne lecturis, si qui tamen esse valebunt,
Quos positis curis hæc vilia nostra tenebunt,
Rusticitas calami pariat fastidia longa,
Non est consilium per nomina promere cuncta.

OMNIBVS his pastor benè prouidus, ac mode-
rator,

Præsul HAIMARVS Podij fuit atque sacrator:
Cumque sodale suo, quem clara Aurengia misit,
Vt pater in natos curam conferre satagit.
Quod velut anterior iam pagina commemorauit,
Domnus Papa sibi diuinitus imperitauit.

IMPENSIS igitur cum strenuitate paratis,
Diuerfos portus adeunt exercitus omnis.
Quidam per Venetos trans Adriacòsque Liburnos,
Quidam Brundisium, nonnulli molle Tarentum,
Quidam piscoli tenuerunt mœnia Bafri,
Qua Veneti fortes felici mercede beati,
Torpentes Lycios furto populante fideli,
Deportauerunt Nicolai pignora sancti.
Atque per hos omnes portus feliciter acti,
Iuxta condictum sunt agmina in vna redacti,
Per maria & fluctus optata ad littora vecti.

At verò insignis GODEFRIDVS iam me-
moratus,

Ordinibus densis armato milite septus,
Castellis, terris, villis, domibus spoliatus,
Argenti atque auri summa multiplice fartus,
Omnibus impensis plenè atque decenter onustus,
Expetiit Rhenum, qua se Moguntia pollens,
Iuxtaquè V Vormatia referat, naualia præbens.

Quem præteruectus tentoria candida figit,
Et memoratorum venientia milia iungit,
Agmine multiplici tunc metans vltiora.
Atque in processu socium crescente chorea,
Hinc Reganetburgi famosum permeat Histram.
Hunc quoque Danubium verax est fama vocatum.
Amnibus hic multis, magnisque & nauibus aptis.
Nam decies senis spatioso ventre receptis,
In mare prorumpit Scythicum, quod Thracia cœnset;
Tanta mole fluens, vt amara in dulcia mutet.
Quod prope Colchorum fines septemfluus intrat,
Obuius ac vndis aurati Phasidos extat.
Huic etiam ripa vicina est silua sinistra,
Quam vocat Herciniam Scriptorum pagina multa.
Ista via septem memoratur lata dierum,
Porro tricenorum bis tenditur agmine longum.
Nutrit & alarum volucres fulgore suarum
Noctibus obscuris pandentes strata viarum.
Nutrit & externis animalia plura figuris.
Vnis nomen inest alces, comitantibus vris,
Alcibus haud vlla sunt internodia cruris:
Vris cornua sunt immensæ concauitatis,
Ex quibus ampla satis & leuia pocula fiunt,
Vitibus & mensis & honora & commoda profunt.
Seu docti artifices ea quadrificata rotundent,
Integra siue sinant, & fissa caloribus aptent.
Digrediens ergo generosus ductor ab Histro
Versus Pannonias iter arripit agmine toto.
Quod quali fuerit ratione vel ordine gestum,
Quæ causa excitum potuit sedare tumultum,
Ad præsens refugit mens dicere, lassaque multum
Palpitat, inque alium gestit differte Libellum.

EXPLICIT LIBER I.

INCIPIT LIBER II.

ANTE VIAM cœptam Ducis in Domini fa-
mulatum,
Cum primum Proceres niti cœpere paratum,
Pars quædam stolidè reliquos processerat antè,
Agmen agens magnum pariter peditumque equi-
tumque.
Hos Eremita PÆTRVS quidam, sic nomine dictus,
Ducere cœptarat, sed nunquam ad talia doctus.
Cuius in hoc socius quidam VValterius ibat,
Qui sine habere super positum cognomen habebat.
His ducibus dicti gestantes arma manipuli
Ibant securi, nullo moderamine cauti,
Credentes proprii gratisque existere iuris,
Omnia quæ cupidis demonstrarentur oculis,
Nec per iter cœptum quicquam sibi iure negandum.
Quin potiùs ferro quamuis prohibente petendum.
Nam neque curarant stipendia multa parare,
Qui sibi sperarent stipendia vbique patere.
Sèque Euangelij præcones, discipulosque,
Ex Euangelio capere indumenta cibosque.
Talia dum sperant, speratâque mente recurant,
Et iam deficere sibi parçè pacta retractant,
Pannonias vepiunt, crucis ante insignia monstrant
Vestibus insuta, nullisque obstantibus intrant.
Ingressi gratis quæ sunt sibi visa requirunt,
Non data diripiunt, hostiliter ostia frangunt,
Horrea frumentis, vino cellaria fraudant.
Si qui vestis egent, indutos tegmine nudant.
In proprias escas aliena animalia mactant,

A In proprios vsus aliena negotia captant.
 Instituunt festas alieno ex iure tabernas,
 Dant mercaturnas alieno ex fœnore largas.
 Qui veluti ciues intrant hospita tecta,
 Iptis in tectis peragunt hostilia cuncta.
 Quid moror in multis? non vlla exempla malorum
 Disconuenerunt plus genti Christicolarum.
 His irritantur vesanis motibus Huni,
 Fama volans patrio facit omnia cognita Regi.
 Vndique conueniunt, conclusos vndique mactant.
 Hic fugit, hic pugnat, cuncti moriendo laborant,
 Maxima pars gladiis, pars fluminibus periere,
 Pauci cum ducibus se morti subripuere.
 Cùmquē fuga medium regionis iam tenuissent,
 Et solitos iterum raptus agere instituisent,
 Rex iterum accitus fama volante recurrit,
 Et circumducta medios indagine claudit.
 Conseritur bellum, virtus fortunâque certat.
 Comminus obruncant si quos strictura coartat.
 Anceps pugna diu populi morientis vtrîque,
 Dum desperantes pugnant audensque pauensque,
 Donec externi concursibus indigenarum
 Turbari fugiunt metuentes tela sequentum.
B Forte fuit iuxta Christi venerabile Templum,
 Pignoribus multis Sanctorum nobilitatum.
 Huc bello pulsi gens inconsulta manipuli
 Intendere fugam spe morti se eripiendi.
 Sed gens barbaricis assueta furoribus vti,
 Nil reuerens sanctæ seruarunt religioni,
 Namque locum sacrum vallantes obsidione,
 Alloxere aliquos malefida deditioe.
 Quos tamen egressos contra fas decapitantes
 Expanefecerunt reliquos, ne progredientes
 More trucidari pecorum sine laude perirent,
 Ast ibi quicquid eis ferret fortuna subirent.
 Quapropter rursus furiis immanibus acti,
 Igne superiecto circum fastigia Templi,
 Non dubitauerunt ipsosque domumque cremare,
 Atque Deo non suaue fragrantia thura adolere.
 Sed quia non fuerat penes omnes culpa malorum,
 Cùmque malis pariter erat obnota vita bonorum,
 Ac simul almifici periit reuerentia Templi,
 Nec cuiquam menti insedit miseratio Christi,
 Ostendit Dominus sibi talia non placuisse,
 Dum per signa locum sacra contulit enituisse.
C Namque ibi per triduum fons sanguinis emanauit,
 Atque locum cædis condigno horrore notauit.
 Præterea dignis loca percrebrescere signis
 Ex tunc affirmat discurrentis fama celebris.
 Dum cæcis, claudis, variòque dolore grauatis,
 Omnipotens virtus ibi præstat dona salutis.
 Hys ita transactis, quoniam ille exercitus omnis
 Agmine non vno; nec eisdem incedere castris
 Ob numerum poterat, non parua sede capacem,
 Atque idèd inter se non magna parte sequacem,
 Quædam pars istos præcesserat hic residentes.
 Iamque videbatur regionis tangere fines,
 Sed sibi præclusum castello & flumine magno
 Inuenit egressum, nec posse excedere claustro,
 Egressu verito, castellam prendere cœptant
 Donec exigui castrenses cœpta remutant,
 Dantque locum claustris reueratis egrediendi.
 Sic ex Pannoniis laceri excessere manipuli.
 Hinc iter aggressi per fines Vlgariorum,
 Quos vocitant Thracas, ut habet monimæta priorum,
 Deuenerunt Gnidon, urbem sic nomine dictam,
 Calle perangusto cœu carceris ore patentem.
 Cuius pacificam poscentes transitionem,

Tom. IV.

Vnus post vnum quasi transiungere fenestram.
 Postquam progressi campo potiuntur aperto,
 Clamauere forum famis instimulante magistro.
 Agmine vendentum solemniter adueniente,
 Monstrantur species, sed censu deficiente
 Cœperunt rapere quod mercari cupiebant.
 Et mandante fame cupidè raptis inhiabant.
 Protinus excita concurrunt agmina ad arma.
 Propulsant, abigunt iaciendo hastilia densa.
 Corpora & arma simul consternunt strata viarum.
 Nec fuga cessauit terrorum sine dierum.
 His depulsa locis acies male consiliata,
 Imperio nullo, nullo moderamine ducta,
 Dum sibi cuncta forent contraria, prospera nulla,
 Duratis animis tendebat ad vltiora.
 Ergo malè expertam fugere exoptans Europam,
 Finibus inque Asiæ fortunam querere blandam,
 Qua brevis est iuxta Byzantium Hellepontus,
 Cuius ab hac artus dirimit Chalcedona cursus,
 Transiit, atque urbem Nicomedem nomine dictam
 Inter & egregiam stabilivit castra Niczam.

Hos fuerant inter modica non parte Alemanni,
 Ante Ducem dictum proprio sub nomine moti.
 Qui naturali nimium feritate tumentes,
 Indignabantur reliquis fore consociales.
 At postquam fines quos diximus applicuerunt,
 Cuncta suis per se titulis agere instituerunt.
 Ergo Bithynorum castellum repperientes
 Incustoditum, moxque illud præripientes,
 Muniuere satis muris, custodibus, armis.
 Saxa, sudes, tormenta locant in turribus altis,
 Ordine disposito statuunt qui mœnia seruent,
 Qui voto vtilia residentibus omnia curent.
 Indè per extentæ fines regionis oberrant,
 Comportant prædas, & rapto viuere certant.
 Et licet in patria sint omnimodis aliena,
 Sic agitant, veluti sua sit prouincia tota.
 Hoc vbi fama tulit per compita tot regionum,
 Quo iam nullus erat manifestus Christicolarum,
 Vndique barbaricæ properant concurrere gentes,
 Vndique multiplices protendunt obsidiones.
 Nam quia compererant ductores Francigenarum,
 Quorum nomen erat per totum nobile mundum,
 Coniurasse viam sancti sub honore Sepulcri,
 Et violatorum animatos cædibus vti:
 Si præcursores habuissent mortificatos,
 A reliquis sese sperabant iam fore tutos.
 Hoc igitur voto se totis viribus aptant.
 Artibus ingeniis quæ ducunt commoda curant.
 Aggeribus, pluteis, onagris quoque, fustibalsisque,
 Assaultus ineunt cunctis vtenilibusque.
 Nube sagittarum tenebrosus redditur æther.
 Vocibus atque tubis vlulantibus obstrepit æther.
 Succedunt aliis alijs, vel vulnere tardis,
 Vel diuturnarum operarum pondere lassis.
 Obsessi porro, feritate & robore freti,
 Et si deficiant nunquam se viuere certi,
 Omni telorum genere oppugnatoribus instant,
 Ossaque, corporaque, & vitalia tota terebrant.
 Nec solum pereunt, quos duro vulnere quassant,
 Quos sude, quos ferro, quos igne vel assere mactant,
 Quos velut Hylla terunt muralis pondera saxi,
 Quos quasi transiliunt . . . la . . . acumina teli
 Sed rabidos oculos vultusque videndo minaces,
 Exanimante metu fugiunt in terga ruentes.
 Sæpius hoc igitur tentantes, sæpe repulsi,
 Nullo conatu castro valere potiri.
 Postquam nulla viam virtus ad talia confert,

FFF iij

Protinus ad fraudem se contio barbara transfert.
 Mittitur extemplo legatio non bene cautis,
 Alliciens stolidos affatibus insidiosis,
 Cur maneant illic ubi vexet inedia clausos,
 Et mors fera licet rerum consumat egenos.
 Si vellent sanctum properanter adire Sepulcrum,
 Cuius proposito vacuassent tecta parentum,
 Ex facili posse votis gaudere peractis,
 Si cum pace velint castris exire relictis.
 Denique se votis concordibus esse paratos
 Usque in Hierusalem cunctos deducere viuos.
 Hoc quoque iurando sibi se promittere iure,
 Si non credendi teneantur conditione.
 Talibus atque aliis rationibus amplificatis,
 Inflexæ mentes populi non certa pauentis.
 Nam si fortunæ præsens ostensio blanda,
 Ignorabatur quid haberet ferre futura.
 Vestigatur ab his quæ sit fiducia cæpti:
 Iurant legati penitus nihil esse pericli.
 Ductores etenim iamdudum stare paratos,
 Ducere qui valeant iterumque reducere tutos.
 Hoc se per legem cupidè firmare paternam,
 Per superos, & si qua fides apud est Acherontem.
 Sic tamen ut positis se pacifica agmina telis
 Credere non dubitent sibi iungi fœdere cærtis.
 Sic confirmatis mediante interprete dictis,
 Et male percussis sub pacis imagine pactis.
 Credita res miseris legatio quam malè suada
 Pertulit, & pepigit iuratio plus malè fida.
 Excedunt castris, & tradunt hostibus arma
 Agmina capta dolis, & proditione subacta.
 Decipiunt ipsos ductores assimulati,
 Deducunt aliquot spatiis sub nomine pacti:
 Donec in exoriam venientes vndique vallem,
 Valli Hierusalem stnduerunt ponere nomen.
 Quo facto, medios densa statione coronant,
 Hos in Hierusalem iam se statuisse perorant,
 Quicquid promissum fuerit complexse recurant,
 Nil illis posthac iam se debere recensent.
 Vndique conclamant, gladios & spicula nudant,
 Armati nudos cædunt, feriuntque trucidant,
 Nil prohibente metu, circumque infrâque vagantur.
 Hinc etenim iugulis, sine ferro bella geruntur.
 Nuda perit virtus, nec quo se ostendere possit
 Inuenit, & quid agat nulla ratione capefcit.
 Cæduntur pauci multa inter millia pressi,
 Et quod erat granius, armis ac tegmine nudi
 Sic detruncantur, media sic cæde rotantur,
 Sic illi faciunt, sic isti perpetiuntur,
 Ut morti addicti medios clauduntur in enses,
 Ut dibacchantur pecora inter inertia tygres.
 Tali fine ruit virtus temeraria, frustra
 Dum sine consilio sperat sibi cedere cuncta.
 Et velut in messe succissi disperiere,
 Dum se non valuit virtus compressa mouere.
 Ex hac clade ferunt non euasisse vel vnum,
 Alterius partis qui detinere recessum.
 NAM meminisse decet, si qui sunt ista legentes,
 Nos dixisse supra diuisas tunc legiones,
 Quando Alemanni isti per se caput instituerunt,
 Ac sese à reliquis secernere non timuerunt.
 Qui postquam per se statuerunt castra mouere,
 Et malè conducti ceu diximus interiire:
 Illi quos dictum est metatos pone Niczam,
 Non minus aggressi stolidi leuitate rapinam:
 Lance pari timidum pariterque laceffere fortem,
 Pene paris damni metuere incurrere sortem.
 Namque acie sparsa mox discurrendo per arua

Oppida prædari primum cœpere minoræ.
 Exhinc paulatim longè latèque vagari,
 Insignes villas castellaque depopulari.
 Donec aspirans primo fortuna labori
 Suasit eos ausum cæca præbere furori.
 Vrbs etenim clara bis iam memorata Nicza,
 Olim tercentum patribus ter sexque sacrata,
 Dum per Concilium omni memorabile terra
 Dogmata sunt Arrij penes ipsam mortificata.
 Hæc erat & pollens opibus, tum robore firma
 Natura atque manu, populisque immane referta
 Qua dominabatur venerans tamen idola turba,
 Et famulabatur diuino fonte renata.
 Hanc primum prædis tentatam, necne rapinis,
 Post etiam vexant discursibus anteforanis.
 Creuit inexplicitus processu temporis ausus.
 Iam quatitur murus, nisi qua lacus imminet altus;
 Iam quasi capturi crebris assultibus urbem
 Comminus incursant plusquam sit causa timentem.
 Nam quis mirari populum male desipientem,
 Quis queat indocilem dignè incusare cohortem?
 Urbanos etenim, quos Christi fonte nitentes
 Diximus, inque vrbe non primos, sed famulantes,
 Viderunt calamos sine ferro coniciantes,
 Et manuum gestu se significando cientes,
 Ut prope congressi, muris portisque recepti,
 Vrbe potirentur socio conamine freti.
 Sed neque id obtusus valuit perpendere sensus,
 Aut intercipere voluit malè credulus ausus.
 Sic igitur cœptum medio tenus intermissum,
 Sic opere infecto est iter ad tentoria versum.
 Tunc gemini Proceres fuerant hæc regna tenentes,
 Incertum nobis an fratres, siue nepotes,
 Vni SVLTANNVS, alij nomen SOLIMANNVS,
 Diues vterque satis, & opimo milite cinctus.
 Fama relatarum veniens his nuntia rerum
 Admonuit tantum non dissimulare tumultum.
 Cogunt militiam, veniunt properando Niczam;
 Inueniunt prædis compluribus exspoliaram.
 Quæ gesta inquirent, multi conspecta renarrant,
 Multi comperta, cuncti vlciscenda perorant.
 Procedunt contra, sed non opus est via longa.
 Inueniunt prope se quibus est penuria amara.
 Namque lupos matrem solito extra pellere siluam
 Non sinit hoc placidam membris dare cura quietem.
 Ad primos visus acies statuuntur vtrimque,
 Sed non consimilis constantia perstat vtrisque.
 Primo congressu metuens fugit aduena turma,
 Solâque pugna fuit fugientum cædere terga.
 Nulli spes cordi, nulli constantia menti,
 Pectora vel facies hosti obiectare sequenti.
 Nudatis manibus, proicctis turpiter armis,
 In pedibus tota fiducia mansit inermis.
 Nec prius absistit patientia commoriendi,
 Quàm saties tenuit victores interimendi.
 Namque retro pulsos, arque in sua terga repressos,
 Fines usque suos proculcauere supremos.
 Hac in clade ruit VVALTERIVS vnus eorum
 Diximus istorum quos assumpsisse ducatum.
 Alter, id est Petrus, retro fugiendo relatus,
 Cum reliquis viuis torrente Propontidis actus.
 Circa Byzantij latebras confinia fouit,
 Donec se ducibus venientibus associauit.
 Talia diuersis stolidus comitatus in oris
 Aspera sustinuit, qui laxis fusus habenis,
 Quicquid sperauit se posse explere putauit.
 Nec ducis imperio moderantis viuere duxit.
 Has de se pœnas gentilibus exhibuerunt,

A Ac fidei nostræ spernendæ exempla dederunt.
Quamvis non longum fuerint hac laude hilarati,
Aut impune diu tulerint hac cæde potiri.
Sed quia iam rauca vult respirare camæna,
Tertius ista Tomus referet virtute resumpta.

EXPLICIT LIBER II.

INCIPIT LIBER III.

POSTEA quæ primo sunt enumerata Libello,
A diuerticulo reperendum est ordine terno,
Quo diuerticulo docuit Liber iste secundus,
Qualiter exitus fuerit malus ille tumultus.
Quo fuerat sancti via pene relicta Sepulcri,
Ni virtute foret Procerum reparata potenti.
Præmissis satis est iam dicta Volumine plaga,
Nunc ista superest dicenda sequente medela.
Postquam Dux rapidum GODEFRIDVS transiit
Hiltrum,

B Disposuitque suas turmas per aperta viarum,
Noricios fines iam præteruectus abibat.
Pannonias versus iter indefessus agebat.
Cum subito rumor nil tale timentibus asper
Aduenit, atque animos leuium pavor obruit acer.
Agmina commoti bellum fugientia vulgi,
Quod sibi in introitu terræ sua culpa mereri
Fecerat in prædis grassantibus atque rapinis,
Quod memorasse sat est Libri sermone prioris,
Occurrunt stupidis, & acerbant funera dictis.
Orant retrogradis celerent vestigia plantis,
Vulnera demonstrant putri insiccata cruore,
Quicquid perpeSSI digno deficiente dolore.
Deplorant structos capitum miseranter acruos,
Congeminant multos fluuiorum vortice merfos,
Deflent innumeros cinerem tenuis igne perustos,
Sanguinis errantes sacra circa altaria riuos,
Omnigenum mora populorum comminus arma
Nullum sufficere numerum ad gentilia monstra.
Quam potius, dum spes fugiendi, percelerarent,
Ne confecti infatiata clade perirent.

TALIA cuncta phalanx grauioræque compe-
rientes,

C Non solùm timidi, turbantur denique fortes.
Exoptantur equi multis, miliaria longè
Quot processissent vltra confinia Rheni.
Sèque super frontes illorum
Ne nece cogantur grauiora pericula adire.
Consilium fractis angusto in tempore rebus
Electum multis, agitant dum singula sensus,
Circumstare Ducem, duròsque reuoluere casus,
Implorare fidem summæ deitatis
Ne quasi se viles animas immittere morti
Ne uelit ut pecudes addicere perditioni.
Sat sibi sufficere debere exempla priorum,
Nec positos facile fines transcendere patrum.
Non sapere optandum plusquam sit copia nosse,
Nec facere audendum plusquam foret vtile posse.
Multa per extentos pollere sacraria Gallos,
Multos esse locos orandi iure dicatos
Siue Coloniaci subeant oracula Petri,
Siue Genitricis veneranda Palatia Christi.
Seu loca Sanctorum per plurima regna piorum,
Quorum sit precibus moles subiecta malorum.
Posse ubicumque pias diuæ bonitatis ad aures
Illacrymando preces transmittere spirituales.

Ipsam namque Deum nullatenus esse localem,
Sed totum totis in partibus esse potentem:
Nec pretiosarum gazarum quærere templa,
Sed pia, sed pura, sed amare innoxia corda.
Desinerent igitur tentare impossibiles res,
Frustraque incæptas adamare superfluitates:
Et si non possent euincere quod voluissent,
Id demum vellent adsumere quod potuissent.

TALIBVS arque aliis grauioribus ingeminatis,
Penè retrò versis inflectebantur habenis.
At ductor validis angoribus intima pressus,
Atque hamo duplici circum præcordia fixus.
Ex vno profugos cernens graue passa gementes,
Ex alio timidos bello grauiora pauentes.
Nam fortes animo, timidis agitantibus ista,
Nutabant inter Theritis & Herculis arma.
Spemque metumque inter non belli munia poscunt,
Non indigna fugæ quærenda latibula promunt.
His inquam grauib. vir maximus vndique septus.
Nunc prece, nuncq; minis, nunc verò hortatibus vsus,
Increpat quænam sit eis mutatio tanta,
Qui deuouissent Domino sese & sua cuncta.
Qui se martyrio pro Christi nomine promptos
Vsque vel in mortem iurassent subiiciendos,
Cur necdum positos in belli limine primo
Cogat eos retro fugiendi dira cupido.
Cur quos terrifici necdum canor increpet æris,
Nec moueant pulsus vexilla volantia ventis,
Rumor iners agitet generosa relinquere cæpta,
Et nondum visa dare terga fugacio pugna.
Quid mirum si pacifica statione recepti,
In prædâ versis, fuerint bellando repulsi?
Hoc se facturos, si quid sibi tale veniret,
Et mala quisquam illis propter benefacta referret.
Non debere viam rapto feruere beatam,
Sed dare quàm rapere plebem pia vota professam.
Qui venit ut cinis, & mox grassatur ut hostis,
Non mirum sua si patiatur sæua tyrannis.
Ne quid fortè sibi possit contingere tale,
Se curaturum, non sanguine, sed ratione.
Namque manus meritis quæ dat sua iura superbis,
Mitibus hæc eadem dat munera prosperitatis.
Deniq; splendiferum quæ fornax comprobat aurum,
Hæc eadem reprobatur velut ad nihil vile plumbum.
Quæ moto paleas exterminat area vento,
Hæc eadem puro seruat loca congrua grano.
Nosse decere omnes, constantes mentis in actus,
Non sine diuino hæc suscepta pericula nutu,
Quæ sic per cuncti placuissent climata mundi,
In quibus accipitur nomen venerabile Christi.
Et si quos fidei modicæ ferus atterat hostis,
Nil hoc officere fidei integritate probatis,
Quæ montes etiam deitate fauente moueret.
Talia si noscens nullatenus addubitarer.

TALIBVS admoniti redeunt in fortia cuncti,
Et timidos etiam piguit voluisse reuerti.
Ut reuocantur apes post tædia mellificandi,
Dum recreant animos æris commenta sonori.
Tunc ad rumigeros versus, profugòsque manipulos,
Increpat atque minis prope territat exanimatos.
Quid turbare rudes ipsis conuenerit aures,
Atque enervandas animi conquirere vires.
Cetera si pergant, non hos sibi perpetiendos,
Stigmatibus sedenim candentibus inficiendos.
Discedant potius, melioribus atque locum dent.
Ne sibi coniunctos veluti contagia lædant.
Vnumquemque suis satis est fore inutile membrum,
Nedum sepositis morbum inculcare nocuum.

FFF iij

MITTITVR interea rectori Pannoniarum
 Dicta ferens legum Legatio pacificarum,
 Ductorem regni stipatum milite Christi
 Deuouisse viam sancti sub honore Sepulcri:
 Velle iter inpauidum sua per confinia ferre,
 Exorare sibi blandè sua claustra patere.
 Mercaturarum precio sibi munia iusto
 Commutare velit, pacis præbente ministro.
 Velle etiam stabili se conditione pacisci
 Ne sibi quis noceat Pannon, neque quis suus vlli.
 Quod commisissent malè qui commissa lussent,
 Ne quis speraret firma ratione cauerent.
 Obsidibus namque firmaret protinus ipse,
 Et non externis, sed germano obside fratre,
 Quod nihil aduersi per se accideret regioni.
 Hoc & idè sibi per eos debere rependi,
 Hoc & ab ingressu regionis continuari,
 Donec in egressu contingeret exspatiari.
 Talia dum passim Legatio docta perorat,
 Rex cum consilio seriatim singula tractat.
 Omnia rimantes dum disceptando trahuntur,
 Nil fore quod possit reprehendi iure fatentur.
 Censent mandatis responsa decencia reddi,
 Vt benè sit veniens ductori notificari.
 Officiis onerant legatos muneribusque.
 Aduentus statuunt signando dièmq; locumque.
 Gaudent non modicè regiones Pannoniarum,
 Quod dignè exceptæ legiones Francigenarum.
 Sufficerent sese purgare à crimine cædis,
 Vnde supra cæx est descripta tragœdia gentis.
 Dicta dies venit, locus alma Sabaria cessit.
 Qua, Martine, tuus sacer ortus in Orbe reluxit.
 Huc Rex deuotus cum cœtu Pontificali,
 Cum Ducibus, populo, sacri sed & agmine Cleri,
 Cùmque faris, crucibus, Librisque Euangeliorum,
 Reliquiis sacris, & honoribus Ecclesiarum,
 Obuius accurrit, venientibus oscula figit,
 Cum iubilo ac hymnis intra sacra ducit.
 Hospitio celebri regaliter amplificauit,
 Obsidibus pactum sumptisque datisque sacrauit,
 Per totum Regnum venalia multiplicari,
 Ac per iter totum gradientibus associari
 Iussit, & emensis propriæ regionibus oræ,
 Munera cum vadibus regalia contulit, atque
 Auxilio ratos opibusque & honoribus auctos,
 Iussit abire Dei cum pace beatificandos.

HINC prætergressi, vestigia longæque mensi,
 Per quæ pertulerant memorata pericula primi,
 Discunt quid valeat moderatio, consiliūque,
 Contra quid noceat remeraria causa, furorque,
 Cum modo seruitio sibi sint & subditi,
 Qui fuerant illis inhonestæ perditioni.

INDE per extensas regiones multimodasque
 Ire viam Domini properans exercitus ille,
 Laua dexter habet Mithridatis Pontica regna,
 Dextra conspiciens Danaos & Achaica rura,
 Nomine quæ tellus generali Græcia dicta.
 Scinditur in multa specialia nomina ducta.
 Namque est Epirus, Pelopis tunc Insula, & Hellas,
 Arcadia atque Argi, tunc quæ tenet ora Laconas,
 Attica Boëis, Locrisque, & Theffalia acris.
 Hinc Macedum Regio, Dodona, Aetolia, Phœcis,
 Qua quondam rabie Persarum mortificata,
 Massilia, est profugis à ciuibus ædificata.

EX HINC longarum post interiecta viarum,
 Ad Solis rutilum se pertendentibus ortum,
 Est regio * edmini sortita vocabula mundi,
 Selson vicini dirimens à litore Abydi,

Qua iuuenis, calidis strictum mare dum secat vlnis, A
 Pertulit iratis miserabile funus ab vndis.
 Qua fugiens socia Phryxus patria arma sorore,
 Perpetuum Ponto dat ab ipsa nomen habere.
 Qua Constantini Chalcedone diuidit urbem
 Stringens se fluctus stadia in velocia septem.
 Sic à se dirimens simul Europen Asiāque,
 Vt Zephyro atque Euro sit terminus vnus vtrisque.

VLTIMA non magnis distantibus intervallis,
 Arua iacent Phrygiæ maioris, itèmq; minoris,
 In quibus effulgit præclaro nomine Troia,
 Inclyta per bella longè per sæcula nota.
 Quæ quia non vnquam nisi prodita victa fuisset,
 Prodita verò etiam capta atque excisa flagrasset,
 Eius dispersi per mundi climata ciues
 Multas struxerunt variis regionibus vrbes.
 Vt Parauis sedes, vt mœnia iuncta Timauo,
 Vt Salamina potens in opima condita Cypro,
 Vt Capua atque Alba, necnon pulcherrima Roma.
 Ostia quin etiam Tiberina, vel Apula Troia.
 Vt fera vicino constructa Sicambria Rheno.
 Quæ post deuicta circum Mæotida Alano
 Francorum nomen meruit virtute fidei.
 Mixtæque cum Gallis sumpsit sibi culmina regni. B
 Sed quia ab incæpto digressio facta remouit
 Propositum, repetat calamus qua parte reliquit.

PROGREDIENS ductor memoratus in vltima,
 riora,

Constantinopolis tendebat ad anteriora.
 Quo dum metatur, dum sollicitus spariatur,
 Dum de non certis euentibus immeditatur:
 Venit ei rumor, quoniam Proceres memorati
 Portus Brundisij, Bari, vel
 Transgressi maria, residentes Dalmatiz aruis,
 Epiro & Mediis posuissent castra Liburnis.
 Complacuit fines non vrbis adire superbas,
 Non quicquam tumido cum Cæsare participare,
 Sed socios inibi communiter opperiendos,
 Ipsas consilio concorditer associandos.
 Et quicquid fieri bello vel pace sederet,
 Cunctorum concors consensus conciliaret.
 Et quoniam magna peditum se turba secuta
 Longius hinc aberat, retro sua terga relictæ,
 Nec brevis horror erat præcedere longius illos,
 Hostilesque manus inter se linquere & ipsos,
 Hos sibi mandauit celeri succedere passu.
 Ipse autem tardo mouit tentoria gressu, C
 Castrorumque vsus breuioribus intervallis,
 Præbebat tempus legionibus opperiendis:
 Quatinus & socias posset coniungere vires,
 Et tardos faceret comprehendere præuenientes.

PERVENIENS igitur citra quam diximus urbem,
 Castellum Karoli quod dicitur in stationem
 Deligit, interea vt socij fierent propiores,
 Atque vrbis posset perdiscere mores.
 Sic aliquantorum functis statione dierum,
 Dum solenne forum sibi plurima fœt specierum,
 Mœstra Palatina, dominosque simillima prauo,
 Rumores varios confingunt more profano,
 Quid sibi tanta velit mora, quid portendere possit,
 Quidnam concursus hic spondeat, atque recursus,
 Quidnam sollicitans popularia corda tumultus.
 Talia credendum celebrari non sine causa,
 Quod sic alliceret manus extera patria regna.
 Nam veri similem speciem debere videri,
 Hos in seruitium Domini potuisse moueri.
 Et nunc incæptis cessantibus hinc remorari,
 Ac velut expletis affectibus inspatiari,

- A Tales regia mens, solita est quæ cuncta pauere,
 Rumores captans monita est sua facta cauere.
 Ut potè qui Dominum famulus diademate cassum
 Fecerat, & super hanc peruaserat impia sceptrum.
 Indè sibi meritò malè conscius, atque pauescens,
 Verbâque adulantum cum sollicitudine versans,
 Ductori mandat quæ sese intentio ducat,
 Quid struat, aut quidnam sua præstolatio necet.
 Non sibi vel tutum vel honestum posse videri,
 Hos alienigenas intra sua tecta morari,
 Nec velut hospitium mutandâque claustra tueri,
 Sed quasi manfiores inrer possessa foueri.
 Ille refert, sancti sese sub honore Sepulcri
 Has agitare vias, & spe sacra loca videnti.
 Sed ne gentili succumberet impietati,
 Nolle minus cautè externæ se credere genti:
 Ne velut infauis accefferat ante manipulis,
 Accideret sanctæ lues & despectio plebis.
 Iccirco istorum spatio cessare dierum,
 Quo sibi iungatur sociorum turma sequentum.
 Hoc ut pace sua fiat deposcere. namque
 Cuncta sui iuris à se fore tuta suisque.
- B Talia maiores acuerunt dicta timores,
 Atque ex consiliis exortæ suspiciones.
 Non alia mente tota agmina iungere velle,
 Quàm peruadendi bello sua regna locosque.
 Dirigitur maior numerus mandata ferentum,
 Accipiat gazas geminorum pondus equorum,
 Transcat abductis legionibus Hellepontum,
 Inque Asiæ expectet parte explementa suorum.
 Ni faciat, non iam patienter se tolerare,
 Quin prohibere forum studeat, victumque negare,
 Et prius adductis quàm crescant agmina turmis,
 Pellere collectis extra sua castra manipulis.

Hæc audita Duci dum sunt, nil flectitur heros,
 Sed responsa refert fastus spernentia vanos.
 Fallere ait cunctos se talia velle putantes,
 Nec famulos Domini tales dare suspiciones.
 Se famulum Domini, peregrinum existere Christi,
 Nec nisi paganis deferre piacula belli.
 Si quis Christicolum sibi tale quid inferat ultro,
 Se præ se posito debere resistere Christo.
 Si sponderet opes geminorum pondus equorum,
 Se spondere triumphum, liceat modo currere ceptum.
 Esse sibi fixum socios adiungere cunctos,

- C Viribus ut iunctis pulsarent Christi inimicos.
 Ni pretio oblato veniant venalia digno,
 Se quæsituros sua commoda sine coactio.
 Namque ideo ceptum pro consuetudine tolli,
 Poscenti quoniam sunt cepta petita negari.

His irritatur furiosi Cæsaris ira,
 Infremit, ac primò prohibet venalia cuncta:
 Hinc iubet extrudi excedentibus omnia claustra.
 Post apices mittens bello parat agmina tota.
 Dux quid ad hæc faciat? victum perquirere primo
 Censuit, & post hoc venienti occurrere bello.
 Discurrunt celeres per pascua plena manipuli,
 Abducuntque pecus varium, numerabile nulli.
 Et quia tempus erat referens pia gaudia festi,
 Quo fuit æterni facta incarnatio Verbi,
 Venit ei rumor proponens munera magna,
 Bis binos Proceres, socia comitante caterva,
 Affore ducentes porcorum milia plura,
 Vnde pararentur suicia Cæsariana.
 Oblatum credit diuinitus emolumentum,
 Occurrentisque capit Proceresque pecusque coactum.
 Sic exercitibus data pleno copia cornu
 Diuino cunctos animauit fidere nutu.

His gestis, bellum fert nuntius esse paratum,
 Atque sequente die dubio sine conficiendum.
 Exoritur multus per Gallica castra tumultus,
 Feruor adhortantum magno clamore relatus.
 Territat hostiles, socias acuitque cohortes,
 Monstrans quam leue sit pigras concurrere gentes.
 Procedunt castris, volitant vexilla tu ...
 Itur in aduersos, resonant lituque tubæque.
 Non clypei clypeis, non telis tela repulsa;
 Non gladij gladiis, non ossibus ossa relicta:
 Sed ferit hæc acies, sed corruiat ictibus illa,
 Bella sed ista gerit, paritur sed comminus illa.
 Non retinent ictus scuta
 Totum transadigit quod percutit hasta
 Per galeas gladij cerebriorum aspergine manant,
 Plura superque humeros capita huc illucque recur-

sant.
 Non arcus, iaculum, non hic valere sagittæ,
 Lancea sed totum socio diiudicat ens.
 Armis, corporibus, campus consternitur omnis.
 Fit fuga cum gemitu, portis maculantur in ipsis,
 Vsq; Palatias arcus fugientia nostri
 Agmina sectantur dextra feriente minaci.
 Sic opo diuina nostris victoria plena
 Clauit, ast illis patuit miseranda ruina.

Quæ tamen infausto potuere euadere bello
 Occurrunt populo redeuntes in sua nostro.
 Nam supra dictum, peditum superesse catervam,
 Et post terga Ducis longa statione relictam,
 Ipse quibus Cæsar claustrum præcluserat omne,
 Iusserat & pulsos retro in sua terga redire.
 Sed Philippoleos, Andronopolisque receptu
 Iam pulsi fuerant spoliati que vndique centu.
 Cum malè sic habiti peterent tamen vltiora,
 Occurrere sibi quæ diximus agmina victa,
 His se conspectis magno quatiente pauore,
 Nam malè dispersi fuerant vix milia quinque,
 Hortantes alios sociant, qui pectore forti,
 Ut non sic facile cuncti morentur inulti,
 Conspiciunt iuxta saxosi culmina montis.
 Quod pertendentes, onerant sua pallia saxi.
 Hoc viso facti timidi nihilominus hostes,
 Non præsumentes peruadere sic agitates,
 Sollicitant placidis sub pacis nomine dictis,
 Ut redeant secum transcensæ mœnia ad vrbs;
 Et fore mercatum pretij solamen habenti,
 Panem verò dari nil quod mutaret habenti.
 Credunt auditis nil suspitionis habentes.
 Et qua iter ad pontem retro petiere ruentes.
 Mox circumfusi media inter milia pauci,
 Vndique vallantur velut vno carcere clausi.
 Diuiditur rumor per multas suspiciones,
 Et varios fingunt sibi credula corda timores.
 Quidam namque omnes dicebant decapitandos,
 Exilio quidam breuib; gyris relegandos.
 Quidam diuersis damnandos quaque metallis,
 Et quidam grauib; luituros prælia pœnis.
 Quid miseri facerent? tanto quatiente pauore
 Optabant citius quàm præstolando perire.
 Nacti cursorem noctuque dièque volacem,
 Mandauere Duci quam ferrent asperitatem.
 Protinus exertis percusso pectore pugnis
 Ingemit, & grauib; damnat sua facta querelis,
 Et nisi succurrat, se causam mortis eorum
 Deputat, atque reum proclamat sanguinis horum.
 Et quia fortè aderant Cæsariani
 Non benè pugnati qu
 Sumit materiem prop

Condere se pacem. belli pr.....
 Constantinopolim vacuare.....
 Transmissisque fretis securum.....
 Finibus inque Aliz Proceram.....
 Quæque mali fuerat subuertere.....
 Si domini pauper resolutus carcere miles
 Amisissique datis sequeretur pruenientes:
 Et si venali repetita conditione,
 Copia propolitz reddatur digna monetæ.
 Talibus auditis, nihil esse libentiùs illi
 Clamauere, suo magis aut optabile Regi,
 Nec diffare moram, quin augustalia sacra
 Circumquaque volent ad talia conficienda.
 Sic igitur cunctis quæ conuenere peractis,
 Fœderibusque etiam iusta vice conciliatis,
 Deserit obtemta Dux, & freta transmeat alta,
 Atque in deserta statuit Chalcedone castra.
 Sarcit semiruta, dat lapsis culmina muris,
 Et reparat fossas, ponitque repagula portis.
 Hic hyemis veniens decernit ducere tempus,
 Expectans Procerum sparfos in Achaide cœtus.

Ut primum placidi status caluere Fauoni,
 Vêrque nouum cœpit glaciali obstare rigori,
 Iam dicti Procerum mouerunt castra Magistri.
 Iungere se cupidi ductori pruenienti,
 Præful Haimarus, Boimundus, Tancradiûsque
 Hugo Comes, Stephanus, necnon Rotbertus vter-

que,
 Et reliqui, quos non per singula dinumerare
 Est opus, ac totiens eadem repetendo referre,
 Mœnibus egressi Constantinopolitanis.
 Mox..... asciti Cæsarianis.
 Q..... ductor quæ bello vincere possent.
 Quæ sibi non iustè gentilia bella tulissent,
 Ut sibi gratanter sub pacis pignore reddant.
 Quo sua..... simul auxiliûmque capefcant.
 Hæc fore Niczænam urbem, sed & Antiochenam,
 Et circum positam quoquo versus regionem
 Declaraturam super his quæ digna fuissent.
 Vtilia ut cuncta sibi nusquam defore possent,
 I..... tantum terræ omni parte daturum,
 Quatuor ut spatio peragraret maula dierum.
 Hæc sibi lurando firmari denique iure
 Per bis septenos patres sine fraude iubere.
 Illi nil contra refragari. nam sibi certè
 Aut fore parendum norant, aut morte perire.
 Iurauere tamen quia sic sua pacta valerent,
 Inuiolata sibi si regia sponsa manerent.
 His actis abeunt, fratræque Hellespontica calcant,
 Adiunctique Duci pariter socia agmina miscent.
 Militèque instructo pergunt Nicomedis ad urbem,
 Quam prætergressi simul obsedere Niczæm.

Hæc de principiis callis Hierosolymirani
 Scripsimus, ut nostræ permissum rusticitati.
 Cetera describit dominus GILLO Parisiensis.
 Cuius turpatur nostris elegantia nugis.

EXPLICIT LIBER III.

INCIPIT LIBER IV.

A domino GILONE PARISIENSI cum
 ceteris sequentibus eleganter editus.

TEXTVS Gestorum memorandus Christicola-
 rum

Est ope diuina Turcorum facta ruina.
 Hoc pro laude Dei licet impar materiei
 Carmine perstringo facili, nec ludicra fingo.
 Christe mæz menti tua bella refert volenti
 Adis, laus cuius series est Carminis huius.
 Ut benè proueniant, & te duce carmina fiant.

CHRISTICOLÆ gentes gladiòque fidèqueni-
 tentes

Ut sacra purgarent à sordibus, & superarent
 Turcos insanos fœdantes fana profanos,
 Coniurauerunt & Hierusalem petierunt.
 Ast vbi iam lassus, iam multa pericula passus
 Equoreum litus tenigit chorus ille beatus,
 Transiit æquoream rabiem, petiitque Niczæm,
 In qua ter centum ter quinque triûmque potentum
 Conuentus mores struxit, docuitque minores.
 Sed male mutata Christi que fide vacuata,
 Christum spernebat, gentilia monstra colebat,
 Et quoniam Christum prius hæc coluisse putatur,
 Ad Christum corrupta prius meritò reuocatur.

Eæc o disponunt acies, tentoria ponunt,
 Undique conueniunt, quæ bello congrua fiunt
 Partem, quam mundus vocat Occasum, Boamundæ
 Occupat, & iuxta muros statuit sua castra.
 Qui locus est infra iunctus contrarius Austro
 Ille tuæ forti datus est, Godefride, cohorti.
 In loca succedunt alij quæ congrua credunt.
 Cunctorum portus vertuntur Solis ad ortus.
 Militibus densi Raimundus cum Podiensis,
 Hugo Comes Magnus, leo sæuis, mitibus agnus,
 Et satis expertus per prælia sæua Robertus.
 Dux quoque Flandrensis, cuius non fallitur ensis,
 Et Stephanus muros expugnabat ruituros.
 Tuta sed à turbis pars vna remanserat urbis.
 Nec timet assultus pars quam Sol respicit altus.
 Frustra securos petierunt denique muros.
 Nam lacus immensus multaque putredine densus,
 Hos defendebat, nostros transire negabat.
 Sed tamen hanc partem nostri terigere per artem,
 Namque superiectis ratibus, multis quoque tectis,
 Quas Cæsar dictus vinctis per terrea bobus,
 Fecerat adduci voto tunc auxiliandi.

Sic quasi per pontes poruerunt tangere fontes.
 Acriter insistant nostri, Turci que resistunt:
 Acriter impellunt illos, illique repellunt.
 Sæua venenatas gens mittit ab orbe sagittas,
 Cuique sagitta dabat leue vulnus eum perimebat.
 Et dum successit per turpia verba lacescit
 Christi cultores, cane dicens deteriores.
 Vocibus ingratis nostris satis exagitatis,
 Altior ad muros portatur machina duos
 Gentiles miseri tandem corpore vereri.
 Nostri non segnes lapides iaculantur & ignes,
 Turres impellunt, affixæque tela reuellunt
 A clypeis, hostes telo proprio ferientes.
 Vtque cadit spissus imber cum grandine missus,
 Sic non vitæ mittuntur vbique sagittæ.
 Tela cadunt, miserique genuunt, moriuntur vbique.

A Hi gladiis, alij baculis pugnant sudibúsque.
 Magnus erat turbæ clamor trepidantis in vrbe.
 Ergo plorantes manibus quoque significantes,
 Orarunt pacem, clamarunt deditionem,
 Expediunt dextras vadúnque recludere portas,
 Exultant nostri, laudant magnalia Christi.
 Primum purgari censent à sordibus urbem,
 Et consignari per aquam prece sanctificatam.
 Cúmque hymnis crucibúsque intrant reconciliatam.
 Mittuntur sacri portantes sacra ministri,
 Lustrant securos benedicta aspergine muros
 Cantantes modulos diuinis ritibus aptos.
 Talia dum ciues visu auditúque capescunt,
 Protinus irati in gentilia monstra recurrunt,
 Cuncta profanari magica vertigine dicunt,
 Et proturbantes extra sacra agmina trudent.
 Sic irritantur Legiones Christicolarum,
 Et delusa dolent mysteria cœlicolarum.
 Acris insurgunt celeres & in arma recurrunt,
 Déque profanatis pœnas cum sanguine poscunt.
 Aerius incumbunt, balistas fundibulo aptant,
 Præfodiunt portas, miseros quasi carcere vallant.
 Excubias statuunt noctúque diéque, cauentes
 Ne quis colloquio externus iuuet interiores.
 Dúmque instant vigilantes sibi succedendo per horas,
 Repperiunt quendam per nigras ire tenebras
 Quærentem vel portas ingrediendi,
 Vel per cum clausis sermocinandi.
 Illi correptum grauitè manicisque ligatum
 Cogunt aut citius quæ nosset cuncta profari,
 Aut duræ mortis grauià experimenta lucrari.
 Ille metu victus nimio, nec longa moratus
 Dicere seruata se deuouet omnia vita.
 Hinc ubi fecit eum pia conuenientia fidum,
 Exponit missum se ciuibz insinuatum,
 Ne desperarent, sed rem virtute tenerent.
 Namque sequente die plenum solamen haberent,
 Quando obsessi mortificare
 Possent, atque opibus cum libertate vacare.
 Milia nam propius plus confedisse trecenta
 Sultanno ducibus Solimannóque coacta:
 Quæ sic de propriis se viribus exhilararent,
 Vt quasi victores iam facti glorificarent,
 Agmina Christicolum quoniam delera putarent,
 Solâque de spoliis inter se bella pararent.
 Mane etiam primo statuisent castra mouere,
 Illa quoque ante urbem vacua statione locare,
 Quæ fuerat tibi Dux Raimunde tuisque relicta,
 Quando ibi prima duces cœperunt figere castra,
 Qui retrorsus adhuc aberant ad milia bina.
 Pro quibus est missum citius, iussúque venire
 Ipsa in planitie tentoria disposuere.
 Legatus porro iam factus sponte fidelis
 Purgari sese expetiit baptismatis vnda.
 Quod dum fit citius concursu Presbyterorum,
 Egregius fulsit vir in ordine Christicolarum.
 Mane igitur primo nostri vertuntur in arma,
 Urbis perfidiam punitum sorte suprema.
 Fit clamor multus, variatur vultus.
 Istinc pugnantum, atque illinc extrema gementum.
 Tormentis, iaculis, gladiis quoque bella geruntur.
 Haud multum distat quin protinus ingrediantur.
 Dum sic instarent nostri, miseri trepidarent,
 Et iam constrati sua vellent reddere victi:
 Ecce repentino clamore vlulante Nicæa
 Milibus auditis montana videntur operata.
 Quæ dum desiliunt hinc per decliua montis,
 Altera contiguz properant per concaua vallis.

Gens tua Christe satis clemens suspirat ab imis
 Pectoribus. clari bello cœpere precari
 Supplice voce Deum, quodd eis daret ipse trophæum.
 Vt conspexerunt Turci nostros fremuerunt,
 Mox ubi struxerunt tres turmas, disposuerunt
 Quod pars intraret muros, inopésque inuaret
 Viribus & telis, & opem præberet anhelis,
 Ipsi munirent portas nostrósque ferirent.
 A gemina parte comperta protinus arte
 Noster in hostiles cuneos ruit impete miles.
 Pugnatur durè, sed non par actus vtrimque.
 Sed perimunt nostri, pereunt enormiter illi.
 Franguntur rigidæ validis impulsibus hastæ.
 Pectora rupta sonant, riuósque cruoris inundant.
 Trunca volant capita tremula velut arbore poma.
 Nec qui descendit montem posthac repetiuit.
 Et quod de nostris stolidè prædixerat hostis
 Hoc patitur victus, nec duos sustinet ictus.
 Sed celeres fugiunt, & tardi funera fiunt.
 Dimissa parma fugit hic sua dum capit arma.
 Alter prostratus cadit in capiendò moratus.
 Singula quid dico? nullus succurrit amico.
 His pietate Dei victis timere Nicæi,
 Atque metu tacti tandem cessere coacti.
 Pérque duos menses obsessæ gentis habentæ
 Dux tibi traduntur Constantinopolitanæ.
 Mittuntur plena capitum quoque milia naui.
 Seruitium primum datur hoc à milite forti.
 His ita deuictis, victis sub Rege relictis,
 Successu læti nostri nec cedere certi
 Castra mouent, Dominóque vouent ieiunia, cuius
 Auxilio vicere pio gentis scelus huius.
 Sed quoniam per dura viam fuerant habituri,
 Ne populi languore siti caderent perituri,
 In turmas cessere duas. tibi traditur vna
 Dux BOIMUNDE, tibi Comes HVG O traditur
 vna.
 Sicque graues colles nostri licet ad mala molles
 Transiliere tribus non absque labore diebus.
 Inque die quarta postquam via facta per arcta
 Illi securi quasi gens ignarâ futuri,
 Quos sibi commissos Boimundus ab agmine scissos
 Duxit lætantes, graue nil restare putantes,
 Dum malè se iactant, & dum benè facta retractant,
 Turcis insultant, ter centum milia spectant
 Turcorum mœsti, tantæque resistere pesti
 Non ausi dubitant prius ergo prælia vitant.
 Sed nullam mortem metuens BOIMUNDE cohortem
 Instruis, vt viles depellat cuspide miles:
 Et ponis iuxta riuos ex ordine castra,
 Quos nimis exosos vocat incola
 Sed nostri nondum fuerant ad bella parati,
 Cum quinquaginta centum ferrugine
 Milia Turcorum cussu portantur equorum.
 Et non paulatim veniebant, siue gradatim
 Sese commiscunt nostris, & prælia miscunt.
 Noster commixtos miles ferit eminus istos,
 Et fidei parma protectus non timet arma.
 Turci vallabant nostros, cursúque volabant.
 Et nunc instabant, nunc Christiadas fugitabant.
 Dúmque fugit Turcus, sinuatus soluitur arcus.
 Arcu quippe magis pugnant, & non sine plagis.
 Cúm graue cum Turcis bellum Boimundus haberet,
 Inque vicem Turcus nostros fugiendo fugaret,
 In fugiendo quidem vulnus facit, & fugit idem.
 Nam modo qui Turci, veteri sunt nomine Parthi,
 Fidere quos versis mos est fugiendo sagittis.

Magna cohors magni non huius conscia damni
 Gente sub ignota quasi milibus octo remota
 Colles girabat, nec tam prope bella putabat.
 Sed per Legatum bellum scit adesse paratum
 Consilio nitidus quem misit ei Boimundus.
 At dum pugnatur, dum turba vocata moratur,
 Pars ea Turcorum quos altera ripa tenebat,
 Ut faceret eadem de nostris quam sitiebat,
 Per loca nota parum tentoria Christicolarum
 Attrigit, & cædes facit hostis, & occupat ædes,
 Dâque neci lassos, & plurima vulnera passos
 Oppida seruantes iam martem ferre valentes.
 Qui si possent, mors esset honori
 Matribus truncare videres
 In fa miseris mulieres
 Hoc Boimundus castra petiuit
 Subd dimittens prælia damno
 Hósque gens mala penè necarat,
 Protinus elegit paucisque subegit
 Hanc gentem fœdam, recipit tentoria, prædam.
 A circum tentoria ponit
 Castrâque terribili pro vallo milite munit.
 DVM duplices pugnans acies, illinc Boimundus,
 Ex hac parte Comes Normannus in arma timendus,
 Francigenæ nimioque timore coacti
 Cum Duce Normanno fugiunt, & non sine damno,
 Morte, calore, siti crudeliter excruciat.
 Et nisi dum fugerent, dum palmam penè tenerent,
 Turci vincentes, se conuertisset in hostes,
 Dux Normannorum signum clamando suorum
 Lux ea plena malis nostris foret exitialis.
 Nec mora Francigenæ spe ducti sedis amœnz,
 Respiciendo mori benè pro vita meliori,
 Ad sua conuersi, circum tentoria sparsi,
 Facti castellum, permiscet denuo bellum.
 Dum nimis insistent nostri Turci que resistunt,
 Tela legunt pueri, cantant ex ordine Cleri,
 Fortes pugnabant, mulieres collacrymabant.
 Altera prostratum portabat in oppida narum.
 Est aliquid quod quisque facit, regit alter amicum,
 Hic fugit, hic sequitur, raptum capit hic inimicum.
 Penè triumphantes nostros te Christe vocantes
 Turci prosternunt, & eorum prælia spernunt.
 Vtque lupus villas circumdans
 Et quas deceptas stabulis
 Aspicit, has fundit miseris
 Sic quoque vallantes nostros Turci
 Hunc quem spectabant extra castella necabant.
 Nostri quid facerent, nisi tanta pericula ferrent?
 Non poterant dorsum dare, nec pugnare seorsum.
 Non satis est genti de palma
 Quod fuerant clausi nostri, pugnare nec ausi.
 Sed monuit mille Turcos
 Ut quæ transierant nostri
 Hac etenim de re dubij timidique fuere,
 Quod regerent aliquos
 Ast eques armatus nil ad præcepta moratus
 Montes lustrauit, crudeliter ense necauit
 Mille viros ferme, mulierum vulgus inerme
 Exanimes facti nimioque metu stupefacti,
 Multum tardatos rebûsque suis oneratos.
 Qui malè sub saxis latitantes non latuerunt
 Exploratores, sed turpiter interierunt.
 Ecce nihil timidus Comes HVGGO, Dux GODE-
 FRIDVS,
 Hortati fortem precibusque minisque cohortem,
 Cursu certabant, sociosque iuuare parabant.
 Vtique vident flentes socios iam deficientes,

Dimittuntur equi, quamuis non viribus æqui
 Essent, non dubitant, nec tela volanti vitant.

ERG O Ducum sidus cum paucis Dux GOD-
 FRIDVS,

In medium densæ gentis stricto volat ense.
 Et veluti direm sus postquam colligit iram,
 Dente carnis læsus, baculo vel arundine cæsus
 Dente carnes figit, ruit & venabula frangit:
 Hosita Godefridus & agmina sulcat.
 At Comites dant multis tartara Ditis.
 Trans ripas riuu pugnabant in pede cliui.
 Illis prostratis, de cliuo præcipitatis,
 Ascendit cliuum Comes, implet sanguine murum.
 Milia nam quinque morti dedit ipse decemque.
 Sed
 Omnibus extensis ad pugnandum. PODIENSIS
 Atque Comes fortis RAIMVNDVS, Duxque co-
 hortis,
 Audacesque viri velut ad bellum solet iri,
 Paulatim veniunt, & ab his noua prælia fiunt.
 Hi cornu dextrum cædunt, aliique sinistram.
 Qui prius inclusi fuerant formidine fusi.
 Fit strepitus multus, fit magnus utrimque tumultus,
 Nec sonitu minimo dissoluitur arcus equino
 Neruo constrictus, sine quo satis est leuis ictus
 Horum, spes quorum non est nisi cursus equorum.
 Ut vulnus geminum iactu det Turcus in vno
 Cum serpentino iaculatur tela veneno.

DVM sic pugnatur, nostri ter ab hoste fugantur,
 Tërque fugæ dantur gentiles, sed reuocantur,
 Et solitos cursus faciunt, & vulnera rursus,
 Sed puto pressissent, nec bella pati potuissent,
 Ni circa montes quidam Turci latitantes
 Acriter artarent nostros pluresque necarent.
 Quos vbi senserunt nostri Comites, statuerunt
 Ut magis audaces committere bella sagaces,
 Ad latebras irent, inopino Marte ferirent
 Hos qui pugnabant furtis, multosque necabant.
 Protinus ingentes animis armisque vigentes,
 Mille viri laudis cupidi sub tegmine fraudis
 Bella relinquentes, velut è bello fugientes
 Ascendunt taciti montes, sed monte morati.
 Non tacuit Christi miles, fugit hostis, at isti
 Ensis hos angunt, arcus & spicula frangunt.
 Non prodest domino neruo constrictus equino
 Arcus, non pharetra de cruda condita
 Non equus aut cursus, non illita spicula felle,
 Sed malè turbantur, moriuntur, præcipitantur.
 His ita dispersis, multis in tartara merfis,
 Attoniti, belli subiti formidine tacti,
 Post illos reliqui fugiunt dare terga coacti.

ERG O resumentes animos nostri fugientes
 Turbant, funduntur Turci, fugunt, moriuntur.
 Tardius egressi vel belli turbine fessi
 Acrisius insurgunt, & equos calcaribus angunt.
 Francigenæ pronos faciunt ad pectora contos.
 Cornipedes spumant, aspersi sanguine fumant.
 Fraena terunt Dominosque ferunt non impete paruo.
 Dúmque ruunt stratos feriunt. nam multus in aruo
 Turcus erat stratus, iaculis aut ense necatus.
 Exsuperare pares certant, flant non leue nares.
 Albet & intinctus tabo cum puluere rictus.
 Hostem quisque premit, sed nox obscura diremit
 Gaudia nostrorum, tristémque fugam miserorum.
 Et quod non poterat leuis arcus & inresolutus,
 Nec sonipes velox & longis cursibus aptus,
 Hoc importuna potuit nox furpis & vna.
 Quippe per noctem diram tenebrosam

Gens

A Gens inimica Deo Christi subdenda trophæo
Inuenit latebras. fugit ergo secuta tenebras.
Atq; per hanc noctem gens Christi perdidit hostem,
Et eadem nocte secutus,
S..... ad tentoria miles,
Vestibus ciues multisque camelis.
Mox Procures læti sua membra dedere quieti,
Solares ortus ubi Lucifer attulit ortus.
Surg quondam modo funera natos,
..... gemitus, sua pectora tundunt.
Quis cognati colligit ossa,
Sæpe dab tumulo caput hostis iniqui.
Esse ca
Vulnera contrectant, infixaque spicula spectant,
Vulneribus plotant, & de pietate laborant.
Aspiciuntque bonos equites in puluere pronos,
Qui dum vivebant super aurea strata iacebant,
Inque die tota non sunt tentoria mora.
Interea lassæ recreantur, vulnera passi
Curæ traduntur medicorum, tela leguntur
Et fiunt plenæ pharetræ, solidantur habenæ,
Cuncta reformantur quorum manet usus egere.

I **A**LTERA lux oriens ubi noctis depulit astra,
Castra mouens miles sequitur gentilia castra.
Miles at ille Dei cuiusdam planitiei
Dum loca transiret, & tutus ab hostibus iret,
Peste, calore, siti, moriuntur in agmine multi.
Indè recedentes securi nil metuentes,
Omne felici loca vastabant inimici,
Hostis iter tutum dabat illis
Sicque meritò moto patuit
Nec sensit pœnam quis donec ad Antiochenam
Vrbem formosam, muris opibûsque
Denique tam rite caruit via
Vt quidam Procures paucis comitantibus irent,
Egregiæque vrbes & fortia castra subirent.
Sicque per extensas terræ Pamphyliæ oras,
Et Cilicum fuit his spatiandi tuta voluptas,
Sicque metus gentes perterruit exanimatas,
Vt cum Thægenses nostrorum pauca viderent
Agmina de muris se
Sed quædam magni intercessit
Egregiôque Duci fors aspera
Nam dum per quædam cæcæta cacumine celsa
Mixtum transiret peditûmque equitûmque caterua.
Quidam monstruosa molis vel roboris usus,

C Pandebat rabidos in funera plurima rictus
Dumque interceptum peditem laceraret acerbè,
Nullus & auderet pesti obuius ire malignæ,
Vicit iter durum pietas ad cuncta parata,
Ire vel in cladem properat succurrere certa
Desiluit alipede, procurrit & obuius hosti
Ductor, & exempto præfulgurat ense potenti.
Ille autem contra prædam dimittit inermem,
Erigiturque super partem stans posteriorem.
Dux celer aduerso mucronem pectore figit,
Non tamen timente recondit,
Ille Ducem strictum validis amplectitur vlnis,
Dux nihil artando lacertis.
Sub se prosternit innodatus inhaesit.
Et dum utrimque tenentur,
Dum timere iuuatur.
Exterior pars vulnerat ensis,
Osque super edita curis.
Tandem concursibus hoste preëmpto,
Ægre vulnere duro
Hæc dedit interea Domini per castra cohortem,
Merorem causa timorem.

Tom. IV.

Nam ductori hinc affore mortem,
Quidam metuebant debilitatem.
Quorum de culmine cunctos,
Deiceret lumine cassos.
Namque vectus eorum,
Per menses victum dedit omnibus vnum.

TA NDEM diuinam recreatus per medicinam
Cum sociis urbem perpendit ad ANTIOCHENAM,
De qua nobilium complures historicorum,
Multa reliquerunt dictorum scripta suorum.
Sed neque se scriptis dignè potuisse profari,
Quæ dicenda forent sunt inter dicta professi.
Huius nam meminit Moyses Rex historicorum,
Quarto in fine Libri cui nomen dat Numerorum,
Dum Dominum narrat Tribubus præcepta seierem,
Quo sibi promissam discernant ordine terram,
Huius & insignis Hieremias, cum Sedechiam
Narrat ibi ductum pœnam dare iudicalem.
Quando suis natis sese inspectante recatis,
Luminibus petiit Babylonis mœnia fossis.
Huius Hiezechiel cum Templum spirituale
Scribit, quod reputant Iudæi materiale.
Hanc Machabæorum Liber
Quando secus Daphnem vatem dolet
Daphnes quippe fuit nemus balans suauibus herbis,
Fontibus egregiis, lauris simul ac cyparissis,
Quod nunc accipimus
Propter discursus
Alluit hanc fluvius, cui priscum nomen Orontis,
Qui modo vulgatur vocitari
Imminet huic quoque mons
Vnde ferunt Solem
Illius populus qui sit
Dicitur ex scripto reliquis
Illius atque locos reliquis
Dicunt ad Zephyros circum spirando frequentes,
Tertia maiores inter prius hæc fuit vrbes,
Quam res acciperet Byzantica quas modo vires.
Hæc etiam Christi in primis insignia sumpsit,
Christicolum nomen quando hic primordia cepit.
Hic & Apostolica Petro residente cathedra,
Floruit ante foret quam
Ergo profanatam malè Christi turba dolentes,
Ad recoaptandam Christo venire frequentes.

EXPLICIT LIBER IV.

INCIPIT LIBER V.

VRBIS vt immensæ tetigerunt mœnia mensæ
Octobris, turbis pars maxima citi girur vrbis,
Ponstamen in ferro sit peruius antea ferro,
Multaque prædati licet & multis onerari,
Essent tentoria ponunt,
Inter murumque leuatum,
Et quia bellique peritæ,
Si nocuissent,
Ingenio per vim non poruerunt.
Ingenioque fugant quæcumque vident noetura,
Accel seu quisque furura.
Ergo montem Christi scilicet aymen,
Per quem grex malis inualuisset,
Fiunt res plures fiunt ex ære secures,
Fiunt balistæ bata phallica, talpæ,
Falces, tela, faces aries, fundæque nimaces.
Multa per artifices celsas æquantur ad aëres.

G G g g

Vtq̃ue parauerunt quæcumque paranda fuerunt,
 Muros impugnant frustra, Turci que repugnant,
 Quæque parare vident nostros, vt inania rident.
 Nam quis speraret quòd gens hæc exsuperaret
 Militibus plenam tam multis Antiochenam.
 Urbem? quam clarus sapiens aliquis vel Homerus,
 Si modò vixisset, describere non potuisset.
 Christicolæ fessi sunt ad sua castra regressi,
 Et se securos intra sua castra futuros
 Nocte putauerunt. sed & hostes nocte fuerunt
 Et malè securi. nocuerunt pluribus illi,
 Nec semel hac fraude nocuit gens callida valde.
 Nocte laceſcebant nostros & nocte petebant,
 Non clausis portis inimicæ castra cohortis,
 Sed leuis interea bellum fortuna
 Inque vicem miseram gentem gens
 Sæpe super muros Turcorum
 Iamque fatigatis nostris, opibûsque
 In prædam pedites Christi
 Qui cùm prædari loca vellent
 Partim prædati, partimque
 Sed tamen illorum mortem pauci
 Narrando tristes. faciunt socios
 Vnde nimis tristis Boimundus rebus in istis,
 Supplex diuinæ rogat auxilium
 Insidiâsque parat genti quæ
 Victum quærentes nil per
 Ad victus igitur quærendos vt prius itur.
 Cum Duce Flandrensi Boimundus consociatur,
 Armigeris res armigeris prædicta dicatur.
 Præmissis mille sequitur Dux prouidus ille,
 Hos vbi prædantes videntur insidiantes,
 Protinus à latebris salientes
 Vocibus insultant, & equorum pectora voluunt,
 Armigeros feriunt, dum talia prædia fiunt.
 Cum parua gente B O I M V N D V S bella repente
 Turbauit. multos perimit. socios nec inultos
 Amplius esse finit, gemitûsque suos ibi finit.
 Hic quoque Flandrensis multos necat horridus ensis,
 Sic Turci telis populi cessere fidelis.
 Oppida victores repetunt, priscosque dolores
 Ponere præcipitant, ponunt, sollempnia fiunt.
 Tempora tranquilla victoria præbuit illa
 Victus, ac villis non insidiantibus vllis,
 Portabant gentes in castra nihil metuentes.
 A s t vbi aduenit hyems glacialis,
 Venit afflixit egestas.
 Imbr niuibûs montana tumebant,
 Armen castra iuuare solebant.
 Per nimios fluctus nimios extinguere luctus
 Non poterant. flebat populus quem grâdo grauabat,
 Non glacies, sed tela premiebant.
 Non Symeonis adibant.
 Qui nauale forum dabat omni merce decorum.
 At fidei pugiles pœnas nimias fore viles,
 Corporeas reputant, nec pœnis gaudia mutant.
 Nec bona tormentis titubat constantia mentis,
 Quamuis pressuras patiantur corpora duras.
 Sed quicumque pati potuerunt tela parati,
 Paruam nec fortem vix exstruxere cohortem,
 Atque manu parua prædam rapuere per arua.
 Q u o s tulit euentus Gallorum clara iuuentus
 Enumerare licet, sed quis tot acerrima dicet
 Prælia, pressuras, ieiunia, frigora, curas?
 Pauca quidem dico tristis, nec lumine sicco.
 Millia ter centum fuerant. tunc æstimo centum
 In bello clari vix possent annumerari.
 Sæpe quidem læti dederant sua membra quieti,

Et nil solliciti gaudebant aëre miti.
 Sed sub momento surgente per aëra vento,
 Aëris ingrati commotu præcipitati,
 Vix subita pesti poterant obſistere mœsti.
 Cunctaque lustrabant imbres, & castra natabant.
 Quique locaret equum nocturno tempore secum,
 Flebat eum mane, corpûsque trahebat inane.
 Militibus mille qui cinctus erat p
 Pro nimia peste nec nomen habebat honeste,
 Militis atque pedes factus
 Turpe quidem dictu. sed miles
 Armigerum flentem flens ipse
 A se pellebat quia nec sibi sufficiebat.
 Proh dolor! ipse pater nato
 Quos sibi seruabat victus
 Attonitis ducibus quos miserat
 Cum Duce Flandrensi solatur
 Et bellatores iubet armari
 Ter decies mille pedites Dux eligit ille,
 Armatique fere galeati mille fuere.
 Hique suos enses conuertunt
 Oppida prædantur Syriæ. nostri reticentur
 Telluris gratæ dum gaudent fertilitate,
 Diripiendo sata Syriæ gens illa beata
 Tres Ammiraldi (sic Reges quippe vocati
 Hierusalem) Calapi ductores atque Damasci
 Ipsos inuadunt. sed & hi nostris sua tradunt,
 Quippe recesserunt victi. plures perierunt.
 Hac palma freti reperunt tentoria læti.
 Dantur opes, gaudent inopes, meliûsque futurum
 Esse putant. credunt non posse resistere murum,
 Optima creduntur bona quæ mala prima sequuntur.
 H i s ita transactis mons extans mœnibus altis,
 Desuper æquatur, & castello decoratur.
 De quo spectaret speculator si qua perarer.
 Vrbs armata dolis de culmine peruia molis,
 Hic consumpserunt vim multam, nec potuerunt,
 Castrum natura munitum vellere plura,
 Agmina nam fidi Christi satis exagitati,
 Pellebant contis ciues de culmine montis.
 Viribus interea fractis ex vrbe Lycea,
 Auxilium quærun, quod non tamen obtinuerunt.
 Normanno Comiti dederant hanc, vrbe potiti
 Angli victores, patribûsque suis meliores.
 Nec gens Anglorum gessit pugnas aliorum,
 Marte sed æquato fuit illa posita trophæo.
 Hoc genus non est bis participatum,
 Mentis turma bonæ quæ gessit in obsidione,
 Nam grex Turcorum diuortia nota locorum
 Obseruans nostro castella propinqua tenebat,
 E quibus auxilium dare Christicolis prohibebat.
 Auxilij postquam fiducia non fuit vsquam,
 Hos inuaserunt metus & pudor. obriguerunt
 Audaces animi, trepidant & in agmine primi.
 Pœnitent auctores rerum tot inisse labores.
 Pœnitent incepti mox in sua castra recepti,
 Dum perscrutantur quid agant magis attenuantur
 Illorum mentes, mala quæque futura timentes.
 Quæ poterant fieri, sed mens est inscia veri.
 Mens sapit humanum. Proceres dant deniq; vanum
 Consilium turbæ, quo quisque recedat ab vrbe,
 Et se tutetur, ne turpi morte necetur.
 D v m sunt attonitæ tot gentes, fama repente
 Rem docet ingratam, pugnam prope castra paratam.
 Nam tres prædicti primo certamine victi
 Turba collecta, castrorum soluere recta
 Haud diffidebant, & ad hoc taciti veniebant.
 Hoc vbi torpentes, quasi de somno redeunt,

A Auribus hauserunt, alios alij monuerunt.
 Albescunt vultus, auditur vbique tumultus,
 Et veluti ventus cum sit subito violentus;
 Murmura parua fieti, sed non omnino quieti,
 Turbat, at instarum resonat mare, reddit hiatum
 Res referens subitas. sic aspera fama iacentes
 Attollit mentes. animos agit ipsa furentes.
 Protinus è castris acies procedit equestris,
 Quæ quadringentos armata simulque trecentos,
 Examen diræ gentis non audet adire.
 Deinde vicens dextris pede præpta cæterua pedestris,
 In numero paruo renitens exponitur aruo,
 In qua quingenti pedites ibant numerati.
 Nec simul incedunt, sed in agmine quinq; recedunt,
 Emensisque tribus leugis, aliisque duabus,
 Eminus optatos hostes videre paratos
 Ad pontem ferri, nequeunt numerando referri
 Agmina Turcorum. nec vis capit hæc oculorum
 Hostes absque mora sub eadem scilicet hora
 Nostros viderunt, & in ipsos se rapuerunt.
 Spicula mittuntur, clamores tela sequuntur.
 Instant pagani, iactus frustrantur inani.

B Turcus equo gaudens, nec prælia cominus audens
 Expectare, tonat verbis, nostrisque coronat.
 Nostri vallati stant in medio glomerati,
 Et Turcis obstant. clypei galeæque resultant
 Ictibus immensis, ensæque reuerberat ensis.
 Iamque fatigati Turci, latèque necati,
 Non spe vincendi contendunt, sed fugiendi.
 Mox versis scutis patitur fuga causa salutis.
 Turcus equum frenis indulgens vrget habenis.
 Præceps ille fugit, tellus pede concita mugit,
 In campo lentus iacet arcus puluerulentus.
 Ille iacit pictas pharetras, capit ille relictas.
 Alter currendo se liberat orbe rotundo.
 Singula quid dicam? gentem superant inimicam.
 Vix euaserunt aliqui, plures perierunt.
 Qui dum luctantur superare vadum superantur.
 In bello strati pauci sunt ense necati.
 Hinc stragem quidam gentiles prospiciebant,
 Castellum quoddam qui non procul inde tenebant.
 Illicò fugerunt deseruerunt,
 Huic Proceres nostri custodes imposuerunt,
 Qui custodirent pontem. post hæc redierunt
 Auxilio fultis fortiter vlti.
 Hos exceperunt socij, lætisque fuerunt.

C Conflatu duplici quo conciderant inimici.
 Nam dum prædicti pugnant, ad castra relictæ
 Insignem de ciuibz obtinuerunt, b.
 Et multi virtute Dei paucos timuerunt.

Nō tamen audaci populo fiducia cessit,
 Nec sociis aduersa suis fortuna repressit.
 Ergo repente cauis de turribz egredientes
 Turci, turbabant victus ad castra ferentes.
 Nēve dolo tali paterentur sæpe ruinam,
 Inuenere Duces nostri super hoc medicinam.
 Atque super montem, iuxta fluvium, propè pontem
 Castellum fieri statunt, pontemque tueri.
 Sed res difficilis ne perficeretur ab illis,
 Bello quassatis & viribus attenuatis;
 Mox Boimvndvs equo celer insilit, & quasi præco
 Conuocat è castris aliquos vergentibus astris.
 Egidij sancti Comes associatur eunti.
 Ensis ergo bonis fili sancti Symeonis
 Ad portam properant vt ab his suffragia quærant,
 Qui sua vendebant illic, nostrisque fauebant.
 Hi sunt Genuenses, Angli, Venetumque colentes,
 Pisani cuncti nauali Marte periti.

Tom. IV.

Dumque duces aberant, reliqui torpescere sperant,
 Si non impererent ciues, vbique nocerent.
 Protinus afflatis animis
 Urbanum temerè pontem
 Sic inconsultæ genti factò grege stulè,
 Prouocat hostiles prope mœnia miles.
 Funduntur portis subito clamoribus ortis
 Nudati pedites, quorum vix spicula vites,
 Prosiluntque citi iuvenes vitris redimiri,
 Et procul exertis iaculantur vtrinq; e lacertis.
 Ille sudes iacit, hic lapides, hic tela sed ille
 Dum trahitur gemit. hic petitur per spicula mille.
 Lumina nostrorum nubes hebetant iaculorum,
 Atque coartati crudeli cedere marti,
 Qui tot viceunt toties, post hoc didicerunt.
 Laxatis loris fugiunt, multumque cruoris
 Exhaustas venas dum respicit, inter habenas
 Labitur, & plenam defunctis morder harenam.
 Nullus equi frontem vertit, donec fuga potestem
 Repperit vt dixi, quem dudum nauibus ipsi
 Struxerunt. sed ibi restant animi melioris
 Agmina, quæ necdum fuerant oblita decoris.
 Et se defendunt clypeis, hostemque retardant.
 Plures dum trepidi pontem conscendere tardant,
 Turpiter oppressi moriuntur flumine missi.
 Turci lætantur sicut nostri, castra petuntur.

Nec sic lassatur ferus hostis, at insidiatur,
 Dum succedit ei malè callidus hinc aciei,
 Quæ ducis horratu veniebat cum comitatu
 Forti multiplici, sed & hunc superant inimici.
 Atque necant pedites tria millia turma quiritum,
 Euasit latitans per colles prælia vitans,
 Nec mora gaudentes de turribz illa videntes,
 Persæ ridebant nostros qui castra tenebant.
 Rémque docent signis, strepitu, clamoribus hymnis.

ERG O vir intrepidus Flandrensis, Dux GOD-
 FRIDVS,
 Robertus, Stephanus, Tancretius, Hugo, Statinus;
 Qui dum vinebat naso non laude carebat.
 Et reliqui fortes armantur, & ecce cohortes
 Procedunt, plorant quia frustra sæpe laborant.
 Optat quisque mori, nisi bellum cedat honori.
 Mors ingrata grauis, foret illis grata suavis,
 Integrat illorum mentes solatus eorum,
 Et rogat intensis precibus Præsul Podiensis
 Ne desperarent, quia credentes superarent.
 Cervicisque gregis summi signat cruce Regis,
 Pluribus hortati mortemque subire parati,
 Aut superare boni Proceres fideisque patroni.
 Illuc accelerant vbi se concurrere sperant
 Hostibus & tacitè graditur prior, & sine lite.
 Corripit ignarum Hugo ductor Francigenarum,
 Amorisque parum cures Christicolarum.
 Stantia signa ducum, vexilla vident quasi lucum.
 Nec mora per scalas Godefridus segregat alas,
 En modo deuictus Dux & de strage relictus,
 Emergit subito de montibus
 Milite signa gerens demissa, fugam sibi quærens,
 Visa recognouit vexilla merumque
 Præcipit & stare sua signa, tubisque sonare.
 Alterutrum gaudent sociorum scura videre,
 Alterutrumque viris resides animi rediere.

EXACVIT Persas victor
 Erigitur sonipes. Dominum gerit impatienter.
 Arcus lunantur, clypei galeæque parantur.
 Iam resonant nerui. iam Turci tela proterui
 Intorquent. iam cornipèdes salunt quasi cerui.
 Iam tubicen tetè lituis sonat. obstrept æther.

GGgg ij

Iam caua saxa datas voces reddunt geminatas.
 Vndique bellatur, belli fortuna vagatur.
 Nam modo terga dabant Persæ, modo nostra fugabāt
 Agmina, per bellum versat fortuna flagellum.
 Diuersum iacitur nec eisdem missile voris.
 Destinat hic iaculum præsentibus, ille remotis
 Ce Jere crinitus iuuenis non pellere doctus,
 Funditur in plano, iactu terit aëra vano.
 Nêue petat palmam gens conspicienda capillis
 Libertate fugæ, libertas clauditur illis.
 Ergo Dei Proceres vmbonibus vndique iunctis,
 Succinxere viros vt filua cacumina montis,
 Vndique stant turbæ, Godefridus pugnat ab vrbe.
 Imminet à tergo Boimundus comminus ergo
 Pugna fit immitis tanto minus apra sagittis.
 Flestit equum Parthus, nusquā vetat hoc locus artus,
 Tinguunt Persarum cruor enses Francigenarum.
 Ensis in expertis studio inerti,
 Turci per reddere ripam,
 Vt pateant tangere litus,
 Se satis exerceant nata coërcent,
 Agmina cedere victus.
 Stat stupidus via nulla saluti.
 Non iaculis licet aut solitis anfractibus vti.
 Audax & pauidus simul hic prohibetur,
 In pugna pugnare huic fuga fida negatur.
 Immodicæ turbæ modico capiuntur ab orbe,
 Turcus in sapius erigit ictum,
 Confossis costis socij. partem iuvat hostis.
 Pectora pectoribus, & membris membra reruntur.
 Soli bella gerunt nostri, Turci patiuntur.
 Parthus, Arabs, Indus succumbunt vltro mucroni.
 Nec nostri tantum possunt prosternere, quantum
 Agmina densa mori, claudit madefacta cruori
 Terra viam, rimas quia iam compleuerat imas,
 Sanguis cognatus, nec habet quos pandat hiatus
 Pulvis vbi cessit, quem sanguinis vnda repressit.
 Vincendi certum signum campum per apertum
 Conspiciunt nostri factos de sanguine riuos,
 Et sustentantes erecta cadauera viuos.
 Et quoniam tantum licuit pro strage nocentum,
 Se stolidæ gentes reputabant esse nocentes.

MILES vt Eo videt ærua cruore natate
 Cessit, & exhaustas vires timuit renouare.
 Rupit vt illa chorum nubes glomerata virorum,
 Conuersis frænis in se ruit, vrget habenis
 Lassos cornipedes, caruit noua cædes,
 Hic fratrem terit, ille patrem, ciuilia bella
 Exercent, Dominumque premit super obruta sella.
 Et velut in stagnis cum sæpe recluditur amnis,
 Vndæ derentæ disrupto repente
 Profiliunt, primæ fugiunt aliæque sequuntur.
 Impediunt alias aliæ videntur,
 Haud secus ad planum properat vulgus malè sanum,
 Et fugit ad pontem calcans dux publicus hostem.
 Occupat ingressum pontis, prohibetque regressum
 Ense cruentato, populo grauiter superato,
 Ira, locus, gladius pugnant, vim quæque Duci dant,
 Hæc animos firmat, hic impetit, illa trucidat.

Dux spes nostrorum, Turcis confusio luctus,
 Truncat equos, equites recipit
 Quod non de Tydeo legitur, non de Capanea,
 Quod non Acacides, non Hector, non Diomedes,
 Dux potuit, neque nos latuit res digna relatu.
 Mole sua Turcus Proceres multoque paratu,
 Dirus Arabs gladium voluens radiante rotatu,
 Præcipiti portatus equo celerique volatu.
 Constitit ante Ducem, putat hanc extinguere lucem,

Et super inuictum caput altius erigit ictum.
 Præcauet iratus Dux solo clypeo replicatus.
 Moxque coruscantem gladio secat & ferit hostem,
 Os caput illidit
 Spargit & aruinam cum pectore spinam,
 Sic homo truncatus cadit in duo dimidiatus,
 Atque super scutum
 Pars cecidit, pars hæret equo trahiturque supina,
 Estque non iusta rapina.
 Ictu sic vno fit magna nec vna ruina.

DICERE si vellem funera victæ
 Gentis, quas mortes sunt passæ mille cohortes.
 Aut quid Normānus Comes egerit, aut HVGGO Magnus.
 Flandrensive manus, essem me iudice vanus.
 Non Maro, non Macer, quid ibi Tancretius acer
 Fecerit exprimerent, & verbis facta carerent.
 Hic decus Eo cecidit, nullumque trophæum
 Hoc magis afflixit ciues. Sic dextra reuixit
 Mortua nostrorum satiata cruere virorum.
 Hic Ammirati primates sunt iugulati.
 Hic vrbis magnæ fractæ cecidere columnæ.
 Hic quoque consilio Rex designatus inani,
 Filius occubuit Magni Regis CASIANI.
 Corporibus plenum flumen stetit Antiochenum,
 Vndæque pallo
 In pontis strata sunt millia quinque necata,
 Fitque pauimentum de corporibus morientura.
 Iamque fatigati multis spoliis onerati,
 Nocte duces læti redeunt, dant membra quieti.
 Sed vigilant sensus, hostesque fugare videntur
 Quique suos, capuloque manus absente mouentur.
 Post vbi clara dies nituit, nostri nituere
 Vestibus. æra suis victores distribuere.

Tunc capti numerantur equi septemque fuere
 Millia, tunc equites totidem Proceres statuere,
 His ita transactis castellum turribus altis,
 Et solido fundo stabilitum dant Raimundo.

DVM bene succedit, dum sciuor alea fati
 Mergit gentiles, sunt extra castra vocati
 A ducibus magis audaces meliusque parati.
 Quilibet hostili gaudens occurrere iamque
 Ducitur ad prædam, sed non hortamine magno.
 Qui festinantes fluuiumque sub vrbe vadantes,
 Mulas & mulos capiunt, multosque camelos.
 Et subito rapiunt animalia millia quinque
 Cum totidem. licet vrbani iaculentur vtrunque.
 Hic quoque quo inuenes prædam
 Quoddam castellum vallumque
 Illud Tancreto committitur
 Nam præmonstrabat
 Urbis custodem
 Iam timet obsessus ciuis
 Est insultantis populi
 Pluribus afflictus
 Acrius angebat, quia
 POSTHÆC inter se statuerunt talia Persæ;
 Vt pax ad tempus cum Christicolis habeatur,
 Qualiter interea se reddant discutiantur.
 Sic igitur coram pax confirmatur ad horam,
 Portæ cælatae sunt interea resecatae,
 Muros hostiles posita formidine miles
 Circuit, & tuto Parthi tandemque soluto
 Arcu ridebant nostris & castra petebant.

At GVALO vir fortis dum lumina pascit in hortis,
 Perfidiæ gentis nimis immemor hæc simulantis,
 Dum delectatur, male fida fides violatur.
 Occubuit nempe loca dum videt æmula Tempe,
 Iura fidelsque data sunt morte viri temerata,

A Quem simul elusit, se ciuis in vrbe retrusit.

AVDIT VT funus HVMBERGA decens &
HVGONIS

Filia, nupta prius Comitum, tunc nupta Gualonis,
Palluit, atque genas secat vnguibus illa proteruis,
Et sustentatur matrum stipata cateruis.

Dextera comas lacerat, sed quæ lacerat laceratur;
Subtilisque manus subtili crine secatur,
Exanimemque diu vix pressa dolore relinquit.
Et tandem voci via vix laxatur, & inquit.

TANTANE sustinuit Deus infortunia genti,
Occurrisse suæ plus inimica mihi?

Ocubuisse decus Francorum, maximus hostis,

Hostibus ille meus, spesque salutis suis?

Eheu quis mihi det misera decedere vita,

Languet & occubuit vir Gualo vita mea.

Me miseram non obsequium miserabile feci,

Vir tibi cum caderes cum pariter cecidi.

Hei mihi! non foui, non clausi, non ego laui

Os, oculos, vulnus, veste, manu, lacrymis.

Tu mihi, tu certe memini iurare solebas,

Te vitaturum cautius insidias.

B Sed quam non poterat gens perfida demere bello,
Est sublata tibi vita beata dolo.

Figite me quibus est pietas, opponite telis

Parthorum miseram, mors mihi pœna levis.

Mors mihi pœna levis; si iungar morte Gualoni,

Si non sim Turco præda futura truci.

Hos leuat Eurardus frater solamine luctus,

Et reprimat blanda voce graues gemitus.

Sic apud hostilem variis euentibus urbem

Ducebant longam nostratæ obsidionem.

Inter Christicolæ & Christi nominis hostes,

Pugna trahebatur prope denos aspera menses.

Instabant isti fidei virtute superna,

Obstabant illi nitentes fraude pare

Sperabant siquidem nostros vel deficientes

Deserere in medio frustratos sæpe labores,

Vel sibi Myriadas Persarum gentis adesse,

More locustarumque obstantia cuncta vorare.

Tali comperto rumore beata caterua

In conspectu urbis producit pignora sacra.

Illic obsidio septem inratum in annos,

Rursus & in totidem. nisi virtus cælica muros

Panderet ante sibi, quæ spem resecauit inanem

Ciuiibus, immodicumque incussit causa timorem :-

C

EXPLICIT LIBER V.

INCIPIT LIBER VI.

TALIA apud Syriam varia dum sorte geruntur,
Nuncque hinc inde illinc mala vel bona distri-
buuntur,

Venit ad Heroas supplex Legatio nostros,

Consilij poscens simul auxiliique ministros.

Præcipueque Ducis compellat nobile nomen

Vulgatum fama terram volitante per omnem.

Vnde tamen vel cur Legatio venerit ista,

Restat vt expediat narratio suppeditata.

TERRA inter geminos dirissima clauditur amnes,

Tygrin & Euphratem, populos famosa per omnes.

In Græco retinens Mesopotamia nomen,

Ex habit conseruat nominis omen.

A fluuio ad tantum distare videtur,

Quantum ... pedibus septena luce meatur.

Hæc inter plures gremio quas continet vrbes,

Tom. I V.

Vrbs antiqua, potens, speciosa, & diuite vena,

Eminet antiquæ Babylonis nòmpe corua.

Nam quo Chaldaeam pharetrata Semiramis arcem

Tempore construxit simul hæc quoque condita fuisse:

Nomine corrupto quæ nunc R A H A S I A dicta,

Temporis antiqui possedit nomen Edyssa.

Hæc secus Assyrias iacet ad sex millia Chartas,

Romanis ducibus Crassorum morte perosas,

In quibus antiquus degebat Abram Patriarcha.

Cum de Chaldaica diuino numine flamma,

Erutus equalis fuerat quæ frater adustus,

Vnde & voce Dei mox est excedere iussus.

Sed iam præmissæ textus reperatur Edyssa.

In qua regnauit fuit Abgarus ille beatus,

Ex Domini Christi rescripto magnificatus.

Ac morbi veteris cruciatibus exoneratus,

Hæc ibi temporibus permansit epistola multis,

Atque ea ab aduersis tutauit mœnia cunctis.

Nam si barbaricus furor illuc perueniebat,

Baptizatus eam puer alta ex arce legebat,

Moxque vel in pacem gens ex feritate redibat,

Aut terrore fugam diuino tacta petebat.

Hic quoque Thaddæus in Septuaginta probatus,

Et fidei normam contradidit & requieuit,

Hic etiam Thomæ qui Christi vulnera sensit,

Et dubitans nobis dubitandi crimen ademit.

Corpus ab Indorum regionibus esse relatum

Creditur, & magnis hic honoribus accumulatum.

Hæc semel in Christi postquam amorem,

Numquam sustinuit frigidescere religionem,

Sed neque schismaticis patiens concedere ad horam,

Catholici tenuit moderaminis integritatem,

Vnde & gentilis mala plurima conditionis,

Et tulit hæreticæ feritates impietatis.

Maxima sed fuit hæc odiorum primæque causa,

Quæ super hanc grauius commouit finitima arma,

Quod Syriæ veniens Christi chorus ad regionem

Antiochi quateret variis conflictibus urbem.

Et nec eos magno valuissent vincere bello,

Sed nec ab oblesso saltem depellere muro.

Inde graues iræ contra genus omne piorum,

Et desiderium delendi nomen eorum

Propterea cessam circa concursus Edyssam

Vastabat totam regionis fertilitatem.

Illuc vicini cuncta de parte gregati,

Illuc longinqui fama stimulante vocati.

Oppida, rura, casas, castellaque concutiebant

Matres, præda, viros, animalia diripiebant.

Nonnunquam portis quoque pugnabatur in istis,

Mutua feruebant vulnera telis.

Ciuibus fessis non futile visum,

Auxilium contra perquirunt Christicolarum.

Hæc causa Legatio iam memorata,

Missæ superueniens penetrauit Gallica castra.

Monstrant & socios in Christi religione,

Et conseruata semper fidei integritate,

..... grauiæ hæc sibi proueniebant,

Auxilium per eos sibi dandum iure ferebant,

Præcipueque Ducis personam sollicitabant,

Namque plus formidabile norant.

TALIA mouerunt Procerum miserrantia corda,

Quid sit opus facto tractant indagine multa.

Credunt proficuum sibi deinceps esse futurum,

Si per se columen præstetur rebus eorum.

Hinc sibi iuncturos socialia fœdera multos.

Magnam verò sibi super hoc accrescere laudem,

Spargendumque suum longè latèque timorem,

Si cum præsentem retinerent obsidionem,

G G g g ij

Largirentur opem longinquis auxiliarem.
 His aliisque modis dicta ratione probata;
 Ardor inest cunctis citius gnauare precata.
 Sed quia presentis domitandi fulmina gentis
 Maior cura ducem sociatibus abstrahit armis.
 Quod pignus pro se dare carius esse probauit,
 Fratrem quippe suum poscentibus associat.
 Cum quo militiae partem quam mittere dignum.
 Credidit, emisit populatis suppetiatum.
 Iste minor natus fuit eius denique frater,
 Qui post se rexit Solymerum sceptrum decenter.
 Tunc proficiscentes longarum strata viarum,
 Nempe decem spatiis inter diuisa dierum,
 Tandem perueniunt memoratam saepius urbem.
 Conficiunt stragem de vastatoribus acrem.
 Arfacidae victi, neque comminus arma ferentes,
 Diffugiunt arcus ut inutile reicientes.
 Dum non expertam nequeunt protendere ...
 In pedibusque citis totam posuere salutem.
 Nec nisi qui latuit Francorum vulnera fugit.
 Nec qui defluuit sella post hanc repetiuit.
 Nec veniens vulnus cutis exteriora
 Sed caesim punctumque animae
 Nec fuit his mirum Gallorum tela pauere,
 Et collisam nimis post pectora terga fouere.
 Dum quorum fuerant virtutibus omnia prona,
 Solaque habebatur gentilis gloria pugna.
 Cum Gallis fueri pro sola bella salute,
 Ducere, saepe fugam sibi pro victoria habere.
 Quos à se Crassi meminissent funere victos,
 Sublatisque etiam signis sua sub iuga missos:
 Cum Romanorum per plurima nomina gentis,
 Obruit Euphrates, & multa cadauera Tygris
 Detulit in terras ac reddidit. Ergo repulsis
 Hostibus, & caecis condentibus ora caernis,
 Omni pacata regione & constabilita,
 Nulla se laetis specie miscente maligna:
 Urbis regnator fratrem ductoris adoptat,
 Utque pater natum penitus sibinectere certat.
 Delegat terram, regionem subiugat omnem,
 In sua praefata manus facit ipsam iungere plebem.
 Lata coronatur facies & concinit urbis.
 Diuersis modulis iubilatio consonat astris.
 Cotidie cessam feruet concursus ad aulam,
 Vnanimes nostram certant addiscere legem,
 Funditur in cunctos pax & concordia ciues.
 Iur componunt undique lites,
 Militiam exercet sub certo iudice tyro.
 Hinc eques hincque pedes recto mouet agmina gyro
 Pellitur atra fames, opulentia regnat in omnes,
 Non aliquos patitur bonitas communis egentes.
 Ductoris nostri nimio plebs ardet amore,
 Nec satis expleri visu valet alloquiisque,
 Felices sese reputant fore iudice tali.
 In quo non nisi pax poterat bonitasque videri,
 In quo militiae decor & virtutis honestas,
 Omnibus exemplo poterat communiter esse.
 Nam veluti Paulus sic omnibus omnia factus,
 Sic erat in cunctos moderanter morigeratus,
 Fortibus ut fortis, infirmis penes sodalis,
 Gauderet laetis, & compateretur amaris.
 Largus erat largis, quasi parcus denique parcis.
 Mihi & mitis, feritate tumentibus asper,
 Sic se conformans cunctis moderamine miro,
 Ut velut in speculo se quisque videret in illo.
 Hoc inspectanti diuini plasmatis hosti,
 Inuidiae patri non esse valebat amori.
 Unde sibi ingenti liuoris fomite moto,

Collectoque suae impietatis in arma veneno.
 Regnatorem urbis prius hoc se latificantem,
 Mouit in inuidiam mentis nimiumque dolorem.
 Crescere quicquid huic cernit de plebis amore,
 Diminui sibi sperat distante timore.
 Unde in dogma cadens peruersum heredis iniqui,
 Et metuens ab eo de regni culmine pelli:
 Hunc quem summissis precibus sibi muneribusque
 Ad succurrendum rogauerat ante venire.
 Quique sibi patriam penitus tutore carentem,
 Penes & ab hoste malo ferro flammisque ruentem,
 Cadibus & praedis omni de parte gementem,
 Reddiderat summo conamine nil metuentem.
 Quirit quo genere speciemque modoque vel arte
 Possit ad interitus ealum foueamque rotare.
 Si faciat, sceptri fructum putat esse retenti:
 Si non, desperat vitae momenta lucrari.
 Et tam peruersae mentis fuit inuidiaeque,
 Ut cum Christicolam se dici vellet & esse,
 Duxerit indignum se Christicolam adesse:
 Et tristaretur per eos sua tuta fuisse,
 Optans idolatrias potius sine honore subesse,
 Quam Christi famulis foedus sociale dedisse.
 Sed quia plebis amor nimio feruore fauebat
 Illi, cui malus hic placitum lethale parabar.
 Demonstrare palam timuit quod mente gerebat.
 Ergo Legatos similes sibi nactus iniquos,
 Hostes vicinos à Christi milite pulsos,
 Inuitat proprios veniant ut rursus in agros.
 Poeniteat quod se socios cepisse alienos.
 Hos se missurum bellandi nomine ad illos,
 Iussurumque suis ut primo limine belli
 Destituant illos fugiendo in terga regressi.
 Hos permansuros fugiendi obstante pudore,
 Sic omnes posse simul una morte perire.
 Exultant Parthi capientes quod cupiebant.
 Et celeres adsunt ut vota maligna capebant.
 Ille acuit nostros penitus nil tale cauentes,
 Donat eis comites sibi proditione sodales.
 Non tamen associat saltem de ciuibz vnum,
 Ne pateat ceptum pacto quocumque nefandum.
 Extra quassati subeunt ea castra manipuli,
 Indigenis ducibus concedere ad omnia iussi.
 Procedunt alacres consueta ad ludicra nostri,
 Occurrunt contra structis legionibus illi.
 Primo congressu penetrant media agmina Galli,
 Cadunt, prosternunt, via fit calcaribus & vi.
 Sed postquam infestis tenebrarunt obuia telis,
 Inque eadem versis referuntur proelia fraenis:
 Ecce vident socios manifesta proditione
 Diffugere, & retro dare nemine terga fugante.
 Tunc intellecta per signa parentia fraude,
 Mutuo adhortati in manibusque animas posuere.
 Amplexi clypeos, stringunt animosius enses,
 Dant validos ictus in comminus atque sedentes.
 Norunt in manibus vitam consistere & armis,
 In pedibus verò stipendia mortis inermis.
 Malunt nobiliter pugnando occumbere plagis,
 Quam Paganorum trucibus dare colla catenis.
 Non parcunt dextris, non parcunt denique telis,
 Nullus hic est iaculis leuibus locus atque sagittis.
 Aspiciunt Parthi circum iaculando vagantes,
 Pro tutela animae nostros iam rite gerentes.
 Perpendunt quod erat, quia laus sibi nulla canatur,
 Si morientibus his ipsi quoque commoriantur.
 Vincere quod nequeunt, dimittunt aufugientes,
 Dimittuntque viros damnata luce feroces.
 Desperata salus sic est pugnando reducta,

A Vt spes nequitiz in nihilum stercusque redacta.

E GREGIVS ductor fortes affatur amicos,
De fouea mortis propria virtute reuerfos.
Non bene barbaricis vnquam permixta cateruis
Agmina quæ fidei sunt enutrita trophæis,
Esse sibi tutum Comitatum linquere gentis,
Quæ specie blanda propinet pocula mortis.
Monstrari tamen hæc collectis fœdera turmis
Vt nosci valeat, placeant si talia cunctis.
Cum dicto factum celeratur. contio totæ
Cogitur, & fit eis mox hæc querimonia notæ.
Ob quæ sint missi se compleuisse perorant;
Tempus adesse sibi vt castra Antiochena reuisant.
Posthac auxilia si poscant nec mereantur,
Hoc sibi pro meritis fieri non diffiteantur.
Propter opem nec tractata se penè perisse.
His quod adhuc viuant se nullam gratiam habere,
Per Christum & dextras restare superstitæ vita.
Ergo recedere se melioraque querere pacta.

HIS dictis onerant quæ deportanda fuerunt.

Quæque graui bello per se sua facta fuerunt.

Dispositi in turmas dant agmina bellica retro,

B Et malè mercato celerant abscedere regno.

Protinus in tota fit lamentatio plebe,

Vt potè quæ fuerat non huius conscia culpæ.

Se miseros clamant, inopes, rationis egenos,

Et vice crudeli sine defensore relictos.

Postquam dicta satis quæ dici digna fuerunt,

Quæ dolor atque timor comites dicenda dederunt:

Protinus in belli rationem quæritio surgit,

Quæ sibi causa fugæ feruens querimonia poscit.

Ac primo tacitis gladium mortemque minantur,

Ni responsa sibi veracia mox referantur.

Nemo sponte luit peccata aliena silenter.

Regem sic nostri memorant iussisse potenter.

Tunc quæcumque mali illius commenta fuerunt;

Et qua de causa concorditer edocuerunt.

Nec mora fit celsam populi concursus ad aulam,

Et cum Rege agitant rationem iudicalem.

Non bene purganti fraudis criménque reiectum,

Mox est purpurea caput à ceruice resectum.

Tunc oratores mox ad tentoria mittunt,

Vt sibi consultum redeant lacrymando reposcunt.

Quamuis inuitus ductor multa prece victus,

Consilij causa est ad mœnia celsa reductus.

C Vtque fuit primum portis murisque receptus,

Omnis eum propere circumstat turma senatus.

Omnes se purgant à crimine prodicionis,

Omnes deplorant mala prauæ suspicionis,

Quæ sibi ductoris animum per cuncta benignum

Abstulerat, cum nil foret à se petpere gestum.

Omnes poscere se precibus lacrymisque profusis,

Nec se dedecoret post hæc infamia turpis,

Nec se destituat turela suæ pietatis,

Nec se mortiferis velit obicere periculis.

Eius primatum super omnia vellet amare,

Non indignetur secum regnando manere.

Ille negat sese super illum præfore posse,

Quo se contigerat urbem inuitante petisse.

Quod se purgarent satis illis gratiam habere,

Illius potè consortia nolle tenere.

Illi continuè monstrant quæ gesta fuissent,

Quæ pro perfidiz sibi crimine dona tulissent.

Ostendunt caput, hocque sui dant pignus amoris,

Quod fidei lætæ tulerat vindicta fidelis.

Hinc votis vota iungunt, precibusque precatæ,

Vimque parant, nisi flectatur sententia fixa.

Obstupuit ductor tanto se fœdere quæri

In Dominum populi pro se hac feritate seueri.

Quid sit opus facto sociorum consulit agmen,

Collaudant omnes oblatum scandere culmen.

Ingrèditur celsam cunctis lætantibus arcem,

Iuris iurandi capit vndique conditionem.

In sua sic totam componit fœdera gentem,

Defensamque regit propriis virtutibus urbem.

HIS ira compositis, & fama notificante.

Nostros obsidio dum detinet vrbis amœnæ.

Alter ad Heroas Legatio de Babylonis

Arcibus aduenit non expers prodicionis.

Hæc autem Babylon quæ nunc habitabilis exstat,

Longè à Chaldaicæ Babylonis climate distat.

Illa etenim versus Aquilonem ducitur, ista

Euronotum spectans tangit Memphitica regna.

Alluit Euphrates illam torrentibus vndis,

Fertilis hanc Nilus nigris fœcundat arenis.

Illam post Nemroth fundamina præciacientem,

Inque polos turrim sustollere percipientem,

Struxit Semiramis quadro latere æqua tenentem,

Pérque latus quodque sex denaq; millia habentem,

Millia circuitus sic sexagena ferentem,

Atque quaterna simul tota ambitione replentem.

Vndique coctilibus forma hæc circumdata muris,

Atque gygantis pedibus fuit alta ducentis.

Et cum viciis pariter spissata tricenis,

Præterea portis tantum stridebat ahenis,

In medio turrim gremio complexa superbam,

Quam scriptura refert gentem struxisse proteruam;

Cum post diluuium veniens Orientis ab axe,

Repperit hunc campum medio telluris apertæ.

Cuius planitie mox delectata capaci,

Hanc statuit turrim facere vsque ad culmina cœli.

Cumque euasisset iam millia ad vsque quaterna,

Atque foret totidem spatiosius vndique lata.

Hanc ita stultitiam pietas diuina recidit,

Vniloquam linguam per multas extenuauit.

Sic intermissa est operum præsumptio tassa,

Non intellecta alterutrum corrente loquela.

Taliter extructa viguit per tempora multa,

Regibus ac populis compluribus imperiosa.

Multa mala exercens, crudelia cuncta frequentans;

Reges excœcans, Procures populosque catenans.

Templa Dei violans, sacra vasa per idola fœdans,

Ignibus atque feris Sanctorum corpora dedens.

Donec sub Cyro Medos Persasque regente,

Summo regna Deo sibi plurima subiciente,

Capta & destructa quod fecerat est quoque passa.

Prædans prædata, captiuans exiliata.

Atque Prophetarum iuxta prædicta sacrorum,

Monstrorum facta est habitatio multimodorum.

At postquam Cyrus Scythico fuit ense necatus,

Filius ipsius Cambyses patrem imitatus,

Quæ nunc incolitur Babylonem condidit, atque

Iudæos, Arabes sibi subdidit, Æthiopasque.

Sic ex nunc & tunc Babylon Ægyptia regnat,

Et circum circa famulantia regna coartat.

Huius regnator nostris apud Antiochenam,

Insignes misit Legatos perfidus urbem.

Horum primus erat qui tunc fuit alter ab illo,

Vir bonus & prudens non ingenioque maligno.

Nescius ergo doli, neque conscius insidiarum,

Simpliciter dixit sibi quod fuit imperitarum.

Regem namque suum nostrorum gesta legentem,

Exposuit nostris multum mandare salutem.

Urbem Hierusalem sibi nunc ditione subactam,

Huius causa istos tantum sumpsisse laborem.

Velle aliquos sibi nostrorum properanter adesse

G G g g iij

Visu, colloquio, victu sibi participare:
 Si sibi vel ratio vel honestas religionis
 Suadeat ut fauceat sua conuersatio nostris.
 Iam fieri posse ut gentilia monstra refuter,
 Ut posito Christum diademate primus adoret.
 Tunc sibi Hierusalem fieri per cuncta parentem,
 Tunc sacrum tumulum, cunctum quoque, cedere honorem.
 Tunc palmeta suis infantes suggerere hastas,
 Inque Dei laudes habiles concedere spicas.
 Exultant nostri nihil hic hostile cauentes,
 Sed nomen Domini hinc celebrari suspicientes.
 Ille etiam Princeps aliorum mente benigna,
 Constat & hortatur, spondens fore prospera cuncta.
 Hos etenim incolumes deducere se fore certum,
 Rursus honorifice reducere dare pectore fixum.
 Ergo inter primos bellorum laude potentes,
 Interque eximios insignia clara ferentes,
 Ductores vocitant, complures digniter ornant,
 Cunctis militum simul utilitatibus armant,
 Et cum Legatis Legatos pergere mandant.
 Dicere vel facere quæ sint se digna perorant.
 Quid multis opus est? sociali fœdere iuncti,
 Nostri & non nostri subeunt naualia cuncti.
 Perque maris magni diuortia plurima vecti,
 Tandem sunt propius Babylonica mœnia ducti.
 Princeps officij quosdam præmittere curat,
 Atque suo Regi quæ gesserat ordine narrat.
 Ille dolos versans præceptum tale remandat,
 Ne lucente die Francos in mœnia ducat.
 Nève sitis urbis cernens manus, extera noscat,
 Sicque animos in se gens bellis aspera tollat.
 Ille dolum metuens parat, sed pectore tristi,
 Inducitque viros in mœnia nocte silenti,
 Nec malus hos Princeps patiens assistere coram,
 Omnes in quandam deduci præcipit aulam.
 Illuc inclusos, & nusquam progredientes,
 Tempore non modico tenuit suspiria dantes.
 Iussit abundantem tamen illis affore victum,
 Sic celare volens infandi pectoris æstum.
 Tandem conductor questu pulsatus ab illis,
 Et grauitur motus pro crimine suspicionis,
 Regnatorem adiit, quærit quæ causa sit ista,
 Quod se Legatum Francorum accedere castra
 Iusserit, atque viros illinc deducere claros,
 Quos à conspectu proprio velit esse remotos.
 Si quid fortè mali contradere cogitet illis,
 Non se posse pati consortia prodicionis:
 Sed conaturum toto discrimine vitæ,
 Ut sua procedat penitus Legatio ritè,
 Aut det magnificos coram se stare Quirites,
 Et patria dignos illis concedat honores,
 Aut se de proprio donatos ac renitentes,
 Efficere ut repetant sociorum castra canentes.
 Talia per socios illo monstrante potentes,
 Obstupuit rector metuens offendere plures.
 Imperat acciri personas, colloquioque
 Participans illos, interprete sed mediante,
 Quærit de sociis qui sint, quæ nomina gestent,
 Quidve potestatis propria in regione retentent.
 Illi responsa digna & veracia reddunt,
 Et pauidæ menti crementa timoris inurunt.
 Ille metum celans vultu fictumque renidens,
 Et gestus habitusque virum spectando pererrans,
 Suadet ut armati campis potiantur apertis,
 Et sua demonstrent quid Gallia possit in armis.
 Paretur. capiunt celeres insignia, & acres
 Scandentes in equos, geminas statuere cohortes
 Aspectus galeis, lorice corpora tecti,

Arduos clypeos & spicula lucida nacti,
 Aspera corripunt imitantem prælia Martem,
 Et variis monstrant patriam discursibus artem.
 Confligunt dociles relegi docilesque relinqui,
 Nunc procul absentes à se, nunc verò propinqui,
 Et nunc terga fugæ dantes, nunc versa fugantes
 Impediunt cursus concursibus, orbibus orbem.
 Nunc velut infestis in mutua vulnera telis
 Itur. at in rerum sunt omnia tuta potitis.
 Spectant Nilicolæ, spectat Rex ipse malignus,
 Atque hebetantur eis gelida formidine sensus;
 Sollicitis quia si gens talis Francigenarum,
 Hierusalem capta fines peruadat eorum,
 Nil fore virtuti quod eorum obistere possit.
 Cum vehemens bellum quasi quidam ludus eis sit.
 Tunc sibi dissimilem post se loca summa tenentem
 Conuocat, & gestit facere ex ratione furentem.
 Orat ut hos Francos, quos iussus duxerat ad se,
 Quos perpendebat, sensu sua cuncta notasse.
 Ne reduces facti socios huc affore cunctos
 Procurent, sibi clam procuret decapitandos;
 Ille velut gladij per pectus acumine fixus,
 Pessima mandantem tali mox voce secutus:
 Quænam vrsani compellat causa furoris,
 Ut sanctum nomen populis per sæcula cunctis
 Nomine sub pacis Legatos euocet ad se,
 Quos mactare velit sub operta prodicione?
 Nusquam tuta fides posthac. nil gentibus æquum,
 Hac si contingat fieri damnable iussum.
 Pacis in hoc equidem se processisse ministrum,
 Nequitiz nunquam consortem se fore viuum,
 Si sic complacere quo Franci decapitentur,
 Ceruix ante sua gladio grassante secetur.
 Sed perpendendum quocumque hæc fama volaret,
 Incurabiliter se infamia tanta notaret.
 Esse quidem damnum probitatis militumque,
 Si paucos istos contingeret oppetiisse.
 Sed tamen amissis inter tot millia paucis,
 Non multum Gallos sensuros debilitatis.
 Sed tamen immenso dolituros esse dolore,
 Atque in vindictam maiore calere furore.
 Non iam gentilem Legatio sumpta iuuaret,
 Dum res facti huius exempla sequenda probaret.
 Quin potius tales magno cumularer honore,
 Ditatosque opibus permetteret in sua abire.
 TALIBVS inflexus rationibus ille tyrannus
 Consilium mutat, sequitur quæ dicat amicus.
 Sic post immensum miles genere timorem
 In tua terga redis, claro duce fretus eodem.
 Ac per Iordanem redeuntes Hierusalémque
 Accipitis palmas, petitis loca sancta domosque.
 Omnia lustratis, pascentes lumina visu
 Discitis ignota referentes digna relatu.
 Et bonus ille Comes non vobis defuit, usque
 Dum vos securos sociis dedit incolumisque.
 Sic igitur celeri repentes castra recursum.
 Lætantes Comites proprio fecere regressu.
 Sed quia iam textus capiendæ textitur urbis,
 Hoc melius referet Libri textura sequentis.

EXPLICIT LIBER VI.

INCIPIT LIBER VII.

NUNC age virtutem solitam Rex Christe re-
uela,

A Quam neq; vis hominum tibi dant, nec plurima tela.
Nunc age Christe tuis da sæpe datum Machabæis,
Diuinum munus, tot millia vincat vt vnus.
Millia famosæ gentis ciues populosæ
Vrbis. Christe faue, vim gentis comprime prauæ.

ERGO Dei pietas per pondera tanta malorum
Inspiciens animos non defecisse suorum,
Inspirat cuidam Turco miserendo suorum,
Vt nostris urbem tradat murumque decorum
Turribus, & capiat pro munere culmen honorum.
Ista diu secum vir versans, iudicat æquum,
Vt prius hæc pandat BOIMVND O. nec mora man-
dat

Illi quanta paret. sed ne quicquam dubitaret,
Præcipit vt capiat missum dum res ea fiat.
Néve parando moram producant, tempus & horam
Hic designauit, sed in hoc Dux participauit
Consilio Procerum. Comitum pars maxima verum
Missum ferre putat. dubitans pars altera nutat.
Dicta nocte tamen BOIMVNDVS colligit agmen
Pulcius armatum, belli sudore probatum.
Dux animo flagrat, diuortia nota peragrat,

B Quisque pari voto suspirat pectore toto.
Per tenebras Dux carpit iter, galeæque nitenti
Deposita silet, & graditur sub nocte silenti.
Est via militibus timidis, iuga deura, valles
Quæque per obscuras lucebat semita calles.
Ne malè res caderet, ductor licet ipse timeret,
Quod tamen angebat mens & frons læta tegebat.
Dat spem tardanti, tristémque serenat ouanti
Vultu, virtutem stimulat, populoque salutem
Hactenus optatam nunc innuit esse paratam.
Vtique locum votis multoque labore petitem
Prospiciunt, hostémque vident vigilare peritum.
Stant procul & latebris tecti, noctisque tenebris
Collucere faces spectant, arcuque minaces,
Et discurrentes per propugnacula Turcos,
Pupureos cristis gladios verlare coruscas.
Qui loca mutantes commissa, vices variantes
Excubias noctis succedenter faciebant.
Vocibus assuetis clamores incuriebant.

Militibus clamando, Quis es? nec adesse sciebant.
Nec mora dat Dux magnanimus dignas Duce voces,
Instimulando viros verbis animosque feroces.
Pluribus optatum votis, satis inuigilatum
Tempus adest, Proceres, Domini pietate paratum.

C Tempus in hoc protracta fuit victoria sera,
Pérque nouem menses Domini vindicta scruera
Nos castigauit, sed sunt prope gaudia vera.
Ergo viri fortes forti persistite mente,
Vosque citi iuuenes muros superate repente,
Vincite sed celeres, pudeat vos vincere lentè.
Ille locus, monstratque locum, prius aggrediatur.
Vosibi palma sedens vocat, vt prius inde petatur.
Dona manent omnes, sed non mea dona vocabo,
Quod sibi quisque dabit. victori nulla negabo.
Sed moror, ite viri. cum paucis hîc ego stabo.
Accelerate boni Proceres, ego tardius ibo.
Si sit opus, pedes ipse prior certamen inibo.
Finierat. dubiusque silet Dux, atque vagantur
Per toram mentem quæcumque futura purantur.
Accelerant iuuenes. Fulcherius imminet ante.
Per tenebras legit ille vias gressu titubante.
Illis temporibus radios
Præmonstrabatur regni mutatio læta.
Astra polusque nouo sunt offuscata rubore,
Cordaque sunt hominum nimio percussa timore.

Noc t i s erat medium cum miles ad illa paratus.

Constitit ad turres quas traditor ille beatus
Seruabat, stupuitque nimis de turre vocatus.
Eia, clamabat Turcus, conscendite muros.
Summa petat virtus. præmat hostes iam ruituros,
Scalarumque modo funes huc ferte plicatos.
Mouit eos tandem lætantes sæpe rogatos.
Denique calcata formidine, vi reuocata,
Vepribus extracti vix, vincentisque coacti
Sese confortant, scalas ad mœnia portant,
Dantque retrò gressus recessus.
Fructibus meriti redeunt ad tuta reuerfi.
Et licet instaret Turcus
Nil tamen audebant, sed corda gelata stupebant.
Increpat è muris vir vocibus agmina duris.
Iamque recedebat nox, & matutina rubebar,
Cum stans in medio
Sic ait, ô
Surgite, primus ero Fulcherius ille
Natus Carnoti. Proceres
Non timeret inuictæ properare ad mœnia villæ,
Non hunc tardat onus ad ardua pronus
Euolat arma gerens, scalarumque viriliter hærens,
Illum Veneticus sequitur hostis iniquus,
Vt stant in muris Fulcherius necantur
Fulmineo vigiles
Exultat victor
Corpora trunca cadunt, lacerantur membra decora,
Adspirat f. truna viro, plebémque
Turbat quæ requiem trahit inter turam.
Euellit postes, turrésque subintrat, & hostes
Opprimat incautos. Prospectus occupat altos,
Tumque capit turres propria virtute Boëllus,
Hunc natia vocat tali cognomine tellus.
Germanos hic fortè tuos bone traditor vrbis
Sternit. quos nollet morientibus addere turbis.
..... geminos impellit ab vrbe supinos.
Iamque viri fortes pendebant vndique scalis.
Nec dubitat quisquam niti per membra sodalis.
Ascensu superant muros, fastigia dextris
Prenant, obiciunt clypeos ad tela sinistris.
Instaurant animos Turci, detrudere primos
Frustra luctantur, trepidæque manu iaculantur.
Fratrum fata dolens Turcus, sed de nece nolens
Sumere vindictam, pacémque resolvere fictam,
Fræna dat huciræ, properat portas aperire:
Educensque graues geminos de pectore clauas,
Portæ porrexit BOIMVND O. Dux quoque flexit
Supplex ante virum corpus, vultumque seuerum.
Diffugiunt miseri ciues, vbi morte teneri
Cuncta vident. telis sternuntur mœnia tota,
Et sunt de muris partim rubra signa remota,
Albæque pro rubris illic vexilla locantur.
Ad commune bonum sic agmina fida vocantur.
Clangorémque tubæ tulit ad tentoria ventus.
Nec mora profiliunt de castris agmina densa,
Deferuere duces campis tentoria tensa,
Dum sine lege ruunt. ex vrbe viros fugientes
Exciunt. terræque premunt hos sponte cadentes.
Hos non sponte cadunt quibus & cum corpore mœnes.
Agmina per portas mox irrupere patentes,
Et pressere viri primorum terga sequentes.
Protinus inuadunt urbem, dant vulnera multa,
Passim turba perit vino somnôque sepulta,
Signa canunt matrèsque gemunt, est luctus vbique.
Pérque vias omnes gentis cruor errat iniquæ.
Ore vomit cerebrum capitis compage soluta
Infans, & sordant nutricem sordida sputa.
Ad matres tendunt captiæ læmina nate,

Lumina (namque manus rigido sunt fune ligatæ)
 Flent hærentque senes templis auro spoliatis,
 Duræque percutiunt loca frontibus inueteratis.
 Emicat anteuolans GODEFRIDVS, inertia spernit
 Corpora, quosque videt torquentes spicula sternit.
 Loricæ clypeosque simul secat ense nitenti,
 Territat instantes. huic obicit hunc fugienti,
 A nece vix gladium Dux ipse potest inhibere.
 Quosque mori nollet gladio multi periere.
 Vulnere nam si quem paruo præstringere captat,
 Hunc rapido mucrone manus licet inscia mactat.
 Dum quæcunque suis suadet victoria læta,
 Gens leuis exequitur, licitis miscens inhonesta,
 Celauit pannis Regem Rex oblitus annis,
 Victorumque manus sic euasit CASIANVS.
 Non tamen est satis ereptus, sed bene notus
 Armenio cuidam, fugiens & ab vrbe remotus,
 Perdidit annosis cinctum caput vndique villis,
 Atque reportatur ceruix suspensa capillis.
 Per vicos vrbis caput applaudendo sequuntur
 Armenij, Turcique suo pro Rege queruntur.
 Vrbi contiguus mons est, montisque cacumen,
 Non leuiter valet humanum comprehendere lumen.
 Stat super hoc castrum de quo patet Antiochena
 Pulchra nimis regio, cum lux solet esse serena.
 Illuc euadunt Persæ, nostrosque sagittis
 Indè premunt, nec tota venit victoria mitis.
 Cum legione sua BORMVDVS suscipit ictus
 Illorum. petit hostis eum per mœnia victus.
 Cùmque super murum turrim Dux fortis haberet,
 Quæ munita parum castro vicinior hæret,
 Incumbebat ei sæuissima turba resumtis
 Viribus. ammentant Arabes de culmine montis.
 Ast alij conantur eum depellere contis,
 Përque globos densant cuneos, & culmina prensant,
 Prælia committunt. vix primi spicula mittunt
 Assimilanda niui, calcantque cadauera viui.
 Dux equitesque Ducis consistunt, & morientes
 Turribus euoluunt, ciuesque necant subeuntes.
 Nunc instat sude, nunc saxo. per tela ruentes
 Hos fugiunt, hos deiciunt. Dux summa tenentes
 Amputat ense manus, clypeoque sonante furentes
 Sustiner, hortatur Proceres, telis oneratur.
 Dum certant acies, iaculum femori Ducis hæsit,
 Atque virile femur grauius vulnus leue læsit.
 Dux igitur reprimens fugientis sanguinis vndam,
 Deferuit primam turrim, petiitque secundam.
 Vtique sui videre Ducis procumbere mentem,
 Apulus & Calaber fugiunt victam modo gentem.
 Sed tamen amissa vir solus in arce remansit,
 Cuius honesta satis BORMVDVS funera planxit.
 Hostibus hic mediis vbi se videt esse relictum,
 Exagitans clypeum circum sua tempora pictum.
 Territat instantes turbas sub turre vagantes.
 Obruit elapsis de summo culmine saxis,
 Mille manus lassat, vnæque viros sude quassat.
 Frustraque cementi decrustans vngue trementi,
 Stantibus infligit, ferro caua tempora figit.
 Hunc sub pace vocant ciues, succurrit at isti
 Quàm pulcrum sit Marte mori pro nomine Christi.
 Iamque superficiem clypei densauerat hostis
 Missilibus. iacet Orbis iners, pondus graue costis.
 Protinus haud timide sese super agmina iecit,
 Tormentumque nouum proprio de corpore fecit.
 Et fractus fregit multos. Hæc Apulus egit,
 Sed quis id expediat verbis? quæ lingua notare
 Funera tot poterit? tot captiuos numerare!
 Ne turbare quidem queat amplificatio verum.

Sufficiat mihi summa sequi fastigia rerum.

VRS antiqua, potens, Petri cathedra decorata, A
 Ecclesiæ Sedes post Romam iure vocata,
 Vrbibus innumeris vrbs assidue dominata,
 Muris, delubris, felix, iocunda, salubris,
 Ignorantis erat populi demersa tenebris.
 Indè sed erupit, noua facta magisque celebris,
 Vestes gemmatas, aurorque domos laqueatas
 Agmen habet nostrum, peregrinum possidet ostrum,
 Vrbis & vnus expleuit copia gentes,
 Pauperibusque nihil possunt auferre potentes.
 Seruus in hac seruos habet vrbe, cliensque clientes.
 Illam luce Iouis tuus intrat Christus satelles,
 Sed Castellanos nequit exsuperare rebelles.
 Ergo die tota pugnat, noctique labore in
 Continuat, nullumque capit sub nocte soporem.

AST vbi mane datur, Venerisque dies referatur, B
 Stans eques in muris dum sustentatur ab hasta,
 Sortitusque locum loca visit lumine vasta.
 Pulueris obscuram prospexit in aëre nubem.
 Tristia mox reliquam vocat ad spectacula pubem.
 Suspensis animis per propugnacula stabant,
 Diuersique viri diuersa videre putabant.
 Appropriare quidem muros pars vaticinatur, B
 Pars Byzantinos fore credit, quos speculatur.
 Ardentes clypeos Sol lumine percutiebat,
 Paulatimque frequens exercitus adueniebat.
 Consedere tamen procul expectando sequentes,
 Corbana militæ Princeps, reliquique potentes.
 Sed quidam Persæ iam mœnia spe capientes,
 Vrbis in aspectu campos petiere patentes,
 Diuersisque modis gaudent ibi luxuriare.
 Turpia non cessant spectantibus improperare.
 Spumantes per gramen equos dimittere certant,
 Nudatos enses iaciunt, iterumque receperant.
 Exululant, passim volitant, clausisque minantur,
 Telaque per vacuas anras temerè iaculantur.
 Tutius esse putant nostri loca certa fouere,
 Quàm casus incerta sequi, bellumque mouere.
 Sed cum iam Turci remearent vociferantes,
 De Barnanilla sequitur Rotgerus ouantes
 Cum tribus armatis. quos postquam gens memorata
 Respexit, facit insidias sub rupe cauata.
 Dumque lacessentes aliquos nostri sequerentur,
 E latebris Turci saliant, iuuenesque tenentur C
 Inclusi, versique stupent, animisque receptis,
 Vallantes penetrant clypeis ad terga reiectis,
 Vt sit vbi canibus post cerui crura solutis,
 Hi pedibus prædam, portum petit ille salutis.
 His alas addit spes, sit celer ille timore.
 Mox voti compos ceruus canis exit ab ore.
 Hos ita Parthus agit præceps in verbera pendens.
 Sic fugit ista cohors ad vitæ præmia tendens.
 Instigat socios Rotgerus, & excipit ictus.
 Hunc tardare facit probitas & conscia virtus.
 Telorum siluam vix sustinet horrida parma.
 Labentem sustentat equum. tinguit cruor arma.
 Oppressis fortuna nocet. iam deficiebant
 Instantes, Rotgere tui iam tuta tenebant,
 Cùm te præcipitat sonipes malè præcipitatus,
 Nec reuolatis equi reuoluti mole grauatus.
 Qui non parcebas hosti, foedatis in alto
 Puluere. nec voluit Turcus tibi parcere capto.
 Æstuat in muris confusa pudore iuuentus,
 Cùm premitur iaculis vir fortis ab hoste retentus.
 Auertunt oculos Proceres qui prospiciebant,
 Cùm per saxa canes insignia membra trahebant.
 Rapiatque vito subito caput amputat ensis.

A Tunc verò resonant clamoribus agmina densis.
Parthus ouat, digitisque premit caput ille cruentum.
Ora refert ad castra nigro rorantia tabo.
Vrbis ad euentus nunc ingenium reuocabo.

VRBIS quaque die Turci sua castra propinquant.

Marte minis clausis suadent ut adepta relinquunt.

Et castrum plures ex illis ingrediuntur,

Intus & exterius ita nostros aggrediuntur.

Non igitur positis telis manus vlla vacabat,

Nec galea quisquam pressum caput exonerabat.

Nocte cubant recti clypeis in puluere vili,

Membræque deficiunt ipso cruciata cubili.

Vrbis turbabat loca discursus iscalorum.

Turres indè rigent, hirsutæque tecta domorum.

Se quoque gentiles in aperta pericula mittunt,

Et propè decertant gladiis, arcusque remittunt.

Hostes & nostri modicum discrimen habebant,

Omnes quaque die sub castro conveniebant.

Iamque opibus minimis à pluribus attenuatis,

Vix aliquid victus restabat in vrbe beatis.

Ergo fames crudelis adest crudelior omni

Peste, viri vigilant, fugiunt ieiunia somni.

B Deformat macies vultus, nigriora sepulchris

Ossibus ossa micant, apparent viscera multis.

Vulgus iners herbas dubias lethumque minantes,

Vellit & in duro luctantur cespite dentes.

Froudibus hi gaudent arbuta suis spoliare,

Illi more feræ radices, prata vorare.

Multa quidem comedunt, hominum non cognita mensis.

Arida facta manus vix pondera sustinet ensis.

O referenda Dei virtus, circumdata peste,

Nostri cohors saturo ieiuna timetur ab hoste.

Res noua, crus asini libris tribus appretiat.

Quique dedit pretium non prodigus indè putatur.

Ora mouent pueri, matræque vocant morientes,

Aëra pro solitis epulis auræque tenentes.

Cursor equus quem vix nupèr carcer retinebat,

Nunc audio morsu vacuum præsepe peribat,

Et tantem posita feritate, furore remoto,

Labitur infelix, singultans corpore toto.

Deuorat hunc etiam præstans virtute iuuentus,

Et cibus iste placet populis caro licet emptus,

Dum percunt, dum qui poterat persistere fortis,

Viuit, si viuit quisquam sub imagine mortis.

C Vir quidam data nocte sibi solatia sancta

In commune refert, fidei fiducia tanta.

Ille refert palmam nostris post quinque paratam

Esse dies, hilaratque viros plebæque vocatam.

Præterea mentes nostrorum lætificauit,

Lancea quæ Domini latus innocuum penetrauit.

Hanc sancti Andree referauit visio certa,

Cuiusdâmque fuit præ cognitione reperta.

POST hæc congressum castellanis vetuere,

Et murum nostri gentilibus apposuerunt.

Pluribus exemplis ubi spes est reddita vitæ,

Ieiunant omnes triduo sicut Niniuitæ.

Tunc Eremita Ducem Turcorum Petrus adiuit,

Qui Procerum porrans mandata petenda petiuit.

CORBANA dux sublimis equo se fortè ferebat

Ad portum, læcius cohors vtrîque fremebat.

Cum subito Petrus turbam subit impediens,

Nec timuit quemdam Turcum sibi præcipientem.

Ut caput inflectat, vultumque potentis adoret,

Pectore sic placido demissa voce peroret.

Cum negat hic homini Deitatis reddere cultum,

Illus incuruat gentilis dextera vultum,

Illus à stolidis bona deridetur egestas,

Sed tamen est illi fandi concessa potestas.

MA X I M E Dux, me paruus ait, nos non aliena

Quærimus, ad nostros vrbis pertinet Antiochena,

Cur igitur nos à propria vis pellere sede?

Si censura mouet te iuris, ab vrbe recede.

Aut si credere vis erroris lege remota,

Sic Regno transcripta tuo Romania tota,

Fies Rex Syriæ, Rex istius regionis,

Tuque potens multum multis onerabere donis,

At si mente sedet pugnandi tanta voluntas,

Si maui spectare manus ad prælia iunctas,

In paribus sortem reliquorum præcipe poni,

Quique pari bello cedent cedant regioni,

Pugnant cum totidem triginta siue viginti.

Discedant, si fortè valent discere victi.

DIXIT ad hæc enseta quatiens dux **C**ORBANA nudum, **S**S.

Tunc putas impune talem dare ludum?

Hoc gladio caput arces, trucidabitur isto

Gens quæ nescio cū studet obsequium Dare Christo,

DISCEdit Petrus dictis commotus acerbis.

Arma parant Proceres auditis ordine verbis.

Ille nocte patres vigilant, errata fatentur.

Turba gemens aras tenet, Ecclesiæque replentur.

Luce data ter tres de tota gente statuta

Sunt acies, propriumque ducem sunt quæque securæ.

Quas habeant in fronte manus ibi dispoluere,

Quos medios, vel quos cupiant extrema tenere.

SISTITUR HVGGO prior, medium robur tenere

Magnanimi septem. Boimundo deseruere

Vltima, per muros custodes constituere.

Hic ducis officium Præsul Podiensis habebat,

Et populus ægri Raimundi ritè regebat.

Lancea sancta Dei præuicta viros animabat,

Membræque Pontificis lucens lorica grauabat.

Hic populi voces ubi voce manuque repressit.

Dixit, eo dicente solo gens prona siebat.

Rebus in extremis vires effundite totas,

O Proceres renouate manus Turcis benè notas.

Ite per ignauos, gladiis disrumpite gentes,

Quas primi iactus exaruant deficientes.

Mitter in auxilium Deus Angelicam Legionem.

Opprimat huc populum velut oppressit Pharaonem.

O quanto rapitur gens insensata furore!

Hæc emit infernum proprio malefana cruore.

Denique lucratur pœnam, caro bis cruciatur,

Atque per hanc mortem mortem sine fine meretur.

At nobis sit sine pati postrema necesse,

Siue Deus superat gentiles, quod piecotesse,

Exitus est felix oriatur morte corona.

Militibus diuersa dabit victoria dona.

Vinceris, virtutis erit vestræ monumentum,

Parthorum cædes iam conspicio morientum.

Ne dubitate. suos pugiles Deus haud patietur

Plura pati quàm ferre queant, ut glorificetur

Lætitia stimulis agitari lentio gentem.

Supportate viri me gaudia vestra trahentem.

Sint rata Christe precor nostris gratissima vota

Ut vincamus. amen respondet gens prece mota.

Interea mandat Dux Peisatum Boimundo

Primo suos equites dici, nostrosque secundo.

Nomen & à reliqua iubet hoc abradere gente,

Nè decus mundi mittatur in arma repente,

Præcaueant, numeroque pari pugnetur vtrîque.

Tunc ita Legatum dux increpat, ista relinque,

Desine vana loqui, nos ad maiora vocamur.

Vincamus simul o comites, simul aut moriamur.

Respexitque suos comites. bona vel mala veni

Proueniunt sanctis. nihil interea timuere
Nostri. sed portas egressi distribuere
Per loca cetera viros, dum tutus ab vrbe recessit
Nuntius. ista Deus tua dispensatio gessit.
Presbyteri muros parua cinxere corona,
Illorum iacet in muris pars maxima prona,
Ornatique stolis quas sumunt tempore Missæ
Altius hi psallunt, hi flent, orantque remisæ.

Vt sonuere tubæ, populos prior Hugo ferocēs
Inuadit. solitas inuadunt vndique voces.
Francorumque cohors longo distantia recessu,
In seriem coniuncta pari petit agmina gressu.
Stant infra iactum teli, totoque vigore
Insecuntur arcus Turci, neruo meliore
Inensos. stridendo vltane per inane sagittæ.
Instat eis oblita brevis Germania vita.
Paulatim dant pressa retrorsum & regia Parthi,
Vicini que timent dextras & mittere Marti.
Spicula Turcorum diuertit ab eamine ventus,
Eurardus de Pusiaco feruensque clientus
In bello quærunr bellum. gladiosque leuabant
Percussit, quos percuterent non inueniebant.
Nuntius ecce celer missus venit à Boimundo,
Qui dum pauca refert, sua præter radit arundo
Tempora. sed tamen hæc inquit, Boimundus vtrim-

que,

Hostibus vrgetur. fugitiuos Hugo relinque.
CONVERSI mox Hugo suis, Arabes speculatur
Hastatos circa Boimundum. tunc ita fatûr:
Quod iuuenes optastis adest. sic ferreus hastis
Horret ager. vertamur ad hos. incumbite vastis
Viribus. ergo manus iungunt Comes & Boimundus.

Hic etiam Dux ille ducum stabat GODEFRIDVS. A
At contra tendunt Arabes Regesque potentes.
Et Rex Damasci Lucas, illicque furentes
Sunt Amici duo. namque duos sic turba vocabat.
Dux Boimundus adhuc, Godefridus & ipse vacabat.
Bellum primus iniri magnus, frenumque furenti
Laxat equo. cuiusdamque viros in Marte mouenti,
Hasta dirupit guttur, vitamque loquenti
Abstulit, & voces hastilis lancea lenti
Frangitur. ille gemens petit ore solum morienti.
Concurrunt Arabes & Francigenæ violenter,
Pugna grauis surgit, telis obrexitur æther.
Hic Balgentiacus Odo primus vbique ruebat,
Vexillumque tenens se non retinere valebat.
Cum degustasset latus huic non visa sagitta,
Stridula signiferum priuauit lancea vita.
Lapsus at ille cadens humectat sanguine signum,
Et quo conideret traxit de vulnere lignum.
Mox succedit ei, signumque leuat Beniensis
Guillelmus, iuuenique viam fecit suus ensis.

NON procul hinc ibat nostrorum parua caterva,
Quos nimis vrgebat Turcorum turba proterua.
Turbæque fraude nocens ignes per gramina sparsit B
Quos aluit ventus. & sic ager aridus arsit.
Ardor at ille dedit fumum tenebrasque creauit.
Perque cauum nubem campo trahit hostis in æquo,
Atque necat pedites tercentum vulnere cæco.
Tunc cum Pagano Beluacensis Rainaldus,
Cumque Drogone Thomas, & bellipotens Clare-
baldus,
Et reliqui subiti se mortibus eripuerunt,
Et rapido cursu belli robur petiere.

F I N I S.



INDEX

RERVM AC VERBORVM

QVÆ IN TOMO IV. CONTINENTVR.

A



A 115 filia iunior Guil-
 lelmi Comitis Pictauen-
 sis nubit Comiti Viro-
 mand. 413, a
Abbas Diuionensis Guil-
 lelmi. 64, b. 97, a
Abbatix S. Victoris refor-
 matio. 604, c. 605, a
Abaelardus. 537, c. 538, a
Abbonis Apologeticus. 127, a
Abbo Abbas. 176, a
Abbo Floriacensis Abbas. 125, a. successit Oyl-
 baldo. *ibid.* electione monachorum. *ibid.*
 reclamantibus quibusdam. *ibid.* doctus.
ibid. subiectionem denegat Episcopo Au-
 relianensi. *ibid.*
Abbo pater monasterij S. Benedicti. 27, a. mar-
 tyr factus. *ibid.* eius sepultura. *ibid.* b
Abbo Floriacensis abbas miraculis coruscet.
 70, a. 75, b
Abusiones Episcoporum. 478, b
Adalradus Rex. 13, a
Adalradus Rex Anglorum. 26, c
Adalbertus pontifex regit in ciuitate Braga Ec-
 clesiam martyris Vitisclodi. 6, b
Adala soror Richardi Comitis Rhotomagen-
 sis. 82, c
Adaluis. 217, a
Adam Abbas Burgulienfis. 268, a
Adam Abbas S. Dionysij. 284, b. 293, a. 300, a
 moritur. 310, a. 336, b. fossatum. 301, a
Adela soror Blesensis Comitis. 440, b. 441, a
Adela filia Theobaldi Comitis Blesensis nubit
 Ludouico iuniori. 416, a
Adela regina Franciz. 373, a. Adelais. *ibid.*
Adela Comitissa. 217, a. 272, b. 273, a
Adelais Comitissa, domina Peritatis Balduini.
 294, b
Adelais Regina. 310, b
Adelaidis filia Ludouici iunioris & Constan-
 tiz. 415, a
Adelais Comitissa dicta Blancha. 171, a
Adeleria Puteacensis domina. 223, a. 226, b
Adelaidem Siculorum Comitissam duxit Bal-
 duinus sua vxore viuent. 864, b
Ademais Podiensis Episcopus. 803, a. 818, b.
 891, a
Ademarus Abbas Floriacensis. 423, a
Adhelais mater Roberti Itala. 63, a. constru-

xit Monasterium S. Frambaldi. 67, b. & Ar-
 gentolium. *ibid.* casulam SS. Martino &
 Dionysio. 68, a. 118, b
Admiraldus. 81, b
Aduocatus. 213, a
Aduocatus Bituniz. 432, a. 437, b
Aduocati. 131, c. 132, b. 156, a
Ala Regina soror Vvill. Rem. Archi. 437, b
Alais Ludouici iunioris filia. 410, a
Albateria castrum. 152, a
Alberadus Ep. Rhegiensis. 169, b
Albericus Epif. Hostiensis. 381, a. 385, b
Albero Treuerensis Archiep. 502, a
Alce animal. 884, a
Alexander Turomensis canonicus. 261, a
Alexander III. 416, a. 424, a. Rolandus. 425, b.
 441, b. 445, a
Alexandrum in Papam recipit Rex Hungaria.
 578, a
Alexander II. Papa. 200, c. & seqq.
Alexius Imperator. 778, c. 781, a. 857, b. 865, a
Alesia filia Ludouici iunioris. 433, b
Algaf Rex Sarracenorum ab Hispania in Ita-
 liam transfretans eam infestat. 8, a
Algarus Constantiarum Episc. 357, b
Algrinus Palatinus. 367, a. clericus regalis. *ib.*
Alienor vxor Ludouici septimi, quæ & Aanor.
 349, a. 357, b. Anondis. 382, a. Alienordis.
 301, a
Alona. 301, a
Alphonfus Comes S. Egidij. 392, a
Alphonfus Comes Tolosæ. 402, c
Alricus Astensis vrbis præsul. 41, c
Altmuzor Sarracenorum princeps. 8, b. 20, a
Aluerniz Comites regem Angliz cognoscunt.
 671, b. 670, c. 731, a. 743, b
Aluerniz Comes absolutus à Papa. 663, a
Aluerniz Comes absolutus ad cautelam. 619, a
Aluerniz Comites in Normannia. 633, a. 635, b.
 653, a
Aluersus Atrebat. Epif. 357, a
Aluinus Atrebat. Epif. 385, a. 389, b
Amalricus de Monteforti. 298, a
Amalricus Rex Hierusalem. 689, c. 698, a
Amasonia flumina. 794, b
Amanenus de Lobreto. 807, a
Amatus Archiepiscopus. 277, a
Ambianensis Epif. 552, a
Amidis filius Adelettæ. 208, a
Ammitalis Turcorum. 790, a
Amorauij gentes. 95, a

HHhh

Tom. IV.

I N D E X

Anachorita in remotioribus Afiz partibus per spatium viginti annorum segregatus à conspectu omnis hominis.	54, b. c	genere, princeps terra mari que Normannorum. 9, a. Galliam ferro & igne vastat. <i>ibid.</i> b	
Analogium.	96, a	Arsacidæ assassini.	441, a
Andela fluuius.	308, a	Assultus.	301, a
Andefonsus Rex Galliciz & Asturciz. 88, c. duxit Constantiam Roberti Ducis Burgundionum filiam.	89, a	Athenasi.	780, a
Andefonsus Rex Galliciz obit.	95, a	Aureliana sedes regia. 16, a. vnde dicta.	17, a
Andefonsus Rex Arragoniz.	<i>ibid.</i>	Aurelianensis Ecclesia infestatur à Leonio quem Ludouicus Grossus oppugnavit. 185, a	
Andebertus Archiepiscop. Bituricensis, & Dolenfis Abbas.	253, c. 254, a	Aurelianensis Episcopus.	222, a. 230, b
Andegauensis Comes Gaufridus.	149, a	Auifgundus Episcopus Cœnoman.	173, a
Andegauensis Comitatus.	474, c. 475, a	Azimatz.	814, a
Andegauensis Comes. 540, c. 541, a. 574, b. Tolosam inuadere tentat.	<i>ibid.</i>	B	
Andegauensis Comitatus prerogatiua.	319, a	B A G V L A T V S mons.	821, a
Andegauensis Comitatus nati hæredes Angliz. 390, a		Balduinus Andegauensis.	251, b
Andegauorum Comes.	440, a	Balduinus Barbatus. 144, a. Flandriz Comes. <i>ibid.</i>	
Andegauensium Comitum genealogia.	241, a	Balduinus Rex Hieros.	404, a
Andegauensis Episcopus excommunicatus. 607, a		Balduinus II. Rex Hierosolymitanus.	866, b
Andoenus Episcopus.	61, a	Balduinus Comes Flandriz.	307, b
Andreas de Ramera.	286, a	Baldarius flumen.	821, a
Angliz Rex bellum infert Ruthenenfibus. 699, a. Tolosanis parcat.	713, b	Baillui.	731, b
Annalarij doctrina.	71, b	Balistarij alij à sagittariis.	284, a. 292, b
Anselmus de Garlanda regis Dapifer captus. 294, c. 363, a. 301, a. ab Hugone Puteacensi lancea perforatur.	305, a	Balgenciacum.	222, a
Ansellus Dapifer occisus Puteoli.	365, a	Balmenfe Monasterium.	29, c
Antiochia capitur à Christianis.	90, b	Balnea.	447, a
Antiochiz situs.	804, a	Baltildis Clodouei vxor.	59, c
Antiochiz obsidio.	785, a	Barchinonensis Comes.	713, a
Antissiodorensis Comes Landricus.	143, c	Barones feodati S. Dionysij.	318, a
Antissiodorum nunquam captum.	10, a	Barrense castrum.	38, a
Apices.	128, a	Barri Comes.	163, b
Apostolicus Episcopus dictus.	61, b	Basilius Imperator fit monachus. 80, a. à Northmannis victus.	<i>ibid.</i>
Appotamus.	883, a	Basilonas	681, a
Aquilani.	782, a. 814, b	Baudouinus frater Godofredi. 779, a. 777, b. fit Rex. 840, a. eius expeditio in Arabiam. 842, a. moritur.	865, b
Aquitaniz.	474, a	Bauoberch Monasterium id est Bauonis mons, 23, b. ab Henrico Saxonum rege constructum.	<i>ibid.</i>
Arabes.	782, b	Bauonis mons & Monasterium.	23, b. 25, a
Arbores à paganis cultæ.	6, a	Beatrix Comitissa.	208, a
Archambaudus de Borbonio.	630, a	Beda scripsit historiam Anglorum.	1, a
Archambaldus de Borbonio.	392, a	Belesmenfis Guillelmus.	141, a
Archicancellarius Italiz Coloniensis Archiep.	578, b	Belfa. 300, a. Villana.	555, b
Arduus fluuiolus. 27, a. eius proprietas. <i>ibid.</i>		Bellimontensis Comes Matheus. 283, a. 284, b. 285, a	
Aremburgis Comitissa Andegau.	319, a	Bellum inter reges Francorum & Saxonum	
Argentoliense Monasterium S. Dion. restituitur Honorij Papæ sententia.	312, a	Beluacensis Episcopus.	442, a
Argentolium datum K. Magni filiz Sanctimoniali. 331. Argentolium.	67, b	Benedicta reclusa.	256, a
Aribaldus Episc. Vielicensis.	169, b	Benedictus Cardinalis.	227, a. 248, b
Armentio fluuius.	56, a	Benedictus Papa.	23, c. 24, a
Arnulphus Episcopus Aurelianensis.	125, b	Berengarius.	259, a
Arnulphus eligitur Patriarcha.	812, b	Beroldus Episcopus.	181, b
Arnulphus Remorum Archiepiscopus depositus. 129, a. quod nothus.	142, a	Berardus Sueffionensis Episcopus.	191, a
Arnulphus Episc. Lisienensis.	392, b	Beraldus de Mercur.	663, a. 681, b
Arnulphus Lexouienfis Episc. 463, a. 467, b. 510, c. 511, a		Berengarius damnat suam hæresim.	87, c
Arnulphus Turonensis Archiepisc.	73, b	Bernardus Pisanus.	561, a
Aruernicum Comitium.	819, a	Bernardus de Grandimonte.	475, a
Aruernense Concilium.	226, a. 241, b	Bernardus Abbas primùm Selemnienfis, tum Bellilocenfis. 127, c. fit Episcopus Tolosanus.	128, a
Astingus Gallus Treassinus ex rusticorum		Bernerius Meldensis Episc.	73, b
		Berta vxor Roberti.	118, a
		Bertrada Philippi pellex. 283, a. 286, a. 293, b. superducta.	<i>ibid.</i> 298, a
		Bertrada.	217, b

R E R V M A C V E R B O R V M.

Bertrada Regina. 163, c. 164, a. 165, a
 Betrada filia Comitis Montifortis rapta à Re-
 ge. 93, a
 Bertrandus Comitis filius. 857, a
 Befue Monasterium. 47, a
 Bethem, prouincia Sibarorum lingua. 6, a
 Bibliothecarius Romanz Ecclesiz. 200, a
 Bindinus Antipapa. 309, c. ignominia afficitur.
 310, a. pingitur in Camera Palatij. *ibid.*
 Birro indutus. 7, a
 Bisuntinus Archiepisc. 212, b
 Bituricæ regionis principes. 213, a
 Bituricensis Archiepiscopus. 212, b. 147, a
 Bituricensis Archiepiscopus. 450, a
 Bituricensis turris. 521, a. 525, b
 Bituricorū vrbs Aquitaniz metropolis. 426, a
 Blancha regina Franciz. 440, a
 Blandinense Cœnobium. 201, a
 Boamundus iunior. 888, a
 Boamundus. 779, a. 782, b. 819, a. Antiochiæ
 princeps. 837, a
 Boamundus Durachium obsidet. 268, a. ducit
 Constantiam Ludouici Grossi sororem. *ibid.*
 Boamundus iunior princeps Anthiochenus
 ceditur à Turcis. 288, a
 Boamundus princeps. 701, a
 Boloniz Comes. 430, a
 Boloniz Comitissa. 713, a
 Bonifacius Marchio. 240, a
 Bonalimes. 21, b
 Boso Hispaniz legatus. 369, a
 Borbonum Comitissa. 525, a
 Borgoliense Cœnobium. 81, b
 Brabantiones. 665, a. 681, b. 684, a. 418, a
 Brachium maris. 777, c. 778, a. 779, b. 817, a
 Braga. 1, a
 Britanniz Comes Gaufridus. 432, a. 440, b
 Briuatenfis Ecclesia ad B. Petri. 607, a. 619, b
 Brienfes. 292, a
 Bruno Eremita. 89, c
 Bruno Signinus Paschalis PP. legatus. 288, a.
 Concilium Pictaui cogit. *ibid.*
 Bruno Lingonensis Episcopus. 25, c
 Bruno Signinus Episcopus. 234, b
 Bruscorum gens. 6, a
 Burchardus Archipræsul Lugdunensis. 56, c
 Burchardus Lugdunensis Episcopus. 169, a
 Burchardus Viennensis Archiepiscopus. 569, b
 Burchardus Rufus Monasteriensis Episcopus
 deponitur. 291, a
 Burchardus Turonensis. 264, c. 265, a. 267, b
 Burchardus Monmorenciasensis. 284, a. 309, b
 Burchardus Comes Parisiensis. 116, a
 Burdecardus dominus Vindocini, Lauandini,
 & Montis aurei. 121, c. fit monachus in fine.
 122, a
 Burcardi Comitis mors. 123, a. epitaphia. *ibid.*
 Burdenus Antipapa incaueatus. 366, b
 Burdegalensis Archiepiscopus bellum infert
 Tolosanis. 718, a
 Burgalensis Abbas excommunicatus. 607, a
 Burgaliensis Abbatia ex fundatione Ducum
 Aquitanie. 493, a
 Burgodionum Comes. 141, a
 Burgulius. 269, a
 Burgundiz Duces. 88, b
 Burgundiz Ducissa mendicans. 726, a
 Tom. IV.

Burgundiz Comes in tutelam suam recipit ab-
 batiam regni Francie. 709, a
 Burgundiz Dux. 703, b
 Buticularius. 585, a
 Buticularij Franciz iura. 625, a

C

CABILONENSIS Episcopus. 484, c. 485, a
 Cabinolensis Sindus. 205, a
 Cadolus Antipapa. 202, b
 Calipha. 795, a
 Calistus Papa auunculus Ludouici VII. 667, a
 Calixtus. 866, a. obit. 880, b
 Cambia fluuius. 269, a
 Cambiatores. 531, a
 Camelerij. 884, a
 Cameracensis occisus electus. 565, a
 Camerarius regis. 234, b
 Camisia Mariz Matris Dei. 309, a
 Cancellarius filius Comitis Parisiensis. 118, b.
 post Parisiensis Episcopus. *ibid.*
 Cancellarius Rogerius, post Beluacensis Epi-
 scopus. 119, a
 Cancellarius Franco, post Parisiensis Episco-
 pus. 119, b
 Cancellarij summi Franciz dignitatem sibi ar-
 rogat Remensis Archiepiscopus. 162, c.
 163, a
 Cancellarius Ecclesiz Romanæ. 202, a
 Cancellarius Franciz. 244, b
 Cancellarius Parisiensis. 567, a
 Cancellarius Franciz. 569, a. 570, b. gratia re-
 gis excidit. *ibid.* 575, a. 579, a
 Cancellarius Balduinus regis Lud. VII. 566, a
 Cancellarius G. 517, a
 Cancellarius Franciz Atrebat. Archidiaconus.
 586, a. canonicus Ecclesiz Parisiensis. *ibid.*
 canonicus in Ecclesia S. Crucis Aurel. ab-
 sens integros fructus lucratur. 597, a. inui-
 tis & repugnantibus canonicis. *ibid.* pleba-
 nus. 588
 Cancellarius regis Angliz. 466, a
 Cancellarius Imperatoris Albertus. 289, a
 Canis cum suspensiofo ad exaclebandam pœ-
 nam. 316, a
 Canliacum castrum. 284, a
 Cannamelles. 838, a
 Cantara vas vinarium 65, a
 Cantor Parisiensis. 416, a
 Capiciarius Ecclesiz. 189, a
 Cardinales creati in Concilio Lateranensi
 Galli. 436, a
 Cardinales Romani disciplinam Ecclesiasti-
 cam emebant. 15, a
 Cardinales Episcopi. 199, a
 Cardinales Franci. 560, a
 Cardinales Rom. gratiam Lud. VII. amiserant,
 576, a
 Carolus Clotarij filius vnctus non fuit. 142, b
 Caroli M. via Constantinopolim vsque.
 777, a
 Carolus Flandriz Comes vexatus à Rege An-
 gliz. 447, b
 Carolus Flandriz, genus, laudes, cædes? 315, a
 Caroli Calui domus Compendij. 64, a. quæ
 turris Caroli. 60, a

HHhh ij

INDEX

Carnotensis Episc.	551, a. 554, b	Communia.	520, b
Carnotensis Episcopus.	440, a. 442, b	Communitas.	390, a. 392, b. 412, c. 414, a. 418, b
Carnotensis Comitatus.	441, a	Communitates Parrochiarum.	301, a. 306, b
Carnarium.	374, a	Compēdientes clerici & monachi.	543, a. 544, a.
Carrofum.	81, a. 82, b. 83, a. 191, a	abbas.	545, a. 587, a. 628, b
Cartusienses Eremitz.	379	Cōpediensis Eccl. de iure B. Petri.	544, a. 618, b
Casati.	164, b	Conanus Comes Britanniz.	314, b
Casatus.	178, b	Concilio celebrando opportunum locum Sugerius obtulit Eugenio.	495, a
Castanedis sylva.	44, b	Concilium Bisuntinum ab Imperatore inditum.	581, a. 505, b. 620, c
Castellum de Galardone.	172, b. 190, c	Concilia Remensia.	142, c. 143, a
Castellum Vindocinum.	175, a	Concilium Sueffionense.	583, a
Casula S. Martini. 68, a. cappa.	ibid.	Concilium apud S. Dionysium.	127, a
Castellanus Geruaci castri super Matronam.	291, a	Concilium Meldenense.	164, c
Castrum S. Florentini.	56, a	Concilium Pictauiense.	226, c. 227, a. 228, b. 229, c
Castrum Theodoricum vado.	146, a	Concilium apud Airdias.	145, b
Catalaunensis Episc.	534, b	Concilium generale Ecclesie Gallicane Beluaci.	306, a
Catalaunorum Episcopus.	18, a. 22, b	Concilium nolente rege.	455, b
Catapentum dignitas apud Græcos.	2, a	Concilium Remense in simoniacos.	87, a
Cecilia regis Angliæ filia.	274, a	Concilium Tolosanum.	568, a
Celestinus Innocentij II. successor.	387, a	Concilium Rem.	378, b
Cella.	128, b. 164, c	Cono Prænестinus Episcopus.	245, c. 246, a
Cœnomania efficitur iuris Comitum Andegauen.	329, a	Cono Prænестinus Episc. legatus.	306, b
Cœnomanenſis Comitatus.	474, c. 475, a	Cono Prænестinus Episc.	367, a. 368, b. 369, c. 371, a. 372, b
Chinonense colloquium.	467, b	Cono Rex.	192, a. 194, b
Chimera bestia.	883, c	Consecratio Basilicæ S. Aniani.	147, b
Chounradus Imperator. 48, c. obit.	49, c. 55, a	Conestabilis.	788, a
Chremaldus Burbonensis.	307, a	Constantinopolis.	821, c
Chuernai.	840, b	Constabularij.	328, a
Ciraudus à Guillelmo victus.	88, b	Constantia regina. 192, a. filia regis.	234, b
Civitatum catalogi.	221, b	Constantia vxor Roberti Regis.	145, a
Clarembaudus Catalaunensis Episc.	680, a	Constantia Regina.	300, a
Clarembaldus Andegauenſis.	256, a	Constantia Ludouici Grossi soror nubit Boamundo. 288, a. vidua Hugonem Trecentem aspernatur. <i>ibid.</i> nuptiæ Carnoti celebrantur: genuit duos filios Ioannem & Boamundum.	<i>ibid.</i>
Claribaldus bellipotens.	912, c	Constantia Regina fortis & constans. 66, a. cognomento candida, filia Comitum Tolosani. 85, b. 91, a. Henrico infesta. 86, b. obit. <i>ibid.</i>	
Claromontenses & Podienses Comites.	417, a	Constantia Alani Comitum Britanniz filia. 725, a nuptias regis Scottorum spernit. <i>ibid.</i>	
Clitodrum.	888, b	Constantiz Reginz Palatium Stampis.	64, b
Cluniacum Monasterium. 29, c. vnde dictum.	<i>ibid.</i>	Constantia filia regis Hispaniz nubit Ludouico iuniori.	411, a. 415, b. 427, c. 441, a
Cluniacum in Malisconensi pago. 169, a. liberum.	<i>ibid.</i>	Constantia rebellat in Robertum cum proceribus.	148, a
Cluniacense Monasterium religiosissimum. 10, a. Henricus Imperator mittit Cluni mulum aureum à Papa solemniter oblatum.	<i>ibid.</i>	Constantia filia Comitum S. Egidij nubit Ludouico VII.	427, a
Colloquium Gisfortij.	706, a	Constantia virgo.	258, a
Colloquium priuatum Regis cum Episcopis.	367, b	Constantinus Imperator ex concubina Helena genitus.	47, c
Colloquium apud Carnotum.	535, a	Constantinopolitanus Imperator.	24, a
Columbz nuntiaz.	883, b	Constantia soror vnica regis.	721, b. 725, a
Comes de Mellento.	585, a	Consuetudines regis Angliæ.	468, a
Comes S. Egidij.	208, a	Consul.	445, a
Comes Daloi cognatus regis.	711, a	Consules Romani de domo Petri Leonis. 711, b. 716, a. 717, c. 764, b	
Comes S. Egidij.	597, a. 600, b	Consules Romani.	715, b
Cometa.	855, a. 858, c	Conuersio occident. & septentr. populorum.	11, a
Comes de Bouffaolo.	779, a	Corbonensis Comes.	328, b
Comati.	780, a	Corranus Dux Brittonum. 14, a. vincitur à Ful-	
Comes Forensis.	665, a		
Cometes.	88, c. 97, b		
Comitatus officium.	121, a		
Comitissa Niuernensis sub custodia Sugerij.	498, a		
Comitissa Carnotensis bello impetitur ab Hugone Puteolensi.	294, b		
Communia.	646, b		
Communia.	23, a		
Communia Vieliacensium.	590, a		

cone Comite Andegauensi & capitur. <i>ibid.</i>	so Henrico Regi oblatum. 296, a
Crescentius Romam expellit quem Otto Pa-	Durendus Aruernensis Ep. 253, a. 264, b
pa ordinari iusserat. 7, a. obsidetur in turri.	
<i>ibid.</i> precipitatur & suspenditur. <i>ibid.</i>	E-
Crispeiensis Comes. 220, a	
Crocodili descriptio. 883, c	
Cruce signati. 90, b. Crucifixi imago in media	E B A L D V S Remen. Archiep. 173, a. 179, a. 181, b
Ecclesia. 11, a	Edlo de malleone. 499, c
Cubilonensis Comes. 417, b	Ebraldus puteoli. 362, a. 375, b
Cumis oppidum. 40, a	Ebrenarus Patriarcha. 856, a
Curia iudicium. 299, b	Ecclesia S. Crucis Aurelian. 16, a
Curia Paschalis. 157, a	Ecclesia B. Michaëlis Archangeli crematur in-
Curia Comitis Andegaueni. 330, a	cendio. 26, c. vbi sita. 27, a
Curia regis Bituricis. 520, b	Eclipsis. 95, b
Curia generalis imperij. 726, a	Eclipsis Solis. 36, c
Curia solemanis. 369, a. 412, b	Eclipsis Solis terribilis. 49, a
Curia priuata Papæ. 369, a	Eclipsis Solis iterum post 4. annos. 49, c
Curia Paschalis. 223, a. in natali. 225, a. 233, a. 239, a	Eclipsis Lunæ hominibus valde tremenda. 55, c
Curti. 814, b	Edessa à Sarracenis capta. 388, a
Custos Turris Burdegalenis. 507, a	Egidius Comes S. Egidij factus homoligius regis Angliæ. 463, a
	Egidius Ebroicensis Ep. 430, a
	Eldebertus Auenionensis Episc. 169, a
	Electio. 164, b
	Electio Senonensis Archiepiscopi. 445, b
	Electio Abbatis S. Dionysij fieri non debebat rege inconsulto. 310, a
	Electus Carnotensis. 474, a
	Elias Aureli. Episc. 357, a
	Elinandus Laudunensis Episc. 203, a
	Elizabeth vxor Comitis Burchardi. 123, b. & passim in vita mariti. <i>ibid.</i>
	Ella flumen. 132, b
	Ellorensis Episcopus. 211, c. 212, a
	Elpe Comitissa. 264, a
	Emma. 277, a
	Emma vxor Rodolphi regis 4. filia Hugonis magni. <i>ibid.</i>
	Emmauricus de Monteforti. 369, a. 373, b
	Engeriacensis abbas. 263, b
	Engircannus de Boua pater Thomæ de Mac- na. 386, a
	Engeriannus de caluo monte. 308, a
	Engolismensis Comes. 431, b. 436, b
	Engolismenses Comites Arnaldus & Vville. 80, c. 81, a. 84, b
	Engolismenses Episcopi. 80, c
	Episcopus reus læsæ maiestatis. 102, a
	Episcopi nolebant parere Sugerio. 495, b
	Episcopis nihil licebat in aliena diocesi. 15, a
	Epistola Francorum ad Urbanum. 830, b
	Eremiz. 432, a
	Erilaudus vir litteratus. 262, a
	Ermengaudis Comitissa Britanniz. 325, b
	Estachius terræ sanctæ custos. 870, moritur, 872, b
	Eugenij epistola consolatoria ad Sugerium. 493, a
	Eugenius Papa. 345, a. qui Bernardus Pisanus. 387, b. aduentus describitur. 421, a
	Eustachius Stephani regis filius. 427, a. ducit Constantiam Comitis sancti Egidij filiam. <i>ibid.</i>
	Etta fluuius Gisfortium alluit. 296, a. 308, b
	Eustachius Comes frater Godefridi. 811, a
	Euulus de Roccio Comes. 207, a

H H h h iij

Tom. I V.

INDEX

Examinatio per corpus domini. 64, c
Extirpatio simoniaca ab Henrico I. rege facta. 38, a

F

FABRATRIA. 117, b
Faciliofi. 297, a
Fames vniuersa in orbe terrarum. 43, c. 44, a
per spacium trium annorum. 45, a
Fancherius patriarcha Hierosol. 404, a
Federici Imperatoris Epistola. 726, a. 728, b
Fenus fluuius. 825, a
Fernandus Rex Hispanorum. 733, a
Ferrarias Abbatia regalis. 369, a
Ferrum candens. 225, a. 247, b
Fides corporaliter præstita. 474, c. 475, a
Fidelitatis forma. 189, a
Fiducia. 781, a
Finalia chlamidis. 65, a
Firmitas Balduini. 294, c
Fiscamnenfe Monasterium supra mare Oce-
anum constitutum. 43, c
Flandriæ Comes. 121, b
Flandrenses Comites. 144, a
Flandriæ Comites. 88, a
Flandriæ Comes Robertus. 820, a
Flandriæ Comes Philippus. 431, a. 436, b
Flandriæ Comes queritur apud regem Angliæ,
quod Rex sibi auferat terram Comitis pecu-
næ. 707, a
Flandriæ Comitatus datur Guillelmo Nor-
manno. 316, a
Floriacus antiquitus Vallis Daurea. 135, a
Floriacensis Abbatia priuilegia. 130, a
Floriaci fundatio. 59, a. 60, a. 61, c
Florentius Dux Frisiæ. 89, c
Flotta quid Normannorum lingua. 9, a
Forensis Comes. 622, a
Forensium & Lugdunensium Comes quid. 308, a
Formata. 312, a
Forum publicum die sabbati. 303, a
Fossatenfe Cœnobium. 116, c. regale. 117, a
Fossatenfes Abbates. 124, a. & passim in vita
Burchardi. *ibid.*
Franci religiosi. 144, a
Fraxenetas. 6, b
Fredericus Dux Alemanniæ, nepos Henrici
Imp. 390, a
Fredericus affligit Ecclesiam. 611, b
Fredelo Aniciensis Episcopus. 169, a
Frigides aliter ferocissimi. 883, a
Frigium Papæ. 318, a
Frodo Andegauensis vir doctus. 259, a
Fruaruense Monasterium. 29, b
Fulbertus Carnotensis Episcopus scientia cla-
rus. 82, b
Fulbertus Carnotensis Episcopus. 172, a.
146, b
Fulcherius Carnotensis. 819, a. 825, b. 838, c
Fulco Andegauensis Comes vincit Carnoten-
sem. 97, a
Fulco Hierosolymitanus. 329, b
Fulco Comes. 188, b. 193, c. excommunicatus.
216, c
Fulco Andegauensis Comes. 14, b. bellum gerit
aduersus Odonē Comitem Trecorum. 25, c

Fulco Comes Andegauensis. 298, a. 307, b. 308, c.
despondet filiam filio Regis Angliæ. 309, a.
313, b. 314, a. 319, a
Fulco Andegauorum Comes obit. 49, c. eius se-
pultura. *ibid.*
Fulco Andegauorum Comes. 26, a. auunculus
Constantiæ Reginæ. *ibid.*
Fulco Episcopus Aurelianensis. 68, b
Fulco Gaufredum fratrem Andegauensem Co-
mitem in vincula coniecit. 89, c
Functio. 298, a. 301, c
Fundibalaria. 299, a. 304, b

G

GALDINVS Episcopus Laudunensis &
Thoma de Manna occisus. 306, a
Galo Parisiensis Episcopus. 289, a. 293, a
Galo Electus Beluacensis. 129, a. Episcopus Pa-
risiensis. 223, c. 244, a
Galo Parisiensis Episcopus. 763, b
Galo S. Pauli Episc. in Britannia. 369, a
Galterius Tirellus idierabore à se non percus-
sum Guillelmum Regem Angliæ. 283, b
Garaldus Vapicen. Episc. 169, a
Garlandenses fratres. 287, a
Gastos de Biaer. 790, a. 812, b. 813, a. 814, a
Gaudefridus Comes Andegauensis. 420, a
Gauderius de Monte-gay. 389, a
Gaufredus Comes Andegauensis. 87, b. 97, a
Gaufredus Dux Norm. & Com. Andeg. 495, a
Gaufridus de Douidio. 532, a
Gaufredus Cabilonensis Episcopus. 169, a
Gaufredus Carnot. Episc. 324, c. 325, a. 356, b.
357, a. 369, b. 377, a. 379, c. legatus. 382, a
Gaufridus Fulconis Andegauen. filius iacet in
Ecclesia S. Iulianæ Turonis. 329, b
Gaufridus Comes sepultus Cœnomanni. 330, a
Gaufridus Martellus Comes Andeg. Turo-
nen. atque Cœnom. 377, b
Gaufridus Comes Vendonienfium. 849, a
Gaufridus Catalaunensis Episc. 378, a
Gaufridus Burdeg. Archiep. 382, b
Gauslinus Matisconensis Episc. 169, b
Gauzilinus Bitur. Archiep. 71, a. 96, b
Gelafius P. antè Ioannes Guitanus. 309, a. ei
Sugerius primitias regni offert. *ibid.*
Gelafius Papa meditabatur Concilium Remis
conuocare. 366, a
Gelafius Papa. 866, a
Gemer degener. 284, a
Geraldus Abbas Syluæ maioris. 270, c. 271, a
Geraldus de Monasteriolo. 420, b
Geraldus Engolismensis Episcopus fauet Petro
Leonis. 324, a. quondam legatus Turonicæ,
Auxensis, & Burd. prouinciæ. *ibid.* depre-
dabatur has prouincias. *ibid.* & 383, a
Gilo Tusculanus Cardinalis Episc. fauebat Pe-
tro Leonis. 324, a
Gerberga Comitissa. 171, a
Gerberga vxor quondam Gisleberti D. S. vxor
Ludo. regis. 260, b. mater Lotharij. *ibid.*
Gerbertus Gallus primùm Remensis Archie-
piscopus, dein Rauennas, tunc demum Ro-
manus pontifex. 7, a. humili genere. *ibidem.*
doctus. *ibid.*
Germania iure pertinet ad Reges Frâciæ. 302, a
Geruacum castrum. 291, a

R E R V M A C V E R B O R V M.

Gerusius Remen. Archiepiscopus. 198. a. & seqq.
 Gesta Pontificum Remensium. 143, a
 Gilbertus Pictauensis Episcopus. 439, a
 Gilduinus Abbas S. Victoris. 322, a
 Giraldus Comes Matisconensis. 704, a
 Giraudus Ep. Lingonensis. 389, c
 Girbertus Remensis, Rauennas, Romanus Episcopus. 64, a. primum monachus S. Benedicti. *ibid.*
 Gislebertus de Aquila. 283,
 Gladius Velfoni Duci vbique praeferbatur. 289, a
 Glabri Rodulphi monachi visio. 50, c. 51, a. b
 Glannofolium Monasterium. 29, c
 Gualerannus Vilcampi primus Abbas. 327, a
 Gualo Dux totius primae Rhetiae regionis cis Rhenum. 38, a
 Godofridus Ep. Lingonensis. 392, c. 420, a
 Godofredi Bulionensis genealogia. 774, a
 Godofridus Bulion. 772. a. 777, b. 782, a. 819, b. 890, a. 891, a. eligitur in regem. 812, a. 837, b. moritur. 840, a
 Godermannus Ambianensis Episc. 102, a
 Godefridus Ambianensis Episcopus. 243, a
 Gofridus Brisagonnella. 328, a. seruiebat Roberto Regi cum tribus millibus armatorum. *ibid.* donat ei Robertus quicquid Lotharius possidebat in Coenom. & Andeg. *ibid.* fugit & cadit Othonem. *ibid.* Maior & Dapifer. *ibid.*
 Goffridus Abbas Vindocinensis. 329, a
 Goffredus Carnot. Episc. 312, b
 Goffredus Martellus. 149, c. 150, a. 238, b
 Gosselinus Comes Edessanus. 869, a. 872, b
 Gozelinus Burdegal. Archiep. 210, a
 Gofredus Tunicam urbem obsidet. 56, a
 Gualo vir fortis gener Hugonis duxit Humbergam. eius frater Eurardus. 905, a
 Gualterius de Meduana. 248, a
 Guarinus Beluacensis Episcopus. 73, b
 Guascones perfidi. 131, a
 Guelphus Dux. 403, a
 Guibertus Antipapa. 818, a. 820, b
 Guido frater Boamundi. 799, a
 Guido de Rupeforti. 372, b
 Guido Comes Niuernensis. 392, b
 Guido Tiburtinus Episc. 377, a
 Guido de Gualardone. 369, b
 Guido Senonum Archiepiscopus. 357, a
 Guido Catalau. Episc. 357, a
 Guido Trossellus 359, a. filius Milonis Vicecomitis. *ibidem.* Adeiais vxor eius. *ibidem.* 362, a
 Guido Vicecomes Stampensium. 365, a. filius Hugonis Magni domini puteoli. *ibid.* 372, c. 373, a
 Guidonis Trucelli Milonis de Montheleij filij filia vnica nubit Philippo filio Bercaze Andeg. Com. 286, a
 Guido de Rupeforti. 287, a. Dapifer. 289, a. Comes. 304, b. bellum mouet aduersus regem. 291, c. 292, a
 Guido Viennensis Archiepisc. nobilissimus eligitur in Papam. 310, a
 Guido Siluacensis. 285, a
 Guido Turonensis doctus. 267, a

Guido Longobardus. 89, c
 Guillemus Marchisus de Montferrati. 403, a
 Guillemus Senescallus. 369, a
 Guillemus Pictauensis Comes. 381, b
 Guillemus Niuernensis Comes. 382, a
 Guillemus Comes Pontiniensis. 392, b
 Guillemus Comes Niuernensis. 418, a. 426, b. 427, a. Carthusianus. 438, c
 Guillemus Praenestinus Episcopus. 377, a
 Guillemus Dux Aquitaniae. 313, a. 315, b. nuptias filiae Carretae permittit. 313, b
 Guillemus Bastardus auctor caedis Caroli Flandriae Comitis. 316, a
 Guillemus Comes Burgundiae. 208, a
 Guillemus Dux Norman. 9, a
 Guillemus Dux Aquitanorum. 175, a. 185, b. 189, a. 210, a. eius filius Rex Italiae designatur. 192, a. 193, a. 194, b
 Guillemus de Bellissimo. 185, a
 Guillemus Engolismensis Episcopus. 262, b
 Guillemus iunior vsurpat Angliam & Normanniam exheredato fratre maiore natu. 283, a
 Guillemus Angliae Rex sagitta percussus interit. 283, b
 Guillemus de Montepisterio. 785, b
 Guillemus filius regis Angliae hominum facit regi Ludouico de Ducatu Norm. 297, a
 Guillemus Garlandensis, 303, a. facit homagium de Dapiferatu, Comiti Andegauenfi. 329, b
 Guillemus Iordanis. 857, b
 Guillemus Comes Traussagonnanus. 85, b
 Guillemus Dux Normanniae Eduardo Angliae regi succedit. 88, c
 Guillemus Dux Aquitaniae Hispaniam vastat. 88, b
 Guillemus Dux Normannorum. 149, b
 Guillemus Burdegalensium Comes. 131, a
 Guibertus Rauennas Episcopus Clemens Antipapa. 89, b
 Graeci ignes. 805, b
 Graona fluiolus. 29, c
 Gregorius VII. 818, a
 Gregorius VII. 207, a. & seqq.
 Gregorius Ioanni Papae succedit. 129, b
 Grippisauis. 67, a
 Grisogonus Cardinalis. 370, a

H

HAIMERIVS Tusculanensis Episc. 387, a
 Haimerus Cancellarius Ecclesiae Romanae. 377, c
 Haimo Varia Vacca Burbonensis dominus. 307, b
 Haimo Comes Carboili. 116, b
 Haresis in Italia. 41, c
 Haresis apud Aurelianensem urbem. 32, c. a muliere Itala processa. *ibid.*
 Haretici. 22, b
 Haretici vitandi. 126, a
 Haretici in Narbonensi prouincia. 574, a
 Helgaldus Floriacensis monachus. 85, c
 Helinandus Historicus. 440, a
 Heribertus vnus primatum Franciae. 4, a. Caroli Hebeti suspectus. *ibid.* excipitur osculo
 HHhh iij

INDEX

- à Carolo. *ibid.* Carolus in carcerem condit. *ibid.* morte crudeli obit. 5, a
- Heribertus Comes Trecurum. 18, b. pater Stephanus. 25, c
- Herluinus Parisiensis. 285, b
- Hernodius de Baugencio, ex sanguine regio. 326, a. fit monachus. 327, b
- Hermendus Veronnæ Marchisus. 403, b
- Herbertus Comes Cœnom. 173, a
- Heribertus Trecurum Comes. 38, c
- Hermannus Episcopus Viuariensis. 169, a
- Hermenij. 782, a. 800, a
- Henrici Imperatoris Legati. 289, b
- Henrici expeditio & Ludouici in Hispaniam. 390, a
- Henricus Saxonum Rex Agnetem filiam Vvilelmi Pietaurorum ducis, vxorem ducit. 55, b. omnibus amabilis. *ibid.* c.
- Henricus Rex succedit Roberto. 86, b. mater & proceres ei infesti. *ibid.* victor. *ibid.* Odo frater rebellat. 76, a. Odo vincitur. 87, b. Pelueris castrum recipit Rex. *ibid.* in Normannos ducit exercitum & sub iugum mittit. *ibid.* Machildem duxit. *ibid.* ea defuncta Annani Russorum regis filiam. *ibid.* 97, a. ex qua tres filios sustulit. *ibid.* eius obitus. 88, a
- Henricus Comes Meldensis. 389, b
- Henricus filius Theobaldi Comitis Blefensis. 392, a
- Henricus Tullensis Episc. 403, b
- Henricus filius Theobaldi veteris Comitis Campanie. 403, c
- Henricus filius Comitis Andegauensis Normannie feudo inuestitur à Ludouico iunior. 410, a
- Henricus Andegauensis, Dux Normannie duxit repudiatam Ludouici. 7, a. 411, b. 428, c. bellum inde ortum. *ibid.* c
- Henricus Comes Palatinus Trecentis. 416, a. 424, b. 425, c
- Henrici regia prolis benedictio. 181, a. Henricus Rex. 190, a. viuo adhuc patre. a
- Henrici Saxonum regis annus. 111, a. postmodum fuit Imperator. *ibid.*
- Henricus succedit Ottoni III. 8, a. ei obuiam procedit Papa. 10, a
- Henricus Dux Burgundie frater Hugonis Cap. 12, a
- Henricus Comes. 517, b. Theobaldi filius. 518, c. 519, a
- Henricus Rex Anglorum interdicatur. 562, c. 563, a
- Henricus Rex Anglie. 379, a
- Henricus Comes fœdus iniit cum Imperatore rege in scio suimet schismate. 576, a. 581, b
- Henricus Senonensis Archiepisc. 374, a. 377, a
- Henricus Rex Anglie antiquam consuetudinem firmavit. 295, a. bellum fouet in Gallia. 301, b. 302, c. 313, a. feodatus. 307, a. terretur. 308, a. obsidet urbem Rem. 312, b
- Henricus II. Roberti regis filius fit Rex. 37, a
- Henricus Saxonum Rex Christianissimus. 23, a. eius mors & sepultura. 25, b
- Henricus Roberti regis filius Dux Burgundie. 85, b. demum Rex Burgundiam Roberto fratri dat. 86, a
- Henricus Imperator capit Paschalem. 290, c. in eum anathema dicitur in Concilio Gallicano. 291, a
- Hiberis fluuius Aluernie. 314, a
- Hierusalem obsidio. 91, c. 92, a
- Hildebrandus Gregorius VII. Henticum Imperatorem excommunicat inuito Concilio. 89, a. pœnitentem non recipit. *ibid.*
- Hildebertus Cœnoman. Episcopus. 215, b
- Hildefunsi Regis Hispan. 379, b
- Hoel Cœnoman. Episcopus. 252, b
- Homo quidam inuentus est in Tugurio cum 48. capitibus trucidatorum, quorum carnes ore belluino vorabat. 44, c. captus crematus est. *ibid.*
- Homo quidam plebeius ossa hominum è terra effossa pro reliquiis Sanctorum dabat. 42, b. c
- Homines leuitate vanissimi, histronum more barbis rasi. 38, c. eorum descriptio versibus. 39, a
- Hominium. 283, c. 284, a. 287, b. 781, a
- Honorius P. electus. 312, a. grauis & seuerus. *ibidem.*
- Hostis, exercitus. 289, a. 291, a
- Hugo primogenitus Roberti Regis. 35, c. bonæ indolis puer. *ibid.* Rex factus viuentis patre. 36, a. magnus dictus. *ibid.* b. eius mors. *ibid.* & sepultura. 37, a
- Hugo de S. Victore. 385, a
- Hugo Comes. 171, a
- Hugo Rex filius regis. 172, b. 173, c
- Hugo Trecentis Comes. 240, a
- Hugo Magnus regebat regnum Francorum. 4, a. Roberti Parisiorum Comitis filius. *ibid.* Rex. 145, a. 147, b. eius soror Emma nupsit Rodolpho Richardi Ducis Burgundie filio. *ibid.* duxit vxorem Haduicem Ottonis primi sororem. 5, a. Dux Parisiensis. 12, a
- Hugo Cap. filius Hugonis M. Rex vngitur. 12, b. Regibus Saxonum affinitate iunctus. *ibid.* a. viuo Robertum filium regem Aurelianis constituit. *ibid.* inuitus suscipit regnum. 144, a
- Hugo Liziniacensis. 809, a. frater Raimundi Comitij. 849, a
- Hugo Puteacensis rebellis. 153, a
- Hugo Magnus construxit Monasterium S. Marglorij Parisius. 67, b
- Hugo Gornacensis. 445, a
- Hugo Roberti filius consors regni. 85, c. 96, b. Pius. *ibid.*
- Hugo S. Germani Paris. Abbas. 374, a
- Hugo Puteolensis. 299, a. captus. 301, a. excarceratus. *ibid.*
- Hugo Archiepisc. Rotom. 379, a
- Hugo Laudunensis Episc. 346, a
- Hugo Antissiodor. Episc. 357, a
- Hugo de Creciaco. 365, b. fit monachus. *ibid.*
- Hugo Rothom. Archiep. 342, a. 353, b. 357, a
- Hugo Abbas de firmitate. 286, a
- Hugo Creciacensis. 294, a. 299, b
- Hugo Claromontensis. 284, c. 285, a
- Hugo Antissiodorensis Episc. 49, c. obit. *ibid.*
- Hugo de Clerijs legatus Fulconis Andegauensis Comitis. 328, b
- Hugo Dionsis Episcopus. 164, a. Galliarum legatus. *ibid.*
- Hugo Niuernensis Episc. 293, a

R E R V M A C V E R B O R V M .

Hugo Gornacensis.	308, a	Iudzi spoliandi.	461, a
Hugo Trecentis Comes.	313, a	Iudicata in Francia emendabantur Andegavis.	
Hugo Placentinus Episcopus, canonicus fit S. Victoris.	764, a	330, a *	
Hugo Magnus.	778, a. 782, b. 819, a. 891, a	Iuo Carnotensis Episcopus.	98, a
Hugo Episcopus Antisiodori. 26, a. ante regem trucidatus.	ibid.	Iuo Carnotensis Episc. 300, a. carcere tentus.	
Hugo de Leginiaco.	701, a	ibid. reformauerat canonicos regulares S. Quintini.	312, a. 336, b
Hugo de Pompona miles.	291, a	Iuo Carnotensis sapientissimus.	293, a
Hugonis regis epistola.	113, a	Iuo Comes Sueffionensis.	392, a
Hubertus Syluaneensis Episc.	98, b	Iuramentū inconsultū. 452, a. herodianū. 454, a	
Humbertus de Bello-ioco. 707, a. vide Imbertus.	704, a	Iurischlot. Rex Russorum.	87, c
Humbertus Cardinalis.	577, b	Iusiurandum per animam patris. 66, a. super reliquias Sanctorum.	ibid.
Hunbaldus castri S. Seueri dominus.	292, a		
Huneraldus Antisiodorensis Episc.	293, a		
Hungarorum Rex fines Galliarum irrumpit. 9, a. fit Christianus cum sua gente.	10, a		
Hierosolyma iussu principis Babylonis penitus euerfa. 31, c. eius occasio.	ibid.		
Hierosolymitana peregrinatio.	128, a		

I

I D E L F O N S V S Suppositilius.	731, a	L A M B E R T V S Lingonensis Episc.	301, a
Igniti vomeres.	110, b	Lancelinus Bulensis Domnimanini dominus.	302, b
Ilerdensis Episcopus.	733, b. 754, a	Landricus Neuernis Comes.	25, c
Illustris.	61, b	Lateranense Concilium Alex. III.	436, a
Imbertus de Bello-ioco.	704, a	Laudunensis Episcopus.	440, c. 441, a
Imperator eligendus à Pontifice. 10, a. imperij insigne malum aureum cruce insignitum.		Laufrancus.	89, c
ibid. procedit ex more obuam Imperatori Papa.	ibid.	Legatus Romani Pontificis pro pace.	146, b
In Cabilonensi pago sunt qui viderunt ex pane sacrato veram carnem effectam.	54, a	Legati Papæ non interfunt consecrationi regis nisi honoris gratia.	162, b
Ingo Abbas Masciacensis primū, dein S. Germani.	64, a	Lemouicus Vicecomes.	81, a
Innocentius Papa.	376, a. 383, b	Lemouicensis Vicecomes.	432, a
Innocentius Papa vnxit Ludouicum VII.	418, b	Leobaldus Episcopus.	170, b
Innocentij electio. 317, a. eius in Galliam aduentus. ib. in Lotharingiam discessus. 318, a		Leodebodus Abbas temporibus Clōtharij. 59, a	
Innocentius Papa comitatur Lotharium Italianam depopulantem.	291, a	Leodegarins Episcopus.	62, c
Insignia Regni.	293, c	Leotaldus Comes.	170, c
Insignia Apostolatus.	290, a	Leotericus Senonum Archipræsul obit.	37, c
Inter-cælos Turris Romæ.	7, a	Leothericus Senonensis Archiepiscopus.	73, b
Interdicit regnum Innocentius. 387, a. interdictum soluit Celestinus.	ibid.	Lethbaldus ad sepulchrum Saluatoris Hierosolymis venit. 46, c. & pauld post gaudio moritur.	47, a
Inuestitura.	89, c	Leutherius Senon. Archiep. 178, a. 146, a. 147, b	
Inuestiturarum dissensio.	366, b	Leuticorum gens barbara. 48, c. eius vocabulum à luto deriuatur.	ibid.
Inuestiturarum querela. 288, a. vsus. 289, a. priuilegium à Papa concessum. 290, a. irritum & cassatum.	ibid.	Lex Salica dicitur quælibet vetus consuetudo.	292, a
Ioannes Aurel. Episc.	295, b	Ligerittus fluuius.	69, a
Ioannes Stampensis.	336, a	Litteræ contradictoriæ.	291, b
Ioannes Hostiensis Episc.	377, a	Lotharingæ Dux ab Eugenio excommunicatus.	495, a
Ioannes Cremenfis Cardinalis.	377, b	Lotharius Dux Saxoniz, creatur Imperator. 291, a. Italianam, Apuliam, Campaniam depopulatur.	390, a
Ioannes Aurelianensis Episcopus.	98, c	Lotharius malos inno.	318, a
Ioannes Papæ obitus.	18, a	Lotharius Rex confirmatus. 5, a. agilis corpore, sensu integer. ib. regnum reformare tentat. ibid. insidias Ottoni II. parat. ibid. persequitur Ottonis exercitum.	ibid.
Ioannis Cardinalis.	226, c. 248, b. 227, a	Lotharij regnum hodie Lotharingia pars regni superior. 5. vsurpatum ab Ottone Saxonum Imper.	ibid.
Iocius Turonensis Archiep.	425, b	Lucacense Monasterium. 49, c. constructum à Fulcone Andegauorum Comite.	ibid.
Ioculator.	386, a	Lucius Papa.	769, a
Iohel Cœnomanensis. 252, a. Abbas.	253, b	Lucius Celestini successor.	387, a
Ioslenus Ep. Sueffionensis. 325, a. 327, b. 326, c		Ludouici VII. gesta in expeditione terræ sanctæ.	395, a
Ipia castrum.	316, a	Ludouici regis exercitus in Henricum Imperatorem numerosissimus.	312, a
Iporaia ciuitas.	40, a	Ludouici Grossi facinus audax.	292, a
Imbertus Pictauiensis Episc.	211, a	Ludouicus Crassus consecratur Aurelianensis.	293, a
Italifugaces. 8. perfidi. 193, a. Gnamatici. 22, b			

L

L A M B E R T V S Lingonensis Episc.	301, a
Lancelinus Bulensis Domnimanini dominus.	302, b
Landricus Neuernis Comes.	25, c
Lateranense Concilium Alex. III.	436, a
Laudunensis Episcopus.	440, c. 441, a
Laufrancus.	89, c
Legatus Romani Pontificis pro pace.	146, b
Legati Papæ non interfunt consecrationi regis nisi honoris gratia.	162, b
Lemouicus Vicecomes.	81, a
Lemouicensis Vicecomes.	432, a
Leobaldus Episcopus.	170, b
Leodebodus Abbas temporibus Clōtharij. 59, a	
Leodegarins Episcopus.	62, c
Leotaldus Comes.	170, c
Leotericus Senonum Archipræsul obit.	37, c
Leothericus Senonensis Archiepiscopus.	73, b
Lethbaldus ad sepulchrum Saluatoris Hierosolymis venit. 46, c. & pauld post gaudio moritur.	47, a
Leutherius Senon. Archiep. 178, a. 146, a. 147, b	
Leuticorum gens barbara. 48, c. eius vocabulum à luto deriuatur.	ibid.
Lex Salica dicitur quælibet vetus consuetudo.	292, a
Ligerittus fluuius.	69, a
Litteræ contradictoriæ.	291, b
Lotharingæ Dux ab Eugenio excommunicatus.	495, a
Lotharius Dux Saxoniz, creatur Imperator. 291, a. Italianam, Apuliam, Campaniam depopulatur.	390, a
Lotharius malos inno.	318, a
Lotharius Rex confirmatus. 5, a. agilis corpore, sensu integer. ib. regnum reformare tentat. ibid. insidias Ottoni II. parat. ibid. persequitur Ottonis exercitum.	ibid.
Lotharij regnum hodie Lotharingia pars regni superior. 5. vsurpatum ab Ottone Saxonum Imper.	ibid.
Lucacense Monasterium. 49, c. constructum à Fulcone Andegauorum Comite.	ibid.
Lucius Papa.	769, a
Lucius Celestini successor.	387, a
Ludouici VII. gesta in expeditione terræ sanctæ.	395, a
Ludouici regis exercitus in Henricum Imperatorem numerosissimus.	312, a
Ludouici Grossi facinus audax.	292, a
Ludouicus Crassus consecratur Aurelianensis.	293, a

INDEX

- Ludouicus Grossus Carnutum obsidet. 309, a
 Ludouicus VI. educatus in consuetudine apud S. Dionysium. 282, a
 Ludouicus Rex. 142, a
 Ludouicus Grossus Rex designatus. 288, b
 Ludouicus iunior in Sicilia. 522, a. 524, b. 525, a
 Ludouicus filius Lotharij. 5, a. ducit vxorem ex Aquitanis. *ibid.* quæ ab eo diuertit. *ibid.* patre minus industrius. *ibid.* sine liberis decessit. *ibid.*
 Ludouicus Caroli Hebetis filius fugiens Oceanum transit. 4, a. eligitur Rex & vngitur hæreditario iure regnaturus. S. Gerbergam Gideberti D. ducit. *ibid.* ex ea Lotharium tollit. *ibid.*
 Ludouicus filius Ludouici Grossi coronatur. 319, a. ab Innocentio Papa. 324, b
 Ludouicus Grossus moriens monachus efficitur. 319, a. Ludouicum filium annulo inuestit. 320, a. suppellectilem Ecclesiis & pauperibus distribuit. *ibid.*
 Ludouicus Rex ducit Alernoiam Ducis Aquitanie filiam. 320, c. 321, a
 Ludouicus Rex duxit proneptim Vvidonis Vienn. Archiep. postea Papæ. 367, a
 Ludouicus electus Bituricensis. 386, c
 Lusarchium castrum. 284, a
- M
- M**ACHARIUS nepos Alberici Epi. host. 385, b
 Machomaria. 790, a
 Magalona insula. 309, a
 Mahildis Regina. 87, b
 Mahometi genealogia ab Abraham. 6. in eo cõpletas prophetias nugantur Sarraceni. *ib.*
 Maiestatis reus. 188, b
 Maingaudus Teutonicus illustris. 89, c
 Maiolus Abbas Cluniacensis. 117, b
 Maiolus Cluniacensis Abbas à Sarracenis captus, S. Bibliam ex more deferebat. 6, a
 Maior villæ. 424, a. Maioria. *ibid.*
 Maioratus regni. 328, a
 Malliacense Cœnobium. 82, a
 Manasses Episc. Meldensis. 293, a. 342, b. 357, a
 Manasses Episc. Aurelian. 424, a. 496, b. 497, a
 Mandatum. 72, a
 Mandatum apostolicum. 592, a
 Mandunum castrum Ep. Aurelianensis. 285, a
 Mangunnella. 299, a
 Manichæi. 729, a
 Manichæi canonici Aurelianenses. 81, c. in Aquitania. 83, a
 Manicheorum Dux Lifcius. 85, a
 Manuel Imperator. 566, a. 579, b. 614, c. 490, a
 Manrum insigne Papatus. 567, a
 Marchia. 297, a. 301, a. 307, a. 310, b. 312, c
 Marchia castrum. 667, a
 Marchiz Comes Albertus. 435, a. Audebertus. *ibid.* 438, a
 Marchio Stampensium Vicecomes. 365, a
 Mareſcalli metatores. 329, a. mareſcalciz feudum. 330, c
 Margareta filia Ludouici iunioris ex Constantia nubit filio regis Angliæ. 411, a. 415, b
 Maria Ammirati Babyl. principis mater. 32, b
 Martellus. 258, a
 Matheus Alban. Episc. 377, b. 378, a
 Matheus de Montemaurenciaco. 331, a
 Matildis in Italia potens. 819, a
 Mauricius Parisiensis Epi. 419, a. 425, b. 442, a
 Mauricius Parisiensis Episc. 621, b
 Medicus. 150, a
 Medicus Robertus. 532, a
 Meduntense castrum. 286, a
 Melecedense Cœnobium. 51, b
 Melecense Cœnobium. 31, c
 Mellentinus Comes. 220, a
 Mercatores regis. 530, b
 Merginfredus Marchio. 194, b
 Merlinus vates. 295, a
 Metatum. 134, a
 Metropoles vnde dictæ. 878, b
 Milo Trecentis Vicecomes. 287, b
 Milo Ternanensis Episc. 357, a
 Milo de Bruio. 299, b
 Milo de Monteliherico. 365, b
 Ministeriales Aquitanie à Rege cõstituti. 507, a
 Missa S. Ioannis Baptistæ. 71, a
 Molæ in annales. 845, a
 Monachi montis Sina quotannis Xenia repetebant à Ducibus Normannorum. 9, a
 Monachorum otium laboriosum. 126, a
 Monachorum diuitias arguit Alexander III. 479, a
 Monasterium B. Martyris Leodegarij, Capellis cognominatum. 50, c
 Monasterium S. Sauini Confessoris Pictauensis. 29, c
 Mons-iouis. 24, b
 Mons-aculus castrum pagi Laudunensis. 285, a
 Monstrum. 145, a
 Moriënæ Comes auunculus Ludou. VII. 392, a
 Morini Flandrenses. 891, b
 Morinorum Episc. 552, a
 Moritonæ castrum. 328, b
 Morsperensis Comes Albertus. 554, b
 Mors Sarracenorum ad prælia euntium. 48, b
 Montisferati Marchio. 708, a
 Motget Sarracenorum princeps. 48, b
- N
- N**ANNETENSIS Comes. 767, a
 Nantildis vxor Dagoberti. 348, a
 Natalis Abbas. 251, a
 Natalis Cancellarius Regis, Rabascensis Abbas. 385, a
 Nauariæ Dux. 20, a
 Neolgoriësis Comes. 674, a. 707, b. 716, a. 718, b
 Neulo magister Philippi fratris regis. 555, a
 Neuernis Comes. 25, b
 Nicolaus Papa. 198, c. & seqq.
 Niuernensis Comes. 314, a
 Nominatio regis. 568, a
 Normanni Siciliã & Calabriã inuadunt. 86, a
 Normanni Gallias infestant. 8, c. vnde dicti. *ib.* Galliasigne & gladio vastat. 9, a. Normanni duces fortes & Pij. *ib.* iis datum ius cõubij. *ibid.* Normanni bonæ fidei mercatores. *ibid.*
 Normannis Franci inuident. 149, c
 Noroensis gens. 859, a
 Nundinæ malè dictæ torneamenta. 516, c. 518, a
 Nuptiæ incestæ Roberti regis. 145, a

O B E D I E N T I A. 176, a
 O & auianus Schismaticus. 567, a. 576, b
 Odilo Abbas Cluniacensis. 19, a. 170, b
 Odilo Cluniacensis Abbas. 73, c. 82, a. 83, b
 Odilo Abbas. 27, c
 Odo filius Roberti priuatus remansit. 86, a.
 rebellat. *ibid.* capitur. 87, b
 Odo Comes. 64, c. 86, a. eius filij Theobaldus
 & Stephanus. *ibid.* 97, c
 Odo Hostiensis Episc. 275, a. 276, b. 277, c. 278, a
 Odo Comes. 172, c. 173, a. 178, a. 179, b. 180, a
 182, b. 184, a. 187, a. 190, b. Carnotensis. 18, a.
 & Tironensis. *ibid.* Fallax dictus. 25, a
 Odo Dux Burgundiz. 620, a
 Odo filius Theobaldi à patruo exheredatus.
 87, a
 Odo I. Archiep. Tyria. 869, a
 Odo de Dolis. 193, a
 Odo Comes Corbeilensis capitur. 294, a. mo-
 ritur. 302, b. filius Buchardi. *ibid.*
 Odo Beluacensis. 353, c. 357, a
 Odo S. Remigij Remensis Abbas. 374, a. 385, b
 Odolricus Episcopus. 68, c. 73, a
 Odolricus Aurelianorum Præsul. 47, a
 Odolricus Aurelianensis Episcopus. 178, a
 Odolricus Lingonensis Ecclesie Archidiaconus.
 57, b
 Odone. 271, a. Odo II. Comes Blesensis. 25, a
 Odulricus Episcopus Tricassinensis. 169, a
 Oratio Dominica sub silentio dicitur. 378, a
 Orbis terrarum ornamentum regium. 68, b
 Orta foresta. 666, b
 Oscula & manus data vasallis. 475, a
 Osculum seu labratum regis, annui excipie-
 bant procures. 4, a
 Osculabatur genu regis etiam regina. 4, a
 Ostiarius regie domus. 723, a
 Osinna Comitissa. 266, a
 Otherius vnus è primatibus Aquitaniz. 136, a
 Otho frater Imperatoris clericus. 403, a
 Otto I. Henrici Saxonum regis filius. 5, a. mo-
 ritur. 6, a
 Otto Rex Saxonum Imp. Ro. II. filius primi ac
 maximi Ottonis. 5. fugit cum vxore. *ibidem.*
 venit vsque Parisius cum exercitu. *ibid.* fu-
 gatur. *ibid.* Lotharingiam vsurpat. *ibid.*
 Otto III. annorum xii. imperat. 7, a. iure pa-
 terno. *ibid.* acer viribus & ingenio. *ibidem.*
 consanguineum in Papâ ex more sublimari
 mandat. 7, b. Crescentium obsidet. *ibid.* sup-
 plicem non lædit. *ibid.* ducit viduam Cres-
 centij. 8, a. ab eadiuertit. *ib.* in Italia obit. *ib.*
 Ouinus Vvaliarum princeps. 732, a

P

P A G A N V S Montis. gai. 283, a. 302, b. 305, a
 Paganus de Gisorio. 283, a. 296, b
 Papa non debet canones spernere. 15, a
 Papa procedit ex more Imperatori. 10, a
 Papæ celebrabant pascha apud S. Dionysium.
 345, a
 Palatia Romana miri artificij. 256, a
 Pallium Arnulfo redditum. 131, a
 Pannetarius. 330, a

Papilio. 284, a
 Paredo Monasteriū. 26, a. à quo cōstruētū. 25, c
 Pares. 187, a
 Pares communiz. 519, a
 Pares Franciz, Normannus coronam auream
 profert; Flandrensis gladium. 437, a
 Parlamentum. 391, c. 403, a. 409, a
 Parisiensis Episcopi querimoniz contra re-
 gem. 446, a
 Parisiensis Episcopus. 18, a. 221, b. 222, c
 Parisenses Scholæ. 567, a
 Parisius regni caput. 390, a
 Pars virgæ Moyli inuenta. 30, b
 Paschalis Concilium generale Trevis conuo-
 cat. 289, c. moritur. 309, a
 Paschalis Papa. 228, c. 229, a
 Paschalis Papa venit in Galliam. 288, c. Turo-
 nis apud S. Martinum fergium fert. 289, a
 Paschalis Papæ mors. 865, b
 Patriarcha Hierosolymitanus à Papa missus
 Dagbertus Pisanus. 92, a
 Paulus Diaconus scripsit historiam Longobar-
 dorum seu Italiz. 1, a
 Pax inter Alexand. III. & Federicū 563, a. 602, b
 Pax inter Ludouicum, & Henricum Angliz
 Regem. 589, a
 Pax ad decem annos à Ludouico sancita tran-
 sibus summatibus regni. 583, a. quibus cōdi-
 tionibus recepta ab Hérico Trecenti. 584, b
 Pedagia. 667, b
 Pedagica. 530, a
 Pedalica noua Rex prohibebat. 707, a. 709, b.
 738, c
 Pedalicum. 674, a
 Pefagia. 704, a
 Perrea. 821, a
 Persa. 783, a
 Petragoricenses Comites. 80, c
 Petragoricensis Comes. 137, b. 140, a
 Petratiz. 822, a. 834, b
 Petræiz. 695, a
 Petri Leonis genus. 376, a. electio. *ibid.* 383, a
 Petri Leonis antipapæ electio. 317, a
 Petrus Rubens Cardinalis. 377, a
 Petrus Abuilardus. 377, b. 438, a. 439, b
 Petrus Capellanus Regis. 386, c
 Petrus Haimetici Cancellarij Rom. conso-
 brius. 386, a. electus Bitur. Archiv. *ibid.*
 Petrus Beluac. Episc. 367, a
 Petrus Vassinenis Episcopus. 169, b
 Petrus Syluaneckenis Episc. 342, a. 351, a. 353, b
 Petrus de Courtenay frater regis. 433, a
 Petrus Moranus celebris hæreticus damnatus.
 488, a. conuersus. *ibid.* pœnitens. *ibid.*
 Petrus de Castellione. 785, a. 790, b. 807, c
 Petrus Comestor. 442, a
 Petrus Comestor. 561, a. Decanus Trecenti. *ib.*
 Petrus Pictauenis Episcopus. 470, a
 Petrus Eremita. 777, b
 Petrus de Gerberodo. 652, c
 Philippi conseruatio. 150, a. 161, a. 162, a
 Philippi corpus sepultum in Monasterio S. Be-
 nedicti ad Ligerim. 293, b
 Philippus Bertradæ rebellat. 299, a
 Philippus Fræcorum Rex. 205, a. 208, b. & seqq.
 Philippus frater Ludouici VII. 543, c. 544, a.
 555, a. Archidiaconus. 590, a

INDEX

- Philippus Ludouici Grossi filius perit. 319, a
 Philippus I. Rex subturela Comitis Flandriz, 88, a
 Philippus I. ducit Bertham filiam Ducis Frisiz. 89, c. ex qua Ludouicum. *ibid.* Bertradam capit. 93, a. excommunicatus Pictauis. *ibid.* absolutus. 94, b. moritur. 95, a. consecratur. 98, a
 Philippus Rex vngitur. 373, b
 Philippi I. epitaphia. 167, a. 168, a
 Pictauiz Comes Richardus. 432, b
 Pictauensis Comes. 137, a
 Pictauensis Comitis epitaphium. 264, a. 266, c
 Pinciaccum castrum. 284, a
 Pincinnati. 780, b
 Piscincus sedes regia. 65, b. ibi tria Monasteria. *ibid.*
 Plumbum Anglicanum. 484, b
 Pondus Trecense. 646, a
 Pontius Tripolitanus. 878, b
 Pontius Archiepisc. Arclat. 169, c
 Populicani heretici. 729, a
 Porta Parisiensis versus S. Medericum. 332, c
 Portenta. 13, a. 16, b. 185, c. 186, a. 187, b
 Portugalliz Rex in Cistercienses munificus. 481, a
 Posterna. 637
 Præcentor Senonensis. 416, b
 Præcones Regis Franciz, Regem Angliz non salutant. 296, a
 Præfetti regis. 739, b
 Præpositura Burdegalez. 522, a
 Præposituræ Ecclesiæ Parisiensis. 592, b
 Præpositus Senonensis. 637, a
 Præpositus Matiscenensis. 170, a
 Præpositus regis de Bria. 638, b
 Præpositus regis Senonis. 531, a
 Præpositi regis. 520, a. 521, a. 524, c
 Præpositus Senonensis. 666, b
 Precaria. 170, a
 Primatiz Lugdunensis controuersia. 221, a
 Prior Diaconorum Ecclesiæ Romanæ. 567, b
 Priuatissimus Consiliarius Regis. 367, b
 Processio ad Regem. 185, a
 Procurator Comitis Carnot. 301, a
 Prouinciz Comes Raimundus. 166, a
 Publicani. 782, a
 Puella vir doctus. 561, a. Magister Scholarum. *ibid.*
 Puellaris Petri Monasterium Aurelianis. *ibid.*
 Puer annorum circiter duodecim ordinatus sedi Romanæ. 58, c. sed consensu totius Romani populi à sede eiectus est. *ibid.*
 Pullani qui. 408, a
 Pyrrhus Ammiralius Antiochiæ Græcè loquitur. 793, a
- Q
- Q V A D R A metatio Galliz. 14, a
 Quadraria. 352, b
 Quaternarij laudes. 2, c. 3, a
 Quirites regij. 301, a. 304, b. 305, a
- R
- R A D V L F V S Comes. 450, a. 452, b
 Radulfus de Belgicaco. 302, a. 315, b. affinis Hug. Magni. *ib.* sagax & strenuus. 304, a
 Radulfus Andegauensis vir celebris. 256, a
 Radulfus Belgiacensis. 236, b. 243, c
 Radulfus Comes Viromandensis. 305, a. 313, b. 316, c. 317, a. Peronæ Comes. 329, b. Maior-domus. 318, c. 382, a. 389, b
 Rahasia Edylla. 905, a
 Raginaudus de Pompona. 585, a
 Raherius. 265, a
 Raimundus Vicecomes de Torenza. 790, a. 807, b. 808, a
 Raimundus S. Egidij Comes. 778, a. 782, b. 820, c
 Raimundus Comes prouinciz. 849, a
 Raimundus Comes Tolosanus. 439, a
 Raimundus Princeps Antiochiæ. 409, b
 Raimundus Comes ducit filiam Andefonsi regis. 89, a
 Ramnoffus Doratensis Abbas. 329, b
 Rainaldus Comes. 171, a
 Rainaldus Colonienfis Archiep. Cancellarius Imperatoris. 426, a
 Rainaldus Remorū Archiep. 217, a. 252, b. 253, c. primum S. Martini Turonens. Eccl. 267, a
 Rainaldus Beluacensis. 912, a
 Rainaldus Comes à quodam milite interimitur. 49, c. eius sepultura. *ibid.*
 Raritas vini & tritici. 55, b
 Redonensis Comes. 241, a
 Reformare nō expellere monachos decet. 8, a
 Regalia. 333, b
 Regalia insignia Imperatorum occidentis. 288, a
 Regina soror regis. 714, b
 Regina Cypri nubit Marchisio Montisferrati. 441, a
 Reges Francorum patres populorum. 4, b
 Reges rati saluantur. 147, a
 Reges & Imperatores docti. 83, b
 Regis vnctio. 379, a
 Regis filius non potest esse monachus. 282, b
 Regis proditoris vltio diuina. 5, a
 Regum Franciz cathedra in qua hominum recipiebant. 348, b
 Regnum Franciz quasi vna familia. 4, a. & ducatus Normanniz. 9, b
 Regum sepulchra loco mouere nefas. 321, b
 Regnum Hierosol. Baroniam Vercuban. 402, a
 Regnum Siciliz proprietatis B. Petri. 625, a
 Regula Benedicti & Columbani. 60, a
 Regulæ Monasterium describitur. 133, a
 Rhibus longæ manus. 306, a
 Reliquiz. 543, b
 Reliquias Franci colunt præ alijs nationibus. 144, a
 Relutela exercitus. 330, b
 Remense Concilium. 310, a. Henricus ibi excommunicatur. *ibid.* & 312, b
 Remense Comitium sub Innocentio. 324, b
 Remense Concilium Eugenij. 439, a
 Reomense Monasterium. 54, a
 Remense Concilium. 198, b
 Remensis Ecclesia ab Ebalo Ruciafensi Barone & Guischaro filio opprimitur. 285, a
 Remensis Ecclesiæ iura in conseruandis Regibus. 293, b
 Remensis Arch. 551, a. 576, b. 597, c. 600, a. 610, b. 613, c
 Remensis Archiep. Manasses. 212, b
 Remensis Archiep. frater regis. 729, b
 Remo-

R E R V M A C V E R B O R V M.

Remorum Comes Rainaldus.	143, b	Rodulphus Richardi Burgundiz D. filius Rex	
Reomagenſe Monafterium.	20, a	creatur.	4, a
Rex Aragonenſis.	713, b	Rodulphus Rex Auſtraſiorum.	26, c
Rex Regni deſenſor.	284, a	Rodulphus ex Nouigento.	174, a
Rex Dei imago. 300, a. Vicarius.	<i>ibid.</i>	Rodulphus Turonenſis Archiep.	212, b
Rex Franciæ ſpernit Anglum, Ducem Nor-		Rodulphus Comes.	178, c
manniæ feodatum ſuum.	397, b	Rodulphus Normannorum audaciſſimus.	24, a
Rex ad ſepulchrum piſcatoris ſubmiſſo diade-		Rogerus Catalaun. Epiſcopus.	208, a
mate ſe inclinatur.	289, a. 318, b	Rogerus princeps Antioch.	861, b
Rex Abbas S. Martini Turonenſis.	664, a	Rogerus Catalanorum præſul.	38, a
Rex Franciæ, feodatus Franciæ, ratione Vvol-		Rogerus Dux Normannorum.	80, b
caſſini Comitatus.	312, b	Rogerus Biterienſis hæreticus.	489, b
Rex Papæ pedes osculatur.	376, b. 378, c	Rolandus quondam Cancellarius.	579, c
Rex pedibus Papæ inclinatur.	289, a	Roma gentium domina faſces Francorum re-	
Rex aduocatus Eccleſiæ.	454, a. 463, b	gibus ſubmiſit. 304, a. à variis gentibus	
Rex abiiciebat gladium ſeculare, & accin-		diuexata. 3, a. quibus leges dederat.	<i>ibid.</i>
gebat Eccleſiaſticum.	293, a	Romana lingua.	742, b
Richardi Duces Norman. 9, a. Richardus II.		Romanorum auaritia.	108, a
mittit Hieroſolymam centum libras auri.		Romania.	778, a. 780, b. 818, b. 823, c
<i>ibid.</i> eius ſoror nubit Adalrado Danimarch.		Romani auari.	7, a
regi. 13, a. obit.	18, b. 24, a	Romanus Cardinalis.	377, b
Richardus Dux Aquitaniz.	562, b	Romaniæ caput Nicæa.	781, c
Richardus Dux Rothomagenſis.	25, c	Rosa aurea.	426, a
Richardus Burgundiz Dux pater Rodulphi		Rotgerus Dux.	274, b
regis. 9, b. Normannos fundit.	9, c	Rothericus Comes in Hiſpania.	703, c
Richerius Epiſcopus Senonenſis.	364, b	Rothomagenſis Eccleſia iuris regis Franciæ.	
Roberti regis Francorum annus 1111. milleſi-		463, a. 467, b	
mus.	2, a	Rotomagus Normannorum metropolis.	9, c
Roberti regis mores. 63, a. mater Adhelais		Retrocus Rotomag. Archiep.	462, c. 463, a.
Italiæ oriunda. <i>ib.</i> Gilberto præceptore uſus.		464, b	
<i>ibid.</i> coniuratis parcit. 64, b. improbat exa-		Retrocus Ebroicenſis Epiſ.	357, a
minationem per corpus domini. <i>ibid.</i> pius. <i>ib.</i>		Retrocus Comes Perticenſis.	525, b
& 65, b. miracula patriæ. 66, a. humilis. 67, b.		Retrocus Comes.	235, a. 236, b. 248, c
Aurelianus educatus, baptizatus, confecra-		Retrocus Rotomag. Archiep.	430, a
tus. 68, a. Eccleſiæ Aurelianenſi fauit. 69, b.		Rozala, quæ poſt Suſannam Roberti regis	
eius filius Hugo. <i>ibid.</i> monachos osculo ex-		vxor.	144, b
cipiebat. 71, b. Roberti mors & laudes. 78,		Rupis Guidonis deſcriptio.	297, b
a. epitaphium. 79, b. anathemate percuſſus			
quod commatrem duxiſſet.	85, a		
Robertoregi filij quatuor.	85, c		
Robertus Pariſiorum Comes. 4. huius genus			
obſcurum. <i>ibid.</i> pater Hugonis Magni &			
Emmæ. <i>ibid.</i> Rex creatus cæſus à Saxonis.			
<i>ibid.</i>			
Robertus de Perona dominus Capiaci.	286, b		
Robertus Ludouici VII. frater.	389, a		
Robertus Comes Normannorum.	89, c		
Robertus Guiſchardus Alexandro Paia, ob-			
ſeſſo, auxilium fert.	288, a		
Robertus Comes Flandrenſis.	296, a. 301, b		
Robertus Abbas Corbeiz.	330, a. 348, b		
Robertus Comes de Perſico frater regis. 403, b			
Robertus Normannus.	778, a. 820, a. 891, b		
Robertus frater Ludouici iunioris malè affe-			
ctus in expeditione tertæ ſanctæ.	515, b		
Robertus Comes Drocarum.	392, c		
Robertus Rex. 172, a. particeps regni. 144, b.			
excommunicatus. 145, c. nubit cognatæ.			
<i>ibid.</i> canebat in Eccleſia cum capa.	147, b		
Robertus Rex litterarum ſciens.	127, c. 147, a		
Robertus piſſimus.	142, b		
Robertus Rex moritur. 37, b. eius ſepultura.			
<i>ibid.</i>			
Robertus Dux Burgundiz conſtitutus à Ger-			
mano ſuo Henrico I. rege.	37, b		
Rodulphus Syluaneſenſis Epiſcopus.	75, b		
Rodulphus viridis Arch. Rem.	293, b		

Tom. IV.

S

S A C R A regis.	175, a. 183, b. 187, c
Samſon Rem. Archiep.	357, b
Samſon Archiep. Remenſis.	501, b
Sancio Rex Aragonenſis.	88, b
S. Genouefæ Pariſienſis reformatio.	406, a.
409, b	
Sancius Rex Nauarriæ Hiſpaniarum.	26, c
Sarraceni.	782, c
Sarraceni Alpium cluſuras occupant. 5, a. pro-	
phetas legunt. 6, a. internecioni dati a. Vv.	
Arelatenſi duce.	<i>ibid.</i>
Sarracenorum prælia contra Chriſtianos.	48, a
Sarracenus à dæmonio correptus expirat.	47, b
Saxonum reges ſumunt imperium exinanito	
Caroli, mortuo ſine liberis Ludouico.	5, a
Secalonia.	60, b. c
Scrophæ.	822, a. 834, a
Senatores vrbiſ vrbiū.	714, a
Senefcallus regis Anglorum.	648, a
Senefcallus victoris Antipapæ.	578, b
Senefcallus Franciæ Theobaldus Bleſenſis	
Comes.	765, a
Senefcallus Franciæ, feudatarius Andegauen-	
ſis Comitit.	329, a
Senefcallus de Chaalons.	706, b
Senonenſis Archiepiſcopus.	442, c
Serbaticus fluuius.	885, a

1111

1995

Serpentium varia genera.	888,2	<i>ibid.</i> regni primitias offert Innocentio. 317,2.
Seruientes regis.	516,2	Sugerij nepos Girardus. 332, b. Sugerius
Seruitus regis.	531,2	primum Tauriaci praepositus. 336, a. & Ber-
Signa.	710, b	neualis. 341, b
Signum recedendi ab obsidione, ignis immis-		Summa fluius. 121,2
sio in tentoria.	284,2	Suriani. 782, c. 800,2
Silua legum.	189,2	
Simon de Monteforti.	<i>ibid.</i>	
Simon Nouion. Episc.	317,2	
Simon Episc. Nouiomensis.	392,2	
Simon Comes.	283,2	
Simonia.	17,2	
Simon Episcopus Agennensis.	253, b	
Simonia.	126, b	
Soldanus Persiae.	793,2	
Solidator.	283, b	
Solidarij.	859, b	
Solidi aurei.	62, b	
Solimannus.	782, b. 783,2	
Sommarius.	330, b	
Stampense Comitium.	317,2. 323, b	
Stampensis pagus.	60, c	
Standar.	870,2	
Stellio.	884, c	
Stella Cometa per spacium trium mensium		
fulgens.	26, c	
Stephanus Metensis Episc.	403,2	
Stephanus Rex Angliae.	345,2	
Stephanus de Sancerro. 415,2, a. Comes.	<i>ibid.</i>	
Stephanus Carnotensis Comes rebellat.	88, b	
Stephanus Comes Burg.	849,2	
Stephanus Papa.	198, b	
Stephanus Rex Vngarorum.	23,2	
Stephanus Carpentoracensis Episcopus.	169,2	
Stephanus Comes Trecurum Heriberti filius.	25,2	
Stephanus Comes Boloniae regnum Angliae		
inuasit.	390, c	
Stephanus Episcopus Parisiensis.	321,2	
Stephanus Cancellarius. 367,2. 369, b. à Rege se-		
cundus. <i>ib.</i> maior regis domus factus. 373,2		
Stephanus Comes Blefensis.	795,2	
Stephanus Comes Burgundiae totius, regis		
Lud. consanguineus.	710,2	
Stephanus Comes Meldorum & Trecuru. 25, c		
Stephanus de Vesontio Camerarius Papae.	369,2	
Stephani Carnotensis Comititis fuga. 799,2.		
827, b. reditus in terram sanctam. 849,2.		
850, b		
Stolus nauium.	844, b	
Sudarij domini pars in Ecclesia Bituricensi. 96, b		
Suessionensis Comes.	247, b	
Suessionensis Episcopus.	551,2	
Sugerij laudes versibus decantatae. 491,2. &		
prosa. 500. & passim.		
Sugerius Abbas S. Dionysij.	374, b	
Sugerius princeps in regno.	517, c	
Sugerius causam S. Dionysij contra Galonem		
Parisi. Episc. apud Paschalem agit. 289,2		
Sugerius generis obscuri. 546,2. eius testamen-		
tum.	549,2	
Sugerius Abbas S. Dionysij electus. 309,2.		
confirmatus à Rege. 311,2. ordinatur pres-		
byter. <i>ibid.</i> consecratur Abbas. <i>ibid.</i> refor-		
mat abbatiam. <i>ibid.</i> visitat Ecclesiam. Ro.		
<i>ibid.</i> Conc. Lateran. de inuestituris interfuit.		

R E R V M A C V E R B O R V M.

Turcopoli. 701, a. 822, b
Turenz Vicecomes. 435, a
Turonensis Archiep. excommunicatus. 607, a
Turonensis Comitatus feudi Theobaldi. 475, b
Tutorem sibi eligit princeps. 149, b
Tyrus. 860, c

V

V A S T I N E N S I S Comitatus imis Andegauensium Comitum. 89, c. Regi Franciæ conceditur. *ibid.*
Veranus Papa. 257, b
Venetorum expeditio in terram sanctam. 869, a. 871, b. 877, c. 880, a
Vergiacum castrum inexpugnabile. 425, a. obfider. 426, b
Vermandorum Comes. 150, a
Vernolium. 430, a
Vesuntio ciuitas. 55, b
Vestire. 284, a
Vexillum B. Dionysij oriflambe. 393, a. 399, b
Vexillum Franciæ ab altari S. Dionysij regnū imundatur, suscipitur. 312, b
Vexillum Podiensis Episc. proferebatur. 829, a
Vicecancellarius Angliæ. 433, a
Vicecomes. 172, a
Vicecomes & aduocatus. 131, b
Vicecomes Biterienfis. 718, a. 721, b
Vicecomes Carnotensis. 528, a
Vicecomes Carnotensis. 235, c
Vicecomes Castridunensis. 190, b
Vicecomes Diuionensis. 145, c
Vicecomes Hubertus Vassallus Episc. Carnot. 176, a
Vicecomes Senonensis. 634, a
Vicecomes Lemouicinus. 137, a
Vicecomes Milidunensis. 119, a
Vicecomes Senonensis. 531, a
Vicecomitissa Narbonensis Ermengarda. 667, a. 713, b. 722, c. 724, a. 732, b
Vicecomitissa Narbonensium. 574, b. 654 b
Vicedominus Catalaunensis. 644, b. 645, c
Vicedominus Remensis. 471, a
Victor Antipapa. 416, a. 424, b. Octavianus. 425, c
Victor Papa primū Abbas Cassinensis. 89, b
Vigo Valentinenfis Episc. 169, b
Vilcassinum Francigenum. 433, b
Vilcassinum Normannicum quid. 410. datur Ludouico ab Henrico Andegauensi. *ibid.* 443, c
Vilcassinenses strenui. 298, a
Vinitanta raritas vt 24. solidorum foret pre-

tium vnus modij. 56, c
Virtutes castellum. 165, a
Virtutis vicus. 22, a
Visio cuiusdam Monachi per noctem. 50, b
Vitriacum succensum. 443, b
Vlgerius Episcopus Andegauensis. 768, a. 769, b. 770, c
Vlgerius Andegauensis Episc. 493, b. 494, c
Vlixbonensis Episcopus 703, c
Vnctio regis Hieruf. 843, b
Vngrorum gens ad fidem Christi conuersa. 23, c
Voces auium & quadrupedum 762, a
Vrbanus Papa. 777, a. 816, a
Vrbanus Papa & martyr primus statuit Ecclesiis possidere prædia. 361, b
Vrbanus II. Gallus. 89, c. qui Odo dicebatur antè. *ibid.* in Gallias venit. 90, a. celebrat Concilium Claromotanum. *ibid.* Nemo-cense. *ibid.*
Vsi. 780, a
Vvalterius Angustodunensis Episc. 169, a
Vvalterius Archiep. Besonsiensis. 169, c
Vvalterius de Braceduno. 170, b
Vvalterius Dux. 624, a
Vvalterius de Bello-ioco. 170, a
Vvido Remorum Archipræsul. 56, c
Vvillelmus Aquitanorum princeps fundator Cluniaci. 169, a
Vvillel. Archiep. Senonensis. 426, a. 462, b
Vvillelmus Carnotensis electus nobilis profapia. 162, c
Vvillelmus Comes Pictauiensis. 849, c
Vvillelmus Comes Tolosanus. 128, a
Vvillelmus Dux Aquitaniz fortis. 82, c. litteratus. 83, a. procedit regi Franciæ. *ibid.* pastor Monachorum. *ibid.* b
Vvillelmus Dux Arelatenfis Sarracenos debellat apud Fraxinetum. 6, c
Vvillelmus de Manfiaco regis Sencalcus. 499, a. 517, b
Vvillelmus de Monteforelli. 259, a
Vvilelmus de Ypre. 706, a
Vvillel. Episcopus Pictauiensis. 325, a
Vvillermus Henrici Ducis priuignus. 25, c
Vvillelmus Pictauiorum Dux obit. 18, a
Vvillelmus Pictauiensium Comes se cruce signat. 94, a
Vvillelmus Pictauiorum Comes obit. 49, c
Vvillelmus Rex Siciliz. 625, c
Vvilelmus Rex Anglorum. 257, a
Vvillermus Abbas clarus. 29, a. Italia ortus. *ibid.* b

F I N I S.







